

BIBLIOTHECA S. J.
Maison Saint-Augustin
ENGHIEN

16 303/32

9-118-A

16

19
HISTOIRE

D E S

T V R C S,

TOME PREMIER.

HISTOIRE

D.E.S.

T.V.R.C.S.

TOME PREMIER



L'HISTOIRE
DE LA DECADENCE
DE L'EMPIRE GREC.
ET ESTABLISSEMENT DE CELUY
des Turcs par Chalcondile Athenien

*De la traduction de B. de VIGENERE Bourbonnois
et illustrée par luy de curieuse recherche
trouvées depuis son decés*

*Avec la Continuation de la mesme Histoire
depuis la ruine du Peloponese iusques a
l'an 1612.*

Par THOMAS ARTVS
S.^r d'Embry.

\ Tome I.

Avec Priuilege du Roy.

FORTIS ET VINDEX

NEC ULTRA



A PARIS,
Chez CLAUDE SONNVS,
&
DENYS BECHET, rue S. Jacques,
au Compas d'or, et à l'Ecu au Soleil.
1650.



DE LA BIBLIOTHEQUE
DE L'EMPEREUR
ET A L'ACADEMIE
DES SCIENCES





A LA REYNE DE POLOGNE.



MADAME,

Comme l'Illustre Vigenere, qui a composé la premiere Partie de cette Histoire des Turcs, l'a dediée à vostre Ayeul Monseigneur le Duc de Neuers, & que tout ce que l'on y a adjousté depuis estant basti sur ces fondemens doit appartenir aux heritiers de ce genereux Prince: J'ay crû que cet effet de sa succession regardoit particulièrement Vostre Majesté, puis qu'elle a recueilly comme par preciput toutes ses qualitez les plus eminentes, & ses vertus les plus heroïques. Et d'ailleurs à qui scauroit-on plus iustement donner un Ouvrage, où se void ce qui nous reste des marques & des ornemens de l'Empire de Grece, qu'à la plus grande Reyne qui soit iamais issue du sang des Paleologues; ou quel azyle y a-il au monde plus assure & plus honorable

E P I S T R E.

pour mettre à couuert ce que l'Histoire a sauuë des despoüilles & de la memoire de ces Monarques infortunez, que la sacrée protection de Vostre Majesté ; à qui la generosité est aussi naturelle que la grandeur, & dont la rare bonté a tousiours eu pour compagnes la splendeur & la magnificence. L'Auguste Maison de Gonzague a de tout temps esté le refuge des Illustres mal-heureux , le support de la vraye Religion , & l'amour des belles Lettres : Dans les siecles passez toutes les Histoires nous en donnent autant d'exemples qu'elle a produit de Princes ; & dans le nostre la vie de feu Monseigneur vostre Pere, & de Monseigneur vostre Ayeul, en a esté vne preuue continuelle & vne confirmation authentique. On ne vid iamais Princes traiter plus honorablement les gens de merite , iamais de mains royales distribuer plus liberalement les graces & les bien-faits, iamais Potentats Chrestiens brusler d'un Zele plus saint, ny prodiguer avec plus d'ardeur leurs biens & leur sang pour la defense des Autels, ny former de plus genereux desseins pour l'auancement de la Foy. Ce seroit trop peu, M A D A M E, que de vous nommer l'heritiere de tant de Heros , la fille de ces deux grands Princes, & de dire que vous leur ressemblez parfaitement par les traiçts qui les ont rendus le plus recommandables : Il faut encor adjouster que vous les auez tous surpassez , comme ils vous ont precedée , & que vous estes aujourd'huy la plus grande de leurs louanges, & le plus releué de leurs titres. Ainsi nous n'auons pas perdu l'esperance que le Ciel , apres auoir chastié les infidelitez des peuples de la Grece par la Tyrannie des Infidelles , ne veuille quelque iour accorder

leur

EPISTRE.

leur deliurance à vostre eminente Pieté, & que faisant iustice à tant de Vertus Chrestiennes qui vous rendent digne d'estre exaucée, il ne vous redonne cét Empire que les Barbares ont usurpé sur vos Ancestres. Veritablement, MADAME, quand cette haute extraction que vous tirez de tant de Roys & d'Empereurs; quand ces grandes alliances qui par des nœuds sacrez ont attaché tous les Sceptres & toutes les Couronnes de l'Europe à vostre Maison, ne vous auroient pas fait naistre de qualité pour regner, cette beauté majestueuse qui vous a assujety les plus grands Princes de la Chrestienté, cét Esprit si eminent, cette Bonté si charitable, cette admirable Sageffe, enfin ces Perfections sans pareilles, & cette Ame toute Royale, ne meritoient pas moins que les hommages de toutes les Nations & l'Empire de l'Vniuers. Aussi auant que deux grands Roys, vous considerant comme le seul bien qui manquoit à leur felicité, eussent partagé leur Couronne avecque vous, l'éclat de vostre propre merite vous auoit desia couronnée de gloire; Et cét auantage tout particulier qu'à Vostre Majesté d'estre deux fois Reyne, n'est pas le plus grand & le plus considerable qu'elle ait, puisque c'est quelque chose de plus grand de meriter les Sceptres que de les porter. Et certes quand la Pologne eut ce bon-heur d'attirer à elle l'objet de tant de desirs, & qu'en vous voyant sortir du doux climat de vostre naissance, nous crûmes voir le Soleil prendre sa course vers le Nort: La France qui vous perdoit de veüe vous suiuit tousiours du cœur & de la pensée, & demeura encore plus estroitement attachée à Vostre Majesté, par des chaisnes que la longueur du temps, ny la distance des lieux ne sçau-

EPISTRE.

voient iamaïs rompre. Oüy, MADAME, comme vous estiez son admiration & ses delices, vous avez emmené avecque vous ses plus cheres inclinations; mais ce n'est pas de la France seulement, c'est de la Flandre & de la Hollande, de l'Allemagne & de la Pomeranie, c'est enfin de toutes les Prouinces où vous avez passé. Cette douce force & ces puissans charmes à qui rien ne peut resister, vous ont conquis tous les peuples qui ont eu l'honneur de vous voir; Et l'on peut dire de vostre voyage que ç'a esté un triomphe solennel & une feste de continuelle resioüissance. Ces Prouinces si éloignées, ces Nations si ennemies entr'elles, si contraires en humeurs & en coustumes, conspirerent à l'enuy dans le dessein de vous honorer comme leur Souueraine; Elles se trouuerent toutes de mesme accord pour rendre leurs soumissions & leurs respects à Vostre Majesté. Et maintenant, quoy que differentes en sentimens & en langage, elles ne veulent auoir qu'un cœur & qu'une voix quand il faut publier vos louanges, & mesler leurs acclamations avec celles que fait aux pieds de vostre Thrône la belliqueuse Nation des Polonnois. S'il m'est permis aujourd'huy de me renger au nombre de vos sujets, si mon zele peut meriter quelque place parmy la foule de vos adoreurs, ie prendray la hardiesse de m'auancer au premier rang, & de vous supplier d'accepter cette petite offrande, avec les vœux solennels que i'ay faits d'estre toute ma vie,

MADAME,

De Vostre Majesté,

Le tres-humble, tres-obeissant
& tres-fidelle seruiteur,

MEZERAY.



A T R E S - H A V T,
T R E S - P V I S S A N T, T R E S -
I L L V S T R E, E T M A G N A N I M E P R I N C E,
M O N S E I G N E V R L V D O V I C D E G O N Z A G V E, D V C D E
N i u e r n o i s, & D o n z i o y s, P r i n c e d e M a n t o ù e, M a r q u i s
d u M o n t f e r r a t, C o m t e d e R e t h e l o i s & d' A u x e r r e, & c.
P a i r d e F r a n c e; C h e u a l i e r d e l' O r d r e d u R o y; C a p i t a i n e
d e c e n t h o m m e s d' a r m e s d e s e s O r d o n n a n c e s; G o u -
u e r n e u r, & L i e u t e n a n t g e n e r a l p o u r S a M a j e s t é d e l à
l e s M o n t s, & e n I t a l i e,

S A L V T E T F E L I C I T E' P E R P E T V E L L E.



M O N S E I G N E V R,

Bien que nous soyons tous créés à l'image & semblance de Dieu; pour-
ueus par luy, & ennoblis d'une mesme ame raisonnable, sans difference
aucune, sinon celle que nous y imprimons de bon ou de mauuais par la
vertu ou la deprauiation de nostre naturel. Il y a neantmoins beaucoup d'or-
dres & degrez parmy les hommes; les vns estans nais pour commander, les
autres pour obeir, & seruir; les vns riches-heureux, les autres pauvres-
infortunez; les vns de longue durée en la continuation de leur race, les au-
tres soudainement esteints, & disparoissans du iour au lendemain: Telle-
ment que de ces differences & varietez toutes les Histoires sont pleines,
lesquelles nous auons deuant les yeux comme vne belle glace de miroier,
representant au vif le train & le cours entier de la vie humaine. Bien est-il
vray que la vertu propre & particuliere d'un chacun, doit tousiours estre

EPISTRE.

pour le principal établissement de la noblesse, tescmoin la pluspart des Monarchies & Principautez qui ont esté dans le monde : Mais pource que les commencemens en sont aussi tenebreux que s'ils estoient plongez & enfouïs au profond gouffre d'une incertitude obscure, à guise de quelques gros quartiers de pierre rudes & mal polis, qu'on jette en bloc dans les fondemens d'un edifice, pour puis apres faire naistre & exhausser au dessus les embelissements de sa structure ; Aussi l'antiquité de sang, les triumphes, la gloire & renommée de ses majeurs, avec les facultez & moyens qu'ils delaisissent, sont un fort grand aduantage & secours pour bien-tost se faire connoistre, bien-tost se mettre en euidence, & se faciliter à bon prix un chemin à l'illustration de son nom : Dont les entrées & premiers ébauchemens en sont non seulement mal-aïsez & laborieux au possible, mais sujets quant & quant à infinies trauerses, contrarietez, & obstacles. De maniere qu'encore que les sages anciens ne nous aient constitué que trois sortes de biens, ou dons de grace, ceux de l'esprit, du corps, & de la fortune ; l'on y peut neantmoins à bon droit adjoûter la quatriesme, sçauoir est la noblesse & ancienneté de race. Car au maniement des affaires publiques, à la conduite d'une armée, ensemble à toutes autres charges & administrations d'un Estat, le peuple iettera plus volontiers tousiours l'œil sur quelque Prince ou grand Seigneur de maison illustre, sur quelque personnage d'autorité & de condition ; se laissera mieux mener & conduire par luy, se rendra plus souple & obeïssant à ses commandemens ; que non pas à un petit compagnon nouveau né, dont l'aduancement & reputation ne font que commencer à poindre, & se pousser en auant. La vertu doncques accompagnée d'une noblesse de race, & de l'opulence requise pour ne les laisser point oisïues, ressemble à une pierre precieuse, richement enchassée en or taillé, cizelé, esmaillé, ou autrement embelly de quelque excellente manufacture & rare ouurage. Aussi Platon appelle or, non le vulgaire metallique, ains celuy qui est incorporé & vny dès nostre naissance avec nous ; la vertu & reputation qui nous est deriuée de nos ancestres, par une longue suite & continuation de posterité sans reproche. C'est pourquoy, quand nous venons à considerer en nous-mesmes, que depuis le premier établissement du monde, il n'y a un seul de tous les mortels, fust-ce le moindre & le plus abjet crocheteur, dont la race n'ait esté continuée de pere en fils iusques à l'heure presente ; Il semble certes que ce soit une chose bien miserable d'estre la fin de la sienne, & de voir aneantir & perdre le siecle en nostre estoc, si nous ne delaissons quelque lignée qui le puisse continuer endroit soy, tant qu'il plaira à Dieu le maintenir selon les Loix par luy establies en la nature : Si bien que le contraire de cette disgrâce deura tousiours estre réputé à un tres-grand heur & felicité.

OR l'Empire de Constantinople, ou plustost l'Empire Romain transporté là, (car les Grecs mesmes en voulurent tousiours retenir le nom) auoit desia atteint neuf cens & tant de reuolutions Solaires, (cela peut tomber enuiron l'an mil deux cens deux, de nostre salut) quand les François meuz de zele & ferueur de retirer l'heritage du peuple Chretien des mains des Infidelles, se recroiserent derechef pour passer en la Terre sainte, sous la conduite du Comte Thibaut de Champagne, lequel

EPISTRE.

lequel estant decedé sur ces entrefaites, ils appellerent en son lieu Boniface Marquis du Montferrat, Prince de singuliere vertu, & le plus renommé Capitaine de tout son temps. Mais les Venitiens avec lesquels ils s'associerent, vindrent à desbaucher leurs bonnes & loüables intentions, leur proposans à la trauersé ie ne sçay quelles autres entreprises de plus grand profit (à leur dire) & de moindre trauaux & mesaises: Tellement que s'estans destournez de leur droite & legitime route, pour aller en faueur de ceux-cy reprendre Zara, place forte en l'Esclauonie, que n'agueres le Roy Bela de Hongrie leur auoit ostée de force, ils passerent outre tout d'un train à Constantinople, y estant appelez pour remettre le vieil Empereur Isaac en son Thrône, qu'un certain Alexis auoit vsuré, apres luy auoir fait creuer les yeux, & ainsi accommodé l'auoit jetté en un cul de fosse. Les choses à la fin en vindrent là, qu'ils s'en emparerent eux-mesmes, au lieu d'aller à la conqueste du saint Sepulchre, & firent couronner Empereur Baudouin Comte de Flandres, l'un des chefs de leur armée: Delaisant le Patriarchat aux Venitiens, & le Royaume de Thessalonique à Boniface, auquel aussi bien luy appartenoit-il, pour aucunement l'appaiser de l'injure à luy faite, de le priuer ainsi de ce qui luy estoit mieux deu qu'à nul autre. Voila toute l'issüe qu'eut cette belle entreprise, bien éloignée neantmoins de la deuotion qu'auoient premierement conceüe tant de valeureux personnages, d'abandonner leurs aises & repos, leurs mesnages femmes & enfans, avec de si grands frais, trauaux, & dangers, pour aller en un pays si loingtain, exposer leurs personnes & leurs vies pour le seruice de Dieu, & l'exaltation de la Foy contre les ennemis du nom Chrestien. Dequoy outre ce qui concernoit le salut de leurs ames, ils se fussent pû acquerir vne renommée immortelle, si un petit esguillon & vne nouuelle pointe d'auaricieuse ambition s'estant meslée dans leur bon dessein ne l'eust destourné, & n'eust rompu leur premier propos. De sorte qu'ayans oublié les vœux & les sermens par eux faits, le tout s'en alla en fumée, apres ie ne sçay quelles vaines & friuoles esperances, qui enfin ne leur furent gueres heureuses. A la verité c'est un vray & pur sacrilege d'appliquer à autre vsage ce qui a esté une fois consacré à Dieu: Car cela n'est plus nostre, & iamais personne ne s'en trouua bien. Et encore qu'il y eust apparence de quelque charité & iustice, d'estre touchez de la compassion d'un pauvre Prince Chrestien ainsi affligé, ainsi priué à tort de son propre heritage; si bien que le deuoir & effort où ils se mirent de le restablir, ne pouuoient estre estimez que vertueux & loüables; neantmoins s'immiscer puis apres dans les biens d'autrui, faire de telles violences, extorsions & rapines en vne terre de mesme Foy & creance, bien que de Religion aucunement dissemblable: se retenir & approprier ce qu'ils ne pouuoient legitiment pretendre, & enfin destourner ailleurs ce qu'ils auoient si estroitement dedié à Dieu: cela ne peut trouuer ny d'excuse enuers luy, ny de couleur & palliation enuers le monde. Car la reprise de Zara n'estoit pas de si grande importance, ny si pressée comme le recouurement de la Terre sainte, & des lieux sacrez, ainsi mal-heureusement polluz par les Infidelles. Les François doncques s'estant emparez de Constantinople, en demeurerent maîtres quarante ou cinquante ans durant, sous cinq Empereurs consecutifs, iusques à tant

EPISTRE.

que Michel Paleologue riche & puissant Seigneur de l'Asie, & l'un des plus excellens personnages que la moderne Grece ait iamais porté, les en chassa tout à fait, & s'establit dans l'Empire d'Orient luy & sa posterité; où elle a commandé depuis par plus de neufvingts ans, sous neuf ou dix Empereurs tous d'une suite, & d'une mesme famille: Ce qui n'est gueres advenu à nulle autre, excepté à celle des Othomans qui regnent à present sur les Turcs: lesquels depuis (nos pechez le permettant ainsi) conquirent Constantinople sur le dernier Empereur Chrestien, Constantin Paleologue, l'an 1453. là où il fut tué combattant vaillamment à la bresche, pour la defense de la Foy, & pour la conseruation de son heritage. De maniere que comme cette translation d'Empire eut son commencement par un Constantin fils d'Helene, celuy qui pour le merite de ses beaux faits s'acquit le surnom de Grand, il vint aussi à se terminer sous un autre Constantin pareillement fils d'Helene, apres auoir duré sans discontinuation vnze cens vingt-un an. Car ce que les François y broüillerent ne se peut bonnement appeller conqueste, ny changement d'Estat, mais plustost quelque iouet & passe-temps de fortune, qui prit plaisir de faire cette petite parenthese, offrant ainsi inopinément un si important & si riche morceau à ceux qui ne s'attendoient rien moins qu'à cela, & n'y auoient peut-estre iamais pensé: Ce qu'elle sembla auoir fait en faueur des Princes Paleologues, afin de leur preparer & faire naistre de là l'occasion d'une tres-signalée gloire, d'auoir seuls entre tant de milliers de si grands & illustres hommes, eu le cœur & la hardiesse de former une si haute entreprise, que de restituer à leur nation ce que leurs deuanciers auoient laissé perdre par leur nonchalance & par leur mauuais gouuernement.

DE ces grands Monarques, d'une si longue suite & rangée d'Empereurs tres-puissans, vous estes descendus, MONSIEUR; Non qu'avec flatterie & déguisement il faille aller requerir cela par de longs destours, & le ramener du dedans des nuages & broüillards espais d'un temps jadis, plein de doute & d'incertitude: Car la deduction en est toute prompte & toute deueloppée. ALEXANDRE premier Marquis de Montferrat, issu de la tres-noble & tres-celebre Maison de Saxe, source viue & plantureux Seminaire de la pluspart des plus grandes Maisons de la Chrestienté, eut de sa femme Alix qui estoit fille de l'Empereur Othon deuxiesme & de Theophanon Infante de Constantinople, deux fils Boniface & Guillaume. Cettuy-cy (son frere aîné estant decédé sans hoirs) espousa Helene, fille du Duc de Cloestre, frere du Roy Richard d'Angleterre: Duquel mariage fut procréé Boniface deuxiesme, qui de sa femme Marie, fille du Roy Philippes premier de ce nom, l'an mil soixante, eut Guillaume troisieme, qui espousa Marie fille de l'Empereur Lothaire second: Dont vint René, & de cettuy-cy marié à Iullie fille de Leopold Marquis d'Autriche & sœur de l'Empereur Conrad, vindrent Guillaume surnommé Longue-espée à cause de ses vaillances & proüesses, René, Boniface, & Othon, qui fut Cardinal du saint Siege. Guillaume Longue-espée espousa Sibille sœur de Baudouin quatrieme Roy de Ierusalem, laquelle en mourant il laissa grosse de Baudouin cinquieme, qui regna puis apres. Mais sa mere se remaria à Guy de Lusignan Roy de Chypre, lequel s'estant assez mal porté à la
tutele

E P I S T R E.

rutele de l'enfant, & dans l'administration des affaires de la Terre sainte, incontinent apres le deceds de ce ieune Roy, qui ne vescu comme rien, la Couronne vint es mains de Conrad le troisieme de ses freres, par le moyen du mariage de luy avec Elizabeth sœur de ladite Sibille: duquel sortit Yoland, qui espousa Jean Comte de Brenne, qui en eut vne fille nommée Ysabelle, laquelle fut mariée à l'Empereur Federic second. Mais les familles d'iceux Federic, & Comte de Brenne estant depuis venues à s'esteindre par faute d'hoirs, le titre du Royaume de Ierusalem retourna finalement aux successeurs du dessusdit Conrad Marquis de Montferrat. Au moyen dequoy les armoiries en furent deslors incorporées aux leurs, avec vne banniere my-partie d'incarnat & de blanc, qu'il souloit porter à la guerre contre les Sarrazins; qui est le faux escusson inseré au milieu du blazon dudit Montferrat. René frere de Longue-espée, l'an mil cent quatre-vingt trois eut à femme Chera-marie fille de l'Empereur Emanuel de Constantinople, lequel luy donna pour son dot le Royaume de Thessalonique, qui fait vn autre quartier de ce mesme blazon, marqué par quatre fusils d'or, ou plustost quatre B Grecs maiuscules, autour d'une croix d'or en champ de gueulles. Mais estant decédé sans enfans, le Royaume vint à son frere Boniface chief de l'armée des François; lors que s'estans croisez pour passer en la Palestine, ainsi qu'il a esté dit cy-dessus, ils s'emparerent de Constantinople. Cettuy-cy laissa deux enfans, Guillaume & Dimitre: Guillaume succeda au Marquisat, & Dimitre à la Couronne de Thessalonique: lequel n'ayant point eu de lignée, son appennage retourna à son frere aîné, & de là de nouveau aux Grecs, par le moyen du mariage de Violante fille dudit Guillaume avec l'Empereur Andronic Paleologue. De là vint Theodore Porphyrogenete l'an mil trois cens six, qui par le testament de Jean son oncle maternel fut appelé audit Marquisat; & par consequent y annexa les Armes de l'Empire Oriental, à sçauoir vn Aigle d'or à deux testes en champ de gueulles, celles-là mesmes que souloit porter Constantin le Grand. A Theodore Porphyrogenete succeda son fils Jean, qui eut à femme Elizabeth fille de Dom Jacques Infant d'Arragon, & Roy de Majorque & Minorque, mil trois cens cinquante-huit. A raison de ce mariage leurs descendans adjousterent à leurs Armoiries le quartier dudit Arragon. Theodore deuxieme de ce nom, & le troisieme en ordre des enfans masles d'iceluy Jean, apres la mort de ses autres freres estant paruenue au Marquisat, espousa Ieanne fille aînée de Robert Duc de Berry, l'an mil trois cens nonante-trois, dont il eut le Prince Jean-Jacques, & vne fille nommée Sophie, qui fut mariée à Jean Paleologue Empereur de Constantinople: & de cette alliance cy-deuant dite ont esté acquises les Armoiries du Duché de Berry aux Marquis de Montferrat. Il laissa quatre enfans, Jean, Guillaume, Boniface, & Theodore. Boniface eut de Marie fille d'Estienne Despot de Russie & Seruie, Guillaume, & Jean. Guillaume espousa finalement l'an mil cinq cens vn, Madame Anne fille de René Duc d'Alençon, de la Maison de France, & de Marguerite de Lorraine: dont il eut Marie, qui fut femme de Monseigneur Federic de Gonzague Duc de Mantoue, pere de Vostre Altesse, l'an mil cinq cens vingt-sept: & de cette Princesse à

EPISTRE.

faute d'hoirs masles le Marquisat de Montferrat est passé à vostre estoë.

TELLES doncques & si grandes sont les alliances de vostre tres-illustre Maison: Si riches, nobles, & puissans furent les Princes dont vous estes de tous costez descendu, que le blazon de vos Armoiries se void dignement estoffé de plusieurs Sceptres & Couronnes; comparty & semé de principales pieces de terre de toute l'Europe, à guise d'une belle Mappemonde. On y void d'un costé la marque Imperiale de Constantinople, siege souverain de la Monarchie Orientale; d'autre, les tres-Chrestiennes Fleurs de Lys du sang Royal de la Maison de France: Là est Ierusalem; icy Arragon, Sicile & Majorque: De là Thessalonique, & le Peloponese; & icy Saxe: Puis Mantoüe & Gonzague, à l'opposite de Cleues, Neuers, la Marche, Artois, & Brabant: le Montferrat au delà des Alpes: & de ce costé icy Albret, & Rethel & Auxerre. Mais à quel propos toutes choses? Qu'est-il besoin que i'en entretienne Vostre Altesse, qui le doit mieux sçavoir que nul autre? Vous avez certes, MONSIEUR, esté tousiours si curieux de vous acquerir de la gloire, & de la reputation par dessus celle de vos Ancestres, qui aussi bien ne vous peut fuir, qu'à grand' peine y avez-vous daigné tourner l'œil pour vous en informer plus avant; mais comme un vaillant & magnanime Capitaine, abandonnant le tout à ceux qui peuvent s'en contenteront, avez cherché de vous acquerir vous-mesme nouveaux triomphes, nouvelles Couronnes, & une fortune correspondante à vostre vertu, afin de vous establir quelque lots & honneur en propre par une vertu particuliere. Car encore que les beaux faits des majeurs passent & se communiquent à leur posterité, neantmoins ce que chacun vient à y amonceller & accroistre, est bien plus pregnant, & de plus grande efficace pour s'illustrer tousiours davantage. Au moyen dequoy à grand' peine auiez-vous atteint l'aage de quatorze ans, qu'on vous a veu continuellement chargé d'un corps de cuirasse, en tous les camps & armées qui se dresserent sous le feu Roy Henry deuxieme de ce nom: Vous vous trouviez aux couruées des simples soldats iour & nuict à cheual, aux plus penibles & hazardeuses factions: & mesme à la journée de Saint Quentin vous ne voulustes jamais demarcher un seul pas en arriere, mais avec un tres-grand danger de vostre personne, une presence de mille morts, vous demeurastes ferme, combattant au propre endroit où l'ennemy vous aborda: & estant accablé de la foule vous fustes pris, apres que vostre coursier eut esté tué sous vous à coups d'espée, vous ayant la vostre au poing toute teinte de sang, & le visage adressé où beaucoup d'autres auoient desia les espauls tournées. Du depuis tant que vous demeurastes prisonnier, les Imperiaux n'oublierent rien que ce soit de tous les artifices qu'ils pûrent inuenter, pour vous destacher du service du Roy, & vous attirer à leur party, avec offres & promesses tres-aduantageuses: à quoy vous ne voulustes jamais prester l'oreille; bien qu'il n'y eust encore aucun lien qui vous attachast à cette Couronne, que la gloire des belles actions que vous auiez faites en France durant l'espace de dix ans; Et vous vous y estes tousiours comporté de sorte, sous quatre Roys les uns apres les autres, que non sans cause leurs Majestez se sont ainsi fermement assurees de vostre affection, & reposees sur vostre simple parole,

EPISTRE.

parole, que vous auez en tout & par tout conseruée entiere, nette, & irréprochable; *N'ayant iamais dit l'un & pensé l'autre.* Merueilleuse integrité & grace particuliere qui n'arriue à gueres d'autres; mesmement durant les troubles & esmotions ciuiles, où l'on ne sçait bonnement de qui s'asseurer. Aussi estes vous d'une race & d'un nom, qui ne manquerent iamais de foy à personne, & dont à bon droit on peut dire le mesme que l'Escripture sainte attribue à l'un de ses plus vaillans champions; *Qu'onques le dard de Ionathas ne fut veu la pointe en arriere*; Vous estes d'une Maison qui a tousiours porté les meilleurs & les plus excellens Capitaines de tout le reste de la terre: en sorte que depuis trois cens ans ençà, il n'y a eu en Italie, guerre, course, entreprise, bataille, ny assaut, où le tres-magnanime sang de Gonzague n'ait fait voir, & n'ait fait sentir à bon escient son effort & sa valeur. Que si ie me voulois arrester à parler tant soit peu de chacun de leurs beaux faits, il me faudroit bastir icy le corps entier d'une trop longue & laborieuse Histoire; Je me contenteray de trois exemples, l'un de hardiesse & grandeur de courage; l'autre d'une force incomparable; & le troisième de prudence, & sage conduite (car le quatrième poinct, qui est le bon-heur tant requis en un souuerain chef de guerre, a tousiours esté commun, & comme également departy à tous ceux de vostre race, qu'on peut appeller tres-heureuse.) Je puis veritablement dire du combat qu'eut jadis le Seigneur Galeas de Gonzague contre le Marechal Bouciquaut, ce que tesmoigna autrefois le Philopophe Antiochus en son traité des Dieux immortels, de la bataille de Luculle contre le Roy Tygranes d'Armenie, Que iamais le Soleil ne vid un plus beau & plus excellent fait d'armes. Ce Bouciquaut, estant de stature Gigantale, de force proportionnée à sa taille, d'adresse, d'experience, & de reputation, le premier guerrier de son temps, auoit desia par de longues revolutions d'années, semé & espandu de tous costez un merueilleux espouuamment & terreur de son nom, & se trouuant enfin Lieutenant general pour le Roy à Gennes; où estant deuenu pour la gloire de ses beaux faits, plus fier & insolent que ne porte la modestie d'un Cheualier, enuoya de gayeté de cœur deffier au combat d'homme à homme tous les Braues de l'Italie d'un bout à l'autre: à quoy personne ne se presentant pour respondre, tant il estoit craint & redouté, le Seigneur Galeas de petite corpulence, mais d'un tres-grand courage, ne pouuant supporter de voir attacher un tel blasme & reproche à sa Patrie, accepta gayement le party; & en chemise avec l'espée & la dague combattit ce Bouciquaut en champ clos, le vainquit, & qui plus est, luy donna la vie; dont l'autre de despit fit serment de ne porter iamais armes. Le Seigneur Louys de Gonzague, surnommé Rodomont pour sa desmesurée force qui excedoit toute portée humaine, iusques à rompre fort aisément avec les mains un fer de cheval en deux pieces, quelles grandes preuues n'en a-il pas fait en son temps? & mesme en la presence de l'Empereur Charles cinquième. Comme il s'entretenoit un iour familièrement avec luy, & luy parloit entr'autres choses d'un sien Geant More qu'il auoit amené d'Afrique, & qu'il luy monstroit du doigt là aupres, si excessiuelement fort & robuste, qu'homme ne pouuoit durer deuant luy à la lutte, quoy

EPISTRE.

que le plus souvent il n'y employast qu'un bras tout seul, il luy demanda en se jouant s'il oseroit s'attaquer à se More. Le Seigneur Rodomont sans luy respondre autre chose, jette là cappe & espée, & s'en va saisir l'autre au collet, puis l'embrassant au trauers du corps, quelque resistance qu'il fist l'estouffa de pleine arriuée, aussi legerement que feroit un grand Lyon quelque mastin ou dogue d'Angleterre. Mais quant au Seigneur Dom Ferrand Vice-Roy de Sicile, Gouverneur & Lieutenant general au Duché de Milan, & autres terres de Lombardie, qui a esté l'un des plus valeureux & sages Capitaines de son siecle, & qui outre infinies autres belles charges à quoy il fut employé tout le long de sa vie, eut le commandement principal au voyage d'Alger, où il fit cette glorieuse, & à iamais memorable retraite: il ne faut point aller chercher ailleurs de plus grande marque & de plus beau tesmoignagne de sa suffisance, que le iugement du Prince qui en fut en ses iours un tres-souuerain maistre, ie veux dire le mesme Empereur Charles cinquième. Lequel se voyant contraint de joüer à quitte ou à double contre le grand Roy François, le seul obstacle de toutes ses entreprises & desseins, & ayant à cette occasion dressé de longue-main des pratiques & menées, pour nous venir, outre ses forces ordinaires, jeter toute la Germanie sur les bras; ne voulut pas neantmoins en vne affaire si pesante choisir d'autre conducteur de cette grosse & puissante armée, ny autre coadjuteur de ses deliberations & conseils, que ce braue Prince vostre oncle paternel, luy menant l'auant-garde, les troupes de l'Empereur prirent d'entrée la ville de Ligny, & celle de Sainct Dizier: Puis se vindrent presenter deuant Chaalons, & de là passans outre à trauers tout le Royaume iusques au Laonnois, la paix fut finalement arrestée entre ces deux grands Monarques, qui ne fut iamais plus par eux violée ny rompuë: Car la mort qui suruint là-dessus demella leurs emulations & querelles.

Tels esguillons de bien faire; telles semences de vertus vous ont delaisné vos predecesseurs, pour en cultiuer & faire valoir ce riche & glorieux heritage, auquel vous leur auez si bien succédé, que vous auez tousiours trauaillé à l'augmenter. Mais, MONSIEUR, vostre retenüe & vostre modestie me ferment la bouche, & me defendent d'en parler dauantage; sçachant bien que ie vous offenserois de toucher rien icy de la moindre de tant de belles parties, que l'on void éclater en vostre personne; De tant de saintes & pitoyables entreprises; de tant d'exemples de charité, de deuotion & d'aumosne. Oserois-je parler de vos pieuses fondations & de vos magnifiques bastimens, d'un Couuent de Minimes au faux-bourg de Rethel par vous fondé & basti de pied en comble, en lieu tres-à propos pour un quartier si voisin des solitudes escartées de l'Ardenne: D'un College de Iesuites dans la ville de Neuers, pour l'instruction de la ieunesse: D'un seruice quotidian en la Chappelle de vostre hostel de Neuers-Gonzague en cette Ville de Paris; aumosne certes tres-bien employée à l'indigence de ces pauvres Mendians qui sont là aupres: Du mariage de soixante ieunes filles par chacun an, destituées de toutes autres facultez & moyens: D'infinies autres liberalitez & bien-faits, dont
vous

EPISTRE.

vous obligez toute la France de ce tant magnifique & superbe edifice de Nesle, l'un des principaux ornemens & decorations de Paris: basti au lieu d'une grande vieille cour deserte, destinée pour sa meilleure fortune à estendre des linges & drappeaux: Là où parmy tout plein de belles choses vous avez proposé de faire vne grande & curieuse Bibliotheque, garnie de toutes sortes de bons Liures, avec deux hommes de Lettres stipendiez d'une bonne pension, l'un pour la langue Grecque, l'autre pour la Latine, qui auront la charge d'y assister trois iours la semaine, pour recueillir tous ceux qui y viendront, & conferer avec eux des poincts dont ils se voudront resoudre. Seroit-il doncques raisonnable de frustrer la posterité de la connoissance de l'Autheur d'un tel bien, duquel nous aurons joüy en nos iours? Moy doncques pour n'encourir point cette ingratitude, ie me suis ingeré de presenter à VOSTRE ALTESSE ce petit trauail, qui est vne traduction que i'ay faite d'un moderne Grec, qui en faueur de ses citoyens, autant ignorans & grossiers pour cette heure-là, que leurs anciens predecesseurs furent parfaits & admirables sur tous autres, s'est estudié de ramasser tout plein de belles choses: Par où vous verrez, MONSEIGNEUR, force changemens insignes & notables, bien differends les vns des autres, aduenus comme en moins de rien, & resserrez icy en petit volume, ny plus ny moins qu'en quelque paysage représenté en vn tableau sont comprises de longues estendues de terres & de mers. Et combien que le principal but de sa narration soit de parler des affaires de l'Empire Grec, sous les Princes Paleologues dont vous estes descendu, toutesfois pource que la pluspart furent Empereurs, Roys, ou grands & puissans Potentats en diuerses parties du monde, & par vn long espace de temps, il est à tous propos contrainct de faire des digressions pour plus grande facilité & esclaircissement de son Histoire; & d'y entrelasser incidemment beaucoup de choses qui ne doiuent point estre desagreables au Lecteur, d'autant que la plus grande partie n'ayant esté touchée de personne avant luy, cela venoit par consequent à estre du tout esteint & ignoré. Vous le receurez donc s'il vous plaist, MONSEIGNEUR, comme estant de vostre droit, & deuolu à vous par succession de vos predecesseurs: Afin que sous l'ombre & faueur d'un si magnanime & si vertueux Prince, il puisse plus dignement sortir en lumiere, & trouuer grace deuant les yeux du public: Tout ainsi que vos œuvres si meritoires, vos intentions si saintes & si charitables, se voyent secondées de la benediction d'une belle lignée, à qui cét ouurage pourra seruir quelque iour, & mesme à ce petit Prince qu'il a pleu à Dieu vous donner n'agueres, au lieu de l'autre qu'il vous auoit rauy d'entre les mains auant le temps; Et pour esprouuer peut-estre vostre constance, laquelle se monstra telle en vne si juste affliction, que ce fut vous qui consolastes les autres d'une perte qui vous estoit si sensible. Puisse doncques ce tres-illustre & heureux enfant vous consoler sur vos vieux iours: Puisse-il à l'exemple de ses Majeurs, qui retirerent magnanimement des mains des estrangers l'heritage qu'on leur vsurpoit, repeter quelques-fois à meilleur tiltre encore sur les ennemis du nom Chrestien, les Royumes & les Empires qui luy appartiennent: puis qu'il est si bien né, si bien

EPISTRE.

voulu, & tant aymé du Ciel, qu'à sa sainte regeneration il nous a apporté
& fait voir la plus joyeuse nouvelle, le plus agreable & desiré spectacle que
le peuple François eust sceu demander à Dieu, ny souhaitter en soy-
mesme.

MONSEIGNEVR, Je supplie le Createur de vous donner en tres-
parfaite santé & prosperité, tres-longue & tres-heureuse vie.

*De Paris ce vingt-neufieme iour d'Auril,
mil cinq cens septante-sept.*

DE VOSTRE ALTESSE,

Tres-humble, & tres-
obeissant seruiteur,
BLAISE DE VIGENERE.


AV LECTEUR.



ET Ouvrage de longue haleine & de grande despenſe, n'eſt pas tout d'une plume ny tout d'un temps; il a eſté compoſé par diuers Auteurs & à diuerſes reprises. La premiere piece eſt l'Histoire de Laonic Chalcondyle Grec de nation & Athenien, lequel eſcriuant de la decadence de l'Empire de Grece, & de l'eſtabliſſement de celui des Turcs, a conduit ſa narration iuſqu'en l'an 1462. Blaiſe de Vigenere, dont c'eſt auoir fait l'eloge que de l'auoir nommé, la traduit en noſtre langue; & bien que ſon elocution ſoit un peu rude pour noſtre temps qui eſt deuenu plus delicat, neantmoins la reputation d'un ſi habile homme, n'a pas permis que l'on ait reſouſché à ſon langage, de peur que les critiques ou les enuieux n'allaſſent dire qu'on l'auroit difformé au lieu de l'ajuſter. Il a adjuſté à ſa verſion quelques remarques fort curieuſes ſur les affaires des Turcs, qu'il a voulu appeller Illustrations: mais de peur d'interrompre le fil de l'Histoire, l'on a trouué bon de les mettre tout au derriere. Vn autre Auteur nommé Thomas Artus ſieur d'Embry, trouuaillant ſur les fondemens que Chalcondyle auoit jettez, a continué cette Histoire pendant le cours d'un ſiecle & demy, juſqu'à l'an 1612. & ſ'en eſt acquitté avec aſſez d'exactitude & de bon-heur, pour auoir acquis l'approbation publique. Le ſieur de Mezeray reprenant la narration où Artus l'auoit finie, la pourſuiuie juſqu'à l'année 1649. & n'a eſpargné ny ſes ſoins pour rechercher des veritez ſi éloignées, ny ſa peine pour rendre ſon ouvrage digne du nom d'Histoire. Outre les Illustrations de Vigenere qui viennent en ſuite, les Libraires y ont voulu adjuſter l'Histoire du Serrail du ſieur Baudier, les Figures & Descriptions faiſes par Nicolai, contenans les diuerſes façons d'habits des diuerſes perſonnes de ce pays-là, & les Tableaux Prophetiques qui marquent la ruine de l'Empire des Turcs; a fin qu'il ne manquast rien au contentement des curieux, & que tout ce qu'on peut deſirer pour cette matiere ſe trouuaſt en ce Liure. De plus, comme les temps & les années eſtoient fort confuſes dans l'Histoire de Chalcondyle, & quelquefois meſme dans la continuation d'Artus, de telle ſorte que le Lecteur ne ſçauoit où il en eſtoit, de meſme qu'un vaiſſeau qui ſe trouueroit en haute mer ſans carte & ſans bouſſole: le ſieur de Mezeray a taſché par la conference des Histoires des nations voiſines, & des Annales des Turcs & autres pieces que Leunclaius a données au public, de les debrouïller & diſtinguer, ainſi qu'on le verra aux marges de chaque page où il les a marquées; Travail que ceux du meſtier eſtimeront ſans doute bien plus grand & plus utile qu'il ne pareſtra aux yeux du vulgaire. Il a auſſi accompagné les Portraits des Grands Seigneurs Turcs chacun d'une Epigramme qui deſcrit autant que quatre Vers le peuuent faire, la vie, les mœurs & la mort de ces Sultans. Il n'eſt pas beſoin de ſ'eſtendre icy ſur le deſſein, les loiianges & la grandeur de l'ouvrage: ce ſeroit n'auoir pas aſſez bonne opinion de ce qu'il vaut & de voſtre iugement, que de vouloir vous preoccuper l'eſprit ſur ce ſujet, les Editions precedentes qui ſ'en ſont debitées avec applau-diſſement ſeruiront de paſſe-port & de recommandation à celle-cy, quand meſme ille ne ſeroit pas beaucoup plus ample & plus correcte que les autres. Allons donc à la choſe, a fin de m'eſpargner la peine de vous faire une longue Preface, & à vous celle de la lire.



PRIVILEGE DV ROY.



LOUYS PAR LA GRACE DE DIEV ROY DE FRANCE ET DE NAVARRE: A nosamez & feaux les Gens tenans nos Cours de Parlement, Maistres des Requestes ordinaires de nostre Hostel, Baillifs, Seneschaux, Preuosts, leurs Lieutenans, & à tous nos autres Iusticiers & Officiers qu'il appartiendra, Salut. Nostre bien amé SEBASTIEN CRAMOISY nostre Imprimeur ordinaire, & de nostre tres-honorée Mere la Reyne Regente, ancien Escheuin & ancien Consul de nostre bonne Ville de Paris, Nous a fait remonstrer que cy-deuant il auoit imprimé l'Histoire de la decadence de l'Empire Grec & establisement de celuy des Turcs, par Chalcondyle Athenien, traduite par Blaise Vigenere, laquelle il desiroit faire r'imprimer, & qu'il l'auroit fait nouuellement reuoir, corriger & augmenter iusques au temps present, par le Sieur FRANÇOIS DE MEZERAY: Ensemble y adiouster l'Histoire du Serrail des Grands Seigneurs Turcs, par le Sieur MICHEL BAVDIER. Et de crainte qu'il a que d'autres Libraires ou Imprimeurs ne voulussent entreprendre l'impression de ladite Histoire, tant sur la vteille que nouvelle Edition, ce qui iroit à sa ruine au lieu de receuoir le fruit de son travail, requerant à ce nos Lettres sur ce requises & necessaires. A ces causes requerant fauorablement traiter ledit exposant, & qu'il ne soit frustré des fruits de son labeur, luy auons permis & octroyé, permettons & octroyons par ces Presentes d'imprimer ou faire imprimer ledit Liure, l'exposer en vente & distribuer durant le temps & espace de dix ans, à commencer du iour qu'il sera par luy acheué d'imprimer: pendant lequel temps nous faisons tres-expresses inhibitiōs & defenses à tous Imprimeurs, Libraires & autres personnes de quelle qualité & condition qu'elles soiēt, d'imprimer ou faire imprimer, vendre & distribuer ledit Liure, sous pretexte d'augmentation, changement de titre, volume, caractère, fausse marque ou autrement, sans le consentement dudit Exposant, ou de ceux qui auront charge de luy. Defendons aussi à tous Marchands Libraires, Imprimeurs, tant François qu'estrangers, d'apporter ny vendre en ce Royaume des exemplaires dudit Liure imprimez hors d'iceluy, sans la permission dudit Exposant, sur peine de confiscation des exemplaires & trois mille liures d'amende, applicable vn tiers à Nous, vn tiers à l'Hostel-Dieu de Paris, & l'autre tiers audit Exposant, & de tous despens dommages & interests enuers luy: à la charge d'en mettre trois exemplaires dudit Liure, sçauoir deux en nostre Bibliothèque Royale, & le troisième en celle de nostre tres-cher & feal le Sieur Seguier Cheualier Chancelier de France, auant que de l'exposer en vente, à peine de nullité des Presentes. Si vous mandons que de tout le contenu en ces Presentes vous fassiez & souffriez vser & jouir pleinement & paisiblement ledit Cramoisy & ceux qui auront pouuoir de luy, sans souffrir qui leur soit fait ou donné aucun trouble ou empeschement: Mandons au premier nostre Huissier ou Sergent sur ce requis de faire pour l'exécution des Presentes, tous actes de saisies, & Exploicts necessaires, sans demander autre permission, Nonobstant oppositions ou appellations quelconques, clameur de Haro, Chartre Normande, & autres Lettres à ce contraires. Voulons qu'en mettant au commencement ou à la fin du Liure coppie des Presentes ou Extraict d'icelles, elles soient tenuës pour deuëment signifiées: Car tel est nostre plaisir. Donné à Paris le treizième de Decembre, l'an de grace mil six cens quarante-neuf. Et de nostre Regne le septième. Signé, Par le Roy en son Conseil, C R A M O I S Y.

Ledit Sieur Cramoisy a consenty & consent que les Sieurs Matthieu Guillemot, Gabriel Cramoisy, & Denys Bechet, jouissent conjointement avec luy du susdis Priuilege.

ELOGE OV SOMMAIRE DE LA VIE

D'OTHOMAN PREMIER EMPEREVR DES TURCS.



VOICV l'un des plus signalez chef-d'œuvre de la fortune, ou plustost l'un des plus admirables effects, de la providence eternelle du Tout-puissant. Vn homme venu de bas lieu, selon la plus commune opinion (ie parle du premier Empereur des Turcs) ou en tout evenement, dont les ancestres n'avoient commandé qu'à une petite poignée de gens, nourry & esleué dans un meschant village de Sogut, en un temps où les Turcs faisoient joug à l'Empire des Souldans d'Egypte : Par la dexterité de son entendement, & la grandeur de son courage, persuader aux Oguziens (nation Turque) de reprendre leurs armes desja toutes rouillées, avec l'ayde de Michaly, Marco, & Anramy, trois de ses confidens s'acquérir une telle reputation à l'endroit du Souldan Aladin, ou Saladin, qu'ayant esleu son Lieutenant general, il se trouua (par sa mort) avoir en main une telle puissance, que de pouvoit se rendre le compagnon, de ceux qui tenoient auparavant sur luy le rang de Maistres, & partager avec eux les Prouinces qu'ils avoient conquises en commun : s'assujettir luy seul une partie de la Bithynie & de la Cappadoce, d'effaire en bataille rangée le Teggiur de la ville de Burse, & (selon quelques-uns) prendre sa ville d'assaut où il establit le siege Royal de son Empire. Se rendre maistre des renommées villes de Sinope en Galatie, & Angauri en Phrygie, avec la tres-grande & forte ville de Sebaste ou Suias en Cappadoce, & celle d'Iaca avec grand nombre de tres-bonnes places aux environs. Deffaire les enfans d'Homut, l'un des sept Seigneurs ou Satrapes d'Aladin, chasser les Grecs de la Natolie, & dompter ceste Prouince, avec une infinité de places sur la mer Maïour. N'estre infortuné en pas une de ses entreprises, qu'aux sieges des villes de Nicée, & de Philadelphie. Pouvoir parmy tant de conquestes faire le premier passer 8000. Turcs en Europe, qui y firent un ravage nompereil. Introduire qu'il n'y eust aucun en sa Cour qui ne se dist son esclave : Et pour se rendre plus redoutable, establis des Janissaires ou soldats de sa garde (Turcs toutesfois à la difference de ceux d'Amurat son successeur) avec un tel choix & milice, qu'ils deuoient estre à l'aduenir, comme un fort inexpugnable, & l'anchre tres-assurée de son Estat. Donner & constituer des loix qui se sont tousiours obseruées iusques à ce iour, se trouuant par ce moyen Fondateur & Legislatteur ensemble. Et en l'espace de 28. ans qu'il regna : Laisser en fin à ses successeurs une tres-belle & tres-ample principauté, redoutable à toutes les nations voisines, & si bien establie qu'elle deuoit estre en moins de cent années la terreur de l'Vniuers ? Toutesfois ces rencontres sont si rares qu'elles n'ont point eu iusques icy de semblables : Ny luy aucun second qui le puisse égaller en cela. Il fut d'un naturel tres-charitable, tres-clement, tres-belliqueux, & tres-liberal, principalement enuers ses soldats : d'un esprit prompt, inuenitif, & tres-indicieux, & qui toutesfois ne faisoit rien sans conseil. Ce fut aussi ce qu'il en chargea spécialement à sa mort à son fils, avec un commandement particulier, de n'entreprendre iamaïs contre les Commandemens de DIEU ; & un conseil d'aymer les siens, pour estre aimé d'eux, de reconnoistre liberalement, voire honorer ceux qu'il auroit reconnen luy estre obeissans & affectionnez. Ceux qui le tiennent venu de bas lieu, le disent fils de Lich : Les autres qui tirent son origine d'une famille illustre, luy donnent Ortogules pour pere. Il commença à regner l'an de nostre Salut 1300. laissant selon quelques-uns trois enfans : il mourut à Burse, à pareil iour qu'il auoit pris naissance l'an 1328. âgé de 70. ans : Prince autant regretté des siens qu'aucun autre de ses successeurs, & dont la bonté fut si recommandable, que les Turcs aujourd'huy à l'aduenement de leurs Empereurs à la Couronne, leur souhaitent encore la bonté d'OTHOMAN. Lequel nom ses successeurs ont tenu de si heureux presage, qu'ils se sont tous surnommez de luy : voulans quasi par sa secrette influence faire reuiure en leurs cœurs les graces & excellences de leur premier Empereur.

OTHOMAN OV OSMAM
I. DV NOM, PREMIER EMPEREVR
DES TVRCS.



*DE simple Capitaine en des Pays deserts,
Pres du grand Saladin la Fortune m'attire;
Et là de ses debris ie fonde cét Empire
Qui menace aujourd'huy d'engloutir l'Vniuers.*



L E

PREMIER LIVRE

DE L'HISTOIRE DES TVRCS

DE LAONIC CHALCONDYLE

ATHENIEN.

SOMMAIRE, ET CHEFS PRINCIPAUX

du contenu en ce present Livre.

- I. Preface contenant l'argument & sujet de ceste œuvre, qui traite de la decadence de l'Empire des Grecs, & establissement de celui des Turcs.
- II. Incident des anciennes Monarchies : Translation de l'Empire Romain à Constantinople, avec un brief discours du differant de la Religion Grecque & Latine.
- III. L'origine premiere des Turcs, & l'Etymologie de ce nom, puis sous quel Capitaine ils prirent premierement les armes.
- IV. De la race des Othomans qui ont iusques icy regné de pere en fils sur les Turcs : & du partage des Prouinces conquises par leurs sept premiers Chefs, dont Othoman fut l'un.
- V. Les dissensions des deux Androniques Paleologues, ensemble quelques affaires que les Grecs eurent premierement à demesler contre les Turcs, & entr'eux-mesmes encores.
- VI. Les faits & gestes d'Orchan fils d'Othoman, second Empereur des Turcs.
- VII. Le regne de Soliman fils aîné d'Orchan : l'origine des Triballes ou Bulgares, ensemble des Albanois ; & la pusillanimité des Grecs, avec la prise d'Andrinople.
- VIII. Amurat premier de ce nom succeda à son frere Soliman : l'origine des Valaques, & des Croates. Andronique Paleologue recouure son Empire sur Cantacuzene, qui le luy auoit soustrait de mauuaise foy.
- IX. Les premieres conquestes d'Amurat sur les Triballes, Mysiens, & Grecs : & cependant l'Asie se reuolte contre luy, dont il a la victoire par stratageme.
- X. Le souleuement de Sauz fils aîné d'Amurat en l'Europe, & d'Andronic fils de l'Empereur Caloian, contre leurs propres peres : avec le chastiment qu'ils en firent.
- XI. Quelques remuemens & pratiques dressées par Emanuel fils de Caloian, au desceu de son pere contre Amurat, assoupis par le Bassa Charatin : & les louanges de ce personnage.
- XII. Recapitulation succincte des affaires des Grecs, qui par leur mauuais gouuernement furent cause de la ruine & euersion de leur Empire.
- XIII. Voyage d'Amurat contre Eleazar Despote des Triballes, où il fut mis à mort, & la maniere comment.



LAONIC Athenien a proposé d'escrire ce qu'il a veu & oüy durant sa vie : Partie pour satisfaire au deuoir auquel nous sommes naturellement obligez : Partie aussi, pource qu'il a pensé que ce seroient choses dignes d'estre ramentuës à la posterité. Car celles qui seront icy touchées, ne se trouueront point (à mon auis) de moindre estoffe ny de moindre grandeur qu'autres quelconques qui soient iamais aduenuës en aucun endroit de la terre. Principalement ces deux-cy, la decadence & ruine de l'Empire des Grecs, avec les malheurs qui finalement ont regorgé dessus, & les prosperitez des Turcs, qui en si peu de temps l'ont montez à vn tel degré de richesse & de puissance, qu'ils outrepassent & laissent de bien loin derriere eux tous les autres qui ont esté auparauant.

I.
Laonic est le
nom de Ni-
colas reuer-
se.

Le sujet de
cet œuvre.

La recom-
mandation de la
langue Grec-
que.

Or pour cette heure ils sont de nos personnes & de nos biens, & en disposent comme il leur plaît : nous troublans non seulement l'aise & repos de la vie presente, mais encore tous nos plaisirs & libertez accoustumées, qu'ils rauissent & destournent à vne miserable seruitude : Neantmoins si l'ose dire ce que j'en pense, vn iour pourra venir que la chance tournera, & leurs fortunes prendront vn train tout au rebours. Quoy que s'en soit, il m'a semblé que l'histoire qui en seroit par moy tissüe des vns & des autres, ne deura point estre des-agreable à ouïr, me smement que i'entrelasseray parmy quelque memoire & souuenance des choses ailleurs aduenues çà & là par le monde ; non point de mon temps seulement, si que ie me sois trouué par tout en personne pour les voir à l'œil, mais de beaucoup d'autres encores, où toutesfois ie ne me suis pas arresté à ce que l'apparence pouuoit faire sembler veritable : Ne aussi peu au simple rapport de ceux qui auoient le bruit de les scauoir mieux que nuls autres : Car afin de dresser plus fidelement le cours de nostre narration, nous ne mettrons en auant sinon ce qui nous semblera le plus digne de foy, & le plus approchant de la verité. Au reste nous n'estimons pas que personne nous vueille blâmer pour auoir escript cette histoire en langage Grec, puis qu'il a tousiours esté parmy le mode en telle dignité & honneur, qu'encore pour le iourd'huy il est presque commun à tous. Et combien que la gloire de ce parler soit excellēte sur toutes autres, si auroit-il bien plus de vogue & credit, lors que quelque riche & puissant Empire viendroît es mains d'un Prince Grec, & de luy hereditairement à ses successeurs : Ou bien si la ieunesse Grecque faisant ainsi qu'elle deuroit, reprenoit cœur, pour d'un commun accord & consentement s'esuertuer de remettre sus, la douceur de l'ancienne liberté, & les franchises de leurs republiques si bien instituées : Car par ce moyen ils donneroient la loy, & commanderoient brauement aux autres peuples & nations, qui maintenant leur tiennent le pied sur la gorge.

II.

L'origine &
les pestes des
anciens Grecs.

Leur Iollan-
ge.

L'Empire des
Assiriens.

Des Medois.

Des Perses.

Des Macedo-
niens.

Des Romains

Translation
de l'Empire
Romain à Co-
stantinople
l'an 113.

Le deſtroit
ou Bosphore
de Thrace
n'ayant que
500 pas de
large.

P A R quels moyens au reste nos ancestres paruindrent iadis à vne si grande renommée : Quels furent ces beaux faits si illustres & memorables, qui leur apportèrent tant de triomphes : comme ils entreprirent mesme de venir en Europe, & Afrique, & trauserent de si longues estendues de pays, iusques au fleuve de Ganges, & à la mer Occane ; Hercules entre les autres, & Bacchus auparauant qui fut fils de Semele : Puis les Lacedemoniens, & les Atheniens, & les Rois de Macedoine, ensemble leurs successeurs, avecque l'ordre & suite des temps esquels le tout est aduenü ; Assez d'autres l'ont couché en leurs Commentaires & Annales. Et à la verité nos predecesseurs se souſmirent d'une grande gayeté de cœur à beaucoup de peines & trauaux, pour s'establiſir vne fortune correspondante à leur vertu, dont elle ne fut iamais destituée. Aussi ont-ils duré plus longuement en leur grandeur & reputation que nuls autres : de sorte que par plusieurs generations ils ont iouy de leur propre gloire. Apres eux ie trouue que les Assiriens (peuple fort ancien) eurent jadis vn renom de fort longue durée, ayans obtenu la domination de l'Asie. Et puis les Medois leur succederent, qui se saisirent de ceste Monarchie sous la conduite de Barbarés, que l'Historien Iustin appelle Arbacte, lors qu'ils desmirent le Roy Sardanapale de son siege : Mais ils en furent eux-mesmes deposez par Cyrus Roy des Perses, qui les deſſit & subiugua. De là par trait de temps ces Rois de Perse s'aggrandirent merueilleusement, & furent bien si hardis que d'entreprendre de passer en Europe. Toutesfois peu de temps apres Alexandre Roy des Macedoniens mit fin à leur Empire : & les ayant du tout rangez sous son obeissance, gagné plusieurs batailles contre les Indiens, & conquis la plus grand' part de l'Asie & de l'Europe, transmit & delassa le tout à ses successeurs. Les Romains consequemment, dont la fortune a tousiours esté en égal contrepoix à leur vertu, estendirent leurs limites au long & au large, beaucoup plus auant que nuls autres qui ayent iamais commandé en la terre & en la mer : Pourtant s'establirent-ils vne Monarchie plus ample que toutes les precedentes. Mais à la fin ayans delassé leur cité es mains du ſouuerain Pontife des Latins, ils se retirerent avec leur Chef & Empereur es marches de la Thrace, où ils restaurerent l'ancienne ville dite Byzance, & maintenant Constantinople, en cet endroit où l'Europe s'approche le plus de l'Asie. De là en auant ils eurent tousiours de grandes guerres, & des affaires bien lourdes & fort dangereuses à demesler contre les Perses, desquels ils ont le plus ſouuent esté fort mal-menez. Et d'autant que les Grecs estans meslez & confondus avec les Romains se trouuoient en plus grand nombre qu'eux, le langage, les mœurs & façons de faire du pays ont esté retenus, non pas le nom : car les Empereurs de Constantinople pour plus de majesté & grandeur le changerent, & voulurent estre appelez Empereurs des Romains, & non Rois ou Seigneurs des Grecs. Nous auons aussi apriſ, comme l'Eglise Romaine apres auoir lon-
guement

guement contesté & debattu avec les Grecs sur aucuns points de la Religion, les a finalement séparés d'elle. Mais les Empereurs de l'Occident ores estant esleus de France, ores de Germanie, n'ont gueres laissé perdre d'occasions d'enuoyer leurs Ambassadeurs deuers les Grecs, pour les attirer aux Conciles expressement conuoez, afin de les vnir avec eux: A quoy ils n'ont iamais voulu prester l'oreille, ne rien relâcher ne demordre de leurs traditions anciennes. Ce qui leur a esté cause de beaucoup de maux: Car les Princes & Seigneurs du Ponant s'estans liguez avec les Venitiens, leur vindrent finalement courir sus avec vne tres-grosse & puissante armée: & se saisirent de Constantinople; tellement que celuy qui pour lors y commandoit, fut contraint avec les principaux officiers & Ministres de l'Empire de se retirer en Asie, où ils establirent le siege capital de leur domination en la ville de Nicée. Mais quelque temps apres ils recouurerent ce qu'ils auoient perdu; & ayans trouué moyen de se couler secrettement dans Constantinople, en debouterent les autres. Depuis ils regnerent assez longuement en la Grece, iusques à ce que l'Empereur Iean Paleologue voyant ses affaires du tout desesperées, & comme dit le proverbe presque reduits entre l'enclume & les marteaux, accompagné d'un grand nombre d'Euesques, & des plus sçauans hommes du pays, monta sur mer & passa en Italie, sous esperance que ce venant ranger aux statuts de l'Eglise Romaine, il obtiendrait facilement l'aide & secours des Princes de l'Occident, en la guerre que les Turcs luy apprestaient. Estans doncques venus à conference avec Eugene quatriesme de ce nom, pour le commencement les choses furent asprement debatues d'une part & d'autre: à la fin les Grecs acquiescerent, & l'Empereur s'en retourna avec l'aide qu'il auoit requis. Mais le peuple demeura ferme, sans vouloir admettre rien de ce qui auoit esté accordé, perseuerant tousiours en ses traditions accoustumées: & est depuis demeuré en diorce avecques l'Eglise Romaine. Voila en somme ce qui m'a semblé estre necessaire de toucher en la presente Histoire des affaires des Grecs, & de leurs dissensions & diorces d'avec les Romains. Dequoy on peut assez comprendre, que ny le tiltre de cet Empire, ny le nom & qualité qu'ils prirent, n'estoient pas fort bien conuenables. Moy doncques qui ay attainé ces temps-là, me suis mis à considerer comme les Grecs & leur principauté auoient premierement esté sous les Thraciens: & que puis apres ils en furent despoüillez de la meilleure & plus grande partie, voire reduits à vne bien petite estendue de pays; sçauoir est Constantinople, & les regions maritimes de là autour, iusques à la ville d'Heraclee en tirant contre-bas: Et au dessus, ce qui est le long de la coste du pont Euxin, iusques à celle de Mesembrie. Plus tout le Peloponèse, excepté trois ou quatre villes des Venitiens, & les Isles de Lemnos & d'Imbros, avec les autres qui sont en la mer Egée. De quelle maniere toutes ces choses aduindrent, & que les affaires des Grecs peu à peu ont esté par les Turcs mis au bas, & ceux des Turcs au contraire en un instant ayent pris un tel accroissement, iusques à monter à la plus haute cime de grandeur & felicité mondaine, telle qu'on peut voir pour le iourd'huy; nous le declarerons par le menu le plus diligemment qu'il nous sera possible, selon que nous l'auons entendu au plus pres de la verité.

Schisme des Latins & des Grecs.

Les François occuperent l'Empire de Constantinople l'an 1103. les Paleologues le recouurerent l'an 1254.

L'an 1348. Plus amplemēt cy-après au 6. liure.

Au Concile de Florence, qui est le 18. œcumenique.

La decadence de l'Empire de Constantinople, & l'accroissement de celui des Turcs.

III.

L'origine des Turcs.

Sept entrées & descentes des Tartares en l'Asie.

Nomades Plin. l. 4. ch. 12. l. 6. chap. 13. & 17.

Plin. liure 5. chap.

IE NE sçauois bonnement asseurer quant à moy, de quel nom les Turcs furent anciennement appelez, de peur de me mesconter, & parler à la volée. Car quelques-uns ont voulu dire qu'ils sont descendus des Scythes qu'on tient estre les Tartares, en quoy il y a quelque apparence: parce que les mœurs & façons de faire des uns & des autres ne sont gueres differends; ne leur parler beaucoup esloigné. Il se dit dauantage que les Scythes habitans au long de la riuere de Tanais, estans par sept fois sortis de leurs limites, auroient couru, pillé, & saccagé toute la haute Asie, du temps que les Parthes estoient encore au comble de leur grandeur, & qu'ils commandoient absolument aux Perses, Medois, & Assiriens. Que de là puis apres ils descendirent es pays bas, où ils se firent Seigneurs de Phrigie, Lydie, & Cappadoce: & mesme nous voyons encore vne grande multitude de ceste generation espandue çà & là par l'Asie, ayans les propres coustumes & façons de viure qu'ont les Nomades Scythes, c'est à dire pasteurs ou gardiens de bestail, vagabons perpetuels, qui n'ont ne feu ne lieu, ny aucune demeure ferme & arrestée. Il y a encore d'autres coniectures pour prouuer que les Turcs sont de la vraye race des Scythes, en ce que les plus estranges & barbares d'entr'eux, qui habitent es Prouinces inferieures de l'Asie, comme Lydie, Carie, Phrigie, & Cappadoce, ne different en rien que ce soit du parler, & des conditions des Scythes, qui viuent entre la Sarmatie, & ladite riuere de Tanais. Il y en a d'autres qui estiment les Turcs estre descendus des Parthes, lesquels estans poursuivis par ces Nomades ou Scythes vagabons (ainsi appelez pource que continuellement

Omar successeur de Mahomet après Eubocara, l'an 670. prit Jérusalem & toute la Syrie.

ils changent de pascages) se retirerent à la parfin és basses regions de l'Asie; là ou tournoyans de costé & d'autre, sans prendre pied nulle part, ains portant quant & eux leurs loges & maisonnettes sur des chariots, se departirent & habituerent par les villes & bourgades du pays: Dont est aduenue que cette maniere de gens ont depuis esté appelez Turcs, comme qui diroit Pasteurs: les autres veulent qu'ils soient sortis de Turca, qui est vne fort belle & opulente cité de Perse, & de là s'estre iettez sur ces pays bas de l'Asie, qu'ils conquirent entierement, & les rengerent à leur obeysance. A aucuns semble plus croyable que de la Celestyre, & Arabie ils soient plus-tost venus en ces quartiers là, avec leur legislateur Omar, que de la Scithie: Et par ce moyen s'estre emparez de l'Empire de l'Asie, viuans à guise de Nomades.

La derivation de ce mot Turc.

Les Turcs du commencement departis par cantons.

Iouio l'appelle Zich, c'est à dire Circasse.

L'an 1198.

Autrement Saladin Roy de Surie.

C'est la Carmanie.

A SÇA VOIR-mon maintenant s'il faut adiouster foy à toutes ces opinions, ou s'il n'y en a qu'une seule qui soit veritable. De ma partie n'en diray point autrement mon aduis, pour ce que ie n'en sçauois parler bien seurement: Si me sembleroit-il plus raisonnable de s'arrester au dire de ceux, qui tiennent les Turcs estre premierement descendus des Scithes, veu que les Scithes qui viuent encore pour le iourd'huy en cette partie de l'Europe qui regarde au Soleil leuant, conuiennent en tout & par tout avec les Turcs, & en ce qui depend de leurs foires, marches, estappes, commerces, & traffiques: Outre ce que leur boire & manger, leur vestir, & tout le reste de leur viure, est vn & commun aux vns & aux autres. Car les Scithes commanderent autrefois à toute l'Asie; & le mesme encore veut dire ce mot de Turc, qui signifie vn homme viuant sauuagement, & qui passe ainsi la meilleure partie de son aage, à l'exemple & imitation des Nomades, ou pasteurs. Cette generation des Turcs s'estant ainsi augmenté & accreue, ie trouue qu'elle fut premierement departie par tributs & cantons, du nombre desquels fut celuy des Oguziens; gens qui n'estoient point autrement querelleux de leur naturel, mais aussi qui ne se fussent pas laissé aisément gourmander. De ceux icy vint Dulzapes, homme aymant l'equité & iustice, qui fut chef & Capitaine des siens; tant aymé d'eux tous pour sa preud'homie & vaillance, que iamais personne ne le contredit de iugement qu'il eust donné (car c'estoit luy qui leur faisoit droit) ains le choisissans tousiours pour iuge & arbitre de leurs differends, acquiessoient volontairement à ce qui estoit par luy décidé. Estant donc tel, les Oguziens le demanderent à Aladin Seigneur du pays, pour estre leur gouuerneur, & il le leur octroya. Ceste authorité estant paruenue apres sa mort à son fils Oguzalpes, il en vfa bien plus arrogamment: car il se porta en toutes ses actions comme leur Prince & Seigneur, en faisant ce que bon luy sembloit: tellement que les ayant armez contre les Grecs, il s'acquit en peu de iours beaucoup de gloire & de reputation par toute l'Asie. Orthogules son fils luy succeda, prompt à la main, & vaillant de sa personne, qui en son temps fit la guerre à plusieurs peuples & nations. Il equippa aussi grand nombre de vaisseaux, avec lesquels il porta tout plain de dommages aux isles de la mer Aegee, qui sont vis à vis de l'Asie & Europe: & courut quand & quand vne grande estendue de plat pays en la Grece, qu'il pillà & gasta. Puis ayant amené sa flotte à la bouche de la riuere de Tanare, ioignant la ville d'Aene il entra bien auant à mont l'eau. Et fit encore assez d'autres telles courses & entreprises en plusieurs endroits de l'Europe. Finablement s'estant ietté dans le Peloponese, & en l'isle d'Euboe, en l'Attique pareillement; il laissa par tout de grandes marques & enseignes de ses degasts & ruine. Cela faict, il s'en retourna à la maison, chargé de butin & d'esclaves, de sorte qu'en peu de temps il deuint tres-riche & tres-puissant. On dit aussi que ce pendant qu'ils s'arresta en Asie, il saccagea souuentefois les peuples d'autour de luy, dont il ramena de grandes proyes & despoüilles. Et ainsi toutes choses luy succedans à souhait, il amassa vne bien belle armée; sous l'assurance de laquelle il assaillit & dompta les Grecs ses plus proches voisins, & pillà les autres qui estoient plus esloignez. Dequoy le reste se trouuant espouuanté, se soumit volontairement à son obeysance, si bien qu'en peu de temps il donna commencement à de tres-grandes facultez & richesses. Et comme de iour à autre luy vinssent plusieurs Nomades de renfort, avec tels autres Bandoliers qu'il receuoit à sa solde, & s'en seruoit en ses expeditions & entreprises à l'encontre de ses voisins, cela luy fut vn beau surcrez pour aggrandir & dilater bien-tost ses limites; aussi qu'à cause de ses prouesses, il vint à vne tres-estroite amitié enuers Aladin. Il y en a qui ont escrit que ce canton des Oguziens, sous le bon-heur & conduite d'Orthogules, s'empara premierement des lieux forts & aduantageux d'auprés le mont du Taur, & de là puis apres à forces d'armes conquerit tout le pays d'alentour, & surmōterent les Grecs qui y estoient habitez: Au moyen dequoy peu à peu ils accreurent grandement leur puissance: Quant à l'estat

à l'estat & condition toutesfois dont ils furent sur leurs premiers progresz, si ce peu que nous en auons deduit cy-dessus est veritable ou non, ie ne le voudrois gueres bien affermer, encore que plusieurs le racomptent de cette sorte. Je ne m'arrestera doncques point à en faire autre redicte, mais viendray à parler des Othomans, qui son descendus de la lignée, d'iceux Oguziens, & comme ils sont paruenus à vn si riche & puissant Empire.

Tout ioinnant la Mysie il y a vne petite bourgade que ceux du pays appellent Sogut, par où passe vne riuere de semblable nom. Celieu-là nommé autrement le bourg d'Irée, n'est distant de la mer Maiour, sinon que quinze ou seize lieues tant seulement, fertile au reste & abondant en toutes choses necessaires pour la vie del'homme. Et pourtant les Oguziens s'y estans vne fois embattus, y firent leur seiour & demeure par vn long-temps, lors qu'Othoman fils d'Orthogules n'estoit pas encore arriué à la grand' vogue de ses prosperitez, & que la fortune ne luy auoit si bien monstré la serenité de son gracieux visage, comme elle fit depuis. Neantmoins luy qui estoit d'un naturel gentil & liberal, & avec ce, d'un courage haut esleué, sceut incontinent si bien gagner les cœurs de ce peuple par le moyen de ses largesses & bien-faits, que tous d'un commun accord le creerent leur chef & souuerain Capitaine: car ils auoient de longue-main tousiours eu de grand débats avec les Grecs habitans en la mesme contrée. Ayant doncques Othoman soudainement fait prendre les armes à tous ceux qui estoient propres de les porter, il courut sus à l'impourueu aux vns & aux autres, dont il deffit la plus grand' part, & chassa le demeurant hors du pays. De la les choses luy venans à succeder de bien en mieux, il en rapporta plusieurs triomphes & victoires, si bien que la renommée de ses beaux faits s'espandant de tous costez, vint aussi à la connoissance d'Aladin, qui le fit pour cette cause son Lieutenant General: & bien tost apres iceluy Aladin estant decedé, suruindrent là dessus de grandes altercations entre les Seigneurs & Barons de son Royaume; à quoy fut appelé Othoman. Et apres plusieurs choses debattuës d'une part & d'autre, finalement fut arresté par forme de ligue & confederation, qu'il seroit tenu de les accompagner avec ses forces, quelque part qu'ils allassent à la guerre, à la charge que ce qui prouiendrait de leurs nouuelles conquestes, seroit également party entr'eux. Par ce moyen ils firent de là en auant plusieurs entreprises & voyage de compagnie, où les vertus & prouesses de l'Othoman reluirent tousiours par dessus celles des autres, tout ainsi qu'un clair Soleil à trauers vn amas de nuées; si qu'en peu de temps il assembla de grands thresors, & donna pied à vn Empire qui ne se pouoit plus mespriser. Ces capitaines qui estoient sept en nombre, vindrent incontinēt à partir les pays par eux subiuguez: iettās au sort les lots qui en auoient esté faits: surquoy tout le dedans de la Phrigie iusques en Cilice, & Philadelphie demurerent au Caraman, Sarchan eut à sa part les prouinces maritimes de l'Ionie, qui s'estendent iusques à la ville de Smirne: Calam & son fils Caras, la Lydie iusques aux frontieres de Mysie: Mais à Othoman & Tecies escheut la Bithinie, ensemble tous les pays qui regardent vers le mont Olimpe: & aux enfans d'Omur la Paphlagonie, avec les regions qui se vont rendre aux riuages de la mer Maiour. Ainsi se firent les partages qui furent iettez au sort & aduerture: Car quant à Cermian, on dict qu'il ne fut pas de ce nombre, mais que du commencement s'estant saisi de la ville d'Iconium capitale de tout le Royaume de Carie, il en fut puis apres deboutté, & se retira au pays d'Ionie, où il acheua le reste de ses iours en solitude & repos, comme personne priuée. Au demeurant si les personages dessus nommez firent ces belles conquestes de tant de regions & prouinces, leur forces estans jointes & vnies toutes ensemble, ou chacun d'eux à part soy, & de quelle sorte ils vindrent à succeder les vns les autres, tant à l'argent comptant & autres meubles, qu'aux heritages & seigneuries, cela ne me semble point fort necessaire d'estre curieusement espluché par le menu. C'est bien chose toute notoire que les Seigneurs Othomans ont tousiours eu en fort grand respect & recommandation le bourg de Sogut; où ils sont allez souuentefois, & ont fait plus de graces, de liberalitez, & de biensfaits aux habitans d'iceluy qu'à nuls autres de tous leurs sujets. J'ay appris d'auantage, qu'Othoman fils d'Orthogules fut le premier de cette race natif de ce bourg, d'où s'estant acheminé, il auroit pris beaucoup de villes de l'Asie; & si emporta encore par famine & longueur du siege celle de Pruse, la plus riche & florissante de toute la Mysie, là où il establit le siege de son Empire, & y deceda finalement, apres auoir mené à fin plusieurs belles besongnes, dignes d'une perpetuelle recommandation: laissant à ses enfans vne principauté desia tres-puissante, tres-riche, & de tres-grande estendue. Ce fut le premier d'eux tous, qui fort sagement ordonna & prou-

L'origine des
Empereurs
Turcs.

IIII.

1100. ou en-
uiron.

Othoman
premier Em-
pereur des
Turcs.

Les Turcs
pour leur pré-
mier coup
d'essay chas-
sèrent les Grecs
de l'Asie.

Les histoires
de la terre
sainct le nom-
ment Saladin
qui fut Sei-
gneur d'Egy-
pte & de Su-
rie, & fort
pernicieux
aux Chre-
tiens.

Les premiers
chefs des
Turcs furent
sept en nom-
bre.

Le départe-
ment des pro-
uinces par
eux conqui-
ses. Grego-
rasi. 7. c. 1.

Cogni en vul-
gaire.

Les Seigneurs
Othomans
prirent leur
premiere
naissance au
village de So-
gut.

Prise pré-
mier siege de
l'Empire des
Turcs.

1310.

ueur à tout ce qui pouuoit estre necessaire pour le maintienement & longue durée de ce grand Empire: & qui pour rendre plus ferme & stable, dressa vne milice de ses plus exquis & valeureux soldats, pour estre d'ordinaire autour de sa personne; on les appelle maintenant les Janissaires de la porte: ce qui le rendit bien plus craint & redouté par tout, quand on voyoit ceste force ainsi prompte & appareillée à toutes les occasions qui eussent peu suruenir. Au moyen dequoy les peuples à luy sujets flechissoient bien plus volontiers aux mandemens & ordonnances qui leur venoient de sa part. A la verité ce Prince icy fut en toutes choses tres-valeureux & excellent; & dont les beaux faicts & majesté venerable, le mirent en tel honneur & reputation, qu'il fut estimé presque diuin: Aussi ses successeurs prirent de luy ce tant noble & renommé surnom d'Othomans, qu'ils gardent encore pour le iourd'huy. Or de son temps passerent premierement en Europe huit mille Turcs naturels, par le destroit de l'Helleispont, lesquels surprirent la garnison que les Grecs tenoient au Chersonese, & de là entrèrent en la Thrace iusqu'au Danube, où ayans couru, pillé, & gasté le pays de tous costez, s'en retournoient chargez des grandes richesses & despoüilles, mesmement de prisonniers; lesquels ayans faits esclaves, suivant les loix & deuoir de leur guerre, ils enuoyerent deuant en Asie: En sorte que les affaires des Grecs & des Triballiens, que maintenant on appelle Bulgares; commençoient desia à se porter mal: quand les Scythes qui en cette mesme saison estoient sortis de la Sarmatie, mais en assez petit nombre, prirent d'auenture leur chemin vers le Danube, & l'ayans passé à nage, se vindrent rencontrer avec les Turcs dessusdicts, là où il y eut vne fort lourde & dangereuse rencontre, dont les Scythes eurent le dessus, & tuerent presque tous les autres. Ce peu qui eschappa de la meslée reprit à bien grand haste les terres du Chersonese, & de là estans repassez en l'Asie, s'abstindrent de là enauant de l'Europe.

V.

D'AUTRE part les Grecs se trouuoient en fort mauuais termes, à cause des troubles & dissensions domestiques des deux Androniques, l'ayeul & son petit fils, descendus tous deux du tres-noble & illustre sang des Paleologues, lesquels querelloient entr'eux l'Empire de Constantinople, & pour cette occasion auoient tout remply de troubles, seditions, & partialitez: les vns fauorisans cestuy-cy, les autres tenans bon pour l'autre: ce qui les amena finalement à vne derniere perdition & ruine. Car le premier Andronique auoit eu vn fils appellé Michel, qui mourut auant que succeder à l'Empire: mais il laissa cet enfant de luy, le ieune Andronique: lequel bruisant d'vne conuôitise & appetit desordonné de regner, tout incontinent apres le décès de son pere se banda ouuertement contre le vieillard son ayeul, ne pouuant auoir patience qu'il acheuast ce peu de iours qui luy restoient à viure, en la dignité qu'il pretendoit luy estre desia acquise. Comme doncques l'ambition l'eut rendu si effronté & peruert, qu'il ne pouuoit admettre ne gouter vn seul conseil salutaire, il acheua bien-tost de precipiter & gaster tout. Car pour se renforcer, il fit venir les Triballiens: & ayant tiré à ses intentions presque tous ceux qui tenoient les principales charges & dignitez de l'Empire, il feit que personne de là enauant ne se soucia pas beaucoup d'empescher aux Turcs l'entrée de l'Europe: tellement que la ville de Pruse vint lors es mains de l'Othoman, apres qu'il l'eut longuement tenuë assiegée, & reduite à vne extreme necessité de toutes choses. Il prit aussi grand nombre d'autres places en Asie: dequoy se trouua fort augmentée la puissance des Turcs. Lesquels estans par apres passez en Europe, firent de grands maux & dommages par toute la Thrace: d'autant mesme que Cathites qui auoit par les Grecs esté confiné au Chersonese, fut celuy qui y attira les Turcs, & li repoussa brauement ceux qui euidrent aller au secours: Puis entra bien auant dans la Thrace, dont il ramena vn gros butin. Mais apres que le renfort des Triballiens fut arriué, & les gens de guerre aussi qu'on auoit fait venir d'Italie, & que ces forces iointes ensemble eurent enclos par tous les endroits de la terre & de la mer la garnison qui estoit au Chersonese, les Turcs ne se sentans pas assez forts pour resister, choisirent vne nuit obscure & tempestueuse, à la faueur de laquelle ils euaderent en Asie, au desceu de ceux qui les pensoient encore tenir assiegez. Les Grecs depuis ne traiterent pas fort bien Azatin, ne les autres Capitaines Turcs qui s'estoient allez rendre à eux: ce qu'ils ne firent, sinon pour complaire aux Italiens qu'ils auoient appelez à leur aide, afin d'estre encores accompagnez d'eux contre Orchan Empereur des Turcs, qui auoit lors mené son armée deuant Philadelphie. Eux doncques tous ensemble, avec Azatin & les autres Turcs fuitifs, se mirent en chemin pour aller donner sur la garnison de Gallipoli, laquelle estoit à la garde du Chersonese, en deliberation d'assieger la ville tour par mesme moyen: dequoy les habitans ayant eue le vent par vn Grec qui leur descouurit l'entreprise,

Le premier passage des Turcs en Europe enuiron l'an 1310.

Les Turcs fût tous leurs prisonniers esclaves. Ce sont les Tartares.

Par ces discordes l'Empire Grec vint entre les mains des Turcs, apres auoir duré 1121. an.

Ce vieil Andronique fut fils de Michel premier Paleologue, qui reconoura Constantinople des mains des François l'an 1264. Pruse capitale de Bithynie prise par les Turcs enuiron l'an 1303.

Les Turcs chassés du Chersonese de Gallipoli par les Grecs.

Ville d'Asie, en la Prouince de Mytie Gregoras l'an 7. ch. 9.

prise,

prise, s'escarterent d'heure deçà & delà par la Thrace. Les autres ayans passé la montagne de Rhodopé tirèrent droit vers Cassandrie anciennement dite Pydné: & les Turcs qui suiuoient Azarin, s'en allerent trouuer le Prince des Triballiens. Mais ceux qui auparavant s'en estoient fuis en Asie, voulans de nouveau restaurer la guerre, retournerent au Chersonese, & tout aussi-tost tascherent de regagner l'Asie. En plusieurs autres endroits encore, ils furent contraints de capituler avec les Grecs: puis apres s'estant apperceus qu'ils alloient de mauuaise foy enuers eux, & ne cherchoient sinon de les circonuenir, & leur jouir quelque mauuais tour, ils se sauuerent vne autre fois au Chersonese, où ils arresterent les autres: & de là en auant leur porterent de grands dommages & nuisance. Ce temps-pendant les Italiens, & Arragonnois apres auoir bien tournoyé toute la Macedoine & la Thessalie, entrerent au territoire de la Beroce, & s'estans emparez de la contrée, prirent aussi & saccagerent la ville de Thebes, dont on reiette l'occasion sur la presumption & temerité du Prince, lequel mesprisant ces estrangers, comme si c'eussent esté quelques friquenelles de nulle valeur, s'alla inconsidérément attacher à eux hors de saison & de propos, faisant son comte de pleine arriuée leur passer sur le ventre. Ce qui n'aduint pas ainsi qu'il cuidoit; car les autres se seruans de la commodité & aduantage du lieu où ils s'estoient campez tout au contraire de ce qu'on eust iamais esperé, d'autant que c'estoit vne campagne rase, & que ceux qui les venoient combattre estoient gens de cheual, & eux tous à pied, creuserent d'une extreme diligence tout plain de trenchées & canaux, par où y ayans attiré grande abondance d'eau des sources & fontenils prochains, destremperent tellement le terroier, que quand les Grecs cuiderent les y venir enfoncer à toute bride, ils ne se donnerent de garde: si bien qu'eux & leurs monturent demeurèrent engagez là dedans, tout ainsi que statues plantées debout, n'ayans le pouuoir de se remuer ny se defiendre à l'encôtre du grand nombre de traits & de iuelots qu'on leur lançoit de toutes parts, ny plus ny moins que si leurs aduersaires eussent decoché de pied ferme contre vne butte: & ainsi les accablerent là presque tous. Puis s'estans allez de ce pas presenter deuant la ville de Thebes, la prirent & la pillerent sans contredit ne resistance; cela fait, s'en retournerent en leur pays. Les Grecs d'autre costé avec leur Empereur Andronique, ne s'estans peu assez dextrement comporter ny enuers les Turcs, qui s'estoient venus rendre à eux, ny avec les Italiens & Espagnols qu'ils auoient appellez à leurs secours, se trouuerent tout au reuers de leurs esperances: ils eurent les vns & les autres pour ennemis. Dauantage les deux competeurs de l'Empire, taschans d'attirer à l'enuy chacun à sa faueur & deuotion, les plus grands & auctoritez par le moyen des largesses & profusions, qu'à pleines poignées sans mesure ny discretion quelconque ils leurs espandoient à toutes heures, eurent bien-tost espuisé les coffres de l'espargne, & les deniers de tout le reuenu, sans auoir fait, cependant, aucune leuée de soldats estrangers, ne s'estre mis en deuoir d'assembler par autre voye quelque forme d'armée, pour repousser les ennemis hors de leurs frontieres & limites. Mais pour laisser ce propos & retourner à celuy dont nous estions partis, Othoman fils d'Orthogules apres auoir reduit à son obeissance toutes les Prouinces de l'Asie habitées des Grecs, alla attaquer la ville de Nicée, & celle de Philadelphie, lesquelles toutesfois il ne peust prendre: Parquoy il tourna sa colere à l'encontre des Turcs, qui suiuoient les enfans d'Homut, à qui il en vouloit de longue main. Mais ayant desia regné fort longuement, & estant paruenue à sa dernière vicillesse, il deceda bien-tost apres en la ville de Pruse chef de son Empire, laissant trois enfans, & vne tres-belle & ample Seigneurie, à laquelle il auoit donné vn commencement fort heureux.

1320.

Ce Rhodopé est en Macedoine.

Ou Pydné, c'est ce qu'on appelloit Podyée

Stratageme. Gregoras li. 7. chap. 1.

Thebes saccagée par les Italiens & Arragonnois.

Chose bien dangereuse que le Prince se mette à manier par biens-faits contrains, la faueur de ses sujets.

Nicée ville capitale de la Bithume.

Orthoman meurt à Pruse, l'an 1328.

ORCHAN OV VRCHAM
GVSI, SECOND EMPEREVR
DES TVRCS.



LORS que tu vois, Chrestien, l'effroyable progresz
Du Tyran circoncu, sçache que la Discorde,
Tousiours de l'arc Turquois est la premiere corde:
ORCHAN deffait ainsi ses Aisnez, & les Grecs.

SON ELOGE OV SOMMAIRE
DE SA VIE.

ORCHAN ou Vrchan Gusi esgallant son pere en hauteſſe de couraſſe, dexteriſe de conſeil, & grandeur d'ambition, ſes freres s'eſtans emparez de tous l'Eſtat, il ſe fortifie de bandoliers, & ſe ſervant de leurs querelles, les deffait l'un apres l'autre, ſe rendant par ce moyen Seigneur absolu de l'Empire Turqueſque. Il deſconfit de vieux Capitaines de ſeu ſon pere qui s'eſtoient reuoltez contre luy, & leur oſtant leurs Prouinces, les donne à ſes deux fils, ſous le nom de Sanghiacats. Se fortifie d'alliance, eſpouſant la fille du Roy de Caramanie, fait la guerre à quelques Princes d'Asie, & comme il eſtoit fin & aduiſe, il s'accorde avec les uns pour deffaire les autres plus à ſon aiſe. Prend les villes de Nicée, & Nicomedie, & met en route pres Philocrasé l'Empereur Palleologue, qui eſtoit venu ſecourir Nicée. Contracte alliance avec Catacuzene autre Empereur Grec, & eſpouſe ſa fille. Attaque le Camaran ſon beau pere, & luy ayant oſté pluſieurs places fait mourir ſon ieune fils, frere de ſa femme, aagé ſeulement de dix ans. Conqueſte la Myſie, Licaonie, Carie, & Phrygie, eſtendant ſes limites d'un coſté inſques à l'Heleſpont, & de l'autre inſques à la mer Maiour. Aſſiegeé dans la ville de Demotique par les Bulgares, & autres peuples Chreſtiens, il s'en retire heureuſement, taillant apres en pieces les aſſiegeans, les ſurprenans à demy yures. Met le ſiege deuant Philadelphie, mais la courageuſe valeur des aſſailans le contraignit de ſe retirer ſans rien faire. Il força ſelon quelques-uns les villes de Gallipoli, & Philippoli & ſur le grand tremblement de terre, qui ſuruint le iour de deuant la priſe de Gallipoli, il dit aux ſiens. Demeurons en Europe, puisſque Dieu nous en ouure le chemin. Sa demeure n'y fut toutesſois que de trois ans: car il perdit ſelon quelques-uns une bataille contre les Tartares où il fut occis, laiſſant deux enfans Soliman & Amurat. Les autres diſent deuant la ville de Pruſe, mais noſtre Auteur n'eſt pas de cet aduiſe, il fut enſeuely en un village proche de Gallipoli, ayant regné vingt-deux ans, l'an mil trois cens quarante-neuf, ſeant à Rome Clement ſixieſme, ſeant l'Empire Occidental Charles quatrieſme, & celui de Conſtantiнопole Iean Palleologue, & Iean Catacuzene qui le querelloient enſemble. Prince fort courtois & liberal, principalement à l'endroit des gens de guerre, enuers ceux qui excelloient en quelque art, & enuers les pauvres, de ſorte qu'il eſt dit de luy qu'il ne reſuſa iamais l'aumofne à perſonne, auſſi fit-il conſtruire pluſieurs Timarets ou Hoſpitaux. Religieux & deuot en ſa loy, & fort reſpectueux à l'endroit des Miniſtres d'icelle, leur faiſant baſtir des maiſons où il vouloit qu'ils fuſſent nourris. Fonda un College à Buſe où il entretenoit la ieuneſſe à ſes deſpens, & donnoit des gages aux Regens, & Docteurs Mahometans. Son eſprit eſtoit ſubtil & inuentif, principalement en inſtrumens belliques. Il s'eſtudia fort à ſe monſtrer benin, liberal, & courtois enuers les Chreſtiens pour les attirer à ſoy, qui luy reuſſit avec tant d'heur (par la partialité des Grecs) que leurs diſſentions ciuiles, luy ont acquis plus de lauriers, que ſes propres forces.



ORCHAN le plus ieune, du viuant encore du pere n'auoit rien oublié pour gagner les volontez de ceux qui pouuoient le plus, ſi bien qu'il les eut tousiours du depuis entierement affectionnez & fideles en toutes ſes affaires. Car auſſi-toſt qu'Othoman eut les yeux clos, ils ne faillirent de l'en aduertir en toute diligence: Au moyen dequoy fuyant le danger qui le menaçoit de ſes freres, il ſe retira dans le mont Olympe qui eſt en la Myſie, où ayant departy à ceux qui ſe venoient d'heure à autre rendre à luy, les cheuaux qu'il trouua à grandes troupes es harats ſur les chemins, de là il commença à faire des courſes & faillies ſur les peuples de là autour, & en abandonna le pillage à ſes ſoldats & partifans. Il prit auſſi & ſaccagea vne bonne ville, dont il ne receut pas peu de cōmodité pour s'equipper, cependant que ſes deux freres eſtoient aux eſpees & aux couſteaux l'un contre l'autre, ayant chacun d'eux attiré de grandes forces à ſon party. Mais auant que leurs camps fuſſent preſts de ſe ioindre pour ſe donner la bataille: Orchan descendant à l'impourueu ſur l'un, & puis ſur l'autre, avec les gens de guerre qu'il auoit ramassez, les deffit tous deux, & ſe fit ſeuil Seigneur. Toutesſois ie ſçay bien que les Turcs ne le racontent pas ainſi, car ils ont opinion que ces choſes paſſerent ſous les Capitaines des Oguziens. L'Empire

En la maiſon des Othomans les Cadets ſe ſont ſouuent emparez de l'Empire.

Deux diſcordans appellent vn tiers qui les met hors de diſpute.

1336.

doncques luy estant demeuré paisible, tout incontinent il yadiousta la Lydie, & entama la guerre aux Grecs demeurans en Asie, sur lesquels il conquist plusieurs places; se servant en cela de l'occasion qui se presenta tout à propos pour bien faire ses besongnes: parce que les Empereurs de Constantinople, les Triballiens en la Thrace, & les Myliens, estoient

Les Turcs se
servent des
divisions des
Chrestiens.
Nicée assie-
gée par les
Turcs.

chacun endroit soy en combustion & diuorces avec les siens. En apres il se jeta sur la Capadoce, où il prit quelques forts & petites villetes: & de là mena son armée deuant la ville de Nicée, où il mit le siege. Les nouvelles estans venues à Constantinople, que si elle n'estoit promptement secouruë il y auoit danger qu'elle ne se perdist, & le peuple enfermé là dedans ne fust forcé de la necessité, & contraint de venir es mains des infideles; l'Empereur commença à leuer gens, & se remettre au maniement d'affaires, faisant quelque demonstration de ne vouloir ainsi abandonner vne telle place, ains qu'il feroit tout son effort de la conseruer; non tant pour animosité qu'il eust contre les Barbares, que de crainte de laseher vn tel morceau: mais tout soudain ce deuoir & office de bon Prince mis en arriere, il se rechauffa plus asprement que iamais apres ses hargnes & partialitez domestiques.

Vne mauuai-
se querelle est
ordinairement
plus friande
qu'une iuste.

Et comme conuoiteux de nouueaux troubles, incita derechef les Grecs contre son ayeul; se liguant à Michel Seigneur de la Mysie, avec lequel il fit alliance par le moyen de sa sœur qu'il luy donna en mariage, combien qu'il eust desia espousé celle du Prince des Triballiens. Dequoy cestuy-cy estant indigné prit les armes contre luy, ayant en sa compagnie Alexandre cousin germain dudit Michel, lequel il vainquit: & pour se venger de l'iniure à luy faite, mit sa principauté es mains d'Alexandre. Or comme il soupçonnast que les Grecs auoient esté de la partie contre luy, il s'adressa aussi à eux, & ayant pris quelques-vnes de leurs places s'en retourna en son pays. Ils firent toutesfois appointement ensemble de là à quelques temps: mais bien-tost apres les nouuelles estans venues comme Orchan estoit entré dans la Bithinie, & qu'ayant pris au plat pays grand nombre d'esclaves, il auoit finalement assiegé la ville de Nicée, laquelle il tenoit de fort court, & la battoit asprement à tout ses machines & engins: l'Empereur passa en diligence en Asie avec les forces qu'il auoit, afin de secourir cette place & ne la laisser perdre par sa faute. Dequoy Orchan ayant eu le vent, s'en vint incontinent au deuant de luy avec son armée ren-
gée en bataille, iusques aupres de Philocriné, où les Grecs s'estoient campez pour se rafraischir du long chemin qu'ils auoient fait, & delibéré comme ils se deuroient gouverner à secourir la place, mais il ne leur en donna pas le loisir: car de plaine arriuée il les vint attaquer au combat, auquel l'Empereur ayant esté blessé à la jambe, & grand nombre de ses gens tuez de cette premiere rencontre, il fut contraint de se sauuer avec le reste dedans l'enclos des murailles, tant pour laisser escouler cette si chaude impetuosité & furie, que pour faire penser les navrez: encore toutesfois ne peust-il faire la retraite sans mener les mains à bon escient, & perdre derechef beaucoup de bons hommes, parce que les Turcs les chasserent viuement, & les ayans rembarez iusques dedans les portes, les y assiegerent. Toutesfois estant la ville assise sur le bord de la mer, dont à toutes heures il leur pouuoit venir des rafraischissemens tels qu'ils vouloient, Orchan qui n'auoit ne vaisseaux, ne moyens pour les en forclorre, fut bien-tost contraint de s'en departir, & retourner au siege de Nicée: laquelle apres auoir souffert & enduré toutes extremitez possibles, se rendit finalement par composition. En telle maniere ceste riche & puissante cité vint en l'obeissance des Turcs, qui s'en allerent tout de ce pas assaillir Philadelphie; mais elle fut si vaillamment deffenduë par les gens de guerre que les habitans auoient soudoyez, qu'ils n'y peurent rien faire. Parquoy Orchan s'en alla par despit descharger sa cholere & indignation sur aucuns Princes & Seigneurs de l'Asie, contre lesquels il estoit desia animé & aigry: & s'estant malicieusement accordé aux vns, subiuga bien à l'aise tout le reste. Quelques temps apres il espousa la fille de Catacuzene Empereur des Grecs, laquelle alliance amena la paix & reconciliation entre les Turcs & eux: & pourtant il se mit apres ceux qui dominoient la Phrigie, & estoient aux armes les vns contre les autres. Or l'Empereur Andronique auoit laissé vn fils aagé seulement de douze ans; auquel il auoit ordonné pour tuteur iceluy Catacuzene homme riche & de fort grande autorité, afin de gouverner & l'Empire & l'enfant iusques à ce qu'il seroit en aage pour commander, & prendre luy-mesme en main l'administration des affaires: ayant obligé & astringé Catacuzene par serment solennel, de se porter en l'vn & en l'autre sincerement & sans aucune fraude ne dol; & que sans faire ne pourchasser mal à l'enfant, il luy remettroit par apres de bonne foy le tout entre les mains. Catacuzene doncques apres la mort de l'Empereur, estant porté des plus grands, prit la tutelle de ce ieune Prince, & le maniement des affaires;

Greg. liu. 9.
chap. 11.

Orchan sur-
prend les
Grecs venans
au secours de
Nicée, & les
deffait.

La prise de
Nicée.

Fait la guerre
à ceux de la
nation.

Espouse vne
femme Chre-
stienne de la
maison de
Catacuzenes.

Catacuzene
deposse son
pupile.

affaires ; sans toutesfois attenter encore chose qui luy tournast à preiudice. Mais quelque temps apres l'ayant apperceu d'un naturel mol & languide, il commença à le desdai-
gner ; & entrer en de hautes esperances de pouuoir retenir l'Empire pour soy par le
moyen des principaux , & du peuple qu'il pensoit bien ne luy deuoit point estre contraire.
Ainsi ayant tout ouuertement depossédé son pupille, il vint à gagner puis apres le sup-
port & amitié d'Orchan, par le moyen de sa fille qu'il luy donna en mariage ; & de fait
l'eut tousiours depuis entierement à sa faneur & deuotion.

1342.
& iuuans.



SOLIMAN I. DV NOM,
TROISIÈSME EMPEREVR
DES TVRCS.



*LA mort, dans les combats n'ayant pas eu l'audace
De s'attaquer à moy tout couuert de Lauriers,
Après que i'eus dompté les plus hardis Guerriers,
Me prit en trahison dans vn plaisir de Chasse.*

SON ELOGE OV SOMMAIRE
DE SA VIE.

SOLIMAN Prince tres-belliqueux nourry dès sa plus tendre enfance au milieu des armées de son pere, & plus abreuvé de sang que de lait: Ayant deffait Vngleses & Crates, Princes des Bulgares: Prend par surprise (selon nostre Aulseur) la ville d'Orestide ou Andrinople, & celle de Philippoli par composition. Conqueste vne partie de la Thrace, avec les villes de Pergame, Edrenuse, Zemenique, & plusieurs autres, tant deçà que delà l'Hellespont, acquerant vne telle reputation, qu'il luy venoit tous les iours nouveaux soldats de tous les endroits de l'Asie, attirés en partie aussi de la friandise & douceur du pillage. Contracte société avec l'Empereur Grec, pour faire la guerre aux Triballiens, ou Bulgares. Mais comme chargé de busins & despoilles, il se hastoit de repasser en Asie, vne maladie le preuenant, luy fit faire vn autre passage de la vie à la mort. Il ne regna que deux ans, & fut inhumé au goules du Chersonese auprès de son fils (dit nostre Aulseur, si parauanture il ne veut point dire son pere.) Ceux qui ne luy donnent point de rang entre les Empereurs Turcs, disent qu'il mourut du viuant d'Orcanes, s'estant rompu le col en tombant de son chenal, comme il couroit vn lièvre. Les autres disent faisant voler son oiseau sur vne oye: Car il prenoit vn singulier plaisir à la chasse, y employant volontiers le temps qui luy restoit, apres auoir mis ordre à ses plus importantes affaires.

ORCHAN regna en tout vingt-deux ans, & laissa deux fils, Soliman, & Amurat. Soliman comme l'aîné ayant pris possession de l'Empire, meut tout incontinent la guerre aux Grecs habitans en l'Asie, dont vne course qu'il fit sur eux, il enleua grand nombre de prisonniers: Et de là passa en Europe à l'instigation des Turcs, qui auparauant y estoient venus sous la conduite de Cathites, car ils luy en apprirent le chemin; adioustans que c'estoit le plus beau, le meilleur, & le plus fertile pays qui fut au demeurant du monde, & quant & quant fort aisé à conquerir. Parquoy estant passé avec partie de ses gens au Chersonese, il le pillard'vn bout à autre: prit encores quelques villes, & chasteaux; mettant en route les garnisons qui estoient là, & à Madyte. Cela fait, il soietta sur la Thrace, & donna iusques à la riuere de Tenare; ramenant en Asie force butin & esclaves qui furent pris en ce voyage. Les autres qui estoient cependant demeurez en leurs maisons, en eurent tel goust, que tout soudain ils passerent en Europe deuers Soliman: en sorte que de tous les endroits de l'Asie, iour par iour luy venoient gens frais & nouueaux, attirés de la douceur & friandise du pillage: les laboureurs mesmes abandonnoient leurs possessions, domiciles, & heritages pour se venir habiter au Chersonese: mais quelque temps apres l'Empereur des Grecs enuoya deuers Soliman pour accorder avec luy, pource qu'il voyoit d'heure à autre prosperer ses affaires de bien en mieux. Et ainsi ces deux Princes ayans ioint leurs forces ensemble, s'en allerent à commun frais faire la guerre aux Triballiens: combien qu'aucuns veulent dire que du viuant encore d'Orchan, son fils Soliman estoit passé en Europe contre eux, à la requeste de l'Empereur; d'autant qu'ils estoient desia paruenus & montez à vne puissance trop redoutable pour leurs voisins; & ce de la sorte & manière que nous allons dire presentement.

VIII.

Soliman 3.
Empereur des
Turcs.Le troisieme
passage des
Turcs en
l'Europe.

1352.

ESTIENNE leur Prince estant quelquefois sorty de cet endroit de pais qui s'estend le long du golphe Adriatique, entra au territoire d'Epidaune, bruisant & gaisant tout, & si prit la ville: Puis mena son armée en Macedoine, où il establit son siege Royal en la ville des Scopiens. On estime que ces gens-cy estoient descendus des Illyniens, qui dominerent vne bonne partie de l'Europe; lesquels ayans abandonné les regions Occidentales, s'en vindrent en ladite ville des Scopiens, dont le parler n'estoit pas beaucoup different du leur: & de là estendirent si auant leurs limites tout le long de ces mers-là, qu'ils

L'origine des
Triballiens ou
Bulgares.

1352.
& suivants.

Les Illiriens
ne sont pas
les Albanois.

Les Alba-
nois habi-
toient en Ma-
cedoine.

Les descen-
tes des Bulgares
& des Alba-
nois.

En vlti-
me le Souuerain
de Hongrie.

Courte des
Bulgares ius-
ques aupres
de Constanti-
nople.

Les maux
qu'amenent
la puillan-
ce d'un
Prince.

Le departe-
ment des pro-
vinces con-
quises par le
Vnuode
Estienne.

Tres-sage &
prudent aduis
& pour vne
domination
nouuelle.

paruindrent iusques aux Venitiens. Les autres qui s'estoient desbandez d'avec eux, demeurèrent escartez de costé & d'autre par l'Europe : toutesfois ils retiennent encore jusqu'aujourdhuy presque le mesme langage, les mesmes mœurs & façons de faire : tellement que l'opinion de ceux n'est gueres vray-semblable, qui pensent ces Illiriens estre les Albanois : Ny aussi peu me puis-je accorder avec les autres, qui veulent faire accroire que les Albanois soient de la race des Illiriens : trop bien que les Albanois estans partis d'Epidamne pour s'acheminer vers les riuages de la mer qui regardent à l'Orient, subjuguerent l'Oetolie & Acarnanie, avec la plus grande part de la Macedoine, & y ayent fait leur demeure : l'ay assez conneu tout cela, tant par beaucoup de coniectures qui me le font croire ainsi, que par le rapport de plusieurs que l'ay ouys là dessus. Mais soit qu'ils partirent de la Potille pour venir à Epidamne, ainsi que quelques-vns pensent, & que de là finalement ils atriuerent en la region que depuis ils conquerent ; ou bien qu'estans voisins des Illiriens qui habitoient en Epidamne ils se soient peu à peu approchez de cet endroit du pays qui s'estend vers le Soleil leuant, & emparez d'ice-luy, ie ne voy point de raisons assez peremptoires pour me le faire croire. Parquoy nous viendrons à esclaireir & demesler comme ces deux races de gens, les Triballiens & les Albanois, estans sortis des marches & contrées qui touchent à la mer Ionie, ou goulphe Adriatique, ont passé par les regions de l'Europe exposées au leuant, & s'y sont habitez ; puis de là s'acheminans vers l'Occident, ayent adiousté à leur Empire plusieurs terres & prouinces iusques à atteindre le Danube, & la Thessalie, voire bien pres du pont Euxin : toutes lesquelles choses aduindrent ainsi qu'il s'ensuit. Le Prince & conducteur de ce peuple s'estant pourueu de fors bons & vaillans Capitaines, tres-expers au faict de la guerre, partit de la ville des Scopiens avec vne grosse & puissante armée, & renga incontinent à son obeissance tout le pays d'autour de Castorie : puis sans s'arrester entra en Macedoine, qu'il conquist aussi, excepté la ville de Therme ou Thessalonique : & si passa encore outre iusques à la riuere de * Saue. Finalement apres plusieurs beaux & memorables exploits d'armes par luy heureusement meniez à fin en l'Istrie ; s'en fit paisible possesseur ; laissant en toutes les prouinces de l'Europe par luy conquises, des personnages seurs & fidelles, pour les gouverner en son nom. Car non content de tout cela il donna sur les Grecs en intention de deffaire & mettre bas leur Empire. Ayant doncques enuoyé vne grande force de gens de cheual dans le territoire de Constantinople, ils y firent vne merueilleuse desolation & ruine, puis s'en retournerent à tout leur butin : Et les pauvres Grecs demeurans en vne extreme crainte, pour se voir ainsi escorner deuant les yeux vn si beau & si puissant estat, le tout par la faute & nonchalance de leurs Princes, ne scauoient quel party prendre. Car le vieil Andronique s'estoit du tout asservy à vne vie voluptueuse & perdue, sans plus se soucier d'autre chose que de prendre ses plaisirs : Et son peuple à l'exemple & imitation de luy, perdant le cœur, ne se donnoit pas grand' peine de recourir aux armes ; ny ne cherchoient autre moyen de se deffendre, sinon avec la force & vertu de leurs murailles, où ils se tenoient enfermez, sans oser seulement mettre le nez dehors ; remettans là dessus toute l'esperance de leur salut. Cependant le Bulgare dressant son chemin par le pays d'Ætolie prit la ville Ioannine anciennement dictée Cassiopé : & finalement departit ses Gouverneurs & Lieutenans generaux en telle sorte. Cette partie de Macedoine qui confine à la riuere d'Axie, il la commit à Zarque, personnage qui auoit le plus grand credit & autorité aupres de luy : Et le reste de la prouince qui s'estend depuis la ville de Pherres iusques à la dessusdicté riuere, au Pogdan, le meilleur homme de guerre qu'il eust. Le pays depuis Pherres iusques au Danube, eurent les deux freres Chrates & Vngleses ; dont l'un estoit son eschançon, & l'autre son escuyer d'esturie. Les terres adiacentes au Danube escheurent à Bulque Eleazar, fils de Pranque : la ville de Trica, ensemble celle de Castorie, à Nicolas Zupan : l'Ætolie à Prialupas : la Loehride, & la contrée de Prilé dictée Bra, à Pladicas, homme fort renommé. Et ainsi les prouinces & pays de l'Europe furent distribuez, & donnez en garde aux dessusdicts par le Prince Estienne : apres la mort duquel chacun d'eux en son endroit, se retint & apropria les gouuernemens qu'il leur auoit commis durant sa vie : Et se donnerent bien garde de se guerroyer les vns les autres, ains s'estans liguez tous ensemble, employerent leurs forces d'un commun accord contre les Grecs. Je trouue au reste ; que Michel, Seigneur de la Mylie, qui domina le pays d'alentour le Danube, & établit son siege Royal en

en la ville de Ternobum, preceda le dessusdit Estienne. D'auantage que les Bulgares que nous appellons aussi les Mysiens, firent mesme là en droit leur demeure, & les Seruiens, Sorabres, & Triballiens, combien qu'ils fussent separez & distincts, obtindrent tous neantmoins ce nom là, & le garderent depuis. Si est-ce que les vns & les autres estans ainsi differends comme ils sont, ne se deuroient pas reduire à vn seul peuple. Comment ils ont esté successiuellement deposez par les Barbares, & soient à la parfin deuenus à neant, cela se dira par apres. Mais Soliman duquel nous auons desia commencé à parler, apres auoir reduict à son obeissance toutes les places du Cherfonese, hors-mis la ville de Gallipoli, s'achemina avec son armée contre la Thrace, en intention de la conquerir à la poincte de l'espée: au moyen dequoy ayant faict accord avec les Grecs, il se delibera de donner auant tout ceuvre sur Chrates & Vngleses; ceux de tous les Triballiens qui estoient les plus molestes à iceux Grecs; comme hardis & entreprenans qu'ils estoient: lesquels neurent plustost les nouuelles de son arriuee en Europe, où il estoit desia entré dans leur pays, le pillant & saccageant à toute ouurance, qu'ils se meurent aussi de leur costé avec toutes leurs forces pour luy aller au deuant. Et comme ils fussent venus ensemble à vne tres-cruelle & sanglante iournée; les Bulgares en rapporterent la victoire, ayans mis à mort vn grand nombre de leurs ennemis sur la place, du beau premier choc & rencontre. Mais quant ils virent que les affaires & prosperitez des Turcs prenoient de iour en iour nouueaux accroissemens; & que de tous les endroits de l'Asie arriuoient incessamment à la file gens de guerre fraix & nouueaux à Soliman, si bien qu'il osoit desia s'attaquer aux principales places de l'Europe: alors meus & excitez de tant de considerations si pregnantes, se retirerent l'un & l'autre plus auant au dedans de la Thrace, pour assembler plus à loisir leur armée. Quant à Vngleses il partit de Pherres, où estoit sa demeure ordinaire, pour s'en aller contre les Turcs: & Chrates ayant mis sus en toute diligence vn grand nombre de bons soldats, prit son chemin par le milieu de la Thrace, & s'en vint rendre deuers son frere, afin que leurs forces estans ioinctes ensemble, d'un commun accord ils pussent plus aduantageusement faire la guerre. Ce temps-pendant, Soliman estoit deuant vne petite ville, située sur le bord de la riuere de Tenare, à quatre lieues de Gallipoli: & s'estant campé à l'environ sous des tentes & pauillons, où les Scythes, & les Turcs, voire tous ceux qui suiuent la vie pastorale, ont accoustumé de passer en grand plaisir & contentement le cours de leur aage, la tenoit tres-estroitement assiegée, quand il eut nouuelles de la venue des ennemis. Parquoy ayant choisi parmy tous ses gens iusques au nombre de huit cens hommes sans plus, il chemina toute la nuit, & au point du iour arriua pres le camp des ennemis, qu'il trouua tous en desordre, sans aucunes gardes ne sentinelles: ains logez à l'escart, & au large, le long de la mesme riuere, l'eau de laquelle est fort plaisante & delicieuse à boire saine & profitable quant & quant. Et pource qu'il faisoit grand chaud, (car c'estoit au plus fort de l'Esté) & pensoient estre en lieu de seureté & hors de toute surprise, ils ne se donnoient pas aussi grand'peine d'auoir leurs armes aupres d'eux, ny leurs cheuaux appareillees, comme le deuoir de la guerre requiert. Ce qui donna commodité à Soliman de les prendre au despourueu, ainsi endormis & desbauchez qu'ils estoient, pour la trop bonne chere qu'ils auoient faicte en ceste contrée. Donnant doncques dedans avec ces huit cens hommes, il en fit vn fort grand meurtre, & porta par terre tous ceux qui se rencontrerent les premiers: les autres s'enfuirent vers la riuere, tous esperdus & incertains quel party ils deuoient prendre pour se sauuer; de sorte qu'en cette irresolution ils finirent là leurs iours. Vngleses entre les autres se trouua à dire, & Chrates aussi y fut tué: mais quant à la maniere de sa mort, on ne la sçay pas au vray: car aucuns & mesmes de ses plus proches parens eurent opinion qu'il suruecut encore quelque temps depuis. Soliman enlé d'une si belle & noble victoire, prit tout incontinent apres par composition la ville qu'il tenoit assiegée: & de là s'en alla contre celle d'Orestiadé, autrement dite Andrinople; se campant en cet endroit qu'on appelle Peridmetum, d'où il commença à la battre, & assaillir fort viuement. Mais comme tous ses efforts ne luy profitassent de rien, & que le siege fust taillé d'aller en grande longueur, il aduint là dessus qu'il y auoit vn ieune homme qui de fois à autre par vne fente & creuasse de la muraille sortoit secrettement pour aller cueillir du bled emmy les champs, puis tout chargé de grain qu'il estoit, s'en tetournoit à la ville par le mesme endroit. Cela ayant à la fin esté descouuert & apperceu par vn soldat Turc, lequel remarqua fort bien le lieu par où le Grec sortoit & r'entroit, se mit vne fois à le suiure pour essayer s'il y pourroit passer aussi: & apres qu'il se fut bien instruit & acertené du tout, en vint

1358.

Entreprise du
Turc Soliman
sur la Thrace.

Les Turcs def-
faits par les
Bulgares.

Deffaite des
Bulgares.

Mort d'Vn-
gleses & de
Chrates.

La ville d'An-
drinople par
qui fondée.

1360.
guenir.

La ville d'An-
dnnople prise
par les Turcs
d'une estran-
ge façon.

La principa-
le richesse des
Turcs consiste
en esclaves,
comme des
anciens Ro-
mains.

faire le rapport à Soliman, qui fit mettre sur le champ ses gens en bataille le long du fossé. Et de là ayant fait donner vn faux assaut à ceux de dedans pour les amuser, enuoya cepen-
dant quelque nombre des meilleurs & plus auantureux hommes qu'il eust en tout son ar-
mée, sous la guide de cet autre, lesquels entrèrent sans aucune resistance par le deffaut de
la muraille dans la ville; par ce moyen elle fut prise sans grande effusion de sang d'une part
ne d'autre: cela fait, il mena tout freschement son armée deuant Philippopoli, qui se
rendit par composition. L'on dit que ce Prince icy fut tousiours fort soigneux d'auoir
pres de soy force bons & excellens Capitaines. Vn mesmement entre les autres, dont le
nom s'est perdu avec le temps, qui n'eut oncques son pareil parmy les Turcs à bien dres-
ser & conduire vne entreprise, & faire des courses excessiues & lointaines, qui est le seul
moyen pour prendre beaucoup d'ames: car plus les ennemis sont esloignez, moins on se
doute d'eux: & lors qu'on ne pense plus à rien & que le pauvre peuple est à la campagne
occupé à sa besongne, il ne se donne garde qu'il se voit cruellement enuelpé de ces bri-
gans inhumains; lier garotter hommes femmes, & enfans à la veuë les vns des autres, &
emmener en vne miserable seruitude pour estre exposés à toutes sortes d'opprobres, ou-
trages, villenies, & iniures, la moindre pire que mille morts. Ceste capture d'ames a esté
de tout temps, & est encore le principal fondement des grandes richesses & facultez des
Turcs, soit qu'ils les vendent à beaux deniers comptans, ou les eschangent à des choses
dont ils ont besoin, ou bien qu'ils les retiennent pour labourer la terre, pour les servir &
faire leur besongne, tout ainsi que souloient iadis les Grecs, les Romains, & autres peu-
ples plus anciens qu'eux.



 ELOGE OV SOMMAIRE DE LA VIE
 D'AMVRAT I. DV NOM.

A VOIR de la force avec la maladie, de la courtoisie & de la cruauté, de l'agilité en sa vieillesse, donner de la terreur & de l'amour, estre insatiable à respendre le sang humain, & toutesfois ne faire mourir aucun de ses sujets que tres-justement; Se sont d'accordantes contrarietez, qui ne se rencontrent qu'en ce personnage, & qui le rendront admirable à la posterité. Le bon-heur qui commença à le favoriser dès son aduenement à l'Empire (y estant installé sans competitor) luy departit tousiours abondamment ses faueurs, iusques à la fin de sa vie. Sous son asile il ennoye Zenderbuen son Cadilescher avec 12000. Turcs, au secours de l'Empereur Grec. Luy-mesme passe apres hardiment le destroit de Gallipoli, sur deux nauires de charges Geneuoises, l'an 1363. accôpagné de 6000. Turcs, qui payerent pour le passage un ducat pour teste. Il deffit Marco Cratonicchio Prince des Bulgares, & le Despote de Seruie en la bataille de Cassouie, où le Despote fut pris prisonnier, & lequel il fit cruellement mourir. Prit la ville de Pherres capitale de Macedoine, conquesta la Mysie sur Dragas, & le mont de Rhodopé sur le Pogdan, deux vaillans & puissans Princes, & presque toute la Romanie sur l'Empereur Grec. Son absence ayant causé la renolte de ses Lieutenans qu'il auoit en Asie, la victoire qu'il obtint sur eux (par sa presence inopinée) remit en un instant les choses en leur ordre. Son fils Saïs ayant fait le semblable en Europe, la fortune du fils cede à celle du pere, & la Majesté Royale ramene sans combattre les soldats en leur deuoir, & prenant son fils avec la ville de Dimothique, il luy fit creuer les yeux (auenglant cestuy-cy tout à fait comme il auoit fait perdre la veüe à ses Lieutenans le iour de la bataille) & ietter dans la mer tous les Grecs qui l'auoient assisté, entrepris la guerre contre Sufman Despote de Seruie, pour la beauté de la Princeesse sa fille qu'il vouloit auoir à femme, comme il eut ayant le dessus de luy. Carathin le plus grand Capitaine de son temps luy acquit les villes de Cheralé, Seres, Marolia, & la celebre Thessalonique, contraignant le Prince Emanuel fils de l'Empereur Caloian de luy aller demander pardon. Finalement estant tousiours demeuré victorieux en trente-six batailles qu'il s'estoit trouué. La trenteseptiesme qu'il donna contre les Bulgares & Seruiens, en la plaine de Cosobe fut plus renommée que toutes les autres, tant pour la victoire signalée qu'il emporta, que pour la vie qu'il y laissa. Cecy aduint en l'an 1372. seant à Rome Gregoire XI. en la France Charles V. en Allemagne Charles IV. & à Constantinople Caloian ou Ieans Paleologue lequel fit paix avec luy, & luy ennoya un de ses enfans pour faire residence d'ordinaire à sa Porte. Il fut le premier des Othomans qui se nomma Contichiary, c'est à dire Empereur. Prince duquel on pent mal-aisément iuger qui fut plus grand en luy ou la vertu, ou la fortune, qui ne se laissa iamais de le favoriser. Infatigable à la chasse (pour laquelle il entretenoit 4000. chiens avec chacun un colier) & à la guerre, laquelle il n'entrepris iamais (comme disent les Ausheurs) de gayeté & gentillesse de cœur ou par conuoitise, mais comme par une rage & auidité insatiable qu'il auoit de respendre le sang, & bien qu'il fut malade, il estoit toutesfois aussi frais, aspre, prompt & vigilant sur ses derniers iours, comme en sa plus grande & vigoureuse ieunesse, peu de Princes se pouuans parangonner à luy pour ce regard. Il auoit la face plaisante, & agreable, l'œil sans rien de farouche & barbare, la parole douce, & attrayante, vehemente, & pleine d'affection quand il falloit exhorter le soldat à bien combattre, monstrant tousiours le premier le chemin à bien faire. Monstrois une chere affable, douce & gracieuse, & cependant extremement cruel, & qui n'eust pas remis la moindre faute. Sa grande experience l'auoit rendu si exact en ce qu'il entreprenoit, que iamais il ne luy manqua aucune chose necessaire par sa negligence. Tenoit sa parole, pourueu que ce ne fust au preiudice de sa grandeur, pour la conseruation de laquelle il auoit bien souuent beaucoup de dissimulation, d'ambition, de trahison, & d'infidelité. Mais il estoit doux & traitable entre les peuples qui portoiens paisiblement le ioug de son Empire. Aussi se monstra-il tousiours fors moderé enuers les enfans de noble maison, qui estoient nourris en sa Cour: & tres-prompt à caresser un chacun & l'appeller par son propre nom. Quelques-uns ont dit qu'ayant permis à ses Capitaines de faire des courses sur les Chrestiens, il se reseruoit la cinquiesme partie du butin, & singulierement les plus beaux esclaves, desquels il institua les Janissaires, & qu'il ordonna l'audience qui se donne encore auionrd'huy à la Porte du grand Seigneur. Nostre Auteur rapporte un dialogue de luy avec le vaillant Carathin, où sa sagesse & prudence se peut facilement remarquer; & à la verité il se fust rendu admirable en toutes choses, sans sa cruauté, qui seul ternit la splendeur de ses actions, car elle fut telle qu'on tient qu'il y eut plus de sang respendu sous luy seul, que du temps de ses predecesseurs tous ensemble.

AMVRAT I. DV NOM,
QVATRIESME EMPEREVR
DES TVRCS.



*Av delà du Destroit ie fis passer ma gloire,
Ie fis toute de sang la Grece se noyer:
Aux plaines de Cosobe on me vid foudroyer;
Heureux si i'eusse pu suruiure à ma victoire.*



SOLIMAN doncques à tout ses grands butins & despoüilles se hastant de repasser en Asie, fut preuenü d'une maladie, dont il mourut bien-tost apres. Il voulut estre inhumé au goulet du Chersonese, auprès de son fils, * qui auparavant y auoit finy ses iours : & ordonna par testament vne tres-magnifique sepulture pour leurs corps, accompagnée de son Temple ou Mosquée ; avec vn bon reuenü pour l'entretenement des Prestres & Talismans, qui y deuoient à perpetuité faire certain seruice toutes les nuits pour l'ame des deffuncts. Or comme ileust rendu l'esprit, Amurat son frere en ayant eu soudain les nouvelles, prit à la haste les Ianissaires, & autres gens de guerre de la Porte, & en toute diligence passa en Europe, où il prit possession des armées qui y estoient. Puis s'en alla auant tout œuvre establir sa Cour, & son Palais Royal en la ville d'Andrinople : & de là courut toutes les regions maritimes de la Macedoine, dont en peu de iours il enleva vne infinité de prisonniers, & de richesses, qui firent beaucoup de biens à ses soldats, auparavant fort alterez. Et si donna encore aux aduenturiers Turcs qui le suiuoient pour chercher leur fortune, leur part & portion du butin qui auoit esté pris sur les Grecs & les Myliens, tant en esclaves que meubles, cheuaux & bestail. On dit que Soliman, quelque temps auant sa mort, ayant esté aduertý que les Myliens & Triballiens auoient assemblé vne grande puissance pour luy venir courir sus, offrit aux Grecs de leur rendre tout ce qu'il auoit pris sur eux dans le pays de Thrace, moyennant la somme de six milles dragmes, * & qu'en ce faisant il quitteroit du tout l'Europe, pour se retirer en Asie : lequel party ils eussent fort volontiers accepté, & autant qu'ils voyoient tout plein de bonnes Villes, que les Turcs tenoient de ce costé-là fort estroittement assiegées, estre en danger de se perdre : Mais ainsi qu'ils estoient sur le point de bloquer suruint là-dessus vn tremblement de terre, qui renuersa la plus grande partie des murailles, & y fit de telles bresches, & ouuertures, que les Turcs y entrerent aussi à leur aise comme si quelque grosse mine remplie de poudre à canon, y eut tout à coup joué son jeu. Ce qui leur donna plusieurs places, prises & gagnées sur les Grecs mesmes, sans coup frapper : Tellement que depuis ils ne voulurent plus venir à la composition qu'ils leur auoient offerte : & deslors commencerent à ancrer bien auant en la Seigneurie & domination de l'Europe. Car tout de ce pas ils s'en allerent contre les Triballiens, & Myliens, qui sont (à ce que ie trouue) l'un des plus grands peuples & des plus anciens de toute la terre. Ils aborderent jadis és marches où ils sont encore de present leur demeure : s'estans desbandez d'avec les Illiriens, ou (comme est l'opinion de quelques-vns, car les Auteurs varient en cet endroit) estans partis de la contree, qui est au delà du Danube, à l'un des coings de l'Europe, & de la Croatie : pareillement des Prusiens qui habitent les riuages de l'Ocean Septentrional : & encore de la Sarmatie, qu'on appelle la Russie. Toutes lesquelles regions à cause de leurs intolerables froidures, & tres-aspre rigueur de l'air, ils abandonnerent pour traueser le Danube, & se venir habiter en la region espandüe le long des costes de la mer Ionie, d'où ils conquerirent par apres tout le pays limitrophe, iusques aux terres des Venitiens. Que si quelqu'un ayme mieux suivre l'opinion contraire, à sçauoir qu'ils partirent des regions maritimes de Ionie ; & ayans passé le Danube, se vindrent arrester en cet endroit de pays, dont nous venons de dire qu'ils sortirent premiere-ment, ie ne contesteray point à l'encontre : Mais ie ne voy pas aussi comme i'y peusse seurement adherer. Quoy que ce soit, cela sçay-ie bien, qu'encore que ces peuples-cy soient dislinguez de nom, si ne voit-on pas qu'ils different en rien ny des mœurs, ny de langage. Au reste ils s'escarterent çà & là par l'Europe ; tellement qu'aucuns s'en allerent habiter en la Laconie, au dedans du Peloponese, és enuirs de la montagne de Taugete, & du cap de Tenare, communement appellé Metapan ; là-mesme où auoit autrefois fait sa demeure certain autre peuple, depuis la Prouince de Dace iusques au mont de Pinde, qui se reiecte en dedans la Thessalie : estans les vns & les autres appelez du seul nom de Valaques. Toutefois ie n'oserois bonnement affermer s'ils passerent en l'Epire : car les Triballiens, Myliens, Illiriens, Polonois, Croates, & Sarmates, vsent d'un mesme langage entre eux. Et si de là il m'est permis de tirer quelque difference des vns aux autres. Mais comme ils se soient ainsi par traict de temps laissez aller à des façons de viure si differentes, & ayent cherché de s'habiter en tant de

1360.

*Mais les Anna-
les Turcs disent
qu'il mourut en
1158. six mois
auant son pere
Orhan.*

VIII.

*Non, c'estoit
son pere.
La mort de
Soliman.*

*Son succes-
seur.*

** Si ce sont
dragmes d'or
qu'il entend,
elles reuen-
droient à 6000
ducats.*

1362.

*Quelques-vns
les prennent icy
pour les Vala-
ques.*

*Autre opi-
nion de l'oti-
gine des Va-
laques.*

*A sçauoir de
l'Eclauon,
Cromer liure
premier de
l'Histoire de
Pologne.*

1362.

8. suivans.

* L'Auteur
s'abuse icy de
prendre Charles
pour un nom
propre, car en
langue Seruie-
ne il signifie
Ry.
Amurat des-
fait les Bul-
gares, & puis
le Sulman.

Amurat en-
treprend de
gayer de
cœur une for-
te guerre,
pour la beau-
té d'une Prin-
cesse Chre-
stienne.

contrées & regions, ie ne l'ay point entendu si au net que i'en puisse rien inferer de certain en la presente Histoire, sinon qu'on sçait assez qu'ils vivent en l'un & l'autre riuage du Danube, commandans à de fort longues estenduës de terre. Au moyen de quoy il me semble plus raisonnable de croire, qu'apres auoir esté agitez de plusieurs fortunes les vnes sur les autres, tout ainsi que de quelques tempestes & orages en pleine mer, ayans passé le Danube, ils se vindrent finalement arrester sur le bord de la Mer Ionie, que non pas d'auoir laissé vn si beau, si agreable & plantureux pays, pour s'aller de gayeté de cœur confiner en vn climat si rude, mal-plaisant, & peu habitable. Soit doncques ou que par contrainte, ou que de leur propre mouuement pensans estre à requoy ils ayent esté attirez de se separer des autres pour faire leur cas à part, cela est plustost le fait de quelqu'un qui veut fonder & asseoir ses discours sur des coniectures telles quelles, que non pas d'un Historien bien seur de ce qu'il veut escrire. Ce ne seroit point au reste parler proprement d'appeller la haute Mytie, cet endroit de pays qui est au dessus du Danube, ains celuy qui est au delà : tout ainsi que la basse Mytie n'est pas celle qui est au dessous de ce fleuve : Et tient-on que les habitans d'icelle sont les vrais Bulgares, qui s'estendent depuis les contrées prochaines du Danube, iusques vers l'Italie, parlans fort bien la langue Grecque, lesquels estans autresfois partie de la ville de Bydene, donnerent iusques au pont Euxin, & establirent le siege capital de leur domination en celle de Trinobum. Alexandre que Charles* Duc de Seruie & des Triballiens leur auoit donné pour Seigneur, les gouverna iusques à sa mort, laissant vn fils nommé Sulman, qui luy succeda : celuy-là mesme, auquel Amurat fils d'Orchan fit depuis forte guerre. Car ayant mené son armée contre les Triballiens, il les deffit en champ de bataille : prit la ville de Pherres, riche & opulente à merueilles : rengea à son obeissance, la region contiguë à la montagne de Rhodopé : & fit encore tout plein d'autres beaux exploits en ce voyage. Puis laissa la dite ville de Pherres en la garde de Sain, homme de grandissime reputation, & passa outre contre iceluy Sulman alors Despote de la Seruie, lequel il deffit, mais il y eut peu de gens tuez sur la place : pource que dès les premiers coups il prit la fuite, luy & toute son armée qui se sauua le long du Danube. De là il enuoya ses Ambassadeurs deuers Amurat demander la paix, laquelle luy fut facilement octroyée : Pource qu'Amurat qui auoit ouï parler de l'excellente beauté de la Princesse sa fille, auoit en partie entrepris cette guerre à l'encontre de luy, pour chercher les moyens de l'auoir à femme, moyennant quelque appoinctement : lequel il se doutoit bien que cettuy-cy seroit contraint de mendier, la premiere fois qu'il se trouueroit mal-mené de luy : Sulman auoit eu cette belle creature d'une Dame nommée Braide, qu'il espousa par amourettes : Et quant à l'autre de ses filles, il l'auoit desia donnée en mariage à l'Empereur de Constantinople, Andronic fils de Iean, apres qu'il eut chassé Catacuzene son tuteur. Car Catacuzene (comme nous auons desia dit) ayant eu avec la personne de ce ieune Prince tout le maniemment de l'Empire, s'estoit emparé ouuertement de l'autorité souveraine : & auoit enuoyé Emanuel le plus ieune de ses enfans au Peloponese, prendre possession de la Duché de Mizithre, anciennement dite Sparte, qu'il luy auoit destinée pour son partage : & à l'aîné tout le demeurant de la Couronne. Mais Iean fils d'Andronic estant paruenue en aage, sceut si bien practiquer les principaux d'entre les Grecs, & faire ses complaints & doléances du tort qu'on luy tenoit, que cependant l'Empereur estoit à passer son temps en la Macedoine, abandonné & perdu apres toutes sortes de voluptez & delices, les Barons qui auoient à desdain & contre-cœur vn tel Prince & pourtant, ne cherchoient sinon quelque occasion colorée de pretexte pour s'en deffaire, ayans amené Iean en la Macedoine, il fut là de gré & consentement de tout le peuple proclamé Empereur ; & Catacuzene contraint de prendre l'habit de Religion, & changer son nom à celuy de Mathieu. Son fils aîné, qui deuoit regner apres luy, s'en alla à Rhodes demander secours au Grand-Maître ; mais apres auoir essayé plusieurs moyens, & tous en vain, voyant qu'il n'y auoit aucune esperance de pouuoir rien faire, il se retira au Peloponese deuers son ieune frere Emanuel, Duc de Sparte, qui luy donna moyen de s'entretenir. Ce fut alors que Iean desia confirmé en l'Empire, fit alliance avec Amurat, qui estoit passé en Europe ; & donna en mariage à son fils Andronic, la fille du Duc de Mytie, dont il en eut deux enfans.

Or Andronic estoit l'aîné, Dimitre, & Emanuel venoient apres, & puis Theodore, lequel suiuit Amurat en personne, en tous ses voyages & entreprises : les autres s'estoient rendus

rendus ses tributaires, & si ne laissoient pas pour cela de l'accompagner à la guerre, quand il le leur faisoit sçauoir. Au moyen dequoy toutes ces choses ainsi ordonnées pour le regard des Grecs, Amurat mena son armée contre Dragas, fils de Zarque, & conquist incontinent tout le pays qui est es environs de la riuere d'Axie, * où il imposa tribut tant en deniers, que gens de guerre qu'on luy deuoit fournir en ses expéditions. Dragas mesme par l'appointement qui fut fait entr'eux fut obligé de le seruir en personne avec bon nombre de gens de cheual. Le semblable fit-il encore du Bogdan, lequel il fit aussi venir à la raison, & voulut qu'il l'accompagnast avec ses forces. Ainsi s'alloit Amurat agrandissant de tous costez sur les Seigneurs des Triballiens, & des Mysiens, & sur les Grecs mesmes, les traictant neantmoins tous d'une fort grande honnesteté, douceur, modestie, & liberalité, à l'exemple de l'ancien Cirus, fils de Cambises, dont il taschoit d'imiter les actions en toutes choses. Mais apres auoir assez longuement demeuré en Europe, il eut nouvelles comme ses Lieutenans generaux es Prouinces de l'Asie, auoient conspiré ensemble contre luy, & sollicitoient les peuples de se reuolter. Tellement qu'ils en auoient desia débauché la plus grand part, & si tenoient de grosses forces en campagne, toutes prestes à troubler & mettre en combustion les affaires de ce costé-là, si promptement qu'il n'y eust remedié. Car ils auoient desia pris tout plein de places, & en tenoient d'autres assiegées de fort court. Parquoy soudain qu'il fut aduertý au vray de toutes ces menées, il s'appresta pour passer en Asie, discourant en soy-mesme, les moyens qu'il y auroit de mettre bien-tost fin à cette guerre, laquelle ne luy pouuoit estre sinon tres-pernicieuse & dommageable, si elle alloit en longueur. Car il n'y a point de meilleur expedient en toutes les esmotions & souleuemens des sujets contre leur Prince, que d'abreger, & donner ordre de les esteindre de bonne heure, sans leur laisser tant soit peu de loisir de prendre pied pour se multiplier & accroistre: Autrement cela va tost en infiny, ny plus ny moins qu'un feu bien allumé à trauers un grostas de fagots, ou autre menu bois. Ayant doncques eu nouvelles comme ses ennemis s'estoient campez en la Mysie, il tira droit celle part avec son armée. Et d'autant que c'estoit es plus chauds iours de l'Esté, lors que les vents qu'on appelle Etesies qui soufflent des parties du Ponant ont accoustumé de regner forts & impetueux celle-part, luy qui en estoit pratiqué & instruit, comme rusé au fait de la guerre, autant que nul autre Prince de son temps, sceut fort bien prendre l'aduantage, & gagner le dessus du vent pour mettre la poudre aux yeux de ses ennemis, & leur troubler la veüe & le iugement, alors qu'il les viendroit charger. Mais ainsi que les deux armées n'attendoient sinon que le signe du combat, il arresta tout court ses gens à un jet d'arc des autres, & du haut d'une petite motte de terre, qui de fortune se rencontra là tout à propos, leur escria à haute voix en cette sorte. Ha ! tres-fideles compagnons, voire mes tres-chers & bien-aymez enfans, ne vous remettez-vous point maintenant en memoire, les perils & dangers, ausquels vous-vous estes si souuent rencontrez en tant & tant d'endroits de l'Europe, contre les plus belliqueuses nations que le Soleil voye point ? Quels trauaux auez vous iusques icy endurez pour esleuer la dignité des Othomans, au point de la gloire & honneur où leur nom est ; & par mesme moyen vous acquerir une louange & renommée immortelle, avec un commandement sur un si grand nombre de peuples & nations qui vous obeissent ? Qu'attendez-vous doncques, que de plaine abordée vous n'allez passer sur le ventre à ces traistres & desloyaux, qui sont bien si effrontez que d'oser comparoir tous soüillez encore de leur meschanceté abominable, deuant des gens de bien, deuant la fidelité de vos entiers & inuincibles courages, veu que vostre Empereur qui est icy present, sera le premier à vous y faire bresche & ouuerture ? Et quant & quant donnant des esperons à son cheual, s'en alla à bride abbatuë d'une grande furie & impetuosité, ietter à trauers la plus grãd' foule des ennemis ; lesquels s'estoient de leur costé aduancez aussi tant que les cheuaux pouuoient traire, pour commencer la charge les premiers. Mais le vent qui leur donnoit au visage, & la poussiere donc tout à un instant l'air fut couuert ainsi que d'une nuée, leur osterent le iugement & connoissance de ce qu'ils deuoient faire, & pourtant ne demurerent gueres à estre enfoncez & rompus, avec grand meurtres toutesfois & occision d'une part & d'autre. Car encores qu'Amurat demeurast victorieux, si est-ce que beaucoup de ses gens y perdirent la vie, s'entre-tuans eux-mesmes les uns les autres, tant à cause de la grande confusion que l'obscurité apportoit, que pour le peu de difference qui estoit entre les deux parties. Au moyen dequoy luy voyant ce desordre, fit sonner la retraite ; & si pardonna encore depuis à ceux qui s'estoient sauuez de la meillée, lesquels luy enuoyerent incontinent requerir mercy.

1363.
de l'année.* En vulgaire
Vardari.Amurat va en
Asie dompter
ses Lieutenans
rebelles.Stratageme
dont il se sert
semblable à
celuy d'Anni-
bal à la batail-
le de Cannes,Sa harangue
pour animer
ses gens au
combat con-
tre les rebel-
les.Deffaitte des
Tures rebel-
les.

1389.
ou enuiron.
X.

Andronic fils
de l'Empe-
reur Grec, &
Sauz fils d'A-
murat conspi-
rent contre
leurs peres.

Propos super-
be d'Amurat
à l'Empereur.

Response de
l'Empereur
courte & la-
ge.

L'assiette du
camp des
deux enfans
rebelles forte
au possible.

CETTE victoire & pacification ainsi prompte, luy vindrent fort à propos; car les affaires ne furent pas plustost compolez de ce costé-là, qu'il eut nouuelles d'un bien plus grand & plus dangereux trouble, qui s'estoit leué n'agueres en l'Europe de la part de l'ainné mesme de tous ses enfans, Sauz, lequel il auoit laissé au gouvernement des Prouinces par luy conquises, pour donner ordre aux affaires qui suruiendroient en son absence. Cettuy-cy enflaminé & boüillant d'un desir illicite de regner auant temps, oublia tout deuoir de fils, & se laissa accoster de quelques Grecs qui manioient Andronic, fils ainné aussi de l'Empereur de Constantinople, auquel il auoit de son costé, laissé semblable charge & superintendance de ses affaires, lors qu'il passa en Asie avec Amurat, contre les seditieux & rebelles. Les Grecs doncques trouuerent le moyen de faire voir & aboucher ensemble ces deux ieunes Princes: là où se trouuans frappez d'un mesme coing, conspirerent de desheriter ceux, qui apres Dieu leur auoient donné l'estre & la vie, & s'emparer bien & beau de leurs Empires, sans attendre plus longuement ce que la nature en disposeroit. Et firent à cette fin ligue offensiue & deffensiue entr'eux; se promettans par serment reciproque de s'entredonner aide & secours, sans iamais varier, & sans iamais s'abandonner enuers qui que ce fust; ains seroient amis d'amis, ennemis d'ennemis, sans nul excepter; & ainsi tascheroient à faire leurs besongnes à l'ombre & faueur l'un de l'autre. Cela fait & arresté entr'eux, ils commencerent à dresser leurs apprests, pour forclorre les deux Empereurs de l'entree de l'Europe à leur retour; dequoy Amurat ayant esté aduertý, soupçonna soudain qu'il y eust de la fourbe & mauuaise foy des Grecs mellée parmy. Parquoy tout fasché & courroucé fit appeller l'Empereur, auquel il vîa d'un tel langage. Les nouuelles que j'ay eues (sire Empereur) ie ne doute point que vous ne le sçachiez aussi bien que moy-mesme: car ie suis aduertý de bon lieu, que vostre fils est celuy seul qui a débauché le mien, & luy a mis en teste de se rebeller contre moy, pour me rendre le plus desolé & miserable Prince qui soit pour le iourd'huy viuant. Comme doncques se pourroit-il faire que vous autres n'ayez esté de la partie; & qu'elle se soit jouée sans vostre sceu & consentement: Ny que ie me puisse persuader, que celuy qui sans aucune contradiction deuoit regner apres ma mort, se soit voulu laissé aller à vne si detestable melchanceté, qu'il n'ait esté suborné & induit à cela par les menées de vostre fils, lequel luy a promis de l'assister à cette mal-heureuse entreprise; non pour bien qu'il luy vueille, mais pour luy faire à luy-mesme mettre la main à la demolition de ce beau & puissant Empire, & renuerser en un instant de fonds en comble, tout ce que la vertu de nos ancestres, & l'effort de ces victorieux bras, ont desia exaucé à vne telle majesté & grandeur. Mais voicy que c'est, ie ne vous tiendray pas non plus exempt de cette pratique & menée, si vous n'en monstrez quelque ressentiment à l'endroit de vostre fils, & ne l'en chastiez comme il merite, selon que moy-mesme le vous veux prescrire; autrement soyez seur que ie vous en mescroiray, & reietteray toute la faute sur vous. L'Empereur sans se troubler de ce propos luy respondit en cette sorte. De reietter cela sur moy (Seigneur) vous ne le pouuez faire avec raison: car si j'auois icy mon fils en mon pouuoir, lequel vous pensez auoir esté autheur de cette tragedie, vous connoitriez de quel pied ie veux tousiours marcher en vostre endroit, ensemble la deuotion que ie porte à la prosperité & accroissement de cette ample & inuincible Couronne vostre. Que si vous desirez voir quelque punition & chastiment de mon fils, ne m'estimez pas aussi pusillanime & despourueu d'entendement, que pour pitie aucune qui sceust ramollir l'ire & indignation du pere enuers son enfant, ie voulusse rien relascher de la seuerité & rigueur qu'a merité l'impieté de celuy qui a plus conspiré contre moy, que contre vous. Ayant mis fin à leur propos, ils arresterent finalement de chastier chacun le sien de semblable peine, veu que le crime estoit égal; à sçauoir de leur faire creuer les yeux: Et là-dessus Amurat avec la plus grosse armée qu'il peut promptement assembler, repassa en Europe marchant à grandes iournees droit au lieu où il auoit entendu que Sauz & le fils de l'Empereur auoient assis leur camp; non gueres loin de Constantinople, en un endroit appelé Apicridium, le long d'un torrent & de quelques baricades qui le flanquoient. Or auoient-ils assemblé grand nombre de braues hommes, des meilleurs qui fussent en toute la Grece & autres parties de l'Europe, en deliberation d'y attendre Amurat: lequel ayant bien reconnu l'assiette, & les aduenues de ce logis, où il ne les pouuoit forcer de venir au combat s'ils ne vouloient, à cause du torrent & du vallon, il se campa de l'autre part; & y eut d'attirée quelques escarmouches, & legeres rencontres pour s'entre-

rafter

rafter les vns les autres: esquelles, à ce que l'on dit, les Grecs eurent du meilleur, & menerent battant les gens d'Amurat iusques dedans le gros hourt de leur gendarmerie. Mais apres qu'il se fut apperceu que ce lieu ne luy estoit aucunement à propos, il deslogea la nuict, & s'en alla secrettement passer l'eau assez loin au dessus: puis s'en reuint tout le long, iusques aupres de leurs escoutes & corps de garde; si bien qu'on le pouuoit ouyr, & connoistre à sa parole, lors qu'il se mit à appeler nom par nom, ceux qui autresfois auoient eu charge sous luy; leur remettant deuant les yeux les beaux faicts d'armes qu'il leur auoit veu mener à fin en sa presence, dont il les excelloit iusques au Ciel. Puis soudain adiousta à ce preambule & exorde: Et pourquoy doncques, tres-excellens & magnanimes Musulmans, vous desmembrez-vous ainsi de celuy, sous l'heureuse conduite duquel rien ne vous fut jamais impossible; iamais ennemy tant hardy, & assésuré ait-il esté n'endura la premiere poincte de vos victorieuses lances, non pas à grand' peine la veüe de nos enseignes & panonceaux, pour vous aller inconsiderement rengier sous vn nouice qui ne scauroit encore ne connoistre, ne mettre en ceure vostre valeur & vertu: qui a joué vn si lasche tour à son propre pere & Seigneur, que de se substraire, de son obeissance, & s'eleuer contre luy sans aucune occasion: Mais l'en impute la faute à ceux qui portans enuie à nostre gloire l'ont suborné & circonuenu; luy déguisant les matieres, & l'enflans de ie ne say quelles folles & vaines esperances, afin de nous voir à leur grand contentement entreheurter, & briser les vns les autres, & se moquer puis apres à bon escient de nostre sottise ignorance & bestise. Aussi ne le veux-je pas traiter à la rigueur, ains me contenteray de quelque legere punition & chastiment, & encore à la discretion de toute cette armée, pour luy apprendre vne autrefois à n'estre plus si leger & temeraire. Ce qui me met en plus grand esmoy, est la pitie & compassion que j'ay de vous autres, que ie tiens au rang de mes propres enfans. Car si presentement vous ne reconnoissiez vostre faute, ains au contraire vous voulez opinialtrer à soustenir plus auant cette iniuste & mauuaise querelle à l'encontre de vostre souverain Seigneur, sçachez pour vray que vous n'eschapperez pas la fureur de nostre glaive, si vne fois il s'irrite à toute outrance, mais y lairrez tous malheureusement les vies; avec vne belle reputation (pensez) pour les siecles aduenir, quand on dira que vous vous serez obstinez de combattre iusques à la mort, pour soustenir l'impieté d'un fils desobeissant, & rebelle contre son propre pere. Ne reculez donc point d'auantage à faire ce que le deuoir vous commande, c'est de passer de nostre costé, sans auoir doute de rien. Car si ainsi vous le faites: ie vous iure celuy, par la grace & bonté duquel ie suis paruenü à vne telle dignité & puissance, & le vous promets loyaument, de iamais ne me ressentir, ne venger du moindre de tous tant que vous estes. La plus grand' part escouterent de bonne oreille ce langage, ayans honte en eux-mesmes du tort qu'ils se faisoient, d'aller ainsi sans occasion contre le serment de fidelité qu'ils auoient à leur Prince: Et si redoutoient quant & quant la vertu, & le bon-heur qu'ils scauoient estre en luy. Les autres craignans que quelques belles paroles qu'il leur donnast, il ne se voulust puis apres venger d'eux, demeuroident en doute & suspens; à la fin toutesfois ils se reconnurent: & meus du respect de celuy qui vouloit estre de si grande autorité enuers eux, apres auoir communiqué les vns aux autres de ce qu'ils deuoient faire, la nuict ensuiuant abandonnerent leur camp presque tous, s'escartans deçà & delà, où ils pensoient estre le plutost à sauueté, pour euader la fureur tant du pere que du fils. Grande partie toutesfois s'alla rendre à Amurat, s'excusant de n'auoir point fait cette faute de leur bon gré, mais par la contrainte de Sauz, qui les auoit forcez de prendre les armes, & de le suiure. Et luy voyant comme tous l'auoient abandonné, ceux-là mesmement dont il se fioit le plus, se retira en diligence à Didymothicum, où les Grecs l'accompagnerent: lesquels ne le voulurent point laisser. Mais Amurat les poursuivit chaudement, & les assiegea là-dedans si à destroit, que par faute de viures ils furent bien-tost contrains de se rendre. Ayant pris cette ville, desia toute preste à expirer de la faim qui y estoit, eut par mesme moyen Sauz entre les mains, auquel il fit soudain creuer les yeux. Et au regard des Grecs, les ayant fait accoupler les vns aux autres, ils furent tous precipitez du haut des murailles dans la riuere qui bat au pied, ce pendant qu'avec vn œil tout esiouy de ce criminel spectacle, il contemplot du dedans de son paillon tendu sur le bord de l'eau, les beaux faicts que faisoient ces pauures miserables, deux à deux, trois à trois, selon qu'ils se rencontroient. Sur ces entrefaites, comme

1374.

Langage rust
d'Amurat
pour debau-
cher les gens
de son fils.

Les gens de
Sauz l'aban-
donnent.

Didymothi-
cum assiegee
par Amurat,
& prise.

Fait creuer les
yeux a son fils:
grande cruau-
té.

1375.

Cruauté redoublée.

Le piteux amour de deux peres envers leurs enfans.

L'Empereur fait aussi creuer les yeux à son fils.

il estoit ainsi ententif à ce passe-temps, dont à grand peine se pouuoit-il souler, de fortune vn lieure ayant esté leué par quelques chiens, vint mourir assez pres de luy; qui fut, ce luy sembloit, vn redoublement du plaisir & recreation qu'il auoit d'eux: mais quelques-vns le prirent pour vn tres-mauuais & sinistre presage dont l'effect de la signification ne tarda gueres depuis. Neantmoins luy qui ne prenoit pas garde à cela, ou bien n'y adioustoit point de foy, apres que tous les Grecs eurent esté depeschés, il commanda aux peres de ceux qui s'estoient rebellez contre luy, & en defaut d'eux, aux autres parens les plus proches, de les massacrer en sa presence, de leur propre main: à quoy ils obtempererent tous, horsmis deux tant seulement lesquels abominans l'horreur de ce parricide, aymerent mieux mourir eux-mesmes, que de se souiller les mains dans leur propre sang; aussi furent-ils sur le champ mis à mort avec leurs enfans: car le scrupule qu'ils firent de les executer comme les autres auoient fait, donna occasion à Amurat de soupçonner qu'ils eussent esté consentans de la rebellion. Cela fait il manda à l'Empereur, s'il ne vouloit pas suiuant leur compromis, punir aussi son fils en la mesme sorte qu'il auoit fait le sien, à quoy il n'osa contredire. Et luy ayant fait verser du vinaigre tout bouillant dans les yeux l'aveugla en cette sorte. Voilà le succès qu'eut l'entreprise (à la verité execrable) de ces deux ieunes Princes, & le tout par mauuais conseil.

XI.

Emanuel l'un des fils cache de surprendre Pherres, sur Amurat.

Qui le tenoit de fort bonne grace.

Brefue & flegme de l'Empereur.

Deuis loables d'un Prince avec un sien ministre, & pleins de grande instruction.

QUELQUE temps apres Emanuel, vn autre des enfans de l'Empereur qui auoit le gouvernement de Theſſalonique, ayant sous-main attiré quelques hommes de sa faction, fut soupçonné d'auoir dressé vne entreprise sur la ville de Pherres, & de vouloir brouiller les cartes contre Amurat. Lequel à cette occasion, depescha incontinent avec vne grande puissance, Charatin homme de grande execution, & tres-versé au fait de la guerre, autant que nul autre qui fust pour lors, luy ordonnant de s'aller saisir de Theſſalonique, & luy amener pieds & poings chez Emanuel. Mais cestuy-cy craignant cette endosse dont il auoit desia eu le vent, sçachant bien que la place n'estoit pas en estat pour soutenir longuement vn tel effort, car elle estoit mal fortifiée, & pirement pourueüe encore de gens & munitions de guerre, se preparoit pour se sauuer à la desrobée deuers l'Empereur son pere: quand il luy enuoya dire qu'il eust à se retirer autre part: n'osant pas le receuoir, de peur d'irriter Amurat, & encourir son indignation. Pourtant Emanuel se resolut de s'aller rendre à luy-mesme & demander pardon de ce qu'il auoit attenté. Amurat ayant eues les nouuelles de sa venue en fut ioyeux à merueilles: & de vray, il prisoit beaucoup sa vertu, & la gentillesse de son naturel. Estant doncques allé au deuant de luy pour le receuoir, car les Seigneurs Turcs rendoient encore ce deuoir au sang Imperial de la Grece, le tena de plaine arriuee, d'un visage riant toutesfoies, & qui ne promettoit rien de fiel ny d'amertume, en luy disant tant seulement: Et bien Prince vous auez voulu faire des vostres, & vous iouïr à moy aussi bien que les autres, si est-ce qu'en fin on n'y trouuera gueres à gagner; parquoy le meilleur sera toujours, de vous entretenir en ma bonne grace, dont tout bien & support vous peut aduenir. Or ce qui souloit estre vostre, est maintenant à nous, vous ne le pourriez pas repeter sans exciter de grands troubles, & remuer des choses qui par aduenture retomberoient sur vous-mesmes. Au moyen dequoy, il faut laisser là le passé, & de ma part ie suis content d'oublier tout, esperant que vous serez plus sage à l'aduenir. A quoy Emanuel fit response: A la verité, Sire, que ie n'aye esté chatoüillé de quelque legere & volontaire ieunesse, ie ne le puis ny veux nier; & suis venu icy tout expres pour en demander pardon Amurat l'embrassa là dessus, & apres luy auoir fait tout plein de beaux presens, le renuoya à son pere, avec de fort honnestes & gracieuses lettres, qu'il ne laissast pas de le bien traiter pour chose qui fust passée, d'autant que tout cela estoit oublié. Cependant Charatin prit d'emblée la ville de Theſſalonique, & se saisit des seditieux qu'il mit tous à la chesne, dont il s'aquit encore plus de faueur aupres d'Amurat qu'il n'auoit eu auparauant. Aussi estoit-ce vn excellent personnage, lequel fit de fort belles & dignes choses en son temps, & donna tousiours de tres-bons & sages conseils à son maistre: si bien que par son aduis & industrie il vint à bout de plusieurs grandes & chatoüilleuses affaires, tant en l'Asie qu'en Europe. Il y a tout plein de beaux dits & sentences de luy, touchant les deuis que souuent il auoit avec Amurat, lesquels meritent bien de n'estre point mis en oubly, principalement ceux qui concernent l'art & discipline militaire. Car on dit qu'une fois l'ayant interrogé en telle sorte: Dy moy, Seigneur, (si Dieu te gard) de quelle sorte pensés tu qu'on doie faire la guerre, pour plus aisement

aifément paruenir avec cette force que tu t'és desia establie, au comble de la grandeur où tu aspires? Si ie suis bien soigneux (respondit Amurat) d'embrasser à point les occasions qui se presenteront, & m'en preualoir chaudement sans en laisser en vain escouler vne seule par ma negligence & paresse. D'auantage si ie me monstre liberal & magnifique enuers mes soldats, & tasche de plus en plus par mes largesses & biens-faits, à me les rendre deuots, prompts, fideles, & obligez. Charatin redoubla: mais comment pourras-tu faire pour ne laisser point perdre d'occasions propres & conuenables; gagner ainsi le cœur des gens de guerre: & establiir à propos vn reglement pour la milice? Quand ie ne me ramoliray point (respond Amurat) apres les oisietez & delices, peseray meurement toutes choses à la balance de raison; & tiendray la bride roide à mes soldats, qu'ils ne facent hors de l'hostilité tort ny iniure à personne: & n'employent à leurs hargnes & querelles particulieres, le sang qui doit estre reserué contre le iuste ennemy. Là dessus Charatin se prit à sous-rire, en disant: A la verité, Seigneur, tes propos sont accompagnés d'vne grande prudence, ie le voy bien: Neantmoins comment est-ce que tu pourras peser en ton esprit les choses plus louables, & plus approchantes de la raison, si toy-mesme ne mets des premiers la main à la paste: & n'examines sans t'en rapporter à d'autres ce qui se doit, ou ne doit faire? car cette pratique s'acquiert plus par experience, que par discours: parce que bien souuent les choses succedent tout d'vne autre sorte que par aduenture on n'auroit pensé. Mais ce qui est le plus requis en vn chef & souuerain Capitaine, est la celerité; par laquelle les plus beaux & excellens faits-d'armes ont esté heureusement mis à fin, de sorte que l'estime qu'en ces deux choses icy seulement, consiste tout l'art de la guerre, à sçauoir en vn soin & vigilance assidue, & la presence à tout s'il est possible; voire iusques aux moindres & plus legeres entreprises: Car en cet endroit il n'y a rien de petit, soit de perte, soit de gaing, & qui n'importe beaucoup plus que bien souuent on ne cuideroit. Tels estoient les deuils de ces deux excellens guerriers, lors que quelquefois ils se trouuoient de loisir: tellement que non sans cause les armes d'Amurat estoient par tout espouuentables, & merueilleusement redoutables: Et iamais ses exercices ne bransloient vers aucun lieu, que soudain la frayeur ne s'esprit dans les cœurs des plus asseurées & belliqueuses nations. Pour raison dequoy, & de la merueilleuse diligence dont il accompagnoit tous ses desseins & entreprises, chacun auoit l'œil au guet, & se tenoit sur ses gardes: ramparans non seulement les places des frontieres, mais encore celles du cœur du pays, qui pouuoient tant soit peu preiudicier. Amurat s'estant doncques seruy de la dexterité & suffisance de ce personnage, en la pluspart de ses conquestes, où il monstra tousiours vn grand deuoir & fidelité: ce n'est pas de merueilles s'il l'honora & aduança grandement: car il fut en partie cause de luy establiir ce bel Empire en Europe, où il subiugua tant de peuples, rendit de si grands Princes ses tributaires: & contraignit les Grecs de le suivre en toutes ses expeditions & voyages: là où Emanuel luy fut tousiours le plus agreable. Il rengea entre les autres Dragas fils de Zarchas sieur de Mysie, ensemble le Pogdan qui commandoit à tout le mont de Rhodopé, qu'on appelle vulgairement la montagne d'argent, & plusieurs autres Princes de l'Europe, Triballiens, Croates, & Albanois: avec lesquels (depuis qu'ils furent vne fois vnis à sa domination) & ceux de l'Asie, il ne fit de là en auant plus de difficulté de s'aller attacher à tous ceux dont il luy prit enuie.

1376.

Mots dignes
de lettre d'or.

Aduertisse-
ment nota-
ble.

L'ouillage de
Charatin Bal-
la.

Les conque-
stes d'Amurat
en l'Europe.

Mais en quelle sorte les Grecs, d'vne telle autorité & puissance tomberent si tost en vne tres-miserable seruitude, nous l'auons desia touché cy-deuant: & neantmoins il ne nous semble point hors de propos de recapituler le tout icy en vn sommaire. Iean estant rentré en son Empire, contraignit Catacuzene son predecesseur en iceluy, de prendre l'habit de Religion & se faire Moyne. Voyant puis apres les affaires des Turcs, de iour à autre prendre nouueaux accroissemens de prosperité & grandeur, il passa en Italie: où tout premierement il alla aborder les Venitiens pour auoir secours, mais à la fin il connut que ce n'estoit que vent & fumée de leurs promesses. Parquoy apres auoir pris à interest vne bonne somme de deniers, dont il auoit desia despandu la plus grand part apres cette vaine poursuite, il se delibera de passer outre deuers le Roy* de France: & n'oublia de visiter sur le chemin les Potentats d'Italie, pour essayer s'il pourroit faire quelque chose enuers eux. Estant arriué en France, il trouua le Roy en fort mauuais estat de sa personne, & son Royaume en pire train encore; y estant tout sans dessus-dessous, à cause des guerres & seditions intestines dont il estoit embrasé de toutes

XII.

Narré suc-
cinct des af-
faires des
Grecs durant
le regne d'A-
murat.

* Charles VI.
mais cecy ad-
uient sous Bas-
set, successeur
d'Amurat.

Ces choses arrivèrent en divers temps.

Misere de l'Empereur Caloian. Ingratitude & mauvaisté d'Andronic son fils envers luy.

Bonté & pieté d'Emanuel son autre fils.

Partialité entre les enfans de Caloian.

Caloian enuoyé au Turc l'un de ses enfans pour résider auprès de luy.

Cette Histoire est fort embrouillée en cet endroit.

Expedition d'Amurat contre les Bulgares.

parts: tellement qu'il s'en retourna en Italie sans rien faire, là où il fit encores aussi peu. Et si fut d'avantage arresté à Venise, comme il pensoit faire voile pour retourner en son pays, à faute de payer les deniers qu'il avoit pris sur le change: car les Venitiens ne luy voulurent permettre de desloger qu'il n'eust premierement satisfait à tous ses creanciers. Ainsi le pauvre Prince réduit à vne extreme angoisse & perplexité d'esprit, despescha à Constantinople devers son fils Andronic, auquel il avoit laissé en garde son Empire, pour luy faire en diligence quelques deniers, tant des biens de l'Eglise, que des autres moyens & facultez de ses sujets, & des impositions & reuenus publiques; & les luy faire incontinent tenir, afin de se racheter de ses debtes, sans le laisser plus longuement crouppir en cette indignité & misere. Mais Andronic à qui il falloit de desmordre le maniment des affaires, & avec ce ne portoit gueres d'amour ny de respect à son pere, ne s'en donna pas grand peine. Pour toute resolution il luy manda que le peuple ne vouloit en sorte quelconque, ouïr parler de mettre la main aux reliquaires, & biens Ecclesiastiques, & que d'ailleurs il n'y avoit ordre de recouurer si tost vne telle finance. Parquoy s'il ne vouloit à tousiours tremper là, qu'il aduisast quelque moyen de recouurer luy-mesme de l'argent, & se depestrer du boubier où il s'estoit allé mettre sans propos. Là dessus Emanuel (le puîné) ayant entendu la necessité de son pere, amassa de costé & d'autre tous les deniers qu'il peust recouurer; & s'en alla par mer en toute diligence devers luy, avec l'argent mesme qu'il avoit autresfois recueilly en la ville de Thessalonique, lors qu'il en estoit gouverneur; luy presentant le tout & en personne encor pour demeurer en son lieu, si ce qu'il avoit apporté ne suffisoit. Ce devoir & office de bon fils, & vne honnesteté si pitoyable causerent autant d'amour à l'Empereur envers Emanuel, que iustement il conçut de couroux & indignation pour l'ingratitude d'Andronic, & fut cela le commencement de la haine mortelle, que les deux freres s'entreporterent tousiours depuis: tant pour raison de leur dissimilitude de mœurs, & de la jalousie qui sourdit entr'eux pour l'occasion dessusdictte, que des differents qu'ils eurent en infinies sortes & manieres sur leurs partages. Cependant l'Empereur s'aydant de l'argent apporté par son fils Emanuel, satisfait à tout, & s'en retourna à Constantinople; d'où tout incontinent il despescha vn Ambassadeur à Amurat, avec l'un de ses enfans qu'il luy enuoyoit, pour de là en avant faire residence à sa porte, & le suiure & accompagner es armées qu'il dresseroit. Amurat le remercia de sa bonne volonté, l'admonestant de perseverer en la foy qu'il luy avoit promise: ce qu'il fit tousiours depuis sans plus rien entreprendre qui le peust offencer. Il enuoya aussi au Peloponese apres que les enfans de Catacuzene furent decedez, son fils Theodore, lequel se tint avec Emanuel gouverneur de Thessalonique. Et cependant estant venu à parlementer avec celui qui commandoit pour Amurat en Macedoine & Thessalie, conspirerent ensemble de se reuolter. L'autre des enfans de l'Empereur fut rappelé à Constantinople, pour luy mettre la couronne entre les mains; & quant à luy il s'en alla au Peloponese, pour y establir les affaires, & fortifier les lieux & endroits qui luy semblerent à propos pour brider le pays. Toutes lesquelles choses aduindrent auparavant qu'Andronic & Sauz se fussent esleuez à l'encontre de leurs peres.

XIII. INCONTINENT apres Amurat descourrit qu'Emanuel conuoiteux de nouvelettez, estoit apres à faire des brigues & menées contre luy; pour raison dequoy Charatin le despoüilla de sa ville, & de son gouvernement. Et comme l'Empereur luy eut enuoyé despendre de se retirer sur ses terres, il s'enfuit à Lesbos, là où son arriuee mit en grand doubte le gouverneur de l'Isle, qui luy commanda soudain d'en vider: & là dessus s'estant présenté vne Gallere qui tiroit vers la Troade, il passa en terre ferme de l'Asie; & de là sur des chevaux de poste, iusques à Pruse. Amurat ne demeura gueres depuis à se mettre en campagne, pour faire la guerre aux Triballiens & à leur Prince Eleazar, qui avoit sollicité les Hongres de prendre les armes avecques luy contre les Turcs. Eleazar ayant entendu comme Amurat le venoit trouver avec vne grande & puissante armée, ietta pareillement la sienne en campagne pour le prevenir & combattre, plustost que de voir deuant ses yeux la ruine & desolation de son pays. Or avoit-il deux filles prestes à marier: l'une desquelles il donna au Susman Seigneur des Odrysiens ou Moldaves: & l'autre à Bulque fils de Brancas, qui estoit fils de Plandicas, lequel tenoit Castorie, & cette portion de la Macedoine qu'on appelle Ochride, auparavant des appartenances de Nicolas fils de Zuppan: tellement qu'il se sentoit merueilleusement

leusement renforcée de ces deux alliances. Et si auoit apres la mort d'Vngleses & de Chrates conquis Pistrinum & Nistra (ainsi nomme-t-on cette contrée *) & estendu ses limites iusques à la riuere de Saue. Or comme Amurat se fust approché bien pres de luy, il sceut par ses auant-coureurs qu'il estoit logé en vne pleine rase appelée Cosobe, où il l'alla trouuer droit, ayant avec luy deux de ses enfans Iagup, & Bajazet : & fut là combattu fort asprement d'une part & d'autre, tant qu'à la fin la victoire demeura à Amurat : mais elle luy fut bien cher-vendue, car il y laissa la vie. Sa mort toutesfois se raconte en diuerses sortes : Les Turcs dient ainsi que le combat estoit en sa plus grande ardeur, Eleazar s'en voulut fuyr, & qu'Amurat l'ayant apperceu se mit apres à toute bride, mais ainsi qu'il le poursuuoit, vn simple soldat Triballien * homme de pied, qui se rencontra deuant, luy fist teste, & luy donna si grand coup de pique à trauers le corps qu'il le porta par terre tout roide mort. Les Grecs en parlent autrement, & dient, que ce ne fut pas en chassant les ennemis qu'il mourut, ains auant que la meslée commençast, ainsi qu'il estoit encores apres à ordonner ses batailles, vn certain Milo homme de grand cœur & entreprise, comme il le fit bien paroistre, s'offrit à Eleazar d'aller tuer Amurat. Et là dessus ainsi monté & armé qu'il estoit, la lance au poing, s'en alla iusques aux premiers rangs de l'armée Turquesque, qui estoit toute preste à commencer la charge, feignant qu'il auoit quelque chose d'importance à dire. Parquoy on le mena incontinent à Amurat, qui estoit au milieu de ses Ianissaires : là où luy ayant esté fait large, il descocha de telle roideur, qu'auant qu'on se fust apperceu de ce qu'il vouloit faire, il le perça de part en part, mais il fut sur le champ mis en pieces. Voila ce que les Grecs en racomptent. Quoy que ce soit, cela est tout certain qu'il finit ses iours en cette plaine de Cosobe, où ses entrailles furent enterrées, & son corps mené à Pruse, la sepulture Royale de tous les Princes Othomans, fors de Solymán qui fut inhumé au Chersonese aupres de son fils, suuant ce qu'il auoit ordonné auant sa mort. Amurat regna vingt-trois ans, & mourut ainsi pauurement, apres auoir durant sa vie eschappé tant de perils, & dangers, fait de si belles choses, mené à fin de si grandes & difficiles guerres, tant en Asie qu'en Europe, iusques au nombre de trente sept, & plus : En toutes lesquelles il demeura tousiours victorieux, sans qu'on le vist jamais tourner le dos, ne quitter la place à ses ennemis. De sorte que malaisement on pourroit dire, qui fut la plus grande en luy, ou la vertu, ou la fortune ; mais faut par necessité qu'elles y aient esté comparties également. Car de bien ordonner ses affaires, sçauoir prendre à propos son aduantage, combattre tres-asprement luy-mesme tousiours des premiers, ne se perdre ny estonner es plus douteuses & mortelles rencontres, sont toutes choses que la vertu se peut approprier de droit : Mais ne luy estre oncques vne seule fois mesaduenu en si grande longueur de temps, en tant d'entreprises & conquestes, mesmement es premiers accroissemens & progres de cette Monarchie, qui n'estoit pas encore ny beaucoup estendue, ny guerres bien confirmée, cela ne se peut attribuer qu'à la fortune seule, qui ne se saoula iamais de le fauoriser, & luy bien faire : ne l'ayant aucunement voulu laisser ny abandonner à la metcy de ses euenemens, le plus souuent incertains & douteux. Car la déconuenuë de sa mort se doit referer à la diuine vengeance, à qui il faut que toute fortune cède à la parfin : & estoit bien raisonnable que celuy finist ses iours de cette sorte, lequel oncques ne peut estre assouuy de sang humain ; oncques n'alla de guayereté & gentillesse de cœur à la guerre, mais comme poussé de rage, de fureur, & forcenerie, tout ainsi qu'un lyon dépité, quelque saoul & remply peult-il estre, feroit à trauers vne harde de bestes rencloses dans le pourpris de quelque parc : Que si d'auenture il luy estoit force de laisser reposer ses soldats, il ne bougeoit incessamment de la chasse, & ne se donnoit point de repos. En quoy il surpassa de bien loing tous ses predecesseurs : car quant à la diligence & celerité dont il auoit accoustumé d'vser en toutes choses, la vieillesse ne luy en fit rien relascher, ains se monstra tousiours aussi frais, aussi aspre, prompt & vigilant sur ses derniers iours, comme en sa plus verte & vigoureuse jeunesse : Si bien que peu de Princes, ne des anciens, ne des modernes, se pourroient en cet endroit parangonner à luy, Et si pour cela il ne laissoit pas de faire toutes choses meurement, sans obmettre vn seul point de ce qui pouuoit estre necessaire pour l'execution assurée de ses entreprises & desseins. Dessous luy seul il y eut plus de sang respandu quod temps de tous les predecesseurs ensemble. Mais au reste il se monstrois assez doux & traitable enuers les peuples qui paisiblement portoient le ioug de son Empire : & fut tousiours fort moderé enuers les enfans de noble & illustre maison, qui estoient nourris en sa cour : tres-prompt au reste à caresser vn chacun, & l'appeller par son nom propre.

1377.

D'autres le
tiennent en 73.
d'autres en 90.*Vulgairement
Amblyeuclid.Bataille entre
les Turcs &
les Bulgares.Mort d'Amu-
rat.Diuerfes opi-
nions ia des-
sus.*Miloſch Rha-
bilouas.Merueilleuse
reſolution
d'un ſimpſe
ſoldat.Eloge d'Amu-
rat.

1377.

Toutes les fois qu'il estoit question de combattre, il sçauoit bien amadoier ses soldats par harangues & langages conuenables; & leur accroistre le cœur à la veüe de l'ennemy, où bien souuent les plus asseurez balancent & vacilent: mais luy-mesme aussi leur monstroie le chemin de ce qu'ils auoient à faire, & estoit ordinairement le premier à donner dedans: ce qu'il me semble auoir eu plus de force pour encourager ses gens, que non pas son eloquence, laquelle par tout ailleurs estoit fort refroidie & presque muette, car il parloit peu de son naturel. Et encore que d'ordinaire il monstra vne chere douce, gracieuse, & debonnaire; si estoit-il neantmoins rigoureux & seuer, à punir les moindres fautes qu'on luy eust faites, dont il ne remettoit iamais rien. Il monstra bien pour le commencement de faire grande estime de garder sa parole & sa foy, plus que nul autre de la maison des Othomans; de façon que plusieurs qui mesme auoient conspiré contre luy, ne faisoient point de difficulté de se fier là-dessus: Mais depuis qu'il se trouua augmenté de puissance & d'autorité, il en vsa tout autrement; dont beaucoup se trouuerent pris au trebuchet; car il ne pardonna gueres à ceux qui se voulurent obstiner à luy faire resistance, & se bander contre luy. Quiconque aussi se voulut entremettre de luy brasser quelque mauuais party, ne s'en alla pas de ses mains bagues sauues: suiuant l'ordinaire des Princes & grands Seigneurs, qui est de changer volontiers de naturel avec l'heureux succez de leurs affaires: principalement quand ils se voyent hors de crainte & de doute de leurs ennemis: & de doux & benins qu'ils estoient auparauant, se monstrent à tous rudes, brusques, & espouuentables. Amurat neantmoins parmy cette grande seuerité, dont il estoit si craint & redouté des siens, ne laissa de trouuer enuers eux autant d'amour, de faueur, & de bienveillance, que nul autre chef de guerre qui ait oncques esté. Parquoy il ne faut pas que personne se persuade, que s'il se fust rencontré du temps de Temir, qu'on appelle communément le grand Tamburlan, cettuy-cy eust eu aussi bon marché de luy, comme il eut de son fils Bajazet depuis: car il eust mené la guerre d'une autre sorte: & si bien il n'eust renuersé & mis au bas vne telle puissance, comme se trouuoit lors celle de se Tartare, il eust bien mieux toutesfois sceu prendre son party, pour ceder à ses premieres furies & tempestes: se fortifier en lieux propres & aduantageux: luy couper les viures: l'escorner & affoiblir peu à peu par embusches, escarmouches, & legers combats: sans ainsi temerairement, & à la volée hazarder sa personne, ses armées, & son Empire, à l'incertain euenement d'une bataille mal conuenable.

Autrement
Temberlan.

FIN DV PREMIER LIVRE.

ELOGE OV SOMMAIRE DE LA VIE
DE BAJAZET I. DV NOM.



LE foudre espouente vniuersellement, ravage indifferemment, passe en un moment, & perit en un instant. Toutes ces qualitez conuiennent excellemment bien à Bajazet, surnommé des siens Gilderum, ou Gulderum, c'est à dire foudre du Ciel, ou onde furieuse : Car sa promptitude le faisoit paroistre comme un esclair. Le renom de ses victoires donna terreur à l'Vniuers, sa cruauté mit à feu & à sang toutes les Prouinces par où il passa, tant Chrestiennes que Mahometistes : Et en fin perdit en vne seule bataille, son Empire & sa gloire, finissant honteusement sa vie en vne miserable captiuité. Il commença son Empire par le fraticide de son frere Soliman, & par le massacre des enfans du Duc de Seruie, qu'il fit hacher vifs en menues pieces : Et enuoya pour se fortifier vne colonie de Turcs en Macedoine, & vne autre à Scopie en la haute Mysie ou Seruie, puis passant incontinent apres en Europe : Il fit la guerre aux Trilales, & gagna vne bataille sur Marc leur Prince, en laquelle il tailla ses gens en pieces, & luy fit perdre la vie, s'emparant par ce moyen de la meilleure partie de son pays. De là il vint rager toute la Theffalie, Phocide, & Attique. Les Grecs ayants mieux luy payer tribut que de s'accorder entr'eux, luy liurent Philadelphie, & le font iuge de leur querelle. Retourne en Asie, & prend la ville d'Eritze capitale d'Armenie, & celles d'Hysipolis, Iconium, Casura, Migdic, & Assara sur le Caraman : Guerroyant tous les Princes Turcs, Asiatiques, & les contraignant d'aller mendier du secours à Samarcant, à Tamerlan. Chasse d'Ionie Sarchan, & Mendisie, & surpant leurs Seigneuries. Puis reuenant incontinent apres en Europe : Il y fit general de son armée un Grec nommé Theodore fils de Iean Lascaris, qui luy acquist la ville de Domacie, & la cité de Delphes. Et continuant le cours de ses victoires : Il s'achemina en Hongrie qu'il saccagea toute avec la Bosnie, & Croatie, apres auoir defait les François, Bourguignons, Allemans & Hongres, en cette memorable bataille de Nicopoli cité de Rascie, l'an 1393. en laquelle il prit Iean Comte de Neuers prisonnier, qu'il deliura luy cinquiesme en payant rançon, faisant cruellement mourir tout le reste des François. Mes le siege deuant la Royale cité de Bude, qu'il est contraint de leuer. En pensant aller de là descharger sa colere sur les Valaques, & principalement en la Moldaue : Il est contraint de se retirer. De sorte que toute la violence de sa rage vint fondre sur la ville de Constantinople (laquelle il tenoit asiegée il y auoit desia huiet ans) ruinant ses faubourgs, & la serrant de si pres, que sans l'arrivée de Tamerlan & le degast qu'il faisoit en Asie par toutes les terres de sa domination, elle n'estoit pas pour se defendre plus long-temps. Mais Tamerlan ayant desia gagné vne bataille contre les siens & pris la ville de Sebasle, où son fils Emir Soliman fut mis à mort : Il fut contraint d'assembler toutes ses forces & se retirer pour defendre le sien. La Prouidence Eternelle permettant que celui qui se disoit le foudre du Ciel, rencontrast en teste celui qui selon quelques-uns, se disoit le fleau de DIEU. Et à la verité il fut bien son fleau. Car luy ayant livré vne des plus signalées & sanglantes batailles, qui ait iamais esté donnée au monde, en la plaine d'Angory, ou Ancre en Amasie, proche du mont Stella. Lieu tres-memorabile sur les confins de Bithinie & de Galatie : (ou Pompée deconfit Mithridates) en l'an 1397. Laquelle dura un iour, & y fut tué 14000. Turcs, entre lesquels fut Mustapha l'un de ses fils. Les autres pris prisonniers avec luy. Quant à sa prison c'estoit vne cage de fer, où il estoit lié de chaines d'or, & sernoit de marche-pied à Tamerlan quand il vouloit monter à cheual, & ramassant comme un chien ce qu'il luy iettoit. Finissant ainsi miserablement sa vie, apres auoir regné 26. ans, selon les uns, les autres 28. & les autres 30. Vn homme au demeurant plein de fougue, de presomption, & de cruauté, sans foy, & sans autre bonne inclination, n'ayant autre desir que de s'aggrandir, & de rander le sang. Il fut heureux au commencement de son regne, mais la fin en fut tres-miserable. Il auoit espousé la fille du Despote de Seruie qui fut prise avec luy (car il la menoit tousiours comme la plus chere de toutes ses femmes) & par laquelle par derision, selon quelques-uns, Themir se faisoit seruir à sa table.

BAIAZET GVLDERVUM,
CINQVIESME EMPEREVR
DES TVRCS.



* Il avoit pris
le nom de Gul-
derum, c'est à
dire foudre.

TEL qu'un foudre * eslançé j'allois tout renuersant;
Et j'estois sur le point de destruire Byzance:
Quand du grand Tamerlan le destin plus puissant
D'une cage de fer borna ma violence.



L E

SECONDE LIVRE

DE L'HISTOIRE DES TVRCS.

DE LAONIC CHALCONDYLE

ATHENIEN.

SOMMAIRE, ET CHEFS PRINCIPAUX

du contenu en ce present Liure.

- I. Bajazet soudain apres la mort d'Amurat s'estant emparé de l'Empire, fait mettre à mort son frere aîné; & tous de ce pas achève de deffaire les Bulgares.
- II. Harangue de l'auengle Andronic Palcologue à Bajazet, duquel ayant obtenu secours il reconquert l'Empire, & met ses pere & frere prisonniers: mais estans euadez, Emanuel y est remis par le mesme Bajazet, moyennant 30000. ducats de tribut.
- III. La prise de Philadelphie; la guerre contre Alexandre Roy d'Armenie; & quelques autres exploits d'armes de Bajazet en l'Asie.
- IV. Conqueste de la Theffalie, & principauté de Delphes: & de la domination de quelques Seigneurs Italiens & Espagnols en la Grece.
- V. Description de la Germanie, & Hongrie; & des mœurs & façons de faire de ces deux peuples.
- VI. La rencontre de l'Empereur Sigismond, avec les Venitiens s'en allant faire couronner à Rome, en laquelle il fut repoussé: ligue des Princes Chrestiens, contre Bajazet sous la conduite d'iceluy Sigismond, & de la bataille qui s'en ensuivit, où les Chrestiens furent deffaits.
- VII. Entreprise de Bajazet sur la Valachie, avec la description du pays; & la honteuse retraite des Turcs par la vertu & prouesse du Prince Myrzas.
- VIII. Complot des Seigneurs Grecs contre Bajazet; ce qui l'irrite à aller enuahir Constantino-ple, où il tint le siege par l'espace de dix ans: avec le voyage de l'Empereur Emanuel en Italie, & en France pour demander secours.
- IX. Description du Royaume de France, & des merites des Roys François enuers la Chrestienté, pour lesquels ils se sont acquis le droit de l'Empire Occidental: avec quelques guerres contre les Anglois.
- X. Des Isles de la grand' Bretagne, & façons de viure des peuples qui y habitent: & de la cause du flux & reflux de l'Ocean.
- XI. Descentes & courses des Turcs au Peloponese: la prise de la ville d'Argos: quels sont les Accangy ou auant-coureurs de l'armée Turquesque: & de quelques habitudations des Tartares & des Turcs en diuers endroits de l'Europe.
- XII. Bajazet s'estant emparé de la ville de Melitiné des appartenances de Tamburlan, cela l'incite à prendre les armes contre ledit Bajazet, joint les doleances des Seigneurs Turcs desheritez par luy.
- XIII. Du dinorce des Turcs, & estrange façon d'iceluy: diuers discours de Tamburlan avec sa femme sur la rupture de la guerre contre Bajazet; & la finale resolution d'icelle.

1377.

I.

Bajazet puis.
né succede à
l'Empire, &
fait estrangler
son aîné.



Les Triballiens
defaict.

Bajazet tout
au commen-
cemēt de son
Empire fait
paix avec les
Grecs.

Colonie des
Turcs en la
ville des Sco-
piens.

II.

Harangue de
l'aueugle An-
dronic à Ba-
jazet.

Les Grecs
mendiēt leur
Empire de
l'ayde & fa-
ueur du Turc.

MVRAT fils d'Orchan mis à mort par ce soldat Triballien, les Bassas & autres Officiers & personnes principales de la Porte (ainsi appellent-ils la Cour du Turc) proclamerent Empereur tout sur le champ son fils Bajazet, combien qu'il fust le plus ieune: lequel ne s'endormit pas, mais enuoya soudain à fausses enseignes querir son frere aîné Iagup (que les nostres nomment Soliman) comme si le pere viuant encore, l'eust mandé: & soudain qu'il fut arriué deuers luy, le fit empoigner, & mettre à mort en sa presence, à la mode toutesfois dont les Seigneurs Turcs ont accoustumé de se defaire de leurs freres, qui est de les estrangler avec quelque licol, ou la corde d'un arc: sans autrement respandre par le glauiue le sang Imperial. Bajazet s'estant doncques ainsi assuré de l'Estat, par le parricide de celuy auquel il appartenoit de droict, il s'en alla tout de ce pas charger les Triballiens, que de plaine arriuée il mit en route; & les chassa luy-mesme fort longuement, là où il y en eut grand nombre de tuez: car les Turcs estans beaucoup meilleurs combattans qu'eux, & leurs montures aussi plus exquisés, les enfoncerent fort aisément, & ne leur laisserent pas grand moyen de se sauuer à la fuite. Voila comment les choses passerent à cette fois, au moins si nous voulons adiouter foy à ce que les Grecs en racontent; car les Turcs en parlent bien d'une autre sorte, disans que cette defaite ne doit pas estre attribuée à Bajazet, mais à son pere Amurat, sous la conduite duquel la bataille fut donnée; dont il eut le dessus, & mit luy-mesme à mort de sa propre main Eleazar le Prince des Triballiens: qui est ce que les Turcs en tiennent entr'eux. De moy, ie ne puis bonnement comprendre, comment il fut possible en si bref temps de mettre son frere à mort, & puis de retourner au combat: Le moyen aussi qu'eut vn simple soldat ennemy d'approcher ainsi armé de pied en cap, la lance en l'arrest, vn si grand Seigneur, & d'assurance l'assener si à propos sans que personne destournast le coup; tout cela m'est vn peu chatouilleux & suspect: ie laisse neantmoins à chacun la liberté d'en croire ce que bon luy semblera: Et reuiens à mon propos que Bajazet apres estre ainsi paruenue à l'Empire, & auoir gagné d'entrée vne si noble victoire, encore qu'elle luy coustast bien cher, pource que grand nombre de ses gens y laisserent leurs vies, & de sa propre main eust mis à mort le Chef des ennemis sur la place, ne se laissa pas aller pourtant à vne oyliuete nonchalante: car poursuiuant chaudement sa fortune, il courut d'une diligence incroyable tout le pais, de ceux qu'il auoit defaict; dont il ramena vn grand nombre de prisonniers. Cela fait, il se mist à ordonner ses affaires; Et tout premierement receut les Grecs à son amitié & alliance; fit paix avec les Princes de Macedoine: & enuoya grand nombre de Turcs naturels tant de l'Asie que de l'Europe, avec leurs mesnages habiter en la ville des Scopiens: non à autre fin sinon pour tousiours anchrer sur les Illiriens, & les mettre en combustion: car tout incontinent apres il leur courut sus, & prit quelques vnes de leurs places, lesquelles il saccagea entierement: puis enuoya encore vne autre armée contre les Albanois en la coste de la mer Ionie, prochaine de la ville de Duras, dont fut enleué vn tres-grand butin.

Av regard des Grecs, ils le suiuoient desia presque tous à la guerre quelque part qu'il allast, horsmis Emanuel fils de l'Empereur Iean: & Andronic, auquel les yeux auoient esté creuez avec du vinaigre bouillant, & estoit gardé dans le Palais de Constantinople: mais quelque temps apres qu'il se vid aucunement amendé de la veuë, il trouua moyen à l'aide de quelques-vns d'euader, & s'enfuir en la ville de Galathie, autrement dite Pera, qui est tout vis à vis, d'où il se retira puis apres deuers Bajazet, à luy demander du secours pour rentrer en son heritage. Estant doncques venu en sa presence, on dit qu'il parla en cette sorte. De moy (Seigneur) qui suis encouru en vne si griesue desconuenue, d'autant que i'ay tousiours eu mon esperance en Dieu, lequel void, connoist toutes choses, & me suis entierement remis à sa bonté & misericorde, aussi ne m'a-il point delaisné: car ie me trouue maintenant (graces à luy) assez mieux que mon infortune ne permettoit: Et m'a sa bonté & clemence fait telle grace, que m'ayans les hommes du tout voulu priuer de la veuë, il m'en a toutesfois laissé quelque peu, pour me pouoir à tout le moins conduire: me promettant d'auantage la restitution de mon Empire: Aussi est-il bien raisonnable que ie sois reintegré en ce que de droict m'appartient. Or trouueras-tu cy-apres le tout à ta deuotion & seruice, si par le moyen de ton ayde ie viens à le recouurer; ce qui se fera bien à l'aïse, si tu me donnes seulement iusques à quatre mille cheuaux, qui m'accompagneront l'espace de deux mois, & non plus: car tous les riches & puissans personages, voire les

les plus nobles & anciennes maisons de Constantinople tiennent nostre party : tellement que de cette heure i'en aurois vn grand nombre à ma suite, si ce n'estoit qu'ils sont beaucoup plus à propos dans la ville, à briguer sous-main & solliciter nos affaires : mais ils ne faudront de venir à nostre mandement, toutes les fois qu'il en sera besoin. En reconnoissance du secours qu'il te plaira me donner, voicy que ie te promets des-maintenant à l'advenir, & pour tousiours, te payer tribut par chacun an : Et en outre de recevoir à Constantinople tel gouverneur qu'il te plaira y enuoyer de ta part. A quoy Bajazet fit telle response. A la verité (Prince) ce nous a esté plaisir d'entendre que tu n'ayes point du tout perdu la veüe, & nous en est de tant plus agreable le langage que tu viens de tenir presentement : rendans graces au Createur des mortels, & des immortels, de ce qu'il luy a pleu me faire ce bien. Au reste ne te soucie, tu es arriué deuers ceux que tu trouueras amis & secourables iusques au bout ; & qui t'assisteront soigneusement en toutes tes affaires : mais ie veux vn peu chastier ton pere, & luy apprendre vne autre fois à se donner de garde de m'irriter, ne rien remuer à l'encontre de moy. Prends doncques à la bonne heure ceux que tu demandes, & te mets tout de ce pas en chemin, afin d'executer promptement ce qui te viendra le plus à propos pour rentrer en ton bien. Cela dit, il luy fit tout sur l'heure deliurer les quatre mille cheuaux qu'il auoit demandez : avec lesquels Andronic marcha droit à Constantinople. Mais tout aussi-tost que Iean & son fils Emanuel eurent nouvelles comme il venoit contr'eux avec vne telle puissance, ils s'allerent enfermer dedans le boulevard qu'on appelle la tour dorée, en deliberation d'y attendre le siege ; & s'estant venu cependant Andronic planter deuant la ville, ils se rendirent incontinent à luy. Il les fit tous deux mettre en vne geolle de bois, faite tout expres fort estroite & contrainte dedans la mesme forteresse, si qu'à grand peine s'y pouuoient-ils tourner. Et ainsi ayant emprisonné son propre pere & son frere, il recouura l'Empire, auquel durant qu'il le gouuernoit encore, il designa son fils Iean pour successeur : & garda trois ans entiers les autres, qu'il ne les voulut point faire mourir, combien que Bajazet l'en pressast fort. Mais à la quatriesme année, ils trouuerent moyen de pratiquer celuy qui auoit la charge de leur porter à manger, lequel les accommoda d'vn ferrement dont ils ouurirent la prison, & se retirerent à garend deuers Bajazet, luy offrans vn gros tribut par chacun an, avec tel nombre de gens de guerre qu'il leur voudroit imposer. Là dessus, luy comme fin & rusé qu'il estoit, enuoya quelques-vns à Constantinople pour sonder secrettement les volonteés du peuple, lequel on aymeroit le mieux ou luy ou Emanuel ; taschant par là de descouurir quel party il auoit là dedans. Ils choisirent toutesfois Emanuel, estans desia aussi bien tous ennuyez du gouuernement d'Andronic. Telle fut la contention & debat qui survint entre ces deux, dont Emanuel qui offroit à Bajazet trente mille ducats de tribut par chacun an, & d'auantage de le suivre par tout avec vne armée entretenüe à ses propres cours & despens, fut par luy preferé, à la charge qu'il seroit tenu d'apporter luy-mesme à la porte le tribut qu'il auoit promis, & tousiours sur le commencement de la prime-verre fourniroit le nombre de gens qui luy seroit ordonné armez & equipez en guerre. Au regard d'Andronic & de son fils, ils demurerent à sa suite, desfrayez & entretenus aux despens d'iceluy ; & par ce moyen Emanuel se trouua du tout paisible.

1380.
& iuuans.

Response de
Bajazet.

Andronic
met son pere
& son frere en
prison fort
estroite.

Iean fils
d'Andronic
de son vivant
designé par
luy Empereur.
Caloian &
Emanuel es-
chappent de
la prison.

Ainsi est-il au
texte, mais se
pense-t-on que
au lieu de Ba-
jazet, il faut
mettre Andro-
nic.

L'Empire de
Constantino-
ple tenu du
Turc & Ema-
nuel par luy
estably moye-
nant vn tri-
but.

Andronic &
son fils de-
meurent à la
suite de Ba-
zet.

La prise de
Philadelphie
par les Turcs.

Scender en
Turc signifie
Alexandre.
† Attranguen,
belle cité en-
tre Trebison-
de & la Natoli-
lie.

B A I A Z E T doncques se voyant auoir en sa disposition & puissance les deux autres Empereurs des Grecs, qui l'esguillonnoient à l'entreprise de Philadelphie, alla (par maniere de dire) lancer toute la furie & impetuosité de ses armes contre cette pauvre cité ; car deslors que ces Princes estoient en pique les vns contre les autres, telle que vous auez ouy cy-dessus, il auoit fait grande instance qu'elle luy fust mise entre les mains, & eux le luy auoient accordé chacun en son endroict. Mais comme Emanuel y eust depuis enuoyé vn Heraut pour commander aux habitans de se rendre au Turc, & recevoir le gouverneur, & le iuge qu'il y voudroit enuoyer, pour luy obeyr de là en auant, ils firent fort bien response, qu'ils n'estoient pas deliberez de s'abandonner & commettre ainsi laschement es mains d'vn Barbare infidelle. Dequoy Bajazet se sentant picqué, y mena son armée avec les deux Princes dessusdicts, qui s'y porterent assez mieux que par aduenture le deuoir de Chrestiens ne permettoit : car ce furent les premiers qui monterent sur la muraille, & firent le chemin aux autres pour y entrer. Ainsi fut prise cette infortunée Philadelphie, ville Grecque au pays de Lydie, de toute ancienneté excellemment bien poliee, & regie sous institution de meurs, loix, & coustumes tres-lotiabes. De là Bajazet s'en alla faire la guerre à Scender Roy d'Armenie, & mit le siege deuant † Ertzica capitale de tout le Royaume ; & vne autre petite ville encore appelée Lamachie. On dit que ce

1382.

8. Juillets

* Anciennement
Sesamus ville
de la Paphlago-
nie.
b Ville de la
Médie en la
contrée de
Thezachie.
Il y a de beaux
jardins.

Baiazet de-
posse les
Princes Turcs
de l'Asie.
Cité de Perse
en la Prouin-
ce de Zaga-
thai.

* Ville d'Asie
la mineure.

* Victoires &
conquestes
de Baiazet en
l'Asie.

Degast &
ruines des
Turcs en Eu-
rope.

* Qu'il avoit
d'ailleurs.

* Course de Ba-
iazet en la
Thessalie.

Scender icy estoit le plus fort homme de toute l'Asie, & le plus adroit aux armes: qui en vigueur & disposition de membres, en hardiesse, & experience au fait de la guerre, ne ceda à aucun autre de son temps: tellement qu'ayant esté par plusieurs fois assailly des Assiriens, il fit tout plein de belles choses sur eux: & quelque petite troupe de gens qu'il eust avecques soy, il mit neantmoins tousiours en route ses ennemis. Mais finalement sa femme propre pour quelque mauvais mesnage qui survint entr'eux, luy dressa des embusches, & le mit à mort avec vn sien fils, retenant en ses mains le gouvernement du Royaume. Contre ce grand & valeureux Capitaine Baiazet mena son armée, & prit de force la ville d'Ertzica, ensemble ce sien fils dessusdit, qu'il emmena prisonnier. Cela fait, passa outre à la conqueste des Tzapnides qui tiennent toute la region de la Colchide iusques à la ville d'Amastre. Puis s'en alla contre Carailuc & Leucamna Seigneur de Samachie, qui le vint brauement rencontrer: mais il fut deffait, & perdit la bataille, où il y eut vne dure rencontre. Baiazet étant puis apres allé mettre le siege deuant la ville dessusdite, il y demeura quelques iours sans pouuoir rien faire: parquoy il deslogea & s'en retourna chez soy: où il ne sejourna gueres qu'il ne reuint faire la guerre aux autres Seigneurs de l'Asie, à sçauoir à Ætin, Sarchan, Mendelias, Tecos & Metines, auxquels il osta toutes les terres & pays qu'ils possedoient, & se mit dedans: tellement qu'ils furent contraints, se voyans ainsi chaillez hors de leur droit & legitime heritage, de recourir à l'Empereur Temur: mais comme ils arriuerent tous deuers luy, horsmis le Caraman surnommé Alosuri, & Turghet Seigneur de la Phrigie, cela se dira cy-apres: car ces deux Princes se rengerent du party de Baiazet. Tous les autres qui auoient par luy esté deposse de leurs biens se retirerent à Semarchant, où estoit la cour & demeure Royale de Temur. C'est bien chose seure, que Sarchan qui jouissoit des pais bas de l'Ionie le long de la mer, & Mendelias, tous deux neueux de Calamis; ensemble Tecos Seigneur de Madien, estoient des descendants de ces sept Capitaines de l'Othoman, lesquels apres auoir reduit leurs forces en vn, conquerent de compagnie l'Empire de l'Asie, ayans auparavant esté à la suite d'Aladin. Mais ie n'ay point encore bien pu sçauoir à la verité, le moyen par lequel Ætin & Metin vindrent à estre si grands Seigneurs. Car on dit qu'Ætin tenoit luy tout seul ce qui est de pais depuis la ville de * Colophon iusques à la Prouince de Carie. Quant à moy ie sçay pour certain, que tous ceux qui vivent sous l'obeissance des Turgaturiens, du Caraman, de Metin, & d'Ætin, sont Turcs naturels, & pour tels tenus & estimez d'un chacun. Mais pour retourner à Baiazet, apres qu'il eut subiugué à force d'armes tout cet endroit de la Cappadoce qui obeissoit à Carailuph, & la contrée encore que tenoient les enfans d'Homur, & se fust d'abondant emparé de la meilleure & plus grande partie de la Phrigie, il mena son armée contre la dessusdite ville d'Ertzica, & contre Scender, qui pour lors dominoit vne fort grande estendue de pais en ces quartiers-là iusques à la riuiere d'Euphrate: à quoy il auoit encore annexé vn bon eschantillon de la Colchide. Baiazet fit encore tout plein d'autres belles choses, cependant qu'il s'arresta en Asie; laissant de tous costez de fort amples & magnifiques marques de ses victoires & conquestes.

IV.

Mais apres qu'il fut passé en Europe, ayant lasché comme d'une laisse plusieurs armées tout à vn coup sur Macedoine, & le territoire des Albanois qui habitent au long de la mer Ionie, il fit par tous ces quartiers-là de tres-grandes desolations & ruines. Et si prit de force quelques-vnes de leurs places: Puis passa outre contre les Illiriens, le pais desquels il courut & gasta d'un bout à autre, & enleua tous les biens & richesses qui y estoient: cela fait, dressa son equippage pour aller au Peloponese: toutesfois il faisoit courir le bruit que c'estoit pour donner sur la Phocide, & se saisir de la Thessalie, afin d'auoir ce pais-là à propos pour ses autres entreprises & conquestes. Car l'Euesque des Phocetiens mesmes estoit celuy qui l'y attiroit, luy mettant en auant la beauté du pais, le plus commode de tous autres pour le deduit de la chasse * & de la volerie; où il y auoit force grandes & spacieuses prairies, couuertes ordinairement d'une infinité de gibier: & dauantage des plaines & campagnes rases, toutes à propos pour iouer à son aise de sa cavalerie: ce qui faisoit aucunement soupçonner que ce fust le but où il visoit; neantmoins son dessein à la verité estoit sur la Thessalie, pour aller prendre au despourueu les Princes Cerneens qui pour lors y dominoient: & la veue de Dom Louys Daualos Prince de Delphes, nommée Trudelude. Parquoy il fit semblant de s'aller ietter dans le Peloponese: mais y ayant laissé pour son Lieutenant general le Seigneur Theodore fils de Iean, lequel s'acquitta fort bien de cette charge, il tourna court vers la Thessalie, & d'arriuée prit la ville

ville de Domace, que l'un de Cerneens auoit abandonnée. Il se saisit encor de celle des Pharsaliens qui estoit aussi des appartenances d'iceux Cerneens. Puis estant passé outre, il rengea à son obeysance Zetunis située dans le destroit des Thermopiles, & Patras qui est en la plaine au pied de la montagne des Locriens: avec tout plein de petites villes de là autour qui luy furent rendues par composition. Ceste Trudelude auoit vne fort belle fille preste à marier laquelle estoit desia fiancée: mais voyant Bajazet venir contre elle à main armée, prit les plus exquis & precieuses besongnes qu'elle eut, & menant sa fille quant & elle, s'en alla au deuant de luy: lequel receut fort volontiers le present, & leur permit à toutes deux de viure en leur religion & maniere accoustumée: neantmoins il mit vn Gouverneur au pays qu'elles tenoient. On dit que cette Trudelude auoit esté autresfois si transportée de la folle amour d'un Prestre nommé Strates, qu'oubliant toute honte & deuoir elle luy auroit mis es mains l'entiere administration & gouvernement de sa principauté, & à son occasion fait mourir plusieurs des citoyens de Delphes. Dequoy l'Euesque du lieu l'auoit fort scandalisée enuers Bajazet, adjoustant encore à cela l'indignité que c'estoit de laisser si longuement vn tel pays es mains d'une femme qui traittoit ainsi inhumainement ses sujets, & leur faisoit endurer tant d'opprobres & iniures, cependant qu'à la veüe de tout le monde elle tenoit le berlan, & exerceoit ses paillardises & meschancetez avec son beau ruffian de Prestre: ce qui fut cause, où pour le moins vn pretexte & couleur que Bajazet luy alla courir sus. On dit encore tout plein de choses de ce Prestre, & qu'elle n'estoit pas seule de qui il abusoit, mais y en auoit beaucoup d'autres qu'il auoit ainsi subornées, le tout par le moyen des charmes & enchantemens dont il s'aydoit pour les faire condescendre à sa volonté. Or estoit le mary de cette Dame mort de maladie nagueres auparauant, personnage de fort ancienne race, comme yssu de la maison & famille des Roys * d'Ar-
 ragon: lesquels iadis estans passez des parties d'Italie au Peloponse, s'estoient faits Seigneurs du territoire de l'Attique, & de la Bœoe, ensemble de tout le reste du pays que maintenant on appelle la Morée: & auoient par mesme moyen conquis la Phocide, & la ville de Patras hors le destroit de Thermopyles. Toutesfois par succession de temps, luy & le reste de sa race vindrent à perdre ce qu'ils auoient gagné, tellement qu'aucuns d'eux s'en retournerent en Italie, & les autres acheuerent le reste de leurs iours en la Grece. De ces gens-là estoit descendu ce Dom Louys Daualos Prince de Delphes, dont, ainsi que dit est, la femme & la fille furent enleuées par Bajazet, qui se vint finalement ruer sur le Peloponse: toutesfois il ne fut pas plustost arriué en la Thessalie, que le Duc de Sparte apres auoir pourueu aux places de ce costé-là, estant secrettement party vne nuit s'y en alla en toute diligence, afin de le preuenir & luy faire teste, s'il se mettoit en effort d'y entrer. Cecy donna à penser à Bajazet, voyant la difficulté qu'il auoit d'en approcher son armée: avec ce que là-dessus luy vindrent nouvelles, comme les Hongres sous la conduite de l'Empereur Sigismond, avec vn grand renfort de François & Allemans, s'estoient mis en campagne pour le venir trouuer, desia prests à passer le Danube: & si auoient encore accueilly les forces des Valaques (gens assez conneus & renommez) pour leur seruir de guides en ce voyage, & les conduire par le pays de l'ennemy. Ce Sigismond icy qui assembla vne si belle armée contre Bajazet, estoit vn fort grand terrien, des parties du Ponant; qui faisoit sa demeure la pluspart du temps à Vienne en Autriche, dont il estoit Seigneur, ensemble de beaucoup d'autres terres de là autour: de sorte qu'il estoit paruenue au Royaume de Hongrie, & à l'Empire d'Allemagne encore. Mais puis que nous sommes icy tombez sur le propos des François & des Allemans, il me semble qu'il n'y aura point de mal de toucher quelque chose en passant de la situation de ces deux belles grandes Prouinces, & des mœurs & façons de faire des peuples qui y habitent.

1388.
ou environ.

La Princeesse
de Delphes
donne sa fille
à Bajazet pour
auoir paix.

* C'est pour-
quoy les Prin-
ces Paleologues
portent en leurs
armoiries vn
quartier d'Ar-
ragon, car ils fi-
rent depuis al-
liance avec
ceux-cy. Or re-
connerent le
Peloponse.

Le Duc de
Lacedemone
deffend à Ba-
jazet l'entrée
du Peloponse.

Ligue des
Chrestiens
contre le Turc.
Il y a icy quel-
que contrariété
entre les Histo-
riens, pour le
regard des
temps.

V.

Description
de la Germa-
nie.

LA Germanie prend son commencement es monts des Alpes, d'où sort la riuere du Rhin, lequel se va rendre en la mer Oceane deuers Soleil couchant. Tout ce qui est de pays depuis Argentine ou Strasbourg iusques à Maience, & encore plus bas quasi iusques aupres de Colongne, en remontant puis apres de là vers Autriche, s'appelle la haute Germanie, mais le reste qui passe au dessous de ladite ville de Colongne, tant à main gauche du Rhin, en tirant vers les Gaules, iusques aux Isles de la grand' Bretagne, qu'à la main droite au deça de ce fleuve vers "la Pyridastie sont" les pays bas de ladite Germanie ou Allemagne. Sa longueur, à la prendre depuis Vienne iusques aux bouches du Rhin, est de vingt bonnes iournées: Et si la largeur en est

"Phrise.

1388.

*J'ay redressé
le texte en cet
endroit où il est
si confus qu'on
ne sauroit en-
tendre ce qu'il
veut dire : le
tout avec bonne
conjecture.*

*Il veut enten-
dre les pay-
s.*

*Description
de Hongrie.*

plus grande, combien qu'on la vueille mesurer par la plus courte & abbregee tra-
uerse, depuis la Gaule Celtique, iusques presque en Dannemarch. Au reste cette
nation est pour cette heure la mieux policée, & qui se gouuerne le mieux que nul
autre peuple de tous ceux qui regardent, soit au Septentrion ou au Ponant; de partie
au reste en plusieurs belles & grosses villes, qui viuent chacune selon ses loix & coustumes
à part. Il y a aussi plusieurs Princes, Potentats, & grands Seigneurs meslez parmy;
& des Euesques & autres Prelats de lieu à autre, qui respondent tous au souverain
Pasteur de l'Eglise Romaine, lequel ils reconnoissent pour Superieur, & luy obeyf-
sent en la spiritualité. Mais les principales, & plus fameuses de toutes celles qui
sont venues à nostre connoissance, tant de la haute que de la basse Germanie, sont
Nuremberg riche & fort marchande, Strasbourg, Bamberg, Colongne; & bien deux
cens autres, comme l'on dit, qui ne sont gueres moindres. Somme que c'est vne
tres-grande & puissante nation, & qui en nombre de gens, & estendue de pays peut
estre tenuë pour la seconde apres les Tartares, ou Nomades de la Scithie: tellement
que s'ils estoient bien vnis & d'accord tous ensemble sous l'obeyssance d'un Prince seul,
ie croy quant à moy qu'ils seroient inuincibles, ou à tout le moins les plus forts & redou-
tez de tous les mortels. Car entant, que touche l'habitude & disposition de leurs
personnes, ils sont gaillards, sains, & robustes, ce qui se peut: comme ceux qui
passent leur aage au Septentrion sous vn climat où rien ne deffaut de ce qui est ne-
cessaire à la vie de l'homme; sans iamais estre gueres infectez ny empuantis de la
peste, prouenante d'un air corrompu, ainsi que sont les peuples de l'Orient: par-
my lesquels cette pernicieuse contagion fait ordinairement de terribles & mer-
ueilleux eschees & bresches. Et s'il y a encore fort peu d'autres maladies qui du-
rant l'Esté, & sur l'Autonne sont ailleurs fort frequentes & molestes: ne de trem-
blemens de terre non plus: au moins qui soient dignes d'estre remarquez: trop
bien y pleut-il en abondance tout le long de l'Esté autant ou plus qu'en autre endroit
que ie sçache. Il y a aussi force fruits de toutes sortes, horsmis d'oliues, de figues,
& de raisins, avec, si ce n'est le long du Rhin. Au regard de leur viure, de leurs
habillemens, & autres façons de faire, ils ne different pas beaucoup en tout cela des
Occidentaux. Mais ie n'ay point ouy dire, qu'en tout le demeurant de la terre il y ait
gens plus feruens & deuotieux, ne plus fermes & arrestez en la religion Romaine, que
sont ceux principalement qui approchent le plus de l'Occident. Le duel & combat
d'homme à homme leur est fort frequent: toutesfois ce n'est pas à cheual, ains à pied
que leurs querelles se demessent: & ne trouuera-l'on pas aysément ailleurs, comme ie
croy, gens qui soient plus industrieux & subtils à inuenter toutes sortes de machines &
engins pour la guerre. Aussi se sçauent-il bien glorifier d'estre les plus excellens ou-
riers de tous autres, en quelque mestier que ce soit: car on tient que ce sont eux qui
ont monstré premierement l'usage de l'artillerie, arquebuses, pistolets & autres bastons
à feu: & que de là, ceste peste & ruine du genre humain, a couru & s'est espanchée par
tout le reste du monde: si bien que pour le iourd'huy il n'y a gueres de gens qui ne s'en
aident. Mais pour venir à la Pannonie, ou Hongrie, ainsi qu'on l'appelle maintenant, elle
commence à la ville de Vienne, & de là tirant droit contre l'Orient le long de la riuere du
Danube, passe iusques aux Transiluiains & Triballiens: & deuers le Septentrion, elle va
atteindre les Bohemes, qu'on appelle autrement les Cephien ou Tzechiens. Elle a aussi
ses Princes & Seigneurs particuliers, qui ont leur pays separez les vns des autres, & neant-
moins reconnoissent tous le Roy pour souverain, & luy rendent obeyssance sous de cer-
taines conditions; combien qu'ils n'ayent gueres accoustumé de l'eslire de leur nation, car
ils appellent ordinairement quelqu'un du sang Royal de Boheme, ou bien de la Germa-
nie, ou des Polonois, & autres peuples circonuoisins, pour les gouuerner. Quant à leurs
armes, mœurs & façons de faire, ils semblent conuenir assez avec les Italiens, s'ils n'estoient
si dissolus & excessifs en leur viure, aussi bien que les Allemans & François. Ils suient la
Religion Romaine; & sont au reste gens fort vaillans & exercez à la guerre; tellement
que ce seroit chose trop mal-aisée à raconter, que de leurs faits & prouesses. Que si d'auen-
ture le Royaume vient à vacquer quelquesfois, celui des Princes & Barons qui le premier se
peut saisir du Palais Royal, a du peuple la souveraine autorité & superintendace des affai-
res, mais il ne prend pas pour cela le tiltre de Roy. Leur langage est particulier, n'ayant rien
de commun avec celui des Allemans ne Polagues, ne de pas vne des nations Occidentales
aussi peu: & pourtant quelques-vns veulent dire que ce furent anciennement les Grecs
propres

propres qui habitoient au pied du mont Aenus, & qu'en ayans esté dechassez par les Scithes, ils se seroient retirez en la contrée qu'ils tiennent de present; les autres ont opinion que c'estoient Valaques: de moy ie n'en sçaurois que dire à la verité. Mais puis qu'eux-mesmes se sont donnez le nom de Pannoniens, & que les Latins les appellent ainsi, il me semble qu'il ne me sierroit gueres bien de leur en vouloir mettre vn autre. Le siege capital est à Bude, tresbelle & magnifique ville située sur le bord du Danube; d'où ils enuoyèrent premierement deuers Sigismond desia esleu Empereur, lequel pour lors sejournoit à Vienne, luy offrir le Royaume.

1390.
& iuuans.

L'Empereur
Sigismond es-
leu Roy de
Hongrie.

Il n'en fut pas plustost entré en possession, qu'il depescha deuers le Pape, qui luy estoit desia auparauant fort affectionné, & allié aussi aucunement, pour faire ratifier son election Imperiale, laquelle dignité les souuerains Pontifes de l'Eglise Romaine souloient auparauant conferer aux Roys de France, en consideration de leurs merites & bien-faits enuers le saint Siege: & mesmement pour auoir defait & exterminé les Sarrazins, qui estoient passez de l'Afrique en Espagne, & deliuré le pays entierement de leur seruitude & oppression, ensemble de leurs courses, inuasions, & sur-prises. Mais puis apres le droit d'eslire les Empereurs passa de Rome aux Allemans; & neantmoins Sigismond apres en auoir eu l'assurance du Pape, & que sa Sainteté l'eust mandé là dessus, pour aller receuoir la couronne de sa main, il se mit en chemin pour l'aller trouuer, prenant son adresse par les terres des Venitiens: lesquels n'en eurent pas plustost les nouuelles, qu'ils luy enuoyerent dire assez rudement, qu'il eust à en sortir: Dequoy il ne tint compte, ne voyant rien encore (celuy sembloit) qui luy deust empescher le passage. Mais les autres ayans en toute diligence assemblé leur armée, vindrent au deuant de luy, en deliberation de luy faire faire de force, ce que de son bon gré il n'auoit voulu faire: Et luy de son costé voyant leur contenance & resolution, rengea ses gens en bataille, & leur vint presenter le combat, où il perdit grand nombre d'hommes, & fut luy-mesme contraint de prendre la fuite honteusement, en grand danger encore d'estre pris. Voyant doncques qu'il n'y auoit plus d'ordre de passer par là, il rebroussa chemin vers les hautes Allemagnes, & de là s'en vint rendre à Milan. Poursuiuant puis apres ses erres, il arriua finalement à Rome, où il fut couronné Empereur par le Pape; avec lequel il eut le moyen de negocier tout à loisir beaucoup de choses, touchant le secours de gens & d'argent qu'il demandoit pour la guerre du Turc, car il l'auoit desia conceuë en son entendement: à quoy le Pape presta fort volontiers l'oreille, & depescha là-dessus au Roy de France, & au Duc de Bourgogne; qui octroyent liberalement huit mil hommes de guerre, sous la charge & conduite du frere dudit Duc. L'Empereur de son costé fit ses apprests, receuant à sa solde tous les Allemans qui se voulurent enrooler; Puis aussi-tost qu'il eut son cas en ordre, ayant pris les forces de Hongrie, & les Valaques pour seruir de guides & auant-coureurs, tira droit au Danube, pour de là aller rencontrer Bajazet. Et cependant depescha des Ambassadeurs deuers les Princes & Potentas de l'Italie & Espagne; pour solliciter aussi leur secours d'hommes & de deniers, à cette sainte & louable entreprise. Le tout suuant l'aduis & exhortement du saint Pere; lequel de sa part ne manqua en rien de tout ce qu'il auoit promis. Mais le Turc qui sceut incontinent, comme Sigismond s'en venoit à tout vne grosse puissance pour le combattre, assembla soudain les forces de l'Asie & de l'Europe, & d'une diligence nompareille, le vint deuanter iusques au Danube, plantant son camp à deux lieues & demie du bord de l'eau. Surquoy les François (qui à la verité sont bien vne tres-hardie & belliqueuse nation, mais bien souuent aussi vn peu plus bouillans & hastifs, que par aduenture il ne seroit besoin) sans autrement vouloir temporiser, coururent soudain aux armes: ne voulans pas que les autres eussent part à leur victoire: & allerent attaquer fort viuement les ennemis, comme si de cette premiere pointe ils eussent deu foudroyer tout, & passer de plaine arriué sur le ventre à l'armée Turquesque. S'estant là commencé vn fort sanglant & tres-cruel combat, eux-mesmes ne peurent supporter le faix de leurs aduersaires, mais ployerent assez tost, & se vindrent renuerser sur les autres qui les soustenoient, où fut encore brauement combattu par vne bonne piece: Tant qu'à la parfin la foule des Turcs qui de tous costez les vindrent enfoncer, fut si grosse & impetueuse, que cela les emporta du tout, & acheua de les deffaire. Il y eut à cette seconde recharge, vn fort grand meurtre & tuerie des Chrestiens, tant sur le lieu du combat, que puis apres à la chasle. Et dauantage ceux qui s'estans sauuez de viffesse, se voulurent aduenturer de passer

VI.
Jean 11.

Les Roys de
France pre-
miers Empe-
reurs d'Alle-
magne.

Les Venitiens
empeschent
le passage par
leurs terres à
Sigismond,
s'allant faire
couronner à
Rome.

Charles 6.

Jean Comte
de Nevers.

Ce furent les
Hongres qui
par leur enue
perdirent tout,

1325.

Sigismond se
sauve en vne
petite nacelle.

* Ce fut la veil-
le S. Michel l'an
1395.

VII.
Description
de la Valachie.

Lollange de
Cazimir Roy
de Pologne.

* Les Russiens
deuers Chouane.

Les Valaques
venus premie-
rement de
gès ramassez,
comme aussi
est leur langa-
ge.

* Autrement
Marc.

la riuere à nage, demurerent la pluspart engloutis dans le courant & profondeur des ondes. Tellement que plusieurs y finirent miserablement leurs iours, tant Hongres que François: entre lesquels fut pris le frere du Duc de Bourgogne, qui auoit la principale charge & autorité en l'armée. Et ne s'en fallut mesmes gueres que l'Empereur qui se trouua lors en tres-grand danger de sa personne, ne demeurast prisonnier és mains des Turcs: toutesfois ayant trouué vne barque à propos, il se sauua dessus, & tira droit à Constantinople deuers l'Empereur, où apres auoir famillierement communiqué ensemblement de beaucoup de choses auecques luy, & obtenu ce qu'il vouloit, s'en retourna sain & sauue en son pays. Bajazet se voyant vne si belle & heureuse victoire entre les mains, en laquelle il auoit prosterné & mis bas toute la fleur & eslite de la puissance, non seulement de Hongrie, mais des meilleurs endroits de la Chrestienté, se mit tout à son aise à piller & saccager le pays d'alentour: & si passa encore plus auant iusques vers Bude, ville capitale de tout le Royaume; se saisissant d'un nombre infiny de pauures ames, pour emmener en captiuité & seruage. Mais il se trouua surpris & tourmenté de la goutte, dont il fut contraint de retourner arriere, & remmener son armée; combien que pour ne luy auoir cette indisposition duré comme rien, ie ne me puisse assez esmeruiller, pourquoy il s'arresta ainsi court: ne deuiner aussi peu ce qui l'empescha lors de prendre Bude, & se faire entierement maistre & Seigneur de tout le pays, veu l'occasion & les moyens qui s'en presentoient. Quoy que ce soit, il semble que cette maladie suruint bien à propos pour le renmener au logis, avec les grandes forces qu'il auoit, toutes enorgueillies encore d'une si braue & superbe victoire: neantmoins, il renuoya depuis vne autre armée en Hongrie, pour gaster le pays.

BIEN tost apres il alla luy-mesme en personne courir sus à Myrxas Duc de Valachie, par despit de ce qu'il auoit commencé le premier à l'assailir en la compagnie des Hongres, avec lesquels il s'estoit ioint & associé en cette derniere guerre. Les Valaques sous qui aussi là sont compris ceux de Moldaue, sont à la verité de vaillans hommes au fait de la guerre; mais fort grossiers au reste, & peu ciuils; faisans ordinairement leurs demeures en certains petits hameaux, & lieux champestres parcy & parlà à l'escart, où se rencontrent les meilleurs & plus beaux paccages pour leur bestail. Au regard de la situation du pays, il prend son commencement au mont Orbale, & aux Peuciniens, ou Transiluiains, & de là s'estend iusques au pont Euxin: estant arrousé du Danube à la main droite, du costé qui regarde vers la marine: à la gauche il y a la region qu'on appelle Bogdanie: car la montagne de Prasobe (ainsi l'appellent ceux du pays) qui est celle-là mesme qu'on nommoit anciennement Hæmus: s'allonge d'un bout à autre, & la coupe par le milieu en ces deux moitez. Là aupres habite vne race de Tartares fort peuplée & opulente, sujets toutesfois à Cazimir Roy de Pologne, lequel les Scites Nomades ont aussi accoustumé de suiure & accompagner en toutes ses guerres & entreprises, car c'est vn Prince de fort grande valeur, & qui s'est tousiours merueilleusement bien porté en toutes les rencontres qu'il a eues, en quoy il a acquis vn grand bruit & reputation. A la partie de Septentrion puis apres se trouuent les Polonois, & deuers Soleil leuant les * Sarmates. Quant au langage des Valaques, il sembleroit de prime-face que ce fust presque vne mesme chose avec celui des Italiens, mais il est si corrompu, & se trouue finalement tant de difference de l'un à l'autre, que mal-aisément se pourroient-ils en-tendre. Comme cela se soit peu faire, qu'eux vsans presque du mesme parler, de mesme meurs & forme de viure que les Italiens, soient allez prendre pied en ces marches-là, ie ne l'ay point encore entendu, & si n'ay trouué personne qui m'en sceust rendre assez bon compte. Toutesfois le bruit commun est que ce furent gens ramassez de diuers endroits qui y aborderent premierement, sans cependant auoir fait chose digne de memoire, ne qui merite d'estre inserée en la presente Histoire. Au reste, on voit encore pour le iourd'huy qu'ils ne different pas beaucoup d'auec les Italiens, tant en leurs façons de faire, qu'en leurs vstancilles, armeures, equipage & vestemens, qui sont presque vns à tous les deux peuples. Cette nation doncques est diuisée en deux principautez, à scauoir la Bogdanie, ou Moldaue, & la contrée qu'on appelle Istrie: qui ne gardent pas toutesfois vne mesme forme de gouuernement: trop bien conuiennent-ils en cela, que ce n'est point la coustume des vns ne des autres d'obeyr tousiours à de mesmes Princes & Seigneurs, car ils en changent selon qu'il leur vient à propos, appellans tantost l'un, tantost l'autre, à l'administration & conduite de leurs affaires. Et de vray ce Myrxas * icy dont

dont est question, fut par eux promeu & aduancé à la Seigneurie, au lieu d'un Danus ou Daas, qu'ils auoient mis à mort: il est bien vray aussi que Myrxas estoit du sang de leurs anciens & naturels Seigneurs, & eut d'une femme qu'il entretenoit plusieurs bastards, dont les descendants ont tousiours depuis regné de main en main en la Valaquie, iusques à l'heure presente. Ce fut celuy-là que Bajazet alla attaquer, pour se venger de la ligue qu'il auoit faite à l'encontre de luy avec l'Empereur Sigismond. Au moyen dequoy ayant passé le Danube, il entra iusques au fond de son pays; pillant tout, & prenant un grand nombre d'esclaves: Ce que Myrxas ne pouuant plus longuement supporter de voir deuant ses yeux, assembla en diligence son armée, & sans autrement s'arrester à consulter de la façon dont se pouuoit plus seurement faire la guerre, ne si on deuoit hazarder le combat ou non, apres auoir seulement destourné les femmes & enfans es plus forts & secrets lieux du mont de Prasobe, se mit à suiure le camp des Turcs par de grandes & profondes forests; qui sont si drues en tous ces cartiers-là, qu'elles les rendent comme inaccessibles, & presque inexpugnables. Myrxas doncques s'estant mis à la queue de Bajazet, le tenoit incessamment en alarme: & ne se passoit gueres iour qu'il ne donnast une estrette à ceux qui se debandoient de la grande troupe; ou ne dressast quelque bonne embuscade aux fourrageurs, qui estoient contraints d'aller au loin chercher à viure & à piller: Tant qu'à la parfin apres plusieurs escarmouches & legeres rencontres, suiuant tousiours les ennemis à la trace, il eut bien la hardiesse de venir tout ouuertement aux mains avec eux: Mais il prit son aduantage, & les alla attendre à un destroit fort mauuais & dangereux, où leur ayant viuement couru sus, il en tua un fort grand nombre: & leur eust bien encores fait pis; si Brenezes ne se fust aduisé d'un expedient: de faire faire alte & se camper-là pour le reste du iour: ce qui garentit & sauua le demeurant de l'armée, du danger où ils s'estoient eux-mêmes allé precipiter. Deslors ce Brenezes commença d'auoir beaucoup de credit aupres de Bajazet; qui l'esleua finalement à une tres-grande autorité. S'estant doncques suiuant son aduis arresté-là, il deslogea le lendemain de bonne heure, pour aller repasser le Danube, d'où il reprit puis apres le chemin de son pays. Voila l'issue qu'eut le voyage de la Valaquie, lequel ne fut pas si heureux que promettoit la monstre & equipage d'une telle puissance.

1388.

& iuuans.

Car ces choses arrivèrent au paravant ce qui precede.

La Valaquie toute couverte de bois.

Myrxas s'estant saisi d'un destroit, met en route les Turcs.

Brenezes en credit aupres de Bajazet, pour luy auoir donné un conseil à propos.

VIII.

L'occasion qui meut Bajazet d'assieger Constantinople.

1388.

& iuuans.

Ligue des Princes Grecs contre Bajazet.

Le viel Empereur Caloman oste à son fils Emanuel la femme qu'il auoit fiancée.

CELA ne l'empescha pas neantmoins d'esleuer ses esperances à des plus hautes entreprises, & mesmement d'aller assaillir Constantinople, pour la cause que vous orrez presentement. Les Empereurs des Grecs, ainsi que nous auons desia dit cy-deuant, ne bougeoient de sa Cour, & l'accompagnoient à la guerre toutes les fois que l'armée sortoit dehors. Or comme Bajazet se trouua une fois de seiour en la ville de Pherres en Macedoine, l'Empereur de Constantinople, le Duc de Sparte, Constantin fils de Zarque, & Estienne fils d'Eleazar, luy vindrent faire la reuerence: là où se trouua aussi Mamonas, qui estoit party expressement du Peloponese, pour venir faire ses doléances à l'encontre du frere de l'Empereur, lequel luy auoit osté de force la ville de Duras, & fait quant & quant tout plein d'outrages & iniures. Cela aigrit Bajazet enuers l'Empereur: ioint que Iean fils d'Andronic pouffoit de son costé à la roue, estant lors à sa suite, nourry & entretenu à ses despens. Et dit-on que Bajazet fut un iour sur le point de donner un coup de poignard à l'autre, comme il parloit à luy, mais il se retint: Et quelque temps apres Haly fils de Charatin le mit à mort, combien qu'ils fussent grands amis, & que Haly eust receu de luy plusieurs presens & bien-faits. Ainsi s'estans tous ces Princes & Seigneurs rencontrez à la Cour de Bajazet, consulterent par ensemble de leurs affaires particulieres, & se resolurent de n'y reuenir plus. Car Constantin qui estoit bien le meilleur homme de guerre d'eux tous, & de la plus haute entreprise, ayant succédé à son frere Dragas, au pays par luy conquis sur les Albanois & Illiriens, durant le temps qu'il leur fit la guerre, auoit esté contraint par Bajazet de le venir courtoiser, & la pluspart de l'année faire residence aupres de luy; ce qu'il portoit fort impatiemment. Parquoy il se mit à faire iene scay quelle brigue avec l'Empereur Emanuel, pour luy donner sa fille en mariage, moyennant qu'il voulust approuuer la deliberation qu'ils auoient faite, de se retirer de cette seruitude, & se mettre de la partie avec eux. Car Emanuel auoit auparauant fiancé la fille de l'Empereur de Trebisonde, qui estoit demeurée veufue d'un Seigneur Turc nommé Zetin: belle Dame entre les plus belles, & de meilleure grace encore: De laquelle (comme il l'eust amenée à Constantinople) le pere de luy ayant ieté l'œil sur sa beauté, accompagnée de toutes les perfections qui peuuent estre desirées

1388.

& Juuans

*Il est fort malade de débrouiller ces années.**Ce que peut l'amour sur toutes sortes d'âges.**Emanuel se Mena à la fille de l'Albanais Constantin.**Désobéissance de Caratin envers son maître.**Constantinople assiégée dix ans durant par les Turcs.*** C'est une ville de la Thracie sur la Propontide.**Malice d'Emanuel envers son neveu, cause qu'il alla rendre au Turc.**Iean se débrouille de Bajazet, & s'en retourne à son oncle.**Voyage de l'Empereur Emanuel de.*

en vne Dame de telle maison, en deuint incontinent si amoureux, qu'il ne fit point de conscience de l'oster à son fils, & la prendre pour soy-mesme, combien qu'il fust hors d'age de se remarier, & tellement persecuté des gouttes, qu'à grand' peine se pouuoit-il remuer. Mais nonobstant tout cela, il se trouua si assolé de sa nouvelle épouse, qu'il faisoit des choses ridicules, voire du tout indignes du lieu qu'il tenoit, & de sa disposition. Car laissant là en nonchalance les affaires de l'Empire, pensez qu'il le faisoit bon voir avec vne bande de violons à sa queue, & autres ioueurs d'instrumens qui le suiuoient continuellement aux dances, mommeries, & festins, où le pauvre bon-homme qui ne se pouuoit pas remuer, passoit les iours & les nuits toutes entieres. Apres doncques qu'Emanuel & Constantin se furent entre-donnez la parole sur le mariage & les conuenances dessus-dites, les Princes qui n'aspiroient qu'à executer promptement le complot fait entr'eux de se reuolter, s'escoulerent sans mot dire chacun en son pays. Emanuel mesme s'estant d'escrobé fit si bonne diligence, qu'au quatriesme iour apres qu'il fut party de Pherres, il arriua à Constantinople: Theodore son frere gagna le Peloponese, & les autres s'escarterent de costé & d'autre. Mais l'Esté ensuiuant, comme Emanuel n'eust point comparu à la Porte ainsi que de coustume, & qu'on eust soufflé aux oreilles de Bajazet qu'il ne se falloit plus attendre de l'y reuoir: il depescha deuers luy Haly fils de Caratin: l'homme de ce monde à qui il se fioit autant, pour l'aller sommer de retourner deuers luy sans y faire faute, & en son refus de luy denoncer la guerre. Haly estant arriué à Constantinople, tint bien en apert le langage que son maistre luy auoit commandé, mais en priué il conseilla à Emanuel de n'en faire rien. Il fit toutesfoi s vne fort gracieuse & honneste responce là-dessus: Que ja à Dieu ne pleust, qu'en chose de ce monde il voulust iama is mescontenter Bajazet, & puis que tel estoit son plaisir, il ne faudroit de l'aller trouuer au plustost. L'effet puis-apres ne respondant point à ses paroles, Bajazet s'irrita voyant qu'il ne faisoit que l'abuser, & meha pour cette occasion son armée deuant Constantinople, où il ruina tous les faux-bourgs, avec les beaux lieux & maisons de plaisance, les fermes & castines qui estoient à l'entour; & fit encore tout plein d'autres degats & ruines en la contrée. Cela fait, pource que le siege ne luy succedoit pas à sa volonté, il s'en retourna au logis. Toutesfoi s l'année ensuiuant, & consequemment par l'espace de dix autres continuelles que cette guerre dura, il ne faillit iama is d'y renuoyer son armée, esperant de l'auoir à la longue, & d'effamer ceux de dedans: Ce qui les mit si à destroit, que plusieurs moururent de necessité & mesaise, & grand nombre s'allèrent rendre aux Turcs. Sur ces entrefaites la ville de * Selybrée vint es mains de Bajazet, dont il donna le gouuernement à Iean fils d'Andronic. Cettuy-cy s'en estant fuy de Constantinople pour euiter la fureur de l'Empereur son oncle, auoit depuis esté contraint de retourner deuers luy, & là-dessus il le depescha en Italie, pour quelques siens affaires. Apres qu'il se fut acquité de ce qu'il auoit en charge, il luy enuoya nouuelle depesche, pour passer outre iusques à Genes, solliciter du secours contre le Turc: & cependant il auoit enuoyé secrettement vn courrier à la Seigneurie, pour l'arrester, & le mettre en lieu seur. Mais ayant longuement ainsi esté detenu prisonnier, il trouua moyen d'eschapper & sortir d'Italie; d'où il s'en vint droit rendre à Bajazet, qui lors estoit deuant Constantinople, duquel il fut receu fort amiablement, & le mena quant & luy au siege de Selybrée: laquelle luy ayant esté rendue par composition, il luy laissa en gouuernement. Estant de là retourné au siege de Constantinople, pource qu'il voyoit bien qu'il n'y auoit ordre ny moyen de l'emporter de force, il se resolut de la prendre à la longue par famine; & l'eust fait sans les nouuelles qui luy vindrent de la descente de Temir, qui marchoit contre luy, à tout vn peuple innumerable. Toutes lesquelles choses aduindrent vn peu auparauant que Bajazet fust defait, & pris par Temir, comme vous orrez cy-apres; dont beaucoup de pieces de ce beau & puissant Empire qu'il s'estoit desia estably en l'Asie, se vindrent à eclipser. Si n'abandonna-il point pourtant si tost le siege, tellement que l'Empereur se voyant ainsi pressé, voire reduit au dernier desespoir de ses affaires, sans qu'il y eust plus aucun moyen de remedier au danger eminent, laissa le tout en la garde dudit Iean fils d'Andronic, qui n'estoit pas alors guerres bien enuers Bajazet, d'autant qu'il le soupçonnoit d'empescher sous-main que la ville ne luy fust rendue, & l'autre craignant qu'il ne luy fist à la fin quelque mauuais party, se desrobba secrettement, & s'en vint trouuer Emanuel, qui eut sa venue infiniment agreable. Luy laissant doncques la charge & superintendance de toutes les affaires, fit voile en Italie, pour demander luy-mesme secours contre le Turc. Estant arriué en la Morée, il laissa là sa femme en la

garde

garde & recommandation de son frere, & passa outre à la poursuite de son voyage deuers les Princes & Potentats d'Italie: où tout premierement il remonstra ses affaires aux Venitiens: puis s'en alla à Gennes, & de là deuers le Duc de Milan, qui le receut fort amiablement, & luy donna gens, argent, cheuaux, & adresse pour le conduire au Roy de France: en la presence duquel il exposa l'occasion de sa venue, qui estoit pour le requerrir de ne vouloir point abandonner, & laisser ainsi perdre la ville de Constantinople, chef & souverain siege de tout l'Empire d'Orient, alliée & confederée de tout temps & ancienneté à la Couronne de France. Mais le mal-heur ayant voulu qu'il trouua le Roy malade, & aliéné de son sens, en telle sorte que les Princes & Barons estoient contraints de s'en prendre garde; cela fut cause que l'Empereur attendant sa guerison, demeura-là fort longuement à ne rien faire.

Je diray cependant cecy des François, que c'est vne nation tres-noble & fort ancienne; riche, opulente, & de grand pouuoir. Et d'autant que de toutes ces choses ils surmontent & passent de bien loin tous les autres peuples de l'Occident, aussi ont-ils bien opinion que c'est à eux, à qui de droit, l'autorité souveraine, & l'administration de l'Empire Romain doit appartenir.* Au regard † de la situation du pays, la partie qui regarde à l'Orient, se va joindre & rencontrer avec la Lombardie: au midy elle a les Espagnes, ou plustost les monts Pyrenées qui luy font espaule, & seruent de rempart: du costé de Septentrion la Germanie fait ses tenans & aboutissans: mais deuers Soleil couchant, il n'y a autres bornes ne limites, que les flots de l'Ocean, & les Isles de la grand' Bretagne. Tellement qu'en sa longueur, qu'on prend depuis les Alpes, qui sont hors de l'Italie, iusques à la mer Germanique, elle contient dix-huit bonnes iournées de chemin, & de l'Espagne iusques en Allemagne dix-neuf. Au reste la tres-grand' ville & cité de Paris, autrement ditte Lutèce, qui est le siege capital de tout le Royaume, soit en beauté d'assiette, multitude de peuple, civilité, & courtoisie des habitants, richesses, en commoditez, & abondance de toutes les choses qu'on scauroit souhaitter, laisse bien loin derriere elle, toutes les autres habitations dont iusques icy on ait eu connoissance. Il y a encore force autres belles villes & citez, toutes sous l'obeissance de ce grand & puissant Monarque, qui ont chacune leurs coustumes à part. Et si les Princes & Seigneurs qui luy sont sujets, sont fort riches & grands terriens, lesquels ne bougent la pluspart du temps de sa Cour; ce qui la rend la plus belle & magnifique de toutes autres. Du nombre de ceux-là, est le Duc de Bourgogne qui commande à vn fort grands pays; & a sous sa domination plusieurs villes pleines de tres-grandes richesses, mesmement celles de Flandres, & autres pays bas, comme Gand, Anuers, Bruges, situées sur le bord de la marine vis à vis de l'Isle d'Angleterre, en laquelle comme à l'vn des plus fameux apports & estappes de toutes ces marches-là, abordent tous les iours infinis vaisseaux chargez de toutes sortes de marchandises, tant de nos regions de par deça, que de toutes les costes d'Espagne, Portugal, France, Angleterre, Danemarck, & encore plus auant en tirant au Septentrion. On racompte tout plain de fort belles guerres, que de fresche memoires ces Ducs de Bourgogne ont fait contre les Roys de France, & les Anglois. Mais il y a puis apres le Duc de Bretagne, & d'autres encore tout ioignant les terres & pays du Roy, comme est aussi le Duché de Sauoye esparti & semé parmy les montagnes: neantmoins le pays ne laisse pas d'estre bon & fertile; & si est grand avec cela, car il arriue aux Geneuois, & à la Duché de Milan. Qui est-ce que nous auons peu retirer en la presente Histoire de cette belle masse, & puissante Monarchie des François. Quant à Gennes, qui est comme vn portail & entrée de tous ces quartiers-là, du costé de l'Italie; Son territoire s'estend iusques à la frontiere de Prouence, dont est pour le iourd'huy Seigneur le Roy René, issu de tres-noble & tres-illustre sang des Roys dessusdits. Nice en est la capitale ville, & y en a encore tout plein d'autres, entre lesquelles est fort renommée celle d'Avignon, pour l'excellence du pont qui y est, l'vn des plus beaux, des plus grands & admirables qui soit en tout le reste du monde: aussi est-ce la clef, qui ouure & ferme le chemin pour passer en Catalogne, & Arragon. Mais à tant est-ce assez parlé des particularitez, & descriptions de la France, car on scait assez que cette nation est fort ancienne sur toutes autres, & qu'elle s'est d'auantage aquis vne tres-grande & magnifique gloire, pour auoir tant de fois vaincu & rembarré les Barbares, qui estoient sortis de l'Afrique, durant mesme que l'Empire Romain estoit comme annexé & hereditaire à ceste Couronne. Celuy de tous qui fit les plus belles choses fut Charlemagne, lequel accompagné du Comte Roland (de la force & vaillance duquel on racompte des merueilles incroyables)

ou enuiron.
uers les Prin-
ces Chrestiens,
pour deman-
der secours
contre le
Turc.
Charles VI.

Constantino-
ple alliée de
tout temps à
la Couronne
de France.

IX.

Description
de la France.

* Remarque
bien icy, il est
fort à l'aduan-
tage de la Fran-
ce.

† Il parle par
leur es mon-
stre bien qu'il
est estrange.

Le Duc de
Bourgogne
lors Seigneur
des pays bas
sujet & vassal
du Roy.

Bretagne.
Sauoye.
Gennes,

Nice.

Avignon.

Charlemagne
& ses Peers,

1392.
& finians.

Les Mores de
l'Afrique sub-
juguent tou-
tes les Espa-
gnes.

Charlema-
gne deliure
l'Espagne de
l'oppression
des Sarrazins.

Il rend aux
Princes Espa-
gnols les pays
par luy con-
quis sur les
Infidelles.

La mort du
Comte Ro-
land.

* Remarque
encore cery
pour la gloire
de la Nation
Françoise.

* Il se trompe,
leurs querelles
venant de
plus haut.

Deffaite du
Roy Jean au-
pres de Poi-
tiou.

de Renaud de Montauban, d'Oliuier, & autres Palatins & Pairs de France, gagna heureusement plusieurs grandes batailles contre les Sarrazins, tant en France qu'en Espagne; les ayans tousiours deffaits & contrains de fuyr deuant luy, dont iusques aujour- d'huy par toutes les contrées de l'Occident ne se chante presque autre chose, que les louanges de leurs prouesses & beaux faits-d'armes. D'autant que les Mores de l'Afrique ayans passé le destroit de Gilbatar, où sont les jadis tant fameuses & renommées colonnes d'Hercules, s'espancherent par toutes les Espagnes, & les conquirent en peu d'heure: de là s'estans emparez du Royaume de Nauarre, & de celuy de Portugal, ensemble de tout le reste du pays iusques en Arragon, entrèrent finalement en la Gaule, où Charle- magne avec les Princes dessusdits leur alla au deuant, & les chassa non seulement de ses confins & limites, mais encore de tout ce qu'ils auoient occupé en Espagne: telle- ment qu'ils furent contrains de se retirer ou plustost s'enfuyr à Grenade, ville bien rem- parée & assise en tres-forte situation; sur vn coustau qui se rabaisse doucement iusques a la greue de la grand' mer, où il y a vn bon port, duquel sortans de fois à autre, ils enua- hirent derechef l'Espagne, & s'y habituerent. Mais Charlemagne leur vint vne autre fois courir sus, & deliura les Seigneurs du pays qu'ils tenoient assiegez, ausquels ils res- titua tout ce qu'ils auoient perdu, tant en Castille, que Nauarre, & Arragon: combien qu'il l'eust conquis de bonne guerre à la poincte de l'espée. Les naturels & propriétaires ayans fait entr'eux vne discussion & departement, rentrent chacun en l'heritage qui leur appartenoit, le tout par la magnificence de ce magnanime Empereur & des siens: Les- quels ayans mis à fin de si grandes choses, ce n'est pas de merueilles, si leur vertu & effort sont encore en la bouche de tout le monde. Au regard du Comte Roland, on dit qu'ayant esté fort blessé en vne embusche qu'on luy auoit dressée; il mourut de destresse de soif, par faute de trouuer promptement de l'eau: & que Renaud demeura à poursuiure le reste de cette guerre; mais que finalement il en reuint la charge es mains des Roys d'Espagne, qui tousiours depuis ont eu beaucoup d'affaires contre les Africains, dont le langage est le mesme que celuy des Arabes, & tiennent la Religion de Maho- met aussi bien qu'eux. Au reste ils s'habillent partie à la Barbaresque, partie à l'Espagno- le. Les François doncques, * pour tant de belles choses dont ils sont si heureusement venus à bout, n'ont sans iuste occasion voulu tousiours auoir la precedence sur toutes les peuples & nations du Ponant. Leur maniere de viure est vn peu plus delicate que celle des Italiens, mais au demeurant il n'y a pas beaucoup de difference. Et combien que ce ne soit point du tout vne mesme chose des deux langages, si ne sont-ils pas toutesfois si esloignez qu'ils ne se puissent quelque peu entendre les vns les autres. A la verité il fut vn temps, qu'on trouuoit les François par trop insolens & superbes, voulans tousiours auoir le dessus quelque part qu'ils trouuassent; mais ils remirent beaucoup de ces fa- çons de faire ainsi hauraines, deslors que la fortune commença de leur mal dire contre les Anglois, qui leur osterent la pluspart des Prouinces qu'ils tenoient, & les vnirent à leurs Couronnes. Puis les ayans ainsi despoüillez, menerent leur armée deuant Paris, où ils mirent le siege; & dit-on que le differend & querelle de ces deux peuples eut vn tel commencement. * Il y a vne petite ville, située à l'vn des coings de la Gaule Belgique, sur le bord de la mer Oceane, appelée Calais, qui n'est point autrement des plus re- nommées & fameuses, mais elle est forte d'assiette au possible; aussi est-ce le passage le plus à propos de toute la mer, pour trauerser de France en Angleterre: & y a quant & quant vn fort beau port, qui peut tenir grand nombre de vaisseaux, la plus belle com- modité que les Anglois eussent sceu choisir, pour mettre le pied dans la France. Au moyen dequoy le Roy d'Angleterre ayant de longue main fait son complot avec les ha- bitans, prit la ville d'emblée, & s'en mit en possession: Les François puis apres ayans en- uoyé deuers luy pour la rauoir, il ne fit autre responce sinon qu'il y aduiseroit plus à loisir. Cependant il la fit fortifier, & y ehuoya vne bonne garnison; si bien que le Roy de Fran- ce estant allé mettre le siege deuant, y demeura long-temps sans rien faire, & fut finale- ment contrain de se retirer: ce qui donna cœur aux Anglois de passer la mer derechef, pour courir & endommager le pays. Mais cette descente fut en vn autre endroit bien loin, du costé de la Guyenne, où ils eurent vne grande rencontre avec les François, qu'ils deffirent lors, & en occirent grand nombre; ce qui aduint en cette sorte. Les Anglois apres auoir pillé vne grâde estendue de pays, s'en retournoient avec le butin qu'ils auoient fait, pour le mettre en lieu de seureté. Dequoy les autres ayans esté incontinent aduer- tis, les suiurent en queue; toutesfois ils ne les peurent r'atteindre qu'ils n'eussent desia gagné

gagné vne motte forte d'affiette, là où voyans qu'ils ne leur pouuoient faire autre chose, se mirent à les enclorre & assieger là dedans ; en sorte que les Anglois qui n'auoient moyen de resister, ny de tenir à la longue vindrent à parlementer, offrans de rendre tout ce qu'ils auoient pris, & mettre encore les armes bas, pourueu qu'on les laissast aller leurs vies sauues ; ce que les François ne voulurent accepter, ains firent responce qu'ils vouloient tout presentement auoir la raison des torts & iniures qu'ils leur auoient faites. Au moyen dequoy les Anglois se voyans au desespoir, vindrent au combat, où ils se porterent si bien, qu'encor qu'ils ne fussent qu'une poignée de gens contre tant de milliers d'hommes, si mirent-ils neantmoins leurs ennemis en route, & les chasserent longuement, apres auoir fait vn grand meurtre sur la place ; car ce n'est pas chose gueres vltée entre les François de tourner le dos : & pourtant quelques-vns veulent dire, qu'ils n'essayèrent point de se sauuer à la fuitte ; mais qu'ayans combattu iusques à l'extremité, ils furent tous taillez en pieces. Aussi est-ce dequoy ils ont accoustumé de se priser le plus, & dont ils cherchent de reluire en gloire & reputation sur toutes autres nations, de tenir ferme au lieu de desmarcher vn seul pas en arriere, soit pour prendre leur aduantage, ou en quelque autre maniere que ce soit ; d'autant qu'ils constituent la victoire à la pointe de leurs lances, & au trenchant de leurs espées, sans chercher ruse ne finesse que celle-là. Ce grand fait d'armes haussa bien le cœur aux Anglois, qui de là en auant avec moins de respect se mirent à assieger les villes & places fortes, & peu à peu gagnans tousiours pays, vindrent à donner vne autre bataille pres Creue-cœur, où n'ayans peu le premier iour emporter la victoire, le lendemain ils retournerent au combat, & deffirent derechef les François, qui y demeurèrent presque tous ; partie encore serrez en bataille, partie apres auoir esté rompus & mis en desordre. Ce qui donna aux Anglois vne fort grande estendue de pays toute gagnée ; & s'en allerent de ce pas mettre le siege deuant Paris, ville capitale de tout le Royaume. Lequel se trouua lors bien ebranlé, & presque en danger d'une derniere rume, si miraculeusement il n'eust esté secouru, ainsi que quelquesfois il aduient en semblables extremitez. Car lors qu'il y auoit le moins d'esperance, se presenta vne ieune fille de fort beau maintien, qui se disoit inspirée de Dieu, pour venir deliurer les François des mains de leurs ennemis, à quoy ils adiousterent foy ; & la suiuoient comme leur chef & souuerain capitaine. Se voyant doncques ainsi obeye, elle leur dit vne fois qu'elle auoit eu reuelation, que les Anglois estoient pres de là, & venoient pour les combattre, comme il aduint : & y eut la dessus bataille donnée, dont les Anglois n'eurent pas le meilleur, & se retirerent les deux armées, chacune en leur logis iusques au lendemain, que les François encouragez de la vertu & effort de cette créature, vindrent les premiers à charger, & tournerent les ennemis en fuitte, lesquels ils chasserent fort longuement : cependant elle se trouua à dire, qu'on ne sceust iamais qu'elle deuint. De là en auant les François reprirent cœur, se voyans auoir recouuré leur reputation : & se maintindrent si bien en toutes les autres rencontres qu'ils eurent depuis avec les Anglois, que non seulement ils deffendirent ce qui leur estoit demeuré, mais reprirent encore toutes les villes & places fortes qu'ils auoient perduës durant la guerre : combien que plusieurs autres grosses Armées d'Angleterre passassent la mer, dont ils emporterent tousiours la victoire, & les rembarrerent souuentesfois iusques à Calais, tant que finalement ils les ietterent du tout hors du Royaume.

1392.
& l'iuans.

Les anciens
François n'a-
uoient point
accoustumé
de fuyr.

Sont dere-
chef deffaits à
Creue-cœur.

Jeanne la pucelle
inspirée
de Dieu remis
sus le Royau-
me de France.

Deffaites des
Anglois sous
sa conduite.

Les François
recouurerent
ce qu'ils a-
uoient perdu.

Or la grand' Bretagne, & les autres trois Isles, sont toutes vis à vis de la coste de Flandres, s'estendans bien auant en la mer, dont elles occupent vne grand' espace. L'une est exposée à la haute mer, où les vagues du flot & des marées vont & viennent tout à leur aise sans aucun contredit ne empeschement : les autres sont parmy certains courans & rencontres d'eau serrées, qui viennent là s'enfreheurter d'une merueilleuse impetuosité & roideur : & neantmoins ce seroit parler plus proprement, si de toutes ensemble on n'en faisoit qu'une seule. Car certes à le bien prendre, ce n'est qu'une Isle, vstant de mesmes loix & coustumes, & presque d'un mesme langage, & gouuernée par vn mesme Magistrat, qui donne ordre à tout. Par ce moyen elle ne comprendroit en tout son circuit, si non cinq mille stades tout au plus. Mais elle est grandement peuplée, & les gens y sont fort robustes : y ayant beaucoup de bonnes villes, & vne infinité de bourgades & villages, dont Londres est la capitale. Il y a bien plusieurs Seigneuries & Principautez, neantmoins toutes sous l'obeissance du Roy, ny plus ne moins que nous auons dit cy-deuant de la France. Et ne seroit pas bien aisé à Prince tel qu'il soit de s'emparer de ce Royaume, où le peuple mesmement n'est point tenu d'obeyr à son souuerain, outre ce que les statuts &

X.

Description
de la grand'
Bretagne :
mais il doit
prendre les au-
tres trois Isles
pour l'Esse
& quelques
caps ou pointes
de terres qui
s'aduancent en
la mer estans
presque toutes
enroumees d'i-
celle.

1392.

& suivants.

Les Roys
d'Angleterre
ne font rien
sans assem-
bler les Estats.

Londres.

La riviere de
la Tamise.

* Il met 120.
flades.

La cause du
flux, & reflux
de la mer O-
ceane.

La Lune de
nature d'eau.

coustumes du pays le portent. Mais ils ont souffert autresfois beaucoup de calamitez, tant à cause des differends qu'ils ont eus avec les Princes estrangers leurs voisins, & bien souvent contre leur propre Roy, que pour leurs seditions & partialitez domestiques. De vin il n'y en croist point d'r tout, & si le terroir ne produit pas beaucoup de fruitages. Quant au froment, orge, miel, & laines, il y en a en abondance, autant ou plus qu'en nul autre endroit que l'on sçache: Tellement que là se fait vne grande quantité de fins draps, carisez, & limestres de toutes sortes. Le langage, dont ils vsent est presque particulier à eux, ne se rapportant ny à celuy des François, ny des Allemans, ny des autres peuples de là autour. Toutesfois leur viure ordinaire, leurs mœurs & façons de faire ne different pas beaucoup de ceux de la France, si ce n'est en ce qu'ils ne se donnent pas gueres de peines de leurs femmes & enfans. Car cette coustume est commune à toute l'Isle, que si quelqu'un de leurs amis, ou autre de leur connoissance les va voir, le maistre de la maison de plaine arriuee luy met sa femme entre les mains, & les laisse là seul à seul deuiser & passer le temps tout ainsi que bon leur semble, cependant qu'il s'en va promener, puis au retour luy fait la meilleure chere dont il se peut aduiser. Tout de mesme quand ils vont par pays d'un lieu à autre, ils s'entreprestent leurs femmes, & s'en accommodent entr'eux. Laquelle coustume est encore en vsage par toutes les villes maritimes, au pays des Vandales, iusques sur les confins & frontieres d'Allemagne: Et si ne tiennent point à honte ne vergongne reprochable, de voir ainsi deuant leurs yeux faire l'amour à bon escient à leurs femmes, & leurs filles. Au regard de la ville capitale, elle surpasse de beaucoup toutes les autres du Royaume, soit en nombre d'habitans, soit en richesses & puissance: Et n'y en a gueres en toutes ces marches-là, qui luy puisse estre comparée. Dauantage ce sont gens qui ont le bruit d'estre plus belliqueux que nuls de leurs voisins, ne peu d'autres peuples du Ponant. Quant à leurs armes, ils vsent de boucliers à la façon d'Italie, & ont des espées & poignards semblable à ceux des Grecs, avec quelques dards & jauclots vn peu longuets, qu'ils plantent en terre, & s'appuyent contre, comme pour vne contenance qui leur semble braue & de bonne grace, estans debout. Mais pour retourner aux particularitez du pays, par le milieu de Londres, passe la riviere de la Tamise assez grande & impetueuse, laquelle se va rendre en la mer de France, * quelques douze ou quinze lieues au dessous, là où elle s'espand & inonde, de sorte que les gros nauires de charge peuuent monter à pleines voiles iusques tout aupres des murailles: car le flot de la mer repousse le cours de la riviere contremont, où elle est arrestée par l'objet & rencontre de la ville qui la renuoye derechef contre-bas, ce qui est cause de ce regorgement. Toutesfois apres que la mer s'est retirée, & que l'eau du fleuve est reduite en son liét & canal ordinaire, les vaisseaux demeurent à sec, attendans l'autre marée pour flotter de nouveau. On dit que ces inondations & croissances, ne passent point quinze coudées au plus, mais aussi arriuent-elles iusques à onze pour le moins. Et ainsi le flot des mers du Ponant va & vient tousiours deux fois en vingt-quatre heures, dont on estime que la Lune en soit la cause: Pource que toutes les fois qu'elle se rencontre au milieu du Ciel en nostre habitation, & semblablement au point droit opposé à icelle au dessous de la terre, doncques se font deux mouuemens tous contraires en la mer. Mais si nous voulons ramener de plus loin les raisons de ces allées & retours, & les enfoncer plus auant, il nous faudra discourir en cette sorte: Que cét astre icy a esté institué de Dieu pour auoir le gouvernement & regence des eaux. Ce qui nous fait croire, que la propriété & disposition qu'elle a receu du commencement, du grand Monarque, n'est en rien esloignée du naturel de l'eau. Au moyen dequoy, à mesure que par son mouuement elle se hausse deuers nous, elle tire aussi & charie quant & soy les eaux qui sont icy bas, tant qu'elle soit paruenue au plus haut point de sa montée. Puis quand elle vient à s'aualer & redescendre, les eaux par mesme moyen se retirent & escoulent, l'accompagnant tousiours en ce rabbaissement, iusques à ce qu'elle ait atteint le plus bas endroit de son cerne, & non plus: car dès l'heure qu'elle commence à remonter, les mers aussi en leur endroit retournent à leur flot & inondation accoustumée. Que si quelques vents se viennent extraordinairement à rencontrer parmy cela, les marées quant & quant s'en augmentent & renforcent. Mais de quelque cause que puisse proceder ce mouuement des eaux, c'est chose toute certaine qu'il est double, à l'imitation de celuy du Ciel, qui en partie est naturel & volontaire, en partie violent & forcé. Au moyen dequoy si ce mouuement se vient à rencontrer avec vn accord & conuenance de l'année, & en la saison encore qui luy est la plus opportune, plusieurs diuerses sortes de mouuemens s'en ensuiuent. Et certes ce sera toujours

iours vne fort douce, plaisante & gentille speculation, & vn passio-temps tres-agreable à voir & ouyr, si nostre ame se vient à recueillir & restreindre à vne certaine mesure & deue proportion de ce grand vniuers, comme si elle sentoit en soy, & y apperceust les mouuemens d'iceluy, & en voulust faire vn accord, le meslant & alliant les vns avec les autres. De vray quelle musique se pourroit-elle représenter, qui plus luy amenast de plaisir & de delectation? D'autant que de ce double & reciproque mouuement, elle en reçoit vn du tout semblable, dont elle vient aussi à mouuoir nostre corps en deux façons & manieres, l'une qui tend à croistre, & l'autre à diminuer. Car cependant que nostre ame suit & s'accorde au mouuement de l'vniuers, il faut par necessité que celuy qui est naturel cause generation & accroissement: & le violent & contraint, corruption & destruction de tous les corps procréés de la nature. Cela suffisoit pour cette heure, tant pour le regard de la mer Oceane, que de ce qui despend du double mouuement des choses qui ont vie, en quelque sorte & maniere finalement qu'elles viennent à se mouuoir. Mais il n'est pas necessaire que l'humeur de nostre Mer restreinte entre deux terres, garde & ensuiue le mesme mouuement de l'autre, qui est libre & spacieuse: d'autant, que cela ne se conduit icy sinon par la nature des vents, & l'assiette & disposition des lieux, qui se rencontrent propres à telles agitations. Ce que nous auons bien iusques icy voulu discourir & deduire, comme choses qui singulierement appartiennent à la connoissance du mouuement, tant de la mer Oceane que des autres.

Pour doncques retourner au propos que nous auons abandonné, l'Empereur Emanuel estant arriué en Frâce, trouua le Roy grandement desuoyé de son sens. Ce qui fut cause qu'il ne put rien faire enuers pas vn des Princes & Seigneurs du conseil, de toutes les choses pour lesquelles il auoit entrepris vn si lointain & penible voyage: car ils se remettoient tousiours à la guerison de leur maistre, & luy conseilloyent de l'attendre, comme il fit. Mais voyant que cette maladie alloit en longueur, & que de luy il ne pouuoit plus temporiser, il prit le chemin d'Allemagne, & de là trauersant la Hongrie, s'en retourna en son pays, au mesme temps que Bajazet estoit encore deuant Constantinople, lequel auoit enuoyé cependant vne armée de cinquante mille hommes au Peloponese, sous la charge & conduite de Iagup Beglierbei de la Grece, cependant que luy faisoit tout son effort de prendre cette cité, & consequemment s'emparer de tout l'Empire qui en despendoit. Or Iagup & Brenezes, lequel commençoit desia d'entrer en credit pour ses merites & beaux faits, car il auoit mis à fin tout plain de belles choses, entrerent dans le Peloponese: Et quant à Brenezes, apres auoir essayé en toutes sortes la conqueste de cette Prouince, il se mit finalement à courir & piller le plat pays, ensemble les lieux prochains de Coron, & de Modon: Iagup d'autre costé mena son armée deuant la ville d'Argos, qu'il prit de force, Car le Duc de Sparthe Theodore, voyant les Grecs hors de toute esperance de pouuoir plus deffendre, ne Constantinople ne le Peloponese, & leurs affaires estre reduits à vn extreme peril & danger, auoit laissé cette place voisine de celle de Nauplium aux Venitiens, pour bien peu de chose. Et dauantage estant venu à vn abouchement avec les commandeurs de Rhodes, il leur auoit vendu la ville de Sparthe, moyennant vne grosse somme de deniers: dequoy tout aussi-tost que les habitans eurent le vent & qu'ils se virent si laschement abandonnez, & trahis par leur propre Seigneur, lequel pour lors estoit absent à Rhodes, ils s'assemblerent en la grand' place de la ville à la persuasion & exhortement de l'Euesque qui auoit descouuert toute la menée; & là apres plusieurs choses debatues d'une part & d'autre, arresterent finalement par commun accord, de ne point receuoir ceux de Rhodes, estans tous prests d'endurer plustost tout ce qui pourroit aduenir, que d'obeyr iamais à vne telle maniere de gens. Et afin que le tout passast plus solemnellement, & avec plus grande autorité, esleurent sur le champ le mesme Euesque pour leur chef: tellement qu'ayans entendu comme ces Nazareens (ainsi appellent-on ceux qui font vœu & profession) s'estoient desia mis en chemin pour se venir emparer de leur ville, enuoyerent au deuant leur denoncer qu'ils eussent à vider hors de leurs limites, sinon qu'ils les tiendroient au lieu d'ennemis: les autres voyans leurs desseins & pratiques rompus se mirer au retour d'aller trouuer Theodore, lequel apres auoir entendu que les choses estoient passées tout autrement qu'il n'auoit projecté en son esprit, de pescha deuers eux pour sonder leur volonte, s'ils le voudroient accepter & receuoir de nouveau: à quoy s'estans consentis, il retourna à la ville, & leur promit sous sa foy & serment de iamais ne les plus abandonner. En ce mesme temps les Venitiens ayans remparé le chasteau d'Argos, mirent dedans vne bonne grosse garnison. Mais Iagup am-

1394.
& suivans.

La cause de la
generation &
corruption.

La mer Medi-
terranée n'a
pas le flux &
reflux com-
me l'Océane.

XI.

L'Empereur
Emanuel
n'obtient rien
en France, à
cause de l'in-
disposition du
Roy.

Descente des
Tures dans le
Peloponese.

Piise de la vil-
le d'Argos.

La ville de
Sparte alie-
née au grand
maistre de
Rhodes, mais
il est contraint
de la quitter.

Les Grecs ap-
pellent toutes
sortes de
Moues Naza-
reens, mais
les Tures ap-
pellent ainsi les
Chrestiens.
Chez les Iuis
c'estoit autre
chose: Sam-
son, S. Iean
Baptiste &
notre Sau-
ueur furent
Nazareens.

1392.

& suiuaus.

Vne terreur
Panique fait
perdre Argos.Merueilleuse
prise des Chre-
tiens.Accangi, che-
uaux legers
Turcs, qui vnt
à la guerre
sans auoir
solde.Les Tartares
descendus en
Valachie,
s'offrent à
seruir Bajazet.Cruelle des-
loyauté de Ba-
jazet.Les colonies
des Turcs en
l'Europe.

na son armée deuant la ville, & fit quelques efforts à la muraille, sans toutesfois pouoir ri en aduancer pour cela, iusques à ce qu'un iour ayant fait donner vn fort rude assaut en deux endroits tout à vn coup, ceux qui combattoient au costé gauche, entrerent soudain en vne frayeur & espouuementement qui les mit en desarray : Car vn fantosme (comme l'on dit) s'apparut à eux en forme d'un des habitans, qui leur vint dire comme la bresche auoit esté forcée à la main droite, où ils accoururent soudain, pour secourir leurs compagnons : & cependant les ennemis ne voyans plus de resistance au deuant d'eux entrerent dedans. Ainsi fut prise à celle-fois, & miserablement saccagée, la tant renommée, & iadis florissante cité d'Argos dont (à ce que l'on dit) les Turcs enleuerent bien trente mille ames, qu'ils enuoyerent habiter en Asie. Toutesfois ie n'ay peu encore rien trouuer qui me sceust faire foy de cela : ny entendre aussi peu quel fut cet endroit de pays en Asie, que Bajazet leur assigna pour leur habitation & demeure. Iagup doncques ayant mis cette entreprise à fin, rammena son armée ; & Brenezes de son costé en peu de temps monta en fort grand bruit & reputation, deslors qu'il fut entré en armes dans le Peloponse, & en la Macedoine qui est le long de la marine, où il auoit fort vaillamment combattu les Albanois : neantmoins il n'eust plus de charge en la Cour de Bajazet : trop bien les Turcs le suiuiroient volontairement à la guerre quelque part qu'il allast, pource que toutes choses leur venoient à souhait sous sa conduite, & reuenoient ordinairement chargez de grandes richesses. Car parmy les Turcs il y a vne maniere de gens à cheual equippez à la legere qu'on appelle les Accangi, lesquels n'ont du Prince ne solde ne charge, ou degre quelconque ; mais sont ainsi qu'auanturiers, qui cherchent leur fortune à la suite du camp, accompagnans celui qui les voudra mener à quelque proye & pillage. Chacun d'eux a tousiours deux cheuaux ; l'un surquoy il monte, & l'autre de relaiz, qu'il meine en main, pour charger son butin dessus, & pour se rafraichir aussi de monture s'il en est besoin. Car aussi-tost qu'il sont arriuez en terre d'ennemis, & que leur Capitaine leur a lasché la bride, ils s'espandent tous à la desbandée de costé & d'autre, sans s'arrester nulle-part ; pillans, rauissans, & enleuans hommes, femmes, bestail, & toutes autres choses qui se rencontrent en leur voye. Tellement que i'en ay conneu de ceux qui avec Amurat fils d'Orchan, & depuis sous Bajazet estoient passez en Europe, lesquels s'estans mis à faire ce mestier, auoient en peu de temps amassé de fort grandes richesses, & s'estoient habitez deçà & delà, depuis la ville des Scopiens, iusques aux Triballes, & en la contrée de Mysie, voire dans la Macedoine propre : & y en a encore plusieurs ainsi que chacun sçait, qui ont passé leurs iours sur les confins de la Thessalie. Or on dit que du temps de Bajazet vn grand nombre de Tartares descendirent en la Valachie, d'où ils depescherent leurs Ambassadeurs deuers luy, pour auoir quelque argent, avec vne contrée, où ils se peussent retirer : en faueur dequoy ils passeroient le Danube, toutes les fois qu'il luy plairoit, & feroient la guerre en son nom aux peuples de l'Europe, Bajazet fut bien aise de ces offres, & leur promit tout plein de belles choses, s'ils faisoient ce qu'ils disoient, mesmement de leur assigner des terres, où ils pourroient viure à leur aise, sous leurs chefs & conducteurs, à part les vns des autres : & ainsi s'estans respandus de costé & d'autre, ils vindrent à se faire tresbons hommes de cheual, & fort propres pour la guerre guerroyable. Mais quelque temps apres, Bajazet craignant que ces Capitaines des Tartares ne luy iouassent en fin quelque mauuais tour, & ne voulussent troubler son Estat, les ayant fait venir tous en vn lieu, commanda de les mettre à mort. Encores pour le iourd'huy peut-on voir vn grand nombre de ces Tartares habitez de costé & d'autre parmy l'Europe, que de l'ordonnance d'Amurat estoient allez resider en cet endroit de la Macedoine, qui est proche des bains de Myrmeca, & de la riuere d'Axius, maintenant dicté Vardari, où il enuoya quant & quant plusieurs Turcs naturels, pour cultiuer le pays. Le territoire aussi de Zagora commença lors d'estre habité par son commandement, ensemble la contrée de Philippoli : mais le Chersonese de l'Hellepont auoit desia esté peuplé par son frere Soliman. Au regard de la Thessalie, & du pays des Scopiens, & des Triballes, qui s'estend depuis ladite ville de Philippoli, iusques à la montagne de Hæmus, & au bourg de Sophie, ce fut Bajazet qui y enuoya des habitans : aussi ces lieux-là luy furent depuis comme vne ouuerture & entrée, pour de là courir & fourrager à son aise les terres des Illiriens & Triballes, estans tres-propres & commodés, pour faire la guerre à ces deux peuples. Il y en eut encore tout plein d'autres qui se retirerent depuis en ces quartiers-là, ayans entendu que c'estoit vn lieu tout à propos pour y serrer les esclaves, & autre butin qu'ils feroient sur les ennemis.

MAIS

Mais pour reuenir à Bajazet, apres qu'il fut repassé en Asie, il alla mettre le siege deuant la ville d'Ertzica, ainsi que nous auons desia dit cy-deuant, laquelle il prit de force, & la soumit à son obeissance. Puis passa outre contre celle de Melitiné, située sur la riuere d'Euphrate, là où avec ses machines & engins de batterie, il fit d'arruée vne fort grande ruine. Ceux de dedans neantmoins se defendirent assez bien pour quelque temps; mais l'effort se continuant & augmentant de plus en plus, ils furent finalement contraincts de venir à composition. Ce fut alors que les Princes & Seigneurs Turcs de l'Asie, se retirerent à garend deuers Themir, pour implorer son ayde & secours à l'encontre de Bajazet, & estre restituez en leurs biens, luy remettant deuant les yeux, afin de luy faire toujours prendre l'affaire plus à cœur, la conformité de Religion, & la proximité du sang qui estoit entr'eux, au moyen dequoy ils l'auoient esleu pour pere, protecteur, & defendeur du pays. Adioustant à cela, qu'il deuoit reconnoistre que le lieu de souveraineté qu'il tenoit en l'Asie, requeroit de ne laisser point outrager ceux qui ne faisoient tort ny iniure à personne, & que de cela ils n'en vouloient autre Iuge que luy, à l'arbitre duquel ils se soumettoient pour receuoir telle punition & chastiment qu'il luy plairoit ordonner, s'ils se trouuoient auoir iamais en rien contreuenu aux capitulations & alliances d'entr'eux & Bajazet. Themir à la verité n'estoit point encore autrement irrité contre luy, d'autant qu'il l'auoit tousiours bien veu se porter contre les ennemis & aduersaires de leur loy. Car il n'y a presque pour le iourd'huy en tout le monde que deux sortes de Religions qui ayent lieu; la Chrestienne & la Mahometane: des autres on n'en fait cas, pour le moins elles ne sont point admises aux Royaumes, Principautez, & Seigneuries, ou bien n'y ont aucun credit ny estime. Au moyen dequoy il reputoit, que tous les sectateurs de Mahomet estoient fort tenus & redevables à Bajazet, pour le soin qu'il prenoit de defendre à force d'armes le party de leur Prophete: & telle fut l'opinion que du commencement il en eut. Mais apres auoir connu par les plaintes & doleances de ceux qui de iour en iour se retiroient deuers luy, que s'estoit vn mauuais homme, sans foy, loyauté, ne conscience aucune; ambitieux au demeurant, & qui ne se contentoit pas d'estre si grand, si riche & si puissant en l'Asie, ains halloit apres la conqueste de la Syrie, & de l'Egypte, & desia faisoit ses apprests pour aller courir sus au Souldan du Caire, se monstrant en tout & par tout d'un naturel violent & impetueux, semblable à vn foudre ou tourbillon de vents, dont aussi il portoit le nom; alors il depescha deuers luy, pour voir s'il ne voudroit point faire quelque raison aux Princes dessusdits, & s'il y auroit moyen d'appointer leurs differends & querelles. Il luy enuoya quant & quant vne robbe, suivant la coustume de ceux qui tiennent le plus grand lieu en Asie. Les Ambassadeurs estans arriuez en la presence de Bajazet avec le present, luy parlerent en cette sorte.

Themir, le grand Roy t'enuoye par nous ce vestement (Sire) en signe de la bien-veillance qu'il te porte, & que de tous autres Monarques, c'est luy qui est le plus grand; te sachant infiniment bon gré, du soin que tu prends à guerroyer d'un si grand zele, & mettre bas les ennemis de nostre saint Prophete; en quoy tu exauces tousiours d'autant les affaires de sa Religion & creance, & establis l'heur, & prosperité de ceux qui suivent la doctrine d'iceluy. Aussi est-ce là où il faut que tu aspire, poursuiuant de plus en plus nos mal-veillans & aduersaires, non pas, d'employer tout ton effort à opprimer de torts & iniures nos plus chers amis, allies, & confederes, pour les alierner par ce moyen de nous, & les reduire au dernier desespoir: Plustost te faudroit-il esuertuer de les gagner par douceur, & te les rendre bien affectionnez & redevables, par toutes sortes de courtoisies & bien-faits. Car si tu te monstres rude, criminel, & outrageux enuers les tiens; quelle victoire, ne quel honneur & reputation preteuds-tu acquerir contre tes ennemis: Voicy doncques en peu de paroles, ce que te mande & ordonne le grand Roy; Rends tout presentement aux Princes & Seigneurs de l'Asie, les biens que tu leur as iniustement ostez, puis que de leur costé ils ont esté aux paches & conuenances accordées entre vous, sans auoir attenté aucune chose au preiudice d'icelles, ne de ton Estat. Si ainsi tu le fais, tu feras chose qui luy sera tres-agreable, & dont tous les habitans de l'Asie te rendront graces immortelles. Que si tu pretendes qu'ils t'ayent en rien offensé, ny contreuenu au traicté de l'alliance turce, voicy ce qu'ils disent: Nous nous soumettons de cela au iugement de nostre Roy, prests à endurer toute telle peine & chastiment qu'il luy plaira ordonner. Bajazet ouyt assez patiemment tout le reste, hormis l'article de la robbe que Themir luy enuoyoit, dont il entra bien fort en colere, tellement qu'il leur respondit tout sur le champ; Allez, retournez vous en à vostre Maistre, & luy dites que ie ne me puis assez esmerveiller de ces remerciemens qu'il m'enuoye faire, de la peine que ie prends tous les iours contre nos communs ennemis, pour le sostenement

1394.

ou environ.

XII.

La prise de Melitiné

L'occasion de la guerre de Tamburlan contre Bajazet.

Bajazet grand ennemy du nom Chrestien.

Ambition de Bajazet, qui fut pour cette occasion surnommé *Culderum*, c'est à dire foudre, ou tourbillon.

Coustume des grands Seigneurs de l'Asie, d'enuoyer en present vne robbe à ceux qui sont moindres.

Ambassade de Tamburlan à Bajazet.

Response de Bajazet en colere.

1394.

Themir fort irrité de sa réponse.

Costume des Turcs touchant le divorce.

Facon de faire bien bizarre & fantastique.

Tamburlan cherche occasion de faire guerre à Bajazet.

Respect & amour qu'il avoit pour sa femme.

*Ô deffense de la Foy: mais ce qui me rend encore plus esbahi, est que cependant qu'il me fait offrir gens, argent, & autres choses nécessaires pour l'entretienement de cette sainte entreprise, on ne voit point toutesfois que pour cela il se de. lare comme il deuroit de nous y vouloir assister & secourir: au contraire il ne cesse de me machiner tousiours quelque chose, & me dresser sous-main des querelles; s'efforçant encores m'arracher des poings (s'il pouvoit) le pays que j'ay conquis de bonne guerre sur mes ennemis mortels, qui auoient conspiré contre ma propre vie. Comment doncques pense il m'entretenir maintenant de ces beaux grands mercis; Or quant à l'habillement qu'il m'enuoye, vous luy direz de ma part, que deormais il ne se mette plus ces folies en la teste, de vouloir faire tels presents à celuy qui est d'autre estoffe & calibre qu'il n'est, & qui le precede de tous poincts en noblesse, & ancienneté de race; en richesses, & puissance. Ces paroles ayans esté rapportées à Themir en la ville de Semarcant, il s'en altera extremement, mesme pour le regard de la robbe plus que de tout le reste. Parquoy il dépescha sur le champ vn Heraut, pour aller faire commandement à Bajazet de rendre aux Princes desheritez le pays qu'il leur detenoit, sans autre remise ne delay, car il le vouloit ainsi; & que s'il en faisoit difficulté, qu'il luy denonçast la guerre. De fait Themir auoit luy-mesme voulu voir leur affaire, en sorte qu'apres l'auoir bien examiné, il prononça son iugement la-dessus, contenant en substance, Que les Princes Tures auoient esté iniustement despossédez: parquoy tant que l'ame luy batteroit au corps, il n'endureroit de les voir aller vagabonds çà & là par le monde, à mendier leur vie. Mais Bajazet renuoya bien loin, & l'Ambassadeur & l'ambassade, avec vne telle response. *Si ton Maistre qui menace de si loin ne nous vient voir comme il dit avec cette grosse puissance, dont il cuide estonner tout le monde, ie prie à Dieu que finalement il puisse reprendre la femme que par trois fois il auroit repudiée.**

XIII.

Cela est l'un des plus grands blasmes & reproches qui soit entre les Mahometans, de retourner par trois fois avec vne mesme femme, s'il n'y a quelque bien apparente & legitime occasion. Car la loy veut que toutes les fois qu'ils delaisent leurs femmes, ils declarent quant & quant de ne la vouloir plus reprendre, comme ne leur estant permis ne loisible, depuis qu'une fois le mary vient à dire, qu'il y a eu diuorce entre luy & sa femme iusques à trois rattes, & pourtant qu'il n'en veut plus. C'est vne façon bien bizarre, & ridicule, practiquée neantmoins parmy eux, & dont ils ne peuuent estre dispensez, quand la production de cette troisieme ratte vient en public, que prealablement celle que le mary voudra reprendre n'ait passé par les mains d'un autre, & commis adultere avec luy. Ainsi le Heraut ayant ouï ces beaux propos, s'en retourna à tout, sans exploiter autre chose. On raconte en cet endroit, que la femme de Themir estant fort consciencieuse, auoit de tout son pouuoir essayé de detourner son mary de faire la guerre à Bajazet, pour ce qu'il luy sembloit digne de grande louange, d'auoir ainsi tousiours affectionnement combattu pour la foy de Mahomet: & à cette cause estoit continuellement aux oreilles de son mary, à luy persuader de vouloir laisser en paix & repos vn tel personnage, sans luy donner d'ennuy & fâcherie qui le diuertist de ses loüables entreprises; car il n'auoit pas merité d'estre mal-mené par ceux qui estoient de sa creance. Toutesfois apres que le Heraut fut de retour, & qu'il eut rapporté à son Maistre les vilains & deshonestes propos de Bajazet, il voulut que sa femme les ouïst elle-mesme. L'ayant doncques fait venir en sa presence, il luy demanda s'il luy sembloit raisonnable d'endurer plus longuement ce desbordé Turc, brauer ainsi à belles iniures & outrages, sans se mettre en deuoir de l'en chastier. Et certes cela estoit bien tout arresté en l'esprit de Themir, qu'encores que cette Dame eust persisté en sa premiere opinion, de ne laisser pas pourtant d'aller assaillir l'autre, mais il vouloit donner à connoître qu'il portoit quelque respect à sa femme, & que rien ne le mouuoit à cette guerre, sinon l'honneste pretexte & occasion qu'il auoit de venger l'iniure à elle faite. Pour cela neantmoins elle ne laissa pas de luy faire encore vne telle response. *A la verité, Sire, ne moy ne tous ceux qui orront les vilaines paroles de cet homme-la, ne pourront iuger sinon que c'est vn fol insensé, du tous hors de son entendement, de maniere qu'il ne fait plus ce qu'il fait, ne ce qu'il dit, & que ce ne fust tres-bien fait à roy de s'en vanger, pour luy apprendre vne autre fois à qui il se joue: mais nonobstant tout cela si prendray-je la hardiesse de te dire, que ie ne serois point d'opinion que tu entreprisses la guerre pour si peu de chose, contre celuy qui a si bien merisé de nostre Prophete, & qui pour le seruice gloire, & honneur d'iceluy, ne cesse de guerroyer tres-vaicureusement des Grecs & autres peuples habitans en l'Europe: si ce n'estoit cela, ie croyrois bien qu'il n'y auroit pas grand mal de se ressentir de l'outrage & iniure qu'il nous fait, car il ne seroit pas raisonnable de le laisser passer sans quelque chastiment. Mais voicy ce que tu peux faire ce me semble: Denonce luy la guerre, & ne la luy fais*

*faits par pourtant, au moins à toute ouurance, & prends seulement sa ville de Sebaste, que tu luy
ruineras de fouds en comble: car en ce faisant tu auras assis vengé la surprise de Melissné, & la
querelle des Princes qui sont icy à ta suite.* Toutes ces choses estans passées en la sorte que
dit est, Themir s'appresta pour aller trouver Bajazet: Neantmoins quelques-vns racont-
tent, qu'ayant passé outre Melitiné, il vint deuant Sebaste, & apres qu'il l'eust prise, il luy
enuoya des Ambassadeurs pour le semondre derechef de restablir les Princes en leurs
heritages; & pour luy demander aussi des beurres, & des paillions: A sçauoir la charge
de deux mille chameaux de beurre, & pareil nombre de paillions garnis de leurs chap-
pes, tels qu'ont accoustumé de porter les Pastres çà & là par l'Asie. Item que par tous les
Temples & Mosquées des pays de Bajazet, Themir fut proclamé publiquement Roy &
Seigneur souuerain: que l'un des enfans de Bajazet vint resider à sa Cour: & finalement
que la monnoye de Themir seule, & non autre, eust cours par toutes les terres de l'obeyf-
sance de Bajazet. Ces demandes & conditions que luy fist proposer Themir, apres la prise
de Sebaste, dont l'autre entra en si grand courroux & despit, qu'il luy enuoya dire ce que
nous auons deduit cy-dessus. Au moyen dequoy Themir ayant dressé son equipage, se
mist en campagne pour l'aller combattre, faisant son compte de subiuguer tout ce que
l'autre auoit en l'Asie, & de là passer en Europe. Et si n'auoit pas intention de retourner
arriere, qu'il ne fust parueni iusques aux extremités d'icelle, vers les riuages de l'Océan
prochains des colonnes d'Hercules; où il auoit ouï dire qu'estoit le destroit de mer qui
separe l'Europe de l'Afrique: laquelle il pretendoit de conquerir aussi, & de là finalement
s'en retourner à la maison. C'estoient les hautes & excellentes besongnes que Themir
traisoit en son esprit, mais elles requeroient vne meilleure fortune, & de plus grande effi-
cace, que celle que Dieu luy auoit preordonné. Bajazet d'autre costé embrassant toutes
grandes choses en son esperance, se persuadoit de venir facilement à bout de cettuy-cy;
qui se monstroït si animé contre luy, & ramenoit là-dessus en memoire & consideration
les exemples du vieil temps: Que les Princes conquerans de l'Asie n'auoient pû subiug-
uer l'Europe: là où ceux de l'Europe auoient autresfois chassé & mis hors de son Estat,
l'un des plus grands Roys de toute l'Asie. De ces choses & autres discouroit Bajazet à par-
soy, lesquelles luy haussioient bien ses desseins & conceptions, comme si de plein saut il
eust deu renuerser & mettre bas la Monarchie de Themir. Mais maintenant que la suite
de ce propos m'a tiré & conduit iusques icy, quand ie pense à la premiere & seconde des-
cente que fit ce Barbare, & aux maux, dommages, & ruines qui s'en ensuiuirent, il me
semble que les affaires des Turcs eussent pû prendre vn fort grand accroissement, si des-
lors qu'ils dressoient leurs entreprises & conquestes vers les marches du Ponant, ils n'eus-
sent point esté ainsi diuertis par ce puissant ennemy: Car encore que la Monarchie des
Othomans se fust venue embrasser de toutes parts en noïses, seditions, & partialitez, &
eux-mesmes eussent pris les armes les vns contre les autres, les choses toutesfois ne fussent
(peut-estre) arriuées à vne si piteuse fin, comme elles firent à Bajazet, & quand ses enfans
puis apres vindrent à se battre & entre-tuer miserablement les vns les autres, & combler
leur propre pays de desolations & calamitez. Ce qui amena des maux infinis à toute la
nation Turquesque: & le pere en son viuant ayant esté esleué par la permission Diuine, à
vn tres-haut degré de grandeur & dignité mondaine, il luy aduint d'esprouuer & sentir
les pointures de nos miseres, pour aucunement restener son insolence, & le rendre plus
doux, plus moderé, & traittable: si son mal-heur ne l'eust poursuiuy à toute ouurance, &
se fust contenté de quelque mediocre reprimende & chastiment. Or pour moyenner
cette si grande & insigne mutation, le Royaume de Semarcant avec l'Empire de l'Asie,
se vindrent de gayereté de cœur ietter entre les bras de Themir, sans que pour cela il luy
fust presque besoin de desgainer son cimeterre. Toutes lesquelles choses comme & quand
elles aduindrent, vous l'entendrez de moy cy-apres: Car on dit que cet homme icy,
monta de fort bas & petits commencemens, à vne tres-grande gloire, autorité, & puis-
sance.

1394.

Ses deman-
des a Bajazet.

Ses desseins.

L'infortune
de Bajazet re-
cua bien l'a-
uancement
de l'Empire
Turquesque.

Il y en a qui
mourent deux
Thémirs: Te-
mur Churlu
qui signifie
fer heureux,
lequel fut de
race Imperia-
le: & Themir
Aflach, fer
bouteux, qui
est cettuy-cy
venu de lieu
inconnu.

FIN DV SECOND LIVRE.

Histoire des Turcs,
TAMERLANES OV THEMIR
 EMPEREVR DES TARTARES.



** Il se vanroit
 que Dieu luy
 auoit donné la
 puissance qu'il
 auoit pour estre
 le fléau des
 Tyrans.*

TAMERLAN, esleué * par le pouuoir Suprême
 Pour punir l'iniustice & dompter les Tyrans,
 S'il eust esté plus iuste & moins cruel luy-mesme,
 Eust passé les beaux faits de tous les Conquerans.



SON ELOGE OV SOMMAIRE DE SA VIE.

En n'est pas sans raison que j'ay mis ce Prince Tartare parmy les Emperours Turcs: Car
 outre qu'il a commandé un temps à leur Empire en toute souueraineté, il est l'unique
 qui ait fait ployer le col à cette race superbe des Othomans. D'ailleurs, ayant trouué en
 quelques Histoires assez dignes de foy (comme est entr'autres l'Arabe Alhacen, qui
 le suinit en toutes ses conquestes) sa vie tout autrement descrite que celle que nous represente icy
 nostre

nostre Auteur, ie me suis persuadé que cette diuersité donneroit du consentement aux plus curieux. Commencant donc par son origine, il estoit de son estoc Prince de Sachetay, & la ville capitale de son Royaume estoit Semarcant. A l'age de quinze ans son pere luy bailla son Estat à gouverner, & sa premiere guerre fut contre le Moscouite qu'il deffit en vne grande bataille, & luy tua vingt-cinq mille hommes de pied, & quinze à seize mille cheuaux, le rendant son tributaire. A son retour le grand Cham des Tartares son oncle luy fit espouser sa fille, & le declara son successeur. Calix grand Seigneur entre ces nations, & qui aspiroit à l'Empire, s'en voyant frustré prit les armes, & fit souleuer tout le Catay en l'absence de Themir : mais il luy fit bien-tost ressentir par sa presence, que le bon droit, le bon-heur, & la valeur estoient de son costé. Car apres vne grande deffaitte l'ayant pris prisonnier, il luy fit trancher la teste, & à quelques seditieux. Apres cela il declara la guerre au Roy de la Chine, & ayant gagné les longues murailles qui separent les Chinois des Tartares, força les villes de Paquinhou, Paquinahu, Teanchenoy, & Pannisha, & donna trois grandes batailles contre ce Roy, en la derniere desquelles il le prit prisonnier. Et comme l'autre luy parloit superbement, Themir au contraire luy respondoit humainement & sans vanterie, attribuant à DIEU le gain de cette victoire : de sorte qu'il luy rendit sa liberté & son Royaume qu'il auoit presque tout conquis, luy imposant seulement quelque tribut. De là ramenent au logis son armée victorieuse, il fut prié de l'Empereur Grec de luy donner quelque secours contre Bajazet. Ce qu'ayant accordé par la priere d'Axalla Genenous, le plus vaillant & renommé Capitaine de son armée, par les armes duquel il executoit ses plus signalées entreprises. Il prit la ville de Capha en sa protection, & ruina celle de Sebeste : Deffit les Capitaines de Bajazet, & luy-mesme apres, le faisant prisonnier en cette memorable bataille de la plaine d'Angory. On dit que s'estonnant de l'orgueil de ce Prince en sa misere, il dit que sa superbe meritoit d'estre chasticee par cruauté, & qu'il alloit qu'il seruiſt d'exemple aux cruels de la terre, luy faisant finir ses iours, comme il a esté raconté au Sommaire de sa vie. Mais il deliura sans rançon le Despote de Seruie, qui auoit esté pris en ceste bataille, & traite humainement les enfans de Bajazet : se monstrant en toutes choses si favorable aux Chrestiens, que la ville de Constantinople & l'Empire Grec, luy estant offert par Ambassadeurs exprés que l'Empereur luy enuoya. Il le refusa, disant, qu'il n'alloit point par le monde pour conquerir des terres, mais pour acquerir de la gloire & de la reputation. L'Empire des Othomans conquis, il se vengea du Souldan d'Egypte qui auoit donné secours à Bajazet contre luy ; S'assujettit Damas, Damiette, Alexandrie, & le Caire, avec toutes les places plus notables de son Estat, obtenant deux notables victoires sur luy, & le contraignant de s'enfuir en des lieux inaccesibles. En suite l'Arabie heureuse se rendit à luy, & la meilleure partie de l'Afrique. S'en retournant au logis, il dompta la Perse, tout le Glanture & le Tarpestan, prenant la superbe ville de Tauris, Talismahar leur Prince s'en estant fuy. Puis laissant Axalla pour son Lieutenant general, en tous les pays de ses conquestes, il se fit suivre par les Gentils-hommes Persans, qui vouloient faire les Roys en leur pays, & se retira à Semarcant, qu'il embellit des depouilles de la meilleure partie de l'Vniuers, l'affranchissant de tout tribut pour attirer les peuples à y venir demeurer. Sa stature estoit moyenne, les espaules un peu estroites, la jambe belle, les yeux pleins de majesté, de sorte qu'à peine en pouuoit-on supporter le regard : mais par modestie, il s'abstenoit de regarder celuy qui parloit à luy. Le reste du visage estoit affable, & bien proportionné. Il n'auoit gueres de poil au menton, & aussi peu de moustache, portoit les cheueux longs & cressus desquels il faisoit grand conte, (à cause qu'il se disoit estre de la race de Samson) ioint qu'ils estoient fort beaux & d'une couleur brune, en tirant sur le violet. Il fut nommé Themir Curlu par les Parthes, c'est à dire fer heureux. Les Tartares le nommerent Tamerlanes, qui est à dire en leur langue grace celeste. Il disoit que son Ange tutelair s'appelloit Meaniel, & que son Demon de profession le conduisoit aux affaires, s'estimant estre appelé de DIEU, pour punir seulement l'orgueil des Tyrans ; De sorte que s'il s'exerçoit quelques fois à vne autre chose qu'à la guerre, ce n'estoit, disoit-il, que par emprunt. Il estoit fort continent, n'aymant que sa femme fille du feu grand Cham son oncle. Tenoit ses seruiteurs en union & concorde les uns avec les autres, & n'auoit point de jalousie de la bien-veillance qu'on portoit à ses fils. Il estoit fort amateur des Lettres, & excellent en Astrologie, & Theologie Mahometane ; finalement si iuste en toutes ses actions ordinaires, qu'il en estoit tenu des siens, comme un Prince que la vertu Diuine accompagnoit. Il eut trois grands Capitaines sous luy, Axalla, Odmar, & le Prince de Tanais. Il portoit le Soleil pour sa denise : ce qui fut un mauuais augure pour les Othomans, qui prennent la Lune pour la leur : Car ainsi comme la Lune en sa conionction avec le Soleil nous paroist sans lumiere, aussi l'Empire Turc conioins à celuy de Tamerlan demeura sans clarté, cette grande splendeur offusquant la moindre : Il mourut l'an mil quatre cens trois.



L E

TROISIÈME LIVRE DE L'HISTOIRE DES TURCS, DE LAONIC CHALCONDYLE

ATHÉNIEN.

SOMMAIRE, ET CHEFS PRINCIPAUX du contenu en ce présent Livre.

- I. L'origine de Tamburlan, qui d'un très-bas & petit lieu monta à un si grand Empire, & de ses premiers exercices & occupations aux brigandages, dont vint tout son advancement.
- II. L'ordre & discipline établie par Tamburlan es Sissities, autrement Hordes, ou congregations de Tartares, errants çà & là en forme d'un camp perpétuel.
- III. De ses deux principaux Capitaines Chaidar, & Myrxas, dont il fit mettre à mort celui-cy pour luy avoir parlé trop librement.
- IV. Description de la mer Caspië, & pays adiacens : & quelques exploits d'armes de Tamburlan contre les peuples de l'Orient : & de là contre les Arabes.
- V. Du faux Prophète Mahomet ; de sa loy, & ses traditions ; ses faits & gestes, & de ses successeurs : & des pèlerinages qui se font d'infinités endroits à la Mecque, où est sa sépulture.
- VI. Tamburlan subjugue les Chataïdes : son entreprise contre les Scythes ou Tartares Orientaux, avec la description d'iceux, & de leurs Hordes.
- VII. De la Sarmatie & Russie, mœurs & façons de faire des Moscovites, Linoniens, Lituanien, & autres nations du Septentrion : & des trois sortes de Religions instituées pour faire teste aux Infidèles.
- VIII. Des Scythes d'erechef, & de leurs manières de vivre, contre lesquels Tamburlan s'estant acheminé par deux fois, il ne pût rien gagner sur eux.
- IX. La prise de Damas & d'Alep, avec le reste de la Surie : & la description du Souldan du Caire, & de l'Empire des Mameluks.
- X. Tamburlan fait paix avec le Roy de Chatay, prend & ruine de fonds en comble la ville de Scbaste, des appartenances de Bajazet : & les préparatifs de ces deux grands Monarques pour se donner la bataille.
- XI. Les signes & prodiges qui précéderent le desastre de Bajazet, divers discours & consultation de luy avec ses Capitaines, s'il devoit hazarder le combat.
- XII. L'avarice & outrecuidance de Bajazet sont cause de luy faire tout perdre : & la grande bataille qui se donna à la parfin au pays de Mysie, où il fut entièrement deffait, & pris prisonnier, luy & ses enfans.
- XIII. Aigres reproches & derisions de Tamburlan envers Bajazet : les ignominieux & mauvais traitemens qu'il luy fit : les hautes desseins & conceptions d'iceluy Tamburlan : la poursuite de sa victoire, & la mort de Bajazet.
- XIV. Description de l'Inde Orientale : voluptez & debordemens de Tamburlan, s'estant donné au repos : & le partage de son Empire à ses enfans.



Le premier exploict de guerre que fit Themir en ce voyage, fut sur Sebaſte ville de Cappadoce, riche & oppulente. Car ayant eu infinies plaintes de Bajazet, qu'il ſe portoit inſolement enuers les autres Princes & Seigneurs de l'Asie, nonobſtant qu'ils fuſſent deſcendus de la race des Turcs, & qu'apres encore les auoir deſpoüillez de tous leurs biens, il ne les vouloit laiſſer en aucune paix ne repos; d'auantage, que ceux qu'il auoit enuoyez deuers luy ſ'en eſtoient retour-

1394.
1.
Sebaſte, c'eſt
à dire Augu-
ſte.

Récapitula-
tion des mo-
tifs de cette
guerre.

N'ez ſans rien faire, & n'oyoit par tout reſonner autre choſe que ſes menaces & brauades; ſe reſolut, ſans plus remettre les choſes en longueur, d'aller attaquer Sebaſte. Auſſi bien deſiroit-il aſſeoir les fondemens de ſon Empire ſur le bruit & reputation de cette entre-
priſe, dont le principal motif eſtoit de dompter Bajazet, afin d'intimider les autres à l'exemple de cettuy-cy, & les ranger plus aiſement ſous le joug de ſon obeyſſance. Et ſi auoit delibéré de ne preadre ceſſe ne repos, que premier il n'eût conquis toute l'Asie d'un bout à autre, comme il aduint, ſelon ce que nous auons pû entendre. Ce Themir icy fut fils d'un nommé Sangal, homme de baſſe condition: & tout auſſi-toſt qu'il eut at-
tent l'age de porter le trauail, les habitans du lieu où il faiſoit ſa reſidence, d'un com-
mun accord le choiſirent pour garder aux champs leurs haras: ce qui luy fut un accez &
moyen de ſ'acointer incontinent de tous les bons compagnons de la contrée, Paſtres &
autres ſemblables bandolliers, qui ne valoient pas mieux que luy: & n'eut pas beaucoup
de peine de leur mettre en teſte, de laiſſer la pauvre & miſerable vie qu'ils menoient, pour
taſcher d'aller faire quelque bonne main, & viure ailleurs en gens de bien & d'honneur:
tellement que luy & ceux de ſa ligue ſe trouuerent en peu de iours force cheuaux, & gran-
de quantité de beſtail de toutes ſortes. Car en luy n'y auoit foy, meſure, raiſon, ne ſeu-
reté aucune; ains toute fraude, deſloyauté, diſſimulation, & rapine. Et dit-on qu'une
fois eſtant à eſcheller vne bergerie, le maſtre de la maiſon l'apperçeut qu'il eſtoit deſia
monté au haut de la muraille; car en ce pays-là, on a de couſtume de faire les parcs, & les
cloſures des maiſons fort exhaüſſées, au moyen de quoy il ſe ietta en bas, & ſe rompit vne
cuſſe, dont il demeura boiteux toute ſa vie. Toutesſois aucuns veulent dire, que cet ac-
cident luy aduint d'une bleſſure qu'il receut à la cheuille du pied, * en vne affaire où il
ſe porta fort vaillamment. Quoy que ce ſoit, ces Paſtres icy, apres auoir du commence-
ment eu quelques legeres rencontres avec leurs voiſins, comme pour un coup d'eſſay,
ſ'acheminèrent depuis ſous ſa conduite en terre ennemie, pillans & ſaccageans tout ce
qui ſe rencontroit deuant eux. Et par ſon aduiſ choiſirent un lieu pour ſe retirer à ſauue-
té, avec le butin qu'ils faiſoient de iour en iour; d'où puis apres ils commencerent à courir
& brigander de tous coſtez d'une cruauté n'ompareille, ſans pardonner à perſonne. De
maniere qu'en peu de iours ayant aſſemblé un grand denier de ces deſtrouiſſemens & vo-
leries, il ſ'associa avec deux autres Maſſagetes de nation, nommez Chaidar & Myrxas, à
l'ayde deſquels il prit ſi à propos les ennemis qui eſtoient venus faire vne courſe en la con-
trée, qu'il les mit en route, & tailla en pieces toute leur caualerie: Dequoy les nouuelles
eſtans venuës à la prochaine ville, on luy enuoya ſoudain vne bonne troupe de ſoldats,
& force argent pour leur departir à ſa diſcretion, afin de les auoir plus prompts & affe-
ctionnez à tout ce qui leur commanderoit. Se voyant donc un tel renfort, il entra dans le
pays ennemy, où il prit grand nombre d'ames & de beſtail, dont il fit preſent à ceux de la
ville: Et de là en auant le Roy des Maſſagetes connoiſſant ſa prouèſſe & valeur, le com-
mença d'auoir en fort grand eſtime, car il le fit chef & Capitaine general de toutes ſes
forées; avec leſquelles Themir ſ'eſtant ietté en campagne, fit telle diligence, qu'il ſur-
prit les ennemis au deſpourueu, & les mit de plaine abordée à vau-de-routte, les chaſſans
à pointe d'eſperon iuſques dedans Babylone, autrement dite Bagadet, où il les aſſiegea.
Puis manda ſon Roy pour cueillir le fruit de cette victoire, & y mettre la dernière
main; mais ſur ces entrefaites il mourut: & par ce moyen la Reyne avec le gouuerne-
ment du Royaume vindrent és mains de Themir; lequel deſlors ſe portant abſolument
pour Roy, continua ſon ſiege deuant Bagadet, & Semarcant encore: là où un iour ceux
de dedans voyans reduits au dernier deſeſpoir, ſortirent d'une tres-grande hardieſſe
iuſques dedans les trenchées, mais ils en furent repouſſez, & ne pouuant plus durer, ſe
rendirent par compoſition à luy. S'eſtant ainſi emparé de Semarcant, il voulut pratti-
quer quelques-vns de Babylone, pour la luy mettre entre les mains, & conduiſoit cette
menée Chaidar: mais Myrxas qui eſtoit d'un naturel doux & benin, aymant l'equité, taſ-

Tamerlan
commence à
naître vers
l'an 1370.
ou 1375.

* C'eſt de quoy
il porte le nom,
car Aſſaph ſi-
gnifie bonceux.

Toute cette Hi-
ſtoire eſt fort
obſcure.

Tamerlan
eſpouſe la
Reyne des
Maſſagetes,
& s'empare
du Royaume.

Prife de Se-
marcant.

Depuis

1375.

jusqu'à

1390.

choit de le retirer de cette entreprise ; luy remontrant que de se laisser ainsi transporter à l'impetuosité d'une ambition & convoitise démesurée, luy qui estoit venu de si petit commencement, cela ne luy ameneroit à la fin rien de bon en ses affaires, qui auoient besoin de mesure & de patience pour les establir peu à peu : aussi bien la Seigneurie de Babylone ne luy estoit aucunement à propos.

II.

*Sejiser, sûre
ce que les Turcs
appellent
Hordes, c'est à
dire assemble-
ment de peu-
ples.*

*La discipline
militaire des
Tartares ex-
cellamment
belle.*

Ce fut celuy qui monstra à Themir tout le train de Sissities, * surquoy il fonda sa discipline militaire. Car il commença d'ordonner & de partir ses gens par dizaines, par escadres, & enseignes, en telle maniere que chaque dizenier, lequel auoit la charge de nourrir ceux de sa chambre, estoit tenu à toutes heures que l'occasion s'en presentoit de les rendre promptemēt à leur escadre, pour de là estre menez au Capitaine : & par ce moyen n'arriuoit personne és Sissities, qui n'eust son lieu propre & déterminé, auquel il se deuoit reduire. Pour le reste de l'armée, luy-mesme pouruoyoit de viures, afin qu'il sceust le nombre de ses gens, & ceux qui alloient & venoient en son camp, & sur toutes choses tenoit soigneusement la main que ses gens ne demeurassent oisifs ; car les Colonels employoient incessamment les Capitaines de leur Regiment à quelque occupation & exercice, chacun en son endroit ; & les Capitaines, les Centeniers, & autres chefs de bande ; & ceux-cy les soldats qui estoient sous leur charge : tellement qu'estranger aucun, ny espion ne pouuoit aborder, & encore moins faire seiour parmy son armée ; loint qu'il y auoit vn personnage commis & ordonné tout exprés, pour traicter les suruenans. Ce bon ordre & discipline firent en peu de temps, que cette si grosse & pesante masse de peuple, se trouua la plus aisée de tous les autres à se mouuoir & manier en toutes les sortes que le Chef eust sceu aduiser ; voire au moindre signal, tous se monstroient prompts & appareillez à l'exécution de ce qui leur estoit commandé. Entr'autres choses, tous les soirs apres auoir eu du General le mot du guet chacun se retiroit en sa tente & chambrée, & lors ceux qui estoient de garde, faisoient vne ronde tout autour du camp, pour voir si d'auenture il y auroit quelqu'un : car soudain il estoit empoigné, & sans remission mis à mort. Au moyen dequoy ceux qui eussent voulu entreprendre de le venir espionner, d'autant qu'ils n'auoient point de lieu pour leur retraite, estoient contrains de demeurer dehors ; & là comme gens tous neufs & incertains de ce qu'ils deuoient ne faire ne dire, ne falloient de tomber és mains de ceux du guet. Telle estoit l'ordonnance & milice de ces Sissities, & la forme de s'y gouuerner, lors qu'on estoit en campagne.

III.

*Parole trop
libre de Myr-
xas enuers
son supérieur
luy couste la
vie.*

Au regard de Chaidar, il se monstra tousiours fort fidele & obeyssant enuers Themir, & iamaïs ne l'abandonna en pas vn de ses voyages & entreprises, ains luy fit par tout bonne & loyale compagnie, & beaucoup de seruices és occasions qui se presenterent ; Voire l'esguillonna souuent à de fort grandes & dangereuses guerres, pour ne le laisser engourdir par trop de repos, & d'oisiueté. Mais Myrxas, auparauant que Themir fust paruenù à la Couronne de Semarcant, & qu'il couroit encore le pays comme vn simple aduanturier, occupé à ses voleries & brigandages accoustumez, ne se pût tenir vne fois, que ses familiers & domestiques deussent avec luy de ses bonnes fortunes, iusques à dire qu'on ne tarderoit gueres qu'on ne le vist Roy de Semarcant, de lascher ces paroles vn peu trop inconsiderément à la vollée : Le Royaume de Semarcant est trop ferme, & bien appuyé pour tomber és mains d'un si petit compagnon, & brigand encore : Que si d'auenture cela arriue, ie suis content que lors on ne me permette plus de viure, mais me soit la teste trenchée tout sur l'heure, comme à vn menteur que j'auray esté. Il disoit cela non point en jeu, mais au meilleur escient qu'il eust, aussi l'effet s'en ensuiuit depuis, qui ne fut gueres heureux pour luy. Car quelque temps apres que Themir eut conquis Semarcant, Chaidar voyant que nonobstant ces paroles si piquantes & ignominieuses de Myrxas, on luy faisoit néanmoins plus de faueurs, de biens & d'auancemens qu'à luy, tout indigné de cela, il va dire à part soy : *Et certes l'heure est venue qu'il faut que tu sois trouué veritable, car il y a encore assez de gens de bien records de ce que tu dis vne fois.* Et ayant rafraischy la memoire de cela à Themir, il fut cause de le faire mourir, alleguant que ce luy eust esté faire tort, de le frauder des conuenances que luy-mesme de gayeté de cœur, sans y estre semond de personne, auoit mises en auant. Toutesfois Themir en cherchoit quelque couleur & excuse, afin qu'on ne l'estimast auoir temerairement violé l'ancienne amitié & compagnie qu'ils auoient eue par ensemble, lors qu'il n'estoit encore qu'un vagabond, mais ne pouuant plus auoir de patience, il le vint vn iour cauteleusement aborder d'un tel langage. *J'estime assez, ô Myrxas, que ce n'est point chose nouvelle à toy, ne à Chaidar, ne à tous le reste de ce peuple, par quels moyens & artifices nous sommes parue-*

nus de sa grandeur & puissance. Enquoy nous auons tousiours eu deux choses entre les autres en singuliere recommandation, cependant que nous auons esté empesché à nous establir cette belle & ample Monarchie : le soin & diligence en premier lieu de nos affaires ; puis vne foy inuolable de garder tres-estroitement tout ce qui auroit esté promis, aussi bien à nos aduersaires propres, comme à nos plus fideles allies & confederez. Et non seulement par nos actions & comportements, mais encore par nos propos & deuis ordinaires, auez nous tousiours assez fait paroistre, de ne vouloir chercher autre chose, sinon de viure en toute paix & douceur avec nos familiers amis, sans leur estre ne mal gracieux, ne les molester, ny tascher de leur contredire à tous propos, ny changer souuent comme fantastiques & bizarres d'opinion en leur endroit, n'y ayant rien de plus recommandable en tout le cours de la vie humaine (principalement des grands) que la seule benignité, & clemence, qui est plus forte que toutes les armes de ce monde. Aussi nous sommes-nous tousiours remis deuant les yeux, que c'est celle qui emprainct le plus auant en nous l'image & ressemblance de Dieu : là où si quelqu'un veut estre si reuesche & farouche, de ne se pouuoir comporter avec personne, ny accoustumer à parler de mesure, comment seroit-il possible que ses actions ne fussent à la fin infaustes & mal-heureuses, ne qu'il luy peust rien succeder de bon en toutes ses entreprises ? Or il te souuent bien (comme ie croy) qu'une fois en me tendant la main tu vins à dire, que si d'auenture i'estois iamais Roy de Semarquant, tu estois content de perdre la teste : Puis doncques que tu as proferé ces paroles en si bonne compagnie : & deuant tant de tesmoins, il est maintenant heure qu'elles soient accomplies, & par ce moyen les conuenances seront d'une part & d'autre acquittées. Myrxas, apres que le Roy eut mis fin à son dire, repliqua en cette sorte : A la verité (Sire) de quelle maniere tu es parueniu à cet Empire, tu le sçais assez, & tous nous autres avec qui sommes icy presens. De ma part ie n'ay point crainct de m'exposer à plusieurs perils & dangers, pour t'aider à faire le chemin à cette felicité & grandeur : Voicy encore les marques & les enseignes des coups que i'y ay receus. Que si d'auenture il m'est eschappé de dire quelque chose à la volée, n'est-il pas raisonnable que cela me soit pardonné, & pareillement à tous les autres qui t'auront bien & fidellement seruy ? Certes cela n'estoit pas de si grande importance, & mesmement à l'endroit d'une personne priuée, qu'on y deust auoir pris garde de si prez : Mais maintenant que la grandeur de ton nom s'est ainsi espandue au long & au large, & par tant de victoires & conquestes, & fera encore dauantage si Dieu plaist, si rien de tel m'aduenoit par cy-apres, il seroit aussi raisonnable de m'en chastier, ne fust-ce que pour contenir les autres au respect & honneur qu'on te doit. Pour ce coup, oublie le passé (ie te supplie) à l'exemple de ce grand & souuerain Monarque, qui benist nos fortunes, & nous enuoye des biens à planté, toutes les fois que nous vions de misericorde enuers ceux qui nous courroucent & offencent. Toutes ses belles remonstrances neanmoins ne radoucirent pas le cœur de Themir, lequel n'y fit autre responce, sinon qu'on deuoit pardonner à ceux qui sans y penser, & non à leur escient & de propos delibéré, venoient à commettre quelque offence. Car comment pourrois-je à la longue (disoit-il) maintenir la fortune à moy propice & fauorable, si de ma part ie ne m'esuertue, & ne me deffais de celui qui a monstre vn si malin vouloir enuers moy ? Et là dessus commanda de le mettre à mort : mais il le fit enterrer fort honnorablement, & le pleura par vn long-temps.

DEPUIS il alla faire la guerre aux peuples qui habitent au long de la mer Hircanique : tous lesquels il renga sous son obeissance. Cette mer est aussi appelée Caspienne, ayant au Midy les Saquens & Cadusiens, & quelques neuf-vingts dix lieues deuers le Soleil leuant, & le Septentrion les Massageres, gens hardis & belliqueux. Sa longueur au reste est de vingt mille stades, qui peuuent faire quelques six cens lieues. Les Massageres entrerent autresfois en la Perse, où ils conquirent & occuperent plusieurs villes : & dit-on que ce Themir estoit descendu d'eux, & qu'ils l'accompagnerent à l'entreprise du Royaume de Semarquant, lequel finalement il obtint, apres auoir renuersé & mis au bas la Monarchie que les Asiriens auoient n'agueres redressée. Et combien qu'en cette mer Caspienne viennent à se descharger grand nombre de fleues dont elle est le receptacle, celui neanmoins qui est le plus fameux de tous est le Cyrus, lequel à trauers vne fort longue estendue de pais continué son cours, iusques à ce qu'il se vienne perdre, & consigner ses eaux dans cette mer : mais i'ay entendu qu'il y a vn * canal, par lequel il se va finalement rendre en l'Ocean Indique. Toutes les costes sont peuplées de plusieurs sortes de gens, tres-belliqueux & aguerris : & s'y pesche grande quantité de bon poisson, avec force

Depuis
1375
iulq' à
1390.

Deux points
principaux
requis en vn
conquerant.

Responce de
Myrxas pie-
ne d'artifice,
mais ne le ga-
rentit pas
pourtant.

Quelles fau-
tes sont par-
donnables.

L'armes de
Crocodile
quand il veut
deuorer quel-
qu'un.

III.

Mainenant
la mer de Ba-
cu, & non pas
Zabacca, qui
est le marej de
la Morde : &
est appelée Ba-
cu du Chasteau
de Baccara,
comme dit le
Marie Angli-
selle.

Marco Polo
luy donne
280000 pas de
circuit.
* Ainsi le dit
Mela.

Depuis
1375.
jusqu'à
1390.

Entreprise de
Tamburlan
contre les Ca-
dusiens.

Défaite des
Cadusiens.

Description
de l'Arabie.

Il entend de
l'heureuse.

* *Tout ceci est
un peu suspect.*

Expédition
de Tambur-
lan en Arabie.

Les Arabes
tributaires de
Tamburlan.

V.

L'origine de
Mahomet fils
de Abdala, &
de Hemina
environ l'an
600. Car Ha-
ly fut son gen-
dre.

huîtres, où se trouuoient quelques perles. Au delà puis apres se rencontre la grand' mer des Indes, & de l'une à l'autre vont & viennent par ce canal les gros nauires de charges, qui traffiquent continuellement en toutes deux: estant celle d'Hircanie fort exposée au Soleil levant, principalement du costé de l'Asie. Là se vient rendre le grand fleuve Araxes, & Choaspes aussi, qui se coule droit contre l'Orient avec plusieurs autres grosses eaux & riuieres de nom. Or tous les peuples qui confinent à cette mer, souloient estre sujets aux Cadusiens, & leur payoient vn tribut annuel en la ville capitale: Parquoy Themur se resolut de leur aller faire la guerre, tout aussi tost qu'il seroit venu à bout des Hircaniens, dont il auoit déjà mis le Roy à mort. Les Cadusiens de leur costé faisoient diligence d'amasser gens de toutes parts, se monstrans resolu de le vouloir brauement receuoir: Quand Themur ayant entendu les apprests qu'ils faisoient, & que desia ils s'estoient mis en armes, enuoya Chaidar deuant pour essayer d'emporter la ville d'assaut, & luy avec le reste de ses forces s'en vint secrettement loger tout au plus pres qu'il peut, attendant ce que feroit son aduant-garde. Les Cadusiens vindrent incontinent au secours des leurs, à la debandée toutesfois, & sans aucune ordonnance: Au moyen dequoy Themur sortant de son embusche en bataille rangée, leur vint couper chemin, & les chargea au despourueu si rudement, que de pleine arriuée il les mit en desroute, & les mena battant iusques aux portes de la ville, laquelle il prit à la parfin, apres l'auoir par quelques iours tenue assiegée de fort court. Toutes lesquelles choses ainsi heureusement mises à fin, il entreprit le voyage d'Arabie. Ces Arabes icy comme chacun sçait, sont vn fort grand peuple, riche, & ancien qui ne cede à autre que ce soit de toutes les commoditez requises pour l'usage de la vie humaine; iouyssans d'une bonne partie de l'Asie, & de tout le cours de la mer Rouge, depuis vn bout iusques à l'autre. Et outre ce que l'estendue de leur pays est fort large & spacieuse, encores est-ce l'une des plus belles & plaisantes demeures, qui se puisse trouuer autre part: Gens droituriers & equitables, tres-sages, retenus, & obeyssans en ce qui depend du fait de la religion. S'il est qu'estion d'elire vn Roy, ils se garderont (s'ils peuuent) de tomber es mains de quelque fol & insensé tyran, mais auront tousiours l'œil à celuy qui sera en la meilleure estime d'aymer la iustice & raison. Le siege Royal est en Adem, ville fort grande, & pleines d'infinites richesses, situées sur le bord de la mer, presque à l'entrée & emboucheure du canal. Ces gens au reste confinent d'un costé à l'Egypte: & de l'autre arriuent iusques aux Perses & Assiriens: * car depuis la Colchide, & la contrée du Pharo, qui s'estend le long de la marine vers la Celestrie iusques à la ville de Laodicée, on compte quinze bonnes iournées de chemin, pour le meilleur laquais qui puisse estre: de là puis apres on sçait assez comme en cet endroit de la basse Asie, vient presque à se reduire en forme d'isle. Au demeurant l'Arabie est fort couuerte & plantée d'arbres, & mesme-ment de palmiers: car les deux riuieres dont elle est enclosée l'arrousent d'une part & d'autre, si qu'elle produit des fruits en abondance gros à merueilles, ce qui a esté en partie cause aux anciens de l'appeller heureuse. Ainsi Themur vint assaillir les Arabes, sous ombre (côme il disoit) qu'ils auoient donné secours aux Cadusiens à l'encontre de luy, lors qu'il leur alla faire la guerre, & porté beaucoup de nuisance, & empeschement à ses affaires. Par deux fois il combattit avec eux, & n'en peut iamais auoir la victoire: parquoy ils s'entreuoyerent des Ambassadeurs qui traitterent la paix, moyennant vn nombre de soldats, & quelque tribut qu'ils luy deuoient donner par an. Mais auant que cet appointment fust fait, certains deputez des Arabes estoient venus en son camp, requerir qu'on n'eust à entreprendre aucune chose en la contrée du Prophete, veu qu'ils estoient tous descendus de la race d'iceluy leur commun legislateur; & qu'à cette occasion ils deuoient estre en lieu de peres & protecteurs à tous ceux de sa creance. On dit que cette maniere de gens n'estoient pas prophanes, & mondains comme les autres mais fort reformez, & remplis d'un grand zele, sainteté, & deuotion: dont ils estoient par tout tenus en vne merueilleuse reuerence, pour estre descendu de leur sang, vn si grand personnage que Mahomet, lequel avec leur ayde & secours auroit bien osé entreprendre la conqueste de toute l'Asie, car les Arabes estoient lors en fort grand'estime, à cause de leurs prouesses & vaillances.

Ce Mahomet icy fut fils d'un nommé Hali, de l'Arabie heureuse: lequel pour le commencement ne fit rien de force, mais par belles paroles persuasions tira à sa deuotion les Arabes en premier lieu, & puis apres ceux de Surie. Finalement il gagna vn autre Hali, gouuerneur du pais, avec lequel s'estant ligué, il rengea bien à l'aise tout le reste du peuple à receuoir sa doctrine. A la verité sa loy n'enseigne autre chose, qu'un certain repos, ou plutost oysiueté, colorée de ce ne sçay quels rauissements de fureur diuine, & continuelles

continuelles contemplations. Car entre autres choses, on est sujet de faire les prieres cinq fois le iour, quelque empeschement qui puisse suruenir pour lequel on ne seroit pas excusé. Et le Vendredy tous en general s'assemblient aux temples & mosquées pour vaquer à l'oraison, où il n'est loisible de tenir aucune image ne representation quelle qu'elle soit: fust-ce de platte peinture, afin que sans aucune diuersion on puisse tout droit eslever sa pensée à Dieu. Ils ont des Prestres ou Talismans, l'un desquels à certaines heures du iour monte au sommet d'une tour dediée à cela: Et là à grands cris il semond & exhorte le peuple à faire les prieres, qui se font lors à haute voix de l'assemblée, au moins lors qu'elles sont solennelles: estans en cela si religieux, que pour rien ils n'entreprendroient aucune chose qui les leur peüst interrompre. Quant au reste de leur vie & façons de faire, c'est chose assez conueüe, qu'ils ne sont intimidés ne retenus d'aucunes peines, qu'il ne leur soit permis de faire ce que bon leur semble, & ce qui leur vient le plus à gré: aussi n'ont ils rien en si singuliere recommandation, que leurs plaisirs & voluptez, & d'obeyr du tout à leurs affections & concupiscences. Car chacun espouse plusieurs femmes, & tient encore (si bon luy semble) autant d'esclaves pour concubines, comme il en peut nourrir: Neantmoins pour le regard de leurs femmes legitimes, ils ont de coustume de les prendre vierges: surquoy ne leur est donné aucun empeschement iusques au nombre de cinq, & si pour cela les enfans qu'ils ont de leurs esclaves ne sont pas tenus pour bastards: ouy bien ceux qu'ils auroient de quelque courtisane, ou putain publique, lesquels n'entrent point en succession ne partage. Ceux qui se veulent marier, achètent les filles vierges à beaux deniers comptans, de leurs peres ou autres parens les plus proches: & pour vne grande magnificence le iour de leurs espousailles, ont accoustumé de faire porter deuant eux forces torches & flambeaux: Que si le mary n'est bien satisfait & content de sa femme, & qu'elle ne luy reuienne point à son goust, il luy declare comme par trois rattes, il faut qu'il se separe d'elle. Et quand vne femme est ainsi repudiée de son mary, personne ne l'oseroit espouser puis apres, si ce n'est à sa tres-grande honte & ignominie, encore ne luy seroit il pas loisible que premierement quelqu'un n'eust adulteré avec elle. Le vin leur est totalement deffendu, & n'est loisible à personne d'entrer en oraison, que prealablement il ne se soit bien laué & nettoyé. Ils ont aussi cela en recommandation de mettre à part les decimes de leurs biens, lesquelles par chacun an ils reseruent à Dieu: Et gardent fort estroittement vne forme de Carefine, que leur legislateur a instituée, qui dure trente iours & d'auantage: pendant lequel temps, tant que le iour dure, il ne leur est pas permis de boire ne manger rien que se soit, mais quand la nuit est venue, & les estoilles apparoiſſent au ciel, alors ils s'assemblient pour faire un bon repas, & se recompensent tresbien de la diette qu'ils ont faite. Personne n'oseroit, principalement durant ce Carefine, boire du vin, non pas seulement en taster. La Circoncision leur est en vſage: & aduoient Iesus-Christ estre Apôstre & enuoyé de Dieu, qui par l'Ange Gabriel l'engendra en la Vierge Marie, sans qu'elle eust oncques compagne charnelle d'homme: & que c'est un tres-saint Prophete, surpassant de beaucoup en dignité & excellence la condition de toute humaine creature: lequel au dernier iour quand se viendra au iugement vniuersel, sera le souverain iuge & arbitre. La chair de pourceau leur est deffendue: les autres permises, pourueu qu'elles ayent esté saignées. Ne mettent aucune doute que Dieu par sa prouidence ne regisse & gouverne le monde, allegans qu'en cela il se sert du ministere d'intelligence (comme ils dient) enflammées: mais que Mahomet a esté enuoyé de luy, pour accomplir tout ce que les anciens legislateurs, aussi enuoyez de Dieu, auroient laissé à parfaire. Estiment la Circoncision estre le vray & principal nettoiyement sur tous autres: au moyen dequoy es mesmes iours de la Circoncision, ils ont de coustume de faire leurs mariages. Quant aux sepultures, elles sont ordinairement le long des grands chemins, & ne leur est permis de se faire enterrer autre part: mais ils sont fort soigneux de faire lauer & nettoyer les corps, voire de raser tout le poil auant que les enseuelir. Finalement il y a un article en ceste loy, qui ordonne par expres de croire & obeyr au legislateur: si quelqu'un y contredit, faut qu'irremissiblement il passe par le trenchant du glaue. Les Armeniens sont seuls entre tous autres peuples, dont les Turcs n'enleuent point d'esclaves, encore qu'ils soient de differente religion, pource qu'un Armenien prophetisa iadis que la gloire & renommée de Mahomet viendrait à s'estendre par tout le monde. Et c'est pourquoy depuis ils ont porté un tel respect à ce personnage, de ne permettre que personne de la nation soit mis en seruitude. Mahomet doncques ayant ordonné & estably la loy, vint à se faire Seigneur d'une bonne

Depuis

1375.

jusqu'à

1390.

Les Mahometans content leurs années depuis 621. d'autant que Mahomet fit lors sa premiere entreprise.

Les Turcs sont deuots en leur Religion ne requièrent rien en mariage de leurs femmes, au contraire, ils les achètent.

Le vin deffendu par l'Alcoran comme auſſeur d'auoir fait pecher les Anges.

Leur ieusne ou Ramadan, a la fin duquel est leur Pâque ou Bahram.

La Circoncision en vſage chez eux n'est pas deuant la six ou septiesme année.

Ce qu'ils tiennent de Iesus-Christ & de la Vierge Marie.

La chair de pourceau leur est deffendue. Leur sepulture, res toujours hors des villes.

Leur honneste enuers les corps morts.

Pourquoy ne font point esclaves les Armeniens. Cōsequens de Mahomet.

Depuis
1375.
jusqu'à
1390.

Les Conque-
stes de Ho-
mar.

Le sepulchre
de Mahomet.

Les pelerina-
ges de la Mec-
que.

Il y a 60. jour-
nées ou du Cas-
re ou de Ierusa-
lém jusques à la
Mecque, la plus
part tout de
deserts dans les-
quels on se sert
du quadran &
équale tout au-
si qu'en mer.

Tout cecy est
faux : car c'est
une sepulture
fort simple, en
une petite tour
dans une mas-
quée à Medana
Talmabi.
Alchoran ou
Alfuran, c'est
à dire colle-
ction de pre-
ceptes.

partie de la terre, tant en Asie qu'en Afrique : & d'une grande estendue de pays en Euro-
pe, iusques aux Scithes & Tartares, & à ceux que maintenant on appelle Turcs en l'Ibe-
rie : car son credit & autorité deuiendrent incontinent fort grands, d'autant que le peu-
ple qui volontiers auoit gousté sa doctrine, se rengea facilement à luy obeyr en tout ce
qu'il voulut d'eux, & mirent fort liberalement leur auoir & cheuance entre ses mains,
pour en disposer à sa discretion : ce qui luy donna moyen d'assembler & mettre sus de
grandes forces, lesquelles il mena en Egypte : & fit encore quelques conquestes dans le
demeurant de l'Arabie ; où en passant par les sablons & deserts, il adiousta à son Empire
les peuples qui y font leur residence. Finalement apres auoir regné quelques ans, il de-
ceda en vn lieu appellé la Mecque, où les gens de guerre & les habitans du pays, luy firent
de fort magnifiques & honorables funeraillies, & en porterent le deuil bien longuement.
Depuis les Arabes ont continué tous les ans, de faire vn certain anniuersaire à son hon-
neur & souuenance, le tenans pour vn tres-grand & saint Prophete, expressement en-
uoyé de Dieu pour leur annoncer la loy qu'ils deuoient suivre : Enquoy il n'auoit point
vse de force ne violence, comme tyran, mais se seroit tousiours porté en homme ayant
l'equité & iustice sur tous autres. Mahomet decédé, Homur le plus apparent de ses dis-
ciples & sectateurs eut de son gendre le gouvernement & administration des affaires. Par-
quoy ayant assemblé son armée, il entra en Surie, où il conquist presque tout le pays, partie
de force, partie par menées & intelligences, & en faisant par cy & par là, quelques trai-
tez de paix à son aduantage : Par le moyen desquels les Ciliciens, Phrigiens, Médois, &
Ioniens se soubsmirent à luy : avec quelques prouinces de la haute Asie, là où il tira faci-
lement ces nations Barbares, qui estoient sans aucune religion, à son opinion & crean-
ce : & enuoya de ses disciples es autres contrées, pour les prescher & induire à la receuoir.
Il édifia aussi vne fort riche & somptueuse sepulture à Mahomet : & esleut en ce lieu mes-
me sa principale retraite & demeure, où il fonda vne solemnité qui se deuoit cele-
brer tous les ans à grand' pompe & ceremonie, persuadant à plusieurs de le reuerer, avec
de grands merites & pardons à ceux qui iroient visiter son sepulchre. Tellement qu'en-
core pour le iourd'huy ce n'est pas peu de chose des pelerins, qui de diuers endroits de
l'Asie, de l'Afrique, & de l'Europe, entreprennent ce voyage, qu'ils tiennent à vne
deuotion merueilleuse, & dont ils croient demeurer grandement sanctifiez. Les vns y
vont eux mesmes en personne, les autres baillent de l'argent, & y enuoyent. Mais le che-
min est fort fascheux, mal-aysé, & penible : car il faut passer par des larges & profonds
deserts sablonneux, ce qui ne se pourroit faire sans le grand nombre de charneaux qui
portent leurs hardes & victuailles, & principalement de l'eau pource que celle qu'on
trouue par la voye n'est pas suffisante. Ayans fait leur apprests, ils montent sur les dro-
madaires, se guidans par les estoiles, avec le quadran de nauiguer, par le moyen duquel
apres auoir pris leur adresse sur le point du Nord, ils voyent quelle route ils doiuent re-
tirer : & lors qu'ils sont arriuez es endroits où l'on a accoustumé de trouuer l'eau, ils en
emplissent leurs oudres & barils : puis passent outre, tousiours dans ces sablons, tant que
finalement au bout de quarante iournées ils arriuent où est le corps de Mahomet. L'ay-
ouy dire que sa sepulture est bastie de pierres fort exquises & precieuses, & qu'elle est
suspendue en l'air au milieu du temple, sans tenir à rien que ce soit : toutesfois ie croirois
que ce fussent fables. De ce lieu, on compte quelques cinq lieuës, iusqu'à la Mecque,
là où puis apres on explique aux pelerins la loy & les preceptes de l'Alcoran : lesquels
entre autres choses admettent l'immortalité de l'ame, & la prouidence de Dieu, dont
toutes choses sont regies & administrées, & non à la volée, avec vne nonchalance de sa
diuinité. Toutes lesquelles choses nous auons bien voulu toucher en passant.

VI.

OR comme Themir eust fait force courses & rauages dans le pays d'Arabie, & pris
quelques villes il s'en retourna à Semarquant, car il auoit eu nouuelles que les Scithes
des enuirs de la riuiere de Tanais estoient entrez dans les terres de son obeyssance, & y
auoient fait infinis maux & dommages. Ce qu'il prit fort à cœur, & se ietta tout incon-
tinent en campagne, pour les aller trouuer, mais ils ne l'attendirent pas, car ayans fait
leur main, ils s'estoient desia retirez. Parquoy il tourna tout court vers les * Chataides, en
intention de les dompter à celle fois, qu'il auoit bien assemblé huit cens mille hommes
de guerre. On estime que c'ont esté autresfois ceux des Massagetes, qui ayans passé la ri-
uiere d'Araxes s'emparerent d'une grande estendue de pays, tout le long d'icelle, & s'y
habituèrent. Themir doncques les alla trouuer en l'equipage que dessus, si bien qu'estans
finalement venus à la bataille, il en obtint la victoire, & de là sans s'arrester tira droit
à leur

* Ce sont les
Tartares du Le-
uant.

Tamburlan
les deffait.

leur Horde; qui est le fort de toute leur puissance, laquelle il emporta par composition. Cela luy fut vn beau moyen d'accroistre son armée d'un grand nombre de bons & vaillans hommes, qu'il receut à sa solde: & apres auoir pris des otages & imposé le tribut qu'ils luy deuoient payer chacun an, il s'en retourna chez soy plein de gloire, de triomphes & de despoüilles. Chatay est vne ville de l'Hyrcanie deuers Soleil leuant, grande & fort peuplée; surpassant en richesses, en nombre d'habitans, & abondance de tous biens, toutes les autres villes & citez de l'Asie, si d'auanture on ne vouloit excepter Semarcant, & le Caire en Egypte: les Massagetes anciennement la fonderent, & y establirent de fort belles loix & coustumes. Parquoy Themir qui aspirait de longuemain à s'en faire Seigneur, commença à pratiquer par argent plusieurs Perses, qu'il scauoit estre fort instruits des affaires des Scithes, comme de ceux avec qui ils traffiquoient ordinairement, n'estant plus si delicats qu'ils souloient estre. Et là-dessus prenant pied, delibera de tourner toute sa puissance contre leur Horde: Car il auoit appris, que ce peuple estoit le plus ancien de tous autres: & que pas vn des conquerans du temps passé, quelque effort qu'il en eust fait, ne les auoit peu oncques dompter; combien que par leurs courses & inuasions ils eussent souuentefois fait de grands maux en l'Europe & Asie, dont ils auoient amassé infinies richesses: ce qui l'enflamboit encore dauantage à cette entreprise. Et mesmement que Darius fils d'Histaspes, apres auoir esté esleu Roy leur ayant voulu courre sus, y auoit tres-mal fait ses besongnes: Parquoy il resolut en tous poynts de soy cette gloire & reputation si honorable. Et pour plus aisément y paruenir, aduisa estre expedient de se haster le plus qu'il pourroit, sans temporiser dauantage, ny remettre l'affaire en plus grande longueur, sinon en tant qu'il en seroit besoin pour faire à loisir ses apprests, sans en rien eüenter. A cette cause il enuoya de Semarcant grand nombre de gens en la ville de Cheri, comme pour y faire vn nouveau peuple, & colonie: de sorte qu'en peu de iours, suiuant son ordonnance & commandement se trouua là vne infinité de soldats, artisans, & toutes autres manieres de gens: comme aussi firent plusieurs Princes & grands Seigneurs: & luy-mesme y alla faire sa residence. Chacun iour encore y arriuoient à la file les principaux de ses sujets, & les gens-d'armes de l'Asie: Si qu'on ne scauroit penser combien cette cité tout à coup se trouua augmentée & accreüe de peuple: aussi tant qu'il vescu elle fut tousiours presque bien regie & policée d'ordonnances, & statuts fort louables. Mais en quel endroit proprement de l'Asie elle estoit située, ie ne l'ay peu assez bien scauoir: car il n'y a pas grande apparence à l'opinion de ceux qui ont voulu dire que c'estoit ce qu'anciennement on appelloit Ninie, & maintenant Bagader au pays d'Assirie: ne aussi peu qu'elle fust en la Surie, ny en la Prouince des Medois. Comment que ce soit, apres l'auoir peuplée à son souhait, & estably en icelle pour l'aduenir le siege souuerain de son Empire, il se jeta en campagne pour aller faire la guerre aux Scithes desluidits, & à leur Horde principale: ayant assemblé vne armée merueilleuse & espouuentable, là où estoient les Chataides entre les autres: & tira droit à la riuere de Tanais. Mais soudain que les ennemis eurent appris sa venue, ils se diligerent d'aller saisir les pas & destroits des montagnes, par où il falloit qu'il passast: & avec le gros hourt & masse de l'armée, s'acheminèrent à l'encontre. Ils souloient estre iadis départis par cantons, & tenoient tout le pays qui s'estend depuis la riuere du Danube, iusques aux habitans du mont de Caucaze: maintenant vne partie d'entr'eux est passée en Asie, où s'estans du commencement accommodez es parties Orientales, ils se sont depuis respandus par le reste de la Prouince. On les appelle Tzacharai, & font leur residence au deslus de la Perside, iusques aux Xantes & Cadeens: & est l'opinion d'aucuns que Themir mesme en estoit descendu. Car certes ce sont gens, qui en proësses & vaillances ont tousiours emporté le pris deuant tous les autres peuples de l'Asie: tellement qu'il y en a qui veulent dire que ce furent ceux par le moyen desquels il paruint à vn bel Empire: ayant subiugué tous les peuples & nations qui y sont comprises, hors-mis les Indiens tant seulement. Quant aux autres Scithes, ils ne different en rien de ceux-cy: car ils ont vn souuerain auquel ils obeysent, qui tient ordinairement sa cour & son siege Royal en la Horde: & ont de coustume de le prendre & eslire tousiours de la plus noble & ancienne race. Il y en a encore d'autres épandus çà & là par l'Europe, * iusques au Bosphore ou destroit de mer qui est en la Thrace, dont le nombre n'est pas petit. Ceux-cy ont semblablement vn chef sur eux, descendu du sang Royal de tous costez, nommé Atcigeret: sous lequel s'estans acheminez en ces quartiers-là, ils donnerent iusques aux riuages du Danube, qu'une bonne troupe trauersa pour aller piller la Thrace, où ils firent

Depuis
1375
iulqu'à
1390.

La cité de
Chatay fondée
par les Mas-
sagetes.

Les Scithes
peuple tres-
ancien, ne fu-
rent oncques
vaincus de
personne au-
parauant Ta-
merlan.

Darius.

On ne sçait
qui est cette
ville de Cheri.

La ville de
Cheri capitale
de tout l'Em-
pire de Ta-
merlan.

Voyage de
Tamerlan,
contre les Ta-
chares la prin-
cipale Hor-
de des Tach-
ares.

* Ce sont ceux
de Preop, ou
du Cherjone
Tanais.

Depuis
1375.
jusqu'à
1390.

La rivière de
Tanaïs.

* Ce sont les
Moscovites ou
Lithuaniens.

VII.

Langage &
mœurs des
Moscovites.

En la ville de
Moscou qui est
la Metropolitaine.

* Elle a payé
autrefois 1000.
ducats de tribut
aux grands
Ducs de Lithuanie.
Il ne sçay ce
qu'il entend
par là.

Les Chevaliers de Prusse
autrefois d'un
tres-grand
pouvoir.
Tres principales
sortes de
Chevaliers religieux
en la
Chrestienté.
* Il y en a 4
S. Jacques,
Leon, Alcantara,
& Calatrave.
Samogithiens.

plusieurs courses avec de grands dommages & ruines. Puis laissant la Sarmatie, reprit leur chemin vers la Tane: la plupart toutesfois s'arrestèrent es environs du Danube, & y firent leur demeure. Aucuns l'ayant passé, acheuerent le reste de leurs iours sous Bajazet: car chaque Horde des Tartares a de coustume d'auoir son habitation separée des autres: & ceux qui se fermerent au delà du Danube, sont tousiours depuis demeurez sous l'obeyssance de Cazimir III. grand Duc de Lithuanie, & y sont encore pour le iourd'huy, le seruans fidellement en toutes les guerres qu'il a contre ses voisins: car ce sont gens fort braues & bellicieux, pour tels repetez par tout. Au regard de ceux qui s'en retournerent au destroit de Precop, & à l'Isle du Taureau, qui separe les marests de la Meotide d'avec le Pont-Euxin, ils sont vassaux du dessusdit Atcigeri: & sont ceux-là qui deffirent les Gots & les Geneuois habitans en Capha, & contraignirent les vns & les autres de leur payer tribut: comme aussi ils firent vne partie de la Sarmatie. Mais les autres Sarmates *, qui possèdent tout ce grand traict de pays depuis le Pont-Euxin iusques à l'Ocean Septentrional, sont tributaires du grand Cam (Empereur souverain des Tartares, lequel tient sa cour en la premiere & plus puissante de toutes leurs Hordes) deslors qu'ils entrerent en leurs contrées, dont ils emmenerent vn butin inestimable, tant en creatures qu'en cheuaux & bestail; & y retournerent encore assez long-temps apres qu'ils eurent imposé le tribut.

CETTE Sarmatie prend son commencement aux Scithes, qu'on appelle Nomades ou Pasteurs, & arriue iusques aux Valaques, & Lithuanies. Le peuple vñ la plus grand' part de la langue Esclauone: & quant à leurs mœurs & façons de faire, vñ en ce qui despend de la religion, ils sont Chrestiens: plus adherans toutefois aux traditions des Grecs, qu'à l'Eglise Romaine & au Pape, avec lequel ils ne sont pas bien d'accord: car ils ont mesme vn Euesque Grec, auquel ils obeissent. Leurs mesnages & vñanciles ne sont gueres differends de ceux des Tartares. Les Sarmates qui ont leurs demeures depuis la ville de Leopoli en tirant vers le Pont-Euxin, ne reconnoissent presque tous point de Roy, ne Seigneur souverain; ains ont des chefs qui les gouuernent. Mais les villes de Moscouie, & celles de Chiouie, des Tafariens, & Chorobiens, ont chacune leurs Princes & Seigneurs, & payent tous tribut à la noire Sarmatie ou Russie: ainsi est-elle appelée, car l'autre qui est sous le Septentrion, est la blanche Sarmatie. En tirant à la mer Oceane, se trouue la cité d'Vcrat, autrement dicté la grande Nouogarde, * gouuernée par certain nombre des principaux & plus apparens citoyens, laquelle surmonte en richesses, & en pouuoir toutes celles de l'vne & l'autre Sarmatie: Et s'estend ce pays appelé Euphrate ou Inflaste, iusques à l'Ocean, là où aborde iournellement grand nombre de vaisseaux de Dannemarc, & des basses Allemagnes, chargez de toutes sortes de marchandises de la France & de l'Angleterre, dont on trafique en ces quartiers-là. Depuis le Tanaïs iusques à l'Ocean Britannique, on compte quelques trente cinq iournées de chemin, le prenant encor tout au plus long trauers, selon les longitudes du Ciel: mais par les latitudes, l'estendue en est bien autre, car elle prend depuis la Sarmatie au dessus d'iceluy Tanaïs, iusques en cette partie d'Assirie, que les Scithes possèdent. Et à la verité ie croy bien, que la region habitée au delà de ce fleuve doit estre merueilleusement large & profonde. Quant aux Permiens, ils sont situez au dessus des Sarmates deuers le Septentrion, desquels ils sont voisins, vñans d'un mesme langage: & dit-on que ce sont peuples fort anciens, du tout addonnez à la chasse, enquoy ils employent la meilleure & plus grande partie du temps. La Sarmatie qui s'allonge deuers la mer, finalement se va joindre au pays de Prusse, à present gouuerné par des Cheualiers religieux, qui portent de longs manteaux tous blancs marquez d'une double croix noire. On tient qu'ils sont Allemans à leur parler & façons de faire: & sont Seigneurs de plusieurs belles villes tres-bien policées, ayant vn ordre à part, aussi bien que ceux d'Espagne, & de Rhodes: car on sçait assez comme cest trois sortes de religieux entre tous autres, se sont continuellement monstrez aspres & valeureux combatans pour la Foy Chrestienne. Aussi ont-ils comme tres-pieux champions d'icelle, esté instituez contre les efforts des Barbares mescreans infidelles: à sçauoir l'ordre * d'Espagne, pour repousser les Mores Mahometans de l'Afrique, qui à toutes heures auoient accoustumé d'y passer: celui de Prusse, contre les Samogithiens & Tartares, qui ont leurs demeures là aupres: & les commandeurs qui sont residencce en l'Isle de Rhodes, pour faire teste à ceux de l'Egypte, & de la Palestine, en faueur du saint Sepulchre de nostre Sauueur: & aux Turcs de l'Asie semblablement. Aux Prusiens touchent & conseruent les Samogithiens dessusdits, gens robustes & endurcis au travail, ayans

ayans vn langage & façon de viure tout à part, horsmis qu'en certaines choses, ils montrent de conuenir aucunement avec les anciens Grecs: car entre les autres points & articles de leur creance, ils ont pour leurs Dieux Appollon & Diane, & les adorent: mais quant à leurs meubles & habillemens, ils suivent la mode de Pruse. Les Bohemiens leurs voisins viennent apres, qui vsent en partie des superstitions d'iceux Samogithiens, & en partietiennent la doctrine des Allemans habitez avec eux. Quant à leur forme de viure, c'est presque vne mesme chose avec les Hongres: La ville capitale est appelée Prague, riche & bien peuplée, où il n'y a pas long-temps qu'ils adoroient encore le Soleil, & le feu. Et certes ie n'ay point connoissance, qu'au dedans ny au dehors de l'Europe, il y ait gens diuisez en tant de sectes comme ceux-cy: combien que nostre naturel soit bien aisé à se laisser esbloüir, & enuveloper des tenebres de beaucoup de mauuaises & erronees opinions, si nous ne sommes retenus de la Foy, & de l'obeissance que nous deuons à l'Eglise: car l'Euangile de Iesus-Christ, la Loy de Moysé, & les traditions & preceptes de Mahomet, y sont pêle-mêle pratiquées, & en vslage. I'ay bien oüy dire, qu'au delà de la mer Caspienne, & des Massagetes, habitent certains Indiens qui adorent Appollon & autres Dieux, comme Iuppiter & Iunon, ainsi que nous dirons plus amplement cy-apres: mais à tant suffise de ce propos. Les Polonnois sont voisins des Sarmates, le langage desquels leur est tout commun: de mœurs & façons de faire, ils conuenient plus avec les Italiens, & autres peuples Occidentaux. Aux Polonnois ioignent les Lithuaniens, qui arriuent iusques à la mer Euxine, & aux Sarmates. La Podolie, dont la ville capitale est Leopoldy, s'estend depuis les Valaques qui habitent au long du Danube, iusques aux Lithuaniens & Sarmates. Et certes ce peuple icy merite quelque loüange, de cela mesmement, que iamais ils n'ont voulu changer de langage, mais ont tousiours gardé le leur, & le retiennent encore, combien qu'anciennement ils fussent diuisez en deux parts, dont l'une auoit des Princes & Seigneurs ausquels ils obeyssioient, & l'autre des chefs & Capitaines pour les gouverner. Les Lithuaniens entant que touche leur parler, ne conuenient de rien avec les Sarmates, Hongres, ny Allemans, ny avec les Valaques non plus: car ils ont vn langage à part, & est la ville capitale du pays, appelée Vilne, grande, riche & bien habitée. Aussi peut-on connoistre aisément que ce peuple est le plus puissant de tous ces quartiers-là, & si ne cede en rien de prouesse & vaillance à autre que ce soit: Car ils combattent tous les iours avec les Prussiens, Allemans, Liuniens, Moscouites, Tartares, & autres telles races de gens dont ils sont entourez, pour la deffence de leurs frontieres & limites. En leurs mœurs & façons de faire, en leurs habillemens & maniere de combattre, ils suivent presque leurs voisins, tenans de chacun quelque chose. Et pour autant qu'une bonne partie de leur pays touche à la Podolie, il ne se peut faire que bien souuent ils ne viennent à s'entre-battre. Or ce langage des Sarmates dont nous auons tant parlé, est celuy-là mesme dont vsent les Illiriens ou Esclauons, qui habitent en la coste de la mer Adriatique, iusques assez pres de Venise. Mais de pouuoir dire lesquels sont les plus anciens, ou qui ont supplanté les autres de leurs contrées & demeures: si ce furent les Esclauons, qui passerent les premiers en la Pologne & Sarmatie, & s'y habituerent: ou bien si les Sarmates s'estans acheminez vers le Danube, conquerent le pays de la Mysie, & celuy des Triballiens, & l'Esclauonie semblablement, qui s'estend comme dessus est dit, iusques aux Venitiens, ie n'ay veu encore vn seul de tous les anciens qui en dise mot, ny moy-mesme n'en scaurois parler d'assurance.

PAR VOY ie reuiens aux Scythes appelez les Nomades ou Pasteurs, lesquels (si d'auenture on veut entrer en quelque comparaison) on pourroit dire qu'ils surpassent de beaucoup, soit en nombre d'hommes, soit en force & hardiesse, endurcissement & tolerance au faict de la guerre & des armes, tous les autres peuples de la terre: s'ils n'estoient ainli escartez par l'Europe & Asie, où ils rodent incessamment de costé & d'autre, seiournans tantost icy, tantost là, loin de leurs limites, comme gens qui n'ont le cœur à autre chose qu'à courir, brigander, & enuahir le pays d'autrui, & s'arrester au premier lieu qui leur viendra en fantaisie. Que s'ils pouuoient estre d'accord entr'eux, & se voulussent contenter d'un seul chef, & d'une seule region: ie ne pense pas qu'il y eust en tout le monde Prince aucun si grand ny si puissant, qui s'osast attaquer à eux: Mais ils sont trop descoufus, & espanchez en diuers endroits, mesmement parmy la Thrace iusques au destroit; & pourtant si esloignez de leurs contrées, que cela les affoiblit d'autant. Ceux qui habitent le pays qu'on rencontre en tirant au destroit, sont beaucoup

Depuis
1375.
iulqu'à
1399.

Bohème.

Prague ville
capitale de
Bohème

Il dit cela à
cause de Iuis
& des Maho-
metans qui
estoyent roie-
rez en Bohé-
mie.

Pologne.

Lithuanie.

Podolie.

Vilne, capita-
le de Lithua-
nie.

La langue Es-
clauonne a
esté ancienne-
ment en fort
grand vslage
dans tout le
septentrion
& leuant: &
mesme dans
la Grece.

VIII.

Les Tartares
& leur grand
pouuoir.

Circassies &
Mongreliens.

Depuis
1390.
jusqu'à
1402.

Les chariots
seruent de
maisons aux
Tartares.

Merueilleux
nombre de
peuple.

Plusieurs hor-
des de Tar-
tars.

Les Tartares
vont au de-
uant de Ta-
merlan pour
le combattre.

Il les pre-
nient.

Ils sont sem-
blant de fuyr
deuant luy.

d'ennuy & de fâcherie aux Circasses, Mengreliens, & Sarmates; sur lesquels ils font ordinairement plusieurs courses & butins, emmenans de là grand nombre d'ames à Precop & en Capha; & de là aux marests de la Meotide, où ils les vendent à bon prix aux marchands Venitiens & Geneuois: & ainsi vit & passa le temps cette maniere d'hommes bestiaux. Mais les autres qui n'abandonnent point la horde, en lieu de maisons se seruent de chariots, qu'ils traînent çà & là avec des chevaux, dont ils mangent la chair, & boient le lait des jumens: n'ayans aucun usage de froment, seigle, orge, ny autre grain, si ce n'est de quelque peu de millet, dont ils font des tourteaux avec des figues. Leurs vestemens sont certaines chiquenies ou robbes de toiles: mais en perles & pierreries, ils sont les plus pompeux & abondans de tous autres. Leurs fleches, glaives, & tout le reste de leurs armeures & equipage, sentent entierement le Barbare; bien sont leurs targues & pavois fort approchans de ceux des Valaques. Et au regard de ce qu'ils portent en la teste, leurs chappeaux ne sont pas de feutre, mesmement à ceux qui sont voisins des Sarmates, ny leurs habillemens tissus de fil de laine, ains se couurent de peaux de mouton. Au reste la horde principale d'iceux Tartares, & de leur Prince souverain, comprend tousiours plus de quinze iournées de pays: tellement qu'il leur est loisible de joutir à leur aise de telle contrée qui leur vient le plus à gré. Il y en a aucuns, mais en assez petit nombre, qui ont semblablement vn chef & supérieur sur eux, & tiennent leur horde à part, se débandans sur les ailles, pour estre plus au large, & trouuer de plus belles & abondantes commoditez de paccages à leurs troupeaux: Les autres se rangent à telle forme de gouvernement qui leur semble la meilleure. Et n'y a que le souverain seulement avec les Princes qui soient clos & fermez, ausquels on fait vn parquet en rond remparé de peaux aigus; & au dedans est la Cour & Palais Imperial. En apres ils departent leur horde par quartiers, en chacun desquels il y a des chefs, gouverneurs & officiers, qui à toutes heures que le Souuerain veut & ordonne quelque chose, ne faillent soudain d'accourir deuers luy, pour entendre sa volonté. Tellement que lors que Themir mena contre eux les forces de l'Asie, & qu'ils eurent esté aduertis de sa venue, l'Empereur ayant incontinent assemblé la horde, & icelle reduite en forme de camp, fit trousser les bagages sur les chariots, & sans attendre autre renfort, marcha droit à l'encontre; enuoyant en diligence quelques troupes deuant pour se saisir des pas & destroits des montagnes, & empescher le passage à Themir: lequel de son costé tiroit tousiours auant en pays vers la riuere de Tanais, ayant à la main droite les hautes montagnes de Caucase. Mais il n'eut pas plustost mis le pied en la Scythie, qu'on luy vint dire comme les ennemis s'estoient arrestez là aupres, & l'attendoient de pied quoy pour luy donner la bataille. Au moyen dequoy il renga aussi ses gens en ordonnance, & se vint rencontrer avec eux à l'emboucheure du destroit, là où il y eut vne tres-forte & aspre mellée, dont Themir n'eut pas si aisément le meilleur comme il cuidoit, car pour ce iour-là fut presque combattu également des deux costez. Ayans doneques fait sonner la retraite de part & d'autre, le lendemain ils se retournerent attaquer de nouveau: & là se porterent si vaillamment les Scythes qu'ils firent reculer Themir, luy retranchans par là toute l'esperance qu'il pouuoit auoir d'entrer plus auant dedans leurs confins & limites. Alors voyant la perte qu'il auoit faite de ses gens, sans qu'il luy fust possible de forcer l'entrée de ce passage, il retira son armée & s'en retourna à la maison. L'année ensuiuant il amassa encore de plus grandes forces; & faisant semblant de vouloir aller descendre en Egypte, tourna tout court à trauers pays, & s'en vint derechef resprendre toute la furie & orage de cette guerre sur les Scythes, lesquels il preuint à cette fois, par les grandes traittes qu'il fit; si bien qu'il entra lors au despourueu dans leur pays: car estans venus aux mains avec ceux qui gardoient les destroits, il les força, & contraignit de luy quitter le passage. Ce n'est point autrement chose honteuse ny reprochable parmy ces gens-là, de tourner le dos; au contraire ils ne scauent point de plus grand ruse & aduantage en combattant, que de fuyr par interualles, sans que pour cela ils puissent encourir aucun inconuenient ny danger: pource qu'ils se rallient soudain, & s'en retournent sur l'ennemy qui les chassé en desordre, pensant auoir tout gagné: telle est leur coustume & façon de faire. Mais Themir qui ne cherchoit que de ioindre leur grosse troupe où estoit l'Empereur en personne, passa outre bien auant en pays, & estant desjà assez pres d'eux, commençoit à ordonner les batailles pour les aller charger de pleine armée: Quant les Scythes, pour luy reboucher cette premiere impetuosité & ardeur dont il pouuoit beaucoup, deslogerent promptement, & marchans toute la nuict, eurent bien fait six ou sept grandes lieues, auant qu'il fust iour, & luy de son costé les

ayant

ayant fuius à la piste en la mesme ou plus grande diligence, les vint r'atteindre sur le soir. Mais eux qui estoient reposez, se forlongerent derechef, à la faueur de la nuict comme auparauant; en sorte que l'armée de Themir se commença à lasser & ennuyer de cette patrouille; ce qui fut cause que le iour ensuiuant il enuoya deffier les Scithes, lesquels ne voulurent plus fuyr le combat, ains apres auoir rengé leurs gens en bataille par troupes & esquadrons separez, marcherent d'une grande audace contre Themir, & luy de son costé ne les refusa pas. Il auoit donné la conduite de la pointe droite ou auant-garde à Chaidar, avec les Massagetes, & de l'arriere-garde à son fils Sacruch, leur ayant à l'un & à l'autre departy les Perses, Assiriens, & Chatagiens tout autant qu'il s'en trouua en son armée: De luy, il se tint au milieu en la bataille. Apres doncques que toutes les deux armées eurent esté ainsi establies à la veüe l'une de l'autre, & que les trompettes & clerons eurent donné le signal du combat, la charge alors se commença de toutes parts fort furieuse & mortelle, où les Scithes d'abord n'eurent pas du meilleur; neanmoins reprenans courage, s'en vindrent d'une grande impetuosité (comme pour iouer à quitta ou double) ietter la teste baissée à trauers le bataillon de Themir, en esperance de l'enfoncer, ce qu'ils ne peurent; au moyen dequoy eux-mesmes prirent la fuite, laissant vn grand nombre de leurs gens morts sur la place; mais il y eut au'li beaucoup de Perses tuez. De là en auant, voyans bien que ce ne seroit pas leur profit de venir aux mains avec de si rudes & alleurez combattans, aduiserent de les enclorre (s'ils pouuoient) dedans leur pays, & leur couper les viures, pour les laisser consumer & destaire à part eux: dequoy Themir s'apperceut aussitost; & retira son armée fort sagement, pour euitier au danger en quoy il se fust trouué, s'il eut tardé tant soit peu d'auantage: Si bien qu'il arriua le premier à la riuere de Tanais, où les ennemis auoient delibéré de le venir attendre au passage. De là estant paruenue en l'Iberie d'Asie, il prit son chemin par la Colchide, apres auoir passé la riuere de Phasis qui descend de la montagne de Caucase, & se va rendre en la mer Majeure. Finalement il gagna l'Armenie, & redoublant ses journées arriua sain & sauue à Cheri. Mais son armée qui estoit auparauant si bien en poinct, se sentit long-temps de ce voyage, & s'en trouua fort harassée.

TROIS ans apres, les Scithes se voulans venger de la brauade qu'il leur auoit faite, se mirent en armes tout à coup, & entrerent à leur tour en cet endroit de pays qui est au dessus des Assyriens; tellement que Themir se voyant pris au despourueu, fut contraint d'enuoyer ses Ambassadeurs pour traicter de la paix, offrant de faire ligue avec leur Roy Odieus, & generalement avec toutes les Hordes & Cantons des Scithes. Ainsi fut iuré l'appoinctement entr'eux, par lequel ils deuoient demeurer à l'aduenir bons amis, allies & confederes les vns avec les autres, enuers tous & contre tous. Cela fait, luy qui ne pouuoit demeurer en repos, se voyant n'auoir plus rien à demesler avec les Scithes, tourna toutes ses deliberations & conseils à l'entreprise de Surie; & de plaine arriuée sans autrement marchander, s'en alla mettre le siege deuant Damas: laquelle, apres auoir fait ses approches & trenchées, & allis ses machines & engins en batteries, il ne demeura guères à prendre d'assaut: là où cette belle & grande cité qui souloit estre la nompareille de toutes autres, fut tellement saccagée, qu'on dit qu'il en emmena bien huit mille Chameaux chargez de meubles tres-exquis & precieux, de vaisselle d'or & d'argent, de pierreries, & semblables richesses d'une valeur inestimable: sans autres infinies despoüilles qui escheurent aux grands de l'armée, & aux soldats pour leur part lesquels s'en retournerent chargez de butin à la maison. Or auoit-il auparauant depesché ses Ambassadeurs au Souldan du Caire, avec vn tel message. *Themir le grand Roy te mande (ô Souldan) que tout presentement tu ayes à te departir de la Surie, & la luy quitter de tous poincts: Si tu le fais, tu acqueriras sa bonne grace; & il conuertira la fureur de ses armes espouuentables, en paix, amitié, & concorde avecques toy: Sinon, il ne te promet rien moins qu'une derniere & finale raine.* L'autre ne tint compte de ce propos, comme trop plein de fierté & arrogance, & ne s'en fit que rire: Ce qui fut occasion que Themir s'en vint assaillir Damas, qu'il prit avec tous les biens & richesses qui y estoient. Mais il n'y fit pas long sejour, pour l'occasion que nous dirons, apres auoir discouru quelque chose de l'Empire des Mammeluz. Ce Souldan icy est vn fort grand Seigneur, & qui iouist d'une bien longue estenduë de pays. Car à commencer des Arabes, iusques en Ægypte, Surie, & la plus grand part de la Palestine, tout est à luy: & estoit paruenue à ce haut estat en cette sorte. Tous ses esclaves qui prennent le chemin de vertu, & dont on peut conceuoir quelque bonne esperance ont accoustumé d'estre enroollez au nombre des gens de guerre qu'il entretient à sa solde,

Depuis
1390.
jusqu'à
1402.

Bataille entre
luy & eux

Deffaute des
Tartares.

Tamerlan se
contente de
la victoire, &
se retire de
peur d'estre
enuoyé.

IX.

Fait ligue &
accord avec
les Hordes
des Tartares.

Subiugue la
Surie.

Richesses
merueilleuses
enueues du
sic de Damas.

Ambassade
hautaine de
l'ambassadeur
au Souldan
du Caire.

Description
de l'Empire
des Mammeluz
ou Circassiens
en la Surie.
Mammeluz,
route la force
du Souldan du
Caire.

Depuis
1390.
jusqu'à
1402.

Melicamarides.

* Cela venant
droit à plus de
vingt lieues.

* Heretiques
du temps de
l'Empereur
Heraclius, ne
mettrās qu'une
nature en
Jesus-Christ.
* Il prend ordinairement
Lybie pour
Afrique.

Les Chrétiens allant
au S. Sepulchre, souloient
payer le tribut aux Mammeluz.

Maintenant
les Turcs le
leuent.

La puissance
du Souldan
par mer.

* Maintenant
Limisso.

* Non par,
mais les François.

* Alep appartenant
anciennement Egiptien.

Tamerlan la
prend

là où quand l'occasion se presente, on les choisist pour mettre à la garde du corps: & sont d'ordinaire ces gardes icy qu'on appelle Mammeluz (Circaïles de nation) environ deux mille: Desquels sont pris & tirez, puis apres les officiers de la maison; & de là de degré en degré, rencontrans tousiours quelque meilleure fortune, montent iusques aux plus grandes dignitez du Royaume. Car estans en gros credit, & autorité enuers le Prince, il les commet le plus souuent sur ceux qu'on nomme les Melicamarides (ce sont les Gouverneurs des bonnes villes) & de là ne tardent gueres à estre auancez aux charges les plus honorables de la contrée, où le Seigneur fait la pluspart du temps sa residence, qui est au Caire en Egypte presque tousiours; car cette ville du Caire anciennement dite Memphis, passe de beaucoup en grandeur & multitude de peuple toutes les autres de la terre, comme celle qui comprennent en son circuit sept cens * stades: Et si n'en ay point connu de plus paisible ny mieux policée. Il y a bien cinq cens mille maisons; & le Nil passe au milieu, dont l'eau sur toutes autres est fort saine & plaisante à boire. Ce fleuve icy sourd & descend du mont Argyre, & de là vient arrouser, comme à souhait, le pays d'Egypte: Car il y a par tout des tranchées & canaux, par lesquels on l'attire & conduit où l'on veut: De sorte qu'il n'y a endroit où le terroier ne s'en sente, & ne puisse estre abreuvé tout à l'aise. Là se trouue grand nombre de " Monothelites, & Iacobites, faisant tous profession de la Foy & creance de Jesus-Christ Fils de Dieu: mais avec beaucoup de diuersitez d'opinions, toutes contraires les vnes aux autres, qui se trouuent parmy eux: car ils veulent donner l'interpretation des Escritures aussi bien aux Romains, comme aux Grecs. Il y a aussi force Armeniens qui sont de leur secte, & plusieurs autres de celle des Manichéens. Mais pour retourner au Souldan, il tient tout le pays qui s'estend depuis la Lybie, iusques à la ville d'Alep en Surie: & si y a dauantage tant en l'Asie qu'Europe, & Afrique, beaucoup de nations qui le reuerent, comme souuerain Prestre & Pasteur de la loy de Mahomet: Car d'ordinaire beaucoup de gens s'arrestent tout expressement au Caire, pour estre instruits és poincts & articles de sa doctrine. Aussi ce Souldan souloit estre anciennement tenu en lieu de Pontife, comme le plus versé à l'intelligence, & explication de leurs escritures. Il tire tous les ans vn grand profit du S. Sepulchre de nostre Sauueur, qui est es pays de son obeysance en la Palestine, gardé continuellement par certains personages à ce deputez. Quant à l'Egypte, elle s'estend depuis Alexandrie, & la ville de Sur iusques au pays " d'Idurée; quelques octante stades; s'en allant le Nil rendre en la mer, droit au vent de Bise, pres ladite ville d'Alexandrie. De là commence la Palestine, qui se vient puis apres rencontrer avec le pays de Surie: mais le saint Sepulchre est en Ierusalem, qui a esté toute ruinée, avec les regions prochaines de la marine. La Celsyrie d'autre costé, s'eslargit deuers l'Arabie iusques à la mer rouge en allant contre Soleil leuant. Passée cette mer, on entre dans le grand desert, & les sablons qu'il conuient traueser à ceux qui vont au sepulchre de Mahomet. Voila l'estendue du pays qui est sous l'obeysance de ce Prince, à quoy il faut encore adjoûter la Phœnicie. Mais il a d'abondant vne fort grande puissance & domination par la mer, car l'Isle de Samos luy fournit de nauires & de galeres: Tellement qu'ayant vne fois équipé grand nombre de vaisseaux, il les enuoya à Rhodes, & en Chypre. Au regard de Rhodes, apres auoir quelques iours tenu le siege deuant la ville sans y pouoir rien faire, ils furent contrains de s'en retourner avec le butin qu'ils auoient fait parmy l'Isle. Mais ils conquerent Chypre, & emmenèrent le Roy prisonnier, & depuis est tousiours demeuré tributaire au Souldan. A la verité s'estime qu'il auoit esté autresfois à ses predecesseurs, iusques à ce que les François allans à la conqueste de la Terre sainte, avec les forces & armées par mer que chacun scait, s'en emparerent; tout ainsi que firent les Venitiens de la ville * d'Amathunte, à cause des richesses qui y estoient, & de la commodité du port pour traffiquer en Egypte; ce qui fut cause qu'ils la garderent bien long-temps. Les Roys de France * ont aussi regné en Chypre par plusieurs ans les vns apres les autres: mais maintenant les Arabes en tiennent vne partie, & mesme la ville de Famagoste: avec lesquels, & les Afriquains d'un autre costé, le Souldan Seigneur du Caire & de l'Egypte est souuent en debat & mauuais mesnage sur le differend de leurs frontieres & limites, tant qu'aucunes fois ils en viennent aux mains. Nous auons dit cy-dessus comme il estoit aussi Seigneur d'Alep * l'un des meilleurs, & plus renommez apports de toute la grande Asie: car il fournit tout le pays, & l'Arabie encore, d'infinies denrées & commoditez qui arriuent-là de tous les endroits du Leuant: Et produit quant & quant le territoire d'alentour, de fort bons & excellens cheuaux: comme fait l'Egypte, & cét endroit de pays qui se va rencontrer avec

avec la Lybie : où il fe trouue auffi grand nombre de braues cheuaux, & de dromadaires : au moyen dequoy Themir n'oublia de fe faifir de cette ville, lors qu'il alla à la conquelte de Damas.

OR auoit-il defia tengué à fon obeiffance vne grande part de la Surie, quand il fut contraint de retourner arriere, pour les nouuelles qui luy vindrent que le Roy de Chatay, l'un des neuf Princes qui commandoient en l'Inde, ayant paffé la riuere d'Araxes : eftoit entré à main armée dans fes pays, où il y auoit fait de tres-grands dommages & ruines, & emmené vn nombre infiny de prifonniers, puis s'eftoit retiré avec fon butin. On dit qu'il auoit lors en fa compagnie bien quatorze cens mille hommes : ce qui fut caufe que Themir laiffa là le refte de les conquelttes en Surie, & fe mit à pourfuiure l'autre, apres auoit bien fortifié les paffages & aduenues qui font fur les frontieres du Chatay. Toutesfois il ne le pût rattaindre ny en Perfe, ny au Royaume des Candoriens ; & pourtant depescha des Ambafladeurs deuers luy pour traiter d'appointement, pource qu'il meditoit defia en fon efprit la guerre contre Bajazet : en forte que la paix fut arreftée entre ces deux grands Princes, fous condition que Themir de là en auant pour raifon du pays des Massageres où il s'eftoit ietté de force, payeroit tribut par chacun an au Roy de Chatay. Et comme par le moyen de ce traité, la guerre fut demeurée affoupie, aduint qu'il entreprit la protektion des Seigneurs particuliers de la baffe Afie ; lesquels au nombre prefque de cent, auoient efté contraints par Bajazet d'aller affieger pour & en fon nom la ville de Methelin. Themir ayant doncques aflemblé vne tres-groffe armée, il s'en vint en Cappadoce affaillir la ville de Sebaſte, où fouloit eſtre autrefois le ſiege & demeure des Empereurs Taires, comme l'on peut voir encore. Car eſtans autrefois ſortis de là, ils s'eſtoient faicts Seigneurs d'une grande eſtendue de pays en Afie, iufques aux riuages de l'Helleſponte. Et depuis ſe ſentans defia forts, eſtoient venus avec vne plus groſſe puiſſance enuahir le pays qui eſt vis à vis de Conſtantinople. Mais pour reuenir à noſtre propos, Themir eſtant arriué deuant Sebaſte, l'environna de tous coſtez de trenchées & rempars, cependant que Bajazet eſtoit occupé à l'entrepriſe de la ville de Lebadie au pays de la Bœoce ; enſemble de tout le reſte du Peloponeſe & de la Theſſalie auſſi. Toutesfois il auoit laiffé en Sebaſte ſon fils Orthobules, avec partie de ſes forces, & ayant ainſi ordonné ſes affaires, eſtoit paſſé en Grece, où il ne fit pas long ſejour, parce qu'il fut contraint de retourner arriere pour les nouuelles qu'il eut de l'arriuée de Themir : mais ainſi qu'il ſe haſtoit pour regagner l'Afie, il ſceut par les chemins comme l'autre auoit defia pris Sebaſte, & s'en eſtoit retourné en la ville de Chery. Car apres auoir continué par pluſieurs iours vne tres-furieufe batterie, comme il viſt que ceux de dedans remparoient plus la nuit, que de iour, on ne les pouuoit offeſer, & ſe deffendoient au reſte fort vaillamment, il eut recours aux mines, où il faiſoit trauailler ſans aucune intermiſſion ny relasche, huit mille pionniers departis en pluſieurs troupes, afin qu'en vn meſme temps il pût donner diuers aſſauts, dont les autres s'eſtans apperceus, ſe mirent de leur part à contremener & aller au deuant. Mais ils furent preuenus & repouſſez par le grand nombre d'ouuriers que Themir tenoit continuellement en beſongne : tellement qu'en peu de iours la ville ſe trouua minée de tous endroits. Et d'autant que les rempars & platteſ formes où ceux de dedans ſe preparoient de ſouſtenir l'aſſaut, n'eſtoient que de bois, encore fort exhaufſez, il fut bien aifé d'y attacher le feu, tout au meſme inſtant qu'un grand pan de muraille defia fort eſbranlé vint à ſe renuerſer, laiffant vne telle breſche & ouuerture, que de plaine abordée les ſoldats de Themir la forcerent & entrerent dedans. Là en premier lieu furent taillez en pieces tous les hommes, ſuiuſſant ce qu'il auoit ordonné, & puis apres ayant fait aſſembler les femmes & enfans en vne grand' place, il laſcha ſa cavalerie apres, qui en firent un carnage pitoyable à eux-meſmes, car ils les maſſacrerent tous iufques au dernier. Voila la fin de cette mal-heureuſe cité de Sebaſte, dont vne ſeule ame viuante n'eſchappa la fureur du glaïue, encore qu'elle fuſt ſi peuplée, que le nombre des habitans paſſoit ſix vingts mille : il ſe trouua dauantage vne grande multitude de Ladres là aupres, qu'il fit tous mettre à mort : Car tout autant qu'il s'en rencontroit deuant luy, ils ſe pouuoient bien aſſeurer de faire le ſaut, alleguant n'eſtre raifonnable de laiſſer plus longuement regner vne telle peſte, qui ne ſeruoient que d'infecter les autres, & viuoient avec cela en tant d'angoiſſe, & de martyre. Bref qu'on eſtime la deſolation de ce lieu, auoir ſurpaſſé toutes les miſeres & calamitez qui ſoient oncques aduenues autre part. Orthobules meſme le fils de Bajazet, eſtant venu viſ éſ mains de Themir, apres que par quelques iours il l'eut promené çà & là à ſa ſuite, il commanda à la fin de le mettre

Depuis
1390.
iufqu'à
1402.

X.

L'armée du
Roy de Cha-
tay de
1400000.
hommes.

Tameilan
prend Seba-
ſte ſiege ca-
pital de Ba-
jazet en Afie.

La ſaccage.

Cruauté
metueilleu-
ſe.

Eſt ennemy
mortel de
Ladres.

Sa cruauté
enuers Or-
thobules fils
ainé de Ba-
jazet.

1402.

Bajazet en
grande affli-
ction d'esprit
pour la mort
de son fils.

L'armée de Ta-
merlan contre
Bajazet estoit
de 800000.
hommes : con-
se-fus Schit-
perger, qui se
trouua en cette
bataille des
qu'il en eut
deux fois au-
tant, & 1000.
chameaux, &
Bajazet
400000.
hommes.

Harangue de
Bajazet aux
Bulgares.

XI.

Mutinerie
des Turcs
contre luy.

Sinistres pre-
sages pour
luy.

à mort. Bajazet ayant entendu tous ces mal-heurs & defastres les vns sur les autres ; la destruction & ruine de sa ville, l'enorme effusion du sang de ses sujets, & le meurtre inhumain de son tres-cher & bien-aymé enfant, on ne scauroit certes penser la douleur & destresse qui le faisoit : Car ainsi qu'il passoit en Asie, & eut rencontré vn pasteur gardant le bestail, qui jouïoit d'un flageolet ; iettant vn profond soupir il luy dit telles paroles, qui demonstroient assez sa douleur & amertume : Berger mon amy, le refrain de tes chansons soit tel d'oresnauant, ie te prie : *Mal-heureux Bajazet, plus ne verras ta Sebaste, ne ton fils Orthobules.* Et à la verité c'estoit vn gentil Prince, & d'une tres-belle esperance plus que nul autre de son aage : au moyen dequoy son pere ne l'auoit pas laissé sans occasion son Lieutenant general en Asie, avec toute puissance & autorité en son absence. Themir bien-tost apres depescha ses Ambassadeurs à Bajazet pour luy faire les sommations que vous auez ouïes, à quoy l'autre desia tout transporté de fureur & de courroux, fit cette aigre & outrageuse response, ce qui fut cause finalement de sa ruine, la plus tragique & calamiteuse qui aduint oncques à vn tel Prince. Car Themir ayant entendu son langage, perdit toute patience, & sans plus différer se mit apres l'exécution de ce que de longue-main il auoit desia projecté en son esprit, avec les plus grosses forces qu'il pût assembler, tant de la Scythie que des Tzachataides, qu'il auoit prests à toutes heures. Apres doncques qu'il eut fait vne reueue de ses gens, il se trouua bien iusques à huit cens mille combattans : Et lors il se mit en campagne, prenant son chemin par le pays de Phrygie, & la Lydie : Bajazet de son costé pour n'estre pris au despourueu, & auoir dequoy s'opposer à vn si puissant & redoutable ennemy dressa son camp, où il n'oublia pas les Triballiens entre les autres, lesquels auoient la garde de son corps, estans en nombre pres de dix mille, aussi estoit-ce sa principale esperance, comme en ceux qui ne voulans laisser perdre la reputation que de si longue-main ils auoient acquise, s'estoient par tout fort bien portez. Il ne laissa toutesfois (quand il fut question de partir) de leur rafraischir la memoire de leurs proüesses accoustumées, avec vn tel langage. *Vous sçavez, tres-vaillans soldats, comme jadis Alexandre fils de Philippes, n'ayant à maniere de parler, qu'une poignée de Macedaniens, entreprit bien de passer en Asie pour venger sur Darius les outrages que les Grecs auoient autresfois receus de ses predecesseurs, & si il les desfit en diuerses rencontres & batailles, & subingua tout le pays iusques au fleuve de Hyphas, & dernieres extremités du Leuant. Parquoy me confiant en vostre vertu, & sur la force de vos victorieux bras, soutenus d'une si belle & puissante armée, ie ne fais doute que nous ne venions bien à bout de ce Barbare cruel & inhumain, & ne renuerfions de plaine abordée toutes ses usurpations & tyrannies. Puis passerons outre iusques aux tant renommez Indiens, dont ie vous rameneray (Dieu aydant) seins & sauues, tous chargez de gloire, de despoüilles, & de triomphes, pour vser le reste de vos iours en tout plaisir & repos en vos heureux mesnages, avec vos femmes bien-armées, & plus chers petits enfans.* Apres qu'il eut rassemblé toutes les forces de l'Europe, il se trouua n'auoir en tout que six vingt mille hommes de guerre, & non plus : Toutesfois il ne laissa de marcher droit à l'ennemy ; lequel il eust bien voulu deuanter, & le preuenir, afin d'aller ietter la guerre dans le pays d'iceluy : és enuiron de la riuere d'Euphrate, & le combattre là, s'il eust pû. Et pource que Themir conduisoit son armée par la Phrygie, il prit le chemin de Cappadoce aux plus grandes iournées qu'il luy fut possible, pour arriuer le premier à la riuere dessus dite.

Mais quand il fut en Armenie, il eut nouvelles que l'autre estoit desia entré dans son pays, tellement qu'il fut contraint de rompre son dessein, & tourner tout court vers la Phrygie, par où il auoit entendu que Themir luy venoit au deuant : & pource qu'il faisoit vne diligence insupportable, ses gens harassés du long chemin, & de leurs traittes demesurées, vindrent à se mutiner, de ce qu'ainsi à tous propos sans occasion il vouloit abuser de leur facilité & obeyssance, le tout par vne certaine folie & presumption trop vaine. Aduint dauantage qu'ils se trouuerent en fort grande necessité de viures, principalement de froment & d'orge, és enuiron de la cité de Pruse ; car les gens de cheual commençoient desia à souffrir beaucoup, & chacun murmuroit, se monstrans tous fort degoustez de cette guerre, & indignez de ce qu'en vn tel besoin, il auoit fait de tres-rigoureuses deffenses, que personne n'eust à mettre la main aux bleds, ny d'en couper sur peine de la vie. On dit qu'ainsi qu'il passoit par Cappadoce, suruint vn si impetueux tourbilon & orage, que tentes & pavillons tout alla par terre : de là puis apres estans ravis tous entiers en l'air, venoient à retomber en mille pieces & lambeaux ; ce qui fut pris pour vn fort mauuais presage. Et en vne autre fois encore qu'il rebrouilloit chemin vers la Phrygie,

le camp

le champ estant desia assis, son pavillon vint de soy-mesme à se renuerser tout à coup sans dessus dessous, tellement qu'il accabla trois Pages de la chambre, qui de fortune s'y trouuerent: on ne scait si ce fut le deffaut du terrotier & des chevilles, qui ne peuuent porter le faix des cordages qui le tenoient debout, ou bien s'il y eust quelque autre occasion surquoy on pult rejeter cét accident; mais certains Grecs & Triballiens qui estoient lors en son armée, disoient bien, que cela luy deuoit estre vn aduertissement de ne deuoir aller en la Phrygie. Et auparauant qu'il passast la mer, Haly fils de Charatin personnage de fort grande autorité, & tenu pour l'un des plus sages & expérimentez qui fust en son temps, auoit tousiours fort tashé de le desinuoier de s'attaquer à Themir; estant beaucoup plus seur, comme il disoit, d'essayer à pacifier ce differend par quelque voye amiable, en quoy ils s'offroit d'estre luy-mesme le Ministre & Ambassadeur; esperant qu'il le radouceroit, & que les choses ne passeroient point plus auant. Bajazet fit responce qu'il ne fust iamais parueni à vn si haut degré & honneur, & n'eust soumis à son obeyssance tant de Princes si riches & puissans, s'il se fust arresté à ces trop sages & meures considerations: mais que la hardiesse accompagnée d'une soudaine & abregée promptitude, luy auoit mis à fin de si belles & magnifiques choses. Car (disoit-il) la plupart de tous les conquerans, qui sans autrement s'arrester à cette flaque & molle, que tu appelles prudence, se sont iettez entre les bras de la fortune, & de gayeté de cœur ont hardiment entrepris, sont aussi venus à bout de plusieurs beaux & excellens faits-d'armes, là où cependant les autres qui ont voulu trop sagement aller en besongne, & se monstrier en toutes occasions si aduisez & retenus, sont demeurez tout court, ou bien ont fait quelque fin mal-heureuse. Telle estoit l'humeur de cét homme; lequel estant encore en Armenie auoit delibéré de n'en faire point à deux fois, mais de commettre & aduenturer le tout au hazard d'une bataille generale. Parquoy ayant fait assembler tous les Capitaines, chefs de bandes, & autres personnes ayans charge en l'armée, ne leur parla d'autre chose, sinon de l'ordre & façon qu'on deuroit tenir pour combattre. Mais comme en cela ils se trouuaient de differente opinion, balançans tantost d'un costé, tantost d'un autre, finalement Abraham fils de Haly opina en cette sorte.

1482.

Sage conseil
de CharatinBajazet le re-
lette par son
arrogance:

Certes, Seigneur, tu t'apprestes au combat contre des gens qui sont tenus les plus endurcis & expérimentez aux armes de tous autres, par ceux qui ont esprouué que c'est de leur vertu: & moy-mesme me suis souuentefois trouué en plusieurs compagnies où l'on en deuise; mais i'ay tousiours ouï louer estrangement leurs vaillances, & prouesses. Outre plus, selon tous les aduertissemens que nous auons, leurs forces surpassent les nostres de beaucoup: au moyen dequoy, s'il m'est permis de mesler aussi mon opinion parmy celles que ie viens presentement d'oïr, ie ne serois pas d'autre aduis, sinon que sous la confiance de tant de gens de bien qui sont icy assemblez, nous allons tout de ce pas la teste baissée, donner au trauers des ennemis, si ie ne considerois puis apres là-dessus, quel profit & aduantage c'est que nous pouuons esperer de nous estre exposez à ce danger, encore que la victoire nous en demeure; la ou si nous entrons dans leur pays, & que là nous venions à jouër des costaux, & si nous venions icy chez nous aduenturer le tout, à l'evenement incertain & douteux d'une bataille. Et si (ce que Dieu ne vueille) il nous en succedoit mal, voyez un peu Sire (ie vous supplie) en quel peril vous vous mettez de perdre tout à un coup, un si beau, si riche & plantureux Estat que le vostre. Il est doncques bien aisé à connoistre, que ce n'est pas jeu pareil de vous deux, & que la forme de guerroyer qui est conuenable à l'un, ne seroit pas a propos pour l'autre: Car si Themir entend bien son fait il se gardera, comme ie croy, de hazarder toutes ses forces à une fois, ains les faisant combattre séparément, & par troupes, grandes, & petites, nous tiendra en continuel eschech & alarme. Posons le cas, que nous ayons ébranlé, voire mis en routte l'une de ses batailles, qu'aurons-nous gagné pour cela? Car tout incontinent il nous en remettra une autre en reste, toute fraische & reposée, & puis une autre encore s'il est besoin, tant que finalement il nous ait recreus & mattez, & que nous soyons contrains de ployer sous le faix, & donner du nez en terre; pource que d'heure à autre ils se renouuelleront, & d'hommes & d'effort. De vray on scait assez comme ces gens icy, ne sont gueres aisez à estonner, & mettre en desordre, quand il est question de mener les mains. Encore mesme en fuyant, sont-ils plus dangereux & à craindre, que nous ne sommes en combattant de pied ferme: car pour escarter qu'ils puissent estre, ils se viennent souuent à s'allier, & retournent bien asprement à la

Tres-belles &
sages remon-
trances du
Turc Abra-
ham.

1402.

Response de
Bajazet pie-
ne de braue-
ries, & colo-
rée d'exem-
ples.

meslée que deuant. Parquoy ie suis d'aduis qu'on ne doit en façon quelconque s'aller mettre au deuant d'une telle puissance, mais les suivre & costoyer seulement, de logis en logis, le long des montagnes & autres lieux mal-aisez; espérant toujours l'occasion à propos de leur porter quelque dommage, s'il est possible; pour le moins les engarder de fourrager, & s'espandre ainsi à leur aise & au large, quand à toutes heures ils nous auront sur les bras, leur chauffans les esperons de pres, quelque part qu'ils aillent. Par ce moyen nous leur couperons les viures, & les reduirons à toutes sortes de necessitez & mesaises: Puis quand nous les aurons ainsi trauailliez, reconduits iusques dans leurs confins & limites, alors pourrons-nous seurement venir à la bataille, contre ceux qui n'auront plus le cœur à autre chose que de gagner le logis, chacun à la deffence de sa femme & de ses enfans. Telles furent les remonstrances d'Abraham; lequel apres qu'il eut mis fin à son propos, il n'y eut vn seul de toute l'assistance qui n'approuuast & louast grandement ce qu'il auoit dit. Mais Bajazet repliqua en cette sorte. Le nombre des ennemis vous fait doncques peur (à ce que ie voy) & c'est ce qui m'assure le plus: Car vous auez toujours assez connu par experience, que la grande multitude de peuple, n'ameine que confusion & desordre, quand il se trouue quelqu'un qui leur resiste. N'auiez-vous point autresfois ouï dire, quelles trouppes de gens de guerre Xerxes fils de Darius Roy des Perles, menauecques luy lors qu'il passa en Europe: & neantmoins il fut contraint de se retirer fort mal-mené, & presque du tout desconfit, & deualisé; en danger luy-mesme d'y demeurer pour les gages, si Mardonie n'eust preuenu à cét inconuenient; luy faisant voir au doigt & à l'œil sa derniere ruine, si bien-tost il ne regagnoit le logis. Dauantage, nous n'ignorons pas comme Alexandre le grand, ayant par plusieurs fois rompu Darius, luy osta à la parfin son Empire, & le mis à mort. Plusieurs scauent aussi, comme assez souvent une petite poignée de Turcs a mis à fin de tres-belles & excellentes choses, s'estans par tout portez fort vaillamment; & nous encore, par tant & tant de fois que nous auons combattu en Europe, n'auons-nous pas mis en routte les François & les Hongres, les deux plus braues & redoutables nations que le Soleil voye point? Ne nous mesprifes doncques plus ainsi, ie te prie, & ne nous fais paroistre pires que nous ne sommes, ny de moindre valeur au fait de la guerre que ces canailles de Tartares, & Tzachataides, qui ne sont bons que pour fuyr, sans iamais venir aux mains à coups de lance & d'espée, comme braues Cheualiers doiuent faire; mais se tenans au large, le plus qu'ils peuuent, avec leurs arcs & les flesches, taschent de se tirer loin des coups, & sans respendre goutte de leur sang, remporter les victoires deues & reseruees aux gens de bien.

XII.

Auarice de
Bajazet: & le
brocard d'un
de ses Capi-
taines la-des-
sus.

Angorie an-
ciennement
dite Ancyre.

Tamerlan va
luy-mesme
reconnoître
le camp de
Bajazet, & se
mocque de
sa temerité.

AYANT mis fin à son dire, l'un de ses Saniaques prit la parole en cette sorte. Puis doncques (Sire) que tu veux resoluement que nous marchions droit à l'ennemy, à tout le moins mets la main à la bourse, & ouurant tes thresors, fais quelque largesse à ton armée, qui en a pour cette heure si grand besoin. Car en quelque sorte & maniere, que le sort de ceste guerre vienne à tomber, quand tu auras ainsi departy ton or & ton argent entre les soldats, il n'est possible que le profit ne s'en demeure: Pource que si nous auons la victoire, voila incontinent une abondance de tous biens & richesses qui se presentent & nous tendent la main: Si au contraire l'ennemy auoit le dessus, ce te sera moins de regret d'auoir ainsi disposé de ton bien. Il ne persuada pas pourtant cela à Bajazet, car il n'en fit rien du tout, dont l'autre ne se pût tenir de dire, qu'il sembloit que la monnoye de leur Prince fust marquée au coing de Themir, & que c'estoit la cause qu'il ne l'osoit departir à ses gens-d'armes, comme si delia il pensast d'estre tenu d'en rendre compte à l'autre. Voila comment les choses passerent en ce conseil. Mais voyans qu'ils n'aduançoient rien, & ne faisoient que perdre temps, ils deslogerent, & s'en vindrent à Angorie, ville de la Phrygie: Ce temps-pendant Themir gaignoit tousiours pays vers la Mysie, en intention d'aller assaillir la ville de Pruse, capitale de tout l'Empire de Bajazet, & où il tenoit ordinairement sa cour: lequel aussi de son costé se diligentoit d'approcher de l'ennemy, tant que finalement il se vint camper à vne lieue pres: & lors on dit que Themir s'esmerueillit fort de son courage & hardiesse, d'estre venu d'Armenie à si grande haste pour luy cuider faire teste. Parquoy estant monté à cheual, s'approcha le plus pres qu'il peust de son camp; & apres auoir bien reconnu tout à son aise les aduenues & assiette d'iceluy, ensemble les sentinelles & corps de garde, s'esclattant de rire proféra telles paroles. A la verité cét homme icy n'est pas sans cause surnommé foudre ou tonnerillon, non point tant pour la vertu, que pour la temerité & audace dont il est plein: toutesfois j'espere qu'il en pensera estre quitte à bon marché, s'il peut eschapper bagues saunes d'entre

mes

mes mains. Quant à moy ie ne pense pas qu'il soit bien inspiré, le pauvre mal-heureux, tant il se monstre hors de tout entendement & raison. Cela dit, il s'en retourna promptement au logis: Et le lendemain de bon matin, enuoya vne grosse troupe de gens esleus sous la conduite de son fils le Prince Sacruch, pour aller attaquer l'escarmouche, & attirer Bajazet au combat: lequel tout aussi-tost ordonna ses batailles sur vn costau là au pres. A la pointe gauche estoit le Beglierbey de l'Asie, & à la droite celuy de l'Europe; De luy, il tenoit le milieu, accompagné des Ianissaires, & du reste de sa maison. Sacruch avec les Tzachataides, & les principaux Persiens, marchoit cependant à l'encontre en tres-bonne ordonnance, non en intention de l'enclorre, combien qu'il eust des gens assez pour ce faire, mais luy laissant par le derriere lieu & commodité d'eschapper, s'il eust voulu, de peur que se trouuans les Turcs enveloppez de tous costez, le desespoir ne les eust contrains de s'efforcer & prendre courage: tellement qu'estans contrains de combattre pour sauuer leurs vies, ils n'eussent finalement emporté la victoire. Et ainsi commença l'escarmouche contre ceux de l'Europe, qui dura vne bonne partie du iour; les tenant Sacruch de si pres qu'ils n'auoient presque le loisir de prendre haleine. Toutesfois les Triballiens ayant deuant les yeux vn souuenir de leurs accoustumées prouesses & beaux-faicts, se maintindrent fort vaillamment, & donnans à toute bride dans les Tzachataides, rompirent leurs lances; puis mirent la main à l'espée, & firent vn tres-loüable deuoir. Bajazet qui voyoit le tout à l'œil, & comme l'ardeur & eschauffement du combat auoit desia transporté au loin ceux de l'Europe, craignant que cependant on ne le vint enclorre par le derriere, & ne fust en danger de sa personne, enuoya dire à leur chef, qu'il ne faillist soudain de r'allier ses gens, & les ramener au propre lieu qu'il luy auoit premierement esté assigné: dont pour le premier coup il ne tint compte, preuoyant assez ce qui en pouuoit aduenir. Mais comme Bajazet s'en fust mis en colere: iusques à venir à des menaces, il obeyt & retira ses gens: Ce qui donna cœur aux Tzachataides, de les poursuiure plus chaudement, si bien qu'apres en auoir tué vn grand nombre, ils contraignirent le reste à la fin de quitter la place, & s'en aller à vau-deroutte. Cela espouuenta ceux de l'Asie, & fut cause qu'ils ne tindrent ferme, ains gagnerent au pied aussi bien que les autres, combien que personne ne les chargeast encore. Bajazet mesme voyant à quel party ses affaires estoient reduites, monta habilement sur vne jument Arabe sque, & se mit à fuir à toute bride. Or Themir auoit desia fait crier par tout son ost, qu'on n'eust à faire esclaves aucuns des ennemis, mais apres les auoir desualisez qu'on les laissast aller ou bon leur sembleroit, à quoy apres la desconfiture, il tint soigneusement la main, n'estimant pas estre raisonnable de mettre en seruitude ceux qui estoient d'un mesme sang, & d'une mesme creance. Tout au rebours, Bajazet, premier que de venir au combat, auoit fait faire vn ban tres-expres, que pas vn de ses gens n'eust à garder des prisonniers, ains que tous ceux qu'ils prendroient fussent sur le champ mis au fil de l'espée. Apres doncques que Sacruch eut de cette premiere pointe emporté les ennemis, le reste des forces de Themir, qui s'estoient iusques lors tenuës coyés dedans le camp, se vindrent en diligence ioindre à ceux qui auoient desia combattu, afin de poursuiure chaudement la victoire, & aller deuancer ceux qui s'estoient sauuez, pour les garder de se r'allier: car ce leur eust esté nouuel affaire, pire parauenture, & plus dangereux que le premier; tellement qu'ils les chasserent sans relasche aucune, iusques en la prouince d'Ionie, & aux riuages de l'Hellesponte; où ils firent vne merueilleuse desolation & ruine, & saccagerent infinis bourgs & villages, outre plusieurs villes qui furent aussi pillées & destruites. Cependant Bajazet fuyoit tousiours tant qu'il pouuoit, taschant de se sauuer de vitesse, & les Tzachataides le poursuiuoient de pres, desirans sur tout de l'auoir vif en leurs mains. Car ils n'ignoroient pas que c'estoit le comble des desirs de leur Empereur; mais il s'estoit desia fort esloigné d'eux, & auoit fait vn grand chemin, estant monté à l'auantage; quand de fortune il se trouua sur le bord d'une eau, où sa jument pressée de la soif, s'arresta pour boire, & ne luy fut possible de l'en destourner, ny la faire passer outre; estant fort mal-mené des gouttes aux pieds & aux mains: de sorte que sa monture ayant beu tout à son aise, se vint soudainement à refroidir & lascher; ce qui donna moyen à ceux qui alloient apres de le r'atteindre; & ainsi fut pris & mené à Themir. En cette grosse deffaite demeura aussi prisonnier Moysé, & presque tous les Capitaines de Bajazet, qui en furent neantmoins quittes pour leurs despouilles, sans auoir autre mal. Mais parce que ce Moysé estoit d'une fort belle apparence, & passoit tous les autres de force & disposition de corps, ce fut le second que Themir retint, le menant deçà & delà à sa suite.

1402.

Sacruch fils
de Tamerlan
mene son
auant-garde.

L'ordonnan-
ce de Baza-
zet.

Cesar liure 5.
chap 10.
Vn conseil
encore qu'il
soit bon de
foy, n'est pas
tousiours à
propos.

Bajazet se
met à la fuite.

Humanité de
Tamerlan
enuers les
Turcs.

Tamerlan
poursuit
chaudement
la victoire.

Moysé fils de
Bajazet pris
aussi en cette
deffaite.

1402. te, où il estoit defrayé & entretenu fort honorablement. D'autre costé la femme de Bajazet vint es mains des ennemis, qui donnerent iusques à la cité de Pruse; & la pillerent, ravissant tout ce qui estoit dans le Serrail; & cette Dame mesme entre les autres qui estoit fille d'Eleazar Prince des Bulgares, laquelle ils menerent à leur Seigneur: Musulman, Iosué, Mechmet, & les autres enfans de Bajazet, coururent tous la mesme fortune: Et au reste ceux qui estoient tant en Asie qu'en Europe, se sauverent au mieux qu'ils purent.

La principale
Dame de Ba-
jazet menée
captive à Ta-
merlan, avec
tous les en-
fans d'iceluy.

XIII.

* Ce mot est
dans Philostr-
te au tableau
d'Antée, mais
pas d'Homere.

Merveilleux
train de chiens
& oiseaux à la
suite ordina-
re de Bajazet.

Contumehe
de Tamerlan
envers luy.

Preparatifs
de Tamerlan
pour passer
en Europe.

Belle inven-
tion pour
sauver Baja-
zet, si elle
eust réussi.

Mais Bajazet ayant esté conduit en la presence de Themir, on dit que cettuy-cy luy parla en cette sorte. *Ha pauvre mal-heureux, le plus miserable qui soit entre tous les humains, à quel propos as-tu voulu ainsi precipiter ta destinée, & luy faire ce tort, que de te vouloir attaquer de ton propre mouvement à nostre grandeur & puissance? N'as-tu pas bien ouy dire, qu'il n'y a que les enfans des infortunez, qui se bandent contre nous, & se veulent opposer à nostre invincible effort? A quoy Bajazet fit response, que jamais il ne fut parvenu à un si haut degré de felicité mondaine, si luy-mesme ne luy eust donné les occasions de faire la guerre, combien que d'ailleurs il eust esté assez prouvé par les adversaires & ennemis du Prophete. Mais (repliqua Themir) si tu n'eusses esté enflé d'outrecuidance, jamais ne fusses tombé en cette misere & calamité où tu es: car la divine vengeance a de costume le plus souvent de rabaisser ainsi les presomptueux & arrogans, & les reduire au plus bas estage de la fortune. Il luy enuoya puis apres des chiens & des oiseaux, avec tel autre equipage de chasse comme à celuy qui mieux ressembloit quelque Veneur, qu'un chef de guerre conduisant vne armée, contre son ennemy; car on dit qu'il entretenoit d'ordinaire bien sept mille Fauconniers, & presque autant de chiens; à quoy il respondit en cette sorte. *De vray à Themir, qui pour son potage n'est qu'un Tartare & un bandolier, ne reconnoissant autre mestier que d'aller brigander de costé & d'autre, il ne s'eroit gueres bien d'avoir des chiens & des oiseaux; si bien fait à moy, qui suis né d'Amurat fils d'Orchan, tous deux si grands, puissans & invincibles Princes. Dequoy l'autre se sentant piqué, commanda que tout sur l'heure on l'allast promener parmy le camp sur quelque vicil mullet de coffres, pour servir de risée & de moquerie à toute l'armée; là où apres avoir receu mille brocards & iniures, on le ramena derechef deuant Themir, qui luy demanda si cette promenade n'estoit pas encore des exercices & passe-temps de sa tant noble & ancienne race, aussi bien que la chasse & la volerie; & là-dessus l'enuoya en prison. Cela fait, fit trousser bagage pour s'acheminer vers le pays d'Ionie, & autres contrées où il passa l'Hyver. Puis sur le commencement du Printemps, fit ses apprests pour trauffer en Europe, en intention & esperance (comme nous auons desia dit cy-deuant) de la conquerir toute iusqu'aux colonnes d'Hercules: faire puis apres le mesme de l'Afrique: & de là s'en retourner à la maison, quand il auroit annexé à son Empire toute cette grande estendue de la terre habitable: Parquoy il dépescha des Ambassadeurs à Constantinople deuers l'Empereur, pour demander des vaisseaux à passer ses gens. Mais il fit encore vn tel outrage à Bajazet: car la fille d'Eleazar, la plus chere tenue, & la mieux aimée de toutes ses femmes, & laquelle il menoit tousiours quant & luy quelque part qu'il allast, ayant esté amenée prisonniere à Themir, il luy commanda tout à l'heure en la presence de son mary de le servir de coupe, & aller au buffet querir son vin: dequoy ce pauvre Prince tout outré de courroux & indignation, ne se pût tenir de luy dire que cela ne luy appartenoit pas, ny n'en estoit digne: car estant venu de si bas lieu, tant du pere que de celuy de la mere, & de si pauvres & inconnus parens, il ne luy s'eroit point bien de vouloir ainsi fouler aux pieds, & accabler de tant d'indignitez, ceux qui de toutes parts estoient issus de sang Royal, & qui par droit de nature deuoient tenir lieu envers luy, de Princes & Seigneurs souverains. Dequoy Themir se prit bien fort à rire, se moquant de luy comme d'un homme transporté de son esprit qui ne scauoit ce qu'il disoit. Sur ces entrefaites quelques Capitaines de Bajazet s'estans accointez des mineurs de Themir, trouverent moyen de les gagner sous promesse d'une grosse somme de deniers, qu'ils leur deuoient donner pour creuser vne caue qui s'allast rendre en cet endroit où leur Maistre estoit gardé, & l'enlever secrettement. Mais comme ils eurent commencé cette besongne, la conduisant droit au Pavillon de Bajazet, & finalement fussent venus à faire iour, ils furent apperceus & saisis: car n'ayans pas donné si avant qu'ils pensoient, ils firent ouverture trop tost, & de mal-heur encore sortirent au propre endroit où se faisoit le corps de garde, de ceux qui auoient la charge de luy. Parquoy y ayans esté surpris, ils furent tout sur le champ taillez en pieces par le commandement de Themir. De là estant venu deuant la ville de Smirne, il la prit par le moyen de ses roües, & d'auantage**

uantage fit voller sans dessus dessous le fort qui est assis au bord de la mer, où l'Empereur de Constantinople tenoit vne garnison & ne s'abstint pas non plus des autres places; s'adressant à toutes celles qui luy sembloient estre de quelque importance, pour l'establissement de ses victoires & conquestes. Ces rouës icy estoient certaines machines & engins, faits de plusieurs cercles enuolopez & se retournans les vns dans les autres, & au dedans y auoit des eschelles pour monter sur le rempart: tellement que quand on les rouloit vers le fossé, elles receuoient bien iusques au nombre de deux cens hommes, chacun logé à part, car ils y entroient à la file les vns apres les autres: Et ainsi estoient menez à couuert, se conduisans eux-mesmes iusques au pied de la muraille, où ils plantoient les eschelles sans pouuoir estre offensez d'en haut. Ainsi Themir prenoit les places: car d'ailleurs le reste del'armée trauailloit cependant à de longues & profondes trenchées tout à l'environ, & haussoient des plattes-formes qui commandoient au rempart, dont fort aisement puis apres ils se venoient à faire maistres. Il auoit encore outre cela force maçons & charpentiers parmy ses gastadours; lesquels à mesure que les vns s'apportoient la muraille par le pied, les autres l'estançonnoient de grosses pieces de bois, & y mettoient puis apres le feu: si bien qu'apres qu'elles estoient consumées, de grands pands de muraille tous entiers, sans qu'on y fist autre effort, se venoient à aualler eux-mesmes en bas, laissant vne bresche & ouuerture par où les soldats entroient à la foule. C'estoient les inuentions & artifices, dont Themir se seruoit à prendre les villes. Mais sur le commencement du printemps, arriuerent deuers luy des Herauds d'armes du grand Empereur des Indiens, pour luy denoncer la guerre, & luy faire entendre que leur Seigneur estoit desia entré dans ses pays, avec vne puissance innumerable, ayant par despit de luy fait le pis qu'il auoit pû en la cité de Chery; & ouuert le thresor pour se payet par ses mains du tribut, qui estoit escheu cette année; puis s'en estoit retourné. Et adioustoient encore à cela, tout plein de menasses, & paroles fort hautaines; qu'il ne vouloit plus de son alliance & amitié, mais la luy quittoit-là. Toutes lesquelles choses inrent Themir en grand trouble & esmoy, craignant que si ces messagers s'en retournoient deuers leur maistre, il ne rassemblast derechef son armée, pour venir courir sus, & enuahir ses pays cependant qu'il seroit ainsi esloigné, & detenu à guerroyer les Prouinces estrangeres: Remettoit quant & quant en memoire, la condition & instabilité des choses de ce monde, qui iamais ne demeurent fermes ne arrestées en vn estat. Mais ce qui le picqua plus que tout le reste, furent les arrogantes braueries de ces Indiens, qui auoient parlé si haut, & auantageusement. Parquoy sans plus differer, il retourna en toute diligence à Chery, charriant avecques luy Bajazet & son fils, enuers lesquels il vsa de bien peu de respect, & fut cette retraicte si hastiue, qu'elle sembla proprement vne fuite: en sorte que Bajazet qui se trouuoit desia fort mal, vint à mourir par les chemins. Telle fut la fin de ce grand & redouté Monarque, qui ne s'estoit auparauant iamais trouué en lieu où il n'eust laissé de tres-beaux & amples temoignages de sa vertu. Il regna vingt-cinq ans, ayant mené à fin beaucoup de grandes choses, tant en Asie qu'en Europe. Mais au reste il estoit d'un si fier, & outre-cuidé naturel, & si presomptueux de sa suffisance, qu'il ne se falloir pas aduancer de luy donner conseil, car aussi bien ne l'eust-il point receu; ne s'arrestant iamais qu'à sa seule opinion & fantaisie, & principalement quand il estoit queston de prendre les armes. Quelques autres veulent dire qu'il deceda au pays d'Ionic, lors que Themir y alla pour hyuer-ner son armée.

1402.
& iuuans.
Smyrne prise
par Tamer-
lan.

La sappe dont
nous vions
encore.

Mort de Ba-
jazet.

M A I S pour retourner à nostre propos, l'Empereur des Indiens dont nous venons de parler, estoit du nombre des neuf chefs des Tzachataides, celuy-la mesme qui enuoya cette grosse nuée de gens de guerre contre Themir, par la contrée des Massageres: Et lequel ayant passé la riuere d'Araxe, courut & subiugua vne grande partie de ses pays; les Prouinces de Syené, de l'Inde & de Xiprise, luy sont sujettes: & s'estend encore bien plus auant sa domination outre l'isle de la Taprobane iusques à l'Ocean Indique, dans lequel se vont descharger le Ganges, Indus, Anythines, Hydaspes, Hydraotes, Hyphas, & autres fleuves, les plus grands de tous ces quartiers-là. Or l'Inde est vne region tres-plantureuse, & fertile en toutes sortes de biens, & de commoditez qu'à pleines poignées (comme l'on dit) elle seme & respand par tout de quelque endroiect qu'on se puisse tourner. Mais la souueraine autorité de toute cette si grande & profonde estendue de terres & de mers, est par deuers ce Prince icy: lequel s'estant autresfois acheminé de la contrée qui est au dessus de la riuere de Ganges, & des regions maritimes de l'Inde, ensemble de l'isle de la Taprobane, vint à main armée au Royaume de Chatay, situé entre

XIV.

Le pouuoir
du grand
Cham.
* Voyez l'Hi-
stoire de Mores
Polo Venetien.
Les princi-
paux fleuves
qui entrent
dans l'Ocean
Oriental.
Description
de l'Inde O-
rientale.

1402.

& suivants

A Quinjay,
qu'on sçait
ceste ar-
me au treize
liens de cir-
c. & y a
saou. p. mer.

Mort de Se-
miramis en
combattant
contre les In-
diens.

Les enfans de
Tamerlan.

Sacruch fils
aîné de Ta-
merlan, luy
succede à
l'Empire.
Guerres ciui-
les entre les
successeurs de
Tamerlan.

iceluy Ganges, & le grand fleuve Indus, & l'ayant conquis à la pointe de l'épée, établit en la ville Capitale * le throsne & siege Imperial de toutes les Prouinces à luy sujettes. De maniere que l'Inde delors a esté tousiours regie sous le commandement & obeissance d'un Prince seul. Cettuy-cy, ne tout le peuple de Chatai aussi, ne reconnoissent point d'autres Dieux qu'ils veulent adorer, sinon Apollon, Diane, & Iunon. Ils n'vsent pas toutesfois d'un mesme langage, mais de plusieurs qui sont bien differens les vns des autres: aussi sont-ils diuisez en beaucoup de nations fort peuplées, tant es villes qu'au plat pays: & sacrifient communément des cheuaux à Apollon en lieu de viâtes, à Iunon des bœufs, & à Diane des garçons en l'aage de quatorze & quinze ans; lesquelles offrandes ils reiterent plusieurs fois par chacun an. Au demeurant la bonté du terroir y est telle, au rapport de ceux qui l'ont veu, que le froment y passe quinze coudées de hauteur, & l'orge & le millet tout de mesme. Il y a semblablement des cannes & roseaux de si excessiue grandeur, qu'on a fait des nasselles pour passer les riuieres, voire des barques toutes entieres, qui tiennent bien quarante mines de bled, selon la mesure des Grecs; chacune mine de six boisseaux. Mais pource que nous n'auons gueres de connoissance de ces regions-là, aussi la pluspart de ce qu'on en raconte est tenu pour vne fable, & ne fait enuers nous aucune foy: pour autant que l'Inde en estant ainsi éloignée, il seroit bien malaisé de sçauoir par le menu toutes les mœurs, façons de viure, & autres particularitez de tant de peuples qui y habitent. On estime qu'anciennement, & lors mesmes qu'ils estoient en leur plus grande vogue & reputation, ils obeyssioient aucunement à la Monarchie des Assiriens, & des Perses, Seigneurs absolus de toute l'Asie. De vray Semiramis, & encore Cyrus, depuis, qu'il fut fils de Cambises, ayans passé la riuere d'Araxe, firent quelquesfois la guerre fort & ferme: mais cette braue & magnanime Reyne s'estant acheminée contre l'Empereur des Indiens, avec vne puissance & equipage espouuentable, apres auoir passé l'eau, perdit presque toute son armée, & elle-mesme y demeura pour les gages: Cyrus d'autre costé, estant venu au combat avec les Massagetes, fut défait & mis à mort, par leur Reyne Thomiris. Toutes lesquelles choses ne sont point hors de propos, pour mieux entendre comme Themir ayant ouy que l'Empereur des Indiens estoit venu sur ses marches, il se retira en diligence à sa ville de Cheri; & que Bajazet outré de maladie, d'ennuy, & de travail paya le deuoir de nature par les chemins: toutesfois le Prince Moyse son fils fut deliuré, & s'en retourna en son pays. Themir doncques estant de retour à Cheri, donna ordre auant tout ceuvre aux affaires du Royaume, le plus diligemment qu'il luy fut possible: cela fait, il s'en alla contre les Indiens, mais ils se reconcilerent incontinent: au moyen dequoy luy se trouuant de repos s'abandonna delà en auant du tout à l'oisiueté. Il auoit trois enfans entre les autres, dont il faisoit estat; Sacruch, Abdulatriph, & Païamgur. Sacruch comme l'aîné de tous succeda à l'Empire; & cependant le pere acheua le reste de ses iours en plaisirs & voluptez; car ce fut le plus desbordé homme, & le plus luxurieux de tous les viuans, mesmement lors qu'il fut vn peu sur l'aage, & qu'il ne pouuoit plus manger son pain tout sec sans quelque sauce d'appetit, le plus beau de ses passe-temps estoit de faire venir en quelque sale ou gallerie les plus roides & disposés de ses Pages, Laquais, Pallefreniers, Mulletiers, & autres telles sortes de gens alterez, & en haleine, lesquels toute honte & vergongne effacées de la Majesté Royale, il laschoit de sa propre main apres vn troupeau de garces qui attendoient à l'autre bout, ny plus ny moins qu'on feroit quelques laisses & etriques de levriers sur vne harde de bestes trauerfantes vn accours: taschant par vn tel spectacle de se prouoquer & esmouuoir la chair desja toute languissante & flettrie. Que si d'auenture il estoit contrainct de laisser, ou plustost entremettre pour quelque temps ces ordes & sales voluptez, pour entendre aux affaires de la guerre, il n'oublioit toutefois d'y retourner plus aspre & rechauffé que deuant, tout aussi-tost que l'affaire estoit passé, sans se chastier de rien, iusques à s'efforcer outre, & par dessus sa portée, dont bien souuēt il encouroit en de tres-griefs accidens, tât il estoit addonné à toutes sortes de villenies & lubricitez. Apres sa mort, Sacruch Prince benin & bonnaire ayant fait paix avec ses voisins, regna en fort grande tranquillité & douceur, mais il ne vescu pas longuement, & vint l'estat es mains de Païamgur qui s'en empara de force, combien qu'il fust le plus ieune; ce qui fut cause d'allumer de grandes guerres entre luy & ses freres. Car Vly s'estant saisi du pays des Cadusiens, & de l'Hircanie se banda contre Abdulatriph, & luy fit beaucoup d'ennuis. Mais Païamgur suruint là-dessus, qui luy osta tout, & si le mit encore en prison. Païamgur estant decédé, la couronne écheut à Trochies, avec lequel contracta alliance Præampur, l'un des neuf Princes, dont nous auons parlé cy-dessus:

Puis

Puis tout soudain Præampur tournant sa robe, le despoüilla de son Royaume. Car cestuy-
cy ayant fort tourmenté, voire mis au bas presque du tout ceux de Semarcant, avec vn
grand renfort d'Indiens qu'il auoit fait venir, alla au deuant de Trochies, qui le venoit
pareillement rencontrer avec les Perses, & Assiriens auxquels il commandoit, là où il y
eut bataille donnée, dont Præampur eut le dessus, & par mesme moyen obtint la Seigneu-
rie. Quelque temps apres s'estant ligué avec vn autre de ces neuf Princes, & ayant esta-
bly sa Cour en la ville de Tabreze en la Prouince d'Assirie, il se mit à poursuiure le Duc
de Leucarie, & assiegea Samachie * principale retraite & demeure de Garailuc. Or cet-
te ville de Trabeze est fort grande, comme l'on dit, & pleine de merueilleuses richesses:
de sorte qu'apres Semarcant, on la tient pour l'une des opulentes de toute l'Asie. Car le
territoire d'alentour nourrit force vers, qui sont la soye, plus fine beaucoup que celle
qui vient de Samachie. Il produit aussi vne autre espeece de vers qu'on appelle Crinizin,
dont se fait ce beau cramoisy, qui est si riche & plaisant à la veüe. Et ya par toute cette
contrée grand nombre de Perses appelez Arzamiens, d'autant que tous ceux qui parlent
Arzamien sont Perses, & vsent d'un mesme langage. Ceux-cy sont leur residence en Ta-
breze, Cagrin, & Nigerie, toutes bonnes villes en la Prouince de Medie. Mais Samachie,
qui est du costé del'Armenie est encore la meilleure, & la mieux peuplée. Pour retour-
ner à Trochies, sa fille fut mariée à Caraisuph qui en eut le Prince Tzanifas, lequel fut
Seigneur de Babylone, & conquist toute l'Assirie & la Medie, avec la ville de Tabreze
qu'il adjousta à son Empire. C'est celuy qui fit si forte guerre au fils de Præampur, qui
prit d'assaut la ville d'Artzinghan, rengea à son obeissance tout cet endroit de l'Armenie
qui est au deçà de la riuere d'Euphrate: & de là s'en alla mettre le siege deuant Babylone:
où ayant eu nouuelles que le fils de Trochies estoit party de Semarcant pour le venir trou-
uer, il alla au deuant & le deffit: Puis ayant pris la ville, mena son armée deuant celle de
Tabreze, où ils se battirent encore vne autre fois. Car vous deuez scauoir que Cazan sur-
nommé le long, petit fils de Scender Seigneur d'Artzinghan, de la race de Carailuc: auoit
obtenu le Royaume d'Armenie à l'ayde des enfans d'iceluy Carailuc, qui le seconderent
en cette entreprise. Ceux-cy ayans depuis esté fort estroittement assiegez par Tzanifas
fils de Caraisuph, dans la ville de Samachie, & leurs affaires bien ébranlées, enuoyerent
deuers Præampur le requerrir de se vouloir en diligence ietter en la Medie, afin de diuer-
tir leur ennemy; à quoy il consentit facilement, & fit tout ainsi qu'ils le voulurent: dont
tout aussi-tost que Tzanifas en eut les nouuelles, il leua le siege, & s'en alla droit pour
rencontrer Præampur, partie reduisant à son obeissance le pays par où il passoit; partie
le gastant & destruisant. Mais Mendefias, Aetin, Zarchan, & Allontes, suuant la con-
cession à eux desia faite par Themir, s'en allerent ietter dans les terres que Bajazer
leur auoit ostées, & rentrerent chacun en son heritage. Chasan cependant se voyant en
grand pouuoir & autorité, conquist l'Armenie & les Tzapnides: Puis fit paix avec l'Em-
pereur de Trebizonde, par le moyen de quelques mariages & alliances qui se traitterent
entr'eux.

1402.

* Ville de la
Medie, qui
peut faire a un
bes en 8. ou
10000. che-
uaux: en la
rebellion de son
suyua Barba-
ren.

Tzanifas Sei-
gneur de Ba-
bylone, qui
fut vn grand
conquerant.

Les Princes
Titres des-
heritez par
Bajazer ren-
trent en leurs
biens.

FIN DV TROISIEME LIVRE.



L E

QUATRIESME LIVRE DE L'HISTOIRE DES TVRCS, DE LAONIC CHALCONDYLE

ATHENIEN.

SOMMAIRE, ET CHEFS PRINCIPAUX du contenu en ce present Livre.

- I. Iosué fils aîné de Bajazet ayant repris la ville de Prase, reconure l'Empire de son pere, tant en Asie qu'en Europe; mais son frere Musulman assisté des Grecs luy court sus; & l'ayant pris prisonnier, le fait mettre à mort.
- II. Moysé un autre de ses freres prend les armes contre Musulman; & avec une grosse armée de Valaques, & Triballiens, luy livre la bataille: dont ainsi qu'il avoit desia le dessus, se est trahy par les Triballiens, & contraint de s'enfuyr en Valachie.
- III. Musulman s'estant laissé aller à l'osiveté & yronnerie, donne occasion à Moysé de reprendre courage, & luy presenter derechef la bataille; où Musulman abandonne des siens est pris en se cuidant sauver, par les Turcs propres, & amené à Moysé qui le fait mourir, & ceux qui le luy avoient luré quant & quant.
- IV. Moysé se venge des Triballiens, & assiege Constantinople: Cependant Orchan fils de Musulman s'estant déclaré contre luy, est trahy par un sien Page. Mechmet l'autre de ses freres s'estant aussi déclaré, perd une bataille contre Moysé: Il se refait derechef, & la victoire obtenüe le fait estrangler.
- V. Mechmet demeure en paix & repos à l'endroit des Grecs: l'Empereur Emanuel fait clore l'istme de muraille: le Prince Ismael de Sinope se rend tributaire du Turc.
- VI. La description de Venise; ses premiers commencemens & progresz: & les affaires que les Venitiens ont eu çà & là, avant que venir à la grandeur où ils sont.
- VII. Description de l'Estat de Milan; l'histoire des Marianges premiers Ducs, & l'occasion du serpent qu'ils portent en leurs armoiries.
- VIII. Guerres des Venitiens contre les Ducs de Milan, & la forme du gouvernement de Venise.
- IX. Guerre de Mechmet contre les Venitiens, où il y eut une grosse bataille navale aupres de Gallipoli, que les Turcs perdirent.
- X. Mustapha le plus ieune des enfans de Bajazet, se pensant soustenir contre Mechmet, se retire premierement en la Valachie, & puis deuers les Grecs à Thessalonique, où il est arresté, & enuoyé prisonnier en l'Isle de Lemnos.
- XI. Partage fait par l'Empereur Emanuel entre ses enfans: de René Acciaoly Florentin, qui fut un fort grand & puissant Seigneur en la Grece; & de quelques autres dominations des Italiens en ces quartiers-là.
- XII. Entreprises des Albanois en Theffalie & Macedoine: le lasche & meschant tour par eux commis enuers le Prince de l'Acarnanie: & le meurtre de Priolupas par les propres mains de sa femme, s'estant enamourée d'un Espagnol.
- XIII. Les gestes de Charles Tochiano, & de son fils naturel Antoine, qui retira de force la ville d'Athenes d'entre les mains des Venitiens; Prince tres-sage & heureux.
- XIV. Voyage de l'Empereur Emanuel au Peloponese, pour y establir les affaires de son neveu Theodore Duc de Sparthe, & faire clore le destroit de l'istme: avec un eloge de Brenezes, & Thuragam, les deux plus renommez Capitaines de Mechmet.

IOSVE. SIXIESME
EMPEREUR DES TVRCS.



*EN vain ie me sauuay de la fureur Tartare,
Pour du Sceptre Othoman recueillir les debris:
Si plus que Tamerlan mon frere * fut barbare,
Et me fit égorger aussi-tost qu'il m'eut pris.*

* Musulman.

SON ELOGE OV SOMMAIRE
DE SA VIE.

Depuis
1403.
juiques
1408.
à peu près.



*I*l est bien plus aisé de conquerir, que de restablir, d'accroistre son bon-heur, que de se retirer de la misere, & d'un petit Royslet se faire un grand Monarque, que de descendre d'un haut degré pour y remonter. Ce faux pas sans desmarche, qui se fait de la Royauté, à la servitude, trouue rarement un ayde assez puissant pour se releuer. C'est donc beaucoup de gloire à Iosué l'aîné des enfans de Bajazet, parmy le debru, & la ruine vniuerselle de l'estat de son pere, d'auoir releué cét Empire abbatu par sa valeur, & bonne conduite, & ne puis assez m'estonner de quelques-uns qui le veulent mettre comme un interregne, & quelque regence interuenue en attendant le legitime heritier. Car luy estant l'aîné, & le premier de tous les Otthomans qui a reconquis du temps mesmes de Tamerlan une partie de ce qu'il leur auoit usurpé, merite bien de tenir rang d'Empereur. Veu mesmes qu'il prit la ville de Bursé capitale autresfoi de leur Empire, & presque tout ce que ses ancestres possedoient en Asie. De là passant en Europe il fit en sorte par crainte ou par amour qu'il remit sous sa domination les peuples qui en auoient seconé le joug. Mais s'en estant retourné en Asie, son frere Musulman fortifié par le secours des Grecs, & à l'ayde des Seigneurs de Sinope le fut trouuer en Cappadoce, où luy presentant la bataille il obtint vne victoire si entiere que Iosué pensant se sauuer à la fuitte il fut pris & amené à Musulman qui le fit estrangler ayant à peine regné quatre ans avec un continuuel trauail & sans aucun plaisir ny repos. Quelques-uns ont dit qu'il n'estoit pas si grand homme de guerre que Musulman, & que cela fit retirer deuers son frere la meilleure partie de ses Capitaines & soldats. Mais ie croy veu les choses par luy executées qu'il auoit assez de valeur, mais peu de bon-heur: On dit qu'il a eu vne bonté de nature assez recommandable si la bonne fortune eust secondé ses desirs.

L'Histoire Turque est fort obscure & d'uersement racontée en ces endroits.

Iosué regnale premier des fils de Bajazet, les autres ne mettent que Calpis. Pruse reprise par les Turcs, & tout ce qu'ils auoient tenu en Europe.



*A*pres le retour de Themir en sa belle grande cité de Chery, Iosué l'aîné des enfans de Bajazet, ayant gagné ceux qui souloient auoir le plus de credit & d'autorité autour de son feu pere; & rassemblé le plus grand nombre de Ianissaires qu'il luy fut possible, trouua moyen de s'emparer de la Seigneurie. Car Bajazet auoit laissé plusieurs enfans; cettuy-cy premierement, puis Musulman, Moyse, Mechmet, le ieune Iosué & Mustapha. Parquoy tout incontinent que Iosué fut arriué en Asie depuis le despartement de Themir, par le moyen des principaux Turcs, & des Ianissaires qui estoient réchappez du naufrage, ils s'en alla droict attaquer la ville de Pruse, siege souuerain de l'Empire des Turcs en Asie, laquelle il prit de force; de là en auant il eut peu de peine à recouurer le reste, là où il establit par tout des Gouverneurs & officiers en son nom. Puis passa en Europe, là où en peu de temps il retira à son obeyssance les peuples qui s'estoient desia souleuez; & y ayant laissé vn Lieutenant general pour commander, il repassa tout incontinent en Asie. Mais cependant son frere Musulman s'estoit retiré à Constantinople, dont il auoit obtenu vn grand secours: & dauantage pource qu'on l'estimoit autre homme de guerre que Iosué, & beaucoup plus vaillant & expérimenté aux armes, les meilleurs soldats de Bajazet, Ianissaires & autres, se venoient de iour en iour rendre à luy, tellement qu'apres s'estre mis en possession de la plus grande partie des terres & Prouinces de l'Europe, il oza bien passer en Asie, pour aller presenter le combat à Iosué, qui pour lors sejourner en Cappadoce; lequel il deffit de pleine arriuée à l'ayde des Seigneurs de Synope, & de leurs alliez, qui luy faisoient espauler: & si voulut le mal-heur encore, que ce pauvre infortuné de Iosué se pensant sauuer à la fuitte, fut pris & amené à Musulman, qui le fit tout sur le champ mettre à mort, n'ayant pas à grand peine acheué le quatriesme an de son Empire: durant lequel, il eut si peu de plaisir & de repos, qu'il semble que par ie ne scay quelle malignité & enuie des destinées, la fin de celui de Bajazet & le commencement voire le total de cét autre ayent ioué vne mesme tragedie.

Iosué mis à mort par son frere Musulman.

ELOGE OV SOMMAIRE DE MUSVLMAN, OV
CALAPIN, SEPTIESME EMPEREVR DES TVRCS.



MUSVLMAN, Celebin, Calapin, Ceriscelebey, ou Chielebey, (car on luy donne tous ces noms) apres le massacre de son frere, s'assure des Prouinces qu'il tenoit en l'Asie; son frere Moyse s'establissant cependant en la Grece, & ayant mis son siege à Andrinopoly, Musulman à la premiere rencontre le desconfit, & le mit en fuite, recourant en ce faisant la ville d'Andrinopoly, fit la guerre en Hongrie, & liure la bataille à l'Empereur Sigismond, au pays de Seruie, pres de Colombessa, treize ans apres (selon aucuns) celle de Nicopolis, en l'an 1409. Saccagea les pays de Bulgarie, & de Seruie: Rend aux Grecs les villes de Thessalonique, ou Salonichy, & de Zetunis, avec les pays bas de l'Asie le long de la marine, les fauorisant en toutes choses, s'alliant mesmes avec l'Empereur, & prenant pour femme la niepce d'iceluy fille de Iean Theodore. Quelques-uns disent qu'il fut pris par les Grecs avec ses autres freres, au destroit de Gallipoly, comme ils se vouloient sauuer à Andrinopoly, & menez à l'Empereur de Constantinople, qui pouuoit par ce moyen exterminer la race des Othomans: Mais la Prouidence Diuine en ordonnant autrement, il nourrit le serpent en son sein qui apres luy gasta sa famille. Il fut extremement débordé en son viure, & addonné à toutes sortes de plaisirs, de delices, & de desordonnées voluptez, comme il se vuid au dessus de ses affaires, ternissant ainsi la splendeur de ses belles actions precedentes, & au lieu d'un redoutable & renommé Capitaine, deuenant un Prince nonchalant, mol & effeminé, encore que naturellement il fust robuste & dispos de sa personne, & autant adroit aux armes, voire aussi bon combattant que nul autre de son temps. Tandus que son frere Moyse ramassant ses forces dispersées par sa defaute, & se voyant en main une fort belle & puissante armée, vint presenter la bataille à Musulman, lequel fut contraint de s'enfuyr, voyant Caian Aga des Ianissaires, & Brenezes general de sa gendarmerie se ranger du costé de son ennemy. Comme il se sauuoit à Constantinople, il fut rencontré d'une troupe de Turcs, qui l'ayant pris l'amenerent à Moyse, lequel pour recompense de leur trahison les fit brusler tous vifs avec leurs femmes & leurs enfans, ne laissant pas toutesfois de faire estrangler son frere Musulman. Il regna selon quelques-uns sept ans, hors de ses débauches il estoit fort gracieux, affable & debonnaire Prince. Et qu'apres sa derniere defroute auoit intention de quitter aux Grecs toutes les Prouinces de l'Europe, afin de n'auoir plus à deffendre que celles de l'Asie.

Depuis
1408.
iulqu'en
1413.
ou enuiron.

MVSVLMAN OV CALAPIN,
SEPTIESME EMPEREVR
DES TVRCS.



TYRANS, qui par le sang regnez iniustement,
Ayant tout immolé vous deuenez victimes;
Vos crimes à la fin par de semblables crimes *
Reçoient chastiment.

* Il avoit tué
son aîné pour
regner, & son
cadet le tua de
même.



O v r aussi-tost que Musulman, par l'homicide de son frere se fut mis en possession de l'Estat, Moÿse que Themir auoit relasché s'en vint par mer deuers les enfans de Homur, ennemis mortels de Musulman, car ils s'estoient bandez en faueur de Iosué, à l'encontre de luy, & de là passa outre à Sinope & Gastamone; puis finalement par le Pont-Euxin s'en vint en Valaquie, où il pratiqua l'ayde & secours de Myrxas, avec de grands offres de reuenus & terres, qu'il luy deuoit donner, pourueu qu'il luy aydast à chasser son frere, & s'introduire en sa place. Myrxas receut Moÿse fort amiablement, & luy dressa soudain vn deffray & entretenement honorable, pour luy & pour sa suite, attendant qu'il eust donné ordre à ses affaires. Car incontinent se vindrent rendre à luy de toutes parts grand nombre de gens malcontents & despités à l'encontre de Musulman, pour le rebuffe & mauuais traitement qu'il faisoit à vn chacun, lequel estoit pour lors esloigné & detenu en Asie. Ainsi Moÿse en peu de iours, par le moyen du secours & appuy de Myrxas, & quelque renfort que luy amena vn autre Seigneur Valaque nommé Dhas, eut bien-tost amassé vne fort grosse armée, avec laquelle il se fit proclamer Seigneur en Europe, & s'en alla faire couronner à Andrinople; se delibérant de passer puis apres en Asie, pour y acheuer le demeurant de la guerre contre son frere. Il ne s'endormoit pas toutesfoi de son costé, ains faisoit toute diligence extreme, pour le preuenir & passer luy-mesme en Europe: car l'vn & l'autre, prenoit au plus grand auantage qui luy eust pû arriuer, voire au principal poinct qui donnoit la victoire toute gagnée, de deuaner son compagnon, & luy liurer la bataille en son pays, sans attendre qu'il luy vint le premier courir sus. Parquoy Musulman passa la mer, & s'en vint à Constantinople, se confiant sur l'ainitié & accointance de celui qui alors tenoit l'Empire: Mais pour s'en pouuoir tousiours asseuerer dauantage, à son arriuée il espousa la niece d'iceluy, fille de Iean Theodore, en ayant eu vne autre du mesme sang. Tout incontinent que Moÿse sceut sa venue, & les menées & preparatifs qu'il faisoit à l'encôtre de luy, il se hâta de venir à Constantinople, & l'autre de son costé sortit en campagne avec les forces qu'il auoit amenées d'Asie: tellement qu'il y eut iournée entr'eux dure & sanglante, & où beaucoup de gens laisserent les vies d'vne part & d'autre. Car Moÿse estoit accompagné de Valaques & Triballiens, sous la conduite du Vauode Estienne, fils d'Eleazar, avec les Turcs de l'Europe, qui s'estoient regez à son party: Toutesfoi l'Empereur auoit vn peu auparauant enuoyé à cachettes deuers ce Prince, pour luy remonstrer que c'estoit à luy vne bien grande simplicité de se formaliser ainsi, & se mettre luy, & ses affaires au danger d'vne derniere ruine, à l'appetit d'vn tyran cruel & insupportable, lequel finalement il trouueroit ingrat: Parquoy il vaudroit beaucoup mieux, cependant que les choses estoient en leur entier, qu'il se regeast deuers celui qui auoit le meilleur droit, & estoit le plus fort; car il scauoit fort bien reconnoistre à l'aduenir le plaisir & faueur qu'il receuroit de luy à ce besoin, comme courtois, gracieux & benin Prince, qu'il estoit. Ces propos, ioint quelques autres considerations qu'Estienne se ramena deuant les yeux, eurent tant d'efficace, qu'à l'instant mesme que la charge se deuoit commencer, il se retira luy & les siens, & tourna visage autre part droit au chemin de Constantinople: Ce nonobstant Moÿse, qui auoit donné fort vaillamment à trauers les ennemis, ne laissa de les mettre en route de pleine arriuée, & les chasser par vn long espace. Car Musulman de propos delibéré, fit semblant d'auoir perdu le cœur aussi bien que les autres, & se retira au grand trot deuers la ville, avec vn hourt de cinq cens cheuaux en bonne ordonnance bien serrez: & quelques autres qui le suiuiuent à la débandée sur les ailles, iusques tout aupres des murailles de la ville; là où il s'alla malicieusement desrober de la veüe des ennemis, qui poursuiuiuent cependant la victoire, pensans auoir desia tout gagné, afin de retourner tout court par vne autre adresse sur le camp, qu'il s'attendoit bien de trouuer despourueu de deffence. Cela luy succeda tout ainsi qu'il l'auoit imaginé, & entra dedans d'abordée, mettant au fil de l'espee tous ceux qui s'y trouuerent lesquels on auoit laissé à la garde du bagage, & quelques autres encore qui de lascheté de cœur des le commencement de la meilée s'y estoient retirez à garent, comme dedans vn fort, pour attendre en plus grande seureté quel en seroit l'euement. Moÿse apres auoir à toute bride rembarré vne bonne partie des fuyards, commençoit desia à faire sonner la retraite, pour s'aller rafraischir en son logis, quand on luy vint annoncer comme son frere l'auoit pris & saccagé, & s'en venoit au deuant de luy, avec vne grosse troupe de gens tous fraiz & reposez. Dequoy il s'estonna de prime-face; & abandonnant çà & là son armée espandue en desordre parmy la campagne, ne pensa

Depuis
1408.
iulien
1413.
ou enuiron.
II.

Iosué le troi-
sième des en-
fins de Bala-
zet se retiré
en Valaque.

Musulman
rude & mal
gracieux aux
siens.

Moÿse se fait
couronner à
Andrinople.

Bataille entre
Musulman &
Moÿse.

Trahison des
Bulgares en-
uers Moÿse.

Ruse de Mu-
sulman.

Musulman
prend le camp
de Moÿse.

Moÿse perd
le cœur, & se
laue à la fu-
te.

Depuis
1408.
jusqu'en
1413.

III.

Valliance de
Musulman.

Musulman se
laische tron-
toit à des dis-
solutions qui
luy font per-
dre l'Empire
& la vie.

Salonichy &
Zetun rendue
aux Grecs
par les Turcs.

Vie desor-
donnée de
Musulman.

Histoire plai-
sante.

Trois sen-
tant bien son
yurongue.

Traistres li-
vrent Musul-
man à Moy-
se.

Actes gene-
reux de Moy-
se, & recom-
pense condi-
gnee de la des-
loyauté des
traistres.

sinon à se sauuer luy-mesme de vistesse, deuant ceux que n'agueres il poursuiuoit si chaude-
ment. Ses gens à son exemple se mirent à faire le semblable, taschant vn chacun d'eux à
s'escouler de costé & d'autre, où ils pensoient arriuer le plustost à sauueté. Mais la plus-
part s'allèrent rendre à Musulman, & luy presterent obeissance & serment de fidelité.

VOILA comment les choses passerent à celle fois, ayant (selon ce que i'ay pu entendre)
Musulman fait preuue excellente de sa personne, sur tous ceux d'une part & d'autre, qui
se trouuerent en cette iournée. Cela fait il s'en alla à Andrinople, là où il ordonna les affai-
res de son Empire, tellement quellement. Mais Moysé se retira en Valachie deuers Daas,
qui s'estoit tousiours montré fort fidelle & affectionné enuers luy : & se tint es enuironz
du mont Hamus, & changeant par fois de demeure. Cependant Musulman qui se vid (ce
luy sembloit) hors de tous soupçons & empeschemens, se lascha soudain à des oyssiuetez,
yurongneries, & autres tels débauchemens; si bien que les belles choses auparavant par
luy heureusement exploictées, vindrent à se ternir & offusquer par cette débordée & dis-
soluë forme de viure dont les personages d'autorité & de cœur qui estoient aupres de
luy se trouuerent grandement scandalisez, de le voir ainsi tout à coup changé; & de braue
& renommé Capitaine qu'il estoit, deuenir mol, effeminé, & si nonchalant qu'il n'auoit
soin de rien, non pas seulement de vouloir permettre qu'on luy parlast d'aucun affaire, ny
de chose quelconque, que de plaisirs, de delices, & de sordonnées voluptez. Quelques-vns
toutesfois des plus gens de bien, s'ingererent de luy remonstrer, que cela estoit cause que
les meilleurs de ses soldats se desroboient tous les iours à grandes troupes, pour s'en aller
ouuertement rendre à son frere. Et les Grecs mesmes, ausquels dès le commencement de
son Empire il auoit rendu la ville de Thessalonique, ensemble celle de Zetunis, & tous les
autres pays-bas de l'Asie, le long de la marine; & d'abondant leur donnoit esperance d'em-
porter tout ce qu'ils voudroient de luy, ne cessoient de l'admonester par de continuelles
Ambassades, que ces façons de viure n'estoient pas encoré bien conuenables; & qu'il ne
falloit pas si tost s'anonchaloir ainsi, ny laisser là les affaires d'importance méprisées, com-
me si desia il fust en toute seureté dans le port prest à ietter l'ancre & ployer les voiles &
cordages de son nauire; parce que son frere ne dormoit pas cependant, ains luy apprestoit
quelque grosse tourmente & orage. Mais c'estoit à des oreilles trop sourdes à qui ils chan-
toient tout cela, car il passoit les iournées entieres, & bien souuent la plus grand' part de la
nuit, à boire d'autant avec ses mignons & courtisans: Puis tout ainsi accablé & ensueuly de
vin & de viandes, s'alloit precipiter en vn goulphre de sommeil, conforme aux excez de
bouche, qu'il auoit faits, iusques à ce que resolution de son yurongnerie fust en partie para-
cheuée. Alors tout pesant & estourdy encore des fumées & cruditez de la beuuetre prece-
dente, recōmençoit vne nouuelle recharge à tous enuis & routes restes: Tellement qu'on
dit, qu'estant vne fois en campagne à banqueter & se resioiyr sous vne frescade, ainsi qu'il
auoit la coupe au poing, vn cerf eschappé des toiles (car on auoit fait vne eneeinte là au-
pres pour luy donner du passe-temps) s'en vint tant que jambes le pouuoient porter, tout
au trauers des loges & ramées de ses gens, dont soudain se leua vn grand bruit & huée de
ceux qui se mirent à courir apres. Il demanda que c'estoit, & on luy dit: alors il repliqua,
que s'il estoit venu expressement pour boire à luy, qu'il luy alloit de ce pas faire raison, &
là-dessus entonna vn grand trait de maluoisie, qui luy fit oublier & le cerf & la chasse. Au
reste quand il estoit hors de ces débauchemens, c'estoit vn fort gracieux, affable, & debon-
naire Prince; robuste & dispos de sa personne, & autant adroit aux armes, voire aussi bon
combattant que nul autre de son temps: Là où Moysé au contraire se monstroit despit,
soudain, & bouillant d'une colere extreme, qui le transportoit souuent hors de soy, à faire
tout ce qu'elle luy commandoit. Il ne laissa pas neantmoins pour ses impatiences & imper-
fections, d'amasser en peu de iours vne fort belle & puissante armée, avec laquelle s'estant
mis aux champs, il s'en vint derechef presenter la bataille à son frere, aussi gayement com-
me si ceust esté vn second Momont. Cazan, Aga ou Capitaine des Ianissaires, & Brenezes
general de la gendarmerie de l'Europe, s'en allerent de plein saut rendre à luy. Ce que
Musulman ayant entendu, ne s'amusa pas à ordonner ny haranguer le reste de ses gens,
mais à pointe d'esperon gagna la route de Constantinople, en intention de quitter aux
Grecs toutes les Prouinces de l'Europe, afin de n'auoir plus à deffendre que celles de l'A-
sie: & ainsi qu'il estoit apres ce discours gagnant tousiours pays, sa mes-aventure le mena
dans vne troupe de Turcs qui s'estoient assemblez en armes, desquels il fut reconnu &
mené prisonnier à Moysé, esperant en auoir quelque bon present, mais il les fit en lieu de
cela brusler tous vifs, avec leurs femmes & leurs enfans, pour la trahison par eux commise
enuers leur propre & naturel Seigneur.

ELOGE

ELOGE OV SOMMAIRE DE LA VIE
DE MOYSE, HVICTIESME EMPEREVR DES TVRCS.



ET orgueilleux Bajazet, qui s'estoit vanté de faire manger l'anyne à son cheual sur l'Autel de Saint Pierre de Rome; qui en effet auoit espouuanté l'Orient & l'Occident par la terreur de ses armes; Qui auoit mis à feu & à sang une grande partie de l'Europe & de l'Asie, & qui se disoit le foudre du Ciel! perd en un instant ce grand & florissant Empire: Et luy qui auoit contraint tant de peuples à faire joug à sa puissance, courbe le col à tous momens sous les pieds de son ennemy, finissant sa vie en un tres-miserable esclavage. Laisant plusieurs enfans, qui au lieu de se reunir pour reparer leur perte; tascherent tant qu'ils purent d'esteindre entierement leur nom, par leurs dissensions. Et toutesfois au milieu d'icelles se reestablissent, & retournent derechef en leur premiere grandeur, & ce à l'ayde de ceux qui dennoient employer tous leurs efforts pour les aneantir; Je parle des Grecs, qui ayans refusé cette grace & faueur celeste, sentirent bien-tost apres aux despens de leur totale extermination, combien la confederation avec les Philistins est preindiciable au peuple de DIEU. Voicy donc un troisieme fils de Bajazet, qui vient à son tour à l'Empire, apres le massacre de son frere, environ l'an 1412. (selon quelques-uns) & qui redonne quelque calme à l'Asie fort agitée de la tourmente passee. Gaste & ravage le pays des Bulgares, & prend la ville de Spenderonie. Met le siege deuant Thessalonique, & finalement deuant Constantinople, mais il fut contrain de se retirer par la valeur d'Emanuel fils bastard de l'Empereur. Il prend son neveu Orchan fils de Musulman qui assembloit des forces contre luy, & ce par la trahison de Palapan, Page dudit Orchan, & le fait mourir. Range le Pogdan à son obeissance. Son frere Mahomet, ou selon quelques-uns, son neveu, ayans ramassé quelques forces luy presente la bataille; mais Moyse ayant obtenu la victoire, le contraint de s'enfuir. Il reuint toutesfois quelque temps apres appuyé du secours des Grecs & Bulgares, se vendant en peu de iours Seigneur de la petite Asie. Et ayant mesmes gagné les principaux de la Porte qui estoient indignez contre leur Empereur, pour son insupportable & tyrannique façon de dominer. Il presente derechef la bataille à Moyse lequel la perdit, non faute de courage ou de conduite, mais pour estre abandonné des siens. S'estant donc mis à la fuisse, il fut pris dans un mareiss & amené à Mahomet, ayant une main coupée qu'il auoit perduë en combattant contre Cazan Aga autresfois de ses Iamissaires, & qui s'estoit renolté contre luy, & ainsi tout sanglant & demy-mort on l'achena de faire mourir, l'an 1414. ou 1415. selon quelques-uns. Le lieu de sa desfaite s'appelle Samoconu, & dit-on qu'il fut arresté prisonnier par un sien consturier, ayant regné environ trois ans. Il estoit fort imperieux, despit, foudain, & bouillant, d'une colere extreme, & aues un tel excez qu'il n'auoit nul pouuoir de se commander.

1413.
ou enuiron.

MOYSE. HVICTIESME
EMPEREUR DES TVRCS.



L'AVEUGLE mouvement d'une brusque manie
Qui vouloit m'acquérir le tiltre de hardy,
Sur le point du combat par un coup estourdy
Me fit perdre l'honneur, la Couronne, & la vie.



ELLE fut la maniere dont Moyse le troisieme des enfans de Bajazet par-
uint à l'Empire à son retour. Il passa puis apres en Asie , pour rasseoir les af-
faires qui estoient encore fort agitez & esmeus de la tourmente passée , &
pour amasser aussi de nouuelles forces , pource qu'il se deliberoit d'attaquer
Constantinople. Toutesfois estant arriué à Thessalonique, il mena delà son
armée contre les Triballiens , là où d'entrée il courut & gasta tout le pays.

Cela fait , s'en alla planter deuant la ville de Spenderouie , & assiegea fort estroittement
là dedans Estienne surnommé Bulco, frere de la femme de feu Eleazar , apres la mort du-
quel il s'estoit emparé de l'Estat , & porté pour Prince absolument , ayant fait beaucoup
de seruices à Bajazet , en toutes les occasions qui se presenterent durant son regne. Moyse
en auoit bien assez ouï parler , mais le souuenir du lasche & meschant tour qu'il luy auoit
n'agueres fait , en la premiere rencontre de son frere Musulman , lors que l'abandonnant
& trahissant il se retira à Constantinople , luy estoit encore deuant les yeux. Ce qui fut la
seule occasion pour laquelle il luy alla ainsi courir sus , & desoler son pays. Quelque
temps apres , il retourna à son entreprise progettée de longue-main contre la cité de Con-
stantinople, laquelle il enferma de tous costez , & par la terre & par la mer : mais les Grecs
ayans promptement chargé vn bon nombre des meilleurs hommes qu'ils eussent , sur les
vaisseaux qui se trouuerent à propos dans le port , luy allerent presenter le combat sous
la conduite d'Emanuel , bastard de l'Empereur Iean, dont ils emporterent la victoire, par
le moyen de sa prouesse & experience au fait de la guerre , dont il auoit acquis vne gloire
& reputation sur tous les autres Grecs de son temps. Mais aussi cela fut cause que le frere
de l'Empereur conçut vne si mortelle hayne & enuie à l'encontre de luy , qu'il le tint
depuis avec toute sa lignée bien dix-sept ans prisonnier. Moyse doncques se voyant n'a-
uoir pas eu du meilleur par la mer , se mit à piller & fourrager tout le plat pays , où il por-
ta vn fort grand dommage , ensemble es enuiron de Thessalonique , qu'il tenoit cepen-
dant de fort court : & si ne laissoit pas aussi de faire la guerre aux Triballiens ; car il estoit
en toute paix & repos du costé de l'Asie , ayant fait appointment avec les Seigneurs
Turcs , qui y dominoient par endroits , lesquels il ne voulut pas irriter (ainsi qu'auoit fait
feu son pere) sous lequel ils n'auoient iamais eu vne seule heure de repos : Et pourtant il
eut lors commodité d'entendre tout à son aise aux affaires d'Europe , où il s'arresta pres-
que tant qu'il vescu. Car les Grecs apres la mort de Musulman auoient appelé son fils
Orchan , pour l'opposer & mettre en jeu à l'encontre des prosperitez & efforts de Moy-
se : & enuoyerent deuers le Pogdan , & les Turcs qui tenoient encore Thessalonique as-
siegee , pratiquerent leur ayde & secours , pour restablir ce ieune Prince en la Seigneu-
rie , qui de droit luy estoit acquise par le deceds de feu son pere. Or Orchan auoit vn Page
entre les autres , d'assez bon lieu en l'Asie , mais au demeurant peu fidele , lequel s'appel-
loit Palapan : Cettuy-cy fut suborné de Moyse , & firent si bien leur complot ensemble,
que le desloyal luy promit de faire tomber son Maistre en ses filets : tellement qu'ainsi
qu'Orchan fut venu premierement à Thessalonique , & de là eut passé par la Macedoine
à la ville de Berthée , ramassant de costé & d'autre les Turcs habitez en ces quartiers-là,
puis se fust aduancé iusques en Thessalie , mettant desia la puce en l'oreille à son oncle
Moyse , il le fit si soigneusement suivre & espier , suivant les aduertissemens que d'heure
à autre luy donnoit Palapan de tout ce qu'il faisoit , des chemins qu'il deuoit tenir , & des
adresses de ses secrettes retraittes , qu'vne fois qu'il pensoit estre hors de toute crainte
& soupçon en certain endroit de la montagne imminente à la Thessalie , il ne se donna
garde qu'il eut Moyse sur les bras : lequel le prit en vie , & tailla en pieces tous ceux qui
estoient avecques luy : Puis s'alla ietter de ce pas sur le pays du Pogdan , que de pleine ar-
riuée il rengea à son obeissance. Et ainsi alloit Moyse continuant ses victoires & con-
questes en l'Europe , tant contre les Grecs , que contre les autres peuples , en sorte que
les Grecs las & mattez d'vne si longue & ennuyeuse guerre , furent contrains de se tenir
coys , sans de là en auant plus oser leuer les cornes , contre la fortune de celui , qui iour par
iour s'alloit aggrandissant tout autour d'eux. Encore toutesfois ne se pûrent-ils garder
de recueillir Iosué , le plus ieune des enfans de Bajazet : mais cettuy-cy n'eust pas beau-
coup de moyen de s'empescher des affaires du monde , car s'estant fait baptizer à son arri-
uée en la Grece , il ne vescu gueres depuis. Par ainsi ne restoit plus que Mechmet qui
deust joier le jeu : lequel n'eut pas plustost atteint l'aage competant à remuer affaires ,
qu'on le vid à vn instant sortir de la Caramanie avec vne grosse armée , pratiquant ça &

Moyse tache
à se venger
des Bulgares.

Moyse assie-
ge Constantin-
ople.

Vailance
d'Emanuel
fils bastard
de l'Empe-
reur.

Prudence de
Moyse.

Orchan fils
de Musulman
porté par les
Grecs contre
Moyse.

Vn sien Page
le trahit.

Les Grecs se
lassent de se
bander con-
tre Moyse.

Iosué le plus
ieune des en-
fans de Baja-
zet se fait
Chrestien.

1414.
ou environ.

Première
nourriture
de Mechmet
chez vn fai-
seur de Luths.

Côfederation
de Mechmet
avec l'Empe-
reur de Con-
stantinople.

Bataille entre
Moyse &
Mechmet, où
cettuy-cy fut
rompu.

Mechmet, &
Haly se jo-
ignent ensem-
ble cōtre leur
autre frere
Moyse.

Mechmet
s'enfuit de-
rechef.

Les princi-
paux Turcs
se rengent du
collé de
Mechmet.

Cantelle de
Moyse.

L'ordonnan-
ce de la ba-
taille de
Mechmet.

là les Turcs esendus en l'Asie, pour les attirer à son party, & estre secouru d'eux au re-
couurement de l'Empire: De sorte qu'allans & venans plusieurs Ambassades d'une part
& d'autre, & les Grecs s'estans iertez à la trauersé, qui promettoient mons & vaux en sa
faueur, il se fit en peu de iours Seigneur de l'Asie. Car les plus gens de bien estoient in-
digne à l'encontre de Moyse, pour sa tyrannique & insupportable façon de dominer: &
à cette cause s'en allerent tous au deuant de Mechmet, aussitost qu'il comparut en cam-
pagne: dont en peu de iours il se trouua non seulement paisible de l'Asie, mais encore
assez fort & puissant pour aspirer à ce qui restoit à conquerir du costé de l'Europe. Ce
ieune Prince icy du temps que Musulman estoit encore debout, fut mis par Moyse & Io-
sué, qui auoient eu la charge de l'esleuer, en la maison d'un faiseur de cordes de Luth &
de Violles en la cité de Pruse, pour apprendre le mestier, afin que ses freres n'eussent point
connoissance de son estre, & qu'ils ne le fissent mourir: Mais apres qu'il fut paruenue en
l'age propre à entreprendre, il se retira deuers le Caraman Alury, par le moyen duquel,
& de quelques autres Seigneurs de l'Asie, il se fit Seigneur, ainsi que nous auons dit.
De là estant passé à Constantinople, il parla avec l'Empereur, & jurerent vne fort estroite
amitié & alliance entr'eux: Puis se mit en chemin pour passer vers le Despote de Seruie,
& de Thrace, afin de faire de mesme & se preualoir des forces & armées de ce Prince à
l'encontre de son frere Moyse: lequel aux premieres nouuelles qui luy vindrent de l'ar-
riuée de Mechmet, assembla en diligence le plus de gens qu'il pût: & finalement se vin-
drent trouuer, plustost toutesfoies par cas d'auenture que de propos deliberé, aupres d'une
petite ville de fort peu de nom. Chacun de son costé rengea ses gēs en bataille, selon que le
temps & le lieu le leur permirent, puis se vindrent attaquer de grande furie les vns con-
tre les autres: Mais les troupes de l'Asie ne purent longuement soustenir le faix & effort
de ceux de l'Europe, ains branlerent incontinent, & se mirent en fuite. Mechmet mes-
me se desroba de la meslée, & à course de cheual se sauua deuers Constantinople, là où
ce faiseur de cordes qui l'auoit nourry, auoit amené un sien autre frere nommé Haly, fils
aussi de Bajazet: Parquoy eux deux de compagnie s'accorderent de courir vne mesme
fortune: & passerent en Asie pour se mettre sus, & retourner derechef à esprouuer le
hazard du combat. Les Grecs d'autre costé ne leur faillirent point au besoin, lesquels
transporterent leurs gens en Europe, sur les mesmes vaisseaux dont ils auoient desia fer-
mé à Moyse le pas & destroit de l'Hellesponte, & empesché qu'il ne passast en Asie, à la
poursuite de sa victoire. Ainsi Mechmet s'estant refait de sa perte en peu de iours, & mis
son armée en sauueté, tira droit au pays des Triballiens, pour solliciter leurs secours:
ayant desia assez connu par experience, que c'estoit ce qui luy importoit le plus à venir au
dessus de ses affaires: pource que les peuples de l'Europe sont bien autres guerriers &
meilleurs combattans, que les molles & effeminées nations de l'Asie. Mais Moyse qui se
diligentoit cependant de le preuenir & rencontrer auant qu'il eust fait ce qu'il pourpen-
soit, l'alla deuancer en la contrée appelée Panium, au delà du mont Hamus, là où Mech-
met n'eut pas le cœur de l'attendre, ny de venir aux mains: car il s'enfuit à sauueté vers
les Princes des Triballiens, d'où il dépescha de costé & d'autre, & mesme deuers Cha-
san, Brenezes, Amurat, & semblables personnages de nom & autorité enuers les Turcs,
pour les solliciter & semondre à embrasser son affaire à l'encontre de Moyse. Eux pour le
commencement firent contenance de ne vouloir entendre à vne telle infidelité, mais à
la parfin ils se laisserent persuader, & s'accorderent de se reuolter en faueur de Mechmet.
Et là-dessus Brenezes accompagné de ses enfans, & de bon nombre des plus apparens
qui le suiurent, entre lesquels estoit Chassan, avec les meilleurs Ianissaires de la Porte,
s'allerent rendre à Mechmet: lequel se voyant un si grand renfort, & auoir desia vne
puissance telle qu'il ne deuoit plus faire de difficulté de tenter la fortune, se met aux
champs, ayant quant & luy le Prince des Triballiens, en intention d'aller droit trouuer
son frere, & luy liurer la bataille quelque part qu'il le rencontrast. Mais Moyse pour rom-
pre, & reboucher la chaude impetuosité de ce ieune homme qui luy donnoit assez à pen-
ser, prit tous les gens de guerre du pays, avec les Ianissaires & autres soudoyez de la Por-
te, qui luy estoient restez (car la plus grande part s'estoient allez rendre à son ennemy)
& s'en vint asseoir son camp sur les confins de la Mysie, en un lieu fort & aduantageux,
où il pouuoit tout à son aise auoir des viures, & tout ce qui luy faisoit besoin: faisant son
compte de temporiser, & tirer cette guerre en la plus grande longueur qu'il pourroit.
Mechmet d'autre costé qui auoit un dessein tout au rebours, & ne tendoit qu'à abreger,
& combattre de pleine arriuée, s'en vint en toute diligence loger si pres, qu'il n'y auoit
plus

plus d'ordre d'éviter de venir aux mains ; Et sans autrement marchander par aduantage de logis , ne taster les ennemis par escarmouches & legers combats , rengea toute son armée en bataille ; donnant la conduite de la pointe gauche au Prince des Triballiens , & de la droite à Brenezès , qui auoit là cinq de ses enfans avec luy , tous gens de valeur , & fort estimez à la guerre : à sçauoir Agath , Ebraim , Haly , Beic , & Iosué. Moyse semblablement voyant la contenance & resolution de son frere , tira ses gens dehors : allant de costé & d'autre sur les rangs , afin de pouruoir à ce qui estoit necessaire , & d'admonester vn chacun de bien faire son deuoir : Car ce iour-là (ce leur disoit-il) deuoit estre la fin de toutes leurs peines & trauaux ; & de là en auant n'auroient sinon à faire bonne chere , & joiyr en paix & repos , des grands biens & recompenses qu'il pretendoit faire à ceux qui se seroient bien portez en celle iournée : avec autres semblables propos , remplis de promesses & esperances fort magnifiques. Là-dessus Chasan , qui souloit estre Capitaine des Ianissaires , mais auoit quitté cette charge pour s'aller rendre à Mechmet , s'en vint au grand galop , iusques assez pres de ceux qui estoient aux premiers rangs : tous prests à commencer la charge , leur criant à haute voix : *Ha enfans , pourquoy reculez vous ainsi de vous rendre à vostre Roy legitime , & naturel Seigneur , la vraye tige du sang des Othomans , & le plus doux , le plus gentil , liberal & debonnaire Prince qui soit sur la face de la terre , voire qui en vertu surpasse tous les autres qui nous ont iamais commandé ? Mais ie voy bien que c'est , vous voulez tousiours demeurer en vostre misere accoustumée , sous la cruelle seruitude de ce Tyran , en pire condition que les plus mal-heureux esclaves que vous ayez en vostre seruite ; vous exposans de gayerie de cœur aux outrages & indignitez de celui , qui ne scauroit rien goustier de iuste ny equitable en son courage.* Moyse pouuoit bien oüyr tout à son aise le langage qu'il tenoit , tellement que l'un de ceux qui estoient là aupres , ne se pût tenir de luy dire : *Ne vois-tu pas , Seigneur , l'impudence effrontée de ce traistre : qui ne se contente pas de s'auoir ainsi mal-heureusement abandonné , apres tant de biens , tant d'honneurs , & auancemens qu'il a receus de ta liberale main , & à cette heure a bien le cœur de venir icy tout ouuertement suborner les gens de bien qui te sont demeurez ?* Moyse esmeu des propos , tant du Chasan que de cettuy-cy ; craignant avec ce , que s'il attendoit dauantage , quelque mutinement ne se leuast parmy ses gens , ne se pût plus contenir , ains donnant des esperons à son cheual , s'en alla luy-mesme à toute bride charger Chasan ; lequel le voyant venir ainsi resolu , ne l'attendit pas de pied coy , ains tourna bride pour se retirer à sa troupe. Ce que toutesfois il ne pût faire si à temps , que Moyse ne le ioignist ; lequel se haussant sur les estrieux , luy donna vn si grand coup de cimeterre qu'il l'enuoya à bas. Et comme il vouloit redoubler pour l'acheuer du tout , l'Escuyer de Chasan qui l'auoit suiuy vint à la trauersé , qui luy auale le poing tout net : dont Moyse esperdu tourna court , pour retourner à ses gens. Mais quand ils le virent ainsi blessé , au lieu d'en auoir pitié qui les incitast à venger sa desconuenue , entrerent en vn mépris de luy , & le planterent là pour s'en aller rendre à Mechmet. Alors ce pauvre infortuné Prince , se voyant enuironné de tant de mal-heurs tout à coup , ne sceut faire autre chose sinon de prendre la fuitte , en intention de se sauuer en Valaquie , s'il pouuoit : mais Mechmet ne voulant pas laisser perdre vne telle occasion de mettre fin à cette guerre , & aux dangers & perils dont sa vie estoit menacée , se mit luy-mesme à le poursuiure si chaudement , que le pauvre miserable fut r'atteint en vn maret , où il s'estoit ietté par contrainte n'en pouuant plus , tant à cause du sang qu'il perdoit , & du trauail extreme qu'il auoit enduré tout le long du iour , que du regret & angoisse , qu'il auoit de se voir réduit à vn si piteux estat. Et ainsi fut amené à Mechmet plus mort que vif : là où sans le laisser languir dauantage , on mit fin à l'aide d'un laqs courant , à ce peu de vie qui luy restoit encore , & à ses infortunes & ennuys tout ensemble.

1414.
ou enuiron.

Exhortation
de Moyse à
ses gens.

Langage de
Chasan aux
gens de Moyse , pour les
débaucher.

Moyse trans-
porté de co-
lere , oublie le
lieu qu'il re-
noit pour fai-
re l'office
d'un simple
soldat , dont
mal luy en
prend.

Mal-heurs de
Moyse les
vns sur les
autres.

Misere fort
pitoyable
pour vn grand
Prince.

Mort de
Moyse.

MAHOMET I. DV NOM,
NEVFIESME EMPEREVR
DES TVRCS.



VAILLANT, iuste & prudent, par ma force guerriere
J'ay de l'Empire Turc restably la grandeur :
Le Croissant offusqué par vne autre * lumiere
Reprend par ma vertu sa premiere splendeur.

* Par Tamer-
lan, qui portoit
le Soleil pour
dieu.

SON ELOGE OV SOMMAIRE
DE SA VIE.



L'ORAGE ne peut longuement durer en un lieu, & souvent une violente ebullition estesteinte par une petite saignée. L'Empire Turc qui auoit esté à deux doigts prest de sa ruine, tout tremblant encore d'une si lourde secousse, après tant de pertes, de captivitez, de saccagemens, de massacres, de fratricides, & de dissensions civiles, commença de se raffermir enfin, & reprendre son ancien lustre sous l'heureuse conduite de Mahomet premier du nom. Lequel se voyant paisible possesseur de l'Empire Othoman par la mort de son frere, mena son armée victorieuse contre le Caraman qui luy faisoit la guerre en la Natolie, & auoit assiégé Burse : mais il fut contrainct de leuer le siege & d'accorder avec Mahomet, qui luy prit les meilleures places de son pays. Reconquista le Pont, la Cappadoce & autres Prouinces perduës du temps de ses freres. Deffait (par la valeur de son fils Amurat) Burzagla Mustapha qui auoit esté Cadilefcher du temps de Moysse, qui s'estant reuolté taschoit de se faire Empereur : F'n Moyne heretique en la loy Mahometane, nommé Torlaces Huggiemal, ou Torlacheual, ayant aussi pris les armes contre luy l'an 1403. son armée fut taillée en pieces par le mesme Amurat, & luy pris prisonnier, & pendu. Il fit prendre aussi Schelscem Bedredin qui estoit le premier en autorité du temps de Moysse. Dompte la Seruie, Valaquie, & grande partie de la Sclauonie & Macedoine. Fais la guerre au Prince de Synope. Et pour oster à l'aduenir tout sujet de discorde : Il chasse tous les Roylelets de la petite Asie, y establisant un Beglierbey. Impose tribut aux Valaques, & transporte, selon quelques-uns, son siege Imperial à Andrinople, donna au Prince des Triballiens une grande estendue de pays ioignant le sien. Rauagea les terres des Venitiens proches de la mer Ionie. Mais en recompense ils gagnerent sur luy une bataille au destroit de Gallipoly, & luy prirent la ville de Lampsique. Son frere Mustapha, ou son oncle, selon quelques-uns, s'estant retiré vers le Prince de Synope, qui taschoit de débancher les principaux Seigneurs Turcs, fut enfin arresté par les Grecs à Thessalonique, & tousiours gardé fidelement par l'Empereur Grec. En reconnoissance dequoy les Grecs firent ce qu'ils voulurent du temps de ce Prince : Car il demoura tousiours ferme & arresté en leur alliance. Et mesmes pour éuiter toute occasion de querelles, il ne vouloit point que les Iuiffaires (gens tumultueux & tempestatifs) communiquassent avec les Grecs, gens de mesme humeur. Les uns disent qu'il regna douze ans : les autres dix-huict : d'autres quatorze, les autres vnze. Quelques-uns disent aussi qu'il n'y a que vingt & un an depuis la prise de Bajazet iusques à Amurat. L'année de sa mort est aussi incertaine. Car les uns disent qu'elle aduint l'an 1409. autres 1418. d'autres 1419. d'autres 1416. & d'autres 1429. tant il y a d'incertitude en toute cette Chronologie. Son origine n'est pas moins douteuse. Car les uns veulent qu'il soit fils de Bajazet, & qu'il ait esté nourry à Constantinople, chez un faiseur de cordes de Luth : les autres, qu'il fut fils de Musulmar Calapin. Sa mort fut celée quarante & un iour, & iusques à l'arriuee de son fils Amurat, par une inuention naïuement representée par nostre Auteur. C'estoit un bon & equitable Prince, doux & courtois enuers chacun, d'un esprit merueilleusement posé, & plus fidele & constant en ses promesses qu'aucun de sa race. Il eut cinq fils, Amurat, Mustapha, Achmet, Ioseph, & Mahomet : ces trois moururent ieunes.

Depuis
1415.
iufqu'en
1423.



MECHMET estant venu au dessus de ses affaires par la mort de son frere, qui fut payé en la mesme monnoye qu'il auoit presté aux autres (car ie ne scaurois cōment appeller ce que firer Chassan, & ceux de sa sequelle enuers leur maistre, auquel ils auoient delia donné leur foy, & presté le serment d'obeissance & de fidelité) ne mit pas en oubly l'aide & secours qu'il auoit eu des Grecs, & autres peuples de l'Europe, dont estoit procedé le principal gain de sa cause, donna en pur don au Prince des Triballiens vne grande estendue de pays, ioignant le sien, & depescha vne autre armée pour courir & gaster la Valaquie, par despit du support qu'en auoit tiré Moysse à l'encontre de luy : mais le Seigneur du lieu enuoya au deuant pour le rappaiser, offrant de luy estre à l'aduenir tributaire. Mechmet au reste, demeura tousiours depuis ferme & arresté en l'amitié & alliance des Grecs : tellement que l'Empereur de Constantinople, Emanuel,

V.

Iusques icy
le regne des
trois Princes
dusultans
n'est comme
pour rien
compte par
les autres
Histoirens,
pource que
ce ne furent
que troubles
& seditions,

Depuis
1415.
jusqu'en
1422.

Le destroit
de l'Isthme
fermé de
muraille par
les Grecs.

Les jeux de
païstanes.

Emanuel
pour s'assu-
rer du Pello-
ponèse, em-
mène avec
luy tous les
Seigneurs
particuliers
qui y estoient.

Le Prince de
Synope se
fait tributai-
re de Mech-
met.

Guerre pre-
miere des
Turcs contre
les Venitiens,
& le motif
d'icelle.

VI.

Description
de l'Etat de
Venise.

Premiere ha-
bitation de
Venise.

Les Venitiens
a suite de ter-
ritoire, sont
contraints de
s'addonner
au naufrage
& trafic.

eut tout loisir d'entendre à ses affaires ; & là-dessus s'en alla au Peloponèse, où il ferma de muraille le goulet & entrée de l'Isthme, qui d'une mer jusqu'à l'autre peut contenir quelques six mille pas de traversé, & laisse toutes les terres & contrées du Peloponèse encloses de mer en forme d'une belle grande Ile, il ne s'en faut que cette advenue qui la contoint à la terre ferme de Grece : Là avoient de coutume les anciens Grecs, de celebrer les jeux & spectacles tant renommez, qu'on appelloit à raison du lieu les Isthmies. La ville de Corinthe est située vers le milieu : & deslors que Xerxes fils de Darius amena une puissance si démesurée contre les Atheniens & le reste de la Grece, les habitans du Peloponèse fermerent ce destroit de muraille : pour luy empêcher l'accez & entrée de leur pays : l'Empereur Justinian la renouvella long-temps apres. Comme doncques Emanuel se fust entièrement assuré de la paix de Mechmet, il s'en vint au Peloponèse, & imposa à tous les habitans d'iceluy certaine contribution d'ouvriers, & d'estoffes requises pour cette fortification : de sorte que tous ces peuples y ayans travaillé comme à l'enuy les uns des autres, elle fut paracheuée en peu de iours. Cela fait, il se saisit de la personne de tous les grands personnages du pays, qui s'estoient desia fort longuement maintenus & portez pour Seigneurs, chacun en sa contrée, sans autrement vouloir reconnoistre les Empereurs des Grecs à souverains, ne leur obeir & deferer, sinon entant qu'il leur plaisoit, ou que le profit particulier, & la commodité de leurs affaires les munitoient à cela ; & les emmena tous quant & luy sous bonne & seure garde à Constantinople, laissant son frere sur le lieu pour gouverner le païs, & recueillir le tribut qu'il avoit ordonné estre levé pour l'entretenement de la garnison, & les reparations de sa nouvelle forteresse. Pendant ce temps Mechmet, qui se voyoit de tous points confirmé en son Empire, entreprit d'aller faire la guerre à Ismaël Prince de Synope, lequel s'estoit tousiours montré fort affectionné & fidele envers Moÿse, tant qu'il avoit vescu. Mais luy, preuoyant assez le danger de l'orage qui estoit tout prest à luy tomber sur les bras, alla au devant, & envoya ses Ambassadeurs pour radoucir Mechmet, & faire son appointement envers luy : car il offroit de luy delaisser par forme de tribut tout le revenu des mines de cuivre, qui sont seules en toute l'Asie (au moins que ie sçache) qui en produisent. Au moyen dequoy la guerre qui se preparoit, fut convertie en une bonne paix : aussi que tout incontinent apres, les Venitiens, & les Turcs vindrent aux armes les uns contre les autres : pour raison de ce que Mechmet voulut entreprendre ie ne sçay quoy sur les terres prochaines de la mer Ionie : Et de vray, il y avoit envoyé son armée, laquelle y fit de grands excez, & dommages. Les Venitiens, soudain qu'ils en furent advertis, luy envoyerent des Ambassadeurs : mais n'en ayans pû avoir aucune raison, ils se preparerent aussi à la guerre de leur costé.

Or il est bien raisonnable de dire icy quelque chose, de cette tant belle & florissante Republique, qui a desia par de si longues revolutions de siecles, maintenu son autorité & Empire. On sçait assez que les Venitiens sont un peuple fort ancien, qui en vaillance & grandeur de courage ont laissé bien loin derriere eux tous les autres habitans de la mer Ionie. Car leur demeure fut jadis au long du goulphe Adriatique, qui s'estend depuis la Dalmatie & Esclavonie, jusques en la coste de l'Italie : & les nommoit-on auparavant Henetes, qui depuis furent appelez Venitiens : Ceux-cy meuz en partie de certaine opinion, en partie aussi contraints & forcez de la nécessité d'abandonner leurs contrées, qui avoient esté toutes saccagées & destruites par les cruautés du Roy Attila, se retirerent pour vivre en plus grande seureté & repos à l'advenir, le plus loin du danger qu'ils pûrent, en une petite Ile marescageuse, distante de terre ferme une lieue tant seulement, où d'entrée un petit nombre d'iceux Venitiens s'habituerent en des loges & cabanes ; mais puis apres s'en vindrent d'autres joindre à eux, qui pareillement avoient esté fort travailliez de la guerre : De façon que cette nouvelle demeure, s'augmentoît à veüe d'œil, par le moyen des mefnages qui de iour à autre s'y venoient renger, tant du Frioul, que de plusieurs autres endroits d'alentour. Et croissoit non seulement en nombre de maisons & de peuple, mais en bonnes loix, statuts, mœurs, discipline, & police, & en splendeur d'habitans, qui estoient tous de qualité & estoffe : Pour autant que beaucoup de grands personnages, tant de l'Italie que de la Grece, issus de noble & illustre sang, auxquels la fortune s'estoit monstrée peu favorable, & qui avoient souffert de grandes pertes & secousses, les uns à la descente des Barbares, les autres par les factions & partialitez de leurs citoyens, se trouvoient hors de leurs anciens manoirs, possessions, & heritages ; tous cetix-cy recouroient là, comme à une asile ou franchise de seureté & repos. Mais d'autant qu'ils n'avoient pas le territoire à commandement pour se pouvoir exercer au labourage, ny à

nourrir

nourrir du bestail, & autres telles occupations de l'agriculture, comme estans referrez & contraincts en de petites mottes & tuyaux à fleur d'eau, qui à toute peine s'esleuoient hors la face & superficie d'icelle; & que l'assiette du lieu se trouuoit merueilleusement à propos pour y dresser quelque notable estappe & apport de mer, ils s'adonnoient du tout à la marchandise, & à la nauigation, qui leur pouuoit fournir en abondance toutes les choses necessaires pour leur maintenantment: si bien qu'en peu de temps ils se trouuerent vne merueilleuse richesse & puissance entre les mains, & leur cité embellie d'infinis edifices, d'Eglises, Palais, & maisons tres-magnifiques. Ils se pourueurent si bien quant & quant d'armes & munitions, de galleres, & vaisseaux ronds de toutes sortes, tant pour le trafic que pour la guerre, qu'ils eurent bien la hardiesse de s'aller attaquer aux plus fameuses nations qui fussent lors en toute la marine; dont ils se firent bien tost tellement craindre & respecter, qu'on ne parloit plus sinon d'eux, & n'osoit personne les irriter, non pas les plus puissans & redoutez qui souloient estre, si grand fut le credit qu'ils s'acquirent presque en vn instant. Car ils se firent Seigneurs d'une fort grande estendue d'un tresbon & fertile pais le long de la coste qu'on laisse à main gauche en nauigeant du goulphe Adriatique vers le Leuant; & de plusieurs grandes villes qu'ils y soublinrent à leur obeissance, iusques à la mer Egée; avec tous les havres & ports qui y sont. Ils se sauterent aussi des isles de Corfou, de Candie, de Negrepont, ensemble de la plus grande partie du Peloponese: donerent mesme iusqu'en Syrie: & d'autre costé s'emparerent de la ville de Cyrené: traissans de grands exploicts & entreprises de toutes parts, & venans gayement à toutes heures aux mains, sans en faire difficulté, avec les Barbares quelque part qu'ils les rencontraissent: tellement qu'ils se rendirent comme maistres & Seigneurs de toute la mer qui est au dedans des colonnes d'Hercules. Ils s'attaquerent dauantage (& fort brauement encore) contre plusieurs nations, des plus puissantes de l'Europe. Mais pour le regard de ce qu'ils mespriserent ainsi de se saisir de la ville de Rauenne, qui estoit si riche & opulente, & leur voisine de si près, alors que le Seigneur fut decedé, & que toutes choses y estoient en combustion, cela ne leur doit pas estre reproché à nonchalance ou lascheté, pource qu'ils n'estoient point coustumiers de courir sus à ceux qui estoient de melmes mœurs, & de melme langage, & façons de faire avec eux, ains aux estrangers seulement. Or s'estans alliez avec les François, ils prirent les armes contre les Grecs, & les vainquirent en vne grande bataille par mer: puis entrèrent de force dans Constantinople; se firent maistres & Seigneurs de plusieurs terres & pays durant ce voyage, & finalement conduirent leur cité à vne souueraine gloire & reputation, moyennant les grandes forces qu'ils pouuoient entretenir & mettre sus, tant par la terre que par la mer, à cause des richesses qu'ils auoient amassées, & des estranges prouisions de toutes les choses requises pour la guerre; dont ils s'estoient pourueuz de longue main. Quant aux differends qu'ils eurent avec les Albanois, & autres Seigneurs de l'Empire, ils durerent longuement, tantost perte, tantost gain, mais en fin de compte ils en eurent le meilleur, & escornerent les autres de toutes les meilleures pièces qu'ils eussent. Ils recueillirent le souuerain Pontife Alexandre, qu'un Empereur Alleman auoit affligé indignement, & ietté hors de son siege, & l'y reintegrerent, ayans defaict & pris son ennemy en vn gros conflict par la mer. Mais ils eurent de longues & facheuses guerres contre les Geneuois, qui tenoient en subjection presque toutes les costes d'Italie, & si auoient conquis plusieurs contrées & places fortes en ces quartiers de deçà; & vindrent à tout plein de beaux & memorables exploicts d'armes avec eux, dont le plus souuent ils eurent le dessus, iusques à vne fois, que peu s'en fallut que les Geneuois ne les missent du tout au bas, n'entraissent de force dans leur ville, estans venus bien près à tout vn gros conuoy de vaisseaux, lesquels prirent Chiose, l'une des principales clefs & aduenues de Venise. Car elle est située (comme chacun sçait) dans les mares & regorgemens du goulphe Adriatique, & a au deuant vne grande leuée, qui la couure de la furie & violence des ondes de la haute mer, gardant par mesme moyen que le flot ne la comble & sablonne: de maniere qu'entre cette longue chaussee ou riuage (qu'ils appellent) & la terre ferme de l'Italie demeure enclos & à couuert en assez bon abry de tous vents, l'un des plus beaux & spacieux havres qui soit en tout le demeurant du monde. Car il s'estend iusques à la bouche du grand bras du Pau, à plus de quinze lieues de là; embrassant dans son pourpris (oultre cette Cité admirable, & grand nombre de petites isles toutes couuertes & temples de superbes edifices, ou cultiuees en iardinages) infinis canaux & destours au delà de ladite ville de Chiose. Ce fleue icy du Pau autrement nommé Eridanus, est le plus grand de toute l'Italie, lequel charriant beaucoup d'eaux, est capable & suffisant pour endurer

Depuis
1415.
iulien
1422.

Les premiers
progrez & ad-
uancements de
la Seigneurie
de Venise pro-
cedez de la
mer

En l'Iselaue-
nie, & Alba-
nie.
Maintenant
l'Archipel.

En l'Afrique
aupres de Sur-
thes.

La mer Medi-
terrannée.

Ce fut lors
que les Fran-
çois s'empar-
erent de Con-
stantinople
l'an 1204.

Les Venitiens
domptent les
Albanois, &
leur ostent les
meilleures
places.

Les guerres
d'entre les Ve-
nitienens & les
Geneuois.

Elle s'appel-
le Lio, c'est à
dire en Veni-
tiente riuage.

Malamoch.

Le Pau.

Depuis
1415.
jusqu'en
1422.

Les Genevois
reduisirent les
Venitiens à
l'extrémité.

Merueilleux
changement
de fortune.

Nous som-
mes le plus
souvent cause
par nostre or-
gueil des mal-
heurs qui no-
us arrivent.

Les Venitiens
s'emparèrent de
la riviere de
Gennes.

Les Carrares
autres seig-
neurs de Pa-
doue, depos-
seder par les
Venitiens.

Comme Cre-
me, Bergame,
Liguage, &
autres places
de la Lombar-
die.

Les Scalige-
res Seigneurs
de Veronne.

VII.
Description
de Milan.

Le Thesin.
Plaisance.

de grosses barques, & des navires aussi par vne bonne espace de son cours; & s'en va finalement rendre dans la mer par deux grosses bouches & entrées, avec vne merueilleuse commodité de toutes les contrées qu'il costoye & aborde. Les Genevois doncques s'estans saisis de Chiose, enuoyerent à Venise pour sonder ce que voudroient dire les habitants: lesquels pour raison du danger qui les menassoit de si près, firent réponse d'estre tous resolués de s'accommoder aux conditions telles que les Genevois leur voudroient imposer: & mesmement de recevoir la forme du gouvernement qu'ils leur prescriroient: mais les autres abusans de ce langage ainsi humble & rabaislé, & de là se hauslans à des esperances plus violentes que par aventure ils n'auoient encore osé conceuoir, demanderent d'vne trop desreglée arrogance, qu'on leur laissast piller la ville tout à leur aise & discretion, trois iours entiers, sans qu'ils eussent honte d'vne si outrageuse & des-honneste brauerie. Dont le Conseil & tout le peuple furent si indignez, que sans plus attendre ils monterent sur les premiers vaisseaux; & tout de ce pas allans charger les Genevois d'vne grande furie & impetuosité, les contraignirent de se sauuer à force d'autres dedans Chiose, là où ils allerent enfoncer vne grande carraque à l'emboucheure du port, & fermerent de tous costez par la mer les autres aduenues & saillies pour les enclorre là-dedans, comme dans vne enceinte de toilles, & les y faire mourir de faim. Les Genevois là dessus s'efforcerent bien de percer & ouurir vn canal, pour eschapper, & se ietter dans le Pau; mais voyans que c'estoit en vain, & qu'ils ne pouuoient venir à bout de leur entreprise, ils se rendirent à la parfin honteusement, à la mercy de ceux que n'agueres ils auoient conduits à l'extrémité, & ausquels ils auoient voulu imposer des conditions si dures & iniques. De maniere qu'on ne les peut, ny doit plaindre du traitement qu'ils receurent, par ce qu'ils s'en rendirent plus que dignes, afin de les faire vne autrefois souuenir de l'humanité & modestie qu'on doit tousiours auoir deuant les yeux, quelque picque, aigreur, & alteration qui puisse estre, à cause de l'incertitude & fallace des choses de ce monde; pour le moins à l'endroit d'un peuple de mesme langue, & mesmes religion. Cette victoire esleua le cœur aux Venitiens, de faire à leur tour voir & sentir de près la force de leurs armes, à ceux qui nagueres les auoient si mal-menez: surquoy ils eurent quelques rencontres & meilées, mais le tout à leur aduantage. Et comme leur pouuoir s'accresust de iour en iour par tant de si heureux succez, & s'acquiescent de toutes parts vne merueilleuse reputation & grandeur; eussent fermé quant & quant le cours de la riviere de Gennes à tous les autres: cette cité là se trouua lors en vn merueilleux esinoy, souffrant de grandes incommoditez de toutes choses, parce que leur fait consiste antierement en la mer, dont ils se trouuoient forclos. Mais les Venitiens s'en retournerent finalement, car ils auoient fort grand desir de se venger du Carrare, Duc de Padouë, qui s'estoit formalisé pour leurs ennemis à l'encôtre d'eux, & s'en vindrent mettre le siege à l'entour de la ville. Cela fut vne entrée pour les faire aspirer à de plus grandes choses, & mesmement d'estendre leurs limites en terre ferme, ayas esté desia allechez par la friandise qu'ils en auoient goustée à la prise de Treuis, & de quelques autres endroits du Friol, que la diuision & partialité du peuple enuers leurs superieurs, leur auoit mis entre les mains. Ils s'opiniastrent toutesfois plus ardemment à la conquête de Padouë, pour estre si prochaine d'eux: & de pied en pied puis apres à d'autres places contiguës, afin de se former & establir de ce costé là quelque estat assez fort, pour se maintenir & defendre de soy-mesme contre les entreprises de leurs voisins. Tellement qu'en peu de temps ils rengèrent sous leur obeissance, non seulement ladite ville de Padouë, mais celle de Verone encore, dont ils mirent dehors les Scaligeres, qui en estoient Seigneurs. Ils prirent aussi Vincenze, & Bressé, deux tres-belles & fortes places, & qui en richesses & commoditez de viure, ne sont pas des dernieres de l'Italie. Consequemment ils eurent guerre avec le Duc de Milan, de la maison & famille des Marianges, leur proche voisin, laquelle dura plusieurs années.

LA ville de Milan est l'vne des plus belles, des plus grandes, & opulentes de l'Italie: fort peuplée, & ancienne, comme l'on dit, n'ayant oncques souffert aucune desconuenië, depuis qu'elle fut premierement edifiée, ains a tousiours excellé sur toutes autres au fait de la guerre, & en preparatifs & equippages d'armées tres-puissantes. Au demeurant elle est assez auant en pays, quelques trente lieues loing de Gennes; tout ioignant cet endroit de la Gaule qu'on appelle Piedmont. Mais il n'y a tant seulement qu'un petit canal d'eau qui y passe, sans y apporter beaucoup de commodité, lequel se va rendre au Thesin, & le Thesin dans le Pau, au dessous de Pauc, front à front presque de Plaisance, qui est vne fort grand' ville; Que deuant puis apres le Pau, nous l'auons desia dit cy-dessus.

Mais

Mais pour retourner à ces Marianges, grands & illustres personnages en leur temps, on dit, que leur introduction & aduancement à la Duché de Milan, & du reste de la Lombardie: vint d'une telle occasion. Il y auoit vn serpent de grandeur enorme, lequel de fois à autre descendoit de la montagne prochaine de là sur les payfans, laboureurs, ou autres les premiers venus qu'il r'encontroit en son chemin, dont il faisoit vn tres-piteux carnage, toutesfois il n'estoit point de nouuelles qu'il fist aucun mal ne desplaisir aux femmes: seulement: il en vouloit aux hommes. Au moyen dequoy plusieurs assemblées se firent pour luy courre sus, & tascher à en deliurer le pays, mais toutes en vain: Au contraire, de iour, à autre se renouelloient les dommages & cruauté de cette beste iusques à tant que l'un de la race de ces Marianges, Prince fort valeureux, & d'un tres-gentil cœur: estant de fortune arriué en ces quartiers-là, ouyt ce qu'on en disoit: & pouuoit luy-mesme bien voir à l'œil l'effroy & espouuementement qu'en auoit le peuple. S'estant doncques fait fort bien armer de toutes pieces luy & son Escuyer, ils s'en allerent eux deux sans autre compagnie en quete du serpent, lequel ils ne mirent guere à trouuer. Les auans descouverts, il se vint soudain ietter sur eux, & de plain-faut engloutit l'Escuyer iusqu'à la ceinture: car pour cause des armeures qu'il ne pouuoit si facilement froisser, le miserable demeura accroché en sa gorge, sans qu'il le peust ny aualler du tout, ny le desmordre & reietter. Ce qui donna loisir au Prince, cependant que le serpent estoit en cet estrif, de luy donner tout à son aise tant de coups sur la teste, avec vne hache d'armes dont il s'estoit pourueu, qu'en fin il luy faussa le test, & le ietta mort estendu emmy le champ, ayant encore sa proye à demy engorgée. Voila en quelle sorte le pays fut deliuré de cette peste, & des dommages & cruauté qu'il en receuoit chacun iour: dont en reconnoissance d'un tel bien-fait, ils esleurent ce Mariange pour leur Duc, & luy mirent l'autorité souueraine de toutes leurs guerres & affaires entre les mains; comme à celui, qui s'estoit monstre si preux & hardy, de sa seule bonne volonté & gentillesse. Toutesfois comme habile homme qu'il estoit, craignant quelque mutation de volonte en ce peuple assez leger & fantasstique, & pour aussi en auoir plus d'obeissance, il choisit vn nombre de bons & asseurez soldats, pour demeurer aupres de luy à la garde de sa personne, quelque part qu'il se trouuast.

Le Duché puis apres par succession de temps, vint à Philippe, le quatriefme en ordre de ses descendans, celui contre qui les Venitiens eurent la guerre dont nous parlons, à la conduite de laquelle ils appellerent tout plein d'excellens Capitaines de fort bonne maison, les vns apres les autres: Et tout premierement Carminiola, qu'ils firent depuis exécuter à mort, & subrogerent en son lieu Francisque surnommé Sforce, auquel ils porterent tousiours fort grand respect & honneur. Aussi n'estoit-ce pas peu de cas, que de la reputation qu'il auoit desia acquise à la conqueste de plusieurs places de Lombardie: tellement qu'il dilata bien auant les bornes & limites de leur domination en terre-ferme de ce costé-là. Mais comment l'Italie se diuisa là-dessus en factions & partialitez, les vns sui- uans le party des Venitiens, les autres celui des Milannois, ie le raconteray cy-apres: Parquoy ie reuiens à mon propos des Venitiens, qui cependant esprouuerent l'une & l'autre fortune, tantost la mauuaise, tantost la bonne. Ayans doncques cherché les meilleurs & plus experimentez Capitaines qui fussent lors, ils leur mirent entre les mains la conduite & superintendance de leurs armées: Et tout premierement à ce Carminiola, que nous auons dit auoir par eux esté mis à mort, pource que sous-main il fau- d- r- soit à leur aduersaire, & taschoit de les trahir selon ce qu'ils auoient descouuert & verifié: Puis apres à Francisque Sforce, qu'ils appellerent au lieu de l'autre. Au demeu- rant l'estime qu'il est assez notoire à tout le monde, comme les Venitiens ayans exploi- té en plusieurs endroicts de la terre & de la mer, infinis beaux & excellens faits d'ar- mes, sont demeurez, il y a desia plus de mille ans, en leur entier, & en l'heureux suc- cez de leurs entreprises & affaires, dont ils se sont acquis vne gloire immortelle par des- sus tous les autres peuples de l'Italie: Mais d'auoir ainsi tousiours maintenu leur Estat net & deliuré de toutes factions, partialitez, seditions intestines, ç'a esté la bon- ne forme de leur gouuernement qui leur a causé ce bien-là, laquelle va ainsi que ie vais di- re. Le peuple anciennement y auoit la souueraine autorité & puissance, & ordonnoit de toutes choses avec les Magistrats à son bon plaisir & fantaisie: Puis apres comme la commune se trouuast chacun en son particulier detenu & empesché à sa besongne, & qu'ils n'auoient plus le loisir de s'assembler au conseil à toutes heures, selon que les affaires se presentent, ils furent contrains de remettre cela aux principaux & plus apparens,

Depuis
1415.
iulqu'en
1422.

L'histoire des
Marianges
premier Duc
de Milan, &
pourquoy ils
portent en
leurs armoi-
es vn serpent
deuant vn
creature.

Ce fut vn
Otho de la ra-
ce des Com-
tes d'Anglez,
qui deffit en
champ de ba-
taille vn B r-
bare qui por-
toit vne vipe-
re en son es-
cu, enuiron
l'an 1096.

VIII.

Philippe Ma-
rie fils de Jean
Galeas Vicon-
te, estant venu
à la Comté
d'Angier lais-
sa à ses succes-
seurs le nom
de Marianges,
en uiron l'an
1400.

Francisque
Sforce braue
Capitaine, par
ses vertus vint
à estre Duc de
Milan.

Le gouuerne-
ment & police
de la Seigneu-
rie de Venise.

Depuis

1415.

jusqu'en

1422.

L'Etat de Venise du commencement Democratique passe en Aristocratie, comme meilleure que le gouvernement du peuple.

Maintenant toutes les festes, & sont d'ordinaire en ce conseil bien 3000.

Le Duc ou Doge de Venise.

* On les appelle les Sages, trois de terre ferme qui sont à sa main droite, & trois de la mer, à la gauche.

Le Conseil des Pregay.

La chambre des Quarante où ressortissent les appellations des dix.

Les officiers pour la nuit.

Les receveurs & treforiers generaux sont à vie.

L'excellence de la situation de Venise.

qui estoient aduanceez aux charges, ou par sort, ou par les voix & suffrages, & leur en laisser faire. Et ainsi d'un gouvernement populaire, cette Chose publique passa en Aristocratie, c'est à dire à celui des plus grands & mieux famez Citoyens. Depuis lequel temps, elle s'est tousiours depuis fort heureusement maintenue, & à acquis un merueilleux pouuoir. Ils ont entr'autres choses ce qu'ils appellent leur grand Conseil, auquel ils s'assemblent toutes les semaines; & là en ballottant, on eslist les Magistrats des villes estans sous leur obeissance, & de la cité encore: Toutesfois leurs loix ne permettent à personne d'y entrer, qu'il n'ait atteint l'age de vingt-quatre ans, & ne soit Venitien naturel, Gentil-homme, exempt de toutes les reproches qui le pourroient exclure de ce priuilege & honneur. Il s'y trouue ordinairement iusques à deux mille personnes, & plus, qui créent les Officiers de tous les lieux & endroits où il eschet d'en pouruoir. Quant au Duc, ils ehoisissent celui qui est tenu de tous pour le plus homme de bien, & mieux fame, lequel a des voix en toutes les deliberations & conseils, & est fort respecté d'un chacun. Il fait sa demeure au Palais de la Seigneurie qu'on appelle saint Marc, où il est nourry & entretenu aux despens du public; & y a tousiours six Conseillers * qui luy assistent, sans lesquels ils ne scauroient rien faire; car ils connoissent & ordonnent de toutes les affaires d'importance avecques luy: Et dure ce Magistrat là six mois seulement: au bout desquels autres succedent en leur place. Apres ce grand Conseil dont nous venons de parler, il y en a un autre qu'on appelle des Pregay, c'est à dire des semonds ou inuitez, en nombre de trois cens, lesquels sont choisis & esleus audit grand Conseil, de ceux qu'on tient pour les plus sages & aduisez. Ce Conseil icy connoist de la guerre, de la paix, & des Ambassades: & ce qui s'y resout, demeure ferme & arresté. Pour les causes criminelles, ils commettent des personages qui les iugent en dernier ressort: car il leur est loisible de mettre la main sur la personne du Prince mesme si l'occasion s'en presente, & le condamner à la mort: & ne leur oseroit personne contredire ne donner empeschement là-dessus: car les anciennes institutions de leur Chose publique le veulent ainsi. Et sont expressement créez ces Decem-virs, pour punir les mal-faïcteurs & delinquans qui ont forfait, soit enuers le public, soit à l'endroit de quelque particulier, dont apres auoir bien veu & examiné le procez ils font faire la punition. Il y a encores d'autres Iuges, tant naturels de la ville, qu'estrangers, qui vident les causes ordinaires & ciuiles. Toutesfois il y a une chambre qu'ils appellent des Quarante deuant laquelle il est permis d'appeller, à ceux qui se sentiroient greuez du iugement: & là sont reueus les procez, pour scauoir s'il a esté bien ou mal appelé. Que si d'auenture ils se trouuent partis, & ne se peuuent accorder pour le regard du iugement, le tout est renuoyé aux Pregay, là où apres auoir bien meurement debattu le droit des parties, sans y porter aucune faueur ny affection particuliere, l'affaire est finalement terminée en dernier ressort. Il y a encore assez d'autres Magistrats, & offices destinez pour la seureté de la ville, lesquels se prennent garde que de nuit il ne se face quelque tumulte ou desordre: d'autres sont commis à recueillir les deniers des reuenus, impositions, & subsides, lesquels ils dispensent & employent suiuant ce qui leur est ordonné par le Duc, & le conseil; auquel ils ne laissent pas de tenir un bien grand lieu, entant que touchent les despeschent, tant pour le regard des finances dont ils ont la totale charge, que pour la police & les affaires d'estat: neanmoins ils ont des contreroolleurs pour auoir l'œil, & obseruer comme ils verferont en leurs manement. Et sont ces Estats icy à vie, parquoy on a de coustume de les mettre ordinairement es mains des plus vieils & honorables personages; pour ce qu'on estime que ce seroit chose trop mal-aysee, de rendre compte d'an en an de si grosses recettes, & despenses, ensemble des deniers qui toutes choses desdiuies peuuent finalement demeurer de reste es coffres de l'Espargne. De ces treforiers icy, on a de coustume d'eslire le Duc, toutes les fois que celui qui est en cette souueraine dignité vient à deceder. Et ainsi de degré en degré viennent aux charges les plus honorables, tant qu'apres s'estre bien & deuement portez en tous leurs exercices & manimens, ils montent suiuant le deuoir qu'ils y auront fait, iusques au plus haut sommet, & dernier aduancement qu'ils peuuent esperer. Or cette cité icy surpasse toutes les autres de l'Italie, en deux choses, l'une en beauté & magnificence d'edifices, & l'autre en son estrange & admirable situation: car elle est de tous costez enclosée de mer; & semble que ce soit quelque deluge, lequel ayant submergé le pays d'alentour, l'a arrachée & desiointe de terre-ferme, pour la laisser ainsi plantée au beau milieu des ondes. Mais avec tout cela elle est pleine d'infinites richesses, pour estre si propre & idoine au trafic & negociation de toutes les choses qu'on pourroit souhaitter; ce

qui

qui donne moyen aux habitans de faire leur profit par dessus tous autres mortels. Il y a des ports & havres sans nombre tout au tour, & dedans les canaux & carrefours encore, qui tiennent lieu de ruës & de places telles qu'on voit es autres villes. Mais de toutes les choses qui y sont, il n'y a rien de plus beau ne magnifique que l'Arcenal, qui est à l'un des coings, là où sont continuellement entretenus plusieurs milliers de personnes de toutes sortes de mestiers, travaillans aux galleres & vaisseaux qui sont là tousiours en fort grand nombre, les uns prests à faire voile, les autres à jecter en l'eau, les autres qui ne sont qu'en-core esbauchez, ou parfaits à demy. C'est aussi vne trop superbe chose, que des halles & magasins remplis d'armes & munitions de guerre, en quantité presque incroyable: car ce lieu fermé tout au tour de tres-fortes & hautes murailles, contient prez d'un quart de lieuë de circuit; & toutes les années on eslit deux citoyens, qui ont la charge & superintendance de tout ce qui en dépend. Au regard des cheuaux & autres montures, on ne sçait là que c'est, & n'y en a aucun vsage, car tout le monde y va à pied le long des quai, qui sont de costé & d'autre des canaux, avec des ponts à chaque bout de rue; ou bien sur de petites barques fort legeres, proprement agencées, & couuertes de cerge noire, qu'ils appellent Gondoles, qu'un seul homme conduit, estant au derriere tout suspendu en l'air sur un pied, où il vogue d'un auiron en auant d'une vitesse & dextérité n'ontpareille. Les maisons sont faites en terrasse, couuertes de thules creuses: & n'y a aucunes murailles ne closture autre que de la mer, qui la bat de tous costez, & va & vient à trauers emplissant les canaux d'eauë sallée, où elle se hausse & augmente deux fois en vingt-quatre heures, à cause du flux & reflux qui est plus fort là, qu'en nul autre endroit de la mer Mediterranée. Quant aux Magistrats, dignitez, charges & offices des places qu'ils tiennent tant en la terre ferme de l'Italie, que de la Dalmatie, Esclauonie, & Epire; & es costes, & isles de la mer, on les eslit en ce grand Conseil dont nous auons parlé cy-dessus, toutes les fois qu'ils viennent à vacquer. Leur temps expiré, ceux qui les ont administrez en viennent rendre compte à la Seigneurie: s'ils s'y sont bien portez, ils montent de main en main à d'autres plus grandes & honorables charges: mais aussi s'ils y ont commis quelques abus, on les chastie; les uns estans declarez incapables de iamais paruenir, ny estre employez à aucune dignité publique; les autres encore plus griefuement, si le cas y eschet. Le Chef & Capitaine General de leurs forces par terre n'est iamais pris du corps de la Seigneurie, de peur que venant à gagner la faueur des gens de guerre qui ont à luy obeyr & estre sous sa charge, il n'attentast quelque chose; & ne se voulust emparer de la tyrannie & puissance absolue. Mais le plus souuent aux armées de mer, ils commettent quelqu'un d'entr'eux, & mesmement quand ils n'ont moyen de recouurer des estrangers assez seurs, & aguerris à leur gré. Tous les ans d'ordinaire ils mettent dix galleres dehors, & aucunes-fois plus, qui vont regeant les costes de la mer Ionie iusques en l'Archipel, & plus haut encore vers l'Helleponte, & la Propontide: afin de nettoier la mer des Pirates, qui avec leurs fustes ont de coustume de l'infester, & se jecter sur ceux qui vont & viennent, tant marchands qu'autres passagers: & par ce moyen assseurer leurs gens qui trafiquent en

* Egypte, & en Surie, à Baruch, Tripoli & autres endroits pour le fait de l'espicerie, drog-uerie, soyes, draps d'or & d'argent, & toutes autres sortes de denrées precieuses, qui viennent à la mer par la voye d'Alcp, & de Damas. Au moyen dequoy ces galleres ne re-tournent point, qu'il n'en arriue d'autres pour leur leuer le liege. Il y a des vaisseaux ronds aussi, que la Seigneurie louë aux particuliers qui vont en Alexandrie d'Egypte, voire ius-ques aux marests Meotides, au dessus du Pont-Euxin; & d'un autre endroit, tout le long de la coste de Barbarie vers le destroit de Gilbatard, & hors d'iceluy encore par la mer Oceane, es Espagnes, Portugal, France, Angleterre, Flandres, Holende, Frize, Danne-march, Noruege, & autres regions Septentrionales; où les ieunes Gentils-hommes Ve-nitiens vont ordinairement en personne, tant pour gagner quelque chose, que pour voir le monde, & apprendre à viure, par le moyen de la pratique & connoissance qu'ils ont des mœurs & façons de faire des nations estrangeres: ce que puis apres ne leur sert pas de peu au maniement des affaires publiques. Or ils consumerent de grandes sommes de de-niers en la guerre qu'ils eurent contre le Duc de Milan, de façon que tout leur espargne y fut espuisée, & le reuenu encore si bien escorné, qu'ils furent contrains de jecter un grâd emprunt sur les particuliers, quasi de la dixiesme partie de tout leur reuenu; dont tou-tesfois on leur faisoit rente qui passoit à leurs heritiers, & ayans cause: y en a encore qui par disette & necessité, la transportent & alienent à d'autres, à vil pris. Car combien que cette cité soit riche & opulente infiniment, & qu'il y ait de bonnes bourses autant qu'en

Depuis
1415.
iufqu'en
1422.

L'arcenal de
Venise le plus
beau de tout
le monde.

Le texte por-
te cinq stades,
qui font 625,
pas.

Comme en
tout le reste
de l'Italie.

A Venise le
flot de la mer
paroist plus
qu'en nul au-
tre endroit de
la mer Medi-
terranée.

Le chef d'ar-
mée de terre
des Venitiens
est tousiours
estranger.

* Ils ont ac-
coustume d'y
envoyer tous les
ans deux gros-
ses gallees,
les plus beaux
vaisseaux que
se puissent voir
nulle part.

Les Venitiens
grands voya-
geurs par la
mer.

Depuis
1415.
jusqu'en
1422.

Merueilleuse
seuerite à Ve-
nise pour en
bannir l'ouli-
uerie.

Il n'y eut ia-
mais à Veni-
se que certui-
cy seulement,
qui aspirast à
la tyrannie.

IX.

Mechmet le
premier de
tous les Turcs
qui fit la guer-
re aux Veni-
tiens.
Pierre La-
redan chef de
l'armée de
mer des Ve-
nitiens.

Vn ieune ho-
me des Fus-
cari fort affli-
gé en son in-
nocence.

L'armée de
mer Turques
que contre
les Venitiens.

Maintenant
le bras S.
George.

nulle autre que ce soit, il y a aussi (comme par tout ailleurs) de mauuais mesnagers, & de ceux qui ne sont pas heureusement appelez de la fortune aux biens & facultez de ce monde. Tellement qu'il s'y trouue de la pauureté par endroits, & si le public n'a point accoustumé d'ayder ne subuenir iamais vn Gentil-homme Venitien, quelque necessiteux & indigent qu'il puisse estre, de peur que cela ne fut cause de les rendre nonchalans & oysifs, & les empescher de s'esuertuer d'eux mesmes. L'ordre (au reste) & police qui y furent establis dès le commencement, sont si bons, que par vne telle longueur de temps qu'il y a que ce Potentat dure, il ne s'est trouué encore personne, qui se soit mis en deuoir d'y susciter esmotion, ou d'y vouloir innouer quelque chose, fors seulement vn ieune Gentil-homme nommé Baymondo Tiepoly, de fort bonne maison & grandement riche, lequel par le moyen de ses dons, largesses, & bien-faits, auoit tellement alleché la commune, qu'il estoit sur le point de se faire Seigneur, quand ainsi comme il s'en cuidoit aller au Palais pour s'en emparer, accompagné d'une grande foule de peuple, qui le suiuoit avec cris & ioyeuses acclamations, vne femme luy ietta du haut d'une terrasse vne thuile sur la teste, qui luy froissa la ceruelle, & finit là ses iours, avec son ambition & courte tyrannie. Personne ne s'est trouué depuis qui ait voulu, ou pour le moins osé entreprendre de remuer l'Estat, car la Seigneurie donne bon ordre que tels inconueniens n'aduient plus.

Mechmet, fils de Bajazet, ayant denoncé la guerre aux Venitiens, ils armerent soudain bon nombre de Galleres, avec force vaisseaux ronds, car il y en a tousiours de prests à voguer & faire voile, & ne reste que de ietter les mattelors, & gens de guerre de fus : tous lesquels cinglerent droit vers la route de l'Hellesponte, sous la conduite de Pierre Lauredan general de la flotte, qui en la guerre contre les Geneuois auoit fait maintes belles choses, & acquis vn grand honneur. Certuy-cy estant arriué au destroit qui separe l'Asie de l'Europe, s'en vint mouiller l'ancre vis à vis de la ville de Gallipoli, ne voulant pas rompre ouuertement, ne venir aux armes le premier, s'il luy eust esté possible ; pource qu'il sembloit que la paix respiroit encore, & que les alliances n'estoient pas du tout si violées & enfrainctes, qu'il n'y eust quelque esperance d'appointement : aussi auoit-il eu charge expresse de la Seigneurie de temporiser, & se tenir plustost sur la deffensive, que d'estre le premier à assaillir ; ce qu'ils faisoient avec vne bien grande consideration, & fort prudent aduis, afin que les places qu'ils tenoient au beau milieu des pays de Mechmet, le long de la coste de la mer Ionie, & au dedans de la mer Ægée, ne vinssent à souffrir quelque dommage de la part des Turcs, dont elles estoient enuoloppées de toutes parts. Parquoy le Senat entre les autres poincts & articles de ses instructions, luy auoit fort recommandé certuy-cy, de se bien garder de rompre le premier ; à celle fin qu'estant prouoqué des ennemis, ils eussent plus iuste couleur de se deffendre. Comme doncques il fust venu surgir au destroit de l'Hellesponte, à la veüe de Gallipoli, tout ioignant le riuage de l'Asie, le gouverneur de la place, de la maison & famille des Fuscary, se prit soudain à escrier, que la majesté du grand Seigneur ne permettoit pas de comporter plus longuement que ces gens-là les vinssent brauer de si près. Or y auoit-il plus d'animosité en cela que de raison, pource qu'un sien fils auoit esté tiré en iugement à Venise par le conseil des dix, au grand danger de sa teste, pour quelques menées & pratiques qu'on soupçonnoit auoir par luy esté brassées contre l'Estat. Toutesfois encor qu'on luy eust donné la question fort & ferme, si ne peût-on rien tirer de luy, au moyen dequoy il eschappa, & s'en retourna sain & sauue à ses parens. Il fut encore pris vne autrefois depuis, & arresté en Candie, pour auoir tué vn homme qui luy reprochoit ce que dessus, & derechef accusé de trahison : tellement qu'il fut mené à Venise, & semblablement trouué innocent, & renuoyé en Candie absous à pur & à plain ; là où quelque temps apres il finit ses iours. Et ainsi le gouverneur de Gallipoli, apres auoir chargé à la haste grand nombre de gens de guerre sur les vaisseaux qui estoient au port, à sçauoir vingt-cinq Galeres, & enuiron quatre-vingts que naufs, que brigantins, il se ietta hors la bouche d'iceluy, avec vne grande parade, & ostentation, & vn bruit merueilleux de trompettes & clerons, pensant d'abordée espouuenter les Venitiens, & qu'ils ne l'oseroient attendre : Mais eux haussant incontinent les voiles, passerent vn peu plus outre deuers le Periconese ; non toutesfois que la peur commandait de faire cela, mais seulement pour mettre tousiours le bon de leur costé, & monstrier d'auoir fuy à leur possible l'ouuerture de cette guerre : pour prendre quant & quant le dessus du vent, & l'auantage du courant qui de la largeur & spacieuseté de la Propontide se venant reserrer en cette encouleure ou canal, deuient là fort

Deuis
1416.
auq. en
1420.

fort roide & impetueux. Or y auoit-il vne galere Peloposienne qui suiuit derriere assez loin, & parauenture qu'on l'auoit ainsi laissée tout à propos : contre cette-cy se debanda de la flotte & armée Turquesque, vne de leurs galeres des mieux equippees, pour l'aller inuestir & choquer, neantmoins on faisoit signe de la generale des Venitiens à l'autre, qu'elle eust à suivre sa route sans autrement s'arrester à combattre ; ce que le Capitaine prit tout en autre sens, interpretant que s'estoit le mot qu'on luy donnoit pour commencer la charge. Au moyen dequoy faisant adresser l'esperon de sa galere contre celle qui venoit à luy de droit fil, il la prit si à propos, tant par la faueur du vent & de la vague dont il auoit le dessus, que de l'effort de sa cheurme qui estoit beaucoup meilleure que l'autre, que sans autre contradiction il la renuersa & mit à fonds. Les Turcs voyans le conflict auoir ainsi esté commencé de la part des ennemis ne se contindrent plus, mais se mirent à voguer de toute leur force, & les autres aussi tournerent les proues de leurs vaisseaux au deuant d'eux, tellement que tout soudain ils se trouuerent meslez & attachez à vn tres-furieux & mortel combat, qui couurit en vn instant la mer de corps morts, & du bris des vaisseaux qui s'entrefroissoient avec vn bruit horrible & espouuentable. A la parfin toutesfois les Venitiens demurerent les maistres, & ayans mis plusieurs vaisseaux à fonds, en prirent iusques à treize, mais vuides d'hommes la plus grand part, pource que les Turcs s'estans iettez en la mer gagerent fort aisement à nage le prochain bord, & les autres se sauuerent à la fuite le mieux qu'ils purent. Cette victoire leur mit tout incontinent entre les mains la ville de Lampsaque, qui estoit pres de là, laquelle se rendit sans coup frapper. Cela fait, & apres y auoir laissé vne bonne garnison, ils s'en retournerent en leur pays où Lauredan n'eut pas plustost mis pied en terre, que pour recompense de sa vertu, & des seruites qu'il auoit faits en ce voyage, on l'appella en iugement, pource que contreuenant à ce qui luy auoit esté ordonné, il auroit le premier fait acte d'hostilité, & rompu la paix que la Seigneurie auoit avec Mechmet. Toutesfois le tout bien examiné il fut absous à pür & à plain, comme celui qui n'auoit point commencé la meslée. Aussi que bien-tost apres estans allez & venus plusieurs messages d'une part & d'autre, les alliances furent renouuellées, & l'appointement renoué. Les choses passerent ainsi à celle fois entre les Venitiens & Mechmet, lequel au demeurant se monstroient merueilleusement affectionné enuers les Grecs, s'efforçant tousiours de plus en plus de les gratifier, & rendre contents de tout ce qu'ils vouloient de luy ; & procedoit cette amitié, à ce que l'on dit, d'une telle occasion.

Le goulet de l'Hellesponte, autrement le detroit de Gallipoly, ordinairement fort tempestueux. Galere Turque mise à fonds par vne Venitienne. Bataille navale entre les Venitiens & les Turcs au detroit de Gallipoly, gagnée par les Venitiens.

Lampsaque se rend à eux.

Leur grande severité,

& appointement avec le Turc.

X.

Mustapha dernier des enfans de Bajazet, s'engagea contre son frere qui le decouvrirait avoir esté supposé.

MUSTAPHA qui estoit aussi des enfans de Bajazet : reprenant les erres de son frere Moyses, s'estoit retiré deuers le Prince de Synope ennemy mortel de Mechmet, avec lequel il auoit fait hgue tres-estroite ; tellement qu'ils s'estoient entre-promis & juré de jamais ne s'abandonner l'un l'autre, quelque affaire & danger qui se presentast. Il auoit pareillement enuoyé ses Ambassadeurs au Prince de Valachie, où il s'achemina en personne bien-tost apres : & fut fort amiablement receü de luy, avec de grandes offres & promesses de luy assister en tout & par tout. Cela luy haussa le cœur d'aspirer au recouurement de l'Empire, mais il perdit beaucoup de temps à roder de costé & d'autre avec trois cens cheuaux qu'il auoit en tout deuers les principaux sieurs Turcs : pour tascher de les attirer à son party, & leur faire abandonner celui de son frere. Et voyant à la fin que personne pour cela ne se mouuoit, ny que les choses n'estoient pas pour luy succeder selon ses conceptions & esperances, il se trouua en vne fort grande destresse & perplexité. Car Mechmet qui estoit vn bon & equitable Prince, doux & courtois enuers vn chacun, & d'un esprit merueilleusement reposé, auoit si bien gagné les volonte de tous les peuples, qu'il n'estoit pas bien aisé de le desarçonner. Ioint aussi qu'il mettoit en auant cettuy-cy n'estre pas le vray Mustapha, fils de Bajazet, ains auoir esté supposé au lieu de l'autre, qui estoit mort petit garçon : Ce que mesme tesmoignoient celui qui auoit eu la charge de le nourrir & esleuer, personnage d'autorité, & digne de foy : Et de vray il ne rapportoit de rien que ce soit, ny à Bajazet, ny à pas vn de ses enfans ; de façon que Mustapha voyant qu'il n'auancoit rien, aduisa de se retirer deuers les Grecs, par le moyen desquels il esperoit faire mieux ses besongnes, d'autant qu'ils estoient comme au centre de l'Empire des Turcs, & par ainsi pourroit assaillir son frere de quelque costé qu'il luy viendroit le plus à propos. En cette determination, accompagnée neantmoins de beaucoup d'incertitudes & soucis, il partit de Valachie, & prenant son chemin à trauers la Thrace, vint à Thessalonique, où il n'eut pas plustost mis le pied, que le Gouverneur de la ville s'en faisoit, & soudain en aduertit l'Empereur pour sçauoir ce qu'il en vouldroit estre fait : aussi que Mechmet ayant eue le vent de la venue de Mustapha en la Grece auoit en toute dili-

Depuis
1415.
jusqu'en
1422.

L'Empereur
fait son pro-
fit de la prise
de Mustapha.

† Autrement
Monembasie.

* Lembro &
Stalim.

Mechmet
fort affectio-
né envers les
Grecs.

XI.

Les enfans
d'Emanuel.

Jean fils aîné
de l'Empe-
reur, épouse
la fille du
Marquis de
Montferrat.

Empereur &
Patriarche
tout ensem-
ble.

Thessaloni-
que vendue
par les Paleo-
logues aux
Venitiens.

Theodore
fils d'Andro-
nic succede
au Pelopone-
se.

Epouse la fil-
le du Duc Ma-
lateste, qu'il
repudia de-
puis.

Epouse en
secôdes nop-
ces la fille de
René Duc
d'Athènes,
de la maison
des Acciaoly
de Florence.

gence assemblée vn camp volant, & s'en estoit venu (le cherchant de tous costez) deuant Thessalonique, où on luy auoit dit qu'il s'estoit retiré: Parquoy il demandoit à toute force qu'il luy fust mis entre les mains, comme vn affronteur supposé, vraye peste & note d'infamie pour la maison des Othomans. L'Empereur fit responce, qu'on se donnast bien garde de le lascher en quelque sorte que ce fust; & quant & quant dépescha à Mechmet pour renouueller les anciennes alliances avec luy, sous condition de ne remettre iamais Mustapha en liberté. Surquoy la ligue & amitié fut jurée, fort expresse entre les deux Princes: & l'infortuné enuoyé prisonnier au chasteau † d'Epidaure, avec Zunait Duc de Smyrne, qui estoit venu pour l'ayder contre Mechmet; là où ils demurerent assez longuement, & puis furent transportez és Isles d'Imbros & Lemnos, * dont ils ne sortirent iusques apres la mort de Mechmet. Ainsi les Grecs luy ayans si bien compensé tous les plaisirs qu'ils en auoient receus: par le seul detenement de celuy qui luy pouuoit renuer- ser sans dessus dessous tout le repos & assurance entiere de son Estat, obtindrent sans grande difficulté ce qu'ils voulurent de luy, tant qu'il vescu: & cependant eurent vn beau moyen de faire leurs besongnes sous la faueur & support d'un si puissant amy, allié & confederé. Aussi disposerent-ils comme bon leur sembla de tout le Peloponèse, & y establirent telle forme de gouvernement qu'ils voulurent.

Or l'Empereur Emanuel auoit plusieurs enfans, & en premier lieu Jean le plus aagé de tous, Andronic, & Theodore; puis Constantin, Dimitre, & Thomas. A Jean non seulement comme à l'aîné, mais le meilleur encore, le plus sage, & debonnaire de tous les autres, il laissa l'Empire, & le maria avec la fille du Marquis de Montferrat, qui au demeurant n'estoit pas des plus belles, mais en sagesse, honnesteté, modestie & semblables vertus dignes du lieu dont elle estoit issue, ne cedit à aucune autre de son temps. Neantmoins pour tout cela, son mary qui visoit plus au corps qu'à l'esprit, suivant l'ordinaire des ieunes gens (mesmement où l'accoustumance, qui est le plus fort lien qu'on puisse trouuer pour arrester & retenir l'amour inconstant & volage sans cela, n'est point encore assez bien establie & ancrée entre les deux parties) ne laissa pas de l'auoir à contre-cœur & desdain: de sorte qu'il ne la pouuoit gouter, & ne hantoit avec elle en sorte quelconque. Et elle qui estoit d'un grand cœur, ne pût longuement comporter qu'on en fît si peu de cas: Parquoy sans attendre dauantage, ny prendre la patience de le gagner avec le temps, qui par aduanture y eust pû faire quelque chose, le planta là, & monta sur mer, pour s'en retourner à ses parens, luy puis apres se remaria à la fille du Duc de Russie. Ce furent les primices de l'Empire de ce ieune Prince, auquel son pere Emanuel s'en estoit démis de son viuant, & si l'auoit pourueu quant & quant du Patriarchat, qui est la souveraine dignité de toute l'Eglise Grecque. Andronic (le second de ses enfans) eut le gouvernement de Thessalonique, mais quelque temps apres il cheut en mesellerie: & pource qu'il voyoit les affaires de cette cité estre en si mauuais train, qu'il n'y auoit plus d'ordre ny esperance de les redresser, il la vendit aux Venitiens pour vne bien petite somme d'argent, estimant que cette alienation retourneroit au bien & vtilité de luy & des habitans. Cela fait, il se retira au Peloponèse deuers son frere, où il esleut sa demeure en la ville de Mantinée au pays de Laconie. Mais il ne vescu pas longuement apres, car le mal se rengregea, qui avec le chagrin & ennuy dont il estoit affligé, pour se voir en vn si piteux estat, l'emporta hors de cette vie à vne plus heureuse; ne laissant pour tous enfans qu'un seul fils nommé Theodore, lequel auant mourir, il auoit enuoyé à son frere Theodore Porphirogenite, pour luy succeder à la Seigneurie du Peloponèse, comme il fit à la fin: & fut tousiours fort gracieusement traité de luy, non tant pour luy estre neveu, que pource qu'il estoit fils quant & quant de celuy de tous ses freres qu'il aymoit le mieux. Ce Theodore apres le deceds de son oncle estant paruenue à vne si belle & ample Seigneurie, espousa la fille d'un Malateste Italien, Duc de la Marche, l'une des plus belles & accomplies Princesses qui fut en tous ces quartiers-là: Et neantmoins il s'en ennuya tout incontinent; dont ils firent vn si mauuais mesnage, & eurent tant de rïotes, de querelles, & dissensions par ensemble, que finalement il se resolut de quitter tout là, & aller prendre l'habit des Cheualiers de saint Jean de Ierusalem, qui faisoient lors leur residence en l'Isle de Rhodes. S'estant doncques arresté du tout à ce propos, il enuoya querir son frere pour luy resigner la principauté entre les mains. Mais tout soudain il changea d'aduis, car les Seigneurs & Barons qui estoient sans cesse à ses oreilles pour luy remonstrer l'erreur qu'il vouloit faire, l'en destournerent à la parfin, & firent tant qu'il se remaria à la fille de René Duc d'Athènes, laquelle surpassa en excellence de beauté toutes les autres Dames de son temps;

temps ; mais il n'en eut point d'enfans , & reuint le tout apres qu'il fut mort , à ses bastards , ainsi que nous dirons cy-apres. Ce René icy qui fut Seigneur de Corinthe , & d'Athènes , & commanda aussi à la Bœoce , voire iusques sur les confins & limites de la Theffalie , estoit Florentin , de la maison des Acciaoli ; & paruint à cette grande authorité lors que les François , & les Venitiens , ensemble le Roy de Naples , les Geneuois , Lombards , & autres puiffans peuples du Ponant , par l'exhortement & instigation du Pape , passerent de compagnie à la conquête du Peloponèse , & du reste de la Grece. Les Geneuois de la famille des Zacharies , s'emparerent bien & beau de la contrée d'Achaye , & de la plus grand' part de celle de l'Elide : Prirent aussi la ville de Pylos , avec vne bonne portion du pays de Messene , & fiancerent encore dans la Laconie ; tellemēt que rien ne demeura aux Grecs sinon le cœur & le dedans du Peloponèse ; car les estrangers se firent maistres de toute la coste , & des regions maritimes , dont , René eut pour sa part celles de l'Attique , & de la Bœoce , comme i'ay dit cy-dessus , & si prit depuis quelques places sur les Phocenses. Les Geneuois auoient long-temps auparauant conquis l'Isle d'Euboée , autrement dite Negrepoint , lesquels ayans quelquefois permis aux Venitiens d'y descendre pour se raffreschir , ceux-cy s'escarterent de costé & d'autre comme pour aller à l'esbat : Surquoy ils entrerent en querelle avec les Geneuois ; dont il seurent le dessus , & les en chasserent. Et pource que le pays leur sembla propre & commode pour beaucoup de leurs intentions , ils le garderent depuis ; donnant toutesfois quelque recompense aux Geneuois , afin d'amortir les querelles qui eussent peu soudre de cette illegitime occupation. Long-temps apres les Venitiens & Geneuois , ce René icy , les François & Arragonnois , ensemble tous les autres qui passerent la mer avec eux à l'entreprise de la Grece , aborderent en cette Isle , où René prit l'alliance d'un certain Prothyme dont il espousa la fille , par le moyen duquel mariage il ne tarda gueres depuis à s'emparer de la Seigneurie : & de là se iettant sur la terre ferme , prit Corinthe ; tellement qu'il s'imaginoit desia en son esprit la conquête de tout le Peloponèse , quand Theodore frere de l'Empereur , voulant à toutes aduentures preuenir & obuier à ce qui en eust peu arriuer , l'alla trouuer pour traiter d'appointement , & luy demander sa fille (cette belle ieune Dame que nous auons dit cy-dessus) laquelle le pere luy accorda tres-volontiers , & luy assigna pour son dot la ville & le territoire de Corinthe , dont ils deuoient jouyr apres sa mort. Quant à l'autre de ses filles , il la maria à Charles Prince d'Arcanie , & d'Ætolie. Or les premiers Ducs de ce pays-là reconnoissoient pour souuerain le Roy de Naples , auquel pareillement se donnerent les Isles de Cephelenie , de Zacynthe , & les Echinades ; toutes lesquelles à cause des grandes & longues guerres , qu'ils auoient eues contre leurs voisins , ou presque tout estoit demeuré perdu , & se trouuoient lors sans Prince ny chef aucun ; mais il mit par tout des Gouverneurs en son nom. Quelque temps auparauant y en estoient bien arriuez d'autres , & mesmement ce Charles icy , ayant quant & luy vn Jacques de la Roze , Dominique Gillio , Geofroy Milly , tous braues & vaillans soldats , & fort experimentez aux armes ; mais comme ils sejournoient en Cephelenie , il luy prit enuie d'aller donner sur l'Epire , & par le moyen de quelques sieurs Epirotes , qui se vindrent rendre à luy , il conquist le pays qui leur appartenoit. Peu à peu puis apres l'Acarnanie vint en ses mains.

Depuis
1415.
iulqu'en
1422.

Les Venitiens
s'emparent de
l'Isle de Ne-
grepoint , où
les Geneuois
les auoient re-
ceus l'an 1301.

De la famille
des Tochiens.

Charles To-
chiano con-
quiert l'Epire
& l'Acarna-
nie.

Sur ces entrefaites , les Albanois estans sortis de Duras en bon nombre , s'en allerent prendre d'arriuée toute la Theffalie , avec vne grande partie des regions maritimes de Macedoine , & les villes d'Argyropolychné , & Castorie , qu'ils adjousterent à leur domaine. Mais ils partirent entr'eux les places de la Theffalie , courans & fourrageans sans intermission aucune , tout le pays d'alentour , comme gens vagabonds , qui n'auoient le pied ferme nulle part. De là ils vindrent en Acarnanie , sous couleur de mettre leur bestail aux paccages , dont la contrée est fort riche & abondante ; & sur ces entrefaites prirent conseil entr'eux de iouer vn tour de leur mestier aux Grecs , en quelque sorte & maniere que l'affaire deust succeder. Ils auoient vn Capitaine entre les autres , nommé Spadafore , homme hazardeux & prompt à la main , en qui estoit leur principale fiance , aussi leur auoit-il fait tout plein de bons seruices : Certuy-cy fut choisi parmy tous , pour executer l'entreprise : tellement qu'ayans espié par plusieurs iours le Prince Isaac (ainsi estoit appelé de sieur de la contrée) ils le prirent vn iour à leur aduantage , ainsi qu'il estoit allé à la chasse sans se douter de rien , & le massacrerent en vn lieu à l'escart dans les bois. De là s'estans mis en campagne , se faquirent de tout le peuple qu'ils y trouuerent , & le mirent à la chesne ; se faisans Seigneurs du pays entierement , & mesme de la ville d'Arthé , capitale de toute l'Ambracie , laquelle ils prirent de force. Ils ne s'abstindrent pas non plus de courir les ter-

XII.

Grandetrahison des Albanois.

Depuis
1415.
jusqu'en
1422.

Leur courses
& briganda-
ges.

Corsouptise
par Rogier
environ l'an
1150.

Spadafore
dessaill les
Neapolitains
qui l'auoient
alliege en la
ville d'Arthé.
Prialupas Bul-
gare, Seigneur
de l'Acarna-
nie.

Charles To-
chiano recon-
ure l'Acarna-
nie.

Dom Ignique
d'Aualos pri-
sonnier.

La lubricité
de la femme
de Prialupas.

Elle le massa-
cre pour es-
pouuer Dom
Ignique d'A-
ualos, & fait
creuer les
yeux à son
propre fils.

XIII.

Charles To-
chiano espou-
se Euboide se-
conde fille de
René Duc
d'Athenes.

res que tenoient en ces quartiers-là les Princes du Ponant, où ils firent de grandes desolations & ruines; car ils n'arrestoient en place, estans continuellement le cul sur la selle à piller de costé & d'autre. Cela fut cause que les Neapolitains qui estoient en l'Isle de Corsou (car les Rois de Naples la tenoient pour lors) se mirent en armes pour aller au recouurement de l'Acarnanie, & de la ville d'Arthé; deuant laquelle ils allerent planter le siege. Mais comme ils estoient apres à faire leurs approches, & dresser leurs machines & engins pour battre la muraille, le Capitaine Spadafore ayant fait vne briefue remonstrance à ses Albanois, pour leur donner courage de ne se laisser point enuolopper là-dedans, tout ainsi que bestes muës dans quelque pan de rets, & apres y auoir languy en grande destresse receuoir quelque vilaine & honteuse mort, sortit sur les Italiens qui estoient escartez, les vns à faire des trenchées, les autres à se loger, & la plus grand' partie allez au fourrage & prochas des victuailles donnant si vertement sur ce desordre, que d'arriuée il les mit tous en route, là où il y en eut grand nombre de tuez, & beaucoup de prisonniers: les autres se sauuerent à la fuite le mieux qu'ils peurent. En ce cōflit se trouua Prialupas le Tribalien, Prince d'Etolie, & allié de Spadafore sieur d'Arthé, qui y fit vn merueilleux deuoir, en sorte que pour cette fois ils demurerent maistres de l'Acarnanie. Mais Charles quelque temps apres, estant sorty des Isles avec bon nombre de ses confederez, & autres, qui en haine de la tyrannie des Albanois, laquelle ils auoient à tres-grands contre-cœur, estoient entrez en cette ligue, recouurerent le pays: & si conquerent encore la contrée d'Etolie sur Dom Ignique d'Aualos Arragonnois, ensemble la ville des Dromeniens, qu'il auoit arrachée des poings aux enfans de Prialupas par vne telle voye. Lors que ce Tribale icy alla au secours de Spadafore, quand les Italiens vindrent mettre le siege deuant la ville d'Arthé, où ils furent si bien battus, il y eut beaucoup de gens d'estoffe prisonniers, & entre autres ce Dom Ignique d'Aualos, Gentil-homme de la Maison du Roy de Naples, ieune, beau, & honneste au possible, & qui sentoit bien la bonne maison. Mais pour tout cela, Prialupas qui l'auoit eu à sa part avec d'autres captifs, ne laissa pas de le traiter indignement, sans en faire non plus de compte, que de quelque vil & malostre esclau, combien qu'il en attendist d'heure à autre vne bonne grosse rançon, à quoy il s'esloit mis. Sa femme n'en fit pas ainsi, car elle n'eut pas plutost ietté l'œil dessus, qu'elle en deuint desesperément amoureuse, fust qu'elle eust pitié & compassion de le voir traiter ainsi mal, ou bien meüe de sa ieunesse & grande beauté, ou bien pour la legereté de son naturel lubrique, desbordé & lascif autant que nulle autre de son temps, car elle n'attendoit pas qu'on la requist & priast d'amours, ains ayant aucuglé quelque ieune homme de bonne taille, soudain elle le tiroit par la cappe pour luy dire deux mots en l'oreille. Aussi adjoûta-elle l'exécution à son desir, comme vieil soldat qu'elle estoit pratiquée & expérimentée de longue-main en tels affaires & occurrences: & luy en pleurent tellement les premieres erres, qu'à fin de les pouuoir continuer & entretenir plus à son aise, elle complotta avec son nouveau adulateur, l'homicide de son mary legitime. Le negoce n'alla point autrement en longueur, parce que la premiere nuit que Prialupas alla coucher avec elle, il n'eust pas si-tost la teste sur le cheuet, qu'ils luy couperent la gorge: & si firent encore creuer les yeux à vn sien fils, qu'elle auoit eu de luy; lequel s'estoit desrobé, en intention d'aller demander secours à Moysé Empereur des Turcs, pour venger le meurtre de son pere, & recouurer son estat: mais d'Aualos qui n'estoit agreable à personne qu'à sa femme, & elle detestable à tout le monde, ne goustèrent pas longuement le fruit de leur meschanceté, car Charles suruint incontinent apres là-dessus, qui les ietta tous deux hors de cour & de procez, ainsi que nous auons dit cy-deuant. Quant à la ville & au territoire des Ioanins, on n'y alla point, pource que de leur bon gré ils se vindrent offrir & rendre à Charles: lequel depuis qu'il en eut pris possession, se maintint fort valeureusement en toutes les guerres qu'il eut depuis. Et ainsi le pays d'Acarnanie, apres auoir esté en la main d'un Tribalie, & de là sous vn Arragonnois, vint finalement sous la puissance de ce Seigneur.

TENANT doncques les deux bouts de la courroye, il adjousta à sa principauté la contrée prochaine à la riuere d'Achelous, que pour lors on appelloit Etus; & le territoire d'Argyropolichné, iusques à la ville de Naupaëte, vis à vis de l'Achaye. Il mania au reste tres-sagement ses affaires en paix, & en guerre, dont il s'acquit vne fort grand gloire & reputation parmy tous ses voisins: Car en iustice & equité, en valeur & prouesse, il ne ceda à nul d'eux, si bien que son fait prosperant de bien en mieux, il espousa Euboide fille de René Duc d'Athenes, & de Corinthe: mais pource qu'il n'eut point d'enfans d'elle, il laissa par testament à vn sien bastard nommé Antoine, le pays de la Broce avec la ville de Thebes, & celle

celle de Corinthe vint à Theodore frere de l'Empereur, l'autre gendre de René. Ayant puis apres retiré Athenes des mains des Arragonnois qui s'en estoient emparez il la laissa aux Venitiens, tellement qu'Antoine n'herita que de la Bœoce, car le reste du pays des Phocenses, avec la Lebadie auoient desia esté empietez par Bajazet: Mais luy ne pouuânt comporter de se voir eclipser vne si belle piece, leur meut la guerre, & s'en alla avec son armée planter deuant la ville d'Athenes, faisant toute diligence de l'enclorre & serrer de pres, afin de la reduire à quelque necessité, & faciliter par ce moyen les pratiques & menées, qu'il auoit desia fait semer parmy les habitans. Les Venitiens d'autre costé, à qui il faschoit de la desinordre, craignans que si elle n'estoit promptement secourue par quelque voye que ce peust estre, il n'en aduint quelques inconueniens, firent soudain le plus grand amas de gens qu'ils peurent en l'Isle de Negrepont, avec l'equipage & suitte necessaire pour leur entreprise en intention de s'aller ietter dans la Bœoce, afin de diuertir Antoine, & luy faire leuer le siege d'Athenes pour venir au secours de son plus asseuré heritage. Dequoy tout aussi-tost qu'il eut les nouuelles, il partit secrettement de son camp avec six cens hommes sans plus, toutesfois choisis & esleus parmy tous les autres, & s'en vint embuscher en vn destroit par où les ennemis deuoient passer; faisant deux troupes, l'une qu'il mit à l'entrée, & l'autre à l'issue de ce goulet. Cependant les Venitiens tiroient tousiours pays droit à la ville de Thebes, distante de l'Isle de Negrepont dix lieues seulement; & s'estoient desia enfournez en ce passage sans l'audir fait autrement descouurir, pource qu'il ne se doutoit de rien, quand tout à vn instant ils se trouuerent enuoloppez & par deuant & par derriere, & chargez au despourueu si rudement, qu'ils n'eurent iamais le loisir, ny de se rallier pour combattre, ny de s'apperceuoit du petit nombre de ceux qui leur courtoient sus. Car ils estoient bien six mille, qui se pouuoient aysement demesler de cette surprise, si de prime-facc ils ne se fussent si estonnez, & perdus; ce qui fut cause de leur entiere defaite, & que sans faire autre deuoir ne resistance, ils se mirent honteusement à vaude-route la plus grand part estans taillez en pieces sur la place, & le reste pris prisonniers, mesmement leurs Magistrats & officiers, qui y demurerent presque tous. Antoine tout esleué & glorieux pour vne telle victoire, heureusement obtenue en temps si à propos, s'en retourna tout de ce pas au siege d'Athenes; & ne fust neanmoins pour tout cela venu à chef de son entreprise, au moins si-tost, n'eust esté la trahison de quelques-vns des habitans qui trouuerent moyen de luy liurer la ville entre les mains: & peu de iours apres luy fut encore rendu le Chasteau au moyen dequoy il se trouua lors Seigneur paisible de l'Attique, & de la Bœoce. Et comme desia auparauant, du viuant encore de son pere, il fust allé quelquesfois à la Porte de Bajazet, & depuis à celles de Moysé, de Musulman, & de Mechmet, il prit deslors connoissance aux Ianissaires, & personnages de credit & autorité enuers les dessusdits Empereurs Turcs, lesquels il sceut fort bien gagner, tant par son honnesteté & douceur, que par ses largesses & presens. Ce qui luy facilita grandement la paix & repos en quoy il regna le reste de ses iours; s'estant monitré en toutes les occasions qui se presenterent, homme de cœur & de gentil esprit, & negotiation: Car apres cette prise d'Athenes il n'oublia pas d'aller à la Porte du Turc pour y renouveler ses anciennes accointances, & s'obliger les volonteiz de ceux qui y pouuoient le plus. Toutesfois il ne se monstra pas bien iuste & equitable en toutes choses, car il rauit la femme d'un Gentil-homme de Thebes, qu'il épousa par force: Et ne se contentant pas de telle violence, s'amouracha encor depuis d'une autre Damoiselle de la mesme ville, fille d'un des principaux Prestres (car il n'est pas descendu aux gens d'Eglise de la Religion Grecque de se marier) le iour propre de ses nopces, en la prenant pour la mener danser, tellement qu'il l'espousa bien-tost apres: Et neanmoins pour tout cela, il ne laissa pas de regner longuement & heureusement; si grande force & vigueur eut le bon ordre qu'il maintint tousiours, que mesme il amortit les dessusdictes tyrannies, & assez d'autres maluerfations, qui autrement eussent peu estre du tout insupportables à ses sujets. Il maria vne sienne fille adoptiue au fils de Galeor Prince de l'Egine, vaillant ieune homme, & fort adroit aux armes, parquoy il le respecta beaucoup, d'autant qu'il se seruit de sa valeur & proësse comme d'un rempart, pour se maintenir seurement en la vie reposée & tranquille, qu'il embrassa dès lors qu'il eust arresté la paix de tous points avec les Venitiens. De sorte qu'en tout heur & felicité il paruint iusques à sa derniere vieillesse; & amassa de grâds tresors, embellit quant & quât, & decora la ville d'Athenes de plusieurs magnifiques & excellēs edifices, au lieu des antiques qui auoient presque esté tous ruinez par les iniures & iniquitez du temps, & les longues guerres qui y auoient (à maniere de parler) ioué leurs

Depuis
1415.
iulq'en
1422.

Antoine son
fils bastard in-
succeda à la
principauté
de Thebes.

Avec six cens
hommes de-
fait 6000. Ven-
itiens.

La ville & le
Chasteau d'A-
thenes se re-
drent aiuy.

Quelques ty-
ranniques co-
portemens de
luy, vertueux
& bon Prince
au reste.

Les Prestres
de la religion
Grecque se
mauent.

Galeor Prince
d'Egine épou-
sa la fille
adoptiue
d'Antoine.

Antoine re-
staura les rui-
nes d'Athe-
nes.

Depuis
1415.
jusqu'en
1422.

tragedies, tout ainsi que sur vn public eschauffant. L'autre de ses filles que semblablement il auoit adoptée, fut pourueüe à vn Gentil-homme de Negrepont, riche & de fort bonne maison.

XIII.

O R m'estant ainsi longuement destourné apres ces choses particulieres & incidentales, il est desormais temps que ie retourne à Theodore petit fils de l'Empereur, lequel fut Duc de Sparte, & Seigneur de tout le reste du Peloponese apres la mort de son oncle Theodore : lequel l'ayant esleué & nourry en toutes bonnes mœurs & conditions louables, le laissa son seul heritier apres sa mort. L'Empereur Emanuel s'y achemina soudain, tant pour se trouuer aux funerailles de son frere (où il fit luy-mesme la harangue selon la coustume, montrant vn grand ressentiment de douleur sur le tombeau, & y versa maintes larmes) que pour asseurer & establir à son neveu l'Estat qui luy auoit esté laissé. Et pour cet effect assembla la plus grande partie de tous les peuples du Peloponese sur le destroit de l'Istme, pour le fermer de muraille : laquelle ne fut pas plustost en deffiance, qu'il se saisit des Seigneurs & Barons du pays qui pouuoient remuer quelque chose, & les emmena avecques luy à Constantinople sous bonne & seure garde, laissant des gens en garnison en cette nouvelle forteresse. Voila comment les choses de la Grece passerent alors ; laquelle tant que Mechmet vescu demeura tousiours en fort grand repos & tranquillité, tant pour le regard de l'Empire, que pour le fait des particuliers. Car Mechmet s'estudioit de tout son pouuoir à leur faire gouster de plus en plus, combien estoit doux & sauoureux le fruit de la paix dont il les laissoit iouyr ; & auoit soigneusement l'œil à diuertir & empescher que les Janissaires, gens tempestatifs & tumultueux, ne communiquassent avec les Grecs, de peur qu'ils ne leur missent quelques opinions en la teste, qui les eust peu broüiller, & faire rompre avec luy. Au reste, outre les presens qu'il faisoit ordinairement aux gens d'autorité, il accordoit facilement tout ce qu'on vouloit de luy : toutes lesquelles choses il faisoit, afin de pouruoir à l'aduenir au fait de son fils Amurat, qui estoit l'ainé, & auquel il auoit destiné l'Empire de l'Europe apres sa mort ; comme à Mustapha son autre fils, celui de l'Asie. Ayant doncques ainsi disposé de leur partage par testament, il leur ordonna que sur tout ils se retinssent en l'amitié & alliance de l'Empereur de Constantinople, & que toutes les fois que l'occasion s'en presenteroit, ils n'oubliaissent chacun endroit soy, de luy prester ayde & secours contre qui que ce fust. Il enuoya aussi vne grosse armée en Vallachie sous la conduite de Chorzas domestique de Therozes, pour piller le plat pays ; laquelle par mesme moyen fit quelques rauages en la Transiluanie, & en l'Esclauonie encore. Au regard de Brenezes, qui fut semblablement à la guerre fort long-temps en ces marches-là, & dans le Peloponese, ils s'en racompte tout plein de beaux & memorables exploits. Les faits aussi & gestes des Turcs, qui guerroyerent en la compagnie des gens d'armes de l'Europe sont fort loüez : car ils leur seruirent de beaucoup en toutes leurs entreprises, à cause de la vistesse & tolerance d'eux & de leurs montures, toutes les fois qu'il est question de quelque longue & laborieuse traite : Tellement qu'un iour sous la conduite de Brenezes, ils firent vne course fort signalée sur les terres des Venitiens, dont ils enleuerent grande quantité d'armes & de butin, qui les enrichit beaucoup. Ce Brenezes a laissé de merueilleux bastimens de costé & d'autre parmy l'Europe, qui font assez de foy de ses facultez opulentes. Depuis ayant abandonné Moysse pour se renger du costé de son frere, il departit les charges qu'il auoit à ses enfans, Iosue, Barac, & Haly, qui par leurs proësses & vaillances monterent bien-tost à vn fort grand credit. Et luy apres leur auoir fait vne tres-belle & sage remonstrance de bien & loyaument seruir leur maistre, se retira pour le reste de ses iours en la ville de Iaditza, située prez la ruiere d'Axius, dont le Turc luy auoit fait present. Là se voyent encore pour le iourd'huy plusieurs gros villages habitez, qui luy souloient appartenir. Apres Brenezes, Turacan, que les Turcs appellent Vardary, fut tenu pour le meilleur & plus renommé Capitaine qu'eust point Mechmet durant tout le temps de son Empire : Aussi fut-il Colonel de la Caualerie de l'Europe ; avec laquelle il mena fort heureusement à fin plusieurs belles & notables entreprises, & fit de fort grands gains à la guerre en toutes les contrées d'autour de luy. Il eut aussi le gouvernement de Seruie, & de là faisant de fois à autre plusieurs courses & faillies dans la Hongrie, il s'acquit vne gloire & reputation immortelle, par tous les endroits de l'Europe.

Mechmet de
son viuant
partage son
Empire à ses
deux enfans.

Les faits de
Brenezes.

Thuracan
Beglierbey de
l'Europe.

FIN DV QUATRIESME LIVRE.

L E

CINQVIESME LIVRE DE L'HISTOIRE DES TVRCS, DE LAONIC CHALCONDYLE

A T H E N I E N.

SOMMAIRE, ET CHEFS PRINCIPAUX du contenu en ce present Liure.

- I. *Amurat second du nom, fils aîné de Mechmet, ayant succédé à l'Empire de son pere, les Grecs luy mettent Mustapha fils de Bajazet en teste, & le fauorisent à l'encontre de luy, dont ils se viennent à perdre; & eux & leurs affaires.*
- II. *Mustapha assisté des Grecs, s'empare des Prouinces de l'Europe, & de la ville d'Andrinople siege capital des Turcs en icelle: De là estant passé en Asie, vient à la bataille contre Amurat, là où il est abandonné des siens, & finalement pris en Thrace, & mis à mort, apres auoir regné trois ans.*
- III. *La maniere d'esleuer & nourrir les Ianissaires, tous enfans des Chrestiens, & la principale force du Turc: sa magnificence à camper; avec l'ordre de sa maison, & du reste de ses forces.*
- IV. *Le siege de Constantinople: inuention de l'artillerie, & sa description: Les Grecs assistent encore un autre Mustapha fils de Mechmet, & l'opposent à Amurat, auquel il est trahy & livré par son Gouverneur.*
- V. *La prise de Thessalonique: l'expedition de l'Esolie, & Acarnanie: le siege de Cassiopé, qui se rend par composition: & des querelles & dissensions des successeurs du Duc Charles Seigneur de l'Attique, & de la Bœoce.*
- VI. *Reconciliation des Grecs avec Amurat, moyennant qu'ils demoliroient la closure de l'Istme: course du Saniague Thuracan dans le Peloponese, où il deffait les Albanois, & dresse un trophée de leurs testes: voyage de l'Empereur Iean audit Peloponese; ensemble quelques affaires demeslez de ce costé-là par les Grecs contre les Italiens.*
- VII. *Amurat fait appointement avec le Despote de Seruie, dont il espouse la fille; puis s'en va contre le Caraman: la description de son pays, & des autres Seigneurs Turcs de la Natolie: le Prince de Synope se fait tributaire d'Amurat.*
- VIII. *La guerre contre les Triballiens, sur lesquels Amurat prend la ville de Spenderonie: le siege & assaut de Belgrade, dont les Turcs sont vaillamment repoussez: la Bosnie devient tributaire: & de quelques autres exploits d'armes qui passerent lors és marches de l'Illyrie.*
- IX. *L'entreprise de Transiluanie sous la conduite du Bassa Mezet, où il est tué & les Turcs mis en rûte. Autre voyage audit pays par l'Eunuque Sabbatin, lequel y est pareillement deffait avec son armée par Iean Huniade; & de l'origine, progrez, & auancement de ce grand personnage; ensemble les esmotions des Hongres, Bohemes, & Valaques qui suruiendrent de son temps.*
- X. *Voyage de l'armée de mer Turquesque au Pont-Euxin, & le naufrage qu'elle souffre au retour: La description de la Ville & Estat de Genes: avec quelques guerres d'iceux Geneuois contre les Napolitains & Venisiens.*
- XI. *Description du Royaume de Naples: & la piteuse fin du Roy Vladislaus, ayât asiegé Florence.*
- XII. *Conqueste du Royaume de Naples par Alphonse Roy d'Arragon: le frere duquel ayant espouse la Reyne de Navarre, & eu un fils d'elle, est contraint de se departir du Royaume, quand l'hoir d'iceluy eut atteint l'age de douze ans.*
- XIII. *Description du Royaume d'Arragon, des costes & Isles y adiacentes: De la maison d'Alvarez, & de celuy qui la mit le premier en reputation: Guerres du Roy de Castille contre le dessusdit Alphonse, & celuy de Grenade: avec un fort plaisant trait de ce More: & de la pretention des Roys de France au Royaume de Navarre.*

AMVRAT SECOND DV NOM,
DIXIESME EMPEREVR
DES TVRCS.



*PAR tout sous mes Drapeaux la victoire & l'effroy,
Alloient accompagnant ma puissance fatale;
Le Grec, le Caraman, le Hongre, & le Triballe,
Ont mordu la poussiere, ou ployé deuant moy.*



SON ELOGE OV SOMMAIRE DE SA VIE.



A crainte d'un mal futur, en a ietté plusieurs en de tres-grands dangers (disoit un ancien) de sorte que pensans fuir le destin, ils se sont iettéz au milieu d'iceluy: l'experience nous apprenant, que les sentimens de ceux, sur lesquels les ingemens diuins veulent exercer leur puissance deuiennent mouffes & hebetéz. Les pauvres Grecs pensans bien faire leur affaires, s'ils semoient de la dissension entre les Princes Turcs, font une mauuaise eslection prenans le party de Mustapha, contre Amurat: Car cettuy-cy estant demeuré victorieux,

vicторieux, cette funeste alliance leur cousta les biens, l'honneur, la vie, & leur pays. D'autant qu'Amurat & son fils Mahomet (qui succeda à la haine du pere) ne cessèrent iusques à ce qu'ils eussent ensevely la Grece & le nom Grec dans ses propres ruines. Mustapha donc dernier fils de Bajazet, fauorisé des armes Grecques s'empare d'une partie des Prouinces que les Othomans tenoient en Europe, & passe en Asie, pour guerroyer son neveu. Mais luy-mesme prit l'espouuente sous un faux bruit que fit courir Amurat, & s'enfuyant en Europe, est pris & estranglé, Amurat faisant tailler en pieces tous les Azapes du camp de Mustapha, encore qu'ils se fussent rendus à sa mercy. De là il se mit à la poursuite d'un autre Mustapha son frere, & fils de Mahomet, encore supporté des Grecs, qu'il prit, & fit mourir dans la ville de Nicée. Et ce fut lors que n'ayant plus rien à craindre il se banda du tout contre les Grecs, leur ostant la ville de Thessalonique, si belle, riche & florissante cité qu'il ruina de fonds en comble, rendant tous ses habitans esclaves, & les transportant par toute l'Europe & l'Asie. Mes le siege deuant la ville de Ioannine ou Cassiopée en l'Acarmanie, rauage la haute Mysie ou Rascie, & prend la ville de Senderouie, avec le fils du Despote, auquel il fit creuer les yeux, encore qu'il fust frere de sa femme. Et pensant faire de mesme en Hongrie, mit le siege diuant Belgrade, qu'il fut contraint de leuer par la valeur du redoutable Huniade, qui apprit aux Turcs que leur multitude est inutile contre un ennemy qui a de la valeur & de la conduite. Car il fit teste à cinq puissantes armées Turquesques, qui l'attaquerent à diuerses fois, & leur donna cinq grandes batailles, desquelles il demeura tousiours le vainqueur. Prenant le Bassa Carambey prisonnier, & mesmes on tient qu'il estoit pour prendre les villes d'Andrinopoly & Philippopoly, si les siens l'eussent voulu suiure. De sorte qu'il contraignit Amurat de demander la paix aux Hongres, laquelle luy estant accordée, il s'en alla conquerir le pays de Sarmian & celui de Sarcap puissans Princes en la petite Asie, & la ville de Cony ou Iconium sur le Caraman, qu'il luy rendit depuis esponsant sa fille. Les Hongres ayans cependant rompu la paix, Amurat se hasty de retourner en Europe fut si heureux que les galeres Chrestiennes estant au desrois de l'Hellesponte pour luy empescher le passage furent contraintes de se retirer pour l'intemperie de l'air, & luy cependant passa sans aucun danger, & vint en cette memorable plaine qui donna le nom à l'une des plus celebres batailles qui fust aduenue long-temps auparauant, & où Amurat fut en un extreme danger, & mesmes tout disposé de s'enfuir, sans un des siens qui l'arresta. Les lauriers toutesfois luy en demeurerent par la mort du Roy Ladislaus, & de presque toute la Noblesse de Hongrie, l'an de nostre salus 1444. l'vnziesme iour de Novembre: il retourne au Peloponese, où il fait ruiner le mur de l'Istme que les Grecs auoient basti du temps de leur faueur sous Mahomet. Il prit bien-tost apres la ville, l'an 1445. au son des cymbales, cornets & trompettes, selon la coustume des Turcs; l'Empereur de Constantinople s'amusant cependant à faire des nopces, tandis qu'Amurat conqueroit le Peloponese. Apres lesquelles choses si heureusement executées, il se desmit bien-tost apres de son Empire: les vns disent que ce fut pour une illusion qu'il eut, les autres pour accomplir un vœu qu'il auoit fait lors de la bataille de Varne, se retirant avec des Religieux Turcs nommez Deuits Chlers. Mais cette deuotion ne luy dura gueres: car les Hongres sous la conduite de Huniade ayans repris les armes, & seachant qu'il estoit desiré des siens, il reprit derechef en main le maniemment des affaires (par la subtile inuention de Haly Bassa) & presenta la bataille à Huniade en la plaine de Cosobe qui dura deux iours, & au troisieme la victoire luy demeura par la fuite de Huniade. Il rendit tributaire le Roy de la Bosnie, & apres auoir fait un rauage en l'Albanie mit le siege deuant Sphetzigrade, & quelques autres places. Mais il rencontra la valeur, la force & la prudence tout ensemble de ce grand & redoutable Scanderberg Castriot, l'espee & le bouclier de la Chrestienté, autresfois son esclau, qui le fit retirer honteusement chez luy. Il y retourna toutesfois pour la deuxiesme fois, mais il y fit aussi mal ses affaires que la premiere: car ayant mis le siege deuant Croye, il fut contraint de le leuer, où selon quelques vns il y mourut de desplaisir, & selon les autres d'apoplexie. Il regna trente-un an & mourut l'an 1450. ou selon quelques vns 1454. Ce fut luy qui ordonna que les Panissaires seroient d'oresnauant pris des Azamoglans, ou enfans de tribus. Il fut assez bon Prince, debonnaire, droiturier, & grand amateur de Iustice, n'entreprenant aucune guerre qu'en se defendant, mais il ne le falloit gueres chatouiller. Soigneux d'assembler des forces & aller la teste baissée où les affaires l'appelloient, sans crainte de travail ny de mesaise, de chaud ny de froid, non pas mesmes des montagnes les plus aspres & autres difficultez de chemins mal aisez & facheux, en toutes lesquelles choses il fut ordinairement fauorisé du bon-heur. On dit qu'en mourant il commanda à l'aisné de trois enfans qu'il auoit, & luy fit promettre (comme un autre Amilcar à son fils Hannibal) qu'il seroit perpetuel & irreconciliable ennemy des Chrestiens, ce qu'il executa fort exactement, & ce fut peut-estre en cette seule chose qu'il garda sa parole.

Depuis
1422
iulien
1425.

Depuis
1422.
jusqu'en
1425.

Amurat II.
Empereur
des Turcs,
l'an 1422.



Les Grecs se
reuoient
contre Amu-
rat.

La situation
de Gallipoly.

La decaden-
ce de l'Empi-
re de Con-
stantinople.

La legereté
de Jean Pa-
leologue.

L'opinion de
l'Empereur
Emanuel
bien meilleu-
re que celle
de son fils.
Sentence
tres-belle.

L'EMPIRE des Turcs ayant esté ainsi ébranlé de la desconuenue de Bajazet, & des guerres & esmotions ciuiles suruenues entre ses enfans, se vint de nouveau à refaire sous la vertu & le bon-heur de Mechmet, en l'espace de douze ans qu'il regna: lequel n'eut pas plustost les yeux clos, qu'Amurat son fils aîné sans aucun contredit, prit en main le gouvernement & autorité souveraine. Il estoit lors en la cité de Prusse quand son pere alla de vie à trespas; là où ainsi qu'il commençoit de donner ordre à ses affaires, les Grecs ayans esté aduertis du deceds de Mechmet, & comme Amurat s'estoit desia emparé de la Couronne, appellerent Mustapha, que l'on pre-
tendoit estre fils de Bajazet, lequel faisoit lors sa residence en l'Isle de Lemnos, assez legerement gardé par d'autres Grecs: & pour autant que ceux qui auoient esté deleguez pour l'aller querir furent empeschez des vents & de la mer, qui se trouuerent du tout contraires pour passer de Lemnos en l'Hellesponte, & que nommément il falloit que la confirmation de l'Empire se fist en Europe, ils se mirent avec leurs galeres à fermer aussi le passage à Amurat de la Propontide de l'Hellesponte: & les autres cependant voguerent à loisir vers la ville de Gallipoly, située sur le bord d'une langue de terre presque reduite en forme d'Isle, où il y auoit planté abondance de tous biens, afin de s'entrevoir & aboucher avec Mustapha. L'ayant proclamé Seigneur en Europe, ils le requierent de leur rendre ladite ville de Gallipoly, ce que facilement ils obtindrent, mais en ce faisant ils vindrent à se perdre, & eux & leurs affaires, par une trop grande hastiueté & mauuaise conduite: & peu s'en fallut que leur ville mesme ne se trouuast au dernier peril d'estre prise & saccagée par Amurat: parce que les Capitaines & Gouverneurs qui auoient esté laissez de Mechmet en Europe un peu auparauant son deceds, pour obeir & se donner à celui qui luy succederait, allerent faire instance à l'Empereur de Constantinople, de ne permettre aux Grecs de s'entrebroüiller ainsi les uns les autres: ny que luy-mesme pour le desir & esperance qu'il pourroit auoir de quelques nouuelletez, n'attentast rien au preiudice de ce qui auoit esté conuenu & accordé avec le feu Seigneur Bajazet l'un des plus grands de la Porte, & qui auoit esté desia nommé à l'un des Saniaquats & gouuernemens de l'Europe, eut la charge d'aller porter la parole au nom de tous: lequel fit tout son de-
voir de solliciter l'Empereur d'entrer en nouvelle alliance, par laquelle les Turcs seroient tenus de le secourir enuers tous & contre tous, toutes les fois que l'occasion le requerroit. Et pourtant plus le mouuoir à cela, offroit de donner en ostage douze enfans des meilleurs & plus grandes maisons d'entr'eux, avec la somme de deux cens mille escus: & une grande estendue de pays es enuirs de Gallipoly, tout tel que les Grecs le voudroient choisir. Ces choses icy offroit-il à l'Empereur pour luy faire abandonner Mustapha, & se retenir en neutralité, sans donner faueur ny aux uns ny aux autres: ains plustost les laisser demesler leurs querelles à la pointe de l'espee, & permettre que celui regnast, auquel l'euenement de la guerre decerneroit la Seigneurie. L'Empereur (appelé Jean) estoit encore si ieune, & avec cela trauersé de tant de friuoles & mal saines conceptions, qu'il ne pût gouter, ny faire son profit du party qui se presentoit, pour l'assurance & repos de son Empire. Car voulant faire du fin, il pensa que ses affaires ne s'en porteroient qu'un peu mieux, si ces deux freres continuoient à se faire la guerre, & que le succez n'en seroit sinon d'autant plus heureux & fauorable, quand les dissensions & partialitez se viendroient à nourrir parmy eux. Car il se promettoit un grand accroissement de prosperité, pour se voir ainsi recherché de l'un & de l'autre, & que tous deux eussent crainte de luy, & affaire de son ayde & support quant & quant. Il faisoit encor un autre discours en son esprit, que si d'adventure ils venoient à se partager leur Empire, & que chacun se tint à la portion qui luy seroit escheüe, il en viendrait facilement à bout, là où demeurant tout entier à l'un des deux, il n'y pourroit pas estre pareil: Au moyen dequoy il iugeoit cette diuision tres-vtile & à propos pour le bien de ses affaires: Puis tout soudain venoit à se retracter, & resoluoit de se tenir du tout au party de Mustapha. Mais son pere le vieil Empereur, qui ne s'estoit pas encore du tout demis du maniment des affaires, estoit bien d'autre aduis: qu'on ne de-
uoit en aucune sorte violer ny enfreindre la foy des traitez & alliances, & que celui qui se-
roit au contraire, ne prospereroit iamais: car rien ne le pourroit sauuer qu'il ne tombast à la parfin en quelque mal-heur, avec ses ruses & malices: Et pourtant si l'on estoit en doute à laquelle des deux parties on deuroit plustost incliner, il falloit en premier lieu se proposer, & mettre en dispute ces deux choses icy: à sçauoir la grandeur de l'Empire Turquesque,
avec

Avec la force & valeur des Janissaires d'un costé, & ce que nous venons de dire maintenant, de l'autre. Les premiers rendent l'eslection douteuse; celles-cy n'apportent gueres moins d'incertitude & ambiguité, quand on viendra à considerer par où, & comment on cuideroit venir à bout de conquerir & renger à son obeysance vne telle Monarchie: y ayant danger que cependant on n'amenast les affaires de la Grece à vne derniere perdition & ruine. Voila en quelle sorte les opinions des Grecs balançoient, tantost d'un costé, tantost d'un autre. Mais la voix de ceux l'emporta, qui vouloient à toute force qu'on suivist le ieune Empereur, lequel auoit desia toute autorité & puissance, & par ce moyen se retindrent au party de Mustapha, lequel ils declarerent Seigneur: sous condition que la ville de Gallipoli qu'ils auoient perdue leur seroit restituée. Cela arresté, ils emplirent leurs vaisseaux de gens de guerre, & s'embarqua l'Empereur Iean pour faire voile à Gallipoli: où pour autant que Mustapha n'estoit encore arriué de l'Isle de Lemnos, il voulut essayer quelque chose qui redondast au bien & aduantage des affaires de l'Europe: & à cette occasion, pour gagner aussi tousiours autant de temps, se delibera de l'assieger. Zunaites Prince de Smyrne, l'un des plus grands fauoris de Mustapha s'y trouua avec plusieurs Turcs qui s'y estoient desia assemblez: ausquels, cependant qu'on battoit le Chasteau on fit dire, qu'on l'attendoit d'heure à autre: aussi vint-il bien-tost apres, & soudain tout le Chersonese * le receut, & salua à Seigneur, avec vne merueilleuse deuotion & allegresse. Là dessus l'Empereur luy fit instance de la restitution de Gallipoli, à quoy Mustapha estoit bien content de satisfaire, mais les Turcs monstroient d'auoir à trop grand contrecœur, de se démettre d'une telle place entre les mains des Grecs: n'estimans pas que cela luy deust estre gueres honneste, & mesme à son aduenement à la couronne qui ne luy estoit pas encore trop bien assurée: tellement que c'estoit chose fort douteuse & incertaine à iuger, quel ply pourroient prendre ses affaires: Trop bien pourroit-il promettre aux Grecs de la leur rendre, lors que de tous poincts il seroit confirmé & estably en son Empire, & que s'il y auoit encore rien outre cela qui leur fust à propos, & dont ils le voulsent requerir, ils n'en seroient point esconduits ne refusez.

PAR ces belles paroles ayant Mustapha aucunement appaisé les Grecs il s'achemina plus auant en l'Europe, où il fut par tout receu à Seigneur, comme fils du tant renommé Bajazet: Toutesfois le Saniaque dont nous auons parlé cy-dessus, ayant esté aduerty comme l'autre se hastoit de gagner Andrinople que Mechmet à l'heure de son deceds luy auoit donné en garde; assembla en diligence les forces qui respondoient sous son gouuernement, & luy vint faire teste au deuant de la ville, comme s'il eust eu volonté de le combattre pour l'empescher d'entrer dedans, & s'emparer par ce moyen du siege capital de tout l'Empire. Ce nonobstant Mustapha approchoit tousiours en bien bon equipage & ordonnance, & les Turcs passerent incontinent de son costé pour luy faire la submission accoustumée: Ce que fit aussi le Saniaque Bajazet qui se prosterna à ses pieds & luy consigna entre les mains tout ce qu'il auoit en charge. Mustapha en reconnoissance de ce deuoir le fit mettre à mort sur le champ; & de là sans aucun contredie, entra dans Andrinople, où il s'assit au siege Royal. Cela fait retourna arriere pour aller à la conquete de l'Asie, menant quant & soy les armées de l'Europe, & les gens de pied Turcs qu'on appelle Azapes, avec tous lesquels il passa le destroit. Il auoit aussi en sa compagnie le Prince de Smyrne dont nous auons parlé cy-deuant: & comme il se fust mis en chemin pour aller rencontrer Amurat, il depeschia à l'Empereur de Constantinople, pour le prier de ne remuer rien à l'encontre de luy pendant qu'il seroit esloigné, & detenu à cette guerre: car tout aussi-tost qu'il en auroit eu la fin, il ne faudroit de luy rendre Gallipoli. Amurat enuoya aussi de son costé offrir de faire entierement ce qu'il voudroit, pourueu qu'il voulust estre des siens, & fauoriser son party. Mais les Grecs retarderent quelques iours, & tindrent en suspens la responce des vns & des autres: à la fin ils renuoyerent ceux d'Amurat comme ils estoient venus, se declarans pour Mustapha sous certaines conditions qu'ils luy mirent en auant. Les Ambassadeurs d'Amurat s'en estans retournez sans rien faire, semerent neanmoins à leur arriué vn bruit parmy le camp de leur maistre: qu'ils auoient gagné les Grecs, & que pour certain ils seroient du tout pour eux. Or estoit-il campé pour lors aupres du lac de Lapodie, & auoit couru & gasté toute la contrée de Michalicie, qui est en cet endroit où le lac apres plusieurs destours s'en va finalement rendre dans la mer, par vne bouche fort serrée, & estroite. Car il y a là vn pont, & Mustapha estoit venu loger vn peu au dessus, tout aupres le desgorgement de ce lac qui fait le canal dessusdit: au moyen dequoy Amurat prit l'occasion en main de faire son profit de ces

Depuis
1422:
iulien
1425:
Discord des
Grecs.
Combien est
pernicieuse la
conduite d'un
ne ieunesse
mal experi-
mentée. Mu-
stapha déclaré
Empereur des
Turcs, & est
l'vniuersel.

C'est la pen-
sée de Thracie
entre le bras S.
George, & la
goulette de Ca-
ride.
Les Turcs re-
culent à la
restitution de
Gallipoli.

II.
Legereté des
Grecs.

Les Turcs de
l'Europe se
rendent à Mu-
stapha, avec la
ville d'Andri-
nople.

Cruauté de
Mustapha.

Astuce des
Ambassadeurs
d'Amurat.

Depuis
1422.
iuiquen
1425.
Langage des
gens d'Amu-
rat & ceux de
Mustapha,
qui les trou-
ble & met en
confusion.

Zunaites
abandonne
Mustapha.

Fuite de Mu-
stapha & des
siens.

Voluptez &
détachées de
l'Empereur
Jean.

Gallipoly est
sur le détroit
de l'Helle-
spont du costé
de l'Europe, où
estoit ancienne-
ment Sestos &
à vis d'Abidos.

Amurat passe
toute son ar-
mée de l'Asie
en l'Europe
sur vn seul
nauiue Gene-
uois au de-
troit de Gal-
lipoly.

Mustapha
trouué caché
en vn hallier,
& amené à
Amurat qui
le fait étran-
gler sur le
champ.

III.

Amurat as-
siege Con-
stantinople.

L'ordre &
institution de
la Porte ou
Cour du
Turc.

Les Janissai-
res comment
s'euiez.

fausses nouvelles : & enuoya à cette fin ses coureurs crier à haute voix d'une grande alle-
gresse iusques dedans les escoutes & corps de garde des ennemis : *Traistres canailles re-
belles, qui auez deluisé vostre vray & legitime Seigneur, pour vous donner à un champy
auorté, qui n'a aucun droit à cét Empire, les Grecs ne vous ont pas voulu prêter l'oreille,*
*ains s'en viennent vous couper le passage, & vous enclorre en Asie, afin que vous mor-
riez tous honteusement pour la desertie de vostre meschanceté.* Cela mit vne telle frayeur
parmy les gens de Mustapha, qui adjousterent incontinent foy à ces paroles, d'autant que
leurs Ambassadeurs n'estoient point encore arriuez, que de crainte que les Grecs ne se
saisissent du destroit de l'Hellepont, & ne leur ostassent le moyen de repasser en Euro-
pe, ils commencerent à s'esmouuoir de toutes parts, & à tenir de fort estranges propos
entr'eux. Zunaites mesme la nuit ensuiuant se destoba, & planta là Mustapha pour se
retirer en son pays : ce que firent pareillement tous les autres principaux personnages,
& les Capitaines de l'armée, ne se fians pas beaucoup en la bonne fortune de leur Chef :
lequel se voyant ainsi abandonné de ses gens, qui s'escouloient d'heure à autre sans qu'il
y eüst plus moyen de les retenir : & craignant de demeurer tout seul à la parfin, prit la
fuite aussi bien qu'eux, droit à la mer, où les Grecs qui s'estoient rengez de son costé
chargerent ses gens sur leurs nauires, & cinglerent par l'Hellepont à l'autre bord. Pen-
dant ce temps l'Empereur de Constantinople estoit apres à prendre ses plaisirs au Peri-
connese, avec vne ieune Damoiselle fille d'un homme d'Eglise, dont il estoit si desesperé-
ment amoureux, hors de tout propos & saison, pour les affaires qui se presentoyent, pour-
ce qu'il se deuoit plustost employer à repousser Amurat du passage de l'Europe : lequel
tout incontinent que le iour commença à poindre tira droit au camp des ennemis, qu'il
trouua du tout vuide & desnué de gens, horsmis des pauures Azapes qui n'auoient pü
suiure les autres. Eux doncques luy ioignant les mains de l'autre part, (car la riuere cou-
loit entre-deux) requeroient piteusement qu'on les prist à mercy, & qui luy pleust n'exer-
cer point sa vengeance sur ceux que les gens de cheual auoient ainsi laschement aban-
donnez & trahis. Mais ayant là-dessus en diligence fait dresser vn pont de basteaux, il pas-
sa à eux, & les fit tous mettre au fil de l'espee iusques au dernier. Puis s'en alla apres Mu-
stapha, le poursuivant à la trace de ville en ville, & de lieu en lieu, où il scauoit qu'il s'e-
stoit adressé en sa retraite : toutesfois il auoit gagné les deuans, & estoit desia à Galli-
poly, quand Amurat de bonne fortune rencontra sur le bord de la mer vn gros nauire Ge-
neuois qui estoit à l'ancre, & fit tant avec le Pilote qu'il s'accorda de le porter outre, avec
les Janissaires, & autres soldats de la Porte, ensemble tout le reste de son armée, moyen-
nant vne bonne somme d'argent, qui luy fut nombrée & payée sur le champ : Et ainsi passa
en Europe sein & sauue, avec toutes ses forces. Mustapha se voyant d'heure en heure croi-
stre le peril (car son ennemy le tenoit desia assiegé de tous costez) apres auoir cherché en
son entendement tous les partis qu'il pouuoit prendre pour se mettre à sauuer, se resolut
finalement de se retirer en la montagne que les habitans du pays appellent Toganon ; là
où Amurat l'alla incontinent enuclopper avec ses gens qu'il departit & ordonna tout à
l'entour, ne plus ne moins que quand pour le deduit de la chasse on fait vne enceinte de
toiles, au dedans desquelles on descouple le vaultrey apres quelque grand sanglier qui
s'y est laissé enfermer : Tout de mesme fut à la parfin trouué le miserable Mustapha caché
dans vn hallier, & amené en vie à Amurat, qui le fit sur la place estrangler en sa presence.
Et ainsi finit pauurement ses iours, celuy qui par l'espace de trois ans auoit occupé l'Em-
pire des Turcs en l'Europe.

A v moyen de quoy Amurat apres auoir réduit à son obeissance l'une & l'autre terre-
ferme, fut proclamé de tous Empereur paisible des Musulmans : & ne tarda depuis gue-
res à faire l'entreprise de Constantinople, & la guerre contre les Grecs : enuoyant Mi-
chalogly deuant, qui estoit Beglierbey de l'Europe. Cettuy-cy avec les gens de guerre qu'il
assembla en son gouuernement, s'en alla faire vn raze es enuiron de la ville, puis se cam-
pa deuant : & Amurat y arriua incontinent apres avec les Janissaires de sa garde, & tous
les autres qui ont accoustumé de suivre quand il se fait vne armée Imperiale. Il menoit
aussi les gens de guerre de l'Asie : tellement que le logis de son armée comprenoit tout cet
espace qui est d'un bras de mer iusques à l'autre. Or la Porte du Turc, qui est sa maison
& suite ordinaire, est establie en cette sorte. Il y a tousiours six mille hommes de pied, &
aucunefois bien dix mille, dont il a accoustumé de tirer ceux qu'il enuoye en garnison à
la garde de ses forteresses, & en remet d'autres en leur place : Tous lesquels viennent des
ieunes enfans qui sont pris & enleuez de costé & d'autre pour le seruice du Grand Sei-
gneur,

gneur, duquel ils sont les esclaves: Car on les depart aux Turcs habitans en l'Asie, pour leur apprendre la langue, & les accoustumer au travail, & à leurs façons de faire; ce qui se fait communément en deux ou trois ans. Puis quand ils sont vn peu renforcez & endurcis, & ont autant appris du parler qu'ils le peuuent entendre, & eux aussi estre entendus, alors on fait vne reueüe, où l'on en choisit deux ou trois mille des plus adroits, qu'on enuoye à Gallipoli pour estre instruits au train & exercice de la marine, en passant ceux qui veulent trauerser le destroit de l'Europe en l'Asie. Ils ont tous les ans vn accoustrement neuf, avec ie ne sçay quelle maniere de voultige, presque de la façon d'une broche de cuisine. De là à quelque temps ils sont appelez à la Porte du Seigneur où l'on leur donne prouision en deniers pour leur viure & entretenement; aux vns plus, & aux autres moins. Ceux qui sont entoolez sous la charge des dizeniers, & des caps descadre de cinquante hommes, departis par ce moyen par bandes & enseignes, tirent la solde, & sont tenus de faire residence deux mois continuels au pavillon de leur dizaine: lesquels pavillons sont tousiours dressez les vns joignans les autres tout aupres de celuy du Prince: car il n'est pas loisible à qui que ce soit, si ce n'est à ses enfans, de camper parmy ces gens-cy. Là au milieu fort superbement est logée sa personne, avec ses richesses & thresors, sous vne grande tente à la Royale, teincte en incarnat avec certaine ocre ou terre rouge, & au reste toute chamarrée de passemens & profileures d'or. Aucunesfois il y en a deux, aucunesfois iusques à trois, sans autres douze ou quinze qui sont d'ordinaire armées & rendues dans le quartier mesme des Janissaires; hors duquel les autres gens de guerre de la Porte dressent les leurs: Les Amurachoreens, & ceux du retraict de Gobellet, qu'on appelle Saraptar; les port'enseignes ou Emiralet: les Preuosts de l'Hostel, Bixorides; & les courriers du Seigneur: Et comme toutes ces manieres de gens soient en grand nombre, il s'augmente bien encore à cause des valets & esclaves qu'ils traient quant & eux, pour leur seruice. Apres ceux que nous venons de nommer, suivent en l'ordre de la Porte du Turc enuiron trois cens Selictars; tous gens de cheual, qui de simples Janissaires sont paruenus à ce degré: Et consequemment les Caripy, c'est à dire estrangers, ainsi appelez pource qu'on les prend de l'Asie, de l'Egypte, & de l'Afrique. Ce sont gens fort vaillans & hazardeux, qui ont soude l'un avec meilleur, l'autre avec moindre appointement, Puis les Alophatzy ou Mercenaires en nombre de huit cens: & apres eux la compagnie de deux cens Spachy, tous enfans des plus grands de la Cour, & de ceux qui se sont portez en gens de bien, lesquels apres auoir seruy quelque temps à la chambre, on a de coustume de mettre là, & en substituer d'autres en leur place. Voila à peu prez l'ordre & estat de la maison du Turc. Il ya deux chefs au demeurant en toute cette Monarchie, qui commandent & sont superieurs aux autres: l'un en Europe, qu'on appelle le Bassa ou Beglierbey de la Romanie: & l'autre en Asie, qui est celuy de la Natolie. Car toutes les compagnies de gens-d'armes, tous les Capitaines & membres d'icelles leur obeissent, & les accompagnent par tout: comme sont aussi les Saniaques, ou Gouverneurs qu'on appelle Gonfallonniers, lesquels estans aduancez à cette dignité par le Prince, ont priuilege de faire porter autant de bannieres ou cornettes deuant eux, comme il y a de villes sous leur departement. Ces gouverneurs icy sont suivis de Magistrats & officiers desdites villes, ensemble de leurs gens, quelque part que la guerre tire, car il n'y a personne qui ne sçache sous qui il se doit renger. Puis quand tout est assemblé en vn camp, l'ordre qu'on y garde communément, est de reduire & departir les gens de cheual par Regimens, & les Azapes sous vn Colonel.

COMME doncques Amurat fut arriué deuant Constantinople, & eust mis le siege à l'entour, il fit incontinent arrenger les pieces en batterie; s'efforçant par tous les moyens à luy possibles de faire quelque bresche & ouuerture à la muraille. Toutesfois sans aucun effet, combien que les balles fussent d'un poids & calibre demesuré, pource que la maçonnerie estoit forte & espoissie, soustenuë avec cela d'un gros rempart au derriere, tellement que rien ne s'en peut desmentir. Mais puis qu'il vient à propos de dire vn mot de l'artillerie en passant, ie ne penserois pas quant à moy que ce fust vne inuention ancienne comme parauenture quelques-vns ont cuidé. D'où puis apres elle ait pris son origine, quelles manieres de gens s'en soient aydez, ie n'en puis gueres bien parler au vray. Il y en a qui pensent que les Allemans en ont conneu l'usage auant tous autres, & que c'est à eux à qui on doit attribuer cet artifice & inuention; car delà les premiers fondeurs & cannonniers estans partis, se sont peu à peu estendus & communiquez à tout le reste de la terre. Quoy que ce soit, la furie & impetuosité en est merueilleuse: ce

Depuis
1425.
iufqu'en
1430.

Instruits à Gallipoli, où auant la prise de Constantinople estoit l'arsenal des Turcs.

Le logis du Turc quand il va à la guerre.

Ses Officiers domestiques.

Selictars.

Caripy.

Alophatzy.

Spachy.

Deux Beglierbey ou Colonels de la cavallerie Turque. Saniaque Gouverneur de pays.

III.

Des l'an 1420. les Turcs eurent l'usage de l'artillerie, ce qui fut presque au mesme temps que Thomas Comte de Salisbury Anglois, s'en ayda premierement deuant la ville de Mans. L'inuention de l'artillerie enuiron 1378. par vn Moine Allemand nommé Bartholomy Schwartz.

Depuis
1425.
iufqu'en
1430.

qui se connoist en ce qu'il n'y a chose de si grande resistance, où elle ne face vn merueilleux eschec: & est la poudre qui cause cette violence & effort, laquelle est composée de salpestre, de soulfhre, & de charbon, esquels trois consiste toute la force & la puissance. Or le monde tient les canons, coulevrine, & autres telles pieces, & les harquebuses, pour la meilleure arme qui soit: ie croitois neanmoins, que le dommage & execution n'en soient point si grandes comme parauroient on cuideroit, ains qu'ils font plus de peur que de mal: combien que là où le coup assene, il soit mortel & dangereux sur tout autre: & me semble que cecy tienne ie ne sçay quoy de diuin, imitant les esclairs, foudres, & tonnerres. Au reste ie suis en cette opinion, que les premieres pieces ayent esté de fer, que puis apres on trouua la façon de les ietter de cuivre, alié avec de l'estain par certaines proportions; qui est la meilleure, & plus seure estoife qu'on eust sceu excogiter, voire la plus propre pour chasser le boulet au loing. De vous descrire icy la forme dont elles sont, cela me sembleroit superflu & inutile, veu que tout le monde a cela deuant les yeux: mais de tant plus elles sont longues, tant plus loing aussi enuoyent-elles la balle. Et de fait nous auons ouï parler d'une coulevrine qui a porté de vollée deux grosses lieues: * & s'en trouua tout le contour estonné & esmeu, ny plus ne moins que de quelque tremblement de terre. C'est la force du feu qui cause vntel bruit, & cette portée ainsi violente de la pierre; car si le feu enclos est pressé, tout à coup il fait des effects merueilleux, qui surpassent la capacité de nostre entendement: Les foudres mesmes se viennent à former & produire quand l'air est conuertty en nature de feu, & de là se fait vn son ainsi horrible & espouuentable, avecques l'extreme force du coup: soit qu'on ne vueille point admettre de vuide en la nature; soit que l'efficace du feu, lequel contrainct & pressé violement, venant à rencontrer vne matiere à luy propre & idoine, puisse causer l'un & l'autre effect tout ensemble; au moyen dequoy tout cet effort doit estre referé au feu, comme à celuy qui en est la cause; aussi que la poudre y est adjoustée, qui a desia acquis la propriété d'exciter le feu, par le moyen de son action qui s'y mesle & y entreuint. Toutes lesquelles choses jointes ensemble, font que la pierre ou le boulet soit ainsi poussé loing. Mais pour retourner à nostre propos: Amurat apres auoir fait ses approches iusques sur le bord du fossé, battoit fort furieusement la muraille, avec son artillerie & autres machines & engins, faisant tout ce qui se pouuoit pour la prendre de force: & les Grecs se deffendoient fort vaillamment, renuersant du haut en bas des murailles les lanissaires qui s'efforçoient d'y monter; dont les vns, qui d'un grand courage & hardiesse arriuoient iusques au haut du rempart à combattre main à main, y laissoient les testes, & les corps estoient roullez impetueusement sur les autres qui les secundoient. Tellement qu'Amurat ne sçauoit plus que faire, tant il estoit en grande perplexité d'esprit; voyant que tous ses efforts, ne la hardiesse de ses gens ne luy profitoient de rien: & neanmoins il s'y opiniastroit toujours de plus fort en plus fort, sous esperance d'emporter cette place à la longue. Comme doncques il estoit prez à temporiser, en resolution de n'abandonner point si-tost le siege, les Ambassadeurs des Grecs le vindrent trouuer, pour essayer de faire quelque accord avecques luy, & renoueller les anciennes alliances, dont il les refusa tout à plat, neanmoins peu de iours apres il deslogea de là-deuant. Les Grecs qui auoient enuoyé deuers luy requerir la paix, se voyans éconduits de ce qu'ils desiroient tant, s'adresserent à vn autre Mustapha * qui estoit fils de Mechmet, lequel estoit pour lors avec le Caraman deffrayé & entretenu à ses despens fort honorablement. Il n'auoit encore que treize ans quand ils l'enuoyerent querir, mais soudain qu'il fut arriué à Constantinople, il se mit à faire de grandes brigues & menées pour esmouuoir & faire soubs-leuer les Turcs; touchant à la main de tous ceux qui se presentoient, & leur promettant le double de tout ce qu'ils auoient oncques eu sous Amurat. Ce qui fut cause que quelques-vns se rengerent à son party; en petit nombre toutesfois, iusques à ce que'estant passé en Asie avec le secours que l'Empereur luy donna, il prit d'arriué vn lieu nommé la Chappelle; & de là tirant plus auant en pays, les Turcs par tout où il passoit s'alloient ioindre à luy, comme au fils de leur feu Seigneur. Sur ces entrefaites, Helias le Saraptar, c'est à dire Eschançon, auquel Mechmet auoit laissé la charge de ce ieune Prince, l'alla trahir & vendre à Amurat; & apres auoir bien asséuré son complot & marché, il luy reuela le lieu de sa retraite; car Mustapha estant venu deuant la ville de Nicée, on luy ouurit soudain les portes, & il s'arresta là pour gagner & attirer à soy les principaux d'entre les Turcs, aussi que l'Hyuer l'empeschoit de passer outre.

Dequoy

* Il y a au texte
70. Rades.

Amurat bat &
assaut en vain
Constantino-
ple.

* C'est celuy
dont il a esté
parlé à la fin
de l'autre liure,
auquel Mech-
met auoit des-
mé l'Empire de
l'Asie.

Le Grec a
iupr.

Trahison du
Gouuerneur
de Mustapha.

Dequoy Amurat ayant esté aduertý par Helias, il prit avec soy six mille hommes, tous les meilleurs qui fussent à sa suite, & s'en vint en diligence pailler le destroit de l'Hellepont, puis tira en Bithinie; de sorte qu'auant que sa venue peust estre descouuerte, il entra au despourueu dans la ville de Nicée, & se saisit de son frere. Car le pauvre enfant s'estant esueillé en sursaut, à cause du bruit qu'on faisoit, s'alla d'effroy ietter entre les bras de son gouuerneur, où il esperoit estre à garent, & que l'autre pourueroit à la seurété de sa personne. Helias luy dit qu'il ne se doutast de rien; & cependant Amurat entra au Palais, où il le luy liura entre les mains, & fut sur la place estranglé avec le licol, à la maniere accoustumée. On dit que Thezetin, issu du noble & illustre sang des Roys d'Ertzingan, quand il ouyt le tumulte des ennemis, accourut pour le deffendre, & que d'une tres-grande hardiesse & franchise de courage s'estant ietté au beau milieu de la foule, tua d'arriuee Michalin l'un des Saniaques de l'Europe, son ancien hoste & amy, qui se presenta au deuant, & plusieurs autres encore: mais à la parfin il fut taillé en pieces.

Voilà l'estat en quoy se trouuerent lors les affaires des Grecs, pour auoir voulu espoufer par deux fois vn party contraire à Amurat, & se bander contre luy. Et pourtant qu'ils estoient hors de toute esperance qu'il les voulust iamais laisser paisibles de la ville de Theffalonique, ils la vendirent aux Venitiens à beaux deniers comptans: ce qui fut cause qu'Amurat alla mettre le siege deuant, & la battit fort & ferme avec son artillerie, taschant par toutes voyes & manieres de la prendre, sans que cela luy succedast en rien; non plus que le complot qu'auoient fait les habitans de creuser secrettement des mines en plusieurs endroits; par où, au dessous de la muraille & du fossé, on s'alloit rendre dans son camp; pource qu'ils furent descouverts par les Venitiens, & pris presque tous: les autres s'auallerent en bas du rempart, & se sauuerent deuers les Turcs. A la fin toutesfois la ville fut prise d'assaut du costé du Chasteau, par où on l'auoit approchée & commencée à battre. L'ay entendu que ce furent les Janissaires, lesquels faisant vn grand effort monterent les premiers sur la muraille, & firent le chemin aux autres: tellement qu'elle fut toute saccagée, que personne n'eschappa qu'il ne fust mort ou pris. Mais ie croy quant à moy qu'elle fut prise par trahison, car c'estoit vne bonne & forte place, & au reste riche, grande & puissante, ne cedant de rien que ce soit à pas vne des autres de l'Empire des Grecs, de fait on ne voyoit gueres autre chose par tous les marchez de l'Asie & Europe, que les pauvres habitans faits esclaves, qu'on vendoit de costé & d'autre. Quant à la garnison qui y estoit des Venitiens, soudain qu'ils s'apperceurent de la prise ils gagnerent le Port, & s'embarquerent à la haste sur les premiers vaisseaux qu'ils trouuerent, puis leuans les ancrs firent voile. Ainsi vint cette riche & florissante cité es mains du Turc Amurat; lequel apres l'auoir pillée & departie aux habitans de là autour pour la repeupler, s'en retourna à la maison. Cependant il depescha Charats Beglierbey de l'Europe avec vne grosse armée, contre la ville Ioannine en Etolie, anciennement dite Cassiopé, où d'arriuee il fit vn grand rauage dans le pays, qu'il courut & gasta d'un bout à autre: cela fait, s'en alla mettre le siege deuant cette place, car le Prince Charles Seigneur d'icelle, estoit vn peu auparauant decedé, n'ayant point eu d'enfans de sa femme, fille de René, laissa trois de ses bastards desia tous grands, Memnon, Turnus, & Hercules, le pays d'Acarnanie au dedans la riuere d'Achelous, & au fils de son frere Leonard, tout le reste de son heritage, horsmis la ville d'Arthe capitale de l'Ambraque, & le territoire de l'Etolie, avec la ville qui y est, laquelle il donna à vn autre sien nepueu nommé Charles comme lity. Quant aux bastards ils ne durerent pas longuement qu'ils ne fussent menez à la Porte du Turc, dequoy ils ne s'en firent gueres prier; là où Memnon le plus aduise & suffisant de tous les autres, requit d'estre reintegré au pays qui luy appartenoit, ce qui fut vne couleur & pretexte à Amurat d'y enuoyer son armée: laquelle mit le siege deuant la susditte ville Ioannine, & y demeura quelques iours sans en pouuoir venir à bout; iusques à ce que finalement ceux de dedans, & le Prince mesme qui s'y estoit aussi enfermé, vindrent à parlementer avec le Bassa, auquel il demanda le reste de l'Acarnanie, & de l'Epire, & que tout luy fust bien asséuré par vn traitté inuiolable, car sous cette condition il rendoit la ville. Les Turcs ayans accepté l'appointement, eurent la place; & le Prince le pays qu'il demandoit, moyennant certain tribut qu'il deuoit payer par chacun an, & se représenter à la Porte toutes les fois qu'il en seroit requis. Mais s'estans là-dessus venus ietter à la trauerse les enfans du Duc Charles, Hercules, & Memnon, ils s'emparerent d'une grande partie

Depuis
1425.
iufqu'en
1430.

Extreme diligence & hardie entreprise d'Amurat
Demeure
Empereur
paisible des
Tures apres
s'estre deffait
des deux Mu-
staphaz, son
oncle & son
frere.

Tous ceux de
ce nō de Mu-
stapha du sūg
des O:homās
ont finy mal-
heureusemēt.

V.

La protection
des deux Mu-
staphaz succe-
de mal aux
Grecs.
Theffaloni-
que vendue
aux Venitiens
par les Grecs,
assailie & pri-
se par Amu-
rat.

Les Venitiens
qui estoient
dedans se sau-
uerent par mer.

Reddition de
la ville Ioan-
nine.

Depuis

1425.

jusqu'en

1430.

La division des
Chrétiens
toujours ac-
cru l'Empire
des Turcs.

VI.

Paix honteuse
des Grecs a-
vec Amurat.

Les Albanois
détails par les
Turcs.

Horrible tro-
phée de testes
d'hommes.

Vaillances de
Thuracan.

Clarence an-
ciennement
dite Cylléné.
† C'est celui
qui fut le der-
nier Empereur
de Constantinople.

La ville de Pa-
tras brûlée par
les habitans à
Constantin
Paleologue.

de la contrée; ayans amassé bon nombre de gens de guerre de là auprez, qui de iour à autre se venoient joindre à leur troupe: Tellement qu'ils firent beaucoup d'ennuy & de dommage à leur cousin, car ils remplirent son pays en peu de iours de guerre & de ruines: & luy à l'encontre assembla quelques forces, partie qu'il obtint de la Porte du Turc, partie qu'il fit venir d'Italie. Mais voyant que ses affaires ne prenoient point bon train, il fit appointment avec les autres par lequel il leur quitta toute la region, pour en iouyr par eux à l'aduenir sans aucun contredit ny empeschement: & eux aussi ne luy querelloient plus rien.

En telle maniere le pays d'Etolie vint és mains d'Amurat. Les Grecs puis apres l'alerent requerir de paix, qui leur fut octroyée sous condition qu'ils abbatroient la closture & muraille de l'Istme, & desormais s'abstiendroient de rien entreprendre ne innouer, comme ils auoient iusques alors esté coustumiers de faire. Et là dessus il depeſcha Thuracan pour aller faire cette demolition, & courir par meſme moyen les terres que les Venitiens tenoient encore dans le Peloponeſe, là où il pillà & ſaccagea toutes les places qu'il prit ſur eux. Mais à ſon retour, les Albanois qui y eſtoient habitez s'eſſemblerent dans le cœur du pays, en certain lieu qu'on appelle Dabia, & ayans eſleu vn chef pour leur commander, ſe mirent en poinct pour ſe departir d'avec les Grecs, & aller la teſte baiffée donner ſur l'armée de Thuracan; lequel les voyant ainſi animez & reſolus venir droit à luy, & qu'il ne pouuoit plus euitier le combat, rangea ſoudain ſes gens en bataille, comme firent auſſi les Albanois; & ſe vindrent rencontrer d'vne grande impetuofité & furie. Toutesſois ceux-cy ne peurent longuement ſupporter l'eſſort des Turcs qu'ils ne tournaffent le dos, & ſe miſſent en fuite, là où Thuracan en fit vne fort grande bouche-rie, & prit bien huit cens priſonniers qu'il fit maſſacrer ſur le champ, & de leurs teſtes arrangees les vnes ſur les autres, dreſſer vn trophée en forme d'vne petite pyramide, pour remembrance de ſa victoire: cela fait il ſe retira. Il fit encore tout plein d'autres belles choſes, dont il ſ'aquit vn grand credit & faueur auprez de ſon maiſtre; lequel l'enuoya puis apres en la Prouince de Brenezes, & pareillement en la Valaquie, où il deſſit vne grande armée, qui eſtoit deſia toute preſte à faire quelque bon exploit: Tellement qu'il ſ'en retourna tout plein de victoires & de reputation; & chargé d'infinies deſpoüilles des ennemis, tant en eſclaves qu'autre eſpece de butin. Or comme les Grecs vinſſent & allaſſent fort ſouuent à la Porte, & meſmement Notaras, Caroluca, & autres grands perſon- nages, la paix fut arreſtée: & incontinent apres l'Empereur monta ſur mer, pour aller au Peloponeſe, là où il fit venir ſon frere Theodore Due de Sparte deuers luy; car pour raiſon du peu d'amitié qu'il portoit à ſa femme (Italienne de nation) il auoit deliberé de la laiſſer, & prendre l'habit des Cheualiers de Rhodes: Mais quand il fut venu au Peloponeſe, ayant amené quant & ſoy ſon autre frere Constantin, au- quel il ſe deliberoit de faire tomber l'Empire, il changea de propos, de maniere qu'il ne fut plus queſtion de ſe demettre: auſſi que les ſieurs du Conſeil faiſoient tout leur poſſible de l'en diuertir, & en fin trouuerent le moyen de le reconcilier avecques ſa femme, qu'il n'auoit peu encore gouſter pour raiſon de ſa diformité & l'aideur: Tou- resſois de là en auant ils veſcurent aſſez doucement enſemble. Sur ces entrefaites il ſ'en alla faire la guerre à Charles Prince de l'Epire, & mit le ſiege deuant la vil- le de Clarence, capitale de toute la contrée d'Elide: mais ne l'ayant ſceu prendre, il fit le mariage de ſon frere † Constantin avec la fille de Leonard, laquelle eſtoit couſine germaine de Charles, ſous condition qu'elle auroit cette place pour ſon dot: & de la mena ſon armée deuant la ville de Patras en Achaïe, qu'il aſſiegea fort eſtroit- tement de toutes parts: Puis ſ'embarqua pour faire voile à Constantinople; laiſſant la charge du ſiege à Constantin, qui y demeura bien longuement ſans y pouuoir rien fai- re: & peut-eſtre qu'il ſ'y fuſt morfondu du tout, n'eult eſté quelques pratiques & menées dont il ſ'ayda enuers les habitans qui luy liurerent la ville entre les mains: car l'Eueſque eſtoit allé en Italie pour demander ſecours au Pape, où il ſejourna pluſieurs iours auant que pouuoir eſtre depeſché. Et faut entendre que les Seigneurs Italiens qui dominoient au Peloponeſe, eſtans deſcendus de la race des Malateſtes, apres qu'ils ſe furent mis en poſſeſſion de ladite ville de Patras, laiſſerent vn Gouverneur ſur le lieu, & en ordonne- rent vn autre à la ſuite du Pape pour negotier leurs affaires. Au moyen dequoy luy com- me pretendan droit de ſouueraineté y eſtablit vn Eueſché, dont il pourueut l'un de ces Malateſtes, celui-là meſme qui eſtoit allé pourchaffer le ſecours. Constantin donc- ques ayant eu la ville ſe mit à aſſieger le Chateau, où il demeura vn an entier; & finalement

finaleme[n]t vint à bout de son entreprise. Mais d'autre costé les galeres du Pape prirent la ville de Clarence: car soudain que les nouuelles furent venuës de la descente des Grecs au pays d'Achaye, & qu'ils auoient desia pris la principale place, il arma dix galeres pour essayer de la rauoir: toutesfois elles ne donnerent pas iusques-là, ains s'en allerent surgir deuant Clarence dont le Duc estoit absent pour lors, & si n'y auoit ame dedans pour la deffendre, si bien qu'ils y entrerent d'emblée, & la pillerent: Puis l'ayant vendue au frere de l'Empereur pour le pris & somme de cinq mille escus, reprirent la route de leur pays. Plusieurs autres mal-heurs & infortunes encore suruindrent à cette pauvre cité; car Olivier durant que le Prince d'Achaye la tenoit encore, estant party d'Italie y arriua à l'impourueu, & la sacco[gea]: Puis prit à femme la fille d'iceluy; & finaleme[n]t transporta ladite ville au Prince de l'Epire pour vne somme d'argent, ayant desia vne autrefois esté racheptée des Galeres du Pape: cela fait il s'en retourna d'où il estoit venu. Au reste les Grecs eurent de longues guerres avec Centerion Italien, lequel commandoit à l'Achaye, & puis firent paix & alliance ensemble, par le moyen du mariage de la fille de cettuy-cy, que Thomas le plus ieune frere de l'Empereur espousa: & par le traitté fut accordé qu'elle auroit en dot le pays de Meffene, & celuy d'Ithamé, hors mis la contrée d'Arcadie qui est au long de la mer. Ainsi prit fin cette guerre, car Thomas apres la mort de Centerion entra en possession du pays, & mit la femme d'iceluy en prison, où elle acheua le reste de ses iours. Ce fut la façon dont le Peloponese vint de la main des Italiens en celle des Grecs; les affaires desquels passerent de la conqueste de ce pays tout ainsi que nous venons de dire presentement.

AMURAT ayant fait denoncer la guerre aux Tribaliens, & enuoyé son armée au domage & ruine du pays, le Despote de pescha soudain deuers luy pour le requerir de paix, moyennant laquelle il estoit prest de deuenir son tributaire, à telle somme de deniers qu'il luy voudroit imposer; & obeyr encore en tout & par tout à ses commandemens. Amurat luy demanda sa fille en mariage par le Bassa Sarazi, mais Chaly l'amena depuis, qui auoit fort grand credit & autorité aupres de luy. Cela fait, il s'en alla contre le Caraman Ali-dér, Seigneur de la Prouince de Carie, par despit de ce qu'il auoit nourry & esleué son ieune frere, & iceluy enuoyé aux Grecs. Estant doncques entré avec vne grande puissance dans son pays il y fit beaucoup de maux & de ruines tout à son aise, sans y trouuer resistance: Car le Caraman ne se sentant pas assez fort pour luy faire teste, s'estoit retiré aux montagnes & lieux inaccessibles. Cette contrée a deux belles villes entre les autres, l'une appelée Larande, & l'autre est celle d'Iconium ou de Cogny, * qui est bien plus riche & plus grande; de longuemain reglée de bonnes loix, statuts, & ordonnances notables, aussi estoit-ce l'ancienne demeure & retraite des Roys. Et pource que les montagnes d'alentour sont fortes & mal-aylées au possible, les Turcs ne s'amuserent pas à les combattre, ains destournerent tout le faix de la guerre sur le plat pays, qu'ils alloient conquerans pied à pied. Au regard de Larande, elle est située au bas des montagnes qui sont en ces quartiers-là, sans estre autrement reparable ne murie pour endurer vn siege: neanmoins les habitans attendirent de pied coy l'armée d'Amurat, & ne s'en voulurent point fuyr, estimans que puis qu'ils estoient les vns & les autres Turcs naturels, d'une mesme loy & façon de viure, ils n'en receuroient aucun mal ne desplaisir. Le Caraman dont est icy question, est voisin de la contrée de Turgut, & des † Pisides, autrement appelez Barsacides, qui sont certains pastours, ou plutost bandolliers vsans de la langue Turquesque, & du tout addonnez aux voleries & brigandages dont ils viuent; & vont faire tous les iours de grands butins en la Prouince de Syrie, & es pays de là autour. Ils ne s'abstiennent pas non plus de celuy du Caraman, avec lequel ils ont guerre perpetuelle; & choisissent à cette fin des Capitaines, sous la charge & conduite desquels ils s'acheminent à leurs larcins & destroussiemens ordinaires: lesquels Capitaines reseruent tousiours quelque portion des despoüilles, pour la part de ceux qui sont demeurez au logis à garder les femmes & enfans. Mais Turgut commande à la Phrygie; & s'estend son pays iusques en Cappadoce, & Armenie: Toutesfois sa race n'est pas fort ancienne, & n'a gueres qu'elle prit son commencement sous Amuthaon. Car de là s'estant ietté dans la Phrygie, luy & ses successeurs en ont tousiours joiuy depuis iusques à present, qu'ils ont pris les armes contre les descendans de l'autre, & le Caraman. Ils ont pareillement eu la guerre autrefois contre les Leucarnes, enfans de Carailuc. Ainsi Amurat courant & gastant le pays, prit la fille du Prince qu'il mit en son ferrail, mais il laissa la Seigneurie au fils: & en ce mesme voyage il desherita entierement le Cerman, Edin, & Sarchan, tous riches & puissans

Depuis
1430.
iufqu'en
1440.

Qui prend le
Chateau,
apres auoir
demeuré vn
an deuant.

Thomas Paleologue el-
pouse la fille
de Centerion
Seigneur du
Peloponese.
Le Peloponese
se retiré par
les Paleologues de la
main des Ita-
liens.

VII.

Amurat es-
pouse la fille
du Despote de
Bulgarie.
Les Seigneurs
Orthomans ont
tousiours eu
de grandes
guerres & in-
imitez avec
les Princes de
la Caramanie,
c'est la Cilice,
Pamphlie &
Lycanie.
* C'est une ville
de Liconie.
Strabon liure
12.
Ptolomee liure
5. chap. 6.

† Plinie liure 5
chap. 27. liure
6. chap. 8. liure
7. chap. 34.

Depuis

1430.
jusqu'en

1440.

Les Seigneurs
particuliers de
la Turchie vne
autre fois de-
possédés par
Amurat II.

Appointement
du Caraman
avec Amurat.

Reconciliatio
du Prince de
Synope avec
Amurat, moy-
ennât certain
tribut de cui-
vre.

VIII.

• Voyage d'A-
murat contre
les Bulgares
l'an 1440.
* Ville capitale
de Bulgarie sur
le Danube.

Renduë à A-
murat.

Inhumanité
d'Amurat en-
vers les enfans
du Prince des
Bulgares.

* Sa Situation.

Le siege de
Belgrade, où
ceux de dedans
se defendent
fort vertueu-
sement.

Vaillance de
Haly.

Seigneurs en ces quartiers-là; lesquels il chassa des pays qu'ils tenoient, & pillâ leurs Palais & demeures. Quant à Edin, il mourut sans hoirs, Sarchan, & Mendefias s'enfuirent es prochains lieux, où ils se sauuerent des mains d'Amurat; tellement qu'ils ne receurent point d'outrage de luy. Car Mendefias se retira à Rhodes, où il demeura quelque temps; & depuis ayant esté appelé à seureté, il s'en alla deuers luy pour tascher d'auoir quelque moyen de viure; & est encore pour le jourd'huy à la Porte du Turc, où il est entretenu & deffrayé à ses despens. Mais le Caraman qui ne desiroit qu'à recouurer sa ville d'Iconium, & le pays qu'il auoit perdu, enuoya deuers Amurat luy offrir sa fille en mariage, & son fils pour resider à sa suite; parquoy la paix fut iurée entr'eux, suivant laquelle Amurat remmena son armée en Europe, où tout incontinent il se mit en point pour aller faire la guerre à Ismaël Prince de Sinope, & de Castamone. Je ne sçay pas qui en fut le motif; mais l'autre le preuint, & enuoya ses Ambassadeurs deuers luy demander la paix; En quoy faisant, il fourniroit par forme de tribut par chacun an, aussi gros de cuivres & rosettes comme il estoit, & dauantage enuoyeroit son fils resider à la Porte, qui est vne forme d'ostage; ce qui appaisa Amurat. D'un autre costé il remit le fils de Turgut, qui s'estoit venu rendre à luy, dans ses pays, avec la mesme autorité & puissance de commander qu'il souloit auoir.

ON ne sçauoit dire la gloire & la reputation, dont toutes ces choses ainsi magnifiquement par luy executées, ennoblirent son Empire de l'Asie: Car il eut aussi vne grosse guerre avec les Leucarnes, qui dura longuement; & bien-tost apres il fit l'entreprise contre le Prince des Triballiens, & Georges son allié, sous ombre & pretexte (ainsi que l'on dit) d'Estienne le plus ieune des enfans d'Eleazar, qu'il auoit amené quant & luy lors qu'il vint deuant Spenderouie, * où estoit la Cour & residence ordinaire de ces Princes. Mais Eleazar ayant eue le vent de sa venue, laissa là son autre fils Gregoire pour defendre la place si d'auenture il s'y vouloit attaquer, & s'en alla querir du secours en Hongrie, où il tenoit vne grande estendue de pays, avec plusieurs villes riches & opulentes, qu'il auoit eues en eschange de l'Empereur Sigismond pour celle de Belgrade. Or cette place de Spenderouie plaisoit infiniment à Amurat, pour la commodité du port qui luy estoit fort à propos: Au moyen dequoy apres auoir fait vne rase en tout le pays d'alentour, il se vint planter là-deuant, & fit approcher ses pieces en batterie, dont il auoit desia quelque train & equipage, lequel toutefois n'estoit point tel qu'il eust peu faire bresche raisonnable, ne qu'il y eust grande esperance d'emporter cette place, forte d'assiette & bien remparée, si le ieune Prince qui estoit enfermé là-dedans ne se fust perdu & estonné de plaine arriuée, pour la furie & impetuosité de ces tonnerres, à luy si nouveaux, qu'à grand peine en auoit-il ouy parler. Ayant peur doncques d'estre par là abusé luy & les siens, il vint tout incontinent à parlementer avec Amurat, & fut la composition telle, qu'il luy rendroit la place, & demeureroit en son camp, attendant vne plus ample resolution de ce qu'il auroit à faire; car aussi bien son autre frere nommé Estienne y estoit desia. Quelque temps apres, Amurat fut aduertý de se donner garde d'eux, pour ce qu'Eleazar leur pere estoit apres à faire quelque menée à l'encontre de luy, où ses enfans luy assistoient secretement, ce qui fut cause qu'il leur fit à tous deux creuer les yeux: & ainsi en peu de iours ayant acquis Spenderouie avec le reste du pays des Triballiens, laissa par tout de bonnes & fortes garnisons, puis sans remettre l'affaire en plus grande longueur, passa outre tout de ce pas contre la ville de Belgrade * en Hongrie. Cette place icy est enuironnée de deux riuieres qui la flanquent, le Danube d'un costé, & celle de Saue de l'autre, qui se va rendre dans le Danube vn peu au dessous: Parquoy Amurat estant arriué là-deuant, espandit ses gens à l'entour, & l'enferma de toutes parts: Puis avec son artillerie ietta vn grand pan de muraille par terre, mais ce ne fut pas sans que ceux de dedans ne leur fissent beaucoup d'ennuis & de dommages cependant, à coups d'harquebuzes, d'arbalestes, & autres tels bastons & machines de guerre dont ils estoient fort bien munis; de sorte qu'ils en tuerent vn grand nombre: & n'y auoit en tout le camp lieu ny endroit, pour se mettre seurement à couuert, que soudain on ne se trouuast accablé d'une nuée de fleches, & de traits, qui y pleuoient incessamment de tous costez. Tant de dangers neanmoins, & d'images de morts ainsi presentez, ne peurent intimider Haly fils de Brenezes, ny le desmouuoir de poursuiure son entreprise encommencée, de tirer vne grande trenchée iusques sur le bord du fossé, où il alla brauement dresser son pavillon, & arborer les enseignes de son regiment tout le long de la douue & contr'escarpe: & apres auoir à coups de fleches deslogé ceux qui du haut du rempart & des plattes-formes luy faisoient le plus d'ennuy, & reconnu luy-mesme la bresche,

bresche, en personne, donna vn assaut si furieux, que de la premiere pointe les Janissaires renuerferent tout ce qui se trouua au deuant. Et estoient desia maistres d'une bonne partie de la ville pensans auoir tout gagné, quand ceux de dedans s'estans ralliez, & avant repris nouuelles forces, & nouveau courage, leur vindrent au deuant comme ils estoient escartez & esendus, & en tuerent plusieurs, rembarans le reste en grande confusion & desordre iusques à la bresche par où ils estoient entrez, là où plusieurs laisserent encore les vies, en la foule de ceux qui se parforçoient, les vns d'entrer, les autres de sortir. Amurat connust bien par l'issuë de cette tentatiue, ce que finalement il deuoit attendre de son entreprise: au moyen dequoy sans s'y opiniastrer dauantage, il fit soudain trousser tentes & pauillons, & s'en retourna à la maison. Mais il laissa de grosses garnisons tant de cheual que de pied sur les frontieres des Scopiens, & des Illyriens, sous la charge d'un de ses principaux Capitaines, lequel auoit espousé sa sœur: afin de courir & endommager touliours les peuples de là autour, & les matter à la longue: mesmement ceux de la Bosnie, pays fort rude & montueux, qui s'estend iusques en l'Esclauonie, le long du goulphe Adriatique. La ville capitale est Iaitza, flanquée de la riuere de Vukrine, qui se va rendre dans celle de Saue, & de là toutes deux de compagnie dans le Danube. Le Seigneur de la contrée la voyant perdre & ruiner deuant ses yeux par Isaac, auoit assemblé quelques gens pour y resister: mais apres auoir à part soy bien examiné quelles estoient les forces des ennemis: & mesuré les siennes à l'encontre: de crainte de hazarder son Estat tout à vn coup contre vne telle puissance, enuoya ses Ambassadeurs pour requerrir la paix, à condition que de là en auant il seroit tributaire du Turc, & luy payeroit vingt-cinq mille ducats chacun an, à quoy il fut receu. A cette region confine, le pays d'Estienne fils de Sandal, qui est aussi vn peuple de l'Illyrie, lequel s'estend iusques à la mer Ionie: toutesfois ils souloient estre anciennement separez des autres Illyriens, encore qu'ils ne soient aucunement differends en mœurs ny façons de faire, sinon qu'ils n'vsent pas de mesmes loix. Cuduerge sont appelez ceux qui habitent ce pays de Sandal; entre lequel & celuy de l'Epire, il y a quelques places des Venitiens, dans le territoire mesme d'Iuain Castriot. Puis suit apres celuy de Comnene; la plus grand' part au long de la marine, sinon que par le dedans il s'allonge, mais c'est par bien petit espace, iusques assez pres de la ville d'Argyropolin; là où le Lieutenant general d'Amurat auoit son armée, faisant de grands maux & dommages par toutes les terres d'Iuain, * & des Comnènes; tant qu'à la fin ce pauvre Seigneur entierement ruiné, & n'en pouuant plus, fut contraint de recourir à sa mercy, & mendier enuers luy quelque chose pour son viure: mais apres sa mort, le fils d'iceluy fut reintegré en l'Estat & Seigneurie de son pere. Arianit tout de mesme, qui auoit pareillement esté despoüillé de la sienne, s'en alla poursuire quelque recompense à la Porte: puis soudain s'estant rauisé, trouua moyen de faire entendre sous main à ceux du pays, dont il auoit esté mis dehors à force d'armes, que bien-tost il les iroit voir avec vn grand secours: A quoy ils firent response, qu'il seroit le tres-bien venu, & qu'en ce faisant ils estoient tous prests de se reuolter contre Amurat, & se deffaire de sa seruitude. S'estant doncques secrettement desrobé, & enfuy deuers eux, il fut fort bien receu de tous les principaux, avec lesquels il tailla en pieces les Turcs qui y estoient en garnison, & de là commença à courir & piller le pays d'alentour, où il fit vn merueilleux rauage. Car estans les lieux & endroits de leur demeure pleins de montagnes, & mal aysez au possible; apres qu'ils auoient fait leur main, ils se retiroient là en seureté, chargez des despoüilles, & butins qu'ils faisoient de iour en iour. Et les choses commençoient desia à leur succeder tres-heureusement, quand Amurat ayant esté aduertty du tout, depescha soudain le Saniaque Haly, avec les gens de guerre qui se iournoient esenuirons de la riuere d'Axie, & la desfusdite ville d'Argyropolin, tant de cheual que de pied, pour aller remedier à ces desordres, & tirer à son obeissance le pays des Albanois, sans en partir qu'il ne luy amenast pieds & poings liez cet Arianit fils de Comnene, & n'eust mis à la chaisne tous ceux qui luy assistoient. Haly ayant pris les forces qui luy auoient esté ordonnées, entra d'une grande furie dans le pays ennemy, nonobstant qu'il y eut vn bon nombre de gens de pied en armes; & le courut & fourragea d'un bout à autre, mettant le feu par tout, sans pardonner à personne, ny à chose quelconque. Mais cependant aussi Arianit eut quelque loisir d'assembler son armée, avec laquelle il s'en alla saisir les coupeaux & destroits des montagnes, par où les Turcs se deuoient retirer chargez de proye, & de butin, d'esclaves, & autres tels empeschemens: de sorte que les premiers qui à leur retour se voulurent essayer de forcer le pas, furent brauement repoussez par les Albanois: dequoy les autres qui auoient

1440.
ou enuiron.

Les Turcs
estans entres
dedans par
assaut, sont
repoussez par
les Chrestiens,

Amurat leue
le siege de de-
uant

Le pays dela
Bosnie voisin
de l'Escla-
uonie fait tri-
but au Turc.

Cuduerge.

* Les autres
disent Iuain
Castriot.

Arianit fils de
Comnene
s'estant ren-
du à Amurat
se rebelle
contre luy.

Haly chef de
l'armée Tur-
que contre
les Esclauons.

Son armée
deffaitte au
retour.

1442.

* Anciennement dite Corcyra. Homere la nomme Pheacia.

Les Albanois a l'exemple d'Arianit se rebellent contre Amurat, & élisent Depas pour leur chef.

Argyropoline assiegée par les Albanois.

Thuracan Sannaque de la Secuire va au secours d'Argyropoline, l'an 1442.

Deffaite des Albanois par Thuracan devant Argyropoline.

IX. Entreprise d'Amurat sur la Transilvanie.

* Autrement Cibinium : on l'appelle maintenant Hermaustas.

esté laissez par Haly à la garde du pays, s'effroyerent & mirent en desordre, taschant chacun en son endroit de se sauuer hastiuement, où ils pensoient plustost euitier le danger qui se presentoit. La pluspart toutesfois furent pris & mis à mort, & le reste qui eschapperent contrains d'aller prendre vn grand destour pour gagner la plaine, d'où finalement ils se sauuerent deuers Corfou,* mais ce fut en fort petit nombre, car presque tous y demeurerent pour les gages. Cette entreprise apporta vne bien grande reputation & faueur aux affaires d'Arianit, & fut fort prisé d'auoir si facilement mis en route l'armée de Haly, lequel s'estoit ietté d'vne telle furie & impetuosité sur la contrée regardant au long de la mer Ionie, comme nous auons desia dit cy-deuant. Car le reste de Albanois qui habitent deuers la ville d'Argos, ayant entendu comme ce ieune Seigneur auoit commencé à remuer mesnage contre Amurat, & si heureusement encore, eurent volonté de faire de mesme, & se rebeller aussi de leur part contre les Turcs. Parquoy ils appellerent Depas, pour estre leur chef & conducteur: ce qu'ils firent d'autant plus volontiers, pource que Bajazet le fils du premier Amurat, auoit chassé le pere de cettuy-cy hors de son pays, aussi bien que Myrxas, & le Prince des Caniniens, avec beaucoup d'autres, & s'en estoit emparé. Ainsi ce Depas, lequel ayant tout perdu s'en alloit rodant de costé & d'autre par l'Italie, & la pluspart du temps se retiroit en l'Isle de Corfou appartenante aux Vénitiens, fut appellé par les Albanois d'autour de la ville d'Argyropoline, laquelle tenoit le party d'Amurat. Ayant doncques assemblé ses forces, ils s'en alla mettre le siege deuant, & l'assaillir viuement avec toutes sortes d'engins & machines de guerre: car il y auoit là dedans vne garnison de Ianissaires, & grand nombre de Turcs naturels qui s'y estoient retirez: tous lesquels se deffendoient d'vn grand courage: Et cependant les autres Albanois, qui tenoient la campagne tout à leur aise, durant que cette place estoit ainsi bridée, & tenue de court par ceux de leur ligue [pource qu'Amurat estoit lors bien empesché en Asie apres la guerre du Caraman Seigneur de la Cilice, & Carie] eurent beau moyen & commodité d'endommager les pays de son obeissance, lesquels ils coururent & pillerent comme bon leur sembla, sans contredit ny resistance aucune; iusques à ce que Thuracan Gouverneur de Seruie & de Thessalie, ayant entendu la reuolte des Albanois, & que desia ils auoient mis le siege deuant vne telle & si importante place, assembla promptement la plus grande armée qu'il pût: & avec les Turcs mesmes qui estoient habitez en Thessalie, fit telle diligence à trauers les glaces & les neiges [car c'estoit en plein cœur d'huyet] que le second iour il arriua à la veuë d'Argyropoline, où il surprit les autres, qui ne se doutoient de rien moins que de sa venue: Tellement que de plaine arriuée il en tailla en pieces plus de mille, & prit le Capitaine Depas prisonnier. Par ce moyen fut secourue & deliurée la ville d'Argyropoline, & les Albanois contrains de nouveau à recevoir le joug de la seruitude accoustumée. Les autres qui estoient à piller à la campagne de costé & d'autre, comme nous auons dit, & mesmes les plus grands de leur armée, quand Thuracan arriua ainsi à l'impourueu, n'eschapperent pas pour cela, car en fuyant ils tomberent es mains des autres Capitaines d'Amurat, qui les firent tous mourir cruellement en diuerses sortes.

L'v puis apres estant de retour de son voyage d'Asie, depescha de sa Porte Mezet, lequel il auoit nagueres fait Beglierbey & Gouverneur general de l'Europe, avec tel nombre de gens de cheval & de pied qu'il voulut prendre, pour aller à la conqueste de la Pannodace ou Transilvanie. Cettuy-cy ayant pris les Azapes de l'Europe, ensemble toute la caualerie qui y estoit, marcha droit au Danube, & l'ayant passé, entra en cet endroit du pays desludist qu'on appelle Ardelion, lequel s'estend depuis le mont de Profobe, iusques aux frontieres de Hongrie, estant de toutes parts enuironné de grandes & profondes forêts; & y a plusieurs villes, la principale desquelles est celle de Tosibinium. Le langage dont vse ce peuple-là, en partie tient du Valaque, & en partie de l'Hongrois, dont ils ensuiuent les mœurs & façons de faire, aussi sont-ils sujets au Roy de Hongrie, qui leur enuoye de sa Cour tel chef & gouverneur que bon luy semble: neantmoins les villes ne laissent pas de jouïr de leurs anciennes libertez & franchises, & vsent chacun en droit loy de leurs loix & coustumes particulieres: mais elles respondent toutes à celles de* Tosibinium, comme à la metropolitaine. Au reste ils sont tenus d'aller à la guerre quand le Roy le commande, & luy payent encore le tribut outre cela, toutes les fois qu'il leur veut imposer. Ce fut sur cette place que Mezet s'en alla descharger tout le faiz de sa guerre, & l'auoit desia fort estroitement enclosé tout à l'entour prest à faire la batterie avec ses machines & engins, quand la fortune voulut, ainsi qu'il alloit reconnoissant l'endroit le plus

plus à propos pour asseoir ses places, qu'il fut atteint d'un coup de mousquet, dont il tomba mort sur la place. Toute l'armée se trouua en fort grand esmay pour la perte d'un tel personnage, car il n'y en auoit plus d'autre pour commander : parquoy ils ne firent pas long sejour là deuant, & se retirerent en diligence vers le Danube. Mais ils ne le purent passer si à temps, que ceux du pays qui s'estoient mis en armes, ne leur eussent coupé chemin, où ils en tuerent un grand nombre; le reste estant mis à vaude-routte, se sauuerent le mieux qu'ils purent. Voila l'issue qu'eust le voyage de Mezet en Transsiluanie, auquel il finit ses iours, & si perdit encore la plus grande partie des forces qu'il y auoit conduite, sans y auoir rien exploitté. Amurat fut déplaisant au possible de cette perte, qu'il reputoit fort grande; mais il remit incontinent sus vne seconde entreprise contre la Transsiluanie, & enuoya de tous costez aduertir ses gens de guerre de se tenir prests à marcher sur le commencement du renouveau, se delibérant d'y aller en personne; toutesfois il changea d'avis, suiuant l'opinion de l'Eunuque Sabatin, homme fort excellent en l'art de la guerre, auquel il remit cette charge, & luy commandant de ne partir de là, qu'il n'eust du tout reduit le pays à son obeissance. Sabatin avec les forces qu'il luy auoit ordonnées, & bien quatre mille Ianissaires de la Porte, qu'il prit de renfort, s'achemina droit au Danube; & l'ayant passé, entra en Transsiluanie quelques iournées auant en pays, là où Iangus Choniates, que ces gens-là appellent Iean Huniade, le plus excellent Capitaine de son temps (aussi pour sa vertu & longue experience, le Conseil du Royaume luy auoit commis entre les mains le gouuernement de cette Prouince) se mit à le costoyer par les montagnes & lieux couuerts, avec les gens de guerre qu'il auoit ramassez, tant du pays mesme, que de celui de Hongrie; & Sabatin estimant que son cas iroit bien, s'il y pouuoit faire quelque degast, auoit sous cette intention enuoyé toute sa caualerie avec la meilleure partie de ses gens de pied çà & là au pillage, comme si par ce moyen il s'eust deu enrichir luy & son armée tout à un coup; tellement qu'il estoit demeuré fort mal accompagné. Ce que Huniade ayant entendu par ses espies, prit en main l'occasion qui se presentoit pour aller donner dessus : & estant inopinément descendu de la montagne avec ses Houssars, s'en alla d'une fort grande impetuosité jeter sur le camp des ennemis, presque tout desnudé de gens de deffense; là où Sabatin qui n'auoit pas lors le moyen de sortir en campagne, se deffendit assez bien pour quelque temps : toutesfois Huniade le pressa si viuement, qu'il fut à la parfin contraint de quitter tout, & prendre la fuite à toute bride vers le Danube. Les Chrestiens ne s'amuserent point à le poursuiure, mais apres auoir sacagé son camp, s'en allerent embuscher en certain endroit, par où ceux qui s'estoient débandez pour aller fourrager le plat pays deuoient faire leur retraite, chargez d'esclaves, & autres despoüilles & butins : Ce qui leur succeda si bien, que les autres sans se douter de rien vindrent en desordre tomber dans les filets, où ils demurerent presque tous : Et n'y en eut pas beaucoup qui allaissent porter les nouuelles de cette seconde deroute, à leurs compagnons qui s'estoient sauuez de la premiere. Ces deux deffaites, autant belles & memorables qu'on eust point encore obtenues en ces marches-là apporterent vne fort grande reputation à Huniade enuers les vns & les autres : Au moyen dequoy il est bien raisonnable de dire quelque chose en passant de ce tant renommé & excellent personnage, qui fit de si belles choses en son temps, & mesme à l'encontre des ennemis du nom Chrestien. Il estoit en premier lieu Transsiluan de nation, de lieu non du tout ignoble & inconnu; & vint du commencement au seruice du Prince des Triballiens, à la suite duquel il demeura bien longuement, & monstra en toutes les occasions où il fut employé, un fort grand deuoir de prouesse & diligence. On dit qu'une fois que son Maistre estoit allé à la chasse, ses chiens leuerent un fort grand loup, lequel il commanda à Huniade de poursuiure à toute bride, quand bien il deuroit gaster son cheual, car il se forlongeoit delia. Il se mit apres, & le pressa de telle sorte, qu'il fut contraint de se jeter dans vne grosse riuere, laquelle il passa à nage, & Huniade pareillement, sans que la roideur & profondeur de l'eau l'en peust destourner, si bien que finalement il rapprocha le loup, & eut moyen de le tuer. Puis le despoüilla luy-mesme sur la place, & repassant la riuere vne autre fois, apporta la peau au Prince, luy disant : J'ay fait (Seigneur) ce qu'il t'a plu me commander, en voila les enseignes. L'autre fut si content d'auoir veu un tel deuoir en ce ieune homme, qu'il dit tout haut, certes il ne se peut faire que cettuy-cy ne soit un iour quelque grand chose : & de là en auant l'honora plus qu'il ne souloit, & luy fit tout plein de biens. Mais apres qu'il eut encore demeuré là quelque espace de temps, il s'en retourna en Hongrie. Il y en a qui veulent dire, qu'il auoit esté auparauant au seruice de Haly fils

1442.
& Iuans.

Le Bassa Mezet tué d'un coup de mousquet en reconnoissant la ville d'Hermentrat, & son armée deffaitte.

Autre entreprise prise d'Amurat sur la Transsiluanie.

Sabatin Eunuque chef de l'armée Turque en Transsiluanie.

Jean Huniade pere du Roy Matthias de Hongrie.

Houssars sinit la caualerie Hongroise.

Le camp des Turcs pris de force par les Chrestiens, & leur caualerie encore depuis deffaitte en vne embusche de Huniade.

La vie de Huniade.

1442.
& suivans.

Est fait Gouverneur de la Transilvanie.

Chef des armées de Hongrie contre les Turcs, les Allemands, & les Bohémes.

Vladislav Roy de Pologne appelé au Royaume de Hongrie.

Les Hongres fort belliqueux, & leurs façons à la guerre.

Incident de la Valachie.

de Brenezes, dont nous auons parlé cy-dessus, & auoit eu la charge de son escurie : toutesfois ie ne voy rien qui me puisse faire croire cela estre veritable, car si ainsi estoit, il eust appris la langue Turquesque. Quoy que ce soit, luy estant arriué en Hongrie avec quelques autres qui le suiuoient, il s'alla droit presenter à la Cour pour estre enrôlé au nombre de ceux qui estoient appointez à la solde du Roy, dont il ne fut pas refusé. Aussi tout incontinent apres, en la guerre qui estoit fort & ferme allumée entre les Hongres, & les Allemands, il fit tout plein de beaux exploits d'armes, se trouuant à toutes les factions qui se presenterent, où il fit merueilles de sa personne. Tellement que beaucoup de bons soldats se venoient iournellement rendre sous sa Cornette : Et commença des lors à se faire fort craindre & renommer de toutes parts; si bien que le gouvernement de Transilvanie luy fut decerné par le Conseil Royal de Hongrie, là où durant qu'il y residoit, il deffit & mit à mort l'Eunuque Sabatin, avec toute son armée, s'acquerant de là vne victoire belle & memorable entre toutes autres, qui remit les affaires de Hongrie en leur premiere splendeur & dignité. Car depuis que les Turcs sous la conduite de Bajazet eurent rompu l'Empereur Sigismond, ils ne cesserent de courir & piller les Prouinces dependantes de cette Couronne, dont ils enleuerent si grand nombre d'esclaves, que presque ils en remplirent & l'Asie & l'Europe. Mais tout aulli-tost que Huniade fut arriué en Transilvanie, il contraignit à vne foye Sabatin, ensemble tous les Turcs qui y auoient desia pris vn bon pied, de retourner arriere à bien grande haste, & abandonner le pays du tout. Depuis les Hongres ayans repris courage, les desfirent en plusieurs grosses rencontres, esquelles par leur prouesse, & les bons sens & conduite de leur Capitaine, ils eurent tousiours du meilleur : car souuentefois ils passerent le Danube à bien petite troupe, & neantmoins ne laisserent de chasser deuant eux grand nombre des Turcs, qui ne pouuoient pas seulement supporter leurs premieres charges, & plus legeres escarmouches. De toutes lesquelles choses Huniade demeurant en telle estime d'excellent Capitaine, & de tres-valeureux soldat, que du commun consentement de tous les Estats de Hongrie, il eut la charge & superintendance de la guerre contre les Turcs, & contre les Allemands; où l'on ne scauroit presque raconter les belles choses qui furent par luy faites. Car les Hongres n'auoient pas à faire à de lasches & foibles ennemis que les peuples de la Germanie, dont les forces sont assez connues & estimées par tous les endroits de l'Europe : Et neantmoins ils firent encore la guerre contre ceux de Boheme, laquelle dura assez longuement, & y receurent les vns & les autres de grandes secousses. Mais à la parfin les Hongres s'estans associez avec les Polaqes, le Roy desquels ils appellerent à leur Couronne, commencerent deslors à auoir quelque aduantage sur leurs ennemis: en sorte qu'ils leur porterent beaucoup de dommage, & pillerent souuent le plat pays, mettans le feu à vn grand nombre de villes & bourgades. Ils combattirent quant & quant en bataille rengeée par plusieurs fois, dont tantost ils auoient du meilleur, tantost du pire : puis prenoient vn peu d'haleine pour remettre sus nouuelles forces, & lors retournoient derechef aux armes plus ardemment qu'auparauant. Car ces gens-là ont accoustumé d'vser en toutes choses de furie & impetuosité, sans se pouoir saouler de guerres ny de combats, esquels ils sont fort criminels & rigoureux; pressans leurs ennemis à coups de lance & d'espée, & d'harquebuses encore quelquefois; & si vsent les gens de cheual mesmes, d'arbalestes d'acier, avec beaucoup d'autres telles sortes d'armes offensiuës fort estranges, dont ils se scauent bien ayder contre ceux qui leur voudroient faire teste. Mais si on leur quitte la place, & qu'on fuye deuant eux, alors ils ne s'opiniastrent pas beaucoup à chasser, ny à resprendre le sang : & donnent finalement fort volontiers la vie si on la leur demande, & qu'on aduoue d'estre vaincu; renuoyans ceux qui se soumettent à leur mercy quittes & exempts de toute rançon, à la charge de là en auant de ne porter plus les armes contre eux. C'est la forme qu'ils ont accoustumé de garder es batailles & rencontres, où peu de leurs ennemis laissent la vie, si ce n'est en l'ardeur du combat, & pendant que la victoire se dispute encore, dont ils sont conuoiteux sur tous autres. Les Hongres puis apres sous la conduite dudit Huniade passerent en Valachie, là où ils mirent vn Seigneur à leur deuotion, appelé Danus ou Daas, & ordonnerent au peuple de luy obeir. Au moyen de quoy ce Daas ayant depossédé Dracules, qui fut contraint de se retirer à la Porte du Turc, s'empara & mit en possession du pays, où il fit cruellement mettre à mort tous les parens & amis de son predecesseur, qui luy purent venir entre les mains. On pense que ces Princes icy qui regnerent en Valachie, estoient bastards de Myrxas, dont les vns, sous l'opinion qu'on auoit qu'ils fussent ses enfans legitimes, furent admis à la Seigneurie par certains

certains Gentils-hommes des plus nobles & plus riches de tout le pays, estimans que ce seroit le bien & le soulagement du peuple, si ceux du sang de Myrxas venoient à commander absolument. Je me suis autrefois enquis de l'un & de l'autre, & ay sceu au vray de quelle race ils estoient, mais ie n'ay pas intention de le publier: Au moyen dequoy pour retourner à Daas, ayant ainsi esté auancé par les Hongres à la principauté de Valaquie, dont il demeura paisible de là en auant, il se monstra tousiours fort fidele & affectionné enuers eux. Et comme il se trouua grandement molesté des Capitaines d'Amurat, qui estoient en garnison le long du Danube, & par interuales se iettoient à l'impourueu dans ses pays, où ils faisoient de grandes ruines & dommages, il enuoya ses Ambassadeurs à la Porte pour demander la paix, qu'il obtint à la parfin, moyennant vn tribut de trois milliers de feschés, & quatre mille pauois, qu'il deuoit fournir par chacun an: Tellement qu'il eut lors tout moyen & commodité d'ordonner & establir ses affaires à son aise. Il enuoya pareillement vn Ambassadeur au Prince de la Noire Pogdanie, avec lequel il fit ligue & en tira depuis vn bien grand secours, en l'affaire qu'il eut contre Dracules. Telle doncques fut la reformation que prirent les affaires de Valaquie, sous ce nouveau Seigneur.

Les Valaques tributaires d'Amurat.

Podolie, des appartenances de Poilogue.

Mais pour retourner à Amurat, il enuoya quelque temps apres son armée de mer en la coste de la Colchide; & de l'Empire de Trebisonde pour y faire vne raze, & rascher de surprendre la ville: car il y auoit bien à gagner, tant en richesses de toutes sortes, qu'en esclaves: ce que toutesfois ne luy reüssit pas; & ne pût estre executé. Parquoy cette flotte passa outre à la volte de Gothie, où elle fit beaucoup de maux, & y chargea vn grand nombre d'ames prisonnières: mais au retour elle fut assaillie d'vne grosse tourmente & orage du vent Aparctias, que vulgairement on appelle la Bize, qui se leua soudain si roide & impetueux, que la plus grande partie des vaisseaux allerent donner à trauers en la coste de l'Asie, pres la ville d'Heraclee sur le Pont-Euxin, où ils se perdirent presque tous. Au demeurant Amurat demeura tousiours en paix & amitié avec les Geneuois, qui estoient lors fort embrouillez de troubles & partialitez, dont peu s'en fallut qu'ils ne se perdissent & eux & leurs affaires, à cause que les seditieux appellerent Philippes Duc de Milan, & luy mirent leur ville entre les mains, obeissans en tout & par tout à ses intentions & commandemens. Ce qui aduint en partie, pour la hayne implacable qu'ils portoient aux Venitiens; par despit desquels ils s'allerent ietter entre les bras de ce Prince, lequel ils scauoient estre le plus mortel ennemy que les autres eussent; & de fait il y auoit desia long-temps qu'ils s'estoient fort & ferme attaquez ensemble. Or pour dire aussi quelque chose de la ville de Gennes, qui est l'vne des plus belles, & des plus fameuses de toute l'Italie, elle est en premier lieu située à l'vn des coings d'icelle, sur le bord de la mer, en tirant vers les Gaules. Du costé d'Orient, elle va atteindre la Toscane; & du Ponant, au sortir de son territoire, celui de la Prouence se rencontre de front, qui est de l'obeissance de France: tellement qu'elle est dite Gennes, *quasi Ianua*, qui vaut autant à dire comme porte, pource que c'est l'vne des clefs & entrées de l'Italie. Au regard de la forme de leur chose publique, elle ne panche pas du tout ny à la Democratie, qui est le gouvernement du peuple, ny à l'Aristocratie, où les plus nobles & apparens Citoyens ont la souveraine autorité & puissance; mais participe de toutes les deux ensemble, en cela mesmement qui concerne l'eslection du Duc. Car il y a deux familles entre les autres, qui de tout temps & ancienneté ont accoustumé de commander, en sorte toutesfois qu'il semble que le peuple leur ait voulu departir aux vns & aux autres ses faueurs & suffrages, comme à la balance: l'vne est celle des Dories, & l'autre des Spinoles. A ces deux maisons-cy sont également affectionnées les volontez de la commune: Aussi aduint-il le plus souuent que l'vne des parts incline aux Dories, & l'autre aux Spinoles. Et encore que par ce moyen ils ayent tout le credit & autorité par deuers eux, si n'oseroient-ils toutesfois entreprendre d'eslire vn Duc de leur sang; car aussi bien le peuple ne le permettroit pas: mais il y a deux autres familles du mesme corps de la ville, dont l'vne s'est tousiours monstrée plus affectionnée enuers la Noblesse, & l'autre enuers le commun peuple, à sçauoir les Adornes, & les Fregoses; desquelles on prend le Duc toutes les fois que le siege vient à vacquer, selon que le party de ceux qui fauorisent aux vns & aux autres vient à se trouuer le plus fort: car les Adornes sont du tout liguez avec les Spinoles, & les Fregoses avec les Dories. Quand doncques le Duc est crée, il luy est loisible d'administrer la chose publique, selon ce qu'il luy semble estre le plus à propos pour le bien & repos d'icelle; appelé toutesfois au Conseil avecques luy certain nombre des plus nobles & appa-

X.

1442.

ou environ

Entreprise d'Amurat sur Trebisonde inutile.

Naufrage de l'armée Turque.

Partialitez des Geneuois, dont ils furent presque ruienez.

Description de la Seigneurie de Gennes.

Les Dories & Spinoles deux anciennes familles de Gennes.

Les Adornes & Fregoses deux autres nobles familles.

Liguez des principales maisons de Gennes.

Cette guerre
commença
vers l'an

1400.

L'autorité
du Duc de
Genes bri-
dée par les
loix du pays
& par le Con-
seil qui luy
assiste.

La Justice de
Genes.

Les Genevois
my-partis ap-
pellent les vns
le Roy de
France, les
autres le Duc
de Milan.

Sentence
des-belle.

Guerres des
Genevois
contre les
Napolitains.

Bataille na-
uale des Ge-
nevois con-
tre Alphonse
Roy de Na-
ples, où il de-
meura pri-
sonnier, 1435.

Victoire des
Genevois co-
tre les Napo-
litains.

rens Citoyens, & sans se departir de la formalité des loix & anciens statuts & ordonnances. Au regard de leur domaine, leurs subsides, gabelles, & autres impositions du public, il en dispose comme bon luy semble : mais de la paix ou de la guerre, le peuple en delibere en pleine assemblée, où l'affaire se determine. Que si la guerre est arrestée contre quelqu'un, ils en laissent puis apres la charge au Duc, qui prend sur luy la conduite des affaires à mesure que les occasions se presentent, & pouruoit que l'Estat ne tombe en quelque desconuenue pernicieuse. Au reste les causes & procez des Citoyens residens en la ville, sont decidez par des Iuges deputez, qu'on a de coustume d'eslire de la famille qui est alors en la plus grande vogue & credit : & neanmoins s'ils iugent contre les Loix, il est loisible à la partie interessée d'en appeller par deuant le peuple. Or comme ces deux maisons des Spinoles & des Dories se fussent animées l'une contre l'autre, & aigries de haynes & rancunes particulieres conceues de longue-main, aussi elles precipiterent leur cité en de tres-griefues calamitez : car elles introduirent des Princes estrangers, & firent assez d'autres mauuais offices. Ceux qui auoient plus de cœur aux Italiens, appellerent le Duc de Milan à leurs secours ; & les autres qui tenoient le party des François, eurent recours à leurs forces : Au moyen dequoy il aduint que ce peuple cheut en de tres-grandes fascherries & miseres, cependant que l'une & l'autre des factions s'estudioient à l'enuy d'admettre dedans leurs murailles & dans leurs propres foyers, les plus mortels ennemis qu'ils eussent, & dont ils se deuoient deffier le plus. L'une des causes principales de leurs malheurs, fut pour auoir abandonné la forme de leur ancien gouuernement : mais ennuyez à la parfin de tant d'afflictions & ruines dont ils se voyoient accablez, ils vindrent finalement à se reconnoistre, & reconcilier ensemble, chassans hors des charges & offices ceux qu'ils connurent les plus suspects & dangereux, ou les moins idoines & capables. D'auantage, comme ils eurent par plusieurs fois appelé le Roy de France, & à iceluy conigné & remis l'entiere domination de leur Estat, ils trouuerent le moyen puis apres de s'en deffaire, ayans tous d'un accord conspiré contre les François, la dure seruitude desquels il ne leur estoit plus possible de supporter. Car le peuple conuoiteux de recouurer son ancienne liberté, aspirait à de nouueaux remuemens, de sorte qu'apres s'estre deffait des Princes estrangers, ils se remirent de nouueau à creer du corps de leur chose publique, des Magistrats pour les gouuerner selon leurs statuts accoustumez. Or estoient-ils de tout temps grands ennemis des Napolitains, & par de fort longues reuolutions d'années auoient continué la guerre contre eux, non seulement en general de peuple à peuple, mais encore les particuliers ne se rencontroient nulle part, qu'ils ne missent la main aux armes les vns contre les autres : tant enracinée fut la hayne de ces deux nations, que iamais ils ne se purent appointer. Ils auoient quant & quant tousiours quelque chose à demesler avec les Venitiens, pour raison des Isles de Scio & de Methelin en la mer Egée, & du Duc de Milan, auquel iceux Genevois s'estoient donnez : Et au milieu mesme de leurs plus grands troubles, comirent le gouuernement de l'Estat à d'autres, pour auoir meilleur loisir de vacquer à la guerre contre les deux peuples dessusdits. Parquoy ils equipperent vne grosse armée de mer, avec laquelle ils allerent courir tout le goulphe Adriatique, faisant de grands maux & dommages aux places des Venitiens, qui sont celle part, & ne s'abstindrent pas encore de celles de l'Archipel. Ce qu'ils ne firent pour autre raison, sinon pour venger les inimitiez & querelles, que le Duc Philippe de Milan auoit contre iceux Venitiens : Car ils mirent le feu aux fauxbourgs de Corfou, qui furent tous reduits en cendre, & se fust bien estendue la flambe plus auant, si ce qu'ils auoient projecté eust succédé. Quelque temps apres ils vindrent à la bataille par mer avec Alphonse Roy de Naples & d'Aragon, tout contre la ville de Gaïette, où il tenoit grand nombre de vaisseaux equippez en guerre. Dequoy les Genevois ayans esté aduertis, ietterent promptement sur de gros nauires de charge, qui estoient en leur port pour enleuer de la marchandise, les meilleurs hommes qu'ils eussent, & firent voile droit à Gaïette, où il y eut vn grand combat tout au dessous des murailles de la ville, si bien que le Roy Alphonse qui estoit cependant aux creneaux, en pouuoit auoir le passé-temps tout à son aise. Mais ne pouuant plus comporter que les siens, qui en nombre d'hommes & de vaisseaux, surpassoient de beaucoup les autres, tardassent tant à les mettre en route, monta luy-mesme sur vne galere pour leur aller donner courage, si bien que la mellée se renouella plus forte qu'elle n'auoit encore esté, iusques à ce que finalement il fut inuesty & pris prisonnier : & dit-on que ce fut le Secrétaire de Dorie, chef pour lors de l'armée des Genevois, qui fit cette prise. Apres doncques qu'ils eurent acheué d'escarter & mettre à fonds le reste des vaisseaux qui tenoient

encore

encore bon; ils reprirent la route de leur pays, emmenans le Roy quant & eux, tous braves & enorgueillis d'un si beau & excellent fait d'armes. Mais auant que d'entrer dans le port, Dorie descendit en terre, pour en porter les premieres nouuelles au Duc de Milan, & luy presenter le Roy, esperant d'en tirer vne bonne recompense. Il le receut avec le plaisir & contentement d'esprit qu'on peut iuger, neantmoins ce fut fort honorablement; & ne le garda gueres qu'il ne le renuoyast sain & sauue: De quoy les Geneuois furent si indignez qu'ils le mirent hors de leur ville, & de là s'en allerent assieger la forteresse, qui leur fut rendue par composition; tellement qu'ils remirent sus le gouvernement ancien, comme nous auons dit, & promeurent à la dignité de Duc & Prince souverain episcelle, l'un de leurs Citoyens, suiuant leur forme accoustumée. Alphonse ayant esté ainsi remis en liberté, & renuoyé quitte en son Royaume, par le Duc de Milan, se monstra depuis toujours fort fidele & affectionné enuers luy; sans iamais le refuser de chose dont il le requist, tant qu'il vescu.

Ce Prince icy estant Roy d'Arragon, de Valence & de Barcelonne, tres-belle & riche ville en la coste de Catalogne, ensemble des Isles de Sardaigne, & de Corse, aborda premierement en Sicile, & de là en Italie, & à Naples, dont il occupa finalement le Royaume, lequel de tout temps & ancienneté auoit esté compris entre les nations d'Italie; mais par trait de temps il vint sous l'obeissance des Roys de France, qui le mettoient és mains de tel Prince de leur sang que bon leur sembloit. Le pays commence au Cap d'Otrante, és extremités de la Pouille, anciennement dite la Mesapie, de l'un de ses premiers Roys Melapius, & de ce costé-là s'estend le long de la mer Adriatique, coistoyant à main droite le Duché de Berry, * qui est vne contrée du tout Royale, & bien digne de ce nom là. Au delà de Gepanum où sont les Brutiens, autrement la terre de Labour, il arriue iusques à la ville de Gaette, & à la sainte Cité de Rome, qui confine à ce Royaume deuers Soleil couchant: mais au leuant il va atteindre Rhege, front à front de la Sicile, là où se rencontre la Calabre, qu'on souloit appeller la grande Grece. Ce sont les bornes, & limites du Royaume de Naples, où parmy la domination des François, il y eut vn Ladislaus qui y regna quelque temps: tres-riche & puissant Prince, lequel s'arma contre le reste de l'Italie, & nommement les Florentins, qu'il alla assieger en leur cité, & la pressa de si près, que le peuple se voyant reduit à l'extremité par la longueur & sujection du siege, fut contraint de parlementer, & venir à composition de satisfaire & obeir à tout ce qu'il voudroit, pour auoir paix. Ce ieune Prince addoucy de leurs prieres & humble langage, ne demanda autre chose sinon la fille d'un Bourgeois qui estoit estimée la plus belle creature de la ville, & de toute l'Italie encore, car Florence a d'ordinaire les plus belles & gracieuses Dames qui se trouuent point autre part: ce qui venoit bien à propos pour vn Roy de complexion amoureuse, & tant débordé apres cette sorte de contentement, que plus luy estoit la jouissance de quelque desirée beauté, que la conquête de tous les Empires de la terre, combien qu'il ne laissast pas pour cela d'estre vaillant de sa personne, & fort addonné aux armes. Au moyen de quoy les Florentins voyans l'humeur de l'homme, qui leur faisoit si bon marché du danger où il les auoit reduits, ordonnerent incontinent au pere d'amener sa fille, la plus proprement attiffée qu'il fut possible. Ce pere icy estoit vn Medecin (à ce que l'on dit) le plus excellent & fameux de son temps, lequel eut à tel regret & contre-cœur qu'on peut estimer, de se voir vn tel blasme & des-honneur à toute sa maison, si bien qu'apres auoir tenté tous les moyens de s'en exempter, & voyant à la fin que c'estoit vn fait le fait, il se resolut à vne chose bien estrange, & qui ne parloit pas d'un bas & petit courage. Car avec du jus de ciguë, & autres mortelles drogues, il empesa vn couure-chef richement ouuré de fil d'or & de soye cramoisie, lequel il donna à sa fille, pour s'en accommoder quand le Roy seroit avec elle, ce qu'elle fit: Car il n'eust pas plustost destourné sa veüe sur cette beauté, que la renommée (disoit-il) auoit esté par trop chiche de luy louer, que tout bouillant & enflammé d'amour sans remettre la chose à de plus amples ceremonies, il voulut venir aux prises. Mais il n'eust pas esté plustost touché du couure-chef, ainsi eschauffé qu'il estoit encore, que tout soudain le poison luy monta au cœur, d'une si grande promptitude & action, qu'apres auoir ietté quelques petites gouttes d'une sueur froide, comme pour vn dernier effort de nature, il rendit l'ame entre les bras mesme de la Damoiselle, laquelle aussi expira bien-tost apres. Cét accident adueni si inopinément, son armée se trouua en grand trouble & confusion, & se retira à la haste: Ainsi fut la cité de Florence deliurée. Il y a toutesfois des Italiens qui ont escrit, que ce ne fut pas le pere qui brassa ce broüet, mais le Conseil propre de la ville, apres auoir

14151

Dorie presente le Roy de Naples au Duc de Milan.
Humanité de Prince à Prince.
Les Geneuois chassent le Duc de Milan.

XI.

Incident d'Alphonse Roy d'Arragon, qui occupa Naples & Sicile.

Description du Royaume de Naples.

* Le ne sçay es qu'il veut entendre par là, si ce n'est qu'il face allusion à ce mot Hebreu, qui signifie quelquefois autorité gracieuse.

Action meschante & vindicative d'un Italien, 1414.

Il prend cy-gue pour herbes mortelles.

fort mignardement fait accoustrer cette fille, afin qu'elle parust encore plus belle à l'ennemy, & que par ce moyen ce qu'ils auoient projecté & basti sur la concupiscence d'iceluy fust executé plus promptement. Quoy que ce soit, la chose aduint en la sorte & maniere que nous auons dit. Mais atant est-ce assez parlé d'une chose, qui autrement n'est gueres de soy belle ny bonne.

Tout ceuy
q^d depuis
1414.
Es / mai.

XII.

Les troubles
aduenus au
Royaume de
Naples apres
le deceds du
Roy Vladis-
laus.

La prise de
Naples par le
Roy Alphon-
se d'Arragon.

Naples re-
couuree par
Sforce.

Reprise par
le Roy Al-
phonse.

Le frere d'Al-
phonse ap-
pellé au Roy-
aume de Na-
uarre, par le
moyen du
mariage de
l'heritiere.
Le Prince de
Navarre en
l'age de 12.
ans a l'admi-
nistration de
son Royau-
me: & le pere
pour estre
estranger est
licencié.

APRES le deceds de Vladislatis, la femme fut fort molestée des Italiens pour raison du Royaume; & les Seigneurs du pays luy firent quant & quant beaucoup d'algarades: Au moyen dequoy elle se remaria à René Comte de Prouence, cousin germain du Roy des François, & luy mist la Couronne entre les mains. Cette Princesse estoit fille du Duc d'Otrante, & de la Poulhe, de la maison des Vrsins, riche & puissant Seigneur en ces marches-là: en la compagnie de laquelle René gouverna le Royaume par l'espace de douze ans: & cependant Alphonse venu du sang des Ducs de Medine qui estoit Roy d'Arragon, de Sardaigne, & de Valence, arma grand nombre de vaisseaux, qu'il emplit de matelots Siciliens, & avec cet equipage vogua droit en Sicile, qu'il conquist & rangea sous son obeissance. Puis s'estant acheminé à Naples, assiegea fort estroittement la ville de toutes parts, faisant approcher grand nombre de pieces, tant pour battre la muraille, que pour rompre les defences, là où vn sien frere fut tué d'un coup de canon. Mais incontinent apres la place luy fut rendue: & si prit encore le fort de terre ferme par famine, & celui de la mer par composition, pource que les soldats qui estoient dedans n'eurent pas le cœur de se defendre, ains se rendirent assez laschement. Il y mit vne bonne garnison, tellement qu'il ne restoit plus que le chasteau assis à l'emboucheure du port, & en l'un des coins de la muraille, qui se va estendre en forme d'aisle iusques sur le bord de la mer. La Reyne s'estoit retirée à sauueté là dedans, attendant le secours que son mary estoit allé querir en Prouence, comme il disoit; car auant que les ennemis arriuaissent, il estoit monté secretement sur vne galiotte; mais elle se trouuant pressée, & presque reduite à l'extremité, enuoya appeller Sforce Prince de la Marche, l'un des plus excellens Capitaines de son temps, lequel contraignit Alphonse de se retirer, & recouura la ville. Le siege fut mis depuis deuant le chasteau, qui est assis au haut de la montagne, & ne pouuant estre pris de force, fut finalement rendu par famine. Quelque temps apres comme iceluy Sforce se trouua bien en besongné en ses guerres & affaires propres, Alphonse se ietta sur la Calabre, laquelle il conquist tout entierement. Cela fait, & ayant mis sus vne grosse armée, s'en alla derechef deuant Naples, & la prit encore: tellement que la Reyne fut contrainte d'abandonner le chasteau, & s'enfuyr à garent deuers son fils, le Prince d'Otrante & de la Poulhe: Car apres la mort de Vladislais, elle s'estoit remariée au Seigneur de cette contrée-là, dont elle auoit eu vn enfant. Alphonse apres s'estre emparé de Naples, & des environs, s'en alla faire la guerre au Prince dessusdit, fils de cette Reyne Marie: Et auoit desia pris quelques places sur luy, quand par le moyen des Ambassadeurs qui alloient & venoient d'une part & d'autre, la paix fut arrestée entr'eux, & par mesme moyen le mariage de Ferdinand fils naturel d'Alphonse, avec la cousine germaine du Duc de la Poulhe, fille du Marquis de Venouse; sous des promesses solennelles de demeurer bons amis, allies, & confederes à l'aduenir. Puis s'en allerent tous de compagnie à Naples; là où le Duc prit opinion qu'on luy vouloit faire quelque mauuais tour, & en entra en vne frenesie, & desuoyement d'esprit: Au moyen dequoy les Royaumes de Sicile & de Naples, demurerent lors paisibles à Alphonse. Il eut puis apres de fort grandes & longues guerres, tantost contre les Venitiens, tantost contre les Florentins, puis fit la paix finalement avec eux. Le Roy René qui estoit allé querir du secours, ainsi que nous auons dit cy-dessus, arriua deuant Naples avec vn grand nombre de vaisseaux Geneuois; neantmoins il ne gagna rien pour cela, & fut contraint de retourner arriere; voyant que son entreprise s'en alloit en fumée. Or Alphonse auoit quand il partit d'Arragon, laissé le gouvernement du Royaume à son frere, auquel les Nauarrois s'estoient donnez apres le deceds de leur Roy, dont il auoit espousé la fille: car la plus grande partie des peuples du Ponant, encore qu'ils payent de gros deuoirs & subsides, si est-ce qu'ils n'endureroient pas qu'on leur donnast des Gouverneurs outre leur gré, ny aussi peu de gens de guerre pour les tenir en bride & sujection: ains créent eux-mesmes leurs Magistrats, & se gardent de leurs propres forces, sans y appeller des estrangers: Et si ne seroit pas loisible à leurs Roys, de les contraindre d'administrer leurs choses publiques, contre les anciens statuts & ordonnances. Ainsi les Nauarrois ayans appelé l'Infant d'Arragon au mariage de leur Reyne, & administration du Royaume, il ne tarda gueres à en auoir vn fils; lequel neut pas plustost atteint

atteint l'aage de douze ans, qu'ils le prirent pour leur Roy, & donnerent congé à l'autre; luy disant que depuis qu'il auoit vn fils delia grandeler, il falloit qu'il se demist du manement du Royaume en ses mains, & qu'il n'y auoit plus que voir: cela toutesfois aduint quelque temps apres.

O R pour retourner à Alphonse, quand il fut arriué en Italie, il laissa tous ses pays patrimoniaux à son frere, lesquels prennent leur commencement au territoire de Valence, riche & opulente cité, & siege capital de ce Royaume-là. Elle est située à l'opposite de Sardaigne, s'esloignant du destroit de Gilbatar quelques sept cens stades. Arragon vient apres qui s'estend iusques à Barcelonne, & Catalogne, laquelle va atteindre le pays de Languedoc & de Prouence, qui sont des appartenances des François. Mais pour parler plus particulièrement de ces confins & limites; le Royaume d'Arragon a du costé d'Orient la Prouence: Deuers Soleil couchant les Espagnes: au Septentrion Nauarre: au Midy la mer Mediterranée, front à front de la Barbarie. La ville de Barcelonne au reste, sous la permission & consentement du Roy, est gouuernée par les principaux & plus apparens Citoyens, presque en forme d'une Aristocratie, & est à l'opposite de l'Isle de Corse, anciennement appelée Cyrnus, qui contient de circuit deux mille stades. * Maiorque, & Minorque, ne sont pas gueres loin de là, sous l'obeissance du mesme Prince, & recoiuent vn Viceroy de sa main: comme aussi fait Sardaigne, Isle fort grande, & qui enuironne bien cinq mille stades de fort beau & riche pays: où il y a deux villes principales, Orestilie, & Sagere: l'une située à l'Orient, & l'autre au Midy: & vne pescherie tres-abondante tout le long de la coste, dont les habitans tirent vn merueilleux profit: De là on nauige au nouveau Monde. * L'Iberie ou Espagne du costé de la Gaule, où elle prend son commencement, confine aux Celtiberiens Arragonnois, ioignant lesquels est le pays de Gascongne, de l'obeissance des François: puis se trouue la Biscaye. L'Espagne doncques, qui est la plus grande Prouince de toutes celles de l'Occident apres la Gaule, s'estend deuers Soleil couchant iusques à la mer Oceane: au Leuant elle a le Royaume de Nauarre, & la Gaule: & au Midy elle atteint la mer Mediterranée, vis à vis de la Barbarie. Le long de la coste est le Royaume de Grenade, qui arriue iusques à l'Ocean, puis suit celuy de Portugal, & le pays de Galice, auquel est le sepulchre de l'Apostre saint Iacques, où l'on va de plusieurs endroits de la terre en fort grande deuotion. Mais pour retourner au Roy Alphonse, auant que de passer en Italie, il eut quelques guerres, & differends avec celuy d'Espagne, & fut finalement pris en vn gros conflict par l'un des Capitaines d'iceluy nommé Aluarez, avec son frere le Roy de Nauarre, dont nous auons parlé cy-dessus. Cet Aluarez icy estoit naturel du Royaume d'Arragon, venu de fort bas lieu; & neantmoins par sa vertu il paruint à estre l'un des premiers hommes de toute l'Espagne: tellement que le Roy l'auoit fait son Lieutenant general, outre plusieurs autres grands honneurs & auancements; car il ne se trouuoit en affaire si dangereux qu'il n'en fortist à son honneur. Dequoy les Seigneurs du Royaume ayans conceu vne hayne & enuie mortelle à l'encontre de luy, pource qu'ils ne pouuoient plus comporter de voir vn estranger ainsi auancé par dessus eux, susciterent sous main le Roy Alphonse de venir faire la guerre en Espagne; où il entra, ayant son frere quand & luy, avec vne grosse & puissante armée. Mais Aluarez se presenta tout incontinent au deuant, luy enuoyant dire par vn Heraut qu'il eust à laisser en paix le pays où il n'auoit que voir. Alphonse respondit qu'il n'estoit pas venu là pour obeir à son commandement, ny aussi peu pour mener paistre les asnes de son pere: mais pour luy passer sur le ventre, s'il estoit si outrecuidé de l'oser attendre. Toutesfois la meslée s'en estant ensuiue forte & roide de tous les deux costez, Aluarez en obtint finalement la victoire, & mit les Arragonnois en fuite, où il y en eut vn grand nombre de tuez: & si prit encore les deux freres prisonniers, lesquels il presenta au Roy son Maistre. Il ne leur fist autre mal ne desplaisir, seulement les fit promettre & jurer de iamais ne prendre les armes contre luy; & par ce moyen furent deliurez. Mais il fut encore pris vne autre fois, depuis qu'il fust passé en Italie, en la rencontre qu'il eut par mer avec les Geneuois (comme nous auons delia dit) & mené au Duc de Milan, qui pareillement le laissa aller. Quelque temps apres il repassa en Arragon, pour voir sa femme qu'il y auoit laissée lors qu'il en partit pour aller en Italie, car il y auoit fait vn fort long seiour, partie apres les guerres & affaires où il auoit esté occupé, partie apres l'amour, & autres plaisirs auxquels il estoit addonné & enclin. De quelle sorte les choses luy succederent finalement, nous le dirons cy-apres. Cependant le Roy de Castille s'en alla faire la guerre à celuy de Grenade, qui estoit Africain & Mahometan. Car les peuples de l'Arabic habitez en Afrique, ayans long-temps

Depuis
1414.
& suivants.

XIII.

Description
du Royaume
d'Arragon.
Valence.

Les limites
d'Arragon.

Barcelonne.

* Plin mer
32000. par.
qui font 576.
stades, & à
Sardaigne
4576. stades
Orestangy,
& Calloris.

* Il dit cery
pour les Isles
Canariennes,
car les Indes
n'estoient pas
encore d'isou-
ueretes du rèpi
de cet Au-
teur, qui estoit
enuirom l'an
1460.

Les limites &
confins d'Es-
pagne.

Le texte est en
certaines rous
brouillé &
faux pour le
pluspart.

Parquoy il y a
este besoin de le
reformer ainsi,
qui sont les
vrais confins.

La maison
d'Aluarez ven-
ant de petit
lieu en Arra-
gon.

Route du
Roy d'Arra-
gon, pris par
Aluarez Lieu-
tenant du
Roy de Ca-
stille.

Le Roy Al-
phonse pris
par deux fois.

Vers 1420.

Les peuples
de Luntune
et de Zeneze,
voyez l'A-
friqué de
Jean Leon,
cela fut l'an
711.


Plaisante
ruse.

Similitude
fort bien ap-
propriée.

* De Lu-
xembourg.

Le Royaume
de Navarre
appartient de
droit aux
Rois de Fran-
ce.

auparavant passé le destroit de Marroc, en cet endroit, où la mer qui separe la terre ferme de l'Europe d'auec celle de la Libie, n'a de largeur que deux cens cinquante stades tant seulement, s'emparerent d'une grande partie des Espagnes, & apres auoir estendu leurs conquestes & limites de costé & d'autre, voire couru & pillé le Royaume de Valence, eurent bien finalement la hardiesse d'entrer és Gaules; Mais les François s'estans joints avec les Roys d'Espagne leur allerent au deuant, & les contraignirent de se retirer dans vne place forte au possible, laquelle neantmoins ils prirent depuis, & les rembarrerent bien loin de là. Pour le iourd'huy encore ils vont faire souuent des courses iusques aupres des murailles, & y menent quelquesfois leur armée. Ainsi le Roy d'Espagne Dom Jean, celuy-là mesme duquel nous parlions n'agueres, assembla ses forces à l'instance & persuation du dessusdit Alvarez, qui l'animoit de plus en plus à entreprendre cette guerre, & l'enuoya deuant pour enuolopper la ville de Grenade, où il tint par plusieurs iours les Mores assiegez si à destroit, des victuailles & toutes autres commoditez, qui estoient desia presque reduits à l'extremité sans scauoir plus quel party prendre, quand ils s'aduiferent d'une telle inuention. Ils chargerent douze mulets de fort belles figues, en l'une desquelles (les ayans couppees par le milieu, & puis reiointes) ils cacherent vne piece d'or, & les enuoyerent au pauillon d'Alvarez. Il en ouurit quelques-vnes, & fut bien esbahy quand il vid ce qui estoit enclos: Parquoy il s'enquit de ceux qui conduisoient le present, que cela vouloit dire. Ils firent responce, que leur Roy auoit assemblé tout l'or qui estoit dans la ville: & qu'on se pouuoit bien asseurer, fust qu'on la prist, ou qu'on ne la prist pas, qu'il n'y en trouueroit vn seul grain d'auantage: Au moyen dequoy s'il venoit à la saccager, il perdrait beaucoup d'autre or, que de iour en iour on y apporteroit de l'Afrique, tant pour luy que pour eux: mais s'il la laissoit en son entier, il pourroit à l'aduenir encore faire souuent de telles recoltes. Alvarez ayant ouy ce langage, porta le present à son Roy, & apres luy auoir ouuert de ces figues ainsi farcies de double ducats, luy dit; A la verité, Sire, tout bien considéré, ie ne pense pas qu'on doie couper l'arbre qui porte de si beaux fructs, car cy-apres parauenture ne s'en pourroit pas recouurer vn tel. Et encore que pour ce coup nous soyons pleins & assouuis, nous serions neantmoins à l'aduenir priuez d'une telle felicité. Ne void-on pas les vigneronns qui taillent les vignes, & les jardiniers qui escourtent les arbres, retrancher seulement ce qui est d'inutile & de superflu, afin que le bois qui fait besoin, & le fruct, en soient tant mieux nourris? Que si d'auenture on les desracine, il n'en faut plus rien esperer. Le Roy ces choses ouyes, qui luy semblerent estre accompagnées d'une grande raison, commanda à Alvarez de retirer son armée, & laisser en paix ceux de Grenade. Ce Roy icy dont est question, prit à femme l'Infante de Portugal, dont il eut vn fils nommé Henry fort vertueux Prince & tres-excellent au fait de la guerre; lequel espousa en premieres nopces la fille du Roy de Navarre; mais pource qu'elle estoit inhabile à porter enfans, il la repudia, & se remaria à la cousine germaine du Roy de Portugal, la plus belle Dame qui fut pour lors en toutes ces marches-là. Ce qu'il fit pour contenter les Princes & Seigneurs de son Royaume, qui l'en pressoient, afin qu'il leur pût laisser quelque hoir de son corps: & l'autre fut renduë en vne Religion, avec telle prouision que requeroit l'entretienement de son Estat. On dit que son pere estoit issu de la Maison * de France, ce qui pourroit bien estre: & croy quant à moy que ce fut lors que les François vindrent au secours des Espagnols, contre les Mores & Sarrazins, qui dominoient vne bonne partie du pays, & retirerent des mains de ces mescreans le Royaume de Navarre, dont ils jouyrent fort longuement depuis. Pourtant on estime que cette Couronne leur appartient, & qu'il n'y a autre que ceux de ce sang tres-Chrestien, qui s'y doiuent immiscer. Car l'Empereur Charlemagne, & autres Roys de France le conquerent à la pointe de l'espée sur les Sarrazins, & pourtant en ont laissé le droit à leurs successeurs: tellement que le frere d'Alphonse n'y fut pas admis, sinon sous cette condition, que tout aussi-tost qu'il auroit eu vn fils de la Princesse sa femme du parenté des Roys de France, il remettroit le Royaume entre les mains d'iceluy, & s'en départiroit totalement. Dauantage, que là où il aduiendroit qu'elle mourroit sans enfans, l'Estat retourneroit aux Roys Tres-Chrestiens. Voila pourquoy les Nauarrois (comme nous auons dit cy-dessus) planterent là l'Infant d'Arragon, pour se renger sous l'obeissance de son fils, qui du costé maternel estoit descendu d'iceux Roys de France. Toutes lesquelles choses i'ay bien voulu toucher icy en passant, car elles faciliteront grandement l'intelligence de l'Histoire qui suiura cy-apres: Au moyen dequoy ie reuiens au propos que i'auois delaisé.



L E
SIXIESME LIVRE
 DE L'HISTOIRE DES TVRCS,
 DE LAONIC CHALCONDYLE
 A T H E N I E N.

SOMMAIRE, ET CHEFS PRINCIPAUX
du contenu en ce present Liure.

- I. Autre voyage d'Amurat contre le Caraman : Course des Turcs dans le Peloponese : ligue du Despote de Seruie avec Iean Huniade contre Amurat : & la guerre des Geneuois contre l'Empereur de Constantinople, & les Tatars du destroit de Precop, qui les deffirent.
- II. L'Empereur Iean Paleologue s'achemine en Italia deuers le Pape Eugene IV. pour accorder l'Eglise Grecque avec la Latine : la description de Ferrare ; avec une tres-pitense & tragique histoire de la Duchesse, & du bastard du Duc.
- III. Entree & abouchement de l'Empereur avec le Pape : Description du pays de Toscane, & de la Republique des Florentins : Conference & accord des deux Religions : & de l'ordre des Cardinaux ; au rang desquels Bessarion de Trebisonde, & Isidore Euesque de Russie furent receus.
- IV. Retour de l'Empereur Iean à Constantinople, là où s'assemble un Colloque des Grecs sur le fait de la Religion, lequel se depart sans rien faire : Guerres des Venitiens contre le Duc de Milan : Partialitez des Guelphes, & des Gibellins : Conspiration de quelques citoyens de Padoüe, pour rendre la ville aux Venitiens : & la mors de Carminiola leur Capitaine, soupçonné de trahison.
- V. Autres guerres du Duc de Milan Francisque Sforce, avec les Venitiens ; du Pape Eugene contre les Florentins, & quelques autres Potentats d'Italie ; & de la maniere qu'on tient à la creation du Pape.
- VI. L'histoire de l'Abbé Ioachim Calabrois : troubles & diuisions des Princes Paleologues : Ligue de l'Empereur de Constantinople avec le Pape Eugene, & le Roy Vladislais de Hongrie, pour faire la guerre à Amurat.
- VII. Consultations d'Amurat avec ses principaux Capitaines, touchant le fait de cette guerre ; ensemble quelques harangues sur ce propos, excellemment belles, & bien remarquables.
- VIII. Les Chrestiens n'ayans pu forcer le destroit des montagnes occupé par les Turcs, sont contraincts de s'en retourner arriere : les Turcs les cuidans poursuivre tombent es embusches de Iean Huniade, & sont deffaits ; Au moyen dequoy les Chrestiens achuent seurement leur retraite.
- IX. George Despote de Seruie fait son appointment avec Amurat, & si negocie encore la paix entre iceluy Amurat, & les Hongres : Quelques troubles & reuueuens aduenus au Peloponese sur ces entrefaites.
- X. L'histoire de Nerio Accioly Florentin, & les moyens par lesquels ils parvindrent à la Seigneurie d'Athènes, luy & son frere : Menées de l'Empereur de Constantinople, avec le Pape, & les Princes Chrestiens, pour courre sus à Amurat : & la frayeur que les Turcs eurent de cette entreprise.
- XI. Le Cardinal Iulian Cesarin Legat du Pape, fait tant enuers le Roy Vladislais, qu'il rompt la paix n'agueres traitée avec Amurat ; lequel retourna tous cours de l'Asie, & repassa en Europe, nonobstant l'armée de mer des Chrestiens.

I.

Le Caraman
ennemy per-
petuel des
Othomans.



Amurat luy fit
guerre par luy
ou ses Lieute-
nans à divers
ses fois, depuis
1436.

Voyage d'A-
murat con-
tre luy.

Courfes des
Turcs dans le
Peloponefe.

Ligue des
Bulgares
avec les Hon-
gres contre
les Turcs.

Guerre des
Geneuois con-
tre l'Empe-
reur de Con-
stantinople.

Capha anci-
nement dite
Theodofie,
Colonie des
Geneuois,
pillée par les
Tartares, l'an
1434.

Desordre des
Geneuois
caufé de leur
deffiance.

Ous auez oüy cy-deffus l'occasion qui meut Amurat d'aller contre le Caraman, lequel il pensoit bien auoir mené à la raison, & qu'il n'auroit plus rien à faire de ce costé-là; Parquoy il se hastia de regagner l'Europe, pour le desir qu'il auoit d'aller faire la guerre aux Valaques, afin de remettre le fils de Dracula en son Estat. Mais il n'eut pas plustost passé la mer, que l'autre ne pouuant demeurer en repos, comme celuy qui ne cherchoit que nouueaux troubles & changemens, se mit à remuer mefnage de tous costez; ayans attiré à son party le Seigneur de Candelore, & quelques autres Princes de l'Asie, sous les esperances qu'il leur proposoit: mefmement que les Hongres ne faudroient de les secourir d'une grosse troupe de gens; & sollicitoit encore le reste de se souleuer. Amurat ayant esté aduertey de ce qui se brasloit contre luy, fut contraint de changer d'aduis, & se retirer de son entreprise ja acheminée, pour aller faire la guerre au Caraman: mais il depescha premierement Thuracan gouuerneur de la Thessalie, avec les forces de son regiment, pour se saisir du destroit de l'Istme, qui est à l'entrée du Peloponefe, & de là courir & gaster le dedans du pays, estant encore en l'obeissance des Grecs: cela fait, il s'en retourna à son logis. Thuracan prenant avecques luy les gens de guerre de la Thessalie, & de la Perebie qui est prochaine du marez, s'achemina droit à cette emboucheure de terre qu'il gagna de pleine venue, pource que les ennemis l'auoient desia quittée: Et de là s'espandant tout à son aise dans le large du pays, fit par tout vn merueilleux degast & ruine; car il courut iusques aux portes de Sparthe, & pillla la contrée de Laconie. Toutes lesquelles choses par luy executées suuant le commandement qu'il en auoit, il s'en retourna arriere. Amurat cependant estant passé en Asie, entra dans le pays du Caraman, saccageant tout où il passoit, & le subiugua vne autre fois. En ce meisme tēps George Prince des Triballiens alla trouuer le Vaiuode Iean Huniade, & le Roy de Hongrie: & sceut si bien prescher les Princes & Barons du Royaume, qu'il leur mit en teste de prendre les armes avec luy contre les Turcs: car il leur proposoit de belles choses, & faisoit de grandes offres, mefmement d'une grosse somme de deniers qu'il deuoit fournir pour la subvention de cette guerre, dont il leur fit sur le champ deliurer vne grand' partie, comme pour arres & seureté de ses promesses: interposant à tout l'ayde, moyen, & faueur du Vaiuode, qui se monstroit fort affectionné enuers les Grecs. Or estoit pour lors Iean l'Empereur de Constantinople en pique & mauuais mefnage avec les Geneuois, pour raison de ie ne sçay quelles denrées d'un marchand de France; tellement que les Geneuois faisoient diligence d'equipper leur armée de mer, chargeans sur de gros nauires de guerre qu'ils auoient, & sur treize galeres, le nombre de huict mille soldats bien armez & esleus; avec lesquels ils cinglerent droit à Constantinople, esperans que de pleine arriuée ils la prendroient. Ils auoient lors aussi ie ne sçay quoy à demesler contre les Tartares, qui font leurs demeurances es enuiron du destroit de mer appellé le Bosphore Cimmerien, lesquels estans en pique & querelle avec les habitans de Capha, saccagerent leur ville, & enleuerent tout ce qui y estoit de bon & de beau. Ceux de Capha en enuoyerent faire leurs doléances à Atcigerey chef & Empereur des Tartares, pour auoir raison du tort que ses gens leur faisoient, & estre reintegrez en leurs biens & possessions: mais voyans qu'il ne se faisoit que mocquer d'eux, & tirer l'affaire en longueur sans leur en donner autre resolution; ils eurent recours aux Geneuois, qui prirent la matiere fort à cœur, de voir leurs sujets ainsi mal-menez: Dont ils se trouuerent auoir affaire tout à coup en deux endroits, & pourtant se preparoient pour auoir la raison des vns & des autres. Estans dōcques venus mouiller l'ancre deuant Constantinople, ils firent de plaine abordée acte d'hostilité, & denoncerent la guerre: Puis tirans outre par le Pont-Euxin, s'en allerent finalement prendre terre en Capha, où sans faire autre seiour ils descendirent en terre dans cette demie Isle qu'on appelle le Chersonese Taurique; & tout d'un train tirerent outre pour aller combattre les Tartares. Ceux-cy en ayans eue les nouuelles, & qu'on les venoit ainsi trouuer à la chaude, avec vne audace pleine de mépris & de contemnement, coururent soudain aux armes, & se hasterent d'aller au deuant là où ils auoient entendu que les Geneuois le iour precedent s'estoient campez, le long d'une riuere à l'escart les vns des autres, & en desordre, sans poser aucunes gardes ny sentinelles, mefmement en pays ennemy & suspect: car ils estoient si outreuidez, qu'ils ne pensoient pas que les ennemis eussent iamais eue le cœur de les attendre ny venir de pied ferme au combat avec eux; mais au rebours les coureurs qu'ils auoient enuoyez deuant pour recōnoistre ce qui estoit en ce pays,

les

les ayans de loing apperceus, s'en retournerent fuyans à toute bride, & se ietterent à travers le bataillon que leurs gens de pied commençoient de dresser, fort laschement toutesfois, & en files minces & trop deliées pour faire plus grande monstre: si bien que les Tartares qui les chassoient à poincte d'esperons, y estans presque aussi-tost arriuez qu'eux, les enfoncerent fort aysément, & mirent le tout en desordre & en fuite: presque sans coup frapper. Ceux qui estoient demeurez vn peu plus en çà, comme par forme d'arriere-garde & de secours, ne s'amuserent pas à faire teste, mais gagnerent au pied de bonne heure; neantmoins il ne se sauua sinon ceux qui se peurent ietter dans la ville. Ainsi se deliurerent les Geneuois en peu de temps, de la guerre par eux entreprise contre les Tartares, mais non pas beaucoup à leur aduantage & honneur: Parquoy ils fierent arriere vers Constantinople, & s'en vindrent surgir à Pera, qui est vne ville en l'Europe vis à vis de l'autre; il n'y a qu'un bien petit bras de mer entre-deux; là où s'estans assemblez au conseil pour aduiser de leurs affaires, ils chargerent ce qu'ils auoient de gens de guerre sur les vaisseaux, avec les pieces & engins de batterie, & s'en allerent par le dedans du port droit au pied de la muraille, donner vn assaut. Mais ceux de dedans se defendirent brauement, & repousserent fort bien les autres, qui s'efforçoient de monter à mont: en sorte qu'eux voyans leur entreprise aller mal, & que tout l'effort qu'ils faisoient estoit en vain, sonnerent la retraite, & apres plusieurs riottes & altercations qui suruindrent entre eux mesmes, reprirent finalement la route d'Italie. Toutesfois la ville de Pera au nom des Geneuois maintint encore assez long-temps depuis la guerre contre ceux de Constantinople, en laquelle les vns & les autres s'aiderent de canons & d'autres pieces d'artillerie, iusques à ce que Jean Leontares les estant venu assieger de prez, & enclorre tout à l'entour, leur osta la commodité de plus sortir, & recouurer des viures. Il prit aussi tout plein de Geneuois es rencontres & combats qu'ils eurent ensemble par la mer, où il se porta tousiours fort vaillamment; lesquels avec ceux qui demurerent prisonniers es saillies & escarmouches aupres des remparts, arriuoient bien au nombre de trois cens; qu'il mena pieds & poings liez à l'Empereur Jean, qui pour lors estoit logé au Palais de Xile.* Mais de là en auant il commencerent de s'entr'enuoyer les vns aux autres des deputez, pour accorder du traffic, & du vignoble pareillement qui estoit autour de la ville de Pera. En fin les Geneuois receurent telles conditions qu'on leur voulut presenter, & entr'autres, qu'ils rembourseroient la somme de mille escus, tant pour le dommage qu'auoient fait durant le siege des coups de canon au boulevard Royal, que pour la reparation des boutiques & ouuriers communs entre les deux villes, qui auoient esté ruinez; & pour jouir aussi du benefice de sceau & du cachet de l'Empereur. Ce fut en somme l'issue qu'eut la guerre des Geneuois contre ceux de Constantinople.

Vers 1438.

Leur routte par les Tartares.

Ancien nommée Galathie. Les Geneuois en font petit nombre, & ayans tout freschement esté deliues, ne laissent de donner l'assaut à Constantinople.

* Autrement de la maison de bois.

Accord des Geneuois avec l'Empereur de Constantinople.

INCONTINENT apres l'Empereur depescha ses Ambassadeurs à Rome deuers le Pape Eugene quatriesme, pour demander vn Concile où se peussent accorder en quelque bonne sorte les differends & controuersés des deux Eglises, la Grecque & Latine; taischant par là de descouurir, si ceux du Ponant auoient fort à cœur cette vnion & accord. Les Ambassadeurs s'en allerent droit à Basse, où estoit assemblé le Concile, à cause du chisme suruenu pour raison dudit Eugene; lequel fut desmis, & Felix esleu en son lieu, homme d'une tres-sainte vie, & pour tel conneu de tout le monde. Neantmoins ayans ces deux Pontifes equippe quelques galeres, enuoyerent chacun de sa part deuers l'Empereur pour le faire venir; pretendans l'un & l'autre estre celui sous l'autorité duquel deuoit estre assemblé le Concile, & là estre voidé le differend des Grecs avec les Latins. Comme doncques leurs gens fussent arriuez deuers l'Empereur, il depescha fort gracieusement les Deputez du Concile, leur disant qu'il auoit desia negocié avec ceux de Rome & de Venise, ensemble de tout le reste de l'Italie, lesquels l'inuitoient d'une fort grande affection à s'acheminer par delà. Au moyen dequoy menant quant & luy les Prelats de Constantinople, & les plus doctes & excellens personnages de la Grece, il fit voile en Italie, là où il vint premierement descendre à Venise: puis delà passa outre à Ferrare, où il auoit entendu que le Pape Eugene s'estoit retiré. Cette ville est distante de l'autre de quelques dix-huit ou vingt lieues, ayant vn Duc de la tres-noble & illustre maison d'Este: & est fort riche & bien peuplée, assise sur l'un des bras du Pau. Celuy qui y commandoit lors, estoit vn gracieux & debonnaire Prince, & de fort bon sens & conduite, mais vn tel meschef luy aduint. Il auoit espousé la fille du Marquis de Montferrat, l'une des plus belles ieunes Dames de son temps, & des plus vertueuses & honnestes, auparauant qu'elle se fust desbauchée: car son mary auoit vn bastard, duquel elle deuint desesperement

II.

Ambassade de l'Empereur Jean Paleologue au Pape Eugene.

1437.

Ce Duc, auparavant Amédée Duc de Savoie, se demit volontairement du Pape.

Voyage de l'Empereur Jean Paleologue en Italie. Description de Ferrare.

Benedict en ses histoires tragiques.

1438.

amoureuse. Et d'autant qu'il auoit liberté d'aller & venir en sa chambre à toutes heures qu'il vouloit, & y demeurer tous les soirs iusques bien auant en la nuit, outre l'ordinaire & coustume des grandes Maisons d'Italie, elle luy vint à faire certaines priuautéz & attraiçts, dont il s'apperceut aussi-tost; se picqua luy-mesme si bien que sans autrement remettre l'affaire en longueur, ils commencerent à joier leurs jeux. En quoy se passa quelque temps qu'ils ne furent point descouverts: mais à la fin l'une des femmes de chambre s'en estant aperceüe, ne se peût tenir d'en parler à vn qu'elle aymoît, lequel estoit fauory du Duc, & en auoit receu tout plein de biens & aduancemens. Ayant doncques entendu ce beau mystere par le rapport de la Damoiselle, & luy-mesme conneu la verité du tout, pource qu'il se mit à les espier, & y prendre garde de près, il vint trouuer son maistre, & luy parla en cette sorte. Pluost me puisse la terre engloutir (Monseigneur) que de voir plus longuement regner vn si lasche & detestable forfait en cette maison, c'est chose toute seure, que la Duchesse se fouruoye, & abandonne malheureusement à vostre propre fils naturel, & moy-mesme les ay veu ensemble: Parquoy donnez y ordre, & vous deliurez promptement de ceste meschante creature, sans garder dauantage vne si honteuse & abominable compagnie; confinant l'autre en quelque lieu dont il n'en soit iamais parlé. Le Duc se trouuant prime face bien estonné de ce propos; toutesfois il luy demanda comment il le sçauoit, & adiousta qu'il s'en vouloit esclaireir luy-mesme, & le voir de ses propres yeux auant que d'en croire rien. Par ainsi, apres auoir accommodé secrettement vne petite creuasse au plancher, qui respondoit iustement sur le liçt de sa femme, il se mit si bien & soigneusement à les espier, qu'à la parfin il les trouua sur le fait; & descendant hastiuement les surprit, estans encore ensemble sans se douter de rien. Alors s'adressant à elle, il luy dit telles paroles: O mal-heureuse, la plus meschante & maudite de toutes celles qui oncques furent? Quelle furie, quel mauuais & damné esprit t'a conduit à vne telle rage & forcenerie, de te mesler ainsi abominablement avec celuy que j'auois engendré? Quelle excuse & couuerture pourras-tu trouuer, d'auoir si detestablement violé les saintes Loix de nostre mariage? A quoy elle fit response: Que ie n'aye commis cette faute, que ie ne vous aye faussé la foy, ie ne le veux point autrement nier, ie ne pourrois aussi quand ie voudrois; mais confesse & adouë le peché, dont moy seule & non autre suis le motif & la cause, ne sçachant comment ny en quelle sorte il m'est peu entrer en la fantaisie. Car moy-mesme ay esté celle, qui par mes allechemens ay induit & attiré comme par force & malgré luy, le pauvre ieune homme qui ne pensoit rien moins qu'à cela; & pourtant il est bien raisonnable que moy seule en porte la peine, & seule en sois chastiee & punie. Aussi ie ne vous demande point d'autre grace, sinon qu'à tout le moins il vous plaise n'exercer point vostre vengeance sur celuy qui n'en peut mais. Le Duc alors se tournant vers son fils luy dit; & toy aussi qui te vois surpris en vn si detestable forfait, qu'est-ce que tu veux dire là-dessus? Le pauvre tout esperdu, voyant que le nier ne pouuoit auoir lieu, n'auoit plus d'autre recours qu'à demander pardon, & requerrir qu'on luy vst de misericorde: Tellement qu'il ne restoit plus que la tierce personne de la Tragedie: s'estoit vn bouffon ou plaisant, lequel sçauoit bien toute la manigance, ayant luy-mesme attiré le feu de cette folle & desordonnée affection en la teste du ieune Seigneur, & dressé toutes les parties pour les faire bloquer ensemble. Le Duc l'ayant fait appeller, luy demanda quelle chose l'auoit meu de commettre vne telle desloyauté enuers luy. Le tort & iniure (respondit-il) que tu auois fait à ton propre fils, de luy destourner & raurir celle qu'il aymoît plus que soy-mesme, pour en faire ta volonté, & pourtant c'est ton demerite & rien autre chose, qui t'a amené ce mal-heur. De vray le fils du Duc estant deuenu amoureux d'une ieune Damoiselle de la ville, belle en perfection, dont toutesfois il n'auoit encore rien eu, le pere qui en auoit assez ouy parler, se mit à la trauersé, & de force en eut les premieres erres; surquoy ce plaisant taschoit de rejeter tout ce qui estoit aduenü; mais nonobstant cela le Duc apres les auoir bien ouys & examinez les vns apres les autres, leur fit à tous trois trencher les testes: à son bastard premierement, puis à la Duchesse, & finalement à leur courier & ambassadeur. Ce fut la calamité dont n'aguetes auoit esté affligé ce pauvre Prince, ainsi que nous auons dit cy-deuant; lequel ne tarda gueres depuis à se remarier avec la fille du Marquis de Saluces; & laissant-là tous affaires & soucis, essayoit à se resiouyr & donner du bon-temps, pour amortir & oublier le souuenir de sa desconuenüe.

Elle s'appel-
Jon Richarde.

III.

Entrenuë de
l'Empereur
avec le Pape.

L'EMPEREUR des Grecs estant arriué à Ferrare, deuers le Pape Eugene qui s'y estoit retiré, & faisoit là sa residence, d'autant qu'aussi bien estoit-il Venitien, fut de luy requis fort instamment, de le vouloir ayder au differend où il estoit avec les Allemans, & s'entre-

urent

virent là-dessus plusieurs fois, pour aduiser des moyens dont les affaires de l'un & de l'autre pourroient estre le mieux & le plus promptement accommodez. De là puis-apres s'en allerent tous deux à Florence, ville capitale de toute la Thoscane, & l'une des plus belles, & des plus riches qui soit en tout le reste de l'Italie. Or ce pays de Thoscane qui est l'ancienne Herrurie (aucuns l'ont aussi voulu appeller la Tyrrhenie) commence à la ville de Perouse, & laissant à main droite Boulongne la Grasse, qui est vne fort opulente cité au pied du mont Apennin, va atteindre le territoire de Lucques : laquelle ; & Perouse pareillement, sont deux villes libres, regies & gouvernées sous l'autorité du peuple. Mais pour reuenir à parler de Florence, qui est la plus riche apres Venise; il y a tousiours vn grand nombre de Citoyens qui s'escartent çà & là par le monde pour trafiquer, les autres s'occupent à l'agriculture, les autres à la guerre : & sont tous en general fort adroictes gens à tout ce qu'ils veulent entreprendre ; & d'un esprit si prompt, si vif & diligent, qu'il n'y a gueres de choses dont ils ne viennent facilement à bout. Au regard de leur Republique, elle se gouuerne en cette sorte. Il y a tout premierement vn Conseil de cinq cens des principaux Bourgeois, qui connoissent & deliberent de ce qui est d'importance, comme de la guerre, de la paix, & autres semblables affaires d'Estat : Et ont puis apres deux personnaiges lettrez, estrangers toutesfois, auxquels ils portent fort grand respect & honneur, l'un pour iuger les causes criminelles, & l'autre les procez & differends du ciuil. Le peuple manie toutes les autres charges de la Republique : mais ils appellent ainsi ces estrangers, de peur que si l'attributue de iurisdiction demeueroit es mains de leurs Citoyens propres, estans poussez de quelque faueur, ou inimitié particuliere, ils ne fissent quelque tort & iniustice à l'une ou à l'autre des parties. Ils ont au reste vn chef & Capitaine general, qu'ils appellent le Gonfalonnier, lequel se change de trois mois en trois mois, deuant lequel se rapportent les comptes & raisons de tous les reuenus, subsides & impoits de la ville : Et ceux qui arriuent deuers luy, soit qu'ils apportent ou la guerre, ou la paix, sont tout incontinent menez au Conseil des cinq cens où l'affaire ayant esté debattu & arresté, le decret en est puis apres mis es mains de leurs Capitaines, auxquels en appartient l'exécution. Les autres menus Magistrats & offices qui concernent le fait de la commune, on les eslit du corps d'icelle, avec les maistres & iurez des mestiers : & est loisible à vn chacun qui veut, de se faire leur Citoyen, moyennant certaine somme qu'il faut donner. Toutes les autres Republiques & communautez de Thoscane sont presque moulées sur la forme & exemplaire de cette-cy ; mesinement celles de Perouse, Lucques, Arezzo, & Sienne. Les Grecs doncques estans arriuez à Florence avec le Pape, traicterent ensemblement par plusieurs iours des affaires de la Religion, pour voir s'il y auroit moyen de mettre quelque bonne fin à leurs differends, si bien qu'à la parfin apres plusieurs disputes ils demurerent d'accord : & s'estans arrestez à cette resolution, ordonnerent que rien ne seroit plus changé ne innoué à l'aduenir es poincts & articles de la foy, ratifiens le tout solemnellement avec l'inuocation du nom de Dieu, apres l'auoir redigé par escrit, afin qu'il demeurast ferme & stable à tousiours. Le Pape puis-apres receut au College des Cardinaux (qui est la premiere & plus haute dignité de l'Eglise Romaine) deux des plus nobles & excellens personnaiges de tous les Grecs qui estoient là venus, avec lesquels il contracta vne fort estroite amitié. On les appelle Cardinaux, comme chefs & principaux Prelats en l'Eglise ; & sont en fort grand respect & honneur enuers le saint Pere, lequel en tient ordinairement aupres de luy iusques à trente, se seruant de leur aduis & conseil es choses d'importance ; & leur donne de fort beaux & amples reuenus, pour l'entretienement de leur estat & dignité : Non toutesfois qu'ils soient en cela traitez tous également, car les vns en ont plus, les autres moins, selon ce que les occasions se rencontrent, & qu'il plaist à sa Sainteté. Ainsi au rang de ces grands personnaiges, furent introduits & aduancez les deux Grecs dessusdits, à scauoir Bessarion, natif de Trebisonde, lequel estoit Euesque de Nycée, & Isidore Euesque de la Sarmatie ou Russie, qui seruirent de beaucoup en cette vnion & accord. Du Cardinal Bessarion i'en diray franchement ce que i'en ay appris : C'estoit vn homme d'un si bon sens naturel, que ie ne pense pas qu'en cela il égalast seulement les plus fameux & renommez d'entre les Grecs, mais les laissoit encore bien loin derriere luy : Il auoit dauantage vn iugement admirable en toutes choses, & sur tout de si bonnes lettres Grecques & Latines, que facilement il a emporté la gloire & honneur sur tous les autres de son temps. Aussi fut-il tousiours en grand credit & reputation aupres du Pape Nicolas, successeur d'Eugene, en sorte qu'il luy bailla le Gouvernement de Boulongne, où il se porta diuinement bien, parmy les factions & partialitez dont les seditieux auoient

1438.

Description
de la Thoscane.Perouse est
maintenant
sous l'obeis-
sance des Pa-
pes.Les Florétins
gens d'esprit.La forme du
gouuernement
de Florence
lors qu'elle
estoit libre.Synode de
Florence.La destination
du mot Car-
dinal.Bessarion &
Isidore faits
Cardinaux au
Synode de
Florence.
Les lozanges
du Cardinal
Bessarion.

1438.

L'Auteur
s'embrouille
fort en ces
narrations,
& confond
les temps &
les choses.

IV.

Grande lege-
reté des
Grecs.

Colloque des
Latins avec
les Grecs à
Constantino-
ple.

Carminiola
chef de l'ar-
mée des Ve-
nitien.

Nicolas Bra-
chio grand
homme de
guerre.

Bresse assiégée
par l'armée
des Venitiens.

desia tout renuersé sans dessus dessous : Et neantmoins il garentit & conserua cette belle cité, qui ne cede en rien que ce soit à pas vne d'Italie, soit en richesses, beauté de ville, & bonté de terroier, outre l'estude & exercice des bonnes lettres, dont elle est renommée sur toutes autres. Au regard d'Isidore (personnage fort prudent, & grand zelateur de la foy) on sçait assez comme à la parfin il fut pris des Turcs au sac de Constantinople en combattant vaillamment pour la deffence de la ville, & de la Religion Chrestienne. Et pour autant que le nom & autorité d'iceluy estoit fort grand parmy les Grecs, pour cette cause le Pape Eugene l'aduança au Cardinalat, estimant bien qu'il ne luy seroit pas de peu d'efficace, pour faire venir les Grecs à vn Catholique consentement & accord.

A v demeurant quand ce vint à parler du secours que l'Empereur demandoit pour la deffence de Constantinople, le Pape fit responce en termes generaux, que de là en auant, luy, son Estat, & tout le reste de la Grece, luy seroient en tres-estroite recommandation, & de tout son pouuoir ne cesseroit de chercher les moyens, pour esmouuoir les Hongres & Allemans, à prendre les armes contre les Turcs, selon que les Grecs mesmes verroient estre le plus expedient, & à propos pour eux. Là dessus l'Empereur s'en retourna à Constantinople, où il ne fut pas plustost arriué, que les Grecs laissans là tout à plat ce qui auoit esté iuré & promis en Italie, recoururent à leurs premieres opinions, sans se plus soucier d'adherer aux Latins. Au moyen dequoy le Pape y enuoya soudain quelques hommes de sçauoir, pour entrer de nouveau en conférence avec eux qui contrarioient aux choses arrestées au dernier Synode, du nombre desquels estoit Marc Euesque d'Ephese, & vn Scolarius, tenu pour le plus sçauant homme de toute la Grece, lesquels dès le commencement auoient tousiours contredit & résisté aux traditions des Latins, sans s'y vouloir aucunement renger. S'estans assemblez à vn Colloque & dispute, les Latins ne peurent rien faire, & furent contrains de s'en retourner comme ils estoient venus. Bien-tost apres Eugene reuint à Rome par le moyen des Venitiens, qui auoient lors le meilleur de la guerre par eux encommencée contre le Duc de Milan; en laquelle ils auoient creé leur Capitaine general le sieur Francisque Carminiola Milanois auparavant l'un des plus grands fauoris du Duc, duquel il estoit aussi allié aucunement. Cettuy-cy, aussi-tost que l'armée luy fut consignée entre les mains, chargea ses gens de pied sur soixante dix gros vaisseaux, fort bien equippez & munis de tours, pauesfades, & autres deffences faites de bois de trauesse sur le tillac, pour de la combattre à couuert : & les faisant voguer contremont la riuere du Pau, il se mit à les costoyer par terre avec sa cavalerie, marchant en cette ordonnance contre le Duc nommé Philippe. Or auoit le Carminiola pour son Lieutenant vn Nicolas Brachio, homme fort vaillant & experimenté au fait de la guerre, & qui desia par ses vertus & merites estoit paruenu au plus haut degré d'honneur qu'on peut atteindre par les armes; au moyen dequoy les Venitiens demurerent victorieux par vn long-temps. Et comme ils se fussent attaquez à forcer la garnison qui deffendoit les aduenues du lac de Garde, là où ils s'arrestèrent par plusieurs iours, ce Brachio s'en alla cependant, avec partie de l'armée, deuant la ville de Bresse, où il fit tout son effort de la prendre : mais ceux de dedans se deffendirent & maintindrent fort vaillamment en tout le siege, iusques à manger par la necessité qu'ils auoient, les chats & les souris, & endurer tous autres mesaises & extremitez plustost que de se rendre, ayant la faction des Guelphes qui estoient là-dedans en partie esté cause de cette resistance. Car l'Italie est diuisée en deux factions, l'une des Guelphes, & l'autre des Gibellins : Mais comment, ny pour quelle occasion cela soit adueni premierement, que toutes les villes se soient ainsi my-parties, & que d'une si grande animosité & rancune ils soient continuellement aux espées & cousteaux les vns contre les autres, personne ne m'en a encore rien sceu dire de certain, surquoy ie peusse prendre pied pour en parler d'assurance. C'est bien chose toute notoire, que le pays des Geneuois tient le party des Gibellins : Les Venitiens, & les Romains avec la marque d'Anthone, celui des Guelphes, & la Thoscane, Rhege, Modene, & autres villes de là autour, voire la Pouille, & la Calabre, si on veut passer plus auant, tous les deux ensemble : car les vns se font Guelphes, & les autres Gibellins, comme il leur vient en fantaisie. Le plus souuent encore en vne mesme ville, on peut voir à toutes heures ces deux factions, aux armes l'une contre l'autre, dequoy selon mon opinion prouiennent beaucoup de mauuaise & dangereuses semences de seditions aux peuples de l'Italie. Mais pour retourner à nostre propos il aduint que durant la guerre dessusdite, les Padoians menerent au camp des Venitiens leurs Capitaines & Gouverneurs, entre lesquels estoit vn Marsilio, de la Maison des Carrares, qui auoit en-

trepris

trepris de liurer Padoüe es mains de Carminiola. Or est-ce vne fort riche & puissante cité, & d'un grand enclos de muraille, car elles ont plus de deux lieues de circuit: & par le milieu passe la riuere de la Brente, qui l'environne encore tout autour, & en rend l'assiet- te presque inexpugnable. Ayans doncques mené avec eux ce Marsilio, ils prirent iour pour rendre la ville; mais de fortune au mesme instant que le ieu se deuoit jouer, il fit vn si mauuais & fascheux temps qu'il ne luy fut possible de s'y trouuer: Au moyen dequoy l'un de ceux qui estoient de la menée, craignant que quelqu'un ne le preuint, s'aduança luy-mesme de descouurir l'entreprise, & manifesta le tout aux habitans. Lesquels mirent sur le champ de bonnes gardes par tous les lieux & endroits d'importance, & attirerent quelques gens en embusche par où Marsilio se deuoit retirer aux ennemis, là où il fut pris & arresté, avec bien autres cent citoyens; qu'ils firent tous mourir, avec leurs femmes, & Marsilio pareillement. Lesquelles choses estans aduenues au plus fort de cette guerre, furent cause que la charge du Capitaine general fut prolongée à Carminiola: Mais bien- tost apres ayant esté soupçonné de trahison, & surpris sur le fait, machinant ie ne sçay quoy contre la ville propre de Venise, il fut condamné à mourir. Et dit-on qu'ainsi qu'on le me- noit au supplice pour luy trancher la teste, il se tint tousiours le visage couuert, de peur que venant à parler à quelqu'un de ceux qui s'estoient là assemblez, pour le voir executer, il ne le mist en mauuais opinion enuers le peuple.

Après sa mort, les Venitiens appellerent Francisque Sforce pour conduire leur ar- mée, & luy mirent entre les mains toute la charge de ceste guerre. A la parfin les choses en vindrent là, que moyennant l'ayde & support qu'ils luy donnerent, il paruint à estre Duc de Milan: Car il acquit vne fort grande reputation durant le temps qu'il mania leurs affaires, ayant passé outre iusques à Loddes, qui est fort prochaine de Milan, & subiugué toute la contrée de Bergame, sans les autres places de la Lombardie, qu'il prit au delà de la riuere d'Adde. Puis apres que la paix fut faite, & que la guerre eust esté de tous poynts assoupie & esteinte entre ces deux Potentats, il prit à femme la bastarde du Duc, estant lors comme neutre entre les vns & les autres: & Nicolas Brachio duquel nous auons parlé cy-dessus, se voyant n'auoir plus rien à quoy s'employer, se retira à Naples deuers le Roy d'Arragon, s'offrant de le seruir (si d'auenture il auoit besoin de luy) en la guerre qu'il auoit entreprise contre les Florentins: Mais pource qu'il ne rencontra pas tel party qu'il meri- toit, il s'en retourna au Duc de Milan, là où bien-tost apres il mourut d'un mal de reins, qui l'auoit fort longuement tourmenté. Il estoit natif de Perouse, & fut vn fort grand Ca- pitaine en son temps, tres-expert à mener des gens à la guerre, & à bien ordonner vne ba- taille: Tellement qu'il laissa apres sa mort vne tres-belle & honorable memoire de luy, & de ses faits. Ne passa gueres de temps depuis, que le Duc de Milan estant decédé aussi, Francisque Sforce, qui desia auoit conceu quelque opinion de s'emparer de l'Estat, entra en Ligue contre les Venitiens; parce qu'apres le deceds de Philippe, ils estoient liguez avec les Milanois; & non seulement les exhortoient, mais encore les fauorisoient sous main, pour remettre sus le gouuernement de certain nombre des principaux & plus gens de bien de leurs citoyens. De fait ils auoient desia commencé de mettre leurs Magistrats & offices es mains de tels personages, & s'estoient quelque temps maintenus en cette forme de viure iusques à ce qu'ils eurent apperçeu, que leurs Gouverneurs ne regardoient sinon à entretenir les choses en vne certaine mesure & esgalité, & que c'estoit bien peu de cas de leur fait, toutesfois & quantes qu'il estoit question de mettre vne armée dehors. Car le peuple commença lors à desirer de retourner sous l'autorité & commandement d'un homme seul; & là dessus appellerent le dessusdit Sforce, à quoy neantmoins con- trainoient encore les Venitiens en tout ce qu'ils pouuoient. Parquoy il se hesta d'assem- bler son armée en toute diligence marcha contre eux; s'allant camper au propre endroit où ils auoient delibéré de se venir loger, trois lieues loin seulement de la ville de Milan, laquelle il commença deslors à assieger, & tenir vn peu de court. Toutesfois comme il ne prétendist autre chose qu'à se faire Duc, afin de se preparer le chemin à cela, il choisit quelques personnes du tout à sa poste & deuotion, pour y aller & venir: & permettoit encore à ses parens & aliez d'y entrer, afin d'attirer les habitans (qui se voyoient desia pres- sez) à quelque bon accord. Car de luy il ne vouloit pas approcher son armée de plus près, craignant la grande multitude de gens qui estoient en la ville (la plus peuplée de toutes celles de l'Italie) lesquels ils sçauoient bien estre superieurs en nombre de beaucoup, voi- re tres-suffisans pour rompre & deffaire vne plus grande force que la sienne, & si atten- doient de iour en iour le secours des Venitiens. Parquoy il s'arresta en son premier logis,

Vers 1438.

Padoüe, ou les Carrares sou- loient com- mander.

70. stades.

Cöplot pour rendre Pa- doüe es mains des Venitiens.

Griefue puni- tion de ceux qui vouloient trahir Padoüe. Carminiola traistre puny.

V.

Francisque Sforce depuis Duc de Milan, chef de l'ar- mée des Ve- nitiens.

Blanche ba- starde du Duc de Milan, ma- riée à Sforce.

Mort de Bra- chio Perusin.

Troubles ad- uenues à Mi- lan apres la mort du Duc. Ce qui n'arri- ua qu'en

1447.

Sforce appel- lé par les Mi- lanois pour estre leur Duc.

Cent stades.

1438.

Stratageme
de Sforce.
Sa victoire
contre les Mi-
lanois & puis
contre les Ve-
nitien.

Les Grecs rô-
pent l'accord
par eux fait
avec le Pape.

La maniere
d'eslire les
Papes.

Pourquoy
c'est que les
Papes chan-
gent leur nom
propre.

qu'il auoit desia fortifié, & y trauailloit encore tousiours fort soigneusement, afin qu'on ne luy peust faire abandonner maugré luy. Neantmoins tout aussi-tost qu'il sceult comme les autres approchoient, il le quitta luy-mesme de son bon gré pour aller au deuant d'eux, & se logea à vne lieüe & demie de Milan, là ou le chef de l'armée des Venitiens, Cudunidas, qu'ils nomment entr'eux Colcon, se vint planter rour vis à vis, retemparant son camp en diligence, pour attendre en seureté le renfort de la ville, & donner par ensemble la bataille. Sforce ayant esté bien aduertty tant par ses espies, que par ses auan-coureurs, comme ceux de dedans estoient sortis pour se venir ioinde aux Venitiens, fit allumer la nuit grand nombre de feux parmy son camp, afin que les ennemis ne se doutassent de ce qu'il vouloit faire, & s'en alla secrettement avec tous les gens au deuant des Milanois, lesquels il chargea d'abordée à l'impourueu si viuement, que bien peu reschapperent: Cela fait s'en reuint au logis, & bien-tost apres s'attaqua aussi au combat avec les Venitiens, où il y eut vne fort cruelle & sanglante rencontre, mais à la fin il les rompit & tourna en fuite, & en prit bien six mille prisonniers, tous gens de cheual. Ainsi doncques victorieux doublement, & en si peu d'heures, s'en alla asleoir son camp assez prez de la ville, où il entra incontinent apres, & fut la paix faite par le moyen & entremise d'un certain Religieux. Il depescha puis apres son fils deuers les Venitiens, avec lesquels il demeura de là en auant en bonne amitié & concorde. Les Grecs, apres qu'ils furent partis d'Italie, voyans que le Pape Eugene ne leur enuoyoit point le secours tel qu'ils pretendoient leur auoir esté promis, vindrent aussi à s'aliener de luy, se repentans de l'accord qu'ils auoient fait. Toutesfois l'occasion qui le faisoit ainsi manquer à ses promesses: estoit la necessité de la guerre suruenüe entre luy & les Florentins, pour raison de leurs limites: ayant esté contraint de faire vne fort grande despence pour l'entretienement de son armée, dont il auoit donné la conduite à l'un de ses proches parens comme Legat de sa Sainteté, personnage fort prudent & aduisé. Cettuy-cy se trouuoit continuellement en affaires, tantost contre les Florentins tantost contre le Duc d'Vrbain: car pour lors la ville de Florence monstroie de vouloir tenir le party du Duc Philippe de Milan, en faueur duquel ils faisoient la guerre fort & ferme: d'autant mesme que le Pape estoit Venitien, de la maison & famille des Condemariens, ausquels à la faueur & instance d'iceluy, la Seigneurie oestroya que de là en auant ils entrenteroient au Conseil, & pourroient paruenir aux charges & dignitez de la Chose publique. Mais comme la guerre fust desia bien allumée entre iceux Venitiens, & le Duc de Milan, vne portion de l'Italie se renga du costé de cettuy-cy, & le reste de celuy des Venitiens. Quant aux Potentats, & Seigneurs souuerains espandus par l'Italie, voicy les principaux. Ceux de Ferrare de la Maison d'Est: à Rimini, & la Marche d'Antone commandent les Malatestes: Adioustez puis apres les Ducs d'Vrbain, de Mantouë, & de Milan: & d'autre part Rome, Naples, & la Calabre. Quant à Ferrare, Milan, & Calabre, & la forme de leur gouuernement, ensemble de celuy de Mantouë, il en a esté parlé à suffisance cy-dessus, autant qu'il est requis pour la presente Histoire. Et pour le regard des Seigneurs d'Vrbain, ie sçay bien qu'ils sont venus de fort ancienne race, & sont appelez Malatestes: qui ont par un long-temps commandé à la Marche, Rimini, & plusieurs autres belles villes de ce costé-là: & furent puis apres chefs de ceux qui administroient la Iustice en Italie: Les Venitiens les ont aussi souuentesfois appelez à la charge de leurs armées, & les Thoscans pareillement. Mais puisque nous nous sommes embarquez si auant à parler des affaires de l'Italie, il me semble qu'il n'y aura point de mal de dire quelque chose de la creation des souuerains Pontifes. Tout incontinent qu'il est decedé, les Cardinaux s'assemblent, & resserrent en un lieu qu'ils appellent le Conclauë, & là balottent avec de petits bulletins qu'ils mettent tous les iours à la fin de la Messe, qui se chante du saint Esprit, dans le Calice: tant que finalement ils viennent à s'accorder à la pluralité des voix sur celuy d'eux tous qui est iugé le plus digne & capable: aucunes-fois de la Maison des Ursins, ou de celle des Colomnes, qui sont les deux plus puissantes familles de Rome: mais bien souuent aussi, quand les opinions ne se peuuent accorder ne aux uns ne aux autres de ceux-cy, ils se mettent à eslire quelque estranger. Et tout aussi-tost qu'ils se sont arrestez à qui que ce soit: ils le mettent en vne chaire Pontificale, & luy vont tous baisier les pieds, l'un apres l'autre, en signe d'obeyssance: Puis à haute voix à l'entrée du Conclauë annoncent aux Euesques, & au peuple qui attend là en grande deuotion, celuy qui est esleu. La coustume est au reste de luy changer tout incontinent son nom, comme s'il estoit monté à un degré d'une plus auguste & diuine nature, que lors qu'il estoit personne priuée. Aussi est-ce la premiere & souueraine dignité de

toute

toute l'Eglise Occidentale, à laquelle non seulement le commun peuple, les Gentils-hommes, & grands Seigneurs, mais encore les plus puillans Princes, iusques aux Roys & aux Empereurs, portent fort grand honneur & reuerence. Quant au nombre des Cardinaux, ils sont d'ordinaire quelques cinquante: vne fois plus, vne autre moins: car les bonnes maisons d'Italie afin de se conseruer en leur grandeur, ont de coustume quand bien ils n'auroient que deux enfans, d'en mettre l'un à l'Eglise, luy donnant quelque petite portion de l'heritage pour sa legitime: & laissent à l'autre l'estat entier: Par ce moyen ils eurent l'occasion des noises & debats, qui pourroient suruenir à cause de leurs partages. Et pourtant celuy-là s'esuertue de s'ancrer aupres du saint Pere, pour accrocher quelque bon benefice, & atteindre (s'il peut) vne fois au Cardinalat.

De ces Pontifes, & souuerains pasteurs en l'Eglise Romaine, l'Abbé Ioachim (qui fut en son temps vn grand personnage en matiere d'annoncer les choses à venir) a laissé vn traité, là où il monstre presqu'au doigt & à l'œil & encore par portraictures; de quelle sorte chacun d'eux doit paruenir au Papat, & comment il s'y gouerna: ce qu'on dit estre presque tousiours arriué selon ce qu'il auroit predict. On conte tout plein d'autres grandes merueilles de ce personnage, lequel estant ignorant & idiot, sans aucunes lettres ne sçauoir, se mit à faire l'office de portier en certain monastere de l'Italie: là où vne fois qu'il s'estoit allé promener au jardin, se presenta à luy vn iouuenceau de tres-beau maintien & apparence, qui se vint planter au deuant, tenant en sa main vn flacon d'argent, & luy dit: Tien Ioachim, boy hardiment, c'est du bon. Il obtempera à son dire, & en beut vn bon trait: puis luy rendant le demeurant luy dit, qu'il en auoit assez. Ha Ioachim repliqua l'autre, si tu eusses tout vuidé, il n'y a science qui t'eust esté inconnue. Deslors estant venu à disputer avec tous les plus doctes hommes de ce temps-là, il se monstra tres-excellent, voire diuin en toutes sortes de sçauoir: Et par ce moyen estant paruenu à estre Abbé, ce fut alors qu'il predict beaucoup de choses que l'euenement confirma depuis, car il ne s'y est point trouué de faute, au moyen dequoy il est tousiours depuis demeuré en fort grand bruit & reputation par toute l'Italie. Au reste, quant aux Seigneurs de ce pays-là, il y en a de moindres que ceux dont nous auons parlé cy-dessus, lesquels sont sujets du Pape: dont, & pareillement du Duc de Milan, des Princes de la Sicile, Pouille, & Calabre, & autres de là autour, qui reconnoissent le Roy de Naples pour souuerain, ie me deporteray de parler plus auant, car aussi bien n'en est-il point de besoin: trop bien adiouteray-je cecy (comme en passant) de la police forme & gouuernement des villes d'Italie, que les principales Republiques sont celles des Venitiens, des Florentins, & des Geneuois. Il y en a encore quelques autres, qui ne se mesurent pas en grandeur & puissance à celles-cy, mais elles imitent & ensuient celle de Florence, ainsi que nous auons desia dit: Et ceux-cy sont les Potentats de l'Italie qui tantost se rengoient du party des Venitiens, tantost de celui du Duc de Milan. Pour doncques retourner à nostre propos, les Grecs estans de retour en leur pays, enuoyerent leurs deputez deuers Amurat pour demander la paix, & faire alliance avec luy: & bien-tost apres Constantin s'en alla au Peloponese, afin d'animer son frere au recouurement de leur Empire, puis reprit la route de Constantinople. Mais s'estant arresté par les chemins en l'Isle de Lemnos à celebrer ses nopces avec la fille du Prince de Methelin, le Bassa Mahomet suruint là-dessus avec son armée de mer, qui l'assiéga dans la ville Gorzi-num: * là où ayant mis ses gens en terre, qui firent cependant infinis maux & destructions par toute l'Isle, il tint Constantin de fort court par l'espace de vingt-sept iours. Neantmoins, combien qu'avec son artillerie il eust abbatu vn grand pan de muraille, il ne peut trouuer le moyen de faire aller ses gens à l'assaut: Parquoy voyant qu'il n'y auoit ordre de prendre la place, il se rembarqua pour retourner en son pays. Constantin depuis estant arriué deuers l'Empereur, fut par luy renuoyé soudain querir son frere Theodore, avec commandement exprez à l'un & à l'autre de se departir du Peloponese, & de s'en venir tous deux à Constantinople: ce qui suffira pour cette fois. Mais le plus ieune des freres appelé Demetrie, vint en fort grande altercation & debat avec le frere de l'Empereur, qui l'auoit despoüillé par force de la meilleure partie de son bien: & apres que l'affaire eut esté ailez promené en vne sorte & en vne autre, sans pouuoir trouuer le moyen d'en auoir raison, il se retira par despit deuers Amurat, qui luy donna vne grosse armée, avec laquelle il s'en alla planter deuant Constantinople, où il trouua moyen de pratiquer son gendre Asan, qui auoit toute autorité & puissance en la ville, & monstroir luy vouloir tenir la main à recouurer l'Empire: Voyant toutesfois Demetrie qui ne faisoit rien là que se morfondre, il leua le siege, & renuoya l'armée à Amurat. Quelque tēps apres il depescha certains personnages de-

1438.

Le nombre ordinaire des Cardinaux.

VI.

L'histoire de l'Abbé Ioachim Calabrois, qui a predict les Papes à venir depuis son temps le liure en est encore.

A Fioriaco.

Les Seigneurs particuliers d'Italie

Les principales Republiques d'Italie.

Constantin VIII. qui fut le dernier Empereur de Constantinople.

* Autrement Gorizina.

1443.

L'occasion de
la guerre des
Hongres con-
tre Amurat.

Despote ou
Seigneur de
Rasie.

* Montreant
appelée Sco-
pie Bosphore
en La 3. Deca-
de.

Harangue
d'Amurata
ses Capitai-
nes.

Opinion de
Chazan Baïa
sentant son
courtisan &
flateur.

uers l'Empereur son frere : puis y alla à la parfin luy-mesme en personne, là où tout soudain il fut empoigné avec le frere de sa femme, & mis tous deux en prison, chacun à part. Quant à luy, à la persuasion d'Asan qui luy conseilla d'ainsi faire, ayant trouué moyen d'échapper, il se retira à Pera : d'où puis apres il enuoya quelques-vns deuers l'Empereur, qui firent son appointement, parquoy il s'en retourna en la mer Majour dont il iouyssoit. Son beau-frere fut aussi par mesme moyen relasché, & mis du tout en liberté. Quelque temps apres l'Empereur fit vn accord avec Amurat, mais ne laissa pas pour cela de despêcher vne ambassade au Pape Eugene, pour renouueller & remettre sus leur vieilles pratiques & intelligences : & vne autre encore à Vladislais, qui nagueres auoit esté appelé au Royaume de Hongrie, & estoit principalement éguilloné à entreprendre la guerre contre le Turc, par George Bulc, lequel ayant esté depoussé de son Estat, offroit vne grosse somme de deniers pour dresser ce remuement. D'autre part, Iean Huniade estant pour lors en grand credit & reputation, à cause de plusieurs rencontres esquelles il auoit monsté vne grande peuue de sa vertu sur les Turcs, estoit sans cesse aux oreilles de ce ieune Prince, pour luy faire prendre les armes contre Amurat : comme il fit, & se diligenta de mettre ensemble le plus grand nombre de gens de guerre qu'il luy fut possible : ayant encore trouué le moyen d'attirer & faire entrer en cette ligue Dracula Prince des Valaques : & George, celuy des Triballiens, qui deuoit estre guide & conducteur de tout le voyage. Ainsi de compagnie ayant passé le Danube, entrerent dans les terres du Turc, où ils firent de fort grands maux & dommages, & bruslerent la ville de Sophie, * avec tous les bourgs & villages du plat pays. Mais Amurat ayant eu nouvelles, comme les Hongres à tout vne grosse puissance estoient partis de leur pays pour le venir combattre s'ils se trouuoit au deuant d'eux, & qu'ils pilloient & saccageoient par tout où ils passoient, assembla en diligence toutes ses armées de l'Asie & l'Europe, & s'achemina à l'encontre. Estant donc arriué en cet endroit qu'on appelle Basilitza, il sceut au vray par ses espies & coureurs, qu'ils estoient logez non gueres loin de là. Parquoy il enuoya vne grande troupe de cauallee deuant pour les reconnoistre, & remarquer bien la forme & assiete de leur camp : leur commandant de se saisir par mesme moyen de l'emboucheure & destroits des montagnes qui gardent l'entrée du pays, & y faire abattre & pleïler forces arbres, pour embatailler tellement le passage que les Chrestiens ne peussent passer outre. Ce qu'ils executerent fort bien, & tindrent là les autres acculez, lesquels auoient fait leur dessein d'entrer par cet endroit, dans le pays de Thrace.

VII.

AMURAT cependant s'en vint avecques le fort de l'Armée, le long des coustaux qui se vont rendre aux pas & aduenues dessusdictes : là où il fit par l'vn de ses Roys d'armes assembler au Conseil les principaux & plus renommez Capitaines qui fussent en son armée : entre lesquels estoient Iosué fils de Brenezes, Thuracan Saniaque ou Gouverneur de la Thessalie, Cumulic, Chazan, Beglierbey de l'Europe, & Isaac Gouverneur des Scopiens. Apres qu'ils furent tous assis chacun selon son rang & dignité, luy du haut d'un grand dez tout couuert de drap d'or, leur commença à parler en cette sorte. Hommes Musulmans, fideles, zelateurs de nostre loy, vous voyez à quel point sont arriuez nos affaires : car ces Hongres icy avec le renfort des Valaques & Triballiens qu'ils ont tirez à leur party, nous viennent de gayeté de cœur, & sans raison aucune faire la guerre. Au moyen dequoy l'heure est venue, que si personne d'entre vous sçait rien qui face à propos pour nous faire obtenir la victoire, il faut qu'il le die franchement, sans aucune crainte ne dissimulation. Et afin que moy-mesme tout le beau premier s'en die mon aduis, il me semble que nous deuons hazarder le combat, & sans plus différer leur aller presenter la bataille : dont j'espere que fort aisément nous aurons le dessus attendu le peu de gens qu'ils sont au pris de nous. Il disoit cela malicieusement, non tant pour se vouloir si de leger precipiter à vn combat contre des gens hazardeux & bons guerriers, que pour sonder ce que les siens auoient sur le cœur : & s'ils se seroient point intimidés pour la soudaine suruenue des autres. Ayant doncques mis fin à son propos, Chazan chef des forces de l'Europe prenant la parole ou pour faire bonne mine, ou pource que son opinion fust telle, le vint seconder là-dessus par vn tel langage. Certes (Sire) il n'y a homme en cette compagnie, qui ne doie haut louer iusques au Ciel, le propos que ta Majesté nous vient de tenir, comme digne d'un si grand & valeureux Monarque, issu du sang des Othomans : lequel auroit trop de regret & de despit d'auoir abandonné vn poulce de terre à ses ennemis, & encore ie ne sçay quels, que premierement il ne la leur eust bien cher vendue à la pointe de la lance & espée. Et de fait si nous ne nous resoluons de combattre promptement,

promptement, tout le courage que nous pourrions auoir, toutes nos prouesses & vaillances accoustumées se ramolliront, & la hardiesse s'en accroistra aux ennemis, qui feront leur profit de nostre lascheté & faute de cœur. Car ils n'interpreteront point d'autre sorte nostre temporisement nostre aduis, prudence, & sages considerations (qu'on les appelle comme l'on voudra) & n'y a doute que de tirer les choses en plus grande longueur, ce ne soit non seulement pour ne nous amener rien qui vaille, mais au contraire pour nous jetter en de tres-grands inconueniens & dangers. La difficulté mesme que nous auons faite iusques icy de venir tout de plain saut à la meslée, enuoyant gagner le pas des montagnes, & en estoupper les entrées & aduenues à force d'arbres chablez & mis par terre, m'a despleu infiniment, pource que de là les Chrestiens voudront inferer & prendre leur thesme, & que nous l'ayons fait tout exprez pour fuir la lice, & de peur de combattre. Or il me semble qu'il se faut bien garder, que rien de cela en soit sceu parmy nostre camp, ne donner barres à l'ennemy de nous pouuoir arguer d'aucune crainte ne timidité: Pourtant ie conclus que nous deuons tout au plustost venir à la bataille, & faisant brauement nostre deuoir, empescher & deffendre en gens de bien, l'entrée de nos limites. Et quoy, abandonner là tout à l'ennemy sans coup frapper? Quant bien certes il n'y auroit que le degast & ruine de ce pays, si vaut-il mieue toutesfois se hazarder & prendre la fortune telle qu'elle se presentera, que de souffrir cette indignité deuant nos yeux. Mais si on veut auoir esgard au danger de ta personne (Sire) qui est bien la chose plus importante de tout, qu'on me laisse faire tant seulement: ie chastieray si bien ceux icy, que par apres il n'y aura ny Hongre, ny Triballien, n'y autre telle maniere de gens, qui soient si presomptueux ne hardis de te venir chatoüiller les oreilles. Ainsi parla Chazan fils de Masal. Et comme tous les autres se teussent, pource qu'ils n'osoient s'opposer ne contreuenir à la volonté du Seigneur, Thuracan Saniaque de la Theffalie finalement ouurit la bouche, & opina en cette sorte. Il faut (Sire) & est de besoin, que chacun de nous die tousiours franchement ce qui luy semblera estre le plus expedient & à propos pour le bien de tes affaires, sans autrement s'arrester aux premieres opinions qui te pourroient venir à la fantaisie: & mesmement alors que les choses nous monstrent comme au doigt & à l'œil la grandeur du peril, auquel puisque nous auons nostre part, il ne nous faut pas feindre aussi de declarer à nostre Prince & souverain Seigneur, ce que nous en sentons en nous mesmes. Quant à moy ie puis dire que ton fait ressemble proprement à vn oyseau, auquel si tu arraches l'une des esles, tu le rends inutile pour t'en seruir à rien que ce soit, si puis apres l'occasion s'en presente: si tu luy ostes encore l'autre, tu ne luy laisse que la carquasse, qui ne pourra plus voler, mais seulement se trainer sur la terre. Que fera doncques cette pauvre bestiole, s'il est question d'aller à son prochas, ou faire quelque autre deuoir selon son naturel: Tout ainsi est-il de tes affaires. Car les Ianissaires de la Porte, ie les accompare au corps: aussi n'auons nous point de refuge assure que celuy-là: les forces de l'Asie tiennent lieu d'une des esles, & celles de l'Europe de l'autre. Que si nous venons à la bataille, cela est tout certain que pas vn d'entr'eux ne demeurera ferme, mesmement les Asiatiques, qui ne pourront endurer le choc de gens montez & armez à l'auantage, de corps de cuirasse, & de lances: Ceux de l'Europe, encore qu'ils ne refusent point (ce crois-ie bien) de venir vaillamment à la charge, toutesfois s'ils voyent branler les autres tant soit peu, ils n'en feront pas moins, & tascheront de se sauuer à la fuite aussi bien qu'eux, & pourtant ne te restera plus que ta cornette. Ce qui fait, que de ma part ie ne me puis resoudre à l'opinion qu'on a presentement icy proposée, veu que la bataille ne te peut apporter aucun fruit. Si suis-ie neantmoins bien d'auis de combattre: mais il faut auant cela nous retirer peu à peu en arriere, faisant le degast deuant l'ennemy, & nous rendans maistres de tout ce qui nous pourroit apporter quelque desauantage. Et si veux encore que nous ne cessions de reculer, tant que les ennemis outrez de famine, de mai-aises, & incommoditez, soient contrains de nous quitter-là, & rebrousser chemin par où ils seront venus: car lors nous les poursuurons à nostre tour, & irons charger ceux qui seront las & recreus: si bien qu'il nous sera fort aisé d'en auoir seurement la raison. A cette opinion, comme beaucoup meilleure & plus certaine que la precedente, il sembla que toute la compagnie fust pour s'arrester: mais Iosué fils de Brenezes se tira auant, & parla ainsi. Ie ne voy pas, (Sire,) que nous ayons guerres gagné quand bien nous aurons mis en routte & defait nos ennemis, & n'y a (ce me semble) profit ny aduantage quelconque que nous deuions attendre de cette victoire: Car ton ayeul Bajazet gagna bien autrefois vne grande bataille sur les François, le Bourguignons, & les Hongres, & neantmoins que luy en reuint-il pour cela: la plus grande

Conseil de
Thuracan
trop tiede
pour vn ho-
me de guerre,

Auis de Iosué
moyen entre
les deux de-
uant dits.

1443.

part se sauua de la meslée, & le garderent fort bien d'entrer plus auant en pays. Mais si le rebours (que Dieu ne vueille) aduenoit maintenant, & que nous eussions du pire, ie pense que chacun considere assez les dangers & inconueniens qui nous viendroient menacer. Ce sera doncques le meilleur de s'arrester à la plus seure opinion, afin que nous ne venions à tomber en quelque confusion & desordre qui nous face à la fin perdre tout; mais plutost cherchions les moyens d'arracher de viue force la victoire des mains de nos ennemis. Or icy en ta presence ont esté proposez deux conseils & auis tous differends; l'un qui est fort dangereux & peu raisonnable; l'autre beaucoup plus seur & digne de toy. Qui est-ce doncques maintenant qui voudra reuoker en doute qu'on ne se doie tenir au plus certain? Qui est celuy (s'il a au moins le iugement sain & entier) qui n'en vueille plutost prendre la meilleure & plus seure voye? Et pourtant de retourner en arriere, ne reculer deuant tes ennemis, ce n'est chose ny digne de ta grandeur, ny à laquelle ie me puisse iamais consentir: car cela ressembleroit à vne vraye fuite, dont le courage se viendroit à leur redoubler, & aux nostres à diminuer d'autant: De sorte que ie n'estime pas que lors on puisse trouuer moyen de retenir les forces de l'Asie, ne les gens de pied aussi peu. Je ne veux pas dire pourtant, qu'on doie ainsi à la legere hazarder tout à l'incertain euenement d'une seule bataille; car i'estime, que le plus expedient sera de clorre fort bien (à toutes aduentures) les vallons & les emboucheures des montagnes avec nostre armée, & laisser ainsi tout à loisir couler le temps, iusques à ce que les ennemis se viennent à matter; & d'eux mesmes soient contrains de nous quitter là, pour se mettre au retour: Alors nous pourrons aller apres, enuoyant deuant toute nostre caualerie pour leur donner à dos, & les traouailler en toutes sortes qui sera possibles.

VIII.

Retraite des
Hongres.Stratageme
de Humade.

CET auis sembla encore meilleur & plus certain que le precedent, parquoy tout le reste de l'assemblée ne fit point difficulté de l'approuuer & consentir, arretant suiuant cela qu'on ne combattroit point; aussi qu'on ne retourneroit pas en arriere, d'autant qu'à chacun plaisoit plus de temporiser vn petit, pour puis apres aller charger en toute seureté, ceux qui n'auroient plus le cœur à autre chose que de retourner au logis. Et là-dessus on enuoya les troupes de l'Europe pour deffendre le passage aux Chrestiens, lesquels firent bien tout leur effort de contraindre ceux qui estoient à la garde de l'abandonner; ce qu'ils ne peurent, car les Turcs leur resisterent vaillamment, & repousserent de grand courage ceux qui les y vindrent assaillir de front; tant qu'à la parfin les Hongres, apres s'estre par quelques iours opiniastréz à cet estrif & combat sans pouuoir rien aduancer, furent contrains pour ce que les viures leurs defaillioient, de trousser vne nuit bagage, & reprendre le chemin par où ils estoient venus. Les Turcs ne s'aperceurent point de ce deslogement que le iour ne fust desia grand, qu'ils virent leur camp & les loges toutes vuides: & neantmoins si ne se hastèrent-ils pas d'aller apres qu'Amurat ne fut venu, lequel commanda au Beglierbey de l'Europe de prendre ceux qui estoient là presens, prests & en eitat de combattre, & suiure les ennemis à toute bride, & à Thuracan Saniaque de la Thessalie, de l'accompagner pour le soustenir si besoin estoit. L'autre prenant ceux que le Seigneur auoit luy-mesme choisi, s'en alla à point de esperon pour rateindre les ennemis, mais Jean Humade qui auoit préuen à tout, ayant aussi de son costé trié à part quelque nombre d'hommes des plus asseurez & vaillans, les alla embuscher en vn lieu à propos sur le chemin; & luy comme s'il eust voulu attendre de pied ferme ceux qui le poursuiuoient, tourna visage. Cependant le General de l'Europe, tiroit tousiours auant tant qu'il pouuoit à trauers la pleine large & spacieuse, suiuant les Chrestiens à la piste, quand son frere Thuracan l'estant venu rateindre luy escria: Et que penses-tu faire mon frere, de charrier ainsi à la haste vne si lourde & pesante masse de gens à trauers cette campagne rase, ouuerte de tous costez? Certes tu ne iouës pas au plus seur, car les ennemis ne fuient point, ie t'en veux bien aduertir; & si ne pourront longuement endurer d'estre poursuiuis & chassés de nous, qu'on ne les aye sur les bras, & ne facent quelque dangereuse recharge, veu que par tant de iours, & d'une si grande ardeur ils se sont parforcez de nous attirer au combat, & ont monsté d'en auoir si grande enuie; estans (ce me semble) bien despités que nous ne voulions descendre à la plaine, pour y demesler la querelle à la pointe de l'espée. Parquoy ie suis d'avis que nous gagnions ces costaux, & le long d'iceux les poursuiuions sagement, autant que l'œil nous fera connoistre qu'il en sera besoin. Ces paroles toutesfois ne retirerent point Chazan de son premier propos; tellement que l'autre voyant son opiniastré, le quitta là, & avec les forces de la Thessalie dont il auoit la conduite, s'en alla tout bellement en bonne ordonnance, prendre son chemin par le bas de la montagne,

gne, cependant que Chassan suiuit tousiours ses premieres erres, se hastant le plus qu'il pouuoit de ioindre les Hongres, lesquels faisoient semblant de fuyr, iusques à ce qu'ils l'eurent attiré dedans l'embuscade. Alors Huniade voyant son party à propos, sortit soudainement de furie & impetuolité sur les Turcs, & en fit d'arriuee vn terrible meurtre, outre ceux qu'il prit prisonniers en fort grand nombre, parmy lesquels se trouua Carambec frere de Chatites, * & l'un des enfans de Priam. Tout le reste fut encore depuis pris ou tué à la chasse : Mais Chazan se sauua de viffesse, sans s'arrester qu'il n'eust gagné la troupe d'Amurat, avec quelques vns qui eschapperent quant & luy. Estant arriué en sa presence luy dit telles paroles. Helas Seigneur ! à quel party auons nous esté reduits, par la malheureté de celuy qu'on sçait assez estre le plus meschant de tous les hommes, & qui nous a ainsi trahis & liurez es mains de tes ennemis. Car veritablement il est traistre, & ne le sçauroit nier ; leur ayant descouuert tous nos conseils & entreprises, & n'a point voulu marcher quant & nous. Il a (dis-je) reuelé point par point à son tres-grand & singulier amy George Bulc, toute la maniere dont nous leur deuions courir sus ; ce qui a esté la seule cause de nostre perte & desconfiture : & que si peu de nous (encore à toute peine) se sont sauuez à la fuitte. Là dessus Chatites fils de Priam chargeant sur Thuracan pour l'amour de son frere, vint de plus belles à enflamber le courroux d'Amurat : luy remettant en memoire, comme du temps de Thuracan sejournoit en la haute Mysie, ayant le gouvernement de la contrée prochaine du Danube, il auoit tousiours eu fort grande amitié & intelligence avec le dessusdit Bulc, Prince des Triballiens ; de sorte qu'en faueur & consideration de cette leur ancienne accointance, & de plusieurs grands presens qu'il auoit receus de luy, il l'auroit voulu supporter en tout ce qu'il auoit peu. A quoy Amurat adiousta foy : & reputant à vne trop grande faute qu'il eust ainsi abandonné le general de la Grece, & pris tout exprez vn chemin à l'escart, l'enuoya prisonnier en Asie, en la ville de Thochata, là où il fut gardé iusques à son retour ; donnant le gouuernement de la Thessalie à vn autre.

1443.

Sa victoire
contre les
Turcs.* Autrement
Chali & Hali-
ber, ou Hais
Bassa, ainsi
que Priam ap-
pele son pour-
l'embrasser.Thuracan
emprisonné
par calomnie.

IX.

VOILA l'occasion & la forme de l'emprisonnement de Thuracan. Mais George Seigneur des Triballiens, lequel ne voyoit pas beaucoup d'esperance ny de ressource sur le support des Hongres pour recouurer son Estat, depecha vn Ambassadeur à la Porte du Turc pour sonder sa volonté, à sçauoir s'il le voudroit point reestabli en ses terres, sous condition d'estre de là en auant son vassal & son tributaire, & luy donner par chacun an la moitié de tout son reuenu : Encore feroit-il tant enuers les Hongres (s'il le trouuoit bon) qu'ils viendroient aussi à quelque appointement. Toutes lesquelles choses ayans esté exposées en la presence d'Amurat, il promit de restituer à George & à son fils le pays qu'il leur auoit osté, pourueu qu'à l'aduenir ils luy voulussent demeurer fidelles. Et là dessus Bulc sceut si bien gagner les volontez des Hongres, que mesme il persuada à Vladislau d'entrer en l'amitié & alliance d'Amurat : Car ce n'est pas peu de chose Sire (ce disoit-il) que l'Empereur des Turcs t'offre non seulement vne bonne paix & accord, mais de rendre outre cela à tes confederez le pays dont il est desia en possession & saine ; à quoy tu entendras si tu me veux croire, & par ce moyen tes affaires se disposeront tousiours de mieux en mieux, pour recommencer vne autrefois cette guerre en temps plus à propos, & auquel la victoire te sera beaucoup plus certaine & ayée. Ce fut le langage qu'il tint au Roy Vladislau, lequel se laissa persuader à ce conseil & aduis, & depecha suiuant cela deuers Amurat, afin d'enuoyer des deputez avec lesquels on peut traiter, & consequemment recevoir de leurs mains les terres dont il estoit question. Ce que le Turc accorda, & donna plein pouuoir aux siens d'arrester les articles qu'ils auoient desia esbauchez : A sçauoir que le Prince George rentreroit en son heritage, sous la condition par luy mise en auant, de luy payer par chacun an la moitié de tout son reuenu par forme de tribut : Que les Hongres en aucune sorte ne molesteront plus les pays d'Amurat desormais : & les Turcs aussi ne passeroient le Danube, pour endommager celuy de Hongrie : & par ce moyen que des lors les vns & les autres à l'aduenir demeureroient bons amis, aliez & confederez, sans aucun dol, deception ne mauuaise foy. Toutes lesquelles choses ils promirent & iurerent respectiuelement par serment solemnel, de garder chacun endroit foy inuiolablement, sans y contreuenir, ne les enfreindre en façon quelconque. Et pour le regard des Valaques, qu'ils payeroient tribut à Amurat, suiuant la conuention desia arrestée entr'eux ; mais au reste, qu'ils demeureroient comme de coustume, des appartenances & dependances du Royaume de Hongrie. Cela fait, Amurat s'appresta pour aller contre le Caraman pour-
autant que cettui-cy n'auoit pas plustost eu les nouvelles de la descente des Hongres dans les terres d'Amurat, que prenant cette occasion à propos pour bien faire ses besongnes, il

George Des-
pote de Ser-
uie ou Rascie
tributaire du
Turc.Appointemēt
des Hongres a-
uec les Turcs.Les articles de
la paix, qui fut
incontinent
rompu.Expedition
d'Amurat
contre le Ca-
raman en
Asie.

1443.

Qui se rap-
pointe de
nouveau avec
Amurat.

Remuemens
du Pelopone-
se contre A-
murat.

Nou.

La muraille
de l'istme re-
faite par les
Grecs.

Inconstance
du Seigneur
d'Athenes.

X.
Nerio Accio-
h Florentin,
par quels mo-
yens il par-
vint à la Sei-
gneurie d'A-
thenes.

se ietta à l'impourueu d'une grande impetuosité & viffesse sur les Prouinces de l'Asie, rengeant à son obeyffance tout ce qu'il trouua en chemin. Et apres qu'il eut entendu comme les Chrestiens s'estoient approchez d'Amurat, il s'en vint aussi avec son armée pour luy donner à dos, de sorte que les Turcs se voyans enuoloppez par deuant & par derriere de ces deux puissances ennemies, furent lors contrains de separer & distraire leurs forces, pour entendre aux vns & aux autres; ce qui leur reuenoit à autant d'affoiblissement. Cela fut à la verité l'une des principales causes, qui meut Amurat d'appointer avec les Hongres, voyant le danger qui se presentoit; afin que s'estant deliuré d'eux, il peust aller descharger sa vengeance sur les espauls du seul Caraman, qui luy faisoit continuellement infinis desplaisirs & molestes. Mais l'autre n'attendit pas cet orage, car de peur d'esprouuer à toute outrance le courroux & fureur d'Amurat, il enuoya ses Ambassadeurs pour faire son accord; prest & appareillé (comme il disoit) de le seruir, obeyr & complaire en tout & par tout, & où il luy voudroit commander: Et que pour plus grande assurance, s'il ne se vouloit contenter de ses promesses, & se fier à sa parole, il luy donneroit tels oltages & seuretez qu'il voudroit, afin de le mettre hors de doute & deffiance. C'est ce qui aduint à Amurat du costé de l'Asie. Mais ce que les Princes & Seigneurs du Peloponese entreprirent sur les Prouinces de l'Europe, nous le dirons presentement. Theodore, qui fut puis apres esleu Empereur, estant arriué à Constantinople, Constantin surnommé Dragosis s'en vint au Peloponese là où il se mit en possession des terres de son frere, & mesmement de la ville de Sparthe, qui regarde vers le mont de Taugete; ensemble de tout le reste de la contrée, hors-mis de celle de Thomas, frere de l'Empereur, en deliberation de clorre de muraille l'istme ou destroit de terre qui est à l'entrée: & ne cessoit de solliciter les peuples qui habitent au dehors d'iceluy, sujets d'Amurat, de se reuolter & prendre les armes contre luy: tellement qu'il retira à son obeyffance la ville des Thebains, avec tout le plat pays de la Bœoce. Et quant au Seigneur d'Athenes, n'ayant pas eu le cœur d'esprouuer la fortune du combat, il luy offrit de payer tribut de là en auant par chacun an: au moyen dequoy l'appointement fut fait entr'eux. Il s'empara aussi de la montagne de Pindus, pour le iourd'huy appelée Mezzono, laquelle est habitée des Blaciens, qui vident du mesme langage que les Valaques, & ne different en rien de ceux qui font leurs demeures au long de la riuere du Danube. Ceux-cy s'estans venus rendre à Constantin, se mirent de là en auant à faire la guerre aux Turcs de la Thessalie, sous la charge & conduite de tel chef qu'il leur vouloit enuoyer. Au regard de Leodoricium, qui est une petite villette située en la contrée des Locriens, tout joignant la dessusdite montagne de Pindus, du costé mesme de la ville de Phandrium, elle auoit accoustumé de prendre & receuoir son Gouverneur de la main du Ture, mais les Arabeens Albanois, qui habitent cet endroit de la montagne lequel s'allonge vers le pays d'Achaye, sous la permission & consentement administroient eux mesmes leur chose publique: Tous ceux-cy neantmoins se rengèrent au party des Grecs. Ainsi Constantin ayant assemblé tout le Peloponese au destroit, se mit à le fermer de muraille, & se hesta de l'acheuer au plustost qu'il peut, car il y fit venir son frere mesme, qui estoit son vassal, & dresser les ateliers par tout; puis departit l'ouvrage par tasches, autant que chacun en pouuoit mener à fin en ce peu de iours qu'il leur limita. Cette closture paracheuée, il ietta ses forces en campagne, & les enuoya sur les terres du Ture, courir & fourrager; en sorte que desia il luy faisoit la guerre à bon escien: Mais Homur fils de Thuracan Gouverneur de la Thessalie ayant fait diligence d'assembler ses forces, s'alla jetter sur la ville de Thebes, & le territoire d'Attique, où il porta vn fort grand dommage, puis s'en retourna chargé de despoüilles & de butin: Et là dessus Nery Seigneur d'Athenes, voyant que les affaires des Turcs commençoient une autrefois à renaistre, & rentrer en leur premier bon-heur, & prosperité accoustumée, enuoya à la Porte pour faire sa paix, desirant (ce disoit-il) de retourner en la bonne grace d'Amurat, & continuer à cette fin de luy payer par chacun an le tribut qu'il souloit. Les Ambassadeurs furent fort bien receus, & remporterent ce qu'ils demandoient, sous les conditions par eux proposées.

Or estoit ce Nori natif de Florence, & auoit trouué le moyen de paruenir à la Seigneurie de l'Attique par une telle façon: Car Anthoine fils de René l'ayant fait venir d'Italie, & son frere avec luy, leur fit tout plein de biens & faueurs à tous deux, & les tint tousiours au rang de ses plus intimes amis, & proches alliez; leur donnant pension & estat pour s'entretenir honorablement. Mais apres que tout à coup il fut mort d'une apoplexie qui le prit en dormant, sa femme enuoya deuers Amurat, afin d'estre par luy maintenue en

la Seigneurie de son mary, appellé avec elle l'un des principaux & plus fameux citoyens (qui luy estoit proche parent, le propre pere de moy, qui escriis la presente Histoire) & fut luy-mesme commis à faire ce message; pour aller avec une bonne somme de deniers poursuivre cette principauté de l'Attique, & de la Bœœce. Mais, tout aussi-tost qu'il fut party, ceux qui estoient les principaux en la ville, meus d'enuie & de despit à l'encontre de luy, moyennerent par belles paroles de faire descendre de la forteresse de l'Acropolis, la Duchesse veuve de feu Antoine, laquelle apres sa mort s'y estoit retirée à sauuer, & mirent le gouvernement de la Ville & de l'État, es mains des plus proches parens d'iceluy, chassant dehors toute la race d'elle. Et ainsi se firent les plus forts: toutesfois estans depuis retournez à faire alliance avec elle par le moyen d'un sien fils adoptif qui n'estoit point autrement de mauuais naturel, ils luy mirent le chasteau entre les mains, dont tout incontinent apres ils le debouterent, & s'en saisirent derechef; parquoy le gouvernement leur demeura entre les mains, car ils auoient entierement mis dehors toute nostre famille. Et Chalcondyle d'autre costé ne fut pas plustost arriué en la presence d'Amurat, qu'il luy fit mettre la main sur le collet, voulant noimément (comme il disoit) qu'il luy rendist le pays: Mon pere luy offroit bien trente mille escus, mais cela n'eut point de lieu. Et comme sur ces entrefaites il eut le vent de l'armée qu'Amurat auoit fait partir pour s'aller saisir de la ville de Thebes, ensemble de tout le reste de la Bœœce, il se mit lors à espier soigneusement les moyens qu'il y auroit d'euader; si bien que s'en estant un iour offerte l'occasion, il ne s'amusa pas à faire trousser son pavillon, ny serrer bagage, mais gagna au pied tout doucement le droit chemin de Constantinople; où sans faire aucun sejour il monta sur mer pour tirer au Peloponèse: mais la fortune luy fut si contraire, que les vaisseaux des Seigneurs de l'Attique qui s'en alloient voguans çà & là à l'aduenture, rencontrerent, & fut par eux pieds & poings liez remmené à Amurat, lequel toutesfois ne luy fit aucun mal, ains luy pardonna le tout. Et comme l'on demanda à ceux qui l'auoient amené les trente mille escus qu'il auoit offerts, ils firent responce que cela estoit entierement hors de leur puissance: qui fut la cause des maux & outrages, que les Turcs estans en garnison en la Thessalie firent dedans le territoire d'Attique. Nery doncques estant venu à la principauté, se monstra tout du commencement si mol & effeminé, que son propre frere Antoine luy ayant brassé sous main ie ne sçay quelle menée, le deposseda, & s'introduit en sa place: mais apres sa mort Nery s'en estant allé à Florence, fut par le moyen de ses citoyens reintegré en son État. Et là dessus pour autant qu'il s'estoit ligué aux Grecs, & auoit pris les armes avec eux, le Gouverneur de la Thessalie luy vint courir sus, & gaster tout son pays; dont il se trouua si pressé, qu'il fut à la parfin contraint de s'accorder avec les Turcs. Les Grecs n'en eurent pas plustost les nouvelles qu'ils prirent les armes contre les Atheniens: parquoy il depescha un Courier en toute diligence deuers Amurat, pour luy faire entendre le danger où il se trouuoit, & comme les autres le tenoient fort estroitement assiégué dans la ville mesmes d'Athenes, faisans tout leur effort de la prendre. Thuracan gouverneur de la Thessalie l'en aduertit pareillement, & l'exhortoit d'aller assaillir le Peloponèse, pour diuertir leur entreprise; mais tout cela aduint long-temps apres, car pour lors ce Nery icy, comme nous auons desia dit cy-deuant, auoit esté par le Duc du Peloponèse frere de l'Empereur reduit à luy estre tributaire. Ainsi passerent les choses à celle fois, pour le regard des Grecs, & des affaires du Peloponèse. Quant à l'Empereur de Constantinople, & de ce qu'il fit, nous en parlerons d'oresnauant. Comme doncques il sceut que l'armée de Hongrie s'en estoit retournée, & qu'à l'instigation du Prince George ils auoient fait appointment avec Amurat, il depescha deuers le Pape, pour luy remontrer que si les galeres & vaisseaux du Ponant venoient en l'Hellesponte pour clorre aux Turcs le passage de l'Europe, on pourroit fort aisément en auoir la raison: car c'estoit chose toute seure, que si Amurat n'auoit sinon les forces de l'Europe, il se garderoit bien de hazarder la bataille contre les Hongres. De là, ils auoient charge de passer outre vers le Roy de France, & le Duc de Bourgogne, pour leur rafraischir la memoire de la desconfiture que les leurs auoient autresfois receuës du temps de Bajazet, par la faute & ignorance de l'Empereur Sigismond, dont ils se pouuoient bien venger à cette heure s'ils vouloient, & leur rendre la pareille. Le Pape de son costé arma dix galeres, & dix autres qu'on ramassa çà & là, toutes bien fournies & equippees de gens & munitions de guerre, lesquelles voguerent en Leuant: Et au reste sa Saincteté manda à l'Empereur Iean de fort bonnes paroles, comme estant prest & appareillé de faire tout ce qu'il vaudroit de luy. Cette flotte estant arriuée en l'Hellesponte, elle fit fort bien son deuoir d'empescher à

1443.
ou un peu
auparauant.

Le pays &
maison de
Chalcondyle,
auteur de la
presente Hi-
toire.

Mutinerie à
Athenes.

Le pere de
l'Auteur fait
prisonnier par
Amurat.

Infidelité du
frere à frere.

Discord des
Grecs.

Negociation
de l'Empe-
reur de Con-
stantinople
avec le Pape
& les Princes
Chrestiens,
pour recom-
mencer la
guerre à Amu-
rat.

1444.

Armée de
mer pour al-
ler saisir le
destrait de
l'Hellespon-
te.

1444.

Zenempifas
chef des Al-
banois, se re-
uolte contre
les Turcs.

Appareil des
Hongres ef-
pouventable
aux Turcs.

XI.

Le Cardinal
Julian Cesa-
rin Legat du
Pape rompt
la paix des
Hongres avec
Amurat.

La guerre de
Hongrie con-
tre les Turcs,
sous la con-
duite du Roy
Vladislais.

Amurat le passage de l'Europe, tout le long de la marine de Macedoine du costé de l'Ionie. Et comme le bruit fut volé de toutes parts, que les Hongres estoient en armes, & s'en venoient à grande diligence droit en la Thrace, pour en mettre les Turcs & Amurat dehors (car il estoit bruit par tout de ce grand appareil, & que tous les passages de la mer estoient desia clos & occupez par les galeres des Occidentaux) il n'y eut lors personne, qui ne prist courage de recouurer son pays, & n'eust bonne esperance d'y rentrer, en quelque sorte & maniere que le sort de la guerre vint à tomber. Entre les autres Zenempifas le fin beau premier sortant de la Macedoine avec les Albanois qui y estoient habituez, se vint ietter sur le territoire d'Argyropolichné, rafflant toute la plaine qui s'estend iusques en Castorie. Mais Therizes gouverneur de Boerhæ, ayant en diligence assemblé les Tartares d'Azatin, & les Turcs qui estoient à la solde d'Amurat, avecques vn bon nombre de Boerhæens, & de ceux de Therme, & de Limna, luy alla à l'encontre, & le surprit au despourueu, qu'il estoit encore en la contrée de Castorie, où il le deffit, & tailla en pieces plusieurs Albanois, & autres encores, avec leur Colonel Zenempifas, qui demeura sur la place: Lesquelles choses se passerent ainsi en Europe, là où tout estoit en trouble & combustion; chacun se hastant d'accourir au recouurement de ses biens, comme à vne moisson & recolte de grains non encore paruenüe à maturité, ainsi que le succez des choses le monstra depuis. Neantmoins les Turcs entrerent lors en vn fort grand espouuement, voire presque en desespoir de leurs affaires; estimans que c'estoit fait d'eux à cette fois, & qu'ils ne se pourroient iamais demesler de l'assaut des Hongres, & de tant de peuples conspirez contre eux. Parquoy ils se mirent à remparer leurs murailles, par tout où ils trouuerent quelque commodité d'attendre vn siege: Et cependant estoient aux escoutes que pourroient deuenir les troubles & esmotions presentes.

D'AUTRE part le Cardinal Julian Legat du Pape, homme fort versé es vs & constitutions de Rome, estoit apres tant qu'il pouuoit à inciter les Hongres de prendre les armes contre les Turcs: les dispensant par l'autorité du Pape du serment qu'ils auoient presté au traité de paix, lequel estoit fort expres, ainsi qu'on pût voir quand il fut leu en la presence de tous. Et eux de leur costé estoient poussez d'une certaine impetuosité à l'entreprise des pays qu'Amurat tenoit en Europe, estimans les trouuer vuides & desnuez de deffence à cause de son esloignement en Asie, où les affaires du pays le detenoient, & pourtant les recouuereroient fort à l'aise: pource que les galeres du Pape, qui estoient desia arriüées à la bouche de l'Hellesponte, luy empescheroient le passage. Ce que l'Empereur de Constantinople leur confirmoit de plus en plus, les asseurant qu'Amurat, quelque effort qu'il sceust faire, & deust-il remuer iusques à la dernière pierre, ne passeroit point deçà la mer. Au moyen dequoy les Hongres firent paix avec ceux de Boheme, sur les differens qu'ils auoient à demesler ensemble, lesquels auoient esté le principal motif de faire venir les Hongres à vn accord avec Amurat. Et les Bohemes mesmes s'appresterent pour aller à cette guerre: car ce qui les auoit le plus incité de faire appointment, estoit qu'ils reputoient à chose fort loüable, de laisser leurs inimitiez & querelles, afin de ioindre & vnir leurs forces ensemble, & d'un commun accord puis apres s'en aller courir sus à ce grand ennemy du nom Chrestien. Ils attirerent quant & quant à la ligue, Ducas, & Dracula fils de Myrxas, lequel se monstra fort prompt & delibéré à cette entreprise, offrant vn renfort de dix mille cheuaux. Et au regard de George Seigneur des Triballiens, ils essayèrent bien tout ce qu'ils purent pour l'esmouuoir à estre de la partie, toutesfois il n'y voulut point entendre, alleguant estre chose trop detestable de fausser ainsi les promesses jurées d'une part & d'autre: & commencer les premiers de les enfreindre & y contreuenir, sans qu'on leur en eust donné occasion. A tout euenement, si les choses succedoient bien pour le Roy Vladislais & les Hongres, il esperoit de les appaiser facilement par le moyen de quelque argent: & neantmoins il ne laissa de luy faire remontrer sous main, qu'il ne deuoit point ainsi entreprendre la guerre à la volée contre les Turcs, dont la puissance estoit desia trop à craindre, & ne se pouuoit aisement renuerfer & mettre bas, au moins par les forces de Hongrie. De fait il voyoit bien que leur appareil & equipage estoit trop foible pour les chasser hots de l'Europe, y estans en si grand nombre & tous bons hommes de guerre, endurcis & accoustumez de viure à la campagne sous des tentes & pauillons, sans reconnoistre autre mestier, exercice ny occupation pour gagner leur vie, que celuy des armes: Et au reste de cette nature, que quand on pense les auoir reduits à la plus grande extremité, c'est lors qu'ils monstrent & font paroistre leur vertu & prouesse par dessus tous les autres peuples de la terre. Toutes ces choses icy le Prince George taschoit de ramener


deuant

deuant les yeux au Roy Vladislatis: & toutesfois il n'en tint compte, mais deslogeant de la Transiluanie s'en vint passer le Danube avec toute son armée, & entra dans le pays d'Amurat, où il se campa le long de la marine de Dobrodicie, és riuages du Pont-Euxin: & de là s'en vint mettre le siege deuant la ville de Calliacre, & celle de Varne; lesquelles il prit, à sçauoir celle de Varne * par composition, & l'autre d'assaut: Car les Hongres de plaine abordée gagnerent fort viuement le haut de la muraille, & de là s'estans iettez d'une grande impetuosité au dedans, saccagerent miserablement cette pauvre & desolée place, dont ils enleuerent grand nombre de prisonniers. Cela fait, prirent le chemin d'Andrinople, & de Constantinople. Pendant ce temps Amurat estoit empesché autour du Caraman, dont il pilloir & ruinoit le pays: & apres auoir fait vn grand butin de bestes à cornes, & de cheuaux, s'en alla assieger le chasteau de Cogny, car le Caraman s'estoit retiré aux montagnes, & faisoit là son compte de resister. A la parfin toutesfois il enuoya des deputez deuers Amurat, comme nous auons desia dit, offrant donner des ostages, & mesme son propre fils: En outre de redoubler le tribut qu'il souloit payer chacun an. Comme doncques il estoit apres à proposer ces conditions, suruint le Courrier que le Prince des Triballiens auoit depesché à Amurat, pour l'aduertir de la descente des Hongres, qui auoient desia passé le Danube: dequoy il se trouua fort scandalizé, & fut la cause de le faire plus aisément condescendre à pardonner au Caraman, nonobstant les fâcheries & ennuy qu'il luy faisoit ainsi à toutes heures: Et ayant pris les ostages qu'il luy donna, ensemble vn sien fils, il retira son armée. Mais il estoit cependant en grande perplexité d'esprit, de ce que l'armée de mer des Italiens, & autres peuples du Ponant, auoient desia occupé toute la mer de l'Hellesponte; parquoy il ne voyoit point de moyen qu'il püst passer en Europe, au moins si promptement comme l'affaire le requeroit. Si ne laissa-il pourtant d'y faire acheminer son armée en diligence, estant deliberé de desloger à coups de canon, les vaisseaux des Chrestiens qui se presenteroient pour luy empescher le passage; Car cet endroit de la Propontide est fort estroit & serré; & y a vne forteresse qu'on appelle Hieron, qui commande à l'un & l'autre riuage. Or comme il y fust arriué, discourant en soy-mesme quel party il pourroit prendre pour transporter ses gens à l'autre bord, il n'y trouua plus les galeres, car le temps auoit esté si rude & impetueux par plusieurs iours, qu'il n'eust esté aucunement possible aux vaisseaux de demeurer à l'ancre, ny de parer au vent en toute la Propontide; tellement l'ayant trouuée vuide & desnuee de toute resistance, il passa luy & ses gens tout à son aise en Europe; où il n'eut pas plustost mis le pied en terre, qu'il depeschal'un de ses gens à l'Empereur de Constantinople, pour luy faire entendre comme il estoit au deça sain & sauue, & s'en alloit trouuer ses ennemis; afin que sans aucune remise ne delay il ne fit faute d'assembler tout incontinent son armée, pour se venir ioindre à luy.

1444.

* Anciennement Dony.
Sicopolis.Les affaires
d'Amurat en
Asie.Grand heur
d'Amurat.

FIN DV SIXIESME LIVRE.



L E

SEPTIESME LIVRE

DE L'HISTOIRE DES TVRCS,

DE LAONIC CHALCONDYLE

A T H E N I E N.

SOMMAIRE, ET CHEFS PRINCIPAUX

du contenu en ce present Liure.

- I. *Le foudroy en quoy estoit l'Empereur Jean Paleologue, de se declarer pour Amurat, ou pour les Chrestiens; ausquels finalement il inclina.*
- II. *La bataille de Varne où le Roy Vladislais fut tué, & son armée entierement deffaitte.*
- III. *Jean Huniade s'estant sauué de la desconfiture, tombe es mains de Dracula son mortel ennemy, lequel l'ayant deliuré à l'instance des Hongres, fut depuis mis à mort par iceluy Huniade.*
- IV. *L'Empereur de Constantinople fait sa paix enuers Amurat: Dissention de son frere Theodore avec luy: la closture de l'1^{ste} prise d'assaut par les Turcs, & quelques places du Peloponese encore.*
- V. *Expedition d'Amurat contre Scanderberg Seigneur d'Albanie; la prise de Sphetisgrad, & Getia; & le siege de Croye.*
- VI. *Amurat, suiuant le vœu par luy fait à la bataille de Varne s'estant mis en un Monastere, s'ennuye tout incontinent de cette vie solitaire & oisue, & reprend le manement de l'Empire.*
- VII. *Second voyage d'Amurat deuant Croye, dont il est contraint de le leuer pour aller combattre Huniade, qui auoit assemblée vne autre armée pour luy courir sus.*
- VIII. *L'ordonnance des deux batailles, Turque & Hongresque; avec vne facetieuse histoire d'un ieune soldat Turc.*
- IX. *La grande bataille donnée es plaines de Cosobe, où les Hongres & Valaques furent desconfits.*
- X. *Diuerfes aduentures & dangers suruenus à Huniade, à sa retraicte de la iournée de Cosobe.*
- XI. *Noies & dissensions entre les freres de l'Empereur Jean Paleologue, pour la succession de l'Empire apres son deceds: La mort d'Amurat, & le commencement du regne de Mechemet second, le plus brane guerrier de tous les Othomans.*

1444.

Irresolution
de l'Empe-
reur de Con-
stantinople
en la guerre
des Hongres
contre Amu-
rat.



Es nouuelles mirent l'Empereur en grand esmoy & perplexité d'esprit, pour n'auoir sceu empescher aux Turcs le passage de l'Europe, où sans trouuer aucune resistance ils auoient pris terre si à leur aise. C'estoit à la verité ce qui luy pesoit le plus sur le cœur: pourtant discouroit-il en soy-mesme lequel des deux luy seroit plus à propos & vtile pour l'heure presente, ou de dissimuler & s'entretenir en la paix & amitié d'Amurat, ou bien de rompre avecques luy & luy denoncer la guerre. Car si la paix auoit lieu, cela estoit bien certain qu'il luy faudroit fournir des viures, à point nommé, & toutes autres choses necessaires pour son armée, cependant qu'elle trauerseroit le Royaume de Pont; de quoy il s'alleuroit bien que les Hongres luy scauroient mauuais gré, & que par traict de temps il luy en pourroit venir de l'ennuy & facherie, s'ils auoient le dessus de cette guerre; tellement qu'il aduisa pour le mieux de suivre leur party, & se declarer tout ouuertement contre Amurat. Mais Chatites fils de Priam estant encore bien affectionné enuers les Grecs, selon ce que depuis on a pû voir par

par ses lettres, n'aduertit pas son Maistre cruëment de cette deliberation, mais leur conseilla de ne rompre si tost avecques luy, que premierement ils n'eussent vn peu mieux pensé au traict que cét affaire à la parfin pourroit prendre. Pendant ce temps Amurat ayant eu nouvelles comme les Chrestiens estoient desia bien auant en pays, se mit en chemin pour leur aller à l'encontre, recueillant de costé & d'autre les forces qui estoient çà & là esparduës par l'Europe: Et tout aussi-tost qu'il les eust approchez, il trouua moyen de gagner le territoire, pour tascher à leur couper les viures: les suiuant en queue de logis en logis, & se campant tousiours au mesme lieu, où ils auoient logé le iour precedent: Que si d'auenture les autres ne faisoient traite entiere, il s'arrestoit semblablement à my-chemin, en quelque lieu propre & aduantageux. Et ainsi continua durant quatre iours, tout expres pour reconnoistre quel nombre ils estoient: leur forme de marcher & se mettre en bataille: comme c'est qu'ils voudroient proceder en cette guerre: si se trouuans estonnez de sa soudaine suruenue, ils rebrousseroient point tout court en arriere, ou bien ne faisant cas de luy ils voudroient passer outre: si les choses alloient en leur camp par bon ordre & conduite: qui estoient ceux qui y commandoient: s'ils s'accordoient bien ensemble: & s'ils estoient en volonté de venir tost à la bataille, ou tirer la guerre en longueur: s'ils auoient abondance ou difficulté de viures: & toutes telles autres particularitez d'importance, dont on se peut instruire, si on tient son ennemy de pres. Amurat doncques temporisa ainsi quatre iours, suiuant continuellement les ennemis à la trace. Mais au cinquiesme, Jean Huniade qui auoit soigneusement remarqué cette contenance & façon de faire, fit assembler le Conseil au Pauillon du Roy de Hongrie, pour aduiser s'il faudroit tout de ce pastenter le hazard du combat, ou se ietter plus auant dans le pays de l'ennemy. L'opinion de tous fut de combattre, sans differer d'auantage; & pour cette occasion s'arrestèrent en ce mesme logis, afin de se preparer pour le lendemain. Amurat d'autre costé qui pour beaucoup de considerations ne vouloit pas tirer les choses en longueur, mesme-ment pour ne souffrir point gaster ainsi son pays deuant ses yeux, s'en vint alleoir son camp assez pres de celuy des Chrestiens, en la mesme plaine où ils s'estoient desia logez, & se fortifia là à la mode accoustumée, qui se fait en cette sorte. Les Ianissaires tout premierement font vn parquet tout autour d'eux fermé de gros paux fichez en terre, & accou-plez l'vn à l'autre avec des chaines de fer, qui passent au trauers: Et quelque part que le Turc marche, les chameaux portent cette cloison à sa suite, avec les armes d'iceux Ianissaires, qu'on leur rebaille quand l'occasion s'en presente. Au milieu d'eux tous, sont dressez les trefz, tentes & pauillons pour sa personne, ensemble des Bassaz, & autres grands personnages de la Porte, & de tous les Courtisans. Apres les Ianissaires, sont at-tengez grand nombre de pauois & de targues, & puis les chameaux au deuant. Qui est à peu pres l'ordre de la Porte, quand le Seigneur est en son camp, & en vfa ainsi à celle fois, là où les armées de l'Europe estoient à la main droite, desquelles estoit Beglierbey ou General, Carats homme de fort grande valeur & estimé parmy les Tures: & à la gauche celles de l'Asie, departies par troupes & esquadrons, peu distans les vns des autres, afin de se pouuoir secourir si l'occasion s'en presentoit; autrement la caualerie Turquesque ne pourroit pas combattre à son aise, si elle n'est ordonnée de sorte, que les gens de pied (tous harquebusiers & hommes de traict) se puissent estendre en manches, & en poin-tes. Mais cependant les Chrestiens ne dormoient pas non plus; car ils se rengerent en bataille d'vne fort belle maniere, tout aussi-tost que le iour commença à poindre; estant Jean Huniade celuy qui conduisoit le tout, comme l'vn des meilleurs & plus excellens Capitaines de son temps. Apres doncques qu'il eut ordonné les Hongres à la pointe droite, & les Polonois & Valaques à la gauche: & que luy avec le Phasé, (ce sont ceux qu'on ap-elle les Bitaxides) fust prest d'aller commencer la premiere charge, le Roy Vladislaus par son conseil & aduis s'estant allé mettre tout au beau milieu de son armée, vfa d'vn tel langage. Puis qu'il a pleu à Dieu, pour le seruice duquel nous sommes icy venus (tres-chers & loyaux compagnons) de nous auoir amenez sains & sauues, iusques à la veue des enne-mis de son saint Nom, & nous donner le moyen & commodité de les combattre en lieu si à propos, il ne reste plus que de vous exhorter, non point à monstrier ce iourd'huy vo-stre valeur & proüesse, car de cela ie n'en fais doute, mais d'vne chose seule, c'est d'aller sagement en besongne, & ne vous perdre point par vne trop grande animosité, quand vous ferez à l'ardeur du combat à l'encontre de ces gens-cy, qui sont beaucoup plus dangereux, & à craindre rompus & débandez à la fuite, que lors qu'ils sont encore fermes & entiers. Ayez doncques bien l'œil à cela, & que tout l'effort que vous ferez soit tousiours, estans

1444

Astuce d'Amurat.

A quoy vn chef de guerre doit prendre garde, estant pres de son ennemy.

Mode de camper du Turc, & la fortification de son logis.

Ordonnance de la bataille des Chrestiens.

Harangue du Roy Vladislaus.

1444.

ferrez en bataille s'il est possible, sans vous eschauffer trop inconsiderement à les chasser & poursuivre; ny vous amuser autrement au pillage des richesses, que parauenture ils vous exposeront tout expres pour vous mettre en desordre, & les retirer puis apres de vos mains avec les vostres propres, & les vies encore. Mais si vous voulez auoir la patience d'obeir à vos Chefs, comme à la verité il faut que vous le faciez, & attendre que tous empeschemens & obstacles vous soient leuez, ie ne fais doute qu'aujourd'huy nous n'emportions l'une des plus nobles & illustres victoires, qui ait oncques esté obtenue sur les ennemis du nom Chrestien.

II.

Bataille de
Varne le 10.
de Nouem-
bre.

Les Euro-
peens plus
belliqueux
que les Asia-
tiques.

Les Turcs &
les Tartares se
rallient mieux
que nuls au-
tres.

La conuoitise
du pillage fait
le plus sou-
uent perdre
les batailles à
demy ga-
gnées.

Vaillance de
Huniade.

Carats Be-
ghibey de
l'Europe tué.

Les lances
des Hongres
& Allemands,
& leur mode
de s'en ayder
semblable à
celle des
François.

Il n'eut pas plustost mis fin à son parler, que Huniade avec sa troupe descocha d'une grande roideur & furie sur les premieres troupes de l'Asie, dont la pluspart se mit incontinent à fuir à vau-de-routte, auant que venir aux mains, & le reste ne la fit pas longue apres: tellement que luy & ses gens les ayans chassés une bonne piece, sans se trop escarter toutesfois, en tuerent grand nombre. Il ne restoit plus à Amurat que les forces de l'Europe, qui estoient encores toutes entieres: car personne n'auoit donné dessus, & attendoient comme les choses passeroient. De moy ie suis d'opinion, qu'outre que ces gens-là sont sans comparaison beaucoup meilleurs combattans que les Asiatiques, c'est leur ordinaire de iamais ne bransler tant qu'ils voyent leur Prince demeurer ferme: que si d'auenture il fait quelque contenance de reculer (ainsi que par fois il aduient) ce n'est pas pourtant pour fuir à toute bride, & en desordre sans sçauoir où, mais se retire au grand pas vers le fort que nous auons dit cy-dessus, avec ses Ianissaires qui iamais ne luy font faux-bond. Et là se rallient incontinent apres de luy, ceux qui se seroient escartés & espandus çà & là: Car les Turcs sur tous les autres que ie sçache apres les Tartares, sont fort aisez à se débander & prendre la fuite: & si pour cela ce n'est pas legere chose de les desfaire, & acheuer de rompre, parce qu'ils se rallient bien-tost, & retournent de nouveau au combat, plus aspres & courageux qu'auparauant. Or les Valaques d'un autre costé s'estans apperceus comme les Albanois auoient quitté la place, & fuyoient à tous enuis & routes restes, ne se pûrent tenir au lieu de poursuivre la victoire contre ceux qui estoient encore debout, de s'aller ruer sur le logis d'Amurat, où ils pillerent son thresor, ayans mis à mort les chameaux qui seruoient de rempart au deuant: tellement que tous chargez de richesses & de despoüilles, ils se retirerent en leurs logis, sans plus vouloir manger du combat, ny prester l'oreille à chose qu'on leur dist: occupez seulement à reuisiter leur butin, & le mettre à sauueré. Mais Huniade apres auoir rompu & tourné en fuite les troupes de l'Asie (comme nous auons desia dit) vint trouuer le Roy Vladislaus, pour luy faire faire haut avec sa cornette, au propre lieu où il estoit: & l'aduertir de ne permettre que personne se débandast à chasser les fuyards, à celle fin que si en la recharge qu'il alloit faire il luy aduenoit quelque defastre, & qu'il fust repoussé: il eust pour se retirer à sauueré ce gros hourt, comme pour un refuge & forteresse. Et tout incontinent apres s'en alla attaquer ceux de l'Europe, qui estoient à la main gauche d'Amurat, là où il y eut un fort rude conflict: se rembarans les uns les autres chacun à son tour, iusques dedans leur logis: Car de plaine arriuée les Hongres contrainquirent les autres de s'ouuir, & les menerent battans bien pres de leur camp: mais les Turcs s'estans soudain ralliez & repris leurs esprits, les mirent eux-mesmes en fuite vers le leur. Et ainsi se continua la meslée à charges & recharges, ny plus ne moins qu'un jeu de barres par une bonne espace de temps, si bien qu'il y eut tout plein de gens tuez d'une part & d'autre, & mesmement le Lieutenant general de l'Europe Carats, qui fut porté par terre roide mort d'un coup de lance: enquoy Amurat fit une perte irreparable, & le regretta fort longuement depuis: car il l'aimoit, & estimoit beaucoup pour sa vaillance & preud'homme. Or les lances des Hongres & Allemands, ensemble des autres peuples Occidentaux sont fort longues, & ont de mesme le fer long & delié: Ils ne les lancent pas au loin hors de leurs poings à guise de dards & jaelots, mais les couchans de droit fil contre leur ennemy, ioint la force & roideur du cheual lequel est celuy qui fait tout l'effort, ils en font de merueilleuses faulxées. Que si d'auenture elles se viennent à rompre de la premiere rencontre (comme le plus souuent il aduient) ils mettent la main à des estocs longs & tranchans des deux costez, tous droicts, & fort aisez à manier, dont ils font une fort grande execution, principalement parmy des gens mal armez: là où les cimenterres des Turcs qui sont courbes, & avec ce fort lourds & pesans, n'auans qu'un trenchant, varient fort aisément au poing de ceux qui les mettent en besongne. Et n'estoit les chesnes ou cordons dont elles sont retenus au bras, du beau premier coup elles voleroient enmy le champ: Bien est vray que là où elles aillent

nent à bon escien, l'eschee en est bien plus dangereux & mortel, que des espèces des Chrestiens Occidentaux. Durant ce gros estour contre les forces de l'Europe, en quoy on ne pouuoit encor appercevoir aucun aduantage, au moins qui fust guerres apparent ny certain pour vne part ny pour l'autre, ceux qui estoient aupres du Roy Vladislais, enuieux & jaloux de la gloire de Huniade, & du deuoir qu'ils luy voyoient faire deuant les yeux de leur Prince, cependant qu'ils estoient à le contempler : ayant desia rompu & mis en fuite toutes les armées de l'Asie, & tenant de fort court ceux qui relistoient de l'Europe, Carats le plus estimé personnage qu'ils eussent, auoit esté mis à mort, se mirent à crier tout haut : Et quoy, Sire, qu'est-ce que nous faisons icy ? nous attendons par aduventure que cét homme ait luy tout seul mis à fin nostre guerre, comme s'il n'y auoit autre que luy digne de manier lance ny espée. A la verité ce nous fera vn fort bel honneur quand on nous dira par tout, qu'en vn tel affaire nous serons demeurez quois & oylifs, ainsi que des Dames sur vn eschaffaut, à regarder ses proüesses, & en auoir le passe-temps : Vous-mesmes, Sire, tout le beau premier, qui deuriez icy faire voir quelque preuue de la bonne opinion que chacun a desia conceüe de vostre vertu, sans endurer qu'un simple soldat vous l'offusque ainsi, & ternisse à tout iamais, & encore en vostre presence. Allons doncques donner dedans, cependant qu'il y a encore de quoy monstrier ce que nous autres sçauons aussi faire, & n'attendons pas le dernier euenement de la bataille, dont le mal tournera au danger de nous tous, & le bien à nostre honte & ignominie. Ces paroles enflammerent le cœur du ieune Prince, de son naturel assez chaud & bouillant : Au moyen de quoy tout ainsi que si on eust versé vn grand pot d'huile sur vn brasier de feu ardent, luy qui brusloit desia d'une impatience & desir de combattre, descoucha soudain avec sa troupe tant que les cheuaux pûrent traire, vers Amurat : lequel estoit tousiours au beau milieu de ses Ianissaires remparez, ainsi que nous auons dit cy-dessus, attendant quelle seroit la fin finale de ce grand combat, ainsi chaudement attaqué entre Huniade & ses Europeens. Mais ils furent bien autrement recueillis qu'ils ne cuident, car les Ianissaires firent ce iour-là vn extreme deuoir, & combattirent tres-vailamment pour l'honneur & la vie de leur Maistre. Vladislais d'autre costé poussé d'un appetit de gloire, s'estant temerairement enfourné des premiers en la plus grande presse, pour monstrier aux siens le chemin de bien faire, ne se donna garde que son cheual eut vn grand coup de hache sur le jarret, dont il donna du nez à terre avec celuy qui estoit dessus : lequel fut tout incontinent enuélé, & accablé des Ianissaires, qui le massacrerent là sur le champ, sans que ceux qui combattoient aupres de luy le pussent recourir ny secourir à temps : si grande estoit la foule & confusion en cet endroit. Vn simple soldat de la Porte, nommé Therin, fut celuy qui luy trencha la teste, & la porta à Amurat, lequel luy fit depuis de grandes recompenses & biens-faits : Car à la verité si ce n'eust esté ce desastre, lamentable pour iamais à toute la Chrestienté, Amurat estoit sur le point de laisser tout là, & rascher à se sauuer de vitesse, voyant que de tous les endroits de la bataille, les choses alloient tres-mal pour luy, & que les Hongres pressoient si fort ses gens, qu'ils n'en pouuoient plus desormais. On dit certes, que tout aussi-tost qu'il eut veu les troupes de l'Asie tourner le dos, il s'esbranla bien fort : & eust par aduventure pris la fuite aussi bien qu'eux, n'eust esté que l'un de ceux qui estoient pres de luy s'estant apperceu de cette contenance, le rassura, & rança avec, quelques paroles piquantes dont il eut honte : & cela fut cause qu'il demeura ferme à celle fois. Mais quant il vid puis apres venir ainsi le Roy Vladislais la teste baissée droit à luy, dans ce parquet où il estoit au milieu de ses Ianissaires, & l'effort que de plaine abordée on fit pour les enfoncer, il n'eust pas (peut-estre) supporté longuement cette si rude charge, si le mal-heur des Chrestiens n'eust tourné la chance contre eux. Car tout aussi-tost que le Roy fut porté par terre, les Hongres & Polagues ne le voyans plus, relascherent & amollirent beaucoup de leur deuoir, & les Turcs au contraire reprirent cœur, qui les firent lors reculer vn bon trait d'arc : tellement que le corps du Roy demeura sur la place, & ne leur fut possible de l'enleuer.

SOVDAIN que ces nouuelles vindrent à Huniade qui estoit encore apres ceux de l'Europe, & commençoit aucunement d'en auoir le meilleur, il vid bien que tout estoit perdu, & que cette desconuenue ameneroit vn grand desordre & espouuement à toute l'armée : parquoy il s'arresta court, & rallia ses gens autour de luy comme pour reprendre haleine, & vouloir faire vne nouvelle charge : mais cependant il se retira tout bellement à quartier, puis doubla le pas droit au Danube, avec vne grosse troupe

1444.

L'enuie des Hongres & Polagues cause vn grand mal.

La trop grande hardiesse aucunes fois plus dangereuse que la timidité.

Vladislais assaut les Ianissaires dans leur fort.

Sa mort.

Amurat pressé à tourner le dos, sans la reprimande que luy fit vn simple soldat.

Ce qu'importe la perte d'un Chef d'armée.

III.

Ruse de Huniade pour se retirer.

y fut poussé outre son gré, par les persuasions de quelques-vns qui l'ensferent non seulement d'esperances vaines, mais pernicieuses encore, & à luy & à toute la Chrestienté: pource que le gain de cette bataille haussa le menton aux Tures, & leur rendit l'Empire de l'Europe du tout assésuré & paisible: d'autant que les Grecs, & autres peuples circonuoi-
 sins se repentans de s'estre ainsi legerement declarez contre Amurat, firent de là en auant sa volonté en toutes choses. Au reste il donna à ce Theriz qui luy auoit apporté la teste du Roy, de grandes possessions & heritages, avec infinis autres biens & richesses: & quant & quant le fit Saniaque, c'est à dire Gouverneur de Prouince. Il fit aussi porter à grande pompe & magnificence, le corps du Bassa Carats en la ville d'Andrinople, & luy faire des funeraillies fort somptueuses, comme le meritoient sa vertu & ses services: donnant sa place à vn Albanois nommé Scuras, qui auoit esté pris à la guerre estant encore ieune garçon, & amené au Serrail où il auoit esté nourry, & de là estoit monté à vn Saniaquat, puis à estre Beglierbey de l'Asie, & finalement de l'Europe, qui est bien plus grande dignité que l'autre, encore qu'il y ait en celle-là plus de gens de guerre, & de Prouinces à gouuerner, qu'en l'Europe: mais à cause des nations belliqueuses qui sont de ce costé-cy, la charge en est plus honorable. Il osta aussi Phatuma qui estoit Cadilefcher, à sçauoir comme grand Preuost de l'Hostel, & mit en son lieu Sarraxy, Grec de nation: Et si fit mettre l'autre en vn cul de fosse, & luy confisquant tous ses biens qui montoient à de fort grandes sommes de deniers. * Mais entre tous les autres, Chatites fils de Priam estoit celuy qui auoit le plus de credit & d'autorité enuers luy: aussi n'y auoit-il homme en toute la Porte si sage, aduisé, ne modeste. Sur ces entrefaites, l'Empereur de Constantinople fit tant par ses pratiques & menées, & par presens qu'il enuoya à Amurat, & à ses fauorits, qu'il renouella la paix avec luy, laquelle ne fut plus violée ne rompuë tant qu'il vescu, & ne fit, ny ne tolera chose aucune qui luy deust desplaire: car il eut volontiers donné le reste de ses iours à se reposer de ses peines & trauals, sicela ne luy eust esté destourné & interrompu, par les dissentions qui vindrent à naistre entre luy & son frere Theodore: lequel estant party du Peloponese s'en vint brouiller les cartes à Constantinople, & vendiquer l'Empire: tellement qu'il se portoit desia pour Empereur, & tout ouuertement s'opposoit à son frere: alleguant qu'il estoit trop mal & indignement traité de luy, & que luy ayant fait remonstrer le peu de moyen qu'il auoit de s'entretenir selonc sa dignité & grandeur, afin qu'il le voulut pouruoir de quelque reuenue plus ample, il l'en auoit escondit tout à plat. Comme doncques il eut fait quelque amas de gens à Sylembree, & au pays de là autour dont il auoit le gouuernement, & fust sur le point de commencer la guerre fort & ferme à l'Empereur, auant qu'il pût rien executer de ses desseins, celle qui a de coustume de traueser nos plus affectionnez desirs suruint là-dessus, qui le raut de ce monde en vn autre: & ainsi finit sa vie au beau milieu d'un traual desia encommencé, du tout illegitime & desraisonnable. Le Duc du Peloponese se mit incontinent à remuer mesnage de tous costez, & se iettant sur les tetres d'Amurat prit d'arriuee la ville de Pinde, le pays de la Boeoe, & les Ozoles Locriens en l'Achaye: Et si donna encore iusques dedans le territoire de l'Attique. Ce qu'Amurat ayant entendu, il vid bien qu'il n'estoit plus question de temporiser, de peur que la playe ne se rengtegeast: Parquoy il fit venir en toute diligence grand nombre de gens de guerre de l'Asie, & marcher encore toutes les forces de l'Europe, qui estoient en garnison es environs d'Andrinople droit à Pherres où il seiournoit lors, avec lesquelles il se ietta en campagne à la volte du Peloponese. Car Nery Prince d'Athenes, & Thuracan gouuerneur de la Thessalie le sollicitoient de se haster, pource qu'il trouueroit (ce disoit-il) les choses entierelement disposées à sa deuotion, pour y faire quelque bon exploit. Si tost que Constantin eut ces nouuelles, il assembla tous les peuples du Peloponese au destroit de l'Istme, & y fit aussi venir son frere, combien qu'il fust sur le point de faire les nopces de sa fille, qu'il auoit nagueres fiancée à Eleazar fils aîné du Prince des Triballiens. Et se mit à grande haste iour & nuit, à fermer de muraille ce passage d'un bout à autre, pour desliendre par ce moyen à Amurat l'entrée du pays. Cependant toutesfois il s'approchoit tousiours, accroissant son armée d'heure à autre, pource que de tous les endroits par où il passoit se venoient rendre à luy nouuelles forces: Nery mesme le vint trouuer en personne iusques à Thebes, avec vn grand renfort qu'il luy amena: & de là passant outre aux Mingies, il s'arresta en ce lieu tant pour raffraischir ses gens, & en faire vne reueüe, que pour mettre son artillerie en ordre, de cordages, ferreures, & autre equipage necessaire. Cela fait il deslogea, & se vint droit planter à l'emboucheure du destroit,

1445.
& 1446.

Scuras Albanois fait Beglierbey de l'Europe.

L'Europe plus estimée par les Turcs que l'Asie.

* Il y a au texte Grec.

et par ses pratiques & menées, & par presens qu'il enuoya à Amurat, & à ses fauorits, qu'il renouella la paix avec luy, laquelle ne fut plus violée ne rompuë tant qu'il vescu, & ne fit, ny ne tolera chose aucune qui luy deust desplaire: car il eut volontiers donné le reste de ses iours à se reposer de ses peines & trauals, sicela ne luy eust esté destourné & interrompu, par les dissentions qui vindrent à naistre entre luy & son frere Theodore: lequel estant party du Peloponese s'en vint brouiller les cartes à Constantinople, & vendiquer l'Empire: tellement qu'il se portoit desia pour Empereur, & tout ouuertement s'opposoit à son frere: alleguant qu'il estoit trop mal & indignement traité de luy, & que luy ayant fait remonstrer le peu de moyen qu'il auoit de s'entretenir selonc sa dignité & grandeur, afin qu'il le voulut pouruoir de quelque reuenue plus ample, il l'en auoit escondit tout à plat. Comme doncques il eut fait quelque amas de gens à Sylembree, & au pays de là autour dont il auoit le gouuernement, & fust sur le point de commencer la guerre fort & ferme à l'Empereur, auant qu'il pût rien executer de ses desseins, celle qui a de coustume de traueser nos plus affectionnez desirs suruint là-dessus, qui le raut de ce monde en vn autre: & ainsi finit sa vie au beau milieu d'un traual desia encommencé, du tout illegitime & desraisonnable. Le Duc du Peloponese se mit incontinent à remuer mesnage de tous costez, & se iettant sur les tetres d'Amurat prit d'arriuee la ville de Pinde, le pays de la Boeoe, & les Ozoles Locriens en l'Achaye: Et si donna encore iusques dedans le territoire de l'Attique. Ce qu'Amurat ayant entendu, il vid bien qu'il n'estoit plus question de temporiser, de peur que la playe ne se rengtegeast: Parquoy il fit venir en toute diligence grand nombre de gens de guerre de l'Asie, & marcher encore toutes les forces de l'Europe, qui estoient en garnison es environs d'Andrinople droit à Pherres où il seiournoit lors, avec lesquelles il se ietta en campagne à la volte du Peloponese. Car Nery Prince d'Athenes, & Thuracan gouuerneur de la Thessalie le sollicitoient de se haster, pource qu'il trouueroit (ce disoit-il) les choses entierelement disposées à sa deuotion, pour y faire quelque bon exploit. Si tost que Constantin eut ces nouuelles, il assembla tous les peuples du Peloponese au destroit de l'Istme, & y fit aussi venir son frere, combien qu'il fust sur le point de faire les nopces de sa fille, qu'il auoit nagueres fiancée à Eleazar fils aîné du Prince des Triballiens. Et se mit à grande haste iour & nuit, à fermer de muraille ce passage d'un bout à autre, pour desliendre par ce moyen à Amurat l'entrée du pays. Cependant toutesfois il s'approchoit tousiours, accroissant son armée d'heure à autre, pource que de tous les endroits par où il passoit se venoient rendre à luy nouuelles forces: Nery mesme le vint trouuer en personne iusques à Thebes, avec vn grand renfort qu'il luy amena: & de là passant outre aux Mingies, il s'arresta en ce lieu tant pour raffraischir ses gens, & en faire vne reueüe, que pour mettre son artillerie en ordre, de cordages, ferreures, & autre equipage necessaire. Cela fait il deslogea, & se vint droit planter à l'emboucheure du destroit,

Voyez l'annotation en la Presens de ce Liure.

L'Empereur Jean Paleologue fait la paix avec les Turcs, & la guerre contre son frere.

Theodore Paleologue se voulant emparer de l'Empire de son frere, est preuenue de la mort.

Expedition d'Amurat contre le Peloponese.

1445.

& 1446.

Il y a six mille
pas de distan-
ce.

Le pere de
l'auteur mis
prisonnier par
Amurat, non-
obstant sa
qualité d'Am-
bassadeur.

La closture
de l'Istme as-
siegee par
Amurat.

Coustume
des Turcs de
faire des feux
par tout leur
camp deux
iours avant
que de don-
ner vn assaut
ou bataille.

Charrient vn
grand bagage
a la guerre.

se campant depuis vne mer iusques à l'autre: si grande estoit l'estendue de son armée. Il y eut là vn espion Peloponesien, qui ayant bien remarqué le tout à loisir, s'en vint diligemment trouuer Constantin, auquel, tout effrayé encore du grand appareil qu'il auoit veu, il parla en cette sorte. O Seigneur! & qu'est-ce que tu as fait en quel danger & ruine as-tu inconsidérément amené, & toy, & tout le Peloponese, entreprenant vne guerre non necessaire contre vn si puissant & redoutable ennemy, lequel se vient icy respendre & verser sur les bras tout l'Europe & l'Asie, & ne peut assez trouuer d'espace pour loger son armée. Certes si tu auois encore deux autres telles clostures icy au deuant, si ne pourrois-tu pour cela soustenir l'effort & impetuosité d'un si enorme pouuoir. Parquoy ie te supplie au nom du Dieu immortel, enuoyer tout de ce pas des Ambassadeurs pour le radoucir & appaiser, & chercher d'auoir paix à luy, à quelque prix que ce soit, de peur que poussant outre ainsi irrité comme il est, il ne nous accable & foudroye icy tous miserablement avec toy. Ce propos courrouça le Prince, lequel fit tout sur le champ mettre cet espie en prison: & dépêcha l'un de son Conseil deuers Amurat, pour luy mettre en auant quelques articles d'appointement, à la verité trop superbes, & du tout hors de saison: car en lieu de filer doux, il brauoit, & vouloit que le reste de l'Istme luy fust rendue, avec les terres adiacentes hors d'icelle, qu'Amurat auoit conquises de bonne guerre. Aussi il ne daigna faire response à vne si folle & outrecuidée demande, mais en uoua fort bien l'Ambassadeur pieds & poings liez en la ville de Pherres, lequel estoit Chalcondyle Athenien mon propre pere. Et combien que ce fust en cœur d'Hyuer, il prit avecques luy six mille cheuaux esleus, pour aller reconnoistre cette fortification & closture, où les Grecs l'attendoient pour luy faire teste, & remarquer l'endroit où il pourroit plus commodément faire ses approches, & asseoir ses pieces en batterie. Mais il se courrouça bien fort contre Thuracan, de ce qu'au contraire de son opinion, qui auoit tousiours esté de remettre ce voyage au renouveau, il l'auoit conseillé d'y venir en vne saison si rude & ennuyeuse, sous l'appast d'une esperance paraenture vaine & frivole, que tout se rendroit incontinent à luy sans coup frapper, dès qu'on orroit seulement les premieres nouvelles de sa venue: là où il voyoit vne contenance aux ennemis de se vouloir deffendre à bon escien, veu le propos que Constantin luy auoit fait tenir. Toutesfois il attendit encore quelques iours pour voir s'il ne se rauiseroit point. Et voyant qu'il n'en faisoit aucun semblant, approcha lors son armée de plus pres, & s'en vint loger sur le bord du fossé, où le iour ensuiuant les Peloponesiens luy firent vne salue d'un bon nombre de pieces, qu'ils auoient assustées sur les plattes formes & rempars; mais le lendemain il leur respondit de mesme. Ainsi s'allerent entre-caressans les vns les autres à coups de canon, iusques au quatriesme iour, que les Turcs allumerent sur le soir de grands feux, chacun deuant sa loge, selon leur coustume; qui est de faire ordinairement cela deux iours auparauant qu'ils donnent vne bataille, ou vn assaut general: chantans des Hymnes à la louange de leur Prophete, qui denotent que le troisieme iour ils doiuent mettre leurs vies au hazard, pour le maintenant & exaltation de sa foy, & le seruice de leur Prince. Et cependant firent conduire leurs grosses pieces à force de bras iusques sur le bord du fossé, par vne sorte de gens qu'ils appellent Zarahory, inutiles à toutes autres choses; car ils ne combattent point, non plus que plusieurs qui suivent l'armée, les vns pour y apporter des viures, les autres pour r'habiller les chemins, dresser les explanades, remparer le camp, faire les trenchées, & autres semblables offices à quoy on employe les pionniers: On les nomme Agiades ou Azapes, Zaulsty & Iaya; & sont presque tous de l'Asie. I'estime quant à moy qu'il n'y a Prince en toute la terre, qui ait les camps & armées mieux ordonnez que cettuy-cy, tant pour l'abondance des viures, & toutes autres choses necessaires qui s'y trouuent ordinairement, que pour le bel ordre & maniere qu'ils ont de se loger sans aucune confusion ne embarrasement. Car en premier lieu, il y a tousiours grand nombre de marchands volontaires qui le suivent quelque part qu'il aille, avec force bleds, force chairs, cheuaux, & toutes autres sortes de denrées; & des esclaves encore, pour en accommoder ceux qui en ont affaire: Et acheptent en contr'eschange ceux qu'on prend es pillages & saccagemens des Prouinces, où il va faire la guerre, tellement qu'il y a tousiours à sa suite vne abondance inepuisable de tout ce qui se peut desirer pour l'usage de l'homme. Outre cela les grands Seigneurs qui sont constituez es charges & dignitez, menent quant & eux vn grand train de cheuaux, mulets, & autres bestes de voiture pour porter leurs bagages, tentes, paullons, armes, vstanciles, orge & victuailles, dont le nombre excède tousiours au double, voire au triple celuy des personnes.

Il y a

Il y a aussi des Commissaires des viures, qui ont la charge de pourvoir quel'armée n'en ait point de disette, & en faire à cette fin venir de toutes parts, pour les distribuer aux gens de guerre qui n'ont pas le moyen de traîner apres eux vn si grand carriage, & aux grands auec, s'il en est besoin: comme quelquesfois il aduient en vn loingtain voyage. Mais ce qui est le plus beau à voir, est la magnificence des tentes & paillons, qui sont communément au nombre de plus de dix ou douze mille, haut esleuez, merueilleusement superbes, tout ainsi que si c'estoit quelque belle grande Cité, qui vint à vn instant à s'ouuoir sur la place, où n'agueres on ne voyoit que la terre toute nue: Car les Turcs entre toutes autres nations que l'on sçache, sont fort curieux de se brauement loger à la campagne, plus sans comparaison qu'il ne sont à la paix dans les Villes. Mais pour retourner à nostre propos, Amurat ne fit toute la nuit auparauant que de donner l'assaut, tenir les Grecs en continuelle alarme par ses inutiles Zarahorides, qui se faisoient tuer dans les fosses comme bestes, les vns sur les autres, pour tousiours travailler d'autant les ennemis, qui se trouueroient puis apres moins prompts & gaillards au besoin: pour mesnager les gens de fait, & les laisser reposer cependant, afin de les auoir plus frais & dispos. Mais tout aussi-tost que l'aube du iour commença d'apparoistre, il fit soudain sonner de toutes parts ses trompettes & atabales (ce sont petits tabourins de cuire foncez par l'vn des bouts) avec tels autres instrumens de guerre, qui rendoient vn son horrible & espouuentable pour les vns & pour les autres, sçachans bien que c'estoit vn adiournement & signal, pour enuoyer auant leurs iours à la mort plusieurs milliers de viuans. Les Turcs s'amasserent soudain de toutes parts à grandes troupes sous leurs enseignes, pour aller la teste baissée donner à l'endroit qui leur estoit ordonné & departy: Et Amurat de son costé avec les Janissaires de la Porte, se mit au beau milieu de ses gens rengez tous d'vn front, qui comprenoit l'estendue entiere de la muraille depuis vne mer iusqu'à l'autre; marchant de grands pas droit au fossé, où il auoit desia fait conduire vne infinie quantité d'eschesles, & bracquier toutes les pieces d'artillerie sur le bord, dont il fit delascher deux ou trois volées, cependant que ses gens gaignoient le pied de la muraille, tant pour en oster aux Grecs la connoissance, par le moyen de la fumée que rendoient les pieces & quelques artifices de feu entre-meliez parmy tout expres, que pour les empescher de comparoistre sur le rempart lors qu'on viendroit à planter les eschesles, & monter à mont. Car l'effort de l'artillerie est tel, que rien ne peut resister à son impetuosité; & mesmement les choses dures, & solides encore moins que ne sont les molles qui cedent & obeissent, comme des balles de laine ou de coton, & semblables estoffes. L'empeschement doncques, & resistance que pouuoient là trouuer les Janissaires en estans leuez; le premier d'eux tous qui arriua en haut, & ce en la propre presence du grand Seigneur, fut * Chiteres le Tribalien, lequel estant venu aux mains avec ceux qui se presenterent pour les repousser, le rembarra fort brauement, & les tourna en fuite; donnant par ce moyen lousir à ceux qui le suiuiroient à la file, de prendre pied ferme sur le rempart, & combattre plus à leur aise. Mais ceux de dedans perdirent incontinent courage; & tout ny plus ny moins que s'ils eussent esté estonnez de quelque coup de foudre, qui leur eust osté & le iugement & la veüe, quitterent tout là; se renuersans & culbutans les vns sur les autres, en tel desordre & confusion qu'ils s'accabloient eux-mesmes: si grande fut la frayeur & espouuentement, qu'ils conceurent à la seule veüe du premier ennemy qui les alla ioindre de pres. Et faut bien dire que ce furent leurs pechez qui les auenglerent à celle fois, & leur osterent le sens, car ils combattoient en lieu aduantageux, d'où s'ils eussent eu tant soit peu de cœur, ils pouuoient aisément repousser ceux, qui avec peine & difficulté tres-grande, venoient du bas en haut contre eux. Mais leur longue oisiveté, leurs delices & nonchaloir, & sur tout faute d'experience, celle qui nous assure le plus es grands & douteux affaires, ne leur permitrent de pouoir rien discerner de ce qui leur estoit propre, tant pour leur honneur & deuoir, que pour le salut & conseruation de leurs vies, ains tournerent le dos sans occasion quelconque: & s'estans ainsi espouuentez d'eux-mesmes, empoisonnerent de leur lascheté les autres qui estoient derriere pour les soutenir: tellement que de cette premiere poincte, les Janissaires se firent maistres de la muraille & du rempart, cependant que d'ailleurs on sapoit par en bas, & qu'on enfonçoit les portes. Et tout ainsi qu'un impetueux torrent, qui a vne fois faussé tant soit peu la digue où leuée qui l'arrestoit, ne met gueres puis apres à renuerser & abattre le reste, & de là d'une furie espouuentable, sans plus trouuer de resistance s'épand à trauers les plaines & campagnes, rauissant quāt & luy l'esperance du pauvre desolé laboureur; En semblable les Turcs

1445.
& 1446.Commissaires
des viures.Ruse d'Amu-
rat.Assaut de
l'istme.Vaillance
d'Amurat.* C'est à dire
George.Lascheté des
Grecs.La paix sou-
uent plus d'a-
gouille à fai-
re perdre vn
Etat que
n'est la guer-
re.

1445. ayans de plaine abordée forcé ce qui les deuoit arrester plusieurs mois, se déborderent sur ces pauvres miserables; les vns tuans & saccageans tout ce qui se rencontroit deuant eux, les autres se ruans sur le pillage traïsnoient parmy la bouë & le sang des richesses inestimables; ou bien s'amusoient à prendre des prisonniers, qu'on venoit desmembrer entre leurs mains propres, par conuoitise de se les arracher les vns aux autres, & demeurer chacun maistre de la proye. Quant aux Chefs & personnes illustres, tout aussi-tost qu'ils se furent apperceus de la mauuaise contenance que faisoient les soldats, & comme de plain saut ils commencerent à bransler, sans qu'il y eust plus d'ordre de les retenir & faire combattre, ne voulurent pas demeurer pour les gages, mais monterent habilement sur les chevaux qu'ils auoient à toutes auentures là sellez & bridez, tous prests à mettre le pied en l'estrie si quelque desastre suruenoit, & à toute bride se sauuerent dans le profond du pays. Car encore que la ville de Corinthe fust tout aupres pour leur plus courte & abregée retraite, si ne s'y voulurent-ils pas toutesfois engager, sçachans fort bien que la premiere chose que feroit Amurat à la poursuite de sa victoire, seroit de les aller inuestir là-dedans: Et ils connoissoient assez la portée de la place, qui n'estoit ny de forteresse, ny de gens de guerre, ny de provisions quelconques aucunement en estat d'endurer ou soutenir vn siege, non pas à grand' peine de tenir bien peu de iours. Parquoy ils se retirerent de vitesse tout au bout de la Laconie, attendans ce que les ennemis voudroient faire: lesquels s'estans ainsi faits maistres de l'entrée du Peloponese, il n'y auoit plus rien qui peust arrester Amurat, ne l'empescher de se promener de costé & d'autre tout à son aise, selon qu'il voudroit choisir son party. Et là verité cette secousse brisa de tous points les affaires des Peloponensiens; de sorte qu'il n'y eut plus aucun espoir ny apparence de ressource, ne autre expedient sinon d'abandonner tout là, & monter sur mer pour se retirer ailleurs; parce que, hommes, armes, artillerie, & munitions de guerre, tout cela estoit entierelement épuisé. Amurat doncques ayant à si bon marché forcé la closture de l'Istme, entra dans le pays sans aucune contradiction; là où tout premierement il alla faire enuolopper, ny plus ny moins que dedans vn accours ou parquet de toiles fait pour le deduit de la chasse, trois cens pauvres captifs, qui auoient trouué le moyen d'euader la nuit, & se retirer en la montagne estant au dessus du port de Cenchrées, qu'on appelle Oxy ou pointue, lesquels se rendirent par composition à faute de viures, sous esperance qu'on leur feroit bonne guerre; mais ayans par son commandement esté amenez en vne grande place, il leur fit à tous couper la gorge en sa presence, comme pour vne primice & offrande de sa victoire. Et ne se contentant pas de cette cruauté, achepta encore de ses deniers iusques au nombre de six cens des plus beaux ieunes hommes qui se pûrent recouurer parmy tous les prisonniers Grecs, dont il fit vn solennel sacrifice à l'ame de son feu pere, comme si l'effusion du sang de tant de pauvres miserables, luy deust seruir de propitiation pour ses pechez. Cela fait, il separa son armée, dont il donna vne partie à conduire à Thuracan Gouverneur de la Theessalie, homme fort pratiqué & expérimenté au fait de la guerre, & qui auoit grande connoissance des affaires du Peloponese, & des Turcs qui y estoient habituez, & luy donna encore mille Ianissaires de renfort, pour aller faire vne raffe dans le cœur du pays. De luy il tira droit vers l'Achaye, & le mesme iour qu'il força l'Istme, s'en alla planter son camp deuant la ville de Sicyone, laquelle il prit & saccagea entierement: car elle n'estoit ny située en lieu fort, ne pourueüe de gens de guerre, d'autant que tous les hommes de destensie en auoient esté tirez pour aller à la garde du destroit. Toutesfois Mulgery,* & quelques autres Grecs en petit nombre s'estoient retirez au chasteau avec leurs femmes & enfans, lesquels se voyans hors de toute esperance d'auoir secours, & que les Turcs ayant gagné le fossé, sappoient desia le pied de la muraille, se rendirent à la discretion d'Amurat, qui fit mettre le feu sur le champ au chasteau & à la ville, & les enuoya en celle d'Angium. De là passant outre il vint à Patras ville d'Achaye, riche & opulente pour lors, mais il la trouua toute vuide, car les habitans l'auoient abandonnée, & s'estoient retirez en la terre-ferme que les Venitiens tenoient vis à vis, fors quelques outreuidez iusques au nombre de quatre mille, compris les femmes & enfans, qui se pouuoient aussi bien mettre en seureté que les autres, lesquels se voulurent opiniastrer de tenir bon dans le Palais; toutesfois ils perdirent le cœur tout aussi-tost que les Turcs comparurent, & furent tous faits esclaves iusques au dernier. Ne restoit plus que le chasteau, là où Amurat fit donner quelques coups de canon: & comme les Ianissaires estans allez à l'assaut eurent d'abordée gagné la muraille, ils en furent brauement repoussez par ceux de dedans, avec des cercles, lances & pots à feu, & autres artifices de soulfre, & de poix-raisine

Grande desolation à la prise de l'Istme.

Sa closture dénuageable aux Grecs.

Cruauté sur cruauté d'Amurat.

La ville de Sicyone maintenant dite Basilique, saccagée par Amurat.

* Autrement Calagery.

Patras prise par les Turcs.

poix-raifine destrempez d'huile ; & si remparerent la bresche soudain , beaucoup plus forte qu'auparavant. Au moyen dequoy Thuracan estant de retour de sa course , chargé d'un infiny butin d'esclaues & de despoüilles , le camp se partit de là tout ensemble ; & bien-tost apres fut la paix faicte avec les Grecs. Le Peloponese qui auoit tousiours gardé son ancienne liberté , commençalors premierement à estre tributaire aux Turcs : & au regard des Thebains qui auoient abandonné leur ville pour aller quant & les autres garder l'Istme , ils y demurerent presque tous , partie tuez sur la place , & le reste faits esclaues. La ville aussi de Pinde , avec le pays adiacent , & la contrée qui est au dehors de cette encoleure , tout aussi-tost que la muraille fut forcée vindrent és mains d'Amurat.

1445.

& 1446.

Le Peloponse
se fait tribu-
taire du Turc
par Amurat
second.

GEORGES CASTRIOT OV
SCANDERBEG ROY D'ALBANIE.



MIRACLE de valeur invincible Samson,
Seul rempart des Chrestiens tousiours inexpugnable ?
Quels furent les exploits de ton bras redoutable,
Si les Turcs s'enfuyoient au seul bruit de ton nom.

SON ELOGE OV SOMMAIRE
DE SA VIE.



N seul Horace arresta toute la puissance des Toscans, un Marcellus enerva la puissance d'Annibal, & un Camillus redonna la vie à sa patrie. Mais un seul Scanderbeg plus vaillant que l'un, plus prudent que l'autre, & plus heureux que le dernier, a esté non seulement un Gedeon, un Sanson, & l'espée de sa patrie, mais le bouclier de la Chrestienté, ayant appris aux siècles futurs qu'une debile puissance avec une bonne conduite peut terrasser des forces tres-redoutables, & qu'une valeureuse hardiesse donne l'alarme, & fait beaucoup souffrir aux plus puissans potentats du monde. Or Georges Castriot, autrement Scender, ou Scanderbeg, ayant esté si redoutable à ces deux puissans Monarques Amurat & Mahomet, que le premier est mort de tristesse des affronts qu'il luy a fait souffrir, & l'autre qui a esté si redoutable à tout l'univers, n'a iamaïs receu que de la honte de s'estre attaqué à luy : Est-ce sans raison si nous auons inseré le Roy d'Albanie la terreur de l'Empire Ottoman parmy les Princes Ottomans qu'il a si mal mené par un si long-temps, avec une poignée de gens ? Ce seroit à la verité estre trop ingrats & mesconnoistre la grace si speciale que les Chrestiens receurent alors du TOUT-POISSANT, de leur auoir donné un tel deffenseur. Il eut pour pere Iean Castriot Seigneur de ceste partie d'Epire qu'on appelle Emathia & Zumenestia & de Vorlaua fille du Prince des Triballes, ou de Pollogo. Passé son enfance comme ostage à la Porte de l'Empereur Amurat qui le fait circoncire contre sa volonté. Sa ieunesse aux armées de ce Monarque où il fut tousiours employé aux charges plus honorables insques à ce qu'il trouua moyen de deliurer sa personne de ceste seruitude & son ame de l'esclavage de ceste abominable croyance resourrant secrettement en son pays qu'il fait renolter contre les Tures & s'en estant rendu le maistre pour son coup d'essay taille en pieces 40000 Turcs près de Dibre conduits par Haly Bassa. Recherché d'amitié par Amurat, il la refuse, qui pour se vanger luy enuoye deux Bassas l'un apres l'autre, Ferie Bassa & Mustapha qui n'eurent pas meilleure aduenture que Haly. Les Venitiens luy font la guerre pour la ville de Dagnium, il a l'assurance & la valeur de leur resister, & d'attaquer en mesme temps les troupes d'Amurat. Finalement ils s'accorderent. Resiste à une armée de 200000. hommes & à Amurat en personne au siege de Croye, lequel fut contrainct de le leuer honteusement dont il mourut de dueil. Mis en route en diuerses rencontres Amelabeg que Mahomet second auoit enuoyé contre luy faisant souffrir la mesme honte & la mesme ruine à huit armées que le mesme Mahomet y renuoya depuis à diuerses fois, lequel estant pour lors l'effroy de l'Europe est contrainct de rechercher d'accord le Prince Scanderbeg, faisant cependant quelques trefues, durant lesquelles nostre Castriot estant venu en Italie à la priere du Pape Pie, & de Ferrand d'Arragon pour les secourir contre la Puissance des François, il fit aussi connoistre son courage nompereil & sa sage conduite à la plus valeureuse & victorieuse nation de l'univers. Les trefues expirées, & Mahomet ayant de nouveau remis le siege deuant Croye luy surmontant la necessité & sa foiblesse fait un tel effort qu'il rastailla Croye, & la munit pour un an, contrainct en fin Balabam de leuer le siege, & au mesme Mahomet qui y reuint en personne avec une armée effroyable. Estant en fin contrainct de luy laisser son pays en repos, & de garder seulement ses frontieres, & toutes fois pour l'execution de tous ces valeureux exploits, il n'a iamaïs eu au plus que dix ou douze mille hommes, avec lesquels il a passé tousiours sur le ventre à de si grandes & puissantes armées, sans que iamaïs l'ennemy luy ait peu voir les espauls, si adextres & entendu au fait de la guerre qu'il n'eust crainct avec 3000. cheuaux d'en attaquer 12000. D'une force au demeurant si incomparable qu'on tient qu'il a tué en sa vie plus de 2000. Turcs, & qu'il les fendoit ordinairement depuis la teste iusques au nombril, ayant imprimé aux Turcs une si grande crainte de luy, & quant & quant une telle admiration qu'ils ont en tousiours ses os en tres-grande reuerence, & ce luy s'est. mort heureux qui en pouuoit auoir. Il a passé de ceste vie en l'autre en sa ville de Lyffe, en l'age de 63. ans le 28. Nouembre 1443. & de son regne le 24. en l'estat d'un Religieux Chrestien plutost que d'un homme de guerre, & d'un vaillant Canallier.

1445.

1446.

1448.

*Quelques-uns
mettent cette
guerre apres la
bataille de Co-
sobe.*

V.

*Son droit
nom est Geor-
ges Castriot.*

*Voyage d'A-
murat contre
Scanderbeg.*

*La ville de
Sphetigrad
prise d'assaut,
& celle de Ge-
tia par com-
position par
les Turcs.*

*Levent le sie-
ge de Croye,
ville capitale
de l'Albanie.*

VI.

*Les Turcs ne
reissent pas
la deuotion
des vœux.*

*Amurat se de-
mit de l'Em-
pire pour se
retirer en so-
litude*



VR le commencement de l'Esté ensuiuant, il se mit en campagne pour aller contre Scender ou Scanderbeg (c'est à dire Alexandre) fils d'Iuanes qui auoit en sa ieunesse esté nourry à la Porte, & dit-on qu'Amurat mesme en auoit abusé : dont indigné de cet outrage, & ne le pouuant condescendre d'abandonner sa religion, il auoit trouué le moyen d'e-uader, & se retirer en son pays d'Epire ; là où ayant épousé vne Princefse nommée Donique, fille d'Arianetes, s'estoit tout ouuertement rebel-
lé contre Amurat, ne luy enuoyant plus le tribut accoustumé, & ne permettant à per-
sonne de ses sujets, d'aller à la Porte, ny à la suite de son camp. Delia mesme il commen-
çoit à luy faire la guerre à bon escien : Parquoy Amurat assembla en diligence tout autant
qu'il auoit de gens de fait, & en l'Asie & en l'Europe, & entra en personne dans le pays
d'Iuanes, où il mit tout à feu & à sang, pilla la contrée, & gasta vniuersellement tous les
bleds & autres biens qui estoient sur la face de la terre pour reduire le peuple à famine. Ce
temps pendant Scender, apres auoir fait retirer les femmes, & enfans, ensemble tout le
reste de l'inutile peuple sur les terres des Venitiens le long du goulphe Adriatique, pour
les mettre en seureté, luy avec les hommes de desfence voltigeoit çà & là par le pays, sans
s'arrester nulle part, de peur d'auoir quelque estrette, pouruoyant par mesme moyen aux
endroits qui auoient besoin de secours : Et si faisoit toujours encore quelque dommage
aux ennemis. Mais sa principale retraite estoit en des lieux forts & mal-aisez d'aborder,
dans les montagnes qui s'alongent iusqu'à la marine, attendant ce que voudroit faire
Amurat, & à quelle place finalement il le viendroit attaquer. Qui fut à celle de Sphetis-
grad, laquelle il enueloppa de ses armées tout à l'entour, & fit d'arruée sommer les habi-
tans de se rendre, enquoy faisant, il leur donneroit liberté de se retirer où bon leur sem-
bleroit : dont ils ne voulurent rien faire, ains se preparerent pour attendre le siege en
bonne deuotion. Toutesfois il ne dura pas longuement, car leur ayant fait donner vne
fort rude escalade par les Ianissiers, ils furent emportez d'assaut, & suiuant ce qu'il auoit
ordonné tous les hommes mis au fil de l'espée, le reste exposé au pillage. De là il tira ou-
tre vers Getia, laquelle intimidée de l'exemple de l'autre, se rendit à composition : Ayant
mis en seruage tout le peuple, s'en alla finalement planter deuant Croye la principale, &
meilleure place de toute l'Albanie ; car l'assiette en est forte à merueilles & si estoit bien
reparée & munie de bons fossez, de muraille, boulleuards, & platres formes. Il fit nean-
moins ses approches sans temporiser, moyennant le grand nombre de gastadours qu'il
charrioit continuellement à sa suite : & ayant assis ses pieces en batterie fit vne grande
bresche à la muraille, où les Ianissiers dennerent incontinent l'assaut, toutesfois ils en fu-
rent repoussez vaillamment, avec grand meurtre & occision. Parquoy Amurat voyant
que les choses ne luy succedoient pas à sa volonté, & que le siege seroit pour aller en lon-
gueur, joint aussi que l'Hyuer approchoit, & que les pluyes & froidures commençoient
delia à estre fort grandes, qui eussent porté vn merueilleux dommage à son armée, adui-
sa pour le mieux de se retirer celle fois.

OR en la bataille qu'il eut à Varne contre les Hongres & Polagues, s'estant trouué en
vn tel peril & danger que l'on sçait (car ses gens estoient en route presque tous,) tellement
qu'il se vit sur le point d'estre perdu, n'eust esté la mesaduenture du Roy Vladislaus, il
auoit fait vœu, que s'il eschappoit de cette iournée son honneur & bagues sauues, il re-
nonceroit au monde, remettant la couronne entre les mains de son fils, & se retireroit
en quelque Monastere de l'Asie, pour acheuer le reste de ses iours en penitences & sain-
ctes deuotions, à seruir Dieu, & le Prophete. Ayant doncques obtenu vne si memorable
victoire, & mis à mort ce ieune Roy, qui estoit pour luy donner beaucoup d'affaires s'il
eust vescu plus longuement, tout aussi-tost qu'il fut de retour, il manda son ieune fils
Mechmet (car Aladin l'ainé estoit delia mort, s'estant rompu le col à la chasse ainsi qu'il
poursuiuoit vn cerf à toute bride) en la presence des Bassaz & autres officiers de la Porte,
se démit de l'Empire entre ses mains, ensemble de toutes les forces & armées espandues
par les Prouinces d'iceluy : Puis se retira à Pruse, siege ancien des Seigneurs Turcs en l'A-
sie, là où il se renferma avec les Zichides, qui sont leurs Moynes & Religieux : & les Sc-
ctides, gens de sçauoir, ayans la charge d'interpreter la Loy & les escriptures : & ainsi passa
quelques iours en leur compagnie à en conferer, & à des deuotions telles quelles. Mais
luy qui estoit homme mondain, actif, remuant, & ambitieux, & qui ne pouuoit demeurer
en repos, se desgousta bien-tost de cette vie solitaire & oisue, & commença à pour-
penser

penſer à part ſoy les moyens de rentrer en ſon eſtat, ſans aucune effuſion de ſang, craignant que ſi ſon fils deſcouuroit cette ſienne intention, il ne fuſt contraint de venir aux armes contre luy, & que de là ne s'eſm eut quelque cruelle & forte guerre qui ne ſe pourroit pas ſi-toſt aſſouppir, dont les Turcs ennemis mortels de toutes diſſentions ciuiles, luy en imputeroient entierement la faute. Surquoy il ſe va aduiſer que le Baſſa Chatites fils de Priam qui luy auoit touſiours eſté fort fidele, & ne s'eſtoit en rien deſmenty encore de ſa ſeruitude & obeysſſance accouſtumée, pourroit bien jouir ce jeu là, ſans qu'il fuſt autrement beſoin de venir à vne contention avec ſon fils. Au moyen dequoy luy ayant ſecretement fait entendre ſa volonté, il attira vne chaſſe Royale à Mechmet, laquelle deuoit durer pluſieurs iours, & quand il fut bien embarqué apres ce deſduit & paſſetemps, avec tous ceux de la Porte deſquels il ſe fioit le plus, Chatites fit venir cependant Amurat, & l'introduiſt dans le ferrail, où d'arriuée il voulut aſſiſter luy-meſme en perſonne au Diuan (qui eſt l'audience publique qu'on donne quatre iours la ſepmaine) pour ſe renoueruer, & faire voir aux Magiſtrats, & au peuple. Là ſans contradiction aucune luy fut deferé le meſme honneur & obeysſſance que l'on ſouloit : Car vn chacun auoit encore deuant les yeux la memoire toute recente d'un ſi valeureux & redouté Monarque : tellement que Mechmet ayant eu ſoudain la nouuelle de cette ſi meſperée mutation, aduiſa pour le mieux de ſe ſoumettre de nouueau au comandement de ſon pere, pour ce peu de iours qui luy reſtoient à viure, & accourut en toute diligence luy baiſer la main, & ſ'humilier deuant luy, ny plus ne moins que s'il fuſt retourné victorieux de quelque lointaine entrepriſe & conquête. Et ſceut fort bien diſſimuler pour l'heure ſon meſcontentement, & le deſpit qu'à iuſte cauſe il pouuoit auoir conceu contre Chatites, autheur de toute cette brigue & menée, reſeruant dans le profond de ſon cœur de ſ'en reſſentir en temps plus opportun, comme il fit puis apres. Mais il fleſchit alors, tant pour n'irriter ſon pere, que pource qu'il connoiſſoit aſſez le credit & autorité que le Baſſa auoit parmy les Turcs. Toutes leſquelles choſes aduindrent auparauant qu'Amurat menaſt ſon armée es regions maritimes de la Macedoine, où eſt le pays & demeure des Albanois, le long des riuages Ioniques. Eſtant retourné de là, ſans auoir fait autre choſe que ce que vous venez d'ouyr, il ſe reposa vn'an entier à Andrinople, & es enuiron.

L'ANNEE d'apres, il retourna derechef contre Scanderbeg avec vne plus grande puisſance, plein de malalent & courroux; deliberant de ſe bien venger à cette fois, des brauades que l'autre luy auoit faites. Car c'eſtoit vn homme de grand cœur & entrepriſe, qui ne bougeoit ne iour ne nuit le cul de deſſus la ſelle, à trauailler en toutes ſortes les ſuyets d'Amurat : lequel ſ'achemina à tout vn grand nombre de gens, qu'il auoit fait venir de tous les endroiſts de ſon Empire, droit à Croye, qui eſt la principale ville de l'Albanie, ainſi que nous auons deſia dit : Et enuoya, (eſtant encore par les chemins) ſommer les Venitiens de luy liurer Scanderbeg; à quoy ſ'ils reſuſoient d'obeyr, il iroit luy meſme le leur arracher d'entre les mains à viue force. Mais ayant ſceu, comme il ſe preparoit pour l'attendre à Croye : il tira droit celle part, enuoyant partie de ſa Cauallerie deuant pour courir & gaſter le pays, qui à l'autre voyage ſ'eſtoit trouué exempt de cette calamité & orage; de ſorte qu'auant l'arriuée de la grande troupe, ils remplirent tout de bruſlemens & ruines, iuſques à vne groſſe riuere, laquelle n'ayans peu paſſer à gué, ils ſ'en retournerent au camp chargez d'infinies deſpouilles & richesses. Ce temps pendant les Albanois apres auoir mis leurs femmes & enfans à ſaueté ſur les terres des Venitiens, ſe retirerent quant à eux avec leur chef & Prince Scanderbeg, dans les môtagnes prochaines de Croye, pour y donner ſecours quand le beſoin ſ'en preſenteroit. Au reſte, il ne voulut point autrement forcer ne contraindre perſonne de ſe renfermer là dedans, eſtimant qu'elle ſeroit beaucoup plus ſeurement deſſenduë, par ceux qui d'une franche volonté ſe ſouſmettoient au hazard du ſiege. Ce qui fut par luy fort ſagement aduiſé; car le plus ſouuent il ne faut que la peur & laſcheté d'un ſeul homme, qui apres & à regret ſe verra enuelopé dans vne place, n'eſtant point accouſtumé aux meſaiſes, trauaux, & frayeurs qui ſe preſentent, pour décourager & intimider le reſte, & eſtre cauſe de faire perdre tout. Amurat ne marchanda pas beaucoup à reconnoiſtre le lieu pour faire ſes approches de loin, l'ayant deſia tout conceu & emprainct en ſon eſprit : mais incontinent fit tirer des trenchées, & approcher ſon artillerie iuſques ſur le bord du foſſé, par le moyen du grand nombre de ſes pionniers, & des mantelets, & autres machines & taudis de charpenterie, où les pieces pouuoient eſtre à couuert, avec ceux qui eſtoient deſtinez pour l'execution d'icelles, hors de tout danger & offeſſe de la contrebatterie des plattes formes & rempars. Et ainſi

1448.

Les Turcs abhorrent les querelles particulières, & les guerres ciuiles. Artifices de Haly Baſſa pour remettre Amurat en ſon eſtat.

VII.

Voyage d'Amurat contre Scanderbeg.

Sage auis de Scanderbeg.

Approches d'Amurat deuant Croye.

1448.

Proesse de
Scanderberg.Les Turcs s'ont
repoussés à
l'assaut.Amurat es-
pouanté de
Jean Hunia-
de, leur le-
gue.En vulgaire
Schuraze.Chanots de
guerre.Ce qui meut
Huniade à
cette seconde
entreprise
contre Amu-
rat.

commença de tirer quelques coups aux deffences, & taster la courtine par des volées ça & là, pour reconnoistre où se pourroit plus aisément faire bresche: En fin ayant reduit tout son equippage en vn seul endroit, il ietta en peu d'heure vn grand pan de muraille à bas. Mais Scanderberg du haut de la Montagne faisoit de grands feux toutes les nuits, & sur iour de la fumée, pour asseurer ceux de dedans qu'il estoit prest de venir à leur secours, si-
tost que la necessité s'en presenteroit; dont ils le deuoient aduertir par vn signal accordé entr'eux. Surquoy quelques-vns des soldats d'Amurat, les meilleurs & plus disposés qu'ils eust en tout son camp, se voulurent mettre en deuoir de monter cette montagne, pour l'aller desnicher de son fort, ou bien l'amuser & retenir pendant qu'on donneroit l'assaut, là où il y eut vn fort braue combat: & fit là Scanderberg des choses incroyables de sa per-
sonne, abattant & renuersant tout ce qui se rencontroit deuant luy. D'autre part les Ianis-
feres voyant la ruine & ouuerture que l'artillerie leur auoit preparée, & que la bresche estoit plus que raisonnable, se rengerent incontinent en bataille sur le bord du fossé, & allerent tous d'une grande furie la teste baissée donner iusques sur le haut du rempart, là où ils furent fort bien recueillis par ceux de dedans, qui combattoient d'un grand effort, en sorte qu'Amurat qui s'attendoit de l'emporter de plain saut, se voyant descheu de son esperance changea d'aduis, faisant son compte de l'auoir par famine à la longue, quand vn courrier arriua de la part de George Despote de Seruie, qui le luy auoit depesché en toute diligence, pour l'aduertir comme Jean Huniade ayant assemblé grand nombre de Hongres, de Transiluzains, & Valaques, estoit sur le point de passer le Danube pour en-
trer dans ses terres. Ces nouvelles firent bien à Amurat corriger son plaidoyé, car soudain il trouua bagage, & se mit en chemin pour aller deuancer les Chrestiens, la part où il pen-
soit les pouuoir plustost rencontrer. Cependant il depescha des messages de tous les costez de l'Europe, aux gens de guerre qui y estoient espandus, à ce qu'ils ne faillissent de se ren-
dre hastiuement en son camp; lequel par ce moyen se renforçoit de iour à autre, chacun s'efforçant de preuenir son compagnon, & arriuer le premier pour gagner la bonne grace du Prince. Or ayant dressé son chemin par le pays des Triballiens, il arriua finalement en cet endroit de la Mysie par où passe la riuere de Moraue, qui se va vn peu plus bas deschar-
ger en celle du Danube: toute laquelle contrée est sous l'obeyssance du Turc, & quel-
ques cinq bonnes lieues plus auant encore, iusques à la ville de Nice: Que si on regarde à la main droite, on la trouuera habitée des Turcs iusques à Nobopyrum, ou Bopirum, & à la grande montagne qui est des appartenances des Triballiens. Amurat eut là nouvelles certaines de l'armée de Huniade, qui se hastoit tant qu'il pouuoit de le venir trouuer, ayant bien quarante mille homme de pied tant Hongres que Valaques, sept mille che-
uaux, & enuiron deux mille carosses equippez en guerre; sur chacun desquels y auoit vn rondelier & vn mousquetaire, pourueu de plusieurs grosses harquebuses toutes prestes à tirer les vnes apres les autres, sans perdre temps à recharger; & estoient couverts là de-
dans d'une pauesade, presque semblable à celle d'une fuste ou galiotte. En cet equippage passerent les Hongres le Danube: ce qui estoit suffisant pour donner à penser à quelque moyenne puissance: Mais le Prince des Triballiens, qui regardoit tout cela comme d'une eschauguette, & lequel estoit homme entendu & versé aux affaires du monde, connois-
soit assez que ce n'estoit pas bille pareille pour resister aux forces qu'Amurat charrioit quant & luy, eut plus de peur de l'offencer que les autres, dont aussi bien il auoit re-
ceu tout plain d'indignitez & outrages en ses terres. Parquoy il se tint quoy sans se declarer pour eux; encore qu'il se fust volontiers vengé d'Amurat s'il eust peu, lequel luy auoit auéuglé ses enfans. Huniade le voyant ainsi caler la voile, en demeura fort des-
pité contre luy, d'autant qu'il s'attendoit à ce renfort qui n'estoit pas peu de chose, mais ne sçachant qu'y faire, il fut contraint de dissimuler pour l'heure, & remettre à quelque autre saison plus à propos le ressentiment de cette desloyauté, dont il se contenta de luy faire quelques reproches assez aigres; puis passant outre s'en vint planter son camp en la plaine de Cosobe, où le premier Amurat fils d'Orcan vint à la bataille contre Eleazar Despote de Seruie, qui demeura sur la place, & fut son armée entierement defaite: mais luy-mesme aussi y perdit la vie, ayant esté mis à mort par vn simple soldat Triballien, ainsi que nous auons dit à la fin du premier liure. Ce qui tira le plus Huniade à entrepren-
dre cette guerre, fut qu'en la rencontre de Varne il auoit veu, comme facilement de pre-
miere venue il rembarra & mit en fuite les Turcs, tout aussi-tost qu'il fut venu aux mains avecques eux. Dequoy il s'imprima vne opinion que c'estoit chose non seulement possible, mais aisée de les desfaire; & quen'eust esté la trop bouillante hastiueté du Roy Vladisläus,

Vladislatis, il les eut lors totalement mis en route : là où maintenant qu'il n'y auoit que luy qui commandast, il faudroit que la fortune luy fut bien contraire s'il n'emportoit de tous poincts ceux, que en tant & tant de combats il auoit veu tourner le dos à la premiere veüe & comparoissance de sa cornette; ayant mesmement de si belles forces, & si bien entalentées de faire quelque grand deuoir pour l'honneur & seruice du nom Chrestien, à l'encontre de celuy, qui desia tout cassé & rompu de vieillesse & de maladie, ne s'asseuroit pas du tout à son propre fils; & qui venoit tout freschement de receuoir vne honte & deffaveur deuant la ville de Croye, laquelle il auoit esté contraint de quitter-là, ne l'ayant sceu prendre sur vn simple Cheualier errant, dont son armée estoit toute ie ne sçay comment découragée & mal faite. Tous ces discours le rendoient plus insolent que de coustume, & le iettoient presque hors des gonds, comme s'il eut desia tenu la victoire assurée en ses mains, & que ce qu'il auoit conceu en son esprit n'eust osé faillir de luy succeder à souhait, voire outre & par dessus ses propres esperances; ayant desia depesché des Ambassadeurs deuers Scanderbeg & Arianites, pour les solliciter de s'en venir en diligence joindre à luy avec leurs forces, afin que de compagnie ils peussent exterminer leur commun ennemy.

Mais Amurat se trouua bien à celle fois cent cinquante mille combattans: parquoy estans venues les deux armées à veüe l'une de l'autre, des le lendemain au matin il mit ses gens dehors, donnant la charge de la poincte droite où estoient les Asiatiques, à Scuras; & de la gauche à Carats, avec toutes les troupes de l'Europe, les vns & les autres departis par escadrons separez. Quant à luy, il demeura à l'accoustumée au milieu de ses deux gros escadrons, ayant avecques soy les Ianissieres, & autres domestiques de la Porte, couuerts au deuant des chameaux, & de la pauesade ordinaire, le tout entremeslé de force mousquets, fauconneaux & autres pieces de campagne aisées à manier, tellement que c'est chose tres-difficile à aborder sans vne bien grande perte de gens. Huniade rengea aussi de sa part les siens en bataille à la maniere qui s'ensuit. De la poincte droite eurent la charge les Gouverneurs du Royaume de Hongrie, avec ses cousins Zeculez, Ziloces, & Megaluses. Au milieu il estoit en personne, accompagné des Bitezides Houffarts (ainsi est appellée la gendarmerie de Hongrie) & des forces de la Transsiluanie ou Ardel. A la gauche commandoit Danus, amy intime d'iceluy Huniade, en faueur duquel il auoit chassé Dracula de la principauté de Moldaue, pour introduire cettuy-cy, qui amena lors bien huit mille Valaques, à son secours. Or comme les deux armées fussent ainsi rengées d'une part & d'autre, n'attendants sinon de commencer l'escarmouche, vn Houffart de la cornette de Huniade la lance au poing se ietta hors des rangs, demandant vn coup de lance de gayeté de cœur: Surquoy les Turcs qui estoient prests à charger s'arrestèrent tout court; & vn d'entr'eux nommé Haly fils de Barizas qui en son temps auoit esté homme de nom, & l'un des Saniaques de l'Asie, auparauant Aga ou Colonel des Ianissieres, se presenta en semblable equipage pour luy respondre, & sans autrement marchander vindrent à toute bride l'un contre l'autre tant que les cheuaux peurent traire, de si droit fil, que leurs lances volèrent en esclats; mais le Houffart fut porté par terre, & Haly renuersé sur la croupe de son cheual, car sangles & poitrail rompirent de la force du coup, auquel il se trouua plus ferme & plus roide que l'autre; tellement que cela luy donna l'honneur de cette iouste, mais pour ce qu'il estoit ainsi en mauuaise assiete, il ne luy fut possible de retourner sur son ennemy pour l'acheuer, lequel gisoit emmy le champ tout estourdy de la cheutte; aussi que tout à vn instant les Turcs voyant l'aduantage de leur champion, ietterent vn haut cry, prenans cela pour vn bon augure de la victoire aduenir. Et ainsi s'estans retirez tous deux, chacun deuers les siens, Amurat fort content du deuoir qu'il auoit veu en ce ieune homme, le fit venir en sa presence, & luy dit telles paroles. O mon enfant quel beau commencement as tu monstré icy de ce que l'on peut esperer cy-apres de ta vaillance, veu qu'on sçait assez que c'est la premiere guerre où tu te trouuas oncques, & les premices de ta milice? Neantmoins tu t'es porté en ce coup d'essay contre ton ennemy, tout ainsi que si tu eusses desia atteint le plus haut degré de ce mestier. A cela le ieune homme respondit d'une naïfueté fort grande: Certes, Seigneur, pour t'en dire la verité, vn lievre a esté en cecy mon maistre & precepteur, & m'a enseigné de faire ce que j'ay fait. Amurat tout esbahy d'une si estrange & fantastique responce, luy demanda & comment est-ce (ie te prie) que le plus paoureux & imbecile animal de tous autres, peust tenir escole de proesse & assurance? Il repliqua. I'estois en Asie, resident en cette Prouince dont il auoit pleu à ta grandeur de donner le gouuernement à mon pere, quand vne matinée

VIII.

L'armée d'Amurat de 150000 hommes & son ordonnance pour venir au combat.

L'ordre de la bataille des Hongres.

Facetieuse histoire.

1448.

La predesti-
nation fort
recommen-
cée aux Turcs.

Ruse en la loy
des Turcs
pour les ren-
dre plus har-
dis.

XI.

La bataille de
Cosobe entre
Amurat & leâ
Huniade
1448.

Fuite des
Hongres.

il me prit enuie d'aller à la chasse, avec mon arc & vne laisse de levriers. Et voicy que ie rencontray vn lievre en forme, qui se laissa approcher de si prez, qu'il me sembla que ce seroit chose plus seure de le tuer d'un coup de trait, que de m'adventurer de le prendre à la course. Car le pays d'Attalie (comme tu sçais Seigneur) a de fort bons lievres, combien que ceux de l'Europe soient encore beaucoup meilleurs: Et ainsi faisant ce discours à part moy, ie commençay à descocher sur luy la premiere fiesche, puis la seconde, & la tierce encore, & tout le reste consequemment; sans que ie peusse assener non pas seulement esueiller le lievre, ne le faire partir de songiste, que ie n'eusse acheué de vider tout mon carquois, si y auoit-il pour le moins quarante fiesches dedans, il m'en souuient bien: Et pource qu'il se vouloit sauuer, ie laschay mes levriers apres, qui le faillirent aussi bien que moy. Voyant doncques par vne si claire espreuue, que sa destinée l'auoit garenty d'un tel peril, ie m'imprimay deslors cette opinion qui m'est tousiours demeurée en la fantaisie, que ie ne deuois non plus craindre ny lance, ny espée, ny coups de fiesche, ou d'harquebuse; pource que tout cela ne me sçauroit abreger vne minute d'heure de la vie, qui m'a esté premierement ordonné de là haut: Et sous cette confiance ie me suis ainsi hardiment exposé sans rien craindre, contre celuy qui nous venoit brauer; sçachant tres-bien que si mon heure n'estoit venuë, il ne me pouuoit arriuer de cela aucun inconuenient. Amurat prit fort grand plaisir à ce discours, & ayma tousiours depuis le ieune homme, lequel il aduança aux charges que souloit tenir feu son pere, & les osta à celuy qu'il en auoit desia pourueu pour les donner à certuy-cy. Mais cela fut puis apres, car pour l'heure luy ayant donné vne robbe de drap d'or, & fait tout plein d'autres caresses en tesmoignage de sa vertu, il le renuoya en son rang, pour acheuer de bien faire à la bataille qui s'alloit commencer. Les Turcs à la verité & tous ceux qui suivent leurs superstitions, deferent beaucoup à la predestination, & n'estiment pas qu'il soit possible d'en rien euter; ce qui les rend plus courageux & hardis à entreprendre des choses hazardeuses.

AMURAT au demeurant ne voulut pas, que les troupes de l'Asie enfournassent le combat comme à l'autre fois craignant qu'il n'en aduint du desordre, & qu'ils ne tiraissent les autres, beaucoup plus seurs & meilleurs combattans, à se desbander quant & eux: Tellement qu'il ayma mieux les faire contenir, tout ainsi que s'ils n'eussent esté là à autre fin que pour seruir de tesmoins & spectateurs: pour donner aussi à penser aux Chrestiens, quand ils verroient tant de milliers d'hommes encor en leur entier, prests à donner dedans, où l'occasion s'en presenteroit: ce qui les feroit aller plus sous-ride, & reboucherait assez de leur impetuositè & ardeur. Apres doncques qu'il eut fait renger en ordonnance les troupes de l'Europe, par cornettes & esquadrons prochains les vns des autres, voyans que les Chrestiens commençoient desia à s'esbranler pour venir à la charge, il fit donner le signal pour aller à l'encontre: Et là en cette premiere abordée il y eut de grands coups donnez d'une part & d'autre, & plusieurs vaillans hommes portez par terre, qui n'en releuerent oncques depuis. Car les Turcs Europeens combattirent de plus grand effort qu'on n'eust cuidé, se sentans esguillonnez de l'honneur que le Seigneur faisoit, de vouloir commettre tout le faix de cette iournée sur leur vertu & prouesse. Et s'il n'y alloit pas moins que de sa personne, de sa reputation, & de tout son Estat par aduventure: si bien qu'ils tembarrerent cette premiere troupe de Hongres qui le estoient venus attaquer, & en tuerent grand nombre à coups de fiesche & de cimeterre: chassans le reste à toute bride iusques dedans leur grosse troupe, à trauers vne plaine spacieuse & fort à propos pour leurs montures, qui sont vistes & de longue haleine. Mais Huniade vint tout incontinent au secours des siens, avec vn gros de Cavalerie toute fresche, qui arresta & les fuyards & les poursuiuans, ausquels il fit tourner bride, & les contraignit de prendre la fuite à leur tour, en la mesme diligence qu'ils auoient poursuiuy les siens. Ainsi s'allerent les deux armées escarmouchans tout au long du iour, sans qu'il y eust aduantage guerres apparent pour les vns ne pour les autres: car il en tomba grand nombre, esgalement presque des deux costez. Et là dessus se retirerent au logis qu'il estoit desia noire nuit, faisans à part eux diuers pensemens & discours en leur esprit: Les Hongres, que la gendarmerie Turquesque n'auoit point la hardiesse de retourner le lendemain au combat, mais s'escouleroit tous qui deçà qui delà à la faueur des tenebres, & l'airoient leur Prince pour les gages, avec ses lanissieres, dont ils auroient à lors fort bon marché. A la verité il y auoit assez de Turcs qui se fussent bien volontiers retirez si loin des coups, qu'il eust esté bien mal-aisé de les r'attendre le iour ensuiuant, n'eust esté que les Tri-

balliens

balliens qui gardoient les pas & destroits des montagnes leur firent peur, & furent cause qu'ils retournerent au camp. Amurat d'autre costé faisoit son compte tout au rebours: car ayant si bien veu faire à ses gens, que non seulement ils auoient osé attendre la furie & impetuosité des Hongres, mais les auoient rembarrez les premiers, & bien auant encore, commença d'esperer mieux de la victoire, & mespriser les ennemis beaucoup plus qu' auparauant. Parquoy ayant fait vn fort bon visage à ceux qui s'estoient les mieux portez, loué le reste de leur deuoir, & exhorté les vns & les autres de prendre courage, d'autant que les Hongres ne pourroient le lendemain endurer de les voir en face, leur donna congé pour s'aller rafraischir, car il pourueroit que ceux qui n'auoient point trauaillé, feroient les gardes & sentinelles requises. Voila comme les choses passerent en cette premiere iournée. Les Hongres employerent le reste de la nuit, à consulter sur ce qu'ils auoient à faire: les vns metrans en auant vne chose, les autres vne autre, selon qu'il leur sembloit le plus à propos: tant que finalement Thaut fils de † Sauz, qui fut fils d'Amurat premier, & pourtant de la race des Othomans, lequel pour lors estoit avec les Hongres suivant leur party, se mit à parler en cette sorte: Nous auons desia (Seigneurs Chrestiens) assez de fois combattu & en Asie, & en Europe, & si n'auons pas encore bien pris garde à la maniere dont il faut proceder contre Amurat, pour le mettre bien-tost au bas luy & toutes ses affaires: car nous ne viendrons iamais à bout de luy, ny ne ferons chose qui vaille, que premierement nous ne rompions ces gens-cy: ceux-là veux-je dire qui le remettent tousiours sur pied, quelque perte & desfaite qu'il puisse recevoir en tout le reste de ses forces, pourueu qu'ils demeurent en leur entier. Et de fait le plus court & abregé expedient qui puisse estre pour le gain d'une bataille, est de mettre à mort, ou prendre prisonnier le chef de l'armée, qui retient tous les autres en leur deuoir. Que si vne fois ils se voyent priuez de luy, tout le reste puis apres se met bien aisément de soy-mesme à vauderoute, & quitter la place: tout ainsi que si quelqu'un auoit receu vne playe mortelle en la teste, qui est comme vn Chasteau ou Citadelle, laquelle commande à tout le corps, il rend entierement sa force & sa vertu, là où estant frappé en autre endroit, il peut encore resister, & se deffendre. Oyez doncques ma conception. N'avez-vous point pris garde, comme la Porte d'Amurat s'est tout le long du iour contenue sans se mouuoir? aussi est-ce la totale ressource de luy & de son armée, en sorte qu'ils se garderont bien de la hazarder si quelque grande occasion, voire extremité notable, ne les en presse, de peur que tout ne se perde quant & eux. Parquoy voicy ce qu'il nous faut faire: Allons donner droit à trauers les Ianissaires, sans plus nous amuser autre part, car si nous les rompons vne fois, tout le reste suivra facilement, & n'y aura personne qui nous face plus teste, mais il y faut aller de resolution sans marchander, & y employer mesme les carrosses, equippez d'arquebuzes & mousquets: Ce seront ceux qui nous y feront la plus belle ouuerture, & nous les seconderons puis apres à coups de trait, & de main finalement. Et si ne faut pas attendre qu'il soit iour, ains executer tout de ce pas nostre entreprise au plus profond de la nuit, dont l'obscurité nous favorisera beaucoup, pource qu'à la lumiere on se rassure plus aisément, & voit-on mieux à qui l'on a affaire, en chose mesmement non preueue & inesperee. Si vous le faites ainsi, il n'y a doute que le Soleil à son leuer ne nous voye & saluë victorieux & d'Amurat & de ses forces iusques à maintenant inuincibles, & de tout son Empire quant & quant. Ayant mis fin à son propos, l'assistance adhera soudain à cette opinion, qui sembla la meilleure, & arresterent tous d'une voix qu'il en falloit faire ainsi, car ce seroit de vray briser la teste du serpent. Et là dessus sans faire autre demeure, ayans promptement attelé les carrosses, sur chacun desquels ils mirent trois ou quatre grosses arquebuzes, s'en allerent d'une grande audace ietter sur le logis d'Amurat environ la seconde garde: là où de plaine abordée ils mirent vn terrible effroy parmy les Ianissaires, qui n'auoient point encore esté desieunez de cette forme de combattre: aussi que cela fut si subit & inopiné, & le bruit que faisoient ces chariots si estrange, qu'ils demurerent quelques temps auant que se pouuoir reconnoistre, ne rengier en l'ordonnance accoustumée pour se deffendre: Toutesfois ils se rassurerent incontinent comme gens de fait qu'ils estoient tous, & experimentez de longuemain aux diuers accidens de la guerre. Les Canonniers quant & quant commencerent à iouer de leurs pieces, dont le parquet d'iceux Ianissaires (au milieu desquels la personne du Turc est logée, tout ainsi que dedans quelque gros bouleuard) est garny & environné de toutes parts: ce qui fit vn fort grand eschec à trauers les Hongres & leur attelage, dont vne bonne partie fut emportée à coups de canon. Le pis encore fut pour eux, que l'aube du iour commença soudain

1448.

† Ce fut celui
à qui son pere
Amurat pre-
mier fit creuer
les yeux.

Auis du
Turc Thaut
qui suiuoit le
party des
Chrestiens.

Les Hongres
à la persuasie
de Sauls, as-
saillent de
nuit le logis
d'Amurat.

1448.

Leur retraite.

Nouveau combat entre les Hongres & les Turcs, où les Chrestiens ont du pire.

Infidélité des Valaques, qui retournent sur leurs testes.

Message des Valaques à Amurat plein de flatteries.

Sa réponse par la bouche du premier Bissa.

La trahison traitée ordinairement selon la deserte.

Les Valaques taillés en pieces par le commandement d'Amurat.

à apparoirre, & les deux grandes ailles des Turcs, qui iusques alors n'auoient osé se mouuoir à cause de l'obscureté de la nuit, commençoient desia à s'ebranler pour les aller inuestir & enclorre: Parquoy les Hongres se retirerent tout bellement vers leur camp, là où Huniade mit à la haste le reste de son armée en bataille, voulant encore essayer de rompre & mettre les Turcs en desordre: Et s'en vint là dessus pour charger à toute bride les troupes de l'Asie, esperant d'en auoir meilleur marché qu'il n'auoit eu le iour precedent de celles de l'Europe. Mais le Beglierbey de la Romanie s'en apperceut aussitost, & enuoya Thuracan Gouverneur de la Thessalie avec ses gens, pour leur aller donner en queue, & luy avec le reste de son Regiment les prit de flanc, en sorte qu'il y eut là vn grand meurtre & occision des Chrestiens, pour se trouuer ainsi tout à coup pressés de diuers endroits: car ceux de l'Asie se voyans soustenus reprirent cœur, & combattirent plus asprement qu'ils n'eussent fait. Les Valaques voyans la contenance des vns & des autres, & que le peril les menaçoit desormais de venir iusqu'à eux s'ils s'opiniastroient d'attendre dauantage, aduiserent d'enuoyer deuers Amurat pour chercher de faire leur appoinctement: sous protestation de luy demeurer de là en auant tres-obeissans & fideles: Car ils ne voyoient autre meilleur expedient que celuy-là: & sçauoient tres-bien que la premiere chose qu'il feroit apres auoir gagné la bataille, ce seroit de les aller tous exterminer en leur pais, & les ruiner de fonds en comble: Parce qu'il ne se voudroit pas contenter des excuses qu'ils luy pourroient alleguer, que la conformité de la Religion, & alliance, & confederation que de si longue-main ils auoient avec les Hongres, les auroient contrainsts de prendre les armes avecques eux, ayans esté mesmement induits, voire forcez à cela par le Prince que Huniade leur auoit donné, lequel estoit du tout à sa deuotion. Apres doncques qu'ils eurent delegué l'un d'entr'eux, avec vn trompette pour aller porter ce message à Amurat, il luy parla en cette sorte. Tres-puissant & redouté Monarque les Valaques tres-humbles & tres-obeissans esclaves de ta grandeur, m'ont commandé de venir icy deuers toy, pour te supplier tres-humblement leur vouloir octroyer la paix, & les receuoir de nouueau en ta bonne grace & bien-vueillance: leur pardonnant la faute qu'ils peuuent auoir commise enuers toy & ton inuincible couronne. Car ils protestent sur la foy & seruitude qu'ils t'ont tousiours portée en leurs courages, que par contraincte & malgré eux, ils ont pris les armes contre toy, en la compagnie de tes capitaux ennemis les Hongres, que Dieu confonde, puis qu'ils ne cessent de troubler ton repos, & diuertir tes glorieuses entreprises & conquestes. Plaise doncques à ta benignité (Sire) ne reiecter point la tres-humble requeste qu'ils te font tous en general, par la voix & organe de moy leur député, & leur vouloir pardonner le passé: à la charge que tout de ce pas ils t'aideront à exterminer tes ennemis icy presens, & que doreinauant ils obeyront fidelement à tout ce qu'il te plaira commander. A cela Hali le premier Bassa ou Visir prenant la parole fit telle responce. Mais vous Messieurs les Valaques, ne deuez pas ignorer qu'elle a esté tousiours, & est encore plus que iamais la puissance de nostre souuerain Seigneur: ce qui deuoit suffire pour vous desinuoier & retenir de rien attenter qui luy deust desplaire. Toutesfois puis que vous n'avez point esté opiniastrés iusques au bout, & vous estes voulu reconnoistre auant que l'extremité vous pressast, sa grandeur esperant que le langage que vous venez de tenir sera sans dol ne dissimulation aucune, est content de vous receuoir en sa grace accoustumée, & vous pardonner le passé. Au reste vous vous pouuez asseurer que si vous faites ce que vous dites, vostre deuoir & obeissance pourra surmonter les bons traitemens & bien-faits dont il pretend vser enuers vous. Allez doncques, & apportez icy vos armes, afin qu'il ait dequoy s'asseurer de vos promesses: car de vostre ayde & secours il n'en a point de besoin pour cette heure. Ayant ainsi parlé il licencia l'Ambassadeur: lequel ne fut pas plustost de retour vers les siens, qu'ils planterent là les Hongres au plus fort de l'affaire, & s'en vindrent rendre à la Porte d'Amurat, où ils s'arrestèrent encore tous serrez en vn esquadron, s'attendants qu'il tiendrait à vne bien grande obligation, & leur en feroit soudain quelque belle recompense, d'auoir ainsi abandonné ses ennemis pour venir à son secours: pour le moins qu'ils ne se messassent ny pour les vns ny pour les autres. Mais luy qui interpreta cela tout d'une autre façon, craignant que ce ne fust vn stratageme aposté entr'eux & les Hongres, pour espier l'occasion de luy porter quelque dommage, ou bien eust en horreur & abomination leur desloyauté, manda là dessus le General de l'Europe, avec enuiron vingt mille cheuaux qu'il auoit sous la cornette, lesquels vindrent enclorre incontinent ces patriures, & les taillerent tous en pieces iusques au dernier; ils auoient encores leurs armes: car Amurat ne les leur auoit pas

pas voulu faire mettre bas, afin qu'on ne le peust arguer d'auoir exercé vne telle cruauté contre des gens nuds, qui auroient desia esté receus à sa mercy. Mais eux n'estans pour resister à vne telle force, finirent là miserablement leurs iours, en vitupere & ignominie perdurable: Là où par aduenture s'ils se fussent tenus en leur deuoir, & pris le hazard d'un combat legitime, avec leurs alliez & confederez, d'une mesme creance, contre leur commun ennemy, ils en eussent (peut-estre) esté quittes à meilleur marché avec vne honorable & glorieuse memoire. Les Hongres cependant ne sçauoient que penser là dessus: car ayans veu comme les Valaques les abandonnoient ainsi vilainement au besoin pour passer du costé d'Amurat, ils en conceurent de premier mouuement plus d'indignation que d'effroy, s'estimans bien-heureux d'estre desfaicts d'une si mauuaise denrée: Mais apres qu'ils sceurent le traitement qu'on leur auoit fait pour recompense de leur trahison, alors ils eurent la vertu d'Amurat en fort grande estime, qui n'auoit voulu ny le secours, ny la compagnie d'une si malheureuse race de gens: & commencerent à le redouter plus que deuant. Or se faisoit-il desia tard, & s'estoit passé cette iournée aussi bien que la precedente, en escarmouches & legers combats, tantost icy, tantost là, sans venir à la bataille generale, ne qu'il y eust aduantage si notable, que les vns & les autres ne se peussent encore pour celle fois retirer chacun en son champ: Au moyen de quoy la retraite se donna des deux costez: & Huniade ayant fait appeller ceux qui auoient la charge des chariots. Escoutez (dit-il) compagnons, ie viens de reconnoistre tout à mon aise, & la troupe, & le fort d'Amurat, là où gist le centre de nostre victoire, & me suis fort bien resolu du moyen qu'il faut tenir pour racler tout cela cette nuit avec peu de perte pour nous. Que chacun doncques se tienne prest pour aller donner dedans sur le changement du guet, lors que ie vous en feray aduertir par la Sourdine, car ie me mettray deuant pour vous faire chemin & ouuerture. Et sur ces entrefaites s'en alla choisir parmy toute l'armée les meilleurs hommes qui feussent, & les mieux montez, dont quant & quant il se pouuoit fier le plus: leur commandant de repaistre en toute diligence, afin de partir quand il le leur feroit sçauoir, qui fut vn peu auant le iour. Mais il ne prit pas son chemin vers Amurat comme il disoit, au contraire il tourna court tout aussi-tost qu'il fut hors des trenchées, pour aller gagner le Danube, & le passer auant que son deslogement peust estre decouvert. Comme le iour puis apres eust commencé à apparostre, & que ceux qui estoient aux carrosses attendans ce qu'on leur commanderait, n'apperceurent plus ny Huniade, ny marque aucune ou apparence de luy ne de sa troupe: & que les Turcs d'autre costé qui estoient en sentinelle eussent veu le camp des Chrestiens plus vuide & desnüé que de coustume, demurerent d'une part & d'autre vne bonne espace en suspens, ne sçachans bonnement deuiner que cela vouloit dire, iusques à ce que quelques-vns de leurs coureurs, qui estoient allez la nuit à la guerre, rapporterent que Huniade avec vn gros hourt de Caualerie auoit repassé l'eau, & estoit desia fort esloigné. Cela entendu, les Ianissieres coururent hastiuement aux armes, & allerent donner sur les carrosses, où par le commencement il y eut de la resistance, pour ce que ces gens là qui n'estoient pas des pires, se voyans reduits au desesper combattoient comme par despit, tous forcenez & furieux pour le lasche tour que leur chef leur auoit ioué. A la fin toutesfois les Turcs en ayant tué plusieurs à coups de fleches & d'harquebuses, se saillirent d'une partie des chariots, avec lesquels, tout ainsi attelez qu'ils estoient, ils donnerent à toute bride à trauers le reste, & leur passerent sur le ventre, si que personne n'en eschappa. Alors les Chefs de bande, & autres personages de commandement & autorité, se voulurent parforcer de mettre en teste à Amurat qu'il falloit pourluiure chaudement la victoire, & aller apres Huniade ainsi desconfit, mais il reietta bien loing cet aduis: leur remettant deuant les yeux ce qu'autresfois estoit cuido aduenir à Chazan fils de Mazaal, pour s'estre voulu trop opiniastrément echaufer apres le mesme Huniade, & les Hongres. Parquoy (dit-il) c'est le meilleur que nous nous contentions pour cette heure, de ce que la fortune nous a octroyé sur nos ennemis. Quand au nombre des morts qui demurerent en tous ces combats, selon ce que i'en ay peu apprendre, car le Prince des Triballiens en fit depuis vne reueüe, il y eut bien dix-sept mille Chrestiens tant Hongres que Valaques, & des Turcs enuiron quatre mille tuez sur la place: estant fort aisé de discerner les vns d'avec les autres: pource que les Turcs sont circoncis, & tous rases, horsmis vn touppe de cheueux qu'ils laissent au haut de la teste, & quelque peu de poil vers les temples: là où les Hongres nourrissent fort curieusement leurs perruques fort longues & bien testonnées. Amurat fit tirer les siés à part, & les enseuelir sur le bord de la riuere de Moraue,

1448

L'aste gene:
teux d'Amu-
rat plus re-
douté par les
Hongre que
la grandeur
de ses forces.

Disimulation
de Huniade,

Sa fuite lais-
sant son ar-
mée pour les
gages.

Bonfinius dit
que cecy ad-
uint le iour S.
Luc. 1448.

Entiere defai-
te des Hong-
res.

17000. Chre-
stiens & 4000.
mille Turcs
tuez à la ba-
taille de Co-
sobe, les au-
tres mettent
40000. Turcs
& 800. Chre-
stiens seule-
ment.

1448.

X.

Retraite de
Huniade, &
ses fortunes
en icelles.

Sa vaillance.

Le Despote
de Serbie met
gens au guer
pour le pren-
dre.

Son malheur.

Autre mal-
heur sur mal-
heur.

XI.

CEPENDANT Huniade gaignoit tousiours pays en la plus grande diligence qu'il pou-
uoit, tant que sur le vespre il arriua aupres d'une petite ville des appartenances des Turcs,
appelée Sphezanium, estant en grande perplexité d'esprit quel chemin il deuroit plustost
prendre qu'il scauoit bien que George Prince des Triballiens son mortel ennemy, ne fau-
droit sur ce desastre de luy faire dresser quelque embusche, & mauuais party s'il pouuoit:
Tellement que sur la seconde garde, faisant semblant d'aller visiter les sentinelles qu'il
auoit posées pour sa seureté, il se destourna avec quelques vns dont il se fioit le plus, &
prit vn chemin à l'escart: Puis tout soudain changeant d'auis, se desroba auant qu'il fust
iour de sa troupe: estimant de ne se pouuoir si bien sauuer en compagnie, comme s'il
estoit seul. Et tout aussi-tost que le Soleil fut leué, abandonnant son cheual, s'en alla à pied
pour gaigner vne petite colline qui estoit là aupres toute couuërt de buissons, mais il ap-
perceut vn Turc qui tiroit pays, ce qui fut cause qu'il s'alla cacher dans les cannes & ro-
seaux d'un maret qui costoyoit le pied de ce tertre, iusques à ce que l'autre fust passé ou-
tre. Lors il sortit, & poursuuiuit son chemin, tant qu'il arriua sur les terres du Prince Geor-
ge, là où ayant de premiere entrée rencontré deux Triballiens, il leur offrit vne bonne
somme d'argent pour luy monstrier le chemin, mais ils ne furent gueres loin qu'ils conspi-
rerent de le mettre à mort pour auoir sa dépouille; dequoy luy qui auoit continuellement
l'œil au guet s'apperceut aussi-tost, de sorte qu'auant qu'ils le chargeassent il eut le loisir de
mettre la main à l'épée, dont il auala l'épaule à l'un, & l'autre voyant son compagnon par
terre, gagna au pied à trauers des brossailles, où il s'éuanoüynt incontinent de sa veüe. Or
auoit le Prince des Triballiens, soudain qu'il fut aduertý de la fuite de Huniade, & de la
deffaitte de son armée enuoya en diligence fermer les passages, afin que personne ne peust
échapper sans scauoir qui il estoit, & où il voudroit aller: que si d'auenture Huniade se
rencontroit, on l'arrestast: aux autres, on permit d'aller leur chemin, sans leur donner
aucun empeschement. Cette ordonnance courut soudain de toutes parts; au moyen de-
quoy Huniade ne scauoit plus que faire: & cependant il mouroit de faim, n'ayant man-
gé passé deux iours. S'estant doncques embattu sur certains paisans Triballiens qui labou-
roient la terre, il leur demanda en l'honneur de Dieu quelque morceau de pain, car il
n'en pouuoit plus desormais. Ils le reconneurent bien à son habillement & langage,
& luy dirent: Estranger mon amy, de pain vous n'en manquez point; tenez, mangez
à labonne heure, mais il est question de vous mener au Gouverneur de ce lieu, pour
scauoir qui vous estes; là où apres que vous aurez esté interrogé, on ne vous fera mal ne
desplaisir quelconqué, de cela soyez en tout seur: ains vous l'aitra-t'on aller vostre che-
min, pource qu'on ne retient personne outre son gré, & ne chetchent que l'Huniade tant
seulement, selon ce que nous auons peu entendre. Là dessus s'estans saisis de luy, il fut
contraint par necessité d'auoir au plus ancien qu'il estoit celuy qu'on cherchoit, mais
qu'il leur feroit de grands biens & leur donneroit tant d'argent, d'heritages & de maisons,
qu'ils en seroient riches à iamais, s'ils le vouloient conduire à sauueré iusqu'à Belgrade,
sans le decouurir aux Triballiens. Le vicillard le reconneut soudain, & entreprit de le
rendre sain & sauue dans son pays; declarant à ses freres qui il estoit, dont il se falloit bien
garder de sonner mot: & pour s'en asseurer dauantage les retint avec soy. Sur le soir puis
apres ils le menerent en vn manoir où ils gardoient leurs fourrages & bestail, afin d'apre-
ster leur cas, & le faire reposer la nuit pour desloger à l'aube du iour. Mais cependant il
suruint quelque noise & debat entr'eux, tellement qu'un des freres se desroba, & alla re-
ueler l'affaire au Preuost de la prochaine ville, lequel avec ses Archers s'y en alla soudain:
& ayans trouué Huniade caché dans vn gros tas de foin, le prirént & l'emmenèrent au
Gouverneur de la contrée; luy disans qui c'estoit, & où ils l'auoient trouué. Celuy-là le
mit dans la forteresse, là où il demeura quelque temps prisonnier, iusques à ce que finale-
ment il trouua moyen de gaigner le Capitaine & ses mortes payes, qui deuoient à la pre-
miere occasion se jeter sur le Gouverneur, & s'accager la ville: mais le mal-heur voulut
encore que l'un d'eux alla decouurir l'entreprise, parquoy ceux-là furent tous mis en pie-
ces qui estoient participans de la conspiration. Finalement se fit vne alliance de la fille de
Huniade avec le fils du Despote, par le moyen de laquelle il fut renuoyé à Bude. Voyla
comment les choses passerent en cette expedition de Huniade & des Hongres contre les
Turcs qui n'eut pas l'issuë telle que toute la Chrestienté peut estre l'esperoit, attendu tant
de belles forces, & vn telequipage, sous la conduire mesme d'un si grand & renommé
Capitaine.

AMVAT puis apres s'en retourna à Andrinople, & ne demeura gueres depuis à aller
enuahir

enuahir Constantinople; car l'Empereur estoit n'agueres decedé, & de droit la Couronne deuoit tomber es mains de son frere Constantin: mais Demetrie l'autre frere se hastoit de le preuenir, & s'en emparer le premier: dont il fut empesché par leur mere, & les Seigneurs & Barons du Conseil; mesmement par Cantacuzene & Notaras, qui estoient les principaux; craignans, comme aussi faisoit tout le peuple, que si Demetrie se faisoit de l'Empire, Constantin n'amenast quelques forces estrangeres qui eussent acheué de ruiner tout l'Estat. Parquoy ils temporiserent iusques à la venue de Constantin, & cependant garderent fort bien Demetrie de faire ce qu'il preendoit. En ce mesme temps arriua aussi à Constantinople le Prince Thomas puisné de tous les freres, qui s'estoit là acheminé tout exprés pour depescher quelque affaire qui luy importoit de beaucoup, esperant de trouuer l'Empereur encore en vie: mais au lieu de cela il trouua tout sans dessus dessous, à cause des brigues & menées que faisoit Demetrie, aspirant à la Couronne. Et là-dessus Constantin estant arriué, le tout fut pacifié: car les autres deux firent par mesme moyen leurs partages du Peloponese, avec serment solennel de n'entreprendre iamais rien l'un sur l'autre au preiudice de cet accord. Ce que toutesfois Thomas n'obserua pas longuement; car y estant allé par mer à la destrobée, il commença tout incontinent à pratiquer les villes escheuës à Demetrie, & les inciter à se rebeller contre luy; & ayant amassé vn bon nombre de gens du pays, luy faisoit desia tout ouuertement la guerre. L'autre voyant le tort & mauuaise foy dont son frere luy vsoit, se retira deuers Asanfrere de sa femme, par le moyen duquel il obtint secours d'Amurat, & contraignit Thomas de venir à appointment, & se remettre de tous leurs differens à l'arbitrage de l'Empereur: surquoy d'une part & d'autre furent donnez des ostages, & autres seuretez.

S V R ces entrefaites Amurat finit ses iours d'une apoplexie, dont il fut frappé en vn banquet, pour auoir excessiuelement pris du vin & de la viande, plus que son aage & sa force ne pouuoient porter. Il regna rente-deux ans en tout; laissant deux enfans, Mechmet qui luy succeda à l'Empire, & * vn autre qu'il auoit eu de la fille de Spender. Ce fut vn fort bon Prince, debonnaire, droiturier, & grand amateur d'equité & iustice, qui n'entreprit guere aucune chose linon en soy descendant, & qu'on l'eust prouoqué le premier: Aussi ne luy falloit-il pas gueres chatouiller les oreilles pour le mettre aux champs; car il s'agrissoit facilement, & estoit lors fort soigneux d'assembler des forces, & aller la teste baissée où les affaires l'appelloient, sans crainte de travail ny mesaise, ny chaud ny froid, non pas meismes des montagnes les plus aspres, & autres difficultez des chemins mal-aisez & facheux; en toutes lesquelles choses il eut ordinairement la fortune fort fauorable. Estant doncques tel il laissa vn successeur encore plus grand, car peu de Princes luy pourroient estre parangonnez, à cause des belles choses qu'il fit en son temps. Mais pendant qu'il estoit en chemin pour venir prendre possession de l'Empire, les Janissaires qui estoient à la Porte se mutinerent, & esmeurent pour piller la Ville, & s'estoient desia rengez en bataille hors les murailles tous prests à se ietter dessus, si Chatites fils de Priam, personnage de grande autorité, avec ceux de la Porte, & quelques autres qu'il assembla à la haste, ne les en eust destournez. Car il les surprit, & espouuenta de plain-saut, les menaçant de les tailler tous en pieces sur la place, s'ils ne mettoient les armes bas, lesquelles ils ne pouuoient auoir prises en aucune bonne intention, pource qu'il estoit raisonnable d'attendre l'arriuée du nouveau Seigneur, & se remettre à sa liberalité touchant la recompense de leurs seruices, sans ainsi outrageusement entreprendre de se payer par leurs mains propres; & sous ce pretexte mettre en trouble & combustion ses affaires à son aduenement à la Couronne: eux mesmement, qui n'estoient dediez à autre fin que pour la luy conseruer, asscurée & tranquille. Le langage & le respect que chacun portoit au Bassa, arresterent soudain l'esmotion qu'elle ne passast plus outre. Aussi Mechmet arriua incontinent apres, lequel s'estant introduit au siege Imperial, & ayant receu le serment de fidelité des Janissaires & Officiers de la Porte, se mit à remuer mesnage en toutes sortes, comme aspre, diligent, & ingenieux qu'il estoit, s'il en fut oncques. Car de plaine arriuée il fit estouffer son frere avec de l'eau qu'on luy versa tout à coup, & en quantité dans la gorge, & fut cette execution faite par l'un de ses Sommeliers nommé Saraptar, lequel ne la fit pas longue apres. Il renouella tout soudain la paix & les anciennes alliances avec les Grecs, & leur laissa les regions maritimes le long de la coste d'Asie. Traitta pareillement vne confederation avec le Prince des Triballiens, auquel il renuoya sa fille que feu Amurat auoit espousée, pensant luy faire par là vn grand plaisir: & si luy donna quant & quant vne longue estendue de pays ioignant le sien. L'autre de ses belles meres fille de Spender,

Depuis
1448.
iusqu'en
1450.

Constantin
surnommé
Dragoses B.
de ce nom,
denier Em-
pereur de
Constanti-
nople.

Le trespas
d'Amurat.

* Calapin, le-
quel s'estant
fait Chrestien
fut nommé sur
les Fontes Ca-
lece Othoman.

Esmeute des
Janissaires a-
pres la mort
d'Amurat ap-
pailée par
Haïy Bassa,

1450.
ou enuiron.

Mechmet II.
Empereur
des Turcs.

Fait estouffer
son frere avec
de l'eau.

Ses negocia-
tions à son
aduenement
à la Couron-
ne.

1450.
& suivants.

Le Caraman
ennemy per-
petuel de la
maison des
Othomans.

Première ex-
pedition de
Mechmet
contre le Ca-
raman.

* Cela n'est
point fortigno-
minieux par-
my les Turcs.

* En la fin du
3. Livre.

* Autrement
la Nacolie.

* Autrement
Vicomassian
Roi de Perse.

dont il auoit fait mourir le fils pour se deliurer de tous empeschemens, & se rendre paisible de l'Estat, il la remaria à Isaac, homme de grand credit aupres de luy, & qu'il aymeroit singulierement, auquel il donna la superintendance generale de toute l'Asie. Il fit aussi vne alliance avec les Ambassadeurs qui vindrent du Peloponese deuers luy : Car apres le deceds d'Amurat, le Caraman Halifury, qui auparauant n'auoit cessé d'esmouuoir les peuples de l'Asie pour les faire reuolter & prendre les armes contre la maison des Othomans, esperant que cela luy acquerroit vn tres-grand atcroissement de puissance, estoit lors apres plus que iamais à rallumer ce feu, & les susciter de se soustraire de l'obeissance accoustumée : la plus serue & miserable condition (disoit-il) qu'ils eussent sceu auoir en ce monde. Tellement qu'ayant desia assemblé de grandes forces, & encore de celles qui souloient estre au seruice d'Amurat, il s'estoit mis en campagne, pillant & saccageant tout ce qui se pouuoit rencontrer. Mechmet indigné de ces insolences & outrages, laissa en Europe le Bassa Sarrazies auquel il se fioit du tout, & passa en personne avec vne grosse & puissante armée en l'Asie, pour reprimer le Caraman ; lequel ne voulut pas attendre le choc, mais se retira soudain dans les montagnes & lieux inaccessibles selon sa coustume, & de là enuoya ses Ambassadeurs à Mechmet (car Chaites l'admonesta sous-main d'ainsi le faire) offrans s'il luy plaisoit oublier le passé, de luy estre tres-fidele & obeissant à l'aduenir ; & si luy rendroit tout presentement la place de Candelore : Ce que Mechmet accepta. Parquoy reprenant le chemin de l'Europe, soudain qu'il fut arriué à Gallipoly, il voulut faire vne reueüe des Ianissaires, pour sçauoir ceux qui l'auoient suuy ou non en ce voyage. Et là-dessus fit fort bien fouetter Hagiapases * leur Aga ou Colonel, apres l'auoir demis de sa charge, pour auoir failly de luy denoncer ceux qui s'estoient absentez. Il y auoit d'autre part enuiron sept mille Fauconniers, qu'il cassa tous de cette oisueté, & en remplit les bandes des Ianissaires. Il rompit semblablement la Venerie, horsmis cent que picqueurs que valets de chiens, avec quelques cinq cens Fauconniers qu'il retint, plustost pour parade de sa Cour, que pour plaisir qu'il y prist. Ne voulant pas (comme il disoit) se monstrier si insensé & despourueu d'entendement, que de vouloir donner son pain à manger à vne telle troupe pour chose si vaine, & du tout inutile. Il donna puis apres secours au Prince Demetrie en la guerre qu'il eut contre son frere, lequel refusoit de luy rendre le pays qui luy estoit escheu en partage : & luy enuoya Thuracan sous cette couleur, ayant toutesfois charge expresse, de demolir par mesme moyen la muraille qui fermoit le destroit du Peloponese. Les deux freres se rappointerent là-dessus : & Thomas donna à Demetrie la ville de Calamate : pour le territoire des Scottiens qu'il luy detenoit. * Voila ce qui interuint pour ce regard. Tzanisfas au reste fils de Caraisuph enuoya requerir Mechmet de se vouloir abstenir de toucher au pays d'alentour de Sebaſte, & qu'en faueur de cette grace, il luy donneroit quatre mille quintaux de beurre, avec mille chameaux : ce qu'il luy octroya, combien que l'autre eut commencé le premier à luy faire la guerre. Car ce Tzanisfas icy, lequel (comme nous auons desia dit cy-deuant) arriué iusques aux Negres appelez Mauroprobatans, apres auoir osté Tabreze aux autres enfans de Caraisuph : les rembarra dans la ville de Samachie, où il les alla depuis assieger à son retour de Babylone : & de là ayant subiugué l'Armenie, mena son armée contre Err-zinghan capitale de tout le Royaume, laquelle il prit de force, ayant bien lors quatre-vingts mille combattans : tellement qu'il fut si osé que d'entrer en Asie la Mineure, * & se ietter sur les Prouinces de Mechmet. Ceux de Sebaſte se racheprent encore d'une grande quantité de beurres, dont ils luy firent present. Cependant Trochies l'un des descendants de Themir, s'estant acheminé à la volte de Semarcant, conquist toute la contrée ; & puis s'en alla mettre le siege deuant Babylone, ainsi que nous auons desia dit cy-deuant, d'où il enuoya vne grosse armée sous la conduite de Chazan * le long, pour aller donner sur l'Armenie, & les pays bas de l'Asie, qu'il renga à son obeissance.

FIN DV SEPTIESME LIVRE.

 ELOGE OV SOMMAIRE DE LA VIE
 DE MAHOMET SECOND DV NOM.



E n'est pas sans cause si Mahomet second du nom fils d'Amurat & de la fille du Despote de Scrise a voulu estre surnommé des siens BOVI, c'est à dire le grand en la terreur du monde, puis que toutes ses actions & inclinations ont esté si grandes & si releuées qu'il semble qu'elles ayent terny toutes celles de ses deuanciers. Il fut grand en ses entreprises, grand en courage, grand en conduite, grand en prudence & en ce qui despendoit du gouvernement, grand en ses conquestes, & grand en beauté & subtilisé d'esprit. Mais il fut grand aussi en impieté, en cruauté, en dissolution, en perfidie & desloyauté, en vengeance & en ambition. La grandeur de ses entreprises le porta contre les Grecs, les Hongres, les Perses, Trebizondins, Mysiens, Valaques, Transsiluains, Bosniens, Albanois, Rhodios, Venitiens, & plusieurs autres peuples. La grandeur de son courage luy fit hardiment exposer sa personne à toutes sortes de dangers sans s'esmonvoir, encore qu'il ait eu affaire aux plus belliqueuses nations du monde. Sa grande conduite le deliura maintes fois de plusieurs grands perils, entr'autre celuy qu'il encourus en cette grande desroutte qu'il receut deuant Belgrade qu'il auoit assiégée, & où il perdit 50000. Turcs avec toute son artillerie par la valeur du redoutable Hania-de, & deuant Croye par le tres-valeureux Scanderbeg, comme nous auons dit en son Eloge. Sa prudence est remarquable quand il remis si facilement l'Empire entre les mains de son pere Amurat, lors que quittant son cloistre il voulut rentrer en la possession d'iceluy. Es conquestes s'estant rendu le maistre de douze Royaumes, de l'Empire de Trebizonde, & de celuy des Grecs, avec cette si florissante & renommée cité de Constantinople, le 29. de May 1453. prit la ville de Croye & toute l'Albanie, la Valaquerie, Bosnie, Scodre, le Peloponese, avec la ville d'Ostrante en Italie, rengea le Caraman à son obéissance, la Styrie, Carinthie, Synope, l'Isle de Metellin. Et apres la bataille de Arfanga qu'il gagna sur Vsancahan, il le contraignit à rechercher son amitié, ayant pris enfin sur les Chrestiens environ deux cens villes. Quant à la grandeur de son esprit, il fut tres-docte en Astrologie, & bien versé es langues Grecque, Latine, Arabique, & Persique, fort adonné à l'Histoire, ayant fait traduire en sa langue la vie des plus grands Princes, entr'autres celles d'Alexandre le Grand, laquelle il disoit vouloir imiter, encore que ce fust de bien loin. Quant à ses vices, son impieté estoit remarquable en ce qu'il feignoit d'estre de toutes Religions & n'en approuuoit pas une, non pas mesme la sienne, de laquelle il se mocquoit & de son faux Prophete, l'appellant esclau, & feignant quelques fois de favoriser les Chrestiens. Sa cruauté extreme se void au massacre de ses freres en la prise de Constantinople, où sont ce qui se peut imaginer de cruel fut exercé tant contre la figure de l'Empereur du Ciel & de la terre, que contre le corps mort de l'Empereur Grec, & contre tous les habitans de cette Ville desolée, en la prise de Trebizonde, en la conqueste de tout le Peloponese, & enfin par tout où s'est pû estendre la force de son bras, & sur tout celle de ses Pages qu'il fit ouurir tous vifs pour voir celuy qui auoit mangé un concombre. Sa dissolution en ce qu'il estoit extrêmement adonné au peché contre nature, tesmoin Dracula frere du Prince de Valaquerie qui luy donna un coup de poignard en la cuisse pour se despetrer de ses mains, comme il le voulut forcer. Sa perfidie à l'endroit de l'Empereur David Comene & ses enfans, contre le Prince Estienne de Bosnie, le Prince de Metellin, qu'il fit tous mourir contre sa foy & sa promesse apres s'estre rendu volontairement à luy. Sa vengeance en tous lieux où il la pouuoit exercer, n'oubliant iamais une iniure ou quelque desplaisir, entr'autres celle de Haly Bassa qu'il fit cruellement mourir pour auoir remis son pere Amurat à l'Empire, encore que cet Haly luy eust fait depuis de tres-signalez seruices, & finalement son extreme ambition qui luy dura iusques au tombeau, sur lequel il voulut qu'on mist cette inscription en langue Latine, apres une longue narration de tous ses faictz en langue Turquesque.

Mens erat Bellare Rhodum, & superare superbam Italiam, c'est à dire,

Il auoit intention de ruiner Rhodes, & de surmonter la superbe Italie.

Il preparoit une grande armée pour aller assieger le Souldan du Caire, & descharger sa colere sur luy de ce qu'il auoit esté contraint de leuer le siege de deuant la ville de Rhodes: mais il fut saisi d'une si violente colique en la ville de Nicomedie qu'il en mourut, au grand contentement de tous ses voisins, & principalement des Italiens qui en firent des feux de joye, l'an 1481. de son aage le 53. & de son regne, le 32. n'ayant pas esté si heureux qu'Alexandre le Grand, mais ayant eu aussi en teste d'autres Capitaines, & d'autre valeur à combattre que luy.

MAHOMET OV MECHMET
SECOND DV NOM, VNZIESME
EMPEREUR DES TVRCS.



DEUX Empires fameux Bizance & Trebizonde,
Dix Royaumes encor par mes armes conquis;
Et des Chasteaux sans nombre ou forcez, ou surpris,
M'ont donné le surnom de LA TERREUR DV MONDE.

L E

HVICTIESME LIVRE DE L'HISTOIRE DES TVRCS. DE LAONIC CHALCONDYLE ATHENIEN.

SOMMAIRE, ET CHEFS PRINCIPAUX du contenu en ce present Liure.

- I. Pour brider Constantinople, & l'empescher d'estre secouru des parties du Ponant, Mechmet bastit la forteresse de Lemocopse sur le bord de la Propontide : fait faire une grosse course dans le Peloponese, pour diuertir de ce costé-là : & rasier d'autre part tous les forts d'autour de la Ville, afin de ne laisser rien en arriere qui püst molester son armée.
- II. Le siege tant fameux & renommé de Constantinople, l'an 1453. & la situation d'icelle : les approches & furieuse batterie des Turcs : & les conseils, deliberations, & resistances de ceux de dedans.
- III. Merueilleux ouvrage & entreprise des Turcs, qui remorquent leur galeres & vaisseaux ronds jusques au haut d'une montagne, & de là les aualent au port, pour s'en saisir par le derriere, estant fermé d'une chaisne à la bouche : & du pont par eux dressé là-dessus.
- IV. Combat par mer de l'armée Turquesque en la presence de Mechmet contre deux navires de charge, venans au secours de Constantinople, lesquelles se demeslent de sous ses vaisseaux, & mal-gré eux gagnent le port.
- V. Plusieurs allées & venues d'une part & d'autre pour tascher de moyenner les choses : & ne s'en pouvant trouver le moyen, l'exhortation de Mechmet à ses Tanssaires pour aller courageusement à la bresche ; avec les grandes offres & promesses qu'il fait à celui qui le premier y monteroit.
- VI. L'assaut general de Constantinople, où Constantin Paleologue le dernier Empereur est tué, & la Ville prise : & de la tres-piteuse & miserable desolation qui aduint au saccagement.
- VII. La prise de la ville de Pera, & demantellement d'icelle : la mort du Chancelier Leontares avec ses enfans, & tous les autres Grecs remis d'agueres en liberté : le tout à l'appetit d'une Damoiselle dont Mechmet s'estoit enamouré, qui l'en requit à la suscitation de son pere mortel ennemy des Grecs.
- VIII. Mechmet se ressouvenant du tour que luy auoit joué le Bassa Chatites, ayant esté cause de remettre son pere Amurat à l'Empire, le fait mourir : Ses magnificences apres la prise de Constantinople : & de la Prophetie de l'Empereur Leon, de tous les Empereurs & Patriarches aduenir apres luy.
- IX. Troubles & seditions commencées au Peloponese entre les principaux : la rebellion des Albanois y habitez, sous la conduite d'un Emanuel Cantacuzene, & l'emprisonnement de Centerion & de Lucanes, les deux principaux Ministres des Princes Paleologues en ces quartiers-là.
- X. Thuracan par le commandement de Mechmet donne secours aux deux freres Paleologues Seigneurs du Peloponese, & remet leurs affaires au premier estat & repos : & des beaux admonestemens qu'il leur fait.
- XI. Les partialitez de ces deux ieunes Princes, mal-menez par la malice de leurs flatteurs & mauuais Ministres qui les aigrissent l'un contre l'autre, pour leur tenir par ce moyen le pied sur la gorge, & faire cependant leurs besongnes : Les troubles du Peloponese, la finale ruine des Grecs procedée de cette peruerse & dangereuse traditine.
- XII. Second voyage de Mechmet contre les Triballiens : l'inuention des mortiers d'artillerie : la prise de Nouogarde : & la mort du Despose George de Seruie, laquelle devient tribunaire du Turc.

- XIII. Le siege de Belgrade, où il y a d'arriuee vn fort grand combat par eau sur le Danube, & sont les Turcs mis en rousse: Estans entrez puis apres en la bresche, les Chrestiens les rembarrent avec grand meurtre & occision: sont de ce pas vne grande saillie, & gagnent les pieces: là où Mechmet en combattant vaillamment est blessé, & le Colonel de ses Ianissieres mis à mort sur la place: La nuict ayant party le combat, Mechmet se retire secrettement.
- XIV. Le trespas du magnanime Iean Huniade, avec vne eloge & recapitulation de ses faictz. Discours du Cordelier Iean Capistran qui luy assista à deffendre Belgrade, & y combattis des premiers: les troubles aduenus au Royaume de Hongrie apres le deceds dudit Huniade, iusques à ce qu'il paruint es mains de Matthias l'un de ses enfans, le plus renommé Prince qui y ait iamais commandé.
- XV. Guerre des Allemans contre les Hongres, pour auoir massacré leurs Ambassadeurs: conuocation du Concile de Mantoüe par Pie second, pour la guerre du Turc: & le peu d'explois que firent les galeres du Pape sous la conduite d'Alphonse Roy de Naples es mers de Levant, où elles tournoyèrent inutilement par l'espace d'un an entier.
- XVI. Expedition du Bassa Brenexes contre Scanderbeg Prince de l'Epire: deffaitte des Napolitains venus à son secours: Voyage dudit Scanderbeg à Naples, & de là à Rome: & la desolation que les Turcs firent en ses pays.
- XVII. Les pompes & magnificences faites par Mechmet à la circoncision de ses enfans: & les jeux, festes, & ébattemens acoustumez de se faire parmy les Turcs en telles solemnitez, où il se voit des choses merueilleuses.
- XVIII. L'origine du Bassa Machmut, & les charges auxquelles il paruint de degré en degré: ensemble quelques autres enfans de Chrestiens, qui monterent à de tres-grandes dignitez, & auancemens: & des noms des Turcs, avec leurs significances.
- XIX. Les Prouinces de l'Empire Turquesque tant en Asie qu'en Europe, qu'ils appellent les Saniagnats: & le reuenu d'iceluy specifié par le menu.

1451.

C'est là où estoit anciennement Sestos: on l'appelle en Turc Bogaz-sar, comme qui diroit coupe gorge.



Course des Turcs dans le Peloponèse.

L'entreprise de Constantinople.

'E S T E' approchoit delia, quand Mechmet fils d'Amurat, ayant fait vn grand amas de chaux en Asie, se mit à bastir la forteresse de Lemocopie sur le bord de la Propontide du costé de l'Europe, en cét endroit proprement qu'on appelle le Bosphore, où est le plus estroit passage pour trauerfer d'une Prouince à l'autre: Et y fit venir tous les ourriers qui se pûrent recouurer propres à cela: lesquels ayant esté departis par ateliers, où furent commis des maistres & conducteurs

de l'œuure, commencerent tout incontinent de mettre la main à la besongne. L'occasion qui le meut de faire cette place, fut en premier lieu, pour auoir à toutes heures le passage de l'Asie seur & libre, de peur que les vaisseaux du Ponant ne s'en saisissent, & ne vinssent par ce moyen troubler ses affaires. En apres il estimoit que cela ne luy seroit pas de peu d'importance pour le siege de Constantinople. Parquoy entr'autres choses il y fit troistours, les plus grandes que nous ayons encore veuës: deux d'icelles deuers la terre, afin que de là on pûst sortir sur les vaisseaux qui rengerioient la coste: l'autre qui estoit la plus grande, sur le havre, & les fit toutes couvrir de plomb. Quant à l'espoisseur de la muraille elle estoit de vingt-deux pieds, & la hauteur des tours de trente. Ce fort mis en deffense, ce qui fut fait en l'espace de trois mois, il depescha Thuracan au Peloponèse pour faire la guerre aux freres de l'Empereur: tellement que cettuy-cy ayant rassemblé les forces de la Thessalie & des enuiron, tout autant qu'il y en auoit à Pherres, & sous le reste de son gouuernement, il se mit en campagne avec ses enfans, & les Seigneurs particuliers des villes de Thessalie & de Macedoine: & avec l'equippage qui luy estoit necessaire prit son chemin par le dedans du pays qu'anciennement on appelloit l'Arcadie. Puis par Tegée, & Mantinée mena son exercite en la contrée d'Ithomé & de Mesene: là où ayant par plusieurs iours couru en toute liberté le pays, & pris vne grande quantité de bestail, se saisit finalement de Neopolichné. Il mit aussi le siege deuant Syderopolichné, mais n'y pouuant rien faire, il fut contraint de se retirer: Et ainsi qu'il passoit pays, Achmat le plus ieune de ses enfans fut surpris en vne embuscade, qu'Asan frere de la femme du Prince du Peloponèse luy auoit dressée, ioignant la contrée de Mycenes, scachant bien qu'il deuoit passer par là: & de là mené au Duc de Sparte, qui le tint prisonnier iusques à ce qu'il fut racheté des siens. L'année ensuiuant tout aussitost que le Printemps apparut, Mechmet ne voulut plus retarder l'entreprise, que de longue-main

longue-main il auoit brassée en son esprit sur la ville de Constantinople, dont toutesfois il n'auoit rien voulu donner à connoître, que premierement cette forteresse de Lemo-copie n'eust esté paracheuée : ayant quant au reste fait traualier d'une extreme diligence tout le long de l'Hyuer en plusieurs ports & havres apres les galeres, & autres vaisseaux dont il pensoit auoir affaire en ce siege : & foudre par mesme moyen grand nombre d'artillerie, où il y auoit des pieces du plus demesuré calibre qu'on eust iamais veu encore : car il falloit à vne seule soixante-dix jougs de bœufs, & bien deux mille pionniers pour la traîner par pays. Estant doncques venue la saison propre à se ietter en campagne, il commanda à Saratzy Beghierbey de l'Europe, de se mettre deuant avec tout cet equipage, & ses troupes : lequel estant arriué sur le territoire de Constantinople, se saisit incontinent de tous les forts, où les paysans auoient accoustumé de se retirer eux & leurs biens : dont il emporta les uns de force, & contraignit par famine les autres de se rendre, mettant à mort tous ceux qu'il trouua dedans, & gastant entierement la contrée.

1453.
*Quelques-uns
mettent cecy en*
1452.

Merveilleuse
bombarde.

INCONTINENT apres Mechmet arriua en personne, qui alla asseoir son camp depuis vn endroit de mer iusqu'à l'autre : dont l'espace qui estoit à sa main droite vers la porte dorée, fut departy aux forces d'Asie : à la gauche, celles de l'Europe furent logées en tirant à la porte de bois : mais au milieu estoient fort pompeusement dressées ses tentes & paillons, & tout à l'entour espandus les Janissaires & les domestiques de la Porte, qui ont accoustumé de demeurer à la garde de sa personne quelque part qu'il aille iamais : vis à vis desquels, au dessus de la ville de Galathie dicté Pera, s'estoit parqué le Zogan son allié, avec ceux dont il auoit la charge & conduite. Telle fut l'assiette de ce camp, où l'on dit qu'il y eut bien alors quatre cens mille personnes, & deux fois autant de cheuaux de seruice, que de bestes de voicture. Car les Turcs seuls entre tous autres que ie sçache, ont accoustumé de traîner quant & eux ce qui leur fait besoin par tout ou ils vont à la guerre : tellement que pour auoir abondance de toutes choses, ils menent ordinairement force mulets & chameaux, outre lesquels chacun a encore quelques autres cheuaux, chameaux, & mulets plus exquis pour seruir seulement de monstre & parade. L'armée de mer arriua aussi bien-tost apres, où il n'y auoit que trente galeres, mais les nauires & autres vaisseaux ronds passoient deux cens. Incontinent que les Grecs eurent descouuert cette flotte, ils tendirent la chaisne qui trauerse de Pera iusques à la muraille de la ville, ioignant le chasteau : & enfermerent au dedans tous les vaisseaux : dont les uns estoient venus à leur ayde & secours, les autres estoient nauires marchands, afin de les mettre en seureté, & empescher que l'armée Turquesque ne s'en fassit : & du port pareillement, lequel est bien l'un des plus beaux & spacieux qui soit en tout le reste du monde : car il ne contient gueres moins de trois lieues de circuit à l'entour de la ville : & le long de la Rade il s'en estend plus de cinq : & si n'y entre point de ruières telles, que par l'impetuosité de leurs cours elles peussent tourmenter les vaisseaux qui y surgissent. Quant aux murailles qui regardent la marine, elles ne sont pas des meilleures : mais du costé de la terre, il y a double mur & double rempar. Le premier estant bas & aucunement foible, est en recompense armé d'un grand fossé au deuant, de deux cens pieds de large, reuestu de costé & d'autre de pierre de taille : l'autre qui est en dedans est fort haut & admirable, tellement que l'Empereur & son Conseil estoient en doute, auquel des deux deuot faire teste : à la fin ils se resolurent de n'abandonner point le premier, non plus qu'on fist lors qu'Amurat les estoit venu assieger. Cependant Mechmet fit approcher les plus grosses de ses pieces pour battre la muraille, l'une desquelles fut plantée à l'endroit du Palais Imperial, & l'autre à la porte Romaine, où il estoit logé. Ces deux bombardes portoient la bale d'environ cent liures de nostre poids : & estoient certaines pierres noires extremement dures, qu'ils faisoient venir tout expres de la mer Majour. Il y auoit puis apres grand nombre d'autres moindres pieces, toutes assultées le long de la contrée escarpe, dont on battoit les defences & le parapet & à fleur de rempar, pour en desloger ceux qui les pouuoient endommager. Au regard de leurs canonniers, l'un estoit Valaque nommé Urbain, qui autrefois auoit seruy les Grecs, & n'ayant reçu d'eux tel appointement qui luy peust suffire pour nourrir sa famille, auoit esté contraint de se retirer à la Cour du Turc, duquel il auoit esté le fort bien venu, & eu plusieurs grands biens & recompenses. Aussi fut-ce celuy qui luy dressa tout le train de son artillerie : & quand ils s'en seruirent deuant Constantinople, ces deux grosses machines dont nous auons parlé cy-dessus, tiroient en biaisant pour estonner la muraille, puis on en deslachoit

II.

Assiette du
camp.

Armée de
40000.
hommes.

Batterie des
Turcs plus
espouuenta-
ble que dan-
gereuse.

Façon de bat-
tre vne mu-
raille encore
pratiquée
pour le iour-
d'huy.

1453.

Diligence des
Janissaires.

de front vne autre au milieu de ces deux, plus grande d'un tiers, qui amenoit ce qui estoit ébranlé en bas: car le boulet porté d'une telle violence de poudre comme il en falloit pour chasser un si grand poids, ne pouvoit faire sinon un tres-grand eschec & ruine: l'éclat mesme & le tonnerre de ces volées estoit si vehement & espouventable, que la terre en trembloit plus de deux lieues à la ronde. Et ainsi commencerent à battre la premiere courtine, n'estant pas la seconde exempte des coups qui y pouvoient arriuer facilement, pource qu'elle estoit beaucoup plus haute, si bien qu'ils y portoient quelque dommage: non tant toutesfois que les Grecs s'en deussent ainsi espouuanter. Car ces grosses & lourdes pieces estans tres-mal-aisées à manier, ne tiroient que sept ou huit volées par iour, & la nuit vne tant seulement, encore n'estoit-ce sinon vers le point du iour pour saluer la Diane, & esveiller les autres à recommencer leur execution & batterie. Mais les Grecs n'estoient gueres pratiquez de se rassurer en telles necessitez, ny de remparer aussi peu: avec ce qu'ils auoient à faire en tant d'endroits tout à un coup, qu'ils ne scauoient auquel entendre: Pource que les Janissaires s'estans pourueus de grand nombre de gabions, & de mantelets où ils pouvoient demeurer à couuert, gagnerent les uns le fossé, les autres ayans esleué vne petite douue ou rempar sur le bord de la contrescarpe, la perçoient par endroits, & de là comme par des canonnières tiroient incessamment & sans intermission, comme vne gresle de fleches & d'harquebusades aux creneaux: de sorte que personne n'y osoit comparoir, ne tant soit peu y sejourner pour leur porter quelque grand dommage. Mechmet outre tout cela fit faire plusieurs mines, qui passoient par dessous le fossé, & les fondemens des deux murs, iusques bien auant dans la ville: Et à l'endroit où l'on les auoit ouuertes, afin que les ouuriers qui iroient & viendroient pour tirer la terre, fussent plus seurement, estoient eschaffaudées, quatre tours sur certaines machines de bois, dont on lançoit des lances, pots à feu, & autres artifices contre ceux de dedans. Mais les mines ne vindrent point à effet: pource que les Grecs allerent au deuant, & les ayans esuentées, contraignirent à force de feir & de fumée les Turcs de les abandonner. Ils auoient encore accommodé vne autre tour de bois beaucoup plus exhaussée que les precedentes, au haut de laquelle y auoit grand nombre d'eschelles, & de ponts portatifs pour ietter sur le rempar. Toutes lesquelles choses se faisoient du costé de la terre, pour essayer si elles leur pourroient succeder en quelque sorte & maniere à forcer la place.

III.

Mais comment elle fut cependant assaillie aussi deuers la marine, vous l'entendrez presentement. Quand les Turcs virent qu'ils ne pouvoient gagner le port à cause des chaisnes qui en defendoit l'entrée, ils s'aduiserent d'un ouurage terrible & merueilleux, afin que tout à un coup ils la pussent serrer & par la terre & par la mer. Ce fut de remorquer les vaisseaux vers l'endroit où estoit campé le Zogan, d'où à force de bras ils tirerent contre-mont vne colline iusques à soixante & dix nauires, & quelques galeres, avec tout leur equipage de voiles & auirons: Puis les coulans en bas, les aualerent derechef en l'eau à la faueur de quelques pieces, & d'un grand nombre d'archers & d'arquebusiers arrangez sur la greue, qui gardoient les Grecs de se monstrer en lieu dont ils les pussent offenser: lesquels d'autre costé considerans l'importance dont cela à la parfin leur pouuoit estre, emplirent soudain de gens de guerre les vaisseaux qui se trouuerent dans le port, venans d'une braue & asseurée contenance pour le commencement assaillir ces vaisseaux, & y mettre le feu: mais l'artillerie de pleine arriuée en enuoya deux à fonds, tellement que ceux qui ne sceurent nager vindrent en la main des Turcs, qui leur firent fort mauuaise guerre: car dès laube du iour ensuiuant ils les massacrerent cruellement deuant l'une des portes de la ville, à la veüe de ceux qui estoient sur le rempar. Les Grecs irrités de ce criminel spectacle, pendirent sur l'heure mesme aux creneaux tous les Turcs qu'ils tenoient prisonniers; & ainsi se compensa la mort honteuse des uns & des autres. Mais cependant le port se trouuoit vuide & desnüé de toute resistance: car les vaisseaux qui y estoient, n'osoient plus se monstrer pour crainte de l'artillerie. Au moyen dequoy les Turcs allerent ietter l'ancre tout au pied de la muraille: & firent un pont en cet endroit de la terre-ferme qu'on appelle les Ceramariens, qui trauersoit d'un bout à autre, lequel estoit fait de fustailles & tonneaux liez ensemble deux à deux, & retenus par les costez avec des chables & cordages, pour les tenir fermes, & les garder de bransler: puis les plancherent d'ais par dessus, & semerent de gravois & de sable: tellement qu'ils auoient le passage libre pour aller & venir à toutes heures du logis du Zogan iusqu'aux murailles de la ville, qui demouroit close & enuelpée de tous costez, sans que personne n'y püst plus entrer ny en sortir.

Crainte des
deux costez
par despit les
uns des au-
tres.Pont dressé
par les Turcs
sur la mer.

sortir. Et qui pis est leurs forces alloient de iour en iour diminuans pour la grande estendue de cette ville, qui contient trois ou quatre lieues de circuit: Parquoy ayans à departir leurs gens de deſſence en tant d'endroits tout à vn coup, de neceſſité il falloit auſſi que leurs corps de garde ſe trouuaſſent bien foibles, & que du travail aſſidu, & veilles continuelles, pluſieurs mouruſſent ou deuinſſent malades. Car il y auoit deſia quarante iours que le ſiege duroit, pendant leſquels ceux de dedans n'auoient eu vne ſeule heure de repos: eſtans iour & nuit occupez ou à remparer, ou à contremener, ou à combattre: Et deſia par l'effort & impetuoſité de l'artillerie, quatre des meilleures tours eſtoient par terre, & la muraille preſque par tout fort deſchirée. Ils auoient bien dès le commencement eſſayé de ſ'ayder de quelques pieces qu'ils auoient, leſquelles portoient iuſques à ſoixante ou quatre-vingts liures de boulet: dont ils planterent l'vne en contre-batterie, à l'opposite de la plus grande de celles de Mechmet: mais quant ſe venoit à les delaſcher, l'eſclat partant de là eſtonnoit touſiours dauantage la muraille & le rempar, qui d'ailleurs n'eſtoient que trop intereſſez: de façon que cela leur tournoit à plus de dommage qu'aux ennemis propres: avec ce que leur plus groſſe piece, aux premiers coups qu'elle tira ſe trouua eſuentée, dequoy ils voulurent par deſpit reietter la faute ſur le canonnier, le ſouſſonnans auoir eſté pratiqué par les Turcs, & pourtant le vouloient faire mourir: mais ne trouuans là-deſſus ny preuue ny indices ſuffiſans, le laiſſerent aller: & eurent recours à remparer la nuit avec bois de trauerſe, clayes, tonneaux, gabions, & balles de laine, ce que les Turcs pouuoient faire de breſche le long de la journée.

1453.

L'eſtendue de Conſtantinople.

Contrebatterie des Grecs dommageable à eux-mêmes.

Matières propres à remparer durant vne batterie.

Or comme ces choſes ſe faiſoient, on vint aduertir Mechmet, comme deux groſſes nauires de charge auoient eſté deſcouuertes cinglans le long de la coſte, qui venoient deuers la mer Egée: la plus grande deſquelles eſtoit de Geneuois, & l'autre chargée de viures & rafraiſchiſſemens, pour l'Empereur. Cela entendu il ietta ſoudainement ſur ſes nauires & galeres force ſoldats, leur commandant de les aller tout à l'heure inueſtir, car deſia elles approchoient, portées d'un vent frais, gaillard & à ſouhait. Et comme à force d'auirons ils euſſent bien-toſt abordé celle de l'Empereur, elle euſt eſté en fort grand danger d'eſtre priſe, ſi l'autre ne fuſt venue au ſecours, laquelle d'une grande furie donna à toutes voiles à trauerſer les galeres, & les eſcarta. Et encore que Mechmet ſi deſpité que rien plus, du riuage où il eſtoit à cheual, & aſſez auant dedans l'eau, leur criaſt à haute voix, & les tanſaſt tres-aſprement, leur reprochant leur laſcheté pour les animer au combat, ſi eſt-ce que les deux nauires ſ'en demeſlerēt brauement, & mal-gré tous ſans receuoir aucun dommage entrerent au port. En ce combat fut bleſſé à l'œil Pantogles general de l'armée de mer, par les ſiens propres, comme il leur reprocha depuis en la preſence du grād Seigneur, & que ſans cela, joint leur mauuais deuoir, les deux vaiſſeaux ne fuſſent pas ainſi échappez. A la verité cette bleſſeure luy vint fort à propos pour colorer cela qu'il reiettoit ſur les autres, car par ce moyen il ſ'exempta de la punition qui luy eſtoit préparée: & Mechmet tournant ſon courroux ſur ceux qui furent ſouſſonnez d'auoir fait le coup, les fit ſur le champ mettre aux fers, reſeruant de les faire punir puis apres. De là eſtant retourné en ſon logis, comme il euſt fait reconnoiſtre la breſche, & trouué qu'elle eſtoit raſſonnable, il ordonna de faire les feux par tout le camp, ſuiuant la couſtume obſeruée par les Turcs, en telles occaſions: & au reſte fit preparer toutes choſes pour donner l'aſſaut au troiſieſme iour: faiſant publier à ſon de trompe, comme il donnoit le pillage aux ſoldats, & abandonnoit tout le peuple pour eſtre faits eſclaves.

IIII.

Combat de mer où les Turcs ſont fort mal.

La bleſſeure de Pantogles General de l'armée de mer Turque luy ſauue la vie.

CEPENDANT que les choſes ſ'ordonnoient ainſi, & que la muraille par l'effort de l'artillerie fut miſe bas, & des ruines d'icelle le foſſé comblé à fleur de terre, Iſmaël ſils de Scender Prince de Synope, qui euſt bien voulu que les Grecs ſe fuſſent rengez à quelque honneſte party, alla deuers eux, leur tint vn tel langage. Vous voyez (Seigneurs Grecs) vos affaires aller de mal en pis, voire eſtre reduits à l'extremité, & dernier deſeſpoir: Que n'enuoyez vous doncques moyenner voſtre paix enuers le Seigneur? Certes ſi vous vous en voulez fier à moy, j'eſpere faire en ſorte, que ſa volonté ſ'addoucira à vous faire quelque raſſonnable & honneſte compoſition: Car ie ne doute point que vous ne ſſachiez bon gré à tout iamais, à celuy qui vous aura procuré vn tel bien: parce que ſi cet accord ne ſe fait au pluſtoſt, vous ne deuez rien moins attendre que la totale ruine de voſtre Ville: la voir miſerablement ſaccager deuant vos yeux; vos femmes & enfans eſtre menez au ſeruage: & vous tous cruellement mis à mort. Quelle deſolation doncques vous ſeroit-ce, que vos affaires & fortunes receuſſent vne telle calamité? Parquoy ne differez

V.

Persuaſion d'Iſmaël aux Grecs de ſe rendre.

1453.

plus, mais enuoyez tout de ce pas quelqu'un avecques moy : car ie m'offre de vous servir d'intercesseur, & de tenir moy-mesme la main à vostre appointement. Ainsi parla Ismaël aux Grecs : lesquels ayans mis la chose au Conseil, arresterent finalement de deputer l'un d'entr'eux pour entendre la volonté de Mechmet : Mais celuy qui en eut la charge, n'estoit ny de maison, ny d'estime aucune : Toutesfois il eut audience, dont la responce fut de faire entendre aux Grecs, qu'ils eussent d'oresnavant par chacun an à payer la somme de cent mille ducats de tribut : Que s'ils trouuoient cette condition trop onereuse, qu'ils luy quittassent la Ville, se retirans avec leurs biens où bon leur sembleroit.

Ils se resol-
uent de pren-
dre le hazard
du combat.

Ruse de
Mechmet.

Sa harangue
à ses Janissai-
res.

Recompense
de celuy qui
le premier
monteroit
sur la breche.

Honnesteté
des Janissai-
res enuers
leurs compa-
gnons pri-
sonniers.

Ce langage leur fut fort dur à tous : & se mirent derechef à consulter là-dessus, tellement qu'après plusieurs choses debattuës d'une part & d'autre, l'opinion de ceux qui premier furent d'aduis estre beaucoup plus honneste de tenter la fortune, en faisant le deuoir de gens de bien quelque danger qui se presentast, que par faute de cœur abandonner ainsi là tout sans coup frapper. Quant à moy i'estimerois le député des Grecs auoir esté renuoyé par Mechmet avec cette responce, pour descourrir sur quoy ils pouuoient fonder encore quelque esperance en vne si pregnante necessité : car il voyoit euidentement, leurs fossés & remparts estre du tout inutiles à resister désormais : pour cela neantmoins ils ne se lascherent de rien. Au moyen dequoy luy voyant les choses necessaires pour l'expiation de la place estre prestes & en estat, il fit assembler ses gens d'assaut & leur parla en cette sorte. Très-braves & vaillans combattans, qui auez accoustumé tousiours de bien faire, quelque part que nous ayons voulu tourner la fureur & impetuosité de nos heureuses conquestes, en vous seuls & non autres, consiste toute l'attente que nous pouuons auoir de la prise de cette place. Vous sçavez que lors que nous en voulusmes auoir vostre aduis, vous auriez tous vnaniment respondu qu'on y fist tant soit peu de bresche, & qu'on vous laissast faire du reste : Cela est executé maintenant, & mieux beaucoup que vous ne demandiez, car vous-mesmes l'ayant reconnuë en esto, demeurez satisfaits ; en sorte qu'il ne reste plus, sinon de monstrier quel courage vous auez de confirmer en cet endroit la bonne opinion que chacun a de vous ; qui en tous lieux, tant sous nostre conduite, que celle de nos predecesseurs, auez remporté vne tres-grande gloire & honneur, des choses fort vaillamment par vous menées à fin. Vous n'ignorez pas au surplus, quelles charges & gouuernemens, & combien nous en auons en nostre disposition, tant en Asie qu'en Europe : le plus beau & meilleur de tous soit dès maintenant, pour honorer la vertu de celuy qui le premier arriuera sur la muraille, & quelque riche & opulente Seigneurie avec, dont il puisse en paix & repos viure à son aise le reste de ses iours : Et si ie veux qu'il soit respecté par apres autant que nul autre qui nous ait oncques fait seruice. Que si nous en sçauons quelqu'un cependant que l'assaut se donnera qui pour fuyr la lice demeure au logis, s'en cuidant exempter & soustraire, certes quand il auroit les ailes du plus leger oyseau, si ne pourra-il eüiter pourtant le chastiment de nostre rigoureuse main. Par ainsi preparez vous allegrement à ce combat, le plus aduanantageux pour vous qui se soit iamais présenté : car infinies richesses vous attendent là dedans ; esclaves sans nombre, filles tres-belles, & nobles enfans, vous estant reserué le tout pour le loyer & recompense de vostre hardiesse & effort. Il n'eut pas à grand' peine acheué de parler, que les Capitaines & chefs de bandes, qui estoient là attendans que les dernieres volées de l'artillerie eussent acheué de nettoyer la bresche, commencerent tous d'une voix à s'escrier qu'il ne se souciaist de rien, car tout de ce pas ils l'alloient mettre en possession de la place, à quelque prix de leur sang que ce fust ; & l'acclamation des soldats suiuit apres d'une fort grande allegresse : trop bien le supplioyent ils d'une grace de vouloir pour l'amour d'eux pardonner à leurs compagnons que n'agueres il auoit fait emprisonner, estimant que par malice & de propos delibéré ils eussent esté cause de diuertir la victoire du costé de la mer, & là-dessus eussent blessé le general de la flotte : ce que Mechmet pour les gratifier en l'occasion presente, leur octroya. Et comme ils furent prests de donner l'assaut, n'attendans plus que le signe de descocher, il ne voulut neantmoins remettre au lendemain ; faisant de grandes promesses à ceux qui se porteroient vaillamment : & d'ailleurs ne proposant rien moins aux autres qui iroient laschement en besongne, que la perte de leurs propres testes. Cependant les Zichites, qui sont les Prestres & Ministres des Turcs, les alloient encourageans par tout le camp : leur remettant deuant les yeux la reputation & honneur que de tout temps ils auoient acquis à la guerre, & quelle gloire ce leur seroit aux siecles aduenir, d'auoir mis à fin vne si haute entreprise, comme la conqueste d'un tel Empire ; Les asseuroient quant & quant, que le Prophete attendoit à bras ouuerts ceux qui y finiroient leurs iours, pour les combler à tout iamais de joye

joye & delices perdurables, en vne vie plus heureuse: avec autres telles persuasions; qui ne sont pas de peu d'efficace parmy ces gens simples & superstitieux de leur naturel.

OR parmy les Grecs il y auoit vn Gentil-homme Geneuois de la maison des Iustiniens, personnage de fort grande vertu, lequel n'aguères estoit venu à leur secours avec vne grosse naue, & trois cens hommes de guerre: On les mit à l'endroit où se deuoit donner l'assaut pour receuoir la premiere poincte & effort des ennemis: & tout aupres d'eux se renga l'Empereur en bataille, qui les deuoit soutenir, selon que le besoin s'en presenteroit. Le Cardinal Isidore, duquel nous auons parlé cy-deuant, estoit aussi pour lors à Constantinople Legat du Pape: où peu de iours auparauant il auoit fait assembler vn Synode, afin d'aduiser les moyens d'vnir les Grecs à l'Eglise Romaine; car en ce faisant on leur promettoit de grands secours: mais cette reconciliation fut trop tardie, d'autant que Mechet venu l'heure que l'assaut general se deuoit donner (ce fut vn Mardi vingt-septiesme de May mil quatre cens cinquante-trois) des l'aube du iour ayant par tout son camp fait sonner les atabales, trompettes & cornets, donne le signal du combat; surquoy les Ianissaires & autres encores, se ietterent sans plus attendre dans le fossé, & commencerent d'assaillir fort viuement la bresche. Quant à cet endroit de la muraille qui regarde vers le port, les Grecs firent fort bien leur deuoir repoussans du haut en bas ceux qui avec les eschelles se parforçoient de monter, & y en estans demeurez quelques-vns mal suiuis, leur couperent les testes qu'ils roulerent à ceux qui estoient encores en bas, afin de les espouuenter. Mais la partie que deffendoient les Geneuois n'eut pas vne si heureuse issue, parce que les Ianissaires qui combattoient d'un grand effort en la presence de leur Seigneur qui les regardoit faire, ne mirent gueres à forcer la btesche, & s'en rendre maistres: Dequoy on reietta la principale occasion, sur ce que Iustinian ayant eu vn coup d'arquebuzade à la main se retira pour se faire penser: & ses gens eurent opinion qu'il les voulust abandonner: tellement qu'ils se mirent en desordre, & quitterent là tout: y en estant toutesfois demeure grand nombre, que morts que blesez. L'Empereur qui vid cela y accourut soudain, & demandant à Iustinian où il alloit, il ne fit autre response, sinon que là où Dieu ouuroit le chemin aux Turcs. Allons doncques (dit-il, en se tournant deuers ceux qui estoient encores autour de luy) ô valeureux personnages, acheuer de faire nostre deuoir contre ces maudits chiens detestables. Et là-dessus fut tué le gentil Catacuzene: car les Turcs arriuoient desia de toutes parts à grosses troupes, qui blesterent aussi l'Empereur à l'espaule, & le rembarrent avec les siens iusques à la seconde closture, où le reste des Grecs se deffendoient encores à coups de dards, & de fleches, & grosses pierres, qu'ils lançoient du haut du rempart à ceux qui en cuidoient approcher. Mais quand ils virent que les Geneuois où estoit leur principale esperance fuyoient ainsi, & que l'Empereur estoit forcé de reculer, ayant à dos vn nombre infiny de Turcs qui le pressoient, ils perdirent alors le courage du tout, & se mirent à fuir vers la porte Romaine en tel desordre & confusion, qu'ils se renuersoient & accabloient les vns sur les autres: De façon que ceux qui suruenoient en foule, estoient forcez de passer sur le ventre des autres qui estoient desia par terre, ou y estoient portez eux-mesmes. Et ainsi se faisoient de grands tas & monceaux d'hommes abbatus, qui fermoient le passage; si que personne ne pouuoit plus euader, dont plusieurs finirent là piteusement leurs iours, qui furent estouffez en la presse; chacun taschant sans auoir esgard à son compagnon de le preuenir & gagner le premier l'issue, iusques à ce que finalement ils se venoient tous aculer à ce calamiteux rencontre; avec ce que les portes, quand bien ils se fussent conduits iusques-là, se trouuoient si étouppées de corps morts, qu'il estoit du tout autant possible d'y passer, qu'au beau trauers d'une muraille. Comme doncques les Ianissaires eurent emporté de viuue force la seconde & derniere closture, car l'artillerie y auoit aussi joué son jeu, & fait iour à bon escien, de là en auant ils purent tout à leur aise s'estendre par la Ville, sans plus trouuer de resistance ny empeschement, & lors commencerent à piller & saccager à leur plaisir; tout aussi-tost que les Grecs qui combattoient encores à l'autre bout eurent les nouvelles, ils se mirent à fuir vers le port, aux vaisseaux des Venitiens & des Geneuois: Et là fut la confusion encores plus grande, à cause de la multitude du peuple qui tout à coup s'efforçoit de s'embarquer; tellement que la plus grand' part se noya, & les vaisseaux se trouuerent si surchargez, que quelques-vns allerent à fonds avec tout ce qui estoit dessus, ce qui aduient ordinairement en semblables foules & extremités, quand sans aucune patience ne discretion, chacun taschant d'éuiter le peril eminent, vient à se precipiter en vn plus dangereux. Quelques-vns toutesfois reschap-

1453.

VI.

Iean Iustinian
le long Gene-
uois, homme
vaillant.

Ordre des
Grecs pour
soutenir l'as-
saut.

An 6. Liure
chap. 4.

Prise de Con-
stantinople,
le 27. iour de
May, 1453.

La blesture
de Iustinian
cause de la
perte de C.
Constantinople.

Vertu de Cō-
stantin Pa-
leologue.

Qui est blesté
à l'espaule.

1453.

Prophetie
vaine ou mal
entendue.

Theophile
Paleologue
fut assassiné en
combattant
vaillamment
avec son pere
& ses enfans.

Mort d'Or-
chan Turc,
qui s'estoit
retiré à Con-
stantinople.

Les Turcs
ignorans &
grossiers.

Le Cardinal
Isidore estant
pris au sac de
Constantino-
ple trouue
moyen d'es-
chapper.
Les Turcs en-
nemis mor-
tels du Siege
Apostolique.
La teste de
l'Empereur
apportée à
Machinet.

perent, & s'en fust bien sauué dauantage, si les portiers meus d'une bien fantastique & pernicieuse opinion, voyans vn si grand nombre de peuple encore sur pieds & en estat de se pouuoir deffendre, ne se fussent imaginez que s'ils les enfermoient dedans, ils seroient contrains de reprendre cœur, & renouueller le combat; ramenans là-dessus en memoire ie ne sçay quelle vieille Prophetie, commune parmy eux: *Qu'un iour viendrait, que quand les ennemis poursuiuant les Citoyens de Constantinople seroient paruenus iusques à la place du Taureau, alors iceux Citoyens contrains par necessité de tourner visage, rechasseroient les autres valeureusement à leur tour, & recouvreroient la Ville.* Les portiers doncques adioustans foy à cette forme d'oracle, fermerent les portes, & ietterent les clefs par dessus la muraille. Par ce moyen les pauures gens qui estoient là arriuez à grandes troupes, hommes, femmes, enfans, furent contrains de se retirer vers sainte Sophie, où tout incontinent apres les Turcs suruindrent, qui en mirent à mort sans nombre au milieu de l'Eglise. Les autres qui fuyoient çà & là, ne sçachans quel party prendre pour se sauuer, quelques-vns d'entr'eux des plus hardis se mirent à combattre vaillamment, choisissans de mourir plustost en gens de bien l'espée au poing, que de voir deuant leurs yeux rauer leurs femmes & enfans, & le tout venir en la captiuité de ces Barbares. Theophile entre les autres de la maison des Paleologues y fut mis à mort, apres auoir monstté tout ce qui se peut de hardiesse & de vertu. Semblablement les autres Paleologues, le pere & les enfans d'iceluy, se deffendans d'un tres-grand courage laisserent tous les vies: Et plusieurs Grecs quant & quant, de ceux mesmes qui estoient ordonnez pour la garde de l'Empereur, aymans mieux finir là leurs iours que de venir en la main des Infideles: tellement que tout estoit plein de sang, d'horreur, & de mort; de fuyans, & de poursuiuans, de miserables & de victorieux. Mais voicy comme il aduint de Notaras l'un des principaux officiers de l'Empereur, & d'Orchan petit fils de Musulman, selon que les Grecs le raconterent depuis. Car quand ils virent que la Ville fut prise, ils se retirerent en vne tour pour aduiser comment ils se sauueroyent. Quant à Orchan, ayant pris vn accoultrement de moyne il se voulut ietter du haut en bas, mais il se tua: Notaras fit quelque semblant de vouloir tenir bon où il estoit, & endura qu'on l'y vint assieger, finalement il se rendit, & eschappa à celle fois avec ses enfans. Cependant tout estoit en merueilleux desordre & confusion parmy la Ville, où les Turcs saccageoient inhumainement, sans aucun esgard de lieu sacré ny prophane, d'age ny de sexe; emmenans tous ceux que la fortune (peut-estre plus inique en leur endroit) auoit exemptez de la premiere rage & fureur de leurs sanglantes mains, pour les reseruer à de plus grandes cruautés: Et se trouuoit le camp de la remply de captifs, de biens, & despoilles; & l'air raisonnoit piteusement des voix & exclamations lamentables de tant de pauures mal-heureux & infortunés qui s'entr'appelloient les vns les autres, les femmes leurs maris, & les meres leurs enfans, cōme s'ils se fussent voulu dire le dernier Adieu, n'esperans pas de se reuoir iamais plus: Exposez au demeurant à toutes sortes d'opprobres, contumelies, & outrages, que les plus meschantes & débordées concupiscences se pourroient à grand' peine imaginer. Mais ces cruels ne s'en donnoient pas grande peine, ains entendoient seulement à s'enrichir; car oncques ils n'eurent vn tel butin, & n'auront iamais plus si Dieu plaist, au moins sur le peuple Chrestien. La plus belle, la plus riche & opulente Cité de toutes autres, si bien ordonnée, si bien establee par tant de reuolutions de siecles, durant lesquelles elle auoit commandé & à la terre & aux mers; siege souuerain, domicile & residence de tant d'Empereurs, avec leurs superbes & magnifiques cours; le magazin & apport de tous les tresors d'Orient, estre ainli tout à coup abandonnée aux vœux & desirs d'une canaille ignorante, qui se fâchoient quali de tant de richesses entassées les vnes sur les autres: ne pouuās comprendre en leur lourd & grossier entendement, ce qu'ils en deuoient faire: si que tel estoit chargé d'or & d'argent, qui iettoit là tout pour courir apres du cuire ou estain: Et les plus exquisés & precieuses pierreries, ils les donoient à vil prix, ou les eschangeoient à des choses de petite importance. En cette miserable confusion & reuersement de fortune, fut pris aussi le Cardinal Isidore Euesque de Russie, & mené à Pera, où on le vendit; mais ayant trouué le moyen de monter sur vn nauires qui estoit prest à faire voile, il se sauua au Peloponese: Que si le Ture en eust eu la moindre connoissance, mesmement que c'eust esté vn Cardinal, à grand' peine fust-il eschappé de ses mains. Or cuidât qu'il eust passé le pas quant & les autres, il ne se soucia pas beaucoup d'en faire autre perquisition: aussi que lors on luy apporta la teste de l'Empereur, ce qui luy touchoit de plus pres, dōt il fit de grandes caresses & recōpenies à celuy qui la luy presenta. De quelle façon ce Prince fut mis à mort, pas vn des

des Janissaires n'en sceut rien dire de certain : on pense toutesfois qu'il fut tué auprès d'une des portes de la ville avec beaucoup d'autres, ayant seulement regné trois ans & trois mois. Plusieurs Venitiens au reste hommes illustres : lesquels peu auparavant estoient arrivés à Constantinople, vindrent lors es mains des Turcs, comme assez d'autres de divers endroits, à qui les Grecs ne voulurent permettre de desloger, afin de se prevaloir de leur aide & secours es affaires qui se presentoient. De tous ceux-la neantmoins, le seul Baile des Venitiens ayant esté mené en la presence de Mechmet fut mis à mort; aux autres il fit grace & les deliura. Mais ceux de l'armée de mer voulans aussi avoir leur part du butin, abandonnerent les vaisseaux & le port, pour se jeter dans la ville apres le pillage : tellement que les Galeres Venitiennes se trouuans vuides & destituées d'hommes (car les Grecs les en auoient tirez pour mettre à la garde & deffence de leurs murailles, où la plus part auoient esté tuez ou pris) s'en allerent flottant à l'auenture le long de l'Hellesponte, tant qu'autrefois iour elles aborderent en l'isle d'Egine, & furent les premiers qui y apporterent les nouvelles de cette piteuse desconuene. Ce qui mit vn tel effroy à tout le pays d'alentour, tant des isles que de terre-ferme, que le peuple soudain sans penser à ce qu'il faisoit quitta là tout, fuyant en desordre de costé & d'autre, & si ne scauoient où, tout ainsi que si desia ils eussent eü les Turcs en leurs maisons, qui leur tinssent le couteau à la gorge. Les sieurs mesmes du Peloponese espouuantez de cette grande calamité, eurent recours à la marine pour se sauuer; ce qui appresta vne belle occasion aux Albanois qui y estoient habituez, de s'esleuer & departir de leur obeysance accoustumée.

Mechmet, de tous les Venitiens pris à Constantinople ne fait mourir que le Baile ou Ambassadeur.

VII.

MECHMET s'estant ainsi emparé de Constantinople, ordonna soudain au Zogan des aller saisir de la ville de Pera qui est tout vis à vis, & n'y a qu'un bras de mer à passer, afin de retenir les habitans qu'ils ne s'en allaissent d'effroy. Mais le Podestat de la ville voyant comme l'autre auoit esté traitté voulut preuenir l'orage, & s'en alla luy-mesme presenter les clefs à Mechmet, lequel le receut benignement; & là dessus donna charge au Zogan d'en aller prendre possession. Tout aussi-tost que les habitans l'apperceurent venir à eux avec les galeres; ils coururent à leurs vaisseaux pour se sauuer dessus, là où il y en eut quelques-vns de tuez pour intimider le reste; & cependant la ville fut prise; là où on establir vn Gouverneur : tellement que Mechmet en vn seul iour se fit maistre & Seigneur de ces deux citez : l'une toutesfois sans comparaison plus belle, plus riche & puissante que l'autre : cette-cy receüe à composition, & celle là miserablement saccagée. Toutesfois il fit desmanteler Pera du costé de la terre, afin de luy oster toutes occasions & moyens de se rebeller à l'aduenir, sous l'esperance des vaisseaux qui pourroient arriuer d'Italie, parce que l'ouverture des murailles leur en retrancheroit la volonté : pour y auoir aussi l'entrée libre à toutes heures qu'on y euideroit remuer quelque chose. Tous les autres Grecs qui estoient exemptez du massacre & execution, furent transportez en ladite ville de Pera, remis en liberté, principalement ceux qui estoient de quelque nom & dignité. Car Notaras mesme duquel nous auons parlé cy-dessus, fut racheté par Mechmet avec sa femme & ses enfans : & apres auoir conféré ensemble de quelques affaires, il luy donna permission de se retirer où il voudroit : mais se fondant sur le secours qu'on attendoit d'Italie, il voulut demeurer à Constantinople : où quelques autres encore se ramasserent, lesquels se souuenans de la douceur de la vie passée, & de l'ancienne liberté dont il est bien mal-aisé de se departir, ne se peurent tenir de faire certaines contenance & petites menées, qui furent incontinent descouuertes, dont ils irritèrent le Turc de sorte qu'il les fit mettre à mort. Toutesfois on estime que cette ruine leur aduint, de ce qu'ayant esté rapporté à Mechmet que Notaras auoit vn fort beau ieune garçon de l'age de douze à treize ans, il luy enuoya demander par vn sien eschanson, & l'autre s'escharinoucha vn peu trop viuement là dessus, delaschant en colere des paroles hors de saison que cette demande estoit du tout inique, deshonneste & outrageuse : car puis qu'on leur auoit vne fois pardonné, & remis leur liberté, à quel propos, ny à quel titre leur pouuoit on plus rien demander : que si cette grace n'estoit qu'une feinte & dissimulation, & qu'en toutes sortes on eust arresté de leur faire quelque mauuais party, pourquoy ne commandoit on aux peres, de mettre eux mesmes la main à leurs creatures? Somme toute qu'il n'en feroit rien, & que celuy seroit chose trop dure, voire insupportable, de se voir ainsi voller ses enfans deuant les yeux, qui n'auoient en rien offensé ne m'effait. L'eschanson luy remontroir d'y penser vn peu mieux, pour le moins qu'il moderast ses paroles, car si cela venoit vne fois aux oreilles du Seigneur, ce seroit pour le mettre luy & les siens à perdition; mais il ne le voulut croire ne

Reddition de la ville de Pera.

Pera demandée.

Leontares racheté par Mechmet, & remis en liberté.

Leontares apres auoir esté remis en liberté est mis à mort, & l'occasion pourquoy.

La trop grande liberté de langage fort dangereuse.

1453.

Constance de
Notaras à la
mort.

Vieillesse
des choses
humaines.

Mechmet fait
mourir Hali
Bassa, qui
avoit fait ren-
trer Amurat
à l'Empire.

Alliance reci-
proque de
Mechmet a-
vec le Zogan.

Felonie de
Mechmet.

Renard fort
sage.

* Ainsi fit le
Turc Soliman
à Ebrahim Bassa
le faisant souper
avec luy, & au
parir de la luy
pousser la
reste en sa gar-
derie.

escouter. Au moyen dequoy le tout ayant esté rapporté à Mechmet, il commanda sur l'heure de les mettre à mort; & le reste des Grecs qu'il auoit sauuez quant & quant. Au regard de Notaras il prenoit sa fortune en patience, & se porta en tout & par tout fort magnanimement, sans monst^{er} le moindre signe de lâcheté ou faute de cœur: Seulement il requit qu'on tuast ses enfans les premiers, craignant qu'on ne les voulust reseruer apres sa mort à quelques vilenies & abus. Mais d'autre costé les pauvrets, comme ieunes & plus craintifs crioient apres leur pere, que plutost il donnast & eux & tous les biens qu'il auoit destournez en Italie, que de les souffrir ainsi massacrer cruellement deuant ses yeux, dont il les reietta bien loing, les exhortant d'endurer la mort constamment. Et ainsi passerent le pas; les enfans en premier lieu, & le pere puis apres, qui se presenta fort courageusement au supplice. Les Grecs aussi qui auoient desia esté remis en liberté, & cuidoient estre désormais hors de tout peril & danger, coururent neantmoins la mesme fortune. On dit que ce fut certain estranger qui les haysoit mortellement, lequel leur brassa cette trouille: Car Mechmet s'estant transporté outre mesure de l'amour d'une sienne fille, se laissa aller à tout ce qu'elle voulut de luy; & par ce moyen obtemperant au prochas & instance que le pere & la fille luy firent d'exterminer les Grecs, les traita de la sorte que vous auez ouy. Comment que ce soit, il est tout certain que la misere & desolation de Constantinople, a surpassé toutes les autres calamitez dont nous ayons eu iamais connoissance: Et qui voudra de prés y prendre garde pour vn peu discourir là dessus, on trouuera qu'elle n'est gueres dissemblable, ains a beaucoup d'affinité avec celle de Troye la grande: tellement qu'il a semblé à plusieurs, & mesme les Latins le tiennent comme pour chose certaine, que ça esté vne vengeance & punition; pource que l'autre ayant iadis esté destruite par les Grecs, cette-cy le fut puis apres par les Barbares, descendus par aduenture des Troyens.

VIII.

MECHMET ne tarda gueres depuis à faire trousser le Bassa Chatiges fils de Priam; ayant de longue-main eu la dent sur luy, & proposé en son esprit de le faire mourir: mais ne se sentant encore assez bien confirmé à l'Empire, il auoit dissimulé iusques alors, retenu de quelque crainte de la grande autorité qu'il auoit. Apres doncques qu'il l'eut fait prendre, il l'enuoya lié & garotté dans vn chariot à Andrinople, & se saisit cependant de son or, & argent, ensemble de tous ses autres biens: car il auoit tousiours esté fort aspre & conuoiteux d'en amasser à toutes mains; tellement que de richesses & d'auoir il surpassoit tous les autres Bassas & Officiers de la Porte, quelque puissants, fauorits & opulents qu'ils fussent. Cette disgrâce luy aduint de l'autorité & credit où entra le Zogan: car Mechmet estant vne fois allé avec cettuy-cy voir vne de ses filles, desia fiancée à Machmut fils de Michel, il s'en amoura & la prit à femme, donnant en contr'eschange sa propre fille en mariage audit Zogan: & ainsi par vn mesme moyen contracta double alliance avec luy. Incontinent aussi qu'il eut fait mourir Chatites, il priua deux de ses plus grands fauorits, qui estoient le dessusdit Machmut, & vn autre appelé Iacob, de tous leurs biens qui montoient à la valeur de plus de six vingts mille escus. Et pource que la famille du Bassa qui estoit en grand nombre, s'estoit vestue de deuil pour la mort de leur maistre, il en eut despit; & leur enuoya tout incontinent dire par l'un de ses Chaux, que ceux qui voudroient continuer ce noir, n'eussent à faire faute de se trouuer le lendemain à la Porte: mais eux se doutans assez que cela vouloit dire, se garderent bien d'y comparoir en cetequipage & lurée. Et de fait il auoit desia par assez de tesmoignages & indices fait connoistre sa grande indignation, & courroux enuers le defunct: Car ayant vne fois apperceu vn Renard attaché à l'entrée du Palais, il se prit à luy dire comme en gossant; & que fais-tu icy prisonniere pauvre bestiole, est-il possible que tu sois si despourueue de moyens, que tu n'ayes dequoy graisser la main au Bassa aussi bien que les autres? Le bruit commun auoit aussi espouuanté Chatites, qui est le plus souuent ce qui nous annonce les choses aduenir: au moyen dequoy il se preparoit comme pour aller en pelerinage visiter le sepulchre de Mahomet, esperant que durant son absence le mal-talent du Prince s'adouciroit: mais il le preuint par malice & astuce, luy faisant meilleure chere que de coustume, & plus de biens que iamais. * Et mesme le voyant ainsi en soupçon, luy enuoya vne grosse somme de deniers; avec tout plein de belles paroles qu'il ne se souciait de rien, & ne prestait plus l'oreille à ceux qui alloient controuuans & semans ces faux rapports pour le troubler & mettre en confusion d'esprit, à quoy il ne deuoit adiouster aucune foy: dont Chatites aucunement reconforté luy fit cette responce. Il est en toy, Seigneur, de nous contrister tous, & resiouyr ainsi que bon

bon te ſemblera : Que ſi ton vouloir eſt que nous demeurions trilles & dolents, certes nous auons aſſez d'occafion d'ainſi le faire : mais ſi tu entends que nous faſſions bonne che-
re, & reprenions nos eſprits à l'accouſtumée, il eſt bien raifonnable de t'obeyr. Nonobſtant
toutesfois ces beaux diſcours, il ne laiſſa de faire le ſaut. Comme doncques Mechmet en
ſi peu de temps, & avec telle facilité eult conquis vn ſi grand & puiffant Empire, il com-
mença de tenir vne plus grande majeſté ; & tout enflé de gloire, de pompe, & de magnifi-
cence, ſe mit courageuſement apres pluſieurs tres-belles & hautes entrepriſes ; amplifiant
de tous coſtez ſa domination, par le moyen de tant de citez, de Prouinces, & de Royau-
mes que de iour en iour il accumuloit à ſa Monarchie ; partie de force partie qui volonta-
irement ſe rengeoient ſoubs le joug de ſon obeiffance. Mais c'eſt choſe bien eſtrange, que
pas vn de tous les Grecs ne ſe prit garde, ou bien n'y adiouſta point de foy, aux prediſtions
qu'ils auoient deuant les yeux, veu que le catalogue des Empereurs de Conſtantinople
autresfois deſcrit par l'Empereur Leon, Prince tres-ſçauant, venoit à ſe terminer en Con-
ſtantin, qui de vray fut le dernier, & au Patriarche qui mourut à Florence : Car cette ta-
ble ou liſte de Leon ne faiſoit mention ny de Conſtantin mis à mort par les Turcs, ne qu'il
fuſt decedé au Palais Imperial : Ne auſſi peu de Gregoire s'en allant en Italie (ainſi ſ'ap-
pelloit le dernier Patriarche) là où tous les autres, peu ou pluſieurs qui ſoient paruenus à
ces deux dignitez, chacun en ſon ordre, & au propre temps qu'ils deuoient eſtre ſelon
qu'il ſe verifia depuis, ſe trouuoient marquez en ladite table iuſques à cet Empereur & Pa-
triarche qui furent les derniers. Il y a encore tout plein d'autres choſes memorables, qui
teſmoignent aſſez l'excellence & le grand ſçauoir de ce Prince Leon ; lequel fut tres-verſé
& expert en la Philoſophie naturelle, & en l'Aſtologie, & qui eut parfaite connoiſſance
de leurs facultez & effets : Dont il y a deux ou trois preuues qui meritent bien d'eſtre re-
cordées, mais nous en parlerons quelque'autres fois.

Magnificence
de Mechmet
apres la priſe
de Conſtanti-
nople.

Prophetie
d'un des Em-
pereurs de
Conſantino-
ple Leon VI.
ſurnommé le
Philoloſophe
en l'an
886.

Or comme les Seigneurs du Peloponeſe ſ'appreſtoient pour ſe retirer en Italie, ayans
aſſocié avec eux les plus grands & notables perſonnages de toute la Grece, Mechmet les
en diuertit, & les abuſa par le moyen de ie ne ſçay quel appointement fourré qu'il fit avec
eux : ce qui les precipita en de grands inconueniens & calamitez. Car les Albanois voyans
ieter en mer les vaiſſeaux, & faire tous autres preparatifs propres pour vn dellogement,
prindrent de là occaſion de ſe rebeller, & conſpirerent entr'eux de ſe ſaiſir du pays : de-
quoy leur fut inſtigateur vn Pierre le Boiteux, homme deſeſperé & meſchant tout ou-
tre, qui les animoit ſans ceſſe à ſe ſouſtraire de l'obeiffance des Grecs, & eſlire quelque vn
pour les gouverner. Les Albanois pour le commencement firent ſemblant d'y vouloir
entendre, puis tout ſoudain changerent d'opinion : car encore y auoit-il parmy eux quel-
ques Grecs qui les incitoient à créer vn Prince de la nation Greque. Finalement ils ſ'arre-
ſterent à vn nommé Emanuel, de la maiſon des Catacuzenes : puis tout incontinent don-
nerent ſur les autres Grecs, pillans leurs biens, emmenans leur beſtail, & faiſans tous au-
tres actes d'hoſtilité. Or ces Albanois icy ſont Paſtres, qui vont vagabonds de coſté &
d'autre, ſans auoir aucunes demeures arreſtées, au moyen dequoy s'eſtans mis en cam-
pagne, ſe ruoient ſur les villes & fortereſſes, aſſiegeans les vnes, ſaccageans les autres ;
& ſ'emparoiſent des habitations y eſtans. Car pour le peu d'eſtime qu'ils faiſoient des
Grecs, leſquels ils ne tenoient ſinon pour autant d'eſclaues, ils depeſcherent tout in-
continent à la Porte, offrans au Ture de luy mettre entre les mains les places, & les for-
ces du Peloponeſe, pourueu qu'il leur laiſſaſt la iouiſſance du plat pays, dont ils luy paye-
roient tribut chacun an. Cette reddition eſtoit maintenüe & fauoriſée ſous-main par
Centerion Zacharias, frere de la femme qu'auoit eſpouſée l'un des freres du feu Em-
pereur, & par vn autre encore nommé Lucanes : pour raiſon dequoy le Prince Tho-
mas les fit prendre tous deux, & mener priſonniers au Chateau de Chlumetic. Mais les
Albanois par brigues & menées pratiquerent le Gouverneur de la place, qui les auoit
en garde, luy propoſans le mariage de la fille d'iceluy Centerion, avec autres belles pro-
meſſes qui l'induirent de les laiſſer aller, & eſpouſer luy-meſme leur party : de maniere que
la guerre ſe faiſoit deſia tout ouuertement. Au regard de Centerion, Thomas l'auoit fait
ſaiſir, pource que quand Amurat fils de Mechmet vint pour rompre la muraille de l'Iſtme,
il abandonna le Peloponeſe, & ſe retira en Achaie. Et ne ſe contentant pas de ſ'eſtre vou-
lu rendre aux Turcs, & luy & vn autre appellé Boccales Leontares, ſe mirent à ſoliciter
les Princes & Seigneurs d'alentour, de faire de meſme : Car deſlors iceluy Boccales ſans
plus diſſimuler ſe rengea deuers eux, & leur aſſiſtoit en toutes leurs guerres & entrepriſes :
mais en vne rencontre qu'il eut avec Raoul l'un des Capitaines du Prince, il fut pris, &

IX.

Rebellion des
Albanois ha-
bituez au Pe-
loponneſe.

Eliſent Ema-
nuel Cata-
cuzene pour
leur Chef.

1453.
Supplice com-
mun aux
Grecs.

L'aduan-
cement de Lu-
canes & ses
conditons.

1454.
Car cette guerre
du Peloponese
dura deux ans.

X.
Le Pelopone-
se secouru par
le Turc.

Harangue de
Thuracan aux
Princes du Pe-
loponese.

luy fit-on creuer les yeux. Estant doncques chargez de ces cas, ils furent mis en prison; à sçauoir Centerion pour auoir abandonné le pays lors qu'Amurat demollissoit l'Istme; & Lucanes, pource qu'il aspirait à des troubles & nouuellerez, & s'estoit partialisé avec ceux des Grecs qui estoient les plus conuoiteux de seditions & changemens de l'Estat. Car à la verité Lucanes auoit desia auparauant suscité les principaux & plus puissans, à se bander contre leurs Seigneurs propres, & pareillement les Albanois; de sorte que les forces de cette ligue n'estoient plus à mespriser. Cettuy-cy venu de race non point autrement de condition, mais au reste fort obscure & ignoble, homme tres-aduisé & d'un prompt & gentil naturel, trouua incontinent moyen d'auoir accez à Theodore Seigneur de Sparthe, qui le receut au rang de ses plus grands fauoris, & luy fit d'arruée tout plein de biens & d'auancemens: ce qui luy fut puis-apres vne introduction à esmouuoir les principaux Grecs à sedition & reuolte; car estant fin & ruzé, il sçauoit fort bien appliquer toutes choses à son particulier, par le moyen de la grace & faueur du peuple, dont il faisoit ce qu'il vouloit. Mais pour le commencement il feignit d'estre de contraire opinion aux Grecs de Constantinople, & d'auoir peur que si les Turcs s'emparoiert du Peloponese, ils ne vinsent bien-tost apres à perdre tout leur repos & felicité: neantmoins sous main il ne briguoit autre chose que de s'appuyer de quelqu'un, pource que toutes ses esperances en cet endroit estoient logées là dessus: tellement que ce pauvre pais se trouuoit en un fort piteux estat. Ils menerent doncques tout premierement leur armée contre Chine, dont ils furent honteusement repoussez: au moyen dequoy de là s'adressans à Patras ville d'Achaie, où estoit le plus ieune des deux Seigneurs, ils eurent là endroit la fortune aussi peu fauorable, & perdirent tout plein de gens.

Mais pour tout cela encore le Peloponese ne laissa d'estre en danger de venir au pou-
voir des Albanois, si Asan qui estoit allé deuers le Turc, n'eust impetré de luy vne armée, qui fut celle mesme dont Thuracan auoit la charge; lequel estant là arriué avec ses forces, assembla au conseil les deux Seigneurs Paleologues, avec les principaux du pays pour ad-
uiser ce qui estoit à faire; & leur vsa d'un tel langage. Enfans de l'Empereur des Grecs, il faut de necessité que quelqu'un d'entre vous se trouue à cette guerre, & nous y assiste: car quand les ennemis vous verront, plus facilement se rendront-ils, sçachans bien que de vous ils ne receuront aucun mal. Mais quant à nous autres qui leur sont inuetez aduer-
saires, ils ne nous auront plutost apperceus, qu'ils entreront en crainte & des fiance, & feront difficulté de venir à raison: Parquoy si vous me voulez croire, toutes choses iront bien, & succederont au plus près de vostre intention. Doncques en premier lieu ie vous requiers & admoneste, que d'oresnauant vous regardiez à traiter vos sujets d'une au-
tre façon que iusques icy vous n'avez fait, faisant du bien aux bons, & chastiant les des-
bauchez & meschans. A ces deux choses là ayez tout vostre soing & entente ie vous prie, car si vne fois les bons vous assistent (ce qu'ils feront sans difficulté toutes les fois qu'ils se sentiront de vostre beneficence) vous n'aurez pas beaucoup de peine puis-apres à dompter les mauuais, & en venir à bout. Si doncques à ceux qui seront de peruer-
se volonté vous ne laissez ne liberté, ne moyen de mal faire, qu'est-ce qui vous pour-
roit inopinément suruenir? Mais tenez aussi cela de moy pour chose toute seure que si quelques-uns des deprauez & mutins, viennent par vous à estre aduancez aux charges &
honneurs que les gens de bien meritent, les autres se parforceront de se rendre sem-
blables à eux, & par ce moyen demeurerez affoiblis & oppressez de toutes parts, en dan-
ger de perir miserablement. Ainsi vous faut-il tirer vne instruction des choses passées, pour vous en seruir en ce que vous auez presentement à desmesler. Mais là dessus ie consi-
dere, que les vostres propres vous sont les plus mal affectionnez, & aiment ceux qui vous cōtrairient, suiuant continuellement tout le rebours de ce qu'ils pensent que vous desiriez. Certes si le Seigneur n'eust eu pitié de vous, & ne vous eust secouru de ses forces, qui vous remet entre les mains ce pays, ja du tout perdu, ie ne sçay que vous eussiez fait. Puis doncques que l'experience vous monstre, que par cy-deuant vostre estat n'a point bien
esté gouverné, la necessité vous enseignera aussi d'auoir vos sujets en plus estroite re-
commandation à l'aduenir; ie dis de les traiter plus gracieusement: Et si faut dauanta-
ge, que vous ayez l'œil, cependant que vous serez en paix & repos, de ne vous endor-
mir point en vos affaires & de ne les laisser en desordre ainsi decousus. Monstrez à tout
le moins quelque forme de rigueur enuers ceux qui taschent ainsi à vous troubler, sans
rien pardonner à telles sortes de gens: car deux choses entre les autres ont esleu les Turcs
à cette souueraine puissance que vous voyez; l'une que tousiours ils ont fait tres-dili-
gente

gente perquillition contre les depravez, iufques aux moindre occasions qui fe font prefentées, & les ont tres-bien chastiez de leurs insolences & abus; L'autre, que iamais les gens de bien & d'honneur n'ont esté laissez parmy eux fans quelque dignité & recompense. Que si d'adventure les affaires qui font furuenus n'ont permis de punir les coupables fur le champ, l'on n'a point fait de difficulté de leur pardonner pour l'heure; mais ils ne l'ont porté guere loing; car tout aufli-toft que le danger a esté pañlé, & la tourmente s'est trouuée reduitte en bonnace, fans plus y auoir rien à craindre de faire naufrage, le loisir ne leur a pas esté donné lors de se reuolter, ny entreprendre vne autrefois à faire mal, à l'enuy les vns des autres: car tout incontinent ils se sont trouuez enuoloppez en la punition & chastiment qu'ils auoient mérité. Ce furent en substance les propos que leur tint Thuracan; les exhortant de le fuiure contre les seditieux. Et tout premierement Demettrie avec le renfort des Turcs, s'achemina vers la contrée appelée Borbotane, qui estoit de forte & difficile aduenue, car les Albanois pour plus grande feureté de leurs femmes & enfans, auoient basti à l'entrée vne bonne forte muraille, avec vn Torrión, que les Grecs & les Turcs se mirent à sapper pesle mesle, pour se faire ouuerture dans le pays. Toutesfois la nuit suruenant là-dessus les empescha d'acheuer: & cependant les Albanois eurent le loisir de s'escouler, par cet endroit de la vallée où la montagne qui l'enferme vient à s'affaïsser, & prendre fin. Ce qu'estant venu à la connoissance des Turcs firent soudain marcher leurs cornettes, & chasserent si chaudement ceux qui fuioient, qu'ils en prirent bien dix mille, lesquels n'auoient peu fuiure la grosse troupe. Cela fait, l'armée passa outre vers Ithomé; le plus ieune des deux freres nommé Thomas les costoyant tousiours sur les aïlles, tantost d'une part tantost d'une autre. Et de là allerent assaillir la ville d'Echon ou de l'Aigle, qui auoit nagueres fuiuy le party de Centerion, & la receurent à composition, qu'elleourniroit mille eschaues à l'armée Turquesque, avec quelques armes & cheuaux de bagage. De là en auant le reste des Albanois ne contredirent plus de venir à raison: & enuoyerent lors quelques-vns d'entr'eux deuers leurs Princes, pour faire entendre qu'ils estoient prests de rentrer en l'obeyssance accoustumée, pourueu qu'on les laissast jouyr des lieux dont il estoient saïs, & ne fussent contraintes de rendre le butin qu'ils auoient fait de cheuaux & autre bestail; lesquelles conditions furent acceptées. Au regard de Thuracan, il ne cherchoit que d'affoiblir les affaires des Albanois, pour les rendre plus souples & moins fascheux à leurs maistres; parquoy quand il fut prest de s'en retourner il aïsembla derechef le conseil, & parla en cette sorte. Je vous ay nagueres remonstré (Seigneurs Grecs) comment il me sembloit que vous vous deuez gouuerner cy-apres es choses qui vous touchent, à quoy j'adiousteray encore ce mot; Que si vous estes d'un bon accord ensemble, vos affaires ne pourront aller que tres-bien & ierez tousiours en repos & tranquillité heureuse: mais si les dissentions & partialitez prennent pied parmy vous, soyez certains que le contraire vous aduiendra. Parquoy prenez garde sur toutes choses, & ayez y bien l'œil, que vos sujets ne deuiennent insolens & presomptueux en vostre endroit, cependant que vous penserez estre à vostre aise; ains punissez sur le champ, sans le remettre au lendemain, ceux qui voudroient atterper, & remuer quelque chose. Car encore que le mal dès son commencement, si petit puisse-il estre, soit tousiours fort pernicieux, si le fera-il bien dauantage, si on le laisse croistre, & aller auant; par ce que bientôt il s'estend, iufques à paruenir à de si grands outrages & insolences, qu'elles ne se peuvent plus comporter elles mesmes. Prenez-y doncques (ie vous prie vne autrefois soigneusement garde,) & ne vous laissez sur tout endormir en vne oyliuë & nonchalance, la plus dangereuse peste qui se puisse presenter en vn estat, & qui y ameine finalement plus de maux.

1454.
& 1455.
Demettrie va
contre les Al-
banois rebel-
les.

Remonst-
rance de Thu-
can aux deux
freres Paleo-
logues.

AYANT acheué de parler, il tandit la main aux deux Princes, & là-dessus en prit congé. Mais ils se gerderent bien de fuiure ses sages admonestemens; au contraire entre-
rent incontinent apres en picque & combustion l'un contre l'autre; ne s'estudians à autre
chose sinon de combattre à l'enuy à qui feroit plus de caresse, de faueurs & de biens cha-
cun à ses partisans, & leur donneroient plus de priuauté & credit, taschans par là de se ren-
dre fideles & affectionnez dauantage; & pourtant se rabaissoient de leur dignité & gran-
deur, pour gratifier ceux qui leur estoient sujets: En quoy ils se mescontoient grande-
ment, car ce n'est chose moins dangereuse à vn Prince, de s'incliner ainsi & se commu-
niquer trop laschement enuers les siens, que de se monstrier vn peu fier, arrogant & su-
perbe. Aussi les principaux ne faillirent soudain d'en abuser, & s'esleuans à vn desdain &
mespris, se mirent à esmouuoir les autres de moindre estoffe, à des seditions & reuol-

XI.
Le discord ai-
lumé par les
flateurs, cause
leur ruine.

Traict bien
remarquable.

1454.
& 1455.

tes; taschans tousiours de refueiller quelque noise, pour tenir par ce moyen leurs Seigneurs en escheec, & en doute & soupçon l'un de l'autre, ce qui amena finalement & eux & leurs affaires à vne ruine & desolation miserable. Car tout ainsi que s'ils eussent esté possédez de quelque malin esprit, qui leur eust du tout transporté le sens & l'entendement, ils se remettoient de toutes choses à ces malicieux & desloyaux ministres, qui cependant complotoient entr'eux, & les vendoient à beaux deniers comptans. Lucanes en premier lieu, lequel ayant amené certain nombre de Bizantins, invita les Albanois, & ceux du Peloponèse à se reuolter, afin qu'ils se cantonnassent, & se deportans de l'obeissance de leurs Seigneurs legitimes, s'establistent vne forme de chose publique pour viure à part, chacun endroit soy à la fantaisie & volonté. Et ainsi se sentans renforcez (ce leur sembloit) de cette premiere conspiration, se retirerent deuers Asan, comme celuy qui estoit de plus grand pouuoir & autorité; car il auoit le Gouvernement de Corinthe, & ce la plus grande part du Peloponèse. Mais il ne les daigna oncques ouyr, ne leur adherer à chose quelconque de toutes celles qu'ils pretendoient. En contr'eschange, les Albanois & les Peloponensiens refuserent tout-à plat le tribut qu'ils souloient payer, lequel montoit bien à douze mille stateres d'or * par chacun an. Et ainsi s'alloient consumans les Grecs peu à peu, par le moyen de leurs partialitez & dissensions mutuelles: car ils ne vouloient plus rien payer des charges & impositions accoustumées, que premier on n'eust desparty également le territoire entr'eux. Aussi falloir-il que toutes choses allans si mal, & comme en despit de la fortune, ils s'en allassent belles etres à vne entiere perdition & ruine, & finalement fussent reduits à neant,

* Cela peut arriuer à quelque 124000. ducats.

La rebellion des Grecs cause leur perdition.

XII.

Voyage de Mechemet contre les Triballiens.

Mechemet premier aueur des mortiers d'artillerie.

La ville de Nouobarde se rend à luy.

Mort de George Despote de Seruie.

* Ce sont 4000. ducats.

XIII.

M A I S pour retourner à Mechemet, depuis qu'il eut pris la ville de Constantinople, il retourna à sa seconde expedition contre les Triballiens, & la ville de Nouobarde située dans les confins des Turcs prez la riuere de Moraue, qui a ses sources en la contrée de Pristine, & de là trauersant les lieux dessusdicts se va mouler & perdre dans le Danube. Comme doncques son armée fust espandue par tout le pays, pillant & fourrageant sans aucun contredit ny empeschement luy cependant avec vne partie de ses forces ayant enclos la ville dessusdite tout à l'entour, la commença à battre d'une estrange furie avec ses mortiers, sans s'amuser à faire bresche à la muraille: & dit-on qu'il fut le premier inuenteur de ces machines enormes. Ce sont de grosses pieces fort courtes à l'aduenant, lesquelles ne tirent pas de blanc en blanc ainsi que font les autres, mais estant plantées tout debout en terre la bouche contre-mont, desgorgeant le boulet droit en l'air, d'une hauteur incomparable, par la violence & impetuosité de la poudre qui le chasse; si que venant à retomber de la mesme furie, il accable tout ce qui se rencontre dessous: & en est le coup si certain, qu'il ne faut gueres de donner au propre endroit où le canonnier l'aura destiné encore qu'il n'y ayt pas esté bracqué en ligne droite. Les habitans apres auoir esté ainsi rudement molestez par quelques iours, & ne sçachans plus comme se garentir contre cette tempeste qui auoit effondré presque toutes les maisons, furent finalement contraincts de se rendre à la volonté & discretion de Mechemet; lequel fit enleuer toutes les meilleures & plus exquisas besongnes qui y fussent, & si vendit partie des habitans: aux autres il pardonna, & les y laissa demeurer comme auparauant, pour raison principalement des metaux dont ces gens-là ont le bruit d'estre ouuriers excellens sur tous autres: aussi par leur moyen & industrie, il s'establit là vn fort bon reuenue, prouenant des mines qui se trouuent es environs de la ville. Mais George Prince des Triballiens ayant senty sa venue, & eu peur que s'il s'arrestoit en Senderouie, il ne le vint assieger là dedans, estoit desia passé en Hongrie deuers Iean Huniade, pour luy demander secours, puis qu'ils estoient amis & proches alliez: & cependant ne laissoit de pratiquer son appointment enuers les Turcs, lequel il obtint à la parfin; toutesfoi il mourut bien-tost apres. Et comme le plus ieune de ses enfans nommé Eleazar fut celuy qui luy deuoit succeder à l'Estat, Estienne & George à qui l'on auoit fait creuer les yeux, trouuerent moyen de mettre la main sur le tresor, & s'estans saisis de tout l'argent qui y estoit, s'allerent de ce pas rendre à Mechemet, qui leur assigna certaine portion du pays pour leur viure, dont ils eurent moyen de s'entretenir honnorablement: car au reste la paix dessusdite auoit esté traittée moyennant vn grand tribut que deuoient payer les Triballiens, lequel montoit bien vingt mille stateres d'or * chacun an.

L'ANNEE ensuiuant Mechemet mena son armée contre la ville de Belgrade en Hongrie, laquelle comme nous auons desia dit en la vie d'Amurat, est flanquée d'un costé de la riuere du Danube, & de l'autre de celle de Saue, qui entre dans le Danube vn peu au dessous:

deffous: De sorte que ces deux grosses eaux, qui l'enfermerent presque de toutes parts hors mis d'une seule advenue, la rendent d'une tres-forte assiette, & bien mal-aisée à approcher. Il ne laissa neantmoins de l'entreprendre, mais avant que sortir en campagne il depescha Theriz, & Haly fils de Michel, avec partie de son armée contre les Illiriens: Et ayant la guerre au mesme temps contre l'Empereur de Trebizonde, il fit partir ses Galleres dont estoit general Chetir Gouverneur d'Amasie, pour aller courir la coste de la Colchide qui est sur le Pont-Euxin. De luy, apres que toutes ses forces furent assemblées es environs d'Andrinople, suivant le mandement qu'il en avoit fait publier, il se mit en campagne, ayant autour de sa personne les Janissaires & autres stipendiez de la Porte; & dressa son chemin par le pays des Triballiens faisant conduire cependant une fort grande quantité de bronze, tant par eau contremont le Danube que sur des charreaux par terre pour fonder de l'artillerie sur les lieux. Il fut fort magnifiquement receu & traité, luy & les principaux de son armée par le Prince d'iceux Triballiens, qui leur fit de beaux presens à tous: car il se doutoit bien que si l'autre venoit à bout de Belgrade, il ne faudroit de le venir visiter incontinent apres, comme celuy qui par maniere de parler ne respiroit qu'armes, guerres, batailles, & assauts. Aussi il ne fut pas plutost arrivé deuant Belgrade, qu'il se mit soudain à l'enclorre & assieger de toutes parts, estant son armée fort grande; & fit ses trenchées & approches par le destroit qui est entre les deux rivières, lequel ne scauroit cōtenir un petit quart de lieuë au plus; * là où les Janissaires se vindrent de plaine arriée loger sur le bord du fossé; & apres avoir accommodé leurs gabions & mantelets suivant leur coustume, commencerent à tirer infinies harquebuzades, & coups de fleches à ceux qui estoient sur le rempart; de sorte que personne n'osoit tant soit peu monstrier le nez à une seule canonniere, ou creneau: car d'autre part ses pieces estoient desia assises en batterie, & commençoient à faire une merueilleuse execution & exploict. Or avoit-il bien preveu que s'il ne se faisoit maistre de la riviere, pour empescher que les Hongres ne vinsent de l'autre part secourir la place, & la rafraischir d'hommes & de munitions, ce n'estoit rien fait à luy; car il n'y avoit point de plus beau moyen d'en avoir bien-tost la raison que celuy-là, & avec moins de perte & de difficulté. Parquoy s'estant trouvez là iusques au nombre de deux cens vaisseaux tous prests, il fit soudain rembarquer les mariniers qui s'estoient desia respandus parmy la plaine au long du Danube; & les faisoit aller & venir continuellement depuis la ville de Bidine, vers le camp: si bien que par quelques iours ils auoient tenu le cours de la riviere en sujecion: quant le Roy de Hongrie qui s'estoit campé au delà avec une fort belle armée, emplit aussi de soldats esleus tous les meilleurs vaisseaux qu'il eust à Bude; & comme s'il eût voulu venir à une bataille navale, marcha contre-bas d'une grande furie vers les Turcs, qui brusloient, pilloient, & sacageoient tous les riuages, où de plaine abordée les ayant choquez fort vivement il mit à fonds plusieurs de leurs vaisseaux, & en prit vingt, dont il fit mourir sur le champ tous ceux qui s'y trouverent. Les autres se sauverent à la fuitte tant que la toideur de l'eau, & la diligence des autres les peurent porter iusques au camp où ils s'allerent ietter à garands; laissant là leurs barques à l'abandon, mais Mechmet y fit incontinent mettre le feu: de peur que les Chrestiens ne s'en satisfissent. Comme doncques les Hongres eussent eü un si beau & heureux succez de leur premiere rencontre, qui leur donna de là en avant l'usage de la riviere franc & libre, ils chargerent sur ces vingt vaisseaux vuides d'hommes, certaines petites loges & cabannes, & rengerent leur flotte en tres-belle ordonnance, s'aulerent contre-bas vers la ville, où malgré les Turcs ils mirent tel renfort & rafraischissement qu'ils voulurent. Quant à ceux qui pour lors y entrerent, ce furent Huniade avec ses gens, & le cordelier Jean Capistran, le nom duquel estoit en telle estime & recommandation par tous les endroits du Ponant, pour le regard des affaires de la religion, que le Pape, joint la saincteté & reformation de sa vie, & le zele dont il estoit remply, l'avoit choisi sur tous les autres pour aller à Prague ville capitale de Boheme, prescher le peuple qui idolatroit le Dieu Apollon. Et d'autant qu'il estoit fort eloquent, & avoit une grande vehemence & efficace en son parler pour persuader ce qu'il vouloit, il retira finalement la plus grande partie de ce pauvre peuple aveuglé; de son erreur & folie à une plus saine doctrine: & si fit encore qu'un bon nombre d'entr'eux, avec plusieurs Hongres & Allemans prirent les armes, & le suivirent au secours de Belgrade; où apres avoir tenu la campagne par quelques iours, escarmouchans continuellement les Turcs, ou les tenans en alarmes, quand ils

1456.

Mechmet fait la guerre tout d'un coup à trois puissants peuples.

Fait fonder de l'artillerie sur les lieux pour euter la difficulté de traîner de si lourdes pieces.

Belgrade assiegée par les Turcs l'an 1456. le 15. iour de juin.

* 7 stades qu'il y a de la place.

Defaite des Turcs sur le Danube.

Huniade & le Cordelier Capistran entrés dedans Belgrade.

1456.

Mort du Bas-
la Charats.L'assaut de
Belgrade.Ruse de Hu-
niade.Desordre des
Turcs, avec
grande defai-
te.Les Chrestiens,
gagnent leur
artillerie.Vailance de
Mechmet.

seurent que la bresche estoit faicte, & qu'il y auoit danger desormais que la place ne se perdit, ils se ietterent dedans tout à leur aise par la riuere, & de là en auant commencerent à faire tel deuoir, que les Turcs conneurent bien qu'ils auoient affaire à des gens qui n'estoient pas à mépriser. Mechmet d'autre part voyant l'ouuerture que son artillerie auoit faite à la muraille, se prepara comme s'il eut voulu faire vne course dans le pays pour aller prendre des ames; & cependant il ordonna qu'on fist les feux parmy le camp à la mode accoustumée, & fit dresser force gabions & mantelets, ensemble toutes autres choses necessaires pour approcher à couuert le pied de la muraille, & y donner l'assaut. Mais sur ces entrefaites Carats general des forces de l'Europe, tres-vaillant & experimenté Capitaine sur tous les autres, fut tué d'un coup de mousquet, dont son maistre eut vn extreme desplaisir, sçachant assez la faute que feroit à son seruice la perte d'un tel personnage. Pour cela toutesfoi il ne laissa de fort grand matin à faire donner le signal du combat, conduisant luy-mesme ses soldats iusques sur le bord du fossé, lequel de plaine arriuée ils gagnerent & monterent encore au haut de la bresche, sans y trouuer aucune resistance: Tellement que se iettans à corps perdu dans la ville, ils s'espancherent de costé & d'autre, pensans desia auoir tout gagné, & qu'il n'y eust plus que faire, fors de piller & saccager à souhait. Mais Huniade auoit secrettement rengé ses gens en bataille en vne place, & n'attendoit sinon que les Turcs se fussent embarquez bien auant; car ceux qui estoient à la garde du Chasteau auoient le mot du guet de sortir sur eux au premier son de trompette, & les autres ordonnez pour deffendre la bresche, s'en estoient retirez par son commandement, à ce que les ennemis la trouuant vuide & delaissee, vinsent à donner plus inconliderément dans le filé qu'il auoit tendu. Ils estoient neantmoins instruits de retourner à la muraille au dessusdit signal, chacun au lieu & endroit qui luy auoit esté premierement assigné, afin que faisans teste à ceux qui viendroient par dehors à la file, les premiers demeurassent enuoloppez dedans. Comme d'ocques les Janissaires & autres gens d'assaut, de premiere abordée n'ayans rencontré personne à la bresche pour leur en contredire l'entrée, se fussent sans autre difficulté iettez dedans à corps pertu (car les Hongres selon l'admonnestement qu'ils en auoient l'abandonnerent soudain, & se retirerent assez loing de là, de façon que les Turcs n'entendoient plus qu'au pillage, (tout ainsi que s'ils eussent desia esté au dessus de leurs affaires) la trompette commença à donner le mot, & lors ceux qui estoient ordonnez pour soustenir l'assaut, tout incontinent accoururent à la muraille d'une grande virelle, & impetuosité, & enfermerent les Turcs au dedans, lesquels voyans Huniade venir la teste baissée droit à eux, & ceux du Chasteau descendre d'autre costé pour les venir enclore, se mirent à fuir vers la bresche. Mais les Hongres qui les poursuuoient viuement en tuerent grand nombre: Les autres qui peurent regagner la muraille, quand ils l'apperceurent bordée de tant de gens, firent semblant de les vouloir charger, & cependant à qui mieux mieux se lançoient dedans le fossé, pour eschapper de leurs mains. Cette victoire encouragea les Chrestiens de sorte, que le Capistran & quelques-uns avec luy, firent tout chaudement vne saillie sur ceux qui estoient à l'artillerie, & les ayans de plaine abordée mis en fuitte la gagnerent; Dequoy Mechmet qui voyoit le tout, cuida de passionner; & si enflambé de courroux, qu'il ne voulut iamais desmarcher vn seul pas en arriere, ains demeura ferme en la propre place où il estoit, combattant valeureusement de sa personne. A la parfin toutesfoi, voyant que ny pour cela les Hongres ne pouuoient estre repoussez, il fut contraint malgré luy de se retirer: & les Chrestiens se rallians là endroit, tournerent la bouche des pieces vers son logis, où ils firent vn terrible eschec & ruine. Desia estoit la moitié du iour passée, quand la deffaitte des Turcs dedans la ville, & tout le reste de ce qui estoit adueni fut rapporté à ceux qui estoient au delà de la riuere attendans l'euement de l'assaut, parquoy ils se mirent tout incontinent à passer à grosses troupes, non ja plus pour entrer dans la place, mais pour s'aller joindre aux autres qui combattoient au dehors, comme firent aussi ceux de dedans: & d'une grande hardiesse & effort commencerent tous ensemble à enuahir le camp des ennemis, où les Housars pillerent le marché, & les autres mirent par terre la plus grand part des tentes & paviillons, & mesmement ceux de Mechmet, lequel de nouveau criant apres ses gens, & les tenant tres-asprement de ce que desia ils n'auoient creué les yeux à ces femmelettes (comme il disoit) luy seul d'un courage inuincible remit sus le combat, & tourna finalement les Hongres en fuitte, où de sa propre main il mit à mort l'un des principaux. Et combien que là-dessus il eust esté assez dangereusement blessé à la cuille, si ne recula

recula-il pas pourtant, mais passa outre au recouurement de l'artillerie; où les Hongres firent teste vne autre-fos, repoussans les Turcs fort viuement iusques dedans leur logis. Or comme ces charges & recharges eussent esté rejettées par trois fois; & que de luy il eust vn extreme desplaisir de l'esloignement de ses Ianissaires, la plus grande partie desquels s'estoient desbandez de costé & d'autre pour aller au fourrage, il fit venir à soy Chasan leur Aga, auquel d'un extreme colere il parla en cette sorte. *Et où sont à ceste heure (hom-mal-heureux, le plus mal-heureux de tous autres) où sont ceux dont ie t'auois donné la charge? Quel deuoir font-ils de me seconrir en la necessité presente? Où est-ce que toy le beau premier (si au moins tu valois quelque chose) & eux conséquemment, faites teste à ceux qui nous viennent enfoncer iusques dedans le cœur de nostre camp, ce que iamais autres ne firent? Tu scais assez comme de tres-bas lieu ie t'ay esleué à vn si haut degré, comme de te faire chef des bandes où est ma dernière ressource, & néanmoins pour tout cela tu as si peu de soing de mon honneur & de ma vie. Mais si ie sors de cette affaire, assure toy que ie te traiteray en sorte que les autres y prendront exemple.* A quoy il ne repliqua autre chose, sinon tant seulement: *Certes, Seigneur, quant à ceux que de vray tu m'auois laissés en charge, la pluspart sont morts ou blessez; que s'il y en a encore quelques-vns qui soient sains, ils ne me veulent plus obeyr. Parquoy ce que ie puis pour cette heure: est de m'aller tout de ce pas presenter la teste baissée aux ennemis, & là combattant vaillamment pour ton seruice, perdre la vie selon la fidelité & l'obeyssance que ie te dois.* Ce disant il s'en va soudain jeter tout au plus fort de la meslée, où il fut incontinent mis en pieces, à la veuë mesme de Mechmet, qui en eut vn extreme regret depuis, pource que c'estoit vn fort homme de bien. Quelques-vns de ses domestiques le suiuirent, qui furent tuez aupres de luy. Et ainsi les Hongres de pis en pis malmenoient les Turcs dans leur logis propres, les ayans par plusieurs fois mis en route, & contrains de tourner le dos: quand tout à coup suruindrent six mille cheuaux à l'impourueu qui auoient esté enuoyez pour garder le pays qui est au long du Danube, & empescher les descentes qu'on y eust peu faire par la riuie-re. Estans doncques arriuez fort à propos lors qu'ils estoient attendus le moins enuolopperent d'arriuée au milieu d'eux les Hongres, qui estoient encore en la plus grande ardeur du combat, dont ils en tuerent vn grand nombre; les autres prirent la fuitte vers les trenchées où estoit l'artillerie, qu'il commençoit desia à faire obscur; ce qui les departit. Mais Mechmet considerant en quel danger & extremité auoient presque esté reduits ses affaires, commença à penser de la retraite; pource que la meilleure partie de ses Ianissaires, & autres bons soldats estoient ou naurez, ou tellement descouragez qu'ils n'en vouloient plus manger, & n'osoit de là en auant y mettre gueres plus d'assurance. Au moyen dequoy tout aussi-tost que la nuit fut venue, il commanda de trousser promptement bagage, & que chacun eust à se tenir prest pour desloger au son de la sourdine, & suivre la file. Et ainsi à la faueur des tenebres se desroboit, craignant que l'armée de Hongrie ne passast l'eau pour aller apres: Ce qui fut cause que son deslogement ne luy fut ny difficile, ny dangereux.

Mechmet lo-
ue le liege.

Les Hongres luy eussent fort volontiers donné en queue, si Huniade ne les en eust re-tenus, lequel connoissoit de longue-main la façon de faire des Turcs, qui est de reprendre courage lors que le besoin est plus grand, & qu'ils se voyent comme reduits au dernier desespoir, car ils se rassurent, & endurent plus constamment toutes choses. D'auantage la peste estoit desia si cruellement allumée par tout le camp des Chrestiens, que de long-temps apres ils ne se peurent demesler de cette contagion: Ioint que Huniade auoit esté blessé si griefuement en ce conflict, que peu de iours apres il mourut. Ce qui me semble la principale occasion, pour laquelle les Hongres desisterent de poursuivre les ennemis, fuyans presque à vauderoute. Ce personnage icy estoit le plus valeureux & renommé d'eux tous; lequel venu d'assez bas lieu, auoit neantmoins par ses merites & vertus attainé à vn tres-grand pouuoir, & fait en son temps beaucoup de choses memorables contre les Allemans, & les Bohemes. Et de là avec vne excellente gloire & reputation estoit monté iusques au trosne Royal, tant il auoit gagné & acquis la bonne grace & faueur de tout le peuple. Il s'estoit porté puis apres fort brauement contre les Turcs, lesquels il auoit bien tousiours estimez inuincibles sinon avec de tres-grandes forces, & des leurs propres encore: Et en cette sorte auoit pris en main le Gouuernement du Royaume, où il commandoit à tous ceux qui portoient les armes. Dequoy les autres Princes & Seigneurs conceurent de grandes jalousies contre luy, se fâchans fort d'obeyr à ses ordonnances: neantmoins en peu de temps il fit en sorte qu'il se retint absolument l'autorité

XIII.

La peste au
camp des
Hongres.

La mort de
Jean Hunia-
de
Son cloge.

1458.

Celuy du Cor-
delier Capi-
stran.Ladislaus élu
Roy de Hong-
rie.La Hongrie
troublée a-
pres la mort
de Huniade.Ses enfans
mettent à
mort Vité.* Ce fut le Roy
Mathias heu-
reux & renom-
mé Prince.* Autrement
Nicolas Vité.

Royale, attendu mesme que ses enuieux & mal-vueillans estoient contrains de confesser, que personne ne meritoit si bien de le manier, & administrer comme luy; puis qu'il l'auoit tousiours maintenu en honneur, reputation, & seureté, Car on sçait assez, qu'il n'entreprit oncques chose dont il ne vint à bout: aussi vfa-il par tout d'une promptitude & diligence incroyable, se trouuant soudainement à toutes les affaires qui se pouuoient presenter. Aucuns veulent dire qu'il mourut de peste & non de ses blessures: mais au regard du Capistran, nous en dirons maintenant ce que nous en auons peu apprendre. Il fut en ces ieunes ans sectateur de Bernardin Calinio, lequel durant toute sa vie auoit fait profession continuelle d'annoncer la parole de Dieu; si bien que par le moyen de ses bons salutaires enseignemens, il s'estoit acquis par toute l'Italie, & autres peuples circonuoisins, vn tres-excellent bruit & renommée. Car en doctrine & sainteté de vie, il fut tenu pour le premier personnage de son siecle, dont il fut canonisé apres sa mort; & s'obserue encore le iour & commemoration de sa feste, y ayant des Eglises basties, & images dressées à la reuerence de son nom, tout ainsi qu'aux autres Saints, voire force miracles attribuez à son heureuse intercession. S'estant doncques le Capistran rendu son disciple & imitateur, comme nous auons desia dit, & s'en allant à l'exemple d'iceluy prescher de costé & d'autre en diuerses contrées, il arriua finalement en Boheme: où le peuple adoroit le feu, tant il estoit desuoyé; & ne se vouloit departir de cette folle impieté, pour se renger à la lumiere de nostre foy; s'estans tousiours auparauint monstrez en cela fort opiniastrés & rebours iusques à la venue de ce diuin personnage, que soudain ils se rengerent à la Communion de l'Eglise. De là ayant acquis par le moyen de son sçauoir & bon entendement, vn grand accès & priuauté enuers le Roy de Hongrie, il luy ayda beaucoup depuis, & luy fit de grands seruices en ce siege de Belgrade, comme vous avez peu entendre cy-dessus. Huniade mort ainsi que dit est, les Hongres voulurent auoir Ladislaus fils de la fille de l'Empereur Sigismond, combien que ce ne fust encore qu'un ieune enfant, & enuoyerent à cette fin leurs deputez deuers Albert, qui l'auoit en sa garde & tutelle. Car peu apres la mort de Vladislais, qui demenra en la bataille de Varne, il le retira aupres de soy, & le mena en Italie tout ieune qu'il estoit, lors qu'il y alla prendre la couronne par les mains du Pape Nicolas V. duquel il fut receu à fort grand honneur, & avec vn merueilleux applaudissement de tout le peuple: Tant pource que c'estoit l'un des plus riches & puissans Princes de son temps, qu'aussi pour le zele & affection qu'il monstroit auoir à la guerre, contre le Turc. Ainsi les Hongres luy demandoient à fort grande instance ce ieune Prince, nourry & esleué en sa Cour, & la ville de Vienne en Autriche; mais il faisoit difficulté de le leur donner pour le bas aage où il estoit: craignant que quelque inconuenient ne luy aduint: Dequoy s'en ensuiuirent de grandes guerres, qui durerent assez longtemps, iusques à ce que finalement ayans enuoyé deuers le Pape, le requerir de leur faire deliurer ce Roy, & que s'il les refusoit d'une si legitime & raisonnable requeste, ils ne cesseroient qu'ils n'eussent ruiné tous ses pays, il fit tant enuers l'Empereur qu'il leur obtempera; & leur enuoya celuy que si instamment ils pourchassoient, pour aller prendre possession du Royaume auquel ils l'auoient appelé. Toutesfois il ne suruescut pas longuement à Huniade, car bien-tost apres estre arriué à Bude, il fut empoisonné (à ce que l'on dit) par vn nommé Laurens Cedrachabare, auant que d'auoir espousé la fille du Roy de France, qui luy auoit esté accordée en mariage. De là vindrent à naistre de grands troubles & partialitez entre les Barons du pays, où les enfans de Huniade se trouuerent les plus forts; combien que Vitéish Grand Seigneur en Hongrie, lequel du viuant de leur pere luy auoit tousiours esté fort contraire, s'opposast roidement à eux, & qu'il contredist de tout son pouuoir qu'ils ne fussent admis au Gouvernement du Royaume; alleguant les ruines & calamitez qu'on auoit receuës par le moyen dudit Huniade; qui par plusieurs fois les auoit embarquez à la guerre contre les Turcs, sans qu'il en fust autrement besoin. Les Hongres d'autre part disoient estre chose fort inique & desraisonnable de les en frustrer: & là dessus ces ieunes Seigneurs se ruerent sur luy, de sorte qu'ils le massacrerent au beau milieu du Palais; ce qui despleut infiniment à toute l'assistance, & en prirent vn sur le cháp qu'ils enuoyerent prisonnier à Belgrade pour y estre gardé plus seurement. Mais bien-tost apres il trouua moyen de sortir, & si paruint quant & quant à la couronne; * le tout à l'ayde & moyen des amis de feu son pere, & de la faueur qu'il s'estoit acquise enuers les gens de guerre, qu'il auoit gagez de longue-main à force de presens & bien-faits, comme riche & opulent qu'il estoit: car la pluspart du temps il les entretenoit du sien propre. Mais Il-ces, * aussi ennemy ancien de Huniade, nourrissant encore ses haines & rancunes inueterées enuers

enuers les enfans d'iceluy, refusa tout à plat pour le commencement d'obeir à ce nouveau Roy : puis ils se rappointerent à la parfin & furent les choses accommodées entr'eux. En telle maniere vint le Royaume de Hongrie es mains du plus ieune des enfans de Huniade, lequel tout incontinent se mit à faire la guerre fort & ferme à l'Empereur Albert, où il se porta fort valeureusement, & y fit plusieurs beaux & memorables faits d'armes. Car il conquist Prague, & tout le reste de Boheme; si que de là en auant il commença à iouyr paisiblement des deux Royaumes.

A v regard de l'Empereur, il auoit monstré tousiours vn singulier desir de s'attaquer aux Turcs: Parquoy ayant assemblé son armée; il enuoya deuers les Hongres demander viures & passage; ce qu'ils luy refuserent tout à plat. Et de fait ils consideroient, que si les choses venoient à luy bien succeder en la Thrace, & qu'il s'en fist le maistre, cela luy eust esté vn tel accroissement de grandeur & pouuoir, qu'il eust esté à craindre qu'à son retour il n'eust voulu attenter quelque chose contr'eux: parquoy ils firent responce que de leur bon gré il ne passeroit point. L'opinion de quelques-vns est, que les Hongres luy donnerent cette resolution ainsi creüe. Les autres dient, qu'ils parlerent plus gracieusement. Quoy que ce soit, ainsi que les Ambassadeurs s'en retournoient deuers leur maistre, on attriua secrettement quelques-vns pour les aller attendre sur le chemin, où ils les mirent à mort. Ce que l'Empereur ayant soigneusement fait auer, la guerre se ralluma derechef entr'eux qui fut tres-cruelle d'une part & d'autre. Voila comme l'on dit que les choses passerent à celle fois, pour le regard des Hongres & des Allemans. Et à la verité tout cela aduint en peu d'années: dequoy le Pape Pie second ayant vn extreme deplaisir, fit assembler le Concile en la ville de Mantouë, où il se trouua luy-mesme en personne; & enuoya deuers les Princes de France & d'Espagne, & les Potentats d'Italie, d'Allemagne, & de Hongrie, pour aduiser de mettre quelque fin à ces troubles & dissensions: à ce que les Princes Chrestiens se peussent ynr & employer leurs forces contre le commun ennemy Mechmet si puissant desia & si redoutable. Quant à ceux du Ponant ils ne firent faute d'enuoyer leurs deputez, lesquels ayans esté ouïs chacun en son rang sur les articles & instructions de leur charge: & offert, les vns des gens, les autres de l'argent, finalement fut arresté qu'on prendroit le dixiesme de tous les reuenus, & le cinquantesme des biens de l'Eglise, pour employer à cette guerre, & que les deniers seroient recueillis & serrez par certains personages, qui deslors y furent commis. On aduisa aussi par mesme moyen de la reconciliation des Hongres & des Allemans; & fut à cette fin depesché deuers eux le Cardinal Bessarion de Trebizonde, lequel estant arriué sur les lieux, enuoya deuers les vns & les autres pour essayer d'appaier leurs differends. Plusieurs furent deleguez encore en diuers endroits, pour exhorter vn chacun à cette deuote & Chrestienne entreprise: A quoy le saint Pere monstroït avec vn singulier zele, pour ne paroistre inferieur en cet endroit, ou moins bien affectionné que ses predecesseurs auoient esté. Car dès la prise de Constantinople, Nicolas cinquiesme auoit fait vn extrême deuoir d'assembler ce Concile, & par vne forte elegante & pitoyable remonstrance, s'estoit efforcé d'animer les Princes Chrestiens d'entrer en ligue contre les infideles; mais incontinent apres il deceda, auant que ses saintes intentions eussent sorty effect. Au moyen dequoy aussi-tost que Pie second fut paruenü au Pontificat, il reprit ces mesmes erres, & si s'obligea dauantage tout le premier par vœu solemnel, de les poursuivre & effectuer, enuoyant à Naples pour faire en diligence equipper son armée de mer, dont le Roy Alphonse auoit esté esleu chef, & Capitaine general de cette entreprise. Cettuy-cy tout incontinent mit en mer dix Galeres, lesquelles seules arriuerent à Rhodes, sans plus, car depuis on n'en enuoya point d'autres; & de là courans la coste de l'Asie, y firent quelques dommages, & si prirent quant & quant l'Isle de Lemnos, qui pour lors estoit en l'obeissance du Turc, avec celle d'Imbros, & tout le reste de la mer Egée. De vray on sçait assez comme Sciros, Scopelle, & les autres Isles de là autour, incontinent apres la prise de Constantinople vindrent es mains des Venitiens, qui les garderent tousiours depuis. Comme doncques ces dix Galeres se fussent bien promenées de costé & d'autre par l'espace d'un an entier, sans auoir rien fait de memorable, voyans qu'il ne leur venoit plus de renfort, reprirent la route d'Italie, où les gens de guerre qui estoient dessus s'escarterent çà & là par les villes; & ainsi prit fin cette guerre, que le Pape Pie II. auoit si chaudement remise sus; n'ayant le Concile à autre fin esté par luy assemblé, que pour auiser les moyens de courir sus à Mechmet. Cependant le Cardinal Bessarion estoit tousiours apres sa commission, à reconcilier & mettre d'accord les Hongres & les Allemans: & encore qu'il eust trouué moyen de les assembler pour leur

1457.

XV.

Les Hongres
refusent pas-
sage à l'Em-
pereur pour
faire la guerre
au Turc.

Le Concile de
Mantouë.

Cecy arriva en
1459.

Constitution
sur le Clergé.

Le Cardinal
Bessarion.

Alphonse Roy
de Naples
chef de l'ar-
mée de mer
du Pape con-
tre les Turcs.

Les Venitiens
s'emparent
des Isles de
l'Archipel.

1457.

faire entendre de viue voix ce qu'il pensoit estre à propos, tout cela neantmoins ne profita de rien, & fut contraint de s'en retourner comme il estoit venu. Mais pourtant on ne laissa de conclure, que de toute l'Italie on iroit par terre assaillir le Turc : & là dessus le Concile prit fin.

XVI.

Pour doncques retourner au propos que nous auons delaisé, l'Esté ensuiuant Mechmet encore tout estonné & honteux de la secouffe par luy receuë deuant Belgrade, ne voulut point sortir dehors, estimant d'en estre quitte à bon marché si les Chrestiens ne luy venoient les premiers courir sus. Mais il enuoya vne grosse armée contre Scender fils d'Iuânes, dont Amurat n'auoit sceu auoir la raison, quelque effort qu'il en eust fait & en donna charge à Iosué fils de Brenczes : lequel ayant ramassé les Garnisons de Pherres, avec les forces qui sejournoient au long de la riuere d'Axius, & celles de la Theffalie, se mit aux champs, & courut toute cette partie de la Macedoine qui confine à la mer Ionie, dont il ramena vn grand butin. Mais Scender auoit depesché au Pape, & au Roy de Naples qui luy estoit fort amy, luy offrant la ville de Croye pour recompense de l'aide & secours qui luy feroit en cette guerre. L'autre luy enuoya tout incontinent vn bon nombre de gens de pied sous la conduite d'un de ses Capitaines, vaillant homme de sa personne, & fort expérimenté au fait de la guerre, lequel il fit passer de la Pouille à Duras : & ne furent ses gens plustost descendus en terre, qu'ils se ietterent à corps perdu dans le pays de l'ennemy, pillans & enleuans tout ce qu'ils rencontrerent d'abord. De là puis-apres s'estans joincts avec les forces de Scender s'en allerent de compagnie mettre le siege deuant la ville de Sphetisgrad, & l'eussent parauenture emportée, si Iosué qui auoit soigneusement l'œil au guet, ne se fust hasté de venir au secours, avec les forces dont nous auons parlé cy-dessus ; lequel les surprit au despourueu, & les tailla tous en pieces. Scender toutesfois qui se trouua lors absent à la bonne heure, euita cette venue ; & bien-tost apres se retira deuers le Roy Alphonse, duquel il fut le fort bien venu : Puis s'adressant au Pape, qui ne faillit de l'honorer & receuoir comme sa vertu le meritoit. De là estant retourné à Naples, le Roy luy fit de grands presens : & ainsi plein de richesses & de bonnes cheres, s'en retourne à la maison. Il choisit sur ces entrefaites vn lieu propre & aduantageux, qu'il fortifia pour s'y retirer quand les Turcs luy viendroient courir sus : Et enuoya sa femme & ses enfans d'un autre costé, hors du danger. Cela fait, & ayant dressé vn camp volant de ses Albanois, il se ietta dans les montagnes, se trouuât par tout où sa presence pouuoit estre requise, maintenant en vn endroit, tantost à vn autre. Et estoit continuellement au guet à obseruer ce que les ennemis voudroient faire ; lesquels à la parfin estans entrez en son pais, à grandes troupes de gens de cheual & de pied tout ensemble, le coururent d'un bout à autre, & enleuerent gens, bestail, & toutes autres choses qui peurent venir en leurs mains ; & si mirent par mesme moyen le feu aux bourgades & hameaux : de sorte que de cette venue la contrée demeura presque comme deserte, ayans les Turcs eu le loisir d'y demeurer par plusieurs iours sans y trouuer resistance quelconque : A la fin ils s'en retournerent : car Scender auoit fait vn fort aupres de la ville de Duras deuers la mer Adriatique, là où il y a vn detroit de terre large d'environ vn quart de lieuë, lequel il ferma d'une honne & forte muraille : & au dedans retire à sauueté grand nombre de paisans Albanois pour y habiter. Il l'empara aussi la ville bien mieux qu'elle n'estoit auparauant, afin que si quelque chose suruenoit de nouveau, & que les Turcs des garnisons de là autour le voulussent venir assaillir, il eust quelque lieu pour attendre le siege. Car il consideroit qu'à tout euement la retraite luy seroit tousiours assurée par mer, quand bien il viendrait à estre forcé par la suruenue d'une plus grosse puissance de quitter la place : tellement que les Turcs s'estans presentez là deuant, l'experience leur fit tout incontinent connoistre, que ce ne seroit que perte d'hommes, & de temps de s'y opiniastrer dauantage ; parquoy ils leuerent le siege, n'estant succédé autre chose de toute expedition que Mechmet enuoya faire contre Scender, sinon ce que nous venons de dire.

XVII.

La Circoncision des Turcs la plus grande de leurs ceremonies.

Leur coustume semblable à celle des anciens Perses.

Mais l'Esté ensuiuant il depescha les principaux de sa Porte, deuers les Roys & les Princes qui luy estoient tributaires, pour les semondre à la Circoncision de ses enfans, qu'ils appellent leur purification. Il fit appeller aussi tous les grands Seigneurs de son obeissance, les Gouverneurs des Prouinces & des villes, les Saniaques & Capitaines, & tous ceux qui portoient les armes, & tiroient solde de luy : lesquels ne faillirent de comparoistre au iour nommé en la ville d'Andrinople, où se deuoit faire cette solemnité. Et là à l'entrée du Palais Imperial il receuoit les presens que luy enuoioiét de toutes parts les Magistrats & officiers en tres-grande pompe & magnificence : estans luy seul logé à couuert

avec

avec les Princes eſtrangers, & non autres : car tout le reſte eſtoit eſpandu à la campagne d'alentour, ſous des tentes & paillions qu'il faiſoit merueilleuſement beau voir, tant ils eſtoient riches & bien appropriez. Or ces nopces icy (car ainſi appellent-ils la Circoncifion encore) ſont vne des choſes de ce monde que les Turcs honorent, & ont le plus en recommandation; parquoy chacun s'eſſorce de faire voir quelques nouuelles ſortes de jeux & eſbatemens : Et en toutes les circoncifions des enfans du grand Seigneur ſe voyent d'eſtranges & merueilleux cas, voire preſque du tout incroyables. Vn homme tout debout à pieds joints ſur le dos d'un cheual, ſe tenir droit ſans appuy ne ſouſtenement quelconque, le cheual paſſant vne carriere à toute bride, que eſt-ce qui comprendra comment cela ſe puiſſe faire, & qui ne le reputera pour vn conte fait à plaifir, ou pour vn enchantement? Le laiſſe à part ceux qui vont ſur la corde, car les Turcs en ſont les maiſtres ſur tous les autres. Ils y font des ſauts & deſtours merueilleux; & courent là-deſſus tout ainſi qu'en plaine terre; vont & viennent à trauers des eſpées toutes nuës qui y ſont attachées, & infinies autres choſes de tres-grande admiration, qu'on peut voir tous les iours au grand marché qu'ils appellent le Taçale, où telles ſortes de gens ont accouſtumé de faire leurs jeux : & appellent Tampexin ceux de cette profeſſion. Semblables eſbatemens ſe voyent tous les iours en la place d'Andrinople, où la lucte & l'eſcrime ſont auſſi en fort grand vſage. Mais qui pourroit croire que ce ne fuſt vn miracle ou choſe ſainte, qu'un enfant enſeuely bien auant dans la terre, & tout couuert d'icelle, reſponde neantmoins diſtinctement à ce qu'on luy demande? De ſorte qu'il y a beaucoup de merueilles, qui ce font en ces aſſemblées par quelque vertu & puiſſance occulte qui eſt bien grande, à comparaiſon deſquelles, ces danſeurs ſur la corde ne ſont par maniere de dire, qu'une baſtelerie & petit joiuet. Il y eut bien d'autres paſſe-temps encore, & recreations durant la feſte; où le preſent de Machmut Viſir Baſſa, & Beglierbey quant & quant de la Romaine, ſurpaſſa de beaucoup tous les autres qui y furent faits, tant par les Roys & Princes eſtrangers, que par les Gouverneurs, Capitaines, & autres Officiers de la Porte; car il fut eſtimé à plus de cinquante mille ducats,

148.

Admirables
baſteleries.

Le preſent
d'un Baſſa à
Mechmet à
la circoncifion
de ſes enfans,

CE Machmut icy fut fils de Michel, Grec de nation, mais du coſté de ſa mere il eſtoit Bulgare; avec laquelle s'en allant vn iour tout ieune garçon qu'il eſtoit de la ville de Nebopride à celle de Senderouie, ils furent rencontrez ſur le chemin par quelques cheuaux legers du Turc, qui le prirent, & le luy menerent avec toute ſa ſequelle. Sur le champ il fut fait Page de la chambre, & en peu de temps le fit vn tres-grand & riche perſonnage : Car premierement il luy donna la charge de ſon eſcurie; puis il le fit Aga, c'eſt à dire Colonel des Ianiffaires, dont il auoit démis le Zogan, combien qu'il fut allié fort proche : Et bien-toſt apres paruint à vne telle autorité, qu'il paſſa de bien loin tous les plus fameux & renommez en grandeur, pouuoir, & credit, qui euſſent eſté auparauant. Il eſt bien vray que * Charaitin, & ſon fils Haly auoient tenu vn fort grand lieu aupres d'Amurat, & de Bajazer : toutesſois ny l'un ny l'autre n'eurent oncques de ſi belles charges & gouuernemens que cettuy-cy : Car eſtant le premier entre tous, il auoit quant & quant de ſi grands biens, que de ſon propre il euſt pû luy tout ſeul ſouldoyer vne armée. Et y eut encore de ſes domeſtiques qui paruindrent à de grandes dignitez & richesses : Parce que les enfans des Grecs, au moins ceux que le Turc voulut retenir aupres de ſa perſonne à la priſe de Conſtantinople, furent tous fort auancez : Amurat entre les autres plus que nul, lequel eſtoit venu du tres-noble & illuſtre ſang des Paleologues, qui eſt le plus reueré qui ſoit en toute la Grece. Apres luy eut le premier lieu en credit & opulence Mechmet fils de Mandronée : lequel auoit entrepris de tuer Mechmet, mais l'autre ſe mit au deuant du coup ainſi qu'il le vouloit frapper, & ſe preſenta pour le receuoir luy-meſme. Ayant doncques pour le commencement eſté fait Gouverneur de la ville d'Ancire * au pays des Piſides, il monta puis apres à de plus grandes dignitez. Or qui voudra ſçauoir ce que ces noms ſignifient en noſtre langue : Amurat vaut autant à dire comme conuoiteux; * Haly, Hely : Eſes, Ieſus : Empreim, Abraham : Soliman, Salomon : Iagup, Ioseph : Scender, Alexandre : & ainſi des autres. Ils appellent auſſi Demetrie, Elazen : & George, Chetir. Quant à ces quatre cy, Bajazer, Orchanes, Orthogules, Tzimifces, & ſemblables, ils ont eſté tirez de noms d'oyſeaux, & de Tartares. Ils ont auſſi accouſtumé d'uſer de diminutifs, & quelquesfois de noms plus remplis & magnifiques, comme pour Muſtapha dire Muſplachaites, & pour Chetir, Charaitin, & le reſte va par vne meſme regle.

XVIII.

* C'eſt à dire
George.

La grande ri-
cheſſe d'un
Baſſa.

* Vulgairement
Angoric.

* Interpreta-
tions des noms
propres des
Turcs en noſtre
langue.

A v demeurant il y a en Europe trente-fix gouuernemens qu'ils appellent Seniaquats, ausquels le Turc pouruoit comme bon luy ſemble; dont les principaux ont iuſques à huiët

XIX.

1458.

* Il y a en l'exemplaire deux myriades de statères d'or, qui seroient 4000. ducats.

Secrétaire
majeur, & la
charge.

* Il y a autre-
re 50. myriades
de statères d'or,
qui à deux du-
cats pour state-
re, arrivent à
1800000.
mais il monte
bien davantage
à cette borne.
Les Turcs na-
turels exéptés
de toutes co-
tributions à
leur Prince.

* Le texte porte
en cet endroit
yama, & ne
doute qu'il faut
lire Chafna,
qui est à dire
en Turc le the-
sor de l'Espar-
gne, toutes fois
ce mot signifie
une separation
distincte &
particulière.

mille ducats, & les autres moindres quatre mille, & deux mille, plus & moins. * Mais l'Asie est diuisée par regimens & Bannieres qu'ils appellent Semées, chacune desquelles a dessous soy quarante Capitaines. Il y a dauantage des bonnes villes, comme Therme au pays des Scopiens, Philippopoly, & autres qui ont leurs Princes & Seigneurs à part, lesquels sont compris & enroollez sous lesdites Semées ou Bannieres d'ordonnances: A sçauoir ceux de la Grece sous le Lieutenant general ne l'Europe: & ceux de l'Asie sous celuy de la Natolie: lesquels ils suivent & accompagnent par tout où ils vont à la guerre. Au moyen dequoy quand l'un de ces Gouverneurs & Lieutenans generaux dresse quelque camp, les Seigneurs des Villes dessusdites le vont incontinent trouuer avec le nombre de gens qu'ils sont tenus de fournir par forme de secours, suivant ce qui leur aura esté ordonné par lesdits Lieutenans generaux: car ils ont plaine & entiere puissance & autorité, de commander en tout ce qui dépend du faict des armes, avec de grandes pensions & entretenemens du Turc. Si bien que joint les pratiques extraordinaires qu'ils tirent, & les presens que les Villes, & les Gouverneurs des Prouinces leur font de iour en iour, ils peuuent en fort peu de temps deuenir riches grandement. Mais parmy les Janissaires, & autres gens de guerre qui sont ordinaires à la Porte, il y en a tousiours quelques-uns qui paruiennent aux grandes charges, ou qu'on enuoye aux Ambassades & commissions, ou bien assistent au Diuan, qui est le Conseil d'Etat & des Finances, à oüyr les comptes des Fermiers, Receueurs, & Thresoriers: les arrester, sceller les deniers dans les sacs pour les mettre au Chafna, c'est à dire le thresor de l'Espagne. Le plus proche en ordre & dignité apres eux, est le Secrétaire majeur, qui tient le registre de tous les droits & reuenus du Turc, & en fait son rapport aux Bassas, & autres Secrétares en font les expeditions. Au regard de ce qu'il tire de l'Europe par chacun an, cela peut monter à quelque dix-huict cens mille ducats, * dequoy les Turcs naturels ne payent rien, car les Chrestiens, & les Juifs portent tout le faix: n'estimans pas estre loisible qu'un Turc soit asseruy à contribution quelconque, d'autant que toute leur vacation n'est qu'à se tenir bien equippez d'armes & de cheuaux, pour suivre leur Prince par tout où il va à la guerre. Aussi pas un de ses predecesseurs n'auoient rien voulu iamais exiger sur les Turcs, de la decime qui se leuoit des ouurages & manufactures de leurs sujets, mais auoit cette taille & imposition tousiours esté reiettee sur ceux de differente Religion: là où certuy-cy la prend indifferemment sur les uns & sur les autres: & si ne laisse pas pour cela de les faire aller à la guerre. Les Seigneurs des Villes, les Capitaines, & les soldats, outre ce qu'ils appellent la Bosfine ou Bostime, payent encore cette decime qui est affectée à la solde des Janissaires, & autres stipendiez de la Porte, où l'on amene aussi tous les troupeaux de bestes blanches qu'on leue par forme de tribut. Voila comment les choses passent touchant le reuenue du Prince, en ce qui dépend des tributs: mais il y a dauantage des subsides & impositions tant en Asie qu'en Europe, sur les cheuaux, chameaux, boeufs, & mulets, qui arriuent bien à trois cens mille escus: Puis ce que payent les locatifs, qui monte à la somme de deux cens cinquante mille escus. Le reuenue des harats de jumens, chameaux, & mulets du Turc, qui sont par tout çà & là espendus par les lieux & endroits de son obeissance, propres à les esleuer & nourrir, est affermé à cinquante mille escus. Il y a encore quelques autres deuoirs qui luy appartiennent, valant bien deux cens mille escus par an. Mais le dernier qu'il tire des foires, marchez, estappes, ponts, ports, peages, & passages des riuieres: des metaux, duris, des rozettes, & alums, & du cinquiesme de tous les esclaves, il n'y a doute aucune qu'il ne soit merueilleusement grand, à qui voudra prendre la peine de le calculer par le menu. Je sçay bien quant à moy que le peage seul du traiect & passage de Constantinople, & du phanal, ou lanterne du port, ne luy vaut pas moins de deux cens mille escus: Et que le reuenue des metaux approche pres de cent mille. Le ris, & autres telles denrées que les Janissaires de la Porte ont droit de prendre, qui est vn compte à part, si on le veut reduire en argent arriueroit bien à deux cens mille escus. Il y a tout plein de ces droits de * haucées tant en l'Europe qu'en l'Asie: & dauantage le tribut que payent les Princes & les Roys, aussi bien Mahometans comme ceux d'autre Religion, qui monte enuiron cent mille escus. Tellement que le tout ensemble spécifié suivant ce que nous auons dit cy-dessus, tant ce qui entre de net au Chafna ou thresor, que ce qui est employé pour l'entretienement des Janissaires, peut valoir par chacun an bien pres de quatre millions de statères d'or: chacun desquels pesant deux dragmes, ce seroient huict millions de ducats: à quoy depuis le temps de Mechmet, a tousiours esté estimé le reuenue du Turc. Il y a puis apres les presens, que luy font sur le commencement de la prime-verre, lors

lors qu'il a accoustumé de s'ébranler pour sortir en campagne, les Gouverneurs des Provinces, les Chefs & Capitaines, chacun selon sa faculté & puissance : mais cela est destiné pour les frais de son voyage : Au reste on n'en pourroit pas faire estat au vray, sinon que par commune estimation ce pourroit estre vne année portant l'autre quelques deux cens mille escus. Et sont tous ces deniers portez au dessusdit Chafna ou Espargne, pour estre puis apres conuertis & employez au payement des Janissaires, & autres gens de guerre de la Porte, qui tirent solde de la bourse du Turc, les Caripy, Seliçtars, Alotphagy, Spachy, & autres, tous lesquels sont payez par quartier. Reste maintenant le plus grand revenu de tous les autres, qui est reserué pour les pensions & entretenemens des Beglierbeys, Saniaques, & Timariots : C'est le domaine du Prince, qui ne peut estre bien sceu à la verité que par ceux qui en tiennent les registres : Toutesfois on estime que le payement de ceux-cy ne monte pas moins de neuf millions d'or par chacun an : lequel estant adiousté à celuy des forces qui sont d'ordinaire à la Porte, & aux autres fraiz & despences qu'il conuient faire, arriuera à pres de dix-sept millions d'or. * Si grandes sont les facultez de ce puissant & redouté Monarque.

1458.

Le revenu du Turc m'estoit lors à huit millions d'or; il est plus grand deux fois à cette heure.

* Il y a au cens 1400. myria des de staters Venitiens, qui ne sembleroient estre sinon des zechins ou ducats, & non de staters d'or pesant deux dragmes. Parquoy cecy ne veniroit qu'à quatre millions d'or, mais tout est fort brulé, & ne se raporte pas.

FIN DV HVICTIESME LIVRE.





L E

NEVFIESME LIVRE DE L'HISTOIRE DES TVRCS, DE LAONIC CHALCONDYLE

A T H E N I E N.


SOMMAIRE, ET CHEFS PRINCIPAUX du contenu en ce present Livre.

- I. Les Seigneurs du Peloponèse cuidans faire les fins enuers Mechmet, & eluder les conuenances accordées entr'eux, il se iette à main armée dans leur pays : assiege Corinthe située au destroit de l' Istme, & prend plusieurs autres Villes d'importance.
- II. Harangue de Iosué fils de Brenezes aux habitans de Corinthe, pour se rendre au Turc : Responce d'Asan qui commandoit dans la place : la batterie & assaut d'icellr, & sa finale reddition : à l'instance & persuasion de l' Euesque, avec la plus grande part du Peloponèse, & de l' Archipel.
- III. De quelques Italiens qui parvindrent à la Seigneurie d'Athènes, & les moyens par lesquels s'en empara Omar pour Mechmet.
- IV. Menées & remuemens du Prince Thomas Paleologue contre Mechmet, lequel ayant d'autre costé esté assailly à l'impouruen par les Hongres pres la ville des Scopiens, il les met en fuite : & quelques autres exploits de guerre qui se firent au Peloponèse.
- V. Expedition de Mechmet contre les Triballiens, où la ville de Senderonie luy est rendue : De là il passe en Asie, & prend celle d'Amastre sur le Pont-Euxin : Vn sommaire de la domination des Comnènes, & autres Princes Grecs à Trebisonde : & des affaires y suruenus du temps de la presente Histoire.
- VI. L'Empereur de Trebisonde se fait tributaire du Turc : La description de l'Iberie Orientale, & comme le peuple fut réduit à la Foy Chrestienne : le reconuement des Isles d'Archipel par les Lieutenans de Mechmet : & des affaires qui se passerent lors au Peloponèse, & contrées adiacentes.
- VII. Thomas Paleologue estant venu à un appoinctement avec Mechmet, pource qu'il ne peut satisfaire aux conditions d'iceluy, l'autre luy recommence la guerre, & fait mettre prisonnier Asan venu deuers luy de la part du frere aîné de Thomas (le Prince de Demetrie) lequel se rend à Mechmet, & des cruautés execrables par luy exercées es places lors prises au Peloponèse.
- VIII. Demetrie remis en liberté par Mechmet luy consigne sa femme & sa fille, qu'il prend puis apres à femme : la continuation de ses conquestes au Peloponèse : & le piteux estat où se trouua finalement reduite la pauvre Grece.
- IX. La prise de la ville de Salménique : le braue & valeureux deuoir que fit à la garde du chasteau l'un des Paleologues : qui le maintint contre les Turcs par l'espace d'un an entier, avec tous les mesaises & incommoditez de ce monde : Desloyauté de Mechmet enuers les habitans de Pheanum : la mort de Franco Acciaoly : & le retour de Mechmet à Andrinople.
- X. Reddition du chasteau de Salmenique : le tesmoignage du Bassa Machmut touchant la vertu du Paleologue qui l'auoit gardé : Thomas l'un des Seigneurs du Peloponèse se retire deuers le Pape : Mechmet s'achemine contre le Prince de Synope : La description de ceste ville : & du pays d'alentour, le tout finalement mis es mains du Turc.
- XI. Mechmet estant desia en campagne pour aller rencontrer Vsunassan Roy de Perse, la mere d'iceluy le preuint, & par ses sages remonstrances le diuersit de ceste entreprise : laquelle il sourné

il tourne sur l'Empire de Trebisonde, qui luy est rendu presque sans coup frapper.

1459.

- XII. Departement du peuple pris à Trebisonde : la mort de l'Empereur & de ses enfans : Les ordes & vilaines concupiscences de Mechmet, dont peu s'en faut que le frere d'Vladus ne le met à mort : & les cruantez detestables d'iceluy Vladus enuers ses sujets.
- XIII. Vladus s'estant renolié contre Mechmet, fust empaler un sien Secretaire, & le Saniaque Chamus, qui auoient esté depeschés pour l'aller surprendre : & tout de ce pas tranerse avec ses forces le Danube, faisant de grands ravages dans le pays dudit Mechmet, lequel fait fouetter le Bassa Machmut, pour luy auoir le premier annoncé ces nouvelles.
- XIV. Mechmet assemble son armée pour aller contre le Valaque : La mode que tiennent ses courriers à faire diligence : la prise de Prailabum : le siege de Kilie, où les Turcs ne peuent rien faire : avec quelques autres legers exploits d'armes.
- XV. Harangue des Ambassadeurs d'Vladus au Conseil de Hongrie pour auoir secours contre le Turc, ce qu'on leur octroye : La camisade donnée par les Valaques au camp de Mechmet, en intention de surprendre son logis : & le bon ordre qu'ont accoustumé les Turcs de tenir aux alarmes de nuit.
- XVI. Le iour venu, Mechmet enuoye apres les Valaques, lesquels sont mis en routte : La fidelité & constance d'un de leurs espions : L'horrible & hideuse boucherie d'Vladus : & sa diligence & dexterité grande à travailler l'armée Turquesque.
- XVII. Vladus ayant laissé 6000. cheuaux pour costoyer les Turcs, ils se hazardent trop temerairement de venir au combat où ils sont deffaits, & bien 2000. sailliz en pieces sur la place, cela fait Mechmet apres auoir couru & pillé toute la Valachie, repasse le Danube, & se retire : laissant Dracula frere d'Vladus sur les frontieres, lequel suborne les principaux du pays, & s'en empare finalement.



MECHMET ayant depesché des Chaoux & Huissiers de la Porte, pour aller au Peloponese recueillir le tribut qui estoit escheu, ils trouuerent toutes choses en telle combustion parmy les Grecs, qu'ils n'en voulurent point autrement presser ny les Albanois; ne les Peloponesiens: & luy-mesme voyant les partialitez & debats qui estoient entre les Seigneurs du pays, meuz à cela de quelque mauuais Ange, pour les conduire finalement eux & leurs affaires à vne perdition & ruine, leur re-

Troubles du Peloponese qui attirent Mechmet à la conqueste d'iceluy.

lascha letiers du tribut, sans leur faire instance d'autre chose, sinon qu'à tout le moins ils se voulsussent contenir dans les poincts & articles de la paix qui auoit esté jurée par eux. Mais apres s'estre apperceu qu'ils ne se faisoient que mocquer, & que tout leur faict n'estoit qu'une vraye piperie, laquelle à la parfin trompe tousiours son maistre, il se delibera de leur faire la guerre. Toutesfois premier que de se declarer ouuertement, il enuoya au Danube Machmut fils de Michel, desia esleu Bassa & Beglierbey de l'Europe, afin que si les Hongres se vouloient remuer de ce costé-là, il taschast par remonstrances, & menaces de les contenir: Que si cela ne luy seruoit en quelque sorte que ce fust, il les engardast d'endommager ses pays. Cettuy-cy ayant rassemblée les forces de l'Europe, qui pouuoient faire quelques quatre-vingt mille combattans, tira droit aux Triballiens, qui habitent la contrée espandüe le long des riuages du Danube: Mais quand il vid que les Hongres ne faisoient semblant de rien, alors il se tourna du tout à la conqueste de la Bosnie, & pilla toutes les places qu'il pût prendre: puis s'en vint asseoir son camp es enuironz du Danube, afin de fauoriser les Villes de là autour estans sous l'obeissance de son maistre, & les garder des incursions & surprises des ennemis. Ce fut la charge qui escheut lors au General de l'Europe. Et cependant Mechmet ayant fait approcher les armées de l'Asie, tout autant que son Empire se pouuoit estendre du costé du Leuant, & les gens de guerre qu'il auoit fait leuer au pays de Thessalie, & en la Macedoine, avec les Ianissaires de la Porte & autres ses domestiques, s'achemina au Peloponese, où tout aussi-tost qu'il fut arriué au destroit de l'Istme, il alla mettre le siege deuant la ville de Corinthe: & tournoyant à l'entour taschoit de reconnoistre l'endroit le plus à propos pour asseoir ses pieces en batterie, afin de faire bresche, & donner puis apres l'assaut par la ruine & ouuerture que les coups de canon auroient faite. Neantmoins apres qu'il eut bien considéré le tout, il ne voulut point encore faire fondre son artillerie, ains espandit & logea tout à l'entour les forces de l'Asie, en intention de l'affamer s'il pouuoit: s'attendant s'il prenoit cette place, d'y trouuer vn fort grand equippage de pieces, & munitions de guerre, tant de poudre que de boulets. Et luy cependant avec le reste de l'armée entra plus auant

Sa preuoyance.

Course des Turcs en la Bosnie.

Assiegent la ville de Corinthe.

1459.

Diligence
d'Asan.* Un havre au
Golphe Argo-
lique ou de
Napoli en la
Maree.* C'est une pe-
tite ville con-
gnant Corinthe
à qui elle sert
de port.* Chasteau
d'Asie, plu-
melure 4 ch. 9
la ne trouue
point de Tharse
en la Grece.Arriba prise
d'assaut.Heur de
Mechmet.Grande
cruauté.

en pays, prenant son chemin par la contrée de Philiunte. Or n'auoient les Grecs fait aucune provision de bleds à Corinthe, d'autant que Lucanes Gouverneur de Sparte y auoit la principale charge & autorité en l'absence d'Asan: & si n'auoient pas mieux remparé les murailles, ny fait amas de gens de deffence pour y mettre, en sorte que tant soit peu ils peussent arrester l'ennemy. Mais Asan ayant eu soudain les nouvelles du siege, assembla promptement vn bon nombre de soldats: & partant de la ville de * Nauplia qui pour lors estoit en la main des Venitiens, s'en vint par mer descendre au port de * Centhrées, là où au desceu des ennemis il entra de nuit dans la ville, avec quelque peu de viures & rafraischissemens qu'il auoit apportez quant & luy. Mechmet d'autre costé estant arriué à * Philiunte, s'en alla assaillir la ville de Tharse: Et Doxies qui sous l'autorité & commandement des Albanois gouernoit la contrée, assembla ceux qui estoient de son parlement, avec les habitans de Philiunte en vn lieu fort à merueilles, où il deliberoit d'attendre le siege. Mais sur ces entrefaites Tharse fut rendue, dont Mechmet enleua iusques au nombre de trois cens ieunes enfans. Puis y ayant laissé vn Capitaine pour commander, & retenir le peuple en obeissance, il passa outre; prenant son chemin par le dedans du pays, tant que finalement il s'en vint descharger sa colere sur vne ville située au haut d'vne montagne de tres-difficile accez, là où grand nombre de Grecs & d'Albanois s'estoient retirez: mais ils se trouuerent en vne extreme necessité d'eau; car la fontaine dont ils souloient vser estoit hors l'enceinte des murailles; & nonobstant qu'ils l'eussent remparée à leur possible, Mechmet neantmoins y estant arriué avec les Janissaires, l'emporta de plaine arriué. On dit qu'à faute d'eau ils tuerent des cheuaux, & avec le sang destrempoient de la farine dont ils faisoient du pain: tellement que se voyans pressiez d'vne cruelle & intolerable soif, sans sçauoir plus quel party prendre, les volontez de tous commencerent d'incliner à la reddition de la place, & enuoyerent deuers Mechmet le requerir de les vouloir prendre à composition. Mais comme sur ces entrefaites ils firent assez mauuaise garde, se confians sur ce que leurs deputez estoient allez traiter l'appoinctement, les Janissaires les allerent assaillir au despourueu, & l'ayans prise de force la saccagerent entierement. De là estans venus deuant celle d'Arriba, où les habitans pour le commencement se deffendirent assez bien, sans vouloir ouyr parler de se rendre, ils gagnerent neantmoins le haut de la muraille, & en firent tout ainsi que de l'autre. Mechmet puis apres passa outre avec son armée & vint deuant vne place de la Phlacie, appelée la Rochelle, où s'estoient retirez à sauueté quelques Grecs & Albanois avec leurs mesnages: ausquels il fit donner vn fort rude assaut par deux iours continuels, & voyant qu'il n'y pouuoit rien faire, & que beaucoup de ses gens y auoient esté blesez, encore qu'il y en eust bien peu de morts, il leua le siege pour s'en aller autre part. Mais de fait comme il estoit desia sur le poinct de se mettre en chemin, les deputez de la ville le vindrent trouuer pour luy demander la paix, estans prests de se rendre à luy; Parquoy il les receut à telle composition qu'ils requierent, & ne leur fit autre mal à eux ny à leur ville; sinon qu'il les enuoya tous habiter en Constantinople, avec leurs femmes & enfans. Quant aux Albanois qui s'estoient auparauant trouuez dedans Tharse, lors qu'elle luy fut rendue, & auoient voulu depuis se renfermer en cette place, il les fit tous mettre sur la roüe, vingt qu'ils estoient ou enuiron; leur faisant d'vne cruauté nomporeille rompre bras & jambes, & puis les laisser là acheuer d'expirer en vne agonie trop execrable, voire peut-estre desespoir: dequoy il ne se soucioit pas beaucoup, n'estans pas aussi bien de sa loy & creance. Cela fait, il dressa son chemin par le pays de Mantinée droit à la ville de Pazenica, où il enuoya deuant Cantacuzene, que les Albanois auoient autrefois appelé pour estre leur Capitaine & conducteur, lors qu'ils firent la guerre contre les Grecs: mais il estoit alors à la suite de Mechmet, lequel l'auoit fait venir tout expres pour se seruir de son industrie enuers iceux Albanois estans au Peloponese; & vouloit qu'il allast parler à eux, afin d'en attirer quelques-vns par certaines menées & pratiques à trahir les autres. Estant doncques Cantacuzene allé deuers les habitans de Pazenica, pour leur persuader de se mettre eux & leurs murailles à la mercy de Mechmet, lequel auoit encore deputé quelques autres des siens pour aller avecques luy, & le controoller en ce qu'il feroit & diroit, il fut chargé au retour d'auoir par sa mine & contenance admonesté les autres de tenir bon, & ne faire rien de ce qu'il leur disoit de bouche. Dequoy Mechmet estant entré en vn extreme despit, luy cominanda de vider tout sur le champ. Et luy avec tous ses gens en bataille marcha droit à la ville, dont ceux de dedans estoient desia sortis pour luy venir faire teste en vne trenchée hors les murailles, laquelle estoit deffensible.

deffensable. Ayant fait là donner quelques assauts tous en vain, & sans aucun effet, il fit trousser bagage, & de là au second logis il entra dans le territoire de Tegée, * où il s'arresta pour deliberer s'il tireroit en la Laconie, & à la ville d'Epidaure, * car cela n'estoit pas sans grand doute: Mais il auoit vne merueilleuse enuie de voir cette place, & encore plus de s'en emparer s'il eust pû; estant l'une des plus fortes dont nous ayons iamais ouï parler. Aussi l'un des deux Princes s'y estoit retiré; & l'autre avec sa femme, en la Laconie, dans la ville de Mantinée.

* Ville d'Arcadie Plin. liure 4. chapitre 6. C'est celle qu'on appelle Manembasia. * Ville d'Arcadie, Plin. liure 4. chap. 6.

II.

MECHMET ayant depuis entendu que le pays estoit trop aspre & mal-aisé, se retint d'aller plus auant, & rebroussant chemin en arriere, ramena son armée au siege de Corinthe, en laquelle (comme nous auons desia dit) estoit Asan qui commandoit à tout. Il se campa tout aupres, en vn endroit assez raboteux & difficile; car la * forteresse est haute esleuée sur la poincte d'une montagne, & fit incontinent apporter force eschelles, & approcher quelque nombre de pieces quant & quant pour rompre les deffences, & fauoriser ses gens quand ils monteroient sur la muraille. Par mesme moyen il se saillit aussi de l'eau qui estoit au dehors, en vn lieu bien remparé tout autour, afin d'en oster la commodité & vsage à ceux de dedans. Mais auant que d'y donner l'assaut il choisit Iosué fils de Brenezes, homme fort sage & posé, pour aller avec vn Truchement deuers Asan tascher de l'induire à rendre la place; là où estant arriué il fit son message en telle sorte. Asan, & vous autres Grecs, tout autant que vous estes icy presens, voicy ce que le grand Seigneur vous mande par moy Ambassadeur de sa hautesse. Toy en premier lieu qui as le bruit d'estre le plus aduisé & prudent personnage de toute la Grece, & qui pour les affaires d'icelle ayant souuent negocié à la Porte, sçais autant bien que nul autre que c'est du pouuoir de cet inuincible & redouté Monarque, lequel en quelque endroit que la fureur de son glaive s'adresse, il ne faut point faire de doute que tost ou tard il ne vienne à bout de ses heureuses entreprises & intentions: soit de forcer villes assiegées, & les emporter d'assaut, soit de renuerser, & passer sur le ventre aux plus braues armées, qui seroient si temeraires de l'oser attendre en campagne. Or quelles sont les conditions qu'il vous propose, oyez les presentement. Si vous faites paix & accord avec sa majesté, & vous soumettez à sa clemence vous & vostre ville, il est en vous de choisir toute telle contrée où vous vous voudrez retirer, car il la vous octroye. Et toy, ô Asan, si tu luy obeïs en cet endroit, tu te pourras asseurer de sa faueur & bonne grace pour tout iamais; & qu'à tous vous autres en general, il vsera d'une tres-magnifique & Royale recompense. Mais si vous vous opposez à son vouloir, & voulez faire des opiniastres à tenir bon en cette place, sçachez pour vray (ie vous le jure par l'ame de mon Roy) qu'il la prendra en peu de iours, & la rasera iusques aux fondemens; faisant cruellement passer au fil de l'espee toutes les ames qui sont icy viuantes, sans pardonner à vne seule. Ainsi parla Iosué par la bouche de son Truchement; à quoy Asan fit telle responce. Vous direz au grand Seigneur (ô fils de Brenezes) que nous n'ignorons point qu'en grandeur & generosité de courage, il ne surpasse de beaucoup tous les Princes issus du sang des Otthomans, & que sa puissance ne soit la plus redoutable de toutes autres: car chacun le sçait assez; ceux-là mesmement qui en ont fait l'espreuue, & nous encore le reconnoissons bien pour tel. Mais voyez vn peu l'assiette de cette place, comme elle est forte, tant de nature, que d'artifice & ouurage de main: certes malaisément pourroit-on trouuer la semblable; ne oncques les Seigneurs Otthomans, & mesme celuy d'apresent en tout le temps de son Empire, ne s'attaquerent à vne telle forteresse: car il n'y a en tout qu'une aduenüe, qui est remparée & couuerte de trois ceintures de murailles tres-fortes, & trois gros ruelins & porteries. Ayez-en renuersé vne à coups de canon, si vous faut-il venir à la seconde: Et quand bien vous en serez les maistres, encore vous restera la tierce à combattre, plus forte que tout le demeurant. Quand doncques nous venons à considerer toutes ces choses, & que nous sommes certains d'estre enclos, en vne place plus que raisonnable, aussi auons nous deliberé d'y attendre & soutenir vaillamment vostre siege, quand bien nous y deurions tous laisser la vie: Si nous le faisons autrement, il nous auroit en estime d'hommes lasches, recreans, & faillis de cœur: qui en vain se seroient mis icy, si ayans peur des coups, ils auoient eu intention de se rendre. Ce fut en somme ce que dit Asan: Et Iosué s'en retourna vers Mechmet, lequel tout incontinent fit planter son artillerie droit au deuant de la premiere porte, se deliberant de faire son effort par la plus estroite & serrée aduenüe, encore que là au droit il y eust (comme nous auons desia dit) trois murailles, & trois remparts, peu distans les vns des autres. Asan se vint presenter à la premiere qui estoit la plus foible, pour tousiours

* On l'appelloit anciennement A croc-rinthe. Plurisque en la vie d'Asan.

Harangue de Iosué à Asan.

Responée bien aduisée.

Le siege de Corinthe.

1459.

Sa premiere
closture for-
cée par les
Turcs.

* Quatorze
judees.

Langage de
Mechmet aux
Deputez.

* Le texte por-
te sept talents,
qui sont selon
Strabon de 129.
livres chacun.
Il y a toutes-
fois plusieurs
autres sortes
de talents.

III.

1460.

D'autres met-
tent ceci en

1458.

Par quel
moyen Athé-
nes vint es
mains des
Turcs.

faire autant perdre de temps à l'ennemy, & consommer en vain ses poudres & munitions: car il sçauoit bien que la courtine ne pourroit pas à la longue resister à la furie du canon, qu'elle n'allast finalement par terre: Au reste son esperance estoit de tirer par ce moyen le siege en longueur. Or depuis que les pieces eurent vne fois commencé à battre en batterie, cette premiere closture fut bien-tost deséchirée & mise bas: Et cependant les Grecs firent plusieurs faillies sur les Turcs, dont ils en tuerent quelques-vns; mais à la parfin ils furent contraints de l'abandonner; & se retirer à la seconde enceinte bien plus forte que l'autre, & qui estoit reuestue de gros quartiers de pierre de taille. Parquoy ils s'y maintindrent fort vaillamment par l'espace de quelques iours, durant lesquels les grosses pieces ayans tiré continuellement, y firent vne grande bresche & ouuerture. On dit qu'ainsi que cette batterie se faisoit, vn coup de canon qui n'auoit pas esté braqué iuste, vint à donner dans vne boulangerie, qu'il foudroya toute: & de là estant bondy en haut tomba de fortune sur vn pauvre homme qu'il emporta en plus de mille pieces: Si grande est la force & violence de cette impetuosité, qu'on en void des merueilles presque incroyables. Car vn autre boulet qui auoit failly d'atteinte, passa au dessus de la ville, & alla tomber dedans l'Arcenal, ayant fait pres de demie lieue * de volée: combien qu'il fut du poids de huit cens septante-cinq liures. En telle maniere se continua la batterie fort & ferme par plusieurs iours, tant que ceux de dedans vindrent à se mutiner, car les viures leur commençoient à faillir: & s'assemblans par troupes de costé & d'autre es carrefours de la ville, s'en allerent deuers l'Euesque. Quant à Asan il faisoit bien tout son possible pour les encourager & retenir; Mais l'autre cependant enuoya l'un des Bourgeois à Mechmet pour luy faire entendre la necessité où ils estoient reduits: & l'aduertit de ne se departir point de son entreprise. Ce que luy ayant esté rapporté, il enuoya dire aux habitans, comme il sçauoit bien qu'ils n'auoient des viures sinon pour peu de iours: Et pourquoy doncques voudroient-ils estre si mal aduisez que de differer d'auantage, à se donner à luy? Ce propos leur ayant esté exposé en la presence mesme d'Asan, ils se mirent tout publiquement à consulter de ce qui estoit à faire; ou de se rendre, ou de se refoudre de tenir iusques au dernier but. Mais voyans le peuple si las & ennuyé des presens mesaises; & qu'il ne cherchoit sinon à s'en deliurer, & sortir hors de ces maux, Asan & le Spartiate Lucanes; apres auoir eu leur sauf-conduit sortirent de la ville, & s'en allerent trouuer Mechmet; là où estans tombez sur les propos de la capitulation & appoinctement, il leur parla en cette sorte. Vous ferez entendre à vostre Prince, que ie suis content de faire paix avec luy, sous condition toutesfois que tout le pays où mon armée a passé me demeure; & pour le reste, qu'on me paye la somme de deux mille ducats * par forme de tribut annuel. Mais quant à ce qu'il tient encore en la mer Egée, ensemble la ville de Patras, & le territoire d'alentour, ie veux nommément qu'il me le quitte, sinon ie m'en iray de cette heure, & le luy osteray de force. Ces choses entendues ils s'en allerent trouuer les Princes qui se tenoient alors es enuiron du mont de Taugette en Laconie, là où ils leur firent entendre le langage de Mechmet: surquoy, afin de ne se mettre point en hazard de perdre tout, ils se resolurent de luy depescher des Ambassadeurs, ayans pouuoir de traicter sous les conditions qu'il auoit proposées; & fut par eux la paix arrestée de tous poincts, & le pays que Mechmet auoit demandé, rendu es mains de son Commissaire. D'autre part la mer Egée, l'Isle de Calaurie, la ville de Patras, & le pays prochain de l'Achaye furent consignez es mains d'Omar, Gouverneur de la Thessalie: Mechmet y mit par tout des Ianissaires en garnison.

AYANT ainsi appaisé cette guerre, il licentia son armée, & avec son train ordinaire tourna du costé de l'Attique: là où se promenant quelquefois à l'entour d'Athenes, il contemploit fort attentiuement le Pyrée, & la commodité des ports & havres qui y sont. Or estoit cette citée venue en sa puilliance; ensemble la forteresse qui y est, par le moyen & dextérité d'Omar: Il est bien vray que de longue-main elle s'estoit monstrée fort affectionnée enuers Mechmet, & luy de son costé auoit tousiours fait grand cas des beaux & magnifiques bastimens qui y estoient encore de l'ancien temps; tellement qu'il se prit lors à dire tout haut: O! quelle grande obligation nous auons à Omar fils de Thuracan. Par quels moyens au reste Omar acquit cette Cité & la forteresse à son Maistre, voicy comment cela aduint. Apres la mort de Nery, sa femme qui auoit vn petit garçon de luy, demeura Dame & maistresse de tout l'Estat: car ayant secrettement enuoyé à la Porte quelques-vns dont elle se fioit, trouua moyen de gagner les principaux à force de presens: parquoy il luy fut bien aisé d'en retenir la jouissance. Bien-tost apres, elle deuint amoureuse d'un ieune Gentil-

ne Gentil-homme Venitien, qui de fortune estoit arriué là pour le trafic de marchandise; & s'en picqua de telle sorte, qu'oubliant toute crainte & vergongne, luy descouurit du beau premier coup ce qu'elle en auoit sur le cœur; vñant de toutes les carresses, priuantez & attraitz dont elle se pouuoit aduifer: tant qu'au milieu de leurs plus estroictes jöuyssances & contentemens, elle luy offrit de le prendre à mary, & de luy mettre quant & quant tout son bien entre les mains, pourueu qu'il delaislast la femme qu'il auoit desia espoulee, & puis retourna à Athenes deuers elle. Il estoit fils du magnifique Piero Palmerio, pour lors Podestat de Nauplium: Et aussi-tost qu'il fut arriué à Venise, tout bouillant & transporté d'amour, & d'ambition d'empierter cette principauté, il fit mourir sa femme, qui estoit fille aussi d'un des principaux du Conseil; puis s'en retourna à Athenes, ayant fait ce beau chef-d'œuvre, où il espousa la vefue dessusdite de Nery. Estant ainsi paruenü à estre vn si grand Seigneur, le bruit en courut soudain iusques aux oreilles de Mechmet, enuers lequel il fut accusé de la part des Atheniens, car il estoit fort hay & mal-voulu de tout le peuple: au moien dequoy pour aucunement le radoucir, il prit la qualité de tuteur de l'enfant; lequel bien-tost apres il emmena à Mechmet, parce que Franco fils d'Antoine Acciaoly, neveu du deffunct, & cousin germain de ce petit, sous esperance que l'occasion pourroit venir qu'il entreroit en la principauté d'Athenes, s'estoit retiré à la cour du Turc, & y faisoit sa residence. Aussi, tout incontinent que Mechmet eust entendu les fols & deshonnestes comportemens de cette femme, il mit la ville es mains de Franco, ordonnant aux Atheniens de le recevoir benignement, & luy obeir; ce qu'ils firent. Estant entré en possession, il fit empoigner la Duchesse, laquelle il enuoya prisonniere en la ville de Megares, où bien-tost apres il la fit mettre à mort, pour raison du mariage qu'elle auoit contracté avec ce Venitien, en quoy il y auoit vne meschanceté trop enorme: toutesfois on ne sçait point en quelle sorte elle finit ses iours. Tant y a que le mary s'en alla à la Porte accuser Franco; & Mechmet meu de ses doléances, depescha Omar fils de Thuracan, avec les garnisons de la Thessalie à Athenes, dont il se faisoit de plain arriuée: mais il fut long-temps deuant la Citadelle, esperant que par le moyen de quelques-uns qui estoient dedans avec lesquels il auoit intelligence, elle luy seroit rendue. Cela toutesfois ne venant point à effet, il trouua le moyen de parlementer avec Franco, auquel il tint vn tel langage: Tu as assez hanté la cour du Seigneur (ce me semble Franco) pour connoistre la maniere dont il a de coustume d'vser touchant les charges qu'il commet à ceux que bon luy semble. Car encore qu'il t'eust donné ce gouuernement à longues années, si maintenant son plaisir est que tu le luy remettes entre les mains, comment & à quel tiltre est-ce que tu le puisses retenir outre son gré? Et certes tu ne dois faire doute, que si tu t'opiniastres à contester contre son intention; aussi bien ne la garderas tu pas longuement. Pour rentrer doncques en sa bonne grace rends luy cette place, & emporte avecques toy non seulement ce qui t'appartient, mais tous les biens encore qui y sont: & site donnera dauantage pour recompense le pays de Bœoce, avec la ville de Thebes; car il ne veut autre chose que ces murailles toutes nuës. Le ieune homme ayant ouy ce propos, demanda quelle assurance on luy en donneroit: Et là-dessus Omar depescha à la Porte pour faire entendre le tout, où il obtint aisément la ratification de ce qu'il auoit promis: & Franco rendit la place, pour s'aller mettre en possession de sa nouvelle Seigneurie. Voila en quelle maniere la Cité d'Athenes, par la menée & pratique d'Omar, estoit venue en la puissance de Mechmet: Lequel s'estant mis à considerer de pres la forteresse, admiroit infiniment la grandeur & hardiesse d'une telle entreprise, & de tous les autres edifices antiques, dont la structure estoit trop superbe & magnifique. De là s'estant allé promener autour de la ville, loua fort l'assiette d'icelle; & mesmement pour la grande commodité des ports qui sont tout le long de la rade, ainsi que nous auons desia dit cy-dessus.

S V R ces entrefaites il enuoya vn Chaoux deuers les Seigneurs du Peloponese, pour recevoir d'eux le serment de fidelité, & par mesme moyen demander en mariage la fille du Duc de Sparthe. Ils jurerent (quant à eux) tout en la propre forme & maniere qu'ils en furent requis, & promirent de luy garder fidelité, & obeissance à l'aduenir. Toutesfois le plus ieune des deux freres nommé Thomas, vint à s'ennuyer & repentir de ce serment, & commença deslors à chercher tous les moyens dont il se peut aduifer, pour se soustraire de Mechmet: deuers lequel il depescha l'un de ses gens, sous pretexte de negocier ie ne sçay quelle affaire, & cependant espier quel il y faisoit. Il en enuoya aussi vn autre pour faire certaine brigue en la ville de Patras; mais le mal-heur voulut qu'il fut descouuert, & mis prisonnier dans le chasteau, où il y auoit vne garnison de Ianissaires,

1459.

Mal-heureux
acte d'un
Gentil-homme
Venitien.

Parlement de
Omar avec
Franco Acciaoly
sur la reddition de la
Citadelle
d'Athenes.

IV.

Thomas Paleologue ne
pouuant supporter la
suggestion du
Turc, se rebelle.

1459.

Omar par
suspçon de-
mis de ses
charges &
gouverne-
mens.

avec quelques autres Turcs signalez, tous gens de faict, qui furent puis apres assiegez par l'armée dudit Thomas. Celuy qui l'auoit le plus induit & animé à ce reuoltement, estoit le Lacedemonien Lucanes, qui luy donnoit à entendre comme il auoit dressé vne pratique avec ceux de Corinthe, dont il auoit bonne esperance de prendre la ville: & que si ainsi aduenoit, il leur seroit bien aisé de disposer de tout le reste du pays. Parquoy il se declara ouuertement contre Mechmet, & s'en alla assaillir les places de son obeissance: mais ses entreprises ne luy succedans point bien, il tourna son entente à solliciter le reste du Peloponese, tant les Albanois que les Grecs, de se tourner avecques luy. Il faisoit quant & quant la guerre à son frere, & auoit desia assiégué quelques-vns de ses chasteaux; de toutes lesquelles choses aucuns eurent opinion qu'Omar estoit le seul autheur: Ce qu'estant venu aux oreilles de Mechmet, il enuoya deuers le Prince du Peloponese vn autre Gouverneur pour succeder à Omar, & le contraindre de se departir de sa charge. Il luy osta pareillement la Thessalie, le tout pour la mesme occasion: & quant à luy, il s'en alla faire seiour en la ville des Scopiens, afin d'estre pres de Hongrie, & prendre garde à ce que ce peuple voudroit faire. Mais tout aussi-tost que les Hongres eurent le vent de sa venue, estimans bien qu'il s'estoit approché tout expres pour empescher qu'ils ne fissent quelques dommages en ses pays, ils assemblerent leurs forces, & trauersans le Danube vindrent donner droit où il estoit avec les Ianissaires de sa garde, & les gens de cheval de sa suite ordinaire: là où s'estans attachez au combat ils furent mis en fuite, & quelques-vns des leurs tuez sur la place: d'autres pris & amenez à Mechmet. Cependant que les choses se passioient ainsi du costé de Hongrie, il eut nouuelles que le Prince Thomas contrevenant à son serment & promesse, s'estoit rebellé, & auoit assiégué les Ianissaires qu'il auoit laissez es places fortes: parquoy il fit passer au Peloponese les gens de guerre qu'il auoit en Thessalie, & Etolie, & donna la charge de cette guerre à Chamuz surnommé le Port-Espreuier: lequel s'estant faisi des personnes de Achomat Gouverneur du Peloponese, & d'Omar à qui il auoit donné sa fille en mariage, entra main armée dans le pays. Et s'estant venu presenter deuant la ville de Patras en Achaye, deliura le chasteau: car les Grecs n'eurent pas plustost eu nouuelles que le secours de Mechmet approchoit, qu'ils abandonnerent le siege, & se retirerent deuers le Prince en la ville de Megalopoly, comme faisans contenance de vouloir attendre là les Turcs, & les y combattre en bataille rangée. Lesquels s'acheminoient cependant par la contrée d'Elide le long de la marine, & estans arriuez à Ithomé vindrent de là à Megalopoly, là où Thomas rassembla en diligence les Albanois & les Grecs qui s'estoient reuoltez avec luy, & mit ses gens en bataille, prest de prendre le hazard du combat. Tellement que quand les Turcs y furent arriuez, & qu'ils apperceurent les ennemis si bien regez en bataille le long d'un rideau aupres de la ville, ils se mirent à consulter s'ils se deuoient camper là, ou passer outre droit à Muchla de Tegée, suivant ce qu'ils auoient deliberé: Mais Ianus general de la caualerie, s'estant apperceu comme les Grecs auoient estendu le front de leur esquadron fort au large, se prit à escrier: O tres-chers & bien-aymez Musulmans, ceux-cy sont à nous pour certain; car il ne leur seroit possible de combattre comme ils sont arrengez, & ne faudront de s'en aller à vauderoute, tout aussi-tost que ceux de derriere auront esté renuersez & rompus. De vray ils n'estoient pas ordonnez de sorte qu'ils se peussent secourir les vns les autres, ains s'estans allongez en forme de haye mince & deliée, s'apprestoient au combat; quand Ianus apres auoir remonstré ce que nous auons dit, s'en alla donner de cul & de teste sur les derniers rangs, avec vne cornette de gens de cheval: Toutesfois ils furent d'arriuee assez bien recueillis des Grecs, iusques à ce que, grand nombre de Turcs estans suruenus à la file, les autres prirent la charge, & s'estans renuersez sur leurs compagnons qui estoient au front, les mirent en desordre, & les attirerent à fuir quant & eux; si bien que toute l'armée des Grecs fut rompuë, pour auoir ceux de derriere esté enfoncez, & contrains de reculer sur les premiers. Les Turcs qui leur estoient aux espauls, s'exhortans à grands cris leur chaussèrent les esperons de si pres, qu'ils en tuerent bien deux cens; les autres gagnerent la ville tant que les cheuaux peurent traire, là où peu s'en fallut que les ennemis n'entraissent peste-messe: car ils les rembarrerent iusques dedans les portes, & les assiegerent là avec leur Prince mesme qui s'y estoit sauué: Toutesfois leur armée se trouua lors fort trauaillée de la famine & de la peste, à cause des esclaves qu'ils auoient enleuez d'Achaye, & de là les auoient amenez à Muchla: Au moyen dequoy on laissa là Ianus avec quelques gens, & le Prince Demetrie pour continuer le siege; le reste s'en retourna aux garnisons: Et Thomas si tost qu'il en eust

Frere contre
frere.

en eust les nouvelles, s'en reuint derechef assieger les Janissaires, qui estoient demeurez à la garde des forteresses.

Sur ces entrefaites Mechmet s'en alla faire la guerre à Senderouie, au pays des Triballiens, pour vne telle occasion. Eleazar fils de Bulcus à son deceds laissa la Seigneurie es mains de sa femme, & d'une lienne fille, qu'elle donna en mariage à Estienne Seigneur de la Bossine, fils du Prince des Illyriens; en intention de retenir la ville pour soy, & qu'elle en demeureroit Dame & maistresse. Ce temps pendant, les Triballiens se retirerent deuers Machmut fils de Michel, qui auoit esté nourry aupres de leur feu Seigneur, & l'esleurent pour chef, le requerans de prendre en main le gouuernement & les affaires de la ville. A son arriuée la Dame l'incita d'aller loger au chasteau, mais soudain qu'il y eut mis le pied, elle le fit empoigner, & l'enuoya lié & garotté en Hongrie, où il fut gardé en prison fort estroite; en sorte que les Triballiens retournerent derechef sous l'obeissance du Roy de Hongrie, duquel ayans esté appelez avec la vefue de leur feu Prince, ils luy rendirent la dessusdite ville de Senderouie. Mechmet doncques voyant le party à quoy ses affaires estoient reduites de ce costé-là, eut recours aux armes, & mena son armée deuant la ville, pour tascher à la recouurer de force. Mais les habitans ayans entendu sa venue sortirent au deuant, & luy vindrent presenter les clefs sur le chemin: en faueur de quoy il leur fit à tous de beaux presens; aux vns en argent comptant, aux autres en possessions & cheuances: & receut la vefue d'Eleazar en sa bonne grace & protection, luy promettant de se retirer librement ou bon luy sembleroit avec tout son bien; & au demeurant se saisit de la forteresse, & de la ville. Apres qu'il eut fait cettomain, il se delibera de remmener son armée au Peloponese; mais il s'en vint premierement à Constantinople: Et de là estant passé en Asie, alla mettre le siege deuant la ville d'Amastre, située sur le bord du Pont-Euxin, qui estoit pour lors en la puissance des Geneuois. Ceux-cy auoient auparauant enuoyé deuers Mechmet pour luy faire instance de la ville de Pera, laquelle leur appartenoit, & neantmoins il s'en estoit bien & beau emparé, combien qu'il y eust accord fait & passé là-dessus, lequel de leur costé n'auoient violé ne rompu; & pourtant requeroient qu'elle leur fust rendue, nonobstant que depuis la prise de Constantinople elle se fust soumise à son obeissance. Mechmet leur fit response, que quant à luy il n'auoit point cherché de finesse ny mauuaise foy en cela, ny aussi peu mené son armée là deuant pour essayer à l'auoir de force, mais que les Gouverneurs de leur bon gré s'estoient venus rendre, & la luy mettre entre les mains; desirans de se voir plustost en paix & repos, que d'attendre la ruine qu'ils menaçoit de si pres; & que c'estoit la façon dont il l'auoit acquise, sans que pour cette occasion il eut fait tort ne violence à personne. Là-dessus les Geneuois luy ayans fait denoncer la guerre, il s'achemina contre la dessusdite ville d'Amastre, & y mena les forces d'Asie, avec vne grande quantité de bronze, qu'il auoit fait charger sur des chameaux & autres bestes de voieture. Mais incontinent qu'il y fut arriué, & eut commencé à faire ses approches, elle luy fut rendue à certaines conditions; ausquelles l'ayant receuë, il y laissa la tierce partie des habitans, & transporta tout le reste à Constantinople pour y habiter. Il choisit aussi & retint quelques ieunes garçons d'élite, pour son seruice: & puis s'en retourna à la maison: Car il auoit eu nouvelles comme les affaires d'Usuncassan commençoient à prendre de grands accroissemens: & que s'estant ietté en campagne, il s'en venoit tout droit à la ville d'Ertzinghan, capitale du Royaume d'Armenie. Neantmoins cela n'aduint que l'année d'apres, lors que Dauid frere de l'Empereur de Trebizonde le vint trouuer, qu'il estoit desia party du Peloponese pour aller à cette entreprise: & luy ayant apporté le tribut sur le chemin, renouuella leurs alliances. Car on dit que les Roys de la Colchide estoient anciennement Empereurs de Constantinople: issus de la maison & famille des Comnenes, lesquels auans esté chassiez de leur droit & legitime heritage, Isaac fils de celui qui fut massacré par le peuple, pour la hayne mortelle que tous luy portoient, s'enfuyt à Trebizonde, où les habitans du pays l'esleurent pour leur chef: Et depuis il establit l'Empire de la Colchide en cette ville-là, depuis lequel temps ils y ont tousiours regné iusques à present; s'estans monstrez vrayz Grecs en toutes choses, tant en langage, qu'en mœurs & façons de viure qu'ils ont retenus. Bien ont-ils toutesfois contracté quelques alliances avec les Barbares de là autour qu'on appelle les blancs Probatantes, & semblablement avec les descendans de Temir, qui nasquirent des enfans de Trochies & de Carasiluph, afin que leur pays ne fust couru & endominagé par eux: Et encore que les Grecs demeueroient à Constantinople, lors mesmement qu'Alexis Comnene donna sa fille en mariage à l'Empereur lean

1459.
Moult la prise de
Senderouie est
mise par les
Annales des
Turcs en

1457:

V.

La guerre de
Rascie & le
motif d'i-
celle.

Ruse de la
Despote de
Rascie.

Senderouie
se rend à
Mechmet;

Guerre entre
Mechmet &
les Geneuois
pour raison
de Pera.

Amastre prise
par composition.

L'Empire de
Trebizonde
autrefois es
mains des
Comnenes.

Vers 1460. surquoy il aduint puis apres vn tel defastre. Car Alexis vint à luy estre suspect pour raison de sa mere, qui estoit des Cantacuzenes, se doutans que le grand Chambelan abusoit d'elle: dequoy estant indigné il le fit mourir, & enferra quant & quant Alexis & sa femme en vne chambre pour en faire de mesme, si le peuple qui entreuint là-dessus, ne l'eust adoucy & destourné par ses prieres, de mettre à execution vn si horrible & detestable forfait: & fit-on tant qu'il se retira luy-mesme es parties de l'Iberie. Cependant Alexis pour la felonnie & mauuaitié qu'il auoit conneu en luy, déclara Empereur vne autrefois son fils Alexandre, auquel il fit espouser la fille de Galiuses, qu'il auoit pourueu du gouvernement de Methelin: & Iean prit à femme la fille d'iceluy Alexandre: Mais il s'en alla puis apres d'Iberie à Capha, cherchant quelque nauire pour le passer à Trebizonde, tout resolu de faire la guerre à son beau pere Alexis. Il rencontra là de fortune vn Geneuois qui auoit vn moyen vaisseau, mais fort bien armé & équipé en guerre: & fut celuy lequel il employa tout le premier en cet affaire. Parquoy ayant pourueu, & muni ce nauire de ce qu'ils aduiserent leur estre besoin, prirent la route de Trebizonde, & allerent surgir apres du Temple de saint Phocas, dans lequel il fit tendre son pavillon. Or auoit-il desia pratiqué les soldats Cabazitans, lesquels furent ceux qui trahirent l'Empereur: Car estant commis à la garde de sa personne dans le fauxbourg de l'Achante, où il s'estoit allé camper avec ses chariots & machines, tout vis à vis de Iean, ils firent large; tellement que sur la minuit les Capitaines de son fils le surprirent, qu'il ne se doutoit de rien, & le mirent à mort. Il est bien vray que ce fut outre le vouloir de Iean, qui leur auoit expressément commandé de ne le tuer, mais le luy amener en vie; toutesfois ne s'arrestans point à cela, ils penserent que ce luy seroit faire chose tres-agreable d'en depescher le pays, & pourtant ils le massacrerent: à raison dequoy il leur fit depuis à quelques-vns creuer les yeux, & couper les poings à d'autres, afin de monstrier que son intention n'auoit point esté de le faire mourir. Estant doncques paruenue à l'Empire de son pere, il luy fit faire de tres-magnifiques obsèques, & inhumer le corps fort honorablement en vne Eglise prochaine, mais il le transporta depuis en la ville capitale. Et bien-tost apres Artabales le Circassien, qui auoit mis sus vne grosse armée des parties de Leuant, & de Midy, de Samos & plusieurs autres villes, tira droit vers Trebizonde, en intention de la prendre, & ruiner de fonds en comble. L'Empereur Iean assembla aussi ses forces tant par la terre que par la mer, ayant appelé à son secours celuy de Constantinople; & marcherent au deuant des ennemis iusques au Temple de S. Phocas, appelé Cordyla, là où l'Empereur des Grecs apres auoir reduit en forme de camp les gens de guerre qu'ils auoient, se mit en chemin pour aller trouuer Artabales, & luy donner la bataille quelque part qu'il le rencontrast. Il fit quāt & quant suivre son armée de mer qui le costoyoit: car Artabales s'estoit desia saisi du lieu qu'on appelle Meliars, ayant fait diligence de gagner le premier le destroit & emboucheure du Capanium: & de fait les Grecs le trouuerent ainsi quand ils y furent arriuez. Pourtant se hastoient-ils de l'aller ioindre, en esperance qu'encore ne refuseroit-il point le combat par la mer, qui estoit la principale occasion pourquoy ils conduisoient leur flotte. Mais cela fut empesché par le temps qui ne se trouua à propos: car vne telle tourmente suruint là-dessus, que ny les gens de mer qu'auoient les ennemis, ne se purent ietter dans les vaisseaux pour les secourir & defendre, ne aussi peu l'armée de mer Gregeoise approcher d'eux pour les secourir; ains fut contrainte de demeurer à l'ancre tout au long de la rade, sans rien executer de ce qu'ils auoient pourpensé. Mais les Circassiens ne laisserent pas perdre cette occasion, ains s'en allerēt d'une grande furie & impetuosité charger l'Empereur, & le mirent à mort avec vn sien fils, & quelque trente autres encore: le reste ayant tourné le dos se rendirent deuers Iean, qui monta soudain sur vn vaisseau, & se sauua de vitesse à Trebizonde: La plus grand' part se retira aussi, les vns par terre, les autres par mer. Parquoy Artabales s'en vint camper au Monastere de saint Phocas, où les deux Empereurs s'estoient logez auparauant, ayant pris force prisonniers à la chassé, dont il en fit mourir quelques-vns, & entre les autres Maurocostas qui auoit la charge des grands cheuaux de l'Empereur Iean, lequel fut executé à la veuë de ceux qui estoient sur les murailles. Cela fait, apres auoir demeuré trois iours en ce logis, il s'en partit pour aller assaillir le Mesochalde, qu'il pensoit estre encore tenu par les Grecs. Mais il aduint vne telle chose la premiere nuit qu'il arriua en ce Monastere de Cordyla; ce fut vne femme Armenienne, laquelle craignant que les ennemis ne prissent le fort qui est hors l'enceinte des murailles, se retira avec ses ourages de laine dont elle gaignoit sa vie, au grād chasteau où elle pensoit estre plus seurement; & y porta quant & quant quelques petites provisions qu'elle auoit.

Tout cecy est fort embrouillé, & confus.

L'Empereur de Trebizonde trahy par les siens, & sa mort.

Guerre à Trebizonde entre les Circassiens & les Grecs.

Mort de l'Empereur de Constantinople & de son fils.

Vne pauvre femme caule d'un grand espouuement.

auoit. Et pource que ce desinenagement se fit de nuict, le feu s'alla prendre d'auenture, sans qu'elle s'en apperceust, parmy ses escheueaux & pelotons, estant desia en la fortresse, & ne scauoit rien de ce qui estoit aduenü, quand la maison se trouua incontinent toute en feu, qui s'espandit de main en main aux autres continuës. Ce fut enuiron la minuit que la flamme se trouua en la plus grande furie, dont ceux qui estoient en la ville se mirent en opinion, que les fauteurs des Circaßes auoient basti quelque trahison pour la leur liurer entre les mains. Tout le peuple, tant officiers qu'autres, se prirent incontinent à fuir; laissant là leur Empereur pour les gages, avec quelques cinquante qui eurent le cœur de demeurer aupres de luy: tellement qu'il ne cessa toute la nuict de faire la ronde, & aller reuifiter les portes. Quand le iour fut venu, Artabales se presenta, esperant que là-dessus on luy feroit ouuerture, mais n'ayant rien obtenu de ce qu'il pretendoit, il fut contraint de s'en retourner au Mesochalde. Les officiers & autres personnes principales de la ville, qui s'estoient retirez au desordre & confusion que vous auez ouïy, les vns par mer, les autres par terre, pour gagner l'Iberie située és monts Caspies, estans finalement retournez à Trebizonde apres qu'Artabales se fut retiré, eurent tout plein de reproches de l'Empereur, les appellant lasches & faillis de cœur, desloyaux à leur Prince, & à leur pays.

Tout incontinent apres le Gouverneur d'Amasie nommé Chiterberg, s'estant mis en campagne, vint assaillir Trebizonde à l'impourueu où il trouua ceux qui estoient au grand marché, & és faubourgs, faisant bien le nombre de deux mille. Et comme cette pauvre cité se trouua toute despeuplée, & presque deserte à cause de la cruelle pestilence qui y regnoit, n'attendant plus autre chose sinon d'estre prise si l'ennemy si opiniaïstroit tant soit peu, l'Empereur fit tant par argent enuers Mechmet, qu'il se contenta de l'auoir de là en auant tributaire, moyennant quoy il fit rendre les prisonniers que Chiterberg auoit enleuez: Aussi l'Empereur promit de n'entreprendre iamais rien contre luy ne son Estat, ains que de bonne foy il payeroit à l'aduenir deux mille ducats de tribut annuel & perpetuel. Et pour conclurre & arrester ce traité aux conditions dessusdites, fut despesché tout expres son frere le Despote Dauid, selon que nous auons dit cy-dessus, lequel negocia cét affaire enuers Mechmet: toutesfois il fallut encore adiouster mille ducats aux deux autres qui auoient esté promis. Or l'Iberie est tout ioignant le pays de la Colchide, & ne sont pas les Princes & Seigneurs d'icelle gens de peu de courage, ny pesans & pusillanimes au fait de la guerre. Elle s'estend depuis le lieu qu'on appelle Bathy, & la riuiere, de Phasis, iusques à Chalthlichy, qui est des appartenances de Gurguly, Córy, Cachetium, & Tyflis, villes prochaines de celle de Samachie, que les Turcs tiennent & habitent, sous l'obeissance desquels, plus bas que ladite ville de Cachetium, en tirant vers la mer, sont situées (chacune à part soy toutesfois) Sebastopoly capitale de Mengrelie, & de Dadian, Mamia, Samantaula, Gury, & autres villes maritimes. Car à celles de la haute Iberie continient les Alans, les Huns, & les Embiens, dont les Alans arriuent iusques aux montagnes de Caucaße, lesquels sont estimez les plus vaillans & aguerris de tous les autres. Ils tiennent la Foy Chrestienne, & ont vn langage à part. Au reste, ils sont de tresbons corselets, & ont encore d'autres armeures forgées d'airain qu'on appelle Alanoises estans à la verité Iberiens, mais de quel endroit ils partirent premierement pour venir habiter en ces quartiers-là; si ce fut des Iberiens Occidentaux ou d'ailleurs, ie n'en scaurois bonnement que dire: Quoy que ce soit, ils acquirent en bien peu de temps vn fort grand pouuoir, & des richesses inestimables. Au regard de la Religion Chrestienne, elle leur vint premierement de Constantinople: car vne femme qui auoit accoustumé d'y aller & venir pour estre instruite en la Foy, attira puis apres ces Iberiens à delaisser leurs folles & vaines superstitions, pour receuoir nostre creance, ouuriere de tous miracles: Et les declara Chrestiens, suiuant l'aduen & confession qu'ils luy firent de vouloir viure & mourir tels. Long-temps apres les Scythes leurs proches voisins, leur vindrent faire la guerre, & estans entrez dans le pays, y commirent de grandes violences, faisans esclauies tous ceux qu'ils pouuoient auoir en leurs mains: mais les Roys des Iberiens se retirerent à sauueté aux montagnes, & quand les Scythes s'en furent retournez, ils descendirent lors & demurerent de là en auant en repos, moyennant quelque tribut, qu'ils accorderent à l'Empereur d'iceux Scythes; lequel bien-tost apres qu'il fut ainsi venu courir sus aux Iberiens, alla assaillir les Alans, les Huns, & les Sasiens, dont ie me deporteray de parler plus auant, car ie n'en ay pas appris dauantage. Au moyen dequoy pour retourner à Asan, quand il fut arriué deuers Mechmet, il luy fit entendre ce qui estoit passé au Peloponese,

1460.

Retraite des
Circaßes de
deuant Tre-
bizonde.

VI.

Les Turcs
surprennent
les faux-
bourgs.

Description
de l'Iberie,
autrement
Zoranie.

L'origine des
iberiens, &
comme ils
receurent la
Foy Chre-
stienne.
Philippus Ber-
ge, au supplé-
ment des Chro-
niques, liure 6.
Nicephorus 8.
chap. 34.

1460.

* Scylisme,
Lemnos,
Thasso, &
Sammadrachy
en vulgaire.
* Nisibetun.

Ludovic Pa-
triarque d'A-
quie.

Cruauté de
Mechmet.

* Megalopolis,
ville d'Archi-
die.

Pirate signa-
lé.

Guerre des
Turcs dans
le Pelopon-
nese.

VII.

Vfuncanfan.

Articles de la
paix d'entre
le Prince Tho-
mas & Mech-
met.

Asan consti-
tué prison-
nier.

& luy parla d'Achmat Gouverneur du pays, car son frere auoit deliberé n'en bouger. A son arriuée Mechmet luy fit present de ces Isles icy en la mer Egée; à sçauoir de * Lemnos, Imbros, Thassus, & Samothrace: Toutesfois cela fut auant la prise de Constantinople, car depuis, & lors mesmes que Palamedes fut decedé, Dorie son fils s'empara de la Seigneurie de * Lesbos, & de Lemnos, & aussi de celle d'Enus: Mais Mechmet y estant arriué avec son armée la reprit incontinent, s'estans de plaine arriuée donnez à luy ceux qui estoient dedans: & Ianus Gouverneur de Gallipoly fut enuoyé au recouurement des Isles, auquel Imbros & Lemnos se rendirent soudain. Il mit par tout des gens de guerre: mais comme ceux qui y estoient auparauant en garnison eurent eu le vent de l'armée de mer que le Legat du Pape amenoit d'Italie, & qu'il venoit encore vn autre grand renfort apres, ils abandonnerent les Isles, & les Turcs se mirent dans les places pour les garder. Au regard de Lemnos, tout aussi-tost que la flotte eust pris terre, elle se rendit; & aussi firent Imbros, Thassus, & Samothrace. Mais apres qu'elle eut fait voile à Rhodes, Ismaël General des galeres Turquesques, recouura Imbros & Lemnos, & enuoya pieds & poings liez à Mechmet tous les Italiens qu'il y trouua; lesquels il fit mettre à mort à leur arriuée. Cela fut à Philippopoly, où il faisoit lors sa residence, ayant esté contraint de desloger de Constantinople pour raison de la peste qui y estoit. Thassus & Samothrace se rendirent bien inconsiderément, car peu apres que le Zogan eust supplanté Ismaël, & obtenu le gouuernement de Galipoly, y estant arriué il les prit derechef, & saccagea entierement; & enuoya tout le peuple habiter en Constantinople. Or quand Asan fut entré dans le Peloponese avec son armée, il rompit, & mit en fuite le Prince Thomas pres la ville de * Leontarium: où l'ayant poursuiuy chaudement, il le tint assiégué quelques iours: mais pource que ces aduersaires luy donnoient tout plein de fascheres, il fut contrainct de partir de là, & se retirer deuers Mechmet pour luy demander du renfort. Le debat & contention qu'il auoit eue avec Omar Gouverneur de la Thessalie en fut cause, car ils estoient extremement en picque l'un contre l'autre: aussi bien-tost apres Mechmet contrainct Omar de quitter son Saniaquat, dont il pourueut le Zogan, qui auoit dauantage le gouuernement de Gallipoly. Ce fut vn personnage qui en bien peu de temps monta à vn fort grand credit, pour auoir entr'autre choses pris le Morezin, le plus braue & renommé Pirate qui fut en toute la mer de Leuant; ce qui luy tourna à vne grande gloire. Estant doncques rentré le Zogan en possession du gouuernement de Thessalie, & luy ayant encore Mechmet remis la superintendance du Peloponese, il donna avec son armée dans l'Achaye; où tout aussi-tost qu'il se fut campé deuant la forteresse, les Grecs qui s'estoient là assemblez en armes, s'elcoulerent & esuanouyrent. Les Italiens d'autre part que Thomas auoit fait reuenir, de la Duché de Milan à son secours, soudain à leur arriuée se mirent à battre la ville avec vne grosse piece tant seulement; mais voyans qu'ils n'auançoient pas beaucoup, pour n'auoir ne canonnier ne equipage tel que requeroit vne telle entreprise, ils furent contrains de leuer le siege, & s'en allerent à Naupacte, où ils s'arrestèrent.

Sur ces entrefaictes le Prince Thomas arriva d'ailleurs avec ses forces, lequel rengea à son obeissance la contrée de Laconie, & prit la ville de Calamate au territoire de Messene; puis vint mettre le siege deuant celle de Mantinée. Là où estimant bien qu'il ne feroit que perdre le temps, il enuoya deuers Mechmet, pour sonder s'il se voudroit point condescendre à quelque appointement; à quoy il presta volontiers l'oreille, ayant desia entendu les choses que Calan le long remuoit en l'Asie. Et ne refusa point cette paix, afin de pouuoir plus à son aise faire la guerre à cettuy-cy; & à Ismaël Prince de Synope, lequel s'estoit ligué avecques l'autre. Neantmoins il voulut adiouster encore les articles suiuans au traicté de paix: que Thomas retireroit tous les gens de guerre qu'il auoit mis és forteresses de Mechmet; rendroit celles qu'il auoit prises sur luy, & payeroit presentement douze mille ducats pour arres & entrée du tribut: Au reste, qu'il ne fit faute de se trouuer à Corinthe dans le vingtiesme iour ensuiuant, pour y attendre ses deputez. Toutes lesquelles choses ayans esté proposées à Thomas, il n'en reietta pas vne: Mais pour autant que tout alloit de trauers & en desordre parmy ses fuyers, il aduint qu'il ne pût auoir le moyen de satisfaire au tribut qu'il auoit promis; dequoy s'estant Mechmet despité, delibera de luy faire la guerre derechef, & remit son voyage contre le Chasan à l'Esté ensuiuant, afin de n'auoir à entendre qu'au Peloponese. Estant doncques arriué à Corinthe, Asan se presenta à luy de la part de Demetrie, s'attendant bien d'auoir la charge de conduire son armée; mais quand ils furent à Tegée, il le fit mettre en prison, & se

faisit

faisit encore de tous ses adherans : Puis s'achemina en personne contre la ville de Sparthe à tout vne grosse force de gens de cheual, & les troupes de l'Europe; là où ainsi qu'il estoit apres à faire ses approches, il sceut au vray comme le Prince estoit dedans, qui se trouua bien estonné de se voir ainsi enueloppé, au rebours de ce qu'il auoit toujours esperé de Mechmet. Parquoy il voulut essayer de se sauuer au chasteau qui est au dessus de la ville: mais quand il sceut que son beau-frere Asan estoit prisonnier, se voyant de tous costez reduit à l'extremité, il abandonna là tout, & s'en alla au camp de Mechmet se presenter à luy, dont il fut receu & traité fort humainement; avec assurance que tout le passé seroit oublié, & qu'on le recompenseroit d'un autre pays au lieu de celui de Sparthe, où rien ne luy manqueroit: toutesfois on luy donna des gardes, & fut retenu. Au dessus de Sparthe droit au pied de la montagne de Taugette, est située vne fort belle ville Grecque, riche, & opulente, à vne lieue de Paleopoly, & de la riuere d'Eurotas, de laquelle Mechmet se saisit, & y mit vne bonne garnison, sous la charge de Chasan Zenebifas l'un de ses domestiques, auquel il donna le gouvernement. Cela fait, il passa outre vers la ville de Castrie, esloignée de là d'environ deux lieues & demie, où il mit le siege. Car les habitans tant hommes que femmes, sous la confiance qu'ils auoient en la force & difficulté de son assiette, faisoient contenance de se vouloir deffendre si on les y alloit assaillir: mais les Ianissaires n'eurent pas eu plustost le signe de l'assaut, que d'une grande furie ils gagnerent soudain le haut de la muraille, & les prirent tous en vie. Puis ayans mis ce poulallier en ruine, s'en allerent assaillir le chasteau qui estoit haut de cinq cens pas, d'une montée assez roide & mal-aisée; outre ce que ceux de dedans par la resistance qu'ils faisoient la rendoient d'autant plus difficile. Pour cela neantmoins les soldats Turcs ne laisserent pas d'y aller auant, à l'enuy les vns des autres à qui arriueroit le premier, dont plusieurs qui se venoient à entre-heurter en la foule, se precipitoient eux-mesmes du haut en bas: si bien qu'il en demeura grand nombre, que de morts que de blessez, auant que le reste ayant surmonté ces difficultez & empeschemens fust paruenue au pied de la muraille, où ils commencerent vn tres-aspre & rude assaut. Les Grecs apres auoir combattu & resisté vne bonne piece, ne purent à la parfin porter le faix des ennemis, qui sans cesse arriuoient à la file tous frais & reposez, & furent contraincts de se rendre qu'ils n'en pouuoient plus. Mais aussi-tost que Mechmet se vid maistre du chasteau, il les fit tous assembler en vne place, & passer par le trenchant de l'espée, estans bien en nombre de trois cens. Et le lendemain il fit cruellement couper leur Capitaine en deux moities par le faux du corps: Puis prit le chemin de Leontarium, & se campa deuant; là où ayant sceu comme les habitans auoient retiré leurs femmes & enfans en vne place forte appelée Cardicée, il fit soudain trousser bagage, & s'y en alla en grande diligence. Et comme le iour d'apres il se fust resolu de l'assaillir par le chasteau, & eust desia mis ses Ianissaires en besongne pour sapper le pied de la muraille, il enuoya cependant donner vn autre assaut par les Azapes du costé du Palais Royal, afin que de là ils se pussent jetter à corps perdu sur les ennemis qui estoient en bas. Ils firent fort bien & promptement ce qui leur auoit esté ordonné: car ils rembarrerent d'arnuée leurs aduersaires, & les contraignirent de tourner le dos; si bien qu'ils entrerent pesse-messe avecques eux dans la ville, & le reste de leur armée apres; là où il y eut vn merueilleux & horrible carnage d'hommes & femmes, de cheuaux & autres sortes de bestes, sans pardonner à chose quelconque qui se presentast en cette premiere furie. Les autres qui tenoient le chasteau ne firent plus de difficulté de se rendre: Entre lesquels estoit Boccales, qui en la compagnie de ses parens & amis s'estoient enfermez dans cette place en intention de la deffendre: Mais Mechmet enuoya soudain crier à son de trompe par tout le camp, qu'homme ne fust si osé ne hardy de receler les prisonniers, ains eussent à les représenter sur le champ, & les luy amener; en defaut de ce faire, que le prisonnier tuast son maistre; puis fust luy-mesme mis à mort. Ce commandement ayant esté publié, il n'y eut rien lors plus rare que de voir vn seul de ces pauvres captifs parmy les tentes & pail-lons, & si estoient bien treize cens qui auoient esté pris en vie, lesquels Mechmet fit reduire en vn lieu, & les massacrer là tres-cruellement tous iusques au dernier: De sorte que l'inhumanité dont il usa en cet endroit fut telle, que de tous les habitans de Leontarium il n'en reschappa vne seule ame viuante: car selon ce que j'ay depuis ouï dire à leurs voisins, il se trouua bien iusques à six mille corps morts, avec grand nombre de cheuaux & de bestail qui passerent inutilement par la mesme rage & fureur. Aussi les autres villes du Peloponese espouuentées de cette execution cruelle, se souismirent incontinent à

Vers 1460.

Demetrie Paleologue se rend à Mechmet avec la Duché de Sparthe, autrement Laconie, & maintenant Mizithra.

80. Stades.

La ville de Castrie prise d'assaut.

Estranges supplices.

Cardicée sacagée.

Mechmet cruel enuers les animaux mesmes.

Conqueste finale du Peloponese

Vers 1460.

son obeïssance, & enuoyerent leurs deputez deuers luy : mesmement celle de Saluarium en Arcadie, place tres-forte & bien remparée, où il y a vn beau havre vis à vis de Pylos, se rendit à luy. Ce nonobstant tout aussi-tost qu'il l'eust en sa puissance, il ne faillit de faire enfermer tous les habitans hommes & femmes, qui faisoient bien le nombre de dix mille; monstrant de les vouloir faire mourir, mais finalement il les enuoya à Constantinople pour peupler les faux-bourgs.

VIII.

Demetrie de-
luré de pri-
son.

Sa femme &
sa fille mîes
és mains de
Mechmet.

Exploits de
Zogan Sa-
maque de la
Moïée.

Saincte Mau-
re se rend. On
la prend pour
l'ancienne
Leucadie, vne
île en la co-
ste de l'Epire.

Conqueste
du pays d'A-
chaye.

Av regard du Prince Demetrie qui se trouua parmy les autres, il le garda quelque temps lié & garrotté à la suite de son camp; le promenant en cette sorte de costé & d'autre, iusques à ce qu'estant venu pour la deuxiesme fois à deulser avecques luy des affaires de la Grece, il le deliura; & à sa persuation depescha Iosué fils d'Isaac pour aller recevoir la ville d'Epidaure, & enlever de là sa femme & sa fille, laquelle Mechmet monstroït de vouloir prendre à femme. Demetrie y enuoya quant & luy l'un de ses Capitaines pour persuader aux habitans de se rendre, & permettre que les deux Princesses fussent emmenées. Iosué s'estant acheminé à Epidaure, avec quelques troupes de Grecs qui luy furent donnez pour sa seureté & escorte, le Preuost de la ville, à la sollicitation & instance du peuple fit responce, qu'il ne pouuoit obeïr au commandement du Prince, ne rendre la ville suiuant ce qu'il leur mandoit: trop bien permit-il aux deux Princesses de sortir, & s'en aller avecques Iosué, lequel les emmena au camp. Mechmet ayant entendu par son rapport, comme les choses au reste estoient passées à Epidaure, fit destourner les Dames hors du Peloponese, & les conduire en la Bœoce par l'un de ses Monuques, auquel il donna en main l'Infante pour s'en prendre garde; & ne tarda gueres depuis d'enuoyer Demetrie apres sa femme. Ainsi estant venu à bout de Cardicée, il passa outre pour aller donner sur les places des Venitiens; & voulut aller luy-mesme reconnoistre Coron. Cependant le Zogan Gouverneur du Peloponese, qui auoit eu la charge d'aller conquerir le pays d'Achaye, ensemble la contrée d'Elide, tant ce qui est au long de la coste de la mer, que ce qui est plus en dedans le pays, ayant rassemblé les garnisons de la Thessalie, avec les gens de cheual que luy auoit donnez Mechmet, prit la ville de Calaurit qui luy fut rendue par Doxas, l'un des principaux d'entre tous les Albanois; lequel se donna incontinent au Zogan avec toute sa sequelle, sans auoir fait vne seule resistance: toutesfois ils furent puis apres mis à mort par le commandement de Mechmet. De là il s'achemina vers Grebenum place tres-forte & bien munie, deuant laquelle il mit le siege: mais la difficulté de l'assiette l'empescha de la prendre, & fut contraint de la quitter, pour s'en aller tenter les autres places des Albanois, & mesme saincte Maure, où les plus riches & opulens de la contrée auoient retiré leur bien, comme en vn lieu de toute seureté. Ce nonobstant ceux de dedans estans venus à parlementer avec le Zogan, firent accord, & luy rendirent la forteresse. Apres qu'il fut entré dedans, il ne leur tint pas bien promesse: car il enuoya ses gens pour les ratteindre, qui en tuerent plusieurs, & firent esclaves tout le reste. Desia le bruit s'en estoit espandu par les autres villes de leur ligue, ce qui leur osta toute esperance de pouuoir trouuer plus de mercy en Mechmet: tellement que chacun son endroit s'appresta pour se deffendre, sans que de là en auant le plus meschant petit poulallier ne vouloit ouïr parler de venir à composition: & de fait le Zogan auoit commis beaucoup de cruauté à saincte Maure; ce qui fut cause que bien-tost apres il fut demis de sa charge. Sur ces entrefaites Mechmet estant party de Coron, vint à Pylos où il se campa; & y estoit le Prince Thomas avec vn nauire prest à faire voile, attendant quelle fin & issue prendroient les affaires du Peloponese: mais les vaisseaux des Venitiens y estans abordez, on luy fit commandement de desloger, à ce qu'il ne fist point son compte de resister au Turc en l'un de leurs havres: Pourtant il desmara tout aussi-tost qu'il sceut que l'armée Turquesque s'estoit logée là aupres: & les Ambassadeurs des Venitiens vindrent trouuer Mechmet pour renoueller leurs alliances, luy faisans au reste toutes les honnestetez & bonnes receptions dont ils se pûrent aduiser. Mais pour cela sa caualerie ne laissa pas de courir & fourrager la contrée, où ils prirent vn bon nombre d'Albanois qui y estoient habitez, & mirent à mort les plus proches de là autour: puis passerent outre iusques vers Modon, pour voir qui estoient ceux qu'on disoit estre sortis de la ville pour s'aller rendre à Mechmet, lequel ayant rassemblé derechef son armée, deslogea de Pylos: & fut lors qu'il commanda au Prince Demetrie de s'en aller en Bœoce, pour rengier à son obeïssance le plat pays, ainsi que nous auons desia dit cy-dessus. Quant à luy, se trouuant sur les frontieres d'Achaye, il entra dedans, & se saisit des villes & places fortes, que les

Seigneurs

Seigneurs du pays luy rendirent, ayant avec soy Asan frere de la femme de Demettrie. A son arriuée il entendit la desolation pitoyable aduenue à sainte Maure, dont il entra en grand courroux contre le Zogan, & non sans cause: car pour raison de cette cruauté, les autres places ne voulurent plus prester l'oreille à se rendre; au moyen dequoy il fit crier à son de trompe parmy son camp, qu'on eust à faire perquisition des esclaves de sainte Maure, & remit en liberté tous ceux qui se pûrent recouurer: mais auant que cette recherche se fist, l'on en auoit transporté grand nombre de l'Achaye en Ætolie: & le Zogan mesme en auoit distraict aussi & enuoyé plusieurs en sa maison: cela fait, il prit la ville de Grebenum, y ayant depeesché Iolué Saniaque des Scopiens, & fit esclaves la tierce partie du peuple qui s'y trouua; parmy lesquels il choisit & retint pour luy tout ce qui estoit de beau. Desia auparauant le Gouverneur de Patras nommé Isocales, auoit pris quelques petites places de là autour. Car tout incontinent que les Grecs entendirent que Mechmet estoit apres à courir le plat pays, & mettoit à mort grand nombre de peuple, chacun des Villes & Citez se hastèrent à l'enuy les vns des autres de s'aller rendre à sa mercy, auant qu'il y allast en personne pour les prendre & ruiner; mettant les vns en seruitude & captiuité douloureuse, & les autres au fil de l'espee. Voila en quelle maniere les Villes Grecques vindrent finalement en la main des Turcs; & comme la liberté qui par tant de siecles auoit esté si obstinément maintenue, que la vie propre ne leur estoit pas en si estroite recommandation, s'en alla peu à peu declinant, iusques à ce qu'elle vint trebuscher au plus bas estage de toutes les indignitez & miseres qui se peuuent imaginer sous le tres-dur & pesant joug d'une nation non seulement estrangere, differente en langage, mœurs, & façons de faire, & de Religion du tout contraire; mais avec ce, lourde, ignorante, cruelle & vicieuse sur toutes autres. Car tout ce qui se pouuoit rencontrer d'agreable & gentil, estoit trié & mis à part, pour estre ny plus ny moins que des troupeaux des pauures bestes, non pas sacrifié à des idoles & simulacres qui ne hassent ny ne gelent, mais à des ordes, sales, infectes, & detestables voluptez & concupiscences de ces vilains Barbares, qui se reseruoient pour esclaves, & pis encore, la prime fleur & eslite de ce pauvre mal-heureux peuple; ils les appellent * Apretiens à leur mode. Quant aux moindres & plus petites villetes, apres les auoir miserablement saccagées, ils ne pardonnoient pas tant seulement aux murailles, que tout n'allast par terre iusques aux fondemens. Et ne scay si l'aduenture & condition des autres estoit gueres meilleure, dont la forteresse, la beauré & magnificence des bastimens estoient reseruées pour la retraicte & vsage de ces brigands infames. Car tout ainsi qu'une bande de loups affamez se iette sur vn troupeau de brebis abandonnées de leurs pasteurs & gardiens, sans se pouuoir saouler de sang ny de carnage, que tout ne passe par l'exécution cruelle de leur rage & furie insatiable; de mesme le pauvre & desolé Peloponese, le plus superbe & renommé theatre qui fut oncques en la Grece, ny par aduenture en tout le reste du monde, n'eut pas meilleur & plus doux traitement à celle fois; y ayant presque tout le peuple esté exterminé, ou pour le moins escarté, transporté & reduit en seruitude; & la plus grande partie des bastimens rasez à fleur de terre.

Mechmet fait rendre ce qui auoit esté pris à sainte Maure.

Grande calamité & deuotion en la Grece, 1458.

** Quasi comme qui dirait, Esclaves qui ne se rachètent point.*

Deploration du Peloponese.

Ainsi Mechmet poursuivant ses victoires & conquestes, s'en vint loger és enuiron de Patras en Achaye, & prit la ville de Castrimenum: Puis enuoya vn Trôpette sommer ceux de Salmenique de se rendre: mais ils luy firent responce qu'ils n'y auoient point bien pensé, pource qu'ils ne s'attendoient pas d'en auoir meilleur marché que les autres; au moyen dequoy Mechmet dès le lendemain s'y en alla avec toute son armée. Or est cette place située au sommet d'une haute montagne, & pourtant forte, & mal-aisée à approcher, plus par nature & disposition d'assiette, que d'artifice & ouurage de main: & si y a dauantage vn chasteau qui commande à la ville, lequel est planté sur vn precipice de rocher couppé à plomb; où grand nombre de mesnages avec leurs femmes & enfans s'estoient retirez, se confians d'estre là hors du danger de tomber és mains des ennemis, comme auoient fait les autres Grecs & Albanois, leurs alliez & voisins. Mais Mechmet apres l'auoir reconnuë, fit approcher son artillere, & battre la muraille d'une grande impetuosité & furie; où les coups de canon n'ayans pû faire aucun exploit, il fit remuer ses pieces ailleurs pour essayer de tous costez si on en pourroit faire quelque ouuerture. Et toutesfois il ne l'eust pas prise pour tout cela; car il ne fit rien digne d'un tel equipage & appareil, horsmis que les canonniers tirans par fois à coup perdu en bleissoient quelques-vns de dedans: mais finalement apres que le siege eust duré en ce poinct six ou sept iours, les lanissaires trouuerent moyen de gagner la riuere, & oster du tout l'eau aux assiegez, les-

IX.

L'assiette de Salmenique.

Vers 1460.

Valeur d'un
des Paleolo-
gues.Affluce des
Grecs.Le Zogan de
nouveau re-
mis en ses
charges.Grande des-
loyauté de
Mechmet.Phliunte pri-
se par les
Turcs.Mechmet re-
tourne à A-
thenes.

quels par ce moyen vindrent à estre si oppressez de la soif, qu'ils furent contraincts de se rendre. Mechmet les fit tous esclaves, & departit les plus apparens aux principaux de l'armée, reserué enuiron neuf cens ieunes garçons les plus robustes & mieux formez, qu'il retint pour en faire des Ianissaires : le reste fust vendu à l'encan en plein bagestan, ou marché. Au regard du chasteau, celui qui y commandoit estoit le Paleologue, l'un des chefs & Princes des Grecs, lequel se trouuant en la mesme, ou plus grande encore necessité que ceux de la ville, ne voulut pas neantmoins entrer en aucune composition, que premierement Mechmet n'eut accordé de retenir son armée vne bonne demie lieue en arriere: comme il fit, & s'en alla vers la ville d'Egium, laissant en son lieu Chamuz qu'il auoit pourueu du gouuernement du Peloponese, & de la Thessalie au lieu du Zogan, à cause de la rigueur & cruauté dont cettuy-cy auoit vsé enuers ceux de sainte Maure. Mais il y fut tout le iour ensuiuant sans pouuoir rien faire: parce que les Grecs qui vouloient sonder le gué de cette capitulation, & voir si on leur garderoit la foy promise, firent sortir quelques-uns avec leurs hardes & bagages, pour passer en terre ferme qui est vis à vis du Peloponese: car ils faisoient leur compte, de se retirer de là aux Venitiens. Et combien que l'accord eust esté fait sous cette condition, neantmoins tout aussi-tost qu'ils furent sortis pour se mettre en chemin, Chamuz les fit tous empoigner, & leur mettre les fers aux pieds; ce qui fut cause que les autres qui voyoient cela du chasteau, ne se voulurent plus rendre à luy; ains enuoyerent deuers Mechmet pour se plaindre de cette desloyauté & iniustice, ayant si tost enfreint & violé ce qui auoit esté conuenu. Soudain que Mechmet eut entendu le fait, il osta cettuy-cy hors de charge, & remit de nouveau es mains du Zogan le gouuernement du Peloponese, & de la Thessalie. Cela fait, il s'achemina par la contrée de Phaxanum, & enuoya vn Trompette aux petites villes & bourgades du plat pays, leur signifier que pour le regard du passé tout estoit oublié; mais aussi qu'ils ne fissent faute d'apporter des viures à ses soldats, ausquels ils les vendroient de gré à gré. Quelques-uns y obeirent, & s'en vindrent au camp, hantans & pratiquans tout priuément avec les Turcs; quand Mechmet tout en vn instant lascha ses Ianissaires apres, & quelques gens de cheval encore qui se trouuerent là à propos, lesquels mirent tous ces pauvres Albanois en pieces, & ainsi attraperent ceux qui trop legerement s'estoient assurez en sa parole. Les Turcs puis apres prenans l'occasion en main, pillerent leurs maisons, & emmenerent tout le butin à Corinthe. Il vfa encore d'une semblable tromperie en la contrée de Phliunte, où il alla faire tout vn mesme rauage. Car les Albanois qui en ces quartiers-là ont leurs demeures fortes à merueilles, n'auoient pas moins à cœur les affaires des Grecs que les leurs propres; & les autres qui habitent es pais bas du Peloponese, les supportoient & accompagnoient quelque part qu'ils voulussent branler: au moyen dequoy Mechmet se delibera de les affoiblir, & quant & quāt empescher que ceux des Albanois qui en estoient partis, n'innouassent plus rien es terres de son obeissance: parce qu'à toutes heures (ainsi que nous venons de dire) ils se rebelloient, & attiroient encore les autres à faire le semblable. Mechmet s'en retourna puis apres derechef à Athenes, où il ne se pouuoit saouler de contempler avec vn grand esbahissement, la beauté & magnificence des antiquitez qui y estoient encore debout, & la superbe entreprise des ports qui sont là au long. Cependant les Ianissaires qui gardoient le chasteau luy donnerent à entendre, que quelques-uns des Citoyens d'Athenes auoient conspiré de liurer la ville es mains de Franco Seigneur de la Beroce, lequel auparauant auoit esté Duc d'Athenes: ce qui mit en fort grand danger cette pauvre Cité, ensemble tout le peuple qui y estoit demeuré; parce que Mechmet adioustant foy à la calomnie, fit trousser là-dessus iusques à dix des plus gros & riches Bourgeois, qu'il transporta à Constantinople pour y faire leur residence. Luy puis apres s'estant acheminé pour retourner à la maison, enuoya dire à Demetrie qu'il se mist tousiours deuant avec sa femme, pource qu'il ne vouloit faire que petites iournées. Ce fut alors qu'il luy donna la ville d'Ænus, & le reuenu des salines qui en dépendent, outre quelques douze mille escus qu'il receuoit du Casna ou coffre de l'Espagne. Mais quant à Franco Acciaoly, de la ieunesse duquel on dit qu'il auoit autresfois abusé, & de fait il luy auoit mis la citadelle d'Athenes entre les mains, il l'enuoya au Zogan Gouverneur du Peloponese, qui le fit mourir: Car l'ayant fait appeller en son Pauillon, il l'entretint de propos iusques bien auant en la nuit, & ainsi qu'il s'en cuidoit retourner au sien, l'autre le mit à mort: toutesfois ce fut apres y estre arriué, parce qu'il requit d'auoir cette grace d'estre executé là-dedans. Voila la fin que fit Franco Acciaoly. Mechmet doncques continuant son chemin, s'en vint à son aise à la ville de Pherres, où il s'arresta vn iour, pour raison d'un bruit qui courut

courut

ourant que les Hongres estoient en campagne prests à passer le Danube : mais soudain on sceut que cela estoit faux ; parquoy il tira outre , & arriua bien-tost apres à Andrinople , menant quant & luy Demetrie & sa femme : & tout aussi-tost qu'il fut entré au serail , il retira l'Eunuque qu'il auoit mis à la garde de la Princesse leur fille.

Or le Zogan qui auoit esté laissé au Peloponèse avec toutes les forces de la Theffalie , hormis les gens de cheual , s'en alloit de costé & d'autre par le pays , donnant ordre aux affaires qui se presentent ; là où luy & ses Capitaines firent vn fort grand profit des esclaves , qu'à la desrobée ils auoient destournez en Theffalie : dauantage les Peloponesiens luy firent de grands presens. De là il s'en alla assieger Salmenique , mettant en auant aux habitans des conditions fort aduantageuses s'ils luy vouloient quitter la place , lesquelles pour l'heure ils reietterent , & n'y voulurent entendre. Mais il aduint bien-tost apres , que le chef & conducteur des Grecs , qui par l'espace d'un an entier y auoit fort vaillamment , & d'un courage inuincible soustenu la guerre , & les continuelz assauts des Turcs , en sortit ses bagues sauues : Tellement que Machmut Bassa , le premier homme de la Cour du Turc , vint à donner son iugement de ce vertueux & magnanime Prince en cette sorte. Le vins (disoit-il) au Peloponèse , qui est vn fort beau & planteureux pays , ou ie trouuay assez de cerfs & autre valletaille , mais pas vn seul d'entr'eux tous qu'avec raison on püst appeller hommes , forts cettuy-cy. Mechmet se trouuoit lors de sejour à Andrinople , quand Thomas qui estoit party du Peloponèse s'en vint à Corfou , dont il mit les femmes & enfans dehors ; & de là fit voile en Italie deuers le Pape : mais il enuoya par mesme moyen vn Ambassadeur au Turc , pour sentir si pour la ville d'Epidamne qu'il luy iureroit entre les mains , il ne luy vouldroit point rendre tout le pays qui est le long de la coste de la mer , au dedans de l'Europe. Le Turc le fit empoigner & mettre aux fers ; toutesfois bien-tost apres il le renuoya sans luy faire autre mal. Et cependant Thomas estant arriué à Rome , eut sa table ordinaire au Palais , avec quelques trois mille liures

Vers 1460.

Toute cette guerre se fit à d'uerfes reprises.

X.

Progrez du Zogan par le Peloponèse.

de pension pour ses autres menues necessitez & entretenement. L'année ensuiuant dès l'entrée du Printemps , Mechmet se mit en campagne pour aller contre le Prince de Castamone & de Synope , le chargeant d'auoir fait alliance avec Vfuncassan , & qu'il faisoit quelques preparatifs pour s'aller ioindre avec luy , & entrer de compagnie à main armée dans ses pays. Il y a encore quelques autres particularitez qu'on raconte ; à sçauoir que ledit frere du Prince nommé Amarles lequel estoit à la suite de Mechmet , le sollicitoit incessamment de luy faire la guerre. Au moyen dequoy ayant emply de soldats iusques au nombre de cent cinquante que galeres que vaisseaux ronds , les enuoya deuant : Et luy apres estre passé en Asie , prit le chemin par le dedans du pays , cependant que la flotte rengeroit la coste de l'Asie , tant que finalement elle vint surgir deuant Synope , où il arriua quasi au mesme temps avec son armée de terre , l'ayant amenée par la ville de Castamone. Synope est située sur le bord du Pont-Euxin , dans le destroit & encoulleure d'une langue de terre , qui s'estend vne bonne lieuë & demie auant en la mer ; fort abondante au reste en jardinages , où il y a de toutes sortes d'arbres & de plantes , tant domestiques que sauuages , & l'appelle-on Pordapas. Il y a aussi tout plein de parcs de lievres & de daims pour le deduit de la chasse , avec plusieurs autres especes de tels animaux , dont ces quartiers-là en ont en abondance. Au regard de la ville elle est merueilleusement forte , estant de costé & d'autre enuironnée de la mer , & si ne laisse pas pour cela d'estre vne plaisante & agreable demeure , car deuers la terre ferme elle a son aspect sur vn terroier sablonneux , & vers l'entrée du destroit est vne plaine campagne toute rase ; tellement que par là il est aisé de l'approcher. Le Bassa Machmut s'y estant acheminé auant que le grand Seigneur fust arriué en son camp ; vint à parlementer avec Ismaël , auquel à ce que l'on dit vfa d'un tel langage. Fils de Scender , toy qui es issu de la tres-noble & valeureuse nation des Turcs , sçay-tu pas bien que nostre Prince & Seigneur Souuerain en est venu aussi , & que sans cesse il est apres à guerroyer les ennemis de nostre saint Prophete : Pourquoy est-ce doncques que tu fais difficulté de receuoir & embrasser la paix , avec vn repos perpetuel quand ils se presentent ; & faisant telle part que tu dois à ton frere de l'heritage que tu possedes , ne te contentes de commander au reste ? Car tu l'as iniustement despoillé de la moitié qui luy en appartenoit , & veux auoir le tout pour toy , sans t'abstenir encore d'aigrir & irriter d'ailleurs le grand Seigneur contre toy , par tes insolens & iniurieux comportemens. Voicy doncques ce qu'il me semble que tu dois maintenant faire , pour mettre ta personne & tes affaires en vn meilleur & plus seur estat. C'est que tu t'en vois de ce pas remettre le tout en ses Royales mains , te pouuant asseurer que tu ne

* Il y a au texte 6000. staters d'argent , lesquels à raison de 2. dragmes pour staters montent à 12000. dragmes , qui à raison de 3. sols la dragme ou le gros montent lesdits trois mille liures tournois. S'il y auit staters d'or , comme quelques-uns veulent dire , ce seroient douze mille escus ou trente mille liures à l'evaluation de dix parties d'argent pour une d'or.

Par'emér du Bassa Machmut , & d'Alexandre Prince de Synope.

Vers 1460.

Responce
d'Ismaël.

le trouueras ny ingrat ny rigoureux : & pourtant ne differe plus de rendre sa majesté obligée par cette honnesteté & deuoir : car ie sçay assés qu'il te donnera en recompense quelque autre Estat qui ne sera point de moindre valeur & reuenu que le tien , là où tu pourras viure à ton aise en toute seureté & repos , sans qu'aucune falcherie ny ennuy te puisse aduenir. Et si n'auras plus rien à demesler avec nous , ne tes autres ennemis , l'assurant par ce moyen de ton frere , si bien que personne ne pourra plus rien entreprendre ne machiner à l'encontre de toy. Il ne reste sinon de me dire franchement de quelle autre contrée tu pourrois auoir enuie en l'Europe , car ie te promets de l'impetrer du Seigneur , & l'obtenir pour toy. Ainsi parla le Bassa Machmut fils de Michel : Mais Ismaël luy repliquant, respondit. A la verité Machmut, s'estoit ce qu'il falloit que le Seigneur fist , d'aller assaillir & combattre les aduersaires de nostre foy , & non pas de nous venir ainsi molester , qui sommes de mesme nation , & de mesme creance. Car ce n'est point chose iuste ne raisonnable , de mouuoir guerre à vn Prince qui a ces deux qualitez , & a desia esté receu en son alliance & amitié ; ny tascher d'exterminer celuy qui ne l'a point offensé le premier , ne fait aucun tort ou iniure , dont il peut auoir la moindre occasion de se plaindre. Et Dieu le sçait , si iamais nous auons seulement eu volonté de ce faire , ny cherché de contreuenir en nos alliances en façon que ce soit. Que si d'auentura il est despité contre moy , de ce qu'il pense que i'ay adheré au Casan , qu'il s'en aille à la bõne heure descharger sa colere sur luy , & ietter de ce costé-là tout le faix & pesanteur de cette guerre. Mais à tout euenement , s'il a si grand desir de retirer d'entre nos mains ce peu d'heritage qu'il auoit pleu à Dieu nous eslargir , nous luy en ferons tres-volontiers passer son enuie , en nous donnant pour recompense la ville de Philippopoly , franche & quitte de tous subsides , charges & impositions quelconques : S'il est content de ce faire , nous l'irons trouuer sous son sauf-conduit & assurance. Or voyez-vous point combien est forte & mal-aisée l'assiette de cette place ? comment elle est reimpagée , & munie de tout ce qui luy faut ? Car le long de la cortine , & dessus les plattes-formes & bouleuards , il n'y a pas moins de quatre cens pieces d'artillerie sur roüe. Voila puis apres deux mille arquebouziers d'eslite , & autres dix mille hommes de guerre dont on peut assés iuger si nous pouuons seurement attendre vostre siege , & vous porter vn merueilleux domniage , auant que vous en puissiez venir à bout. Machmut fut fort aise du langage d'Ismaël , & s'en alla soudain trouuer son Maistre , pour luy faire goûster le party qui se presentoit , lequel apres auoir bien examiné de point en point , tout ce qu'Ismaël auoit touché , luy accorda la paix aux mesmes conditions qu'il auoit proposées , & luy donna la ville de Philippopoly , où l'autre se retira avec toutes ses richesses & thresors , apres auoir consigné Synope es mains de Mechmet : le reste de ses appartenances & dependances , se renga bien-tost puis apres ; & mesmement la ville de Castamone tres-forte & bien emparée , où Ismaël auoit mis sa femme & ses enfans , s'estant quant à luy deliberé d'attendre le siege à Synope. Au regard de la situation du pays il commence à la ville d'Heraclee , qui estoit sous l'obeissance de Mechmet , & s'estend depuis le Royaume de Pont iusques en Paphlagonie , & aux terres de Turgut , estant fort riche & abondante en toutes choses. * Aussi vaut-elle bien cent mille liures de rente , & n'y a endroit en toute l'Asie qui produise le cuiure que cettuy-cy tant seulement , comme nous l'auons desia dit ailleurs , lequel est le meilleur , & le plus fin de tous autres , apres celuy de l'Iberie. Le Turc en tire maintenant plus de quatre mille ducats de profit annuel. Or entre les autres vaisseaux , dont il y en auoit vn grand nombre en l'Arcenal de Synope , estoit vne nauire de port de neuf cens tonneaux , qu'Ismaël auoit fait faire : Mechmet l'emmena à Constantinople , où il en auoit fait bastir vn autre , le plus grand qui fust pour lors en toute la mer de Leuant , horsmis ceux des Venitiens & le galion d'Alphonse Roy de Naples & d'Arragon , le premier de tous qui entreprit vne si lourde & pesante machine ; & la mena à fin , portant bien quatre mille tonneaux. La Seigneurie de Venise apres auoir fait paix avec le Duc de Milan en fit d'autres , & le Roy desluidit en eut deux qui en grandeur & appareil , surpasserent tous ceux qui furent oncques. Mais s'estans de mal-heur venus inuestir dans le port mesme , ils se briserent , & ne purent iamais estre tirez en pleine mer. A l'enuy de tout cela Mechmet en voulut aussi faire vn iusques à trois mille tonneaux , lequel se perdit bien-tost apres par la trop excessiue grandeur du mast. Car auant esté dressé , & l'eau du tout épuisée par quatre cens personnes qui y trauaillerent l'espace de plusieurs iours , il se renuersa , & alla à fonds dans le port auant qu'en sortir : au moyen dequoy le Pilote s'enfuit craignant la fureur de Mechmet , mais cela aduint depuis.

XI.

A I N S I Mechmet s'estant assés de tous points de la contrée que souloit tenir Ismaël
fils

* Il y a autres
ce vingt my-
riades de sta-
teres d'argent
200000. sta-
teres , à dix
sols lesdites
100000. li-
vres courtois.
Les autres de-
font stateres
d'or , qui seroient
400000. ducats.
Le texte porte
20000. stateres
d'or , qui
font lesdits
40000. ducats.
Mais pour-
ce que cette
femme encode
la precedere du
reuenue entier.
L'estima qu'il
faut dire stateres
d'argent ,
toute fois ce ne
seroient que
14000. livres
courtois , qui est
bien peu , où il
faut lire en la
premiere stateres
d'or , & tel-
le seroit mon
opinion , car
le reuenue de
100000. li-
vres pour le
Prince de Sy-
nape estoit
trop peu de
chose.

fils de Scënder, tira outre pour aller trouuer Vſuncassan, combien qu'il eust fort volontiers
 donné auant tout ceuvre sur la Colchide pour auoir sa raison de l'Empereur de Trebizon-
 de, lequel s'estoit estroittement ligüé avec l'autre, luy auoit donné sa fille * en mariage,
 sous l'assurance qu'il l'affranchiroit du tribut qu'il souloit payer à Mechmet, si les Amba-
 sadeurs d'Vſuncassan n'eussent vſé de trop braues & hautaines paroles touchant ce point,
 & autres qu'ils auoient en leurs memoires & instructions; tellement que Mechmet les
 renuoya avec vne responce pleine de menaces, que bien-toſt ils connoistroient à leurs
 despens, ce qu'il leur falloit demander, & avec quel respect. Sur ces entrefaites, ainsi qu'il
 passoit par Cappadoce, Mustapha son fils aîné qui estoit Gouverneur d'Amasie, le vint
 trouuer avec force beaux presens: & à son arriüée s'estant prosterné en terre, luy baïsa la
 main, en tel honneur & reuerence qu'eust ſceu faire le moindre de son armée. Il auoit
 mené quant & soy Turgut, dont Mechmet auoit espousé la fille qu'il aymeroit singuliere-
 ment & estoit la seconde de toutes ses femmes à qui il monstroït le plus de priuauté, apres
 celle de sa chambre: Aussi fauorisoit-il fort le frere d'elle, lequel il menoit tousiours quel-
 que part qu'il allast. Apres doncques que son fils le fut venu ioindre par les chemins avec
 les presens, & qu'il eut passé la ville de Sebaſte, il entra dans le pays d'Vſuncassan, où il prit
 d'arriüée la ville de Coricum. Mais ainsi qu'il passoit tousiours auant sans arreſter nulle
 part, la mere d'iceluy Vſuncassan luy vint au deuant avec tout plein de fort belles & ex-
 quisſes beſongnes, faisant elle-mesme le deuoir & office d'Ambassadeur au nom de son fils,
 en telles paroles. Roy des Othomanides, fils du tres-redouté Amurat, ie viens (à la verité)
 de la part de mon fils, lequel est autant affectionné enuers toy que nul autre Prince ſçauroit
 estre, sans porter aucune enuie à cette tienne grande felicité qui t'accompagne en toutes
 tes entrepriſes, & si ne refuse point de te complaire, & gratifier en tout ce que tu voudras
 raisonnablement de luy: mais les choses que tu orras s'il te plaist, ô tres-excellent & diuin
 personnage, viennent de moy. A quelle occasion (ie te prie) est-ce que tu nous viens ainsi
 assaillir & persecuter, qui sommes vne mesme race, & vn mesme peuple avec toy? Ne ſçais-
 tu pas bien à quel party fuſt finalement reduit Bajazer le Foudroyant ton biſayeul, fils de
 cét autre inuincible Amurat, pour auoir voulu ſuiure vne ſemblable routte, & faire tant
 de maux à ceux de son ſang, & de ſa foy? Car la diuine vengeance eſtant entretenüe là-
 deſſus, le liura és mains de son ennemy, où il finit miſérablement ſes iours. A toy certes
 iuſques à l'heure preſente, pource que tu t'es benignement comporté enuers eux, sans
 leur faire outrage, Dieu t'a auſſi octroyé vne tres-grande proſperité, & affluence de tous
 biens; le tout à l'interceſſion de noſtre tres-sainct Prophete; t'ayant mis entre les mains vn
 ſi beau, ſi riche & puissant Empire, tant de Citez & de Royaumes, qui tous flechiſſent
 ſous ton commandement, & te redoutent. Or ie m'asſeure que tu n'ignores point, que
 ſi vne fois tu commence à mal traiter ceux de noſtre Religion, & leur courir ſus, il te meſ-
 aduiendra, & ne te ſera plus aucunement poſſible de vaincre tes legitimes ennemis. Iacoit
 qu'aucuns mal-heureux effrontez, qui ont & l'ame & la conſcience oblique, veulent
 maintenir qu'il n'y a point icy bas de Juſtice pour punir la deſloyauté des mortels, ains que
 tout le cours de la vie humaine, eſt conduit & mené à l'aduenture, & par cas fortuit. Ce
 qui ſeroit trop deſteſtable à imaginer ſeulement: car tout ce qu'un Prince legitime ou vn
 Tyran ſe propoſe, n'eſt pas licite & raisonnable pourtant, ſi cela n'eſt accompagné de rai-
 ſon & equité. Auſſi voyons nous que les deſtinées impartiffent à toute creature venant en
 ce monde l'une & l'autre fortune, auſſi bien la mauuaiſe comme la bonne. Ceux qui ont
 l'heur trop à ſouhait en cette vie, ſont finalement enuoyez là bas, liez & garrottez és pri-
 ſons perdurables, pour y ſouffrir des griefues peines & tourmens: Et d'autre part la diuine
 diſpoſition eſt couſtumiere de tenir ſoigneuſement la main à faire obſeruer & accomplir
 ce qu'on a promis par ſerment, & de chaſtier tousiours celuy qui y voudroit contrecuenir.
 Quant à toy, tu as de vray atteinſt vne telle felicité, que Prince aucun de tous ceux qui
 ſont viuans ſur la terre, ne ſ'y pourront pas meſurer: La raiſon en eſt toute prompte, pour-
 ce que tu as éraint & reueré le Prophete, & n'as iamais voulu enſraindre ce qu'une fois t'a
 ſemblé ſolemnel. Auſſi ton Empire ſe maintiendra, ſi tu poursuis de faire ainſi: car il faut
 nommément que chacun endroit ſoy demeure ferme iuſqu'à la mort ſans varier, en ce
 qu'une fois il aura voué & promis, ſoit à Dieu, ſoit au Prophete. Au moyen de quoy tu ne te
 comportes pas bien enuers nous, eſtans tels que nous ſommes; & ſuis certaine que la Par-
 que, qui a auſſi bien contracté avec toy, comme avec le moindre de tes eſclaues, ne nous
 laïſſera pas longuement aller vagabonds çà & là, deſpoüillez de noſtre iuſte & legitime heri-
 tage. Ainſi parla cette Dame: A quoy Mechmet fit vne telle responce. Ce que vous dites,

Vers 146.

* Desſſina Ca-
 son s'appelle
 cette Princeſſe
 Voyez la reſon-
 nance de Jean
 Marie Angro-
 llo au ſecond
 Tome de ſon
 ſer.

Mechmet en-
 tre dans les
 pays d'Vſun-
 caſſan.

Harangue de
 la mere d'V-
 ſuncassan à
 Mechmet.

Reſponce de
 Mechmet.

1461.

Paix entre
Mechmet &
le Roy de
Perse.

L'entreprise
de Trebizon-
de.

mere, certes il est veritable, & n'en suis point en doute : mais vous ne devez pas ignorer aussi, que toutes paches & conuenances fauorisent tousiours en quelque chose de plus aux Princes souuerains, que non pas aux personnes priuées. L'experience nous fait voir cela tous les iours, que si quelqu'un vient à outrager un sien voisin, il en faudra premierement informer, & prendre le tesmoignage de ceux qui peuuent parler du cas ; & puis apres on en fait la raison & iustice, selon qu'il appartient : ce qui ne se peut faire pour le regard des Princes & grands Seigneurs. Neantmoins nous l'auons obserué à l'endroit de vostre fils ; car auant que de luy courir sus, il a esté par plusieurs fois aduonesté de nous, qu'il se desistast de plus rien entreprendre sur nos pays & sujets, lesquels nous n'entendions point de luy laisser plus longuement en proye & abandon ; dequoy il n'auroit tenu conte, ains de gayeté de cœur se vient tous les iours ietter à la trauerse, pour mettre tout en trouble & combustion. Or en quelque sorte & maniere que cela soit allé, voicy ce que finalement nous voulons qu'il entende de nostre part ; à quoy s'il satisfait, nous retournerons promptement arriere, sans passer plus auant à la ruine & destruction de luy, & de son pays : C'est que d'oresnauant il s'abstienne de courir sus à ceux qui sont sous nostre obeissance & protection, comme il est coustumier de ce faire ; & ne s'empesche plus en façon que ce soit des affaires de l'Empereur de Trebizonde, pour luy donner secours, faueur ne support. Mechmet ayant mis fin à son propos, la mere d'Vlincassan luy accorda au nom de son fils tout ce qu'il demandoit : & fut par ce moyen la paix arrestée entre les deux Princes à celle fois. Parquoy Mechmet remmena son armée à la volte de Trebizonde, pour donner sus à l'Empereur Dauid : lequel apres le deceds de son frere, le Prince Iean qui auoit laissé un petit garçon de l'aage de quatre ans, ayant assemblé les Cabazitaniens qui commandent au Mezochalde pres de Trebizonde, s'estoit emparé de l'Empire, & en jouissoit alors. Tout au mesme instant, l'armée de mer qui n'auoit bougé du port de Synope depuis la reddition d'icelle, fit voile vers Trebizonde, costoyant la Cappadoce à main droite, & s'en vint surgir tout aupres, là où d'arriuée fut mis le feu aux fauxbourgs, & tint la ville assiegée par l'espace de trente-deux iours, premier que le grand Seigneur y arriuaist du costé de la terre : toutesfois encore enuoya-il deuant le Bassa Machmut, qui se logea en cet endroit qu'on appelle le Scylolymne, là où il s'aboucha avec le grand Chambellan George, cousin germain de l'Empereur Dauid : Et luy tint ce langage, pour faire entendre à l'autre de mot à mot. Empereur de Trebizonde, voicy ce que le grand dominateur & Monarque de tous les peuples de la Grece te fait dire. Vois-tu pas quels chemins nous auons passez, & quelles longues estenduës de terres nostre armée a arpenté tout expressement pour te venir faire la guerre ? Si doncques tu te soumetts à nostre discretion toy & ta ville, ne fais aucune doute de recompense de quelque autre region, ains qu'a eue le Prince Demetrie par cy-deuant seigneur du Peloponese, auquel nous auons fait de tres-grands biens, & donné plusieurs Isles : ensemble la belle & riche cité d'Aenus, où il vit maintenant à son aise en tout repos & seureté, hors de crainte, jouissant d'une felicité trop heureuse. Que si tu es si mal conseillé de refuser à nous obeir & complaire, & vouloir esprouuer l'effort & rigueur de nostre inuincible puissance, assure toy de voir au premier iour ta ville & toutes tes fortunes sans dessus dessous : car nous ne partirons d'icy que nous ne l'ayons prise, & fait mettre au trenchant de l'espee tous les viuans qui s'y seront trouuez. Cecy ayant esté rapporté à l'Empereur, il fit responce, que dès auparauant que le traité eust esté en rien enfrainct de sa part, & mesme lors qu'il relascha le frere du Seigneur, il estoit desia tout resolu de luy obeir, & se retirer en tel lieu qu'il luy plairoit ordonner. Ce qu'il auroit encore reconfirmé du General de la mer, afin qu'il n'endommageast cependant la contrée, car il estoit prest de se rendre aussi-tost que Mechmet seroit arriué. Et pria à cette occasion le Bassa de faire ses excuses & sa paix enuers luy ; sous condition toutesfois qu'il espouseroit sa fille, & luy donneroit un pays de semblable reuenu & valeur que celui qu'il laissoit. Machmut estant retourné au camp, s'en alla au deuant de son Maistre, pour luy faire entendre ce qui estoit passé, & l'informer au demeurant de ce qu'il auoit pu reconnoistre touchant le siege : dont Mechmet deueni plus fier & arrogant, ne vouloit plus prester l'oreille à aucune composition, ains se proposoit d'auoir la ville de force, & la saccager ; estant despité de ce que l'Imperatrix en fust sortie auant l'arriuée de son armée de mer, pour se retirer deuers son gendre Mamias. Mais apres qu'il eut mis l'affaire en deliberation au conseil, il fut aduisé que les deux Princes s'entre-verroient, & se donneroient la foy l'un à l'autre, d'accomplir respectiuellement les articles proposez ; en sorte que Mechmet ayant juré le premier, les laissaient entrer dans Trebizonde : & l'Empereur s'embarqua

s'embarqua avec ses enfans, & le reste de ses plus proches parens pour passer à Constantinople, où Mechmet les enuoya deuant. Quant à la ville, il la laissa sous la charge du Bassa de la mer, qui estoit Gouverneur de Gallipoly: Mais il mit vne garnison de Janissaires au chasteau, & vne autre d'Azapes en la ville. Et enuoya puis apres Chetir Gouverneur d'Amalie, pour se saisir des lieux circonuoilins, ensemble du Mesochale, que les Cabaziteens auoient tenu iusques alors au nom de l'Empereur de Constantinople, & de son fils; mais le tout vint finalement en la main de Mechmet, auquel ils se rendirent les vns apres les autres. Parquoy ayant par tout laissé de bonnes & fortes garnisons, tant de Janissaires que d'Azapes, il prit son chemin par terre, & eut de l'affaire à trauerser le pays des Tzanides, qui estoit fort & mal-aisé. A la parfin toutesfois il arriua à Constantinople, dont il fit enleuer l'Empereur Dauid à Andrinople, & s'y achemina incontinent apres.

Voilà comment fut prise la Cité de Trebizonde, & tout le pays de la Colchide reduit en la puissance des Turcs, qui estoit auparauant vn fort bel Empire, gouverné par les Grecs; dont il suiuiot en toutes choses les mœurs & façons de faire. Mais les Grecs, & tous les Princes & Seigneurs de la Grece, furent bien-tost apres du tout abattus: car Mechmet ayant mis le pied à Constantinople, vint de là tout soudain faire la guerre au Peloponèse, & consequemment prit l'Empereur de Trebizonde, avec tout son pays. Il departit le peuple en plusieurs sortes, & en retint vn nombre pour faire des Seliçtars, & des Spaoglans qui ne bougent point de la Porte; estans les vns employez au seruice & menues charges de la maison, & les autres reseruez pour l'usage de ses ordes & vilaines concupiscences. Il en enuoya aussi quelques-vns à Constantinople: Du reste il en fit des Janissaires, & des esclauues pour seruir es tentes & pavillons à la guerre. Mais parmy le total il choisit iusques au nombre de huit cens les plus beaux ieunes garçons, pour le supplement de ses gardes ordinaires. Au regard de la fille de l'Empereur, il la prit à femme tellement quellement, & non du tout en la sorte & maniere qu'il en auoit esté requis: ne tarda gueres neantmoins qu'il l'appella au rang de celles de la chambre, apres qu'il eust fait mourir son pere: & retint aupres de soy le fils du feu Empereur, frere de cettuy-cy, lequel estoit demeuré en fort bas aage lors que son pere deceda. Mais le Prince George, le plus ieune des enfans de Dauid, estant arriué à Andrinople se fit Turc, & s'accommoda à leur habillement & façons de faire; cela neantmoins ne le garentit pas que Mechmet ne le fist empoigner bien-tost apres, avec son pere & ses freres: Pour autant que la femme d'Vfincassan auoit escrit qu'on luy enuoyast l'vn des enfans de l'Empereur, ou bien Alexis Comnene leur cousin germain, qui estoit lors à Methelin: & les lettres tomberent de mal-heur entre les mains de Mechmet; à cause que le grand Chambellan George, les ayant premierement données au Gouverneur des Princes, lequel il scauoit bien n'estre ne traistre ne meschant, & dont l'Empereur se pouuoit fier, se r'aduisa soudain, & eut peur que s'il venoit à estre decelé d'auoir eu communication de cét affaire, le Bassa Machmut qui auoit tout credit & autorité aupres du Seigneur, ne luy fist faire quelque mauuais party, les retira & les luy donna. Mechmet les ayant leuës, n'en eut point bonne opinion, & fit prendre là-dessus l'Empereur & ses enfans; ensemble leur cousin, & les mettre tous en fort estroite garde. L'Infante fût aussi mise hors de sa chambre, comme dit a esté, mais apres auoir gardé les autres quelque temps il les mena à Constantinople, où ils furent finalement mis à mort. Quant aux ieunes garçons qu'il auoit enleuez de la ville de Trebizonde, & des lieux circonuoilins, les vns furent enrrollez au rang des Janissaires, les autres reseruez pour le seruice de sa personne; & le reste donnez à instruire en la discipline & institution des Turcs. A ses enfans, & personnages d'autorité il departit les filles vierges, horsmis quelques-vnes qu'il retint pour mettre en son Serrail, & d'autres qu'il maria à ses seruiteurs. Or l'Hyuer ensuiuant il ne bougea de Constantinople (où il auoit desia establi le siege de son Empire) à se donner du bon temps: & manda Vladus fils de Dracula Prince de Moldaue, dont il entretenoit le ieune frere: Toutesfois pour le commencement que cettuy-cy vint au Serrail, il y eut de la difficulté auant que le pouuoir faire ren-ger à luy complaire; & peu s'en fallut que là-dessus il ne tuast Mechmet, lequel se trouuant épris outre mesure de l'amour de ce ieune Prince, le fit appeller à part, & commença de luy faire tout plein de priuantez & caresses, pour tascher de le gagner: Ce que l'autre du commencement n'interpretoit qu'à bien, iusques à ce que l'ayant fait entrer en sa chambre, quand il vid que c'estoit à bon escient, & qu'on vouloit venir aux prises, dont neantmoins il se defendoit le mieux qu'il pouuoit, repoussant les infames atouchemens dont il estoit pressé, à la parfin il fut contraint pour ne scauoir plus comment se sauuer,

1461.

Qui est ren-
due à Mech-
met.

XII.

Perdition fi-
nale de la
Grece.

Departement
du peuple en-
leué de Tre-
bizonde.

L'occasion
principale de
la mort de
l'Empereur
Dauid Com-
nene & de ses
enfans.

Vladus, au-
trement Bla-
dus Prince de
la Valachie
Transilpino.

1462.

Ses cruau-
rez.

de mettre la main au poignard, dont il donna assez avant dans la cuisse à Mechmet, qu'il laissa là tout esparé, & gagna au pied cependant qu'on accourut au secours, tellement qu'il eut le loisir de grimper sur un arbre touffu, où il se cacha parmy les branches, & par ce moyen chappa cette première furie: Car la playe s'estant trouvée moindre qu'on ne pensoit, la reconciliation fut incontinent faite entre eux, pource qu'il se laissa aller à ce qu'on desiroit de luy. Si est-ce que Mechmet n'estoit pas si ardent apres les estrangers comme envers ceux de sa nation, dont peu luy eschappoient, au moins de ceux qu'il pouvoit sçavoir estre de quelque beauté & merite: & en avoit iour & nuict continuellement de grands troupeaux autour de luy; tant estoit outrageuse & demesurée la meschanceté de ce débordé personnage. Bien-tost apres en faueur de ce sien mignon, il donna la Moldavie à son frere Vladus, & luy tint la main pour l'en rendre paisible: Lequel tout aussi-tost qu'il en eut pris possession, mit sus une troupe de halebardiens pour la garde de sa personne, & s'estant fait le plus fort dans le pays, se saisit des plus apparens, dont il pouvoit soupçonner quelques changemens & reuoltes, pour raison de leur credit: mais il ne se contenta pas de s'en desfaire par quelque mort simple & legere, car il les fit empaler tous vifs; adioustant à la commodité de ses affaires une extreme cruauté de supplice. Au demeurant il ne pardonna à un tout seul de leurs familles, non pas seulement aux femmes & petits enfans: si grande fut l'inhumanité & la rage de ce Tyran, que nous n'en auons jamais oüy parler de semblable. Car pour s'asseurer de cette principauté, on dit qu'en peu de iours il fit mourir plus de vingt mille personnes, donna à ses gardes & satellites tout leur bien, ensemble les charges, offices, & dignitez qu'ils souloient tenir, en sorte qu'il eut bien-tost reduit les affaires du pays à une estrange & merueilleuse mutation: & si chargea quant & quant d'impositions tres-excessives indifferemment plusieurs Hongres, lesquels il mescrovoit de porter quelque affection aux affaires de ce pauvre & desolé pays, comme ayant interest de le voir reduit à un si piteux estat. Finalement, apres auoir estably sa domination, de sorte qu'elle luy sembloit désormais bien asseurée, il se mit à chercher les moyens de se soustraire de l'obeissance du Turc. Toutesfois le doute qu'il auoit du peuple, le tenoit aucunement sous bride, craignant que s'il remuoit rien de ce costé-là, quelque bon ordre & prouision qu'il eust donné à ses affaires, les Valaques, avec l'aide de ceux de Hongrie qu'ils ne faudroient d'appeller à leur secours, ne luy fissent quelques faux bon.

XIII.

Mechmet
soigneux d'a-
voir l'œil à
tout.Complot des
Turcs contre
Vladus.

Les choses doncques passoient ainsi pour ce regard: mais Mechmet durant le mesme Hyuer ayant eu le vent de tout, & comme Vladus conuoiteux de nouuelletez estoit apres à se rebeller, s'estant à cette fin accosté des Hongres, & fait nouvelle ligue & alliance avecques eux, en fut fort indigné. Parquoy il depescha un sien Secretaire, Grec de nation, nommé Catabolin, pour tascher à faire venir Vladus deuers luy, sous ombre de tout plein de belles choses qu'il luy deuoit dire de sa part: & mesme que s'il perseueroit en la fidelité & obeissance promise, & alloit baiser les mains au grand Seigneur, qu'il se pouvoit asseurer d'infinis autres plus grands auancemens & bien-faits. Cependant il manda à Chamus surnommé le Port-Espremier, auquel il auoit secrettement donné le gouuernement de la Valachie, & pourtant certuy-cy rodoit es environs du Danube attendant quelque occasion à propos, qu'il trouua moyen en quelque sorte que ce fust par astuce ou autrement, de prendre & luy amener Vladus; car il ne luy sçauoit faire seruice plus agreable. Le Secretaire conféra du tout avec Chamus en passant: & regardans par ensemble des moyens qu'ils auroient pour executer la volonté de leur Maistre, resolurent pour le plus expediēt de dresser une embusche à Vladus sur le chemin, lors qu'il viendrait à reconduire le Secretaire; lequel aduertiroit Chamus quand il seroit prest de s'en retourner. Le tout fut fait suiuant ce qui auoit esté aduisé, & l'embusche dressée en lieu fort & conuenable: quand Vladus, qui avec quelque nombre de cheuaux s'estoit mis aux champs pour accompagner le Secretaire & le lanilaire qui le conduisoit, ne se donna garde qu'il se vid enucloppé des Turcs: neantmoins sans s'effrayer de rien, apres auoir encouragé les siens, se saisit bien & beau de ces deux, & de ce pas tourna Chamus en fuite qui l'estoit venu charger à l'impourueu, tellement qu'il le prit luy-mesme, avec quelques autres encore, car il n'y eut pas grand meurtre. Tous ceux-là puis apres qu'il auoit pu empoigner en vie, il leur fit couper bras & jambes, & finalement empaler; mesmement Chamus qu'il fit mettre au lieu le plus enunent, selon son degré & dignité: Ce qu'il fit pour donner exemple à ses sujets, & les intimider d'entreprendre de telles choses, s'ils ne vouloient passer par le mesme chastiment que les autres. Cela fait, il assembla en diligence la plus grande

grande armée qu'il peut, & s'en alla droit au Danube, qu'il passa. Puis s'estant ietté d'une grande furie & impetuosité dans le pais de Mechmet qui est le long de cette ruiere, le courut, pilla & saccagea d'un bout à autre; & brulla tous les villages & hameaux, mettant à mort iusques aux femmes & petits enfans qui estoient encore dans le berceau. Apres doncques auoir fait infinies cruantez execrables, & laillé par tout des marques & enseignes d'une tres-piteuse desolation, il s'en retourna en Moldaue. Ces choses rapportées à Machmet, comme ses Ambassadeurs auoient esté inhumainement mis à mort par Vladus, & Chamus l'un des premiers hommes de la Porte executez d'un si horrible supplice, luy apporterent vn grand ennuy & creue-cœur, ainsi que l'on peut croire: mais ce luy eust bien encore esté vn plus grand tourment d'esprit, s'il eust esté contraint d'oultre-passer vn tel outrage sans en prendre vengeance; attendu l'orgueil & insolence d'un si petit compagnon, qui n'auoit point craint de mettre la main à ses Ambassadeurs. Cela aussi l'aigriroit d'auantage, que l'autre eust sans aucune occasion passé sur luy le Danube à main armée, brulé & saccagé les pais & sujets, & fait par tout vn si estrange rauage. Toutesfois la cruauté dont il auoit usé enuers ses seruiteurs, luy estoit plus à cœur que tout le reste de ses pertes: au moyen dequoy il depescha incontinent ses mandemens & commissions de costé & d'autre à tous les Capitaines, pour amener en diligence les gens de guerre qui estoient sous leurs departemens: & ainsi estoit apres à faire les preparatifs pour aller en la Valaquie. On dit là dessus, que le Bassa Machmut auant que les nouvelles certaines de la mort des Ambassadeurs & de Chamus, ensemble de ces bruslemens & ruines fussent arriuées, auoit fait entendre le tout à Mechmet; dont il entra en si grand colere qu'il le fit fouetter sur le champ, pour luy auoir fait ce rapport: Car ce n'est point d'ignominie à ceux au moins qui ont esté esclaués, & non pas les Turcs naturels) d'estre battus à coups de verges, si tel est le plaisir du Seigneur.

1462.

Mechmet assemble son armee pour se venger du Valaque.

Mais Mechmet depescha des courriers quand il en sceut la verité, pour aller faire assembler les forces, & meismement sa cavalerie. Or ont les courriers du Turc qu'on appelle Vlachi, cette coustume quand il est question de faire diligence, de n'espargner point leurs montures: car le premier passant qu'ils rencontrent, il faut qu'il mette pied à terre, & quitte là son cheual, prenant en lieu celuy qui est recreu, & ainsi relayent de main en main, comme si c'estoient postes assises. Mais de peur que le branle & agitation ne leur froisse l'estomac, à cause de l'extreme diligence qu'ils font, ils se serrent à trauers le corps fort estroitement avec vne bande l'arge: De sorte qu'en peu de temps ils font vn merueilleux chemin. Je sçay pour vray qu'un de ces courriers est autresfois venu en cinq iours depuis le Peloponese iusques à Andrinople, ce qu'à grand peine vn homme de cheual pourroit faire en quinze. Mechmet doncques apres auoir assemblé toutes les forces, se mit aux champs sur le commencement de la prime-verre pour aller en la Moldaue, avec la plus grosse armée qu'il eust point encore eue, hormis celle du siege de Constantinople: & neantmoins cette-cy estoit plus belle, & mieux equippee d'armes, & de tout autre appareil de guerre: car on dit qu'il y eut lors bien deux cens cinquante mille combattans en son camp; dequoy le bac & passage du Danube peut faire foy: parce que depuis on a sceu que les fermiers qui l'auoient pris à soixante mille ducats, * gagerent neantmoins beaucoup là dessus. Quant à l'armée de terre, elle prit le chemin de Philippopoli; mais Mechmet avec vingt-cinq galeres & quelques cent cinquante naufs qu'il auoit chargées de gens de guerre, monta sur mer, faisant voile par le Pont-Euxin droit aux bouches du Danube, & de là tira contremont en la Bibine, où il brulla tout ce qui se rencontra en chemin: parce que de fois à autre il descendoit à terre, comme les occasions s'en presentoient, & puis se rembarquoit derechef, tant que finalement il fit mettre le feu à la ville de Prailabum, la principale estape & apport de toute la Valaquie, là où la plus part des edifices sont de bois, & pourtant il est bien aisé de les reduire en cendre. Mais les Valaques ayans eu les nouvelles de la venue de Mechmet avec vne telle puissance, auoient retiré d'heure les femmes & les enfans, partie dans la montagne de Prasobe, partie en vne place merueilleusement forte, tant à cause du rempart & fosse qui est tout autour, que d'un marais qui l'environne, & la rend presque inaccessible. Ils en cacherent grand nombre quant & quant au profond des forests, où il n'est pas bien aisé de penetrer, si ce n'est à ceux du pays, qui sçauent les lieux & les adresses; Car ce sont de grands forts où il n'y a ne voye ne sentier. Ainsi les Valaques ayans mis en lieu de seureté ce qui leur estoit inutile à la guerre, mais le plus prochain de leur cœur, s'assemblerent autour de leur Prince Vladus, lequel departant ses forces en deux, en re-

XIIII.

Les courriers du Turc, & leur maniere de faire diligence.

* Il y a des textes treize myriades de stateres d'or qui remontoient à 600000 ducats. Parquoy ie pense qu'il faisoit lire d'argent, comme en un autre endroit cy-deuant, & cela monteroit à la somme de 1500000 ducats, ou bien au lieu de 30 livres, trois myriades de stateres d'or qui font 60 mille ducats.

1462.

** C'est la Po-
doie, des ap-
partenances du
Royaume de
Pologne main-
tenant.*

tint vne partie apres de soy pour faire teste au Duc de la noire Pogdanie, si d'aventure il se vouloit remuer à la faueur de l'armée Turquesque: de fait la guerre estoit desia allumée entr'eux, & auoit ce Pogdan enuoyé secrettement deuers Mechmet pour l'appeller à cette entreprise de la Valaquie, * offrant (pour tousiours le plus eslimouoir à cela) de se ioindre à luy avec toutes ses forces: à quoy il presta volontiers l'oreille, & luy manda de le venir trouuer, afin de s'en aller de compagnie mettre le siege deuant la ville de Celion située sur le bord du Danube, laquelle estoit des appartenances d'Vladus. Cettuy-cy ne fit faute d'assembler ses gens en toute diligence, & s'en vint deuant la place dessusdite, qu'eux deux tindrent assiegée par plusieurs iours: à la parfin toutesfois voyans qu'ils n'y pouuoient rien faire, ils furent contrains d'en desloger, apres y auoir perdu quelque nombre de gens; prenant le Pogdan son chemin pour entrer en la Valaquie, dont il fut empesché par cette portion de l'armée qu'on auoit enuoyée contre luy. Et cependant Vladus avec le reste de ses forces s'estoit ietté dans les forests, attendant de voir plus clairement ce que voudroit faire Mechmet, & quelle part il dresseroit son chemin: lequel apres auoir transporté tous ses gens outre le Danube entra dans la Valaquie, sans toutesfois mettre le feu nulle part, ny autrement endommager le pays, ce qu'il auoit tres-expressément deffendu, mais faisant marcher son armée fort aduilement & sous bride, pour raison de la difficulté des lieux les plus propres & commodés de tous autres à dresser des embusches, tira droit à la ville où les Valaques auoient retiré leurs femmes & enfans. Et eux le costoyoient par les bois & passages mal-aisez: tellement que tous les Turcs qui s'escartoient ne faillioient d'estre incontinent trouvez & sur le champ mis à quelque cruelle mort, sans remission aucune. Mechmet apres auoir entendu de ses coureurs, que personne ne se presentoit pour le combattre, & eu d'ailleurs aduertissement qu'Vladus n'auoit point de renfort du costé de Hongrie commença à le mespriser, & se tenir moins soigneusement sur ses gardes, se logeant en campagne rase, sans autrement fortifier son camp. Ce qu'Vladus ayant fort bien fait reconnoistre ainsi que les ennemis gaignoient tousiours pays pour le venir trouuer, enuoya deuers les Hongres son Ambassadeur pour leur remonstrer en quel estat estoient les affaires, & leur parla en cette sorte.

XV.

*Harangue de
l'Ambassa-
deur d'Vladus
au Conscil de
Hongrie.*

Vous nignorez point (comme ie croy) Seigneurs Pannoniens, que nostre pays est tout ioignant le vostre, & que les vns & les autres habitons au long du Danube. Vous auez aussi desia pû entendre (si ie ne me mesconte) comme le grand Empereur des Musulmans avec vne puissance inestimable nous est venu courir sus. Si doncques il gaste la Valaquie, & la reduit à son obeissance, sçachez pour vray qu'il ne s'arrestera pas, à si peu, estant mesme ses affaires paruenus à vn si haut degré de grandeur & prosperité humaine, mais ne faudra incontinent de s'attaquer à vous, & tourner à vostre desolation & ruine la faueur de ses armes, ennemies du nom Chrestien: dont ie ne fais doute que beaucoup de dangers ne se preparent, pour se venir avec le temps resprendre & descharger sur vos bras. Parquoy l'occasion presente vous semond à nous donner secours, afin que par ensemble nous taschions (& au plustost) de repousser ce commun aduersaire hors de nos frontieres & limites. Car il ne faut pas attendre qu'il nous ait acheué d'accabler du tout, & rengé nostre peuple à vne seruitude miserable, ayant avec soy le ieune frere de nostre Prince, qu'il tasche de nous donner pour Seigneur; ains se mettre en deuoir de l'empeschier, faisant en sorte que les choses ne luy viennent point du tout à souhait, selon son desir & intention. Il a mesme commencé de faire à ce ieune homme plus de faueurs que de coustume, quand il s'est voulu acheminer par deçà: l'a honoré, l'a auancé, & fait infinis presens, tant en accoustremens, qu'en argent comptant, & autres richesses. A quelle occasion tout cela, ie vous prie, sinon pour le gagner tousiours de plus en plus, & l'induire à semer des brigues & menées parmy nous, afin de le subroger au lieu de son frere; & qu'il nous rende tous esclaués aussi bien que luy, du Tyran auquel il s'est dōné du tout en proye, au tres-grand scandale de son honneur, & du nom Chrestien? Neantmoins il n'a pû encore faire rien enuers les Barons du pays, desquels il a esté fort vertueusement reiecté. Les Hongres, ces remonstrances ouïes, virent bien qu'il n'estoit plus question de temporiser, & se resolurent de secourir les Valaques en toute diligence: Parquoy ils se mirent sur le champ à leuer gens de costé & d'autres; tellement qu'en peu de iours ils dresserent vne grande armée. Et cependant Mechmet gaignoit tousiours pays, mettant le feu par où il passoit, & enleuant tout le bestail qui se pouuoit rencontrer: car d'esclaués, ses gens de cheual mesme n'en eurent que bien peu, au contraire ils ne faillioient d'estre empoignez toutes les fois qu'ils s'escartoient tant soit peu de la grande troupe. On dit qu'Vladus en habit

habit dissimulé vint luy-mesme au camp, pour voir à l'œil, & remarquer ce qui s'y faisoit & disoit : toutesfois cela neme semble pas vray-semblable, qu'il se fut voulu hazarder à vn tel peril, veu qu'il auoit assez d'autres espies dont il se pouuoit seruir en vne si dangereuse affaire : Aussi pourroit-il estre, que cela eust este inuenté pour magnifier dauantage la hardiesse de cet homme, qui à la verité fut l'vn des plus merueilleux de son temps. Mais cela est bien certain, que par plusieurs fois il vint tout de plein iour iusques à la veüe de l'armée reconnoistre l'assiette du logis, le nombre des tentes & paillons, & le quartier de Mechmet; ensemble le Bagestan, qui est la grande place où se tient le marché. Au reste il auoit enuiron dix mille cheuaux, combien qu'aucuns ayent voulu dire qu'il ne passoit pas le nombre de sept mille, avec lesquels il eut bien la hardiesse de venir sur le premier guet leur donner vn camusade bien chaude, là où il y eu de plein saut vn merueilleux effroy & confusion par tout le camp; pource que les Turcs estimoient, que ce fust quelque grosse armée d'estrangers qui leur estoient venus donner à dos, le mesme craignoit Mechmet encore. Au moyen dequoy tout leur sembloit desia plein de sang, de carnage, & de mort tres-espouuentable & horrible, ce que renforçoit l'obscurité de la nuict, laquelle ne leur permettoit de discerner au vray quelle chose se pouuoit estre, avec ce que le grand nombre de trompettes qui sonnoient de tous costez, empeschoient de s'entr'ouyr les vns les autres, si grand fust l'estonnement de cette subite & inopinée charge. Les Turcs toutesfois ne sortirent pas pour cela hors de leur camp, mais demurerent fermes chacun en la place qui leur estoit assignée dedans leurs tentes & paillons : Aussi n'est-ce pas leur coustume de se mouuoir, ne changer rien durant la nuict, soit qu'il y ait des larrons, ou que quelque bruit & tumulte suruienne. Puis les Chaoux alloient de costé & d'autre les admonester de ne s'estonner point, & que ce n'estoit autre chose qu'Vladus, lequel avec vne poignée de gens reduits au desespoir estoit venu faire sa derniere main pour sonder seulement leur courage : mais qu'ils en laissassent conuenir sa Hautesse, car luy-mesme le vouloit chastier de sa trahison & infidelité, s'estant ainsi rebellé sans occasion, apres auoir receu tant de graces & de bien-faits. Qu'ame doncques d'entre vous ne bouge (ce disoient-ils) & vous autres bons Musulmans ayez patience ce peu d'heures qui restent encore iusques au point du iour, que vous verrez sans que personne d'entre vous mette la main pour cela à son cimeterre, comme sera traité ce temeraire desloyal, avec son escadron de brigandeaux. Car si vous demeurez fermes, la querelle sera bien-tost demeslée, là où si vous vous effrayez, & venez à embarrasser les vns les autres, vous remplirez tout le camp de confusion, dont le grand Seigneur vous fera puis apres mettre à mort les beaux premiers. Ainsi alloient crians les Chaoux à haute voix par tous les quartiers, pour retenir la foye du peuple, qui ja commençoit à se resprendre de costé & d'autre en tumulte & desordre, sans sçauoir ce qu'ils faisoient : Surquoy ceux de l'Asie furent les premiers qui se trouuerent prests & arangez en quelque forme d'ordonnance, & se mirent en deuoir de faire teste. Mais ils quitterent bien-tost la place aux Valaques, lesquels ne se soucierent pas beaucoup de les poursuivre à cause des tenebres, qui ne leur permettoient pas de choisir tous les partis qui se pouuoient presenter : aussi que leur principale intention estoit de donner dans le logis de Mechmet, qu'ils cherchoient d'vne grandissime affection, avec force tortils & flambeaux allumez, qu'ils auoient apportez tout expres. Neantmoins le mal-heur voulut qu'ils faillirent, & s'adresserent à celuy des Bassas Machmut & Isaac, là où combattans d'vn grand effort couppoient les cordages, renuersoient tentes & paillons, & mettoient au fil de l'espee tout ce qui se presentoit au deuant, gens, cheuaux, chameaux, mulets, & autres bestes de charge. Cependant les Turcs qui commençoient desia à se rassurer, vindrent donner à trauers ceux qui s'estoient escartez, dont ils en tuerent quelques-vns, & rembarrerent les autres dans leur grosse troupe : laquelle n'ayant fait chose d'importance aucune, furent contrains de se retirer vers le Bagestan; car les Ianissaires firent lors vn fort grand deuoir, & cependant qu'ils soustindrent la plus grande furie de cette charge, donnerent loisir au reste de l'armée de prendre les armes, & monter à cheual : tellement que la meslée vint à se reschauffer fort aspre & criminelle. Et ainsi les Valaques ayans en teste les Ianissaires qui desia les pressoient fort, passerent par le marché où ils firent quelque ravage : & là-dessus le iour commença à paroistre, qui les fit retirer du tout, sans auoir perdu gueres de gens, non plus que firent les Turcs.

Mais Mechmet tout aussi-tost qu'on vid clair, choisit de chacune troupe les plus legers & deliures soldats, qu'il enuoya à toute bride apres les Valaques sous la conduite

1462.

Grande hardiesse d'Vladus.

Les Turcs pour alarmé qui leur suruienne de nuict, ne sortent point de leurs places.

Lâcheté des Asiaticques.

1462.

Haly-Beg
deffait les
Valaques a
leur retraite.

La crainte des
gens d'Vla-
dus enuers
luy.

Tefmoigna-
ge de Mech-
met touchant
Vladus.

Speſtacle
horrible.

Ses diſcours
ſur les cruau-
tez d'Vladus

Vigilance &
dextérité
d'Vladus.

de Haly-Beg fils de Michel, lequel les pourſuiuit ſi viuement à la piſte, qu'il les vint at-
teindre auant que de pouuoir gagner les bois; & les ayant chargez ſans marchander en
fit grand meurtre, & en ramena pres de mille priſonniers au camp, où Mechmet les
fit tous ſur le champ mettre en pieces en ſa preſence. Les Turcs auoient auſſi pris la
nuict vn eſpion d'Vladus, lequel fut amené à Mechmet: & l'ayant interrogé de quel
pays il eſtoit, & d'où il venoit à telle heure, il fit reſponce de point en point à tout ce
qu'on luy voulut demander, iuſques à ce qu'on l'enquit des affaires de ſon maistre, & s'il
ne ſçauoit point où il s'eſtoit retiré: il dit qu'oüy, & que de cela il en pourroit bien par-
ler à la verité, s'il vouloit, mais qu'il ſe garderoit bien d'en rien dire; ſi grande eſtoit la
crainte & la frayeur qu'il auoit de l'offencer. Et comme on fuſt venu à le menacer de
mort, s'il ne declaroit franchement ce qu'il en ſçauoit; il repliqua que de luy il eſtoit tout
preſt à la receuoir, mais au reſte qu'il n'oſeroit pas ſeulement auoir penſé d'ouu-
rir la bouche pour en reueler vn ſeul mot. Mechmet tout eſbahy de le voir ainſi plus appre-
hender la crainte d'un peril incertain & abſent, que les tourmens & la mort qui luy
eſtoient deuant les yeux, ne ſe peut tenir de ſ'eſcrier tout haut: Que ſi ce perſonnage,
qui tenoit les ſiens en vne telle crainte & obeïſſance, auoit quelque notable armée entre
les mains, il ſeroit pour faire bien-toſt de belles choſes, & acquerir vne fort grande
reputation: Et là-deſſus commanda qu'on depeſchaft cet opiniaſtre. Cela fait, il deſlo-
gea ſoudain pour tirer droit à la ville capitale d'Vladus; n'oubliant de faire tous les ſoirs
bien clorre & fortifier ſon camp tout à l'entour, d'une large trenchée, & d'un bon
rempart en dedans: car le danger où il s'eſtoit trouué à faute de cela, le faiſoit plus ſoi-
gneuſement penſer à ſoy; ſi bien qu'il tenoit iour & nuict la plus grand' part de ſon ar-
mée en garde: finalement il entra dans la Valachie, iuſques tout aupres de la ville deſ-
ſuſdite, où les habitans qui ne voyoient ne rime ne raiſon de ſ'obſtiner à tenir contre vne
ſi groſſe puïſſance, auoient deſia ouuert les portes pour le receuoir dedans: & luy, cui-
dant qu'on l'eust abandonnée, pource qu'il ne voyoit perſonne ſur la muraille, ny deſa-
cher vn ſeul coup d'arquebuſe ou de fleſche, paſſa outre: Et trouua là aupres les corps
de ſes Ambaſſadeurs encore attachez au pax où ils auoient eſté fichez ſur le grand che-
min; ce qui luy fut vn renouvellement de courroux & douleur. Parquoy les ayant fait
deſpendre & inhumer, il s'aduança enuiron vne lieuë & demie, là où il rencontra le
carnage qu'Vladus auoit fait de ſes propres ſujets; choſe horrible & eſpouuentable à
le voir de loin ſeulement. Car c'eſtoit vne place quelque peu releuée, & deſcouuer-
te de tous coſtez, ayant plus d'une bonne lieuë en longueur & demie de large; toute
plantée de potences, de pax, de rouës, & de gibets hauts eſleuez à guiſe d'une fuſtaye
drue & eſpoïllée; le tout chargez de corps humains cruellement martyriſez, ſelon ce qu'on
pouuoit encore apperceuoir à l'angoiſſe de leurs hideux viſages, eſquels la mort auoit
empraint l'enormité de leur douleur & tourmens: N'eſtimans pas en moindre nombre
que de vingt mille: ce qui rendoit de tant plus le ſpeſtacle eſfroyable & hideux à voir;
car il y auoit iuſques à de petites creatures executées aux mammelles meſmes de leurs
meres, où elles auoient eſté eſtranglées, & y pendoient encore: Et les oyſeaux inſa-
mes, dont l'air eſtoit obſcurcy & couuert tout ainſi que d'une groſſe nuée, auoient deſia
fait leurs aires dans le creux des ventres dont ils auoient deuoré les entrailles. Mechmet
quant à cela, eſtoit bien d'un naturel autant cruel & ſanguinaire que nul autre eut ſceu
eſtre; & neantmoins quand il vid qu'une ſeule rage & forcenerie d'un petit compa-
gnon, auoit ſurpaſſé de beaucoup toutes celles qu'il euſt oncques fait en ſa vie; d'un
coſté eſtoit remply de ſi grande merueille qu'il ne ſçauoit que dire, & de l'autre, au-
cunement touché de pitié & horreur: diſant à part ſoy que non ſans cauſe eſtoit ainſi
craint & redouté de ſes ſujets, celui qui auoit eu le cœur de commettre vne telle inhu-
manité: Et que mal-aïſément pourroit-il eſtre depoiſſédé de ſon pays, puis qu'il ſçauoit
ainſi uſer de ſon autorité, & de l'obeïſſance de ſon peuple. Puis tout ſoudain ſe re-
prenoit; ne penſant pas qu'on deust faire conte d'un tel bourreau. Les Turcs meſmes
qui contemploient ce tant horrible & criminel cimetiere, iettoient de grandes im-
precations contre Vladus: lequel ne ſe ſouciait pas beaucoup de tout cela leur eſtoit in-
ceſſamment ſur les bras, tantost ſur les flancs, tantost à la queue de l'armée: tellement
qu'il ne ſe paſſoit iour qu'il n'en miſt à mort vn grand nombre, & ne leur fiſt quelque no-
table & ſignalé dommage, auſſi bien ſur les gens de cheual, comme ſur les Azapes, ſi tant
ſoit peu ils ſ'eſcartoient. Et eſtant ſa principale intention de donner quelque bonne eſtre-
te au Duc de la Noire Pogdanie pour ſe venger de luy, il laſſa ſix mille cheuaux pour ſui-
ure

ute & costoyer tousiours l'armée des Turcs, par les bois, & pays couverts, dont ils scauoient tres-bien les adresses, sans toutesfois se hazarder à aucun combat, mais seulement continuer à les traualier, & troubler ceux qui se debanderoient, là où ils verroient le jeu estre seur: & luy avec le reste de ses forces s'en alla droit vers la ville de Kilie, que l'autre auoit enuelpée, comme nous auons desia dit.

Ces six mille cheuaux furent bien aises de n'auoir plus personne qui les contreroi-
last & retint de faire quelque braue action, comme ils se le promettoient; & s'atten-
dant que de pleine arriuée ils mettroient les ennemis en routte, dequoy ils se pourroient
acquérir vne gloire & reputation immortelle, ne firent rien de ce qui leur auoit esté
ordonné; mais au contraire s'en allerent la teste baissée attaquer les Turcs, tout ainsi
que s'ils eussent voulu combattre en bataille rangée, là où soudain les sentinelles donne-
rent l'alarme, & le camp se trouua incontinent prest, horsmis les Ianissaires de la Porte
qui ne bougerent: Aussi n'ont-ils pas accoustumé de se mouuoir legerement, si ce n'est
à vn grand besoin: toutesfois le Bassa Machmut enuoya Iosephe pour les reconnoistre,
& tascher de les attirer à l'escarmouche le plus auant qu'il pourroit, & cependant il se
tint à cheual avec le reste des forces qui estoient sous son regiment. Quant à Iosephe, il
alla de vray attaquer les Valaques fort viuement, comme si à son arriuée il leur eust deu
passer sur le ventre: mais cela ne dura gueres, & tourna tout incontinent le dos, fuyant
luy & les siens à bride abbatue, quand Omar fils de Thuracan qui auoit esté enuoyé pour
le soutenir, luy escria de loin, Et où fuystu ainsi vilainement lasche & failly de cœur que
tues? De quel oeil penes-tu que le Seigneur te verra? n'attends-tu pas d'estre beaucoup
plus cruellement traité de luy que des ennemis propres, & qu'il ne te face mourir hon-
teusement, tout aussi-tost qu'il sçaura que tu te seras ainsi porté en sa presence? Ces ro-
proches & autres que luy fit Omar le retindrent, & inciterent de retourner avecques
luy au combat, là où il se porta assez mieux qu'il n'auoit fait à la premiere charge; en for-
te qu'ils mirent à leur tour les ennemis en routte, dont sans prendre personne à mercy,
ils en tuerent bien deux mille, ausquels ils coupperent les testes, & les ficherent au bout
de leurs lances, puis s'en retournerent ainsi victorieux deuers Mechmet. Il donna sur le
champ le gouvernement de Thessalie à Omar, combien que Mazal * fust encore en vie,
lequel estoit à la suite du camp, avec vne troupe de braues hommes. Voila l'issue qu'eust
la seconde temerité & outrecuidée hardiesse des Valaques: lesquels avec si peu de gens
auoient osé enuahir vne autrefois, & en plein iour encore, vne telle puissance. Parquoy
Mechmet eut lors plus de liberté de courir le pays à son aise, & le piller, fourrager, &
prendre forces ames, moyennant sa caualerie qui s'espandoit au long & au large sans plus
trouuer de resistance, au moins qui fust à craindre: tellement que ses gens se firent ri-
ches: car le butin du bestail seulement arriua à bien 200000. chefs, que de bœufs, que de
cheuaux. Et ainsi chargez de despoüilles reprirent le chemin du Danube, qu'ils repasse-
rent à grand' haste: combien qu'il n'y eust personne qui leur y donnast empeschement.
Car les Valaques quelque bonne mine qu'ils fissent, se monstrans tantost d'un costé, tan-
tost d'un autre, ne les osoient plus toutesfois attaquer, ayans esté faits sages par les deux
autres rencontres. Aussi que Mechmet auoit ordonné à Haly fils de Michel de demeu-
rer sur la queue, pour faire plus seurement sa retraite. Il laissa par mesme moyen Dra-
cula frere d'Vladus au pays, pour faire des brigues & menées, & tascher de s'en empa-
rer d'une façon ou d'une autre: Afin aussi que le Saniaque qui y demouroit pour conti-
nuer la guerre, peust estre assisté & secouru de ses moyens: & apres auoir ainsi disposé
toutes choses, il s'en retourna à Constantinople. Cependant Dracula suiuant la charge
qui luy auoit esté donnée, trouua maniere de parler aux principaux, & à ceux qu'il pen-
soit auoir quelque autorité & credit, ausquels il tint vn tel langage: Que pensez-vous
finalement deuenir (Seigneur Valaques) n'avez-vous pas senty à bon escient quelle
est la puissance du grand Seigneur? Ignorez-vous que vous ne l'avez continuellement
sur les bras? Car il vient d'autres forces toutes fraïches, qui acheueront de ruiner ce pays,
& piller tout ce qui y est demeuré de reste. A quel propos doncques refusez-vous son
amitié & bien-veillance? Cherchez (ie vous prie) de retourner en la bonne grace, & en
ce faisant vous mettrez vne fin à vos maux & calamitez: & ne verrez point deuant vos
yeux renuerser vostre pays de fonds en comble, pour estre désormais vne solitaire habi-
tation de bestes sauages tant seulement. Car vous sçavez bien que vous n'avez plus de
bestail, ny de cheuaux, dont vous vous puissiez ayder: & toutes ces desolations vous les
auez souffertes pour l'amour de ce cruel & inhumain tyran; ie ne sçay comment ie le

14621

XVII.

Six mille che-
uaux Vala-
ques attra-
quent l'ar-
mée de Mech-
met.

Iosephe mis
en desroutte
par les Vala-
ques, est se-
couru par
Omar.

Deffaite des
Valaques.

* Autrement
Michel.

Meueilleux
nombre de
butin, si le
texte n'est
corrompu,
lequel porte
20. myriades.

Remonstran-
ce de Dracula
aux princi-
paux de Va-
laquie.

1462.

Reuoite des
Valaques cō-
tre Vladus, le-
quel est con-
traint de se
retirer en
Hongrie.

pourrois appeller frere, tant il vous a mal-heureusement traité, voire fait de ce pauvre peuple la plus horrible & detestable boucherie dont on ait oncques ouï parler. Par telles paroles, & autres secrettes menées qui se faisoient avecques ceux qui estoient venus rachepter les prisonniers, il en attira beaucoup à sa deuotion. Aux autres il fit dire, que sans auoir crainte de rien, ils pouuoient en toute seureté venir parler à luy: lesquels finalement se resolurent tous d'un accord, qu'il estoit plus expedient pour le pays & pour eux d'obeir à Dracula, & l'auoir pour Seigneur, que non pas son frere Vladus. Parquoy ils commencerent peu à peu à se retirer deuers luy, attirans par leur exemple le reste du peuple à faire de mesme: si bien que Dracula se trouua en peu de iours vne bonne troupe de Valaques, tous gens de fait, avec lesquels, & la garnison des Turcs qui auoit esté laissée sur les frontieres, il commença à conquerir pied à pied le pays, & le rengier à l'obeissance de Mechmet. Vladus voyant que ses sujets l'auoient abandonné pour aller à son frere, & que ce ne seroit que perdre temps de se vouloir opiniastrer de les retenir; mesmement que cette grande execution qu'il auoit faite pour se penser asseurer de l'Estat, luy nuisoit plus qu'elle n'aidoit, quitta là tout & se retira en Hongrie.

FIN DV NEVFIESME LIVRE.





LE

DIXIESME LIVRE DE L'HISTOIRE DES TVRCS, DE LAONIC CHALCONDYLE

ATHENIEN.

SOMMAIRE, ET CHEFS PRINCIPAUX du contenu en ce present Liure.

- I. *Emprisonnement & mort d'Vladus, pour auoir tyrannisé ses sujets : L'entreprise de Methelin, dont le Seigneur auoit fait mourir son frere aisné pour jouyr de son heritage : & un discours des affaires de l'Isle, ensemble de celle de Sicyo occupée par les Geneuois.*
- II. *Le siege de Methelin, & reddition d'icelle ; avec vne harangue fort pitoyable du Prince à Mechmet, lequel le fait finalement mourir, quant & un sien cousin qui luy auoit aydé à son parricide ; nonobstant qu'ils se fussent faits tous deux Turcs pour sauuer leurs vies.*
- III. *Baslimens & preparatifs à quoy s'employe Mechmet durant le sejour de l'Hyuer, ne pouuant demeurer oysif : Description des Illyriens, & peuples adiacens ; & l'occasion qu'il prend de leur guerre.*
- IV. *Voyage de Mechmet en l'Illyrie, qu'il range à son obeysance, partie en personne, partie par ses Lieutenans : dont le Bassa Machmut prend la ville de Clitzie, avec le Seigneur du pays dedans ; lequel ayant esté amené à Mechmet, il le fait quelque temps apres escorcher tout vif.*
- V. *Description de la Cité de Rhaguse, & de sa police : La guerre que fit Sandal aux Rhagusiens, pour auoir retiré sa femme & son fils, qui le depossede de son Estat ; & ce qui en aduint.*
- VI. *Mechmet apres auoir raclé tout le reste de l'Illyrie, s'adresse aux terres de Sandal, & des autres Seigneurs ses voisins, lesquels il emmene prisonniers : les Venitiens & les Hongres excitez de cet exemple qui les touchoit de si pres, se preparent pour luy faire la guerre.*
- VII. *Harangue deliberatiue excellemment belle du sieur Victor Capelly à la Seigneurie de Venise, pour leur persuader de rompre l'alliance faite avec Mechmet, & prendre les armes contre luy.*
- VIII. *Les Venitiens à la pluralité des voix s'estans resolus contre le Turc, & depeschent en Hongrie pour faire declarer le Roy, & se ligner avec eux : Les remonstrances de leurs Ambassadeurs là-dessus, & la responce qu'ils emporterent.*
- IX. *Armée maritime des Venitiens, au comparoistre de laquelle tout le Peloponese s'esleue : la prise de la ville d'Argos : closture du destroit de l'Istme, siege de Corinthe : mais en vain : & la reuolte de Sparthe, anciennement dite Lacedemone.*
- X. *Le Bassa Machmut ayant esté depesché du Turc avec les forces de l'Europe pour secourir le Peloponese, contraint d'arriuer les Venitiens de l'abandonner, & recouure ce qu'ils auoient pris. Histoire prodigieuse du deuoir pitoyable d'un baus enuers le corps de son maistre.*
- XI. *Lettres d'Asan aux habitans de Sparthe pour retourner à l'obeysance du Turc : & la prise de Methelin par l'armée des Venitiens.*

1462.

I.

Vladus appelé en Iustice pour ses mauvais comportements, est constitué prisonnier à Belgrade.

L'entreprise de Methelin

• Deux mille fateres d'or.


Corfaires Espagnols enlèvent de Lesbos.

Francisque Catalusio épouse la sœur de l'Empereur Calixte, & eut l'Isle de Methelin en fateres de mariage.

• Maintien de la justice.

• Quatre-vingt fateres.

L'Isle de Chio engagée premièrement aux Genevois, & puis prise par eux de force.



E VOYAGE de Mechmet contre les Valaques eut vne telle issue. Et Vladus sentant que son frere Dracula approchoit, conquerant pied à pied toute la Moldaue, se retira en Hongrie, où ceux dont il auoit fait mourir les parens & amis l'appellerent en Iustice, deuant le Roy Matthias fils de Huniade, & y eut iugement donné contre luy fort rigoureux, sur les tyrannies, oppressions, & cruautéz dont il auoit vscé enuers ses sujets : Puis fut mené à Belgrade & mis en vn cul de fosse.

Mechmet d'autre costé depescha vn courrier pour aller faire apprester son armée de mer, & assembler les gens de guerre au long de la marine. Car l'Esté n'estant point du tout dehors, il se deliberoit pour ne perdre point inutilement la saison qui restoit encore propre à faire la guerre, d'aller enuahir l'Isle de Lesbos avec ses Ianissaires, & autres domestiques, & quelques troupes de l'Europe qu'il emmenoit quant & luy; toutesfois en petit nombre. Or celuy qui estoit pour lors Seigneur de cette Isle, la tenoit des Princes Orthodoxes, de leur grace & beneficence particuliere, à quatre mille ducats * de tribut annuel dès le temps que Paitogles Gouverneur de Gallipoly sous le dernier Amurat, y estant abordé avec son armée de mer, la pillà, & en emmena grand nombre d'esclaves, y ayant pris la ville de Calloné riche & opulente; puis s'en estoit retourné avec son butin. Les Seigneurs Turcs l'auoient encore auparauant fait tributaire quand & celle de Chio, lors que Ianus Capitaine des Ianissaires fut ordonné pour y aller, lequel se mit en deuoir de prendre de force la ville de Molybe, qu'il assiegea fort estroittement, toutesfois il n'y pût rien faire: & dit-on qu'Amurat l'enuoya là, pource que le Prince auoit receu & fauorisé en ses ports les Arragonnois, qui faisoient le mestier de Corsaires; & achepté d'eux vn grand nombre d'esclaves qu'ils auoient enleuez sur les terres des Turcs, dequoy il faisoit vn grand profit: De vray les Arragonnois partans de Lesbos de Conserue, avec ceux des Isles Cyclades qui s'aydoient de la mesme profession, venoient à infecter toute la mer de brigandages, par le moyen de leurs flustes & galliottes: tellement que toutes les costes de l'obeissance d'Amurat demeuroident presques despeuplées; & puis apres se retiroient à garand dedans cette Isle, chargez de tres-grandes richesses, là où ils partageoient le butin qu'ils auoient fait, duquel ils faisoient part au Prince. Toutes lesquelles choses s'estans rapportées à Amurat, il s'apprestoient pour luy aller courir sus: Mais Dominique, que les Grecs appellent Cyriaque, le plus ieune des deux Seigneurs de l'Isle, trouua moyen sur ces entrefaites d'empoigner son frere aîné, auquel le pere l'auoit laissée par testament, de sorte qu'il en auoit desia juy par vn long-temps, & le donna en garde à vn Geneuois nommé Baptiste, qui luy auoit assisté à cette conspiration, puis le fit mettre à mort; demeurant à cette occasion seul possesseur de l'Isle, moyennant les quatre mille ducats de tribut enuers Amurat, & à quoy il fut taxé. La race, au reste de ses Seigneurs de Lesbos ou Methelin qu'on appelle les Catalusiens, semble estre descendue des Geneuois qui vindrent autresfois au secours de l'Empereur de Constantinople, & luy firent de grâds seruites en ses plus pressés & importantes affaires: En reconnoissance dequoy il la leur donna, comme pour vne marque & tesmoignage perpetuel de leur vertu. En ayans pris possession, quelque temps apres ils allerent assaillir la ville d'Ænus en Thrace, sur la riuere de Hebrus; car les habitans pour l'indignation qu'ils auoient conceüe à l'encontre du Gouverneur, appellerent les Catalusiens à leur secours, qui la prirent & garderent fort bien; estans lors les affaires des Grecs en de grands troubles & combustions, pour raison des partialitez de leurs Empereurs. Toutesfois il semble que cette Isle de Methelin * auoit long-temps auparauant esté sous l'obeissance d'iceux Catalusiens Geneuois: car elle respondoit au Gouverneur de la Phocéë en Asie, nommé Catanes, qui l'auoit prise d'emblée: mais l'Empereur la luy osta tout incontinent, & si luy alla encore faire la guerre chez luy. Les Catalusiens puis apres estans venus à son secours (comme nous auons dit) il la leur redonna, & la garderent longuement depuis, iusques mesme à nostre temps: Car ayans contracté plusieurs alliances, tant avec les Empereurs de Trebizonde, que les plus grands Seigneurs de la Grece, ils se renforcèrent si bien qu'on ne leur osa rien demander. Cette Isle a tousiours esté fort bien gouvernée, & n'est distante de terre ferme de l'Asie que d'environ deux lieues & demie. * Chio pareillement a esté de longue-main sous la puissance d'iceux Geneuois, non qu'ils l'ayent conquise à force d'armes, mais pource que les Empereurs de Constantinople s'estans trouuez courts d'argent, à cause des grandes guerres qu'ils eurent à supporter tout

à vn

à vn coup contre les Perses, & les Bulgares, furent contraincts d'emprunter vne grande somme de deniers d'un nommé Martin, auquel ils l'engagerent : & puis apres l'ayant remboursé la retirerent de luy. Mais les Geneuois amorcez de la beauté & delices du lieu, ne demurerent gueres à y retourner avec bon nombre de galeres, & la prirent. Ce ne fut pas toutesfois de l'autorité, ny du sceu & consentement du Senat, ne du peuple que cette entreprisse fut faite, mais du propre motif de neuf ou dix maisons de Gennes, qui s'associerent ensemble pour venir à la conqueste de cette Isle, & deslors d'un commun accord gouvernerent en fort grand repos la ville de Chio, se monstrans en toutes choses fort gracieux & modestes à chacun qui auoit affaire à eux. Par traict de temps puis apres les plus riches y acheterent des heritages & demeures, principalement à cause du reuenue & profit qui se tiroit du mastice, dont cette Isle située en la mer Egée produit vne grande abondance. Elle est encore plus approchée de la terre ferme d'Asie que n'est celle de Methelin, n'y ayant que deux petites lieues * de trajet : & est iusques à aujourd'huy gouvernée par les neuf familles qui premierement la conquererent, avec quelques autres qui acquerirent de nos Empereurs le reste des places. La ville principale nommée Chio, est l'une des belles & mieux instituées qui soit en toutes les Isles de ces mers là, & le peuple autant deuot & religieux : y ayant de grands reuenus, si bien que le profit est presque incroyable qu'en tire par chacun an ceux qui l'administrent.

1462.

L'an 1346.
Voyez Iustinian.

L'Isle de Scyo
abondante en
mastice.

* 17. stades.

MECHMET doncques pour les occasions dessusdites s'en alla courir sus au Prince de Methelin, ayant encore outre le recellement des Pirates vn autre pretexte de luy faire la guerre fort pregnant, à sçauoir le meurtre de son frere, qu'il auoit à la verité assez malheureusement mis à mort pour jouir de son heritage, & vouloit (ce disoit-il) venger cette desloyauté & trahison, laquelle il n'estoit point honneste à tout Prince de gentil cœur de laisser ainsi crouppir impunie si pres de soy. Parquoy apres qu'il fut passé en Asie, il prit son chemin par terre avec ses Lanières ordinaires, & quelques deux mille autres hommes de guerre qu'il auoit amenez de l'Europe; costoyant son armée de mer qui pouuoit estre lors de vingt-cinq galeres, & de quelques cent vaisseaux ronds, sur lesquels on auoit chargé les victuailles, artillerie, munitions, & autre equipage de guerre, avec bien deux mille boulets, pour passer le tout en l'Isle; où ils ne furent pas plustost descendus, qu'ils coururent d'un bout à autre tout le plat pays: Toutesfois le butin ne fut pas grand, ny d'esclaves, ne d'autre prise, pource qu'à vn instant tout fut retiré dans les villes & places fortes. Mechmet là-dessus enuoya l'un de ses Chaoux deuers le Prince, pour le sommer de luy rendre l'Isle, & qu'en recompense il luy donneroit ailleurs d'autres terres de meilleur reuenue: dequoy il ne tint conte, se trouuant (peut-estre) mal mené alors de quelque mauuais esprit, ou plustost des furies propres de son parricide, qui luy troubloient l'entendement; de sorte qu'il ne pouuoit discerner le peril qui le menaçoit de ce refus. Sa response fut ouïe, Mechmet fit soudain descendre son artillerie en terre, mais il se retira quant à luy hors de l'Isle par le conseil & exhortement du Bassa Machmut general de l'armée, de peur qu'il n'aduient inconuenient de sa personne, pource que ceux de dedans auoient quelques pieces qui portoient assez loin: Et cettuy-cy ayant fait ses approches commença la batterie, qui dura l'espace de vingt-sept iours continuels, pendant lesquels ils deschirerent estrangement la courtine & les tours, & mirent bas vn grand pan de muraille & de rempart. Il y auoit aussi des mortiers qui tiroient à coup perdu dans la ville, où ils accabloient les maisons, & tuoient par chacun iour plusieurs personnes. Ce qui mit vn grand espouuement parmy mesme les gens de guerre, qui ne sçauoient ou se mettre à couuert, pour se sauuer de l'impetuosité de ces grosses bombardes, lesquelles iettoient des boulets d'un calibre demesuré. Neantmoins ils faisoient des faillies de fois à autre, à la faueur de quelques Pirates qui furent surpris & enveloppez là-dedans; gens de guerre, & prompts à la main, qui sçauoient bien ce que c'estoit de se trouuer en telles affaires: & firent quelque dommage aux ennemis. Mais le nombre d'iceux estant grand, & se rafraischissans d'heure à autre aux continuelles gardes qu'ils faisoient presque dedans le fossé, dont ils auoient leué tous les flancs, les autres se trouuerent à la parfin reduits à telle extremité, que le sieur de l'Isle se voyant aculé, & pressé de toutes choses necessaires pour resister à la longue, & hors de toute esperance d'auoir secours, fut contrainct d'enuoyer requerrir Machmut de le receuoir aux conditions qui d'arriuee luy auoient esté proposées. & en ce faisant qu'il rendroit la ville, ensemble toutes les places & forteresses qui en dépendoient: Dauantage, que de là en auant il obeiroit aux commandemens du grand Seigneur, quelque part qu'il luy ordonnast de le suivre & accompagner à la guerre,

II.

Mechmet
Prince rusé,

Descente des
Tures en l'Is-
le de Metheli-
lin.

Mortiers ti-
rans des ba-
les demesu-
rées.

1462.

Harangue du
Prince de
Methelin à
Mechmet.

Rend la pla-
ce.

Cruauté ef-
pouventable.

avec le plus de gens qu'il pourroit faire. Le Bassa fit responce qu'il en aduertiroit volontiers son Maistre pour entendre sa volonté là-dessus : lequel en eut tel plaisir & contentement, craignant de faillir cette entreprise, qui de vray eut tourné à vne trop grande importance & preiudice pour sa reputation, que sur le champ il repassa en l'Isle pour faire la composition luy-mesme. Le Prince apres que les seuretez eurent esté données d'une part & d'autre, sortit de la ville accompagné de quelques siens favoris, & fut conduit deuers Mechmet pour luy aller baiser la main en son pavillon, où il estoit en sa pompe & magnificence. S'estant là prosterné à ses pieds, il luy parla en cette sorte. *Tu sçais assez, Seigneur, comme depuis que ie suis entré en la possession & jouissance de cette Isle, ie n'ay iamais enfreint en rien que ce soit le respect & obeissance qui t'estoit due, & ne me sçau-roit personne arguer d'auoir oncques fausé ma parole, ne contreuenu à chose que t'eusse promise. Or quant à ceux qui ont esté pris sur les terres de ta Hautezse, on pourra aisément sçauoir des habi-tans de l'Asie, comment ie m'y suis gouverné, & si n'y en ay receu un seul : car creature n'est arri-née icy se reclamant de son heureux nom, que ie ne l'aye sur le champ fait mettre à pleine & entie-re deliurance ; ayant soigneusement tousiours l'œil à cela, que ce qui auroit esté pris sur les Turcs, fust rendu à ceux qu'il appartiendrait. Si t'ay au demeurant receu des corsaires en mes ports, ç'a esté pour m'exempter des maux & dommages qu'ils me pouuoient faire ; & ne se trouuera point que ie leur aye iamais fait ouuerture, ne donné un seul moyen d'aller sur tes terres : s'ils l'ont fait autrement, ç'a esté sans mon sçeu, ie le te iure & certifie sur la foy que ie dois à mon Dieu. Et neanmoins nonobstant toutes ces innocences, il faut que t'aye encouru ta male grace, & sois maintenant réduit à te quitter ma ville, mon pays, & mon peuple ; tout le bien & substance que m'auoient laissé mes ancestres pour le maintienement de ma vie & de mon Estat, sans oncques auoir fait chose, pour laquelle un pauvre Prince deust ainsi à tort & sans cause estre desherité. Mais puis qu'il plait à la fortune, ie te supplie à tout le moins, Seigneur, que suiuant ta magna-nimité accoustumée, attendu que ie me suis ainsi franchement soumis à ton vouloir ; & fice sur ta simple parole, que les conditions qui m'ont esté promises soient accomplies : & ne permets, toy qui es le cœur si noble & genereux, qu'un homme de maison illustre aille çà & là vagabond par le monde, mendier son pain le reste de ses iours. Ces paroles, & autres pleines de grande compassion proferoit-il à chaudes larmes, estant tousiours à genoux deuant Mechmet : adioustant que ce n'auoit point esté par opiniastrété de vouloir contester contre vne telle puissance, la plus grande de toutes les autres, s'il n'auoit obey à sa premiere sommation, mais par la temerité de la commune, & les exhortemens des corsaires, & de quelques au-tres mutins qui les auoient animez à tenir bon, craignans la rigueur de sa iustice. Mech-met, apres l'auoir aigrement repris & tanté, qu'il eust esté si presomptueux d'oser seule-ment contredire au moindre de ses commandemens, luy dit au reste qu'il ne se fouciast, & que demeurant en la fidelité & obeissance qu'il luy promettoit, il deuoit esperer de plus grandes choses, que celles qu'il luy remettoit entre les mains. Et là-dessus monta à cheual pour aller prendre possession de la ville, & en mettre le peuple dehors : enuoyant gens avec le Prince pour receuoir les autres places & forteresses de l'Isle. Par toutes lesquelles ils mirent sur le champ des soldats en garnison, pour empescher les rebellions & surprises. Au regard des habitans, il laissa le menu populaire qui n'estoit pas pour rien innouer ne entreprendre sur les lieux, tant pour le labourage des terres, qu'autres commoditez du pays, le reste furent en partie faits esclaves, & departis aux Ianissaires : les riches & plus grands, il les enuoya à Constantinople, pour tousiours d'autant repeupler la ville. Mais il fit amener tous les corsaires qui pouuoient estre quelques trois cens, en vne place hors des murailles, & les executer tres-cruellement en sa propre presence. Car pour leur faire mieux sentir la mort, & qu'ils languissent dauantage, on les couppoit en deux moitez par le faux du corps à l'endroit du diaphragme, d'un seul coup de cimeterre bien trenchant & affilé, artifice certes trop inhumain ; de faire ainsi souffrir à un mesme corps le cruel senti-ment de deux morts tout-ensemble pour l'auoir séparé en deux parts pleines de vie ; les-quelles on pouuoit voir horriblement se demener par quelque espace de temps, avec des gestes tres-espouventables & hideux, à cause des angoisses & tourmens qui les pressoient. Il mit au reste deux cens de ses Ianissaires de sa garde dedans la ville de Methelin, avec trois cens Azapes pour la seureté d'icelle ; & y laissa pour Gouverneur le fils de Samblates, qui de son viuant auoit esté Cadilescher, c'est à dire l'un des plus grands Preuosts de la Porte, homme de toute integrité, & en reputation d'auoir tousiours fait autant bonne iustice, que nul autre qui fut oncques au seruire des Otthomans employé en pareille charge. De fait il ne laissoit rien passer impuny qui eust merité chastiment, & si estoit parmy cela*

fort

fort moderé & pitoyable touchant la peine, & le supplice des delinquans: se contentant d'oster la vie à ceux qui l'auoient desleruy, sans les desesperer par l'inhumanité & violence des martyres. Quant au Seigneur de l'Isle, Mechmet l'enuoya à Constantinople avec tout son bien, dont il ne luy fut alors fait aucun tort; mais il retint pour soy bien huit cens que filles que garçons, des meilleures maisons de l'Isle, qu'il emmena quant & luy, ensemble toutes les galeres qui y estoient, ne laissant aux habitans que de petites barques pour l'usage de la pescherie, & pour passer de costé & d'autre, tant en terre ferme, qu'aux Isles circonuoisines où ils auoient affaire. La sœur du Prince, veſue de feu Alexandre Comnene, laquelle Mechmet auoit prise auparauant au pays de la Colchide, fut par luy mise dans son Serrail; car de son temps il n'y eut vne si belle Dame en toutes les parties du Leuant, ne qui en ce cas se peust parangonner à elle. Son mary estoit decedé à Trebizonde, ayant eu vn fils d'elle, lequel Mechmet emmena apres auoir pris la ville, que ce n'estoit encore qu'un petit enfant, mais depuis il le fit le plus grand de sa Cour apres Bizantius, le frere d'Amurat. Il donna aussi en mariage la fille de l'Empereur nommée Anne, au Zogan Gouverneur de la basse Macedoine, luy permettant neantmoins de viure en sa Foy & creance; & quand il deſmit iceluy Zogan du Peloponese, il luy osta quant & quant cette Princesse, & la donna au fils d'Alban: mais quelque temps apres il luy prit opinion de l'auoir pour soy-mesme, & la contraignit lors d'abandonner sa Religion, & se faire Turque. Or il ne tarda gueres depuis qu'il fut de retour du voyage de Methelin, qu'il ne fist mettre le Prince prisonnier: Je ne ſçay pas ce qu'il pouuoit auoir fait, si d'auenture on ne vouloit dire que de longue-main il auoit la dent sur luy, à cause de l'ennuy qu'il s'estoit tousiours ingeré de faire à la maison des Orthomans. Toutesſois il y en a qui donnent vne raison plus particuliere de ce mauuais traitement; c'est qu'un des Pages du Serrail s'estant desobé s'enfuit à Methelin, là où cettuy-cy le retira, qui le fit baptiser, & en estant devenu amoureux, en abusa. Quelque temps apres que l'Isle fut prise, & qu'il eust esté mené à Constantinople, ce ieune garçon ayant esté oublié, & pris avec les autres, fut présenté à Mechmet: lequel indigné du fait (car les Pages ses compagnons le reconnurent incontinent) fit mettre le Prince en prison, avec un sien cousin germain nommé Lucius, Seigneur d'Aenus, lequel estant encore fort ieune, luy auoit assisté au massacre de son frere, & à l'vsurpation de l'Estat. Ainsi ayans esté compagnons en cette meschanceté, ils le furent bien-toſt apres de leur prison, là où se voyans tous deux en tres-grand danger de leurs vies, sans ſçauoir plus à quel Sainct se vouier, furent contrains de renier leur Foy, & se faire Tures. Mechmet les fit tout incontinent circoncire, & prendre le Doliman, & le Tourban: mais ils ne joiſyrent pas long-temps de cet eſlargissement, ains furent bien-toſt referrez & mis en un cul de fosse, dont ils ne sortirent oncques puis, sinon quand on les mena au supplice pour leur trencher la teste.

1462.

Le Prince de Methelin mis en prison, puis à mort.

Impieté inutile & bien-toſt vengée de la Iuſſice Diuine.

VOILA en ſomme les deux voyages & expeditions que Mechmet fit celle année: Premièrement contre les Valaques, tant que la saison demeura propre pour demeurer en campagne; & de là en l'Isle de Methelin: tellement que les froidures estoient desia bien auancees quand il retourna au logis. Le reste de l'Hyuer, il le passa à faire faire des vaisseaux, & equipper vne groſſe armée de mer; eriger des Mosquées, & bastir des Palais: se delibérant d'accommoder Constantinople pour sa demeure, & y dresser un Arcenal pour le ſejour des vaisseaux qu'il deſſeignoit de là en auant mettre sus, & les tenir preſts à toutes les occasions qui ſe presenteroient: car il pensoit bien de ſe rendre maiſtre & ſuperieur de ſes voiſins, si vne fois il ſe faisoit le plus fort par la mer. Il auoit aussi desia pris opinion de faire vne forteresse, la plus belle de toutes autres, apres celle de Lemocopie en Propontide, laquelle finalement il edifia ioignant la porte qu'on appelle dorée, & bastit encore d'autres tours fort grandes & admirables à voir, ensemble tout le dedans du Serrail; & vne autre tour encore à l'entrée du pont des Scopiens sur la riuere d'Axius: plus vne fort belle maison de plaifance à Andrinople au delà de la riuere de Tanarus, à l'endroit où elle ſe va aſſembler à celle de Hebrus: & deux chasteaux sur le deſtroit de l'Helleſpont, l'un en Aſie aupres de Maditum, & l'autre vis à vis en l'Europe, lesquels ferment le paſſage, & gardent l'aduenue de Constantinople & de la mer mayor, où d'auantage l'on pouuoit tenir un grand nombre de vaisseaux pour la ſeureté de toute la coſte. Il fit mettre en chacun trente pieces de groſſe artillerie, & tout plein d'autres de moindre calibre, qui battoient d'un bord à autre à fleur d'eau, de ſorte qu'il estoit impoſſible d'entrer en ce deſtroit ſinon à la mercy de ces deux forteresses: & estoient contrains tous les vaisseaux qui abordoient à celle part, d'aller mouiller l'ancre en l'un des deux, & ſe laiſſer reuiſiter

III.

Bastimens de Mechmet.

1463.

à la discretion du Gouverneur. Mechmet fit cela en partie pour la guerre que desia il auoit proiettée contre les Venitiens, à celle fin que s'il luy suruenoit quelque desastre par mer, il eut moyen de se retirer à sauueré: mais il ne se declara point contre eux que tous ces ouvrages ne fussent en deffence. L'Esté ensuiuant il s'en alla faire la guerre aux Illyriens; c'est vn peuple fort ancien, lequel habite le pays qui se va rendre à la mer Ionie, ayant esté autresfois en fort grande estime, & faisoient de tres-belles choses: On l'appelle maintenant la Bosnie. Les Dalmates, Myliens, Triballiens, & Sarmates^{*} vsent presque d'un mesme langage que ceux-cy, ^{*} pour le moins ils s'entendent les vns les autres: toutesfois il est vray-semblable que premierement ils soient sortis des contrées qui s'estendent vers la mer Ionie, & dit-on que ce fut en bien petit nombre, mais ils ne laisserent soudain d'acquiescer vn grand bruit: car ils subiuguèrent la Thrace, & de là ayans passé le Danube, s'arrestèrent finalement en la Sarmatie. Il y en a d'autres qui veulent dire qu'ayans esté chassés de leurs contrées par les Tartares, ils se retirerent au pays qui est habité au delà du Danube; d'où s'estans iettez dans la Thrace, & icelle conquise, ils se vindrent habiter sur le golphe dessusdit. Mais ie ne me puis assez esbahir de ceux qui veulent que ces Illyriens soient les Albanois, quasi que les Illyriens qui tiennent le golphe de l'Ionie, soient passez en cette terre-ferme, & en l'Ætolie, & la region de Theilachie. Au demeurant la contrée qui prend depuis la ville d'Epidamne iusques au golphe Carnique, peut contenir quelques cent lieues ^{*} ou enuiron, toute habitée de gens qui vsent d'un mesme langage: & s'aduance bien auant en pays iusques à la riuere du Danube, là où elle va atteindre les terres de Sandal, ayant de costé & d'autre les Triballiens & Myliens pour voisins. Toutes lesquelles choses ie dis poussé de cette coniecture, que les Illyriens sans aucune doute sont paruenus à vn fort grand pouuoir, & se sont espandus en plusieurs endroits de la Thrace: tellement que ie le croirois plustost deuoir estre appelez Illyriens qu'Albanois. Et si ie m'accorde quant & quant, à ceux qui les disent auoir pris ce nom de la contrée, car estant separez en plusieurs parties, les vns ont retenu vn langage: les autres vn autre. Et pour autant que maintes manieres de gens y habitent, de parler tout differend, cela me fait penser qu'ils ayent esté appelez Illyriens. Ce que j'ay bien voulu toucher icy, pource que quelques-vns ont opinion que la raison que i'assigne de cette appellation ne soit pas des mieux fondées; à sçauoir du pays qu'ils habitent ils soient ainsi nommez: & que les Albanois doiuent estre plustost referez entre les Macedoniens, que nul autre peuple: mais c'est assez de ce propos. J'appelle doncques les Illyriens ceux qui habitent ioignant la mer Ionie, iusques à la haute Ilirie ou Esclauonie (ainsi est dite la contrée qui s'estend le long du golphe iusques à la pleine mer:) & fut contre ^{*} les Seigneurs d'icelle que Mechmet (ainsi que nous auons dit cy-dessus) entreprit la guerre pour cause du refus qu'il luy fit de payer le tribut accoustumé. Car ayant enuoyé deuers luy vn Commissaire pour le receuoir, il fit apporter en sa presence les cinquante mille ducats à quoy il se montoit, en luy disant: Voila de vray l'argent qui est tout prest, mais mon conseil n'est pas d'aduis que ie me doie ainsi desfaillir d'une telle somme, pour en accommoder vostre Maistre, parce que s'il luy prend opinion de me faire la guerre, j'auray au moins de quoy me deffendre quelque espace de temps: Et si (à tout euenement) ie suis contraint d'abandonner le pays, ie m'en pourray honnestement entretenir le reste de mes iours. L'autre luy fit response, que cela ne seroit que bien à propos pour luy que ce thesor ne sortist point de ses coffres, si cela se pouuoit faire sans contreuenir à sa promesse & violer les conuenances: mais si pour vne conuioitise d'argent il vouloit fausser sa foy & parole, & que de ce parjurement il voulust attendre quelque heureux succez, il seroit à craindre que tout le rebours ne luy aduint. Car de posséder à la bonne heure vn tel thesor: cela ne pouuoit estre que bon, mais de s'en desfaire, plustost que d'irriter celui par le moyen duquel il l'auoit acquis, ce seroit encor le meilleur. Ces propos neantmoins ne le persuaderent pas, au moyen de quoy l'autre s'en retourna sans rien faire. Cela auoit meu Mechmet à entreprendre cette guerre tout au mesme temps que celle de Valachie, dont nous auons parlé cy-dessus, mais il fust contraint de remettre certuy-cy à l'année ensuiuant, qu'il assembla à Andrinople toutes les armées de l'Asie & Europe sur le commencement du Printemps, & se mit en campagne pour aller en Illyrie, se delibérant de donner par mesme moyen sur les pays de Sandal fils bastard de celui qui auoit auparauant commandé aux Illyriens: là où s'estans meues des querelles & partialitez entre les fieres, qui aspireroient chacun de son costé à l'Estat, ils remirent finalement la decision de leurs differends à Mechmet, lequel l'adiugea à Sandal, ordonnant à Isaac Gouverneur des Scopiens voisin de là,

^{*} C'est le premier Lybun.
De l'origine des Illyriens, ou l'origine.

^{*} 1000 lieues.

^{*} Le bastard du Prince Illyrien qu'il depouilla de son Estat.
Bontemps & le Iouis.

L'occasion de la guerre de la Bosnie.

delà, de l'assister de tel secours dont il auroit besoin pour entrer en possession. L'ayant doncques accommodé d'une grosse armée, il commença de faire la guerre à ses freres; & à gaster le pays, dont les Turcs qui estoient là aupres sceurent fort bien faire leurs besongnes, & enleuerent sous ce pretexte plusieurs milliers d'esclaves, qui furent soudain transportez en Grece, & en Asie. Car deslors que Mechmet eut enuoyé vne Colonie au pays des Scopiens, & que Iosué fils d'Isaac fut par luy continué au gouuernement de son pere, on tira plus grand nombre d'ames qu'on n'eust iamais pensé pour vne telle Prouince, qui ne contient en longueur à la prendre depuis les Triballiens, & la riuere de Dorobize, iusques au domaine de Sandal, & le golphe de l'Ionie, sinon vingt-cinq lieues * en tout: Il est bien vray qu'en sa largeur plus grande, dont elle va atteinde les Pannoniens, & les mesmes Triballiens, elle a bien soixante bonnes lieues. * Aux Triballiens commence la region d'Isaac: Celle de Paule suit apres, les villes duquel arriuent iusques aux Illyriens; & auoient ces gens icy au precedent fait la guerre contre les Seigneurs Othomans, tantost avec les Triballiens, tantost avec les Hongres: mais s'estans depuis reconciliez aux Turcs, ils les guiderent eux-mesmes pour aller piller les pays espandus tout autour de l'Illyrie; & de là transporterent la guerre contre les Triballiens: le Prince desquels se ressentant de cette iniure, alla assieger quelques-vnes de leurs places, puis s'accorderent ensemble. Sandal aussi de son costé les estoit allé assaillir avec l'armée Turquesque, & leur auoit desia porté vn grand dommage: tellement que par despit de cela, s'estans cruellement animez les vns contre les autres, eux-mesmes appellerent des Ianissaires à leur secours, & acheuerent de ruiner leur pays. Car de tous les deux costez on prenoit iournellement grand nombre d'esclaves, qui estoient tout soudain destournez au loin: & ainsi cette pauvre contrée souffrit en peu de temps vne merueilleuse desolation. Sur ces entrefaites Isaac, & Paule ayans fait ligue ensemble, enuoyerent offrir leur ayde au Prince des Illyriens, car aussi bien auoient-ils delibéré de se declarer du tout contre Mechmet, si les Hongres se fussent tant soit peu voulu remuer, & eussent eu le cœur d'entreprendre quelque chose contre luy.

Mais ne se donnant pas beaucoup de peine des conseils de tous ces petits compagnons, il se mit aux champs avec son armée, & s'en vint passer la riuere Dorobize, qui separe les Triballiens d'avec les Illyriens, & de là marcha outre iusques à celle d'Ilirissus, qui est naugable, où les bagages & les personnes passerent sur des nasselles & radeaux bastis sur les lieux, & les cheuaux à nage. Car on dit qu'il y eut bien à celle fois cent cinquante mille cheuaux de combat, outre grand nombre de Ianissaires & Azapes, tous gens de pied: & vne infinité d'autre peuple, lequel ne combat point, mais suit le camp pour le seruice & commodité d'iceluy. Car il n'y a nation en tout le monde, comme nous auons desia dit ailleurs, qui mene à la guerre vn plus grand carriage, ne plus de valetaille & de bestes de voicture, que font les Turcs. Estant doncques cette grande caualerie passé outre la riuere d'Ilirissus, elle inonda soudain tout le plat pays, ny plus ny moins que quelque gros torrent débordé, remplissant tout de pillages, ruines & captiuité, où il se peut trouuer de quoy prendre: & s'en vint finalement Mechmet mettre le siege deuant la ville de Dorobize, forte à merueilles, & mal-aisée à approcher à cause de sa situation, qui est au haut d'une montagne bien fascheuse: mais il mit vn si grand nombre de pieces en batterie, & tant de mortiers qui tiroient à coup perdu, qu'en peu de iours elle luy fut rendue par compolition. Il y laissa partie des habitans, partie il les departit aux principaux de son armée, & enuoya le reste pour peupler Constantinople. Cela fait il commanda au Bassa Machmut de se mettre deuant, avec toute la fleur & eslite des forces de l'Europe, pour essayer de surprendre le Prince des Illyriens, en certain lieu où l'on disoit qu'il s'estoit retiré; se confiant sur vne eau large & profonde qui couroit entre-deux, laquelle il ne pensoit pas que les Turcs deussent passer, n'estant gueable en aucun endroit: & il auoit fait destourner tous les batteaux, & autres commoditez qui leur eussent pû seruir à cela. Mais le Bassa faisant vne extreme diligence par vn chemin à l'escart vn peu plus long que le commun, arriua au second iour à vn endroit où cette riuere se fourche en trois bras: & là il comença à exhorter ses gens en cette sorte. *Gentils Musulmans, c'est à ce coup qu'il faut que vous-vous monstriez gens de bien, & que chacun de vous s'esuertue de faire parquière la volonte qu'il a de faire seruice au Seigneur pour l'execution de sa gloire. Qu'on voye doncques qui sera le premier à passer cette eau, afin de monstrier le chemin aux autres, car là consiste tout l'abbregement de cette guerre. Et ne faut pas douter que sa Hauteesse ne le reconnoisse par infinis biens-faits & faueurs qu'en receura celui à qui la fortune, & sa hardiesse en donne-*

1463.

* 250 stades.

* 2000 stades.

IV.

L'armée de Mechmet à l'entreprise de la Bosnie.

Dorobize se rend à luy.

Harangue du Bassa Machmut à ses gens.

1463.

Hardiesse
d'Omar.Iaitie rendue
à Mechmet.Situation de
la ville de
Clytie.

Qui capitule.

V.
• Fille du Des-
pote de Serbie,
Eleazar.L'occasion de
la guerre de
Sandal avec
les Rhagu-
sins.

ront la grace. Il n'eut pas plustost proferé ces paroles, que sans attendre autre commande-
ment vous les yeussiez veu ietter en foule à corps perdu, quelque apparence de danger qui
y pùst estre. Mais le premier de tous fut Omar fils de Thuracâ Gouverneur de la Thessalie,
lequel avec les siens passa à nage à l'autre bord, & tous les autres le suivirent, qui s'espan-
cherent incontinent à trauers champs, là où ce Prince des Illyriens estoit encore avec quel-
que nombre de chevaux, attendant ce que les Turcs voudroient faire; car il ne les guidoit
pas deuoir estre quittes à si bon marché de ce passage. Et craignant que s'il se mettoit en
deuoir de se sauuer à la fuite, il ne fust bien r'atteint par vne si grande caualerie, legere au
possible, & fort vstée à faire de longues traictes, tout troublé & esperdu qu'il estoit, s'alla
inconsiderement ietter dedans la ville de Clytie, où le Bassa l'assiegea sur l'heure. Mech-
met cependant prit le chemin de Iaitie, ville capitale de tous les Illyriens; & s'estant
campé là deuant, les habitans sans faire autre resistance luy vindrent au deuant offrir
les clefs & le supplier de les prendre à mercy: Car tout aussi-tost que les nouuelles furent
sceuës de la prise de Dorobize, la plus forte & inexpugnable place de toutes les autres,
l'espouuementement en fut tel, que chacun à l'enuy d'estre le premier s'efforça de se ren-
dre; esperant par ce moyen de receuoir vn meilleur & plus gracieux traitement. Ainsi les
principaux Bourgeois de Iaitie s'estans venus presenter à Mechmet, se rendirent à sa
discretion; le suppliant tant seulement de leur laisser la forme de viure accoustumée, &
qu'au reste ils luy demeureroient bons & fideles sujets, prests d'obeir à toutes les charges
qu'il leur voudroit imposer. Ce qu'il leur octroya: & estant entré en la ville, mit vne
bonne garnison au chasteau: Puis choisit quelque nombre d'enfans des meilleures mai-
sons, qu'il retint pour son seruice, & en departit d'autres à ses fauoris. Mais pour retour-
ner à Machmut qui auoit enclos le Prince des Illyriens dans la ville de Clytie, à la verité
cette place est située en lieu fort marescageux, car il y a tout plein de lacs à l'entour qui
empeschent de l'approcher, & seroit vne entreprise trop grande, voire vn labeur pres-
que insupportable de les penser mettre à sec: Neantmoins le mal-heur voulut qu'à celle
fois ils se trouuerent tous taris des chaleurs de l'Esté qui auoient esté excessiues, si bien
que Machmut reconnut incontinent tout plein d'endroits, par où l'on pouuoit aller à
pied ferme iusques sur le bord du fossé, avec ce qu'il y auoit grande quantité de cannes
& roseaux, dont les Turcs se seruirent à rabiller les passages plus mal-aisez, & faire des
fassines pour combler le fossé. Or desia estoient-ils tous prests à y mettre le feu, qui se
fust facilement attaché aux pieces de bois entassées les vnes sur les autres en forme de
muraille; quant ceux de dedans se voyans en tel peril, firent signe du rempart de vouloir
parlementer; & là-dessus se rendirent à composition leurs vies & bagues sauues, tant
pour eux que pour leur Prince; qui auroit de cela vne seurété signée de la main du Bassa,
avec serment solemnel de la luy faire garder & maintenir par son Seigneur, de qui il re-
presentoit la personne. Ces conditions acceptées tout ainsi que les Illyriens le requièrent,
la place fut renduë au Bassa, lequel laissa semblablement le commun peuple la dedans
pour y habiter, mais il departit la ieunesse à ceux qui auoient le mieux fait: Et furent les
gros de la ville menez à Mechmet quant & le Prince & vn sien frere, qui n'auoit pas en-
core treize ans accomplis.

V. SA femme * s'estoit desia auparauant retirée à Rhaguse, pour s'exempter des perils
& inconueniens de la guerre, & y auoit porté de grandes richesses du consentement mes-
me de son mary. * Que s'il nous est permis de dire icy en passant quelque chose de cette
ville qui est assez fameuse, elle est en premier lieu située sur le golphe Adriatique, ha-
bitée de longue-main par les Illyriens qui autresfois s'assemblerent là, tous gens de mar-
que & de noble sang, lesquels viuans par ensemble en vne fort grande paix, amitié, &
concorde, la rendirent en peu de temps tres-belle & florissante, & l'environnerent de
fossez & de fortes murailles: Puis s'estans mis à exercer le trafic de la marchandise
tant par la terre que par la mer, amasserent en fort peu de temps vn fort grand bien. Ils ont
là dedans leurs vs & coustumes à part, & viuent selon leurs loix sous vne forme d'Aristo-
cratie, c'est à dire le gouvernement des plus apparens & mieux famez citoyens. Car
entre les autres choses qui luy ont donné bruit, elle est coustumiere de produire de bons
cerueaux & des gens fort sages & aduisez, qui la decorent bien plus que tous les beaux
Palais & edifices qui y sont. Le pays de Sandal arriue iusques aux portes, lequel eut n'a-
gues ie ne scay quoy à demesler avecques eux pour raison de sa femme. Cette Dame
avec vn sien fils encore tout ieune adolescent, ne pouuans plus supporter les rigoureux
traictemens de son mary, s'y estoit retirée: Et Sandal les leur ayant enuoyé redemander,

on

on ne les auoit pas voulu rendre, parquoy il leur denonça la guerre. Les Rhagufins de l'opinion de tous esleurent pour leur chef ce ieune Prince, & firent vne bourse commune pour employer aux frais, tellement qu'ils receurent beaucoup mieux l'ennemy qu'il ne cuidoit. Or ce qui meut la mere & le fils de faire cette retraite, (fut à ce que l'ay oüy dire) pource que la femme d'un marchand Florentin qui traffiquoit en ces quartiers-là, y arriua par cas d'auenture; belle entre les plus belles, gentille, & de fort bon esprit; comme ont accoustumé d'estre tous ceux de Florence. Sandal qui estoit d'amoureuse complexion en fut incontinent aduerty: & voulant voir si ce que l'on disoit des femmes d'Italie estoit veritable, n'eut pas plustost iecté l'œil dessus qu'il s'en picqua, de sorte que tout à l'instant il oublia & l'amour & le deuoir qu'il souloit porter à sa femme, pour se donner du tout en proye à cette nouuelle amante: laquelle estant femme de bonne composition, ne se fit pas longuement faire la cour. Et luy soudain qu'il en eut tasté y prit vn tel goust, que de là en auant il commença à traicter sa femme d'une autre façon qu'il ne souloit, voire plus indignement assez que sa vertu, & le lieu dont elle estoit issuë ne requeroient. Ce qui fut cause que cette Princesse qui estoit de grand cœur, ne pouuant comporter vn tel tort & iniure, se retira à Rhaguse avec son fils. Sandal enuoya incontinent apres pour tacher à la rappaiser, de peur que demeurant ainsi separée de luy, cela ne fust cause de le scandaliser enuers le monde: mais elle ne voulut retourner, ny le Senat de Rhaguse l'exclurre de leurs murailles, que prealablement il n'eust abandonné sa concubine: sinon, qu'il en jouist à la bonne heure, & s'en faoulast tout a son aise. Voila comme l'on dit que les choses passerent pour ce regard: Tellement que le fils estant animé à l'encontre du pere, & esleu chef des Rhagufiens, il se mit en campagne pour aller droit à luy: là où il y eut bataille donnée, laquelle il gagna, & contraignit les ennemis de prendre la fuite, apres en auoir mis à mort vne grande partie sur la place. Chose à la verité vn peu douloureuse, quelque pretexte & apparenc^e de raison qui y sceust estre: car il ne se contenta pas de la victoire, par le moyen de laquelle il s'empara sur l'heure de l'heritage dont aussi bien il deuoit jouir quelque iour, mais depescha deuers Mechmet pour l'inuiter à prendre les armes avecques luy contre le Prince des Illyriens, en quoy de son costé il le seconderoit. Et sceut si bien pousser la negociation par ses pratiques & menées, que finalement il attira les Turcs à cette guerre. Mais ayant sceu comme ils venoient en beaucoup plus grand nombre qu'il n'eust desiré il se prepara aussi, & tint sur ses gardes pour deffendre son pays, si d'auenture on y vouloit rien entreprendre.

1463.
& suiv.

Bataille entre
le pere & le
fils.

Or pour retourner d'où nous sommes partis; apres que Machmut fils de Michel eut pris le Prince des Illyriens dans la ville de Clytie, il l'emmena à Mechmet & receut encore par les chemins quelques autres places qui se rendirent par le commandement de leur Seigneur; pendant qu'Omar s'en alla d'un autre costé pour acheuer de nettoyer le reste. Mechmet eut vn si grand plaisir de voir si tost son ennemy entre ses mains: mais il se courrouça fort au Bassa de l'assurance qu'il luy auoit donnée, & n'y pouuant faire autre chose pour l'heure, sinon de luy maintenir ce qui luy auoit esté promis en son nom, l'emmena prisonnier avec luy au pays de Sandal: car il auoit desia subiugué tous les Illyriens, tant par luy-mesme, que par Machmut & Omar; qui fit tout plein de belles choses en ce voyage, & augmenta bien la bonne opinion qu'il auoit desia acquise sur tous les autres braues de la Porte. Sur ces entrefaites Mechmet enuoya à Rhaguse demander la femme de Sandal; & elle qui s'en doutoit bien l'auoit preuenue, & s'estoit retirée en Italie tout aussi-tost que les nouuelles vindrent de la conqueste du pays; tellement que les Ambassadeurs s'en retournerent sans rien faire: & Mechmet ayant rassemblée toutes ses forces, entra au pays de Sandal, qu'il courut & gasta d'un bout à autre: car sa caualerie legere s'estant espanduë de tous costez, raffloit iusques à sa terre propre, & si entoura encore quelques places. Les gens de guerre pour se voir en si petit nombre, n'osans comparoir en campagne, se tenoient dedans les montagnes, espians l'occasion de donner vne nuit à propos sur le logis de Mechmet, comme ils firent; & pillerent quelques hardes d'arriuée: L'alarme puis apres s'estant esmeue parmy le camp, ils furent contrains de sonner la retraite. De là Mechmet s'en alla mettre le siege deuant la ville principale de Sandal, où il demeura quelques iours sans rien faire; parquoy il mena son armée sur les terres de Constantin, de Caragusic & de Paule; * lesquels il enuoya sommer de luy remettre le tout entre les mains, & qu'il les recompenserait ailleurs en l'Europe mesme: à quoy ils obeirent, preuoyans qu'aussi bien ils ne les pourroient deffendre à la longue, pour estre ainsi enclos au beau milieu de ses pays; & s'en allerent tous trois de compagnie luy baiser les mains: Mais il

VI.

Desolation
des Turcs au
pays de Sandal.

* Enfants d'un
de main Constantin,
et l'auant
de Paule
Duchenne.

1463.
& luy.Inhumanité
de Mechmet
enuers le
Prince des
Illyriens.Ligue des Ve-
nitians & des
Hongres con-
tre luy.Vn Prestre li-
ure la ville
d'Argos aux
Turcs.

leur fit mettre les fers aux pieds, & les emmena ainsi liez & garrottez avec luy. Quant au Prince des Illyriens, comme on l'eust vne matinée surpris que tout estoit encore en repos parmy le camp, taschant à se sauuer (au moins ainsi qu'on disoit) Mechmet commanda de l'amener en sa presence: & l'autre se doutant bien que ce n'estoit pour rien de bon, prit quant & soy les lettres de seureté que le Bassa luy auoit depeschées, les tenant au poing comme si elles luy eussent deu seruir de franchise. Nonobstant toutesfois tout ce qu'il voulut alleguer là-dessus, la teste luy fut tranchée sur le champ: Les autres escriuent qu'il fut escorché tout vif. D'autres que Mechmet en vn banquet beut d'autant sa mort à Persas son Precepteur, qui l'alla executer sur l'heure: & d'autres que ce fut l'Escuyer de cuisine de bouche qui le mit à mort: alleguant l'auoir surpris ainsi qu'il vouloit mettre du poison parmy les viandes qu'on apprestoit pour le Seigneur: Toutesfois on estime que ce fut pour faire despit à Machmut qu'il auoit asseuré de la vie, car cettuy-cy luy estoit ennemy. Comment que ce soit, ce fut pour le moins du consentement de Mechmet, qui aussi bien ne cherchoit qu'à s'en deffaire. Ainsi finit ses iours ce pauvre Prince infortuné, trop hastif à entreprendre vne chose de si grand poids, & plus mol encore à rien executer qui fust digne d'une telle audace. Quand les Venitiens, & les Hongres ses plus proches voisins eurent bien pensé à leur faict, & pris garde de plus pres aux grandes prosperitez & accroissemens de Mechmet, cettuy-cy porté par terre, & les autres Seigneurs du pays detenus en vne vile & miserable captiuité; alors ils connurent bien qu'ils auoient trop attendu, & que le danger croissant à veüe d'œil, les menaçoit maintenant de pres. De fait les Capitaines de Mechmet commençoient desia de faire tout plein d'extortions & violences à leurs sujets, dont il n'estoit pas possible de se taire, & neantmoins ils s'estoient tousiours tenus coys en attendant l'euénement de cette derniere entreprise, sans auoir voulu cependant rien enfreindre des capitulations qu'ils auoient avec Mechmet, iusques à ce que Iosué le fils d'Aban eut pris d'emblée la ville d'Argos, par la meschanceté & trahison d'un Prestre, qui la liura aux Turcs, & de là commença de faire tout ouuertement la guerre. D'autre part Omar fils de Thuracan estoit allé faire vne course sur le territoire de Naupaete, & ne s'abstindrent point encore l'un ny l'autre de mettre le pied dans les terres prochaines de Modon au Peloponese, qui estoient des appartenances des Venitiens. Au moyen dequoy ne pouuans plus endurer ces entreprises & violences, ils s'assemblerent pour voir ce qui estoit de faire, & y eut plusieurs choses debatues d'une part & d'autre au Conseil, qu'ils appellent des Pregay, c'est à dire des inuittez ou semonds. Finalement Victor Capelly, homme fort riche & de grande authorité, voire tenu pour l'un des plus aduisez de tout le Senat, se leuant sur ses pieds harangua en cette sorte.

VII.

Harangue du
sieur Victor
Capelly au
Senat de Ve-
nise, pour en-
treprendre la
guerre contre
le Turc.

L'AY connu par plusieurs experiences, Seigneurs, ce peuple icy ne s'est iamais perdu es plus fortes & dangereuses affaires, ains auoir tousiours brauement resisté à ses ennemis, toutes les fois qu'on s'est voulu resoudre par voye de conseil; parquoy il me semble necessaire de vous remontrer aucunes choses, vous voyant ainsi lents & paresseux à prendre les armes, que la necessité à la parfin vous mettra bon gré mal gré que vous en ayez entre les mains. Car certes il faut que ie vous die, qu'il semble que de propos deliberé, vous vueilliez trahir vostre chose publique es mains propres de son plus cruel ennemy, quand vous temporisez ainsi à vous declarer à l'encontre de luy: d'autant que la plupart de ceux qui ont l'authorité & gouvernement monstrans estre d'aduis, qu'il ne faut pas ainsi à la legere se resoudre en vne affaire de telle importance, mais que prealablement on doit enuoyer des Ambassadeurs à Mechmet pour scauoir ce qu'il veut dire sur l'entretienement des traittez que nous auons avec luy; lesquels neantmoins il permet tous les iours à ses gens de violer & enfreindre comme il leur plaist, contre la foy & le serment par luy donnez; & qu'on le doit requerir de les garder, suivant ce qui a esté conuenu & accordé, si d'auenture nous estimons que plustost par paroles que non pas à la pointe de l'espée, on le puisse amener à cette raison: Et que si par ces remonstrances on ne peut rien faire enuers luy, que nous serons alors tous à temps de deliberer de luy faire la guerre, & de donner nos voix là-dessus. Car pour bien peser les choses, il faut considerer les perils les uns aupres des autres, afin de pouuoir eslire les moindres, & que celui qui a de dire son aduis se tienne tousiours à cette maxime, de les tous considerer par le menu. Car ceux qui sont du tout de contraire opinion à la nostre, alleguent pour leurs raisons, que si nous venons aux armes contre Mechmet, il ne faut plus faire d'estas des places que nous tenons en terre ferme, tant es costes du Peloponese, que de la mer Ionie, pource qu'elles ne pourront plus auoir de viures & autres commoditez, & ce qui y est, n'est pas pour durer

durer longuement : Danantage, que le trafic viendra à cesser, qui nous seroit une perte trop intolerable : Pour toutes lesquelles considerations on doit differer la guerre le plus que l'on pourra, & tascher par douceur de remettre les choses, enuoyans des Ambassadeurs qui moyenneront plus aisément cela, que toutes nos forces jointes ensemble ne scauroient faire. Or auant toutes choses, ie viendray à parler de l'ambassade, & puis toucheray les autres poincts. Nous nous pouuons assez souuenir, Seigneurs, comme cy-deuant, que nous auons despesché des Ambassadeurs deuers Mechemet, gens sages, prudens, & aduisez, il s'est neantmoins mocqué d'eux & de nous, leur donnant des belles paroles en payement, pleines d'ambiguité & de tours : car à la fin il a fait tout le contraire de ce que nous attendions de luy. De sorte que ie ne voy pas quels memoires & instructions nous pussions donner à ceux qui de nouveau y seront enuoyez, ne quels principaux chefs ils pourroient toucher en negociant avec luy, si d'auenture ce n'estoit cettuy-cy : Les Venetiens, Seigneur, n'ont pour le iourd'huy aucunes forces pour resister à tout ce que tu voudras entreprendre sur eux, soit à tort, soit à droit ; & pourtant ont recours aux remonstrances qu'ils te font presentement, à quoy s'il ne te plaist auoir esgard, il faut qu'ils se laissent faire du tout à ta volonté. Voila certes, Seigneurs, un fort beau langage, & bien digne du nom & magnanimité de nos ancestres, qui ont tant pris de peine pour nous establir ce beau & puissant Estat, avec la reputation que nous auons (graces à Dieu) toujours iusques icy maintenue & gardée. Il y auoit bien de vray quelque apparence de faire sonder encore l'intention de Mechemet, s'il ne s'estoit desia tout ouuertement declaré contre nous par la prise d'Argos, taschant de descouurir le premier ce que nous auons au ventre, & iusques là où nostre patience, ou plustost nostre pusillanimité se pourra estendre, non ja par paroles, comme nous voulons faire, mais par les armes & les effets. Car si nous comportons ces premiers traitts & ébauchemens, il est à craindre qu'il ne vueille consequemment y apposer la derniere main : Là où si nous montrons visage tel que gens de cœur doiuent faire, luy mesme (peut-estre) sera le premier à nous rechercher de paix, & filer doux. Si nous le faisons ainsi, la repentance sans aucune doute suura bien-tost la faute. Mais ie ne scay si elle arriuera à temps ; car on fait bien que la premiere fois qu'il mit le pied au Peloponèse, il voulut voir l'Euripe* ou deistroit de mer, & le reconnoistre luy-mesme, ensemble la ville située sur le bord d'iceluy, laquelle nous tenons ; & que depuis il y retourna une autre fois encores, pour faire sonder le passage. A quel propos tout cela, ie vous prie, sinon pour l'attaquer & enuahir ; Vous ne scauriez pas doncques auoir de plus apparens tesmoignages de sa mauuaise volonté, que celui-là, sans assez d'autres qu'il nous a monstrez, de vouloir avec les armes bien-tost venir decider nos trop longues & irresolues deliberations. Mais en cette guerre que n'agueres il nous a ouuerte, selon que nous auons esté aduertis, c'est chose seure qu'il procedera de ruse & malice : Car il prendra en premier lieu tout ce qui luy viendra en main : dont il retiendra ce qui sera le plus à propos pour le bien de ses affaires, & du reste qu'il verra estre de peu d'importance, il fera semblant de nous en vouloir faire quelque raison, desauouant ses gens de ce qu'ils auront fait. Et par ce moyen pied à pied gagnant tousiours pays, nous ne nous donnerons de garde qu'il sera à nos portes sans que plus il n'y ait moyen de luy resister, pource qu'il sera desia monté à une trop grande puissance : Le tout par nostre lascheté, qui nous amusons à le contempler cependant qu'il ruine nos voisins, & s'accroist de iour en iour de nouveaux Royaumes & Empires. Quoy doncques, pourrois-je opiner qu'il ne faut point faire la guerre à un tel homme ? Et certes ceux-là se paissent d'une vaine esperance, eux & les autres, qui se persuadent que iamais il ne nous inquietera, ny entreprendra rien sur nous, quand bien il le pourroit faire tout à son aise, & pourtant qu'il ne le faut point irriter, ains est beaucoup plus seur de viure en paix & amitié avecques luy, nous tenans neantmoins sur nos gardes, & pourueus à toutes aduentures de ce qu'il faut. Mais si par les choses dessusdites, & tant d'autres encores que ie ne dis pas, on void euidentement qu'il y a desia long-temps qu'il nous fait la guerre, lequel penserez-vous estre plus utile, ou de demeurer en repos, & souffrir qu'il nous vole de iour en iour quelque bonne piece ; ou de monstrier à ce Barbare quelle est aussi nostre puissance, & combien grandes sont nos forces ? Car si nous descendons à une guerre ouuerte estans armez, pour le moins nous nous pourrons garder de ses embusches & aguets, & avec nostre armée le costoyer ; nous tenans soigneusement sur nos gardes, & estians l'occasion propre pour luy donner quelque bonne estrette. Et ne doit-on pas reputer ennemy celuy qui tasche de surprendre & rauer ce qui est nostre ? Que si nous le laissons ainsi faire tout ce que bon luy semblera sans luy donner empeschement, c'est autant d'occasion à nos sujets propres de se donner de leur bon gré à luy, pour fuyr les dangers que l'hostilité leur pourroit apporter. Si doncques la guerre nous est en toutes choses plus necessaire contre cét homme que n'est la paix, qui est celuy si auenglé, qui ne voye bien qu'il nous la faut plustost estire, que de demeurer tousiours ainsi à l'ancre, en un calme & temporisement sans aller ny auant ny arriere ? dont rien

1469.
de luy.

*Euripo est un deistroit de mer entre le port de l'Aulide en la Bacee, & l'Isle de Negrepoint, qui en 24 heures court & recourt par sept fois avec une impetuosité merueilleuse.

1463.
& suiv.

de plus dangereux & dommageable ne nous scauroit aduenir ; comme lors il nous aduint , quand abandonnant l'asile de l'Empire & l'Empereur des Grecs , nous voulusmes estre spectateurs oisifs de la ruine des murailles de Constantinople , que ce Barbare mettoit bas à coups de canon : car il n'y a personne d'entre nous qui ignore le profit & commodité que nostre trafic receuoit des Grecs. Depuis nous eusmes encore à mespris , & reietasmes fort bien l'instance que nous firent les Ducs du Peloponese , qui à mains iointes imploroient nostre secours ? Tellement que cette nonchalance fut cause de faire perdre le plus beau pays de toute la Grece. Et tout fraichement que le Prince des Illyriens requeroit nostre ayde avec de si belles & amples promesses , nous l'auons neantmoins laissé massacrer cruellement presque deuant nos yeux. Tous lesquels ayans par nous esté abandonnez , (ie ne scay si ie dois dire trahis.) Il ne se peut faire autrement , que nous n'ayons encouru vne grande note d'infamie enuers tous les peuples & nations de l'Europe ; qui pourront dire que pour la glouttonnie de ie ne scay quelle petite mercaderie , & profit infame , nous ayons pris plaisir de laisser exterminer par les armes des Infidelles , ceux qui estoient de mesmes mœurs & creance avecques nous. Mais pour finalement restreindre en vn , & amasser tous ces dissiours ainsi espars , ie dis que si nous venons à faire ligue avec les Hongres , & par ensemble mouuoir la guerre à ce commun ennemy , les terres que nous possedons nous demeureront paisibles : Que si nous reculons de ce faire , & qu'on vueille persister en l'oisiveté accoustumée , nous verrons de brief accabler les autres , & serons quant & quant de pouille de tout ce que nous tenons anpres de luy. Au moyen dequoy ie conclus , que tout au plus tost soient depeschez des Ambassadeurs deuers les Hongres , avec force argent : Dauantage , qu'outre les vaisseaux que nous auons desia prests à mettre en mer , l'on en equippe encore le plus grand nombre qu'on pourra : & si ne faut pas oublier de solliciter le Pape , pour entrer en ligue avec nous , voire d'estre luy-mesme chef de cette sainte entreprise. Plus , de faire en sorte que le Peloponese se rebelle , ce qui sera bien aysé (ce me semble) pource que si les Peloponesiens se sont ainsi volontairement rengez deuers celui des deux Princes qui s'estoit departy de l'obeissance de Mehemet , nonobstant qu'il fust tres-pauvre , voire presque desnué de tous moyens , & pour cette occasion n'ayant refusé d'abandonner leurs maisons & leur bien , & se soumettre à plusieurs grands perils & dangers ; que feront-ils (ie vous prie) si vne fois ils apperçoient de telles forces , tant par la terre que par la mer , prestes à branler contre ce Tyran ? Il faut aussi enuoyer deux mille cheuaux legers Italiens au Peloponese , & donner vne abolition generale à ceux de l'Isle de Candie , de toutes les fautes passées : car quand ils se verront asseurez , ils retourneront incontinent à nous , & se ietteront dans le Peloponese , d'où ils ne donneront que trop d'affaires aux Turcs : cela estant ce qui nous peut le plus faciliter l'entrée du pays. Et ainsi de compagnie avec les Hongres , eux par le coste du Danube , & nous par celui du Peloponese , y pourrons faire vn merueilleux esbec & ravage. Et par ce moyen ne demeurerons pas ainsi inutilement les bras croisez , à branler les jambes sur vn banc , sans se donner peine si les Turcs gassent nos terres , & emmenent nos sujets en seruage. A tout le moins monstrerons nous aux autres le chemin de se deffendre en gens de bien , de ses mains cruelles & insatiables.

VIII.

La guerre
contre le Turc
declaerée à
Venise.

Sigismund
Malatesta.

Harangue
des Ambassa-
deurs de Ve-
nise au Con-
seil de Hong-
rie.

Le sieur Victor ayant ainsi parlé en tira plusieurs de la compagnie à son opinion. Et comme le nombre des balottes se rencontraist presque égal , ceux-là neantmoins l'emporterent qui vouloient la guerre , & s'en trouua quelques-vns de plus. Parquoy ils depescherent des Ambassadeurs à Rome , & en Hongrie , avec de grosses sommes de deniers. Ceux qui allerent deuers le Pape , remonstrerent comme l'occasion presente l'inuitoit de ioindre ses forces avec celles de la Seigneurie , pour aller par ensemble courir sus aux Infideles , selon ce que la Saincteté auoit auparauant promis en la ville de Mantouie. A quoy le Pape fit responce , qu'il luy falloit premierement cheuir du petit Barbare (ainsi appelloit-il le Duc d'Arminy , le plus dangereux aduersaire qu'eust point l'Eglise :) cela fait qu'il s'employeroit volontiers contre le grand. Mais il vaut mieux passer icy sous silence , l'occasion pour laquelle le saint Pere estoit ainsi animé contre l'autre. Au regard de ceux qui allerent deuers les Hongres pour les faire declarer contre le Turc , apres qu'ils eurent esté introduits au Conseil en la presence du Roy Matthias , ils firent leur harangue en cette sorte. SIRE , & vous autres Messieurs qui estes icy presens , vous scauez assez à quelle grandeur de pouuoir est monté l'Empire des Turcs , qui ont desia soumis à leur obeissance la plupart des peuples Chrestiens ; pillé les pays qui nous appartenoiens , & remply l'Europe & l'Asie des esclaves qu'ils en ont enleuez. Dauantage , passans & repassans d'heure à autre le Danube , ils ont desolé toutes les contrées d'alentour , & mis tous à feu & à sang. Maintenant si vous nous voulez croire , ce commun ennemy ne passera plus ainsi aisément à la ruine de vos terres : Car nous estimons estre assez euidens à ceux qui voudront avec la raison venir pesir les affaires , que si

vous

vous les premiers passez le Danube sur luy ; & vous iettez dans ses pays , que vous y remuerez de terribles mesnages , & mettrez tout sans dessus dessous. Mechet (comme il est notoire) a subiugué les Grecs , & annexé à son Empire ce qu'ils possédoient en Asie & Europe : a conquis la region des Triballiens , & le Peloponese entierement : a ruiné l'Empereur de Trebizonde de fonds en comble , & s'est emparé de l'Estat : a donné tel Seigneur aux Valaques que bon luy a semblé : a misérablement pillé & saccagé les Illyriens ; pris le Prince d'iceux , homme paisible & equitable , puis l'a fait inhumainement mettre à mort , contre la foy & assurance qui luy auoit esté donnée. Que pensez-vous doncques que doine finalement faire celuy , qui en si peu de temps a proster-né tant de puissans Royaumes & Empires ? Car il ne se faut pas attendre qu'il se donne à vne si oisiveté & repos , ains se vouldra tousiours accroistre & dilater pied à pied sur ses voisins , & ioin-dre leurs terres avec les siennes. Et si ne temporisera pas longuement , qu'on ne le voye se ietter à main armée sur les uns & sur les autres , dont parauenture vous pourriez bien estre des pre-miers qui le verrez (si vous n'y donnez ordre) l'un de ces iours piller vos contrées deuant vos yeux , emmener vos mesnages en seruitude & captiuité , hommes , femmes & enfans , & passer par le fil de l'espee les meilleurs de vos Capitaines , & soldats. Car il est , & sera à tout iamaiz ir-reconciliable ennemy enuers tous ceux du nom Chrestien : ne se monstrant pas plus benin à ceux qui luy cede & obeisse , qu'à ce qui luy resiste & fait teste. Vous vous pouuez encore bien souuenir de ce qui aduint à vostre Roy Vladislais , toutesfois pource qu'il fut tué de bonne guerre , on n'a que blasmer en cela : Mais quel tort , quel desplaisir ou iniure auoit fait aux Turcs ce pauvre bon Dauid , dernier Empereur de Trebizonde ; le Duc de Methelin ; le Prince des Illyriens ; ne tant d'autres , que cés insatiable a fait mourir ? Au moyen dequoy si sans dissimuler , ne remettre les choses en longueur , vous prenez les armes contre luy , & vous iettez sur ses pays , vous luy amortirez certes en bref ceste demesurée & insatiable ardeur de conuorsise & ambition , laquel-le se nourrist & augmente de vostre patience : tellement que vous l'aurez (soyez-en tous seurs) l'un de ces iours sur los bras , avec toutes les forces de l'Asie & de l'Europe. Je ne scay puis apres s'il y aura plus d'ordre de luy resister , ne de garentir la Hongrie qu'il ne l'empiese , & ne la vous rauisse d'entre les mains , avec vne infinale extermination de vostre nom , & memoire. Les Venitiens ayans mis fin à leur parler , le Roy leur respondit en cette sorte.

SEIGNEURS, i'auois tousiours assez ouy louer vostre prudence , & bon iugement en toutes choses : maintenant i'en voy à l'œil beaucoup plus qu'il ne s'en dit ; que vous estes gens adussez , entendus & praitiquez non seulement en ce qui concerne le train ordinaire de cette vie , mais aux affaires d'Estat encore , & deliberations d'importance , & pour bien maintenir vne chose publique en son entier. Toutesfois vous n'estes pas bien records (comme il nous semble) que par tant & tant de fois vous auez esté recherchez d'entrer en ligue avecques nous contre le Turc , dequoy vous n'au-riez iamaiz voulu tenir conte , combien que nostre saint Pere vous en eust fait quelques instan-ces à luy possibles : mais au lieu de cela , vous vous en allastes fort bien faire alliance avec l'autre , sans vous soucier de ce qui nous pouuoit aduenir ; alleguans pour toutes raisons , qu'il n'estoit ne beau ne honneste de vous bander contre celuy , qui ne vous auoit point fait de desplaisir. Et là-dessus nous passâmes par plusieurs fois le Danube sur les Turcs , où la fortune nous fut si peu fa-orable que chacun scait. Car nous nous sentons encore de la playe que nous receusmes , par faute d'estre seconrus de ceux qui y auoient autant ou plus d'interest que nous. Et tout premierement le tres-vaillant Vladislais nostre predecesseur que Dieu absolve , y fut tué en combattant valeu-reusement : Puis apres autres plusieurs grands personnages qui partie finirent leurs iours sur la place , partie furent emmenez prisonniers en cette rencontre que nous eusmes en la plaine de Coso-be , au pays des Triballiens. Toutes lesquelles choses nous vous auons bien voulu remettre deuant les yeux , afin que vous connoissiez que par le passé il y a eu de la faute de vostre part. Si ne vou-lons nous pas pourtant vous esconduire , ne manquer en vne si bonne & sainte entreprise , ains sommes prests de prendre les armes en vostre compagnie , & repasser encore le Danube pour aller enuahir le pays du Turc , que nous enuoyerons desfier tout aussi-tost que le Prinsemps sera venu , & luy denoncer la guerre , dont à l'ayde de Dieu nous esperons auoir bonne issue : Pour le moins nous ne desfaudrons point à nostre deuoir , & y employerons toutes les forces & moyens qu'il nous a donnez en ce monde. Mais il faut aussi que de vostre part vous entriez au mesme temps dans le Peloponese , pour y faire tout le dommage que vous pourrez , afin qu'unanimement tout à un coup nous luy fassions la guerre de deux endroits , & qu'on luy donne tant d'affaires qu'il ne sache à quel bout se tourner. Ces choses ainsi accordées d'une part & d'autre , les Ambassadeurs deli-urerent au Roy vingt-cinq mille ducats ; que soudain il employa à vne leuée d'autant d'hommes ; & s'en alla ietter à l'impourueu dans les terres du Turc , qui sont à l'autre bord du Danube. Or Sabatin auoit fait vne grande closture de murailles en forme de blocus

1463.
& iuu.

Responce que
le Roy leur
fit.

25000. ducats
donnez par
les Venitiens
aux Hongres,
pour l'entrée
de la guerre
contre le
Turc.

1464.
& suiv.Exploit de
guerre du
Roy Mat-
thias

au deuant de Belgrade pour la brider, & que cela luy peust seruir de retraicte és courtes qu'il feroit dans la Hongrie, afin d'y mettre son butin à sauueré : là où ayant laissé vn nombre suffisant de Ianissaires pour la garde du fort, il s'en estoit allé à la Porte. Le Roy Matthias s'en alla auant toute œuvre le mettre par terre : Puis passa outre iusques à la riuere de Saue : mit en route les Turcs & les Triballiens, qui luy vouloient donner empeschement, & ramena bien vingt mille esclaves à la maison. Qui fut tout ce que les Hongres exploicterent de leur costé.

IX.

Armée de
mer des Ve-
nitiens con-
tra le Turc.Iacomo Lau-
redano chef
d'icelle.La plus grand
part du Pelo-
ponese se re-
uolte à l'arri-
uée des Ve-
nitiens.La ville d'Ar-
gos recou-
uverte sur les
Turcs.Hierosme
Bernardini
dessa en vne
embusche
des Turcs.

Sa punition.

La closture
de l'Istme re-
faite par les
Venitiens.

M A I S les Venitiens incontinent que leurs Ambassadeurs furent de retour, mirent en mer trente-cinq galeres, & douze grosses nauz, avec lesquelles ils prirent le retour du Peloponese, ayans chargé dessus grand nombre de soldats Italiens, bien deux mille cheuaux legers. Et créèrent chef de cette armée le Sieur Iacomo de la maison des Lauredans, homme de singuliere vertu, auquel ils donnerent plain pouuoir, auctorité & puissance par toutes les terres qu'ils tenoient le long de la mer Ionie, & Egée, pour disposer de toutes choses, comme il verroit estre à faire pour le seruice de la chose publique. Et enuoyerent d'autre part en Candie publier vn edict d'abolition à tous ceux qui ayant commis quelque crime & delict s'estoient retirez celle part, à ce que sans auoir doute de rien ils vissent en toute seureté en cette guerre. Ceux-cy firent bien le nombre de quatre mille hommes, qui passerent au Peloponese pour esmouuoir ceux du pays à s'esleuer & prendre les armes contre les Turcs. Et là-dessus les Peloponesiens apres auoir bien consulté & débattu beaucoup de choses entr'eux, arresterent finalement d'aller redresser la muraille de l'Istme, afin d'enclorre au dedans les Ianissaires estans departis en garnison çà & là par les places, lesquels auoient desia eu l'alarme fort cheude, s'estimans estre trahis, & que iamais ils n'eschapperoient ce danger. Car tout aussi-tost que comparut l'armée des Venitiens, la Laconie, & ceux de Tanares & d'Epidaure, ensemble leurs voisins se reuolterent & les Arcadiens & Pelleniens les suivirent : tellement que le Gouverneur du Peloponese, lequel faisoit sa residence en la ville de Megalopoly, ne sçachant quel ordre donner à tant d'esmotions qui se manifestèrent tout à vn coup de pescha en diligence vn courrier à Mechmet, pour l'aduertir comme les Venitiens estoient entrez dans les pays, où tout estoit desia en combustion. Eux cependant estant partis de Nauplium s'en vindrent mettre le siege deuant la ville d'Argos, où ayans fait leurs approches & batterie prests à donner l'assaut, les Ianissaires qui estoient dedans se voyans en si petit nombre (car ils n'estoient en tout que cinquante) & qu'aussi bien les habitans parloient desia de se rendre, vindrent aussi à parlementer de leur part, & s'en allerent bagues sauues. Les Venitiens y laisserent quelques gens pour la garder, attendans l'arriuée du sieur Hierosme Bernardini, auquel ils auoient ordonné de s'en venir le long de la mer ietter dedans avec ses troupes, & qu'il ne prist autre chemin que celui-là. Mais luy ne tenant conte de cét admonestement, se destourna plus en dedans le pays, à l'entour d'une montagne propre à luy dresser des embusches, à quoy les Turcs ne faillirent pas : car ils le preuindrent, & gagnerent le passage sans qu'il en eust connoissance ; ny de cent homes pareillement qu'ils enuoyerent par le derriere sur l'aduenuë de la mer : & ne se donna garde qu'il se trouua enucloppé de deux costez, là où il perdit quatre cens hommes, moitié qui furent tuez sur la place, & le reste pris prisonniers. Quant à luy il eschappa de la meslée, & se sauua de vistesle iusques au bord de la mer ; où de fortune ayant rencontré vne barque qui estoit là abordée, il monta dessus, disant que le General l'enuoyoit en diligence en l'Isle d'Ægine. Toutesfois il ne s'y arresta pas : car commandant au Patron de singler outre vers Negrepont, il prit terre sur le chemin en la coste d'Attique, & de là s'en alla trouuer le Turc. Quelque temps apres ayant esté rendu aux Venitiens, ils le traicterent selon que sa poltronnerie & desloyauté le meritoient. Les Grecs qui estoient au Peloponese, & les Albanois, ensemble Nicolas Raggio, & Pierre Claude insistoient que la muraille de l'Istme fust refaite en toute diligence : car par ce moyen ceux du pays ne feroient plus de difficulté d'abandonner Mechmet pour se renger de leur costé, quand ils se verroient ainsi munis & remparez contre les soudaines courtes & inuasions des Turcs ; & n'y auroit rien de si grande efficace à les esmouuoir que cela seul. Ce que les Venitiens gouterent fort bien, & ne voulans oublier chose qui fust à propos pour gagner ceux du Peloponese, firent soudain amener grande quantité de pierres, briques, & autres matériaux sur le destroit pour diligenter l'ouurage, auquel grand nombre d'ouuriers, & mesmes les soldats y mettoient la main iour & nuict ; tellement qu'en peu de iours cette fortification se trouua en desfence : N'oublans d'enuoyer cependant de costé & d'autre, solliciter les peuples de là autour de se ioindre à eux, & mesmement

mesmement ceux de Corinthe, l'exemple desquels ils scauoient bien que tous les autres de la Prouince ne faudroient de suivre incontinent. Mais eux ne se voulans pas ainsi legerement departir de l'obeissance du Turc, & prenoyans aussi bien ce qui en deuoit succeder à la fin, n'y voulurent entendre. Parquoy l'armée alla mettre le siege deuant, en quoy aucuns de la ville seruient mesme de guides pour monstrier les plus foibles endroits: & là on fit vne fort furieuse batterie, le long de la courtine qui est à l'opposite du chasteau: mais estans desia les nuicts longuettes, & grand nombre de gens à remparer par le dedans; ioint l'Hyuer & les froidures, qui sont toutes choses au des-advantage des assaillans, ils furent contrains de leuer le siege, & se retirer sans auoir rien fait qui fust digne d'une si grande leuée de bouclier. Car les soldats mal-menez des mes-aises & incommoditez de la saison, qui estoit beaucoup plus rigoureuse que de l'ordinaire, demouroient à la garde de l'Istme fort enuis, & presque à coups de baston: Et cependant Corinthe ne se voulut rendre, ne l'Achaye rebeller, combien qu'on y eust enuoyé vn Grec nommé Rachez, pour tascher de les esmouuoir, lequel fut pris & mis à mort par les Turcs, qui battoient incessamment les chemins de tous costez: ne les autres places non plus, horsmis la Cité de Sparthe qui auoit esté seduite par les belles propositions d'un ieune homme Grec nommé Gritza, de maniere qu'il n'y auoit plus d'ordre de retenir l'armée: voyant à l'œil vn chacun, que rien de leurs desseins & pratiques ne succedoit, & que ce n'estoit que peine perdue de s'opiniaster dauantage à la reddition du Peloponese, qui n'en faisoit aucun semblant. Là-dessus encore vindrent nouuelles, comme le Bassa Machmut approchoit à tout vne grande puissance, pour les venir de plain arriuée tailler en pieces, sans en prendre vn seul à mercy, & que Mechmet suiuoit apres en personne, la terre toute couuerte de gens. Parquoy ils arresterent de commun accord de se partir de là, n'estant pas l'Istme comme ils disoient de si grande importance, que le danger qui les menaçoit. Et se retirerent de costé & d'autre par les places, où ils deliberoient de se defendre si on les venoit assaillir.

1465.
& suiv.

Corinthe assiegee par les Venitiens.

Desordre en leur armée. Abandonnent l'Istme.

Mechmet apres auoir esté au vray acertené des grands preparatifs que faisoient les Venitiens, lesquels ayans armé de trente-cinq à quarante galeres, & douze vaisseaux ronds, auoient chargé grand nombre de gens de guerre dessus, tant de cheual que de pied, & s'en estoient venus clorre l'Istme de muraille, reuolter le Peloponese, fait passer là vn gros renfort de Candiotz pour s'en emparer, vid bien qu'il n'estoit pas question de s'y endormir: Parquoy il depescha en diligence le dessusdit Bassa, avec toutes les forces de l'Europe, excepté ce qu'il fut besoin de laisser pour tenir pied aux Hongres: luy commandant de demolir en premier lieu tout ce qu'il trouueroit auoir esté refait au destroit (car cela fomentoit les seditions du Peloponese) & entrer dedans en pays pour combattre les Venitiens. Que s'il ne se sentoit assez fort pour ce faire, qu'il l'en aduertist d'heure à autre, & il le suiroit de pres pour subuenir à tout. Machmut apres auoir tiré hors les gens de guerre qui luy auoient esté destinez, dressa son chemin par la Theissalie droit à la montagne de Pindus, & s'alla camper es enuiron de la ville de Larice, ayant avec luy Omar Gouverneur du pays, lequel estoit d'aduis de s'y arrester, sans passer outre que premierement on n'eust enuoyé remonstrier au Seigneur, que cet affaire estoit de trop grand poids pour ses Lieutenans, & que sa presence propre y estoit bien requise. Car ayant nagueres enuoyé vn espion au camp des ennemis pour entendre ce qui s'y faisoit, il auroit nombré sur le rempart de l'Istme plus de deux mille pieces d'artillerie, & bien quatre cens canonniers pour les mettre à execution, reconnu aussi force gens de trait, & rondeliers, qui les garderoient bien de se percher là deuant, & y seiourner: Dequoy ils ne voulurent faillir d'aduertir incontinent le Seigneur, & eux cependant tirerent outre vers Lebadie, là où ils receurent lettre qu'un Albanois apporta, lequel vne nuict estant party de Corinthe que la mer estoit bonace & le vent à propos, auoit passé sur vn esquif en terre ferme de la Bœoce, & de là pris son chemin par la Theissalie. Ces lettres haltoient Mechmet de s'aduancer avec ses forces, se pouuant asseurer que les Venitiens ne l'attendroient pas. Au moyen dequoy le Bassa apres auoir veu le contenu, & refermé le paquet pour le luy faire tenir, deslogea incontinent, & s'en vint sur les confins de la Bœoce, où il eut encore vne recharge, comme les ennemis ayant quitté l'Istme s'estoient retirez. Ce qui luy fist à l'instant trousser bagage, pour s'en venir par le territoire de Platée gagner le mont Citheron, lequel il passa de nuict: & sur le point du iour se trouua au destroit, d'où il pût voir tout à son aise les vaisseaux des ennemis, qui s'estoient retirez plus auant en la haute mer, & y auoient iecté l'ancre. Ayant trouué la muraille ainsi abandon-

X.

La diligence de Mechmet pour sauuer le Peloponese.

L'espouuente des Turcs de l'arriuée des Venitiens.

Retraicte, ou plustost fuite des Venitiens.

1465.

Megalopolis.

Cruel spectacle.

Histoire
étrange de
l'amitié, &
reconnoissan-
ce d'un bœuf
envers son
maître.

née, il se logea là pour le reste du iour, & le lendemain prit son chemin par Corinthe droit à Argos, que quelques soixante-dix soldats Italiens tenoient encore, lesquels il prit en vie, & les enuoya liez & garrottez à son Maître: lequel auoit desia changé d'aduis, & s'estoit mis au retour de Constantinople, afin de ne harasser point son armée durant l'Hyuer deuant cette fortification nouuelle, dont il ne pensoit pas auoir si bon marché. Parquoy Machmut passa outre par la contrée de Tegée, & s'en vint camper auprès de Leontarium, d'où il despescha le Zogan (lequel auoit naguères esté substitué au gouvernement du Peloponèse au lieu de Iosué fils d'Alban) à Patras en Achaye, & aux autres places d'alentour pour les aitailler & pouruoir de munitions de guerre. Et enuoya Omar d'un autre costé avec vingt mille hommes courir les terres des Venitiens: lequel estant arriué auprès de Modon prit d'assaut vne petite ville, dont il emmena les habitans au Bassa estans bien cinq cens, qui furent enuoyez à Mechmet à Constantinople, & là en sa presence furent coupezz tous vifs en deux moitez par le milieu du corps. On raconte pour chose vraye, que ces pauures miserables ayans esté laissez sur la place où l'exécution auoit esté faite, suruint vn bœuf, lequel se prit à mugler hideusement, & avec les cornes souleua de terre la moitié d'une de ces charongnes, qu'il emporta assez loin de là, puis retourna querir l'autre, & les rassembla toutes deux en leur assiette. Cela fut veu d'une infinité de personnes, tellement que le bruit en vint soudain à Mechmet, lequel ne sçachant que penser là-dessus, commanda de remettre ce corps où il estoit premierement, mais le bœuf alla apres à grands cris, & l'ayant fort bien sceu choisis parmy les autres, rapporta derechef les deux parties au mesme lieu où il les auoit desia reunies. Mechmet tout esbahy d'une telle merueille, leur fit donner sepulture, & mener le bœuf en son Serrail, où il fut tousiours depuis nourry tant qu'il vescu. Quelques-vns dient que c'estoit vn Venitien, & les autres vn de l'Illyrie: Quoy que ce soit il semble que ce fut vn mystere, qui promettoit fort grand heur & felicité à la nation dont il estoit. C'est que nous auons sceu estre lors aduenü à Constantinople. Mais le Bassa voyant que ce n'estoit plus la saison de s'amuser à assaillir des places, laissa à Sparte Omar, & Asan pour parlementer avec les habitans; car eux ayant entendu comme les Venitiens auoient quitté l'Istme, & s'estoient retirez, partirent soudain de Tanare, d'Epidaure, & autres lieux pour s'en venir deffendre leurs biens: Et estoient les vns retournez dans la ville; les autres craignans d'estre enuoloppez là dedans, & qu'ils n'y pussent durer longuement, auoient gagné les montagnes, & lieux inaccessibles; deuers lesquels on enuoya pour les rassurer, & reduire à l'obeissance accoustumée: & pareillement à ceux de Tanare, & de la Laconie, auxquels Asan escriuit vne telle lettre.

XI.

Persuasions
d'Asana ceux
de Sparte,
pour retour-
ner à l'obeis-
sance de
Mechmet.

CITOYENS de Sparte, il me semble que si vous n'estes totalement auengles, vous pouuez bien voir à quel party sont reduits les affaires des Venitiens, depuis qu'ils ont esté si mal conseillez que de s'oser declarer contre le grand Seigneur, & venir faire vne monstre & ostentation de leurs armes dans le Peloponèse, qui est (cela sçauons nous bien) tout ce qu'ils peuuent mettre de forces ensemble. Vous n'ignorez pas aussi comme il leur en est pris, tant en l'Istme, que par tout le reste de cette Prouince, encore que leur entiere puissance fust reduite & amassée en vn, & le secours de sa Hauteſſe en fust si estoigné. Si doncques ils n'ont pu tant soit peu soutenir & attendre l'un de ses esclaves, que pensez-vous que c'eust esté si l'armée Imperiale fust venue contre eux? Certes il n'y a coing ny endroit si escarté en tout le Peloponèse, qui eust esté exempt des desolations & calamitez de cette guerre. Or le grand Seigneur estant arriué aux Thermopiles, eut nouuelles comme les Venitiens auoient repris la route de leur pays, en intention de retourner à Negrepont sur la prime-verre qui uient, & tascher à s'emparer de toutes ces contrées. De là il en aduendra ce qui pourra, ne pensant pas toutesfois qu'ils soient si temeraires & mal-conseillez, quod'irriter de nouveau sa Grandeur, ne de se precipiter eux & leurs affaires aux inconueniens qui leur en peuuent aduenir: Mais au regard de ce qui vous touche, vous ne devez pas (ce me semble) laisser eschapper l'occasion qui se presente de rentrer en sa bonne grace, à laquelle l'accez vous est maintenant ouuert, s'il ne tient à vostre opiniastreté. Vous pouuez assseurer (car ainsi me l'a-il commandé de vous dire) que vous ne receurez aucun mal ny iniure pour toutes les choses qui sont passées iusques icy; assez legerement toutesfois, & à la persuasion de quelques desesperes, qui ne desirent autre chose que la ruine de ce pays; & ne serez pour cette occasion ne faits esclaves, ne prizez de vos biens, ne punis par autre voye que ce soit. Et pourtant ceux qui voudront jouyr de cette beneficence, ayent à se retirer promptement chacun en sa maison: car si le Seigneur apperçoit de la contumace & obstination en vostre fait, il ne faut pas puis apres esperer de trouuer plus en luy aucune misericorde; ains vous traictera tout ainsi que les Venitiens ses mortels ennemis.

Aucuns

Aucuns obtempererent à ces lettres , & receuans à vne grande grace le pardon que Mechmet leur enuoyoit, se retirerent tout doucement d'auec les Venitiens. Les autres, & mesmement ceux qui estoient assiegez à Tarnare, trouuerent moyen de faire sortir quelques-vns , & les enuoyer deuers les Hongres pour sentir ce qu'ils auoient deliberé de faire. Car les Venitiens n'oublioient rien pour leur donner courage, & les exhorter à tenir bon; les asséurans que tout aulli-tost que les Hongres auroient passé le Danube, ils ne faudroient de retourner en l'Helleponte avec vne plus grande armée. Ce temps pendant leurs galeres allerent descendre en l'Isle de Lemnos, à l'instance d'un nommé Commene Capitaine de la forteresse, homme d'honneur & de reputation. Il y auoit desia bien eu quelque propos entre les principaux d'entr'eux de la vendre & aliener aux Venitiens, mais ceux-cy les preuindrent, & se saisirent du chasteau, d'où ils depeschèrent puis apres le Capitaine dessusdit en l'Istme pour amener du renfort; tellement que ceux des autres places qui tenoient encore bon, ayans eu nouuelles comme il estoit en mer, monterent de costé & d'autre sur des vaisseaux, & se retirerent ou bon leur sembla. Sur ces entrefaites, les Venitiens se saisirent aussi de la ville de Cercede: dont ils chasserent le Magistrat que ceux du pays appellent le Zamplacon, & y mirent vne garnison bonne & forte. Ayans puis apres amassé grande quantité de bleds & autres victuailles, tant pour eux que pour les forteresses du Peloponese, ils s'y en retournerent pour les aitailler. Voila à peu pres comme les choses passerent durant cet Hyuer.

1465.

L'Isle de Lemnos reprise par les Venitiens.

Fin de l'Histoire des Turcs de Chalcondyle.





CONTIN VATION DE L'HISTOIRE DES TVRCS,

DEPVIS QV'ILS SE FVRENT RENDVS

LES MAISTRES DE L'EMPIRE GREC,

& du Pelopponese, iusques à present:

ENRICHIE DE CONSIDERATIONS .

*particulieres, sur les actions plus signalées, aduenues durant
la vie de chacun des Empereurs Turcs, par lesquelles
on a veu reluire la Iustice & Providence
de DIEV.*

Diuisée en huit Liures.

Par ARTVS THOMAS, sieur d'Embry, Parisien.



ADVERTISSEMENT

SVR LA CONTINVATION

DE L'HISTOIRE DES TVRCS.



PVIS qu'il apleu à la Majesté du Tres-haut, faire ressentir les verges de sa toute-puissante Iustice sur toute la Republique Chrestienne, en la permission qu'il donna premierement à Mahomet, d'espandre par l'Vniuers sa petnicieuse doctrine; & depuis visiter tant de Prouinces en sa fureur par les armes du Turc, le principal protecteur de ce faux Prophete. N'est-ce pas rendre honneur & gloire à sa Hauteſſe, de faire connoistre à tous que la matiere de ces armes n'a esté produite que par nos pechez, qu'elles n'ont esté forgées que par nos dissensions, & depuis trempées dans nostre sang que par vne tres-equitable & tres-redoutable Iustice? Que nul donc ne se scandalise si faisant profession du Christianisme, i'employe le temps à descrire vne Histoire prophane, qui deuroit estre enseuelie dans les cendres de nos ruines, & dans l'abyſme de nos miseres; plustost que de paroistre au iour, & d'estre leuë parmy les Chrestiens: Car outre ce que la chose n'est que trop sensible pour estre teuë, la veuë que nous auons de la misere de nos voisins & confreres, ignorée presque de tous ceux qui passent leur vie à l'ombre & au conuert, & déguisée encore à ceux qui faisans profession des armes, ne passent point les frontieres de leur patrie, on peut apprendre par cette Histoire à quels termes la diuision reduit vn Estat, qui ne pouuant s'eschir sous le joug fauorable de son Prince naturel, sous l'apparence d'une specieuse mais trompeuse liberte, a recours à ceux qui au lieu de secours, mettent à feu & à sang les contrées qui leur donnent entrée comme amies, reduisans les peuples au plus triste seruage qui ce soit pû imaginer: & cela encore, non par leurs propres forces ou industrie, mais par l'esprit & les mains de ceux qui ayans esté premierement infideles à D I E U, sont apres traistres à leur patrie, pour la ruine de laquelle ils se montrent plus animez que leurs naturels ennemis. Ce sont de ces tristes sujets que cette Histoire est remplie, lesquels comme ils ont commencé dès le premier passage des Turcs en l'Europe sous Otthoman, l'an mil trois cens dix, ont continué & continuent encore tous les iours.

OR comme l'Athenien Chalcondyle estoit du temps de l'establissement de cette nation, natif & habitué dans la Grece, au temps mesmes qu'elle fut subiuguée; & par consequent qui pouuoit estre plus fidelement informé, & auoir plus particuliere connoissance des choses, comme elles s'estoient passées: on a pensé qu'il estoit plus à propos de se seruir de son Histoire, en la forme mesme qu'il l'a écrite, sans y adiouter ou diminuer, ayant desia esté veuë & bien receuë du public; car encotes qu'il n'ait touché qu'en passant la pluspart des plus notables actions, toutesfois on eust pensé faire tort à la reputation d'un si excellent personnage, d'entreprendre la narration de l'Histoire entiere, & vouloir comme enseuelir la sienne dans le tombeau. Afin doncques de faire tousiours reuiure sa memoire, & contenter par mesme moyen le Lecteur qui desiroit de voir cette Histoire en son entier: Tout ainsi que le mesme Chalcondyle commence son Histoire, où Nicephore Gregoras (qui a continué celle de Choniates) achene la sienne: aussi ay-je pour-

luiuy la mienne depuis la prise de Constantinople, & la conqueste du Peloponèse, où Chalcondyle finit sous Mahomet second du nom, continuant les actions de ce Monarque, & le reste de l'Histoire des Turcs iusques à ce temps. Où on pourra remarquer qu'encores que nous tenions les Turcs pour gens barbares, incivils & sans esprit, qu'ils ont toutesfois vne merueilleuse experience en l'art militaire, vne grande conduite & prouidence en leurs armées; vne incomparable fidelité & obeissance à leur Souuerain, & à leurs Chefs; vne notable prudence, & vn grand ordre au manient de leurs principales affaires; vne seueré iustice en leurs negoces domestiques, & que les principales colonnes qui soustiennent cette grosse masse d'Empire, sont la punition & la recompence de ceux qui ont mal versé en leurs charges, ou qui ont fait quelque acte de vertu, & ce iusques à la moindre action.

On y verra aussi la vraye image de la Monarchie Romaine, principalement si on en fait le rapport au temps des anciens Empereurs Romains, la garde des Ianissaires se rapportant du tout à la garde Pretorienne, tant pour la force que pour le droit d'eslection des Empereurs: car encores que les Monarques Turcs paruiennent par heredité, & non par eslection, toutesfois comme ils sont ordinairement plusieurs freres, & qu'il n'y a point entr'eux de droit d'aisnesse, ains l'Empire appartenant au plus fort & au plus fauorisé, les Ianissaires sont ceux qui font tomber la Couronne entre les mains de celuy qui leur est le plus agreable. Quant aux Bassas, Beglierbeys, Sanjacs & autres Chefs, ils sont comme les affranchis des Princes, qui estoient ordinairement eleuez aux plus grandes charges de cet Empire.

Les Romains se maintenoient avec les Legionnaires qu'ils enuoyoit par les Prouinces, ne faisant conte des places fortes, mais seulement des hommes: tout de mesme les Turcs, qui à la Lacedemonienne ne se desfendent que par les armes, & non par les murailles: les Bassas ne sont-ils pas comme les Consuls & Proconsuls: les Beglierbeys, comme les Preteurs: les Sanjacs, comme les Gouverneurs particuliers, les Chasnatarbaili, les Questeurs? Ne sont-ils pas des Colonies, & les Ianissaires, & Timariots, ne sont-ce pas leurs Legionnaires? les Chaoux ne representent-ils pas les Lieutenants? desquels encore on se sert comme de Fecialiens, pour traicter de la paix & de la guerre avec les Princes, si respectez par tout cet Empire, qu'il n'y a Bassa, Beglierbey, ou Sanjac qui ne presente sa teste pour estre couppée, quand ceux-cy en ont le commandement de l'Empereur, sans qu'il soit besoin de plus grandes forces que d'un seul homme: l'Empereur Turc se montrant en cela plus souuerain en son Empire, que n'estoit l'Empereur Romain: car outre ce qu'il est Seigneur de la terre, il a vn tel pouuoir de vie & de mort sur ses sujets, qu'il fait ordinairement mourir les plus grands & signalez personages de sa domination, sans forme ny figure de procez, & sans qu'ils s'en fassent la moindre rumeur, pour le moins cela est-il arriué fort rarement, ou au contraire, on faisoit infinies conspirations contre les Romains. Ioint qu'il falloit qu'ils enuoyassent vn Centenier avec des forces pour se desfaire de celuy qu'ils redoutoient: & cettuy-cy sans autre preparatif, n'a qu'à enuoyer vn de ses Chaoux pour luy en apporter la teste. Les Cadileschers, comme les Preteurs vrbains: Et le grand Visir, bien qu'il ne soit pas en toutes choses comme le *Præfectus prætorio* des Romains, & que l'Aga, pour le commandement qu'il a sur les Ianissaires s'y rapporte pour ce regard: toutesfois le souuerain pouuoir que ceux-là ont sous l'Empereur Turc, n'est pas moindre que celuy de ceux-là sous l'Empereur Romain. Le Mosty se rapporte à leur grand Pontife, tant pour auoir toute souueraineté sur les affaires de leur Religion, que pour estre fort meslé dans les affaires de cet Estat: car bien souuent les Monarques Turcs leurs communiquent les choses plus importantes qu'ils veulent entreprendre: il est vray que cet Empereur, comme i'ay dit, estant fort souuerain, l'autre s'accommode à leur volonté, ce qui n'estoit pas ainsi du temps de la Republique Romaine: car c'estoit au Pontife d'ordonner ce qui concernoit la Religion. Voila pourquoy Auguste & ses successeurs se firent perpetuels grands Pontifes; car scachans combien la Religion a de pouuoir sur les esprits, & les pernicieux pretextes qui se prennent ordinairement sous l'apparence de sainteté, ils se faillirent de l'autorité spirituelle aussi bien que de la temporelle, & l'annexerent à leur dignité, ce qui n'est point necessaire au Turc, qui s'est gardé ce pouuoir de disposer de toutes choses par dessus tout: il y a encor plusieurs autres rapports qui se pourroient faire sur ces deux Empires, mais cela se pourra iuger plus particulièrement cy-apres.

HISTOIRE au demeurant, qui pour estre moderne est fort embrouillée & où la datte
des

des temps est fort confuse, les actions mesme les plus dignes de remarque, sont bien souvent celles qui sont rapportées par les Auteurs avec plus d'embarrasement : cela arriuant peut-estre pour la passion que chacun porte à son party, les Turcs ne s'oublions pas à se faire bien valoir, & méprisans les Chrestiens, releuent leurs victoires par la vanité, comme au contraire les Chrestiens blasment & rabbaissent le plus qu'ils peuuent leurs actions, par le ressentiment qu'ils ont de leur calamité. Quant à moy ie trouue le party de la verité si specieux & digne de loüange, que ie me suis deliberé de l'embrasser contre tout autre, si elle me peut estre connue, & d'en faire au public le plus fidele rapport qu'il me sera possible, laquelle il me semble que Leonclaius en ses Annales a suivie, plus que pas vn de nos modernes, aussi m'arresteray-je plus à luy qu'à tout autre, me seruant toutesfois de chacun selon les occurrences & la necessité. Je ne doute pas toutesfois qu'il n'y ait assez d'embarrasemens en plusieurs endroits, pour donner sujet aux Critiques d'aiguiser leurs langues, pour n'auoir pas esté peut-estre assez esclarcis selon leur desir, & les actions ayans esté transposées selon leur iugement : outre cela ils eussent desiré en vne Histoire, vn style plus ampoulé, tout parsemé de traits & de pointes, pour enrichir d'auantage son ouurage. Mais quant au premier, ie responds qu'il est bien mal-aisé de rapporter toutes choses en lumiere au milieu d'vne si grande obscurité, sans que quelqu'vne demeure en arriere, quelque lumineux flambeau qu'on ait à la main : & quant au second point, outre ce que ie n'ay point remarqué que ce fust la façon d'escrire des anciens & meilleurs Historiens, i'ay creu que la simplicité estoit le plus riche vestement de la verité, & que les plus belles qualitez d'vn Historien estoient d'estre veritable & intelligible.





L F

VNZIESME LIVRE

DE LA CONTINVATION

DE L'HISTOIRE DES TVRCS.

SOMMAIRE, ET CHEFS PRINCIPAVX du contenu en ce present Liure.

- I. *Mort de Scanderbeg, propos de Mahomet sur icelle, ravage des Turcs en l'Albanie, leurs courses en la Caramanie, prise de Giolchisare, & des villes de Scandalore, & Norantine.*
- II. *Plusieurs exploits des Venitiens contre les Turcs, sous leur Capitaine Canalis, perdent une bataille à Patras, prennent la ville d'Aenus, & les cruantez qu'ils y exercerent, prise de la ville de Coccin par les Turcs, lesquels sont deffaits en Albanie, ayans pris le party d'Alexis d'Acugin, contre son frere Nicolas.*
- III. *Situation de l'Isle de Negrepont, & de Calchis ville capitale d'icelle, assiegée par les Turcs sous la charge du Bassa Machmut, terreur panique des Insulaires, & leur inuention pour se faire entendre à Canalis, prise de Scyros par les Turcs, & des villes de Stora & Basilique en l'Isle de Negrepont.*
- IV. *Ravitaillement de Negrepont par les Venitiens, Machmut dresse un pont sur l'Euripe, ordre en l'armée des Turcs pour faire leurs approches, trahison de Thomas Esclauon deffecouuerte par une fille: autre trahison de Florio de Cardone.*
- V. *Secours enuoyé à Negrepont par les Venitiens: l'extremité en laquelle estoient reduits les Negrepontins, & leur courte ioye: Mahomet se voulant retirer, est dissuadé par Machmut: troisieme assaut general à Negrepont.*
- VI. *Machmut anime ses soldats, les Negrepontins font le semblable, leur courageuse defense, & la prise de la ville: cruantez de Mahomet, & de ceux de son armée: magnanimité, constance de la fille du Gouverneur de Negrepont.*
- VII. *Combien l'Isle de Negrepons estoit importante aux Chrestiens: puissant secours d's Venitiens pour la deffense de cette Isle trop tardif: bannissement de Canalis: Ambassade d's Venitiens vers le Turc.*
- VIII. *Menées des Venitiens pour faire armer contre le Turc, courses de Mocenique leur General sur ses terres. Ambassade d'Vsunchassan Roy des Perses vers eux: Smyrne bruslée, & Clazomene pillée par les Chrestiens: entreprise d'un Sicilien, pour mettre le feu en l'armée nauale des Turcs, & le cruel supplice de luy & de ses compagnons.*
- IX. *Deffaise des Perses par Mustapha fils de Mahomet, & leur Ambassade aux Venitiens, les presens de ce Prince Persan à l'Empereur des Turcs, & la puissante armée de ce mesme Empereur contre les Perses: ligue des Chrestiens contre les Turcs, avec le Caraman, & les ravages qu'ils firent en leur terre.*
- X. *Conquestes de Mahomet sur les Perses, victoire du Prince Zaniel Persan contre les Turcs, fortification de Mahomet en son camp: le canon des Turcs donne l'espouuante en l'armée des Perses, fuite d'Vsunchassan, victoire des Turcs.*

XI. *Reults*

- XI. *Reuolte du fils d'Vfunchaffan contre son pere, lequel l'attrape subtilement, & le fait cruellement mourir : description de la ville de Capha, siege & reddition d'icelle : conquête de la Cherfonefe Taurique, & pays circonuoisins par les Turcs.*
- XII. *Siege de Scodre ou Scutary, sa situation, pont sur le Boyan basti par les Turcs, Mocenique au secours des asiegez, pas de l'eschelle, vigilance de Lauretan & son aduü à Mocenique.*
- XIII. *Secours aux Scutariens, & l'ordre de Soliman Bassa pour l'empescher, il sonde les courages des Scutariens, & la responce de Lauretan : assaut general à Scutary, & le grand courage, tant des asiegeans que des asiegez : les Turcs repoussez, le nombre des morts, tant de part que d'autre en cet assaut : & la grande disette d'eau qu'auoient les Scutariens, quand Soliman leua le siege.*
- XIV. *Le bruit de la guerre de Hongrie fait decamper Soliman de deuant Scutary : siege & prise du fort de Scinas par le Roy Matthias de Hongrie sur les Turcs.*
- XV. *Senderouie inuestie & bloquée de trois forts, par les Hongres : les nopces du Roy Matthias ruinent les affaires des Chrestiens : les troupes d'Alibecq taillées en pieces par les Hongres : Mahomet se sert de l'occasion des nopces du Roy des Hongres, pour prendre les forts de Senderouie : grande deffaitte des Turcs en Moldanie.*
- XVI. *Soliman ayant asiegeé Lepanthe, est contraint de se retirer : le mesme luy aduint deuant Coccine, où il fut repoussé principalement par la valeur d'une ieune fille : la recompense d'icelle, & sa magnanime integrité.*
- XVII. *Mescontentemens du Roy Matthias de Hongrie, ses victoires contre les Turcs, retire ses garnisons de l'Albanie, & pourquoy : rauages des Turcs sur les terres des Venitiens, lesquels fortifient les deux Chasteaux de Gradisque & Foliane pour les empescher.*
- XVIII. *Bataille de Lisonce contre les Venitiens, où les Turcs furent victorieux : frayeur par toute l'Italie, pour la perte de cette bataille.*
- XIX. *Siege de la ville de Croye en Albanie : les Chrestiens victorieux perdent leur aduantage, pour s'estre amusez au butin : grand courage de Louys de Castel, & la reddition de la ville de Croye aux Turcs.*
- XX. *Second siege de Scutary par les Turcs, leur sommation, & la responce des habitans : perfidie des Turcs à ceux de Croye : exhortation du Pere Barthelemy aux Scutariens.*
- XXI. *Industrie des Turcs pour le transport de l'artillerie, inuention de certains boulets, desquels on ne pouuoit esteindre le feu, & leurs effets admirables : premier assaut general de Scutary : quatre cens hommes sauuent la ville, les Turcs estans desia dedans, qui en furent vaillamment repoussez.*
- XXII. *Superstition des Turcs : second assaut general à Scutary : exhortation du Pere Barthelemy aux Scutariens, & celle de Nicolas Monete : courage des femmes Scutariennes : Mahomet encourage les siens qui furent repoussez : vision des Turcs pour le secours des Scutariens.*
- XXIII. *Conseil d'Acomath suiuy par Mahomet : prise de Xabiac, & de Driuasf : grand carnage des Turcs deuant Scutary : leurs rauages au Frioul, & leurs grands trauaux en ce voyage.*
- XXIV. *Grande disette de toutes choses à Scutary, reddition d'icelle aux Turcs par les Venitiens en faisant la paix avec le Turc : le courage des Scutariens sans exemple, & le peu de deuoir des Chrestiens pour le secours de cette place si importante : prise de sainte Maure, Cephalonie, & Zacinthe, & les cruantez que les Turcs exercerent contre les Insulaires.*
- XXV. *Diette à Olmuze : courfes des Turcs en Hongrie, diligence du Roy Matthias, & prise de Vertes sur les Turcs : perfidie de l'Empereur Federic.*
- XXVI. *Mort d'Vfunchaffan : cruauté execrable d'Ismael Sophy Roy de Perse : trois grands desseins de Mahomet qui escrit aux Rhodiots, & leur responce : il est animé par trois renegats au siege de Rhodes, que le Grand-Maistre d'Aubusson fait fortifier.*
- XXVII. *Arriuée de Mahomet à Rhodes, trahison de Georges Canonnier, la tour de saint Nicolas furieusement assaillie, grand deuoir des Rhodiots pour la deffence de cette place, & leurs processions & prieres publiques.*
- XXVIII. *Desseins d'Achomas sur la vie du Grand-Maistre : pont de bois pour battre la tour saint Nicolas : assaut general à Rhodes, où les Turcs sont repoussez avec perte notable : les principaux Cheualiers qui estoient à ce siege : Ambassade du Turc aux Rhodiots, & la responce du Grand-Maistre, qui met son esperance en DIEU, encourage les siens,*

dernier assaut general à Rhodes, & le nombre des morts durant ce siege.

XXIX. *Vision en faveur des Rhodiots, dont les Turcs s'effrayent: ils leuent le siege de deuant Rhodes: Mahomet fait mourir son fils Mustapha, pour auoir violé la femme d'un sien Bassa: siege & prise d'Otrante, cruauz estranges des Turcs, principalement à l'endroit de l'Archeuesque. secours des Chrestiens deffaits par les Turcs: le Roy de Hongrie donne secours à celuy de Naples pour Otrante.*

XXX. *Grande armée de Mahomet en Asie, mort d'iceluy proche de Nicomedie, ioye des Chrestiens à la nouvelle de ceste mort, meurt de regret de n'auoir pris Rhodes, reprise d'Otrante par les Chrestiens: Mahomet aimoit la lecture des Histoires, & feignoit d'aimer la Religion Chrestienne, mais il n'en auoit aucune, que quelques-uns ont pensé qu'il estoit supposé, & non legitime fils d'Amurat.*

1467.

I.

Mort de
Scanderbeg.



A plus agreable nouuelle que Mahomet eust pû entendre, & celle qui luy facilitoit & luy ouuroit dauantage le pas à l'accroissement de son Empire, c'estoit la mort du genereux & inuincible Castriot, ou Scanderbeg: ce valeureux & incomparable guerrier, qui valoit non seulement en son armée plus de dix mille hommes, mais qui estoit luy seul le bouclier de la Chrestienté, plus craint & redouté des Otthomans, avec son cimenterre à la main, que toutes les troupes des Hongres, ny des Italiens, comme celuy qui auoit tousiours trauersé leurs entreprises, & leur auoit fait souffrir mille affronts au milieu de leurs plus grandes prosperitez. Ce magnanime Prince estoit allé recevoir son triomphe au Ciel, le dix-septiesme de Ianuier, de nostre salut, mil quatre cens soixante-sept, & de l'Egire, ou des ans de Mahomet 872.

Ioye de Ma-
homet à la
nouuelle de
cette mort.

LE Monarque Otthoman estoit lors de sejour à Constantinople, quand il entendit ce qu'il auoit tant desiré: mais ce fut avec vn tel transport d'aise & de contentement, que son ame toute aux gros bouillons de la ioye, rompit les digues de toute cette seuerite & majesté Imperiale, & tout ce que la dissimulation (qu'il tenoit pour la plus noble de ses vertus) luy eust pû donner de retenue en toute autre occurrence, pour laisser espandre à souhait ce delieieux plaisir parmy tous ses sentimens, ne pouuant mesmes se retenir de sauteler, & faire des gestes indignes & mesleens à sa grandeur, & de dire: *Quis peus donc empescher maintenant Mahomet de se rendre Monarque de l'Asie & de l'Europe; mettre à feu & à sang la rebelle Albanie, & la superbe Italie: puis que celuy-là n'est plus qui seul retardoit le cours de nos plus hauts desseins? à ce coup prendray-je vne cruelle vengeance de tant d'ennuys que ces mutins m'ont tant de fois donnez, puis qu'ils sont sans conduire, & à cette fois seray-je dominateur du Christianisme, puis qu'il a perdu son espee & son bouclier? Et de fait croyant que tout fust en desordre & en combustion, il enuoya nouveau renfort aux liens, qui estoient desia dans l'Albanie: mais le deffunct y auoit mis tel ordre, principalement à Croye, à Liste, & à Scodre ou Scutary, ayant laissé le Senat de Venise pour tuteur & administrateur de son fils & de son Royaume, que les Turcs ayans fait vn grand rauage par toute la Prouince, & pris quelques places de peu d'importance, ces trois icy leur firent teste, avec tant de courage & de valeur, qu'ils furent contraints pour cette fois, de se retirer sans autre aduantage, allans descharger leur colere sur les confins de la Caramanie, où ils prirent le fort de Giolchisare, que les Grecs appelloient Rhodopyrgon, ou Rhodocastron, en nostre langue Chasteau de roies: apres lequel exploit Mahomet se retira à Constantinople, passant presque toute l'année mil quatre cens soixante-neuf, sous le couuert. (Toutefois Sanfouin tient que ce fut en ce temps qu'il fut en Sorie & en Egypte, où apres vne si grande victoire qu'il obtint contre ces peuples-là, il prit les villes de Scandalore & Norrentine.)*

1468.
& 1469.

Ravage des
Turcs en
l'Albanie.

Voyage de
Mahomet en
Egypte, & la
prise de Scan-
dalore &
Norrentine.

II.

Exploits des
Venitiens sous
leur Capitai-
ne Canalis.

Bataille de
Patras.

MAIS comme son naturel estoit du tout porté à l'action ennemie de repos, & que d'ailleurs son ambition l'esguillonnoit sans cesse à s'agrandir: les courses que les Venitiens firent cependant sur ses terres, sous la conduite de leur Capitaine Canalis, luy donnerent encore vn coup d'esperon, pour le faire plus promptement sortir du logis: car s'ils auoient eu quelque aduantage auparauant, comme nous raconte Chalcondyle au dixiesme Liure, les Turcs auoient eu depuis leur reuanche sur leur Prouidateur, Barbaric, qui fut taillé en pieces avec trois mille des siens, se voulant emparer de la ville de Patras; & depuis leur Admiral meisme, (Capel Lauretan) receut incontinent apres vne lourde secousse proche de ladite ville, laquelle eust encore esté plus sanglante qu'elle ne fust, sans

vn

vn poussier qui s'esleua en l'air, en forme d'une nuée toute noire, qui ostant la veüe au vainqueur pour poursuiure sa victoire, en laissa toutesfois assez aux vaincus pour se retirer en lieu de seureté. Depuis sous Jacques le Vegnier & Jacques Lauretan, ils s'estoient tousiours tenus sur la deslensue, iusques au temps de ce Nicolas Canalis; lequel ayant armé quelques vingt galeres, & pillé quelques mestairies & bourgades en la Thessalonie, il se resolut de se saisir de la ville de Lagostitia sur la mer de Patras abandonnée des Turcs, & de la fortifier promptement, le lieu luy semblant fort à propos pour faire la guerre, ce qu'il fist fort facilement & sans aucune résistance: il est vray que deux mille Turcs essayèrent depuis de le surprendre, mais ils en furent brauement repoulléz avec grande perte. Canalis donc, ayant donné ordre à la ville, & laissé Jacques le Vegnier avec six galeres pour la garde d'icelle, s'en retourna avec le reste de l'armée à Negrepont, où l'ayant accruë d'un nouveau renfort, il passa à Lemnos, puis à Imbros, où il delibera d'attaquer la ville d'Ænus, avec vingt-six galeres: & comme il eut commandé de dresser les eschelles à la pointe du iour contre les murailles, ceux qui les auoient plantées ayans reconnu les habitans tous effrayez, monterent hardiment dessus, & descendus dans la ville, rompirent les portes, par où le reste de l'armée entra: la ville pillée, tout fut mis à feu & à sang: ce qui eschappa la cruauté du glaue, la pluspart fut fait esclaves, & le reste des prisonniers, tant hommes que femmes, fort inhumainement traittez, les lieux saints pollus & prophanez sans aucun respect du nom Chrestien (les habitans de cette ville n'ayans point changé de Religion, bien qu'ils fussent alors sous la domination Mahometane) iusques à violer & forcer les Religieuses, ausquelles l'ennemy infidele n'auoit osé donner atteinte, touché de quelque respect. Tout le butin fut apporté à Negrepont, où le General se retira avec deux mille captifs qu'il y mena, lesquels eurent bien-tost leur reuanche du cruel traitement qu'on auoit exercé contre leur patrie, en la prise de Negrepont par le Turc, comme nous verrons incontinent: mais Canalis n'auoit pas arresté là le cours de ses victoires; car poursuiuant sa pointe, il força les Foglies neuues, & les pilla: il esperoit bien faire le mesme aux vieilles Foglies, mais il fut repoullé des murailles, avec grande perte des siens. Or tandis qu'il estoit empesché à toutes ces conquestes; les Turcs ayans assemblé bon nombre de vaisseaux, prirent la ville de Coccin en l'Isle de Lemnos, & apres l'auoir saccagée, emmenerent tous les habitans, & la rendirent toute deserte: Canalis au bruit de cette prise, s'en alla incontinent à Lemnos, mais trop tard, l'ennemy s'estant desia retiré, & n'y pouuant faire autre chose que voir la ruine miserable des siens; les prises, pertes & pillages, ayans presque esté égaletz ainsi de part & d'autre.

TOUTESFOIS il sembloit que les Chrestiens eussent eu cette année de l'aduantage: car en Albanie Alexis & Nicolas freres, surnommez d'Acugin, estans en différent pour la Principauté, Nicolas fut secouru des Venitiens d'environ douze cens hommes, qui auoient pour chef Ioseph Barbaric, en qualité de Prouidadeur, Alexis auoit appelé les Turcs à son secours, qui s'y trouuerent iusques au nombre de mille cheuaux, ce qui luy enfla tellement le courage, que méprisant les forces de son frere, il se vint camper à la haste avec toute sa caualerie, aux valées de la montagne noire, sur la riue de Drimon, & dès le lendemain presenta la bataille à son frere, par lequel il fut vaincu, & tous ses gens de cheual taillez en pieces, deux cens exceptez, qui se sauuerent avec luy à la fuite. Toutes ces rencontres, dis-je, bien que de petite importance pour la grandeur d'un si puissant Monarque, ne laissoient pas de le toucher de fort pres, veu mesmes que cela se faisoit comme à ses portes. Et voyant que la principale retraicte de ses ennemis estoit l'Isle de Negrepont, il se resolut de mettre sus vne puissante armée de mer, que tous les efforts de ses ennemis ne luy pussent empeschier de l'emporter: il auoit tousiours œilladé cette Isle, depuis qu'il s'estoit rendu Seigneur de celle de Methelin: & voyant d'abondant de quelle vtilité elle estoit aux Venitiens, il se resolut encore dauantage à l'emporter; & afin qu'on voye de quelle importance elle luy estoit, il ne sera point mal à propos d'en représenter icy la scituation.

L'ISLE de Negrepont, que les anciens ont reconnuë sous le nom d'Eubote; la prenant en sa longueur, s'estend depuis le Promontoire Sunie ou Cap des Collonnes, iusques au pays de Thessalie; ayant ainsi sa longueur depuis le Promontoire Cenée, ou Cap de Martel iusques au Promontoire Geroſte ou Cap d'or, sa largeur estant inégale, comme celle qui a cent cinquante milles de longueur, & quarante de largeur, & ainsi fort estroite au respect de sa longueur, estant scituée au milieu du quatriesme Climat, enuiron le dixiesme parallele; ayant son plus long iour de quatorze heures. Du costé de

1469.

Fortification de Lagostitia par les Venitiens.

Qui prennent la ville d'Ænus.

Dont le butin est apporté à Negrepont.

Prise de la ville de Coccin par les Turcs.

Deffaitte d'Alexis d'Acugin.

Resolution de Mahomet d'allieger Negrepont.

III.

La scituation.

1470.

Calchis ville
capitale de
Negrepont.Sa fortifica-
tion.Machmut
Bassa General
de l'armée
devant Ne-
grepont.

Ses forces.

Façon de ces
Insulaires
pour se faire
entendre au
General Ca-
nalis.Descouverte
des Venitiens
& leur retrai-
te.Seyros se red
aux Turcs.Ils forcent
Stora & Basi-
lique.

IV.

Calchide ou Negrepont, elle regarde la Bœotie, enuiron l'endroit où fut jadis le port d'Aulide, & où l'Euripe fait parade de ses mouuemens si merueilleux: tellement que vous la voyez se courber & flescir vers les terres & regions qui l'auoisinent au continent, & regarde l'Attique, Locres & Mallée, où est à present le Goulphe de Zeiton, au Promontoire Cenée. Quant à la ville capitale de l'Isle, que les Atheniens nommerent jadis Calchis, à cause de l'abondance du cuiure qui s'y trouue, & maintenant Negrepont: elle est assise en vne plaine, pres le lieu où le canal est le plus estroit, & respondant directement au port ancien d'Aulide. Les Negrepontins l'auoient agrandie du temps qu'Alexandre passa en Asie, enfermans dans leurs murailles Caueth & l'Euripe, sur lesquels ils bastirent vn pont, refirent leurs murs qu'ils flanquerent de tours & de plusieurs bouleuerts, edifiens leur principale forteresse au beau milieu du canal, sur vn roc, qui le rendoit naturellement imprenable: pour lors elle auoit encore esté tellement fortifiée, tant par mer que par terre, que chacun la iugeoit inexpugnable.

L'EMPEREUR Turc estoit assez aduertty de toutes ces choses, voila pourquoy il resolut de l'assiéger par mer & par terre, donnant la charge de l'armée de mer, à son grand Vizir le Bassa Machmut, par la prudence & valeur duquel il estoit desia venu à chef de plusieurs grandes & notables entreprises, comme il s'est pû remarquer à la suite de cette Histoire: lequel avec vne flotte de trois cens voiles, dont il y pouuoit auoir quelques six-vingts, que fustes que galeres, partit du bras saint George, tournant la prouë droit à Negrepont. Le General Canalis y estoit alors que les nouvelles viadrent en l'Isle que le Turc estoit avec plus de cent galeres es enuiron de Tenedos, & que son armée croissoit de iour en iour: ce bruit l'ayant esmeu sans toutesfois y adiouster trop de foy, de peur de surprise, il s'en vint à Lemnos, & de là à Imbros, où la peur ayant fait les Insulaires, il entendoit les choses bien plus affreuses, encore par reputation qu'elles ne l'estoient en effect; il est vray que la façon par laquelle ces Insulaires se faisoient entendre, estoit à la verité fort effroyable: car ce General n'entendant point leur langage ny la langue Latine, & eux qui luy disoient en Latin le nombre des vaisseaux qu'il y auoit, voyans que c'estoit comme s'ils eussent parlé à vn sourd, ils taschoient en tirans leurs cheueux luy faire connoistre qu'il estoit fort grand.

Le Venitien pour s'esclaircir du fait, enuoya dix des meilleures galeres de l'armée reconnoistre l'ennemy sous la charge de Laurens Lauretan, luy commandant que s'il iugeoit l'ennemy n'auoir point plus de soixante galeres, qu'il tournast les prouës contre luy, & qu'il seroit incontinent à son secours avec le reste de l'armée: mais s'il en auoit dauantage, qu'il se retirast sans s'amuser à combattre. Lauretan qui estoit le chef de ces vaisseaux, pour mieux executer le commandement de son General, enuoya deuant vn nommé François Quirin, pour faire ses approches le plus pres qu'il pourroit de l'armée Turquesque, & de luy faire entendre par certain nombre de coups d'artillerie le nombre qu'ils pourroient estre. Le signal donné par Quirin, l'armée Venitienne commença aussitost à rebrousser chemin, & voguer en haute mer; ce qu'il fist fort à propos: car si tost que les Turcs eurent veu de loin la galere Venitienne qui faisoit la descouuerte, & toutes les autres qui la suiuoient en queue, ils firent aussitost partir dix galeres du port, lesquelles poursuivirent l'armée Venitienne iusques à la nuit, esparse çà & là pour se sauuer: Canalis vint cependant avec quatre galeres au port de Paleocastre.

Quant aux Turcs, ayans perdu de veüe les Venitiens à cause de l'obscurité de la nuit, ils prirent la route de l'Isle de Seyros, contre laquelle ayans dès le lendemain braqué leur artillerie, ils la battirent si furieusement qu'elle fut contrainte de se rendre à la misericorde du vainqueur: ils s'estoient arrestez à cette Isle qui est en l'Archipelague, à cause qu'elle leur seruoit, tant pour rafraischir leurs gens, que pour empescher le secours de leurs aduersaires. Le Venitien y auoit enuoyé dix de ses galeres pour la secourir, mais elles n'osèrent iamais approcher pour combattre, taschans seulement d'offenser leurs ennemis en tirant de loin, craignans que s'ils venoient aux mains, ils ne fussent accablez par l'armée ennemie, ce qui fust aduenü sans doute, s'ils eussent commencé la meslée. Les Turcs poursuuians leur pointe, passerent de l'Isle de Seyros en celle de Negrepont, où d'arriüée ils forcerent les villes de Stora ou Lora, & celle de Basilique, toutes les deux furent pillées & bruslées.

CEPENDANT les Venitiens s'estoient mis à l'abry à Capimartel, lieu fort, & duquel nous auons parlé cy-dessus, & de là enuoya par le canal de Loret, auant que l'ennemy eust occupé tous les passages, trois galeres chargées de viures à Negrepont, commandant à leurs

Capitaines

Capitaines d'y demeurer pour la garde de la ville, si les Officiers trouuoient qu'il fust expedient de ce faire. Les viures furent receus, & les galeres renuoyées à l'armée: on commanda aussi depuis à Iean Tron d'y aller avec deux galeres, mais tous les passages estoient desia occupez par le Turc aux environs de la ville; de sorte qu'une de ses galeres, dans laquelle il estoit, ayant esté fort ébranlée par les coups de canon qu'on luy tiroit sans cesse, il fut contraint de s'en retourner. Les choses s'estans passées de cette façon, Machmut avec cette puissante armée de mer, voulut faire ses approches de la ville de Negrepont, capitale de l'Isle; mais par la valeur des habitans & des soldats qui estoient dans la ville, pour le secours, les Turcs qui estoient desia descendus à terre, furent repoussez dans leurs vaisseaux: cela aduint le cinquiesme de Iuin, de l'an mil quatre cens septante.

1470.

Negrepont capitale.

Machmut voulant faire les approches eut repoullé.

MAIS le treiziesme dudit mois, Mahomet estant venu luy-mesme en personne par la Bœotie, avec plus de six vingtes mille combattans, il fist dresser vn pont depuis le canal, iusques à l'Eglise saint Marc, vn mille loin de la ville, sur lequel passa toute son armée en l'Isle, & faisant apres approcher son armée de mer, la ville fut inuestie de toutes parts, il fist sommer la ville de se rendre. Or comme les Turcs ont incontinent fait leurs approches, pour la multitude des Gastadours & Azapes & Coynaris ou Pastres & gardeurs de bestail, qui suiuent ordinairement l'armée du grand Seigneur, tant pour faire les esplanades & rabiller les chemins par où cette armée doit passer, que pour faire les retranchemens du camp, gabions & autres choses necessaires pour la seureté d'un si grand peuple, & pour seruir aux sieges aussi quand il en est de besoin. A peine estoient-ils campez qu'on vid aussi-tost cinquante-cinq pieces de canon braquées contre la ville, séparées en diuerses batteries, ce ne fut pas toutesfois sans que les habitans leur eussent fait souuentefois sentir leur courage & leur valeur: mais estans accablez par la multitude, ils furent en fin resserrez dans leur ville, & reduits à la deffense de leurs murailles. Toutesfois Mahomet ayant desia esprouué en maintes rencontres, combien le dernier desespoir des Chrestiens auoit cousté de sang aux siens, iugeant allez par les escarmouches precedentes, que ceux-cy n'estoient pas pour luy rien ceder, tandis qu'ils auroient les armes à la main, il leur fait proposer quelques gracieuses conditions, pour les receuoir à composition: mais eux qui scauoient allez que la voix de cette Panthere contrefaisoit sa cruauté sous vne parole d'humanité, rendus sages par tant de perfidies que les peuples du Peloponese auoient esprouuées, & particulièrement ceux de sainte Maure, ne luy firent autre responce, que d'hommes resolu à souffrir toute sorte de misere, & mourir honorablement pour la deffense de leurs Autels, & de leur chere patrie.

Resolution des habitans,

CE qui fist resoudre Mahomet à y faire donner vn assaut general, tant par mer que par terre, auquel il ne gagna que des coups, avec vne notable perte des siens: le mesme luy arriua au second assaut qu'il donna à quelques iours de là: mais comme le petit nombre des assiegez ne se rapportoit pas à la multitude des assiegeans, les vns se trouuoient bien-tost harassiez, & les autres tousiours vigoureux, pour estre raffraischis à tous momens, neantmoins il n'y auoit que la trahison qui peust ruiner leurs affaires.

ALORS commandoit dans la ville pour la Seigneurie Venitienne, Paul Erize en qualité de Gouverneur, & Louys Calbe en celle de Capitaine, & avec eux Iean Badoüare, tous trois fort affectionnez au bien de leur patrie, mais sur tous la ville auoit vne grande confiance en la foy de Thomas Esclauon, lequel on auoit fait chef de cinq cens fantassins Italiens, & auquel pour son experience on auoit donné la charge de General de l'artillerie; ce fut toutesfois de luy que proceda tout le mal-heur: car desesperant du salut de Negrepont, les siens commencerent premierement à s'enfuir au clair de la Lune dans le camp des Turcs, & luy-mesme commença secrettement à capituler avec Mahomet: s'offrant de luy rendre la ville, pourueu qu'il l'assurast de sa vie & de ses biens, & du salut de ses citoyens natifs de la ville, ne se souciant point des Venitiens, ou autres Latins, qui estoient avec luy attendans l'issüe de ce siege, mais ils ne pouuoient tomber d'accord, d'autant que le grand Seigneur vouloit bien luy donner la liberté & son bien, mais du reste, il le vouloit auoir à sa discretion. Or tandis qu'ils estoient sur ces contentions, la trahison fut decouuerte par le moyen d'une fille, qui vid quelques lettres attachées aux fleches que les Turcs tiroient au quartier de ce Capitaine Thomas, & en celles aussi que l'Esclauon tiroit en l'armée Turquesque: outre ce on dit qu'on l'auoit veu parlementer de nuit sur la muraille avec l'ennemy: ioint que son nepueu Lucas de Cortulie s'estoit secrettement deualé de la muraille avec lettres de son oncle au Monarque Turc, ce que le peuple ayant reconnu, il s'allait faire vne grande sedition & vn grand massacre dans la ville,

Trahison.

Decouuerte par le moyen d'une fille.

1470. mais la prudence du Gouverneur y remedia, qui avec gracieuses paroles ayant appaisé le Capitaine, l'invita à dîner chez luy, où il le fist poignarder, & pendre son corps apres aux fenestres à la veüe de tout le monde, mais cette execution n'amortit pas la trahison, il ne la fist que surseoir : car Florio de Nardone, qui avoit esté mis en la place de Thomas, continuant les menées de son predecesseur, se desroba la nuit par dessus les murailles, & fut trouver l'Othoman, l'advertissant de pointer son artillerie contre la porte du Bourche vicille & caduque, & laquelle ne pourroit iamaïs souffrir le moindre effort de son tonnerre, ce qui aduint : car à la seconde volée de canon ayant esté mise par terre, elle combla de ses ruines les fosséz, iusques à la hauteur de ses fondemens.

Autre trahison.

Secours enuoyé de Venise.

DURANT cesiege, l'armée Venitienne conduite par Canalis, & qui se tenoit sur les aduenüs de l'Euripe, pour prendre l'occasion à propos de donner quelque secours aux assiegez, fut contrainte de se retirer en Candie faute de viures, pour estre trop pres de Negrepont, en attendant quelque secours de la Republique, qui sçachant de quelle importance luy estoit cette Isle, avoit enuoyé toutes les galeres qu'elle pût apprester, les vnes sans les autres sans cesser au secours de cette place : le Gouverneur de Candie secourut encore cette armée de sept galeres.

Extremité de la ville.

QUANT aux Negrepontins qui avoient desia soustenu le siege l'espace de trente iours, assaillis de tant de maux, & desormais recereus par tant de travaux qu'ils souffroient iour & nuit, avoient ietté l'ancre de leur dernière esperance sur le secours qu'on leur avoit promis de leur enuoyer de Venise, afin de rompre le pont qui estoit sur l'Euripe, & mettre le feu aux nauires, car cela aduenant, c'estoit fait sans aucun doute de l'armée Turquesque ; cela seulement ils requeroient les larmes aux yeux, & de cela seulement ils parloient iour & nuit, quand tout à coup ils apperceurent quatorze galeres & deux nauires de charges à la veue de la ville, avec lesquelles Canalis avoit deuancé le reste de l'armée, à la faueur du flux & de la bise, estant venu surgir inopinément au beau milieu du canal. L'allegresse en fut si grande en la ville, que ne pouuant retenir leur ioye dans leur enclos, les habitans se mirent sur les murailles à crier contre les ennemis, pour leur donner plus de terreur : mais leur resioüissance s'en alla avec les cendres de leurs feux de ioye.

Vaine ioye des habitans.

Mahomet prest de se retirer, en fut dissuadé par le Bassa Machmut.

ET de fait le Monarque Othoman estonné de cette grosse flotte qu'il avoit descouverte de loin, sçachant assez que ses galeres estoient degarnies de leur chiourme, esparse qu'elle estoit par les villages & castines de l'Isle, & que les Chrestiens pouvoient à leur ayse rompre le pont & ses vaisseaux, eut peur ; de sorte qu'on luy avoit desia appresté vn cheual, des plus vistes de son escurie pour passer le pont, & se retirer en diligence à Constantinople, sans le Bassa Machmut qui luy dissuada ce conseil, luy representant que sa retraite espouvanteroit tellement son armée, que cela seul estoit suffisant pour faire perdre, non seulement son armée de mer, mais aussi celle de terre, & le faire descheoir de la gloire & de l'honneur qu'il avoit acquis en toutes ses conquestes, mais plustost qu'il donnast vn assaut general à la ville, par mer & par terre, faisant avancer ses vaisseaux du canal où ils estoient contre les murailles de la ville, la donnant au pillage du soldat victorieux, car aussi bien iusques icy il ne s'estoit seruy que de l'un de ses bras, cette belle armée de mer luy demeurant comme inutile.

Lascheté de Canalis.

CES considerations arresterent Mahomet, & luy firent suivre de point en point le conseil de son Bassa ; aussi bien les Chrestiens s'estoient-ils mal approfitez leur aduantage de vent & marée par la pusillanimité, comme l'on tient, du General, qui voulut attendre le reste de l'armée, encore que tout le monde luy conseillast de se servir de son aduantage, & que mesme les Picemanes freres Candiots, Capitaines d'un nauires de charge demandassent à haute voix de marcher contre l'ennemy, se promettans par la force de leur vaisseau du vent & des vagues, de rompre le pont ; s'estimans au moins bien-heureux d'avoir exposé leurs moyens & leur vie pour la Republique. Mais le General leur deffendit, & à tous autres, de bouger en façon quelconque, leur commandant de se tenir où ils estoient, iusques à ce que le reste de l'armée fust arrivé, laquelle au lieu de venir secourir les pauvres assiegez, s'amusoit à poursuivre les Catalans & Genevois qui trafiquoient en cette mer pour les attirer à se joindre avec leur flotte, laquelle toutesfois estoit suffisante pour executer cela, pourquoy on l'avoit assemblée, mais quoy ! le secret de l'eternelle Prouidence en avoit autrement ordonné : de sorte que les pauvres habitans eurent vne courte ioye, car le iour ensuiuant, celui où ils avoient veu les galeres Venitiennes, Mahomet suivant le conseil de son Bassa, fist dès la pointe du iour donner le troisieme assaut general, par mer & par terre, en donnant toute charge à Machmut, lequel comme il n'avoit

uoit pas moins de creance parmy les soldats que de valeur & d'experience en l'art militaire, pour les encourager dauantage leur disoit.

1470.

Il est temps maintenant, compagnons, que nous prenions nostre raison des sorts que ces idollatres nous ont fait souffrir en la prise de la ville d'Aenus, leur barbarie fut telle qu'ils n'espargnerent pas les choses mesmes qu'ils tiennent les plus saintes; ostons leur ce qu'ils ont de plus cher, l'honneur, la vie & les biens: tout est en vostre pouuoir, le Seigneur en a fait present à vostre vaillance, avec promesses de tres-amples recompenses à ceux qui monteront les premiers sur la muraille, & feront le mieux leur deuoir, toutes choses en cela vous seront fauorables, la bresche plus que raisonnable, les asiegez sans secours, massez de longues veilles, & la lascheté de cœur de ceux qui sont dans leurs vaisseaux, ayant perdu le temps de nous faire beaucoup souffrir, s'ils eussent seu bien user de leur fortune: tesmoignage tres-assuré que nostre saint Prophete nous assiste maintenant du haut du Ciel, pour nous faire remporter un glorieux triomphe de nostre entreprise. Courage donc, bons Musulmans: & que se remarque que vostre allegresse & promptitude, que vostre valeur vous fera plustost emporter la victoire, que nostre multitude. A ces mots chacun ayant iecté vn grand & effroyable cry à leur mode, comme ils entendirent que leur Seigneur leur auoit donné le pillage, chacun à qui mieux mieux, s'encourageans l'un l'autre, commencerent à donner aux pauvres Negrepointins, vn rude & cruel assaut.

VI.

Machmut anime les soldats à l'assaut.

LES QUELS delia tous allangouris d'un continuel travail, furent encouragez par leurs Chefs à bien faire leur deuoir, leur representans leur Religion, leurs Autels, leurs femmes, leurs enfans, le saccagement, le violement, la cruauté inexorable de l'ennemy, & finalement la miserable seruitude, en laquelle eux & les leurs seroient reduits à perpetuité: toutes ces choses les animerent de sorte qu'ils soustindrent l'assaut vn iour & vne nuit sans relasche: car Machmut auoit donné vn tel ordre à cet assaut, que raffraichissant tousiours ses gens d'heure à autre, il y auoit tousiours sur la bresche de frais & nouueaux combattans. Mais en fin apres auoir souuent iecté les yeux vers la marine, du costé où ils auoient veu le iour precedent les vaisseaux Venitiens, pour voir s'il leur viendroit point quelque secours, & mis sur la plus haute tour vne enseigne noire, pour faire voir aux leurs le desespoir & l'extreme affliction en laquelle ils estoient, & se voyans priuez de tout support, ceux qui estoient à la porte Barchiane, où estoit le plus rude assaut, tous couuerts de playes, & accablez de faim & de la veille, abandonnerent finalement sur la seconde heure du iour, les murailles aux Turcs, & se retirerent sur la place; où derechef serrez en vn bataillon, ils attendirent resoluement leurs ennemis qui estoient entrez par cette porte Barchiane, où se renouella vn combat non moins furieux & cruel que le precedent, iusques à ce que leur deffaillant la vigueur & l'halaine tout ensemble, ils furent presque tous massacrez: on dit mesme qu'en ce combat, se trouua quelques femmes armées comme les hommes, parmy le nombre des morts.

Les Negrepointins encouragés par leurs Chefs.

ALORS on se mit au massacre des miserables habitans, tant de personages de qualité qu'autres, Leonard le Chauue fut massacré au Palais, Bondomarie en la maison de Paul Andreatie, qui a escrit l'Histoire de la prise de Negrepoint, & Henrycy qui s'estoit saisi avec quelques-vns, d'un lieu assez fort, estant sorti sous la foy de Mahomet, il le fist scier à trauers le corps; disant ce perfide, qu'il luy auoit promis de pardonner à la teste, mais non pas aux flancs: estant tellement irrité de ce qu'il y auoit perdu, selon quelques-vns, plus de vingt-cinq mille combattans, & selon les autres, & par le rapport mesme des Turcs, plus de quarante mille, qu'il fist faire vn ban, que tous les hommes depuis vingt ans, passassent par le fil de l'espée, & que celuy seroit puny de mort, qui en saueroit vn seul passé cet aage; d'autres disent qu'il commanda que tous les prisonniers en general, fussent mis en pieces, & que cette ordonnance fust entretenue par toutes ses terres l'espace de six mois, les Grecs seulement exceptez, qui furent vendus en plein Bagestan, pour estre menez en perpetuelle seruitude. Mais en quelque façon que les choses ayent passé pour ce regard, il est bien certain qu'on usa de toutes sortes de cruauté, dont ces impitoyables se purent aduiser, empallans les vns, fendans les autres par le milieu du corps, ou bien les accrauantans contre les pierres. Les restes des pauvres occis furent mises en vn monceau deuant l'Eglise saint François, en vne grande place, pour seruir de spectacle furieux & espouuentable aux femmes & aux enfans qu'on laissoit en vie, on en fist autant deuant le logis des Seigneurs, & deuant celuy du Patriarche; & quant aux corps, afin que par leur corruption & puanteur l'air n'en fust point infecté, Mahomet les fit ietter dans le canal. Or entre les plus belles Dames de la ville, la fille du Gouverneur Henrycy

Prise de la Ville, & la grande desolation que les Turcs firent.

Leurs cruautés.

1470.

Magnanime
constance de
la fille du
Gouverneur.

tenoit alors le premier rang, pour les rares perfections qu'on voyoit reluire en elle, mais encore davantage pour son incomparable vertu & chasteté: cette-cy pour l'excellence de sa beauté ayant esté présentée à Mahomet; (lequel, comme il s'est pû voir par ce qu'en a rapporté Chalcondyle, a bien esté vn des plus lascifs de la race Orhomane) luy touché au vis par les doux attraites de ce beau visage, tascha au commencement de luy gagner le cœur par quelques mignardises: mais cette genereuse & pudique Damoiselle résistant à tous les sales desirs de ce débordé personnage, voyant qu'il n'en pouuoit faire son plaisir, quelques-vns disent qu'il la fist decapiter; d'autres que luy-mesme luy fourra le poignard dans le sein, tant ce Prince estoit cruel & indigne du nom d'homme. L'ay regret seulement que ceux qui ont escript cette Histoire, ne nous ont appris le nom de la fille, pour pouuoir luy rendre des louanges dignes de sa pudicité; & à la verité elle merite bien d'estre mise au rang de ces espouses celestes, qui pour la conseruation de leur chasteté, se sont volontairement exposées au martyre.

VII.

Combien
l'île de Ne-
grepôt estoit
nécessaire
aux Chre-
tiens.

Les Venitiens
viennent au
secours, mais
trop tard.

TELE fut donc la totale ruine & desolation de la plus florissante Isle, plus belle & plus commode pour la guerre, qui fust en l'Archipelague, tant pour les Venitiens, à qui elle estoit, leur seruant de passage pour secourir les autres terres qu'ils possédoient en la Grece, que pour toute l'Italie, n'ayant plus de canal ny de stroit de mer, pour arrester & retenir les entreprises de ce puissant aduersaire. Environ le mesme temps que la ville fut prise, les galeres que le General Canalis auoit enuoyé querir, arriuerent sur la nuit quand il n'en estoit plus de besoin, & comme on dit, apres la mort la medecine: de sorte que voyans que les enseignes Venitiennes n'estoient plus sur les tours, & qu'ils reconnurent à plusieurs signes tous apparens que la ville estoit prise, regardans les larmes aux yeux les tristes murailles de la ville, ils se retirerent ailleurs, ne faisant pas là trop leur pour eux, avec mille regrets que leur retardement l'eust causé la perte de cette florissante Cité; & apres auoir rodé quelque temps par les Isles: finalement reuenue en son premier sejour, elle acceut tellement en moins de rien, bien que trop tard, qu'elle n'auoit pas moins de cent vaisseaux de guerre, sans toutesfois faire aucun effect d'un si grand appareil, encore que l'armée Turquesque qui se retiroit avec peu de gens, la pluspart estans allez par terre avec le grand Seigneur (qui s'estoit retiré par la Beroie, ayant laissé vne bonne garnison à Negrepont) eust grande crainte d'estre attaquée, reconnoissant sa foiblesse, tellement que quelques-vns estoient delia montez sur des vaisseaux fort legers, pour fuir promptement, d'autres estans resolu de laisser leurs nauires au prochain riuage, & se sauuer à nage: mais ayans connu que l'armée Venitienne prenoit autre brisée, partirent incontinent de Chio, & s'acheminèrent à Lesbos, pour remplir leurs vaisseaux de gens de rame: de Lesbos estans venus au destroit, ils eurent encore quelque crainte, que l'armée Venitienne ne fust à Tenedos: & que là ils fussent contrains, voulussent ou non, de combattre: mais ayans entendu par ceux qu'on auoit enuoyez descouurir, que tout y estoit paisible, apres auoir passé Tenedos, ils s'en allerent avec vne ioye indicible en lieu de seureté. Il courut vn bruit que le General de l'armée Turquesque, apres auoir trauersé le destroit, se tourna vers les siens, leur disant d'un visage tout riant, qu'ils auoient esté receus des Venitiens fort courtoisement, car ils les auoient accompagnez depuis Tenedos iusques à Negrepont, & puis derechef de là iusques à Chio, avec vn grand nombre de galeres. Toutes ces choses estoient cause que tous d'un accord, auoient en hayne l'armée & le General Canalis: de sorte qu'ayant esté démis de sa charge, comme il fut de retour à Venise, nonobstant toutes ses iustifications, & quelques raisons vray-semblables qu'il mettoit en auant pour palier sa faute, il fut banny à perpetuité avec toute sa maison, prenant pour retraicte le port de Gruare, ville des Forlans, où pour s'oster le regret de sa patrie, il passoit son temps à l'estude & à la chasle: voila quelle fut l'issüe de toute cette guerre.

Les Turcs se
retirent, & se
mouuent
des Veni-
tiens.

Canalis ban-
ny à perpe-
tuité par la
Seigneurie.

Providence
de Mahomet
par l'entre-
mise de sa
belle mere.

Mais Mahomet craignant que la conqueste de cette Isle n'armast contre luy tous les Princes Chrestiens, & qu'il n'eust vne dangereuse guerre à supporter, son armée estant en assez mauuais ordre, pour le grand nombre de gens qu'il auoit perdus à la conqueste de Negrepont, il voulut essayer de faire quelque maniere de paix avec les Venitiens, ou pour le moins par des pour-parlers tirer l'affaire en longueur, esperant que le temps leur adoucirait l'aigreur de cette perte: mais ne voulant pas faire connoistre sa crainte, il s'aduisa de s'aider de l'entremise de sa belle mere fille du Prince des Triballes qui estoit Chrestienne: laquelle ayant sceu la volonte de son beau fils, enuoya aussi-tost vn de ses domestiques à Venise, pour aduertir les Venitiens de sa part, que s'ils vouloient la paix, qu'ils enuoyas-
sent

sent leurs deputez au Turc, & qu'elle leur seroit donnée peut-estre à meilleure condition qu'ils n'esperoient: & sur cette esperance les Venitiens ayans enuoyé leurs Ambassadeurs, Nicolas Coque & François Capel, ils allerent trouuer par mer en vn bourg de Macedoine, & de là venus par terre vers Mahomet à Constantinople, comme les conditions qu'ils luy auoient proposées ne luy eussent pas pleu, & que ces deputez fussent contrains de prendre nouueaux memoires de leurs Seigneurs, tout l'Esté se consumma sans aucun effect, le temps s'estant escoulé aux allées & aux venues de ces Ambassadeurs, & en port de lettres de part & d'autre, qui estoit tout ce que desiroit Mahomet.

1471.
& 1472.

Ambassadeurs
Venitiens vers
Mahomet,
pour deman-
der la paix.

MARS l'Hyuer ensuiuant, la Republique Venitienne voulant auoir sa raison de tant de pertes qu'elle auoit souffertes durant neuf années consecutives qu'il y auoit qu'elle combattoit contre le Turc, sans que les Princes Chrestiens ses voisins, se souciaient beaucoup de la secourir, enuoya au Pape, & au Roy Ferdinand de Naples pour les prier de vouloir armer l'Esté prochain, contre leur commun ennemy, qui pouuoit maintenant venir en seureté, iusqu'à leurs portes, que cette affaire n'auoit point besoin de delay, la saison commençant desia à s'aduancer, & le temps fort propre à se mettre en campagne: cette Ambassade escoutée de bonne oreille, on leur promist tout secours, selon leurs forces. Leur General Mocenique fist par lettres la mesme persuasion au Roy de Cypre & au Grand Maistre de Rhodes, & tandis que tous ceux-cy faisoient leurs preparatifs, Mocenique avec sa flotte, fist plusieurs courtes, & plusieurs rauages aux Prouinces d'Æolie & de Carie, avec vn fort heureux succez: & comme il ramenoit son armée en la Morée, il rencontra pres le Cap de Melée, l'armée de Ferdinand, composée de dix-sept galeres, & commandée par Rachaiensis, qui apres les acclamations & reioüissances à la façon des gens de marine, s'en allerent de compagnie à Rhodes, où ils firent vne explanade de tous les forts, bourgades, & villages que les Turcs auoient fortifiez aux environs de la ville, par le moyen desquels ils tenoient les Rhodiens de si court, qu'ils n'auoient pas le moyen seulement de sortir dehors pour amasser du bois, ny mettre le nez hors de leurs murailles, qui ne fut pas sans grande peine & grand massacre des Turcs, dont les testes, comme dit l'Histoire de Venise, furent portées sans nombre au General: de là ils s'en allerent encore faire vne raffe en la Carie, vers la ville de Tabie, où apres auoir fait vn tres-grand butin, comme ils estoient en l'Isle Caprarie pour le departir, ils oyrent nouuelles que le Legat du Pape approchoit avec vingt galeres, lesquels estans allés recevoir, ils se trouverent leur armée composée de quatre-vingts & cinq galeres, vint du Pape, dix-sept de Ferdinand, deux des Rhodiens, & quarante-six des Venitiens, qui resolurent d'aller surprendre Sathalie, ville de la Pamphlie, laquelle ils ne pûrent prendre toutesfois faute d'artillerie, ains bruslerent seulement les faubourgs, & firent le degast par la contrée. Ce fut là où l'Ambassadeur du Roy des Perses Vmunchaffan, les vint trouuer: les Venitiens auoient fait rechercher ce Roy d'entrer en ligue avec eux contre le Turc, par l'entremise de leur Ambassadeur Catharin Zene: mais nous parlerons cy-apres de cette guerre, & de cette legation.

VIII.

Leurs menées
pour faire ar-
mer contre
le Turc.

Courtes des
Chrestiens
sur les terres.

Ambassadeur
d'Umunchaf-
fan vers les
Venitiens.

OR tandis que les Chrestiens rauageoient ainsi les Prouinces de l'Asie, les Turcs ne demouroient pas les bras croiez: car ayans couru & rauagé l'Albanie & la Dalmatie par plusieurs & diuerses fois, passerent iusques dans l'Italie, & se vindrent camper sur le fleuve Sconfin, & sans la crainte de la caualerie Venitienne qu'ils auoient descouuerte de loin, ils estoient pour surprendre la ville d'Vdine, tout y estant en fort mauuais ordre & en grande confusion à cette venue inopinée, pour l'aïse & le grand repos dont elle auoit jouï si long-temps: mais les Turcs, de crainte de quelque embuscade, rebrousserent chemin avec grande quantité de prisonniers & de bestail.

Les Turcs rau-
agent l'Al-
banie & la
Dalmatie.

Smyrne brus-
lée, & Clazo-
mene pillée
par les Chre-
tiens.

MOCENIQUE en auoit bien d'ailleurs sa raison: car il prit & brusla la ville de Smyrne, pillacelle de Clazomene, & fist souffrir vne infinité de maux à tous les peuples maritimes des costes d'Asie, Licie & Pamphlie, s'en retournans chargez de despoüilles hyuer-ner à Modon, laquelle tandis qu'il s'amusoit à fortifier, vn ieune homme Sicilien nommé Anthoine, qui auoit esté pris prisonnier à la prise de Negrepont, le vint aduertir qu'on ne faisoit aucune garde la nuit à l'armée nauale du Turc, qui estoit à Gallipoly, avec tout son attirail, & se faisoit fort d'y mettre le feu, si on luy vouloit bailler quelque barque, & des compagnons fideles: le Venitien gousté cette ouuerture, embrasse & fait de grandes promesses à ce ieune homme, lequel ayant emply sa barque de pommes, passa les Dardanelles, & de là venu à Gallipoly, il s'amusa tout le long du iour à son vil trafic, & la nuit suiuant mit, comme on dit, le feu à cent galeres, & à tout leur attirail, & sans le grand peuple

Entreprise
d'un Sicilien
sur l'armée
nauale du
Turc.

1472.

Qui est pris,

& cruellemēt
supplicié avec
ses compa-
gnons.

XI.

Deffaite des
Perles par
Mustapha.

Autre Am-
bassadeur des
Perles aux
Venitiens.

Leurs presens
au Roy de
Perse.

1473.

Presens du
Roy de Perse
à Mahomet.
* Entr'autres
un Damier
ayant les ta-
bles & les dez
de pierres pre-
cieuses, qu'on
dit estre venu
de Tamerlan.

Puissante ar-
mée de Ma-
homet con-
tre le Persan.

Ligue des
Chrestiens
contre les
Turcs.

qui accoururent incontinent à la premiere veüe de la flamme, il eust mis le feu à tout le de-
meurant : mais ayant ietté son feu mal à propos, son vaisseau fut brulé aussi bien que ce-
luy des autres : de sorte que ralschant de gagner le destroit pour se sauuer, il fut contraint
enfin de se retirer dans la prochaine forest, où luy & ses compagnons se retirerent au plus
profond du bois : mais comme les Turcs virent des pommes çà & là sur l'eau, & la barque
enfondrée là auprès, ils se douterent incontinent que c'estoit leur marchand de pommes
qui auoit mis ce feu : de sorte qu'ils firent vne telle perquisition, qu'enfin l'ayans trouué
auec ses compagnons, vn excepté, qui fut tué en se deffendant vaillamment : ils furent
enuoyez à Mahomet, lequel demandant au Sicilien, qu'il l'auoit incité de s'exposer à
vne si perilleuse entreprise : *Le desir*, respondit-il avec grande assurance, *de nuire au com-
mun ennemy des Chrestiens, que si l'eusse pu auoir autant d'accez à sa personne, comme à ses vais-
seaux, & te courir sur l'espee à la main, tu ne fusses pas maintenant en peine de m'interroger, ny
moy de te respondre* : Ce courage ressenoit son Romain Sceubla, mais il n'auoit pas ren-
contré en Mahomet vn Persen : car bien qu'il admirast sa hardiesse, si est-ce qu'il com-
manda que luy & ses compagnons fussent sciez par le milieu du corps : Le Senat de Venise
ne l'ayant pu recompenser selon son merite, marierent sa seur au despens du public, &
ordonnerent vne pension annuelle à son frere.

Or comme nous auons dit, l'Ambassadeur d'Vsinchassan estoit venu trouuer l'armée
Chrestienne à Rhodes, pour asseurer le Pape, les Venitiens, & autres Princes Chrestiens,
du desir qu'auoit son Roy de s'vnir avec eux, contre le Prince Othoman, que son armée
estoit delia entrée dans l'Armenie, où elle luy auoit pris la ville de Tocatte, la plus riche
de toute la Prouince, & quelques autres places d'importance, qu'ils ne manquoient point
d'hommes ny de cheuaux, mais qu'ils auoient faute d'artillerie. Depuis cette Ambassade,
le General Persan nommé Iusufzes, ou Ioseph Begus, estant venu en la Caramanie avec
toute son armée, Mustapha fils de Mahomet, qui commandoit à cette Prouince, luy vint
au deuant, & luy presenta le combat avec tant de valeur & de conduite, que son armée
mise à vauderoute, il prit le General mesme, lequel il enuoya à son pere, pour lors de sé-
jour à Constantinople, où il s'amusoit à faire forger vne sorte de monnoye qu'ils appel-
lent aspres, de la valeur de quelque douze deniers chacune piece : cecy aduint enuiron
l'an mil quatre cens septante-deux, & de Mahomet huit cens septante-sept. Cette perte
auoit occasionné le Persan d'escrire de nouveau à la Seigneurie de Venise, par le moyen
de leur Ambassadeur Natharin Zene, qui estoit lors pres de sa Majesté, lesquelles lettres
contenoient les melmes demandes qu'auoit auparauant faites son Ambassadeur : aus-
quelles le Senat de Venise desirant satisfaire, fist incontinent apprestier de toutes parts,
grand nombre d'artillerie, quelques vases d'or richement elabourez : vne quantité de
draps de Verone, & d'escarlatins, quelques ducats aussi, pour faire present au Roy, &
outre ce cent ieunes hommes pour gouverner l'artillerie, sur lesquels commandoit Tho-
mas Heimolaus, & nommerent pour presenter au Roy ce present, Ioseph Barbarus hom-
me desia aagé, mais fort entendu en la langue Persanne. De toutes ces choses ils charge-
rent trois nauires, qui arriuerent heureusement à bon port, commandant outre plus le
Senat à Mocenique, de tenir l'armée preste au commandement d'Vsinchassan pour mar-
cher aussi-tost où il seroit mandé par luy.

Le Persan desormais asseuré de ces alliances, afin d'entreprendre cette guerre avec quel-
que apparence de iustice, auoit enuoyé des Ambassadeurs vers le Monarque Ture avec
de fort riches presens, tirez des thresors des Roys de Perse, * pour le prier de luy vouloir
rendre la Cappadoce, & la ville de Trebizonde qui luy appartenoit à cause de Despina sa
femme, qui estoit fille de Dauid Commene cy-deuant Empereur de Trebizonde : de quoy
Mahomet entra en vne telle colere, que pour en auoir sa raison, il fit vne assemblée gene-
rale de tous ses gens de guerre qu'il auoit en l'Europe, à sçauoir Romelie, Zitrhe, Morée,
& de la Natolie, Caramanie, de Castanone, Synope, Trapezonde, Aladeulie, & autres
Prouinces de l'Asie : & outre ceux-cy vingt mille Azapes, dix mille Ianissaires, de ceux
qui n'estoient pas d'ordinaires à sa Cour, & dix mille autres qui estoient stipendiez à sa
Porte : de sorte que selon Leonclaius, il auoit soixante & dix ou quatre-vingts mille com-
batans ; toutesfois quelques-vns disent qu'ils estoient trois cens vingt mille combatans :
& les autres quatre cens mille, tant il y a d'incertitude en l'Histoire : ce qui luy fist faire si
grande leuée, fut la ligue qu'auoit faite le Persan avec les Chrestiens : ioint que les Cara-
mans s'estoient liguez avec eux tous. Ces Princes estoient deux freres, l'aîné s'appelloit
Pyrohamat ou Pyramet, le plus ieune Cassambey, qui auoient depuis quelque temps esté
despouilleez

despoüillez de leur Royaume par Mahomet, auxquels se ioignit l'armée Venitienne qui d'un commun accord assaillirent leur commun ennemy avec tant de courage, qu'ayans pris les villes de Sichin, Corie & Seleucie, le Caraman rentra dans son Royaume, & le Venitien poursuivant ses victoires, vint en la Licie, où il prit la ville de Miere, & tailla en pieces les troupes de Asafabeth Gouverneur de cette Prouince, & luy-mesme fut occis en ce combat.

1473.

Rauages des Venitiens & Caramans.

MAHOMET cependant ayant assemblé toutes ses forces, marcha contre Vfunchassan, menant avec soy ses deux fils, Bajazet & Mustapha : puis ayant passé la Palestine & Syrie, trauersa le fleuve *Fraat*, & vint iusques au lac d'Argis ou Gelucalat, où il prit la ville d'Ar-singan, qui n'estoit ny forte, ny tenable : ce fut en ces quartiers-là ou Assambey ou Vfunchassan luy vint au deuant avec ses forces, ayant ses enfans en sa troupe : le premier nommé *Culur* : le second *Vgurlimehemesh* : le troisieme *Zaniel* : toutefois quelques-vns tiennent que Mustapha le fils aîné de Mahomet, assisté d'Amurat Bassa de la Romanie, qui estoit de la famille des Paleologues, auoit delia combattu pres le fleuve Euphrates contre Zaniel le ieune fils d'Vfunchassan, ieune Prince fort valeureux & de bonne & heureuse conduite à la guerre; en ce combat Mustapha fut mis en route, trente mille de ses gens furent tailléz en pieces, avec le Bassa Amurat & plusieurs autres chefs : car il les auoit pris au passage de l'Euphrate, où les Turcs ne sçachans & ne pouuans tenir le gué du fleuve, ny se secourir les vns les autres, comme pouuoient faire les Persans, se noyoient, ou estoient massacrez par leurs ennemis. Qu'il y eut apres vne autre rencontre de toute l'armée des Turcs contre les Perses, dedans les montagnes d'Armenie, où nonobstant leur multitude & bonne conduite, & la valeur des Ianissaires, qui ce iour là firent tout deuoir de bons combattans, les Turcs furent comme reduits au desespoir, quarante mille des leurs y estans demeurez sur la place. Quelques-vns neantmoins ne font de la seconde & premiere bataille, qu'une seule; encore disent-ils que le Turc n'y perdit que dix, & les autres douze mille hommes : quoy que ce soit, Mahomet reconnoissant la grande difficulté de vaincre la Perse : à cause des riuieres, deserts & montagnes qu'il faut passer, & ayant desia assez esprouué à ses despens, qu'il auoit trouué chaussure à son pied, se retiroit pour attendre vne meilleure occasion : mais Zaniel tout transporté de genereuse ardeur, & desia d'acquérir vn second trophée en la presence de son pere, passe l'Euphrate pour poursuivre les Turcs.

X.

Conquestes des Turcs sur les Perses.

Victoire du Prince Zaniel Persan contre les Turcs.

Autre defaite des Turcs.

Or cette nation a cela de propre, qu'il luy faut plustost faire vn pont pour la laisser passer, qu'une chaisne pour l'arrester, le desespoir luy faisant renaitre le courage, & la necessité luy fournissant de nouvelles forces pour se deffendre. Mahomet, donc vieux routier & fort experimenté en ces affaires, comme y ayant desia passé en Hongrie, à sçauoir, & en la Valachie, fist deux escadrons de toutes ses forces, l'un desquels il donna à conduire au Bassa Machmet, pour faire teste & emoussier la pointe de cette ardeur bouillante du ieune Prince Zaniel; quant à l'autre il se le reserua, tant pour sa seureté, que pour rompre l'ennemy desia demy lassé de combattre : car c'estoit icy comme l'essite & la fleur de son armée. I'ay leu dans quelque Auteur qu'il y auoit vingt-cinq mille hommes de cheval quasi tous Bulgares & Thraciens, & vingt mille Ianissaires. Quant à luy il s'estoit fortifié au milieu comme dans vne forteresse tres-assurée, s'estant fermé d'une tranchée de quatre mille pas de tour, avec vn bon rempart, pres duquel il fist mettre çà & là des chariots liez ensemble avec des chaisnes de fer, sur chacun desquels estoient deux pieces de campagne; outre ce il y auoit vn grand nombre d'artillerie rangée par tout, pour deffendre les fortifications, & quinze mille hommes ordonnez tout autour, pour tirer incessamment contre l'ennemy.

Reduits au desespoir reprennent nouvelles forces.

Ordre de Mahomet en ce troisieme combat.

LES Perses le vindrent attaquer en cet equipage, qui ne s'attendans point d'auoir affaire avec le tonnerre, mais seulement avec des hommes, s'assuroient desia de la ruine totale de leurs ennemis, veu leurs victoires precedentes, & qu'il sembloit que la perte des hommes eust fait perdre le courage aux Turcs qui se retiroient : s'encourageans, donc ainsi les vns les autres par la memoire de leurs beaux faits, & le mépris de leurs ennemis, avec vne esperance d'un riche butin, & d'une glorieuse couronne, ils approchent de ce retranchement : mais comme ils furent à la portée du canon, les Turcs commencerent à tirer toutes leurs pieces, qui firent vn tel tintamarre & vne telle grelle de boulets & de balles, qui par ensemble tomboient dru & menu sur eux, qui n'estoient point encore façonnez (& encore moins leurs chevaux) à telle harmonie, que ne sçachans de quel costé se ranger pour la fumée espoisse de la poudre à canon qui leur donnoit dans les yeux perdirent tout ordre, & commencerent à se debander.

1473.

Défoute des
Perses.La fuite d'V-
funchaffan
donne la vi-
ctoire aux
Turcs.Leurs ravages
au pays des
Perses.

XI.

1474.

Le fils d'V-
funchaffan
reuoit con-
tre son pere,
se retire vers
Bajazet.Mahomet
donne des
forces à Vgur-
limchemeth,
pour faire la
guerre à Vfun-
chaffan.Ruse d'Vfun-
chaffan pour
surprendre
son fils, qu'il
fait mourir.

Strab. lib. 7.

LES Turcs qui n'attendoient qu'à cette occasion, les voyans chancelans, lascherent incontinent sur eux leurs gens de cheual, & enfin tout leur escadron, toutesfois les Perses tenoient encore bon, si Vfunchaffan n'eust luy-mesme pris la fuite, car son fils Zaniel auoit ramassé ses troupes, & repris nouveau courage: de sorte que le combat se renouuelloit plus violent qu'il n'auoit esté de tout le iour: mais Vfunchaffan qui craignoit d'estre enclos par Mustapha, le fils de Mahomet, prit l'espouuante, donnant en ce faisant le gain de la bataille aux Turcs; car les Perses voyans leur Roy s'enfuir, perdirent le cœur; de sorte qu'ils ne penserent plus qu'à minuter leur retraite, au contraire des Turcs, qui poursuiuans la pointe de leur bon-heur donnerent tant d'affaires à leurs ennemis, qu'ils furent contrains de perdre tout ordre, & se mettre en fuite; là se fist vn fort grand massacre, entr'autres du Prince Zaniel, avec plus de dix mille des siens; quelques-vns ont dit qu'il fut pris prisonnier, & que Mahomet le fist mourir. Voila comment cette bataille fut gagnée par le moyen de l'artillerie; car tous sont d'accord en cela, & c'est pourquoy le Persan en demandoit aux Venitiens: & en auoit escript tant de fois à leur Senat. Mahomet donc ayant obtenu vne si belle victoire, & deliuré plusieurs des siens qui estoient prisonniers, entr'autres Turacan fils d'Omar, commença à faire des courses par toute la contrée, qu'il courut tout à son aise (les Perses s'estans retirez en des lieux forts) & prit la ville de Caratsar, capitale du pays sujette au gouuernement du Prince Zaniel, & le fort Carachisapem, ou selon les Grecs Maurocastron, que nous disons Chasteaunoir, & se contentant de cette raffe, & de l'honneur d'auoir battu & fait quitter la place à son ennemy, il se retira à la maison, pour refaire aussi son armée, harassée non seulement des pertes precedentes, mais encore plus du chemin, ioint qu'il redoutoit que les Perses se rassemblassent & le prissent en des destroits à leur aduantage; & ainsi s'en reuint tout triomphant à Constantinople.

O v ayant esté quelque temps, son fils Bajazet, qu'il auoit laissé en Amasie, luy manda que Vgurlimehemeth fils d'Vfunchaffan s'estant reuolté contre son pere, auoit pris sur luy la cité de Sirasou Siuas, chef du Royaume de Perse, & qu'ayant entendu que le Roy son pere luy venoit à l'encontre, il auroit pris sa femme, enfans, meubles & joyaux, & desiroit se retirer vers luy en seureté, le suppliant de luy faire entendre sa volonté. Mahomet luy manda qu'il vouloit que le sauf-conduit luy fust donné, mais il descendit à son fils de ne sortir de la cité d'Amasie, pour aller au deuant du Persan, auquel il entendoit qu'on fist beaucoup d'honneur: mais cependant qu'on prist garde à ses actions, de peur de quelque stratageme & tromperie: Vgurlimehemeth se douta de cette desffiance, pour ce enuoya sa femme & ses enfans deuant, comme pour ostages; & luy arriua apres avec quelque trois cens cheuaux. Bajazet le receut fort courtoisement, & le banquetta avec grande magnificence, où ayant esté quelque temps, il s'en alla trouuer le Monarque Turc, qui luy fist encore meilleur visage que son fils, luy promettant de le faire Roy de Perse, & de destruire Vfunchaffan qui luy estoit mortel ennemy, & pour l'accomplissement de sa promesse, il luy donna des forces, avec lesquelles il s'en retourna à Siuas, & aussi-tost se mist à faire des courses sur les terres de son pere: Mais les Turcs ne firent pas fort-bien leurs affaires en cette guerre: car Vfunchaffan ayant feint d'estre malade de regret que son fils l'eust abandonné, & mesmes qu'il estoit mort, iusques à en faire celebrer des obseques par la Prouince: & ceux qui luy estoient les plus affidez ayans mandé par trois diuers messagers secrets à Vgurlimehemeth qu'il se hastast de venir à Tauris s'emparer de la Seigneurie deuant ses autres freres, & luy adjoüstant foy à toutes ces choses, comme il fut arriué à la ville on le mena incontinent au Palais, où il trouua son pere sain & saue, & sans maladie quelconque, lequel le fist empoigner & mettre à mort sur le champ, tant l'ambition de regner est vne cruelle furie, de faire perdre tout sentiment d'humanité, & violentant la loy de la nature, de faire reuolter le fils contre le pere, donner au pere vn cœur pire que le Tigre, qui ne peut souffrir qu'on luy enleue seulement son faon. La nouuelle de cette mort, & la ruse precedente descouuerte, les Turcs demeurans sans conduite & sans appuy furent contrains de se retirer aux prochaines terres de leur Seigneur: lequel se ressouuenant de la brauade que luy auoient fait les Germains de luy auoir denoncé la guerre, comme vous auez pû voir au neuuesime Liure de Chalcondyle, ne se contentant pas de leur auoir osté la cité d'Amastre, il vint mettre le siege deuant Capha, que les anciens nommoient Theodosie, assise aux Palus Meotides, en la Cheronese Taurique, non loin du Bosphore, ville si renommée de toute antiquité, que Strabon dit qu'elle estoit desia puissante, lors que la Republique d'Athenes florissoit, & qui suiuit autresfois le party de Mithridates contre les Romains.

CETTE

CETTE ville est encore belle, grande, riche, & puissante, & en laquelle se fait l'abord de toute sorte de marchandise, aussi bien à present que iamaïs; comme estant le lieu ou s'adressent tous les marchands qui trafiquent en la mer majour, elle a vne citadelle sur vn costau, laquelle commande sur toute la cité, & est ce fort ceint de trois murailles, comme aussi la ville est close d'une mesme sorte, car les Grecs l'auoient ainsi fortifiée: les Geneuois l'auoient conquise sur les Tartares, du temps del'Empereur Michel Paleologue, l'an mil deux cens soixante-six, & en auoient jouï iusques au temps de Mahomet, duquel nous parlons: qui voyant combien cette ville luy estoit importante, à cause que sur la mer majour, le Turc se charge plus qu'ailleurs, de bois pour la fourniture de ses nauires & gale-res; joint la beauté & fertilité du pays: de sorte que jadis cette peninsule estoit le grenier de la Grece, & le magazin de l'Orient, il fist vne autre armée de mer conduite par Mach-mut Bassa, auquel il donna dix mille Azapes & autant de Ianissaires, pour la conquerir. Or comme ce Bassa estoit fort entendu, non seulement pour bien conduire vne armée, mais pour s'ayder quelquesfois de la peau du Renard au deffaut de celle du Lion, il auoit vne pratique secrette en Candie, qui le faisoit roder sur la mer Egée; mais Mocenique General de l'armée Venitienne ayant descouuert cette trahison, fit aller tous ses desseins en fumée par la punition des traistres: de sorte que le Bassa fut contraint de suiure son entreprise de Capha, assisté qu'il fut encore par la caualerie Turquesque, qui rauageoit alors les contrées voisines, laquelle se trouua à ce siege par le commandement de leur Empereur.

1474.

Description
de la ville de
Capha.

Ménées du
Bassa Mach-
mut.

Siege de
Capha.

Qui se rend
aux Turcs.

Conqueste
de la Cherso-
nese Taurique
& pays cir-
conuoisin.

LES Geneuois qui estoient lors en grand nombre en cette ville, la pluspart riches marchands, tant en argent content qu'en marchandise, plus entendus à tenir vne banque qu'au maniement des armes, comme le marchand prefere le plus souuent le bien à l'honneur, apres auoir resisté quelques iours assez courageusement, se voyans sans esperance de secours, ils presterent l'oreille à certain accord, par lequel ils pouuoient s'en aller vies & bagues sauues: quelques-vns disent que cette trahison aduint pour la haine qu'ils portoient à Galeas Viconte, Duc de Milan, pour empescher qu'elle ne tombast sous sa domination, ce qu'il falloit de faire par l'entremise de quelques-vns des leurs: l'inimitié ayant tel pouuoir, qu'elle fait perdre toute consideration de salut, d'honneur & de vie, pourueu qu'on se vange de son ennemy. Les Grecs & Armeniens qui s'opposoient à cette reddition, furent transportez à Constantinople: les Tartares & Geneuois ne sentirent aucun changement de leur condition, sauf qu'ils n'eurent la permission de quitter la ville, & moins encore d'en enleuer leurs biens: preuue de la fidelité des promesses Mahometanes. Ainsi Capha si long-temps Chrestienne, tomba en fin sous la iurisdiction & croyance de Mahomet: la prise de cette ville fut cause que toute la Chersonese Taurique, & pays des Tartares Cymmeriens, maintenant nommée Gazarie, vint en l'obeissance du Turc, qui en a tousiours jouï depuis: quelques-vns mettent cette expedition en l'an mil quatre cens septante-six, d'autres la veulent incontinent apres la prise de Negrepont, & deuant la guerre de Perse, mais ie pense qu'on ne se trompera pas beaucoup au temps, quand on la mettra en l'année 1474.

XII.

Siege de Sco-
dre ou Scuta-
ry.

Sa situation.

Et ses com-
moditez.

OR tandis que Machmut faisoit la conqueste de la Chersonese, Solyman Bassa, Beglierbey de la Romanie & Eunuque, estoit allé mettre le siege deuant Scodre ou Scutary, la porte de la mer Ionique & Adriatique, le bouleuert de l'Italie, & capitale de Macedoine: elle est assise sur vne montagne penchante de tous costez, & fort mal-aisée en quelques endroits, ayant du costé du Ponant vn lac de quatre-vingt mille pas de tour (encore que pas vn Auteur n'en fasse mention) que ceux du pays appellent le lac de Scutary, duquel sort vn fleuve nauigable, nommé Boyan, selon Pline la riuere de Driue couroit du costé du Leuant, fort pres des murailles de la ville, dont on peut voir encore le fossé & les vestiges du pont: mais ayant maintenant changé son cours, elle passe pres de l'Isle, & entre par deux bouches en la mer, à dix mille loing de Boyan: toute cette contrée estant si fertile, principalement celle qui est entre ces deux fleuves, que les habitans du pays disoient, qu'encore qu'on iettast dessus la semence sans cultiuer la terre, toutesfois elle ne laissoit pas de rapporter en abondance; de sorte mesme qu'on estoit contraint de retirer le bestail du pasturage, de crainte qu'il ne mourust de trop de graisse. Quant au pays de deuers la mer, ce ne sont quasi que des bois taillis, ausquels toutesfois il s'y peut prendre de bon bois pour bastir les nauires, ce furent ces commoditez fort conformes au dessein que Mahomet auoit sur l'Italie qui luy firent entreprendre le siege de Scanderie, ainsi appellent les Turcs cette place, comme s'ils disoient Alexandrie, pour auoir esté comme on dit, bastie par Alexandre le grand. Solyman donc, qui pour rendre vñ signalé seruice à

1474.

son Seigneur, outre huit mille Janissaires qu'on luy auoit baillez, cent ouuriers à fonder l'artillerie, & cinq cens chameaux pour porter les matieres propres à cet effet, auoit encore grossi son armée de tout autant d'hommes qu'il auoit pû tirer des Prouinces circonuoisines sujettes à l'Empire des Turcs, & il auoit bien assemblé iusques à 80000. hommes de guerre: de sorte qu'ayant fait prendre les deuans à ses coureurs & caualerie legere pour faire vne raffe selon leur coultume, il arriua incontinent apres avec le gros de son armée, enuironnant la ville de toutes parts, & pour s'en faciliter encore dauantage la prise, s'estant pourueu de poutres & soliués en la forest prochaine, il bastit vn pont sur le Boyan, en la garde duquel il laissa le Tribale Alibecq avec les forces qu'il auoit amenées de son gouuernement: cet Alibecq, pour sa valeur & bonne conduite à la guerre, auoit eue le Sangiacat de Bulgarie, & comme les Turcs sont fort prompts en leurs expéditions, il fist aussi-tost approcher des murailles de la ville, quatre grosses pieces d'artillerie, & douze autres moindres pour la battre en ruine.

Les Turcs
sont prompts
en leurs ex-
péditions.

Le General Venitien Mocenique aduertý de ce siege, comme il scauoit de combien cette place estoit importante, non seulement à la Republique de Venise, mais à toute la Chrestienté, apres auoir donné ordre, tant à l'Isle de Corfou, qu'à la ville de Duras, & autres places importantes aux enuironns qui estoient encore sous la domination Venitienne, luy avec le plus de forces qu'il pût assembler, tant des sujets de la Republique, que de ses confederéz, s'en vint camper au Temple de sainte Sergie, à la veüe des habitans, à cinq mille toutesfois de Scutary, & quatorze mille de la mer, s'entre-donnans courage les vns aux autres, par des signals & des feux qu'ils faisoient reciproquement le soir & le matin. Or au dessous de ce Temple, comme le fleuve Boyan est gueable en plusieurs endroits, les galeres & autres gros vaisseaux n'y peuuent voguer enuiron huit mille pas, joint que les hauts rochers qui sont tant sur l'vne que sur l'autre riué le font resserrer en deux fort estroites bouches & encolleures, les plaisans du pays appellent ordinairement ce destroit-là le pas de l'eschele.

Mocenique
au secours
des assiegez.

Or Solyman reconnoissant assez de quelle consequence luy estoit ce destroit, pour empescher le secours aux assiegez, il enuoya clore ses emboucheures-là avec des chaines de fer & des pieux, pour enfermer les galeres Venitiennes, qui eust à la verité reduit les Venitiens en extreme peril, s'ils n'en eussent eu aduis par vn fugitif, qui s'estant desrobé de l'armée Turquesque leur imprima vne telle terreur du danger auquel ils estoient, qu'à l'instant mesme ils marcherent en bataille pour s'emparer de ce destroit où ils trouuerent les Turcs tous en ordonnance, & avec resolution de leur empescher à leur pouuoir; mais les mieux armez estans demeurez deuant Scutary, l'artillerie Venitienne fit vn tel eschech sur ces gens demy nuds, & tous entassez, tirans à plomb sans coup faillir contre cette multitude, qu'ils furent contraincts de leur quitter la place, avec la perte de cinq cens hommes, & vne grande partie de blessez, de sorte que les Venitiens victorieux ayans laissé quatre galeres pour la garde du lieu, s'en retournerent en leur camp pres du Temple.

Les Venitiens
aduertis des
desseins des
Turcs par vn
fugitif.

Leur font
quitter le pas
de l'eschele.

Ces choses se passans ainsi sur le Boyan, Solyman ne donnoit cependant aucun relasche à ceux de Scutary, & bien que le Seigneur Antoine Lauretan qui commandoit dedans en qualité de Prouidateur pour la Seigneurie employast tout son soin & son industrie pour remparer les bresches, dressant des pallissades trauersées de soliveaux, y entre-mellant des aiz & des clayes, eust enleué derriere la muraille entre-ouuerte, vn rempart de vingt pieds de hauteur & large de quinze, avec de la terre & du fumier de cheual, dont il y auoit abondance en la ville, & là-dessus disposant des tonneaux à vin remplis de terre, il s'en ayda au lieu de creneaux pour couvrir le soldat des perils du combat & de la violence du canon. Toutesfois voyant les siens diminuer de iour en iour, le siege qui y auoit esté mis à la my May, ayant desia duré plusieurs iours, il fit en sorte de faire passer au trauers du camp ennemy, vn ieune garçon avec des lettres adressantes au General des Venitiens, pour leur faire entendre, qu'encore que luy ny ceux de la ville ne manquaissent de courage & de bonne esperance de voir vne heureuse issue de ce siege, encore qu'il deust tirer en longueur, toutesfois les euenemens de la guerre estans tousiours incertains, & le retardement non seulement d'un iour, mais bien-souuent d'une heure estant suffisant de donner tout aduantage sur l'ennemy, & rendre vne affaire deplorée, qui sembloit estre en fort bon train, qu'il denoit aduiser de bonne heure à leur donner quelque secours, tandis que les courages des Scutariens estoient encore vigoureux, & leurs corps frais & robustes, pour soutenir la furie de l'ennemy, lequel pourroit bien leuer nouvelles forces,

Vigilance de
Lauretan.

Ses aduis à
Mocenique.

& faire

& faire plus grand appareil, si on luy donnoit temps dese reconnoistre, & qu'il vist aller son entreprise en longueur.

1474

XIII.

Ces raisons ayans esmeu les Generaux, ils enuoyerent incontinent faire hastier Leonard Bulde, que Mocenique auoit quelque temps auparauant enuoyé à Catarre, ville de Dalmatie, scise au golphe Rizonique, avec quatre galeres pour tirer du secours de Iuan Cernouich, Prince qui auoit de l'autorité dans l'Esclauonie, leur amy & confederé, & qui estoit bien voulu & obey des habitans du lac: ceux-cy donc, n'attendans que le mandement du General, s'acheminèrent incontinent. Les troupes de Cernouich conduites par George son frere, & Leonard, ayant, outre les quatre galeres par luy de nouueau fabriquées & mises en point de tout armement, il s'estoit encore d'abondant pourchassé trente barques ou fregates de riuere, & les ayant fretées & armées, les tenoit en flotte prestes à voguer.

Or du golphe des Rizoniens au Boyan, il y a vne montagne continuelle, si pierreuse, aspre & desrompue, que les gens de cheual n'y peuuent auoir aucun accez, cette-cy estant en forme de pointe ou promontoire, s'enclinant droit à Scutary, s'en va finir sur le bord de cette riuere; George voulant se seruir de l'aduantage que luy donnoit la scituation du lieu, commença à monter par le dos de cette montagne vers la ville, tandis que Leonard s'auançoit par dessus le lac, les communautéz des villes circonuoinlines ayansourny soixante & dix barques de pescheurs bien armées, d'autant que cette riuere n'estant nauigable, les galeres ne pouuoient approcher plus pres de Scutary.

Le Bassa cependant qui estoit aux escoutes, & qui tenoit pour tout assésuré que les Chrestiens ne laisseroient pas prendre cette place sans y enuoyer quelque secours, comme il auoit de bons espions de toutes parts, il descouurit aussi l'entreprise des Venitiens: de sorte que pour empescher leur dessein, il donna la charge de deffendre la montagne à Cassambey avec douze mille cheuaux d'eslite, & ayant renforcé les gardes du pont au dessus de la ville, d'où il attendoit Leonard & sa flotte, il disposa ses plus petites pieces le long du fleuve, qu'il couurit d'archers, harquebusiers & autres soldats, pour empescher la descente aux soldats Venitiens: Quant à Georges & sa troupe d'Esclauons, ils n'oserent descendre en la campagne, la voyans toute couuerte de caualerie, ny les Turcs n'osoient monter par les pantes roides & pointuës des rochers: de sorte qu'ils ne se purent escarmoucher que de loin.

L'ordre du Bassa Solyman pour empescher le secours aux Scutariens.

Leonard auoit fait aussi vne autre rencontre inopinée, qui fut telle: on auoit accoustumé de faire en cette contrée vne grande chasse & pescherie de poisson par chacun jour, de sorte qu'on tient que les Venitiens en souloient tirer tous les ans cinq mille ducats de peage. Or comme Leonard n'eust point preueu cette pescherie, pensant en toute liberté amener ses vaisseaux du lac dans la riuere, il la trouua si bien clause & trauersée de toutes parts de ces pescheries, qu'il demeura arresté sans pouuoir passer outre, comme si de guet à pend on se fust opposé à son dessein. Les Turcs bien aises de cette rencontre, les escarmoucherent, de sorte qu'en fin les Venitiens voyans leur labeur inutile, se retirerent aux Generaux de l'armée, lesquels reconnoissans la foiblesse de leurs forces, à l'esgard de celles de leurs ennemis, resolurent de ne passer point outre, & d'attendre nouueau renfort de la Republique: de maniere que tout leur secours n'ayant esté que des escarmouches, ils furent contrains de remettre leur esperance en la force & scituation du lieu, en la valeur & vigilance de Lauretan, & en la grandeur de courage des habitans: Mocenique estant toutesfois resolu de ne point partir du lieu où il estoit campé, encore que la pestulence se fust mise en son camp, & de voir la fin du siege.

Les Venitiens se retirēt sans rien faire.

Solyman qui estoit bien aduertty de toutes ces choses, voyant que toute esperance de secours estoit ostée aux assiegez fit battre la ville si furieusement & sans relasche, que presque tous les murs allerent par terre: mais comme les Turcs commençoient delia à crier ville gagnée, ils furent estonnez de voir aussi-tost vn rempart derriere, tel que nous auons dit cy-dessus, & les Scutariens non moins resolu à se bien deffendre qu' auparauant, fit derechef sommer la ville, leur representant qu'estant toute demantelée, & eux maintenant reduits à l'esperance de leurs propres forces, leurs amis & allies les ayant abandonnez, il estoit impossible que par force & par famine, il n'en eust en fin la raison, qu'ils ne s'exposassent point à la licence du vainqueur, mais qu'ayant pitié de leur patrie, de leurs femmes & de leurs enfans, ils se seruissent maintenant d'une honneste composition, dont ils seroient priuez, quand le vainqueur auroit tout pouuoir, il fit aussi offrir particulièrement à Lauretan de tres-grandes recompenses de la part de son Seigneur,

La preuoyance de Lauretan laue Scutary de la furie du canon.

Solyman fonde le courage des Scutariens.

1474.

Responſe de
Lauretan aux
offres du Baſſa.

Aſſaut gene-
ral à Scutary.

Courage des
Turcs en cét
aſſaut.

Lauretan en-
courage les
ſiens.

Les Turcs re-
pouſſez, &
pourſuivis
par les Scu-
tariens.

Grande di-
ſette d'eau à
Scutary.

avec des charges des plus honorables: ſ'il ſe vouloit mettre à ſon ſervice.

M A I S à cela il fit reſponſe que les Capitaines Venitiens ne ſçauoient que c'eſtoit de rendre les places, mais bien de les forcer, & qu'un Senateur Venitien, comme il eſtoit, auoit appris de commander aux autres, & non pas de ſeruir: & quant aux habitans, qu'ils eſtoient reſolus de perir dans les cendres de leur patrie, ou de la racheter au prix de leur ſang: on dit encore que Lauretan adiouſta à cecy vn trait de moquerie, que ce n'eſtoit pas aux femmes de prendre les villes, mais pluſtoſt elles-mêmes d'eſtre priſes: il diſoit cecy d'autant que ce Baſſa ayant eſté pris ieune enfant en la conquête de la Boſſine & donné pour ſa beauté à Mahomet, qui en auoit abuſé, il l'auoit depuis fait faire Eunuque, & apres pluſieurs grades, l'auoit en fin auancé en cette charge apres la mort d'Amurat Baſſa, qui auoit finy ſes iours en la guerre de Perſe, comme vous auez ouï. Solyman voyant que toute eſperance de compoſition luy eſtoit oſtée, & picqué d'ailleurs de la riſée du Venitien, ſe reſolut de faire donner à la place vn aſſaut general. Ayant doncques fait prouiſion de force clayes pour couvrir les ſiens quand ils iroient à l'aſſaut, & garny ſes ſoldats de crocs, de mains de fer, de faux, & longues hampes emmanchées (car il n'eſtoit plus beſoin d'eſchelles, puis qu'on pouuoit grimper par les ruines iuſques aux remparemens) il fiſt donner vn cruel & ſanglant aſſaut, mais à bien aſſaïlly, bien deſſendu.

C A R les Scutariens tous reſolus à la mort, mais à condition de ſe bien deſſendre, auoient fait prouiſion d'une multitude de vaiſſeaux longs, faits d'oſiers & de cluiſſe, frottez & enduits de bouſſe de vache, dans leſquels les habitans ſouloient conſeruer leurs grains, leſquels ils emplirent de ſouphre, de poix & d'eſtouppe, afin qu'y mettans le feu, ils ſ'en ſeruiſſent contre l'ennemy, garniſſans leurs fortifications de pierres d'extreme groſſeur, chargeans leurs canons & plus groſſes pieces, de cailloux & menuë ferraille, pour d'un coup en pointer pluſieurs. Tout cecy incommodoit merueilleuſement les Turcs qui eſtoient ſur les pendans de la montagne, & aux enuiron de la ville, fort eſpays & ferrez l'un contre l'autre, de ſorte qu'on tiroit aſſément à plomb contre eux, & ſ'en faiſoit vn merueilleux carnage. Toutesfois comme cette nation reprend cœur au plus grand peril, ils paſſoient par deſſus les grands monceaux de corps morts, ſans ſ'eſtonner de la pitoyable fin de leurs compagnons, & retournoient à l'aſſaut, avec autant de courage comme ſ'ils euſſent deu aller au pillage, Solyman ne ſ'oublant pas à les encourager, & à leur preſenter le butin, les belles femmes, la recompenſe de leur Seigneur, & combien la conquête de cette place eſtoit importante au bien de ſes affaires, & à l'accroïſſement de ſon Empire.

L A V R E T A N auſſi ramenteuoit aux ſiens leur ancienne vertu, tant de fois eſprouuée contre ces infideles, leur Religion, leurs femmes & leurs enfans, qui n'auoient maintenant pour murs que leurs poitrines, & pour deſſenſeurs que la force de leurs bras: combien de gloire & d'honneur ſe leur ſeroit à la poſterité d'auoir repouſſé vne telle puïſſance, n'eſtans mêmes aſſiſtez de nul, toutes ces choſes ſe diſoient en rafraïchiſſant ceux qui eſtoient las, & faiſant retirer les bleſſez, en remettant d'autres en leurs places, le tout avec tant de labeur & de vigilance, que les Turcs ayant combattu depuis deux heures deuant le iour, iuſques vers le Soleil couchant, ſans auoir pu auancer vn pas, laſſez & recreus qu'ils eſtoient, commencerent à perdre courage, & furent ſi vertueuſement repouſſez, qu'ils ſe retirerent en deſordre: de ſorte que ceux de dedans mêmes eurent bien l'aſſeurance de faire vne ſortie ſur eux, & de les pourſuivre iuſques au pied de la montagne, où ils en firent vn grand maſſacre, ſ'en retournans ainſi triomphans dans la ville chargez d'enſeignes & de butin: on tient qu'il mourut en cét aſſaut trois mille Turcs, entre leſquels il y auoit quatorze des plus notables de leurs chefs, & vn nombre infinny de bleſſez: des Scutariens il en mourut ſept, & cinquante-neuf de bleſſez, le lendemain ceux de la ville ietterent quantité de bois & choſes ſeiches deſſus les corps morts, & puis y mettant le feu, les conſommerent, de crainte que leurs charrongnes n'infectaſſent l'air.

S O L Y M A N reconnu aſſez par ce coup d'eſſay, que la ville eſtoit imprenable, & que ceux qui eſtoient dedans auoient plus de valeur qu'il ne ſ'eſtoit imaginé: toutesfois il eſtoit reſolu de les mattrer par longueur de ſiege; encores que ſelon qu'aſſeurerent depuis les Scutariens, il mourut, tant aux aſſauts qu'autres rencontres durant le ſiege, iuſques à ſeize mille Turcs, & de ceux de la ville enuiron deux mille, tant par la guerre qu'autres accidens: ce qui les aſſigeoit le plus, c'eſtoit la faute d'eau, de ſorte qu'ils en furent reduits à telle diſette, que n'en prenans chacun qu'un bien peu, à grande peine en auoient-ils encore pour trois iours, quand par vne particuliere aſſiſtance Diuine, qui ne vouloit pas

encore

encore laisser perir cette forte place; Solyman leua le siege, faisant chartier son artillerie; & s'acheinant en Macedoine, apres l'auoir tenu trois mois entiers deuant Scutary; en l'an mil quatre cens septante-quatre. Si tost qu'il fut decampé, les Scutariens qui auoient tant enduré de soif, s'en coururent tous en foule à la riuere, où quelques-vns beurent tant d'eau, qu'ils en estoufferent sur le champ:

Quant à Solyman il estoit delogé par le commandement de Mahomet, lequel estant aduertty des grands preparatifs que ce vaillant & genereux Roy de Hongrie Matthias Coruin faisoit contre luy assisté des Venitiens, & autres siens confederez: il armoit aussi de son costé, & rassembloit toutes ses forces pour s'opposer à l'encontre: car les Venitiens reconnoissans que les forces seules de la Republique n'estoient pas bastantes pour resister à celles du Ture, auoient enuoyé deuers ce Prince Sebastien Badoüaire avec vn riche present, pour le persuader d'armer contre le Ture, & faire quelques courses sur ses terres, tandis que la meilleure partie de ses forces estoit occupée au siege de Scutary: cettuy-cy sceut si dextrement manier le cœur de ce grand guerrier, qu'il mit incontinent aux champs vne puissante armée: dequoy Mahomet ayant esté aduertty, auoit fait leuer le siege à Solyman, pour se tenir prest d'aller au secours de Sciauas, c'estoit vn fort que Mahomet auoit fait bastir durant les querelles des Hongres, Bohemes, & Polonnois, sur le bord au delà du Saue, afin de pouuoir librement courir le pays des Sirmiens, liere de la basse Hongrie, mais principalement pour luy ouurir le chemin par toute la Hongrie & l'Allemagne.

Cette place estoit tellement fortifiée & munie de prouisions necessaires, & de multitude de gens de guerre, que les Turcs l'auoient nommée Sciauas, c'est à dire, admirable; n'esperant pas iamais que les Chrestiens leur pussent oster cette place des mains, puis qu'à la venue de leurs ennemis, & mal-gré leur armée qu'ils auoient leuée pour empêcher le bastiment de cette sentinelle, cela n'auoit pu toutesfois empêcher que leur edifice ne vint à la perfection. Or comme le Monarque Ture tenoit cette place fort chere, pour la consequence qu'elle luy aydoit en ses entreprises, encore qu'elle peust estre secourue par les forces des Prouinces voisines qui estoient sous sa domination, il se deffoit neantmoins qu'elles ne seroient pas bastantes pour resister à la valeur des Hongres, qui n'entreprendroient iamais ce siege sans vne puissante armée, pour la pouuoir emporter, toute la diligence toutesfois n'y sceut donner le secours désiré.

Car Matthias ayant pacifié toutes choses avec ses voisins, & la Pologne, Boheme, Morauie & Silesie rendues paisibles, il auoit conuertty ses forces & son courage contre l'ennemy du nom Chrestien. Mais comme la place qui luy estoit pour lors la plus importante, & qui le tenoit le plus en gesne fust Sciauas, il se resolut auant toutes choses de l'emporter, & pour surprendre l'ennemy, lors qu'il y penseroit le moins, s'alla camper deuant, durant les plus grandes rigueurs de l'Hyuer, enuiron le mois de Decembre, contre l'aduis mesme de tous les siens. Mais comme ce Prince estoit fort heureux en toutes ses entreprises, & qu'ordinairement les grands Chets ont des secrets mouuemens interieurs qui leurs font reussir leur dessein contre toute apparence, il se vint camper sur le riuage du Saue à l'opposite du fort de Sciauas, où ayant fait vn bon retranchement que la riuere du Saue remplissoit, & faisant au dedans plusieurs blocus & forts bastions, qu'il garnit de plusieurs grosses pieces d'artillerie, il enuironna le tout d'une closture de bois, avec vne diligence admirable. Ayant doncques ainsi fortifié sa retraite, il vint incontinent aux mains avec les Turcs, lesquels ayans vaillamment repoussé les assaillans, tant s'en faut que cela fist perdre cœur à ce Roy inuincible, qu'au contraire il l'anima dauantage à poursuire son entreprise: de sorte que desirant estre parfaitement informé de l'estat de cette place, il se resolut d'aller luy mesme la reconnoistre, & de fait prenant vne petite nasselle, avec vn soldat & le batelier, luy en habit auili de soldat, approche des remparts, contemple & reconnoist à l'œil toutes choses, & de si pres que les sentinelles Turques l'ayans descouuert, tirerent contre la barque & tuerent le soldat d'un coup de mousquet, sans toutesfois que cela l'empeschast d'acheuer son reconnoissement, par ce trait d'extreme hardiesse s'estant rendu certain de toutes choses. Cela toutesfois luy fut de peu de profit, car la valeur & resistance des assiegez, qui ne donnoient aucune prise sur eux, & qui faisoient beaucoup souffrir aux siens, luy firent quitter de force ouuerte, pour se seruir des ruses, & de quelque braue stratageme. Il enuoye doncques vn puissant bataillon de caualerie au dos de la forteresse s'embusquer dans vn vallon fort obscur, & luy avec le surplus de ses forces, sur la Diane, il liure assaut general qu'il entretint toute la iournée, plustost pour lasser les assiegez, que pour les forcer, & sur le Vespere, ayant fait sonner la retraite, rompant son camp leue le siege

XIV.

1475.

Le bruit de la guerre de Hongrie fait decamper Solyman de deuant Scutary.

Les Venitiens enuoyent vers le Roy de Hongrie pour estre secourus.

Siege de Sciauas par les Hongres.

Sciauas pourquoy basti par les Turcs.

Matthias l'assiege au cœur de l'Hyuer.

Va luy-mesme reconnoistre la place.

Ses stratagemes.

1475.

Leurs effets.

Prise de la place.

Les Hongres
poursuivent
leur victoire.

XV.

Senderouie
muehie.Les nocces
du Roy Mat-
thias ruinent
les affaires
des Chre-
tiens.Les troupes
d'Alibeq tail-
lées en pie-
ces.

comme desesperé de la victoire, & d'emporter jamais cette place, se retira: ceux de la place lassez du combat qu'ils auoient soustenu tout le iour, & des veilles & trauaux du siege, commencerent à se rafraischir, se resioiussans de s'estre ainsi sans secours deliurez de leur ennemy; & comme il arriue ordinairement en choses semblables, chacun se mit à faire bonne chere, mettant seulement quelques gardes du costé que les Hongres s'estoient retirez, & ne se soucians pas beaucoup du derriere de la ville, comme n'ayans que craindre de ce costé-là: mais comme l'obscurité de la nuit eust osté tout le discernement qu'on eust pu faire des choses esloignées, cette troupe de caualerie que le Roy Hongre auoit enuoyée se retirer dans le vallon, ayant demeuré coye tout le iour selon qu'il luy auoit esté commandé, sortit de son embuscade, & avec le plus de silence qu'elle pût, elle approcha de la place par l'endroit dont on se doutoit le moins, ce qu'elle fist avec tant d'adresse, qu'elle estoit sur le rempart, auant que la sentinelle en eust eu le vent.

Le Roy Matthias d'autre costé, n'auoit pas fait vne bonne lieue qu'il renouua sa caualerie legere à l'assaut, marchant apres avec sa gendarmerie au grand trot, ceux qui estoient sur le rempart, & qui tenoient desia vne partie de la place, encouragerent leurs compagnons, lesquels combien qu'ils eussent treuue quelque resistance au commencement, toutesfois cet assaut inopiné, & la prise de leurs remparts les auoit tellement estonnez qu'ils commencerent à fuir de toutes parts, quittans la place & les armes à la mercy du vainqueur: là fut fait vn grand massacre: le reste fut asservy. Le bruit de cette belle conqueste si promptement executée & avec tant de valeur & de bon-heur, se respendit incontinent parmy les nations circonuoisines, & chacun en faisoit des tesmoignages d'allegresse, comme si les ceps & les entraues de la Chrestienté eussent à cette fois esté brisées, non sans mettre en ceruelle les autres garnisons Turques, scachans bien que les Hongres n'en demeureroient pas là, comme de fait ils vindrent incontinent mettre le siege deuant Senderouie, ville tres-forte sur le Danube, & capitale de la Rassie, ou haute Mysie, conquise par Mahomet sur le Despote Eleazar, comme a rapporté Chalcondyle au neuuesme Livre de son Histoire, cette ville estoit vne grande espine au pied de la Hongrie: de sorte que Matthias tout encouragé par l'heureux euenement de Sciauas, & ne doutant point que le Turc viendrait incontinent faire quelque rasle avec vne puissante armée, & reconquerir ce qu'il auoit perdu, desirant gagner le temps, alla en diligence l'investir.

Or comme cette place est vn des bouleuerts de la Thrace, outre sa force naturelle, Mahomet y laissoit tousiours vne puissante garnison & force munitions & artillerie, pour n'estre point surpris, & seruir aux occurrences qui pourroient arriuer en la contrée: De sorte que voyant combien il estoit difficile d'en auoir la raison qu'avec le temps, il fist trois forts qui bouchoient la place: si bien qu'il n'y pouuoit entrer aucun secours que par le Danube, & y a grande apparence que les choses eussent heureusement reüssi pour les Chrestiens, s'ils eussent poursuiuy leur pointe comme ils l'auoient commencé: mais les nocces du Roy Matthias emousserent non seulement la pointe de toute cette armée, mais il s'y fist encores outre ce tant de pompes & de magnificences que leurs thresors espuisiez, ils ne pûrent apres fournir aux frais de la guerre.

MAIS pour reuenir à Mahomet, toutes ses entreprises luy auoient fait rappeler Solyman de deuant Scutary, lequel auoit enuoyé Alibeq au secours, & comme il fut arriué trop tard, il estoit allé faire vne rasle avec quatre mille cheuaux au terroir Temisuarien, pour faire quelque dommage à ses ennemis, Emeric Nisor & Ceplanus Gouverneurs de Belgrade en aduertirent le Despote de Mysie, & les Capitaines de la garnison de Temisuar, à ce qu'ils pussent arrester Alibeq au passage lors qu'il penseroit s'en retourner chargé de butin: quant à eux, ayans assemblé ce qu'ils pûrent de forces de la basse frontiere sortirent de Belgrade avec leur caualerie, & ayans passé le Danube, s'allierent avec le Despote, & vindrent attendre de pied ferme les Turcs au pied d'une montagne, par où ils auoient eu aduis qu'ils deuoient passer, où les Turcs furent si mal menez que la pluspart taillez en pieces, l'autre taschant se sauuer à nage, fut abysmée dans les eaux, Alibeq qui auoit fait venir des vaisseaux de Senderouie par le Danube, voyant toutes choses deplorées pour luy, se sauua dans vne nasselle: & cecy arriua quelques mois deuant les nocces du Roy Matthias, auxquelles se faisoit comme vne assemblee generale de toute la Hongrie, Valachie & Transiluanie, perdans ainsi vne si belle occasion que Dieu leur mettoit en la main, pour deliurer tant de pays d'une miserable seruitude, sur l'espolement qui auoit lors saisi les Turcs. Au contraire Mahomet, de qui le principal

cipal plaisir estoit la ruine de ses ennemis, voyant vn si beau moyen d'auoir sa reuanche sur les Hongres, & de deliurer Senderouie, encore que ce fust au mois de Decembre, leua en diligence vne armée de quarante mille cheuaux, lesquels fauorisez de la saison qui auoit tellement glacé le Danube, qu'on y pouuoit passer à pied sec, & les fossez des forts qui estoient à l'entour de Senderouie: de sorte que venans aux mains, la multitude des assaillans forcerent la garnison de ces forts à se rendre, vie & bagues sauues, & quitter leurs forts qui furent incontinent rasez; & tout d'vne mesme pointe passerent en la Moldaue, qu'ils rauagerent de bout à autre, comme ils voulurent, le Vaiuode ayant esté contraint de laisser passer cet orage, & se retirer dans les deserts. Les Turcs y firent vn tres-grand butin, emmenans, selon quelques-vns, iusques au nombre de quarante mille ames de tous âges & sexes, en vne miserable captiuité.

1475.

Les Turcs prennent les forts des Chrestiens deuant Senderouie.

Leurs rana-ges en la Moldaue.

LEON CLAVIUS en ses Annales, tient que Solyman apres auoir leué le siege de Scutary, atoit fait vne course en la Moldaue, où le Vaiuode les attendit de pied ferme, qu'il se donna entr'eux vne grande bataille: mais que les Turcs lassez du siege de Scutary, du chemin, & sur tout de la grande froidure qu'il faisoit lors en ces quartiers-là: cela auoit tellement rallenty la viuacité de leurs courages, qu'ils ne purent resister à la valeur du Moldaue frais & reposé: de sorte qu'il s'en fist vn grand escheec, en l'an de nostre salut mil quatre cens septante-cinq, & de Mahomet huit cens septante-neuf, durant laquelle année aduint tout ce que nous auons dit cy-dessus: mais cette defaite de Solyman en Moldaue, n'empeschâ pas ce rauage que nous venons de dire: car l'vn estoit deuant le siege de Senderouie, & l'autre depuis que les forts des Hongres furent mis par terre. De maniere qu'il sembloit que les Chrestiens auoient eu l'aduantage en beaucoup de lieux durant cette année, & que si on les auoit assaillis, au moins s'estoient-ils courageusement deffendus.

Solyman des-fait en la Moldaue,

CE bon-heur leur continua encorés à Naupacte, auioird'huy Lepante, assise sur le golfe de Corinthe, & jadis fort renommée entre les villes d'Etolie, mais avec bien meilleur tiltre, depuis cette memorable victoire que les Chrestiens y obtindrent contre Sultan Selim, comme nous dirons en son lieu, contre cette ville Solyman mena vne armée de trente mille hommes, esperant de l'emporter sans beaucoup de resistance: mais Lauretan qui peu de iours auparauant y estoit arriué avec vne puissante armée nauale, luy rompit bien ses desseins; car nonobstant qu'il y tint le siege durant l'espace de quatre mois, la bonne garnison qui estoit dedans, & l'armée nauale Venitienne qui estoit au port, & qui fournissoit les assiegez de viures, d'armes & de gens, leur faisoit faire à tous propos des sorties sur les Turcs, où ils auoient le plus souuent l'aduantage: de sorte qu'estans, par maniere de dire plus assiegez qu'assiegeans, perdant toute esperance de la prendre, & lassé de cette guerre, il decampa pour s'en aller ietter dans l'Isle de Lemnos, où ayant allié la ville de Coccine, & ayant desia foudroyé toutes ses murailles: il s'en fust rendu maistre infailliblement, sans la prompte vigilance de Lauretan, qui fatal à Solyman pour luy empescher le succez de ses entreprises, ayant laissé quatre galeres à Lepante, s'en vint avec le reste de l'armée à Phara Isle deserte, fort proche de Lemnos, toutes-foi il n'osa de premier abord attaquer le Turc, d'autant que la pluspart de ses soldats estoient malades & allittez. Mais l'enemy ayant toute autre pensée de ce retardement, & s'imaginant que ce dilayement prouenoit de ce que toute son armée n'estoit pas encorés arriué, & qu'il attendoit le reste de ses forces pour luy liurer la bataille, prenant l'espouuente mal à propos, il fist voile en haute mer, & se retira.

XVI.

Va deuant Naupacte.

Contraint de s'en retirer,

& de Coccine.

ENTRE tous les habitans & soldats de la garnison, qui furent tous louiez & estimez par Lauretan, on luy presenta vne ieune fille nommée Marulle, le pere de laquelle estant mort à la porte Coccine, combatant vaillamment elle accourut aussi-tost, & ayant empoigné l'espée & le bouclier du mort, soustint toute seule l'impetuosité des Turcs forçans desia la porte, puis aydée des siens, auoit repoussé les ennemis iusques dans leurs vaisseaux avec grand meurtre: de sorte que le commun bruit estoit que la ville auoit esté principalement sauuée par sa valeur: aussi le General luy donna-il double paye, & les Proudadeurs & tous les Capitaines des galeres luy firent present d'vn escu chacun: luy estant outre plus donné le choix de prendre de tous les vaillans Capitaines, celui qu'elle voudroit pour mary: Lauretan luy promettant de luy faire assigner douaire public, à ces grandes offres, elle fist encore dauantage paroistre la magnanime grandeur de son courage & son integrité, disant qu'il ne falloit pas auoir esgard à la force seulement, mais aussi à la preud'homme, & partant qu'elle ne se marieroit iamais, qu'elle n'eust exactement

Courageuse valeur d'une ieune fille de la ville de Coccine,

1475.

Elle estoit du
têps de Jean-
ne la pucelle.

XVII.

1476.

Mécontente-
mens du Roy
Matthias, &
leur origine.

Guerre Au-
stienne fau-
orable pour les
Turcs.

Victoire du
Roy Matthias
sur les Turcs.

Qui retire ses
garnisons de
l'Albanie.

Grands raua-
ges des Turcs
par les terres
des Venitiens,
& principa-
lement au
Frioul.

reconnu qui seroit celuy qu'elle deuoit auoir pour mary : action aussi remarquable que pas vn autre de l'antiquité, qui égale vn Horace Cocles, & deuant de bien loin Valerie & Cœlie Romaines, cette-cy tenant encore du grand courage de Hyplipulle & autres Lemniennes tant célébrées autres fois : & ce qui ne se doit pas passer sans quelque remarque, cette-cy viuoit enuiron le temps de nostre Jeanne la pucelle ; comme si en ce siècle-là les femmes eussent deu combattre contre les hommes, pour le prix de vaillance & de magnanimité.

DURANT que toutes ces choses se passerent ainsi, le Roy Matthias, qui auoit épuisé la meilleure partie de ses finances, comme nous auons dit, aux pompes & magnificences de ses nopces, voyant que c'estoit luy qui portoit tout le faix de la guerre contre le Turc, & que c'estoit sur ses terres, & sur ses principales places que se faisoit le plus grand rauage, se resolut de se tenir seulement sur la defensible, de munit & fortifier ses frontieres, & laisser faire les autres nations à leur fantaisie. Il souloit tirer tous les ans de la Chambre Apostolique, cent mille ducats ; les Venitiens luy faisoient aussi quelque forme de pension pour subuenir aux frais de la guerre, mais le tout luy auoit esté retranché en la guerre Germanique ou Austrienne qu'il eut contre l'Empereur Ferdinand, les Italiens s'estans partialisez pour l'Empire.

Ce fut cette mal-heureuse guerre si fauorable à Mahomet ; & qui luy facilita le progrez de ses conquestes : car tandis que les Princes Chrestiens estoient acharnez les vns contre les autres, il accroissoit tousiours son Empire à leurs despens, & ne perdoit aucune occasion pour bien faire ses affaires : de sorte qu'il seroit bien mal-aisé de dire qui de l'Empereur, ou du Hongre, du vaincu ou du vainqueur receut plus de perte en cette guerre : car Federic de vray perdit plusieurs places, & fut contraint de mandier la paix à son ennemy, mais aussi toutes les Prouinces de Matthias furent rauagées par le Turc, ce qu'il n'eust iamais fait s'il eust tourné ses forces contre l'Infidèle, ayant assez fait paroistre par six notables batailles qu'il leur a lurrées, & desquelles l'honneur & le champ luy est demeuré : que ce Prince auoit tant d'heur & de conduite, qu'il estoit du tout inuincible, comme il a esté iusques à la mort, & que vaincre & combattre luy estoient vne mesme chose : mais telle est l'ordinaire des Chrestiens, de laisser la bergerie au loup, tandis que les chiens se mangent l'un l'autre ; ceux qui estans les protecteurs & conseruateurs de cette sainte Republique, estans bien souuent les vsurpateurs & destructeurs d'icelle : & ce qui est le plus remarquable, c'est que cette guerre Austrienne ayant esté cause d'empescher l'entiere liberté des Chrestiens en toutes ces marches-là, elle a esté cause non seulement de l'establissement des Turcs, mais en fin l'orage mesme est tombé sur leur teste, estans tous les iours aux mains pour desfendre leur pays. Matthias doncques se voyant assailly de la necessité & du manquement de finances, qu'il redoutoit plus que les armées du Turc, bien qu'on luy eust escrit des lettres d'excuses, tant de Rome que de Venise, ne prenant point tous ces discours, pour argent content, retira sous main les garnisons qu'il auoit, tant en l'Albanie, qu'autres terres des Venitiens, & rompit l'alliance qu'il auoit avec eux, indigné principalement de ce qu'ils auoient fauorisé son ennemy, aussi ne fut-ce pas sans leur faire entendre combien son secours leur auoit esté utile, & combien il leur estoit important de l'auoir pour amy.

Ce diuorce apporta vn preiudice notable à l'estat vniuersel des Chrestiens, mais particulièrement aux Venitiens, qui se ressentirent bien-tost de la perte d'une si bonne espée : car le Turc voyant le pas ouuert à la Dalmatie, les gardes s'en estans retirées, & l'ardeur du Hongre refroidie, il se resolut de se frayer le chemin du Lifonce, que les Prouinces circonuoisines de la Thrace prenoient ordinairement pour entrer en l'Italie : ce fleuve coupe les frontieres du terroir Aquileen avec vn cours si violent, qu'il est gueable en bien peu d'endroits : Alibeg eut la charge de faire cette descouuerte avec quinze mille cheuaux qu'il ramassa de l'Esclauonie, Bulgarie & Macedoine, ayant passé les monts Dalmatiens & Carmiens, & couru la Carinthie & la Styrie, avec vne celerité esmerueillable, sans que la profondeur des riuieres, ny l'aspreté des montagnes leur peust empescher le passage & destourner de leur dessein ; ils vindrent tumultuairement se jeter dans le Frioul, ou marque Treuisane iusques au fleuve Lifonce, rauageans de sorte tous les bourgs & villages par où ils passerent, qu'une profonde paix auoit rendus riches & opulens, qu'ils en emmenerent au moins vingt mille ames avec vne grande quantité de butin, cette course ayant apporté telle frayeur à toute l'Italie, que plusieurs changerent de demeure, pour aller chercher vne retraicte en vn pays de plus grande seurété, cela fut cause aussi que les

Venitiens

Venitiens firent clore & remparer de grosses leuées, tout ce qui court de riuere guebale dans le fleuve de Lizonce, entre le pont Gorician & les marests d'Aquilée, faisant fortifier les deux chasteaux de Gradisque & de Foliane, avec vne petite citadelle, vis à vis du pont Gorician, mettans en tous ces lieux bonne & forte garnison, & esperans par ce moyen arrester l'impetuosité Turquesque, & donner quelque seureté à leur pays.

Mais à peine ces choses auoient-elles esté paracheuées, qui toutesfois s'executerent avec beaucoup de diligence, que lors qu'on y pensoit le moins, Homar Sangiac de la Bosfine avec vne armée, comme on tient, de quinze mille cheuaux d'esslite, se fit sentir sur le riuage de delà du fleuve Lizonce: cette descouuerte se fist sur le tard, empeschant ainsi les vns les autres de venir aux mains; mais le lendemain Homar qui auoit dessein de s'emparer du fort qui commandoit au pont, fist sur la brune prendre le tour à quelques troupes des siens, qui enuironnans cette forteresse, surprirent tellement la garnison, que sans y perdre beaucoup des leurs, ils se rendirent maistres de la place.

Qui prennent le fort du pont sur le Lizonce.

Les Venitiens qui auoient ramassé toutes leurs forces, s'estoient campez à quatre milles de ce fort, resolu d'attaquer l'ennemy de quelque costé qu'il voudroit tirer. Mais furent quelque temps ignorans que le fort du pont fust entre les mains des Turcs, & mesmes ne voulurent pas croire ceux qui leur en apporterent les nouvelles, tant nous prenons plaisir d'ignorer les choses qui nous sont desagréables, ou nous peuuent porter prejudice: cela donna loisir à Alibeg ou Omarbeg (car on donne tous ces deux noms à ce General) de dresser vne embuscade de mille cheuaux en lieu commode assez pres du pont pour se tenir en garde, & estre attentifs de courir sus l'ennemy au signal qui leur seroit donné, puis vers la pointe du iour il fist passer la riuere à vne troupe de cheuaux, pour aller faire la descouuerte, leur enioignant d'aller iusques au camp de l'ennemy, s'ils ne trouuoient rencontre en chemin, & de donner avec furie dans leurs portes, pour les attirer au combat, mais ils ne furent point en cette peine: car ayant rencontré Hierosme Nouellus, le chef des forces Venitiennes, ils commencerent aussi-tost la meslée, où chacun de part & d'autre faisoit paroistre sa valeur. Mais les Turcs, qui auoient esté instruits de ce qu'ils deuoient faire, feignirent de reculer au plus fort du combat, ce qui accreut encore le courage des Chrestiens, croyans que ce fust vne veritable fuite; si bien que toute la ieunesse Venitienne les serroit de fort pres, contre mesme la volonté de Nouellus, qui vouloit qu'on arrestast cette poursuite, voyant les Turcs fuir trop lentement pour des gens espouventez: mais l'ardeur du combat & le desir de la victoire, l'empeschoit d'estre obey, iusques à ce qu'ils fussent arriuez en des chemins fourchus fort serrez & suspects de toutes parts: car alors les Chrestiens s'estans retirez au son de la retraite: les Turcs au contraire reuindrent à la charge, renforcez d'une autre troupe qu'on auoit enuoyée à leur secours, iusqu'à tant que tout le reste de l'armée arriua, & lors le combat recommença plus furieux que deuant: de sorte que les Turcs furent repoussez iusques à Graman, c'est vn torrent qui court à trauers les vallées Pygortanes. Mais comme le Venitien tenoit quasi la victoire en sa main, Alibeg donnant le signal à ceux de l'embuscade du sommet du mont de Licinise, qui estoit à main gauche des combatans, ils vindrent fondre avec vn tel bruit & telle furie sur les Venitiens, qu'eux qui ne s'attendoient rien moins qu'à cette recharge, & qui pour estre trop attentifs au combat, ignoroient le nombre de ce nouueau secours, commencerent à reculer & prendre en fin telle espouente, qu'ils se mirent tous en fuite. Les Turcs cependant les poursuuians à toute bride, en firent vn grand massacre iusques à Mossa, & vn peu plus auant où ils s'arrestèrent, le General Hierosme Venitien y fut tué avec son fils, & plusieurs autres notables personnages, sans que parmy vn si grand nombre de morts, comme dit l'Histoire de Venise, on peust trouuer le corps d'un seul Turc, bien que cela soit certain que plusieurs y finirent leurs iours, comme il s'est pu remarquer par ce discours: de sorte qu'il y a grande apparence qu'il Homar les fist amasser en vn tas, & brusler, pour oster aux Chrestiens la connoissance de la perte qu'ils y auoient faite; ruse qui luy seruit à courir en assurance, & rauager toutes les mestairies, bourgs & villages qui estoient entre les fleuves Lizonce & Taillament, où il mist le feu d'un bout à autre, ce qui donna vne telle terreur à tout le pays circonuolin, qu'à peine estoit-on assuré dans les villes, & non content de cette raffe là, feignant s'en aller, ils s'esloignerent bien vne iournée du fleuve Lizonce, de maniere que par toute la Prouince, comme on les croyoit auoir quitté le pays, on fut tout estonné qu'on les sentit de retour avec autant de furie & de cruauté qu'au precedent, acheuans de butner ce qu'ils auoient laissé, se retirans ainsi en la Bosfine

XVIII.

Stratageme d'Alibeg.

Bataille de Lizonce.

L'embuscade d'Alibeg oste la victoire des mains des Chrestiens.

Les Turcs victorieux, font grand massacre des Chrestiens.

Seconde & troisieme ruse d'Homar.

1475. chargez de gloire, de toutes sortes de despoüilles, & d'une multitude de captifs, non
 & 1476. moindre que la premiere fois qu'ils auoient rauagé cette contrée, telle fut l'issue de la
 bataille de Lizonce, qui apporta telle frayeur à vn chacun, que iusques à Veronne on
 trembla de peur, aussi vit-on de la haute tour de Venise, le feu des mestairies qui brus-
 loient la nuit.

Grande frayeur
 par toute l'Ita-
 lie pour la
 perte de cette
 bataille

XIX.

Siege de la
 ville de
 Croye.

Les Chrestiens
 victorieux se
 perdent avec
 cette ville
 pour s'estre
 amusez au
 butin.

Grand coura-
 ge de Louys
 de Chastel.

Cause de la
 deurance de
 luy & des
 siens.

Ceux de
 Croye se ren-
 drent à discre-
 tion.

Ce fut le premier effect de l'alliance rompue avec le Hongre qui causa ce desastre : le
 second fut le siege & la prise de Croye, par le Sangiac Haly, cette ville qui auoit resisté
 par plusieurs fois à des armées de trois cens mille hommes, sous la conduite de ces puis-
 sans & redoutez Monarques Amurath & Mahomet, du viuant de ce grand Prince Scan-
 derbeg, maintenant vn petit Sangiac, assésuré qu'elle n'auroit autre secours que des Ven-
 titiens, promet à son Prince de la luy rendre sienne avec dix mille hommes seulement,
 & de faict s'en vint camper deuant Croye en l'année 1474. alors estoit Prouidadeur de la
 Dalmatie François Contarin, lequel ayant conjoint à ses forces la compagnie de Louys
 Ducagin, de Dossa, Pierre de Cartage, Louys de Castel, Carlin, & plusieurs autres com-
 pagnies Italiennes : ils vindrent tous ensemble se camper à Tiranne : Haly qui auoit
 esté aduertty de leur arriuée par ses espies, s'estoit embusqué au dos d'une montagne, non
 guere esloignée de Tiranne : de maniere qu'il fut presque aussi-tost senty qu'aperceu des
 Chrestiens, toutesfois eux qui scauoient n'estre pas loin de l'ennemy, auoient donné
 tel ordre à leurs affaires, qu'ils soustindrent non seulement cette premiere pointe, mais
 combattirent mesmes plusieurs heures avec tant de courage & de valeur, que les Turcs
 mis en fuite, soit par crainte ou par artifice (car l'un & l'autre se peut iuger) leur camp
 fut pris, & les forts & blocus construits à l'entour de Croye, abattus & mis par terre : de
 sorte que le Venitien tenoit la victoire assésurée, s'estoit jetté sur le pillage, consultant s'il
 deuoit passer la nuit en ce camp ennemy, le iour inclinant desia fort sur le vespre : mais
 tandis que tous les soldats espartis qui ça qui là & chargez de pillage, le Turc qui reprend
 ordinairement cœur apres son espouuente, iugeant bien que les Chrestiens s'amuse-
 roient ainsi au butin ne croyans rien moins que cette recharge, il exhorta les siens à re-
 conquerrir ce qu'ils auoient perdu, l'honneur de la victoire, à scauoir, & leur bagage,
 ioint l'esperance assésurée de la prise de Croye, s'ils tailloient en pieces son secours.

Ces trois puissantes persuasions leur ayans remis le cœur au ventre, ils tournerent visa-
 ge contre les Chrestiens avec tant d'assurance, qu'ils furent incontinent au dos de leurs
 ennemis, qu'ils trouuerent en tel desordre, que les vns, à scauoir les Turcs, n'eurent
 que la peine de tailler en pieces, & prendre des prisonniers, & les autres à s'en fuir où ils
 purent à la faueur de la nuit : Contarin entre autres fut pris & eut la teste tranchée, le
 Ducagien, Dossa, & Pierre de Cartage mis à rançon, Carlin & quelques autres se sauue-
 rent : mais la magnanime constance de Louys du Castel & sa compagnie est digne de
 toute louange & admiration à la posterité : ce vaillant homme voyant qu'il luy estoit du
 tout impossible de fendre la presse des ennemis, & la grandeur de son courage ne pou-
 uant s'abaisser iusques à se rendre à leur mercy, il se resolut avec les siens, de vendre bien
 cherement leur vie, & mourir les armes à la main : Il rengea tous les siens en vn petit cer-
 cle, la croupe de leurs cheuaux l'un contre l'autre, & la lance en l'arrest, faisant ainsi te-
 ste de toutes parts à l'ennemy : cette hardie resolution causant tant de merueilles aux
 Turcs, qu'encore qu'ils fussent victorieux & maîtres du camp des Chrestiens, toutesfois
 pas vn ne les osa attaquer, de sorte qu'ils demurerent en cet estat iusques à ce qu'eux
 & leurs cheuaux vaincus par la lassitude, tomberent à la fin par terre : Haly toutesfois
 admirant leur vertu, ne permit qu'on leur fist aucun mal, ains les prit à rançon, & de-
 puis ils furent deliurez des deniers du Senat Venitien.

Or toute cette perte, comme vous auez ouy, n'estant arriuée que par le peu de pre-
 uoyance des Chefs, Haly, qui reconnut incontinent à qui il auoit affaire, retourna aussit-
 tost au siege de Croye, laquelle en fin ayant souffert le siege vn an entier, les habitans
 voyans toutes ses provisions leur manquer (encore qu'ils eussent mis hors les femmes,
 enfans, vieillards & autre menu peuple inutile aux armes) & toute autre esperance de
 secours leur estre ostée, pressez qu'ils estoient de la faim, & mesmes espouuentez de
 l'effroyable armée que Mahomet amenoit en l'Albanie, ils se rendirent à la discretion
 de Haly, lequel y ayant laissé bonne & puissante garnison, s'en alla tout de ce pas avec
 le reste de ses forces, inuestir Scutary : Solymán y arriua quelques quatre iours apres, qui
 campa du costé de Leuant, avec vne armée de soixante & dix mille hommes, quelques
 autres disent que cettuy-cy s'appelloit Taut Gaiola, Beglierbey de la Romelie, puis le
 Gouverneur

Gouverneur de la Natolie Mustapha, avec quelque peu moins de forces, que celui de Romely : en fin le quinzième de Juin de l'année mil quatre cens soixante & quatorze, le Monarque Turc y arriva en personne, avec tous ses Janissaires & autres gens de sa Porte & famille: Haly, apres l'arrivée de son Seigneur, s'en alla camper au delà du Bolian. Quant à l'estat de la ville, il y avoit dedans mille six cens habitans, & deux cens cinquante femmes, ils avoient mis dehors toutes les autres bouches inutiles avant la venue de l'ennemy: outre ceux-cy, il y avoit encores six cens soldats mercenaires, sous la charge de Carlin, d'Antoine Corton, de François Santerobar, de Michel Spalatin, & de plusieurs autres grands Capitaines, Antoine Legghe y estoit en qualité de Prouidateur & de Gouverneur: avec ce petit nombre les Scutariens s'opposèrent le siege contre tant de milliers de personnes.

AVSSITOST doncques que Mahomet fut arrivé, l'artillerie fut incontinent braquée pour battre les murailles. Toutesfois le Turc selon la coustume, fist auparavant sommer la ville de se rendre, desirant du bon du cœur, qu'elle voulust entendre à quelque honneste composition, ayant assez esprouvé au premier siege le courage & la resolution invincible des Scutariens: mais il esperoit qu'ils seroient d'oresnavant lassez de la guerre, & espouventez de la multitude qu'ils pouvoient voir à l'entour de leur ville: car ceux qui furent à ce siege ont laissé par memoire, que l'armée Turquesque y estoit en si grand nombre, qu'en la plaine, aux montagnes, aux costaux, & par tout où la vue se pouvoit estendre au long & au large, on ne voyoit que tentes & pavillons. Toutesfois les habitans qui avoient intention de souffrir plustost toutes sortes de fatigues & de miseres, que d'entendre à la perte de leur liberté, firent response qu'ils n'eussent point tant perdu de leurs citoyens, ny souffert tant de miseres durant & depuis le premier siege, s'ils eussent eu quelque volonté de se ranger sous l'Empire des Othomans, qu'ils n'estoient point ignorans de sa puissance, & du bon-heur de celui qui regnoit pour lors, mais qu'ils s'asseuroient de combattre pour vne querelle si iuste, qu'ils fonderoient plus leur appuy sur le secours Divin, que sur la puissance humaine, & par ainsi qu'ils estoient résolus de répandre iusques à la dernière goutte de leur sang, pour leurs Autels & leur chere patrie. A cecy les Turcs adjoûterent encores deux ruses, l'une ce fut de déguiser deux des leurs qui parloient Italien, en habillement marinésque, & les enuoyerent deuant les murs de la ville, faisant accroire aux Scutariens qu'ils estoient des galieres fraîchement arrivées & descendus des galeres, qui avoient abordé depuis peu au Bolian, & amené l'Ambassadeur que les Venitiens avoient enuoyé au grand Seigneur, pour traiter de paix avec luy: de sorte qu'ils conseilloyent aux habitans de ne rien craindre, les assurant qu'il y avoit grande apparence d'un bon accord avec le Turc, & par conséquent qu'ils n'avoient que faire de tant travailler à la fortification de leurs murailles, veu la certitude de la paix, & que les Infideles n'auroient jamais l'assurance de s'arrester deuant vne telle place.

CELA fut dit d'une façon si grossiere & avec si peu de suite & d'apparence, comme les Turcs sont naturellement mal-propres à toutes ces negociations, qui desirerent un esprit plus delié que le leur, que les habitans reconnurent aisément cette invention estre venue du Bassa de Romely, lequel pour estre campé au dessus d'une coline (qui a esté surnommée la coline du Bassa) de laquelle on pouvoit aisément voir ce qui se faisoit dans la ville, il avoit reconnu que les Scutariens travailloient iour & nuict à fortifier leur ville de forts & puissans remparemens, ce qu'il vouloit empêcher par cette ruse, & de faire ces entremetteurs y fussent demeurez pour espies, s'ils ne se fussent sauvez par la fuite. L'autre ruse ce fut que les habitans de Croye s'estans rendus vie & bagues saüves, la plupart d'entr'eux mis à la chaîne par le Sangiac, contre la foy promise, & enuoyez à Mahomet, furent par son commandement incontinent menez aux portes de Scutary, & à force de menaces forcez d'admonester ceux de cette ville, de se mettre à la mercy des Turcs, desquels ils se pouvoient assurer d'avoir tout bon & favorable traitement. Mais la voix tremblante, & les soupirs interrompus de ces pauvres miserables leur faisoient assez juger qu'on leur avoit plus forcé la langue que le cœur, si bien que tant s'en faut que cela pût ébranler leur resolution, qu'au contraire ils remarquerent de plus en plus la perfidie du Monarque Turc, qui contre sa foy promise, tenoit captifs, & forçoit des gens, qui par leur capitulation devoient estre en pleine liberté, & toutesfois ils apprirent depuis qu'on les avoit mis à rançon, & que ceux qui n'avoient eu le moyen de la payer, avoient esté cruellement massacrez, apres avoir esté despoüillez, & les autres

1477.

Second siege de Scutary.

XX.

Sommé de se rendre.

Response de ses habitans.

Ruse des Turcs pour corrompre les Scutariens.

Autre ruse des Turcs par le moyen des habitans de Croye.

1477.

enuoyez deçà & delà, pour passer leur vie en vne perpetuelle seruitude. De sorte qu'au lieu que les Turcs esperoient par ces inuentions emousser la pointe des courages des Scutariens, ils les fortifierent de plus en plus pour souffrir toutes sortes de fatigues & de perils, plustost que de se rendre à la mercy de celuy, en la parole duquel il y auoit si peu d'assurance, ne pouuans pas esperer meilleur traitement de luy que leurs voisins, veu qu'ils l'auoient irrité par leur resistance.

Exhortation
du Pere Bar-
thelemy aux
Scutariens.

Cela seruit aussi de sujet à vn Pere Barthelemy, del'Ordre des Freres Prescheurs, & Epirote de nation, de faire vne exhortation à tous les habitans, afin d'auoir vn meilleur courage, & ne s'ennuyer point de la longueur du siege, leur ramenteuant le Roy de la Bosnie si cruellement traité, les Princes Rasciens aveuglez : le Seigneur de Metellin iusticié : l'Empereur de Trebizonde & ses enfans massacrez : ceux de Constantinople miserablement tourmentez de sang froid, les grandes cruautéz contre ceux de sainte Maure, avec vne infinité d'autres exemples, le tout contre la foy promise, il n'oubloit pas aussi la ruine de tant de florissantes Citez, qui s'estoient volontairement rendues sous sa domination, tant au Peloponese qu'aux autres Prouinces conquises, comme si l'armée de ces infideles eust esté comme vn feu qui fist vne rase par toutes les terres par où il passoit, tesmoin de fresche date, la florissante Ile de Negrepont : que ces gens estans enuoyez de l'abyssme comme fleaux du monde, s'estoient despoillez de toute humanité, & misericorde, ne se soucians que d'emplir leurs bourses & assouuir leur cruauté, & partant que le courage & l'audace leur creust, puis qu'ils auoient à faire contre des gens si detestables, que cela les deuoit faire trembler voirement, d'auoir affaire à vn ennemy si cruel, mais que cela les deuoit assurer, de ce qu'il ne pouuoient estre fauorisé du Ciel, si eux-mesmes n'auoient fermé le canal de ces douces influences par leurs iniquitez : qu'ils commençassent donc à nettoyer leurs ames, pour les fortifier apres d'vne nouuelle esperance de l'assistance Diuine, puis qu'il est tout certain que s'estans donnez entierement à DIEU, iamais sa majesté ne laissoit les siens au besoin : que si apres cette ferme croyance, il falloit ietter la veüe sur les moyens humains, ne deuoient-ils pas considerer la situation de leur ville imprenable, la force de leurs murailles & remparemens, leurs munitions d'armes, de poudres, d'artillerie, & de toutes sortes de viures en abondance, que si le nombre de leurs soldats estoit petit en comparaison de l'ennemy, qu'au moins deuoient-ils auoir cette consolation qu'il n'y auoit plus d'habitans inutiles dans la ville, & que si ce qui estoit resté ne vouloit non plus manquer de courage que de force, il s'asseuroit que l'ennemy auroit la honte de leuer le siege, & se retirer sans rien faire. Que chacun doncques se mist en deuoir de bien obeir & de bien combattre, car par ces deux choses ils auoient le dessus de l'ennemy. Ce bon Religieux, outre la creance que les habitans auoient en luy, disoit ces choses & autres semblables avec tant de zele & d'affection que son discours ne fut pas de petite importance, pour mettre de plus en plus le cœur au ventre des Scutariens qui en eurent bon besoin incontinent apres.

XXI.

Industrie des
Turcs pour
le transport
de l'artillerie.

MAHOMET voyant que toutes les ruses luy estoient inutiles, & qu'il n'auroit iamais la raison de ces gens-cy que par la force, il delibera de donner vn assaut general à la ville. Or les Turcs faisans ordinairement de fort longs voyages, l'attirail de l'artillerie leur seroit ainsi infiniment incommode pour tirer aisément pays, & faire leurs caualcades en telle diligence qu'ils font : mais pour éviter à cet embarrasement, ils portent le metal sur des chameaux, & puis fondent les pieces sur le lieu, quelques-vnes exceptées qui marchent pour la deffense du logement du grand Seigneur. En ce siege donc, le Bassa de Romely, auoit fait venir douze mille chameaux chargez de metal pour fondre de l'artillerie, mais entre les autres pieces qui firent le plus de domage aux habitans, c'estoit vn double canon, qu'ils appelloient le canon du Prince, pour auoir esté fondu en son nom, ils disoient que la Sultane auoit enuoyé le metal pour le faire, afin que cela luy peust seruir au salut de son ame, car cette maxime estant tenuë pour veritable entre-eux, que celuy qui fait le plus de mal aux Chrestiens en cette vie, est apres sa mort le plus aduancé au paradis de Mahomet. Cette Princesse auoit creu qu'elle feroit presque autant mourir de Chrestiens par l'impetuosité de cette piece, que la meilleure partie des soldats en eust sceu faire, admirable inuention de pieté, & digne de la beatitude, non pas de celle qu'à inuentée ce faux Prophete, mais de celle qu'il jouyt à present.

OR les Turcs auoient souuent menacé les Chrestiens de cette machine, laquelle ils pointerent avec vne infinité d'autres grosses & petites contre la ville, mais entr'autres il y auoit deux mortiers qui incommodoient fort les habitans : car les boulets que iettoient

ces

ces machines dessus les toits de Scutary estoient d'une telle composition, qu'après que le feu s'y estoit pris, à peine pouvoit-on éteindre: de sorte que le feu se prenant aux toits des maisons, qui n'estoient en quelques endroits que de bardeau, cela eust fait un merveilleux ravage, & mis tous les pauvres habitans en desordre, car c'estoit pour ce sujet que les Turcs avoient trouvé cette invention; & afin que cela réussist mieux selon leur desir, ils ne les tiroient ordinairement que de nuit; mais les Scutariens ayant descouvert l'artifice, deputerent quelques-uns d'entre eux pour avoir l'œil à ces tonnerres, qui donnerent un tel ordre par leur diligence, que la ville en recut fort peu d'incommodité. Un de ces mortiers fut planté au pied de la coline vers le Septentrion, au dessus de l'Eglise S. Blaise, duquel jaillissoit une pierre de douze quintaux pesante, qui s'eslançoit neantmoins en l'air d'une telle vitesse & impetuosité, avec un bruit & soufflement si estrange, qu'on ne l'eust pas jugée autrement qu'un véritable tonnerre; car on la voyoit rouler fort haut dans le Ciel, puis tout à coup fondre avec une telle violence, que tout ce qui venoit à la rencontre estoit brisé, fracassé & enfoncé: que si elle donnoit en pleine terre, elle y entroit douze palmes de profond, & choquant à quelque grosse pierre, elle s'y fichoit comme en quelque matiere tendre & molle: Et lors qu'on la voyoit en l'air, on l'eust prise pour quelque comete chevelue, pour la queue flamboyante qu'elle trainoit après elle.

TOUTES ces bombardes ensemble tiroient si continuellement & sans relâche, & voloient une telle quantité de pierres & de boulets sur la teste des habitans, que souvent elles se choquoient en l'air & brisoient les sagettes & le traict: si bien qu'ils ne trouvoient le couvert qu'avec grande difficulté, les murs estans presque abbatus rez pied rez terre, & leurs remparts & terre-pleins à demy ruinez, estans contraints de se creuser des caves dessous terre pour se cacher, tant ils se voyoient accablez de toutes parts par les balles & le traict, les uns accrauantez en leurs maisons par les mortiers, les autres mis en pieces par l'artillerie en plusieurs endroits de la ville; d'autres percez d'arquebusades & de fleches sur la muraille, de sorte qu'ils se voyoient presque reduits au dernier desespoir. Toutesfois ils avoient tellement mis leur esperance en l'assistance Divine, qu'au lieu de perdre cœur, ils trouverent leur constance & magnanimité raffermie au milieu de leurs afflictions, & leur courage tellement fortifié avec une genereuse ardeur de combattre, qu'oublans leur misere & calamité, comme si on leur eust enuoyé nouveau secours, ou comme s'ils eussent trouvé du rafraichissement dans leurs travaux, ils se presenterent au premier assaut general, qui fut livré avec tant de violence, & repoussé avec tant de valeur, qu'il fut repris par trois fois: il y avoit un endroit de la ville, du costé de la coline, où elle s'estendoit assez doucement sur la plaine, & rendoit cette advenue assez aysée, mais en recompence que le lieu estoit trop accessible de soy, l'artifice l'avoit rendu imprenable par deux tres-fortes tours, qui le flancoient de toutes parts: & si les habitans, qui se deffioient de ce qui aduint, à sçavoir que l'artillerie leur reduiroit tout en poudre, avoient fait au derriere de fortes leuées, & larges remparemens, mais par dehors cet endroit sembloit toujours le plus foible, voilà pourquoy les Turcs s'y opiniastrerent davantage, & où les pauvres Scutariens eurent le plus à souffrir. Mais leur valeureuse audace estant le plus fort boulevart de leur Ville, ils se defendirent courageusement de tout, resisterent à tout & repousserent tout. L'estendart Mahometan deux fois planté sur le rempart de Scutary, & deux fois arraché, finalement la troisieme, Mahomet qui regardoit le tout, qui menaçoit, & qui animoit les courages abattus des siens, rassemblant toutes ses forces devers la grande porte, fist donner dedans avec telle furie, que la Ville s'en alloit exposée à la cruauté du victorieux, quand une troupe de quatre cens hommes, toute la fleur & l'eslite des Scutariens qu'on tenoit iour & nuit en bataille sur la place pour subvenir aux endroits les plus affoiblis, & qui en avoient besoin, à la clameur de ceux qui croient que le Turc estoit dans la Ville, accoururent avec une telle legereté & assurance qu'à leur arrivée ayant arraché l'Enseigne Mahometane & planté celle de saint Marc Patron des Venitiens, le combat fut renouvelé en cet endroit tout ainsi que si les uns & les autres n'eussent combattu de tout le iour. Le Turc toutesfois bien plus retenu, mais le Scutarien, plus frais pour avoir repris haleine, sceut si bien user de son avantage, qu'avec feux artificiels, masses de pierres, tonneaux pleins de terre, fardeaux & autres choses semblables, dont on se sert ordinairement à la defense des places, ils arracherent des poings de leurs ennemis, leurs drapeaux, les chasserent & menerent battans, non toutesfois si loin qu'ils ne se pussent promptement ranger sous le couvert de leurs murailles; on tient qu'il mourut à cet assaut douze mille Turcs, & des Scutariens quatre cens,

1477.

Invention de certains boulets dequels on ne pouvoit éteindre le feu.

Leurs effets admirables.

Miserable estat des Scutariens.

Premier assaut general de Scutary où les Turcs furent repoussés.

Grand courage des habitans.

Quatre cens hommes sauent Scutary contre toute l'armée Turque, et se delia en la Ville.

1477.

& tout le reste blessé, chacun ayant voulu auoir part au gasteau : Mahomet qui auoit veu le tout, & qui tenoit la prise de cette ville toute assurée, voyant la chance tournée, & que de vainqueur il estoit vaincu, ne pouuant pas souffrir cet affront avec la constance requise à vn grand Chef de guerre, qui connoist la vicissitude des choses, ny regarder (parlant comme le vulgaire) la fortune d'vn mesme œil, on dit qu'il se renferma seul dans sa tente, sans vouloir rien communiquer aux principaux de son armée.

XXII.

Superstition
des Turcs.

Considérations
de Mahomet
sur le second
assaut de Scu-
tary.

OR les iours de cette solitude, de bonne aduanture pour les Scutariens, estoient aux derniers iours de la Lune, durant lesquels les Turcs ne donnent point de combat general qu'elle ne se soit renouvelée, ils eurent doncques cinq iours de relasche, durant lesquels ils se rafraischirent vn petit de leurs labeurs, & firent panser leurs blessures, pour en recevoir bien-tost de nouvelles: car au bout de ce temps Mahomet commanda aux principaux de son armée de se tenir prests pour vn second assault, ne se pouuant persuader, disoit-il, qu'apres tant d'escarmouches, de ruines, de meurtres, de blessures, de veilles, de fatigues, & parauanture de necessité, que les assiégez recrues de tant de miseres, ne fussent en fin forcez de se rendre, ou pour le moins ne manquassent de force pour resister à vne si puissante armée que la sienne, si ses Capitaines vouloiēt auoir de la vigilance & de la conduite, & ses soldats de la hardiesse & de la valeur, chacun ayant approuué son dire (comme en choses moins vray-semblables les Monarques Turcs ne sont pas souuent contredits des leurs) & avec grandes promesses de luy faire paroistre son courage & son affection, à l'accroissement de sa grandeur, l'artillerie delaschée deuant iour pour signal de l'assaut, les Turcs furent incontinent prests pour assaillir, & les Scutariens pour se bien deffendre.

Autre exhortation du Pere Barthelemy aux Scutariens.

CETTE petite surseance d'escarmoucher & combattre continuellement, leur auoit donné quelque relasche, encore que l'artillerie & les mortiers de l'armée Turquesque eussent tousiours tiré durant ce temps, leurs Chefs les alloient exhortans de toutes parts, mais particulièrement le bon Pere Barthelemy, duquel nous auons parlé, leur representant qu'ils ne scauroient souffrir iamais misere plus grande, que d'estre à la sujection du Turc, qui ne leur osteroit pas simplement les biens, l'honneur & la vie, mais qui prendroit leurs pauvres enfans, lesquels apres auoir sacrifiez à mille infames voluptez, ils sacrifieroient encore au diable, leur faisant renoncer leur Religion, qu'ils se gardassent bien de se laisser gagner à toutes leurs persuasions: car ce n'estoient que belles paroles sans effet ou pleines de tromperies, lesquelles tant plus elles se trouuoient couuertes d'vne espece de liberté, elles menaçoient aussi d'vne plus griesue & plus cruelle seruitude, que si les Saguntins auoient autresfois mieux aimé s'ensevelir dans leurs cendres que de faulxer leur foy aux Romains, & tomber entre les mains de l'ennemy, combien plus le Scutarien deuoit-il estre fidele au Venitien, duquel ils auoient receu & receuoient tant d'assistance, & combien le Chrestien deuoit-il s'exposer en toutes sortes de perils pour sa Religion, & pour les choses saintes qui seroient en peu de temps foulées aux pieds par l'Infidele, s'ils ne faisoient des remparts de leurs poitrines, & qu'ils ne cōbatissent dauantage par l'ardeur de leur courage, que par les feux artificiels, ou celuy de leur artillerie: ces feux, disoit-il, que vous avez veus cette nuit sur la pointe de vos piques, que pensez-vous qu'ils veulent dire autre chose, sinon que vostre salut est en vostre propre courage? Souuenez-vous que les soldats de Licurgus estoient couronnez d'oliuier, & ensevelis dans des branches d'oliuier, car leurs traits & leurs jaelots estans faits du bois de cet arbre, s'ils estoient vainqueurs, c'estoit leur gloire, s'ils estoient vaincus, c'estoit leur sepulchre, tout de mesme de vostre valeur, qui vous rendra vostre ville, vos femmes & vos enfans, si vous resistez courageusement à la furie de l'ennemy, mais qui vous ensevelira dans vos cendres, ou dans l'esclauage, si elle s'espouuente de leur multitude & de leur impetuosité. Il alloit tout à cheual deçà & delà par la ville disant ces choses, tandis que Nicolas Monete, qui commandoit aux gens de cheual, leur ramentenoit d'vn autre costé la glorieuse victoire qu'ils auoient remporté au premier assault, & combien ils auoient honteusement repoullé l'ennemy, qui estoient les mesmes hommes, mais non les mesmes courages, car ils pensoient auparavant combattre contre leurs inferieurs, & maintenant ils scauent bien qu'ils ont affaire à leurs maistres; qu'vn chacun doncques (disoit-il) ait bon courage, mes amis, ils n'auront iamais d'auantage sur nous, car ie m'assure que Dieu est pour nous: Ils alloient ainsi l'vn & l'autre exhortans leurs gens, tandis que l'assaut se donnoit plus furieux & plus cruel qu'auparauant; de sorte qu'ils ne scauoient quelle part plustost, & pour le mieux il falloit courir au secours, tant tout estoit plein de trouble & de diuers cris, Mahomet y estant luy-mesme en personne, qui donnoit courage aux siens; mais le lieu où ils auoient le plus d'affaire, & ou le

Autre exhortation de Nicolas Monete.

Turc

Turc auoit pointé toute l'essite de son armée, c'estoit à cette grande porte, de laquelle nous auons parlé, où les Scutariens firent tant d'armes & tant de deuoir de se bien défendre, que mal-gré l'opiniaistreté, la vaillance & la multitude des Turcs, ils les repousserent plusieurs fois, ayans mesmes delia gagné les remparts, les femmes aussi s'exposans à toutes sortes de perils, & combattant à l'enuy des hommes: de sorte que quelques-vnes furent tuées de l'artillerie sur le rempart.

1477.

Les femmes des Scutariens au combat comme les hommes.

MAHOMET qui voyoit tout ce combat, & admirant le courage des assiegez, fist toutesfoi s publier que chacun eust à se rallier sous son enseigne, & faire la dernière preuue de sa force & de son industrie, pour subiuguer cette place, & comme le Chrestien & le Turc estoient maintenant pêle-mêle, cela ne se doit pas passer sous silence, que le grand desir que ce Prince auoit d'emporter cette place, luy faisoit tirer son canon aussi-tost contre les siens, que contre les Scutariens, ne se soueiant pas de perdre ses soldats, pourueu que quelque Scutarien fust emporté quant & eux. Mais comme ce conseil estoit desespéré, aussi ne réussit-il qu'à son dompage: car les Turcs espouuantez de toutes parts commencerent à chanceler, & les Scutariens à les poursuiure avec vntel courage, qu'après plusieurs charges & recharges, ils les repousserent iusques dans leurs tranchées, retournans triomphans dans la ville chargez de maintes despoüilles, force enseignes, & testes Turque, qu'ils enleuerent au bout des piques deslus leurs remparts. On dit que les Turcs dirent depuis, qu'ils auoient veu durant ce combat, sur les murailles des Scutariens, des hommes d'une figure & d'un port plus auguste & venerable que l'humain, & qui excedoient la forme des autres hommes en grandeur & majesté, lesquels batailloient pour les assiegez contre les assaillans, aussi auoient-ils esté en continuelle priere aux heures qu'ils pouuoient auoir quelque relasche durant ce siege.

Mauuais aduis de Mahomet trouble les siens.

Vision des Turcs pour le secours des Scutariens.

CE fut icy le dernier assaut que l'Empereur Turc fist liurer à cette place, car Acomath, duquel nous parlerons cy-apres, voyant l'opiniaistreté des assiegez, luy conseilla de faire faire des forts & terrasses tout l'entour, l'assurant qu'estant ainsi bloquée de toutes parts, ils seroient en fin contraincts de luy venir crier mercy la corde au col, & que sa Hauteesse pourroit rendre les places circonuoinines, & après se retirer en sa Royale Cité, sans ressentir l'ennuy & le trauail de cette guerre. Ce conseil fut pris de si bonne part de Mahomet, qu'il le suiuit de point en point, le laissant luy-mesme avec quarante mille hommes, comme on dit, pour acheuer l'execution de cette entreprise, & enuoya surprendre Xabiac & Drinasse, qui luy auoit fait beaucoup d'ennuy durant le siege de Scutary, ayant choisi le temps que la meilleure partie des gens de guerre estoit sortie de Xabiac selon leur coustume, pour luy donner quelque estrette: il y mit le siege, la faisant battre d'une telle furie, qu'au bout de seize iours, n'ayans point de gens assez pour se défendre, ils furent contraincts de flechir sous le vainqueur qui tailla tout en pieces, trois cens exceptez, lesquels amenez deuant Scutary, passerent tous de sang froid par le fil de l'espee, les Turcs ne tenoient pas toutesfoi s encore le chasteau de Drinasse; car cent soldats resolus se fortifierent dedans & leur firent telle fort longuement, mais en fin presséz de la faim, ils furent contraincts de se rendre, moyennant vne honorable composition, laquelle leur estant tres-mal obseruée, ils furent conduits dessous les murs de Scutary, là où ils coururent la mesme fortune que leurs compagnons.

XXIII.

Conseil d'Acomath suiuy par Mahomet.

Xabiac surpris par les Turcs.

Et Drinasse pris par composition.

Ces places conquises, Mahomet lassé de tant de fatigues, & ennuyé de la perte qu'il auoit faite deuant Scutary, (car on trent qu'il y perdit plus de cinquante mille hommes: & celui qui a escrit l'histoire de ce siege, dit qu'il fut tiré dans la ville si grande quantité de fleches, qu'elles jonchoient la terre, & qu'elles y estoient plus d'une palme de hauteur, les cordes des cloches en estoient cousues, de façon qu'elles ne se voyoient point, & si en fut trouué en quelques endroits de fichées l'une dans l'autre: tellement qu'un mois entier, les habitans ne firent feu d'autre bois pour la cuisine, & pour les fours, qui fait assez iuger de la grande multitude qu'il y auoit là deuant,) se retira à Constantinople après auoir mis le feu à la ville de Lysle qu'il trouua deserte, les habitans s'en estans fuyz à son arriuée. Et pour oster toute esperance aux pauvres Scutariens du secours de la Seigneurie Venitienne, il dépescha le Sangiac de la Bosnie avec trente mille cheuaux, pour aller faire vn ratiage au Frioul, par la mesme piste des mois passez, & qu'après s'y estre entretenus quelque temps, tournans bride ils reprissent la volte d'Albanie, & se iournierent à Acomath.

Cinquante mille Turcs tua au siege de Scutary.

Les fleches tirées dans Scutary, seruent un mois durant de chauffage aux Scutariens.

Autre ratiage au Frioul.

HOMAR executant le mandement de son Seigneur, vint aux fortresses Foliane & Gradisque, lesquelles fort à propos le Senat Venitien auoit fait refaire & fortifier avec meilleure forme qu'elles ne l'estoient auparauant, taschans d'attirer les Chrestiens au combat,

1477.

Que les Turcs
sont contraints
de quitter.

Merueilleux
travail des
Turcs pour
vn peu de
butin.

XXIV.

mais eux faits sages par leur misere passée, se retindrent dans leurs remparts, en ordonnance toutesfois, pour estre tousiours prests au combat, & de faict ils sortirent vn iour à la campagne, & firent de tous leurs hommes d'armes vn bataillon en forme de coing, à la maniere des anciens Romains, les Turcs aussi-tost alloient à eux pour les combattre, mais ils venoient à s'enfiler dans les lances des Chrestiens, lesquelles ils tournoient contre leurs ennemis, sans se desordonner, & ainsi ne les pouuans mettre hors de rang, & moins les attirer hors de leurs files, ils n'osèrent se respendre en courses & pilleries, de crainte que les Venitiens les prenans par derriere, n'en tirassent quelque reuanche à leur interest, & s'allèrent ietter sur la prochaine frontiere d'Allemagne, au pas de Cador, où on dit que les Turcs firent des actes si estranges, qu'ils surpassent toute croyance; car estans paruenus avec grand travail aux sommets plus pointus des montagnes, pour descendre à la plaine, ils attachoient leurs cheuaux à leurs robbes ou castans, les deualans de dessus le front des precipices, de haut en bas & de vallée en autre, par fois la pluspart de leur caualerie, comme il s'est pû remarquer à la trace qu'ils en auoient frayée, s'estant comme precipitée en de si basses fondrieres, qu'à la longueur de plus de deux cens pas il estoit impossible non seulement de cheminer à pied, mais y arrester mesme la plante, sans s'accrocher à quelques racines ou arbrisseaux.

C E C Y n'est pas encore moins digne de remarque, qu'ayans surmonté les cimes de ces monts, & atteint les confins bossus de la marche Treuisane, & qu'on les eust aduertis que les Montagnars auoient occupé le sommet de la montagne de la Lance (seul passage ouuert pour la Germanie) sans s'estonner de cette hauteur demesurée, laquelle porte sa teste presqu'au dessus des plus hautes nuées, ny de sa roideur aspre & difficile infiniment à escarper, ils y grimperent toutesfois, en s'appuyans dessus leurs targes, & arriuerent où estoient leurs ennemis. Ceux qui gardoient le pas, estonnez de leur hardiesse se mirent en fuite, les laissant piller & rauager à leur aise: de sorte qu'ils s'en retournerent riches de toute sorte de butin au camp de leur General: tant l'homme met vn peu de gain à haut prix, que le marchand en mesprise les mers & les orages, le soldat les difficultez, voire la vie propre, & la pluspart des mortels, leur propre conscience, pourueu qu'ils s'enrichissent, & puissent serrer en leurs coffres cette pasture de la rouille, & cette rouille de leurs ames.

O R tandis que ces exploits se faisoient au Frioul, les Scutariens furent reduits à telle necessité, que horsmis le pain & l'eau, toutes choses leurs defaillioient, estans mesmes contraints à la fin de manger tout ce qu'ils pouuoient trouuer, cheuaux, chiens, chats, mesmes qu'ils faisoient cuire leurs peaux avec de l'eau toute pure, les assaisonnans d'un peu de vinaigre, les rats aussi y furent vendus bien cherement; les fricassées de tripes de chiens: mais finalement apres auoir souffert toute sorte de misere, l'espace presque de quinze mois, Benedict Treuisan Ambassadeur Venitien conclud la paix avec le grand Seigneur, en Auiil mil quatre cens soixante & dix-huit, avec conditions toutesfois fort desaduantageuses pour les Chrestiens, à sçauoir que la garnison se retireroit bagues sauues, avec ceux des citovens, qui n'y voudroient faire residence, que Scutary seroit assigné entre les mains du Sangiac avec Tenare Promontoire de Laconie, & l'Isle de Lemnos, payans en outre tous les ans au Chafna du Monarque Turc huit mille ducats, avec condition que le trafic de la mer majour seroit libre aux Venitiens, & à leurs sujets; quelques autres disent qu'il fut promis cent mille escus payables en deux ans par les marchands qui voudroient jouir du benefice de la negociation du Leuant: on restablit aussi le Baillo office exercée par vn Gentil-homme Venitien, pour administrer la iustice entre les marchands Venitiens, & connoistre des differens qui se pourroient mouuoir entr'eux de cette capitulation. Les habitans en ayans esté incontinent aduertis, & specialement qu'eux, leurs femmes, enfans & leurs biens se pourroient transporter ou bon leur sembleroit, ou demeurer sous l'Empire: ces genereux Chrestiens aymerent mieux abandonner leur chere patrie, pour la desfiance de laquelle ils auoient respendu tant de sang, & souffert tant d'incommoditez, que de flechir sous le joug infidele, à la persuation principalement de Florius Ionime Capitaine du guet de Scodre, qui leur representa amplement le miserable esclavage des Chrestiens sous les Mahometans.

Grande diffe-
rence de toutes
choses à Scu-
tary.

Qui est rendu
aux Turcs
par les Veni-
tiens.

Lesquels font
la paix avec
les Turcs, à
condition de
la liberte du
trafic.

Baillo office
pour rendre
iustice aux
Venitiens à
Constantino-
ple.
Ceux de Scu-
tary ayment
mieux quitter
leur patrie
que de vure
sous la domi-
nation des
Turcs.

D E sorte qu'ayans emporté ce qu'ils purent dans les vaisseaux Venitiens, qui estoient à quelques cinq mille pas de Scutary, eux, leurs femmes & leurs enfans, s'y en allerent incontinent apres embarquer, sans qu'il en restast vn seul dans la ville, se retirans sur les terres des Venitiens, qui les receurent & les traiterent humainement & honorablement,

comme

comme meritoit leur vertu & fidelité ; telle qu'à la verité, il se trouuera peu de peuples en l'antiquité qui l'ayent esgalée, & c'est en cela que la perte de cette place est d'autant plus desplorable : que si la Republique Venitienne eust esté assistée de quelque secours des Princes Chrestiens, pour faire leuer le siege apres le depart de Mahomet, comme il n'estoit pas peut-estre trop mal-aisé, iamaïs Scutary n'eust esté Mahometane, du viuant pour le moins de cét Empereur. Mais tandis que le Pape Sixte, le Roy Ferdinand de Naples, les Florentins & les Milannoïs se chamaillent l'un l'autre, à qui ruineroit son compagnon le Turc tandis peschant en eau trouble, leur apprit que c'est vn grand signe de mort, quand le malade tire sur l'estomach toute la couuerture, & laisse ses pieds & ses iambes desgarnies, & luy qui faisoit son profit de toutes choses, reconnoissant leur foiblesse, causée par leur diuision il les mist incontinent apres en telle destresse, qu'ils ne scauoient de quel costé se tourner.

1477.

Mais pour le present, poursuiuant sa pointe, il s'empara sans coup frapper des Isles Leucade, ou sainte Maure, Cephalonie & Zacynthe, Isles de la mer Ionique ; car Leonard Taurie qui les possédoit alors, & qui auoit espousé la fille de Ferdinand d'Aragon Roy de Naples, ayant entendu qu'on enuoyoit contre luy vne puissante armée de mer, pour n'auoir pas payé, comme il deuoit cinq cens ducats à vn Sangiac sien parent, qui estoit allé à Sauina ou Larta, iadis le goulphe Ambracien, selon ce qui auoit esté capitulé avec luy, & aussi qu'on luy objectoit d'auoir assisté les Venitiens en la guerre de l'Albanie, & autres choses semblables, se voyant d'ailleurs assez mal voulu des siens pour sa tyrannie, prit sa femme & ses plus precieux & riches meubles, se retira sur le Royaume de Naples, où il achepta quelques chasteaux & heritages en Calabre : de maniere qu'Acomath, qui estoit celuy qui auoit la charge de cette, guerre, de despit que ce Prince s'estoit sauué, ne pardonna à pas vn de ses officiers : & ayant rauagé tous les biens des Insulaires, enuoya toutes leurs familles à Constantinople, contre lesquels Mahomet inuenta vne nouvelle espee de cruauté : car il força tous les hommes, tant mariez qu'autres, à peine de la vie, d'espouser des Ethiopiennes, & aux Grecques, de prendre en mariage des Ethiopiens, voulant de ce meslange tirer vne race d'esclaués bazanez, où il se fist vn merueilleux massacre, tous ceux qui auoient la crainte de Dieu, & qui aimoient l'un sa femme & l'autre son mary, detestans cette dissolution & abhorrans cette pollution, contre lesquels tout ce qui se peut imaginer de cruel fut exercé contre eux, pour les forcer de contenter l'abominable inuention de ce cruel Prince.

Prise de sainte Maure, Cephalonie, & Zacynthe.

Le Prince de sainte Maure abandonne les siens pour se sauuer.

Misere de ces Insulaires.

Detestable cruauté de Mahomet enuers eux.

Or comme son ambition le portoit à l'Empire de l'Vniuers, & qu'il auoit aussi des desseins de toutes parts, où il pensoit faire le mieux ses affaires. Il eut aduis que l'on tenoit vne Diette à Olmucc, cité de Morauie entre les Roys de Hongrie & de Boheme, & iugeant par là que la Hongrie estoit desgarnie de gens, & principalement de son chef, qu'il redoutoit plus que tous les Hongres ensemble ; il commanda à Homar de faire vne caluecade en cette prouince, luy donnant pour cét effect trente mille cheuaux d'esslite, qui trouua toutes choses fauorables, cette année ayant esté fort seiche, & le fleue du Saue gueable en plusieurs endroits, car l'une & l'autre Pannonie sont enuironnées d'un costé du Saue, & de l'autre du Draue & d'un endroit du Danube, ces trois fleues estans ses principaux bouleuerts contre les inualions des Turcs : mais alors le Saue estant gueable, & le Draue se laissant passer à pied sec, les Turcs moyennant les guides qu'ils trouuoient à force d'argent, entrerent aisement dans la prouince, où ils firent vn rauage nonpareil : de sorte qu'arrinez iusques au chasteau Ferré, ils coururent la Styrie, & Racospurge, ou ayans tout mis à feu & à sang, ils se retirerent en la Bosnie chargez de butin, & enleué comme on dit, plus de trente mille ames raisonnables. Le Roy Matthias ayant entendu ce rauage, rompit incontinent l'assemblée, & ayant fait treues avec l'Empereur Frederic, il assembla en diligence le plus de forces qu'il peut, & ne les ayant peu rattraindre sur ses frontieres, poursuiuit trois iournées au delà de Iaicze, en vn champ appelé Greben, d'où il despescha seize mille cheuaux des plus vistes de son armée, pour auoir aussi sa reuanche sur la plus prochaine contrée appartenante à l'Otthoman, mais ils passerent outre iusques à Verbes, grosse & puissante ville d'Esclauonie, ou ayans rattrains les Turcs, ils la surprirent & entrerent de nuit dans la ville, ou peste-messe, avec les Turcs & habitans, qui ne s'attendoient nullement à cette serenate, & mirent tout à feu & à sang, demeurans trois iours entiers au pillage de cette place, au bout desquels se voulans retirer à Iaicze avec leur butin.

XXV,

Diette à Olmucc.

Courses des Turcs en la Hongrie.

Leur grand butin.

Diligence du Roy Matthias.

Prise de Verbes sur les Turcs.

Or qui s'estoit sauué lors que Verbes fut surprise, & ayant rallié le reste de ses for-

1478. ces esparſes par les villes & villages circonuoifins, leur vint donner ſur la queue, où de
 & 1479. premier abord il fit fort bien ſes affaires, car les Chreſtiens qui ſe retiroient ſans aucune
 deſſiance, veu l'eſchec qu'ils auoient fait des Turcs à Verbes, & eſtans eux-mêmes tous
 chargez de butin, il eſtoit mal-aiſé de ſe bien deſſendre parmy cét embarrasſement, au con-
 traire des Turcs qui tous à deliure & pouſſez du deſir de vengeance & de ſ'enrichir, ſ'en
 alloient ſans doute mettre les Hongres à vau de route, & leur faire plus reſpandre de
 ſang que les habitans de Verbes n'auoient eſpanché de larmes à la priſe de leur ville:
 mais vne troupe de trois cens cheuaux Croiaces, qui à l'improuiſte leur vindrent don-
 ner par les flancs, arreſterent leur impetuoſité; car les iugeans plus grand nombre qu'ils
 n'eſtoient, tandis qu'ils troublent leurs rangs pour leur faire teſte, les Hongres ſe deſ-
 ambaraſſent & reprennent cœur, de ſorte qu'ils forcerent les Turcs de tourner le dos, &
 ſe mettre en fuitte: & le victorieux à le pourſuiure avec vn notable degaſt par tout ce qu'il
 rencontra en l'Eſclauonie eſtre de l'obeiſſance Turqueſque, faiſant tout paſſer par le fer
 & par le feu à trente mille à la ronde de ſon camp: que ſi l'Empereur Federic euſt gardé
 les trefues qu'il auoit jurées, & ne ſe fuſt point jetté ſur la contrée laurienne, tandis que
 le Hongre pourſuiuoit l'ennemy commun, il y auoit grande apparence qu'il deuoit af-
 franchir l'Illyrie de l'Empire des Othomans: mais cette perfidie l'anima tellement à la
 vengeance, que laiſſant là tous ſes deſſeins contre les Turcs, il conuertit ſes armes contre
 Federic; reſolu d'y perdre ſa Couronne, ou d'oſter l'Autriche à ſon ennemy: voila com-
 ment apres la mort de Caſtriot D i e v nous auoit ſuſcité vne nouuelle eſpée pour nous
 deſſendre de la fureur de noſtre ennemy, ſi noſtre ambition deteſtable ne nous en euſt
 fait tourner la pointe dans noſtre propre flanc.

Qui perdent
 leur aduan-
 ge

Perfidie de
 l'Empereur
 Federic.

XXVI.

Mort d'V-
 ſunchaſſan.

La diuiſion
 des enfans
 d'Vſunchaſ-
 ſan, fait la
 planche aux
 enfans de Se-
 cardar pour
 paruenir à la
 Royauté des
 Perſes.
 Cruauté exe-
 crable d'Iſ-
 maël Sophy.

M A I S pour reuenir à Mahomet durant le ſiege de Scutary, il auoit eu nouuelles de la
 mort d'Vſunchaſſan, ſon grand ennemy, ce qui luy auoit fait entrer dans la penſée plu-
 ſieurs hautes entrepriſes, car il ne doutoit point qu'il n'y euſt quelque remuë-meſnage
 chez les Perſes apres cette mort, où il ſe preſenteroit occaſion de bien faire ſes affaires, &
 pour le moins que ſ'il vouloit entreprendre ſur les autres Prouinces, qu'il n'auoit plus à
 dos vn ſi puiffant ennemy, & de fait il ne fut point deceu de ſon opinion: car les enfans
 d'Vſunchaſſan ſe ruinans l'vn l'autre, ils donnerent lieu à Secardar qui auoit eſpouſé vne
 de leurs ſœurs, & qui preſchoit vne nouuelle interpretation de la loy de Mahomet, de ſ'e-
 ſtablir; en ſorte qu'il laiſſa toutes choſes préparées à ſon fils Iſmaël Sophy, & à ſes ſuc-
 ceſſeurs, pour ſ'emparer de la Monarchie des Perſes, de laquelle ils jouyſſent encore à
 preſent, en priuant ainſi les deſcendans d'Vſunchaſſan, qu'Iſmaël extermina iuſques au
 dernier, faiſant mêmes ſ'ouurer les ventres des femmes enceintes, pour en arracher le
 fruit, & maſſacrer cruellement, tant cette miſerable ſecte eſt priuée de toute eſpece
 d'humanité, mais de cecy plus amplement cy-apres.

Mahomet
 fait vne gran-
 de leuée de
 gens de guer-
 re.

Eſcrit aux
 Rhodiots
 pour les per-
 ſuader à ſe
 rendre.

Leur reſpon-
 ſe.

C E T T E mort doncques d'Vſunchaſſan, que quelques-vns veulent eſtre aduenue en
 l'année mil quatre cens ſoixante & dix-sept, & les autres 1478. ayant oſté toute crainte à
 Mahomet que quelque puiffant voiſin luy pût troubler en ſon abſence le repos de ſes
 Prouinces, fit vne leuée de trois cens mille hommes, tant de pied que de cheual, deux
 cens galeres, & trois cens autres voiles quarrées & latins pour trois grands deſſeins qu'il
 vouloit entreprendre tout à la fois, l'vne d'aſſieger Rhodes, l'autre de dompter l'Italie,
 & la troiſieſme de conquerir l'Egypte, mais il penſa qu'il eſtoit plus à propos de com-
 mencer par la priſe de Rhodes, il ſ'imaginoit que c'eſtoit vne grande honte à luy, qui ſ'e-
 ſtoit rendu le dominateur de la terre & de la mer, de voir cette Ile au milieu de ſes Sei-
 gneuries, commandée par vne petite troupe de gens luy tenir teſte toutesfois, & ne
 ſ'eſchir point ſous ſa domination, car il auoit taſché de ſeles rendre tributaires, en leur
 eſcriuant des lettres qui contenoient, qu'encore qu'il fuſt aſſez informé qu'ils fortiſoient
 leur ville, & l'environnoient d'vne triple muraille pour la rendre imprenable & reſiſter à
 ſa puiffance, toutesfois ſ'ils ſe ſouuenoient que Conſtantinople, le Peloponeſe, Lesbos,
 Negrepont & l'Albanie, n'auoient ſceu reſiſter aux efforts de ſon bras inuincible, qu'ils
 ſe deuoient aſſeurer d'encourir bien-toſt même fortune, ſ'ils ne vouloient reconnoiſtre
 ſa grandeur: que deſſendre ſa patrie eſtoit vne action à la verité digne de louange &
 d'honneur, mais qu'il la valoit mieux conſeruer entiere, en reconnoiſſant le plus fort, que
 de la voir reduite en cendre par ſon eſpiniaſtre: mais les Rhodiots ſans ſ'eſtonner luy reſ-
 pondirent brauement, que Les Soldans de Babylone & d'Egypte, qui n'eſtoient pas moins puif-
 ſans que les Turcs, auoient ſouuent attenté ſur leur Ile ſans en auoir rien emporté que des coups,
 & que la ruine de leurs voiſins leur auoit tellement accru le courage, qu'ils ſ'aſſeuroient que l.

retranchement

retranchemens seroient le tombeau de son armée, & qu'en tout euenement, ils aymoient mieux s'enfouir dans les cendres de leur ville ruinée, que sans & sans la liurer enriere entre les mains de leur ennemy.

A Y'ANT receu cette responce toute autre qu'il ne l'esperoit, cela l'anima encore davantage: mais ce qui l'esguillonna le plus, & luy fist poursuivre son dessein, ce furent trois renegats qu'il auoit pres de sa personne, l'un nommé Antoine Meligabe Rhodiot de nation, & de fort bonne maison, lequel ayant follement despendu tous ses biens, se retira vers le Turc, luy donnant la description du plan, edifices, forteresses & autres choses contenues, tant en la ville qu'en l'Isle de Rhodes. Le second & celuy qui y tint la main, fut Acomath Bassa, descendu de l'illustre famille des Paleologues: lequel ayant fait banqueroute à la Religion Chrestienne, s'estoit fait Turc, à certuy-cy s'estoit adressé le Rhodiot, luy faisant remarquer par la carte qu'il en auoit dressée, les endroits les plus foibles, que les Cheualiers en refaisans leurs murailles, n'auoient point fortifiez, & que la ville seroit aisée à prendre par ces costez-là: le troisieme boute-feu pour ce siege, fut vn Negrepontin appellé Demetrius Sophonie, grand Nigromantien, qui s'estoit retiré à Rhodes apres que Mahomet eut pris l'Isle de Negrepont, & lequel depuis se fâchant contre les Chrestiens, se retira vers le Turc, & fut circoncis: tous ces trois cy furent la cause principale du siege par leurs fausses instructions, le Bassa rapportant au grand Seigneur l'estat de la ville, non telle qu'elle estoit depuis que l'Illustrissime Grand-Maistre Pierre d'Ambusson de la nation de France l'auoit reparé, ains telle qu'elle estoit lors que les fugitifs l'auoient quittée, car ledit Seigneur Grand-Maistre l'auoit beaucoup fortifiée, remparée, flanquée, fossyée & enuillaillée, y ayant mis outre ses Cheualiers qu'il auoit rassemblez de toutes parts, vne bonne troupe de soldats soudoyez, pour le secours de sa troupe: car encore que Mahomet fist garder tous les ports & passages de la mer, & villes de trafic, de peur que les Rhodiots ne se desfiassent de cette grande armée qui se leuoit en l'Asie, & que les Turcs eussent fait courir le bruit que Mahomet estoit mort, & qu'on faisoit bien de vray quelque leuée en Asie, mais que ce n'estoit que pour obuier aux troubles qui eussent pû s'y esleuer. Tout cela, dis-je, donna plustost de la desfiance au Grand-Maistre, qu'il ne l'assura: de sorte qu'il mist de fortes garnisons à saint Pierre, Linde, Heracle & Monelet, places assises en terre ferme, & de la Seigncurie de l'Isle, & fournit tout de viures, artillerie, & toutes autres munitions qui sont necessaires à la guerre, commandant aux femmes & au simple peuple de se retirer à Rhodes avec leurs meubles, & les departit par les forts, & d'autres par les villes voisines de l'Isle qui luy estoient amies, fist encores arracher les bleds, qui n'estoient point encore meurs, afin que l'ennemy ne s'en seruist, & que les siens les faisant seicher, pûssent s'en ayder si la necessité le requeroit, car il estoit tout assésuré que le Turc ne faisoit point de si grands apprests, sans vn grand dessein.

Trois renegats animent Mahomet au siege de Rhodes.

Acomath Bassa de la famille des Paleologues, luy dône des instructions.

Fortification de Rhodes par le Grand-Maistre d'Ambusson.

Le bon ordre qu'il met de toutes parts.

ET de fait le vingt & vniesme de May, l'an de nostre salut mil quatre cens quatre-vingts, celuy qui estoit à Rhodes à l'eschauguette ordinaire du mont qui regarde le Ponant, donna aduertissement de la venue de l'armée Turquesque, & qu'à pleines voiles elle tiroit droit à l'Isle de Rhodes: cette flotte montoit seulement pour lors à cent voiles, qui auoit esté enuoyé deuant pour receuoir les soldats qui arriuoient de la Lycie (à present Briquie) qui l'attendoient à Philichio, ville assise sur vn golphe, & laquelle regarde l'Isle de Rhodes, laquelle vint surgir & descendre au mont saint Estienne, où elle campa, & par les costaux qui l'auoient, mettans les Turcs leur artillerie sur le port, au lieu où les eaux s'escoulent en la mer, que ceux de la ville ne pouuoient voir, empeschez par cette coline: & le troisieme iour d'apres, on planta & assista trois grosses pieces d'artillerie aux iardins de l'Eglise saint Estienne, pour battre le fort de saint Nicolas voisin de là, & assis sur vn coupeau de montagne, courans & armans le lieu où estoit leur batterie, de pallissades & forts, faits de bois, mais les Chrestiens assirent trois canons au iardin du Palais des Cheualiers d'Auuergne, & lors Georges maistre canonnier du Turc se presenta sur le bord du fossé qui regardoit le Palais du Grand-Maistre, en intention de luy estre présenté, mais il pensa estre accablé, & l'eust esté si on ne l'eust osté des mains de la fureur populaire.

1480. XXVII.

Armée de Mahomet deuant

CE George estoit Alemand, beau de stature & assez eloquent, mais fin & cauteleux au possible, car ayant renoncé à sa Religion, il se retira vers le Turc qui luy donna de grands gages: de sorte que s'estant marié, il s'estoit habitué à Constantinople; c'estoit vn des instruments Royaux desquels Mahomet se seruoit à prendre les villes, car il l'enuoyoit de-

Trahison de Georges canonier contre les Cheualiers.

1480. dans, sous pretexte qu'il se vouloit faire Chrestien : & luy cependant faisant semblant de s'ayder de son art (auquel il estoit fort expert) pour le bien des habitans, reconnoissoit tout ce qui estoit de fort & de foible, pour en aduertir son Maistre, par des lettres tirées avec des fleches : que si les Turcs ne pouuoient prendre lors cette ville, il en sortoit le siege leué, & donnoit aduis de tout ce qui s'y estoit passé, & de tout l'estat d'icelle, c'est ainsi qu'il en vouloit vser à Rhodes, toutesfois comme le camp des Turcs est composé de plusieurs nations & diuersitez de Religions, il y en auoit lors qui eussent esté bien marris qu'il fust arriué mal à cette ville : voila pourquoy ils tiroient des lettres au bout de leurs fleches, par lesquelles ils aduertissoient les habitans de se garder de ce galant : mais le Seigneur Grand-Maistre luy ayant baillé des gardes pour l'espier, on le reconnut à la fin pour tel qu'il estoit, & ayant esté mis à la question, il confessa tout ce que ie viens de dire, de sorte qu'il fut condamné à la mort, pendu & estranglé.

Decouuerte,
& la punition.

CEPENDANT les Turcs battoient sans relasche la tour de saint Nicolas ; car estant assise, comme nous auons dit, sur vn costau, quelques trois cens pas auant dans la mer, & faisant vn port fort commode, du costé qui regarde l'Occident, dedans lequel il ne peut entrer qu'une galere de front, à cause que de tous costez l'entrée est close d'un fort rocher, & sur la pointe duquel est assise la tour dont est question ; ils mettoient tous leurs efforts pour la pouuoir emporter, estant si forte & de telle consequence pour le gain du reste de la ville, & de fait cette batterie fut si bien continuée, que les grandes & grosses pierres, qui reuestoient le mur d'icelle, s'en allerent par terre, mais le dedans & moellon de la muraille estoit si bien cimenté qu'il fut impossible de tellement le demolir, que la pluspart de la tour ne demeurast debout, assez suffisante pour empescher le Turc de venir à l'assaut. Ce ne fut pas neantmoins sans donner beaucoup d'estonnement à ceux de dedans qui virent vne telle piece par terre, laquelle n'estoit plus tenable comme il sembloit ; toutesfois le Grand-Maistre reconnoissant la nature du ciment, la fit reparer, & resolu de la tenir mit quelque cornette de caualerie à l'auant-mur qui tiroit de la tour saint Pierre vers le Mandrache, afin d'empescher qu'on ne vint à l'assaut, comme aussi au bas du Mole, il fit vn choix de ses meilleurs soldats pour secourir les autres s'ils en auoient besoin : là mesme on mist de l'artillerie pour battre les vaisseaux Turquesques, faisant aussi preparer des mortiers, grenades, pots à feu, lances & autres materiaux pour ietter dans les vaisseaux des Turcs, lesquels cependant ayans le vent à gré, vindrent du mont saint Estienne vers le promontoire Saburne pour assaillir cette tour, sonnans leurs tambours & nacaires pour estonner dauantage les Chrestiens, desquels ils furent recueillis avec tant d'assurance, qu'ils furent contraints de se retirer. Mais Acomath voyant le peu d'auancement qu'il faisoit contre cette tour, changea ce dessein, & se resolut d'abattre le Mole, posant son artillerie vis à vis du mur qu'on appelle des Juifs, deuant lesquels on affusta huit gros doubles canons, & vne grosse bombarde de l'autre costé du Mole vers le Septentrion, sur vne terre où l'on conduisoit ordinairement au dernier supplice, les condamnez à la mort.

LE Grand-Maistre voyant le dessein de l'ennemy, apres auoir par processions & prieres publiques inuoqué l'assistance Diuine, fit abattre les maisons des Juifs jointes à la muraille, fit dresser vn beau rempart, & de grandes tranchées, n'y ayant Prieurs, Cheualiers, Freres seruans, citoyens, hommes ny femmes qui à l'enuy n'aydassent à porter ce qui estoit necessaire pour l'acheuement de cette besongne ; car les Turcs faisoient vn tel tintamarre avec leur artillerie, qu'il sembloit que quelque terre-tremble eust esmeu les fondemens de la ville : ce qui en les estonnant, les faisoit aussi penser à leur deffense, car il n'y auoit personne qui fust assuré en sa maison, tant les mortiers faisoient de degast à tous leurs edifices, c'estoit de ces mortiers dont nous auons parlé au siege de Scutary. Ce qui fut cause que le Grand-Maistre fit mettre les femmes & petits enfans le long des murs de la forteresse, qui estoient deffendus de grosses poutres, lesquelles ces pierres ne pouuoient accabler, & le reste se cachoit es lieux sousterrains : & pour ce on se retiroit es Eglises pour y dormir, ou contre quelque portail où les aiz fussent espais, ou aux maisons voûtées, de sorte que peu de personnes se ressentirent de cette ruine.

XXVIII. EN ces entre-faictes le Bassa, qui avec sa Religion auoit mis sous le pied cette generosité, qui accompagne ordinairement ceux qui sont issus d'un illustre sang, & ne se souciant pas s'il gaignoit Rhodes comme vn Renard ou comme vn Lion, ayant changé sa nature Royale à celle d'un esclau tel qu'il estoit, il iugeoit bien que le plus fort bouleuert de Rhodes & le plus indomptable, & celuy lequel demeurant sus-pied, rendroit tousiours la ville

Le Grand-Maistre se souit à la deffence de la tour S. Nicolas.

Assaut & retraite des Turcs.

Processions & prieres publiques à Rhodes.

Tous mettent la main à la besongne pour leur deffense, iusques aux femmes.

Ordre du Grand-Maistre contre l'impetuositè des mortiers.

la ville imprenable, c'estoit le Grand-Maistre, cela luy fit faire dessein sur sa vie & de pointer contre luy, non son artillerie, mais de meschans garnemens qu'il attitra pour s'aller ietter comme fugitifs dans la ville, feignans de se vouloir conuertir au Christianisme, & quitter la loy de Mahomet, & cependant avec intention d'empoisonner le Grand-Maistre: mais le premier de ces fugitifs estant pris pour vn espion, & ses responses aux questions qu'on luy faisoit estans tergiversantes & mal asseurées, on luy donna la question en laquelle il confessa tout, aduertissant le Grand-Maistre de se tenir sur ses gardes, veu le peril auquel il estoit, y en ayant plusieurs qui auoient fait vne semblable entreprise.

Le Turc cependant assaillit le quartier des Italiens, où il dressa sur le bord du fossé des remparts & leuées pour donner sur les Rhodiots, mais ayant esté repoussé, il reprit son premier dessein de battre la tour saint Nicolas avec plus de fure qu'il n'auoit point encore fait, & pour pouuoir venir plus facilement à l'assaut, il fit faire vn pont de bois qui se dressoit en haut, & s'estendoit de la Chappelle S. Antoine iusques à la tour. Ce pont estoit fait de diuerses pieces de bois, esquis, & barques ioints ensemble, auans de front assez d'espace pour tenir six soldats combatans, & de longueur d'un bord à l'autre du Mole, où ils se deliberoient de le conduire; mais il y eut vn nautonnier qui promit au Grand-Maistre de desfaire ce pont; ce qu'il fit: car s'estant mis sous l'eau, il deslia les cordes de l'anchre, lesquelles se separans çà & là firent qu'aussi les vaisseaux se desunirent, & que le pont fut sans nul effet. Le nautonnier fut recompensé du Grand-Maistre selon le merite d'un si signalé seruite, mais les Turcs ne laisserent pas de refaire le pont, & de donner vn assaut general à la ville, s'efforçans sur tout d'emporter cette tour, laquelle ils reconnoissoient estre la desfence ou la ruine des assiegez: & par ainsi ayans conduit leur pont à force de rames, la nuit du dix-septiesme de Iuin, ils commencerent d'attaquer la place avec toutes leurs forces, & dura cet assaut depuis minuit iusques à dix heures du matin, mais les Turcs n'y gagerent rien que des coups, plusieurs d'entr'eux ayans esté precipitez dans l'eau: de sorte qu'à plusieurs iours de là on voyoit encores des corps flotter sur les ondes, aussi tient-on que la perte ne se montoit pas à moins de deux mille cinq cens hommes de guerre, & des meilleurs qui fussent en tout leur camp: ce qui causa beaucoup d'ennuy au Bassa, voyant vne telle perte pour vne seule tour, & sur laquelle encore il n'auoit sceu rien gagner: neantmoins cela ne le peut empescher de poursuivre sa pointe, resolu de s'attaquer à tous les murs de la ville, afin qu'iceux abatus, & donnant l'assaut par diuers endroits, les Chrestiens fussent si empeschez qu'il leur fust impossible de se garantir.

Mais le Sieur Grand-Maistre & ses Cheualiers reconnoissans que leurs fossés remplis de toutes matieres, pour la ruine de leurs murailles, les Turcs pouuoient venir aisément aux mains, & voyans l'importance de cet affaire, ils inuenterent des trebuchets, & diuerses machines, avec lesquelles on lançoit des pierres de grandeur demesurée, lesquelles abatoient les engins dressez par les Turcs, pour l'effet de leur entreprise: ceux de la ville meisme emportoient de nuit & à cachettes, les pierres que leurs ennemis auoient preparées pour remplir le fossé: en fin si l'un auoit de l'inuention pour entreprendre, l'autre n'en auoit pas moins pour se deffendre, chacun y contribuant sa peine & son inuention. Entre les autres Cheualiers, ceux-cy se rendoient les plus recommandables, le frere du Seigneur Grand-Maistre Antoine d'Ambuillon, le sieur de Montelien, le grand Prieur de France Bertrand de Cluys & son nepueu, le sieur de Paumy, Louys de Coëton Auvergnac, Claude Colomb Bordelois, Louys Sanguin Parisien, Guillaume Gomat Sainctongeais, Charles le Roy de Dijon, Matthieu Baugelaire Perigordin, Charles de Montelon Authunois, Benedict de la Scale avec sa troupe qu'il auoit amené de Veronne, & vne infinité d'autres Cheualiers de toutes nations, qui meritoient bien chacun vne louange particuliere qui scauroit leur nom, puis que chacun fist tout deuoir de genereux & vaillant homme.

ACOMATH faisoit aussi ietter plusieurs lettres dans la ville, & menaçant les habitans d'une extreme ruine, s'ils s'opiniastroient dauantage, & au contraire leur faisant plusieurs belles promesses, s'ils se vouloient rendre à composition, mais à tout cela on fist la sourde oreille; il enuoya aussi vn Grec qui s'estoit fait Turc vers l'Eglise Nostre Dame pour parler à ceux qui estoient au guet sur les remparts, leur faisant entendre que le Bassa deliroit d'enuoyer vn Chaous au Grand-Maistre, pourueu qu'on luy donnast sauf-conduit, ce que luy ayant esté accordé, comme il n'eust parlé que de la grandeur du Monarque Turc,

1480.

Desseins d'Acomath contre la vie du Grand-Maistre.

Pont de bois pour battre la tour S. Nicolas.

Hardiesse d'un nautonnier.

Assaut general.

Perte notable des Turcs en cet assaut.

Inuention des Cheualiers pour empescher les Turcs de venir aux mains.

Ambassade du Turc aux Rhodiots.

1480.

Responce du
Grand-Mai-
stre à cet Am-
ballade.

& du grand bien que ce seroit aux Rhodiots d'auoir paix avec luy, sans y adiouster les conditions, lesquelles toutesfois estoient faciles à comprendre, c'est à sçauoir en ce rangeant sous son obeissance. Le Grand-Maistre le renuoya avec cette responce, *Que ceux qui portoient la Croix pour enseigne, ne pouuoient moins faire que se deffendre des ennemis d'icelle. Que si Mahomet auoit desir de la paix, qu'il retirast ses forces, & alors on en pourroit traiter tout à loisir, mais de penser les surprendre par de belles promesses, on les estonner par des brauades, qu'ils n'estoient point de la qualité de ceux qui se laissoient emporter à choses semblables, ny pour faire chose qui donnast quelque atteinte à leur honneur, ou qui dérogeast aucunement à la Religion qu'ils seruoient.*

Batterie con-
tre la nou-
uelle ville.

CETTE responce ayant esté rapportée au Bassa, il commença de foudroyer les murs de la nouvelle ville, ceux de l'ancienne estans presque tous demolis, mais ceux-cy estoient fort espais & de matiere tres-solide, ayans des fausles brayes & des tours, remparts & bouleuerts qui la flanquoient de toutes parts; contre ces murs furent tirez en moins de rien trois mille cinq cens coups de canon, tellement que tout y estoit si esbranlé qu'un grand pan de mur estant par terre plusieurs belles maisons, tant des Seigneurs que des citoyens, furent aussi ruinées; de sorte que la ville auoit peu de son ancienne face, & ne paroissoit plus celle que jadis. Dequoy plusieurs se trouuans estonnez, le Grand-Maistre qui auoit mis en Dieu sa principale esperance, & qui se fioit en la protection de la tres-sainte Vierge, & du glorieux saint Iean Baptiste, le Patron & Protecteur de leur Ordre, representant aux plus timides, qu'ils n'eussent sceu perir plus miserablement que de tomber entre les mains des Turcs infideles à Dieu & aux hommes, avec lesquels on ne pouuoit iamais traiter en assurance, qui faisoient mourir aussi-tost leurs amis que leurs ennemis: telinoin le Bassa Machmut, ce vaillant homme qui auoit rendu de si signalez seruices à Mahomet, & lequel neantmoins sous vne fausse impression qu'il s'estoit figurée qu'il fauorisoit les Chrestiens, l'auoit non seulement fait massacrer, mais mettre par pieces en sa presence, joint le tribut des Azamoglans, pire que la plus cruelle mort: & à ceux en qui l'honneur estoit assez puissant pour leur faire mespriser la vie, il leur ramettoit leurs belles actions passées, & la gloire que ce leur seroit d'auoir avec leurs seules forces, resisté à la puissance d'un si puissant Monarque: de sorte qu'il leur mist à tous si bien le cœeur au ventre, qu'indifferemment chacun se presenta à la deffence de la bresche au dernier assault general que les Turcs donnerent le vingt-septiesme Iuliet. Cette bresche estoit du costé de la rue des Iuifs, où il y auoit vne descente, laquelle le Grand-Maistre fit incontinent demolir, repoussant quelques Turcs qui estoient desia entrez par cet endroit; mais nonobstant toute la vigilance du Grand-Maistre, il ne pût empescher qu'un pres de trois mille Turcs ne gagnassent le haut de la bresche, & qu'ils ne vinsent aux mains avec ses Cheualiers, qui firent tant d'armes (suiuies des habitans qui desiroient imiter leur proüesse) qu'en fin ils gagnerent la grande Enseigne Lunaire du Turc, qu'ils auoient arborée sur le rempart (cette Enseigne estoit d'or & d'argent & fort enrichie) & repousserent les Turcs avec grande furie iusques en leur camp, où il fut fait encore un grand massacre; si bien qu'on compta sur les murs, en la ville, & le long du port, trois mille cinq cens corps morts: les Turcs ayans perdu, comme on tient durant ce siege plus de neuf mille bons soldats sans les blesez, & les pionniers qui ne valoient gueres mieux que morts, qui se montoient à quinze mille.

Mahomet
fit mourir
son principal
Bassa.

Dernier as-
saut general
à Rhodes.

Enseigne Lu-
naire du Turc
gagnée par
les Rhodiots.

Nombre des
morts durant
ce siege.

XXIX.

BREINDEBACH, qui a particulierement escrit de ce siege, & Sabellicus en l'Histoire de Venise, disent que les Turcs racontotent que ce qui leur auoit fait quitter les murailles de Rhodes, ne fut point tant la valeur des assiegez; (car ils ne manquoient pas de gens pour mettre à la place de ceux qui estoient morts ou harassés) qu'une vision qui leur apparut, estans sur les remparts de Rhodes, qui leur donna vne telle espouuante, qu'estans prests d'emporter la place, ils furent contrains de se retirer, la force & le courage leur manquans, de sorte qu'ils se laissoient battre tout ainsi que s'ils n'eussent point eu les armes en la main, & que cela aduint lors que le Grand-Maistre commanda qu'on desployast un Estendart, auquel estoient representées les Images de Nostre Seigneur Iesus-CHRIST crucifié, de la glorieuse Vierge Mere de DIEU, & de saint Iean Baptiste, & l'Enseigne croisée de Hierusalem, & disoient que le signe qui apparut au Ciel, fut une Croix de couleur d'or qui flamboyoit, & aupres d'icelle vne Vierge ayant vne espée & un bouclier en sa main, laquelle estoit suivie d'un homme assez mal vestu, qui estoit costoyé d'une troupe tres-luisante & magnifique. Disent dauantage, que tous les soirs on voyoit deux hommes ayans vne contenance pleine de plus grande majesté que n'ont ordinaire-

L'Image de
Nostre Sei-
gneur, de la
Vierge & de
saint Iean
espouuanteant
les Turcs.

men

ment les autres, lesquels tant que dura le siege, ne faillirent de faire la ronde avec les luminares à la main par dessus les murailles: & alors que la ville pensa estre prise, ils se presenterent avec l'espée au poing menaçans les Turcs, tellement qu'ils se retirerent tous effrayez. Sabellique dit, que c'estoient les Apostres saint Pierre & saint Paul: mais en quelque façon que cette chose ce soit passée, il n'y a nul doute que les Turcs estans desia en si grand nombre dans la ville, & les Rhodiots si peu de gens, il a fallu qu'elle ait receu vne particuliere assistance du Ciel pour sa deffense, puis que le secours des Princes terriens luy manquoit.

1482.

LES Turcs voyans doncques que tous leurs efforts estoient inutiles, & ayans entendu par le moyen de deux galeres que le Roy Ferdinand de Naples enuoyoit, dont l'une entra à pleines voiles dans le port, l'autre fut gastée par leur canon, & toutesfois ne laissa pas de passer le lendemain, lesquelles portoient nouuelles aux Rhodiots, que le Pape leur enuoyoit vn tel secours, qu'il suffiroit à faire leuer le siege, & à liurer le combat aux Turcs, s'ils les vouloient attendre, laquelle nouuelle s'estant portée iusques au camp des Turcs, cela hasta encore leur depart: si bien que leuans le siege le troisieme mois apres qu'ils commencerent d'assaillir la ville, ils reprirent la route de Lycie, & de là s'en allerent à Constantinople, sans auoir rien gagné que des coups: toutesfois deuant que de partir ils pillerent & mirent le feu aux maisons champestres, vignes & logis de sejour voisins de Rhodes, & où iusques alors, ils n'auoient fait dommage quelconque.

Ils leuent le siege.

OR en mesme temps que Melith ou Mozeth assiegeoit Rhodes, Mahomet auoit déposéché vne flotte de cent voiles, sur laquelle il mit 1500. bons hommes, leur donnant pour conducteur le fils d'Estienne jadis Despote de Bosnie: c'estoit le Bassa Achomat, ou Achmet, surnommé Bidice, duquel nous auons parlé, qui estoit lors en grande reputation entre les braues de la Porte, duquel Spandugin raconte vne telle histoire. Comme cettuy-cy eust vne femme d'une excellente beauté, Mustapha fils de Mahomet, estant vne fois venu à la Cour de son pere, pour luy baiser la main, & pour affaires qui concernoient sa charge, car il estoit Gouverneur d'Amasie, en deuint esperduement amoureux: de sorte qu'ayant espié le temps qu'elle alloit au bain, à la façon des Turcs, il y alla aussi, & l'ayant trouuée toute nue la void là. Achmet extremement indigné de cet outrage, s'en alla trouuer le grand Seigneur, & luy racontant cette histoire avec larmes & soupirs, il deschira en sa presence ses vestemens & son Tulban, suppliant tres-humblement sa Majesté de luy faire iustice, & le venger de cette iniure. Mahomet sans luy faire paroistre qu'il fist cas de cet outrage, au contraire, avec vn visage seuer & rebarbatif, le reprit de toutes les plaintes qu'il faisoit, luy demandant s'il ne scauoit pas bien qu'il estoit son esclau: que si son fils Mustapha auoit eu la compagnie de sa femme, ce n'estoit toujours qu'à l'esclau de son pere qu'il auoit eu affaire, & neantmoins il ne laissa pas cette meschanceté impunie, car l'ayant premierement repris aigrement, il le chassa de sa presence, & puis se representant qu'il s'aideroit tousiours plustost de son autorité, pour satisfaire à sa concupiscence qu'à la iustice, à trois iours de là il enuoya vn Chaous qui l'estrangla avec la corde d'un arc; exemple notable d'une rigoureuse, & toutesfois equitable iustice, d'un pere enuers son enfant, lequel encore qu'il tint ceux qui auoient les premieres charges de son Empire pour de tres-vils esclaves, il apprit toutesfois à ses autres enfans qu'ils ne deuoient rien entreprendre d'iniuste, s'ils vouloient conseruer leur vie & leur domination: quelques-vns disent toutesfois que ce Prince mourut à la chaste; & les autres que ce fut pour estre trop addonné à l'acte venerien; l'histoire toutesfois que nous venons de raconter, n'est pas sans grande apparence.

Mahomet fait mourir son fils Mustapha, pour auoir violé la femme d'un sien Bassa.

MAIS reprenans le fil du discours interrompu par cette histoire, cette flotte s'en vint surgir aux confins de la Pouille & de Calabre, au pays des Salentins, là où vn petit detroit d'eau distingue la mer Ionique de la Sicilienne, à l'opposite de la Valone, de laquelle elle n'est distante que du traict d'une seule nuit: en ce lieu est situé la cité d'Ottrante jadis Hydrunte, & proche de laquelle l'armée Turquesque vint prendre terre, sans aucune resistance; car le Monarque Turc auoit pris son temps que Ferdinand, lors Roy de Naples, estoit occupé en la guerre qu'il auoit contre les Ferrarois & Venitiens: de sorte que l'Italie estoit toute partialisée en soy-mesme. Ayant doncques Achomat couru & ranaagé le territoire Ottrantin cinquante milles au long & au large, & fait vne explanade aux environs de la ville, il se delibera de l'assieger, assuré qu'il l'emporteroit, s'il vsoit de diligence, veule peu de forces qui estoient dedans, & le peu d'apparence qu'il y auoit qu'ils deussent estre promptement secourus, & de fait ayant braqué son canon & fait vne

Autre expedition de Mahomet.

Siege d'Ottrante.

1480.

Prise par as-
saut.Grâce crua-
se à l'endroit
de l'Arche-
uesque.Secours des
Chrestiens
apres la prise.Defaits par
les Turcs.Qui coururent
toute la Pouil-
le, & ruinerent
la ville de Be-
stia.Autre armée
de Mahomet
en la Natolie.Le Roy de
Hongrie do-
ne secours au
Roy de Na-
ples pour Ot-
trante.XXX.
Grande armée
de Mahomet
en Asie.

bresche raisonnable, il vint à l'assaut general, qui fut liuré avec tant de furie, que les pauvres habitans, qui n'estoient point encores prattiquez aux carresses Mahometanes, ne purent resister à cette impetuosité; de sorte que quittans leurs deffences, eux & leur Chef François Zurle, que le Roy Ferdinand y auoit enuoyé pour Gouverneur, furent contrainsts de s'enfermer dans l'Eglise Cathedrale, quittans la Ville à leurs ennemis: Qui ne se soucia pas beaucoup de la sainteté du lieu, les taillerent tous en pieces sans misericorde. L'Archeuesque desjà tout vieil & caduc, fut pris habillé de ses ornemens Pontificaux, & tenant en ses mains de la vraye Croix, & en cet equipage fut scié au trauers du corps d'une scie de bois, les Prestres & autres Ecclesiastiques furent massacrez deuant les Autels: Le reste du peuple, les femmes & les enfans furent enuoyez en Grece pour y estre vendus.

Ces nouvelles estans apportées à Ferdinand, il fait venir incontinent son fils Alphonse Duc de Calabre, qui auoit lors fort grande reputation entre les Italiens, & assemblant le plus de force qu'il peut, tant par mer que par terre, il s'en vint camper vn peu loin de l'ennemy, faisant fortifier son camp de fosses & leuées, n'osant affronter de si pres l'audace & la fierté des Turcs, qu'il scauoit mesmes estre bien garnis d'artillerie, pour es-moucher ceux qui les voudroient visiter de plus pres que la portée de leur canon; ce n'est pas toutesfois qu'ils ne liurassent souuent maintes escarmouches, & que les Turcs ne les soustinssent brauement, faisans plusieurs sorties sur eux, où ils auoient ordinairement l'aduantage, Ferdinand y ayant perdu les meilleurs de ses Chefs, entr'autres le Comte Iules d'Aquaiua, pere du feu Duc d'Atry, l'un des plus renommez de son armée, ce qui fit perdre tout courage à l'infanterie qui se mist en fuite à ce rencontre.

Loys de Capoue leur Colonel pour garantir sa vie & sauuer la meilleure partie de ses gens, se ietta dans vne tour assez bonne & forte & non trop esloignée d'Otrante, se voyant pouruiuy de la caualerie Turquesque, laquelle paruenue deuant la place, l'environna; & se pourueut de matieres pour y mettre le feu; si bien que les pauvres assiegez furent contrainsts de se rendre, lesquels furent tous amenez prisonniers à Otrante: ils eurent encores depuis plusieurs rencontres auxquelles les Turcs eurent tousiours l'aduantage, & auxquelles Ferdinand perdit le Seigneur Matthieu de Capoue, le Comte Iules de Pise & autres Chefs signalez, si bien que la ville d'Otrante regorgeoit des prisonniers qu'on y en menoit de iour en iour.

En fin le Basla Acomath ayant fait en vain consumer aux Chrestiens l'Esté tout entier, & puis apres l'Automne deuant cette place, les gelées & l'Hyuer les contraignit de se retirer en garnison aux villes d'alentour, tandis que luy & les siens coururent tout le reste de la Pouille, iusques au mont saint Ange, où ils ruinerent Bestia, tres-ancienne ville du mont Gargan, & firent de grands rauages par toute cette Prouince. Or Acomath desirant s'aboucher avec son Souuerain deuant la venue du Printemps, laissa à la garde d'Otrante huit mille hommes d'eslite, & la place fournie pour dix-huit mois de victuaile, artillerie & munitions: & repassant avec sa flotte à la Valonne, se rendit par terre à Mahomet qu'il trouua à Constantinople prest de passer en la Natolie, en faueur de son fils Bajazeth, en apparence, lequel auoit eu quelque prise avec le Caraman, confederé du Sultan d'Egypte, où il auoit esté rompu avec notable perte de ses gens: on y adioustoit encore deux choses, l'une qu'il auoit outragé ses Ambassadeurs qui venoient de trouuer Vsunchassan, l'autre que le Sultan exigeoit vn tribut sur les Turcs qui passoient sur ses terres, pour aller en pelerinage à la Mecque: mais en effet c'estoit pour s'emparer de l'Egypte, si vtile & necessaire à ses pretentions,

Mais tandis qu'Acomath faisoit son voyage de Constantinople, le Roy de Naples ayant demandé secours à son gendre le Roy de Hongrie, il luy enuoya deux mille cheuaux d'eslite, sous la conduite de Magior Blaise, & Nagy Ianus, deux vieux routiers de guerre, qui auoient eu maintes-fois prise avec les Turcs: & de fait ces Hongres, à leur arriuee ayans enleué de viue force vne tour que les Turcs auoient fort bien remparée, cela reprima tellement l'audace Turquesque, qu'ils se retindrent de là en auant dans l'enclos de leurs murailles, ne faisans plus de sorties comme ils souloient faire auparauant.

Six ces entrefaites, Mahomet estant passé en Asie avec vne armée effroyable de trois cens mille combatans, & deux cens galeres, comme il fut proche de Nicomedie, ville de Bithynie, & du village de Geiuſen, en vn lieu que les Turcs appellent Teggur Tzur, il fut surpris d'une colique passion, qui le tourmenta avec telle violence qu'il mourut au

bout

bout de quatre iours, non sans soupçon de poison. La nouuelle de cette mort se respan-
dit incontinent par toute l'Asie & l'Europe, & fut tant agreable à plusieurs peuples, &
sur tout aux Italiens, qu'ils en firent des feux de ioye: Il mourut le troisieme, & selon
d'autres, le quatrieme iour de Mars, l'an de grace mil quatre cens quatre-vingts & vn,
& de l'Egire huit cens quatre-vingts cinq. Seant à Rome, Sixte quatrieme, tenant
l'Empire Federic troisieme du nom, & Archiduc d'Austriche, & regnant en France
Louys vnziesme, ayant regné trente-deux ans, non du tout accomplis, & vescu cinquante-trois.

1481.

Sa mort.

Grande ioye de tous les Chrestiens, aux nouuelles de cette mort.

ON tient aussi qu'il prit vn tel ennuy de n'auoir scien dompter les Rhodiots, & s'assu-
jetir ce puissant rempart de la Chrestienté, que se consommant de tristesse, cela luy ad-
uanga ses iours, & de fait en mourant il maudit trois fois Rhodes, car au demeurant il
estoit de fort bonne temperature, & nullement maladis; toutesfois Philippes de Comi-
nes, dit qu'au retour de l'Esté, tous les ans l'une de ses jambes s'enflait si demesurément,
qu'elle s'égalait à la grosseur du corps, & se desinflait au bout d'un temps, sans que l'on
peust sçauoir la cause de ce mal, laquelle ce iudicieux personnage rapporte à sa gourman-
disse (comme à la verité il estoit excessif en toutes sortes de desbauches) & à vne punition
de DIEU: on pourroit bien aussi adiouter à cela que ce pourroit estre du costé mesme
qu'il receut ce coup de cousteau par Dracula frere de Bladus Prince de Valachie, comme
nous a recite Chalcondyle au neuuesme Liure de son Histoire; toutesfois il dit que ce fut
à la cuisse, mais la jambe s'en pouuoit bien ressentir; quant à la stature, & ses bonnes ou
mauuaies inclinations, elles se pourront voir dans son Eloge.

Meurt de regret de n'auoir point pris Rhodes.

Enfleure demesurée en l'une de ses jambes.

PHILIPPES de Comines adioute qu'il mourut soudainement, toutesfois qu'il fit son
testament, lequel il dit auoir veu, & qu'en iceluy il faisoit conscience d'un impost qu'il
auoit mis nouuellement sur ses sujets, & soustient ledit testament estre vray: ce qui est à
la verité fort notable pour les Princes Chrestiens, qu'un si cruel homme, & si absoluë-
ment souuerain en ses terres, ait toutesfois eu regret à la fin de ses iours, d'auoir chargé
son peuple d'une simple imposition, attribuant cela à sa seule faute, d'autant que la plus-
part de ses actions, il les conduisoit plus par luy-mesme & de sa teste, que par son con-
seil; aussi vsoit-il plus de ruse & de cautelle que de vaillance & de hardiesse, dit le mesme
Auteur. Quelques-uns ont voulu dire qu'il estoit plus porté à la Religion Chrestienne,
tant à cause de sa mere, qui estoit Chrestienne, que de ce Precepteur que nous ve-
nons de dire, avec lequel il conféroit, joint qu'il tenoit pres de soy, avec lampes allu-
mées, certaines Reliques qui luy estoient venues entre les mains, & les reueroit: toutes-
fois sa vie desbordée, & les traits de mocquerie qu'il donnoit à tous propos, tant à nostre
Religion qu'à la sienne; fait croire que ce qu'il faisoit en cela n'estoit que pure hypocri-
sie, pour vendre mieux les choses saintes aux Chrestiens, & qu'il n'auoit point du tout
de Religion: il se trouue vne Epistre de luy au Pape Pie douzieme, & vne autre fort lon-
gue que le mesme Pape luy rescriit, où il l'appelle Morbisin, comme fait aussi Mon-
strelet, & tasche de le catechiser en la Religion Chrestienne, mais cette oreille estoit
trop sourde pour entendre de si loin, il prenoit bien plus grand plaisir d'ouïr les canona-
des que les siens faisoient retentir en Italie, que tous les discours spirituels qui eussent
pû venir de Rome. Cecy ne doit pas estre aussi passé sous silence, qu'on tient qu'il
estoit illegitime & supposé, car apres la prise de Constantinople, quelques Chrestiens se
saisirent de Mahomet, fils legitime d'Amurat, & le donnerent au Pape Nicolas cinquies-
me, qui le fit nourrir en la Religion Chrestienne, & aux bonnes Lettres: Apres la mort
de ce Pape, il se retira vers l'Empereur, & puis vers Matthias Coruin Roy de Hongrie:
& sçachant la dispute qui estoit entre Bajazet & Zizim, il fit entendre au Grand-Maistre
que les pretentions de l'un & de l'autre estoient vaines: si on se fust seruy de cette occa-
sion au commencement, cela eust bien troublé Mahomet, & empesché le cours de ses
conquestes.

*Prise de la ville
de Constantinople
par le Sultan Mahomet
le 29 May 1453.*

REVENANT doncques au siege d'Otrante, si tost que les Princes Chrestiens furent
aduertis de cette mort, ils presserent les assiegez de si pres, que desia tous espouuantez
pour la mort de leur Seigneur, ils se rendirent à telle composition, que leurs vies sauues,
eux, leur butin, artillerie & tout autre bagage seroient seurement reconduits à la Valon-
ne, où ils trouuerent Acomath avec vingt-cinq mille hommes qu'il auoit amenez avec
luy pour les rafraischir, tant cette reddition fut faite à propos pour les Chrestiens. Mais
Acomath voyant qu'il auoit perdu la place, & sçachant bien qu'il y auoit de grands chan-
gemens chez les Turcs, il pensa que c'estoit le plus seur de se retirer. Le corps de Maho-

Otrante re-
prise sur les
Turcs par les
Chrestiens.

1481.

Epitaphe de
Mahomet.Aymer la-
ecture des Hi-
stoues.

met fut conduit à Constantinople, & tres-somptueusement inhumé en vne chappelle à costé du grand Marath par luy edifié, & mirent sur son sepulchre vn Epitaphe graué en lettres Turquesques, contenant les noms de tous les Empereurs, Roys & Princes par luy vaincus, & les Prouinces & Citez qu'il auoit conquises. Et ce qui est remarquable en ce Prince, c'est qu'encore qu'il fust si grand guerrier, qu'il ne pouuoit demeurer en repos, toutesfois il aymeroit les Lettres, & sur tout les Histoires, qu'il se faisoit lire par Scolarius Religieux Chrestien, homme de grande doctrine: mesinement aux Lettres sacrées, & qui fut au Concile de Florence, lequel il auoit pris pour son Precepteur. Apres ses funerailles les Janissaires pillerent la ville de Constantinople, y firent plusieurs insolences, selon qu'il arriue ordinairement, quand les Sultans viennent à deceder.

FIN DE LVNZIESME LIVRE.



CONSIDERATIONS



CONSIDERATIONS

SVR LES ACTIONS PLUS

SIGNALEES QUI RESTOIENT A DESCRIRE

de la vie de Mahomet II. du nom, contenuës en ce Liure vnziesme de l'Histoire des Turcs, par lesquelles la Iustice & Prouidence de DIEU peuuent estre remarquées.



A vie de Scanderbeg auoit esté toute admirable, sa fin le rend di- Chap. 1.
gne de tout honneur, le bruit des canons & des armes n'auoit pu
troubler cet esprit qui estoit conduit du bon esprit, courageux aux
combats, résolu à la mort, prudent & aduisé en la guerre, sage &
fort grand politique en la paix. C'est autre Moysé que le Tout-bon
auoit enuoyé pour deliurer son peuple de la captiuité d'Egypte, &
de cet autre Pharaon encore plus cruel que luy: ie veux dire que les
Turcs & Mahomet: & qui auoit esté deputé pour la desfence de
toute la Republique Chrestienne, ne peut seruir toutesfois qu'à son

pays, auquel en mourant il donna vn tel ordre qu'il fist assez connoistre à ses plus grands
ennemis qu'il pouuoit plus qu'un Alexandre, dont il portoit le nom, s'il eust iouy de sa
puissance & de son autorité: mais n'estoit-il point raisonnable que les Chrestiens recon-
neussent à leurs despens quelle faute ils auoient faite, en refusans de secourir vn tel Chef?
vous auez veu qu'il ne sceut iamais tirer vn seul homme de l'Italie, au voyage qu'il y fist, luy
qui en estoit l'espée, & son pays le bouleuert, mais Mahomet leur en fera bien trouuer
par force d'oresnauant: car les routes deuant Patras ne sont que les auants-coureurs de
leurs miseres à venir.

QUELLE plus grande preuue de Iustice Diuine peut-on auoir pour vengeance des sa- Chap. 1. § 4. 5.
crileges & cruantez que les Venitiens auoient exercées à Aenus, que de la prise de Negre- 6. 7.
pont, où tout le butin de cette pauvre ville auoit esté amené? DIEU permettant que le
iugement de Canalis fust troublé, ne donnant point de secours à vne place si importante,
luy qui en auoit tant de moyens en la main, ne voulant pas que celuy qui auoit cōmis tant
de meschans actes fust le liberateur d'une ville qu'il auoit luy-mesme pollué de ses sacri-
leges: car à quoy peut-on rapporter toute sa lascheté & poltronnerie, sinon à vne punition
Diuine? luy qui au demeurant estoit bon Chef de guerre, s'il eust voulu mener les mains.

MAIS ce feu de la Iustice de DIEU ayant esté esteint par les larmes des Negrepontins, & Chap. 8. § 10.
peut-estre par les intercessions de cette bien-heureuse martyre fille du Gouverneur Hen-
ricy, qui luy auoit consacré sa vie & sa virginité, il fauorise les armes de Mocenique, &
donne vn coup d'esperon aux Chrestiens, pour se reueiller de leur somme, mais ils s'y con-
duisent fort lentement & fort foiblement: de sorte qu'ils firent bien quelque rauage dans
les terres de leur ennemy, mais ils ne firent pas vne seule petite bresche à sa domination, &
au lieu de chercher en eux-mesmes ce qu'ils y eussent pu prendre puissamment, s'ils eussent
esté vnis: ils vont chercher vn Prince de la mesme secte tant ennemie du Fils de DIEU, &
font alliance avecques luy, comme s'il n'y auoit point de DIEU en Israël pour les sauuer,
il ne permit aussi que leur alliance fust la premiere ruinée, ie parle de celle d'Uschassan.

QUE s'ils auoient enuie de s'en seruir en politiques, que ne traualloient-ils doncques
leur ennemy avec vne puissante armée, pendant qu'il estoit en l'Asie, ruinans ses affaires
en Europe non encore bien establies, & luy donnans tant de trauerses de toutes parts: que
s'ils ne l'eussent ruiné, pour le moins l'eussent-ils bien harrassé: mais ils se donnoient du
repos, tandis que luy qui estoit à la conqueste du Chersonese Taurique, & à la prise de Ca-

pha, & à la verité puis qu'il possedoit le reste de la maison (i'entends la Grece) il falloit bien qu'en fin il jouyst du grenier, puis qu'on auoit nommé ainsi cette ville, laquelle comme vous voyez, se perdit sans estre secourue, lors que les Chrestiens sembloient faire feu & flammes, eux qui scauoient qu'elle n'estoit deffenduë que par des marchands, qui ne se soucioient pas à quel maistre ils fussent, pourueu qu'ils entretenissent leur trafic.

Chap. 11.

VOIC VNE tragedie qui se joie cependant en Perse, où la Iustice Diuine paroist de toutes parts, Iustice en ce qu'Vlunchaslan est troublé par les siens propres, luy qui auoit vsurpé cette Monarchie sur les descendans de Themir ou Tamerlan, son fils apres qui se reuolte en est cruellement chastié.

Chap. 11. 11.

QUANT au siege de Scutary, en quelle action est-ce que la Prouidence Diuine, & sa particuliere assistance ne reluit pas? ne deuoient-ils pas succomber sous le faix d'une telle & si effroyable puissance? pourquoy les Turcs qui n'auoient point crainct de venir à un si furieux assaut, & qui mesmes estoient montez victorieux sur la bresche, prennent-ils l'espouuente, estans desia au milieu de la ville, & perdent le cœur voyans quatre cens hommes leur venir à l'encontre, eux qui estoient à milliers? D'où pensez-vous que leur viant ce haut courage de souffrir tant de mesaises, sinon qu'ils s'estoient du tout remis sous la protection du Tout-puissant? ne voyez-vous pas qu'il veut estre seul leur protecteur, & ne veut pas permettre qu'il y vienne du secours (où en passant il faut remarquer combien il faut regarder à toutes choses à la guerre, puis qu'un si petit accident que la pescherie empescha lors un si bon effect) voulans faire voir aux Turcs qu'ils ne pouuoient vaincre qu'en leur laschant la bride, & aux Chrestiens qu'ils surmonteroient tant qu'ils l'auroient pour appuy: & qu'ainsi ne soit, ne voulans point se seruir d'autres que des assiegez pour faire teste à ses ennemis, & voyant en quelle necessité ils estoient, il fait leuer le siege aux Turcs, lors qu'inailliblement ils tenoient la ville entre leurs mains, sous un seul petit bruit de guerre.

Chap. 14. 15.
16.

MAIS cela n'est-il pas remarquable de dire que les Turcs pensans prendre le boulevard de la Chrestienté de ce costé-là en prenant Scutary, on prend le leur qu'ils auoient basti du costé de la Hongrie? **D**IEU benissant les armes, l'esprit & la main de celuy qu'il nous auoit encores donné pour nostre deffence, à scauoir le Roy Matthias: mais au lieu de nous seruir de son bon-heur, nous nous amusons à luy faire la guerre, employans toutes nos puissances pour le ruiner, comme il se verra cy-apres. Mais quand ie parle du Roy Matthias, ie n'entends point parler simplement du Roy de Hongrie & du fils de Humade, mais d'un grand Capitaine que **D**IEU auoit donné aux Chrestiens pour leur deffence: car pour sa personne il a fait autant de fautes que les autres, tesmoin ses nopces au plus fort de la guerre, ayant mis à nonchaloir la Republique Chrestienne, au temps qu'elle auoit de si grandes affaires, & un si puissant ennemy, **D**IEU l'ayant mise, s'il faut dire, entre les bras de luy seul, & cependant il s'amusoit à faire nopces, où il deuoit penser que sa Royauté estoit une publique calamité: car il y a grande apparence que son pays ne luy eust point esleué sans son extreme necessité, cependant ce traict fut si important qu'il luy fit perdre tout l'aduantage qu'il auoit acquis avec tant de labeurs, car sans cela ils estoient en termes de prendre Senderouie, & de faire beaucoup de mal aux Turcs, qui redoutoient sa valeur & son bon-heur, & principalement cette année où toutes choses prosperoient aux Chrestiens de toutes parts, tant en Moldaue, qu'à Lepanthe & Coccine.

Chap. 17. 18.

MAIS ce bon-heur ne leur dura guere, & le tout par leur faute, car ils aymerent mieux espouser le party de Federic, qui ne combattoit que pour son interest particulier, que de continuer ce petit appointement qu'ils donnoient à ce Prince: petit à la verité, veu l'aduersaire auquel il auoit affaire, car ils pouuoient bien penser que ce n'estoit pas le moyen de l'entretenir & le faire exposer à une entreprise si perilleuse, de combattre la puissance du Turc, que de luy retrancher ses commoditez, mais ils en receurent tous le chastiment, car Federic fut vaincu & contraint de mendier la paix, les Venitiens y perdirent l'Albanie, & le reste de l'Italie, la ville d'Hostie: car comme vous auez pu voir par l'exemple du siege de Scutary, le Turc n'eust pas fait de nouvelles entreprises, tant qu'il eust veu le Hongre les armes en la main contre luy, la bataille de Lizonce & les ravages que les Turcs firent en la Pouille, sont des effets de cette separation.

Chap. 19.

IAMAIS l'homme de guerre ne fit grand effect, qui aspire plus au butin qu'au profit, n'est-ce pas un estrange auenglement de s'amuser à ramasser des despoilles, & auoir encores son ennemy sus-pied si fort & si puissant, car cette seule chose fit rendre Croye, & fit assieger Scutary, d'autant que si les Turcs eussent esté poursuiuis, outre ce qu'ils ne fussent
pour

point retournez deuant Croye, ils eussent redouté la valeur des Chrestiens, mais que deuoient-ils craindre, puis qu'ils les battoient de toutes parts?

Q V A N T au siege de Scutary, i'y voy vne continuation d'assistance Diuine, par le bon ordre que chacun y apporte; car au lieu que vous auez veu tous les autres peuples se troubler quand les Turcs les ont assaillis, ceux-cy reprennent nouuelles forces; les autres craignent de perdre leur patrie, & cependant n'ont pas le courage de la deffendre, & ceux-cy souffrent toutes sortes d'incommoditez pour conseruer la leur, & toutesfois quand ils s'en voyent priuez par la reddition de leurs Superieurs, & non de leur consentement, ils ayment mieux la quitter que de viure sous le joug de leur ennemy. Mais ne voyez-vous pas que durant ce siege ils s'efforcent & se mettent en deuoir pour implorer le secours d'enhaut, & que les autres peuples mettent leur esperance en leurs armes: aussi est-il arriué vne chose peut-estre aussi particuliere qu'à pas vn autre siege, c'est qu'encores que le canon eust abatu & foudroyé toutes leurs murailles, & qu'il y eust bresches de toutes parts, aux assauts toutesfois que les Turcs y ont donnez, ils n'y ont iamais gagné que des coups, sans auoir pû fonder vne seule petite esperance de se pouuoir rendre les maistres de cette place que par la longueur du temps, encores qu'ils eussent vne si puissante armée deuant, pour tailler tout en pieces, & tant de canons pour la reduire, & prendre ceux qui estoient si peu de gens pour la resistance: ainsi D I E V sauua ces bons citoyens, & laissa perdre la ville, car puis que ceux qui y auoient tant d'interest, ne se soucioient pas de la secourir, il estoit bien raisonnable de leur en laisser faire à leur volonté, encores fut-ce par reddition & non par violence, comme si on eust dit aux Chrestiens, vous n'aurez point d'excuse sur le temps, car vous en aurez plus que suffisamment pour vous preparer, mais personne ne mit la main à la besongne, ayans mieux se ruiner les vns les autres, & laisser les portes de la maison à la mercy de leur ennemy.

Q V A N T à cette Diete d'Olmuce, encores qu'elle fust tenuë pour les differens que les Chrestiens auoient les vns contre les autres, au lieu d'employer ce parlement à consulter des moyens pour rembarrer l'ennemy commun, toutesfois D I E V auoit donné telle benediction aux armes de Matthias Roy de Hongrie, que si les Turcs ranoieoient & faisoient quelque butin comme picoreurs, luy à son arriué mettoit tout en fuite, deffaisoit & tailloient en pieces leurs troupes, & prenoit leurs villes, comme celle de Verbes.

L E siege de Rhodes au demeurant semblera tout miraculeux à qui le voudra considerer, soit en son commencement, à son progres, ou à sa fin: car outre la puissante armée qui estoit deuant, & le peu de forces de ceux qui estoient dedans, les trahisons qu'ils eurent, le peu de secours qu'on leur donna, le bon ordre qu'ils mirent à toutes choses, leur grand courage & magnanime constance, iusques-là que les Turcs ne purent pas auoir sur eux l'aduantage d'une seule tour, les visions qui apparurent à leurs ennemis, & finalement leur deliurance, toutes ces choses, dis-je, montrent assez que D I E V les auoit pris en sa protection.

A V contraire de celle d'Hostie, laquelle encores qu'elle fust secouruë, ne pût toutesfois estre deffenduë, prise aussi-tost qu'assaillie, & toute l'Isle qui s'employoit pour sa deliurance, ne fut pas assez puissante pour chasser vn petit Sangiac qui estoit dedans, & si encore n'eust-elle point esté deliurée sans le secours de Matthias Roy de Hongrie, qui vint tout à temps pour oster cette espine du pied, & rompre les ceps & les entræues qui tenoient la pauvre Italie en sujection.

L E chastiment au reste que Mahomet fit de son propre fils, non pour son interest particulier, mais pour vanger l'iniure d'un sien sujet, monstre qu'encores qu'il fut naturellement cruel, si est-ce qu'il estoit aussi fort grand iusticier, car il vous peut bien souuenir que ce Mustapha estoit vn fort vaillant Prince, qui auoit fait preuue de son courage en la guerre des Perses, où il auoit gagné vne grande bataille contre eux, joint que toute son offence estoit vne violente passion d'amour. Ne trouuez doncques pas estrange si la Iustice Diuine auoit mis es mains de son pere, son coutelas pour prendre vengeance de si mauuais enfans que luy estoient les Chrestiens: car celuy-là meritoit cette commission qui ne pardonnoit pas les offences de ses propres enfans.

M A I S cette grande ioye de tous les Chrestiens ne tesmoigne-elle pas visiblement leur foiblesse & leur lascheté, de se resioiyr ainsi de la mort d'un homme, comme si tout leur bon-heur en eust despendu? & toutesfois ils sentirent bien incontinent apres que leur salut despendoit d'enhaut, & non de la terre: car la suite des temps a assez fait remarquer que tant qu'ils continueroient en leurs vices, D I E V fauoriseroit aussi continuellement leurs ennemis.

BAIAZET SECOND DV NOM
DOVZIESME EMPEREVR
DES TVRCS.



*QUEL mal-heureux Demon aux Couronnes preside ?
Si ie n'eusse esté Roy,
Mon fils n'eust pas sur moy
Commis un parricide.*

SON ELOGE OV SOMMAIRE
DE SA VIE.



DE mortel poison qui se glisse insensiblement dans les esprits les plus relenez, & qui dans l'obscurité des cœurs, ronge les plus belles vertus : ce cruel tyran du repos, qui par ses vanitez esueille en sursaut les plus résolus, & dont les idées imaginaires inquietent perpetuellement les plus nobles pensées ; n'a-voit garde de delaisser en repos les deux freres Oshomans, apres le trespas de Mahomet, il falloit qu'au peril de leur Estat, du sang de leurs sujets, & de leur propre vie, ils vissent à qui demeureroit la souveraineté de la Monarchie. Or par l'ordonnance de l'eternelle Prouidence la Couronne escheut à Bajazet, lequel par la valeur de son Bassa Acomath deffit son frere Zizim en trois diuerses batailles, & le contrain-
gnit de se retirer vers les Chrestiens ; premierement vers le Grand-Maistre de Rhodes, où il fut quelque temps, & depuis enuoyé en France, & de là à Rome, sous les Papes Innocent & Alexandre VI. qui le liura au Roy de France Charles VIII. il fut empoisonné, comme on dit, & mourut à Tarracone. Durant les guerres que Bajazet eut contre son frere, on mit son fils Corchut en sa place comme Empereur, lequel ceda à son pere la souveraineté, si tost qu'il fut de re-
tour ; s'estant donc rendu le maistre de son frere, il conquesta la Caramanie, & extermina la race des Caramans, fit un grand degast en la Moldaue, où il prit la ville de Chillum avec le chasteau par la trahison de Mamalac Chastelain, & celle de Moncastre, ou Nestoralbe capitale de la Prouince. Il se voulut apres vanger des Egyptiens qui auoient secouru son frere, mais il fit fort mal ses affaires, ayans tousiours esté batin en ses Lieutenans, aux trois expeditions qu'il fit contre eux, un de ses Bassas entr'autres mené en triomphe au Caire : les Egyptiens faisant cependant un grand degast sur ses terres, avec la prise des villes d'Adene & de Tharse. Daunt Bassa assujettist les Vaccenses, qui se renolterent aussi tost, tandis que Bajazet traittoit avec les Chrestiens, pour faire empoisonner son frere. Le Prince d'Aladeul s'estant ligué avec l'Egyptien, il en voulut prendre sa raison, mais ce fut encores à ses despens, car il perdit une grande ba-
taille contre ce Prince, ayde qu'il estoit de son allié : deffit les Hongres par la valeur d'un sien Sangiac nommé Iacop, tandis que luy acheuoit de dompter l'Albanie : prit Lepanthe, Modon, Coron & Inque sur les Chrestiens qu'il deffit en un combat naual, comme en recompense les Venitiens reconquirent sur luy l'Egine, & l'Isle de Samothrace : toutesfois ils furent contrainsts de le rechercher de paix, & de luy quitter l'Isle de sainte Maure. Quelques sedition-
naires l'opinion du Sophy de Perse, ayans pris les armes & fait un grand degast par toute la Natolie, & principalement à Tekel Kifulcaia, & encores en la Caramanie, deffont le Beglierbey de la Prouince. Il enuoya contre eux le Bassa Haly, qui ne sçachant pas user de son bon-heur, perdit son aduantage avecques sa vie, & donna lieu à ses ennemis de se redirer en lieu de seure-
té : toutesfois le Sophy de Perse en prit la vengeance pour Bajazet, les faisant tailler tous en pie-
ces. Finalement la derniere bataille qu'il liura, ce fut contre son propre fils Selim, de laquelle il obtint la victoire, mais non pas de la dispute qu'il eut contre les Janissaires, voulant resigner l'Empire à son fils Achmet qu'il aymoit, car ils le contrainquirent de quitter le Sceptre & ses
tresors entre les mains de Selim qu'il haïssoit. Tant qu'il regna, ceux-cy luy firent tousiours
contraires, & faisoient à tous propos quelque sedition, trois entr'autres fort notables : l'une
quand ils luy tirerent de force la nuit dans son Serrail le Bassa Achmet qu'il vouloit faire mon-
rir : l'autre quand il eut dessein de les exterminer, & qu'ils firent bande à part le quittans là :
& la troisieme quand avec toutes sortes de menaces & d'insolences, ils le forcerent de renoncer
à l'Empire : il eut huit fils, trois qui moururent deuant luy de leur mort naturelle, deux qu'il fit
empoisonner, & les trois qui resterent. Selim le plus ieune, le fit mourir, & puis apres ses deux
freres, à sçauoir Achmet & Corchut. Prince d'un esprit assez pesant, & du tout porté à l'osseté
& à la volupé : on dit toutesfois qu'il estoit addonné à l'estude, & sur tout à la lecture d'Auer-
roes : mais quoy que ce soit, sa negligence au manient de ses affaires, appor-
ta de grands troubles en son Estat, chacun se licenciant de faire à sa fantaisie, & faisant mille iniustices & extorsions
qui luy acquirent la maluesillance de ses sujets, & donna un pretexte aux Janissaires de se plain-
dre, & d'entreprendre contre luy : car sa ieunesse, ou plustost les premiers ans de son Empire ayans
esté passez en des debanches, il estoit mal-aisé qu'il reuint les siens en sa plus pesante vieillesse,

qui luy rendit l'esprit tout vacillant & irresolu, comme il resmoigna quand il commanda à son fils Corchut de se retirer à Constantinople, & puis le lendemain voyant que les Janissaires s'y opposoient, il luy enuoya des presens, avec commandement à chacun de le recevoir. En fin ce Monarque qui auoit si souverainement gouverné l'espace de trente ans, un si grand nombre de Provinces, se vid réduit à telle nécessité, qu'il demanda un lieu à son fils pour se retirer, & luy qui dispoit de la vie & de la mort d'un chacun, ne peust conseruer la sienne qu'elle ne luy fust rauie par l'execrable meschanceté de celui à qui il l'auoit donnée, qui corrompit son Medecin, en qui il auoit toute confiance, lequel l'empoisonna comme il se retiroit à Damotique, au village de Tzuralo, le dix-neufiesme du mois d'Octobre, l'an de grace mil cinq cens douze, & de Mahomet neuf cens, ayant vescu quatre-vingts ans, & regné trente, & quelque peu davantage.



LIVRE DOVZIESME
DE L'HISTOIRE
DES TURCS.

SOMMAIRE, ET CHEFS PRINCIPALX
du contenu en ce present Liure.

- I. *Partialitez entre les Bassats pour choisir un successeur à Mahomet, Corchut mis en la place de son pere Bajazet, en attendant son arrivée : menées de Zizim pour paruenir à l'Empire.*
- II. *Bajazet va attaquer son frere iusques chez luy, premiere bataille d'entre les deux freres, Bajazet & Zizim, lequel encourage ses soldats, & Acomath les siens pour le party de Bajazet : histoire notable de Bajazet & d'Acomath : le Caraman se ioint à Zizim, seconde bataille où les Zizimistes sont taillez en pieces, & Zizim contraint de se retirer à Rhodes.*
- III. *Lettres de Zizim à Bajazet, sa reception à Rhodes, il vient en France, desiré de plusieurs Princes, & pourquoy, crainte de Bajazet, & les grandes pensions qu'il donnoit de crainte qu'il ne fust deliuré, on le rend en fin au Roy de France Charles huitiesme, mais empoisonné, sa mort & son eloge.*
- IV. *Bajazet visite les Prouinces d'Asie, il appaise vne sedition des Ianissaires, mort pitoyable d'Acomath, selon les Annales Turques : histoire d'iceluy, selon Haniualdan ; festin de Bajazet à ses Bassats, & le cruel traictement qu'on fit à Acomath, qui a la vie sauue par le conseil de l'Aga, sedition des Ianissaires à son occasion, qui le tirent des mains de Bajazet contre son esperance, sa prudence, ses remonstrances aux Ianissaires, & finalement sa mort.*
- V. *Dessin de Bajazet contre les Ianissaires empesché par les Micaloges, les Ianissaires en ont le vent & se mutinent, rappaisez par Haly Bassa, & toutesfois refusent de camper avec leur Empereur : les Bassats leur certifient le dire de leur Seigneur, conqueste des Turcs en la Carabogdanie, le pouuoir des Ianissaires plus grand que celuy des soldats Pretoriens.*
- VI. *Conqueste de la Caramanie, & extermination de toute la race des Caramans : bastimens de Bajazet à Andrinople, embrasement en icelle, grande eclypse de Soleil, armée des Turcs en Moldaue, prise de Chillum & de Moncastre, entreprise des Turcs sur l'Egypte, les Mammelus esgaulx en force & discipline aux Ianissaires : bataille des Egyptiens contre les Turcs, prise d'Adene & de Tharse par les Egyptiens : seconde bataille où Themir chef des Egyptiens anime les siens au combat, le Beglicerbey de l'Europe fait le mesme aux Turcs, qui perdent la bataille ; grand massacre d'iceux, & le Bassa Herzecogly mené en triomphe au Caire, autre armée des Turcs contre les Egyptiens, les Vaccenses assujettis aux Turcs.*
- VII. *Pourquoy le Bassa Daus fut reuoqué de l'Egypte, aduertissement du Pape Alexandre à Bajazet, remerciement d'iceluy, & les presens qu'il luy enuoya, pris par Iean de la Ronere. Dautio Ambassadeur Turc, benignement receu par le Duc de Mantoue : histoire du Seigneur de Baxe & sa cruauté : festin magnifique de Bajazet à la dedicace d'un Imares.*
- VIII. *Troisiesme entreprise des Turcs contre les Mammelus, leur plaisante rencontre, où chacun pensant estre vaincu s'enfuit de son compagnon, stratageme des Egyptiens, chacun pille le camp de son ennemy : les Vaccenses se reuolent, Haly contremandé par Bajazet.*
- IX. *Les Turcs veulent estre menez à la guerre par leur Prince, expedition contre Aladeul, bataille des Turcs contre ce Prince qui demeure victorieux, & refuse sa bonne fortune : le*

Soudan d'Egypte recherché de paix, Bajazet qui la refuse, & est cause de plusieurs ravages en la Carmanie, grand embrasement à Constantinople & à Prusse, & grande peste, paix entre les Turcs & les Egyptiens. Mort du Roy Matthias de Hongrie, & combien il estoit redouté de Bajazet.

- X. Desseins de Bajazet contre la Hongrie & contre les Albanais, costumes & mœurs des habitans d'une contrée d'Albanie, grand courage des Turcs, un Religieux Turc veut assassiner Bajazet, il est puni par un de ses Bassas : Iacup Sangiac de la Bosnie contre les Hongrois, grande armée d'iceux, leur mauvais ordre & leur défaite par les Turcs, grande cruauté de ceux-cy, leurs ravages & butins, les Chrestiens à leur solde.
- XI. Bajazet persuadé par Louys Sforce Duc de Milan à faire la guerre aux Venitiens, Ambassade des Venitiens vers le Turc, finesse de Bajazet, Gritti Venitien, estant à Constantinople, donne aduis aux siens de ce qui se passe, est pris prisonnier : Bajazet en personne en l'armée contre les Venitiens, secours des François pour les Rhodiens, combat naval des Turcs & des Venitiens, dont les Turcs eurent l'avantage : Armerius tres-renomme Pilote, aime mieux estre scié par le milieu, que de renoncer à la Religion Chrestienne.
- XII. Les François au secours des Venitiens, lesquels appuyez de ce support, veulent attaquer les Turcs, leur stratageme inutile, le siege & prise de Lepante par les Turcs, leur rasle au Frioul : Zancani General Venitien, relegué pour trois ans, pour n'avoir pas fait son devoir, Ambassade des Venitiens à Bajazet & sa response, les Turcs repoussez de deuant Napolé, & deuant Iunke, combat naval, où les Turcs eurent l'avantage, prise de Modon par les Turcs par la fause des Modenois, Iunke se rend aux Turcs.
- XIII. Coron se rend aux Turcs, ils sont repoussez encore une fois de deuant Napolé, Legine reprise sur les Turcs par les Venitiens, l'Isle de Samothrace se rend à eux, secours qu'ils receurent du Roy d'Espagne, prennent ensemble Cephalonie, & Iunke qui fut repris bien-tost apres, siege de Metellin par les Chrestiens, à laquelle ils luyrent huset assants, & en fin contrainsts de se retirer par leur mauvaïse intelligence : quand les Azapes furent premierement envolez.
- XIV. Ligne du Pape & des Venitiens avecques Ladislas Roy de Hongrie contre les Turcs, paix entr'eux & les Venitiens, ruses de Bajazet sur cette paix, Ladislas Roy de Hongrie en prolonge la resolution : trefves entre les Turcs & le Sophy, l'Isle de sainte Maure rendue aux Turcs.
- XV. Histoire notable d'un Talisman, qui s'exposa volontairement au martyre pour la Foy de IESUS-CHRIST : autre histoire d'un Roy de Perse empoisonné par sa femme, la grande confusion qui en aduint, Imirze Prince de Perse s'estant retiré devers Bajazet, est redemandé pour estre Roy, refusé par Bajazet, & les excuses qu'il donna en payement à cet Imirze, qui desfourant les conceptions de Bajazet, se retire mal-gré luy avec l'ayde du Bassa Daous, & arrive en Perse sans empeschement : Ambassade du mesme à son beau-pere redemandant sa femme, & secours contre ses sujets, desquels il fut massacré, sa femme ramenée à Constantinople, & Daous empoisonné.
- XVI. Grand tremblement de terre à Constantinople, sedition des Casselbas, leurs discours, victoires qu'ils obtindrent sur les Turcs, courroux de Bajazet contre ses Bassas : fortification du camp des Casselbas, precipitation d'Haly general des Turcs contre les Casselbas, cause de sa perte, & de l'honorable retraite des autres qui prirent une Caravane du Sophy, la punition qu'il prit d'eux, Scian Culy, c'est à dire esclave de Sasan, chef des Casselbas.
- XVII. Origine des Casselbas, procedures de Sechaidar, se saisit de la ville de Derbent, sa défaite & sa mort, ses enfans s'enfuient, nourriture d'Ismael Sophy à Arriminy, ses menées & premiere entreprise, il trouve un tresor, ses pretextes, prend Sumachia secouru des Georgiens, sa victoire contre Alumut, prend la ville de Tauris, sa cruauté tant envers les vivans qu'envers les morts, fait mourir sa propre mere.
- XVIII. Le Sultan de Bagadet s'oppose aux prosperitez du Sophy, bataille entre ces deux Princes, en laquelle le Sophy demeura victorieux, ses courtoisies à l'endroit des Turcs qui prenoient son party, luy-mesme contre les Aliduliens & ses victoires, il tue Alumut jadis son Prince de sa propre main : seconde expedition contre le Soudan de Bagadet que le Sophy met en fuite. Le Sophy contre le Roy de Serman, & prise de Sumachie, l'amour des soldats Sophiens vers leur Prince, qui l'honorent comme un DIEU.
- XIX. Bajazet fait mourir deux de ses fils, subtilité de l'un d'iceux, lequel fut empoisonné par un sien Secretaire par le commandement de son pere : Bajazet veut faire tomber l'Empire

L'Empire entre les mains de son fils Achmet, & tasche de gagner les Janissaires.

- XX.** *Selim se fâche contre son pere, son alliance avec le Tartare, ridicule Ambassade de Murteza Seigneur de Precop, en Pologne: Selim passe la mer à Capha: Bajazet se veut servir de la renoultie des Casselbas, pour establir son fils Achmet en l'Empire: son instruction au Bassa Haly & à son fils Achmet sur ce sujet: les Janissaires refusent de loger Achmet au milieu d'eux: Selim passe en Europe, en intension de se saisir de l'Empire.*
- XXI.** *Bajazet enuoye vers son fils Selim pour le faire retirer: responce de Selim, & les offres de Bajazet sur ce sujet: Lettres qu'il escrit à son fils, & responce à icelles: Selim poursuit son entreprise, faisant par tout acte de souverain.*
- XXII.** *Selim se resout de faire la guerre à son pere, lequel s'estonne aux nouvelles qu'il en eut, & ses apprehensions, se resout de se retirer à Constantinople, & se remet entre les mains de DIEU: bataille du fils contre le pere, lequel demeure vainqueur: Selim se sauue par le moyen de son cheual, qu'il fait honorablement enterrer: histoire du Bassa Herzecoglis, passion demeurée d'un pere empereur sa belle fille.*
- XXIII.** *Bajazet retient les plus grands auprès de luy & les gagne par presens, pour faire declarer Acmeth son successeur en vne assemblée generale qu'il tint: harangue du Beglierbey de Romely en cette assemblée, le Castascher de son aduis, resolution de ce conseil, que c'est que le Tacht en Turquie.*
- XXIV.** *Sedition des Janissaires & leurs insolences aux maisons des Bassas, viennent au Serrail du grand Seigneur, & s'en font par force ouvrir les portes: propos de Bajazet aux Janissaires, & leur responce: description de l'estat auquel estoit reduit alors l'Empire des Othomans, plusieurs reparties des Janissaires à leur Empereur: grand courage & heureuse conduite du Vaisode Bassara: les Janissaires aucunement touchez des remonstrances de leur Souuerain, s'excusent.*
- XXV.** *Bajazet veut encore sonder les Janissaires pour Achmet, mais en vain, ils demandent Selim, qu'il ne leur veut point accorder, mais enfin importuné par ses Bassas il y consent, & leur en expedie des lettres par force: ils demandent les tresors pour le mesme Selim, on leur refuse, mais enfin ils les obtiennent, miserable condition de Bajazet, quelques considerations sur cette tragedie, Bajazet enuoye de l'argent à Achmet.*
- XXVI.** *Les Janissaires depeschent des courriers à Selim, la responce qu'il leur fit, sa prudence pour se conduire en cette affaire, les autres viennent au deuant de luy.*
- XXVII.** *Corchut arrive à Constantinople, son pere luy commandant de se retirer, les Janissaires le deffendent & l'empeschent: legereté & inconstance de Bajazet, cause de l'arrivée de Corchut à Constantinople, & ce qu'il esperoit des Janissaires, porté à l'estude, s'accoutume au temps & change de langage: tresors qu'enuoyoit Bajazet à Acmeth pris par Corchut.*
- XXVIII.** *Corchut va au deuant de Selim, lequel va loger au quartier des Janissaires, & le lendemain baiser les mains à son pere, propos de Bajazet à son fils Selim, lequel de grand Monarque qu'il estoit, est contraint de demander vne retraitsse à son fils. Recit de l'histoire precedente, selon Paul Ioue.*
- XXIX.** *Bajazet renuoye son fils Corchut en son Sangiscat, lequel auoit demandé secours en Egypte, & aduertit Selim des desseins de son pere, parricide execrable de Selim, le Medecin de son pere corrompu par luy pour l'empoisonner, & selon d'autres, le Bassa Ionuse, il vient au Serrail des Othomans, murmure des Janissaires, pour n'auoir pas obserué les coustumes, il suit estrangler un Janissaire, qui alloit vers son frere Acmeth.*
- XXX.** *Bajazet empoisonné par son Medecin qui se retire vers Selim, lequel luy fait trancher la teste: Selim apres auoir fait mourir son pere, luy fait de fort superbes funerailles.*



LIVRE DOVZIESME

DE L'HISTOIRE

DES TURCS.

1481.

L'ambition
est le fleau de
l'Vniuers.



AHOMET II. le fleau, & la terreur del'Vniuers, auoit agrandy la domination des Othomans de deux Empires, de douze Royaumes, & d'une infinité de Villes & Prouinces; Il auoit laissé son tresor plein de richesses des despoüilles de la meilleure partie de la terre, & apres auoir acquis tant de biens, n'auoit que deux enfans apres sa mort pour jouir de ses conquestes, richesses & reputation. Cette Monarchie n'estoit pas toutesfois encore assez grande pour eux qui ne peuuent souffrir de plus grand, ny de compagnon: DIEU par sa Iustice tres-remarquable, ayant permis que cette cruelle beste d'ambition qui a tant respendu de sang humain, quelque domestique qu'elle soit des Othomans, vange

sur leur race propre les cruautéz qu'ils exercent sur tant de nations, conuertissant la tyrannie de son pouuoir sur ses propres entrailles, exterminant iusques à vn, tout ce qu'elle rencontre de son propre sang: la faute de cecy estant principalement arriuee du premier Othoman, lequel mourut sans faire aucune ordonnance qui seruist à l'aduenir pour brider l'insolence des enfans de sa famille, en declarant qui deuroit estre l'heritier presomptif, & par laquelle il eust obuié à tant de meurtres, lesquels sont depuis arriuez à cette race Royale, estant à present comme necessaire que celuy qui vient à la Couronne, s'il veut donner quelque assurance à son autorité, fasse mourir ses propres freres.

Partialitez
entre les Bas-
sats pour
choisir vn
successeur à
Mahomet.

Corchut fils
de Bajazet
nommé Em-
pereur à la
place de son
pere.

MAHOMET doncques ayant finy ses iours, comme nous venons de dire, son corps porté à Constantinople & mis au tombeau, les Bassats se trouuerent partialisez, pour faire tomber la Monarchie chacun entre les mains de celuy qu'il affectionnoit le plus; car le grand Vizir Mahemed Bassa, fauorisoit fort Zizim, & de fait il luy enuoya vn courier pour l'aduertir de diligenter son retour, mais il fut surpris par Cherezecogly, qui tenoit le party de Bajazet, & luy fut fort fidele iusques à la fin, encores qu'il sceust qu'il estoit mal voulu des Ianissaires: & Chersed Bassa & Beglierbey de Romely portoit le party de Bajazet, ayant de son costé les Ianissaires de la Porte, lesquels durant l'absence de Bajazet nommerent Empereur Corchut fils de Bajazet, iusques à ce que son pere fust venu, lequel estoit lors en Cappadoce: saluans ainsi cet enfant pour leur Prince, sous le nom & fortune de Bajazet, lequel aduerty de tout se mit en chemin, ne cessant nuit & iour d'aller en diligence, iusques à tant qu'il arriua à Constantinople, où chacun l'attendoit en grande deuotion, car il estoit aymé des soldats & du peuple, & le dix-neufiesme du mois Rebiuleuel, que nous disons le mois de Mars, l'an mil quatre cens quatre-vingts & vn: Mais Zizim ou Gemen auoit les grands pour luy, lesquels taschoient d'esmouuoir des seditions, & d'esleuer le peuple contre Bajazet, pour le chasser & appeller Zizim, faisans courir le bruit que la mort de Bajazet seroit cause du bien & liberté de l'Empire, où au contraire luy viuant, tout seroit en seruitude; joint qu'encores que Bajazet fust l'ainé & Zizim le cadet, si est-ce que cettuy-cy se disoit fils d'Empereur, parce qu'il estoit né
durant

durant le regne de Mahomet, & Bajazet auparauant. Bajazet scauoit aussi que son frere Zizim estoit homme d'entreprises & de grand cœur, lequel si tost qu'il seroit aduertý de ce qui s'estoit passé à Constantinople, laisseroit bien-tost l'entreprise de Syrie, où son pere l'auoit enuoyé contre le Souldan du grand Caire, & s'en viendrait avec ses forces, le plustost qu'il luy seroit possible, & mesmes on luy auoit donné aduis que son armée estoit desia en la Natolie, ayant occupé la Bithynie, comme si partageant l'Empire avecques Bajazet, il luy eust laissé l'Europe pour partage, & se fust rendu Monarque de l'Asie.

1481.

Zizim homme de menées.

Voyant doncques qu'il falloit marcher en son fait avec autant de ruse que de force, il ne fit pas du commencement grande leuée de gens de guerre pour n'irriter ses sujets, mais seulement autant qu'il luy en falloit pour la garde & desfence de sa personne en vn temps si dangereux, puis faisant vne eslection des plus vaillans de tous les regimens de la Grece, par le conseil d'Acomath, qui s'estoit rangé de son party, & luy auoit amené les vingt-cinq mille hommes, que feu son pere enuoyoit au secours d'Otrante, il mit incontinent sus-pied vne grosse & puissante armée: alors chacun s'apperceut à quoy il tendoit, & que c'estoit pour opposer aux forces de Zizim son frere, contre lequel il resolut, non seulement de se deffendre, mais aussi de l'assaillir iusques chez luy, sachant qu'il estoit plus à propos pour le bien de ses affaires, d'aller attaquer son ennemy hors de la Grece, que souffrir qu'il passast en Europe, & que si l'autre venoit pres de Constantinople, il y auroit danger que ses partisans ne fissent quelque chose contre luy. Il hastia son passage le plus qu'il put, donnant la charge de son armée à Acomath, le plus sage & vaillant Capitaine de son temps, si bien que mettant en route les forces que Zizim auoit mises sur les aduenues pour luy empescher de passer en Asie, il vint iusques sur le terroir de Burse, où Zizim s'estoit campé, & où il auoit choisi le siege de son Empire, à l'imitation de ses ancestres, & au bout de dix iours ils se donnerent la bataille en la plaine de Genischeher, pour voir à qui deuoit demeurer l'Empire; si bien que Zizim, encores qu'il s'estimast & plus vaillant & plus homme de bien que son frere, toutesfois n'estant pas ignorant de la valeur des soldats de l'Europe, il alloit encourageant les siens d'escadron en escadron. Leur remontrant l'aduantage que ce leur estoit que leur ennemy fust venu iusques chez eux, sans qu'ils eussent la peine d'aller apres luy, que là ils auoient toutes choses fauorables, viures, places, secours, & toutes sortes de commoditez, au contraire de ce Tyran, qui ayant pris le verd & le sec à son ayde: si vne fois il estoit rompu, ils se pouuoient assurer de la possession des belles Prouinces de l'Europe, qu'il n'estoit pas temps de leur declarer par le menu, les amis qu'il auoit aux terres de son obeissance, mais qu'il leur donnoit parole que Bajazet auoit laissé d'aussi dangereux ennemis à la maison qu'il en auoit en la Natolie, que puis qu'ils l'auoient choisi pour leur Prince, qu'il y alloit du leur aussi à le maintenir, mais ce qui estoit le plus important, c'est que si Bajazet auoit l'aduantage, ils ne deuoient attendre autre chose qu'une cruelle vengeance qui tomberoit sur leurs testes, pour s'estre bandez contre luy. *Que cette mesme valeur doncques, leur disoit-il, qui vous animoit cy-deuant contre le Souldan d'Egypte, laquelle n'estoit fondée que sur l'obeissance que vous desiriez rendre au grand Mahomet, soit celle-là mesme qui deffende aujourd'huy, non seulement la Couronne & l'Etat à son fils, mais vos propres vies, vostre honneur & vostre pays.* Au contraire Geduces Acomath tout bouillant d'ardeur de combattre & plein de zele & d'affection envers son Prince, alloit disant aux siens. *Pensez-vous, compagnons, que nous qui auons tant de fois battu & vaincu ces vaillantes nations de l'Europe, qui auons ces iours passez couru, ravagé & domté la plus belle Prouince d'Italie, deions craindre ces effeminez Asiatiques qui ne reconnoissent autre milice que la volupté, ny d'autre camp que leurs demeures delicieuses: & leur Chef n'a-il pas fait paroistre aussi qu'il estoit indigne de vous commander, ne s'estant point seruy de l'occasion d'une si belle armée qu'il auoit en main pour passer en Europe, lors que les affaires du Seigneur n'y estoient pas encores bien assurees? au contraire, pensant que tout y estoit gagné pour luy, il s'est laissé arrester par les delices, ne se souciant plus de vaincre, depuis qu'il a esté domté par l'aise & le plaisir: En quel estat donc iroit nostre Empire, s'il en estoit le Souuerain; quels trophées emporteroient sur nous les Nations nouvellement conquises, quand elles nous verroient les armes bas? & puis, n'est-ce pas vous qui auez esté Bajazet, & qui auez reieté Zizim, qui mal-gré les menées des plus grands de la Porte, l'auéz esleué sur le trosne de son pere, c'est à vous à luy maintenir & conseruer en cela l'autorité, disoit-il parlant aux Ianissaires, que vous vous estes acquise de longue-main: & ces troupes que vous voyez deuant vous, qui n'ont osé vous resister au passage, pensez-vous qu'ils ayent l'assurance de vous attendre au combat, ie les voy desia tous chancelans redoutans vostre valeur; que chacun donc tirant son espee,*

II.

Resolution de Bajazet d'aller attaquer son frere.

Sa premiere bataille.

Zizim encourage les siens.

Acomath pour le party de Bajazet anime les soldats au combat.

1481.

Gagne la victoire contre Zizim, lequel s'enfuit vers le Souldan du Caire.

s'assure d'avoir une couronne triomphale à la main, car ie tiens cette victoire aussi certaine pour nous, que la recompense vous est assurée de la part de celuy pour qui vous combattez. Les soldats luy respondirent avec vne grande acclamation & tous d'une voix, que ce iour leur Empereur seroit Seigneur de l'Asie & de l'Europe, ou qu'ils perdroient tous iusques à la dernière goutte de leur sang, & là-dessus donnerent dedans leurs aduersaires avec telle hardiesse & impetuosité, qu'après auoir tenu teste quelque temps, il fallut qu'ils cedassent à la valeur, à la sagesse & prudente conduite d'Acomath, & mesmes Zizim ayant peur de tomber entre les mains de son frere, s'enfuit en Caramanie, où craignant encores de n'estre pas en seureté, il se retira vers le Sultan du grand Caire pour y sauuer sa vie, & ce par le conseil mesme du Caraman, luy promettant de ioindre ses forces avec celles de l'Egyptien, pour tenter encore vne autre fois le hazard du combat. S'en estant donc allé en pelerinage à la Mecque, & de là trouuer le Sultan, il en tira vn fort grand secours. On tient aussi que les soldats de Zizim, quand ils sceurent qu'Acomath estoit arriué en l'armée, entrerent en vne grande frayeur, & que Zizim mesme s'escria parlant de Bajazet, Hay cachpezené (c'est à dire) Ha ! fils de putain, d'où est-ce que tu nous as fait venir cettuy-cy ? tant ce grand guerrier estoit redouté, mesmes parmy les Turcs.

En cette guerre il aduint vne chose qui ne doit pas estre passée sous silence, C'est que du temps que Mahomet auoit la guerre contre Vsunchassan, Bajazet qui estoit encores ieune & peu experimenté, ayant toutesfois commandement en cette armée, comme Mahomet en la dernière bataille qu'il donna contre le Persan, fist la reueüe de toutes ses troupes, & vid le mauuais ordre qui estoit au bataillon de son fils Bajazet, il y enuoya le Basla Geduces Acomath, afin de reestabli le tout selon leur discipline, lequel à son arriuée voyant cette confusion, ne se peut tenir de dire avec vne façon de reprimende, *Est-ce ainsi qu'il faut ranger vne bataille & disposer ses gens au combat ? & avec quelques paroles encore plus aigres, il irrita tellement Bajazet, qu'il luy promist de l'en faire repentir en temps & lieu: auquel Acomath respondit, & que me feras-tu, ie te prie ? le te jure, dit-il, que si tu parviens à l'Empire, ie ne ceindray iamais espée à mon costé. Or Achmet se ressouuenant tousiours de ces choses, quand Bajazet arriua au camp, Achmet luy allant baiser la main, il auoit pendu son cimenterre à l'arçon de sa selle, & soudain on luy amena son cheual, sur lequel il monta; Bajazet comprenant bien ce que cela vouloit dire, luy presentant le bout de son baston (que les grands Seigneurs portent pour marque d'autorité) en signe de faueur, luy dist, *Milala, (mon protecteur) tu te souuies de loin, mais comme ce temps-là est passé, cettuy-cy requiert maintenant que nous nous rapassions ensemble, & faisons vne mutuelle société au maniement des affaires, remets donc ton espée à ton costé, & oublie tous le passé. I'ay remarqué cecy pour ce qui aduint depuis à cet Acomath, & pour mieux reconnoistre la nature de ce Prince.**

III.

1482.

Le Caraman se ioint à Zizim, & pour quoy.

Seconde bataille de Zizim, grand carnage des siens.

Se retire à Rhodes.

REVENANT donc à nostre histoire, tandis que Zizim assembloit nouuelles forces, le Caraman cependant qui ne dormoit pas, & qui desiroit se seruir de cette occasion pour recouurer la Cilicie, que Mahomet, le pere de Zizim luy auoit vsurpée, auoit assemblé le plus de gens qu'il auoit pû, se venans rencontrer tous ensemble vers le mont Taurus, où Acomath les vint trouuer avec vne armée de deux cens mille hommes. L'inegalité des forces fit trembler Zizim, & donna du courage à l'armée de Bajazet qui surpassoit l'ennemy en valeur, en nombre & en conduite, aussi eut-elle l'honneur de la victoire, faisant vn grand carnage des Zizimites, & en prit grand nombre de captifs, lesquels comme il eust fait venir deuant soy, & qu'il fust tout prest à les deliurer tous: Achmet l'en empescha, luy disant qu'il estoit necessaire d'imprimer vne terreur de luy, dans l'esprit de ses ennemis pour les ramener à la raison, il le creut & leur fit à tous trancher la teste. Quant à leur Chef, il fut forcé de s'enfuir, lequel ne sçachant plus de quel bois faire fleche, voyant toutes choses luy estre contraires, & n'esperant plus de secours des Princes ses confederez, il resolut, de l'aduismesme du Caraman, de se ietter entre les bras des Chrestiens, pour y chercher quelque secours, enuoyant sa femme & ses enfans au Souldan d'Egypte, & de fait s'en vint rendre à Rhodes: mais deuant que de s'embarquer, on dit qu'il tira vne fleche sur le prochain riuage, au bout de laquelle estoit liée vne lettre de telle substance.

ZIZIM

ZIZIM ROY, A BAJAZET SON
TRES-CRUEL FRERE.

1482.



Me i'auou demandé ce qui estoit iuste, & tu m'as payé d'inhumanité, & i'auois borné mon desir à viure paisible en la frontiere, mais ton ambition detestable n'a pu souffrir ton frere en repos dans vne parcelle d'un si grand Empire, se suis doncques contrainct, pour sauuer ma vie, d'auoir recours au nom Chrestien, & aux plus grands ennemis de nostre puissante maison, non pour le mespris de la Religion de mes ancestres, mais forcé par ta cruauté, puis que mon plus grand desir seroit de seruir DIEU selon les ceremonies de nostre Loy: il est vray que ie n'ay que faire de te parler de DIEU ny de nostre sainte Prophete, puis que tu mesprises l'une & l'autre Loy, & que tu s'es despoüillé de toute humanité. Nostre pere s'est efforcé toute sa vie d'esleuer la maison des Othomans, & tu prends plaisir à la destruire: mais la Iustice Diuine me vengera vn iour de ta meschanceté, & permettra que si tu regnes quelque temps par tyrannie, la fin de ton Empire sera plus tragique que le commencement n'en a esté fortuné. Adieu, & te souuiens qu'on exercera quelques fois contre toy & tes enfans, ce que tu entreprends contre moy & les miens.

Lettre de Zizim à Bajazet.

APRES la lecture de cette lettre, on tient que Bajazet demeura deux iours retiré sans estre veu, pour l'extreme desplaisir qu'il auoit que son frere se fust retiré vers les Chrestiens, & principalement vers les Cheualiers de Rhodes ses plus grands ennemis.

Tristesse de Bajazet a la lecture de cette lettre.

CE Prince fut receu à Rhodes le 24. Iuillet, mil quatre cens quatre-vingts & deux, le Grand-Maistre luy enuoyant Aluaro de Stauiga, Preur de Castille, avec les galeres de l'Ordre pour le conduire, & luy vint au deuant avec tous ses Cheualiers, non sans l'esbahissement de Zizim, qui s'estonnoit de voir qu'on luy faisoit tant d'honneur en vne Ville que son pere auoit voulu ruiner, & comme on luy faisoit l'essay, comme on a accoustumé de faire aux Princes, il dit aux Cheualiers qui estoient pres de luy: *Je n'eusse point exposé ma vie entre vos mains, si i'eusse eu des fiance de si braves & genereux Cheualiers, ie vy parmy vous icy, comme personne priuée, non comme Roy.*

Reception de Zizim à Rhodes.

LE Grand-Maistre escriuit aussi-tost à tous les Princes Chrestiens, pour les persuader de se seruir d'une si belle occasion pour diuiser l'Empire des Othomans, & par le moyen de Zizim retirer les Estats qu'on leur auoit vsurpez: mais la Chrestienté estoit alors tellement partialisée, & l'Italie si diuisée, le Pape, les Venitiens, les Geneuois & les Siénnois estans liguez contre le Roy Ferdinand de Naples, les Florentins & le Duc de Milan & l'Empereur qui auoit des desseins sur la Hongrie: qu'on ne tira aucun profit d'un si beau moyen que DIEU nous mettoit entre les mains, & de fait Bajazet auoit si grande crainte qu'on le mist en liberté, qu'il paya tous les ans quarante mille ducats au Tresorier de la Religion, trente-cinq mille pour le train & entretenement de Zizim, & dix mille pour reparer le degast que Mahomet son pere auoit fait au siege de Rhodes, & ce par accord qu'il en passa avec le Grand-Maistre, le huietieme Decembre mil quatre cens quatre-vingts & deux. Aussi-tost que ce Prince fut à Rhodes, il fit paroistre qu'il auoit enuie d'aller en France, & de se ietter entre les bras du Roy; & de fait le Grand-Maistre l'y enuoya, & se retira en Auuergne. Toutesfois quelques-vns ont escrit que depuis le Grand-Maistre le donna au Pape Innocent huietieme, qui pensoit s'en seruir contre les Turcs pour le bien de la Chrestienté, & apres la mort duquel, qu'estant venu entre les mains d'Alexandre sixiesme, Bajazet enuoyoit tous les ans au Pape soixante mille ducats pour le tenir en vne prison perpetuelle.

Zizim vient en fiance.

MATTHIAS Coruin, ce grand Prince duquel nous auons parlé, le desiroit fort, & le fit demander au Pape, & y auoit grande apparence que si on luy eust donné, il eust bien brouillé par son moyen les affaires de Turquie, du costé de la Hongrie: de sorte que Bajazet entrant en plus grande crainte que deuant, luy enuoya faire offre de deux cens mille ducats, de laquelle promesse Georges Buciarde Euesque natif de Gennes, en fut le messager, afin de le tenir plus estroittement, lequel y auoit esté enuoyé par ce Pape Alexandre avec Camille Padon, qui y depeschoit aussi le Roy Alphonse de Naples, demandant l'un & l'autre secours contre les François: cela toutesfois se traitoit secretement, dit Guicciardin, qui adiouste que ces Ambassadeurs furent excessiuelement honorez par Bajazet, & presque aussi-tost depeschez, qui rapportèrent de grandes promesses de secours: Mais (combien qu'elles fussent confirmées vn peu apres par vn Ambassadeur que Bajazet enuoya à Naples) ou pour la distance des lieux, ou pource que le Turc se desioit des Chrestiens,

Crainte de Bajazet a cause de Zizim.

Lequel promet secours contre les François.

1482.

Zizim lurré à
Charles VIII.
mais empoi-
sonné.

Sa mort &
son éloge.

elles ne sortirent aucun effet. Finalement Charles huitiesme du nom Roy de France, apres sa conqueste du Royaume de Naples, le demanda au Pape, qui le luy refusa du commencement, toutesfoiss'y voyant comme forcé, il luy lura : mais selon le dire de Guicciardin, empoisonné : de sorte qu'il mourut à quelques iours de là à Tarracone. Ce Prince Turc estoit homme modeste, sage & de fort gentil esprit, qui porta fort prudemment & patiemment sa captivité : il estoit au commencement fort grand obseruateur de sa Religion, si bien qu'il entroit en furie quand il voyoit vn Turc yure, il beuvoit de l'eau sucrée, & quelquesfois du vin, pourueu qu'il fust melle d'espiceries & d'autres liqueurs, disant que ce melange l'alteroit en telle sorte, que ce n'estoit plus vin, tant l'homme sçait bien accommoder la Religion à ses appetits. On dit toutesfois qu'il fut depuis baptizé à Rome, & qu'il mourut bon Chrestien. Federic Roy de Naples enuoya son corps à Bajazet, pour luy faire vn present bien agreable de luy donner mort, celuy qu'il n'auoit iamais sceu prendre en vie : voila comment nous ne deuons point accuser le Ciel de nostre misere, puisque nous ne pouuons tirer le fruit du bien qu'il nous presente, mais plustost dire hardiment, que nous portons dans nostre flanc, comme vne autre Hecuba, le flambeau de nostre propre ruine, & que nous ne perissons que par nous-mesmes.

IV.

1483.

Bajazet visite
les Prouinces
de l'Asie apres
sa victoire.

Appaise la se-
dition des la-
oulantes.

Cela arriva
selon les Anna-
les des Turcs,
l'année prece-
dente.

Mort d'Aco-
math.

Son histoire,
selon Hani-
ualdan.

Bajazet d'un
esprit soup-
conneux.

Festin qu'il
fait à ses Bas-
sats.

Vn Bassa le
supplie qu'il
ne fust point
forcé à boire
du vin.

QUANT à Bajazet, apres la victoire obtenue contre son frere, il visita les peuples de l'Asie, prit les foy & hommages, y mit des garnisons, & changea les Gouverneurs que son frere y auoit mis, disposant enfin des Prouinces de la Natolie, comme auoient fait ses predecesseurs, & de là s'en retourna à Constantinople. Mais nonobstant toutes ces choses, les Janissaires ne se contentoient point de son gouvernement, & vouloient à toute force faire reuenir Zizim : de sorte qu'ils vindrent vn iour tous en furie iusques à la porte de son Serrail, mais il les adoucit de belles paroles, leur accordant ce qu'ils luy demandoient, les recompensant accroissant leur nombre, & leur ordonnant des gages & pensions annuelles, pour les encourager de mieux en mieux à luy faire seruiçe : & les ayant par ce moyen rendus contents, il se saisit apres des chefs de la sedition, qu'il fit mourir. Delà à quelque temps, il fist aussi à Andrinople vn festin solemnel, où il inuita ses Bassats & les plus signalez personages de sa Cour, en ce souper il auoit fait preparer tout ce que les Turcs estiment de plus delicieux, on y beut aussi du vin iusques bien auant en la nuit qu'il licentia la compagnie, donnant par honneur à tous ceux qui auoient assisté à ce festin vne robe, excepté à Acomath, * ce grand guerrier lequel luy auoit seruy, non seulement d'eschelle pour monter au throsne Imperial, mais encore d'un seur & inuincible appuy pour s'y bien establir, qui auoit dompté ses ennemis, mis en fuite son frere, & rendu paisible possesseur de la petite Asie : à cettuy-cy, dis-je, pour recompense de ses seruices, si notables & si signalez, au lieu de luy enuoyer vne robe, comme aux autres, on luy fit present d'un cordeau, avec lequel il fut estranglé, d'autres disent qu'il le tua de sa propre main : il se doutoit qu'il auoit changé d'affection, & qu'il auoit quelque dessein pour son frere Zizim, & mesme qu'il s'estoit entendu avec les Janissaires lors de la reuolte, dont nous venons de parler, car on les auoit vus aller & venir souuent chez luy.

TOUTESFOIS voicy comme Haniualdan, qui a escrit cette hystoire plus amplement la raconte. Achmet ou Acomath, car on dit l'un & l'autre, ayant espousé la fille d'Isaac Bassa, de laquelle Mustapha fils du Sultan Mahomet s'estoit enamouraché, & ses amours luy auoient cousté la vie, comme on a pu voir cy-dessus, l'auoit pour cette cause repudiée, ce qui auoit engendré vne telle inimitié entr'eux, qu'Isaac ne cherchoit que les occasions de le ruiner de biens & de vie, mais Achmet auoit le courage si haut, que tant s'en faut qu'il se souciaist des menées d'Isaac qu'il les mesprisoit : mais l'autre qui comuoisoit l'esprit soupconneux de Bajazet, luy donna tant de mauuaises impressions & de sujets de meffiances en l'absence d'Achmet, qu'estant de retour de la guerre contre Zizim, il ne cherchoit que les moyens de s'en deffaire. Ayant doncques vn iour inuité tous les Seigneurs de sa Cour à vn festin, qu'ils font ordinairement le soir, il y inuita Achmet, comme les autres, où ils furent traictez avec toutes sortes de delices, & abondance de toutes choses, vn seul Haly Michalogle, supplia le Sultan de ne le contraindre point à boire du vin, n'en ayant iamais beu en toute sa vie, ce que luy ayât esté accordé, les autres se mirent tous à boire iusques bien auant dans la nuit, & au sortir du festin, Bajazet selon la coustume, & pour monstrier sa magnificence, leur fit apporter à tous des robes de diuerses couleurs, leur faisant aussi donner à chacun d'eux vne tasse d'argent doré pleine de pieces d'or. Au seul Achmet, il fit ietter deuant luy vne robe noire entre-tissuë d'or : Achmet faisant vn mauuais augure de cette couleur, & presageât ce que cela vouloit dire, tout plein de colere

& de

& de fureur, il commença à luy dire, *Fils de putain, pourquoy me contraignois-tu de boire du vin impur, puisque tu machinois telle chose contre moy* : puis aussi-tost jettant les yeux contre terre, il s'assit. Les autres Seigneurs tous chargez de vin ayans baissé la terre, & rendu graces à l'Empereur, selon la façon des Turcs se retirerent, pas vn toutesfois ne s'en alloit qu'il ne se fust premierement venu ietter aux pieds de Bajazet, & qu'il ne luy en eust demandé permission, & obtenu pardon de ce qu'ils auoient beu trop de vin. Mais estant bien ayse de les voir tous yutes, il les enuoya reconduire à cheual par ses Capigy ou portiers, alors Geduces Achmet voulut sortir comme les autres, mais Bajazet luy descendant luy dit : *Milula, ou, mon tuteur, demeure au lieu auquel tu es maintenant assis, car j'ay quelque chose à traicter avecque toy.*

Tous les autres s'estans doncques retirez, on se saisit incontinent d'Achmet, qui fut fort miserablement accommodé par ceux qui le prirent, mais Bajazet non content de tant de coups qu'on luy donnoit, commandoit qu'ils le fissent mourir, quand l'Aga qui estoit Eunuque & qu'il affectionnoit fort, le vint supplier de ne rien precipiter en cette affaire, sans vn bon & meur conseil. *Ne te haste point*, luy disoit-il, *Seigneur, de faire mourir celuy que tous les Ianissaires de ta Porte ayment & honorent, il faut premierement voir ce qui succedera de cette affaire* : cettuy-cy ayant de cette façon là empesché qu'Achmet ne fust tué, il fut caché pour quelque temps. Or durant que ces choses se passoient dans le Serrail, les Seigneurs s'estans retirez chacun chez eux, le fils d'Achmet voyant que son pere ne reuenoit point, entra en quelque doute & soubçon, luy fit aller demander aux autres des nouvelles de son pere, lesquels luy dirent ce qui s'estoit passé deuant eux, & que Bajazet auoit arresté de le faire mourir, on luy dit aussi le mesme au Serrail. Ce ieune homme tout transporté de dueil & de fureur tout ensemble, ne sçachant à qui auoir recours pour tirer son pere d'un tel danger, alloit courant au milieu de la nuict aux retraictes & corps de garde des Ianissaires, où avec cris, & d'une voix lamentable il leur disoit.

LAS ! moy miserable que ie suis, mes chers compagnons d'armes, le Seigneur a retenu mon pere en son Serrail ; & ie viens tout maintenant d'apprendre qu'il le veut faire mourir ; permettez-vous excellens soldats, qu'on commette une telle meschanceté à l'endroit de celuy avec lequel vous auez tant de fois mangé du pain & du sel ? Les Ianissaires tous estonnez de ces nouvelles, & reconnoissans le danger auquel estoit Achmet, redoublans leur *Bre, Bre*, comme si nous ditions alarme, alarme, ils s'assemblerent tous en gros, & garnis qu'ils estoient de leurs armes & de leurs cimenterres, tous d'un plain saut ils allerent au Serrail du Sultan, où ayans trouué les portes fermées, comme c'est la coustume de les fermer la nuict, ils commencerent avec grands cris à dire qu'on leur ouurist. Bajazet voyant la fureur de ses Ianissaires, & de grande crainte qu'il auoit qu'ils n'attentassent quelque chose de pis, commanda mal-gré luy que la porte du Serrail leur fut ouuerte, luy cependant montant à une fenestre treillisée, qui estoit dessus la porte, ayant son arc en sa main & une fleche, il leur dit : *Que voulez-vous compagnons, que desirez-vous de moy ?* comme ils l'ouyrent parler, ils se mirent en plus grande furie, & venans aux iniures, *Tu le verras tout maintenant*, respondirent-ils, *yurons de philosophe, digne du baston & du fouet comme tu es, & t'apprenons à estre sobre : Est-ce ainsi que tu abuses de la dignité Royale dont tu portes le siltre ? ou est Geduces Achmet ? ou est il, depesche, fais le nous amener tout maintenant, autrement tu sentiras ce que nous scauons faire.* Or l'appelloient-ils Philosophe, à cause qu'il s'addonnoit à la lecture, & ayimoit les Lettres. Luy donc voyant la fureur de ces courages, & reconnoissant en leurs propos combien ils estoient animez contre luy, commença à filer doux : *Et bien*, dit-il, *compagnons, que cela ne vous anime point davantage, si vous voulez auoir un peu de patience ie vous rendray contents.* Achmet est à la verité dans mon Serrail, que ie vous feray amener tout presentement : & aussi-tost on le fit venir à la porte du Serrail en fort piteux equipage, tant pour les tourmens qu'on luy auoit fait souffrir, que pour estre nuë teste & nuds pieds, & n'ayant sur soy qu'une petite chemisette : les Ianissaires voyans un tel personnage traité si indignement selon ses merites, arracherent les Tulebans des domestiques de Bajazet, & en mirent un sur la teste d'Achmet, commandans qu'on apportast en diligence une robe, laquelle ayans esté iettée sur ses espauls, ils l'emmenèrent hors du Serrail, & l'accompagnerent avec beaucoup d'honneur iusques chez luy.

Achmet se voyant contre son esperance eschappé d'un tel danger, & d'ailleurs les Ianissaires tous tristes, les incitoit à se resioiyr, puis que leur entreprise auoit si heureusement reüssi. *Mais toy-mesme*, respondirent-ils, *en quel estat est ta santé ?* & là-dessus se

1483.

Paroles injurieuses d'Achmet à Bajazet.

Façon des Turcs prenant congé de leur Empereur.

Achmet mal traité.

Le conseil de l'Aga luy sauua la vie.

Plainte du fils d'Achmet, aux Ianissaires.

Qui s'assemblerent la nuict & vont au Serrail.

Qu'ils font ouurer.

Propos de Bajazet aux Ianissaires, & leur superbe response.

Il flechit à la fureur.

1483.

Prudence
d'Achmet.

Sa mort.

Et du fils de
Zizim.

V.

Desseins de
Bajazet con-
tre les Iani-
saires.Dût il se veut
deffaire.Les Michalo-
ges s'oppo-
sent à ce des-
sein.Il se laisse
persuader à
ceux-cy.

souuenant des outrages qu'on luy auoit faits, ils entrerent en telle furie contre Bajazet, qu'Acmeth iugeant par leur changement de couleur, qu'ils ne conceuoient rien de bon contre luy, craignant que s'ils faisoient pis, le sort tombast apres sur luy-mesme, comme principale cause de la sedition, les supplia de luy faire cette grace, de se contenter de ce qu'ils auoient fait, & d'appaier tout ce tumulte: *Bajazet*, disoit-il, *est nostre Prince & Seigneur, & quoy qu'il m'aye indignement traité, si est-ce que ie luy dois tousiours rendre obéissance, parauenture que moy-mesme ay fait quelque faute en ma charge qui l'a ainsi aigry contre moy.* Les Ianissaires admirant la sagesse de cét homme, luy promirent de faire tout ce qu'il voudroit, avec protestation toutesfois que Bajazet ne tenoit la vie & l'Empire que de luy. Si bien que le lendemain toutes choses estant pacifiées, Acmeth retint tousiours la dignité de grand Vizir qu'il auoit, ses grades & ses pensions ne luy ayans point esté diminuées pour tout ce qui estoit arriué. Toutesfois son ancien ennemy Isaac ayant inuenté de nouvelles calomnies quelque temps apres, & fait reuiure par ce moyen la haine de Bajazet qui s'en alloit comme esteinte: il prit vne nuit son temps plus à propos qu'il n'auoit fait l'autre fois, & le fit mourir en vn voyage qu'il fit à Andrinopolis, quelque temps apres qu'il eut fait mourir à Constantinople Caigub Schacus fils de son frere Zizim.

Or pour reuenir aux Ianissaires, nonobstant tout ce que leur auoit pû dire Achmet, ils ne laisserent pas d'estre fort irritez contre Bajazet, lequel d'ailleurs se souuenant de ce qui s'estoit passé, & avec quelle audace furieuse & irreuerence ils s'estoient portez à l'endroit de la Majesté Imperiale, le danger auquel il s'estoit veu, & la mauuaise consequence que c'estoit pour l'aduenir: il resolut d'exterminer tous les Ianissaires, & pour ce faire il enuoya de part & d'autre les plus mutins de ses Officiers, les vns en leurs Timarioths ou possessions, les autres sous couleur de quelque charge, faisant cependant sous-main commandement aux Sangiacs & Gouverneurs des Prouinces de s'en deffaire, & les faire mourir où ils les pourroient rencontrer. Mais comme toutes choses se descouurent, ceux de la Cour en furent incontinent aduertis, qui fut encore occasion de nouveaux remuemens: de sorte que Bajazet fut contraint de faire entendre aux plus grands de son Estat qu'il auoit vne entreprise en l'esprit qu'il desiroit d'executer, & qu'il leur vouloit communiquer. Les ayant doncques fait venir chacun séparément & en secret, il leur declara qu'il auoit dessein de faire mourir tous les Ianissaires iusques à vn, leur demandant à tous s'il se pouuoit assurer de leur assistance en cette entreprise, & s'ils iugeoient que la chose se pût effectuer. Que pour ce faire il auoit fait vne leuée secrette d'Accangy (ce sont avant-coureurs ou cheuaux legers) par le moyen desquels il deliberoit de s'en deffaire, leur commandant à tous de tenir ce conseil secret, de crainte qu'il ne vint iusques aux oreilles des Ianissaires.

Comme ces choses se traitoient secrettement, les Ianissaires qui voyoient les Seigneurs aller & venir ainsi si souuent vers le Sultan, contre la coustume, entrerent en des fiance, & pource qu'ils se sentoient coupables pour ce qu'ils auoient fait au passé, la conscience les fit apprehender que tous ces conseils ne fussent tenus contre eux & pour leur ruine: en fin toute l'affaire fut descouuerte, & combien que tous les autres Seigneurs fussent de mesme aduis que Bajazet, toutesfois Haly & Ischender les Michaloges resisterent fort & ferme à ce conseil. *O tres-heureux Empercur*, disoient-ils, *ja n'aduenne que tu mettes en execution vne entreprise si éloignée de toute raison: posons le cas que tous les Ianissaires qui sont à Constantinople ayent passé par le fil de l'espee, ne scais-tu pas que toutes tes frontieres, tes munitions, tes places fortes, & toute sa puissance est entre les mains des Ianissaires? que penses-tu qu'ils doivent faire apres qu'ils auront sien que tu auras massacré leurs compagnons? en quel danger mets-tu ton Empire, non encores du tout bien estably? Et quelle infamie sera-ce pour sa memoire à la posterité, d'auoir ruiné par mauuais conseil vne si puissante domination? Ie me sais*, disoit Haly, *de ce que ie ne croy pas que cela puisse arriuer, car ce sont tous hommes de main bien armez, & qui vendront, ie m'assure bien cherement leur peau aux Accangy, s'ils ont iamais l'assurance de les attaquer, ce que ie ne crois pas, car chacun sçait l'inegalité de la valeur & de la dexterité aux armes des vns & des autres. Ce sera doncques bien le plus seur pour soy si tu donnes congé à vne si dangereuse entreprise.*

Bajazet prenant de bonne part les raisons & les conseils des Michaloges, changea de dessein, l'execution duquel deuoit infailliblement renuerser tout l'Empire Turc, tant pour les seditions qui en fussent arriuées, que pour auoir perdu sa principale force & son bras droit: comme doncques Haly sortoit d'auec le Sultan, les Ianissaires qui auoient

culc

eu le vent de cette menée, commencerent à l'appeller flateur & Brekioflheor ou Scato-fage, comme estant de ceux qui conseilloyent de les massacrer; mais Haly sans s'estonner & avec la mesme magnanimité & prudence qu'il auoit parlé à son Maître pour le dissuader, il dit à ceux-cy, *Mes compagnons, ie vous jure par l'ame de mon pere, qu'il ne vous arriuera rien de tout ce que vous pensez, ostez ces sinistres opinions de vos fantaisies, car ce sont toutes imaginations vaines que de penser que le Seigneur veut faire une entreprise qui luy seroit si preiudiciable, n'adionstrez doncques iamaïs de foy à tous ces faux rapports, car ie vous donne ma teste en gage, qu'il ne vous arriuera iamaïs aucun mal de ce costé-là.* Les chefs des armées & les principaux Seigneurs de cét Empire luy conseilloyent de faire quelque expedition pour appaiser le courage des Ianissaires, & conseruer tousiours en haleine leur vertu militaire & leur milice: Et de fait il nous a donné aduis que chacun se tint prest pour la guerre, car il auoit resolu de leuer vne fort grande armée.

C E C Y haïsta encore Bajazet d'aller à Andrinople, où il auoit donné le rendez-vous, mais quand ce vint à camper, les Ianissaires firent bande à part, ne voulans rien auoir de commun avec le Sultan (car c'est leur ordinaire de se camper tout à l'entour de sa tente, leur bataillon estant ainsi au milieu de tout le camp) ne voulant point, disoient-ils, s'exposer à la misericorde de sa cruauté, & attendre qu'on les vint massacrer tout contre luy. Alors Bajazet s'approchant d'eux; *Et quoy, disoit-il, compagnons, où sont vos places? quel changement est cettuy-cy? voulez-vous substituer une nouvelle milice; ne rendrez-vous iamaïs d'obéissance; faut-il que ie sois tousiours aux prises avecques vous?* A cela les Ianissaires commencerent à crier tous d'une voix, *Nous sommes contraincts d'en user ainsi, car tu as conspiré contre nostre vie, & nous veux faire tous perir: mais que ceux à qui tu as donné cette commission viennent maintenant, car nous voicy tous prests à les recevoir:* Et là-dessus faisans bruir leurs armes, & les monstrans aux yeux de Bajazet, ils faisoient assez paroistre par leurs gestes, la ferocité de leurs courages, & que leur sang cousteroit bien cher à qui leur voudroit faire perdre: mais luy pour pacifier ces esprits irrités & regagner leur bienveillance, leur respondit: *Qui vous met ces impressions-là dans la teste? tant s'en faut que i'aye de dessein, que ie vous tiens pour mes allies & pour mon appuy, & vous jure par la sainte ame de mon pere, qu'il ne vous arriuera iamaïs ce que vous soupconnez: tous mes conseils desquels vous estes entré en défiance, ont esté sur vne guerre que i'ay entreprise, & en laquelle i'ay besoin de vostre valeur & secours: vous voyans à chaque bout de champ animez contre moy, ie consultois les moyens comment ie vous pourrois regagner le cœur, afin de vous employer apres avec assurance.* A ces paroles les Bassats & autres Chefs & Seigneurs du Diuan approcherent pour faire foy aux Ianissaires, que Bajazet n'auoit rien decreté contre eux à leur preiudice, & qu'il n'y auoit aucune menée ny conspiration contre eux, & partant qu'ils pouuoient en toute seureté retourner au camp prendre leur place ordinaire, & faire comme ils auoient accoustumé, ce qu'ils firent à l'heure mesme, receuant Bajazet au milieu d'eux.

C E fut lors qu'il s'en alla en la Carabogdanie, & qu'ayant passé le Danube, il prit le chasteau de Kilim, & la forteresse d'Acgiramen, apres l'auoir tenuë vn mois assiegée; tout cecy estant arriué enuiron l'an mil quatre cens quatre-vingts deux & quatre-vingts trois, & de l'Egire huit cens quatre-vingts & huit, tres-remarquable à la verité, tant pour l'Histoire, que pour remarquer le pouuoir que les Ianissaires ont en cét Empire, plus mesmes en quelques choses, que les soldats Pretoriens à Rome du temps des Empereurs. Bajazet toutesfois se deffit par apres de tous ceux qui les auoient fauorisez, entre autres de cét Isaac, dont nous auons parlé cy-dessus, lequel il despoüilla de toutes ses charges.

M A I S l'année suiuaute Cassan le fils du Caraman qui estoit nourry à la Porte de Bajazet, toute la ressource de cette famille, estant mort, Bajazet desiroit infiniment se vanger de cettuy-cy, qui auoit donné secours & ayde à son frere, & qui depuis la mort s'estoit emparé de la Cilicie champestre, & des pays d'Armenie, & Cappadoce, iusques au mont de Taur: mais voyant qu'il ne pouuoit pas rentrer dans les pays conquis sans vne notable perte des liens, ayant penetré iusques dans la Pamphilie, il taschoit de surprendre le Caraman, lequel se fiant trop à la force de son pays & de son armée, il ne se donna garde que Bajazet l'ayant surpris à son aduantage, il luy liura la bataille, en laquelle il fut vaincu & occis, & le Turc poursuiuant sa pointe, extermina tout ce qu'il pût rencontrer de la race Caramane, se faisant Seigneur de toutes les terres qu'elle possédoit, & ce fut lors

1483.

Les Ianissaires en ont le vent.

La remontrance d'Haly les ramene à leur deuoir.

Ils se deffient toutesfois & font bande à part.

Troisième sedition des Ianissaires.

1484.

Côqueste des Turcs en la Carabogdanie.

1485.

VI.

Côqueste de la Caramanie & extermination de toute la race des Princes Caramans.

1485.

Bastimens de
Bajazet à An-
drinople.Grand em-
brazement.Grande ecy-
pse de Soleil.

que la Caramanie devint Prouince Turque. Apres cette conquête il retourna à Constantinople, & fit bastir à Andrinople vn Imaret, ou Hospital pour heberger les pelerins passans, & vn autre pour panser les malades & blesez, que les Turcs appellent *Imarhane*, & vn College pour enseigner les enfans: mais tandis qu'il s'occupoit à faire de nouveaux edifices, le feu luy gasta le reste de la ville, qui brussa tout le marché des fripiers, qu'ils appellent *Birbasar*, & la place des *Tachtal*, *Caula*, ou Charlatans & joueurs de passe-passe, où les marchands auoient accoustumé de porter ce qu'ils auoient de plus precieux, lesquels lieux avecques toutes les marchandises furent reduits en cendre: cecy estant arriué enuiron le temps de cette grande eclipse de Soleil, qui aduint le neufiesme iour du mois de Septembre qu'ils appellent *Muharan*, en l'année mil quatre cens quatre-vingts cinq, car on dit que les deux parts furent toutes obscurcies.

Quant à Bajazet, ayant fait reparer le degast que le feu auoit pû faire, partit d'Andrinople pour aller en Moldauie, il auoit fait alliance avec les Tartares, pour auoir plus aisément la raison du Vaiuode: de sorte qu'avec vne multitude innumerable, tant de gens de pied que de cheual, & vne flotte de trois cens cinquante vaisseaux, il vint enuahir cette Prouince, où il mit tout à feu & à sang, prit la ville de Chillum avec le chasteau, par la trahison de Mamalac Chastelain, qui la rendit toutesfois à condition que les habitans sortiroient si bon leur sembloit, vies & bagues sauues: mais cette foy leur fut si mal gardée, qu'outre ce qu'on leur fit mille indignitez, Bajazet en enuoya à Constantinople plus de cinq cens familles, sans ceux qu'emmenoient les Tartares: & de là les Turcs & les Tartares allerent de compagnie mettre le siege deuant Moncastre, ville capitale de la Prouince, que quelques-vns appellent Nestorabe, Kilim & Cherment, qu'ils prirent auparauant que le secours des Hongres, que le Vaiuode auoit demandé au Roy Matthias, fust arriué: & tandis que les Roys Matthias de Hongrie & Casimir de Pologne sont en differend, à sçauoir lequel des deux la Moldauie deuoit reconnoistre pour souverain, ils laissent perdre cependant la Bessarabie, des dependances de la Moldauie, où estoit assise cette ville de Moncastre, sur les confins de la Tartarie vers le Pont-Euxin, & où le Danube vient rendre son tribut à la mer. L'année suiuite Haly Bassa Beglierbey de Romely, avecques grand nombre de soldats de l'Europe, des Ianissaires de la Porte, Selictars Spaoglans & Akenzis y firent encore vne autre incursion, d'où ils retournerent sans auoir fait aucune rencontre à Andrinople avec vn fort grand butin: cela fut cause que le frere de ce Bassa Scender Michaloge, assisté d'Haly Malcozogle y retournerent deux & trois fois, la coururent au long & au large sans estre empeschez d'aucun, & en rapporterent tousiours de grandes & riches despoüilles, & mirent tout à feu & à sang, tant les Princes Chrestiens estoient lors occupez à leurs querelles particulieres, & tant ils auoient peu de soin du bien de la Chrestienté.

1486.

Autres rava-
ges qu'ils font
en la Molda-
uie.Leur entre-
prise contre
l'Egypte.Musa & Fer-
hates Gene-
raux en l'ar-
mée de Baji-
zet contre les
Egyptiens.Les Mamme-
lus elgax en
force & en
discipline mi-
litaire aux la-
nuisaires.Bataille des
Turcs contre
les Egyptiens,
où les Turcs
furent vain-
cus.

BAIAZET cependant s'estoit retiré à Constantinople, où apres auoir passé quelque temps en repos, il se resolut de prendre la raison du Souldan d'Egypte, qui par dessus les vieilles querelles, auoit encores assisté son frere d'une puissante armée contre luy: il en donna doncques la charge à Musa & à Ferhates Bassa son gendre, lesquels prenant tous les Soubassils & Timariots de la Natolie, assemblerent de tres-grandes forces, & se vindrent camper deuant la ville d'Adene proche de Tharfe en la Caramanie, où l'armée du Souldan, qui auoit eu le vent des apprests de Bajazet estoit desia arriuée; en laquelle commandoit Diuidare (le grand Conseiller de Cary ou Caith, ainsi s'appelloit le Soudan) & Temur, laquelle se trouuoit composée d'Egyptiens & de ceux d'Alep & de Damas. Les Turcs qui auoient eu le dessus des Egyptiens en la querelle de Zizim, croyoient qu'ils en auroient aisément la raison, mais ils ne se souuenoient pas qu'ils combattoient alors pour autrui, & pour faire acquerir vn Empire à vn autre. Au contraire il y alloit en cette guerre de leur vie & de leur Estat: joint que la valeur & la conduite d'Acomath n'estoit pas aux chefs Turcs, ny pour resister à la puissance des Mammelus, Circassiens, tous Chrestiens reniez aussi bien que les Ianissaires, & desquels les Souldans d'Egypte faisoient leur principale force, aussi bien que les Seigneurs Othomans faisoient de ceux-là; aussi n'estoient-ils pas moins adroits ny prattiquez aux armes qu'eux. Ceux-cy deli-reux infiniment de faire sentir aux Turcs la force & roideur de leurs bras, & d'effacer par quelque signalé fait d'armes la honte qu'ils auoient receüe avec le Caraman, pour la querelle de Zizim, sans qu'il fust besoin de les encourager au combat, se ruerent avec telle impetuosité sur leurs ennemis que ce fut tout ce qu'ils purent faire que de se mettre en deslence & les soustenir, de sorte que leur armée fut mise en route, & la pluspart

raillée

taillée en pieces, entr'autres le Bassa Ferhates gendre de Mahomet, & Musa l'autre Chef, auquel ils trancherent la teste, l'armée toute en desroute, & avec vne plus grande confusion, d'autant qu'elle estoit demeurée sans Chef, Adene & Tharse furent le prix du victorieux, qui furent pillées & toutes demolies.

1486.

Prise d'Adene
& de Tharse
par les Egy-
ptiens.

B A I A Z E T en vne extreme colere, non tant pour la perte qu'il auoit faite, que pour se voir vaincu par celuy qu'il auoit méprisé, leue de nouvelles forces sous la conduite de Mahomet Hizir Aga son gendre, & Achmet Herzecogly, ayant donné à Mahomet toutes les forces qu'il peut tirer de l'Europe, le Sultan Cathy ayant donné la charge de la sienne à Temur Beg, & à Vibeg: Ce Temur encore tout fier de la premiere victoire, & comme assuré de la seconde, ne se pouuoit tenir de dire aux siens: *Quelle presumption à cette race d'Oshomans, ou plustost quelle ambition desesperée est cette-cy de vouloir s'efforcer d'usurper le bien d'autrui, encore qu'il y aille de leur perte toute euidente, & mettre au hazard leur vie, leur honneur & leur Empire, eux que nous tenons pour les plus vils & abjects de tous les hommes contre les Circasses Mammelus, les plus redoutez de l'Vniuers? c'est mettre en teste un loup deuant un lion; un goujat à un Capitaine: ou plustost, n'est-ce pas faire voir qu'ils sont ennuyez de viure, puis qu'ils exposent leur vie à si bon marché? nous auons battu leur Maistre deuant qu'il paruint à sa telle quelle domination, les contraignant de retirer cette grande armée, qui sembloit suffisante pour faire trembler l'Enfer, & depuis peu de iours deuant la ville d'Adene, n'auons-nous pas taillé en pieces cette racaille d'esclaves, & mis à mort leurs Chefs, dont l'un estoit des plus chers de Bajazet, comme estant son gendre? & toutesfois en voicy encore vne autre que ie voy courir la mesme fortune, & qui seruira de nouveau trophée à nostre valeur. Si vous vous souuenez que voicy deuant vous la lye de toutes nos armées, qui ayans secoué le joug de nostre domination (ayans si long-temps combattu sous les enseignes de nostre grand Aladin, le pere de leur bonne fortune) veulent maintenant s'esgaler, non seulement à leurs maistres, ains mesmes les veulent chasser de leur domination, & s'emparer de leur heritage, eux qui encorés ne sont que bastards d'Amurath, comme tiennent ceux qui scauent le plus secret de leurs affaires. Allons doncques, mes amis, donner dedans cette racaille, & qu'il n'en reste un seul pour en aller dire des nouvelles à ce casanier d'Empereur, qui n'oseroit sortir de Constantinople pour venir defendre les siens: j'ay seulement regret qu'il nous faille employer nos armes contre de si viles creatures, car ie voy bien que le baston y seroit plus propre que l'espée, si ce n'est pour les exterminer, car ie m'assure que ce sera là vostre plus grand travail, n'ayans pas l'assurance de soutenir les premiers efforts de vostre valeur, ny la fureur de vostre regard: que si à tout ce que ie viens de dire, i'y dois adionster quelque chose du mien, le nom de Temur est fatal à leur ruine, & particulièrement aux Bajazets.*

Autre armée
de Bajazet
contre les
Egyptiens.Temur Chef
des Egyptiens,
anime les
soldats con-
tre les Turcs,

M A I S Mahomet le Beglierbey de l'Europe, qui desiroit effacer la honte de son predecesseur, & par quelque acte de prouesse signalée, faire paroistre à son beau-pere qu'il n'auoit rien de si cher que la grandeur & la gloire de sa Majesté, alloit remontrant aux siens qu'il falloit au moins à cette fois reparer les fautes passées, & par vne genereuse emulation, faire en sorte que leur Seigneur creust que la perte de l'autre bataille venoit de la mauuaise conduite des Chefs, & non de leur courage: aussi n'y auoit-il nulle apparence que le soldat de l'Europe fut vaincu de l'Egyptien, le Ianissaire du Mamelu. Que ceux qui auoient vaincu tant d'années, pris tant de villes, receu tant de recompenses de leur grand Mahomet, cedassent maintenant en force & en valeur à vne poignée d'Egyptiens, plus empeschez à combattre les ondes du Nil, & à reconnoistre les cataractes, qu'à repousser & combattre vne armée, ou bien à la conduire: Qu'ils combattoient encorés commandez par un Mahomet, bien dissemblable à la verité de grandeur, de majesté & de bon-heur, de cet inimitable qui joiuysoit lors de toute felicité avec le grand Prophete, mais qui en zele, en affection, en obeissance & en vigilance ne voudroit ceder à pas un des mortels pour exalter la hauteuse de son fils, que puis qu'ils combattoient sous mesmes enseignes & sous mesmes auspices, qu'il s'assureoit (si chacun d'eux vouloit combattre) d'acquiescer encore plus d'honneur qu'Acomath Geduces, qui le mena battant comme il voulut à la bataille du mont Taurus, car sa fidelité ne dura que pour un temps, & la leur dureroit iusques au tombeau: & si au desir, qu'il s'assureoit qu'ils auoient de faire preuue de leur valeur, ils vouloient conjoindre l'espoir de la recompense, qu'ils se souussent qu'il y auoit autant de difference du pillage en la conqueste de l'Egypte, & en la prise de la grande cité du Caire, entre toutes les Prouinces qu'ils auoient iusqu'à lors conquises, comme il y auoit de la Prouince de la Pouille à celle de la Grece, & de la ville d'Otrante

Remonstra-
ce du Beglier-
bey de l'E-
urope à son ar-
mée.

1486.

à celle de Constantinople. Or le gain de cette bataille ouvroit les barrières & leur donnoit vne seure entrée dans cette riche contrée, & qui plus est donnoit à leur Seigneur l'Empire sur tous les Musulmans, n'y ayant que les Sultans en ce temps-là qui leur tinssent teste, & qui ayans succédé aux Califes, se disoient les chefs de la Religion: de sorte que cette victoire apportoit aux Turcs le plus grand honneur qu'ils eussent iamais sceu obtenir, les rendant souverains aux choses spirituelles, comme ils l'estoient aux temporelles.

Les Turcs prennent l'espouuente, & perdent la bataille.

TOUTES ces belles raisons animoient assez le courage des soldats tandis qu'on les leur disoit, & les fit parauanture plus longuement opiniâster contre les forces des Mamelus: mais les nations de l'Asie, contre lesquelles ceux-cy s'estoient premierement adressez, n'ayans pû résister à la fureur des Egyptiens (comme elles sont ordinairement plus molles & plus effeminées) s'estans mises en fuite, donnerent l'espouuente à tout le reste, se venans jeter dans les troupes Europeennes, qui n'auoient point encores confondus leurs rangs, car la frayeur estant la plus prompte, la plus subtile & la plus contagieuse vapeur qui puisse courir dans vne armée, & qu'il ne faut bien souuent qu'un poltron pour faire perdre tout le reste: ceux-cy osterent tellement toute connoissance à leurs compagnons, que chacun prenant la fuite, ils ne penserent plus qu'à se sauuer, les vns deçà, les autres delà, mais ce ne fut pas sans vn grand massacre, & sans que plusieurs des leurs demeurassent prisonniers de l'ennemy, entr'autres le Bassa Herzecogly qui tomba de son cheual, & qui fut porté à Vlbeg, & depuis mené en triomphe au grand Caire avecques vne fort grande quantité de butin: on dit que de cent mille Turcs qu'il y auoit en cette armée, il n'en demeura pas le tiers.

Le Bassa Herzecogly mené en triomphe au Caire.

Autre armée contre les Egyptiens.

BAIAZET toutesfois qui ne se pouuoit tenir pour vaincu, delibera de tenter encores vne autre fois le hazard du combat, & pour cet effet il leue vne troisieme armée, de laquelle il fit chef David Bassa son grand Vizir, & auquel il bailla quatre mille Janissaires, & toutes les autres gardes Pretoriennes, (ainsi appelle-je ceux de la Porte) en reseruant vn bien petit nombre pour luy, auxquelles il joignit la meilleure partie des forces de l'Europe, & plusieurs milliers de soldats de la Natolie, & Haly Bassa Eunuque & Beglierbey de l'Europe pour compagnon en cette guerre, lesquels ayans passé le destroit de Gallipoly avec leur artillerie, & vne infinité d'autres armes offensives, arriuerent sur les confins de l'Arabie en la contrée des Negres, où Aladul vn Prince Mahometan, Seigneur de cette contrée que les Turcs appellent Dulcadir ou Dulcadir, enclose entre les montagnes de Cappadoce, ayant du costé de la Syrie, qui obeissoit au Sultan du Caire, la ville de Halep, vers les Perses l'Armenie mineur, deuers le Turc Amasse, deuers la Caramanie Adene & Tharse. Ce Prince ayant assemblé les forces de son pays, se joignit au Bassa Dauut ou David, afin d'aller de compagnie enuahir les Mores: Quant aux Egyptiens, ayans laissé là Halep, ils se retirerent plus auant dans leurs confins, mais comme les Turcs se disposoient à la conquête du pays, Dauut receut vn commandement de Bajazet, de quitter cette guerre, & que licentiant son armée, il se retirast deuers luy: toutesfois ce fut en s'alluyettissant auparauant les Vaccenses, qu'on appelloit Pisides, nation fort farouche & barbare, addonnée au pillage & au larcin, sur laquelle auoit autre-fois commandé Turgut, duquel fait mention Chalcondyle au cinquiesme Liure, ayant esté des despendances de la Seigneurie du Caraman, reduite lors en Prouince, & appelé des Turcs Caragose, & n'ayant pû se ranger iusques alors sous l'Empire Turquesque. Le Bassa Dauut s'estant saisi des principaux & plus grands d'entre eux qu'il mit en prison, s'accorda avec le reste du pays, ce qu'ayant fait, il s'en retourna trouuer Bajazet, qui au mois Sccual, s'en alla à Andrinople, où il demeura quelque temps.

Les Vaccenses assuyettis au Turc par Dauut.

VI.

Pourquoy Bajazet reuoque le Bassa Dauut au plus beau de ses conquestes.

OR de dire pourquoy il reuoqua si promptement ce Bassa, lors mesme qu'il esperoit de faire les plus belles choses par le moyen de sa nouuelle alliance, il seroit peut-estre bien mal-aisé de le particulariser, car il auoit fait paix avec les Moldaues: en cette mesme saison, dit Leonclaius en ses Annales, & toutes choses estoient assez paisibles par toutes ses Seigneuries, si ce n'estoit qu'il redoutast encores son frere: car selon le dire de Comines, ce Bajazet ayant esté homme de nulle valeur, & qui n'entreprenoit la guerre qu'à regret, il estoit en perpetuelle crainte: car comme nous auons dit, son frere ayant esté ramené de France à Rome, le Pape Innocent l'ayant demandé au Grand-Maistre d'Ambulion, à la charge de luy donner vn chapeau de Cardinal: cela auoit tellement mis en ceruelle Bajazet, qu'il auoit augmenté la pension au Pape qu'il bailloit au

Grand-

Grand-Maistre, & comme il auoit des espions de toutes parts pour veiller, non seulement les actions de son frere, mais encores pour s'enquerir des desseins de tous les Princes qui pourroient fauoriser son party: sçachant l'entreprise du Roy Charles VIII. sur le Royaume de Naples, & que de là on donneroit sur la Grece, il ayma mieux se deporter pour l'heure de la conqueste de l'Egypte, & n'auoir point deux si puissans ennemis sur les bras, car pour luy, augmenter sa peur, le Pape Alexandre, qui auoit succédé à Innocent, & qui auoit quelque particuliere inimitié contre les François, luy auoit mandé par cét Euesque Buciardo, que toute leur intention estoit, apres s'estre emparez de l'Italie, de passer aussi-tost en la Grece: que quant à eux ils n'auoient faute ny de soldats, ny de nauigage, ains seulement d'argent, que si luy vouloit fournir aux frais de la guerre, qu'il se pouuoit asseurer apres d'auoir la ville de Rome, le Royaume de Naples pour rempart à la Seigneurie des Othomans: Bajazet remercia le Pape, de ce que luy qui tenoit le plus haut degré de la Chrestienté, l'eust toutesfois aduertty de si bonne heure de chose de telle importance, luy qui estoit estranger & de croyance si contraire à la sienne, qu'il luy feroit tenir argent par Daütio son Ambassadeur, & luy feroit quelques depeschés secretes sur ce sujet. Paul Ioue dit, qu'entr'autres charges & instructions il y auoit vne lettre escrete en Grec, par laquelle l'Empereur Turc persuadoit fort artificiellement au Pape de faire empoisonner son frere, à la charge de luy faire vn present de deux cens mille ducats. Il luy auoit mesme enuoyé desia auparauant, le fer de la lance, avecques lequel le costé de Nostre Seigneur fut percé, & l'esponge & le roseau, avec condition de ne prendre iamais les armes contre les Chrestiens, s'il n'y estoit contraint.

GEORGES & Daütio ayans heureusement nauigé sur la mer Adriatique, lors qu'ils prenoient port pres d'Ancone, leurs vaisseaux furent pris par Jean de la Rouere frere du Cardinal Iulian, qui s'estoit mis en embuscade à Sinigaglia, place de son domaine, sous pretexte de quelque argent que le Pape luy deuoit, lequel extremement indigné de cette iniure, le menaçoit de ruine de corps & d'ame par ses excommunications, & par la raison qu'il desiroit luy en estre faite par les Venitiens, comme estant de leur deuoir que les Turcs ne fussent outragés sur toute cette mer là; toutesfois il ne recouura rien de cét argent. Rouere tenant le party François, & s'assurant sur leur secours, se retiroit sur les marches d'Ancone, en attendant leur arriüée en Italie. Quant à Daütio Turc, il s'enfuit à pied à Ancone, & de là montant contre le Pau sur vne barque, il fut conduit à Francefque Gonzague Marquis de Mantoue, qui le renuoya en Grece, l'ayant receu benigne-ment, donné de l'argent, & reuestu d'une robe precieuse, à cause dit Paul Ioue, de l'amitié qu'il auoit contractée avec Bajazet, par mutuelle liberalité de plusieurs presens. Cecy, dis-ie, pourroit bien auoir incité Bajazet, à retirer ce Bassa de son entreprise.

MAIS il n'auoit que faire d'entrer en apprehension, car les Chrestiens faisoient bien mieux ses affaires qu'il ne les faisoit pas luy-mesme: car les Grecs, Sclauons, Albanois, & autres qui gemissoient sous le faix de la tyrannie Turquesque, voyans les heureux succez de nostre Roy Charles huictiesme en Italie, que tout flechissoit deuant, & que d'ailleurs ce grand Prince aspirait à l'Empire de Constantinople, le sollicitoient avecques impatience à son entreprise, laquelle l'auoit fait opiniastrer, en traitant avec le Pape Alexandre, d'auoir en sa possession Zizim frere de Bajazet, mais la mort soudaine d'iceluy estant arriüée, comme nous auons dit, le Roy ne changea pas toutesfois de dessein, ains enuoya en la Grece l'Archeuesque de Durazzo, Albanois d'origine, pour conduire & faire réussir vne entreprise qu'on auoit sur Scutary, avec le Seigneur Constantin Grec de nation, & depuis Gouverneur de Montferrat, lesquels auoient intelligence dans la ville: mais ceux qui deuoient le plus fauoriser cette entreprise, & pour leur interest particulier y prester ayde & faueur, (ie parle des Venitiens) furent ceux qui voulans gratifier Bajazet, & luy donner les premiers l'aduis de la mort de son frere, desfendirent qu'aucun ne passast la nuit entre les deux chasteaux qui font l'entrée du golphe de Venise. Or firent-ils cette desfence la nuit mesme en laquelle l'Archeuesque deuoit partir avec forte espées, bouchers, jaelines, & autres armes, pour armer ceux dont il auoit parlé: de sorte qu'il fut pris & reserré dans l'un desdits chasteaux, & ses papiers fouilleez, par lesquels les Venitiens informez du faict, enuoyerent aduertir les garnisons du Turc, aux places voisines.

EN ce mesme temps vn Seigneur Hongrois, que les Turcs appellent Iachoschie, ou Iachfogly, fut enuoyé en Ambassade par le Roy Matthias vers Bajazet: cettuy-cy estoit Seigneur de Baxe, assise sur le Danube. Cette famille des Baxe estant tenue entre les

1487.

Le Pape Innocent promet le chapeau de Cardinal au Grand-Maistre d'Ambusson, pour Zizim. Aduertissement du Pape Alexandre à Bajazet.

Se remercie-ment.

Et les presens qu'il luy fit.

Pris avec les Ambassadeurs par Jean de la Rouere.

Daütio receut benigne-ment du Duc de Mantoue.

Entreprise sur Scutary decouuerte par les Venitiens aux Turcs.

1487.

Le Seigneur
de Baze assal-
lé par vn
Turc.

Estrange
cruauté de ce
Seigneur de
Baze.

Festin magni-
fique de Ba-
jazet à la de-
dicace d'un
Imaret.

VII.

1488.

Troisieme
entreprise
contre les
Mamelus.

Rencontre
des Turcs &
des Egyptiens

Autre rencô-
tre où chacun
pensé estre
vaincu sans
l'estre, & s'en-
fuit de son
compagnon.

Ruse des
Egyptiens.

illustres en Hongrie, Bajazet le receut & le traita fort honorablement, & le congediant luy fit present de riches robes de drap d'or, & d'une bonne somme d'argent. Cettuy-cy estant party d'Andrinopoly, comme il fut proche de Senderouie, il fut rattraint par vn gendarme Turc nommé Gazes Mustapha, qui se tenoit en ces quartiers-là, lequel monté à l'aduantage, courut à toute bride contre luy, luy donnant tant de coups sur le visage & en la teste, qu'il en mourut sur la place, comme aussi Gazes fut mis en pieces par les gens de l'Ambassadeur; on dit que la querelle vint de ce que quelques années auparavant cét Ambassadeur auoit pris prisonniers Gazes & vn sien frere, puis ayant fait arracher toutes les dents à Gazes, il auoit transpercé le frere d'une broche de fer, & contraint Gazes de tourner cette broche au feu, tant l'homme est vne cruelle beste, quand le tranchant de la raison est manié par la passion. Bonfinius toutesfois ne fait aucune mention de ce lachoschie, de son Ambassade, ny de toute cette histoire, bien qu'il ait escript amplement l'Histoire de Hongrie, cela neantmoins est rapporté par les Annales Turques. Ce fut aussi en ce temps que Bajazet fit la dedicace de son Imaret qu'il faisoit à Andrinople, par la celebration d'un festin, où se tint table ouuerte à riches, pauvres, sains, malades, mendians, vlcerez, & en fin toutes sortes de personnes y furent les bien-venus, tant bons que mauuais, selon leur coustume: les Turcs appellent cela Conocluc; deuant cét Hospital il y auoit des economes & administrateurs des reuues pieuses, qui receuoient vn chacun, mais principalement les malades & les bleuez, qu'ils conduisoient aux lieux qui leur auoient esté destinez: tout cecy aduint l'an de grace 1489. & de Mahomet 893.

Quant à Bajazet, il s'en retourna dans sa ville de Constantinople en son repos accoustumé, ne se souciant que de la chasse, & passant ainsi le reste de cette année: mais au commencement de la suiuite, ne pouuant oublier les pertes qu'il auoit receues des Mamelus, il leua vne plus belle & puissante armée qu'il n'auoit fait encore auparavant, de laquelle il fit General Haly Bassa, pour marcher contre le Souldan. Cettuy-cy ayant ramassé gens de toutes parts, employa cette année & la suiuite à forcer quelques places que le Souldan auoit prises sur les Turcs, entr'autres il mit garnison en la ville d'Adene de laquelle il rebastit le chasteau, & continuant ses victoires, il prit sept forteresses sur les Egyptiens. Quant à eux, ayans passé la montagne que les Turcs appellent Barcas, ou le Taurus de la Cilicie, ils rencontrèrent au deuant des nauires Turcs les voulans deuanter, mais l'armée des Turcs leur voulant empescher le passage, ils vindrent aux mains: où durant leur combat, il s'esleua vn vent si violent que les vaisseaux s'estans froissiez les vns contre les autres, plusieurs se briserent, & les autres petirent du tout. L'Egyptien estant doncques party de là, son armée ayant choisi vn lieu plus propre pour venir affronter leurs ennemis, ils passerent deux grands fleues à nage; & le huitiesme iour du mois Ramadan qui est le mois de May, vn Vendredy, ils vindrent surprendre les Turcs, non de front, mais à costé de l'aile droite, ce qu'ils faisoient afin de mettre plus aisément en route les troupes Caramanes, en cette aile estoient aussi les soldats de la Natolie.

Ce v-x-c-y avec le Beglierbey, comme ils ne purent faire front aux Egyptiens, ny resister à leur impetuosité, rompirent tous leurs rangs & se mirent en fuite, taschant d'éuiter la fureur de leur ennemy, avec telle espouuante, qu'une troupe ne regardant pas où alloit l'autre, chacun en son particulier taschoit à se sauuer: de là les Maures vindrent attaquer l'escadron Turc, mais les Ianissaires le soustindrent avecques beaucoup de courage & de valeur: ceux-cy ny les soldats de l'Europe, quoy qu'ils vissent leurs auxiliaires malmenez, auoient tousiours tenu ferme, toutesfois sans bouger par la ruse des Egyptiens, lesquels auoient donné ordre d'assembler vn grand nombre de cheuaux qu'ils auoient rangez en forme d'escadron, ausquels ils baillerent des lances & de grandes platines de cuire, accomodées d'estain: de maniere que le Soleil venant à rayonner dessus, ils paroissoient de loin des hommes armez, comme aussi les Turcs qui les croyoient estre tels, n'osoient bransler, craignant que cette troupe de caualerie ne vint se ruer sur eux: mais quand ce vint à bon escient au combat, les Egyptiens trouuerent bien d'autres courages & d'autres armes, Haly Bassa, & tous les soldats de la Porte, ayans vaillamment combattu iusques à deux heures après midy.

Les Egyptiens voyans qu'ils ne les pouuoient rompre, & qu'ils n'auoient encore obtenu aucun aduantage sur eux, ains au contraire, qu'ils se monstroient aussi frais que s'ils n'eussent combattu de tout le iour, ils sonnerent la retraite, & se iettans à nage dans le fleue, ils

us passerent à l'autre rive, & vindrent à leur camp qu'ils trouuerent vuide de chariots & bagage; car ceux qu'ils auoient laissez au camp, voyans les deux armées aux mains, & craignans que ceux de leur party ne fussent les plus foibles, pensans à leur salut, & de se mettre en lieu de seurété, se retirerent de là: ces Maures doncques fugitifs, estans arriuez au bord de la mer, rencontrerent l'armée de mer, car il n'y auoit moyen quelconque de passer par vn autre endroit; mais les Turcs qui estoient dans les nauires, voyans & reconnoissans les chariots & le bagage de l'ennemy, sortans de leurs nauires se vindrent ietter sur eux, lesquels incontinent mis en fuite, quelques-vns d'entr'eux passerent par le fil de l'espee, mais au moins le butin y demeura. Quant à l'armée des Egyptiens que nous auons dite s'estre retirée en son camp, l'ayant trouué vuide, & la suite de leurs compagnons, ne sçachans ce qu'ils en deuoient iuger, commencerent à consulter de la fuite.

1489.

Leur bagage demeure aux Turcs.

Le Bassa Haly d'autre costé, & les principaux de l'armée des Turcs, penserent que le plus seur pour eux, estoit plustost de desloger, que de s'arrester plus long-temps en ce lieu, & afin de n'estre point embarrassé du bagage, & pouuoir faire leur retraicte plus facilement, ils laisserent leurs tentes & leur artillerie, & se mirent en chemin, laissant des garnisons & choses necessaires aux chasteaux qu'ils auoient pris en cette contrée; & ainsi cheminans toute la nuit iusques au matin sans qu'il en demeurast vn derriere, ils auancerent pays tant qu'ils purent: les Maures eussent aussi fait le semblable, sans l'aduis qu'un Vaccense leur donna que les Turcs se retiroient en desordre, ce qu'ayans sceu, ils monterent incontinent à cheual des le point du iour, discourans entr'eux que cela vouloit dire, estans en grande peine, si ce n'estoit vne ruse & vn stratageme de l'ennemy, demeurans en cet estat plus de trois bonnes heures, qu'ils n'osoient passer au delà du fleuve, iusques à ce qu'ils eussent enuoyé plusieurs espies, lesquels ayans diligemment reconnu toute la contrée, & n'ayans fait rencontre d'aucun ennemy, vindrent en faire le rapport aux leurs; lesquels ayans hardiment passé au delà, allerent en assurance au camp des Turcs, & trouuerent leurs tentes toutes vuides, où ils demurerent trois iours, sans qu'ils peussent descouurer où les Turcs s'en estoient fuys, faisans bonne chere des prouisions que les Turcs y auoient laissées: ils s'en allerent à la prochaine ville qu'ils foudroyerent avec son chasteau, de leur canon & artillerie. Les Turcs cependant qui fuyoient avecque le Bassa, & les plus grands de cette armée, arriuerent en fin sur les confins des Vaccenses, desquels il ne se peut dire combien ils receurent d'affronts & d'iniures, estans deuaillez & massacrez par eux, plus cruellement qu'ils n'eussent osté de leurs propres ennemis, bien que ceux-cy leur fussent confederéz: finalement ils arriuerent à Ereglia, cité de la Carie, jadis Heraclée, où s'arrestans pour quelque temps, ce fut lors qu'ils reconnurent combien leur armée estoit debilitée & diminuée: ce fut aussi là qu'ils receurent vn commandement de Bajazet, par lequel il commandoit au Bassa, & aux Chefs de l'armée, de le venir trouuer, ce qu'ils firent; & l'armée ayant encores demeuré quelques iours à Ereglia, fut finalement licentée: c'est ainsi que Leonclaius raconte que cette guerre se passa sous Haly Bassa: toutesfois quelques-vns ont dit que Haly mit les Egyptiens en route, mais qu'il ne voulut pas permettre à ses soldats de les poursuire, de crainte que le desespoir leur fit reprendre les armes, & que son bon-heur se changeast, pensant s'estre acquis assez de gloire, d'auoir mis son ennemy en fuite, de sorte que remuant son camp de là, il remena son armée en la maison. Or en quelque façon que cette affaire là soit passée, Haly Bassa n'y acquit pas grand honneur: car l'Egyptien voyant l'armée des Turcs rompue, & qu'il n'y auoit plus rien en la campagne qui luy fust teste, il mit le siege deuant la ville d'Adene, qu'il prit bien peu apres.

Haly prend la fuite mal à propos.

Les Vaccenses se revoltent contre les Turcs.

Haly contredemande par Bajazet.

B A I A Z E T parmi toutes ces deffaites, ne partoit point de son Serrail à Constantinople que pour aller à la chasse, mais maniant toutes ses affaires par ses Lieutenans, cette guerre contre les Egyptiens luy succedoit assez mal: car les Turcs ne vont iamais de bon cœur à la guerre, que lors que l'Empereur marche quant & eux, si ce n'est quelques courtes & ranaiges qu'ils font par les Prouinces, aussi on a veu rarement qu'ils ayent fait de grandes conquestes sans leur Souuerain, & sans vne armée Imperiale, si ce ne sont quelques petites villes ou bicoques de petite consequence, mais la nature de cet Empereur estant toute portée au repos & à la volupté, voila pourquoy il ne combattoit que par l'esprit, & par les bras d'autrui, toutesfois ayant sceu qu'Aladeul s'estoit rangé du party de son aduersaire, il pensa qu'il pourroit bien auoir la raison de ce petit compagnon: & pour cette raison il depescha Budac Sangiac de la Caramanie, Mahomet Bassa fils de Hizir, & Scender Micalogle, Sangiac de Caïsarie, avecques vne tres-belle armée, pour ruiner entiere-

Expedition de Bajazet contre Aladeul.

1490.

Autre bataille des Turcs, tant contre Aladeul que contre les Egyptiens.

comme au premier combat que rendirent les gens d'Aladeul, les Turcs eussent pris son fils prisonnier, ils luy arracherent les yeux; ce que le pere sçachant, il fut tellement irrité, qu'employant le verd & le sec, il se resolut de vanger cette barbarie au peril de sa vie & de son Estat; & ayant tiré du secours des Egyptiens, il liura vne tres-cruelle bataille aux Turcs, en laquelle luy & les siens se comporterent si valeureusement, que les Turcs furent mis en desroute, Budac fut contraint de tourner le dos, & Scender Micalogle pris prisonnier & mené au Caire: cecy aduint l'an mil quatre cens quatre-vingts dix.

Aladeul refuse la bonne fortune.

Le Souldan d'Egypte recherche la paix a son advantage.

La perte de cette bataille fit trembler les voisins d'Aladeul, de crainte qu'ils auoient qu'il ne se iettast sur eux, & ne s'emparast de ce qui estoit en ces contrées-là sous l'obeissance des Turcs, lequel Aladeul, bien qu'il en eust la pensée, laissa perdre l'occasion de sa grandeur, & n'entreprenant rien dauantage, se retira en son pays. Mais le Souldan se seruant de cette desroute, enuoya son armée en la Caramanie, & toutesfois comme il estoit homme paisible, & qui ne desiroit seulement que conseruer le sien, ennuyé d'une si longue guerre, encores qu'il eust tousiours eu l'aduantage: il ayma mieux traicter de paix comme vainqueur, que de la demander comme vaincu; de sorte qu'il enuoya vn Ambassadeur à Bajazet pour cet effet.

Maluais aduis de Bajazet cause de la ruine de son pays.

Autre armée contre les Egyptiens.

Grands embrazemens à Constantinople & a Pruse.

Luy se voyant recherché par son ennemy, iugea que quelque grande necessité le forçoit à cet accord; voila pourquoy ne voulant point engager sa parole, de crainte que quelque bonne occasion se presentast, de laquelle il ne peust se seruir, renuoya cette Ambassade, sans luy vouloir seulement donner audience, avec vn fort grand mépris, laquelle s'en retourna vers le Souldan: qui indigné de ce refus, comme il auoit son armée toute prestée sur les confins de la Caramanie, entra bien auant dans le pays, où il fit tout passer par le feu & par le fer, ces nouuelles furent rapportées à Bajazet, qui estoit alors à Constantinople se donnant du bon temps: mais comme il y auoit grande apparence que l'ennemy ayant si beau jeu, ne s'arresteroit pas dans ces limites, il fut contraint de le preuenir par vne autre armée qu'il mit encore dessus, enuoyant ses mandemens de toutes parts, les nouuelles desquels preparatifs vindrent iusques aux oreilles des Egyptiens, luy cependant se retira à Bazictasi, vn lieu qui est assis en l'Europe, au dessus du Bosphore de Thrace, à quatre milles de Galata. Et comme il estoit prest de partir de ce lieu pour passer en Asie, vn grand orage suruint sur Constantinople, avec tonnerres & orages fort violens, le foudre tomba sur l'Arsenal & dessus vn certain Temple, où on gardoit de la poudre d'artillerie, qui enleua aussi-tost ce Temple en l'air, lequel se diuisa apres en plusieurs pieces sur deux ou trois places, où plusieurs hommes furent eccrasez des pierres qui tomberent sur eux: comme aussi enuiron le mesme temps le feu se mit à Pruse avecque telle vehemence, que presque toute la ville en fut toute consummée.

On persuade Bajazet de ce qu'il desiroit le plus.

Grande pestelee.

Ravage des Egyptiens en la Caramanie.

Cinq gendres de Bajazet.

Route de Iacup.

CE LA donna occasion aux principaux de l'armée de destourner Bajazet de passer en la Natolie, disans que le temps estoit tout contraire, qu'il y auoit grande cherté de viures en toutes ces contrées, que ses forces ne s'estoient point encores assemblées, & finalement qu'ils auoient eu nouuelles que les Mores ou Egyptiens s'estoient retirez: ces conseils n'estoient point desagrecables à Bajazet, qui se laissant volontairement aller à leurs persuasions, se retira à Andrinople, allant de montagne en montagne pour prendre son plaisir: car il ne pouuoit pas demeurer long-temps en vn lieu pour la grande pestilence qui couroit cette année-là, & de fait il fut contraint de quitter Andrinople, & s'en aller à Ypsale, où il s'amusa à bastir vn Cazilario Bairam, ou vn Hospital de Religieux, pour recueillir les pelerins qui ont fait vœu d'aller à la Mecque, visiter le sepulchre de Mahomet. Or tandis qu'il s'amusoit à ces deuotions, les Egyptiens firent encore de nouuelles courses en la Caramanie, & prirent la ville de Larendé qui n'est pas guere esloignée de Cologne ou Iconium, & toutesfois en la Licaonie, plustost qu'en la Caramanie. En ces quartiers-là estoit pour Bajazet, Iacup l'un de ses gendres (car il en a eu cinq) Ferhates, Herzecogly, Vsgur, petit fils de cet Vsgurbeg, qui se trouua en la bataille de Cosobe, Dauut, duquel il a esté parlé cy-dessus, & Iacup duquel nous faisons mention, lequel estoit fils du Roy de Perse Vsunchastan, lequel à ce conte auroit eu deux fils nommez Iacup, l'un qui luy succeda au Royaume, & l'autre qui se retira vers Mahomet, & depuis fit la cour à Bajazet. Ce Iacup doncques sçachant le degast que les Egyptiens faisoient aux terres de son beau-pere, & desirant de recouurer la ville de Larendé, il assembla tout ce qu'il pût de forces pour surprendre les Egyptiens qui se retiroient chargez de butin, mais il ne fut pas plus heureux qu'auoient esté ses deuanciers: car toutes les troupes taillées en pieces, luy-mesme demeura sur la place, & toutesfois le Souldan ne laissa pas d'enuoyer vn autre Ambassade

Ambassade à Bajazet, lequel ayant esté fort bien receu, & renuoyé avecques force beaux presens, le Monarque Turc enuoya aussi quant & luy vne Ambassade de sa part, afin de traicter la paix entre luy & le Souldan d'Egypte, laquelle fut finalement concludé en l'année mil quatre cens quatre-vingts & vnze, & de l'Egire huit cens quatre-vingts seize, à condition que le Souldan rendroit au Turc les villes d'Adene, de Tharse, & tous les chasteaux & places fortes qu'il auoit prises aux enuiron, chacun rentrant ainsi dans son ancienne possession, ce qui aduint la mesme année que dessus. Ce fut vn peu auparavant que mourut cét inuincible Roy de Hongrie Matthias Coruin, d'vne apoplexie, qui fut vn redoublement de joye à Bajazet, comme ayant perdu le plus redoutable, le plus inuincible, le plus heureux & le plus grand ennemy qu'eussent lors les Othomans: il scauoit que sous la conduite de ce grand Capitaine, la Chrestienté pouuoit terrasser leur tyrannie, & que si on luy eut mis son frere Zizim entre les mains, il estoit pour faire rendre aux Chrestiens, ce qu'Amurat & Mahomet leur auoient vlsurpé: & de fait il l'auoit recherché d'accord, & cela estoit la cause de cette Ambassade que le Roy Hongre luy auoit enuoyée, tant l'Empereur Turc redoutoit l'alliance de la prudence & bon droit de Zizim, avec la valeur & hardiesse de Matthias: mais l'eternelle Prouidence en auoit autrement ordonné.

A ce changement de Seigneur, Bajazet croyant que toutes choses luy seroient plus fauorables, assembla toutes les forces, tant de l'Asie que de l'Europe, enuoyant Achmet Sophie sur les frontieres de la Bulgarie, & Daur Bassa à Vscopie, avecques Iochua Bassa, & toute la gendarmerie de la Romelie. Quant à luy il se retira à Monastire ou Monestir; toutesfois ils n'oserent pas cette fois rien entreprendre sur la Hongrie, mais quant à luy il se rua sur l'Albanie, aux appartenances de Iean fils de Caluot, & afin de prendre tous les Albanois comme dans vn rets, il auoit enuoyé des nauires & autres vaisseaux par tous les enuiron pour les enfermer de toutes parts: on tient que les habitans de cette contrée de l'Albanie estoient fort rustiques, peu fidelles à ses Princes, & qui ne vouloient payer aucun tribut, n'auoient qu'vn seul langage: quand il leur suruenoit quelque guerre, qu'ils se retiroient aux lieux forts, où ayans retiré les leurs, ils combattoient apres contre l'ennemy avec de grosses pierres qu'ils faisoient rouler du haut de leurs rochers contre l'ennemy; ils auoient de certains dards faits en forme de langue de serpent qu'ils lançoient, leurs arcs estoient de bois, & leurs fleches garnies de fer, asserées & trempées dans du venin. Ces montagnes au demeurant sont si difficiles, qu'à peine y peut-on asseoir le pied, les pantes en estans si vnies qu'elles ne iettent pas vne seule petite corne pour s'y prendre. Toutesfois au milieu de toutes ces difficultez, les Turcs ne laisserent pas de s'encourager l'vn l'autre, & bien qu'ils receussent vne fort grande incommodité de ces sagettes enuenimées, ayans passé leurs rondaches lunaires en leurs bras, & se portans l'vn l'autre en grim pant avec vn cofrage inuincible, arriuerent finalement au sommet, où ils taillerent en pieces tous ceux qu'ils trouuerent les armes à la main, le reste, femmes & enfans reduits en seruitude, ils mirent le feu en tous les bourgs & villages circonuoisins, acheuans ainsi de ruiner & perdre cette pauvre contrée.

Quant à Bajazet, il se retira à Monastire, où sur le chemin il luy vint à la rencontre vn Deruis ou Religieux Turc, de la secte, selon quelques-vns, des Calenders, & selon les autres, des Torlaquis, cettuy-cy feignant d'aller en pelerinage à la Mecque, & de demander l'aumosne au grand Seigneur, on le laisse approcher, lequel en dunt son Allabitichy, c'est à dire en demandant au nom de Dieu, il tire de dessous sa robe de feutre vn cimeterre, avec vne telle fureur, que le cheual de l'Empereur Turc, tout espouuenté se cabra tout reculant en arriere, faisant ainsi euiter le coup de la mort à son maistre, lequel toutesfois ne laissa pas d'estre bien blessé, car il fut abandonné de ses pages qui estoient à l'entour de luy, & eust couru fortune de sa vie, sans le Bassa Schendet, qui avecques vn *Bafdagum* ou masse de fer qu'ils portent ordinairement avecques eux, il luy donna vn tel coup par la teste, que son corps & sa ceruelle tomberent par terre au mesme instant, & Bajazet le mit apres luy-mesme en pieces. Cela fut cause que ce Prince eut en telle horreur ces Torlaquis, qu'il les bannist non seulement de Constantinople, mais de tout son Empire, & que depuis quād quelque estranger veut approcher du grād Seigneur, les Capigis, ou portiers le saillent par la manche, mesme les Ambassadeurs, & le conduisent ainsi comme vn homme attaché aux pieds de leur Maistre. Bajazet ayāt apres cela demeuré quelques iours à Monastire, il s'en alla à Andrinople, en l'an mil quatre cens quatre-vingts & treize, où durant son sejour, il depescha Iacup Cadun ou Eunuque, Sangiac de la Bosnie, pour aller en

1490.

Fait entre les Turcs & les Egyptiens.

Mort du Roy Matthias de Hongrie.

X.

1491.

& 1492.

Desseins contre la Hongrie.

Bajazet contre les Albanois.

Mœurs & coustumes des habitans d'une contrée de l'Albanie.

Leur pays presque inhabitable.

Grand courage des Turcs.

Vn Religieux Turc veut assassiner Bajazet.

Il est sauté par vn des Bassas.

1491. la Hongrie, ce qu'ayant fait publier par la Romanie, il se trouua à sa suite vn fort grand
& 1492. nombre d'Accangis, qui tous ensemble s'en allerent ruer sur les Hongres, lesquels ayans
 esté aduertis de ce dessein, leuerent aussi vne fort belle armée, sous la conduite des Bans du
 pays, entr'autres d'Emericus Drenzenus, Ban, ou Direnziles, c'est à dire Ban de Cilie,
 qui fut la cause de leur perte; car s'estans assemblez iusques à quarante mille cheuaux, il y
 auoit grande apparence qu'ils deuoient donner beaucoup de peine à leurs ennemis, & tou-
 tesfois les Turcs eurent l'aduantage, par le mauuais aduis de Bernard Frangipan Romain,
 qui tenoit le premier rang en cette armée, & lequel voulut combattre contre l'opinion de
 ce Drenz sus-dit, & toutesfois fut le premier à fuir, avecques les autres Bans ou Princes de
 Hongrie, Croacie & Sclauonie: car Iacup voyant les Hongres resolu à se bien desfendre,
 s'estoit retiré au mont surnommé du diable, lequel separe la Croacie d'avecques la Cor-
 banie, mais les Chrestiens prenans cette retraicte pour vne fuitte, le poursuivirent iusques
 au fleuve Moraue, assez mal en ordre, comme gens qui tenoient desia la victoire toute as-
 seurée, où Iacup en fit vn fort grand carnage, & prit Dranzile en vie, lequel il enuoya tout
 enchainé par les pieds à Bajazet; & afin qu'il conneust mieux combien grande & signalée
 estoit cette victoire, il fit couper le nez à tous les corps morts, & en enuoya de pleins cha-
 riots à Constantinople. Cette victoire apporta vn merueilleux contentement à Bajazet, y
 ayant desia long-temps qu'on ne luy rapportoit que de mauuaises nouvelles. Ce Iacup,
 que quelques-vns appellent encore Marcofody, fit encore des courses iusques à Zaga-
 brie, avecques huit mille cheuaux seulement, non sans donner vn grand effroy & eston-
 nement à tout le pays, chacun pensant auoir desia toutes les forces des Turcs sur les bras:
 car il pilla & rauagea tout, & emmena plus de quarante mille ames en captiuité, s'en
 retournant chacun chez soy riche de tout butin, à sçauoir Imaël Sangiac de la Seruie, &
 le Vaiuode de Carnilie; car desia les Chrestiens estoient à la solde des Turcs.

Iacup sangiac
de la Bosnie
contre les
Hongres.

Grande armée
des Hongres.

Victoire des
Turcs sur
eux.

Grande cruau-
té des Turcs.

Grands raua-
ges & butin
des Turcs.
Les Chrestiens
à la solde des
Turcs.

XI.

Bajazet mi-
nure la guer-
re contre les
Venitiens, &
ses raisons.

Louys Sforce
Duc de Milan
persuade Baza-
zet à la guer-
re, contre les
Venitiens.

Ambassade
des Venitiens
vers le Turc.

Finelle de
Bajazet.

Les Turcs ne
tiennent point
leurs promes-
ses, si elles ne
sont escrites en
leur langue.

1493.

Gritty don-
nant aduis des
desseins des
Turcs, est mis
prisonnier
avec tous les
Venitiens qui
estoyent dans
Constantino-
ple.

B A I A Z E T cependant estoit de loisir à Constantinople, lequel toutesfois ne laissoit
pas de minuter la guerre contre les Venitiens, encores qu'il y eust paix entr'eux, mais
il se plaignoit de ce que la Seigneurie auoit assisté le Prince Iean en l'Albanie, plus la
defence de Catarre, pour le Comte Cernouich, lequel nous auons dit cy-dessus auoir
donné secours à Scutary, outre ce il disoit qu'ils auoient desnié leur faueur à son armée
nauale, quand passant pres de l'Isle de Cypre, elle faisoit voile en Syrie, refusans leurs
ports & leurs havres: mais le principal instigateur, & le plus puissant flambeau de cette
guerre, fut Louys Sforce Duc de Milan, qui faisant la guerre aux Venitiens & voyant
ses affaires aller de mal en pis, les vouloit tellement embesongner chez eux, qu'ils n'eus-
sent pas le loisir de penser à luy, perdant ainsi sa propre patrie pour se vanger de ses
ennemis.

L E S Venitiens doncques sçachans les entreprises qui se brassoient contre eux à Con-
stantinople, deputerent vn des leurs appellé Zancany, lequel à son arriuée sceut qu'il y
auoit desia deux cens vaisseaux tous prêts à faire voile, toutesfois il ne laissa pas d'estre
fort courtoisement receu, sans que Bajazet fit aucune demonstration qu'il estoit offensé:
car son intention estoit d'endormir les Venitiens par cette belle apparence, & cependant
leur courir sus, lors qu'ils seroient occupez en Lombardie contre les forces de Ludouic,
qui leur deuoit faire la guerre en mesme temps. Zancany doncques le prie de vouloir re-
nouueller l'alliance avecques la Republique, ce qu'il luy accorda fort promptement, &
luy en fit bailler les articles escrits en Latin: mais André Gritty Gentil-homme Venitien,
qui estoit fort versé aux loix & coustumes des Turcs, pour le long-temps qu'il auoit desia
sejourné à Constantinople, & qui estoit fauorisé de cette nation pour sa liberalité, l'ad-
uertit que les Turcs ne tenoient rien de ce qu'ils promettoient, s'il n'estoit escrit en leur
langue, luy donnant quelque esperance de le pouuoir obtenir par sa faueur, ce que toutes-
fois il ne pût faire, & fut contraint de s'en retourner à Venise, avecques ses articles
escrits en Latin, sans declarer toutesfois ce secret, de crainte qu'on ne iugeast son Am-
bassade inutile.

L' A M B A S S A D E U R Venitien congedié, Bajazet continué son appareil, & met sus
iusques à deux cens soixante & dix voiles. André Gritty, duquel nous venons de parler,
donna aduis de tout par vn certain chifre au Gouverneur de Lepante, & des desseins que
les Turcs auoient contre sa patrie, ce qui luy cousta bien cher: car Bajazet l'ayant descou-
uert, fit saillir tous les Venitiens qui estoient lors à Constantinople, & autres lieux, & luy
principalement plus estroittement serré que les autres, & s'en fallut bien peu qu'il ne
luy fit passer le pas: cela fut causé aussi qu'on ne descouurit pas apres ses desseins si
aysement;

ayſément; car venant en perſonne en cette armée, & partant d'Andrinople, il vint ſurgir à Negrepont, & de là à la Romagne, ſans qu'on ſceuſt à quoy il ſe vouloit attaquer: ſi bien que le Grand-Maiſtre de Rhodes apprehendant qu'il en vouluſt à ſon Iſle, ſupplia le Roy de France, Louys douziesme du nom, de luy enuoyer quelque ſecours, ce qu'il fit dépeſchant vingt-deux galeres, leſquelles armées en Prouence, ſ'acheminèrent pour venir à Rhodes. Les Venitiens cependant aſſemblerent iuſques à quarante-fix galeres, dix-ſept grands nauires de marchands, quarante d'autres communs, avec autant de brigantins, ou autres vaiſſeaux legers, & ſe tenoient à l'ancre à Modon. A cette armée commandoit comunc General André Grimany, lequel ſçachant que le Turc eſtoit deſlogé du port du pont du Coq, & ſ'approchoit de luy, fit voile avecques toute ſon armée vers l'Iſle de Sapience, qui eſt vis à vis de Modon: où il mit ſon armée en bataille, & ordonna de ceux qui deuoient commencer la charge, & des autres qui leur deuoient donner ſecours, ſ'aduançant quant à luy avecques quatre galeres pour reconnoitre l'armée des Turcs, laquelle ne paſſant pas fort loin de là, il pouuoit aſſaillir avecques le vent à ſouhait, & toutesſois diſſerant touſiours la bataille, il ſ'en retourna ſans rien faire à Modon, qui fut vne de ſes premieres fautes.

Les Turcs cependant cherchans leur aduantage, rodoient aux enuironſ, ſi bien que Grimany laſſé à la fin de leurs promenades, ſe reſolut de les attaquer, y eſtant meſmes incité par André Loretan, lequel avecques vnze brigantins, & quatre grands nauires eſtoit accouru, diſoit-il, au ſecours de la Republique; toute l'armée fut fort ayſe de ſon arriuée, tant pour ſon courage & vaillance, que pour ſon experience au fait de la marine: Alben Armerius vn autre renommé Pilote, qui commandoit à l'vn des grands nauires du General, eut charge de luy, d'attaquer le plus grand nauire des ennemis, & Loretan que Grimany auoit auſſi fait monter ſur vn de ſes grands vaiſſeaux, l'autre d'apres, ſur lequel commandoit Budach Rais, lequel ayant atteint Loretan, l'accrocha avecques des mains de fer, pour venir aux mains plus à l'ayſe le meſme fit auſſi Armerius, ſi bien que Budach enuironné de ces deux, faiſoit merueilles de ſe bien deſſendre: mais les Chreſtiens ne voulans pas perdre leur aduantage, iettèrent dedans le feu artificiel, lequel enflammé, & le vent pouſſant à l'oppoſite, il fut auſſi-toſt porté dans les vaiſſeaux des Chreſtiens qui bruſlerent entierement. Cét accident apportant plus de dommage aux Venitiens qu'au Turc, qui ſecourut facilement ſon vaiſſeau avec d'autres plus petits: & au contraire ceux des Chreſtiens ne purent eſtre garancis à temps: ſi bien que tous ceux de dedans perirent, exceptez quelques-vns que Thomas Duode recourut avec vne barquette qu'il enuoya de ſon nauire; Armerius fut tout-ſeul ſauué des Turcs, lequel conduit à Conſtantinople, & ſommé par Bajazet de ſe rendre Mahometan, & qu'on luy ſaueroit la vie, preferant l'eternelle à la temporelle, il ayma mieux ſouffrir conſtamment d'eſtre ſcié (comme il fut) par le milieu, que de viure en delices, ayant fait banqueroute à la Foy, perdant ainſi la vie plus glorieuſement à la ville qu'il n'eult fait au combat, & remportant vne couronne toute triomphante & immortelle, au lieu d'vne vaine gloire qu'il eult acquiſe, ſ'il eult deſconfit ſon ennemy par les armes, comme il en eſtoit lors victorieux par ſa vertu & magnanime fidelité: ô heureux Pilote, d'auoir conduit ſon vaiſſeau ſi heureuſement dans la terre des viuans! Quant au General Venitien, il ſe trouua tellement troublé de la perte qu'il auoit faite, que ſans plus rien hazarder, il ſe retira en l'Iſle de Podrouie, l'armée Turqueſque au contraire, ne bougea de là pour l'heure.

Or les François eſtans allez, comme nous auons dit, pour le ſecours de Rhodes, & voyans que cette Iſle n'en auoit point de beſoin, vindrent ſe ioindre, par le commandement du Roy à l'armée Venitienne; ſi bien que l'armée nauale de cette Republique renforcée encores d'vn ſi bon nombre de vaiſſeaux, ſe trouuerent tous à Zante, reſolus d'attaquer l'armée des Turcs qui eſtoient à Tornes: mais comme ils furent approchez plus pres, & voyans que les vaiſſeaux des ennemis auoient la poupe fort pres de terre, & la proue tournée vers la mer, prirent ſix vaiſſeaux inutiles à la guerre & les remplirent d'eſtoupes & d'autre matiere bien ſeiche avecques de la poudre parmy pour les enflammer, & les enuoyer par le moyen du vent, toutes ardentes contre les ennemis: mais cela n'ayant pas reuſſi comme on penſoit, & ce ſtratageme ayant pluſtoſt aduertty les Turcs de ce qu'ils deuoient faire, que leur cauſer quelque dommage, Grimany contraint de ſe retirer, perdit vne autre fois l'occaſion de les combattre & de les vaincre, qui fut cauſe qu'il fut deſmis de ſa charge, & cité au Conſeil des Pregaty. Les Turcs doncques voyans le peu de courage de l'ennemy, qui leur laiſſoit la mer libre pour la courir au long & au large, prirent la

1499.

Bajazet en ſon armée.

Secours des François aux Rhodiens.

Les Venitiens perdent l'occaſion de leur aduantage ſur les Turcs.

Combat naual des Turcs & des Venitiens.

Dés les Turcs eurent l'aduantage.

Armerius tres renommé Pilote, ayme mieux eſtre ſcié par le milieu que de renoncer à la Religion Chreſtienne.

XII.

Les François pour les Venitiens.

Stratageme des Venitiens inutile.

Grimany General des Venitiens cité au Conſeil des Pregaty.

1499.

Siege & prise
de Lepanthe
par les Turcs.

route de Lepanthe ou Einebachte, jadis Naupacte, les habitans de laquelle firent tout deuoir de se bien deffendre, & les Turcs de bien assaillir, mais la batterie fut si violente, & les assauts tellement redoublez, que les pauvres Lepanthois n'estans pas bastans pour resister à si grande puillance, furent contrains de se rendre à composition. Cецy aduint l'an mil quatre cens quatre-vingts dix-neuf, & del'Egire neuf cens trois. Les nouuelles de la prise de cette place estans presque arriuees au mesme temps que celles du siege, tant ces Grecs furent descouragez, ayans veu vne si belle armee s'estre retirée sans rien faire.

Rafle des
Turcs au
Frioul.

Zancany Ve-
nien estant
le plus fort
n'ose atta-
quer les
Turcs, il en
est relegué
pour trois
ans.

Ces choses se passans ainsi par mer, la caualerie Turquesque couroit cependant sur les confins de Zara, & trouuans le Frioul sans garde, les habitans ne se doutans nullement d'un tel inconuenient, ils le coururent, pillerent & bruslerent iusqu'à Limnes, où ils prirent vn fort grand nombre de prisonniers, ils pouuoient estre lors quelque sept mille cheuaux, qui estoient venus à la file par vn tres-meschant chemin iusqu'à Histrie, & ayans passé le fleuve de Limnes, ils se vindrent camper tout pres de Gradisque, où Zancany le Capitaine des Venitiens s'estoit retiré, & voyans qu'il craignoit la touche, deux mille cheuaux d'entr'eux allerent courir & rauager le pays, & mirent le feu à toutes les maisons des champs, tant du Treuisan que du Padouan, sans trouuer aucune resistance que de trois cens cheuaux Albanois, qui deffirent enuiron cent des leurs; mais quant à Zancany, il n'osa iamais paroistre en la campagne, encores qu'il eust des forces bastantes pour leur faire beaucoup de desplaisir, s'il eust voulu se ioindre aux Albanois, aussi en fut-il accusé à Venise, & relegué pour trois ans à Padoie.

Ambassade
des Venitiens
vers Bajazet
pour la paix.

D V R A N T que ces choses se passoient ainsi, quelques-vns des plus fauorits de Bajazet auoient fait dire aux Venitiens que s'ils enuoyoient vn Ambassadeur vers luy, qu'ils se pourroient remettre en grace, & obtenir vne partie de ce qu'ils desireroient: cela conioint à la necessité où les auoient reduits les guerres passées, voyans leurs tresors, tant publics que particuliers tous épuisez, & combien leurs efforts estoient debiles & foibles contre vn si puissant ennemy, leur fit donner cette charge à Louys Mauenty Secretaire du Conseil des dix, pour remonstrer à l'Empereur Turc, qu'ils n'auoient en façon quelconque enfraint le traicté de paix contractée peu auparauant avecques la Hauteffe: & neantmoins que ses armées les auoient poursuiuis, comme mortels ennemis, qu'ils la supplioient de mettre en liberté leurs marchands qu'on auoit mis prisonniers par son commandement & leur rendre Lepanthe, comme n'ayant esté prise de bonne guerre: & finalement s'il ne leur vouloit accorder cela, qu'au moins il renouuellast la paix & alliance avecques eux; mais Mauenty fut entierement esconduit de tout ce qu'il auoit charge de demander, & n'eut autre response, sinon que si les Venitiens desiroient la paix, qu'ils luy quittassent Modon, Coron & Napoly, trois villes qu'ils tenoient en la Morée, & qu'ils luy payassent comme ses tributaires, cent liures d'or tous les ans, si bien que sur cette response, le Venitien fut contrainct de se retirer sans rien faire, & aussi-tost Bajazet arma en diligence, & vint en personne surprendre ces villes qu'il demandoit.

Response de
Bajazet a cet-
te Ambassade.

1499.

Les Turcs re-
poulliez de
deuant Na-
poly avec
grand malla-
cie.

De mesme
deuant Iun-
que.

LES Venitiens d'un autre costé qui furent aduertis de ce grand preparatif, armerent dix grosses galeres & quatre grands nauires, enuoyans en diligence des gens, des viures & de l'artillerie à Napoly, d'autant qu'un chacun croyoit que ce seroit là où le Turc donneroient premicrement: & de fait son armee qui estoit de plus de deux cens vaisseaux, vint surgir aux confins de Naples, ayant enuoyé deuant vne partie de sa caualerie par terre, pour faire vne rafle aux enuiron de la ville, mais il y auoit bien iusques au nombre de quinze cens cheuaux dedans la ville, lesquels firent vne sortie si furieuse contre eux, qu'ils les deffirent presque tous. Cette deffaite fut cause qu'ils changerent de dessein, & que laissant Napoly ils s'en vindrent à Modon, d'où Bajazet enuoya assieger Iunque, chasteau assis en lieu eminent, avecques vn port au dessous à dix milles loin de Modon, mais ceux de dedans ayans esté secourus peu auparauant de viures & de gens par Hierosime Contarin Prouidadeur, les repoullierent hardiment: de sorte qu'ils furent contrains de se retirer à Modon.

CONTARIN qui auoit desia esprouué le courage des siens, & comme ils auoient heureusement combatu par deux fois, se resolut de poursuiure sa pointe, & d'aller attaquer les Turcs iusques dans leur camp, & secourir ceux de Modon. Les Turcs estoient lors es enuiron de l'Isle de Sapience, qui les voyans sortir du port de Iunque, les receurent avecques cent galeres, où apres vn long & cruel combat, les Venitiens commençoient d'auoir beaucoup d'aduantage: de sorte que les Turcs estoient mesme en volonté de donner

donner au trauers du riuage & de s'enfuir : mais durant la plus grande ardeur du combat, le vent cessa tout à coup, de maniere que les nauires de charge furent arrestez tout court, les galeres mesmes ne se pouuans ioindre qu'avecques difficulté, ce que les Turcs ayans reconnu (comme il leur faut ordinairement peu de chose pour les ranimer au combat, quand ils se voyent reduits au desespoir) reprirent courage, & recommencerent la bataille, qui dura iusques à la nuict l'espace encore de trois heures, & là-dessus vne grande galere des Venitiens ayant esté mise en fonds, & vne autre prise, qui auoit le plus vaieusement resisté, la meilleure partie de ceux qui estoient dessus, demeurerez morts sur la place, & celle du General perçee en faisant eau, il fut contraint de sauter dans vne autre & se retirer à Zante avecques sa flotte pour r'habiller ses vaisseaux qui estoient fort incommodez, ce qu'ayant fait, avecques toute la diligence qui luy fut possible, il se hasta de retourner à Modon, de peur que les habitans desespererez de secours, ne se rendissent à l'ennemy. Ayant doncques choisi cinq galeres, & les ayant remplies de tout ce qui estoit necessaire pour le ravitaillement de cette place, il en aduertist les assiegez par le moyen d'une petite fregate, qui passa par le milieu du camp des Turcs en plein midy, sans qu'on luy peust faire aucun desplaisir; quatre desquelles galeres estant passées avecques beaucoup de difficulté, & la cinquiesme contrainte de se retirer en l'armée Venitienne pour estre trop chargée, & n'auoir pû passer de viffesse comme les autres.

OR les Modenois aduertis d'un si bon secours receurent vne telle joye, qu'oublians la deffense de leur ville & de leurs murailles, ils se respendirent Incontinent tous sur le port, pour recenoir & apporter dans la ville ce qui leur estoit le plus de besoin, ceux mesmes qui estoient à la deffense de la bresche & des murailles y coururent comme les autres; ce que les Turcs (qui auoient l'œil au guet ayans reconnu) ils planterent diligemment les eschelles & entrerent dedans, apres auoir tué quelque petit nombre qui s'y voulut opposer, au cry desquels les habitans & les soldats de la garnison commencerent d'accourir, & combattirent courageusement & longuement au milieu de la ville, taillans en pieces plusieurs de leurs ennemis; mais la multitude d'iceux croissant de plus en plus, & toutes les rues leur estant bouchées pour la retraite, ils furent presque tous taillez en pieces, & ceux qui eschapperent de ce rencontre, mirent le feu à la ville, & s'y bruslerent dedans avecques toutes leurs hardes, en telle maniere que les Turcs s'emparerent de Modon demie brulée, par le mauuais soin des habitans. Entre les prisonniers fut pris aussi le Magistrat Venitien, lequel tout lié Bajazet fit mener à Iunque pour estre monstré à ceux de dedans, lesquels l'ayans veu, se rendirent vies & bagues sauues; mais il en cousta depuis la vie au Capitaine de la place Charles Contarin, pour auoir rendu cette place (tres-forte d'assiette & d'artifice) à la premiere semonce, sans y auoir esté contraint par vn siege.

L'ARMÉE Venitienne qui cependant estoit à l'anchre, à Zante, comme elle en pensa desloger, fut tellement agitée par la tempeste, que timons, antennes, & tout autre attirail brisé & mis en pieces, les vaisseaux les porterent deçà & delà en des Isles esloignées, & mesmes iusques en Candie: ce qui donna dauantage d'assurance aux Turcs d'aller assieger Coron, laquelle à la premiere semonce se rendit, intimidée par la ruine de sa voisine, & persuadée par les honnestes offres qu'on luy fit: de sorte que les remonstrances des Magistrats, ny des Capitaines, qui se mettoient desia en deuoir de se bien deffendre, ne purent loger en leur cœur l'assurance de s'opposer seulement à l'ennemy. Bajazet cependant esperoit bien de faire le semblable à Napoly, mesmes par l'industrie de Paul Contarin, lequel il auoit fait venir de Coron, pour prattiquer ceux de cette ville, & les persuader à se rendre; mais luy au lieu de ce faire, s'estant subtilement glissé dedans, & les anima tellement à se bien deffendre, qu'ils firent plusieurs heureuses sorties contre les Turcs, lesquels ayans amené toute leur armée deuant pour les intimider, ils boucherent leurs portes, & les fortifiens se deffendirent constamment ainsi renfermez; mais ils ne demeurèrent pas long-temps en cét estat, car Benoist de Pezare General des Venitiens, ayant ramassé son armée dispersée, comme nous auons dit, à laquelle il adjousta encore plus de vingt nauires qu'il auoit armez en diligence, s'estoit resolu d'aller faire leuer le siege, & d'attaquer l'armée Turquesque: mais Bajazet en ayant entendu les nouuelles, partit dès le lendemain, ramenant son armée à Constantinople.

PEZARE qui auoit enuoyé descourir les desseins de l'armée ennemie, ayant sceu comme elle estoit decampée, s'achemina à Legine qu'il reprit, passant par le fil de l'espee tous les Turcs qu'il y trouua, reseruant seulement le Capitaine qu'il retint prisonnier,

1499.
& suu.

Combat naval entre les Venitiens & les Turcs, où ceux-cy eurent l'aduantage.

Contarin ravitailla Modon.

Prise de Modon par les Turcs, par la faute des Modenois.

Iunque seréd aux Turcs sans resistancer.

XIII.

De mesme la ville de Coron.

Les Turcs repoussés de deuant Napoly.

Legine reprise sur les Turcs par les Venitiens.

1499.
& iuiu.

remettant l'Isle sous l'obeïssance de la Seigneurie, qui estoit venuë sous la puissance des Turcs, peu de iours auparauant, de là ayant mis le feu à Tenedos, il fit telle diligence qu'il ioignit l'armée Turquesque sur l'entrée du destroit, qui s'ensuyoit, sur laquelle il prit plusieurs vaisseaux & beaucoup de prisonniers, lesquels il fit pendre sur les confins de l'Europe & de l'Asie, ayant fait dresser des potences aux deux riuages, & se mit apres à courir la campagne, remplissant tout de crainte & de frayeur.

L'Isle de Samothrace se rend aux Venitiens.

L'ISLE de Samothrace obeïssoit lors aux Turcs, mais avecques beaucoup de regret : cela fit penser à Pezare, qu'on les pourroit aisément prattiquer : & de fait y enuoya vn Venitien nommé Louys Canalis, lequel conduisit cette affaire si dextrement, que ceux de l'Isle consentirent d'estre gouuernez par vn Gentil-homme Venitien, luy baillant la dixiesme partie de leur reuenu pour son entretien : de là l'armée Venitienne ayant saccagé Cariste, s'en retourna à Napoly chargée de gloire & de butin ; ce fut en ce retour que Pezare passant deuant Iunque, fit trancher la teste à Charles Contarin sur la proüe de sa galere, pour auoir rendu cette place sans faire aucune resistance, comme nous auons dit.

Secours du Roy d'Espagne aux Venitiens.

EN ce temps le Roy d'Espagne auoit enuoyé vne armée nauale au secours des Venitiens, sous la charge de Ferdinand Gonsalue, qui les vint trouuer à Zante, où ils se resolurent de reprendre Modon, mais pour autant qu'il leur falloit grand nombre de vaisseaux, ils enuoyerent en la Cephalonie tous les ouuriers qu'ils auoient pour abattre des arbres : Toutesfois se trouuans de loisir, & que ce leur eust esté vne trop grande honte de voir les Turcs posseder la ville de Cephalonie ou Leucade, & que deux armées Chrestiennes n'eussent osé les attaquer, ils resolurent de les assaillir. Ayans doncques enuoyé reconnoistre la place, ils apprirent qu'il n'y auoit pas dans la ville plus de trois cens hommes de deffense, cela les encouragea dauantage d'assaillir cette place, deuant laquelle ayans fait braquer leur artillerie & fait bresche raisonnable, ils s'asseuroient de l'emporter au premier assaut : mais les Turcs se deffendirent avecques tant de courage, qu'ils repousserent vaillamment leurs ennemis, & les contraignirent de se retirer, avec grand nombre de blesez : mais les autres ayans fait vne grande leuée qui battoit en casualier leurs deffences, & de laquelle on descouuroit tout ce qui se faisoit dans cette place, ils leur liurerent vn second assaut, auquel les Venitiens & les Espagnols firent vn tel deuoir à l'enuy les vns des autres, qu'ils forcerent les Turcs de se retirer dedans le fort, lequel toutesfois ils rendirent incontinent apres aux Espagnols, craignans de tomber entre les mains des Venitiens, desquels ils s'estoient souuent mocquez, & les auoient grandement offencez. Et pour comble de bon-heur, l'armée des Chrestiens, durant le siege de Cephalonie, reprit la forteresse de Iunque, par l'entremise d'vn Demetrius de Modon qui prattiqua cela avecques vn Albanois sien amy, qui estoit de la garde de cette place : de sorte qu'apres auoir mis à mort quelques cinquante Turcs qui y estoient en garnison, & contraint les autres de se sauuer par dessus les murailles, ils s'en rendirent les maistres, & la reconquirent presque aussi facilement qu'elle leur auoit esté ostée.

L'armée Chrestienne prend Cephalonie ou Leucade sur les Turcs.

Reprise de Iunque par les Venitiens.

Pezare se red maistre des galieres que les Turcs auoient fait baillir.

Iunque derechef repris par les Turcs.

BAIAZET toutesfois faisant peu de cas de toutes ces petites aduentures, voyant son ennemy commander sur la mer par le nombre de ses vaisseaux, faisoit faire plusieurs galeres à la Preuese, à la structure desquelles on auoit fait telle diligence, qu'vne partie d'icelles estoit desia sur l'eau : dequoy Pezare estant aduertty, avecques quatorze galeres qu'il prit quant & luy, il fit vn tel effort, que quelque resistance que les Turcs y pussent faire, il s'en rendit le maistre, & les tirant de là, se retira à Corfou. Or auoit-il enuie de brusler les galeres que les Turcs auoient à l'entrée du fleuve de Boyan, & son entreprise estoit preste d'estre mise en execution, mais les Turcs en ayans esté aduertis, & craignans qu'il ne leur aduint comme à Preuese, retirerent leurs vaisseaux quatorze milles en dedans la riuere, si bien que la plupart de ceux qui les allerent attaquer, furent pris ou tuez, & au mesme temps reprirent sur les Venitiens la forteresse de Iunque. Or auoient-ils delibéré de ietter incontinent en mer les vaisseaux qu'ils auoient sur le Boyan, mais Pezare y enuoya quelques galeres des siennes pour garder le pas, s'en allant avecques le reste repeupler Cephalonie, toutes ces choses estant arriuées durant les années mil quatre cens quatre-vingts & dix-neuf, & mil cinq cens, & l'an neuf cens six de Mahomet.

L'ANNEE suiuite les Venitiens furent encore secourus de l'armée Françoisse conduite par Philippes Rauestan, le Seigneur d'Aubigny, & l'Infant de Navarre, toute cette flotte contenant enuiron quinze cens bonshommes, qui vint mouïller l'anchre à Zante, tandis

tandis que l'armée de Ferdinand Roy d'Arragon & de Sicile abordoit à Corfou, lesquels vindrent joindre les Venitiens, & tous ensemble de compagnie s'en allerent assieger Metellin. Les nouvelles en furent aussi-tost portées à Constantinople, où en diligence on prepara vne armée pour le secours, s'assurant bien que cette Isle se perdant, elle ne seroit pas la dernière qui se reuolteroit & retourneroit en la domination des Chrestiens; cela leur fit faire vne leuée fort à la haste de tout ce qu'ils peurent trouuer: de sorte que selon Leonclavius, ce fut la premiere fois que les Azapes furent enrrollez & touchèrent la paye, n'ayans esté auparauant qu'auenturiers & volontaires, mais la necessité du temps & des affaires ayant contraint de les mettre au rang des soldats, ils y sont tousiours demeurez depuis.

L'ARMÉE Chrestienne s'estant doncques campée deuant Metellin, & l'artillerie ayant eut bresche de toutes parts, ils liurerent huit assauts, à tous lesquels ils trouuerent vne si braue resistance de ceux de dedans, qu'apres auoir souffert plusieurs pertes, ils furent contraints de se retirer sans rien faire, auparauant mesme que le secours de Constantinople fust arriué, lequel ayant trouue les choses en meilleur estat qu'ils n'esperoient, apres que les chefs eurent donné mille louanges & de fort grandes recompenses à ceux qui auoient le plus valeureusement combattu, réparé les bresches & les ruines que le canon ennemy auoit pu faire, & rafraischy les habitans de ce qu'ils auoient le plus de besoin, ils se retirerent à la maison, comme les autres aussi se dissipèrent sans aucun effet, confirmans cette croyance, qu'on pouuoit bien faire souffrir quelque estrette aux Turcs, mais qu'en gros ils estoient inuincibles, par l'ambition & querelles ciuiles des nostres, chacun aspirant plustost à surprendre & despoüiller son compagnon, qu'à vaincre & ruiner l'ennemy commun: comme peuuent sçauoir ceux qui ont leu l'Histoire de ces temps-là, des guerres que ces nations-là auoient les vnes contre les autres en Italie, si que les Venitiens auoient soustenu plus heureusement tous seuls le faix de cette guerre, qu'avecques leurs confederéz.

CAR l'année d'uparauant toutes ces choses, ils auoient premierement fait ligue & confederation avecques Ladilas Roy de Hongrie, apres toutesfois vne longue poursuite, par laquelle le Roy estoit tenu faire la guerre avecques toutes ses forces au Turc, & les Venitiens estoient obligez de luy payer en trois termes trois mille liures d'or. Le Pape estant mesme interuenu à cette conuention, & enuoyé vn Cardinal pour Legat, àucc promesse de bailler tous les ans quatre cens liures d'or au mesme Roy, l'espace de trois ans, & depuis ils firent encore vne nouvelle ligue avecques les François & Espagnols, & toutesfois ils furent contraints de rechercher de paix Bajazet: si peu d'intelligence il y auoit entre ces peuples qu'ils esperoient trouuer plus de foy en l'infidelle, qu'en ceux qui faisoient profession de fidelité, encore se fit-elle par l'entremise des François: car ce fut enuiron ce temps que Bajazet escriuit à nostre Roy Louys XII. pour responce à vne Ambassade que ce bon Roy luy auoit enuoyée, par laquelle on void qu'il se plaignoit à luy de ce qu'il auoit enfrainct l'alliance qu'il auoit avecques les Venitiens: mais cettuy-cy luy fit voir du contraire, & luy monstra qu'eux-mesmes, aydez du Grand-Maistre de Rhodes, l'estoient venus attaquer, luy sous qui fleschissoient les plus grands Royaumes de l'Vniuers, & toutesfois qu'il les auoit fait aduertir plusieurs fois de se maintenir en leur deuoir: mais selon, dit-il, leur accoustumée perfidie, dont luy & les siens en auoient assez resenty les effets les années derrieres, ils ne laissoient pas de continuer leurs inuasions, si qu'il auroit esté contraint de se deffendre, avecques vne telle puissance, qu'il auoit deliberé de renuerser leur Ville & leur Republique de fons en comble pour chastiment de leur temerité, sans le respect de ses Ambassadeurs qui auoient aucunement adoucy son ire & fleschy sa volonté à leur pardonner. De sorte que si les Venitiens vouloient entendre aux conditions qui leur auoient esté baillées par ceux de son conseil, qu'il inclineroit facilement à la paix, desirant en toutes choses le gratifier, & pour luy faire voir combien son Ambassade luy auoit esté agreable, il renuoyoit quant & elle deux des siens, afin qu'il fust plus particulierement informé de sa grandeur & magnificence, de la force redoutable & inuincible de son Estat, & de sa noppareille felicité, desirant faire vne alliance & confederation avecques sa Majesté, & que le trafic fust libre en toutes leurs terres, avec loix communes pour ce regard sans dol ny fraude aucune. La lettre est escrite du camp d'Ipera, le quatorziesme iour du mois d'Auril, l'an de nostre salut mil cinq cens.

OR cette paix d'entre Bajazet & les Venitiens estoit negociée par vn nommé André Gritty, lequel estant fortly de prison, où il auoit esté mis, comme vous auez pu voir cy-

1500.
& suiv.

Siege de Metellin par les Chrestiens.

Quand les Azapes commencerent d'estre enrrollez.

Les Chrestiens repoussez de deuant Metellin, apres auoir liuré huit assauts.

Ravitaillemēt de Metellin par les Turcs.

Maquaise intelligence entre les Chrestiens.

XIII.

Ligue du Pape & des Venitiens avec Ladilas Roy de Hongrie contre les Turcs.

Lettre de Bajazet au Roy de France Louys XII.

1504.

Paix entre les
Turcs & les
Venitiens.

Ruse de Ba-
jazet & les
considerat^{ns} de
particulieres
sur cette paix.

Ladislas Roy
de Hongrie
prolonge la
paix.

Trefues des
Turcs avec le
Sophy.

L'Isle de sain-
te Maure re-
due aux Turcs
par ce traité.

Histoire no-
table d'un Ta-
lisman qui
s'exposa vo-
lontairement
au martyre,
pour la foy
de IESVS-
CHRIST.

dessus, apportoit des lettres au Bassa Achmet, adressantes au Senat, par lesquelles il leur faisoit entendre, que s'ils vouloient mettre fin à cette guerre, ils enuoyassent un des leurs à Constantinople, pour traiter des conditions de la paix, qu'il leur seroit favorable. C'estoit une ruse de Bajazet, car comme il voyoit toute la Chrestienté en armes, bien que ce fust contre elle-mesme, toutesfois il craignoit fort qu'en s'accordans les uns avec les autres, la décharge tombast sur luy pour le payement des fraiz. Et comme il estoit homme de plaisir, & qui ayroit l'ombre & le couuert, maniant presque toutes ses guerres par ses Lieutenans, il apprehendoit autant la fatigue, & de mettre le pied à l'estrie, que la perte qui luy eust pû arriuer: toutesfois comme les Turcs sçauent ordinairement bien prendre leur temps, il sembloit qu'il eust alors quelque aduantage sur eux, & partant leur pouuoit donner telles conditions qu'il luy plairoit, & les destourner encore en ce faisant, des entreprises qu'ils eussent pû faire sur luy.

Le Senat doncques ne refusant point cette occasion, mande à leur General Pezare, de licentier toute son armée, excepté vingt galeres qu'il deuoit garder pres de luy, & qu'il escriust au Roy Ladislas de Hongrie, & luy enuoyast les lettres d'Achmet, qu'ils auoient quant à eux député à Constantinople un des leurs pour en traiter, le priant d'en vouloir faire de mesme, afin que la paix se peust conclure plus solennellement. Ladislas approuua bien leur proposition, mais il tiroit toutesfois cette affaire là en longueur, de crainte de perdre la somme qu'il tiroit tous les ans de la République, s'il y auoit quelque nouuelle conuention entr'eux: de sorte que les Ambassadeurs Venitiens qui estoient en Hongrie, reconnoissans son artifice, & craignans que ce retardement fist perdre l'occasion de quelque bon accord avecques les Turcs, ils accorderent que les trois mille liures d'or qu'ils luy payoient tous les ans pour la guerre, fussent (aduenant la paix) reduits à trois cens liures d'or, tant que Bajazet viuroit, à quoy s'estant accordé, comme ils pensoient que toutes choses fussent resolues, Bajazet qui auoit aussi fait trefues avecques le Sophy, qui le trauailloit sur les confins d'Armenie, se voyant deliuré de toute crainte, changea de langage, faisant dire par Achmet, qu'il ne vouloit point d'accord avecques eux, s'ils ne luy rendoient l'Isle de sainte Maure, qu'ils auoient prise quelque temps auparavant sur luy: de sorte que les Venitiens, pour ne se consumer dauantage en fraiz par la continuation de la guerre, furent contraincs de luy ceder cette Isle de sainte Maure, & se contenter de celle de Cephalonie: & avecques ces conditions il jura la paix entre les mains de l'Ambassadeur des Venitiens, & luy enuoya un Chaoux, afin de la faire iurer au Prince de la République.

Mais ie ne puis passer icy sous silence ce que raconte Tubero en l'Histoire de son temps: c'est qu'un certain Talisman, c'est à dire un Prestre en la Loy Mahometane, ayant long-temps leu l'Alcoran au Temple de sainte Sophie, un iour qu'il lisoit cette Loy en la presence de Bajazet & de tout le peuple, il ietta par mépris le Liure contre terre, & se retournant vers l'Empereur, diuinement inspiré, il commença à luy dire, qu'il s'estonnoit comment un Prince si sage & si aduisé, estoit encore à reconnoistre la vanité de l'erreur de Mahomet, & les tromperies desquelles ce faux Legislateur s'estoit seruy en établissant sa secte, n'y ayant rien de Diuin en elle, ny rien encores qui peust conduire à une vie heureuse, égalant la vie future des hommes, & rendant leur felicité semblable à celle des bestes. De sorte que cet imposteur voyant la Religion de IESVS-CHRIST estre fondée sur une pureté d'esprit & contemplation de verité, & qu'elle reluisoit par tout de grands miracles, il voulut munir sa secte de force & de violence, deux moyens fort efficaces pour complaire aux affections humaines: voila pourquoy il croyoit que la Religion Chrestienne estoit la seule & vraye Religion; & que CHRIST, selon que luy-mesme l'assure, estoit la Vie, la Voie & la Verité; ce qu'il n'eust pas plustost dit, que Bajazet, comme il estoit fort porté aux superstitions Mahometanes, commanda de le prendre & de le mettre cruellement à mort, hors les portes du Temple: ce qui fut fait, commandant toutesfois sous de griefues peines, que cela fust tenu secret; mais le grand Monarque des Roys, qui veut tousiours que la verité soit connue, & principalement où il y va de son honneur, & de celui de ses seruiteurs, permit qu'un Turc Illyrien de nation, racontast ce discours à un Chrestien du mesme pays, & à la verité cette histoire merite bien estre sçeuë de tous les Chrestiens, puis que ce Talisman, nullement initié aux mysteres de nostre Religion, eut toutesfois l'assurance de la deffendre publiquement, & de s'exposer courageusement au martyre pour la soutenir; action peut-estre aussi magnanime, qu'aucune autre de l'antiquité.

QUEL QUE temps apres Bajazet jouïssans de ses voluptez accoustumées, & ayant mis sous le pied tout le soin des affaires, Imirzebeg petit fils d'Vfunchassan Roy de Perse, s'en vint refugier chez luy pour vne telle occasion. Iacup qui auoit succedé à Vfunchassan, auoit espousé la fille du Seigneur de Sammutra, autant impudique qu'autre femme de sa qualité, laquelle estant deuenue amoureuse & extremement passionnée de la beauté d'un ieune Seigneur des mieux apparentez du pays, & qui auoit mesme quelque affinité au sang Royal, n'aspirant pas seulement à contenter sa lubricité pour vn temps, mais cherchant les moyens d'en jouïr tousiours: voyant que son mignon estoit assez apparenté pour pouuoir paruenir à la Couronne avecques tant soit peu de faueur qu'on luy pourroit faire, elle se resolut de se desfaire de son mary, ce qu'elle delibera avecques son Amant, & trouuerent ensemble que le plus seur estoit de l'empoisonner. Ayant doncques composé vn poison fort subtil & dangereux, pour venir à chef de son entreprise plus secrettement, elle fit dresser vn bain fort odoriferant, selon leur coustume, où elle inuita le Roy Iacup, lequel y vint avecques son fils aagé de sept à huit ans, qu'il auoit eu de cette desnaturee Princeesse. Iacup fut fort long-temps dans le bain, puis s'en venant au Serrail des Dames, elle qui scauoit que son mary souloit boire sortant du bain, luy vint au deuant tenant en sa main vn vase d'or, dans lequel estoit le breuuage de sa mort, avecques vne contenance plus gaye que de coustume, & toutesfois avecques vn visage plus passe, la conscience la forçant de donner quelque indice par l'exterieur du crime qu'elle alloit commettre. Le Roy voyant sa contenance & son visage se rencontrer si mal, entra en soupçon de quelque mauuaise intention, cela fut cause qu'il la força d'en faire l'essay, ce que n'ayant osé refuser, elle en beut, puis le Roy, lequel en donna aussi à son fils: de sorte que tous trois ne vescurent que iusques à minuit, si forte & violente estoit cette mixtion, ce qui donna vn grand estonnement & confusion à toute la Cour, voyans les Princes & Seigneurs vne mort si soudaine, laquelle causa de grands troubles par tout le Royaume de Perse, qui vint comme en conqueste & partage entre les plus forts, ceux qui estoient du sang d'Vfunchassan vsurpans les Seigneuries qui estoient le plus à leur bien-seance, ce que voyant Imirze, il se retira vers Bajazet: mais en fin les plus grands Seigneurs de Perse, lassés de tous ces troubles, & voyans que leur Monarchie s'en alloit esteinte par ce desmembrement, ils resolurent de deputer les plus apparens d'entr'eux pour aller à Constantinople, afin de redemander Imirzebeg, d'autres l'appellent *Iulauer*, & disent qu'il n'estoit que nepueu d'Vfunchassan.

CEs Ambassadeurs eurent charge premierement de demander à Bajazet vn de ses fils pour regner sur eux, luy remonstrans qu'il auoit assez d'autres enfans pour luy succeder, mais Bajazet qui auoit d'autres desseins en la pensée leur fit responce qu'il n'auoit garde de mettre vn de ses enfans à la mercy de gens si mutins & seditieux, & beaucoup moins encores le legitime heritier auquel il auoit donné sa fille en mariage il n'y auoit pas long-temps: car tout ainsi que les Perses pour éuiter les entreprises qu'il eust pû faire sur leur Estat, luy auoient fait vne offre si honorable, luy aussi pour vne mesme consideration leur fit le refus, esperant de pouuoir aisément conquerir ces grandes Seigneuries & se les assujettir, violant ainsi le droit des gens, & priuant de la succession de ses ayeuls, celui auquel mesmes il auoit donné sa fille, & qui s'estoit retiré de bonne foy chez luy.

AVECQVES cette responce, ces Ambassadeurs estans retournez vers les leurs, on les renuoya derechef vers luy pour luy faire vne autre proposition, à scauoir que puis qu'il leur denioit vn de ses enfans, qu'au moins il leur rendist leur legitime heritier, adjoustans que la paix s'entretiendroit mieux entre leurs Empires Turc & Persan, quand à ceux qui commanderoient sur les Perses, seroient descendus du costé des masles du grand Vfunchassan, & de par sa fille, de la tres-noble & tres-illustre famille des Othomans.

IMIRZEBEG ayant esté informé de la legation de ces Ambassadeurs, vint luy-mesme prier Bajazet de luy permettre non seulement d'aller recouurer ce qui luy appartenoit, mais aussi de luy donner forces suffisantes pour pouuoir plus honorablement & plus seurement s'establir sur le trosne de ses ayeuls: Mais Bajazet qui n'auoit nulle volonté de le secourir, luy remit en auant les seditions des Perses, & le peu de fidelité de cette nation, qu'il ne seroit pas à peine arriué là, qu'à la moindre rumeur ils le mettroient en pieces: Qu'il demeurast donc avecques luy, & qu'il n'exposast point sa femme & fille de luy, à de si manifestes dangers, qu'il se presenteroit des occasions moins dangereuses & plus certaines pour recouurer la Perse qu'en ce temps-là, où tout estoit en desordre & combu.

XV.

1507.
& suiv.

Autre histoire notable d'un Roy de Perse empoisonné par sa femme.

Ille tombé dans les fiers qu'elle auoit tendus.

Grande confusion en la Perse pour la mort de ce Prince.

Imirze Prince de Perse le retour vers Bajazet.

Ambassadeurs de Perse qui redemanderent Imirze.

Pourquoy Bajazet reuente Imirze.

Autre Ambassade des Perses pour ce sujet.

Imirze luy demande luy-mesme conged & secours, il est refusé.

1507.
& suiv.

stion : que si cela arriuoit , il l'asseuroit de ne manquer iamais à tout ce qu'un pere peut faire pour l'honneur de sa fille , & à tout ce qu'un gendre bien-aimé peut esperer de son beau-pere.

Desceuvre
les conce-
ptions de Ba-
jazet.

P A R ce langage Imirze reconnut assez que Bajazet ne luy permettroit iamais de s'en aller , & penetrant à peu pres dans ses conceptions, il pensa qu'il falloit se servir de dissimulation, & puis apres d'inuention. Feignant doncques de trouuer ces considerations fort à propos, & qu'elles luy rendoient tousiours vne plus grande assurance de l'affection qu'il luy auoit tesmoignée iusques alors , d'auoir vn si grand soin de sa conseruation , & de le retenir pres de sa personne , il trouua cependant moyen de gagner Dauut le grand Vizir, lequel luy auoit desia donné parole , qu'aucas qu'il n'obtient permission de Bajazet, de s'en retourner en son pays & en son Royaume , qu'il luy faciliteroit les moyens de se retirer : pour ce faire il luy auoit donné vne ceinture & vne sorte de poignard que les Turcs appellent Hantzara, l'un & l'autre enrichy de pierreries de tres-grand prix, que feu son

Fait toutes-
son son voya-
ge assisté par
Dauut grand
Vizir, qui luy
en facilita les
moyens.

pere luy auoit laissée : Et pour eüiter les courses qu'on eust pü faire apres Imirzebég, s'enfuyant par le conseil de Dauut, il mit des cheuaux par toutes les hosteleries par où il deuoit seiourner, afin d'en auoir tousiours de frais en maniere de poste ou de relais, de sorte qu'il eut incontinent gagné les confins de la Perse, sans auoir trouué aucun empeschement. Aussi-tost que le bruit de son arriüée fut espandu par le pays, les principaux ne faillirent point à le venir trouuer, & luy prester le serment de fidelité, comme au legitime heritier de leur Prince : aussi il assembla incontinent apres par leur ayde & conseil vne puissante armée, afin de pouoir reduire sous sa puissance les Prouinces qui ne l'auoient point encores reconnu pour souuerain : de sorte que de iour à autre vne affluence de Noblesse le venoient trouuer, & reconnoissoit-on desia en sa Cour le lustre de la majesté des anciens Roys de Perse.

Il arriue sans
empesche-
ment, & toutes
choies luy
succeedent à
son arriüée.

Ambassade
d'Imirze vers
Bajazet.

I M I R Z E paruenü à la Couronne des Perses en la maniere que vous auez entendu, enuoya vn Ambassade à son beau-pere Bajazet pour le rendre certain de l'heureux succez de ses affaires, & comme il auoit esté restably dans l'Empire de ses majeurs, sous l'appuy toutesfois de l'heureuse fortune de son beau-pere, duquel auoit despandu tout son aduancement; qu'à la verité la plus grande part de ses sujets l'auoient reconnu, mais qu'il en restoit encores quelques-vns qu'il se falloit haster de ramener à la raison, de crainte qu'ils ne seruissent apres de retraicte à ceux qui voudroient peut-estre faire les mauuais, comme il arriue ordinairement en vne nouvelle domination : qu'il auoit en cela grand besoin de son ayde, estant priué, comme il sçauoit des commoditez necessaires pour faire la guerre, estant venu au Royaume pauvre comme il estoit; Partant qu'il le supplioit autant qu'il estoit possible, qu'il n'abandonnast point son gendre en vne affaire si importante, veu qu'il estoit si prest de voir la fin de ses affaires, & qu'il s'assurast d'auoir tousiours luy & son Royaume en sa puissance & deuotion, qu'il luy enuoyast donc sa femme & de l'argent pour subuenir à ses affaires, & ranger les rebelles sous son autorité.

Il luy demande
sa femme, &
qu'il le secoure
d'argent.

Secours de
Bajazet à
Imirze.

B A I A Z E T ayant entendu l'estat de la bonne fortune de son gendre, & qu'il sembloit par ses discours qu'il n'eust aucun ressentiment de ce qu'il luy auoit voulu empeschier le retour en son pays (comme aussi Imirze, qui estoit vn Prince fort dissimulé, n'auoit garde de le luy faire paroistre, il luy enuoya incontinent sa femme, à sçauoir sa fille qu'il luy auoit donné en mariage, avecques vne grande somme d'argent, & de fort riches presens, tashant ainsi de reparer sa faute par quelque notable bien-fait. Mais tandis que la Sultane s'acheminoit avecques fort grande compagnie vers son mary Imirze, luy qui auoit plus de memoire pour se vanger des mauuais offices que les grands du pays luy auoient rendus autresfois, que de ressentiment des bons seruites tout fraichement receus, cherchoit quelque inuention pour les pouoir tous assembler en vn lieu, & là les faire tous passer par le fil de l'espee, voulant imiter ce qu'auoit autresfois fait Achmet Bassa, vn autre gendre de Bajazet, lors qu'il assujettit la Caramanie: car il s'estoit formé cette opinion qu'il ne regneroit iamais en repos, tant qu'il eust exterminé tous ceux qui pouoient auoir de l'autorité: il pensa donc que cecy seroit fort à propos, si faisant semblant de s'estre reconcilié avec eux, & d'auoir mis sous pied toute haine, pour marque qu'il ne s'en vouloit plus ressentir, il les inuitoit tous en vn festin tres-magnifique qu'il leur vouloit faire, qui deuoit neantmoins estre le dernier de leur vie, mais il fut pris au piege qu'il leur auoit luy-mesme préparé: car vn des domestiques d'Imirze, auquel il auoit toute confiance, & qui auoit eu communication de ce conseil, preferant la grandeur de la recompense qu'il

Mauuais conseil
d'Imirze,
qui luy fait
perdre la vie
& le Royaume.

Trahy par vn
de ses domestiques.

en espoir, à la fidelité qu'il deuoit à son Maistre, alla descouurir tout le secret aux autres, lesquels donnerent si bon ordre à leurs affaires, que lors qu'Imirze les pensoit tenir tous dans ses filets, ils se ruerent tous ensemble sur luy, se vangeans ainsi de sa perfidie, par vne infinité de coups mortels qu'ils luy donnerent. Dequoy estans aduertis par le chemin ceux qui conduisoient la Sultane sa femme, & l'argent que luy enuoyoit Bajazet, ils aduiserent de ramener le tout à leur Maistre, sans passer plus outre, & prenans mesme quelques Sangiacs & de nouvelles forces, de crainte des embusches & mauuaises rencontres qu'on leur eust pû faire, ils retournerent en toute seureté à Constantinople. Telle fut la fin de ce pauvre & mal conseillé Prince, qui auoit trouué plus de secours aux estrangers, qu'en ses plus proches, & qui apres auoir couru tant d'aduantures, vint finir ses iours en son pays, iustement & miserablement assassiné par les siens, lors qu'il pensoit estre au comble de ses felicitez.

LA nouvelle de cette mort rapportée à Bajazet, on luy raconta aussi par quels moyens Imirze s'estoit retiré en la Perse: ces choses-là ne se pouuans pas celer, mesmes apres la mort de celuy qui pouuoit faire taire ceux qui en eussent voulu discourir: ce que sçachant Bajazet, & mesmes que Dauut auoit pris pour recompense cette riche ceinture & le Hantzard dont nous auons parlé, luy qu'il tenoit cher par dessus tous, & en qui il auoit sa principale confiance, il luy osta premierement ce qu'Imirze luy auoit donné, & apres le fit empoisonner, ce qui arriua l'an de nostre salut 1506. & de l'Egire 912.

TROIS ans apres, durant lequel temps Bajazet demeura à Constantinople en son oyfueté accoustumée, le sixiesme du mois de Zuinasul Euellis, apres le Iudiu Namazy, ou prieres qui se font entre le Soleil couchant & la nuict, & que les Turcs ont accoustumé d'appeller la seconde heure de la nuict, il vint vn si grand tremblement de terre en cette ville de Constantinople, qu'il abatit le sommet des tours ioignantes aux Mosquées, les tours de la ville, les cheminées des maisons, plusieurs estans esrasez sous la quantité des pierres qui tomboient de toutes parts, & des maisons qui estoient bouleuersees, si que chacun pensoit estre arriué à sa derniere heure, & personne ne vouloit demeurer en sa maison; chacun cherchant les lieux descouverts, les vns dans les iardins, & les autres emmy les champs. La premiere nuict il fut si impetueux que pas vn ne pût clorre l'œil, mais pleins d'horreur & de frayeur de la mort, chacun se mist à faire des prieres selon leur mode, attendant sa derniere heure. Ce terre-tremble dura quarante iours continuels, durant lesquels il ne se passa heure, soit de nuict, soit de iour, qu'on n'en eust quelque ressentiment, qui fut cause que Bajazet voyant vne telle ruine arriuée en sa ville, il manda de toutes parts qu'on eust à luy enuoyer des Architectes, Maçons, Charpentiers & manœuvres: de sorte qu'il en assembla bien iusques à quatre-vingts mille, qui vindrent tous en cette ville-là, & les mit-on sous la conduite de l'Architecte de Constantinople, que les Turcs appellent Meimarem, lequel mettoit en œuvre tant les Ingenieurs Italiens qu'autres ouuriers, & par dessus tous l'Aga des Janissaires, qu'on appelloit *Iuneces*, pour y auoir égard. Quant à Bajazet, tandis qu'on traualloit à Constantinople, il s'en alla sejourner à Andrinople.

ENVIRON ce temps il aduint en la Natolie, en la Prouince de Tekel en la grande Phrygie, contrée qui auoisine l'Armenie mineur & la Lydie, en vn lieu qu'on appelle Kisulcaia, c'est à dire pierre rouge: deux sectateurs de Schaidar, surnommé Harduel, pere d'Ismaël Sophy Roy de Perse, duquel nous auons fait quelque mention en la vie de Mahomet, l'un desquels s'appelloit Chafan Chetif, & l'autre Schach Culy, avecques vn seruiteur qu'ils auoient, machinoient plusieurs nouueautez dans la Prouince: ceux-cy auoient esté reclus par quelques années dans vne cauerne, & Bajazet leur enuoyoit tous les ans six ou sept mille aspres, pësant faire vne chose fort agreable à Dieu, esperant par leurs prieres de se le rendre plus fauorable, car ils estoient en grande reputation de sainteté enuers luy, mais il y auoit aussi d'autres Perses de leur secte qui venoient là avec eux. En fin comme ils eurent disposé leurs affaires selon leur desir, & fait vn grand amas de leurs sectateurs, ils les inciterent à la reuolte, leur remonstrans que le Sultan Bajazet ressembloit d'orelnauant à vn tronc, ayant perdu toutes les forces de son corps & l'usage de tous ses membres, pour la podagre qui le mangeoit. Que ses enfans contre les loix de la charité fraternelle se mangeoient les vns les autres, & que parmy ces querelles intestines l'Empire se desmembroit: de sorte qu'il ne pouuoit pas longuement durer. Quant à moy, disoit Sciech ou Schach, vne espéc m'a esté diuinement enuoyée du Ciel pour establir vn nouveau regne en la terre: que ceux doncques qui voudront passer heureusement leurs iours

1507.
& suiv.

Massacré par
les grands de
son Royau-
me.

Sa femme &
le secours de
Bajazet se re-
trent à Con-
stantinople.

Dauut em-
poisonné par
le comman-
dement de
Bajazet.

XVI.

Iudiu Nama-
zy prieres de
la seconde
heure de la
nuict.

Grand trem-
blement de
terre à Con-
stantinople.

Meimarem
Architecte,
ou Inge-
neur.

1509.

Seditious des
Callebas.

Leur hypo-
criste.

1509.

Discours de
ces impos-
seurs.Victoire des
Casselbas sur
les Turcs.

me suivent, car ie les combleray de toutes sortes de richesses: si bien que par ces discours, & autres illusions, il les persuada de sorte, qu'ils leuerent l'enseigne & se mirent à le suivre. En leur troupe se joignit vn Subassi nommé Vstuziogly, que Caragosse Beglierbey de la Natolie, auoit non seulement priué de son office, mais encores de sa pension & reuenue annuel de Timar; certuy-cy se vint ioindre incontinent à Schach Culy, prenant cette occasion pour se vanger de Caragosse, & avecques vne grande multitude qui s'y estoit confusément amassée & coniointe à ceux-cy, ils s'en vindrent enuahir la ville d'Antalie, jadis Attalie. Hanualdan l'appelle Cutaia, la residence du Beglierbey, vn iour de marché & lors que chacun estoit empesché à son trafic, la saccagerent, & prirent le Cadis ou Iuge du lieu, qu'ils firent cruellement mourir, & mirent son corps en quatre quartiers, lesquels ils pendirent aux tours des Mosquées. Puis enuoyerent aduertir ceux de leur secte, à sçauoir les Casselbas, ou testes rouges (car c'est ce que ce mot signifie) qu'ils auoient obtenu la victoire, & qu'ils vinssent en diligence leur ayder à poursuiure leur bonne fortune; ce que les autres firent en diligence: de sorte qu'ils s'assemblerent bien iusques à dix mille hommes, avec lesquels ils ioignirent ceux qu'ils auoient pû ramasser de la Prouince de Tekel, poursuiuans leur pointe avec tant d'heur, qu'ils desfirent Caragosse Bassa, Beglierbey de la Natolie en bataille, & l'ayant pris prisonnier, le monterent sur vn asne, & le menerent par tout leur camp, avecques toutes sortes d'ignominies, & puis apres l'empalerent à la veüe de la cité, bien qu'il fust d'une excellente beauté, & le mirent, dit l'Histoire Turque, au rang des Schides ou des Saints, au nombre desquels ils mettent ceux qu'ils disent mourir en gens de bien; d'ailleurs les Sangiacs de la Natolie se trouuerent bien empeschez, voyans qu'ils ne pouuoient resister à l'ennemy: car les forces de ces Casselbas augmentoient de iour en iour, & par tout ou leur cruel Prince pouuoit mettre le pied, il mettoit tout à feu & à sang, porté de cet esprit enragé qu'il auoit de se saouler du sang humain, estant desia paruenue iusques à la Prouince: tellement qu'ils estoient montez en vne telle presumption d'eux-mesmes, qu'ils esperoient de pouuoir entierement mettre bas la gloire des Osmanides, (ainli appelloient-ils les Turcs) & les despoüiller de toute leur puissance, & de leur Empire.

Courroux de
Bajazet con-
tre les Bassas.

CEPENDANT Corchut fils de Bajazet (on luy auoit donné ce nom pour imprimer vne terreur) manda toutes ces choses à l'Empereur son pere, & en quel estat estoient les affaires en ces quartiers-là. A ces nouuelles Bajazet se colera fort contre ses Bassas, principalement contre Haly & Achmet Herzecogly, de ce qu'apres tant de pertes receues par les Casselbas, ils ne luy en auoient pas dit vn seul mot, & craignant qu'il arriuaist pis, il enuoya en diligence Haly Bassa avecques commandement de faire en sorte qu'il tirast raison de ces meschans, autrement qu'ils s'assurast qu'il le feroit escorcher tout vif. Haly se mit en deuoir de faire ce qui luy estoit commandé, & vint en la Natolie avecques le Sultan Achmet fils de Bajazet, où ils conioignirent ensemble leurs armées, outre vne multitude de gens de guerre, tant des Ianissaires de la Porte que de plusieurs endroits, lesquels Haly mena par le milieu de la Natolie, s'arresta à Kisulcaia, où toute la conspiration des Casselbas auoit esté tramée, comme aussi le Sultan Achmet partant d'Amalie avec vn de ses fils, se vint ioindre à luy, où ils firent quelque temps reposer & rafraischir leurs soldats.

Autre victoi-
re des Cassel-
bas.

CEPENDANT les Casselbas auoient pris leur chemin deuers la Caramanie, de laquelle Prouince estoit Beglierbey Haidar Bassa, & Zindy Chelibe ou Gladiateur (car c'est ce que signifie ce mot) qui estoit vn des Sangiacs, lesquels leur ayans liuré le combat, ils y furent si peu fortunez que leurs testes y demeurerent pour les gages. De là les Casselbas poursuiuans tousiours leurs conquestes, arriuerent à vne certaine plaine qu'on appelle Zibuch Ouâ, ou le camp des Vierges, située entre la Caramanie & la Caïsarie, de laquelle elle est distante de quelque quarante-six milles, & de Sebaïste de soixante & cinq milles. Haly estant aduertie de leur depart, ne fut pas peu troublé en son esprit; mais voyant que le songer n'y valoit rien, il comença à dire aux siens: *Qui m'ayme, monte à cheval & me suie*, ce qu'ils firent en toute diligence, ne cessans de courir tant qu'ils fussent arriuez à Zibuch Ouâ. Les Casselbas aduertis que les Turcs estoient fort proches, s'assurerent de depescher ceux-cy comme ils auoient fait les autres: toutesfois afin de n'estre pas surpris, ils fortifierent leur camp, mettans à l'entour leurs chameaux, & au milieu leurs munitions & bagage, laissant vn assez notable interualle entre les portes, afin de pouuoir faire des sorties pour combattre leurs ennemis, attendans de cette façon les Turcs en fort bonne deuotion.

Fortification
du camp des
Casselbas.

D'AUTRE costé Haly Bassa auoit assemblé vn fort grand nombre d'hommes, mais la
pluspart

pluspart harrassez pour auoir esté quinze iours sur les chemins, & venus à fort grandes traictes, si bien que presque tous leurs cheuaux estoient recreus & encastelez, & toutes-foiſ luy qui bouilloit d'ardeur de combatre, voulut faire aussi-tost marcher ses gens contre l'ennemy. En cette armée estoit le Caramusa, le *Kihata* ou Lieutenant des stipendiaires qu'ils appellent Olofegy, homme d'experience & de valeur, lequel ne pouuant approu-uer cette precipitation, disoit qu'il estoit plus à propos d'attendre les forces qui leur venoient à dos, & laisser reprendre haleine à ceux-cy, que puis que l'ennemy s'estoit arresté, que c'estoit à demy gain de cause: car il ne leur pourroit eschapper qu'ils n'en tiraſsent la raison, & si n'auroient point la peine de courir apres luy, pour le moins deuoient-ils attendre encores deux iours: Mais Haly Bassa, que la grandeur de cette charge auoit aliéné de son bon sens, plein de presumption, & de bonne opinion de soy-mesme, le regardant de trauers, luy dit: Mais qui es tu fils de Ramasan, qui nous viens icy controoller? pense seulement à bien combatre, & là-dessus range ses gens en bataille, & les fait marcher contre l'ennemy. Tout au commencement de ce conflict, Chasan Helifes chef des Casselbas fut par vn cas d'auenture navré à mort d'vne fleche, de laquelle blesseure il expira sur le champ: ce qui apporta vn grand trouble & vne grande rumeur dans le camp des Casselbas. Haly d'ailleurs sans autre consideration, oubliant le rang qu'il tenoit, & la necessité de sa personne en son armée, voyant cette confusion, ne se peut tenir que donnant des esperons il ne courut à toute bride contre l'ennemy: & comme il estoit plus emporté de fureur que de conduite, il se trouua tellement enuironné des Casselbas, qu' auparauant que de pouuoir estre secouru des siens, il y finit miserablement ses iours, ayant perdu vne si belle occasion de deffaire ses ennemis iusques à vn, sans courir aucune risque, & se venger des pertes qu'ils auoient fait souffrir aux Turcs: mais cette vengeance estoit reseruée à vn autre, & voicy comment.

LES Turcs apres la mort d'Haly, se trouuans sans conduite, commencerent à se debander, de maniere que les Casselbas eurent toute commodité de sonner la retraite, & s'en aller iusques aux confins de la Perse sans aucun empeschement. Comme ils approchoient desia de la ville de Trebis, jadis Tauris, & qu'ils venoient de tendre leurs pauillons, voicy vne Carauane qui leur vint à l'encontre; ces Carauanes sont vne multitude de toutes sortes de gens qui se mettent ensemble de compagnie, quand ils ont quelque grand voyage à faire, pour euitier les dangers des chemins, & aller plus seurement par pays. Or cette Carauane appartenoit à Ismaël Sophy, Schach des Azemiens ou Roy des Perses: ceux-cy doncques, sans s'enquerir à qui cela appartenoit, se ruent dessus, tuent toute cette multitude d'hommes, & pillent leurs marchandises. De là leurs chefs penserent qu'ils auoient besoin de s'insinuer aux bonnes grâches du Sophy, desquelles ils se faisoient forts, comme tenans son opinion en la loy de Mahomet, cela les fit acheminer à Trebis, où le Sophy residoit pour lors. Ceux-cy estans introduits en sa presence, il leur demanda par quelle autorité ils auoient occis les Bassas de son pere adoptif, ainsi appelloit-il Bajazet, par vne maniere de parler toutesfoiſ, car il ne luy vouloit point de bien: ceux-cy responderent que c'estoit à son occasion, & pour deffendre sa querelle, & chastier les Iesideos ou Heretiques. Et pourquoy doncques, dit alors le Roy, auez-vous massacré ceux de la Carauane? & pourquoy auez-vous volé leur marchandise? A cecy estans surpris, car ils ne pensoient pas que cela fust venu iusques aux oreilles du Sophy, & ne pouuans que respondre, le Sophy distribua toute cette troupe de Casselbas aux Seigneurs de sa Cour, en donnant à l'vn dix & à l'autre vingt; & quant aux Chefs, il les mit entre les mains de ses Cordezelier ou stipendiaires, pour les faire tous mourir. Telle fut la fin de cette guerre des Casselbas en la Catastrophe de laquelle, comme dit Spandugin, cecy est digne de remarque, à sçauoir que l'vn des Chefs de ces seditieux, qui s'appelloit Schach Culy, c'est à dire esclaue du Roy de Perse, fut pris par le mesme Roy de Perse, qui par vn Iouable exemple d'vne seueré iustice, le fit brusler tout vif: les Turcs auoient surnommé ce Schach Culy seruiteur du Roy de Perse, Scitan Culy, c'est à dire Esclaue de Satan.

MAIS puis que nous sommes sur les entreprises des Perses Sophians, & que d'oresnauant toute cette Histoire sera remplie des guerres que les Turcs ont eues à demesler avec cette nation, il ne sera peut-estre pas hors de propos pour l'esclaircissement de cette Histoire, d'en discourir vn peu plus au long, que nous n'auons fait en la vie de Mahomet.

Dv temps doncques d'Vlunchassan Roy de Perse, vn Seigneur du pays nommé Sechaidar, que quelques-vns tiennent auoir esté parent de Haly gendre & neueu de Mahomet le faux Prophete, auquel pour la reputation qu'il auoit d'estre saint & sçauant

1509.

Bon aduis de Caramusa.

Cōredit par son General.

Precipitation d'Haly, qui luy fait perdre son aduantage, l'honneur de la victoire, & la vie.

Cette mort fit faire aux Casselbas vne honorable retraite.

Les Casselbas volent vne Carauane, cause de leur ruine.

La punition qu'en fit le Sophy.

Scitan Culy esclaue de Satan, nom du chef des Casselbas.

XVII.

Origine des Casselbas.

1509.

Procédures
de Sechaidar
chef des Cas-
selbas.

homme, & fut tout bien entendu en sa Loy, & en l'Astrologie, Vſunchaffan auoit donné sa fille à femme. Cettuy-cy appuyé de l'alliance Royale, & se voyant en grande reputa- tion par tout le pays, ramassa tous ceux qui estoient espars deçà & delà qui ſuuiuoient son opinion, & le reueroient comme vn ſainct homme. Or sa premiere demeure estoit à Ardouil, cité assise non gueres loin du lac de Vasthan, où il preschoit sa doctrine au peuple apres la mort de Iacup, & en tiroit plusieurs à son party, se monstrant mortel en- nemy des Chrestiens. Et comme toute la Loy Mahometane est fondée sur les armes, aussitost qu'il se vid des forces suffisantes pour tenir la campagne, il ne faillit pas aussi à courir sur ses voisins, principalement sur les Circasses, lesquels se trouuerent tellement inquietez par les Sophians, qu'ils furent contraints d'auoir recours à Alumut pour lors Roy de Perse, le priant d'auoir pitié d'eux & de leur pays, qui s'en alloit ruiné par la tyrannie des Sophians.

Se faist de
la ville de
Derbent.

Deffaite &
mort de Se-
chaidar.

Ses enfans
s'enfuient.

Nourriture
d'Ismael So-
phy.

Armining
lieu de la
nourriture
du Sophy.

Mœurs d'Is-
mael.

Sa premiere
entreprise.

Treſor trou-
ué par Ismael.

Pretexte d'Is-
mael Sophy.

D V R A N T ces choses Sechaidar se fit Seigneur de Derbent, ville assise sur la mer Cas- pie, & ſervant de paſſage & deſſenſe pour aller de pays à autre, n'y ayant qu'un deſtroit. Alumut estoit lors à Tauris, quand on luy apporta les nouuelles; ce qui le fit haſter de ſe- courir les Circasſiens: & de fait il enuoya contre eux vne puisſante armée qui les arreſta court au progrez de leurs conqueſtes, par la perte d'une bataille, où ces Sophians furent preſque tous mis en pieces, & meſmes Sechaidar y fut occis, & ſa teſte coupée & donnée aux chiens pour la deſchirer: ce ne fut pas toutesfois ſans ſe bien deſſendre, & ſans faire mourir plus de quatre mille Perſans. Les enfans de Sechaidar qui estoient ſix, trois maſſes & autant de femelles, s'enfuirent, l'un en la Natolie; l'autre en Alep, & le troiſieſme qui s'appelloit Ismael, s'en alla en vne Ile nommée Armining ſituée ſur le lac de Vasthan, ou Gelucalac; cettuy-cy n'auoit encores atteint que l'aage de treize ou quatorze ans, beau à merueille, gentil & courtois, & qui promettoit en ſa face quelque choſe de grand à l'adue- nir. Cét enfant eſtant tombé entre les mains d'un Preſtre Armenien fort grand Astrolo- gue & ſçauant en la Iudiciaire, comme il euſt quelque coniecture que cet enfant deuoit vn iour paruenir à quelque grande Seigneurie, il estoit d'autant plus ſoigneux de l'eſleuer & le tenoit ſecret, à cauſe qu'on le cherchoit pour le faire mourir: ce Preſtre taſchoit de l'endoctriner en la Loy Chreſtienne, à quoy (peut-eſtre) euſt-il gagné quelque choſe, ſi l'ambition n'eſt rauy le cœur de ce ieune Prince, lequel ne ſe ſoucioit de Religion, ſinon en tant qu'il voyoit qu'elle luy pourroit ſeruir pour l'execution de ſes deſſeins. Cettuy-cy parueni à vn aage plus grand, & bruſſant de deſir de ſe faire paroître, demanda congé à ſon Maïſtre & Gouverneur qu'il tenoit au lieu de pere (comme toute ſa vie il reſpecta le lieu d'Armining, ſe montrant aſſez fauorable aux Chreſtiens) & s'en alla à Chilun chez vn Orfevre grand amy de la ſecte Sophiane, & affectionné ſeruiteur à la maiſon de Se- chaidar, où il s'enferma pour vn temps: & de là eſcriuoit à ſes amis qui estoient à Ardouil, avecques lesquels pratiquant ainſi par lettres & ſecrets meſſages, il les fit en fin reſoudre de vanger la mort de leur Prophete Sechaidar, & la deffaite des Sophians faite à Derbent par les ſoldats d'Alumut.

L A premiere entrepriſe d'Ismael fut ſur le chaſteau de Maumutaga, aſſis ſur la mer Caspie, qu'il emporta par ſurpriſe, perſonne ne penſant à luy, comme c'eſt l'ordinaire en vne pleine paix: il n'y auoit en cette place qu'une bien petite garniſon, encore les gardes ne ſe tenoient-ils pas aux portes pour le garder: Ce chaſteau leur ſervant de retraiſſe apres qu'ils auoient fait leurs courſes, comme eſtant en lieu imprenable, & ayans tout moyen de ſe fournir de viures par la mer, à cauſe que tous les vaiſſeaux qui voguent le long de la mer Caspie, abordent en cet endroit là. Or voulut le bon-heur d'Ismael, qu'au bourg aſſis au deſſous du chaſteau, il trouua vn treſor de prix inestimable, par le moyen duquel il fit vne grande leuée de ſoldats, & outre ce pluſieurs pratiques, enuoyant des preſens aux plus grands, pour paruenir à ſes deſſeins: de ſorte que luy qui n'auoit que deux cens hommes de guerre lors qu'il prit le chaſteau ſuſdit, en moins de rien il ſe vid cinq ou ſix mille Sophians à ſa ſuite, avecques lesquels il commença de courir plus hardiment les terres d'Alumut, prenant ſon pretexte qu'il estoit ſils de la fille d'Aſſembeg ou Vſun- chaſſan, & que cettuy-cy n'eſtoit point iſſu du ſang Royal de Perſe,

A L U M U T voyant d'ailleurs l'impoſſibilité de prendre & forcer Maumutaga, qu'Ismael auoit fortifiée & munie de toutes choſes neceſſaires, avec vne bõne & forte garniſon, pen- ſa que c'eſtoit choſe inutile & perte de temps que de l'aſſieger, il ſ'imaginoit auſſi qu'Is- mael ſe contenteroit de cette piece, & que ſe laiſſant endormir en ſa proſperité, il negli- geroit de ſe tenir ſur ſes gardes, & le ſurprendroit lors qu'il y penſeroit le moins. Mais

Ismael

Ismaël qui n'auoit pas fait de si grands remuëmens pour si peu de chose qu'une forteresse, bien que close & renfermée de toutes parts, ne pouuoit pas arrester là le cours de son ambition, ny le progres de ses conquestes. Se voyant doncques vne retraicte asseurée, & que le Roy negligeoit de s'opposer à ses efforts, il assembla la plus puissante armée qu'il peult, & s'en vint assieger la cité de Sumachia, ville grande & capitale du Royaume, assise entre les Armeniens & les Medes, non loin de la mer Caspie; Sermangoly Roy d'icelle, & tributaire du Roy de Perse, se voyant trop foible pour tenir teste aux Sophians, quitta la ville & s'enfuit au chasteau de Calistan, place imprenable; si bien que sans resistance Ismaël se rendit maistre de cette grande ville, où il fit vn merueilleux butin de toutes sortes de richesses, enrichissant ainsi son armée aux despens de ses ennemis, & luy-mesme leur faisoit plusieurs largesses pour les attirer: de sorte qu'il courut de luy cette reputation presque par toute l'Asie, qu'il estoit le plus sage, vaillant, courtois & liberal Prince qui fut pour lors: ce qui fut cause d'en faire rendre plusieurs Sophians, pour participer seulement à ses butins & conquestes.

Siege & prise de Sumachia par les Sophians.

Renommée d'Ismael.

CEPENDANT Alumut voyant l'heureux succez de son ennemy, assemble ses forces de toutes parts: & le Sophy fait le semblable de son costé, enuoyant vers les Roys d'Iberie ou Georgeanie (qui estoient trois pour lors) à scauoir Schender, Gurguran & Mirzam, leur demander secours, avecques grandes promesses d'affranchir les Chrestiens par toute la Perse, (car les Georgians font encore à present profession de la Religion Chrestienne) ceux-cy luy firent iusques à trois mille cheuaux, & six mille hommes de pied, tous vaillans hommes & hardis combatans, comme ils sont encore à present des meilleurs de tout l'Orient: ceux-cy venans trouuer Ismaël à Sumachia, furent receus avecques toute la courtoisie qu'ils eussent sceu desirer, leur faisant part des richesses qu'il auoit butinées à Sumachia, pour les affectionner dauantage à son seruice. Alumut cependant ayant pris resolution de le combattre, prit la route de Sumachia, avecques vne grande & puissante armée: Ismaël n'auoit que seize mille hommes en son camp, mais tous gens d'eslite & fort bons combatans, avecques lesquels il s'en vint trouuer son ennemy entre Tauris & Sumachia, à l'opposite d'un grand fleue qui seruoit de barriere à tous deux. Mais le Sophy qui estoit plus expérimenté aux affaires & plus vigilant que son ennemy, fit en sorte qu'il en trouua le gué, & fit passer ses gens toute la nuit sans empeschement; mais sur la pointe du iour il vint donner vne camifade si verte au camp de ses ennemis, qu'auant presque qu'ils fussent tous esueillez, il en auoit taillé en pieces la plus grande partie: de sorte qu'Alumut fit beaucoup pour luy de se sauuer avecques vn fort petit nombre des siens, & de se retirer à Tauris, tout le reste fut mis au fil de l'espee. Ismaël apres vne si grande desfaite, voyant ses soldats harrasser des longues traictes & du combat, les raffraichist l'espace de quatre iours, riches qu'ils estoient des despoüilles de leurs ennemis, au bout desquels il s'achemina vers Tauris, où il entra sans resistance; la ville n'estant point pour resister à vne armée, estant sans closture, & ses habitans mal propres pour la guerre. En la prise de cette ville Ismaël exerça des cruautez du tout indignes de l'homme, principalement contre la race de Iacup, de laquelle il ne laissa pas vn seul en vie, ains faisoit ouurer les ventres aux Dames enceintes, pour en tirer le fruit: il fit aussi massacrer en sa presence quatre cens de ceux qui estoient d'ordinaire à la suite d'Alumut, & à trois cens femmes de joye qui se tenoient à Tauris, pour s'acquérir vne reputation de continence: on ne scait aussi pourquoy il fit tuer tous les chiens qui estoient dans la ville de Tauris, & non content de s'acharner sur les viuans, il fit encore chercher le corps de Iacup & autres Seigneurs, & sur tout de ceux qui s'estoient trouuez en la bataille de Derbent, où Sechaidar son pere fut occis, les ossemens desquels il fit brusler en la place publique: mais ce qui surpasse toute inhumanité, fut d'auoir fait mourir sa propre mere, fille (comme nous auons dit) d'Vfunchassan, & sœur de Iacup. La cause de cette mort aduint (comme on dit) de ce que cette Dame estant du sang Royal, & encore ieune, quand son premier mary fut occis, s'estoit remariée à vn grand Seigneur de Perse, qui s'estoit trouué à la bataille de Derbent, car il faisoit de là vne coniecture qu'elle n'auoit point aymé Sechaidar, & qu'elle auoit en haine ce qui en estoit sorty: & partant qu'elle auoit pris cet autre, afin que le fruit qui en prouindroit, paruint à la Couronne, & en depossedaist les enfans du premier liét, si bien qu'il fit trancher la teste à cette pauvre Princesse dans la ville de Tauris, vn autre Neron ressuscité en ce temps-là, ayant esté aussi cruel qu'autre qui ait esté deuant luy: & toutesfois c'est luy qui se dit le plus reformé en la Loy de Mahomet, voyez quels doiuent estre les autres, puis que les plus reformez d'entr'eux, & celuy qui a esté le for-

Les Georgians enuoyent du secours à Ismael.

Rencontre d'Alumut & du Sophy, où les Sophians eurent l'aduantage.

Prise de la ville de Tauris.

Sa grande cruauté.

Enuers les viuans.

Enuers les morts.

Fait mourir la propre mere La cause de ce matricide.

1509.

XVIII.

Tous les Princes de Perse prennent le Casselbas.

Le Sultan de Bagadet s'oppose aux prosperitez du Sophy.

Le Sophy encourage les siens.

Raisons du Sultan de Bagadet pour encourager les gens.

Bataille du Sultan de Bagadet & du Sophy, la plus celebre depuis Alexandre le grand. Victoire du Sophy.

Ses desseins sur la Mesopotamie.

Le Seigneur d'Azanchif se rend son sujet.

Les courtoisies du Sophy en son endroit, & envers quelques Turcs.

Le Sophy tâche de ruiner tous les Princes de la Mesopotamie.

Le Sophy cōtre les Aliduliens.

dateur principal de cette reformation a esté si depraué.

SES victoires, & la rigueur de laquelle il vsoit à l'endroit de ceux qui luy faisoient teste, fut cause que plusieurs grands Seigneurs vindrent luy faire hommage, & prenoient le Casselbas ou Turban au bout rouge, la propre marque des Sophians, comme faisans profession de sa secte : quoy que dedans le cœur ils eussent vne opinion toute contraire ; & y eut fort peu de Princes en Perse qui refusassent d'accepter le Casselbas, craignans sa force & sa fureur. Or tandis qu'il se tenoit à Tauris, s'elioüyssant avecques ses Capitaines pour sa victoire obtenüe, Muratchan Sultan de Bagadet, sorty du sang d'Assambey, redoutant ses prosperitez luy vint faire la guerre : cela mit fort en ceruelle le Sophy, lequel toutesfois ne perdant point courage pour la puissance de l'autre, exhorte ses soldats, leur presente que la victoire qu'ils auoient obtenüe contre Alumut, n'estoit que la porte de leurs prosperitez, mais que c'en estoit icy l'establissement, que cettuy-cy vaincu, tout flechiroit sous leur domination : Qu'il falloit esteindre la race de ces heretiques (ainsi nommoient-ils ceux qui tenoient l'opinion contraire) qui faisoient deshonneur à la Loy de leur saint Prophete. Au contraire Muratchan disoit aux siens, qu'il estoit aysé de venir à bout de ce seditieux, ses affaires estans encore si mal establies : que si l'Empire des Perses appartenoit legitimement à quelqu'un, que c'estoit à luy qui estoit descendu de ce noble sang d'Assambey, qu'au demeurant il ne pouuoit auoir rien de fauorable, ny leur Propheete, contre la Loy duquel il combattoit, y donnant vne interpretation frauduleuse, ny le peuple qu'il auoit si cruellement traité, ny DIEU mesme, ayant commis tant d'indignitez contre son Prince, contre sa nation, contre son sang, voire contre sa propre mere; que c'estoit cette mesme Diuinité qui leur auoit mis les armes à la main, pour prendre la vengeance d'un si execrable Matricide, qui meritoit plustost d'estre ietté dans vn sac en l'eau, que de s'asseoir sur le thrône Royal. Le courage qu'ils donnerent de part & d'autre à leurs gens, les anima de telle sorte au combat, qu'il dura tout le long du iour, & tient-on que depuis Darius qui combatit contre Alexandre, iusques alors, il ne s'estoit point veu en l'Asie vne si cruelle bataille, ny conflit, où il se soit fait vn plus grand massacre : toutesfois la victoire demeura au Sophy, & Muratchan s'enfuit en Babylone. Cette defaite estant aduenüe enuiron l'an mil quatre cens quatre-vingts dix-neuf, Ismaël n'ayant pas encores atteint l'an dix-neufiesme de son aage.

APRES cecy Ismaël se resolut de reduire sous sa puissance la Prouince de Diarbech ou Mesopotamie, qu'il sçauoit auoir esté de tous temps sous la domination des Roys de Perse, qui estoit pour lors sous la puissance de plusieurs particuliers, entr'autres de Sultan Calib, Seigneur d'Azanchif, lequel aduertty des desseins d'Ismaël vint de son mouuement & auparauint que d'en estre semond, pour l'obliger dauantage à le bien traiter, luy baïser la main, prit le Casselbas, & s'offrit pour luy estre bon & fidele sujet & seruiteur ; ce qu'Ismaël eut si agreable qu'il luy confirma son Estat, & luy donna sa sœur en mariage : il vfa encores de beaucoup de courtoisie à l'endroit de quelques Turcs, venus de la Natolie qui luy presenterent leur seruice, & prirent le Casselbas, le principal desquels auoit nom *Vstagiulu Mamutbeg*, auquel le Sophy donna le gouuernement de Diarbech, sauf les citez d'Azanchif & Amide qui demourerent à son beau-frere Sultan Calib, lequel ayant passé les bornes qui luy auoient esté limitées par le Sophy, comme on en faisoit courir le bruit, on luy fit commandement de quitter ces citez à *Vstagiulu*, & encore que Calib fust beau-frere du Roy, si est-ce que sa Majesté luy manda qu'il entendoit qu'*Vstagiulu* eust la superintendance de toute la Prouince : qui fut cause que Calib refusant d'obeir à ce mandement (pource que les Curdes, de la nation desquels il estoit, obeïssent fort mal volontiers aux Sophians) fut poursuiuy par *Vstagiulu*, que le Sophy auoit aussi honoré du mariage d'une autre sienne sœur, qui luy osta la pluspart de sa Seigneurie, & le tout par les menées du Sophy, qui le faisoit expres pour ruiner tous les Princes naturels du pays qui luy pouuoient faire teste, assésuré que les estrangers par luy auancez n'auroient moyen de long-temps de luy faire resistance.

LE pays de Diarbech reduit sous son obeïssance, il aspira incontinent à celuy des Aliduliens, peuples de la petite Armenie, qui auoient vsurpé quelques terres du viuant de Iacup, assembla de grandes forces l'an mil cinq cens dix, *Vstagiulu* qu'il y auoit enuoyé auparauint n'y ayant sceu rien faire : il y vint doncques en personne, & fit vn plus grand amas de gens de guerre que de coustume, non qu'il en fust de besoin pour ruiner ceux à qui on auoit affaire, ains seulement pource qu'il craignoit que le Turc ou l'Egyptien n'entreprissent la deffense de celuy qu'il vouloit chastier. Aussi enuoya-il à l'un & à l'autre les

prier

prier de ne se mesler point des affaires de l'Aliduly, & quant à luy il protestoit de ne rien entreprendre sur quel que ce fust de ces deux Princes : ayant cette assurance il courut le pays d'Aliduly, qu'il conquist pour la plus grande partie, occist quelques-vns des enfans Royaux, & fit vn grand massacre de ce peuple, mais à la fin il fallut qu'il se retirast, à cause des grandes & excessiues froidures qu'il a fait en ce pays, mais en s'en allant il prit la ville de Calirie, ou Cesarée, deffenduë par Becarbey fils d'Aliduly, quoy que ce Prince fust bien accompagné, & que la place fust fournie de toutes choses necessaires, en laquelle s'estant saisi de ce ieune Prince, il prit plaisir de luy trancher la teste de sa propre main, comme il fit aussi incontinent apres à son predecesseur Alumut : car ayant esté trahy par Amubey, auquel il auoit toute confiance, si tost qu'il fut amené deuant Ismaël, il le tua de sa propre main, mais nous parlerons tout maintenant de cette guerre d'Aladeul, lors que nous reprendrons le fil de l'histoire de Bajazet.

1509.

Ses victoires.

Tuë son Roy de sa propre main.

OR estoit-il d'un naturel du tout impatient de repos, cela fut causé qu'ayant mis fin à la guerre d'Aliduly, & voyant que le Sultan de Babylone Muratchan, dont nous auons parlé cy-dessus, luy pouoit quereller sa Couronne, il resolut de le ruiner du tout, & prit son sujet, sur ce que cettuy-cy, apres la mort d'Alumut s'estoit mis en possession de la grande cité de Siras, chef & metropolitaine de la Perse, comme se disant le plus proche du sang Royal des enfans sortis d'Vsunchassan : Tous les deux Princes auoient grand nombre de peuple, mais Ismaël auoit les plus vaillans, & Muratchan s'estoit plus fortifié, en forçant plus les sujets à le suiure, que de bonne volonté qu'ils eussent de marcher sous son Enseigne, se ressouuenans que l'autre fois que Muratchan auoit bataillé contre le Sophy pres de Tauris, de trente mille combatans qu'ils estoient, il ne s'en sauua presque vn seul. Cette contrainte de ses gens luy donna vne mauuaise esperance de la victoire, pource enuoya-il vers Ismaël, le prier de le receuoir pour son vassal. Mais Ismaël fit trancher les testes aux messagers, disant que si Muratchan auoit desir de le reconnoistre pour Seigneur, il fut venu luy-mesme luy presenter son seruice, sans luy en enuoyer d'autres pour ce faire : cecy entendu par Muratchan, & craignant qu'il ne luy en aduint comme au Roy Alumut, se desroba de son camp, & prenant trois mille hommes choisis, entre ceux qu'il pensoit luy estre plus fideles, s'enfuit en Alep : mais estant arriué au fleuve Euphrate, il fit rompre les ponts, dont bien il luy en prit : car le Sophy le faisant poursuiure avecques vne fois autant de gens de guerre, il n'eut pas si tost passé le fleuve, qu'il se vid à dos les Sophians, qui s'en retournerent par ce moyen, sans rien faire, & Muratchan se sauua en Alep, où avecques Aliduly il fut traité & entretenu aux despens du Souldan d'Egypte.

Autre guerre du Sophy contre le Sultan de Bagadet.

Lequel se veut rendre le vassal du Sophy.

Fuite de Muratchan,

Entretenu aux despens du Souldan d'Egypte.

LES affaires du Sophy prosperans ainsi, il commença d'estre redoutable à ses voisins : de sorte que le Cham des Tartares qu'ils appelloient *teselbas*, à cause qu'ils portent le Turban verd, voulant destourner le cours de ses prosperitez, vint courir sur le pays de Corasan, & prit plusieurs belles villes le long de la mer Caspie, telles que sont *Eré*, *Strany*, où se font de fort bonnes foyes, *Amixandarian* & *Saré*, ce qui fut causé que le Sophy vint sur ses frontieres, pour empescher le Tartare de passer outre, comme il fit, encore que le Tartare taschast de le surprendre, feignant d'aller visiter le sepulchre de son Prophete Mahomet, & faire le pelerinage de la Mecque : mais le Persan n'y voulut point entendre. Apres cecy, comme Sermandoly Roy de Seruan, qui est le pays des Medes, eust rompu l'accord fait entre luy & Ismaël, le Sophy courut sur luy, ruina le pays, & luy osta la Seigneurie, & de là passa en Carabac, où il choisist deux Capitaines, l'un appellé Dalabey, & l'autre Bairabey, ausquels il laissa la charge de la conqueste de Sumachia, qu'ils prirent sans aucune resistance, comme aussi fut pris depuis le chasteau de Calastan, & tous les forts qui sont depuis le mont de Taur, iusqu'au plus haut recoin de la mer Caspie, & à la cité de Derbent : si bien que tous les Seigneurs de ce pays prirent le Casselbas, & firent hommage au Sophy : lequel estoit en telle reputation parmy les siens, que peu s'en falloit que ses soldats ne l'adorassent, ayans telle confiance en luy, qu'ils alloient pour l'amour de luy à la guerre sans aucunes armes deffensives, & combatans avec la poitrine & l'estomac à découuert, ils criaient *Schiac*, *Schiac*, qui signifie en la langue Persienne DIEU, DIEU, comme l'appellans à tesmoin de leur bonne volonté. Or c'estoit au Sophy que ce nom de *Schiac*, estoit rapporté : car encore en cest iultres aujourd'huy on l'appelle *Schiac Ismaël*, & en sa monnoye il auoit fait grauer d'un costé ces mots, *La illahe illallah* *Muhammedun resul allahe*, c'est à dire, il n'y a point de Dieux qu'un seul DIEU, & Mahomet est messager de DIEU : & au reuers il y auoit ces mots, *Ismaïl halife hillah*, c'est à

Courfes des Tartares & prises de quelques villes sur les terres du Sophy.

Le Sophy contre le Roy de Seruan.

Prise de Sumachia par les Sophians.

Grand amour que les soldats du Sophy luy portent.

Superbe abominable d'Ismaël.

1509.
& luy.

Ses soldats
l'honorent
comme Dieu.

dire, Ismaël est Vicaire de DIEU : que si quelqu'un vouloit bien prier, il n'y soit point d'autres termes, dit Leonclavius, Schach accomplisse ton desir, & qu'il soit favorable à tes entreprises. Il changea aussi la forme des prières que Mahomet avoit instituées, & en fit d'autres toutes différentes : voila comment pour l'amour de luy les Perses prirent en hayne les autres sectateurs de Mahomet. De sorte que celui qui avoit commis tant de cruauté, & fait mourir sa propre mere, qui estoit heretique en la Loy, & avoit rempli son pays de flammes & de sang, fut neantmoins tenu par les siens comme un DIEU, & luy-mesme souffrit qu'on le nommast ainsi, tant l'esprit de l'homme se laisse aisément transporter par la presumption, & tant nous avons un grossier & lourd sentiment de la Divinité, de la rapporter à choses si basses & si imparfaites : voila doncques sommairement l'origine des Sophians, & comme ils sont parvenus à la grandeur de laquelle ils jouissent à present : il est vray que les Turcs leur en ont bien escorné, comme aussi bien souvent ils donnent beaucoup d'affaires aux Turcs, mais cecy se pourra voir plus amplement à la suite de l'Histoire.

XIX.

Enfans de
Bajazet.

POUR doncques revenir à Bajazet, durant ces remuemens des Casselbas, ou pour le moins peu de temps auparavant, ses affaires domestiques estoient bien en plus mauvais termes : Il avoit eu huit enfans mâles, à sçavoir Abdula, Alem, Tzihan, Achmet, Machmut, Corchut, Selim, & Mahomet, desquels il luy en restoit cinq ; le premier Achmet, qui tenoit sa Cour en Amasie, maintenant Tocat, anciennement Cappadoce : Corchut Zelebis, ainsi appellent-ils entr'eux les jeunes Princes Turcs, à la façon des Romains & des Grecs, qui appelloient les enfans de leurs Empereurs tres-nobles (car Zelebis veut dire la mesme chose) cettuy-cy gouvernoit la Prouince Aidin-Ily, que quelques-uns appellent Aldinel, faisant un nom de deux, car Aidin-Ily veut dire la contrée du Duc d'Aidin, autresfois la Carie. Cettuy-cy avoit sa principale residence en la ville de Manissa, anciennement Magnesie : le troisieme fils s'appelloit Tzihan Schach Zelebis, qui commandoit à Dongully, ville de la Carie, & qui est toutesfois comprise dans les appartenances de la Caramanie : le quatrieme, le Sultan Selim, qui gouvernoit la Prouince Tarabozane, ou Trapezunte, de quelques-uns Trebizunte, c'est l'ancienne Colchide, & Sultan Mahomet, qui commandoit à Cofe, ou Capha : or entre tous ceux-cy Tzihan & Mahomet se gouvernerent avec tant d'exactions & de tyrannie, que le pere touché d'une juste douleur pour les plaintes qu'on luy en faisoit, les fist estrangler, & donna au fils de Tzihan le gouvernement du pere, & à Sultan Solymen, fils de Sultan Selim celui de Mahomet : on dit que ce Mahomet estoit fort subtil, & cauteleux à merveilles, de sorte qu'il se déguisa souvent en mendiant, pour espier ce qui se faisoit en la Cour de son pere, & en celle de ses freres, auxquels il parla souventesfois, eux ne le connoissant point, & que Bajazet entrant à cause de cela en de grandes inquietudes, il envoya à un Secrétaire de Mahomet une lettre, du poison, & de grandes promesses de recompense pour faire mourir ce pauvre Prince. Ce Secrétaire qui n'estoit pas trop affectionné à son Maître, prenant occasion un jour de feste, qu'il se promenoit en ses iardins & qu'il demandoit à boire, il luy destrempa ce poison en son breuvage, dont il mourut en peu d'heures. Bajazet en ayant eu l'advis en poste, quoy qu'auteur de cette mort, ne peust toutesfois s'empescher de plorer : il commanda à tous ses Courtisans d'en porter le deuil, & qu'on fit des prières & aumosnes pour son ame, le faisant solennellement ensevelir à Burse, avec ses ancestres, & fit rigoureusement châtier le Secrétaire qui luy avoit donné le poison, à la façon des Princes, & singulierement des Othomans, qui ayment la trahison, & qui haïssent les traistres.

Schach se
prend quel-
quesfois pour
Souverain,
quelquesfois
pour Prince.

Il fait mourir
deux de ses
fils.

Subtilité de
Mahomet
fils de Baza-
zet.

Mahomet
empoisonné
par son Se-
cretaire.

Punition de
ce Secrétaire.

Bajazet veut
faire tomber
l'Empire en-
tre les mains
de son fils
Achmet.

MAIS Bajazet sentant ses forces luy deffaillir, & que son long aage le rendoit d'oresnavant inhabile au gouvernement d'un si grand Estat, comme il affectionnoit plus son fils aîné Achmet que pas un des autres, il desiroit aussi de l'esleuer à l'Empire, & d'y donner de bonne heure un tel ordre que son dessein peust réussir : pour ce faire il se delibera de gagner le cœur des Janissaires à force de presens, afin de les disposer à recevoir Achmet pour leur Empereur, mais nonobstant tous les artifices, il ne leur sceut jamais faire changer l'inclination qu'ils avoient à Selim, car il trouvoient Achmet trop gros & trop gras, & par conséquent mal propre au gouvernement de grandes affaires, mais ils esperoient tous que Selim releveroit fort la majesté de cette Monarchie : de sorte qu'ils chantoient publiquement ses loüanges, & luy souhaitoient tout bon-heur & félicité. Il n'y avoit que le seul Bajazet qui voulut du bien à Achmet, si bien que par la permission du pere il jouissoit de la Natolie transmarine avec pleine puissance & autorité Royale, gouvernant les Pro-

vinces

uinces, & en tirant le reueu, le pere ne l'en empeschant point.

COMME doncques Bajazet se fust long-temps efforcé de conuertir les courages des Janissaires, il se resolut de faire vn effort, & de les attirer à luy par quelque insigne liberalité, de sorte qu'il leur fist offrir iusqu'à mille aspres chacun, pourueu qu'ils voulussent receuoir Achmet dans la ville & le reconnoistre pour Empereur, mais ils persisterent opiniastrement en leur opinion, & respondirent resolutement qu'ils ne flechiroient iamais sous l'Empire d'Achmet.

1510.
& suiu.

Et tâche de
gagner les
Janissaires
pour ce sujet.

XX.

CES choses se traictans ainsi à Constantinople, cela ne se pût faire si secrettement que Selim n'en fust fort particulièrement aduertý, lequel connoissant l'intention de son pere n'estre point portée à son auancement, luy qui estoit d'un haut courage, & qui estoit d'ailleurs assuré d'auoir pour luy tous les gens de guerre, pensa de ne perdre aucune occasion, & de se seruir des places qu'il tenoit, & de son gouuernement, pour fortifier d'auantage son party : mais craignant encores de n'estre pas assez puissant par soy-mesme pour se reuolter contre son pere, il fit alliance avecques Mahomet Can Tartare, que Hannialdan appelle Murteza, non pas qu'il ait espousé luy-mesme la fille de ce Prince Tartare, ou de Precop, car c'est de ceux-là que i'entends parler, mais il la fiança à son fils Sultan Solymán, auquel Bajazet auoit baillé le gouuernement de Cofen, comme nous auons dit, & par le moyen de cette alliance, il tira vn grand secours que luy donna le Tartare, auquel commandoit son fils, que les Historiens appellent Chanoglan, comme si on disoit, fils de Chan : c'estoit ce Murteza qui auoit enuoyé des Ambassadeurs en Pologne, en l'assemblée qui se tenoit pour l'eslection d'un Roy, en la place d'Estienne nouuellement decedé, lesquels auoient charge de proposer principalement trois choses aux Estats. La premiere, de représenter sa grande puissance, & combien il pouuoit nourrir de milliers de cheuaux en ses terres pour la deffense de la Pologne. La seconde, de leur donner vn Roy fort sobre, lequel méprisant les festins & somptueux banquets, pour s'acquérir vne perpetuelle renommée, s'amusast seulement à entretenir de beaux & bons harats. Et quant à ce qui touchoit la Religion, *Je veux*, dit-il, *que ton Pontife, soit mon Pontife, & ton Luther, mon Luther.* Laquelle Ambassade fut receüe avecques grande risée, mais cela aduint quelque temps apres l'entreprise de Selim, lequel fortifié de ce secours se hesta de passer la mer noire à Capha, choisissant ce passage tant pour auoir cette place à sa deuotion, que de crainte de trouuer de l'obstacle, s'il fust allé par l'Asie mineur, ayant en teste ses freres Achmet & Corchut. Estant doncques arriué à Capha, la premiere chose qu'il fit ce fut de se saisir de tout le domaine, tributs, & impositions qui pouuoient estre deubs à Bajazet, s'en emparant entierement, sans permettre qu'il en fust porté vn seul denier à son pere.

Selim se fortifie contre son pere.

Son alliance avec le Tartare.

Ambassade ridicule de Murteza Seigneur de Precop en Pologne.

Selim passe la mer à Capha & pourquoy.

Son fils en estant Gouuerneur.

LEQUEL cependant auoit tousiours dans la fantaisie de laisser son Empire à Achmet, mais son esprit estant d'oresnauant aussi pesant que son corps, il ne scauoit par quel fil il deuoit commencer à deuider cette fusée. Quant cette reuolte des Casselbas suruint, laquelle fut cause de remettre encores cette affaire sur le tapis, car il pensa qu'il pourroit faire d'une seule pierre deux coups. Il auoit donné, comme vous auez entendu quatre mille Janissaires à Achmet, pour aller contre Scach Culy, avecques plusieurs compagnies de Spahilars ou gens de cheual, aduertissant cependant en secret Haly de faire en sorte que ce qu'il auoit tant desiré peust reüssir, à scauoir de resigner l'Empire à Achmet. Qu'il luy mandast doncques secrettement qu'il eust à assembler le plus de forces qu'il pourroit, comme pour ayder à chasser & poursuivre les rebelles, & cependant qu'il ioignist ses forces aux siennes, & ne fissent qu'un mesme camp : *A la mienne volonté*, luy respondit-il, *que ie puisse rendre en cela du seruice selon mon desir, & que nous puissions tirer tous quelque fruit de son intention.*

Bajazet se veut seruir de la reuolte des Casselbas, pour establir son fils Achmet à l'Empire. Son instruction a Haly sur ce sujet.

BAIAZET ne se contenta pas d'en auoir ainsi traicté particulièrement avec Haly, mais il escriuit les mesmes choses à son fils, enuoyant les lettres en poste, afin qu'il tint ses forces toutes prestes pour venir à temps donner secours à Haly contre les seditieux, la fin de tout ce secret estoit de le faire reconnoistre Empereur par cette armée : pour à quoy paruenir, aussi-tost que Haly sceut son arriuée, il s'en alla au deuant de luy, sous pretexte de ioindre leurs forces ensemble, mais principalement pour executer ce qui auoit esté designé, où Haly se conduisit fort fidelement, & avecques beaucoup de peine & d'industrie. C'est la coustume entre les Seigneurs Othomans, de camper tousiours au milieu de leur armée, mais à eux seuls est reserué ce priuilege, à cause de la puissance & majesté que represente ce lieu là. Or Haly pensa que s'il pouuoit gagner cela sur ses sol-

En escrit à son fils Achmet.

Coustume des Seigneurs Othomans de se loger au milieu de leur armée.

1511.

Les Janissaires
refusent
de loger Ach-
met au milieu
d'eux.

Tascheré
d'Achmet
cause par
après de la
ruine.

Selim passe
en Europe à
dessein de
s'emparer de
l'Empire.

XXI.

Bajazet en-
uoye deuers
Selim pour le
faire retourner.

Response de
Selim.

1511. dats, d'y faire mettre Achmet, que ce seroit vn secret consentement de l'aduouër pour leur Empereur, mais voyant qu'il s'en faisoit desia quelque rumeur au camp, il assembla les Janissaires, auxquels il dit: Sultan Achmet est nostre Roy & nostre Empereur, parquoy vous ferez fort bien (mes compagnons) si selon la coustume de nos majeurs, vous le receuez au milieu de vos armées. A quoy les Janissaires respondirent, que pour son regard de luy (parlant de Haly) qu'ils scauoient bien qu'il leur auoit esté baillé pour Chef par Bajazet en cette expedition, & comme tel, qu'ils vouloient luy rendre obeissance, mais que tant que Bajazet seroit en vie, qu'ils ne reconnoistroient iamais personne pour Souuerain: Qu'il jouyst doncques maintenant du lieu & de l'autorité que le Seigneur luy auoit mise en main, sans la liurer à vn autre, que quant à eux ils n'estoient point de liberez de recevoir aucun au milieu d'eux, & qu'il s'assurast qu'en cette chose les Janissaires ne luy obeïroient iamais. Ayant dit cecy, ils refuserent entierement de recevoir Achmet, comme ils en auoient esté requis: de sorte qu'il fut contraint de separer ses troupes & se camper à part: chose estrange que l'opinion, quand elle a pris racine dans la teste d'une commune, car il n'est pas possible de les mettre en goust d'une chose qu'ils auront premierement méprisée: il est vray que selon qu'y procedoit Achmet, il monstroït bien n'auoir ny cœur ny courage, d'auoir le consentement de son pere, les forces à la main, & le Chef de l'armée à sa deuotion, & ceux-cy n'estre que quatre mille hommes, & avecques toutes ces choses estre l'ainé des enfans. Il y a de l'apparence que s'il eust luy-mesme traité avecques eux, & se fust fait valoir en cette armée, qu'il leur eust pû gagner le cœur, & puis quand il eust voulu faire le mauuais, que luy en eust-il pû arriuer, estant comme il estoit le plus fort, & ayant la souueraineté en main par la cession que luy en faisoit son pere, duquel le souuerain contentement estoit de le voir regner, & qui plus est, il eust tousiours pris ses freres au despourueu, qui pour lors n'auoient pas encores des forces bastantes pour luy resister; mais au contraire, il se tenoit coy, comme s'il eust esté en tutelle, sans oser remuer luy qui estoit tout assuré que s'il aduenoit faute de son pere, celuy de ses freres qui demeureroit le maistre, ne se montreroit pas si paisible en son endroit, ains tascheroit de s'assurer de l'Empire par sa mort. On dit que la cause de cette grande haine des Janissaires enuers Achmet, vint de ce qu'après que son pere l'eut designé pour son successeur, les Janissaires l'enuoyerent supplier d'augmenter leur paye, & qu'ils seroient de son costé & le favoriseroient en toutes choses, & que luy respondit arrogamment qu'il ne vouloit point achepter vn Empire qui luy estoit desia donné, duquel il pouuoit jouir mal-gré qu'ils en eussent, ce qui anima tellement les Janissaires contre luy, que dès l'heure ils se tournerent du party de Selim, & encores que Bajazet leur promist au nom de son fils cinquante mille sultanins: toutesfois on ne leur pût iamais changer leur mauuaise volonté.

CEPENDANT Selim estoit à Capha, comme nous auons dit cy-dessus, lequel ayant entendu comme son pere auoit enuoyé Haly Bassa avecques quatre mille Janissaires pour se ioindre à son frere Achmet, cela le fit resoudre à partir de la maison pour venir trouuer son pere, & passant en Europe du costé de la Romelie, il vint à Kily ou Chehe, ville assise sur les extremités de la Moldauie, vers le Pont-Euxin, des anciens tenuë pour Achillee, & s'approcha d'Acgiramén, ville sur les confins de la Russie & Moldauie, appelée des Allemans Nestoralbe, des nostres Belgrade, & des Valaques Moncastre: ie dis tout cecy pour faire voir que ce n'est pas cette Belgrade de Hongrie, qui est maintenant, & qui n'estoit pas alors sous la domination du Turc.

BIAZET doncques aduertie de l'arriuee de son fils, & iugeant bien que ce n'estoit pour rien de bon, il enuoya au deuant de luy *Sary Greslem*. Cadis ou Preteur de Constantinople, & Sermen ou Seguanem Bassa, c'est à dire celuy qui a la superintendance sur les jumens de charge (dont les Turcs s'aydent en leurs armées) & sur tous ceux qui conduisent cet attirail, ceux-cy luy dirent qu'ils estoient venus de la part de son pere pour luy dire qu'il eust à s'en retourner en son Sangiacat, de crainte que ses freres à son imitation ne laissassent ainsi leurs Prouinces, & que cela ne fust cause de quelques remuemens en l'Empire des Musulmans, desia assez trauersé d'ailleurs par les seditieux. A cela Selim se seruant de la pieté pour couvrir son ambition, dit que c'estoit vn diuin precepte que chacun le trois ou quatriesme an, deuoit aller visiter les siens (cela s'entend selon la loy de Mahomet) & que meü de ce commandement, il vouloit aller voir son pere, tandis qu'il estoit encore en vie, & puis qu'il s'en retourneroit en son gouvernement. A cela ces Ambassadeurs firent plusieurs reparties, & tascherent de le gagner par belles paroles, mais tout cela

ne

ne luy peut faire changer sa deliberation, si bien qu'ils s'en retournerent à Bajazet, lequel les renuoya sur le champ pour luy offrir le gouuernement de *Semendrie*, ville de la Seruie, assise sur le Danube, proche de Belgrade, que Chalcondyle appelle *Sponderouie*, & ceux du pays *Sendrevu*, par vne corruption de langage, comme s'ils vouloient dire saint André, du nom duquel cette ville auoit esté nommée. Or Bajazet auoit intention de le faire reculer en arriere par ce present, car Selim auoit fait courir le bruit par artifice, qu'apres qu'il seroit venu rendre l'honneur à son pere, qu'ils appellent baiser la main, il conuertiroit incontinent ses armes contre les Chrestiens, ce qui estoit fort plausible aux Ianissaires & autres soldats de la Porte, pour le desir qu'ils auoient d'accroistre l'Empire: voila pourquoy le pere auoit tout à propos choisi ce Sangiacat, comme s'il luy eust dit, puis que tu as si grande enuie de combattre contre les Chrestiens, voicy *Semandrie* qui est voisine des Hongres que ie t'offre, fais y ta demeure, il se presentera assez d'occasions pour l'execution de ton desir. Haniualdan adjoûte encores à *Semandrie* *Nicopolis* & *Alatzechisare*, tous beaux gouuernemens & fort riches, & que son pere luy enuoya les patentes toutes expedices (qu'ils appellent le *Birai*) afin que ses sujets luy rendissent toute obeissance. Je trouue vne lettre de Bajazet à Selim, qui contient à peu pres cecy en substance.

1511.

Seconde Ambassade vers luy.

Offres de Bajazet à son fils, pour le faire reuer.

E m'estonne de scauoir que tu sois en Europe, la guerre de Zechel & des Perses n'estant point encore appaisée, & que de ton propre mouuement tu uerries entreprendre la guerre contre les Hongres, nation si belliqueuse & si difficile à domter: tu se deuois représenter ton ayeul Mahomet, de qui le bon-heur & les armes ont fait trembler toute la terre, & lequel toutesfoi s'en est retiré sans aduantage: il se pouuoit presenter vne occasion plus commode, & avec vn plus meur conseil s'embarasser en cette entreprise, toutesfoi afin que le tout se puisse reussir heureusement, & que l'honneur de la victoire soit de ton costé, nous t'en-uoyons argent, armes, vestemens, & autres munitions necessaires pour ton camp, afin que de quelque costé que les affaires se puissent tourner, cela serue tousiours à ton armée, mes Ambassadeurs se feront plus particulierement entendre ma volonté.

Lettres de Bajazet à Selim, & de Selim à Bajazet.

On dit que Selim respondit ainsi à cette lettre.

E ne voy point que vous ayez si grand sujet de vous esmerueller de mon passage d'Asie en Europe, veu que vous scauez les entreprises & mauvais offices de mon frere Achmet contre moy, joint que ie ne puis pas passer toute ma ieunesse dans vn sterile gouuernement que celuy d'Hiberie, ny parmy les rochers & montagnes de Colchos. Quant à ce que vous craignez mon entreprise contre les Hongres, les difficultez que vous me representez, sont maintenant changées en des occasions tres-propres pour dilater vostre Empire, & m'acquiescer de l'honneur, la valeur des Hongres s'estant amortie par la mort de leur Chef, & le changement de Prince m'y promettant tant bon-heur, la valeur & l'experience de Ladislas estant bien differente de celle de Matthias: loint que les euenemens de la guerre ne sont iamais semblables, & que le secours de DIEU & des hommes ne manque iamais à celuy qui a vn grand courage: c'est ce qui m'a fait resoudre de donner vn nouueau lustre à ma dignité, que vous auez comme esteinte, par la trop grande puissance que vous donnez à mes freres, & d'agrandir vostre Empire, ou par vne mort honorable faire viure ma memoire dans l'eternité, afin que si ie suis le dernier de la maison des Othomans, ie ne le sois pas en gloire & en vertu. Quant aux presens tres-grands que vous m'enuoyez, ie vous en rends mille actions de graces, avecques toute l'humilité qu'il m'est possible.

Et sur ce qu'il auoit mis en auant que ce qui l'amenoit à Constantinople, n'estoit que pour le desir de voir son pere, on trouue encore vne autre lettre, comme si acquiesçant à la volonté du pere il eust voulu s'en retourner à Trapezunte, où il dit.

E retrouvant fort éloigné de vostre Hauteſſe, & incité par la bonté de mon naturel, de pouuoir estre encores vne fois embrasé de vous, ie n'ay pu me retirer à Trapezunte, sans jouyr encores de ce bon-heur, de crainte que vostre grand aage m'oste pour iamais la commodité de ce contentement, cela me semble aussi appartenir au repos de toute l'Asie, & à la pacification des differens que j'ay avec mon frere Achmet: car n'osant commettre à la fidelité de mes seruiteurs ce que ie vous pourray dire de bouche, j'ay infiniment desiré

XXII.

cette conference, & d'auoir l'honneur de vous baiser la main, afin que l'autorité paternelle, soit le commun arbitre de nos differens. C'est de quoy ie la supplie en toute humilité, & que vostre Majesté ne refuse point la grace à son fils, qu'elle fait ordinairement au moindre de ses amis. Du camp deuant Andrinople.

BIAZET toutesfois qui sçauoit où tendoit tout eët artifice, luy rescriuit presque en ces termes.



Ne puis assez reprendre ton audace d'auoir amené des forces en vn autre gouuernement que le tien : de ce que tu demandes de conferer avecques ton pere les armes en la main, & de ce que tu abuses avecques tant d'insolence de nostre patience & bonté : celuy-là ne doit pas esperer de paix, qui enuironné d'une puissante armée fait la guerre sans le consentement de son pere & de son Empereur, remplissant les Prouinces des tres-fideles soldats des Othomans. Partant sçaches que tu feras tres-bien si tu quittes la Thrace & l'Europe, & que tu t'en retournes avecques ton exercite en ton gouuernement du Pont, que si tu le fais ainsi, tu esprouueras ma bien-veillance & ma liberalité, mais si tu persistes en ce que tu as commencé, sois assuré que ie ne te recourray point pour fils, mais que ie te poursuiray comme ennemy, & que rien ne me manquera pour prendre la vengeance que ie feray de ta perfidie.

Selim pour-
suis son en-
treprise.

Prend toutes
sortes de sol-
dats en son
armée.

Tranche en
toutes choses
sa Souuerain.

Inuention de
Selim pour
sçauoir des
nouuelles.

XXII.

Selim se re-
sout de faire
la guerre à
son pere.

AYANT donné tel ordre à ses affaires, ce meschant & desnaturez fils se resolut de faire la guerre à son pere, & le despoüiller de son Empire, afin que s'estant deffait de Bajazet son pere, il peust apres auoir meilleure raison de son frere Achmet, quand il n'auroit plus ce bon pere, qui s'estoit tant efforcé de le faire paruenir à l'Empire : & afin que ses soldats fussent plus propres à bien combattre, & qu'ils surpassassent mesme en quelque façon ceux de son pere, il commanda qu'on eust à faire prouision de toutes sortes d'armes, & principalement de piques & jauelines ferrées, qu'il faisoit porter en quantité dans des chariots, afin que sans aucun travail les soldats les trouuassent sur le lieu où il esperoit les armer & liurer le combat, duquel il s'attendoit remporter l'honneur.

Bajazet s'e-
stonne aux
nouuelles de
la reuoluzion
de son fils.

CEPENDANT que cettuy-cy faisoit ainsi ses apprells, tâchant par sa vigilance de surprendre son pere, on rapporta à Bajazet les melchans desseins de son fils recouverts d'une apparence d'humanité & de courtoisie; lequel s'estonna fort au premier recit de ces nouuelles: le miserable vieillard tout languissant, & les forces de son corps desia toutes yfées, auoit l'esprit merueilleusement agité de soins & de sollicitudes; car comme il

auoit

auoit fort peu de forces autour de soy, & bien éloignées de celles de Selim, encores craignoit-il que son fils ne les luy volast par ses artifices, & les attirast de son party: car les Janissaires, & les autres gens de guerre qu'il auoit donnez à Haly, n'estoient pas encore de retour, ausquels il sçauoit bien que consistoit sa principale force. Se voyant doncques accablé d'affaires, & n'auoir point de remede en main pour y remedier, il vid bien qu'il n'estoit pas à propos d'attendre Selim à Andrinople; mais tout malade qu'il estoit, & fort tourmenté de la goutte aux pieds, il commanda qu'on le mist en vn carrosse; & prenant avec soy toute sa Cour, & le peu de gens que le temps luy peust offrir, il prit la route de Constantinople, où il vouloit arriuer premier que son fils, pour rompre par sa presence les pernecieux desseins d'iceluy: lequel ayant entendu la fuite de son pere, il le poursuivit avecques son armée en la plus grande diligence qu'il luy fut possible, & n'aduança pas beaucoup qu'il ne rencontrast les espies, & les descouureurs de l'armée de son pere qu'on auoit laissez derriere, pour donner aduis, ausquels Selim commanda qu'on courust sus, & qu'on les taillast en pieces.

ISTIT.

Ses apprehensions.

Se resolut de se retirer à Constantinople.

Selim & les siens taillent en pieces les espies de Bajazet.

Bajazet estoit lors arriué en vne ville de Thrace appelée Vizen, quand on luy rapporta ces nouuelles, par lesquelles apprenant que son fils auoit leué le masque, & s'estoit déclaré tout ouuertement contre luy, se voyant le plus foible en toutes choses, il ne sceut faire autre chose que d'implorer l'assistance Diuine, contre la meschanceté execrable de son fils, à la maniere de l'homme; qui commence tousiours à rechercher ce souuerain remede, lors qu'il n'en peut plus esperer d'ailleurs, au lieu de commencer ses entreprises par l'inuocation de son saint nom, & remettre tout son bon-heur en l'appuy de son secours: & cependant fit trousser bagage pour gagner Constantinople, costoyant tousiours la Propontide: mais Selim qui sçauoit de quelle importance luy estoit cette arriuée, tant pour se rendre le maistre des tresors garde au chateau de Iedacula, ou des sept tours à Constantinople, que pour s'emparer de l'Empire, fit telle diligence, qu'il le vint rencontrer au milieu du chemin, ne donnant pas mesme le loisir à l'armée paternelle de camper, si bien qu'ils se trouuerent au milieu d'une plaine, proche d'une certaine mestairie qu'ils appellent Sirtkiuy, voisine de la ville de Tzorlen, que les anciens appelloient Tzurule & Busbeq Chiurly, distante de Selibrée environ six heures de chemin. Là chacun ayant rangé ses gens en bataille, on vint incontinent aux mains, où le soldat du pere animé par cette insigne meschanceté du fils, commença vn cruel & furieux combat, Bajazet n'ayant que faire de les animer, puisque d'eux-mesmes ils se portoit à ce qui estoit de leur deuoir.

Bajazet implore l'assistance d'en-haut, se voyant despourueu de moyens humains.

Chacun range les gens en bataille.

Voyant doncques le Sultan, qu'il estoit contraint à combattre, il fit arrester son charriot, & deployer l'Enseigne qu'ils appellent de leur Prophete Mahomet: le Soleil auoit desia paracheué la moitié de sa course qu'ils estoient au plus fort du combat, se montrans chacun des deux parts si fort acharnez les vns contre les autres, qu'à peine pourroit-on trouuer dans toutes les Histoires de l'antiquité, vne bataille où on ait combattu avecques plus d'opiniastreté & d'animosité, le courage croissant d'heure à autre aux soldats de Bajazet, forcez par aduantage par la iustice de la cause de leur Empereur, & assiltez comme ils estoient, par vne secrette faueur Diuine, qui les assleuroit & excitait les courages, pour vanger le mépris de la puissance & autorité paternelle, leur voulans faire voir que la multitude n'auoit point de pouuoir contre la iustice, ny les fauteurs des seditieux parricides contre la valeur des bons & obeissans soldats: au contraire des autres, de qui la mauuaise cause & l'inhumaine impiété bourreloit de sorte la conscience, qu'enfin apres auoir longuement plustost desfendu qu'assailly, ils prirent finalement l'espouuente, & commencerent à se rompre & à fuir à vau-de-route, la meilleure partie d'entr'eux tuée, au plus fort mesme du combat, vne autre prise prisonniere, ausquels on fit vne fort mauuaise guerre: delireux qu'on estoit de vanger par vne maniere inusitée, vn crime extraordinaire de leze Majesté: si qu'ils furent avecques toutes sortes d'ignominie massacrez & mis en pieces: Quant à Selim, il gagna le haut, laissant arriere ses tresors & tout autre empeschement, & le plus viste qu'il peust, avecques fort peu de gens, pour couurir plus facilement sa fuite, & eüiter de tomber entre les mains de son pere, comme de fait la peur luy donna de si bonnes ailes, qu'il arriua au village Mydie, au bord de la mer noire, où il trouua vn vaisseau sur lequel il passa heureusement le trajet de la mer noire, & retourna à Capha, mais sur tout il fut sauué par le moyen de son cheual qu'il appelloit Carabul, comme s'il eust dit noire-nuë, lequel en recompense d'un si bon seruice, il ne voulut pas que personne le cheuauchast, ne luy donnant point d'autre harnois qu'une seule couuerture d'or tissu,

Bataille du fils contre le pere.

Opiniastrement combatoë.

La victoire demeure à Bajazet.

Selim se sauua par le moyen de son cheual, qu'il fit apres honnorablement enterrer.

1511.

& le fit mener iusques en Perse, & tost apres en Egypte, & en fin quand ce cheual fut mort, il luy fit bastir vn sepulchre pres de Memphis, dit Paul Ioue, à l'exemple d'Alexandre le grand. Et son pere Bajazet à Constantinople, apres vne si signalée victoire, mais deplorable toutesfois, & contre les loix de nature. Ce mal-heureux combat d'entre le pere & le fils estant arriué en l'an de grace mil cinq cens vinze, & de l'Egire, ou des ans de Mahomet 917.

Histoire du
Bassa Herze-
coglis.

Passion des-
naturee d'un
pere enuers
sa belle-fille.

Achmet grãd
amy les Chre-
tiens.

Lascaris a
charge du
Pape Leon X.
de rechercher
par la Grece
tous les bons
Liures.

XXIII.

Bajazet re-
tient les plus
grands apres
de luy, &
pourquoy.

Il les gagne
par presens, &
leur fait pre-
ster le serment.

Assemblée de
Bajazet pour
consulter des
moyens d'e-
stablir Ach-
met, mal-gré
les Ianißaires.

Ce fut en cette bataille que Paul Ioue dit que le Bassa Herzecoglis fit le plus paroistre sa fidelité, estant seul en tous les Bassas, qui de cœur & d'affection rendist vn fidele seruice à son Maistre & beau-pere, car il auoit espousé la fille de Bajazet, & esleué en toute grandeur & richesse, contre son esperance: car comme il fut fils de Chersech Seigneur de Monteuro en Sclauonie, ayant fiancé la fille du Despote de Seruie, belle entre les plus belles de son temps, le iour de ses nopces le pere l'ayant regardé d'un œil plus lascif, que la modestie & la continence paternelle ne requeroit, en deuint esperduement amoureux, si que sa passion surmontant tout respect & toute honte, le rendist tellement esclau de sa volonté, que mal-gré toutes les contradictions des parens, il ne laissa pas de la prendre pour luy-mesme, & de l'arracher quasi d'entre les bras du ieune homme, lequel touché iusques au vif, par vne si notable iniure, & l'amour luy ostant tout iugement & toute consideration, il s'en alla rendre aux plus prochaines garnisons des Turcs, & de là à Constantinople, où Bajazet luy fit fort bon visage, avec promesse de l'aduanecer. L'ambition l'ayant depuis porté à des desirs de plus grandes choses, il renonça à sa Religion, de Stephan qu'on l'appelloit, il se fit nommer Achomat, & paruint à la dignité de Bassa, & à estre gendre de Bajazet: toutesfois il auoit tousiours de l'affection vers nostre Religion, ayant grand desir d'y retourner, de sorte qu'il adoroit de nuit sans tesmoins, vne Image de nostre Sauueur IESVS-CHRIST, enclose en la plus secrette partie de sa chambre, laquelle il monstra à Iean Lascaris, comme à son bon amy, & depuis à la prié de Modon, il sauua les Gentilshommes Venitiens du massacre qui s'y fit à force de prieres vers Bajazet; il deliura aussi André Gritty, qui auoit esté mis prisonnier à Constantinople, comme il a esté dit cy-deuant, & qui estoit destiné à finir ses iours par quelque supplice, celui qui fut depuis le moyennneur de la paix entre les Venitiens & les Turcs, & quelque temps apres esleué à Venise à la dignité de Duc: il rachepa aussi plusieurs Chrestiens esclaués des Turcs, tant par son autorité que par son argent, & obtint des lettres patentes de Bajazet en faueur de Lascaris, personnage tres-docte entre les Grecs, à ce qu'il luy fust permis de visiter toutes les Bibliothèques qui se trouuoient encores en la Grece, suiuant le commandement qu'il en auoit receu du Pape Leon dixiesme, de faire vne recherche de tous les Liures anciens: c'est ce que Paul Ioue dit de ce grand personnage.

OR l'Hyuer suiuant, tous ceux qui auoient charge en la Romelie d'Europe, Sangiaes, Subassi, Cadis & autres des plus apparens de la Prouince, se trouuerent à Constantinople, où Bajazet les retenoit, & ne leur vouloit point permettre de retourner en leurs charges, car la rebellion de Selim luy ayant augmenté l'affection qu'il portoit desia auparauant à son fils qui s'estoit monstré tousiours fort obeissant en toutes choses: il le vouloit establir de son viuant, & luy mettre son Empire entre les mains, en quoy tous les Bassas, Beglierbeys, Subassi & autres se monstrent disposés à luy obeir, les ayant premierement gagez par presens, & leur ayant donné à tous des robes d'honneur, leur fit à tous prester le serment qu'il auoit fait rediger par escrit, qui contenoit en substance, qu'ils juroient de rendre toute obeissance & fidelité à Bajazet, & d'employer toute leur puissance & industrie pour faire tomber l'Empire entre les mains d'Achmet son fils aisné: ils adjousterent encore qu'ils respandroient leur sang & leur vie pour cette querelle, & que tant qu'ils seroient viuans sur terre, ils ne manqueroient iamais à cette promesse. Bajazet se voyant asseuré par ces promesses, d'auoir tous les plus grands de l'Empire de son party, il songeoit aux moyens qu'il pourroit tenir pour se concilier la bien-veillance de ses Ianißaires, voyant que par dons, ny par prieres, ny par recompenses, il ne les auoit iamais pû faire changer de resolution: afin doncques de surmonter cét empeschement, & rompre cette barriere qu'il voyoit s'opposer directement à ses desirs, il assembla vn iour tous ceux-cy qui luy auoient desia presté le serment de fidelité, afin qu'ils aduisassent entr'eux comment il pourroit gagner les Ianißaires, & les faire flechir à ses intentions, ou bien trouuer quelque inuention comment il pourroit mal-gré eux faire venir son fils Achmet, & luy mettre la souveraine puissance entre les mains, à cela tous les Bassas & ceux du conseil ne sceurent que respondre pour la tristesse & affliction d'esprit en laquelle ils estoient, de voir vne si grande desobeis-

sance,

sance, & vne mal-veillance si opiniastre, contre vn Prince qui ne leur auoit iamais fait de desplaisir: le seul Chasan Bassa Beglierbey de Romely, qui auoit plus d'ardeur & de courage que les autres, commença de les animer en cette sorte.

IE m'esmerueille certainement, dit-il, de cét estonnement vostre, & de cette frayeur & bassesse dont ie voy vos esprits ainsi saisis: Qui sont ie vous prie les Ianissaires que nous en deuions auoir tant de soin? n'auons nous pas nous autres tout le commandement par deuers nous? pourquoy faut-il mesler en nos conseils la Republique des Ianissaires? peuuent-ils auoir quelque pouuoir en l'Empire, sinon en tant que nous voulions negliger celui de nostre dignité? A ces mots le Casiascher, c'est à dire celui qui iuge souuerainement aux armées, à peu pres comme nous disons vn grand Preuost, se leuant dist, Tu as fort bien parlé Chasan, & suis en toutes choses de ton aduis: comme aussi le Nischanzis Bassa, celui à sçauoir qui a la charge du seau, lequel au nom d'Achmet auoit fait toutes les distributions. Alors tous les autres animez par l'assurance de ceux-cy, resolurent d'enuoyer des hommes valeureux & vigilans qui amenassent par force Achmet à Constantinople, afin que mal-gré mesmes les Ianissaires, ils le peussent esleuer à la dignité d'Empereur. Or encore que ces choses eussent esté traitées en conseil secret, toutesfois vn certain traistre, duquel on n'a point sceu le nom, fit sçauoir cette resolution aux Ianissaires, à sçauoir que bon-gré mal-gré qu'ils en eussent, Achmet deuoit succeder à son pere, & que par l'aduis de Chasan Bassa, du Casiascher, & de l'unanime consentement de tous les grands de la Porte, on deuoit enuoyer querir Achmet & le faire venir à Constantinople, pour l'establis sur le Tacht (qu'ils appellent) au trosne & siege Royal; (ce qui ne se doit pas entendre toutesfois à la maniere des autres nations, veu que les Turcs n'ont point accoustumé de se seoir dans des chaires: mais quand leurs Empereurs veulent paroistre en public, & faire quelques actiōs de majesté Royale, ils sont assis en vn lieu fort esleué, & c'est d'iceluy d'où ils donnent l'audience, par le moyen de plusieurs tapis & coussins) que le pere se deuoit demettre de sa dignité, & la resigner entre les mains de son fils, luy donnant vne libre & absolue puissance sur toutes choses: & de fait Achmet vint incontinent apres iusques à Iscudar ou Scutary voisin de Constantinople, assis au de là du Bosphore, autrement Chrysopolis, & non pas Chalcedon, comme Minaden est d'opinion, car elle est distante à dix milles de Constantinople, à l'emboucheure du sein Nicomedique. Achmet vint donc en vn village appelé Mulcepen, c'est à dire la montagne des richesses, le pere communiquant de là de toutes choses avec son fils, mais cecy ne fut qu'un moyen pour plus facilement establis Selim.

LES Ianissaires aduertis de ce conseil, coururent toute la nuit aux armes, & firent vn fort grand tumulte par toute la ville, ne plus ne moins qu'une mer agitée, dont les vagues qui s'entreheurtent, font vn bruissement confus, sans qu'on puisse proprement discerner ce que c'est: ainsi cette insolente multitude ayant rompu les refens de la crainte & du respect, couroit deçà delà s'excitant les vns les autres, & s'animant à la sedition par leurs hurlemens & leur *Bré, Bré*, mot dont ils vsent tousiours quand il sont en fureur. S'excitant doncques ainsi les vns les autres, ils vindrent de grande furie se ietter sur la maison de Chasan Bassa, qu'ils inuestirent & forcèrent avecques telle violence & promptitude, que ce fut tout ce qu'il peust faire que de se sauuer de leurs mains: entrez qu'ils y furent ils pillerent tout ce qui s'y trouua, or, argent, pierreries, riches meubles, & tout ce qu'il y pouuoit auoir dans vne maison riche & opulente, d'un des plus grands & des plus auancez d'un si grand Empire: de là ils allerent à la maison du Casiascher, où poussez de mesme rage, ils rompirent les portes, pillerent & rauagerent tout ce qui s'y trouua, continuant toute cette nuit d'aller ainsi pillans & saccageans tout par les maisons des autres Bassas & plus apparens personages, excepté celle d'Achmet Herzecogly Bassa, à laquelle ny à tous ceux qui estoient dedans, ils ne firent aucun dommage. Le lendemain du grand matin, & comme le iour commença à paroistre, tous d'un commun consentement ils accoururent aux portes du Serrail de leur Souuerain, & se lancerent contre avecques grande violence, comme s'ils les eussent voulu enfoncer, & avecques des voix confuses & entremeslées de menaces, ils commanderent qu'on eust à leur ouuir: car leurs esprits effrenez leur faisoient vser de toute chose par commandement, ayans reietté en arriere toute crainte & toute honte, n'estans plus retenus par le respect de leur Seigneur, comme il arriue ordinairement aux seditions populaires de cette sorte de gens de guerre. Cependant ceux qui estoient avecques Bajazet, n'estoient pas moins estonnez de leur rumeur que de leurs menaces, & pleins de crainte & de terreur, se rendoient les plus tardifs qu'il leur estoit possible à l'ouuerture des portes. Mais cette troupe de Ianissaires ne reculoit pas seulement

i f i t.

Harangue du Beglierbey de Romely en cette assemblée.

Le Casiascher de son aduis.

Ils eurent tous beaucoup de courage en ce conseil, mais il ne leur dura gueres.

Resolution de ce conseil.

Que c'est que le Tacht en Turquie.

Achmet approche de Constantinople, son pere communique avec luy de son conseil.

XXIV.

Sedition des Ianissaires.

Leurs insolences aux maisons des Bassas.

Vienneur du Serrail de leur Seigneur, & s'en font par force ouuerture la porte.

1512.

d'un pas, & ne donnoit aucun relasche, mais sans cesse ils heurtoient à ces portes, & pressoient qu'on eust à leur ouvrir : de sorte que le Sultan Bajazet voyant qu'il n'y avoit aucun remède pour reprimer leur furie & addoucir leur colere, auparavant que la fureur les eust poussez à entreprendre quelque chose de pis, il commanda qu'on leur ouvrist les portes, lesquelles si tost qu'elles furent debarrées, ils se ietterent incontinent en foule & confusion dans le Serrail, & vindrent droit dans l'enclos où estoit Bajazet, & comme ils n'eussent pas moins de ferocité, & d'assurance à comparoistre deuant leur Prince, luy sans s'estonner de cette impudence, comme il arriue ordinairement que ceux qui ont longuement commandé, prennent mal-aysément l'espouuente de ceux qui ont accoustumé de leur obeir, encores qu'il eust assez grand sujet de crainte, il commença de leur parler ainsi.

Propos de
Bajazet aux
Ianißaires, &
leur réponse.

Description
de l'estat au-
quel estoit
pour lors re-
duit l'Empire
des Otho-
mans.

QUE vent doncques dire cecy, compagnons ? d'où vous vient ce dépit si sanglant ? pourquoy vous animez vous si furieusement contre moy ? que desirez-vous que ie vous face ? ce que vous demanderez vous sera donné, ce que vous requerrerez vous sera accordé, declarez moy vos intentions. Alors ceux-cy avecques vne brauade extraordinaire luy dirent : Nous auons besoin d'un Seigneur qui regisse le timon de cét Empire : & qui ne puisse pas seulement gouverner la Republique avecques equité, mais qui la puisse aussi deffendre par armes : Nous remarquons par tout vne tres-miserable face à cét Estat, l'oppression des sujets n'a point de fin, sous va sans dessus dessous, des Loix saintes sont foulées aux pieds, & nous ne sommes pas nous-mesmes en vn moindre mépris, la violence est venue à vn tel excez, que ceux qui demeurent aux Prouinces, sont arriuez bien pres de leur dernière fin : ces mesmes Prouinces estans destituées de bons Gouverneurs, qui curieux du bien de la Republique, voulussent s'efforcer de conduire le tout avecques equité : L'Empire se consume & se perd vniuersellement par le luxe des Bassats & des Sangiats, toutes choses sont exposées à la volupté & à la débauche des plus grands, & n'y a personne qui arreste le cours de tous ces maux, ny qui apporte quelque remède à ces playes, qui preste la main, & donne quelque secours aux oppressez, ny qui prenne la querelle de cét Estat, qui est tout prest de rendre les derniers abbois : car quant à ce qui te touche, ce seroit en vain que nous espererions ce remède de toy ; voicy tantost la trois ou quatriesme année que la podagre te tourmente, & que ton lit, comme de fortes murailles se tient renfermé, personne n'a accez à toy, tu n'entends les plaintes ny publiques, ny priuées d'aucun, & ne te soucies pas comme les choses soient gouvernées, il y a desia longtemps que tu ne tires aucun profit des Prouinces de la Natolie, & que les contrées de la Romelie Européenne n'apportent aucun tribut au thresor public ; de là vient que le fisc est tout dénué, & de là procede la pauureté publique que nous voyons naistre tous les iours : cela est cause que par vn meur conseil nous nous voulons efforcer de r'animer cette languueur que nous voyons de toutes parts, & luy redonner vn nouveau feu, si nous voulons preseruer cét Empire.

Plusieurs re-
parties des
Ianißaires à
leur Seigneur
tendantes à
auoir Selim
pour leur
Chef.

A CEL A Bajazet leur demanda, Que vous semble-il doncques que ie doine faire ? à quoy ils respondirent, non sans s'escrier : Nous auons besoin d'un Chef que nous suiuiions aux entreprises belliqueuses, qui ait la force & la puissance de supporter les travaux de la guerre, pourquoy demeurons nous si long temps sans rien faire ? & pourquoy nous engourdissans nous dans l'oyssiveté ? Fort volontiers certainement, respondit Bajazet, vous donneray-je vn Chef, & qui gouvernera mesmes cét Empire, dittes-moy seulement vostre volonté, afin que se sache qui vous voulez esleuer sur le trosne Imperial. Alors tous les Ianißaires respondirent reciproquement, Nous ne demandons ny ne desirons point d'autre Roy que toy, nous desirons que ta dignité demeure saine & sauue, & que tant que tu vivras sur terre, & que ce tien corps sera le domicile de ton ame, que ton Empire te demeure sain & sauue, nostre intention n'est point de te deposseder ny de te troubler en la jouissance de ta domination : car apres toutes ces choses, ton Empire ne nous sera point ennuyeux, pourueu que tu nous accordes vne seule chose, à sçauoir que tes forces & ta maladie ne te permettent plus de marcher deuant nous & nous conduire aux batailles, tu nous bailleras vn Chef qui nous tire de l'ombre & du repos pour nous mener à la poudre & au Soleil contre nos ennemis publics, afin que nous puissions reprimer l'audace qui s'est engendrée en eux par nostre longue paresse. I'en suis content, dit Bajazet, ie vous bailleray lequel il vous plaira de mes Bassats : mais les Ianißaires respondirent, qu'ils ne vouloient plus marcher sous les Bassats : Et bien, respondit Bajazet, vous ne marcherez plus sous mes auspices, mais ie vous feruiray moy-mesme de conduite : au contraire, luy dirent-ils, apres s'estre distraict des exercices militaires depuis tant d'années, maintenant que tu es affligé de maladie, mal-aisément pourrois-tu

pourrais-tu supporter les travaux du chemin. Si j'ay mal aux pieds, dit Bajazet, ne me puis-je pas faire porter dans un chariot ? Ils repliquerent qu'un Roy ou un Chef ne pouvoit iamais satisfaire à son deuoir, quand bien il voudroit, qui en temps de guerre se faisoit traîner dans un chariot. A cela il disoit, que la force corporelle n'estoit pas tant requise pour la conduite des armées, que la vigueur de l'esprit, qu'ils prissent pour exemple le Palatin de Valaquie, le Vaiuode Bassara, lequel bien qu'il fust d'une autre Religion que celle des Musulmans, ne laissa pas en la plus grande debilité de ses forces, de se conduire fort prudemment, & toutesfois par l'espace de sept ans, il fut comme un tronc attaché tousiours sur un chariot, se faisant transporter ainsi où il sçauoit estre nécessaire, lequel toutesfois gouverna cette Republique des Valaques avecques un grand contentement de tous ses sujets, quelques inconstans & muables qu'ils fussent, & que les habitans de ces Prouinces-soient delireux des choses nouuelles, toutesfois l'infirmité & la maladie de leur Prince ne les auoit point débauchez de l'amour & de l'obeissance qu'ils luy deuoient rendre, son esprit & son experience leur semblant assez suffisante pour les conduire equitalement, & sagement. Qu'il ne pouuoit assez s'émecruiller que des hommes si graues & si magnanimes qu'eux, & qui depuis tant de siècles auoient emporté cette loüange par dessus toutes les nations de la terre, de rendre de l'obeissance & de la fidelité à leurs Princes, & en qui la constance auoit tousiours reluy par dessus tous les mortels, eussent voulu maintenant entreprendre contre leur Souuerain, & ne pouuoit assez s'imaginer qui auroit pû inciter des esprits si forts & si genereux, contre la coustume de leurs majeurs par vne notable infidelité, & sans sujet ny occasion quelconque (car tout ce qu'ils disoient n'estoient que des pretextes) comment ils n'apprehendoient point d'encourir vne note d'infamie, & d'imprimer sur eux cette grande tache d'huile, qui souilleroit & perceroit à iour leur renommée dans l'eternité.

Grand euzape & hennepse conduite du Vaiuode Bassara.

Ce discours ne toucha pas petitement les esprits & les courages des Ianissaires, c'est pourquoy pour se iustifier au moins par paroles de leur instabilité & meschante perfidie, ils luy dirent: *Quant à nous, sans s'en faire que nous desirions secouer le joug de son authorité, que nous se confessons pour nostre legitime Prince, & celui auquel nous desirons rendre toute obeissance, sans que nos volontez s'alienent iamais de ce deuoir, pour preuue dequoy nous desirons que toy seul ayes le manement & le gouvernement de tout l'Empire, & ne desirons en facon quelconque diminuer cette authorité, au contraire quiconque se fera desobeissant, nous serons les premiers à le chastier seuerement, selon son merite: à toy seul doncques soit le commandement & l'authorité, pourueu que sous icelle nous ayons quelqu'un qui nous puisse maintenir en deuoir, & qui soit le conducteur des armées de la race des Oshomans, lequel outre la vigueur de l'esprit, soit accompagné d'une force corporelle, afin que soit en paix soit en guerre, il puisse regir le timon de la Republique Musulmane, & face croistre de iour en iour sa renommée en gloire & en splendeur.*

Les Ianissaires touchés des remonstres de leur Souuerain, s'excusent, mais c'est en perseverant en leur demande.

Comme doncques Bajazet vid cette ferme resolution des Ianissaires tendre à ce qu'il substituast durant sa vie quelqu'un de ses fils en sa place, comme legitime heritier de l'Empire, il voulut encores vne fois esprouuer ce qu'il auoit desia tenté tant de fois, & qui estoit la principale cause de la presente sedition, esperant que leurs esprits seroient parauanture plus adouciz (comme il estoit mal informé de ce qui s'estoit passé hors son Serrail, & que sa secrette resolution leur eust esté reuelée, qui les auoit portez à cette insolence, tant il est nécessaire à un Prince de sçauoir ce qui se passe parmy ses sujets, & principalement qui sont proches de sa personne) Certainement, dit-il, *je ne pense pas mieux pouruoir la Republique, ny que vous-mesmes puissiez faire un meilleur choix, que de recevoir mon fils Achmet pour chef en vos armées: mais eux au contraire, luy refuserent tout à plat, luy declarans qu'ils ne reconnoistroient iamais Achmet pour leur Seigneur ny pour General dans leurs exercices: Quoy, disoient-ils, ce fils la que tu nous veux bailler, il est quant au corps, tout semblable à toy, car ce n'est qu'un tronc & un poids inutile sur la terre, où il n'y a ny gentillesse ny courage, mais seulement un gros corps tout rond, de force qu'il est chargé de graisse. Quant à nous, il nous en faut un qui soit ingenieux, prompt, & sanguinaire, afin que par sa seuerité, il puisse domter les Prouinces, & les peuples, & ramener les Gouverneurs en leur deuoir, lequel par un haut & relenti courage puisse entreprendre de belles & grandes choses, qui face vivre sa memoire & la nostre.*

Bajazet veut encore sonder les Ianissaires pour Achmet, mais en vain.

Bajazet se voyant frustré de son esperance, Et bien, dit-il, *lequel est-ce que vous desirez ?* Alors tous d'une voix ils commencerent à s'escrier, *Nous demandons ton second fils Sultan Selim, car luy seul est digne de cét Empire, & à luy seul appartient de conduire des ar-*

Ils demandent Selim.

1531.

Il les refuse,
mais enfin
importuné
par les Bassas,
il se laisse vain-
cre.

Bajazet fle-
chit à la vo-
lonté de ses
sujets.

Il leur accor-
de Selim, &
eux en ven-
lent avoir des
lettres expé-
diées.

Us demandent
les thresors.

Avec furie, &
menacés leur
Empereur.

Miserable édi-
fication d'un si
grand Monar-
que; après a-
voir régné si
long temps.

Quelques
considérations
sur cette tra-
gédie.

mées, & d'avoir une souveraine authorité sur les exercices des Seigneurs Othomans. Mais l'Empereur opiniastre en sa premiere resolution, ne pouvoit en quelque façon que ce fust consentir à la demande des Janissaires, quand les Vizirs, & les plus Grands qui estoient alors proches de la personne; qui voyoient n'avoir plus de puissance sur eux-mesmes, & qui tenoient leur vie comme desesperée, cette proposition leur ayant fait reuenir leurs esprits desja tous esgarez, & la force de la necessité qui les pressoit, leur ayant donné vne voix plus libre pour exprimer leurs conceptions à leur Souuerain, le prierent & supplierent à jointes mains d'accorder aux Janissaires ce qu'ils demandoient, pour éviter vn plus grand mal. Mais luy au contraire: *Je vous assure, mes amis, que je ne suis point resolu de quitter ainsi librement mon Sceptre: Au contraire, s'escrierent-ils tous d'une voix, personne ne pense à cela, ains sa dignité se sera conservée, sans estre altérée en façon quelconque, & l'administration & le gouvernement s'en demeurant entier & absolu, comme auparavant.* Alors Sultan Bajazet se voyant forclos de tous expediens, & que le seul remede au mal present estoit de flechir sous la volonté de ses sujets, la demande des Janissaires ne se pouvant refuser sans peril: *Puis doncques qu'il est impossible autrement, dit-il, de vous contenter, soit fait ce que vous desirez: que mon fils Selim soit chef & conducteur des armées.* Mais les Janissaires ne se contentans pas de cela, poursuivirent leur pointe, & demanderent que le Barats ou mandement leur en fust mis entre les mains, où fut faite mention de la concession que Bajazet faisoit à son fils Selim de ce Magistrat: *Quant au mandement que vous demandez, dit Bajazet, c'est à dire qu'aussi-tost que je vous l'auray liuré, qu'il faut que je me despoille de l'Empire: mais c'est tout au rebours, dirent-ils, car si Selim n'avoit ce mandement là en main, il ne pourroit avoir jamais d'autorité dans les armées, ny commandement ny obeissance, & partant qu'il estoit tres-necessaire que ce mandement là leur fust liuré, demeurans fermes & arrestez en certe demande, & Bajazet s'opiniastant à la leur refuser. En fin les Janissaires presserent de sorte, disans que tout ce qu'ils auoient fait, estoit inutile, s'ils n'avoient cette piece là en main, qu'en fin Bajazet consentit qu'on leur liurast des patentes, en foy de ce qu'il leur avoit accordé.*

ALORS ayans ce qu'ils auoient demandé, ils commencerent à s'escrier de nouveau qu'il estoit necessaire que le Prince liurast ses thresors à son fils Selim pour en disposer à sa volonté, soit pour payer les gens de guerre, soit pour les autres necessitez publiques. Ce fut icy que Bajazet se voyant reduit au petit pied, tout plein d'indignation & de colere, commença à s'escrier qu'il falloit doncques bailler le Royaume à Selim, car il ne voyoit pas comment il pourroit conserver sa Royale dignité, si on luy ostoit les moyens de l'entretenir, & partant qu'il estoit fort resolu de ne liurer en façon quelconque ses thresors à son fils, ains de les garder pour soy: mais les Janissaires avecques vn visage & vne parole toute pleine de fureur, *Comment Sultan, ne sçais-tu pas que ces thresors dont nous disputons, sont nostres? & qu'en quelque lieu que soient les armées, qu'il est necessaire d'y garder les thresors pour payer nos gages & nos munitions; partant ne t'en mets point davantage en colere, & nous rends de bonne volonté ce qui est desja nostre; jurans de ne point partir de là qu'ils n'eussent obtenu ce qu'ils demandoient: Bajazet protestoit d'ailleurs qu'il ne se defferoit jamais de ses thresors: mais eux avecques vn plus grand tumulte commencerent à s'escrier qu'il les bailleroit, & que s'il refusoit davantage de ce faire, qu'il s'alleurast de ne point éviter trois choses, à sçavoir la perte du Royaume, de ses thresors, & paravanture de la vie.*

PAR QUOY ce pauvre Prince se voyant battu de tant d'orages, & qu'il n'y avoit nul moyen d'adoucir ces courages si desesperément furieux, mesmes qu'ils en venoient de plus en plus aux menaces, craignant qu'ils ne passassent outre, il ceda à leur violence, & mal-gré qu'il en eust, quitta ses thresors à son fils Selim, & promist de les luy liurer. Chose deplorable à la verité, de voir vn Prince n'agueres si florissant & si redouté, duquel la puissance estoit si absolue sur ses sujets qu'il avoit pû oster la vie aux plus grands, à son simple mandement, estre contraint de flechir sous la volonté de quelque nombre de chetifs soldats tous ses esclaves: se demettre de son Empire, & de toutes ses richesses entre les mains de son mortel ennemy (bien qu'il fust son fils) comme on a pû voir au discours de cette Histoire, mais plus deplorable encores, de voir ce pauvre Prince affligé d'une si cruelle maladie depuis tant d'années, tout chenu & accablé de vieillesse ceder à ses sujets, en faueur de celui qu'il haïssoit, pour se reserver encor quelque peu de vie, qu'il perdit bien-tost apres: vn grand courage bien assis eut perdu la vie avec la Couronne,

. car

car il n'estoit pas ignorant de la Loy Othomane, qui ne peut souffrir aucun ombra-
ge à leur Royauté, & se pouuoit souuenir du traitt qu'Amurath fit à Mahomet, du-
quel Selim se donneroient de garde, (en ayant l'exemple tout recent) ce qui luy estoit tres-
facile, ayant ainsi toutes choses si disposées à sa volonté. On ne peut encores passer sous
silence, que ceux-cy qui auoient si vaillamment combattu cy-deuant pour Bajazet contre
Selim, obtiennent seditieusement pour luy, & lors qu'il n'y pensoit plus, la mesme cho-
se qu'il demandoit les armes en la main, voulans bien le voir Empereur, pourueu qu'il
leur fust obligé de l'Empire, aussi y a-t-il grande apparence que depuis le combat qu'il
auoit eu contre son pere, il auoit fait plusieurs menées dans cette troupe militaire, car
encore qu'ils entrent dans le Serrail tumultuairement, & qu'ils parlent à leur Empereur
seditieusement, qu'il semble encores qu'ils ayent esté principalement animez à cette vio-
lence pour le mépris qu'on auoit fait d'eux: si est-ce que tout cecy deuoit estre premedité
de longue-main, la suite de leurs demandes & l'ordre qu'ils obseruent, tesmoignant
assez qu'ils auoient pris cette resolution en leurs assemblées secretes; car il estoit impossi-
ble d'y mieux proceder, pour faire reüssir leur entreprise, ny plus mal iuger & ordonner
toutes choses, que firent ceux qui auoient le gouuernement des affaires en main, fort
braues en vn conseil, mais fort timides à l'exécution & à la preuoyance qu'ils deuoient
auoir pour faire reüssir leur dessein, veu qu'ils n'estoient pas ignorans du pouuoir des
Ianißaires, & que parmy vn si grand nombre, comme celuy qu'ils estoient en ce dernier
conseil, il estoit bien mal-aisé de tenir la chose si secreta qu'elle ne fust diuulgée, & qu'il
n'y eust entr'eux quelque confident amy de cet ordre, duquel leurs Empereurs mesmes
recherchent les bonnes graces, & ainsi pouuoit y apporter quelques expediens, mais de
cecy plus particulièrement aux Obseruations qui seront à la fin de la vie de cet Empe-
reur. Quant à Achmet, voyant que toutes choses estoient deplorées pour luy, il se retira
en sa Prouince: quelques-vns ont dit que le pere luy enuoya alors fort grande somme
d'argent, & que ce fut celle-là que rencontra son frere Corchut, comme nous dirons
cy-apres.

Menée de Se-
lim pour com-
rompre les
Ianißaires,

Bajazet en-
uoye de l'ar-
gent à Ach-
met.

Pour doncques reuenir aux Ianißaires, si tost qu'ils eurent tiré par force ce consen-
tement de leur Empereur, de deliurer ses thresors à son fils, avec les patentes qu'ils
auoient, du pouuoir qu'il luy donnoit, ils ne purent dissimuler leur joye plus longuement,
mais en la presence mesme du Pere, ils commencerent à s'escrier tous d'une voix:
LONGVE ET HEUREUSE VIE A SVLTAN SELIM, avecques plusieurs vœux &
supplications qu'ils firent pour sa prosperité, & mille loüanges qu'ils reciterent à son
honneur, pour redoubler encores les afflictions à ce pauvre vieillard, enuoyans sur le
champ plusieurs courriers les vns apres les autres pour luy porter ces joyeuses nouuelles,
& le presser de viue voix de se haster de venir à Constantinople, & luy dire qu'ils n'a-
uoient pas seulement obtenu de son pere apres plusieurs differens & disputes fort aigres,
qu'il eust à luy ceder l'Empire, mais encores qu'ils en auoient les lettres expedées, avec-
ques promesses de luy remettre tous les thresors entre les mains, il ne restoit plus autre
chose sinon qu'il vint jouir de cet insigne bien-fait de tous les Ianißaires, tres-deuots &
affectionnez à son heureux nom: que toutes affaires cessées, il s'efforçast doncques de
venir sans aucun delay à Constantinople, & se mit en diligence en chemin, pour ne per-
dre point l'occasion de ce qu'ils auoient obtenu.

Exclamations
de joye des
Ianißaires,
ayés ce qu'ils
desiroient.

Ils dépêchent
des courriers
à Selim.

APRES que ces postillons eurent apporté ces joyeuses nouuelles à Selim, ils le trou-
uerent tout autre & bien éloigné de ce qu'ils desiroient, car il ne vouloit point adjoûter
foy, ny donner vne croyance inconsiderée à ces messagers, sçachant combien vne mul-
titude est inconstante, & redoutant que ce fust vn stratageme de son propre pere pour
l'attraper plus facilement, avant n'aguères esprouué à ses despens que les Ianißaires
s'estoient portez fidelement à la defense de la dignité de leur Empereur, & luy contre
son esperance auoit esté reietté: si bien que reuoyant toutes choses en doute, & de-
meurant en suspens s'il deuoit embrasser cette occasion ou la refuser, il fit response à
ces messagers, que personne ne luy pouuant pas oster facilement cet Empire, il atten-
droit en repos les moyens certains & assurez de l'acquérir: Qu'il ne se vouloit point em-
broïiller dans leurs seditions, ny s'approcher de leurs bandes tumultuaires. Eux voyans
ce refus, tous estonnez luy responderent: *Que di-ru, Seigneur? est-ce que tu refuses l'Em-
pire? est-ce ainsi que tu se desies? & tiens pour suspecte la foy de tes Ianißaires, nous qui auons
eu tant de soin de ton regne & felicité? Ton pere est si languissant de vieillesse, & avecques le
grand age si visé de maladies, qu'il attend la mort de tout a autre, & est prest de quitter le soin*

Selim en dou-
te s'il doit
croire ces
courriers.

La response
qu'il leur fit.

Ils le confir-
ment & per-
suadent à ve-
nir prendre
possession de
l'Empire.

1512.

des affaires humaines : ne dois tu pas doncques te haster davantage de venir à Constantinople, afin qu'avecques l'ayde de cette troupe de gens de guerre qui t'est si affectionnée, tu t'establis dans la possession de l'Empire durant la vie de ton pere, sans attendre qu'il ait rendu l'esprit ?

Prudence de Selim, qui ne prit pas possession à l'estourdy.

Les Janissaires vont au devant de Selim.

XXVII.

Corchut arrive à Constantinople.

Corchut particulièrement animé contre Achmet.

Les Janissaires vont au devant de Corchut.

Son pere luy commande de se retirer.

Les Janissaires devenus souverains font demeurer Corchut.

Intention de Corchut.

Legereté & inconstance de Bajazet.

Cause de l'arrivée de Corchut à Constantinople.

Ce qu'il esperoit des Janissaires.

SE LIM avant bien considéré ces raisons, s'y laissa persuader, jugeant que les Janissaires auoient fort sagement ordonné de ses affaires, toutesfois qu'il ne falloit point user à l'estourdy de cette belle occasion, ny la reietter aussi, mais plustost la prendre avec l'une & l'autre main, c'est pourquoy afin de s'y acheminer en equipage de Prince, & ne se rendre point necessiteux à ses partisans : outre les gens de guerre qu'il menoit d'ordinaire quant & luy, il prit encores trois mille Tartares à sa solde qu'il ioignit à ses troupes, & commença ainsi son entreprise : quelques compagnies des Janissaires luy vindrent aussi à la rencontre.

OR cependant que Selim estoit en chemin, & que tous les Janissaires luy alloient au devant, Corchut l'autre fils de Bajazet & frere de Selim estoit arriué par mer à Constantinople, pres des petites maisonnettes des Janissaires qu'ils appellent *Zauis*, comme si on disoit, maisons de solitude, & estant entré dans vn Temple il s'y arresta, n'ayant avec luy qu'un ieune homme qu'il aymeroit, & qui auoit esté nourry avecques luy dès sa ieu nesse, ce n'est pas toutesfois qu'il fust venu de son gouuernement avecques si peu de troupes, comme il se iugera cy-apres, ayant pris par le chemin les thresors que son pere enuoyoit à son frere Achmet, mais il se déguisoit ainsi afin de mieux faire ses menées, car il auoit eu des picques particulieres contre Achmet, à cause de quelques siens seruiteurs qui auoient esté troublez en leurs possessions par ceux de son party, & ainsi bien ayse en toutes façons de luy pouuoir faire desplaisir : de laquelle arriuée les Janissaires ayans esté aduertis, & que mesmes il estoit en vn Temple proche de leur retraicte, ils y coururent aussi tost pour luy baiser la main. Mais quand son pere Bajazet entendit qu'il estoit arriué, il commanda aussi tost qu'on s'enquist de luy quelle occasion l'incitoit de venir à Constantinople, & qu'on luy enioignist de se retirer sans aucun retardement en sa Prouince.

LES Capitizilars ou Portiers luy annoncerent ces choses avec plusieurs menaces en presence des Janissaires, lesquels émeus de pitié prirent la parole contre ces Capitizilars, leur demandans ce qu'ils vouloient à vn Roytelet, qui s'estoit caché sous vne ronce, faisant allusion à ce petit oyseau qu'on appelle aussi Trochille; qui se trouuant le plus petit des autres, veut quasi toutesfois s'égalier à l'Aigle en son vol, comme s'il aspireroit à estre le Roy des autres oyseaux, aussi c'estoit l'intention de Corchut, ainsi que vous entendrez cy-apres, mais il y venoit en Philosophe, que méprisoient ces Janissaires, & non pas en Guerrier, comme ils desiroient. Le lendemain son pere Bajazet luy enuoya trente sacs d'aspres, & commanda qu'on eust à le loger par tout où il se retireroit : de sorte que les Mareschaux des logis luy marquerent la maison du Casiascher ou grand Preuost, sans qu'il sejourneroit à Constantinople : voila comment cet Empereur Bajazet se vouloit auoir par la force, & quiconque vouloit tirer quelque chose de luy, il falloit luy faire peur, qui monstroient assez sa nature lasche & volage, laquelle reconnue par les Janissaires, leur auoit donné l'audace d'entreprendre ce qu'ils firent contre luy : car c'estoit icy vne grande legereté d'esprit, de precipitamment faire iniure & offenser soudainement ce sien fils sans sujet, & puis aussi tost luy faire des presens hors de saison, & le bien-vigner dans sa ville, de laquelle il l'auoit voulu chasser, & sa bassesse & abjection, en ce qu'il flechit à la moindre menace qu'on luy fait, il est vray qu'il falloit en cecy excuser la vieillesse & la longue maladie qu'il auoit rendu foible en toutes choses.

OR ce qui auoit fait venir Corchut à Constantinople, estoit qu'il esperoit d'estre preferé à tout autre en l'Empire par les Janissaires : car il vous peut souuenir qu'incontinent apres la mort de Mahomet second du nom, ayeul de Corchut, il auoit esté élué à l'Empire sous le nom de son pere, qui disputoit lors du Sceptre avecques son frere Zizim, & de crainte qu'eurent les Janissaires que Bajazet ne succombast, ils auoient tousiours élué certuy-cy (encores enfant) sur le thrône, de crainte d'obeir à Zizim, lequel ayant esté defait & contraint de se retirer vers les Chrestiens, Corchut aussi remit l'Empire entre les mains de son pere. Or auoit-il premierement esperé que son pere, selon la promesse qu'il luy auoit faite, lors qu'il se demist de cette dignité pour l'en reuestir, le prefereroit à tout autre : mais voyant qu'il vouloit auancer son frere Achmet à son preiudice, cela l'auoit fait venir à Constantinople, croyant que les Janissaires seroient me-

moratus

moratifs des promesses de son pere, & qu'ils luy ayderoient à recouurer sa dignité, mais il arriuoit trop tard, car les Janissaires auoient desia enuoyé des courriers à Selim, qui en leur nom luy auoient presté le serment, qu'ils ne pouuoient & ne vouloient rompre, car leur inclination estoit bien plus portée du costé de Selim, comme estant vn homme belliqueux, & cettuy-cy addonné au repos & à l'estude de la Philosophie Mahometane. Estans doncques bien aysé de le pouuoir legitiment esconduire, ils luy dirent: *A la verité, Prince, si tu fusses arriué icy il y a neuf ou dix iours, nous t'eussions preferé à tout autre, mais maintenant que nous auons enuoyé vers ton frere, nous ne pourrions pas retraicter (nostre honneur sauf) ce que nous luy auons desia promis, cela estant vne trop grande tache à nostre reputation, voila pourquoy nous ne scauons quel remede ny quel conseil se donner.*

Corchut por-
té à l'estude.

Les Janissai-
res refusaient
Corchut.

Ce qu'entendant Corchut, & reconnoissant assez par ce discours en quel estat estoient pour lors les affaires, comme il ne manquoit point d'entendement, il vid bien qu'il falloit changer de langage & d'entreprise, cela luy fit respondre: *Puis qu'il est ainsi, Janissaires, que vous auez enuoyé vers mon frere Selim, pour traicter de ce que vous dites, ie ne desire plus, ny ne pretends plus rien à l'Empire, mais ie iuge que vous l'amez deu preferer à moy, car pour en dire la verité, la principale cause qui m'auoit fait venir icy, estoit que j'auois entendu que mon pere auoit donné la succession à mon frere Achmet, ce que ie voulois empêcher de tout mon pouuoir, voyant son affection si extraordinaire en son endroit, me laissant en arriere, moy qui luy auois rendu de si grands tesmoignages de ma fidelité, & à qui sa promesse l'auoit particulièrement obligé, iusques à luy enuoyer de grandes sommes d'argent, afin que par ses largesses & corruptions il peust assurer à soy les volontez des principaux de l'Empire, afin de nous le rauer d'entre les mains, lesquels thresors j'ay trouuez par le chemin, comme on les conduisoit, & les ay pris & fait amener icy, afin de rendre vains les desseins de mon pere & de mon frere, & conuertir leur intension à mon aduantage.*

Il s'accorde
de au temps,
& change de
langage.

Thresors que
Bajazet en-
uoyoit à Ach-
met, rencon-
trez & pris
par Corchut.

Ce que disoit icy Corchut de ces thresors, n'estoit pas vne chose inuentée, car Bajazet auoit enuoyé à Achmet vne fort grande quantité de sacs pleins d'argent, apres cette resolution prise au conseil qu'il tint pour luy resigner son Empire, lesquels Corchut auoit rencontrez, & forcé ceux qui les portoient, de les luy liurer, & les ayant fait apporter par les siens à Constantinople, il en fit vne largesse aux Janissaires, de deux cens aspres pour teste.

Il en fait lar-
gesse aux Ja-
nissaires.

Les choses estans en cet estat, Selim poursuiuoit tousiours son chemin & s'approchoit de Constantinople, ce que sachant Corchut, il alla aussi-tost au deuant de luy iusques à Zecmegen, ou au petit-pont, vn lieu que les Grecs appelloient *Comepolichnion*, ou petit bourg ceint de plusieurs murailles, en vn lieu où s'estendent deux grands seins du Propontis, & où se dégorge le fleuve Athyras, où les deux freres se rencontrerent tout à cheual, & se saluans mutuellement, ioignans leurs dextres les vnes aux autres, ils se rendirent en apparence toutes sortes de tesmoignages d'amitié, & de Bien-veillance. De là s'en estans retournez ensemble en la ville de compagnie, ils s'entretindrent de plusieurs discours, & apres estre entrez en icelle, & qu'ils ne fussent pas loin de la retraicte de Selim, s'estans derechef saluez, & dit adieu l'vn à l'autre, Corchut se retira en son logis accoustumé. Toute la troupe alors des Janissaires ayans enuironné Selim, l'emmenèrent avec les siens en leur quartier, qu'ils appellent *Genibazza*, c'est à dire nouveau Iardin, où Selim se retira, sous la tente qui luy auoit esté preparée.

XXVIII.
Corchut va
au deuant de
Selim.

Les deux fre-
res se saluent
tout à cheual.

Selim va lo-
ger au quar-
tier des Ja-
nissaires.

Le lendemain le mesme Selim s'en alla trouuer son pere, auquel il baïsa la main, & le pere parlant à luy: *Certainement mon fils, luy dist-il, ie me reioiys de ce que le Royaume s'est escheu, & i'y desire tout bon-heur & prosperité: en verité nous pouuons inferer par de tres-grands indices que cette dignité t'estoit deuë & destinée, & que DIEU se vouloit colloquer en cette sublime grandeur, parmy tant d'obstacles qui se sont presentez pour en empêcher l'effect; d'une chose seulement te priay-je, c'est que ie puisse encores icy demeurer quel-que temps, iusques à ce que j'aye fait reparer Dimostique, (lieu de plaïssance qu'il auoit proche d'Andrinople, où se font ces excellens vases & si bien elabourez, dont les Monarques Turcs & autres grands Seigneurs du pays se seruent à table, qui auoit esté ruinée par ce grand tremblement de terre, dont il a esté parlé cy-dessus) afin que se laissant la ioyssance de ce lieu icy, ie puisse passer la en paix le reste de mes iours, & cependant tu te retireras aux Iardins Genibazziens, vn grand champ, à sçauoir qui estoit clos de murailles, fort propre pour dresser plusieurs tentes & pauillons, à la façon des Turcs, proche du corps-de-garde des Janissaires.*

Il va baïsser les
mains à son
pere.

Propos de
Bajazet à son
fils Selim.

Bajazet cy-
deuant Mo-
narque de tant
de Prouinces,
demande vne
retraicte à son
fils.

1512.

Recit de l'histoire
precedente, selon
Paul Ioue.

TOUTESFOIS Paul Ioue est de contraire aduis à tout ce qui a esté dit cy-dessus, car il veut qu'Achmet, qu'il appelle Achomat, apres estre venu à Constantinople par le commandement de son pere, se soit apres reuolté contre luy, s'estant declaré Roy de l'Asie, & saisi d'un sien neveu nommé Mahomet & son frere, enfans de Sanjacs, l'un des fils de Bajazet, & fait trancher la teste au principal des Ambassadeurs que son pere luy auoit enuoyez, & aux autres le nez & les oreilles; & que là-dessus Bajazet grandement irrité, le fit declarer ennemy. Il adioust apres que les Bassas & les plus grands de la Porte, & principalement Machmut, persuaderent Bajazet d'eslire Selim chef de la guerre contre son frere Achomat, excepté le Bassa Herzecoglis, & que Selim estant venu à Constantinople sur le mandement qu'on luy en auoit fait, aussi-tost qu'il fut arriué, il fut trouuer son pere, auquel il baïsa en toute humilité les pieds. Bajazet apres luy auoir fait quelque remonstrance, luy pardonna les fautes passées, & l'incita à se bien conduire à l'aduenir, mais comme on eust publié l'assemblée des gens de guerre pour eslire un chef, les Janissaires le reconnurent non seulement pour tel en cette guerre, mais pour Prince souverain, & que là-dessus le Bassa Mustapha, soit par le commandement de Selim, ou par son propre mouuement, vint aduertir Bajazet de ce qui se passoit, lequel estant entré en vne merueilleuse colere, & reprochant à ses sujets leur ingratitude & infidelité, cettuy-cy, à sçauoir Mustapha avecques Rostanes & Aïax, au lieu de faire rapport au public du iuste courroux de leur Prince, ils vserent de ces mots: *Bajazet renonce à la Seigneurie, & ordonne Selim, auquel les Dieux & les hommes ont présenté la Seigneurie, pour son successeur*: & là-dessus l'ayant monté sur un cheual, le menerent par les plus celebres places & rues de la Ville, & saluë pour Empereur par l'acclamation de tous. Quant à Corchut, qu'il estoit arriué à Constantinople deuant Selim, & qu'il auoit parlé à son pere, & luy auoit fort ramentu le deuoir auquel il s'estoit mis quand il luy ceda l'Empire, que son pere luy auoit promis alors de le faire succeder à ses Seigneuries: & notamment apres la reuolté d'Achomat: mais que ce qui se passa apres pour Selim rompist tellement tous les desseins de Bajazet, qu'il fut contraint de renuoyer Corchut en Asie avecques assurance de trouuer moyen de se depestrer de Selim & des Janissaires, qui luy estoient si contraires en cette guerre d'Achomat, & qu'en leur absence il accompliroit la promesse qu'il luy auoit faite, ce que j'ay bien voulu rapporter, afin que chacun ait son iugement libre pour discerner ce qui luy semblera le plus rapporter à la verité.

XXIX.

Corchut ren-
uoyé par Ba-
jazet en son
Sanjacat.

Corchut de-
mâle secours
en Egypte.

Il aduertit Se-
lim des des-
seins de son
pere.

Conciliation
des Auteurs.

OR durant que Bajazet faisoit ses preparatifs pour se retirer à Dimostique, Corchut faisoit les siens pour s'en aller à son Sanjacat, lequel on augmenta de l'Isle de Lesbos ou Metellin, & ce par l'aduis de Selim, lequel le vouloit gagner par ce present, il ne laissoit pas cependant sous main de persuader son pere de le renuoyer, pour obuier, disoit-il, aux dissensions: mais c'estoit pour la crainte qu'il auoit qu'en son absence, il ne s'emparast de l'Empire: & de fait Bajazet qui n'estoit plus le maistre, fut contraint de luy complaire & de le renuoyer. Mais Paul Ioue dit qu'estant monté sur ses galeres, il s'en retourna à Phocée, ou de regret de se voir frustré de son esperance, ou pour la crainte de la mort. Tuberon en l'Histoire de son temps dit, que Corchut se voyant priué du Royaume, par l'inclination que son pere portoit à Achmet son frere, s'estoit retiré en Egypte pour tascher de tirer quelque secours de ce Prince, pour obtenir de son pere par la force, ce qu'il ne pouuoit auoir de bonne volonté: que Bajazet en ayant esté aduertý, luy enuoya plusieurs grands presens pour le retirer de là, ce qu'il fit du consentement mesme de l'Egyptien, & que de là s'en estant allé en Lydie, & ayant changé d'aduis, il jura vne estroite amitié avecques Selim: de sorte que ce fut luy qui l'aduertist des desseins que Bajazet son pere auoit pour son frere Achmet, & mesmes qu'il auoit enuoyé le Bassa Haly avecques vne belle armée, pour l'establir plus facilement au Royaume, y estant d'autant plus incité, qu'il auoit receu vne desroute par ses seditieux Sophians: tant il y a de contrarietez dans tous les Auteurs, & tant il est difficile de les concilier: mais quant à moy, ie croirois qu'Achmet auroit esté le mignon du pere iusques à la fin, que s'il fit quelque decret contre luy, ce fut lors qu'il n'auoit plus de puissance sur soy-mesme. Que Selim fit voirement le bon valet à son arriué, mais qu'il vsa à l'instant d'un pouuoir souverain; & quant à Corchut, j'adiousterois plus de foy à ce qu'en disent les Annales Turquesques, qu'à tout le reste, sans toutesfois reietter ce qu'en dit Tuberon, car cela ne se contredit point que Corchut ne soit venu deux fois à Constantinople, l'une auparauant la guerre des Sophians, & que de là il s'en soit allé en Egypte, l'autre quand Bajazet vouldut faire venir Achmet pour luy resigner l'Empire.

LES choses estans passées ainsi pour le regard de Corchut, Selim iettoit cependant les fondemens d'une execrable meschanceté. Son pere auoit vn Medecin; que les vns nomment Vistarabin, les autres Hamen, en qui il auoit vne fort grande confiance, & auquel il promist de donner mille aspres par iour, qui peuuent reuenir à neuf mille Talers, à quarante aspres pour Taler, qui seroit quelque dix-huit mille liures de pension: cettuy-cy corrompu par vne si grande esperance de recompense, luy promit de prendre le temps & l'occasion pour executer ce qu'il desiroit: car Selim craignoit que cependant qu'il iroit faire la guerre à ses freres, comme il deliberoit, qu'il ne luy prit enuie de rentrer dans sa domination, comme jadis à son ayeul Amurath, joint que Bajazet, au rapport de Paul Ioue, emportoit quant & soy, force vaisseaux d'or & d'argent, avecques grande quantité d'argent monnoyé, plus des escrins tous pleins de perles & pierreries fort riches & precieuses qu'il auoit tirées du tresor, & des innumerables richesses que ses ayeuls luy auoient laissées, ce qui vint fort à propos à Selim pour les largesses qu'il luy falloit faire incontinent apres aux Ianissaires, qui luy auoient esté cause en vne heure de tant de biens.

CELA estant arresté, & toutes choses estans prestes pour le partement de Bajazet, il dist les derniers adieux à son fils Selim, & montant dans son chariot il voulut que Ionuses Bassa l'accompagnast, & qu'il demeurast avecques luy iusques à la mort, car il l'aymoit par dessus tous (& toutesfois quelques-vns ont dit qu'il auoit esté gagné par Selim, & que ce fut luy qui donna le poison à Bajazet, deuant mesmes qu'il partist de Constantinople.) Quant aux autres Bassas, & autres grands de la Porte, ils l'accompagnerent iusques hors la ville, non toutesfois guere loin: tandis Selim ne voulant pas s'en aller au Serrail par le mesme chemin que tenoit son pere, qui sortoit par la porte d'Andrinople, il laissa les iardins Genebazeens, pour s'en venir à Acseray Bazarum, c'est à dire au marché du blanc Palais, & de là descendant par la place qu'on appelle la longue, il arriua à l'Hippodrome, qu'ils appellent Armeidan, & de là au Serrail des Sultans. Tandis ceux qui estoient allez accompagner son pere estans de retour, ils auoient resolu de le conduire avecques vne pompe Royale en son Serrail, & le faire seoir sur le trosne de ses majeurs: mais estans arriuez aux iardins Genebazeens, & ne l'ayans plus trouué, cela les offensa fort, & murmurèrent tout haut, qu'ils ne pouuoient qu'ils ne se ressentissent du mépris que Selim faisoit des coustumes de ses ancestres, à sçauoir d'estre receu à l'Empire avecques solemnité: mais Selim ne fit non plus de cas de tous leurs discours que s'ils n'eussent rien dit, tant le respect & la creance qu'on a en quelqu'un, a de pouuoir sur vne populace, car il sembloit qu'il deust flechir à tout ce qu'ils voudroient, & cependant ce sont eux qui flechissent & sont ioug à l'obeissance: car comme il estoit fort haut à la main, ne redoutant plus son pere par son execrable parricide, & ne faisant point estat de ses freres, il vfa tout dès le commencement d'un pouuoir souuerainement absolu: de sorte mesme que le lendemain qu'il fut arriué à Constantinople, il fit estrangler à vn arbre vn des Ianissaires qui portoit la coiffure d'or faite en forme d'escofion, à sçauoir des stipendiez & plus apparens, qu'ils appellent Vlesetzilar, à cause qu'il auoit de coustume d'aller & venir vers Achmet comme espie, pour luy dire ce qui se passoit; cette separation du pere & du fils est icy rapportée, selon ce qu'en a escrit Haniualdan. Toutesfois dans les Annales Turques ie trouue que Selim accompagna son pere iusques hors la porte d'Hadrianople, les volets du chariot estans haussés, & que le long du chemin le pere donna à son fils plusieurs conseils & bons preceptes pour bien & iustement regner, & que s'estans dit adieu l'un à l'autre, le pere arriué au fleuve Chapfen ou Salsidere, c'est à dire riuiere pleine de jones, qu'il rendit là l'esprit, à quoy se rapporte Haniualdan, qui dit qu'il mourut au milieu du chemin, & cela encore selon ceux qui veulent que le Bassa Ionuses l'ait empoisonné: toutesfois ie trouue plus d'apparence aux autres qui disent que Selim n'accompagna point son pere, car encores n'y a-il Neron si cruel qui ne se sente émouuoir le cœur de pitié, de voir son pere vieillard, qu'il deposseoit & bannissoit de sa ville, & de sa Royale majesté, & lequel encores il auoit fait empoisonner: mais ceux qui disent que ce fut le Medecin, voicy comme ils racontent cette mort.

BAJAZET estant arriué à Tzurulo, vn village assez proche d'Andrinople, le Medecin ayant desia preparé sa mortifere boisson, s'en vint trouuer le matin Bajazet qui estoit fort endormy, & comme il l'auoit desia le iour de deuant disposé à prendre medecine, la purgation luy estant necessaire apres tant de tristesses, il s'approcha de son liét, puis l'ayant resueillé, il luy dist que l'heure propre à prendre medecine, estoit presque passée, & luy

1512.

Parricide
execrable de
Selim.
Le Medecin
de Bajazet
corrompu
par Selim.

Richesses que
Bajazet em-
portoit quant
& soy.

Partement de
Bajazet de
Constanti-
nople.

Ionuses Bassa
cheri de Ba-
jazet, gagné
selon quel-
ques-vns par
Selim, pour
empoisonner
son pere.
Selim vient
au Serrail de
ses ayeuls.

Murmure des
Ianissaires
contre Selim,
dont il ne se
soucie guere.

Fait est-à-gley
vn Ianissaire
qualifié vers
son frere
Achmet.

Conseils de
Bajazet à son
fils, se sepa-
rant de luy.

XXX.

1512.

Bajazet em-
poisonné par
son Medecin.

Le Medecin
se retire vers
Selim, qui luy
fit trancher la
teste.

demanda s'il estoit en volonté de la prendre ce matin, ou bien d'attendre au lendemain. Bajazet qui n'eust jamais pensé que son Medecin luy eust voulu jouer d'un tour si lâche & si meschant, luy dist qu'il estoit content, & là-dessus le Medecin la luy ayant apportée, en fit l'essay selon la coustume, mais cela n'auoit garde de luy faire mal, s'estant prealablement muni d'un contre-poison, & le pauvre Prince l'ayant prise, le perfide Iuis commanda aux valets de chambre de ne luy bailler point du tout à boire, mais seulement qu'ils le couvrissent bien, iusques à ce qu'il peust suer. Cela fait, luy qui sçauoit la vertu de ce poison estre tel que Bajazet n'en releueroit iamais, s'en vint hastiuement à Constantinople, en aduertir Selim, s'attendant de receuoir de luy vne ample recompense.

Mais Selim iugeant que si l'occasion se presentoit, ou que quelqu'un luy offrist de l'argent pour l'inciter à l'empoisonner, qu'il luy en pouuoit faire bien autant, commanda sur l'heure mesme, qu'on luy coupast la teste, digne recompense de sa desloyale meschanceté. Voila comment cet infortuné Empereur, ayant miserablement languy quelques heures, rendit l'esprit parmy de tres-grandes douleurs, l'an de grace mil cinq cens douze, & de Mahomet neuf cens dix-huit, le dix-septiesme iour du mois de Safar ou Sefer, c'est nostre mois d'Octobre, seant à Rome le Pape Iules second, en France le Roy Louys douzieme, en Allemagne l'Empereur Maximilian, & lors que se donnoit, selon quelques-vns, la bataille de Rauenne, ayant vescu pres de quatre-vingts ans, & regné trente & quelque peu dauantage. Quelques-vns encorés ont dit qu'il estoit mort de vieillesse, & de longue maladie, plus attenué toutesfois d'ennuis que d'age: neantmoins Paul Ioue dit qu'Antonio d'Vtry Ligurien qui estoit de sa chambre, a escrit quelques commentaires de ces choses au Pape Leon, & dit qu'il luy recitoit quelquesfois qu'il aperceut en son corps des signes indubitables de poison, lors qu'il expiroit. Prince plus addonné au repos qu'au travail, & à l'estude qu'à la guerre: aussi dit-on qu'il auoit soigneusement estudié son Auerroës, aux subtilitez duquel il estoit fort verité. Son regne a esté fort tragique, car dès le commencement la souueraine autorité auoit esté longtemps en bransle à qui elle demeureroit à son frere ou à luy. Depuis il y eut plusieurs entreprises sur son Estat, & des pratiques entre les siens: de sorte qu'il fut contraint d'en venir à la cruauté, voire mesmes contre ses propres enfans: & de ceux qui luy resterent, encorés n'en fut-il point aimé, celui qu'il fauorisoit le plus, s'estant selon quelques-vns, reuolté contre luy: & le dernier de tous, qui le deposceda non seulement de l'Empire, mais qui le priua de vie, & par ce moyen le Prince le plus mal-heureux de la race des Othomans, car il ne pût s'acquiescer la bien-veillance de ses sujets, qui se banderent contre luy à la fin de ses iours, & luy firent quitter l'Empire, qu'ils penserent renuerser par leurs factions, ny se conseruer l'autorité & l'amitié de ses propres enfans, ayant finy tragiquement sa vie. Ses guerres furent la pluspart conduites par ses Lieutenans, qui furent assez mal-heureux en toutes leurs entreprises, excepté contre les Chrestiens, mais leur Empereur fut heureux en cela, qu'encore que ses ennemis eussent de l'aduantage sur luy, ils le rechercherent toutesfois tousiours de paix, n'en ayant point trouué de plus dangereux à combattre que ses domestiques. Les Chrestiens eurent de son temps quelque relasche, car comme il estoit homme pacifique, s'il entreprit quelque chose contre eux, c'estoit plus pour contenter les siens & en son corps deffendant, que pour desir qu'il eust de guerroyer.

Ceux qui le conduisoient à Dimostique, le ramenerent apres sa mort à Constantinople, où son fils Selim le fit magnifiquement inhumer en la Zume ou Temple de son nom, proche de l'Imaret ou Hospital qu'il auoit fait bastir de son viuant, où Paul Ioue dit qu'il establist des feux perpetuels, & vne sepulture d'ouillage fort superbe & magnifique, afin que luy qu'il auoit priué de la Seigneurie & de la vie, ne semblast aussi luy enuier les derniers honneurs.

FIN DV DOVZIESME LIVRE.

CONSIDERATIONS



CONSIDERATIONS SVR LES ACTIONS PLUS

SIGNALEES DE BIAZET SECOND DV
nom, contenuës en ce douziesme Liure de l'Histoire des Turcs,
& par lesquelles la Iustice & Prouidence de DIEV peuuent estre
remarquées.



ET TE Verge veillante du Prophete Hieremie, cette Sentinelle des
sentinelles, qui remet chacun en son deuoir, & le réveille du pro-
fond sommeil de ses iniquitez, qui depuis le plus grand matin iusques
à la nuit, est tousiours en garde pour le salut des siens. Cét œil posé
sur ce sceptre, selon les Hieroglyphes des Egyptiens, qui à la Royale
gouverne vniuersellement, & void en vn instant deuant & derriere ce
qui doit arriuer à ses creatures, vouloit bien en Roy Tout-puissant
chastier ses mechaines sujets, qui s'estoient tant de fois reuoltez contre la grandeur de sa
Majesté; mais comme Pere de misericorde, & DIEV de toute consolation, il leur offrit
des occasions pour se deliurer, non seulement de la seruitude, mais de rendre mesme la
pareille à ceux qui les auoient tant fait souffrir.

CAR incontinent apres la mort de Mahomet second, les partialitez d'entre les plus
grands de l'Empire Ture, & les guerres ciuiles que les deux freres, Bajazet & Zizim se
faisoient les vns contre les autres, estoient vn grand moyen aux Chrestiens, s'ils se fus-
sent bien entendus de rentrer dans la meilleure partie de leurs terres, toutes les forces des
Othomans estans lors en Asie, & ne restant en Europe que quelques garnisons, mais les
Chrestiens eurent bien le cœur de se resioir de la mort de leur ennemy, mais ils n'eurent
pas l'industrie ny l'assurance, ou plustost la bonne intelligence, de courir ensemble à ses
despoüilles, s'amusans à faire des feux de joye chez eux, au lieu de les aller faire sur ses
terres, & dans ses propres villes.

CE que ie viens de dire, fut vn beau moyen, mais cettuy-cy n'est pas moindre: car que
n'eust-on point fait avecques l'aide de Zizim, supporté & fauorisé des siens, comme il
estoit? & quand on eust esté contraint de le remettre en la jouissance de son Empire, n'y
a-il pas grande apparence qu'il eust quitté aux Chrestiens la meilleure partie des terres
qu'il tenoit en l'Europe, comme s'estoit autresfois resolu de faire vn des fils du premier
Bajazet? Mais ils n'auoient garde de courir sus au loup, puis qu'ils auoient intelligence
avecques luy, le recherchoient, & luy donnoient aduis contre les oüailles, & ce qui est
de plus deplorable, par ceux mesmes qui deuoient auoir le plus grand soin de la bergerie,
faucrisans l'ennemy commun, pour retarder le cours des prosperitez du plus grand Roy
de la Chrestienté. Cela arriuant toutesfois iustement, car l'Italie & les Prouinces circon-
uoinlines, n'estoient pas dignes d'un si grand bien, tout y estant plein de tyrannie & de
volupté.

VOIC Y encores plusieurs occasions toutes de suite, propres pour la prosperité des af-
faires des Chrestiens: car parmy tant de seditions des Ianissaires, & si peu d'affection qu'ils
portoient à leur Empereur, comme il se peut voir par ces tres-grands remuëmens qu'ils
furent: on pouuoit prendre l'opportunité pour faire plusieurs menées dans cet Estat tou-
troublé, veu que l'esprit de l'Empereur qui regnoit alors, n'auoit la capacité pour resister.

à tant d'affaires, ny l'inclination à la guerre, pour la pouuoir longuement supporter, son courage timide & son esprit irresolu, le faisoient entendre à toute sorte de composition, quand il estoit pressé de pres. Or comme les Chrestiens nourrissoient leurs inimitiez, tant plus la bonté Diuine leur tesmoignoit de misericorde. Cette mesme bonté infinie qui ne marche iamais sans son bras gauche, ne voulut pas permettre la ruine de l'Empire Turc par luy-mesme, comme il fust arriué sans doute, si Bajazet eust fait reüssir son dessein exterminant les Ianissaires, les nerfs & la force de l'Empire Turquesque, mais il le voulut conseruer en sa force, afin que ses rebelles enfans luy voyans tousiours en la main les verges & le baston prest à décharger sur leurs espaules, se retinsissent dauantage en leur deuoir, mais leur obstination est trop grande pour y voir du changement, si par vne grâce speciale luy-mesme ne le fait.

Chap. 6. 7.

DE tous les sept Princes qui auoient assisté Aladin en ses conquestes, il ne restoit plus que le Caraman, tous les autres ayans esté subiuguez & exterminés par les Turcs. Or semble-il que la Diuine Prouidence les eust voulu conseruer iusques alors, pour deux raisons, l'vne que si Mahomet ou vn autre auparauant luy, l'eust conquis, il se fust rué tout à son ayse sur la Perse qui estoit encorés toute diuisée: les Roys de laquelle n'auoient pas le pouuoir qu'ils acquirent depuis sous Vtunchassan & sous Ismaël Sophy: mais cette Monarchie auoit besoin de maistre, & d'estre delia forte & puissante pour faire teste aux Turcs, & la Caramanie leur seruoit de barriere. Or du temps de Bajazet Ismaël Sophy estoit en la splendeur de ses conquestes, qui ne toucherent gueres le cœur du Monarque Othoman, qui aymoient trop son ayle & le repos pour le troubler: l'autre, c'estoit pour donner tousiours quelque relasche aux Chrestiens, car le Caraman, perpetuel ennemy des Othomans, se ruoit tousiours sur leurs terres, quand il en estoit éloigné: de sorte qu'ils estoient contraincts de quitter à tous propos leur entreprise, pour aller deffendre leur pain: mais le Perse y estoit bien plus propre à cela que l'autre, tant pour sa grande puissance que pour le schisme qu'il a apporté en la Religion Mahometane, le Caraman estant desormais inutile, veu mesmes qu'il estoit temps que toutes les Satrapies d'Aladin fussent reduites en la Monarchie des Turcs, puis qu'ils portoient d'oresnauant le tiltre d'Empereurs, ayans conquis l'Empire Grec: car pour le regard des Princes Caramans, leur vie dissoluë & tyrannique, avecques leur faulxe Religion, meritoit assez ce chastiment, on attendoit seulement que la mesure fust pleine pour la renuerser. Quant aux entreprises des Turcs sur les Egyptiens, leurs desseins n'auoient garde de reüssir, s'y conduisant comme ils faisoient, car Bajazet n'eust pas esté trop bon pour deffaite vn si puissant Prince, sans en donner la charge à des Bassas, qui pensoient les Mamelus n'estre que de paille, mais ils les trouuerent de fer, & cela tousiours pour donner occasion aux Chrestiens de faire leurs affaires, & se liberer de seruitude: car qui voudra diligemment considerer tout ce qui aduint durant trente ans que Bajazet regna, il verra que l'occasion se presentoit plus qu'elle n'auoit iamais fait de rentrer dans ce qu'on leur auoit vsurpé, soit par leurs propres forces, soit en se seruant des armes des Perses, qui ne demandoient pas mieux, & leur eussent tousiours assez donné d'affaires parmy leurs dissensions, quand ils les eussent trauezés d'vn costé, tandis que ceux-cy les eussent attaquez de l'autre, mais ils n'auoient garde de leur faire du desplaisir, puis qu'ils les aduertissoient & les receuoient de toutes parts si courtoisement, & quant à ce Seigneur de Baxe, voicy vn notable chastiment de sa cruauté, lors qu'il y pensoit le moins, & que celuy n'est pas échappé qui traine son lien.

Chap. 8. 9.

IE ne puis cependant passer la faute d'Haly, d'auoir attaqué si temerairement les Egyptiens, sans auoir fait la découuerte auparauant, & d'auoir pris l'espouuente sans aucun sujet: car de la façon qu'on nous raconte cette histoire, il y a grande apparence qu'il faisoit toutes choses à la volée, car s'il eust enuoyé des auant-coureurs pour s'éclaircir des choses, ils l'eussent informé comme le tout s'estoit passé, & n'eust pas fait les fautes qu'il fit apres, cause de la deffaite de son armée. Aladeul fit aussi la mesme faute, perdant vne si belle occasion d'entreprendre sur son ennemy, comme aussi Bajazet refuse la paix avecques beaucoup de vanité, ayant tousiours esté battu, comme il auoit esté, & son ennemy estant le plus fort, & ayant les armes à la main, aussi en artua-il la ruine de la Caramanie: remarquez cependant par cette peste, combien les hommes qui se chamailloient de toutes parts, estoient incitez à la conuersion: mais sur tout la mort de ce grand Matthias Coruin Roy de Hongrie, si redoutable aux Turcs, & si heureux en les entreprises, qui estoit vn tres-fort rempart aux impetuositez des Turcs, & qui scauoit aussi bien

assaillir

assaillir que se deffendre : les Hongres ressentirent bien-tost apres combien il leur estoit vtile.

L'HYPOCRISIE a beau se déguiser, elle est tousiours reconnuë, ces loups rauissans Chap. 10. 11
vestus d'une peau de brebis, qui sous pretexte d'une fausse sainteté, taschoient d'acquies-
sir parmy les hommes une reputation de preud'homme, sont en fin descouverts pour
tels qu'ils sont, tesmoins ceux-cy, qui en patirent : car Bajazet les chassa sans en plus vou-
loir voir aucun, estant quant à luy reserué pour un chastiment plus exemplaire. Les
Hongres cependant qui souloient estre la terreur de ces grands Princes Amurat & Ma-
homet, fuyent devant un simple Sangiac, & ne se sçauent pas mettre en ordre, tant l'hom-
me fait mal ses affaires, quand il est abandonné d'en haut, ce qui luy arriue lors qu'il a le
premier delaisé l'assistance du Souuerain, comme ceux-cy auoient fait assez de fois, ainsi
qu'on a pû voir cy-dessus.

TOUTSIOURS quelque Prince Chrestien est cause de mettre les armes en la main de Chap. 11.
nos ennemis : Bajazet qui n'aymoit que la chasse & les maisons de plaissance, est tiré com-
me par force par ce Duc de Milan, pour faire la guerre aux Venitiens, en laquelle
il fit fort bien ses affaires : car pour monstrier que les iniquitez des Chrestiens ne me-
ritoient aucune grace, c'est que Bajazet auoit tousiours perdu quand il auoit combat-
tu contre les autres peuples, mais contre les Chrestiens il fut tousiours victorieux,
le seul Pilote Armerius se rendist inuincible, ayant avecques sa vie, si iustement & sain-
ctement consacré & remporté une couronne triomphale, qui luy a acquis un Royaume
eternel.

TOUTES ces prises de Villes au demeurant, qu'on lit en ces Chapitres, monstrent Chap. 13.
assez combien les Chrestiens pour auoir negligé les occasions qui s'estoient offertes à eux,
manquerent apres la prouidence en leurs affaires, car vous y remarquerez par tout du
defaut de conduite & de bons aduis, comme de penser à raitailler Modon, lors que l'en-
nemy y vint mettre le siege, une place frontiere comme elle estoit, ne deuoit-elle pas
estre tousiours sur ses gardes, munie de tout ce qu'il luy falloit? L'imprudence apres des
habitans d'abandonner leurs murailles à l'ennemy, estant à leurs portes : l'espouuente de
ceux de Coron & de Iunque mal à propos : le siege apres de Metelin qu'ils furent con-
traints de leuer, & sur tout la ligue qu'ils firent quand ils n'en pouuoient plus, & laquel-
le leur fut inutile par l'artifice de Bajazet, qui rompit dextrement ce coup, sous le pretexte
d'un pour-parler de paix, laquelle luy fut fort honorable puis qu'il gagna en la faisant,
l'Isle de sainte Maure. Car quant aux conquestes de Samothrace & de l'Egine, cela n'ap-
proche pas des pertes qu'ils firent ailleurs.

QUANT à l'histoire de ce Talisman, elle est fort notable, tant pour la personne que Chap. 14. 15.
pour le lieu où se fit cette profession de Foy, nostre Seigneur IESVS faisant reluire ainsi
au milieu de ses ennemis la majesté de son saint Nom, & la sainteté de sa Religion; &
cette autre de ce Roy de Perse, Prince de fort mauuaise vie, & ainsi iustement punist la
femme, qui souffrit par elle-mesme le chastiment qu'elle meritoit. Imirze cependant
qui avecques tant d'heur estoit paruenue à cette Couronne, se trouue enucloppé en sa
trahison, & finit miserablement sa vie, afin qu'on voye que la Iustice Diuine s'exerce en
tout lieu.

LA sedition des Casselbas, & l'aduantage qu'ils eurent sur les armées de Bajazet, fait Chap. 16.
encore mieux voir le peu de courage des Chrestiens : car ceux-cy qui n'estoient qu'une
poignée de gens, & encores Asiatiques, firent non seulement teste à ce grand Monarque,
mais encores prirent ses Villes & saccagerent son pays, & toutesfois celuy qui auoit pris
les armes contre son Prince, nonobstant tous ces pretextes, y perdit le premier la vie, &
les autres furent chastiez de mesme, par celuy du nom duquel ils se vouloient seruir, à
sçauoir Ismaël.

L'ORIGINE de la secte des Sophians, & le progres de la fortune du Sophy, qui de Chap. 17. 18.
tres-petits commencemens paruint en un instant en un si grand Empire, monstre assez
que DIEU permettoit toutes ces choses, pour un soulagement des siens, faisant naistre
ce nouuel Orient pour tenir teste à ceux qui deuoient rauager tout en Occident, aussi
voyez vous que tout luy prospere, soit contre Alumut, soit contre le Soudan de Bagader,
non pour sa bonne vie : car c'estoit, comme vous voyez, un tres-melchant & cruel per-
sonnage, mais parce qu'il falloit un tel instrument que luy, pour fonder cette Monarchie,
cela n'empescha pas apres qu'il ne sentist la main pelante du Tout-puissant, & que ce ba-
Jay ne fust ietté au feu.

Chap. 10. 11.
22.

QUELLE manie possédoit lors cét Estat Turquesque, qu'il falloit auoir à tout propos l'espée à la main, tantost le fils contre le pere, ou le pere contre les enfans, quel regret deuons-nous auoir maintenant d'auoir perdu tant de belles occasions? mais les Italiens qui sçauoient bien faire alors vne ligue pour deposséder vn Roy de France de ce qui luy appartenoit legitimement, ne la peurent toutesfois iamais faire bien à propos, pour rentrer dans ce que l'ennemy du nom Chrestien leur auoit vsuré, ayans mieux perdre vne bataille à Rauenne: que de s'efforcer d'en gagner vne en la Grece, comme il y a grande apparence qu'ils eussent fait, s'ils y fussent allez tous ensemble avecques bonne intelligence. Mais la cruauté de cette race des Othomans, n'est-elle pas toute bestiale de se faire mourir ainsi les vns les autres à chaque bout de champ? & de fait on trouuera plus de parricides, matricides & fraticides en cette seule famille, en l'espace de trois cens ans, que toute l'antiquité ne nous en a remarqué dans toutes les Histoires qu'elle nous a laissées par escrit, & ce en l'espace de plus de quatre mille ans. Quant à Selim qui se fortifie & semble par sa prudence vouloir mal-gré le Ciel venir à chef de ses entreprises, on luy a appris que le grand DIEU ne fauorisoit iamais des armes si iniustes, si bien que luy qui estoit si grand guerrier, & qui s'est assujetty de si grands & si puissans Princes, & qui d'abondant estoit le plus fort en cette guerre qu'il entreprenoit contre son pere, a esté vaincu par vn pauvre vieillard, malade, qui ne pouuoit cheminer, & qui n'auoit mesme auparauant quasi personne de son party, (les Ianissaires estans du party de son ennemy) neantmoins la Iustice Diuine leur donna au combat tant de courage, que cét enfant cruel & dénaturé fut contraint de s'enfuir, & laisser l'honneur de la victoire à son pere.

Chap. 13.

ET quant à ce conseil que tint Bajazet, il y auoit entre ses Bassats la plus grande imprudence qu'il estoit possible: car puis qu'ils desseignoient de maistriser les Ianissaires, ils deuoient y apporter tel ordre que les autres n'eussent point fait l'affront qu'ils firent à leur Empereur & à eux-mesmes: ioint que ces choses de si grande importance, si elles se doiuent proposer, au moins ne se doiuent-elles pas resoudre en vne si grande assemblée, qui peut garder rarement vn secret: ioint qu'à l'instant de la sedition, ils perdirent le cœur, sans qu'aucun d'eux eust vne seule inuention pour deliurer leur Empereur de la peine où il estoit, fust en le transportant hors du Serrail par la mer, pour laisser passer cette furie, ou bien parlant aux Ianissaires pour les apaiser: car quand ils les virent à l'entrée des portes, ils pouuoient bien iuger tout ce qui en deuoit arriuer; mais iamais pas vn n'eut le courage de parler à eux, ains tous tremblans de peur, ne pûrent faire ne dire autre chose, sinon de persuader à ce pauvre vieillard, de se demettre de son Empire.

Chap. 14. 15.
16.

CETTE sedition au demeurant des Ianissaires est fort notable: car peut-estre ne s'en est-il iamais veu vne pareille, pour le moins pour semblable sujet; vn beau portraict à la verité, pour les Princes & Potentats de la terre, & qu'ils deuroient considerer souuent, de voir que ceux-cy, qui selon leur coustume & leur discipline rendent vne si estroite obeissance à leurs superieurs, qu'on les voye maintenant secoüer le joug si hardiment, & se presenter si effrontément à leur Souuerain pour le contraindre de quitter sa Couronne, qui rend bien cette sentence veritable, que c'est chose horrible que de tomber entre les mains du DIEU viuant, & que depuis qu'il efface le caractere de la majesté qu'il imprime sur la face de ceux à qui il communique le commandement, que toute la cruauté, la tyrannie, la prudence & les artifices n'ont pas beaucoup de puissance pour maintenir les sujets en leur deuoir.

Chap. 17. 18.
19. 20.

RESTE maintenant la catastrophe de cette Tragedie, digne de remarque à iamais pour la posterité, vn Prince qui à l'aage de quatre-vingts ans, & qui selon le cours de la nature, & les maladies qu'il auoit, ne pouuoit viure encores vn an ou deux, apres vn commandement de trente années, tout à coup estre contraint de resigner son Empire à celuy qu'il haïssoit le plus au monde, lequel il fut contraint de supplier de luy donner vne retraite, & lequel encore ne peut auoir la patience de luy laisser finir ses iours en paix, mais les luy aduanga par vn violent poison au milieu du chemin, ou pour le moins en vne maison estrangere & passante, & de penser apres que celuy qui a commis ce meschant acte, est vn fils, qui apres auoir despoüillé son pere de son bien, luy raut encores la vie, cela donne de l'horreur & de la terreur: Mais quand on void ce parricide execrable, finir sa vie en respandant son sang au lieu propre où il auoit voulu oster celle de son pere, comme il se verra en son hystoire, cela apporte de la consolation. Et quant au pere qui auoit regné

regné si voluptueusement , qui auoit fait mourir ses propres enfans , & qui s'estoit monstre si plein d'ingratitude & de cruauté , principalement enuers Corchut , lequel auoit esté cause de luy faire tomber , non seulement l'Empire entre les mains , mais mesmes l'y auoit estably , & qui depuis oublia la promesse qu'il luy auoit faite , auquel s'il n'auoit de l'obligation , au moins l'autre auoit-il rendu vn grand tesmoignage de son affection , & plus que tous ses autres freres , nous fait voir que tost ou tard nous sommes chastiez de nos crimes , & que si on nous retarde la punition , que le chastiment n'en est pas moins seuer.

SELIM PREMIER DV NOM: TREIZIESME EMPEREVR

DES TURCS.



*Ces vers furent
gravez sur son
tombeau en
Turc, Grec &
Sclanien.*

*Je suis ce grand Selim qui fis trembler la Terre,
Mars mesme redoutoit les coups d'un bras si fort:
Je cherche les combats encor apres la mort:
Mon corps est au tombeau, mais mon cœur à la Guerre.*

SON ELOGE OV SOMMAIRE DE SA VIE.



VOICV une mauuaise mine d'homme & qui ne promet rien de bon : ce front de Tarquin tout renfrongné, cét ail de Neron tout grand & affreux, ce visage de Scythe d'une palleur linide, & ces monstaches de Tigre toutes herissonnées & retortillées iusques vers les oreilles ; que nous peuent-elles presager autre chose qu'une rigueur & cruauté inexorable & impitoyable ? une opiniastre resolution en ses entreprises, une excepiue ambition & desir immortel de vengeance ? Mais avec toute l'apparence de ces grands vices, il y auoit un contre-poids d'excellentes vertus : car il estoit fort prudent & aduisé parmy les dangers, enduroit le chaud & le froid indifferemment, ne se lassoit iamais pour quelque travail qu'il pût endurer ; prompt & vigilant en ses entreprises, & d'un courage tout inuincible. Son boire & son manger estoit mesuré du desir & appetit naturel, non de la volupté, fort peu adonné aux femmes, & encores moins aux masses, contre l'ordinaire des Othomans, grand iusticier : car encores qu'il fut fort cruel, si est-ce qu'il estoit quelques-fois poussé d'un zele de iustice ; fort liberal, & qui donnoit volontiers ce qu'il auoit de plus precieux pour gagner le cœur des siens, qui n'espargnoit point sa personne aux affaires d'importance, & qui ne fut iamais vaincu depuis qu'il fut Empereur, ny par les difficultez presques insupportables, par lesquelles il fut contraint de passer, ny par ses ennemis : adonné à la lecture des Histoires, & mesme à faire des vers en sa langue, expert en la peinture, tesmoin la bataille qu'il eut contre le Sophy, qu'il ennoya peinte de sa main aux Venitiens, qui ne manquoit point d'éloquence, quand il luy falloit encourager les siens, qui ne se soucioit point de la pompe aux vestemens, ny de ces adorations qu'on a accoustumé de rendre aux Seigneurs Othomans, ains au contraire il ne permettoit point qu'on se seltast contre terre pour parler à luy, ny qu'on luy fit la reuerence à genoux. De sorte que si on veut bien considerer ses actions qui sont les plus condamnées, elles sont veritablement cruelles en apparence, mais en fonds qui aboutissent à une grande ambition de regner, laquelle le porta à faire empoisonner son pere, estrangler deux de ses freres, (apres auoir vaincu l'aîné d'iceux nommé Achomat, qui fut sa premiere victoire) huiset de ses neueux, & autant de ses principaux Bassas qui l'auoient le mieux seruy, & qu'il pensoit contrarier à son autorité, tous son regne n'ayant esté qu'une continuelle effusion de sang, tantost sur les siens, ores sur les estrangers. Apres auoir souffert infinies incommoditez sur le chemin de la Perse, il gagna une signalée bataille contre le Sophy à Zalderane, prit Tauris, & à son retour la ville de Keman, se rend maistré de l'Aladilic, apres auoir vaincu & fait mourir le Roy Vslagelu, passe en la Syrie où il deffit Campson Gaury Sultan du Caire, en une bataille proche d'Alep qui se rend à luy, Damas & tout le reste de la Surie, & de là s'en allant en Hierusalem, conquist toute la Palestine, par la valeur de Sinan Bassa, qui gagna une memorable victoire pres de Gaza. De là Selim ayant passé les deserts de l'Egypte, donne une grande bataille à Thomam-bey pres de Matherée, & le contraint de se retirer dans le Caire, où il se donna une autre bataille, la plus memorable de nostre temps, ayant duré trois iours & trois nuicts en continuel combat, l'honneur toutes fois en demeurant à Selim, qui contraignit les Mammelus de luy quitter la ville, lesquels ayans recouuert nouvelles forces, & présenté encores le combat aux Turcs, ils furent entierement desconfits, le Sultan Tomam-bey pris prisonnier, lequel apres auoir eu la question, Selim fit pendre & estrangler à une des portes du Caire, exterminant toute la race des Mammelus, autant qu'il en peust trouuer. Il donne le pillage du Caire à ses soldats trois iours durant, & le despoille de tout ce qu'il auoit de rare pour en orner Constantinople, prend Alexandrie, Damiette, Tripoly, & tout le reste de l'Egypte & de l'Arabie, chacun venant à l'enuy reconnoistre son sceptre, & s'assujettir à sa domination, son Imrehor Bassa obtenant durant ce temps une notable victoire contre les Perses, il reduit l'Egypte en Prouince, y laissant pour gouuerneur Cait-beg, qui auoit sous Campson le gouuernement d'Alep, au lieu du Bassa Ionufes qu'il fit mourir par la calomnie de cettuy-cy. Il s'en retourne en Surie, où il laisse Gazelly pour Gouuerneur : tous deux toutes fois Mammelus, mais renolés : ayant donné tant de combats, fait un si long voyage, & assujetty de si grandes & puissantes Prouinces en moins de deux ans. Mais comme il pensoit s'en retourner triomphant en la maison, il tomba malade par le chemin d'une grande fièvre, qui se conuergit en un cancer, lequel s'ulcera de sorte, sans qu'on y pût donner aucun remede, avecques une telle puanteur, qu'il estoit presque insupportable, cela luy gagnant peu à peu le poulmon & les intestins ; si que voulant aller à Andrinople, comme il fut arri. à Chiorly, au lieu mesme où il auoit liuré le combat à son pere, & voulu oster la vie à celui qui luy auoit donnée, par un iuste iugement de DIEU, il y perdis la sienne, estant de là apporté à Constantinople, où il fut ensepulture dans la Mosquée qu'il auoit fait bastir, le septiesme iour du mois de Septembre, l'an de grace 1520. & de l'Egire 926. de son aage le quarante-septiesme, & le huitiesme de son regne.

LIVRE TREIZIESME
DE L'HISTOIRE
DES TURCS.

SOMMAIRE, ET CHEFS PRINCIPAUX
du contenu en ce present Livre.

- I. *Selim fait une superbe sepulture à son pere, & emprisonner ceux qui portoient le deuil de sa mort : sa largesse aux Janissaires : guerre contre son frere Achomat : Ambassade des Venitiens vers luy, & de luy vers eux : les Hongres renouellent la trefue qu'ils auoient avec Selim.*
- II. *Inquietudes d'Achomat, il se retire à Derenda, & demande secours par tout où il passe : cruauté de Selim à l'endroit de ses neveux : perfections de Mahomet neveu de Selim, les propos qu'il luy tint, & la response de son oncle.*
- III. *Remonstrance d'Amurat à son pere Achmet, & la response dudit Achmet : ruse de Selim pour le surprendre, la trop grande credulité duquel cause sa ruine, il surprend les troupes de Selim, & est trahy par Musia un de ses confidens, qui est cause qu'il est abandonné de ses gens, sa lascheté, sa fuite, sa capture, & finalement sa mort.*
- IV. *Histoire du Bassa Mustapha, qui se resout d'empoisonner Selim par le moyen d'un Barbier, & d'une boule de saumon, son conseil à Achmet, sa cruauté fait decouurir sa trahison par son messager qui la declare à Selim : mort du Barbier, quoy qu'innocent, & du Bassa Mustapha.*
- V. *Cruels desseins de Selim, son ingratitude envers son frere Corchut, assemblée generale qu'il fit des plus grands de son Empire, ses intentions, prend luy-mesme la charge de faire la guerre à son frere Corchut, le Serrail duquel est enuironné par les gens de Selim.*
- VI. *Corchut tasche de se sauuer à Rhodes ou en Candie, trahy par un sien esclau, son frere le fait estrangler : sujet des vers que Corchut escriuit à Selim : grande force de Mustapha neveu de Selim, lequel le fait estrangler. Corchut & Mustapha regrettez des Turcs : Selim chastie les meurtriers de Corchut : plusieurs Ambassadeurs viennent trouuer Selim, les presens des Persiens, mal receus de luy, & ceux qu'il enuoya à leur Prince.*
- VII. *Legation de Hongrie à Selim, sa superbe response à l'Ambassadeur, & la prudente repartie de l'autre : Selim enuoye vers les Hongres leur demander tribut : ses desseins contre les Hongres, & l'Italie : Ambassade de Maximilian vers luy, pour le persuader à la guerre contre les Venitiens.*
- VIII. *Guerre contre les Perses, Amurath fils d'Achmet tire secours du Sophy contre son oncle, il espouse sa fille, ordre d'Ismaël pour la guerre qu'il entreprenoit contre les Turcs, courses d'Amurath en Amasie, le Bassa Chendeme s'y oppose, les preparatifs que Selim auoit fait contre les Chrestiens, luy seruient contre les Perses, les grandes forces qu'il auoit.*
- IX. *Passé avecques toute son armée à Scutary, sa colere & resolution à poursuivre les Perses : considerations de Chendeme à Selim, qui sont prises de luy en mauuaise part, & causes de la ruine de l'autre, & de sa mort.*
- X. *Ambassade de Selim aux Armeniens & Aliduliens, leur response, le chemin que tenoit Selim allant contre les Perses, mont Pariardé tres-renommé, & pourquoy : le Sophy se prepare pour receuoir Selim, le long temps que les Turcs furent en ce chemin : les Armeniens quittent leur contrée, & pourquoy : l'Aladulien quitte le party de Selim.*
- XI. *Selim en fort grande peine, qu'il dissimule dextremement, fait chercher d'autres guides pour suivre son chemin : les Turcs voulans passer le fleuve Araxé, sont empeschez par Amurath neveu de Selim.*

- XII. *Ismaël fait la guerre aux Coraxens, son arrivée à Choïs: Ambassadeurs d'Ismaël à Selim, sa réponse, Ismaël se résout à la bataille, Selim est sollicité par les sujets d'Ismaël de venir en Perse.*
- XIII. *Bataille de Zalderane, l'ordre des deux armées, Selim harangue ses gens.*
- XIV. *Ismaël anime les siens au combat, plaisante rencontre en la bataille de Zalderane, les Perses ont au commencement de l'avantage, mais les Turcs reprenans courage tuent Vstazy-ogly General de l'armée des Perses d'une harquebusade: Selim encourage les Janissaires, qui refusent le combat.*
- XV. *L'honneur de la victoire déné à Sinan Bassa, valeur des Malcozogles qui blessent le Sophy au milieu des siens, trois sortes de soldats en l'armée des Perses, la retraite d'Ismaël, premiere cause de sa deffaitte, la seconde l'artillerie de Selim: deffaitte des Perses, & faite d'Ismaël: butin des Turcs, arrest de Selim sur ce qu'on feroit des femmes Perses captives, sa ruse pour retenir tous les biens des habitans de Taurus, qui luy ouvrent les portes, reſtablit les Mosquées abatuës par le Sophy, & fait son entrée triomphale dans leur ville.*
- XVI. *Selim veut hyuerner en Perse, conseil de Mustapha sur cét hyuernement, pour lequel Selim le fait chasser avecques ignominie: les Janissaires prennent la parole pour luy, leur plainte hardie contrainst Selim de se retirer, il despoille ceux de Taurus de leurs biens & de leurs ouvriers.*
- XVII. *Ismaël poursuit Selim, qui passe l'Euphrate avecques peine, une partie de son bagage & de son artillerie demeurant sur le riuage. Selim va contre les Georgianiens, contre la volonté des Janissaires: leur Prince enuoye deuers luy, ses plaintes & la réponse de Selim; auquel l'autre enuoye des vivres & autres provisions.*
- XVIII. *Selim hyuerne en Amasie, prend la ville de Kemach sur Ismaël: ce qui auoit animé principalement Selim contre les Perses, qui font mourir Sultan Amurath. Autre opinion de cette guerre de Perse.*
- XIX. *Selim contre l'Aladulien, sa cruauté en la ville de Kemach, ruses de l'Aladulien, sa prise, sa mort, & conqueste de son pays, que Sinan Bassa réduit en Prouince.*
- XX. *Expedition des Turcs en Hongrie, & conqueste de Ionuses en la Bosnie, les Hongres deuant Semendrie: le Sanjac en aduertit Selim, qui met ordre pour faire leuer le siege, ce qui fut executé: grande confusion en l'armée Chrestienne, mais en recompense leur bel ordre en leur retraite & sans confusion: on aduertit Selim de cette victoire.*
- XXI. *Second rauage des Turcs en la Bosnie: sedition en Hongrie, rauage des seditieux, leur Roy pris vif, son supplice cruel, & celui de ses soldats: sedition des Janissaires, qui pillent la maison de Pyrrus Bassa, ils s'humilient à Selim, qui fait mourir les chefs de la sedition, & plusieurs Bassas.*
- XXII. *Seconde entreprise des Turcs contre les Perses, l'Imrehor Bassa General de cette armée; qui s'en alla saisir des frontieres, mais Selim veut luy-mesme conduire le gros. L'ordre qu'il donna aux Prouinces de l'Europe deuant son partement: l'estat des Princes Chrestiens, lors du voyage de Selim: consideration de l'Empire Turc.*
- XXIII. *Les Egyptiens en deffiance de l'armée des Turcs, font alliance avec les Perses: Ambassade de Selim à Campſon Gaury Sultan au Caire, & sa réponse, diuerses narrations sur ce sujet: lettre de Selim à Campſon, & de Campſon à Selim.*
- XXIV. *Ruse de Selim feignant marcher contre les Perses, pour abuser les Egyptiens, il persuade les siens à supporter les incommoditez de cette guerre: les Turcs rauagent la Comagene: peu de preuoyance de Campſon, ses inquietudes, ses regrets, & le conseil qu'il prend des siens,*
- XXV. *Aduis de Gazelly à Campſon, les Mammelus luy contredisent suscitez par Cait-beg Gouverneur d'Alep, Campſon se range de leur costé: costume des Sultans d'Egypte, leur vanité, trahison de Cait-beg qui se rend à Selim, auquel il enuoye des ostages pour l'assurance de son infidelité, & ses instructions au preiudice de son Roy & de patrie.*
- XXVI. *Selim reçoit Cait-beg du nombre des siens, & ce qu'il desiroit de luy: lieu de la prochaine bataille d'entre les Turcs & les Egyptiens: quels estoient les Mammelus, leur force & police, le plus cherif esclau d'entr'eux, pouuoit paruenir à la Seigneurie: Mamer fils du grand Sultan Cait-bey, s'empare de la Seigneurie, tué par un Circasse, fut esleu Sultan, quand la domination des Mammelus commença: combien elle est tyrannique.*

- XXVII.** Ordonnance de la bataille de Campson, considerations particulieres des deux armées, Campson exhorte ses soldats, & les anime au combat, Selim fait le semblable aux siens.
- XXVIII.** Trahison de Cait-beg, les Mammelus eurent du commencement l'advantage en cette bataille, Sinan restaure le combat, l'artillerie des Turcs cause du gain de la bataille, mort de Campson, & des Gouverneurs de Damas & de Tripoly, les Mammelus se retirent au Caire, grands remuemens en Egypte.
- XXIX.** Nombre des morts de part & d'autre en cette bataille, stratageme de Selim. Alep se rend à luy, & sa courtoisie à l'endroit des habitans, ceux de Damas font le semblable, & reçoivent pareil traitement, il fait reformer l'estat de la Religion Mahometane en la Surie.
- XXX.** Armée des Turcs en Judée sous la conduite de Sinan Bassa, les Mammelus escrivent un autre Souldan, Ambassade du Grand-Maistre de Rhodes à Thomam-bey, principaux poincts de la lettre qu'il escrivoit au Sophy, Selim fait passer son armée de mer devant Rhodes, & pourquoy : ceux de Gaza se rendent à Sinan, & ne laissent pas de donner des aduis aux Mammelus, comme aussi ceux de Surie font le semblable à Sinan : rencontre des Turcs & des Mammelus pres de Gaza, où les Turcs eurent la victoire.
- XXXI.** Ceux de Gaza pillent le camp des Turcs, les Arabes donnent beaucoup d'affaires aux Turcs, auxquels l'artillerie fut tres-utile, bel ordre de Selim marchant par pays, en grande peine pour Sinan Bassa, il donne de l'argent aux Prestres du saint Sepulchre de Jerusalem, vient à Gaza, où il chastie les rebelles : grand heur de l'armée des Turcs à leur arrivée en Egypte.
- XXXII.** Ambassade de Selim au Sultan du Caire, assemblée generale des Mammelus, & la harangue du Sultan Thomam-bey, considerations des Mammelus contre l'aduis de leur Sultan, leur réponse à l'Ambassade de Selim, qui celebre le Bairam à Gaza, & fait estrangler un de ses Bassas, qui l'avoit fidelement conseillé.
- XXXIII.** Baumes de Matharée, de Genezareth & de Judée, en quel lieu la VIERGE MARIE se retira en Egypte : desseins & stratagemes de Thomam-bey decouverts par des traistres : origine de Sinan, & comme il parvint à la dignité de Bassa : Thomam-bey se voyant trahy change de nouveaux desseins, ce qu'il dist à ses soldats sur le desordre qui survint à ce changement.
- XXXIV.** Disposition de la premiere bataille de Selim contre Thomam-bey, sa harangue à son armée, le canon des Egyptiens tout enrouillé de vieillesse leur nuit, celui des Turcs tres-utile, ayant de bons canonniers : mort de Sinan Bassa : bataille de Matharée tres-signalée, de laquelle les Turcs ont l'advantage, nombre des morts.
- XXXV.** Thomam-bey ramasse ses forces, ses desseins, trahy derechef par quelques-uns des siens : conseil des Mammelus à leur Sultan, lequel donne ordre au Caire, encourage les habitans, ses soldats & les Mammelus, la populace ennemie des Mammelus : description de la ville du Caire, grandes richesses au tombeau d'une parente de Mahomet, lac fort plaisant au Caire, riche palais d'une Sultane : Selim decore Constantinople de la despoüille du Caire.
- XXXVI.** Le Bassa Ionuses enuoyé au Caire par Selim, qui exhorte les siens au combat dans le Caire, auquel les Turcs se trouvent accablez de toutes parts, estrange confusion dans cette ville-là : Selim y fait mettre le feu : les Mammelus prennent l'espouuente & s'enfuient.
- XXXVII.** Braue resistance de quelques Mammelus en une Mosquée, mais enfin Selim les attrape, & tous les autres sous une promesse d'assurance publique, premier pillage des Turcs sur les Egyptiens : Thomam-bey rassemble nouvelles forces, enuoye une Ambassade à Selim, lequel luy rend la pareille, ses Ambassadeurs assassinez par les Mammelus : Thomam-bey se refout de venir à un dernier combat.
- XXXVIII.** Propositions du Sultan Thomam-bey au dernier conseil que tindrent les Mammelus : les Turcs font un pont sur le Nil, grande espouuente en leur camp, estans surpris par les Mammelus : propos de Selim en colere, ordre que donne Selim pour arrester l'ennemy : desseins de Thomam-bey, auxquels s'oppose Mustapha, lequel bastit un super pont sur la riviere de Strymon : Selim à la teste de son armée cause du gain de la victoire : Mammelus en fuite, prise du Sultan du Caire, sa mort tragique & ignominieuse.
- XXXIX.** Les habitans du Caire pilléz par les Turcs, trosne de Ioseph, Gazelly se rend à Selim, qui se fait apporter les thesors, sans du Caire que des autres villes, il fait venir des secours de Constantinople, ses lettres à Pyrrus Bassa & à Solyma son fils : trahison de Pyrrus, seigneurs chargez de soldats menez à Alexandrie, qui se rend à Selim, la ville d'Alexandrie se rend, les

Les Arabes & les nations voisines, le tout volontairement : flotte des Egyptiens contre les Portugais, les chefs de cette armée en dissension, qui se rendent en fin à Selim, qui va recevoir son armée en Alexandrie, & vuidant ses vaisseaux de soldats, les remplit des despoüilles des Egyptiens qu'il enuoya à Constantinople, le Seigneur de la Mecque vient reconnoître Selim, qui le reçoit honorablement : robe du Prophete, qu'est-ce.

XL. *Selim fait les departemens de l'Egypte, jalousie & calomnie de Caïr-beg contre Ionuses Bassa : Selim augmente la paye à ses soldats, en consideration de leurs travaux, les pompes des dépenses de Ionuses causes de sa ruine, Selim luy fait trancher la teste,*

XLI. *Guerre contre les Perses sous la conduite de l'Imrehor Bassa, Ismaël persuade ses gens de venir attaquer les Turcs, route d'iceux par les Perses : Mahomet-beg rassure les courages des siens, sa ruse pour davantage espouvanter ses ennemis, qui sont deffaits & taillez en pieces : Seigneurs de marque occis en ce combat, sepulchre d'Aly gendre de Mahomet fort renommé, six mille soldats occis en ce conflict.*

XLII. *Selim hyerne en Alep, enuoye querir nouveau secours à Constantinople, laisse Gazelly gouverneur en Syrie, & Pyrrus Bassa proche de Sebeste, tandis que luy s'achemine vers Constantinople, il devient malade par le chemin, d'un cancer : armée de mer contre les Rhodiots, la peste qui s'y mit cause de la rompre, il congedie l'armée qu'il auoit en Asie : grand tremblement de terre à Rhaguse.*

XLIII. *Le mal augmente à Selim, qui fuyant le sejour de Constantinople, & s'en allant à Andrinople, fut contraint de s'arrester au mesme lieu où il auoit donné la bataille à son pere, sa mort cruelle, mais tres-juste, quelques meditations sur cette mort, il recommande son fils à Pyrrus Bassa.*

XLIV. *Ferhat Bassa cele la mort de Selim à tout le monde, fors à Solyman, lequel doute de la lettre du Bassa : second aduis qui luy fut donné confirmé par les autres Bassas, il s'achemine à Constantinople, l'Aga & les Janissaires vont au devant de luy, qui le reconnoissent pour Seigneur, funeraïlles de Selim enterré dans la Mosquée qu'il auoit fait bastir, vers granz sur son tombeau, quelques considerations sur sa vie, ses vertueuses inclinations, aymoit la lecture des histoires, & estoit sçauant en la peinture.*





LIVRE TREIZIESME

DE L'HISTOIRE

DES TURCS.

1512.
en Octobre.



À folie, disoit vn Ancien, est innocente aux hommes de basse condition, d'autant qu'ils ne font point de mal, parce qu'ils ne peuuent: comme és mauuais songes, il y a ie ne scay quoy de douleur qui fasche l'ame, quand elle ne peut pas venir à bout d'executer ses cupiditez: mais quand la puissance est coniointe avecques la malice, elle adjouste aussi douleur à ses passions & affections, car le vice prenant alors sa course par la carrière de la puissance, pousse & presse toute violente action, conuertissant vne colere en vn meurtre; & vne inclination guerriere en cruauté, laquelle les Egyptiens souloient autresfois designer par l'Hippopotame, & fort à propos: car comme cet animal se remplit auidement de la substance d'autrui, se voyant trop chargé de graisse, il vient sur le bord du Nil, & choisissant quelque pieu bien pointu, se heurte vne veine qu'il a en la cuisse contre iceluy, laquelle ayant coupée en cette façon, il vuide vne grande abondance de sang, & après bouche sa playe avecques du limon. Que s'il y a iamais eu Prince cruel à qui cecy se doive rapporter, ce doit estre à Selim, qui s'estant gorgé du sang de tant de peuples, se rua contre le sien propre, faisant mourir pere, enfans, freres & neueux, heurtant sa cruauté contre l'ambition, & le tout pour posséder vne piece de terre qu'il appliquoit à sa blesseure; si que tout son regne, qui n'a pas esté fort long, n'a esté qu'un perpetuel massacre, & vne continuelle effusion de sang.

I.

Selim fait
faire vne su-
perbe sepul-
ture à son
pere.

Mais il ne
laisse pas
d'emprison-
ner ceux qui
en portoient
le deuil.

Sa largesse
aux Janissai-
res.

Guerre con-
tre son frere
Achomat.

SE L I M estant doncques paruenù à l'Empire par les moyens que vous auez entendus, & déguisé la joye qu'il auoit de la mort de son pere par la magnificence des funerailles, & la riche sepulture qu'il luy fit faire, pensant cacher son parricide par cette hypocrisie, il n'a toutesfois iamais sceu colorer tellement sa melchanceté qu'elle n'ait esté à la fin decouuerte. Or son pere auoit emmené quant & soy cinq cens soldats, & cinq ieunes hommes qu'il affectionnoit, l'un desquels estoit vn Menauin Geneuois, qui a escrit cette Histoire, qui tous ramenerent le corps à Constantinople, lequel ayant mis en sa dernière demeure, les cinq cens furent renuoyez chacun chez soy, avecques continuation des mesmes gages qu'ils souloient auoir: mais quant aux cinq qui pour le regret de la mort de leur maistre s'estoient vestus de noir, Selim de colere les fit mettre tous prisonniers, desquels il en fit mourir deux, & les trois autres furent tirez du peril par l'intercession de ses filles & des Bassats; & leur faisant payer leurs gages sans leur donner des robes, il les mit hors de son Serrail, les mettant sous la charge du Sulastarbassi, & suivirent tousiours depuis l'armée, qu'il fit passer incontinent apres en la Natolie: mais ayant auparauant visité ses thresors, il fit vne largesse aux Janissaires de deux millions d'or, pour leur tesmoigner la grandeur de son courrage & sa liberalité, augmentant outre cela la paye de ses gens de cheual, de quatre aspres pour homme, & de deux pour les gens de pied: il n'oublia pas aussi les Bassats & autres Grands de la Porte qu'il reconneut luy estre vtiles, pour les rendre par ces presens d'autant plus fideles & plus affectionnez à son seruice.

A Y A N T doncques ainsi donné ordre à ses affaires à Constantinople, il fut bien-tost resolu à la guerre contre son frere Achomat: car c'estoit celuy-là qui luy pouuoit le plus troubler son repos, & lequel il haïssoit le plus, comme ayant esté son competitor à l'Empire; il desiroit toutesfois s'asseurer auparauant des armes des Chrestiens, afin que cependant qu'il seroit fort éloigné dans l'Asie, ils ne donnassent sur ses terres, & le prissent

au

au despourueu, mais comme il auoit le cœur grand & ne vouloit pas rechercher autrui, il se trouuoit fort empesché comment il y deuoit proceder. Quand les Venitiens, qui redoutoient l'ambition & la hardiesse de Selim, se voyans assez trauaillez d'ailleurs, & craignans que s'il venoit à entreprendre sur eux, leurs moyens & leur foiblesse ne peust s'opposer à sa grandeur (comme cette Republique se conduit tousiours avecques grande prudence & preuoyance en ses affaires) ils penserent qu'il falloit tousiours s'accommoder au temps, & se resolurent de se l'acquiescer pour amy: ils deputerent doncques à ces fins Antoine Iustinian, pour se resioiyr au nom de la Republique, de son heureux aduenement à l'Empire, & des desirs d'une longue & permanente felicité, pour confirmer aussi de nouveau l'ancienne amitié & alliance qu'ils auoient avec les Monarques Othomans.

1513.

Ambassade des Venitiens vers luy.

L'AMBASSADEUR Venicien fut receu fort honorablement par Selim en la ville d'Andrinople, où il estoit pour lors avecques son armée qu'il preparoit pour passer en Asie: & voyant que ce qu'il auoit tant desiré, luy estoit liberalement offert, il embrassa de bon cœur l'amitié des Venitiens, promettant de la garder à iamais inuiolable, sous les mesmes conditions qu'elle auoit esté auparauant traitée avecques Bajazet: & pour plus grande assurance il enuoya Alibeg pour Ambassadeur avecques Iustinian qui s'en retournoit à Venise, pour faire ratifier le tout au Prince & au Senat, leur escriuant encores particulièrement pour les gratifier dauantage, & les exhorter à la conseruation de son amitié, qu'il ne leur manqueroit point de sa part. L'Ambassadeur Turc arriué à Venise, & introduit au Senat, le Prince Loretan ratifia, tant en son nom qu'en celuy de la Republique, tout ce que Iustinian leur Ambassadeur auoit accordé & signé. D'ailleurs, les Roys de Pologne & de Hongrie estans entrez en mesme frayeur que ceux de Venise, sachans assez quels auoient esté autresfois les desseins de Selim, rechercherent aussi les mesmes voyes que le Senat Venicien, faisans renoueller la trefue qu'ils auoient avec les Turcs, ce qui leur fut aussi facilement accordé par Selim, lequel se voyant par ce moyen hors de crainte de la guerre du costé de l'Europe, tourna toutes ses pensées vers l'Asie contre son frere Achomat.

Qu'il reçoit fort honorablement.

Son Ambassade aux Venitiens.

Les Hongres & Polonois renouellent la trefue qu'ils auoient avec luy.

LEQUEL voyant toute la gendarmerie, tous les Magistrats & Officiers, & generallyment tout l'Empire Turc flechir sous les commandemens de Selim, & luy auoit presté le serment de fidelité, comme à leur Souuerain, ayant encores d'ailleurs, pour accroissement de sa misere perdu son pere, auquel consistoit sa principale esperance, & duquel il tiroit tousiours quelque secours, sinon d'hommes, au moins d'argent, dont il se trouuoit assez degarny, pour pouuoir supporter le faix d'une si longue guerre, & estant aduertiy des grands preparatifs que son frere faisoit pour le ruiner, connoissant bien ses forces n'estre pas bastantes pour s'opposer aux siennes, & qu'il y alloit de sa vie, s'il tomboit entre les mains de son ennemy, ayant pris son argent, & tout ce qu'il auoit de plus precieux, il choisist les meilleurs hommes de toutes ses troupes, & ceux auxquels il auoit la plus grande confiance, & se retira à Derenda sur les confins de l'Arabie, c'est à dire en la Caramanie, qui confine la Sultanie du Caire, où il fortifia la Cilicie, coniurant en passant la fidelité des peuples par où il passoit, dit Paul Ioue, en demandant armes, argent & tout le secours qu'il pouuoit, à des gens toutesfois qui n'estoient pas de grand effet, aussi leur puissance estoit-elle trop foible pour le secourir contre celle de Selim: qui cependant estoit arriué à Angory, jadis Ancyre, où ayant appris des nouuelles de la fuite de son frere, il depescha Machmut Zelebin Imrehor Bassa, ou son grand Escuyer, qui estoit lors Sanjac de Brusse, avecques une puissante armée pour le poursuiure avecques la plus grande diligence qu'il luy seroit possible, & faire en sorte qu'il se faillist de sa personne: mais quelque diligence qu'il sceust faire, & quelque effort qu'il employast pour accomplir ce qu'on luy auoit commandé, il ne peust iamais suiure à la trace Achmet, & beaucoup moins l'aborder, ou luy liurer quelque bataille à luy ou aux siens; si bien qu'il s'en retourna vers son maistre, sans auoir rien fait, mais il prenoit son pretexte, sur ce qu'estant desia fort auant en l'hyuer, il estoit contraint de distribuer le soldat par les garnisons pour hyuerner.

Inquietudes d'Achomat.

Il se retire à Derenda.

Demande secours par tous où il passe.

Le Bassa de Brusse contre luy.

Qui se sauue.

CEPENDANT Selim se saisit des Prouinces que tenoit son frere, y establisant par tout des Sanjacs à sa deuotion: de là ayant retiré ses forces, quand il fut arriué à Burse, il donna la puissance aux Ianissaires de s'en aller hyuerner, & eux ayans leur congé, se retirerent à Constantinople: quant à luy il passa son hyuer à Burse, où estant arriué il fit une cruelle boucherie de sept Schachzadeorum, c'est à dire enfans de la lignée Royale, ainsi les appellent les Turcs, tous fils de ses freres, entr'autres Mahomet Zelebis fils de Tzihan

Cruauté de Selim à l'endroit de ses neueux.

1513.

Perfections
de Mahomet
neveu de Se-
lim.

Qui le reçoit
benignement,
s'estant venu
rendre à luy.

Propos de
Mahomet à
son oncle.

Response de
Selim.

Schach ou Sciancias, lequel apres la mort du pere, auoit eu son gouuernement de Don-gusly en la Carie, que depuis son oncle Achmet luy auoit osté de force, & l'ayant luy-mesme pris vif, l'auoit tousiours depuis fort soigneusement gardé, mais la fuite d'Achmet luy auoit aussi donné commodité d'eschapper: si qu'il se vint, comme fugitif, presenter à son autre oncle Selim, ieune homme au demeurant d'une excellente beauté, & qui tout belliqueux & vaillant, attiroit à soy les veux d'un chacun, qui estoit outre ce d'une riche taille, bien proportionné de tous ses membres, ayant une force du tout conuenable à sa beauté, qui ne manquoit point d'esprit & de iugement, adioustant à son entre-gent benin & affable, une grande liberalité: de sorte qu'avecques tant de graces corpo-relles & spirituelles, il s'estoit concilié les cœurs & la bien-veillance d'un chacun, mais non pas celuy de Selim, qui estoit trop plein de sang pour y pouuoir retenir quelque belle image pour l'affectionner. Toutesfois comme il estoit tres-aise de son arriuée, le relevant d'autant de peine de le faire chercher, il le receut d'une façon fort affable, & comme s'il eust desiré de le tenir fort cher: on dit que ce Prince estant arriué deuant son oncle, vsa à peu pres de ces paroles. *Estant sorty d'une prison forcée de mon oncle Achmet, ie rentre maintenant dans une volontaire, en me donnant à vostre Hauteſſe, n'ayant qu'une re-queste à luy faire, c'est qu'elle me donne la vie, puis que i'ay resolu de la consacrer à iamais à son seruiſſe, & me tenir l'esclau de sa grandeur; que i'accompagneray tousiours, soit à sa bien-heureuse Porte, ou ailleurs où il luy plaira de se transporter.* Selim à cela luy respondit qu'il deuoit auoir bon courage, & qu'il ne deuoit auoir aucune crainte, & afin de luy oster toute doute, & luy faire auoir une entiere confiance en son oncle, Selim le faisoit man-ger à sa table par une faueur du tout extraordinaire, mais c'estoit pour s'asseurer dau-rage de sa personne.

III.

1514.

Remonſtran-
ce d'Amurat
à son pere
Achmet.

Response
d'Achmet.

Ces choses se passans ainsi à Burſe, Achmet amasse des forces, & se trouuant autour de luy une assez puissante armée, commença de s'approcher de Selim, pour decider par une bataille à qui seroit le souuerain modérateur de toutes choses. Or Achmet auoit deux fils fort bien nourris & d'une fort grande esperance, entre lesquels Amurat se ren-doit le plus recommandable, pour sa magnanime generosité. Cettuy-cy voyant son pere resolu à combattre, pour l'en dissuader il luy dist. *A la verité, mon pere, si vous pre-niez en cette affaire un bon conseil, vous ne demeureriez iamais en ce pays; mais vous cher-cheriez quelque contrée plus seure, qui par les loix de l'hospitalité vous laissast passer vos iours en seureté, car il n'y a pas d'apparence que vous puissiez retenir cét Empire, tout flechissant sous la puissance & l'austhorité de Selim, comme il fait, vos forces n'estans pas bastantes pour suppediter les siennes, estant le superieur en toutes choses, & vous son inferieur.* A cela son pere luy respondit. *Mais où tray-ie, mon fils? ou chez qui me retirera-y-ie? si ie quitte la domination des Othomans, & que i'aille à refuge chez quelque Prince estranger, quand bien il m'en donneroit quelque cping pour ma retraite, ne serois-ie pas tousiours sous sa puis-sance, reduit à une perpetuelle captiuité? & qui est-ce qui pourroit viure en une si grande incertitude de l'euement de ses affaires, & demeurer tousiours en suspends, sous l'arbitre & le iugement d'autrui? Ne vaut-il pas mieux que ie m'expose tout d'un coup au hazard des armes, & par quelque acte signale, ie rachete ou perde ma vie, que desherité du Royau-me paternel estre agité iour & nuict d'une continuelle crainte de la mort?* Ces raisons tou-tesfois ne pleurent point à Amurat, & il ne pouuoit approuuer ce conseil, car il sca-uoit assez l'estenduë des forces de son pere, & n'estoit pas ignorant de la grande puis-sance de Selim.

Ruse de Se-
lim, pour sur-
prendre Ach-
met.

LEQUEL sentant le Printemps approcher, rassembla ses forces de toutes parts des lieux où elles auoient hyuerné, & partit de Burſe pour mettre fin tout d'un coup à cette guerre: car il craignoit fort que son frere Achmet fuyant de lieu à autre, éuitast le com-bat, ou qu'avec le temps il amassast de grandes forces. C'est pourquoy il fit contrefaire des lettres qu'il fit semer en plusieurs endroits, partie esrites par des Vizirs & Bassats, partie par des Ianissaires & autres gens de la Porte, par lesquelles ils se plaignoient des outrages que leur faisoit Selim, que cét homme colérique & de nature de feu estoit incompatible, au contraire de luy qu'ils scauoient estre d'une douce & benigne nature enuers ses sujets, qu'il vint doncques sans retardement, & qu'il ne doutast plus de la foy de ceux qui luy estoient si parfaitement acquis: car on n'auroit pas plustost veu ses enseignes, que tout le monde abandonneroit Selim. En fin ces lettres estoient d'un style fort artificiel, repre-sentant à la verité la nature de Selim, afin qu'Achmet en eust moins de soupçon, & y adioustaſt foy plus facilement, & dit-on qu'il en fit ietter environ cinquante, ausquelles le pauvre

le pauvre Achmet croyant plustost à ces trompeurs artifices qu'au conseil de ses amis, qui auoient quelques coniectures de la tromperie, il s'enfila dans les rets de son ennemy, & se rencontrèrent tous deux en la plaine de Genischeher, ou de la Cité neufue; Et peut-on dire veritablement à la lettre qu'il tomba dans les filets, car Selim fit tellement environner le pays de toutes parts pour empêcher qu'Achmet ne se peust sauuer, qu'il falloit de toute necessité qu'il perist dans cette enceinte, s'il perdoit la bataille, & luy au contraire, en tout euenement auoit tousiours la campagne libre, tenant les aduenues de toutes parts.

Il arriva doncques en cel lieu de Genischeher, non proche de Burse, comme quelques-uns ont pensé; mais en la Caramanie voisine de l'Arabie: car Achmet s'y estoit retiré, & auoit choisi cette Prouince, cōme estant proche de l'Égypte & du Caire, afin d'en pouuoir tirer plus promptement du secours. Il y en a qui disent que durant la retraite qu'auoit fait Selim l'an precedent, Achmet qui s'estoit caché dans les montagnes, voyant son ennemy se retirer en desordre, comme gens qui n'auoient point de crainte, prenant son aduantage, vint fondre sur eux si heureusement, que les surprenant au depourueu, il en tailla vne grande partie en pieces, & prit grand nombre de prisonniers, & entr'autres Mussia, vn de leurs chefs, lequel il receut apres au nombre de ses plus chers amis, & qui fut par apres vne des causes de sa ruine: car cettuy-cy iugeant bien que le pouuoir d'Achmet n'estoit pas bastant pour terrasser celuy de Selim, & panchant du costé où il pensoit auoir plus d'aduantage, il fit party avecques trois autres des plus signalez des troupes de son maistre, qui tous ensemble se retirerent au camp de Selim, qui furent fort bien receus de luy. Ceux-cy luy conseillerent de presenter la bataille à son frere le plustost qu'il pourroit, l'assurant que ses forces estoient fort debiles, & que iamais il n'auroit cōmencé le combat, qu'il ne le vist abandonné des siens. Selim les creut, & comme luy auoient predict ce fugitifs, les gens d'Achmet ne faillirent point de se retirer à la file en son camp, si que le pauvre Prince se voyant trahy, & qu'il s'estoit luy-mesme precipité dans des embusches qui l'environnoient alors de toutes parts, commença de perdre courage, & la crainte commença de le saisir: de sorte qu'encores qu'il luy restast assez bon nombre d'hommes, sinon pour vaincre, au moins pour vendre sa vie bien cherement à son ennemy, si ce n'est qu'ayant son esperance toute confuse, comme il estoit naturellement mal propre à la guerre, le cœur luy faillit: de sorte qu'il ne sceut ny choisir le temps du combat, ny ranger son armée en bataille, ny donner ordre à sa retraite, ou faire aucun acte de Capitaine, non pas mesme s'enfuir à propos pour sauuer sa vie, tant le sentiment de ceux sur lesquels la diuine ordonnance veut exercer sa puissance, deuiet en vn instant moullé & hebeté, si bien qu'à peine les troupes d'Achmet purent-elles souffrir la premiere impetuosité de celles de Selim, qu'elles se mirent ineontinent en fuite, bien peu ayans rendu du combat, les Selimites poursuivirent les fuyards, desquels ils tuerent iusques à enuiron cinq mille: Achmet voyant toutes choses desesperées, de peur qu'il ne peust estre remarqué entre les fuyans: s'aduisa, mais bien tard, d'oster son vestement, & de prendre celuy d'un simple soldat: car comme il faisoit ce changement, Cialapan Ducagin, vn des chefs de l'armée de Selim qui y survint, le reconnut qui le prit vif, sans qu'il fit beaucoup de resistance.

ESTANT doncques amené deuant Selim, afin que luy-mesme le peust voir & reconnoistre, il pria qu'on le fit approcher plus pres de son frere, afin de pouuoir parler à luy, ce qu'estant rapporté à Selim, il fit responce qu'il n'estoit point besoin de discours, & qu'il luy falloit bailler vne Satrapie digne d'un fils de Roy, c'estoit le mor du guet de sa mort. Ceux doncques qui auoient cette charge, l'ayans vn peu destourné des yeux de son frere, l'estranglerent avecques la corde d'un arc: son corps priué de vie, fut honorablement enseuely, selon la coustume des Turcs, & porté à Pruse au monument de ses ancestres. Telle fut la fin d'Achmet, que son pere auoit non seulement iugé digne de l'Empire, mais qu'il auoit preferé à tous ses autres enfans, pour le constituer en la dignité Imperiale, & auquel toutesfois vous pouuez remarquer vn courage trop bas & trop lasche pour gouverner vn tel Estat que celuy des Turcs, qui ne respire que le sang & les conquestes.

Mais auparauant que finir ce discours d'Achmet, il sera bien à propos de rapporter icy vne histoire que Tuberon recite fort particulierement, & que ie ne trouue ny dans les Annales Turcs, ny ailleurs que chez luy. Il dit doncques qu'au mesme temps qu'Achmet deffit quelques troupes de son frere, comme nous auons dit cy-dessus, & qu'il prit Mussia, il y auoit pres de Selim vn personnage de fort grande autorité & de ses

1514.

Trop grande credulité d'Achmet.

Qui surprend les troupes de Selim.

Trahison de Mussia.

Les gens d'Achmet se retirent vers Selim.

Lascheté d'Achmet.

Fuite des troupes d'Achmet.

Qui est pris par Cialapan.

Sa cruelle mort.

IV.

Histoire du Bassa Mustapha, selon Tuberon.

1514.

Mustapha se
resout d'em-
poisonner Se-
lim.

Par le moyen
d'un Barbier.

premiers Bassats, nommé Mustapha, non celuy dont il sera parlé cy-apres, car celuy-là estoit Dalmate, & cettuy-cy estoit de la ville de Serreuse proche d'Amphipolis, fils d'un Prestre Grec (car selon l'opinion des Grecs, les Prestres sont mariez) lequel ayant remarqué que l'Empereur Othoman estoit fort irrité contre ceux qui du temps de son pere auoient usé de concussions en leur Magistrat, comme cettuy-cy, estoit fort addonné à l'auarice, & qu'il craignist que le sort tombast sur luy, il pensa qu'il estoit plus à propos de faire tomber l'Empire entre les mains d'Achmet, qui n'y regarderoit pas de si pres que cettuy-cy, homme fort actif & remuant. Or iugeoit-il bien que ny la force ny les pratiques ne pouuoient réussir pour ce regard, Selim estant trop bon homme de guerre, & les Janissaires trop affectionnez en son endroit. Il ne voit doncques pas meilleur moyen de s'en deffaire que par poison, ne restant plus que de trouuer vne occasion, laquelle se presenta fort à propos, ce luy sembloit; car ayant entendu que Selim auoit donné charge qu'on luy cherchast quelque beau ieune homme Barbier qui eust assez d'experience pour le pouuoit seruir en son art, il ne pensa pas trouuer meilleure opportunité. Ayant doncques escrit des lettres à Achmet Othoman, il les luy enuoya par vn de ses seruiteurs plus affidez, auquel il donna vne instruction particuliere de ce qu'il deuoit dire à Achmet, & comment il se deuoit conduire en cette affaire: Achmet ayant entendu la conception de Mustapha, trouue son aduis fort bon, & fait en sorte qu'il achete vn esclau Barbier (car les Turcs transportans la plus grande partie des esclaves Chrestiens en Asie, il y en a là aussi de tous mestiers) qui estoit en toutes choses accomply selon les desirs de Selim, qu'il enuoya secrettement à Mustapha. Or ce ieune homme auoit esté si bien achepté par personne interposée, que ny luy-mesme, ny personne de la Cour de Selim, n'eust sceu iuger qu'il venoit de la part d'Achmet.

Estrange in-
uentio d'em-
poisonnemēt.

MUSTAPHA ayant doncques cettuy-cy en main, il composa vne boule de saumon pour frotter les parties du corps que les Turcs ont accoustumé de se faire raser. Or cette boule estoit composée de plusieurs aromates, parmi lesquels il auoit meslé du venin si subtil qu'il faisoit incontinent mourir la personne qui en estoit frottée: cela estant ainsi disposé, il l'enferma dans vn petit estuy de corne, disant au ieune Barbier, deuant qu'il l'eust donné à Selim, & qui estoit ignorant de tous ces conseils, que c'estoit vne composition fort excellente, de laquelle il se deuoit seruir seulement quand il raseroit le poil du Roy. L'ayant ainsi bien instruit, il le presenta à son Seigneur, lequel le receut de fort bon cœur, en esperance de s'en seruir à la premiere occasion: cependant Mustapha auoit enuoyé vn messager vers Achmet l'aduertir de tout ce qu'il auoit fait, & luy conseilloit d'approcher son armée le plus pres de Pruse qu'il pourroit, & sur tout de se deffaire du messager, si tost qu'il auroit leu les lettres, de crainte qu'il n'en decouurist quelque chose, car c'estoit luy-mesme qui auoit desia fait l'autre message, & afin que la chose fust plus secrette, il enuoya ses lettres enfermées dans du plomb. Celuy qui les deuoit porter voyant vne façon si inutile de cacheter des lettres, pensa incontinent qu'il portoit là-dedans quelque chose de tres-grande importance, & comme la nature a cela de propre (quoy qu'ignorante) d'entrer en soupçon des choses qui luy doiuent porter preiudice, il entra en apprehension d'estre le porteur de son mal-heur; ce qui le pressa de sorte qu'il n'eust point de repos qu'il n'eust rompu ce plomb, deffait cette enueloppe, & leu les lettres, où il trouua ce qu'il ne desiroit pas, & ce dequoy il s'estoit douté; estant doncques hors de soupçon, il demeura long-temps en balance de ce qu'il deuoit faire, ny quel conseil il deuoit prendre, pensant diligemment à tout ce que la crainte & l'esperance luy pouuoient suggerer.

CAR, disoit-il, poursuiuray-je mon chemin? & iray-je executer le commandement de mon meschant maistre qui me veut faire perdre la vie pour recompense de ma peine & de ma fidelité? & me laisseray-je massacrer sans l'auoir merité? encores si i'estois assuré qu'Achmet eust quelque pitié de moy & me voulust retenir pres de sa personne en recompense d'un si bon seruice, j'aimerois mieux m'acquitter de mon deuoir; mais d'ailleurs cela m'est incertain, & ie suis tout assuré que si ie retourne à Pruse, & que ie declare cecy à Selim, encores qu'il voye que i'auray esté plus forcé à cela par la necessité que par la fidelité que ie luy deuois, cela ne l'empeschera pas de m'en scauoir bon gré, & de m'en donner quelque notable recompense: car ie puis dire que ma principale intention, quand i'ay ouuert les lettres de mon maistre, n'a esté que pour voir si on n'entreprendoit rien contre son seruice, & que ie les luy eusse toujours apportées, quand bien on n'eust rien machiné contre moy. L'esclau ayant doncques diligemment coudieré en son esprit la recompense de sa

de sa trahison, & qu'il se fut representé deuant les yeux les grands biens, les richesses, & la faueur qu'il auroit, & en quelque façon que ce fust, qu'il se vangeroit de la malice & cruauté de son maistre, & qu'encores qu'il ne tirast aucune recompense de Selim, au moins sauuerait-il sa vie, & se retireroit de danger: il rebrouilla chemin, & s'en reuint à Burse, où estoit pour lors Selim, où il arriua de nuit secrettement & à cachetes, demandant aux gardes d'estre introduit au Seigneur, pour chose qui luy importoit de la vie: entré qu'il fut au Pauillon de l'Empereur, il commence à reciter par ordre les entreprises que Mustapha machinoit contre sa vie, pour preuue dequoy il presenta les lettres escriptes de la propre main de son maistre; car comme vous auez pu voir, il sçauoit tout le progres de cette histoire. Selim ouyt ce discours & leut ces lettres avecques vn grand trouble d'esprit, voyant de si grands indices d'une telle & si subtile meschanceté: ayant doncques commandé de lier le delateur, il passa la nuit à resuer sur vne occurrence qui luy estoit si importante, & le iour estant venu, il fit venir le criminel, lequel on n'eust iamais pensé qu'il se fust persuadé de pouuoir par des nouueutez establir vne meilleure fortune, estant paruenue à la grandeur en laquelle il estoit, & qu'il eust voulu tacher sa reputation d'un tel crime, encores que son visage palle & sa parole tremblante tesmoignassent assez qu'il estoit coupable de ce qu'on l'accusoit: mais comme on vid que les menaces ny la veüe des tourmens qu'on luy representoit, & desquels on le menaçoit, ne luy pouuoient faire aduouier son crime, par l'aduis de l'accusateur, on fit venir le ieune Barbier, lequel estant interrogé comment il estoit venu entre les mains & en la puissance de Mustapha, il dist sans hesiter, sans s'estonner, & sans donner aucun tesmoignage qu'il y eust pour son regard aucune intelligence, que cela estoit arriué par le moyen d'un homme particulier, mais qu'il n'auoit receu commandement de personne de faire du mal à l'Empereur, & qu'il estoit du tout innocent & ignorant de cela. Et la verité ce poison, comme nous auons dit, auoit esté composé à son deceu: car Mustapha n'auoit pas voulu se fier d'une chose de telle importance à ce ieune homme mal-aduisé: mais afin de rendre toutes choses plus claires (car Selim vouloit entierement esclaireir cette affaire) on fit venir vn chien, auquel on bailla vn morceau de cette paste, mais il mourut incontinent: de sorte que l'autre tout manifestement conuaincu, & Selim ayant reproché avecques toute l'aigreur qu'un homme coléré, & offensé comme il estoit, & qui outre cela auoit souveraine puissance, l'ingrate perfidie & trahison de Mustapha, il commanda de le mettre entre les mains des bourreaux pour l'estrangler: ce qu'estant fait, on estrangla aussi ses enfans, ses biens declarez acquis & confisquez au Seigneur. Quant au pauvre Barbier, d'autant qu'il deuoit estre le ministre d'une telle meschanceté, il ne laissa pas de passer le pas, comme les autres: mais à l'accusateur, fut laissé seulement la vie sauue sans aucune recompense, d'autant qu'ayant sceu vn temps toute l'affaire, il n'en auoit point auerty son Roy, sans vn extreme danger de sa personne: telle fut l'issue de cette trahison, apres laquelle le mesme Autheur tient que Selim fit ce grand massacre des enfans, tant d'Achmet, que de ses autres freres. Lequel ayant esté depuis defait, pris & executé en la maniere que vous auez entendu, ses enfans qu'il auoit de reste, (toutesfois plus aisez que luy) s'estoient subtilement retirez, l'un à sçauoir Amurat, chez les Perles, deux vers le Sultan d'Egypte, & le quatriesme Selim le fit mourir.

Mustapha estranglé.

MAIS il y en a qui content cette histoire d'une autre sorte, & disent que Mustapha voyant que Selim faisoit mourir tous ses neueux, encores que le conseil vint en partie de luy, toutesfois vn ie ne sçay quel regret & naturelle pitié l'ayant touché de voir resprendre tant de sang Othoman, il aduertit secrettement les deux enfans d'Achmet, à sçauoir Amurat & Aladin, des desseins que leur oncle auoit contre leur vie, car ils estoient encores en la Natolie, & attendoient l'euenement de la guerre contre leur pere: mais Selim ayant decouuert sa trahison, & qu'il les auoit conseillez de se retirer aux montagnes, bien que cela n'eust pas esté bien verifié contre luy, il le fit toutesfois estrangler, ayant bien mérité cette recompense, pour la trahison dont il auoit usé enuers son maistre & son Seigneur Bajazer, car il auoit tenu le party de Selim contre luy.

Autre opinion de la mort de Mustapha.

LE principal emuleur de l'Empire Othoman estoit bien esteint en Achmet, mais à vn esprit soupconneux comme celuy de Selim, & à vn Prince seuer & sanguinaire comme luy, tout luy faisoit peur, il entendoit quelquesfois ie ne sçay quel murmure parmy le gens de guerre qui luy fit penser plus d'une fois que son Empire ne seroit iamais bien establi, tant qu'il y auroit pas vn de la race Othomane en vie, à la façon des Princes cruels, qui cimentent leur domination le plus souuent avecques le sang de leurs plus proches, &

V.

Cruels dessem de Selim.

1514.

Son ingrati-
tude envers
son frere Cor-
chut,

Demande ad-
uis aux Do-
cteurs de sa
Loy,

D'une chose
qu'il auoit
toute resoluë.

Il prend luy-
mesme la
charge de fai-
re la guerre à
son frere.

Occupations
de Corchut.

On l'aduertit
des desseins
de son frere
contre la per-
sonne.

fomentent leur cruauté par la perte de la vie de ceux qui la leur ont le plus conseruée. Ie dy cecy pour Corchut, lequel estoit resté seul de tous ses freres avecques Selim, & auquel il auoit fait tant de bons offices, tantost l'aduertissant de ce qui se passoit contre luy, & s'offrant luy-mesme en personne de le secourir, tantost renonçant volontairement à l'Empire, qui luy appartenoit mieux qu'à nul autre, puis qu'il en auoit desia legitiment joiuy, & qu'il luy auoit esté promis par le pere, pour luy auoir si fidelement remis entre les mains, comme on a pû voir en l'Histoire de Bajazet; nonobstant dy-je, toutes ces choses, & que l'esprit de Corchut s'occupast dauantage & prit plus grand plaisir à fueilleter vn Liure, qu'à ranger vne armée en bataille, ne se souciant que d'estudier en la Philosophie Mahometane: Toutesfois cet esprit desiant de Selim, à qui la crainte de ses actions donnoit toutes sortes d'ombrages, ne peust souffrir plus long-temps ce pauvre Prince en vie, toutesfois en hypocrite il voulut faire le conscientieux sur vne chose qu'il auoit desia toute resoluë, & comme s'il eust fait conscience de l'entreprendre sans conseil, il fit venir les *Fakiches & Menlanas* (ce sont des sages Docteurs de leur Loy) & assemblez comme en vn conseil: Que vous semble, dit-il, de cette question, lequel est plus à propos de faire mourir cinq, huit, voire iusques à dix personnes, ou de souffrir que tous les peuples du Royaume diuisiez & affligez, tout s'en aille en telle confusion qu'il ne soit pas sans danger d'une extreme ruine? Certainement, respondirent-ils tous d'une voix, il est plus vtile que huit ou dix perissent, que toute la Republique soit en diuision à leur occasion. Ayant receu cet aduis, il fit aussitost assembler tous les Officiers de la Porte, Ianissaires & autres gens de guerre, comme s'il eust voulu tenir des comices & des Estats generaux où on recueille les voix & les suffrages d'un chacun, où estans tous assemblez il leur demanda s'ils ne vouloient pas tous obeir à ses commandemens, & s'ils obeissoient à regret. Tous les Courtisans alors (qui selon leur coustume n'auoient garde de respondre autrement qu'au plaisir de leur Maistre) Certainement, Seigneur, ta demande est en cela bien superflue, puis que nostre fidelité desia tant de fois esprouuée, te doit faire croire que nous te rendrons à jamais tout deuoir & obeissance, & si le passé n'est suffisant, tu en peux faire encores esprouue pour l'aduenir: Ferez-vous doncques, leur dit-il alors, cela où ie vous enuoyeray? Commande, respondirent-ils, & tu veras si tu n'es pas promptement obey: Ie veux, adjousta Selim, que vous commenciez dès cette heure, à vous mettre en quëste de mon frere Corchut, & de tous les enfans que mes freres ont laissez apres eux, afin qu'estans trouuez & pris, vous me les ameniez incontinent: que si vous y manquez apres vostre promesse, & que vous en laissiez eschapper vn seul, vous sentirez à vostre dommago quelle vengeance ie sçay prendre des refractaires & des perfides. Ce qu'ayans entendu, chacun avecques les Ianissaires, se diuiserent par troupes & s'en coururent tous, mesmes volerent quasi aux lieux où ils pensoient trouuer Corchut, & les enfans des freres de leur Seigneur.


Mais Selim qui iugeoit bien que le plus grand mal qui pourroit arriuer à l'Empire, & les remuemens qu'on y pourroit faire, viendroient plustost de la part de son frere que des autres, il prit sur luy la charge de se saisir de Corchut. Il commanda doncques que dix mille hommes de cheual fussent prêts dans trois iours, parce qu'il vouloit faire vne course sans estre decouuert, entre lesquels dix mille, Menauin qui a escrit cette Histoire, dit qu'il en estoit vn. Au bout de trois iours, comme ils eurent vn peu cheminé ils decouurirent qu'ils tiroient vers la Mangrelie, où Corchut s'estoit retiré, ne pensans rien moins qu'à ce que Selim s'imaginoit, ny à s'emparer de l'Empire; mais passant son tēps à l'estude, il auoit mis sous le pied toutes ces vanitez, s'assurant que ne remuant point, son frere Selim le laisseroit viure en repos, mais si sa croyance auoit esté legere, son estonnement fut encores plus soudain, quand vn seruiteur d'un des Bassas de Selim, le vint trouuer en la plus grande diligence qui luy fut possible, pour l'aduertir que son frere Selim estoit fort proche de là, en intention de se saisir de sa personne: ce qu'ayant entendu, apres auoir fait vn bon present à celuy qui luy donnoit cet aduis, il se mit en fuite avec vn sien Basla aupara-
uant qu'il peust estre ioint par les troupes de Selim, qui arriuerent avec leur Seigneur le lendemain au matin, & aussitost enuironnerent le Serrail & rompirent les portes, croyans le trouuer encores au liēt, puis ayans pris plusieurs Courtisans & Eunuques, & les ayans mis à la question pour leur faire confesser où estoit Corchut, ils firent tant qu'ils sceurent qu'il estoit party la nuit precedente, mais qu'ils ne pouuoient pas dire où il estoit allé, bien sçauoient-ils qu'un ieune homme l'estoit venu aduertir, & que cela l'auoit fait mettre en fuite: Selim se voyant deceu de son entreprise, enuoya des espions par toute la contrée,

contrée, pour decouurir où il se pourroit estre retiré, & cependant fit saisir toutes les richesses qu'il trouua au Serrail, & charger sur ses galeres, puis enuoya le tout à Constantinople, mettant mille hommes en garnison dans le Serrail avecques vn chef pour se prendre garde de la Cité, luy cependant se retira à Burse, pensant que Corchur se fut retiré en Italie.

LEQUEL au sortir de son Serrail auoit bien tasché de se sauuer à Rhodes ou en Candie sous vn habit déguisé, mais tous les passages estans clos, & reconnoissant que son cruel frere auoit mis des espies de toutes parts pour le surprendre, & qu'il luy estoit impossible de se sauuer où il desiroit, il s'en alla par les solitudes des montagnes & profond silence des forests, où il viuoit de racines d'herbes & de miel sauvage, & en fin se retira en vne cauerne, où vn Ture, dit Menauin, luy portoit à manger le matin & le soir, qui fut cause de le faire decouurir: toutesfois il y en a d'autres qui adjoûtent à cecy de la trahison, & disent que Bostangy Bassa gendre de Selim, tenant la mer couuerte d'espions pour surprendre ce Prince, fit publier que quiconque diroit le lieu où estoit caché Corchur, ou le meneroit vis à Selim, ou luy en porteroit la teste, seroit recompensé d'un grand & riche present. Vn meschant esclave de ce defaistré Prince l'alla decouurir, auégulé d'auarice; pour le moins par l'esperance: car d'ordinaire les Seigneurs Othomans ne laissent point tels traistres impunis, ayans ce qu'ils demandent, & font en sorte qu'ils ostent du monde vn meschant homme, & sauuent l'argent qu'ils promettent, qu'ils ne pavent que fort rarement; & veu que cela est, comme il se void par toute l'Histoire, ie m'estonne comment ils peuuent trouuer des ministres de leurs cruautés, & comment les derniers venus ne prennent point exemple sur leurs deuanciers, mais l'argent auégule tellement la raison, qu'il n'y a peril, ny difficulté, ny meschanceté où les hommes ne s'exposent, & qu'ils ne veuillent commettre pour en amasser.

A peine Selim estoit arriué à Burse, quand on luy apporta ces nouuelles qui luy donnerent vn merueilleux contentement, se voyant deliuré de beaucoup de peines & de soucis, si son frere se fust retiré vers les Chrestiens: & à la verité, veules guerres qu'il eut depuis, tant en Perse qu'en Egypte, si on eust eu vn Chef du costé de l'Europe, on luy eust bien taillé de la besongne, pourueu que les Chrestiens eussent plustost choisi de tirer le sang de leurs ennemis que le leur; mais de toutes ces choses l'Eternelle Prouidence en auoit autrement ordonné.

SELM ayant la proye qu'il auoit tant pourchassée, rebrousse chemin, & comme il fut proche de luy, il enuoya la nuict, dont il deuoit arriuer la matinée suivante, vn lieu Capitaine, que le Commentaire Verantian appelle Kirengin-oglan, surnommé Chiorfemal, c'est à dire qui a la veuë de trauers, & que celuy qui le trouua dans la cauerne, s'appelloit Casumes Capitzy Bassa, lequel estant arriué dans sa cahuette, sur la quatriesme heure de la nuict, & le réueillant, luy apporta le triste message de la mort; à quoy le defaistré Prince ne scachant quel remede apporter, sinon de subir à ce cruel arrest, en tirant vn profond soupir de son estomac, il pria humblement le Capitaine deuant que le faire mourir, qu'il luy donnast quelque peu de temps, pour pouuoir escrire seulement vne petite lettre à son frere: ce que le Capitaine luy ayant volontairement accordé, comme il estoit homme d'une grande & profonde doctrine, il escriuit des vers sur le champ contre Selim, de telle substance.



*A cruauté m'a fait apprendre ce que j'ignordis encore, ayant trouué plus d'humanité
parmy les bestes les plus cruelles, que dedans ton cœur: Je t'auois cedé l'Empire, & tu
me chasses de ma maison, & t'ayant preserué la vie, tu me donnes la mort. Quand j'ay
vescu parmy les miens, tous m'ont aymé & respecté: si ie suis venu dans les deserts,
tout ce qui estoit de plus agreste & saunage, s'est donné à moy pour me seruir de nourriture: il n'y a
que toy, ingrat & barbare, de qui j'aye receu du desplaisir. Mais, dy moy, le plus sanguinaire de
tous les hommes, en quoy j'auois pû offenser Corchur, pour luy auancer ses iours, apres s'estre demis
de tout ce qui estoit sien, & s'estre retiré dans la solitude de sa contemplation, sans se meller d'au-
tres affaires, que de celles de sa tranquillité, content du peu de reuenu que son pere luy auoit laissé?
Pourquoy perfide luy auois-tu juré vne si fraternele amitié, puis qu'au milieu de tes plus estroits
embrassemens, tu desirois, comme le Poulpe, te repaistre de son cœur? Engeance de vipere, qui as
mis à mort celuy qui t'auoit engendré, pourquoy veux-tu teindre de sang le Sceptre venerable des
Othomans, qui ont choisi la couleur blanche pour marque de leur candeur & pureté? Furie in-
fernale, tu tasches d'arracher cette illustre plante par ton inexorable cruauté, mais le DIEU tout-*

Gg iij

1514.

VI.

Il tasche de
se sauuer à
Rhodes.

S'enfuit dans
les deserts,
où il vit de
de racines &
miel sauvage.

Trahy par vn
sien esclave.

Selim aduer-
ty de la prise
de son frere

Enuoye des
gens pour le
faire mourir.

Corchur fait
des vers sur le
champ, qu'il
enuoye à son
frere.

Sujet des
vers de Cor-
chat.

1514. *puissant qui l'a élevée à une telle hauteſſe, la conſervera, & le ſang innocent de mon frere, de mes neveux & le mien rejaiſſant juſques au thrône de ſa Majeſté, impetreront de ſa Juſtice, que toy quies ſi auidé du ſang de ſes proches, periras tout plongé dans le tien, & la bourrellerie continuelle que tu feras, tant des autres peuples que de ſes propres ſujets, tranchera le cours de ton regne, auparavant que d'avoir gouſté de ſes conquêtes, faiſant finir ſes iours au milieu d'une hayne publique, en laiſſant apres ton ame dans des peines qui n'auront jamais de fin.*

Grande force
de Muſtapha
ſils de Tzihan
Scach.

Cruel naturel
de Selim.

Corchut &
Muſtapha re-
grettez des
Turcs.

Selim chaſtie
les meurtriers
de Corchut.

Plusieurs Am-
baſſadeurs
viennent trou-
ver Selim.

Preſent du
Roy des Per-
ſes.

TELE fut la fin des deux freres de Selim, Achomat & Corchut, pitoyable à la verité, principalement pour le regard de Corchut, Prince tout paſſible, & duquel l'eſprit vuide d'ambition, n'aſpiroit qu'à paſſer ſa vie en repos, ſans ſe meſler de toutes ces vanitez, qui bouffiſſent & ruinent ordinairement les plus grands courages, & neantmoins il ne laiſſa pas de perir ſous le glaiue ſanglant de Selim, auſſi bien qu'Achomat qui avoit pris les armes contre luy. Or ſelon quelques-vns, Selim fit mourir ſes neveux, lors qu'il hyuernoit à Burſe, deuant que d'avoir terminé la guerre contre Achomat, les autres diſent que ce fut à Conſtantinople que fut priſe cette deliberation, il y a de l'apparence en l'un & en l'autre; mais cela n'eſt pas beaucoup important: tant y a que les Annales Turques ſont d'accord qu'en un meſme temps on compra ſept de la maiſon Othomane, que Selim fit ainſi cruellement mourir, entr'autres Muſtapha, le ſils de Tzihan Scach, duquel nous avons fait mention cy-deſſus, lequel Menauin dit avoir eſté de ſi grande force, que ſon oncle luy ayant enuoyé le bourreau pour l'eſtrangler, il luy bailla un tel coup de poing qu'il luy rompit un bras, & à un autre qui eſtoit venu à ſon ſecours, il luy donna un tel coup d'un tranche-plume, dit l'Histoire (ſi ce n'eſt pluſtoſt un petit poignard que nous appellons un ſuler) qu'il demeura mort ſur la place: de ſorte que Selim qui vouloit contenter ſes yeux, & repaiſtre ſon cœur d'un ſi cruel ſpectacle, voyant la courageuſe deſſenſe de ce ieune Prince, enuoya deux des plus forts hommes qu'il euſt, leſquels apres avoir luitté quelque temps contre luy, finalement ils trouverent moyen de le lier, puis l'eſtranglerent. Ces deux, à ſçavoir Corchut & Muſtapha, furent fort regrettez de tous les Turcs en general: de ſorte que toute crainte & diſſimulation miſe ſous le pied, ils ne ſe pouvoient empêcher de les plaindre tout haut, & de dire qu'on ne les avoit pû faire mourir qu'avecques un notable danger de la Republique, leur innocence, leur bonne vie, & les rares vertus dont ils eſtoient accomplis, meritaſſent bien de recevoir quelque privilege à la couſtume ſanglante de leur maiſon, puis qu'ils n'eſtoient tous deux portez qu'au bien & à l'accroïſſement d'icelle, & que tous deux rendoient ſi volontaire obeïſſance à l'Empereur: ſi que leurs plaintes eſtans parvenues juſques à ſes oreilles, la nature non le naturel, le força de ietter une abondance de larmes, & de faire faire des prieres pour eux quelque eſpace de temps, ce qu'il faiſoit toutesfois, comme ie penſe, de bon cœur & non ſans quelque contentement, aſſeuré que ceux-cy ne le pouvoient plus troubler: & à la verité ſi nous pouvons en quelque façon faire un rapport des choſes modernes aux anciennes, ie trouve ce Prince plus ſanguinaire, & plus cruel que Neron, qui commanda bien le mal, mais qui n'en a jamais eſté le ſpectateur, & en a toujours deſtourné ſes yeux: toutesfois pour faire bonne mine, il commanda à toute ſa Cour d'en porter le dueil, & meſmes ayant découvert quinze de ceux qui avoient pris Corchut, il leur fit à tous trancher la teſte, & ietter leurs corps dans la mer: diſant que ſi la mauvaiſe fortune le contraignoit un iour de ſ'enfuir, il auroit pareillement à ſe craindre d'eux, tant il faiſoit mauvais avoir à faire à ce Tyran: car le reſuſant, ou executant ſes commandemens, il y alloit toujours de la vie.

SESTANT doncques ainſi deſfait tant de ſes freres que de ſes neveux, & ſ'eſtant emparé des Prouinces qu'ils poſſedoient, il mit par tout des Sanjacs à ſa deuotion, mais ſur l'Amalie, ou Cappadoce, où commandoit Achmer, il y commit Chemdem ou Chendenem, puis il vint paſſer l'Helleſpont au deſtroit de Galipoly, & de là ſ'en vint à Conſtantinople, s'exerçant à la chaſſe tout le long du chemin. Arriué qu'il fut à Conſtantinople, il trouua pluſieurs Ambaſſadeurs, qui au nom de leurs Princes, ſe venoient conjoïr, avecques luy, tant de ſon aduenement à la Couronne, que de l'heureux ſucces de ſes guerres & de ſes affaires, n'ayant plus d'oſeſnauant de competeur qui le peult troubler en ſa domination: entre les autres Ambaſſadeurs eſtoit celui du Sultan du Caire ou d'Egypte, que Selim receut avecques un fort bon viſage, auquel ayant donné un fort riche accouſtrement, il le renuoya fort honorablement. Apres cettuy-cy ſe preſenta celui du Roy des Perſes Iſmaël Sophy, lequel au nom de ſon Maiſtre, venoit preſenter à Selim

Selim vn fort grand Lyon. Selim qui comprenoit assez que ce Hieroglyphe le vouloit taxer de cruauté, se mit en fort grande colere contre l'Ambassadeur. Pourquoy, dit-il, ce Prince là qui nous est si contraire & si grand ennemy, par vne certaine profonde malice nous enuoye-il des bestes farouches, qui ne sont propres qu'à déchirer & mettre en pie: ces les passans? dautant, respondit l'Ambassadeur, qu'il est bien-seant de presenter à vn grand & royal courage comme le tien, la beste la plus courageuse & la plus royale de toutes. Au contraire, dist-il, son seul dessein a esté de me faire du desplairir, & là-dessus le renuoya sans aucun honneur, ny sans en faire cas, mesmes iusques à ne le vouloir pas regarder, & si quand il fut de retour en son logis, il luy enuoya quelques grands chiens qui auoient la bouche toute ensanglantée pour les emmener quant & soy en Perse, & en faire present au nom de Selim à Schach Ismael, commandant expressément aux siens que l'Ambassadeur Persien eust sans aucun delay, à se retirer vers son Maistre, & qu'ayant passé les bouches du Bosphore, comme il seroit arriué en Asie, on l'accompagnast iusques à ce qu'il fust dehors des terres des Othomans. Comme cét Ambassadeur fut renuoyé, Selim voulut aussi oüyr tous les autres Ambassadeurs, ausquels il satisfit, & leur ayant donné responce à tous, les renuoya deuers leurs Princes.

1514.
Mal receu de luy.

Selim enuoye des chiens au Sophy.

L'Ambassadeur Persien contrainct de partir.

IL ne restoit plus que celuy des Hongres, qui estoit venu de la part d'Vladus Roy de Hongrie, de la famille des Jagellons, lequel estant introduit deuant Selim, il luy demanda pour quel sujet il venoit à la Royale Porte des Othomans? L'autre luy respondit que son Prince le Roy des Hongres, ayant entendu le trespas d'heureuse memoire Bajazet le grand modérateur de l'Empire Turc, avecques lequel il auoit eu vne particuliere alliance & amitié, l'auoit enuoyé, tant en son nom qu'en celuy de tous les peuples de la Panonie, tesmoigner à sa grandeur l'extreme contentement qu'ils receuoient tous de sa félicité, & là-deüil deduisit particulièrement les articles & les pactions de l'alliance que les Hongres auoient eüe cy-deuant avecques son pere Bajazet, & lesquelles ils esperoient continuer à l'aduenir par plusieurs années, voire à tousiours, s'il auoit agreable, qu'ils esperoient que sa Majesté feroit garder aussi religieusement & avecques autant de fidelité les conditions de cét accord, comme auoit tousiours fait feu son pere, & que toutesfoiss'il y vouloit adiouster ou diminuer quelque chose, qu'il estoit venu avecques tout pouuoir, tant de son Roy que des Estats du pays, pour negocier cette affaire. Selim respondit assez insolemment & superbement: ô Gauré (c'est vn nom que les Turcs donnent aux Chrestiens, comme si on disoit Payen ou Infidele) ce vieillard tout chargé d'ans, qui a fait alliance & contracté amitié avecques vous, duquel tu te vantes tant, & que tu loies pour l'auoir si long-temps & si sainctement gardée, est mort, & par vn droit de succession, son Empire m'est legitiment deuolu, si bien que cela dépend maintenant de ma volonté d'entretenir les pactions qu'il a faites avecques vous, ou de les reuoquer, ce que ie feray sans doute, si de trois ans en trois ans vous ne me rendez tribut: que si vous en vsez ainsi, vous ferez fort bien, mais si vous faites autrement, preparez vous hardiment à la guerre; car ie vous assure que vous ne m'aurez si tost refusé le tribut, que vous ne la trouviez incontinent à vos portes.

VII.

L'Ambassadeur de Hongrie rend compte de sa legation à Selim.

La superbe responce qu'il luy fit.

L'AMBASSADEUR ayant entendu ces choses, Quant à cela, Sire, luy respondit-il, ie ne puis que respondre à vostre Majesté; car comme ma principale legation, & la principale cause de mon arriüée en ce pays soit pour luy rendre tesmoignage de la ioye que mon Prince & son peuple a receu de ce que le redoutable Sceptre des Othomans estoit tombé entre ses mains, & pour éclaircir quelque clause que peut-estre sa hautesse trouueroit trop obscure; quant est du tribut, celuy-là seul qui a tout pouuoir sur nous, sçait s'il luy en est deu ou non, & c'est à luy à se resoudre en luy-mesme, s'il en doit payer au grand Monarque Othoman, en ayant premierement delibéré avec les Estats du pays: mais voicy ce que pourra faire vostre hautesse: qu'elle enuoye vn Ambassadeur avec moy, qui fasse en son nom cette demande à mon Roy, & aux Potentats du Royaume, & lors elle pourra facilement connoistre quelle sera leur resolution. Selim fort satisfait de l'honneste responce de cét Ambassadeur, enuoyant avecques luy vn Tzansro, c'est à dire, vn des plus nobles Courtisans (que l'Empereur Turc a de coustume d'enuoyer en plusieurs & diuerses commissions, & principalement en Ambassades vers les Princes,) pour demander ce tribut au Roy de Hongrie, au nom du Sultan Othoman: mais les Hongres auoient le cœur trop noble & trop bien assis, pour s'aller ainsi rendre tributaires aux Turcs, sans coup ferir, si bien qu'il s'en retourna sans rien faire, & cependant Selim s'en alla à Andrinople, où il passa son hyuer.

Prudente responce de l'Ambassadeur.

Selim enuoye vers les Hongres leur demander tribut.

1514.

Ses desseins
contre eux,
& contre l'I-
talie.

Ambassade de
l'Empereur
Maximilian
au Turc.

Guerre con-
tre les Perses.

Amurat tire
secours du
Sophy contre
son oncle.

Il espouse sa
fille.

Ordre qu'Is-
maël Sophy
donne à la
guerre qu'il
entreprendoit
côté le Turc.

Courtes d'A-
murat en
Anasie.

Chendeme
s'y oppoie.

Bien-veillan-
ce des peuples
envers le So-
phy.

Les prepara-
tifs que Selim
auoit faits
contre les
Chrestiens,
luy seruent
contre les
Perses.

CE qui luy faisoit tenir ce langage, venoit de ce qu'il s'imaginoit desia la conquête de l'Vniuers, comme il se vid paisible possesseur & parfaitement estably en son Empire, & desiroit infiniment de dompter les Hongres, sçachant qu'estans la porte du logis du Christianisme, il entreroit comme il luy plairoit apres dans la maison, mais il n'auoit pas moins de dessein sur l'Italie, où il commença à tourner toute sa pensée, se persuadant de la pouuoir facilement subiuguer, la trouuant foible & fort trauaillée par les longues guerres passées : mais ce qui seruit encores d'esguillon à son ambition, c'est qu'il y estoit incité par l'Empereur Maximilian, qui ne pensoit autre chose, dit l'Histoire de Venise, qu'à la ruine des Venitiens : de sorte qu'il enuoya vn Ambassadeur à Constantinople, pour remontrer à Selim la grande commodité qu'il auoit d'assaillir l'Etat maritime de cette Republique, tandis qu'auecques son armée il les attaqueroit par terre : cela fut cause que sur cette attente Selim fit armer plusieurs vaisseaux & en refaire d'autres, durant qu'il hyuerna : mais comme il auoit l'esprit à vne guerre, on luy en preparoit vne autre, & lors qu'il pensoit occuper le bien d'autrui, on le força de se mettre sur la defensiue pour conseruer le sien.

VIII.

CAR l'Ambassadeur des Perses estant retourné vers Ismaël, & luy ayant rapporté le traitement qu'il auoit receu de Selim, il entra en si grande colere qu'il jura de s'en vanger à quelque prix que ce fust : & de fait comme leur alliance n'estoit que simulée, & en attendant quelque occasion de prendre son compagnon à l'aduantage, il ne falloit pas vn grand outrage pour dénouer ce nœud, & alier des volontez, qui n'auoient iamais esté bien reünies. Toutefois Ismaël ne voulant point qu'on creust qu'il eust esté le principal autheur de cette guerre, nyle premier qui eust violé la paix, s'ayda d'vn autre moyen qu'il auoit en main, c'estoit Amurat Zeleby, le fils du Sultan Achimet, qui s'estoit retiré à refuge chez luy, pour obtenir quelque secours contre son oncle. Or Ismaël auoit tenu iusques alors ses affaires en longueur : mais cét affront qu'il auoit receu de Selim en son Ambassadeur, luy fut vn coup d'esperon pour ayder plus promptement à ce pauvre Prince, de rentrer dans son heritage. L'ayant doncques fait venir & conseré auecques luy des affaires des Othomans, il le trouua en toutes choses si aduise, qu'il eut vne grande esperance qu'il conduiroit heureusement cette guerre, & donneroit beaucoup d'affaires aux Turcs ; si bien que pour l'encourager dauantage, & pour auoir luy-mesme vn fondement de plus grande apparence pour le secourir, il luy donna sa fille en mariage, & aussi-tost l'enuoya auecques dix mille cheuaux se ruer sur la Natolie, & luy conseillant de passer l'Euphrates, pres d'Arsenga, pour entrer par là dans la Cappadoce, commandant à Vstaogly ou Vstagelu-ogly, Capitaine fort renommé entre les Perses, de suiure Amurat à vne iournée pres seulement l'vn de l'autre, luy donnant la meilleure partie de son armée, & quant à sa personne, il se retira auecques le reste en Armenie, de crainte que les munitions luy faillissent, l'armée ayant à passer par des lieux steriles & non frequentez, si elle eust esté si grosse, joint qu'il estoit là sur les ailes, tant pour secourir les siens, en cas qu'il leur arriuaist quelque desastre, que pour suruenir aux necessitez de l'armée. Ayant donné tel ordre à cette guerre, Amurat suiuant le conseil de son beau-pere, entra à l'improuiste par l'Armenie mineure, sur les marches de Cappadoce, où il se rendit maistre de quelques villes par la pratique de ses amis, & de plusieurs autres qu'il mit à feu & à sang : cela donna telle terreur à toute la contrée, que la meilleure partie des peuples se venoient rendre volontairement à luy, si bien qu'il se fust rendu le maistre de toute l'Anasie, si Chendeme, personnage excellent au fait de la guerre, qui auoit le gouuernement de cette Prouince, & duquel nous auons parlé cy-dessus, n'eust rassemblé le plus de forces qu'il pût & ne fust allé au deuant de luy, iusques à Sebeste ou Sinas.

OR auoit-il desia donné aduis de ce remuement à Selim, quand il reconnut par ses espies que les Perses auoient passé l'Euphrates auecques Amurat, mais que le bruit estoit fort grand que le Sophy venoit en personne, ce qui auoit apporte plusieurs nouveautez par toute l'Asie : de sorte qu'on voyoit tout apparemment la foy des peuples branler pour l'inclination particuliere qu'ils auoient à l'endroit du Sophy, qu'ils honoroient & desiroient bien plus en leur cœur que leur naturel Seigneur. Ces nouvelles firent bien corriger le plaidoyer de Selim, il est vray que les desseins qu'il auoit contre les Chrestiens luy seruirent beaucoup en cette guerre des Perses : car comme il auoit plusieurs grandes entreprises, aussi auoit-il plusieurs grands preparatifs, qui luy vinrent fort à propos. Il enuoya doncques en diligence des courriers par tous les cantons de son Empire, & principalement en la Romolie Europeanne & Asiatique, qu'il auoit vne grande expedition à faire, qu'il

qu'il desiroit executer promptement, & partant qu'au commencement du Printemps ils se tinssent prests à marcher, & fissent prouision de toutes choses necessaires pour continuer la guerre vn an durant. Il s'estoit toutesfois declaré à ses Bassats, avecques serment de prendre si rigoureuse vengeance de ces Castelbas, qu'il en seroit memoire à iamaïs, & qu'il ne cesseroit de la poursuiure qu'il ne fust arriué à Trebise ou Tauris, ville capitale des Azemiens, & reduit Ismaël à telle extremité, que despoüillé de toute commodité, & de son propre Royaume, il ne sceut plus de quel costé se tourner: & de fait il assembla, disent les Annales Turquesques, iusques à quatre cens mille hommes: Paul Ioue n'en dit que la moitié, & outre le grand appareil qu'il fit de toutes choses, il fit encores conduire avecques luy de fort grands thresors pour fournir aux frais de la guerre: quelques-vns adjoustent encores qu'il fit trainer en cette guerre deux cens pieces de canon sur roüe, & cent autres moindres portées par des Chameaux: Dragoman dit par huit cens chariots, & qu'il auoit trois cens mille hommes.

A Y A N T doncques quitté Andrinople il vint à Constantinople, où ayant passé l'emboucheure du Bosphore à Scutary, que les Anciens appelloient Chrysopolis, & les Turcs Vscudarim, il entra dans la Natolie, où toutes les forces qu'il auoit fait assembler en Asie, le vinrent trouuer, & se ioinde aux siennes, qui se trouuerent si grandes que les Annales tiennent que iamaïs Prince Othoman n'auoit fait vne si grande leuée auparauant luy. Amurat aduertty par quelques prisonniers, & par ses anciens vassaux, que cette effroyable puïssance venoit fondre sur luy, rauagea & embraza tous les lieux par où elle deuoit passer, afin de tant plus l'incommoder, & s'il estoit possible l'alfamer. Il auoit grande enuie de combattre Chendeme, mais craignant la diligence de Selim, & qu'il le surprit au deçà du mont Taurus, il s'en retourna vers Vstageluogly: & de fait le Monarque Turc donna si peu de relasche à son armée, qu'il ne fit, selon Paul Ioue, que trente reposades de camp, ou selon les autres, soixante iournées iusques à Arfanga, où il vint ioinde Chendeme. Là voyant le grand degast que l'ennemy auoit fait par toutes ses terres, & qu'en se retirant il auoit rompu le pont de dessus l'Euphrate, plein de douleur & de colere, il se resolut de poursuiure les fuyans à la trace, & d'entrer luy-mesme dans la grande Armenie; mais pour ce faire il se presentoit de grandes difficultez, comme ceux qui connoissoient les regions le scauoient par experience: joint qu'il falloit que les soldats qui estoient venus à pied en Cappadoce d'Illyrie, de Mysie, d'Albanie & de Macedoine eussent à souffrir nouueaux labeurs, & souffrissent tantost de fort grandes froidures sur le mont Taurus, & de tres-vehementes chaleurs, en la plaine avecques la faim & la soif, & presque vn extreme desespoir de toutes choses, pour le degast que les Perses auoient fait par tous les champs & villages en s'en retournant. A tout cela on adjoustoit qu'on laissoit derriere les Roys de la petite Armenie, & les Aladuliens qui leur estoient secrettement ennemis, & toutesfois c'estoit de l'Armenien qu'ils pouuoient esperer secours de munitions, que l'Aladulien auoit de bons hommes de guerre & bien aguerris, dauantage tous les destroits & aduenues qui conduisent de la Cappadoce en Armenie, & en Perse estoient toutes commandées par des forteresses, qu'il auoit remplies de fortes & puïssantes garnisons: car tous les montagnards luy obeïssent, s'estendant sa Seigneurie le long de l'eschine du mont Taurus, depuis les Scordisces, qui confinent à la mer, iusques au mont Aman, par lequel la Cilicie se conioint à la Surie. Ces difficultez estoient representées par Chendeme à Selim pour le dissuader d'vn si long voyage, où s'il arriuoit du defastre, il ne voyoit point de secours pour mettre sus pied vne autre armée, ny pour resister aux Chrestiens, s'ils se venoient ietter sur les Prouinces de l'Europe, qu'il ne craignoit pas les Perses, mais qu'il redoutoit que la fatigue & les mesaises d'vn si long chemin fissent plus mourir de soldats que l'espée de l'ennemy, & qu'il valloit mieux conseruer le sien que se perdre en conquestant l'autrui: mais Selim qui surmontoit toutes ces difficultez par la grandeur de son courage, & par vne sienne propre & particuliere felicité, voulant toutes les affaires estre gouuernées par son conseil & conduite, comme il estoit d'vne humeur rustique & mal traictable, ne prit point de bonne part les remonstrances de Chendeme, encores qu'il vist la plus grande partie des siens estre de cét aduis, & luy-mesme repensant plus d'vne fois ce qu'on luy auoit dit: mais la chose l'offensoit d'autant plus qu'il la reconnoissoit veritable, & toutesfois contraire à son desir; si bien que sortant tout en furie du conseil, il dit, que par terre amie ou ennemie, par chemins aisés ou difficiles, qu'il iroit prendre sa raison des outrages qu'il auoit receus, & en remporteroit la victoire, encore que ce vieillard pour le soin de sa vie, craignit vne si glorieuse mort.

IX.

Passé avec toute son armée à Scutary.

Amurat fait vn degast par où deuoit passer l'armée de Selim.

Les Roys d'Armenie & d'Aladulie ennemis des Turcs & des Perses.

1514.

Flaterie des
Courtisans de
Selim.Enuies contre
Chendeme.Sa mort, sans
estre oüy.Intention de
Selim en la
mort de Ché.
deme.

X.

Son Ambassa-
de aux Arme-
niens & Ala-
duliens, & les
propositions
qu'il leur fai-
soit.Leur respon-
se.Il dissimule le
refus de ces
Princes.

LES Courtisans qui pensent que la plus grande vertu soit d'adhérer aux humeurs du Prince, de se transformer en ses volontez, & de luy manquer de foy avecques le changement de fortune, commencerent incontinent de haut-loüer vne si triomphante armée, & composée de tant de milliers d'hommes comme la sienne, mais encores plus son haut courage, qui ne se pouuoit faire paroistre en de petites & legeres entreprises : que celle-cy estoit difficile à la verité, mais puis qu'ils ne deuoient point seulement marcher sous ses auspices, mais appuyez & enuironnez de sa mesme felicité, qu'ils ne pensoient pas que des deserts ny des rochers peussent épouuanter des soldats, qui dès leur plus tendre ieu- nesse estoient accoustumez à combattre la mesme necessité. Pourquoy est-ce doncques maintenant que cét homme si vaillant & sans peur, qui a tant d'experience & de connois- sance des affaires de cét Empire, vient ébranler des volontez desia résolues au combat, & planter dans nos courages l'ignominie & la lascheté sous vne couuerture de feintes & imaginaires difficultez ? Que ce n'estoit pas cela qu'il menoit, mais qu'il aymoit mieux la conseruation d'Amurat, que la prosperité de Selim : ils disoient tout cecy de ce pauvre vieillard pour imprimer de luy quelque soupçon de trahison dans l'esprit de Selim, estans enuieux de le voir si auancé pres de leur Prince ; & non contents de ce discours, leur ma- lice passa si auant qu'ils subornerent des accusateurs, lesquels asseuroient qu'il auoit re- ceu de l'argent d'Amurat, pour retarder le partement de son armée, luy donnant le temps de se retirer à sauueté ; à quoy Selim adiousta foy fort aisément, si bien qu'il le fit mettre à mort, sans l'oüyr : ce fut la recompense que ce vieil seruiteur receut de tant de signalez ser- uices qu'il auoit rendus à ce cruel Prince, qui s'estoit tousiours seruy de son conseil & de sa vaillance, durât la guerre qu'il auoit eüe contre son pere, & depuis contre ses freres, & tou- tesfois cela ne l'empescha pas de le faire mourir pour luy auoir predit la verité & remon- stré ce qui estoit le plus necessaire pour son bien ; la bataille qu'il gagna cōtre les Perses luy ayant apporté plus de perte que de profit : mais il le faisoit pour dōner exemple aux autres, afin que pas vn n'eust la hardiesse de luy contredire, voulant oster la coustume d'vne sem- blable liberté de parler, & qu'on tint pour oracle, ou pour quelque chose diuine, ce qu'il auroit resolu de faire, se priuāt par ce moyen du seul bien dōt jouÿssent les Princes, qui leur arriue si rarement & qu'ils doiuent tant desirer, à sçauoir d'auoir vn bon & fidele conseiller.

POUR SUIVANT doncques sa pointe en la façon qu'il auoit resolu, il fit auancer son armée, & paruint sur les frontieres des Armeniens & Aladuliens, & afin d'auoir toutes cho- ses plus fauorables, il leur enuoya ses Ambassadeurs, pour les semondre de faire vne ligue, & se iindre avecques luy contre les Perses, chacun s'employant en cette guerre à frais communs & armes communes, pour les depouiller de la grande Armenie, & que la guer- re finie, chacun partageroit la despoüille, & particulièrement eux qui auroient la region voisine d'eux, quand ils l'auroient conquise sur l'ennemy, mais ces Roys n'auoient garde d'entendre à cette capitulation ; car comme ils haïssoient également Selim & Ismaël, re- doutans des Princes si puissans pour leurs voisins, & ayans leurs terres situées au milieu des leurs, comme elles estoient, ils ne pouuoient qu'ils n'en fussent tousiours foulez, comme les foibles ont accoustumé de l'estre des plus forts : aussi luy firent-ils response, que s'ils auoient assemblé quelques troupes, que ce n'estoit que pour la deffense de leur contrée, & non pour se rendre ennemis l'vn ou l'autre Roy, qu'ils n'estoient pas tels, qu'ils deus- sent iuger quant à eux, lequel de deux si puissans Princes auoit la plus iuste querelle ; toutesfois si son armée vouloit passer comme amie, & sans faire aucuns actes d'hostilité, qu'ils luy donneroient passage asseuré, & quand il seroit entré en la grande Armenie, qu'ils luy fourniroient de munitions, autant que l'abondance du pays le pourroit porter : Selim s'estonna vn peu de cette response, car il auoit esperé qu'ils luy ayderoient de tou- tes choses, & se iindroient avecques luy, comme à la verité c'eust esté vn grand bien pour son armée d'auoir ces pays-là à son commandement : mais voyant qu'il ne pouuoit mieux, il pensa qu'il falloit s'accommoder à l'estat present de ses affaires, & dissimuler le ressentiment de ce refus, de crainte que s'ils se declaroient ses ennemis, ils ne luy fissent quelque ravage sur ses terres, tandis qu'il entendroit à la guerre d'Ismaël, & mesmes ne luy donnassent à dos, quand l'occasion s'en presenteroit.

ESTANT doncques party du pays des Scordisques, montagnes qui sont à la derniere & plus Septentrionale partie du mont de Taur, il paruint au bout de huiët iours aux monts Moschiens, que le fleuve Euphrates entrecoupe, & qui separent la petite Armenie de la Cappadoce, continuans leurs croupes iusques à Iber & Colchis, s'ouurans & donnans passage dans la grande Armenie du costé de Leuant, & de là mena son armée contre-

mont

mont le fleuve, qu'il costoya tousiours, de crainte qu'il auoit d'auoir faute d'eau, dressant tellement son chemin vers l'Orient, qu'il laissoit la petite Armenie à la main gauche, & les frontieres des Aladuliens & le fleuve Euphrates à la droite, iusques à ce que l'armée paruint au mont Paryardé tres-renommé, tant à cause que deux fleuves tres-fameux prennent leur source de luy, à sçauoir l'Euphrates & l'Araxé, à trois lieues loin l'un de l'autre: encores que d'autres disent que ce soit du mont Abon, à cause que le Paryardé flechit vers cét Abon, l'Euphrates prenant sa course vers le Ponant, & l'Araxé à l'Orient, courant entre les deux le fleuve Tigris tout d'une mesme montagne, & diuisant la campagne passe entre ces deux riuieres, & prend son cours vers le Midy, s'allant engoulpher au sein Persique: mais ce qui donne encores plus de reputation au Paryardé, c'est à cause de sa fertilité, voila pourquoy ceux du pays l'ont appelé Leprus, c'est à dire portant-fruict: ces deux fleuves que nous venons de nommer, ennoblissans tellement cette region par la multitude de leurs canaux, que de champestre & seiche qu'elle seroit naturellement, ils la rendent tres-fertile en toutes sortes de fruicts.

1514.
Mont Paryardé tres-renommé.

Appelé Leprus.

Or cependant que Selim dispoisoit ainsi ses affaires, & auançoit son chemin contre son ennemy, le Persien ne dormoit pas, lequel aduertit que les Turcs auoient passé en Asie avecques vne si grande multitude de gens de guerre, & qu'il auoisinoit desia les confins de son Empire, il enuoya force courtiers par toutes les terres de son obeissance, avecques commandement expres à tous gens de guerre, & autres qui estoient propres à porter les armes, de le venir trouuer; à quoy ayans promptement obey, il se trouua entre les mains vne belle & puissante armée, & pour donner plus d'affaires & d'incommoditez aux Turcs, il fit faire le degast par toutes les terres où ils deuoient passer; afin que la crainte de la famine les conduisist à vn autre chemin, où ils eussent encores pis rencontré: car c'estoient de grands & vastes deserts, où leur armée infailliblement se fut perdue & dissipée sans combatte, à quoy il tendoit le plus; d'autant que ce sont des lieux si arides qu'on n'y trouue aucune nourriture, ny pour les hommes, ny pour les cheuaux: ce conseil fut assez heureux à Ismaël, & s'il se fust tenu ferme en sa resolution, à l'auenture la fin de cette guerre eust-elle réussi selon qu'il se l'estoit imaginé; d'autant que Selim pensa perir de nécessité parmy ces solitudes, allant errant de costé & d'autre, si bien qu'estant party de Constantinople à la nouvelle Lune du mois Rebiuleuel, il n'arriua sur les confins de la Perse qu'au second iour du mois Rezeb, si bien qu'il fut quatre mois à faire ce chemin.

Ordre qu'Ismaël donna pour la guerre contre Selim.

Le 16g temps que Selim fut sur le chemin.

AYANT doncques ainsi long-temps tracassé parmy ces vastes solitudes, sans auoir eu aucunes nouvelles de l'armée d'Ismaël, depuis qu'elle s'estoit retirée de la Cappadoce, il se campa pres la fontaine du fleuve, enuoyant quelque nombre de cheuaux des plus legers pour espier & decouurir de toutes parts quelle estoit cette contrée où ils estoient arriuez, & prendre par mesme moyen quelques prisonniers qui les peussent instruire de l'estat & des desseins de l'ennemy: mais les Armeniens, tant pour la crainte qu'ils auoient de l'armée des Turcs, que par le commandement d'Ismaël, auoient abandonné toute la contrée par où ils pensoient qu'ils deussent passer, & encores par tous les enuiron, ayans deuant que de partir, fourragé iusques à l'herbe & aux pasturages, emporté & brûlé tout ce qui peut estre nécessaire pour la vie, & abandonné leurs maisons: si bien que tout ce qui souloit estre peuplé, n'estoit plus qu'un desert. Ces gens de cheual estans de retour, sans auoir pû surprendre personne, encores qu'ils eussent battu la contrée deux iours entiers, ils rapportèrent seulement la nouvelle de ce degast general de tous biens, & qu'il n'y auoit que de fort larges campagnes, où on rencontroit vne immense solitude, par laquelle on ne pouuoit remarquer aucune trace d'hommes ny de cheuaux, & qu'ils estimoient que leurs guides qui estoient Armeniens, les eussent trahis & les eussent égarez de propos delibéré, les faisant cheminer par vn pays où ils estoient hors d'esperance de repaistre ny eux ny leurs cheuaux: cette peur s'augmenta encores à cause des deux Princes qu'ils auoient à dos, & avecques lesquels ils n'auoient pas trop bonne intelligence, à sçauoir l'Aladulien & l'Armenien: mais principalement l'Aladulien, car ayant encores l'armée des Turcs sur ses frontieres, il auoit fourny l'armée de munitions pour les premiers iours, mais quand il les vid entrez vn peu auant dans l'Armenie, il se rangea tout aussi-tost du party du Sophy, ne croyant pas que les Turcs peussent jamais se retirer avec leur honneur de cette entreprise, & qu'ils ne succombassent sous le bon-heur d'Ismaël, qui par les armes inuincibles s'estoit rendu redoutable à tout l'Orient.

Les Armeniens abandonnent leur contrée.

L'Aladulien quitte le party de Selim.

Ces choses apportoiert beaucoup d'ennuy à Selim, reconnoissant par experience

XI.

Hh

1514.

Selim en fort
grand peine,
qu'il fait dé-
guiser dextre-
ment à les
soldats.

tout ce que le vieillard Chendeme luy auoit predit de cette contrée : toutesfois il ne laissoit de monstrer vn fort bon visage, & d'encourager ses soldats à ne se point estonner de leurs trauaux, les hautes & grandes entreprises estans tousiours accompagnées de difficulté, mais qu'avecques vn peu de patience, il se promettoit vn heureux succez, & d'emporter vne glorieuse victoire de leurs ennemis, s'ils auoient l'assurance de paroistre, comme il le falloit de necessité qu'ils fissent à la fin, & sur cela ayant fait rechercher de bons guides de toutes parts, ceux qui estoient les plus experimentez, l'assureurent que sur la main droite outre Paryardé estoit la plus fertile partie de l'Arménie, ce qui le fit remuer son camp, & ayant passé les commencemens du mont du costé qui regarde vers la Bise, il tourna vers le fleuve Araxé, au dessus de la ville de Choïs, jadis Artaxata, selon Cassin Armenien de nation, qui fut en cette guerre, dit Sansouin, où il fit passer sa cavalerie à gué, & son infanterie sur quelques petits ponts dressez pour cela, car deuant qu'Araxé ait receu dans son sein les riuieres qui sourdent des palus de Paryardé, son eau est basse, & ses riuages faciles à monter. Mais Amurat qui estoit sur l'autre riué, les prit à son aduantage, & les repoussa, selon quelques vns, si furieusement, que plusieurs ayans esté taillez en pieces, vne bonne partie fut contrainte de se sauuer à la nage, pour se ioindre au demeurant de leur armée, car les Turcs qui n'auoient point encores veu l'ennemy, & qui ne s'attendoient point à cette rencontre, passoient cette riuere en assez mauuais ordre, si bien que cette surprise leur apporta aussi dauantage d'espouuente.

Amurat &
Vstagelu-ogly
ioignent leurs
forces.

SELIM voyant ce desordre, & ne sçachant comment escarter les Perses, fit promptement braquer & tirer contre eux toute son artillerie, qui mena vn si espouuenteable bruit, que les cheuaux non encores accoustumez à ce tintamarre, se iettoient desperduement dans la riuere, noyans plusieurs de ceux qui estoient dessus, le reste se retira en la partie vltérieure de la montagne, les Turcs passans par ce moyen la riuere tout à leur aise, puis qu'il n'y auoit plus de resistance. Paul Ioue fait mention de cette premiere rencontre, mais il dit que ce fut apres que les Turcs eurent passé la riuere, & qu'ils se furent campez, Amurat ayant ioint ses forces à celles de Vstagelu-ogly, lequel craignoit la perte de la ville de Choïs, desarmée & sans deffense comme elle estoit, car cette ville est la retraite des Roys de Perse, vne grande partie de l'Esté, à cause de l'abondance des fruiets qui sont en cette contrée, pour la temperie de l'air qui rend cette ville fort delectable & remplie de tres-beaux edifices, estant encores arrousee de fleuves & de fontaines, & qui a de fort riches habitans, & Vstagelu-ogly ne vouloit pas que cette ville, dit-il, si celebre, se perdit à sa veuë, sans luy donner quelque secours, & que les Turcs affamez, se vinssent remplir & gorger des richesses de cette cité: mais il ne fait point mention d'artillerie, ny que les vns ou les autres ayent pour lors rendu quelque combat.

XII.

Ismaël mal
informé de
l'arrivée des
Turcs, fait la
guerre aux
Coraxeens.

ISMAËL qui sur les rapports qu'on luy auoit faits du chemin que tenoient les Turcs, ne les croyoit pas si pres, ny qu'ils fussent entrez si auant dans l'Arménie, auoit enuoyé la meilleure partie de ses gens contre les Coraxeens, qui habitoient sur les riuages de la mer Hircanienne, & qui auoient fait quelques remuemens au pays; mais à la nouuelle qu'il receut de l'armée des Turcs, voyant qu'il auoit affaire à vn homme qui surmontoit toute difficulté par la grandeur de son courage, il rassembla en diligence toutes ses forces, que les Annales disent n'auoir pas esté moindres de quatre-vingts mille hommes de cheual, non pas armez à la legere comme les Turcs ont accoustumé, mais armez de pied en cap à la façon des Europeens, ou plustost selon les anciens hommes d'armes Perses, de qui il y a grande apparence que nous l'ayons appris, & qu'eux ayent tousiours entretenu leurs anciennes façons de faire. Vstagelu-ogly s'estoit campé vis à vis de la ville, estant encores en cette opinion de retarder le combat le plus qu'il luy seroit possible, s'assurant que cette grande armée des Turcs se destruiroit par elle-mesme, si elle demeueroit encores quelque peu de temps dans le pays, sans se rafraichir, plusieurs d'entr'eux estans desia peris de mesaise & de necessité.

Bon aduis de
Vstagelu-
ogly.

Armée d'Is-
maël à Choïs.

MAIS Ismaël qui ne vouloit pas estre surpris, estant venu avecques toute la diligence qui luy fut possible, vint se ioindre avecques les siens qui estoient deuant Choïs, les auant-coureurs des Turcs decouurent aussitost cette armée par vne nuée espaisse de poussiere qu'ils virent de loin, & par le hennissement des cheuaux, si qu'ils iugerent que l'ennemy estoit pres: ce qu'ayans rapporté au camp, chacun avecques grands signes d'alle-gresse, commencerent à s'escrier que le iour qu'ils auoient tant desiré, estoit venu, auquel ils auroient à combattre contre des hommes, & non pas contre la faim ny contre la disette

disette de viures. Et à la verité il y auoit beaucoup de misere par toute cette armée; car les gens de cheual, outre que leurs personnes auoient souffert beaucoup d'incommoditez, leurs cheuaux auoient encores paty dauantage, ne trouuans rien dequoy les pouuoit repaistre, pour le moins fort peu, & cependant ne laissoient pas de faire de grandes traites, & auoir tousiours la selle sur le dos: mais principalement ceux de l'Europe; & quant aux Azapes ou gens de pied, ils estoient lassez du long chemin, & malades du flux de ventre par contagion, pource qu'il y auoit long-temps qu'ils ne viuoient que de tourteaux faits de farine & de vinaigre, & de quelques fruiets sauvages, aux plus grandes ardeurs de l'Esté. Mais l'ennuy les accabloit plus que tout le reste, de se voir perir parmy tant de miseres, sans auoir pû seulement voir l'ennemy; chacun doncques s'assurant qu'ils pourroient bien-tost venir au combat, reprit nouuelles forces & nouveau courage, esperans au moins d'y mourir vaillamment, s'ils n'en remportoient la victoire.

1514.

QUANT à Ismaël, il enuoya des Ambassadeurs à Selim, pour se plaindre qu'ayant paix avecques luy, néanmoins il venoit à main armée enuahir sur luy des terres, sur lesquelles ny luy ny les siens n'auoient iamais pretendu aucun droit, mais si c'estoit seulement son ambition qui le portast à disputer pour l'Empire, qu'il estoit prest de luy faire voir que le bon-heur du Sophy ne cederoit iamais à celuy de Selim, ny le gendarme Persien au Turc. Selim respondit là-dessus, que les outrages que luy & les siens auoient receus de ses ancestres, & depuis par luy-mesme en cette derniere guerre, prenant le party de son neveu, & luy aydant de forces & de moyens pour ruiner son pays, l'auoient incité d'en prendre la raison, & de faire vn si long voyage, pour luy faire connoistre que le bon-heur & la valeur dependoient plus de la main que de la langue, & de la bonne conduite que de la vanité. Paul Ioue adjouste qu'il dist, que toutesfois s'il luy vouloit remettre Amurat entre les mains, il retireroit son armée. Or en quelque façon que la chose soit passée, il est vray qu'Ismaël n'auoit enuoyé ses Ambassadeurs que pour faire bonne-mine, & pour auoir meilleur moyen de decouurir les affaires de Selim, car il les auoit accompagnez de personnes affidées pour reconnoistre la grandeur de leur armée, leur artillerie, & s'il se pouuoit, decouurir leurs intentions; & de fait tous ces pour-parlers s'en allerent en fumée, & chacun se prepara à la bataille, car Ismaël se fiant tant à la valeur de ses gens qu'à sa bonne fortune, qui ne l'auoit point iusques alors abandonné, se resolut à la bataille, qui estoit tout le bien qu'eust sceu desirer Selim, car le nombre de ses gens diminuoit, ses munitions luy defailloient, hors d'esperance d'en recouurer que par la pointe de leur espée. Vne chose seulement luy donnoit beaucoup de peine, c'est qu'il ne pouuoit rien apprendre des affaires de son ennemy, quel nombre ils estoient, ny de quelle sorte d'armes ils vsoient; car tant estoit grand l'amour & la reuerence des soldats enuers Ismaël leur Roy, qu'il ne se trouua pas vn seul Persé fugitif au camp de Selim, encores que plusieurs Turcs s'allassent rendre tous les iours aux Perses, comme on reconnut apres par le moyen des prisonniers, mais c'estoit principalement le commun peuple, les plus grands du pays luy estans contraires: car on tient que quelques Seigneurs qui estoient sous son obeissance, & sur les frontieres des Turcs, auoient mandé secrettement à Selim, que s'il venoit en Arménie avecques vne puissante armée, ils luy donneroient passage par leurs terres, cependant que le Sophy estoit empesché contre les Tartares de Coraxen. Mais sur tout il auoit esté sollicité par les Curdes, qui se tiennent aumont Birtis, n'estimans pas que le Sophy deust iamais eschapper de la main des Tartares, & à la verité il y a grande apparence que Selim ne se fust iamais aduenturé d'y passer sans tels aduertissemens, ayant tout ennemy autour de luy.

Ambassadeurs d'Ismaël à Selim.

Response de Selim à ses plaintes.

Intention d'Ismaël.

Qui se fie trop en la bonne fortune.

Grand amour du peuple enuers Ismaël.

Selim sollicité par les sujets d'Ismaël.

OR estoient ces deux grands Princes campez dans la plaine que les Annales appellent Zalderane, & Paul Ioue Calderane, proche de la ville de Choïs, où Selim disposa ainsi sa bataille; il donna à Cassem Bassa Beglierbey de l'Europe, le costé droit avecques les troupes de son gouuernement, & l'aile gauche à Sinan Bassa Beglierbey de la Natolie avecques la caualerie de l'Asie, deuant lesquels marchoient les Accangis ou cheuaux legers, volontaires, qui ne vont à la guerre que sous l'esperance du butin, au milieu estoient les pietons Azapes, les plus vils & mal armez, lesquels estoient à la teste comme enfans perdus, pour emousser la pointe de l'ennemy, & le faire laisser au massacre de ces pauvres miserables, que les Turcs ne recoiuent en leur armée que pour cette consideration, estans gens de nulle valeur, apres les Azapes, il braqua son artillerie de front, à laquelle

XIII.

Bataille de Zalderane, entre les Turcs & les Perses.

Disposition de l'armée des Turcs.

1514.

Stratageme
de Selim.Duquel Is-
maël est ad-
uersy, & y re-
medie.Disposition
de l'armée des
Perfes.Selim anime
ses gens au
combat.

il donna quatre mille chevaux pour escorte. Quant à luy, il choisist pour la seureté de sa personne, & pour le secours, toute l'élite de sa caualerie, & avecques tous ses Ianissaires, se mit en vn lieu vn peu releué, s'estant remparé tout à l'entour d'une double enceinte d'artillerie & de bagage (selon la coustume) de chameaux baltez & liez ensemble d'une longue suite de chaines, cela venant à éгалer vne puissante fortification, si qu'il pouuoit, comme d'une roque & forteresse, avecques la fleur de ses soldats donner secours aux endroits les plus necessaires. Il auoit aussi donné le mot aux Azapes de s'ouurir & separer leur bataillon en deux, si tost qu'ils verroient arriuer la gendarmerie de l'ennemy, afin de laisser vne espace suffisante pour tirer l'artillerie, & à la verité c'estoit vn tres-bon aduis, principalement contre les Perfes, qui ne se seruoient point alors de ces foudres de guerre, lesquels estoient à couuert sous ce gros bataillon, car cela estoit suffisant de leur faire prendre l'espouuente du premier coup, & donner vne victoire assurée aux Turcs sans aucun peril, mais les fugitifs auoient instruit Ismaël de tous ces desseins: c'est pourquoy il auoit aduertiy ses Capitaines de ce stratageme, afin qu'aussi-tost qu'ils verroient le bataillon des Azapes se my-partir, qu'eux fissent aussi le mesme, sans troubler leurs rangs: car en ce faisant ils rendroient l'artillerie de leurs aduersaires inutile, qui n'esperoient pas cette contre-batterie, & cependant pourroient faire vn effort notable contre des gens qui ne s'attendoient point à combattre, mais qui croiroient n'auoir affaire qu'à poursuivre les fuyans.

Quant à Ismaël, qui n'auoit que de bons hommes en son armée & fort aguerris par tant de guerres, & contre de si fortes & puissantes nations qu'il auoit reduites sous son obeissance, comme il auoit vne grande experience en l'art militaire, & qu'il estoit de sa personne fort courageux & vaillant, il diuisa son armée en deux, dont il bailla vne partie à conduire à Vzrazy-ogly, duquel nous auons parlé cy-deuant, & l'autre avecques toute la fleur & l'élite de ses gens, il la retint pour luy; quant à cét Vztagy, il estoit issu de cette illustre famille des Istizelu, qui entre les Azemiens est encore pour le iourd'huy en grande reputation: mais les Turcs, pour se mocquer de luy, l'appelloient Vstazy-ogly, c'est à dire fils d'un petit Medecin, ou de quelque petit Docteur, faisans vne allusion sur ce mot de Istizelu en Vstazy-ogly. Les troupes ainsi disposées dans cette grande plaine, chacun anima ses gens au combat, Selim principalement qui voyoit en ses soldats ie ne sçay quelle nonchalance & vn courage allangoury par la necessité & les miseres qu'ils auoient souffertes en ce long & penible voyage, joint qu'ils voyoient ces Perfes des hommes de fer, armez de toutes pieces, contre lesquels ils auoient à combattre.

Cela fut cause que Selim alloit d'un costé & d'autre leur remonstrant que l'heure estoit maintenant venue qu'avecques gloire & honneur ils pouuoient tirer la recompense de leurs labeurs: car par le gain de cette bataille, leur estoient acquises toutes sortes de richesses, & vne affluence de tous biens. Cette ville que vous voyez deuant vous, disoit-il, le seiour & les delices des Roys de Perse, n'est rien au regard de celle de Tauris, qui vous ouurira aussi-tost les portes, si vous demeurez victorieux: pourquoy vous vois-je doncques les visages tristes & les contenance morne? redoutez-vous vn bandolier, vn vsurpateur, vn heretique, qui ne regne que par tyrannie, & qui est tellement hay par les plus Grands de ses pays, qu'ils ne cherchent que les occasions de secoier le joug, comme vous auez pû sçauoir que ç'a esté à leur semonce & priere que nous sommes entrez en ce pays? voyez dauantage de combien nostre puissance surpasse la sienne en multitude, en vaillans soldats, en artillerie, de laquelle ils n'ont vne seule piece: afin que ie ne parle point de moy issu de cette illustre & redoutable famille des Othomans, que vous auez si cordialement chery, si particulièrement choisi pour vostre Capitaine, & qui ay rendu le iugement que vous auez fait de moy si veritable, que iusques icy ie me suis rendu inuincible: Que si toutes ces choses ne vous peuuent émouuoir, & si l'honneur des Musulmans qui s'est conserué plein de gloire au milieu des plus superbes nations de l'Europe, qu'ils ont tousiours battus, vaincus & assujettis sous le joug de nostre bien-heureux Empire, ne vous touche point; si vous auez perdu dans ces deserts que nous auons passez, la mémoire de ce que vous estes, souuenez-vous au moins de conseruer vos vies, car de toutes parts vous estes icy entourez d'ennemis; si vous perdez la bataille, il n'y a point de retraite pour vous de quelque costé que vous vous puissiez tourner, vous trouuerez des peuples qui ont conspiré vostre ruine, & qui vous feront perir miserablement, si vous ne vous faites ouuerture par la grandeur de vostre courage, & le tranchant de vostre

cimeterre:

cimeterre : ceux-là peuuent bien estre craintifs & lasches , qui ont moyen de se retirer , & qui sont assentez d'estre receus en leur pays , fuyans par des voyes asseurées & sans danger , mais à vous il est necessaire d'estre vaillans iusques au bout & de vaincre , rompans par vn certain desespoir , tous desseins & toute esperance des choses qui peuuent escheoir entre la victoire & la mort , ou bien si la fortune le vouloit , se deliberer de mourir plustost au combat qu'en fuyant.

Je desire à la verité pour la tranquillité de vous autres , & le bien de mon Estat , r'auoir le traistre Amurat , qui est venu ensanglanter ses mains dans sa propre patrie , & me vanger par sa mort des outrages & du rauage qu'il a fait en mes Prouinces : l'ay grand sujet encores de tirer ma raison de ce chetif Casselbas , qui se deuoit plustost amuser à interpreter son faux Alcoran , qu'à prendre le party & donner du secours à ce perfide , qui tesmoigne bien par ses actions , qu'il n'est point de cette race des Othomans , dont il se dit estre issu : mais ce qui m'incite encore le plus , c'est que nous pensons faire vn signalé seruice à nostre saint Prophete , de combattre ses ennemis , & d'exterminer ces seducteurs , qui se sont pensé acquerir de la reputation par leur fausse interpretation ; c'est ainsi qu'il faut honorer ce saint Legislateur , combien pensez-vous , que ce long & penible voyage luy sera agreable , si vous vous y portez à cette intention : ne pensez pas que ce qu'il desire le plus de nous , ce soit d'aller visiter son sepulchre , ou chanter en nos Mosquées : Son intention principale , c'est que nous fassions multiplier sa loy , que nous continuyons d'estre seuls entre tous les peuples Mahometans qui fassions le plus resplendir son nom par l'Vniuers , que ie remarque doncques par quelque cry d'allegresse , que ce ne sera point seulement le gain , ny la crainte de vos vies qui vous animeront au combat , mais le desir de rendre vostre Empereur glorieux & triomphant de ces superbes nations , le faisant seoir , comme vn autre Alexandre , sur le thrône des Azemites dans la ville de Tauris , & faire voir à ces imposteurs heretiques , par l'issue de ce combat , que leurs armes , quand bien elles seroient plus puissantes que les nostres , ne seroient iamais fauorisées d'en haut , combatans contre vne nation plus valeureuse & plus fidele qu'eux. De tels ou semblables discours Selim animoit les siens , lesquels reconnoissans que leur Empereur auoit beaucoup de raison en tout ce qu'il leur disoit , ils s'escrierent tous d'vne voix , qu'ils n'auroient iamais vie que pour son seruice ; & les Janissaires principalement , qui l'asseurerent que si leur affection leur auoit fait perdre tout le respect qu'ils deuoient à l'Empereur Bajazet pour luy acquerir la Couronne Imperiale des Musulmans , que leur valeur luy en acqueriroit ce iour vne triumphale , qu'ils le rendroient glorieux sur tous ceux qui l'auoient deuançé.

Mais Ismaël auoit affaire à des gens-d'armes qui estoient encores tous efneus & boüillans des combats qu'ils venoient de donner contre tant de peuples , & tous fiers de leurs victoires , voila pourquoy il n'eut pas beaucoup de peine à les persuader : toutesfois comme la voix d'vn General , en vne armée est proprement l'ame & le premier mouuant qui pousse les soldats aux plus genereuses actions , principalement si c'est leur Souuerain , Ismaël creut qu'il ne deuoit pas donner le mot du combat sans leur donner quant & quant vn coup d'esperon pour marcher avecques plus de vigueur & d'animosité contre l'ennemy. Il ya desia tant d'années , disoit-il , compagnons , que nous combattons ensemble , y ayant commencé dès ma plus tendre ieunesse , qu'il me semble que ie suis plustost vostre nourrisson que vostre Capitaine , & vostre compagnon que vostre Souuerain , de sorte que vous connoissant tous , comme vous me connoissez , Il me semble que de quelque costé que ie tourne les yeux , ie voy tout estre plein d'vn grand courage , & d'vn desir magnanime de combattre furieusement pour l'amour de la patrie , & de vous vanger de ces harpies qui nous viennent troubler au plus heureux progrez de nos conquestes , puis que sans eux nous nous fussions rendus les maistres des Tartares , & nous nous fussions ouuert le pas à la conqueste des plus riches Prouinces de l'Orient. Contre cette nation , dis-je , pleine de toute cruauté & fiere outre-mesure , qui veut que tout soit en sa puissance & disposition , qui pense par sa multitude faire trembler tout l'Vniuers & l'assujettir à sa domination ; mais si vous les considerez de pres , vous trouuerez qu'il y a beaucoup d'hommes , mais peu de gens de combat ; ne les voyez-vous pas tous dehaiez , demy nuds & desarmez , ayans plus de besoin d'vn bon logis que d'vn champ de bataille : tous diuisez entr'eux , & principalement contre leur chef , lequel ils haïssent autant qu'ils l'ont aymé , & ne sont pas à se repentir , à cause de sa cruauté , de l'auoir éleué à cette dignité : au contraire de nous , qui bien armez , bien aguerris & bien vnis ensemble , leur ferons

XIV.

Ismaël fait le semblable enuers les siens.

1514.

sentir, si vous m'en voulez croire, que l'homme-d'armes de Perse, ne redoutera jamais vn malotru d'Accangis, vn chetif Timariot, voire mesme vn esclau de Janissaire. Mais ce qui nous doit plus animer contre eux, c'est qu'eux-mesmes ont commencé de nous offenser, ayans méprisé nos Ambassadeurs, & nous sont venus attaquer iusques dans nostre pays, pour auoir donné quelque secours au neveu de leur Empereur qui le veut desheriter, & là-dessus ont employé toute leur puissance pour nous inquieter, mais c'est en cela que ie iuge nostre auantage, car ils ont employé le verd & le sec; venez à bout de cette armée, vous estes asseurez d'estre les maistres de tout ce qu'ils tiennent en Asie; au bruit de leur deffaitte vous verrez les peuples se souleuer, & ceux qu'ils tiennent les plus affidez, se ranger sous nostre obeissance, n'avez-vous pas encores la memoire toute fraische de ce que leur fit souffrir Scach Culy, ce disciple de Harduel, en la Prouince de Tekel? que feront-ils contre nous, s'ils n'ont pû se rendre les maistres de ceux qui n'auoient iamais manié les armes, & qui auoient passé toute leur vie en contemplation dans vne cauerne? Les ingrats qu'ils sont, ils les auroient encores à present à leurs portes, sans nous qui les deliurasmes par nostre bonté, de cette espine qui leur auoit desia fait rendre tant de sang, & au lieu de nous rendre la pareille par quelque notable secours, ils viennent rauager nos Prouinces, & nous troubler nostre repos; mais faisons leur sentir que si nostre espée tranche pour nos amis, elle peut exterminer nos ennemis: ils se fient sur leur artillerie, inuention sortie du creux des enfers, & indigne du tout d'estre mise en pratique par des hommes genereux, qui fondent leur principale force sur la hautesse de leur courage, & sur la roideur de leurs bras, & ceux-cy qui y mettent leur principale esperance, rendent assez tesmoignage de leur lascheté.

Mais si vous me voulez croire, il n'y faut qu'un peu de dexterité pour en éuiter la fausseté; l'artillerie en vne armée fait beaucoup de tintamarre, & bien peu de mal, mais vn grand courage ne s'estonne pas pour le bruit; entrez furieusement dans leurs bataillons, lors que leur artillerie aura joié, & vous verrez que la roideur de vos lances & le tranchant de vos espées fera bien vn autre eschec dans leur armée que leurs canons n'auront fait dans la nostre. Car quelle resistance vous peuuent faire des Azapes & des Accangis, gens ramassez de toutes pieces & demynuds? vous trouuerez peut-estre quelque peu d'obstacle aux Janissaires que vous voyez renfermez là haut de forte barricades, de peur d'estre surpris, & n'ayez pas peur qu'ils viennent les premiers à l'assaut: car ils ne combattent iamais que d'artifice, & attendent tousiours que la force soit toute emoullée par la lassitude d'auoir massacré ceux que ie vous viens de nommer, afin d'en venir ainsi aisément à bout, & se donner la gloire qu'ils n'ont pas meritée; & quant à leur Maistre, il se tient au milieu d'eux caché, le plus souuent dans son pauillon, comme vn serpent dans sa taniere: mais faisons leur voir que nous auons encores l'haleine plus longue qu'ils ne scauroient auoir de lascheté, & que la lassitude ne se peut iamais emparer d'un courage inuincible, qu'avecques la perte de la derniere goutte de son sang. Je vous ay fait voir le bien qui doit succeder de cette victoire, maintenant ie veux que vous sçachiez aussi les mal-heurs qui nous peuuent arriuer, au cas qu'il nous aduint de manquer à nostre deuoir, car sur le moindre aduantage qu'ils auront sur nous, vous les verrez comme hannetons s'espandre par toutes nos contrées, & brouter tout ce que nous auons de plus delicieux. C'est icy vn des plus poignans aiguillons que Dieu ait donné aux hommes pour vaincre, à sçauoir la conseruation de leur patrie & de leurs familles, à quoy ie puis encores adjoûter qu'il y va de nostre Religion: car ces opiniaistres-cy aheurtez à vne vieille opinion toute moisie d'antiquité, nous voudroient faire croire qu'il n'y a que eux qui ayent l'intelligence de nostre sainte Loy, parce qu'ils s'arrestent à vne vieille routine: mais faisons leur voir maintenant que celuy qui sçait le mieux manier les armes, est celuy qui a la meilleure intelligence de la Loy du Prophete Mahomet. Que si cecy est fortement imprimé dans vos cœurs, & si vous auez cette ferme croyance, asseurez-vous d'une victoire infailible, & que le Turc ne plantera iamais dans Constantinople; les lauriers que sa valeur luy aura fait cueillir dans la Perse.

Plaisante rencontre des Turcs, & des Perses en la bataille de Zalderane.

Les deux Chefs ayans ainsi parlé à leurs armées, & les courages des soldats estans enflammés d'une part & d'autre par ces exhortations, on vint incontinent aux mains, mais d'une façon fort plaisante: car les Azapes aussi-tost qu'ils virent la caualerie des Perses prête à donner dans leur bataillon, s'ouurent comme on leur auoit commandé, & les Perses qui estoient, comme nous auons dit, aduertis de ce stratageme, firent le semblable, si bien que cette premiere rencontre n'ayant pas réussi selon le desir des Turcs, l'artillerie

tillerie ayant fait peu d'effet à cette fois, chacun se deffendit par le costé qu'il estoit assailly, le combat commença de l'aile gauche, où les deux chefs Sinan Bassa pour les Turcs, & Vstazy-ogly pour les Perses, firent tous leurs efforts de bien combattre. Mais apres que les troupes de la Natolie eurent resisté quelque temps, finalement Vstazy-ogly s'estant fait voye par le milieu de leur escadron, se vint ruer avecques telle impetuosité sur les Azapes, que de la meilleure partie d'entr'eux, les vns furent taillez en pieces, les autres petillez par les pieds des cheuaux, si bien qu'on oyoit là vn terrible tintamarre confus, de voix, de cris, & de gemissemens, de cliquetis d'armes, de hennissemens de cheuaux, & parmy cela le tonnerre de l'artillerie, car les canonniers & les maistres qui estoient à la mire, auoient deschargé leurs pieces à l'estourdy, comme ordinairement en telles affaires on se trouble facilement, si bien que la ruine estoit aduenue autant sur leurs gens que sur leurs ennemis. Les Perses toutesfois ne laisserent point de paruenir iusques à eux, les faisans passer par le fil de l'espée: puis poursuiuans leur pointe, il eussent mis en route l'aile droite, sans Sinan Bassa, qui ayant remonstré aux siens que leur lascheté seroit cause de la ruine de toute l'armée, que desja l'ennemy auoit donné iusques au logis du Seigneur, tous prests de fausser les gardes, que s'ils vouloient se rassurer & ne point prendre l'espouuante pour cette premiere furie, il les rendroit victorieux, & donneroient à bon escient la chasse à ceux, qui auoient, ce leur sembloit, si grand aduantage. Il les encouragea de sorte, que venans donner à dos sur les Perses, qui ne faisoient plus que poursuiure les fuyans, ils les contraignirent de tourner visage, & se deffendre à bon escient: en cette recharge, selon quelques-vns Vstazy-ogly fut tué d'un coup d'arquebuse: mais les Annales tiennent qu'ayant esté blessé, il fut pris par Sinan Bassa, qui luy fit couper le haut de la teste.

1514.

Aduantage
des Perses sur
les Turcs.

Sinan Bassa
remet sus le
combat.

Vstazy-ogly
tué d'un coup
d'arquebuse.

ISMAEL Sophy n'auoit pas fait cependant vne moindre execution, car tout ainsi qu'il auoit affaire aux plus vaillans des troupes de Selim, aussi conduisoit-il l'élite de toute la caualerie des Perses: mais comme sa presence donnoit vigueur & force à ses soldats plus que n'eust sceu faire vn Lieutenant, quelque resistance qu'eussent sceu faire les troupes Europeannes, il leur donna tant d'affaires, qu'ayant troublé leurs rangs, elles commencerent à chanceler & puis incontinent à se dissiper, ayans veu la mort de leur General Chassan Bassa qui y demeura sur la place, & ce fut alors que survint Vstazy-ogly, lequel pour les acheuer, leur vint donner sur les flancs, si bien que ne scachans de quel costé se tourner, ils s'en vinrent ietter vers le gros des Ianissaires. Selim qui voyoit la ruine manifeste de ses gens, fit delier les attaches du charroy, & faire ouuerture en deux endroits, par lesquels il fit sortir vne partie de la caualerie de sa garde, & se retournant vers les Ianissaires, il leur dist: C'est maintenant à vous, compagnons, à faire vostre deuoir, & à secourir nos soldats qui en ont si grand besoin, le moindre effort nous donnera la victoire, car les ennemis & leurs cheuaux fondent tous en sueur sous le pesant faix de leurs armes: que ie puisse doncques moy-mesme, chers Gasilars (ou vaillans soldats) rendre vn asseuré tesmoignage que vos dextres sont inuincibles, monstrez-vous hommes, il ne s'en presentera iamais vne si belle occasion, ny pour ceux qui feront le mieux vne plus belle & plus honorable recompense. Mais les Ianissaires allerent si laschement en besongne, que les Perses auoient tout loisir de bien faire leurs affaires: & de fait, au rapport de Paul Ioue, Fabritio di Carretto, Grand-Maistre des Cheualiers de l'Ordre saint Iean de Hierusalem, ausquels toutes ces choses furent tres-diligemment rapportées, escriuit au Pape Leon, que les Ianissaires ne voulurent obeir au commandement de Selim, & qu'ils ne purent estre induits par aucunes prieres, à donner ayde aux Europeans à leur dernier besoin; car ils voyoient vne telle force & vne telle ardeur de combattre aux ennemis, qu'ils aymerent mieux attendre l'euenement douteux de la bataille en lieu de seureté, que de s'exposer en vn manifeste peril à la mercy du coutelas des caualiers Perses.

Exploits d'Is-
mael Sophy.

Chassan Bassa
meurt au combat.

Selim encourage les
Ianissaires.

Qui refusent
le combat.

L'AFFAIRE estant doncques ainsi reduite aux Triariens, lesquels aymoient mieux tout perdre que de prendre sur eux vne partie du peril, tout s'en alloit en déroute, sans Sinan Bassa, qui rassemblant ce qu'il peust des siens, fit vn tel eschec, que la chance tourna bientôt apres du costé des Perses; car on tient que l'honneur de la victoire de cette iournée est deu à sa valeur & bonne conduite, & à l'assurance des deux freres Malcozogles ou Malcozides, l'un nommé Alibeg, & l'autre Mahomet-Beg & surnommez Thur, comme si on disoit les forts, qui estoient, selon Paul Ioue, égaux en noblesse de sang à la famille des Othomans, & qui auoient assez rendu de tesmoignage qu'ils estoient issus de

XV.

A Sinan Bassa
est deu l'hon-
neur de la vi-
ctoire de cette
iournée.
Valeur des
Malcozogles.

1514.

Ils attaquent
le Sophy au
milieu de ses
troupes.

Et le blessent.

Cordzilers
gardes des
Rois de Per-
se.

La retraite
d'Ismaël, pre-
miere cause
de la deffaire.

L'artillerie de
Selim lâchée
à propos cau-
se de la victoi-
re.
Deffaire des
Perles.

Ismaël se sau-
ve en vnu ma-
reil.

Grand butin
que les Turcs
font au camp
des Perles.

ce genereux Malcozy qui auoit tant fait de mal aux Venitiens & Carniens. Ces deux freres cy voyans les choses ainsi desesperées, penserent que le gain de la bataille consistoit en la perte d'Ismaël, & que s'ils pouuoient l'aborder, ils s'asseuroient que la valeur des Perles ne les pourroit iamais empescher de leur dessein: deuotians doncques ainsi leurs vies pour le salut de leur armée & de leur Empereur; ils firent tant par leur valeur, qu'aydez de quelques-vns des leurs (qui les suivirent admirans leur courage) ils parvinrent iusques au lieu où le Sophy combattoit, & le blessèrent assez profondement: Paul Ioue dit que ce fut d'un coup d'arquebuse dans l'espaule, mais comme ceux-cy estoient gens de cheual, il y a plus d'apparence que ce fut de quelque coup de cimeterre, mais les Cordzilers qui estoient autour du Prince, se ruèrent incontinent sur eux, qui les mirent à mort. Ces Cordzilers sont des gardes du Roy de Perse, car ils se seruent de trois sortes de gens en leurs armées, les *Turcomans*, qui sont ceux qui ont des fiefs, & qui doiuent venir seruir le Prince, quand il leur mande, à peu pres comme nostre ban & arriere-ban: les seconds sont les *Corizzy* *Corischy*, ou *Cordzilers* (car on leur donne ces noms) qui sont stipendiez, & sont de la garde du Prince: les troisiemes sont les auxiliaires des Prouinces, à sçauoir qui leur sont confederez, comme Armeniens, Georgiens & autres.

Ces Malcozzides demurerent doncques sur la place, & Ismaël qui se sentoît blessé, ne vouloit point toutesfois quitter le combat, mais les siens pour la crainte qu'ils auoient de sa personne, le persuaderent tant qu'il se retira, ce qui fit en partie perdre courage au reste de l'armée, qui ne sçauoient à quel dessein se faisoit cette retraite, si bien qu'ils laisserent la victoire presque assurée pour suivre leur Seigneur, lequel ayant fait visiter sa playe, & ne l'ayant point trouuée si dangereuse qu'il l'estimoit, reuint au combat, mais il y trouua bien du changement: car outre que Selim auoit fait jouer son artillerie, qui auoit fait vn merueilleux eschee des Perles, & qu'eux-mesmes se fussent desia aucunement ébranlez par son éloignement, il trouua que celui qu'il aymoît le plus, & duquel il faisoit le plus d'estat, comme du plus vaillant homme de son armée, auoit esté occis, à sçauoir *Vstazy-ogly*: cela l'attrista fort, & luy renouuela le ressentiment de sa blessure, toutesfois il ne laissoit pas encores de tenir ferme, son haut courage ne pouuant s'abaisser pour quelque accident qui luy eust pû arriuer: si que depuis l'heure qu'ils appellent *Cuslacy*, environ les huit ou neuf heures, iusques à celle qu'ils appellent *Ikindy*, à sçauoir à trois heures apres midy, ou vers les Vespres, il auoit tousiours tenu ferme, sans qu'on peust remarquer que les Turcs eussent aucun auantage qui leur peust donner l'honneur de la victoire.

Mais Selim qui sans estre embarrassé dans le combat, iugeoit des coups à couuert, se seruoit bien à propos des fautes que faisoient ses ennemis: de sorte que pour leur donner l'espouuante entiere, & les mettre du tout en desordre, il fit tant tirer d'artillerie & faire vne telle scopeterie, que les hommes & les cheuaux Perles, non accoustumez à vne telle harmonie (faute d'experience en telles affaires) leur faisoit perdre vne bonne partie des meilleurs & plus courageux d'entr'eux, ils commencerent à minuter leur retraite, & Ismaël mesme, qui poursuuiuy de pres, fut contraint de se sauuer dans vn mareil tout fangeux; car voyant les forces extrêmement diminuées, & de combien elles estoient inégales à celles des Turcs qu'il voyoit croistre à veüe d'œil: (car les Janissaires faisoient lors feu & flamme, & s'estoient rassemblez en vn gros bataillon qui venoit foudre contre luy) il iugea que sa resistance ne seruiroit qu'à le faire perdre: il se retira donc avec quelques troupes, dont la meilleure partie demeura dans le mareil poursuuiue comme elle estoit, mais luy qui estoit monté à l'aduantage, se retira avecques quelques-vns à Tauris, où ne iugeant pas encores qu'il fust en lieu de seurreté, il partit de cette ville-là avecques quelques quinze ou vingt hommes, & s'en alla en vne ville appelée *Sultanie* aux derniers confins de la Perse, & à six iournées ou environ de celle de Tauris, que quelques-vns ont pensé auoir esté bastie des ruines de *Tigranocerte*.

Les Turcs ayans mis leurs ennemis en fuite, les poursuuiurent viuement, si qu'il s'en fit vn grand carnage de toutes parts, & comme ils n'eurent plus que craindre, ils se vinrent ruer sur leur camp, où ils se saisirent de tout ce qu'ils y trouuerent, & entr'autres des thresors Royaux, de la robbe & du thrône Royal, & comme ils furent paruenus à leur Horde ou place du marché, ils y trouuerent vne si grande quantité de beurre & de miel, que l'œil, dit *Epiphonemate* (qui a escrit cette Histoire) n'estoit pas capable de les pouuoir considerer; en outre toutes sortes des prouisions, de bestiaux, de chameaux, de mu-
lets,

lets, d'armes, de cuirasses à la façon des Perles, & vn grand nombre de prisonniers, dont quelques-vns furent massacrez par les Turcs, apres mesmes l'ardeur du combat: tant y a que durant la bataille & apres, il se fit vn tel massacre & deluge de toutes choses, que l'Auteur sus-allegué dit, qu'entre les iours les plus cruels, cettuy-cy ressembloit le iour du Iugement: c'est vne maniere de parler que les Turcs ont familiere, & de laquelle ils vsent, quand ils veulent représenter quelque chose d'horrible.

SE L I M cependant estoit descendu de cheual, & s'estoit retiré en son pavillon pour voir les plus belles & riches despoüilles qu'on luy apportoit de toutes parts, or, argent, & tout ce qu'il y auoit de plus rare; le reste fut laissé à l'abandon des soldats, où il y en auoit en telle abondance, qu'apres auoir chargé tout ce qu'ils pûrent sur leurs chariots, Selim ordonna qu'on mist le feu au demeurant, qui n'estoit pas petit, ne voulant pas que cela retournast en la puissance de l'ennemy. Or y auoit-il grande quantité de femmes qui auoient suiuy leurs maris à la guerre, & comme les soldats fussent venus demander à leur Empereur, ce qui luy plaisoit qu'on en fist, il fit appeller le Cassiascher ou grand Preuost, pour luy demander ce qu'on deuoit faire des femmes des Perles qu'ils tenoient lors captiues. La Loy Mahometane, dit-il, ne permet point de les tenir, ny pour seruantes, ny pour esclaves, & ce seroit encores vn plus grand crime de les faire mourir. Selim sur cét aduis donna son arrest, qu'ils les despoüillassent doncques de leurs vestemens, & de tous leurs ornemens, & principalement de leurs chaines & pierreries, & apres qu'ils les renuoyassent aux siens: toutesfois, dit-il aux soldats, nous laissons le tout en vostre disposition, & pour en vser comme bon vous semblera, s'accommodant en ce faisant au desir de sa religion, & à la volonté de ses soldats; toutesfois il retint la femme d'Ismaël, qui fut prise aussi entre les captiues, qu'il donna pour femme au Nissanzu Bassa, celuy qui est comme vn Chancelier, qui signe & scelle les dépesches & expeditions qui se font à la Porte des Monarques Othomans. Ayant bien obtenu vne victoire aussi signalée que celle qu'Alexandre obtint jadis contre Darius; mais ne l'ayant pas imité en sa continence & magnanimité, aussi les effets ne luy en réussirent-ils pas de mesme. Tel fut le succez de cette grande bataille de la campagne Zalderane, qui fut donnée l'an de nostre salut mil cinq cens quatorze, quelques autres disent mil cinq cens treize, & de l'Egire neuf cens dix-neuf, le vingt-sixiesme iour d'Aoust. Selim fit aussi ruiner tous les Serrails & lieux de plaissance de là à l'entour, & la ville mesme de Choïs de fonds en comble, disant à ses soldats qu'il n'auoit point resolu de se garder aucune retraite pour retourner de cette expedition, qu'il ne se fust premierement rendu le maistre de Trebise ou Tauris, ville capitale des Azemiens: c'est pourquoy obeïssans au commandement de leur Souuerain, & quittans les lieux où s'estoit donné le combat, ils prirent incontinent le chemin de Tauris, que Ptolomée appelle Terna, ou plustost Teura, par transposition de lettres, & que Paul Ioue, non sans grande raison, pense estre la ville que les Hebrieux appellent Suse: mais comme ils commençoient à approcher de la ville, Selim se douta que les Trebisiens aduertis des grandes forces victorieuses qu'il amenoit quant & soy, destourneroyent tout ce qu'ils auoient de plus beau & de meilleur, & qu'eux-mesmes se retirans aux lieux forts, emporteroient quant & eux tout ce qu'ils pourroient, & principalement de toutes ces merceries, dont cette ville est la plus abondante, qu'autre de l'Orient, & qu'ayans fait le degast par tous les enuirs, ils laisseroyent la ville & le pays desert. Pour donc se conseruer pour soy toute cette abondance, & redonner quelque assurance à ces esprits espouuantez, il enuoya vn Heraut pour leur dire de sa part: Que les Trebisiens n'auoient aucun sujet de se retirer de leur ville pour crainte de luy, qu'il ne leur vouloit faire aucun desplaisir, ny prendre aucune de leurs facultez, ny moins souffrir que le soldat y fist aucune insolence; il leur demandoit seulement vne chose, c'est qu'ils eussent le soin de faire des prouisions qui fussent assez suffisantes pour bailler ce qui seroit necessaire à son armée, & fissent en sorte qu'ils n'eussent faute de rien.

LES Trebisiens ayans entendu son intention, & apres auoir appris par ceux qui les allerent trouuer, qu'il estoit aussi curieux obseruateur de sa parole, qu'il estoit religieux conseruateur de sa Religion; se fians à ce rapport, ils penserent qu'il estoit plus à propos pour eux de ne sortir point de leur ville, & de ne se point retirer ailleurs, faisans seulement de grandes prouisions, comme il leur auoit esté commandé; & de fait Ismaël en sa retraite passant par Tauris, auoit conseillé mesmes aux habitans, de se rendre à Selim, & luy ouurer les portes sans resistance, de crainte que leur opiniastrerie fust cause de leur totale ruine: si bien que les plus notables habitans, & qui estoient les plus riches d'entr'eux,

1514.

Aduis du Cassiascher sur les femmes des Perles captiues des Turcs.

Arrest de Selim sur ce sujet.

Retient la femme d'Ismaël.

Sa ruse pour retenir tous les biens des habitans de Tauris.

Les habitans se resoient de luy ouurer leurs portes.

1514.

Selim veut
qu'on prenne
tout des Tre-
bisiens en
payant.

Restablit les
Mosquées de-
struites par le
Sophy.

Mueffins
Hozzalars,
autrement
Marabons,
Prêtres Ma-
hometans, &
leurs charges.

Entrée triom-
phale de Se-
lim dans Tau-
ris.

XVI.

Veut hyuer-
ner en Perse.

Conseil de
Mustapha sur
cét hyuierne-
ment.

Qui aigrit Se-
lim contre
luy.

allèrent au devant de luy, avecques offres de toutes sortes d'assistance, de secours & d'obeissance. Apres donc qu'ils eurent, à cette premiere rencontre qu'ils firent assez loin de la ville, rendu des tesmoignages (selon la coustume) de toutes sortes de submissions, & s'estre resioiys en apparence de son bon-heur & de la victoire qu'il auoit obtenue, comme ils l'eurent accompagné assez pres de la ville, il s'arresta avecques son armée en vne grande plaine proche de Tauris, où les Turcs dresserent leurs tentes & pavillons, & luy-mesme y logea, faisant crier à son de trompe par tout son camp, que nul sur peine de la vie, n'eust à faire aucun outrage aux Trebisiens, & qu'ils ne leur ostassent pas de force iusques à vn seul grain; que si quelqu'un vouloit auoir quelque chose qui luy fust necessaire, qu'il luy estoit permis d'aller dans la ville, & de l'achepter, mais que rien ne se prit autrement: & que si les Trebisiens alloient en leur camp, ils pussent debiter leurs denrées en toute seureté, & s'en retourner dans la ville, sçachant bien qu'il auroit le tout quand il luy plairoit: de sorte que les Trebisiens par cette inuention, luy firent plusieurs presens, leur permettant à tous les vns apres les autres, de luy aller baiser la main, & quand le Vendredy fut venu, que les Mahometans solemnisent toutes les semaines, comme nous faisons le sainct Dimanche. Selim enuoya à Tauris restablit les Temples & Mosquées qu'Vlunchassan auoit autresfois fait construire en cette ville-là, & que depuis le Sophy Ismaël auoit conuerties en estables & en greniers, avecques desfenses d'y plus celebrer le seruice Diuin.

IL les fit doncques repurger & lustrer à la maniere des Musulmans, pour seruir de là en auant à leur ancien vsage, & au plus grand Temple que le mesme Vlunchassan auoit fait bastir, il commanda aux Mueffins Hozzalars Prestres Mahometans, qui ont accoustumé de monter au sommet de certaines tours qui sont à l'entrée des Mosquées, pour conuoquer le peuple d'y aller, & l'appeller à haute voix à l'oraïson. Ismaël auoit aboly toutes ces façons, & avec l'interpretation de la loy, auoit apporté nouuelles ceremonies. Luy-mesme Sultan Selim estant allé au bain, & s'estant purifié selon la loy de Mahomet, entra au Temple le mesme Vendredy, & assista aux prieres publiques, lesquelles estans paracheuées, on luy fit en la ville, vn fort pompeux & magnifique triomphe, avecques trompettes, fifres, clairons & autres instrumens militaires: outre cela les plus grosses pieces d'artillerie se delachoient, avecques la scopeterie de toute l'infanterie Turque; ce qui espouuantoit tellement les Azemiens, qui n'estoient point accoustumez à tout ce tonnerre, qu'ils ne sçauoient ce qu'ils faisoient, car cette multitude de pieces delachées en vn mesme temps, auoit rendu vne si espaisse fumée, que l'air tout offusqué, le Soleil ne sembloit plus qu'un disque ou vne plaque de cuiure attachée au Ciel, disent les Annales Turques, & apres toute cette Royale magnificence, il sortit de la ville & se retira en son camp.

OR Selim auoit enuie d'hyuerner en cette contrée, & pensoit desia comment il feroit ses departemens, pour ce faire il commanda qu'on assemblast son conseil, & les plus grands de son armée: ausquels ayant fait entendre que son intention estoit de passer l'hyuer en cette region, de n'en sortir point qu'il ne l'eust assuyettie, & reduite entierement sous sa puissance, & qu'ayant reconnu qu'entre les Prouinces qui sont sous la domination Persique, la contrée de Carabug, qui est assise au dessus de la Prouince Galane, laquelle a esté ainsi nommée à cause des raisins noirs qu'elle rapporte, region fort fertile en toutes choses, tant pour la nourriture de l'homme, que pour les pasturages, & la nourriture des cheuaux, il estoit resolu d'y enuoyer hyuerner son armée, puis qu'ils auroient là toutes les commoditez qu'ils pourroient desirer. Les Bassats, Vizirs, & autres gens de la Porte connoissans l'humeur du Prince à qui ils auoient affaire, qui ne vouloit estre contredit de rien, trouuerent bon tout ce qu'il disoit, auoians qu'il n'eust sceu choisir vne meilleure retraite: mais le Bassa Mustapha, fils de Turuis, qui auoit à peu pres reconnu les volonteés des Ianissaires n'estre nullement disposées à demeurer plus long-temps en la Perse, dit qu'il n'estoit point mauuais d'ouyr là-dessus l'aduis de ceux de la garde, pour sçauoir ce qu'ils estoient resolu de faire sur cet hyuernement. Selim alors extremement en colere luy respondit, que dis-tu? dois-ie doncques prendre conseil de mes esclaués? fais-tu plus de cas d'eux que de moy, & leur veux-tu rendre obeissance, comme si mon autorité & la tienne dépendoit de leur pouuoir? Est-ce doncques là la recompense de tant de dignitez & de pensions dont ie t'ay rendu bien-heureux iusques icy? que doy-je dire, ie te prie, ou que doy-je faire & ordonner de toy? Ayant dit cela d'une fureur toute extraordinaire, il luy osta sur le champ la charge de son Vizirat, c'est à dire

dire la charge de Conseiller d'Estat, & commanda qu'on le chassast avecques ignominie de sa presence, & enuoya apres luy vn fol, pour luy couper la croupiere de son cheual, ce qui est entr'eux vn tres-grand affront, lequel venant par derriere, luy fit ce qu'on luy auoit commandé.

1515.
Qui le fait
chastier avec
ignominie.

Les Ianissaires qui virent ainsi traiter vn si grand personnage, s'estans enquis de la cause, & ayans appris à la verité comme les choses s'estoient passées au conseil, & qu'on estoit resolu de les faire hyuerner en Perse, tous en furie commencerent à s'escrier: *Qu'a doncques commis vn si grand personnage que Mustapha, pour le chastier avecques tant d'ignominie? est-ce pour auoir pris nostre querelle, & pource qu'il est d'aduins contraire à nostre Sultan, qui pense nous faire hyuerner sur les terres de nos ennemis?* Et s'adressans à luy-mesme, ils luy disoient, *Que le Sultan Selim resolu de faire ce qui luy plaira de nous approcher ou éloigner de luy, mais quant à nous, nous l'assurons de partir au pluslost de cette terre ennemie; que si cela s'est desagreable, tu en feras à ta volonté, mais vnelles ou non, si sommes-nous resolu de nous retirer en nostre pays. N'auons-nous pas mis nostre vie en vn extreme danger pour toy? n'auons-nous pas gagné vne glorieuse victoire sur ton ennemy? que desires-tu dauantage de nous? pourquoy veux-tu que sans profit nous demeurions ainsi vagabonds dans cette terre estrangere? Cesse doncques maintenant d'abuser de nostre patience, & ne pense point que nous voulions post-poser nos foyers à vn desert ennemy, & nous faire passer icy l'hyuer par force.* Ayans dit ces choses, ils refuserent entierement d'obeir à la volonté de Selim: de sorte que luy voyant leur opiniastreté, & qu'il n'y auoit point de raison qu'il leur peust persuader d'hyuerner en ces quartiers-là, il fust contraint de desloger: mais deuant que de partir il se fit faire vn estat du reueu de tous les habitans de Tauris, tant des pauures que des riches, & dit-on qu'il taxa chacun selon ses facultez, & se fit apporter vne grande somme de deniers en son camp, comme il ne pouuoit autrement, la ville estant tres-riche & marchande, & outre ce, il enleua bien iusques à trois mille familles d'ouuriers ou enuiron, des plus excellens en leurs mestiers qui fussent alors à Tauris, pour les emmener à Constantinople, car toutes les belles inuentions, les mignardises & les gentilleses en viennent, les Turcs auant estant trop grossier, & naturellement mal-adroit aux choses spirituelles: & avecques toutes ces despoüilles il s'en alla de Tauris, apres y auoir demeuré dix iours, selon Paul Ioue, & selon les relations de Perse de Pierre Techere, il y fut quinze iours. Mais Paul Ioue allegue vne raison de ce depart, qui n'est peut-estre pas hors de propos, c'est qu'il courut vn bruit qu'Ismaël auoit ramassé ses troupes du debris de sa victoire, & plusieurs autres gens de cheual, Iberiens, Albanien & Parthes, qui s'en venoient le trouver, & se souuenant combien de peine il luy auoit donné en cette derniere bataille, il craignoit vn second choc, & mesmes de peur de rencontrer les Iberiens, il prit son chemin par la region Hobordene, & Balisene, encores que ce fust son plus long chemin, car il ne voulut point retourner vers Araxé, ny circuir le mont Paryardé, d'autant qu'il auoit appris qu'ils tenoient ce chemin, ains s'en vint par Naxuuane, d'autant que la contrée estoit fort fertile, & cette ville abondante en toutes sortes de biens, & capable de nourrir vne grande armée.

Les Ianissai-
res prennent
la parole pour
luy.

Leur plainte
hardie à leur
Souverain, &
leur resolu-
tion de se retirer.

Selim sort de
la Perse, mais
ce fut apres
auoir des-
poüillé les
Tauriens de
leurs richesses.

Raison de sa
retraite.

ISMAËL aduertie de son chemin, le suiuit en queue en la plus grande diligence qu'il peult, afin qu'en cette poursuite il luy fist laisser son bagage, mais Selim auoit vne telle auance deuant luy, que l'arriere-garde estoit desia arriüée au fleuve Euphrates, deuant que de l'auoir pu atteindre, lequel il passa neantmoins avecques assez de peine, car il fut deux iours à faire passer son infanterie sur des radeaux: toutesfois pource qu'ils ne pouuoient sufire à si grande multitude, plusieurs s'appuyans sur des peaux de chievres & de boucs enflées, passoient le fleuve à nage, & d'autres ayans rompu des chariots de propos delibéré, se seruoient de leurs bois pour passer. Selim luy-mesme fut porté sur vne petite baique, & parce que la caualerie entra dans l'eau toute en vne seule troupe, pour arrester la force du cours en luy resistant, cela diminua le peril aux pietons, & donna plus aysé passage au charroy de l'artillerie, aux chameaux, & au reste des bestes de somme. Neantmoins les auant-coureurs des Iberiens estans desia arriuez à la veüe de toute l'armée, ils s'en eleua vn si grand tumulte, & vne telle confusion pour la crainte qu'ils auoient d'estre surpris en ce passage, qu'en cette confusion on dit qu'il y demeura bien deux mille hommes qui se noyerent dans le fleuve, & la pluspart du bagage, & du charroy de l'artillerie estoient arrestez dans des gaiz limonneux, avecques ce que le fleuve tout plein de gouffres leur osta vne partie du bagage, plusieurs autres choses s'estoient aussi arrestées

XVII.

Ismaël le
poursuit.

Selim passe
l'Euphrates
avec peine.

Les siens s'es-
pouuantent à
l'arriüée des
Iberiens.

1515.

Quel chemin
tient Selim à
son retour de
Perse, selon
les Annales
Turques.

Il va contre
les Georgia-
niens.

Les Janissai-
res l'en dissua-
dent.

Nonobstant
leurs remon-
strances il
poursuivit son
entreprise.

Les Seigneurs
Gurtziniens
se défendent
contre les
Turcs.

Leur Prince
enuoie vers
Selim.

aux riuës & aux guez, lesquelles on attiroit à bord avecques des cordes, non sans grand travail. Cela fut cause que tant les Iberiens que les Perses cessèrent de plus chasser, se contentans de ce qui auoit esté delaisé : mais ce qui rendoit Imael le plus content, c'estoit pour ce qu'il auoit pris quantité d'artillerie, par laquelle il auoit receu tant de dominage, qu'elle luy auoit esté cause de la perte de la bataille, toutesfois les Annales Turques ne font point mention de toute cette poursuite des Perses, que ie ne croirois pas toutesfois éloignée de la verité, elles disent seulement que Selim s'en vint avecques son armée en la ville de Naxutianum, ne prenant pas le chemin qu'il auoit tenu à son arriuée, mais allant par cette ville-là, d'autant que la contrée estoit fort fertile, & qu'il y auoit abondance de tout : de là ils vinrent en vn grand champ qu'ils appellent Tzodan.

Or Selim auoit grande enuie de donner en passant sur les Gurtziniens, ou Georgianiens, & connoissant à peu pres que les siens luy contrediroient ce voyage, il leur fit de grandes menaces, voulant à quelque prix que ce fust que cela se fît. Les Vizirs & autres Grands de la Porte, qui auoient veu par l'exemple de Mustapha, combien il faisoit dangereux luy contredire, estoient en grande peine ; car sçachans combien les soldats estoient recreus & lassez d'un si long voyage, & qu'ils ne cherchoient qu'à se raffraichir, ils sçauoient bien qu'ils n'iroient iamais de bon cœur en cette guerre, contre des peuples encore si belliqueux que ceux-là, & avecques lesquels s'ils se vouloient opiniâtrer à la resistance, il n'y auroit que des coups à gagner. Or n'osoient-ils luy dire leurs raisons, si bien qu'ils ne sçauoient comment ils se deuoient conduire en cette affaire, les seuls Janissaires de leur mouuement, ayans entendu ce dessein, resolurent de luy en parler, mais comme ils le connoissoient homme mal-traitable & entier en ses opinions, ils penserent qu'il falloit tascher de le gagner par douceur, & d'y venir avecques plus de modestie qu'ils n'auoient esté deuant Tauris. Ils luy disoient doncques.

Il y a tantost neuf mois, Seigneur, que nous supportons les fatigues de cette guerre, & qu'avecques tres-grands labours nous auons roulé iusques icy : Nous auons combattu contre vn ennemy tres-cruel & belliqueux, & en sommes retournez victorieux, mais ce n'a pas esté sans y perdre beaucoup de nostre sang, & sans y souffrir toutes les sortes d'incommoditez qui se peuuent imaginer, si bien que nos forces se sont tellement diminuées, que nous n'auons pas le pouuoir de nous soutenir : les armes mesmes nous defaillent, & les autres choses necessaires pour cette guerre que tu veux entreprendre : nos vestemens sont tous usez, & sommes venus à telle pauvreté, que nous sommes contraincts de porter à nos pieds les Tzariques (ce sont des chaussures de paysans) d'autant qu'il nous faut perpetuellement cheminer : c'est pourquoy nous te prions & contrainsons, Seigneur, que tu ne nous veuilles point affliger par vne nouvelle guerre, & que voyant le miserable estat de nos affaires, tu ne nous exposes, desja rons languissans, à la mercy du glaive de nos ennemis, qui ne sçachans pas nostre debilité, redouteront de nous attaquer, mais si nous les reduisons à la defensive, ils connoistront bien à nos despens, combien nos forces sont impuissantes, en danger mesme qu'il y aille de ton honneur & de ta reputation. Mais toutes ces raisons & ces raisonnables plaintes eurent bien peu de pouuoir sur l'esprit opiniastre de Selim, car encores qu'ils luy eussent dit toutes ces choses avecques le plus d'humilité qu'il leur fut possible, cela ne le fit qu'endurer dauantage, & rendre plus entier en sa resolution, leur respondant qu'il ne se pouuoit faire autrement, qu'il n'allast attaquer les Gurtziniens, & qu'il n'entraist en leur pays à guerre ouuerte. Pour cet effet, disoit-il, si les munitions vous manquent, ie donneray ordre que vous en auez à foison, si vous auez besoin d'armes, ie vous en donneray, & en fin vous ne manquerez de rien, de tout ce qui vous sera necessaire.

Ayant dit cela, il donna charge au Bassa Capitzilar ou chef des Portiers, & luy commanda de prendre avecques luy trois mille soldats, auxquels il enjoignit de faire vne explanade par les bourgs & villages de la Prouince des Carandins, & ouurir le pas à l'armée, qu'il leur promit de faire suivre de fort pres. Cettuy-cy obeissant au commandement qui luy estoit fait, entra dans cette contrée, où il fit vn fort grand rauage & vn grand massacre de payfans, ce que les Seigneurs du pays ayans entendu, ils vinrent sur leurs frontieres se défendre ; où ils firent paroistre aux Turcs qu'ils sçauoient bien remuer les mains : si bien que les vns ny les autres ne s'en retournerent pas fort contents du combat. Mais le Prince des Gurtziniens qui voyoit que sans aucune sienne faute, on le poursuuoit neantmoins comme vn mortel ennemy, enuoia ses Ambassadeurs à Selim luy remonstrer que, Quant à luy il le reconnoissoit, & l'auoit tousiours reconnu pour Prince & Seigneur souverain des Osmanides, sans s'estre rendu partial pour ceux qui luy auoient voulu troubler le

repos

repos de son illustre Couronne, qu'il ne pensoit point auoir eu iamais aucune inimitié avecques sa Hauteſſe, ny celle de ſes predeceſſeurs. Qu'il n'ignoroit point la grandeur de ſes forces, & combien ſa puiſſance eſtoit redoutable, & encores maintenant plus que iamais, qu'il le ſçauoit auoir vne fort puiſſante & victorieuſe armée; qu'il n'auoit doncques garde d'aller au deuant, ny de rien entreprendre avecques de ſi petites troupes que les ſiennes. Que cela eſtoit hors de doute que Selim eſtoit vn tres-grand, tres-puiſſant & tres-heureux Empereur, & qu'il eſtoit bien difficile au Prince des Gurtziniens, ou autre de ſa qualité, de luy oſer & encores moins de luy pouuoir faire du déplaiſir; Et partant qu'il n'auoit qu'à dire ce qu'il demandoit, ou ce qu'il vouloit eſtre fait: car auſſi-toſt qu'il auroit commandé, il ſeroit incontinent obey. Telle eſtoit la reſolution du Prince des Gurtziniens & de tout ſon peuple, d'executer les commandemens de Sultan Selim, & de luy complaire en toutes choſes, quand ils auroient reconnu ſa volonté. Selim voyant l'humilité de ce Prince, & avecques quelle modeſtie il ſe ſouſmettoit, il reſpondit aux Ambaſſadeurs, que leur Prince le rendroit content, pourueu qu'il luy promiſt d'oreſnauant de luy obeir en toutes choſes, & que pour le preſent il tint toutes ſortes de prouiſions preſtes pour l'armée. Ce qu'ayant entendu ce Prince, il enuoya incontinent au camp des Turcs huit cens bœufs, & quatre mille moutons, avecques autant de farine & d'orge, qu'il eſtoit neceſſaire pour faire du pain, pour manger ſi grande quantité de chairs, ayant encores donné charge à ceux qui conduiſoient ces prouiſions, de dire à Selim, qu'il ſe diroit touſiours ſon ſeruiteur & ſon eſclaue, l'amy de ſes amis, & l'ennemy de ſes ennemis, ce qui luy fut ſi agreable, qu'il ſortit avec ſon armée des confins des Gurtziniens, & leur fit rendre les eſclaues & priſonniers qu'il auoit pris en leur contrée.

Il enuoye de grandes prouiſions au camp des Turcs.

DE là il pourſuiuit touſiours ſon chemin ſans ſ'arreſter, iuſques à ce qu'il fuſt arriué ſur les terres de ſon Empire, mais ce ne fut pas ſans que les ſoldats ſouffriſſent beaucoup de peine & de difficulté, avecques vne grande neceſſité de toutes choſes, ſi que les cheuaux y perirent preſque tous de faim; joint la ſaiſon en laquelle ils eſtoient, car l'hyuer n'eſt pas petit en ces contrées. Tant y a que l'armée eſtant de retour à la maiſon, ſe trouua de beaucoup diminuée, & ce qui reſtoit encores, fort mal propre à la guerre: ce qui fut cauſe qu'il la congedia tout auſſi-toſt qu'il fut arriué ſur les terres, n'en retenant que quelques-vns pour ſa garde, enuoyant les troupes Europeannes & les Ianiffaires paſſer leur hyuer chacun chez ſoy, choiſiſſant quant à luy & toute ſa Cour, la ville d'Amalie, ville d'Armenie; & tout au commencement du Printemps partant d'Amalie, il ſ'en alla mettre le ſiege deuant Kemach en l'Armenie mineure, qui eſtoit des appartenances d'Iſmaël, laquelle il reduiſit ſous ſa puiſſance.

XVIII.

Grandes neceſſitez qu'ils ſouffrirent en tout ce voyage de Perſe.

Selim hyuerne à Amalie, & licencie ſon armée. Prend Kemach ſur Iſmaël.

TEL fut le ſucez de la guerre de Selim contre les Perſes, où quand toutes choſes ſeront bien conſiderées, on trouuera qu'il y eut fort peu d'aduantage pour les Turcs; car encores qu'ils ayent emporté la victoire en bataille rangée, ſi eſt-ce que cela aduint pluſtoſt par la violence de l'artillerie, de laquelle les autres eſtoient dégarnis, qu'à force de valeur; mais cela ne les empeschapas de reſſentir toutes les incommoditez, que peuuent ſouffrir ceux qui ſont vaincus, & m'aſſeure que le butin du camp des Perſes, & l'impoſt que Selim miſt ſur la ville de Tauris, ne pouuoient pas égaler les grands frais qu'il luy conuint faire pour vn ſi long & penible voyage. Auſſi, comme vous auez pû voir par toute cette Hiſtoire, Selim y eſtoit plus porté de paſſion que de iugement: mais ayant deſia vne grande puiſſance qu'il auoit préparée contre les Chreſtiens, il ſe voulut vanger du Sophy qui auoit retiré ſon neveu, avecques ce qu'on adjoſte vne autre particularité, c'eſt qu'après la priſe de Conſtantinople, les Seigneurs Othomans ſe donnerent le tiltre de Hunker ou Hunggiar, qui veut à peu pres dire vne meſme choſe que Ceſar Auguſte, ayans voulu pendre le nom avecques la dignité d'Empereur. Or Iſmaël qui faiſoit le reformé en ſa Religion, ſe voulant mocquer de leur ambition, & quant & quant de leur ſuperſtition, de ce qu'ils n'oſoient manger de la chair de pourceau, il auoit accouſtumé de nourrir vn porc fort gras, qu'il nommoit du nom de l'Empereur Turc qui regnoit alors, avecques cette Epithete de Hunker, comme du temps de Bajazet il en auoit vn qu'il appelloit Hunker-Bajazet, & du temps de Selim vn qu'il nommoit Hunker-Selim, toutes ces choſes enſemble l'auoient animé à cette guerre. Les Relations de Perſe de Texiere, diſent auſſi que ce fut durant l'année de cette guerre, que les Caſſelbas firent mourir Sultan Amurat, en Dierbek ou Meſopotamie, & en apporterent la teſte à Iſmaël.

Ce qui animoit particulièrement Selim contre Iſmaël.

Deriſion d'Iſmaël ſur les ſuperſtitions des Turcs.

Les Perſes ſont mourir Sultan Amurat.

QUELQUES-VNS ont voulu dire auſſi que Selim fut vaincu, mais ie penſe qu'ils ont eu pluſtoſt égard à la perte qu'il auoit faite par le chemin, qu'à quelque aduantage que

1515.

Stratageme
d'Ismaël.Qu'iluy relâ-
ché.

ses ennemis ayent eu sur luy : toutesfois pour le contentement du Lecteur, i'en raconteray succinctement ce qu'ils en disent. Ils presupposent doncques que ces deux grands Princes se sont rencontrez deux fois, l'une en la bataille de Zalderane, & l'autre pres de Tauris, & qu'incontinent apres la premiere, Selim fit halster son armée le plus qu'il pût, afin de pouuoir surprendre ceux de Tauris, auparauant qu'ils eussent eu le vent de sa victoire : mais Ismaël ayant ramassé gens de toutes parts, auoit (oultre ceux qui estoient demeurez du premier combat) encores dix mille cheuaux tous frais, qui pour n'auoir senty encores aucune fatigue, ne demandoient qu'à voir l'ennemy. Ismaël doncques voyant la resolution des siens, & le desir qu'ils auoient de combattre, fut content de tenter encores le hazard, mais il commanda à ses gens de fuir quand ils verroient les Turcs, lesquels auroient opinion que ce seroit ceux mesmes des iours precedens qu'ils auoient mis en route, & par ainsi qu'ils les auroient à mépris, & se mettroient à les poursuivre en confusion, & luy cependant disposa des embusches en plusieurs endroits, par lesquels les Turcs seroient contrains de passer par necessité. Les Perses faisans tout ainsi qu'il leur auoit esté commandé, n'apperceurent pas si tost les Turcs, qu'ils se mirent en fuite, & toute la caualerie des Turcs d'un autre costé qui croyoit que c'estoit par lascheté, ne soupçonans rien de mauuais, veu ce qui s'estoit desia passé, & pensans que dès le iour mesme ils pourroient enleuer la ville de Tauris, les poursuirent à bride abatuë, & pour vser d'une plus grande diligence, laisserent tout leur bagage en arriere, & leurs munitions de guerre : mais aussi-tost que les Turcs eurent passé l'embuscade, les Perses se leuerent, & taillerent toute leur infanterie en pieces, & outre cela pillerent tout le butin qui estoit en leur camp, & se firent maistres des thresors de Selim, & de toute son artillerie, lequel ayant entendu tout cét esclandre, & comme il auoit ses ennemis en queue, rebroussa chemin. Mais lors cette caualerie des Perses, qui feignoit de fuir deuant luy, tourna bride ; si bien que Selim attaqué de toutes parts fist vne notable perte de ses gens, & fut contraint avecques ce qui luy restoit de se sauuer à la fuite, pour recueillir ses troupes dispersées de toutes parts, & ayant passé la riuere, de rompre le pont lequel il auoit fait, de peur que les Perses n'eussent moyen de le suiure & de l'endommager : mais il n'y a nulle apparence que cela soit arriué de la sorte : car tous sont d'accord que Selim entra dans Tauris, & y seiourna, ce qu'il n'eust sceu faire, si cette victoire estoit veritable : aussi ny les Annales Turques, ny les Memoires de Verantian n'en font aucune mention : il est vray que c'est Menauin qui le dit, comme y ayant esté present. Que si Ismaël a eu quelque aduantage sur les Turcs, ç'a esté lors qu'ils se retirerent, comme nous auons dit cy-dessus, mais ie suis tousiours bien aysé de rapporter ce que disent les vns & les autres ; car encores que bien souuent les Auteurs semblent se contredire, c'est bien souuent pour auancer les actions les vnes deuant les autres, joint que quelquesfois les Turcs ont teue ce qui a esté à leur desaduantage.

XIX.

Selim contre
l'Aladulien.Les Aladuliens
détrouillent
les Turcs dans
les montagnes.

SE L I M laissa doncques passer cét Hyuer pour donner quelque relasche à ses soldats harassés, mais aussi-tost que le Soleil commença à retourner sur nostre horizon, luy à qui la froideur des glaces n'auoit sceu refroidir l'ardeur de son ambition, & encores moins le desir de la vengeance, se resolut d'aller attaquer l'Aladulien, lequel non content de luy auoir manqué de secours, lors qu'il passa en Armenie contre le Sophy, & de luy auoir refusé des munitions à son plus grand besoin, auoit encores fait espier ses troupes près de l'Anti-Taurus : car méprisant Selim pour voir ses soldats en si mauuais equipage, il auoit fait cacher des plus courageux de ses sujets aux montagnes, dans des retraites, qui ne peuuent estre conuies que de ceux du pays. Les Turcs se trouuoient surpris à tous propos par ces guetteurs de chemins en de certains destroits, principalement la nuit, qui faisoient sur eux vn tres-bon butin, & quelquesfois ces montagnards se mettans en troupe, les venoient assaillir par des chemins raboteux & mal-aisez, & quand ils auoient fait leur coup, ils se retiroient en leurs cauernes, se voulans vanger de la mort de son fils, car ce Prince Aladulien s'appelloit Vltazel, qui auoit esté occis, comme vous auez entendu, en la bataille de Zalderane.

Selim disti-
mule cette
injure iusques
en vn autre
temps.

O R encores que tout cecy se fit par le commandement de l'Aladulien, toutesfois il s'en excusoit, disant que c'estoient certains payfans du pays, accoustumez à voler & brigander, lesquels il luy estoit impossible de dompter ; toutesfois qu'il en feroit vne telle recherche qu'il puniroit les auteurs de telles meschancetez, & là-dessus luy donnoit quelques viures en signe d'amitié, mais la nuit il ne laissoit pas d'enuoyer des troupes pour les destrouiller ; ausquels maux, Selim ny tout son conseil, ny mesme la valeur de ses soldats n'auoit

n'auoit sceu trouuer aucun remede, sinon de dissimuler pour lors cette iniure (qui ne leur estoit que trop connue) iusques en vn autre temps ; esperant Selim, que s'il pouuoit auoir vn peu de temps pour raffraischir son armée, qu'il en tireroit la raison, à quoy il ne faillit point. Car tout au commencement du Printemps, il deuescha Sinan Bassa avecques des forces suffisantes pour auoir raison de ce Roytelet, apres qu'il eut pris ; comme nous auons dit, la ville de Kemach ou Keman, qui estoit sur les frontieres, & des appartenances du Roy de Perse, & qu'il l'eust iointe à son Empire ; en cette ville on prit & emporta tout ce qui s'y trouua (déchargeant ainsi sa colere sur les habitans de cette pauvre ville) & tous les masles iusques à vn, furent passez par le fil de l'espee, par le commandement de Selim, dans laquelle il establist par apres de fortes garnisons, & l'ayant fait fortifier, il la munist de toutes choses necessaires pour resister à l'ennemy.

1515.
Sa cruauté en la ville de Keman.

DE là Sinan Bassa tourna toutes ses forces contre l'Aladulien, l'intention toutesfois de Selim estoit de le suiure de près pour luy donner secours, s'il en auoit besoin, mais il fut releué de cette peine. Car Vstazel, ainsi s'appelloit ce Prince, que les Annales appellent Dulgadir-ogly, c'est à dire fils d'Vlgadir, ayant entendu le bruit que les Turcs venoient à dessein de le ruiner : ayant assemblé ses forces, il les dispersa par les destroits & lieux forts de sa Prouince, qui est toute montagneuse & enfermée du Taur & de l'Anty-Taur, il esperoit de les attraper aux passages, eux qui ne craindroient point ny ne s'attendoient pas à telle surprise : de sorte qu'il auroit taillé ceux-cy en pieces, auparauint que Selim les eust pû ioindre, mais il auoit affaire à vn homme trop fin & trop aduisé pour se laisser surprendre. Il parle de Sinan Bassa, lequel ayant esté aduertý des desseins de l'Aladulien par des espies qu'il auoit de toutes parts, fit tourner toutes ses ruses contre luy-mesme : car sçachant la retraite des siens, & comme ils estoient diuisez, il les sceut prendre tellement à son aduantage, les enuironnant de toutes parts, qu'ayans esté taillez en pieces, leur Prince mesme y demeura prisonnier ; auquel Sinan fit trancher la teste, & à trois autres fils qu'il auoit, lesquels tomberent aussi entre les mains des Turcs. Cela estant ainsi heureusement reüssi, toute la Prouince se rendit incontinent à Sinan, l'Aladulie deuenant de cette façon vne Prouince Turque. Cette guerre ayant esté aussi-tost acheuée que commencée, avecques l'extermination de toute la race des Princes Aladuliens, le tout contre l'esperance d'vn chacun & de Selim mesme, qui ne s'attendoit pas que cette entreprise se deust terminer avecques tant de facilité, veu la force de la Prouince, & la peine que ce petit Roytelet luy auoit donnée à son voyage de Perse, tant il y a de certaines entreprises à la guerre qui reüssissent sans peine & sans souhair, & d'autres que la force ny l'industrie humaine ne sçauoient auancer d'vn pas, le tout dependant de la Prouidence eternelle, qui dispose de toutes choses, selon qu'elles luy sont connues, pour le bien & le repos de l'Vniuers, comme nous remarquerons cy-apres. Apres doncques cette conquête, Sinan fut laissé au pays pour ordonner de toutes choses, selon les coustumes des Turcs, establis les cens & les tributs ; de sorte qu'on peust iuger combien cette Prouince deuoit rendre par an, faisant en cela tout ce qui estoit du deuoir de sa commission, recompenfant mesme ses soldats de presens & de pensions qu'ils appellent Timar, en sorte qu'il s'acquist la bien-veillance d'vn chacun d'eux. Toutesfois ie trouue ailleurs que cette guerre se passa tout autrement, & qui semble estre la plus veritable histoire.

Les ruses du Prince d'Aladulie se conuertissent à son deladuantage.

Sa prise & sa mort.

Conquête de l'Aladulie.

Sinan Bassa ordonne du pays.

On tient doncques que l'Aladulien ayant assemblé iusques à quinze mille cheuaux, & grande quantité d'infanterie, attendit de pied ferme l'armée de Selim en vne combe d'assez large estenduë qui se retrouue parmy les montagnes, au sommet desquelles il auoit logé les gens de pied de part & d'autre, & luy avecques sa caualerie s'arresta en la plaine, et il se fit vne fort rude meslée, qui du commencement tournoit au desaduantage des Turcs, encores que pour cette fois les troupes de l'Europe eussent entamé le combat, sous la conduite de Sinan Bassa, qui en estoit lors le Beglierbey par la mort de Chassan. Mais Selim qui voyoit fondre toute cette infanterie de montagnards sur les siens, lesquels estoient si ferrez dans ce cul de sac, que leur multitude & leur valeur leur estoit inutile, il enuoya vn grand nombre d'arquebusiers au secours, qui firent vne telle scopeterie & vn tel escheec des Aladuliens, qu'ils furent contrains de se retirer dans les destroits plus inaccessibles de ces montagnes, Selim les poursuivant l'espace de sept iours. Mais en fin craignant d'affamer son armée parmy l'aspreté de ces rochers, il s'arresta ; & s'enquestant aux montagnards (qu'on peust attraper) des desseins de l'Aladulien, il trouua qu'il auoit fait sortir des villages tous les paysans, desquels il en auoit choisi l'élite pour son infanterie avecques la fleur de sa caualerie, & qu'il auoit planté son camp près d'vne roche

1515.

pour y seiourner l'Eſté, où il auoit aſſemblé vne grande abondance de munitions, éuitant le combat autant qu'il luy eſtoit poſſible, tant qu'ils euſſent amené les Turcs en quelques deſtroits fort aduantageux. Ce qui le rendoit encores plus craintif, c'eſtoit qu'il ſoupgonnoit le General de ſa caualerie Saxouar-ogly ſon parent, duquel il auoit fait mourir le pere quelque temps auparauant, comme aspirant à la Couronne, & meſme qu'on auoit remarqué qu'à la dernière bataille, la fuite auoit commencé par luy.

Le Prince de
l'Aladulie pris
vif & mené à
Selim.

Ces choſes entendues par Selim, il fit deliurer ces priſonniers, & leur faiſant quelques preſens, & pluſieurs belles promeſſes, les renuoya au camp de leur Roy avecques lettres adreſſantes à Saxouar-ogly, par leſquelles il luy mandoit que le temps eſtoit venu, s'il vouloit, de ſe vanger de la mort de ſon pere, & de paruenir au deſſus de ſes intentions: car outre ce qu'il ſ'acquerroit ſes bonnes graces, qu'il deuoit reputer pour comble de ſa felicité, il l'inueltiroit encores du Royaume de l'Aladulie, pourueu qu'il trouuaſt les inuentions qu'il peuſt tirer raiſon de ſon ennemy. Les payſans ayans communiqué cette menée à Sinan Baſſa, comme il leur auoit eſté commandé, & fait diligence d'arriuer au camp des leurs, ils declarerent le tout à Saxouar-ogly, auquel il ne fallut pas beaucoup tirer l'oreille; car il y eſtoit deſia tout diſpoſé: mais il auoit affaire à vn Prince fort deſſiant, & qui eſtoit touſiours en garde; ſi bien que reconnoiſſant qu'avecques beaucoup de difficulté pourroit-il luy faire tout ce qu'il deſiroit, il penſa que le plus prompt moyen eſtoit de ſe retirer luy-meſme avecques le plus grand nombre de caualerie qu'il pourroit vers Selim: ce qu'il pourroit aiſément faire pour la grande autorité qu'il auoit ſur eux, auſſi le mit-il à execution, & fit vne telle menée parmy toute l'armée de ſon Prince, ſous l'eſperance des grandes promeſſes & recompensés qu'il leur fit, avecques le deſeſpoir auquel il les auoit laiſſez de ſortir iamais de cette guerre qu'avec la ruine totale de leur pays, que tous les iours les Aladuliens venoient ſe rendre au camp des Turcs. Alors ce pauvre Roy ſe voyant accablé de tant de mal-heurs, ne trouua pas plus prompt remede à ſa miſere que la fuite: mais comme il alloit fuyant de montagne en montagne, & ſe cachant dans les creux les plus ſecrets, ſe voyant pourſuiuy par Sinan, & par Saxouar-ogly: finalement les ſiens propres le trahirent, & allerent decouurir à ſes ennemis le lieu de ſa retraite, leſquels l'ayant pris vif, le menerent à Selim, qui l'ayant gardé quelques iours priſonnier, luy fiſt trancher la teſte, qu'il commanda d'eſtre portée par tous les pays circonuoisins de l'Aladulie, & meſme iuſques à Veniſe, comme ſi les Chreſtiens euſſent deu ſe reſioiur de ſes victoires; mais c'eſtoit pluſtoſt pour les retenir paiſibles, voyans proſperer ainſi ſes affaires de toutes parts. Apres laquelle victoire il reduiſit l'Aladulie en Prouince, de laquelle il fit trois Sanjacats, & Saxouar-ogly par deſſus tous, comme il luy auoit promis, & toutesſois Sinan Baſſa y demeura tout le reſte de l'Eſté, pour ordonner de la Prouince; c'eſt ainſi qu'on raconte la conqueſte de l'Aladulie, où ie treuve plus d'apparence qu'à ce qu'en racontent les Annales Turques, qui font la choſe trop facile pour vne Prouince de ſi difficile abord, & pour eſtre alors gouuernée par vn Prince qui auoit les armes en la main, l'un des fils duquel s'enfuit en Egypte vers le Soudan, les trois autres paſſerent par la fureur du cimeterre.

XX.

Expedition
des Turcs en
Hongrie.

Conqueſtes
de Ionules en
la Boſnie &
en Hongrie.
Bel ordre en-
tre les Turcs.

En cette meſme année, tandis que Selim faiſoit bien ſes affaires en l'Asie, les ſiens ne les faiſoient pas moins en Europe. Le Baſſa Ionuzes tenoit alors le Sanjacat de la Boſnie, homme vaillant de ſa perſonne & de grande experience: cettuy-cy deſirant de ſ'inſinuer aux bonnes graces de ſon Seigneur, & luy faire voir en ſon abſence quelques effets de ſon affection à ſon ſeruiſe, il ſe reſolut de faire tous ſes efforts pour ſe rendre le maiſtre de quelques dix-huit chasteaux & places fortes que les Hongrois poſſedoient encores en ſa Prouince, & leſquelles ſon predeceſſeur n'auoit pû dompter, leſquelles ayant reduites ſous la domination des Turcs, il entra par apres aiſément avec ſes troupes dans la Hongrie, rauageant toutes les frontieres, & prit Teſna, Socole, & Cotoroſme, places fortes & d'importance qu'il ioignit à ſon Sanjacat, ordre fort remarquable entre les Turcs, que ce luy qui a quelque gouuernement ſur les frontieres, puiſſe par ſa valeur augmenter ſa reputation & ſon reuenu, & enfin paruenir aux plus hautes dignitez, ce qui leur eſt vn bien viſ aiguillon pour les inciter aux actions les plus genereuſes. Cettuy-cy pourſuiuant ſa bonne fortune, ſe faiſit encores de pluſieurs autres places & petits chasteaux où les Hongrois ſouloient hyuerner. Ce que le Roy de Hongrie Vladislaus (qui regnoit pour lors) ne pouvant ſupporter, amalla le plus de forces qu'il peuſt, deſquelles il donna la charge à Batory Iſphan, ou Iſphan-ogly, c'eſt à dire, à Eſtienne fils de Batory, homme belliqueux, & qui auoit fait deſia pluſieurs fois preuue de ſa valeur, luy commandant de ſ'en aller camper
au

Posthega, située en la plaine voisine du fleuve de Suaue, laquelle ayant assiegée avecques toutes les forces, & toute l'artillerie qu'il peust ramasser en son gouvernement, il la print & y laissa bonne garnison, & s'en alla avecques son armée faire vn degast par toute la contrée, qui est aux environs de la ville de Iaitze, metropolitaine du Royaume de la Bosnie, qui appartenoit encores pour lors au Roy de Hongrie, faisant vn ravage & vne ruine nonpareille par tout où il passoit, de champs, de vignes, de iardinages, ne pardonnant pas aux choses les plus inanimées, & s'en retournant riche d'honneur & de despoüilles en la maison.

1515. .
Second ravage des Turcs en la Bosnie.

Or Ionuses pouuoit bien faire ses expéditions en toute assurance, car les Hongrois estoient assez empeschez chez eux pour vne grande sedition qui s'estoit esmeuë par tout le Royaume: car cōme le Cardinal de Strigonia, pour resister aux Turcs qui faisoient à tous propos les degasts que vous auez ouys, eust presché vne Croisade, & que plusieurs milliers d'hommes se fussent desia enrōollez, Vladislaus (qui regnoit pour lors en Hongrie) auoit enuoyé vne Ambassade à Selim pour pouuoir obtenir la paix, mais pour cela ceux qui auoient desia pris les armes, ne les voulurent point quitter, ains eleurent pour Roy sur eux vn certain Georges Zeck, qui auoit autresfois heureusement combattu contre les Turcs, & s'espandans par toute la Hongrie, ils firent à la maniere des sedicieux, vn ravage nonpareil, pillans & massacrans les nobles du Royaume, leur femmes & leurs enfans, abbatans leurs chasteaux, & iusques aux Monasteres & lieux de Religion, violans les saintes vierges, & en fin laissant des marques par tout où leur fureur se peust estendre, ils empalerent mesmes l'Euesque de Chone au trauers du corps en vn pal de bois, menaçans d'en faire de mesme à l'Archeuesque de Strigonia & aux autres Prelats Ecclesiastiques. Pour reprimer ces furieux, le Roy Vladislaus depescha le Vayuode Iean, avecques les meilleurs & plus fideles hommes qu'il peust amasser, qui firent vn tel deuoir, que toute cette armée de Zekians (ainli tes appelloit-on à cause de leur chef) mise en toute, & la meilleure partie taillée en pieces, ou prise prisonniere, leur Roy mesme tomba vif entre les mains du vainqueur, lequel on fit mourir d'vne mort aussi cruelle, qu'autre dont on ayt iamais ouy parler; car on le couronna d'vne couronne de fer ardente, apres cela on luy couppa les deux veines des deux bras, que l'on fit succer à son frere Luc Zeck, en outre on laissa trente payfans trois iours entiers sans manger chose quelconque, afin que la violence de la faim les forçast de faire ce qu'on voudroit, lesquels ils contraignirent de ronger & deschirer avecques les dents le ventre & les autres parties de ce pauvre Roy (qui estoit encores tout plein de vie) & de s'en repaistre, luy cependant souffrant toutes ces choses avecques vne constance incroyable, sans s'estonner de la cruauté de ce tourment, ny mesmes sans se plaindre, priant seulement qu'on pardonnast à son frere Luc, qui n'auoit pris les armes & ne s'estoit porté à cette guerre, qu'à sa persuation. Comme donc ses membres eussent esté tous deschirez, ils l'eurent rent, & ietterent ses entrailles, puis l'ayans mis par morceaux, ils en mirent vne partie à la broche, & le reste dans des pots, & le firent manger à ses soldats, lesquels ayans esté repeus d'vn si sanglant & barbare festin, ils firent mourir avecques Luc Zeck de plusieurs sortes de supplices, les plus cruels qu'ils peurent inuenter: cruauté à la verité inouye, & qui fait dresser les cheueux à la seule pensée, de voir l'homme si acharné contre sa propre nature, & si barbarement cruel contre soy-mesme, quand il vse vne fois du tranchant de sa desraisonnable raison, n'ayant peu passer cette histoire sous silence, veu mesmes qu'elle sert pour faire voir à quoy les Hongrois estoient employez durant qu'on faisoit vn tel ravage sur leurs terres; si bien que toute cette année, que les Annales disent estre de nostre salut mil cinq cens quinze, & de l'Egire neuf cens vingt & vn, fut fort heureuse pour Selim, tant en la Natolie qu'en l'Europe, en laquelle il reuint passer son hyuer à Andrinople, qui fut fort grande année là; & toutesfois Andrea Cambini Florentin, tient qu'il le passa à Iconium ou Cogni, & que là se fit vne autre sedition des Iannissaires, que le Commentaire Verantian dit estre arriuée à Amasie.

Sedition en Hongrie.

Ravage des sedicieux.

Histoire chronologique de Hongrie, recueillie par M. Gerard Armon Dans.

Leur Roy pris vif.

Son supplice cruel & inouy.

Et celui de ses soldats.

Sedition des Iannissaires.

CAR Selim ayant dessein de retourner contre le Sophy, desiroit d'hyuerner en ces contrées là, afin d'auoir son armée plus prompte & plus disposée quand ce viendrait le Printemps. Or tous les Iannissaires redoutoient la guerre de Perse, plus que chose du monde, & voyans bien qu'il n'y auoit rien à gagner que des coups, ils refusoient d'hyuerner ailleurs que chez eux. Mais Selim s'estant rendu plus opiniastre, accoustumé desia à toutes leurs errieries, ioint qu'il s'en estoit rendu le maistre la derniere fois, quand il voulut faire la guerre aux Georgianens, ils se roidirent aussi contre son opiniastrété, & luy dirent re-

1515.

Pillée la mai-
son de Pyrrus
Bassa.Selim se reti-
re à Constan-
tinople.Les Janissai-
res deman-
dent pardon.On fait mou-
rir les chefs
de la sedition.Soliman craint
que son pere
ait vne mau-
uaise impres-
sion de luy, &
le veut trou-
uer.* Selim fut
mourir Ach-
met son grand
Vizir.Cause de la
mort.Et de Ischan-
der & autres
Bassas.

solument que s'il ne les vouloit remener, ils s'en retourneroient bien eux-mesmes, qu'ils ne manqueroient point de chef, ny à qui pouuoir obeir, tant que son fils Solyman viuroit. Ces dernieres paroles troublerent fort Selim, & le firent entrer en si grand soupçon (ceux qui tiennent le sceptre des Turcs ne pouuans viure qu'en inquietudes, s'ils ont quelque enfant vn peu grand, ou quelque autre proche parent) ayant veu mesme que les Janissaires estoient allez en la maison de Pyrrus Bassa, qu'ils auoient enuironnée, forcée & pillée, selon Verantian, que la nuit suiuite il se déguisa, & montant à cheual, avecques fort petite compagnie, cheuaucha iour & nuict, tant qu'il arriua à Scutary, où ayant passé le destroit sans se donner à connoistre, il vint dans son Serrail à Constantinople, où il fut trois iours renfermé, sans vouloir donner audience à personne, iusques à ce que le mesme Pyrrus Bassa, & le Cassiascher (toutesfois ie ne puis croire que cettuy-cy en ait esté, comme la suite de cette histoire le fera voir) luy demanderent la raison d'une si profonde tristesse. Mais n'en ay-je pas sujet, dist-il, puis que ie ne suis plus rien en cet Empire? ne sçavez-vous pas avecques quelle audace, les Janissaires ont résisté à mes intentions? & que (non contents de m'auoir desobey) ils me menacent de se ranger sous vn autre Chef? Mais ces deux-cy firent en sorte qu'ayans decouvert les auteurs d'un tel desordre, ils rendirent la chose si criminelle à tous les autres Janissaires, qu'ils allerent eux-mesmes querir les criminels, & les amenerent à Constantinople, les mains liées par derriere, lesquels estans arriuez à la porte du Serrail, commencerent à crier misericorde, remettans toute cette sedition sur leurs chefs, le prians de prendre sur ceux-là vne punition si seuer, qu'elle seruist d'exemple à l'aduenir. Selim receut leurs excuses & leur pardonna, faisant mourir tous les chefs de la sedition.

Ce qui appporta vne telle frayeur à son fils Solyman, que craignant qu'il eust quelque mauuaise impression de luy, pour les propos qu'en auoient tenus les Janissaires, en venant baiser les pieds à son pere, il tascha de luy faire voir avecques toute la soumission qui luy fut possible, son innocence, & que les Janissaires auoient auancé tout ce qu'ils auoient dit de leur propre mouuement, sans qu'il en fust participant d'aucune chose. Selim ne fit point en cela de demonstration qu'il eust quelque doute de la fidelité de son fils: mais comme il estoit Prince fort cruel, & qui ne cherchoit que les occasions de répandre le sang, il s'imagina que le tout venoit par les menées d'Achmet Bassa, ou plustost il fut bien aise de trouuer cette couuerture, pour s'en deffaire avecques quelque apparence de iustice: car il se souuenoit combien on auoit trouué mauuais qu'il eust fait mourir les Bassas Chendeme & Mustapha.

Cet Achmet-cy estoit Epirote, de la famille des Ducagins, de laquelle il a esté parlé en la vie de Mahomet second. Il estoit alors grand Vizir, la souveraine dignité apres l'Empereur, qui n'a toutesfois aucun gouuernement, mais ne bouge de Constantinople (comme celuy qui doit manier & conduire le timon de ce grand Empire) si ce n'est que l'Empereur aille ailleurs, ou qu'il vueille luy-mesme se trouuer en ses armées, car il suit tousiours la Cour; quelques-vns ont dit qu'il le fist mourir pour ses concussions, se rapportans peut-estre à ce que dit Paul Ioue, qu'il estoit fort auare, fort ambitieux & perfide, estant vn de ceux qui auoient trahy le defunct Empereur. Car enfin le temps, comme vous auez pû voir, a fait connoistre la perfidie de tous les principaux officiers de la Cour de ce pauvre Prince, & que ce que firent les Janissaires, ne fut pas vne simple émotion, mais vne conspiration; laquelle meschanceté retomba sur la teste de tous ceux qui en furent coupables. Mais reuenant à Achmet, le Commentaire Verantian tient que Selim mit en auant qu'il auoit esté cause de ce murmure des Janissaires, se souuenant peut-estre dece qu'il auoit fait autresfois pour luy, & craignant qu'il ne luy en arriuaist autant qu'il en auoit fait à son pere, par le moyen de son fils, & que pour cette raison il le fit mourir: Ce que Leonclaius tient pour le plus veritable. Pour le mesme crime, ou sous le mesme pretexte, il fit aussi mourir Ischander Bassa qui estoit son gendre, Tatzizaden, c'est à dire de la famille des Tatzis, que nous dirions en nostre langue des Leuriers, lequel auoit la charge alors de Cassiascher ou Cadilescher, & c'est ce qui m'a fait dire cy-dessus, que ie ne pouuois croire qu'il eust esté trouuer Selim: car il n'auoit pas tant de familiarité pour ce faire, joint que l'Empereur se deffoit de luy: le quatriesme fut Balgemiezes, c'est à dire qui ne mange point de miel. Cettuy-cy auoit la charge de Senuen ou Segnan Bassa, comme si on disoit celuy qui a la surintendance sur toutes les bestes de voiture, & sur tous ceux qui les conduisent: il en fit encores mourir quelques autres, mais nous dirons chacun en leur lieu, tout cecy estant arriué en cette année 1514.

AYANT

au dessous de Semendrie, afin que tenant toutes les auenuës, il prit apres son temps & l'occasion de se saisir de la ville: pour ce faire il y fit apres conduire de l'artillerie pour l'assieger, si bien qu'ils eurent le temps de faire leurs retranchemens, & de commencer à battre les fortifications de la place, auant que les Turcs se fussent mis à bon escient en deffense: car Alisbeg fils de Iachia Bassa, qui auoit lors le Sanjacat & gouuernement de cette place, n'auoit pas donné ordre assez à temps à ses affaires pour empescher la venue des Hongrois, & deffendre ses frontieres, s'aduisant, mais seulement à l'extremité, qu'ils en vouloient à sa ville, laquelle ils estoient pour emporter, si elle n'estoit promptement secourüe, ou si eux-mesmes y venoient avecques les forces requises pour emporter vne telle place, & venir au deuant du secours qu'elle deuoit auoir infailliblement, s'ils ne se diligentoyent. Cela luy fit enuoyer en diligence des courtiers à Selim, pour l'aduertir de l'estat de leurs affaires, qu'il voyoit en mauuais termes, s'ils n'estoient promptement secourus. Selim estoit lors en Asie, au siege de Kemach, lequel ayant receu ces nouuelles, entra en grande crainte que les Hōgrois n'eussent fait vne ligue avecques les autres Princes Chrestiens, & que tandis qu'il estoit éloigné, ils vissent s'emparer de ses terres, & donnassent des affaires à ses gens qui tenoient leurs frontieres, s'ils n'estoient promptement secourus. Cela le fist assembler son conseil, pour scauoir cōment il se deuoit comporter en cette affaire, & s'il deuoit faire marcher les forces qu'il auoit en Asie, & en donner la charge à quelque chef particulier, comme Sinan Bassa ou autre, pour reprimer par vne course inopinée de caualerie, les desseins des Hongrois, ou bien si on deuoit, sans rien troubler, & sans changer de dessein, se seruir des forces mesmes de la Prouince, pour faire leuer le siege de deuant Semendrie, & faire retirer les Hongrois au logis. Cēt aduis sembla le meilleur; si bien qu'on manda à Alisbeg, qu'en diligence il enuoyast par toutes les Prouinces circonuoinfines, pour assembler les Sanjacs, & ceux qui estoient demeurez en la Roimelie, & que Selim n'auoit point menéz quant & luy en son expedition de Perse, afin qu'avecques leurs forces ils eussent à promptement aller donner secours à Semendrie, ce qu'Alys fit le plus diligemment qu'il luy fut possible, si bien qu'il assemblea les Sanjacs de Nicopolis, d'Alatzechisare, en la contrée des Zirhens ou Seruiens, celuy d'Iuorne en la Bosnie, d'Ichtimane, qui est aussi en la Zirhie, que les Grecs souloient appeller Steuimache, avecques le Sanjac de la Bosnie, lesquels tous vinrent trouuer Aly, sans les volontaires Accangis, qui suivent les armées Turques sans aucune paye, ains seulement sous l'esperance du butin: car aussi-tost qu'ils sceurent que la guerre estoit denoncée en Hongrie, ils ne faillirent pas d'y accourir de tous costez: mais celuy qui fut le plus prompt à donner ce secours, fut Mustapha Bec, le Sanjac d'Iuorne, comme aussi les Valaques firent vne grande diligence à venir au secours d'Aly, qui auoit assemblé tout ce qu'il auoit pu du territoire de Semendrie. Comme doncques tous les autres Bassats se furent assemblez avecques Aly, ils allerent tous ensemble donner secours aux assiegez.

DESIA les Chrestiens auoient, comme nous auons dit, fait leurs retranchemens, & braqué leur artillerie, & par vne batterie continuelle auoient tellement demoly les murailles & les bouleuarts de Semendrie, qu'ils en tenoient la prise presque pour toute assurée. Ils auoient en leur armée vne assez belle infanterie pour la garde de l'artillerie, qui s'estoit remparée & retranchée d'un bon & large fossé, & le reste de l'armée estoit disposé en sorte qu'elle estoit enuironnée de chariots en forme quarrée; les Turcs appellent cette forme de fortification Istabor, qu'ils pourroient bien auoir tirée des Venedes ou Prussiens, qui appellent vne deffence & fortification Thabor, ayant toutesfois laissé des ouuertures à propos pour pouoir entrer & sortir dans le camp, quand bon leur sembloit. Enfin contre toute esperance on fut estonné qu'on vid ce grand secours qui venoit pour les assiegez, mais sur tout vn bruit inopiné qui s'épandit parmy ceux qui estoient aux munitions que les Turcs approchoient, & ceux-cy venans à donner au mesme temps avecques vne grande impetuosité, cela, dis-je, les espouuenta de sorte, que n'ayans pas ny le temps ny l'esprit rassis pour auoir recours à leurs armes, ils quitterent toutes leurs deffences, & mirent en oubly toutes leurs munitions, mais seulement penserent de se sauuer dans cēt enclos de chariots, que nous auons dit cy-dessus, où estoit le reste de l'armée. Mais si ceux-cy auoient fuy pour les avant-coureurs, ils s'estonnerent encore bien dauantage quand ils virent les troupes d'Alisbeg, qu'ils n'auoient point entendües estre si proches d'eux: car vne telle terreur saisist alors toute l'armée Chrestienne, qui pour son imprudence auoit eu trop de confiance en elle-mesme, & n'auoit pas preueu ce qui pouoit arriuer, que faute d'y auoir donné l'ordre requis en telles affaires, quand ils se virent

1515.

Les Hongrois
deuant Se-
mendrie.

Mauuais or-
dre du Sanjac
de Semen-
die.

Qui aduertit
Selim du sie-
ge de sa ville.

Les Turcs s'as-
semblent de
toutes parts
pour faire le-
uer ce siege.

Les efforts
des Chrestiens
à ce siege.

Ils s'estōnent
à l'arriuée des
Turcs.

Grande con-
fusion en leur
armée

1515.

Ianaci ieunes
hommes Turcs
fort coura-
geux.

Faute d'Alyf-
beg.

Bel ordre des
Hongrois en
faisant leur
retraicte.

Duel d'un
Turc & d'un
Chrestien, où
le Turc a l'ad-
vantage.

Butin des
Turcs au cap
des Chrestiens.

Alysbeg en-
uoye vn cour-
rier a Selim
pour luy an-
noncer les
nouuelles de
la victoire.

XXI.

surpris, ils ne firent plus rien qu'en confusion, se pressans les vns les autres, & se deman-
dant d'où pouuoit estre sortie si grande multitude de Turcs.

TOUTESFOIS il n'y eut que le Sanjac d'Isuorne avecques ses forces, & les Ianaci, ce sont des ieunes hommes fort vaillans & courageux, que les Turcs nomment ainsi de la ferocité de leurs courages, avecques les gens de pied Valaches de la Prouince de Semendrie, qui se ioignirent ensemble, & qui vinrent attaquer les Chrestiens, le reste demeurant arrestez sans remuer les mains, faisans seulement voir de loing leurs troupes aux Chrestiens. Que si Alysbeg eust desployé l'enseigne, & sonné la trompette pour vn combat general, faisant à l'instant de l'espouuante marcher toutes ses troupes, ils eussent sans difficulté mis en route l'armée Chrestienne. Laquelle voyant que les Turcs se diuisoient, & que les vns venoient seulement au combat, & les autres faisoient estat de ne bouger d'une place, ils se rassurerent vn peu, si qu'ils ordonnerent quelques-vns d'entr'eux pour tenir teste aux Turcs, ou plustost pour resister & reprimer leur impetuosité, & cependant ayans emmené avec eux leurs chariots, ils se retirerent dans leurs confins. Ce qui leur reüssit assez heureusement; car faisans marcher leurs chariots les derniers, ils se mocquoient aysément de tous les efforts des Turcs, avecques lesquels ils ne cessèrent d'escarmoucher iusques à ce qu'ils fussent proche de Bellegrade. Entre les plus genereux Turcs, vn Danube Balys capitaine d'Azapes, & qui marchoit sous l'enseigne de Mustapha Beg, ayant acquis vne grande reputation par tout le Royaume de la Bosnie, donne des esperons à son cheual, & s'aduançant bien loin deuant les autres, appelloit quelque Chrestien qui voulust se battre en duel contre luy, à condition que le vainqueur trancheroit la teste au vaincu; ce qu'ayant esté accepté par vn d'entr'eux, on le fit sortir de la closture, & lors prenans du champ autant qu'il estoit necessaire pour donner carrière à leurs cheuaux, ils les laisserent courir à toute bride, & mettans la lance en l'arrest, ils se faillirent d'atteinte, mais ils se heurterent si fort l'un contre l'autre, que le Chrestien plus foible que le Turc, fut renuersé par terre, & l'autre descendit aussitost de cheual qui luy couppa la teste, l'emporta vers les siens, & la monstra apres au general Alysbeg, lequel l'ayant fort honoré pour sa valeur, le recompensa encores d'un bon present. Tant y a que cette affaire se passa en sorte, que beaucoup de Chrestiens demurerent, ou morts ou prisonniers; ils receurent toutesfois vne grande loüange de leurs ennemis mesmes, de ce qu'ils ne troublerent iamais leur ordre en leur retraicte, non seulement au partir de Semendrie, mais encores qu'on les poursuiuiست viuement à dos, ils continuerent toutesfois leur chemin si ordonnément, qu'il ne paroïssoit nullement vne fuite, iusques à ce qu'ils eussent passé le fleuve de Suaue, & qu'ils fussent paruenus à la maison.

DE l'autre costé les Turcs ayants obtenu si promptement & si facilement cette victoire, Alysbeg emporta quant & soy tout ce que ses ennemis auoient laissé, ses soldats n'y faisans pas vn grand butin, le reste fut laissé dans la forteresse de Semendrie, où deux ou trois cens Hongrois, car on dit l'un & l'autre, furent menez enchainez en vne chaisne, ayans chacun aux mains des menottes de fer, pour passer le reste de leur vie en seruitude. Le mesme Alysbeg ayant pris quatre ou cinq enseignes sur les Hongrois, apres en auoir fait renuerser la pointe, selon la coustume des Turcs, il les enuoya à Sultan Selim pour marques perpetuelles de sa victoire, avecques plusieurs testes de Chrestiens qu'ils auoient occis, & plusieurs esclaves qui auoient esté pris en cette expedition. Mais afin que Selim en eust plus promptement les nouuelles pour l'oster de la crainte en laquelle il estoit (car cecy ne luy estoit pas de petite importace) il luy enuoya vn courrier expres pour l'asseurer de cette victoire, & raconter de poinct en poinct comme toutes choses s'estoient passées; & que tout estoit paisible & assuré en ces contrées-là. Ces bonnes nouuelles furent receües de Selim avec vne tres-grande ioye, ce qui fut cause qu'il donna vne robbe fort honorable au messager, & l'ayant fait rembourcer de la despence qu'il auoit faite le long de son voyage, il luy donna encore outre ce trente mille aspres, qui peuuent reuenir à quelques cinq cens escüs couronne, & outre ce l'office de Subassi, comme si on disoit Preuost de camp, ou iuge criminel, quelquesfois aussi comme vn commissaire de viures.

EN ce mesme temps Ionuses Bassa, duquel nous auons parlé cy-dessus, qui auoit le Sanjacat de la Bosnie, ayant assemblé toutes les forces de cette Prouince, voulut tascher de recouurer ce que le feu Roy Matthias auoit conquis sur les Turcs en Ycelle, du temps mesmes de Mahomet, & entre autres il desiroit r'auoir la forteresse de Pozziga, ou Posthega,

AYANT doncques fait tous ces massacres, il desiroit infiniment d'auoir sa raison des Perses: car, comme il a esté dit, s'il les auoit vaincus, il auoit trop répandu de sang pour s'en glorifier, & les mes-aises & les necessitez que les soldats auoient souffertes par le chemin, faisoient qu'ils employoient plustost le temps à se plaindre qu'à conter leur vaillance & leurs beaux faits; si bien que ce n'estoit qu'un peu de vent qui leur faisoit dire qu'ils auoient battu les Perses, mais le ressentiment de leurs douleurs leur faisoit croire qu'ils auoient esté fort mal menez: cela doncques les portoit à deux passions diuerses: car si Selim desiroit y retourner pour se vanger, les soldats redoutoient ce voyage de crainte de s'y perdre, voyans bien qu'il n'y auoit rien à gagner que des coups, toutesfois il falloit marcher, car la plainte qui auoit eu quelque apparence en temps d'huy, n'estoit point receuable au Printemps, où toutes choses se presentent à eux à souhait, maintenant mesmes qu'ils auoient subiugué les Aladuliens, & qu'ils auoient pour amis les Georgians: car de quelque costé qu'ils eussent voulu marcher, ils ne pouuoient manquer de provisions. Ces mesmes considerations encouragerent Selim dauantage, & luy firent enuoyer par tout des courriers, avecques lettres adressantes à tous Gouverneurs de Provinces, forteresses ou bourgades, tant de la Natolie que de l'Europe, à tous autres qui tiroient gages ou pensions de luy, à ce qu'ils eussent à le venir trouuer. Toutesfois les Accangis & les Spahis de l'Europe, qui n'auoient point vaillant plus de dix mille aspres, il leur permit de demeurer à la maison, & les exempta de cette guerre, pour de certaines grandes considerations, & quant aux autres plus nobles Accangis qui vinrent pour cette expedition, il en donna la conduite à Chassanbeg fils d'Omarbeg, eleuant Ionuze qui estoit Sanjac de la Bosnie, à la dignité de Beglierbey de Romely, & Mustapha fils de Mustapha Iuruis, qui auoit esté en la guerre contre le Sophy, & que Selim auoit fait mourir en la place de l'autre: outre ceux-cy tous les soldats de la Romelie, qui de leur mouvement vouloient marcher à cette guerre, & les Ianacs que nous auons dit estre leur plus courageuse ieunesse, qui estoient bien montez, il les receut en son armée, & leur donna à chacun douze aspres le iour. Comme il se vid auoir amassé iusques à quatre mille bons cheuaux ou enuiron, il les enuoya deuant avecques deux mille Ianissaires aux villes de Carahenude, que les anciens appelloient Anude, & de Keman, qu'il auoit nagueres conquises sur les Casselbas, leur donnant pour chef l'Imrechor Bassa, à sçauoir son grand Escuyer, & non seulement sur ceux-cy, mais il le declara General de toute l'armée, si bien que les Sanjacs le venoient aborder de toutes parts, & autre grande quantité de gens de guerre; si qu'il assembla en moins de rien, plus ou moins de cinquante mille hommes, lesquels il enuoya vers les contrées plus Orientales, pour fortifier ses frontieres, & les munir de toutes choses necessaires contre la puissance du Sophy, tandis qu'il feroit plus grande assemblée, & s'en iroit luy-mesme leur seruir de conducteur, afin qu'ils combattissent d'oresnauant non seulement sous ses auspices, mais aussi sous sa conduite, ne s'en voulant pas fier à un General, faisant un grandissime appareil de toutes choses: entre les autres, d'autant qu'il sçauoit qu'il ne pouuoit apporter dauantage de terreur à son ennemy que par la scopeterie, outre le nombre ordinaire qu'il souloit auoir d'arquebusiers, il en leua encores quatre mille ou enuiron, qu'il faisoit tous les iours luy-mesme exercer pour leur donner dauantage de courage & d'experience. Or toute cette assemblée se faisoit à Andrinople. Comme il vid doncques tout son equipage en bon ordre, il amena toute son armée à Constantinople, où il ne fit pas long seiour qu'il ne passast incontinent apres à Scutary, le destroit du Bosphore, pour s'en aller en Asie, où il ne fut pas plustost arriué, qu'une grande multitude de gens de guerre ne le vint trouuer de toutes parts, qu'il ioignit avec celles qu'il auoit amenées quant & luy: Mais deuant que de partir, voicy l'ordre qu'il donna en l'Europe.

IL auoit, comme nous auons dit, fait paix avecques les Venitiens; mais il sçauoit que Maximilian Empereur, Vladislaus Roy de Hongrie, & Sigismond Roy de Pologne, avecques plusieurs autres puissans Princes du Septentrion, auoient tenu vne Diette & Assemblée fort celebre, pour persuader les Allemans, les Hongres & les Polonois à luy faire la guerre, à ce qu'on disoit; cela luy auoit fait enuoyer gens de toutes parts, qu'il entretenoit à grands frais, pour hanter les Cours des Princes Chrestiens, & s'enquerir diligemment de tout ce qui s'y passoit; lesquels luy ayans rapporté qu'ayans diligemment épié toutes choses, ils n'auoient sceu rien apprendre de toutes ces assemblées des Chrestiens, sinon de magnifiques harangues, & de somptueux festins, que les Roys & grands Seigneurs s'estoient faits à l'enuy les vns des autres, sans rien conclure

1516.

XXII.

Seconde entreprise de Selim contre les Perses.

Ses mandemens pour l'assemblée de ses gens de guerre.

Qui sont les exemptés de cette guerre.

L'Imrechor Bassa, general de l'armée contre les Perses.

Les forces de ce Bassa.

Selim veut luy-mesme marcher en cette guerre.

Ordre qu'il donne à ses Provinces de l'Europe deuant que de s'acheminer contre les Perses.

Il auoit des espions par toutes les Cours des Princes.

1516.

L'estat des
Princes Chre-
stiens, lors du
voyage de Se-
lim en Asie.

de ce pour quoy ils estoient assemblez. Alors deliuré de toute crainte, il tourna ses pensées vers l'Orient: car il sçauoit que Sigismond auoit pour lors assez d'affaires à bien defendre la Lituanie contre les Moscouites, que Vladislaus pesant de soy-mesme, à cause de sa graisse, estoit encore tout malade; & quant à Maximilian, qu'il auoit tous ses desirs en Italie, par la mort opportune de Ferdinand, n'aspirant qu'à nouuelles guerres, soit contre les François ou contre les Venitiens, ayant mesme fait de grandes leuées pour cet effet. Toutesfois craignant qu'il suruint quelque changement en son absence, les Chrestiens changeans peut-estre d'aduis, & se seruans de cette occasion pour bien faire leurs affaires, il assëura premierement les Prouinces voisines de deux bonnes & fortes garnisons, laissant à Andrinople son fils Solymán, Prince alors de tres-grande esperance (& qui fit assez paroistre apres sa valeur aux despens de la Chrestienté) avecques des forces assez puissantes pour resister à vne armée, & pour deffendre la Grece & les autres Prouinces que les Turcs tenoient en Europe. Et à Constantinople il y establíst pour Gouverneur Pyrrus Bassa, Capitaine de grand conseil & singuliere vaillance, qui estoit selon Paul Ioue Cilicien, issu de parens Mahometistes, chose rare toutesfois entre les Turcs, qui n'eleuent iamais aux charges de l'Empire, que des renegats enfans de Chrestiens: toutesfois il laissa aussi à Bursé le Bassa Herzec-ogly, auquel il auoit vne grande confiance, avecques forces bastantes pour la deffense de cette contrée, laissant pour General de la marine le Bassa Zafer Eunuque. Ce que ie particularise, afin qu'on remarque avecques quelle grande prudence cet Empire est gouverné, & combien d'ailleurs il est puissant, puis qu'en vn mesme temps il peut tenir si grandes forces, non seulement pour la conseruation de ses Prouinces, mais pour s'opposer à ceux qui voudroient entreprendre quelque chose à l'encontre, & outre ce, mener en vn pays loingtain, & d'un chemin penible & de si grande despence, vne si puissante armée contre vn si grand Prince & si redoutable ennemy, comme estoit le Sophy, y ayant encores receu tant de fatigues & fait de si grandes despences, il n'y auoit qu'une année entre deux, outre celle qu'il luy auoit fallu faire pour son armée de mer qu'il remit sus fort superbe, & equipée de tout ce qu'il y estoit de besoin; car il n'auoit pas de petits desseins contre les Chrestiens, si DIEU luy eust prolongé ses iours, & selon que l'estat des affaires de la Chrestienté estoit pour lors, il y auoit grande apparence que s'il eust fait fondre toutes ces forces-là contre l'Italie, qu'il eust donné de grandes affaires aux Princes Chrestiens, tous diuisez en guerre comme ils estoient les vns contre les autres: mais la misericorde Diuine destourna sur les Perses & sur les Egyptiens ce grand orage, qui à la verité eust fait vn merueilleux rauage, puis que Solymán fit de grandes choses, ayant trouué ses armées dégarnies de bons soldats. Car encore que le Monarque Turc en puisse assembler en tout temps vne tres-grande multitude, toutesfois la pluspart sont gens de peu d'effet, mais en ces deux guerres, de Perse & d'Egypte, ils rencontrerent des hommes de main, auxquels il fallut mettre en teste toute la fleur des meilleurs hommes de l'armée Turque pour en auoir la raison.

XXIII.

Les Egyptiens
entrêt en des-
fiance de l'ar-
mée des
Turcs.

Leur alliance
entre les Per-
ses.

Aladin les y
mène.

Contrarietez
entre les Au-
theurs.

SELIM ayant donné l'ordre que nous venons de dire en ses affaires, & passé qu'il fut en Asie, il prit son chemin par les frontieres de l'Aladulie, où il fut aduertý des preparatifs que faisoit contre luy Campson Gaury Sultan du Caire, qui commandoit lors en Egypte & en Surie, & les Circasses, qu'on appelle vulgairement Mammelus, lesquels ayans esté aduertis des grandes forces que les Turcs faisoient passer en Asie, voyans que les années precedentes il auoit deffait les Perses, pris Tauris, conquis l'Aladulie, & mis à mort le Prince d'icelle, ils commencerent à redouter la puissance de Selim, & à iuger que l'ambition d'iceluy ne seroit iamais remplie, tant qu'il pourroit trouuer des terres à conquerir. Or auoient-ils esté priez par les Perses d'vnir leur puissance pour resister à l'ennemy commun, & de fait ils auoient fait alliance ensemble. Outre ce le Prince Aladin, fils d'Achmet & nepueu de Selim, qui s'estoit retiré, comme nous auons dit, en Egypte, tant pour éuiter la fureur de son oncle, que pour rentrer en son heritage, estoit incessamment aux oreilles de Campson, pour le solliciter d'empescher les heureux succez de cet homme remuant, disant le mesme aux Mammelus, en la bonne grace desquels il s'estoit fort insinué. Toutes ces choses, dis-je, les firent penser à leurs affaires, si bien qu'ils assemblerent de grandes forces, tant de l'Egypte que de la Iudée & Surie, & s'en vinrent à Aleph, ville de Surie qui estoit lors de leur domination.

OR ie trouue icy vn grande contrarieté entre les Historiens: car Paul Ioue veut que Selim ayant à la teste de dompter le Sophy, & voulant desvnir ces deux grands Princes, le

Perse

Perse & l'Egyptien , afin d'en auoir meilleure raison separément , comme il entendit les grands apprests de Campson , qu'il s'arresta à Agogna , de peur que cet ennemy si voisin ne luy donnast à dos , par le mont Aman , & qu'il n'entraist en Asie dénuée en cet endroit de deffense , s'il passoit outre vers l'Euphrates (car les Mammelus se vantoient de donner dans la Cilicie , si Ismaël Sophy leur allié estoit assailly par les armes des Turcs) enuoyant cependant en Ambassade vers Campson , entr'autres Tachis son Cadilescher , lequel le mesme Auteur dit auoir escrit quelques Liures de cette guerre , qu'il a tous leus traduits en Italien. Le sommaire de leur charge estoit qu'ils suppliasent le plus humblement qu'il leur seroit possible le Sultan Campson , à ce qu'il se voulust deporter de cette guerre , & luy laisser prendre la vengeance d'Ismaël qui auoit apporté de telles & si grandes calamitez par toute l'Asie , en introduisant de nouuelles superstitions , deprauant & corrompant les textes saincts de la Loy Mahometane , faisant que cette Loy qui auoit esté en si grand honneur parmy tant de nations , seruoit maintenant de risée pour la multitude des opinions qu'on rencontroit aux ordonnances mesmes du Legislatteur. Que si Campson persistoit & ne pouuoit estre attiré de son party par nulles considerations , qu'ils s'enquissent & conneussent fort particulièrement les desseins & les forces d'iceluy , & qu'ils retournassent vers luy le plus promptement qu'il leur seroit possible. Or Campson s'estant mis deuant les yeux , les entreprises de Selim , & les considerations que nous venons de dire , outre l'inimitié qu'il luy portoit pour sa cruauté , auoit bien enuie de s'opposer à sa puissance , mais son grand aage l'en empeschoit , & luy faisoit de voir son Estat troublé , qui estoit lors en sa fleur , ayant mieux le conseruer par la paix que de l'agrandir par la guerre. Mais le fils du Prince Aladulien , qui apres la mort du pere s'estoit retiré au Caire , auoit tellement animé les courages de tous les plus grands contre Selim , que les Mammelus de leur propre mouuement allerent trouuer Campson pour le supplier d'entreprendre cette guerre , que si sa vieillesse le rendoit impuissant & mal portatif pour vne telle entreprise , qu'eux-mesmes la conduiroient en sorte , qu'ils s'asseuroient de venir au dessus d'un si meschant homme , joint que les victoires qu'ils auoient cy-deuant obtenues sous Cairbey , du temps de Bajazet pere de Selim , leur enfloient tellement le courage , & les remplissoient de tant de vanité , qu'ils ne croyoient pas iamais que les Turcs fussent pour leur resister , eux qui croyoient estre seuls entre les hommes qui sceussent le mestier de la guerre , & qui ne pensoient pas que iamais homme les peust surmonter par armes , c'est ainsi qu'en parle Paul Ioue.

1516.

Ambassade de
Selim deuers
Campson.

MAIS les Annales Turques rapportent cecy tout autrement , car elles disent que Selim estant party des confins de l'Aladulie , s'en alla droit à Alep , & qu'au partir d'Alep , il alla sur les frontieres de Damas , qu'ils appellent maintenant Schain , disans qu'elle a esté appellée ainsi , comme si on vouloit dire vn sac , à cause que c'est le lieu où Cain tua son frere Abel. Or le Sultan Campson ayant entendu , non seulement les grands preparatifs de Selim , mais encore qu'il faisoit marcher ses troupes contre luy , qu'il luy enuoya des Ambassadeurs pour luy remonstrer qu'il y auoit tousiours eu vne alliance fort constante entre les Sultans Cairins & Othomans , que cette paix auoit esté fort longuement gardée , sans estre troublée par aucune iniure qu'ils se fussent faite les vns aux autres qui eust esté cause d'en engendrer vne inimitié , que ce que son predecesseur auoit fait , n'auoit esté qu'en se deffendant , & que l'origine de cette querelle estoit tousiours vn tesmoignage d'affection que les Egyptiens portoient aux Princes Othomans ; & pour son regard il desiroit de rendre à Selim , non seulement de l'affection & des deuoirs , mais aussi des obeissances , & que ce ne seroit iamais luy qui commenceroit à rompre cette sacrée alliance : cependant qu'il estoit en vn merueilleux doute , comme celuy , qui estoit ignorant des conseils de Selim , où pouuoient tendre ses armées , & pour quel sujet il auoit fait vn si grand appareil. Qu'il desiroit infiniment scauoir s'il n'estoit pas resolu d'entretenir leurs anciennes pactions , que s'il vouloit mesme quelque chose de luy , qu'il dist librement sa volonté , & qu'il mettroit peine de luy satisfaire & de luy obeir , comme il desiroit de faire en toutes choses : que pour son regard il n'auoit autre pretention , sinon qu'on ne vist aucune alteration ou changement en leur amitié , puis qu'elle estoit si ancienne , qu'elle n'auoit pas esté faite seulement avecques son pere , mais encore avecques son ayeul , comme si la necessité par ce tres-ferme lien eust allié ensemble les Osmanides & les Egyptiens. Qu'il luy sembloit donc bien plus à propos , s'il le trouuoit bon , que par vne nouuelle pacton ils s'alliassent plus estroittement entr'eux , que de rompre l'ancienne sur de fausses impressions.

Ambassade de
Campson à
Selim.

1516.

Estonnement
du Sultan du
Caire sur l'ar-
riuée de Se-
lim en Surie.

Response de
Selim à cette
Ambassade.

Selim con-
uertit ses ar-
mes contre les
Egyptiens.

LE Sultan Egyptien auoit fait dire toutes ces choses en son nom à Selim, dit cette Histoire, pour faire paroistre aux Turcs, vn exemple signalé de modestie en vn Roy d'une telle gloire & puissance que luy, cette Ambassade ayant esté enuoyée deuant que Selim fist acheminer son armée. Mais depuis qu'il eut entendu qu'il estoit entré en la Surie, & qu'il se vid surpris contre son esperance, l'ame luy faillit en la teste, comme disent ordinairement les Turcs, c'est à dire qu'il fut merueilleusement troublé, & estonné d'une chose si inopinée: c'est pourquoy il sortit en fort grande diligence de son Royaume d'Egypte, & s'en vint à Schain de Surie. De l'autre costé Selim méprisant l'Ambassade de Campson, & tout ce que luy auoit pû dire son Ambassadeur, il luy respondit seulement que son intention estoit de faire la guerre à celuy qui l'auoit enuoyé, & partant qu'il s'en retournaist à son Prince, l'aduertir qu'il s'armaist, si bon luy sembloit, pour resister à sa puissance, car il seroit au plustost en son pays; c'est ainsi qu'en parlent les Commentaires de Murat Dragoman, lequel ne s'éloigne pas trop de ce qu'en disent ceux de Verantian: Qui veut que la cause qui fit changer le dessein de Selim, fut de ce que les Egyptiens estonnez d'une si grande armée, & craignans que les Turcs seignans de se ruer sur les Perses, ne se vinssent ietter dans la Surie, comme ordinairement on se tient sur ses gardes, quand vn puissant voisin arme & passe encores son armée sur les frontieres de son autre voisin: joint les differens qu'ils auoient eus quelques années auparauant, & de ce qu'ils tenoient les deux Princes chez eux, avecques l'alliance qu'ils auoient faite avec le Sophy.

TOUTES ces choses, dis-je, les firent venir en Alep, avecques le plus de forces qu'ils purent pour lors amasser, ce que sçachant Selim, il tourna toutes ses armes contre eux, y voyant peut-estre vn bel aduantage, ceux-cy estans surpris. L'adjoûte que ce luy estoit vne plus belle commodité de combattre en la Surie, que d'aller courir en la Perse parmy des deserts; car il falloit de deux choses l'une, ou que le Sophy vint à la desfenfe & au secours de son allié, & par ainsi il pourroit auoir raison en vn mesme temps de ces deux Princes, l'Egyptien estant deffait deuant que l'autre l'eust pû ioindre, s'il donnoit promptement vne bataille, en laquelle il ne pouuoit auoir que tout aduantage, estant plus fort que le Sultan, ou bien si le Perse ne venoit point, outre la honte que ce luy seroit d'auoir delaisié ainsi ses alliez au besoin, il auroit encores perdu la moitié de ses forces, n'ayant plus personne avecques qui il eust pû faire alliance, pour s'opposer à la puissance des Turcs, lesquels entreprendroient encores plus courageusement cette guerre Persienne, quand ils verroient tout flechir sous leurs armes. Je croirois doncques que ces considerations-là, avecques celles qui ont esté dites cy-dessus, l'auroient fait changer de dessein; & sur cela il me sembleroit bien plus à propos de presupposer que Campson auroit enuoyé des Ambassadeurs à Selim, pour se plaindre de ce que sans autrement denoncer la guerre, les Turcs entroient à main armée dans ses Prouinces, que cettuy-cy enuoyast vers l'autre: car puis que Campson, au veu & au sceu de tout le monde retenoit chez soy les ennemis de Selim, & auoit fait alliance avecques celuy contre qui la guerre estoit declarée, il semble qu'avec quelque iustice il le pouuoit attaquer, le trouuant les armes en la main, & y auroit bien plus d'apparence que l'Egyptien eust enuoyé vers Selim, mais ie trouue son Ambassade trop humble & trop soumise pour vn si grand Prince, qui n'auoit pas encores sujet de craindre les Turcs: toutesfois l'opinion de Paul Ioue semble estre fortifiée par deux lettres qui se trouuent, l'une de Selim, enuoyant son Cadilescher à Campson, l'autre est la response du mesme Campson à Selim, la premiere estoit de telle teneur.

Lettre de Se-
lim à Cam-
pion.

E t'enuoye mon Cadilescher pour Ambassadeur, afin que tu puisses entendre de luy ce qui nous incite à la guerre contre les Perses, & ne puis concevoir comment tu te mets en peine de m'empescher de poursuiure Ismaël, qui par ses nouvelles superstitions a esté cause de tant de miseres & de calamitez par toute l'Asie; & qui s'efforce par de certaines loix qu'il inuente, de deprauer & de destruire entierement la Loy de Mahomet: ie desire au demeurant que tu adjoustes foy en toutes choses à ce mien Ambassadeur, t'assurant que nous rien-
drons pour ferme & stable tout ce qu'il negociera avec toy.

A cela on dit que Campson fit telle response.

Response de
Campion.

E ST vne tres-ancienne coustume que les Sultans Califes tiennent lieu de Princes en la Religion, & comme sels qu'ils s'efforcent d'entretenir la paix entre les Roys & peuples Mahometans: cela m'a fait venir armé en ma Prouince de Surie pour te le persuader, mais si tu continues cette guerre avecques opiniastrété, & que tu vueilles assa-
quer Ismaël qui nous est estroitement allié, sçaches que nous vserons du pouuoir de nostre dignité,
qui

qui veut que nous ne souffrions point que par l'insolente ambition d'un seul homme, les choses diuines & humaines soient ainsi meslees en confusion : Il y a desia long-temps que ie considere ton esprit, combien il est vain, cruel & turbulent, apres auoir mis à mors ton tres-bon pere, tes freres d'une si excellente vertu, sept de tes nepueux, ieunes Princes de si grande esperance, avecques tant de sages & vaillans Capitaines que tu as fait inhumainement massacrer, ne mettant aucunes bornes à son audace & cruauté. Enfin nous desirons que tu saches que voicy la seule condition de paix que nous voulons auoir avecques toy, c'est que tu t'abstiennes des Prouinces d'Ismael, & que tu rendes le Royaume que tu as usurpé au fils du Prince Aladulien, qui a tousiours esté en nostre protection & sauue-garde. Que si tu le fais, outre ce que tu acquerras nostre grace & bienveillance, qui ne se fera pas peu de gloire & de bon-heur, tu t'acquerras tousiours plus d'honneur par vne paix assurée que par vne guerre douteuse.

1516.

CETTE lettre est ainsi couchée au long dans vn recueil de lettres Turquesques, qu'a fait Reusner, qui seroit bien le contre-pied de ce que nous auons rapporté des Annales, & ne puis me persuader que le Sultan du Caire, ait entrepris d'escrire avecques tant d'insolence à vn si puissant Monarque, car il n'y a gueres d'apparence d'aller prescher les loix à ceux qui ont les armes à la main; aussi est-il vray qu'en quelque façon que cette affaire se soit passée (que j'ay voulu rapporter au long pour le contentement du Lecteur) Selim fit si peu de cas des armées, ny des menaces des Egyptiens, qu'au lieu qu'il auoit intention de s'acheminer contre les Perles, il marcha contre les Egyptiens: toutesfois il feignit au commencement de continuer son chemin contre les Perles, enuoyant deuant son bagage, & partie de ses gens, afin que sur cette apparence, le bruit en courust iusqu'au camp de Campson, & que cela fust cause de le faire moins tenir sur ses gardes. En tournant donc son chemin sur la main droite, il se resolut de passer luy & son armée par dessus le mont Taurus, afin qu'entrant par là dans la Comagene, il peust surprendre ses ennemis au depourueu. Pour ce faire il encouragea toute son armée, & principalement les Ianissaires, ausquels il representoit que les Egyptiens enyurez des delices que charie ordinairement quant & soy vne longue paix, n'estoient plus ceux qu'ils auoient oüy dire du temps de Caibey, ceux-cy deormais tous confits en voluptez auoient tellement oublié leur ancienne discipline, que les Mammelus ne vouloient rendre obeissance à personne, se reuoltans à tous propos contre leur Souuerain, que ce n'estoit point icy les deserts d'Armenie, ny les soldats de Perse contre qui ils auoient à combattre, gens de fer & d'acier, aussi difficiles à vaincre au combat qu'à la fuite, mais que ceux-cy tous enyurez de voluptez, si tost qu'ils verroient vne si puissante armée dans leur pays, penseroient plustost à la retraite qu'à la resistance. Qu'à la verité il les eust bien conduits par vn chemin plus doux & plus facile, mais comme il leur eust esté plus aisé, aussi leur eust-il esté moins seur, que l'ennemy croyoit qu'ils pouruiuoient leur chemin dans la Perse, cela estoit cause qu'il ne se tenoit point sur ses gardes, & qu'il pourroit estre aisément surpris, s'ils vouloient auoir vn peu de peine pour quelques iours, mais qu'en recompense la victoire leur seroit toute assurée, qu'il falloit faire diligence, car en cela seulement consistoit tout leur aduantage, de craindre que l'ennemy, qui auoit vne armée toute preste, decouurant leur dessein, ne vint leur empescher la descente de ces montagnes, & perdissent ainsi par lascheté ce qu'ils auroient acquis avecques vn petit de travail, qui leur seroit encores de peu de durée. Que pour les soulager il auoit fait reconnoistre trois routes par des gens de montagne, & ceux du pays, lesquels meslez avecques les Azapes, feroient la premiere ouuerture, mais qu'il falloit que tous les autres missent la main à la besongne pour faire les explanades, & parer les trois chemins, pour y pouuoir charrier l'artillerie, & pour les autres plus aspres passages, il estoit de besoin de les applanir, en sorte qu'on y peust mener les bestes de somme, promettant encores vne largesse aux soldats qui se seroient extraordinairement employez à mener l'equipage de l'artillerie. Ce qui leur donna vn tel couraige, que les pieces qui estoient de la moindre sorte & qui ne portoient point plus gros calibre qu'une pomme d'orange, furent tirées & poulées avecques les espauls des soldats, iusques au sommet des montagnes, ne demeurans que cinq iours en ce labeur. Au bout desquels ils arriuerent au plus haut de ce mont, auquel estans arriuez, Selim leur fit voir par tout au long & au large de tres-opulentes Prouinces qui leur estoient exposees en proye par cette guerre, leur disant qu'ils ne montoient pas seulement alors sur les murailles de la Surie, mais sur celles mesmes de la ville du Caire, que d'oresnauant tout leur seroit aysé, que le tout ne consistoit

Ruse de Selim.

XXIV.

1518. qu'en vne bataille ou deux, lesquelles gagnées, tout ce grand Empire flechiroit sous leur domination. Ce qui encouragea tellement toute cette armée, qu'ils ne firent plus que courrir depuis ce mont Aman, ainsi s'appelle cet endroit du mont de Taur, lequel est assis presque au milieu d'entre l'Euphrate, qui tranche les monts de Taur, & d'entre le golphe Ilie, aujourd'huy Aiazso.

Les Turcs
passent le mont
Taurus, & ra-
bagent la Co-
magene.

Peu de pre-
uoyance de
Campson.

Ses regrets.

Prend conseil
des siens.

XXV.

Aduit de Ga-
zelly en ce
conseil.

SAXOVAR-OGLY fut celuy qui fit le rauage de toute la contrée qui est au pied du mont Aman & de Taurus (cettuy-cy auoit trahy l'Aladulien, comme nous auons dit cy-dessus) où il sceut par les prisonniers qu'il prit, en quelle part Campson s'estoit retiré avecques son armée, mais de peur que le bruit de l'arriuée de l'armée des Turcs luy en fust porté, il mit ses gens à toutes les aduenues des passages, si bien que Campson Gaury, ou Canseue Gaury, selon Verantian, à sçauoir le Sultan du Caire, fut plustost aduertie que ses ennemis estoient à deux iournées de luy avec cent mille combatans, ou selon les autres, dauantage, qu'il ne sceut qu'ils eussent passé le mont Taurus. Or quelque grand cœur qu'eussent les Mammelus, & qu'ils eussent assez fait fanfarer auparavant leurs vanitez au mépris & desauantage des Turcs, si commencèrent-ils à s'estonner: Campson entr'autres, de qui la vieillesse refroidie luy auoit fait perdre & emoussé cette pointe de combatre; & considérant le peu de preuoyance qu'il auoit eue en cette guerre, s'estant trop hasté, pour s'estre si mal muny, commença de mettre ses forces à la balance avecques celles de ses ennemis, & reconnoissant assez la foiblesse des siennes, il entroit en vne merueilleuse perplexité. Il admiroit ce grand cœur de Sclim, & l'obeissance de ses soldats, d'auoir pris vn chemin si penible pour l'aborder plus portément, & voyoit bien que ceux qui auoient bien osé, non seulement combatre les difficultez de la nature, mais qui les auoient surmontées, ne tarderoient gueres à l'attaquer, & à venir aux mains contre luy, qui n'auoit pas alors beaucoup de forces, la meilleure partie de ses gens estant encorés dispersée par la Judée & par la Surie. Il regrettoit les fautes qu'il auoit faites, l'vne de s'estre si tost déclaré, qu'il n'eust attendu que les Turcs eussent entré bien auant en la Perse: car outre ce qu'il eust amassé ses forces tout à son ayse, il eust encorés donné quand il eust voulu, sur la queue de son ennemy, & luy eust rauagé ses Prouinces, auxquelles il laissoit bien peu de garnison; l'autre qu'il ne s'estoit saisi de ces passages, que son ennemy occupoit pour lors, & lesquels, s'ils eussent esté disputez, luy eussent au moins donné du temps pour se rendre le plus fort dans son pays. Mais voyant que tous ces maux estoient sans remede, il assembla les siens en conseil, pour prendre aduis en vne affaire si importante, à sçauoir s'ils deuoient, à l'exemple de leurs ancestres, combattre l'ennemy à son arriuée, & jouer plustost du reste de leur estat, que de perdre vn pouce de la gloire & reputation qu'ils estoient acquise depuis trois cens ans, ou bien si s'accommodans au temps, ils deuoient laisser vne forte garnison dans Alep, avecques toutes munitions pour soustenir vn siege, & se retirer plus auant dans le pays, tant qu'ils eussent ramassé toutes leurs forces, & fussent en equipage de pouoir soustenir l'impetuosité des Turcs.

ENTRE les plus renommez Capitaines de Campson, il y auoit vn Iamburd Gazelly, qui estoit des vieux routiers du grand Carbey, & pour lors gouuerneur d'Apamie, qui s'estant maintesfois rencontré avecques les Turcs, (bien que pour auoir esté mal conduits, les Egyptiens en eussent souuent emporté la victoire, ne laissoit pas toutesfois de sçauoir par experience combien ils estoient bops combatans: mettant à part la vanité ordinaire de sa nation, iugeoit assez par sa prudence quelle seroit l'issue de cette affaire; cela luy faisoit dire qu'il estoit bien plus asseuré de se retirer, que de combatre, que l'on deuoit élire le siege de la guerre à Damas, où ils auroient du temps pour disposer toutes choses necessaires, attendu que l'armée des Turcs assez pesante, tant pour les gens de pied que pour l'artillerie & bagage qu'ils charioient, leur donneroit vne seure & facile retraite, que cependant on feroit venir les autres Mammelus qui estoient es garnisons de Judée & d'Egypte, qu'on pourroit appointer les plus prochains Arabes, & que se tenant bien sur ses gardes, on pourroit prolonger la guerre iusques en l'hyuer, où toutes choses leur seroient fauorables, tant pour l'iniure du temps, qui ne pourroit permettre aux ennemis, de demeurer en la campagne, que pour la faute de viures & de munitions qu'ils auroient en leur camp, qui refroidiroit du tout l'ardeur de leur courage. Ceux-cy mesmes, disoit-il, ne peuuent hyuerner ailleurs qu'à la maison, comme ils ont assez fait paroistre à la derniere guerre qu'ils ont eue contre les Perses: quant à Alep, que mal-aisément pourroit-elle tomber entre leurs mains, attendu qu'ils auoient appris qu'ils ne charrioient que de petites pieces d'artillerie, & que la munissant selon les loix de la guerre, qu'ils s'y consummèrent

consommeroit devant, ou ils seroient contraincts de leuer le siege & se retirer ailleurs. Ioinct que les Perses assez informez de l'armée & des desseins des Turcs, ne les laisseroient pas en repos, & viendroient les secourir, afin qu'empeschez en plusieurs endroits, ils eussent plustost la pensée tournée vers la deffensive, que d'enuahir le bien d'autrui; car ils scauoient aussi bien assez que la principale intention de Selim estoit plustost de prendre la raison des Perses, que d'entreprendre sur les Egyptiens. Adioultz maintenant à tout cecy le secours qu'on pouuoit tirer des Chrestiens mesmes pour resister au commun ennemy, qui deormais s'en alloit estre leur voylind de toutes parts, s'ils ne ioignoient leurs forces aux leurs pour repousser cet orage, que partant il estoit d'aduis qu'on leur enuoyast des Ambassadeurs, à Cypre principalement & à Rhodes, pour tirer d'eux quelques pieces d'artillerie de quoy ils manquoient, & par le moyen de laquelle les Turcs auoient surmonté les Perses, car il s'asseuroit que si on se vouloit seruir de tous ces moyens, que non seulement on pourroit aysément resister à l'ennemy, mais encores le contraindroit-on de se retirer honteusement chez luy, avecques l'honneur & la gloire du Sultan & de l'Empire de s Mammelus; au contraire s'ils vouloient par vne vanité s'exposer maintenant à l'aduanture, outre ce qu'ils n'y pouuoient faire qu'une tres-grande perte, s'ils emportoient la victoire, estans contraincts d'exposer leurs meilleurs hommes à toutes sortes de perils, & principalement à la mercy du canon; s'il arriuoit qu'ils perdissent cette bataille, le pas estoit ouuert à l'ennemy, de rauager toutes leurs contrées, & de s'en venir sans resistance iusques au Caire, en danger de la perte & de la ruine de tout leur Empire. Que puis que l'affaire estoit si importante, elle meritoit bien d'estre meurement digérée, sans estre exposée si promptement à la mercy du hazard; veu mesme que le temps & la longueur leur donnoit tout aduantage, que les fautes se faisoient ordinairement à la guerre avec grande promptitude, mais qu'elles estoient bien longues au repentir, & qu'en l'occasion qui se presentoit, les conseils prudents y estoient bien plus vtiles que les magnifiques.

MÀ I S au contraire, les Mammelus qui se figuroient vne grande facilité en cette guerre, sautoient d'aise, d'entendre que l'ennemy estoit proche, s'assurans d'en auoir la raison par vne seule bataille, & qu'ils effaceroient par leur valeur la gloire du Sultan Cait-bey, qui n'auoit iamais combatu contre vne armée Imperiale. Que ces Turcs cy n'estoient pas d'autres hommes, que ceux qui auoient cy deuant combatu contre eux sous la conduite des Bassats & des gendres de Bajazet pere de Selim, & lesquels ils auoient batus, tout autant de fois qu'ils auoient osé les attendre, encores qu'ils fussent plusieurs contre vn. A cela les poussoit encores Chair-beg gouuerneur d'Alep, & de la Prouince de Comagene, qui mesprisoit fort le conseil de Gazelli, comme ressentant son homme lasche & sans cœur, au lieu de prudent & aduisé qu'il estoit, leur demandant à tous que leur seruoit d'auoir fait vn si long voyage, si pour le moins ils ne vouloient s'efforcer d'esteindre les flammes qui embrasoient de toutes parts les possessions de leurs sujets, s'ils estoient là venus pour repaistre leurs yeux des massacres & des calamitez des habitans de cette miserable contrée, & laisser gorger de contentemens la rage & fureur de l'ennemy: s'ils ne rougiroient point de honte pour le moins, quand ils se representeroient que c'estoit eux-mesmes, qui auoient fait fondre toutes ces calamitez sur les testes de ces miserables, ayans fait par leur arriuée changer de dessein aux Turcs, qui prenoient le chemin de la Perse, s'ils ne se fussent point tant hastez de prendre les armes, & maintenant au lieu de les repousser par delà le mont de Taur, ils leur ouuriroient le passage, non seulement à la ruine de cette contrée, mais encores des Prouinces circonuoisines. Est-ce doncques ainsi disoit-il, qu'il nous faut forligner de la valeur de nos peres? où est cet ancien courage des Mammelus? la fumée des villages, & des champs qui brulent, nous vient donner iusques dans les yeux & dans la bouche: nos oreilles retentissent des cris de nos sujets larmoyans, qui nous inuoquent plus souuent qu'ils ne font le secours de DIEU & de nostre saint Prophete, & toutesfois comme si toutes ces choses nous estoient de peu d'importance, tout mis en arriere, nous voulons aller chercher l'ombre & le couuert, perdans ainsi l'occasion & le temps de bien faire nos affaires, tandis que la saison y est propre, empeschans l'ennemy de passer l'hyuer dedans nos propres villes, le rendans par ce moyen si puissant, qu'il sera par apres bien difficile de le vaincre. C'estoit ce que Chair-beg alloit discourant aux Mammelus, qu'il ne luy fut pas difficile de gagner, estans delia tous disposez à ce qu'il leur persuadoit; au contraire les plus sages inclinoient du costé de Gazelli, louans son aduis comme le plus seur, & celuy qu'on deuoit indubitablement suivre, si on ne vouloit tout

Les Mammelus contre l'aduis de Gazelli,

Susentez par le gouuerneur d'Alep.

1516.

Campson se
râge du costé
des Mamme-
lus.

perdre. Mais Campson, contre son aage & son humeur, porté par vn mouuement qui deuoit sapper par le pied vne si puissante Seigneurie que la sienne, enflé du mesme vent que ses gens de guerre, & son esprit tout offusqué de la fumée de la vanité, luy empescha d'approfondir le sage conseil de Gazelli, son bon & fidele conseiller, pour se ranger du costé de celuy de Chair-beg, son mortel ennemy.

Chair-beg
gouverneur
d'Alep enne-
my de Cam-
pson.Coustume
des Sultans
d'Egypte.

Leur vanité.

CAR ce Chair-beg hayssoit de mort Campson, d'autant qu'il auoit faict empoisonner son frere, & l'autre le tenoit aussi pour son ennemy, l'ayant de nouveau offensé: car sur le bruit de l'armée des Turcs, Campson l'auoit faict appeller en vne assemblée qu'il fit au Caire, des plus grands seigneurs de ses pays, & cettui-cy craignant d'estre pris aux mesmes pieges que son frere, sçachant qu'on ne luy en machinoit pas moins, se tenoit sur ses gardes, & n'y voulut point aller, ains feignit qu'il estoit malade; de quoy Campson grandement indigné, non tant pour n'estre point venu, que pour voir qu'il se deffioit de luy, & donnoit profondement dans ses desseins, gardoit toutesfois cela en son cœur par vne cholere couuerte, espiant l'occasion de se vanger à propos & de se deffaire de luy. Or pensoit-il que la guerre luy seroit vne belle couuerture pour cet effect: & à la verité l'orgueil de cet homme estoit insupportable, tant pour se porter trop insolemment à l'endroit de son Souuerain, pour se comporter en son gouvernement, comme feroit vn Roy en son Royaume. Pour doncques mieux executer son dessein, Campson feignant de vouloir aller vers Euphrates, s'en alla à Hierapolis, du gouvernement de Chair-beg: car c'estoit la coustume des Sultans d'Egypte, de ne s'estimer pas dignes d'aucune loüange militaire, s'ils ne menoiert vne armée à l'Empor de Byrtha, & ne se fussent arrestez sur le fleuve d'Euphrates, faisant par vne pompe solempnelle entrer leur cheual dedans le fleuve, pour y boire de l'eau au courant d'iceluy, voulans faire entendre par cette vaine ceremonie que leur seigneurie estoit de fort ample estendue, & qu'ils estoient prests de monitrier par armes, qu'à eux appartenoient tous ces champs qu'arrose le fleuve d'Euphrates au deça du mont Taurus, iusques aux deserts d'Arabie. Toutesfois la mesme raison de la guerre que Campson auoit recherchée, ce fut celle qui luy empescha l'execution de son dessein; car n'ayant pas bien encores pour lors aprofondy les desseins de Selim, tout cecy s'estant passé auparauant son arriuée, il n'osoit entreprendre, en temps troublé, contre ce personnage, sçachant qu'il estoit fort aimé des gens de guerre, qui luy pourroient faire mille traueses, & luy causeroient beaucoup de ruine, s'ils venoient à se reuolter; ioinct qu'il y en auoit en son camp des plus apparens, qui tenoient son party, les ayant obligez & gagez à luy par presens & plusieurs bien-faicts. Mais ce qu'il redoutoit le plus, c'estoient les Hierapolitains, sur lesquels cestuy-cy s'estoit acquis vne souueraine autorité, plus toutesfois d'affection que de commandement, & si dans la forteresse qui estoit située au milieu de la ville, sur vne colline doucement élevée, il y auoit mis vn capitaine à sa deuotion, & en qui il auoit toute confiance. Ces choses moderoient bien la cholere du Sultan, & luy faisoient remettre la partie à la fin de la guerre.

Canseue tra-
hy.Trahison de
Chair-beg
qui se rend à
Selim.

M A I S comme l'execution des hautes entreprises trop long-temps retardée est incontinent euentée, & qu'en pareil cas il faut tousiours promptement executer ou se taire, Canseue ayant déclaré son dessein à quelques-vns de ses familiers qu'il croyoit luy estre fort affidez, & qui toutesfois estoient des plus intimes de Chair-beg; ceux-cy selon la coustume, preferans leur amitié particuliere au bien public, & la ruine d'un homme à celle de leur propre patrie, ils l'aduertirent de donner ordre à ses affaires, & de se donner de garde des aguets du Sultan: voyla comment Campson en temporisant, perdit l'occasion de ruiner vn si dangereux ennemy, & comme d'ailleurs en se precipitant trop, il perdit son estat & sa vie contre les Turcs ses mortels ennemis, comme vous entendrez cy-apres. Mais pour reuenir à Chair-beg, ayant par l'aduis de ses amis reconneu le danger auquel il estoit, & que s'il n'y donnoit ordre, il tóberoit à la fin sous la mercy de son souuerain, ne voyant point de moyen d'attenter à sa personne, il s'en voulut vanger sur son estat, au peril de sa reputation, & à la ruine de son pays. Se voyant doncques des places fortes en main, & vne grande estendue de pays, avecques les intelligences qu'il pouuoit auoir par les Prouinces, & des amis à la Cour du Sultan qu'il pourroit attirer à son intelligence, il se resolut de se rendre à Selim, pour ce faire il luy enuoya vn messager secrettement, pour luy représenter les causes de sa douleur, & luy promettre qu'il se redroit sous sa foy, & se rageroit sous son obeyssance à la premiere occasiō, luy remettant la ville & la forteresse de Hierapolis entre les mains, que ce pendant il disposeroit les volontez des citoyens à son seruice, lesquelles il se pouuoit assurer de posséder, & que si tost qu'il approcheroit son armée,

il joindroit ses forces aux siennes, lesquelles bien qu'elles n'y püssent pas estre égalées, n'estoient pas toutesfois à mépriser, & afin que Selim adjoustaist plus de foy à ses promesses, il luy enuoya des ostages qui luy furent laissez par les deputez, avecques vne instruction particuliere de tout l'Estat, les forces & les desseins de Canseue, de quel & de combien d'hommes estoit remplie son armée, & quels moyens il luy estoit necessaire de tenir pour en auoir la victoire, l'exhortant d'approcher le plus promptement qu'il pourroit, & de faire auancer ses troupes, afin que l'occasion ne se perdist de prendre son aduantage, que les humeurs des soldats estoient portées à la bataille, laquelle s'il leur liuroit, la victoire luy en estoit toute assurée.

1516.

Il luy enuoye des ostages pour assurance de ses promesses.

A de si bons aduertissemens, à des conseils & des moyens si vtils & necessaires Selim presta l'oreille fort volontiers, les promesses de recompense à l'aduenir ne luy manquant point, pour dauantage attirer à soy le cœur de cét homme, de soy-mesme desia gagné; la vengeance, cōme vne gangrene, y ayant mangé ce qu'il y auoit de fidelité & d'obeissance à son Prince souuerain, ne luy restant plus qu'une ardeur de cholere & de furie pour tirer sa raison de l'iniure receüe. Mais Selim qui scauoit assez ce que cét homme pouuoit en l'Estat de Canseue, & outre ce combien la place qu'il luy offroit, estoit importante à l'auancement de ses affaires, s'assueroit aysément de la victoire, ayant vne retraicte assurée au milieu de ses ennemis: voila pourquoy apres auoir recompensé le messager d'un bon present, il le renuoya vers son maistre, avec lettres par lesquelles il luy promettoit de l'auancer aux plus grands honneurs de son Estat, s'il luy tenoit parole, en sorte qu'il paruint au dessus de ses entreprises, & peust tirer la raison de ses ennemis, que ce qu'il auoit affaire pour le present, c'estoit (sans se declarer encores apertement) de feindre d'estre fort affectionné à Campson, luy persuader de demeurer dans cette Prouince, pour donner au plustost la bataille. Et cela estoit cause des discours qu'il auoit tenus au conseil, comme vous auez pû voir cy-dessus, lesquels Canseue creut & suivit à la lettre, ne se souuenant pas qu'il se falloir garder d'un ennemy reconcilié, & attendit de pied-ferme Selim, lequel auançant tousiours pays, vint rencontrer son ennemy, qu'il trouua campé sur le fleuve Singa, presque à dix milles de la ville, afin d'estre secouru par la commodité de l'eau, toutes necessitez leur estans facilement enuoyées de la ville, si qu'ils estoient fournis de tout ce qu'ils eussent sceu desirer; les Annales Turques disent que le lieu où fut donnée cette bataille, s'appelloit vulgairement le sepulchre de Dauid, pour vn certain Dauid qu'elles disent Prophete, qui y auoit esté inhumé.

XXVI.

Selim le reçoit du nombre des siens, avec offres de grande recompense.

En quel lieu fut livrée la premiere bataille de Selim contre les Egyptiens.

Les Mammelus pouuoient estre quelques douze mille cheuaux maistres, mais il n'y auoit celuy qui n'eust trois ou quatre seruiteurs à sa suite, tous bein armez, & bien montez, selon la portée de leurs richesses, & la grandeur de leur solde; & bien que l'armée de Selim fust plus populeuse, si n'y auoit-il pas de meilleurs hommes qu'à celle de Canseue, qui eust parauenture obtenu la victoire, si elle eust esté conduite par vn Chef qui eust sceu vaincre, & qu'il n'y eust point eu de traistres parmy eux: car c'estoit icy la fleur de tous les Mammelus, gens autant experimentez & exercez aux armes, qu'autres qui fussent en l'Vniuers, qui portoient tous longue barbe, avec le regard affreux & menaçant, le corps fort musculeux & nerueux, & se manians fort dextrement: entrans au combat, ils donnoient premierement vn coup de lance, puis ayans ietté l'escu sur le dos, tiroient de l'arc, outre ce ils s'aydoient encores d'une masse de fer, & par fois du cimeterre, selon que le lieu & l'occasion le requeroient. Leurs cheuaux sont puissans & ardens, & fort semblables à ceux d'Espagne en leur taille & vitesse, & si dociles, dit Paul Ioue, qui décrit cette Histoire, qu'à la voix & certains signes de leurs cheuaucheurs, ils leuent leurs lances & leurs fleches de terre avecques leurs dents, & les leur apportent, comme nous faisons faire à nos barbets: ils ont aussi vne connoissance particuliere de l'ennemy, de le haper avec les dents, ou abbatre à force de ruades tout ce qui les enuironne, & de ne s'estonner point à la veüe de leur propre sang: leurs maistres sont fort curieux de les bien faire enharnacher, leur donnans de freins d'argent, des selles dorées & des bardes de fer à ouillage escaillé pour le col & pour la poitrine.

Nombre des Mammelus en leur armée.

Quels ils estoient.

Et quels leurs cheuaux.

Les caualiers des premiers rangs, & quiconque possède de grandes richesses, portent l'armet en teste; ceux d'apres s'estimoient estre assez bien couuerts contre les coups de taille, ayans vn accoustrement de teste fait de linge, & ployé en rond par plusieurs tours les vns dans les autres, le plus mignonement qu'il leur estoit possible, mais les simples cheualiers vsoient de chapeaux velus & rouges, qui ne peuuent estre coupez, & resistent aux plus grands coups d'espées; ils vsoient aussi de cuirasses, de lames de fer join-

1516.

Tous esclaves.

Leur apprentissage & exercices.

Comment avancé aux charges.

Le plus cherif esclave pouvoit estre Sultan.

Nul fils de Mahometiste ne pouvoit estre Mammelu.

Mahomet fils du grand Sultan Chair-beg s'empare de la Seigneurie d'Egypte, tué par vn Circassien.

Qui fut élu Sultan.

Quand la domination des Mammelus commença.

tes ensemble : telles sont les armes des Mammelus, lesquels estoient tous des renegats, & qui tenoient presque mesme discipline que les Janissaires : il est vray que ceux-cy sont gens de pied, & ceux-là de cheual, joint que les Mammelus n'estoient point Azamoglans ou enfans de tribut comme en Turquie, mais esclaves achetez de plusieurs marchands, & qu'ils estoient tous Getes, Zinches & Basternes, nays à l'entour du Palu Zabacca, principalement de ce costé-là, par lequel le fleuve Corax se vient épandre en la mer majour, route laquelle region a depuis esté nommée Circassie. Les Valaches, Tartares de Precop, Sarmates, Roxolans & autres peuples circonuoisins, les fouloient raur des mammelles de leurs meres, & par tout où ils en pouuoient attraper, puis les vendoient aux marchands, lesquels en ayans fait l'élite, les menoient apres dans des nauires en Alexandrie, & de là au Sultan du Caire, principalement s'ils estoient douiez de quelque force naturelle, ou qu'ils eussent remarqué en eux quelque grandeur de courage. Quand ils estoient au Caire, on les mettoit entre les mains d'escrimeurs & maistres d'armes, en vn lieu destiné pour cét apprentissage, où ils estoient enclos; & quand ils auoient appris avecques le temps à tendre bien roidement vn arc, tirer iustement d'iceluy, à sçauoir bien donner vn coup de lance, & s'ayder de l'espée & du bouclier, estre bien à cheual, à se sçauoir dextrement manier, alors ils commençoient à suiure la guerre & à toucher quelque appointement. De là ils estoient élus au nombre des principaux soldats, à sçauoir de ceux de la garde du Prince, & enrrollez entre les gens de cheual. Ceux qui estoient d'une nature lasche & poltrone, ou qu'on ne pouuoit dresser aux exercices, seruoient perpetuellement aux autres; si bien que voyans les honneurs, les recompenses, les dignitez, & tout ce qu'ils eussent pû desirer, dépendre de leur valeur & experience en la guerre, chacun d'eux s'estudioit à l'enuy à qui deuanceroit son compagnon, de sorte que montans de degré en degré, du plus bas ordre des gens de cheual, ils pouuoient paruenir en fin à la principauté : car c'estoit par leur élection qu'on estoit élué à cette souveraine dignité, nul ne pouuant estre receu en leur milice, de qui le pere fust Mahometiste, ou Juif, ains d'enfans de Chrestiens, ausquels on faisoit renoncer leur Religion. La dignité de Cheualier ne passoit iusques aux enfans des Mammelus, bien qu'ils peussent succeder à leurs peres en toutes leurs richesses & possessions : le Sultan mesme ne pouuoit laisser sa Seigneurie à ses enfans, ains le droict retournoit entre les Mammelus qui en éliisoient tousiours vn d'entr'eux, comme le droict de la Seigneurie leur appartenant : si bien que Mahomet fils de Chair-beg, duquel nous auons parlé cy-dessus, pour les discordes qui estoient entre les Mammelus, les vns fauorisans Acbardin, & les autres Campsomia, qui tenoient les plus grands Magistrats du temps de Chair-beg; voyant que ceux-cy auoient mis tout cét Estat en trouble par leur ambition, vsurpa la Seigneurie, mais deux ans apres il fut tué en banquetant par vn de ces Circassiens, d'autant qu'il auoit enuahy cette principauté contre les loix & coustumes de l'ancienne institution; si bien que cettuy-cy le poursuiuit comme on faisoit anciennement les Tyrans qui s'estoient emparez de la souveraineté des Republiques; aussi auoit-il voulu restituer à ses compagnons le droict d'élire vn Sultan, & de pouuoir conferer la Seigneurie à vn de leurs corps; ce qui fut si agreable à tous, que sur le champ ils l'éleurent pour Souuerain d'un vnanime consentement.

OR cette domination d'esclaves commença sous Melechfala, celuy qui regnoit du temps de S. Louys Roy de France, & qui le prit prisonnier : car cettuy-cy ayant eu de grandes guerres contre les Chrestiens, où il auoit perdu la meilleure partie des plus experimentez soldats qui fussent en ses armées; voyant qu'à la longue il pourroit succomber & perdre son Estat, ayant tousiours sur les bras de si puissans aduersaires, & qui plus est se desfiait de l'esprit inconstant des Egyptiens, il acheta plusieurs Turcomans, qu'on trouuoit lors à bon prix par tous les marchez de la petite Asie, les Tartares ayans enuahy cette region, & l'Armenie, où ils prirent vne infinité de prisonniers qu'ils vendoient au Sultan d'Egypte, lequel les ayant equipez en gens de guerre, les dressa apres avecques tel soin & vigilance, qu'il en fit de fort bons hommes de guerre; de sorte que ce fut par leur moyen qu'il obtint la victoire contre ce saint Roy, dont nous venons de parler. Mais s'ils furent cause de luy acquerir quelque reputation, il luy en cousta par apres la vie : car ceux-cy ayans conspiré contre leur Souuerain, qui les auoit élueuz à vne telle dignité, & l'ayans massacré, s'emparerent alors de la Seigneurie, qu'ils ont tenuë iusques à la conquête de l'Egypte par Selim, qui pouroit estre quelques trois cens ans, s'attribuans vne telle souveraineté dans tous ces pays, que tous les habitans, tant de Surie que d'Egypte, n'osoient

n'osoient porter armes ny nourrir de cheuaux, ne pouuoient paruenir à aucune dignité, ny estre appelez aux conseils pour la conduite de l'Estat; de sorte qu'estans reduits en vne extreme pauureté, par la grandeur des tributs, & tourmentez par les iniures continuelles de ces esclauues, ils furent contrains de s'addonner à la marchandise, aux arts mecaniques & à l'agriculture, prenans sur eux tous tels droicts que les maistres ont accoustumé de prendre sur leurs esclauues. Car ordinairement les caualiers du Sultan auoient accoustumé de tourmenter ces pauvres miserables, tantost les outrageans de coups, ores leur rauissans leurs biens, ou prenans par force leurs femmes & leurs enfans, pour contenter leur débordée luxure; c'estoit l'esclauage auquel viuoient encores tous ces peuples à l'arriuée de Selim, digne de larmes à la verité, si eux-mesmes ne se fussent rendus indignes de compassion, ayans fait banqueroute à la Religion sainte, qui leur auoit autrefois apporté vne si grande reputation.

1516.

Cruantez
qu'ils exer-
çoient contre
leurs sujets.

De tels gens estoit composée l'armée de Canseue, de tous lesquels il ordonna cinq bataillons: le premier desquels il donna à conduire au traistre Chair-beg, parce que la guerre se faisoit en sa Prouince: au second, commanda Sybeyes, qui auoit pour sa merueilleuse agilité de corps, le surnom de Balaan, c'est à dire Basteleur, qui estoit pour lors Tetrarche de Damas, & fort recommandable pour sa vertu & fidelité, & auoient charge ces deux d'enuahir en mesme temps, les pointes gauches & droites des Turcs: le troisieme bataillon fut baillé au iudicieux Gazelly, pour secourir les vns & les autres, selon les occurrences; Canseue voulut luy-mesme conduire le quatriesme, où estoit toute la fleur de sa caualerie, qu'il faisoit marcher distant des autres, enuiron d'un mille & demy, & le cinquiesme, il le laissa à la garde du camp.

XXVII.

Ordonnance
de la bataille
de Campson.

Quant à Selim il auoit disposé sa bataille selon la coustume ordinaire des Turcs, mettant la caualerie Asiatique au costé droit, & celle d'Europe sur le gauche, & l'infanterie des lanissaires & soldats de la garde, avecques l'artillerie en la bataille du milieu. Mais les plus braues & plus vaillans des gens de cheual & des lanissaires (entre lesquels on dit que Selim voulut estre pour ce iour là) faisoient le front du milieu du Croissant. En cette ordonnance les deux armées marcherent les vnes contre les autres, non toutesfois sans quelque terreur: car bien que l'audace des Mammelus leur fist mépriser leurs ennemis, toutesfois deux choses les estonnoient, l'une, la grande & puissante armée de Selim contre la leur si petite; l'autre, qu'ils se souuenoient que c'estoient ces mesmes soldats qui méprisans l'aspreté des chemins & l'horreur des deserts, apres tant d'incommoditez, auoient toutesfois penetré iusques aux plus hautes parties de l'Orient, & nonobstant les mes-aises & la necessité, auoient surmonté leurs ennemis en bataille rangée, & encores non de tels quels soldats, mais des meilleurs caualiers de tout le monde. Comme aussi les Turcs se souuenoient que c'estoient icy ceux contre lesquels ils s'estoient battus tant de fois du temps de Bajazer, sans en auoir iamais pû emporter aucun aduantage, au contraire ils auoient mis leurs armées en route, pris leurs Chefs prisonniers, & ruiné leurs Villes & leurs Prouinces, & là dessus vn morne silence les saisissant les vns & les autres; les Chefs ne voulans pas laisser leurs gens en ces irresolutions, se doutans bien par cette chere route triste, qu'ils auoient quelque mauuaise impression de l'euenement de cette bataille, cela fit que chacun s'efforça de son costé à les encourager. Canseue principalement, à qui le faict touchoit de plus près, comme celuy qui estoit sur la deffensue, & ressentant vn mouuement interieur, qui luy pronostiquoit ie ne sçay quel mal-heur, comme il arriue ordinairement en affaires de telle importance, soit que la nature, par vn secret à elle tout particulier, pressente son futur desastre, ou que l'Ange gardien tasche par ses saintes inspirations, à destourner l'infortune qu'il void preste de tomber sur la teste de celuy qu'il a en garde, tant y a que Canseue commença à se repentir qu'il n'auoit suiuy le conseil de Gazelly, voyant bien (mais trop tard) combien aduantageuse luy estoit la retraicte: toutesfois les affaires desesperées ayans plus besoin de resolution que de consideration, il tascha de faire bonne mine à mauuais jeu, & commença ainsi à parler aux siens.

Considera-
tion particu-
liere des
deux armées.

Vous sçauiez tous, & me ferez de bons tesmoins à la posterité, avecques quelle opiniastré se resistaya vos volonteiz, quand vous m'offristes la Seigneurie: car outre ce que mon naturel n'estoit en façon du monde porté à l'ambition, desirans de passer plustost ma vie comme un inconnu, pouruen que ce fust en assurance & en repos, que de m'embroüiller parmy un si grand

Campson ex-
horce ses sol-
dats au com-
bat.

1516.

tracas d'affaires, & prendre une charge qui me feroit succomber sous le faix, pour sa pesanteur; l'y preuoyois alors deux choses, qui outre ce que ie viens de dire, me la faisoient apprehender, l'une le peu de moyens à sçauoir que j'auois, pour faire selon la coustume, quelque largesse aux soldats à ma reception, le tresor des Sultans ayant esté tout épuisé par les precedentes guerres ciuiles; l'autre, la fin miserable de trois ou quatre de mes predecesseurs, & principalement de Thoman-bey mon deuancier; car à quel propos s'immiscer dans des charges qui s'exercent avec tant de fatigues, & desquelles la recompense n'est qu'une tragique & douloureuse mort? C'estoient les raisons que ie vous disois alors, lesquelles toutesfois pas un de vous ne voulut prendre en payement, ains il fallut que passant par dessus toute consideration, s'executasse vostre desir: mais ie ne me fusse iamais persuadé qu'en prenant le Sceptre, qu'on tient pour le plus grand & sublime honneur, vous me voulussiez couronner de honte & d'infamie. J'auois crainct à la verité que ma vie deust rouler au milieu de mille peines, de mille trauerses, & de mille afflictions, ou que cette mesme vie deust finir par la rage des seditions; mais en l'un il n'y alloit que de ma gloire, & en l'autre de la meschanceté & perfidie de mes subjets, où maintenant ie voy que vous me voulez faire perdre l'honneur: car que veut dire ce visage si triste, cette action si rauallée, cette lente pesanteur de membres, & ce profond silence que ie voy maintenant au milieu de vous, sinon que vos courages sont tous tels à l'interieur, que vos actions tesmoignent à l'exterieur? & cela estant, ne doy-je pas estre assuré de la perte de la bataille? Où sont ces grands courages dont vous faisiez, ces iours passez, si grande demonstration, quand on vous parloit de se retirer en arriere, & tirer cette guerre en longueur? La pointe en a esté bien-tost emoussée, & la trempe n'en valoit gueres, puis qu'elle s'est rebroussée à la premiere venue de l'ennemy; il n'y en auoit que pour chacun de vous à faire valoir ses vaillances au mépris de l'aduersaire, & maintenant qu'il faut de l'action, & non pas des paroles, il semble que vous redoutiez celui que vous ne pensiez pas digne de se presenter deuant vous, hardis & mauuais garçons au logis, lasches & craintives friquennes à la bataille, que craignez vous? ils sont en pays estranger; vous estes chez vous: la plupart d'entr'eux sont tous nuds, vous estes bien armez: ils sont tous harrassés du chemin, vous estes tous frais & reposez: les meilleurs de leurs soldats sont à pied, les vostres à cheual: s'ils perdent, ils n'ont point de retraite, mais à vous tout le pays est prest à vous recevoir: ils combattent pour usurper le bien d'autrui, vous pour defendre ce qui vous est legitimement acquis; eux ne combattent que pour l'interest seul de leur Seigneur, vous non seulement pour le mien, mais aussi pour le vostre: car si Selim est le vainqueur, que deniendra ce pouuoir d'élection dont vous estes si jaloux, & qui a desja tant coûté de sang à vous & à vos Souuerains? Sera-il doncques dit qu'un chetif picton de Tanissaire vienne faire la loy au canulier Mammelu? & que celui qui a iusques à present surmonté les plus puissantes nations, non seulement de l'Orient, mais aussi de l'Europe & de tout l'Occident, s'effraye à la venue de quelques milliers de racailles ramassées, qui ne souffriront iamais vostre premier choc, si vous voulez vous souuenir de ce que vous estes, si de hazard vous ne vous estimez plus foibles que ceux qui battirent tant qu'ils voulurent les compagnons de ceux-cy sous Bajazet, ou que vous m'ayez en moindre estime que ceux-là auoient leur General Caït-bey, & toutesfois ie vous voy tous en fleur d'age; & moy encores que j'aye passé le cours de l'age viril, & que le nombre des ans m'ait fait blanchir les cheveux, ils n'ont toutesfois pu faire tant flustrir mon courage, qu'il ne demeure tousiours assez verd & hazardeux pour entreprendre toutes hautes & grandes choses? joint qu'il n'est plus temps de reculer, il faut combattre, l'ennemy nous tient maintenant de si près, que la retraite seroit une fuite, & le retardement une lascheté. Et afin que vous ne pensiez pas que ce combat soit de petite importance, assurez-vous qu'il y va de l'Empire, les premiers combats sont tousiours un preiugé des derniers: car outre l'aduantage de l'ennemy, on void la foy des peuples branler, & l'obeissance se conuertir en perfidie au moindre desaduantage que vous ayez recen, principalement quand vous tenez vos peuples à la chaisne, & que vous leur commandez plustost par force que par amour; & vous sçauex en quelle subjection nous tenons les nostres, & s'ils ne seront pas bien aysés de changer de Seigneur sous l'esperance d'une plus douce seruitude: & puis ne vous estimez vous pas bien autant que les Aladuliens qui n'ont esté vaincus que pource qu'ils se sont rendus, & ont trahy leur Seigneur? Quelle gloire vous sera-ce entre les Perses, (si valeureux canaliers) si vous auez l'honneur de la victoire, & quel repos à tout nostre Estat d'auoir rompu un si puissant ennemy? car comme ils n'ont rien oublié au logis, pour se rendre les plus forts en toutes choses, quelle ressource d'esperance peuent-ils

auoir

auoir à l'aduenir d'auoir quelque aduantage sur nous ? que si vous les mettez en route, quand bien ils voudroient rassembler leurs forces dispersées, si les Perses viennent à nostre secours, comme ils nous l'ont promis, & y sont obligez pour leur interest particulier, nous les enuoyons plus viste que le pas, repasser leur Bosphore, nous quittans à cette fois la possession de l'Asie, qu'aussi bien nous ont-ils usurpé.

DE tels discours Campson alloit encourageant ses Mammelus, tandis que Selim disoit aux siens.

HE bien, compagnons, vous estes en cette guerre seruis comme à souhait, car vous redou- Selim fait le
même aux
siens.
riez le voyage de Perse, & de souffrir encores par les chemins les incommoditez que vous y auiez endurées la premiere fois ; mais voicy qu'heureusement l'ennemy conspire avecques vos desirs, & afin que vous n'ayez pas encores sujet de contredire à mes intentions, si cette guerre eust traîné en longueur, & qu'il eust fallu hyerner en terre estrangere ; les voicy qui viennent de leur propre mouuement se presenter à vous, pour vous espargner cette peine de les poursuivre plus long-temps, ce qui vous doit à la verité bien augmenter le courage : car qu'eussions nous fait, s'ils eussent voulu éuiter le combat, en attendant qu'ils eussent assemblé toutes leurs forces, & que les Perses se fussent joints à eux, comme ils les attendent tous les iours ? C'estoit bien à la verité leur meilleur, ayans à dos toutes sortes de commoditez, & la longueur du temps ne pouuant qu'auancer leurs affaires & ruiner les nostres : il y a plus, c'est qu'ils sont fort desunis entr'eux, de sorte qu'on nous est venu offrir iusques en nostre camp, vne de leurs meilleures villes, avecques promesse de nous estre fauorables en toutes choses, mesme au plus fort du combat, & cela n'est-ce pas comme nous mener par la main iusques au milieu du grand Caire ? Ne scauez-vous pas les seditions qui ont esté entr'eux ces années dernieres, & que le Sultan qui regne à present, est contraint d'adherer aux volontez des siens, & de se laisser pluslost conduire que de les gouverner ? leurs peuples mesmes lassez d'une si longue & cruelle seruitude, en laquelle ils sont reduits, nous tendent les mains de toutes parts, si bien que de leur costé tout nous rit. Mais du nostre, qu'est-ce qui n'est pas à nostre aduantage ? soit que vous consideriez nostre multitude & nos meilleurs soldats, aguerris depuis tant d'années contre de si vaillantes nations, où ceux-cy n'ont iamais combattu que contre eux-mesmes ; joint que leur maniere de combattre se fait pluslost par les cheuaux, que par les caualiers, leurs rencontres ressemblans dauantage à vne danse, par les sauts qu'ils font continuellement, qu'à vne bataille, & croyez qu'alors qu'ils auront en teste les efforts de la ieunesse Turque, on leur fera bien mettre en oubly tous leurs ronds & leurs passades, & toute cette dexterité qu'ils se disent auoir à bien manier vn cheual. Quelle espouuante pensez-vous que doine prendre toute cette caualerie, non encores accoustumée au son de l'artillerie ? Je voy desia que la confusion se mettra de telle sorte en leurs bataillons, que vous aurez plus de peine à poursuivre les fuyans, qu'à combattre les sostenans ; ne vous souuenez-vous pas de l'eschet qu'en receurent les Perses, & de la honte que vous leur fistes souffrir ? Assurez-vous que si ceux-là qui ont tousiours le harnois sur le dos, n'ont pû resister à la puissance de vos bras invincibles, que ceux-cy, qui ne scauent que ruiner & outrager leurs sujets, violer leurs femmes & leurs filles, & user d'eux avecques toute tyrannie & cruauté, comme s'ils estoient de perpetuels ennemis pour les ranager continuellement, auront encores moins d'assurance de soutenir vostre valeur. C'est maintenant qu'il faut que vous repariez la faute que la lascheté des Chefs que vous auez eus cy-deuant, ont faite, & que vous effaciez par vne victoire signalée, l'ignominie qu'ils ont marquée sur le front de deux ou trois armées des nostres, qu'ils déconfirent par leur mauuaise conduite ; mais maintenant que vous combattrez en la presence de vostre Souuerain, ie m'assure que ie vous seray cause de tout bon-heur : car ie remarque vne grande assistance d'enhaut en toute cette guerre, comme si la destinée nous conduisoit par la main pour prendre vengeance de ces tyrans, & les exterminer de la face de la terre : marchons doncques hardiment contre eux, c'est vne œuvre de pieté, de deliurer les peuples d'une miserable seruitude.

LES Chefs ayans ainsi encouragé leurs gens, tant d'une part que d'autre, les soldats tous animez, coururent aussi-tost à la charge, qui commença du costé de Chair-beg, lequel ayant le mot avecques Selim, faisoit contenance au commencement d'aller donner d'un grand courage contre les troupes Europeannes, & comme s'il eust voulu user de stratageme, commença à faire le limaçon, comme pour les enuironner, venant par vn long circuit leur donner à dos sur les viuandiers & le bagage, mettant en fuite vne innombrable multitude de chameaux, & faisant à tous bien plus de peur que de mal, pensant par ce moyen satisfaire à son honneur & à la trahison tout ensemble, en s'éloignant

XXVIII.

Trahison de
Chair-beg.

1516.

Les Mamelus
eurent du com-
mencement
l'avantage.

Valeur & vi-
gilance de
Selim.

Sinan resta-
re le combat,
& causa la
victoire.

L'artillerie
des Turcs
causa du gain
de la bataille.

Valeur des
Mamelus.

Câphon vient
au secours,
mais trop
tard.

Samort.

Et des Gou-
verneurs de
Damas, & de
Tripoly.

Les Mamme-
lus se retirent
au Caire.

cependant du gros de l'armée, qui avoit bon besoin de leurs compagnons. Car Sibey gouverneur de Damas, venant vers la pointe droite, ne voulut pas attaquer l'ennemy de front, mais luy donnant par le flanc, il se fit vne grande ouverture, où les Mamelus chargeans à droit & à gauche, firent vn grand abatis des Asiatiques, perçans tout ce gros bataillon iusques aux enseignes, où le Beglierbey Mustapha, qui estoit Hongrois de nation, & gendre de Bajazet, & Imrechor Bassa grand Escuyer de Selim, ayant résisté quelque temps: finalement, ne pouuans plus soustenir l'impetuosité de ces Circasles, s'enfuirent l'vn deçà l'autre delà. Alors Sibey poursuivant sa pointe, donna dans la bataille du milieu, & iusques au gros des Janissaires, qui se trouuoient d'ailleurs bien empeschez à soustenir les efforts de Gazelly & des siens, si que de toutes parts il se faisoit là vne fort grande occision, la victoire inclinant desia du costé des Mamelus, au grand estonnement de Selim qui se voyoit dénué de ses Janissaires espars de tous costez, faisant toutesfois ce iour là des actes de tres-bon Capitaine, soit pour aller tantost en vn lieu & tantost en vn autre, où il voyoit qu'il estoit necessaire, encourageant les siens, les rassemblant & restaurant le combat, soit en donnant ordre à toutes choses, sans se troubler, & luy-mesme s'exposant aux dangers. Mais comme ils estoient en ces alteres, & que l'impetuosité des ennemis estoit si violente que les Turcs ne pouuoient plus leur faire teste, prests de s'en aller à vau-de-route, Sinan Bassa, qui estoit frais & reposé pour n'auoir eu personne à combattre (Chair-beg s'estant amusé à faire la ronde, comme vous auez oüy, & à poursuiure des muletiers) ayant eu nouuelles du desordre qui estoit à la pointe droite, vint aussi heureusement au secours, comme il auoit fait autresfois en la bataille de Zalderane contre les Perses; & de fait son arriuée apporta vn merueilleux changement à toutes choses. Car les Mamelus qui ne voyoient plus Chair-beg ny sa troupe, croyoient qu'ils eussent desia defait l'aile gauche, & qu'il estoit apres à les poursuiure, mais sentans ceux-cy sur leurs bras, & n'apperceuant plus les autres, ils firent tout autre iugement, & creurent que leurs compagnons auoient esté taillez en pieces, cela causa leur premier estonnement, outre que Sinan recommença la charge avec tant de courage, qu'il osta la victoire des poings de ses ennemis. Selim cependant, voyant contre toute esperance ce nouveau secours, comme il vid le courage reuenir à ses gens, & qu'il n'eut plus ce soin de les retenir & les empescher de se mettre en fuite, il fit pointer son artillerie, en sorte qu'elle fit vn grand eschet des Mamelus, mais ce ne fut rien au prix de l'espouuante qui saisist les cheuaux, aussi bien que l'arriuée de Sinan auoit fait les caualiers: car leurs maistres ne les pouuant plus regir, ayans pris le frein aux dents, ils commencerent à courir de tous costez sans aucun ordre. Toutesfois le courage des Mamelus fut tel, que parmy tant de difficultez, & enuironnez comme ils estoient de leurs ennemis, sans estre secourus ny de Chair-beg, ny de Câphon, ils penetrerent les bataillons des Europeens & celuy des Janissaires, & se retirerent deuers le camp & la ville, faisant en cette retraite vn grand carnage, tant des Europeens que des Janissaires qui se rencontrerent en cette fureur, mais les autres eurent leur reuanche à leur tour: car ils les poursuiuirent si viuement, que les ayans tous mis en desordre, ils commencerent de fuir à vau-de-route.

CANSEVE cependant approchoit son bataillon, mais comme il estoit venu trop tard pour le secours, aussi vint-il trop tost pour le bien de luy & des siens. Car ayant connu sa perte par la confusion qu'il voyoit de toutes parts, & que ny le respect de son age venerable qui s'exposoit à si grand peril, ny la honte ne pouuoit retenir les fuyans en leur deuoir, quoy qu'ils vissent le vieillard se presenter au premier front, & leur remonstrer leur lascheté, cela, dis-je, le saisist de sorte, qu'estant tombé comme demy mort, il se trouua tellement accablé de la presse, tant des fuyans que des victorieux, & si la poudre & la chaleur luy saisirent tellement les conduits, qu'il expira au milieu des siens, sans qu'ils y peussent donner aucun remede. Les Gouverneurs aussi de Damas & de Tripoly, qui taschoient de tenir ferme sur la queue, & donner temps aux leurs de se sauuer, furent accablez par la multitude des victorieux, & combatans valeureusement iusques au dernier soupir, demurerent morts sur la place. Quant à Gazelly & aux autres Mamelus, estans asseurez de la mort de Canseue, comme ils eurent donné vn peu d'halaine à leurs cheuaux sur le quatriesme guet, ils partirent de Hierapolis, pour s'en aller en la plus grande diligence qu'il leur seroit possible à Damas. Ainsi finist ce pauvre Prince, qui n'estoit entré que par force à cette dignité: car apres la mort de Mahomet, le fils du Sultan Chair-beg, celuy qui le tua, estant élevé à la Couronne pour recompense de son parricide, Gia-

palat

1516.

palat qui estoit gouuerneur de Damas, s'en alla assisté d'autres Mammelus iusques au Caire, où il le print & le mit en prison, mais ce Giapalat deueni cruel comme il fut parueni à la principauté, les Mammelus du party contraire ne pouans supporter sa tyrannie, sous la conduite de Thomam-bey, le prirent luy-mesme, & le mirent en seure garde dans la forteresse d'Alexandrie, & eleurent ce Thomam-bey en son lieu, lequel fit tout aussi-tost estrangler Giapalat. Cettuy-cy fut encores plus cruel que tous les autres, c'est ce qui le rendit si odieux, qu'ils decretterent tous qu'il falloit se saisir de luy & le punir, dequoy estant aduertty; il se voulut sauuer par vn lieu sous-terrain, mais ayant esté preueni, il fut pris en sa Maison Royale, & occis par les amis de Giapalat, apres lequel ils presenterent le sceptre à Campson Gauri, lequel voyant le thrône Royal tout couuert de sang, auoit refusé cette charge, autant qu'il luy auoit esté possible, mais pour l'y attirer, tous les Mammelus promirent par serment, qu'ils l'aideroient de leurs moyens & de leurs personnes pour entretenir sa dignité, & pour le regard des largesses que les Soudans ont accoustumé de faire à leur aduenement à la couronne, qu'ils l'en dispenseroient iusques à ce que les thesoriers & receueurs generaux eussent leué les impôts & tributs qui estoient deus par chacune Prouince. Sur ces offres ses amis l'importunerent tant, qu'en fin il condescendit à prendre cette charge qu'il garda fort peu de temps, estant, comme vous auez quy, defaict en bataille rangée par Selim, & luy-mesme vint mourir en presence de son ennemy, n'ayant pas eu assez de force & de magnanimité, pour supporter vne telle aduersité.

De quelle fa-
çon Campson
estoit parue-
nu à la Sulta-
nie d'Egypte

Grands re-
mouemens en
Egpte.

SELIM toutesfois qui scauoit qu'il auoit plus obtenu la victoire par l'impetuosité de son artillerie que par vraye vertu, & que les siens n'auoient point tant mis par terre de Mammelus, qu'il n'y en eust encores assez sur-pied pour luy donner bien des affaires, craignant qu'eux qui scauoient le pays & auoient des retraictes assurées, ne luy dressassent la nuit quelque embusche, ne les poursuuiuit point trop auant, ains ayant fait sonner la retraicte, & dresser quelques tentes au mesme lieu où s'estoit donnée la bataille, il mit en garde de la meilleure partie de ses gens, & luy-mesme passa la nuit sans dormir. Car on tient qu'il ne mourut pas en cette bataille plus de mille Mammelus, mais que la plus grande tuerie fut sur leurs seruiteurs, & plus encores en la fuite que durant le combat, leurs cheuaux fondans tous en sueur, & mourans de soif à chascun pas, si que les cāualiers demeurans à pied, comme ils estoient pesamment armez, ne se pouuoient pas bien deffendre, las & recreus comme ils estoient, contre ceux qui les poursuioient. Il y mourut vn fort grand nombre de cheuaux de seruite, lesquels pour estre trop gras & nourris delicatement à l'ombre dans les escuries, ne peurent porter le travail inaccoustumé, principalement ce iour là que toutes choses estoient rosties par la trop excessiue ardeur du Soleil: cette bataille ayant esté donnée le vingt-sixiesme iour d'Aoust de l'année mil cinq cens quinze selon les Annales, & de l'Egire neuf cens vingt-deux, en mesme iournée que deux ans auparauant Selim auoit emporté la victoire contre les Perses en la bataille de Zalderane. Du costé de Selim il y demeura quelques trois mille hommes, & sans la trahison de Chair-beg, il y a grande apparence que s'il n'eust emporté la victoire, au moins l'eust-il cherement acheptée. Les Annales Turques toutesfois le rapportent tout autrement: car elles disent que Selim auoit enuoyé Aly-beg, fils du Scach de Suare, enuironner l'armée des ennemis pour leur donner à dos, lors qu'ils seroient au fort du combat, ce qu'il executa si dextrement, que les Mammelus se voyans surpris par vn endroit où ils ne s'attendoient pas, commencerent dez là à troubler leurs rangs, & que ce stratageme fut vne des causes principales de la victoire. Le lendemain Selim ne voyant plus paroistre les ennemis, donna le pillage de leur camp à ses gens, où ils firent vn merueilleux butin, & le iour ensuiuant, comme les soldats fouilloient de toutes parts & despoilloient les morts, on trouua parmy les autres le corps de Campson, sans auoir aucune blessure, selon quelques-vns, mais selon les Annales Turques, il auoit la teste séparée du corps, lequel ils apporterent à Selim, qui le fit reconnoistre & monstrier publiquement à chacun, pour oster toute croyance, soit à ses soldats, ou aux sujets mesmes de Campson, qu'il fust allé au Caire, assembler de nouvelles forces, fortifiant tousiours par ce moyen de plus en plus ses partisans en leur fidelité; & apres l'auoir laissé voir à vn chacun l'espace de trois iours, il fit lauer le corps selon la coustume des Turcs, & puis ensepulturer, & dessus son monument il fit construire vne petite maisonnette pour le couvrir, il mourut, dit Surius, en l'age de 77. ans.

XXIX.

Preuoyance
de Selim à se
bien tenir sur
les gardes

Nombre des
morts en cet-
te bataille du
costé des E-
gyptiens.

Nombre des
morts du co-
sté des Turcs

Stratageme
de Selim

Le corps de
Campson trou-
ue parmy les
morts, & mon-
strier publique-
ment pour
estre reconeu.

De là il s'en alla se saisir de la ville de Hierapolis ou Alep, qui se rendit volontairement

1516.

Alep se rend
à SelimLes Mamme-
lus se retirent
au Caire.Ceux de Da-
mas se rendent
avec leur ville
volontairement
à Selim.La modestie
des Turcs oc-
casionne ceux
de Damas à
les assister de
toutes cho-
ses.Selim fait
reformer l'E-
stat de la reli-
gion Maho-
metane en la
Surie.

à luy par le moyen de Chair-beg, la receuant sous son obeyssance, avecques vne si grande clemence, disent les Annales, qu'il n'y eut pas vne goutte de sang respandu. Paul Ionuadiouste, qu'il l'affranchist de tout tribut; qui fut cause que toute la contrée, à l'exemple de cette grande & forte ville, vint se rendre volontairement aux Turcs, & à la verité ce n'estoit pas peu d'avancement aux affaires de Selim, d'auoir eu sans coup fennir, vne place si forte & si commode avecques sa forteresse, quand bien il n'eust deu tirer autre prix de sa victoire, de laquelle sçachant aussi bien vser que vaincre, sans se donner aucune relasche, il poursuiuit son chemin droit à Damas, enuoyant deuant Ionuses Bassa avecques sa cavalerie legere pour tenir la route des fuyans & marcher sur leurs pas: mais ils n'auoient que faire de se haster pour ce regard, car les autres auoient gagné le Caire; dequoy Selim estant aduertty, il print incontinent la route de Damas. Ceux de la ville qui estoient tous marchands, & qui auoient plus de soing de leur trafic & de la conseruation de leur ville que de la grandeur de leur Seigneur, penserent qu'il valoit mieux flechir sous le victorieux, que de s'opiniâtrer à vn siege qui ne leur apporteroit que de la ruine, joint que si d'eux-mesmes ils s'alloient volontairement rendre à Selim, il les traiteroit avec plus de douceur.

Cela estant donc ainsi resolu entr'eux, les principaux le vinrent trouuer, où le plus apparent de toute la troupe parlant pour le corps de la ville, luy dist ainsi: Ta grâdeur peut estre assez informée, Seigneur, de la fidelité que nous auons tousiours rendue au Soudan du Caire, & avecques quelle obeyssance nous auons executé ses commandemens depuis que nous flechissous sous sa domination, mais depuis que ta Majesté s'est rendue victorieuse de son armée, nous auons esté tellement abandonnez de tout secours, & ceux qui auoient charge sous son autorité en cette ville, y ont laissé si peu d'ordre à leur depart, que nous ne pensons point faire de tort à nostre fidelité, ny deuoir encourir la reputation de perfides, si nous venons t'offrir, non seulement nostre ville, mais nos vies & nos biens, pour estre d'oresnauant des sujets de ton illustre couronne, car nous ne faisons en cela que ce que nous ont enseigné nos superieurs, à sçauoir de flechir sous le bras victorieux de ton inuincible felicité: d'une chose seulement supplions-nous en toute humilité ta hauteur; c'est que puis que nous ne l'auons point agrie par aucuns deseruices, & que sans y estre contraincts nous remettons ce qui est nostre à sa volonté, que nous soyons traictez comme ses sujets & non comme ennemis, esperans que la longueur de nos seruices, meritera vn iour le bien-faict de la clemence dont tu favoriseras auourd'huy tes esclaves, lesquels si iusques icy n'ont peu se rendre dignes de ta grace, au moins n'ont ils pas merité ton indignation; & là dessus se iettans tous à ses pieds luy offrirent les clefs de leur ville, & pour luy faire plus d'honneur, ils auoient tendu le chemin & les rues par où il deuoit passer, de draps de soye.

SELIM voyant ses affaires s'acheminer si heureusement; voire plus qu'il ne l'eust osé esperer: (car qui eust creu que pour vne seule bataille, où peu de gens encore estoient demeurez sur la place, tout ce grand estat que les Soudans du Caire possedoient en Surie, se perdist ainsi en vn instant?) retenant sa ioye excessiue avecques les resnes de la raison, leur monstra vn fort bon visage, avecques esperance de receuoir de luy toute faueur & courtoisie; & là dessus il assemble son conseil au Diuan, où l'affaire de ceux de Damas estant proposée, il fut resolu que les habitans de Damas ne seroient en façon du monde troublez en leur trafic, non plus que s'ils estoient en pleine paix, & que sous rigoureuses peines pratiquées ordinairement entre les Turcs, nul ne leur fist aucun outrage, ou print chose quelconque qui leur appartint sans leur consentement; ce qui fut pratiqué si religieusement, qu'encores que cette Automne là fust fort fertile, leurs iardinages demurerent toutesfois sans garde, & sans qu'il leur fust fait aucun tort: ce qui rendit les habitans si affectionnez enuers les soldats, & les rendit si soigneux de les fournir de toutes necessitez, que le camp des Turcs abondoit en toutes sortes de viures, & non seulement la douceur dont ils vlerent enuers les habitans de cette ville leur fut cause de ce bon traitement, mais encores de la reddition des villes maritimes de ces costez-là, comme Tripoly, Barut, Sidon & Ptolemaide. Durant qu'il fut de seiour en son camp deuant Damas, il vint des Ambassadeurs le trouuer de la part de toutes les villes de la Surie, & ayant à leur requeste assemblé quelques gens sçauans aux loix & coustumes Mahometanes, où il vuida quelques differens qui estoient lors entre les Suriens, il establî des gouuerneurs par toutes les villes, & voulut voir les comptes des tributs, ausquels il annulla plusieurs choses de l'ancien droit des Sultans qui luy sembloient iniques & trop tyranniques,

afin

afin de se concilier par ce moyen les volontez des peuples, & s'acquérir vne reputation de iustice & de liberalité.

1516.

A Y A N T ainsi ordonné de toutes choses, & assez rafraischy son armée, qui se sentoient vn peu harassée de la longueur du chemin & du trauail du combat precedent, il delibera de conuertir toute sa puissance contre l'Egypte; mais il enuoya deuant en Iudée Sinan Bassa, avecques quinze mille cheuaux & grand nombre d'arquebusiers, tant Iannissaires qu'Azapes, pour tâcher de se saisir de cette Prouince, & s'ouurer le chemin à Gaza qu'on tenoit estre occupée par les Arabes. Cette ville n'est pas celle qui est située au milieu de la Iudée, mais vne autre qui est aux confins d'icelle, voisine d'vn costé de la mer, & de l'autre des plaines areneuses par lesquelles on va de Surie en l'Egypte vltérieure, & au Caire ville où Alexandre le grand fut bleissé en l'assiegeant. Selim cependant suiuoit de pres Sinan, de sorte qu'il reduisit encores cette Prouince sous sa domination; venant mesmes en Hierusalem, où il visita le saint Sepulchre, & y fit de grands presens aux Religieux qui le gardent, afin qu'ils priaissent Dieu qu'il peust obtenir la victoire contre ses ennemis, comme il se dira cy-apres. Mais tandis que Selim sejournoit à Damas, les Zindis ou Gladiateurs (ainsi appelloient ceux du pays, les Mammelus) sous la conduite de Gazelli, se retirerent en Egypte, où s'estas tous assemblez, tous d'vne voix & sans ambition ny enuie quelconque ils eleurent pour Sultan Abumnaslar Thomam-bey; qu'ils nommerent apres Melec Axeca Circassien de nation, qui pour lors estoit grand Diadare, Magistrat qui tenoit entr'eux le premier lieu d'honneur & de puissance apres le Soudan; Personnage au demeurant qui estoit doüé de tant de valeur, de prudence & d'industrie; que par l'opinion presque de tous les Mammelus, il estoit iugé seul digne pour releuer leur Empire abatu, & faire reuiure la splendeur de leur renommée qui s'en alloit comme esteinte.

XXX.

Armée des Turcs en Iudée sous la conduite de Sinan Bassa.

Les Mammelus élurent vn autre Souda.

CETTUY donc aussi-tost qu'il fust eleué en cette dignité; iugeant bien que toute leur esperance & salut consistoit à se bien deffendre, il fit vne extreme diligence à faire prouision & amasser de toutes parts des cheuaux de harnois, & autres armes offensives & deffensives, faire fondre de l'artillerie, & en emprunter mesmes des Rhodiots qui l'en accommoderent: car incontinent apres son election le grand Maistre de Rhodes, nommé de Carette auoit enuoyé vn Grec nommé Iaxi son Ambassadeur, pour le feliciter & le supplier de deliurer quarante marchands vassaux de la Religion, que son predecesseur auoit fait arrester à Damiette; Thomam-bey promit de le faire, & offrit de contracter amitié & alliance avec ceux de Rhodes, demandant qu'on luy enuoyast pour Ambassadeur vn de leur ordre, & en escriuit au grand Maistre en langue Moresque. On y enuoya Diego de Loranzone, Commandeur de Castillon, & Chasteau-fort de la langue de Castille, avecques instruction de traicter auant toute œuure, de la deliurance des prisonniers, en apres conclure la paix en la forme qu'elle auoit esté du temps du grand Maistre d'Ambusson, & que les Rhodiots peussent remettre leur trafic qu'ils faisoient anciennement au lieu appellé les Brusles, que le Sultan Canseuc leur auoit fait oster, raser & desferter; par ce que les Rhodiots & les Candiots, qui y negocioient, y faisoient des insolences & des querelles, dont s'ensuiuoient des desordres & des meurtres, au grand scandale du public; l'Ambassadeur porta aussi de la vaisselle d'argent & des pieces d'escarlate pour presenter au Soudan & au Prince son fils, lequel obtint tout ce qu'il demandoit, comme aussi ils promirent de l'assister en toutes choses.

Ambassade du grand Maistre de Rhodes à Thomam-bey.

Et d'autant qu'il scauoit assez combien la domination des Mammelus estoit odieuse à tous leurs sujets, & qu'il n'y auoit nulle asseurance en leur fidelité; ioint qu'ils estoient mal propres à la guerre, comme ceux à qui les armes estoient interdites, il tâcha de se fortifier d'alliances estrangeres. Il prit doncques à sa solde des Africains & des Arabes ses voisins, & enuoya gens par les deserts Palmireniens à Ismaël avecques lettres, par lesquelles il luy mandoit que puis qu'à son occasion, & pour auoir espousé sa querelle, l'Empire des Egyptiens s'en alloit en ruine, qu'au moins il se recueillast maintenant d'vn si profond sommeil, & qu'il fist diligence de venir en l'Asie mineur, trauailler autant ses ennemis chez eux, comme ils leur donnoient de peine, mais sur tout qu'il se ruast sur la Comagene, vnde & denuée de gens de deffence, les Turcs en estans partis. Que Selim estant pour lors sur les frontieres de Iudée, pourriort estre facilement enelos entre deux armées, & empesché d'auoir des munitions, veu qu'il n'y auoit aucuns vaisseaux sur les riuages de la mer qui tinssent pour les Turcs, par lesquels ils peussent receuoir quelques prouisions, ou qui les peussent recueillir, au cas qu'il leur suruint quelque accident;

Principaux points de la lettre que Thomam-bey estoit à Ismaël Sophy.

1516.

comme il peut arriuer à la guerre, & que c'estoit là le moyen de se vanger des outrages qu'il auoit receus par cette nation, & de deliurer par mesme moyen l'Egypte affligée, le tout encores sans grand trauail ny danger. Et d'autant qu'il scauoit de combien l'infanterie auoit esté vtile aux Turcs en cette derniere bataille, il choisist entre ses serfs, qu'il conneut les plus propres à la guerre, vn fort bon nombre, qu'il mesla avecques ses stipendiaires, pour les façonner.

Selim fit
passer son ar-
mée de mer
deuant Rho-
des.

TOUTES-FOIS quant à ce qu'il mettoit dans sa lettre au Sophy qu'il n'y auoit aucune armée de mer pour les Turcs, ie trouue qu'apres la defaite de Canseue & la conqueste de la Surie, vne armée Turquesque, approchant desia le temps de l'hyuer, se presenta deuant le port de Rhodes en parade, avecques les bannieres deployées, le son des trompettes, & autres instrumens à la maniere des Turcs, de quoy mesme le peuple fut tout effrayé, & que d'abord le grand Maistre fit promptement prendre les Armes aux Cheualiers & soldats, & fit pointer toute l'artillerie contre la bouche du port, dressa de gros corps de garde, renforça par tout les gardes ordinaires, & luy se tint en la place armé, avecques vn escadron des plus choisis de l'habit, attendans ce que les Turcs voudroient faire. Le Bassa general de l'armée luy enuoya vn des siens dans vn brigantin, qui demanda sauf-conduit, & l'ayant receu, descendit au port, & fut conduit en la presence du grand Maistre, auquel il donna la nouuelle que Selim son maistre auoit vaincu en bataille le Sultan Canseue, conquis la Surie, & esperoit dans peu de temps de se rendre maistre de l'Egypte, & qu'il luy donnoit ces nouuelles, afin que luy comme Prince son voisin & amy s'en peust reliouyr. Ce n'estoit pas toutesfois que Selim ne sceut l'alliance des Rhodiots avecques Thomam-bey, mais il faisoit cecy pour leur donner crainte, & leur faire plus de despit. Le grand Maistre luy respondit en peu de paroles, qu'il se reliouysoit de la victoire de Selim, & remercioit le Bassa de sa courtoisie, & s'offroit de faire tout seruice à son maistre; cela dict, le Turc se retira à l'armée, & à sa venue & retour fut donné ordre, que ny luy ny ceux de sa suite ne parlerent à aucun de la ville, & le Bassa se retira à Constantinople: Mais il se peut faire que Thomam-bey escriuit au Sophy apres que cette armée de mer se fut retirée, prenant pour-estre là son occasion; mais le Sophy faisant lors la guerre au Prince de Samarcand, ne peust venir à temps pour luy donner secours.

Ceux de Gaza
se rendent à
Sinan.

TANDIS que Thomam-bey fait au Caire tous ses preparatifs: Selim qui scauoit combien la diligence estoit requise à son affaire, pour surprendre ses ennemis, deuant que le secours leur fust arriué, se diligentoit le plus qu'il pouuoit, aussi faisoit Sinan Bassa, qui ayant aisément repoussé plusieurs troupes d'Arabes, qui espioient les passans selon leur coustume, nettoya de sorte tout ce chemin, qu'il paruint aisément iusques à Gaza. Lors ceux de la ville, (qui estoient neantmoins fort affectionnez aux Mammelus voyans leur ville sans garnison, & eux sans armes pour se deffendre, penserent que leur plus expedient estoit d'ouurir leurs portes à Sinan, luy offrans toutes sortes de prouisions pour l'entretien de son armée, & le remercians de ce qu'il les auoit deliurez d'vne si rude seruitude, qu'en recopence aussi seroient-ils d'oresnauant fideles & loyaux à Selim. Sinan les ayant remerciez de leur bonne affection, leur commandant ce qu'il iugea luy pouuoir seruir, se campa entre les clostures des iardins, à vn trait d'arc des murailles, delibérant d'y attendre Selim, & cependant il s'occupoit à rendre les chemins plus aisez, toute cette region estant fort aspre & sauage, areneuse & sablonneuse, comme elle est, où il n'y a ny eau ny edifices: & pour se faciliter encores dauantage toutes choses, il gagna par presens quelques-vns des habitans, pour attirer de son party, les plus prochains Capitaines des Arabes, leur offrant plus grande solde, & tout aduancement. Il enuoya d'autres aussi vers le Caire, pour espier diligemment les entreprises des Mammelus, qu'elles forces ils auoient, & en quoy ils fondonent leur principale esperance. Au cōtraire, ceux de Gaza qui estoient naturellement ennemis des Turcs, & qui d'abondant commencerent à sentir la diminution de leurs biens par le seiour d'vne si grande armée, allerent aduertir Thomam-bey de l'arriuée de Sinan Bassa, luy proposans que s'il vouloit enuoyer bon nombre des siens attaquer cette armée là, ils s'asseuroient qu'il en auroit aisément la raison, auparauant que Selim se fust ioint à luy, mesme si on les assailloit la nuit: car ils ne s'attendoient nullement à telle surprise. En quoy ie ne puis assez m'emerveiller du peu d'ordre & de preuoyance que ces Mammelus auoient eue, d'auoir laissé ainsi leurs meilleures villes degarnies & sans secours, eux qui vouloient entreprendre la guerre contre vn si puissant Prince, & qui encores eurent l'assurance de l'attendre au combat general, lequel perdans, ils estoient assurez aussi de la perte de leur Estat. Ce qu'auoit bien iugé

Mauuais or-
dre des Mam-
melus cause
de leur ruine.

Gazeli,

Gazelli, mais la vanité auoit emporté le chef & les soldats : & leurs entendemens s'estoient hebetez pour le futur changement de leur fortune ; cette forme de gouvernement estant à la verité tres-dangereuse, puisque pour vne bataille, (où il mourut encores si peu d'hommes) ces grandes Prouinces de Syrie, la Judée & la Palestine se perdirent en vn instant, sans aucune resistance : Car puis qu'ainsi estoit, Campson ne deuoit pas attendre l'ennemy chez soy, mais faire diligence de le deuancer ; on dira peut-estre que la cause de ce trouble, vint de la mort du chef, mais si luy & les siens eussent preueu qu'il pouuoit mourir, ils n'eussent pas laissé leurs affaires si découuës.

Mais au lieu que les Egyptiens faisoient toutes leurs affaires avecques imprudence, Sinan conduisoit celles de son maistre avecques fort bon aduis, & comme il auoit l'esprit subtil autant qu'autre Capitaine de son temps, il se deffia de la trahison des Gazans, non qu'il l'eust reconnuë, mais en ayant quelque doute, c'est pourquoy il se tenoit tousiours sur ses gardes, & comme il estoit en ces deffiances, des espions Suriens se vinrent aduertir que les Mammelus assistez des Arabes, estoient partis du Caire, & prenoient leur chemin par les deserts pour le venir surprendre, ce qui estoit veritable ; car sur l'aduis que ceux de Gaza leur auoient donné, Thomam-bey auoit depesché Gazelli avecques six mille cheuaux & grande quantité d'Arabes, lequel Gazelli estoit lors en grande reputation de sage & vaillant Capitaine, tant pour les sages conseils qu'il auoit donnez au feu Sultan, que pour auoir seurement luy seul ramené ses gens au logis. Ce qu'ayant entendu Sinan, craignant que ceux de Gaza n'allassent aduertir tout de mesme, ses ennemis de ses desseins, & mesmes qu'ils ne se ioignissent avecques eux, ou fissent quelque sortie de leur ville, tandis qu'il seroit occupé ailleurs, il se resolut d'aller rencontrer les Mammelus, & de tenter le hazard du combat, de crainte qu'il n'eust à faire à deux en vn mesme temps : Parquoy la nuit, sur le second guet il sortit de son camp en grand silence, s'eloignant de la ville de Gaza d'environ quinze milles sur le chemin du Caire : assez pres de là estoit vn petit village, duquel les passans vsoient pour hostellerie, à cause d'vne fort belle fontaine qui y estoit. En ce lieu les deux chefs auoient resolu de se reposer quelques heures pour y rafraischir leurs gens, principalement Gazelli qui auoit fait plus longue traicte, & qui esperoit courir le reste de la nuit, voicy doncques qu'en vn mesme temps les avant-coureurs de part & d'autre decoururent vne grande poussiere qui s'éleuoit, & tesmoignoient que les armées n'estoient pas loin l'vne de l'autre. Gazelli, qui par la surprise qu'il pensoit faire sur son ennemy, s'asseroit que six mille cheuaux en defferoient tousiours vne fois autant sans grand travail, voyant que Sinan estoit aduertie de ses desseins, & qu'il leur faudroit combattre les armes à la main, sachant bien qu'il estoit le plus foible, commença de se troubler, toutes fois faisant de necessité vertu, mit ses gens en ordonnance, car il estoit trop tard de faire retraicte, leur remonstrant qu'il falloit auoir, à force de valeur, ce qu'ils esperoient emporter par surprise ; que s'ils pouuoient obtenir la victoire sur cette armée, & deffaite ce Capitaine, que Selim auroit perdu son bras droit : car ils sçauoient assez que la bataille derniere estoit déplorée pour les Turcs sans son secours, ioint que cette victoire feroit aussi facilement retourner les villes & les Prouinces qu'ils auoient perduës, sous leur obeyssance, comme elles auoient esté promptes à prendre nouveau party, au changement de leur fortune.

Quant à Sinan, qui auoit desia preueu cette rencontre, & qui auoit intention de combattre, il estoit venu le petit-pas en fort bonne ordonnance, de sorte qu'il n'eust pas grand affaire à disposer ses gens, & comme il alloit avecques vn visage ouuert par les escadrôs les encourageant à bien faire leur deuoir, il leur representoit que ce combat n'estoit pas de si petite importance qu'il ne leur assurant la possession, non seulement de la Judée, mais de toute la Syrie. Car l'autre combat sembloit auoir esté gagné plus par l'impetuositè de l'artillerie, que par la valeur des soldats, où maintenant la victoire s'obtiendroit de part ou d'autre par la grandeur de leurs courages : mais ce qu'ils deuoient encores en cela le plus considerer, c'estoit qu'il n'y auoit nulle esperance de salut en la fuite, au milieu de ces deserts, & de tous leurs mortels ennemis. Il auoit disposé ses arquebuiers sur les deux cornes, qu'il auoit éclaircies en files, pour pouoir en enuironner les ennemis, & les long's bois au milieu pour soustenir l'effort & l'impetuositè des Mammelus : car il auoit appus que Gazelli enuoyoit les Arabes contre les gens de pied pour tascher de les mettre en desordre, & que luy en bataillon quarré venoit enfoncer le milieu. Ce combat fut assez long tēps disputé, sās apparée d'aduantage de part ny d'autre : car si les Arabes à la premiere gresle des boulets auoient pris l'espouuète, les Turcs ne pouuoient aussi soustenir l'impetuositè

Les Sultans
advertisent
Sinan des
leues des
Mammelus.

Qu'il pre-
uient.

Rencontre des
deux armées.

Les chefs de
part & d'autre
exhortent
leurs Soldats.

1516

Victoire des
Turcs.Nombre des
morts de part
& d'autre.Horrible &
cruel trophée
des Turcs.

XXXI.

Ceux de Gaza
se reuoltēt &
pillēt le camp
des Turcs.Les Arabes
donnēt beau-
coup d'affai-
res aux Turcs.

des Mammelus, armez comme ils estoient de toutes pieces, si qu'ils commençoient desia à chanceler, regardans de part & d'autre, où ils pourroient faire vne plus seure retraicte, quand Sinan rassembla ses harquebusiers, leur faisant faire vne demarche, en sorte qu'ils entouroient le bataillon des ennemis, qui fut la ruine totale des Mammelus. Car comme quelque troupe vouloit picquer contre cette scopeterie, les Turcs qui sont fort adroits à reculer, pour leur legereté, & qui ne laissent pas de tirer en reculant, se gardoient bien de se laisser aborder par les gens de cheual, lesquels desesperoient de ne pouuoir au moins faire preuue de leur valeur: cars'ils se tenoient fermes en leurs gros, il perissoient eux & leurs cheuaux, qu'on tiroit comme en butte de toutes parts: que s'ils pensoient sortir & faire vne charge sur l'ennemy, ils trouuoient qu'ils ne luy pouuoient non plus faire de dommage, & en receuoient tout autant, à cause de ce qu'à mesure qu'ils approchoient, les Turcs s'enfuyoient & si ne laissoient pas de tirer tousiours en fuyant: ce que voyant Gazzelli, lequel auoit esté fort blessé sur le chinon du col, & qui d'ailleurs auoit esté abādonné des Arabes, qui auoient tous gagné le haut, il pensa que le plus seur estoit de faire retraicte, sans s'opiniastreser dauantage, car ce qui le pressoit le plus, c'estoit la lassitude des cheuaux desia beaucoup haraillez du long chemin & du combat; Craignant doncques que pis luy aduint, prenant son temps il donna le mot aux siens, qui se firent passage au trenchant de leur espée, & se retirerent au Caire, laissant sur la place plus de mille cheualiers de nom, avecques le gouuerneur d'Alexandrie & Orcamas iuge du Caire, personnage de grande reputation entre les Mammelus, & outre ce vne fort grande multitude d'Arabes; la victoire toutesfois fut fort sanglante pour les Turcs, car il y demeura deux mille hommes de cheual des meilleurs & leurs plus signalez Capitaines; cette bataille ayant duré depuis midy iusques au Soleil couchant, si bien que les vainqueurs se trouuans fort haraillez, tant de travail que de faim & de soif, & leurs cheuaux tous hors d'haleine, ne s'amuserent point à poursuiure les fuyans, ains planterent leur camp au mesme lieu de la bataille, pres cette fontaine que nous auons ditte cy-dessus. Le iour ensuiuant on recueillit à loysir par tout le camp les despoüilles des morts, faisant vn petit monceau des testes de leurs ennemis en forme de trophée, (qui se reconnoissoient aysément, à cause que les Turcs rasent tout leur poil, excepté leurs moustaches:) ou selon les autres, les attacherent sur des palmiers qui estoient là aux enuiron de la fontaine, afin que leur Seigneur passant par là, comme ils l'attendoient de iour à autre, vist des effets de leur proüesses, s'arrestant à contempler la nouveauté de ce cruel spectacle.

CEPENDANT ceux de Gaza voyans sur le Soleil leuant que le camp des Turcs estoit vuide, estimans que Sinan Bassa ayant peur de l'arriuee des Mammelus, se fust retiré en quelque lieu plus asséuré, ne pouuans plus dissimuler leur déloyauté, allerent de furie au camp des Turcs, où ils tuerent quelques malades qui y auoient esté laissez, pillans leur camp: Et comme deux mille cheuaux fussent arriuez à cette heure, que Selim enuoyoit à Sinan pour secours; ceux-cy s'estans ioints avecques les Arabes, les attaquèrent & les mirent en fuite, les deualisant de tout ce qu'ils peurent, mais ces fuyards n'allerent guerres loin, car ils tomberent comme dans vn rets entre les mains des Arabes, qui s'estoient espandus par tous les enuiron pour les surprendre; & n'en fust reschapé pas vn, sans le Sanjac d'Achaie, qui en rencontra quelques-vns pres de la ville de Rama; cettui-cy ayant vne fort belle troupe de caualerie, alloit trouuer aussi Sinan Bassa par le commandement de Selim, mais les Arabes ne l'attendirent pas, ains se retirerent en leurs forts, cela empeschant ainsi le reste du massacre. Ce Sanjac toutesfois se trouuoit bien estonné, croyant tout estre paisible en ces quartiers là, & reduit sous l'obeyssance de son Seigneur, & neantmoins par les discours de ces fuyans, il apprenoit que le camp de Sinan Bassa auoit esté pillé, & qu'on ne sçauoit où il s'estoit retiré, n'estant pas hors de doute qu'on ne luy eust ioué de quelque trahison. Mais comme il estoit en ces pensées, les Arabes faschez qu'on leur eust osté le reste de leur prixe, & tous encouragez par la presente victoire, esperans s'ils auoient du secours d'auoir aussi bon marché de ces nouuelles troupes, comme ils auoient eu des premieres, assemblerent tous les Capitaines des Arabes qui habitoient aux prochaines montagnes, & se voyans assez forts pour les aller attaquer, ils se mirent à les poursuiure avecques telle diligence qu'ils les atteignirent au village de Carabufra, où les Turcs furent contraints de combattre fort à leur desauantage, d'autant que les Arabes s'estans saisis de tous les destroits qui venoient à resserer le chemin au bout d'une spacieuse vallée, parurent en vn instant de tous costez, deuant, derriere & sur les flancs. Les Arabes, outre leurs fleches, qui sont leurs armes ordinaires, se seruoient encores de longs bois

ferrez

ferrez, enuiron comme nos bastons à deux bouts, desquels ils s'aydoient fort dextrement, soit à assaillir leurs ennemis, ou à faire retraicte, si bien que les Turcs ne pouuans aduancer vn pas qu'avecques force, & estans en bien plus petit nombre que leurs aduersaires, estoient contrains de combattre en rond, & de cheminer ensemble, tant que leurs affaires estoient d'oresnauant reduites en vne extreme danger.

Si le Sanjac, s'aduissant de faire braquer contre eux, quatre pieces de campagne qu'il auoit menées quant & soy pour escorte, n'eust fait vn grand abatis de ces montagnars, principalement de ceux qui tenoient ferme aux destroits; mais ayans esté contrains de quitter la place pour la terreur de l'artillerie, il franchit le pas de ces lieux resserrez, & se retrouua par apres en vne campagne plus élargie, qui le fit cheminer plus à l'aise: car ses ennemis ne combatoient que de loing: que s'ils approchoient, il laschoit contre eux quelques troupes avecques la lance en l'arrest, & s'il les voyoit s'assembler en gros, il faisoit lascher cōtre eux son artillerie. Mais les Arabes qui estoient espars çà & là, leur donnoient tousiours sur la queue, & accabloient ceux qui s'escartoient du gros tant soit peu, ou qui ne pouuoient suivre les autres pour leurs bleśseures; finalement ils leur firent souffrir tant de trauerses, & les poursuivirent avecques si peu de relasche, qu'ils n'eurent pas seulement la commodité de repaistre; de sorte qu'ils estoient si harassés de faim, de soif & de trauail de combattre, non de pied-ferme, mais en courant & tracassant, qu'ils ne pouuoient plus resister à l'ennemy, & voyoient leurs affaires reduites à l'extremité, quand inopinément ils virent arriuer vers eux vn gros bataillon de Turcs, eux n'estans pas encores arriuez à la moitié du chemin, car ils s'en alloient trouuer le gros de l'armée; mais voycy comment ils firent cette rencontre.

SELIM auparauant que de s'acheminer en la Iudée, auoit laissé sur les frontieres des Perses, Imrehor Bassa avecques de grandes forces, pour deffendre tant la Surie que l'Asie de ce costé là, qui ayant fait faire vne nouuelle leuée de gens de guerre à Constantinople, pour estre laissés en garnison dans les villes de Surie, estoit party de Damas avecques vn équipage digne de l'entreprise qu'il faisoit, à sçauoir de la conquēste de l'Egypte. Et pour faire en sorte que l'armée ne manquast point de prouisions de froment, dont elle auoit presque espuisé cette region, & les lieux par où elle passoit, il enuoyoit chacun iour aux lieux circonuoyfins des escadrons de ses gens vn peu distans les vns des autres, afin de tenir plus de pays, & aussi de se donner secours, auāt qu'ils fussent assaillis. C'estoient ceux-cy que rencontra le Sanjac d'Achaye, lesquels leur vinrent à propos, cōme si on les eust enuoyez du ciel expres pour leur secours: car les Arabes voyans ce grād renfort, se retirerent en leurs tasnières, & quāt aux Turcs, ils s'en allerēt tous ensemble vers Selim, auquel le Sanjac susdit raconta par ordre tout ce qui s'estoit passé, tant à Gaza qu'à Rama, & puis apres tout le long du chemin, ce qui leur faisoit faire vne cōiecture que Sinan Bassa & son armée auoit esté exterminé par la multitude des ennemis espars de tous costez, mais plus encores par les embusches de ceux qui sous apparence d'amitié & de bien-vueillance leur brassoient tousiours quelque trahison. Vn profond soucy saisist alors l'esprit de Selim d'entendre telles nouuelles, regretant plus la perte de Sinan que du reste de l'armée, car il sçauoit assez combien ce personnage luy estoit important pour la cōduite d'vne si fascheuse guerre, & il sçauoit qu'il n'y en auoit aucun pres de sa personne qui approchast de sa capacité & de son experience en l'art militaire, mais comme il estoit en ces alteres, suruinrent des espions Suriens, qui luy racontèrent au long comme le tout s'estoit passé entre Sinan & les Egyptiens, & la glorieuse victoire qu'il auoit remportée d'iceux: ce qui fist bien tost changer la tristesse de Selim en vne fort grāde ioye, preuoyant assez que cette victoire luy estoit vne entrée en l'Egypte, & que la guerre seroit plustost acheuée qu'on ne l'eust estimé.

Le iour d'apres, l'armée s'achemina à Rama, où furent bruslées les plus prochaines logettes de ces Arabes qui auoient fait tant de fascheries les iours precedens, avec leurs femmes & leurs enfans, afin que les autres fussent intimidés par la cruauté de cet exemple. De là ayant enuoyé deuant son infanterie pour marcher droit à Gaza, tournant quant à luy sur la main gauche vers Catzimubarde ou Hierusalem, qu'il vouloit visiter comme la ville la plus renommée de tout l'Orient, allant voir les sepulchres des Prophetes, & particulièrement le saint Sepulchre, & donnant de l'argent pour six mois de nourriture des Prestres & Religieux gardiens du lieu, comme il a esté dit cy-dessus. Je ne me puis assez estonner comment les Turcs, si grands ennemis du nom Chrestien, honoroient le sepulchre de celuy que ceux-cy tiennent pour leur DIEU, veu mesmes qu'en leur cœur ils ne croyent pas que nostre Seigneur IESVS ait esté crucifié, ny soit mort, mais qu'un

1516.

L'artillerie
merueilleuse-
ment utile aux
Turcs en cet-
te rencontre.

Bel ordre de
Selim mar-
chant par pays.

Ses inquietu-
des pour la
personne de
Sinan.

Les cahuettes
des Arabes
bruslées avec
leurs femmes
& leurs enfans.

Selim donne
de l'argent
pour la nour-
riture des
Prestres.

1516.

Selim vient à Gaza.

Les traufferes qu'il receut le long de ce chemin par les Arabes.

Sinan chastie les rebelles à Gaza.

Selim veut passer par-dessus toutes difficultez pour aduancer son voyage.

Grande disette d'eau depuis Gaza iusques au Caire.

Grand heur de l'armée des Turcs à leur arriuée en Egypte.

autre fut supposé en sa place; Comment doncques est-il possible d'honorer vne chose qu'on a en horreur? mais c'est que ce Tout-puissant Seigneur tire ainsi de la gloire de ses mortels ennemis, & c'est bien en cela que cette Prophetie est accomplie, à scauoir que SON SEPVLCHRE SEROIT GLORIEUX, Puis que ceux qui l'ont en plus grande hayne, viennent le reconnoistre, & offrir des presens à ses ministres, afin qu'ils prient pour eux. Selim ayant fait ses deuotions en Hierusalem, en laquelle il ne seiourna qu'une nuit, il paruint en quatre logemens à son armée à Gaza, le long duquel voyage les Turcs eurent tousiours les Arabes en teste, & le iour & la nuit, car selon leur coustume, ils se tenoient tousiours sur les aduenues, & aux destroits où les Turcs estoient contraincts de passer à la file: que s'ils se rencontroient dans des vallées, ils rouloient des montagnes & collines de grosses pierres qu'ils auoient apprestées pour cet effect, & qui plus est l'escorte des harquebusiers estoit inutile, d'autant que durant ces iours là le temps fut si ord par vents & pluyes continuelles, que la poudre à canon ne pouuoit prendre feu estant pleine d'humidité, leurs mesches mesmes ne pouuans demeurer allumées; toutesfois les laniffaires de la porte, voyans le trouble que toute l'armée receuoit par ces gens ramassez, & par ces brigans sans armes, entreprirent eux seuls d'en auoir la raison, & ainsi ayans troussé leurs longues robes à la ceinture, & pris de longs bois en main, ils graurent le long des montagnes, tenans ces guetteurs de chemins de si pres, qu'ils n'eurent apres aucun moyen d'incommoder l'armée, qui paracheua son chemin iusqu'à Gaza sans estre inquiétée.

OR durant les voyages de Selim, Sinan Bassa estant retourné à Gaza, voyant le rauage que les habitans auoit fait à son camp, & ayant appris comme ils l'auoient pillé, & poursuiuy les gens de cheual qui venoient à son secours, il se saisist de tous les auteurs de la rebellion qu'il fit mourir, saccageant leurs biens, & taxant le public à vne somme d'argent pour la solde de son armée. Et comme il fut aduertie de l'arriuée de Selim, il fit parer ses soldats des despoüilles des ennemis, & les mena hors la ville au deuant de leur Empereur, lequel fit beaucoup d'honneur, & donna de grandes louanges à Sinan Bassa de tout ce qu'il auoit fait, donnant plusieurs habillemens de soye aux Capitaines & gens de charge, & de l'argent monnoyé à ceux qui auoient le plus fait preuue de leur valeur. Ainsi arriua-il à Gaza, où il ne vouloit seiourner que quatre iours, d'autant qu'il croyoit qu'on ne deuoit donner aucun delay à l'ennemy espouuenté d'une double victoire, ne voulant donner le temps au nouueau Sultan, de s'establi en son autorité non encore bien asseurée, ny donner le loisir aux Egyptiens de s'asseurer par plus grands secours, l'Egypte estant d'elle-mesme en situation assez fort peuplée d'hommes & fertile en froment. Mais combien que toutes ces considerations fussent fondées sur de grandes esperances, & que l'ambition fust vne puissante amorce au cœur de Selim, pour l'inciter à passer par dessus toutes difficultez pour paruenir à ses intentions, toutesfois si estoit-il necessaire de rafraischir vn peu l'armée, & luy donner quelque relasche, apres de si longs & continuels trauaux que ceux qu'ils auoient soufferts iusques alors, ioint qu'il falloit faire prouision d'une grande multitude de peaux de boucs & de cheures, pour porter de l'eau sur les chameaux en grande quantité pour tout le voyage, cette excessiue & vaste estendue de solitudes, d'arenes & de sables estant toutes deserte & abandonnées, faute d'eau; & encores avec toutes sortes de prouisions, il faut choisir son temps, pour y pouoir cheminer, comme lors qu'on va sur la mer: car depuis Gaza iusques au Caire, sont des deserts, selon quelques-vns, de huit iournées, où on se trouue comme en vne mer areneuse: car de tous costez vous ne voyez que sablons aussi blancs que neige, & deliez comme farine; de sorte que pour cheminer dessus, il faut bien prendre garde aux vents, car si on l'auoit à la face, il seroit impossible de se sauuer de mort, & encores qu'on aye le vent à souhait, si est-ce que iamais il n'y passe troupe, que quelqu'un n'y demeure, ou suffoqué de chaleur, ou deffaillant de soif, & atterré par les sables, & faut s'ayder tout ainsi de la boussole en ce desert, comme si on estoit en pleine mer, sur peine d'y perir & de s'egarer; ce qui est presque en la pluspart de cette Arabie, qui est fort difficile à cheminer, à cause qu'on ne peut marcher d'un pied ferme, le sable fuyant & glissant sous les pieds à chaque pas. Et toutesfois durant les iours que l'armée fut à passer ce desert, il y eust vne telle tranquillité en l'air, qu'il n'estoit troublé d'aucunes tempestes qui esmeussent les arenes, & fissent mal aux yeux, se maintenant en vne continuelle serenité, & ce qui leur ayda encores, ce furent les grandes pluyes qu'il auoit faites quelques iours auparauant; car outre qu'elles auoient rendu le sable plus ferme, encores

auoient-elles, fait qu'on pouuoit trouuer de l'eau en de certains endroits, si bien que les soldats disoient qu'il estoit inutile de porter de l'eau, & de s'en charger le long d'un si penible voyage, ny d'apprehender la soif, puis qu'on la trouuoit si facilement en tant d'endroits, tant toutes choses se rendirent faciles à Selim pour la conqueste de l'Egypte. 1516.

LEQUEL toutesfois deuant que d'entreprendre ce voyage, auoit enuoyé (selon la coustume des Turcs, qui n'entreprennent gueres vne guerre sans la denoncer) des Ambassadeurs en Egypte, signifier au nouveau Sultan & aux siens, que le grand Empereur des Musulmans, vsant de sa bonté & misericorde accoustumée, encotes qu'il eust en main vne grande & victorieuse armée, & toutes sortes d'aduantage & de bon-heur pour exterminer la seigneurie des Mammelus, toutesfois preferant la clemence à l'aigreur de son iuste courroux, promettoit de mettre les armes bas, & faire paix avec eux, s'ils le vouloient venir trouuer en son camp, luy prestre le serment de fidelité, & le reconnoistre pour leur Souuerain, que s'ils trouuoient cette condition trop rude, ils se preparassent doncques, si bon leur sembloit, à la guerre: car dans peu de iours ils le verroient avecques son armée proche des murailles du Caire, & quand il les deuroit chercher iusques aux plus profondes entrailles du Royaume, que voulussent ou non, il les forceroit de venir au combat. Tous les plus grands des Zindes ou Mammelus estoient en ce temps en Egypte, lesquels ayans entendu vne Ambassade si pleine de menaces & d'indignité, ils tinrent de nouveaux comices, & firent vne assemblée generale, afin qu'un chacun peult dire publiquement son aduis d'une chose si importante.

XXXII.

Ambassade de Selim au Sultan du Caire.

Assemblée generale des Mammelus.

MAIS le nouveau Sultan ayant bien examiné cette affaire en luy-mesme, & l'ayant bien ruminée, il appella en particulier les plus apparens d'entr'eux & leur tint ce langage: *Mes chers compagnons d'armes, c'est en vain que nous nous exposons à une si grande puissance que celle de Selim, veu qu'il nous est impossible de la pouuoir soutenir. Si lors que nos affaires estoient encores florissantes, & que nos armées estoient remplies d'un si grand nombre de soldats, nous n'auons peu resister à leurs efforts, ayans perdu contre eux une si notable bataille, que ferons-nous maintenant que nous auons esté vaincus, & que nous auons perdu tant de villes, & de si belles & florissantes Prouinces? Quant à moy ie ne voy point qu'il y ait d'autre remede en nos affaires presque deplorées, sinon que nous nous mesurions selon nostre puid, & que nous n'entreprenions rien par dessus la portée de nostre pouuoir, de crainte que nous ne nous precipitions temerairement dans les destinées de nostre Empire. Et que puis qu'il nous est impossible de nous esgaler à la puissance de Selim, que nous cedions à la violence de nostre aduersaire. Ie serois doncques d'aduis que nous missions peine tout presentement de nous efforcer d'obtenir la paix de luy, avecques des conditions les plus equitables qu'il nous sera possible, & mesmes que nous flechissions sous quelques-vnes qui seroient peut-estre insupportables, puis qu'il y a grande apparence que l'insolence du vainqueur ne se contentera pas de la iustice & de l'equité. Il y a vne vicissitude fatale en toutes les choses humaines, mais principalement aux Royaumes, qui voyent ordinairement leur couchant, lors qu'ils ne pensent pas estre arrivez à leur midy: il semble que le nostre vueille decliner: nous en auons commencé la ruine par nos dissensions, iointe la haine que tous nos sujets nous portent pour nostre trop seuerie maniere de gouverner: cela est cause que toute la terre où nostre ennemy met le pied, deuiens sienne. Souuenez-vous aussi de la fortune & du grand heur des Osmanides, qui ayans exterminé les familles des plus puissans potentats de la terre, se sont emparez de leurs Empires, les reduisant sous leur domination, ayans eu une telle conduite en tout ce qu'ils ont entrepris, que si quelques-vns leur ont tenu teste pour quelque temps, si est-ce qu'à la fin ils ont succombé. Et ce tyran-cy principalement qui semble voguer à pleines voiles dans la felicité, & qu'il doine par son grand heur obscurcir tous les plus beaux aïcles de ses ancestres, s'efforçant d'éleuer l'Empire des Othomans au sommet de toute grandeur: si bien que nous auons grand sujet de craindre, que si nous pensons resister à cette grande impetuosité; qu'il ne nous accable à la fin, & que nous ne voyons nous & nostre pays du tout exterminés. Gardons nous doncques à de meilleurs & plus favorables destins, un iour viendra qui nous fera recompenser de toutes nos pertes, & nous verrons des temps que Selim n'aura pas si grande puissance, ny les destinées si propres, les Turcs ne vogueront pas tousiours dans vne mer de prosperitez. C'est pourquoy il nous faut tascher de retenir ce qu'il nous reste en nostre puissance, car si nous venons à le perdre, il n'y auroit courage ny versu qui fust assez puissante pour nous le faire reconuer.*

La harangue de l'homme-bey en cette assemblée.

COMBIEN que ces choses fussent ainsi sagement & prudemment discouruës par le

1516.
Cōsideratiōs
des Mammeli-
us contre
l'aduis de leur
Sultan.

Leur respon-
se à l'Ambas-
sade de Se-
lim.

Bairam ou
Pâques des
Turcs.

Premier lo-
gement de
l'armée des
Turcs dans
les deserts.

Selim fait
estrangier vn
de ses Bassas
pour l'auoir
fidèlement
cōseillé.

Sultan du Caire, toutesfois pas vn des Circaïsses ne l'approuua, leurs esprits estans desia preoccupez de la diuersité de plusieurs opinions, ils s'arrestoient à plusieurs conseils, & à tous autres, fors à celuy qui leur estoit plus salutaire, car ils disoient qu'il n'y auoit point d'apparence qu'encores que Selim fust tellement enflé de vaine gloire pour vne tant illustre victoire, qu'il peust venir enuahir l'Egypte avecques si grandes forces, car il falloit qu'il en laissast vne partie en Surie, ioint qu'il luy falloit plusieurs iours pour passer les deserts, avecques vne grande quantité de munitions, & que tout cela ne se pouuoit pas faire en peu de temps, ce qui leur en donneroit pour se preparer cy-apres, ioint qu'il se pourroit lasser de la conduite de cette guerre, & qu'il en donneroit la charge à quelqu'un de ses Vizirs. Mais qu'en quelque façon que les affaires se peussent tourner, s'il s'efforçoit d'enuahir leur Seigneurie, qu'ils employeroient tout leur pouuoir à luy resister, ay-mans mieux mourir avecques l'honneur, les armes en la main, que de faire vne paix hon-teuse, & qui preiudiciaist à leur reputation; & comme tous fussent presque de cette opi-nion, & reiettaissent celle de leur Souuerain, ils la firent entendre aux Ambassadeurs de Selim, & les renuoyerent ainsi à leur Prince. Cette response contenoit en substance; Que Selim n'auoit aucune raison de faire la guerre à ceux qui auoient tousiours fort fidelement gardé les pactions qui estoient entr'eux, & n'auoient iamais violé l'alliance qu'ils auoient faicte avecques les Seigneurs Othomans: toutesfois s'il vouloit continuer la guerre qu'il auoit iniustement commencée, & qu'il eust resolu par nouuelles iniures d'offencer le Sul-tan du Caire avecques ses Mamelus, tres-bons caualiers & nourris aux armes, qu'il vint quand il luy plairoit, qu'il les trouueroit tousiours tous prests à combattre, & que c'e-stoit ce qu'ils refuseroient le moins qu'une bataille. Ces Ambassadeurs ayans rapporté cette response à Selim, il fit à l'instant marcher son armée, apres auoir fait des prouisions necessaires pour vn tel voyage, principalement de peaux de cheures pleines d'eau, qu'ils appellent Kirbes ou Curbes, & s'achemina en Iudée, comme nous auons dit, ayant en-uoyé Sinan Bassa deuant à Gaza, où l'histoire Turque dit que se fit la rencontre avec Ga-zelli, qu'elle appelle Tzamburd, qui estoit là à attendre l'armée des Turcs au passage, & non pas qu'il y soit arriué depuis, toutesfois la difference n'en est pas de beaucoup impor-tante, & croirois plustost qu'il y seroit venu apres: car les Turcs firent grande diligence, & prindrent leurs ennemis au despourueu.

SE L I M ainsi arriué à Gaza, y celebra le Bairam, qui est à eux ce que nous appellons la Pasque; feste qui leur est la plus celebre de toute l'année, & s'estant escarté de son ar-mée, s'en alla visiter le sepulchre d'Abraham, duquel les Turcs ne parlent iamais qu'ils n'y adioustent cet Epithete d'amy de D I E U. Apres cela les Feries du Bairam estans fi-nies, il fit partir l'armée, comme nous auons dit, qui s'achemina par ces deserts, pour tirer droit au Caire; le premier logement qu'ils firent, fut à *Han-ionus* ou *Timarhana*, c'estoit ce que les Turcs appellent vn Imaret, & nous vn Hospital pour retirer les passans, qu'on dit auoir esté basti aux despens du Bassa Ionuses. Ce mesme iour apres le Soleil couché, & vers le commencement de la nuit, par le commandement de Selim, le Tihaya ou Ki-haia des Capitzilars, c'est à dire le Lieutenant du Capitaine ou Bassa des portiers, s'en alla avecques le bourreau en la tente de Husan ou Chassan Bassa Vizir pour l'estrangler, ce qu'il executa, & apres sa mort on l'enterra tout incontinent à l'entrée de sa tente: cela fut fait par ce cruel Prince, d'autant qu'avecques trop de hardiesse il luy auoit remonstré qu'il se perdrait de mener vne si grande armée parmy ces deserts, & que c'estoit s'expo-ser en vn trop manifeste danger. Selim suiuant doncques sa resolution contre l'aduis de Chassan, il passa heureusement ces solitudes areneuses en huit logemens au village de Salichie, ou Salachie, que Belon appelle Salathie, de laquelle il dit que les murailles sont de petite estoffe, & que les bastimens ne sont guerres plus grands que petits toits à lo-ger des veaux, où toutesfois on trouue plusieurs sortes de viures à achepter. Ce fut là où il commença d'estre deliuré de toute crainte: car il auoit cheminé en vne continuelle ap-prehension, que les viures ou l'eau luy manquaissent, quoy qu'il eust fait vne fort gran-de prouision de l'un & de l'autre, mais principalement de l'eau, dont il falloit vne gran-de quantité pour fournir vn tel exercite qui pariny le grand trauail du chemin, & l'ardeur du Soleil, fust pery de soif au moindre manquement: mais toutes choses luy furent si fauo-rables, comme si le Ciel eust conspiré la ruine des Egyptiens, que les grandes pluyes qui estoient tombées quelques iours auparauant, furent causes que les hommes & leurs iumens n'eurent aucune faute d'eau; tout ce qui les incommoda vn peu par le chemin, furent les Arabes, qui du commencement faisoient beaucoup de butin sur ceux qui s'escartoi-ent

tant soit peu de l'armée, ou qui estans malades ne pouuoient pas aller si viste que les troupes, mais on y remedia aisément, en distribuant des artilleries par tout où il en estoit de besoin, & en mettant sur la queue vn grand nombre d'arquebusiers, si bien que ces guetteurs de chemin n'osoient en approcher, & ainsi continuerent leur chemin iusques au Caire, Sinan Bassa marchant tousiours vne iournée deuant avec ses Europeens.

1516.

Les Arabes repoulliz avec l'artillerie

A six milles de la ville du Caire estoit vn village nommé Matharée, memorable, dit Paul Ioue, pour la secondiré du Baume: car il y a vn petit Iardin assez bas, les arbres duquel quand on en coupe les dernieres escorces avec cousteaux d'yuoire, distille cette liqueur odoriferante sur toutes autres, mais plus vtiles aux maladies, que Belon tient auoir esté transplantez en ce lieu del'Arabie heureuse par les Sultans du Caire: car cettuy-cy n'est pas celuy que Strabon disoit croistre en Syrie auprès du lac de Genezareth, entre le mont Liban & l'Anti-Liban; ny celuy encore qui croissoit en Iudée, en la plaine de Iericho, mais cettuy-cy est enuiron deux lieues du Caire, & tient-on que ces arbres sont arroufez d'une fontaine, l'eau de laquelle si elle venoit à manquer, les petits arbrisseaux viendroient aussi à desseicher; la plus commune opinion estant que c'est le lieu où se retira la tres-saincte VIERGE MARIE fuyant la persecution d'Herodes, & qu'encores y voit-on vne fenestre où cette bien-heureuse Mere de DIEU mettoit quelquesfois son cher Enfant; qu'en cette mesme fontaine aussi qui arroufe ces Baumes, que c'estoit là où elle lauoit ces petits drapelets où Nostre Seigneur estoit enueloppé, & qu'elle y a mesmes baigné celuy qui de son precieux sang a arroufé son Eglise. Or proche de ce lieu est le bourg de Rhodania, où Thomam-bey, aduertý qu'il estoit que l'armée des Turcs s'approchoit, s'estoit venu camper avecques ses forces sur le grand chemin par lequel il pensoit que ses ennemis deussent passer, en sorte qu'il auoit l'armée des Turcs en teste, & la ville du Caire à dos: Là ayant rangé son armée en bataille, il fit vn fort long retranchement deuant son camp qui tenoit tout le chemin, si qu'il le falloit franchir, si on vouloit passer outre, faisant apres ietter dessus quelques legeres clayes vn peu recouuettes de terre, afin qu'on n'y peust rien reconnoistre, & apres cette tranchée il logea iusques à cent cinquante pieces d'artillerie, d'une grosseur & longueur esmerueillable, ayant tellement disposé le front de ce retranchement qu'on peust tousiours continuer la batterie contre l'ennemy, tant qu'on voudroit; & cependant luy avecques toute son armée, tant de Mammelus que d'Arabes, se tenoient prests pour marcher quand ils verroient leur aduantage. Car Thomam-bey esperoit que les Turcs ne se pouans deffier de tels retranchemens, comme ils se trouueroient là tous embarrassez, on delascheroit l'artillerie, qui ne pouoit autrement qu'apporter vn grand desordre & vne grande confusion en leur armée, & que luy avec les siens, les surprenans sur ce desordre, en pourroient facilement tirer la raison. Et de fait cela auoit esté si prudemment disposé, qu'on tient qu'il n'estoit pas possible aux Turcs d'euitter ce piege, si la Prouidence eternelle n'en eust autrement ordonné, qui vouloit que l'Empire des Mammelus prit fin, & les chastier à cette fois de tant de cruauté & de tyrannies qu'ils auoient exercées, tant contre les Chrestiens que contre leurs subjets: de sorte que tous leurs bons aduis, leur force & leur industrie leur estoit inutile contre le bon-heur de Selim, pour qui toutes choses conspiraient pour sa gloire, pour luy donner l'honneur de la victoire d'une si puissante nation, & la conqueste d'un si riche & fertile Royaume: car Thomam-bey ne pouuant estre vaincu par viue force, il le fut par la trahison de quatre Albanois, qui furent cause de toute sa ruine & des siens.

XXXIII.

Baume de Matharée.

Baume de Genezareth & Iudée.

En quel lieu se retira la Vierge Marie en Egypte.

Le camp de Thomam-bey où seut.

CEUX-CY estoient du nombre des Mammelus, entre ceux de la garde du Prince, & qui seuls entre vne si grande multitude auoient trouué mauuaise l'élection de Thomam-bey: car à la verité ils n'eussent sceu choisir entr'eux vn plus grand Capitaine, ny qui eust en soy toutes les parties d'un grand Chef de guerre, que luy, ayant la prudence coniointe à la vaillance, & la grace d'attirer à soy les cœurs d'un chacun: mais la malice de leur courage, & leur auarice, esperans d'estre grandement recompensez de leur trahison, les fit partir secrettement de leur camp, & s'en vinrent rencontrer Sinan Bassa, auquel ils raconterent les desseins de Thomam-bey fort particulièrement, & l'ordre qu'il auoit mis à toutes choses. Or s'adresserent-ils à cetuy-cy, non seulement pource qu'ils le trouuerent le premier à la rencontre, mais d'autant qu'il estoit Albanois de nation, & ils esperoient traiter plus familièrement avecques luy: (car on dit que Sinan Bassa estoit de fort petite extraction, nay d'un village de peu de nom en Albanie, sur les montagnes de Larte, & qu'une grande infortune l'auoit conduit en vne si sublime grandeur qu'il estoit

Est trahy par quatre Albanois.

Origine de Sinan Bassa, & comme il paruint à cette grandeur.

1516.

lors élevé, vne truie à sçavoir, qu'on nourrissoit en sa maison, lors qu'il estoit encores ieune enfant, ayant esté laissé seul pendant qu'il dormoit, luy seroit venu manger le membre viril, & que cela auroit occasionné les parens de le liurer entre les mains de ceux qui vont recueillir le tribut des Azamoglans, estant fort beau, bien proportionné, & qui promettoit quelque chose de grand. Ceux-cy le menerent à Constantinople à Mahomet, qui le retint de sa chambre, venant ainsi de degré en degré aux plus hautes dignitez.)

SINAN Bassa estant aduertie de tous ces desseins & de toutes ces embusches de Thomam-bey, le fit sçavoir incontinent à Selim; lesquels, selon l'advis que ces fugitifs leur donnerent, laisserent le grand chemin de la main droite, prirent sous leur conduite vn grand circuit sur la main gauche, & deuant qu'il fust iour, entrerent par vn chemin qui n'estoit point fréquenté, mirent aussi-tost leurs gens en bataille, & firent marcher leur artillerie à la teste, ayans par ce moyen euité le front de l'armée ennemie, qu'ils vinrent inuestir par derriere.

Thomam-bey se voyant trahy prend nouveau conseil.

Grands embarrasemens en l'armée des Mamme-lus.

CE que voyant Thomam-bey, & iugeant le chemin qu'ils auoient pû prendre, il vid bien qu'il y auoit eu de la trahison de quelques-vns des siens, & que ses secrets auoient esté découuerts à l'ennemy. Saisi donc d'extreme douleur, comme il estoit, de voir vn si beau stratageme, dressé avecques tant de labeur, s'en aller en fumée, & perir ainsi en vn instant, demeurant du tout inutile; ne laissa pas toutesfois, comme il estoit extrêmement courageux & de grande experience en la guerre, de prendre nouveau conseil & nouveau dessein, faisant venir à soy tous ses Capitaines, pour leur enseigner promptement ce qu'il vouloit estre fait. Mais c'estoit avec vne grande confusion qu'ils exécutaient toutes choses, joint qu'estans desia troublez, ils ne pouuoient faire les conuersions de rangs qu'avecques du desordre, ces reuolutions militaires desirans vn esprit bien rassis. Car comme ils estoient fort pressés, ayans les Turcs qui les tenoient de fort près, il falloit en vn mesme temps changer l'ordonnance de la bataille, animer les soldats, braquer ailleurs l'artillerie, & sur tout ne se souuenir plus des vieux desseins pour en inuenter de tous nouveaux. Mais le plus grand embarrasement, & qui empeschale plus l'armée, & qu'on n'y donnaist l'ordre qui eust esté requis, ce fut le transport de l'artillerie, entre lesquelles il y en auoit plusieurs de fer d'vne enorme & excessiue grandeur, enchaillées encores dans de grandes membreures de bois, avecques bandes & liaïlles de fer d'vn artifice fort lourd & fort mal-aisé à manier, si que ces pieces ne pouuoient estre remuées de leurs places, sans qu'on y attellast plusieurs bestes à les tirer avecques des rouleaux qu'on mettoit dessous, & force leuiers pour les pousser à force de bras: & quant à celles qui estoient montées sur roues, elles estoient conduites par gens assez mal experimentez à telles affaires, le premier venu mettant la main à la besongne, non selon ce à quoy il estoit propre, mais selon qu'il estoit necessaire, & tout cecy apportoit beaucoup de trouble aux gens de cheual pour se mettre en ordonnance. Mais en recompense de toutes ces difficultez, le Sultan du Caire auoit deux choses fort rares à se rencontrer en pareils accidens, l'allegresse de ses gens de guerre, & leur grande resolution: car tant s'en faut que la peur ou la crainte les eust saisis en façon quelconque pour auoir esté ainsi surpris, ou pour le souuenir de la perte des deux batailles, que le courage leur croissant, ils sembloient auoir repris nouvelles forces, tant ils marchaient gayement au combat, & faisoient assez voir que s'ils auoient esté vaincus aux autres rencontres, ils auoient bien manqué de bon-heur, mais non pas de vaillance & de dexterité, ce qui contenta tellement Thomam-bey, qu'il iugea à propos de leur dire:

IE ne puis que ie ne ressentie en moy-mesme vne grande allegresse de vous voir tous avec vn courage si releué, & que si la perfidie & la trahison que nous ont joué quelques-vns de nostre troupe, a mis quelque confusion en nos rangs & à l'ordre que nous auons donné, que cela n'ait point trouble vos esprits, & n'ait point altéré cette vaillance qui vous a rendus iusques icy si recommandables. Et à la verité compagnons, si nos entreprises eussent reüssi, comme nous les auons ordonnées, il n'y a celuy qui n'eust iugé que l'ennemy deuoit succomber, & son armée mise en rouse, qu'il deuoit chercher sa retraicte plus viste que le pas, soit par les pieges que nous leur auons dressés, par l'effort de l'artillerie, ou par le tranchant de vos cimeterres, & que iamaïs il ne se fust releué de cette perte. Mais cette victoire estoit à la verité indigne de vostre valeur, qui est plus accoustumée de vaincre ses ennemis à force de courage que par les inuersions des stratagemes: & ce visage riant me le tesmoigne plus que iamaïs; puis qu'au lieu que les meilleurs soldats s'attristeroient pour auoir failly vne si belle aduanture, toutesfois vous seuls demeurez fermes

fermes, sans vous ébranler : ains au contraire, vous tesmoignez par vos actions que la fortune vous pensant auoir osté la victoire de la main gauche, que vostre bras droit est encores assez puissant pour vous l'acquiescer plus glorieuse & plus triomphante qu'elle ne vous l'eust sceu presenter. Allez doncques à la bonne heure, mes amis, faire sentir à ces monstres d'ambition, que tout ce qu'ils ont obtenu cy-deuant sur nous, n'a point esté par vraye vaillance, mais par la trahison des nostres : Et que la hautesse de vos courages sçait aussi bien surmonter ses ennemis en un combat, comme demeurer constans au milieu des traverses qu'ils ont pu recevoir iusques icy : c'est par ce moyen que vous vous delivrerez de tant de fatigues, & que vous nous vangerez des meschans qui nous ont si laschement trahis.

Là dessus il enuoya les Arabes, dont l'Histoire Turque dit qu'il auoit vne multitude presque infinie, enuironner les deux cornes de la bataille des Turcs, afin de les escarmoucher à dos, & tascher de troubler leurs rangs : quant à luy, il voulut conduire son bataillon de Mammelus, où il y auoit dix à douze mille cheuaux maistres, tous gens d'élite, sans ceux qui les accompagnoient, avecques lesquels il esperoit bien de faire son principal effort, & tout au derriere de son bataillon, quinze cens arquebusiers pour tenir ferme, & empescher quelque surprise.

Quant à Selim, il voulut que Sinan Bassa fist vn choix de tous les meilleurs combattans de sa caualerie, afin d'aller de costé & d'autre secourir ceux qui en auroient besoin, & non loin de luy à l'aile droite, il fit marcher les troupes de la Natolie, deuant les Asiatiques & la caualerie de Sinan, il voulut qu'il y eust trois cens arquebusiers, le mesme à la pointe gauche où estoient les troupes de l'Europe qu'on donna à Ionuses Bassa, qui auoit la charge de ce costé-là. Quant à luy, il prit la bataille du milieu, pour l'opposer à celle du Sultan du Caire, ayant ainsi fait marcher son armée depuis l'aduis qu'il auoit receu, les troupes Europeennes costoyans vne montagne voisine de là, & celles de la Natolie, comme si elles eussent voulu faire espaulé à l'artillerie. Deuant toutesfois que les faire marcher, il parla ainsi à ses troupes.

XXXIV.

Disposition
de la bataille
de Selim.

Si toutes choses ne nous estoient favorables, si vous n'estiez desia tous comblez de gloire par les victoires que vous avez obtenues contre ces gens-cy, ie m'efforcerois de vous animer au combat ; mais ceux-cy sont ceux-là mesmes que vous avez mis en route en Surie, en cette signalée bataille où vous fistes mourir les plus valeureux de leur armée, avecques leur Sultan, & depuis encores près de Gaza, sous la conduite de celuy qu'ils tiennent pour vn de leurs meilleurs Chefs. Esclaves qu'il faudroit plustost pour suivre avecques l'escourgee qu'avecques l'espée, qui ont fuy iusques en leur tanniere, & qui eussent passé plus outre, iusques aux dernieres extremitez de la terre habitable, s'ils eussent pu trouuer qui les eust voulu recevoir. Gens sans DIEU, & sans Foy, tesmoins ceux des leurs qui se refugient à toute heure en nostre camp, & nous decouurent leurs plus importants secrets. Ne voyez-vous pas que tous leurs peuples nous ont tendu les bras de toutes parts ? avecques quelle tyrannie pensez-vous qu'ils les ayent gouvernez, puis qu'à la premiere venue de l'ennemy ils ont aussi-tost abandonné leur naturel Seigneur ? aussi de quelles gens pensez-vous que cette armée que vous voyez, soit composée, sinon de ces bandoliers guesseurs de chemins qui vous travailloient ces iours passez le long du chemin ? que si en tirant pays, vous en avez eu la raison, que ferez-vous, quand vous les combattrez de pied-ferme ? Ne redoutez point aussi leur artillerie ; car ie suis assez informé de tout cét attirail, ce sont vieilles pieces si enrouillées d'antiquité, si difficiles à manier, & les gens qui s'en seruent, si peu exercez à ce mestier, que vous verrez à l'esprenue que ce sera grand hazard, s'ils portent vn coup à propos. Mais ce qui me fait le mieux esperer, c'est vne certaine croyance que j'ay que nous sommes assistez du Ciel : voyez quelle faueur nous en auons receue en passant ces deserts, soit d'auoir plen à propos pour nous donner de l'eau le long du chemin, & nous rendre le sable plus aysé à marcher, soit en nous rendant l'air serain & tranquille : pour empescher que le mesme sable ne nous offusquast la venue, ou ne nous estouffast par ses tourbillons : puis comme s'il eust eu peur que nous eussions couru quelque risque, il enuoya des gens mesmes de nos ennemis, pour nous faire éuiter leurs embusches. Et quoy ? ne monstrons-ils pas par là qu'ils sont bien lasches, & ne declarent-ils pas assez par cette inuention qu'ils ne scauroient s'opposer à nostre valeur, si ce n'est avecques des stratagemes & des artifices ? mais l'homme de courage ne scauroit iamais fuir que les armes à la main : le Ciel ne veut pas qu'il perisse poltronnement. Que si vous avez ainsi toutes choses à souhait, qui est-ce qui peut doncques maintenant retarder le cours de vos prosperitez ? S'il vous arriuoit quelque infortune, elle ne pourroit prouenir que de lascheté, mais ie sçay qu'elle ne reside point dans vos courages. Allez donc plustost au triomphe qu'à la

Sa harangue
à ses soldats.

1516.

bataille, car ie vous predis que ce combat aura vn tres-heureux succez, & vous acquerra vne gloire immortelle.

Le canon des
Egyptiens leur
est plus nuisi-
ble qu'utile.

LES soldats estans ainsi animez de part & d'autre au combat par leurs Chefs, ils firent marcher leur artillerie qu'ils tirerent l'un contre l'autre, mais avecques vn aduantage bien inégal : car les Egyptiens n'auoient que de vieilles pieces toutes roüillées dedans & dehors, pour le long-temps qu'elles n'auoiēt esté mises en pratique, outre ce qu'elles estoient encores de la vieille fonte, mal portatiues, & desquelles on se seruoit difficilement, si bien qu'alors qu'on les voulut tirer, la plupart se creuerent, & firent plus de mal aux leurs qu'aux ennemis. A cecy il faut adjoüster le peu d'experience de leurs canonniers, qui prenant leur visée plus haut qu'il ne falloit, & les pointans mal à propos, faisoient voler les boulets par dessus les testes des Turcs, & par delà leur camp; car n'ayans pas pris la mesure de la portée de leurs canons, ils auoient auancé trop près, les rendans en toute façon de nul effet : au contraire des Turcs, qui auoient de grosses & petites pieces, mais toutes portatiues, & montées sur roties; mais sur tout ils auoient des canonniers fort experimentez, que Selim auoit attirez à sa suite, à force de recompences, tant de l'Italie que de l'Allemagne, & principalement des Iuifs, qui ayans esté chassez de l'Espagne par le Roy Ferdinand, se rangerent avecques les Turcs, pour se vanger & faire du mal, s'ils pouuoient, aux Chrestiens. Mais tant la vicissitude des choses est admirable, les voicy maintenant qui seruent de principaux instrumens pour la ruine de l'Egypte, & la destruction de cette Monarchie qui les auoit autresfois fait souffrir tant de persecutions, autant indignement qu'injustement, & qui s'estoit tousiours déclarée leur ennemie, voire avecques laquelle il leur estoit deffendu par leur loy, d'auoir aucune paëtion ou alliance, iusques à ne leur oser pas demander du secours : les voicy, dis-je, qui voyent & qui font souffrir à leurs mortels ennemis toutes sortes de miseres, leur rendans la pareille, & s'enrichissans de leurs depouilles au iour de la vengeance que la Iustice diuine prenoit de cette nation. Or le plus habile & le plus experimenté de tous ces canonniers, & qui auoit la surintendance en cette armée sur l'artillerie, c'estoit vn Iacob de Rhege en Lombardie, qu'il y auoit long-temps que les Turcs auoient corrompu par plusieurs presens, si bien qu'ayant renoncé la Foy de I E S V S - C H R I S T, il s'estoit rendu Mahometiste.

Admirable
vicissitude.

Iacob de Rhe-
ge excellent
canonnier.

CETTY-CY reconnoissant incontinent à qui il auoit affaire, ne s'amusa pas du premier coup à tirer contre l'armée Egyptienne, mais seulement contre leurs canons : de sorte qu'ils furent presque tous demontez, leurs rouës & affustemens fracassez, & comme ils eurent tiré cette premiere volée, ils rechargerent promptement leurs pieces, ce qu'ayans fait auancer quelque peu, ils tirerent alors contre l'armée d'Egypte, où ils firent vn merueilleux eschec, toutesfois cela n'estonna pas les Mammelus qui rassemblez ensemble, se vinrent ruer d'une grande impetuosité contre Sinan Bassa & les siens, qui ne recula pas pourtant, encore que presque toute l'armée ensemble vint fondre du commencement sur luy, l'aile droite & l'aile gauche s'estans iointes partie ensemble. Et ce qui luy donna le plus de peine, ce fut que le bataillon des Asiatiques qu'il costoyoit, voyans avecques quelle fureur les Egyptiens les venoient attaquer, ne les attendirent pas, ains deuant que d'auoir souffert le premier choc, il se mirent en fuite, doublans le pas le plus viste qu'ils pouuoient : Mais à toutes ces difficultez, ce grand guerrier opposant son seul courage, fit tenir ferme à ses gens de cheual & aux trois cens Ianißaires qui luy auoient esté baillez par Sultan Selim, comme nous auons dit. Alors se commença vn fort rude & cruel combat, qui dura assez long-temps, sans qu'on peust iuger lequel auoit de l'aduantage, mais l'ennemy qui estoit mieux monté & en plus grand nombre, s'aduisa d'enuoyer quelques troupes faire le tour pour enuironner les Sinaniens, afin que cependant qu'ils seroient viuement attaquez par deuant, ceux-cy les venans charger par derriere, leur donnassent tant d'affaires, qu'ils fussent contrains de se mettre en desordre, & suivre le chemin de leurs compagnons. Mais au contraire les Turcs releuans leurs courages au milieu de leurs plus grandes necessitez, s'opiniastrent tellement à tenir teste à leurs ennemis, qu'ils aymerent mieux perdre la vie les armes à la main, que de fuir deuant leurs aduersaires, entr'autres y petirent cinq cens caualiers, toute l'élite & la fleur de ce bataillon, que Sinan Bassa se reseruoit toujours pour quelque bonne affaire, pour reconnoistre non seulement leur valeur & leur promptitude, mais d'autant qu'il les auoit souuent remarquez, combattre plustost pour l'amour & l'affection qu'ils luy portoient, que pour gloire ou esperance de butin qu'ils attendissent de semblables rencontres. Ceux-cy, dis-je, voyant leur General en si grand peril, se precipiterent tellement aux plus grands hazards, qu'ils y demurerent tous iusques à vn, &

Les Asiatiques
tousiours des
premiers en
fuite.

Grand coura-
ge des Turcs.

quant

quant aux trois cens arquebusiers Ianißaires, qui estoient meslez parmy ce bataillon, deux cens demurerent sur la place, & tous les autres gens de cheual si mal menez, que bien peu eschapperent, sans auoir quelque blessure; Sinan mesmes ayant receu huit coups de lance en plusieurs endroits de son corps, tout chancelant tomba à bas de son cheual, mais ce fut là où se renouella la meslée plus forte qu'auparauant; car ses soldats, qui eussent reputé à vne grande ignominie, de le laisser en la puissance des Cairins, s'amasserent en gros, & donnans de toute leur puissance contre leurs ennemis, ils firent tant d'armes, qu'enfin ils le retirerent d'entre leurs mains, quelques troupes d'entr'eux ayans fendu la presse, le chargerent sur vn chariot, & l'emporterent en leur camp, mais si foible, & ayant tant perdu de sang, qu'auant que la bataille fust finie, il expira, qui ne fut pas vne petite perte pour les Turcs, car ils perdirent en luy le plus experimenté & vaillant Capitaine de toute leur armée, & autant fidele à son Prince, qu'autre qui fust à la suite de sa Cour.

Mort de Sinan Bassa.

Ces choses se passans ainsi sur l'aile gauche, Selim auoit en teste le bataillon de Thomam-bey, où les Turcs combattirent plus heureusement, s'aydans fort à propos de leur artillerie: ioint que là estoit tout le gros des Ianißaires, lesquels il n'est pas aysé de rompre & surmonter, de sorte qu'ils s'acharnerent tellement les vns contre les autres, autant de desir de gloire que de conquerir, qu'on peut bien mettre cette bataille entre les plus signalées qui ayent iamais esté données au monde, soit pour le nombre des gens de valeur, des nations, hayne mortelle des vns contre les autres, que pour la grandeur des deux Chefs qui combattirent, & qui sans soucy de leur salut & de leurs majestez employoient toute leur industrie, leurs forces & leurs personnes pour obtenir la victoire, sçachans bien que leur vie & leur Empire dependoient du gain d'icelle: car il n'y auoit pas moins de hazard pour Selim que pour Thomam-bey, si les choses eussent passé à son desauantage, estant si auant engagé dans les terres de ses ennemis. Ainsi chacun de ces deux armées voulant vendre sa peau bien chere, il se faisoit vne telle huée de soldats, vn tel bruit de trompettes, d'artillerie, & de cliquetis des armes, & vne telle nuée de poussiere, qu'à peine les soldats pouuoient-ils entendre le commandement de leurs Capitaines, ny discerner leurs enseignes. Ceux mesmes qui venoient de tailler en pieces les troupes de Sinan, outre le renfort qu'ils donnerent à leurs gens, les remplirent encore d'vne ioye indicible au recit de si bonnes nouuelles. En cette troupe estoit Gazelli, celuy que nous auons icy-dessus auoir esté vaincu par Sinan, lequel tout fier d'auoir eu à cette fois le dessus de son ennemy, esperoit aysément auoir la raison de l'armée des Turcs; mais à bien assailly, bien deffendu, car ny la valeur ny l'opiniastreté des Zindiens, ne peult empescher que tous les grands d'entr'eux, & principalement ceux qui auoient assisté à la desfaite de Sinan, ne demeurassent sur la place, le seul Gazelli excepté, entr'autres Allan-beg, que Paul Ioue appelle Hylmis, qui estoit Vlu-Duueidar, selon les Annales, Emir Chebir, selon Pierre Martyr en ses Relations, ou Diadare, selon Paul Ioue, le tout n'estant qu'vne mesme chose, à sçauoir la plus haute dignité qui fust en Egypte, apres celle du Sultan, lequel auoit la surintendance aux armées, comme enuiron vn Connestable en France, Orcamas aussi ou Bidou, qui auoit le premier attaqué les troupes de Sinan, de ces deux-cy le premier eut la cuisse rompuë d'vn coup de canon, & cét Orcamas, que les Annales appellent aussi Serchenges, eut le genouil brisé d'vn coup de fauconneau, si qu'estans pris tous deux, ils furent amenez à Selim apres le combat, qui commença, il y auoit delia quatre heures de iour, dit Paul Ioue, & dura iusques à Soleil couchant, la chance ayant tourné tant de fois, tant d'vne part que d'autre, toutesfois l'aduantage demeura finalement aux Turcs. Si bien que Thomam-bey voyant tout apertement que les siens estoient recrus, & que leurs cheuaux fondoient sous eux de lassitude, & que les Turcs s'en alloient infailliblement emporter la victoire, il fit sonner la retraite, afin que ses gens se peussent sauuer avecques moins d'ignominie, le faisant par commandement de leur Chef, ioint que cela ne leur faisoit pas du tout perdre le courage, ny l'esperance de se pouuoir ioindre vne autre fois, & tirer leur raison de tant de pertes. Ainsi se retirerent, non pas si honorablement qu'il ne parust bien que c'estoit vne fuite; aussi les Turcs les poursuirent-ils iusques bien auant en la nuict, qui empescha que les victorieux ne peussent vler pleinement de leur victoire, lesquels retournez en leur camp, pillerent celuy de l'ennemy où ils trouuerent de grandes despoüilles, avecques toute leur artillerie.

La bataille de Mautharés ou du Capetres signifiée.

Les Turcs ont l'aduantage.

Thomam-bey fait sonner la retraite.

Mais cette victoire toutesfois leur estoit triste, pour le grand nombre de morts & de si notables personnages; entr'autres Sinan Bassa, outre ce plus de la quatriesme partie d'entr'eux ne se pouuoit remuer de playes & de lassitude, ce qui donna du temps à Tho-

Grand nombre de morts & de vielles du costé des Turcs.

1516.

Selim fait
mourir le
Vlu-Duuei-
dar & Orca-
mas.

mam-bey de se retirer en lieu de seureté, & rassembler ses forces au mieux qu'il luy fut possible: car Selim fut contraint de sejourner quatre iours en son camp pour raffraichir ses soldats, & donner du temps aux blesez de se guerir; car il n'osoit s'aller ietter dans la ville du Caire, l'une des plus grandes & plus peuplées villes du monde, ny se fier en la foy des habitans, ne sçachant pas mesme encores la retraicte, ny les desseins de son ennemy. Cette bataille fut donnée, selon Paul Ioue, vn leudy vingt-quatriesme iour de Ianuier, l'an de nostre salut 1517. mais selon le Commentaire Verantian, ce fut l'an mil cinq cens quinze, & de l'Egire neuf cens vingt-deux: quelques autres disent bien que ce fut en l'an mil cinq cens dix-sept; mais que ce fut au mois d'Auril, tant il y a par tout d'incertitude. Lelendemain de la bataille, Selim se fit amener le Vlu-Duueidar & Bidon ou Orcamas, ausquels il fit trancher la teste, comme hosties qu'il immoloit à la vangeance de la mort de Sinan, qu'il regrettoit fort, car il sçauoit assez combien il auoit perdu en ce personnage, l'utilité qu'il en auoit tirée, & la necessité où il estoit reduit, luy en faisant auoir plus grand ressentiment.

XXXV.

Thomam-
bey ramasse
ses forces.

OR quelques-vns des Circaſſes apres leur deffaiſte, s'estoient retirez au Caire, vne partie aussi aux montagnes prochaines, & le reste avecques leur Sultan, qui s'estoit retiré en vne Isle du Nil. Là il amassoit le plus de forces qu'il luy estoit possible, ne perdant point courage; & cependant le Caire, qui n'auoit aucunes forces ny defences, demeura à la mercy du vainqueur; le camp toutesfois des Turcs estoit proche des riuages du Nil. Les Mammelus doncques, par le moyen de leurs espies, decouurent qu'un iour les Turcs estoient allez en fort grand nombre dans la ville, vſans de l'occasion, ils entrerent de nuit dans icelle, & surprirent ces Turcs au depourueu, qu'ils taillerent tous en pieces: ce massacre se faisant ainsi de nuit, ne peust qu'il n'apportast vn grand trouble par tout le camp des Turcs, car les cris de ces miserables retentirent iusques à eux, de sorte qu'il paruint mesmes iusques aux oreilles du Sultan Selim, lequel informé que l'ennemy estoit proche avec quelque nouvelle armée qu'il auoit rassemblée à la haste, fit braquer de l'artillerie par l'endroit où il pensoit qu'ils deussent venir. Car Thomam-bey, apres sa deffaiſte, ne perdant point courage, ny l'esperance de faire encore quelque bon effort contre ses ennemis, auoit rassemble le plus qu'il auoit pu de ses Mammelus, & outre ce il auoit armé iusqu'à huit mille Ethiopiens esclaves, desquels, dit Paul Ioue, il ne s'estoit point encore voulu seruir, à cause de la memoire de leur ancienne rebellion, & outre ceux-cy, tous les enfans des Mammelus, des Arabes, & autres nations ses vassales, qu'il trouua propres pour porter les armes, ausquels il fit ouuerture de son arcenal, pour les fournir de tout ce qui leur seroit necessaire, & de ses thresors, pour les inciter dauantage au combat, & comme il se vid vne assez puissante troupe de ces gens ramassez, il discourtoit sur les esperances de son dernier dessein, non sans de grandes inquietudes, & vn grand trouble d'esprit: car voyant le hazard du combat tant de fois tenté luy auoir si mal reüssi, il n'estoit plus d'aduis de s'exposer à vn dernier combat, mais plustost par quelque ruse ou stratageme faire reuure l'esperance des siens, qui s'en alloit comme perduë, & comme il faut bien peu de chose en la guerre pour faire venir les plus miserables au dessus du vent, il resolut au mesme temps que les siens tailloient en pieces les Turcs qui s'en estoient allez au Caire, de mettre le feu à leur camp, & l'eust fait sans quelques traistres Mammelus, qui s'en alloient de iour à autre rendre au camp de Selim: (comme c'est l'ordinaire des miserables d'estre toujours abandonnez de leurs plus ptoches au plus fort de leurs afflictions.) Ceux-cy ayans decouvert toute la menée, Selim fit faire la veille par tout son camp, & tenir ses gens en armes toute la nuit: Si bien que Thomam-bey estant venu pour executer son entreprise, fut receu les armes en la main, & repoussé si viuement, que cette nuit eust esté la dernière de sa totale ruine, si les feux extraordinaires qu'il vid par tout le camp des Turcs ne l'eussent empesché de passer outre, & arresté le reste de ses forces, qui s'en alloit donner dans la gueulle du canon, ayant, comme vous voyez souuent, de beaux & bons desseins, mais qui luy tournoient tousiours à gauche par la perfidie & meschanceté des siens.

Trahison des
siens.

Conseil des
Mammelus à
leur Sultan

CE V toutesfois qui estoient encores avecques luy, ne manquoient point d'assurance, ny de desir de s'opposer à l'ennemy & se bien deffendre. Ils conseillerent doncques à leur Sultan de se retirer au Caire, & se saisir des principales places, y mettant de fortes & puissantes garnisons, afin de combattre d'oresnauant pour leurs propres foyers, à la veüe de leurs femmes & de leurs enfans, puis qu'ils n'auoient sceu vaincre leur destinée, selon leur façon ordinaire de guerroyer, qu'il falloit faire voir à la posterité que leur renommée n'auoit point volé en vain par l'Vniuers, & que si leur Monarchie deuoit prédre fin, que ce seroit

seroit au moins apres auoir combatu iusqu'à l'extremité. Thomam-bey s'arresta à ce conseil, & entra avecques toutes ses forces dans la ville, où il fit faire plusieurs retranchemens aux aduenues, fortifier les portes, & donner ordre à tout, avec vne tres-grande diligence, & vn extreme travail, monstrant avecques cela vn visage assésuré & vne contenance d'un homme qui n'auoit point perdu l'esperance de se deliurer de tant de mal-heurs, & remettre encore sa Monarchie en son ancienne splendeur. Les caualiers mesmes auoient disposé leurs familles au haut de leurs maisons avecques force pierres & armes de trait pour lancer contre l'ennemy, chacun d'eux mettant la main à la besongne comme le moindre habitant, soit à faire des tranchées aux ruës, principalement les plus larges, mettans derriere des pieces de bois fort espoilles en formes de barricades, & de l'artillerie aux grandes places, & en d'autres endroits des pieux fort pointus, qu'ils auoient enfoüis la pointe en haut, & recouverts legerement de terre, afin d'y surprendre l'ennemy. Ce qui fut fait avecques vne telle promptitude, selon que l'occasion & la necessité le requeroit, que la ville mise en deffence, chacun commença d'auoir quelque esperance de se pouuoir non seulement deffendre, mais de repousser mesme l'impetuosité des Turcs.

A tout cecy leur seruoient beaucoup les remonstrances de leur Sultan, qui allant de place en place, & par toutes les portes de la ville, disoit tantost aux habitans, que luy & son armée auoient cy-deuant combatu pour la gloire, & pour l'Empire, mais maintenant qu'il n'auoit les armes en la main que pour la deffence des habitans du Caire: qu'il falloit doncques qu'ils s'unissent en volonte, en courage, en labeurs & en vigilance, à ceux qu'il leur auoit amenez pour leur secours. Que si la naturelle inclination qu'ils deuoient auoir à leurs femmes & à leurs enfans les touchoit, s'ils auoient en particuliere recommandation leurs biens, leur trafic, & tout ce qui regardoit leur famille, que l'heure estoit venue d'exposer leurs peines, leur industrie, & leur propre vie pour la conseruation de leur patrie: car ils se pouuoient assésurer que s'ils ne s'opposoient courageusement à la fureur de l'ennemy, que non seulement ils verroient leurs biens dissipez, leurs femmes & leurs filles violées, leur ville reduite à feu & à sang, & ce qui demeureroit de reste, reduit à vne miserable seruitude, pour aller finir leur vie en vne terre loingtaine au milieu de leurs mortels ennemis. Que le remede à cela, estoit de se bien deffendre, car la bonne fortune n'abandonne point vn courage genereux, quant à luy qu'il ne leur manqueroit iamais d'assistance, tant qu'il pourroit voir vn seul petit rayon d'esperance pour leur salut, c'estoit ce qu'il disoit aux habitans. Mais aux esclaves qu'il auoit nouvellement enrollez, outre les promesses de tres-amples recompenses, & l'honneur destre éleuez iusques au rang des cheualiers, ils deuoient esperer vn tres-grand butin, s'ils pouuoient repousser le Turcs, & ce qu'ils deuoient le plus desirer, leur memoire seroit eternelle à la posterité, d'auoir par leur valeur, remis sus-pieds, vn Empire presque abbatu. Quant aux Mammelus, il les exhortoit à l'union de volonte entre-eux, que leurs diuisions auoient esté cause de tous leurs malheurs, & les traistres qui estoient parmy eux, de la ruine de leur Empire: que s'ils estoient combatus des destinées, ils n'en fissent point vn si mauuais iugement, que cela les peust cōduire en fin à vn tel desespoir qu'ils estimassent leurs affaires sans remede, que la valeur & le haut courage, épouuantoit la fortune, quand elle voyoit vne virile & magnanime resistance, & que le malheur ne deuoit iamais iouyr d'une paisible victoire. Que si la perfidie & trahison de vos compagnons disoit-il, a esté cause iusques icy de nous reduire, en l'extremité où nous sommes, faites au moins maintenant que vostre perseuerante fidelité fasse sentir à ces meschans, que la trahison fait ordinairement perir celuy qui la met en pratique: car quant à moy, j'ay plus d'esperance d'auoir raison de nos ennemis dans cette ville, s'ils s'y engagent, que ie n'ay eu en plain champ, beaucoup de choses sont à nostre aduantage, si nous nous en sçauons bien seruir, & que nous ne prenions point l'épouuante.

C E V X - C Y le supplierent luy-mesme d'auoir bonne esperance, estans à la verité tres-marris, que la trahison fust venue par ceux de leurs corps, mais que leur preud'homme recompenferoit la perfidie des autres, & leur valeur leur lascheté: les autres soldats luy disoient d'un autre costé qu'ils respandroient plustost iusques à la derniere goutte de leur sang qu'ils ne l'eussent rendu victorieux de ses ennemis, & qu'ils vouloient bien faire connoistre à tous, que s'ils auoient esté esclaves iusques alors, que ç'auoit esté plustost par vne malignité de fortune que par demerite. Et quant aux habitans les plus riches Egyptiens, qui préuoyoient assez que le changement d'estat & de Seigneurie ne pourroit arriuer sans leur ruine, de leurs biens & de leur trafic, comme estans ceux à qui le vainqueur s'adresseroit

1516.

Thomam-bey donne ordre au Caire.

Chacun luy témoigne vn grand courage & toute assistance.

1516.

La populace
ennemie des
Mamelus.

Description
de la ville du
Caire.

toujours des premiers, promirent toute assistance aux Mamelus, & de fait s'y employoient de grand courage & affection: mais ceux qui n'auoient pas tant de moyens, ou qui estoient du plus bas populaire, demeuroident ententifs à voir l'issue de cette affaire, & comme ils hayssioient de mort le gouvernement des Circaïsses pour leur cruelle & insupportable tyrannie, se resioysoient de ce qu'ils seroient bien-tost vangez de leurs meschancetez, & demeuroident enclos dans leurs maisons, esperans bien-tost de contenter leurs yeux de leur totale ruine, & de rassasier leur appetit de vengeance, par la perte de leur sang, tel estoit l'estat de la ville du Caire. Quant à Selim il enuoya Ionuses Bassa pour s'en emparer; mais auparauant que de passer outre à cette conquête, il sera bien à propos de dire vn mot de la situation, & de la grandeur de cette si florissante & si renommée cité, de qui la propre ruine n'a peu empescher le progres de sa grandeur, ny qu'elle ne se soit maintenue iusques icy, sinon la premiere en commandement, au moins tient elle le premier rang en richesses & magnificence, de toutes celles des contrées du Midy.

LE Caire doncques estant le chef & la Metropolitaine cité de toute l'Egypte, & deuant l'arriuée de Selim, de la Palestine, Syrie, Arabie, Cyrene, & Lybie, est diuisée en trois parties, comme s'il y auoit trois villes comprises en vn seul enclos; celle qui est au milieu, est assise sur vn petit costau, où est aussi la place qui proprement se nomme le Caire, c'est à dire forteresse, laquelle a esté bastie par les modernes. Celle qui est à main droite se nommoit iadis Bubacum, & celle qui est à main gauche, est la vraye Babylone d'Egypte, iadis nommée Lytus, que Cambyse Roy de Perse auoit démolie, & qui fut depuis nommée Babylone, pour auoir esté rebastie par des Babyloniens; car ce n'est pas l'ancienne Memphis, comme quelques-vns ont pensé: cette Babylone est à la riuée du fleuve du Nil, y faisant vne Isle, où sont les plus beaux & plaisants iardinages d'Egypte. Cette ville ayant esté ainsi agrandie par les Sultans qui ont commandé en Egypte, depuis que les Mahometans s'en rendirent les maistres, enuiron l'an six cens trente cinq; d'entre lesquels le premier qui s'y arresta, fut vn nommé Haumar, & se retiroit en cette partie appelée Babylone, & par les Arabes Misur Chetich. Mais au rapport de lean Leon en son Afrique, la continuation de sa grandeur, vint d'vn Esclauon, esclaué aussi de condition, & Chrestien renié, nommé Gehoarel Chetib, qui fit bastir la cité murée, & ce qu'on appelle proprement le Caire, contenant quelque quatre vingt mille feux, & où se tiennent les plus riches marchands, où aussi se font les trafics de plus grande consequence. Cette cité estant bastie en vne plaine sous vn mont appelé Mulcatum, loing du Nil d'environ deux milles, ayant trois portes, l'vne dite Bebel Nansré, qui regarde au Leuant, & vers les deserts de la mer rouge; la seconde vers le Nil, & l'ancienne ville qu'ils appellent Bebel Euaila, & la troisieme Bebel Futuh, ou porte des triomphes. C'est en cette-cy que se tiennent le plus communement les marchands de l'Europe; le fondique & magazin desquels est pres la porte Beb-zuaila: en ce quartier sont encores plusieurs Mosquées, la principale desquelles s'appelle Genuhel Haztaré ou temple illustre; il y a aussi vn grand Hospital basti par Stiperis, premier Sultan d'entre les Mamelus, le reste de ce qui est au Caire, est comme faux-bourgs. Car Beb-zuaila, est vn faux-bourg beaucoup plus grand que ce qu'on appelloit proprement le Caire, s'estendant vers le Ponant, vn mille & demy au Midy, il va iusques au Palais & forteresse du Sultan, lequel Palais est basti en lieu de commandement, pour pouuoir foudroyer la ville à coups de canon, selon les occurrences, & au Septentrion il s'estend iusques à vn autre faux-bourg appelé Beb Elloch; ce quartier de ville auoit accoustumé d'estre tres-riche & bien basti, où se tenoient les habitans les plus magnifiques.

A l'Orient de ce quartier est vn autre faux-bourg nommé Gemeh Tailon, à cause que Tailon, Lieutenant du Soudan de Bagadet, & gouverneur d'Egypte, en fut le fondateur, auant que le Caire fust basti, & lequel laissant l'ancienne cité, se vint tenir en ce faux-bourg qu'il auoit fondé. L'autre faux-bourg est celuy que nous auons cy-dessus nommé Bed Elloch, qui est habité d'artisans plus que d'autre sorte d'hommes, où il y a vne grande place, & dans icelle vn palais & vn college, portant le nom de Iazbachia, à cause que Iazbach esclaué d'vn Sultan, en fut le fondateur. Ce quartier de ville est le lieu où se retirent tous ceux qui veulent faire quelque desbauche, à cause que là sont les tauerne & les femmes publiques, & que tous les bastleurs s'y assemblent comme en lieu de retraite, propre à gens de si peu de valeur. Apres est le bourg dit Bulach, lequel bien qu'il soit séparé de la ville ou cité nouvelle, si est ce qu'on trouue toujours des maisons & des moulins, qui font vne continuation de ville, c'est ce qu'on appelloit anciennement

Bubacam

Bubacam, assise sur le Nil, ayant de tres beaux bastimens, & le lieu où se tiennent ceux qui leuent les peages sur ceux qui vont sur le Nil d'Alexandrie & de Damiette pour trafiquer au grand Caire. Puis en tirant vers le mont susdit de Mucaltan, est le bourg de Carafa en forme d'une cité, mais éloignée de celle qui est ceinte de murs environ deux milles, & du Nil vn mille, puis on vient à l'ancienne Babylone Egyptienne, que Hamré Lieutenant general de l'admiral Haumar fist bastir, laquelle est assise sur le Nil, sans aucune closture de murailles. En cette ancienne ville dicte Misru-lhetich est le tombeau d'une Mahometane dicte Nasile parente de Mahomet, que les Cairains honorent comme sainte, & racontent plusieurs faux miracles faits par icelle; de maniere que les offrandes qu'on y apporte, valent vne somme infinie, de laquelle on nourrit les pauvres, & les ministres qui ont le soin de ce tombeau: lequel fut pillé par les Janissaires du Sultan Selim, lors qu'il print le Caire, qui y firent butin de 500000. Seraph, pieces d'or, reuenans à la valeur des pistolets d'Espagne. Belon dit que la chose la plus à estimer au Caire, est le Bag-hestan, vn lieu renfermé, où on vent l'argenterie & orfèvrerie, ouurages de soye, & autres choses pretieuses, auquel lieu il y a ordinairement grande multitude de gens assemblez qui se retrouuent là à de certaines heures pour negotier ensemble, quasi comme au Palais à Paris, ou à la Bourse d'Anuers, ou au change à Lyon, & s'il y a rien de nouveau dans la ville, il le faut aller voir là.

1516.

Grandes richesses en vn tombeau d'une parente de Mahomet.

Lac fort plaisant au Caire.

Riche palais d'une Sultané au Caire.

Selim decore Constantinople de la despotie du Caire.

Non loing du chasteau est vn lac fait de main d'homme, d'une eau qui deriue du Nil: ce lac est enclos de tous costez avecques bastimens de merueilleuse beauté, & si delectable qu'on peut pescher mesmes par les fenestres, & tendre aux oyseaux qui viennent sur ce lac en multitude innombrable. Mais il y en a vn autre fait en forme de triangle, qui le surpasse encores, & est assis sur e dernier quartier de ce nouveau Caire: ce lac est emply (quand le Nil croist) par vn canal fait de pierres, là où les grilles sont de fer, & entrant aussi par cet assez large conduit dedans le fleuve, reçoit quelques petits ruisseaux, sur lesquels se font porter ceux qui se veulent donner du plaisir; aux bords sont des maisons fort superbes, les entrées desquelles son enrichies de galeries continuelles & portiques avecques vne sorte de guay paue de marbre poly. Pres ces maisons approchent leurs petites barques, ceux qui passent le temps sur ce lac, saluans avecques musique de diuers instrumens, la multitude des hommes & des femmes espandue çà & là pour prendre l'air & le fraiz. Al' Orient de ce lac on void vn grand & magnifique Palais, la belle & riche architecture duquel, surpassoit de bien loing tous les autres edifices qui estoient aux enuirs, tant au dehors qu'au dedans, car on tient que les parois estoient tous reuestuës, de porphyres serpentins, iaspes, misques, bresches & autres marbres tres-exquis, les vouës & lambri enrichis, & tous enduits & couverts de force ouurage de stuc & de plate peinture, des plus excellens ouuriers que la Sultane Dutibée, qui auoit fait edifier ce Palais, auoit fait venir de toutes parts; tout le pauement de ce superbe edifice fait de marqueterie à la Mosayque, & les paremens des moindres portes estoient d'alabastré, du plus blanc marbre & de serpentine de pas en pas, & les poteaux mesmes d'icelles, garnis par tout d'iuoir massif & d'ebene, avecques force vignettes entrelassées en de certains tours, qu'elles pouuoient bien, à ce qu'on dit, retenir les yeux à s'en émerveiller, mais non pas à s'en rassasier de les contempler. Le reste de l'ameublement estoit proportionné à la magnificence d'une si riche demeure, & à la grandeur & richesse de celle à qui elle appartenoit. Il n'y auoit pas beaucoup d'années qu'elle estoit edifiée quand Selim prit la ville, si qu'à peine depuis qu'elle fut acheuée, eut-on le temps de considerer sa beauté: car Selim fit emporter tout ce qu'il y auoit de beau & de rare à Constantinople, ayant fait mesmes arracher les incrustations de marbre qui estoient dans les parois. Vis à vis aussi du vieil Caire estoit vne Isle au milieu du fleuve fort delectable pour la beauté des jardins & plaisantes mestairies qui y sont de toutes parts; là se commence la separation des eaux du Nil, estant coupé fort auant par la pointe de cette Isle. En icelle est le temple fort remarquable, pour auoir esté basti en memoire de ce que le saint homme Moysé fut preserué du danger d'estre noyé, par l'affection de la fille de Pharaon: Sur la riuée du fleuve proche du Palais Royal, le Soudan Campson auoit fait bastir vne tour d'un ouurage fort excellent, & surpassante le faiste du chasteau en hauteur, pour tirer de l'eau du Nil, cette eau receue dans vn large & profond bassin sur le coupeau de la tour par roues & engins tournez au trauail de plusieurs iuments qu'on employoit à cet office, estoit enuoyée de là dans vn aque-duc continuel en toute la maison seigneuriale par clefs de fontaines & tuyaux de pierre en diuers canaux, pour la commodité, tant des jardins que des offices. Telle estoit à peu pres de la ville du Caire, que Tho-

1516.

mam-bey entreprenoit de deffendre contre la puissance de Selim.

Le Bassa Ionu-
les enuoyé
au Caire par
Selim.

Selim entré
dan le Caire,
exhor- te les
soldats au
combat.

LEQUEL aduertý de la resolution de l'ennemy, & mesmes que les Mammelus s'estoient assemblez de toutes parts en ce lieu, pour avec leur Sultan employer tous leurs efforts pour la conseruation de cette place, la ruine de laquelle n'importoit pas moins que la perte de tout l'Empire, il fut bien ayse de les voir ainsi renfermez, esperant bien en auoir encores meilleur marché qu'il n'eust peut-estre eu en la campagne, ne les croyant que bons hommes de cheual: il enuoya deuant, l'année de nostre salut mil cinq cens seize, selon ses Annales, & de l'Egire neuf cens vingt-trois, le quatriesme iour du mois Muharen, le Bassa Ionules, pour aller avecques les lamissaires, se saisir des grandes ruës, des places & des lieux forts, afin de preparer la voye au reste de l'armée, qui le deuoit suivre de pres, & faire qu'elle ne courust aucun danger, n'y ayant pas vn d'entr'eux qui ne s'assurast d'un pillage tout certain, & d'une victoire tres-facile à obtenir, veu les pertes qu'auoient desia souffertes les ennemis, le peu de resistance que deuoit faire cette grande villace, & le grand nombre qu'ils estoient entr'eux. Mais comme ils furent entrez vn peu auant dedans la ville, ils trouuerent bien à qui parler. Selim avecques le reste de l'armée estoit entré par la porte Bassucla, ayant auparauant remonstré à ses gens que c'estoit icy le prix de leurs labeurs, que toutes sortes de richesses les attendoient là dedans, qu'il n'estoit point de besoin d'aller à l'assaut, monter sur la bresche & souffrir mille perils, que la valeur mesmes ne scauroit surmonter, (les plus courageux estans ordinairement ceux qui demeurent aux sieges des villes, marchans les premiers pour animer les autres, & cependant estans exposez à tout ce qui leur est ietté du haut des murailles) au contraire en la prise de cette ville si renommée, on ne deuoit rien craindre de pareil, les portes leur estans ouuertes, & l'entrée leur estant permise avecques toute facilité, & les habitas leur estans si fauorables, qu'ils les prioient eux-mesmes d'y venir: que tout ce qu'ils y trouueroient doncques de resistance, ce seroient quelques Mammelus, qui parauenture s'estoient assemblez aux grandes places, mais qui n'auoient pas plustost veu marcher en bel ordre leur armée victorieuse dans leur ville conquise, qu'ils ne commençassent aussi à minuter leur retraite: qu'à tous hazardss'ils rendoient quelque combat, ils scauoient bien que c'estoient les mesmes soldats qu'ils auoient menez battans & à qui ils auoient passé sur le ventre en trois batailles rāgées, en cela encores plus foibles, qu'outre la crainte qu'ils auroient de s'attaquer à leurs maistres, & d'esprouer le tranchāt de leurs cimenterres encore tout teinct de leur propre sang, ils auoient au dernier cōbat perdu tout ce qui estoit entr'eux de plus fort & courageux, ne leur estant resté que de la racaille, qui n'estoit demeurée en vie, que pour la crainte qu'ils auoient eue de la perdre. Mais vous auez tous, disoit-il, assez d'experience pour scauoir combien la peur saisit facilement le cœur de ceux qui se voyent enuironnés de toutes parts par de tres-puissans ennemis, dans vne ville prise, sans auoir esperance d'aucun secours, leur corps estant desia tout plein de playes, s'il y a aucun bon soldat entr'eux, & leurs forces toutes debilitées. La victoire ne dépēd doncques que de vostre valeur, & de la retenue que vous deuez auoir de ne vous esprendre ne s'en là au pillage, mais marcher tousiours en gros, tant que vous ayez surmonté du tout, & mis en fuite vos ennemis, car alors toutes choses vous estans assurées, vous aurez aussi leurs despoilles, sans aucun peril ny danger.

Premier combat
dans le
Caire.

LES soldats qui brusloient apres le pillage, si tost qu'on leur eut donné le signe de donner dedans, ne furent pas paresseux de s'aduan- cer, mais comme ils furent entrez vn peu auant dedans la ville, ils trouuerent bien à qui parler, car les gens de cheual rencontrerent ceux des ennemis, qui dans les destours & les ruës plus estroittes, attendoient les Tures au passage, n'ayans mis nulles deffences en ces lieux-là, & ayans fait les retranchemens plus auant dans la ville. Là doncques commença la premiere furie du combat: car comme les assaillans pensoient que ceux-cy rompus sur les aduenues, tout leur seroit aisé a conquerir, combattoient aussi de toutes leurs forces, au contraire les autres, lesquels encores qu'ils sceussent ce qui estoit derriere, où l'ennemy trouueroit assez de quoy luy resister, toutesfois ils desiroient emporter le dessus de cette premiere pointe, s'assurant de les pouuoir vaincre aisément par apres s'ils pouuoient resister à cette premiere deffence; & quant aux gens de pied qui venoient le long des grandes ruës, ils faisoient marcher deuant eux leur artillerie, laquelle deslanchans où ils voyoient le plus de gens en troupe, ils faisoient vn merueilleux eschec de leurs ennemis. Mais quand ils furent paruenus aux fortifications & retranchemens, & qu'il se fallut battre de main à main, là se fit vn rude & merueilleux combat, les vns s'efforçans de rompre les fortifications qu'ils rencōtroient, & les

les autres de les bien deffendre : car ils n'estoient pas ignorans que la conqæste de cette ville, ne le fust aussi de la Seigneurie, & que l'euenement de ce combat seroit aux vns & aux autres vne deplorable seruitude, s'ils estoient vaincus, comme aux autres honneur, gloire & richesse, si que chacun estoit porté d'une merueilleuse animosité, soit à se bien deffendre, ou à bien assaillir.

1517.

Qui fut incô-
tinent gene-
ral par toute
la ville.

M A I S où il se fist le plus grand meurtre, ce fut aux enuiron des fortifications, car les Turcs en l'ardeur du combat, se iettans de tous les costez où ils voyoient paroistre l'ennemy, se precipitoient sans y penser dans les fosses qu'auoient faites les Egyptiens, s'enferrans dans les pieux qu'ils auoient fichez; ce que ceux-cy scachans se gardoient bien de tomber dans ces pieges, mais ils estoient fort prompts à se ruer sur les Turcs qu'ils y voyoient trebuschez, ce qui les incommodoit encores autant par apres, car la multitude des corps-morts, seruoit d'un bon rempart aux assiegez, & d'un effroyable spectacle aux assiegeans. Lesquels comme s'ils eussent eu lors tous les Elemens à combattre, tandis qu'ils auoient à se deffendre des embusches qui estoient dans la terre, & du tranchât de l'espée ennemie, les Egyptiens qui auoient voulu au commencement faire les froids, & se tenir comme neutres en ce combat, animez par ceux qui tenoient le party des Mammelus, iettoient sur eux des pierres, des tuilles, & tout ce qu'ils pouuoient auoir à la main, sans que les femmes ny les enfans s'espargnassent non plus que les hommes à se deffendre courageusement de toutes parts. Entre lesquels toutesfois il y en auoit, qui voulans faire les fins, balançoient du costé qu'ils voyoient pancher la victoire, afin que celuy qui seroit vainqueur, vist qu'ils auoient tenu son party. Toutesfois les Turcs resistoient à tous ces maux, sans s'esbranler ny reculer vn seul pas : les Janissaires avecques leurs harquebuses faisoient bien rentrer dans leurs logis ceux qui osoient paroistre aux fenestres; mais la multitude des habitans estoit si grande, qu'il y en demouroit bien autant de leur part que de celuy des autres. Cecy ce faisant en vn mesme temps en plusieurs & diuers endroits, plusieurs meslées estans attachées qui deçà qui delà, selon les places où ils s'estoient rencontrez, & bien souuent tel estoit victorieux, qui pensant poursuiure son aduantage, se trouuoit ferré sur la queue, & reduit par apres à la mesme fortune de celuy qu'il tenoit auparauant de si pres, les vns attaquant de front, les autres par les flancs, selon les traueses des chemins qu'ils rencontroient, si bien que les rues ruiselantes de sang & pleines de corps morts, le cliquetis des armes, les pleurs des habitans, les complaints des blesez & les cris des victorieux, selon les accidens, faisoit vn tel tintamarre dans cette pauvre ville, avecques la fumée du canon, & l'espelle poussiere qu'une si grosse masse de peuple faisoit voler par l'air, qu'il y auoit de certaines heures qu'à peine s'entreconnoissoient-ils, toutes choses ensemble faisoient iuger à ceux qui estoient hors du combat, que la terre trembloit, & que tous les edifices de cette populeuse cité crouloient d'estonnement, si bien qu'on peut dire avecques verité qu'il ne s'est point leu de prise de ville, où les assaillans estans desia dans icelle, ayent plus long-temps combattu, avecques plus de perte & d'incertitude, ny où les sostenans ayent plus courageusement resisté cōtre des ennemis si puissans & en si grand nombre; car ces combats durerent en la forme que nous les venons de représenter, trois iours & trois nuëts continuelles, sans que durant les deux premiers iours principalement on peust iuger de l'aduantage des vns, ou des autres, toutesfois les Mammelus qui n'égaloyent pas les Turcs en nombre, se diminuans peu à peu, estoient aussi contraincts de reculer, afin de n'auoir pas tant de pays à deffendre.

Est rage con-
sulsion.

M A I S au troisieme iour se voyans reduits à l'extremité de toutes choses, comme ordinairement le desespoir, par vn effect tout contraire, redonne vne nouvelle esperance par le hazard où on s'expose, qui fait par apres aspirer à de plus grands desseins, leur valeur fit vn si puissant effort, que paroissans aux Turcs comme gens frais & qui n'eussent point encores combattu, qu'ils les contraignirent de reculer fort loing, & mesmes avecques telle espouuente, qu'ils laissèrent de haste quelque fauconneau qu'ils auoient quant & eux. Ce fut lors qu'on dict que Selim desesperant de la victoire, commanda qu'on mist le feu aux maisons à mesure qu'ils reculoient, estant principalement incité à cela, à cause que Ionuses Bassa auoit esté grieuement blezé d'un coup de pierre qu'on luy auoit ietté d'une fenestre à la veüe de Selim: Si bien qu'animé contre les Egyptiens, qu'il voyoit apertement declarer contre luy, il s'en vouloit vanger aux despens de leur ville. C'estoit icy vne nouvelle épouuante aux Egyptiens, qui commencerent à supplier que ce feu ne fust point continué, mais c'estoit parler à des sourds : car les Turcs ne pensans plus qu'à faire la retraite, ne se soucioient pas beaucoup de leurs prieres, ny de leur laisser leur ville

Selim y fait
mettre le feu,
de esperant
de la victoire.

1516.

Les Mammel-
lus prennent
l'espouuante.

Et quittent
la ville aux
Tures.

Braue résistā-
ce de quel-
ques Mam-
melus en vne
Mosquée.

XXXVII.

Selim pour
attraper les
Mammelus,
les assure
par cry public,
sans leur te-
nir parole.

Fidélité de
quelques E-
gyptiens en-
uers les Mam-
melus.

Premier pil-
lage des Turcs
sur les Egy-
ptiens.

entiere : Quand sur ces entrefaites on leur vint dire que les Mammelus auoient pris l'espouuante en vn autre quartier, & qu'ils auoient mis leur dernière esperance en la fuite, estans viuement poursuiuis par Mustapha, & voicy comment. Quelques fugitifs s'estans allez ranger deuers luy, ils luy promirent de luy liurer toutes leurs montures: de sorte que prenant quelque nombre de gens avecques eux, ils le menerent en vne fort grande place où ils auoient arrangé tous leurs cheuaux seellez & bridez, afin que ce leur fust vn lieu de retraite, comme vn nouveau renfort, & pour pouuoir se retirer commodement, si la fortune des armes leur en disoit autrement qu'ils ne desiroient: mais Mustapha en ayant ayfement faussé les gardes, qui n'estoient la pluspart que palfreniers & muletiers, comme estans là en vn canton fort éloigné du combat, & duquel on ne se pouuoit pas deffier, principalement entre estrangers qui ne sçauoient pas les estres de la ville, il emmena toute cette caualerie quant & luy. Ce, qu'estant rapporté aux Mammelus, au lieu de poursuiure leur pointe, & chasser leurs ennemis, comme ils auoient commencé, & que le moindre effort qu'ils eussent fait alors leur eust donné tout aduantage, ils se relascherent du tout, entrans en des apprehensions de ce qu'ils deuiendroient dans cette ville conquise, puis que l'esperance de leur retraite leur estoit ostée, se voyans enuironnez de toutes parts; si bien qu'au lieu de se resoudre par cette extremité à se deffendre dauantage, tandis qu'ils auoient encores les armes à la main, ils cōmencerent à tourner le dos: mais les Tures ne laisserent pas perdre leur aduantage, comme les autres auoient fait: car ils les poursuiurent de si près, qu'ils en taillerent en pieces vne bonne partie, le reste s'estant ietté sur des vaisseaux qui estoient là en assez bon nombre sur la riue du fleuve, se sauua en la region Scietique, ce ne fut pas toutesfois sans que la meilleure partie d'entr'eux se noyast en cette foule & confusion. Le Sultan Thomam-bey se sauua aussi avecques les autres en cette contrée, le reste se cacha dans les maisons des Egyptiens, aux lieux les plus infects, pour se sauuer de la furie du vainqueur. Mais entre tous, enuiron quinze cens cheualiers des plus valeureux, & qui vouloient combattre iusques au dernier soupir, se retirerent en vne Mosquée la plus grande qui fust en toute la ville, là où apres s'estre fort longuement deffendus, comme s'ils eussent esté dans quelque forteresse, ne se voulans rendre qu'avecques honneste composition, à la fin estans forcez de soif & de lassitude, mais plustost encores par l'artillerie, se rendirent à la discretion du victorieux, qui en fit massacrer la plus grande partie au sortir du Temple, le reste il le fit à quelques iours de là emmener sur des vaisseaux en Alexandrie.

La victoire estant dès mes-huy assurée pour les Tures, Selim enuoya deux compagnies de gens de pied pour esteindre le feu, qui commençoit à s'espandre de tous costez, & outre ce des trompettes par toute la ville & aux enuirs, pour publier vn edict portant que tous les Mammelus qui se rendroient dans douze heures, on ne leur feroit aucun déplaisir: que s'ils laissoient passer ce temps-là, il n'y auroit aucune esperance de salut pour eux, outre qu'on donneroit de grandes recompenses aux Egyptiens qui decouueroient ceux qui se seroient cachez; comme au contraire ceux qui les cacheroient, seroient incontinent empalez, leurs femmes & enfans vendus comme esclaves, & leurs maisons mises en cendre. Au bruit de laquelle publication, comme plusieurs Mammelus se fussent presentez, ils furent contre la foy promise incontinent mis à la chaise, & puis apres tres-cruellement massacrez en prison, parce qu'on disoit qu'ils auoient resolu de s'enfuir. Or comme il y auoit plusieurs Egyptiens, qui sous vn esprit traistre & malin cachoient leur auarice & meschanceté, il y en auoit aussi qui aymerent-mieux s'exposer à toutes sortes de périls que de trahir leurs amis, mais ceux-cy estans accusez de leurs voisins, (tant il fait dangereux se fier à qui que ce soit en ces changemens d'estat) furent rigoureusement chastiez par les Tures. Lesquels sous ce pretexte de chercher les Mammelus, alloient aussi butinans par toutes les maisons des Egyptiens, prenans sans mesure & chargeans sur leurs espaules cette grande richesse que tant de labeurs si échars & si épargnans auoient amassée, & qui estoit lors abandonnée à qui en pouuoit auoir, pour estre incontinent apres aussi prodigalement & luxurieusement dépensée, comme elle auoit esté acquise avecques beaucoup de peine, & conseruée encores avec plus grande crainte, ayans des Seigneurs si auares comme estoient les Mammelus, & neantmoins perdre en vn seul iour toutes ces choses, avecques l'honneur & la liberté, cela fut bien dur à supporter aux Egyptiens, qui s'attendoient à vn bien plus doux & favorable traitement. Mais ce qui les fâcha le plus, furent les violemens & les cruautéz dont les Tures vserent enuers plusieurs d'entr'eux: de sorte que cela leur fit encores regretter leurs anciens maistres

maistres qui estoient desia tous regorgez & ceux-cy tous affamez, cela fut cause qu'ils donnerent plusieurs aduis au Sultan Thomam-bey, comme nous dirons cy-apres.

VOY LA comment cette Ville demeura pour lors sous la puissance de Selim, mais si n'en estoit-il pas encores bien paisible: car Thomam-bey s'estant retiré, comme nous auons dit, en cette region Seiectique, qui tire vers la Cyrenaique, outre le Nil, assembloit des forces de toutes parts, & luy estant venu d'Alexandrie vn assez bon nombre de Mammelus, sans ceux qui l'auoient suiuy durant sa fuite, il luy vint aussi grand nombre d'Arabes & de Maures, qui tous s'offrirent à le secourir de tout leur pouuoir: si bien qu'il auoit d'oresnauant vne assez puissante armée pour tenter le hazard du combat, ioint que les plus signalez habitans du Caire, qui auoient souffert plusieurs indignitez des Turcs, luy auoient enuoyé secretement quelques-vns pour l'aduertir qu'ils estoient tous prests de faire pour l'amour de luy quelque braue entreprise & se reuolter, s'il vouloit approcher du Caire, où il trouueroit tous les habitans disposez à luy faire seruice. Toutes ces choses auoient fort encouragé Thomam-bey à soutenir encores les efforts, & tenter le hazard du combat, avecques cela que de luy-mesme son courage inuincible luy renouuelloit tousiours l'esperance de voir quelque changement aux affaires des Turcs, qui leur auoient iusques alors succédé si heureusement. Toutesfois comme il se remit à penser que c'estoit là sa derniere ressource, & que si le bon-heur accompagnoit encores ses ennemis, il ne falloit plus esperer aucun secours ny aucun asyle pour luy, rentrant dans les premieres pensées qu'il auoit eues au commencement de la guerre, de traicter d'accord avecques Selim, il pensa qu'il le pourroit faire avecques plus d'auantage, quand il auroit encores des forces assez puissantes en main pour se pouuoir deffendre, que d'attendre qu'il fust réduit à l'extremité. Il enuoya doncques, disent les Annales, vn Ambassadeur qui exerçoit la mesme dignité entre les Mammelus, que le Cadilescher entre les Turcs, avecques vne façon & vn habit de suppliant, lequel non seulement avec prieres, mais encores avecques larmes, implorast pardon pour son Seigneur, suppliant Selim de ne le point traicter en toute rigueur, luy qui n'auoit point entamé cette guerre, & ne s'estoit mis que sur la deffensue, sans passer plus outre à aucun outrage contre les siens, que ceux qu'on peut faire à son ennemy les armes à la main, qu'encores qu'il eust vne armée assez puissante pour tenter la fortune d'vne troisieme bataille, toutesfois qu'il aymoit mieux se soumettre à sa clemence, & luy demander la paix avecques quelque honorable condition, que de l'agrir encore dauantage contre luy par son opiniaistreté. Cette Ambassade ayant esté non seulement bien receüe, mais encores escoutée de bonne oreille, Selim leur respondit qu'il pardonneroit fort volontiers à Thomam-bey, & vouloit bien oublier toutes choses, pour faire voir aux Mammelus qu'il scauoit aussi bien pardonner aux vaincus qui s'humilioient, que vaincre & tailler en pieces ceux qui auoient l'audace de resister à son pouuoir. Et pour dauantage confirmer que telle estoit son intention, il enuoya en Ambassade deuers luy quelques Prestres de leur Loy, avecques les plus signalez personages des Egyptiens, pour luy faire entendre sa volonté, & les conditions de la paix. A laquelle Selim se rendoit si facile, craignant que cette guerre tirast en longueur, & qu'il luy fallust encores aller poursuiure les Mammelus par des lieux deserts & à luy inconnus, où les siens eussent encores beaucoup à souffrir, ioint qu'encores qu'il eust vaincu, si voyoit-il bien que ses victoires estoient cherement achetées aux despens du sang des meilleurs des siens, dont le nombre estoit fort diminué. Ioint qu'il scauoit qu'vne bonne partie des Mammelus qui s'estoit sauuée en diuerses contrées, peu apres leur déroute, alloit ramassant ce qu'elle pouuoit de forces de toutes parts. Il auoit aussi eu aduis qu'il y auoit vne armée de mer qui s'en estoit allée sur le golphe Arabe, iusques aux destroits Erythreens, en laquelle il y auoit trois mille Mammelus, qui estoient commandez par Amyrases & Raysalomon, tres-renommez Capitaines, & qui amenoient quant & eux eux grande quantité d'artillerie.

OUTRE cela Selim craignoit que l'Imrehor Bassa, qu'il auoit enuoyé deffendre la frontiere vers le mont Taurus, ne fust pas assez puissant pour resister à Ismael Sophy de Perse, s'il vouloit faire quelque effort sur ses terres, & que s'il aduenoit que cette armée fust vaincue, cela luy fermast le pas de la Surie & de l'Asie mineure, deuant que son armée de mer qu'il faisoit venir de Constantinople, fust arriuée en Alexandrie pour remplir son armée de nouueaux soldats, & se rafraischir de toutes sortes de munitions. Toutes ces considerations auoient fait entendre Selim à cet Ambassadeur, lesquels si tost qu'ils eurent mis le pied dans la Prouince Seiectique, furent assailinez par les Mammelus, sans

1517.

Thomam-bey assemble nouvelles forces.

Enuoye vn Ambassadeur à Selim.

Qui luy en renuoye.

Ambassadeurs de Selim assailinez par les Mammelus.

1517.

le sceu toutesfois de Thomam-bey, comme il n'y auoit pas grande apparence. Toutes-
 fois, selon que le recite Paul Ioue, ce ne fut pas Thomam-bey qui enuoya deuers Se-
 lim, mais il dit qu'un certain Egyptien nommé Albuchomar, qui surpassoit tous ceux de
 la contrée Seiectique en richesses & autorité, pour destourner la calamité de la guerre
 qu'il voyoit proche d'arriuer en sa Prouince, partit de son mouuement propre pour al-
 ler aduertir le Monarque Othoman des desseins des Mammelus, & des grands prepara-
 tifs de guerre qu'ils faisoient de toutes parts. Ce que sçachant, & craignant qu'ils le
 prissent au dépourueu, il se tint plus soigneusement sur ses gardes qu'il n'auoit fait,
 renforçant ses corps-de-garde sur toutes les aduentées du Caire, faisant charger sur des
 vaisseaux plusieurs pieces d'artillerie pour garder & deffendre le riuage du Nil: & afin
 de se tenir plus seurement sur ses gardes, il se saisit de tous les habitans du Caire, desquels il
 se doutoit le plus, qu'il mit tous prisonniers au chasteau, & quelà dessus il enuoya des
 Ambassadeurs vers Thomam-bey, pour le persuader à mettre les armes bas, ce que ie ne
 me puis persuader: car par toutes les raisons du monde, il estoit bien plus à propos que
 cette recherche vint de la part de Thomam-bey, comme disent les Annales Turques-
 ques: toutesfois j'ay rapporté fidelement ce que j'ay trouué de l'une & de l'autre opi-
 nion; mais en quelque façon que les choses se soient passées de ce costé là, il est certain
 que Selim enuoya des Ambassadeurs à Thomam-bey, soit deuant ou apres, & qu'on
 les massacra, sans auoir fait leur legation. Dequoy Selim grandement irrité, comme vne
 offence si notable le meritoit, & la grandeur du courage à qui on s'adressoit, jura de
 s'en vanger: & de fait il fit à l'instant estrangler tous les Mammelus qu'il tenoit captifs,
 puis ayant mis son armée en ordre, il fit faire un pont sur le Nil pour la faire passer.
 Le Sultan Thomam-bey estant aduertty de tout cecy, tant par ses espions que par les
 citoyens du Caire, & connoissant l'inconstance de la nation où il s'estoit retiré, qui le
 trahiroient plustost à son ennemy que de s'efforcer à le deffendre, il se resolut de ve-
 nir à un dernier combat, & à preuenir par diligence son ennemy, qui ne penseroit ja-
 mais que luy desia battu tant de fois, eust encores l'assurance de le venir attaquer ius-
 ques chez luy, encores qu'il n'eust pas toutes ses forces prestes à marcher: toutesfois
 prenant ce qu'il auoit pour lors, à sçauoir quatre mille Mammelus, & environ deux
 fois autant, tant d'Arabes que de Maures, ne pouuant plus long-temps demeurer en
 suspens, & s'enfuir ainsi touliours errant dans les deserts, il assembla les siens en conseil,
 qui fut le dernier des Mammelus, & leur dist:

Thomam-
 bey se resout
 de venir à un
 dernier com-
 bat.

Dernier con-
 seil des Mam-
 melus.

XXXVIII.

IL vous peut assez souuenir qu'à mon aduenement à la Couronne, & lors que nous jouyssions
 encores paisiblement de l'Egypte & de la Iudée, ie voulus enuoyer vers Selim pour tirer de luy
 quelque honneste composition, & tascher de conseruer parmy ce grand debris ce qui nous restoit
 encores, en attendans que le temps peust restaurer & raffermir nostre Estat chancelans. Alors nos
 forces estoient encores en leur entier, alors nous n'auions perdu que quelques Prouinces, qu'un
 réueil de nostre estourdissement nous pouuons peut-estre aussi aisément rendre nostres, que nostre
 ennemy se les estoit appropriées, un peu de soumission au vainqueur nous apportoit tous ces biens.
 Mais vous vous rendistes si contraires à mon opinion, & si entiers à la resolution que vous pristes
 d'employer toutes vos forces pour repousser l'ennemy, appellans lascheté ce qui estoit prudence &
 preuoyance: & courage & vaillance, ce qui estoit presumption & temerité, que ie fus contrainct
 de flechir à vos aduis, fort à regret toutesfois: car quand nous n'eussions fait que des pour-
 parlers, la guerre traissant en longueur, eust apporté beaucoup de changemens aux affaires, &
 eust fait dissiper cette grande armée, qui ne pouuoit pas long-temps demeurer sus-pied. Cela ne
 m'a pas toutesfois empesché que ie n'aye apporté de mon costé tout ce qui se pouuoit desirer en un
 Chef de guerre, & n'ay espargné ny ma peine, ny mon industrie, ny ma propre vie. Aux au-
 tres combats nous prenions nos excuses, tantost sur l'artillerie, tantost sur la trahison, mais à ce-
 luy du Caire, n'auons-nous pas esté vaincus à viue force? Nos ennemis auoient à combattre ce
 qui les assailloit par en bas, & à se garder de ce qui leur tomboit d'en haut: nous leur auons dressé
 des pieges ne plus ne moins qu'à quelques bestes sauvages, pour les surprendre au passage: &
 bien que le Caire ne soit clos ny fortifié, toutesfois les retranchemens, les barricades & au-
 tres deffences que nous y auons faites aux principaux endroits, avecques les forces que nous
 auons dedans, & le secours des habitans, rendoit bien cette place aussi forte qu'autre qui
 fust au monde, & neantmoins il a fallu ceder à cette armée fatale pour nostre ruine, qui nous
 a bien peu donner l'espouuante chez nous: mais à qui les peines ny les incommoditez de
 toutes choses, en une ville ennemie, ny la mort mesme, ne l'ont sceu donner, ny faire recu-
 ler. C'estoit ce qui m'auoit fait enuoyer des Ambassadeurs vers leur Empereur, pour ne
 m'opiniastres

m'opiniastrer par trop à vouloir presser nos destinées , & voir sous mon regne la miserable fin de l'Egypte , mais comme j'auois heureusement disposé toutes choses , des estourdis , ou plustost enragez , contre le droit des gens , & contre ma volonsé , ont esté massacrer leurs Ambassadeurs , ce qui estoit du tout indigne de faire , quand mesmes nous eussions esté au comble de toute prosperité , & eux reduits en une extreme misere . Car que pouuions-nous mieux desirer , que de voir les deputez de nos mortels ennemis nous rechercher de paix , ayants un si grand aduantage , mais au contraire que deuons nous attendre d'eux les ayans maintenant irritez de telle sorte ? nous nous pouuons assurer que toute esperance de paix nous est ostée , & qu'il nous faut vaincre les armes en la main , ou perir par le glaive ennemy , & ce qui restera de nous , finir ses iours en une deplorable seruitude . C'est ce qui m'a fait vous assembler , afin de nous resoudre à ce que nous auons à faire , car puis que le dé est ietté , & que toutes nos disentes , & nos longueurs ne nous scauroient estre d'oresnauant guerres utiles , puis que nostre ennemy est logé dans nostre propre maison , d'où il peut tirer toutes sortes de commoditez , & nous au contraire , de chetifs vagabonds , qui n'auons en partage que les mesaises & la necessité . Je serois d'aduis que nostre hardiesse fist à l'endroit de luy , ce qu'un grand nombre ne pourroit peut-estre pas executer , & que tandis qu'ils iouyssent à souhait de nos richesses , & qu'ils voguent en cette nouuelle conquête , dans une mer de voluptez , que nous les al lions surprendre , lors qu'ils s'y attendent le moins : car ils ne croiront iamais que nous ayons l'assurance , (battus & deffaits comme nous sommes) de les aller assaillir de nouueau dans une ville où ils ont eu tant d'aduantage ; & qu'un si petit nombre que le nostre aille attaquer une telle multitude . Plusieurs raisons m'y incitent , à scauoir la pluspart des habitans qui sont pour nous , la meilleure partie de leurs soldats qui sont blesez , & le reste qui pensent un peu se raffreschir , qui prendront d'oresnauant les armes fort ennuy , scachans bien qu'il n'y a que des coups à gagner avecques nous , & que leur victoire vient plustost de leur multitude , ayans tousiours des gens prests pour raffreschir ceux qui sont harassés ; que par vraye vaillance . Le peu d'ordre qu'ils auront mis à leur deffence , quand nous les irons attaquer contre leur esperance . Ioint les hazards de la guerre , où il faut si peu pour y apporter un notable changement , tesmoin nous-mesmes dernièrement au Caire , à qui la prise de nos cheuaux fut cause de la perte de la ville , de poursuuians nous mettans en fuite , & faisant perdre un si bel aduantage que nous auons sur nostre ennemy . Marchons doncques maintenant contre eux avecques du courage & de la diligence , effaçans à cette fois la honte qu'il nous ont desia tant de fois imprimée sur le front : les affaires les plus desesperées se releuent ordinairement par des hardieses inespérées , le Ciel fauorisant tousiours un grand courage qui combat avecques la iustice , & pour la deffence du sien ; mais il ne faut rien laisser au logis que nous iugions propre , pour auoir la raison de nos ennemis .

Tous ayans esté de cét aduis , il partit sur la diane , tirant pays avecques la plus grande diligence qui luy fut possible , car sur ces entrefaictes il auoit esté aduertty par ses espions , & par les citoyens du Caire , qu'on dresloit vn pont sur le Nil pour faire passer l'armée des Tures . Et de fait Selim auoit fait publier le voyage contre les Mammelus , & comme il auoit le cœur grand , il ne vouloit pas passer son armée sur des radeaux , mais ayant fait assembler plusieurs vaisseaux , il fit vn pont assez ferme & solide pour y passer l'artillerie . Cela dis-ie , fit encore diligenter d'auantage l'armée Thomam-bey ; voulant preuenir par sa promptitude le bruit de son arriuée : & de fait il ne fut point trompé en son opinion ; car les Tures n'attendans rien de tel , passoient le pont qui estoit sur le Nil assez mal en ordre , ceux de l'Asie auoient desia passé , comme s'estoit bien douté le Sultan du Caire , estans au camp qu'on appelle Rhodouia , quand les auant-coureurs des Tures ayans decouuert de loing vne grande nuée de poussiere , donnerent le signal à l'armée que l'ennemy approchoit ; toutesfois on dit que ce furent les mulletiers & ceux de la chābre de Selim qui les decouurirent les premiers , comme ils alloient chercher quelque place agreable pour planter leurs tentes & le pauillon de leur Seigneur , & en donnerent aduis à Mustapha qui auoit la charge de l'auant-garde . Alors l'alarme se sonne de toutes parts , le Bré , Bré redoublé plusieurs fois tesmoignoît assez qu'il y auoit de l'épouuente : comme de fait Thomam-bey estant suruenu là dessus avecques sa troupe , tailla en pieces tout ce qui se presenta deuant luy , & qui osa attendre l'impetuosité de cette premiere furie . Car tandis que les Tures se rangent sous leurs enseignes , il fait quitter la place aux vns & met en fuite les autres : si bien que Mustapha , quelque hardy & courageux qu'il fust , se trouua assez empesché à rallier ses gens , remplir leurs rangs & leur donner courage , tous ne

Les Tures font vn pont sur le Nil.

Sont surpris par les Mammelus qui ont du commandement vn grand aduantage.

Grande épouuente en leur camp.

1516.

Selim par la
présence ar-
rache la vi-
sioire des
mains des
Mammelus.

desirans que quelque assurée retraite ou vn bon secours contre l'impetuosité de l'ennemy, tout estant plein de confusion, de tremblement & d'effroy, les vns passans par le fil de l'espée, les autres foulez aux pieds des cheuaux, & la plus grande part precipitée dans le fleuve, comme ils taschoient de se sauuer: & quant à ceux qui venoient à leur secours, ils ne trouuoient pas de moindres empeschemens, car les Mammelus estoient à l'entrée du pont, lequel tenant de largeur quatre caualiers de front, empeschoient aysément les Turcs de passer outre, estans raffraichis à tous momens. Mais c'estoit bien pis quand on voulut passer l'artillerie, car cela ne se pouuant faire qu'avecques grande escorte & grand secours, ils n'osoient l'exposer à l'aduenture, les soldats ayans assez d'affaires à se sauuer eux-mesmes, si que l'affaire s'en alloit reduire en de fort piteux termes pour les Turcs, si Selim ayant esté aduertey de tout ce desordre, ne fust arriué en diligence pour y remedier, & voyant tous ses gens en desordre, & le piteux carnage que les Mammelus en auoient fait sur le riuage du fleuve, qui estoit tout bordé de corps morts, il commença à s'écrier.

Q V O Y , ces chetifs esclaves nous viendront-ils brauer iusques en nostre camp ? sera-il dit qu'apres tant de victoires nous denions tourner le dos & faire present à nostre ennemy de la couronne triomphale que nous auons acquise sur luy au prix de tant de sang du plus precieux d'entre les nostres ? où fuyez-vous, disoit-il aux siens ; ceux-cy que vous voyez deuant vous, sont aux dernieres conuulsions, ils font vn effort mais qui leur costera la vie, si vous auez tant soit peu de courage pour soutenir cette premiere fougue. Ne voyez-vous pas qu'ils ne combattent que de desespoir, & toutesfois apres auoir courageusement resisté, combattu & vaincu leurs impetuosités, lors qu'ils estoient encores en la fleur de leurs prosperitez, & qu'ils auoient l'estime de tout ce qui estoit le plus valeureux & le plus entendu au mestier de la guerre, maintenant qu'ils ont fuy tant de fois deuant vous, & qu'ils n'ont plus que de la lie & de la racaille en leurs armées, vous prenez l'espouuente, & redoutez ceux qui vous faisoient fuir, ont eux-mesmes plus de peur que vous. Mais prenez telle espouuente que vous voudrez, si ne trouuerez-vous aucune assurance en quelque part que vous puissiez aller. Car de là le fleuve l'ennemy vous fera sentir par le tranchant du glaive, l'acquest que vous auez eu de quitter vos enseignes, & si vous pensez vous retirer vers le logis, vous esprouuerez à vostre dommage que vous n'en auez pas meilleur marché : car s'y ay donné tel ordre, que sans aucune exception de personne, on doit tailler en pieces tout ce qui vandra repasser le fleuve deuant la victoire obtenue. Et là dessus pour empescher les Mammelus de passer plus outre, il fait charger sur de petits barchots & bariquelles plusieurs Ianissaires harquebusiers pour passer le fleuve, ayants des nauonniers fort experimentez, qui en diligence les passoient au delà, puis en venoient requerir d'autres : si qu'ils en eurent en peu de temps mis vn fort bon nombre sur le riuage qui rassemblerent vn peu les Asiaticques, qui comme abeilles, s'estoient espandus par la campagne, & les rappellerent à l'aissain : il commanda aussi à la caualerie de se diligenter de passer sur le pont. Mais Can-ogli, fils du Roy des Tartares, qui estoit venu au secours de Selim, voyant la difficulté qu'il y auoit en ce passage, & ne desirant pas arriuer des derniers au combat, ayant encouragé les siens à passer le Nil à nage, il paruint sur l'autre riuage du costé de l'ennemy, avecques bien peu de perte des siens, non sans la merueille & l'estonnement de ceux qui les contemploient, mais cela ne leur eust pas semblé si estrange, s'ils eussent sceu qu'eux & leurs cheuaux sont accoustumés de longue-main à passer les fleuves de Tanais & de Voloja, bien plus impetueux que le Nil.

Ordre qu'il
donna pour
arrester l'en-
nemy.

Grande har-
dicie d'vn
Prince Tar-
tare.

Desseins de
Thomā-bey.

Mustapha s'y
oppose cou-
rageusement.

THOMAM-BEY d'autre costé qui se voyoit à ce commencement vn si bel aduantage, poursuiuoit sa pointe avecques tout l'effort qui luy estoit possible, n'espargnant ny peine ny danger pour faciliter la victoire aux siens, desquels ayant assemblé vn bon nombre des plus courageux, il s'efforçoit de faucher la caualerie des Turcs, & de penetrer iusques à la teste du pont, afin de lacher la premiere barque, & coupant les cordages qui tenoient les autres batteaux liez à cette-cy, demembrer par ce moyen tout ce pont, qui abysineroit en ce faisant tous ceux qui estoient dessus. Ce fut en cet endroit où commença le plus signalé combat : car si Thomam-bey faisoit tous ses efforts de paruenir au dessus de son entreprise, Mustapha ne dormoit pas, qui voyant bien le but où tendoit l'ennemy, & de quelle importance luy estoit la rupture de ce pont, auoit rangé ses enseignes, & les plus vaillans hommes des siens en ce lieu : sachant bien que si les Mammelus s'en rendoient les maistres, leurs victoires precedentes s'en iroient en fumée, eux hors d'esperance de salut, le reste de leur armée & leur Seigneur mesme en tres-grand danger.

danger. Il commença doncques à s'écrier ; çà soldats , cecy touche à nous autres gens de pied , doncques par tout où vous me verrez donner à trauers , & faire bresche avec le tranchant de l'espée , que chacun en la mesme sorte s'efforce de mettre son homme par terre , bien-tost se verra vne belle explanade de tous ces caualiers. Au demeurant le combat tesmoigna assez de quelle hardiessè ils y procederent , car ils s'y maintinrent de sorte , que par vne espace de temps , de costé ny d'autre la bataille ne branla nulle part ; Mais les Ianissaires que Mustapha auoit rangez fort à propos , donnerent tant d'affaires aux Mammelus avecques leur scopeterie , que leurs cheuaux ne pouuans plus demeurer en place , ils furent contraints de reculer. Ce fut ce Mustapha , dit Paul Ioue , qui estoit gendre de Bajazer , & le quel du butin qu'il gagna en cette bataille , fit bastir vn pont sur la riuiere de Strymon , d'vne magnificence si superbe & si somptueuse , qu'il sembloit l'auoir voulu faire par emulation de la grandeur Romaine. Mais pour reuenir à Thomam-bey , voulant donner quelque relasche à ses Mammelus , voyant eux & leurs cheuaux tout recrues de lassitude , il exhorta les Maures & les Arabes , de soustenir le combat pour quelque temps : ce qu'ils firent avecques tant de valeur , que les Turcs ne s'aperceuoient comme point de l'absence des autres , lesquels s'estans vn peu rafraischis renouellerent le combat avecques plus de violence qu'auparauant , & desia auoit-on combatu bonne piece avecques vn fort grand meurtre tout à l'entour des enseignes Turques , quand Selim qui voyoit tout l'estat de ce combat , se defiant de la victoire , & voyant que ses gens commençoient desia à branler , contre l'aduis des siens qui le supplioient de ne s'exposer point à vn tel danger , passa le pont , & avecques les plus vaillans de ses Ianissaires , vint paroistre à la teste des combatans , lesquels voyans leur Seigneur participer luy-mesme à la peine & au peril , reprinrent nouveau courage , & comme si leurs forces fussent renouuellées par sa presence , ils commencerent non seulement à se deffendre , mais à rembarrer leurs ennemis : car il est bien certain que sans la presence de Selim , tout s'en alloit à vau-de-route , luy seul ayant esté la cause de la victoire , qui deuoit terminer tous leurs differens , & adiuger la Seigneurie de l'Egypte pour le prix du victorieux. Mais ce qui fit le plus à l'aduantage des Turcs , ce furent les nouuelles bandes que Selim auoit amenées quant & luy : car comme c'estoit l'élite de tous ses gens de guerre , encore auoient-ils cet aduantage sur leurs ennemis , qu'ils estoient tous frais & reposez , & les autres las & harasséz.

TOUTESFOIS encore qu'on fist d'eux vn grand massacre , on ne voyoit point de fuite nulle part , tant ils estoient resolués en leurs cœurs de se laisser vaincre par la seule mort , iusqu'à ce qu'en fin les Turcs (tous bouillans d'vne ire enflammée de les voir si long-temps resister contre eux , en la presence mesmes de leur Souuerain) firent vn tele effort sur eux mesmes , que les autres se sentans desormais ecouler leurs forces de grande lassitude , commencerent à branler : alors parurent-ils premierement marcher en arriere , & l'affaire balancer à la fuite. Ce que voyât Selim , il deuescha la caualerie qui n'auoit point encore passé le pont , & qui estoit toute fraische & reposee pour aller apres ; car il n'y auoit eu de gens de cheual que les Tartares qui eussent combatu , leur cōmandant sur tout de se saisir s'ils pouuoient , du Sultan ; mais ils ne le peurent rattindre iusques au lendemain , qu'ils le rencontrerent sur le canal d'vn fort profond palu , rompant le pont de bois qui y estoit , pour arrester encore là ses ennemis. Cette rencontre ne se fit point sans se bien chamailler , de sorte qu'ayant perdu la meilleure partie de ses gens , il se sauua au troisieme iour en vne place du Seigneur de Secussa ; de quoy les Turcs estans aduertis , firent publier par tous les enuiron , que sur griefues peines nul eust à retirer le Sultan Thomam-bey , & là dessus mirent des gardes par toutes les issuës des palus , qui sont par les villages de cette contrée , si que le pauvre Prince tout saisi de peur , & ne sçachant plus où se retirer , se cacha dans vn marais iusques à la poitrine , où il fut descouuert , dit Paul Ioue , par les paisans. Mais Tubero dit que ce fut Abdias , le souuerain Pontife des Mahometans qui le trahist , & le liura entre les mains de ses ennemis , qui le menerent incontinent à Selim au Caire , avecques quelques Capitaines de ses principaux amis qu'on auoit pris quant & luy. Lequel paruenu pour cette fois au comble de ses desirs , animé qu'il estoit contre luy , pour auoir fait mourir ses Ambassadeurs , ne le voulut point voir , ayant resolu de le faire mourir , ains le fit liurer entre les mains de ceux qui bailloient la torture , afin de luy faire confesser où il auoit caché les thresors de Campson ; laquelle on dit qu'il souffrit avecques vn visage asséuré sans dire iamais vn seul mot au plus fort de ses tourmens , iettant seulement quelques souspirs. Mais cette patience n'auoit garde de l'addoucir , au contraire , il commanda le

1517.

Superbe pōt
basti sur la
riuiere de
Strymon par
Mustapha.

Les Arabes
prennent sur
eux le faix du
combat , pour
laisser prédre
haleine aux
Mammelus.

Selim à la te-
ste de son ar-
mée cause du
gain de la vi-
ctoire.

Les Mamme-
lus prennent
la fuite.

Pitoyable re-
traicte du Sul-
tan du Caire.

Pris & amené
à Selim.

On luy bailla
la torture.

1517.

Sa mort
tragique &
ignominieu-
se.

lendemain qu'on le vestist d'une meschante robbe déchirée, & qu'estant monté sur un chameau les mains liées derrière le dos, on le menast par les rues & les places plus celebres du Caire, tant pour luy faire souffrir plus grande ignominie, que pour se vanger de ce qu'on avoit mené en triomphe au Caire, un des Bassats de son pere, comme vous avez peu voir en la vie de Bajazet, les Annales disent trois iours durant, & qu'au troisieme il fut estranglé du mesme cordeau duquel il estoit lié, & attaché à une des portes au milieu de la ville, que Paul Ioue appelle Bassucla, & les Annales Bab-seueille, l'an de nostre salut mil cinq cens dix-sept, & desans de l'Egire neuf cens vingt-trois, le dix-septieme du mois Rebiul-cuel, à sçavoir le mois d'Auril, ou selon Ioue, le treizieme dudit mois, qu'il dit avoir esté un Lundy, le lendemain qu'on solemnise la Resurrection de nostre Seigneur: & Sansouin l'unzieme.

Son Eloge, &
considerati-
on sur la misera-
ble fin.

TUBERO dit qu'il y en a quelques-uns qui assurent que Selim l'avoit veu, & qu'il avoit promis de luy sauver la vie; mais l'imprudence d'un peuple, qui ne peut celer ses passions, qu'il decouvre ordinairement aussi mal à propos comme il change d'affection sans raison, fut cause de sa ruine. Car il couroit sourdement un bruit dans le Caire qu'il falloit rendre l'Empire à Thomam-bey, si tost que les Turcs seroient hors d'Egypte: & bien que Selim y eust peu donner ordre sans venir à la mort, car il n'avoit qu'à l'emmener quant & luy, toutesfois, la grande des fiance, & pour crainte qu'il avoit mesme que ses nouveaux sujets, sous ce pretexte, entreprissent quelque chose contre sa personne, il le fit mourir, & afin de rendre encores sa memoire plus ignominieuse, il fit attacher le corps à un crochet de fer à cette porte que nous venons de nommer, ce qui a fait peut-estre dire à Tubero qu'il avoit esté crucifié. Personnage au demeurant qui apres avoir passé par toutes les dignitez de l'Estat des Mamelus, lesquelles il avoit exercées sans reproche, estoit finalement parvenu à celle du Sultan, avecques un fort grand applaudissement de tout le peuple, & une grande esperance qu'il remettroit l'Empire en son ancienne splendeur. Son visage venerable, sa barbe longue, sa taille & sa façon majestueuse, ne promettoient aussi rien de petit: & de fait il fit assez paroistre son experience & la magnanimité de son courage en tant de combats qu'il eut contre les Turcs, où il ne luy manquoit que du bon-heur. Mais las! qu'il est malaisé de combattre le Ciel, la fatale disposition de la divine Prouidence ne pouvant estre reformée ny diuertie par aucun conseil tant prudent qu'il puisse estre, ny par remede quelque industrieux qu'il soit; car la seule faute qu'il a faite, n'a esté que de s'estre trop precipité en cette dernière bataille de Rhodamia: mais quoy? on se precipite bien souvent au milieu du destin, lors qu'on le pense euter, la cainte du mal futur en iettant ordinairement plusieurs en de tres-grands dangers. Si bien que ce pauvre Prince qui avoit passé le reste de sa vie en honneur, lors qu'il pensoit estre arrivé au sommet de la gloire, se void arrivé au cõble d'une extreme misere; celuy qui estoit, il n'y avoit que quelques iours, environné d'or & de pourpre, qui portoit en sa teste le diademe, & en son col les chaines d'or & de pierres precieuses, se void la teste nue exposé à la risée du plus vil de la populace, & de ses ennemis, & un cordeau miserable qui l'estrangla, luy faisant finir tragiquement ses iours par les mains d'un bourreau. Ne sera-ce doncques pas avecques grande raison, si nous disons avecques Iob que, *Nos iours ne sont qu'un ombre sur la terre*, & que tout ainsi que l'ombre marche toujours, & est en perpetuel mouvement, sans qu'elle puisse estre empeschée, ny par les montages ny par autre chose que ce soit; ainsi la vie presente roule en un perpetuel changement, nos iours estans comme des flots dont l'un pousse l'autre, un mois un autre mois; & un an un autre an? Bref ce n'est que mouvement & changement perpetuel. Nostre vie, disoit un ancien Philosophie, est un exemple d'imbecillité, la despoüille du temps, le ioiet de la fortune, & l'image de l'inconstance.

Iob. 9.

XXXIX.

Plainte des
habitans du
Caire.

Tous les Egyptiens qui estoient lors au Caire, demurerent comme transis à une si cruelle execution, & se tintrent coys, sans mot dire, plus de crainte que par modestie: tout ainsi que si desia chacun d'entr'eux se fust senty la corde au col. Mais apres estre reueus de leur estonnement, qui les avoit une espace de temps comme hebetés, & presque esvanoüis en silence: soudain que le miserable Prince eut rendu les derniers aboys, alors d'une libre complainte ils s'éclatterent à haute voix, sans pardonner à aucune sorte de gemissemens, mais ils avoient bien à pleürer autant sur eux que sur autrui. Car Selim ayant reconnu qu'ils vouloient du bien aux Mamelus, & qu'ils avoient donné des aduis au Sultan Thomam-bey, il fit faire une recherche (incontinent apres cette dernière bataille selon les Annales) par toutes les maisons du Caire, où on trouva bien mille Mamelus de cachez, outre six mille autres, qui furent pris par les Turcs, comme ils

Qui sont pil-
lez par les
Turcs, trois
iours durant.

venoient

venoient au secours de leur Sultan, lesquels on mit à la chaisne par le commandement de Selim, qui donna le pillage trois iours durans aux siens, des habitans du Caire, durant lesquels on n'espargna ny sexe, ny aage, ny qualité, où on n'exerceast toute sorte de cruauté, de luxure, de degasts, de pillages & de violemens, rien ne pouuant arrester la fureur auaricieuse du soldat victorieux, qu'il ne se dispensast à commettre toutes sortes de crimes que la guerre permet à la prise des villes. Le quatriesme iour on cessa toutes ces violences, & ces pillages, la paix estant donnée à la ville. Ce fut lors aussi que Selim apres tant de victoires, comme il estoit Prince fort cupide de gloire, & qui se vouloit acquerir de la reputation en toutes choses, se voulut seoir sur le thrône de Iusuph ou Ioseph, fils du Patriarche Iacob, autresfois Lieutenant general de Pharaon en Egypte, lequel les Egyptiens disoient auoir esté conserué depuis tant de siecles, & toutesfois en incspris. Mais comme il auoit restably les anciennes Mosquées à Tauris, aussi voulut-il remettre ce thrône en sa pristine splendeur, pour laisser par tout des marques de sa pieté. Haniualdan veut aussi que ce fut en ce temps là que Gazelli, qu'il appelle Zambud Meliemor, ou Beglierbey, se vint rendre à Selim, encores que Paul Ioue die que ce fut incontinent apres la premiere bataille de Matharée, & mesmes qu'il mena quant & luy trois Capitaines Arabes, & bon nombre de gens de cheual: qu'il rendit aussi plusieurs bons seruices à Selim contre son seigneur, & qu'il ayda à le prendre. Tubero, qui l'appelle Tamberdin, passe plus auant, & dit qu'il estoit mortel ennemy de Thomam-bey, à cause qu'il auoit esté esleu Sultan, s'estimant seul digne de cette charge: mais la suite de cette histoire vous a peu faire voir qu'il estoit plus fidele que cela à son pays, & qu'il ne s'est rendu qu'à l'extremité. Tant y-a que s'estant ietté aux pieds de Selim, l'estant venu trouuer sous son sauconduct, comme le Monarque Turc estoit assez informé de la suffisance, de la capacité du personnage, & de la creance qu'il auoit, non seulement parmy les siens, mais encore parmy les Arabes, lesquels il desiroit se rendre siens plustost par amitié que par force, il luy fit fort bon visage, avecques promesses de toutes sortes d'aduancemens, s'il rendoit quelque preuues, & perseueroit en sa fidelité, il sera encore parlé de luy cy-apres, & principalement en la vie de Solymân.

DE cette façon la grande ville du Caire estant venuë en la puissance de Selim, apres la mort du Sultan des Mammelus, il se fit apporter tous les thresors qu'on y auoit trouuez, desquels il y auoit vne merueilleuse quantité: il se fit aussi rendre compte des reuenus des autres villes & des Prouinces de l'Egypte, avecques les Daces & impôts qui auoient accoustumé d'estre leuez, lesquels il commanda estre redigez par escrit, & qu'on en tint vn registre à part; donnant ordre à ce qu'on deuoit leuer à l'aduenir, & ce qui deuoit venir bon à son fîsq. Chose estrange que tant de Prouinces, de peuples & de villes se soient si tost reduites. Je mets à part le iuste iugement de DIEU, mais s'il faut parler de cecy politiquement, on peut dire que si les Mammelus eussent eu des places fortes par leurs Prouinces, qu'ils n'en fussent iamais venus à ces termes. Car outre ce qu'elles eussent esté vn moyen d'arrester leurs ennemis, encore les peuples eussent-ils eu crainte de se rendre, mais ils se reuolterent facilement quand il n'y auoit plus d'armée en campagne, de laquelle ils estoient infiniment oppressez, d'autant qu'ils estoient contrains de la desfrayer à leurs despens, là où dans les places fortes, outre ce qu'il n'y faut pas tant de gens, encores les soldats n'en sont-ils pas si insolens que ceux qui tiennent la campagne, mais de cecy quelquesfois plus à propos.

OR comme durant cette guerre Selim auoit perdu grand nombre de soldats, & que son armée estoit d'oresnauant si foible & si petite que rien plus, qu'il voyoit d'ailleurs qu'il estoit necessaire, lors qu'il partiroit de l'Egypte d'y laisser vne bonne & forte garnison, ces nouueaux sujets n'estans point encor accoustumez au ioug Turquesque, il enuoya des couriers à Pyrrus Bassa, qu'il auoit laissé son Vice-Roy en Constantinople, pour gouverner toutes choses en son absence, & à son fils Solymân, leur mandant qu'en la plus grande diligence qu'il leur seroit possible, ils equipassent vne armée de mer de trois cens vaisseaux, sur lesquels ils missent le plus de soldats qu'ils pourroient, & qu'aussi-tost elle prit la volte d'Alexandrie, en ayant extremement affaire pour remplir les legions: voicy le contenu de la lettre qu'il escriuit à Pyrrus:

1517.

Thrône de Ioseph au Caire remis en honneur par Selim.

Zambud ou Gazelli se rend à Selim.


Qui se fait apporter tous les thresors, tant du Caire que des autres villes.

Fait tenir registre des droits & reuenus des Prouinces.

Son armée estant fort diminuée, il fait venir du secours de Constantinople.

1516.

Lettre de Selim à Pyrrus Bassa.

Lettre de
Selim à Pyr-
rus Bassa.

*I le bon-heur nous a iusques icy accompagnez, sçache que ce n'a esté sans y respan-
dre beaucoup de sang : nostre Empire est accreu, mais nos legions sont diminuées :
& comme ie desire de conseruer ce que i'ay acquis, haste toy d'amasser des gens de
guerre de toutes parts, & de me fréter iusques à trois cens vaisseaux, sur lesquels
tu me les enuoyeras en Alexandrie : le retardement en cecy m'est si preiudiciable,
que s'il y va de ta fante, il y ira aussi de ta vie, fais donc en sorte que ta diligen-
ce me soit vne preuve de ta fidelité.*

Au Prince son fils il mandoit.

Et à Solyman
son fils.

*Escry à Pyrrus Bassa qu'il m'assemble des soldats de toutes parts pour me les en-
uoyer par mer en Alexandrie. I'entens, que comme tu as plus de viuacité que luy,
à cause de ta iennesse, que tu ayes aussi plus de soin & de uigilance pour m'enuoyer
du secours : les excuses ne desfaillent point aux mauuaises volontez, comme les
bonnes n'en reconnoissent point, auxquels les effets de leur deuoir ne sont iamais
impossibles, assure toy aussi que ie n'en prendray aucune en payement, & que si fan-
te de secours il m'arriue du desastre, soy & Pyrrus en porterez la folle-enchere, & sentirez sur vos
testes ce que pent le bras d'un Souuerain iustement irrité.*

On fait vne
leuée sur les
exempts d'al-
ler à la guer-
re.

Ces lettres si menaçantes firent que ces deux-cy, Solyman & Pyrrus, n'eurent re-
pos ny nuict ny iour qu'ils n'eussent executé ce qu'on leur commandoit, enuoyans par
toutes les Prouinces de la domination des Turcs, à ce que ceux du Timar, qui auoient
esté iusqu'alors exempts de cette guerre, les Isphahils & ceux qui auoient quelque char-
ge militaire, eussent à se tenir prests pour s'embarquer incontinent sur mer, & s'achemi-
ner en Egypte : on mit aussi avecques eux les Azapes, que les Turcs appellent Zelebes, ou
les Nobles, avecques forces pionniers & Castadors, pour applanir les chemins, faire des
tranchées, fortifier le camp, & autres semblables coruées, qu'ils appellent entr'eux Zer-
rehores & Zarehores : ils fréterent aussi les nauires de tout ce qui fut de besoin pour la
prouision d'une si grande multitude d'hommes. Toute cette armée estant préparée de
toutes ses necessitez & toute preste à leuer l'anchre, outre les autres gens de guerre, ou
y embarqua deux mille Ianissaires qu'on tira de Constantinople, le tout marchant sous la
conduite du Sanjac Alatzechisar ou Ischender beg fils de Michaloge, & Machmutbeg,
ausquels on commanda expressement de tirer droit en Egypte, en la plus grande diligence
qu'ils pourroient,

Trois cens
vaisseaux
chargez de
soldats & de
munitions, en-
uoyez en Alex-
andrie.Qui se rend
aux Turcs.

Et Damiette

Les Arabes se
rendent vo-
lontairement
à Selim.Et les autres
nations voi-
sines.Flotte des
Egyptiens.

TANDIS que ces choses se passoient à Constantinople, ceux d'Alexandrie d'Egypte,
apres la bataille du Caire, voyans que tout flechissoit sous les armes des Turcs, comme
le Sultan Thomam-bey eust fait venir la meilleure partie de la garnison qui estoit dans la
ville, se faisans sages aux despens de leur Metropolitaine, & ne voulans point attendre
la miere d'un siege, mais preuenir la violence du victorieux par quelque acte d'un signa-
lé seruice, chasserent le reste de la garnison, & ayans trouué moyen de gagner le Capitaine
de la tour du Phar, comme ils se virent maistres de cette place, ils s'allerent incontinent
rendre aux Turcs : tout cela s'estant fait en si peu de temps apres la prise du Caire, que
Selim eut le moyen d'y enuoyer ses prisonniers. Damiette suiuit l'exemple d'Alexandrie.
Outre cecy Selim taschoit par des personnes interposées de gagner le cœur des Arabes,
si que plusieurs Capitaines d'entr'eux l'estans venu trouuer sous son sauf conduit au Cai-
re, il leur fit de si grandes liberalitez, que ceux-cy en gagnerent d'autres, qui venoient de
jour en iour luy prestre le serment de fidelité, & quant à ceux qui voulurent faire les
mauuais, ils furent pris par leurs compagnons propres, & amenez à Selim qui les sceut
bien chastier de leur opiniastrété. Les Nations voisines aussi qui tirent vers l'Ethiopie, &
qui reconnoissoient plustost les Sultans du Caire que leur Seigneurie, vinrent se ran-
ger volontairement sous l'obeyssance de Selim : mais il restoit encore à gagner Suezza
sur la mer rouge, iadis Arsinoé, éloignée du Caire de trois iournées : là estoit vne armée
de mer & un nauigage que Campson auoit dressé sur le port nommé Torium, ayant esté
quatre ans à dresser cette flotte, d'autant qu'il falloit à grands frais faire venir les mate-
riaux du mont Aman & de la Cilicie sur le golphe Issé, & de là portez à Damiette, puis
contre-mont le Nil iusques au Caire, où il n'y auoit point faute d'ouuiers ny de bons nau-
tonniers, qui y auoient esté enuoyez expres par les Venitiens, qui desiroient aussi bien que
les Egyptiens, empescher la nauigation des Portugais, qui tenoient tout le golphe Arabique,
& destournoient

& destournoient tous les marchands des Indes en Espagne, faisans par ce moyen grand tort aux peages & tributs qui se souloient payer au Caire, & le mesme à Venise.

1516.

OR comme nous auons dit cy-dessus, Campson auoit mis sur cette flotte vn bon nombre de Mammelus, & quantité d'artillerie, & pour chefs qui deuoient commander à l'armée Amyrases & Ray-salomon, en intention d'aller attaquer les Portugais: mais ils se soucierent si peu de tout cet equipage, que pour les brauer dauantage, ils vinrent nager dans le golphe Arabique, sous la charge de Lopes Suares, sans que jamais l'Egyptien les osast attaquer, faisant semblant de calfeutrer leurs vaisseaux à Gilda port de la Mecque, comme aussi les Portugais ne firent rien de memorable, les autres ayans esté repoussez par vn vent de Sirie dans les mers de l'Ethiopie, où ayans rauagé quelques villes de l'Arabie heureuse, ils vinrent assieger Adam, jadis Empor-doeelli, proche du Promontoire Palindromum, d'où ils ramenerent leurs gens en l'Isle de Cameron, & de là à Gidda, auquel lieu ils furent aduertis de la mort de Campson, & mesmes que les Turcs estoient au Caire, ce qui les diuisa incontinent entr'eux, car Ray-salomon inclinoit du costé des Turcs, Amyrases vouloit garder fidelité à son Prince: mais le premier ayant attiré la meilleure partie des soldats de son party, l'autre s'enfuit à la Mecque, où Ray-salomon l'enuoya redemander, protestant autement de tous actes d'hostilité. Les Mecquois qui redoutoient que certuy-cy ne fist quelque chose de mal à propos, se saisirent d'Amyrases, & le liurerent entre les mains de son ennemy, lequel pour n'auoir plus de competitor, & pouuoir disposer de l'armée à sa volonté, le fit ietter de nuit dans la mer.

Dressée contre les Portugais.

Qui la mesme.

Les chefs de l'armée Egyptienne sont en dissension.

Amyrases pris & ietté dans l'eau par son compagnon.

Ray-salomon se rend à Selim.

LVY cependant ayant fait toucher la paye pour deux mois à ses soldats, & les ayant fait prester le serment au nom de Selim, il amena l'armée à Suessia, qu'il consigna entre les mains des Turcs, & s'en alla trouuer Selim, esperant bien vne bonne & ample recompense pour vn tel secours, comme de fait il leur venoit fort à propos, aussi en receut-il toute sorte de bon visage & de traitement, avecques esperance de quelque chose de grand pour l'aduenir. Quant à cette flotte de Turcs qui estoit à Seussia, elle rasa toutes les costes des plus hautes Prouinces, où tous les Princes & Seigneurs tributaires ou amis des Sultans d'Egypte, se rendirent volontairement: si qu'à cette fois toute cette grande & ample seigneurie vint sous la domination de Selim: lequel aduertty que son armée de mer qu'on luy enuoyoit de Constantinople auoit pris terre en Alexandrie, il s'y fit incontinent transporter sur vne galere conduite par Curtolo Holycurias, vn des plus renommez corsaires de ce temps-là, où il arriua le premier iour de Iuillet de l'an mil cinq cens dix-sept: là ayant fait faire la monstre à ses soldats, & visité toutes les munitiōs qu'on luy enuoyoit par cette flotte, il reçut le serment de fidelité des Alexandrins selon la coustume. Puis ayant fait mettre à terre tout ce qui estoit sur les vaisseaux, il les chargea des despoüilles des Egyptiens, tant de celles des Sultans que des particuliers, & d'vn grand nombre de machines belliques, & en fin de toutes sortes de richesses (comme il y a grande apparence qu'il y en auoit vne merueilleuse quantité, veu la longue paix, & la multitude des richesses dont auoit iouy ce grand Empire) iusques à arracher les marbres & porphyres des parois, y en ayant au Caire de tres-excellens, & renuoya ses vaisseaux chargez à Constantinople: sur lesquels il fit mettre encores cinq cens familles d'Egyptiens des plus renommez en richesses & en noblesse de race, les forçans de quitter leur patrie, pour s'aller habiter en sa ville Imperiale: & sur des nauires de loüage on y mit vne grande multitude de femmes & d'enfans de la race des Mammelus. Quant aux peres qui restoient en vie, pour le moins ceux qui vinrent pour lors à la connoissance du vainqueur, & qu'il auoit enuoyez prisonniers en Alexandrie, si tost qu'il fut arriué en cette ville là, il les fit tous massacrer iulques à vn, à la porte de la prison, sappant ainsi par le pied, & arrachant toutes les racines de diuision, autant qu'il luy estoit possible, car la domination des Mammelus n'estoit point transférée en vne seule famille, mais en toutes, si bien que le moindre d'eux pouuoit estre Sultan: voyla pourquoy pour estre paisible dominateur de cet Empire, il falloit en exterminer la race, autrement qui en eust laissé quelques-vns, ils eussent tousiours fait des menées dans l'estat. Ayant doncques mis cet ordre en Alexandrie, il s'en retourna avecques sa nouuelle armée au Caire, où le vinrent incontinent trouuer, non seulement les deputez des villes, mais encores les Princes & Roys qui auoient accoustumé de payer tribus aux Sultans & les reconnoistre par presens, chacun le venant trouuer & luy rendre honneur & serment de fidelité. Entre plusieurs Roytelets des Arabes, celuy qui commandoit pour lors à la Mecque (ville tenue pour tres-sainte entre les Musulmans) estoit le plus renommé: certuy-cy est tousiours, comme on dit, issu de la famille du faux Prophete Mahomet, & l'appellent le Seriph,

Qui va recevoir son armée, qui luy estoit arriuée de Constantinople.

Et recharge les vaisseaux des despoüilles d'Egypte.

Il enuoye cinq cens des familles plus renommées à Constantinople.

Et les femmes & enfans des Mammelus.

Le seigneur de la Mecque vient reconnoistre Selim.

1518.

Qui le reçoit,
& luy fait des
presens & aux
siens.

Robbe du
Prophete,
qu'est-ce.

lequel accompagné de tous les plus grands de la contrée, & avec vn apparat Royal, vint avecques les siens baiser la main à Selim, luy offrant de riches & pretieux dons. Il fut receu de Selim avecques beaucoup d'honneur & de respect, lequel à son tour fit des presens non seulement au Roy, mais aussi à tous les grands qui estoient aupres de luy, de robes de tres-grand prix & encores d'une grande somme de deniers, & d'autant que c'estoit vne ancienne coustume desia par plusieurs siecles, que le Prince de l'Egypte enuoyast tous les ans à la Mecque, en la maison qu'ils disent estre d'Abraham, vne sorte de couuerture de soye, qui deuoit couvrir toute cette petite maison, laquelle ils appellent la robe du Prophete, Selim qui estoit lors Seigneur d'Egypte, & le successeur des autres qui auoient mis cecy en pratique, ne voulant pas paroistre moins religieux, ny auoir moins de pieté que ses deuanciers, avec ce qu'il estoit naturellement liberal, il donna charge qu'on en fit vne de soye, qu'il enuoya apres en cette maison, que les Mahometans appellent Kiaben Alla en leur langue, c'est à dire maison de Dieu.

XL.

1518.

Selim fait les
departemens
de l'Egypte.

Jalousie de
Cait beg co-
tre Ionuses
Bassa.

Qu'il calom-
nie enuers
Selim.

Selim aug-
mente la paye
aux soldats,
en considera-
tion de leurs
travaux.

Pape & des-
pence de Io-
nuses, vne
des causes de
sa ruine.

Ayant ainsi donné ordre à tout ce qui dépendoit des anciennes coustumes, comme ce qu'il desiroit, il diuisa toute l'Egypte selon la façon des Turcs par plusieurs Sanjacats, par dessus lesquels il establî Ionuses Bassa pour Beglierbey: & luy cependant s'achemina vers Gaza. Or auoit-il laissé au Caire avec Ionuses, Cait-beg, celui duquel nous auons parlé cy-dessus, qui estoit gouuerneur d'Alep, & qui auoit quitté & trahy le Sultan Campson. Cettuy-cy s'estoit tousiours monstré depuis fort affectionné au seruice de Selim, luy ayant rendu des preuues de son affection en toutes les occasions qui s'estoient présentées durant cette guerre: estant doncques marry de voir quelqu'un élevé par dessus luy en ce pays, comme il auoit desia faucé sa foy à son Seigneur, il pouuoit bien faire le semblable à son compagnon: si bien que faisant du bon valet, il escriuit sous-main à Selim, que comme son tres-fidele seruiteur, il l'aduertissoit que Ionuses estoit merueilleusement loué, tant par les Egyptiens que par les Ethiopiens, & qu'aux acclamations publiques on luy disoit, *Alla sensur Sultan donuz*, c'est à dire, *Tout bon-heur & faueur diuine au Sultan Ionuses*: ce qu'on n'auoit accoustumé de dire seulement qu'aux Seigneurs souverains, dequoy la fidelité qu'il auoit vouée à son seruice, l'obligeoit de l'aduertir. A quoy disent les Annales, il adiousta plusieurs crimes, qui pourroient bien estre ceux dont parle Paul Ioue, l'un à sçauoir, de n'auoir pas enuoyé les Egyptiens que Selim auoit commandé qu'ils allassent à Constantinople, comme se deffiant d'eux, & luy à force d'argent qu'ils luy donnerent, les retint au Caire. L'autre c'est que le Monarque Othoman auoit laissé bon nombre de gens de guerre pour la deffence de la Prouince, & entr'autres deux mille Ianissaires & autant de Ispahilars, lesquels en consideration de leurs travaux, & de ce qu'ils auoient encor à passer leur vie en pays estrange, en vne Prouince nouvellement conquise, & de qui la fidelité mal asseurée rendoit leur milice plus perilleuse, demandoient, auant le partement du Seigneur, que leur paye fust augmentée, ce que Selim leur ayant liberalement accordé, il en auoit donné la charge à Ionuses. Lequel; à ce que dit cet Auteur, (qui veut que Cait-beg eut la charge du gouuernement, & Ionuses seulement égard sur ce qui se passoit, dequoy estant extremement mal content, il taschoit par tous moyens de ruiner son competeur) ne s'en estant point soucié, & ayant prolongé ce payement; donnant à entendre aux soldats, qui auoient grande creance en luy, que toute la faute venoit de Cait-beg: la sedition en vint en tels termes, que Cait-beg fut contraint, pour sauuer sa vie; de s'en remettre à ce qu'en diroit l'Empereur, où ils se trouuerent tous, pour dire de part & d'autre, chacun ses excuses: Cait-beg commença à raconter l'histoire, ce qui irrita tellement Selim, qu'il n'eut pas la patience d'ouyr Ionuses en ses iustifications, mais luy fit sur le champ trancher la teste. Quant à moy ie trouue plus d'apparence à la narration qu'en fait Verantian, qui veut qu'aussi-tost que Selim eut receu les lettres que luy escriuoit Cait-beg, comme il estoit extremement jaloux de sa couronne, & qu'il y auoit sujet de crainte, que si cettuy-cy auoit quelque mauuais dessein parmy des nations si volages & si inconstantes, quand il seroit vn peu éloigné, il pourroit tellement gagner le cœur des peuples: comme il estoit homme de grande despence, & qui marchoit ordinairement à la Royale, ayant tousiours vne fort grande suite, tant de ceux de son train, que de ceux qui le cherchoient par honneur, ou qui luy faisoient la cour: craignant à bon escient qu'il ne remuast quelque chose, il luy enuoya vn messenger expres, luy mandant qu'il eust incontinent à le venir trouuer, & qu'en son absence il commist Cait-beg en l'exercice de sa charge. Ionuses fit ce qui luy estoit commandé (car la pluspart de tous ces crimes estoient supposez par la meschanceté de Cait-beg)

beg) & s'en vint deuers son souuerain, qu'il trouua encores dans les deserts, lequel ayant abordé, desirant se iustifier, comme il y a grande apparence qu'il vouloit faire, l'Empereur entra en si grande colere, comme il estoit fort prompt, qu'il commanda qu'on le iettast à bas de son cheual, & au Solach Bassa, qui luy tranchast la teste. Ainsi mourut ce grand personnage apres de si grands & signalez seruices qu'il auoit faits à son maistre, tant en Hongrie qu'en cette guerre d'Egypte. Car ie ne puis estre de l'aduis de Tubero, qui veut que ce Ionuses soit celuy qui empoisonna Sultan Bajazer, d'autant que cettuy-là estoit des premiers Bassas & desia d'aage, & cettuy-cy auoit esté sous Selim Sanjac de la Bosnie, puis Beglierbey de l'Europe, comme vous avez veu par la suite de cette histoire: homme qui outre son experience en l'art militaire, auoit vne infinité de belles parties qui le rendoient fort recommandable, obligeant vn chacun par quelque bien-fait; si qu'il n'y auoit si petit soldat qui ne l'affectionnast: ce qui me fait croire que ce fut là vne des principales causes de sa mort: l'esprit soupconneux de Selim ne pouuant supporter vn homme de grande & signalée vertu, auquel il portoit enuie. Cait-beg eut doncques ce qu'il auoit tant desiré, à sçauoir le gouuernement d'Egypte, beau à la verité entre tous ceux de l'Empire du Turc, tant pour sa fertilité, que pour estre fort peuplé, en laquelle, selon Pomponius Mela, il y auoit du temps d'Amasis Roy d'Egypte, vint mille villes: & SURIUS dit qu'il y a des Auteurs modernes qui assurent qu'on y peut encores compter dix-huit mille belles villes, lesquelles ont esté basties en icelle: & toutesfois cette populeuse Prouince vint en fort peu de temps, cōme vous avez veu, sous la domination des Turcs.

1518.

Selim luy fait trancher la teste.

L'esprit soupconneux de Selim ne pouoit supporter vn homme d'une signalée vertu.

OR tandis que ces choses se passaient ainsi en Egypte, Mahomet-beg, l'Imrehor Bassa qu'on auoit enuoyé sur les frontieres de la Surie, comme il a esté dit cy-dessus, manda selon l'Auteur sus-allegué, que les Perses, qui tout dulong de l'hyuer auoient fait vn si grand bruit de guerre, s'estoient du tout refroidis, de sorte qu'il n'y auoit plus que quelques bandoliers espandus deçà & delà, qui s'assembloient quelquesfois en gros, mais qui auoient esté battus plusieurs fois. Que par ses espions, & par les prisonniers qu'on auoit pris, il auoit decouvert qu'Ismaël auoit esté contraint d'assembler toutes les forces de son Royaume pour marcher contre les Scythes & Hircaniens, & d'autant que les neiges commençoient, selon l'ordinaire, à descendre du mont Taurus, qu'il n'y auoit nulle apparence qu'on deust voir les Perses en la Surie de toute cette année là. Il adioust que le bruit couroit aussi que Selim auoit suscité les Tartares, avecques lesquels il auoit alliance, comme il a esté dit, de partir de leurs demeures qu'ils auoient entre le Tanais & Volga, pour faire la guerre aux Hiberiens & Albaniens, de l'obeyssance du Sophy, afin qu'estant empesché à deffendre son propre heritage, il laissast là celuy d'autrui. Et la raison qu'il donne pourquoy le Sophy auoit ainsi laissé ses alliez au besoin, pouuant avecques beaucoup de facilité ruiner les Turcs, veu la resistance de Thomam-bey, il dit que ceux de Perse, bien qu'ils soient fort bons hommes de guerre, ne sont propres qu'à garder leur pays, car se gouuernans à peu pres comme nous faisons icy le ban & arriere-ban, ils ne veulent point marcher hors la frontiere, à cause qu'estans fort pompeux & superbes en leur equipage de guerre, ils ne veulent point marcher sans solde, & les thresors d'Ismaël estoient espuisez, tant par les continuelles guerres qu'il auoit eues depuis son aduenement à la couronne, que pour auoir remis la pluspart des tributs que les peuples souloient payer aux Roys de Perse: ce qu'il auoit fait pour gagner les cœurs d'vn chacun. Mais cette derniere consideration ne le peut pas auoir beaucoup empesché, car il n'y auoit pas si long voyage à faire de la Mesopotamie, qui estoit lors sous la puissance du Sophy, aux pays des Aladuliens & en la Surie, qu'ils ne fussent bien venus iusques là pour vne affaire de telle importance: aussi l'Histoire Turque tient que cecy s'est passé tout d'une autre façon, & voicy comment.

1517. & 18.

Selim suscite les Tartares contre les Perses.

ISMAEL Sophy aduertit plustost des victoires de Selim que de ses entreprises, & voyant qu'il s'en alloit rendre le maistre de toute cette grande Seigneurie des Sultans du Caire, pour trauerser le cours de ses prosperitez, apprehendant d'auoir vn si puissant & si entreprenant ennemy pour voisin, il assembla ses forces de toutes parts, mesmes du Royaume de Bagadet, ou des Assyriens, & ayant fait venir tous les plus grands de son Royaume, il leur proposa la belle occasion qui se presentoit d'auoir leur raison des torts & iniures que les Turcs leur auoient cy-deuant faites, que tandis que Selim estoit au delà des deserts de l'Arabie, empesché à la conqueste de l'Egypte, ils pourroient sans grande resistance, conquerir les terres qu'ils auoient de deçà, & mesmes leur oster la Surie, laquelle auoit

Guerre cōtre les Perses, sous la conduite de l'Imrehor Bassa.

Ismael persuade les gens de venir attaquer les Turcs.

1517.
& 18.

bien peu de gens pour desfence : car tout ce qu'ils auoient à combattre, c'estoit l'Intehor Bassa qui gardoit le pas des montagnes, cettuy-là mis en route, la Surie leur tendroit les bras de toutes parts. Qu'ils n'eussent sceu faire entreprise plus louable, desfendans leurs amis, ny plus vtile, ioignans vne si belle piece à leur domination, ny qui tournast à plus grande gloire au nom Persien, ayans sceu prendre si à propos la vangeance de leurs ennemis, conquestans vne telle Prouince sur eux, empeschans le progres de leurs entreprises, & mesmes les tenans acculez de toutes parts, s'ils sçauoient donner ordre à leurs affaires, leur fermans si bien les passages qu'ils auroient assez d'affaire à se retirer à sauueté. Que si à l'vtilité publique il falloit ioindre la particuliere, en quelle contrée de la terre pouuoient-ils aller, où les richesses & l'abondance de toutes commoditez fussent plus à leur commandement ? qu'il ne leur restoit doncques que d'auoir vn peu de courage & à tenir teste avecques vn peu de patience à l'ennemy : car les Turcs ne se rebutoient pas du premier coup ; mais s'ils vouloient pour vn peu de temps quitter leurs femmes & leurs familles, qu'ils s'en retourneroient incontinent apres à la maison riches de toutes sortes de butin. Cela les ayant encouragez, & ayans tous approuué le dire de leur Seigneur, ils vinrent avecques vne puissante armée sur les confins de la Prouince de Dierbech ou Mesopotamie.

L'Intehor
Bassa s'arme
contre les
desseins des
Perses.

L'IMREHOR Bassa cependant, estant aduertie des preparatifs que les Perses faisoient contre luy, se prepara aussi de bonne heure à les receuoir : il mit en son camp deux mille Janissaires, & autant d'arquebusiers, qui estoit sa principale force. Il fit aussi venir des soldats de toutes parts des contrées Orientales, qui estoient amies ou subiectes des Othomans : entr'autres Achmet-beg Sanjac de Keman ou Camach, duquel a esté parlé cy-dessus : si bien qu'il assembla iusques à cinquante mille hommes. Estans doncques preparez ainsi de part & d'autre, les Perses poursuiuant leur chemin, Sinan-beg qui conduisoit l'auant-garde de l'armée des Turcs, voyant les Perses tous prests d'entrer sur leur domination, se met en effort de les empeschier : mais comme cela ne se pouuoit pas faire sans remuer les mains, on vint aux escarmouches, desquelles les Perses eurent tousiours l'auantage : si bien qu'ils contraignirent les Turcs de reculer, non sans vn notable peril & danger, car il s'en fallut bien peu que leur armée mise en route par la confusion qu'y apportèrent les fuyans, ne fust toute taillée en pieces par les Perses : mais Mahomet voyant ce desordre, alla incontinent au secours, disant aux siens. Voila que c'est d'vne vaine temerité ; mais il n'est pas à propos de se courroucer, cela se fera en quelque occasion plus à propos, allons seulement arracher la victoire à l'ennemy, & à nos compagnons vne confusion de leur faute. Son arriuee empescha les Perses & les fuyans tout ensemble de passer outre, & d'autant que la nuit approchoit, on sonna la retraite. L'Intehor Bassa ayant fort repis en particulier l'imprudence & la temerité du Sanjac, de s'estre tellement aduancé contre l'ennemy, estant le plus foible, que par sa seule faute il eust presque esté cause de ruiner les affaires des Turcs : il fait appeler les siens à l'audience, où il leur remonstra qu'ils ne deuoient pas perdre courage pour cette estrette, que cela estoit venu plustost de mauuais aduis que de lascheté, que tant s'en faut que cela leur eust apporté quelque dommage, qu'au contraire ce leur estoit vn aduertissement pour se tenir mieux sur leurs gardes à l'aduenir, & qu'ils s'assurassent que cela seroit plus preiudiciable à l'ennemy, lequel pour quelque aduantage qu'il pensoit auoir eu en de petites escarmouches, seroit peut-estre en mespris d'eux : de sorte que ne se tenans point sur leurs gardes, ils dormiroient la grosse matinée, n'ayans aucune crainte de leurs ennemis, comme c'est l'ordinaire en la guerre de faire grand cas au commencement de ces legeres prosperitez. Qu'ils eussent doncques bon courage, sans s'estonner, car s'ils vouloient suivre son conseil, il s'assureiroit qu'ils auroient aisément la raison de leurs ennemis : pour ce faire il estoit resolu de les aller surprendre la nuit, lors qu'ils s'attendroient le moins à cette camisade, où il ne doutoit nullement qu'ils n'eussent toutes sortes d'aduantage, si eux desia aduertis & ayans expérimenté le danger, releuoient leur courage, estans mesmes aydez de ses forces, auxquelles encore estoit suruenu plusieurs compagnies de gens de guerre, que quelques Seigneurs des parties Orientales auoient amenées, & lesquelles n'auoient point esté au combat du iour precedent.

Mahomet-
beg rassure
les courages
des siens.

Il va surpren-
dre de nuit
ses ennemis.

Tous d'vn vnanime consentement ayans approuué le dire de leur general, il voulut que les deux mille Janissaires qu'il auoit avecques luy, & le reste de ses harquebusiers marchassent à la teste, tant pource qu'ils estoient les meilleurs hommes qu'il eust, qu'à cause de la sorte d'armes dont ils se seruoient, & qui n'estoit point en vsage aux Perses,

commandant

commandant au reste de son armée de le suiure, afin que l'ennemy surpris par cette multitude, ne sceust de quel costé se deffendre; les ayans doncques licentiez, il leur commanda de s'en aller repaître & reposer, afin qu'au premier son de la trompette ils fussent prests à marcher. Ce qu'ayans fait au plus coy silence de la nuict, ils arriuerent quelques heures deuant la pointé du iour, au camp des Perses, qu'ils trouuerent couchez contre terre, épandus deçà & delà parmy la plaine, sans estre autrement campez, croyans l'ennemy assez empesché à s'enfuir. Et pour tousiours les épouuanter dauantage, l'Imrehor Bassa voulut qu'à l'abord les trompettes, nacaires & autres instrumens militaires sonnassent tous ensemble auecques effroy, & qu'ils fussent secondez par les cris & huées des soldats, qui au mesme temps s'estans iettez de toutes parts sur leurs ennemis, en firent vn merueilleux eschec; car ceux-cy n'estans point preparez, se trouuans à leur réueil assaillis en tant d'endroits, ne sçauoient à qui se rendre, estans pourceus de si près, qu'ils se trouuoient foulez aux pieds: car les Turcs ne leur donnans aucun relasche, en auoient desfié vn fort grand nombre: si bien que le reste dispersé deçà & delà, ils pensoient seulement à se sauuer, car tout ce que le benefice de la fuite ne pouuoit garantir, demouroit à la mercy du glauiue. Comme doncques le iour commença à paroistre, & qu'il ne se presentoit plus personne qui fist teste aux Turcs, le soldat se ietta sur le pillage, despoüillant les corps des occis, & faisant vn grand butin d'armes, de cheuaux, & de toutes sortes de richesses: les Perses, comme nous auons dit, n'allans iamais à la guerre que fort pompeusement accommodez. Outre les autres soldats Perses qui furent tuez en grand nombre en cette deffaite, il y demeura dix-sept Seigneurs de marque, entre lesquels Charanbeg, Sanjac & Gouverneur de la Prouince de Dierbech, Mizres-beg son pere, Virasses-beg son frere, vn autre Seigneur de qualité qu'ils appelloient Corcinases-beg, Hasan-beg Gouverneur de Kesen, Café, ou Kiofé, car on dit tous ces noms, sise en la Prouince d'Assirie ou de Bagadet, & à deux iournées de cette ville là, anciennement Babylone, où on dit qu'Alis Caliphe, gendre du faux Prophete Mahomet fut occis, & où les Caliphes ont accoustumé de faire vne sorte de consecration en l'aduenement à la Couronne des Empereurs Musulmans, à cause de ce sepulchre d'Alis, comme il se dira plus particulièrement cy-apres. Outre ceux-cy, il y mourut Sancur-beg, frere de Curachan, Sultan Congruses, Gouverneur de la ville de Bagadet, Hoha Sultan Gouverneur de la ville Sultanie en Perse, Kenkebeg Sultan Gouverneur de Hemedan aussi en Perse; Daruuses Chan, Gouverneur d'Orchan, Mahomet-beg, Gouverneur de Keman en Armenie mineure, vn autre Mahomet-beg, Gouverneur de Heleben; Budaces Gouverneur de Kessan ou Cassan en Perse, Mahomet-beg Gouverneur d'Armisin, Sarditzes-beg Seigneur de Curte, Ibrahim-beg Gouverneur de Come en Perse, Ioseph-beg Gouverneur de Saraputane en Mesopotamie, & auecques tous ces Seigneurs six mille soldats demurerent sur la place. Lors que Mahomet Imrehor Bassa obtint cette victoire, Selim estoit encores en Egypte, auquel le Bassa enuoya incontinent des messagers auecques lettres pour l'aduertir de cét heureux succez, duquel il fut si ayse qu'il donna à chacun des Ianissaires qui auoient esté en cette bataille, mille aspres; cette victoire fut obtenüe en l'année mil cinq cens dix-sept, merueilleusement heureuse pour les Turcs. Mais seloncette Histoire, il faut qu'Ismaël Sophy n'y ait pas esté: car outre ce qu'on n'y fait aucune mention de luy, le mauuais ordre de cette armée des Perses le fait iuger, car toutes choses ne fussent pas ainsi demeurées à l'abandon, si la personne du Souuerain y eust esté, pour le moins y eust-il eu quelque forme de camp; mais de la façon que cecy nous est representé, il faut que ce soit quelque armée que le Sophy ait enuoyée deuant pour decouurir le pays, & frayer le chemin aux autres.

Pour reuenir à Selim, il s'en alla à Damas, où il demeura quelque temps; & puis s'en alla acheuer de passer son hyuer en Alep, y demeurant plus long-temps à cause de l'incertitude des choses: car il couroit des bruits qu'Ismaël amassoit de tres-grandes forces de toutes parts, & qu'il vouloit encores faire vn voyage en Syrie. Ces bruits toutesfois estans incertains, & chacun, selonc la coustume, en discourant à sa fantaisie, faisoient qu'on ne sçauoit ce qu'on en deuoit croire; de sorte que cela empescha le parterment de Selim, qui ne vouloit pas partir de là sur cette incertitude, ny quitter les confins de son Empire, qui n'estoient pas trop bien munis; de crainte que la violence d'vn si puissant ennemy, ne causast de nouueaux troubles en ces Prouinces si fraichement conquises: cela fut cause qu'il escriuit de nouueau à Pyrrus Bassa en Constantinople, à ce qu'il luy enuoyast encore cinq mille cheuaux, & trois cens iumens chargées d'argent. Ce qu'ayant receu, il laissa

1519.

Sa ruse pour épouuanter les Perses.

Qui sont desfaits & tailliez en pieces.

Sepulchre d'Alis gendre de Mahomet fort renommé.

Selim recompense les Ianissaires.

XLII.

Va en Damas, & passe son hyuer à Alep.

Il enuoye querir nouueau secours à Constantinople.

1520.

Gazelli Gouverneur de Syrie.

Selim s'achemine à Constantinople.

Et laisse Pyrus Bassa pour deffendre la frontiere.

Il luy prend vn mal dans le bain.

Armée de mer contre les Rhodiots.

La peste s'y met, qui la fait rompre.

Selim congédie l'armée qu'il auoit en Asie.

Gazelli pour Gouverneur de la Surie, au grand regret des Turcs, qui voyoient ainsi auancer ceux qui auoient esté traistres à leur Maistre; mais il le faisoit, afin que Cait-beg veillast sur Gazelli, & cettuy-cy sur l'autre: car comme ils se vouloient mal l'un à l'autre, Selim estoit assuré que l'un ny l'autre n'entreprendroient iamais rien à son preiudice qu'il n'en fust bien aduertty. Apres donc auoir laissé Gazelli pour Gouverneur, il s'achemina à Constantinople, ayant ainsi conquis en moins de quatre ans, toute la Surie, & les Prouinces qui en dépendent, la Iudée & l'Egypte, s'en retournant riche d'Empire, de gloire, d'honneur, & de toutes sortes de despoüilles à la maison. On a voulu dire qu'il laissa Pyrus Bassa proche de Sebaste en Armenie mineure avecques toute son armée, mais il n'y a gueres d'apparence qu'il ait fait quitter Constantinople à cet homme en qui il auoit toute confiance deuant son arriuée, si on ne veut dire qu'il n'auoit plus de sujet de craindre, approchant comme il faisoit de l'Europe, ayant besoin toutesfois de laisser tousiours vne armée en Asie, pour la crainte que les Perses trouuans la Prouince dégarnie, ne vinssent tout rauager.

POURSVIVANT doncques son chemin, il arriua au mois Ramazan, ou d'Aoust, de l'an de nostre salut mil cinq cens vingt, & de Mahomet neuf cens vingt-six, à Inzage, où il y auoit autresfois vn vieil chasteau, maintenant il n'y a plus qu'un grand village. Là, comme selon la coustume des Mahometans, qui vsent de force lauemens, (croyans nettoyer l'interieur par l'exterieur, à la maniere des hypocrites) estant entré au bain, il luy sortit vne bube à l'espine du dos en la vertebre qui touche au poulmon (d'autres disent que cela luy commença par vne grande fièvre, laquelle luy ayant continué quelque temps, comme il arriue ordinairement aux longues maladies, qui par vne continuelle corruption de sang, se conuertissent en fin en des maux incurables, se conuertit en vn vlcere) qui du commencement estoit d'une couleur liuide & plombée, puis enfin deuint toute noire, pour le sang aduste & bruslé qui estoit là amassé: la chair cependant n'ayant pas demeuré long-temps à s'ulcerer, & à rendre vne odeur si infecte, qu'à peine en osoit-on approcher. Le Iara Bassa, ou premier Chirurgien, & le Hegun Bassa, ou premier Medecin, voyans que tous les moyens qu'ils apportoiient pour guerir cet vlcere, estoient inutilles, & que le mal maistrisant les remedes, se rendoit rebelle à toutes sortes de medicamens, furent contrains de laisser faire à la nature: quelques-uns disoient bien que cela auoit besoin d'un bon & prompt remede, mais pas vn n'y osoit mettre la main; iusques à ce que la chair s'ulcerant de iour à autre, parut estre manifestement vn cancer, qui penetrant les intestins, luy vint gagner & ronger le poulmon: quelques-uns routesfois ont dit que c'estoit la peste, mais l'Histoire Turque le represente comme vn cancer, aussi y a-t-il grande apparence.

OR durant sa maladie, comme il estoit fort aduisé, craignant que ces gens ne creussent qu'il eust mis à part tout le soin des affaires, & que peut-estre ils luy rendissent la pareille qu'il auoit faite à son pere, il se faisoit porter en public, tantost sur vn cheual ou sur vn mulet, & bien souuent dans vne litiere, aussi ne l'empescha-elle point de dresser vne puissante armée de mer contre les Rhodiots, qui durant son absence auoient tellement couru toutes les costes de cette mer qui est entre l'Asie & la Macedoine, qu'il n'y pouuoit aller vn seul nauire de charge à Constantinople, soit de bled ou d'autre marchandise. Luy doncques voulant nettoyer cette mer, comme il disoit, de tous ces pirates, auoit assemblé iusques à deux cens que grands que petits vaisseaux qu'il auoit chargez d'artillerie, avecques force bales de laines, tant pour ietter dans les foïsez de Rhodes, que pour se deffendre luy-mesme du canon de l'ennemy, car il ne pensoit pas que cette ville là luy deust resister, apres la conqueste de si riches & puissantes Prouinces. Ayant doncques fretté ses vaisseaux de tout ce qui estoit necessaire pour son entreprise, comme la flotte estoit prestée à leuer les anchres, la peste se mit par toute cette armée avecques telle violence, qu'il fut contraint de la rompre & renvoyer les soldats à la maison. Environ ce mesme temps estant desia arriué en Europe, & estant bien aduertty par Pyrus Bassa qu'il n'y auoit que craindre du costé des Casselbas, il congédia cette armée, permettant à chacun de se retirer chez soy. Ce fut aussi cette année là qu'il vint vn fort grand tremblement de terre à Rhagoufe, ville de Dalmatie (de laquelle Chalcondile a fort amplement discouru en son Histoire) qui ébranla non seulement la ville, mais la meilleure partie des contrées circonuoisines, & fit mourir vn fort grand nombre de personnes: si que le Senat de Rhagoufe, comme le raconte Tubero, voyant que cela continuoit, & n'ayant autre remede, ny recours qu'aux prieres, il fit vn vœu de bastir vn Temple en l'honneur du Fils de

de

de DIEU, qu'ils appellerent depuis le Temple de l'Ascension, d'autant qu'à pareil iour le terre-tremble auoit commencé. Ayant doncques deputé vn triumvirat des plus apparens de leur Senat pour donner ordre à l'accomplissement de ce vœu, à sçauoir Daniel Rhestio, Demeian Mentio, & Pierre Scorgio, on n'eut pas si tost commencé à le bastir, que le tremblement cessa: les Rhagousins, qui naturellement sont portez à se repaistre de belles esperances, & qui ne veulent iamais conuertir les accidens qui leur arriuent à leur desauantage, disoient que ce tremblement là ne presageoit rien de mal à leur ville, mais seulement la mort de Selim, qui aduint incontinent apres.

1520.
Grand trem-
blement de
terre à Rha-
gouë.

CEPENDANT le mal du Monarque Othoman croissoit de iour en iour: il ne fit que passer à Constantinople (car il n'en aimoit point la demeure, comme si les furies paternelles l'eussent là continuellement tourmenté, ayant deuant les yeux, les lieux qui luy representoient continuellement son crime) où il trouua toutes choses en meilleur ordre qu'il n'esperoit. Car Pyrrus Bassa, auquel il auoit laissé en garde son fils unique Solyman, s'y estoit porté si sagement, que le Prince n'attenta iamais rien contre son pere, ce que redoutoit extremement Selim, craignant d'estre payé de melme monnoye, & qu'on luy rendist la pareille qu'il auoit autresfois faite à son pere Bajazet; mais la bonté du fils, & la loyauté du gouuerneur, le garantirent de ceste peine: si que n'ayant rien à y reformer, il passa outre pour tirer à Andrinople, ayant cette contrée, à cause de la chasse, mais on luy en empescha bien l'exercice, car estant arriué au riuage du fleuve Zorli, ou Chiorle, au lieu melme, où quelques années auparauant il auoit donné la bataille à son pere, il fut contrainct de faire tendre son paillon, & d'enuoyer Pyrrus & Achmet Bassas, avecques les Desterdars, ou thresoriers, pour célébrer le *Bahirami & Labir* ou grande Pasque à Andrinople, leur promettant de les suivre incontinent, car il vouloit que cette feste fust sollemnisee fort superbement, & ne garda avecques soy que Ferhat Bassa. Mais les Medecins ayans fait toutes leurs diligences, & essayé tous leurs remedes pour le sauuer, toutes leurs peines & leur industrie ne sceut empescher qu'il ne souffrist vne aussi cruelle mort, qu'il auoit esté cruel durant sa vie, qu'il finist apres auoir enduré d'extremes douleurs six sepmaines durant, le dix-septiesme iour du mois Scheual ou Septembre, l'an de nostre salut mil cinq cens vingt, & de l'Egire neuf cens vingt-six: Seant à Rome Leon X. en l'Empire Charles le quint Roy des Espagnes: & en France François premier du nom. La Iustice diuine l'ayant à la fin pris au passage, luy faisant rendre compte avecques vn seuer chastiment de l'execrable parricide qu'il auoit commis, le faisant finir en la fleur de son aage, car il n'auoit que quarante-sept ans, & n'en auoit regné que huit, n'ayant pas eu le loisir de iouyr de ses conquestes vn seul iour en repos, perdant la vie lors qu'il pensoit desia se rendre le Monarque de l'Vniuers. Ne pouuoit-il pas donc bien dire, *Mes iours ont cheminé plus viste qu'un courrier, & n'ont point veu le bien: ils ont passé comme un nauire qui porte des pommes, & comme l'Aigle qui volle à la proye*: disoit le saint homme Iob. Son assurance s'estant appuyée sur des toiles d'araignes: les ans n'ont-ils pas esté aussi meditez comme ce tale animal, qui tire de son corps ce labeur si inutile, où à la fin il perit, ayant exterminé toute sa race pour paruenir à cette dignité? Ne fut-ce pas aussi vne raison pourquoy nostre Seigneur voulut que sa couronne fust d'espines de ionc, pour enseigner non seulement aux Potentats de la terre, mais encores à tous les hommes, que les honneurs du monde finissent en douleurs? Mais certuy-cy sur tous autres ne l'a-il pas experimenté, ayant eu tant de peine à se bien establir en la sienne, de laquelle toutesfois il n'a sceu iouyr, l'ayant acquise, & où encore il ne pouuoit viure en assurance, ayant esté si cruel, comme disent quelques-vns, que pour quelques paroles que luy dist Solyman, estant encores fort petit enfant, il le voulut faire empoisonner en vne certaine robe fourrée qu'il luy enuoya: mais sa mere qui s'en doutoit aucunement, reconnoissant le naturel de son mari, destourna dextrement ce coup, en la faisant vestir à vn sien page, lequel en mourut tout subitement. Il est vray que cela aduint auparauant qu'il fust paruenü à l'Empire, mais c'est pour tousiours faire voir la cruauté de ce Prince, lequel auoit de coustume de dire qu'il n'y auoit rien au monde de si doux que de regner sans crainte & soupçon aucun de ses parens, & qu'on le deuoit excuser de ce qu'il faisoit ainsi mourir les siens, pour ce que si le moindre d'eux eust eu le moyen de luy en faire autant, il l'eust fait, tant cette race des Othomans est acharnee contre elle-mesme: il recommanda fort son fils à Pyrrus Bassa, deuant que de l'enuoyer à Andrinople.

XLIII.

Selim suit le
sejour de C.
Constantinople.

S'arreste au
mesme lieu
où il auoit
donné la ba-
taille à son
pere.

Sa mort.

Quelques
meditations
sur cette
mort.

Iob. 8. 9.
Psal. 99.

Il recom-
mande son fils à
Pyrrus Bassa.

XLIII.

OR Solyman estoit pour lors à Mauissa ou Magnesie, cela fut cause que Ferhat Bassa craignant les tumultes & rauages que font ordinairement les Janissaires à la mort des Sul-

1516.

Ferhat Bassa
cele la mort
de Selim à
tout le monde,
fors à Soly-
man.

Ravage que
les Janissaires
ont accoustu-
mé de faire à
la mort des
Othomans.

Solyman s'a-
chemine à
Constantino-
ple.
L'Aga va au
deuât de luy.
Et les Janissai-
res qui le re-
connoissent
pour Souue-
rain.

Funerailles
de Selim.
Mosquée &
Imaret basty
par Selim.

Selim l'un
des grands
guerriers qui
ayent jamais
esté.

tans, & craignant mesmes que cela apportast quelque trouble à l'Empire, cela cette mort dix iours continuels, sans qu'elle fust découuerte par aucun des soldats de la garde, enuoyant des lettres à Solyman: par lesquelles il l'aduertissoit de la mort de son pere. Toutesfois il n'osoit se mettre en chemin, craignant que ce ne fust vne inuention de son pere, ou pour l'éprouuer, ou pour auoir sujet de se deffaire de luy, comme il redoutoit extrêmement sa cruauté: ioint que la lettre qu'on luy auoit enuoyée, n'estoit signée que de Ferhat, & non des autres Bassats: car Ferhat n'auoit point voulu faire entendre cette mort aux autres Bassats, qu'il n'en eust premierement aduertiy Solyman, afin qu'ils n'arriuaissent qu'au mesme temps que luy, de crainte que la chose communiquée à tant de gens, comme c'est l'ordinaire, ne se peust tenir secrette, par l'imprudence & indiscretion de quelqu'un. Mais comme il vid qu'en vain il auoit enuoyé des courriers à Solyman, d'autant qu'il n'y adioustoit point de foy, alors il se resolut d'en aduertir les autres Bassats, & principalement Pyrrus, lequel pour cet effect luy enuoya vn homme, auquel il se confioit grandement, pour l'aduertir encor de cette mort. Les autres Vizirs vinrent aussi au camp: lesquels ayans veu mort le Sultan Selim, conioignirent leurs lettres avecques celles du Bassa Ferhat: par lesquelles ils l'aduertissoient encores de cette mort, & le supplioient de se hastier, de crainte que si elle estoit découuerte, les Janissaires ne fissent quelque sedition au camp. Ces lettres, par l'aduis des Bassats furent baillées au Lieutenant des Ispahoglans, qu'ils appellent Tichaia, afin que prenant, selon leur maniere, des cheuaux de relais, il fist le plus de diligence qu'il luy seroit possible, & qu'il prestast Solyman de venir à Constantinople, qu'il trouueroit toute rauagée deuant son arriuée, si les Janissaires de la porte auoient quelque vent de cette mort, qu'il sauuaist doncques les biens des citoyens ses sujets par sa diligence.

SOLYMAN ayant receu de nouueau ces lettres, monta incontinent à cheual, & paruint en peu de temps à Scutari, au de là du Bosphore, où estant monté sur vn vaisseau que les Turcs appellent Caica, il arriua en Constantinople accompagné de l'Aga des Janissaires, qui estoit allé au deuant de luy à Scutari: estant doncques paruenue au lieu qu'on appelle l'eschele, tous les Janissaires allerent en troupe & en confusion le receuoir comme le fils de leur Seigneur: mais l'Aga les arrestant: Voicy, leur dist-il, vostre Souuerain & vostre Empereur, Sultan Selim estant passé en vne meilleure vie. A cette parole demeurans tous estornez, ils se mirent incontinent en ordonnance, & l'accompagnerent ainsi iusques à son Serrail: là selon la coustume il leur fit quelques largesses, & comme ils eussent demandé vne distribution de viures plus abondante que l'ordinaire, il la leur accorda liberalement. Le lendemain on apporta le cercueil de Selim à Constantinople avecques la pompe accoustumée en cette ceremonie, & en disant les prieres funebres, que les Turcs appellent Inamasi ou Namasi, Solyman alla deuant le cercueil de son pere iusques à la Mosquée où le corps fut porté, & mis en vn monument selon la coustume des Osmanides. Selim auoit fait bastir cete Mosquée, & son Imaret ou hospital durant sa vie. Sultan Solyman ayant acheué les funerailles de son pere, s'en alla en son Serrail, où il assit au trône de ses ancestres, & fut reconneu de tous pour Empereur des Turcs, le dix-septiesme du mois susdit.

SUR la tombe de Selim on graua ces vers en langage Turc, Grec & Sclauonique pour memoire perpetuelle de sa valeur.

*Je suis ce grand Selim qui debellay la terre,
Qui cherche les combats encor apres ma mort:
La fortune a tousiours flechy sous mon effort,
Mon corps gist au tombeau, mon esprit à la guerre.*

ET à la verité qui voudra iuger de ce Prince, sans passion, le tiendra pour vn des plus grands guerriers qui ayent iamais esté, ayant en l'espace de huit ans qu'il a regné, accru son Empire presque d'une fois autant que tous ses predecesseurs: pour le moins s'est-il rendu sans pareil entr'eux. Car bien que Mahomet second se soit acquis beaucoup de Prouinces, si est-ce que toutes ses conquestes n'approchent que de bien loing celles de Selim, & puis ce fut en vne longue suite d'années, & si ce ne fut pas sans auoir esté souvent battu & contraint de s'enfuir: bien qu'il n'ait eu en teste, pour homme de main, que le vaillant Huniade & l'invincible Scander-beg. Mais cettuy-cy, en l'espace de huit ans, a eu à combattre les plus vaillans Princes de son siecle, & les plus puissantes & belliqueuses nations

nations de l'Vniuers, qui se sont courageusement deffenduës iusques à la fin, & toutes-
fois il a fallu enfin qu'elles ayent fait ioug, sous le pouuoir de son bras inuincible; n'ayant
point remporté ses victoires par vn bon-heur simplement, mais apres s'estre exposé à
toutes sortes de perils, reduit bien souuent à deffendre sa propre vie, & toutesfois il en
est tousiours sorty à son honneur, bien qu'il ait souffert toutes sortes d'incommoditez,
soit en la Perse, soit en Egypte; mais les deserts de l'vne & de l'autre Prouince ne le
purent empescher de paruenir d'vn costé iusques à Tauris, de la prendre, & d'y faire tout
ce que bon luy sembla, & de l'autre de penetrer iusques au Caire, & iusques au fond de
l'Egypte qu'il subiugua, n'y ayant iamais d'obstacle assez puissant qui pût arrester le
cours de son desir, aussi souloit-il dire, que l'homme sage executoit vne chose aussi-tost
qu'il l'auoit resoluë. Car outre ce que le delay faisoit souuent perdre les occasions, s'il
suruenoit quelque empeschement, l'affaire succedoit tout autrement qu'on n'auoit
pour-pensé. Il estoit fort sobre, & fort peu addonné aux femmes, & encores moins aux
masles: de sorte que sa modestie & sa sobriété le rendoient fort à supporter toutes sortes
de trauaux, aussi tient-on qu'il se maintint en telle santé durant sa vie, qu'il ne fut iamais
malade que de la maladie dont il mourut. Il aymoit fort la lecture des Histoires, tant de
ses ancestres que des autres grands Capitaines des siècles passez, à quoy il employoit les
meilleures heures du iour, quand il estoit hors d'affaires: il composoit aussi des vers
en sa langue, & s'estoit rendu si expert en la peinture, que luy-mesme voulut peindre la
bataille qu'il auoit liurée au Sophy de Perse, laquelle il enuoya depuis aux Venitiens, &
se void encores aujourd'huy en la salle du grand Conseil à Venise. Ayant encores cela de
bon, que contre la coustume des Othomans, il ne permettoit à personne qui l'abordoit,
de se ietter contre terre, ou de luy faire la reuerence à genoux: mais toutes ces belles
vertus estoient noyées dans le sang, tant de ses parens que de ses subjets: si que son regne
ne fut qu'une sanglante boucherie.

Ses vertus.

Aymoit la lec-
ture des Hi-
istoires.

Sçauant en la
peinture.

FIN DV TREIZIESME LIVRE.





CONSIDERATIONS SVR LES ACTIONS PLUS SIGNALEES DE SELIM premier du nom, contenuës en ce treiziesme Liure de l'Histoire des Turcs, par lesquelles la Iustice & Prouidence de DIEV peuuent estre remarquées.



Zach. 2. v. 5.

ETTEernelle Prouidence si obscure en soy-mesme & si manifeste en ses effets, a voulu faire voir clairement durant le regne de ce Prince Othoman, qu'elle estoit tousiours accompagnée de Iustice & de Misericorde, & que tous les humains ensemble ne sçauoient pas arracher vn seul cheueuil de la teste de celuy qu'elle tient en sa protection. Selim auoit fait de grands desseins & des entreprises qui en apparence le deuoient rendre Seigneur de la meilleure partie du Christianisme : c'estoit là le but de toutes ses intentions. Il n'y auoit Prince Chrestien qui ne tremblast au seul recit de si grands preparatifs, chacun reconnoissant sa foiblesse, & la diuision qui estoit parmy tous les Potentats de la Republique Chrestienne. Mais quād Hierusalem seroit sans murs & sans garde, quand l'ennemy seroit tout proche à mettre le pied dans ses limites, si faudroit-il qu'il le retirast, quand il plaist au Tout-puissant de nous estre vn mur de feu épandu tout à l'entour de nous, pour nous conseruer, disoit-il, par son Prophete. Quand vn Benadab Roy de Syrie enuironneroit Samarie, si faudroit-il qu'il se retirast avecques sa ruine : car ce grand DIEV des montagnes & des vallées ne donne point les victoires, ny ne permet point la ruine des Prouinces pour nos fantaisies & nos ambitions, mais pour la punition & le chastiment de ses rebelles creatures, & pour la gloire de son saint Nom.

CEcy s'est pû facilement remarquer en tout le discours de la vie de Selim : car par tout vous y voyez vne notable Misericorde, ou vne effroyable Iustice : & de fait ne fut-ce pas vn grand heur pour les Chrestiens, de ce que Selim tourna ses armes contre les Perses, eux qui n'auoient aucune armée preparée pour se deffendre ? Ce qui est estrange toutesfois, car ils n'estoient pas ignorans des grands preparatifs que faisoit ce redoutable ennemy, & toutesfois sans donner aucun ordre à leurs affaires, pour resister à vne si grande puissance, ils ne s'amusoient qu'à se ruiner les vns les autres, & se rendre tousiours plus foibles d'hommes, & de toutes sortes de commoditez. Toutesfois le Tout-bon ayant pitié de ses enfans mal conseillez, fit changer de dessein à leur ennemy, leur donnant du relasche, & leur faisant voir par la desfaite & ruine des puissantes nations qu'il subiugua, ce qu'il eust pû faire contre eux : mais cela les toucha si peu, qu'au lieu de luy en rendre des actions de graces, & de se rendre plus vigilans, preuouans que plus le Turc seroit deuenu puissant, d'autant plus leur seroit-il difficile de resister à son pouuoir, ils firent des ligues les vns contre les autres pour s'acheuer de destruire : de sorte qu'il ne faut pas trouuer estrange, sin'estans portez que de vengeance & d'ambition les vns contre les autres, leur souuerain Seigneur a fait enfin prosperer leurs ennemis, qui viuoient mieux en leur superstition, que ceux-cy ne faisoient en leur vraye Religion.

LA guerre des Perses n'est pas moins considerable : car encores qu'on voulust dire que tous leurs combats se soient donnez par la voye ordinaire, & que ce fut l'artillerie qui donna gain de la cause à Selim, bien que ce soit plustost vne assistance que DIEV donne à de certains moyens, pour faire reüssir ce qu'il luy plaist, rien ne se faisant sans sa permission ou volonté. Toutesfois ie ne trouue point de raison humaine qui me puisse satisfaire, pourquoy Selim victorieux, qui tenoit la ville capitale de son ennemy, s'en retourna sans en donner le pillage à ses soldats, & mettre tout à feu & à sang, non seulement en cette ville, mais par tout où il passoit en s'en retournant, veu que c'estoit autant de perte pour Ismaël, & autant de marques à la posterité, quand on eust demandé, où souloit
estre

estre autresfois la grande ville de Tauris : car la laissant en son entier , & s'en allant, comme il fit, incontinent du pays, cela peut mettre les esprits en doute, s'il y a esté, puis qu'il n'y paroist aucune marqué d'hostilité. Car pour l'argent qu'il prit des habitans, & les manœuvres qu'il enuoya à Constantinople, les Princes en font bien autant sur leurs propres sujets, quand ils ont des affaires d'importance. Mais Selim qui quittoit toutes choses, & qui n'auoit pas au pays vne seule bicoque pour tenir ferme, & se donner l'esperance d'y estre vne autre fois le bien receu, deuoit par la loy de la guerre, & par celle de sa cruelle humeur, au moins tout rauager, s'il ne vouloit tout destruire. Que peut-on dire doncques autre chose, sinon que le souuerain Monarque vouloit bien donner vn coup de foiet à cette nation dissoluë, & à ce Prince qui auoit esté si cruel à sa propre mere, & à tous les siens : mais il ne les vouloit pas perdre, mais vouloit qu'ils tinssent perpetuellement teste aux Turcs, afin de pouoir donner quelque relasche aux Chrestiens, comme autresfois il auoit fait par le moyen du Caraman, lors que l'Empire des Othomans commençoit encore à s'establir, & maintenant qu'il estoit en sa splendeur, il leur donnoit aussi en telle vn puissant aduersaire : qui, comme vous auez veu, nonobstant leur puissante armée, fut à deux doigts près de la victoire. Cela ne doit pas estre aussi sans consideration, que les soldats estans arriuez en vn pays fertile, refuserent d'hyuerner, & que lors qu'ils souffroient tant d'incommoditez par les deserts, ils ne firent point de difficulté de passer outre : car ils auoient eu toutes sortes de commoditez de la ville de Tauris, & s'estoient rafraischis tout à leur aise, l'ennemy ne les ayant point troublez depuis la victoire. Et d'ailleurs leur Prince qui commandoit si absoluëment, & qui de son naturel estoit fort entier en ses resolutions, cela est émerueillable comment il a flechy si aisément, & faut necessairement conclure qu'il y auoit vne puissance souueraine qui manioit les volontez des vns & des autres, comme il luy plaisoit, laquelle vouloit conseruer cette nation, qui s'en alloit ruinée, si ce grand guerrier Selim eust continué le cours de ses victoires.

M A I S la conqueste de l'Aladulie butte à vn autre dessein : car outre que ces peuples auoient bien merité ce chastiment pour leurs voleries, (& puis c'estoient tous Mahometistes) l'image de l'Empire Romain qui deuoit estre entre les Turcs, desiroit qu'il n'y eust entr'eux qu'un Monarque, & ainsi tous ces petits Royetelets deuoient estre exterminés. Mais le point principal que ie considere, celuy qui nous apparoit le plus pourquoy Selim les conquist si aisément, (au moins selon ce qu'on en peut iuger) c'est que si l'Aladulien n'eust point esté trahy, & qu'il eust pû tenir teste quelque temps à Selim, il eust esté sans doute secouru par Ismaël, & par le Sultan du Caire, comme il l'auoit esté du temps de Bajazet, & comme toutes les forces de ces Princes eussent esté vnies ensemble, mal-aisément Selim en fust-il venu à bout, puis qu'il eut assez d'affaire à surmonter séparément les Perses & les Mamelus. Que s'il n'eust point domté l'Aladulien, & qu'il eust voulu attaquer la Surie & les Egyptiens, certuy-cy luy eust tenu tous les passages, & luy eust donné beaucoup de peine : mais la domination des Mamelus estoit paruenüe au comble de son iniquité, de sorte que pour acheminer toutes choses à son extreme ruine, il luy falloit oster tout support, tant du costé de certuy-cy que de celuy des Perses, lesquels s'ils eussent euec Prince pour espaulé, fussent à l'adventure plus promptement venus au secours de leurs aliez, ie veux dire des Egyptiens : mais les Turcs tenans les plus dangereux passages, il estoit bien difficile que les Perses eussent fait de grands effectz, non qu'ils n'eussent pû venir par vn autre costé, comme ils firent, mais comme certuy-cy estoit le plus fort pour eux, aussi estoit-il le plus seur ; & de fait ils y firent fort mal leurs affaires contre l'Imrehor Bassa, comme vous auez pû voir, car ils ne venoient attaquer les Turcs qu'en caluacade, où ils y deuoient venir pied à pied & comme chez eux, & en camp ferme & arresté.

Q V A N T à l'Egypte, bien que Selim eust vn particulier dessein de se vanger de tant de torts que le Sultan Cayt-beg auoit fait aux siens du temps de son pere Bajazet, & que de nouveau certuy-cy, à sçauoir Campson Gaury, eust retiré son nepueu, toutesfois il auoit plus à cœur les Perses, comme en ayant tout fraichement receu de plus notables outrages, mais on ne luy auoit pas mis les armes à la main pour en vser à sa volonté : car vous voyez que lors qu'il veut marcher contre les Chrestiens, on le fait aller contre les Perses, & quand il veut faire la guerre aux Perses, on le conduit contre les Egyptiens, avecques tant d'heur qu'il ne se peut dire dauantage ; car à son arriuée en Surie, il trouua vn traistre qui luy mit la meilleure ville entre les mains, & qui feit perdre la bataille à son Seigneur, lequel mourut sur le champ, sans

pouvoir donner ordre à ses affaires. Le gain de cette bataille donnant aux Turcs non seulement Halep, Damas, & tout le reste de la Surie, mais encores la Palestine, sans coup ferir, & faut confesser que c'estoit la main toute-puissante de DIEU qui batilloit; car quelle apparence, que pour vne seule bataille, où il auoit esté occis fort peu de Mammelus, ils ayent deu quitter de si grandes Prouinces au vainqueur, veu qu'eux-mesmes s'estoient desia tant de fois battus contre les Turcs, où ils auoient eu quelquesfois du pire, & neantmoins ne leur auoient pas quitté vn poulce de terre? On dira parauanture que cela venoit du mauuais ordre qu'ils auoient donné à leurs affaires, il est vray: mais outre que cét estourdissement-là ne peut venir (l'ennemy mesme estant à la porte, comme estoit Selim) que d'un abandonnement de toute assistance Diuine: Encores peut-on adjoûter qu'il y a quelque cause secrette, de voir tous les peuples se rendre à l'enuy aux Turcs, la domination desquels n'est point si douce qu'elle doie estre tant desirable, & toutesfois ils ne se contentent pas seulement de se rendre, mais encores ils donnent des aduis contre ceux qui leur auoient commandé tant de siecles, & ausquels il n'y auoit pas vn mois qu'ils rendoient toute obeissance.

Mais quel grand heur fut-ce à Selim de passer tant de deserts avecques vne si grande armée, sans aucun peril? ne falloit-il pas que le Ciel combatist pour luy, de luy rendre ces sables mouuans fermes & faciles à marcher, & luy donnant de l'eau & à toute son armée en des lieux si steriles, où ceux mesmes qui voyageoient, estoient contrains d'en porter? & puis cét aduis qu'on luy donne, lors que toute son armée s'alloit enfermer dans les pieges des Egyptiens, & ce par les Mammelus, qui traistres à eux-mesmes causerent à cette fois la ruine de leur patrie; n'estoit-ce pas luy mettre l'Egypte entre les mains? & n'estoit-il pas infallible, selon le discours humain, que Selim perissoit avecques toute son armée, si le secret du Sultan du Caire n'eust point esté reuelé: car enfin Selim ne combatoit point contre des friquenelles, les Mammelus estoient tenus, & estoient en effect, des meilleurs soldats du monde, gens nourris au trauail & à la peine dès leur enfance, & perpetuellement exercez aux armes; & leur chef le Sultan Thomam-bey, vn des meilleurs & des plus courageux Capitaines de son temps, qui ne manquoit ny d'inuention, ny de valeur, ny de conduite: DIEU ayant voulu qu'on ait reconnu manifestement qu'ils ne perissoient point par foiblesse humaine, mais par vne tres-iuste punition, pour leurs tyrannies & cruautéz: car si les Egyptiens du Caire patirent avecques eux, ce ne fut en partie qu'à cause d'eux, & pour auoir espousé leur party, car les autres Egyptiens ne souffrirent pas mesme ruine. Cecy n'est-il pas aussi remarquable, que Selim ait épargné Tauris qui ne pouuoit estre sienne, comme il a esté remarqué cy-dessus, & qu'il ait pillé & riuagé le Caire qui luy estoit tout acquis? quelle raison en scauroit-on rendre, sinon que la diuine Iustice vouloit tirer vn iuste chastiment de tant de debordemens qui auoient esté commis dans cette meschante ville? ne peut-on pas dire, qu'alors fut accomplie sur le Sultan & sur ses Mammelus, cette Prophetie du Prophete Ezechiel parlant au Roy d'Egypte: *Je te ietteray au desert avecques tous les poissons de ton fleue, tu tomberas sur la face de la terre, tu ne seras ny ramassé ny rassemblé, car ie t'ay donné aux bestes de la terre, & aux oyseaux du Ciel pour estre deuoré, & scauront tous les habitans d'Egypte que ie suis le Seigneur, pource que tu as esté vn baston de roseau à la main d'Israel.* Fort à propos, dis-je, cette Prophetie semble estre accomplie en Thomam-bey & ses Mammelus, car l'acomparant à vn Dragon, il auoit dit auparauant: *Je te ietteray hors du milieu de ton fleue, & tous tes poissons seront attachez à tes escailles.* Or est-il que le Prophete ne parle point de la ruine des Egyptiens, car il prend les habitans d'Egypte comme spectateurs du iuste iugement de DIEU, joint qu'il dit qu'il sera tiré hors de son fleue, il ne parle alors que du Roy d'Egypte, & Thomam-bey a esté chassé hors du Caire, tous ses poissons attachez à ses escailles & tous les Mammelus ses vrais poissons se sont rassemblez autour de luy: *Il est tombé sur la face de la terre:* c'est vne façon de parler, signifiant perte & ignominie. Mais n'ont-ils pas esté vaincus par quatre fois, & enfin pris avecques leur Seigneur, sans qu'ils ayent iamais pû se remettre, ayans esté tous massacrez iusques à vn? *Je t'ay donné aux bestes de la terre,* dit le Tout-puissant, *& aux oyseaux du Ciel pour estre deuoré:* & cela à la lettre est arriué à Thomam-bey, quand il fut pendu aux portes du Caire, au grand estonnement de toute l'Egypte: Mais oyez la cause du chastiment, d'autant, dit le saint Esprit, que tu as esté vn baston de roseau en la maison d'Israel. Or ne faut-il pas prendre ces roseaux à nostre maniere, car ce sont de certaines cannes fort dures, dont se seruoient les Mammelus, & encores auourd'huy les Janissaires, successeurs des Mammelus, (& peut-estre que la Iustice du Tout-bon leur

leur fera souffrir pareille misere) pour chastier ceux qui font quelque faute, & bien souvent ceux qui ne leur ont rien fait. Et que n'ont point fait les Sultans de Surie & du Caire contre les Chrestiens, vraye maison d'Israel? avecques quelle cruauté les ont-ils tyrannisez, polluez leurs choses saintes, & tenus en vn deplorable esclavage? mais encores qu'ils ayent fait sentir leurs coups, & que la main puissante du tres-juste Iuge se soit appesantie sur leurs testes, toutesfois c'estoit avecques vn baston de roseau qui se pouuoit rompre, presage que cette domination ne deuoit pas durer fort long-temps. C'est ainsi que tost ou tard DIEU prend raison de ses ennemis, & comment il iette enfin les verges au feu, qui ont chastie ses enfans, plus par colere que par iustice: & à la verité cette effroyable punition a deu faire trembler toute la terre, si on s'est voulu ressouuenir quelle puissance auoient ces Sultans & l'estendue de leur Empire, terminée toutesfois en si peu de temps, & luy-mesme finir si miserablement ses iours. I'observe encores qu'il y auoit desia plusieurs années que cét Empire demouroit en vn estat, signe tout certain du declin, & de la decadence, car le conquerant qui s'arreste, recule. Cela s'est remarqué en toutes les Monarchies qui ayent iamais esté, l'homme n'estant point icy d'une condition qu'il puisse demeurer en vn estat, encores moins les choses qui sont de son ressort.

RESTE maintenant la catastrophe de la Tragedie, ie veux dire la fin de celuy dont nous escriuons la vie: car quel bel exemple est-il premierement à tous les Potentats de la terre, d'auoir acquis vn Empire avecques tant de labeurs, auoir commis des parricides, des fraticides, & comme vn Lyon furieux s'estre ietté indifferemment sur ses plus grands amis & plus fideles seruiteurs: & apres auoir passé le temps de son Empire à trauerser des deserts, tantost d'un costé, tantost d'un autre, souffert mille mes-aises, couru vne infinité de dangers, lors qu'il pensoit estre le plus assésuré en son Empire, & s'estre defait de ceux qui l'y pouuoient troubler, & qu'il alloit jouyr du fruit de ses conquestes parmy les siens, il demeure malade d'un mal aussi cruel qu'il s'en puisse souffrir: car qu'y a-il de plus sensible que de voir sa chair se consommer de iour en iour? Adioustez-y l'infection insupportable, tant à soy-mesme qu'à ceux qui approchoient de luy: Ie ne pense pas qu'il y ait vne plus seuerre punition, principalement à vn Grand, semblable à peu près à la peine de ce cruel Antiochus, qui venoit de faire la guerre aux Perses. Et lors que Selim reuint en la Grece, il venoit de ces quartiers-là, en intention de combattre le Sophy, s'il paroistroit: mesmes qu'il auoit fait venir Pyrrus Bassa pour cét effet: car comme on eust fait de luy, & qu'il eust fait souffrir aux Mammelus ce qu'ils auoient merité, ce qui est fort à remarquer, luy qui tout enflé de superbe pensoit que tout deuoit flechir deuant luy, on luy apprit qu'il ne falloit pas mettre son esperance en des choses si frivoles & si corruptibles, & qu'il auoit tissé vn Empire qui ne luy pouuoit appartenir: *Pourquoy auez-vous despensé vostre argent, & employé vostre labour pour des pains qui ne peuuent rassasier?* disoit le Prophete: Il auoit bien fait estat d'auoir trouué toutes ses seuretez pour regner paisible, mais il ne s'estoit pas aduisé d'une pensèe qui luy estoit plus necessaire que tout le reste, à sçauoir bien viure pour bien mourir: car on l'attrapa, lors qu'il y pensoit le moins, & luy fit-on rendre l'esprit au lieu mesme où il auoit donné la bataille contre son propre pere, afin que le mal & le lieu luy fussent vn double ressentiment, & fist voir à luy & à tous les mortels, que DIEU est tres-juste, qui ne laisse rien d'impuny, & fort exemplairement encores quand le crime est d'importance. Cecy est encores bien digne de remarque, que toutes les entreprises qu'il eut contre les Chrestiens, ne luy pûrent iamais reüssir, mesmement cette derniere qu'il eut contre l'Isle de Rhodes, la peste se mettant de sorte en son armée, qu'il fut contraint de la rompre, comme si on ne l'eust appelé à l'Empire des Othomans que pour chastier les Perses & pour ruiner les Egyptiens; car pour ce qui se fit près de Semendrie, les Turcs ne se firent que deffendre & repousser leurs ennemis, lesquels eurent le moyen encores mal-gré eux de se retirer chez eux en seureté: Ionuses prit seulement quelques places, mais d'autant qu'elles estoient de peu d'importance, aussi ne meritent-elles pas d'en faire grand estat. Mais d'ailleurs les Hongrois qui estoient si seditieux d'un costé, & si cruels de l'autre, ne meritoient pas aussi de rentrer dans le leur: voyla pourquoy quelque aduantage qu'ils ayent deuant Semendrie, ils prennent l'espouuante mal à propos, & sont contrains de leuer le siege. Il reste encore plusieurs autres obseruations qui se pourroient faire sur cette histoire, mais ie me suis arresté à ces trois que ie viens de dire, à sçauoir la guerre de Perse, la conqueste de l'Aladulie & celle de l'Egypte, comme les plus principales & celles où il s'est passé de plus notables actions.

SOLYMAN SECOND DV NOM,
QVATORZIESME EMPEREVR
DES TVRCS.



QVAND CHARLES & FRANÇOIS acharnez par l'Enuie,
Se déchiroient tous deux par de cruels combats,
Ce Vautour rauissant fond dessus la Hongrie,
Enleue Bellegrade, & met Rhodes à bas.

SON ELOGE OV SOMMAIRE

DE SA VIE.



EST un rare bon-heur aux peuples à qui la Prouidence eternelle fait present d'un Prince aussi sage en la paix, que vaillant aux combats, de qui la generosité est balancée par la prudence, le cliquetis des armes par la douce harmonie des Muses, & la iustice coniointe à la misericorde, le tout illustré par la pieté. Or Solyman entre tous les Princes Othomās est le seul à qui cette loüange doit estre rendue, d'auoir esté doié de ces perfections, comme si tout ce qui estoit de plus excellent aux autres, fust décollé en luy, pour estre d'oresnauant un grand reservoir, duquel ses successeurs pourroient puiser tout ce qui est de plus requis en un Prince tres-accomply. Car sa vaillance se void en la prise de Belgrade, en la conqueste de l'Isle de Rhodes, en la bataille de Mohacs qu'il gagna contre les Hongrois, en laquelle mourut le Roy Louys de Hongrie. L'Assyrie & la Mesopotamie luy obeyssent, la Perse tremble sous ses armes, Tauris le reconnoist pour Souuerain, lequel en se retirant, la despoille de tout ce qu'elle auoit de rare, pour en decorer sa ville Imperiale, prend Strigonic & Albe-Royale en Hongrie, & en fin les fortes villes de Zighet & de Iule, finissant sa domination les armes en la main, comme il l'auoit commencee, & au lieu mesme où il auoit acquis sa premiere gloire, apres auoir fait sept expeditions en Hongrie, où il auoit esté en personne, son bon-heur redondant encores sur ceux qui combattoient sous ses auspices. Par le moyen de Ferhas (bien qu'il y eust en cette conqueste plus de supercherie que de vaillance) il s'assujettist l'Aladulie: Hibrain Bassa deffait les Deruis & Calenders en la Natolie: Barberousse luy rend tributaire Alger & plusieurs places de la Barbarie, prenant & destruisant quelques villes en la coste de la Calabre, & faisant infinis ranages sur toutes les mers de la Chrestienté: Solyman Eunuque luy assujettist le Royaume d'Aden, & d'autres villes sur la mer rouge: Piali la ville de Tripoli & les Gerbes: En Hongrie il demeure vainqueur par ses Lieutenans en trois grandes rencontres, celle d'Esecchio, de Bude, (Rotcandolph commandant à l'armée Chrestienne) & depuis deuant Pesth, le Marquis de Brandebourg estant general de l'armée de Ferdinand, Themisvar rendu, Lippe laschement abandonnée, Zaluoch, & plusieurs autres places de tres-grande importance reconnoissent son Empire. Ces grandes prosperitez furent neantmoins quelques fois assaisonnées de beaucoup d'amertumes: il est repoussé deuant Vienne, il se retire de deuant Corson: on prend sur les siens Thunes, la Goulette, Affrica, le Pignon de Vêles: ses Bassas sont contraincts de leuer le siege de deuant Malte, & quelques rencontres se font tant sur mer que sur terre à son desauantage: mais c'est en cela que reluit sa sagesse, ny l'une ny l'autre fortune ne le pouuant émonuoir, appaisant quelques tumultes des Janissaires, s'informant des affaires de ses ennemis, & prenant son temps à propos, faisant en sorte par sa bonne œconomie, qu'encores qu'il ait eu des guerres continuelles durant son regne, & qu'il ait leué de tres-grandes armées, toutesfois il laissa un grand thresor apres sa mort. Ce fut sa prudence & sa vigilance qui luy fit donner promptement ordre à la reuolte de Gazelli, qui fut cassé en pieces & son armée par Hibrain. Le mesme se fit en Egypte bien-tost apres contre Achomat, auquel encores ayant decouvert les menées, il luy empecha l'execution de ses desseins par sa mort, pouruoyant à tant d'affaires qu'il auoit sur les bras, contre tant & de si puissans ennemis en un mesme temps. Ces deux vertus luy firent encores remedier aux premieres & secondes menées de son fils Bajazet, & si à propos qu'à la seconde fois il y alloit de son Estat, & peut-estre de sa vie, & bien qu'il y ait procedé un peu plus criminellement qu'un bon pere pitoyable n'en useroit enuers son enfant: toutesfois si on se met en la personne d'un Roy, on trouuera que s'il ne l'a fait iustement, il le fit en quelque façon necessairement: cela ne va pas de mesme à Mustapha son autre fils, car il y eut peut-estre plus de fausse persuasion que de iustice, laquelle toutesfois il honora fort toute sa vie, la rendant également à un chacun & sans faueur. Prince entre tous les Othomans qui a le plus gardé sa parole, comme il parut à Rhodes, à Strigonic, & autres places qui se rendirent à sa mercy, mais sur tout enuers le Roy Iean de Hongrie, le quel il inuestit du Royaume, & luy remit entre les mains les places fortes qu'il auoit conquises: aussi disoit-il que c'estoit le moyen de gagner le cœur des nations estrangeres que de ne fausser point sa foy. Et bien que la mort de ses enfans & de quelques-uns des siens le puisse tacher de cruauté, toutesfois à comparaison de tous ses deuanciers, il a

esté tres-clement : c'est l'enseignement qu'il donna au Roy de Hongrie, de pardonner à ses subjects reuoltez : il estoit fort sçauant aux Mathematiques, & fort addonné à la lecture des histoires, grand obseruateur au demeurant des loix de Mahomet, & qui n'eust pas voulu boire de vin, ny manquer un Vendredi, sans aller aux prieres publiques, faisant bastir plusieurs hospitaux & Mosquées, qui honoroit fort les Prestres de sa loy, & sur tous le Muphty, duquel il prenoit tousiours conseil, quand il vouloit entreprendre quelque chose d'importance. Prince en fin autant accompli qu'aucun autre de son temps, sa Religion exceptée : car il estoit d'un grand iugement, sage en conseil, rond en ses affaires, assez continant enuers les femmes, sobre au manger, & prompt au trauail, ne luy restant pour comble de sa felicité, qu'un successeur qui le secondast en ses vertus : mais il semble que la gloire de la Monarchie des Turcs paruint lors à son periode, & qu'elle commença à decliner par sa mort, qui arriva deuant Zighet par un flux de ventre, selon quelques-uns par un flux de sang, & selon les autres d'une apoplexie, le quatriesme iour de Septembre, l'an de grace mil cinq cens soixante-six, & de l'Egire 973. de son aage le 66. & selon d'autres 76. & de son regne le quarante-sixiesme.



LIVRE QUATORZIESME
DE L'HISTOIRE
DES TURCS.

SOMMAIRE, ET CHEFS PRINCIPAUX
contenus en ce present Liure.

- I. Solyman se conduit en ses affaires par prudence & iustice, pourquoy ce nom luy fut donné, ses considerations sur l'Estat du Christianisme, il entre en l'Empire avecques connoissance des affaires de son Estat.
- II. La renolte de Gazelli & ses presentations, veus attirer à son party le gouverneur de l'Egypte, qui aduersis Solyman des desseins de l'autre, qui ne laisse pas de poursuivre son dessein.
- III. Armée des Turcs contre Gazelli, qui se met sur la defensiue, les exhortations des deux chefs à leurs soldats, la brane resistente des Mammelus, & leur entiere ruine, ils sont trahis par le Prince de l'Aladulie.
- IV. Les Turcs de Verbofane entreprennent contre Iahisse ville de Hongrie, mais ils sont repoussez, stratageme du gouverneur, qui defait les Besilias, qui sont encore defaits en une autre entrepryse.
- V. Ambassadeurs de l'Empereur Turc vers le Roy de Hongrie, qui les retiens contre le droit des gens, qui fut cause d'amener une armée en Hongrie, laquelle prit d'assaut la ville de Sabatzie, persuasions de Pyrrus Bassa pour engager entierement Solyman à la guerre de Hongrie, quelques considerations sur ce sujet, le miserable estat de ce Royaume, Belgrade bloquée par Pyrrus Bassa.
- VI. Situation de Belgrade, assiegée & prise par les Turcs, & leur perfidie, leurs rauages en Rascie, Reliques des Saints trouuées à Belgrade, qui sont rachetées par le Patriarche de Constantinople.
- VII. Qui furent ceux qui persuaderent à Solyman la guerre contre les Rhodiots, la haine de Cur-sogli corsaire contre iceux, lequel attend le grand Maistre de Rhodes au passage, comme il y arriuoit, quelques lettres tant de Solyman que de Pyrrus Bassa au mesme grand Maistre, & la responce qu'il leur fit: memoire de Selim à son fils sur le siege de Rhodes, dans laquelle il y auoit plusieurs traistres, entr'autres un Medecin & le Chancelier de l'Ordre, qui empesche tant qu'il peut qu'on ne donne aucun ordre à la ville, le grand Maistre aduertie des desseins des Turcs, remédie à tout, Pyrrus seignant de traister de paix, enuoye un agent, mais c'estoit pour reconnoistre la ville.
- VIII. Preparatifs tant de Solyman que de ceux de Rhodes, auxquels les Candiots deffendent de faire leuée de soldats en leur Isle, sousesfois ils en tirent secretement: le grand Maistre fait faire une monstre generale, & fait le departement des charges à Rhodes: Image de la VIERGE MARIE preseruée miraculeusement, signal des Turcs pour parlementer, Solyman escrit aux Rhodiots.
- IX. Le grand Maistre fait raser les faux-bourgs de Rhodes & les iardinages. Toute l'armée des Turcs deuant l'Isle, qui sont receus en une pompe militaire, nombre de leurs vaisseaux, les Princes Chrestiens sont semonds d'y donner secours, situation de l'Isle de Rhodes, departement des Cheualiers en leurs quartiers, trahison d'un esclau, qui est puny de mort, les Cheualiers font plusieurs sorties à leur aduantage.
- X. Nombre de l'artillerie des Turcs, arriuée de Solyman en son armée, les aigres & seueres reprimendes qu'il fit à ses soldats, auxquels il pardonne à la priere des principaux de l'armée.

- XI. Logement des principaux de l'armée des Turcs & les diuers changemens de leur batterie, la premiere sortie des Rhodiots sur eux, merueilleuse quantité de mines que les Turcs firent à Rhodes, le premier assaut qu'ils y donnerent assez malheureux pour eux, le second assaut, auquel ils prennent l'espoüence à la venue du Crucifix, efforts du Bassa Pyrrus contre le quartier des Italiens.
- XII. Autres efforts de Mustapha ioint avec Achmet. Medecin Iuis qui seruoit d'espion aux Turcs decouvert & condamné à estre escartelé tout viu, comme il fut. Assaut general des Turcs, devant lequel Solymán harangue ses soldats, & ses Capitaines apres chacun en leur particulier. Le mesme fait le grand Maistre, qui conuoque les siens à l'Assemblée.
- XIII. Assaut general à Rhodes, & brave resistance des Rhodiots, auquel apres plusieurs charges & recharges Solymán fait sonner la retraite, & veut vanger sa perte sur celuy qui luy auoit conseillé ce siege, danger auquel se mit Pyrrus, pour auoir parlé pour Mustapha, grand courage d'une Grecque amie d'un Cheualier, maison de plaisance que fit bastir Solymán sur une montagne proche de Rhodes, où il y auoit lors une Espagnole en grande reputation de sainteté, les Turcs couchent dans les fosses de Rhode, trahison d'un Albanois, ilentre du secours dans la ville, aux despens du grand maistre, trahison du Chancelier d'Almaral decouverte, luy & son seruiteur punis publiquement.
- XIV. Toutes choses deplorées à Rhodes, les Rhodiots reprennent cœur au milieu de leur misere, les Turcs repoussez avec grand massacre, Solymán fait ietter des lettres dans la ville, & un Geneuois voulant tenter les Rhodiots, est rennoyé, toutes fois les lettres ébranlent les Rhodiots, pitoyable discours du Grand Maistre à ceux de Rhodes sur leur proposition, ceux de Rhodes presentent une requeste au conseil des Cheualiers.
- XV. Le Prieur de saint Gilles & Martinengue font leur rapport au conseil de l'estat de la ville de Rhodes, sur lequel le conseil resout qu'il falloit capituler, à quoy le grand Maistre ayant longuement resisté, finalement il s'y laissa aller, merueilleux nombre de Turcs qui moururent devant Rhodes, l'estre de Bajazet donnant malediction à ses successeurs qui feroient la guerre à Rhodes, le grand Maistre donne parole de rendre la ville, articles accordez à Solymán pour la reddition d'icelle, l'estre du grand Maistre à Solymán, & responce à icelle, arriüée de Ferhat au camp des Turcs, l'estonnement d'iceux, & les rançonnemens & outrages qu'ils firent à Rhodes, à leur arriüée.
- XVI. Le grand Maistre vient trouuer Solymán, lequel le console, luy offre de grands aduantages s'il veut estre des siens, les courtoisies qu'il luy fit iusques à l'aller voir dans son palais, & toutes fois sous-main le veut faire mener (selon quelques-uns) à Constantinople, autres insolences des Turcs, qui sont en partie hastier l'embarquement du grand Maistre, lequel quist Rhodes avec ses Cheualiers. Amurat grand oncle de Solymán y est pris, lequel meurt pour la confession du nom de IESVS-CHRIST. Curtogli laissé gouuerneur à Rhodes, Achmet enuoyé en Egypte, qui se reuolte contre Solymán, contre lequel on enuoye Hebraim Bassa, qui pacifie toutes choses, l'autre ayant esté massacré par les siens, grandes seditions des Ianissaires à Constantinople.
- XVII. Entreprises de Solymán contre le Prince de Suuar, description de l'Alidulie, Haly le Prince d'icelle calomnié enuers Solymán, trahison de Ferhat Bassa, qui fait mourir ce Prince, & assubietit toute ceste Pronince à l'Empire des Turcs.
- XVIII. Expedition de Solymán en Hongrie, Haly-beg fait le degast en la Sirmie, bonnes & mauuais habitudes de Paul Tomoré Cordelier & Archeuesque de Colocense, les Estats de Hongrie tenus à Tholne, prise de Valadin Peter par les Turcs, description de la ville & campagne de Mohacs, Paul Tomoré conclut à la bataille, & le Chancelier Broderic persuade de la differer, nombre de l'armée des Hongrois.
- XIX. Solymán s'estonne de la temerité du Roy Louys, la harangue qu'il fit à ses soldats, ordre des Hongrois pour la seuresé de la personne de leur Roy, qui est troublé par Tomorée, l'ordre de leur armée, propos genereux du Roy Louys de Hongrie, harangue de Tomorée à ses soldats.
- XX. La bataille de Mohacs, où les Hongrois ont du commencement l'aduantage, les Turcs changent leur batterie, & les Hongrois la situation de leurs bataillons, qui sont deffaits & leur camp saccagé par les Turcs: le Roy Louys suffoqué dans un marest. Eloge de ce Prince, un fantosme predict sa mort, nombre des morts en ceste bataille, & le grand rauage des Turcs en Hongrie, Solymán s'achemine à Bude, il plaint la fortune du Roy Louys. Strigonie & Vissgarde deffendues par gens de peu, resistance des Hongrois à Marosh & grand massacre d'iceux, Solymán retourne à Constantinople.
- XXI. Sedition en la Naxosie par les Dernirs & Calenders, description d'iceux, qui fut le premier instituteur des Religions des Turcs, Chaz Hasen inuenteur de la Zercola, remuemens d'un Calender

Calender, qui presente la bataille à Hibraim Bassa, de laquelle les Turcs demeurent victorieux. Le Vainode de Transilvanie esleu Roy par les Hongres, qui se bandent les uns contre les autres, Bude abandonnée par le Roy Iean, qui perd la bataille contre le Roy Ferdinand, Iean a recours aux Turcs par le moyen de Laski, qui fait en sorte que Solyman luy accorde du secours, lequel refuse l'alliance de Ferdinand.

XXII. *Troisiesme expedition de Solyman en Hongrie: le Roy Iean luy va baiser les mains & se reconnoist pour son vassal & tributaire, la garnison du chasteau de Bude rend la place aux Turcs malgré leur Capitaine, prise & saccagement de Bude & d'Alterburg: ravage des Turcs en la Styrie, & le premier siege d'iceux deuant Vienne, braue resistance de ceux de dedans, Solyman encourage les siens à l'assaut general, le Comte Palatin fait le mesme à l'endroit des siens, les Turcs repoussez, qui leuent le siege, combien il dura & le nombre des morts, grand nombre d'esclaves qu'ils emmenerent quant & eux.*

XXIII. *Solyman inuestit le Vainode de Transilvanie du Royaume de Hongrie. Quelques considerations sur la ruine de la Hongrie, & l'estat auquel estoit cette Prouince, lors que Solyman la conquist, discours à ce propos en faueur de la France, Solyman fait circoncire trois de ses fils. Ambassadeurs des Venitiens vers Solyman, & de luy à eux, auxquels il donne mille canthares de Salnitre, dresse une puissante armée navale, & veut transporter le trafic à Constantinople, pour noir de Gritzzy en Hongrie, qui s'y conduit si mal qu'il est executé publiquement. Iean traite de paix avec Ferdinand, de laquelle les Venitiens s'entremettent. Quatriesme expedition de Solyman en Hongrie, siege des Turcs deuant Guinz mefehante place, & qui neantmoins leur tient teste iusques à la fin qu'ils leuerent le siege, grandes armées de l'Empereur Charles le quint & de Solyman, bien pres l'une de l'autre sans rien faire, mutinerie des Espagnols, armées de mer des Chrestiens & des Turcs, l'armée Chrestienne prend Coron, Patras & les Dardanelles.*

XXIV. *Origine de Cairadin Barbe-rousse, histoire de son frere Horux, qui fait mourir le seigneur d'Alger, ses conquestes, ses artifices pour se faire Roy du Telensin, chassé, vaincu & tué, histoire de Mahomet gouverneur de Thunes, Muley Hascen son successeur, le frere duquel se refugie vers Barbe-rousse, qui le mene à Constantinople, les ravages de ce coursaire en ce voyage, Muley Hascen se refugie vers l'Empereur Charles le quint. Barbe-rousse s'empare de Thunes & du fort de la Goulette.*

XXV. *Siege des Turcs deuant Coron, sortie de ceux de la garnison, qui surprennent les Turcs à Andrassa, sont contrains de faire retraite, & apres d'abandonner la ville: les Turcs reprennent toutes les places qu'ils auoient perduës en la Morée, combat naval de Portondo, sa mort & prise de galeres, qu'André Dorie tasche de vanger, & prend Cercelle, perd son aduantage par la faulse des soldats, toutes fois empesche la prise de Calis. Seminaire de guerre entre les Turcs & les Perses & les causes d'icelle, la mere & la femme de Solyman contraires à cette expedition, Vlana Perse reuolte pour les Turcs: Seref-beg fait le mesme pour les Perses, son histoire, situation de Carahemide, Hibraim dans Tauris, sans coup ferir, Solyman s'achemine en Perse, Tachmas craint de hazarder une bataille contre les Turcs.*

XXVI. *Deffains des Perses, découverts par Vlana, l'huyet contrainst les Turcs de faire retraite, grand orage sur leur camp, ils mettent garnison dans Tauris, qu'ils abandonnerent inconsistant apres fort laschement, Mahomet gouverneur de Bagadet fort fidele à son Prince, prattiqué par Vlana, contrainst de quitter sa ville, en laquelle Solyman est receu & couronné Roy des Perses par le Caliphe, reduit le Curdistan & le Diarbek en Prouinces, & fortifie la citadelle de Babylone, puis s'en retourne en Perse, contrainst Tachmas de quitter Tauris pour la secon de fois, qui est ruinée & despoüllée de tout ce qu'elle auoit de beau par les Turcs, qui en fin se retirent apres auoir fait plusieurs ravages, poursuiuis par Tachmas, & une partie d'iceux taillez en pieces par Deliment, un Capitaine du Roy de Perse.*

XXVII. *Retour de Solyman à Constantinople, haine de sa mere & de sa femme contre Hibraim Bassa, origine d'iceluy & progres de sa fortune, causes principales de sa perte, les reproches que luy fit Solyman, la promesse qu'il luy auoit faite, & finalement sa mort tragique.*

XXVIII. *Armée des Chrestiens à Thunes en Afrique contre Barbe-rousse, situation de Thunes, les forces de Barbe-rousse, assaut general des Chrestiens au fort de la Goulette, deffaste des Turcs deuant Thunes, la ville vient en la puissance des Chrestiens par le moyen des esclaves; Barbe-rousse se retire à Bonne, grande disette parmy son armée, va trouuer Solyman qui le reçoit avec bon visage.*

XXIX. *Les Transilvains neutres entre les deux Roys de Hongrie, qui s'accordent ensemble, mort du Roy Iean, & les tuteurs qu'il laissa à son fils. Occasions de la Guerre des Turcs contre les Portugais, le Beglierbey d'Egypte a cette commission, le Roy de Cambaia demande secours con-*

tre eux à Solymán, qui le luy accorde, situation de la ville d'Aden, histoire pitoyable du Roy d'icelle, qui est pendu & estranglé par les Turcs, & eux se rendent maistres de sa ville, s'acheminent en l'isle de Diu, & mettent le siege deuant la ville, qu'ils sont contraincts de leuer, perfidie de l'Eunuque Solymán, situation de Zibish ville fort marchande, qui vint sous la domination des Turcs.

XXX. Origine de Lutzí Bassá & son histoire, il incite Solymán à la guerre contre les Chrestiens, grande & puissante armée des Turcs en Albanie, causes de la guerre contre les Venisiens, à laquelle Solymán n'estoit point porté, ils ont à la fin pour eux Lutzí, & Barbe-rousse pour ennemy, prise de Castro en la Pouille, entreprise des Turcs sur l'isle de Corfou: les montagnards Albanois font une entreprise sur la vie de Solymán, & sont descouverts: artifice de Lutzí pour leuer le siege avec honneur de deuant Corfou, qui occasionna Solymán à leuer ce siege, isles conquises par Barbe-rousse en l'Archipel, les Turcs assiegent Naples & Maluesie sans rien faire, & ont l'aduantage en un combat pres Cliffa.

XXXI. L'armée Chrestienne deuant Escechio en Hongrie, le mauuais ordre les contrainct de leuer le siege, & se retirent mass en confusion: grande conduite & vigilance de Mahomet general des Turcs: Lodron encourage les siens, & Mahomet fait le semblable, valeureuse generosité de Lodron, sa mort & deffaitte de son armée, une des plus signalées qui soient arrivées aux Hongres, Gazzianer general de l'armée Chrestienne constitué prisonnier par Ferdinand, il se sauue de sa prison, & est en fin tué en trahison.

XXXII. Ferdinand assiege Bude, Roccandolph chef de son armée, fait des offres à la Royne, & responce à icelles, par le moyen de Georges, Solymán enuoye secours à la Royne de Hongrie, qui se veut rendre à Ferdinand, mais elle en est empeschée par Georges, les Turcs deuant Bude, l'armée des Hongres se retire à Pesth, les chefs des deux armées incisent leurs soldats au combat, deffaitte totale des Hongres, avec la prise de la ville de Pesth, grand nombre de morts en cette deffaitte.

XXXIII. Les Turcs en Moldaue, qui se rend à eux, fuite de Moldaue; qui demande pardon à Solymán, aduantage de ce Prince: rauage de Barbe-rousse, armée navale des Chrestiens & des Turcs, où apres quelque combat l'armée de la Ligue se retire, Barbe-rousse poursuit sa victoire. Chasteau-neuf pris par les Chrestiens, Dorie se retire mal à propos.

XXXIV. Les Turcs en Transilvanie contre Maillac, qui prennent Fongare, troubles pacifiz en Albanie, Dragut deuant Chasteau-neuf, les Espagnols abandonnez de tout secours, leur grand courage, & principalement de Sarmiento leur chef, & pitoyable massacre d'iceux, Dragut repousse de deuant Catarro, merueilleux embrasement à Constantinople, forme des Carauanserails, grand embarrasement en la chronologie Turque.

XXXV. Les deux Mahomets qui auoient fait la guerre en Hongrie, vont trouuer Solymán, lequel vint deuant Bude, & ennuoya des presens au ieune Roy Estienne, fait demander par ses Ambassadeurs qu'il le vienne trouuer en son camp, la ville de Bude surprise par les Turcs sans massacre, sans pillerie & sans brust, Solymán renuoye le ieune Roy à sa mere, laquelle demeure sans assistance en son affliction, le Monarque Othoman ayant retenu les principaux seigneurs de Hongrie. Lettres de la Royne de Hongrie à Solymán, qui prie pour les seigneurs Hongrois, & enuoye des presens à Russán Bassá, Solymán entre dans Bude, & fait sortir la Royne du chasteau, quel ordre il donna aux affaires du Roy Estienne, la forteresse de la ville de cinq-Eglises rendue à Solymán, magnanime constance de la Royne de Hongrie.

XXXVI. Ambassadeurs de Ferdinand vers Solymán, leurs presens, leurs demandes, & la responce de Solymán, ils sont éconduits de toutes choses, rauages des Turcs en Moranie. Expedition de l'Empereur Charles le quint contre Alger, quelles forces il auoit & celles des assiegez, lesquels font quelques sorties à leur aduantage, grand orage qui cause la ruine de l'armée Chrestienne, grande misere en cete armée, & perte notable d'icelle.

XXXVII. Grande armée de Ferdinand en Hongrie, qui donne de l'estonnement aux Turcs, vient assieger Pesth, stratageme de Vitelly qui reussit, Pesth deffendue par Segemens, lascheté des Alemans, & le peu d'assurance de l'armée Chrestienne, le general mesme sans courage, retraite de cette armée, Vitelly sauue l'honneur d'icelle par sa valeur.

XXXVIII. Autre expedition de Solymán en Hongrie, siege & prise de Valpon par les Turcs, & grand courage de la femme de Peren, Scelone & sa citadelle prises par eux-mesmes, leur cruauté & perfidie: pont sur le Danube par Solymán, qui assiege Strigonie qui se rend apres quelques assauts, courtoisies des Turcs enuers les malades, Solymán la fait fortifier, Tatta se rend, courtoisie de Solymán enuers ceux de la garnison, on chante à Vienne le triomphe au lieu de pleurer la perte.

- XXXIX. Situation d'Albe-Royale & ses fortereſſes, Solyman y met le ſiege, pluſieurs aſſauts des Turcs contre icelle, dont ils ſont repouſſez, & toutes fois les aſſiegez ſe rendent à la fin, la garniſon conduite en lieu de ſeureté par les Turcs, qui aſſiegent Viſſegrade, laquelle ſe rend à compoſition.
- XL. Ravage de Barbe-rouſſe en la Calabre, les Turcs prennent Nice, mais par l'artifice du Marquis du Guast ils leuent le ſiege de deuant la citadelle, s'arreſtens à l'ifle d'Elbe, & pourquoy, prennent Telamon, Monteano, Porto Hercola & Giglio, ravagent l'ifle d'Iſchie, prennent celle de Lipari. Mort de Mahomet fils de Solyman, duel d'iceluy à cauſe de cette mort.
- XLI. Troubles en la Tranſilvanie & pourquoy, patentes de Solyman aux Tranſilvains, la Royne de Hongrie s'accorde avec Georges, qui recherche apres Ferdinand, la Royne ſe depoüille du Royaume & le reſigne au meſme Ferdinand: guerre des Turcs contre les Perſes à cauſe de l'Imirze frere de Tachmas, lequel le fait en fin mourir en priſon, baſtimens de Solyman à Conſtantinople.
- XLII. Beche & Seuat pris par les Turcs. Lippe ſe rend à eux, ſituation de Themisfuvar, aſſiégué par les Turcs, qui leuent bien-toſt apres le ſiege ſans rien faire: Georges fait Cardinal, l'armée de Ferdinand deuant Lippe, qui eſt priſe d'aſſaut, le chasteau ſe rend, conſpiration contre Georges, mort & punition des meurtriers, Zeghedin pris par les Chreſtiens, & repris par les Turcs.
- XLIII. Autre expedition de Solyman en Tranſilvanie, grande deconſiture des Moldaves, ſiege de Themisfuvar, deux Eſpagnols empeſchent le Baſſa Achmet de leuer le ſiege, la ville ſe rend aux Turcs, auſſi fait Caramſebelle, laſcheté d'Aldene qui abandonne Lippe, priſe apres par les Turcs, & la tres-forte place de Solimos.
- XLIV. Siege du chasteau de Drigal par les Chreſtiens, qui ſont deffaits par les Turcs, lesſquels prennent Zaluoch, information ſur la mort de Georges, ſiege des Turcs deuant Agria, qui eſt valeureuſement deffendue, & le Baſſa contraint en fin de ſe retirer, conſeil & bon aduü de Caſtalde meſpriſé.
- XLV. Origine & aduancement de Dragut, qui ſe rend maiſtre d'Africa, laquelle eſt par apres re- priſe par les Chreſtiens, & la ville de Monafter, Solyman perſuadé à la guerre contre les Chreſtiens par Dragut, lequeleſt aſſiégué par Dorie aux Gerbes, d'oü il ſe ſauue avec beaucoup d'induftrie: Anguſte ville de Sicile ſaccagée par les Turcs, qui ſont le meſme en l'ifle & au chasteau du Goze, & aſſiegent Tripoli, ſituation de cette ville, la forme des gabions des Turcs, les ſoldats du chasteau parlent de ſe rendre, le mauuais traictement qu'ils reçoient des Turcs, Morat Aga Roy de Tripoli & de Tagiora.
- XLVI. Hiſtoire pitoyable de Muſtapha fils de Solyman, lequeleſpouſe Roxelane, ruſes & artifices de cette femme pour ſe deffaire de ſon beau-fils, guerre feinte en Perſe pour la ruine de ce Prince, Solyman fait eſtrangler ſon fils dans ſa tente & encourage les maſſacreurs, Giangir ſon ieune frere en meurt de regret, Ruſtan depoſſédé de ſa charge & Achmet conſtitué en ſon lieu, le fils de Muſtapha eſtranglé par le commandement de ſon ayeul, notable reſolution de ce ieune Prince.
- XLVII. Bajazet fils de Solyman ſuppoſe vn faux Muſtapha, lequel eſt pris, & découure tous les deſſeins de ſon maiſtre à Solyman, Roxelane obtient pardon pour ſon fils, hiſtoire d'Achomat Baſſa, ſa mort & ſon grand courage.
- XLVIII. Patentes de Solyman aux Tranſilvains. Diette de Coloſuar, demandes de Caſtalde, ſa retraite: Babocz pris par les Turcs, 1. ſiege de Zighet par les Turcs, lesſquels ſont contraints de le leuer, trefue entre Solyman & Ferdinand, Maximilian empeſche qu'on ne traite de paix.
- XLIX. Mort de Roxelane, reuolte de Bajazet, ſes menées, prudence de Solyman en cette affaire, & comme il ſ'y conduit, il eſt contraint de s'armer contre ſon fils, queſtions propoſées par Solyman au Muphty, & ſa reſponce, price d'Axuar par Bajazet, Selim campé pres d'Iconium, où Bajazet le va trouver avec ſon armée, il encourage les ſiens au combat, bataille entre les deux freres, Bajazet pourſuiuy de toutes parts ſe retire vers les Perſes, leur Roy enuoye interceder pour Bajazet, leurs ruſes apres pour le ruiner, emprisonné & quatre fils qu'il auoit quant & luy. Solyman impetre de Tachmas de le pouuoir faire mourir chez luy, & ainſi fut eſtranglé avec ſes enfans en la priſon, & ſon plus ieune fils à Sebaſte.
- L. Entreprife des Eſpagnols ſur Tripoli, prennent l'ifle des Gerbes & fortifient le chasteau, la ſituation de cette ifle: armée nautale des Turcs pour le ſecours, ronte de l'armée Chreſtienne, le fort des Gerbes ſe rend aux Turcs, Piali Baſſa entre en triomphe en Conſtantinople.
- LI. Sſiege des Turcs deuant Oran qu'ils leuent incontinent, grande armée nautale du Roy d'Eſpa-

- gne contre le Pignon de Véles , prise d'iceluy & lascheté des asiegez , grands preparatifs de Solymán pour la guerre de Malte , nombre des gens de guerre , des vaisseaux & des munitions.
- LII. L'armée des Turcs au port de Malte , situation de cette isle , forces qui estoient dans Malte , lors que les Turcs y mirent le siege , ils vont reconnoistre le fort de saint-Elme , Dragut arrive en l'armée , batterie des Turcs en diuers lieux au fort saint-Elme , duquel ils se rendent maistres , nombre des morts tant d'une part que d'autre.
- LIII. Bastions des Turcs au Bourg & au fort saint Michel , le Roy d'Alger vient à leur secours deuant Malte , plusieurs assauts liurez par les Turcs , qui sont repoussez , stratageme de Piali Bassa , plusieurs inuentions des Turcs , secours à ceux de Malte , le siege leué , & la prise de l'isle de Chio par les Turcs.
- LIV. Rauage des Turcs en Hongrie , & prises de plusieurs places , dont les Hongrois ont apres leur revanche par la prise de Vespermin & autres : derniere expedition de Solymán en Hongrie , il fait faire un pont sur le Draue , situation & siege de Zighet , quelques inuentions des Turcs pour ce siege , plusieurs assauts qu'ils liuerent aux asiegez dont ils furent repoussez , la mort de Solymán deuant Zighet.
- LV. Sage aduis de Mahomet Bassa pour celer la mort de Solymán , il encourage ses soldats à l'assaut contre Zighet , d'où il est reponcé , le feu s'estant mis par hazard au chasteau , le Comte de Serin se fait braue pour mourir au lit d'honneur , sa mort , la prise de Zighet , Iule asiegée & rendue fort laschement , dequoy le Capitaine & les soldats furent chastiez par la perfidie des Turcs : leurs courses & rauages en Hongrie , grands orages qui arriuerent à la mort de Solymán , le Danube se trouble extraordinairement , les louanges & perfections de cet Empereur.





LIVRE QVATORZIESME

DE L'HISTOIRE

DES TVRCS.



A PRES vn si grand orage de guerre, qui auoit duré l'espace de huict ans sous le regne de Selim, la destruction de si puissans peuples, & la conquête des Prouinces si opulentes; les Chrestiens qui auoient eu quelque relasche durant ce temps, (ce tourbillon ayant passé de l'Orient au midy sans les approcher) estoient que Solyman, content d'un si grand Empire, s'amuseroit plustost à policer ses nouueaux sujets, & à s'establir dans les conquestes paternelles, qu'à faire nouuelles entreprises & tourmenter ses voisins. Que le temple de la guerre ouuert pour eux depuis tant d'années par les autres Othomans, seroit à cette fois clos par cét autre Salomon (car c'est ce que veut dire Solyman) qu'ils auoient iugé pacifique par la signification de son nom, plustost que par la connoissance de son naturel, se fondans sur ce qu'il s'estoit contenu en si grande modestie durant la longue absence de son pere, & qu'il n'auoit fait aucune entreprise contre luy. Mais comme il eut en main les resnes de la domination, il fit bien tost paroistre qu'il estoit vn lion en courage, & en conseil vn renard, & que s'il auoit quelque conformité avecques ce sage Roy des Hebreux, c'estoit en sa prudence & bonne conduite aux affaires, le lustre, l'agencement, l'assaisonnement de toutes ses actions. Ce qui me le feroit plustost rapporter à cét ancien Ianus à deux visages, tenu pour hieroglyphe de la prudence, puis qu'il a donné ordre aux affaires du passé, comme vous pourrez entendre cy-apres, & sagement entrepris celles de l'aduenir, ayant eu trois choses tres-rare en vn Conquerant, vaillance, prudence & bon-heur: car il n'a point entrepris ses conquestes par vn desir d'une boiillante ieunesse, se fiant sur ses forces & ses richesses, mais prenant son temps en toutes choses, aduertie qu'il estoit des affaires de ses ennemis; il s'est seruy des occasions si à propos, que ses entreprises luy ont tousiours tres-heureusement reussi. I'adiouste encores que ce qui luy peut auoir plus iustement donné ce nom, c'est qu'il est entré en la possession de son Empire sans effusion de sang, non peut-estre qu'il n'eust esté tel que ses deuanciers, s'il eust trouué sujet de ce faire: car il parut assez apres, qu'il auoit de la cruauté, & que seulement il en scauoit vser plus discrettement que n'auoit fait son pere, mais estant fils vnique, il s'estoit assis sur le Thrône Imperial sans aucun competitor: si que n'estant abreuué d'aucun discord domestique, il n'apportoit aussi aucune hayne, & ne se sentoient offensé de personne, pour auoir le desir de se vanger. Or paruint-il à l'Empire en l'aage de vingt ans, aage florissant pour pouuoir executer de belles & grandes choses: la mesme année que Charles le quint Roy des Espagnes, receut la couronne Imperiale à Aix la Chapelle: comme si l'ambitieuse enuie que ces deux grands Princes se sont tousiours portée à leur gloire, eust deu se conceuoir au mesme temps de la naissance de leur grandeur.

A YANT donc commencé son regne par la pieté, à scauoir par les funerailles, & sepulture de son pere, & fait les largesses que vous auez entendues au liure precedent, il le voulut continuer par la iustice; car la premiere action qu'il fit, ce fut de faire publier, que si feu son pere ou ses officiers auoient pris iniquement quelque chose à qui que ce fust, en disant les causes & comment cela leur auroit esté osté, quand bien il seroit desia dans le thresor, qu'il leur seroit rendu. Ce qu'il executa, non sans l'admiration d'un chacun.

I.
1520.

Solyman vn
mesme nom
que Salomé.

Se conduit
par prudence
en toutes ses
affaires

Rencontre
remarquable.

Iustice admirable de Solyman.

1520. car les Turcs tiennent tout ce qui est au fife, aussi précieux que s'il estoit dédié à DIEU, ne croyans pas qu'il doive estre employé à autre chose qu'au service du Prince & pour la Republique, soit qu'ils en usent ainsi par erreur ou par flatterie. Apres cela il tourna bientôt ses pensées à la guerre contre les Chrestiens, continuant les derniers desseins de Selim, informé particulièrement, comme il estoit, de l'estat de leurs affaires. Il sçauoit que dès l'an mil cinq cens dix-sept, le Pape Leon dixiesme faisoit prescher par tout vne Croisade contre les Turcs, que desjà il s'en estoit leué de grands deniers, & que les Princes Chrestiens estoient apres à faire vne ligue entr'eux, pour l'aller attaquer iusques chez luy: mais il n'ignoroit pas leurs riottes particulieres & leurs dissensions domestiques, que la besongne qu'ils se tailloient à eux-mesmes par leur ambition, les occuperoit assez chez eux, sans aller enuahir l'autrui. Joint le grand schisme qui commençoit de naistre alors par l'erreur de Luther: lequel comme il estoit fondé sur des nouveautez en la religion, il estoit assuré de voir aussi-tost de la confusion, & que ce lien là osté, leurs estats seroient comblez de folie, de vices & de cruauté: plusieurs milliers d'hommes perissans sous le pretexte de pieté. Ces choses, dis-je, luy donnoient vne grande esperance de venir aysément au dessus de ses entreprises, & de mettre aysément le feu aux portes de la maison, tandis qu'on estoit assez empesché d'esteindre celuy qui estoit des-jà tout embrasé au dedans. Et comme il n'auoit point esté nourry à la maniere des enfans des Othomans, que l'on éloigne le plus qu'on peut de la Cour de leur pere, & à qui on oste toute connoissance des affaires: au contraire certuy cy ayant tousiours esté meslé parmy les actions les plus importantes, il connoissoit aussi en fonds les forces & l'estendue de sa puissance, & la foiblesse de ses ennemis. Mais comme il s'occupoit à faire ses preparatifs, d'autres nouvelles le porterent aussi à d'autres desseins: ce furent les remuemens que Gazelli faisoit en la Surie, de laquelle il auoit le gouuernement, desquels il fut aduertty en diligence par Cait-beg, Beglierbey de l'Egypte, & voicy comment.

II.

Opinion des Turcs sur le chef de leur Prince.
 IL vous peut assez souuenir comme Zamburd Gazelli, l'un des premiers entre les Mamelus, s'estoit volontairement venu rendre à Selim, apres la defaite de Thomam-bey, lequel l'auoit fort fauorablement receu, & mesmes luy auoit donné le gouuernement de Surie: or ne l'estoit-il venu reconnoistre qu'à l'extremité, s'estant tousiours monstré fort entier pour son party, tant au conseil, du temps de Campson, comme aux armées dont il eut charge sous son successeur: si qu'il auoit tousiours en son interieur quelque esperance de ramasser les restes des Mamelus espars par toutes les Prouinces conquises, & de rentrer quelquesfois dans leur ancienne domination: la Prouince qu'il auoit en main, luy en donnoit vn grand sujet, & l'Egypte & pays Arabissan, qui estoient sous la conduite de Cait-beg reuolté de Campson, & cy-deuant gouuerneur d'Alep: de sorte que les Mamelus tenoient encore les resnes de l'Empire, il n'y auoit que le seul changement de Seigneur. Comme il estoit doncques sur ces pensées, les nouvelles de la mort de Selim furent incontinent espandues par toutes les Prouinces: Gazelli, comme s'il eust esté quitte du serment de fidelité qu'il luy auoit presté, & de l'obeyssance qu'il deuoit rendre à son fils Solyman, commença à faire ses menées, & à se declarer plus ouuertement. Pour ce faire il manda les Mamelus de toutes parts pour le venir trouuer, attira par dons & promesses les Capitaines des Arabes, & pour se fortifier dauantage, & faire en vn instant aller en fumée les victoires & labours de Selim, il enuoya vn Ambassadeur auquel il se confioit du tout, à Cait-beg, pour luy persuader la reuolte, qu'il estoit assez assuré de la mauuaise volonté que les habitans du Caire, & ceux encores de toute l'Egypte portoient aux Turcs, & avecques quelle affection ils souhaittoient de secouer le ioug de leur domination. Qu'ayant maintenant en ses mains toutes les forces & la puissance de cette Prouince, la saison estoit venue de se vanger des torts & iniures qu'auoient receuës tous les Circassies, sur les Turcs qui estoient en sa Prouince: qu'il ne laissast doncques pas perdre cette occasion de se rendre le Souuerain de l'Egypte, & rendre aux Mamelus qui restoient encores, leur ancienne autorité, qu'il print hardiment les armes contre les Turcs de son costé, comme il feroit du sien, s'assurant que ce ieune Prince sans experience, nouvellement venu à la couronne, ne pourroit iamais venir à temps, qu'ils ne se fussent & l'un & l'autre emparez de leurs Prouinces, & que s'il vouloit alors faire ses efforts d'y rentrer, s'ils estoient bien vnis ensemble par bonne intelligence, il ne doutoit nullement qu'il ne fust contraint en fin de se retirer chez soy plus viste que le pas, avecques honte & perte de ce que Selim leur auoit iniustement vsuré.

MAIS Cait-beg qui preferoit les choses certaines & assurées aux douteuses & incertaines,

Pretensions de Gazelli.

Ses reuoltes.

Enuoye vn Ambassadeur a Cait-beg en Egypte.

Resolusio de Cait-beg.

incertaines, ne se fiant point à Gazelli qui auoit esté son ancien ennemy, & craignant que ce fust vn filet qu'il tendist pour le surprendre & le ruiner, & outre ce entrant en défiance de ses forces qu'il reconnoissoit fort debiles pour resister à vn si grand Monarque que l'Othoman, iugea qu'il estoit plus à propos pour luy de faire preuue de sa fidelité, qui luy acquerroit de plus en plus la bonne grace de son Prince, & le maintiendrait en ses Estats, que d'entreprendre choses nouuelles, & aspirer à plus haute dignité: au lieu de faire réponse à Gazelli, il fit mourir son Ambassadeur, & enuoya en diligence à Constantinople vers Solyman l'aduerter des remuemens qui se faisoient en Syrie par les menées du Gouverneur, duquel il enuoya les memoires, afin qu'il fust plus particulièrement informé de ses desseins.

Qui aduertit
Solyman des
desseins de
Gazelli.

GAZELLI d'autre costé qui ne dormoit pas (comme vn esprit remuant n'a iamais guerres de repos) voyant son Ambassadeur retarder plus long-temps qu'il ne deuoit, se douta incontinent que ses affaires ne réussiroient pas de ce costé-là, comme il le desiroit, & comme il auoit des amis secrets au Caire qui veilloient, il fut incontinent aduerty du mauuais tour que luy auoit joié Cait-beg, ce qui l'attrista grandement, tant pour voir son entre-prise découuerte, & vne si belle occasion perdue, que les Mammelus ne recouvreroient iamais, que pour se voir surpris auparauât que d'auoir fait tous ses preparatifs. Toutesfois, comme il estoit homme de grand cœur, tout façonné par vne longue experience aux traueses qui arriuent au maniement des grandes affaires, il ne s'estonna pas, ny n'en relâcha rien de son dessein; ains ayant fait alliance avecques le grand Maistre du Carrette, qui luy auoit enuoyé de l'artillerie de Rhodes, prit par force Tripoli, Barut & autres places d'importance, où il mit à mort toutes les garnisons des Turcs: Que s'il se fust aussi bien adressé au Sophy comme à Cait-beg, son dessein eust aussi heureusement réussi, comme il auoit esté hardiment entrepris, tant toutes choses y estoient bien disposées. Mais celuy qui regit & gouuerne les Empires, & qui d'une Babylone fait vne masure, & d'une meschante roche enuironnée de haliers vne Rome triomphante, vouloit que les Mammelus venus de pauvres esclaves, & éleuez à vne si grande gloire, perissent en vn instant & retournassent à leur premiere origine, & que les Turcs sortis d'un meschant village de Sogut, regnassent en leur place: les habitans de ces Prouinces de Syrie & d'Egypte n'estans pas dignes, à cause de leurs impietez, d'estre gouuernez par ceux de leur nation.

Qui nonob-
stant pour-
suiuit son
dessein.

Prouidence
admirable du
Tout-puissant.

CEPENDANT Solyman, sur l'aduis qu'il auoit receu, faisoit ses diligences; car il voyoit bien qu'en cela seul consistoit la conseruation de ces Prouinces. Ayant doncques leué vne puissante armée, il en donna la charge à Ferhat Bassa, celuy qui luy auoit donné le premier aduis de la mort de son pere, avecques commandement de marcher aux plus grandes iournées qu'il luy seroit possible, afin de surprendre Gazelli: ce qu'il executa si fidelement, que l'autre voyant vne telle puissance venir fondre sur luy, & se sentant trop foible pour resister à Ferhat, recueillit les soldats qu'il auoit disperlez aux garnisons, & se retira à Damas, où Ferhat le suivit à la piste pour le combattre. Les forces de Gazelli estoient bien inégales à celles du Turc, car quelques-vns ont escrit que ceux-cy estoient bien dix contre vn: Gazelli toutesfois, qui reconnoissoit assez qu'il n'y auoit point de misericorde pour luy, se resolut plustost de tenter le hazard de quelque signalé combat & mourir les armes en la main en vaillant & genereux Capitaine, que de se laisser miserablement assieger & prendre dans l'enclos d'une ville: aussi estoit-ce le plus honneste party pour luy, puis qu'il estoit sans esperance d'aucun secours que de celuy qui l'accompagnoit. Il sortit doncques de Damas, & s'en vint camper en vn lieu assez aduantageux pour luy, en attendant l'arriuée de son ennemy, à la premiere veüe duquel il disposa ses troupes en fort bel ordre, les encourageant à ne se point estonner de leur multitude leuée à la haste, à laquelle il ne falloit que la moindre espouuante pour les mettre en desordre & en route. Ce ne sont pas, disoit-il, les plus grandes armées qui emportent tousiours les plus belles victoires, il y va de la conduite, de la valeur & du bon-heur. Les Grecs anciennement deffirent le grand Xerxes à Salamine qui auoit vn million d'hommes, & son Lieutenant Mardonius à Platées, qui en auoit six cens mille, c'est à dire près de deux fois dix contre vn: & le grand Alexandre avecques trente mille hommes se rendit le Monarque de l'Asie, & deffit en deux signalées batailles le puissant Roy Darius, qui en auoit plus de trois cens mille: cette grande multitude, est ordinairement sujette à la confusion, si elle n'est conduite par vn chef fort experimenté. Mais quel est le Bassa Ferhat? homme plus nourry sous le couuert qu'à la campagne, qui n'a point eu de conduite d'armée qui l'ait pû faire renommer; ce n'est point icy vn Sinan Bassa, ny vn Sultan Selim, grands guerriers, qui s'estoient

III.

Solyman en-
uoye des for-
ces contre
Gazelli.

Lequel se re-
sout à la des-
fiance.

1520.

rencontrez tant de fois en des combats signalez contre de tres-puissantes nations, & toutesfois il se pouuoit vanter d'auoir tenu teste à l'armée du premier, n'ayant que huit mille cheuaux, la lassitude desquels fut plustost cause de sa retraite que la valeur de l'ennemy: car on sçait assez le long chemin qu'ils auoient fait, & leur diligence pour le surprendre: mais tant y a que les Turcs aussi harassez qu'eux, non du chemin, mais du combat, auoient esté contraincts de camper au lieu mesme de la bataille, sans les oser poursuivre. Quant à Selim, ne sçauéz vous pas que sans les traistres, qui par vne infinité de fois nous ont trahis, il y eust perdu l'honneur & la vie, & que toute son armée eust esté enseuelie dans les sables d'Egypte? Que s'il nous a vaincus, que ce n'a point esté à force d'hommes, ains avecques la violence de son canon. Mais ne trouuez-vous pas que c'est vn grand tesmoignage de la croyance qu'il auoit en nostre valeur & conduite: puis qu'entretant de chefs qu'il auoit en son armée, il n'en a point trouué de plus suffisans pour regir & gouverner cette Prouince que Gazelli, & Cait-beg, ce traistre à sa patrie, qui luy a le premier mis le cousteau sur la gorge, & qui la luy acheue maintenant de couper par le refus qu'il a fait de nous assister: ayant luy seul par ses trahisons apporté plus de ruine à la Surie & à l'Egypte, que tous les Turcs ensemble? Car quant à moy m'estant reserué à des plus favorables destins, lors que ie vy nos affaires toutes deplorées, ie m'allay rendre veritablement à l'Othoman, mais c'estoit tousiours en intention de consacrer ma vie à la premiere occasion pour le bien de mon pays & la liberté de vous tous: & de fait i'auois heureusement pris mon temps, si ce perfide n'eust donné aduis de nos desseins à nos ennemis. Mais si ne manquay-je point d'esperance, que nostre valeur ne nous donne à certe fois quelque aduantage, veu la genereuse resolution que nous auons prise, & que si le ciel ne se veut contenter de nous affliger, au moins s'en pourra-il laisser: c'est aux choses difficiles que la vertu rend plus d'esclat, & lors qu'elles semblent impossibles, les effets en sont d'autant plus estimables. Courage donc, mes chers compagnons, faisons en sorte que nos malheurs ne iouissent pas d'vne paisible victoire sur nous, & que tout le monde connoisse que nostre mauuaise fortune n'a point esté sans resistance: que s'il nous faut ietter aux pieds du malheur, rendons pour le moins nostre ruine memorable, par les belles marques que nous laisserons à la posterité, de ce que peut le desir de la liberté de son pais en vne ame genereuse: il n'y a quelquesfois qu'un pas à faire d'un extreme malheur à vne tres-grande prosperité. Mais pourquoy les armes qui sont iournalieres, ne nous favoriseroient-elles pas, puis que nous les auons tant cheries? Que si nous auons le dessus de ce combat, si ie puis voir vne seule fois vos fronts couronnez de lauriers, assurez-vous que le bruit de cette victoire tant petite puisse-elle estre, volera incontinent par tous les cantons de cette Prouince, & les peuples desia lassez de la domination Turque, accourront de toutes parts à nostre secours. Ioint que ie tiens pour certain qu'au moindre aduantage que nous puissions auoir, les Perses ne nous laisseront point au besoin, ayans desia assez de resentimens de nostre disgrâce. C'est doncques de la magnanime constance d'un courage releué, que dépend toute nostre bonne fortune, & c'est avecques la pointe de nos espées que nous deuons releuer nostre sceptre abbatu: action plus memorable qu'aucune autre de l'antiquité, & qui nous doit immortaliser dans l'éternité.

D'après de
Ferhat à son
armée.

TANDIS Ferhat approchoit de Damas, lequel considerant de loing l'armée de Gazelli desia en bataille, se tournant vers ses soldats: Voyez-vous, dit-il, compagnons, cette poignée de gens, ce sont ceux que vous aurez à combattre: voila le reste des Mamme-lus, ceux-cy vaincus, il n'y a plus de ressource pour eux. I'ay seulement regret que nous n'auons meilleur sujet de faire paroistre nostre affection au seruice du Seigneur, afin qu'à son aduenement à la couronne, nous luy puissions rendre par quelque signalé seruice, vn tesmoignage de nostre fidelité: mais au moins taschons de luy mener vif cet ingrat perfide, qui apres auoir esté esleué par nostre Sultan Selim au plus haut degré d'honneur, luy qui ne meritoit que la chaisne & vn esclauage perpetuel, au lieu de consacrer sa vie à sa grandeur pour vne clemence si signalée, a fait reuolter la Prouince contre son fils nostre souverain Seigneur. Ne pensez pas aussi que ce qu'il se presente ainsi deuant nous, ce soit avecques esperance de quelque aduantage: le seul desespoir auquel il s'est laissé plonger de ne pouuoir obtenir remission d'un si grand crime, luy donne encores l'assurance de paroistre icy les armes en la main, ne cherchant que la mort pour donner fin à ses miseres presentes. Car il n'a vn seul allié, vn seul amy, vne seule contrée, ny vn seul soldat à sa deuotion, outre ceux que vous voyez deuant vous: & ie m'assure qu'en vos cœurs
vous

vous plaignez vostre peine, d'estre venus de si loing pour combattre vne si petite troupe. Toutesfois comme ce qui a le pouuoir de naistre, a bien souuent aussi le pouuoir de s'establir, puis que le Seigneur n'a point dédaigné de s'armer contre vn sien esclaue, ne l'ayez point aussi en petite estime, que vostre mespris soit cause de luy donner quelque aduantage sur vous, car comme vous scauez, Gazelli est vn homme de guerre, & les Mammelus fort bons combatans, maintenant encore qu'il y va de leur reste, ne doutez point qu'ils ne s'exposent à toutes sortes de dangers, & ennuyez qu'il sont de viure, qu'ils ne combattent iusques à l'extremité. Et partant encores que vous les voyez en si petit nombre au regard de vous, ne laissez pas de leur faire sentir tout dès le commencement le tranchant de vos cimeterres, & de faire tous vos efforts de les mettre en route, de crainte que si vous leur donnez quelque prise sur vous, le desespoir leur fasse faire vn effort par dessus leur puissance, & mettant la victoire en balance, nous fasse souffrir plus que nous ne desirerions. Mais si vous vous souuenez de ce que vous estes, & que ces insensés pensent nous despoüiller d'une Prouince que nous auons conquise avecques tant de labeurs & au prix de nostre sang, assurez-vous que cette seule pensée animera tellement vos courages, que dans peu d'heures d'icy nous emporterons vne glorieuse victoire, & mettrons vne derniere fin à cette guerre, exterminans tous ces Circaisses iusques à vn.

AYANT dit ces choses, il commanda de sonner la charge, les siens marchans de telle furie, qu'ils pensoient bien avecques leurs cris & leur impetuosité accabler du premier coup leurs ennemis, veu leur multitude: mais les autres auoient bien resolu de vendre cherement leur peau, & que s'il leur falloit perdre la vie, au moins ne seroit-ce pas sans auoir bien fait perdre du sang à leurs ennemis: car non seulement ils combattoient de courage & de desespoir, mais encores avecques toute l'industrie que l'art militaire peut enseigner à vn bon chef de guerre; Gazelli le mettoit en pratique, ayant l'œil de toutes parts pour donner secours aux lieux qu'il reconnoissoit en auoir besoin: & de fait ils soutinrent le combat vn demy iour entier, sans qu'on peust donner aucun aduantage ny d'vn costé ny d'autre. Mais le grand nombre des Turcs estant cause qu'il y en auoit tousiours de frais pour mettre en la place des plus harassés, abbatir tellement à la continuë les Mammelus, qu'apres auoir perdu la meilleure partie des leurs en combatant, le reste estoit tellement harassé du travail & chargé de playes, qu'ils commencerent à ne faire que parer aux coups, & combattre en se deffendant, & toutesfois pas vn ne tournoit le dos à l'ennemy, ains aymoient mieux finir leurs iours les armes en la main, que de tomber sous la puissance du vainqueur, aussi y perirent-ils tous iusques à vn sur la place mesme où s'estoit rendu le combat, tant ils furent constamment resolu à leur derniere ruine: Gazelli entr'autres, apres auoir rendu des preuues d'une genereuse hardiesse, & de tout ce qu'une valeur determinée peut faire naistre dans vn courage releué, acheuant de iouer en sa personne la catastrophe de la tragedie de tout cet Empire des Mammelus. Encores cette bataille ne peust elle estre donnée sans trahison, Gazelli s'estant fié à la foy de cet Aladulien (duquel il a esté parlé en la vie de Selim, qui auoit trahy son pays & son Prince entre les mains de cet Othoman:) certuy-cy accoustumé à la perfidie, luy ioua encores vn faux-bond, l'abandonnant à son plus grand besoin, & declarant ses entreprises à ses ennemis. Tubero dit qu'il y a des Turcs qui tiennent que Zamburd Gazelli ne fut point occisen ce combat, mais qu'apres s'estre deffendu iusques à l'extremité, il se seroit sauué en l'Armenie vers Ismaël Sophy.

OR outre ce que la victoire de cette bataille rendit la Surie toute paisible & assurée aux Turcs, elle retint encores tout l'Orient en l'obeyssance & deuotion de Solyman, n'y ayant plus de gens de guerre pour luy tenir teste; les affaires des Othomans prosperans de sorte, que le Sophy ne s'osoit aduantager d'attaquer leur armée tousiours victorieuse de quelque part qu'elle tournast ses armes. De sorte que ce combat ne leur fut pas de moindre importance que tous les autres precedens, puis qu'il les establiroit pour tousiours dans les conquestes qu'ils auoient faites de si belles & amples Prouinces, que celles sur lesquelles commandoient iadis les Mammelus. On laissa le gouuernement de l'Egypte à Cait-beg, qui luy fut confirmé pour le bon seruice qu'il auoit rendu à Solyman, tant pour n'auoir point voulu consentir à la reuolte, que pour l'en auoir fidelement aduert.

Mais quant à Damas, au mesme temps que ces choses se passoient en Surie, trois cens hommes de cheual Turcs, qui demeuroient à Verbosane, ville de Dalmatie, medi-

1520.

Braue résistance des Mammelus.

L'Aladulien les trahit.

IV.

Cette victoire retint tout l'Orient en bride.

Le gouuernement d'Egypte continué à Cait-beg.

1520.
Beselias sol-
dats volon-
taires.

terrannée, que les Turcs selon Tuberon appellent Beselias, illustres entr'eux, pour les signalez faits-d'armes que ceux-cy font à toutes occasions, dédaignans mesmes de se mettre à la solde, & seruans l'Empereur Turc, sans aucune paye, se contentans de ce qu'ils pouuoient butiner sur l'ennemy, firent vne entreprise sur Iahisse, ville de la Hongrie, esperans de la surprendre, s'estans imaginez que les habitans, aux nouuelles de la mort de Selim, & les garnisons des Hongrois, se tiendroient moins sur leurs gardes. Desirans doncques de s'insinuer aux bonnes graces du nouuel Empereur, & luy rendre quelque seruice signalé à son aduenement à la couronne, pour tesmoignage de leur fidelité, ils prirent le temps que Solymán auoit enuoyé ses Ambassadeurs deuers Louys Casimir Roy de Hongrie, qui auoit succédé à Vladislâus, & s'en vinrent à l'abry des montagnes & des forests en vne vallée prochaine de la ville, où ils arriuerent quelques heures deuant soleil couchant, & s'estans blottis le plus couuertement qu'ils peurent, sur la quatriesme heure du guet, ils prirent leurs escheles, & s'en allerent droit à la ville, à laquelle commandoit pour lors Pierre Cheglée Dalmate, ieune homme de fort grand cœur, & qui pour s'estre exercé dès sa plus tendre enfance à porter les armes contre les Turcs, scauoit aussi toutes leurs ruses & leurs stratagemes, ce qui estoit cause de le mieux faire tenir sur ses gardes, si qu'il auoit mis des espies par tous les enuirs de sa ville pour decouurir les entreprises de ses ennemis, afin qu'estant aduertý, il ne fust point pris au dépourueu, & peust resister à temps à leurs efforts.

Stratageme
de Pierre
Cheglée
gouverneur
de Iahize.

Qui deffait
les Beselias.

Entreprise
des Turcs sur
les Chrestiens.

C E V X-C Y vinrent incontinent annoncer au gouuerneur le lieu où les Turcs s'estoient mis en embuscade : lequel apres auoir assemblé ce peu qu'il auoit de soldats en sa garnison, qui n'estoient qu'environ deux cens, & les auoir encouragez de faire vne contre-mine contre l'ennemy, & le surprendre en ses propres filets, il leur commanda d'aller prendre legerement leur refection, pour leur donner meilleur courage, & de tenir leurs chevaux prests pour partir aupres de la nuit. Cela fait, il en prit cent, lesquels il fit sortir de la ville en grand silence, leur faisant prendre le tour de la vallée où estoient les Turcs, iusques à ce qu'ils leur fussent à dos, & que lors ils s'arrestassent & se tinsent coys, iusques à ce qu'il leur eust donné vn signal, à la veüe duquel ils se deuoient leuer de leur embusche, & avecques les plus estroyables cris qui leur seroit possible, enuahir l'ennemy : luy cependant vn peu deuant la pointe du iour fit vne assemblée de toutes les femmes & les filles qu'il fit sortir en troupe de la ville, leur enchargeant de marcher sans aucune crainte contre les Turcs, les ailleurant d'estre incontinent à leur secours. A peine ceux que les Turcs auoient enuoyez deuant, eurent-ils planté les escheles, qu'incontinent sortit cette troupe de femmes, laquelle fust aussi-tost rencontrée de ces gens-d'armes Turcs. Eux qui virent vne si belle prise sans deffence, oublians leur dessein de prendre la ville, se ruerent sur ce qui leur estoit de plus certain : mais tandis qu'ils estoient attentifs à raur ce butin : Cheglée avecques le reste de ses gens de guerre estant sorty de la ville, non toutesfois si loing, qu'il n'y peust rentrer si la necessité le pressoit, destourne incontinent les femmes, & se ruë d'vne grande impetuosité contre les Turcs, donnant au mesme temps le signal à ceux qui estoient au delà de la montagne : si que les autres se voyans surpris & environnez de toutes parts, prirent bien-tost l'espouuente, mais ils furent si viuement poursuiuis, qu'à peine en demeura-il vn seul de leur troupe pour en aller dire des nouuelles aux autres, estans tous massacrez ou pris prisonniers.

P R E S Q U E en la mesme saison, les Chrestiens combattirent encores pres de Semendrie avecques vn pareil bon-heur : cela estant arriué de cette façon. Quelques Chrestiens qui Mahometisoient & fauorisoient secrettement les Turcs, leur vinrent donner aduis que non loing du riuage du fleuve d'Istre, il y auoit vne fort grande quantité de bestial, qui alloit vagant par la campagne sans aucune deffence : de sorte que sans aucun combat ils le pouuoient enleuer, auquel aduis les Turcs ayant presté l'oreille, choisirent les plus habiles d'entr'eux, & auans passé le Danube, se ietterent incontinent sur la proye : laquelle cependant qu'ils poursuiuoient, ils ne se donnerent pas de garde, qu'ils se trouuerent environnez de la garnison de Belgrade, que le Gouverneur de cette ville là auoit enuoyée, pour la garde du bestial, au desceu des Turcs, car ces picoreurs auoient esté decouverts comme ils passoient le fleuve : si bien qu'ils furent repoussez avecques grand meurtre iusques dans leurs vaisseaux : & comme ils auoient voulu vser plus de ruse que de force, aussi furent-ils chastiez plüstost en voleurs qu'en gens de guerre.

O R c'est vne coustume entre les Seigneurs Othomans, lors qu'ils paruiennent à l'Empire,

pire, d'assembler toutes leurs forces & de faire quelque notable entreprise, tant pour faire paroistre leur courage magnanime, que pour donner terreur à leurs voisins. Solyman doncques qui vouloit bien qu'on creust qu'il n'auoit en rien degeneré de ses ancestres, se resolut de faire la guerre aux Georgiens, peuples de l'Asie, sur les confins des Turcs & des Perses, & lesquels inclinoient plustost du costé des Sophians que des Othomans, trouuans la domination de ceux-là plus douce, & de ceux-cy plus seuer: Toutesfois il enuoya auparauant des Ambassadeurs en Hongrie, pour renouereller l'accord qui auoit esté fait auparauant. Mais les Hongrois estans lors gouuernez par vn Roy enfant, retinrent contre le droit des gens, l'Ambassadeur, sans faire aucune responce, estans incertains quelle ils luy deuoient faire, ne voulans point auoir d'alliance avecques les Mahometans, & d'ailleurs leurs forces estans trop petites pour faire la guerre à l'Empereur des Turcs: ce qui irrita tellement Solyman, qu'il fit marcher contre les Hongrois, les forces qui deuoient passer en Asie: c'est ainsi qu'en discourt Tubero.

1521.

Coustume
des Seigneurs
Othomans.
Entreprise de
Solyman contre
les Georgiens.
Les Hongrois
côté le droit
des gens re-
tiennent les
Ambassa-
deurs.

MAIS les Annales Turques, sans faire mention de cette entreprise contre les Georgiens, disent que l'an de salut mil cinq cens vingt & vn, & de l'Egire neuf cens vingt-sept, le douzième iour du mois Zumalil-Euel, Solyman enuoya en Europe le Beglierbey de l'Europe avecques vne puissante armée, pour s'emparer d'une forte place & bien munie, que les nostres appellent Sabatzie, & les Turcs Bogiurtalen, mot qui signifie Chateau nuitible, ou herbe pestilente, l'ayans ainsi nommé à cause des cruels combats que les Hongrois & les Turcs s'estoient souuent donnez pour cette place: car elle est fort commodement située pour la deffense de la Hongrie, estant au delà du fleue de Saue, où on passe de la plaine Zirfiane en celle de Sirmie. Le Beglierbey arriué là avecques toute son armée, fait incontinent donner l'assaut, afin que par la diligence ceux de cette forteresse ne peussent estre secourus: & de fait apres plusieurs assauts souuent reïterez, & que ceux de dedans eurent fait toute la resistance, que la valeur & la crainte de la seruitude peuuent suggerer en pareilles occasions, les Turcs ayans perdu grand nombre des leurs, finalement leurs forces n'estans pas bastantes pour tenir teste à cette continuelle batterie, la place fut prise d'assaut, non sans grande effusion de sang tant d'une part que d'autre, & ce qui resta de Chrestiens mis à la chaisne, & enuoyez à Constantinople.

Entreprise
des Turcs sur
Sabatzie.

OR cette entreprise s'estoit faite par le conseil de Pyrrus Bassa, vieux routier, fort sage & de tres-bon conseil, lequel ayant gouuerné Solyman dès sa plus tendre enfance, & manié souuerainement tout ce grand Empire presque l'espace de huit ans, en l'absence & durant toutes les guerres de Selim (lequel auoit vne merueilleuse confiance en luy) auoit vne parfaite cōnoissance des affaires des Chrestiens, & d'ailleurs l'experience qu'il auoit que pour maintenir les Ianissaires en leur deuoir, il les falloit mener d'une guerre en vne autre, le repos leur donnant sujet de faire des menées & des conspirations contre leur Souuerain. Il trouuoit doncques plus à propos de tirer deuers la Hongrie, & laisser pour quelque temps l'Orient en paix: luy remonstrant que le temps estoit venu de prendre la vengeance de tant de pertes que ses ancestres auoient souffertes deuant Belgrade, & que c'estoit vn beau moyen de paruenir au comble de la gloire, de venir à chef de ce que tant de braues guerriers auoient manqué d'executer, & dont ils auoient esté plusieurs fois repoussez. Qu'il prenoit bon augure qu'il eust commencé à faire retentir ses armes, & donné la premiere splendeur à sa renommée chez les peuples de l'Orient, mais qu'il falloit l'immortaliser en Occident, que ces nations-là estoient de vray plus propres pour le gain & pour le butin, mais celles-cy pour la gloire, & que c'estoit le propre d'un grand Monarque comme luy de laisser cettuy-là à ses soldats, mais d'acquiescer celle-cy pour luy seul, & d'en depousseder autant qu'il luy est possible, ceux qui concurrent avecques luy pour ce sujet. Or n'y auoit-il que les Européens qui luy fissent teste en ce combat, & entre tous les Hongrois, l'une de leurs plus belliqueuses nations, qui outre ce estoient ses voisins, tousiours aux escoutes pour faire quelque exploit contre les Turcs, & les depousseder de ce qu'ils tenoient en leurs quartiers. Mais que maintenant l'occasion estoit tres-belle d'en prendre la raison, la diuision estant de toutes parts entre les Princes Chrestiens, & les Hongrois regis pour lors par vn Roy enfant, lesquels encores auoient beaucoup perdu de cette premiere pointe, & de cette generosité qu'ils souloient auoir aux siècles precedens: les vns mattez par les continuelles guerres qu'ils ont eues, disoit-il, contre nous, les autres tous enneruez de voluptez & de delices. Ces remonstrances auoient beaucoup animé Solyman, & comme il auoit l'esprit capable de conceuoir toutes choses grandes & genereuses, il eut bien-tost resolu cette entreprise: y estant encores d'autant plus incité par le mépris qu'on auoit fait de ses Ambassadeurs.

Pyrrus Bassa
fait entrepre-
dre à Soly-
man la guerre
de Hongrie.

1521.

Toute la
Chrestienté
bandée en ce
temps-là con-
tre les Fran-
çois.

Miserable
estat de la
Hongrie, quand
Solyman la
vint envahir.

Solyman se
relout d'atta-
quer Belgrade.

Situation de
Belgrade.

Et pour en dire la verité, les Princes Othomans n'eurent jamais plus bel aduantage sur les Chrestiens que cette année icy, & les suivantes que Solyman leur fit la guerre : car pour les choses temporelles, l'Italie estoit alors le theatre où les plus grands Princes de l'Europe jouoient vne pitoyable tragedie : à sçauoir Charles cinquiesme Roy des Espagnes, pour lors élu Empereur, contre François premier du nom Roy de France, la Duché de Milan estant le sujet de leur querelle, & comme proposée pour le prix du vainqueur : toutesfois on ne laissoit point de prescher la Croisade, mais au lieu d'assembler des forces & s'vnir ensemble pour repousser l'impetuosité des Turcs, & rompre les desseins de leur Empereur, tous les Princes tournerent la pointe de leurs armes contre les François, qui se battans à la barriere, estoient seuls les soudenans, & tous les autres les assaillans. En Italie pour deffendre ce qu'ils y tenoient, ils auoient à combattre le Pape, l'Empereur, les Suisses, & la meilleure partie des Potentats de cette Prouince, en Nauarre, les Espagnols, en Picardie les Anglois; mais nonobstant que les plus grands Princes se fussent bandez ensemble pour destruire & fouler aux pieds la plus belle fleur qui soit au champ de l'Eglise: leurs efforts furent toutesfois trop debiles pour la pouuoir ternir, & empêcher qu'alors & de nosiours encore, par la valeur de nostre grand HENRY, elle n'ait diffus l'odeur de sa renommée par tous les cantons de la terre, & donné tousiours de la terreur à ses plus mortels ennemis. Quant à l'Allemagne, elle n'estoit pas moins diuisée pour les erreurs que Luther commença de mettre en auant: En ce temps-là le Prince de Saxe ayant premierement esté fauteur de ses erreurs, & puis son protecteur; & cet erreur épanché par la meilleure partie des Prouinces Chrestiennes, y auoit autant apporté de diuision pour le spirituel que pour le temporel. L'Espagne mesme estoit encores toute teinte du sang des siens, qu'elle auoit épandu en ses querelles ciuiles. La Pologne estoit en paix avecques les Turcs, & Sigismond qui regnoit pour lors, estoit si entier en sa parole, que pour rien il ne l'eust enfreinte. Il ne restoit doncques plus que la pauvre Hongrie dénuée de tout secours, & encores plus debile en elle-mesme, n'ayant qu'un ieune Prince peu experimenté, conduit encores & gouverné par gens qui ne se soucioient que de faire leur profit, sans pouruoir aucunement à leurs affaires, ayans mesme vn si puissant ennemy pour voisin, & lequel ils pouuoient s'asseurer qu'il ne demeureroit gueres en repos, puis qu'ils ne l'auoient point recherché de paix depuis la prise de Sabatzie: mais par vn miserable assoupissement, pas vn ne pensoit à la deffense du public, chacun ayant son esprit trop occupé pour amasser en particulier; presage de mort infailible, quand le malade attire tout à soy. Tel estoit doncques l'estat des Chrestiens & de la Hongrie, quand Solyman prit resolution de l'enuahir, où vous pouuez penser (estant informé comme il estoit de ces choses) s'il deuoit marcher en assurance, ayant de si belles forces à combattre, & lesquelles encores ne deuoient estre secouruës de personne.

AYANT doncques resolu de mettre le siege deuant Belgrade, il fit tous les preparatifs necessaires pour se rendre le maistre d'une telle place, qui auoit autresfois tenu teste à l'invincible Amurat, & valeureusement repoussé le grand Mahomet second du nom: aux armes triomphantes duquel il sembloit que rien ne peust faire resistance: & d'autant qu'il desiroit estre en personne à ce siege par vn desir de gloire & de reputation, il enuoya deuant Pyrrus Bassa, avecques grand nombre de caualerie, pour faire selon leur coustume, vne raffe & vn degast par la contrée, & afin qu'il blocquast la ville de toutes parts, hors toutesfois la portée du canon. Ce qu'il fit avecques vne fort grande diligence: si que tous ceux des enuiron ne songeans à rien moins qu'à vne telle venue, auoient laissé toutes choses à l'abandon, comme en pleine paix: de sorte qu'à leur arriuée, les Turcs firent vn merueilleux rauage & vn tres-grand butin, tant de personnes que de toutes sortes de biens, & de là s'en allerent inuestir la ville, en attendant l'arriuée de leur Seigneur qui les suiuoit de près: mais auparauant que de passer outre, il sera bien à propos de voir la situation de cette place si importante alors à toute la Chrestienté.

VI.

LA ville de Belgrade, jadis Nestoralbe, ou Albe Grecque, & Taurinum, autresfois ville capitale de la Rascie ou Seruie, est assise en vn recoin & anglet sur le Danube, où le Saue se joint à cette grande riuere: ayant le Danube au Septentrion, & à l'Occident le Saue: son fort & sa citadelle sont sur vn mont presque inexpugnable, tant pour son assiette naturelle, que pour les fortifications qui y ont esté faites: la ville est au bas de la montagne, arrousee de deux riuieres des deux costez, & close d'une bonne & espoisse muraille, flanquée de toutes parts, & ceinte de double fossé & de doubles murs du costé que les riuieres ne l'entourent. Or vous auez pû voir par la lecture de toute cette Histoire,

que

que les Turcs tenoient sous leur domination tout ce qui est au delà de ces deux riuieres : de sorte qu'elle estoit lors vne clef de la Chrestienté, & tres-importante ; aussi sa perte a-elle esté la principale ouuerture de tous les mal-heurs qui sont depuis aduenus en la Hongrie & Prouinces circonuoielines. Solyman qui auoit son appareil tout prest, ne fut pas long-temps à partir apres Pyrrus Bassa, ayant fait la plus grande diligence qu'il auoit pû. Aussi-tost qu'il approcha de la ville, on se mit à faire des retranchemens, fortifier le camp, braquer & gabionner l'artillerie : si que la batterie commença incontinent, qui continua tousiours depuis sans intermission. Mais outre ce il fit faire plusieurs mines, lesquelles il fit remplir de poudre à canon, qui jouèrent si mal-heureusement pour les pauvres Chrestiens, qu'elles mirent rez-pied rez-terre toutes leurs defences, étant bien aysé aux Turcs d'aller apres à l'assaut, où ils trouuerent encore fort peu de resistance : car on auoit donné si mauuais ordre pour la defense de cette place, que les Seigneurs du Royaume de Hongrie, & ceux qui auoient lors le gouvernement en main, ne l'ayans garnie ny d'hommes pour la defense de la place, ny de munitions pour soutenir vn siege, les Turcs n'eurent pas beaucoup de peine de s'en faire les maistres : les habitans toutesfois firent vne notable resistance autant que leur puissance le pouuoit permettre, mais enfin que pouuoient-ils faire contre tant de gens ? il ne restoit plus que la citadelle, contre laquelle encores ayans dressé vne furieuse batterie, & fait jouer vne mine qui abbatit vne tour, les citoyens desesperez de tout secours, & se voyans trop foibles pour s'opposer à la multitude des Turcs, ayans mesmes fort peu de gens de guerre parmi eux, & n'ayans plus rien de quoy se preualoir, ils se rendirent aux Turcs, vies & bagues sauues, avecques permission de se retirer où bon leur sembleroit, mais quelque promesse qu'on leur eust faite, ceux qui se retiroient à Venise ou ailleurs, ne laisserent pas d'estre deualisez par les Turcs.

1521.

Bouleuers
pour lors de
la Chrestien-
té.

Le mauuais
ordre des Hé-
grois à sa dé-
fense.

Sa prise.

Perfidie des
Turcs.

C'EST ainsi que fut prise la ville tant renommée de Belgrade, & qu'elle deuint Mahometane, sous la domination de Solyman : car de dire comme veut Funchius en sa Chronologie, qu'elle ait esté prise par la trahison de son Gouverneur, il n'y a pas vn Autheur qui en parle, ains sont tous d'accord qu'elle ne fut perdue que faute d'estre secourue. Cette perte arriva en l'an de salut mil cinq cens vingt & vn, & de Mahomet neuf cens vingt-sept, cinq mois apres que Solyman eut entrepris cette expedition, à sçauoir le vingt-septiesme du mois Ramazan, que les Turcs ont accoustumé d'appeller heureux & beny, c'est le mois que nous appellons Septembre ; lequel ayant conquis cette forte place (avec moyenne perte) autant riche de son propre, comme du butin qu'elle auoit maintesfois fait sur les Turcs, (qui retourna alors au lieu d'où il estoit venu) enuoya vne partie de ses forces au pays de Rascie, qui estoit entre le Saue & le Danube : & quoy que les habitans se rendissent volontairement aux Turcs, si est-ce que tous furent pillés & saccagez, plusieurs taillez en pieces, grand nombre emmenez esclaués, & le reste laissé en vne pauvre & douloureuse seruitude. En la prise de Belgrade Solyman se faist de quelques corps Saints honorez en cette ville-là, avecques vn Image de la Vierge Marie, & vn Reliquaire dans lequel estoit le bras de sainte Barbe, lesquels il fit garder fort soigneusement, & quand il passoit par des lieux où il y auoit des Chrestiens, il souffroit qu'on les vint honorer, faisant recueillir l'argent des offrandes : & quand il fut arriué à Constantinople, où il se retira incontinent apres la prise de cette ville, il fit venir le Patriarche, auquel il commanda de luy donner douze mille ducats, sinon qu'il ietteroit en la mer ces choses sacrées. Or quoy que le Prelat Grec fust pauvre, si est-ce que demandant terme pour payer la somme, il la fournist, tant pour enpescher que ces choses saintes ne fussent submergées, que pour ne donner occasion aux Turcs d'estimer les Chrestiens peu soigneux & affectionnez à l'endroit de ce qu'ils monstroient auoir en reuerence.

Leurs ravages
en la Rascie.

Reliques
trouuées à
Belgrade.

Le Patriarche
de Constan-
tinople les
achete.

VII.

1522.

LES choses ayans ainsi heureusement réussi à Solyman en son expedition de Hongrie, il passa le reste de l'année paisible à Constantinople, mais comme il auoit tousiours sur le cœur le secours que les Rhodiots auoient donné, tantost aux Sultans d'Egypte, & tout fraichement à Zamburd Gazelli contre luy, il se resolut de s'en vanger. Il se souuenoit encores de la perte de l'armée que son pere Selim auoit leuée en intention d'aller contre eux, pour les algarades continuelles que les Cheualiers faisoient d'ordinaire à ses subjects. Mais ce qui le touchoit le plus, c'estoit la situation de cette Isle enclauée dans ses terres, si belle, si forte & si commode, estimant que ce luy fust vne honte de voir vne poignée de gens au milieu de son Empire, viure non seulement en liberté, sans le re-

Solyman se
reioint à la
guerre con-
tre les Rhos-
diots.

1522.

Ceux qui l'y
persuaderent.Haine de
Curtogly con-
tre les Rhod-
diots.

connoistre, mais le tenir mesme en cecuelle, auoir l'assurance de donner secours à ses ennemis, courir sus à ses subjets, & les rançonner: ceux entr'autres de Metellin, Negrepont, de la Morée, & de la Caramanie. & ceux encores d'Egypte & de Syrie. Toutes-fois Solyman ayant mis plusieurs fois cette affaire en deliberation, la pluspart de son conseil n'estoit point d'aduis de cette entreprise, ny qu'il hazardast ainsi du premier coup sa reputation, luy representant les difficultez, la force de la ville, la valeur des Cheualiers, & les secours qu'inailliblement elle auroit de toute la Chrestienté, comme vne place qui leur estoit extremement importante. Mais d'ailleurs le Baila Pyrrus, & Mustapha qui auoit espousé la sœur de Solyman, avecques Curtogly grand corsaire Turc, que quelques-vns appellent Orthogut, luy mettoient en auant la diuision des Princes Chrestiens si fort acharnez les vns contre les autres, qu'ils ne quitteroient iamais leurs querelles particulieres, pour conuertir leurs armes au bien public, qu'on en auoit desia veu assez de preuues à la prise de Belgrade, qui ne leur estoit pas moins importante de ce costé-là, que Rhodes de cettuy-cy, & toutesfois ils n'y auoient pas enuoyé vn seul homme de secours. Que s'ils n'auoient à combattre que les Rhodiots, quelle crainte deuoit auoir leur Seigneur de les aller attaquer avecques toute sa puissance? quand bien ils seroient autant d'Hercules, si faudroit-il enfin qu'ils succombassent sous leur multitude, à leur indomtable valeur, & aux armes victorieuses du tout-puissant Empereur des Turcs. Ce Curtogly estoit particulierement animé contre cette Isle, pour le desir de vanger la mort de deux de ses freres qui auoient esté tuez en quelques courses qu'auoient faites les Cheualiers de Rhodes, & tenoient encores le troisiésme en la ville comme esclau: & de fait s'estoit mis en deuoir d'attaquer au passage avecques grand nombre de vaisseaux, le grand Maistre qui venoit de France à Rhodes, entrer en possession de sa Principauté. Mais le grand Maistre, contre l'aduis & les prieres des Seigneurs & Cheualiers qui l'accompagnoient, fit déployer hardiment les voiles, & cherchant le Cap de saint Ange, outre-passa la nuit le lieu d'où les corsaires le pouuoient decourir, arriuant ainsi à Rhodes. C'est de quoy il se plaignit depuis à Solyman, & de ce que l'autre estoit entré la nuit dans le canal de Rhodes, esperant de trouuer à l'impourueu quelque occasion d'y faire quelque bon effet: ce qui luy eust reüssi sur deux nauires Venitiennes parties du port de Rhodes, mais ayans eue le vent contraire, elles furent contraintes de retourner, échappans ainsi le danger qu'elles eussent couru, ne scachans rien de l'arriuée des Turcs, lesquels estans decouverts, le grand Maistre auoit enuoyé en diligence ce qu'il trouua de vaisseaux prests sur le port contre eux, qui auoient inuelté vn vaisseau Candiot: mais Curtogly voyant approcher les vaisseaux de Rhodes, auoit quitté les Candiot & s'estoit mis en fuite. De toutes ces choses le grand Maistre fit sa plainte au Monarque Othoman, par la responce qu'il fit aux lettres qu'il luy auoit escrites. Car ce Prince pour oster toute crainte aux Rhodiots, auoit escrit au grand Maistre Philippe de Villers l'Isle-Adam, auparauant Prieur de France, qui auoit de nouveau succédé au grand Maistre de Carrette: se resioüissant par ses lettres de son aduenement à cette Principauté, avecques esperance que sa renommée surpasseroit celle de tous ceux qui l'auoient deuancé, luy donnant le tiltre d'amy, l'incitant à se resioüyr de la conqueste qu'il auoit faite en Hongrie, d'une si forte ville que Belgrade. Or la responce du grand Maistre ne fut point enuoyée par vn homme de marque, cela auoit offensé Solyman, si qu'il luy rescriuit encore en ces termes.

Solyman Scach, Roy des Roys, Seigneur des Seigneurs, à Philippes de Villers
l'Isle-Adam, grand Maistre de Rhodes.

Lettre de So-
lyman au
grand Mai-
stre.

Nous a assurez que la lettre que nostre grandeur t'auoit escrite, s'a esté rendue, & qu'elle t'a plus apporté d'admiration que de plaisir: assure toy que ie ne me contense point de la conqueste de Belgrade, mais que i'en espere vne autre, ou plustost ie me la promets, laquelle ie ne te celeray point, comme ayant tousiours memoire de toy.

CELLE-CY estoit accompagnée d'une autre de Pyrrus Bassa, où il luy mandoit ainsi.



L'AY présenté ta lettre plus pleine de sens que de paroles, à nostre tres-grand Empereur, mais ie n'y ay point introduit le messager, de crainte que sa majesté ne s'offençast de la bassesse d'iceluy : tu luy enuoyeras doncques d'oresnauans quelques hommes illustres, recommandables en aage & en prudence, avecques lesquels, s'il l'a pour agreable, il puisse negocier : que si tu en uses ainsi, tu ne te repentiras point de l'auoir fait, ny moy de mon conseil, celuy que i'enuoye deuers toy, se presentera des lettres de sa Hantesse, auxquelles tu aduises comme tu dois respondre.

Lettre de Pyrrus Bassa ad meline.

Le grand Maistre fit telle response au Bassa.



L'AY fort consideré tes lettres & l'esprit de ton Messager, ie ne mesprise point ton conseil, mais ie n'ay pu le suivre, tandus que mes soldats courent les pays, & les ports de ton Seigneur, ayant esté forcé de leur permettre ces courses pour les torts & iniures qu'ils receuoient iournellement des pirates Turcs, toutesfois ie les contre-manderay, & enuoyray des Ambassadeurs à ton Empereur, auxquels par un acte public tu seras premierement donner un sauf-conduit pour aller & venir, & traicter d'affaires en toute seureseté.

Lettre du grand Maistre à Pyrrus Bassa.

Et à Solyman il escriuit.



E ne suis point marry que tu ayes memoire de moy, puis que i'ay la souuenance de ta grandeur, tu me ramentois ta victoire en Hongrie, de laquelle ne te contentant point tu en esperes vne autre, de laquelle tu te vantes & te promets mesmes la victoire auant la guerre, mais garde de t'abuser toy-mesme : car il n'y a rien où l'euenement trompe plus l'esperance, qu'à la guerre.

Et à Solyman.

TOUTES ces lettres s'escriuoient durant les irresolutions qu'on auoit encores à Constantinople sur cette entreprise. Mais l'ambition de Solyman, & le credit des Bassats que nous auons nommez cy-dessus, surmontoient toutes les raisons du party contraire, & les difficultez qui s'y pouuoient rencontrer : car pour fortifier encores leur party, on auoit trouué des memoires du feu Empereur Selim, par lesquels il enseignoit son fils, que pour assseurer entierement ses affaires, il falloit auoir Belgrade & Rhodes, & que les Chrestiens par le moyen des Cheualiers de Rhodes, pouuoient tousiours porter la guerre au milieu de ses Estats. Outre tout cela il auoit vn Medecin Iuif à Rhodes, que Selim y auoit enuoyé habiter pour luy seruir d'espie : cettuy-cy s'estant rendu fort officieux enuers tous & fait plusieurs belles cures, auoit gagné la bonne grace & faueur des principaux de l'Ordre, penetrant bien auant dans leurs plus secretes entreprises, desquelles il aduertissoit Solyman, enuoyant ses aduis à vn Grec de Scio, qui les faisoit tenir apres à Constantinople : entr'autres il manda qu'on auoit abbatu en la ville vn grand pan de muraille, au bouleuert d'Auuergne, pour le refaire selon les desseins des Ingenieurs, & que la ville seroit aysée à surprendre par là, si l'armée y venoit de bonne heure. Mais les meilleurs & plus certains aduis qu'eut Solyman, & ceux qui l'inciterent le plus à la guerre, furent ceux qui luy estoient donnez par André d'Amaral Prieur de Castille, & Commandeur de la vraye Croix, & depuis Chancelier de l'Ordre, lequel auoit gardé en son cœur vne inimitié qu'il portoit au grand Maistre de Villiers, dès qu'il s'opiniastra tellement contre luy, n'estant ledit d'Amaral que General des Galeres, & de Villiers des Nauires, sur la maniere qu'il falloit tenir d'assaillir les Egyptiens à la bataille de Layasse, si que chacun soustenant son aduis, ils en vinrent à quelques paroles, & à guerre ouuerte : de sorte qu'ils furent sur le poinct d'en venir aux mains. Mais la hayne s'estendoit aussi sur tout le corps de la Religion, à cause que nonobstant ses brigues, le grand Maistre de Villiers auoit esté élu avecques la faueur vniuerselle de tous ceux de l'Ordre, pour ses vertus & merites : si bien que cela le porta à cette execrable trahison, ne se pouuant pas mesme commander, que le iour de l'election, on ne luy ouyst dire que ce seroit là le dernier grand Maistre de Rhodes : & quelques iours deuant le siege, qu'il eust voulu que son ame eust esté au diable, & que Rhodes & la Religion fussent perduës. Il auoit vn esclauve Turc, homme d'entendement, auquel il feignit auoir donné liberté, & qu'il s'estoit racheté, & l'enuoya à Constantinople, avecques instructions fort particulieres de l'estat de la ville de Rhodes,

Memoires laisiez par Selim à son fils.

Medecin à Rhodes qui donnoit aduis à Solyman de ce qui se passoit.

André Amaral Prieur de Castille, traistre à son Ordre & à son pays.

Hayne qu'il portoit au grand Maistre.

Ses propos damnablez & desesperéz.

1522.

Il donne aduis
à Solyman de
l'estat de Rhod-
des.

& des provisions & munitions qu'il y auoit, du bled qui y manquoit, persuadant à Solyman d'enuoyer au plus tost son armée, luy promettant vne certaine victoire, & l'assuroit aussi de donner cy-apres tous aduis nécessaires. Le Monarque Turc trouua cette intelligence tres-bonne, sachant que l'Amaral estoit vn des principaux Seigneurs qui entroit ordinairement au Conseil, & auoit entiere connoissance de ce qui s'y passoit, & luy renuoya l'esclau avecques offres & promesses de grandes recompenses. Amaral receut l'esclau, le caressant extraordinairement, & feignant qu'il auoit apporté l'argent de sa rançon : dequoy plusieurs prirent mauuaise opinion, & entrerent generalement en grand soupçon de luy, mais pour sa dignité & autorité, personne n'en osoit parler librement.

Il empesche
qu'il se face
aucune bon-
ne resolution
au Conseil.

Cependant Solyman faisoit courir le bruit que tous les preparatifs qu'il faisoit, estoient pour la Pouille & pour Chypre : mais le grand Maistre qui s'assuroit d'estre assiegé, faisoit iournellement assembler le Conseil, auquel Amaral, pour empescher les bonnes resolutions qu'on y pouuoit prendre, & les provisions qu'on vouloit faire pour se preparer, remonstroit que ces rumeurs estoient ordinaires, & desia arriuées tant de fois inutilement, qu'il luy sembloit que sous vne legere apparence on ne se deuoit point traualler en vain, ny faire des despences superflues, disant que la Religion estoit desia assez chargée & incommodée. Cela auoit quelque apparence, & peut-estre eust-on fuiuy le conseil de sa trahison, si le grand Maistre n'eust receu aduis par vn Rhagusiens, homme accort, & qui auoit la langue Turquesque à commandement, qu'il auoit enuoyé à Constantinople pour espion, qu'on y preparoit grande quantité de vaisseaux, toutes sortes de machines de guerre, & principalement la grosse artillerie, & qu'on mettoit peine de ne laisser passer personne allant à Rhodes sans le congé des Gouverneurs. Car alors sans entrer en aucune doute, il fit mettre la main à fortifier la ville de toutes parts, en donnant la charge & surintendance aux Cheualiers Antoine Brito Portugais, & François de Nueres du Prieuré d'Aquitaine, fit nettoyer les fossés, & releuer le bouleuert d'Auvergne ; il ordonna que l'on feroit traualler les trois quarts de tous les esclaves, & le quart demeureroit pour seruir leurs maistres, & à cet effect fit prendre tous leurs noms, fit pourvoir au fait des fours & des moulins, & aux logis des paysans qui se retiroient dans la ville. Il enuoya aussi vers le Pape Adrian luy demander du secours fort instamment contre les Turcs, faisant la mesme supplication à l'Empereur & au Roy de France, mais le tout en vain : car les guerres qu'ils auoient les vns contre les autres, les empeschoient bien de penser aux affaires de leurs voisins.

Le grand Mai-
stre aduertit
des desseins
des Turcs,

Fait fortifier
Rhodes.

Il enuoya de-
mander se-
cours aux
Princes Chre-
tiens, mais
en vain.

Desobeissan-
ces de cer-
tains Cheua-
liers au grand
Maistre.

C'EST OIT en ce temps que la Langue d'Italie se plaignoit fort que le saint Pere conferoit leurs Commanderies, & non celles des autres nations, si qu'ils vouloient à toute force abandonner la ville pour s'aller plaindre à Rome ; mais le grand Maistre ne leur ayant pas voulu donner congé en vn temps si facheux, à la persuasion d'Almaro, ils ne voulurent point obeir au commandement du grand Maistre : de sorte qu'il fut contraint d'en priuer quelques-vns de l'habit, qui se retirerent en Candie, entr'autres Gabriel Solier, Jacques Palaucin & Louys Morose, principaux auteurs de cette rebellion. Mais comme on leur eust remontré à tous, qu'on diroit qu'ils auroient recherché vn pre-texte d'aller à Rome, non tant pour le fait des Commanderies, que pour s'éloigner du peril du siege, cela fut cause que se depouillant de toute leur animosité, ils vinrent faire leurs excuses, & s'humilier deuant le grand Maistre, lequel les receut fort paternellement, & leur rendit l'habit. Or sur les dernieres lettres qu'auoit escrites Pyrrus Bassa, la pluspart de ceux du Conseil considerans son aage, sa prudence & sa moderation en toutes choses, eurent opinion qu'il faisoit tout cela de bonne foy, y adjoustans telle creance qu'ils auoient resolu d'y enuoyer le Cheualier Marquet Catelain, & avecques luy vn Rhodiot nommé Castrophylaca, homme d'esprit, & qui auoit la langue Turquesque fort à commandement, pour conclure la paix en la forme qu'elle auoit esté du temps du grand Maistre d'Ambusson.

Ruse de l'A-
gēt de Pyrrus
découverte.

Mais comme on dresseoit leurs instructions, quelques-vns du Conseil s'aduissans que la lettre de Solyman ne donnoit point de creance à celle de Pyrrus, ils iugerent aussi que ce n'estoit que dissimulation, & qu'il ne falloit point enuoyer d'Ambassadeur, sans auoir ample sauf-conduit de Solyman. Et comme on estoit sur ces doutes, le grand Maistre fut aduertit que l'Agent de Pyrrus alloit déjà & delà par la ville, reconnoissant soigneusement les fortifications, s'enqueroit de la quantité des munitions, & du nombre des gens de guerre, & quel secours on attendoit. Ce qui fit ouurir les yeux à ceux

ceux du Conseil, & reconnoistre qu'ils estoient abusez, & que ce Turc n'estoit venu là que pour espier: pour cette cause on le fit promptement partir, & fut enuoyé avecques luy vn Grec, homme de peu, auquel furent baillées deux lettres, adressantes l'une à Solyman, l'autre au Bassa, dont vous avez veu le contenu cy-dessus. L'Ambassadeur de Pyrrus arriué au port du Fisque, trouua là des cheuaux qui l'attendoient, & s'en alla en diligence à Constantinople, & laissa là le Grec qui portoit les lettres, parce qu'il conneut qu'il n'estoit pas homme duquel on eust pû tirer grande connoissance des affaires de Rhodes. Le Grec se voyant là abandonné, ne voulut entreprendre d'aller vn si long chemin tout seul à trauers le pays ennemy, sans sauf-conduit, & sur le mesme brigantin qui l'auoit apporté là: s'en retournant à Rhodes, y apporta vn grand estonnement, & chacun demeura éclaircy que cette Ambassade n'estoit que piperie, & que Rhodes seroit bien-tost assiegée.

Et de fait Solyman faisoit de merueilleusement grands preparatifs, dressant son appareil d'armes à Phischio en Briquie, où il faisoit encores porter des meules à moudre de l'Isle de Nisire, ce qui donna encores plus grande assurance à Rhodes, que c'estoit à eux qu'il en vouloit, puis qu'il faisoit cet appareil si proche de leur Isle. Or y auoit-il en la ville bonne prouision de chairs & legumes, mais on manquoit de grains & de vin: cela fut cause qu'on enuoya Iean de Beauuoir, surnommé le Loup du Dauphiné, homme de valeur & d'experience, principalement en fait de marine, avec la nauire appelée Galliega, pour aller chercher des grains à Naples en la Romanie, & aux lieux circonuoisins, & la ramena vn mois apres chargée de froment, si qu'il y en eut à suffisance tout le long du siege. Le Cheualier Antoine Bosie, homme d'esprit, & qui fit tant qu'il vescu de grands seruices, fut aussi enuoyé sur vn brigantin en Candie, pour y faire prouision de vin & vne leuée d'archers pour les amener à Rhodes: mais quand il fut là, ceux du gouuernement, pour n'offenser Solyman, luy deffendirent la leuée de soldats. Ce neantmoins ce Cheualier en usa si dextrement, que sous pretexte de la conduite de son vin, il en choisist quatre cens qu'il amena dans Rhodes, avecques grande quantité de vin sur vne barque, vn galion, & grande quantité de grips: ces soldats firent tout le long du siege de fort grands seruices. Et continuant ses pratiques, il trouua moyen de s'accoster d'un Antoine Bonaldy Venitien, qui venoit d'Alexandrie sur vn grand nauire chargé de vin qu'il conduisoit à Constantinople, & luy faisant changer de propos, luy persuada d'aller à Rhodes, où ayant bien vendu son vin, qui fut vn grand secours aux assiegez, il s'offrit encores luy & son vaisseau pour seruir durant ce siege, où luy & les siens se comporterent en gens de bien, n'y épargnant rien de ce qui estoit sien, si qu'il fut receu depuis Cheualier, & eut pour recompence de ses seruices, quatre cens escus de pension sur la grande Commanderie de Cypre. Il y eut encores trois marchands de Rhodes qui entreprirent d'aller faire vne autre prouision & achapt de vin & de grains, à de certaines conditions, desquelles ils traiterent avecques les trois Seigneurs qui auoient la surintendance des viures. Mais le Chancelier Almaral qui en estoit l'un, faisant tout ce qu'il pouuoit pour fauoriser les Turcs, rompit ce marché. Quant aux munitions de guerre, il fut iugé qu'il y en auoit assez, quand le siege eust duré vn an, ce qui se trouua depuis autrement, parce qu'on en consumma vne bonne partie à empescher l'auancement des tranchées des Turcs, & ceux qui portoient la terre dans les fossez.

La guerre commença à se declarer par la capture du brigantin de Dimitio Constantinopolitain, auquel commandoit Alonse Frere-seruant Portugais, lequel fut rencontré par les Turcs sur la coste de Lycie presque vuide de gens, parce que ses soldats malgré luy auoient mis pied à terre, & s'estoient escartez par les bois: toutesfois Alonse avec ce peu d'hommes qui luy restoient, fit vne longue & courageuse resistance, mais ayant esté griefuement blessé, il fut pris & emmené avec le brigantin. Ceux de Rhodes en eurent vn grand regret, principalement à cause de la prise du brigantin; car il y auoit long-temps que les Turcs n'auoient point gagné de vaisseau sur la Religion: cela fut cause encores que le grand Maistre donna tout l'ordre qu'il luy fut possible à la ville, ayant retiré dans le port tous les corsaires Rhodiots: il incita encores tous ceux qu'il pût, d'y venir, comme ils firent en grand nombre pour seruir à cette guerre, leur offrant à tous fort bon entretenement, faisant en sorte (par l'entremise d'Anastase de sainte Camelle, Commandeur de la Troncherie) que Dominique Fornary, qui auoit vn fort grand nauire à la Fosse, vint au port, pour s'employer à cette guerre:

1522.

VIII.

Preparatifs de Solyman.

Les Candiots refusent des soldats à ceux de Rhodes.

Bonaldy Venitien marchand de vins, devient Cheualier.

Brigantin pris par les Turcs sur les Rhodiots.

Dominique Fornary vient au secours des Rhodiots.

1522.

Le grand Maître fait faire la montre generale,

toutesfois il en auoit fait au commencement quelque difficulté, mais le grand Maître y ayant enuoyé ses galeres & la grande Carraque, ceux-cy firent tant à la fin qu'ils l'emmenèrent quant & eux, & se porta en ce siege fidèlement & valeureusement. Or on disoit, que les Turcs n'attendoient que le renouvellement de la Lune, pour se mettre en chemin, cela fut cause que passé le mois d'Auril, approchant le temps que l'armée du Turc deuoit sortir du destroit de Gallipoly, le grand Maître fit faire la montre generale des gens de guerre qu'il auoit, tant de l'habit qu'autres; & se trouua en tout cinq mille hommes de guerre, dont il y en auoit six cens de l'habit. Le menu peuple de Rhodes y fit fort peu de seruice, les paysans retirez dans la ville, ne seruirent que de pionniers.

Embuscade des Turcs pour apprendre des nouvelles des Rhodiots.

TANDIS que le grand Maître & ses Cheualiers faisoient ainsi leurs preparatifs, on remarqua vne nuit du feu qui paroissoit sur le riuage de la mer, du costé du Fisque, qui monstroit qu'il y auoit là quelqu'un qui vouloit parlementer: le grand Maître y enuoya le Cheualier de Menetou François sur sa fuste, & avecques luy Iaxy Grec, Secretaire de la galere Capitaine, pour sçauoir que c'estoit: mais les Turcs s'estans déguisez en marchands, qui beuuoient à l'entour d'une fontaine, & quelques bales de marchandises auprès d'eux, Iaxy commença de leur parler en langue Turquesque: l'un des Turcs le reconnut, & dist aux autres qui il estoit, dont ils firent grande feste, sçachans qu'il estoit homme d'entendement, qui sçauoit beaucoup des affaires de Rhodes, & l'inuitans à descendre à terre & boire avecques eux, ils luy dirent qu'il verroit vn sien amy, duquel il auoit demandé des nouvelles, & parce qu'il ne faisoit difficulté, sinon qu'on enuoyast vn ostage en la fuste, les Turcs y enuoyerent vn paysan qui faisoit bonne mine, & estoit bien vestu. Aussi-tost que cettuy-cy fut entré dans la fuste, Iaxy mit pied à terre avecques vn Rhodiot nommé Vestianity Liuisian, & s'en alla à eux, mais il fut incontinent enuironné par des soldats qui estoient près de là en embuscade, qui l'empoignerent & le mirent à cheual & l'emmenèrent tant qu'ils pûrent aller à Constantinople deuant le Bassa Pyrrus qui l'examina diligemment, & luy fit donner la question si extraordinairement, qu'il le contraignit de dire ce qu'il sçauoit & ce qu'il ne sçauoit pas, l'estendant de sorte, que iamais son corps ne fut bon qu'à languir, & mourut bien-tost apres de la vehemence des tourmens. Le Cheualier de Menetou tout estonné & confus de ce qu'il ne pouuoit secourir Iaxy, s'en retourna à Rhodes avecques l'ostage, qui estoit vn pauvre paysan ignorant, qui ne sceut dire autre chose, sinon que l'armée des Turcs se preparoit pour aller en Caramanie, & que l'armée de terre alloit contre le Sophy de Perse, qui estoit le bruit que Solyman faisoit semer, afin que les Rhodiots se tinssent moins sur leurs gardes; mais ce qu'on auoit fait à Iaxy, estoit toute domte.

Le grand Maître fait le departement des charges à Rhodes.

Image de la Vierge MARIE, preferuée miraculeusement.

SI que le grand Maître vid bien alors qu'il se falloit preparer & resoudre au siege, & ainsi faisant le departement des charges, il nomma des Cheualiers pour estre auprès de sa personne, & quatre Capitaines qui auoient charge de secourir, deux langues en deux postes, entr'autres le Chanceliér Almaral pour l'Auuergne & l'Allemagne, baillant vne troupe de Cheualiers & soldats au grand Commandeur de Pomerols, pour secourir indifferemment par tout où il seroit de besoin: comme aussi des Capitaines à chacune poste & aux cinq bastions: à celuy d'Allemagne Iean du Mesnil, dit Maupes, à celuy d'Espagne François d'Escarrieres, à celuy d'Angleterre Nicolas Husij, à celuy de Prouence Beringuier de Lioncel du Dauphiné, & à celuy d'Italie Andelot Gentil. On donna aussi l'Estendart de la Religion au Cheualier Antoine de Grolée Parim du Dauphiné: l'Enseigne du saint Crucifix fut baillée au Cheualier de Tinteuille, qui deuoit estre pres de la personne du grand Maître, lequel bailla son Enseigne au Cheualier Henry de Mauselle qui estoit de sa maison, & choisist cent soldats pour sa garde, qui estoient vestus de ses couleurs. Il fit aussi porter l'Image de la Vierge MARIE, qui estoit au mont Philermé dans la ville, en l'Eglise de saint Marc, qui fut ruinée d'une batterie de mortiers pendant le siege, & quelques hommes qui y estoient prians DIEU, tuez; neantmoins l'Image demeura miraculeusement toute entiere, & fut depuis transportée en l'Eglise sainte Catherine: puis il fit rendre deux grosses chaisnes, l'une deuant l'emboucheure du port, l'autre au dedans, depuis la tour saint Nicolas iusques à la tour des moulins, il fit charger des nauires & mettre à fond derriere la tour des moulins, à l'entrée du Mendrache, afin que l'ennemy ne se peust saisir du Mole, & par iceluy assaillir la porte sainte Catherine, comme on sceut qu'ils l'auoient designé. Le grand Maître

Maistre fit aussi rompre les ponts des portes pour certains respects, & exhorter publiquement ceux de son Ordre : les gens de guerre par les predications de Leonard Balestan Archeuesque de Rhodes : duquel l'histoire des Cheualiers de cet Ordre rend ce tesmoignage qu'il estoit admiré pour son sçauoir & pour son eloquence, qu'il auoit vne memoire prodigieuse, & qu'il parloit avecques facilité plusieurs langues : & le peuple Grec (duquel il auoit quelque ombrage qu'il ne recherchast plustost de viure sous l'obeyssance des Turcs, comme quelques-vns auoient fait) fut presché & retenu par Clement leur Metropolitain, l'un & l'autre les encourageans de sorte qu'ils en demeurèrent tous consolez.

1522.

Leonard Balestan Archeuesque de Rhodes.

Les Turcs cependant donnerent vn signal de feu pres du Fisque, pour monstrier qu'ils vouloient parlementer. Le grand Maistre creut que c'estoit pour rendre l'axi, & y enuoya le cheualier Boniface d'Alluys Prouençal sur sa galere, qui s'approchant du lieu où le feu paroissoit, trouua sur le riuage quelques gens de cheual qui luy dirent qu'il y auoit des lettres de Solyman au grand Maistre : mais qu'ils ne les auoient pas là, & qu'ils les auoient enuoyées querir. Cependant ils inuiterent le Castophylace qui parloit à eux de mettre pied à terre pour s'entretenir avecques eux : ce que le Cheualier ne voulut permettre, & connoissant que les Turcs les vouloient amuser de paroles pour surprendre la galere, il leur fit entendre que s'ils luy vouloient dire quelque chose, ce fust sans disferer, autrement qu'ils s'en retourneroient. Alors les Turcs ietterent vne lettre attachée à vne pierre dans la galere, qui fut rendue au grand Maistre, & veüe au Conseil, de telle teneur, elle s'adressoit tant au grand Maistre, qu'aux Cheualiers & habitans.

Signal des Turcs pour parlementer.

LE S plaintes continuelles que mon peuple me fait des indignitez qu'ils souffrent des Croisez, & la notable iniure que vous faites à nostre majesté, nous ont émeu d'en tirer la raison : partant ie vous commande que vous ayez incontinent à me quitter l'Isle & la forteresse de Rhodes, vous promettant à tous en general toute sorte de bon traitement, & par vne grace speciale permettant à ceux qui se voudront retirer de le pouuoir faire en toute seureté où bon leur semblera avecques tout ce qu'ils pourront auoir de rare & de pretieux : que s'ils se veulent ranger sous nostre obeyssance, qu'ils s'assurent que nous ne leur ferons payer aucun tribut, ny n'empescherons en façon du monde, l'exercice de leur Religion, les laissant viure selon leurs loix : si vous sçaez preferer mon amitié à vne tres-cruelle guerre. Car si vous attendez la force, vous partirez aussi ce que les vaincus ont accoustumé de souffrir par les vainqueurs quand ils attendent l'extremité, de laquelle ny vos armes domestiques, ny le secours estranger, ne me sçauroient empescher que ie n'égale vos fortes murailles à la hauteur de l'herbe, & que ie ne vous fasse endurer toutes sortes de misères : ce qui s'exectera promptement, si vous ne vous rangez plustost du party de nostre amitié, que de vous exposer à la mercy de nos toutes-puissantes armes : vous iurant le DIEU createur du ciel & de la terre, les quatre escriuains de l'histoire Euangelique, les quatre mille Prophetes tombez du ciel, & par dessus tous le très-grand Mahomet, par les ames adorables de mes pere & ayent, & par l'auguste & sacré chef de nostre majesté Imperiale, que toutes ces choses vous seront fidelement entretenues : de nostre Royale ville de Constantinople.

Lettre de Solyman aux Rhodiots.

C'EST ainsi que la Fontaine qui a escriit l'histoire de ce siege, rapporte cette lettre : à laquelle le conseil fut d'aduis de ne faire point de response, mais seulement de demeurer en vne ferme resolution de se bien deffendre & de le repousser.

Le grand Maistre ayant aduis certain que l'armée des Turcs estoit en chemin, par le conseil de Gabriel de Pomerol son Lieutenant, fit ruiner & raser tous les faux-bourgs, les Eglises, les iardinages & lieux de plaifance qui estoient hors les murailles, commençant par le sien, faisant porter tout le marrain dans la ville, qui seruit beaucoup aux reparations, fit retirer le reste des concitadins, corrompre les eaux de dehors, y faisant ietter du lin & du chanvre, bruler les grains & les pailles qui estoient restez par la campagne. Les premiers vaisseaux qui parurent, furent trente voiles qui descendirent en l'Isle de Lango, iadis Coo, pour piller & bruler à leur coustume, mais ils furent viuement repoussez par le Preian de Bidoux qui y commandoit, si qu'en estans demeurez quelques-vns sur la place & quelques prisonniers, le reste fut contraint de rentrer dans leurs fustes, lesquelles laisserent Lango, & s'en allerent de là au chasteau Iuif, & le dix-septiesme du mois de Iuin, elles entrerent au golphe des Essimes, quinze milles pres de Rhodes, & se voyans decouuertes par les sentinelles du mont Salue, le vingt-quattresme de Iuin, iour S. Iean, elles vinrent surgir à vne plage de l'Isle de Rhodes, qui s'appelloit chasteau Fauet,

IX.

Le grand Maistre fait raser les faux-bourgs de Rhodes & les iardinages.

Premiers vaisseaux des Turcs deuant Rhodes.

1522.

Le grand Maître reçoit les ennemis avec pompe militaire & magnanime.

Nombre des vaisseaux de l'armée Turquelque.

Et de leurs soldats.

Secrétaire agent du grand Maître aux Princes Chrétiens.

où les Turcs mirent pied à terre, & gasterent vne grande campagne de bled. Le mesme iour celuy qui faisoit la sentinelle sur l'eschauguette du mont saint Estienne, enuiron vn mille loing de la cité, donna le signe de l'armée Turquelque, selon le reflux de la mer, du costé de Briquie vers l'Occident, qui entroit au golphe des Eslimes, où les trente galeres s'allerent ioindre à leur gros; & le vingt-sixiesme, le iour de l'Octaue de la feste du S. Sacrement, l'armée des Turcs partit du golphe des Eslimes, contre l'Isle de Rhodes, & s'arresta à vne plage qu'on appelloit la Fosse, à huit milles de Rhodes, dont le menu peuple de la ville, & les femmes se trouuerent fort troublez. Mais le grand Maître sans s'estonner, & avecques la mesme serenité de visage, fit faire les prieres & processions avecques le mesme ordre que si c'eust esté en pleine paix, fit fermer les portes de la ville, sortit de son palais armé, accompagné de ses gardes, & bon nombre de Cheualiers, sans retirer les gens de guerre chacun en son quartier, & en mesme temps commanda de sonner les tambours & les trompettes, pour accoustumer le peuple aux alarmes & rumeurs de la guerre. Et pour faire paroistre à ses ennemis qu'il les attendoit avecques vne magnanime resolution, il fit arborer les estendarts sur toutes les tours & bastions, & avecques le son des tambours, fifres & trompettes, ce qui rendoit de loing vn aspect superbe, non sans donner quelque terreur à ceux de dehors, & fortifier les courages de ceux de dedans.

Q V A N T aux Turcs, ils auoient fait partir les trente voiles dont nous auons parlé cy-dessus, qui s'en allerent au cap saint Martin, tant pour seruir de sentinelles, que pour surprendre les vaisseaux qui donneroient quelque secours aux alliegez. Le gros de l'armée qui estoit pour lors de cent voiles, s'en vint cependant presenter deuant la ville, & desia à voile déployée, le Bassa Machmut s'en venoit dedans le port, faisant mine de vouloir faire prendre terre à ses soldats; mais on luy tira tant de coups de canon qu'il fut contraint de se retirer au promontoire Bo, pour y descendre, mais le lieu n'estoit capable d'vne si grande quantité de vaisseaux, & par ainsi plusieurs galeres estans encores à la veüe de ceux de la cité, estoient aussi mal-traitées à force de canonades: qui fut cause qu'on les approcha plus pres de terre, estans si pres l'vne de l'autre, qu'on n'eust sceu tirer vn coup de la ville qui ne portast, & ne leur fist quelque grand dommage. Toutesfois d'autres disent que l'armée en nombre de cent voiles partit sur le tard de la Fosse, & passant vne voile apres l'autre par deuant le port, trois milles loing d'iceluy, elle alla surgir de l'autre costé de l'Isle, à vn lieu nommé Parambolin, six milles loing de la ville, qui estoit vne cale assésurée contre les vents du Ponant, qui regnoient ordinairement en ce canal, & quelques iours apres tout le reste de l'armée y alla, & y demeura à l'anchre iusques à la fin du siege. Cette armée estoit composée de cent galeres, sans les trente qui alloient deuant, que nous auons dit auoir esté laissées pour assésurer les passages, & trente grosses galeaces, quinze Maones & vingt Tatorées aucunement differentes des galeaces, soixante fustes, & grand nombre de brigantins, dix ou douze gros nauires, comme galions, barques, schirasses portant les munitions & la grosse artillerie. Quelques iours apres vinrent au camp d'autres nauires & fustes de Syrie, & autres qui arriuoient de iour à autre, si que toute l'armée se trouua composée d'environ quatre cens voiles de toutes sortes, & 200000. hommes, dont il y en auoit 60000. conduits pour trauailler aux mines.

E N fin les Turcs mirent à terre leur artillerie, & tout ce qui seruoit pour la ruine de la ville, & commencerent à choisir lieu pour camper, visitans la ville de toutes parts, pour iuger de quel costé elle seroit plus aisée à battre & à estre prise. Mais les habitans d'autre costé ne s'épargnoient pas, ains firent de grands creux le long des fosses pour obuier aux mines que l'ennemy pourroit faire: ce qui fut depuis autant profitable aux Turcs qu'aux Chrestiens, pour se cacher contre l'orage de l'artillerie. Le mesme iour que l'armée arriua à Parambolin, le grand Maître fit ses diligences d'enuoyer vers sa Sainteté, vers l'Empereur & les Roys de France, d'Espagne & d'Angleterre, pour les aduertir du siege, & leur demander quelque secours; mais toutes ces diligences furent inutiles, chacun de ces Princes ne pensant qu'à leur interest particulier, sans soucy du general: le Preian de Bidoux Prieur de saint Gilles gouverneur de Lango, vaillant homme, & fort experimenté au fait de la marine, & qui auoit si valeureusement repoussé les Turcs qui vouloient entrer en son Isle, comme vous auez entendu, vint à Rhodes, & le sieur Gabriel Martingue l'un des plus grands & plus experimentez Ingenieurs de son temps y vint aussi à la sollicitation du Cheualier Antoine Bosie, & seruit grandement aux Rhodiots en toutes leurs affaires; aussi fut-il beaucoup honoré par le seigneur grand Maître, qui luy donna la grande

grande Croix, avecques vne expectatiue de la premiere dignité vacante, & cependant douze cens escus de pension, qui luy estoient donnez sur le thesor, avecques la charge de la pluspart des gens de guerre, la surintendance sur les fortifications & reparations. Vn certain Chrestien aussi natif de Boniface, esclau en l'armée Turque, qui s'estoit marié à Nisse, échappa des mains de son maistre, se ietta en la mer, & s'en vint à nage par l'espace de six milles, iusques au riuage de la tour saint Nicolas, fut présenté au grand Maistre, & declara qu'en l'armée il y auoit enuiron deux cens quatre-vingts voiles, la pluspart mal armez, & où il y auoit beaucoup de Chrestiens retenus par force; mesmement des lanissaires qui estoient mal contens, pensans que l'armée deust aller en Ponant; que la principale esperance des Turcs estoient les mines, & que Mustapha estoit general de l'armée de mer, & de celle de terre, & Curtogli Corsaire pilote general; quelques autres esclaves échapperent encores qui dirent la mesme chose, toutesfois de crainte de surprise, on n'y adiousta point de foy, & les mit-on en vn quartier à part avec des gardes.

L'ARMÉE Turquesque cependant demeura treize iours sans tirer, ny faire autre effort, attendant que l'armée de terre, qui estoit par les riuieres de la Lycie, eust passé en l'Isle, & toutesfois il y auoit tousiours quelques gens de cheual qui voltigeoient à l'entour de la ville, pour en reconnoistre la forme & la situation, qui estoit fort agreable à voir, estant de forme ronde, enrichie de clochers & de superbes bastimens, qui receuoit dans soy vn port (qui estoit aussi de forme ronde) enuironné de belles maisons, de sorte qu'elle representoit proprement vn croissant. Mais comme elle est assise en vne plaine, aussi peut elle estre assiegée de tous costez: car le port regardant le Septentrion, est seulement enclos dans la mer, & le reste de la ville tend au Ponant, enceinte au demeurant d'une triple muraille, & fortifiée de plusieurs bouleuerts, le tout departy en quartiers, les François tenans le canton depuis la tour Franque ou Françoisie, iusques à la porte saint Ambroise, par laquelle on passe pour aller au mont Philerne, où Solyman auoit fait bastir vn fort, au lieu où estoit la chapelle Nostre Dame, pour sa personne & pour s'y recreer. A cette troupe commandoit, sous l'enseigne semée de fleurs de Lys, selon quelques-uns, Iean Aubin, & selon les autres Ioachim de saint Aubin, depuis la porte saint Ambroise iusques à celle de saint George, on voyoit les pannonceaux semez d'Aigles, quartier deputé pour la poste d'Alemagne, sur laquelle commandoit Christophle Valdener. Apres suiuiuent ceux d'Auuergne, sur lesquels commandoit Raymond Riccard, auoyllez de ceux d'Arragon & de Castille, avecques leurs chefs Iean de Barbaran, & Ernaud Solier, tous lesquels estoient posez aux lieux les plus dangereux, à cause que de leur costé le fossé n'estoit gueres profond, ny s'estendoit gueres en sa largeur. Au cinquiesme lieu estoient les Anglois, commandez par Guillaume Ouaxon, parmy lesquels estoit le Seigneur grand Maistre. Les Italiens estoient tous les derniers, qui deffendoient le costé que Pyrrus Bassa assailloit: Thomas de Schefeld Seneschal du grand Maistre, fut fait Capitaine du massif de la porte saint Antoine, & de celui du iardin du grand Maistre, & du palais, où il y auoit grande quantité d'artillerie, & le Cheualier de Bressolles Morterols son lieutenant.

En ce mesme temps la ville de Rhodes pensa estre ruinée, non par la proiësse des ennemis de dehors, mais par la malice de ceux de dedans. Car vne Turque esclau d'un citoyen de plus riches de la ville, ayant gagné quelques-uns à sa ligue, auoit deliberé de mettre le feu par tous les coings de la cité, tandis que ceux de dehors dresseroient quelque escarmouche: mais la chose estant decouuerte, cette mal-heureuse femme, & ses complices furent pris & gehennez, qui confesserent tous leur entreprise, non pas elle, à qui ny les battures ny les gehennes, ny le despit mesme de ceux qui la gehennoient plus aigrement (afin qu'il ne fust dict qu'une femme les eut surmontez) ne peurent tant gagner sur elle qu'elle ne mesprisast, avecques vne grande constance, la question, & qu'elle ne perséuerast en ses denegations, qui luy seruient toutesfois de peu; car les autres l'ayans accusée, ils furent tous punis de mort comme traistres. Estant doncques l'armée de terre des Turcs passée en l'Isle de Rhodes, ils commencerent à planter leurs pauillons, & asseoir leur camp en lieu couuert de l'artillerie de la ville, mettans à terre la leur, pour la monter, affuster, faire leurs approches, & trauailler aux tranchées: mais tandis que toutes ces choses s'apprestoient, le Bassa pour ne laisser ses soldats en oyliuete, plustost que pour esperance qu'il eust de faire quelque grand dommage aux Chrestiens, fit dresser vn mantelet, sous lequel ayant fait mettre quelques pieces, pour tirer aux deffences de la poste d'An-

1522.

Vn esclau
donne aduis
au grãd Mai-
stre de l'estat
de l'armée
des Turcs.

Situation de
la ville de
Rhodes.

Trahison d'un
esclau
Turque,

Punie de
mort & les
complices.

1522.

Les Turcs
commencent
à assaillir
Rhodes.

Les Cheua-
liers font plu-
sieurs sorties
à leur aduan-
tage.

Le grand Mai-
stre quitte
son palais.

X.

Nombre de
l'artillerie
des Turcs.

Gentil strata-
ge d'un
marinier,

Se saisit de
deux Turcs.

Qui declare
aux Cheua-
liers tout ce
qui se passoit
au l'armée.

gleterre & d'Espagne, l'artillerie de la ville le ruina incontinent & y tua les canonniers. Il se saisit apres d'une colline & montagnette voisine de la ville, où estoit la chapelle de saint Cosme & saint Damian, regardant droit à la poste d'Angleterre & d'Espagne, mais certuy-cy ne leur fut pas plus utile que le precedent, tout ayant esté mis en pieces par l'artillerie des Rhodiots; il est vray que tout cecy ne se faisoit qu'avecques des pieces de campagne pour les amuser: car cependant il dressoit des terrasses, & faisoit faire des tranchées & des leuées tout autour de la ville, & aux lieux principalement qu'il preten- doit battre, arrachant des rochers qui eussent semblé impossibles à remuer, & employant à ce travail les soixante mille pionniers que nous auons dict cy-dessus. Mais les Cheua- liers ne demouroient pas cependant en repos, car ils faisoient à tous propos des sorties sur leurs ennemis, où ils auoient tousiours de l'aduantage, les rembarans valeureusement, & les empeschans de continuer leurs tranchées: mais comme cela ne se pouuoit faire qu'il n'y demeurast tousiours quelqu'un des leurs, & comme vn seul homme leur estoit plus de perte que la mort de mille de leurs ennemis ne leur estoit de gain, le grand Maistre deffen- dit de ne plus sortir. Il auoit quant à luy quitté son palais & s'estoit logé à sainte Marie de la victoire, le plus foible lieu de la ville, & où les Turcs aux sieges precedens auoient fait leurs plus grands efforts.

OR les Turcs ne trouuants plus d'empeschemens par les sorties, auancerent aussi plus librement leur artillerie, si bien qu'ils eurent moyen de dresser en diuers lieux soixante mantelets, desquels l'artillerie des Rhodiots renuersa vne partie & en demeura trente- quatre, sous chacun desquels il y auoit trois canons: la principale batterie fut contre les postes d'Angleterre, de Prouence, d'Espagne & d'Italie. L'artillerie Turquesque consi- stoit en six pieces de bronze, qui tiroient trois palmes & demie de rondeur, quin- ze pieces de fer & de bronze, qui portoient de cinq à six palmes: douze grosses pie- ces qui portoient de neuf à dix palmes, & deux qui en tiroient d'onze; quinze doubles canons, & douze basilic. Quant à l'artillerie moyenne, elle estoit en nom- bre infiny, avecques toutes lesquelles pieces les Turcs dresserent vne grande & terrible batterie; c'estoit toutesfois sans grand effet. Mais comme le bruit couroit que depuis la premiere armée il estoit encore venu au camp des Turcs plus de cent mille hommes, (ce qui pouuoit bien estre, mais ce fut apres l'arriuée de Solymán.) Le grand Maistre voulant estre informé des desseins de ses ennemis, il se presenta vn marinier na- tif de Trebisonde, qui estoit au seruice de la Religion, avecques sept ou huit ieunes hommes de ses amis, lesquels s'offrirent de se faire raser & vestir à la Turquie, puis se chargeans de melons, concombres & autres fructs, s'embarquerent la nuit suiuaute; & ayans fait en sorte d'éuiter la rencontre des galeres Turques, ils s'élargirent bien auant en mer, & de là reuinerent à l'aube du iour contre l'île de Rhodes, comme s'ils eussent party de Turquie, & se rendirent au cap le plus prochain de la Lycie, où les marchands s'assembloient de tous costez pour vendre des viures & autres rafraischisse- mens à ceux de l'armée. Là commencerent-ils de vendre leurs fructs aux Turcs, & à demander librement des nouuelles de l'armée; dequoy les autres qui les prenoient pour Turcs naturels, les rendirent contens, & leur dirent tout ce qui se passoit au camp. Les nostres ayans tout vendu leur marchandise, & appris d'eux ce qu'ils desiroient sçauoir, feignirent de se vouloir retirer chez eux, & alors quelques Turcs qui s'ennuyoient des perils & des malaises qu'ils commençoient de souffrir en cette guerre, les prierent de les passer dans leur barque en Turquie. Les mariniers s'excuserent sur ce qu'ils ne pouuoient receuoir tant de gens en leur vaisseau, & apres quelques legeres disputes, finalement ils en receurent deux, & s'élargirent en mer. Mais la nuit venue, sous pretexte de vouloir prendre le dessus du vent, s'approcherent de la tour saint Nicolas, & entrerent au port, presentans au seigneur grand Maistre les deux Turcs pieds & poings liez, qui bailla char- ge de les ouyr au Prieur de saint Gilles & à Martinengue, lesquels les menerent sur le clocher de saint Iean, & regardans vers le camp des Turcs, leur monstrerent les quar- tiers du camp, declarans les chefs de l'armée, le nombre des gens de guerre, qu'on te- noit que Solymán y deuoit bien-tost venir, que les soldats perdoient courage, & se mutinoient contre leurs Capitaines, d'autant qu'ils s'ennuyoient de cette guerre, où ils disoient qu'ils auoient esté amenez à la boucherie, tenans l'entreprise impossible, & au- tres tels discours, ausquels on n'adiousta pas grande foy, pour sembler trop aduantageux pour les Chrestiens, & toutesfois ils se trouuerent veritables: ils disoient aussi que Soly- man deuoit venir pour appaiser cette mutinerie. Et de-fait le Bassá Pyrrus craignant quelque

quelque chose de pis, & voyant que le soldat s'emancipant de l'ancienne discipline, oublioit son deuoir & l'obeyssance qu'il deuoit rendre à ses Capitaines, auoit depesché vers son Empereur, pour luy faire entendre tout ce desordre, & le supplier de haster sa venue le plus qu'il pourroit, sa presence estant tres-necessaire en l'armée, la vaillance des Croisez ayant tellement estonné les soldats qu'ils aimoient mieux quitter leurs Capitaines, que de s'exposer à la mercy du tranchant de leur espée. Solyman ayant entendu ces nouuelles, iugea bien que la diligence estoit necessaire, & pour ce ayant passé l'Asie mineur à grandes journées iusques au Fisque, il trauersa le canal sur vne galere, & arriva au camp le cinquiesme des Calendes de Septembre, dit de Fontaines, qui seroit le vingt-huictiesme iour d'Aoust. Toutesfois l'histoire de l'Ordre de saint Iean de Hierusalem, dit le vingt-huictiesme iour de Juillet; Il y fut receu en grand triomphe, & s'en alla loger en vn lieu appellé Megalandra, enuiron à quatre ou cinq milles de la ville, hors la portée du canon. Là, comme il eust assemblé son conseil, pour scauoir d'où procedoient ces desordres, & qui en estoient les auteurs, & en ayant appris plus qu'il n'en desiroit, il entra en telle colere, qu'il en vouloit faire de tous vne tres-rigoureuse punition. Mais Pyrrus Bassa luy remontrant que cette mutinerie procedoit plustost de la crainte du danger que de rebellion, que l'autorité de sa Majesté les rameneroit facilement en leur deuoir, & se feroit rendre toute obeyssance, qu'il se falloir donner de garde d'vser de trop de rigueur, principalement à l'endroit des vieux soldats en vne affaire de telle importance, & en laquelle ils ne se pouuoient passer d'eux, s'il ne vouloit leuer le siege, qui seroit vne grande tache à la reputation du nom Othoman: Qu'il luy conseilloit seulement de leur faire paroistre l'aigreur de son ressentiment en paroles, & les ayant fait assembler, qu'avecques la splendeur de sa Majesté, il conioignist la seuerité des remontrances, que cela seroit suffisant pour leur apporter de la terreur & ranimer leurs courages. Ces raisons ayans adoucy le courroux de Solyman, il commanda à Pyrrus de faire assembler l'armée, mais il voulut que ce fust sans armes: encores quelques-vns adioustent qu'il les fit prosterner en terre, ayant fait faire vne haye tout à l'entour de quinze mille hommes de pied armez, qu'il auoit amenez quant & luy, & cependant il estoit assis en son thrône Royal, couuert d'un riche dais, plein de majesté qui faisoit paroistre son indignation en son visage; ayant tourné ses yeux de part & d'autre, il leur parla ainsi.

1522.
Pyrrus Bassa
haste l'armée
de Solyman.

Si i'auois affaire à des soldats, ie vous eusse permis de paroistre deuant nostre haultesse les armes en la main, & par vne montre generale que nous auons intention de faire, releué autant vos courages par la veüe d'une si puissante armée, comme elle deuoit apporter de terreur à nos ennemis: mais puis que ie suis forcé de parler à de chetifs esclaves, qui plus craintifs que des lievres, ne peuuent seulement souffrir le cry de l'ennemy, & qui plus lasches que des femmes, ne peuuent patir la moindre incommodité, en quelle posture meritez vous paroistre deuant vostre Souuerain? de quel œil pouuez-vous contempler la majesté Imperiale, quand vostre front est plein de honte & d'ignominie pour vostre lascheté? Il faut doncques que moy qui reçois toutes ioyeuses nouuelles des autres Prouinces, qui depuis nostre heureux aduenement à l'Empire auons sceu vaincre les rebellions de la Syrie, & prendre la superbe & forte place de Belgrade à la teste de la tres-puissante & belliqueuse nation des Hongrois, feschissions maintenant deuant vne poignée de gens qui sont renfermez là dedans, non encores par la valeur de l'aduersaire, mais pas la lascheté des assiegeans? Qui eust peu croire que de vieux soldats experimenter, & qui ont combattu & surmonté de si vaillantes nations sous les auspices de l'inuincible Selim, tremblassent maintenant de frayeur deuant vne simple place, qui n'est encores maintenant deffenduë ny maintenue que par ses propres forces? si nos ancestres eussent voulu si chèrement espargner leur sang, l'Empire des Musulmans eust esté bien reduit au petit pied. Comment se fussent-ils rendus les maistres de si grandes & opulentes Prouinces, domté tant de peuples, pris tant de fortes places, & fait retentir leurs armes par tous les cantons de l'Vniuers, sinon en s'exposant aux plus hautes & dangereuses entreprises? esperez-vous que ces Croisez, qui ont continuellement les armes à la main, deussent se venir rendre pieds & poings liez à vostre mercy, à la veüe de nostre artillerie, & au son de nos nacaires? Ce sont bestes feroces qui sont la tapies dans leur cauerne, qui ne vous quitteront iamais par crainte, mais à force de valeur: i'ay toutesfois vne certaine esperance de les domter, n'y ayant rien de si farouche qui ne se puisse vaincre, ou par force ou par amour; mais comment le puis-je esperer avecques vous qui leur donnez desir l'honneur du triomphe, auparauint que d'auoir obtenu celuy de la victoire?

Seueres reprimedes de
Solyman à
son armée.

1522.

Ses feintes
pour intimi-
der ses soldats,
& les rame-
ner à leur de-
voir.

QUOY ? deuant vostre partement on n'entendoit autre chose parmy vos discours familiers, & en vos conuiues que des grands faits-d'armes que vous deüiez faire deuant cette place : vous l'auiez désiré, vous vous en estes resiouys, & maintenant qu'il faut voir l'effect de ces rodemontades, vous saignez du nez, vous quittez vos Capitaines, vous souspirez apres vos foyers, & ne cherchez que les moyens de faire retraite. Doutez-vous que ces Cheualiers qui ont des espies de toutes parts, ne soient pas informez de vos dissensions, ou plustost poltronneries ? Pleust à DIEU que ce fust plustost vne sedition, car elle me tesmoigneroit plustost vne grandeur de courage, & nos forces opposées aux vostres, fauorisées comme elles sont du ciel, en auroient aussi la raison : mais qu'on peut-on faire d'un courage lasche & effeminé ? à quoy est-il propre, sinon à vser le tranchant de l'espée de l'ennemy ? car j'ay plustost resolu de vieillir, voire de mourir deuant cette place, que d'en reculer d'un pas. Mais auparauant que cette ignominie m'arriue, ie feray telle iustice des coupables, que l'horreur de leur supplice fera reuenir le cœur à ceux qui les voudroient imiter. Et là dessus ayant fait signe aux soldats armez, ils commencerent à faire vne rumeur & desployer les armes comme avecques intention de tailler en pieces toute cette multitude desarmée, laquelle desia toute enseuelie dans sa propre honte, pour les reproches veritables de leur Souuerain, vn grand silence auoit rendue comme des hommes hebetez.

Il leur pardô-
ne à la priere
des plus
Grands.

QUAND tout à coup la crainte de la mort les saisissant, leur fit ietter des cris pitoyables implorans la misericorde de leur Seigneur, avecques promesse de mieux faire à l'aduenir, & de n'épargner iamais leur sang & leur vie pour sa hautesse, qu'ils chasseroient d'oresnauant toutes ces terreurs Paniques, que quelque mauuais demon leur auoit imprimées dans l'esprit. Les plus Grands mesmes de l'armée qui estoient pres de sa personne, le supplioient en toute humilité d'auoir pitié de ces pauures criminels qui auoient plus failly par infirmité que par malice, l'asseurans que la grace qu'ils receuroient maintenant de sa Majesté, les obligeroit à iamais de luy rendre tout seruice & obeyssance, que s'ils estoient indignes de misericorde, qu'il le fist au moins pour l'amour des bons soldats qui estoient encore mezlez parmy eux, & par toutes les Prouinces de sa domination. Car le nom des Musulmans tourneroit en risée à tout le nom Chrestien, si vsant maintenant de la rigueur de sa iustice, on venoit à sçauoir la cause de leur chastiment. Les soldats cependant conioignoient leurs cris à ces prieres : si que Solyman feignant d'auoir esté adoucy par ces importunités, & d'auoir changé de resolution, leur pardonna, à condition qu'ils feroient paroistre par quelque action remarquable, dont on leur en feroit bien-tost naistre l'occasion, que c'estoit plustost la honte de leur faute, & le desir de l'amender qui leur faisoit vser de tant de prieres, que la crainte de la punition. Alors tous d'une voix, se soumettans à toutes sortes de supplices, s'ils manquoient d'oresnauant à leur deuoir, Solyman rompit l'assemblée, renuoyant chacun dans sa tente, pour se tenir prests quand on leur commanderoit. Apres cela il fit venir ceux qui auoient esté cause de tout ce diuorce, deuant les tribuns vn à vn, lesquels pleins de honte & d'ignominie, iurerent de nouveau de petir plustost deuant cette place, que de reculer, & de manquer à leur Seigneur d'obeyssance & fidelité.

Balles artifi-
cielles des
Turcs.

Le Medecin
Iuis aduertit
du peu de do-
mage que ce-
la faisoit aux
assiégez.

Tranchées
des Turcs.

XI. CETTE remonstrance apporta beaucoup de dommage aux Rhodiots, car les Turcs, pour faire perdre à leur Souuerain la mauuaise opinion qu'il auoit de leur valeur, s'efforçoient à l'enuy de faire le plus de mal qu'ils pouuoient à leurs ennemis. Continuans doncques leur batterie plus violente & terrible qu' auparauant, ils firent encores tirer de gros canons de bronze en forme de mortiers qu'ils planterent en trois diuers lieux, qui toutesfois ne tuerent que vingt-cinq hommes & le Cheualier de Lioncel, encore qu'elles eussent tiré 17113. balles de marbre & huit de metal farcies d'artifices de feu : c'estoit de certains petits bidets ou pistolets de la grosseur du doigt pleins de matieres combustibles, si que la grosse balle allant en pieces (car elle estoit creuse) ces pistolets faisoient leur ieu, & bleissoient plus de personnes que les grosses : toutesfois le Medecin Iuis ayant donné aduis aux Turcs du peu de dommage que tout cela faisoit aux assiégez, ils firent cesser cette batterie. Cependant ils traualloient sans relasche pour aduancer leurs tranchées, encore que l'artillerie de la ville tirast sans cesse contre eux, ne donnans aucune intermission à leur labour, qu'ils n'eussent acheué vne grande leuée entre la poste d'Espagne & d'Auuergne, & vne autre contre celle d'Italie, & là dessus logerent des pieces qui tiroient contre les defences des assiégez, aduançans leurs tranchées iusques sur le bord du fossé : de sorte qu'ils firent quelques ouuertures à la muraille qui estoit de leur costé,

& ayans

& ayans logé là leurs harquebusiers, ils tiroient à couuert contre les deffences des Rhodiots, & en tuerent beaucoup. Tous leurs principaux chefs logetent aussi dans leurs tranchées, le general Mustapha contre le bouleuert d'Angleterre, Pyrrus Baïla contre celui de la poste d'Italie, Achmet contre celles d'Espagne & d'Auuergne, avecques l'Aga des Janissaires, le Beglierbey de la Natolie contre celle de Prouence, celui de la Romanie contre les iardins de saint Anthoine: la batterie commença contre la poste d'Alemagne au commencement d'Aoust, & d'autant qu'elle estoit foible & sans terre-plein, le grand Maistre fit incontinent faire par dedans des fortifications, avecques des retranchemens de terre, gros bois, ais & fascines, & faisant iouer l'artillerie de la porte, du camp, du palais, & autres lieux plus releuez, ils rompirent l'artillerie & les mantelets des Turcs, qui s'ennuyans de les refaire si souuent, les osterent de là, ioinct qu'ils tiroient la pluspart en vain, par ce que la contre-escarpe estoit plus haute que la muraille: Ces mantelets estoient de terre fort battüe, & couuerte par dehors de gros ais vnis, & liez avecques des cheurons, desquels les canonnières estoient fermées, qui s'ouuroient toutesfois pour tirer, & se fermoient apres que le coup estoit tiré. Mais les canonniers de Rhodes tiroient de nire dans les canonnières, aussi-tost qu'ils les voyoient ouuir, rompans & demontans plusieurs de leurs pieces, dont les esclats tuoient beaucoup de Turcs, mais l'heur qu'ils eurent en cela, fut cause de consommer la pluspart de leur poudre dès le commencement, & le siege estant long, ils en eurent faute depuis, encores que le grand Maistre fit continuellement tirer quatorze de ses chevaux à piller le salpestre & autres matieres propres à faire la poudre en lieu fermé & gardé. Les Turcs ayans eu aduis par le Medecin Iuif, que toutes leurs entreprises estoient decouuertes par le moyen du clocher de saint Iean, duquel on voyoit tout ce qui se faisoit dans le camp, cela fut cause qu'ils tirerent contre & l'abbatirent; ce qui apporta vn grand desplaisir aux habitans. De là ils r'emmenèrent leur batterie vers la tour saint Nicolas, qu'ils battirent dix iours continuels de douze gros canons, avecques si peu d'effect, que le Beglierbey voyant que ceux de dedans luy rompoient ses mantelets, il les fist oster tous, & demonter les pieces, les faisant poser la nuit sur de gros planteaux sans gabion ny mantelet, tirant par ce moyen toute la nuit en seureté, & le iour approchant, il les faisoit couvrir de terre & de sable: mais comme il eust desia bien tiré environ cinq cens coups de canon, & qu'il eust abbatu vn grand pan de muraille du costé du Ponant, & la muraille du ravelin, on fut tout estonné qu'on vit paroistre vne bonne muraille toute entiere, & tant de gens pour la deffendre; que ces difficultez représentées à Solyman, il fit leuer de là cette batterie. Mais au mesme temps ils en auoient dressé vne autre vers les postes d'Angleterre & d'Espagne, & y planterent des canons qui tiroient six ou sept palmes de rondeur, aucuns de neuf ou de dix, continuans cette batterie vn mois durant: si qu'ils abbatirent la nouuelle muraille du terre-plein d'Angleterre, demeurant l'ancienne en son entier, & coulerent par leurs tranchées trois grosses pieces dans les fosses, avecques lesquelles ils leuerent les deffences du bastion d'Espagne, & abbatirent la muraille: de sorte que les Turcs pouuoient monter par les ruines sur leur bastion, mais les assiegez ne leur faisoient pas moins de mal, entr'autres vn coup de couleuvrine donné à trauers vn mantelet, sur vne piece, où elle tua cinq hommes, & emporta les deux iambes au maistre canonnier du Ture, qui en mourut, dont Solyman receut vn tel desplaisir, qu'il dist qu'il eust mieux aimé perdre vn de ses Bassas.

Or ces batteries ne se faisoient pas seulement aux lieux que i'ay cottez cy-dessus, mais encores à tous les ravelins & aux autres murailles de la ville. Durât ces entrefaites le Cheualier Martinengue, voulant faire voir aux Turcs que les Cheualiers ne leur vouloient pas faire seulement donner la peur avecques leur artillerie, mais qu'ils auoient assez de courage pour les aller attaquer iusques dans leur camp, apres auoir demandé permission au grand Maistre, fit sortir cent soldats choisis, conduits par Barthelemy Sicilien, frereservant, & Benoist de Scamarose, l'vn de ceux qui auoient suiuy Martinengue, qui donnerent à l'impourueu sur les tranchées, tuerent & écartèrent ce qu'ils y trouuerent, puis se retirerent promptement, par ce que les Turcs venoient à grosses troupes sur eux, mais comme ils se retiroient en desordre par les iardins, ils furent accueillis de l'artillerie de Rhodes qui les prit au decouuert, & en tua vne bonne partie. Environ ce temps il arriua vn grand desordre en la ville de Rhodes: car ainsi qu'on ramenoit cent ou six-vingts esclaves des retranchemens, ils furent rencontrés par des ieunes Cheualiers, qui en frapperent quelques-uns en folastrant, & d'autant qu'on sonnoit l'alarme en la poste d'Auuergne, plusieurs Cheualiers qui y accouroient, creurent qu'ils auoient fait quelque tra-

1522.

Le gral Maistre faisoit continuellement trauailler pour de la poudre a canon.

Les Turcs ruinent les deffences du bastion d'Espagne.

Premiere Sortie des Rhodiots sur les Turcs.

1522.

Pitoyable
massacre d'es-
claves à Rhod-
des.

Vn Rhodiot
s'offre au
grâd Maistre
d'aller dé-
couvrir les
desseins des
Turcs.

Retranche-
mens de Mar-
tinengue à
Rhodes.

Continuelle
batterie con-
tre le bastion
d'Espagne.

Merveilleuse
quantité de
mines que les
Turcs firent à
Rhodes.

Premier as-
saut des Turcs
à Rhodes.

hison. Si que sans s'informer autrement du fait, ils les taillerent en pieces, qui ne fut pas vne petite perte pour le besoin qu'ils auoient de cette sorte de gens, qui leur firent apres grande faute sur la fin du siege.

Or le grand Maistre estoit fort en peine des desseins des Turcs, & de sçauoir s'ils estoient resolu à donner quelque assaut general, il auoit mesme enuoyé vn espiô qui s'estoit perdu: mais vn nommé Carpathio Rhodiot s'offrit à cette decouuerte, auquel comme on eust donné vn brigantin avecques vn bon nombre de soldats vestus à la Turquie, il sortit du port costoyant tousiours le riuage, iusques à la Fosse, où il vid quelques Turcs qui prenoient le frais sur le bord de la mer, qui le decouurent incontinent; mais le Rhodiot faisant l'asseuré, leur dist tout haut en langue Turquesque qu'ils vinssent à luy, & que le Bassa les demandoit, ce qu'ils crurent facilement, & s'en allans à luy entrerent dans le brigantin: l'un d'eux toutesfois se reconneut bien-tost, & tirant vn cousteau en donna vn coup au Rhodiot en la cuisse, mais cettuy-cy ayant mis la main au cimeterre, luy coupa la teste qu'il emporta, & emmena les autres Turcs quant & luy, qui estoient vnze, les presentant au grand Maistre, qui luy fit vne fort ample recompense d'un si bon seruice.

Les Turcs cependant continuoient leur batterie sans intermission, si qu'ayans fait de grandes ruines de toutes parts, Martinengue qui auoit la charge des fortifications pour y remedier, fit plusieurs retranchemens & barricades sur les murailles, sur lesquelles il logeoit grande quantité d'artillerie, qui tiroit continuellement dans les tranchées, & tuèrent grand nombre de Turcs, comme faisoient aussi des soldats qu'il auoit logez sur la couuerture des maisons, & qui tiroient durant l'assaut. Mais les Turcs firent vne contre-batterie, plantans deux canons au iardin de Maupas, d'où ils tiroient à flanc, & tout du long de la tranchée, outre ce quelques coups perdus dans la ville, mais tout cela n'aduou-çoit rien pour eux, sinon de ruiner quelques maisons. Or auoient-ils fait vne bresche assez raisonnable, toutesfois voulans, s'il estoit possible, aller à couuert iusques au pied, sans estre endommagé de l'artillerie, ils portoient force terre pour combler le fossé: mais les assiegez sortans des casernes, emportoient toute cette terre, & les Turcs d'ailleurs pour les en empêcher, auoient de longues harquebuses derriere les murailles de la contr'esearpe, desquelles ils tiroient contre ceux qui entroient dans le fossé, chacun ayant en ce faisant autant de peine à se defendre qu'à assaillir. La plus continuelle batterie toutesfois fut contre le bastion d'Espagne, duquel toutes les desfences furent enleuées, quelque diligence qu'on y peult mettre pour les reparer, car on tient qu'il y eut tel iour qu'il fut tiré contre les murailles de ce bastion & de celui d'Angleterre, plus de 240. coups de canon, sans l'artillerie qui tiroit tout le iour tout à l'entour de la ville.

Ces choses se faisoient ainsi à la veüe d'un chacun, mais les Turcs qui virent qu'il y faisoit si chaud pour eux, pour épargner leurs hommes, se mirent à faire des mines en telle diligence, qu'en peu de iours des six parts de la ville, les cinq se trouuerent cauées, & minées; aussi dit-on qu'il y auoit iusques à quarante mines, lesquelles toutesfois leur furent presque toutes inutiles, pour les contremines que ceux de Rhodes faisoient tour à l'entour, & principalement par des tranchées qu'on fit cauer sous terre, par le moyen desquelles ils reconnoissoient aisément les mines, en prestant l'oreille à des bacins & tambours bien tendus & des sonnettes: cela en fit apperceuoir vne entre autres au milieu du fossé de Prouence, qui commençoit à l'Eglise de S. Iean de la Fontaine, laquelle Martinengue fit incontinent ouurir, y iettant luy-mesme des barils de poudre qu'il enflamma avec des trompes de feu, qui embraserent & estoufferent les Turcs qui estoient dedans; mais celle qui les épouuanta le plus, c'en fut vne qui venoit iusques sous le bouleuert d'Angleterre, qui ioua le sixiesme, ou selon les autres le quatriesme iour de Septembre, avecques telle violence qu'elle ébranla toute la ville, comme d'un terre-tremble, & renuerla plus de sept cannes de la muraille, faisant tomber tant de marrain, & remplissant tellement le fossé, que les Turcs voyans la montée facile au bastion, comme ils se pensoient tousiours prests & aux escoutes pour donner dedans où l'occasion se presenteroit à propos, ils vinrent furieusement à l'assaut, gagnans d'abord le dessus du bastion, & y planterent sept enseignes, & s'en fussent rendus les maistres, n'eust esté vn retranchement que le Bailly Martinengue y auoit fait le iour precedent, qui demeura entier à quatre pieds pres de là où finissoit la ruine de la mine; cela arresta tout court les assaillans, & cependant les Cheualiers vinrent au secours, & entre autres le grand Maistre, lequel estoit pour lors à l'Eglise, à Vespres tout armé neantmoins, comme il estoit ordinairement: lequel

au bruit que fit cette grande ruine, se douta bien que c'estoit quelque mine qui auoit joué, & qu'infailiblement l'ennemy viendrait à l'assaut. Or cela estoit-il arriué iustement lors que les Prestres chantoient *DEVS in adiutorium meum intende*. Ce qui le fit esclier, ie prendray cecy pour bon augure, l'ennemy est proche, & DIEV se haste pour estre à nostre ayde : & là dessus prenant tous les Cheualiers qui se trouuerent pour lors en bon nombre quant & luy : Allons, dit-il, mes amis, changeons nos sacrifices de loüanges en d'autres plus importans pour la gloire de DIEV, à sauoir celui de nos vies pour la defence de la sainte Religion, l'ennemy pense auoir ville gagnée, mais faisons luy sentir que pour chanter le triomphe, il faut premierement tirer nostre sang que d'abattre nos murs.

Cela dit, il marcha luy-mesme le beau premier la picque en la main & la teste baissée contre le bataillon, suiuy des siens avecques tant de courage qu'ils firent bien-tost lascher prise à l'aduersaire, les taillans en pieces de toutes parts, si que voyans des mes-huy que la place n'estoit pas tenable, ils se sauuoient comme ils pouuoient, mais c'estoit avecques tel desordre, qu'ils apportèrent vne grande confusion parmy ceux qui venoient à leur secours : les vns ny les autres n'entendans plus les commandemens de leurs Capitaines, ains seulement à se mettre en lieu de seureté. Quand le General Mustapha, qui voyoit le tout de sa tranchée, partit incontinent de la main, & s'en vint au deuant des fuyans, leur reprochant leur lascheté, & leur demandant si c'estoit là l'effet de cette vaillance, laquelle ils auoient tant promise à leur Seigneur, & avecques laquelle ils auoient racheté leur vie : il commence à marcher hardiment vers la bresche, en disant : qui ayme son honneur, me suiue : car cette bresche est le list où ie veux finir mes iours, plustost que de reculer : au moins le Seigneur sera-il assuré de ma fidelité, & de la couraidsie de ceux qui auront abandonné leur General à vn si grand besoin. Sa face austere, ses paroles, mais sur tout son action, renouellerent les courages des Turcs, & leur firent tourner visage vers leurs ennemis ; mais ils auoient affaire à des hommes qui ne se payoient point de rodomontades, & qui ne quittoient pas vn seul poulce de terre, sans tirer non seulement le sang des veines de leurs aduersaires, ains sans y perdre mesme vne grande abondance du leur : de sorte que la hardiesse de Mustapha, ny l'impetuosité des Turcs n'y gagnerent autre chose que des coups. Ce combat ayant desia duré plus de deux heures, & la gresle des arquebusades, des pierres & des pots à feu continuant de tomber sur leur teste, & le tranchant de l'espée des Cheualiers les entamant de toutes parts, ils furent enfin contraints de quitter leur entreprise & de tourner le dos. Mais ils ne trouuerent pas plus de soulagement en la fuite, car les canonniers de Rhodes auoient affusté vne grande quantité de pieces contre le bas de la bresche, qu'ils tirerent sur les Turcs se retirans du bastion, si qu'il y en eut encores là plus de tuez, qu'il n'y en auoit eu au combat : car on tient qu'il y mourut deux mille Turcs : de Fontaines dit seulement mille à cet assaut, & des Chrestiens douze ou quinze, & enuiron quinze ou vingt de blesez : entr'autres le Capitaine des galeres, Michel d'Argillemont d'un coup de fleche qu'il receut en l'œil, & le Cheualier de Mauselle qui portoit l'Estendard du grand Maistre d'un coup d'arquebuse, le Commandeur de Pomerols mourut aussi ce iour là d'une grosse fievre qui luy estoit arriüée d'une cheute, dont il n'auoit pas esté bien pansé.

Le grand Maistre fort content d'un si heureux succez, non tant pour le nombre des morts de ses ennemis, que pour l'extreme danger où les affaires des Cheualiers auoient esté reduites par le moyen de cette mine, fit faire procession generale, & des prieres publiques, principalement en l'Eglise saint Iean, pour rendre graces à DIEV de la victoire : mais cela ne fit qu'animer dauantage le courage de Solyman, & de ses Bassats ; aussi ne relascherent-ils rien de leur entreprise, ains alchoient tousiours de faire quelque mine qui leur peust donner entrée dans la ville. Or en faisoient-ils vne qui deuoit sortir à saint Iean du Colosse, de laquelle les Rhodiots furent aduertis par le Bailly de l'Isle de Rhodes Didier du Puy, Cheualier François, qui commandoit au fort de Feraclee, petite Isle voisine : mandant au grand Maistre, que quelques-vns se retirans vers luy du camp ennemy, l'auoient assuré de ce chemin sousterrain, & outre ce que quelques grands & signalez personages d'entr'eux donnoient aduis aux Turcs de tout ce qui se passoit. Le grand Maistre fut fort en peine de cet aduis, toutesfois ayant promis vne notable recompense, tant à celui qui luy decouureroit le premier la mine, que le nom des conspi-

1522.

Le grãd Maistre va au secours.

Les Turcs repoussiez.

Mustapha fait retourner les siens à l'assaut.

Qui sont contrains de fuyr.

Nombre des morts en cet assaut.

Acté de graces des Rhodiots pour cette victoire.

Nouueaux aduis au grãd Maistre, des desseins des Turcs.

1522.

Les Rhodiots
rassent de
découvrir la
mine de saint
Jean de Co-
lisse.

rateurs, il laissa la poursuite des traistres desquels il ignoroit les noms, se mettant apres à decouvrir la mine : si que ne sçachant point en quel lieu ny en quel temps travail-
loient ces mineurs, personne n'osoit prendre repos en sa maison, & n'y avoit femme ny
enfant, qui avecques les artifices accoustumez, ne fust au guet, mais tout leur labour
fut inutile, iusques à ce que d'elle-mesme, elle se decouvrit le neufiesme de Septembre
à sept heures du matin au bastion d'Angleterre, qui mit par terre vne canne de muraille,
tout auprès de la precedente mine : mais l'ébranlement & le bruit en furent si terribles,
que les Cheualiers croyans que tout le bastion renverseroit, se retirerent : les Turcs
montans au mesme temps, qui s'avancerent iusques aux barricades, sans trouver aucune
resistance.

Second assaut
des Turcs,

Qui s'eston-
nent à la vue
du Crucifix.

Mais les Cheualiers reuenus bien-tost de leur épouuante, retournerent incontinent
à leurs deffences, où ils firent assez paroistre aux despens de leurs aduersaires, que leur
retraite n'auoit point esté faite de cœur, si que les Turcs mal-menez de toutes parts,
commencerent à faire retraite; quelques-vns ont dit qu'ils auoient pris l'épouuante à la
veuë de l'Enseigne de la Religion (qui est vne Croix d'argent en champ de gueulles) &
qu'ils se mirent en fuite, l'artillerie qui tiroit cependant du bouleuert du Cosquin, en fai-
sant vne grande tuerie. Mais tant y a que Mustapha ne s'estonnant point de toutes ces
choses, avecques les principaux de l'armée, forcerent encores vne fois le soldat de retour-
ner à l'assaut, où ils firent plus mal leurs affaires qu'au precedent. Car les Cheualiers ayans
recouru nouvelles forces, tant par la victoire toute recente, que par le secours qu'ils
receurent alors du grand Maistre fort à propos, les menerent si mal de toutes parts, qu'en
fin bon-gré mal-gré qu'ils en eussent, eux & leurs Capitaines furent contraints de tourner
le dos, avecques vne tres-grande perte; car, selon quelques-vns, il mourut en cét assaut
vingt mille Turcs, & selon les autres trois mille: de Fontaines ne dit toutesfois que deux
mille: & entr'autres trois Sanjacs, avecques vne Enseigne qui demeura aux Cheualiers:
car les Turcs à cette seconde recharge auoient penetré iusques aux deffences du bastion,
où ils auoient mesmes planté quelques Enseignes, qu'ils retirerent par apres à la faueur
de leur scopeterie, qui tiroit derriere la contre-escarpe: les Cheualiers mesmes y pense-
rent perdre l'Enseigne de la Religion, celui qui la portoit Ioachim de Cluys, ayant eu vn
œil creué; mais il fut promptement secouru par Emery de Ruyaux Auvergnac, qui la
releva comme les Turcs s'en vouloient emparer. Il y avoit cependant vn traistre qui
auoit donné aduis que la ville se pouoit prendre par le quartier des Prouençaux, où les
Turcs auoient fait vne mine, à laquelle il promettoit de donner la main: mais la chose
ne succedant pas comme on l'esperoit, le Bassa Pyrrus resolut de s'adresser contre le
rempart qu'auoit jadis fait éleuer le grand Maistre Emery d'Amboise, qui succeda à
Pierre d'Amboise, qui estoit en la garde des Italiens; & de fait il y monta par surprise,
tuant tout ce qu'il rencontra dessus, qui ne songeoit à rien moins qu'à souffrir vn assaut
de ce costé-là: toutesfois on y courut incontinent au secours; & bien que Pyrrus Bassa
s'opiniastra à tenir ferme, pour le desir qu'il auoit de vanger la mort du Sanjac de Ne-
grepont, tué d'une canonnade le iour precedent, (& lequel fut autant regretté de So-
lyman qu'autre de l'armée, car on tient qu'il le cherissoit fort) si est-ce qu'il y fit fort mal
ses affaires. Toutesfois sans s'estonner, voyant en cét endroit là le combat fort échauffé,
il iugea que les autres lieux seroient à demy abandonnez: & de fait ayant donné le si-
gnal à ceux qui estoient sous la leuée de terre, ils allerent à grands cris avecques eschel-
les assaillir le bastion du grand Maistre de Carrette, mais ils y furent repoussez par le Che-
ualier Dandelot Capitaine du bastion, avecques l'ayde des citoyens qui y accoururent
de toutes parts, qui avecques force pierres & grenades les repousserent dans le fossé,
apres en auoir fait mourir vn grand nombre: & cependant l'artillerie qui estoit sur les
flancs des bastions de Carrette, du Cosquin, & de la tour d'Italie, tiroit du long des fossez
sur cette époisse multitude de Turcs, où il se fit vn grand carnage: ce qui les estonna de
sorte, qu'ils commencerent à quitter le rempart d'Italie: Et Pyrrus mesme ayant fait con-
tinuer ces combats avecques vne grande obstination par l'espace de deux heures, voyant
que l'épouuante auoit saisi les siens de toutes parts, il fit sonner la retraite, laissant le terre-
plein & les fossez jonchez de corps morts des Turcs, en plus grand nombre encore qu'aux
combats precedens: comme aussi les Rhodiots y souffrirent vne notable perte, tant des
Italiens que des autres nations.

L'Enseigne de
la Religion
en danger.

Efforts du
Bassa Pyrrus
contre le quar-
tier des Ita-
liens.

Se retire avec
grande perte
des siens.

XII.

MUSTAPHA infiniment déplaissant que toutes leurs entreprises reüssissent si mal, voyant
que

que Solyman s'ennuyoit de tant de pertes, encore que luy-mesme luy en eust rendu toutes choses si faciles, il delibera de donner vn troisieme assaut au bastion d'Angleterre, seioignant avecques Achmet-beh, qui estoit campé entre les poites d'Espagne & d'Auuergne, conclud avecques luy, que tandis qu'il assailliroit d'un costé, luy cependant feroit joier ses mines, & atraqueroit de l'autre, pour tousiours separer les forces des assiegez. Cela ainsi resolu entr'eux, le Mercredy dix-septiesme iour de Septembre, Mustapha fit sortir de ses tranchées cinq compagnies de Turcs qui assaillirent à l'impourueu le bastion, qui avans grauy par les ruines, planterent leurs Enseignes tout auprès des retranchemens, s'efforçans de passer outre: mais les Rhodiots y estans accourus de tous costez, ils repousserent courageusement cette impetuosité. Mustapha cependant faisoit tout deuoir de bon & genereux Capitaine, encourageant les vns, secourant & menaçant les autres, promettant à ceux-cy de hautes & grandes recompenses, à ceux-là de l'ignominie & du chastiment; mais toutes ces menaces & ces promesses ne leur purent faire perdre la crainte du mal present, estans serrez de si près, que sans penser aux discours de leur General, leur esprit estoit seulement porté à leur propre salut, & à chercher quelque lieu de retraite assurée. Les choses se passans ainsi du costé de Mustapha, Achmet faisoit cependant joier ses mines, celle d'Auuergne n'ayant point fait d'effet, & celle d'Espagne renuersé deux cannes de la muraille de la barbacane; toutesfois il ne fut pas plus heureux de son costé que Mustapha auoit esté du sien: car aussitost que la fumée fut passée, les Espagnols qui voyoient les Turcs monter contre leur poste, les repousserent aussi courageusement qu'auoient fait les Auuergnacs, joint la menuë artillerie qui tiroit sans cesse des lieux plus eminens, qui faisoit selon l'ordinaire vn fort grand abbatis; si bien que n'y ayant plus que du massacre de toutes parts, on ne vid aussi plus que du desordre, de la confusion & de la fuite, se retirans le plus viste qu'ils pouuoient dans leurs tranchées: on tient qu'il mourut en cet assaut plus de trois mille Turcs, & du costé de ceux de Rhodes, Philippe d'Arcillan du Prieuré de Castille fort vaillant Cheualier, & quelques Rhodiots des plus courageux.

1522.

Autres efforts
de Mustapha
joint avec
Achmet.

Achmet repoussé.

Nombre des
morts en cét
assaut.

Or a-t'il esté parlé cy-dessus d'un Medecin Iuif, qui estoit resident à Rhodes, appointé par le Turc, & qui toutesfois faisant le bon valet, se rendoit fort soigneux à la sollicitation des malades, & faisoit des belles cures, mais cependant il aduertissoit Solyman de tout ce qui se passoit dans la ville. Cettuy-cy, deux iours apres ce troisieme assaut, fut veu tirant vne fleche où estoit attachée vne lettre qu'il enuoyoit au camp des Turcs, pour leur donner quelque aduis: cela fut cause de le faire prendre au collet: il ne se fit pas beaucoup estendre sur la question, qu'il ne confessast qu'il espioit pour les Turcs qui l'auoient enuoyé là pour cet effet, & qu'il leur auoit delia escrit cinq lettres, & donné diuers aduis des manquemens qui pouuoient estre en la ville, les exhortans à la continuation du siege. Son procez luy fut fait, & fut condamné d'estre écartelé, & la sentence luy estant prononcée, il eut, à ce qu'on dit, grande repentance de ses fautes, & mourut bon Chretien. Depuis ce troisieme assaut, les Turcs firent joier quelques mines, entr'autres vne près du bastion d'Auuergne, laquelle joia avecquestant d'impetuosité, qu'elle fit trembler toute la ville, & fendit du haut en bas la muraille du terre-plein, mais celle de dehors demeura entiere. Les Turcs y auoient si grande esperance, qu'ils s'estoient mis en bataille attendans qu'elle joiaist, & si tost qu'on y eut mis le feu, ils se ietterent dans le fossé, esperans d'entrer par là dans la ville; mais ayant esté la plupart éuentée, tant par la contre-mine, que par vn rocher qui s'ouurit par la violence de la poudre, elle ne fit pas aussi vn grand effet, comme vous auez pu voir: si bien que les Turcs voyans la premiere muraille en son entier, tournerent incontinent visage, mais ils furent renuoyez par l'artillerie de la ville, qui tira sur eux par les flancs, & qui en fit demeurer vn bon nombre. Ce qui fut cause que les Bassats voyans tous leurs desseins reüssir si mal, & que leurs meilleurs hommes estoient emportez en ces assauts, sans qu'ils eussent encores eu iulques alors aucun aduantage, resolurent de donner vn assaut general, & d'assaillir la ville en vn mesme temps par quatre endroits. Car, disoit Mustapha, il semble que nous ignorions nostre puissance, nous allons contre les Rhodiots de pair à pair, & comme ils n'ont là dedans qu'une élite de gens de guerre, ils ont aussi aysement le dessus de la plupart des nostres, qui n'ont pas tant d'experience en l'art militaire: mais quand nous ferons marcher toute nostre armée contre eux, & que nous les attaquerons en diuers endroits, leurs forces ainsi diuisées, ne seront pas bastantes pour resister à nostre multitude. Cét aduis

Medecin Iuif
découvert à
Rhodes pour
espion.Mine des
Turcs éuentéeLes Bassats se
resolurent de
donner à Rhodes
vn assaut
general.

1522.

ayant esté approuvé par Solymán, dès la nuit ils firent tirer tant de canonnades contre ce mur qui couvroit la mine, qu'ils le mirent par terre, si bien qu'ils eurent de ce costé-là vne bresche plus que raisonnable pour venir à l'assaut, & les autres Bassats firent battre deux iours continuels le boulevert d'Angleterre, les postes de Prouence & d'Espagne, & le terre-plein d'Italie, pour élargir & explaner dauantage les bresches.

SOLYMAN mesme pour échauffer de plus en plus le courage du soldat tout refroidy du sang qu'il auoit perdu aux autres combats, fit assembler les Chefs & les principaux d'entr'eux, où leur ayant fait voir que c'estoit à cette fois qu'ils deuoient tirer la recompense de leurs labeurs, la ville estant dès mes-huy si fort minée & renuerfée, qu'elle estoit plus deffenduë par les hommes que par ses murailles, que leur canon auoit mise par terre iusques au fondement.

Harangue de
Solyman à ses
soldats.

Mais n'estes-vous pas des hommes, disoit-il, aussi bien qu'eux ? n'est-ce pas vous qui estes aujourdhuy la terreur de l'Vniuers ? & qui avez battu comme vous avez voulu, tant de nations qui se sont assagées à vous, & ont voulu faire l'espreuue de vostre valeur ? Pourquoy doncques n'aurez-vous pas maintenant la raison de ceux-cy, veu mesmes que vous estes plusieurs milliers contre vn cent ? car de dire qu'ils sont à couuert dans vne ville, toutes leurs deffences sont par terre, & nous y auons fait vne telle explanade, que ce sera pluslost leur liurer vne bataille qu'un assaut. Je ne veux point vous mettre en compte le pillage de cette ville, que ie vous accorde : car ce seroit mettre la vaillancie (que l'esperance remarquer en vous tous à la prise d'icelle) à trop bas prix : mais ie vous propose les despoüilles de la delicieuse Italie, & les richesses que la superbe Rome a amassées depuis tant de siècles : car oster Rhodes aux Chrestiens, qu'est-ce autre chose que demanteler leur forteresse, pour auoir apres vne libre entrée dans toute la maison ? ce que ie m'assentons nous arriuera, si vous ne voulez vous oublier vous-mesmes, puis qu'ils sont delaissez par ceux en qui ils esperoient le plus de secours, & qui toutesfois les ont laissez au besoin : ou il faudroit qu'il y eust en vous vne extreme lascheté. Que si à tout cecy nous voulons adiouster quelque foy aux choses qui sont predites de nous, vous trouuerez que la Couronne triomphale des Monarques Othomans doit estre enrichie de cette belle rose. Mais pour qui cela peut-il auoir esté predit que pour nostre Majesté ? quel de nos successeurs pourra mettre sus pied vne plus belle armée, prendre l'occasion plus à propos que nous auons faite, trouuer les Chrestiens plus diuisez qu'ils sont à present, & les Rhodiots plus foibles & plus depourueus de secours ? & puis i'attens l'effet des promesses que vous me fistes il y a quelques iours, d'expier la faute que vous auiez commise contre nostre Hauteffe, par quelque proüesse signalée : car c'est maintenant qu'il est temps de l'accomplir. J'ay iusques icy excusé vos déroutés, sur les difficultez du siege ; mais si vous n'emportez à cette fois la victoire, & le dessus de ce combat, j'auray sujet d'accuser vostre lascheté & vostre peu d'affection à nostre seruice. Faites doncques en sorte que j'aye quelque sujet de contentement : car toute richesse & grandeur est promise à ceux qui feront paroistre la grandeur de leur courage ; comme au contraire toute sorte de misere & d'ignominie attend ceux qui se porteront laschemens : car quant à moy, le seul contentement, & le plus grand & sauoureux fruit que nous esperions recueillir de vostre victoire, c'est d'auoir pris Rhodes.

Les Capitai-
nes Turcs ex-
hortent par-
ticulierement
leurs soldats

Les ayant là-dessus licentiez, vn chacun commença d'apporter ce qu'il iugeoit necessaire pour cet assaut, & pour bien faire son deuoir, chaque Capitaine faisant en particulier des remonstrances à leurs soldats, leur disant qu'au moins à cette fois, deuoient-ils contenter de quelque valeur signalée leur Seigneur, qui auoit grand sujet de se plaindre d'eux, veu que sa presence n'auoit non plus apporté de changement aux affaires, que son absence. Et là-dessus, comme on eust publié par tout le camp qu'on donnoit le sac & le pillage de la ville aux soldats, vne nouuelle allegresse se vint emparer de leur cœur ; si bien que d'oresnauant remplis de bonne esperance, ils oublièrent tous leurs travaux & les fatigues de la longueur de ce siege, & commencerent chacun à se disposer pour l'assaut general.

Les Turcs en-
nemis mor-
tels des tu-
multes no-
cturnes.

Or tout cecy ne se pouuoit pas executer sans vn grand bruit, si bien que le grand Maistre oyant toute la nuit vn grand remuement d'armes au camp des Turcs, & vn grand murmure d'hommes allans çà & là contre la coustume ordinaire de cette nation, qui obseruent la nuit fort religieusement le silence, iugea bien que ce mouuement vniuersel ne se faisoit point aussi sans vn grand dessein, rapportant mesmes à cela la continuation de leur batterie qu'ils auoient faite depuis deux iours. Toutes ces choses, dis-je, furent cause de le faire tenir en garde plus soigneusement que deuant, & par vne diligence extraordinaire, donner

donner ordre à tout ce qu'il iugeoit manquer en la ville, allant de quartier en quartier pour remarquer comme toutes choses y estoient disposées, & ouïr les plaintes d'un chacun; & de là ayant, tout armé qu'il estoit, pris quelque peu de repos en son Palais, dès l'aube du iour, deuant que de disposer ses gens par tous les postes, il en fit assembler la meilleure partie, tant des Cheualiers que des simples soldats, auxquels il fit cette exhortation.

C'EST à cette fois, mes amis, qu'il faut que nous rendions un tesmoignage de nostre zele à la conseruation de nostre sainte Religion, iusques icy l'ennemy s'est seruy de l'artillerie, de la suppe, des menées & des trahisons; & bien qu'il nous ait desia liuré trois assauts, si est-ce que ce n'a esté qu'à un seul endroit à la fois, & avecques une partie de ses forces; maintenant ie le voy resolu à un assaut general, où ceux d'un quartier n'auront point le temps de secourir leur compaignon, ny d'attendre support d'ailleurs: le seul secours est la magnanimité de vos courages, & la genereuse resolution que vous aurez de finir plusost vos iours, que de fuir deuant l'Infidelle, & de perdre plusost iusques à la derniere goutte de vostre sang, que d'abandonner vos Autels & choses sacrées aux ennemis mortels de vostre Religion. Mais pourquoy ne le feriez-vous pas, puisque iusques icy ils ont tousiours esté repoussez avecques perte & confusion? n'estimèz-vous pas maintenant que tous les saints Anges protecteurs de cet Ordre, de cette Ville, & de nous tous, ne nous assistent? que la bien-heureuse & sainte VIERGE, qui nous a esté iusques icy si favorable, & nostre glorieux Patron, n'employent pas leur credit enuers le grand DIEU, pour nostre defence, puisque nostre principale intencion n'est que de combattre pour sa gloire, & l'exaltation de son saint Nom? La multitude est ce qui fait le moins d'effet aux armes, la generosité d'un grand courage penetre tout ce qui luy est le plus difficile, & surmonte ce qui luy semble du tout inuincible. Or cela n'est pas en nos ennemis, car ie scay de bonne part qu'ils combattent mal-gré eux, & ne sont poussez que par force à ces assauts par la crainte qu'ils ont de leur Seigneur, & par les persuasions des Bassats, qui ont rendu à Solyman la prise de cette Ville plus facile qu'ils ne la trouuent maintenant à l'effet. Ils viennent en foule tumultuairement & avecques impetuositè, mais opposez vostre force & vostre adresse à ce torrent, faites un bouclier de vos poitrines contre leur effort, & vous les verrez bien-tost sans valeur & sans assurance, & connoistrez veritablement que ce qui les fait maintenant venir contre nous, n'est que l'esperance de quelque legere recompense qu'on leur aura promise, & non pas une veritable vaillance. A la verité l'entreprise est difficile, & il ne nous faudra rien laisser au logis, ayans besoin de conspirer tous ensemble pour le salut du public, mais la couronne ne s'acquiert point sans combat, & le plus difficile est celui qui la rend plus illustre & plus brillante. Quelle gloire deuons-nous acquerir aux siecles futurs? mais quelle renommée s'espandra de nos iours par tout l'Vniuers, quand on scaura que les Cheualiers de l'Ordre de saint Iean, & les Citoyens de Rhodes auront par leurs seules forces soustenu une si puissante armée, & repousse de deuant leurs murailles celui qui fait trembler tout l'Orient? C'est à la verité une grande honte aux Princes Chrestiens de nous abandonner à la necessité, cette Isle estant si necessaire au bien de leurs affaires: mais ce nous sera bien plus d'honneur, d'auoir sans leur secours contraint l'ennemy de se retirer chez luy avecques de la confusion, qui le rendra encore plus timide cy-apres d'attaquer le Christianisme, quand il se souuendra d'auoir receu une si notable perte, & une telle tache à sa reputation par une poignée de gens. Et quant à vous, disoit-il parlant aux Citoyens, tout ce qui est de plus cher au monde, vous doit inciter principalement à cette defense, Religion, Patrie, femmes, enfans, liberté, richesses, & vostre propre contentement: car n'esperez pas, quelques discours que vous ait fait entendre l'ennemy, & quelques belles promesses qu'il vous ait pu faire par le moyen de ses Agents, qu'il vous tienne iamais parole, & que vous ne souffriez la mesme seruitude, & les mesmes indignitez que ceux qui flechissent aujourd'huy sous son Empire. Celui qui a manqué de foy à DIEU, malaysément la gardera-il aux hommes; s'il le fait pour un temps, ce sera pour sa grandeur plusost que pour vostre conseruation: mais si tost qu'il sera estably comme il le desire, & qu'il ne redoutera plus aucun ennemy, assurez-vous que vous ne serez pas plus gracieusement traitez que sont ses autres subjects, c'est à dire en forçats & en esclaves.

CAR quant à nous, bien que nous soyons vos souuerains, si est-ce que nous n'auons point de Patrie propre qui nous puisse attacher pour ce respect: le Monde est nostre pays, & les vœux de nostre Religion nous portent en tous les lieux où les ennemis du Redempteur s'efforcent d'ancastir sa gloire, & d'exterminer le nom Chrestien. C'est ce seul respect qui nous met les armes à la main, & qui nous fait iournellement exposer à tant de perils: car pour les terres & possessions, nous

1522.

Le grād Maître cōnoque les siens à l'assemblée, & les discours.

1522.

sommes tousiours assurez d'en auoir, & nostre nombre n'est point si petit, quand nous serons tous assemblez, ny ne sommes point venus de si bas lieu, que nous ne trouuions tousiours assez de support pour nos entretiens: c'est doncques plus pour vostre interest que pour le nostre que nous combattons. Je sçay bien que la diuision & le schisme en la Religion a apporté beaucoup de trouble en cette Ville, les Grecs esperans plus favorable traitement sous la domination Turquesque que sous la nostre: mais croyez moy (& plaise à DIEU que iamais cela n'arrive) que si vous changez de maistres, vous experimenterez à vos despens quelle difference il y a d'estre traité & repris comme un enfant, ou de seruir & d'estre châtié comme un esclave. Je vous dy ces choses, afin que s'il restoit encores à quelqu'un d'entre vous quelque mauuaise volonté, il l'entre maintenant dans soy-mesme, & qu'il se souuienne qu'un cruel vainqueur comme est celuy-là, ne pardonne iamais à qui que ce soit d'une Ville, quand elle est principalement prise d'assaut, il faut que tout passe par la fureur du glaue, du pillage, & de l'impudicité. N'avez-vous pas entendu comme ils ont traité les Citoyens du Caire qui estoient de mesme Religion qu'eux, la meilleure partie desquels estoit au commencement tournée de leur party, neantmoins sans espargner ny amis ny ennemis, ils ont paüé les rues de corps, ils les ont indifferemment saccagez trois iours durant? Pensez s'ils ont esté si cruels à l'endroit de ceux qui leur vouloient du bien, quels ils seroient enuers vous, desquels ils ont ja receu tant de mal? Si doncques vous estes tous d'un mesme esprit aneques ceux de cét Ordre, vous vous unirez aussi enuers nous de courage & d'affection, afin que poussez d'un mesme desir, nous puissions venir à bout d'une si haute & genereuse entreprise.

C'EST à quoy j'inuite aussi tous nos stipendiaires, car la paye est en tous lieux assurée au iourd'hy pour le soldat qui veut faire son deuoir, mais le plus souuent c'est en des guerres ciuiles, ou en des querelles de Princes qui ne seruent que de ruine & de destruction à la Chrestienté: mais icy il n'y va point seulement de la paye & de la recompense (qui sera belle & ample pour ceux qui auront valeureusement combattu) mais ils s'acquerront outre ce une gloire immortelle, & leurs noms seront escrits dans l'eternité, comme le plus signalé seruice qui se puisse rendre à la Republique Chrestienne. Car afin que vous le sçachiez tous, on ne nous amis icy que comme une sentinelle, pour donner aduis à tous ceux de la maison des entreprises des ennemis: & puis que volontairement nous nous sommes mis à la batterie, il est bien raisonnable que nous nous defendions iusqu'à la fin. Il y a tantost deux cens ans que nous nous maintenons en cette Isle, à la veüe des Othomans, des Caramans, & des Sultans du Caire, sous lesquels se sont efforcez de nous debusquer & de la conquerir, sans que toutesfois iamais pas un d'eux ait pü auoir le dessus de nous, non pas mesme ce grand Mahomet, quelque heureux & grand guerrier qu'il fust. Et si nous auons encores cét aduantage, qu'ayans tousiours eu les armes à la main, & les ennemis à nos portes, nous n'auons iamais traité avecques eux à nostre desaduantage, ny leur auons rendu aucune sorte de tribut & de subjection: bien que nous ayons souuentefois venü cette puissante Republique de Venise, & tous les Princes Chrestiens voisins des Turcs, aller l'un apres l'autre à la Porte de l'Othoman, offrir & souffrir toutes choses pour auoir la paix. Et afin encores d'estre despoüillez de toute affection particuliere, nous n'auons point voulu marcher sous autre Enseigne que celle du Crucifié, ny prendre autre protection que celle du Tout-puissant. Maintenant doncques que l'occasion se presente de luy rendre honneur & gloire, allons hardiment, mes amis, luy sacrifier nostre sang & nos vies, que nous releuons en plein sief de sa supreme Majesté, faisons paroistre à ses ennemis & les nostres, que s'ils ont esperé en leur multitude, nous nous sommes confiez en la vertu de son saint Nom, lequel il leur fera paroistre à ce iour triomphant, si nous-mesmes ne nous en rendons indignes. Que chacun doncques se range en son quartier, & fasse connoistre aux puissances de la terre, que les armes du vray Chrestien sont invincibles, & que tous les efforts d'une innombrable multitude ne sçauroient surmonter un petit nombre qui est supporté & favorisé du Ciel: Moy mesme vous monstreray tousiours le chemin, sans que ie me vneisse dispenser pour mon aage, des moindres factions d'un simple soldat, me tenant bien-heureux d'estre arrivé à cette glorieuse iournée, en laquelle il faudra, ou que ie finisse pour la deffense d'une si sainte & si iuste querelle, & que s'aye pour tombeau le plus illustre rempart de la Chrestienté, ou que ie voye cét Ordre emporter sous ma conduite la plus triomphante victoire qu'elle ait iamais obtenüe.

XIII.

A v mesme temps chacun se retira en son quartier, avec vne bonne resolution de faire ce iour esprouuer aux Turcs que leurs armes n'estoient point rebroussées par les combats precedents, & que leurs courages auoient d'autant augmenté, comme ils auoient peint
sur

sur le front de leurs ennemis de honte & d'ignominie. Les Turcs cependant, dès la pointe du jour, ayans fait tirer leur artillerie, afin qu'à la faueur de la fumée d'icelle, ils peussent passer seurement le fossé, vinrent avec grande furie donner l'assaut par quatre endroits, les autres disent en cinq, à sçauoir aux forts des Italiens, Prouençaux, François, Anglois (qui s'appelloit aussi la poste d'Anastase) & au mur des Auvergnacs & des Espagnols, toutesfois le lieu où les Turcs presserent le plus dès le commencement, ce fut à la poste d'Angleterre, le lieu estant le plus foible de tous, comme nous auons dit. Ce fut aussi le premier où se transporta le grand Maistre, mais il estoit fort deffendu par l'artillerie du bastion d'Espagne, qui battoit en flanc les Turcs qui venoient à cet assaut, ce qu'auoit fort industrieusement remarqué le Cheualier Diego des Tours, qui en auoit la charge: cela les auoit tellement effrayez dès le commencement, que sans le lieutenant du regiment de Mustapha, ils se retiroient. Mais cettuy-cy, à l'aide des principaux Capitaines, s'estant ietté parmy eux, les encouragea de sorte qu'il les fit retourner à l'assaut; mais mal pour luy: car il y fut tué d'un coup de canon, qu'on luy auoit pointé de la poste d'Espagne, esperans les Chrestiens que cela apporteroit vne nouvelle espouuente aux Turcs; mais tout au rebours; car ceux-cy indignez d'auoir veu tuer en leur presence leur chef qu'ils aimoient & honoroient, le desir de vanger cette mort leur donna nouvelle hardiesse: si que d'oresnauant sans crainte du canon, ny d'une gresle espoisse d'arquebusade & de fleches qu'on tiroit sur eux de toutes parts, on ne les peust empescher de passer par dessus toutes ces difficultez; & le Bassa voyant la chance tournée, & le cœur estre reuenu aux siens, les encourageoit encores de paroles & de secours, & de gens frais qu'il leur enuoyoit de moment en moment.

1522.

Assaut general des Turcs à Rhodes.

Le Lieutenant de Mustapha tué d'un coup de canon

Mais toutesfois leur impetuosité & tout l'effort qu'ils peurent faire, n'eurent pas le pouuoir de faire reculer vn pas les assiegez, chacun mettant la main à la besongne, les Cheualiers, les soldats, les citoyens, femmes, enfans, & iusques aux Ecclesiastiques, iettans huiles, eaux bouillantes, grenades, pots à feu, & autres artifices, sans s'estonner & sans se lasser, combien que quelques femmes (qui outre ce qu'elles iettoient sur l'ennemy, secouroient encores les assiegez de plusieurs rafraischissemens de pain & de vin) y eussent esté tuées. Mais il se faisoit cependant vn bien plus grand effort au quartier d'Espagne: car Achmet l'Aga des Janissaires, ayant fait vn choix des meilleurs soldats de toutes ses troupes, marchât luy-mesme à la teste des siens, leur donna vne telle asseurance, qu'encores qu'ils visissent le grand abbatis que l'artillerie de la ville, & les harquebusades faisoient des leurs, passerent neantmoins par dessus vn grand tas de corps morts, & poursuivirent si valeureusement leur pointe, qu'ils coururent toute la bresche, & gagnerent le terrain de dessus, où ils planterent trente ou quarante enseignes, les autres ne disent que quatorze, penetrans iusques aux barricades. Vn autre danger plus notable aduint encores pour le bouleuert d'Espagne: car comme les soldats ne se trouuans point pour lors pressez des Turcs, fussent venus donner secours aux Italiens, laissant seulement quelque peu de soldats en sentinelle dessus le bastion, lesquels encores voyans qu'il n'y auoit ny bresche ny accez de ce costé là par où l'ennemy peust monter, ils quitterent leurs sentinelles, & se mirent à ayder à certains canonniers qui rouloient vn canon cōtre ceux qui assailloient la poste d'Espagne, mais il y auoit des Turcs cachez derriere certaines masures là aupres, lesquels voyans le bastion abandonné, monterent par vne certaine ouuerture, que leur artillerie y auoit faite, s'en rendirent les maistres, & mirent en pieces ceux qui assustoient cette artillerie, & arrachans les enseignes des Chrestiens & y plantans les leurs, inuitoient avec le cry de victoire, les autres Turcs à leur donner secours.

Braue résistance des Rhodiots.

Hardiesse & grand courage des Turcs.

Le bastion d'Espagne en danger d'estre pris.

Et de fait Achmet voyant cet aduantage, y conuertit incontinent toute la force de son regiment, mais l'artillerie d'Auvergne & d'Espagne les foudroya de sorte qu'elle les arresta: toutesfois il ne l'aissoit pas d'y en monter tousiours quelques-vns, & s'en fussent en fin rendus paisibles: car encores que le Cheualier Menot ou Menetou François, & Hugues Capou Espagnol, avecques vne troupe de Candiots fissent tout deuoir de les repousser, toutesfois le nombre croissant, ils s'en alloient estre accablez par la multitude, sans que le grand Maistre, qui aux grands cris qui s'entendoient de ce costé-là tant d'une part que d'autre, iugea bien qu'il y estoit arriué quelque nouuel accident, & laissant à la porte d'Anastase son Lieutenant le Cheualier de Monterol, mit en sa place au fort d'Italie, où il s'estoit particulièrement arresté, Emery Gombaut Bailly de la Morée, choisist vne troupe de ses Cheualiers, & s'en vint au secours où il auoit entendu vne si grande

Achmet donne secours aux siens.

Et le grand Maistre a ceux de Rhodes.

1522.

umeur, & ayant monté sur vne masure, il vid incontinent les Turcs sur le bastion, qui tenoient les siens éloignez à coups de fleches & d'harquebusades, de sorte qu'ils ne pouuoient remonter dessus.

L'ordre qu'il
apporta à ce
danger sans
s'estonner.

Recharge de
l'Aga des la-
nillaires.

Secours que
le grand Mai-
stre tire de la
tour de saint
Nicolas, don-
ne la victoire
de cet assaut
aux Chrestiens.

Solyman veut
vager la perte
sur celui qui
luy auoit con-
seillé ce siege.

Pyrrus parlait
pour Musta-
pha, se met en
grand danger.

Mustapha de-
libere de se
vanger.

ALORS sans s'estonner, comme il estoit homme de fort grand cœur, il fit incontinent pointer l'artillerie du bastion d'Auuergne contre l'auenue & la porte de celui d'Espagne, & donnant au Commandeur de Bourbon vne troupe de bons soldats, il luy commanda d'entrer en la mine, & en la casemate, & de monter sur le bastion, ce qu'ayant executé, il ne trouua plus que quelque nombre des Turcs en vie, l'artillerie ayant defait le demeurant, la porte du bastion fut forcée par les Cheualiers susdits, Menetou & Capou ou Copones, qui tuerent mesme quelques Turcs à coups de dagues, & les ietterent du haut en bas du bastion. L'Aga toutesfois, sans perdre courage, ayant pris quelque petit nombre des siens, des plus resolus, & commandé aux autres de le suivre, vint faire vne recharge, & donner vn nouuel assaut à la poste d'Espagne plus cruel qu'auparauant, & comme s'il n'eust combattu de tout le iour, il marchoit luy-mesme à la teste des siens, & s'en alloit faire à cette fois vn grand effort, quoy que l'artillerie du bastion nouvellement reconquis leur fist vn grand dommage: car cet assaut ayant desia duré l'espace de six heures auoit tellement trauaillé les vns & les autres, de faim, soif & de lassitude, qu'à peine se pouuoient-ils soustenir sus-pied; toutesfois les Turcs ne faisoient point mine de vouloir reculer: & comme ils estoient animez par leurs chefs, ils auoient finalement esperance qu'à force d'assaillir & de resister, ils trauailleroient tellement leur ennemis desia recreus, qu'ils iouyroient en fin du fruit de leur labeur. Mais le grand Maistre ayant enuoyé querir en la tour saint Nicolas deux cens soldats, lesquels, tous frais & reposez, apporterent vn tel changement aux affaires, que la victoire pancha bien-toit du costé des Cheualiers, ceux-cy contraignans les Turcs d'abandonner leurs enseignes & se retirer en leurs tranchées. Toutesfois Solyman qui estoit sur vn échaffaut composé d'arbres & gros bois qu'on auoit dressé à cet effet, regardant l'assaut, comme il vid les siens reculer, & voulant oster aux Chrestiens l'honneur d'vne entiere victoire, il fit sonner la retraite, apres y auoir perdu selon quelques-vns, quinze mille hommes, quelques autres disent iusques à vingt mille, entr'autres le Lieutenant de Mustapha, deux Capitaines de Janissaires, & vn Capitaine de Mores des troupes de Ferhat Bassa: du costé des Rhodiots, le Cheualier du Fresnay, Commandeur de la Romagne, Capitaine de la grande nauiure, y fut tué de deux harquebusades, & fut fort regretté pour sa vertu & suffisance; le Commandeur Anastase de sainte Camelle Prouençal, Oluier de Trillac Cheualier Auvergnac, tous deux fort braues & fort genereux, & frere Pierre Philippes receueur du grand Maistre, avecques deux cens autres, tant de soldats que de ceux de la ville: le Cheualier Iean le Roux, surnommé Parnides, ayant tué sept Turcs de sa main, l'artillerie luy emporta vn bras, dequoy il fut long-temps malade, toutesfois il n'en mourut pas; le Commandeur de Bourbon receut aussi vne harquebusade au bras.

CET assaut s'estant passé en la maniere que vous venez d'entendre, Solyman, qui contre son esperance voyoit deuant ses yeux vne si opiniastre resistance des alliegez, la perte qu'il faisoit des siens, & la difficulté qu'il y auoit à se rendre maistre de cette place, déchargea toute sa colere contre celui qui luy auoit conseillé cette entreprise, à sçauoir Mustapha, le fit condamner à perdre la vie à coups de fleches, pour luy en auoir rendu la prise si facile, & toutesfois il se voyoit presque reduit à leuer le siege, au grand peril de la reputation de sa Majesté, & de fait l'execution s'en alloit faire, bien qu'il fut son beau frere & eust espousé sa sœur, sans Pyrrus Bassa qui prit la hardiesse de la faire surseoir. Cettuy-cy se confiant sur son autorité & sa vieillesse, mais encores dauantage sur la grandeur de ses seruices, s'en vint ietter aux pieds de Solyman, le priant en toute humilité de pardonner à Mustapha. Mais Solyman trouuant fort mauuais que cettuy-cy eust entrepris d'empescher l'execution de son commandement, le condamna à la mesme peine, pour auoir esté luy-mesme cause par les lettres qu'il luy auoit escrites, de le faire venir là en personne. A vn si terrible iugement tous les principaux chefs de l'armée, Achmet Bassa entr'autres, le vinrent supplier de pardonner à ces deux criminels, & d'auoir égard à leurs seruices & merites, à quoy Solyman se laissa toucher & amollir son courroux, mais Mustapha qui se voyoit desappointé, gardoit en luy-mesme vn desir de vengeance, si qu'il se delibera de se retirer deuers les Cheualiers, & de fait leur tira quelques lettres dans la ville, par lesquelles il les aduertissoit que les Janissaires ne vouloient plus combattre, declarant

declarant vne partie des desseins des Turcs. Mais lors que les affaires des Chrestiens commençoient à prosperer de ce costé-là, les nouvelles vinrent de la mort de Cait-beg Beglierbey del'Egypte, en la place duquel fut enuoyé Mustapha; ce qui luy fit aussitost ^{1522.} ^{Puis change d'aduis.} changer de volonté; si que se repentant de ce qu'il auoit fait, pour expier sa faute, il fit encores cauer neuf mines sous le bastion d'Angleterre, & donner trois assauts en trois iours consecutifs, ausquels toutesfois on ne combatit qu'à coups de pierre & de petits sacs pleins de poudre, d'artifices à feu, & à coups d'harquebuse, le tout neantmoins sans aucun aduantage pour les Turcs, les Cheualiers ny les habitans ne perdans point le cœur pour quelque travail qu'ils peussent souffrir, les femmes mesmes monstrans l'exemple aux hommes à souffrir toute sorte de misere, plustost que de se rendre à la mercy de l'ennemy. Vne Grecque entra autres, qu'on dit auoir esté l'amie du gouuerneur du fort de Rhodes, lequel ayant esté occis à l'assaut general, comme on luy eult rapporté les nouvelles de cette mort, elle prit les deux enfans qu'elle auoit eu de ce seigneur, & les baisant & embrassant, en leur disant les derniers adieux, elle leur empreignit le signe de la Croix sur le front, puis leur coupa la gorge, & les ietta au feu, disant qu'il n'estoit pas raisonnable que de si beaux enfans, & sortis d'un pere tant illustre, seruissent aux plaisirs infames des barbares. Puis ayant fait cet acte cruel & inhumain, à la verité, mais non sans generosité, elle s'encourut au lieu où estoit le corps mort de son amy, & ayant despoüillé le corps, elle se vestit de la cotte d'armes de son seigneur, estant encores toute sanglante, puis prenant son espée à la main, s'en alla au milieu des ennemis, où faisant d'aussi grandes prouesses que les plus vaillans hommes, elle fut enfin occise par les Turcs, qu'elle pensoit de uoir lors emporter la ville.

O R Solyman apres que son mécontentement fut passé, (car on tient qu'il en prit vne telle melancholie, qu'il se tint plusieurs iours enfermé dans son paillon, sans se laisser voir, ne pensant qu'à leuer le siege & partir de là) tant pour donner nouveau courage à ses soldats, que pour faire perdre toute esperance aux assiegez, qu'il voulust leuer le siege, ^{Solyman fait bastir vne maison de plaisance sur vne montagne proche de Rhodes.} fit bastir vn lieu de plaisance sur le mont de Philermé, par le conseil d'Hybraim Bassa, qui fut lors vn de ses plus fauoris, donnant à entendre par là qu'il ne partiroit iamais de deuant la ville qu'il ne l'eust prise. Tandis que les Turcs assailloient ainsi Rhodes par terre, ils auoient laissé cent galeres deuant le port, pour attendre l'occasion d'assailir la tour S. Nicolas, & sur tout pour empescher que nul ne sortist de la tour ny du port pour aller chercher du secours; mais comme le general estoit homme de peu de valeur & nonchalant, ^{Armée des Turcs sur la mer.} il laissoit souuent par negligence passer les vaisseaux Chrestiens, mesmement la nuit, (qui fut cause que Solyman luy osta cette charge:) car le 6. d'Octobre arriuerent la nuit au port de Rhodes, les Cheualiers d'Andugar & d'Ausonuille, qui rapporterent qu'à Naples & à Messine on faisoit vne grande leuée de gens de guerre, avecques vne grande quantité de munitions & de provisions, qui arriueront dans peu de iours à Rhodes. Cela donnoit quelque consolation aux habitans, qui auoient tousiours bonne esperance que la ville seroit deliurée; car il y auoit alors dans la ville vne Dame Espagnole viuante d'aumosnes, qui donnoit ce qui luy restoit aux pauvres, & alloit nuds pieds; cette-cy s'estant acquis parmy le peuple vne fort grande reputation de saincteté, les exhortoit publiquement à la patience, les asseurant d'auoir eu vne reuelation que la ville seroit en fin deliurée, & conseruée de la puissance des Turcs: & comme l'apparence de saincteté est vn charme puissant pour corrompre l'esprit leger d'un peuple ordinairement de facile croyance, ils tenoient pour tout certain ce qu'elle leur disoit, mais l'experience fit voir du contraire.

M V S T A P H A doncques estant allé en son gouuernement d'Egypte, Solyman donna la surintendance de l'armée à Achmet Bassa, qui n'estoit pas moins courageux que son deuancier, comme vous auez peu voir par le discours cy-dessus; aussi estoit-il grand Ingenieur: & de fait il fit tant par ses inuentions & par ses machines, qu'il demolit le mur qui restoit entre les Turcs & les Rhodiens: à la desfence duquel, les Cheualiers Martinengue & Domede, lequel a esté le troisieme grand Maistre apres le seigneur de l'Isle-Adam, perdirent chacun vn œil, si que d'oresnauant les Turcs estoient si auant qu'ils couchoient dans les fosses de Rhodes; si bien qu'ils pouuoient parler aisément les vns aux autres, mais les Turcs pour semer s'ils pouuoient de la diuision dans la ville, disoient aux Grecs que Solyman ne desiroit point leur ruine, mais au contraire qu'il leur vouloit faire tout bon traitement, qu'il estoit seulement animé contre les Latins, lesquels il vouloit exterminer. Mais quant à eux, qu'ils ne receuroient aucune incommodité, s'ils vouloient luy

Dame Espagnole en grande reputation de saincteté à Rhodes.

Achmet Bassa grand Ingenieur.

1522: rendre quelque bon service, deuant qu'ils se vissent du tout accablez & reduits à l'extre-
 Les Turcs tal-
 chent de met-
 tre de la dis-
 sention entre
 les Rhodiots.
 mité, comme ils seroient infailliblement: car ils pouuoient iuger assez, que le ciel s'estoit
 du tout bandé contre eux, puis que nonobstant la perte des soldats, les trauaux qu'ils
 auoient receus, les grands vents, les pluyes, les foudres & les tonnerres qui auoient affligé
 l'armée des Turcs, & mesme au dernier assaut l'eclipse de la Lune, laquelle ils redoutent
 tant, mesme estant fort obscurcie, & colorée de sang; & apparoiſſant fort sale & hi-
 deuse; toutes ces choses neantmoins n'auoient point esté assez puissantes pour faire chan-
 ger de deliberation à leur Seigneur de prendre la ville de Rhodes; cela toutesfois n'es-
 branla point la fidelité des habitans, qui ne laisserent de perseuerer alors & l'on-temps de-
 puis, à la deffence de la cité. Or vn Albanois estoit sorty de Rhodes qui s'en alla au camp
 des Turcs; & leur auoit donné aduis que la plus-part des Cheualiers & soldats auoient
 esté tue ou bleſſez au dernier combat general, les exhortans de demeurer, & les assen-
 rant que s'ils donnoient encor vn ou deux assauts, ils emporteroient la ville. Le Che-
 ualier d'Amatal auoit aussi mandé la mesme chose, comme on sceut depuis, les exhortans
 à perseuerer au siege. Or d'autant que ce mur, dont nous venons de parler, cousta beau-
 coup de sang aux vns & aux autres, il ne sera point mal à propos de deduire vn peu plus
 au long, comme cela arriva.

Les Cheualiers voulans empescher les Turcs de monter sur la bresche de la poste
 d'Espagne, auoient fait tirer toutes les pierres, la terre & autre marrain, par les mines
 de la barbacane, hors d'icelle barbacane & du fossé; de sorte que la courtine demeura
 nette de tout ce marrain. Ce que les Turcs ayans reconneu, ils s'efforcerent d'arriuer par
 leurs tranchées iusques à cette barbacane, & afin d'y aller plus seurement, ils leuerent leurs
 tranchées si hautes, qu'elles les couuroient cōtre le bouleuert d'Auuergne, ayans fait pour
 soustenir la terre, vne assez forte muraille tout le long d'icelle. Ils firent par apres vne mine
 iusques à la barbacane, si bien qu'il s'aduancerent en toute seureté au dessus d'icelle, se
 rendans maistre d'icelle & de la courtine, faisant alors tous leurs efforts de rompre la mu-
 raille, sans que les Rhodiots osassent entreprendre de les repousser de là par force, voyans
 bien qu'il estoit impossible de ce faire sans vne grande perte des leurs, & ils auoient desia
 perdu la plus grande partie des meilleurs de leurs hommes; de sorte qu'ils eurent recours
 seulement aux grenades & feux artificiels, qui arresterent vn peu les Turcs du commen-
 cement, mais les Capitaines, n'estimans pas tant la perte de quelques milliers des leurs que
 la conseruation de ce qu'ils auoient conquis, ne reculerent point pour cela, contraignans
 leurs soldats de poursuiure leurs entreprises, & pour les mettre à couuert ils dressèrent le
 long de la courtine des appentis d'ais, qu'ils couvrirent de cuir de bœuf, si qu'ils furent
 doresnauant à couuert de tous ces feux artificiels: mais Martinengue s'estant aduſé de
 percer la muraille du costé de la ville, tiroit par là plusieurs harquebusades, les Turcs fi-
 rent le mesme de leur costé, & par ce moyen il y en eut plusieurs de bleſſez de part & d'au-
 tre. Cependant on faisoit dans la ville vn retranchement qui embrassoit l'espace où les
 Turcs faisoient rompre la muraille, aux flancs duquel on fit deux barricades, ausquelles
 on planta des pieces d'artillerie, grosse & moyenne, qui porterent depuis grand doinma-
 ge aux Turcs, lesquels n'en faisoient pas moins aux autres, car il n'y auoit iour qu'il ne se
 trouuaſt quinze ou vingt de leurs pionniers morts ou estropiez. Toutesfois il ne laissoit
 pas d'entrer tousiours du secours & des munitions dedans Rhodes, peu toutesfois, car ce
 n'estoit qu'aux despens du grand Maistre & de la Religion, qui fait assez paroistre que si
 les Princes Chrestiens y eussent contribué quelque chose du leur, il est certain que la ville
 n'eust iamais esté prise.

CEPENDANT les Turcs trauailloient sans cesse à tailler & piocher la muraille, si
 bien qu'ils en misent vn grand pan en l'air & l'estançonnerent; Achmet y fit porter aussi-
 tost grande quantité de fascines, ausquelles il fit mettre le feu, & retirer vn chacun, esti-
 mant de la voir bien-tost par terre, mais elle se trouua de si fine maçonnerie, que les estan-
 çons estans consummez, elle resta neantmoins debout soustenue sur ses deux extre-
 mitez; ce que voyant Achmet, il fit venir des anchres des nauires, & les fit accrocher aux
 creneaux, & apres les fit tirer à toute force avecques des gomenes, & par ce moyen il
 commença à l'ébranler, mais le Cheualier Iean de Fournon, Capitaine de la tour d'Au-
 uergne, fit tirer vn coup de canon chargé de pieces de gesnes contre les gomenes, & les
 rompit. On tenta encores de la ruiner par le moyen d'une mine, mais elle s'éuenta, & fut
 inutile, finalement elle fut abbatue à coups d'artillerie: & alors la voye fut ouuerte aux
 Turcs pour entrer dans Rhodes; toutesfois l'artillerie du retranchement, vn balilic, vn
 double

Les peines
 qu'endurent
 les Turcs à
 mettre par
 terre vn des
 murs de Rhod-
 es.

Il entre du se-
 cours dans
 Rhodes.

Force de la
 maçonnerie
 d'un mur.

double canon & vne couleuvre qui estoient aux deux moulins de la porte du Cosquin, & qui battoient à flanc, les empeschoient d'en tenter le hazard, & se mirent seulement à tailler encore la muraille de part & d'autre, comme les assiegez firent aussi leur retranchement: mais les Turcs aduançans leurs tranchées iusques à iceluy, le grand Maistre s'attendoit de iour à autre d'auoir l'assaut: cela fut cause de le faire demeurer trente-quatre iours durant aux retranchemens avecques sa troupe pour les receuoir, mais ils ne firent pour lors autre chose que de tirer contre les retranchemens, où ils tuerent aussi tant d'esclaves & pionniers qui y trauailloient, qu'il ne restoit plus de gens de trauail en nombre suffisant, pour reparer ce que les Turcs ruinoient, ny mesme pour rouler & manier l'artillerie, qui fut vne des principales causes de la perte de Rhodes. Durant que tout cecy se passoit contre cette muraille, les Turcs ne laissoient pas de donner ailleurs diuers assauts, vn entr'autres au bastion d'Angleterre, où ils perdirent plus de six cens hommes, ils en donnerent aussi de grands à la poste de Prouence & d'Italie, d'où ils furent tousiours repoussez avecques grande perte.

1522.

Le grand Maistre couche 34. iours dās les tranchées.

Assaut au bastion d'Angleterre.

ENVIRON ce temps quelques-vns du bastion d'Auuergne remarquerent Bas Dies, seruiteur du Chancelier d'Amaral, qui alloit & venoit seul en ce quartier là à heures induës, portant vn arc & quelquesfois vne arbaleste; & combien qu'ils en eussent pris soupçon, le respect de son maistre lempescha d'en parler, mais voyans qu'il continuoist, ils le firent sçauoir au grand Maistre, qui le fit emprisonner en la chastellenie: où apres auoir esté long-temps examiné & mis à la question, il confessa la trahison de son maistre, disant qu'il auoit escrit aux Bassats depuis l'assaut general, qu'hommes & prouisions manquoient en la ville, qu'ils continuaissent leurs assauts & tinssent bon il dist encores plusieurs choses touchant les premiers mouuemens qui auoient incité Solyman à venir assieger Rhodes. Aussi-tost le grand Maistre fit saisir le Chancelier, & le fit mener en la tour de saint Nicolas, où furent deputez les Seigneurs de la grande Croix avecques les Iuges pour l'examiner, ausquels il ne confessa iamais rien, quoy qu'on luy peust dire, ny gehenne qu'on luy peust donner, il soustint seulement qu'il auoit dit à vn Commandeur Espagnol, le iour de l'élection du grand Maistre de Villiers, qu'il seroit le dernier grand Maistre de Rhodes: vn Grec, chappelain de l'Ordre, auoit depose aussi, qu'un iour depuis le siege, passant par la barbacane du bastion d'Auuergne, il auoit trouué le Chancelier avecques son seruiteur, qui auoit son arbaleste tendue & vne lettre attachée au milieu du carreau, que le Chancelier regardoit dehors le fossé par vne canonniere, & que le voyant venir, il se mit deuant le seruiteur, & luy demanda s'il vouloit quelque chose, & qu'ayant reconnu que le Chancelier n'estoit point content de l'auoir veu là, il se retira: cettuy-cy ayant esté confronté au seruiteur, il en aduoua le tout estre veritable, mais le maistre persista tousiours en ses denegations, mesme son seruiteur le faisant ressouuenir de toutes les particularitez, & les luy soustenant, il ne respondit iamais autre chose, sinon qu'il estoit vn veillique. En fin leur procez leur fut fait & parfait, le seruiteur fut condamné à estre pendu, & le Chancelier à auoir la teste tranchée, & leurs corps à estre mis en quartiers, ce qui fut executé. Mais auparauant on fit vne assemblée publique, qu'on tint en l'Eglise de saint Iean, où presidoit le Bailly de Maurasse, où l'habit fut leué au Chancelier, & luy liuré à la iustice seculiere: le iour suiuant, cinquiesme de Nouembre il fut porté sur vne chaire au lieu du supplice, où il fut executé avec peu de signes de repentance ny de deuotion Chrestienne, au rapport de Pierre Lomellin del Campo, & du Commandeur de Bourbon, qui ont escrit cette histoire. Le seruiteur mourut repentant & bon Chrestien, encor qu'il fust Iuis de nation.

Trahison du Chancelier d'Amaral decouverte.

Luy & son seruiteur punis publiquement.

CES choses se passans ainsi dans la ville, Achmet ne relaschoit point sa batterie, si bien qu'avecques dix-sept pieces de canon il auoit abbatu toutes les deffences & barricades que Martinengue auoit faites au bastion d'Italie, faisant tellement approcher ses tranchées, que les Chrestiens furent contrains d'abandonner les deux tiers du bastion, retenans seulement ce qui estoit du costé de la mer: il auoit fait le mesme au bastion d'Espagne & à celuy d'Angleterre, duquel il gagna aussi vne partie, qui fut cause que quelques-vns estoient d'aduis de l'abandonner, & de mettre dessous de la poudre & des feux artificiels, pour bruler les Turcs qui y entreroient, mais comme on eut aduisé d'ailleurs que ce seroit peu de gain, veu le grand nombre de Turcs qui estoit en l'armée, on se resolut de le deffendre iusques au dernier soupir: & le grand Maistre en ayant baillé la charge au Cheualier Iean de Bin, surnommé de Malicorne, vaillant homme, & fort entendu, il le deffendit iusques à la fin du siege. Apres cela les Turcs ayant sappé la seconde

XIII.

Les deux tiers du bastion d'Italie gagnez par les Turcs.

Le Cheualier de Malicorne deffend le bastion d'Angleterre, iusques au dernier soupir.

1522.

Toutes choses sont déplorées à Rhodes.

Le grand Maître enuoya au secours.

Les Rhodiots reprennent cœur au milieu de leur misère.

Les Turcs repoussés avec grand massacre des leurs.

Achmet se résout à ne donner plus d'assaut.

Solyman fait jeter des lettres dans la ville.

muraille; ils y tirèrent tant de coups de canon, qu'ils la mirent par terre, la bresche étant si grande de ce costé-là, qu'elle n'estoit moins capable que de trente hommes de cheual, & toutesfois ils ne voulurent point encores s'exposer à aucun danger, qu'ils n'eussent explanadé les retranchemens qui estoient deuant eux, & les traueses qui estoient sur les costez, faisans vne telle scopeterie, que les Rhodiots n'eussent osé s'entremettre de reparer les retranchemens, sans s'exposer au danger de perdre d'heure en autre beaucoup d'hommes: tout ce qu'ils peurent faire, ce fut quelques mines, auxquelles ils auoient donné ouuerture tout contre les Turcs, où ils les combattoient main à main, pour les empêcher d'aduancer plus outre: tant y a que les affaires estoient lors en tels termes qu'il n'y auoit plus que desais, & quelques poutres qui les separoient, les Turcs ayans desia planté trois pavillons tout aupres des barricades de ceux de la ville. Cela fut cause que le grand Maître ne sçachant plus (comme on dit) de quel bois faire fleches, tout luy manquant en la ville, enuoya en Candie, pour recouurer des soldats & des munitions & viures qu'on y auoit preparez quelque temps auparauant, & à Naples il enuoya le Cheualier des Reaux, pour faire haster le secours, qu'on disoit auoir esté retardé, à cause de l'hyuer, contraire à la nauigation, mais il y eust bien eu moyen de n'attendre pas si tard à l'enuoyer, comme aussi n'en eut on rien que le discours & les belles promesses.

Mais les Turcs estoient bien plus vigilans, car n'ayans cessé de trauailler les Rhodiots, en fin comme ils eurent mis le feu à vne mine, qui ruina vn pan de la muraille du terre-plein d'Espagne, ils tirèrent le iour & la nuit cent cinquante coups d'artillerie, & par tout ailleurs on n'oyoit que coups de canon, abbatans les maisons, & le cliquetis des armes Turques, qui rendoit vn tesmoignage asseuré qu'ils auoient encores enuie de dōner quelque grand assaut: ce qui espouuenta vn peu les citoyens, & redoubla les gemissemens des femmes, quand mesme elles venoient à considerer leur ville à demy ruinée, & qui auoit perdu ce qu'elle souloit auoir de beauté; toutesfois quand ce vint à l'effect, & qu'il se fallut deffendre à bon escient, il n'y eut ny homme ny femme qui ne fist tous les efforts pour se bien deffendre, les vns pour combattre, & les autres pour secourir les combatans de ce qui leur estoit necessaire: & de fait le iour saint André, les Turcs estans venus en plus grand nombre qu'aux assauts precedens iusques à la muraille, monterent par la breche iusques dans les retranchemens, mais ils furent si bien receus, tant par l'artillerie que par la scopeterie des flancs, & des moulins du Cosquin, qu'elle mit par terre presque tous les premiers, si bien que les autres estonnez d'un tel massacre, se retirerent plus viste qu'ils n'estoient venus, mais comme ils le faisoient en confusion, aussi furent-ils tuez en plus grande multitude, avecques cela la pluye explana la terre que les Turcs auoient leuée pour se couvrir de l'artillerie du bastion d'Auergne, ce qu'ayans reconnu ceux qui estoient dessus, ils en firent encores vn merueilleux eschec. Pyrrus Bassa faisoit au mesme temps assaillir furieusement le terre-plein d'Italie, mais les siens en ayans esté valeureusement repoussés, ils ne s'y opiniastrerent pas dauantage, ayans entendu la déroute de leurs compagnons, ioint qu'Achmet ayant veu ses gens repoussés par trois fois, fit sonner la retraite, ayant perdu en ces assauts, plus de trois mille Turcs.

Et à la verité cét assaut fut plus remarquable que les precedens, veul l'estat de la ville, & la necessité en laquelle, tant les habitans que les Cheualiers estoient reduits, ausice iour leur fut-il plus triomphant & plein de gloire que tous les autres, Dieu les ayant si particulièrement fauorisez. Tant y a qu'Achmet voyant bien qu'il auoit affaire à des desesperez, & que tout ce qu'il faisoit, c'estoit de perdre tous ses meilleurs soldats, se resolut de ne plus donner d'assaut, mais seulement de continuer ses batteries & tranchées, & de penetrer ainsi peu à peu dans la ville, sans perdre vn seul homme, afin qu'ayant abbatu ce qui restoit d'entier aux murailles, il forçast en fin les assiegez de venir à quelque composition, plustost que d'experimenter la furie de ceux qui n'auoient rien plus que les desirs de la mort, & le mespris de toutes choses deuant les yeux. Les Rhodiots manquant de pionniers & gens de trauail, s'aduiferent d'offrir au peuple quarante mille escus qui estoient encore au thresor & qui auoient esté reseruez du testament du grand Maître d'Ambusson, à condition qu'il s'employast à la reparation des bresches: d'où il aduint selon quelques-vns, que se retranchans & leuans des murs derriere ceux qu'on abbatoit, ils rendirent la ville plus petite de deux cens pas qu'elle n'estoit; toutesfois Solyman voyant leur opiniastrété, & craignant qu'à la longue il ne leur vint du secours, taschoit par des lettres qu'il faisoit semer dans la ville de Rhodes, de disposer les habitans à quelque composition, mais à tout cela on fit la sourde oreille.

PYRRVS

PYRRVS Bassa tenta encores vn autre moyen. Il y auoit au camp vn Geneuois nommé Hierosme Monlie, homme de main, lequel ayant instruit de ce qu'il deuoit faire, il s'approcha de la poste d'Auuergne. Cettuy-cy ayant permission de parler, comença de représenter l'estat pitoyable de la ville, leur misere presente, le peu d'esperance qu'ils auoient d'auoir aucun secours, & toutesfois que parmy tant de defastres il ne desesperoit pas qu'on ne peust faire quelque composition avecques le grand Seigneur, & qu'il se pouuoit trouuer quelque moyen de pacification. On sentit incontinent à son haleine qu'il seruoit de truchement aux Turcs, & qu'il ne venoit pas de son mouuement: cela fut cause qu'on luy fist aussi-tost commandement de se retirer: on luy dist seulement que si les Turcs auoient encôres le courage de les venir reuoir, ils y seroient les tres-bien receus. Il y reuint encores deux iours apres, demadant à parler à vn nommé Matthieu de Via, mais on luy fit responce qu'il estoit malade, & que s'il vouloit ietter ses lettres, qu'on les luy feroit tenir: en fin il dist qu'il auoit vne lettre de Solyman au grand Maistre, mais on luy commanda aussi-tost de se retirer, & pour le faire hastier dauantage, on luy tira vne mousquetade: les assiegez trouuerent fort estrange qu'on eust choisi particulièrement cettuy-cy pour traiter, qui n'auoit aucune charge, & qu'il deust negocier cette affaire secrettement; cela donna quelque opinion de trahison que vouloient brasser ces Geneuois. Il vint encores apres cét Albanois qui estoit sorty de Rhodes de la part du Geneuois, disant auoir vne lettre de Solyman au grand Maistre, lequel toutesfois on ne voulut point permettre luy parler dauantage: mais les citoyens qui auoient pris goust à ces messages, se laisserent aller à vn desir de composition, leurs femmes & leurs enfans les touchans de plus pres que leur honneur, tant il est dangereux en vne ville assiegée de donner l'entrée d'un pour parler, quand on desire de se defendre iusques au bout, cela venant apres à s'éclorre, de sorte que les plus notables s'en decoururent au Metropolitain, & à quelques Seigneurs de la grande Croix, les supplians de le proposer au grand Maistre, & de le luy persuader, ce qu'ils firent. Mais luy avecques vne grande seuerité, selon qu'il estoit porté par la grandeur de son courage, leur fit responce que ces paroles là estoient indignes d'estre pensées, qu'il se falloit resoudre à mourir pour la liberté commune, & pour l'honneur de la Religion, & que quant à luy il estoit tout prest de mourir avecques eux; toutesfois ils y retournerent encores le iour suuant, le supplians humblement d'y penser, & de pouruoir au salut commun, & du peuple de Rhodes, adioustans mesmes qu'ils auoient reconnu que ceux de la ville estoient resolu de traiter d'accord, plustost que de se laisser tailler en pieces, eux, leurs femmes & leurs enfans, laissant assez entendre par la fin de leurs discours, qu'ils en delibereroient eux mesmes, si on n'y vouloit pouruoir. Ce fut lors au grand Maistre à combattre contre la grandeur de son courage, lequel sembloit raieunir en luy, plus il vieillissoit, & ne voulant pas que son opinion seule fust cause de la perte de tant de braues Cheualiers & bons citoyens, qui auoient exposé leur vie à tant de dangers, & combatu iusques à l'extremité, il fit assembler le Conseil, le neufiesme du mois de Decembre, où il en fit ainsi la proposition.

C'EST bien à mon grand regret, mes amis, que i'ay fait cette assemblée pour vous proposer vn si lamentable sujet que celuy qui se presente, & ne sçay de quels termes ie dois vser, quand il faut que ie delibere; Si l'enseigne du Crucifix doit ceder au croissant des Turcs, le Chrestien au Mahometan, le Cheualier de Rhodes à l'esclau lanissaire: & qu'il faille que cette Ile iadis si florissante, qui a tant de fois repoussé l'infidele, debellé les meilleurs de ses Capitaines, voire le plus grand de ses Empereurs, fieschisse maintenant sous l'esclauage de ce cruel, qui despoüillé de toute humanité, imprimera non seulement par tout dans peu de iours, les marques de sa tyrannie, mais effacera mesmes tout ce qui s'y pourra remarquer de Religion & de pieté. Qu'il faille encores que ce soit nous qui faillions cette capitulation, & traitions d'accord avecques celuy contre lequel nostre Religion a esté principalement establie, qui l'auons battu tant de fois, & auons tenu teste à douze grands Empereurs, & qu'apres tant d'assauts, tant de combats, tant de ruines, tant de misérés, ausquelles nous auons tousiours valeureusement resisté, maintenant que l'ennemy est autant harassé que nous, & que les grandes pertes qu'il a souffertes, le mettent tous les iours en termes de quitter tout, & que d'ailleurs nous attendons tous les iours du secours, y qui fust delia arriué sans l'iniure du temps, & l'incommodité de la saison: ie ne puis, dis-je, que ie ne deplore cette triste pensée de capitulation, qui vous est venue dans l'esprit, & que ie ne m'estonne comment de si braues Caualliers ont tellement rauale leurs courages, que de deferer hommage à celuy sur lequel ils auoient tousiours eu

1522.

Hierosme
Monlie Ge-
neuois tente
les Rhodiens.Vn Albanois
fait le mesme.Les lettres &
les pour-par-
lers de Soly-
man ébran-
lent les Rho-
diens.Magnanime
responce du
grad Maistre,
à la proposi-
tion de ceux
de Rhodes.Pitoyable
proposition
qu'il leur fait.

1522.

tout aduantage. On a ces iours passez donné la question à Lucio Castrophylaca Rhodiot, & a esté prest de finir honteusement ses iours pour auoir fait la mesme chose, de laquelle nous traictons maintenant : encores c'estoit vn Rhodiot, qui vouloit tascher de sauuer le sien & les siens, mais qu'un Cheualier tremble, que celuy qui a tousiours les armes à la main, ait peur, que l'ennemy mortel des Turcs traite avecques eux comme avecques les superieurs, cela ne se peut dire sans larmes : & pleust à DIEU qu'elles fussent de sang, & qu'elles ruisselassent en telle abondance, que nous en eussions plustost espanché la derniere goutte que de proferer la premiere parole de ceste reddition. C'estoient mes desirs que moy & les miens puissions rendre ce tesmoignage à la posterité, que s'il plaisoit à la Majesté souveraine du Tout-puissant de desferter cette Isle & cette pauvre ville pour le iuste chastiment de nos crimes, & de ceux des autres Chrestiens, desquels nous estions le bouleuert, qu'au moins nous puissions consacrer nos vies à sa hautesse pour vne si iuste querelle, & maintenir cette renommée immaculée que nous nous estions conseruée iusques icy, & moy-mesme m'estois donné à vous tous pour patron, esperant que mon grand aage vous seruiroit d'exemple pour vous frayer le chemin à la gloire, & que vous n'abandonneriez iamais vostre Capitaine pour quelque peril qui peult arriuer. Le vous auois proposé vne mort honorable, mais vous auez preferé les douceurs de la vie, & auez eu plus d'égard à vostre conseruation qu'à vostre reputation. O Scutariens, où estes vous maintenant, que vous ne faites perir de honte ceux de Rhodes ? vostre ville n'estoit-elle pas vneasure ? la faim ne vous pressoit-elle pas de toutes parts ? les Venitiens estoient-ils meilleurs hommes de guerre que les Cheualiers de saint Iean ? N'auiez-vous pas deuant vos portes le grand Mahomet & plus de deux cens mille hommes ? parmy lesquels il y auoit encores vn bon nombre de tres-experimentez Capitaines : & toutesfois, vous, ô merueille de ce siecle-là ! pristez cette magnanime resolution de perir iusques à vn, plustost que d'entendre à aucun accord avecques l'ennemy de vostre Religion : où au contraire, ceux-cy, qui ont routes choses, sans comparaison, plus à souhait, qui n'ont point encores enduré la faim, parlent toutesfois de se rendre, pour auoir veu par terre quelques pans de leurs murailles, & l'ennemy quelques cinq ou six mois deuant : s'ils auoient doncques souffert vn siege de dix-huit mois, & plusieurs autres sieges redoublez encores auparauant, que diroient-ils ? mais comme vostre aage ne vid rien de semblable à vous, vous seuls aussi meritez vne gloire sans pareille, qui ne peut estre communiquée à aucun autre. Le nom de cette ville de Rhodes veut dire vne rose, laquelle s'estoit maintenue vermeille & odorante, tant qu'elle a esté antée sur la Croix, mais maintenant que les mains profanes la cueilliront, ou plustost que nostre lascheté la liure, vous la verrez bien-tost flestrir, & tomber fueille à fueille, par le changement de la Religion sainte qui y regne, aux prophanes superstitions Mahometanes qu'on y establira. Car quoy que nous promette l'Othoman de laisser viure les habitans en leur Religion, ne voyons nous pas comme les Chrestiens vivent sous leur Empire ? & ne sçauons-nous pas que leur loy charnelle est vne gangrene qui gagne peu à peu le cœur des Chrestiens qui n'ont pas tousiours la foy telle qu'ils deuroient ? Toutesfois afin que vous n'ayez point sujet de dire que ie vous aye voulu mettre sans raison à la boucherie, puis que ie suis seul de mon opinion, il n'est pas raisonnable que ie m'opiniaistre contre vous tous, vostre interest, celuy de la Religion, & sur tout l'honneur & la gloire de DIEU vous y doiuent assez inciter : j'ay fait de mon costé tout ce qui dependoit de mon pouuoir pour vous acquerir de la renommée, & conseruer vostre ville, & croy que nous le pourrions faire encores, si vous auiez vne resolution aussi forte que celle que ie pourrois auoir, mais puis que vous estes d'autre aduis, ie vous ay icy assemblez pour deliberer si nous deuons traiter avecques l'ennemy, & avecques quelles conditions & seuretez on doit negocier en cette affaire.

Ceux de Rhodes
des prient
tent requeste
au Conseil
des Cheua-
liers.

COMME on estoit sur ces termes, trois marchands des plus apparens de la ville frapperent à la porte du Conseil, presentans vne requeste signée de dix ou douze des plus notables de la ville, par laquelle ils prioient le grand Maistre de traiter d'accord, ou pour le moins qu'il permist de mettre leurs femmes & leurs enfans en lieu de seureté, faisans assez entendre au bas de la requeste, que si le grand maistre ne le faisoit, qu'ils y pouruiroient & en delibereroient eux-mesmes. Cela troubla tant le grand Maistre, que le Conseil, de voir cette requeste inciuile hors de saison, & comme si on les eust voulu forcer plus que l'ennemy. Cela fut cause qu'au parauant que de passer plus outre, le grand Maistre voulut sçauoir particulièrement l'estat de la ville, & en demanda l'aduis au Prieur de saint

Gilles

Gilles & à Martinengue, comme à ceux qui en auoient le plus de connoissance, à cause de leurs charges. Ceux-cy declarerent en plein Conseil, que puis qu'il plaisoit au grand Maistre d'en sçauoir la verité, ils ne pouuoient pour leur honneur & l'acquit de leur de-
 voir, dire autre chose sinon que la ville n'estoit point tenable, les ennemis estans quarante
 pas auant dedans, & plus de trente en trauers, qu'il n'y auoit plus aucun moyen de les
 chasser, ny de se retirer plus arriere: que la pluspart des Cheualiers & soldats, & tous les
 esclaués & pionniers estoient morts, les munitions toutes consommées: que les Turcs
 traualloient encores en d'autres endroits à couper la muraille & à faire de nouuelles
 bresches & ouuertures, lesquelles il n'y auoit nul moyen d'empescher: si bien que par rai-
 son & remedes humains, la ville estoit perdue, s'il ne venoit bien-tost du secours de de-
 hors suffisant pour leuer le siege. La relation de ces deux personages, qu'on tenoit pour
 les plus iudicieux & experimentez de tous ceux qui estoient en ce siege, fut cause de faire
 dire tous d'une voix à ceux du Conseil, qu'il falloit traiter, disans qu'il valoit mieux entrer
 en quelque composition, que d'exposer à l'aduenture tant de femmes & de petits enfans,
 comme ils seroient, s'il arriuoit que le Turc prit la ville d'assaut. Ils disoient aussi qu'on
 deuoit auoir egard à leurs choses saintes, qui viendroient à estre prophanées par l'aduer-
 faire. Mais le grand Maistre respondoit à cela que DIEU beniroit leurs armes, assiste-
 roit tousiours de son pouuoir leur entreprise, s'ils vouloient faire correspondre leur cou-
 rage à sa bonté, & auoir tousiours pour leur principale intention, son honneur & sa gloire;
 qu'il ne pouoit quant à luy se departir encores de sa resolution, l'honneur de l'Ordre
 l'inuitant à combattre iusques au dernier soupir, les priant tres-instamment d'y penser
 encore. Mais ceux du Conseil insisterent dauantage, & luy firent entendre tant de rai-
 sons, tant sur la perte de l'Ordre, qui seroit comme aboly, si tous ceux qui estoient là, se
 perdoient, & sur le salut de tant de pauvre peuple, qui s'en alloit succomber en vne infi-
 nité de misere, & peut-estre forcez de renier leur Foy, si la ville estoit prise de force, qu'il
 fut contraint de ceder à la necessité, & rabattant de son grand courage, s'accommoder
 à l'aduis des siens. DIEU voulut encores que pour le porter dauantage à cette resolution,
 ils n'eurent point la honte de rechercher les premiers leur ennemy: car Solyman voyant
 que les Rhodiots ne s'estoient point émeus pour toutes ses lettres, & les siens n'ayans point
 reconnu leur aduantage, s'ennuyant, comme nous auons dit, de la longueur de ce siege,
 & voulant tirer quelque parole des Rhodiots, fit planter vne enseigne sur l'Eglise de sain-
 te Marie de Lemonitre, comme aussi ceux de Rhodes en mirent vne autre sur la porte
 du Cosquin, comme leur permettans d'approcher pour dire ce qu'il leur plairoit: aussi-
 tost deux Turcs sortirent des tranchées, & vinrent à la mesme porte pour parlementer: le
 grand Maistre y enuoya le Prieur de saint Gilles & Martinengue, auxquels les Turcs sans
 autres discours baillerent vne lettre de Solyman, au grand Maistre, & se retirerent. Cette
 lettre estant leuë au Conseil, fut trouuée de telle substance.

1521.

Rapport du
Prieur de S.
Gilles, & de
Martinengue;
sur l'estat de
la ville de
Rhodes.

Consideration
des Cheua-
liers.

Ausquelles le
grand Maistre
se laisse em-
porter.

Si ie n'estois touché plustost de l'infirmité humaine, que d'un esprit ambitieux qui
 porte souuent les plus hauts courages à de tres-grands maux sans necessité, certai-
 nement vous recurrez plustost la mort, & vne tres-miserable seruitude qu'aucune
 lettre de nostre grandeur; car vous ne pouuez ignorer le pouuoir que i'ay mainse-
 nant sur vous. Or comme vous deuez assez auoir suffisamment esprooué nos forces,
 il ne tiendra ausi qu'à vous que vous n'experimentiez ma grace: vous vous estes assez abandon-
 nez à la fureur, & la folie vous a assez longuement possedez, rentrez doncques en vous-mesmes,
 & vous hastez de vous rendre sous nostre Empire. Nous donnons tant aux Cheualiers qu'aux
 habitans, la vie & les biens, auecques le choix de demeurer ou de s'en aller: ne mesprisez donc-
 ques pas à cette fois vne si belle offre, puis qu'elle contient tout ce que vous enstiez pu desirer, & ne
 pensez pas auoir tousiours à vostre choix ce qu'on vous offre auourd'huy si liberalement, de crainte
 qu'au lieu d'un doux & gracieux Seigneur, vous ne trouviez un fenere & cruel vainqueur.

Lettre de So-
lyman aux
Rhodiots.

Ces lettres ayans esté leuës, on entra encores dans les vieilles disputes, toutesfois
 à la fin, en consideration seulement du peuple & des habitans de la ville, de crainte que So-
 lyman reconnoissant mieux son aduantage, ne changeast d'aduis, l'vnziesme iour de De-
 cembre, on deputa le Cheualier Antoine de Grolée, surnommé de Passim du Viennois
 en Dauphiné, fort versé en la langue Grecque, & qui n'auoit pas moins de courage que
 d'esprit, auecques Robert Peruccy, Iuge ordinaire de la Chastelenie, ayans charge de se
 presenter à Solyman, pour estre informez plus particulièrement, tant sur les discours

XV.

Deputez de la
part du grand
Maistre vers
Solyman.

1522. que Monille auoit tenu quelques iours auparauant, que sur la lettre : comme aussi au mesme temps qu'ils sortoient, on enuoya à Rhodes de la part des Turcs, vn des parens d'Achmet, & vn truchement fort fauory de Solyman. Le iour suiuant Achmet presenta les Ambassadeurs à son Empereur, qui ayans exposé ce qui estoit de leur charge, on dit que Solyman voulant conseruer sa reputation, nia qu'il eust rien escrit au grand Maistre : toutesfois puis que de luy-mesme il se vouloit mettre à la raison, il leur fit entendre sa volonté, qui estoit la mesme chose que le contenu de sa lettre, voulant qu'on luy en donnast resolution dans trois iours, & que cependant ceux de la ville ne fissent point trauailler à leurs fortifications, leur protestant qu'encores que tout ce qu'il auoit de gens de guerre par tout son Empire y deust perir, il ne partiroit point de là, qu'il ne se fust rendu le maistre de la ville de Rhodes, & là-dessus les licentia & leur accorda trefue pour trois iours.

Trefues pour trois iours.

Merueilleux nombre de Turcs qui moururent deuant Rhodes.

Autres Ambassadeurs de Rhodes à Solyman.

La trefue est rompuë.

Inuention du grand Maistre pour chastier la vanité des Rhodiots.

Quelques remarques sur cette reddition.

P E R V C C Y retourna dire ces nouuelles-là à la ville, mais Achmet retint le Cheualier de Passim, qu'il carressa fort & le mena en son pauillon où il le tratta : & comme ils discourroient particulièrement des choses traitées en ce siege, Achmet luy confessa que depuis le siege, il estoit mort au combat plus de 44000. Turcs, & enuiron autant de maladie & de mal-aise, qui seroit en tout quelques 88000. hommes, sans ceux qui moururent depuis. Peruccy ayât fait son rapport au Conseil de la resolution de Solyman, on resolut que pour la premiere fois on n'accepteroit point ces conditions, mais qu'on y enuoyeroit d'autres Ambassadeurs, qui furent Raymond Marquet, & Lopes du Pas, Cheualiers Espagnols, qui remonstrent à Solyman, que le grand Maistre ayant à conseruer de cette affaire avecques plusieurs & differentes nations, ne pouuoit pas si promptement se rendre, que s'il luy plaisoit de prolonger la trefue & donner plus de temps, on luy feroit responce. Mais Solyman prit ce discours de si mauuaise part, que sans leur dire autre chose, il commanda à Achmet de continuer par tout la batterie, ce qui fut executé avecques grande furie, le quinziésme de Decembre, la trefue estant ainsi rompuë : toutesfois on tient encore qu'il y eut deux choses qui la firent rompre, l'une que le Cheualier de Fournan, qui estoit au bastion d'Auuergne, ne pouuoit supporter que les Turcs vinsent en toute liberté reconnoistre la ville : l'autre ce fut vn nauire chargé de vin & de cent soldats qu'on auoit tirez de Candie, conduits par le Cheualier Andugar, qui retournoit du Ponant, & par le Cheualier Farfan Anglois, qui estoit là à pratiquer des soldats. Ce nauire entrant de telle parade, qu'on eust creu que c'estoit vn secours de plus de mille hommes, mais cela mit en danger les ostages des Rhodiots, qui eussent couru grande fortune sans ceux qui estoient à Rhodes de la part des Turcs, lesquels entroient par leurs tranchées tousiours plus auant dans la ville. Or quelques habitans auoient voulu faire les sursis, lors qu'on enuoyoit deuers Solyman, d'autant qu'on auoit pris cette resolution sans leur en communiquer, mais le grand Maistre sans s'estonner pour lors de cette vanité Grecque, avecques sa prudence accoustumée, leur dist qu'on n'auoit rien fait que bien à propos, & que ces resolutions-là deuoient estre tenuës secretes, & non pas estre cōmuniqées à tant de gens, si bien qu'il les contenta pour l'heure, mais comme il remarqua que quelques-vns ne desiroient point cette reddition, les trefues estans rompuës, il ordōna que tous les habitans se retirassent à leurs quartiers pour faire la garde, & que nul n'en partist sans sa permission sur peine de la vie. Cét ordre fut obserué deux iours, & comme le troisiésme vn ieune homme eust party de son quartier sans congé, & s'en fust allé coucher en sa maison, le grand Maistre le fit pendre; toutesfois cela ne retint pas dauantage les autres en leur deuoir : car enfin tous ces habitans perdirent le courage les vns apres les autres, & abandonnerent les murailles & les bresches; si bien que les Turcs y eussent pû aysément entrer, si le grand Maistre avecques ce peu de gens qui luy restoient, ne s'y fut tenu luy-mesme, estant contraint toutes les nuits d'en mander prier quelques-vns de faire la garde en les payant; tant il y a peu d'assurance en vn habitant, qui n'a point accoustumé de souffrir les mesaises & incommoditez de la guerre; qui fait assez voir la difference de ceux-cy & de ceux de Scutary : aussi l'issuë en a-elle esté bien dissemblable. Cela fait voir encores que le grand Maistre & les Cheualiers firent prudemment d'auoir entré en composition; car veu leur petit nombre, ils n'eussent iamais sceu fournir seuls à toutes les fatigues de ce siege : vous y remarquerez encores la grande inconstance d'un peuple, qui veut tantost qu'on se rende & puis ne le trouue pas bon, & si n'a pas le cœur de se defendre au besoin, ny la patience de souffrir la moindre incommodité.

M A I S pour reuenir à nostre propos, les Turcs continuans leur batterie, vinrent attaquer la teste de la barbacane d'Espagne, de laquelle ils furent repoulléz la premiere iournée,

iournée, mais la seconde ils vinrent en si grand nombre, que quelque deuoir que fissent les assiegez, ils furent opprimez par la multitude, & contrainsts de se retirer dans la ville. S'estans doncques emparez de la barbacane, ils vinrent incontinent au pied de la muraille d'Angleterre qu'ils commencerent à sapper, & montans par les ruines de la barbacane, firent tant qu'ils gagnerent le haut de la muraille, ce qui fit alors reconnoistre encores dauantage à ceux de la ville leur vanité & leur ignorance, & supplier le grand Maistre d'auoir esgard à leur salut, comme pere commun de tous, & qu'il luy pleust leur permettre d'enuoyer quelques deputez vers Solyman pour leur particuliere seurété. Le grand Maistre estoit bien de cet aduis, mais pour tousiours temporiser, esperant qu'il luy pourroit venir du secours, il s'aduisa d'enuoyer premierement Perucci, pour faire voir à Solyman vne lettre de Bajazet son ayeul, par laquelle il donnoit malediction à ses descendants qui feroient la guerre à ceux de Rhodes: On adressa Perucci à Achmet, lequel ayant voulu voir la lettre, aussi-tost qu'il la tint, il la rompit, & la foulant aux pieds par grand desdain, il fit par apres retourner Perucci vers le grand Maistre, luy dire que s'il ne faisoit promptement responce à Solyman, il se verroit bien-tost mal-heureux & ruiné. Et au mesme instant il fit couper le nez & les oreilles à deux pauures payfans qu'on auoit pris comme ils portoient de la terre au bastion d'Angleterre, les renuoyans en cet equipage au grand Maistre, lequel pour tousiours dilayer, enuoya encores le Cheualier de Passim, offrir les frais du siege, s'il le vouloit leuer: mais Achmet ne voulut iamais permettre qu'on portast telle parole à son seigneur, disant qu'il faisoit mille fois plus d'estat de sa reputation que de tous les biens du monde. En fin le grand Maistre voyant que toute esperance de secours luy estoit ostée, & que tous s'en alloit perdre, s'il différoit dauantage, gagna tant sur soy-mesme qu'il vainquit son courage, & tout outré de douleur & d'un extreme regret, donna parole de rendre la ville. Le Cheualier de Passim fut alors renuoyé avecques les deputez de la ville, qui furent presentez à Solyman; le Cheualier luy declara que le grand Maistre luy rendoit la ville aux conditions qu'il auoit luy mesme proposées, pourueu que sa Majesté luy donnast sa foy & sa parole de les entretenir de poinct en poinct, le suppliant de fauoriser les habitans sur la requeste qu'ils luy vouloient faire pour leur repos & seurété, qui estoit d'éloigner vn peu son armée, afin qu'on ne leur fist quelque iniure en leurs personnes ou en leurs biens, & que ceux qui s'en voudroient aller, peussent partir librement, sans qu'on leur fist aucun deplaisir.

15221
Lettre de Bajazet donnât malediction à ses successeurs qui feroient la guerre à Rhodes.

Le grand Maistre donne parole de rendre la ville.

Demande des habitans à Solyman,

SOLYMAN accepta l'offre du grand Maistre, promettant d'observer inuiolablement tout le traité, commandant d'en expedier des lettres, qui contenoient sommairement.

1. Que les Eglises ne seroient point prophannées.
2. Que les Chrestiens auroient libre exercice de leur Religion.
3. Qu'on ne prendroit point d'enfans de tribut pour les faire Ianissaires.
4. Que les habitans seroient exempts de toutes charges pour cinq ans.
5. Que qui voudroit, s'en pourroit aller avec tous ses meubles dans trois ans en toute seurété.
6. Que Solyman fourniroit à ceux de l'Ordre de ses vaisseaux suffisans pour passer tous en Candie.
7. Qu'ils emporteroient leur artillerie, tant qu'ils en pourroient charger.
8. Qu'ils partiroient dans douze iours.
9. Que le Chasteau de saint Pierre, Lango, & les autres Isles & forteresses de la Religion seroient rendues à Solyman.

Articles accordez avec Solyman, pour la reddition de Rhodes.

CE sont-là les articles de la reddition de Rhodes, suiuant lesquelles Achmet Bassa fit éloigner l'armée d'un mille, enuoyant dans la ville quatre cens Ianissaires, & l'Aga pour en prendre possession, comme aussi le grand Maistre enuoya au camp pour ostages vingt-cinq Cheualiers & autant de citoyens, qui furent receus fort courtoisement par Achmet. Il trouue vne lettre du grand Maistre à Solyman sur cette reddition de telle teneur.

1522.

Lettre du
grand Mai-
stre à Soly-
man.

Si la fortune eust secondé ma hardiesse, & que mes affaires eussent succédé aussi heureusement comme i'auois l'assurance pour résister à vos efforts, ie fusse demeuré le vainqueur en cette ville plustost que le vaincu. Mais puis que les destinées ont voulu renuerfer la gloire de l'illustre Rhodes, ie me resiouys de ce que le sort l'ait fait tomber entre les mains de celuy de qui elle deuoit receuoir la grace, comme elle en auoit souffert la force: action qui entre les plus remarquables de vostre Majesté, ne sera pas mise au dernier rang, à sçauoir d'auoir sceu vaincre, & pardonner à Rhodes, ayant adiouste la clemence à la renommée de sa puissance, qui ne doit iamais estre mesprisée par les plus grands des mortels, puis que par elle seule ils ont quelque conformistie à la Diuinité. Je ne doute point doncques que vostre hautesse ne garde les conditions de la paix, lesquelles cette mesme bonté luy persuade de nous donner, & que la necessité m'a forcé de receuoir. Si que ie seray dorénuant un eternal exemple de la clemence & vertu du grand Solyman, beaucoup dauantage que si ie me fusse rendu dès le premier coup à sa hautesse; car ma resistance & sa gloire & pieté reseruiront dorénuant par tout le fond de la terre habitable.

ON trouue vne lettre que Solyman luy rescriuit pour response à celle-cy, qui fut baillée aux deputez, en ces termes.

Et response
à icelle.

E me resiouys grandement, mon L'Isle-Adam, de ce que DIEU t'a maintenant touché le cœur, & t'a fait plustost choisir la paix que la guerre: & à la mienne volonté que tu eusses fait cette election tout dès le commencement: car en verité tu eusses autant receu de biens & de courtoisies de nostre tres-haute & souveraine Majesté, comme nos armes t'ont fait souffrir de mal, puis que tout ce que nous en auons fait, a esté plustost pour un desir de dominer que par aucune inimitié: c'est pourquoy vous voue deuiez tousiours assurer que vous auriez tous vos corps & vds biens, pour en disposer à vostre volonté, ne faisant point la guerre pour acquérir des richesses, mais par un desir de gloire, & d'une immortelle renommée, d'auoir dilaté l'estendue de nostre florissant Empire, car c'est le propre de la Royauté, & comme né avecques les Roys, d'enuahir l'autrui, non par auarice, mais par un glorieux desir de regner, auquel si aucun de mes voisins s'oppose, mes armes & la force m'en feront tousiours auoir la raison.

Arriuee de
Ferhat au camp
des Turcs.Estonnement
à cette arri-
uée.Leurs gran-
des inioien-
ces à Rhod-
des.

EN ces entrefaites arriua au camp des Turcs Ferhat Bassa, amenant quant & soy quatorze mille hommes, les autres disent vingt mille, qui venoient de la Comagene & d'Armenie, lesquels avecques dix mille autres, qu'on ostoit encores de deuers l'Euphrate, que Solyman auoit enuoyez pour tenir le Sophy en bride, craignant que durant ce siege il ne fust quelque entreprise sur ses terres, & pour d'autres desseins qui seront rapportez cy-apres, afin de continuer le discours de ce siege. Et d'autant que c'estoient-là tous vieux soldats experimentez, il les auoit mandez pour venir à Rhodes, se deffiant de son armée qu'il auoit là deuant, desia demy deffaite & le reste tout harassé de maladies, de mesaises & autres incommoditez du siege. Or decouurit-on cette flotte de fort loing, laquelle n'ayant pas eu le vent trop fauorable, tenoit alors la brisée, comme si elle fust venue de deuers la Chrestienté: ce qui apporta vn si grand estonnement à toute l'armée Turquesque, qui croyoit que c'estoit le secours que les Rhodiots auoient si long-temps attendu, qu'on dit mesmes que Solyman fut tout prest de deloger & se retirer à Constantinople; mais cette frayeur fut bien-tost conuertie en ioye, quand ils virent les banderoles Turques: & il y a grande apparence que s'il fust arriue plustost, les Rhodiots n'eussent pas receu vne si fauorable composition. Mais Solyman qui vouloit estre tenu pour vn Prince qui gardoit sa parole, ne changea rien pour son regard, à ce qui auoit esté arresté: mais les siens firent d'ailleurs assez d'insolences en cette pauvre ville: car cinq iours apres l'accord, sans attendre que personne se fust preparé pour le depart, les lannissaires & le reste de l'armée, approcherent peu à peu, & en fin sans aucun respect à la foy publique, le iour de Noël ils rompirent la porte du Cosquin, & entrans dans la ville, se mirent à la saccager, comme si elle eust esté prise d'assaut: & non contents de cela, ils allerent, dit Fontaines, à l'Eglise cathedrale où ils abbatirent les Images, prophanerent les autels, foulans aux pieds les Crucifix, lesquels si quelque Chrestien vouloit ramasser, il estoit assure d'auoir force coups de baston; estans tous les citoyens pillés, rançonnez, battus & fort cruellement traittez. Fontaines dit qu'apres mesmes s'estre rachetez, comme ils

ils auoient fait, ils ne laissoient pas d'estre battus dos & ventre par d'autres qui les rencontroient : ils rompirent encores les sepultures des grands Maistres, esperans y trouuer quelque thresor : & sur tout firent vne diligente perquisition des Turcs & des Iuifs qui s'estoient faits Chrestiens, qu'ils emmenerent quant & eux, pour les contraindre à renier leur foy ; forcerent les femmes & les filles, saccagerent l'infirmierie, emportans la vaisselle d'argent, & en chasserent les malades à coups de baston, & mesmes ietterent des galeries en bas vn Cheualier malade qui en mourut, leurs Capitaines ne se mettans en aucun deuoir d'empescher leurs insolences, & conuiuans avecques eux : car les citoyens n'ayans point d'autres tesmoins que leurs propres parties, ils estoient contrains de prendre patience au milieu de tant d'afflictions, & reconnoistre alors que le bras de la vengeance Diuine estoit estendu sur leurs testes, pour le chastiment de leurs crimes.

Ces choses se passans ainsi à Rhodes, Achmet vint saluer le grand Maistre dans le fossé de la poste d'Espagne, où l'ayant entretenu quelque temps, il l'aduertist que son Seigneur desiroit de le voir, luy conseillant pour le mieux d'y aller : ce que le grand Maistre resolut de faire, craignant d'irriter Solyman, & de luy donner sujet de manquer de parole, & faire quelque mauuais traitement, tant aux siens qu'à ceux de la ville. Le lendemain doncques il le fut trouuer avecques vn simple accoustrement, & fut long-temps deuant sa tente à attendre qu'on le fist appeller, on dit dès le matin iusques à ce que la plus grande partie du iour fust passée, à souffrir le vent & la pluye, qui estoit fort grande cette journée-là, & encores entremeslée de gresle : à la fin on le vint vestir d'vn fort riche vestement, & puis on le fit entrer avecques quelques Cheualiers qu'il auoit menez quant & luy, qui à leurs faces desfigurées tesmoignoient assez ce qu'ils auoient souffert en leurs veilles & longs trauaux : le grand Maistre baisa la main à Solyman qui le receut humainement, mesmes le consola, & luy fit dire par le truchement qu'il print patience, & que perdre & gagner des villes & des seigneuries, dependoit de l'instabilité de la fortune, qui establit & depossede qui bon luy semble, qu'au moins l'asseuroit-il de sa part qu'il ne manqueroit point à ce qu'il auoit promis, qui m'a fait estonner comment le grand Maistre ayant vne si belle occasion, ne fit point sa plainte de tous ces outrages qu'on auoit desia faits dans la ville, veu le peu de sujet qu'il y auoit d'adiouster foy au demeurant, puis qu'il auoit desia vn tel eschantillon de perfidie : car ainsi que le raconte l'historien cy-dessus allegué, les Turcs auoient presque desia manqué à tous les points de la capitulation : qui me feroit penser qu'on pourroit bien auoir adiouste au conte, & comme les hommes sont bien souuent portez de passion, principalement quand ils escriuent de leurs ennemis, qu'on ait fait grand cas de peu de chose.

SOLYMAN loua fort aussi la Majesté venerable de ce vieillard, & la belle assurance qu'il auoit monstrée, quand il parloit à luy, si qu'en se retournant vers les siens, il dit, *J'ay pitie de ce bon homme, qui est contrainct de sortir de chez soy, en vn si vieil age.* On dit aussi que ce fut alors que l'Empereur Turc luy offrit de tres-grandes recompenses, & mesmes l'vne des plus honorables charges de son Empire ; mais le grand Maistre qui s'estoit voué au seruice du Roy des Roys, luy fit responce qu'il aimoit mieux perdre la vie avecques sa seigneurie, que de viure à iamais deshonoré, cela luy estant bien plus supportable d'estre appelé vaincu parmy les siens, que fugitif : car disoit-il, estre vaincu est vne chose fortuite ; & encores m'est-ce moins de honte de l'auoir esté par vn si puissant vainqueur, & redoutable Monarque, mais abandonner les siens & changer de milice, c'est vn trait de perfidie & de lacheté : Solyman admirant l'assurance de ce vieillard, ne print point ce qu'il luy disoit, de mauuaise part, ains promit de rechef au grand Maistre d'entretenir ce qu'il luy auoit promis, & luy donnant congé, le fit conuoyer par quelques-vns des siens iusques à la ville, faisant donner de riches robbes à tous les Cheualiers qui estoient quant & luy. Trois iours apres Solyman luy-mesme monta à cheual, n'ayant avecques luy que le Bassa Achmet & Hibrain : & alla voir les tranchées, les batteries, les bresches & la tour saint Nicolas, & à son retour alla au palais du grand Maistre, courtoisie du tout extraordinaire, principalement à la race des Othomans, qui n'honorent ny tiennent con-
te d'aucun Prince qui soit au monde. Mais quoy ? la vertu a de si doux attraites, qu'elle force mesme le plus mortel ennemy de rendre honneur à celuy qui la possede : le grand Maistre estoit lors empesché à faire serrer ses meubles, & comme il se vouloit mettre à genoux pour luy faire la reuerence, Solyman ne le voulut point permettre, ains mit la main à son Tulban pour luy faire honneur, ce que les Monarques Turcs ne font ordinairement qu'à
DIEU, & luy fit dire en langue Grecque par le Bassa, qu'il fist à son aise, & qu'il n'auoit

1522.

Rompent les
sepultures
des grands
Maistres.

Violent les
femmes & les
filles.

XVI.

Achmet Bassa
vient saluer le
grā Maistre.

Qui vient
trouuer Soly-
man.

Propos de
Solyman par-
lant au grand
Maistre.

Respōse que
luy fit le grā
Maistre.

Solyman va
au palais du
grand Mai-
stre.

Et les cour-
toises qu'il
luy rend.

1522.

que craindre, & que s'il n'auoit assez de temps accordé par le traité, il luy en donneroit dauantage : mais le grand Maistre le remerciant de sa bonne volonté, le supplia d'observer seulement ce qu'il auoit promis. Et Solyman ayant remonté à cheual, alla voir l'Eglise saint Iean, puis se retira en son paillon.

Solyman veut
faire mener
le grand Mai-
stre & les
Cheualiers à
Constantino-
ple.

FONTAINES dit que nonobstant toutes ces courtoisies, il auoit donné charge aux Capitaines de l'armée de mer, lors que les Rhodiots se seroient embarquez, qu'ils amenassent le grand Maistre & tous les Cheualiers croisez à Constantinople, avecques la nef marchande, qui estoit venue la derniere à Rhodes, & les galeres de la Religion de Rhodes, ce qui estoit si secret que cela se disoit publiquement par tout le camp, qui fut cause que le grand Maistre alla trouuer les Bassats, & fit tant avecques eux qu'ils remonstre- rent à leur Seigneur quelle tache ce seroit à l'aduenir à sa reputation d'vser d'une telle perfidie, apres la foy si solemnellement jurée : & à la verité il n'y a gueres d'apparence que ce ieune Prince si cupide de gloire, & qui lors en faisoit resplendir les premieres eclairs, voulust si apertement vser d'une telle meschanceté : car encores qu'il soit vray que la Foy ne soit point chez l'Infidele, toutesfois quand ce n'eust esté que pour se frayer le chemin à de plus grandes prosperitez, outre ce qu'il auoit quelque chose de plus noble & de plus genereux que ses deuanciers, ie trouuerois plus à propos qu'il eust donné le mot à Orthogut grand Corsaire, duquel nous auons parlé cy-dessus, aussi dit-on qu'il se tenoit sur les aduenues pour surprendre les Cheualiers de Rhodes au passage : mais la tempeste leur fut si contraire d'une façon, & si heureuse de l'autre, qu'ils eurent cette mauuaise rencontre. Or cependant les Turcs qui estoient dans la ville commençoient à se ietter sur ceux de la Religion, & leur ostoyent ce qu'ils emportoient dans leurs vaisseaux, montans mesmes sur iceux, & leurs prenans ce qu'ils pouuoient attraper : dequoy le grand Maistre enuoya faire plainte à Achmet pour faire cesser ces extorsions, lequel enuoya aussi-tost des Ianissaires & des gens de commandement, pour empescher qu'il s'y commist aucun desordre, & y fit porter des viures à suffisance.

Le grand Mai-
stre fait ses
plaintes à
Achmet des
infolences des
Turcs.

& haste son
embarque-
ment.

SOLYMAN manda aussi au grand Maistre qu'il fist emporter autant d'artillerie qu'il voudroit : mais comme on sceut que Solyman deuoit partir de là dans deux iours pour s'en aller à Constantinople, le grand Maistre ne fut point d'aduis de se charger de beaucoup d'artillerie, mais de se haster seulement d'embarquer les meilleures pieces, & de charger sur les vaisseaux ce qu'un chacun auoit de meilleur, afin de pouuoir partir de là deuant l'Empereur Turc, assurez que s'ils demeuroient derriere, il n'y feroit pas bon pour eux, & firent telle diligence que le premier iour de l'année mil cinq cens vingt-trois, le grand Maistre alla prendre congé de Solyman, lequel luy bailla encores un ample sauf-conduit pour l'asseurer contre tous, mesme contre les Corsaires : il alla par apres faire embarquer tous les siens, plusieurs Gentils-hommes, & notables Citoyens de Rhodes, & autres, qui aymerent mieux le suiure que viure sous la domination des Turcs, & ce iusques au nombre de quatre mille ames, tant de Rhodes, que des autres Isles : quant à luy il monta sur le tard sur sa galere, & se retira hors du port, puis sur les cinq heures de nuict, il mit les voiles au vent, avecques les regrets & les ressentimens que peust auoir un si grand courage que le sien, dressant les proies vers Candie. Voila comment les Cheualiers de la Religion de saint Iean de Hierusalem, ou plustost toute la Chrestienté perdit Rhodes : car pour eux ils y firent tout ce qui estoit en la puissance de braues & genereux Caualliers, apres l'auoir defenduë contre la puissance de tous les Mahometans, selon quelques-uns l'espace de deux cens trente ans, & selon les autres deux cens vingt ans, la misere de leur perte les ayant encore rendus plus illustres, que n'eust fait leur bon-heur, & principalement le grand Maistre, qui en ce dernier siege, auoit rendu des preuues tres-euidentes de sa vertu & preud'homme.

Combien de
têps les Che-
ualiers auoient
tenu cette
Isle.

Amurat grand
oncle de So-
lyman pris à
Rhodes.

La premiere chose que Solyman fit à Rhodes, ce fut de faire chercher Amurat fils de Zizim, grand oncle de Solyman, qui auoit esté fugitif à Rhodes, comme il a esté dit au second Liure de la Continuation de cette Histoire, lequel s'estoit caché en esperance de se pouuoir sauuer dans la nauiue du grand Maistre, mais ne l'ayant sceu faire, il fut alors decouvert & amené deuant Solyman, lequel luy demanda s'il estoit Turc ou Chrestien. A quoy ce Prince luy respondit qu'il estoit Chrestien, & non seulement luy, mais aussi deux fils & deux filles qu'il auoit, qui faisoient profession du Christianisme, en laquelle creance ils esperoient tous, aydant Dieu, perséuerer iusques à la mort. Solyman s'estonna tant de sa responce que de son assurance, & comme il eust tasché de le faire abjurer nostre Religion, & luy faire embrasser le Mahometisme, il persista courageusement en sa

en sa foy, sans s'ébranler aucunement des menaces qu'on luy faisoit : cela fut cause que Solyman le fit estrangler en présence de toute l'armée avecques ses deux fils, enuoyant les deux filles à Constantinople au Serrail : ayant eu cet honneur par dessus tous les Princes Othomans, d'estre morts pour la Religion Chrestienne, & d'auoir souffert le martyre pour le nom de IESVS-CHRIST, pour auoir confessé sa sainte Diuinité, & fait par ce moyen cet heureux échange d'un Empire perissable, dont ils auoient esté tyrannique-ment despoüillez, pour aller prendre possession d'un perdurable, dont ils deuoient estre perdurablement reuestus. Solyman auoit esté bien-ayse d'auoir ce sujet pour se deffaire de ces Princes, sans estre soupçonné de cruauté, car il craignoit que les Chrestiens ne prissent quelque occasion d'entreprendre contre luy, par le moyen de ce genereux Amurat : car il vouloit, autant qu'il luy estoit possible, s'asseurer contre toute sorte de rebellion. Cela fut cause qu'il chassa Leonard Balestan Archeuesque de Rhodes, avecques quelques gentils-hommes Grecs, mais qui obeyssioient toutesfois à l'Eglise Romaine, & c'estoit-là le pretexte de Solyman : car il disoit qu'il ne vouloit souffrir dedans la ville que ceux qui viuoient selon l'Eglise Grecque : puis ayant fait venir le Corsaire Curtogli, il le laissa à Rhodes ; & quant à luy il s'en retourna à Constantinople, tout plein de gloire & d'honneur, mettant bien la prise de Rhodes pour le plus signalé fait d'armes qu'il eust sceu faire sur les Chrestiens : & non sans cause, puis que son bisayeul Mahomet, apres de si grandes conquestes, & apres auoir assuiettty de si riches & puissantes nations sous son Empire, voulut qu'on mist sur son tombeau qu'il esperoit de domter Rhodes, tenant cette seule pensée à plus grand honneur que toutes ses autres victoires, desquelles il ne faisoit point de mention.

1522.
Meurt pour
la confession
du Nom
de IESVS-
CHRIST.

Solyman chas-
se Balestan
Archeuesque
de Rhodes.

Curtogli
Corsaire est
laissé Gouver-
neur de Rhod-
des.

Mais à peine estoit-il sorty d'une guerre, qu'il fut contrainct de rentrer dans une autre : car Mustapha, à qui Solyman auoit donné le gouuernement d'Egypte, ne fut pas plustost arriué au grand Caire, que les Egyptiens & Arabes se reuolterent contre luy, & le vinrent assieger dans cette ville-là. Or auoit-il, comme il a esté dit, espousé la sœur de Solyman, laquelle voyant son mari en tel danger, ne cessa d'importuner son frere pour luy enuoyer du secours pour le deliurer, & un successeur quant & quant pour exercer cette charge si perilleuse, qui fut baillée à Achmet Bassa, homme comme vous auez peu voir cy-dessus, de grande entreprise & fort experimenté en l'art militaire, comme celuy qui auoit tousiours seruy Selim en ses guerres : il estoit natif de Trapezonte. Cettuy-cy, comme il fut arriué en Egypte, degagea bien-tost Mustapha, & prenant la charge de Beygliebey, il renuoya l'autre à Constantinople. Mais comme il le sentit un peu éloigné, il commença incontinent à faire ses menées, si bien qu'ayant gagné les principaux du Caire, de l'Egypte, & de l'Arabie, il se reuolta à bon escient contre son Seigneur, se saisissant de toutes les places fortes de l'Egypte, remettant sus-pied l'ancienne milice des Mamelus. Et afin de s'appuyer de toutes parts, il communiqua ses desseins au Pape & au grand Maistre, offrant de leur faire rendre Rhodes par les Ianissaires qui y estoient en garnison, s'ils y enuoyoiēt une bonne armée. Et pour cet effet le Pape auoit enuoyé une galere de la Religion, pour amener deux Ianissaires enuoyez par Achmet, afin d'entendre d'eux toutes les particularitez & fondemens de cette entreprise : il enuoya encore le Commandeur Bosio, duquel il a esté fait mention cy-dessus, lequel passa déguisé à Ottrante, & alla iusques à Rhodes, où estant arriué, & s'estant bien informé de toutes choses, il escriuit des lettres de Candie à sa Sainteté, par lesquelles il luy donnoit une certaine esperance de recouurer Rhodes, si luy & les Princes Chrestiens s'accordoient d'y enuoyer une mediocre armée, mais tout cela s'en alla en fumée, pour les guerres de l'Empereur contre le Roy de France.

1523.
Rebellion des
Egyptiens &
Arabes.

Achmet en-
uoyé en Egy-
pte.

Se reuolte
contre Soly-
man.

Cela n'aduint pas ainsi du costé des Turcs : car Solyman sçachant que cettuy-cy estoit fait declarer Soudan, & reconnoissant de quelle importance luy estoit cette Prouince, enuoya en diligence Hibrain son fauory pour lors, & qui l'a le plus gouuerné pour un temps, avecques une puissante armée, à l'arriué duquel les partisans d'Achmet commencerent à s'estonner : & comme les chaines de sa domination n'estoient pas encores assez puissantes d'elles-mêmes, pour pouuoir se maintenir par leurs propres forces, dependant du tout de la volonté de ses nouveaux sujets, il ne peust faire aussi les preparatifs que tels qu'ils voulurent, & faillit qu'il s'accommodast en partie à leurs volontez ; estant encores bien ayse d'ailleurs de les laisser taster du gouuernement, pour les engager tous en sa perfidie, & les rendre puis apres plus affectionnez à resister contre les efforts de son Seigneur ; mais il eust trop peu de temps pour leur faire faire grandes choses,

Hibrain Bas-
sa enuoyé con-
tre luy.

1523. & ioint qu'il esperoit de diuertir l'armée des Turcs sur la nouvelle reprise de Rhodes, qu'il
 24. tenoit pour toute assurée, & il ne fust assisté d'aucun endroit. Ce que reconnoissant ses complices, & iugeans bien qu'il luy seroit impossible de resister à la puissance des Turcs, qui n'ayans aucunes guerres ailleurs, viendroient fondre en cette Prouince : ils pensèrent qu'il estoit plus à propos pour eux d'expier leur crime par le sang de leur prétendu

Seigneur, que de s'opiniâtrer dauantage à desfendre sa querelle, & que cela seroit le plus prompt expedient pour obtenir leur pardon. Et de fait ils le massacrèrent vn iour qu'il estoit dans le bain, & enuoyerent sa teste à Constantinople. Si bien que Hibraim n'eut autre peine à son arriuée, que de restablir les choses que cette conspiration auoit peu alterer, & remettre en son deuoir, tant la ville du Caire, que les Prouinces voisines, qui à l'exemple de la metropolitaine tendoient à sedition, & ainsi demeura paisible Beglierbey d'Egypte, où toutesfois il ne demeura pas long-temps; car l'affection que luy portoit Solyman estoit si grande, que ne pouuant viure content sans luy, il luy escriuit de fort fauorables lettres, dit Sansouin, & le fit reuenir pres de sa personne, où il l'éleua bien-tost à la dignité de premier Vizir, avecques vne telle vogue de puissance & d'autorité, que rien ne se passoit en cet Empire, que ce ne fust par les mains & avecques le consentement de cét homme, qui eut aussi l'honneur d'espouser la sœur de Solyman.

Ce trouble estant passé avecques tant de facilité, Solyman qui auoit de grands desfeins sur la Hongrie, commençoit desia de faire ses preparatifs : ce qu'entendans les Iannissaires, ils firent vne grande sedition à Constantinople, le vingt-quatriesme du mois Rezel : car n'ayans pas esté assez recompensez à leur gré apres la prise de Rhodes, ils rompirent les portes & entrerent dans les maisons des Aigas Bassa, & Abduselam, le grand Dephterdar ou surintendant des finances, & les saccagerent, & la nuit suivante qui estoit celle du Mercredy, ils s'assemblerent encores à grandes troupes, & avecques vn fort grand tumulte & vne rumeur effroyable, comme ils ont accoustumé de faire en leurs seditions, vinrent aux maisons des Bassas, Hibraim & Mustapha, desquelles ils rompirent les portes : mais ceux-cy sceurent si bien addoucir leur fureur, qu'ils n'yserent pas chez eux des insolences qu'ils auoient faites chez les autres, leur promettans à chacun d'eux d'amples recompenses, selon qu'ils auoient merité : & pour oster tout sujet de plus grande sedition, (cette sorte de malice ne pouuant demeurer en repos, de sorte qu'il faut quasi de necessité qu'elle face quelque ravage, ou chez soy ou chez autrui) on publia que tous gens de guerre eussent à se tenir prests à vn certain iour pour vne grande expedition que le Seigneur auoit resolu de faire : cela fit rentrer vn chacun d'eux dans les termes de leur deuoir & de leur premiere obeysance. Mais auparauant que de passer plus outre, il sera plus à propos de sçauoir quelles auoient esté les entreprises & les executions de Ferhat Bassa, lesquelles ont esté cy-deuant obmises de propos delibéré, pour n'interrompre point le fil du discours du siege & prise de Rhodes.

XVII. SOLYMAN doncques auoit enuoyé, comme il a esté dit, ce Ferhat Bassa pour tenir le Sophy en bride, & l'empescher de faire quelque entreprise sur ses terres : c'estoit là le dessein apparent; mais c'estoit en effect pour s'assubiettir du tout l'Aladulie, car encores que Selim l'eust conquise, & eust fait mourir le Roy Vstagelu, toutesfois il y en auoit vne portion, laquelle estoit demeurée à Haly-beg, qui selon quelques-vns a esté nommé

cy-dessus Saxouar-ogli, faisant vn mor de cestrois, à sçauoir Schach, Suuar-ogli, c'est à dire fils du Prince de Suuar, lequel auoit esté non seulement confirmé par Selim en la possession de ce qui luy appartenoit; mais auoit eu le gouuernement de ce qui auoit appartenu à Vstagelu, pour recompense de sa trahison : si qu'il tenoit en ce faisant toute l'Aladulie, laquelle Solyman desiroit reduire en Beglierbegat ou Prouince : Maras estoit la ville metropolitaine, assise sur le fleuve Euphrates, & sur les confins de l'Armenie & de la Cappadoce; celle à sçauoir qui est située vers la Mesopotamie : qui auoit esté ainsi nommée, selon quelques-vns, du fleuve Marsie. Cette contrée enfermoit aussi de grandes campagnes, qui s'estendoient dans la haute Asie, lesquelles campagnes les Turcs appellent encores auourd'huy Zibuc-oua, ou la plaine de Zibuccie, qui confine la iurisdiction de Erzintzan en Armenie. Spandugin l'appelle le champ de Siuac, le mesme que Zibuc, & d'autant qu'en cette plaine estoit la ville de Siuas, Siuast, ou Suuar, celuy qui commandoit à cette contrée, s'appelloit le Prince de Suuar : vne autre Siuas que Paul Ioue confond mettant sa situation en la Galatie, sous le gouuernement de Tocar, les Turcs ayans appelé cette plaine-cy Zibuc-oua, comme si on disoit le champ des verges, pour de

petites

petites oserayes qui y croissent, mais ils ont nommé l'autre Carazessar, c'est à dire chasteau-noir.

1524.

H A L Y - B E G possédant ainsi vne partie de l'Aladulie, comme legitime Prince, & descendu de la famille des Dulgadiriens, les Turcs jouyssans du reste, bien qu'il fust d'une mesme loy qu'eux, si est-ce que la coustume des Osmanides estant telle, de ne laisser aucun Prince ny aucun Seigneur de famille illustre dans les confins de leur Empire, n'estans iamaïs asseurez en leur domination qu'ils n'ayent exterminé iusques au dernier, ceux qui y peuuent pretendre quelque droit, cherchoient les inuentions de se deffaire de certuy-cy, ils craignoient encores qu'il ne s'alliast avecques le Sophy Ismaël (perpetuel ennemy des Othomans) qui viuoit encores, & qu'il ne s'efforçast de recouurer, par le moyen de ce secours, le reste de son Royaume: car il n'auoit pas esté tousiours Beglierbey, cela n'auoit esté que pour vn temps, & lors de la vie de Selim: & celui qui luy succeda, esperant de ioindre sa Principauté à son gouuernement, cherchoit toutes sortes d'inuentions pour s'en deffaire: si bien que luy & les principaux de la Porte, firent tant par leurs calomnies enuers Solyman, comme il estoit assez facile de luy mettre la puce à l'oreille, ses terres estans enclauées dans les siennes; joint qu'il luy faisoit de voir ces peuples-là, viure au milieu des siens selon leurs loix, & non pas selon celles des Osmanides. Cela le fit resoudre à enuoyer Ferhat, de crainte que la guerre de Rhodes acheuée, il n'en eust là vne nouuelle, ou qu'il n'arriuast quelque chose de pis à l'aduenir, auquel il commanda d'y proceder plustost avecques ruses que de force, ce qui seroit d'autant plus ayse, que l'autre se tiendroit pour lors beaucoup moins sur ses gardes: & à la verité ce Prince se fiant sur son innocence, & ne redoutant point les embusches des Turcs, estoit fort ayse à circonuenir.

Coustume des Osmanides.

Haly calomnié enuers Solyman.

Lequel enuoye Ferhat contre luy.

F E R H A T, suiuant le commandement de son Prince, s'achemina iusques aux confins de la domination du fils de Suuar, deffendant expressement à ses soldats qu'ils n'eussent à faire aucun acte d'hostilité, ne voulant pas luy donner la moindre apprehension qu'il vint là comme ennemy. Comme il approchoit desia du lieu où estoit pour lors Haly, il feignit d'estre fort malade, & luy ayant enuoyé des Ambassadeurs pour l'aduertir de son arriuée, il le prioit de prendre la peine de le venir trouuer, & d'excuser la foiblesse où la maladie l'auoit reduit, si que ces forces s'estoient diminuées tout à coup; cependant qu'il auoit de tres-grandes choses & fort secretes à luy communiquer, & qu'en vn peril si eminent de sa personne, il desiroit auparauant que de passer de cette vie, faire vne declaration de sa derniere volonté en la presence de luy & de ses fils: d'ailleurs, il scauoit aussi qu'il n'y auoit personne d'autorité en toutes ces contrées-là qui fust plus affectionné que luy à la famille des Othomans: cela luy faisoit desirer de luy remettre l'armée entre les mains, qu'il auoit là amenée pour deffendre la frontiere contre les Perses. Iamaïs Haly n'auoit rien commis contre les Seigneurs Othomans, mais leur auoit tousiours esté fort fidele depuis qu'il espousa leur party: c'est pourquoy sans entrer en aucun soupçon ny deffiance quelconque, il vint accompagné de quatre fils qu'il auoit, trouuer Ferhat: lequel bien ayse que sa trahison eust si heureusement reüssi, & mettant sous le pied toute l'infamie qu'il receuroit à iamaïs de cette perfidie, il le fit pitoyablement massacrer avecques ses quatre fils, au premier pas qu'il fit dans son paillon. Ce Prince receuant ainsi la recompense de la trahison dont il auoit vsé enuers son Roy & son parent Vitagelu, & le mesme encores à l'endroit du pauvre Gazelly en Surie, tant les Othomans sont ennemis de tous autres Princes, que quelques seruices qu'on leur puisse rendre, cela n'est pas assez puissant pour les obliger à leur conseruer la vie, & les laisser viure en paix. Ferhat ayant doncques commis cette meschanceté, & s'estant aysement assujetty par ce moyen la contrée de Suuar, la ioinit au Beglierbegat de l'Aladulie, s'en retourna en la plus grande diligence qu'il luy fut possible vers Solyman, & y arriua, comme vous auez entendu, lors qu'on venoit d'arrester les articles, pour la reddition de la ville de Rhodes.

Trahison de Ferhat pour attraper le Prince de Suuar.

Trop grande confiance d'Haly.

Est cause de sa mort & de celle de ses enfans.

Toute l'Aladulie assujettie par Ferhat.

M A I S pour reprendre le fil de nostre histoire où nous l'auons laissée, Solyman, pour se depestrer de ces mutins, & donner de l'occupation à ces esprits qui font ordinairement vn oreiller de leur oyssueté, pour y reposer la sedition, enuiron le mois d'Auril, enuoya de toutes parts des commissions pour faire des leuées de gens de guerre, desquels il assembla iusques à soixante mille, sans vne infinité d'autres gens mal armez, qui suiuient ordinairement les armées Turques, & qui font plus de degast & de ruine aux contrées où ils abordent que les bons soldats: il pourueut aussi à tout ce qui estoit de besoin à vne telle

1525.

XVIII.

Expeditiō de Solyman en Hongrie.

1525. armée, tant pour les soldats que pour l'artillerie qu'il faisoit marcher quant & luy, esperant bien à cette fois de se rendre paisible possesseur de la Hongrie, selon les aduis qu'on luy en donnoit de toutes parts, donnant la charge des troupes Asiaticques à Becran, & des Europeennes à Hibraim, voulant aller luy-mesme en cette expedition, & estre le chef de cette entreprise : mais il fit marcher deuant Aly-beg, pour faire vne rasle & vn degast par la campagne, à la façon ordinaire des Turcs, auquel il bailla vingt mille cheuaux. Cettuy-cy fit vne merueilleuse destruction par tout où il passa, ayant affaire à des gens qui ne se tenoient point sur leurs gardes : car, comme il a esté dit cy-dessus, les affaires de la Hongrie estoient en piteux termes. Car depuis que les villes de Sabatzie & Belgrade estoient venues sous la puissance des Turcs, ils s'estoient emparez de toutes les villes qui sont au deçà du fleuve de Saue, iusques à Varadin Peter, qu'ils auoient ruinées & demolies, mesmes la forteresse de Zalankeme qu'ils auoient mise par terre, & enfin toute cette contrée qu'on appelle encores auourd'huy du nom ancien de Sirmie. Ce qui facilitoit tellement l'entrée aux Turcs dans la Hongrie, qu'il estoit bien difficile de les empêcher de venir faire des courses en icelle, quand il leur plairoit.

Aly-beg fait
le degast en
la Sirmie.

Paul Tomorée
Cordelier
& Archeuef-
que de Colof-
senie.

Vient trouuer
le Roy de
Hongrie, pour
l'aduertir de
l'arriuée des
Turcs.

Assemblée
générale des
Estats de
Hongrie.

Solyman re-
nouuelle les
alliances avec
ses voisins.

1526. OR durant que les Hongrois sont apres à consulter de leurs affaires & à enuoyer de toutes parts chercher du secours, les Turcs passerent le Saue, & raserent quelques châteaux, puis mirent le siege par eau & par terre deuant Varadin Peter, c'est à dire cité de pierre, dedans laquelle Tomorée auoit laissé mille hommes de pied & quelques gens de cheual

Siege & prise
de Varadin
Peter, par les
Turcs.

cheual, mais n'estant point secouruë d'ailleurs, elle ne fit pas aussi grande resistance contre vne si grande multitude, estant prise d'assaut avecques sa forteresse, & tout ce qui estoit dedans, taillé en pieces. Ce qu'ayant entendu le Roy de Hongrie, & que les Turcs estoient desia si aduancez dans son pays, il vint de Bude à Kakos, & de là à Tolue, n'ayant pour lors avecques luy que quatre mille cheuaux: en ce lieu se tinrent plusieurs conseils, & pendant que les Turcs prenoient plusieurs places, entr'autres celle de Vylatz, & s'acheminoient à Ezer, quand on enuoya le Comte Palatin pour se saisir du passage du Draue, auant l'ennemy, mais tout cela inutilement: car les Turcs s'estoient trop aduancez dans le pays pour leur empescher. En fin le Roy Louys, & tout le Conseil, eleurent pour conducteur de toute cette guerre, Paul Tomorée, duquel il a esté parlé cy-dessus, avecques le Comte George, frere du Vaiuode de Transiluanie, encores que tous deux en fissent plusieurs refus; mais en fin ils accepterent cette charge, faisans aduancer l'armée iusques à la ville de Mohacz, comme estant en vn lieu commode pour se camper: cette ville dependoit de l'Euesché des cinq Eglises, & est située sur le bord du Danube, entre Batha & l'emboucheure du Draue. Voicy comme Broderic Chancelier de Hongrie, qui a fort particulièrement descrit cette pitoyable histoire, en represente la situation: vn peu au dessus de Batha le Danube s'entr'ouure, faisant deux courans, le plus large desquels coule le long de la Hongrie vltérieure, qui est platte & vnie, & qui s'estend en de belles & grandes plaines: l'autre abbreue les villes de Batha & de Mohacz. Ces deux bras d'eaux se rassemblans en vn au dessus de Mohacz, font aussi vne petite Isle. Quant à la petite ville ou bourgade de Mohacz, elle estoit dès lors assez conneuë, mais bien plus renommée depuis ce mal-heur: elle est enuironnée de toutes parts d'une grande plaine, qui n'est couuerte ny de bois ny de costaux, ayant vers le couchant la ville des cinq Eglises, du costé de Septentrion la ville de Batha, & vers le Leuant, elle est arroufée de ce bras du Danube, le moindre des deux qui ont esté dictz cy-dessus, vers le Midy, elle a les eaux du Draue qui en font à quatre milles. Entre ice luy & cette ville il y a quelques costaux chargez de vignes, & quelques marais, en vn autre endroiçt, en cet espace aussi, il y auoit non loing de la ville, vne eau, laquelle sembloit plustost vn marais que non pas vn estang, ou quelque eau de riuere courante, laquelle les habitans appellent Krasso.

1526
Qui estoit
cent en la
Hongrie.

Paul Tomorée
General
de cette ar-
mée.

Description
du territoire
& de la ville
de Mohacz.

C'ESTOIT au dessous de ce marais que Tomorée tenoit cinq ou six mille cheuaux campez, lesquels comme il voulut faire reculer & aller au corps de l'armée où le Roy estoit en personne, ceux-cy faisans des braues en l'absence de l'ennemy, commencerent fort à blasmer ce conseil, & de dire que ce n'estoit qu'une inuention de quelques lasches courages qui estoient pres de la personne de sa Majesté, & qu'il n'estoit pas temps de penser à fuir, mais à combattre. Que si luy si vaillant chef, vouloit les mener contre leurs ennemis, qu'il s'asseuroient d'en emporter la victoire; qu'ils estoient en grand nôbre de vray, mais la meilleure partie si desarmez, qu'ils ne pouuoient auoir aucun moyen de leur mal faire; que les meilleurs hommes de guerre d'entre les Turcs auoiēt pery deuant Rhodes, & qu'il n'y auoit plus en ce camp-là que la racaille: quant à eux qu'ils auoient non seulement le courage & la hardiesse de les attaquer, mais qu'ils en tenoient encores la victoire toute assurée; si la personne de leur Roy & des plus vaillans de sa troupe vouloient se joindre à eux: & avec tous ces discours & ces rodomontades refuserent d'obeyr.

Les Hongrois
du camp de
Tomorée re-
fusent d'aller
au camp de
leur Roy.

Si bien que le Roy Louys ayant appris que ses ennemis auoient desia passé le fleuve du Draue avecques la plus grãde part de leur armee, & que le reste passoit encores avecques la plus grande haste qui leur estoit possible, & d'ailleurs cette gendarmerie ne cessant d'importuner qu'on eust à le faire approcher, afin d'aduiser avecques eux de la bataille, tous les gens de guerre estans portez au combat, vint en fin au camp de Mohacz, contre l'aduis du Vaiuode de Transiluanie & du Comte Christophle de Francapain, qui auoient mandé quelques iours auparauant à ce ieune Prince qu'ils blasmoient grandement le conseil de ceux qui auoient conduit sa Majesté en lieu si proche de l'ennemy, auant le temps, & qu'il eust esté bien meilleur pour le Roy, d'attendre à Bude, ou se camper en quelque lieu plus éloigné, iusques à ce que toutes les forces du Royaume fussent vnies: ils l'exhortoient aussi fort particulièrement à ne vouloir point combattre contre l'ennemy, pour le moins deuant leur venue. Ce conseil, comme il estoit fort salutaire, fut aussi trouué fort bon par ce ieune Prince, qui le remascha maintesfois: mais quoy! il n'estoit pas le maistre, & dependoit, à cause de sa ieunesse, de ses Officiers. Le Vaiuode luy auoit encores mandé particulièrement qu'il amenoit avecques soy de si belles troupes de caualerie, & en

Le Roy Louys
au camp de
Mohacz.

Les douces
qu'il auoit s'il
deuoit luer
la bataille.

1526. si bon nombre, que sa Majesté pouuoit fonder sur leur valeur, la principale force de la victoire.

Perfuasions
du Chancelier
Broderic à
toute l'armée,
pour différer
la bataille.

Mais d'ailleurs ce Prince venant à considérer ce que luy mandoient les chefs de l'armée, il ne doutoit point que s'il arriuoit par apres quelque mal-heur, on ne rejetast sur luy toute la faute, & la perte d'une si belle occasion; cela fut cause qu'il enuoya son Chancelier Broderic vers les principaux, pour leur faire entendre les aduis du Vaiuode, & du Comte Christophle, & leur remonstrer qu'il estoit bien à propos d'attendre le Vaiuode avecques les Transsiluaniens, le Ban, avecques les Sclauons, & le Comte Christophle avecques les Croatiens, tous gens de main & fort affectionnez au bien de leur patrie, & qu'en dilayans quelque temps, les Boëmiens, Moranes & Slesites viendroient, que cependant on pouuoit remuer le camp en lieu plus seur, voire reculer, si besoin estoit, la perte n'estant pas si grande ny de telle importance pour le Royaume, quand l'ennemy mettroit tout à feu & à sang depuis Mohacz iusques à Poson, que s'ils perdoient vne bataille où seroit le Roy & les principaux du Royaume: car ceux-cy deffaits, sur quoy pouuoit-on plus fonder aucune esperance de résister au vainqueur? au contraire il s'asseuroit que le temps leur seroit fauorable en toutes choses, & qu'outre les forces qu'il leur venoit de dire, il s'asseuroit que leur Roy estant si bien apparenté, comme il estoit, tant de son estoit comme de ses alliances, les Potentats de la Chrestienté ne le laisseroient iamais au besoin, pourueu qu'on leur donnast quelque loisir pour assembler des forces.

Paul Tomorée
conclut à
la bataille.

Les denz des
que luy fit faire
le Roy Louys, & ses
responles.

Tout cecy fut dit par le Chancelier, tant en public qu'en particulier, ayant toute cette nuit visité les principaux pour les gagner: mais chacun estoit si fort porté à la bataille, par vne certaine manie qui possedoit alors leurs esprits, la seule cause de leur ruine, que tous ces discours luy furent inutiles; toutesfois le Roy estant arriué le lendemain, (lequel fut contraint de loger en vne maison Episcopale proche de la ville, ses tentes & ses pavillons qu'on faisoit venir de Bude par eau, n'estans pas encores arriuez, tant on auoit precipité cette affaire) ne laissa pas de faire assembler le Conseil, & de faire la mesme proposition qu'il auoit desia fait faire par son Chancelier: en ce Conseil se trouuerent tous les Estats & nations, plusieurs Capitaines & gens de guerre aussi qui estoient en l'armée. On auoit aussi mandé de l'autre camp Paul Tomorée, auquel comme le Roy eust demandé le premier son aduis, il conclut à la bataille: le Roy émerueillé sous quelle esperance il fondeoit vne telle resolution, luy fit demander en presence de tout le Conseil, quelles estoient ses forces, & quelles il pensoit que fussent celles de l'ennemy, comme celuy qui le pouuoit mieux sçauoir que pas vn autre. Quant au premier, il dist qu'il ne pensoit pas qu'il y eust pour lors plus de vingt mille combatans, tant au camp du Roy qu'au sien, & qu'il sçauoit pour certain que les Turcs estoient trois cens mille: & voyant que les assistants s'estonnoient d'une telle multitude, à comparaisson de leur petit nombre, Tomorée adiousta aussi-tost que les ennemis n'en estoient pas toutesfois plus à craindre, d'autant qu'en ce grand nombre, la meilleure partie estoit desarmée, & sans experience à la guerre; mais le Roy pour s'éclaircir dauantage, luy demanda combien il pensoit qu'il y en eust de bien armez & propres pour combattre, il respondit septante mille, qui estoit encores vn grand nombre en comparaisson de celuy des Hongrois, veu que Tomorée auoit adiousté à tout cecy que les Turcs charioient quant & eux trois cens canons.

Grande im-
prudence de
l'armée de
Tomorée à
l'endroit de
leur Roy, &
des Seigneurs
du Conseil.

Comme on estoit encores sur les opinions, il survint des deputez du camp de Tomorée, qui disoient auoir quelque chose à dire au Roy en son Conseil, & sur ce ayans parlé à sa Majesté en lieu separé, ils rentrerent apres au Conseil, qu'ils aduertirent au nom de ceux qui les auoient enuoyez, de ne s'efforcer point de dissuader le Roy du combat; estans, comme ils estoient, bien informez des forces des ennemis, & qu'ils tenoient la victoire en leurs mains, pourueu qu'ils voulussent s'ayder presentement de la fortune que Dieu leur presentoit, persuadans aux Seigneurs de s'acheminer avecques le Roy en leur camp qui estoit plus proche de l'ennemy, venans en fin aux menaces contre ceux qui seroient de contraire aduis, protestans, s'ils ne vouloient bien-tost joindre le camp du Roy au leur, de marcher aussi-tost contre eux, en quittant là les ennemis. Si bien qu'ils intimiderent tellement ceux de ce Conseil, qui auoient la plus saine opinion, qu'on conclut de donner la bataille, sans auoir aucune esperance que le Vaiuode, le Comte Christophle, ny les Boëmiens peussent venir assez à temps. Cette resolution au sortir du Conseil fut blasmée de plusieurs, entre autres de l'Eueque de Varadin, qui dist qu'on dedieroit donc ce iour-là à vingt mille Hongrois martyrs, tuez pour la foy sous la conduite de

Paul

Paul Tomorée, & qu'on enuoyeroit à Rome le Chancelier pour les faire canoniser, si d'auenture il restoit de la bataille. 1526.

TROIS choses, à ce qu'on dict, inciterent particulièrement cette assemblée à ce combat, l'une qu'on estoit que Tomorée eust des aduis secrets & quelques intelligences avecques les Chrestiens, ou qui auoient des parens Chrestiens, dont il y auoit vn bon nombre en l'armée des Turcs, & particulièrement encores avecques les canōniers, qui estoient en partie Alemans, & en partie Italiens. Secondement combien la retraite estoit dangereuse à faire, l'ennemy estant si pres, les cheuaux duquel estoient fort legers & de longue haleine : & la troisieme raison, estoit cette ardeur merueilleuse qu'on voyoit generalement en tous les soldats, & vne esperance de la victoire que chacun tenoit pour tres-assurée. Tomorée estant doncques retourné en son camp, & ayant gagné à toute force sur les siens de reculer quelques pas en arriere, le lendemain ils se ioignirent à l'armée du Roy, à vne demie lieuë au dessous de Mohacz : au mesme temps arriuerent de Bude des vaisseaux chargez de canons & de poudre, & autres munitions necessaires, avecques eux estoient descendus aussi neuf pieces d'artillerie qui venoient de Vienne : il y vint aussi quelques troupes qui se ioignirent au gros de l'armée, qui faisoit en tout de vingt-quatre à vingt-cinq mille hommes, sans compter les bandes qui estoient sur l'eau, desquelles on ne se seruit point au combat.

Raisons qui
peurent indui-
re ceux du
Conseil à li-
urer la batail-
le.

OR durant trois iours que les armées furent l'une deuant l'autre sans combattre, Aly-beg qui avecques ses vingt mille cheuaux auoit fait le degast par toute la contrée, ne cessa d'escarmoucher partageant cette troupe en quatre, & les faisans combattre chacun à leur tour, pour trauailler les Hongrois sans relasche, & les rendre d'autant plus harassez pour le iour du combat : cependant le gros de l'armée approchoit, qui couroit tellement toutes ces plaines, que l'armée Chrestienne se trouua reserrée en vn lieu si estroit, que les soldats ne pouuoient pas mesmes aller iusques au fleuve sans combattre. En fin le iour fatal pour la ruine de la Hongrie estant arriué, l'armée des Turcs qui estoit campée derriere vn costau, que les Hongrois auoient vis à vis de leur armée, & qui estoit là comme pour seruir de theatre à cette pitoyable tragedie, commençà à paroistre. Au bas de ce costau il y auoit vn petit village avecques son Eglise, nommée Feuldauar, où on auoit planté l'artillerie Turque avecques vn bon nombre de soldats pour la garder, entre autres des Ianissaires, qui avecques leurs longues files occupoient vne grande estendue du pays, au milieu desquels estoit Solyman en personne. Or comme cette artillerie auoit son assiette en pente, aussi ne fit-elle pas beaucoup de mal aux Hongrois : mais ils auoient assez affaire d'ailleurs sans cela. On dit que Solyman voyant de loin cette petite armée en compataison de la sienne, la temerité de ce jeune Roy, & le pernicieux conseil que luy donnoient les siens, ne se peust tenir de plaindre & regretter sa condition, de ce qu'avec si peu d'hommes il venoit attaquer vne si puissante armée, soubmettant son estat au hazard d'une bataille. Cela luy donnant occasion de dire aux siens.

XIX.

Aly-beg ha-
rasse les Hon-
grois deuant
la bataille.

Solyman s'oi-
stonne de la
temerité du
Roy Louys.

HE bien ! Soldats, au moins ceux-cy ne nous viendroient-ils iamaïs enuironner par derriere, si nous ne leur tournions volontairement le dos : c'est maintenant qu'il faut prendre la vengeance des torts que nos ancestres ont receus de cette superbe nation ; leur petit nombre, leur mauuaise conduite, leurs soldats leuez à la haste sans experience à la guerre, exposez plustost pour le trophée que pour faire aucun bon effect, en font faire vne infailible consequence ; car qui les peut inciter à s'exposer à vn tel danger, sinon que les destinées nous introduisent avecques la main dans ce florissant Royaume ? Car n'ayans receu aucun dommage que quelque degast par la campagne, pouuoient-ils nous arrester par quelque siege, en attendant l'arriuée des troupes qu'ils attendent de iour en iour, & du secours de leurs voisins ? Quand nous entreprismes cette guerre, nous estions bien informez des dissensions qui regnent entre les Chrestiens, & que malaisément ceux-cy seroient-ils secourus, mais au moins esperions-nous auoir affaire à tous ceux du Royaume : & toutesfois voicy qu'heureusement les plus grands se sont icy rencontrez, mais mal accompagnés, & accourants en haste chercher la mort : le ciel nous les a liurez pieds & poings liez, pour en faire non seulement à nostre discretion, ains pour nous donner vne libre entrée par toutes leurs fortes places. Car il faut que vous sçachiez que ce peu de bons soldats qui sont en cette armée, ont esté tirez de la garde des Prouinces, les leuées que leur Roy en auoit voulu faire d'autres, ne s'estans peu effectuer, tant pour la desobeissance des sujets, que pour la precipitation des principaux de cette armée ; si bien que la consequence de cette bataille nous est encores plus aduantageuse que la victoire que nous en esperons obtenir. Et

Sa harangue
à ses soldats.

1526.

ce qui me donne encores meilleure esperance, c'est que le General de toute cette guerre, est le plus estourdy d'eux tous, homme plein d'orgueil; mais sans experience, & qui n'a que de la fougue, qui croit auoir plus de peine à nous aborder qu'à nous vaincre, & qui s'exposera pluſtoſt à toutes sortes de dangers, qu'il ne s'essayera de retirer les siens du peril enfermé. Nous les tenons icy comme dans un reſs: Aly-beg & la meilleure partie des nostres en ont desia fait l'enceinte; c'est pourquoy sans nous precipiter, & afin de les tailler en piéces à nostre discretion, nous enuoyons quelques-uns des nostres escarmoncher, pour les attirer dans les deſtroicts de ces costaux: & si nous voyons qu'ils demeurent fermes, alors ce sera à vous de vous faire paroistre ce que vous estes, à ſcauoir bons Muſulmans à nostre ſainct Prophete, & à vostre Empereur, & entre vous bons Islamis, (c'est à dire vnis, & pacifiques, ainsi s'appellent les Turcs entre eux) afin que d'un meſme courage vous rompiez en meſme temps les escadrons de vos ennemis.

Les Hongrois
donnent or-
dre pour la
perſonne de
leur Roy.

TANDIS que les choses se passoient ainsi chez les Turcs, les Hongrois auoient premierement donné ordre pour la garde de la perſonne de leur Roy, apres auoir eſté long-temps en ſuſpens, à ſcauoir s'il ſe trouueroit en cette bataille; ou si on l'emmeneroit en lieu ſeur, la perte de la perſonne eſtant ſi importante, veu les diſſentions qui eſtoient lors au Royaume de Hongrie, & que ſa mort mettroit tout en conſuſion. Toutesſois comme en tous les conſeils qui leur furent donnez en cette guerre ils choiſirent toujours le pire, auſſi reſolurent-ils qu'il ſ'y trouueroit, s'arrestans ſur la couſtume des Hongrois, qui n'ont point appris de combattre qu'ils ne voyent leur Roy. Ils donnerent donc la charge de ſa Maieſté à Gaſpard Raſkay, Valentin Toronk, & Iean Kaluy, perſonnages fort braues & tres fideles au Roy: mais ils ne demeurerent guerres à cette charge: car Tomorée ayant apperceu les troupes des Turcs ſe couler par vne vallée qui eſtoit à la main droite de ces costaux, & iugeant bien que c'eſtoit l'auant-garde qui venoit forcer ſon camp, enuoya querir ces trois que nous venons de nommer, pour aller decouurir ce que l'ennemy voudroit entreprendre; ce qu'ils reſuſerent du commencement, s'excusans ſur la charge qui leur auoit eſté donnée: mais depuis ayans eſté mandez vne autre fois, & voyans que le Roy n'y faiſoit point de reſiſtance, craignans qu'on les accusaſt de laſcheté, ils quitterent leur Prince avecques la compagnie d'hommes-d'armes à laquelle ils commandoient, & s'en allerent où on les enuoyoit; ce pauvre Prince demeurant ainſi ſans ſes gardes, qui fut vne des principales cauſes de ſa perte: car ceux-cy auoient charge de l'emmener hors de la preſſe auſſi-toſt qu'ils verroient les bataillons ſi ébranlez, qu'il n'y auoit plus d'eſperance de les reſſeurer. On remarque encores vne faute notable de Tomorée, c'eſt que pluſieurs, entr'autres vn nommé Leonard Gnomsky Polonois, conſeilloient d'enfermer la bataille avecques les chariots, dont tout le camp eſtoit aſſez remply, & qu'on empêche- roit par ce moyen l'ennemy de les emuironner, ce qu'on craignoit grandement: Mais la charge de cela fut donnée ſi tard à ce meſme Gnomsky, qu'elle ne ſe pouſt mettre en pratique, cette affaire-là ayant encores eſté autant negligée que les autres.

Tomorée eſt
cauſe le pre-
mier de trou-
bler l'ordre
qu'on auoit
mis pour la
perſonne du
Roy.

L'ordre de
l'armée des
Hongrois.

QUANT à l'armée, elle fut rangée en ſorte qu'on eſtendit le front d'icelle autant qu'il fut poſſible, afin d'eſtre moins enfermez par l'ennemy, mais en recompence ils rendirent les files ſi foibles, qu'ils furent apres aſſément enfoncez: on diuiſa le tout en deux bataillons: au premier les chefs d'iceluy n'auoient aucune place arreſtée, afin de ſe pouuoir trouuer par tous les lieux où on auroit beſoin de leur preſence, à l'aile droite d'iceluy, eſtoit la Bande Croatie avecques Iean Tohy, & la gauche eſtoit conduite par Pierre Peter en l'abſence du Vaiuode de Traſſiluanie: en ce bataillon il y auoit pluſieurs des principaux de l'armée: l'artillerie eſtoit apres les premiers rāgs. Le ſecond bataillon eſtoit plus fourni de caualerie que de gens de pied, leſquels pour ce peu qu'il y en auoit, eſtoient aux flancs des gens de cheual: au milieu de ce bataillon eſtoit le Roy Louys accompagné des plus grands ſeigneurs de ſon Royaume, comme le Comte Palatin, l'Archeueſque de Strigonie, les Eueſques de Zagabrie, de Varadin, de cinq Eglises, & de Sirmie & autres; ayant pres de ſa perſonne Eſtienne Slik Bohémien, avecques ſes Boëmiens & Moraues. L'armée eſtant ainſi rangée en bataille vn peu apres le Soleil leué, ce iour eſtant fort clair & ſerain, le Comte Palatin fit fort bien ſon deuoir en cette bataille, & qui encore qu'il euſt les gouttes aux pieds, & qu'à peine ſe pouuoit-il tenir à cheual, toutesſois ne laiſſoit pas d'aller, tantost à l'auant-garde, & tantost à la bataille, au plus fort du combat, pour apporter du ſecours à ceux qui en auoient beſoin.

Le comte Pa-
latin fait bien
ſon deuoir en
cette bataille.

CETTY-CY, diſ-ie, quelques heures auparauant la bataille, auoit accompagné ſe Roy par tous les rangs de cette armée, comme il auoit desia fait trois iours auparauant, pour

pour oster la deffiance qu'on auoit que Sa Majesté ne fust point presente à cette bataille, tant ces gens-là auoient grande peur de sauuer le Roy, lequel ce Palatin publioit tout haut estre resolu d'endurer toute sorte d'incommoditez, & souffrir toutes sortes de perils, voire la mort mesme, pour la deffense de la sainte Religion Chrestienne, de la patrie, de leurs femmes & de leurs enfans: ce que luy-mesme auoit dit quelques iours auparauant. Car ainsi que l'armée des Hongrois s'acheminoit à Mohacz, on auoit voulu enuoyer le Comte Palatin se saisir du passage du Draue, à quoy il s'estoit quant à luy volontairement offert, mais personne de ceux qui estoient commandez de le suiure, n'y voulurent obeir, sous pretexte de leurs priuileges, & de la coustume des Barons, qui est de n'aller point à la guerre que sous l'Enseigne Royale, si bien que cette entreprise la fut delaissee: ce que voyant le Roy qui estoit lors au Conseil, où on parloit de cette affaire, il dist tout en colere: *ie voy bien qu'un chacun veut assseurer sa teste au peril de la mienne. Quant à moy se me suis acheminé iusques icy, & me suis mis en ce peril pour exposer ma personne à tous hazards de fortune pour vostre salut & celuy du Royaume, de peur qu'aucun ne prenne excuse de sa lascheté surma vie, & afin qu'on ne me puisse rien imputer à l'aduenir, ie marcheray demain avec l'ayde de DIEU, avecques vous, & en tel lieu auquel les autres ne veulent aller sans moy.* Ces paroles, dit le Chanceliercy-dessus allegué, furent receuës avecques l'applaudissement de plusieurs, & avecques l'admiration de tous ceux qui estoient là presens.

1526.

Propos gene-
reux du Roy.

OR le Comte Palatin allant ainsi par les rangs, representoit aussi aux Hongrois leur ancienne valeur, si renommée par tout l'Vniuers, qui auoit emporté tant de trophées sur ce mesme ennemy, & debellé les plus vaillans & les plus renommez d'entr'eux, qu'ils n'estoient pas alors vn moindre nombre qu'à present, & toutesfois que leurs ancestres les auoient fort souuent menez battans iusques chez eux, qu'il auoit grande esperance qu'ils feroient le mesme à cette fois, veu le desir qu'ils auoient de combattre: qu'à la verité la victoire dependoit plustost de leur force, & de la grandeur de leur courage, que d'une multitude ramassée: à cela plusieurs choses les y deuoient inciter, à sçauoir l'honneur de DIEU, & la cause de la sainte Religion, le salut de la patrie, de leurs femmes & de leurs enfans, mais encore de toute la Chrestienté, qu'ils tenoient lors en leurs mains, & choses semblables se disoient par le Palatin, en visitant les rangs, tant de la caualerie que de l'infanterie.

Persuasions
du Comte Pa-
latin à toute
l'armée.

MAIS le General Tomorée leur representoit les accidens plus particulierement qui pouuoient arriuer au cas que les Turcs eussent l'aduantage; car c'estoit alors qu'il falloit faire voir à l'effet, que leurs promesses & cette grande ardeur de combattre n'auoit point esté en vain, que c'estoit sur elle qu'il auoit esperé le plus; qu'assez luy auoient dit que l'entendement & la raison deuoient principalement conduire & manier vn bon Chef de guerre, & non la fortune: mais qui ne tenteroit iamais le hazard, ne feroit aussi iamais de grands exploits, qu'il falloit s'exposer au danger, puis qu'aussi bien la prudence humaine estoit ordinairement obscurcie de sorte par l'ignorance, que les affaires les mieux digerées & où on a le mieux pourueu, sont celles qui reüssissent plus mal.

ET de fait (disoit-il) si nous attendons à combattre lors que nos forces égaleront celles de l'ennemy, en quel estat seroit reduit nostre pays? Ceux qui sont d'opinion contraire, veulent attendre le Transilvain & quelque Croates, & cela fera peut-estre encores le nombre de quatre ou cinq mille hommes; & moy ie dy que ce petit nombre ne nous peut beaucoup soulager. Car si la valeur de vingt-cinq mille genereux soldats, (comme ie voy à tous ceux de cette armée, vn tres-grand courage) n'est suffisant de rompre celle qui est là deuant, tous les Transiluains & les Croates n'y feront pas grand effet: Combien de fois a-t-on veu, & nous autres auons-nous tiré des mains de l'ennemy, des victoires toutes assseurées avecques des escadrons de deux & trois mille cheuaux? il n'y a que l'espouuante qui cause la ruine d'une armée: mais vn courage resolu & sans peur, passe tousiours sur le ventre de tout ce qui s'oppose à sa valeur: assallez couragement, impetueusement, voire furieusement, demeurez fermes en vos rangs, si quelque torrent de la plupart de cette racaille venoit fondre sur vous, & vous verrez incontinent que le bon-heur fortifiera vos dextres, en sorte que les plus hardis d'entr'eux voyans qu'ils ne pourront fausser vos bataillons, & qu'il n'y aura que des coups à gagner, penseront plustost à la retraite qu'au combat. Que si vous venez à les chamailler, comme jadis deuant Belgrade, du temps de leur Mahomet second, assseurez-vous d'auoir aussi vn pareil succez: car afin que vous le sçachiez, comme la perte de cette bataille nous est d'une extreme importance, le gain & la victoire nous comblent de toutes sortes de biens, la fuite de l'ennemy, nostre pays qu'il a conquis qui reuiert sous nostre obeissance, le pillage de toutes ces grandes richesses

Propos de
Tomorée à
ses soldats.

1526.

que les Turcs charrient tousiours quant & eux, & vne gloire immortelle que nous rendront toutes les nations Chrestiennes, pour les auoir deliurées d'un tel peril.

CHACUN lors avecques grandes acclamations, ayant approuué son dire, & tous d'une voix luy ayans promis de vaincre ou de mourir, & que leur valeur rendroit cette iournée tres-memorable à la posterité, & le rendroit triomphant des ennemis, & de ceux qui portoient enuie à sa gloire, il se retira en attendant ce que voudroient faire les Turcs.

XX.

La bataille
commença
fort tard.

OR auoit-on desia passé la plus grande partie du iour, comme enuiron les trois heures apres midy, que les Turcs appellent Ikindin, sans que les deux armées eussent fait semblant de vouloir combattre pour ce iour (si bien que les principaux de l'armée s'ennuyans d'une si longue attente, estoient d'aduis qu'on sonnast la retraite pour se retirer au camp) Tomorée & son compagnon vinrent incontinent trouuer le Roy, luy representant qu'il y auoit beaucoup moins de danger de combattre à l'heure mesme avecques vne partie de l'armée des ennemis, que d'attendre au lendemain, où ils auroient à combattre contre toute cette grande multitude: cela fut cause que le Roy Louys commanda de sonner l'alarme, & comme apres le son des trompettes, les soldats eurent inuoké le saint Nom de I E S U S, & qu'ils eurent ietté vn grand cry, selon leur coustume, on vid aussi-tost l'armée des Turcs descendans de ce costau, & paroissans en nombre infiny, au milieu desquels estoit Solyman en personne, dit Broderic, qui estoit present en cette bataille. Ce fut lors que le Roy de Hongrie se fit apporter son armet, & au mesme instant qu'on le luy bailloit, il commença à blemir, comme presageant son mal-heur, & là-dessus le signal du combat ayant esté donné, l'artillerie fut delachée tant d'une part que d'autre: mais comme il a esté dit cy-dessus, l'artillerie Turque ayant esté mal située, faisoit peu ou point d'effet, cela donna dauantage d'assurance aux Hongrois de poursuiure cette premiere pointe avecques plus de fureur: si que les Turcs qui se rencontrèrent à la teste, (comme ils ne sont iamais les meilleurs d'entr'eux, si l'affaire ne le requiert necessairement, pour tousiours laisser autant leurs aduersaires sur ces gens de peu d'importance) voyans le massacre qu'on faisoit de leurs compagnons, commencerent à reculer, & l'auant-garde à les poursuiure.

Mauuais au-
gure du Roy
Louys.

Les Hongrois
ont au com-
mencement
l'aduantage.

MAIS tandis les Turcs ayans veu le peu d'effet de leur canon, le transporterent en vn lieu plus aduantageux, les Hongrois qui croyoient desia auoir tout gagné, & qui poursuiuoient en vainqueurs plustost qu'en gens qui auoient encores à combattre, s'éloignerent de beaucoup de leur bataille, ce qui fit accourir vers le Roy Louys, André Battory, pour l'aduer-tir que les Turcs auoient tourné le dos, mais qu'il falloit en diligence secourir leurs gens, ce qu'ils firent autant qu'un homme-d'armes peut s'auancer: mais comme ils furent desia assez proches des autres, les canonniers Turcs qui n'épioient que quelque occasion pour faire vn bon effet, pointerent leurs pieces si à propos contre ce bataillon, qu'ils n'en firent pas vn petit eschee, si que ceux de l'aile droite commencerent à branler, & quelques-vns mesmes à prendre la fuite: cela n'apporta pas peu de trouble à la bataille, si que chacun ayant confondu son ordre par l'épouuante des boulets qui leur siffoient de toutes parts aux oreilles, on ne vid plus le Roy en son rang. Les vns disent qu'il fut enléué de ce danger par ceux qui estoient derriere luy: les autres, ce qui est plus croyable, comme il auoit le cœur grand, & qu'il voyoit l'estonnement des siens, pour les rassurer, qu'il penetra tous les rangs, & vint au front de la bataille combattre contre ses ennemis: toutes-fois Broderic ne l'ose asséurer, il dit seulement que ceux qui estoient aux costez de Sa Majesté ne parurent plus en leur place, comme l'Archeuesque de Strigonic & quelques autres, qu'il excuse tous: mais si y a-il grande apparence que l'épouuante & non la malice leur fit beaucoup oublier de leur deuoir.

Diverses opi-
nions sur l'ab-
sence du Roy.

La bataille
change de si-
tuation.

OR la bataille n'estoit plus dans cette plaine où elle auoit premierement commencé, ains vis à vis de l'artillerie des Turcs, de laquelle ils n'estoient gueres éloignez, tellement que les Hongrois, tant par la frayeur qu'ils auoient d'icelle, que pour la fumée qui les offusquoit, furent pour la plus grande part contrains de descendre en vne vallée, laquelle estoit ioignante à ce marais dont nous auons parlé cy-dessus: toutes-fois les autres qui estoient sur le haut, ne laisserent pas de combattre & de soutenir long-temps l'effort des Turcs deuant la bouche du canon. Et ceux mesmes qui s'estoient retirez en cette vallée, estans retournez au combat, resisterent encores quelque temps: mais voyans qu'il n'y auoit plus de moyen de supporter la violence de l'artillerie, ny l'espoisseur de la fumée qui leur donnoit dans les yeux & les suffoquoit, ils commencerent à tourner le dos, estant desia

vne

une partie de l'armée en fuite, taschans de repasser par le mesme chemin, où il n'y auoit qu'une heure ou environ qu'ils auoient poursuiuy leurs ennemis comme vainqueurs, tirans droit deuers leur camp, mais il n'y auoit plus que les vestiges, les Turcs l'ayans saccagé & rasé dès le commencement du combat. Les Turcs voyans les Hongrois en fuite, s'arrestèrent vn peu, se deslians de quelque stratagème, & mesmes ne firent pas grande poursuite, apres qu'ils eurent reconneu qu'il n'y auoit point d'artifice, tant à cause de la nuit que des grandes pluyes qui commencerent incontinent apres le Soleil couché, qui en sauuerent plusieurs, & furent cause que le massacre des Hongrois n'en fut pas si grand, mais en recompense plusieurs furent engloutis dans le marais, ne sçachans point les addresses, & ne voyans pas à se conduire. Le Roy mesme s'y noya & suffoqua, par la fange & la bouë, dans vne grande rouëre ou fente de terre au dessous de Mohacz, à vne demie lieue d'un petit village nommé Czelie, cét endroit estant plus couuert d'eau que de coustume par le débordement du Danube, où son corps fut trouué avecques son cheual, estant armé comme il estoit à la bataille. Ce fut vne perte inestimable pour la Hongrie: car sa beauté, son esprit, sa sagesse, sa débonnaireté & son grand courage promettoient de luy vn protecteur de la patrie, & que la Hongrie pourroit recouurer son premier honneur sous la conduite de ce Prince, s'il eust pleu à Dieu de prolonger ses iours, & luy donner vn bon conseil. Il estoit Roy de Boëme aussi bien que de Hongrie, fils d'Vladislaus Jagellon, & nepueu de Casimir Roy de Polongne, sa mere s'appelloit Anne de la maison de Candale, plusieurs choses se racontent de ce Prince dignes d'estre remarquées. Car on tient qu'il nasquit n'ayant le corps couuert d'aucune peau, qu'il recouura toutesfois par l'ayde des Medecins, l'art suppleant au defaut de la nature, comme si cela eust prefiguré que ce seroit vn Roy despoüillé. Et comme la superstition s'attache à la moindre chose, principalement quand elle a vne fois rencontré quelque succez de ce qu'elle s'est imaginée: Quelques-vns ont dit qu'ainsi qu'on le vouloit baptiser, le pere l'auoit voulu nommer Iules, mais que la mere, qui estoit françoise fit tant qu'on le nomma Louys, & que cela estoit vn mauvais presage, d'autant qu'il n'y auoit eu qu'un Roy en Hongrie de ce nom là qui n'auoit point eu d'enfans mâles, comme si le nom de Louys estoit vn nom de malediction.

1526.

Le camp des Hongrois saccagé par les Turcs.

Le Roy suffoqué dans vn marais.

Son éloge & quelques remarques de ce Prince.

LEONCLAVIUS en ses Pandectes sur l'Histoire des Turcs, recite aussi auoir appris de fort bonne part que ce ieune Prince disnant vn iour à Bude, les portes de la maison Royale estans fermées, (ayant tant qu'il a regné vescu d'une vie assez miserable, & esté tenu en mespris des plus Grands du Royaume, adiouste Leonclavius:) vn certain fantosme en forme d'homme, laid de visage, ayant les iambes tortuës, & tout clochant vint heurter à la porte, criant à haute voix qu'il vouloit parler au Roy, pour luy dire choses qui concernoient son salut & celui du Royaume: ce qu'ayant esté mesprise du commencement, comme on a de coustume de faire aux cours des Princes, il s'écria encores plus fort, & d'une voix plus horrible, demanda derechef qu'on le fist entendre au Roy, ce qui fut cause que son importunité en émeust quelques-vns à demander ce qu'il vouloit; mais luy fit responce que c'estoit vn secret qu'il ne pouuoit declarer à autre qu'au Roy. Ce qu'estant rapporté à sa Majesté, il y enuoya vn des plus apparens de ceux qui estoient lors pres de sa personne, & le plus richement vestu, luy commandant de feindre estre le Roy. Cettuy-cy se presentant deuant le fantosme, le tira à part, & luy demanda ce qu'il luy vouloit dire en secret: mais le fantosme luy nia qu'il fust le Roy, luy disant tout haut, que puis que le Roy n'auoit point voulu l'ouyr, il periroit en bref. Cela dit, il s'euanoüist de deuant les yeux d'un chacun, au grand estonnement des assistans, & d'autant plus remarquable, que l'effect s'en est ensuiuy si pitoyable & si tragique, c'est ce que j'ay creu ne deuoir point passer sous silence, puis qu'il venoit si à propos.

Vn fantosme predict la mort.

Mais pour reuenir au succez de cette bataille, tous les plus Grands du Royaume demeurèrent sur la place, vn Archeuesque, cinq Euesques, quinze ou vingt des principaux Barons, de ceux qui tenoient des premiers rangs au pays, tant nobles qu'autres, treize ou quatorze, & plus de cinq cens autres des plus illustres apres ceux-cy: & ce qui ne se verra gueres ailleurs, comme ils estoient trois chefs en cette armée, à sçauoir le Roy Louys, Paul Tomorée Archeuesque de Colossense, & Georges de Zapoli Comte de Sepulë: toutesfois ils demeurèrent tous trois sur la place: Tomorée ayant esté tué à l'auant-garde, combattant, comme on dit vaillamment, mais trop temerairement: Somme qu'il ne demeura de tous leurs Capitaines, que Hannibal Cyprien. Quant aux gens de pied qui estoient de douze à treize mille, il n'en resta que trois à quatre mille, le reste ayant esté

Nombre des morts en cette bataille.

1526. taillé en pieces, partie durant le combat, partie par l'artillerie, & vne partie aussi à la fuite & noyée dans les marais. Le lendemain de la bataille, dit Broderic, Solyman fit trancher la teste à quinze cens Hongrois qui auoient esté pris, entre lesquels ils y en auoit des principaux de la Noblesse, de laquelle il demeura fort peu, de ceux qui estoient en cette bataille pour en aller dire des nouuelles à la maison. Toute l'artillerie, tant celle qui estoit encore sur l'eau, que celle qui estoit au champ de bataille, le tout se montant bien à quatre-vingts pieces, vint en la puissance des Turcs, qui firent vn tres-grand & riche butin en cette bataille, qui fut donnée le 29. d'Aoust, le iour qu'on fait solemnité de la Decollation de S. Iean Baptiste, & non le iour de sa Natiuité qui est au mois de Iuin, & comme quelques-vns ont pensé, l'an de nostre salut 1526. & de l'Egire 932.

Grand ravage des Turcs en Hongrie.

Solyman s'achemine à Bude.

Les Hongrois n'osent s'aventurer de résister aux Turcs.

Solyman plaint la fortune du Roy Louys & de la femme.

Son ingemēt sur les Euesques qui auoient assisté ce Roy.

Principale raison pourquoy Tomorée donna la bataille.

SOLYMAN ayant ainsi gagné vne si glorieuse victoire avecques fort peu de perte des siens, il fut libre aux Turcs de faire le degast par toute la contrée voisine, ce qu'ils firent avec tant de cruauté, qu'ils ne pardonnèrent à sexe, ny à âge, ny Religion; qu'ils ne fissent ressentir à tout ce pauvre pays, la hayne inueterée qu'ils leur portoit de longuemain: si que les femmes pour éviter la fureur & la rage d'un si cruel ennemy, de peur d'estre découuertes par les cris de leurs petits enfans, les enterroient tous vifs dans la terre, ces pauvres petites creatures mourans ainsi estouffées faute d'air, autre barbarie, qui passe encore les bornes de toute cruauté. Mais les Turcs ne se soucians pas beaucoup de ces choses, ne laissoient pas de continuer à mettre tout à feu & à sang par où ils passoient, ayans couru iusqu'au lac de Balator, où en passant ils mirent le feu à la ville de cinq Eglises, laquelle fut toute embrasée, & n'y eut que le Chasteau & le beau Temple d'icelle reseruez. Quant à Solyman, il estoit demeuré au lieu mesme ques'estoit donné le combat, où ayant séjouré quelques iours, il ramassa toutes ses compagnies, qui estoient, comme vous avez entendu, dispersées deçà & delà, & s'achemina vers la ville de Bude: où il arriua en six ou sept logis, suiuant tousiours la riuie du Danube, sans trouuer aucune resistance par le chemin, faisant mettre le feu par toutes les villes & villages où il passoit, encores que le Vaiuode & les Transiluiains fussent pres de Zighet, le Comte Christophle à Zagabrie, & les Boëmiens vne partie pres de Iauarin, & l'autre pres d'Albe-Regale: mais qu'eussent-ils fait en si petit nombre contre vn si puissant vainqueur? Estant dōcques arriué à Bude, qu'il trouua abandonnée de toute garnison, il la prit, la pillā & y fit mettre le feu, ne demeurant exempt de cet embrasement que le Chasteau, les escuries du Roy, & la maison des bestes sauuages: là fut aussi ruinée cette excellente Bibliotheque de toutes sortes de liures, que le grand Matthias, autant amateur des lettres que des armes, y auoit amassée. Solyman fit prendre aussi au Chasteau trois grandes statues de bronze, que ce grand Roy auoit fait faire d'un merueilleux artifice & beauté, l'une representant Apollon, l'autre Diane, & la troisieme Hercules: mais l'Empereur Turc les fit mettre en l'Hippodrome de Constantinople, dit Paul Ioue.

CEPENDANT que Solyman estoit deuant Bude, (car apres auoir veu le Chasteau, il se retira en son camp, selon la coustume des Seigneurs Othomans, qui ont plus de confiance en la force des hommes que de leurs murailles) on luy apporta les portraits du Roy Louys & de la Royne Marie, lesquels voyant si ieunes, il eut pitié de leur fortune, & blasma extremement tous ses Conseillers qui l'auoient fait precipiter en icelle, assurant par serment qu'il n'estoit point venu pour luy oster le Royaume, mais pour vanger les siens des iniures qu'ils auoient receuës des Hongrois: (comme si les Hongrois eussent esté les premiers agresseurs, & si les maux que les Turcs auoient peu recevoir d'eux, n'estoient pas pour se deffendre des outrages que ceux-cy leur vouloient faire:) mais il parloit en vainqueur & à des vaincus, qui n'auoient garde de le contredire. Toutesfois on dit qu'il regretta la mort de ce ieune Roy: car il disoit qu'il l'eust remis dans son Royaume paternel sous quelques conditions d'un honneste tribut. On luy presenta aussi les testes de sept Euesques qui estoient morts au combat, entre lesquels il blasma fort Ladislas Salcaue Archeuesque de Strigonie pour son auarice, n'ayant point secouru son Roy ny soy-mesme, veu les grands thresors qu'on luy auoit trouuez chez luy, & celle de Tomorée pour sa grande imprudence, & le mauuais conseil qu'il auoit donné à son Roy: mais il ne scauoit pas que ce qui l'auoit le plus porté à s'exposer ainsi precipitamment au combat, n'estoit que la grande crainte qu'il auoit de l'arriuée du Vaiuode, & qu'il fust contraint de luy obeir, & ainsi vouloit à quelque prix que ce fust, faire quelque grand exploit, afin qu'on eust apres toute croyance en luy, c'est ce qui le faisoit tant hastier: car encores qu'au commencement il eut refusé cette charge, toutesfois à force de commander, il auoit pristel

goust

goust au commandement, qu'il luy faschoit de demordre: quant à celle de Pierre Perren Euesque de Varadin, il la loua, pour auoir tres-bien conseillé son Roy. 1526.

APRES cela il enuoya ses troupes faire vn autre rauage en la Hongrie citerieure, où ils mirent à feu & à sang tout ce qu'ils rencontrerent entre le Danube & le lac de Balator iusques à Iauarin, & toutesfois la forteresse de Strigonie qui auoit esté delaissee par André Orbanes, fut conseruée par vn homme de basse condition nommé Matthieu Nach, qui s'y estoit retiré avecques quelque peu d'hommes. Ce fut cet Orbanes, qu'on dit auoit arresté les meubles que faisoit transporter la Roynie Marie au delà du Danube, quand elle eut entendues les nouuelles de la deffaicte, ne sçachant rien encores de la mort de son mary, & les soldats duquel, qu'on appelle vulgairement Houffarts ou cheuaux legers, auoient fait quelque violence à l'honneur des filles de la Roynie, & meismes qu'ils auoient pris leurs patins & les auoient mis à leurs pieds pour dancier avecques iceux, tant cette nation estoit lors venue à vn debordement excessif, qu'ils ne laissoient point de commettre de si meschans actes, & de bouffonner en vn temps si deplorable. La forteresse de Visségard, en laquelle estoit tousiours gardée la couronne Royale, fut aussi sauuée par les paisans & par les Religieux, estant abandonnée de gens de guerre, tant l'épouuente auoit saisi vn chacun à l'arriuée des Turcs à Bude. Mais cecy est encores bien plus remarquable, comment ils n'assiégerent pas vne de ces forteresses, ny celle de Tara, Commar, & Albe-Regale, qui leur cousterent tant par apres, veu qu'alors ayans vne telle puissance, & tout le monde estant si épouuente que tout demouroit desert sans deffence, il leur estoit tres-aisé de les forcer, & toutesfois ils ne s'arrestèrent qu'à rauager le Royaume, ne se soucians aucunement d'assiéger les places fortes, qui font assez paroistre que toute cette guerre se conduisoit par vn autre esprit que celui de Solyman, & que le grand DIEU, qui auoit fait sentir aux Hongrois la rigueur de sa iustice pour le chastiment de leurs crimes, les vouloit encores attendre à quelque penitence, leur donnant ces fortes places pour vn respit, & pour vn moyen de recouurer ce qu'ils auoient perdu, s'ils vouloient aussi changer de vie, & retourner à luy de tout leur cœur.

La forteresse de Strigonie abandonnée par son Capitaine & conseruée par vn homme de peu.

Visségard sauuée par les paisans & les Religieux.

Les Turcs n'assiégerent aucunes de forteresses de Hongrie.

LES Turcs doncques rauagerent cette pauvre Prouince au long & au large comme il leur plut, sans trouuer aucun qui les en empeschast, qu'à Maroth pres de Strigonie. Ce lieu estoit vn beau & plaisant seiour appartenant à l'Archeuesque de Strigonie, situé au milieu des forests, que ceux du pays appellent Vierteries, desquelles il est tout environné. En ce lieu là s'estoient retirez plusieurs milliers de Hongrois avecques leurs femmes & leurs enfans, se fians sur les destroids & passages ferrez, & outre ce ils auoient fait vne enceinte de chariots, qui rendoit ce lieu là tres-fort & impenetrable, aussi les Turcs y firent fort mal leurs affaires deux ou trois fois qu'ils vinrent aux mains avecques eux: mais y ayans fait amener de l'artillerie, ils eurent bien-tost brisé tous ces chariots: si bien que toutes les deffences de ces pauvres gens renuersées par terre, les Turcs mirent tout au fil de l'épée, excepté vn bien petit nombre qui en échappa, pour rapporter aux leurs ces tristes nouuelles, qu'il auoit esté massacré là vingt-cinq mille personnes de tous aages & de tout sexe. Si bien que le Chancelier Broderic dit qu'il ose bien affermer que si on veut compter ceux qui ont esté tuez en combatant, ou massacrez par la campagne, & dans les villes & villages, ou retenus prisonniers & amenez en captiuité, que le nombre n'en est pas moindre que de deux cens mille.

Resistance des Hongrois à Maroth.

Grand massacre d'iceux.

SOLYMAN fit apres faire vn pont sur le Danube, qui s'estendoit iusques à Pest, & le quatorziesme iour apres qu'il fut arriué à Bude, il passa en l'autre partie de la Hongrie, où il fit vn pareil degast qu'il auoit fait de l'autre costé: si que cette inondation apporta vne telle terreur aux Prouinces circonuoiines que chacun trembloit de peur, meismes à Vienne: aussi firent-ils vn tres-grand butin en toutes ces contrées, emmenans vne merueilleuse quantité d'ames en captiuité. Ce qu'ayans fait, l'hyuer approchant de sa, joint quelques nouuelles qui estoient venues des remuemens qui se faisoient en la Natolie, Solyman laissant Bude & la forteresse meisme sans aucune garnison, enleuant seulement d'icelle ce qu'il y trouua de plus exquis, comme les trois statues que nous auons dictes cy-dessus, deux fort grandes colonnes de bronze, avecques quelques grosses pieces d'artillerie, qui auoient esté autresfois au Roy de la Bosnie, fit porter le tout à Constantinople, où il s'en retourna triomphant de tant d'heureux succez, & d'vne si glorieuse victoire; il s'arresta toutesfois quelque temps à Andrinople: ayant plus fait d'execution en quatre ou cinq mois, que tous les ancestres n'auoient fait en l'espace de plus de cent an-

Solyman retourne à Constantinople.

1527.
Son grand
heur.

XXI.

Sedition en la
Natolie par
les Deruis
& Calenders.

nées, tant le bon-heur accompagnoit ce Prince, que quelque entreprise qu'il fit, tout luy reüssissoit lors comme à souhait. Estant donc de retour, il s'informa vn peu plus particulierement des troubles de la petite Asie: & voicy comme il en alloit.

En la Galatie, que les Turcs appellent Gielas-il, ou Selas-ily, au lieu où estoit jadis Angory ou Ancyre, que les anciens appelloient Selussie, lequel nom les Turcs ont retenu, & ont fait leur Selas-ily, comme si on disoit region de Selas. En cette contrée il y auoit plusieurs Religieux Mahometans, que les Turcs à cause de leur multitude, appellent Deruisslar, comprenans sous ce nom toutes les especes de ces charlatans: toutesfois il y en a qui particulierement s'appellent Deruis, qui ne portent iamais de poil, ny en la teste, ny ailleurs, & se flestrissent les tempes & le front avecques vn fer chaud, ayans deux peaux de bestes, l'vne deuant, l'autre derriere, & le reste du corps nud. Or entre ces Deruisslar, il y en a qu'ils appellent Calender, d'vne autre secte que ces Deruis, ceux-cy faisans particulierement profession de continence, & de crainte qu'ils ne rompent leur vœu, ils se percent la peau du membre viril, & y passent vn gros anneau de fer, ayans vne petite tunique écourtée sans manches, & le reste du corps nud, les representations s'en pourront voir cy-apres aux descriptions que nous auons faites sur leurs figures.

Edebal premier instituteur des Religions Turques.

Chaz Hassen, en reputation de sainteté parmy les Turcs.
Inventeur de la Zercola.

D v nombre de ces Calenders estoit vn Zelebis, c'est à dire vn Noble, qui estoit descendu de la race de Chaz Bectaz, ou Chaz Hassen, enuiron l'an mil trois cens trente-cinq, du temps d'Orchan II. Empereur des Turcs, qui estoit en sa religion disciple & sectateur d'Edebal, celuy qui auoit esté le premier instituteur de toutes ces deuotions Mahometanes, & qui auoit autresfois prophetisé l'Empire à Othoman & à ses successeurs. Quant à ce Chaz Bectaz, il auoit esté tenu en son temps pour vn homme de fort sainte vie, de sorte que ses descendans furent tousiours tenus depuis en honneur. Il auoit esté aussi le premier qui auoit porté la coiffeure blanche, que les Turcs appellent Zercola, & l'auoit fort reCOMMANDÉ aux gens de guerre, c'est pourquoy les Janissaires la prirent depuis: comme si par cet ornement de teste ils participoient à la pieté & sainteté pretendue de cettuy-cy.

Remuëmens d'vn Calender Zelebis en la petite Asie.

Or ce Calender Zelebis, de qui maintenant nous faisons mention, s'appuyant sur sa maniere de vie, & sur la reputation de ses ancestres, comme il estoit fort remuant, comença de gagner tous ceux de sa secte, qui n'estoient pas en petit nombre en ces quartiers-là, tant des Deruis que des Calenders, & à faire plusieurs menées: si bien qu'ils se rendirent si forts qu'ils deffirent quelques Sanjacs & Gouverneurs des Prouinces, qui se vouloient opposer à cette sedition, leurs affaires prosperans de sorte, que toute la Natolie panchoit desia à vne reuolte generale, non sans vn notable peril aux affaires des Osmanides, si on n'y remedioit promptement: ceux-cy gagnans les peuples, les vns par la force, les autres sous l'apparence de sainteté.

Hibraim contre le Calender.

Ce qu'estant rapporté à Solyman, à son retour de Hongrie, il depescha incontinent Hibraim Bassa, (duquel le nom sera d'oresnauant tres-celebre, & luy encores de plus grande autorité par tout cet Empire, si qu'il égaloit à peu pres celle du Sultan) avecques vne puissante armée pour venir à bout de ces seditieux, lesquels ne perdans point cœur pour l'arriuée d'vne telle puissance, esperoient que si le sort des armes les pouuoit tant fauoriser que d'auoir quelque aduantage sur le Bassa, que la petite Asie flechiroit incontinent sous leur domination: de vray ils n'estoient pas en petit nombre, mais peu experimentez à la guerre, & gens pour la meilleure partie plus propres à mediter dans l'Alcoran, qu'à conduire vne armée: toutesfois leur vie austere qui les auoit accoustumez de longuemain à souffrir toutes sortes de mesaises, coniointe à leur ambition, les faisoit plus hardiment exposer au danger sans aucune crainte: aussi presenterent-ils la bataille à Hibraim, en laquelle ils combattirent plus de courage que d'artifice militaire, & se maintinrent assez long-temps sans s'ébranler, & sans qu'on peüst remarquer qui auroit l'aduantage. Mais Hibraim ne pouuant souffrir sans impatience que ces Moynes resistassent si long-temps contre vne armée desia victorieuse en tant d'endroits, alloit tout en colere parmy ses bataillons, disant:

Les Calenders luy presentent la bataille.

Propos d'Hibraim à ses soldats.

HE quoy! compagnons, la victoire que vous auez obtenüe n'aguere sur les Hongrois, cy-deuant inuincibles, a-elle tellement rauulé vos courages, qu'il faille maintenant qu'un chetif Calender fasse teste aux Janissaires? où sont maintenant les vaillans soldats qui ont monté sur les murailles de Rhodes, & qui ont fait passer au fil de l'espee la meilleure partie de la Noblesse de Hongrie, en la plaine de Mohacz? Est-ce pas faire vn tort insigne à vostre reputation, qu'il faille apres

apres tant de victoires, que ces hypocrites combattent maintenant du pair avecques vous ? ne scauez-vous pas que ce sont des sedicieux, des gens ramassez, de faux Prophetes, & du tout indignes de la Religion dont ils font profession ? à quoy tient-il doncques que vous ne marchiez contre eux, avecques la fureur dont vous avez accoustumé de faire trembler les plus courageux ? que n'enfoncez-vous cette multitude ? pensez-vous qu'apres que vous aurez taillé en pieces les premiers rangs, vous trouviez aucune resistance ? ceux que vous voyez icy deuant vous, sont les plus mutins, qui ne combattent que de desespoir, tout le reste tournera le dos incontinent que vous aurez écarté ceux-cy.

1527.

Là-dessus prenant vne Enseigne, il la ietta à l'endroit où il voyoit le plus de resistance : si qu'alors vn chacun se mettant en deuoir de la recouurer, & les autres ne pouuans soutenir cette recharge, tout commença à s'ébranler, & les Turcs poursuiuans leur pointe, leur firent enfin tourner le dos, où il se fit vn grand massacre : le chef entr'autres de la sedition y demeura. Toutesfois Verantian dit qu'il fut pris vif par Hibraim, qui par apres le fit mourir : tel fut le succez de cette émotion, presque aussi-tost finie que commencée, ce qui aduint en l'an de salut 1527.

Les Turcs victorieux.

Tous les chefs occis en cette bataille.

Ce trouble de la Natolie ainsi appaisé, Solyman ne demeura pas pour cela en paix : car les Hongrois luy tailloient assez de besongne, non qu'ils entreprissent contre luy ; car ils n'estoient pas poussez d'un si bon esprit, mais comme s'ils eussent esté marris que les Turcs eussent laissé quelque chose de reste, ils s'efforçoient de ruiner eux-mesmes leur propre patrie par leurs dissensions, & voicy comment. Apres que Solyman se fut retiré, tous les plus grands Seigneurs des Hongrois qui estoient restez de la bataille de Mohacz, apres auoit fait apporter le corps du Roy Louys à Albe-Rogale, & qu'on eut fait les funeraillies accoustumées à vn si grand Roy, y publierent vne Diette, & le conseil des gens-d'armes appellé, qu'ils nomment Rhakos, par l'autorité & disposition duquel le Roy se doit élire, ils nommerent Iean Zapoly Comte de Scepusé, & Vaiuode de Transiluanie, qui fut élu Roy du consentement de tous les Estats, & couronné avecques l'ancienne Couronne d'or par l'Archeuesque de Strigonie. Mais comme il departissoit encores les charges de son Royaume, & qu'il s'efforçoit de restablir les grands degasts que les Turcs y auoient fait, Ferdinand Roy de Boheme, frere de l'Empereur Charles le Quint, qui pretendoit la Couronne de Hongrie luy appartenir, ayant espousé Anne sœur du Roy defunct, poussé à cela par quelques Seigneurs Hongrois, qui s'estimoient plus nobles, & aussi dignes de la Couronne que le Vaiuode, leua vne grande armée & entra dans la Hongrie, lors que le Roy Iean estoit encor si foible, & reduit en telle extremité de toutes choses, qu'il luy estoit impossible de s'opposer à son ennemy, cela le fit quitter Bude & passer à Pesth, avec ce qu'il pouuoit auoir de gens quant & luy, qu'il exhortoit de ne le point abandonner en cette traierse de fortune : & de là fuyant tousiours, passa la riuere de Thylla, jadis Tibisque, & s'alla loger au chasteau Toeray, où enfin étant poursuiuy par les gens de Ferdinand, ils luy liuerent vne grande bataille pres de la riuere de la Chysle, en laquelle il fut déconfit & ses gens mis en route, si qu'il fut contraint de sortir de la Hongrie, & se retirer en Pologne, en la maison d'un grand Seigneur du pays nommé Hierolme Lasko ou Lasky, fort riche & bien suiuy, lequel ayant pitié de la fortune d'un si grand Seigneur, luy fit tous les bons traitemens dont il se peust aduiser.

Le Vaiuode de Transiluanie élu Roy par les Hongrois dès l'an precedent.

Les Hongrois badez les vns contre les autres.

Iean abandonne Bude à Ferdinand.

Il perd la bataille, & s'enfuit en Pologne.

1528.

Or cet homme estoit d'un grand iugement, & qui auoit manié de grandes affaires, tant à la guerre, que pour le gouuernement d'un Royaume, & s'estant du tout affectonné au Roy Iean, il vid bien qu'il y auoit fort peu d'esperance de rentrer dans son Royaume par le moyen de ses subjects qui estans las de la guerre, flechiroient tousiours sous celui qui se rendroit le maistre de la campagne. C'est pourquoy mettant toute Religion à part, & élargissant sa conscience pour faire regner son amy, il luy conseilla d'auoir recours à Solyman, duquel il se faisoit fort de tirer toute sorte d'assistance pour le remettre en son Royaume, en luy payant quelque petit tribut, & qu'il s'offroit luy-mesme à porter cette parole. Le Roy Iean accepta fort volontiers cette offre, & selon qu'il l'auoit proposé, luy en bailla la commission, lequel s'achemina incontinent à Constantinople fort bien accompagné, où étant il commença à faire ses pratiques & gagner les principaux Bassas par presens : entre lesquels Hibraim & Lussely auoient plus d'autorité, de puissance & de credit : & d'autant qu'il parloit fort familièrement le langage Turquesque, cela fut cause de luy faire encores dauantage acquerir la bien-veillance des principaux Seigneurs, ayant mesme corrompu leurs femmes par les richesses de ses presens, remontrant l'injure notable que les Hongrois faisoient à Iean, qu'ils auoient solennellement élu, & avecques

Conseil de Lasky à Iean, acheue de ruiner la Hongrie.

Ses remontrances aux Bassas.

1528.

le consentement de tous les assistans, & neantmoins par la meschanceté de quelques-vns ils s'estoient reuoltez sans aucun sujet, pour appeller au Royaume vn qui auoit tousiours esté leur ennemy, & la diuision duquel auoit esté cause de grandes ruines au Royaume de Hongrie. Disoit dauantage, qu'il estoit bien plus seant à Sa Hautesse d'auoir vn Roy pour vassal, que de souffrir vn sien ennemy posséder vn si beau & si florissant Royaume: qu'un honneste tribut que le Roy Iean rendroit à Sa Majesté, seroit cause de preseruer tout le pais qui s'en alloit en ruine par les dissensions ciuiles, qu'il estoit plus à propos de le conseruer pour luy, que de le laisser dissiper par la meschanceté de quelques-vns de la Prouince, & qu'outre tout cecy, il feroit vn acte de magnanime Empereur, prenant le party de la Iustice, puis que le Roy auoit esté si legitiment élu.

Solyman ac-
corde du se-
cours à Iean.

Les Turcs
imitateurs des
Romains en
l'usurpation
des Prouin-
ces.

Ces raisons assez plausibles d'elles-mêmes, & fortifiées d'abondant par les Bassats, auxquels les presens de Lasky auoient deslié la langue, pour faire entendre à leur Seigneur ce qui estoit le plus à l'auantage du Roy Iean, il accorda à son Ambassadeur de luy enuoyer vn secours suffisant pour le remettre en possession de son Royaume, aux conditions proposées; car il voyoit aussi qu'en ce faisant le pays venoit en sa puissance sans grande peine, veu l'intelligence que cettuy-cy luy donneroit dans la Prouince, & mesme sous apparence de Iustice, encore qu'il n'eust pas laissé sans luy de se l'approprier & d'y faire encore presque plus de mal: car il eust tout mis à feu & à sang, comme il auoit fait à l'autre voyage: mais, comme nous auons dit ailleurs, que l'Empire Turc est l'image du Romain, aussi cherchent-ils tousiours quelque pretexte pour s'emparer d'une Prouince, & n'en possèdent gueres qu'ils n'ayent esté appelez par les plus apparens, lesquels volontairement leur ont tousiours payé tribut, ou donné quelques places, par le moyen desquelles, à la faueur des guerres ciuiles, espousans le party du plus foible, pour ruiner le plus fort, ils se sont rendus enfin les Souuerains de tout.

Ferdinand
enuoye vn
Ambassadeur
vers Soly-
man.

Qui refuse
son alliance.

CEPENDANT Ferdinand ayant quelque doute que Iean chercheroit du secours chez l'Estranger, y enuoya aussi son Ambassadeur Iean Obersdanch, pour renouueller les alliances que les Seigneurs Othomans auoient autresfois faites avec Vladislaius & Louys Roys de Hongrie, & de laquelle jouÿssoit pour lors Sigismond Roy de Pologne: mais comme cettuy-cy eust esté présenté à Solyman, & qu'il eust exposé la cause de son arriuée, il connût bien à son visage austere, & à la responce qu'on luy fit, qu'il auoit esté preuenue: car on luy fit dire que le grand Seigneur ne pouuoit en aucune façon receuoir en amitié ceux qui auoient esté par le passé si grands ennemis de sa maison, & desquels les siens auoient receu tant d'outrages; ce qui le touchoit le plus, c'estoit de voir qu'il s'estoit emparé tyranniquement du Royaume, & en auoit chassé le legitime Roy, duquel il n'auoit point entendu le droit que depuis la bataille qu'il luy auoit liurée; mais qu'à présent il en auoit esté suffisamment informé par le rapport de personnes notables: de sorte que la Iustice le contraignoit de le remettre en la jouÿssance de ce qui luy appartenoit, puis qu'il imploroit son secours, declarant pour cette cause Ferdinand du tout indigne de son amitié, & au lieu de la paix, luy fist denoncer publiquement la guerre, faisant commandement à son Ambassadeur de sortir promptement de Constantinople, ce qu'il fit, & se retira à Vienne, où il fit entendre au Conseil de son Maistre, l'issue de son Ambassade: mais les Conseillers ne luy adjoustans point de foy, l'enuoyerent à leur Maistre, qui estoit pour lors à la Diette de Spire, lequel s'estonna fort d'auoir vn si puissant ennemy sur les bras.

1529.

XXII.

Troisieme
expedition
de Solyman
en Hongrie.

Le Roy Iean
va baiser les
mains à Soly-
man.

Ce qui luy fa-
cilita le plus
ses affaires.

CEPENDANT Solyman faisoit preparer toutes choses pour sa troisieme expedition en Hongrie, si bien que le dixiesme iour d'Auril il partit de Constantinople avecques vne tres-puissante armée, & arriua en quinze iours à Belgrade, où le Roy Iean, que les Turcs appellent le Ban de Erdel ou Ardel, c'est à dire Vauode, ou Lieutenant general en Transiluanie, le vint trouuer accompagné de toute la Noblesse de Hongrie qu'il pût amener quant & foy, & se faire reconnoistre à luy comme son subiect & tributaire: à cet abord il luy monstra vn visage tout plein de Majesté, sans s'émouuoir de toutes les reuerences que l'autre luy faisoit: luy estendant sa main droite, laquelle il baïsa en signe d'amitié, toutesfois il luy fit apres beaucoup de demonstrations de bien-veillance, l'assurant de reconquerir à force d'armes tout ce qui luy auoit esté iniustement usurpé, & puis de luy remettre le tout liberalement apres entre les mains: de là il s'en alla visiter Hibraim Bassa, l'amitié duquel luy estoit acquise par les artifices de Lasky, mais encores trouua-il moyen d'attirer de son party Louys Gritty, qui estoit fils d'André Gritty, pour lors Duc de Venise, qui gouuernoit si paisiblement ce Bassa, qu'il sembloit qu'ils ne fussent qu'un cœur & qu'une

qu'une ame, cela luy facilita toutes choses à souhait : car Hibrain dispoſoit entierement de Solyman, comme vous avez pû entendre cy-deſſus. 1529.

SOLYMAN doncques ayant rafraichy ſon armée quelques iours à Belgrade, la fit marcher droit à Bude, qui fut incontinent abandonnée de ceux qui ſ'y eſtoient retirez depuis ſa derniere priſe, il n'y eut que la fortereſſe, laquelle eſtoit gardée par ſept cens Allemans, qu'y auoit laiſſez le Roy Ferdinand, qui firent tout deuoir de ſe bien deſſendre : mais les Turcs n'en pouans auoir la raiſon de viue force, eurent recours à la ſappe & aux mines pour faire ſauter les murailles & les deſſences : ſi que le bruit, le feu & la fumée qui ſortirent de ces concatitez, obſcurcirent tellement l'air, & firent vn tel tintamarre, que ceux de la fortereſſe penſoient deuoir tous abyſmer, voyans meſme quelques-vns de leurs compagnons emportez en l'air par l'impetuoliſté de la poudre : cela, diſ-je, les épouuenta de forte, qu'ils commencerent d'entendre à quelque compoſition, mal-gré leur Capitaine Nadasky, ie trouue ailleurs qu'il ſ'appelloit Tranſbinger, qui vouloit ſouſtenir le ſiege, tant qu'il euſt quelques nouuelles du Roy Ferdinand, lequel ſ'eſtoit retiré à Spire, comme vous avez entendu, mais l'ayans mis priſonnier, ils ne laiſſerent pas de traiter d'appointement avecques les Turcs, à condition de pouoir ſortir de la place vies & bagues ſauues, & ſe retirer en lieu de ſeureté : mais comme les Turcs n'oſerent iamais à la lettre ce qu'ils promettent aux Chreſtiens, prenans vn ſujet ſur ce que ceux-cy ſ'eſtoient rendus ſans le conſentement de leur Capitaine, pouans tenir encores longuement cette place, ils les taillerent tous en pieces. L'Histoire de Hongrie dit que ce fut Solyman qui enuoya faire cette execution par ſes Ianifſaires, ſur le chemin de Poſſon.

La fortereſſe de Bude tient teſte à Soiyman.

Les ſoldats rendent, mal-gré leur Capitaine.

Puniſſion qu'en fit faire Solyman.

LA fortereſſe de Bude eſtant priſe, l'Empereur Turc y laiſſa cinq mille hommes de pied, & trois mille cheuaux en garniſon, puis tout le camp ſ'achemina deuers Vienne : mais il ſ'arreſta deuant Alterburg, ville gardée pour lors par les Bohemiens qui ſouſtinrent du commencement l'eſſort des Turcs allez courageuſement, mais comme leur Capitaine euſt eſté tué en vn aſſaut, ils perdirent tellement courage, joint leur petit nombre, qui ne leur permettoit aucun reſaſche, eſtans continuellement aux mains avecques leurs ennemis, que tous recrues de trauail, ils abandonnerent le rempart, ſi que les Turcs entrèrent dedans d'une telle furie, qu'ils ne pardonnerent à ame viuante. De là on enuoya les Accangis faire le degaſt à la maniere accouſtumée, qui firent vn rauage vniuerſel par tout où ils paſſerent, à ſçauoir par la Styrie, & de l'autre coſté du Danube, au deſſus du fleuue Ouafé, iuſques au fleuue de Lints. Cependant Ferdinand qui ſe doutoit bien de cette venue, depuis le rapport que luy auoit fait ſon Ambaſſadeur, auoit iecté dans Vienne ce peu de ſecours qu'il auoit alors, la faiſant reparer & fortifier le mieux qu'il luy fut poſſible, allant cependant chercher luy-meſme du ſecours, & requerir par toutes les villes de l'Allemagne, leur repreſentant le peril eminent où elles eſtoient elles-mêmes, ſi les Turcs venoient à auoir le deſſus de cette ville-là. Cela fut cauſe que chacun ſ'efforça le plus promptement qu'il pût, & luy enuoyant enuiron vingt mille Lanſquenets, & deux mille cheuaux, ſous la conduite du Comte Palatin, & mirent dans la ville cent pieces de groſſe artillerie, & deux cens de petite. Quant à Solyman, il auoit eſté, ſelon quelques-vns, retardé ſur le chemin par les grandes pluies, mais ce n'eſtoit pas toutesfois inutilement : car il prit Komare, Viſſegrade, Oware, & tout ce qui eſt le long du Danube : on void encores à Oware, dit Gothard, des boulets d'exceſſiue groſſeur, qui furent tirez contre cette ville, quand Solyman la prit.

Priſe d'Alterburg.

Ravage des Turcs en la Styrie.

Ferdinand met du ſecours dans Vienne.

Conqueſtes de Solyman ſur le chemin de Vienne.

ENFIN il arriua deuant Vienne le vingt-fixieſme de Septembre, ſ'eſtant campé quant à luy près l'Egliſe de ſainct Marc qui regarde la Hongrie, & tenoit tout ce quartier iuſques à Schirechat : au milieu de ce camp eſtoit toute ſon artillerie, qu'on dit auoir eſté de trois cens pieces, mais ie ne le puis croire, veu ce qui aduint par apres, avecques les retranchemens neceſſaires : & vn bien peu au delà douze mille Ianifſaires ; ladite artillerie preſte pour l'employer aux lieux où il ſeroit de beſoin. Le ſecond quartier eſtoit celuy d'Hibrain Baſſa, qui tenoit depuis Trantmauſdorff, iuſques aux montagnes de Vienne, vers la porte de Purgatoire : vis à vis de l'Egliſe ſainct Vlſderic, eſtoit le Beglierbey de la Natolie. Le quatrieſme quartier eſtoit vers ſainct Viſt, dedans le village de Suureag, ſur les pendans des coſtaux duquel eſtoit logé fort grand nombre de ſoldats. Le cinquieme quartier eſtoit vers la porte des Eſcoſſois, où il y auoit fort grand nombre d'Azapes, & parmy eux quelques Ianifſaires, le long du Danube : comme les armes de ces Azapes ſont des fleches, ils en tirerent vne ſi grande quantité, qu'on n'eut oſé marcher par la ville, ſans auoir la ſalade en teſte, & le corps couuert.

Siege de Vienne.

1529.

La plupart
de l'artillerie
de Solyman
& les muni-
tions mises à
fonds.

Les Turcs
rompent les
ponts de des-
sus le Danu-
be.

Offres de So-
lyman aux
Viennois.

Premier as-
saut des Turcs
à Vienne.

OR Solyman faisoit venir la meilleure partie de son artillerie, avecques bon nombre des siens sur le Danube : ce que sçachant vn nommé Volfang Odir, qui commandoit à Posson, sur l'aduertissement qu'on luy en donna, fit sortir aux champs bon nombre de Lanfquenets, & quelque peu de caualerie, avecques quelques pieces d'artillerie, se vint embuscher en lieu commode, proche des riuies du Danube, & sceut choisir l'armée Turquesque si à propos, que de premier abord il mit à fonds plusieurs vaisseaux chargez d'artillerie & de munitions : si que cette armée ainsi surprise à l'improuiste, se mit à vau-de-route, qui fut vne des causes, dit l'Histoire de Hongrie, de sauuer Vienne. Toutesfois les restes de cette deffaitte n'estoient point si petits, que cela les peust empescher de venir à Vienne, où à leur arriuée ils rompirent tous les ponts des Isles que fait le Danube au deuant de cette ville-là, & sur lesquels on passoit pour y aller plus commodément, s'arrestans apres deuant le chasteau, afin qu'aucun ne peust sortir de cét endroit là, sans se mettre en extreme danger, comme il aduint à Iean Ardech, lequel ayant fait sortir par ce costé-là sa compagnie pour aller à l'escarmouche, peu s'en fallut qu'elle ne fust toute deffaitte par la scopeterie des Accangis, & des Janissaires, tant y a que toute cette armée des Turcs épandue ainsi aux enuiron de Vienne, pouuoit tenir cinq milles de pays. En cette petite deffaitte de Ardech, il en fut pris enuiron quatorze, avecques le porte Enseigne nommé Christophle Zetlitz, & à ceux-cy Solyman s'enquista particulièrement des affaires des Viennois, & entr'autres s'ils n'auoient point enuoyé vers leur Prince, pour se rendre, & faire quelques propositions : à quoy ils respondirent que tous les habitans estoient tellement resolu à se deffendre, qu'ils souffriroient toutes sortes d'incommoditez, voire la mort mesme, auparauant que de se rendre. Puis il leur demanda combien ils estoient d'hommes de deffence dans la ville, sans les habitans : ils respondirent, vingt mille hommes de pied, & deux mille de cheual, & enfin où estoit leur Prince, ils dirent à Lintz, vne petite ville à vingt-quatre milles de Vienne, à quoy Solyman, *Je le chercheray*, dist-il, *quand il seroit iusques aux derniers confins de l'Allemagne*, & demandant aussi pourquoy ils auoient ruiné leurs faux-bourgs, veu qu'il n'y auoit nulle apparence qu'ils peussent garder leur ville, & l'empescher qu'il ne s'en rendist le maistre, ils dirent qu'ils n'en sçauoient rien.

DE tous ceux-cy le Monarque Othoman choisist le porte-Enseigne, qui estoit comme vous auez entendu, entre les captifs, lequel ayant reuestu d'une fort belle & riche robbe, faite à la maniere des Turcs, afin qu'on eust plus de croyance en luy, il le renuoya dans la ville pour parler aux plus apparens, que s'ils vouloient se rendre eux & leur cité sous bonnes conditions de quelque raisonnable tribut, il retireroit son armée, & feroit que pas vn des siens n'entreroit dedans, & qu'il ne seroit fait aucun tort ny desplaisir à aucun d'entr'eux, ny à chose qui fust dans leur ville : que s'ils refusoient vne si belle offre, il leur iuroit qu'il ne partiroit iamais de là deuant, qu'il ne l'eust prise de force, & qu'il n'eust tout fait passer au fil de l'espée, & reduit la ville en cendres, adioustant encore, dit celuy qui a escrit l'histoire de ce siege, qu'il estoit bien raisonnable que puis qu'il n'y auoit qu'un DIEU qui gouuernoit là haut au ciel, il n'y eust aussi qu'un Monarque & qu'un Empereur qui commandast dessus la terre : que telles estoient ses intentions, lesquelles il s'efforceroit toute sa vie de mettre en execution, & de ranger principalement toute la Chrestienté sous son Empire. Or soit qu'il ait vŕ de semblables paroles ou non, tant y a que les effets ont assez fait remarquer qu'il en auoit les desseins, s'ils eussent peu luy reussir, comme il les auoit proiectez : mais ce grand Modérateur, lequel il vouloit tirer en comparaison avecques luy, en auoit autrement ordonné, si qu'il fit seulement beaucoup de mal, mais il ne iouïst pas de beaucoup de bien de ce costé-là, ne prenant que quelques places, au lieu des Prouinces qu'il s'estoit proposées.

POUR l'heure les habitans ayant mesprisé son Ambassade, (car c'estoit pourquoy il l'auoit vestu d'une si belle robbe, pour luy donner autorité, & cependant n'estant pas des siens, il auoit moyen de s'en dedire, selon l'occurence) il s'efforça d'emporter la ville plustost par les mines, & par la sappe, que par le canon. Mais les habitans qui estoient bien aduertis de la perte qu'il auoit faite de son artillerie, firent tant de contremines, qu'ils en euentèrent la plupart : toutesfois comme il y en auoit vne tres-grande multitude, ayans mis le feu, & quelques-vnes ayans iouïé, elles abbatirent vn grand pan de la muraille, si que les Turcs pensoient venir aisément à l'assaut, mais ils trouuerent vn grand retranchement que les Viennois auoient fait, s'estans remparez, de sorte que les Turcs, furent repoussez avecques grande tuerie. Ce coup d'essay toutesfois si peu fortuné,

ne les

ne les empescha point de pourfuiure leur pointe presqu'à vn mesme instant vers l'Eglise sainte Claire : car en cet endroit là estoit aussi tombé vn grand pan de muraille si pres de terre & d'une telle estendue, qu'on pouuoit aysément voir les Alemans rangez derriere, en bataille prests à soustenir l'assaut, ce qu'ils firent : car les Turcs, encores que ceux-cy fussent assez mal-armez, ne laissoient pas de s'exposer à toute sorte de peril, nonobstant toute la resistance des assiegez, y venans en foule en telle multitude, qu'encores que plusieurs d'entr'eux demeurassent sur la place, si est-ce qu'on ne voyoit iamais leurs rangs vuides, forceans souuent les mieux armez d'entre les Alemans, de reculer, l'aduantage routesfois demeurant tousiours à ceux de la ville. Mais vn des plus notables fut à la porte de Carinthie : car comme vne mine eust abbatu pres d'icelle, vn autre grand pan de la courtine, les Turcs qui estoient au guet, plus de ce costé-là que de pas vn autre, prirent incontinent leur temps : si qu'ayans fait des tranchées qui les pouuoient conduire en seureté, & couvrir de part & d'autre, ils venoient au pied de la bresche, sans autre soin que de se garder de front ; toutesfois l'artillerie de la ville en escarmouchoit tousiours quelques-vns ; mais le plus fut à l'assaut : car les Turcs ayans quitté l'harquebuse & l'arc pour estre plus deliures, & ne se seruans que de l'espée & de la targe, ils estoient accueillis de toutes parts par ceux de dedans, qui mirent à cette fois tous leurs efforts pour repousser leurs ennemis qu'ils voyoient croistre d'heure à autre, à qui la terreur des tas de corps morts des leurs ne pouuoit apporter aucune épouuente, qu'ils ne missent toute peine à gagner le dessus. Mais l'artillerie qui d'un costé iouoit des flancs opposites, & l'harquebuserie qui faisoit pleuoir vne gresle de boulets sur leurs testes, sans intermission, les fit tant souffrir, qu'en fin ils commencerent à reculer : ce que remarquans les Sanjacs, & mesmes les Bassats, alloient eux-mesmes les encourageans & les asseurans qu'à cette fois il ne tiendrait qu'à eux qu'ils ne se rendissent les maistres de la ville, estant toute demantelée, eux-mesmes sur la bresche, & tous prests à donner dedans, & les autres ne se deffendans plus que de desespoir : que s'ils auoient du courage, outre la gloire immortelle qu'ils s'acqueriroient, ils vängeroient encore la mort de leurs compagnons qu'ils voyoient là à leurs pieds, mais sur tout que la presence de leur Souuerain, qui pouuoit aysément discerner tout, & remarquer ceux qui feroient les actes plus signalez de proüesse & de hardiesse, les scauroit bien aussi particulièrement, & tres-amplement recompenser, chacun selon son merite. Cela les fit retourner encore aux prises aussi courageusement comme auparauant, & les autres à s'efforcer aussi à se bien deffendre avecques de tels cris, vn tel tonnerre d'artillerie & de scopeterie, les sons des cloches, des trompettes & des tabourins confusément mélez ensemble, qu'il sembloit que tout tremblast, & que toute cette grande multitude, tant d'assiegeans que d'assiegez deust s'abysmer dans cette confusion. Cela continua ainsi environ l'espace de quatre heures, sans qu'on peust bien remarquer qui auoit l'aduantage des vns ou des autres, se faisant vn grand massacre de toutes parts : plusieurs des plus valeureux d'entre les Turcs, qui pour animer dauantage les autres, auoient pris les premiers rangs, y demurerent pour espies, quelques Sanjacs mesmes entre autres, comme aussi du costé de la ville plusieurs Capitaines demurerent là sur la place, & quelques personnes de marque, entre autres Ambust Otting colonnel tres-renommé : en fin l'artillerie d'une part, & le grand courage des assiegez d'autre, firent de tels efforts que les Turcs furent en fin contraincts de quitter la place, & se retirer en leur camp. Cela toutesfois ne fit point perdre cœur aux principaux Bassats, lesquels voyans bien qu'ils n'auroient pas raison de cette ville si bien munie & fortifiée, & dans laquelle il y auoit tant de bons hommes, s'ils n'en venoient à quelque plus grand effort, ils prirent resolution de proposer à leur Empereur de donner vn assaut general : ce qu'ayant trouué bon, le douziesme iour d'Octobre, il voulut pour animer dauantage ses soldats, leur parler en public : les Turcs ayant cela de particulier, qu'outre ce qu'ils font beaucoup mieux à la guerre, quand le Seigneur est en son camp, leur courage se releue encore, quand ils entendent la parole de leur Souuerain, les ayant donc fait assembler, il leur dist.

1529.

Autre perrière notable à la porte de Carinthie.

Grands efforts des Turcs, & brave resistance des habitans.

Les Turcs repoussez.

Ils se resolurent de donner vn assaut general.

Harangue de Solyman à ses soldats.

APRES la prise de tant de villes & de places fortes que nous auons faites le long de ce voyage, il semble qu'il soit maintenant superflu de vous exciter à la conqueste de cette-cy, puis qu'elle est le fruit & la recompense de toutes vos peines precedentes, & la couronne de vos labours. Ouy c'est icy la palme de toutes nos guerres passées : toute la Hongrie que nous auons conquise, n'a esté assubiettie que par la puissance de nos forces innombrables : nous en auons trouué peu qui ayent rendu combat, & la plus-part des plus fortes places nous à esté laissée à l'abandon. Maintenant

1529.

comme nous auons affaire à des hommes, si nous emportons la victoire de ceux, qui iusques icy se sont estimez inuincibles, nostre gloire & reputation en doit estre aussi beaucoup plus grande; Et puis tout ce que nous auons fait iusqu'icy, ce sont rauages; Mais en la prise de ceste ville, est nostre establissement, & nostre unique aduantage: car c'est vne porte qui nous ouure non seulement le passage, à ces grandes & puissantes Prouinces de l'Alemagne, mais encores qui ferme la barriere à tous Giafiriens, de nous venir inquieter en nos conquestes. Et toutesfoiſ i'ay remarqué ces iours passez, que vous vous estonniez si tost que vous les voyez faire quelque resistance, comme si ce n'estoit pas vous-mesmes qui auez mis par terre ceste inexpugnable Belgrade, qui auez assubiecty la tres-redoutable Rhodes, & mis à feu & à sang ceste opulente ville de Bude, le siege Royal des Roys de Hongrie? A quoy tient-il doncques maintenant que vous ne mettez par terre ceste superbe Vienne? & qu'avecque la terreur que vos armes ont accoustumé de porter dans le cœur de ceux qui leur veulent resister, vous ne vous faites passage au trauers de quelque peu d'opiniastres, & que vous retrouuez en des gens plus portez des fumées du vin, que d'une veritable vaillance la bresche n'est-elle pas assez ouuerse? toute leur courtine n'est-elle pas par terre? ne les voyez-vous pas iusques dans le cœur? à peine que vous n'allez d'icy à plain-pied iusques au milieu de leur grande place; & toutesfoiſ lors que vous estes sur la bresche, & que desia vos estendarts sont plantez sur les murailles, vne frayeur panique vous saisit, & il semble que quelques spectres vous ébloüissent les yeux, tant vous fuyez promptement, comme si vostre retraiete n'estoit pas ceste ville là, & si nous auons autres desseins, quand nous y auons mis le siege. Mais voicy l'ordre qu'y a mis nostre grandeur: car afin que vous perdiez sous la croyance, de trouuer plus de rafraischissement au camp, que sur la bresche, nous y laisserons vn bon nombre des nostres, avecques commandement expres de tailler en pieces tous ceux qui y penseront venir à refuge, sans excepter aucun: comme au contraire, outre ce que nous auons assez de gouuernemens, pour recompenser ceux qui auront fait preuue plus signalée de leur valeur, encores se peuent-ils assenrir de nostre bien-vuesllance, & d'estre cy-apres aduancez aux plus honorables charges de nostre Empire, & tous les autres de recevoir en general toutes sortes de recompenses, outre le butin qu'ils feront en vne si grande & si riche cité. Que chacun doncques d'entre vous me fasse au iourd'huy paroistre qu'il ne desire point vaincre à force de multitude, mais par vne vraye & parfaite valeur.

Assaut general à Vienne.

Ordre du Comte Palatin.

LES ayant là-dessus licentiez pour s'en aller preparer à l'assaut general, & chacun s'estant mis en deuoir, & comme recourré de nouvelles forces, par les paroles de leur Empereur, & intimidez par ses menaces, mais bien dauantage encouragez par de si belles & grandes recompenses; le lendemain dès la pointe du iour, ils commencerent à faire les remuemens ordinaires & accoustumez en de semblables actions: c'estoit le treiziesme iour d'Octobre qu'ils vinrent tous à cet assaut general, attaquant la ville par plusieurs & diuers endroits tout à la fois, mais principalement vers la porte de Carinthie, où auoit esté desia le plus grand effort dès l'autre assaut. Mais ceux de dedans qui auoient fait de nouueaux retranchemens, & qui outre ce auoient braqué l'artillerie tout à l'entour de leurs murailles, tirerent dans ceste espoisse multitude: si qu'aussi-tost qu'ils parurent hors de leurs retranchemens, ils en firent vn merueilleux eschec. Car le Comte Palatin, qui auoit comme nous auons dict, la principale charge en ceste ville, y auoit donné vn tel ordre, que les habitans & tous les gens de guerre qui estoient venus au secours en auoient tiré vne merueilleuse assurance, comme nous auons dict assez souuent ailleurs, & principalement au siege de Rhodes, que lors que les Turcs veulent donner quelque assaut general, la nuit precedente ils font vne fott grande rumeur, si que leurs cris & le cliquetis des armes tesmoignent assez aux assiegez quelle resolution ils ont prise pour le lendemain. Le Comte Philippe voyant doncques par ces allées & venues qu'il leur voyoit faire, (apres auoir demeuré quelques iours en repos) qu'ils auroient à souffrir vn rude assaut, ne plus ne moins que le reflux des riuieres, quand elles heurtent leurs riuages, presage vne grande tourmente, & qu'il fait dangereux sur l'eau, auoit disposé toutes choses necessaires pour les bien soustenir.

Son discours pour encourager les siens à soustenir cet assaut.

ET pour y apporter tout ce qui estoit de son industrie, il incitoit les siens à faire bien leur deuoir, leur remontrant que ce n'estoit rien de bien commencer, si cela ne se faisoit avecques perseuerance; qu'ils auoient veritablement affaire à vn puissant ennemy, vn victorieux, vn destructeur de leur pays; mais si est-ce que sa puissance ne luy auoit encores sceu gagner vn poulce de terre dedans la ville; ny tous ses triomphes & ses victoires ne luy auoient peu donner la gloire de vaincre encores les Viennois en vn seul assaut,

assaut, non pas mesme en vne seule sortie, bien qu'ils eussent tousiours combattu contre eux avecques toutes sortes de desaduantages: & quant à ce qu'ils estoient là comme le fleau du pays. N'est-ce pas, disoit-il, ce qui nous doit animer tous à la deffense de nostre patrie? pour qui pouuons-nous mieux employer nostre sang que pour la Religion & le pays? nous secourons iournellement nos voisins, & leur enuoyons bon nombre de nos hommes pour les seruir en leurs guerres de diuision, & bien souuent de sedition, & tousiours, on pen s'en s'en fait, tendantes à la ruine de la Chrestienté, perdans ainsi par leur propre glaine tout ce qu'ils ont de braue & de genereux, qui seroit apres capable de domter plusieurs Empires semblables à celuy de l'Othoman. Or ce que nous faisons ailleurs pour la solde, & pour nos passions particulieres, faisons-le icy pour la pieté: A combien de pauvres familles pensez-vous que vous donnez la vie, en deffendant cette ville contre la rage de ce Tyran? que pensez-vous que ce seroit maintenant de tout ce qui est derriere nous? croyez que s'ils se fussent rendus les maistres de cette ville, comme ils esperoient, qu'auant que nous eussions passé cette Automne, nous les eussions bien-tost vus comme sauterelles épandus par toutes les contrées de la haute Allemagne. Car ne scauons nous pas de bonne part que deuant que partir de Constantinople, il prit vne resolution, apres qu'il auoit pris Vienne, de faire la guerre à l'Allemagne trois ans durant, & d'y faire vn tel degast, qu'enfin il s'en rendroit le maistre? Or nous voicy, non à la veille, mais au iour de nostre bon-heur ou mal-heur, les ressorts en dépendent de vostre seul courage.

NOUS sommes, graces à DIEU, vn assez grand nombre dans cette ville, nous combattons en lieu aduantageux, nous ne cedons point en valeur à l'ennemy, & la saison mesme combat pour nous. Car que peut faire vne grande armée à la campagne, durant vne si rigoureuse froidure? Resistons donc cette fois à ce Tyran vniuersel, de qui la puissance ne tend qu'à la destruction du genre humain, & de la Religion Chrestienne: il faut mal-gré qu'il en ait, qu'il leue le siege, ou qu'il perisse bien-tost de mesaise & des incommoditez de l'huyet. Et quant à vous, disoit-il aux habitans, puis que vous auez maintenant cét honneur d'estre le bouleuert de la Chrestienté, & que de vostre salut dépend celuy de tant de peuples, que ne deuez-vous point faire pour vous conseruer cette gloire parmy toutes les nations Occidentales? Belgrade n'autres-fois fait retentir son nom par tous l'Vniuers, & le mauuais ordre a esté la seule cause de sa perte: mais combien de fois a-elle resisté à d'aussi puissantes, & encores plus triomphantes armées que celle-cy, non seulement repoussé de ses murailles, mais mené battant l'ennemy iusques dans son camp, la ville mesme estant à demy prise, & reduisant Mahomet second du nom (ce puissant aduersaire, & cette fatale ruine de la Grece) en tel desespoir, que sa retraite fut plustost vne fuite qu'un delogement? pourquoy ne pourrez-vous pas faire de mesme? l'assurance peut tout en vn courage bien asis: & puis nous qui sommes icy vos deffenseurs, soustiendrons tousiours le plus grand faix du combat; vous n'auiez seulement qu'à contenir vos femmes & vos enfans, qu'à obeir à ce qui vous sera commandé pour le bien & conseruation de vostre ville, & à ne prendre aucune épouuante pour chose qui puisse arriuer: les mouuemens des assauts sont fort inégaux, tel pense estre dans vne ville, qui est à l'instant repoussé avecques honte iusques dans son camp: l'ennemy s'épouuante luy-mesme quelquesfois au plus beau de son aduantage, voyant vne belle & grande resolution, & croit qu'il y a du derriere; puis qu'on luy tient teste avec opiniastrété, lors qu'il a de l'aduantage.

QUE si à toutes ces choses il est bien seant, voire tres-necessaire d'auoir vne certaine confiance en la Diuine assistance: n'auons nous pas grand sujet de nous assurer qu'elle nous sera favorable, puis que tant à propos nous sommes venus à vostre secours, & que l'ennemy nous est venu assieger en vne si mauuaise saison pour luy? croyez que sa misericorde s'estendra sur nous, si nous l'implorons de tout nostre cœur, avecques ressentiment de nos offenses. Mais on ne passe point le Iourdain sans combattre, il faut premierement employer tous nos efforts pour vaincre cét Amalech, car c'est en travaillant que tout bon-heur nous arriuera. Adons doncques, mes amis, & tous d'un mesme courage conspirons en vn mesme temps pour la deffence de nostre Religion, pour la protection de l'Allemagne, & pour le bien de cette ville, & de tout le pays. Ayant dit cela, ils s'aduancerent incontinent sur la muraille, où il fit rouler vne grande quantité d'artillerie, laquelle d'un premier abord fit vne grande explanade au milieu de cette multitude, mais toutesfois cela ne les empêcha point de poursuivre leur pointe, & de monstrent encores plus de valeur qu'à l'assaut precedent; aussi ceux de la ville auoient-ils plus à resister, ayans affaire à tant d'endroits, où il se faisoit vn fort grand massacre, tant d'une part que d'autre: mais sans comparaison, bien plus de ceux de dehors, que de ceux de dedans.

1519.

Les Turcs repousser.

Les Janissaires se lassent devant Vienne.

Le vent le 6e.

Gemissemens pitoyables des Chrestiens qu'on emmenoit captifs.

Les Turcs & ceux de Vienne retirent chacun leurs captifs.

Lettres d'Hibraïm à ceux de Vienne.

LES Turcs d'un costé grauissans par dessus les ruines, s'aduançoient fort auant, & d'ailleurs les Viennois venoient de derriere leurs retranchemens, lors que les autres pensoient auoir le plus grand aduantage: les choses allans ainsi en balance de part & d'autre la meilleure partie du iour, sans qu'on y peust remarquer aucun aduantage, tout estant remply de corps morts de toutes parts, & les murs de Vienne desia tous teincts de sang, tant de ses citoyens que de ses ennemis, bien que les Turcs fissent mine de vouloir s'opiniâster à la victoire, & l'eussent fait paraenture, s'ils n'eussent eu que les hommes à combattre, mais l'artillerie rompoit tous leurs desseins, & épouuentoit tellement les courages les plus foibles, que cela causoit beaucoup de desordre parmy les plus asseurez: si qu'enfin lassés de combattre & de souffrir, & voyans le iour decliner, ils commencerent à songer à leur retraite, bien que leurs chefs fissent tout deuoir d'inciter leurs gens à continuer l'assaut, & qu'eux-mesmes s'exposassent à toutes sortes de dangers pour leur animer le courage: mais les combattans estoient reduits à tels termes, & l'effroy de l'artillerie, & l'horreur de la mort auoit apporté vne telle épouuente, & saisi tellement le cœur de chacun en son particulier, qu'enfin ils se retirerent en leur camp, tombans en foule parmy toutes ces ruines, & faisans beau jeu aux Viennois, qui tiroient à plomb sur eux durant toute cette retraite: si bien qu'il y demeura non seulement vn fort grand nombre d'entr'eux, mais encores les plus signalez. Cela découragea fort Solyman, voyant bien qu'il falloit faire estat d'estre long-temps deuant cette ville-là, pour en auoir la raison, estant trop bien deffenduë, & l'hyuer estant lors fort grand, encore qu'on ne fust gueres auant dans la saison, cela le fit resoudre à se retirer, ioint que les Janissaires ne vouloient plus s'arrester là pour les incommoditez qu'ils y receuoient, quand bien on leur eust voulu donner, disoient-ils, cent aspres le iour.

OR cet assaut aduint le treiziesme iour d'Octobre, mais le quatorziesme, lors que le peuple de Vienne pensoit que les Turcs se deussent donner quelque repos, sur les dix heures de nuict, ils furent tous estonnez qu'ils virent par la ville plusieurs globes de plomb enflammez, de sorte qu'il sembloit à cette fois que la ville de Vienne deust estre reduite en cendre; mais on y apporta vn tel ordre, que le feu fut incontinent esteint. Au mesme temps ils virent le camp des Turcs tout embrasé, avecques de grands cris qu'on iettoit de toutes parts: car vne partie des Turcs délogoit, le grand Seigneur entr'autres, & emmenoit quant & eux tous les esclaves, qui estoient ceux qui faisoient ces exclamations: car les pauvres Chrestiens tout le long du siege auoient esperé qu'ils pourroient estre deliurez par les armées qui pourroient venir au secours de Vienne, & voyant que contre leur esperance, il leur falloit quitter leur chere patrie pour s'en aller en des regions lointaines passer le reste de leur vie en vne miserable captiuité, cela leur faisoit remplir l'air de cris & de gemissemens. Le siege toutesfois ne fut pas encores leué, car Hibraïm Bassa estoit demeuré pour l'arriere-garde avecques enuiron soixante mille cheuaux. Cettuy-cy se mit à faire vne ronde à l'entour de la ville, sans toutesfois faire aucun mal: ce que voyans ceux de dedans, qui sçauoient desia qu'une partie auoit leué le siege, ils iugerent qu'il vouloit traiter de quelque chose, & peut-estre pour rendre leurs captifs. Or en auoient-ils de leur costé vn assez bon nombre, cela fut cause qu'ils deputerent quelques-uns des leurs pour traiter avecques luy, & tascher d'en faire vn échange, luy donnans à entendre que cela venoit de la part de ceux qui estoient en la ville, qui desiroient infiniment de retourner vers luy: ausquels, ainsi que dit Simon Schard, qui a escrit l'Histoire de ce siege, & traduite de l'Alleman en Latin par Leonclaius, dit qu'Hibraïm Bassa donna des lettres signées de son seing, de telle teneur.

Hibraïm Bassa, par la grace de DIEU, supreme Secretaire & premier Vizir du tres-puissant & tres-inuincible Monarque Sultan Solyman, son Lieutenant general, & conducteur des affaires par toute l'estenduë de son tres-grand Empire.

NOUS auons receu vos lettres, genereux Ducs, & Capitaines tres-illustres, par lesquelles vous nous auez fait entendre vostre volonité, & desirez estre informez de la nostre. Sçachez donc que nous ne sommes point venus icy en intension de prendre vostre ville, mais pour nous vanger de vostre Archiduc Ferdinand, des iniures que nous en auons receues, & des torts qu'il a fait au Roy Iean, amy de nostre tres-redouté Empereur, ayant usurpé son Royaume. Or l'auons-nous attendu icy plusieurs iours, esperans qu'il viendrait secourir les siens. Quant aux captifs, nous en rennoyâmes hier trou des vostres fort librement, c'est la raison que

vous

vous nous faciez le semblable, comme nous auons declaré à vostre messager: & quant au reste, il sera en vous d'enuoyer qui il vous plaira pour negocier cette affaire, vous donnant nostre parole & nostre foy, que vous en pourrez traicter en toute assurance, & qu'en ce cas nous vous garderons fidelité. Car si vous en entriez en quelque doute, dautant que nous auons promis le mesme à la garnison de Bude, nous respondons que cela n'est point arriué par nostre faute, mais par la leur. Donné deuant Vienne, le 17. d'Octobre 1529.

Il dist aussi particulierement au deputé qu'il se comporteroit en cela, comme on doit faire entre gens de guerre, & qui ont plusieurs autres choses à demesler ensemble, & luy fit present d'une robe de Damas rouge. L'Histoire de Hongrie dit que ce fut Solyman qui enuoya porter ces paroles par des prisonniers qu'il élargist liberalement, & leur donna encore des robes de velours & de drap d'or, les faisant ainsi retourner à la ville, où ils firent rapport de ces discours & de quelques autres encores, auxquels on n'adiousta aucune foy. Toutesfois il y a plus d'apparence à ce qu'ont escrit les Auteurs cy-dessus nommez, joint qu'on rendit mesmes quelques prisonniers, & puis le Bassa se retira à Bude vers son Seigneur, n'estant que cinq iours à faire le chemin, encores qu'il y ait trente-deux grandes lieues d'Allemagne, apres auoir tenu le siege l'espace de trente iours, selon l'Histoire de Hongrie, & selon les autres vingt & vn; ce qui est le plus vray-semblable: car le siege y fut mis le vingt-sixiesme iour de Septembre, & Hibraim se retira le dix-huitiesme: encores les Turcs commencerent-ils à déloger dès le quinziemesme. Mais encores que le siege ne fut pas long, les Turcs ne laisserent par toutesfois d'y perdre, selon quelques-uns, plus de quarante mille hommes, tant les assauts estoient furieux, aussi monterent-ils iusques à vingt fois sur la muraille. Il y a grande apparence que Solyman n'eust pas si tost leué le siege, & que n'ayant rien derriere qui le peust empescher de tirer secours de ses pays, il ne s'y fust opiniastré plus longuement: mais, comme nous auons dict, l'hyuer fut si rude, & tomba tant de neiges, avec ce que les gelées outre cela estoient si grandes, que non seulement des hommes, mais les cheuaux mesmes ne se pouuoient soustenir: de là vint que ceux de Vienne trouuerent à la trace qu'ils auoient tenuë, plusieurs bestes de voiture mortes sur le chemin, & plusieurs Chrestiens qu'ils emmenoient captifs, & qui n'auoient peu suivre l'armée.

Opinion que ces lettres furent enuoyées par Solyman.

40000. Turcs tuez deuant Vienne.

Les Turcs souffrirent encores vne grande perte pres de Posson à leur retour, aussi bien qu'ils auoient fait à leur arriué: plusieurs de leurs nauires ayans encores esté mises à fonds, & les soldats embrasés de feux artificiels, ou gelez & morts de froid, & quelques-uns de faim & de necessité, tant cette retraicte fut prompte, & tant toutes choses manquerent à coup à cette armée, ne me pouuant assez estonner, comment ceux de la ville ne firent point quelque braue sortie, & ne donnerent sur la queue, veu la belle occasion qu'ils en auoient, & le bon nombre de gens de guerre qu'ils estoient encores là dedans; & toutesfois les Histoires ne font point de mention qu'ils s'en soient mis en deuoir, se contentants pour lors de s'estre tenus sur la deffensive. Voila le succez du siege de Vienne, ou de Vessch, car ainsi l'appellent les Turcs, auxquels il fut assez mal-heureux, ayans eu à contrebattre & la terre & le Ciel: mais tout cela ne les empescha point d'emmener vn tres-grand nombre d'esclaves de tous sexes & de tous aages, tant d'Autriche que de Hongrie, Boheme, Seruie, & des autres lieux, par lesquels passerent, iusques au nombre de soixante mille ames, dit l'Histoire de Hongrie, ce qui empescha bien les feux de ioye qui se fussent faits, apres qu'il fut party de la Hongrie: car outre ce que le feu auoit rendu desert, ce qui estoit par nature le plus fertile, n'ayans pas épargné iusques aux arbres, encores leur auoient-ils emmené ceux qui les pouuoient cultiuer, car tout ce qui se trouua dans les villages & bourgades, passa aussi sous la main de ces impitoyables, qui en dégarnirent si bien le pays, qu'il ne se trouuoit presque plus personne, pour continuer le labour.

Autre perte des Turcs pres de Posson.

Grand nombre d'esclaves qu'ils emmenèrent quant & eux.

CEPENDANT Solyman estoit arriué à Bude, où encores que les choses luy eussent ainsi mal reussi, & qu'il auoit entrepris ce voyage en partie à la persuation du Roy Iean, il ne laissa pas de luy tenir parole, & l'ineust du Royaume de Hongrie, l'appellant son amy & vassal de sa maison, luy laissant toutesfois pour conseil ou plustost pour espie & controulleur en toutes ses actions, Louys Gritty, dont nous auons parlé cy-dessus.

MAIS cecy ne doit pas estre passé sous silence, que Solyman ayant fait venir le Roy Iean en sa tente avecques les Barons de Hongrie, & luy ayant de nouueau confirmé la possession du Royaume, il le pria de pardonner à Paul Archeuesque de Strigonie & à

XXIII.

Solyman inuestit le Vainode de Trásiluanie du Royaume de Hongrie.

1529.

Propos nota-
bles de Soly-
man au Roy
Jean de Hong-
rie.

Pierre Peren, lesquels ayans esté des premiers à élire, & qui mesmes auoient couronné le Roy Jean, si tost que Ferdinand auoit entré dans la Hongrie, auoient quitté le party de celuy qu'ils auoient élu pour Roy, & auoient pris le party de l'autre : cela auoit plus touché au cœur du Roy Jean, que toutes les autres trauerses qu'il auoit souffertes : & comme il n'osoit éconduire Solyman, il luy remonstroit seulement qu'il ne connoissoit pas le naturel de ces deux-cy & leur déloyauté, qu'ils ne flechissent lors que par la force, mais qu'à la premiere occasion ils seroient tous prests à luy brasler encores quelque trahison, & partant que tant s'en faut qu'ils fussent dignes de pardon, qu'ils meritoient plustost vn seuer chastiment. Solyman connoissant assez par ces discours que l'autre desiroit de se vanger, éleuant vn bien petit sa voix, il luy dist : *Pensez-vous qu'il vous püsse arriuer chose meilleure en ceste vie, ny plus honneste que de rendre vos ennemis ingrats par vostre clemence ? n'est-ce pas les noter d'un perpetuel reproche d'ignominie, & vous acquerir une louange immortelle, d'auoir le cœur plus plein de clemence & de bonté ? Non non pardonnez-leur hardiment : car s'ils se comportent autrement enuers vous qu'ils ne doivent, ils periront par leur ingratitude, & vous regnerez par vostre humanité : & ainsi il les licentia.*

Quelques co-
sideratiōs sur
la ruine de la
Hongrie.

TELE fut pour cette fois l'issüe du voyage de Hongrie, mal-heureux pour les Turcs & pour les Hongrois : car tous deux y perdirent assez pour auoir sujet de se plaindre, mais les Hongrois principalement, qui voyoient leur pays tributaire à celuy qui estoit leur plus mortel ennemy : eux qui auoient par tant de siecles conserué leur liberté avecques vne souueraineté si absolüe : mais le temps de la vengeance estoit venu, il falloit que les offenses qu'ils n'auoient point voulu lauer par les larmes, fussent repurgées par le sang ; non que ie vueille excuser le Roy Jean de ce qu'il fit : car au contraire, la procedure me semble indigne d'un grand cœur, & d'une nature genereuse, à sçauoir de s'aller rendre esclau à celuy qui auoit ruiné son pays : mais quoy ! le desir de regner est si puissant en l'homme, qu'il oublie tout droit & tout deuoir pour paruenir au dessus de ses intentions. Or bien que plusieurs ayent escrit que luy seul est cause de la ruine de sa patrie, toutes-fois on a veu assez cy-deuant en quel estat estoit la Hongrie du temps du Roy Louys, quel rauage les Turcs y auoient fait deuant & apres la bataille de Mohacz : & qu'il ne tenoit qu'à eux qu'ils ne s'en rendissent dès lors les maistres absolus, & peut-estre mieux qu'ils ne firent par apres : car encores que Jean le Vaiuode les ait appelez & fait venir, il est vray qu'à la premiere occasion ils y fussent fort bien venus sans luy, puis qu'ils auoient en main les clefs de la maison, il en pressa seulement la destinée, mais il ne la forma pas : & sans aller rechercher le bon droit de la maison d'Autriche ou du Transiluaïn en ce Royaume, pour sçauoir lequel est le plus legitime Roy, il me semble plus à propos de voir si la Hongrie estoit digne alors d'auoir legitiment vn Roy : pour ce faire ie rapporteray ce qu'en dit le Baron de Herbestan, tescmoin oculaire, & ce qu'en disent les Alemans, qui ont escrit l'Histoire de Hongrie, qui representent en cette façon l'estat de ce pays.

L'estat de la
Hongrie, lors
que Solyman
la prit.

LE Royaume de Hongrie (disent-ils) estoit fort renommé pour l'antiquité de sa noblesse, & pour ses hauts faits d'armes, tres-riche en or & en argent, tres-abondant en toutes sortes de munitions, & tres-fertile en vins, fruiçts & autres choses necessaires pour la vie. Cette Prouince ayant esté fort long-temps vn bouleuert opposé aux Turcs, est depuis peu venue en leur puissance, pour la plus grande partie par l'ignorance du Roy Louys, & meschanceté des peuples à luy sujets. Les Hongrois estoient cruels, remuans, turbulens, seditieux, superbes & de peu de foy, par lesquels vices ils sont peris, estans premierement décheus de cette gloire qu'ils auoient premierement acquise par les armes, & pour dire en vn mot, on pouuoit voir par toute la Hongrie vne telle confusion en toutes choses, qu'il passoit facilement que ce Royaume deuoit estre assujetty en peu de temps. La discipline militaire estant esteinte, le luxe s'augmentant de iour à autre ; les Magistrats tant sacrez que prophanes estans également hays de la Noblesse & du peuple, & tout cecy sous vn ieune Roy, de qui la foiblesse & le peu d'experience auoit bien peu de puissance pour moderer vne si cruelle & corrompue nation, & principalement ayant vn si puissant ennemy pour voisin : les plus honorables charges du Royaume estoient departies à gens sans merite & sans capacité : de sorte que celuy qui estoit le plus puissant, estoit tenu aussi pour auoir le plus de droit. Les plus petits estoient opprimez, & tout ordre changé, ou plustost renuerté, il se trouuoit tousiours nouveaux moyens & nouuelles inuentions pour tirer argent, par lequel toutes choses estoient faites ; qui fut cause, avecques la depuration des mœurs, & meschanceté du peuple, de faire tomber la republique en vne ruine totale. La Cour estoit du tout débordée & confite en delices : on n'y voyoit que ban-
quets

quets & festins, on n'y oyoit que chansons & instrumens, accompagnez de danses ordinaires, & le luxe ne diminua iamais, iusques à ce qu'ils perirent tous en cette ioye & miserable trepignement. Mais le pis estoit que les bons conseils n'auoient point de lieu: de sorte que ce tres-puissant ennemy les talonnant de si près, qu'il estoit presque à leurs portes, ils eurent bien neantmoins l'assurance de s'opposer à vne si grande armée avecques leurs richesses, bien qu'elles fussent fort petites: le succez aussi en fut tel, que l'ennemy ayant tout mis à vau-de route, le Roy dénué de tout secours, se mit à la fuite, & son cheual se renuersant dans vn marais, la bouë luy entra dans le gosier, qui le suffoqua, & mourut. Apres laquelle deffaitte, comme deux Princes du Royaume estoient en debat à qui seroit le maistre, la chose en arriua à ce point, que cependant l'Othoman se saisist des principaux du pays, des arcenals & places fortes, & se rendit maistre de la plus grande partie dudit Royaume.

VOILA vn discours par lequel on peut facilement iuger d'où a pû proceder la ruine de ce grand Royaume, qui s'est destruit par luy-mesme, pour les ambitions, diuisions, extorsions & dissolutions, tant des Grands que des petits. Ce n'est doncques pas François de Valois, comme ont dit les Imperialistes, & encores quelques-vns entre les Modernes, qui a esté la cause du mal-heur de la Hongrie, pour auoir, comme ils disent, persuadé ses amis & ses alliez de donner secours au Transsiluain; & neantmoins on sçait que Solyman auoit desia pris Belgrade, deffait le Roy Louys en bataille, & ruiné la meilleure partie de la Hongrie, auparauant que le Roy Iean allast iamais à la Porte de l'Othoman. Ce n'est doncques pas l'enuie que ce grand Roy François a portée à la prosperité de la maison d'Autriche, comme veut Leonclaius en ses Pandectes; car ces nations là s'estoient desia ruinées d'elles-mesmes. Mais plustost l'ambition de Ferdinand, & celle de l'Empereur son frere, ont esté causes de tous les mal-heurs de la Chrestienté: car tandis qu'ils bandent le Ciel & la terre contre la France, & qu'ils taschent de mettre nostre pays en proye par les ennemis qu'ils luy suscitent de toutes parts, le Turc s'empare du leur, & de tout ce qui estoit à sa bien-seance de part & d'autre (car Rhodes n'eust iamais esté conquise, si la France eust esté paisible) estans encores si fort transportez de l'aveuglement de leur passion, qu'ils aymerent mieux s'efforcer de ruiner vn Roy Chrestien, que de donner secours à vn autre leur allié, & auquel ils voulurent bien succeder apres sa ruine & sa mort. Mais s'ils estoient portez d'un zele si ardent à la conseruation du Christianisme, il y a grande apparence qu'ils deuoient quitter tout pour venir deffendre Belgrade, pour empêcher la prise de Bude, & le rauagement de toute la Hongrie, mais il n'y auoit lors que des coups à gager: ils sont bien ayfés de recueillir le fruit, & ils ne veulent pas auoir la peine de le conseruer. N'est-ce doncques pas iustement si Ferdinand fut priué de la succession de Louys, puisque selon qu'il se pratique en nos Parlemens, vn frere qui a seulement sceu le dessein qu'un estranger a de tuer son frere, & ne l'a point deféré ny reuelé, est pour ce seul acte reputé indigne de la succession de son frere, conformément à la disposition du droit, combien plus certuy-cy, qui a esté cause de la perte, non d'un seul frere, au moins son parent, mais de plus de 200000. ames? car s'il eust amené au Roy Louys autant d'hommes pour vaincre le Turc, comme il en amena dans la Hongrie pour s'en emparer, outre ce que les affaires eussent esté mieux conduites, quand il y eust en là present ce Prince d'autorité, encores Solyman eust-il pensé deux fois à s'exposer à l'aduanture: mais au moins la victoire luy eust esté si chèrement vendue, qu'il eust esté contraint de faire retraite. Je n'entends pas toutesfois excuser, comme j'ay desia dit, le Roy Iean, d'auoir flechy le genouil deuant Baal, & d'auoir liuré ce peu qu'il auoit de pais entre les mains de ses plus mortels ennemis: mais s'il a failly en cela, ce n'est pas vne consequence qu'on nous en doie prendre à partie, ny qu'on doie reietter sur nous la perte d'une Prouince qui s'est ruinée par elle-mesme: car tant s'en faut que nostre Roy ait persuadé le Turc à venir en Hongrie, qu'il luy auoit enuoyé des Ambassadeurs pour l'en destourner, qui furent pris par les soldats de l'Empereur, & à ce qu'on dit, massacrez, comme dit publiquement en la Journée de Spire, Oliuier Chancelier d'Alençon, Ambassadeur dudit Seigneur Roy. C'est en passant, ce que j'auois à dire pour la deffense de mon pays, sur lequel les estrangers seroient bien aises de se décharger de leurs fautes, & de faire croire que nous sommes seuls qui causent les troubles en la Chrestienté par nostre ambition, mais l'effet fait iuger de cette verité: car outre ce que nous sommes demeurez iusques icy dans nostre enclos sans vsurper rien sur l'autrui, on sçait assez combien les autres, qu'on veut faire si iustes, detiennent de Seigneuries qui nous appartiennent, & que par souffrance nous leur laissons, pour auoir paix.

1529.

Discours en
faueur de la
France.L. 3. ad L. Pomb.
ad parricid.

1539.

Solyman fait
circoncire trois
de ses fils.

Ambassadeur
des Venitiens,
vers l'Empe-
reur Charles
le Quint.

D'eux-mes-
mes vers So-
lyman.

Et de luy à
eux.

Il leur donne
mille cantha-
res de Salni-
tre.

Dresse vne
puissante ar-
mée nauale.

Veut transpor-
ter le trafic à
Constantino-
ple.

Crainte des
Venitiens sur
les desseins de
Solyman.

REVENANS doncques à nostre Histoire, Solyman ayant donné ordre aux affaires de la Hongrie, se retira à la maison, où il fut receu avecques les allegresses accoustumées, faisant l'année suivante circoncire trois fils qu'il auoit, selon la maniere des Musulmans, qui appellent cette feste Duzun & ZUNET, c'est à dire nopces ou appareil nuptial: il voulut que cette solemnité se fust en la grande place, que jadis on appelloit, dit Leonclavius, la place du Serpent, à cause de la colonne serpentine qui y est: les Turcs l'appellent Arincidan, comme si on disoit le lieu des cheuaux, c'est à peu pres ce que nous appellons Manege, & les Grecs Hippodrome: l'aîné desquels fut nommé Mustapha, le second Mahomet, & le troisieme Selim. Or apres que les Turcs se furent retirez, l'Empereur & ses confederes tenans vne ligue fort estroite contre Solyman, taschoient d'y attirer la Republique de Venise. Mais comme la prudence incomparable de ce Senat eust reconnu que la grandeur de leur zele estoit plustost particuliere que publique, ils enuoyerent aussi leurs Ambassadeurs pour faire quelques complimens à l'Empereur, & en receurent reciproquement de sa part, & luy firent tout l'honneur qu'il leur fut possible, en passant par leur Seigneurie, sans passer plus outre; mais d'autant qu'en ce passage de l'Empereur, il s'estoit tenu quelque assemblée pour resoudre de l'appareil qu'on deliberoit faire contre Solyman, auquel toutesfois ils ne s'estoient pas trouuez, joint la Croisade qui se prêchoit tout publiquement: toutes lesquelles choses auoient fait croire, à Constantinople, que les Venitiens estoient de la partie, & qu'ils auoient aydé d'argent à ceux de la Maison d'Autriche, ce qui se disoit desia parmy les Bassas. Dequoy le Senat estant aduertty, ils enuoyerent incontinent des Ambassadeurs à Constantinople, pour rendre compte au Monarque Turc de la paix qu'ils auoient faite avecques l'Empereur, & des occasions qui les auoient incité à ce faire, pour l'asseurer encores de la ferme & constante volonté du Senat, de persueuerer tousiours en l'amitié des Othomans, & pour renouueller aussi les articles de la paix, comme elle fut, aux mesmes conditions qu'auparauant. Solyman les auoit gratifiez auparauant, leur enuoyant à son retour de Belgrade, Hibraimbeg, son Ambassadeur, pour leur donner aduis de ce qui s'estoit passé en Hongrie, & particulièrement comme il auoit remis le Roy Iean, leur amy & confederé en son Royaume, & outre ce, lors de la circoncision de ses enfans, il auoit enuoyé vn Chaous au Senat, le prier d'enuoyer ses Ambassadeurs à Constantinople à cette ceremonie, leur faisant don en mesme temps de mille canthares de Salnitre, tiré d'Alexandrie, ayant entendu que les Venitiens en auoient affaire. Le Senat doncques y enuoya Thomas Mocenique, & François Barbarus, lesquels assisterent à toute cette pompe, laquelle estant passée, Solyman qui auoit la conqueste de l'Autriche dans l'esprit, & qui auoit leu le siege de deuant Vienne avecques plus de ressentiment qu'il ne l'auoit fait paroistre, projectoit de dresser vne puissante armée nauale, tant pour nettoyer la mer des galeres des Cheualiers de Rhodes qui nouueaux Seigneurs de Malte, infestoient toutes ces costes, que pour se rendre le plus puissant contre les desseins de ses ennemis. Il proposoit aussi au mesme temps de transporter le trafic qui se faisoit en Alexandrie, & par les autres marchez de son Empire, à Constantinople, voulant que cette cité, siege de son Empire, fust la plus abondante en toutes choses, & sur tout en or, ayant fait faire desence à tous estrangers de n'achepter soyes ny espiceries qu'à Constantinople, où il les faisoit venir, & y en auoit mesme fait conduire vne grande quantité, qu'il auoit acheptée de ses propres deniers.

TOUT cecy déplaisoit fort aux Venitiens, tant pour la guerre que pour le trafic: car pour le regard du premier, ils craignoient que la ruine des autres Princes rendist apres sa puissance trop redoutable; & quant au second, la despence d'oster le trafic des lieux accoustumez & ordinaires, qui destournoient beaucoup le negoce des marchands. Cela fut cause qu'ils prierent le Roy Iean de Hongrie d'embrasser ce fait, & de vouloir par son moyen deliurer la Chrestienté de tant de maux, faisant la mesme requeste au Roy de Pologne, qui s'estoit desia entremis de cet accord, de le vouloir poursuivre iusques à la fin: ils sollicitèrent aussi pareillement Louys Gritti, qui estoit pour lors à Constantinople, à ce que par le moyen d'Hibraim Bassa, il empeschast la leuée & le partement de cette armée, en luy remonstrant le soin qu'auoit la Republique de tenir la nauigation libre & aiséurée, en chassant tous les corsaires: que desia, afin d'oster tout pretexte aux Turcs d'entrer dans leur golphe, ils auoient donné charge au Prouidateur de l'armée, d'aduer-tir les galeres de Malte, de ne plus courir sur leur golphe, ny d'endommager les vaisseaux qui nauigeoient sur la mer du Leuant gardée par eux, & qu'il les menaçast de les des- armer, faisant autrement.

TOUTESFOIS

TOUTESFOIS Solyman ne laissoit pas de se preparer pour la guerre de Hongrie, où les affaires estoient en grand trouble pour la mauuaise conduite de Gritty, lequel auoit esté mandé à Constantinople, pour conferer particulièrement avecques luy de certaines affaires de tres-grande importance, & dont il sera parlé cy-apres, & renuoyé aussitost en Hongrie, par les menées d'Hibraim Bassa (qui se confioit du tout en luy) avecques vn pouuoir fort ample, & bon nombre de gens de guerre pour l'assister, ayant pouuoir de faire sa demeure à Bude, de se trouuer present à tous les conseils qui se tiendroient, tant pour la guerre que pour la paix. Mais son ambition le portant encores plus haut que son pouuoir, il fit mourir en trahison Emeric Cibachy Vauode de Transiluanie, homme qui auoit vne fort grande reputation parmy les siens. Cela fut cause de faire souleuer toute la Prouince contre luy, les affaires venans à tels termes, qu'ayant esté pris comme il se vouloit sauuer de Megest, il fut executé publiquement à la veue de toute l'armée des Hongrois, & ses deux enfans encores peu de temps apres. Outre ces troubles, les deux Roys de Hongrie estoient tousiours aux prises. Iean auoit lors plus de forces que Ferdinand, toutesfois comme il attendoit tous les iours nouueau secours des Turcs, il aimoit mieux se tenir sur ses gardes que de s'exposer à l'aduanture, sçachant bien les grandes forces que preparoit l'Empereur Charles, frere de Ferdinand, cela faisoit entre eux, comme vne trefue & surseance de guerre, l'autre redoutant aussi la puissance de son ennemy: mais comme le Roy Iean estoit plus porté à la paix qu'à la guerre, il enuoya son Ambassadeur Lasky vers l'Empereur Charles, & depuis vers Ferdinand, pour essayer quelques moyens de s'accorder, où il trouua par tout de tres-grandes difficultez, iusques là que Ferdinand osta à Lasky son sauf-conduit, le contraignant en ce faisant de se retirer en Hongrie.

1530.
& 31.Pouuoir de
Gritty en Hongrie.Fait mourir
en trahison
Emeric Cibachy Vauode
de Transiluanie.Le Roy Iean
de Hongrie
recherche de
paix l'Empereur
Charles
le Quint &
Ferdinand.

TOUTESFOIS le Roy Iean ne laissa pas d'enuoyer des Ambassadeurs à Venise, pour prier le Senat de vouloir s'entremettre, tant à l'endroict de l'Empereur que du Pape, à ce que par leur moyen les choses fussent reduites à quelque honneste accord, son intention n'estant que de conseruer le Royaume, ayant mieux subir à quelque honneste composition, que de se seruir de l'armée Turquesque, bien qu'elle fust à son commandement. Les Venitiens voyans bien comme ces troubles pouuoient estre importants à toute la Chrestienté, s'entremirent fort volontiers de cette affaire, qu'ils firent entendre au Pape, mais leurs remonstrances eurent peu de pouuoir, estant plus porté à la cause de Ferdinand, se donnant assez à entendre qu'il trouuoit plus à propos que l'affaire se terminast par armes qu'autrement. Cela avecques la nouuelle dignité de Roy des Romains empeschoit Ferdinand d'entendre à aucun accord, bien qu'il en fust recherché de la part des Venitiens, s'assurant d'estre tousiours secouru des Estats de l'Empire, & de se rendre plus fort que son ennemy. Le bruit cependant continuoit des preparatifs que faisoit Solyman pour le siege de Strigonie: car on disoit que c'estoit à cette ville-là qu'il en vouloit: cela donnoit assez à penser à tout le monde, qui sçauoit assez par vne miserable experience l'estendue de la puissance des Turcs, commandez par vn seul chef, fort sage & fort belliqueux, & au contraire la foiblesse des Princes Chrestiens, causée par leur desunion, & par leur ambition, ayans plus de desir de se ruiner les vns les autres, que de s'opposer à leur mortel ennemy. Ferdinand neâtmoins ne peust estre touché de ces considerations, & demeura opiniastre à ne vouloir faire aucune composition avecques son aduersaire. En fin ces bruits de guerre s'éuanoüyrent, car Solyman estant venu à Andrinople, pour faire, comme on disoit, tous ses preparatifs, & s'estant affectionné à l'exercice de la chasse, alloit differant de iour en iour les affaires de la guerre: de sorte que cette année là demeura paisible pour son regard.

Les Venitiens
s'entremettent
de cette paix.

MAIS au commencement de l'an mil cinq cens trente-deux, estant assez informé des diuisions de tous nos Princes, il assembla grand nombre de Spachis de Tartares, Valaques & Transiluiains, iusques au nombre de cent cinquante mille combatans, entre lesquels on diét qu'il y auoit bien vingt mille Ianissaires, & s'en vint à Belgrade, publiant par tout que son voyage ne se faisoit qu'en intention de donner la bataille à l'Empereur Charles, & prenant son chemin à gauche, il essaya la ville & le chasteau de Guintz, mais en vain: car Nicolas Iarize, que Paul Ioue nomme Nicolissa, le repoussa vertueusement: mais il ne fera pas mal à propos de voir ce siege plus particulièrement: car c'est tout ce qui se fit de plus remarquable en cette guerre.

1532.

Quatrieme
expedition de
Solyman en
Hongrie.Essayé la ville
& le chasteau
de Guintz.

CETTE ville n'est pas loin de Sabarie, située en plat pays, & de forme quarrée, ses murs assez foibles, dont les habitans n'estoient gueres opulens, leur ville estant

1532.

Fortifiée par
Nicolissa.Hibraim pra-
ctique Nico-
lissa.Invention
d'Hibrahim
pour forcer
Guintz.Vigilance &
industrie de
Nicolissa.Autre inven-
tion d'Hib-
rahim.Assaut à la
ville.

presque inconnue devant ce siege. Ce Nicolissa, que nous venons de nommer, y avoit mis dedans quelque garnison, plustost de ses moyens propres, que par le secours d'autrui: & ayant reconneu les habitans resolués à souffrir plustost toutes sortes de mesaises, que de se rendre aux Turcs, il se mit à faire des defences, curer les fossés, & en fin à faire tout ce qu'il luy fut possible pour resister à l'ennemy. Il avoit esté Ambassadeur pour le Roy de Hongrie à Constantinople, & cela avoit fait croire à Hibraim Bassa qu'il le pourroit corrompre, desirant plustost de le gagner au service de Solymen, que de l'avoir de force & le perdre du tout: car il s'attendoit bien que cela ne luy feroit pas grande resistance. Il vint doncques devant Guintz, & fit sonder Nicolissa, mais voyant qu'il ne luy respondoit rien qui ressembloit son homme qui eust envie de se rendre, il fit incontinent environner la ville & faire ses approches: il n'avoit point amené quant & luy de pieces de batterie, ains seulement quelques pieces de campagne, mais en recompence il fit faire trois mines, en trois divers lieux, s'assurant que la bresche estant faite, qu'il auroit aussi la place de force ou par composition. Mais Nicolissa qui avoit bien preveu que les Turcs se serviroient de mines, avoit élevé des fortifications par dedans, où pas un des habitans ne s'épargnoit, ny les femmes ny les petits enfans. Ce que voyant Hibraim il rangea les bandes des Janissaires & des Azapes devers le Midy, & sur le costé du Septentrion, là où plusieurs collines s'élèvent de pas en pas, en panchant sur la ville, & y fit mener de certaines pieces de campagne qu'il avoit amenées quant & luy, plus propres à tuer les hommes qu'à rompre les murs: cela estonna du premier abord les Guintziens, car ayans assez affaire à se defendre de la scopeterie, & à repousser ceux qui estoient devant eux, ils estoient continuellement battus par derriere, par cette artillerie.

Mais Nicolissa y pourueut incontinent, car ayant enlevé des maisons grande quantité de tables & d'ais, il dressa au dedans des murailles une fortification de douze pieds de hauteur, si que les soldats allans & venans pouvoient tenir ferme en combattant: de sorte que cet ouvrage fait à la haste, estant acheué, les Turcs ne frappaient ces entablemens qu'à coups perdus, tellement que peu de gens en mouraient, encore estoit-ce par cas d'adventure, le plus grand nombre de blesez estoit dans les maisons, mais ce n'estoient que des femmes, enfans & vieilles gens qui estoient occupez à apprester les viandes, & à panser les blesez: car les boulets pertuisans les ais de leurs maisons de bois, tomboient sur eux lors qu'ils y pensoient le moins; cela neantmoins n'advançoit point les affaires des Turcs, car les habitans se defendoient courageusement sans se lasser: si bien que Hibraim voyant qu'il avoit desia employé plusieurs iours pour se rendre le maistre de cette place, pour en avoir plustost la raison, dressa dans le fossé deux bastions, de grandeur inusitée, & telle qu'ils surmontoient en hauteur non seulement les murs, ains aussi une tour qui estoit devers la porte d'Austriche, en une encogneure de mur, laquelle il embrassa, de sorte que du premier bastion qui estoit plus large & plus haut, il battoit le front de ses ennemis, & du second il leur battoit les flancs de travers. Ces bastions furent élevés en quatre iours, par le continuel travail de toute l'armée, & conduits à leur dernière hauteur: car Hibraim avoit fait commandement à tous les gens de cheval, & à tous ceux qui avoient des bestes de service, d'amener des forests prochaines, du bois qu'on faisoit couper aux Azapes: car ils mettoient les grosses branches, des grands rameaux, ou les tiges mesmes des arbres, apres les avoir alignez & coupez chacun de la longueur de trois coudées, en telle sorte que les ayant arrangez les uns sur les autres par couches, les vnes droites, les autres de travers: ils assemblerent en fin une grande pile de bois pareille à quelque bien haute & large tour, de laquelle leur scopeterie & leurs archers tiroient, non seulement sur ceux qui estoient à la defence des murailles, mais encores sur ceux qui pensoient cheminer par la ville.

Cet ouvrage ainsi parfait, & le fossé ainsi rempli, il ne restoit plus que d'aller à l'assaut, car les mines avoient abatu une bonne partie des murailles, de quoy se doutant bien Nicolissa, donna ordre à tout ce qui estoit necessaire pour un si rude assaut, que celui qu'il s'attendoit de souffrir; & ayant mis les plus vaillans de ses soldats à la defence de la bresche, par où les Turcs faisoient le plus grand effort, & bordé le reste de la courtine, luy & les siens faisoient tout devoir de se bien defendre: mais que pouvoient-ils contre un si grand nombre? aussi les Janissaires estoient-ils desia parvenus outre le mur, quand la multitude des femmes & des enfans, voyans les Turcs presque dans leur ville, commencerent à s'écrier tous ensemble si effroyablement, que cela arresta tout court la fureur des assailans. Ce que voyans les assiegez, le courage leur creut de sorte, (les hommes ordi-

nairement

nairement deuenans plus hardis, & cessans d'auoir peur au changement des affaires qu'ils ont creuës desespérées) qu'ils repousserent les Turcs iusques dans leurs tranchées, sans que iamais leurs Capitaines en pussent estre les maistres, si qu'ils furent contraints de sonner la retraite. Paul Ioue dit que Nicolissa luy dist depuis à Vienne, que les Turcs racontotent qu'ils auoient creu que ce grand bruit prouint de ceux de la garnison de la forteresse, qui fissent vne sortie: encores disoient-ils qu'ils auoient veu en l'air vn Cheualier avecques l'espée dégainée, les menaçant ainsi qu'ils entroient, & que sans doute ç'auoit esté saint Martin, qui s'estoit tousiours monsté le protecteur des Sabariens en leurs affaires les plus desespérées: toutesfois il remet la croyance de cette vision, à la foy de Nicolissa.

HIBRAÏM cependant tout transporté de honte & de colere, de trouuer tant de resistance en vn meschante bicoque, de laquelle encores il ne pouuoit estre le maistre, & voyant qu'il ne pouuoit auoir la raison de cette ville par la force, il s'efforça de la gagner par de grandes & tres-honnestes conditions: ayant doncques trouué moyen de faire venir Nicolissa en son camp, sous son sauf-conduit, il commença à faire grand cas de sa vertu & de son haut courage, qu'il ne pouuoit, disoit-il, assez estimer; mais qu'il estoit temps qu'il donnast quelque preuue de sa prudence, comme il auoit fait de sa valeur, que la fortune estoit fort libre, qui ne pouuoit estre ny forcée ny violentée, qu'il n'en fust doncques pas l'experience à l'extremité, car ce seroit dommage qu'un tel homme se perdist par desespoir: c'est pourquoy, s'il vouloit le croire, il permettroit que quelques Turcs entrassent seulement dans la ville en garnison, laquelle il laisseroit toutesfois en sa puissance, pourueu qu'il prestast le serment à Solyman. Nicolissa, qui de huit cens tant d'hommes qu'il auoit dans cette ville-là, scauoit bien qu'il ne luy en estoit pas demeuré le tiers, & encores tous recrues de veilles, de playes & de necessité, ne trouua pas mal à propos de composer, pourueu que ce fust fort à son aduantage, & en faisant tousiours paroistre des preuues de sa fidelité. Sans faire donc semblant d'auoir aucune crainte, il fit fort valoir sa garnison, & le bon nombre de soldats qui estoient là dedans, & pour donner plus de couleur à ce qu'il déguisoit, il assura Hibraïm qu'il auoit esté desia plusieurs fois tout prest de luy rendre la ville, pour la particuliere affection qu'il luy auoit vouée, dès qu'il estoit à Constantinople, mais qu'il en auoit esté tousiours destourné par les Allemans & Espagnols (fort cruels & violens) qui estoient à la garnison; & que mesme encores qu'ils eussent esté fort instamment priez par les femmes & les petits enfans de la laisser sortir, qu'à peine l'auoit-il pu obtenir. Pourtant promettoit-il bien d'estre amy de tous les Turcs qui passeroient par là, & de leur fournir liberalement ce qu'il pourroit de munitions, selon l'abondance de la region destruite, qu'il attacherait aussi vn estendart du grand Seigneur Othoman sur la plus haute tour de la ville. Quant à faire entrer les Turcs dedans, pour monstrier contenance d'une ville rendue, & d'auoir receu garnison, qu'il desiroit entierement de le faire, mais qu'il craignoit beaucoup que s'éleuant du tumulte, ils ne fussent taillez en pieces par les Allemans & par les Espagnols, grands ennemis des Turcs pour la diuersité de Religion, & que par ce moyen la foy publique estant violée, & l'esperance de toute composition rompue, il ne fallust retourner à la guerre plus mal-heureuse que deuant.

QvE sa grandeur se deuoit doncques contenter de l'assurance qu'il luy donnoit qu'il se rendoit volontairement, & luy principalement qui auoit de si grandes choses à conduire durant cette guerre, ne deuoit pas s'arrester à prendre vne bicoque qui ne luy pouoit apporter aucune commodité: c'estoit ce qu'il luy pouoit dire en homme qui affectionnoit sa reputation, de laquelle affection il luy rendoit vn assuré tesmoignage, quand n'ayant aucune charge de composer, il s'estoit neantmoins fié de sa vie à sa foy & à sa parole, estant venu, selon son mandement en son camp. Hibraïm gagné par la cajolerie de Nicolissa, au lieu qu'il le pensoit corrompre, & craignant que cette place luy empeschast l'execution de ses entreprises, se contenta seulement de faire entrer vne bande de Ianissaires à l'entrée de la porte de la ville, lesquels ayans esté courtoisement reccus & inuitez à boire du vin, ils se retirerent. Cela s'estant fait plus pour vne formalité vaine, afin de pouoir dire que les Turcs auoient entré dans la ville, laquelle par grace ils laissoient ainsi entre les mains de celui qui la possedoit, qu'autrement, car c'estoit là tout le but: & de fait ils leuerent aussi-tost le siege, & partans de Guinz, s'en allerent aux frontieres de Carinthie. C'est ainsi que Nicolissa conserua puissamment sa ville, & satisfit à vn si redoutable ennemy, lors mesme qu'il auoit le moins de pouoir de luy resister; car

1532.

Les cris des femmes ar-
resterent les
Turcs.Vision des
Turcs.Hibraïm tal-
che de ga-
gner Nico-
lissa par com-
posiçon.Nicolissa trai-
te avec Hi-
braïm en ho-
me adulé.Ses offres à
Hibraïm.

Qu'il gagne.

Vanité des
Turcs.Le siege leuë
de deuant
Guinz.

1532.

Quelques considérations
sur ce siege.

c'estoient toutes bayes qu'il auoit données en payement à Hibraim, n'ayant ny soldats Allemans ny Espagnols là dedans, ains seulement quelques soldats qu'il auoit ramassez avecques les habitans. Que s'il est permis de iuger du Lyon par les ongles, on peut assez voir par l'expérience de cette place, ce que peuuent les Chrestiens, quand ils sont bien vnus ensemble & conduits par vn bon chef: car si sept ou huit cens hommes ont bien eu l'assurance de se deffendre, voire de repousser vne si grande & puissante armée dans vne meschante place, que deuoit doncques faire toute la Hongrie à Belgrade, à Bude, & à tant d'autres places qu'elle a perduës? & encores, qu'est-ce que cette grande armée de Charles le Quint eust fait contre cet ennemy du nom Chrestien, si on l'eust valeureusement attaqué & viuement poursuuiuy? Mais tout nostre mal, outre ce que nous sommes la pluspart du temps des vnus, c'est que nous sommes plus portez en ces guerres-là de la violence de nostre passion, que du zele de nostre Religion, & que nous auons en plus grande recommandation nostre particuliere utilité, que la charité & le bien public; de là vient la prosperité de nos ennemis, & que nous sommes chastiez en hypocrites: car toutes choses s'en alloient nous rire à cette fois, l'ennemy perdant le temps à battre la campagne, s'estant fouruoyé du chemin qu'il desiroit tenir, l'hyuer qui le contraignoit de se retirer sans rien faire, & finalement les grandes forces que nous auons lors pour luy resister, mais de tout cela nous fîmes assez mal nostre profit.

Deffaite de
Calumes Mical-ogly &
des Accangis.

CEPENDANT les Turcs faisoient vn merueilleux degast, les Chrestiens ne leur resistans pas toutesfois à guerre ouuerte, ains les prenans tantost deuant, tantost derriere, & quelquesfois sur les flancs, principalement de ceux qui harassez du chemin quittoient tant soit peu le gros de l'armée, dont ils ne deffirent pas vn petit nombre. Mais la plus notable deffaite qui arriua en cette armée, fut de Calumes Mical-ogly, lequel ayant demandé permission à Solyman d'aller fourrager, il prit avecques luy environ quinze mille Accangis de la Romelie: cettuy-cy ayant couru iusques à Lints au dessus de Vienne, rauagé, gasté tout le plat pays, & exercé infinites cruautés, chargez qu'ils estoient d'un tres-riche butin, & d'un grand nombre d'esclaves: comme ils pensoient se retirer au gros de l'armée avecques ces depouilles opimes, ils furent espiez par l'armée Chrestienne, en vn passage estroit d'une montagne, que les Turcs appellent Derbent: où estans assaillis de toutes parts, & ne pouuans s'élargir dans ces destroits, ils y furent presque tous taillez en pieces, & leur chef mesme y demeura pour les gages, au plus fort du combat.

Le camp de
l'Empereur
Charles le
Quint deuant
Vienne.

SOLYMAN cependant s'acheminant tousiours à gauche, tiroit à Graia ville de Styrie, l'Empereur estoit lors à Lints, qui ayant tenu conseil sur ce qu'il deuoit faire, il fut résolu qu'il planteroit son camp près de Vienne, & que là il attendroit les Turcs. Chacun estoit cependant attentif à voir quelle seroit la fin de cette guerre: car on tient que l'Empereur Charles auoit assemblé de toutes nations vne si puissante armée, que de memoire d'hommes on n'en auoit point veu de pareille; les effets toutesfois ne respondirent pas à l'esperance qu'on en auoit conceüe: car Solyman estant entré bien tard en la Hongrie, ses apprests ayans esté fort longs, joint la distance du chemin, voyant l'hyuer approcher, ayant seulement monstré la guerre, il se retira à Constantinople, encores qu'il eut fait courir le bruit qu'à cette fois il chasseroit ceux de la Maison d'Autriche de l'Allemagne, & se rendroit le maistre de tous les Estats de l'Empire d'Occident. L'Empereur Charles d'autre costé, qui auoit, comme nous auons dit, vne si puissante armée, à laquelle tous les Princes & villes franches de l'Allemagne auoient, non seulement contribué, mais encores luy-mesme qui auoit tiré grand nombre de gens de pied & de cheual, Espagnols & Italiens, le Pape le secourant de quarante mille ducats par chacun mois, toutes ces choses ne le rendirent point plus prompt ny plus ardent à cette guerre: car lors qu'il sceut que les Turcs approchoient, il ne leur alla point au deuant, & quand il sceut leur retraite, il ne prit point l'occasion de les poursuiure avecques toutes ses forces, & mesme de reconquerir la Hongrie pour son frere. Car c'estoit lors vne belle occasion de rentrer dans ce que les Turcs auoient vsurpé, & reconquerir des places si importantes, ayant les forces en main pour ce faire: mais n'ayant bougé de deuant Vienne, tant que le Turc fut en Hongrie, quand il s'en fut allé, il brûloit tellement de desir de s'en retourner en Espagne, qu'après auoir laissé à son frere quelques gens de pied Italiens, & vn certain nombre de Lansquenets, il prit la route d'Italie pour s'y acheminer, comme firent aussi ceux qu'il vouloit laisser en Hongrie pour la conquête du pays: car les Italiens poussez par quelques-vns de leurs chefs, qui virent qu'on bailloit la charge de l'entreprise à d'autres Capitaines, se mutinerent: tellement que sans alleguer aucune raison de leur tumulte, & l'autorité

Mutinerie
des Italiens,
qui quittent
tout, pour
s'en retourner
en leur
pays.

l'autorité de l'Empereur, qui alla luy-mesme parler à eux, n'estant pas suffisante pour les appaiser, d'autant qu'ils estoient forts & d'accord ensemble, qui estoit cause qu'il ne les osoit faire arrester, ils prirent vnaniment le chemin d'Italie en tres-grande diligence, de peur d'estre suiuis, brûlans en chemin plusieurs villages & maisons, comme en terre d'ennemis; en vangeance, disoient-ils, des brûlemens faits en plusieurs lieux d'Italie par les Lansquenets. Cecy arriua l'an mil cinq cens trente-deux, & de l'Egire neuf cens trente-neuf: c'est le succez qu'eut tout ce grand remuement que ces puissants Princes auoient fait en Hongrie, ayans mis tout le monde en ceruelle pour ne rien faire, & pour les voir, par maniere de dire, iouer aux barres.

QVE si l'armée de terre auoit eu vn succez si inutile, celle de mer ne fit gueres de plus signalez exploits, l'armée des Turcs estoit en la mer de Leuant, en nombre de quatre-vingt voiles, en comptant avecques les galeres enuiron vingt vaisseaux moindres, & celle des Imperialistes sur la mer de Ponant, qui estoit composée de quarante galeres subtiles, avecques vn bon nombre de grands nauires de guerre, sous la charge d'André Dorie: Imeral commandoit aux Turcs, toutes deux demeurans sans se mouuoir, pour la crainte qu'elles auoient l'une de l'autre, si bien qu'elles consommerent quasi tout l'esté, sans rien faire: finalement l'armée Turquesque affoiblie de beaucoup par la maladie qui s'y estoit mise, commença de se retirer deuers Negrepon, pour aller puis apres hyuerner à Constantinople. Dorie voyant son ennemy retiré, deuenu plus hardy quand il n'eut plus personne à combattre, fit voile deuers la Morée avecques son armée, où il mit le siege deuant Coron qu'il prit apres quelque resistance que firent ceux de la garnison Turquesque qui estoit dedans. Il fit le mesme à Balubadrum ou Patras, & de là s'en alla prendre encores ces deux forteresses qui sont aux embouchures de Corinthe, & de Naupacte ou Lepadithe, vulgairement appellées les Dardanelles, puis mettans pied à terre, ils entrèrent bien auant en terre ferme: & firent vn grand degast par toute la contrée, emmenans quant & eux grande quantité de butin, & grand nombre de femmes & d'enfans. Ce qui aduint la mesme année 1533. se retirans de là en Sicile.

1532.

Le rauage qu'ils firent le long du chemin.

Armée de mer des Chrestiens & des Turcs.

Les Turcs se retirent, sans rien faire.

Prise de Coron par les Chrestiens. De Patras.

Et des Dardanelles.

XXIII.

Origine de Cairadin Barbe-rousse.

Histoire de son frere. Horux.

OR en ce temps estoit au seruice du grand Seigneur vn nommé Cairadin ou Cariadin, les autres Hairadin & Ariaden, natif de l'Isle de Metellin, fils d'un potier de terre, le mestier duquel luy déplaisant, il se rendit corsaire, les Chrestiens le nommerent Barbe-rousse, fort renommé pour les maux infinis qu'il fit par toutes les costes de la Dalmatie, Sicile, Corse, & plusieurs autres endroits, tant contre les Venitiens, que contre l'Espagnol & les Geneuois; ce qui l'aduança tellement en la Cour de Solyman, qu'il le fit Admiral sur toutes les mers de ce grand Empire, pour la grande experience qu'il auoit au fait de la marine, dequoy il donna aduis aux Venitiens, afin de ne le traiter plus comme corsaire, mais comme vn homme de la Porte. Or auoit-il vn frere aisné, que l'histoire d'Espagne appelle Horux, surnommé aussi Barbe-rousse: cettuy-cy fit beaucoup de mal tout le long des costes d'Affrique, & principalement au Royaume de Bugie, assaillant la ville, & en ayant pris vne des forteresses que les Espagnols y auoient basties, se vint camper deuant l'autre, esperant que s'il la pouuoit saisir, il luy seroit facile par apres de s'emparer du Royaume de Bugie: mais les montagnards qui l'accompagnoient, l'ayans abandonné, quand se vint la saison de faire des bleds, & mesmes tous les soldats Turcs, il fut contraint d'abandonner cette magnanime entreprise, & leuer le siege: mais auparauant que de débarquer, il mit le feu de sa propre main dans douze grosses fustes, qui estoient sur vn fleuve, trois milles loin de Bugie, puis se retira accompagné de quarante Turcs ses familiers, au chasteau de Gegel, qui est distant de Bugie par l'espace de septante milles. La bonne fortune de cettuy-cy estoit venue de ceux d'Alger, qui estoient sous la sujection des Roys de Bugie, alors sous la domination des Espagnols, & ne pouuans supporter le ioug de leur seruitude, ils appellerent Barbe-rousse pour estre leur Capitaine, le reconnoissans homme fort experimenté.

CETTUY-cy estant introduit dans la ville, & ne pouuant souffrir de superieur, il tua dans vne estuue, en trahison, vn qui se disoit seigneur d'Alger, nommé Selim Estenmi, de la lignée de Tchaliba, qui auoit esté crée seigneur d'Alger, lors que les Espagnols s'emparerent du Royaume de Bugie, où il s'estoit maintenu iusques à l'arriuée de Barbe-rousse, qui luy fit prendre telle fin que vous auez ouy, puis il s'attribua le titre de Roy, & fit battre monnoye, dit Iean Leon, receuant les hommages & obeyssances des peuples circonuoisins, qui luy rendirent tribut, puis prit la ville de Circelle ou Carcenna, où il mit pour gouuerneur Scanderiz, & laissa la garde d'Alger à Cairadin son frere, prit la ville de

Fait mourir le seigneur d'Alger.

Ses conque-tes.

1533. &
34.

Des artifices
pour se ren-
dre Roy du
Tremessen ou
Telenfin.

Tenes, riche & opulente, située entre Alger & Oran, deffit en bataille Diego de Vera, où l'Espagnol perdit huit mille hommes, & de là s'en alla en son entreprise de Bugie & du Tremessen, ayant pour cet effet gagné de certains Hermites Mahometans, qu'ils appellent Mouraboux, lesquels pour faire reuolter les sujets contre leur Roy, leur faisoient entendre qu'il y alloit de leur damnation, s'ils ne le chassoient, attendu qu'il auoit alliance avecques les Chrestiens: si bien qu'à l'ayde de Barbe-rousse, ils le chasserent: toutesfois Barbe-rousse n'estoit pas assez puissant pour se rendre le maistre de cette grande ville, mais ils s'aduisa d'une telle inuention: le Roy qui auoit esté chassé, tenoit vn sien neveu prisonnier: pour doncques faire voir aux habitans qu'il n'estoit venu qu'à leur secours, il leur conseilla de declarer cettuy-cy Roy, comme ils en auoient desia l'intention, mais comme ils y procedoient lentement, ce corsaire aveuglé par son ambition, tua ce ieune Prince, & se mit en deuoir avecques les gens qu'il auoit, de s'emparer de la cité, malgré les habitans, desquels il tua quelques-vns des principaux, qui fut la principale cause de sa ruine.

Chassé vain-
cu & tué.

CAR cependant le Roy qui auoit esté chassé, prenant cette occasion si à propos, s'en alla en Espagne demander secours, lequel ayant eu assez promptement, il poursuivit tellement son ennemy, qu'il le contraignit de gagner la montagne d'Abez, aux confins de Bugie, & s'enfermer dans vn chasteau, duquel estant contraint de sortir & de venir au combat, il y fut vaincu & tué, & sa teste portée à Telenfin, & de là en Espagne. Si que de la façon que le raconte Jean Leon, & selon l'histoire il semble que ce corsaire ayteu des entreprises sur le Royaume de Bugie, & sur celuy de Tremessen ou de Telenfin, & qu'en fin il n'en peust effectuer ny l'une ny l'autre, finissant sa vie à celle de Tremessen. A cettuy-cy succeda en la seigneurie d'Alger son frere Cairadin, lequel voulât d'oresnauant tenir rang de Prince, & mesnager sa fortune avecques plus d'honneur, voulut quitter cette vie de brigand, faisant en sorte, comme il ne luy estoit pas difficile, à cause de la grande reputation qu'il auoit acquise de grand Capitaine sur la marine, de s'insinuer aux bonnes graces de Solyman, qui le fit, comme vous auez entendu, general de ses galeres, & ce fut alors qu'il manda à la Seigneurie de Venise, qu'il vouloit qu'on le tint d'oresnauant pour vn de ses principaux officiers. Mais ce qui auoit le plus incité Solyman, d'agrandir cet homme, c'estoit les desseings qu'il auoit contre la maison d'Autriche, afin de donner de toutes parts de la besongne à Charles le Quint, qu'on disoit se preparer pour faire iouir son frere du Royaume de Hongrie, l'ayant fait depuis peu élire Roy des Romains. Cettuy-cy appuyé d'une telle autorité, & ayant en main vne telle puissance, s'estoit aussi rendu redoutable par toutes les contrées d'Europe, d'Asie, & d'Afrique qui voysinent la mer, là où ayant pris & pillé plusieurs villes, il se seroit en fin rendu le maistre de la cité & du Royaume de Thunes par vn tel moyen.

Mahomet
gouverneur
de Thunes, &
son histoire.

MAHOMET, celui qui de gouverneur de Thunes sous l'Empereur, & Miralmumain de Maroc, apres la grande bataille de Maradut en Espagne gagnée par les Chrestiens, s'estoit emparé de cet estat & s'en rendit le Souuerain, & se voyant vieil, desireux qu'il estoit de pouruoir à son Royaume, il voulut que le plus ieune de ses enfans, qu'il auoit eu d'une femme Arabesque nommée Gezia, luy succeda. Cettuy-cy s'appelloit Muley Hascen, lequel selon la coustume des Princes Mahometans, qui n'ont point de plus grands ennemis que leurs plus proches, aussi-tost qu'il fut paruenue à la Royauté, fit mourir Mumon son frere aisné, & puis se depescha de tous ses freres & cousins: le seul Araxit se sauua à Bixacara ville de Numidie, où il assembla quelques forces, avec l'aide de certains Xecques ou seigneurs Numidiens. Mais cela luy ayant assez mal reussi, il eut recours à Cairadin Barbe-rousse Roy d'Alger, lequel l'ayant humainement receu, & iugeant bien que cettuy-cy luy seroit vn beau pretexte pour s'emparer de Thunes, & de tout le Royaume de Bugie, il luy conseilla de s'en venir à Constantinople pour informer le grand Seigneur de son affaire, promettant de le luy presenter, & de luy faire tous bons offices enuers sa Majesté, de laquelle aussi il deuoit esperer toutes sortes de courtoisies: l'autre l'ayant creu, & arriuez qu'ils furent à la Porte, (ainsi appelle-on la Cour du Monarque Othoman:) Barbe-rousse fut incontinent depesché avecques bon nombre de galeres fournies de gens de guerre, & de tout ce qui estoit necessaire pour vne telle entreprise, Solyman reconnoissant assez combien cette place luy estoit importante, pour les desseins qu'il auoit contre l'Empereur Charles. Barbe-rousse publoit cependant par tout qu'il ramenoit Arraxide pour le faire Roy de Thunes, & toutesfois on l'auoit retenu à Constantinople. Ce Cairadin en allant à Thunes, passa par le Far de Melline, où il brûla vn nauire qui portoit

Ravage de
l'armee de
mer de Cair-
adin, en l'une &
l'autre Sicile.

des

des chairs à Malte, ravagea Siglio & la cité de Calabre, brûla Cotrato, ruina Serpolonca, & Fondi, & mit en alarme toute la ville de Rome; & le consistoire estant lors sans defence, si qu'il luy estoit aysé de s'en emparer, puis tourna tout court son armée contre Thunes. Muley Hascen parricide & auare, qui n'aimoit que son plaisir & sa volupté, & qui suiuant l'ordinaire des cruels, n'auoient courage ny hardiesse, s'épouuantant incontinent de voir fondre sur luy vne si puissante armée, ne l'attendit pas, ains apres auoir enterré ses thresors, s'enfuit avecques sa mere & son fils Achmet, vers les parens de sa mere, Ismaël & Dorar Alarabes du lignage de Vled Aixa, qui sont vn membre de Vled Yahya, de ceux qui menent vie champestre & vagabonde par les plaines & deserts d'Afrique & Numidie, peuple puissant, mais sans loyauté ny amitié, aussi n'y trouua-il aucun secours. Toutesfois les habitans auoient pris les armes du commencement en faueur d'Arraxit; les autres l'appellent Muley Rascit, pour les cruautéz de Hascen: car Barbe-rousse leur auoit fait à croire qu'il l'auoit amené malade dans ses galeres, & de fait luy auoient enuoyé sa femme & ses enfans, qu'il auoit fait entrer dans les galeres, sous pretexte de l'y voir malade: si bien que sur cette creance il se saisist du palais & de la forteresse: mais comme ceux-cy y virent l'enseigne de Solyman arborée, alors reconnoissans la tromperie, rappellerent Muley Hascen, & tous ensemble inuestirent & assaillirent furieusement la citadelle, où estoit Barbe-rousse, lequel sortant resolument sur eux, les mit en route, en fit mourir trois mille, comme aussi il y perdit quatre cens des siens: mais il chassa Muley Hascen, lequel ne sçachant aller à refuge, fut conseillé par vn Geneuois renegar nommé Ximan, d'implorer l'ayde de l'Empereur Charles le quint, entreprenant luy-mesme de faire le voyage d'Espagne, où il negocia si dextrement avecques l'Empereur, & sceut si bien luy représenter l'interest que ce luy estoit pour ses seigneuries, tant en Italie qu'en Espagne, si les Turcs delia possesseurs de plusieurs ports en la coste de Barbarie, venoient encores d'abondant s'establi à Thunes, si grande & si puissante, & d'abondant si opportune pour sa situation, qui est près des ruines de l'ancienne Carthage, qu'il resolut de donner secours à Muley Hascen, & de le reestabli en son Royaume. Cependant Barbe-rousse, qui par la fuite de ce Prince auoit trouué la place vuide de gens de guerre, & sans chef, s'estoit facilement saisi de la ville, de son chasteau, & du fort de la Goulette, ou entrée du Lac que la mer fait en cet endroit. Mais ne croyant pas que les Chrestiens deussent prendre la protection de ce Mahometan, ny leuer vne telle puissance, comme il experimentera depuis, il ne se fortifia pas aussi, & ne se pourueut pas de tout ce qui luy faisoit besoin pour retenir vne telle conquête, contre vne si grande armée. Si qu'ayant seulement departy la sienne, tant à Assam Aga Eunuque, qu'à Ay Capitaine de mille Ianissaires & à ses autres Capitaines, il se mit à la conquête de toutes les places du Royaume de Thunes, mesmes de Tagiora: tellement que pour l'heure il en demeura paisible. Cecy aduint l'an 1534. & de l'Egire 940.

1534.

Muley Hascen s'enfuit vers Charles le quint.

Ruse de Gaisradin.

Reconnu des habitans qui le poursuivent, mais il l'aduantage.

Se saisist de Thunes & du fort de la Goulette.

Or durant tous les preparatifs de cette armée de mer, les Turcs auoient mis le siege deuant Coron, cette place leur estant trop importante pour la laisser entré les mains de leurs ennemis, lesquels ils iugeoient estre bien loin, pour y pouuoir donner secours, & que par consequent il la pourroient recouurer plus aysément: ils arriuerent doncques à Andrusa, au terroir Messenien, & distante de Messene (maintenant Petalida d'enuiron sept milles en terre ferme, & trente cinq de Coron, sur le fleuve Tiseo. Ceux qui estoient en garnison dans Coron, auoient cependant besoin de toutes choses, mesmes d'eau, d'autant que les cisternes auoient esté tellement creuacées par l'artillerie, lors que la place fut prise par les Chrestiens, que ceux de dedans ne pensoient pas que l'eau leur peust suffire iusques à l'esté, bien que l'hyuer fust fort pluuieux. Cela avecques le peu d'esperance qu'ils auoient d'estre secourus, mais sur tout l'impatience de demeurer en cette place tant éloignée des leurs, fit tant que les Espagnols gagnerent leur Capitaine Macicao, apres y auoir resisté autant qu'il luy fut possible, qui leur permit en fin de faire vne sortie sur les Turcs: aimans mieux, disoient-ils, tandis qu'ils auoient encore quelque vigueur, aller attaquer l'ennemy, que d'attendre qu'ils fussent tout allangouris, & contrains en fin de se rendre sous sa misericorde: Macicao leur auoit assez remonstré leur petit nombre contre vne fort grande multitude, entre lesquels encore il y auoit bien mille cheuaux, & eux n'estoient que gens de pied; mais tout cela ne les peust destourner de leur entreprise: si bien qu'en fin ayant laissé la ville en garde aux Capitaines Liscano & Mendon, il sortit de Coron avecques son petit escadron, lequel ayant conduit par chemins assez destournez, ils arriuerent la premiere nuit en vne vallée d'vne petite forest, où ils se relan-

XXV.

Siege des Turcs deuant Coron.

1534.

Surprennent
les Turcs à
Andrussa.

Sont décou-
verts.

Ceux de la
ville d'An-
drussa se met-
tent en des-
fence.

Les Espagnols
se retirent en
gens de guer-
re, & sans s'e-
stonner.

Se retirent en
fin à Coron.

Qu'ils aban-
donnent.

Par le com-
mandement
de Charles le
Quint.

cerent pour ce iour, puis vers le soir s'acheminèrent à Andrussa: dedans la ville estoit vn Capitaine de Ianissaires, que Paul Ioue appelle Caran fort renommé entre les Turcs pour sa valeur, qui commandoit à quinze cens harquebusiers Ianissaires, le reste estoit d'Azapes, au dehors de la ville estoit vn nommé Acomath, & surnommé Iussello pour sa grande beauté, qui commandoit sur la caualerie, & estoit logé aux faux-bourgs. Or l'intention des Espagnols estoit de passer outre les escuries & le camp de la caualerie, & d'aller assaillir la ville, de laquelle le mur n'estoit fait que de claye & d'argille à l'espoisseur d'une paroy de brique, encores estoit-il rompu, partie de vieillesse, partie par la nonchalance des habitans, donnant ainsi facile entrée aux soldats, qui voudroient monter & s'élever sur les espauls de leurs compagnons.

M A C I C A O ayant doncques laissé contre la caualerie Hermosilla, vn autre chef Espagnol, il marcha avecques les siens contre la ville, mais cette faction ne s'estant peu mener si secrettement que quelques palfreniers ne les eussent sentis, & mesmes apperceus par la lueur du feu de leurs cordes d'harquebuses & au sentiment de la mesche, donnerent l'alarme au camp tout endormy, & qui ne setenoit nullement sur ses gardes, comme n'esperant rien de tel. Ce que voyant Hermosilla, & qu'ils estoient découverts, il donna dedans avecques la plus grande impetuosité qu'il luy fut possible, pour les empêcher de monter à cheual & se mettre en bataille: pour ce faire ils ietterent du feu de tous costez dans les escuries, afin d'y accabler hommes & cheuaux, ou pour le moins de si bien les empêcher qu'ils ne peussent donner secours à ceux de la ville. Cela leur réussist assez bien du commencement, car le feu n'arresta guerres qu'il n'embrasast tout ce qu'il rencontra, si qu'il y auoit là vne merueilleuse confusion de toutes choses, mais sur tout le hennissement & fremissement des cheuaux faisoit horreur: car plus on s'efforçoit de les tirer hors des escuries, & plus ils entroient auant, & s'entassoient les vns sur les autres selon leur coustume, cela estant tres-rare de les faire cheminer au trauers du feu, principalement s'il se prend aux lieux où ils se retirent. Mais comme cela se passoit ainsi aux faux-bourgs, ceux de la ville s'éueillèrent aussi à vn si grand bruit; & sans s'estonner, Caran ayant fait prendre les armes à ses soldats, accourut à l'endroit des bresches, & aux portes, pour donner secours aux lieux où il seroit le plus de besoin. Le courage commença lors à diminuer vn peu aux Espagnols: car les Turcs ayans reconneu leur petit nombre, mirent tous leurs efforts pour en auoir la raison; & cependant Hermosilla estoit attentif apres la caualerie, mais cela l'empescha aussi de venir donner secours à ceux qui estoient deuant la ville: si que Macicao fut tué d'un coup d'harquebuse, en arrachant les bastons d'une petite porte, qui luy estoit en flanc; aussi y fut tué Diego Taiarre, vn des plus vaillans de leur troupe, & quelques autres de leurs meilleurs soldats, cela commença à leur faire perdre esperance, ioint que le iour estant desia grand, Caran fit vne sortie sur eux, & les contraignit de se retirer, toutesfoies ce ne fut point en desordre, mais ils firent en sorte qu'ils gagnerent leur autre escadron. Hermosilla faisant faire apres cette retraite si dextrement, que les Turcs n'osoient eux-mesmes beaucoup s'émanciper contre eux, & estoient contraints de les laisser aduancer pays.

M A I s cependant Acomath ayant rassemblé vn assez bon nombre de cheuaux, demanda à Caran deux cens harquebusiers pour donner sur cette arriere-garde qui faisoit le plus de mal. Et apres l'auoir pourfuiuy quelques milles, ayant picqué son cheual, & s'estant avancé trop hardiment, il fut tué d'une harquebusade qui le perça d'outre en outre, & ainsi tomba mort sur le champ: aussi-tost les Espagnols se saisirent de sa Zercola rouge, dit Paul Ioue, & entretisue de beaucoup d'or avecques son pennache & son bouclier, & les Turcs prirent le corps, lesquels voyans leur Capitaine mort, se retirent & laisserent aller les Espagnols tout à leur aise à Coron. Quant à eux, apres auoir coupé le nez & les oreilles à quelques soldats qu'ils prirent, ils les enuoyerent à Constantinople. Ils laisserent Andrussa, & se retirent à Londario, iadis Megalopolis. Cette rencontre auoit beaucoup diminué le nombre de ceux de la garnison de Coron, & outre ce la peste s'estoit mise dans la ville qui en auoit fait mourir beaucoup: si bien que les Espagnols se voyans accablez de tant d'incommoditez, se resolurent d'abandonner la place à la premiere commodité, ce qu'ils firent si tost que les vaisseaux de Sicile furent arriuez, qui leur apportoiert du bled: car les Capitaines mesmes desesperans de pouuoir plus tenir la place, monterent sur les mesmes vaisseaux, & la laisserent au pouuoir des Turcs. On creut toutesfoies que cela se fit par l'exprès commandement de l'Empereur, lequel voyant qu'il ne pouuoit desfendre ce lieu, qu'avecques vne extremement grande despence, entouré comme il estoit

estoit de tous costez des ennemis, avecques encores bien peu d'esperance de plus grand progrez, delibera de ne le plus garder, ains de le quitter, ne pouuant soustenir les frais de cette guerre, estant assez empesché à soustenir celle qu'il auoit, tant en Allemagne que contre les François, qui regardoit plus son interest particulier : c'est pourquoy il auoit offert cette place aux Venitiens, au Pape, & aux Cheualiers de Malte, pour la garder & posseder, puis qu'ils ne vouloient pas contribuer aux frais, mais personne n'y voulut entendre.

TOUTESFOIS le Pape Clement, qui desiroit s'oster cette apprehension continuelle des armées Turquesques, auoit quelque temps auparauant prattiqué avecques Louys Gritty, qui estoit encores lors à Constantinople, par le moyen de Guerardy, estably pour faire droit aux marchands Florentins, que Solyman feroit trefues avecques tous les Princes Chrestiens pour dix ans, en luy rendant Coron : ce qu'Hibraim (qui sans doute fauorisoit les Chrestiens) desiroit fort ; joint que les cœurs de tous les Turcs estoient lors portez à la guerre de Perse. Or ce Bassa, comme nous auons desia dit, commandoit si absolument, que tout ce qu'il entreprenoit, reüssissoit, disposant de son Empereur à sa fantaisie. Mais l'Empereur Charles le Quint se faschant de quitter ce qui estoit la seule recompense de tous ses labours, & des frais de son armée de mer, comme il prolongea sa resolution : il perdit aussi l'occasion de faire ses affaires, & de deliurer son frere Ferdinand des grandes & continuelles guerres qu'il eut depuis, épargnant outre ce beaucoup d'hommes & de frais, & cependant les Turcs ne laisserent pas d'auoir la place, & si n'accorderent rien aux Chrestiens. Cette occasion perdue si mal à propos, ne se reconura pas aisément par apres. Or la prise de Coron remit aussi les Turcs dans les autres places que l'armée nauale des Chrestiens auoit prises, les choses demeurans pour ce regard en l'estat qu'elles estoient, sinon que c'estoit pour les Chrestiens beaucoup de frais, de temps & d'hommes perdus inutilement : car ils auoient en cette prise réparé la faute & la perte de Portondo, mais à cette fois la honte & la perte leur demurerent.

CE Portondo estoit Capitaine de la nauire d'Espagne, lequel estant à Ieniza, & ayant entendu que quinze vaisseaux de corsaires que l'on menoit à rames, s'estoient arrestez en l'Isle de Colubrata, à dix milles loin de Ieniza, nommée Fermentaria par les mariniers, esperant faire vne belle prise & auoir la raison de ces escumeurs de mer : il prit sept des plus puissantes galeres de quinze qui estoient là sur le port, qu'il emplit des mariniers & de soldats du reste des autres, & impetra du Podestat de Ieniza, enuiron cent cinquante bons soldats d'élite. Ce renfort fit entierement resoudre Portondo à les aller combattre, encores que son fils Giouanny l'en dissuadast tant qu'il luy estoit possible ; mais son pere luy reprocha que c'estoit faute de cœur, & qu'il ne doutoit point qu'il ne mist incontinent en route tout ce ramas de brigantins, quand bien il n'auroit que sa galere capitainesse. Haidin de Smirne chef des corsaires, surnommé Cacciadiauoly, & des compagnons de Barbe-rouille, voyant venir de loin les galeres, abandonna incontinent avecques les siens le riuage, qu'il rangea en bataille ; mais voyant que les Chrestiens ne tenoient pas leur cours égal, d'autant qu'ils auoient fait vne longue suite entre-coupée, si qu'ils sembloient ne pouuoit se joindre de front avecques la capitainesse, ayant appelé les maistres des vaisseaux, il les disposa en sorte que les plus puissantes fustes frapperoient de front l'armée ennemie avecques les aiguilles, & les plus legeres assailliroient par les flancs, & ainsi seroient deux fustes sur vne galere : ce qui leur succeda si heureusement, qu'Assim Celebin, & Solyman, les plus hardis d'entre les Turcs, se jetterent sur la galere capitainesse : cettuy-cy d'un costé & l'autre de droit fil sur la proüe, si bien qu'ils massacrerent Portondo, auparauant qu'il peust estre secouru, & entrans dans le vaisseau, abbatirent l'estendard : Haidin fit le mesme à vne galere qu'on appelloit le coq, taillant tout en pieces, comme on auoit fait à l'autre ; tellement que des sept, l'une se sauua, les cinq furent prises, & la septiesime s'échoia sur des rochers, & ceux qui estoient dedans, s'estans sauuez où ils auoient pû, furent poursuivis par les gens de Haidin qui auoient mis pied à terre, & menez prisonniers dans leurs vaisseaux : lequel apres auoir gagné vne si belle victoire, donna trois iours de repos à ses gens, puis s'en alla trouuer Canadin à Alger, avec ses six galeres prisonnières. A la venue & pour la victoire duquel, Barbe-rouille fit fort grande feste, s'assurant que cela luy apporteroit vne grande reputation enuers Solyman, & de fait il enuoya iusques à Constantinople, luy presenter en son nom, les plus braues dépouilles de cette victoire, & principalement l'enseigne de la capitainesse de Portondo, & la couverture de sa poupe, faite d'un fort somptueux ouurage.

1534.

Le Pape Clement rathe d'auoir quelques trefues avec les Turcs.

Irresolution de Charles, empesche vn bon accord avec les Turcs.

Qui reprennent les places qu'ils auoient perdues en la Morée.

Entreprise de Portondo sur des corsaires Turcs.

Haidin corsaire, compagnon de Barbe-rouille.

Combat naual de Portondo avec Haidin.

Mort de Portondo, & prise de ses galeres.

Haidin avec Barbe-rouille enuoye à Solyman les dépouilles de cette victoire.

1534.

Ralliement
de plusieurs
corsaires.Entreprise de
Barbe-rousse
sur Calis.André Dorie
tâche de vâ-
ger la mort
de Portondo.Prend Cer-
celle & deli-
vra les escla-
ves Chrestiens.Perd son ad-
vantage par
la faute des
soldats qui
s'arrestent au
pillage.

Mais ces corsaires n'en demeurèrent pas là : car Barbe-rousse s'allia encore d'un autre Pirate nommé Sina, & surnommé le Juif, par le moyen de Taba Capitaine d'une galere. Ce Sina commandoit à vingt-quatre fustes, & à une galere nommée la noire, sur laquelle il avoit mis pour patron Galicola Corso, qu'il avoit élevé dès son enfance, & qui en son nom menoit encore une galere expediaire, nommée la Calabroise. Sina donc ayant commandé de mettre ses vaisseaux à terre pour les calfeutrer, s'en alla à Thunes où il trouva un autre corsaire nommé Haliert, qui avoit quatre fustes & deux galeres : ces deux s'accorderent d'aller trouver Barbe-rousse à Alger : car il n'avoit pas encore pris Thunes, si que les puissances de tous ceux-cy ramassées, Barbe-rousse ayant fait faire la montre, trouva qu'il avoit soixante vaisseaux equippez pour la guerre. Cela luy fit entreprendre sur la ville de Calis, qui est au destroit de Gibaltar. Pour cet effet ils enuoyerent Halicot à Cercelle avecques la moitié de leurs vaisseaux pour faire provision de biscuit, de pavois, d'artilleries & de toutes sortes de munitions. Mais cependant qu'ils estoient sur ces apprests, André Dorie ayant pris fort à cœur la perte de Portondo, recherchoit tous les moyens pour en tirer sa raison ; & ayant pris sa course vers les Isles Maiorque & Minorque, il sceut qu'une partie de l'armée marine des corsaires estoit à Alger, & que l'autre estoit arrestée à Cercelle : il se resolut d'en assaillir l'une devant qu'elles se fussent jointes, & ainsi dressa son chemin en haute mer droit en Afrique vers Cercelle, avecques trente-huit galeres toutes bien armées, que les Mores apperceurent incontinent venir de loin : car il estoient sur l'échauguette du Promontoire, iadis nommé *Carapula*, aujourdhuy *Bataglio*, & des Mores *Giraplumar*, dequoy ils vinrent incontinent aduertir Halicot, luy disans que c'estoit l'armée de Barbe-rousse qui approchoit ; luy toutesfois n'en pouvoit rien croire, sachant bien que selon la coustume, il ameneroit de grandes & de petites fustes, estant necessaire qu'il y ait parmy l'armée des corsaires, de petits brigantins d'espion, & il n'en voyoit point parmy ceux-cy.

En fin les galeres de Dorie s'approcherent peu à peu de si pres qu'elles furent reconneuës de ceux-cy, pour estre ennemies : parquoy Halicot voyant bien qu'il n'estoit pas bastant pour resister à si grande puissance, il s'advisa promptement de defferrer les forçats Chrestiens, qui estoient huit cens de compte fait, & les enferma en une prison souteraine, puis ayant fait percer les carelles de ses galeres, les mit au fonds du port, afin que l'ennemy ne s'en peust emparer, & emmena tous les Turcs avecques luy, qu'il fit entrer dans la roque, commandant aux Mores d'abandonner la ville, & d'aller appeller au secours les Alarbes du prochain voisinage, & les paysans des montagnes, qui sont gens belliqueux. Cependant qu'il ordonnoit ainsi tumultuairement de toutes choses, ce neantmoins fort à propos, Dorie ayant fait avancer les proües, se saisist du port & de la ville. La premiere chose qu'il fit, ce fut de faire rechercher les prisons des pauvres esclaves Chrestiens, & pour cet effet il y enuoya trois enseignes de gens de pied, lesquels en fin les ayans trouvez, les amenerent tous à Dorie, qui les distribua par les galeres avecques beaucoup de bon traitement. Cela estant fait, les soldats se ruèrent incontinent sur le pillage, & s'estans mis à saccager les maisons, s'écartèrent en diverses ruës, quoy que peult dire Dorie ; & qu'il les fit appeller au son de la trompette, car tout cela n'estoit pas suffisant pour les tirer hors de cette ardeur de ravir & de piller ce qu'ils voyoient devant leurs yeux.

Mais cependant Halicot qui estoit en sentinelle pour attendre ce qui arriueroit de tout ce ravage, voyant ceux-cy en desordre, descendit avecques les siens, ayant à l'instant mesme receu le secours des Alarabes, si que gens de pied & de cheual estans mêlez ensemble, ils purent tellement ceux-cy au depourueu, qu'ils en firent une grande occision : car au lieu de se rallier & tenir teste à l'ennemy, ils prirent aussi-tost l'épouuente, estans si chargez de butin qu'ils ne pensoient qu'à se retirer dans leurs vaisseaux. Dorie voyant cette fuite si ignominieuse des siens, les exhortoit de resister & de tenir teste à l'ennemy, qui devant qu'ils eussent pris la ville, n'avoit pas eu l'assurance de les attendre : que c'estoient les mesmes qui avoient fuy, & leur avoient quitté la place : pourquoy doncques maintenant ils abandonnoient le tout si liberalement ? mais à tout cela on faisoit la sourde oreille. Si bien que voyant qu'il n'estoit plus le maistre, & que personne ne vouloit plus obeyr, il commanda de retirer les galeres du riuage, croyant que les soldats voyans toute esperance leur estre ostée d'y monter, se resoudroient à combattre. Mais ce fut encore pis : car l'épouuente les avoit si fort saisis, qu'ils se precipitoient en toutes sortes de dangers, aimans mieux se jeter dedans l'eau, que d'éprouver le tranchant des cimeterres de

de l'ennemy, & luy tourner le visage, mais comme il y en auoit bien peu qui sceussent nager, plusieurs se noyerent aussi. De sorte que Dorie ne perdit gueres moins en cette route, que quatre cens hommes, & soixante qui furent pris des corsaires, entre lesquels estoit Georges Palauicin. Dorie toutesfois se resolut sur ce qu'il auoit deliuré tant d'esclaves Chrestiens, joint que la perte que Halicot fit de ses vaisseaux & de ses gens de rames, empescha l'entreprise que Barbe-rousse auoit sur Calis: car cela seul la preserua; tout cecy pût arriuer quelque temps deuant la prise de Thunes: mais Cairadin ne laissa pas de compter cecy entre ses beaux faits, car il estoit le chef de tous les autres, & d'en mander aussi-tost les nouvelles à Constantinople, où on estoit bien empesché à faire les preparatifs pour la guerre que Solyman deliberoit de faire en Perse, pour vne telle occasion.

1534.

Perte de Dorie en ce combat.

Lequel toutesfois empesche la prise de Calis.

LES guerres que les predecesseurs de Solyman auoient eues contre les Perles, & le peu de raison qu'ils en auoient tiré iusques alors, estoit vne cause assez suffisante pour faire transporter les armées Turques en Orient: car tout ce qu'y auoit fait Selim, n'estoit qu'une course, qui luy auoit plus apporté de perte que de gain, & si encores qu'il y eust trefues entr'eux, ils ne laissoient pas chacun de surprendre, s'il pouuoit, son compagnon; les Georgiens principalement, qui passans l'Euphrates faisoient plusieurs courses en la Comagene, destroussans ceux qui alloient & venoient en la Mesopotamie, comme aussi les Sanjacs & Gouverneurs de la Prouince en auoient souuent fait leurs plaintes, de ce que sans sujet ils rompoient les trefues, & les traitoient en ennemis: mais voyans qu'on ne leur en faisoit autre raison, ils auoient aussi passé au Diarbech, aux enuiron de Byrthe, où ils auoient fait tout le degast qui leur auoit esté possible: c'estoient tousiours des seminaires de guerres & des occasions toutes trouuées pour celuy qui le premier voudroit deployer l'estendart. A tout cecy plusieurs choses se conioignirent, qui hastèrent la guerre: l'une, & peut-estre la principale, que Hibraim, porté, dit-on, pour les Chrestiens, mais particulièrement pour la maison d'Autriche, (laquelle il s'efforçoit de fauoriser) taschoit de tirer les armées hors de Hongrie, & de les tourner vers les Perles, sçachant bien qu'il falloit faire la guerre d'une part ou d'autre: & comme il auoit sur tout autre, l'oreille de son maistre, lequel croyoit du tout en luy, il fit tant avec ses persuasions, qu'il s'y porta assez apres de luy-mesme, sans y estre poussé d'ailleurs.

1535.

Seminaire de guerre entre les Turcs & les Perles.

Mais afin d'y fortifier dauantage l'esprit de Solyman, Hibraim auoit fait venir de Damas à Constantinople, vn insigne Magicien nommé Mulé Aral, lequel il auoit présenté à Solyman. Cettuy-cy ayant fait quelques preuues de son art en des choses assez friuoles, s'estoit acquis de la reputation enuers l'Empereur Turc, de sorte qu'il adouloit foy à ce qu'il luy disoit: & ayant apres esté gagné par Hibraim, il asseuroit Solyman, qu'il seroit couronné Roy des Perles, & qu'il ruinerait les principales places de son ennemy: ce qui aduint, car il fut couronné Roy de Bagadet, & si ruina Tauris & plusieurs autres places, mais il ne fut pas pourtant Roy des Perles, ny ne conquist pas leur pays: mais quoy! les prophetes de telles gens, sont tousiours amphibologiques. Cela enflammoit encores l'ambition de ce Prince, quoy qu'il en fust destourné par les remonstrances de sa mere: qui par vn rapport des choses passées, luy faisoit voir que les guerres de l'Orient, estoient tousiours mal-heureuses aux Othomans, que c'estoit aller faire exterminer les hommes de faim & de soif, qu'on ne pouuoit surmonter avec la main, comme il estoit presque aduenue à son pere Selim, bien que victorieux, lequel n'auoit tiré autre fruit de sa victoire que du vent & de la perte de ses meilleurs soldats. A celle-cy se joignoient les tendres larmes de sa femme Roxelane, de laquelle il estoit passionné, qui avecques les plus mignardes delicatez que l'amour pouuoit inuenter, le coniueroit de croire les sages conseils de sa mere, & de se desister de cette entreprise: mais l'ambition estoit plus forte en son endroit que toutes leurs persuasions: parmy cecy il y auoit encores de l'animosité de ces Princesses contre le Baïla Hibraim, enuieuses qu'elles estoient de le voir en si grand credit, & posséder si souuerainement le Sultan; & luy d'un autre costé qui sçauoit assez que tant qu'il y auroit de la guerre on auroit affaire de luy, & que tenant son Seigneur à la campagne, il en disposeroit autrement qu'il ne feroit pas quand il demeureroit entouré de ses femmes dans son Serrail, taschoit de porter la guerre au loin, satisfaisant par ce moyen à foy-mesme & à ses amis.

Magicien qui predict à Solyman la victoire des Perles.

La mere de Solyman contraire à cette expedition.

Secondée par sa femme.

Mais ce qui fit le plus hastier cette expedition, fut Vlama-beg, Spandugin l'appelle Zilama, & Paul Ioue, Vlaman, fort grand guerrier, & qui auoit rendu plusieurs preuues de sa valeur & experience en plusieurs guerres qu'auoient eues les Azemites. Alors re-

Vlama Perle, reuolté pour les Turcs.

1535.

gnoit sur eux Schach Tachmas, le fils d'Ismaël Sophy, lequel pour reconnoître les services que luy auoit faits Vlama, luy donna sa sœur en mariage, & vne bonne seigneurie, que Spandugin appelle Zia, ou plustost Vvan, comme si on disoit vn fief, vn fort chasteau au pays des Medes: toutesfois ayant esté depuis mandé par Tachmas sur quelques extorsions & seditions que ses soldats auoient faites dans Tauris, il prit cela à tel dédain qu'il se resolut de quitter son Roy, pour se retirer chez les Turcs. A cela les pretextes ne luy manquoient point: car la diuision de Religion qui estoit entre ces nations, leur en donnoit des sujets à tous propos. Il prit doncques intelligence avecques Hibraim, lequel connoissant non seulement la suffisance du personnage, mais encore la creance qu'il auoit dans le pays, taschoit de l'attirer, luy promettant de le faire grand en la Cour de l'Empereur Othoman, s'il luy rendoit quelques signalez services.

Se retire à Bitilise, & le mauvais traitement qu'il y receut.

O R en ce temps estoit Seigneur de Bitilise vn nommé Seref-beg, & ce par la courtoisie des Seigneurs Othomans, sous l'Empire desquels il estoit: Vlama se retira vers cettuy-cy, comme il luy auoit esté mandé par Hibraim; car Bitilise n'estoit qu'à quatre iournées de la demeure de Vlama: mais aussi-tost Seref-beg le fit empoigner & l'enuoya à Constantinople. Le Sophy sçachant la reuolte de Vlama, & qu'il s'estoit retiré vers ses ennemis, prit sa femme & ses enfans, & saisist son fief: de là vint, dit Spandugin, le commencement de la guerre: car Solyman fit aussi-tost délier Vlama, & luy donnant vne pension de cent mille Sultanins, le renuoya d'où il estoit venu, declarant Seref-beg criminel de leze-majesté, ordonnant que Vlama jouïroit en sa place de son timar.

Reuolte de Seref-beg, & son l'histoire.

Hibraim en Syrie, pour la guerre des Perles.

La femme & les enfans de Seref demandent pardon, la corde au col.

C E que sçachant l'autre, il se retira le plus viste qu'il pût vers le Sophy, ainsi chacun ayant changé de maistre, Vlama combattoit sous les auspices de Solyman, Seref sous celles du Sophy, chacun de ces Princes donnant secours à son client: car c'estoit entr'eux en particulier que la guerre commença, mais enfin Vlama tua Seref, & en enuoya la teste à Solyman. Seref mort, Vlama enuoya quelques-vns des siens vers Tachmas, qui negocièrent si bien enuers ce Prince, qu'il luy renuoya sa femme & ses enfans. Ces choses se passoient en l'an mil cinq cent trente-trois. Vlama ayant doncques ce qu'il demandoit, au lieu de retourner deuers son Prince, & luy estre plus affectionné pour cette courtoisie, se monstra encores plus passionné pour le party des Turcs, enuoyant sa femme & son fils dans leurs confins, & luy-mesme s'y estant retiré, animoit tous les iours de plus en plus Solyman à cette guerre: de sorte qu'il enuoya deuant Hibraim avecques vne puissante armée à Halep, où il fit refaire la forteresse, estant là de repos: la femme & les enfans de Seref le vinrent trouuer la corde au col, demandans pardon de la faute de leur pere, ceux-cy furent benignement receus de luy, puis il les renuoya à Solyman avecques lettres pour sçauoir de luy sa volonté, & ce que l'on deuoit faire d'eux. Solyman ordonna qu'on leur baillast quatre cens lanissaires pour les accompagner, afin de recouurer leurs thresors, & les laisser apres retirer où bon leur sembleroit, toutesfois s'ils vouloient demeurer de son party, qu'on leur donnast Halep pour en jouir en forme de Timar: par cette responce du Sultan, la vefue & les enfans de Seref voyans qu'ils estoient hors d'esperance de recouurer leur patrimoine, s'en allerent à Bitilise prendre leurs thresors & ce qui leur appartenoit, puis se retirerent vers le Sophy Tachmas.

Situation de Carahemide.

Q V A N T à Vlama, pour l'inciter dauantage à rendre du seruice & de la fidelité en cette guerre, on luy donna le Sanjacat de Carahemide ville frontiere de Dierbech ou Mesopotamie, située sur vn costau fort haut, non gueres loin de la source du Tygre ou Teglil, sur lequel elle est posée, n'y ayant qu'une petite estroite aduenue du fleuve iusques à la ville: elle s'appelloit anciennement Amide, depuis nommée Constance, par l'Empereur Constant, fils de Constantin le grand. On fit commandement à tous les Gouverneurs des lieux circonuoisins de marcher par tout où les voudroit conduire Vlama. Hibraim doncques estant venu en Syrie par le commandement de Solyman, apres auoir fortifié Halep, s'en alla à Carahemide, où ayant trouué Vlama, il luy donna trente mille hommes, avecques lesquels il desiroit qu'il fist la découuerte, comme celuy qui connoissoit le pays & sçauoit toutes les aduenues: luy doncques faisant la plus grande diligence qu'il luy fut possible, s'en vint à Tauris: de quoy estant aduertty Musa Sultan, proche parent de Schach Tachmas, qui se tenoit près de Tauris, qui n'auoit pas des forces bastantes pour resister, se mit en fuite, laissant la ville sans aucune garnison: aussi-tost Vlama aduertit Hibraim par lettres qu'il vint en diligence à Tauris, lequel partant de Carahemide, estcuiuit aussi à Solyman, le suppliant de se haster de partir, afin de gagner le plus viste qu'il pourroit, les confins de la Perse. Le Balla arriué à Tauris, il trouua là vn vieil edifice

Hibraim dans Tauris, sans coup ferir.

fort

fort ancien, qu'il se resolut de fortifier par le moyen de certains Architectes Georgiens, qui rendirent cette place excellemment forte, ce qu'ayant fait, Hibraim y mit dedans trois cens cinquante pieces d'artillerie, de sorte que les Turcs iouyrent de Tauris & des citez circonuoinfines l'espace de six mois.

SOLYMAN aussi partit de Constantinople avecques sa Capihalke, ce que nous disons les gardes du Roy, le dernier iour du mois Silchad (qui est entre eux le douziesme de l'annee de nostre salut mil cinq cens trente quatre, & de l'Egire neuf cens quarante) & ayant passé le Bosphore, tenant le mesme chemin qu'Hibraim, vint passer par le milieu de la Natolie, & arriua à Carahemide. D'autre costé Scach Tachmas le Roy des Azemites, s'approchoit le plus pres qu'il pouuoit de Tauris, esperant attirer au combat Hibraim deuant que Solyman eust conioint ses forces aux siennes, espiant quelque occasion pour faire en sorte qu'il peust auoir raison de ses ennemis, sans grande perte des siens, car ses forces n'estans pas égales aux leurs, il n'osoit mettre l'affaire au hazard, ains taschoit seulement à les chasser de ses confins par quelque stratageme. Mais Hibraim ayant reconnu ses finesses, auoit enuoyé en diligence aduertir Solyman des desseins de l'ennemy, le suppliant de faire diligence, de crainte qu'ils ne fussent preuenus. Cela fit que l'Othoman redoubla le pas, faisant en vne iournée ce qu'il eust fait en deux, & comme s'il eust volé il fut incontinent à Tauris. De quoy Tachmas estant aduertey, & que les Turcs auoient ioint leurs forces ensemble, il changea de resolution, n'estant point d'aduis d'aller au deuant d'eux, & mettre son estat à l'aduenture d'une chose si casuelle que le gain d'une bataille, mais se retira avecques les siens à Sultanie, ville distante de Tauris d'environ six iournées, de laquelle nous auons fait mention cy-dessus.

Solyman part de Constantinople.

Tachmas craint de hazarder vne bataille contre les Turcs.

SOLYMAN ainsi arriué à Tauris, y demeura vingt iours en attendant tousiours que son ennemy le vint attaquer, & s'efforcer de regagner ce qu'on luy auoit vsurpé, mais voyant qu'il n'en auoit aucunes nouuelles, il enuoya Vlana avecques bon nombre d'Accangis, afin d'aller decouurir quels estoient les desseins des Azemites. Cettuy-cy ayant couru assez serré de peur de surprise, apprit en fin que l'intention du Sophy n'estoit autre, sinon de reculer tant qu'il pourroit, en attendant, dit Paul Ioue, le secours des Hiberniens & Albanien, mais plustost pour laisser miner l'armée de son ennemy, par la necessité de toutes choses au plus fort de l'hyuer, aussi faisoit-il ce qu'il pouuoit pour leur couper les viures de toutes parts. Cela fut cause que Solyman se mit à le poursuiure, mais le tout en vain, Tachmas s'empeschant bien de descendre dans les plaines, mais tenant tousiours les aduenues les empeschoit de s'écarter au fourrage, les reduisant ainsi par cette maniere de combattre, en vne necessité de toutes choses, & leur marchant, s'il faut ainsi dire, à deux pieds sur le ventre: si qu'en fin il gagna l'hyuer, qui fut si rude que l'armée ne pouuoit presque aller ny en auant, ny en arriere. A toutes ces incommoditez il suruint encore vn accident qui pensa estre la cause de la perte de toute l'armée: car le camp des Turcs estoit en vne grande plaine non loin de Sultanie, enuironnée des montagnes Niphates, Caspie, Coathras & Zagrus, le sommet desquelles est tousiours couuert de neige, car ils croyoient que c'estoit derriere ces montagnes, que s'estoit retiré Tachmas, d'autant qu'au pied d'icelles il y auoit de fort belles & grandes plaines pour liurer vne grande bataille, mais il s'estoit retiré au pays des Coraxens, ou en vne ville de Perse nommée Hemedan, disent les Annales.

XXVI.

Vlana va decouurir les desseins des Perles.

L'hyuer contrainct les Turcs de former la retraite.

COMME les Turcs estoient doncque là aux escoutes, vne telle & si horrible tempeste s'éleua au sommet de ces montagnes, que le vent s'engoulphant dans ces monceaux de neiges, les poulla en telle abondance, & avecques telle violence dans le camp des Turcs, qu'ils abbatirent plusieurs tentes & paviillons, étoufferent grande quantité de bestes de somme, & principalement grand nombre de chameaux, plusieurs soldats malades, & mesmes le chef ne fut pas sans danger, plusieurs tentes estans tombées fort pres de luy: car comme cet orage arriua la nuict, aussi toutes choses se faisoient-elles en confusion, les feux s'esteignans de toutes parts par l'abondance de ces neiges: cela durant toute cette nuict iusqu'à ce que le Soleil fust leué, lequel estant fort clair cette iournée, dissipa par sa presence toute cette tempeste, & donna vn peu d'assurace aux Turcs, lesquels estoient en vne grande crainte que l'ennemy ne les vint charger sur ce trouble: & à la verité s'il eust esté proche de là, il y eust fort bien fait ses affaires, & y a grande apparence qu'ils ne se fussent iamais developez d'un si mauuais pas. Quelques-vns disoient que tout cet orage estoit venu par le moyen des Magiciens dont le pays est fort garny, & qu'à force de charmes & d'enchantemens ils auoient bouleuersé ces neiges sur le camp des Turcs: car les

Grand orage sur leur camp.

Opinion que cet orage auoit esté causé par les Magiciens.

1555.

Garnison des
Turcs dans
Tauris.Laquelle ils
abandonnent
méchement
aux Perses.Et se retirent
au gros de
l'armée.Plaintes d'V-
lama à Soly-
man.Mahomet
gouverneur
de Bagader.

Perses disoient qu'ils n'auoient point de memoire d'auoir iamais veu vn tel orage. Les Annales toutesfois racontent cecy autrement, car elles disent que ce fut au passage d'un fleuve nommé Docufgesid, ainsi nommé du nombre de neuf, soit à cause que ceux qui cheminent par cette region, le passent par neuf fois pour ses tortuositez, ou qu'il se diuise en neuf bras, lequel estant débordé pour les grandes pluies qu'il auoit faites en ces quartiers-là, s'espandit par tout avecques vne telle rauine, qu'il emporta vne grande quantité d'hommes & de iumens qui furent engloutis dans ses eaux, avecques ce qu'ils auoient de plus précieux: il est vray qu'ils en auoient laissé vne bonne partie à Tauris, mais toujours fut-ce pour leurs ennemis, lesquels ignorans d'une si bonne aduventure, fuyoient: de sorte que les Turcs (qui estoient d'ailleurs assez empeschez à se deliurer de tant d'incommoditez) en perdirent la trace. Or soit l'une ou l'autre de ces choses, tant y a qu'elles furent cause que l'armée délogea, & prit son chemin vers Assirie où le Curdistan, ayant l'armée diminué presque de la moitié sans combattre, dit Spandugin, à sçauoir de faim & de froid, Solyman sans faire pour cette fois aucun dommage à Tauris, y laissa trente mille hommes pour tenir l'ennemy en bride, sous la conduite de trois chefs, à sçauoir Vlana, Siruan-ogli, & Iadigiar-beg.

Ce que sçachant Tachmas qui estoit aux escoutes, & que le gros de l'armée auoit desia aduancé beaucoup de chemin, il s'approcha de Tauris, ayant seulement avec luy environ dix mille hommes: ce que les autres qui estoient dans la ville ayans entendu, ils sortirent incontinent pour aller, disoient-ils, au deuant de luy, mais Iadigiar ayant pris l'épouuente, & ne croyant pas que le cavalier Ture peust résister à l'homme d'armes Perse, il ne voulut iamais rendre de combat: cela fut cause que tous les autres quitterent Tauris, & se mirent en fuite. D'autres disent toutesfois qu'ils se battirent, & qu'ils furent deffaits. Tachmas entra aussi-tost dans Tauris, où la premiere chose qu'il fit, fut de ruiner la forteresse qu'Hibraim auoit fait faire dans Tauris, & fit fondre l'artillerie qu'il trouua dans cette place, dequoy il fit faire de la petite monnoye, qui reuiert quasi aux asses des anciens, & qu'ils appellent Mangury.

CEPENDANT Vlana & sa suite, se retirerent vers le gros de l'armée, où chacun se mit à faire des plaintes de Iadigiar-beg, mais principalement Vlana, lequel outre ce qu'il estoit poussé d'une haine particuliere contre le Sophy, desiroit bien encores faire paroistre à Solyman quelques échantillons de sa fidelité, & ainsi ne cherchoit qu'à combattre, mais il auoit esté contraint de tout quitter par l'opiniastre timidité de cettuy-cy. A tout cecy il faut adiouter la crainte qu'il auoit que le Sultan entraist en deffiance, & eust quelque soupçon de luy: Se venant doncques ietter aux pieds de Solyman: Las! Seigneur, dist-il, à quel party auons-nous esté reduits par la lascheté du plus meschant de tous les hommes? il a feint de vouloir épargner nos troupes, & cependant c'estoit pour sauuer celles de nos ennemis, & les laisser les maistres de la ville de Tauris, & de la forteresse que sa hauteesse y auoit fait bastir: trahison si signalée qu'il n'y a sorte de chastiment qui la puisse expier; car pour te faire voir que nous eussions esté les plus forts, c'est que nostre ennemy n'a pas eu l'assurance de nous poursuiure, bien que nous ayons pris la fuite: Mais Seigneur, que cela ne destourne point ta Majesté de son entreprise, car elle se peut assurer de se rendre Souueraine de Curdistan, & de s'emparer fort aisément de Bagader. Ce qui luy faisoit user de ces propos, c'estoit que pour lors y commandoit vn Satrape nommé Mahomet, fort ancien amy de Vlana, que Tachmas y auoit mis apres la mort de son frere Beccram, (Ismaël ayant eu quatre fils, à sçauoir Tachmas, Elcha, Simirza, Scham, & ce Beccram ou Becherram.)

VLANA doncques se faisant fort de corrompre ce Satrape, se mit à le pratiquer, luy representant que pour vn gouuernement qui ne luy dureroit qu'un an sous le regne du Sophy, & encores avecques petits appointemens & moindres recompenses, au contraire de ceux qui auoient charge en l'Empire des Othomans: car outre ce qu'ils estoient perpetuellement employez depuis qu'ils estoient paruenus à quelque charge, qu'on ne la leur ostoit iamais sans leur en donner vne autre plus honorable, encores auoient-ils de tres-grands appointemens, & de tres-belles & amples recompenses, quand ils auoient fait quelque action remarquable, & quelque seruice signalé. Mais cela ne peult destourner Mahomet de sa fidelité, nyl'induire à faire quelque faux-bond à son Prince & à son honneur, encores qu'on luy offrist sur l'heure de fort riches presens, & promesse de toute grandeur à l'aduenir. Vlana voyant cettuy-cy si entier & incorruptible, pensa qu'il le falloit épouuenter par armes, puis que les presens ne pouuoient rien sur luy: car il sçauoit bien

bien qu'il auoit fort peu de gens de deffense dedans la ville, ayant enuoyé vne grande partie de sa caualerie à son Roy, qui la luy auoit demandée, & la fleur de tous ses gens de guerre. Outre ce il scauoit qu'il estoit assez mal-voulu des Babyloniens, d'autant qu'il en auoit fait mourir plusieurs, sous pretexte de certains crimes supposez, & non bien auerez, & en auoit fait tourmenter d'autres à la question, pour leur tirer des confessions forcées, & les faire condamner, & puis confisquer leurs biens.

1535.

Conseil d'Vlama à Solyman.

V L A M A faisoit entendre toutes ces choses à Solyman, le suppliant de se haster deuant que son ennemy se fust préparé. Tout ainsi qu'il auoit esté preueu par Vlama, ainsi succeda-il: car ayant aduancé à grandes iournées avecques sa caualerie, sans que le passage des fleuves le peust arrester: dès qu'on eut aduertty Mahomet que l'armée n'estoit gueres loin de Babylone, luy qui ne s'estoit point attendu que les Turcs deussent venir vers luy, & par consequent mal préparé pour les receuoir, & le peu d'esperance qu'il auoit d'estre secouru par les habitans, il quitta sa ville capitale, & se retira à Bethlis. Les Babyloniens se voyans deliurez de leur ennemy, aussi-tost que Solyman approcha de leurs murailles, luy ouurirent les portes & se rendirent à luy, car Solyman, pour les gagner auoit eu le soin qu'on ne fist aucun tort par tous les enuiron, se voulant conseruer cette ville & cette Prouince entiere. En cette ville residoit le Caliphe, le mot signifie le vicaire, heritier ou successeur de Mahomet, qui estoit là comme le Souuerain aux choses sacrées, & reueré de tous les Roys de la secte de Mahomet, ayant cette prerogatiue de confirmer par certaine ceremonie le Roy d'Assyrie. Ceux-cy auoient esté autres-fois de grands & puissans Princes, commandans à cette Prouince, tant au spirituel qu'au temporel; mais ils n'ont plus maintenant que le nom: il est vray que les Sultans auoient accoustumé de leur bailler bonne somme de deniers à leur aduenement à la couronne, & disoient que ceux-cy leur auoient vendu leur droit, & cela tant à Bagadet qu'au Caire, où il y auoit encores vn Caliphe.

Mahomet quitta Bagadet.

Ceux de la ville, se rendent volontairement à Solyman.

Caliphe que c'est, & la charge.

S O L Y M A N s'estant rendu le maistre de la ville, suiuant cette ancienne superstition, receut les enseignes & les ornemens Royaux de sa main: il le faisoit peut-estre pour gagner dauantage le cœur des habitans, quand ils le verroient faire cas de la pieté, & ne point mespriser leurs ceremonies, & outre ce pour les lier d'autant plus à soy, il gagna les plus apparens à force de dons & de presens, & le menu peuple par plusieurs largesses & congiaires, se resoluant, comme il fit, d'y passer son hyuer: & non seulement il se rendit le maistre de cette ville si renommée, (car bien que cette-cy ne soit bastie que proche des ruines de l'ancienne Babylone, toutesfois elle ne laisse pas d'auoir reputation entre les plus grandes villes du monde:) mais il luy venoit Ambassades de toutes parts des villes de l'Assyrie & de la Mesopotamie, ou pour vser des noms modernes, du Curdistan & du Diarbek. Si que depuis l'Empor de Balsera, qui est à l'emboucheure du fleuve Euphrates, entrant dedans le golphe de Perse, presque iusques à la dernière ville, toutes se rendirent à luy, les plus notables entre autres de la Mesopotamie, comme Caramide, Meredinum, Orfa & Asancefa, qui toutes receurent des garnisons Turques: le reste de l'armée hyuerna par les places de la Prouince de Babylone: car outre l'armée qu'on auoit amenée de l'Europe, les Sanjacs d'Alexandrie, de Iudée, de l'une & de l'autre Surie, & de Comagene, estoient venus trouuer l'Empereur Othoman avecques leurs Timariots. Tout cét hyuer fut passé en Babylone, en spectacles & diuers passe-temps, au mesme temps que l'Empereur Charles le Quint estoit retourné victorieux d'Afrique: ainsi cettuy-cy se resiouysoit à Naples de la conqueste du Royaume de Thunes sur le Turc, tandis que l'autre passoit son temps en Babylone, pour s'estre aslubieé les Prouinces de Mesopotamie & d'Assyrie, sans coup frapper: mais nous parlerons cy-apres de cette guerre d'Afrique, pour ne point interrompre les discours de celle de Perse: Solyman toutesfois n'estoit point tellement adonné à son plaisir qu'il ne donnast ordre à ses affaires: car apres auoir, selon la coustume des Turcs, diuisé la Prouince en Sanjacats, & par dessus tous vn Beglierbey, qu'il establist en Bagadet, il fit faire à la citadelle qui y estoit, de toutes nouuelles & tres-puissantes fortifications, y faisant faire des fossez larges & profonds, dans lesquels il fit entrer vn fleuve, que Verantian appelle Sar, lequel il faut de necessité que ce soit Tigris: car ce fleuve & l'Euphrate arrousent la ville de Bagadet, & se meslent ensemble, non gueres loin de Babylone.

Solyman couronné Roy des Perles à Bagadet.

Toute l'Assyrie & la Mesopotamie se rend à Solyman.

Solyman réduit le Curdistan & le Diarbek en Prouince: Fortifia la Citadelle de Babylone.

E N cetemps aussi le Padischac, (c'est le mesme qu'Empereur ou Souuerain Seigneur) fit estrangler le Dephterdar-azem, le grand thresorier à scauoir ou surintendant des finances, qui auoit nom Ischender Zelebis, comme si nous disions Alexandre le noble,

1535. *Cephierdara-zen estranglé.* atteint & conuaincu du crime de peculat, & d'auoir destourné beaucoup des deniers Royaux: aussi-tost tous ses biens furent confisquez & appropriez au droit du Prince, ou Boglucar. Ce fut aussi durant cet hyuer que Hus Renes Zelebis, ou Cosroé le noble, fils de Manizalu-ogli se reuolta contre Solyman, & se retira vers les Azemites. Hibraim cependant & Vlama, qui n'auoient pas mis en oubly leur entreprise de Perse, & principalement ce premier, estant marry infiniment que la forteresse qu'il auoit fait faire à Tauris, eust esté ainsi misérablement abbatuë, & tout ce qu'il y auoit dedans, saccagé, ne cessoient d'importuner Solyman d'aller prendre sa raison de ces fuyards, qu'on auroit à cette fois plus de temps pour les poursuire, la saison estant plus fauorable: ils n'eurent toutesfois pas beaucoup de peine à y faire condescendre leur Empereur: car outre ce que son ambition l'y portoit assez d'elle-mesme, la grande vogue de ses prosperitez luy formoit dans l'esprit des esperances de se rendre non seulement seigneur de la Perse, mais encores le Souuerain modérateur de tout l'Orient: son armée estoit fresche & reposée, & outre ce renforcée du secours qui luy estoit venu d'Egypte & de la Surie, si qu'il tenoit pour tout assésuré qu'il auroit à cette fois la raison de son ennemy. Il partit doncques de Bagadet le dernier iour du mois de Ramazan, qui est leur dernier mois, en l'an de nostre salut, mil cinq cens trente-cinq, & de l'Egire neuf cens quarante & vn, reprenant le chemin de Tauris.

Solyman retourne en Perse.

Tachmas quitte Tauris pour la seconde fois.

Grande disette de toutes choses au cûp des Turcs, & la poursuite des Perses.

Riches edifices en la ville de Tauris.

Sa grande misere & des lieux circonuolins.

TACHMAS qui auoit creu que les Turcs se contenteroient des pertes qu'ils auoient receuës, & qu'ayans desia plusieurs fois éprouué qu'il estoit bien malaisé qu'une grande armée peust subsister en la Perse, & qu'une petite d'un autre costé ne s'y feroit que perdre, se tenoit pour lors dans sa ville de Tauris: mais ayant entendu l'arriuée de ses ennemis, il la quitta derechef, & se mit à la fuite, & pour oster tout moyen à ses ennemis de le poursuire, il faisoit vn degast vniuersel par tout où ils passoient, emmenans ceux qui estoient sur les lieux quant & eux, laissant en fin vne fort triste & deserte solitude, où ils pensoient que les Turcs deuoient passer. Cela mettoit Solyman en vne extreme colere, de voir ses ennemis échapper ainsi à tous propos de ses mains à si bon marché. Ayant doncques pris l'élite de toute sa gendarmerie, il leur commanda de les poursuire en la plus grande diligence qu'il leur seroit possible, & de les combattre en quelque lieu qu'ils les peussent rencontrer. Mais comme ils estoient desia en chemin pour executer le commandement de leur Empereur, ils ne trouuerent que des campagnes desolées, & vne si grande disette de toutes choses par où ils passoient, qu'ils ne trouuoient pas bien souuent de l'eau; cela leur faisoit penser à la grande necessité qu'ils auroient à leur retour; si bien qu'apres les auoir quelque temps poursuuis, voyans qu'ils s'abyismoient de plus en plus dans la profondeur de ces deserts, sans esperance de faire aucune rencontre, & qu'ils auroient plustost la faim à combattre que les hommes, ne trouuans pas seulement pour repaistre leurs montures, ils s'en retournerent à Tauris. Ce fut lors que Solyman fit prendre & estrangler Iadigiar, qui auoit esté cause qu'on n'auoit point combattu contre les Perses, lors qu'ils vinrent à Tauris.

OR comme cette ville estoit la capitale du Royaume, aussi estoit-elle decorée de palais & superbes edifices, chacun des grands du Royaume y ayant le leur pour leur retraite, lors qu'ils faisoient leur residence à la Cour de leur Roy: mais sur tous paroissoit la maison Royale, d'une tres-riche & excellente beauté, decorée encores de lambris dorez & de diuerses peintures de toutes parts, comme ces nations-là excellent toutes les autres en ce qui est de la mignardise & gentillesse, & aux inuétions de toutes sortes de beaux ouurages. L'Empereur Turc voyant doncques qu'il ne pouuoit ioindre les Azemites, & que cette guerre traissant ainsi en longueur, consommeroit plustost son armée qu'il ne déferoit ses ennemis, il se resolut de se retirer: mais il voulut auparauant imprimer par toute cette Prouince de si grandes marques de son arriuée, qu'il en fut memoire à iamais. Ce fut lors qu'ayant fait dépouiller ces riches palais de tout ce qu'ils auoient de superbe, il commanda qu'ils fussent demolis iusques aux fondemens, & que la bride fust laschée aux soldats de faire tout ce qu'il leur plairoit dans cette grande ville: les pauvres habitans qui estoient sans murailles & sans armes, se iettoient assez aux pieds de leurs cruels vainqueurs, leur promettants toute obeissance; mais toutes leurs larmes ny leurs cris ne peurent flechir ces cœurs inexorables, qu'eux & leur ville ne souffrissent toutes les miseres qu'ont accoustumé d'endurer celles qui sont prises d'assaut, pillage, violement, massacre, captiuité, embrasement, & tout ce qui se peut imaginer de cruel, y fut exercé: si que le plus riche fut égalé au plus pauvre, faisant vn tel degast par toutes les contrées où ils

miroir

mirent le pied, que les Annales disent que toutes choses furent reduites en vne extreme misere, & comme à leur derniere fin, la fureur s'estant estendue iusques aux iumens & autre bestial, estranglans tout ce qu'ils ne peurent emmener quant & eux, & la rage ayant passé iusques aux choses inanimées, ils deserterent par le feu les champs & les contrées, où ils passèrent, & pour comble de tout leur mal-heur, ils emmenerent en vne perpetuelle seruitude des familles entieres qui auoient quelque industrie particuliere pour les ouurages: en fin tout ce qui estoit parmy ce peuple en fleur d'age & de beauté de tous sexes, fut la proye du victorieux, & emmené à Constantinople.

SOLYMAN ayant ainsi fait cette raffe, se retira à Carahemide, mais se doutant bien que son cauteleux ennemy ne le l'aisseroit retirer si à l'aise, sans luy donner quelque camifade, il mit à la queue de toute l'armée vn bon nombre de ses plus valeureux soldats pour luy tenir teste, soit qu'il voulust simplement escarmoucher, ou rendre vn combat general avecques toutes ses forces: les Turcs appellent ces gens de guerre-là *Dundar*, comme si on disoit le guet: Paul Ioue dit qu'il y auoit quarante mille hommes de cheual, & deux mille harquebusiers du nombre des Janissaires: ayant mis les deux Beglierbeys d'Egypte & de Surie, l'vn à l'arriere-garde, & l'autre sur les flancs du bataillon du milieu: commandant à Vlaman de voltiger de part & d'autre, & pouruoir à tous les accidens qui pourroient suruenir. Ce fut l'ordre que Solyman tint marchant par pays.

MAIS cependant Tachmas ayant recouré quelques forces des Hiberiens, & sçachant que ses ennemis s'estoient retirez, vint avecques son armée à Tauris, où voyant toutes choses en vne telle desolation, outré d'vn extreme regret, tant de la misere de ses sujets que de son Palais qu'ils auoient demoli, iusques à n'y laisser pierre sur pierre, le degast general de toute la Prouince, & l'embrasement de tant de riches metairies dont on pouuoit encore voir la fumée épaisse de toutes parts, iura de s'en vanger. Il auoit entre ses Satrapes vn Caramenien, que les Perses appelloient Deliment, vaillant & hardy par dessus tous ceux de l'armée des Perses, toutesfois ils tenoient entr'eux qu'il auoit plus de force & de valeur que de prudence & de conduite, & d'autant qu'il s'exposoit tousiours aux plus grands dangers, on l'auoit nommé Dely, surnom que les Turcs donnent à ceux qui sont les plus prodigues de leur vie, & desquels la figure & description se pourra voir cy-apres, à la suite de cette histoire. Certuy-cy, comme il estoit tousiours des premiers à s'exposer à l'aduenture, se presenta à son Roy, s'offrit de rattraindre l'ennemy, & de le choisir si bien à son aduantage, qu'il luy feroit payer l'interest des dommages qu'il auoit faits à la Perse, & des cruantez qu'il auoit exercees contre ceux qui ne se pouuoient defendre, si on luy vouloit mettre en main, des forces bastantes pour executer son dessein.

LA necessité des affaires fit que Tachmas presta l'oreille à cette ouuerture, & iugeant bien qu'il falloit s'exposer à l'aduenture pour auoir la raison d'vn si puissant ennemy, qu'il n'estoit plus temps de temporiser, que peut-estre sa retraite se feroit de sorte qu'on luy pourroit faire vinement ressentir la valeur d'vne nation de laquelle il pensoit triompher, sans coup ferir, & emporter les dépouilles paisiblement à la maison. Louant cettuy-cy de son haut courage & de sa genereuse entreprise, il luy donna la tierce partie de sa cavalerie, avecques promesses de tres-grandes recompenses, s'il retournoit victorieux & avecques quelque aduantage sur l'ennemy. Cettuy-cy se mit incontinent en chemin avecques sa troupe, prenant les chemins les plus courts, où il estoit conduit de fort bon cœur par les habitans du pays, pour la hayne qu'ils portoient aux Turcs, l'arriere-garde desquels estoit desia arriuee à Bethlis, ville assez renommée es frontieres de l'Empire des Perses, enuiron le pied du mont Taurus: d'autres disent que c'estoit au destroit de la montagne de Caracandie, qui leur faisoit croire qu'ils auoient échappé toutes sortes de dangers, Solyman & ceux qui l'accompagnoient, estans arriuez à Charamida, si qu'ils n'auoient plus sujet d'entrer en doute d'estre poursuuius.

MAIS Deliment qui auoit fait vne tres-grande diligence, & qui n'estoit d'oresnavant guerres éloigné de ses ennemis, auoit de bons espions de toutes parts, qui luy rapportoient fidelement tous les desseins des Turcs, & n'y ayant pas plus de distace d'vn camp à l'autre que d'vne iournée, il fit aduertir le Capitaine de la citadelle de Bethlis de son dessein, à ce qu'il se tint prest, lors qu'il verroit le signal qu'il luy donneroit, & qu'il fust son effort de son costé avecques la plus grande impetuosité qu'il luy seroit possible, afin que les Turcs creussent estre assaillis de toute l'armée des Perses. Ayant doncques appris que les Osmanides laissez & recreus d'vn si long voyage, sans crainte aucune, & sans mesme

1535.

L'Ordre que
mit Solyman
à son armée
en se retirant
de la Perse.

Tachmas
poursuivit les
Turcs.

Valeur & har-
dieuse de De-
liment.

Dely qu'est-

Offres de De-
liment à son
Roy.

Tachmas
dône des for-
ces à Deli-
ment.

Ordre que
tint Deliment
pour surpren-
dre les Turcs.

1535.

Propos qu'il
tint aux siens.

avoir mis des sentinelles, ny se tenir sur leurs gardes, se reposoient assez pres de la ville, il se découure aux siens, leur monstre que l'occasion estoit venue de prendre la raison des outrages qu'ils auoient receus par cette barbare nation, que leurs forces n'estoient pas à la verité bastantes pour les attaquer en plein iour, mais qu'eux s'estans sans aucune deffiance laissez enseuelir dans le vin & le sommeil, regorgez qu'ils estoient maintenant de leurs dépouilles, il ne doutoit point que tout ne fust en desordre chez eux.

Qu'a la verité ils faisoient vne entreprise qui estoit hazardeuse en apparence, mais qui estoit tres-seure en effet, qu'ils remporteroient eux seuls toute la gloire & l'honneur d'auoir pris la vengeance pour la patrie, aussi en estoient-ils le nerf & la force, non qu'il n'y en peust auoir en l'armée d'aussi vaillans & courageux qu'eux, mais dautant que son principal mouuement dépendoit de leur hardiesse: & toutesfois le bon-heur auoit voulu que leurs ennemis se fussent d'eux-mesmes liurez pieds & poings liez à leur misericorde: car qu'est-ce autre chose que de prendre vn homme de guerre au milieu d'une campagne, endormy sans aucune deffence ny sentinelles? & toutesfois c'est ainsi que vous les trouuerrez, de sorte qu'il ne tiendra qu'à vous, que demain le Soleil à son orient, ne couronne vos chefs de triomphe & de gloire, & qu'il ne couure le front de vos ennemis de honte & d'ignominie. Eux autant poussez d'un desir de vengeance que de vaillance, luy promettent de le suivre par tout, & quand bien ce seroit en plein midy, qu'ils esperoient tant en la iustice de leur cause, & en la grandeur de leur courage, qu'ils auroient la raison de ces barbares, qui n'auoient l'assurance que de s'attaquer à des femmes & à des gens de farmez: luy les ayant loüez d'une si belle resolution, & assurez que leur voyage & leur execution seroit celebre & memorable à iamais, il les fit marcher au pas seulement, pour gagner le temps & prendre l'heure à propos pour l'execution de son entreprise.

Les Turcs
surpris par les
Perses.

Tout ainsi que Deliment se l'estoit persuadé, ainsi le trouua-il, à sçauoir vne grande nonchalance, de toutes choses, & vn mépris de toute discipline, comme s'ils eussent esté en pleine paix, & retirez en lieu de seureté. Ce qui fut cause que les Perses eurent le temps de les enuironner, & de leur donner l'alarme si chaude de toutes parts, que tout ce que peurent faire les deux Bassats, ce fut de monter à cheual: quant aux lanissaires, leurs harquebuses leur estoient inutiles durant la pluye & la nuit, & si les pieces de campagne qu'ils emmenoiert quant & eux, auoient esté saisies par l'ennemy, si bien qu'il n'y auoit resistance de nulle part, & de tous costez grande occision. Les deux Bassats mesmes & Vlamma, voyans vn si grand desordre, & qu'il n'y auoit nul moyen de rassembler, ny encores moins de rassurer leurs gens parmy les tenebres, & vne telle confusion, se sauuerent: quelques Sanjacs se mirent en deffence, mais ils furent bien-tost massacrez, & les autres pris prisonniers: enuiron huit cens lanissaires s'estans rassemblez, plustost par la routine d'une continuelle discipline militaire qu'ils exercent, qu'autrement, tinrent vn peu teste, mais en fin ils se trouuerent pressez de si pres, que toute esperance de salut leur estant ostée, ils furent en fin contraincts de se rendre à la discretion de Deliment, apres auoir mis les armes bas, tout le reste fut taillé en pieces. Si bien qu'on tient que cette deffaitte est vne des plus signalées pertes qu'ayent iamais fait les Turcs: & toutesfois les Annales disent qu'il n'y en demeura que douze mille, & que de cinq Sanjacs qu'il y auoit, les trois demurerent sur la place, le quatriesme vint en la puissance des Perses, & le cinquiesme se sauua: sans faire mention des Bassats, ny Beglierbeys, mais seulement de Vlamma qui se sauua. Cette deffaitte aduint le treziesme iour d'Octobre, l'an mil cinq cens trente-six; Deliment & sa troupe se retirant ainsi plein de gloire & d'honneur vers son Roy: tant y a que ces deux voyages de Perse cousterent bonne aux Turcs. Car quelques-vns ont laissé par escrit que de pres de 500000. ames, (nombre merueilleux) qui passerent l'Euphrate, il n'en retourna pas de sains & dispos à Constantinople plus de 80000.

Grande con-
fusion de tou-
tes choses
parmy eux.Sont taillées
en pieces.

XXVII.

Retour de So-
lyman à Con-
stantinople.

CETTE deffaitte corrigea bien le plaidoyer à Solymán, qui auoit encores quelques desseins de poursuiure les Perses: car reconnoissant alors la difficulté qu'il y auoit de domter cette nation, il commença de prendre en hayne celuy qui luy en auoit persuadé la conqueste: mais pour l'heure quittant Carahemide, il vint à Halep, d'où ayant remué son camp, il reuint à Constantinople, & comme il fut arriué au Bosphore, on dit qu'Hibraim s'en alla deuant, qui luy fit couvrir les riuages de draps de soye, en guise de triomphe. Or estant arriué à Constantinople, on sceut incontinent le succez & les particularitez du voyage: & cōme il auoit esté entrepris contre la volōté de la mere & de la femme

de

de Solyman, cette-là sceut bien faire son profit de ce qu'elle luy en auoit predit, & cette-cy rapportoit le tout au mauuais conseil d'Hibram, & encores plus à sa mauuaise conduite, disant qu'il estoit traistre en toutes choses, comme celuy qui n'estoit que Turc en apparence, & Chrestien dans le cœur. Cette femme profitoit ainsi du defastre de cet homme par la grande hayne qu'elle luy portoit, non seulement pour son autorité suprême & surpassante les bornes d'un sujet & d'un homme particulier, mais plus encores à cause de l'amitié qu'Hibram portoit à Mustapha, fils aîné de Solyman, mais d'une autre femme, luy disposant toutes choses pour le pouuoir faire paruenir à l'Empire, & Roxelane taschoit d'y faire paruenir son fils Bajazet : car encores qu'elle eust grand pouuoir sur son mari, & que quelquesfois il inclinast aux prieres & mignardises tres-affectionnées de cette-cy, toutesfois Hibram auoit acquis un tel pouuoir sur son maistre, qu'il destruisoit en un instant tout ce que l'autre auoit peu gagner par ses artifices. Toutes ces choses, dis je, auoient engendré une hayne mortelle dans le cœur de ces femmes contre ce personnage, parmy lesquelles se méloient encores plusieurs rapports qu'on faisoit au Sultan, selon l'ordinaire des courtisans, tousiours plus propres à détruire leurs semblables qu'à les establir, l'enuie qui les ronge ordinairement & leur cause mille inquietudes en l'esprit, les rendant tousiours tres-vigilans au dommage de ceux avec lesquels ils faisoient profession d'une tres-intime amitié. A tout cecy estoit joint le ressentiment que Solyman auoit de sa perte, qui fut la principale cause du malheur d'Hibram, & qui fit ouurir l'oreille de son Seigneur, aux discours qu'on tenoit de luy.

1535
La mere & la
femme de So-
lyman ban-
dées contre
Hibram Bas-
sa.

MAIS auparauant que de raconter cette histoire si tragique, il sera bien à propos de sçauoir l'origine de ce Bassa, & comment de tres-petits commencemens il estoit paruenu à une telle grandeur & felicité mondaine. On dit qu'il estoit né d'un meschant hameau au dessus de Praga, village de la region de Buthintro en Albanie, & emmené de là comme Apricien, ou enfant de tribut, par ceux qui sont deputez pour faire cette miserable & déplorable action, il fut donné par Sultan Bajazet à Scender Bassa, celuy qui fit de si grands rauages sur les frontieres de la Marque Treuisane, & le long des fleuves de Nutison, de Liuenza, de Lisonrio, & de Tagliament. Sous cettuy-cy il apprit la langue Arabesque, à bien escrire, & joüer fort excellemment des instrumens, & comme il estoit naturellement propre, & d'une conuersation fort plaisante, qui auoit la parole fort bonne, & toujours accompagnée de quelque facetic: cela le rendoit fort agreable à ce Bassa, qui prenoit plaisir aux gentilleses de cette premiere ieunesse. Mais depuis voyant qu'il se perfectionnoit avecques l'aage, & qu'il promettoit desia de soy quelque chose de plus grand que sa condition, il le donna à Solyman, du viuant mesmes de son ayeul Bajazet. Or estoit-il d'un mesme aage, si que Solyman prenoit un merueilleux plaisir en sa compagnie, cettuy-cy ayant l'humeur fort complaisante, & qui sçauoit bien s'accommoder aux complexions de son maistre.

Origine d'Hib-
braim Bassa
& progres de
sa fortune.

DEPUIS Solyman estant paruenu à l'Empire, il l'éleua de degré en degré, iusques à le faire son premier Vizir, avecques une telle vogue d'autorité & de puissance, que iamais homme ne l'eut plus grande en l'Empire Turquesque, ny peut-estre qui se soit peu égaler à elle : car il sembloit qu'elle marchast du pair avecques celle du Sultan, non encores d'une faueur passagere, mais qui dura dix ou douze ans constante & permanente, n'estant perie que par elle-mesme, & accablée sous le faiz de sa trop releuée felicité: rien n'estoit bien fait, si Hibram ne l'auoit entrepris, tout flechissoit sous sa volonté, luy seul estoit le conseil de son maistre, rien ne se pouoit executer sans son approbation, ou sans son commandement, & ce qui estoit plus grand que toutes ces choses, c'estoit que sans l'ordonnance de Solyman, il donnoit les gouuernemens des villes & des Provinces à qui bon luy sembloit, n'estant pas seulement par dessus les Vizirs, ny pour la conduite des grandes affaires, mais encores auoit-il égard sur toute la gendarmerie, & sur tous les officiers de la maison Royale, auxquels offices il mettoit le plus souuent ceux de sa maison; son ambition l'éleuant à une telle presumption, que ne se contentant pas de l'effet d'une si grande puissance, il voulut encores qu'on l'appellast dans Constantinople Serasker Sultan, comme si on disoit le grand Empereur des armées du Sultan, il voulut encores faire paroistre sa grandeur aux edifices qu'il fit bastir tres-somptueux & de grande despense, entre autres le superbe palais qu'il fit bastir à Constantinople en la place d'Atmeidan ou l'Hippodrome, avecques une despense & magnificence toute Royale, où il se retiroit d'ordinaire, quand il estoit à Constantinople, avecques une tres-

1535.

grande famille qu'il auoit d'ordinaire à sa suite. Or nous auons dit que la cause principale de sa ruine, fut la perte que les Turcs souffrirent en Perse; mais c'est selon ce qui estoit de plus apparent; car il est certain que le naturel de Solymán n'estoit point si cruel pour se deffaire d'un homme qu'il aimoit vniquement, & ce pour vne perte qu'il auoit faite en vne guerre, où s'il auoit perdu des hommes, au moins auoit-il acquis & vny à sa couronne le Diarbek & le Curdistan. Encore moins, comme quelques-vns disent pour ses actions: car il estoit certain qu'elles se conuertissoient en la deffence & en l'accroissement de l'Empire Turquesque, il est vray que ie croirois bien qu'il en amassoit de toutes parts, comme cette nation est naturellement cupide de l'or: mais s'il fut châtié pour ses concussions, ce ne fut pas pour auoir amassé de l'or pour viure à son aise en homme priué, ains d'autant qu'il vouloit se seruir de ses thresors pour des desseins trop preiudiciables à l'Empire.

Mais il y a grande apparence que ce fut pour auoir eu intelligence avecques la maison d'Autriche, & principalement avecques Charles le Quint, non encores pour affection qu'il portast au Christianisme, mais par vne extreme ambition qu'il auoit de se faire Empereur des Turcs, & se deffaire de celuy qui regnoit pour lors: c'est ce qu'en dit l'histoire de Hongrie, qui a esté nouvellement mise en François, ce qui n'est pas sans grande apparence: car en cette quatriesme expedition que Solymán fit en Hongrie, n'auoit-il pas fait aller à neant ces forces si redoutables qu'il y auoit amenées quant & luy, faisant perdre & consumer inutilement le temps à cette armée, la conduisant par des chemins tous autres qu'il ne falloit? Cela estoit cause aussi que Charles le quint ne s'aduançoit point, ayant le mot avecques l'autre: (& ie penserois bien que leurs pratiques ne commencerét qu'à cette derniere expedition:) car l'Empereur Charles, cômme il a esté dit, fuyoit cette guerre, & ne cherchoit qu'à se retirer en Espagne, & à faire nouvelles pratiques contre nous, comme il fit: sa principale ambition tendoit aussi à se rendre seigneur du Christianisme, comme il portoit le nom d'Empereur. Or le Turc traueisoit en cela toutes les entreprises: car il falloit employer contre luy les forces qui eussent bien seruy à nous faire beaucoup de mal: car qu'il ait esté porté d'une sincere affection à la deffence de la Chrestienté, il y apparut quand il quitta Coron, qui estoit vn peu éloigné de ses terres. Que s'il fut à Thunes, comme il sera dit cy-apres, c'estoit son interest particulier qui l'y portoit, la prise de cette place luy estant trop importante. Mais où est-ce qu'on l'a veu jamais s'éloigner de ses lisieres, & s'en aller en Surie, en la Palestine, & tant d'autres Prouinces pour la deffence de la Chrestienté, comme iadis ont fait plusieurs de nos Roys, sans autre fruit, autre recompense, ny autre dessein que la deliurance des Chrestiens, & l'exaltation de la Religion Chrestienne? cela ne se trouue point. Cela soit dit toutesfois sans passion & sans partialité, mais seulement pour faire voir la verité de l'histoire d'Hibram, & qu'il fut iustement châtié pour sa trahison, & pour l'intelligence qu'il auoit avecques cet Empereur, l'ennemy mortel de son Souuerain, & non pour autre sujet.

GRITTY, duquel nous auons cy-dessus raconté l'histoire, est encores vn bon tesmoin de cette verité: car l'entreprise qu'il auoit sur la Transiluanie, la mort du Vaiuode, les traits qu'il auoit joiez au Roy Iean, n'estoient point de la commission qu'il auoit receuë du Prince, mais bien d'Hibram, duquel il estoit amy intime, & lequel luy faisoit faire toutes ces choses, afin que s'il pouuoit se rendre le maistre de cette Prouince, il peust par apres, sous de faux pretextes depousseder le Roy Iean, & par ce moyen auoir le gouuernement de toute cette partie de la Hongrie, lequel Hibram luy pouuoit aisément faire tomber entre les mains comme celuy qui les bailloit à qui bon luy sembloit. Or ayant vn amy si confident, voyfin de ceux avecques qui il negocioit, c'estoit pour faire aisément ses affaires: qu'ainsi ne soit, à quel propos toutes ces menées contre ce pauvre Prince? Il n'y a nulle apparence qu'elles vinssent de la part de Solymán: car il estoit en luy de retenir ce qu'il luy donna, mais les factions de ceux-cy, en estoient cause, comme vous auez peu voir, que les Venitiens traitoient avecques eux pour leurs affaires particulieres, que ceux-cy prefererent encores à l'aduantage, & au bien de leur seigneur. Adioustez-y encores qu'Hibram commanda au sieur de la Forest, Ambassadeur de France, de se retirer, lequel toutesfois apres la mort de ce Bassa, Solymán retint à sa Porte, & pour plus suffisant & irreprochable tesmoignage, les lettres escrites par Hibram, qui luy furent confrontées par son seigneur, auxquelles il ne sceut que respondre, font foy qu'il estoit criminel de leze majesté.

Quant à ce qu'on pourroit dire qu'il luy estoit impossible de s'emparer de l'Empire Othoman, y ayant trois fils desia grands, on respond qu'il n'y a point de loy entre les Turcs qui

Causes principales de la perte de ce Bassa.

qui donne l'Empire plustost aux vns qu'aux autres. Or quant à luy, il portoit Mustapha; Roxelane ses deux fils, & luy qui auoit vne telle puissance en cét Empire, eust pû parmy ces diuisions faire vn grand remuë-mesnage, estant supporté encores d'un si puissant Prince que Charles le Quint, qui pouuoit tailler beaucoup de besongne à ses ennemis, estant secondé de cettuy-cy, avecques lequel par apres il eust partagé. Car à quel propos traiter avecques Charles, si ce n'eust esté pour ce dessein? il auoit argent, honneurs, dignitez, puissance, autorité, & tout absolu commandement, il ne luy restoit que le nom de Sultan, & de Padis-Scach: quel bien luy pouuoit faire l'Empereur en vne si supreme grandeur? Il falloit doncques de necessité qu'il eust des desseins sur la Souueraineté: mais comme ces entreprises là ne se peuuent pas faire en vn iour, aussi bastissoit-il ses desseins de longue haleine, & peut-estre eust-il fait beaucoup de mal aux Turcs, s'il n'eust esté preuenu. Mais ces femmes qui luy portoient, comme nous auons dit, vne tres-grande enuie, auoient des espies de toutes parts, & (comme l'argent fait faire beaucoup de mal, aussi est-il cause qu'on le decouure) auoient fait en sorte qu'elles s'éclaircissent de la meilleure partie de ses entreprises.

ON ne sçait mesme s'il n'y eut point de trahison en cette guerre des Perses: car Charles le Quint estoit confederé avecques les Perses; mesme qu'Andrea Quirini, Gentilhomme Venitien, & qui faisoit vn fort grand trafic en Halep de Comagene, fut fait mourir fort cruellement par les Turcs, pour auoir aydé de guides, de monture, & d'argent vn Ambassadeur de l'Empereur, nommé Robert, & Anglois de nation, qui alloit iusques en Perse vers le Sophy Tachmas. Or n'y a-il point d'apparence qu'Hibram, qui auoit si bonne intelligence avec luy, n'eust rien sceu de cette Ambassade & de tout ce qui s'y passoit, mesme qu'on donnoit secours au Persien d'artillerie par le moyen des Portugais. Ceux qui sont tant soit peu pratiquez aux affaires, peuuent aisément iuger que toutes ces manigances ne pouuoient pas estre ignorées de celuy qui manioit toutes les affaires des Turcs, & qui estoit alors dans le pays. Aussi Solyman fut bien aduertty de toutes ces choses. Si bien qu'un iour de Mercredy, vingt-troiesme du mois Ramazan, à sçauoir le mois le dixiesme, il inuita Hibram à soupper en son Serrail, où il luy fut fait vn festin fort magnifique, apres lequel on ne luy permit point de se retirer chez luy, mais on le fit coucher au Serrail, où on le fit mourir la nuict comme il dormoit, & tous ses biens acquis & confisquez au Beglucar.

MAIS il me semble que Paul Ioue recite cette mort plus particulièrement: car il dit qu'estant venu ce iour là au Serrail, selon sa coustume, Solyman entra en fort grosses paroles contre luy, avecques reproches de ce que l'ayant eleué de la fange à vne telle hauteſſe, apres l'auoir honoré de son amitié, l'auoir rendu participant de la souueraineté, & l'auoir comblé de toutes sortes de biés & de felicitez, il auoit eu neantmoins le cœur si plein d'ingratitude, si meschant & si traistre d'auoir fauorisé ses plus grands ennemis, d'auoir traité avecques eux, & desiré leur auancement, au peril de sa reputation & de la Couronne, qu'il n'y auoit point de supplice assez digne pour expier vne telle offense: & que l'autre forcé par sa conscience qui le bourreloit par la connoissance qu'elle auoit de la verité de cette accusation, s'estoit ietté à ses pieds pour implorer sa misericorde, mais Solyman avecques vn visage qui ne luy promettoit aucune grace, luy monstra les lettres dont nous auons parlé cy-dessus, luy demandant s'il n'en reconnoissoit pas bien le seing, & là dessus qu'il le fist retirer, & que la nuict suivante il le fit égorger par vn Eunuque avecques vn cousteau recourbé, que le grand Seigneur luy auoit baillé de sa propre main, pour le faire mourir, lors qu'il seſoit endormy.

CAR on dit qu'Hibram, lors qu'il estoit en la plus grande vogue de ses prosperitez, & qu'il possédoit pleinement les bonnes graces de son Seigneur, il luy auoit requis de ne le charger point de si grands honneurs, de crainte qu'estant arriué au faiste d'une souueraine fortune, il ne le precipitast par apres iusques au dernier degre de toute misere par les enuies & les calomnies; que Solyman là dessus luy auoit promis en ces termes, de ne luy oster iamais la vie luy viuant, & que voulant obseruer sa parole, il l'auoit ainsi fait mourir, lors qu'il estoit endormy, d'autant qu'un Talisman l'auoit asſeuré que celuy qui dormoit, n'estoit point compté entre les viuans, veu que l'acte de toute la vie consistoit en vne veille. Quelques-vns ont dit aussi qu'il le voulut voir mort, & puis qu'il fit ietter son corps au fonds de la mer, apres luy auoir donné plusieurs execrables maudissions. Aussi-toſt qu'il fut iour, on apporta au thresor du Prince tout ce qu'il auoit de meuble & d'argent, si promptement & si exactement, qu'on ne laissa rien à son infortunée femme que son

Reproches
de Solyman
à Hibram.

Qui recon-
noit la faute,
& implore la
misericorde
de son Sei-
gneur.

Mort d'Hi-
bram.

Promesse de
Solyman à
Hibram.

1535.

doüaire. Aussi-tost que cette mort fut diuulgüée, comme s'il eust esté iudiciairement condamné, le peuple diffama son nom par chansons & paroles iniurieuses, iettant de la fange contre ses statues qu'il auoit fait mettre en l'Hippodrome deuant son Palais, en guise de trophée, lors de la victoire des Hongrois, tant le peuple a d'inconstance, que celui à qui il aura ce iourd'huy rendu tout honneur, & donné mille loüanges, demain il luy dira mille opprobres, & luy fera souffrir toute sorte d'ignominie. Telle fut la fin de la vie & de la puissance d'Hibraim, en l'an mil cinq cens trente-six, & de l'Egire neuf cens quarante-deux, selon les Annales Turques, & selon quelques autres, l'an mil cinq cens trente-sept, en laquelle se retrouve vn beau miroir de l'instabilité de la felicité mondaine, & principalement en la Turquie, où le plus heureux est ordinairement le plus miserable.

XXVIII. OR tandis que les Turcs faisoient ainsi la guerre aux Perses, & que toutes leurs forces estoient en Asie, Muley Hascen que Barbe-rousse auoit chassé de Thunes, s'en alla implorer le secours de l'Empereur Charles le Quint, comme celui qui auoit le plus d'interest de tous les Princes Chrestiens, à vne telle entreprise, & qui pouuoit le plus commodément le reestabli en son Royaume, ayant ses seigneuries voisines de là, & principalement le Royaume de Naples, que Cairadin menaçoit tous les iours d'assaillir. L'Empereur doncques resolu à cette guerre d'Afrique, ayant fait tous ses preparatifs, s'embarqua à Barcelonne, en l'année mil cinq cens trente cinq, avecques trois cens voiles de toutes sortes, autres disent six cens, & quarante mille combattans, sans les mariniers & galcheurs qui estoient en fort grand nombre, tous les Seigneurs d'Espagne l'ayans suiuy, & l'Infant de Portugal qui l'estoit venu trouuer à Barcelonne avecques quatre-vingts nauires de guerre. Le Pape y contribua les Decimes d'Espagne, & douze galeres sous la charge de Virgile Vrsin. Le Roy de France bailloit vingt galeres, pour garder les riuages de la Chrestienté durant cette guerre, où chacun courroit de tous les cantons du Christianisme. La Religion des Cheualiers de saint Iean de Hierusalem y amenerent quatre galeres, sur lesquels il y auoit deux cens Cheualiers choisis, & la caraque où commandoit Touchebeuf-Clermont, pour Capitaine du secours, le Commandeur de Grolée avecques septante Cheualiers, & vn regiment de gens de pied, qui partirent le trentiesme iour de May, le chemin de Trapani, & arriuerent à Trapopulo en Sardaigne, où toute l'armée auoit pris terre, & de là avecques vent fauorable, arriuerent le vingt-huictiesme de Iuin au port d'Utique, à present Porto Farina, où la galere de l'Empereur, qui pesoit plus que les autres, fut arrestée du sable : mais André Doric fit passer chacun à la proüe, & allega la poupe, & par ce moyen on tira facilement la galere hors de là. Toute l'armée vint surgir au port de l'eau, où Barbe-rousse ayant reconnu que l'Empereur y estoit, se repentit fort d'auoir enfermé la sienne dans l'estang de Thunes, & fit mourir Louys Pressida, Gentil-homme Gennois, son esclaue, qui l'auoit assuré qu'il n'y auoit aucune apparence que l'Empereur y deust venir en personne.

Armée des
Chrestiens à
Thunes en
Afrique, con-
tre Barbe-
rousse.

Ceux qui es-
tribuerent à
cette guerre.

Les Turcs
s'opposerent
à la descente,
mais les Chre-
stiens demeu-
rerent les mai-
stres.

Situation de
Thunes.

Forces de
Barbe-rousse.

TOUTE l'armée Chrestienne mit pied à terre sous la Goulette, non sans vne grande resistance des Turcs, qui mirent tous leurs efforts pour l'empescher, mais enfin les Chrestiens demurerent les maistres, & se camperent aux enuirs, s'arrestans principalement deuant cette place, d'autant qu'ils scauoient que de la prise d'icelle dependoit celle de Thunes. La Goulette estoit vne grosse tour quarrée, entourée de plusieurs bastions, & assise presque sur la bouche d'un canal, par lequel entrant dans la mer bien auant, elle fait tout vis à vis vn estang, sur lequel est assise la ville de Thunes, loin de la mer d'environ douze milles. Cette ville estoit lors fort grande & peuplée, mais mal close de murs fort foibles & fort bas, ayant encores trois grands faux-bourgs plus pleins de peuple beaucoup que la ville, laquelle estoit toute pleine de marchands & d'artisans, & autres sortes de gens nullement propres au maniement des armes. Quant aux forces de Barbe-rousse, il pouuoit auoir huit mille bons soldats, dequoy il pouuoit faire estat, desquels il auoit mis la meilleure partie dans le fort de la Goulette, qui estoient commandez par deux grands Corsaires que nous auons dit cy-dessus s'estre joints à Barbe-rousse, lequel commandoit au demeurant, & à vn grand nombre de Maures & d'Arabes, tant de pied que de cheual, qu'il amassoit de toutes parts, & lesquels il enuoyoit & menoit luy-mesme à la guerre, dressant à toutes heures des escarmouches pour molester le camp des Chrestiens, & empescher les approches des batteries qu'on dressoit contre cette forteresse, & surprendre ceux qui alloient au fourrage, cherchans sur tout de l'eau, qui est rare en ce pays-là.

CE V X de la forteresse firent aussi au commencement quelques sorties, vne où le Comte Hierosine

Hierosme Spinola, & le Marquis de Final furent tuez, comme fut aussi le Comte de Salme, en vne embuscade que luy auoit dressée Salec vn des Capitaines de la Goulette, mais vne des plus signalées, fut celle de Rais Tabac : car cettuy-cy estant venu attaquer les tranchées des Espagnols, ils en firent vn grand massacre, tuerent le Capitaine Alendis, gagnerent l'Enseigne de Sarmento, mettant tout en tel desordre & tumulte, qu'il estoit prest de faire vn plus grand effort, sans la presence de l'Empereur : lequely estant venu tout armé, les arresta, & remit chacun en son deuoir, & ainsi les Turcs se retirerent. Mais comme vn autre Capitaine de la Goulette, nommé Giasser, eust voulu depuis faire vne autre sortie, esperant vne aussi bonne aduanture que son compagnon, il fut charge si viuement sur les mesmes tranchées, qu'ayant esté tué sur le champ, le reste de la troupe demie rompuë se retira. Les Espagnols poursuiuant leur pointe monterent iusques sur les remparts & les bastions de la Goulette, où Diego d'Aula, Lieutenant du Comte de Nucolaire, planta son Enseigne, & sauua les Espagnols qui se retirerent en fort bon ordre, reconnoissans dès lors que cette place n'auoit pas esté fortifiée, comme on se l'estoit imaginé. L'arriuée aussi de la caraque de Malte, le fit plus particulièrement reconnoistre : car ayant tiré contre la tour, toute leur artillerie, la plus grande part en fut abbatuë & demolie, & grand nombre de Turcs estouffez sous les ruines. Ce fut lors qu'on reconneut aussi quel'artillerie des Turcs n'estoit montée sur roues, & qu'elle ne se pouuoit commodément manier & remuer, qui estoit la cause qu'elle n'auoit pû offencer la caraque, & tiroit tousiours trop haut ou trop court ; toutesfois ny les vns ne se lassoient de bien assaillir, ny les autres de se bien deffendre, durant l'espace de cinq semaines ou enuiron que cette place fut assiégée.

Mais la batterie ayant continué plusieurs iours, & la tour & les bastions se trouuans ruinez de toutes parts, l'Empereur, pour oster le temps aux assiegez de reparer les bresches, ordonna l'assaut general, donnant l'auant-garde par mer à ceux de Malte, & faisant publier vn present de cinq cens escus à celuy qui entreroit le premier dans cette place. Cela acreut encores dauantage le courage aux soldats de bien faire leur deuoir : les Cheualiers de Malte, avecques leurs barques & esquifs, s'aduancerent les premiers à dix pas près de terre, & estans arrestez dans le grauier, celuy qui portoit l'Enseigne de la Religion, qu'on appelloit le Cheualier Copier de la maison d'Hieres, au Bailliage de Vienne, se ietta le premier dans l'eau avecques son Enseigne, estant suiuy de tous les Cheualiers qui la passerent, estans dedans iusques à la ceinture, & de là firent tant d'efforts de monter sur la bresche à trauers les arquebusades, fleches, pierres & artifices à feu, qu'on tiroit & qu'on iettoit sur eux de toutes parts, qu'encores qu'ils fussent la pluspart blesez, ils firent tant en grim pant avecques les pieds & les mains, (ceux des premiers rangs aydans aux autres) qu'enfin ils gagnerent le haut des bouleuerts & de la tour, forcerent & repousserent les Turcs, comme firent aussi les Espagnols du costé de terre : toutesfois l'Histoire de l'Ordre de S. Iean de Ierusalem, dit que les Cheualiers conquerent les premiers la grande tour, comme l'on vid à l'Enseigne de la Religion, que le Cheualier Copier manioit & arboroit au veu de toute l'armée. Mais ce grand cœur, & leur vaillance, avecques l'assurance qu'ils eurent de garder seuls la forteresse iusques à minuit, avecques fort grande incommodité, d'autant qu'ils estoient la pluspart blesez, fit que l'Empereur ne voulut plus permettre qu'ils se trouuassent en gros, ny avecques leurs armes & Enseignes, aux occasions qui se presenterent depuis, le reste de cette guerre, mais seulement qu'ils se messassent, comme particuliers, sous la cornette des volontaires, sans porter la Croix de leur Ordre, ce qui les mescontenta fort ; mais s'ils fussent demeurez des derniers à la prise de la Goulette, on ne les eult point empeschez d'aller à celle de Thunes ; le tout a tousiours tourné à leur honneur.

Les Turcs voyans doncques leurs ennemis dans la forteresse, & qu'ils commençoient à massacrer de toutes parts, se sauuerent à Thunes, passans par dessus le pont de l'emboucheure de l'estang, à l'entour duquel furent que tuez, que noyez, enuiron quinze cens du costé des Turcs, & bien cinq cens de celuy des Chrestiens, qui trouuerent sur cét estang, cinquante-trois tant galeres que galeottes & fustes, les autres disent quatre-vingts, & bien trois cens pieces d'artillerie. Toutesfois Barbe-rousse ne perdit point cœur, ains ayant encouragé ses gens, leur remonstrant qu'il estoit impossible de deffendre cette place toute ruinée, mais s'ils vouloient auoir le courage de les attaquer, qu'ils n'auoient pas perdu tant d'hommes que cela les deust épouuenter, la place auoit esté plustost surprise que prise, & qu'ils la sçauoient mieux reconquerir qu'ils ne l'auoient pû deffendre : qu'à

1535

Sortie des Turcs de la Goulette, où ils tuerent quelques Seigneurs Chrestiens.

Autre sortie des Turcs, où les Chrestiens eurent l'aduantage.

Assaut general au fort de la Goulette.

Les Cheualiers de Malte montrent les premiers sur la bresche.

On les empesche de marcher en corps, à la prise de Thunes.

Nombre des morts de part & d'autre.

Barbe-rousse encourage les siens.

1535.

Defaite des
Turcs devant
Thunes,

l'heure tous les Giafiriens estoient empeschez à departir le butin, & à penser à ce qu'ils auoient à faire, mais qu'il les falloir releuer de cette peine, qu'ils auoient assez d'experience, quel grand aduantage c'estoit à ceux qui prenoient & attaquoient inopinément l'ennemy, principalement quand on estoit contraint de s'exposer à l'aduanture, pour se deliurer d'un mauuais pas, qu'ils auoient encores huit ou neuf mille bons soldats, lesquels il s'assuroit estre capables de surmonter leurs aduersaires, sans un bon nombre de Maures, & autres gens du pays, desquels, bien qu'il ne fist point d'estar, si est-ce que s'ils auoient seulement l'assurance de supporter le premier choc, soustenus qu'ils seroient par leur vaillance, l'ennemy prendroit aussi-tost l'épouuente. Et de fait, ayans pris resolution d'attaquer les Chrestiens, ils sortirent de Thunes, & leur vinrent presenter la bataille, où ils firent merueille de bien assaillir & de se bien deffendre. Si que selon les Annales, il y demeura sept mille Chrestiens sur la place, & seulement deux mille Turcs, mais c'estoit beaucoup pour leur petit nombre, aussi se voyans accablez par la multitude de leurs ennemis, ils commencerent à faire retraite vers la ville. Mais comme ils se pensoient retirer en la forteresse, ils furent tous estonnez qu'ils trouuerent les portes fermées, & les Enseignes des Chrestiens plantées sur les murailles.

Les esclaves
Chrestiens se
saisissent de la
forteresse de
Thunes.

Cecy estoit arriué par des esclaves Chrestiens, la plupart pris par Barbe-rousse, sur les costes d'Italie, lesquels on dit qu'il vouloit faire mourir, auparauant que de donner cette bataille, & qu'il en fut destourné par ses Capitaines: ceux-cy, comme ils virent les Turcs hors de la ville, assez empeschez à se bien deffendre, trouuerent moyen de se deliurer, & de s'emparer de la place. L'Histoire de l'Ordre de S. Iean de Ierusalem raconte cecy plus particulièrement: car elle dit qu'entre ces esclaves, il y auoit un Cheualier de cet Ordre, nommé Paul Simeon, lequel s'estoit rendu familier de deux renegats, l'un nommé Many, & l'autre Giaffer Aga, auparauant nommé François de Medelin, & l'autre Vincent de Catane, tous deux Espagnols. Ce Cheualier sceur si bien persuader ceux-cy, & les remplir d'esperance de grandeur, & de toute sorte d'auancement, qu'ils se resolurent à cette entreprise, si qu'ils leur ouurirent les prisons, & baillerent à ces pauues esclaves des ferremens pour rompre leurs chaines, en sorte qu'ils sortirent de ces prisons, bien enuiron six mille demy-nuds, qui s'armerent aussi-tost de ce qu'ils purent trouuer, & vinrent attaquer les Turcs de la garnison.

Le Gouver-
neur de la ci-
tadelle, la
quitte aux
esclaves,

Barbe-rousse
se retire à Bon-
ne, jadis Hyp-
pone.

Fuite d'An-
dré Centu-
rion.

Le Gouverneur de la citadelle, nommé Ramadan, s'estant réueillé au bruit, prit ses armes, repoussa les premiers qui l'assaillirent, & en tua un; mais cependant les deux renegats ouurirent la salle des armes aux Chrestiens qui s'armerent, ce que sçachant le Gouverneur, & ne voyant plus aucun moyen de tenir la place, fit tant qu'il gagna une porte, sortir avecques la meilleure partie des siens, emportant quant & luy ce qu'il pût recueillir du meilleur de ses meubles: alors les Chrestiens tuèrent le reste des Turcs, & se rendirent les maistres de la forteresse. Le iour venu, ils trouuerent l'Enseigne que les Turcs auoient ostée à Sarmente, & l'arborerent sur la plus haute tour du Chasteau, qui fut cause que l'Empereur leur enuoya incontinent du secours: mais cependant Barbe-rousse faisoit tous ses efforts pour les persuader de sortir, & se retirans à sauueté, luy liurer la forteresse, mais voyant qu'ils n'y vouloient nullement entendre, & qu'il se trouuoit enucloppé de toutes parts, il pensa deuant que ses ennemis eussent reconnu leur aduantage, que le plus seur pour luy estoit la retraite avecques ce peu de forces qu'il luy restoit, il se retira à Bonne, laquelle il abandonna encores, n'estant pas tenable: cette ville s'appelloit jadis Hypnone, sur le fleuve Rabricat, à present Ladoc, de laquelle fut jadis Euesque ce Docteur des Docteurs saint Augustin. Mais ie trouue icy de grandes contrarietez, car l'Histoire cy-dessus alleguée dit que Barbe-rousse auoit laissé quatorze vaisseaux, tant galeres que galiottes, qu'il auoit là de reserue, & qu'il se mit à fortifier Bonne, équipant en diligence ses vaisseaux, & que l'Empereur y ayant enuoyé André Dorie, il ceda cette charge à André Centurion vieil Capitaine, sien parent, lequel ayant veu le Turc en bataille, n'eut pas l'assurance de l'aborder, & se retira, contre l'aduis des Commandeurs Girou & Aspremont. Si que Dorie y estant allé apres, Barbe-rousse en estoit desia party, & allé à Maiorque, où il prit la ville de Maon, par la trahison du Chasteian, & la saccagea, & de là s'en alla à Constantinople.

Grande ne-
cessité parmy
l'armée de
Barbe-rousse.

MAIS l'Histoire Turque parle tout autrement: car elle dit qu'avecques le peu de soldats qui resta à Hairadin, qu'il se retira du costé qui luy sembla le moins dangereux, s'en alla par les deserts dont l'Afrique est remplie, & par lesquels il sçauoit bien que ses ennemis ne le poursuuiroient pas, à cause de la grande seicheresse qui estoit par tout, & que leur armée estoit

estoit trop grande pour cheminer par vn pays où on auoit besoin d'eau. Mais aussi ce fut presque la dernière fin de Cairadin : car les grandes chaleurs qui sont parmy ces solitudes, principalement en temps d'Esté, avecques la sterilité qui se retrouve par tout, les pensa faire perir de faim, de soif, de chaud, & de toutes sortes de maladies & de miseres, pour le moins la meilleure partie des siens demeura-elle par le chemin, & le reste trauerse de mille sortes de calamitez, arriua enfin à Alger, où estant, il n'arresta gueres qu'avecques dix-huict vaisseaux il ne prit son chemin vers Constantinople, faisant mille maux par toutes les costes où il passa, mettant tout à feu & à sang par toutes les terres de l'Italie où il pût mettre le pied, afin de prendre vengeance en quelque façon, des pertes qu'il auoit faites en Afrique. Tandis l'armée Chrestienne trouuant la ville de Thunes abandonnée de ses deffenses, entra dedans, & la saccagea l'espace de vingt-quatre heures, à la requeste mesmes de Muley Hascen qui y estoit present, lequel l'Empereur Charles remit en son Royaume de Thunes, mais non pas sans grandes charges, & sans luy rongner ses morceaux bien courts, luy ostant plusieurs villes, & le forçant de payer la garnison qu'il mettoit dans la Goulette, laquelle encore deuoit demeurer à luy, & à ses successeurs Roys d'Espagne, en toute souueraineté. Cairadin donc vint à Constantinople, où il trouua Solyman, selon les Annales, Paul Ioue dit qu'il le fut trouuer par terre en Atie, en la ville d'Iconium, où il estoit encores prest à s'en retourner de son voyage de Perse.

1535.

Ravage les costes d'Italie, & arriue à Constantinople.

Thunes prise par les Chrestiens.

Muley Hascen remis en son Royaume.

Cairadin va trouuer Solyman.

Là, comme Cairadin avecques Sinan le Juif, se furent iettez à ses pieds, luy remonstrans qu'il n'y alloit point de leur faute, si la ville de Thunes & sa forteresse auoient esté perduës, attendu que luy & les siens auoient fait tout le deuoir qu'il leur auoit esté possible de se bien deffendre, mais que tout le Christianisme estant venu fondre sur ce canton d'Afrique, ils n'auoient pû resister à si grande puissance, qu'ils la leur auoient fait toutes-fois acheter bien cherement, mais qu'ils auoient choisi le temps que sa Hauteſſe estoit éloignée, & par ainsi auoient vaincu par leur multitude, aſſeurez qu'ils estoient, qu'on ne donneroit aucun secours à ceux qui estoient assiégez. Solyman les receut avecques vn fort bon visage, sans leur faire voir qu'il eust aucun ressentiment de cette perte, leur disant seulement qu'ils perseueraſſent en leur fidelité & affection, & qu'il tenoit que ce ne leur estoit pas moins d'honneur d'auoir resisté avecques la magnanimité d'vn cœur inuincible, que d'auoir obtenu quelque heureuse victoire : mais il ne disoit pas que sa presumption auoit esté cause d'vne partie de sa ruine : car comme les Rais & Capitaines des galeres, tout au commencement de la guerre, & lors que l'armée Chrestienne n'estoit pas encores assemblée, luy eurent conseillé de les aller attaquer auparauant qu'ils fussent plus forts, luy en se gaussant leur respondit, qu'il n'auoit qu'à mettre son Tulban en quelque haut lieu, & que de tant loin que le verroient les ennemis, ils prendroient aussitost la fuite, cherchans plustost le moyen de se sauuer en leurs pais, que de poursuiure leur chemin, & ainsi la bonne opinion qu'il eut de soy-mesme, le fit non seulement mépriser son aduersaire, mais encore fut cause qu'il ne donna pas l'ordre necessaire à ses affaires, ne fortifiant pas ses places suffisamment, & laissant prendre pied à ses ennemis plus qu'il ne deuoit ; mais ce tyran meritoit d'estre châtié par luy-mesme, & puis par l'estranger : tant y a qu'il arrangea si bien son compte, qu'il ne laissa pas d'estre auprès de Solyman, en aussi grand credit qu' auparauant. Ce fut ce qui se passa en Afrique durant son expedition contre les Perses, mais il s'estoit fait aussi vn grand remuë-mesnage en Hongrie.

Ses excuses pour la perte de Thunes.

Est receu de luy avecques bon visage.

Presomption de Barbe-touſſe le perd

CAR Louys Gritty qui y auoit des desseins que vous auez entendus pour Hibraim, y fut executé publiquement, pour auoir fait massacrer le Vaiuode Emeric ; ce qu'estant fait, les Transiluiains resolurent entr'eux de ne reconnoistre pas vn des deux Roys, à ſçauoir Iean & Ferdinand, ains d'estre commandez par ceux de leur nation, iuiques à tant qu'on reconneust qui seroit Roy legitime : toutesfois le Roy Iean les remit quelque temps apres sous son obeissance, & ne demurerent pas long-temps en cette neutralité. C'estoit neantmoins toujours de la diuision qui continuoît entre les deux Roys, lesquels se faisoient incessamment la guerre, chacun ayant à son tour quelque aduantage, mais enfin l'vn & l'autre se lasserent de se donner de la peine, & de ruiner leur pays, & ainsi commencerent d'entendre à quelque capitulation, pour terminer leurs differens, par laquelle ils arresterent que Iean tant qu'il viuroit, jouïroit de tout ce qu'il possedoit pour lors, & apres sa mort, le tout retourneroit à Ferdinand, ou à ses successeurs, avecques telle condition toutesfois, que Iean laissant quelques fils legitimes, Ferdinand fust obligé leur donner en recompense autant de reuenu de son patrimoine, en villes & chasteaux, qu'il

XXIX.

Les Transiluiains neutres entre les deux Rois de Hongrie.

Les deux Rois s'accordent, & avec quelles conditions.

1535.

Mort du Roy
Iean.

leur en conuiendroit, pour entretenir leur estat honorablement, & en outre la charge de Vauode de Transilvanie. Bien peu de iours apres se presenta l'occasion d'exercer cet accord, par la mort du Roy Iean, qui laissa vn seul fils nommé Estienne, qui depuis par le commandement de Solyman fut appellé Iean, en memoire de son pere.

Origine du
Moyn Georges, & com-
me il paruint
au gouver-
nement du
Royaume de
Hongrie.

LEQUEL laissa pour tuteurs & administrateurs du Royaume, la Reyne Elizabeth sa femme, fille de Sigismond Roy de Pologne, avecques vn Moyn nommé Georges, Croatien de nation, venu de noble famille, mais extremement pauvre, qui auoit esté eleué en la maison de la mere du Roy Iean, employé toutesfois aux plus bas & plus vils offices de la cuisine, lequel pour secouer le joug de sa misere, plustost que par deuotion, s'estant rendu Religieux de l'Ordre de saint Benoit, auroit enfin suiuy ce Prince durant ses plus grandes affaires, & l'auroit fort fidelement & industrieusement seruy sous cet habit de Religieux, en plusieurs occasions de tres-grande importance: si qu'enfin l'autre estant parueni au dessus de ses affaires, se seroit souuenu de Georges, & luy auroit donné l'Eueché de Varadin, se seruant en toutes choses de son conseil & industrie; si bien que les plus grandes affaires du Royaume venans à passer par ses mains, il se rendit si capable & si necessaire, que le Roy mourant iugea qu'il ne pouuoit mettre son fils en meilleures mains que les siennes, ny qui luy confirmast son Estat avecques plus de fidelité, il est vray qu'il n'estoit que comme vne ayde à la Reyne Elizabeth: mais son esprit subtil & ambitieux, sceut bien-tost tirer tout à soy.

Occasions de
la guerre con-
tre les Portu-
gais.

LES choses s'estoient passées de la sorte en Hongrie, durant le seiour de Solyman en Perse & Assyrie; mais comme il fut de retour, il auoit fort à cœur que les Portugais eussent assisté son ennemy Tachmas, d'hommes & d'artillerie, & que ceux-cy eussent monstré aux Perses l'art de faire des arquebuses, fonder l'artillerie, & la façon de les manier & s'en seruir, moyennant les grands presens qu'ils en tirerent, ceux-là acheptans au poids de l'or, vne marchandise qui cause tant de ruine. Mais ce qui auoit encores agry Solyman, c'estoit Cairadin, lequel luy auoit rapporté que l'Infant de Portugal s'estoit trouué avecques fort grand nombre de vaisseaux à la prise de Thunes: outre cecy ses sujets receuoient encores vne notable incommodité par les nauigations des Portugais, qui tenoient le golphe Arabe, & empeschoient le trafic d'Epicerie, Aromates, & autres sortes de marchandises qui se souloit faire au Caire, & en Alexandrie, & de là en Europe, & ils les auoient toutes destournées en Espagne: les Venitiens mesmes y auoient de l'interest, car elles estoient apres par leur moyen distribuées par tous les cantons de la Chrestienté. Solyman se souuenoit aussi que Campson, jadis Soudan du Caire, auoit eu le mesme desir d'empescher cette nauigation, comme il a esté dit au treiziesme Liure, & pour ce faire, il auoit dressé vne assez belle flotte, qui leur eust donné en ce temps-là beaucoup d'affaires, sans la diuision des deux chefs, Amyrases & Ray-Salomon. A tout cecy interuenoient les persuasions de Solyman Eunuque, Beglierbey du Caire, qui desirant de faire quelque signalé seruice à son Seigneur, & s'oster cette espine du pied, l'incitoit à dresser quelque armée de mer, pour empescher l'accroissement de ces Giafiriens, qui s'en alloient de iour en iour conquestans bien auant dans les Indes.

Solyman donna
la charge
de cette guerre,
au Beglier-
bey d'Egypte.

LE Padis-Scach touché de toutes ces considerations, donna toute charge à ce Beglierbey, de dresser vne armée en la plus grande diligence que faire se pourroit: lequel tout aussi-tost qu'il en eut la commission, fit apporter depuis le golphe de Satalie, & de Caramanie, iusques à Damiette, force matiere toute taillée & ébauchée pour bastir des galeres, & de Damiette, il la faisoit apres amener par radeaux, en montant contre le Nil iusques au Caire. Là il auoit assemblé grand nombre d'ouuriers à faire des vaisseaux, & de là les fit porter iusques à la mer, l'espace plus de quatre-vingts milles, à vn port de la mer rouge, nommé Suezza, jadis Arfinoé, faisant construire vingt galeres, quatre galeaces, vingt & trois fustes, sept mahones, & autres vaisseaux, montant le tout à quatre-vingts voiles, dont l'Architecte fut vn Gennois, faisant cette armée plus de vingt mille hommes de guerre, avecques laquelle il costoyal'Arabie, quel'on appelle heureuse. Or durant que cette armée se preparoit, Nugas Acugnan, Vice-Roy aux Indes pour le Roy de Portugal, auoit conquis la ville de Diens, metropolitaine du Royaume de Zambry ou Cambaia, duquel le Roy estoit Payen, qui adoroit les Astres, & tres-grand ennemy des Portugais. Cettuy-cy se sentant trop foible pour resister à la puissance de ses ennemis, trop adroits aux armes, & trop entendus pour luy en l'art militaire, eut recours à Solyman, & luy faisant offrir par ses Ambassadeurs, grande quantité d'argent, le supplia de luy donner secours, avecques promesse de se soumettre à son Empire, luy & les autres Roys Indiens ses voisins.

Diens metro-
politaine de
Cambaia co-
quis par les
Portugais.

Le Roy de
Cambaia de-
mâde secours
de Solyman.

SOLYMAN,

SOLYMAN, qui outre le dessein qu'il auoit de se vanger des Portugais, voyant vn si beau pretexte de leur faire la guerre, d'estendre l'Empire des Osmanides au long & au large, parmy des peuples si éloignez, & de s'acquérir les grandes richesses d'or & de pierres, dont ces nations sont tres-abondantes, fit de grandes promesses à ces Ambassadeurs, les asseurant d'enuoyer bien-tost vne si grande & si puissante armée, que leur ennemy perdrait l'enuie de leur faire iamais du déplaisir. Et de fait, il manda à l'Eunuque Solyman qu'il eust à se diligenter, & à se garnir d'artillerie; que certuy-cy mit son armée en equippage, & toute preste à faire voile, comme elle fit, selon quelques-vns, l'an mil cinq cens trente-sept, & selon les autres, l'an mil cinq cens trente-huit, au mois de Iuin: tous les Turcs qui s'enroolloient en cette guerre, y marchans d'vn grand courage, non pour le secours qu'ils alloient donner à ces estrangers, mais pour l'esperance qu'ils auoient de se faire tous riches des dépouilles de ces nations. Ayans doncques mis les voiles au vent, ils vinrent en Thoron, vne ville qu'on pense estre des anciennes appartenances des Madianites, située dans les deserts de l'Arabie, & non loin des montagnes d'Oreb & Sinaï, en laquelle il y auoit vne estape fort commode pour les Indiens, & pour ceux d'Egypte & de l'Arabie heureuse, qui y apportoint leur mercerie avec des chameaux: depuis elle a esté transportée à Gidon, ou Ziden, ville de l'Arabie Petrée, vne autre cité maritime, où le trafic n'est moins grand qu'à Thoron, & qui est sous la domination des Turcs: enfin ils arriuerent aux portes de la ville d'Aden, enuiron lo mois d'Octobre.

CETTE ville d'Aden est la premiere de toutes celles de l'Arabie heureuse, non seulement pour sa situation, mais encores pour auoir esté fortifiée & remparée de toutes parts, si qu'elle ne manque point de bonnes defences, aussi est-ce vn lieu tres-fort & bien asseuré. Du costé du Soleil leuant, elle a de fort hautes & dérompues montagnes, deuers l'Occident elle a vn port de mer bien clos & renfermé, vers le Midy est vne forteresse au sommet d'vn rocher, qui seruoit de guette à ceux de la ville, auparauant que les Turcs l'eussent conquis, pour aduertir les autres Arabes avecques des feux qu'ils faisoient là dessus, quand ils voyoient venir de loin quelque flotte contre la ville, afin que ceux des enuironns se tinssent prests pour venir au secours. Là s'arresta l'armée des Turcs, prenant diuers conseils sur ce qu'elle deuoit faire: car ils aspiroient à cette place, mais ils la voyoient si forte & si bien munie, que cela leur faisoit perdre l'esperance de s'en rendre les maistres. Mais comme ils demeuroient en cette irresolution, le Roy d'Aden enuoya quelques-vns deuers eux, pour sçauoir que vouloit dire qu'ils venoient ainsi armez deuant la ville, veu qu'ils n'auoient point de differents les vns avecques les autres. Alors le Bassa ayant donné vne honneste responce, renuoya avecques ceux-cy quelques-vns des siens avecques des presens, afin d'oter tout soupçon qu'ils eussent aucun dessein d'hostilité, luy demandans permission de laisser l'armée du Sultan Othoman dans le port interieur de la ville, sous pretexte des achapts qu'ils y vouloient faire, luy promettant d'empescher que les siens ne feroient aucun déplaisir, & principalement à eux qui estoient d'vne mesme loy, & faisoient vne mesme profession de Religion: car le Roy d'Aden & son peuple, estoient Mahometans. Cela sceut-il proposer avecques tant de soubmissions & d'artifices, qu'il l'obtint, & par ainsi l'armée des Osmanides fut introduite dans le port d'Aden, par son Roy & ses habitans trop credules.

AVECQUES ces mesmes ruses & artifices, ce cauteleux Beglierbey sceut entretenir ce Prince de discours familiers, le traitant mesmes quelquesfois dans ses vaisseaux. Mais comme il eust esté là quelques iours, & que sans aucun soupçon ils frequentoient les vns avec les autres, par vne certaine franchise que les Turcs monstroient à tout le peuple, mais principalement à ce Roy, qui n'eust iamais creu la meschanceté qu'on luy preparoit, mal-aduisé qu'il estoit, il s'en vint vn iour luy troisieme visiter ce Beglierbey, où il fut receu avecques toutes les caresses & courtoisies qu'il se peut dire, & entretenu de diuers propos, en attendant qu'on preparoit le festin, au sortir duquel, sur vne occasion telle qu'il luy plut de forger, car de iuste, ny veritable, n'en auoit-il point, on se saisist aussi-tost de ce pauvre Prince, lequel ressentit alors, mais trop tard, combien les presens des meschans, & leurs caresses fardées & déguisées, estoient pleines de tromperies: & sans aucune consideration, ny respect, aussi-tost que le Roy fut arresté, plusieurs soldats allerent à la ville, feignans de

1536.
Qu'il luy accorde & enuoye.

Thoron estape des Indiens.

Depuis à Ziden.

Situation de la ville d'Aden.

L'armée des Turcs deuant Aden.

Qui enuoye des Ambassadeurs & des presens au Roy d'icelle.

Son histoire pitoyable.

1536.

Les Turcs se
rendent les
maîtres de la
ville d'Aden,
par trahison.

vouloir acheter des viandes pour le traiter, lesquels font aussi-tost entendre secrettement au Bassa Solymán, que les Arabes pourroient résister & défendre leur ville, si on ne se hastoit, mesme qu'ils attendoient des forces qui estoient desjà en chemin. C'est pourquoy il resolut de se hastier, & de prevenir les conseils des Arabes, qui pourroient decouvrir les siens. Les soldats doncques qui estoient dedans, s'estans facilement saisis des portes, pour l'absence du Roy, & aussi que personne ne se tenoit sur ses gardes, n'ayant point de desffiance, ils firent entrer le reste de l'armée dans la ville, si que les citoyens environnez de toutes parts, & oppressez par cette multitude, furent contraints de recevoir le joug de leurs traistres & infideles amis.

Defense de
piller la ville.

Aussi-tost le Roy est tiré dehors, & pendu & estranglé au mast de la galere generale, avecques les trois autres qui l'auoient accompagné, afin que tous les habitants peussent voir cét horrible spectacle, & s'asseurer qu'il n'y auoit plus pour eux aucun refuge, ny salut, & ainsi destituez de chef & de conseil, tous fremissans de douleur, pour se voir si mal-heureusement trompez, & de crainte pour leur petit nombre de gens de guerre, au regard de leurs ennemis, qu'ils voyoient bien ne pouuoir aucunement adoucir, se tinrent coys, receuans ainsi la seruitude. L'Eunuque Solymán y laissant vne bonne & forte garnison : afin que si quelque chose de sinistre luy arriuoit en son voyage des Indes, il eust vn prompt refuge. Car les Turcs, entre toutes les nations, sont tres-sages & aduisez, tant pour les choses presentes, que pour les futures, ayans vne grande prouidence, & donnans fort prudemment ordre à tout ce qui leur peut arriuer. Ce qui parut en cecy : car si le reste de son entreprise ne luy reüssissoit pour cette fois, au moins cette place estoit-elle vne porte aux Turcs pour entrer en de plus grandes entreprises, & c'estoit se preparer le chemin pour penetrer dans les Indes. La ville ainsi prise, Solymán fit aussi-tost crier à son de trompe, que nul n'eust à toucher aux biens des citoyens, ny à leur marchandise, à peine de la vie, & comme quelqu'un des moindres soldats eust entrepris d'oultre-passer ce commandement, il luy fit rompre la teste à coups de baston à la porte de la ville, pour donner terreur aux autres ; car il y auoit là vne grande quantité d'Aromates, qu'on y souloit apporter de l'Inde en grande abondance, outre ce que le sein Arabique ou Persique, commence en ce lieu-là, qui touche encores aux confins de la domination des Abyssins Ethiopiens, le Roy desquels s'appelle vulgairement Pretejan : c'est pourquoy cette ville est fort riche, & fort marchande.

Les Turcs en
l'Isle de Diu.

Coza Zaffer
Calabrois, re-
negat Lieute-
nant du Roy
de Cambaia, à
Diu, trahit les
Portugais.

Les Turcs doncques ayans chargé leurs vaisseaux de provisions necessaires, continuerent leur nauigation, en laquelle ils furent dix-neuf iours, & autant de nuits : enfin ils arriuerent en l'Isle de Diu, quelques-uns disent Dion, & d'autres Deuon, presqu'à l'emboucheure du fleuve Indus, à laquelle commandoient lors les Portugais, pour le moins estoient-ils dedans la citadelle, qui estoit venue en leur puissance par des moyens trop longs à raconter. Cette Isle de Diu estant des appartenances du Royaume de Cambaia, ou de Zambry, en laquelle, encores que les Portugais en fussent les maîtres, le Roy ne laissoit pas d'auoir vn Lieutenant, pour auoir égard à ses affaires, nommé Coza Zaffer Calabrois, natif d'Otrante, & renegat, lequel ayant fait au commencement semblant d'estre en bonne intelligence avecques les Portugais, comme il sceut que les Turcs auoient des forces sur la mer rouge, & qu'ils venoient en intention de chasser les Portugais, il fit secrettement vn amas d'Indiens & Guzerathiens, par le moyen desquels il leur osta la ville de Diu, les contraignant enfin de se retirer dans la forteresse, où ils auoient quantité d'artillerie & de munitions ; si bien que ceux-cy, encores qu'ils fussent plus de huit mille hommes là deuant, & tous les iours aux mains avecques les Chrestiens, toutesfois ils n'aduançoient rien : car les assiegez se desffendoient avec vn fort grand courage, comme ceux qui estoient tous assurez de ne trouuer aucune misericorde en leurs ennemis.

Comme les choses estoient en tel estat, arriua le Bassa Solymán, auquel dit l'Histoire d'Espagne, se ioignirent quelques vaisseaux & gens de guerre du Roy de Cambaia. Le Bassa fit aussi-tost mettre son artillerie à terre, qui estoit vingt grands Basiliques, & plus de cent autres pieces : cependant Coza Zaffer, avecques le Vice-Roy Cambaien, vinrent trouuer Solymán, lequel s'estant informé de la place, ils l'asseurerent que la ville estoit à son commandement, mais que la forteresse estoit entre les mains des Portugais, lesquels ils auoient assiegez depuis quelques iours, mais ils n'en auoient sicu este les

maîtres

maistres, faute d'artillerie, de laquelle s'il luy plaisoit les en secourir, qu'ils en viendroient ayssément à bout : car ils n'auoient besoin que de cela.

1537.

DURANT cét abouchement, ainsi que le raconte Barbossé ; les Turcs mirent pied à terre, & entrans dans la ville de Diu, la saccagerent, sans respecter homme vivant, non pas le logis mesme du vice-Roy, d'où ils emporterent tous les meubles, vaisselle & tapisserie, faisant fort mauuais auoir affaire avec ce Beglierbey, qui fut cause qu'estant de retour, & voyant telle indignité, ne voulut plus conferer avecques les Turcs, ayant esprouué leur déloyauté, ains se retira vers son Roy en terre ferme, pour luy faire entendre comme les choses s'estoient passées, & combien l'intelligence qu'il auoit avecques eux leur estoit preiudiciable, puis qu'ils hayssioient également les Indiens & les Portugais.

Autre dé-
loyauté des
Turcs.

CEPENDANT les Turcs mirent le siege deuant la forteresse, dedans laquelle estoit Anthoine de Sylueire avecques sept cens Portugais tous bons soldats, la plur-part du peuple s'estant retiré à Goa & aux autres forts, que les Portugais tenoient en ces marches-là, pour le moins ceux qui tenoient leur party. A demi stade ou enuiron de la ville, il y auoit vn petit fort nommé Gogolé, où les Portugais auoient mis en garnison enuiron 80. hommes. Ceux-cy ayans souffert quelques coups de canon, & voyans qu'ils n'estoient pas bastans pour resister à si grande puilliance, se rendirent vies & bagues sauues, à condition de se retirer où bon leur sembleroit, pourueu que ce ne fust point dedans la citadelle de la ville, mais il ne leur tint pas parole : car apres les auoir desarmez, il les mit tous à la chaisne. Apres cela on commença à dresser la batterie contre ceste citadelle, & tandis qu'on faisoit les approches, vinrent au port Diu, trois vaisseaux de guerre Portugais, lesquels entrerent à la veuë de toute l'armée du Turc, & donnerent rafraichissement à ceux de la citadelle, cela fut cause que le Bassa quitta la generalle où estoit l'enseigne Royale, & passa dans vn autre vaisseau, craignant l'arriuée de ceux de Goa, & qu'ils s'adressassent plustost à ce vaisseau-là, qu'à pas vn autre, ayant selon l'ordinaire, bien peu de courage, & beaucoup de cruauté.

Le siege mis
deuant la for-
teresse de
Diu.

Perfidie de
l'Eunuque So-
lyman.

LA place neantmoins fut furieusement battüe par quarante iours continuels, durant lesquels les Portugais firent plusieurs sorties, où le desespoir plustost que leurs forces, leur donnerent tousiours l'aduantage sur leurs ennemis : car à la verité la place deuoit venir entre les mains des Turcs, s'ils eussent eu vn chef qui eust seu vaincre ; mais en fin au bout de deux moins qu'ils furent arriuez-là, (l'histoire d'Espagne dit quatre) les murs de la forteresse estans presque tous foudroyez par l'artillerie, comme Solyman Bassa eust entendu qu'il venoit vn nouueau secours aux assiegez, il prit l'épouuente, & ayant dès la nuict mesme fait charger son artillerie dans ses vaisseaux, (encores dit-on qu'il en laissa vne partie) leua le siege & partit de Diu, où il perdit les meilleurs hommes de son armée. Pour-
suiuant donc son chemin, comme il fut arriué pres de Zebeth, ou Zibith, il fit mourir tous les captifs qu'il auoit dans ses vaisseaux. Cette ville de Zibith, dit Barthe-
me, est vne ville de l'Arabie heureuse, distante de trois journées de Tacfa, & de la mer rouge enuiron demie journée, qui luy cause vn grand trafic, mesmement de sucres fins & autres bons fruidts, les espices & autres senteurs de toutes sortes, abordent premierement (dit cét Auteur) en ceste cité, puis se distribuent par tout l'Vniuers : elle est située entre deux montagnes qui luy seruent de murailles l'environnans tout à l'entour : deuant ceste place les Turcs s'arrestèrent, la battirent, & s'en rendirent les maistres, & depuis ont fait du Royaume d'Aden, de Zibith & plusieurs autres places qu'ils tiennent en ces lieux, vn Beglierbegat : ayans esté en ceste expedition vn an entier, en laquelle ils s'estoient frayé le chemin à de grandes conquestes, s'ils eussent eu des successeurs pareils à ceux qui les auoient deuancez.

Les Turcs le-
uèrent le siege de
deuant Diu.

Situation de
Zibith.

Vient en la
puissance des
Turcs.

TANDIS que ces choses se passioient ainsi à Diu & en l'Arabie heureuse, Solyman qui auoit decouuert plus particulièrement les menées du Bassa Hibraim depuis sa mort, auoit retenu le sieur de la Forest, Ambassadeur du Roy de France, & auquel ce Bassa auoit fait donner congé : se resoluant de tourner la pointe de ses armes contre la Chrestienté : à ce faire estoit-il continuellement incité par Lutzi, qu'il auoit fait premier Vizir depuis la mort d'Hibraim, homme de bas lieu, auquel toutesfois Solyman donna sa seur en mariage, il est vray qu'il ne fust pas long-temps en credit, car comme cestuy-cy estoit fort addonné au peché contre nature, ceste Princeesse ne pouuant supporter ceste execrable abomination luy reprocha hardiment vn iour que son frere la luy auoit donnée

XXX.

Origine de
Lutzi Bassa, &c.
son histoire.

1537.

Lutzi que si-
gnifie.Il incite Soly-
man à la guer-
re contre les
Chrestiens.Troile Pigna-
tel Napoli-
tain incite
Solyman à
la guerre.Mutapheraks
quels.Troile Inge-
nieurPresente de
ses ouvrages
à Solyman.Grande ar-
mée de Soly-
man en Alba-
nie.Ambassade
de Solyman à
Venise.Et des Veni-
tiens à Con-
stantinople.

pour femme, afin qu'il couchast avecques elle, & non pas avecques les masses: mais Lutzi entra là dessus en si grande colere, qu'il luy donna vn soufflet, dequoy elle extremement offensée, fit sa plainte à Solyman, lequel la luy osta incontinent, & reprenant son cachet, le despoüilla de la dignité de grand Vizir. Et à la verité son nom conuenoit bien à sa vie débordée: car Lutzi en langue Turque, veut dire vn homme qui n'a sa pensée qu'en l'acte Venerien. Or cét homme estant pour lors en charge, estoit mortel ennemy des Chrestiens, soit qu'il les eust à bon escient en hayne, où qu'il voulust faire ainsi le bon valet, pour se monstrier plus fidele à son Prince que son deuancier, cela estoit cause qu'il ne cessoit de l'inciter à faire quelque entreprise, principalement deuers la Pouille, Solyman ne le desiroit pas moins, tant pour se vanger de son ennemy, que pour desir de gloire, & d'honneur.

COMME doncques il faisoit ses preparatifs, vne telle occasion aduança encores la guerre, car Troile Pignateli de noble famille, & qui auoit beaucoup d'experience en la guerre, auoit esté exilé de Naples, apres que le Vice-Roy Pierre de Toledé auoit fait trancher la teste à son frere, qui estoit Cheualier de Malte, & s'estoit retiré vers Solyman, qui le fit incontinent, dit Paul Ioue, coucher en l'estat des Mutfaraes ou Mutapheraks, Cavaliers que les Turcs tiennent pour les plus vaillans qui soient en tout le rond de la terre, & qui ont permission de tenir telle Religion qu'il leur plaist, estans tenus seulement de rendre seruice & fidele obeysance au grand Seigneur: aussi ne sont-ils tenus d'aller à la guerre, si le Sultan ne marche, ayans quelque conuenance avecques les Barons de Hongrie; la plus grande partie de ceux-cy sont fils de Bassats & autres Grands de la Porte, ou pour le moins qui ont eux-mesmes fait quelques actions signalées, & sont tenus en reputation parmy les Osmanides, aussi ont-ils vn Capitaine qui s'appelle Mutapheraki Bassi, & sont tres-bien appointez. Ce qui l'aduança ainsi promptement, fut que les Bassats auoient esté informez qu'il auoit eu charge de gens de cheual sous les Imperiaux, avecques reputation des'en estre bien acquitté.

OUTRE-CE il auoit assez bien estudié aux Mathématiques si qu'ayant fait certains petits modelles de bois pour patrons de quelques machines propres à soustenir l'impetuosité d'un ennemy, qui voudroit empescher vne armée de mer de prendre terre, & les ayans presentés à Solyman, ils luy pleurent de sorte qu'il en fit faire sur le champ. C'estoient de certains mantelets charriables, & garnis de pointes de fer & d'espieux de venerie: ce qu'ayant trouué fort commode, & de belle & vtile inuention, il en ayma l'Ingenieur: si bien qu'il estoit entendu de meilleure oreille, sur les propositions qu'il luy faisoit d'aller donner sur la Pouille, assurant que ceux de ceste Prouince ne cherchoient que les moyens de secouer le ioug des Imperiaux, ioint qu'il leur promettoit de leur dire sur les lieux plusieurs particularitez. Quant à la situation des riuages, & à la force des places & villes qu'ils voudroient attaquer, qu'il leur faciliteroit beaucoup de choses en l'exécution de leur entreprise: les plus anciens d'entre les Turcs se souuenoient aussi du grand remuement qui arriua par tout l'Italie, lors qu'Acomat prit Otrante, du temps de Mahomet second, qu'ils auoient mesmes tenuë quelque temps, & eussent passé plus outre, sans la mort de cét Empereur.

TOUTES ces considerations, dis-je, firent resoudre Solyman à attaquer l'Italie par mer & par terre, faisant marcher celle de terre en telle diligence par la Thessalie à main gauche, qu'on fut estonné qu'il arriua en Albanie avecques deux cens mille combatans, presque, dit Paul Ioue, plustost que les Chrestiens n'eussent creu qu'il fust party de Constantinople: car chacun pensoit que ceste entreprise fust pour la Hongrie. Quant à l'armée de mer, elle fut veüe en tres-bel equipage, plustost par les Cephaliens & Zantiens, que par les Venitiens, ausquels auparauant que de partir, il auoit enuoyé Ianus-beg, vn des Dragomans de la Porte, pour exhorter le Senat de se monstrier amy de ses amis, & ennemy de ses ennemis, en vne entreprise qu'il vouloit faire, leur promettant qu'il feroit garder & conseruer tout ce qui leur appartiendroit, auquel le Senat fit response, Que la Republique auoit tousiours eutres-chere & tres-agreable la paix avecques tous les Princes, & principalement avecques les Seigneurs Othomans, & comme ils auoient depuis vn fort long-temps contracté paix & amitié avecques vn libre commerce entre les sujets de l'un & de l'autre, ils auoient à present la mesme volonté de la continuer plus que jamais, dont il n'estoit besoin de faire plus ample declaration, Thomas Mocenique leur Ambassadeur, qu'ils auoient enuoyé suiuant la coustume à Constantinople, pour se resiouyr

se refioüyr au nom du Senat, de l'heureux succez des affaires de Solyman en Asie, & de son retour heureux à Constantinople, auoit confirmé le mesme; aulli auoit-il receu vne particuliere responce d'Atax Lutzzy premier Bassa, que son Seigneur portoit vne fort bonne volonté à la Republique, & desiroit conseruer cette ancienne paix & amitié qu'il auoit avec elle, luy qui de tout temps auoit accoustumé de garder sa parole & sa foy: c'estoit ce qui se passoit deuant son partement, qui fut le 7. iour du mois Silchidzis, qui est leur premier mois.

Il vint donc en la contrée des Chimeriots, (ainsi nommez des monts Cimares, autrement Acrócerauniens) ou Albanois, ausquels il vouloit faire la guerre, & conquerir ce qui restoit de cette Prouince: toute son armée vint s'arrester deuant Aulone, que nous disons la Valone, ville forte en Albanie, située sur les confins d'où l'Epire regarde la Macedoine, & à l'opposite des riuages d'Italie en la Pouille, où est maintenant le Promontoire sainte Maure. Cette region est toute pleine de montagnes, où le Padis-Schach fit dresser son camp entre icelles, pour y prendre le frais, enuoyant cependant toute sa caualerie faire le degast par toute la contrée, & non seulement en Albanie, mais il la fit passer en la Pouille; pour y faire, comme ils firent, le plus grand degast qu'il leur seroit possible. Mais comme il estoit sur toutes ces entreprises, il aduint que durant ce sejour à la Valone, quelques vaisseaux Turcs passerent en cet trajet qui est entre l'Epire & Corfou, ces naures estans chargez de froment & autres munitions pour les soldats, & comme ils passerent près de Corfou, ceux de la ville leur tirerent tant de coups qu'ils les mirent à fonds.

Camp des
Tures à la
Valone.

Il y auoit encores eu auparauant vn autre petit vaisseau Turc chargé de viures, qui alloit à la Valone, lequel auoit esté rencontré par vne galere Dalmatique, conduite par Simon Nassi Zaratini, & contre lequel Nassi auoit fait tirer vn coup de canon du Courfier, qui le mit à fonds, pour n'auoir voulu obeïr à certain signal, suivant la coustume du nauigage, de mettre les voiles bas. A tout cecy il estoit arriué vn autre accident plus important, c'est que l'auant garde de l'armée nauale que les Venitiens auoient pour lors sur mer, conduite par Alexandre Contarin Prouidadeur, s'heurta inopinément contre vne galere Turquesque, près du golphe de Corfou. Or Contarin venoit de prédre terre, quand cette galere vint à les rencontrer, c'estoit vne Imperiale apprestée pour le grand Seigneur, au cas qu'il voulust passer la mer, à laquelle commandoit Bustan Rais, & comme c'estoit durant vne nuit fort obscure, ils demanderent aux Venitiens en langage Italien, à qui estoit le vaisseau si proche d'eux, & leur ayant esté respondu que c'estoit aux Venitiens, & eux enquis aulli qui ils estoient, sans faire aucune responce, tascherent de s'éloigner, & aussi-tost tirerent vn coup d'artillerie. Contarin voyant cette brauade, ne se peult tellement commander, qu'encores que les tenebres luy donnaissent beaucoup de peine à discerner quelque chose, qu'il n'allast inuestir cette galere qui s'estoit declarée ennemie, & apres vn long combat, y ayant dedans plus de trois cens soldats, s'en rendit le maistre par la mort de tous les Tures, excepté de fort peu, qui furent par apres trouuez cachez. C'est ainsi que le raconte l'Histoire de Venise.

Causés de la
guerre contre
les Venitiens.

Or soit que Contarin y ait procedé en la maniere que nous venons de dire, ou qu'il les ait attaquez de propos deliberé, comme les trouuant à son aduantage, tant y a que cela offensa tellement les Tures, & mit en si grande colere Solyman, qu'il commanda que toutes entreprises laissées, on eust à faire ravage general par toutes les Isles appartenantes aux Venitiens, & qu'on commençast par Corfou, ou Corcyre, où il fit prendre captifs, tout ce que l'on pût trouuer de peuple épandu en la campagne, & mettre le feu par tout. Et à la verité ie trouue que Solyman, iusques alors, s'estoit monstre amy des Venitiens, que si quelques-vns des siens auoient fait quelque outrage à quelques-vns de leurs marchands, les Bassas, & particulièrement Lutzzy, y auoient aucunement satisfait par les excuses qu'ils en auoient faites à Mocenique leur Ambassadeur, & mesme que cette armée qui estoit pour lors en Albanie, passant par le canal de Corfou, auoit salué à coups d'artillerie la forteresse en signe d'amitié, suivant les vs & coustumes de la guerre, & ceux de la forteresse luy auoient rendu amiablement son salut. Qu'au demeurant Solyman n'auoit fait en cette Isle, ny ailleurs, aucun acte d'hostilité, ains ayant esté pris par force quelques choses aux subjets de la Republique, qu'elles auroient esté rendues, & les pillards, pour donner terreur aux autres, pendus à l'antenne de sa galere.

Solyman amy
des Venitiens,
& nullement
porté à leur
faire la guerre,
si on ne luy
en eust donné
sujet.

Or les Venitiens aduertis de ce remuë-mesnage, auoient commandé à leur Baile, d'en parler à Lutzzy premier Bassa, & de se mettre en tous deuoirs de satisfaire au deffaut: certuy-cy estoit desia gagné pour les Venitiens, mais Barbe-roulle grandement indigné

Lutzzy pour
les Venitiens,
qui taschent
de rentrer en
grace avec
Solyman.

1537.

Barbe-rousse
contre eux.Prise de Ca-
stro en la
Pouille.Siege leué
deuant Ot-
trante.Description
de Corfou, &
sa situation.Forces des
Venitiens pour
soutenir cet-
te guerre.Le Pape se li-
gue avec les
Venitiens, ef-
perât de réu-
nir la Chre-
stienté.André Dorie
refuse de se li-
guer avec les
Venitiens, con-
tre les Turcs.

de ce que douze de ses galeres auoient esté mises à fonds, ou prises par André Dorie aux Merlettes, cherchoit de s'en vanger sur les Venitiens, leur mettant à sus qu'ils en estoient cause, luy contredisoit & incitoit fort Solymán à rompre l'accord avec eux: il s'estoit encores fait vne telle quelle rencontre vers la coste de la Pouille avecques l'armée des Venitiens, de laquelle il estoit demeuré quatre galeres derriere, l'armée ayant fait mine de se ranger en bataille, puis tout à vn coup auoit pris l'épouuente, & ces quatre galeres estans tombées entre les mains des Turcs, ils les traiterent en ennemies, faisans mourir les quatre Capitaines. Il estoit tombé aussi entre les mains de Solymán, vne lettre de Dorie écrite au General Pesare, l'acertenant de ce qu'il doutoit le plus, si bien que pour toutes ces considerations Barbe-rousse persuada aysément Solymán à leur faire guerre, & la gagna contre l'autre qui remonstroit que c'estoit tousiours fortifier le party d'Autriche, assez foible sur mer, quand la puissance de cette Republique seroit jointe à la leur. Si bien que les Turcs, apres auoir pris Castro, petite ville en la Pouille, à huit milles loind'Ottrante, qui auoit vne petite forteresse située sur vne colline, qui s'estoit rendue à composition, & à laquelle on auoit fait fort mauuaise guerre, mal-gré tous les chefs, qui auoient mis le siege deuant Ottrante, le leuerent & s'en reuinerent à la Valone, & de là s'en vinerent à Corfou, où ils firent le degast que vous auez entendu.

CORFOU ou Corcyre est vne Isle assez renommée en l'antiquité, assise en la mer Ionique ou golphe de Venise, & tout au bout d'iceluy regardant l'Italie du costé de la Calabre, & auoisinant l'Albanie vers le Septentrion, n'estant gueres plus loin de cette Prouince que d'un mille Italien, vers la part qui regarde la cité de Butrinte, là où cette Isle est à soixante milles d'Italie, ayant la cité d'Ottrante à l'opposite. Quant à la ville, elle est située presque au milieu de l'Isle en dedans sur la mer, au pied d'un mont qui l'environne quasi toute, sur la pointe duquel il y a deux forts, lesquels ne battent pas seulement de tous costez les murailles de la ville & de la forteresse, mais aussi decourans la mer, les montagnes & les vallées prochaines, peuuent empescher avecques l'artillerie, qu'aucune armée ennemie y puisse camper, sans grand danger. Cette Isle estant tenue cōme l'auant-mur de l'Italie, les Venitiens qui la possédoient, y tenoient tousiours vne bonne garnison de soldats Italiens dans la forteresse, iusques au nombre de deux mille, & autant des habitants de l'Isle des plus aguerris; en outre, les Chiormes de quatre galeres demeurées à la garde de l'Isle, & grande quantité d'artillerie & de munitions; cet ordre estant ainsi dans cette place en tout temps, d'autant qu'elle leur estoit tres-propre à conseruer leur domination sur la mer, fut causé qu'ils ne s'estonnerent pas tant de l'armée des Turcs.

LA Republique au demeurant se resolut assez promptement à soutenir cette guerre, car elle auoit lors en son armée de mer cent bonnes galeres, & le moyen de l'accroistre; outre ce ils auoient grande esperance d'estre secourus du Pape & de l'Empereur, suuant leurs offres & promesses tant de fois reiterées, lors qu'ils entreprendroient contre les Turcs: les Imperiaux auoient cinquante galeres legeres, le Pape quatre galeres, les Cheualiers de Malte quelques-vnes: avecques ces forces ils esperoient bien de repousser l'armée nauale des Turcs, & de faire leuer le siege deuant Corfou. Cela leur fit enuoyer à Rome, vers sa Sainteté, laquelle ayant sceu la resolution du Senat, monstra d'en auoir vn grand contentement, esperant que ce seroit vn moyen de réunir les Princes Chrestiens ensemble, & regagner sur l'Infidele, ce qu'il auoit usurpé sur eux au temps de leur diuision: aussi promist-il d'y exhorter les autres Princes, & principalement l'Empereur: luy cependant voulut que la ligue fust publiée tout à l'heure, pour luy donner plus de reputation, & conuier tous les autres Princes à l'imiter. On resolut qu'on armeroit deux cens galeres legeres, & le plus de nauires de guerres, qu'on pourroit, & qu'on mettroit dessus cinquante mille hommes de pied & quatre mille cheuaux, & de fait les Venitiens tinent prest tout ce qu'ils auoient promis.

MAIS André Dorie sçachant ce qui auoit esté conclu à Rome & à Venise, & que le rendez-vous estoit à Brundis, dilayoit le plus qu'il pouuoit: il estoit lors à Naples, où Gaspard Bassila, Consul des Venitiens l'importunoit à toute heure, & luy remonstroit de quelle importance estoit l'Isle de Corfou, non seulement aux Venitiens, mais à l'Empereur, & à toute l'Italie: il luy representoit aussi sa promesse tant de fois reiterée, d'assister la Republique, quand elle voudroit entreprendre contre les Turcs: mais luy sans s'émouuoir, respondoit seulement qu'on ne l'auoit pas voulu assister en son passage par le canal de Corfou, avecques vne partie de son armée, où il disoit que l'occasion s'estoit présentée d'accabler Barbe-rousse: de sorte que ny les lettres du Pape, qui luy escriuit de sa propre main,

main, ny la venue de l'Ambassadeur de l'Empereur à Naples, qui s'y achemina expres de Rome en poste, ne le peurent faire demordre de sa resolution, ains partit en diligence de Naples, pour s'en venir à Genes, disant vouloir donner aduis à l'Empereur de tout ce qui s'estoit passé, & attendre là les commandemens, perdant ainsi l'occasion de ruiner l'armée des Turcs, comme les Venitiens en auoient lors grande esperance, & laissant à l'abandon vne Isle si importante au bien public de toute la Chrestienté, & toutesfois on n'oyoit à ces gens-là, resonner autre chose en leurs discours, sinon qu'ils n'auoient les armes en la main, que pour le bien de la republique Chrestienne, mais c'estoit peut-estre le nom qu'ils auoient donné à leur Estat, tant y-a qu'il ne tint pas à André Doric que Corfou ne changeast la Croix en vn croissant, mais l'eternelle Prouidence en auoit autrement ordonné, comme vous entendrez incontinent: cela cependant troubla fort les Venitiens, de se voir ainsi abusez de belles promesses par les Imperiaux, mais si en fallut-il passer par là.

1537.

CEPENDANT les Turcs auoient fait passer en l'Isle de Corfou, vingt mille hommes; & trente pieces d'artillerie, ils bastirent aussi quatre caualiers tout à l'entour de la forteresse, afin qu'estans égaux à ceux de dedans, ils peussent avecques plus de facilité battre leurs defences, mais leur batterie estant trop éloignée, aussi ne fit-elle pas grand effet, & la voulans approcher, ils furent repoussez par celle de la ville, non sans vn notable dommage. Cela fut cause que Lutz Bassa passa par deux fois de Butintro, où estoit son logement, en l'Isle pour reconnoistre la place, faisant apres son rapport à Solyman, que les fortifications estoient telles, que pour l'emporter, il faudroit vn long siege: cela fit resoudre Solyman à se retirer, craignant que la longueur du temps luy diminuast d'autant plus sa reputation, quand il seroit peut-estre contraint de decamper, par le secours qui viendrait aux Venitiens.

Lutz Bassa va reconnoistre Corfou.

OR tandis que le camp des Turcs estoit parmy ces rochers, comme il a esté dit, ces Acrocerauniens, hommes cruels & qui habitent dans ces montagnes, resolurent de tuer Solyman, comme il seroit endormy dans sa tente; ces gens naturellement portez au sang & à volerie, ne viuans que de brigandage, furent facilement persuadez à ceste entreprise par leur Capitaine nommé Damien; ceux-cy sçachans toutes les adresses de ces rochers & forests, esperojent de se glisser parmy les sentinelles durant le plus coy silence de la nuit & de faire leur coup; & de fait ils auoient desia bien acheminé leur entreprise, quand leur Capitaine Damien, estant monté sur vn arbre pour espier la situation de la tente du Sultan, la branche sur laquelle il estoit, éclata, de incurant luy-mesme pendu entre deux branches: à ce bruit accoururent les lamisaires, lesquels trouuans ce galant pris au trebuchet, apres luy auoir fait confesser tous ses desseins, (avecques mille sortes de tortures) ils le mirent en pieces par le commandement (dit Paul Ioue) de Solyman. Cecy causa beaucoup de mal à tous ces montagnards: car on enuoya les Accangis & les Azapes, comme à vne chasse contre eux, dont ils firent vn merueilleux massacre; de ceux-cy viennent les Huscokies, brigands maritimes, & accoustumez aux rochers de Dalmatie, & des Haidons qui vont vagabonds parmy les forests de Slaunie, ayans toutes nations pour ennemies, & qui exercent leurs voleries iusques aux interieures marches de Hongrie.

Les montagnards Albanois font vne entreprise contre la vie de Solyman.

Cette entreprise cause de leur ruine

C'EST ainsi que les Turcs se vangerent des Chimeriots; ils ne firent pas toutesfois long sejour deuant Corfou, car Lutz Bassa ayant fait le rapport à Solyman de la force de ceste place, encores plus grande qu'elle n'estoit, pour l'enuie qu'il portoit à Barberousse, (lequel montoit à trop grand credit, ce luy sembloit, à cause qu'on en auoit affaire durant cette guerre,) y demeura fort peu de iours apres. Ce Bassa toutesfois, pour couvrir l'honneur de son seigneur & de sa nation, auoit auparauant remonstré au Bayle des Venitiens, la grande faute qu'ils auoient faite de s'estre bandez contre sa Majesté, & neantmoins qu'il auoit negocié pour eux, en sorte que s'ils vouloient satisfaire aux pertes & dommages que les Turcs auoient souffertes en ce siege, avecques demonstration que ce qui estoit aduenü, n'auoit point esté fait par ordonnance, ny du contentement public, qu'on leueroit le siege; & renouelleroient l'alliance: & de fait, le Bayle enuoya vn des siens à Venise, conduit par deux Chaous, & mené en seureté iusques à Chasteau-neuf: mais Solyman n'eut pas la patience d'attendre son retour: car au bout de dix iours que le siege auoit esté deuant Corfou, il fit embarquer son artillerie, & se retira à Constantinople, emmenant pour butin, bien enuiron quinze mille, d'autres disent seize, & autres vingt-mille, qu'hommes que femmes, & petits enfans en captiuité, & comme ils furent arrivez à Bisistache, vn lieu qui est sur le Bosphore de Thrace en Europe, vers la bouche

Artifice de Lutz Bassa, pour leuer le siege avec honneur de deuant Corfou.

Grand nombre d'esclaves emenez de Corfou.

1537.

Ce qui occa-
sionna Soly-
man de lever
le siege.

Les Turcs as-
sieger Naples
& Maluesie.

Isles conqui-
ses par Barbe-
rousse en l'Ar-
chipel.

Scardone pri-
se par les Ve-
nitien sur les
Turcs.

Qui se retiré
de deuant
Obrouazze.

Gabriel de
Riua a la teste
tranchée.

Combat pres
de Chissa, où
les Turcs ont
l'aduantage.

XXXI.

Guerres des
Chrestiens
contre les
Turcs en
Hongrie.

du pont Euxin, à quatre milles ou environ de Galata, il leur fit à tous mettre le pied à terre, & enuoya à Constantinople des trompettes, pour aller publier par toutes les rues de la ville, qu'on auoit amené à Bisistache, grand nombre d'esclaves de tous aages & de tous sexes, & partant que ceux qui en voudroient acheter, s'y transportassent; ce qu'il faisoit, afin de se deffaire de cette multitude, & cependant remplir le Beglucar, ou thresor du Prince qui estoit espuisé, comme de fait on en tira plusieurs Sultanins. Tout cecy arriua en l'an mil cinq cens trente-sept, & de l'Egire, neuf cens quarante-trois.

On dit que ce qui fit que les Turcs se retirerent si promptement de deuant Corfou, ce fut à cause des nouuelles qui leur vinrent, que le Sophy arriuait, d'autant qu'on auoit veu quelques Olaches qui estoient arriuez au camp en diligence, & on n'auoit point diuulgué la cause de leur venuë, contre l'ordinaire des Turcs, qui publient volontiers ce qui leur peut apporter de la gloire: cela faisoit croire qu'il n'y auoit rien de bon. Outre cecy, la peste s'estoit mise en leur camp: mais ce que ie pense qui incita de plus Solyman à lever le siege, ce fut la connoissance qu'il auoit des forces des Venitiens, & combien ceste place là estoit munie, ne voulant point que tout l'orage de la Chrestienté vint fondre en ceste Isle si pres de chez luy, & il esperoit de desunir les Venitiens d'avecques le reste: toutesfois pour les rendre plus ployables à ses intentions, il ne s'estoit pas tellement retiré, qu'il n'eust laissé assez de gens derriere luy pour leur donner de la peine, Cassin entres autres, Sanjac de la Morée, auquel fut commandé de prendre & d'assembler tous les soldats des environs, & qu'il assiegeast Naples de la Romagne, & Maluesie, villes que cette Republique tenoit encores en la Morée, lequel s'estant présenté deuant ces deux places, & fondé les habitans par promesses & par menaces, voyant combien les places estoient fortifiées, & la difficulté de l'entreprise, se retira. Barbe-rousse d'un autre costé avecques soixante & dix galeres & trente que galeotes que fustes, se mit à courir les Isles de l'Archipelague, appartenantes à la Seigneurie, & à quelques particuliers, dont il prit Scire, Pathmos, Legine, Nie, Stampallée, Paros, & quelques autres, comme aussi les Venitiens, sous leur General Pesare, les poursuirent en queue, & prirent Scardone

proche de Sebeure par composition: ils assiegerent aussi Obrouazze, laquelle bien qu'il y eust dedans fort petit nombre de Turcs, fut fort bien desendue quelque temps, toutesfois ils furent en fin contraints de se retirer au chasteau, lequel comme les Venitiens s'apprestoient d'assieger, les galeres furent contremandées par leur General, ayant eu nouveau commandement du Senat, de marcher vers Corfou, comme estant résolu de garder sur toutes choses, ce lieu qui leur estoit de si grande importance, ioint que la saison de l'hyuer estant fort aduancée, donna trefue aussi à la guerre pour le reste de ceste année: neantmoins Paul Ioue dit qu'estant venu nouveau secours aux Turcs, Gabriel de Riua Viennois prit telle épouuente à leur premiere impetuosité, que luy & les siens se mirent en fuite; aussi le General Pesare luy en fit-il trancher la teste sur sa galere. Celuy qui auoit fait lever ce siege, s'appelloit Amurat, qui auoit quelque peu de temps auparauant pris la ville Chissa en Dalmatie sur les Chrestiens située sur vne coline, en lieu fort commode, pour empescher les rauages des Turcs, & outre ce auoit deffait Crossichio en bataille rangée, secouru qu'il estoit de deux mille Alemans par le Roy Ferdinand, & par Luc d'Ancone, chef des gens que le Pape auoit enuoyez au secours de ceste place.

D V R A N T que ces choses se passoient ainsi à Corfou & en la Dalmatie, les trefues qui estoient entre le Roy Ferdinand & les Turcs, furent rompuës par les Chrestiens assez mal à propos: car se fians sur quelques forces qu'ils se virent pour lors entre les mains, ils creurent que durant l'occupation de Solyman à la guerre qu'il auoit en Italie, & qu'il y auoit pour lors peu de gens de guerre en Hongrie, ils en viendroient aisément à bout. Pour lors commandoit dans Belgrade en qualité de Sanjac, vn nommé Mahomet, en fort grande reputation entre les Turcs, & qui auoit fait plusieurs fois preuue de sa valeur: mais ce n'estoit pas l'opinion des Chrestiens, qui estans alors du tout portez à la guerre, esperoient que n'ayans que cestuy-cy en teste, & les forces que les Turcs auoient pour lors en Hongrie, ils en viendroient pour lors aisément à bout; ce Sanjac auoit fortifié vn chasteau nommé Esecchio en la region de Pollega, qui est environné & arroulé de deux fleuves, le Saue & le Draue, estant alors frontiere avecques les Turcs, & n'ayant que la riuere à passer, il y auoit ioint vne Abbaye, qui estoit assez proche, si que le lieu estoit moyennement grand: car il voyoit qu'il luy seroit comme vne retraite de la guerre, y emmenant grande quantité de butin, & aussi que de là on entroit dans la Hongrie: car chacun faisoit de son costé des courses les vns sur les autres: si bien que les Hongrois voyans de

de combien ceste place leur estoit importante, resolurent de l'attaquer & de commencer par là l'ouuerture de ceste guerre : si bien que sous l'autorité du Roy Ferdinand, ils s'assemblerent de Boëme, Sclie, Morauie, & de ceux qu'on appelle Houllarts, enuiron huit mille cheuaux, & de pietons quelques seize mille, parmy lesquels il y auoit grand nombre de Lansquenets & de Grisons, qui marchoiert sous la conduite de Ludouic Lodron. Le Roy Ferdinand donnant pour general à toutes ses forces, Jean Cazzianer Croatien de nation, homme prompt & hardy, & qui auoit fait preuue de sa valeur & de son experience en maints endroits.

1537.

Forces des Chrestiens, en l'entreprise d'Essecchio.

MAHOMET Iahia-ogli estant assure des entreprises que les Chrestiens faisoient contre luy, assembla tout ce qu'il peult, de soldats de tous les gouuernemens circonuoisins, il s'ayda aussi de ces montagnards que les Hongrois appellent Haidons, les Dalmates Huscochies, le Sanjac de Bosnie luy enuoya Amurat son nourrisson avecques de fort belles forces. C'estoit celuy qui auoit obtenu ceste belle victoire à Clissa, & avecques tous ceux-cy, il y méla les Ianissaires de Belgrade & de Semandrie, avecques plusieurs Rasciens & Seruiens, qui s'enroollerent volontairement sous la solde des Turcs, sous l'esperance du butin, & aussi qu'on leur aduangoit la paye de deux mois, si bien qu'il assembla vne armée qui n'estoit plus à mépriser. Ayant doncques maintenant des forces assez suffisantes pour tenir teste à l'ennemy, il se retira à Essecchio; où on dit qu'il n'y auoit pas moins de seize mille hommes, laquelle encores il fournit de toutes choses necessaires pour soustenir vn siege, ce que ne firent pas les Chrestiens : car les principaux chefs se fians sur la prouidence de l'Euesque de Zagabrie, à peine furent-ils arriuez iusques à Essecchio, que les viures leur manquerent, si bien que leur arriere-garde fut contrainte d'aller au pourchas : ce que sçachant Mahomet, fit vne sortie sur eux, & en deffit vn bon nombre : car l'armée Chrestienne n'estant pas assez puissante pour enuironner ceste place, les Turcs faisoient aussi des sorties, quand il leur plaisoit.

Forces des Turcs à l'encontre.

Les Chrestiens donnent mauvais ordre à leurs affaires.

TOUTESFOIS Cazzianer ne laissa pas de faire ses approches, ayant mené quant & luy grand nombre d'artillerie, & voyant qu'il n'auoit pas pour soustenir longuement vn siege, il fit mettre son armée en bataille, esperant que ceux de dedans ne deuoient point refuser le combat, mais ils estoient trop bien informez de leurs affaires, pour s'exposer ainsi au hazard, & Mahomet sçauoit assez combien ils estoient presse de partir de là, pour la necessité de toutes choses qui estoit en leur camp : ioint que luy ayant esté commandé expressément par Solyman, de n'abandonner point ceste place qu'avecques la vie, ou forçant ses ennemis de leuer le siege, il sçauoit assez que sans aucun danger il executeroit le commandement de son seigneur; & de fait, Cazzianer voyant que les Turcs ne vouloient point sortir de leur fort, suiuit l'aduis qui fut proposé par Balthasar Pamphile, d'aller plustost donner sur le chasteau d'Hermant, assurant qu'on y trouueroit assez de provisions pour se raffraischir : cela fit leuer le siege de deuant Essecchio; & ils s'en allerent deuant Hermant, qui se rendit apres le premier assaut, mais ils ne trouuerent dedans que deux vaisseaux de farine de bled, & autant de millet, de sorte qu'en tout le bourg & le chasteau, ils ne trouuerent pas des victuailles pour deux iours; si bien qu'ils furent contrains de refaire en diligence le pont que les Turcs auoient rompu sur le fleue Bodogro, où ils passerent toute leur armée & leur artillerie, excepté la plus grosse qui rompit le pont, de sorte qu'on fut contraint de la casser & mettre en pieces, emportans le metal quant & eux.

Tasché d'attirer les Turcs au combat.

Leur le siege d'Essecchio, & prennent le chasteau de Hermant.

DE là ils deliberoient de se retirer à Valpon, qui estoit sous leur obeysance, mais ayans honte de s'en aller ainsi, sans rien faire, ils resolurent d'aller à Iuuenca, petite ville qui estoit sous la domination des Turcs, où on leur ouurit les portes, n'estant pas pour leur resister : les soldats se mirent aussi-tost à butiner, & comme l'indigence & la modestie sont incompatibles, mettans en oubly la necessité qu'ils venoient de souffrir, comme s'ils n'eussent deu iamais auoir faute de rien, ils commencerent de defoncer les tonneaux de vin, dont il y auoit abondance en ce lieu, & d'en resandre, par vne gloutonne hastiueré, autant qu'ils en beuuoient, si bien qu'à peine leurs Capitaines peurent-ils estre les maistres pour les retenir, & leur empescher ceste profanation.

Le peu de resolution des Conducteurs de ceste armée.

Prise de Iuuenca.

Mais Mahomet qui se doutoit bien que ceste armée necessiteuse se ietteroit dans le premier lieu qu'elle trouueroit bien garny, ne fit aucune doute qu'elle n'allast à Iuuenca : cela fut cause qu'il partit en diligence avecques la meilleure partie de ses forces d'Essecchio, ne laissant dedans qu'autant de soldats qu'il en falloir pour garder la forteresse, & par des chemins destournez, comme il sçauoit le pays, il arriua à Iuuenca sur la nuit,

Où Mahomet surprend les Chrestiens.

1537.

Rencontrer où les Chrestiens ont du commencement, l'advantage.

où à leur arriuee ils mirent le feu à tout ce que les Chrestiens n'auoient point butiné, pour tousiours causer plus de disette à leurs ennemis; la flamme qui se voyoit de toutes parts, fit aussi-tost sonner l'alarme, & prendre les armes aux plus endormis: si qu'à l'aube du iour ils se trouuerent assaillis de toutes parts, au commencement les Hongrois eurent l'advantage, & mesme Peter Rachin, qui commandoit aux Bohemes, donna de telle furie dans le gros de leurs troupes, qu'il les rompit, & se mirent en fuite.

Ordre que mit Cazzianer à son armée, pour marcher par pays.

QUAND le Sanjac qui vid l'espouuente de ses soldats, avecques vne troupe de gens d'élite qu'il auoit autour de sa personne, vint au deuant du victorieux, qui commandoit desia à se debander à la poursuite de ces fuyards, lesquels voyans leur chef en danger, reprirent cœur & se rallierent avec sa troupe: si bien que les Chrestiens voyans la chance tournée si inopinément, se troublerent du commencement, estans éloignez du gros de leur armée, ioint qu'ils eurent de la peine à se mettre en ordre; toutesfois ils combatièrent valeureusement; mais leur Capitaine Rachin ayant esté tué, encores qu'il fust armé de toutes pieces, le reste de sa troupe commença à bransler, & les Turcs à poursuivre leur pointe, de sorte qu'ils firent là vn grand massacre. Cazzianer aduertie de ce mal-heur, fit aussi-tost faire vne haye des deux costez de son armée de quatre rangs de chariots, & sur la queue il mit la meilleure infanterie & caualerie qu'il eust; mais Mahomet qui vid que ceux-cy n'estoient plus que sur la defensiue, les vint harceler de toutes parts, & pour leur donner dauantage de trauerses, il enuoya vn nombre des plus resolu Ianissaires, avecques ses Haidons, dont nous auons parlé cy-dessus, prendre les deuans, leur donnant des fauconneaux montez sur rouës, lesquels prenoient les destroits des chemins, & se cachaient à l'entree des forests, donnans beaucoup de peine à toute ceste armée, allans ainsi de lieu en autre, si tost qu'elle deuoit marcher en pays couuert, mettant cependant bon nombre de gens de cheual sur la queue de cette arriere-garde que nous venons de dire, afin de les retarder tousiours, & de les empescher d'aduancer chemin.

Les Hongrois n'ont pas de leur advantage.

Grande necessité en l'armée des Chrestiens.

EN ces escarmouches fut tué d'un coup de fauconneau Paul Bachith Capitaine des Houffarts, & fort renommé entre les Hongrois, la mort de cestuy-cy remis le cœur au ventre à tous les soldats de ceste armée, de regret d'auoir perdu leur Capitaine, si bien qu'ils firent à ceste fois reculer les Turcs, qui ayans perdu beaucoup des leurs, abandonnerent leurs fauconneaux; mais les Chrestiens ne sachans pas vser de leurs avantages; ou plustost ils estoient, dit Paul Ioue, si alangouris, qu'ils n'eurent pas le pouuoir de courir habilement, se saisir de ce que les autres auoient abandonné: les Turcs reconnoissans la faute que faisoient les autres, reprenans leurs esprits, sortirent des forests, & se ruèrent sur les Hongrois, lors qu'ils estoient venus au petit pas s'en saisir, mais trop tard.

CERENDANT la necessité croissoit de plus; en plus en l'armée Chrestienne, si que la face effroyable de la faim commençoit à donner vne terreur generale par toute cette armée, & la seule pensée en faisoit herissonner autant les grands que les petits, & pour les combler encores de toute misere, comme ils furent arriuez au dessous de la ville de Gara, il leur vint nouvelles que les Turcs auoient fermé les chemins de pas en pas, avec des arbres couppez & iettez aux trauers des chemins le long des forests prochaines par où ils deuoient passer, ce qui les mit presque au dernier desespoir, voyans qu'il estoit impossible de tirer plus outre l'artillerie, ny le charroy, ny la caualerie marcher qu'en desordre, tant ils auoient donné mauuais ordre à leurs affaires, qu'eux qui estoient voisins de leurs terres, n'eussent sceu, auparauant mesme leur partement, s'aduiser de ces inconueniens, & faire en sorte qu'ils eussent eu pour le moins les chemins libres, tant pour l'aller que pour le retour.

Honteuse irresolution.

EN fin Ladislas Morez, qui connoissoit le pays, dist qu'il n'y auoit que deux expédiens pour se tirer d'un si mauuais pas, l'un à sçauoir de laisser là le charroy & l'artillerie, & s'en aller à Valpon; l'autre d'aller au chasteau de Zenthuer zabeth, du domaine de ce Ladislas Morez, distant de quelques milles de la ville de Gara; que si on prenoit ceste derniere voye, les ennemis cesseroient sans doute leur poursuite, à cause des destroits des lieux; mais on profera le chemin de Valpon, d'autant qu'ils disoient qu'il y auoit là des viures à suffisance, & de l'argêt que le Roy Ferdinand y auoit enuoyé pour la solde de tout l'hyuer: ce fut ce dernier qui les y porta le plus. Ayans doncques laissé les artilleries qui ne pouoient estre charriées, la poudre à canon brûlée, & le reste de l'equippage & bagage qui ne se pouoit charrier sur des cheuaux, tout gasté, ils resolurent d'aller à Valpon: d'autres toutesfois furent d'opinion de se faire voye avecques les armes, & puis que la necessité les contraignoit, de presenter la bataille à l'ennemy: en fin chacun disant son aduis, &

pas

pas vn ne prenant vne ferme resolution ny vn conseil necessaire pour leur salut, se retirerent : mais encores qu'on eust à peu pres resolu d'aller à Valpon, chacun toutesfois auoit son intention particuliere : & de fait que la plus-part des principaux Capitaines avecques leurs troupes, delogerent sans congé à la seconde veille de la nuit.

MAHOMET d'autre costé, qui auoit des espies de toutes parts, & estoit bien aduertty de tout ce qui se passoit en leur camp, auoit fait vne enceinte comme pour vne chasse royale, ayant si bien occupé tous les passages, que malaisément s'en pouuoient-ils dedire & s'échapper sans combat. Mais les Houslarts qui sçauoient les destroits, se doutans bien de ce qui aduint, escamperent des premiers, & tirerent à Valpon, puis ils furent suivis par Ladislas Morez, duquel il a esté desia parlé, qui se sauua en son chasteau de Zenthuerzebeth, aussi firent ceux qui auoient esté destinez pour l'arriere-garde, à sçauoir les Styriens conduits par Iean Hunganot & l'Euesque de Zagabrie; duquel depart on vint incontinent aduertir Cazzianer, lequel sans s'enquerir de ceux qui restoient, ny sans penser à leur faire faire quelque honorable & seure retraite, ny sans donner le signe du partement, tout troublé en son esprit, prit la fuitte comme les autres. Ce delogement, comme il se faisoit en confusion, ne se pouuoit faire aussi sans vn grand bruit; si bien qu'il vint iusques aux oreilles des Turcs qui vouloient les poursuiure en ceste deroute.

Mais Mahomet qui croyoit qu'il y eust en ceste feinte quelque stratageme, ne voulut point exposer ses gens à l'adventure parmy les tenebres & l'obscurité, ains leur commanda seulement de se tenir prests à la pointe du iour. Or estoit-il demeuré dans le camp des Chrestiens, Lodron & ceux à qui il commandoit avecques bien peu d'autres, lequel on auoit bien aduertty dès la nuit, de la fuite des Hongrois & de tous ses compagnons, toutesfois il ne se pouuoit imaginer vne telle lascheté, croyant que ce fust quelque ruse dont se voulust seruir Cazzianer pour faciliter son chemin. Mais il fut bien estonné de voir quand l'aube du iour commença de faire paroistre toutes choses, que le seul artifice qu'il y auoit en ceste retraite, estoit l'aute de cœur qui auoit saisi le general aussi bien que les soldats, toutesfois ayant à la requeste de toute l'armée, accepté la surintendance & conduite de ces troupes ainsi abandonnées de leurs confreres & compatriotes, il se fortifia contre ce mal-heur, & craignant que les siens prissent eux-mesmes l'épouuente, parlaht aux Bohemes, il leur dist:

Les Hongrois se debandent, & quittent leurs compagnons.

Grande conduite & vigilance de Mahomet.

Lodron General de l'armée, au lieu de Cazzianer.

H B' bien, compagnons, c'est la recompence du secours que nous auons donné à la Hongrie, & le salaire de nos travaux, de nous auoir laissez à la boucherie, il ne leur suffisoit pas de nous auoir fait perir de faim tout le long de ce voyage par leur mauuais ordre, s'ils ne nous eussent encores liurez entre les mains de nos ennemis. Mais puis que nostre vie & nostre salut dépendent de nostre valeur, employons maintenant pour nous mesmes, ce que nous voulions exposer pour nos deloyaux amis; un grand courage surmonte tousiours toute difficulté, n'avez-vous pas remarqué combien l'ennemy nous redoute, puis qu'il ne nous ose affronter iusques icy, en lieux mesme desaduantageux? encores qu'il soit aussi fort que nous en nombre d'hommes, il croit que nous irons preseruer nos mains, pour y recenir des manottes, comme il pense maintenant nous auoir mis des entraves aux pieds par toutes ses embuscades qu'il a semées de toutes parts à l'entour de nous; mais puis qu'il nous veut chasser en lions, faisons luy sentir que nous auons plus de courage que ceste genereuse beste; & que si nos dextres sont armées de fer, c'est pour la deffence de nostre liberté, & pour nous faire voye au milieu des plus grandes difficultés.

ILS ont coupé des arbres pour nous empescher le passage, & cela est vn mestier indigne d'un bon soldat, mais il nous faut abbatre des hommes, pour nous donner un chemin libre, & passer, non sur des branchages, mais sur le ventre de nos ennemis. C'est la resolution magnanime que vous devez prendre, digne de si genereuses nations que la Saxonne & la Bohemienne, digne encores de vous tous, qui sous ma conduite avez tant de fois si heurcusement combattu. Nous ne sommes pas, à la verité, le tiers de nostre armée, mais nous sommes les meilleurs, en voicy la fleur & l'élite, c'est ce que redoute l'ennemy: les poltrons en vne armée, ne combattent iamais, & empeschent les autres de combattre: marchons doncques sans crainte, & que le tranchant de nos coutelas nous fraye le chemin. Quant à moy ie vous en promets vne heureuse issue, & en quelque façon que les choses puissent arriuer, il vaut tousiours mieux pour nous, & nous sera plus honorable de mourir les armes en la main, que de viure & finir nos iours en vne perpetuelle seruitude. Je seray le premier qui vous monstreray cet exemple, & me verrez plustost finir mes iours à la teste de mon armée, que de tourner le dos à l'ennemy.

1537. **C**OMME il haranguoit ainsi les gens de guerre (qui estoient la plus-part gens de pied) il estoit monté sur vn fort bon cheual : ce qui donna occasion à vn vieil soldat de luy dire : Mais toutesfois tres-bon Capitaine, on doit penser que vous n'estimez-pas la fuite si honteuse, puis que vous estes monté sur vn si gentil cheual. Lodron prenant plaisir à la repartie de ce vieil routier, au lieu de s'en offencer, comme eust peu faire quelque autre qui eust eu moins de courage, mit aussi-tost pied à terre, & dégainant son espée, couppa luy-mesme les iarets du train de derriere à ce cheual : s'écriant tout haut : Non, non compagnon, vous m'aurez auourd'huy Capitaine & soldat, mais faites aussi en sorte que ie ne sois point trompé de la bonne opinion que i'ay de vous, & que nous ayons tous vno honorable issue de nostre entreprise : & là dessus distribua tous les autres cheuaux qu'il auoit aux pauvres malades & blesez pour les accommoder, & tacher, de se sauuer.

Trait hardy
d'un soldat à
son General.

Generosité
de Lodron.

MAIS Mahomet qui sçauoit bien l'estendue de leur pouuoir, ne s'estonna gueres de leur resolution, aussi disoit-il aux siens.

Mahomet
encourage les
siens.

VOICY, soldats, ces braues Hongrois (qui osoient iadis tenir teste aux tres-puissans seigneurs Otthomans) sans vaillance & sans prudence tous à la debandade, sans que nous pussions encores sçauoir depuis plusieurs mois qu'ils battent la campagne, pourquoy ils se sont ainsi assemblez de toutes parts ; car où est la place qu'ils ont forcée ? où est l'escadron qu'ils ont attaqué ? où est la bataille qu'ils nous ont présentée ? ils nous ont fait voir leurs enseignes à Esécchio, & nous ont tiré quelques canons pour nous signifier leur arriuee, mais comme si le bruit de leur propre tonnerre les eust espouuentez, ils ont aussi-tost pris la fuite, auparauant que d'auoir veu en face leurs ennemis, maintenant, mal conseillez qu'ils sont en toutes choses, leurs troupes se sont dissipées, leurs chefs les ont abandonnez, ils ont rompu leur artillerie, dissipé leur bagage, & en fin fait à eux-mesmes tout le mal que leur sçauoit iamais faire leur plus mortel aduersaire ; il n'en reste plus icy qu'un petit nombre des plus malotrus, & des plus mal-heureux, qui plustost par ignorance, & pour ne sçauoir point le partement de leurs compagnons, que de propos delibéré sont demeurez, icy dans ces pieges que nous leur auons tendus.

MAIS ne voyez vous pas que la mort les attend de toutes parts ? les chemins sont pleins de ceps & d'entraves pour eux ; les passages & les destroits occupez par les nostres avecques le canon qui les fera bien reculer : nous cependant qui tenons toute l'enceinte de ceste plaine à costé & par derriere, qu'auons-nous affaire autre chose, sinon qu'à les attendre au passage, sans courir aucune risqué ? quelle gloire nous sera-ce d'auoir dissipé vne si puissante armée avecques vne si petite perte des nostres ? veu que ce nous eust tousiours esté assez d'honneur de nous pouuoir defendre & maintenir contre vne telle puissance, qui pouuoit donner assez à penser à vne armée Imperiale. Courage doncques, mes amis, & donnons dedans, mais que ce soit toutesfois avecques vne telle retenue, que nous nous souuenions que nostre ennemy est en nos mains, sans courir aucun danger ; ce que ie vous dy, afin que leur desesper ne vous attire point à vous exposer à l'aduanture : car selon l'ordre que s'y aymis, i'entends que nous nous en retournions auourd'huy sains & saufs au logis, avec vne glorieuse & entiere victoire, & de tres-riches dépouilles de nos ennemis.

Les Turcs
vont attaquer
les Chrestiens.

LES ayant ainsi encouragez, ils allerent attaquer les premieres troupes qu'ils virent sortir du camp des Chrestiens à enseignes déployées, lesquels toutesfois les soustinrent avecques beaucoup de courage ; si estoient bien empeschez, tant le General que les Capitaines, à donner ordre à toutes choses : car ils n'auoient pas seulement l'incommodité des chemins à combattre, mais il falloit tirer pays, & faire teste de toutes parts ; les Turcs les affligeans autant par derriere que par deuant, & sur les flancs, & ce qui les tourmentoit le plus, c'estoit que les Turcs leur tiroient de loin, & eux cependant n'osoient se debander, de peur d'estre enuironnez & reduits encore plus à l'estroit, souffrans ainsi toutes sortes de miseres, sans en pouuoir au moins faire ressentir quelque échantillon à leurs ennemis qui estoient en lieux forts, & tiroient presque à couuert. Toutesfois il y eut plusieurs chefs de ceste troupe, de qui le grand courage ne pouuoit souffrir tant d'indignitez, qui s'aduancerent deuant les autres ; mais leur valeur ne fit qu'aduancer leur perte & de tout le reste : car les soldats se voyans priuez de leurs chefs, commencerent de perdre courage, le plus grand carnage se fit à l'endroit où estoient les Boëmiens, toutesfois il fut en fin vniuersel, estans percez de toutes parts sans venir aux mains, à force de coups de fleches & d'harquebuzades.

Grande mise-
se de ceste ar-
mée.

IL n'y eut qu'Amurat, qui avecques les compagnies qu'il auoit amenées des Bosne, vint attaquer le bataillon des gens de pied qui demouroit encore ferme, d'autant que la haye de picquiers qui les renfermoit, ne s'estoit point ébranlée: mais comme la scopetarie commença à donner sur eux, cét Amurat avecques son escadron de gens de cheual, venoit à se ietter entre les lumieres & les ouuertures qu'ils faisoient, taillans leurs picques en pieces à coups de cimeterres & de petites haches qu'ils portoient. Lodron, le General de l'armée, estoit parmy ceux-cy, lequel apres auoir fait tout ce que la vaillance peut produire dans vn courage bien né, & tout ce que l'experience d'un bon chef de guerre peut mettre en pratique, fut en fin acculé dans vn lieu marescageux, où il ne laissoit pas de se bien deffendre, encores que la fange l'enfonçast en des endroits, & en d'autres le fist glisser, ne pouuant donner vn coup que tout chancelant, il luy estoit resté trois enseignes d'infanterie avecques luy, lesquelles animées par leur Capitaine, faisoient tout deuoir de bons soldats, mais en fin les Turcs lassez des-jà de tuer, & admirans la vertu & le courage de ceux-cy, leur promirent de leur sauuer la vie, & leur faire vn honneste composition, ce qu'ils furent contraints de faire, n'ayans plus moyen de se deffendre.

1537.
Grand deuoit
d'Amurat.

Valeurense
generosité de
Lodron.

Qui se rend
apres vne ge-
nerale décon-
fiture.

LODRON fut gardé quelques temps, toutesfois ayant receu vne fort griesue playe au combat, & ne pouuant endurer le travail du chemin, il fut tué par ses gardes, & sa teste enuoyée à Solyman avecques celle de Paul Bachich Colonel des Hongrois, & Hans Macer de ceux de Carinthie, en fin tous ceux qui se trouuerent en ce dernier combat, furent tuez, où pris prisonniers. Et de fait, Paul Ioue dit, que l'on tenoit que ceste déconfiture estoit des plus signalées qui fust arriuée contre les Chrestiens, non tant pour le nombre des morts, qu'à cause que toute la fleur de la caualerie, & de l'infanterie de ces contrées-là y fut comme esteinte, & aussi à cause que les Turcs n'auoient point appris d'obtenir des victoires sur nous à si bon marché, & sans qu'il leur coustast beaucoup de leur sang, comme on a peu voir par toute ceste histoire, mais à ceste-cy ils y en auoient fort peu perdu. Le camp fut pillé, puis Mahomet disna ioyeusement au lieu mesme, auquel il recompensa chacun des siens selon son merite, se faisant amener les prisonniers vn à vn; les noms desquels il fit rediger par escrit, & leurs dignitez.

Tué par ses
gardes.

La deffaite
d'Esecchio
entre les plus
signalées pour
les Hongrois.

QUANT à Cazzianer, il s'estoit du commencement retiré en vn sien chasteau, mais voyant que chacun le blasmoit d'auoir abandonné son camp, & trahy son armée, l'ayant laissée à son grand besoin, & qu'il estoit par consequent cause d'un si grand mal-heur: ne pouuant souffrir qu'on tint plus long-temps ces propos de luy: car on dit mesme qu'on en auoit fait vn vaudeville, il supplia le Roy Ferdinand qu'il voulust entendre ses raisons, & luy enuoyer sauf-conduict, esperant de iustifier que ceste perte n'estoit point arriuée par sa faute. Estant doncques venu à Vienne, comme ceste affaire traitoit en longueur, le Roy s'en estant reserué la connoissance, estant cependant tenu sous honneste garde, il craignit que ceste longueur ne trainast sa condamnation: & comme les fenestres de sa chambre estoient faits de brique, il trouua moyen avecques vn cousteau, vne nuit qu'il auoit contre-fait le malade, de racler de sorte à l'endroit du ciment, qu'il enleua vn carreau, puis vn autre, & d'ouurir la voûte de dessous, & de là se deualer en bas, ayant fait vne corde des draps de son liét, où il trouua des cheuaux prests qui l'attendoient: & de là s'estât retiré vers Mahomet qui luy auoit fait vn fort bon accueil, & de grandes promesses, s'il faisoit quelque seruice signalé au grand Seigneur: il tascha d'attirer de son party vn seigneur du pays & son ancien amy, nommé Nicolas Sdrin, luy donnant de grandes esperances de se faire grands, s'il vouloit suiure le party des Turcs. Cestuy-cy feignit du commencement d'y consentir, luy promettant à son retour de le suiure, & amasser le plus de gens qu'il pourroit. Mais Cazzianer estant retourné au logis de son amy, apres auoir fait bonne chere ensemble, il fut massacré, & sa teste enuoyée au Roy Ferdinand, lequel en recompence de la trahison, donna le chasteau & les biens du defunct: telle fut la fin de la pitoyable entreprise d'Esecchio.

Retraite de
Cazzianer.

Il se sauue de
la prison.

Il se retire
vers les
Turcs.

OR nous auons parlé cy-dessus du Moyne George, lequel non comme coadiuteur, mais comme seul tuteur d'Estienne fils du Roy Iean, auoit tellement attiré à soy le manement des affaires du Royaume, que tout dépendoit de son gouuernement. Le Roy Ferdinand auoit enuoyé deuers la Royne Isabelle mere de ce ieune Prince, afin de tenir l'accord dont nous auons fait mention cy-dessus, avecques le Roy son mari; elle en estoit bien consentante, aymant mieux viure en repos avecques peu de commodité, que d'estre iournellement en guerre; mais le Moyne George auoit bien l'esprit porté à choses plus hautes, ne voulant nullement demordre de ce qu'il tenoit: & ayant

XXXII.

1541.

Guerre en
Hongne.

Le Moyne
George em-
peche l'ac-
cord avec luy.

1541.

Ferdinand
ait assieger
Bude.

tenu quelque temps les Ambassadeurs de Ferdinand en suspend, en fin il se resolut d'advertir les Turcs de tout ce qui se passoit & de leur demander ayde. Mais le Roy Ferdinand voyant que toutes ces longueurs n'estoient que des pures mocqueries & des artifices pour couler le temps, assembla bien iusques à quarante mille hommes, & avecques quarante grosses pieces d'artillerie, il enuoya le tout sous la charge d'un Alemand nommé Guillaume Roccandolph, grand maistre de sa maison, qui s'estoit desia trouué au siege de Vienne, & y auoit amené le secours qui y entra avecques le Comte Palatin, pour assaillir Bude, ville capitale du Royaume de Hongrie, mais sur tout qu'il taschast de prendre vif le Moyne qui estoit dedans.

Or depuis que le Roy Iean en auoit esté mis en possession par les Turcs, elle auoit esté toute changée; car comme vous avez peu voir cy-dessus, elle estoit sans deffence en ses murs ny en les bouleuerts, pour tenir teste à vne armée qui l'eust voulu assieger, c'est pourquoy les Turcs l'auoient si aisement prise par deux fois: les Roys de Hongrie ne se souciaient pas de la fortifier, estant comme elle estoit au milieu de leur Royaume. Mais depuis que les Turcs d'une part eurent pris Belgrade, & conquis tout le pays circonuoisin, & que d'une autre, Ferdinand disputoit la couronne avecques le Roy Iean, elle estoit deuenüe frontiere de toutes parts; si bien qu'il se resolut de la rendre la plus forte qu'il luy seroit possible, ce qu'il fit par le moyen d'un Ingenieur Boulonois, lequel la fortifia tellement de bouleuerts, d'une si bonne ceinture de murailles, de fossez si profonds, qu'elle estoit capable de donner beaucoup de peine aux assiegeans, & de la rendre imprenable, si elle auoit dedans des gens qui la sceussent deffendre. Ce fut ceste place que Roccandolph voulut assieger: il y a vers vn des costez de la ville, vne colline qui vient enuiron à la hauteur des murailles, ayant vn vallon, qui s'estend doucement iusques sur le bord du fossé de la forteresse de la ville, au haut de ceste montagne, où estoit bastie vne Eglise de saint Girard, de la quelle on voyoit les couuertures du Palais Royal & ses portiques dorez.

Sur icelle Roccandolph, pour estonner dauantage la Royne, fit braquer quelques pieces d'artillerie, & commença sa batterie par le Palais: & de fait il auoit tellement ébranlé vne tour, que si le lendemain il eust fait continuer la batterie, elle fut tombée & eust ruiné tout le Palais: mais ayant regret de demolir vn si bel edifice, & faire en ce faisant autant de dommage à son maistre, auquel il le croyoit appartenir: auparavant que de passer outre, il enuoya vers la Royne pour l'inciter à tenir l'accord qui auoit esté passé entre le Roy Ferdinand & son mari, & de fuir les conseils pernicioeux de George, qui ne tendoient qu'à la ruiner: l'assurant qu'il y auoit vne belle principauté pour elle & pour son fils que Ferdinand leur auoit reseruée, où ils pourroient splendidement viure en paix

Roccandolph
fait des offres
à la Royne,
pour se rendre.

Response du
Moyne George.

& amitié avecques tous les voisins. Que si elle n'estoit resoluë d'accepter ces conditions si honnestes, il battoit la ville si furieusement, qu'il ruineroit tout ce qu'il y pouuoit auoir de beau, & si s'en rendroit le maistre à la fin. Mais le Moyne se moquant des propositions de Roccandolph, luy fit response que la Royne auroit bien peu de iugement, si elle changeoit vn Royaume à vne Principauté Sephiliane, & de Royne deuenoit simple Dame. Cela mit l'autre si en colere qu'il fit incontinent dresser deux batteries; l'une entre l'Orient & le Midy pres de la porte de Sabatie, où il mit les Hongrois & vne bonne partie des Bohemiens sous la charge de Peren: & luy avecques ses Alemands, fit faire vne autre batterie à la porte des Iuifs, vers la muraille du chasteau, derriere laquelle estoient les iardins de la Royne, iurant d'abyssiner la ville: & de fait, cette batterie fut continuée avecques telle violence, que la plus grande partie de la courtine tomba dans le fossé, ce qui auoit merueilleusement estonné les assiegez.

La vig lance

Mais le Moyne George y donna bon ordre: car aussi-tost que les Alemands furent retirez, il fit toute la nuict faire vn retranchement, qu'il rempara de sorte, que le matin comme Roccandolph & les siens pensoient venir à l'assaut, ils trouuerent qu'il leur tint teste si courageusement, qu'en fin ne pouuans soutenir l'effort des assiegez, ils furent con-

Les Alemands
repoulliez.

traints de reculer; mais ce ne fut pas sans grand meurtre: car on dit qu'il en demeura sur la place enuiron neuf cens, & deux mille qui furent blesséz, tant à la porte Sabatie, qu'à celle des Iuifs. Cela refroidist vn peu Roccandolph, & luy fit essayer s'il n'auoit point de moyen d'auoir la ville par la trahison d'un nommé Bornemé qu'il auoit pratiqué, &

Trahison de
couuette.

qu'il luy liueroit vne faulxe porte: mais les Alemands commençans d'entrer deuant dans la ville, furent surpris par le Guet qui faisoit la ronde, lequel ayant crié alarme, il vint aussitost des forces de toutes parts qui les repoullierent, & en ayants pris quelques-vns de prisonniers,

sonnier, ils découurirent aussi-tost la trahison, & punirent cruellement Bornemise, qui estoit ennemy mortel du Moyne George, ce qui empescha les Alemans par apres de venir aux mains, ains se resolurent à vne longueur de siege.

1541.

TANDIS Solyman estant aduertý du mauuais traitement qu'on faisoit à la Royne & à son fils, sans prendre connoissance de cause de l'accord qui auoit esté fait entre les Roys Ferdinand & Iean, & qu'elle combattoit contre la foy promise, il ne s'arresta seulement que sur ce qu'il auoit baillé le Royaume au Roy Iean, comme son tributaire, & qu'il ne le pouuoit transporter à vn autre, sans son consentement, & sans les mesmes conditions. Estant doncques bien-ayse de ce diuorce, (car il auoit esté aduertý de tout par le Moyne George) pour l'esperance qu'il auoit de pescher en eau trouble, & se rendre à ceste fois le maistre absolu de la Hongrie, il commanda aussi-tost à Mahomet Bassa, d'assembler toutes les forces de la Romelie, & s'en venir deuant Bude, au secours de la Royne, & faire leuer le siege à Roccandolph. Mais la Royne qui estoit sur les espines, & qui n'ayant pas beaucoup d'assurance en ce secours, ne pouuât penetrer dans ce fonds d'estat, que c'estoit plus l'interest des Turcs que le sien, que ceste ville vint en la puissance de la maison d'Autriche, & que par consequent ils n'auoient garde de la laisser prendre, pourueu qu'ils eussent quelque peu de temps pour venir au deuant, vouloit composer, craignant de demeurer en vne extreme misere, si elle irritoit tellement Ferdinand, qu'il fust contraint de faire vn dernier effort contre elle; si qu'elle estoit toute resoluë de se rendre entre ses mains. Mais le Moyne George qui auoit tout autre dessein, & qui auoit tellement ordonné ses affaires, qu'il estoit assésuré qu'elles prospereroient, si les Turcs venoient à son secours, comme il en estoit assésuré, l'en empescha.

Solyman enuoye secours à la Royne de Hongrie.

Se veut redre à Ferdinand.

Empeschée par le Moyne George.

SOLYMAN doncques ayant depesché Mahomet Bassa pour Bude, il enuoya Mustapha contre Maillat qui tenoit la Transiluanie, & luy s'achemina à Andrinopoli, pour estre plus prompt à donner secours à ceux qui en auroient besoin. Quant à Mahomet, il fut en peu de iours à Belgrade, où il trouua le Sanjac dont nous auons parlé cy-dessus, qui s'appelloit Mahomet comme luy, & ioignant ses forces aux siennes, s'acheminèrent à Bude. Ce qu'ayant entendu Roccandolph, il fut d'aduis de remuer son camp de l'autre costé de la ville, au pied du mont de saint Girard, occupant toutesfois le haut de la montagne, où il auoit planté son artillerie; ayant d'un costé le Danube, & de l'autre vne grande plaine. Or s'estoit-il campé ainsi tout à dessein, tant afin de combattre ses ennemis, s'ils eussent voulu l'assaillir, & les molester du haut de ceste montagne par son artillerie, que s'il estoit le plus foible, il pouuoit se retirer par le moyen du fleuue, où il y auoit plusieurs batteaux pour aller & pour venir à Pesth: car de là il pouuoit renforcer son camp, & entretenir les Turcs par petites escarmouches: & cependant par vn long siege trauailler la ville. Mais il oublia la principale piece à fortifier, qui estoit l'Isle de Chep: car par ce moyen il eust empesché les Turcs de camper, quand ils fussent venus au secours de Bude, comme ils vinrent puis apres, estans contraincts d'abandonner la plaine qui estoit là aupres, d'autant que de ceste Isle on la pouuoit raser avecques le canon.

Solyman à Andrinopie, enuoye en Transiluanie, & en Hongrie.

Faute de Roccandolph.

CET aduis fut donné à Roccandolph par les Hongrois qui estoient en son armée, mais comme il le mesprisa, aussi s'en trouua-il fort mal, comme vous entendrez par apres: mais ceux de ceste armée se fioient tellement en vne certaine prediction d'Anthoine Torquat, que l'Empire Turc deuoit bien-tost perir, qu'ils mesprisoient beaucoup de choses. De ceste prediction, il en sera parlé avecques les autres qui parlent d'un mesme sujet, & qui seront mises à la fin de ceste histoire. Cependant Mahomet Bassa arriua deuant Bude, qui enuoya aussi-tost reconnoistre le camp des Alemans, comme ils firent aussi de leur part, & se vint camper tout aupres d'eux, si que leurs pauillons n'estoient tendus qu'à demie lieuë l'un de l'autre. Quant à Mahomet Sanjac de Belgrade, il s'en alla camper sur les prochains costaux qui environnent ceste plaine, où estoit Roccandolph, vis à vis du mont saint Girard, pres les Hongrois de Ferdinand qui estoient logez en ce quartier. Les deux Mahomets enuoyerent visiter la Royne, avecques des presens de son creu, à sçauoir grande quantité de moutons & d'agneaux, qu'ils auoient enleuez par le pays, luy faisans dire qu'ils n'estoient venus que pour vanger les torts & iniures qu'on luy auoit faites. Ceux qui auoient apporté ces presens, ayans esté honorez & caresez, & apres en auoir receu d'autres de beaucoup plus grande valeur, se retirerent au camp des Turcs, lesquels faisoient venir le reste de leur armée le long du Danube; sçachãs par apres que l'Isle de Chep n'estoit point fortifiée, & découurans mesme d'une môtagne voisine, la negligéce des Alemans à la garde d'icelle, ils vinrent donner dedãs à l'improuiste, si que les Ianissaires s'en rendirent les mai-

Les Hongrois s'arrestent à vne prediction de la ruine des Turcs.

Mahomet Bassa, & Mahomet Sanjac de Belgrade, tous deux deuant Bude, font des presens à la Royne. L'Isle de Chep prise par les Turcs.

1541.

stres, & couperent la gorge aux soldats qui en auoient la garde, qu'ils trouuerent tous endormis.

Les Hongrois
perdent leur
auantage.

Mais Roccandolph qui estoit de l'autre costé du riuage entendant ce bruit, fit lascher quelques pieces d'artillerie qui estoient à l'ombre d'un taillis sur le bord du fleuue, qui fit vn tel dommage à l'armée des Turcs, qu'elle en prit l'épouuente de toutes parts, de sorte que si les Alemans eussent donné dedans, & pris le temps & l'occasion qu'ils auoient en main, ils eussent fait vn grand eschec de leurs ennemis, si mesme ils ne les eussent du tout mis en route, mais le trouble se mit parmi eux-mesmes. Ce qu'ayant reconnu les Turcs, qui ont cela de particulier, de ne perdre point le iugement en leurs affaires les plus deplorées, ils firent aussi-tost vne scopeterie si furieuse, qu'ayans mis leurs ennemis en desordre, ils rompirent les vaisseaux de Roccandolph, couperent la plus-part des ponts qu'il y auoit faits pour passer plus promptement à Pesth, & se rendirent ainsi maistres de l'Isle. En mesme temps le Bassa fit attaquer le camp des Alemans, mais comme ils auoient repris leurs esprits, il trouua aussi vne si bonne resistance, qu'il fut contraint de se retirer. Toutesfois leurs forces diminuoient tous les iours, & celles de ceux de Bude auoient augmenté par le secours des Turcs. Mais ce qui les mettoit le plus en soucy, c'estoient les nouvelles qui couroient que Solyman estoit party d'Andrinople avecques deux cens mille hommes, & s'en venoit faire leuer le siege. Cela n'estoit point faux: car le Bassa mesme en auoit eu aduis: ce qui fut cause que Peren, vn des principaux de l'armée de Roccandolph, conseilla de se retirer à Pesth, mais Roccandolph disoit qu'il falloit attendre des nouvelles de Ferdinand, toutesfois il fut en fin luy mesme contraint de s'y retirer. Voicy donc l'ordre qu'il mit à ceste retraite.

L'arriuee de
Solyman les
estonne.

Il enuoya premierement tous les Hongrois avecques sa plus grosse artillerie & les charrettes, & autre bagage qui eust peu empescher par le chemin son armée: Apres marchoit toute la caualerie d'Alemagne & de Boheme avecques vne fort bonne bande d'infanterie, & pour le dernier marchoient les gens de pied avecques tout le bagage. En cet ordre l'auant-garde & la bataille estoient delia arriuez au Danube durant la plus grande obscurité de la nuit, & faisoient des ponts sur des barques, si qu'ils se fussent aisément sauuez à Pesth, sans deux Houffarts, comme il se trouue tousiours des traistres qui empeschent les plus belles entreprises, qui allerent aduertir les Turcs de ceste retraite: d'autres disent que ce fut la Roynie mesme, qui du haut chasteau de Bude voyant ceste retraite, en enuoya aduertir Mahomet Bassa; la pauvre Princeesse ne pensant pas introduire par ce moyen son ennemy dans sa maison: mais quoy! la pauvre Dame ne sçauoit à qui auoir recours. Alors le Bassa Mahomet voyant que ses ennemis luy donnoient sans peine ce qu'il auoit tant désiré, assembla ses gens en diligence, leur disant:

Deux Houffarts
aduertissent les
Turcs de leur retraite.

Mahomet
Bassa persuade
de les soldats.

La victoire est nostre, compagnons, si nous auons l'assurance & l'industrie de bien user de ceste occasion: car ces gens-cy ont pris l'épouuente, & ne cherchent qu'à se sauuer, mais faisons-leur payer l'interest de nos peines; ce seul combat terminera ceste guerre: car icy est toute la fleur des gens de guerre, tant de la Hongrie que de l'Alemagne: il n'y a plus de derriere pour nous empeschier nos conquestes, ny qui nous puisse empeschier la iouissance de ceste florissante Pronince. Quelle ioye pensez-vous aura le seigneur à son arriuee, de voir vn si notable exploit, lors qu'il l'esperoit le moins? Ne laissons doncques pas perdre le temps, & donnons sans relasche dans ces fugitifs, qui sont maintenant d'autant plus en desordre, qu'ils se tiennent assurez de n'estre point decouverts: car si nous les pouuons ioindre, ce sera plusost pour les deffaire que pour les combattre.

Disant cela, il en enuoya aussi-tost aduertir le Sanjac Mahomet, lequel tout transporté de ioye d'une si heureuse aduanture, commença à s'écrier.

Aussi fait
Mahomet le
Sanjac.

SOLDATS, voicy nos gens d'Eschchio, qui deuoient chasser de son thrône l'inuincible Monarque des Turcs, & ne peuvent toutesfois prendre vne chetifue place deffendue par vne poignée de gens, ceux-là furent vaincus par leur imprudence, & ceux-cy seront domtez par leur lâcheté. Que pensez-vous que doiuent faire en vn combat, ceux qui n'ont peu regarder leur ennemy en face, & supporter la splendeur de leurs armes? auez-vous opinion qu'ils nous tiennent teste, puis qu'ils fuyent sans nous assaquer? Mais ces lieures se sont venus promener sur nostre contre-escarpe, allons les prendre iusques dans leur giste; ce nous seroit trop de honte de les laisser retirer, sans se vanger, & sans leur faire sentir le tranchant de nos cimenterres. Ils se sont gorgés de vin tandis qu'ils n'ont eu personne pour leur tenir teste, remplissons-les maintenant de l'eau du Danube, aussi bien sont-ils indignes de la sepulture de leurs ancestres, puis qu'ils ruinent eux-mesmes leur pays.

LE Sanjac ayant à peu pres parlé de la sorte , les deux chefs s'acheminèrent contre Roccandolph, avecques le plus grand bruit qu'il leur fut possible, de trompettes, de Nacaires & de cris effroyables : de sorte que les Alemans & les Bohemiens , qui ne s'attendoient point à ceste charge , (car les Turcs commencerent le combat par leur quartier , auquel ils mirent le feu) se trouuerent tous estonnez du commencement , toutesfois ils ne laisserent pas de rendre quelque combat, mais tout estoit en telle confusion dans les tentes & par tout le reste de l'armée , & principalement le long des riuages du Danube, que chacun taschoit de se sauuer dans les barques , & n'en pouuoit-on retirer aucun , ny par coups, ny par menaces , ny par prieres, Roccandolph & Peren alloient deçà & delà , crians.

1541.

Les Turcs vnt
attaquer les
Hongrois.

Grande con-
fusiõ en ceste
armée.

Q V E pensez-vous doncques faire soldats ? pourquoy sommes nous icy assemblez ? est-ce pour fuir deuant les Turcs , que nous auons mis le siege deuant Bude ? n'auons-nous pas assez souffert de pertes ? & l'ennemy n'estoit-il point assez repen de nostre sang , sans nous venir faire encore couvrir le front d'ignominie par nostre lascheté ? Est-il possible que vous ayez perdu en un instant ceste ancienne generosité tant chantée par tous les siecles des nations Alemande , Hongroise & Bohemienne ? au moins tournez le visage, rendez du combat, nostre ennemy n'est fort que par vostre couardise, tout le reste luy manque, & nous l'égalons en nombre, si mesme nous ne le surpassons: nous auons bien eu intention de nous retirer, pour attendre l'occasion & plus grandes forces; mais puis qu'il nous viennent attaquer iusques en nostre camp, sera-il dit qu'ils nous le fassent quitter & nous mette hontensement en fuite, sans mesme leur faire éprouuer le tranchant de nos espées, & la roideur d'un bras plein de courage & de valeur ? s'il nous ont donné du commencement l'épouuente, faisons-leur ressentir à leur tour qu'ils se denoient contenter de l'aduantage qu'ils auoient par nostre retraite, sans nous inquieter le long du chemin. Tournez doncques visage, vous leur ferez la moitié de la peur.

Roccandolph
incite les gens
à rendre du
combat.

MAIS à tout cela on faisoit la sourde oreille, la crainte & la frayeur les ayant tellement saisis, qu'ils n'entendoient pas les commandemens de Roccandolph, & ceux qui les entendoient, les méprisoient: si que tout allant en confusion, & chacun ne cherchant qu'à se sauuer, comme les Alemans eurent fait vn peu de resistance, & qu'ils virent qu'ils estoient abandonnez de tous, ils suiuirent les autres à la trace, & ce fut lors qu'il y eut vn grand meurtre de toutes parts.

CE V X qui furent les premiers repoussez, furent ceux du regiment de Peren, par les Turcs à qui commandoit le Sanjac de Belgrade : & quant aux Alemans qui renoient le mont de saint Girard, ils eurent affaire aux Ianissaires, & à la caualerie qui estoit commandée par le Bassa Mahomet, où il se fit vne grande boucherie, Roccandolph mesme y fut blessé. Tandis ceux de Bude, aduertis d'un si bel aduantage, sortans par la porte de l'eau, prirent vn chemin couuert, fait par cy-deuant par le Roy Iean, chargerent sur le flanc les Bohemiens qu'ils y rencontrerent, renuersans tout ce qu'ils trouuoient deuant eux. Les Turcs aussi qui estoient en l'Isle de Chep, oyans ce tumulte, commandez qu'ils estoient par vn nommé Cassen, aduancerent leurs vaisseaux contre ceux de Roccandolph, lesquels voyans l'ennemy vainqueur de toutes parts, comme ils estoient plus vistes que les autres, fendirent l'eau à force d'auirons, & de grande vistesse se sauuerent en l'Isle de Comar. Le Moyne George auoit mis cependant le feu aux escuries du Roy, qui estoient occupées par les gens de Roccandolph, & qui estoient pleines de foin, qui s'embrasèrent de sorte, que la flamme s'en voyoit iusques à Pesth, & sembloit que le Danube fust tout en feu : en fin toute ceste grande armée fut mise de toutes parts à vau de route.

Deffaitte tota-
le des Hon-
grois.

IL y eut aussi trois mille soldats, lesquels fuyans la cruauté de l'ennemy, s'estoient retirez en l'Eglise saint Girard, qui furent tous taillez en pieces, excepté quelques-vns qui furent reseruez comme esclaves. D'ailleurs Cassen avecques ses vaisseaux, pour suiuiroit les fuyards, & comme il abordoit pres de Pesth, il donna telle terreur aux soldats & citoyens, & à ceux qui s'estoient sauuez, qu'abandonnans toute chose, ils luy donnerent le moyen de s'en faire le maistre, sans aucun empeschement : si bien qu'entrant dans Pesth, il y fit vn si horrible carnage, que l'histoire de Hongrie dit qu'on voyoit courir le sang par les ruës, comme des ruisseaux d'eau, ne pardonnant à sexe ny, à aage, mais faisant souffrir toute sorte de misere à ceste pauvre ville. Roccandolph cependant s'estoit retiré en l'Isle de Comar, avecques ce peu de gens qui luy estoient restez de la deffaitte, où il finist ses iours, vn peu de temps apres en la ville de Samar, afin qu'il ne restast rien aux Turcs, pour emporter vne entiere victoire, en laquelle il y eut perte de trente-six grosses pieces d'artillerie,

Trois mille
soldats taillez
en pieces en
vne Eglise.

Prise & ruine
de la ville de
Pesth par les
Turcs.

1541. & cent cinquante moyennes & petites, & vingt cinq mille hommes qui furent tuez, avec vn nombre fort grand de prisonniers: perte noppareille pour ces pauvres Prouinces, qui par ce moyen demeuroient à la mercy du vainqueur: & ce qui est de plus deplorable, c'est que ces deux grandes defaites, à sçauoir celle d'Esecchio & celle de Bude, n'arriuerent que faute de bonne conduite, & par la lascheté des soldats, qui aymerent mieux se laisser massacrer aux Turcs, que de se deffendre.

XXXIII.

1538.

Description
de la Molda-
vie.

OR quelque peu de temps auparauant ceste guerre, Solyman auoit enuoyé à la conqueste de la Mol-Daue, ou Carabogdaue, comme si on disoit la Daue noire, Prouince qui est deuers le pont Euxin, voisine anciennement des Gethes, Quades, Gots, & Gepides: (de là venoit que les anciens Comiques mettoient tousiours quelques seruiteurs en leurs Comedies, qui s'appelloient Dauus ou Getha) & ceste Moldaue & la Valachie, qui enferment en elles la Transiluanie, faisoient toutes ensemble l'ancien Royaume des Daces, où autresfois regna Decebal, qui fut vaincu par l'Empereur Trajan. Ceste Moldaue estoit la grande Valachie: car la petite estoit deuers le Danube, & ainsi appelée de plusieurs, Transalpine, & de Bonfinius, Montagneuse. Quant à la Transiluanie, on l'a nommée quelque temps Pannodacie. Cecy premis pour vne plus claire intelligence de l'histoire, afin qu'on voye, que non seulement toute ceste grande estenduë, qui est oultre le Danube, contient non seulement la Hongrie vltérieure, mais aussi la Transiluanie avecques l'une & l'autre Valachie, commençant à s'enfermer par le Danube, puis des monts Carpathiens, du pont Euxin, & de rechef du Danube. Si que vous pouuez voir comme ceste Prouince estoit à la bien-seance de Solyman de toutes parts, ioint qu'il aspiroit à la Transiluanie, comme il se verra cy-apres, & les Turcs font des ralles où ils peuvent, mais ils ne conquestent que pied à pied.

Qui se rend
aux Turcs.

CESTE expedition se fit doncques le dix-septiesme du mois Sefer: qui est leur 3. mois, & les Turcs vinrent passer le Danube à Ishaclue, que les Grecs appellent vulgairement l'Eschele: de là estans entrez dans la Carabogdaue, le Prince de ceste contrée se sentant inferieur aux forces des Turcs, & voyant qu'il n'y auoit nul moyen de resister à si grande puissance, ne se mit point en deuoir de leur resister, ains tascha seulement de se sauuer par la fuite: cela fut cause que toute ceste contrée se rendit à Solyman, & qu'il y eut nouueaux limites entre les Moldaues & les Turcs, le fleuue Barute seruant de bornes aux vns & aux autres: si que la domination des Turcs venoit iusques aux plus prochains riuages du fleuue, qui y establirent vn nouueau Sanjacat, donnans la contrée qui estoit au de là du fleuue, à vn Prince du pays de la famille des Princes de Moldaue; quelques-vns ont dit que c'estoit le frere de celuy qui s'estoit mis en fuite. Mais quelque temps apres, celuy qui s'estoit mis en fuite, vint à la Porte pour demander pardon de ce qu'il auoit offensé Solyman, promettant d'y satisfaire par toutes sortes de deuoirs qu'il plairoit à sa hautesse luy imposer: si bien qu'estant par ceste humilité retourné en grace, on luy rendit les terres qu'on auoit conquises sur luy, & fut restably en sa Principauté. Ceste guerre finist en vn mois: car le dernier iour de Rabiul-Euel, qui est leur quatriesme, Solyman se retira à Andrinople, où il passa l'hyuer, puis au commencement du Printemps, il se retira à Constantinople, pour donner ordre à nouuelles guerres.

Fuite du Mol-
daue, qui
demâde par-
don à Solyman,
& retourne
en grace.Auentures de
ce Prince.

C'EST ainsi qu'en discourent les Annales Turques: mais Paul Ioue éclaircit ce me semble, mieux ceste histoire: car il fait premierement entendre que ce Prince Moldaue, qu'on appelloit Peter, estoit celuy qui auoit abandonné Gritty en son entreprise qu'il eut contre le Transiluin. Or cela auoit irrité Solyman, mais depuis il auoit eu plusieurs guerres contre les Polonnois, lesquels estoient en bonne intelligence pour lors avecques les Turcs; ce qui fut cause que Sigismond enuoya se plaindre à la Porte de Solyman; mais cependant le Moldaue voyant que ses affaires luy auoient si heureusement reüssi contre les Polonnois, voulut entreprendre contre les Transiluiains, si bien qu'il prit la ville de Cizon, des anciennes appartenances des Roys de Hongrie. Toutes ces choses furent cause que Solyman s'arma contre luy, & prenant pour loy vne partie du territoire pour l'amande, à la façon Romaine, il le contraignit de se sauuer, comme il fit, en ceste ville de Cizon. Mais apres que Solyman se fut retiré, le Roy Iean voyant vne si belle occasion de recouurer ce qu'il auoit perdu, alla mettre le siege deuant la ville, & contraignit Peter de se rendre à sa mercy avecques sa femme & ses enfans; ausquels le Roy Iean, avecques vne royale magnanimité, donna le chasteau de cette ville là pour retraite, en attendant qu'ils eussent fait leurs affaires avecques les Turcs. Ce que sçachant celuy qui commandoit pour lors en Moldaue, en donna aduis en Constantinople; ce qui fut cause qu'on

qu'on manda incontinent au Roy Iean qu'il eust à l'enuoyer, il fit du commencement ses excuses sur ce qu'il luy auoit donné sa parole qu'on ne luy feroit aucun déplaisir; mais se voyant pressé, & n'osant offencer Solyman, en fin il trouua cét expedient de l'enuoyer comme Ambassadeur, non comme captif, impetrant pour luy de se pouuoir iustifier; ce qu'il fit, gagnant par presens tous les Bassas, donnant aussi à la fille de Solyman, qui estoit fiancée à Rustan Bassa, deux perles qui égalloient la forme d'une grosse poire, si bien qu'on le renuoya absous, toutesfois on le fit demeurer du commencement à Pera, mais depuis celuy que les Turcs auoient laissé pour Prince aux Moldaues se comportant tyranniquement, les sujets le massacrerent: apres cestuy-cy les Boyards & principaux du pays appellerent à la succession vn du sang Royal nommé Alexis, mais Peter soustenoit que c'estoit vn homme supposé; si bien que les Moldaues voyans que les Turcs ne l'auoient pas agreable, & craignans de retomber entre les mains de cestuy-cy, enuoyerent secrettement demander secours à l'Empereur Charles & au Roy Ferdinand: ce qu'estant sceu en Constantinople, cela fut cause de renuoyer Peter avecques puissance suffisante pour rentrer en sa domination, comme il fit.

A v temps mesme de ces choses que nous venons de dire, Barbe-rousse continuoit ses courses, faisant vn pitoyable degast par tout où il passoit, rasant tous les ports de l'Italie, & assujettissant sous la domination de son Souuerain, tous les ports de la Grece, qui pouuoient estre encore sous la puissance des Chrestiens; puis ayant tourné les voiles, comme il pensoit faire retraite, contre son esperance, il se trouua non loin de Preueze, qu'il auoit fort desirée, ayant couru vne si grande espace de mer en partie pour l'auoir. A Preueze il y avn chasteau en l'emboucheure du sein Ambracien, où on dit qu'Auguste bastist la ville de Nicopolis, pour la victoire qu'il auoit obtenue contre Marc-Anthoine, & Cleopatra, en la bataille Actiaque. Ioyeux doncques infiniment d'estre arriué où il desiroit d'aborder, il presenta aussi-tost le combat à l'armée Chrestienne, qui estoit à l'ancre en ces quartiers-là, à laquelle commandoit André Dorie; duquel a esté parlé souuent cy-dessus: toutesfois Paul Ioue dit, que ce fut l'armée Chrestienne qui l'attira au combat, & qui le força de sortir du golphe de Larte. Mais en quelque façon que cela se soit passé, il y eut là vn notable combat naual: car on dit que l'armée Chrestienne auoit plus de deux cens cinquante voiles; ce qui estonna du commencement Barbe-rousse, encores qu'il fust malaisé à épouuenter: neantmoins il se resolut au combat, y estant viuement persuadé par vn Eunuque qui luy auoit esté baillé par Solyman, comme controulleur de ses actions, lequel luy remonstroit que c'estoit vne grande honte aux Turcs, de laisser ainsi passer les Chrestiens à leur aise, & les venir brauer iusques dans leur havre, sans leur courir sus, que la gloire du Seigneur en seroit diminuée, & qu'il valoit mieux que toute l'armée perist, que l'honneur de sa hauteffe receust quelque atteinte; que le pays du Pont fourniroit tousiours assez de merrein pour faire d'autres vaisseaux, quand ceux-cy seroient perdus; finalement qu'il valoit mieux s'exposer à l'aduenture, que d'estre repris du seigneur d'une trop signalée lascheté, qui ne leur pouuoit apporter qu'une tres honteuse mort. Ces choses estoient dites avecques brauade à ce vieil routier, lequel encores qu'il fust assez martyr de se voir faire sa leçon par celuy qui deuoit estre son disciple, toutesfois craignant qu'il fist quelque mauuais rapport de luy à Solyman, il se resolut de s'exposer à l'aduanture, & se tournant vers Salec, fort renommé corsaire, il luy dist.

A c e que ie voy, tres-vaillant personnage, il nous faut tenter la fortune en vn party fort desaduantageux, puis qu'aussi bien la mort nous seroit toute assurée par le faux rapport de cestuy-cy; & disant cela, il commanda aussi-tost de tirer l'armée hors du golphe, Dorie, ayant commandé de faire voile vers Sainte Maure, où on auoit des-jà mené les galeres à vn havre nommé Sueffola; ce qui donna du commencement à penser à André Dorie, toutesfois rassurant incontinent son esprit, comme celuy qui n'estoit pas apprentif en telles affaires, & qui se voyoit vne si belle & puissante armée en main, & telle qu'il ne s'en estoit gueres veu de semblable sur la mer Ionique, rangea incontinent ses gens en bataille.

Q V A N T à Barbe-rousse, il auoit tiré toute son armée en plaine mer, & auoit pris la bataille du milieu, où l'on voyoit sa Capitainesse parée de plusieurs estendarts rouges, sur l'aisle droite estoit Tabach, sur la gauche Salec, tres-renommez par les guerres de Thunes, qui auoient chacun vn nombre pareil de galeres à conduire. Toute ceste armée estoit composée de quatre vingts sept galeres, & environ trente fustes de guerre égales en puissance aux galeres, avecques plusieurs autres fregates & brigantins, qui faisoient la

1538.

Ravage de
Barbe-rousse

Armée nana-
les des Chres-
tiens & des
Turcs en la
mer Ionique.

S'arrestent au
golphe de
Larte.

Barbe-rousse
incité au co-
bat par vn
Eunuque.

Ses propos
au corsaire
Salec.

Mes vais-
seaux en or-
donnance.

1538.

quantité de cent cinquante vaisseaux de toutes sortes. Ces deux ailes que ie viens de dire, se venoient ioindre à la bataille du milieu par tel ordre, que de quelque part que se representast la Capitainesse, elles representoient la forme d'une Aigle estendant ses ailes, dequoy Dorie luy-mesme s'émervailloit grandement; & Paul Ioue raconte luy auoir ouy dire qu'il estoit impossible qu'un bien expérimenté Capitaine eust peu mettre une armée marine en bataille plus habilement & plus fermement.

Dragut corsaire fort renommé à l'avant-garde.

* Dorie à ce qu'on dit, fit à un tour de l'archet, ou de trahison: ou touts qu'il s'entendait avec Barbe-rousse.

BARBE-ROUSSE avoit aussi donné à Dragut fort renommé corsaire, & duquel il sera parlé plus amplement cy-apres, vingt galeres, en partie de grandes, & en partie de petites, lesquelles marchaient devant les autres. Dorie attendoit cependant ses vaisseaux de charge qu'il avoit envoyés devant, ce que craignoit Barbe-rousse, qui taschoit de combattre contre les galeres seules, & non contre ces gros vaisseaux, qui à guise de chasteaux & de boulevarts, eussent battu en flanc son armée de toutes parts; Salec commença d'attaquer le galion de Dorie, mais ce fut en vain: car on tira tant de coups d'artillerie & d'arquebuses, qu'ils furent contraints de se retirer. Dorie * cependant faisoit comme le limaçon à l'entour de ces vaisseaux de charge, faisant son enceinte pour les rassembler, mais principalement afin d'attirer ses ennemis à le poursuivre, & que les loignans de plus pres, ils fussent battus plus à l'aise par son canon qui estoit dans les chasteaux de ses vaisseaux. Mais Barbe-rousse qui jugeoit bien que les Chrestiens ne faisoient pas ces tournoyements sans sujet, se tenoit ferme, en attendant qu'il peust decouvrir leurs desseins: toutesfois les galeres des deux ailes combattoient en divers lieux, l'une poursuivait: mais pour neant le galion, l'autre assailloit deux vaisseaux de charge, l'une conduite par Biccanegra Espagnol, l'autre par Macin Nongaia Navarrois, qui furent fort mal menées, leurs masts estans rompus, les voiles estans brûlées, & plusieurs Espagnols & mariniers tuez dedans: une autre partie aussi environna deux autres navires chargés de munitions, l'une Venitienne, l'autre Dalmatienne, où ils ietterent tant de feu, qu'elles furent brûlées & tout ce qui estoit dedans, peu de personnes se sauvans dans les barques, & de là dans les prochains vaisseaux de leurs compagnons. Salec print aussi deux galeres sur la fin du iour, l'une à laquelle commandoit Mozenique Venitien, & l'Abbé de Bibienne gentil-homme Toscan, peu apres le navire de l'Espagnol Laigi Figaroa, apres que les Espagnols qui estoient dedans, se furent vaillamment deffendus.

L'armée de la Ligue, se retira à Corfou.

Barbe-rousse poursuivit la victoire.

Château-neuf pris par l'armée de la Ligue.

OR comme desja les Chrestiens estoient fort mal-menez, une grande tempeste survint, accompagnée de tonnerre & de pluye, qui rendit l'air fort obscur en un instant, & au mesme temps se leva un grand vent de Sciroc: si bien que les Turcs commencerent à hausser leurs trinquets: ce que voyans les Chrestiens, & Dorie tout le premier, ne haussèrent pas seulement les trinquets, mais estendirent aussi leurs grandes voiles, & tournerent les proues devers Corfou, avecques un tel desordre & confusion, que cela ressembloit bien plus une fuite, qu'une retraite, faisant ramer en toute diligence: cela fut cause que Barbe-rousse aidé du vent, les poursuivait quelque tēps, mais les tenebres l'empescherent de passer outre: car tous les Capitaines des galeres avoient fait esteindre les lumieres qu'on a accoustumé de porter avec de grandes lanternes élevées sur la poupe. Si que le proverbe Espagnol en vint depuis; *Dorie sette la lumiere en bas, pour cacher plus sēurement sa fuste durant les tenebres*, dit Paul Ioue: tant y-a qu'estans arriuez à Corfou, la commune opinion d'entre eux, estoit, qu'ils s'estoient sauvez d'un extreme peril, par la faueur du vent. Peu apres Barbe-rousse poursuivant son bon-heur, & desirant d'emporter une victoire entiere, s'en alla en l'Isle de Paxos, distante du dernier Promontoire Oriental de Corfou, d'environ douze milles & demy, prouoquant l'armée Chrestienne à sortir de son port, & à venir au combat, comme il fut deliberé qu'on le feroit: mais les chefs de ceste armée, furent si longs en leur deliberation, que Barbe-rousse voyant le mois d'Octobre approcher, & craignant la tempeste & le vent contraire, se retira au golphe de Larte.

CE que voyant l'armée de la Ligue, resolut au commencement d'assiéger Durazze; mais depuis pour plusieurs difficultez qui se rencontroient au siege de ceste place, ils aymerent mieux aller au golphe Rizzonie, ou Cattaro, pour prendre Château-neuf, petite ville & forte qui estoit lors sous la domination des Turcs, estant par le bas arrousee de la mer, & ayant en haut un chateau plus fortifié de la nature que par art: en bas elle avoit deux fortresses pour deffendre le port. En ceste place il y avoit pour lors biē peu de Turcs dedans, & les habitans plus adonnez au trafic qu'aux armes, lesquels resisterent quelque peu; mais l'artillerie ayant abbatu la meilleure partie de leurs murs, la ville fut prise d'assaut, où on fit un grand butin de mefnage domestique plus que d'autre chose, & fort grande

grande quantité d'esclaves de tous aages & de tous sexes, encores que plusieurs d'entre eux alleguassent qu'ils n'auoient point renoncé à la foy de IESVS-CHRIST: ceux du chasteau d'en haut se rendirent aussi par composition. La ville fut donnée en garde à Francesco Sarmento, avecques quatre mille soldats Espagnols; ce qui offensa fort les Venitiens: cela ayant esté fait contre les articles de la Ligue, ioint qu'ils craignoient que les Espagnols, oyseaux de proye, ne se iettassent aussi-tost sur les terres de leur amis, que de leurs ennemis, & principalement sur ceux de Catarru.

OR Barbe-rouille ayant esté quelques iours à Larre, s'en alla pour quelque dessein en l'Isle de Sallou, où il fut retenu par la tourmente, si que ses vaisseaux battus de vents contraires, vinrent heurter contre les rochers de la Cunera, & s'en fit là quelque debris. Ce que sachant Capel General pour les Venitiens, estoit d'aduis qu'on l'allast charger durant ce trouble, s'asseurant qu'on recouurerait l'honneur qu'ils auoient perdu deuant sainte Maure, & d'emporter le dessus de leur ennemy; mais on n'y sceut iamais persuader André Dorie, qui s'en voulut retourner en Italie, au grand déplaisir de toute l'armée; mais il auoit fait tout ce qu'il desiroit: car il ne se soucioit pas, disoient quelques-vns de ce temps-là, de ruiner les Turcs, mais bien les Venitiens, & il auoit fait en sorte qu'ils s'estoient declarés contre Solyman. Si bien qu'estans doresnauant attachez contre vn si puissant aduersaire, il s'asseroit qu'ils n'y pourroient pas longuement resister, & qu'ils seroient cōtrains d'abandonner les villes de leur Seigneurie de terre-ferme, & en fin qu'ils dependroient en tout de l'Empereur Charles, forcez qu'ils seroient de venir mendier son secours. Voyla les saintes intentions de nos Ligues, & ne faut point trouuer estrange, si DIEU n'y donne point sa benediction, auans de si meschans desseins les vns contre les autres: tant y-a que cette derniere Ligue eut pareille issue, & quasi mesme progres que la precedente; car on fit vne belle monstre en l'vne & en l'autre, mais on n'osa iamais attaquer l'ennemy à bon escient, & quand il se fut retiré, alors nous nous mîmes à courir sur ses terres, où luy auans pris quelques places, nous ne les peûmes conseruer, telmoyn Coron, que les Espagnols abandonnerent, & vous verrez bien-tost que Chasteau-neuf ne demeura pas long-temps sous leur pouuoir.

REVENANT maintenant aux affaires de Hongrie, lors que le siege estoit deuant Bude, au mesme temps que Solyman enuoya le Basla Mahomet pour le secours de ceux de la ville, il fit marcher contre les Transiluiains Mustapha, qui estoient lors gouuernez par vn nommé Maillat, sous l'autorité du Roy Ferdinand. Mustapha s'estoit allié des Vaiuodes de la Transalpine & de Valachie, & des gens d'Achomat Sanjac de Nicopoli. A tous lesquels se ioint Pierre le Prince de Moldaue, duquel il a esté parlé cy-dessus, qui assembla bien, dit-on, iusques à trente mille cheuaux: si que toute ceste armée se montoit bien à cinquante mille cheuaux. Maillat qui se vid enuironné d'vne si grande multitude d'ennemis, & qui n'attendoit aucun secours du Roy son maistre, attendu la deffaite de Roccardolph deuant Bude, se trouuant trop foible pour tenir la campagne, se retira à Fogare, vn chasteau qui est en la Transiluanie, merueilleusement fort, tant par art que par situation, auquel il fut incontinent assiegé par les Turcs, mais comme ceste place estoit imprenable, aussi n'y firent-ils pas grande chose, bien qu'ils y employassent tous leurs efforts; si qu'en fin ils se resolurent d'y proceder par vne autre voye, & le sonder, pour le faire entrer en quelque composition.

ON luy proposa que s'il vouloit se rendre tributaire de Solyman, on luy laisseroit l'entiere seigneurie de ceste Prouince, & que c'estoit le seul moyen pour donner la paix à son pays, qui s'en alloit estre saccagé de toutes parts; les Transiluiains mesmes se laissoient aller à ceste capitulation, & le supplierent tant, qu'il condescendit d'aller au camp des Turcs, en baillant le fils d'Achomat pour ostage. Mais cestuy-cy ayant fait responce qu'il l'auoit donné au grand seigneur, & qu'il estoit hors de son pouuoir, on se contenta de quatre Capitaines Turcs des plus apparens & principaux. Le Moldaue mesme, qui feignoit estre son amy, l'auoit inuité à disner en sa tente, en laquelle il luy fit vn festin fort superbe. Mais comme de propos delibéré on fust venu aux railleries, & de là aux querelles, on cōmença à se ruer sur le Transiluiain: car on en estoit venu aux armes, & fut ainsi arresté prisonnier, quelque resistance qu'il peust faire, comme homme fort & robuste qu'il estoit, criant & se plaignant du Moldaue, qui sous pretexte d'amitié, l'auoit si laschement trahy: à laquelle rumeur Achomat estant survenu comme inopinément, commença aussi-tost à reprendre aigrement le Moldaue pour vn tel acte, luy conseillant de ne rompre la foy qui luy auoit esté donnée, & qu'il ne fust point cause de la mort des ostages qu'on auoit don-

1538.

André Dorie
se retire mal
à propos.

XXXIV.
1540. &
41.

Les Turcs ont
Transiluanie
côte Maillat.

Assiegent Fogare.

Veulent capituler avecques Maillat.

Perfidie &
trahison du
Moldaue &
des Turcs en-
uers Maillat.

1541.

Dissimulatio
d'Achomat.

nez; cela neantmoins n'estoit qu'une feinte, comme chose qui avoit esté ainsi pourpensée: Mais le Moldaue, avecques un geste de mespris de tout ce que l'autre disoit, luy respondit, qu'il l'avoit fait prendre pour quelques iniures particulieres qu'il avoit receuës de luy, & qu'il le vouloit garder en vie, pour l'enuoyer à Solyman, lequel iugeroit s'il avoit esté pris avecques raison.

Fogare entre
les mains des
Turcs.Les troubles
pacifiez en
Transsilvanie.

C E P E N D A N T les Turcs gagnerent tellement par artifice ceux qui estoient demeurez dans le chasteau de Fogare, & qui commandoient en l'absence de Maillat, qu'ils eurent non seulement leurs ostages, mais encores la place mesme vint entre leurs mains, sans coup ferir, enuoyans au bout de quelque temps, le Vaiuode Maillat avecques un nommé Valentin un peu apres, (tous deux des principaux d'entre les Hongrois, & qui estoient seuls demeurez des anciens Huns) à Constantinople, où ils moururent en prison. Ces deux chefs-là ostez, il fut apres bien-aysé d'avoir la raison du reste des Transsilvains, si bien qu'ils les firent tous iurer fidelité à Estienne fils du Roy Jean, sous la puissance duquel un chacun se rangea paisiblement, ayant esté l'espace de trente ans sous l'obeyssance du pere. Il est vray que tout ce qu'en faisoient les Turcs, n'estoit que pour s'introduire & s'establiir davantage sous un nom favorable, & qui estoit agreable aux habitans du pays. C'est ainsi que furent pacifiez les troubles qui estoient pour lors en Transsilvanie: car iusques alors, chacun estoit en doute qu'il devoit recevoir pour seigneur. Or toutes ces choses se passerent en la fin de l'année, mil cinq cens quarante, & de celle de mil cinq cens quarante-vn.

1540.

Barbe-rousse
entreprend
contre Cha-
steau-neuf.

D U R A N T la premiere année, il arriva encores deux choses assez remarquables, l'une la prise de Chasteau-neuf par Barbe-rousse, l'autre un grand embrasement qui aduint à Constantinople. Quant à la premiere, en voicy le succez.

B A R B E - R O U S S E voyant que l'armée Chrestienne, apres son départ, avoit pris Chasteau-neuf, & que luy d'ailleurs n'avoit sceu, à cause de l'hyuer les en empêcher, resolut de se fortifier, & de le reprendre. Et de fait ayant aduerty le Perse Vlama, qui avoit pour lors le gouvernement d'Illyrie ou de la Bosnie, duquel a esté parlé cy-dessus, & qui avoit esté transporté là, (selon la coustume des Turcs qui ne se fient jamais aux fugitifs) à ce que suivant le commandement de Solyman, il tint les gens prests, comme celuy qui avoit le commandement sur l'armée de terre, tandis qu'il equippoit ses vaisseaux & les radouboit de son dernier naufrage, faisant bastir deux fort grandes nauires de charge, qu'ils appellent mahones, sur lesquelles il chargea tout l'attirail de l'artillerie & de l'equipage d'un camp. Quant à Vlama, ayant bien amassé iusques à trente mille hommes, tant de pied que de cheual, & amené quant & luy sept Sanjacs qui estoient sous son gouvernement, il commença de se monstrier sur le sommet des montagnes, la ville estant en ceste façon assiegée par mer & par terre. Deuant que Barbe-rousse s'engageast es premiers destroits du golphe, il enuoya les Corsaites Dragut & Corsel, decouvrir deuant avec trente puissantes birames ou galiotes. Ceux-cy ayans tournoyé la ville, pour la reconnoistre, non toutesfois si presqu'ils ne fussent hors la portée du canon, mirent pied à terre pour avoir eau douce de la plus prochaine fontaine, qu'ils appellent Artifaria. Ce qu'ayant reconneu Sarmento, qui commandoit dans ceste place, fit une sortie sur eux, tant de caualerie que d'infanterie, qui firent un tel devoir, que plusieurs Turcs ayans esté tuez sur le champ, le reste fut contraint de tourner le dos, & se retirer plus viste que le pas dans les vaisseaux.

Dragut battu
par les Espa-
gnols.Fait ses ap-
proches.La ville bat-
tue par deux
endroits.

C E P E N D A N T Barbe-rousse commença de faire ses approches avecques quatre vingts dix galeres & trois mahones, fit descendre son artillerie à terre, & dresser sa batterie, où il fut trois iours, où plustost trois nuicts: car ils n'aduançoient guerres de besongne le iour, à cause de la grande quantité de boulets qu'on leur tiroit de toutes parts: mais en fin il paracheua ses retranchemens & gabions, & braqua incontinent contre la ville cinquante quatre pieces de grosse artillerie, entre lesquelles il y avoit sept doubles couleurnes, & quatre basilics de grandeur épouventable, qui iettoient les boulets de fer du poids de cent liures, le reste estoit de doubles & moyens canons, outre les sacres, faucons & mortiers, qui iettoient en haut des boulets de pierre d'excessiue grosseur. De tout ce cy il en bailla la quatriesme partie à Vlama, afin qu'il dressast une batterie du costé du Septentrion, tandis que luy battoit la ville en trois endroits du costé de l'Orient: de sorte que la batterie fut fort furieuse de toutes parts, mais ils avoient affaire à des gens qui en remparoiient autant qu'on en abbattoit, & se desfendoient tous avecques un grand courage. Toutesfois Sarmento voyoit bien qu'il ne pourroit pas resister longuement pour deux raisons: l'une, que ce terroir là estoit tout pierreux, si qu'il manquoit de gazons & de glaize

glaize pour fortifier : l'autre, qu'il ne croyoit pas qu'on luy enuoyast du secours à temps, pour resister à l'impetuosité de ses ennemis : car encores que Dome luy eust enuoyé deux vaisseaux chargez de munitions avecques promesse d'estre bien-toit secouru, toutesfois il voyoit que l'effect de ceste promesse alloit bien en longueur, selon la necessité, mais il auoit le courage si grand, qu'il estoit resolu de deffendre la place, iusques à la mort.

OR comme chacun faisoit son deuoir, les vns de deffendre, & les autres d'assaillir, les Turcs firent en sorte qu'ils s'emparerent d'une tour fort ample & ceinte d'un mur quarré par le dedans, sur laquelle ayans arboré une enseigne Turquesque, pour épouuanter davantage les Espagnols, ils commencerent à tirer sur eux force coups d'arbalestre, & puis incontinent de quelques pieces d'artillerie qu'ils monterent dessus : si que ceux de dedans estoient assaillis de tous costez, & ne sçauoient où se ranger. Cela fut cause que Sarmento fit faire une mine, mais elle ioua si malheureusement pour les siens, que la poudre estant moite, le feu fut aussi long-temps à prendre, & ce qui fut le pis, c'est que le vent repoussa la flamme contre ceux de dedans, si qu'elle en brûla plusieurs. Vlama d'un autre costé auoit aussi abbatu une grande partie du mur où il estoit, de sorte que la ville estoit sans deffence. Les Annales disent que les Chrestiens auoient ouuert auparauant les portes du costé de la forteresse, & qu'ils crioient aux Turcs, pourquoy il se seruoient d'artillerie, puis que les portes estoient ouuertes; toutesfois qu'eux, craignans quelque embusche, comme il y en auoit sans difficulté, ne voulurent iamais entrer, ains continuerent leur batterie tant que les murailles furent toutes abbatuës, alors il vinrent à l'assaut.

LES Annales disent qu'il y auoit dedans ceste place, sept mille hommes de guerre, toutesfois ie ne trouue ailleurs que quatre mille Espagnols : il faudroit que quelques-vns se fussent iettez dedans des lieux circonuoisins ; tant y-a que ce que les assauts precedens auoient peu laisser de reste, s'estant resolu à se deffendre iusques au dernier soupir, plustost que de se rendre, s'assembla au milieu de la grande place, où ils resisterent longuement, avec toute l'assurance & le courage qu'on sçauoit desirer en de braues soldats, mais en fin accablez de la multitude de leurs ennemis, & plus encores des veilles & de la fatigue qu'ils auoient soufferte durant ce siege, outre ce, la grande pluye qui suruint durant ce combat, qui esteignit toutes leurs meches, ils furent presque tous massacrez, le reste qui échappa, qui fut enuiron huit cens trente, fut mené en Constantinople, les autres disent qu'ils furent mis à la chiorme.

QUANT aux Turcs, il en demeura, disent les Annales, deux cens Janissaires, trois cens autres soldats, & grand nombre de blesez : les Turcs trouuerent aussi plusieurs esclaves Musulmans, du reste encores de ceux qui estoient dans la ville, lors qu'elle fut prise par les Chrestiens, ayans les manottes aux mains, & les fers aux pieds (tant la vicissitude des choses est admirable) qui receurent la liberté, lors qu'ils l'esperoient le moins. Il y en a qui disent que sur la fin de ce combat, quelques vns mirent bas les armes, les forces leur defaillans, requerans misericorde au vainqueur, mais le tout en vain : car on ne laissa pas de les tailler en pieces iusques au dernier : Sarmento mesme ayant eu trois coups de fleches au visage, y finist ses iours, sans qu'il peust estre par apres iamais reconneu, Barbe-rousse voulant enuoyer sa teste à Solyman. Ceste victoire aduint le septiesme iour d'Aoust, de laquelle les Milannois firent grande feste, dit Paul Ioue, en allans tons remercier saint Donat, de ce que les execrations qu'ils auoient iettées contre les Espagnols pour leurs voleries & extorsions, n'auoient point esté vaines, puis qu'en mesme iour qu'on celebre sa memoire, à sçauoir le septiesme iour d'Aoust, il auoit tiré la raison de si méchans hommes.

BARBE-ROUSSE cependant poursuiuant sa pointe auoit pris Rizzaua, un chasteau voisin de là, la garnison Venitienne l'ayant abandonné, estonnée qu'elle estoit de se voir enuironnée de si grande puissance sans secours. Ce qui le fit resoudre d'aller attaquer Cattaro, ville fort proche de là, & qui obeyssoit aux Venitiens, située sur le golphe Rizonic, où il ya un fort beau port, & fort seur pour les vaisseaux; les destroits duquel golphe se peuvent clorre, en tirant une chaisne d'une riue à une autre : toute la region est fort plaisante en collines excellemment cultiuées : mais quant à la ville, elle est tellement offusquée par les montagnes, que les habitans y ont fort peu de Soleil aux plus courts iours d'hyuer. Barbe-rousse fit ce qu'il peust pour trouuer moyen d'auoir ceste place par composition, & voyant qu'il n'y gaignoit rien, il vint aux menaces. Mais le Podestat qui estoit dedans, nommé Maphet Bembo, respondit aussi par lettres à Barbe-rousse, que les Seigneurs Orthodoxes n'auoient nul droit en la ville de Cattaro, & partant que s'il y faisoit quelque effort,

2546.
Les Espagnols
sans secours.

Ils font une
mine qui ioua
mal heureu-
sement pour
eux.

Ils se deffen-
dent coura-
geusement.

Pitoyable
massacre.

Grand coura-
ge & valeur
de Sarmento
chef des Es-
pagnols dans
Chateau-
neuf.

Barbe-rousse
prend Rizza-
ua.
Et va assieger
Cattaro.

Sa situation.

1540.

Dragut repoussé de devant Cattaro.

Et Barbe-rousse aussi, qui se retire à Corfou.

qu'il contreuendrait aux trefues que Solymán leur auoit accordées; mais luy feignant qu'eux-mêmes luy donnoient ce sujet, ayans retiré des esclaves, lesquels ils ne luy vouloient pas mettre entre les mains, Dragut ne laissa pas d'approcher ses galeres de la forteresse, mais elles furent repoussées par l'artillerie à leur grand dommage, & ayant fait prendre terre assez loin de là, à quelque nombre de soldats, il les fit couler le long de la montagne, & approcher ainsi des murailles, mais ils furent si mal-menez par de petites pieces de campagne qu'on tiroit du donjon, qu'ils furent contraints de se retirer dans leurs vaisseaux.

BARBEROVSE cependant auoit pris terre du costé du conuent de saint François, pour reconnoistre la place, mais ceux de la ville firent vne sortie de Stradiots, & de quelque harquebusiers à cheual, qui le contraignirent de fuir, avecques perte de plusieurs des siens, & de se sauuer aux prochaines montagnes, où les cheuaux ne les peurent suiure. Barbe-rousse ayant assez reconnu ceste place, & la resolution de ceux de dedans, perdit toute esperance de s'en pouoir rendre le maistre, si qu'il se retira sans rien entreprendre dauantage, & s'en retourna à la bouche du golphe; où arriué, apres auoir mis bonne garnison dans Chasteau-neuf, s'en alla à Corfou, où il fut salué à son arriué, en signe d'amitié, de quelques coups d'artillerie, & visité de la part du Gouverneur qui luy enuoya des presens de rafraichissemens, & des robbes qu'il receut volontiers avecques plusieurs remerciemens & complimens: & apres auoir couru & infesté toute ceste mer, & pris quelques nauires marchans qu'il rencontroit: Ayant bien & heureusement executé toutes choses, il tourna les voiles vers Constantinople, où il se retira au mois de Schaban, à scauoir le neufiesme, en l'an de nostre salut 1540. & de l'Egire. 946.

1539.

Grâd & merueilleux embrasement à Constantinople.

QUANT à cet embrasement que nous disions n'agueres estre arriué à Constantinople, il aduint le quinziesme du mois Zefer, l'an 1539. c'estoit vn Ieudy, enuiron la premiere heure de la nuit que ce feu se prit hors la ville, au dessous des prisons des mal-faïcteurs & criminels, en ces tauerne ausquelles on a accoustumé de vendre de la poix. Or ce feu ayant trouué là vne matiere propre à sa nourriture, se rendit aussi plus violent, si bien qu'il gagna iusques à ces prisons, dans lesquelles estoient pour lors renfermez enuiron sept cens prisonniers, qui furent tous consummez, sans que pas vn se peust sauuer: de là estant paruenue dedans la ville, il brûla les premieres maisons, & vint iusques aux prisons des publicains: on a accoustumé de mettre en ceste geole ceux qui fraudulent le fisq, ou qui luy sont redeuables, n'ayans pas moyen d'y satisfaire: mais ceux-cy plus aduisez que les autres, firent en sorte qu'ils ouurirent les portes, & se sauuerent tous. Le feu cependant alloit serpentant, de sorte qu'il paruint à la porte qu'ils appellent du bois, d'autant que c'est par elle qu'ordinairement le bois passe, & de là en la place des forgerons & ferrutiers, consommant toutes les ruës par où il passoit, & comme la flamme ainsi embrasée se porte aysement d'un lieu en vn autre, il vint à l'ancien Serrail des Sultanes, puis endeclinant il gagna l'hospital des muletiers, ou le Carauan-Serrail, ainsi dit des Carauanes, (qui sont des assemblées qui se font pour aller de compagnie & plus seurement par pays) où il brûla aussi les maisons de tourneurs & graueurs, & puis celles des vitriers, & y consumma des estuues qui estoient fort bien peintes de diuerses couleurs, avecques tous les lieux circonuoisins, & tout ioignant vn autre Carauan-serrail des Georginiens ou Georgiens. Ces Carauan-serrails sont quelque peu plus longs que larges, approchant toutesfois d'une forme quarrée, au milieu desquels il y a vne fort grande court, pour mettre les chariots & les chameaux, les mulets & fardeaux; là sont les chambres des Turcs, leur sale pour manger, & leur cuisine pour l'apprester: car aux murailles qui enferment tout cet edifice, il y a force cheminées, les hostes n'ayans rien de separé d'avec les chameaux & mulets, qu'un mur, lequel pour estre fort bas, & les bestes estans liées au pied du mur, les testes les surpassent le plus souuent, estans en ceste façon comme valets & assistans à leurs maistres qui se chauffent & qui disent.

Forme des Carauan-serrails.

Schifut Capitzi.

PUIS descendant plus bas, vint aux bains des Princes, & aux maisons des Iuifs, où il y a vne porte de la ville qu'ils appellent Schifut Capitzi, comme si nous disions la porte des Iuifs, située en la partie Orientale de la ville qu'il brûla. Tous ces lieux que nous venons de dire avecques leurs ruës & places publiques, furent toutes consummées par le feu, mais principalement la ruë des Iuifs receut vn notable dommage, d'autant que leurs edifices estoient plus hauts & plus contigus les vns aux autres.

OR durant ce grand embrasement, chacun y faisoit ce qu'il luy estoit possible, sans qu'ils y peussent apporter aucun remede, de maniere que les habitans presque tous desperdus de crainte,

crainte, pensoient estre arriuez à leur dernier iour, & à voir l'entiere destruction de ceste grande & superbe ville. Tous les Bassats s'y employoient avecques l'Aga & tous les Janissaires: car d'autant que ceste ville là est suiette au feu, la plus-part des maisons estant de bois, le guet s'y fait exactement, & y-a de grandes punitions pour ceux qui en sont causes, principalement s'ils sont Chrestiens: mais tout le soin, la peine & la diligence de tous ceux-cy, ne peust empescher que ce feu ne continuast iusques au lendemain trois heures après midy, si qu'une infinité de richesses & marchandises furent dissipées, partie par le feu, partie par les Janissaires mesmes, & autres sortes de gens, qui pensoient plus à leur profit, qu'à seconrir la ville, ny leurs voylins: car ces flammes s'estoient monstrées plus violentes aux lieux où il y auoit des marchandises, des tauerne & des magasins.

Quant à ce qui est de dehors la ville, elles gagnerent depuis la mer deuers Galata, au lieu cy-dessus cotté, & de là au marché au poisson, que les Turcs appellent Baluc-Bazar, & les Grecs Pazarion, iusques à l'Eschele, ou porte du bois, ditte des Turcs Ontun Capitz, tout cela fut tellement consommé, qu'il n'y resta pas presque, vn morceau de bois. La Zamia du temple de Zelebis, perist aussi avecques le reste. Or bien que cela soit arriué par vn accident, toutesfois on ne peut faire vn mauuais iugement de croire que c'estoit vn fleau de l'ire de Dieu, veu que tant de gens y furent si longuement empeschez, sans y pouuoir donner aucun remede, ioint encores que c'estoit en ce temps que la ville estoit fort affligée de peste, ces deux elemens, l'air & le feu, vangeans les blasphemmes & les crimes execrables qui s'y commettent iour & nuict contre la Majesté du Tout-puissant.

C'est ce qui aduint de plus notable en ces années-là, où peut-estre il se trouuera des actions recitées les premieres, qui sont arriuées apres les autres; mais les nostres qui ont escrit ceste histoire, se rencontrent si mal à la supputation des temps les vns avecques les autres, qu'à peine les peut-on accorder. Je me suis plus arresté à ce que les Annales Turques rapportées par Leonclaius, en ont laissé par escrit: cela a esté cause aussi que les choses n'en ont pas esté deduites si clairement qu'on eust bien desiré; ioint qu'il s'est passé tant de choses en tant d'endroits en si peu de temps, qu'il a esté malaisé de déduire au long le succez d'une entreprise, sans s'embarasser dans vn autre. I'y ay toutesfois apporté le plus d'éclaircissement que j'ay peu, & tel, que si le lecteur veut vn peu prendre la peine de se ressouuenir des choses passées, il pourra tousiours aysement reprendre le fil du discours.

Or les affaires s'estans passées deuant Bude, comme vous auez entendu, les deux Mahomets, qui auoient si heureusement exploité, & qui scauoient que leur Seigneur s'estoit mis en chemin, pour les venir secourir, s'en allerent en diligence au deuant, pour luy annoncer de si ioyeuses nouuelles, lequel les ayant receus avecques le visage & faueur que meritoit leur fidele seruice, ne laissa pas de continuer son chemin, mais vn peu plus lentement. Et comme on luy eust présenté les captifs, qui estoient enuiron huit cens, Paul Ioue dit, qu'il les fit massacrer, excepté quelques Capitaines & Gentil-hommes qu'il fit reseruer: il dit aussi qu'entre ceux qu'il fit mourir, il y auoit vn soldat d'Autriche qui surpassoit tous les autres en hauteur, & qu'il le fit tuer par vn petit nain qui estoit au seruice de ses fils, lequel ne luy venoit qu'à la hauteur des genoux, si bien qu'il luy fit premiere-ment couper les iarrrets, & estant en ce faisant ietté par terre, il fut à grande peine égosillé par ce petit bout-d'homme, tandis que les Princes, enfans de Solyman, prenoient plaisir à ce cruel spectacle. Or soit que le Sultan ayt fait executer ceste cruauté, ou non, i'en en puis que dire pour ne la trouuer dans aucun autre Auteur. Mais en fin Solyman arriua deuant Bude, où incontinent apres il enuoya des presens au ieune Roy, c'est à scauoir trois cheuaux de singuliere beauté, avecques leurs harnois garnis d'or, de perles, & de pierreries, avecques de tres-riches pennaches, & des vestemens de drap d'or. Il enuoya aussi pour les principaux Barons des chaines d'or, & des robes pretieuses à la Turque.

Ces Ambassadeurs arriuez vers la Royne, presenterent au nom de leur Seigneur, les presens à ceux à qui ils estoient enuoyez, prians fort affectueusement la Royne d'enuoyer le Roy son fils avecques les principaux Seigneurs de sa Cour, à Solyman, lequel auoit vn extreme desir de le voir, luy remonstrans qu'elle ne se deuoit defier d'aucune chose, l'asseurans que le tout reüssiroit fort heureusement, & avecques son contentement, selon la coustume du grand Monarque Othoman, qui auoit non seulement accoustumé de

1539.

Baiuc Bazar

Ontun Capitz.

Constantinople affligée de peste.

Grand embarrasement en la chronologie Turque.

XXXV.

1541.

Affaires de Hongrie.

Les deux Mahomets vont trouuer Solyman.

Cruauté d'iceluy.

Solyman deuant Bude.

Propos des Ambassadeurs de Solyman à la Royne

1541.

maintenir & accroistre les Estats de ses amis ; mais aussi les deffendre & conseruer ; c'estoit ce qui le faisoit desirer de voir le fils de celuy qu'il auoit tant aymé, & l'embrasser en signe d'amitié, & le faire par mesme moyen connoistre à ses fils. Quant à elle, qu'il ne luy portoit pas moins de respect & d'honneur, qu'à sa propre fille, qu'il fust mesme venu la visiter s'il luy eust esté permis par sa loy ; c'estoit pourquoy, & pour oster tout soupçon, il ne desiroit point qu'elle vint en ses paviillons, se contentant seulement que l'enfant luy fust amené avec sa Nourrice.

Solyman desirant voir ce ieune Roy, & pourquoy.

Le Moine George cause qu'on enuoye le Roy.

OR toutes ces belles paroles tendoient à deux fins, l'une pour decouvrir si cét enfant estoit fils ou fille : car il couroit vn bruit que c'estoit vne fille, & que cela estoit cause que la Reyne le faisoit nourrir ainsi secrettement : l'autre, c'estoit pour trouuer moyen de s'emparer de Bude plus aisément, quand ceux qui auoient le plus de connoissance des affaires en seroient dehors ; ioint qu'ils luy seruiroient d'ostages pour ce qu'il auoit entrepris. Or soit que la Reyne se doutast de ce qui luy aduint, ou qu'elle eust crainte du Roy son fils, elle faisoit de grandes difficultez de l'enuoyer, & estoit mesme toute resoluë de ne le point enuoyer ; mais le Moine George luy conseilla de ne donner aucun ombrage aux esprits soupçonneux des Turcs, qui prendroient de là quelque sujet de luy faire vn mauuais party, offrant de l'accompagner luy-mesme, & le ramener sain & sauf.

Qui est receu courtoisement de Solyman.

Cela appaisa aucunement la Reyne, si bien qu'ayant paré fort richement son fils, selon sa qualité, elle le fit mettre dans vn coche doré fort magnifiquement, avecques sa Nourrice & quelques Dames, & le fit accompagner par tous ceux qui auoient receu des presens de Solyman. Comme il approcha du camp, quelques troupes de cheuaux en fort bon equipage, avec quelques bandes de Ianissaires, allerent au deuant de luy, pour luy faire honneur & le receuoir, & le mettans au milieu d'eux, le menerent en telle pompe à leur Empereur, lequel luy témoignant beaucoup d'affection, le receut fort amiablement, comme vassal de sa maison, & fils d'un Roy qui luy auoit esté grand amy, & voulut que ses enfans, Bajazeth & Selim, qui estoient lors en son camp, luy fissent le semblable. Ceux-cy estoient fils de sa femme Roxelane, desquels nous ferons mention cy-apres plus particulièrement, lesquels la mere faisoit suivre le pere par tout, pour toujours éloigner Mustapha, le fils d'une autre femme, qui estoit lors en Amalie, en son gouvernement.

La ville de Bude surprise par les Turcs.

APRES toutes ces caresses & bien-venuees, Solyman commanda aux Bassats d'inuiter avecques eux tous ces Seigneurs Hongrois, & tandis qu'on les traiteroit opulemment de toutes sortes de viandes, & qu'un chacun seroit attentif à faire bonne chere, il donna charge à quelques Capitaines, que seignans d'aller voir Bude, ils trouuassent moyen de s'en saisir, sans faire aucun bruit, en faisant semblant d'entrer, & les autres de sortir, afin que ceux de Bude n'en entraissent en deffiance. Cela fut executé si dextrement, que plusieurs d'entr'eux entrans par la porte Sabbatie par troupes, faisans seulement contenance de contempler comme estrangers, les singularitez de la ville, il en ressortoit quelques-uns, mais c'estoit en sorte qu'il en restoit toujours dedans sept ou huit, pour un qui en sortoit, tellement que se sentans estre lors en assez bon nombre, ils forcerent aisément les gardes de cette porte, qui ne se doutoient point d'une telle entreprise, & s'en saisirent, donnans incontinent entrée à grand nombre de soldats qui estoient en embuscade là aupres, & qui attendoient l'issue de ce dessein, lesquels se saisirent incontinent des principales places.

Et toutesfois sans massacre, sans pillerie, & sans bruit.

Solyman renuoye le ieune Roy à sa mere, & retient les Seigneurs Hongrois.

AVSSI-TOST l'Aga fit faire vn cry par toute la ville, qu'aucun n'eust à sortir de sa maison, mais qu'un chacun se tint paisible, & que s'ils vouloient qu'on ne les traitast point comme ennemis, que chacun eust à mettre entre ses mains toutes leurs armes. Ce qui fut incontinent executé : puis on bailla à chaque Citoyen vn Turc à loger chez soy : le tout se portant si doucement, qu'il ne sembloit point que personne fust entré dans la ville, n'osant aucun Turc dire à son hôte, autre parole qu'honneste & de douceur. Dequoy estant auerty Solyman, & que cette belle ville estoit si dextrement venue en sa puissance & si paisiblement ; alors il renuoya à la Reyne son fils, encores qu'il fust desia nuit, & retint pres de luy tous les Princes & Seigneurs qui l'auoient accompagné, qui estoient entr'autres, le Moine George, Euesque de Varadin, Pierre Vichy, proche parent du Roy Iean, & lequel la Reyne respectoit grandement, Bacian Urbain, Gouverneur de Bude, Estienne Verbers, grand Chancelier de Hongrie, & Valentin Turki, lequel fut enuoyé avecques Maillat, le Vauode de Transiluanie, à Constantinople.

La Reyne de-

LA Reyne se voyant ainsi trompée, & la ville prise par ceux qu'elle esperoit luy deuoir donner

donner quelque ayde & secours, & dauantage que les plus grands Seigneurs qu'elle auoit enuoyez auecques son fils, auoient esté arrestez, depourueu de conseil, & ne scachant que faire au milieu d'une si grande calamité, estant mesmes aduertie que Mahomet Gouverneur de Belgrade, auoit esté d'aduis, auecques plusieurs autres, qu'on fit trancher la teste à tous ces Seigneurs qu'ils tenoient lors en leur puissance, qu'on enuoyast à Constantinople la Roynne & son fils, & qu'on laissast bonne garnison à Bude, avec vn homme de qualité pour la gouverner. La pauvre Princeesse battue de toutes parts, de mille sortes d'afflictions, escriuit des lettres à Solyman, à peu pres en ces termes:

1541.

La Roynne demeure sans assistance au milieu d'une si grande affliction.



*E*stoit ce que i'auous tousiours esperé de la magnanime benignité du tres-puissant Empereur des Turcs, que non seulement il donneroit secours à vne pauvre veufue, & la deliureroit de la sujecction de tous ses ennemis: mais encore qu'il prendroit en sa protection la tendre ieunesse de son fils, en memoire des fidelles seruices & obeyssance que le pere luy auoit quelques fois rendus. La favorable & courtoise reception que sa hautesse luy auoit faite, m'en donna vn tres-assuré tesmoignage, &

Lettre de la Roynne de Hongrie à Solyman.

à la verité il me seroit bien difficile d'exprimer l'extreme contentement que i'enay receu. Mais comme i'ay veu d'ailleurs le procedé de ses gens de guerre en la ville de Bude, ie n'ay peu croire autrement, sinon que sa majesté estoit offensée de mes deportemens, plustost par calomnie qu'en verité, ayant fait tout ce qu'il m'a esté possible pour ne contrenuier à mon escient aux loix que sa grandeur auoit prescrites au feu Roy Iean mon mary, lequel sa magnificence auoit daigné honorer de son amitié. Et neantmoins mon innocence ne m'a sceu guarantir de sa disgrâce, tellement qu'il faut que ie sois maintenant reduite à quitter ma ville, mon pays, mon peuple, & tout le bien & substance que ie pouuois auoir pour le maintainement de ma vie & de mon Estat, & celuy de mon ieune pupille. Ce n'est pas que ie vueille nier que la ville de Bude, & ce que nous tenons en la Hongrie, ne soit sien, comme le tenant par la beneficence de ses royales mains, & que par consequent elle n'y puisse rentrer quand il luy plaira. Mais, tres-clement, & tres-inuincible Monarque, que vostre Majesté me permette de luy dire en toute humilité, que si elle nous prine de ce qu'elle nous a donné, maintenant que pour resister aux communs ennemis nous auons imploré son secours, ils prendront suies de blasphemier contre sa hautesse, & de l'accuser d'infidelité, tandis que nous leur seruons de ioiet & de risée, pour auoir couragement embrassé la gloire & la grandeur de son tres-illustre Empire: où au contraire elle receura mille loüanges, si elle continué au fils, les faueurs qu'elle auoit deparsies au pere, & le retient pour l'un de ses tres-humbles vassaux. C'est ce que ceste pauvre veufue & desolée Princeesse ose représenter aux pieds de son redoutable thrône, afin qu'infiniment obligée par sa clemence & bonsté acconsumée, mon fils & moy seruions de trompettes à tout l'Vniuers, que son incomparable felicité ne l'accompagne pas seulement à la conqueste de si grands Empires, & à oster & donner des Royaumes à qui bon luy semble, pour luy donner le nom d'inuincible par son indicible valeur: mais encores pour luy acquerir celuy de tres-puissant protecteur des veufues & des orphelins par son inimitable benignité, & insigne bonté de son naturel. Tiltre non moins digne d'honneur & de louange, & qui fera tousiours autant florir son illustre couronne, que celuy de Conquerant, qui ne luy peut acquerir que de la reputation sur la terre, où au contraire l'autre le rendra plein de gloire dans l'eternité.

ELLE supplia aussi separément pour la deliurance des Seigneurs Hongrois, mais elle s'adressa pour ce regard à Rustan Bassa, qui auoit espousé vne fille de Solyman & de Roxelane, duquel il sera fait souuent mention cy-apres, & qui estoit lors en grand credit. A cestui-cy elle enuoya plusieurs riches presens, & entre autres vne chaisne fort precieuse pour la Princeesse sa femme; cestui-cy promit de faire merueilles, & de fait au conseil qui se tint pour ce regard, il soustint qu'il y alloit beaucoup de la reputation & renommée de Solyman: si que chacun redouterait dorenavant de se fier à sa parole, & principalement s'il s'emparait des biens de ceux qui auoient recherché son secours, & qui auoient esperé en sa force, & partant qu'il trouuoit plus à propos de laisser la Roynne en paix, & luy augmenter seulement son tribut: les autres qui vouloient qu'on s'emparast de la Hongrie, auoient leurs raisons sur les troubles continuels qui seroient en Hongrie, ceux de la maison d'Autriche ne les laissas iamais en repos durât la minorité de cet enfant. Or en ce cōtraсте d'opinions, ne se pouuant rien resoudre en ce conseil, Solyman sans se laisser entendre, attendit encores quelques iours; puis arriué le temps, auquel selon sa loy, il deuoit faire sacrifice à Dieu, qui estoit le trentiesme iour d'Aoust, enuoya dedans Bude ses Talismans, pour luy consacrer la grande Eglise, selon les superstitions Mahometanes, ce qu'ils firent, apres auoir renuerié tous les autels, & mis par terre toutes les images. Ce qu'estant paracheué, Solyman entra dans la ville: ce fut lors que tenant vne voye moyenne aux conseils

La Roynne de Hongrie prie pour les Seigneurs Hongrois, & enuoye des presens à Rustan Bassa.

Diuers aduis au conseil de Solyman, sur ce qu'on deuoit faire de la Hongrie.

Les Talismans consacrent la grande Eglise de Bude aux superstitions Mahometanes.

1541. qu'on luy auoit donnez, il fit faire commandement à la Royne de sortir du chasteau avec son fils, & qu'elle se retirast à Lippe outre le Tibisque, pour gouverner la Transsiluanie, où elle pourroit viure en plus grand repos & seureté qu'à Bude, estant voisine du Roy Sigismond son pere.

Solyman entre dās Bude, la Royne sort du chasteau.

L'Aga dans la forteresse de Bude.

Ce message sembla bien dur à la pauvre Dame : car encores le iour d'auparauant il luy auoit donné esperance qu'on luy laisseroit toute la prouince qui est au delà du Tibisque & la Transsiluanie, mais depuis il luy fit faire ce commandement, à quoy il fallut obeyr : car qu'eust elle fait, puis qu'on luy tenoit le pied sur la gorge ? elle pria seulement que tant qu'elle partiroit de là, il n'entraist pas vn soldat dans le chasteau : ce qu'on luy accorda, mais encores ne luy tint-on pas parole entierement : car dès le lendemain, l'Aga se fit ouvrir les portes, & se saisist de toute l'artillerie & des poudres & boulets qui estoient là dedans. Solyman luy fit dire aussi que le ieune Roy auoit besoin d'un bon protecteur, & qu'il luy en vouloit seruir ; mais que lors qu'il seroit venu en aage, il luy remettroit le tout entre les mains : ce qui sembla du commencement tout estrange, veu que Solyman ayant tenu Bude par deux fois en ses mains, s'en estoit volontairement demis pour en inuestir le Roy dernier mort, & maintenant sans aucun apparent sujet, il l'oste à ceux qui dépendoient du tout de luy, & qui ne luy pouuoient beaucoup faire de mal, si qu'il les pouuoit laisser iouyr sans danger, & sans encourir aucun blasme d'infidelité. Mais voicy les causes qui l'y pouuoient inciter : premierement les fortifications qu'on auoit faites de nouveau à Bude, la guerre qu'il auoit avecques la hayne qu'il portoit à la maison d'Autriche, qui tireroit à tous propos du secours des Alemans, & rauageroit toute ceste contrée-là, si elle n'estoit deffendue par vne puissance extraordinaire : le bas aage du ieune Roy, sous le Gouvernement d'une femme, & l'inconstance de George, qui inclinoit tantost d'un costé, & tantost de l'autre, mesme que la Royne auoit esté toute preste à se rendre avecques le Royaume, entre les mains de Ferdinand, & il croyoit que puisque son mary auoit esté Roy par son moyen, il deuoit estre preferé : ioint qu'il y auoit eu du mécontentement, lors qu'il sceut que le Roy Iean auoit capitulé avec Ferdinand, & croyoit que ceux-cy favoriseroient tousiours plustost ceux de leur Religion que luy. Toutes ces choses, dis-je, à vn Prince qui preferoit son vtilité à toute autre consideration, & qui regardoit plus à l'estat qu'à la conscience, estoient assez fortes pour luy bander les yeux à ce qui estoit de la bien-seance & de l'équité.

Ordre que Solyman mit aux affaires du Roy Estienne.

Il voulut doncques que Pierre Vicchy fust Gouverneur du Comté de Themisvar, & des autres pays adiacens, & qu'Estienne Verbers homme d'aage & fort prudent, demeurast dans Bude, pour exercer la iustice, & auoir égard sur les Hongrois, il enuoya aussi au Roy Estienne, vn enseigne de Sanjacar de la Transsiluanie, avecques le nom de son Vauode, faisant ses presens d'une chose qui appartenoit legitimement à l'autre, & sur laquelle les Turcs n'auoient eu pouuoir que du temps de Maillat ; mais les Transsiluains n'auoient toutesfois reconneu autre Roy, que le successeur de Iean : cecy sert encores à ce propos, que les Turcs donnoient à ce ieune Roy, le nom de Iean, non pour luy changer son nom, comme quelques-vns ont pensé : mais d'autant qu'ils ne le reconnoissoient pas pour Roy : car les grades ny les seigneuries ne sont point hereditaires en Turquie, & ainsi disoient, le Roy Iean, parlans du deffunct, qui n'estoit Roy que par grace & nomination de leur seigneur ; mais afin de n'effaroucher point les peuples, ils donnoient à entendre que c'estoit de cestuy-cy qu'ils parloient, aussi ce fut tousiours le dessein de Solyman, de s'emparer de la Hongrie & de la Transsiluanie, mais comme il estoit fort prudent & sage mondain, il attendoit le temps propre pour executer son dessein, & se rendre paisible possesseur de ceste Prouince : car c'estoit où il auoit butté dès qu'il remit le Royaume entre les mains du Roy Iean, n'ayant pas vne entiere connoissance des affaires du pays : car encores que les Othomans perdent ordinairement beaucoup d'hommes en leurs conquestes, ils sont toutesfois curieux de les conseruer, apres que le pays est conquis, aussi n'y mettent-ils que des gens de main en garnison, c'est pourquoy ils nettoient fort vn pays, & se le rendent tout paisible, auparauint que de s'y arrester.

Prudence des Turcs en leurs conquestes.

La Royne declarée tutrice, avec le Moyne George.

MAIS pour reuenir à nostre histoire, le cinquiesme iour de Septembre, la Royne partit de Bude avecques son fils, & les Seigneurs qui estoient tous reuenus, n'ayant retenu que Valentin Iarki, duquel il a desia esté parlé : Quant à elle, Solyman luy auoit confirmé son autorité, ayant esté declarée tutrice du Roy, & Gouvernante en la Transsiluanie, il fit aussi le Moyne George son coadiuteur & grand thesorier, suivant la derniere volonté du deffunct, voulant en ce faisant, que l'on creust qu'il y procedoit avecques toute iustice,

puis

puis que selon l'accord fait avecques Ferdinand, il ne laissoit à son fils que la Transilvanie, comme Vaiuode, & quelque moyen de viure selon sa qualité. On bailla à la Royne des chariots & des cheuaux, autant qu'il pleust aux victorieux : car elle dependoit encores de luy pour ce regard, sur lesquels elle fit charrier ses meubles & son bagage seulement : car d'artillerie, ny de munitions, on ne luy permit aucunement d'en emporter. Le mesme iour il enuoya à Petro Vich, l'enseigne de Sanjacat de Themisvvar, que l'autre accepta avecques vne demonstration de grand contentement, craignant de retomber en ses mains, ayant eu le maniement des finances du Roy. Or Solyman faisoit cela à deux fins, l'une pour se dire Roy absolu de toute la Hongrie, ordonnant ainsi des principales Prouinces, mesmes qui n'estoient point en son pouuoir, comme ayant succédé au droit du Roy Iean : l'autre estoit afin d'auoir vne plus legitime occasion de leur faire la guerre, si ceux-cy venoient à manquer en l'execution de ses commandemens, l'ayans reconnu pour seigneur : car les Tures, aussi bien que les Romains, en leurs plus signalées conquestes, ont tascché d'auoir le bon droit de leur costé.

1541.

Solyman disciple de la Transilvanie & de Themisvvar qui n'estoient pas siens.

LA Royne doncques poursuivant son chemin avecques vne escorte de Ianissaires, qui se logeoient assez loin des tentes de la Royne (car elle estoit contrainte de s'arrester en plaine campagne) de peur qu'on luy fist aucun déplaisir, disent les auteurs ; mais ie croirois plustost que de peur qu'elle n'entreprist aucune chose durant son voyage, & pour épier en ce faisant ses actions, elle receut vn commandement de Solyman, de luy liurer la forteresse de la ville de cinq Eglises, ce qu'elle fit, escriuant à celuy qui estoit dedans en garnison : car qu'eust fait cette pauvre Dame, que de flechir à cét impetueux orage qui l'assailloit de toutes parts. Elle pensoit faire beaucoup encores, de se pouuoir retirer en vn lieu de seureté : car pour combler de toute sorte de miseres, ceste desolée troupe qui aduançoit chemin tant qu'elle pouuoit en Transilvanie, la peste s'y mit assez violente, parmy des chemins assez difficiles & fascheux, la Royne manquant de montures & de cheuaux pour atteler à son chariot, tellement qu'elle estoit contrainte de le faire tirer par des bœufs, toutesfois son grand cœur luy faisoit supporter toutes ces trauerses avecques vne magnanime patience, sans s'estonner pour chose qui luy aduint, & sans faire chose qui dérogeast à la grandeur de sa royale dignité, se roidissant, comme vn valeureux athlete, contre l'aduersité, & surmontant la debilité de son sexe par vne genereuse resolution, aussi en fut elle admirée de tous, & au plus fort des grandes affaires qu'elle eut encores depuis, elle ne laissa pas d'estre tousiours honorée & estimée de ses sujets. De toutes ces choses, tant de la reuocation du don qu'il auoit fait au Roy Iean, du Royaume de Hongrie, que de la iouissance qu'il promettoit au ieune Roy, Solyman en fit faire vn barat, ou des patentes, pour rendre la chose plus authentique.

Villes de cinq Eglises réduës à Solyman.

Magnanime constance de la Royne de Hongrie.

Ces choses se passans ainsi à Bude, Ferdinand qui auoit esté aduertie de la sanglante défaite de Roccandolph, & de la perte inestimable des personnes notables, des places, d'artillerie & de munitions, craignant que les Tures tirassent droit à Vienne, depecha en diligence Leonard Velseh en l'Isle de Comar, pour rassembler les restes de ceste défaite, & les amener dans ceste ville là, & par mesme moyen fortifier l'Isle, le mieux qu'on pourroit. Or se trouuoit-il fort pressé de toutes parts ; car son frere l'Empereur estoit si empêché aux affaires d'Alemagne, ioint la route qu'il venoit de receuoir deuant Alger, qu'il luy estoit impossible de luy pouuoir donner secours. Cela fut cause qu'il voulut essayer d'obtenir quelque paix de Solyman, & pour cét effet, il luy enuoya Nicolas Salim, & Sigismond Litestan, avecques presens riches & excellens, entre lesquels il y auoit vne coupe d'or, embellie & enrichie de tres-precieuses pierreries, garnie d'un couuercle, sur lequel estoit assise vne horloge, qui ne contenoit pas seulement en soy le cours des heures, de la Lune & du Soleil, mais aussi de toutes les autres estoilles & planetes, si que cét œuvre sembloit vn miracle de l'artifice, quand on se donnoit le loisir de le contempler ; il estoit venu de la succession de l'Empereur Maximilian.

XXXVI.

Ambassadeurs de Ferdinand à Solyman.

Horloge fort artificielle.

Ces Ambassadeurs arriuez au camp des Tures, se presenterent premierement à Rustan Bassa, & puis au Bassa Cassen, qui les logea en des paviillons honorables, & le lendemain furent dîner avecques les Bassas en leur mesme table, & le festin estant acheué on leur osta leurs armes, iusques aux cousteaux, suiuant leur coustume, & furent mis chacun entre deux Bassas, les bras passez l'un dans l'autre, & presentez deuant Solyman, auquel ayans baisé la main, ils offrirent leurs presens, desquels il fit si grand cas, principalement de ce vase, lequel portoit ceste horloge, qu'il ne se pouuoit rassasier de contempler, la faisant demonter & remonter, pour en reconnoistre plus particulièrement l'artifice,

En quelle façon on presente les Ambassadeurs à l'Empereur Turc.

1541.

Demâdes de
ces Ambassa-
deurs.

car ces Ambassadeurs auoient amené quant & eux, celui qui la sçauoit gouverner, pour faire voir & remarquer toutes les pieces de cét admirable ouurage. Solymán ayant doncques contemplé assez long-temps ceste rare piece, il donna permission aux Ambassadeurs de dire leur legation; & ils demanderent qu'il pleust à sa hautesse de donner Bude, & le Royaume de Hongrie, aux charges & conditions qu'il l'auoit cy-deuant accordé au Roy Iean, promettans encore que l'Empereur Charles, pour plus grande seurété, enuoyeroit Ambassadeurs, pour estre compris en ceste mesme paix, & se sous-mettre aux conditions qui seroient portées par icelle, afin que plus librement, & sans aucun soupçon, il peust estendre les limites de son Empire, vers l'Orient. C'est ainsi qu'en parle l'histoire de Hongrie, par où on peut voir que ceux-cy tenoient la mesme voye qu'ils auoient trouuée si mauuaise au Roy Iean, mais ils en parloient lors pour leur interest, estans marris qu'il auoit cherché vn si puissant appuy, comme maintenant ils traitent avecques luy pour la mesme consideration, tant nous oublions aisément toutes choses pour pouuoir regner.

Response de
Solymán.

Ces Ambassadeurs representoient aussi l'accord que ce Roy-là auoit fait auant sa mort avecques leur maistre, faisant assez paroistre par là combien peu de droit il auoit au Royaume. Supplioient doncques Solymán de receuoir plustost le Roy leur maistre pour son amy & vassal, que pour voyfin & ennemy, estant comme il estoit Roy de Boheme, élu par les Alemans Roy des Romains, & desiré par les Hongrois plus que pas vn autre pour estre leur Roy. Solymán leur donna vne fort paisible audience, fit grand cas de leurs presens, & leur fit response que dans trois iours il leur feroit entendre sa volonté, ce qu'il feit apres le deuxiesme iour par Rustan Bassa, qui estoit en substance, que Ferdinand rendist toutes les villes qui auoient esté en la possession du Roy Loys, qu'il auoit occupées & qu'il renonçast au Royaume de Hongrie, & que pour les iniures qu'il auoit receues de luy, & pour raison desquelles il auoit esté contraint de prendre les armes si souuent, il estoit content de les luy pardonner avec vne legere peine, à sçauoir en payant à l'aduenir tribut pour le pays d'Aultriche; qu'avec ces conditions il feroit paix avec luy, sinon qu'il enuoyeroit dans peu de iours destruire tout son pays. C'estoit à dire, en vn mot, qu'il vouloit la guerre: aussi n'auoit-il garde de quitter les places qu'il tenoit, pour en inuestir Ferdinand: car c'eust esté luy donner gain de cause en la querelle qu'il auoit eue contre le Roy Iean, où Solymán auoit interest, mais principalement à cause que le Roy Ferdinand, qui de soy-mesme estoit vn puissant Prince, pouuoit estre aydé & secouru encores à toute heure par l'Empereur Charles son frere, & par ce moyen s'il entreprenoit quelque guerre loing-taine, faire aller au vent toutes ses conquestes en ces quartiers-là, & ses labeurs de tant d'années.

Ils sont écon-
duits de tou-
tes choses.

Les Ambassadeurs, avecques ceste response si indigne, demanderent terme pour la faire entendre à leur Roy, mais on le leur denia, ils voyoient bien que les Turcs se laisseroient aller à quelques trefues: mais ils ne firent pas semblant d'en rien connoistre, à cause de l'hyuer qui approchoit, & pour les incommoditez d'iceluy, ils voyoient bien qu'ils seroient contrainsts de se retirer à Constantinople: ils demanderent seulement Baltasar Taisch, qui auoit esté pris en la bataille de Roccandolph, & mis à la chaisne avecques les autres esclaves. Mais Rustan leur fit response, que si la paix se faisoit, on le leur rendroit sans

Solymán laisse
garnison dās
Bude, & aux
habitans vn
Iuge de leur
nation.

rançon, sinon qu'on le pourroit échanger contre quelque autre, si bien qu'ils s'en retournerent, sans auoir peu rien obtenir. Quant à Solymán, ayant fait fortifier ses frontieres, il laissa vne bonne garnison dans Bude, avecques vn Beglierbey nommé Solymán, les Janissaires estoient dans le chasteau, & Estienne Verbets exerceoit la iustice entre les citoyens; il enuoya aussi Mahomet Bassa vers la Morauie, pour y faire les rauages que les Turcs ont accoustumé de faire aux Prouinces, deuant que de les conquerir; mais le débordement du fleuve Vaga l'arresta tout court. Si qu'ayant mis le feu en la contrée de Scharloc & de Salec, où ils auoient campé pris, & destruit Giarmath, emmenant en captiuité tout ce qu'il y trouua, il se retira à la maison, comme aussi Solymán s'en alla en Constantinople, où il arriua le huietiemesme iour du mois Schaban, l'an de grace mil cinq cens quarante-deux, & de Mahomet, neuf cens quarante-huict.

Il s'en retour-
ne à Constan-
tinople.

Expeditiō de
l'Empereur
Charles le
Quint, contre
Ager.

QUELQUE temps auparauant l'entreprise de Solymán sur Bude, & le reste de la Hongrie; (quelques-vns disent que cela aduint en l'année mil cinq cens quarante & vn) l'Empereur Charles le Quint, delibera de s'emparer d'Alger, & d'en chasser Barbe-rousse, & les corsaires qui infestoient si auant la mer Mediterranée, que les vaisseaux Espagnols ne pouuoient plus passer du destroit de Gibraltar en Sicile. S'estant doncques premierement embouché

embouché avecques le Pape à Lucques, & tiré quatre galeres de Malte avecques quelque nombre de Cheualiers, s'en alla à Majorque, où cent cinquante nauires Italiennes le vinrent trouuer, chargées de toutes sortes de prouisions, l'armée Italienne, à laquelle commandoit Bernardin Mendozze, fit v. à part, par le commandement de l'Empereur, lequel se rendit deux iours apres dans le golphe d'Alger avecques toute son armée, laquelle contenoit dix-huict galeres, cent gros nauires, & plusieurs de ces petits vaisseaux que les Espagnols appellent Scarzapini, avecques grand nombre de gens de pied, & toute la fleur de la noblesse d'Espagne, outre grand nombre de volontaires, le tout estant en fort bon equipage, & commandé par Hernaud de Toledé Duc d'Albe: si que toute l'armée en soy faisoit deux cens cinquante vaisseaux, entre lesquels il y auoit soixante cinq galeres qui portoient vingt deux mille hommes de pied souldoyez, outre les volontaires qui pouuoient estre enuiron trois mille hommes, & douze cens cheuaux, sans les trains des Seigneurs & Capitaines qui l'accompagnoient, dont les principaux estoient, D. Ferdinand Gonzague, Vice-Roy de Sicile; D. Ferdinand de Toledé, Duc d'Albe, André Dorie Prince de Meli, Vnginio Vrsin, Comte de l'Anguilara, Augustin Spinola, & Camille Colonne. Asan Aga estoit lors dans Alger pour Barbe-rouille, c'estoit vn Sarde renié, fort vaillant homme, mais qui n'auoit pas pour lors grande force avecques luy, tant pour quelques pertes qu'il auoit faites sur mer en vn combat naual qu'il auoit eu contre Mendozze, qu'à cause que plusieurs des siens estoient lors absens, & s'estoient mis à la solde du Scerif de Fez & de Maroc, qui faisoit la guerre aux places que les Portugais tenoient lors en Afrique, toutesfois il n'estoit point si foible, qu'il n'eust dedans plus de cinq mille Mores, & quelques huict cens Turcs: de tous lesquels il y auoit huict cens cheuaux, avecques ces forces il se resolut de soustenir le siege.

1541.

Nombre des vaisseaux & Seigneurs de son armée.

Asan Aga gouverneur d'Alger pour Barbe-rouille.

L'EMPEREUR arriué à vn mille loin de la ville du costé de Leuant, y voulut faire sa descente, qu'il differa toutesfois pour deux iours, voyant ses gens fort las & harassés, au troisieme comme ils voulurent mettre pied à terre, ils receurent beaucoup d'empeschement par les Alarabes, & autres sortes de gens de ceste contrée, qui ne viuient que de brigandages, & qui ne cherchent que quelque occasion pour faire vn bon butin, mais cela n'empescha pas toutesfois qu'ils ne fissent quitter le riuage à ces bandoliers, & qu'ils ne s'allassent loger au plus pres de la ville: & tandis qu'on se fortifioit de tranchées, & qu'on choisissoit vn endroit propre pour dresser la batterie, & faire les approches, l'Empereur enuoya sommer l'Aga, de luy rendre la place, luy faisant offrir de tres-grandes recompenses en ce cas-là; comme au contraire vne entiere ruine & tres-grande punition. Mais l'Aga ne s'en fit que rire, encourageant les siens à se bien deffendre, ausquels le courage estoit creu de leur propre mouuement, à cause d'vne reuelation d'vne Magicienne qui estoit dans Alger, qui auoit autresfois predict les naufrages & miseres de Diego Decerra, & de Vgo de Moncada: ceste-cy disoit tout publiquement quelque temps auparauant ce siege, que l'Empereur Chrestien viendrait assaillir la ville, mais qu'il y receroit toute sorte de calamité, tant par mer que par terre.

L'Empereur prend terre pres d'Alger.

Asan sommé de rendre la ville.

Magicienne dans Alger, predict la ruine de l'armée Chrestienne.

OR bien que l'esprit belliqueux d'Asan, ne s'arrestast pas beaucoup à ces predictions, toutesfois il estoit bien-ayse que le peuple de la ville & ses soldats y adioustassent foy, comme il faignoit luy-mesme y auoir vne fort grande croyance, afin de les encourager dauantage à se bien deffendre, comme ils firent du commencement, s'estant logez sur vne colline, où ils auoient mis quatre pieces de canon, toutesfois l'armée Chrestienne les en chassa, & s'en rendirent les maistres, les Espagnols s'y logerent: cela fit aussi-tost changer d'aduis aux Mores, autant inconitans qu'infideles; & de fait ils eussent abandonné Asan, la nuit suivante, ainsi qu'auoit rapporté à l'Empereur vn Motigere qui estoit sorty de la ville, mais sur le soir ils remarquerent des nuées obscures qui se leuoient à l'entour du Soleil couchant, par lesquelles ils reconneurent qu'il arriueroit bien-tost quelque grande tourmente sur la plage d'Alger, & sur l'armée Chrestienne: ce qui fit aussi changer d'aduis aux Mores, & de fait à quelques heures de là, il suruint vne fort grosse pluye extremement froide, qui incommoda fort toute l'armée, d'autant que la plus-part des tentes & paillons estoient encores dans les nauires, mais ceux qui patirent le plus, ce fut trois compagnies d'Italiens qu'on auoit mises en garde sur vn pont de pierre, qui estoit entre l'armée, & vn grand chemin.

Asan est repoussé.

Inconstances des Mores.

OR ceste infanterie demeura là toute ceste nuit, si bien que le matin elle estoit si battue du vent, de la pluye, du froid & de la faim tout ensemble, que leurs habillemens tous baignez d'eau, & de ny vaincus par vn si grand orage, à peine pouuoient-ils remuer leurs ar-

Trois espagnols d'Italiens deffaites par ceux d'Alger.

1541.

Qui viennent
iulques aux
tentes des
Chrestiens.

mes, la caualerie Turquesque qui sçauoit bien en quel equipage pouuoient estre ceux-cy, deuant l'aube du iour, & auparauant qu'on les eust releuez de sentinelle, vint les attaquer, en faisant vn piteux carnage: car de resistance ils en firent fort peu, si bien que tournans le dos, ils furent fort viuement poursuiuis par les vainqueurs, qui donnerent iusques dans les tentes de l'armée Chrestienne, où ils eussent fait vn merueilleux eschec, sans Gonzague, & Agostino Spinola, qui donnans incontinent ordre à l'épouuente qui auoit saisi leurs soldats, repousserent apres brauement leurs ennemis, mais principalement les Cheualiers de Malte, qui se retrouvèrent lors à ce siege, y firent vne preuue signalée de leur valeur, donnans iusques à vne des portes de la ville d'Alger, en laquelle, par brauade, Pons de Pyalaguer, dit Saignac, qui portoit l'enseigne de la Religion, laissa son poignard fiché.

Sortie de
ceux d'Alger.

C E P E N D A N T Asan rentré dedans sa ville, & ayant bien fait fermer les portes, voyant la pluye appaisée, & que les Chrestiens se retiroient au petit pas, pointa quelques pieces d'artillerie contre ce pont, par lequel ils se retiroient, & en tua plusieurs, & au mesme temps il sortit d'Alger vn grand nombre de Turcs armez d'arbalestres de fer (arme fort vtile en temps de pluye) qui vinrent charger les Chrestiens au depourueu, ce qui apporta vn tel desordre, que si l'Empereur ne fust venu en personne les encourager & leur reprocher leur lascheté, les Turcs estoient en termes d'emporter ce iour là vn notable aduantage sur leurs ennemis, mais la presence de l'Empereur eut tant de force, principalement enuers les Lansquenets, qu'ils tournerent visage, & contraignirent les autres de se retirer.

Grand orage
causa la ruine
de l'armée de
l'Empereur.

M A I S comme ils furent sortis d'un danger, ils furent aussi-tost accablez d'un plus grand: car ce iour-là mesme qui estoit le vingt-huictiesme iour d'Octobre, l'air commença à s'embrunir & se surcharger de nuages, puis tout à coup verser vn deluge de pluies avec vn orage de vents & de tourbillons, qui continuerent plusieurs iours & plusieurs nuits, sans intermission, tellement que toute l'infanterie qui estoit deuant cette place, & qui auoit mis pied à terre, en fut presque accablée, leur estant bien malaisé de resister aux escarmouches continuelles des Mores. Car outre ce que l'usage de leurs harquebuses leur estoit interdit à cause de la moiteur de leurs poudres & de leurs mesches, la terre estoit si molle & si glissante, qu'à peine le soldat auoit-il le pouuoir de s'affermir le pied, au contraire des Mores, qui tous faits à ces incommoditez, & qui combattent mieux en fuyant que de pied ferme, ne laissoient pas de voltiger à l'entour, & de tirer avecques leurs arcs & leurs arbalestres, estans mesmes supportez par la garnison Turquesque. Les tranchées aussi où l'armée s'estoit remparée, s'ébouloient & se combloient; ceste tempeste estant si violente, que rien ne demeura de bout, tentes ny pauillons sous lesquels les soldats, & principalement les blesez, se peussent mettre à couuert.

Grande misere
en ceste ar-
mée.

Perte notable
d'icelle.

M A I S c'estoit encores pis sur mer: car comme les plages de ceste coste, sont fort dangereuses & traistresses, estans denuées de ports, il n'y auoit anchre ny cordage qui peust arrester les vaisseaux, si bien que de tout le canon qui estoit dedans, on n'en peust tirer que quelques petits fauconneaux, & autres semblables pieces de campagne, mesme les cheuaux de seruice, ny aucuns viures & munitions, tant cet orage fut soudain, & tant on eut peu de temps à pouuoir y donner quelque ordre. Les nauires chargez se venoient heurter les vns contre les autres, & se froisser, ou bien s'échoüer contre la coste, & se rompre dans les rochers, en sorte que tout le riuage, par vne grande estendue de pays, fut incontinent remply du debris de toutes choses, vaisseaux, viures, munitions, hommes & bestes estans pêle mesle emportez par les ondes, les vns desia morts, les autres qui s'efforçoient de prendre terre, qui neantmoins la trouuoient encores plus cruelle que la mer, les Alarabes estans là aux espies qui les massacroient: si bien qu'il se trouua de perte en ce pitoyable naufrage, cent quarante gros nauires avecques leurs charges d'hommes, de cheuaux, artillerie, victuailles, & toute autre prouision & attirail de camp, & 15. galeres d'André Doric.

Conseil de
Doric à l'Em-
pereur.

Q U A N T à luy, il se pouoit retirer en seureté à Bugie, mais il voulut demeurer ferme pour n'abandonner point l'Empereur, auquel (n'y ayant aucun vaisseau qui peust approcher de terre) il enuoya vn Marangon reuestu de liege, portant au col vne lettre couuerte de cire, par laquelle il supplioit sa majesté de ceder à la necessité, & de se retirer avecques l'armée, du costé de Matafus, où il se rendroit avecques ses vaisseaux, & que là il s'embarqueroit plus seurement. Il le creut, mais ce ne fut pas toutesfois sans de tres-grandes difficultez: en fin ils arriuerent à la riuere d'Alcaras, gros torrent qu'il estoit impossible de

de passer à gué, mais la tourmente y auoit apporté le remede, qui furent des antennes & des tables, trouuées sur le bord du riuage, desquelles on fit promptement des ponts, & sur lesquels l'armée passa commodement, & arriva le troisieme iour à Marafus, où on prit resolution de se rembarquer & tirer vers Bugie, encores y eut-il bien de la pitié en cét embarquement: car n'y ayant plus gueres d'esquifs ny de barques de reste, la plus-part ayans esté enfoncées & emportées par la tempeste, plusieurs furent laissez à terre, qui furent tuez par les Turcs & par les Mores. Car dès qu'un nauire auoit vne mediocre charge, il gaignoit la mer, sans attendre qu'on allast querir ceux qui tendoient les mains au riuage, pour n'estre poussé dans les vases & rochers, dont ceste mer est pleine, comme il y en perit plusieurs encore en cét endroit.

L'EMPEREUR demeura à Bugie, tant que la mer fust adoucie, puis il licentia D. Ferdinand Gonzague, lequel avecques les galeres de Sicile & de Malte, prit le rafraichissement que luy auoit préparé le Roy Muley Hascen à Porto Farina pres de Thunes, & passa outre: quant à luy, il prit la route de Maiorque, & de là vint surgir à Cartagene en Espagne, au mois de Novembre. Le surplus des vaisseaux arriuerent, les vns tost, les autres tard à Naples, à Gennes, & autres endroits d'Italie. C'est ainsi que l'Empereur Charles fut contraint de quitter son entreprise d'Alger, contre laquelle il sembloit que les Cieux & les elemens fussent coniurez, & à la verité il s'estoit acheminé contre l'aduis d'André Doria, & d'autres experimenter Capitaines, qui luy conseilloyent de la differer iusques au printemps ensuiuant, à cause de la saison de l'Autonne qui le surprendroit, auant qu'il eust presque desembarqué son armée, & de la mauuaise disposition de ceste année.

SOLYMAN cependant s'estoit acheminé à Constantinople, & passant par Andrinople il donna ordre qu'on refist l'Eskiferrail ou vieux Palais, (où se souloient retirer les femmes du Sultan, qui auoit esté presque tout reduit en cendre) avecques plus grande magnificence qu'il n'auoit iamais esté, & de là il se retira en Constantinople, où il demeura en repos toute l'année mil cinq cens quarante-deux, ne faisant la guerre, que par ses Lieutenants. Mais les Hongrois, ou plustost Ferdinand, ne pouuant qu'il n'eust vn extreme ressentiment des defaites, tant d'Escechio & de Roccandolph, que du mépris que les Turcs auoient fait de luy & de ses Ambassadeurs, auoit émeu toute l'Alemagne à prendre à ceste fois leur aduantage durant l'absence de Solyman, & que s'ils donnoient bon ordre à leurs affaires, ils auroient reconquis beaucoup de places, deuant qu'il eust peu venir du secours aux garnisons, qui n'estoient pas bastantes pour leur resister, s'ils estoient tous bien vnis. Cela proposa-il à la Diette de Nuremberg; si bien qu'il fust ordonné que les villes franches luy fourniroient trente mille hommes de pied, & sept mille cheuaux tous Alemans, conduits par le Prince Maurice de Saxe, & les gens de pied par Conrad Hess & Volfgan Theodoric, gentil-homme de Sueue, qui s'en vinrent trouuer le Roy Ferdinand à Vienne.

AVQUEL outre les gens de pied qu'il auoit leuez de ceux d'Austriche, vn nommé Hunganor, gouverneur de Styrie, auoit amené dix mille cheuaux, entre lesquels estoit vne compagnie de Sclauons, fort braues & vaillans. Quant à la caualerie de Hongrie, Paul loue dit qu'on l'estimoit à quinze mille cheuaux, conduite par Gaspard Sere, & qu'une autre plus puissante troupe suiuoit les enseignes d'André Battory: il y auoit encores outre cecy plusieurs compagnies qui auoient hyuerné aux environs d'Agria, conduites par Peter Peren, le plus notable des Hongrois en autorité, puissance & experience de guerre. Outre ce le Pape Paul y enuoya trois mille hommes de pied, sous la conduite d'Alexandre Vitelly, & Sforce Palaucin, qui amena aussi vne belle troupe de six cens cheuaux, Jacques de Medicis y en amena aussi de son costé. Le General de toutes ces forces, fut Ioachim Marquis de Brandebourg, homme peu experimenté pour si grandes affaires.

CESTE belle & puissante armée, donna avecques grand sujet vn estonnement notable à tous les Turcs qui estoient en ces marches: car elle entra incontinent dans la Hongrie, où Iean Tarnon Polonnois, qui auoit heureusement combatu contre le Moldaue, auoit conseillé aux chefs d'icelle, de ne se point éloigner du riuage du Danube, & de ne venir point au combat en plaine campagne, encores que les ennemis feignissent, comme ils faisoient souuēt, de fuir & se mettre en desordre: car c'estoit toute leur intention & leur dessein, de se mettre entre la riuere & eux, & avecques leur caualerie legere espandue au large, leur oster la commodité de l'eau & des viures. Avecques cét aduis ils entrerent en deliberation quelle place ils assailliroient la premiere, Peren disoit qu'il n'estoit que

1541.

Il s'achemine à Bugie, mais avec de grandes difficultez.

Ceste guerre entreprise contre l'aduis de Doria.

XXXVII.

1542.

Le feu à Andrinople au Serrail des Sultanes.

Proposition du Roy Ferdinand à la Diette de Nuremberg, & le secours qu'il tira d'Alemagne.

Ioachim Marquis de Brandebourg General de son armée.

Estonnement des Turcs au bruit de ceste armée.

1542.

Se trouve
empeschée
par où com-
mencer.

Les chefs se
résolurent d'at-
taquer Pesth.

Vitelly va fai-
re la décou-
verte à Vac-
cia.

Forces des
Turcs dans
Bude.

Solyman com-
mande aux
siens de des-
fendre sur
tout Bude &
Pesth.

Situation de
Pesth.

Sortie des
Turcs sur les
gens de Vi-
telly

d'aller attaquer le chef du Royaume, & s'en aller tout droit assiéger Bude, veu mesmes que le Beglierbey estoit mort de peste depuis peu de iours: on auoit bien conseillé à Ferdinand, de ne laisser pas perdre vne si belle occasion, mais il n'auoit osé se hasarder, & auoit différé iusques à ce qu'il eust plus grandes forces, comme encores alors que toutes ces forces furent vnies, le General & son conseil ne fut point d'aduis d'y aller, tant on auoit de peine à les mettre en train, de sorte qu'il sembloit qu'ils n'eussent assemblé leurs forces que pour garder les frontieres d'Austriche, comme de fait on disoit que le Marquis de Brandebourg, sur quelques faux bruits de l'arriuée de Solyman, estoit d'aduis seulement d'empescher qu'il ne vint faire quelque effort en ce pays-là, mais les espions qu'ils auoient enuoyez pour decouurir ce qui en estoit, rapportèrent qu'on ne parloit aucunement de l'arriuée de Solyman, & qu'il estoit seulement arriué à Bude, mille Ianissaires, & deux mille cheuaux: cela leur auoit vn peu donné de courage d'aduancer dans le pays.

EN fin ils se resolurent d'attaquer la ville de Pesth, esperans que si ce siege leur reüssissoit, comme il y auoit quelque apparence, il deuoit faire que cela renouelleroit le courage de leurs gens, & les rendroit plus hardis, & plus resolu à l'entreprise de Bude. Cela ainsi arresté, il falloit passer par Vaccia, autresfois bonne ville, qui auoit esté brûlée par les Turcs, mais chacun reculoit d'aller reconnoistre ceste place, craignans tous qu'il y eust quelques embusches: le seul Vitelly s'y offrit fort librement, priant toutesfois le General de luy enuoyer l'infanterie le iour ensuiuant, ce que luy ayant promis, il se hâta en la plus grande diligence qui luy fut possible, & entra dans la ville avecques sa compagnie, qu'il trouua abandonnée de ses habitans & de sa garnison, tellement que l'armée fut incontinent menée au delà du fleuve; cependant Iacques de Medicis vint occuper vne petite Isle, dite de sainte Marguerite, vn peu au dessous de Bude, sans que les Turcs les peussent empescher. Cela fut cause que les Chrestiens dressèrent vne tranchée quarrée en l'espace d'vn quart de mille, entre l'Isle & la riue de terre-ferme, où ils auoient desia fait vn pont, & y mirent sept enseignes d'infanterie, afin que les vaisseaux ayans ainsi escorte des deux costez, peussent passer plus seurement, y mellans encores sur iour quelque troupe de caualerie.

CONTINUANT doncques ainsi leur chemin pour aller à Pesth, (mais en tournoyant toutesfois) ils rencontrèrent quelques fugitifs, qui leur dirent que Baly, vn renegat Albanois auoit le gouuernement de Bude apres la mort de l'Eunuque Solyman, qu'il auoit enuiron deux mille cheuaux en sa garnison, & trois autres mille que le Persé Vlamanois auoit amenez d'Esclauonie, outre ce mille Ianissaires qui estoient arriuez de Constantinople, sur lesquels commandoit Segement, le reste n'estoit que matelots de Seruie, ausquels il donnoit fort peu d'appointement: ils auoient outre cecy bon nombre de fustes & de grands basteaux, ayant receu commandement de Solyman, de quitter plustost toutes les autres places, & s'arrester seulement à Bude & à Pesth, ausquelles ils apportassent toute leur industrie à les desfendre iusques au dernier soupir, & que si leurs forces n'estoient bastantes pour resister à celles de leurs ennemis, ils appellassent celuy qui commandoit en la Seruie, qu'on nommoit Achomat pour leur donner secours: Les Alemans bien informez de toutes ces choses, s'approchent le plus qu'ils peuuent de la ville, & se campent, à sçauoir Vitelly, proche du mur du costé du Septentrion, les Alemans vn peu plus loin avecques vn camp bien fortifié; car ceste ville estant de forme quarrée du costé de Midy, elle est fortifiée du Danube qui coule au long, & ne laisse qu'vn bord fort estroit entre luy & la ville; & quant aux costez d'Orient & d'Occident, l'artillerie qui estoit sur la forteresse de Bude d'vne part, & au mont Girard pour l'autre, empeschoit du tout de se camper en ces deux quartiers, si on ne vouloit tomber en vne manifeste ruine. Car Bude estant située sur des collines eleuées, decouure & commande à Pesth, qui est vne plaine vis à vis, n'y ayant que le Danube entre deux, & en toutes les campagnes à la ronde: ne laissant aucun lieu seur pour se garantir de l'artillerie, que celuy du costé de la porte d'Agria, que l'on perd de veüe, estant couuerte par la rencontre de la ville.

VITELLY ainsi campé, vint reconnoistre la muraille, & quelque lieu propre à braquer l'artillerie, ayant pris avecques soy trois enseignes de gens de pied, & deux compagnies de gens de cheual, mais les Turcs qui les auoient decouverts de loin, les laisserent approcher à la portée de l'harquebuse, puis sortans tout d'vn coup par deux portes, vinrent à l'improuiste se ruer sur les autres, en laquelle il fut fort vaillamment combattu, tant d'vne part que d'autre, si que chacun fut vn temps, sans auoir grand aduantage sur son

compagnon,

compagnon : mais comme il venoit tousiours nouveau secours aux Turcs de dedans la ville, Vitelly se trouua en fin tellement enuironné, qu'il eut beaucoup de peine à s'en deueloper, toutesfois comme il estoit homme de grand cœur, & fort expérimenté à semblables rencontres, il fit en sorte qu'y ayant perdu quelques-vns des liens, & entre autres quatre Capitaines, il se sauua avec le reste, ce qu'il eust fait encores avec fort grande peine, si les Turcs eussent donné à bon escient dedans : mais craignans d'ébranler le reste de l'armée, ils se contenterent de cét aduantage, & se retirerent. Mais Vitelly, de qui le haut courage ne pouuoit supporter ceste estrette, ayant assez reconneu la maniere de combattre de ses ennemis, tascha d'en auoir sa raison, & ayant ioint ses forces avec celles de Peren, ils résolurent ensemble de dresser vne embuscade aux Turcs.

QUANT à luy il estoit logé dedans les iardins du Roy, qui estoient clos de murailles. Ces iardins estoient distans, tant de la ville de Pesth, que du grand camp de l'armée Chrestienne, d'environ vn mille : ayant donc pris quant & luy douze enseignes de gens de pied, & aduertey Peren de ses intentions, il fit ranger le reste de ses troupes à couuert de ce clos. Les Turcs tous fiers encores de l'heureux succès du iour precedent, voyans de loin venir vers la ville les troupes de Vitelly, ne faillirent point de sortir de la ville. Or ces compagnies Chrestiennes ne tenoient point de droit chemin : mais comme si elles eussent crainct d'estre apperceuës de ceux de Pesth, faisoient vn grand circuit, tirans deuers le fleuue, cela donnoit vne plus grande croyance aux Turcs qu'ils ne venoient point pour combattre : mais seulement pour reconnoistre la place, leur chef les fit aduancer à grands cris, comme à vne victoire toute assurée : mais Vitelly fait sage par la rencontre precedente, disposa ses gens en rangs fort épais & serrez, qu'il couurit de picquiers, faisant tirer ses harquebusiers le genouil droit contre terre, pour se parer des coups de trait, & soustenir sans danger la premiere impetuosité de l'ennemy, tellement qu'il se fit à vn fort sanglant & cruel combat.

CELA fut cause que les Ianissaires & autres gens de guerre qui estoient dans Bude, voyans de loin ceste escarmouche, passerent en diligence le fleuue, pour auoir part au butin & à l'honneur de la victoire qu'ils tenoient toute assurée, & comme ils commencerent d'approcher & se joindre aux leurs, Vitelly prenant alors son temps, & feignant d'auoir peur avecques grande raison, commença à se retirer petit à petit, tousiours en gros toutesfois, & sans troubler ses rangs, & les Turcs à eleuer de grands cris, & à les poursuivre viuement. Peren cependant qui voyoit de loin tout ce qui se passoit, sans estre veu, remarquant que les Turcs estoient assez éloignez de la ville, & attentifs à ceste poursuite, il enuoya vne bonne troupe de cheuaux legers, qui par chemins destournez fissent en sorte qu'ils leur coupassent le chemin, & le moyen de rentrer dans la ville, sans combat. Quant à luy avecques ses gens, & vn puissant escadron de caualiers Alemans conduits par le Prince Maurice, il vint au deuant de ses ennemis. Alors les Turcs reconneurent bien qu'ils n'estoient pas bastans pour soustenir vne telle puissance, si qu'ils tascherent de se retirer en la ville : mais ils trouuerent qui leur en empescha le passage, & alors ceux de Vitelly s'élargissans d'vn costé en forme de croissant, & les troupes de la caualerie des Hongrois s'épandans de l'autre costé, ils se trouuerent enuironnez comme dans vn panneau, de sorte que l'épouuente & la peur les saisissant de toutes parts, ils mirent toute leur esperance en la fuite : mais c'estoit encores pis, si bien que fort grand nombre fut tué sur la place, entre autres cent des Ianissaires de Segement, & quatre cens autres soldats, dont il faisoit estat, avecques vne Nasade, qui fut dénuée de ses rameurs, prise sur le riuage & mise à fonds.

CESTE petite victoire donna le moyen au Marquis de Brandebourg de planter son artillerie & faire ses approches, mais cela se fit si mal à propos du commencement, que pour estre trop éloignée, elle n'atteignoit qu'à peine la muraille, bien qu'elle fut fort vieille, & qu'elle n'eust pas plus de cinq pieds de largeur, outre ce leurs canonniers auoient si peu d'experience que quelques-vns de leurs boulets donnoient contre la terre, sans toucher le mur, & les autres passoient par dessus la ville, & alloient iusques à Bude. Ce que Vitelly ayant remarqué, il fit si bien avecques les Alemans, qu'ils changerent leur batterie, de sorte que ce mur estant battu de quarante grosses pieces d'artillerie, il fit aussitost vne grande bresche plus que raisonnable pour aller à l'assaut, auquel Vitelly s'offrit de marcher le premier, pourueu qu'il fust secondé par les Alemans & par les Hongrois, ce qu'ils promirent tous : mais ils le garderent mal.

VITELLY cependant ayant remonstré à ses gens la gloire & l'honneur que ce seroit

1542.

Vitelly se retire, mais non sans peste.

Stratageme de Vitelly qui luy réussit.

Ceux de Bude viennent au secours.

Peren seconde Vitelly fort à propos.

L'artillerie de l'armée Chrestienne mal placée.

Vitelly y donne ordre.

Il va le premier à l'assaut.

1542.

à iamaïs à leur patrie d'auoir combattu à la teste de si vaillantes & belliqueuses nations; contre l'ennemy du nom Chrestien, aduantage qu'il ne pouuoit assez estimer, puis que c'estoit le seul moyen pour faire paroistre de plus en plus leur valeur, & se rendre doréinauant plus redoutables aux Turcs, qui leur auoient apporté tant d'incommoditez les années dernieres; qu'encores que ceste ville fust petite, elle estoit toutesfois de telle importance, qu'on pourroit par apres donner beaucoup d'affaires à ceux de Bude; il les mena tout de ce pas à l'assaut.

Fortifications
de Segement
dās Pesth fort
ingenieuses.

QUANT à ceux de dedans, tout y estoit en fort grand silence: car Segement fort expérimenté Capitaine, s'estoit ietté dedans, & ayant bien reconnu la foiblesse de la place, auoit fait faire vne tranchée en talu, des deux costez derriere la muraille, & au costé qui regardoit la ville, il auoit fait des gabions à nostre mode, ayant meslé plusieurs vaisseaux pleins de sable & de glaïse: aux flancs de ce retranchement il auoit fait leuer deux petits remparts en façon de casemates, qui auoient force canonniers, depuis le haut iusques en bas, & vn peu plus loin vn bastion, en caualier, sur lequel il mit plusieurs pieces d'artillerie, afin que les Chrestiens venans à l'assaut s'ils gaignoient le premier fossé, se trouuassent acculez par ce retranchement, lequel s'ils auoient l'assurance de vouloir franchir, ils estoient battus de toutes parts, tant par l'artillerie qui les tiroit d'en haut, que de la scopeterie des flancs, & outre ce, derriere ces gabions que nous venons de dire, il y auoit les lanissaires & vne bonne troupe d'archers avecques force picquiers: car il auoit fait prendre des longs bois à sa caualerie, le tout en si bon ordre qu'il estoit bien difficile de les forcer. A tout cecy il auoit encores vſé d'vne ruse: car il auoit semé sa contr'escarpe de poudre à canon, & de fagots secs, ausquels on deuoit mettre le feu à vn certain signal, si que tout cela ioüant ensemble, leur ennemis fussent abyſmez dans ceste maniere de precipice, par l'artillerie, par la scopeterie, & par les feux artificiels: en tout cecy neantmoins il se gardoit vn tres-grand silence; si que les Chrestiens croyoient que la peur les eust fait retirer à Bude, & qu'ils eussent abandonné la ville, ce qu'il faisoit afin de les faire marcher plus negligemment, & qu'ils se tinssent moins sur leurs gardes.

Grand silence
dans Pesth, &
pourquoy.

Vitelly fort
courageux.

Les Alemans
abandonnent
les Italiens.

COMME doncques quatre compagnies des assaillans eussent hardiment franchy le premier fossé, & arboré leurs enseignes sur la muraille, comme ils s'amusoient à considerer les fortifications des assiegez, & se preparoient desia à descendre dans ce retranchement, vne soudaine gresle de boulets & des fleſches les accablèrent de toutes parts. Cela les ébranla aucunement; mais Vitelly qui auoit vn cœur inuincible, les encouragea tellement par ses paroles, mais plus encores par son exemple, s'exposant à toutes sortes de dangers, qu'ils s'efforcèrent de passer outre, encores qu'ils fussent abandonnez par les Alemans & les Hongrois, qui demurerent au pied des murailles, sans auoir voulu seconder ny donner secours à leurs compagnons; cela toutesfois n'empeschoit pas les gens de Vitelly de faire leur deuoir, mesmes Charles du Pian de Milet, fils d'vne sœur de Vitelly, qui eut l'épaule percée d'vne harquebuzade, Kuffo & Fiolla, Capitaines de gens de pied, tous deux de Cirta de Castello, y furent tuez, & plusieurs autres.

Sortie des
Turcs.

Lascheté des
Alemans.

MAIS les Turcs voyans que les Alemans n'auoient pas l'assurance d'approcher, sortirent d'vn vieil bastion, où Segement auoit fait retirer le secours, & s'épandans sur la muraille, donnerent beaucoup de peine aux gens de Vitelly, sans toutesfois qu'ils les peussent faire retirer: mais ils n'épargnoient pas aussi ceux qui estoient dehors, qui souffroient bien autant de mal en leur lascheté, que les autres en leur valeur, & toutesfois cela ne les peust émouuoir à se vanger au moins du mal qu'on leur faisoit, mais ne voulans pas reculer, la honte les retenant encores d'abandonner la place, sans auoir rendu du combat, ny ne voulans pas aduancer, pour la crainte qu'ils auoient de succomber avecques les Italiens qu'ils tenoient pour perdus, ils demeuroident-là comme en butte, & comme s'ils eussent deu seruir de blanc & de visée à leurs ennemis. On dit qu'il y eut vn Turc qui s'écria au gens de Vitelly: Mais que ne vous retirez-vous vaillans-hommes, sans vous perdre ainsi à credit, que ne nous laissez vous faire contre ces lasches Alemans? c'est à eux que nous en voulons, c'est contre nous qu'ils se sont armez, & toutesfois ils ne nous oseroient aborber.

Fuite hôteuse
des Chrestiens
ayans gagné
les murailles
de Pesth.

ALORS Hess, celuy qui commandoit aux Alemans, voyant ses gens si mal-menez, se retira: ce que voyans les Italiens, ils firent aussi le mesme: mais le tout en tel desordre, chacun estant saisi de peur (car l'artillerie ne cessoit point de tirer contre eux) qu'on tient que si les Turcs eussent fait alors vne sortie, il estoient pour mettre en route, toute ceste grande armée avecques vne aussi notable deſſaite que celle de Roccandolph ou d'Eſecchio. Mais les

Turcs,

Turcs ignorans vn tel desordre, & se contentans d'auoir si heureusement repoussé leurs ennemis de leurs murailles, ils se tintrent cois, cela fut cause que toutes choses se remirent en bon ordre en l'armée Chrestienne.

Mais le courage ne leur reuint pas pourtant: car ayans reconneu par cét assaut que les Turcs estoient bien resolués de se deffendre iusques à l'extremité, ils songerent plustost à la retraite qu'à combattre, se representant à la maniere des cœurs faillis, vne infinité d'incommoditez, tantost sur l'hyuer qui estoit proche; ores sur quelque peu de maladie contagieuse qui s'estoit mise en leur camp, qu'il n'y auoit que des coups à gagner, qu'ils rempliroient plustost les tranchées de leurs ennemis des corps morts de leurs gens, qu'ils ne se rendroient maistres de ceste ville, qui n'estoit au demeurant qu'une meschante bi-coque, pour le moins où il n'y auoit que des gens de guerre & point de butin. A tout cela pour auoir quelque honneste couleur (car encore les chefs auoient-ils honte d'abandonner si promptement leur entreprise, sur vn simple rebut, & auparauant que d'auoir, par maniere de dire, éprouué le tranchant de l'épée de l'ennemy) ils firent venir vn espion, qui rapporta qu'Achomat estoit arriué sur le Draue, ayant passé le Saue à Belgrade, & qu'il auoit amené quant & luy de tres-grandes forces. Cela feint ou veritable, mais plustost le premier que le dernier, fit incontinent resoudre le conseil qu'on auoit asssemblé, à la retraite.

On disoit que, si cét Achomat enuoyoit deuant quelques troupes des siens passer le Danube à Tolue, cependant qu'ils s'arrestoient deuant Pesth, qu'ils n'auroient plus de retraite assurée: le chef mesme de toute ceste armée estoit tout resolu à leuer le siege, soit qu'il le fist par le conseil de ses huit assesseurs qui luy auoient esté baillez par Ferdinand, ou bien que luy-mesme eust crainte, & peut-estre que c'estoit l'un & l'autre: car ceux-là au commencement que l'armée commença à marcher, ne vouloient pas qu'elle passast les frontieres d'Austriche, & cestuy-cy, le iour de l'assaut que nous venons de dire, n'auoit esté veu nulle part. Les vieux soldats toutesfois, & plusieurs encores de ceux qui auoient quelque peu d'honneur, & de desir de renommée, auoient grand regret d'une si lasche resolution, & s'attendoient que si on les remenoit encores vne fois à l'assaut, & qu'ils voulussent tous rendre du combat, ils emporteroient la place. Vitelly auoit fait tout son possible en ce conseil pour les arrester, leur remonstrant qu'il eust esté bien plus à propos pour eux tous de ne s'estre point assemblez, que de quitter ainsi leur entreprise sans sujet, que ce n'estoit qu'apprester de la risée à leurs ennemis, & les establir de plus en plus en leurs conquestes, que ny luy ny les siens, ne refusoient point encores d'auoir la pointe, & d'aller les premiers à l'assaut, bien que la plus grande perte eust esté de ceste troupe: mais tout cela ne les émeust point, ains conclurent tous au délogement, tout ce qu'on peust faire & gagner sur eux, ce fut de faire battre encore le iour suiuant les murailles, & qu'on ne serrast point le bagage pour ce iour.

Mais comme cela se faisoit à contre-cœur, aussi y alloit-on si laschement que Segement reconneut aussi-tost qu'il y auoit de l'épouuente entre-eux; si bien qu'il tira hors toute sa caualerie, & avecques vn grand nombre de gens de pied, vint donner furieusement sur l'armée Chrestienne, qui résista fort brauement: mais il arriua en ce combat vne chose assez rare; c'est que tout ainsi que s'il y eust eu trefue entre les deux armées, il se fit là comme vn carroussel, chacun des plus courageux de part & d'autre, partant de son escadron, pour donner vn coup de l'ance à celuy qui luy venoit à l'autre: si que plus de cinq cens caualiers iousterent pour ce iour, desquels il y en eut plusieurs de tuez & de blesez, tant d'une part que d'autre. Durant ces ioustes, les deux armées estoient cependant les regardans, sans se faire aucun acte d'hostilité, tout ainsi que si on les eust mises-là pour estre iuges de ces differens, & donner la couronne de vaillance à qui elle appartiendrait. Mais ceste iournée s'estant ainsi passée, la nuit suiuaute on tira toute l'artillerie du lieu où elle estoit, toute l'armée commença à cheminer vers la riue du Danube.

Alors les Turcs qui auoient l'œil au guet, s'épandirent aussi-tost par la campagne; les harcelans de toutes parts: Vlamia entre autres, qui auoit passé le Danube, pressoit tellement les Italiens, qui auoient voulu emporter tout l'honneur de ceste entreprise, & estre les derniers à la retraite, comme ils auoient esté les premiers à l'assaut, qu'ils ne pouuoient sans grand danger regagner le gros de l'armée, si Vitelly n'eust fait arrester ses enseignes, & tourner visage à l'ennemy, faisant en sorte que la caualerie des Hongrois, & les hommes-d'armes Alemans firent vn effort contre les Turcs, si que tous encouragez par la hardiesse de ce vaillant-homme, ils firent vne course sur eux, la lance

CCc

1542.

Peu de courage en l'armée Chrestienne.

Ruse de chefs pour colorer leur retraite.

Le General sans courage.

Vitelly se bande contre ceste resolution.

Sortie de ceux de Pesth contre eux.

Iouste notable de Chrestiens contre les Turcs.

Retraite de l'armée Chrestienne.

Poursuuiue par les Turcs.

La valeur de Vitelly sauue l'honneur aux siens.

1542.
Conclusion en
ce combat.

Mort du Mar-
quis de Val-
purga.

En fin les
Chrestiens se
retirent.

Vitelly seul
tesmoigna
auoir du cou-
rage.

L'armée de
retour au lo-
gis, l'orage
tombe sur Pe-
ren, & pour-
quoy.

1543.
XXXVIII.
Autre expedi-
tion de Soly-
man en Hon-
grie.
Situation &
siege de Val-
pon.

Grand coura-
ge de la fem-
me de Peren.

Valpon se red
aux Turcs.

en l'arrest, & les forcerent de reculer; mais se sentans chargez à bon escient: (car ce premier aduantage auoit releué le courage de la caualerie Chrestienne) ils tournerent le dos: car comme ils ne combattoient pas du commencement de pied-ferme, ains en poursuiuant, plusieurs d'entre-eux s'estoient tellement aduancez, que les derniers sentirent plustost la caualerie Alemande les attaquer de toutes parts, qu'ils n'auoient veu la fuite des leurs, ny eu le temps de tourner leurs cheuaux vers la ville; si bien que toute ceste nuit, on ne fit que tracasser, tout se faisant en tumulte, l'artillerie iouant de toutes parts, ayant bien souuent à la perte, qu'à l'aduantage de ceux qui la tiroient: le Marquis de Valpurga, qui auoit la charge de la caualerie des Sueues, y demeyra, & sa teste fichée au bout d'une lance, iettée à Vlana, le corps fut tout ensepulturé à Vaccia; on dit que c'estoit celuy qui auoit le plus incité à ceste guerre, & plusieurs autres demeurèrent sur la place, tant des Chrestiens que des Turcs: cela fut cause que ceux-cy ne poursuiuirent point d'aduantage les Alemands, lesquels eurent moyen en ce faisant, de charger leur artillerie sur leurs vaisseaux, pensans faire beaucoup encore, de se retirer à sauueté.

C E C Y semblera bien estrange, comme ie pense, à quiconque lira ceste histoire, comment il fut possible qu'une si belle & puissante armée, composée de nations si belliqueuses, & toutes accoustumées à porter le harnois sur le dos, fust si peu de resistance, & ne se mist d'aduantage en deuoir de surmonter ses ennemis, qui estoient en bien plus petit nombre qu'eux, ne se pouuant faire autrement que s'ils eussent voulu combattre en gros, & leur presenter la bataille, ils n'en eussent eu la raison; car à proprement parler, il n'y eut que Vitelly, & sa troupe, qui fissent le deuoir de gens de guerre: aussi dit-on qu'en ceste iouste, dont il a esté parlé cy-dessus, vn Turc le demanda, & comme on le luy eust monstré, qu'il courust incontinent pour l'embrasser pour raison de sa vaillance. Peren apres luy se monstra le plus genereux, & celuy qui auoit donné le meilleur conseil: car il vouloit qu'on allast en diligence à Bude, que s'ils l'eussent fait, lors qu'il n'y auoit pas encores grandes forces, leurs affaires eussent mieux reüssi. Ce que les autres firent, outre que ce fust fort peu de cas, encore ne s'y employoient-ils point avecques vn courage genereux, ains comme si on les y eust poullés à coups d'éperon. Mais comme vous avez veu, celuy, sous les auspices duquel on combattoit, n'auoit visé qu'à la deffence de son pays d'Autriche, & non pas à la conqueste de la Hongrie, ny à la deliurance de ceux qu'il disoit estre ses sujets. Que si on fust party avecques ce dessein, & qu'on eust donné pour General de ceste armée vn chef belliqueux, il y a grande apparence que de si grandes forces eussent fait vn bel effet. L'issue en fin de ceste guerre, fut de se décharger sur Peren, l'accusant d'auoir intelligence avecques les Turcs, bien que cela fust faux à l'heure: mais principalement d'autant qu'on disoit qu'il aspirait au Royaume de Hongrie, estant le reste des anciennes races de ceste Prouince, qui peust paruenir à la Royauté. A la verité il auoit monstré beaucoup d'inconstance, tantost en élisant le Roy Iean, puis prenant le party de Ferdinand, & derechef se remettant du party de l'autre; & en fin ayant quitté-là les Turcs, s'estoit rangé pour la maison d'Autriche, qu'il seruoit lors fidelement, comme nous venons de dire, mais l'enuie des principaux d'aupres Ferdinand, & les soupçons qu'on auoit imprimés dans l'esprit de ce Prince, luy firent finir ses iours en vne perpetuelle prison, ostant par ce moyen toute esperance aux Hongrois, troublez & diuisés comme ils estoient, d'auoir iamais vn Roy de leur nation.

LES affaires allans ainsi de bien en mieux pour les Turcs en la Hongrie, Solyman resolut d'y faire encores vn voyage, & de s'emparer de quelques places qui luy en empechoient l'entiere iouissance. Pour ce faire ils s'en vint passer son hyuer à Andrinople, pour estre plus proche quand ce viendroit le printemps, à penetrer dans la Hongrie: il voulut commencer par Valpon, ville située sur la riuée du Danube, sur les confins de la Bosnie, Croatie, & Hongrie: ceste place estoit des appartenances de Perer Peren, assez renommée auparauant: mais beaucoup d'aduantage depuis la deffaitte d'Esecchio, d'autant qu'elle auoit seruy de retraite à l'armée Chrestienne, qui l'auoit encores mieux fortifiée qu'elle n'estoit auparauant. Dedans estoit la femme de Peren, pour lors prisonnier entre les mains de Ferdinand, laquelle d'un courage & magnanimité toute virile, auoit gardé ceste place contre les efforts des Turcs, trois mois durant, au rapport de Martin Stella en sa relation à ses freres, sans que iamais aucun Aleman ny Hongrois se mist en deuoir d'y donner secours, bien que ce fust au mesme temps qu'ils auoient assemblé de si belles forces; les Turcs ayans bien l'assurance d'assiéger vne place & d'en deffendre vne autre, contre vne puissante armée, & les Chrestiens n'en pouuans prendre vne, ny secourir les leurs.

Mais

Mais comme on sceut que Solyman auoit fait passer le Saue au Dalmate Amurath, & au Perse Vlaman, & que luy-mesme s'y acheminoit avecques toutes ses forces, ils ne firent pas grande resistance aux offres que leur faisoit Amurath de les laisser en liberte, ayant enuie d'y laisser gens pour cultiuer la Prouince: l'Autheur sus-allegué dit, que cette reddition se fit par la meschanceté des soldats qui estoient en cette garnison, & non faute de cœur en leur Capitaine, qui vouloit resister iusques au bout, mais ils le liurerent en la main des Turcs; lesquels au lieu de luy faire du mal, luy firent fort bon visage & fort bon traitement, & au contraire, firent cruellement mourir ceux qui l'auoient liuré entre leurs mains.

Les Turcs sont estard d'un homme va-leureux, bien que leur en-nemy.

DE Valpon, Amurath mena l'armée deuant Scelone, ville aussi du domaine de Peren, les habitans voulurent resister quelque temps, mais enfin ne pouuans soutenir leur nombre & impetuosité, ils se retirerent dans la forteresse: d'autres disent qu'ils abandonnerent la ville tout du premier coup, & qu'ils s'en allerent au chasteau, esperans quelque composition, comme ceux de Valpon: quant à la ville, quelle fut pillée & brûlée, & ce qui s'y trouua d'habitans passé par le fil de l'espee. Ceux de la forteresse cependant eurent des treues, pour s'auiser de ce qu'ils feroient, & si dans quatorze iours il ne leur venoit point de secours, qu'ils parleroient de leur reddition: mais le terme estant écheu, & ne leur estant rien arriué, comme ils se sentoient en vn lieu fort par nature & par art, & fort bien muni, ils firent durant quelques iours vne fort braue resistance, ayant euenté quelques mines que les Turcs auoient faites: car on dit qu'ils menoient quant & eux dix à douze mille pionniers, mais comme ils eurent approché leur artillerie, & apres vne furieuse baterie, ils virent leurs murs par terre, & leurs deffenses abbatuës, se deffians d'eux mesmes de pouuoir resister à vn si puissant aduersaire, ils se rendirent, à condition d'auoir vies & bagues sauues, & qu'ils se pourroient retirer où bon leur sembleroit, avec leurs richesses, qui furent la ruine de ceux qui en auoient: car on ne s'arresta pas aux pauures, ains aux riches, qui perdirent la vie, pour auoir voulu conseruer leurs richesses, lesquelles ils pouuoient employer pour la deffense de la place.

La ville de Scelone brûlée, & la citadelle assiegée.

Qui se rend à composition.

STELLA dit aussi qu'aupres de Bude, deux compagnies de gens de cheual tomberent entre les mains de cette armée, & qu'Amurath les ayant assurez de la vie, il leur commanda de prendre leurs armes, & de se mettre en ordonnance, comme ils auoient accoustumé de faire: les Chrestiens ne se doutans point d'aucune tromperie, le firent incontinent, puis il leur commanda de mettre les armes bas, ce qu'ayans fait, il fit premiere-ment vn choix des chefs & membres de ses compagnies, & outre ce d'un bon nombre de ceux qui auoient en eux quelque force & valeur, puis il fit enuironner les autres par derriere, & tailler en pieces par ses soldats. Quant à ceux qu'il auoit fait mettre à part, il en fit mettre vne partie en butte pour exercer ses soldats à qui tireroit le plus iuste: les autres il les reserua pour luy & ses deux fils, pour éprouuer contr'eux leurs forces, à qui donneroit le plus grand coup, & feroit la playe la plus large & la plus profonde, pour éprouuer aussi à qui tireroit le plus de sang de ces pauures Chrestiens, cruauté à la verité plus que barbare. Mais, ô horreur à le proferer! que n'auons-nous point fait contre nous mesmes durant la furieuse manie de nos guerres ciuiles?

Grâce crua-té & pitié des Turcs.

LA forteresse de Soclose ainsi prise par les Turcs, ils nettoyerent & se rendirent les maistres de toutes les places des enuirs, puis s'en allerent rencontrer leur Empereur, auquel ils dirent toutes ces bonnes nouuelles, puis apres l'auoir conduit iusques à Bude, eux & ceux de sa suite, s'épandirent enuiron le lac de Balathor, qui conduit iusques en Styrie, Prouince Vandalique, où ils firent de merueilleux degasts, & pour oster tout ombrage qu'ils en voulussent à Strigonie, ou Grane: ils allerent vers les portes d'Albe-regale, ce qui n'apporta pas peu de frayeur à ceux des enuirs, sçachans bien la maxime des Turcs; que toute terre où le cheual du Grand Seigneur a mis le pied, est sienne, ainsi appellent-ils toutes leurs armées, n'ayans, s'il faut dire, rien à eux, mais tout estant à leur Souuerain. Solyman fit faire aussi vn pont proche de Bude, sur le Danube, pour passer ses armées, ainsi qu'il luy plairoit. De là ils allerent bien-tost assieger Strigonie, ville notable, & qui tenoit lieu de Primate, y ayant Archeuesché. Cette ville est située à cinq milles au dessus de Bude, du costé où la riuere de Gran vient faire son confluent dās le Danube, proche des monts Carpathiens, & de ces petits villages qu'on appelle Montagnes: de là elle a esté nommée Istri-Gran, à cause qu'elle est située entre ces deux riuieres, de l'Istre & du Gran, à la rencontre, où ils viennent perdre leur nom dans le Danube, & par corruption de langage, a esté depuis appelée Strigon, ou Ostrigon. Quant à Paul Euesque de Strigon, fort

Degasts des Turcs vers le lac de Balathor & Albe-regale.

Pont sur le Danube par Solyman. Situation de Strigonie.

L'Euesque de Strigonie abandonne la ville.

1543.

affectionné au service de Ferdinand, il abandonna incontinent la ville : car il auoit esté vn de ceus à qui Solymán auoit voulu que le Roy Iean remist la faute qu'il auoit faite de l'abandonner pour suivre le party de son ennemy ; de sorte qu'il s'asséuroit de ne trouuer aucun lieu de misericorde enuers les Turcs dedans la ville.

Quelles for-
ces il auoit
dedans.

Il y auoit pour le Roy Ferdinand, Salamanque vn Espagnol, que Paul Ioue dit auoir eu fort peu d'experience à la guerre, & au demeurant grand vanteur, & qui méprisoit ses ennemis, auparauant que de les auoir veus. Cettuy-cy, outre les volontaires qui l'auoient fuiuy, auoit ramassé deux compagnies de cette infanterie Italienne qui auoit si vaillamment combattu deuant Pesth, sous la charge de Vitelly & de Iacques de Medicis, Capitaine de l'armée nauale de Ferdinand, sur le Danube : il auoit ioint à ceux-cy deux Enseignes de Lansquenets, desquels estoient Capitaines, Tristan Fortaler, & Francesque Mumes, tous lesquels soldats se pouuoient monter au nombre de mille trois cens hommes : dans la citadelle estoit vn nommé Liscan Espagnol, parent d'un autre Liscan, qui fut tué pres de Casson par les payfans, à cause qu'il pilloit tous leurs fruits ; & cettuy-cy, de mesme inclination que l'autre, entendoit mieux à remplir sa bourse d'escus, qu'à sçauoir deffendre vne place, & bien mener des gens à la guerre.

Vitelly &
Torniel, en-
uoyez par Fer-
dinand, pour
la reconnoi-
stre.

CETTE forteresse est située sur vne fort haute riue, qui regarde au long & au large, le Danube coulant au dessous ; il y a aussi vne colline à l'opposite, & panchante sur la porte de la ville, laquelle n'auoit ny flancs ny bastions, les murailles estans faites encores du temps qu'on prenoit les villes avecques beliers & catapultes. Vitelly & Torniel, qui auoient esté enuoyez par Ferdinand pour reconnoistre la place, luy auoient rapporté que si cette ville là estoit assiégée par vne grande armée, elle pourroit estre fort malaisément deffendue, d'autant que les Turcs auoient occupé le haut de la colline, où ils auoient posé leur artillerie, par le moyen de laquelle on voyoit iusques au cœur de la ville, & pouuoit-on tirer où l'on vouloit : outre ce, telle estoit la situation de cette place, que plus on en approchoit pres, plus estoit-on à couuert : il est vray que ceux qui y auoient hyuerné, y auoient aussi apporté des remedes par plusieurs fortifications qu'ils auoient faites au dedans, & s'asséuroient de repousser les efforts de Solymán : mais quand son armée fut arriuée là deuant, alors commencerent-ils d'oublier leurs vanitez, & de penser à la difficulté de leur entreprise.

Siege des
Turcs deuant

A VSSI-TOST que l'Empereur Turc fut arriué, il enuoya trois Ianissaires dans la ville, l'un Italien de nation, l'autre Espagnol, & le tiers Alemand, lesquels firent de tres-grandes offres, & promirent de fort amples recompenses aux Strigoniens, s'ils vouloient rendre la place, comme au contraire, toute sorte de mal-heur & de ruine, s'ils se vouloient opiniastrer à la deffense. Ceux qui auoient de la valeur, ne se soucierent gueres de leurs discours, mais les autres s'en trequerent aucunement ébranlez : le mesme iour que cette responce fut rapportée au camp, on fit transporter l'artillerie sur cette colline, d'où les Turcs sceurent choisir si à propos le plus foible endroit de la ville, qu'ils n'eussent sceu mieux faire, quand bien ils l'eussent considerée tout à loisir, soit que cela se fist par le iugement de leurs canonniers, ou qu'il y eust eu quelque trahison, comme on a pensé. Salamanque doncques voyant qu'il ne pouuoit pas deffendre les faux-bourgs, les fortifications en estans trop foibles, les abandonna, & se retira dans la ville, qui est aujourd'huy le chasteau. On dit que les Turcs auoient lors deux cens vingt mille hommes armez, entre lesquels il y auoit vingt-quatre mille Tartares, ceux-cy toutesfois plus propres à faire le degast par la campagne, qu'à rendre combat de pied-ferme : entre toutes ces troupes, il y auoit deux chefs principaux, Achomat pour lors Beglierbey de la Romelie, & le Perse Vlaman : cettuy-là entreprit le quartier qui est annexé aux iardins de l'Euesque, & l'autre dressa sa batterie contre vne tour qui regardoit la porte de Bude.

La garnison
abandonne
les faux-
bourgs.

Premier as-
saut.

LES Turcs auoient lors en leur armée des couleurines de merueilleuse grandeur, desquelles, & de plusieurs autres pieces, ils tirerent tousiours par ordre, sans iamais discontinuer, si que la muraille & la tour, auoient esté de toutes parts tellement pertuisées, demantelées, & pour la pluspart bouleuersées dans le fossé, que les assiegez furent contraints d'abandonner la courtine, & faire vn retranchement, pour essayer par le moyen d'iceluy, à se deffendre à couuert, car les murailles abbatuës estans à découuert, on les battoit aussi de toutes parts : mais les Turcs voyans la brèche sans deffense, commencerent aussi-tost d'aller à l'assaut, esperans d'emporter la place, sans beaucoup de trauail, mais comme ils furent au haut de la brèche, ils trouuerent bien à qui parler : car la pluspart d'entreux estans mal armez, & ceux de dedans combatans en bataillon serré, & tout herissonné de picquiers bien armez,

armez, assaillis encore d'ailleurs par la scopeterie & les autres artifices, desquels on a accoustumé d'vser aux sieges des places, apres auoir quelque temps resisté, furent contrains de se retirer. 1543.

OR les Turcs auoient fait monter contremont le fleuve, vne flotte de vaisseaux qui venoit de Bude, chargée d'artillerie & de munitions, & estoit venue aborder à vne riue proche de la forteresse de Strigonic. Et comme les soldats & mariniers virent que ceux de la place estoient assez empeschés à se deffendre de ceux de terre, qui les assailloient de toutes parts, ils croyoient aussi qu'ils n'auoient que craindre, si bien qu'ils se tenoient en oysiveté pres les maisons des faux-bourgs, comme s'ils eussent esté en quelque place de marché. Ce qu'ayans remarqué ceux qui estoient dans la forteresse, ils supportoient avec beaucoup d'impatience, de voir ceux-cy tant à leur aise, sans auoir quelque ressentiment des fatigues de la guerre. Cela donna occasion à Ruuaspourg Aleman, & Nardo Italien, de faire vne sortie sur eux; en laquelle, les Turcs ne se doutans point de cette surprise, il y en eut environ deux cens de tuez; Zimar entrautres, qui estoit Perse de nation, & auoit la charge de cette flotte: tandis les assaillans faisoient plusieurs mines pour raser cette tour; mais ceux de la ville n'estoient pas moins soigneux de les éuenter, & se deffendoient avec beaucoup de courage, bien qu'il commençast vn peu à leur faillir, pour le peu d'esperance qu'ils auoient de receuoir aucun secours.

Sortie des assiegez sur les Turcs.

MAIS ce qui fut la principale cause de leur perte, ce fut vn vieillard Calabrois de Croton fort bon canonnier, lequel ayant fait long-temps seruice au Roy Ferdinand, se voyant pauvre & vieil, & qu'on ne le payoit point de ses gages, resolut de l'abandonner & se retirer vers les Turcs, sur l'esperance d'vne bonne recompense, ce qu'il executa, & leur conseilla aussi-tost, s'ils vouloient ioyr de la ville, de s'emparer de la tour de l'eau, qui estoit au dessus de la roque de Strigonic, fort semblable à celle de Bude, d'assiette & de bastiment: car c'estoit premierement par elle que ceux d'au dessous auoient de l'eau, par le moyen d'vne pompe qui donnoit apres de l'eau à la citadelle: c'estoit aussi de cette tour, que les nasades qui apportoit de Bude des munitions en l'armée des Turcs, estoient empeschées de passer outre, pour les grandes incommoditez qu'ils receuoient de toutes parts, si bien qu'ils ne pouuoient nauiger que la nuit, & de l'autre costé du fleuve. Abran Bassa auoit bien resolu de l'attaquer, & s'estoit mis en effort de ce faire, mais les bords du riuage estoient si estroits, qu'il n'y auoit aucun moyen d'asseoir l'artillerie: de sorte que ceux de la garnison avec des fauconneaux, leur pouuoient aysement resister, cela auoit esté cause qu'il auoit quitté là son entreprise.

Vn fugitif de la ville, cause en partie de la ruine.

MAIS ce fugitif leur monstra vne Isle sur le Danube, où il n'y auoit personne, par le moyen de laquelle la tour pouuoit estre battue: de fait Vlaman y passa la nuit avecques des barques, & ayant dressé vn rempart à la haste, il y fit transporter de l'artillerie, laquelle ayant en peu d'heures decouuert les flancs de cette forteresse, estonna de sorte la garnison, qu'ils commencerent à reculer; ce qui donna l'assurance aux Asiatiques, de se haster d'écheler le mur, & de s'en emparer. Cependant on ne cessoit de l'autre costé de tirer, tant de la grosse artillerie contre les murs, que des mortiers contre les maisons de la ville, & de creuser de toutes parts: car nonobstant que cette ville fust commandée, toutesfois il estoit assez difficile de venir à l'assaut, si ceux de dedans eussent voulu resister, comme ils firent quelque temps.

VNE chose encor ayda beaucoup à leur diminuer le courage, bien qu'elle semblast de legere importance: c'est qu'il y auoit sur la grande Eglise de cette ville vne Croix dorée, & fort éclatante aux rayons du Soleil, laquelle fut brisée par plusieurs coups de canon, les Turcs la mirans de propos deliberé: laquelle Solyman voyant à bas, (comme les Turcs s'arrestent volontiers à de semblables superstitions) dist aussi-tost que c'estoit vn tresbon augure, puis que le signe plus venerable des Chrestiens auoit esté destruit & renuersé par terre: cela meisme toucha aucunement ceux de dedans, toutesfois ce qui les épouuenta le plus, c'estoit qu'ils manquoient de terre pour faire des fortifications. Cela fut cause que Liscan & Salamanque delibererent de se rendre par quelque composition, tous deux ayans beaucoup amassé dans cette place, & ne voulans perdre en vn instant, ce que des labeurs si auares auoient si soigneusement reserué, esperans bien au moins sauuer leurs thresors.

Vn petit accident donne vne grande esperance aux Turcs, & estonne les assiegez.

Ils parlent de se rendre.

OR cette reddition se faisoit sans le consentement des soldats, mais toutesfois elle ne fut point maniée si secrettement qu'ils n'en fussent enfin tous auertis: & bien qu'une grande partie d'entr'eux fust morte ou malade, toutesfois ils disoient tous, qu'ils

Les Soldats ont plus de courage que leurs Chefs.

1543.

auoient encores assez de puissance pour resister aux efforts de leurs ennemis, mais que si on vouloit entrer en quelque capitulation, leurs affaires n'estoient point si desesperées, qu'on ne la peust faire fort honorable. Cela fut cause qu'on y enuoya vn Porte-enleigie, qui eust vn sauf-conduit par le moyen d'un truchement, Salamanque y estant desia allé.

La tour de
l'eau prise.

TOUTESFOIS ainsi que Paul Ioue raconte cette histoire, il semble que ce fut Salamanque qui commanda aux soldats qui estoient dans la tour de l'eau de se retirer, ce qu'ils firent fort à la haste, si bien que les Turcs la voyans abandonnée, s'en saisirent; & que ce fut luy qui en fut la cause, quelques soldats y estans massacrés, qui n'auoient pas esté assez habiles, & qui s'estoient plus amusez à ramasser leurs hardes, qu'à se sauuer: de sorte que selon cette narration, il faudroit qu'on eust assailly la tour bien peu auparauant la reddition. Salamanque estant doncques mené deuant les Bassats, fit plusieurs belles propositions, en demandant assez honorable composition: mais comme il venoit fort mal à propos, & que les Turcs croyoient ses affaires plus desesperées qu'elles n'estoient, aussi n'obtint-il rien autre chose, sinon que luy & les siens se soubmettans du tout à la clemence & liberalité du Sultan, ils deuoient esperer toute sorte de bon traitement, & d'obtenir tout ce qui concernoit leur vie & leur liberté: & voyant qu'on ne le vouloit pas laisser retourner dedans la ville, il renuoya incontinent vers Liscan, luy mandant que s'il le vouloit sauuer, il se hastast de liurer la ville le plus promptement & liberalement qu'il luy seroit possible.

Salamanque
se rend à la
discretion de
Solyman.

Les Turcs dās
Strigonie, sās
grand peine.

CELA fut cause que Liscan faisant assembler les soldats, leur remonstra la necessité qu'ils auoient de se rendre, & qu'on leur offroit la vie & la liberté, dequoy ceux-cy s'estonnañs d'une telle promptitude, ils en eurent bien dauantage de sujer, quand ils virent au mesme temps les Turcs dans la ville: car vn Boluch-bassi, nommé Haly, comme si on eust desia esté d'accord, auoit commencé à crier qu'on luy ouurist les portes, suiuant la composition qui auoit esté faite au camp: ce que Liscan creut aysément, suiuant ce qu'on luy en auoit écrit. Si bien que la porte estant ouuerte, aussi-tost il luy liura les clefs, & au mesme temps les Ianissaires entrerent dans la ville, qui s'emparerent des fortifications & du rempart, faisans tirer de là tous les soldats, & puis separans tous ceux qui ne portoient point de barbe, ils contraignirent le reste de quitter leurs armes, & de les mettre en vn monceau, ce que nul d'entr'eux ne refusa de faire: car ayans esté surpris à l'improuiste, ils s'attendoient à toute sorte de misere & de calamité.

Les Strigo-
niens gratieu-
sement trai-
tez par les
Turcs.

Vn accident inopiné augmenta encore leur crainte; car en ce monceau d'armes que ie viens de dire, quelqu'un ayant aussi ietté sa mesche toute allumée, elle prit à vn fournillement plein de poudre à canon, contre lequel elle estoit, & de là à ce monceau d'arquebuses: ce que les Turcs prenans pour vn guet à pend, & craignans plus grande embuscade, commençoient de tailler tout en pieces, mais par les supplications de leurs Capitaines, qui de gestes de mains & de visage, témoignoiēt à Haly que cela auoit esté fait sans leur sceu, & que c'estoit vn accident, il s'y laissa aysément persuader, si bien qu'on ne passa point outre. Cela estant fait, Haly fit publier que tous ceux qui se voudroient mettre au seruice du Sultan, auroient vne fort bonne paye, & seroient outre cela auancez aux plus honorables charges & dignitez de la guerre; toutesfois il n'y en eut qu'environ soixante & dix de toutes nations, qui acceptassent cette condition: Haly les ayant receus fort gracieusement, les enuoya à Bude, avecques ces ieunes hommes qu'il auoit choisis & fait mettre à part. On ne fit aucune iniure au reste, sinon qu'on les contraignit de nettoyer la roque avecques les Turcs, puis les ayant destrouffez, tant de leurs accoustremens de teste, que de leurs corselets, on les passa sains & saufs de l'autre costé du Danube, & s'en allerent à pied vers Poson.

Liscan est
destrouffé.

QUANT à Liscan, Haly luy voyant au col vne fort riche chaine d'or, qu'il auoit insolennement raue quelque temps auparauant à Peren, la luy demanda en don, comme par vne courtoisie militaire, laquelle l'autre ne luy osa refuser; croyant encore par ce moyen sauuer son tresor, mais il perdit l'honneur & le bien: car ayant fait seller de fort beaux cheuaux qu'il nourrissoit dans ce chasteau, il auoit fait mettre dans les cuissinets de dessous les selles, tout son or: Haly luy dist, qu'il ne falloit point de cheuaux à vn homme qui alloit sur l'eau, & ainsi le depouilla de tout. Quant aux malades & bleffez qui se trouuerent dans Strigonie, les Turcs en eurent vn fort grand soin, & apres estre venus à conualescence, ils les renuoyerent à Comar, où commandoit vn nommé Torniel, ce qui estonna fort les autres soldats, n'ayans point accoustumé d'ouyr dire que les Turcs fissent de telles

Courtoisie
des Turcs en-
uers les ma-
lades.

courtoisies

courtoisies à leurs vaincus, & principalement quand ils estoient Chrestiens. Apres cela Solyman fit expier la grande Eglise, selon leurs superstitions ordinaires, & consacrer en vne Mosquée, où il fut rendre graces de la victoire qu'il auoit obtenue: car il ne faisoit pas peu de cas de ceste place, pour la grande importance qu'elle luy estoit, ioint qu'il comptoit cela encore pour vn bon-heur, que ceste prise fust arriuée le dixiesme iour d'Aoust, le mesme que son ayeul Bajazet auoit pris Modon.

1543.

En quel iour
Strigonie fut
prise.

CE LA fait, il la fit fortifier en la plus grande diligence qu'il luy fut possible, avecques vn tel soin & vn tel artifice, qu'il sembloit oster aux Chrestiens toute esperance de la recouurer, blasmant leur paresse, & s'estonnant comment depuis tant d'années que les guerres ciuiles, & estrangeres estoient en Hongrie, ils n'auoient point pris plus de peine à la rendre autre qu'il ne la trouua, veula commodité qu'ils en auoient. Quant à Liscan & Salamanque, ils furent condamnez par Ferdinand, à vne prison perpetuelle. Quelque temps apres, Solyman ayant laissé Ossan pour chef de la garnison de Strigonie, il enuoya les Tartares faire vne raffe & butiner iusques à Albe-Royale, & quant à luy il prit son chemin vers Tatta, iadis Theodata. Ceste ville estoit si petite qu'elle paroissoit plustost vn chasteau, mais cela n'empescha pas que l'armée ne s'y acheminast: car Solyman, qui vouloit s'establir, alloit nettoyant le pays de tout ce qui luy pouuoit nuire: ceste petite ville est separée du Danube de quelques milles: & vis à vis de Comar. Dans ceste place estoient Annibal Tussio Boulonois, & Huns Alemand, avecques quelques quatre-vingts soldats, ceux-cy ayans desiré ceste charge, & l'ayans fort instamment demandée à Torniel, avecques promesse de resister à tous les efforts des Turcs; mais c'estoit sur la croyance que Strigonie ne se rendroit pas, & que les Turcs ne viendroient iamais avecques toute leur puissance, deuant vne si petite place. Mais tout leur estant important, Achomat vint leur signifier qu'ils eussent à se rendre, s'ils ne vouloient apres souffrir toutes sortes de miseres, & qu'il ne seroit plus temps de capituler, s'ils donnoient la peine de planter le siege, qu'ils scauoient assez qu'ils ne pouuoient pas le soutenir. Ceux-cy le creurent, & luy rendirent la place, vies & bagues sauues: Solyman à la sortie leur donna à chacun des robes de soye, voulant gagner le cœur de ceux des autres places, par le bon traitement qu'on faisoit à ceux-cy. Quant à la ville, elle fut rasée, selon la coustume des Turcs, qui destruisent toutes les petites forteresses d'une Prouince, & gardent seulement les plus importantes, lesquelles ils fortifient en sorte, qu'il est apres bien mal-aisé de les tirer de leurs mains. La veille que la ville de Strigonie fut prise, à scauoir le neufiesme iour d'Aoust, il courut vn bruit en la ville de Vienne, qui est à quelques vingt-cinq milles de Strigonie, selon la mesure des Hongrois, mais dont en fin tout le chemin peut estre fait en vingt-heures, que le siege estoit leué, & que les Turcs s'estoient fetirez, si qu'on en chanta le *Te Deum laudamus*, pour le triomphe, à la mesme heure que les leurs traittoient de se rendre à la mercy des Turcs: ainsi l'a escrit Iean Martin Stella, qui estoit lors en Hongrie, en la seconde relation qu'il fait de ce siege.

Solyman la
fait fortifier.

Situation de
Tatta.

Renduë aux
Turcs.

Courtoisie de
Solyman aux
soldats de
Tatta.

On chante à
Viene le tri-
phe, au lieu de
plorer la per-
te

XXXIX.

Albe-Royale
pourquoy di-
te ainsi.

Sa situation,
& forteresses

APRES doneques que Solyman eut fait raser Tatta, poursuivant ses conquestes, il fit aduancer son armée vers Albe-Royale, ainsi nommée, non principalement à cause qu'elle estoit le monument & la sepulture des Roys de Hongrie, mais d'autant qu'anciennement en icelle ils estoient couronnez. Les Turcs disent que là est la sepulture d'un Grand, qu'ils appellent Sessal, comme s'ils disoient Sen Lassel, le mesme que saint Ladislais, qui fut Roy de Hongrie, dont la vie pleine de pieté, de iustice & de sainteté, l'a rendu digne d'estre enroullé au nombre des Saints. Or Bude, Strigonie & Albe, trois des principales villes de Hongrie, sont distantes l'une de l'autre d'un pareil interualle, en forme de triangle, le tout pouuant tenir enuiron cent milles de circuit. Quant à Bude & Strigonie, elles sont, comme vous auez desia peu voir, arroufées du Danube: mais Albe est entourée d'un palu de tous costez, ayant sa situation tres-forte, contre qui que ce fust qui la voulust assieger, tout ce qu'elle a de facheux, c'est qu'elle est mal-saine durant l'esté, quand les eaux de l'hyuer sont taries & le palu abbaisé. De la ville commencent trois grandes chaufées, qui aboutissent aux derniers bords du palu, dont elle est enuironnée. Ces chaufées ressemblent à de longs ponts, & hors la ville y a des maisons & des iardins de chacun costé, y ayant vne large ruë entre deux, par le moyen de laquelle on gagne la terre-ferme: au bout de ces chaufées il y auoit de forts bastions, qui couuroient & deffendoient les portes d'icelle, lesquelles les habitans n'auoient point accoustumé de fermer de nuict, qu'en temps suspect, de sorte que vous pouuez iuger par là que les maisons qui estoient sur ces chaufées, estoient en seureté contre leurs ennemis: car les espaces qui estoient entre

1543.

icelles, estoient si grandes & si bourbeuses, qu'il estoit impossible à l'homme de cheual d'y aborder, & très-difficile encores de passer à nage, pour les canes, ioncs & roseaux qui sont là de toutes parts.

Quelles for-
ces il y auoit
d'ordinaire.

Le secours
qu'on y en-
uoya.

L'auarice des
Officiers de
Ferdinand, la
perd.

Torniel l'en-
uoye recon-
noistre.

La resolution
qu'il fit sur le
rapport qu'il
luy auoit fait.

Solyman de-
uant Albe-
Royale.

Mauuaise re-
solution de
ceux d'Albe.

Quant à la ville, elle estoit ceinte d'une fort bonne muraille, avecques vn profond fossé remply de l'eau du palu, d'une forme à peu pres ronde, si qu'estant flanquée outre cela de toutes parts, on ne la pouuoit que difficilement battre ny assieger. Cela estoit cause que tout le monde y venoit à refuge & à garand, principalement les payfans, qui amenoient-là leur bestial, comme en vn lieu tres-seur. Dans la ville il y auoit d'ordinaire alors d'eux compagnies de Lansquenets, & deux cens hommes d'armes, avecques quelques cinq cens Houffards. Torniel cependant apres la perte de Strigonie, s'estoit retiré à Iauarin, où il receut lettres de Ferdinand pour aller au secours d'Albe; mais il luy demandoit argent pour trois mois, pour la paye de quatre enseignes d'infanterie, vne cōpagnie d'hommes d'armes, dix pieces d'artillerie, & cent chariots pour fortifier son camp: ce faisant qu'il meneroit tout cela dans la ville, & s'efforceroit de la bien deffendre, mais que de s'en aller engager à vn long siege, comme il y auoit apparence que seroit cestuy-cy, sans argent, que c'estoit s'exposer à mille menées, trahisons, & seditions, que font ordinairement les soldats, qui ne sont pas payez. Mais ceux qui manioient pour lors les finances de ce Roy, ayans plus l'esprit à leur profit qu'à la guerre, & aux affaires de leur maistre, luy donnerent des excuses au lieu d'argent, disans que l'an passé l'épargne auoit esté toute épuisée à la guerre de Pesth, & qu'ils sçauoient bien qu'il n'y auoit point faute de riches citoyens dans Albe, lesquels ne manqueroient point d'affection pour entretenir de bons soldats qui feroient bien leur deuoir: ils disoient aussi qu'il n'estoit pas besoin de grandes forces dans la ville, qui se deffendoit assez d'elle-mesme.

Torniel se voyant acculé par ces reparties, & ne se voulant point fier aux paroles de ceux-cy, enuoya pour reconnoistre la place, Octauian Scrofat Milannois, qui estoit demeuré en Hongrie apres le siege de Pesth, lequel rapporta qu'Albe se rendroit imprenable, si on adioustoit aux fortifications, ce qu'on auoit desia preueu, & si les pluyes qui ont accoustumé de venir en ces lieux-là vers l'Automne, tomboient opportunément, & remplissoient les fossés de dehors: qu'au demeurant on n'auroit pas grand sujet d'y craindre la faim, mesmes de tout l'hyuer, pour la grande quantité de prouisions que les payfans des enuironz y auoient apportées de toutes parts, ioint l'allegresse de la garnison, & de ceux de la ville, qui auoient si bōne opinion de leurs forces, qu'ils sembloient mépriser leurs ennemis: car pour leur croistre encores le courage, ils auoient les iours precedens deffait quelques troupes de Tartares. Toutes ces choses considerées, Torniel resolut bien d'y enuoyer le secours de gens de pied & de cheual que nous auons dit, mais il ne s'y voulut point engager, ce qui eust peut-estre garanty la ville: car vn homme d'autorité & d'experience, comme luy, eust empesché qu'on n'eust pris la resolution, qui fut cause de la perte de la ville. Renuoyant doncques Scrofat & Barcoc, (qui par le commandement du Roy auoit esté déclaré Capitaine general en ceste guerre, au refus, comme il y a grande apparence de Torniel) y mena incontinent apres vne compagnie de gens de cheual.

A PEINE ceux-cy furent-ils entrez, qu'on entendit les nouuelles de l'arriuée de Solyman, lequel vint planter son camp apres d'un petit lac, fort propre à se seruir de son eau, & non loin de la ville, dans laquelle on estoit en grand differend, à sçauoir si on deuoit s'opiniastres à la deffense des faux-bourgs, & de ces trois chaussées que nous auons dites cy-dessus: car plusieurs disoient, (& c'estoient ceux qui auoient le meilleur iugement, & le plus de connoissance de la ville) qu'il les falloit brûler, afin d'oster tout couuert aux Turcs, & que par ce moyen, la ville qui de soy-mesme estoit fortifiée par le palu, fust plus facilement deffendue, & avecques moindre trauail & moindre peril; au contraire les habitans soustenoient que ce seroit vne grande honte à eux d'abandonner volontairement à leurs ennemis, ce qu'ils pouuoient deffendre, & les amuser pour le moins d'autant, qu'il estoit tousiours en eux de se retirer, dans la ville, & la deffendre, & ce apres auoir desia bien harassé l'aduersaire.

MAIS ce qui les touchoit de plus pres, c'estoit leur commodité particuliere: car ils ne pouuoient destruire eux-mesmes tāt d'Eglises & de beaux bastimēs, le tout égalāt presque la grandeur de la ville, & ruiner ainsi les biens d'une infinité de pauvres citoyens, qui pouuoient estre conseruez, s'ils auoient tant soit peu de courage. Mais ils ne disoient pas que les Turcs se faisisans de ces faux-bourgs, pourroient par apres plus aisément maistriser la ville, & qu'eux-mesmes desia recrues des premiers combats, & leurs courages allangouris

par

par leur recente perte, ne feroient pas la resistance necessaire pour soustenir vn ennemy vainqueur; mais comme il arriue ordinairement que les iugemens sont peruertis au changement d'une heureuse condition en vne pire, on choisist à Albe le pire conseil.

BARCOC mesme, qui comme General deuoit tenir la bride roide, bien qu'il fust de l'aduis de ceux qui conseilloyent d'abatre les chaussées, se laissa toutesfois aller à la fin; encore que ce ne fust pas sans vn grand ressentiment de crainte en son interieur, & encouragea le plus qu'il peult, tant les soldats que les habitans, à ce que perseuerans en leur genereuse resolution, tous d'une mesme volonté & d'un mesme courage, ils fissent tous leurs efforts, de repousser l'ennemy. Si que tous pesse-messe & d'un accord, les soldats & la multitude de la ville, se mirent à fortifier les faux-bourgs aux lieux les plus necessaires, & y charrierent les plus grosses pieces d'artillerie, puis Barcoc departit les gardes, tant de iour que de nuit, selō les quartiers, & y establī des Capitaines, pour auoir egard à ce qui s'y passeroit, tandis que luy donneroit ordre au general, & auroit l'œil sur toutes choses.

LES Turcs doncques approchans de la ville, ayans esté bien aduertis de toutes choses par des Hongrois espions, ne s'arrestèrent qu'à la porte de Bude: car ayans considéré fort particulièrement la situation de ceste place, selon l'instruction qu'ils en auoient, ils trouuoient le palu plus sec de ce costé-là, outre ce que le terroir y estoit fort sablonneux, & du tout mal propre à faire des remparts, ny des gazons pour se fortifier, au contraire des autres deux portes, où l'humour du palu rendoit vne terre grasse & liée, & en fin abondante de matiere pour faire tout ce qu'on eust désiré. Barcoc reconneut aussi-tost ce dessein, cela fut cause qu'il mena tous les Italiens & Alemans des autres portes à celle de Bude, mit au lieu d'eux, la ieunesse de la ville, avecques les paysans Hongrois qui s'y estoient retirez, essayant d'éleuer & parfaire vn bastion parauant commencé, qui estoit entre deux Eglises, l'une d'icelles dediée à la tres-saincte mere de DIEU, l'autre à saint François, & s'estendoit au dehors, afin que d'un costé & d'autre les flancs de la tranchée peussent estre deffendus par les artilleries dressées contre les Turcs qui en approcheroient.

DURANT ces choses il se fit quelques sorties, avec toutesfois fort peu dauantage: mais quand Solyman fut arriué, & que ceste effroyable multitude de gens de guerre se fut épandue aux enuiron de la ville, la bouclans de toutes parts, alors les Houssards, qui n'ont pas accoustumé de se voir enfermez, voyans les yssues bouchées de tous costez, demanderent leur congé, & voyans qu'on le leur refusoit, quelques prieres que leur fissent Barcoc & les habitans, ils se retirerent secrettement la nuit par vn chemin écarté. Les Turcs faisoient cependant leurs approches & leurs tranchées en façon de tenailles, si qu'ils approcherent leurs fortifications iusqu'à vn trait d'arc de celles de la ville. Car estans couverts de rameaux qu'ils auoient fchez au deuant d'eux, ils faisoient leur besongne en seureté, & rasoient tellement le dessus du rempart avec leurs flesches & harquebusades, que nul des assiegez n'y pouuoit estre apperceu, qu'il ne receust deux ou trois grands coups en vn mesme temps, ioint que la violence des grosses pieces d'artillerie estoit telle, qu'elle perçoit outre la fortification, mettant en pieces & éparpillant en l'air les pieux du merrein, dont elle estoit construite, si qu'elle bleffoit les soldats mesmes les plus éloignez.

CELA donnoit beaucoup de seureté aux Turcs pour faire leurs approches: si bien que le fossé estant fort seiché des chaleurs de l'esté, le palu s'en estant retiré, ils le combloient aysement avecques plusieurs fagots d'arbrisseaux, en iettant du sable dessus par couches, tantost de fagots, & puis du sable: ce qu'ils eurent incontinent fait, attendu que l'armée y estoit tousiours employée, les gens de cheual allans querir du bois, tandis que les gens de pied traualloient à la besongne: & comme si le ciel & la terre eussent conspiré contre ceste pauvre place, il ne tomboit pas vne seule goutte d'eau, dequoy ils auoient si grand besoin; si que les Turcs s'approchans tousiours plus pres, vinrent en fin à sapper le bastion par le pied, & à le miner dessous, afin de faire ébouler le rempart, qui n'estoit appuyé que d'iceluy: car n'estant basti que de gazons fort pleins de sable, & par conséquent peu fermes & stables, il y auoit seulement quelques ais & pieces de merrein pour les retenir, mais cela en effet estoit plustost dressé pour vne monstre, que pour soustenir les efforts d'un puissant ennemy. Ce que scachans ceux de dedans, ils firent de leur costé vne contremine, & comme ils eussent emply cela de poudre à canon pour y accabler leurs ennemis, le feu s'y prit pas cas d'aduanture, qui en fustqua plusieurs de la ville, sans faire aucun dommage aux Turcs.

EN fin le vingt-neufiesme iour d'Aoust estant arriué, iour de la decollation de S. Iean Baptiste, auquel ils auoient conquis Belgrade, & deffait le Roy Louys en la bataille de

1543.

Ils fortifient les faux-bourgs.

Les Turcs font leurs approches du costé de la porte de Bude.

L'ordre mis de ceux d'Albe à la deffence de ceste porte.

Sortie de ceux d'Albe.

Les Houssards se retirent d'Albe.

Approches & fortifications des Turcs.

La pluye estoit pour lors le salut des Albains.

Contre-mine à leur desauantage.

Iours heureux aux Turcs.

1543.

Assaut general a Albe.
Industrie des Azapes pour aller seurement à l'assaut.

Les Turcs maistres du bastion.

Grand courage d'une femme.

Solyman craint les Bassas, de n'avoir pas poursuivy leur pointe.

Assaut des Turcs aux fortifications

Belle invention des Janissaires en cet assaut.

Qui leur réussit.

Ils ont l'avantage de toutes parts.

Mohacs, comme ils ont entre-eux de certains iours heureux & mal-heureux, auxquels ils s'arrestent fort, principalement si quelque chose leur y a heureusement réussi, ils résolurent d'y donner vn assaut general. Ayans doncques fait trois bataillons de tous leurs gens, ils menent au deuant les Azapes, selon la coustume, lesquels auoient pris de certains ais fort plats, qui estoient couuerts de cuir de bœuf fraîchement écorché, lesquels ils mettoient sur leurs testes, & s'en couuroient à guise de tortuë, afin que les pots à feu qu'on iettoit de dessus le mur ne les peussent offencer: ils estoient suivis de quelques gës de cheual qui auoient mis pied à terre, & qui avec la demie picque, la targue & le cimenterre donnoient dedans avecques grande furie, estans mesmes secondez par les Janissaires, qui avecques leurs harquebuses faisoient vn grand échec des assiegez, eux n'en receuoient pas moins aussi: si qu'il fut bien combattu l'espace de trois heures continuelles, sans qu'on peust remarquer qui auroit l'aduantage; mais en fin les Turcs s'opiniastrent de sorte en cet assaut, sans vouloir reculer, quelque mal qu'on leur fist de toutes parts, & qu'ils fussent battus, tant de l'artillerie des deux autres bastions, que de celle de la ville, qu'ils se rendirent les maistres de cestuy-cy & des deux Eglises que nous auons dittes cy-dessus. Les autres fortifications furent pour ce iour deffendues fort courageusement par l'infanterie Italienne, Paul Ioue dit aydée des femmes, & des Religieux qui estoient là dedans.

En cet assaut vne femme de ce pays-là, montée sur le rempar entre les soldats, tenant vne grande faux à faucher du foin, coupa d'vn seul coup les testes à deux soldats Turcs, qui s'efforçoient de monter sur le Bastion. Vn nommé Carlo Ruffo de Brexe, emporta l'honneur d'auoir demeuré des derniers au combat, tous les autres Capitaines s'estans mis au dessous de la fortification, pour rentrer plus facilement dans la ville; mais le nombre de leurs ennemis surmonta toutes ces vaillances, si bien que s'ils eussent poursuivy leur pointe, lors qu'ils se faisièrent des bastions & des deux Eglises, ils estoient pour emporter le reste des fortifications. C'est ce que reprocha aussi Solyman à Abriam, Achomat & Haly, à quoy les autres ne pouuans ou n'osans respondre, avecques vn visage menaçant, il leur commanda de si bien faire dans trois iours, qu'ils ne retournassent plus vers luy, que la ville d'Albe prise: ce qu'ils luy promirent, avecques bonne esperance (disoient-ils) que la fortune fauoriseroit ses desirs, & la proïesse de ses soldats.

A Y A N S fait tous leurs preparatifs pour l'accomplissement de ceste promesse, & donné le mot du guet à leurs gens, sans faire grand bruit, comme ils ont accoustumé de faire auparauant leurs assauts, le second iour de Septembre, ils se ruerent de toutes parts sur les fortifications, estans prests à charger, auparauant mesmes que d'estre apperceus des sentinelles de ceux de dedans: car de mal-heur pour les assiegez, il faisoit vn fort époïs broüillard ceste matinée-là, comme il arriue ordinairement en ces lieux aquatiques. Cela fut cause qu'on combattit avecques plus grande confusion, & avec grand bruit, principalement vers l'Eglise de saint François, mais encores plus asprement à ceste fortification qui estoit entre le bastion occupé par les Turcs, & entre l'Eglise de nostre Dame, à cause d'vne grosse troupe de Janissaires qui s'estoit combattuë en ce lieu contre les Alemans, qui l'auoient en garde, lesquels entendans que les Turcs descendoient en bataillon fort époïs & fort serré, retenoient leurs picques tellement panchées sur la pente du rempart, qu'on en voyoit paroistre les pointes au dessus de ceste fortification.

M A I S les Turcs ayans preueu cela, ou semblable accident, y auoient aussi pourueu: car ils auoient pris des rouleaux de bois assez longs sur leurs testes, & montans ainsi iusques sur le haut du rempart, il firent rouler en bas sur les Alemans, ces pieces de bois par dessus le rang des picques, avec vne cheute si prompte & violente, que les soldats des premiers rangs en ayans les bras tous moulus, & les mains aussi, estoient contraints d'abandonner leurs picques. Alors les Turcs eleuans vn grand cry, sauterent du haut en bas par troupes, si qu'il n'y eut aucun des assiegez qui fust assez puissant pour soustenir l'impetuosité des assaillans.

M A I S ce n'estoit pas en cet endroit seul où les affaires des Albains alloient mal: car l'infanterie Italienne ayant esté accablée par la multitude des Turcs, tourna le dos, sans profit toutesfois: car pensans se sauuer dans la ville, il n'y en eut que fort peu qui y peussent entrer: car la barriere estant fort estroite, fermoit la place de dehors la porte en maniere de porche, & ceux de la ville auoient leué le pont, sans prendre aucune pitié de ces pauures gens, de crainte que leurs ennemis n'entraissent pêle-mêle quant & eux. Octavian qui auoit donné le conseil de descendre les faux-bourgs, y demeura comme les autres, aussi fit Barcœ: car s'estant retiré vers la porte à course de cheual, comme il vid les Turcs

espendus

esendus par tous les faux-bourgs, & n'y ayant pas assez d'entrée pour vn homme de cheual à l'huis de la barriere, comme il prioit qu'on luy ouurit le plus grand battant d'icelle, il fut mis en pieces par les Janissaires qui y suruurent, lesquels luy couperent la main droite, d'autant qu'elle estoit chargée de plusieurs anneaux d'or garnis de fort riches pierreries. Dominique Torniel aussi parent de Plulippes, remarquable à son casque doré, fut renuersé de son cheual, & tué, demeurant trop à descendre luy-mesme, comme auoit fait l'autre. Toutesfois son porte-enseigne nommé Ceccolin, descendit quelque temps, ayant entortillé son drapeau à l'entour de la lance, & de la pointe donna dedans les poitrines desarmées des Turcs, aimant mieux honnestement mourir, qu'abandonner son Capitaine.

IL se faisoit cependant vn fort grand massacre de toutes parts, de sorte que le reste de la multitude, tant des pauvres soldats de la garnison que des habitans mesmes, voyant la barriere de la poterne estoupée de corps morts, pour dernière esperance se ietterent dedans le fossé fort profond & plein d'eau, mais ce fut encores pis: car outre ce qu'on les lardoit de fleches de toutes parts, ceux qui sçauoient nager, estoient emportez au fond de l'eau par ceux qui n'y entendoient rien, & d'autres encores cherchans les guez du palu, enfonçoient dans ceste fange, & faisoient cependant beau jeu à leurs ennemis, qui leur tiroient quantité d'arquebusades, quasi comme s'ils eussent voulu tirer au blanc.

VN seul Carlo Ruffo, duquel il a esté parlé cy-dessus, nagea heureusement iusques dans la ville, en laquelle il y auoit encores pour gens de main Oscal de Cremonne, Capitaine des gens de cheual Alemans. Cestuy-cy avec Ruffo, promettoient d'vn grand courage de deffendre la ville avecques ce qui leur restoit de gens, en attendant que le Roy Ferdinand leur enuoyast quelque secours, ou que le temps apportast quelque changement à leur misere, & à la prosperité de leurs ennemis. Mais le Preuost Biroo, & les Escheuins qui commandoient dans la ville, auoient desia perdu le cœur, si qu'ils ne croyoient pas qu'on deust esperer en autre chose qu'en la clemence de Solyman. On dit mesmes que quelques iours auparauant qu'on eust enuoyé le renfort de la garnison, quelques Albains, soit par conseil public ou de leur mouuement, auoient enuoyé quelques meillagers à des Turcs, qu'ils connoissoient, les asseurer que s'ils pouuoient prendre Strigonie, ils se rendroient incontinent: c'estoit ce qui leur faisoit esperer d'auoir vn facile pardon, ayans leur excuse toute preste sur la garnison du Roy, qui leur estoit suruenue, à laquelle ils ne pouuoient pas resister.

CELA fut cause qu'ils remercierent Oscal & Ruffo de leurs offres, ne voyans, disoient-ils, aucune apparence, que sous vne vaine esperance du secours du Roy, on se deust mettre au hazard d'vne totale ruine, & irriter iusques à l'extremité vn si puisant vainqueur, qu'il estoit doncques bien plus à propos de parler de se rendre, que de se deffendre: parquoy Biroo demanda de dessus le mur, qu'il leur fust permis d'enuoyer des deputez, pour traiter des articles de la composition; ce qu'Achomat accorda: avec eux alla Ruffo, pour traiter aussi pour ceux de la garnison. Ces deputez requierent que se rendans à Solyman, la liberté & les priuileges de leur cité leur fussent conseruez. Mais on leur fit response qu'il ne sembloit pas qu'on deust pardonner à tous, d'autant que contre la promesse qu'ils auoient faite de se rendre, ils auoient resisté. Quant à Ruffo, il fut tres-humainement receu, & impetra pour tous les soldats vie, liberté, bagues sauues, & finalement sauf-conduit, pour retourner seurement à Vienne, comme aussi le Capitaine des Alemans, qui l'auoit accompagné, obtint la mesme condition. Tandis qu'on faisoit leurs depesches, Ruffo fut fort sollicité par le grand Vizir, de se ranger du party de son maistre: quelques fugitifs aussi le luy persuadoient, luy remontrans qu'il estoit bien malaisé de faire fortune sous Ferdinand, qui ne donnoit qu'vne bien petite paye, & mesmement à ceste heure qu'il auroit moins de places à garder: au contraire on luy offroit vne fort grande solde, & de commander sur cinq cens hommes. Mais il refusa tout cela, disant qu'il auoit donné son serment au Roy Ferdinand de combattre vn certain temps qui n'estoit pas expiré: cela n'empescha pas toutesfois qu'on ne luy baillast vne robe de velours cramoisy, semée de fleurs d'or: car les Turcs l'auoient souuent remarqué à sa barbe rousse, combattant vaillamment sur le rempart; si qu'admirans sa vertu & sa fidelité, encores qu'il refusast d'estre des leurs, ils ne laisserent pas de luy faire le traitement que vous auez entendu. Ces deputez estans arriuez à la ville, voyans que la vie & le pardon leur estoit asseuré, commencerent à se resiouyr.

QUELQUE peu apres Achomat fit publier par truchemens de chaque langue, enuoyez sur la place, que les soldats Alemans & Italiens eussent à serrer leur bagage, & empor-

1543.

Le general
des Albains
tué.Valeur d'un
Ensigne.Grand massa-
cre des Al-
bains de tou-
tes partsRuffo & Os-
cal promet-
tent de deff-
endre la vil-
le.Albains s'of-
frir aux Turcs
deuât le siege.Parlent de se
rendre.Et à quelles
conditions.Ruffo hono-
rablement re-
ceu des Turcs.
Sollicité en
vain de se
rêdre du par-
ty de Solyman.

1543.

La garnison
fort d'Albe.

ter tout ce que bon leur sembleroit, mais qu'ils se donnassent de garde que nul Hongrois se mélast parmy leur troupe, & commanda sur griefues peines à tous les Albains de se tenir en leurs maisons, iusques à tant que les soldats estrangers fussent sortis dehors. Les soldats doncques estans sortis, selon qu'il leur auoit esté commandé, on leur bailla Homar, Capitaine d'une compagnie de gens de cheual pour les conduire, & empescher qu'on ne leur fist aucune iniure sur le chemin, iusques sur les frontieres du Roy Ferdinand: ce qui fut fort estroittement obserué, & ne leur fut osté chose quelconque, que les pistolets qu'ils portoient à l'arçon de la selle, qui estoient encores lors tous nouueaux aux Turcs, qui en admiroient l'inuention, voyans que sans aucune mesche allumée, ils ne laissoient pas de tirer leur coup, quand ils estoient bandez.

Les Turcs
la conduisent
en lieu de se-
reté.

Le coche de Barcoc fut aussi retenu par Homar, sans qu'aucun se peust plaindre, d'autant que le Capitaine tué, il n'y auoit-là aucuns heritiers, qui peussent pretendre chose quelconque à ce meuble, mais au demeurant il empescha tout du long du chemin, qu'il ne fut fait aucun tort à ces compagnies, bien que les Tartares se fussent épandus de toutes parts, & principalement es forests où ils s'estoient retirez esperans faire vn bon butin, & de fait ils prenoient tous ceux qu'ils pouuoient attraper, lesquels ils chargeoient sur leurs cheuaux, sans les Turcs qui aydoient aux Chrestiens, & menaçoient les autres, les poursuuians de sorte, qu'ils les forcerent en fin de se retirer: mais comme ils furent arriuez sur les marches du Roy Ferdinand, & que Homar fut departy, alors les Hongrois aliez des Turcs, leur eussent fait plus de mal que les Tartares, si quelques caualiers tenans le party du Roy Ferdinand, qui estoient dans les chasteaux circonuoisins, ne fussent venus au secours, mais en fin ils arriuerent à Vienne avecques peu de perte des leurs.

Solyman cha-
stie quelques
Albains, &
pourquoy.

QUANT aux Albains, les choses ne passerent pas si doucement, premierement Solyman commanda que ceux qui s'estoient retirez dans la ville, eussent à en sortir, & à cultiuer les champs, comme ils auoient accoustumé; apres il fit faire vne perquisition de ceux qui auoient donné esperance de rendre la ville, & de quelques autres qui estoient en magistrat, lors que la ville se reuolta de l'obeyssance de la Reyne & du petit Roy Iean, de tous lesquels il fit mourir quelques-vns, du reste il en confina vne partie à Bude, & l'autre à Belgrade, laissant le reste des habitans dans la ville, en laquelle il establist pour Sanjac, Halybeg, avecques commandement de la fortifier: & quant à luy, voyant que l'hyuer approchoit, il se retira plein de gloire & d'honneur à Constantinople.

Se retire à
Constantino-
ple.

AVRANT que de partir, ses espions luy rapporterent que Torniel estant en l'Isle de Comar, auoit clos les passages de toutes parts pour aborder son Isle, fichant de gros pieux dans le fonds avecques clayes entre-laisées, se resoluant à la deffence de la principale place de ceste Isle, avec son infanterie, ioint que le Pape y auoit enuoyé de fort belles forces, sous la conduite de Baptiste Sauelle, & de Iules Vrsin. Ferdinand aussi auoit assemblé plusieurs Moraues & Bohemes pour venir aux secours: & afin que par eau & par terre on peust aller contre l'ennemy, il faisoit amener plusieurs viures, munitions & artilleries dans des vaisseaux: mais c'estoit apres la mort le medecin, & lors que ses villes estoient prises & perduës; si qu'on se retira ceste fois-cy, sans rien faire, aussi bien que les autres.

Les forces
que Ferdinand
enuoya pour
le secours.

SOLYMAN à son depart laissa Beglierbey de toute la Hongrie, Mahomet Iaha-ogli, auparavant Sanjac de Belgrade Capitaine fort renommé, qui a fait des maux infinis en ceste pauvre Prouince, & qui apres le depart de son maistre, fit des courses continuelles sur les frontieres de Iauarin & de cinq Eglises, si qu'en fin le Roy Ferdinand fut contraint d'impetrer quelques trefues, pendant lesquelles l'armée du Pape s'en reuint en Italie. Durant toute ceste guerre, Georges Euesque de Varadin, tuteur du petit Roy Estienne, se tint coy, tant pour l'un que pour l'autre: & bien que Solyman luy eust mandé qu'il amenast les forces de la Transiluanie, aux sieges de Strigonie & Albe-Royale, il s'excusa tousiours sur la guerre qu'il auoit avecques les Moldaues: & Solyman qui ne faisoit point semblant de reconnoistre son artifice, n'estant pas temps pour le bien de ses affaires, dissimula iusques à vne autre saison, ioint que Georges auoit enuoyé grande quantité de victuailles en son camp.

Georges se
tient neutre
durant ceste
guerre.Siege des
Turcs deuant
Villegade.

SOLYMAN s'estant retiré, au Printemps prochain, le Bassa Mahomet mit le siege deuant Villegade: ceste place située entre Bude & Strigonie, a deux forteresses, l'une sur les bords du Danube, l'autre sur vne roche inaccessible, qui se rendroit du tout inuincible, si elle n'auoit faute d'eau, l'autre n'auoit besoin de rien. Les Turcs ayans attaqué celle de deuers l'eau la premiere, & s'en estans rendus les maistres, la seconde resista longuement

sans

sans faire grand cas de tous leurs efforts pour la nature du lieu, qui de soy-mesme les rendoit assez puissans pour resister à leurs ennemis, mais n'estans point secourus, ny de Vienne, ny d'ailleurs, comme les forces qu'ils auoient dedans, n'estoient pas suffisantes pour resister à leurs ennemis, ils n'estoient que sur la deffensive. Mais cependant ayans vne extreme disette d'eau, ils perissoient de soif: si qu'ils furent quatre iours entiers sans boire, toustant qu'ils estoient, & voyans que toute esperance de secours leur estoit ostée, ils furent contraincts d'entendre à quelque composition, & se rendre vies & bagues sauues. De là, selon que le recite Stella, ils s'en allerent à Comar avec vne armée de cinquante mille hommes. Ceste Isle est assise au confluant du fleuve Vaga, avecque le Danube: & sur la fin de l'Isle, où derechef le Vaga perd son nom dans le Danube, il y a vne forteresse, laquelle, comme il a esté dit, Torniel auoit tellement fortifiée, qu'il n'auoit laissé aucun espace pour retirer les vaisseaux que sous le chasteau, y ayant fait de tels fosses, que le Danube se venant resprendre dedans, la separoit du continent; & comme ils vouloient enfermer le tout, & qu'ils eussent contrainct du commencement leurs maneuures de la haute Autriche, d'y venir trauailler, tant en charpenterie qu'à cuire les briques: ces gens inconstans ne peurent s'arrester là iusques à ce qu'on eust acheué le dessein, si qu'elle ne fut environnée seulement que de terre, bien que sans cela elle fust tousiours tres-forte, mais les Turcs ayans fait venir de l'artillerie de Bude, s'en redirent en fin les maistres, aussi bié que du reste.

DURANT que ces choses se passoient ainsi en Hongrie, Barbe-rousse auoit fort rauagé la coste de Calabre, & y auoit pris la ville de Rhege, au destroit de la Sicile. Depuis s'estant ioint avecques les François par le commandement de son Seigneur, & suiuant les ouuertes qu'auoit faites le Capitaine Paulin à Constantinople, vint assieger la ville de Nice en Prouence, dans laquelle estoit Doria pour l'Empereur, mais à l'arriuee des Turcs Barbe-rousse le fit deloger, estant contrainct de luy quitter le port & la ville, qui fut prise, sacagée & brûlée, selon quelques-vns. Paul Ioue dit toutesfois que le Capitaine Paulin impetra de Barbe-rousse qu'il rappellast ses soldats, comme il fit, les renuoyant en leurs vaisseaux: car il craignoit qu'ils pillassent la ville, laquelle s'estant rendue à Monsieur d'Anguien, il auoit promis aux habitants, que le Roy de France les laisseroit iouyr des mesmes priuileges qu'ils souloient auoir sous le Duc de Sauoye. Ce qui irrita tellement les Janissaires qu'ils s'efforcèrent de tuer Paulin, comme il venoit d'obtenir ceste grace de Barbe-rousse. Celan'épéscha pas toutesfois qu'ils ne se missent tous ensemble pour tascher de forcer la Roque, mais comme ceste place a son assiette fort malaisée à battre, & encores plus à assaillir, ils furent quelque temps deuant, sans rien faire, avecques beaucoup de mécontentement de Barbe-rousse, pour le peu d'ordre & de prouisions qu'il auoit trouuées en ceste Prouence, pour la guerre, iusques aux choses plus necessaires: de sorte que les gens du Roy estoient le plus souuent contraincts d'emprunter des Turcs, des poudres & des mesches, & autres necessitez; ce qu'il auoit mis en telle cholere, qu'il menaçoit le Capitaine Paulin de l'enchaîner & l'emmener à Constantinople comme abuseur & menteur: cettuy-cy ayant fait à Solyman plusieurs belles ouuertes, desquelles Barbe-rousse ne voyoit aucun effet, mais il fut aucunement appaisé par Monsieur d'Anguien.

Sur ces mécontentemens on surprit quelques lettres du Marquis du Guast, par lesquelles il aduertissoit Paul Simeon, Cheualier de Malte, qui commandoit dans ceste citadelle, d'auoir bon courage, & qu'il s'en venoit à son secours avecques vne puissante armée de terre, & Doria vne de mer. C'estoit vne ruse du Marquis du Guast, mais elle luy réussist si heureusement, qu'avecques le mécontentement cy-dessus, Barbe-rousse print vn sujet de leuer le siege, & se retirer à Antibes, où il sceut que le Marquis du Guast & le Duc de Sauoye estoient arriuez au port de Ville-franche avecques les galeres de Doria, & que comme ils estoient en train d'entrer dans le port, elles auoient esté surprises d'une si vehemente tempeste, que quatre galeres se penians ietter au large, auoient esté repoussées contre les rochers, & brisées, & celle où estoit le Marquis en grand danger d'aller à fonds; Dequoy Barbe-rousse estant aduertty, dressa incontinent ses galeres de ce costé-là, mais il n'y peust arriuer à temps; il recueillit seulement les bris, & l'artillerie submergée qu'il fit tirer de la mer, & puis s'en alla hyuerner à Tholon, enuoyant Salec & Azan Celcel, son parent, avec vingt-cinq galeres à Alger, pour y décharger le butin qu'il auoit fait, qu'ils accrurent encores en passant le long des riuages de Cattelogne & de Valence, de plusieurs prisonniers de l'un & de l'autre sexe, d'un nauire & d'une galere trouuez pres de Palames, qu'ils emmenerent.

QUANT à Barbe-rousse, ayant passé son hyuer à Tholon, où on luy auoit fait fort

DDd

1544.

Ceux de la ville, se redent vies & bagues sauues.

Les Turcs deuant Comar.

Sa situation.

XL.

Rauages de Barbe-rousse en la Calabre.

Prise de Nice par les Turcs.

Taschent de forcer la Roque, mais en vain.

Peu de prouoyance au camp des François.

Ruse du Marquis du Guast.

Barbe-rousse fait son profit du debris de son armée.

1544.

Il faisoit vn
grand degast
par toutes les
costes d'Ita-
lie.

Pourquoy il
s'arresta à l'Is-
le d'Elbe.

Telamon pris
& ruiné par
Barbe-rouille.

Le mesme à
Monteano.

Prend Porto-
Hercole.

Et Giglio.

Pourquoy il
ne força point
Orbetel.

Ses desseins,
s'il eust eu le
temps com-
mode.

Ravage l'Isle
d'Ischie.

Vient à Poz-
zuol.

bonnechere, il reprit la route de Leuant, & pillant & destruisant les endroits d'Italie, qui ne peurent ou ne voulurent rachepter le sac & le pillage, exerça aussi de grandes cruautéz à l'Isle de Lipari pres de Sicile, & par toute la coste de la Calabre, desquels lieux & de Cariatte, il emmena plus de dix mille Chrestiens de tous aages & de tous sexes. Les Geneuois sauuerent leurs riuieres en luy donnant dix mille escus: le Seigneur de Piombino, & de l'Isle d'Elbe, luy fournist aussi quelques deniers, afin qu'il épargnast son petit pays, mais ce ne fut pas toutesfois sans le faire auparauant beaucoup souffrir & le luy rauager. Car Barbe-rouille luy ayant demandé vn ieune garçon, fils d'un Capitaine de galere nommé Sinan, & surnommé le Iuif, qui auoit esté pris il y auoit desia quelque temps à Thunes, & ce Seigneur luy ayant fait responce que sa Religion l'empeschoit de le pouuoir gratifier en cela, à cause que le ieune garçon ayant esté baptisé, il ne le luy pouuoit remettre entre les mains, sans commettre vn tres-grand peché; Barbe-rouille ne prenant pas ceste excuse en payement, entra dans l'Isle qu'il courut & rauagea, surprit la ville de Cappelibero si à l'improuiste, que les habitans n'eurent aucun temps pour se sauuer aux lieux écartez de l'Isle, puis ayant assuré le chasteau de Voltoraio, sans y pouuoir rien faire, à cause de la force de sa situation, alloit butinant les autres places de l'Isle; si que le Seigneur, pour en empescher la ruine totale, rendit le ieune homme, & par ce moyen Barbe-rouille cessa de l'inquieter, faisant toutesfois charger tout son butin dans ses nauires.

CONTINUANT ses courses, il partit d'Elbe, & s'en alla en la Toscane, où ayant assiégué la ville de Telamo, il la prit & ruina, mit le feu à la maison de Barthelemy Telamon, & abbatit le sepulchre d'iceluy peu auparauant mort, iettant ses os deçà & delà, à cause que ce Telamon ayant esté Capitaine des galeres du Pape, auoit butiné l'Isle de Lesbos, pillé & gasté celle de Metellin, avec les paternelles possessions de Barbe-rouille. La ville de Monteano courut la mesme fortune que Telamon: car tous les citoyens furent mis à la chaisne, iusques à vn, quelques villageois seulement exceptez qui s'y retiroient, & estoient sortis alors pour aller faire leur labourage. De là il s'en alla à Porto Hercole, où commandoient pour lors Carlo Manucci Siennois, & Corauza, qu'il prit & mit en seruitude avecques toute la garnison; & apres auoir pillé & saccagé ce qui estoit dedans, il y mit le feu. Giouan de la Lune y estant arriué trop tard pour le secours: cela fut cause de le faire retirer dans la ville d'Orbetel, que Barbe-rouille fit mine de vouloir assieger, mais comme elle auoit vne bonne garnison, & qu'il luy arriuait tous les iours nouuelles forces, il s'en retira contre l'aduis de plusieurs, & tourna tout court vers Giglio, vne Isle renommée d'auoir de tres-bon vin, & distante de là de douze milles, en laquelle ayant descendu & forcé la ville avec son artillerie, il en emmena vn fort grand nombre de prisonniers en seruitude.

OR ce qui l'auoit fait si tost retirer de deuant Orbetel, c'estoit qu'il craignoit l'inconstance du temps deuers l'Automne, ayant desia éprouué par deux fois que les nauigations ne luy estoient point heureuses en ce temps-là, l'une aux escueils Acrocerauniens, dont il a esté parlé cy-dessus, & l'autre en la Propontide, ou mer de Marmora. Que s'il eust eu le temps, son dessein estoit de faire beaucoup de mal en Italie, & d'en faciliter l'entiere iouissance à son Seigneur: car il auoit resolu de faire creuser vn fossé, & en telle profondeur que ses galeres peussent aller & venir par là depuis le port de S. Stephano, iusqu'au plus prochain lieu du palu d'Orbetel, pour y faire vn port tres-spacieux, & tres-propre pour y receuoir vne telle armée que la sienne ou celle que les Empereurs Othomans y voudroient enuoyer. Mais l'eternelle Prouidence dispoisoit autrement de toutes ses conquestes, elle vouloit vn chastiment & non vne ruine, pour ce faire on luy donnoit vne entrée, mais on le destourna de la possession.

POURSVIuant doncques son chemin, il passa aupres de *Capolinaro*, iadis nommée *Pyrgcum*, qui est au dessus de Ciuitta-Vecchia, menaçant de ruiner la ville pour la mesme cause que Telamon: mais Leon Strozzi qui estoit lors en son armée, le supplia tant qu'il donna sa colere pour ceste fois. De là il fut porté en l'Isle d'Ischie, où il descendit de nuit, & l'environnant de toutes parts pour la hayne qu'il portoit au Marquis du Guast, il surprit presque tous les habitans d'icelle taschans de se sauuer sur les hauts coupeaux du mont Abocet, mais en vain, & gasta ses trois principaux villages, à sçauoir Ferri, Pensa, & Varran; mais il n'osa assaillir la ville d'Ischie, la residence du Marquis, pour estre éloignée de la mer, & trop bien munie d'artillerie: puis costoyant Procida, il y porta vn moindre dommage, à raison que les habitans l'auoient abandonnée pour la plus-part. Il se ietta apres sur le golphe de Pozzuol, en telle façon que son armée s'estendoit sur tout le riuage de

ge de Baies, depuis Missene iusques à Auerne, estant assés de ceste haute tour qui est à Bauli, puis il commanda à Salec de passer au riuage opposé avecques vne partie de l'armée, & de battre les murs de Pozzuol, pour essayer seulement si elle se pouuoit forcer, ce qui mit les pauvres habitans en grande crainte : & à la verité si Barbe-rousse y fust venu luy mesme, & qu'il y eust mis tous les efforts, il eut pris ceste place : car outre ce que les Pozzuolins n'auoient aucune garnison, encore estoient-ils si mal pourueus de toutes choses, qu'ils n'auoient pas de la farine pour trois iours ; mais Salec battant les murs assez laschement, les habitans se deffendirent du commencement puis ; bien-tost apres, il leur vint du secours que leur amena le Vice-Roy de Naples, tant de gens de pied, que de cheual.

1544.

Faute de Barbe-rousse à Pozzuol, heurée toutes-fois pour les habitans de l'Italie.

Mais l'intention de Barbe-rousse n'estoit pas de s'arrester, si bien que leuant les anches, il franchist le Promontoire *Athenaeum* ou Campanella, & se destourna vers la main gauche, en intention d'assaillir la ville de Salerne ; mais la tempeste s'éleuant ; cette flotte fut emportée outre Palinure, où elle apporta de tres-grands dommages aux riuages de Calabre, & principalement à la ville de Carcato : elle alla finalement à Lipari, où il mit quarante de ses plus grosses pieces d'artillerie à terre, & ébranla tellement la ville de ceste Isle par sa continuelle batterie, que moyennant vn nommé Nicolas, homme fort craintif & de peu de courage, elle vint à se rendre : mais cela n'empescha pas qu'il n'emmenast en seruitude tous les autres Lipariens, ne sauuant que ce Nicolas. On dit que le nombre de ces captifs, monta à sept mille ; & qu'il y en auoit vne telle multitude dans les vaisseaux de Barbe-rousse, que pressez, comme ils estoient, plusieurs estans serrez dans les carcines, parmy toutes sortes d'immondices, les vns moururent de faim & de soif plusieurs de puanteur, & d'autres de tristesse : si qu'on estoit contraint à toutes heures, d'en ietter dans la mer, tout du long de ceste nauigation, & iusques à ce qu'ils fussent arriuez à Constantinople.

Il prend l'Isle de Lipari.

Grande misere pour les Chrestiens en l'armée de Barbe-rousse.

Où il trouua Solyman fort affligé, qui ayant esté receu des siens à son retour de Hongrie, avec de tres-grands applaudissemens & resioüissances ; le lendemain de ceste grande ioye, tout fut conuertý en larmes pour la mort de Sultan Mahomet qu'il auoit tres-cher entre tous ses enfans, & que pour ceste consideration les Turcs appelloient Schach-Zada, c'est à dire lignée Royale, ou fils de l'Empereur, le corps en fut apporté de Manissa à Constantinople : si bien que ceste ville qui estoit le iour de deuant, toute tressaillante d'allegresse, & qui ne respiroit que triomphes & contentemens, trouua à son réueil le visage de la mort, & la maison Royale toute noyée en larmes, tant la felicité humaine est de peu de durée & pleine d'inconstance, que les plus grands Potentats n'en peuuent iouyr vn bien petit espace de temps, sans estre trauersee de quelque notable affliction : il estoit aussi bien raisonnable que celuy qui auoit fait respendre tant de sang, & tant de larmes aux peres & meres des Prouinces qu'il venoit de rauager, ressentist en soy-mesme ce qu'il auoit fait si misérablement, & bien souuent si cruellement souffrir à autrui.

Mort de Mahomet fils de Solyman.

Felicité humaine sans arrest.

CAR quelque grand courage qu'eust Solyman, & quoy qu'il s'efforçast encore de faire paroistre aux siens en toutes ses actions vne graue majesté, si fut-il contraint pour ceste fois de lascher la bride à sa passion, & de rendre vn témoignage en toutes choses d'une extreme tristesse. Luy ayant donc fait faire de fort pompeuses obsèques, qu'ils appellent Namassi, ou Inamassi, & fait porter le corps aupres de l'ancien domicile des Janissaires, il fit vn banquet funebre, où toutes sortes de viandes furent distribuées au peuple, & principalement aux pauvres, avecques tout ce qui leur estoit de plus necessaire : ils appellent cela, cuire l'Ame. Il fit outre cela des données & congiaires pour le rachapt de l'Ame de son fils : les Turcs appellent cela, faire Corban. Il deliura aussi vn fort grand nombre d'esclaves de l'un & de l'autre sexe, qui ne s'attendoient à rien moins qu'à la liberté, & ce avecques vne grande somme d'argent : outre cela il luy fit construire vne fort superbe Mosquée avecques vn Imaret aupres, en memoire perpetuelle de luy, & vn Medresse, c'est vn college de ceux qui tant les disciples que les maistres, font profession de ces doctrines où s'exercent les Mahometans. Et pour expier dauantage les offences de ceste ame, il ordonna vn Talifinan pour reciter l'Alcoran, & toutes les hymnes qu'ils appellent Zebur, ou vn Sepher, l'ayant pris des Hebreux, qui l'appellent Sepher Thehillim, & nous le liure des Pseaumes. Cela estant fait, il seiourna quelques années à Constantinople, on dit iusques en l'an 1549.

Detail de Solyman pour la mort de ce sien fils.

Ses aumosnes & fondations pour le rachapt de son ame.

Mais les Transiluiains ne demurerent pas si long-temps paisibles : car le Moyne Georges ayant le gouuernement du Royaume, & le manement des finances, traittoit si mal

XLI.

1548.
& fui.

Troubles en
la Transilua-
nie, & pour-
quoy.
Solyman escrit
à Georges tu-
teur du Roy
Estienne.

Conference
de Georges
avec Nicolas
Salm.

A quoy elle
tendoit.

La Reyne Isa-
belle renuoye
à Solyman.

Patentes de
Solyman aux
Transilvains.

la Reyne Isabelle, & la gourmandoit de sorte, sans luy vouloir donner aucune connoissance des affaires, luy donnant si peu d'argent, qu'elle n'en auoit pas mesme pour son ordinaire: voyant donc qu'elle ne pouuoit tirer aucune raison de luy, elle s'en plaignit par lettres à Solyman, lequel en escriuit à Georges, à ce qu'il eust à traiter cy-apres autrement la Reyne, ou bien qu'il auroit sujet de se mécontenter, & luy apprendre comme il falloit viure avec ses superieurs, pour seruir d'exemple aux autres; mais tant s'en faut que ces lettres le fissent rentrer en son deuoir, qu'au contraire il delibera de traiter encores plus rigoureusement la Reyne, & la chasser en fin de son Estat.

SACHANT doncques bien qu'il n'estoit pas assez puissant de soy-mesme, il pensa de s'ayder de la faueur de Ferdinand. Pour ce faire il fut trouuer par ses sollicitations Nicolas Salm, (Lieutenant pour le Roy Ferdinand en Hongrie) au chasteau de Toccay, où apres luy auoir donné à entendre, que la Reyne auoit resolu de remettre son Estat entre les mains des Turcs, & que pour cet effect les gouuerneurs de Lippe & de Themisvar auoient intelligence avecques eux; que quant à luy il n'estoit touché d'aucun interest que de celuy du bien public & de sa Religion, desirant sur toutes choses, que ce Royaume demeurast libre & paisible au petit Roy Estienne, pour l'obligation qu'il auoit à feu son pere, il luy auoia qu'il auoit recours au Roy Ferdinand, comme celuy, qui outre sa pieté & bonté de son naturel, y auroit le plus notable interest, la Transilvanie estant comme la porte par laquelle on pouuoit le plus endommager l'Austriche & l'Alemagne. La Reyne qui fut incontinent aduertie de ce pourparler, ne faillit point aussi d'enuoyer vers Solyman, qui en auoit esté desia aduertie, & auoit ordonné aux Vauodes de Moldaue & de Transalpine, & au Bassa de Bude; que toutes & quantes fois que la Reyne les requerroit, ils eussent promptement à prendre les armes contre le Moyne, & luy donner secours avecques la plus grande force qu'ils pourroient. Il escriuit aussi aux Transilvains, à peu pres en termes de telle substance.



N'a fait entendre à nostre hautesse, que plusieurs d'entre-vous auoient des desseins de reuolte & de sedition, entre autres Meylad & Emeric Balassa, & combien que nous ayons donné le Royaume au fils du Roy Jean, toutes fois ils ayment mieux prester obeysance, & s'assuiettissent à Ferdinand d'Austriche, enuoyans demander secours en Alemagne contre nous, outre ce qu'ils ont leué sur les Transilvains & Cicules, des impôts insupportables, comme de prendre vne fois cinquante aspres pour teste, & l'autre vingt-cinq; outre ce les deux salines, faisant des extorsions avec toute sorte de petulance: ce que nous qui auons acquis ces Royaumes avecques le tranchant du cimeterre, qui auons toute-puissance & toute la terre en nostre possession, ne voudrions pas faire, desirans nourrir la paix entre les peuples, & les maintenir comme bons sujets. C'est pourquoy nous vous mandons tres-expressement que vous ayez à receuoir ceux que nous vous enuoyons pour vostre secours, & que vous ayez à chasser hors du pays tous ceux qui troublent le repos public, entre autres Meylad & Emeric Balassa: & sur tout que vous vous gardiez de receuoir aucun de la part du Roy Ferdinand, mais que vous ayez à rendre toute obeysance à vostre Roy, reconnoissant toutes fois nostre majesté comme sa souveraine. Car si nous entendons que vous ayez aucun commerce avecques les Alemands, assurez-vous d'auoir aussi-tost sur vos testes un nombre innombrable de Tartares & autant d'Accangis, qui mettront vostre pays à feu & à sang, & en prendront vne telle vengeance, que vous seruirez d'exemple à tous les autres peuples, dequoy nostre clemence vous a bien voulu aduertir, afin qu'un chacun se maintienne en son deuoir. Que si vous le faites, assurez-vous que vous aurez en vos iours toute sorte de felicité: car afin que vous l'entendiez, le Royaume est nostre, & vous estes tous les seruiteurs & les esclaves de nostre tres-illustre couronne. Voylà pourquoy vous deuez toute obeysance à nos commandemens. Soyez donc fideles au Roy que nous vous auons baillé: car si vous le faites, nous vous conseruerons en tous vos priuileges, & vous deffendrons enuers & contre tous, gardez-vous doncques de transgresser, ou d'aller à l'encontre d'un seul de nos commandemens.

La Reyne ap-
pelle le Mol-
daue, le Trans-
alpin & le
Bassa de Bude,
contre Geor-
ges.

Elle s'accorde
avec Geor-
ges.

Ces lettres ainsi enuoyées, Georges ne laissoit pas de continuer ses menées, cela contrainct la Reyne d'appeller à son secours le Moldaue, le Transalpin, & le Bassa de Bude: ce que redoutant le Moyne, apres auoir fait quelques efforts dans le pays contre ceux qui tenoient le party de la Reyne, & voyant qu'il n'estoit pas assez puissant pour resister aux forces qui luy venoient fonder sur les bras, il trouua moyen de s'accorder avec la Reyne, laquelle encores qu'elle sceust bien que cela ne pouuoit estre de longue durée, pour le peu d'arrest & de constance qui estoit dans l'esprit de Georges; toutesfois le desir qu'elle auoit de la paix, se voyant femme, seule, sans appuy, dans vne Prouince si troublée, s'accorda

s'accorda presque à toutes les considerations qu'on voulut. Cependant ceux qu'elle auoit mandez, aduançoient tous les iours chemin, de sorte que craignant la ruine de son pays, elle leur manda qu'elle estoit d'accord avecques le Moyne Georges, & que toutes choses estoient paisibles en la Transsiluanie, les remerciant toutesfois de leur prompte & secourable assistance, qu'elle feroit entendre au grand Seigneur, & luy en rendroit à luy mesme tres-humbles actions de graces, mais eux qui ne se payoient point de paroles, auoient resolu d'entrer dans la Transsiluanie, & d'y faire bien leurs affaires, auant que de retourner au logis, si qu'ils ne laisserent pas de passer outre. Ce que voyant Georges, amassa le plus promptement qu'il luy fut possible, toutes les forces du pays, donnant vne partie d'icelles à Chendy, qu'il enuoya contre le Moldaue & le Transalpin, & marcha luy-mesme contre le Bassa de Bude, faisans si bien l'un & l'autre, & conduisans si prudemment & si valeureusement leurs affaires, qu'ils forcerent leurs aduersaires de se retirer, non sans grande perte, le Bassa de Bude estant party tout des premiers. Il est vray que cela n'empescha pas Turchy qui estoit avecques Georges, & de ses principaux Capitaines, d'écorder vne bonne partie de son arriere-garde, encores que le Bassa se retirast à si grande haste, qu'il fit autant de chemin en vn iour, qu'il en auoit fait en six.

1548.
& suiv.

George s'at-
me contre les
Turcs.

OR comme ce deuoir de Georges luy auoit acquis la bien-veillance d'un chacun pour auoir si heureusement deliuré le pays, cela confirma & fit encores renouer dauantage cet accord qu'il auoit fait avecques la Reyne : mais son esprit turbulent & malin tout ensemble, ne luy permit pas de demeurer long-temps en repos : car il commença de plus belles, à tourmenter ceste pauvre Dame, si bien qu'elle ne pouuant supporter d'estre ainsi gourmandée par son inferieur, elle prit le temps qu'il s'estoit allé raffraichir à son Euesché de Varadin, pour pratiquer les principaux des Transsiluains contre luy, leur representant la tyrannie du Moyne, à laquelle ils estoient tous assujettis, & leur remonstrant qu'il estoit hors de tout propos d'obeyr à vn estranger, & voir cependant leur Roy legitime & leur Reyne serfs & esclaués sous les volontez de ce perfide, qui n'auoit ny foy ny Religion, penchant tantost d'un costé, & tantost d'un autre, qu'il ne falloit seulement que le mettre hors de la Prouince : car en ce faisant tout estoit assuré pour eux. Cela les émeut de sorte, qu'il se resolurent de prendre les armes contre le Moyne, & le chasser hors du Royaume.

La Reyne en-
core tourmē-
tée par Geor-
ges, tâche de
faire quel-
ques menées
contre luy.

GEORGES qui auoit des espies de toutes parts, fut aussi-tost aduertý de ceste resolution, & se voyant foible & sans assistance, comme il auoit le cœur grand, ne flechist pas pour lors à cet accident inespéré, mais ramassant tous ses esprits, & ruminant sur tous les moyens qu'il pouuoit auoir pour se conseruer son autorité, il n'en vid point de plus prompt ny de plus expedient que le secours du Roy Ferdinand : il luy enuoye doncques secrettement vn sien gentil-homme, pour luy faire entendre les mesmes propositions qu'il auoit faites autresfois au Comte de Salm, l'assurant que s'il enuoyoit secours suffisant pour resister à la puissance de la Reyne, & vn bon chef qui le secondast en ses entreprises, & se seruißt à propos des moyens il luy donneroit, qu'il le rendroit paisible dans peu de temps, de toutes les places fortes, non seulement de celles qu'il tenoit lors en sa puissance, mais de toutes les autres du Royaume, & forceroit la Reyne de luy remettre la couronne entre les mains, pourueu qu'il voulust donner au Roy son fils, ce qu'il auoit promis par l'accord fait avec le pere.

Georges re-
cherche deré-
chef Ferdi-
nand.

FERDINAND encores qu'il conneust la logereté de Georges, toutesfois reconnoissant de quelle importance luy estoit ceste Prouince, & qu'il auroit tousiours les Turcs à ses portes, s'ils se rendoient vne fois les maistres d'icelle, ne refusa point le party, & y enuoya quelques gens de cheual, puis incontinent apres, vne armée à laquelle commandoit Iean Baptiste Castaldo, Comte de Piadene & Marquis de Castan, qui auoit esté enuoyé au Roy Ferdinand de la part de l'Empereur Charles le Quint qui l'en auoit requis, n'ayant au tour de luy aucuns chefs dignes de telle entreprise. Et de fait les affaires furent acheminées de sorte, que la Reyne lassée de tant de trauerfes, sur les offres qu'on luy fit de donner à son fils la fille de Ferdinand avec cent mille escus de dot, l'acquiesce de toutes ses dettes & quelque principauté honorable pour pouuoir entretenir sa qualité, la Reyne se depouilla publiquement de ses ornemens Royaux, consignans la couronne Royale de Hongrie, entre les mains de Castaldo, laquelle estoit en grande estime parmy les Hongrois, à cause qu'on tient qu'un Ange l'a apportée du Ciel au Roy Ladislaus, Roy de Hongrie, & que le Roy qui n'en iouyt, ne peut estre vray Roy, ny gou-

Ferdinand
enuoye du se-
cours à Geor-
ges, contre la
Reyne.

La Reyne se
depouille du
Royaume en-
tre les mains
de Ferdinand.

1548.
& suiv.La couronne
Royale de
Hongrie en
fort grande
estime.Le Roy Esti-
enne épouse la
fille de Ferdi-
nand par pro-
cureur.Moyable ca-
strophe de
cette trage-
die.Tout le pays
bas de Trans-
silvanie se rēd
à Ferdinand.Mort de Bar-
be-rouffe.Guerre des
Turcs contre
les Perses.Le frere du
Roy de Perse,
refugié à Co-
stantinople.Solyman
prêt sa cause
en main.

uerner iuridiquement le peuple, ny leur administrer iustice. On adiousté encores à cela que si d'auenture ceste couronne se perdoit, & qu'elle se retrouuast entre les mains de quelqu'un, encores qu'il fut le plus pauvre du monde, incontinent sans autre preuue, on le creeroit Roy, & luy iureroit-on fidelité, comme à vn Roy legitime. Or que cela soit vray ou non, il est certain que sur ceste opinion le Turc a fort desiré de l'auoir, & le Moyno Georges aussi.

TANT y-a que Castaldo sceut manier si dextrement ceste affaire, que pour couronnement de l'œuvre, il fist prester le serment de fidelité aux Seigneurs de la Transsilvanie au nom de Ferdinand, & bien-tost apres les espousailles de l'Infante Ieanne sa fille avecques le petit Roy Estienne, qui fust tousiours depuis appelé Iean, furent celebrées en la ville de Colosuar, par procureur toutesfois, selon le pouuoir que Castaldo en auoit de Ferdinand, au grand contentement de tous ces peuples, qui esperoient la fin des guerres ciuiles par ceste alliance entre les Roys, & qu'estans d'oresnauant sous la puissance du Roy des Romains, ils auroient tousiours assez de puissance pour resister aux incursions des Turcs. Cela fait, la Reyne & son fils abandonnerent le Royaume, & se retirerent à Cassouie, non sans auoir (s'il le faut dire) miraculeusement échappé les embuches que les Turcs luy auoient preparées de toutes parts, & sans ietter maints sanglots & maints soupirs, se voyant de grande & puissante Reyne, vne pauvre & desolée Princesse, ayant esté premierement depouillée d'une partie de son estat par les Turcs, & puis du reste par Ferdinand; mais nous verrons cy-apres qu'il ne l'a pas mieux sceu garder qu'elle. Pour lors toutes les places du Royaume se rendirent à Castaldo: mesmes Pierre Vichy liura à André Battori, les villes de Lippe & de Themisvvar avecques Becch, & Becherreh, Chiuad, & tous les autres chasteaux & forteresses qui estoient alors en sa possession, ils appellent cela le pays bas: cela fait, il se mit incontinent en chemin vers la Reyne pour l'accompagner à Cassouie; c'estoit l'estat auquel estoit pour lors ceste Prouince, qui ne iouyra pas long-temps de son repos.

1548.

TOU ce discours a esté dit ainsi de suite, afin de ne point rompre à tout propos le fil de l'histoire: car le temps est icy bien aduancé, mais ie l'ay fait pour plus claire intelligence: tant y-a que toutes ces menées, ces reuoltes, ces guerres, ces redditions, & cet establissement de Ferdinand, se firent depuis la retraite de Solyman à Constantinople, iusques en l'an mil cinq cens cinquante & vn, ou selon les autres, mil cinq cens cinquante deux. Pour reprendre doncques les ans de nostre chronologie, en l'an mil cinq cens quarante-six, ce grand corsaire Barbe-rouffe, qui auoit tant couru de mers, destruit de villes, saccagé de Prouinces, massacré de peuples, & reduit les autres en seruitude & esclauage perpetuel, en fin finist ses iours à Blasistache sur le bord du Bosphore European, où durant sa vie il auoit basti vne Mosquée, en laquelle il fut ensepulturé le cinquiesme iour du mois Zumasiul-Euel. Dragut prit incontinent sa place, qui ne fit gueres moins de mal que luy. La mesme année Solyman enuoya son fils Bajazet hors de Constantinople, & luy donna vn Sanjacat ou Prouince pour son entretien.

OR y auoit-il assez long-temps que les armées imperiales des Turcs rauageoient l'Occident: car il sembloit que depuis la bataille de Mohacs, Solyman deust vn voyage tous les ans en Hongrie; mais enuiron les années mil cinq cens quarante-sept & mil cinq cens quarante-huict, il se presenta vne occasion de s'en aller en Orient, pour faire la guerre aux Perses les anciens & mortels ennemis, qui fut telle. Le Roy des Azemites Tachmas, auoit vn frere nommé Ercales Imirza, selon quelques-vns Elcasem. Cettuy-cy iouyssoit pour sa part, comme si nous disions appennage, du Royaume de Siruan. Or Tachmas ayant fait plusieurs outrages à ce sien frere, & le depouillant de ce qui luy appartenoit, émeu qu'il estoit du desir de se vanger des iniures qu'il auoit receuës à tort & sans cause, se retira vers les Circasses, & ayant avecques plusieurs destours passé par diuerses contrées, il arriua à Casa, où estant il enuoya demander permission d'aller à Constantinople, laquelle ayant obtenüe, comme il fut arriué là, il se soumit à la domination de Solyman, lequel le receut avec tout le bon visage & honneste accueil, qu'il eust sceu desirer, luy faisant rendre non seulement beaucoup d'honneur, mais encores luy donnant beaucoup d'argent & de tres-grandes richesses, & non content de la beneficence & liberalité dont il vsoit en son endroit, il commanda de tenir preste vne fort grande armée, pour remettre ce pauvre exilé en son Royaume, & le faire iouyr de sa pristine dignité.

AYANT doncques fait preparer tout ce qui estoit necessaire pour vn si grand voyage, & pour faire la guerre à vn si puissant Prince, il partit de Constantinople, le neuiesme iour

iour du mois de Sepher, à sçauoir le vingt-deuxiesme iour de Mars, de l'année mil cinq cens quarante-sept, & passa en la Natolie, allant tout droit sur les confins des Azemites, auxquels estant parueni il mit le siege deuant la ville de Vvane, cité tres-forte des Azemites, contre laquelle ayant fait braquer son artillerie, & battuë neuf-iours continuels, ceux qui estoient dedans en garnison, commencerent à desesperer de leurs affaires, & de pouuoir iamais resister aux forces de Solyman, si qu'ils comencerent à traiter de se rendre; ce qu'ils firent vies & bagues sauues, & quitterent en ce faisant la ville à Solyman, lequel enuoya incontinent ses Sanjacs & autres chefs de guerre avecques leurs gens, pour marcher contre Tachmas, & faire comme vne enceinte pour l'enclorre: où ils firent vn grand & merueilleux degast de toutes parts, poursuuians leurs ennemis d'vne telle animosité, qu'ils n'épargnerent aucune peine ny difficulté pour en auoir la raison, estans bien-aylés d'auoir quelque legitime occasion de se vanger de ce qui leur estoit arriué les années precedentes; mais ils n'auoient pas beaucoup d'affaires à gaster & fourrager les champs & les bourgades des Azemites: car Tachmas ne se presenta iamais, pour empescher le cours de ceste inondation, tout ainsi que s'il eust eu les mains liées, ou comme s'il eust obey aux Turcs, qui luy eussent deffendu de prendre la vengeance des iniures qu'ils faisoient souffrir à ses sujets.

1548.
& 49.
Prise d'Vvane
par les Turcs.

Degast des
Turcs en la
Perse.

Tachmas fuit
deuant eux.

QUANT à Ercafes Imirza, en faueur duquel toute ceste guerre estoit entreprise, c'estoit celuy qui faisoit par tout le plus notable degast, ne se pouuant rassasier de piller & de rauager tout ce qui estoit sous la domination de son frere, faisant vn choix de tout ce qu'il pouuoit tirer de rare des thresors d'iceluy ou des peuples qu'il saccegeoit, enuoyât tout ce qui estoit de plus noble & de plus excellent à Solyman; mais tout ce soin & ceste affection luy seruit de fort peu: car avecques tout cela, il ne peust impetrer ce qu'il desiroit le plus, à sçauoir qu'il peust recouurer sa Prouince de Siruan, & tout ce qui dependoit de son Royaume: car les effets de ceste expedition ne succedans pas comme les conseils & les aduis qu'on leur auoit donnez, ceste guerre commença d'estre insupportable à tous les gens de guerre, non seulement aux simples soldats, mais encores à ceux qui tenoient les charges & les premiers rangs d'entre-eux, de voir qu'elle tiroit ainsi en longueur, si qu'ils se resolurent tous des'en vanger sur l'auteur d'icelle, comme s'ils y eussent esté forcez par quelque necessité, & tenans entre-eux des conseils secrets de ce qu'ils auoient à faire pour ce regard, & comme ils s'y deuoient conduire, ils ne trouuerent pas plus bel expedient, que de se seruir de calomnies & faux rapports, & l'accuser vers le Sultan, afin de le precipiter en vn extreme danger, comme de fait ils l'accuserent de trahison, & de s'entendre avec son frere.

Imirza fait
des presens à
Solyman des
despoitilles
de son propre
pays.

Conspiration
des Turcs con-
tre Imirza.

ERCASES voyant que comme vn lievre, il estoit poursuiuy par ces chiens pour le prendre, (il me semble à propos d'vser des mesmes termes que les Annales) & ayant decouuert leurs embusches, ne voyant plus sa vie assurée au camp des Turcs, il s'enfuit, & se retira en la ville d'un Prince de ses amis, de la nation des Curdes ou Chaldeens, où il croyoit estre en toute seureté; mais il n'eust sceu pirement rencontrer; car ce Prince perfide violant tout droit d'amitié & d'hospitalité, fit bien-tost emprisonner le miserable Ercafes, & l'enuoya soudain à son frere Tachmas, celuy entre les mains de qui il redoutoit le plus de tomber. Tachmas aysé au possible de tenir en sa puissance, celuy qui luy auoit esté cause d'vne si grande guerre, & des rauages que les Turcs auoient faits en ses Prouinces, puis que Solyman n'auroit plus d'oresnauant aucun iuste pretexte de le poursuiure, la prise de cestuy-ty luy ostant d'abondant toute esperance de victoire par les menées qu'il eust peu faire, & les intelligences qu'il auoit de toutes parts, il le fit serrer fort estroitement, & afin encores de faire éuanouïr tous les desseins que les Turcs eussent peu auoir sur sa liberté, il le fit mourir en la prison. Or y auoit-il des-ja vn an & neuf mois qu'on estoit apres ceste expedition des Perses, où les Osmanides auoient souffert vne infinité de fatigues & d'incommoditez, si bien que tous recrues des mesaises qu'ils auoient endurées, & toutesfois avecques peu de gloire & de profit, ayans plustost esté à la picorée, la meilleure partie du temps, qu'à la guerre, leur Sultan mesme n'y ayant point eu d'auantage, il se retira avec toutes ses forces du pays des Perses, & s'en retourna à Constantinople, au commencement du mois de Zilchudzis, qui est leur premier mois, l'an de grace 1549. & de l'Egire 959.

Lequel se re-
tire chez vn
Prince sien
amy qui le
trahit.

Son frere le
fait mourir
en prison.

L'ANNEE suiuaute, qui estoit l'an 1550. Solyman fit ietter les fondemens d'un nouuel edifice à Constantinople, au lieu qu'en leur langue ils souloient appeller le parc des Dames du costé de l'Orient, & qui auoit esté consommé par le feu en ce grand embrasement, duquel

1550.
Bastimens de
Solyman à
Constantinople.

1550.
& 51.

Nouvelles.

XLII.

Solyman en-
uoyé en Trā-
siluanie.Le Beglierbey
somme The-
misvar.Response de
Lolonce, &
repartie du
Beglierbey.

nous auons parlé cy-dessus. Outre ce il fit aussi commencer vn temple ou Zume, à laquelle il adiousta vn Imaret ou Xenonie, c'est à dire vn Hospital, tant pour les pauures que pour les riches, vne Medresse aussi ou College, pour retirer les Docteurs & les Escho- liers, afin d'y apprendre les choses, tant sacrées que prophanes, le tout neantmoins selon sa secte, & outre ce vn Timar-hanam, c'est vne autre sorte d'Hospital, pour nourrir & panser gratuitement les malades, appellé par les Grecs Nosocomion.

SOLYMAN estant de retour à Constantinople, eut aussi-tost la nouuelle de ce qui s'es- toit passé en Transiluanie entre le Roy Ferdinand & la Reyne Isabelle, qu'on auoit re- mis aussi toutes les principales forteresses, entre autres celle de Themisvar, sur le fleuve Temise ou Tibise, entre les mains du Roy: cela fut cause qu'il commanda au Beglierbey de Romely, de prendre toutes les forces de Romelie, Europeennes, pour s'acheminer sur les confins de la Hongrie, & prendre encores les garnisons de ceste Prouince, si qu'il as- sembla vne fort puissante armée, & prit le chemin de Themisvar, où apres auoir passé le fleuve Tibiseque, il enuoya sommer la ville. Mais Lolonce qui estoit dedans, luy man- da que le Roy des Romains l'auoit mis là pour la deffence de ceste place, ce qu'il feroit iusques à la mort, ne reconnoissant point d'autre seigneur, ny d'autre Souuerain que cestuy- là, & partant qu'il luy feroit bien plus seant de se retirer arriere, que de venir rauager vn pays où son seigneur n'auoit aucun droit. A quoy on dit que l'autre ne fit autre response que ces quatre vers de Virgile.

*Ante leues ergo pascuntur in aethere cerui,
Et freta destituent nudos in littore pisces,
Ante pererratis amborum finibus exul,
Aut Ararim Parthus bibet, aut Germania Tigrim.*

C'est à dire en nostre Langue,

*Les Cerfs feroient plustost leur viuandis dans l'air,
On verroit les poissons delaissez de la mer,
Et vn banny faisant sa course vagabonde,
Estre en fin paruenu aux deux confins du monde,
Les Parthes s'abreuuer dans le fleuve Araris,
Ou bien les Alemans dans le fleuve Tigris.*

Voulant dire que toutes ces choses arriueroyent plustost, qu'on le vist iamais reculer en arriere.

Becche & Se-
nath se rendent
aux Turcs.Aussi font les
Rhathiens.Battory quit-
te Lippe aux
Turcs, assez
lâchement.

POURSVIuant doncques son chemin, il prit sur le bord du fleuve, vn petit cha- steau nommé Becche, lequel auoit voulu faire du commencement quelque resistance, mais l'artillerie ayant tiré quelques coups, les murailles en partie abbatuës, ceux qui estoient dedans, furent contraints de se rendre, comme fit le chasteau de Senath, & les Rhathiens, qui de bonne volonté se vinrent rendre aux Turcs, auxquels ils enuoyerent encores leurs femmes & leurs enfans pour plus grande seureté, bien qu'ils eussent presté le serment de fidelité à Ferdinand, & touché la solde: puis ayant mis garnison dans le chasteau de Senath, il prit le chemin de Lippe en fort grande haste, en estant loin de dix lieues, laissant Themisvar derriere, qu'il ne fit seulement que reconnoistre, aimant mieux pour ceste fois se saisir de l'autre, s'il pouuoit, comme estant vn passage à Castalde, pour donner secours à Themisvar. Dans ceste ville estoit André Battory, le- quel ayant esté aduertie que les Turcs approchoient, & que mesmes le Beglierbey auoit enuoyé deuant son avant-garde, tant s'en faut qu'il se mist en deuoir de deffendre vne place de telle importance, qu'il prit l'épouuente sans sujet, délogeant avecques vne telle confusion, que la meilleure partie de ses gens furent deffaits, s'en allans deça & delà à la débandade, & n'estans pas conduits durant l'obscurité de la nuit: car ce fut à ceste heure là qu'ils délogerent, chacun ne cherchant que les moyens de se sauuer. Il laissa de- dans le chasteau le Capitaine Pete, pour gouuerner le tout, & le deffendre le mieux qu'il pourroit.

Mais le Bourg-maistre de Lippe, aussi-tost qu'il sceut que Battory s'estoit retiré, vint trouuer le Capitaine, luy disant ouuertement que puis qu'ils estoient abandonnez des leurs, & qu'ils n'auoient aucune esperance de secours du costé de Castalde, ils ne vouloyent

vouloient pas se perdre à leur escient, eux, leurs femmes & leurs enfans; ce qui arrivoit infailliblement, s'ils s'opiniastroyent à resister au Begherbey; que partant ils estoient resolu de se rendre. Ce que voyant ce Capitaine, & que les Turcs estans dans la ville, il luy feroit bien mal-aisé de deffendre le chasteau, il pensa qu'il luy feroit plus à propos pour le seruice du Roy son maistre, s'il luy sauuoit ce peu de soldats qu'il auoit quant & soy, si bien que sortant d'un costé, le Bourg-maistre alloit de l'autre se rendre au Turc; lequel infiniment aisé pour voir vne telle place reduite sous l'obeyssance de son Seigneur, sans aucune perte des siens, receut cestuy-cy avecques vn fort bon visage, luy faisant force caresses & des presens, s'en allant bien-tost apres à Lippe avecques luy, où il logea avecques toute son armée, & y sejourna l'espace de dix iours. Or y auoit-il là aupres vn chasteau nommé Solimos, fort à merucilles, distant de Lippe, seulement de la portée d'une coulourine: les soldats qui estoient dedans, estoient Hongrois, lesquels sans s'épouuanter, comme ceux de Lippe, au lieu de prester l'oreille à toutes les offres & sermonces du Baïla, faisoient plusieurs forties, & endommageoient beaucoup son armée, esperans tousiours que Castaldo leur enuoyeroit du secours, comme il fit: cela fut cause que le Baïla, esperant les esmouuoir apres par vn long siege, laissant dedans Lippe cinq mille cheuaux, & deux cens Ianissaires des meilleurs qu'il eust, sous la charge du Perse Vlaman, il s'en alla avec le reste mettre le siege deuant Themisvvar.

1550.
& 51.

Lippe rendue
aux Turcs.

Solimos leur
reste

C'EST vne petite ville, mais comme nous auons dit, de tres-grande importance, laquelle est enuironnée du fleuve Themis, duquel elle a pris son nom. La moitié d'icelle estoit fermée d'une muraille faite de terre & de bois en forme de bastion, ayant au deuant de grands fossiez, mareils, & palus plein d'eau, qui la rendent en cet endroit tellement forte, qu'elle ne peut en aucune façon estre battue, & encores moins assiegée. Quant à l'autre costé, il estoit fermé d'une muraille à l'antique, mais quand on sceut que le Begherbey approchoit, on commença à la fortifier, en faisant par dedans vne tranchée longue de cent cinquante pas, & large de l'estendue d'une picque, & aussi profonde, avecques ses traueses & deffences necessaires, & dessous vne tour qui estoit au milieu, on fit vne casemate pour deffendre le fossé de tous costez, qu'on fortifia aussi avecques des flancs propres pour la scopeterie. Cela ainsi fait, ayant retiré dans la ville tous les viures & commoditez qui estoient aux deux faux-bourgs d'icelle, on en brûla le plus grand, de crainte qu'il seruiſt de logement à l'ennemy; & pour l'autre il demeura, à cause qu'estant enuironné des deux bras du fleuve, tant pour estre assez deffensable, que pour la commodité qu'on en receuoit, on delibera de le conseruer, & employer tous ses efforts pour la deffence de ceste ville.

Situation de
Themisvvar.

Sa fortifica-
tion.

Ceux de la
ville, brûlent
vn de leurs
faux bourgs.

LES Turcs cependant continuans leur chemin, le quatorziesme iour d'Octobre, on vit paroistre l'auant-garde deuant Themisvvar, ce qui donna sujet à Losonce de faire vne sortie sur eux, ayant quatre cens cheuaux avecques le Capitaine Vigiliandrane, & vn cheualier Espagnol nommé Alphonce Perez de Sajanedra, auquel Ferdinand auoit donné vne compagnie de cheuaux Hongres, la valeur duquel fut remarquée entre tous, aussi fut celle de Losonce, qui fit ce iour-là tout acte de bon & vaillant Capitaine; si qu'avecques sa troupe il força, non sans grand massacre, dix mille cheuaux Turcs, (qui estoient venus reconnoistre la ville) de se retirer & gagner le gros de leur auant-garde, & eussent passé plus outre, si le maistre de camp qui estoit dans la ville, craignant que ceste poursuite les engageast trop auant, & qu'il leur arriuaſt quelque chose de pis, n'eust fait sonner la retraite. Le lendemain le Begherbey parut avecques toute son armée, iusques au nombre, dit l'Histoire de Hongrie, de quatre-vingts & dix mille hommes: au commencement il auoit peu d'artillerie, mais il fit venir sept doubles canons de Belgrade, avecques lesquels & ce qu'il auoit auparauant, qui n'estoit que deux canons, deux moyennes & autres petites pieces, il commença de battre ceste place, s'estant rencontré à dresser sa batterie du costé le plus fort, où commandoit Losonce, & le maistre de camp Aldene, lesquels ayans appris la resolution des Turcs par vn de leurs prisonniers, élargirent encores leurs retranchemens de cinquante pas la mesme nuit: si bien qu'ils s'estimoient lors assez forts pour resister à la puissance de leur ennemy, lequel ayant continué sa batterie huit iours continels, sans reconnoistre aucun aduantage, ny sans s'estre préparé quelque bresche raisonnable pour venir à l'assaut, il leua le siege.

Sortie de
ceux de The-
misvvar sur
les Turcs.

Puissante ar-
mée deuant
Themisvvar.

Batterie des
Turcs contre
Themisvvar.

CE qui le hasta dauantage, ce furent les nouvelles que Castaldo & Georges auoient assemblé vne puissante armée, qui n'estoit pas moindre que la sienne: il est vray que Castaldo ne faisoit pas grand estat des Transiluiains, qui estoient venus à son secours, selon la

Ils leuent le
siege, sans rien
faire.

1551.

Et en fort
grande haste.Different en-
tre Castaldo
& Georges
pour le siege
de Lippe.Georges fait
Cardinal.Veut nager
entre deux
eaux, cause de
sa perte.Ferdinand
mande a Ca-
staldo qu'il se
détaille de
Georges.L'armée de
Ferdinand des-
uant Lippe.Passant assaut
des Aiduchs à
la ville de
Lippe.

coustume du pays, chaque maison faisant vn homme, mais mal-armé & mal aguerrý, ains s'asseuroit seulement sur quinze mille hommes qui estoient souldoyez par Ferdinand, & sur tout en cinq cens Espagnols, au quartier desquels il faisoit tousiours dresser son logis. Ceste grande armée fit retirer les Turcs à grande haste : si bien qu'ils laisserent mesmes dans leurs tranchées, plus de deux cens boulets de fer d'artillerie, que les Aiduchs, (qui sont gens de pied en Hongrie, portans cuirasses, halebardes, arcs, fleches, arbalestres, & cimeterres) lesquels ceux de Themisvar auoient enuoyez pour reconnoistre les desseins des Turcs, firent apporter dans la ville. Cecy estant sceu par les chefs de l'armée de Ferdinand, ils se resolurent d'aller assieger Lippe. Castaldo l'auoit auparauant fort debattu avec le Moyne Georges, qui par vne intelligence secrette qu'il auoit avec les Turcs, ne trouuoit point à propos qu'on allast assieger ceste ville, voulant parauenture donner temps à celuy qui estoit dedans, de se retirer. Mais ayant sceu la retraite du Bassa, il feignit d'en estre fort content, de sorte que d'un commun accord, ils allerent mettre le siege deuant Lippe : car on estoit tout assuré qu'Vlaman qui en auoit la garde, estoit tout resolu de se bien deffendre.

C O M M E doncques ils continuoient leur chemin, & qu'ils estoient à quatre milles de Lippe, le vingtiesme d'Octobre arriuerent nouuelles à Georges, comme à la requeste du Roy Ferdinand, on luy apportoit le chapeau de Cardinal que luy enuoyoit le Pape Iules, avecques les lettres de plusieurs Cardinaux; qui sans le connoistre, se conioüysoient que ceste dignité luy fust arriüée : ayant mesmes esté receu (escriuoient-ils) avecques l'unanime consentement de tout leur college. Ces lettres l'ayans tout resioüy d'un costé, & d'un autre craignant que le Turc entraist en quelque des fiance de luy, il faisoit bon visage, & s'en resioüysoit, quand il estoit avecques les plus Grands; mais avecques les autres il faisoit semblant de n'en faire pas beaucoup de cas : car desirant se maintenir avecques les Turcs, & avecques le Roy Ferdinand, il voyoit bien qu'il auoit beaucoup offensé ceux-là, pour gratifier cestuy-cy, & partant il craignoit que Solymand'en fist ressentir, quand l'armée de Ferdinand seroit retirée : or vouloit-il par ses artifices entretenir si bien ces deux partis, qu'il peust cependant iouyr paisiblement de la Transiluanie : mais Castaldo decouuroit toutes ses ruses, & sans luy faire paroistre qu'il eust aucune des fiance de luy, il se tenoit neantmoins sur ses gardes; outre ce que Ferdinand luy auoit enuoyé vn gentil-homme expres nommé Iules Salazar, pour luy dire qu'il auoit esté aduertý par aucuns siens secretaires, qui estoient tant à la Porte de l'Empereur Turc, qu'en la Cour de Sigismond Roy de Pologne, que Georges faisoit ce qu'il pouuoit pour s'accorder avec les Turcs, & le faisant perdre avec toute son armée, se rendre Seigneur absolu de la Transiluanie, c'est pourquoy il l'aduertissoit d'auoir l'œil sur luy, & le preuenir, en se deffaisant d'un homme si perfide; toutesfois Castaldo se conduisit si dextrement, que Georges n'eut iamais sujet de se deffier de luy.

C O N T I N V A N S doncques ensemble leur entreprise de Lippe, ils y vinrent mettre le siege le deuxiesme iour de Nouembre, Georges étant campé deuers le chasteau avecques les gens, & Castaldo avecques les siens, ayant occupe la montagne qui commandoit en caualier à tout le reste. Ce que voyans les Turcs, ils sortirent dehors la ville pour mettre le feu à vn faux-bourg qui estoit bien muni de viures, & principalement de vin, qui croist, dit-on, en ce quartier, le meilleur qu'on scauroit desirer. Ce que Castaldo ayant reconnu, y enuoya le Capitaine Iean Vigliao, avec cent harquebusiers Espagnols, qui les fit retirer: il luy auoit aussi enioint de conseruer tous les viures qu'il pourroit pour le seruice du camp; mais il arriua vne chose assez plaisante, si la fin n'en eust esté toute triste. C'est que Vigliao faisant ce qui luy estoit commandé, les Aiduchs de Georges se vinrent jeter sur le vin, duquel ils beurent en si grande quantité, que leur ayant donné dans la teste, ils ne scauoient plus ce qu'ils faisoient: si bien que cinq cens d'entr'eux poussez de ceste furie bacchanale, sans auoir autre conduite que le mesme Bacchus, s'en allerent sans aucun ordre & sans escheles, assaillir la ville. Ce qui mit du commencement vne grande alarme au camp : car on ne scauoit d'où cela venoit : les Turcs qui croyoient de mesme que leurs ennemis allaient à l'assaut sans faire bresche, & qu'ayans planté leurs escheles, ils vinssent à l'escalade: mais apres auoir couronné la muraille de leurs harquebusiers, & qu'ils eussent veu ses Aiduchs attachez au pied d'icelle, qu'ils comme bestes, les Turcs respondirent à coups d'harquebusades aux iniures que les coups de verre faisoient dire à ses yurongnes: & non seulement les gens de pied firent ceste insolée, mais les gens de cheual poussez d'une mesme manie, vinrent encores brauer ceux de dedans, l'espee à la main, si qu'ils

qu'ils firent vn grand massacre des vns & des autres, & y eust eu plus grand desordre, le reste de ceste armée voulant aller secourir leurs compagnons en tumulte & en confusion, si Georges n'y fust allé en personne pour les appaiser.

CESTE alarme estant passée, l'armée acheua de se loger, puis ayant fait reconnoistre la ville, Castaldo fit planter son artillerie contre l'endroit le plus foible, esperant s'il pouuoit venir promptement à l'assaut, d'accabler ceux de la garnison avecques la multitude des siens, toutesfois les Turcs ayans preueu à toutes choses, bien qu'ils eussent fait le tout à la haste, pour le peu de temps qu'il y auoit qu'ils s'estoient rendus les maistres de ceste place; ils s'estoient si bien retranchez & fortifiez, que ceux de Castaldo pensans venir à l'assaut, trouuerent ce qu'ils n'esperoient pas: cela leur fit sonner la retraite, & redoubler leur batterie, ce qu'estant fait, on vint alors à l'assaut, à bon escient, qui fut fort sanglant, les Autrichiens y ayans perdu plusieurs de leurs chefs, entre autres le Capitaine Aldene, le maistre de camp, Dom Anthoine d'Euzenilia & plusieurs autres, gagnèrent quatre enseignes, où il demeura fort grand nombre de soldats, de sorte qu'ils furent contraints de sonner la retraite: mais les Turcs ne perdirent point leur aduantage: car ils firent aussi-tost vne sortie sur les assiegeans, les poursuuians iusques en leur camp, desquels ils firent vne fort grande boucherie.

CELA commença à décourager ceste armée: car outre ce que la meilleure partie n'estoient point pratiquez à la peine, Georges se seruant encores de ses artifices, pour rendre la chose plus perilleuse, estoit d'aduins de déloger de là deuant, craignant l'arriuée du Beghierbey: au contraire Castaldo soustenoit qu'il failloit forcer la ville deuant son arriuée & l'emporter, si qu'il se donna vn fort cruel assaut, auquel Georges fit toutesfois le deuoir d'un bon & vaillant Capitaine, s'estant déguisé avecques vne casaque verte, de peur d'estre reconneu, & allant luy-mesme à l'assaut: les Turcs d'un autre costé faisoient tout deuoir de se bien deffendre. Mais en fin l'assaut auoit desia duré plus de quatre bonnes heures, sans qu'on peust remarquer de part ny d'autre, aucun notable aduantage, quand Castaldo encouragea tellement les siens, qu'en fin ils repousserent les Turcs, & gagnerent la ville d'assaut, Oliman ayant assez d'affaires à se sauuer dans le chasteau, lequel il n'auoit point muni, esperant de pouuoir deffendre la ville, lequel les gens de Castaldo eussent peu prendre à l'heure mesme, s'ils ne se fussent trop arrestez au pillage; car les Turcs se voyans forcez contre leur esperance, se retiroient en foule, se culbutans les vns sur les autres, & y fussent entrez pelle-messe avecques les fuyans, Oliman ayant erré long-temps sans sçauoir quel party prendre. La ville fut prise le sixiesme iour, le chasteau tint encore dix iours, sans que le Beghierbey se mist en aucun deuoir d'y donner secours, au bout desquels les assiegez manquans de toutes choses, la necessité les força de se ranger à quelque composition, à laquelle Castaldo ne voulut aucunement entendre, desirant auoir Oliman à sa disposition.

Mais Georges rechercha premierement toutes sortes d'inuentions pour le sauuer, & voyant que Castaldo s'opiniastroit au siege, il vsa de son autorité, & luy donna vn sauf-conduit, faisant en sorte que Castaldo donnast aussi le sien mal-gré luy; mais comme Oliman fut vn peu éloigné, le Marquis de Balasse sortit secrettement & le poursuivit, toutesfois il n'y eut pas grand aduantage: car Oliman tint brauement teste, & força l'autre de se retirer, arriuant sain & sauf deuers le Beghierbey. Les Turcs perdirent en ce siege environ deux mille hommes: Georges auoit fait venir Oliman dans sa tente; où on dit qu'il fut plus de quatre bonnes heures, & que de là il l'enuoya avecques vne escorte de deux mille cheuaux. Tout cecy estoit sceu de Castaldo, lequel sollicité par Ferdinand, taschoit de s'en deffaire, & en recherchoit tous les iours les inuentions, il est vray que cela ne se pouuoit pas executer sans peine, veu la creance & l'autorité que cet homme auoit parmy les gens de guerre, & dans le pays.

Mais ayant donné ordre aux affaires, tant à Lippe qu'à Themisvvar, comme ils alloient ensemble par la Prouince pour restablir toutes choses, ils arriuerent en fin au chasteau de Binse, que Georges pour la plaisante situation du lieu, auoit fait edifier sur les fondemens d'une ancienne Eglise, & monastere de Religieux, lequel pour ceste occasion il auoit fait demolir, & pour la ruine duquel, l'Abbé, à ce qu'on dit, luy auoit predict sa mort. Or Castaldo trouuant ce lieu merueilleusement propre pour l'execution de son dessein, se declara au Marquis Sforce Palaucin, aux Capitaines André Lopez Mouin, le Cheualier Campegge, Scarramuccia, & Piacentino, à tous lesquels on ioignit vn secretaire de Castaldo, nommé Marc Anthoine Ferraro d'Alexandrie, lequel auoit accoustumé de tout

1551.

Georges ap-
païse par sa
presence le
tumulte de
ces yron-
gues.
Castaldo fait
battre la ville
de Lippe.

Sortie des
Turcs sur
l'armée de
Ferdinand.

Assaut à Lip-
pe.
Vaillance de
Georges.

Lippe prise
d'assaut.

L'ardeur du
pillage tou-
jours cause de
quelque mal-
heur.

Le chasteau
se rend.

Georges sau-
ue Oliman,
contre la vo-
lonté de Ca-
staldo.

Il cōfere avec
luy dans sa
tente.

Georges fait
battre vn cha-
steau sur les
fondemens
d'une Eglise.

Castaldo se
relout à faire
mourir Geor-
ges.

• 1551. temps, tant de iour que de nuit, de traiter de quelques affaires avecques Georges, & mesmes tout à propos à heures déréglées, & Georges luy portoit vne bonne volonté, & le caressoit tousiours, luy faisant beaucoup de faueur, mesmes des presens, & se fioit grandement en luy. Quant à Castaldo, il auoit trouué moyen de faire entrer quelques harquebusiers dedans ce chasteau dès le grand matin parmy le charroy qui en sortoit, d'autant que Georges faisoit emporter son bagage pour son partement, qu'il auoit placez aux lieux commodes pour son entreprise, & par mesme moyen auoit enfermé les Aiduchs, qui estoient la garde de Georges, dans vne sale voisine de sa chambre, à quoy ils ne prirent point garde, mais s'amuserent à se chauffer.

L'ordre qu'il
apporta à l'ex-
ecution de
son dessein.

Comment les
meurtriers
procederent
à ceste execu-
tion.

Georges ma-
sacré en sa
chambre.

Quelques co-
siderations
sur la vie de
ce personna-
ge.

Punition des
meurtriers de
Georges.

OR tout cela ne se pouuoit pas faire sans bruit; cela fut cause que le secretaire de Georges entendant ceste rumeur, en vouloit aduertir son maistre, mais il en fut empesché par les conspirateurs qu'il rencontra, lesquels poursuiuans leur chemin, le secretaire de Castaldo marchant le premier, afin que le valet de chambre ne fust aucune difficulté de leur ouurir; car quatre iours auparauant, son maistre l'auoit enuoyé à heure semblable pour traiter de quelque affaire qui se presentoit lors, afin qu'au temps d'exécuter l'entreprise, on ne le trouuait point estrange. Ayant doncques frappé à la porte, & le valet de chambre ayant rapporté à son maistre qui c'estoit, on le fit entrer, marchant apres le Marquis de Sforce, lequel le valet de chambre ne voulut point laisser entrer, luy disant qu'il attendist à la porte: mais l'autromit le pied & le genoüil entre deux, empeschant en ce faisant que le valet ne la peust fermer. Cependant le secretaire auoit abordé Georges, qui estoit en chemin, couuert seulement d'une robe fourrée, comme celuy qui ne faisoit que sortir du liét, estant appuyé sur la table, sur laquelle il y auoit vn horologe, vn breuiaire à l'usage de Rome, & vn liure de ses memoires, avecques l'escritoire aupres; le secretaire luy dist, que le Marquis de Sforce deuoit aller à la Cour de Ferdinand, & qu'il estoit venu receuoir ses commandemens, auparauant que de partir, & disant cela, il luy mit de certaines patentes qu'on auoit feintes tout expres, pour l'amuser, lesquelles ayant leuës, comme il prenoit la plume & l'encre pour mettre son nom au dessous, le secretaire se seruant de ceste occasion, tira vn poignard qu'il auoit caché, & luy en donna vn coup entre la gorge & la poitrine, non pas toutesfois qu'il fust mortel, si bien que Georges reuenant à soy & disant Vierge M A R I E, luy donna vn si grand coup de poing en la poitrine, comme il estoit fort & courageux, qu'il le fit reculer iusques au bout de la table; le Marquis oyant ce bruit, sauta aussi-tost dans la chambre, & l'espée au poing luy donna vn tel estramaçon sur la teste, qu'il la luy fendit, & aussi-tost ceux qui suiuoient de pres le Marquis, & entre autres André Lopez, delacherent leurs arquebuses contre luy, ausquels Georges, en les voyant dist en langue Latine; Qu'est-cecy, mes freres? & proferant I E S V S M A R I A, il tomba mort.

C'ESTOIT vn homme de grand esprit, qui auoit vne grande intelligence des affaires, tant de celles de son pays que des Turcs, courageux & hardy en ses executions, mais fort inconstant en ses resolutions, extremement ambitieux, & qui vouloit tousiours en toutes choses tenir le premier rang; mais qui toutesfois desiroit conseruer son pays à son pupille: & comme il voyoit toute la Transiluanie en combustion, & ces deux puissans Princes, Ferdinand & Solyman les armes à la main pour la conqueste d'iceluy, il taschoit de les contenter tous deux, & ne se partialiser pas tellement pour l'un, qu'il eust l'autre pour ennemy, ce qui fut cause de sa perte: car on dit que ce qu'il voulut sauuer Oliman, n'estoit que pour obliger tousiours les Turcs à rendre plus de courtoisie aux Transiluiens, & les laisser viure en paix. Ainsi pourra-on tousiours remarquer que s'il a esté cause de grands maux bien souuent par ses irresolutions, aussi l'a-il esté de grands biens par ses inuentions & sa hardiesse. Mais quoy qu'il en soit, ceste mort n'aduança en rien les affaires des Chrestiens, ains au contraire, la guerre commença plus fort que deuant, si que la Transiluanie ne demeura pas long-temps sous l'obeyssance de Ferdinand, ains retourna sous celle du ieune Roy Iean.

Q V A N T aux meurtriers, tous perirent miserablement: car le Marquis Sforce ayant esté mis en route en vne rencontre qu'il eut contre les Turcs, & pris par iceux, ils luy firent souffrir de tres-grands tourmens: le Capitaine Monin eut la teste tranchée en Piedmont: Marc-Anthoine Ferrario fut decapité par le commandement du Cardinal de Trente en Alexandrie: vn autre fut écartelé en Prouence par les François: le Cheualier Campeggio: l'an mil cinq cens soixante deux, fut en la presence de l'Empereur Ferdinand creué par vn sanglier en Boheme: outre ce on fut fort marry de ceste mort à Rome, & le Pape excommunia

munia tous ceux qui l'auoient tué. Son corps fut long-temps estendu tout nud sur la terre sans sepulture ny lumiere, tout roide de froid & plein de son sang qui s'estoit figé sur ses playes, en fin on le fit porter à Albe-Iulle, où Castaldo le fit ensepulturer aux despens de Ferdinand, en vn tombeau de pierre au milieu de la nef de la grande Eglise, pres de celui de Iean Huniades Coruin. La mort de ce Cardinal me fait souuenir de celle de François Ximenes de Cisneros en Espagne, qui auoit rendu des seruices si signalez à Charles le Quint à son aduenement à la couronne d'Espagne, il est vray que celle de François ne fut pas si cruelle en apparence que celle de Georges, mais elle fut bien aussi tragicque, & qui vouldra peser & rapporter toutes choses les vnes aux autres sans passion, trouuera peut-estre assez de sujet pour les éгалer en felicité & en misere. Mais quoy! C'est la recompence de l'amitié des Roys, disoit Aratus.

1551.
Le Pape les excommu-
nie.

Comparaison
des deux Car-
dinaux, Geor-
ges & François
Ximenes.

Castaldo se
faisit de tou-
tes les places
que tenoit
Georges.

Zeghedin pris
sur les Turcs,

Qui gardent
le chasteau.

Le Bassa de
Bude au se-
cours de Zeg-
hedin.

Les Chrestiens
perdent leur
aduantage.

Le Bassa defeat
les troupes
des Austri-
chiens & re-
prend Zeghe-
din.

XLIII.
Autre expedi-
tion de Soly-
man en Trás-
siluane.

Il enuoye
Achmet en sa
place.

Quelles for-
ces il y en-
uoya.

Or Castaldo, apres la mort de Georges, s'estoit emparé de toutes les places qui estoient sous son pouuoir, & voyant que les Transiluiains ne faisoient point de grands remuemens de cette mort, croyoit auoir doresnauant tout paisible, mais c'estoit que ceux-cy flechissoient à la force, tout estant plein de soldats estrangers de toutes parts, comme il se verra cy-apres. Pour le present, poursuiuant sa pointe & se seruant du temps & de l'occasion, ses gens prirent sur les Turcs Zeghedin, ville non gueres éloignée de Lippe, où il y auoit vn fort chasteau, basti sur le bord du Tibisique, pres l'endroit où il entre dans le Danube: cette prise se fit par vn nommé Ottomial, moyennant l'intelligence qu'il eut avecques ceux de dedans, mais les Turcs se retirerent dans le chasteau, où ils resisterent brauement à Aldene, qui estoit venu au secours, afin de se pouuoir saisir de cette place, en ayant escrit aussi à Castaldo, qui n'approuua point cette entreprise; toutesfois daurant qu'Aldene l'asseuroit que la place estoit prenable dans peu de iours, il ne laissa pas de luy enuoyer quelques secours; tant y a qu'ils assemblerent là deuant trois mille cheuaux de combat, deux cens Espagnols, cent Alemans, & deux mille pietons Hongrois, sans deux cens hommes d'armes qu'y auoit amenez Ourestolph.

Le Bassa de Bude aduertiy de ce siege, amena enuiron quelques quinze cens cheuaux avec quelques chariots, en intention, non d'attaquer les assiegeans, mais pour ietter seulement quelque secours dans la place, & rafraischir les assiegez; mais Aldene les ayant fait reconnoistre, se resolut de les combattre; ce que voyant le Bassa, il fit entrer dedans ses chariots tous les Janissaires qu'il auoit avecques soy, puis il fit deux escadrons de tous ses gens de cheual, l'un plus gros que l'autre, avecques lequel il se mit, courant l'un & l'autre avecques ses chariots comme d'un rempar: toutesfois les Hongrois enfoncerent du commencement l'escadron contre lequel ils donnerent; & croyans auoir desia tout gagné, ne s'amuserent qu'à poursuiure les fuyans; ce que reconnoissant le Bassa, qui minutoit desia sa retraite vers Bude, voyant que personne ne le poursuiuoit, & que les Hongrois couroient par la campagne avecques confusion, il reprit cœur, & poursuiuant ses ennemis, fit vn grand massacre de tout ce qui tomba sous la fureur du glaue: car tant les Hongrois, qu'Alemans & Espagnols, s'estoient tous mis en fuite, comme ils virent les Turcs retourner au combat: si bien que le Bassa voyant la chance tournée, ayant premierement mis dans le chasteau le renfort qu'il desiroit qui y entraist, il se mit à la chasse des autres, qui auoient laissé perdre leur aduantage pour le desir qu'ils auoient de butiner, & tout d'un melime pas reprit la ville de Zeghedin, laquelle il fit promptement reparer. Cependant que ces choses se passoient ainsi, André Battory fut créé Vaiuode de Transiluanie, & Estienne Lofonce Comte de Themisvar.

TOUTES ces nouuelles furent rapportées à Solyman, lequel voyoit bien que Ferdinand s'establiroit en sorte dans ce pays-là, qu'il seroit apres bien malaisé de l'en debusquer, s'il n'y donnoit ordre: or combien qu'il eust accoustumé d'estre ordinairement le conducteur de ses armées, principalement aux affaires d'importance, neantmoins estant encores tout las de cette guerre de Perse d'où il estoit nouuellement arriué, il auoit resolu de se reposer: mais voyant de quelle importance luy estoit ceste Prouince, & qu'il y falloit remedier, auparauint que ses ennemis s'y fussent dauantage fortifiez, il y commit en sa place Achmet ou Mahomet Bassa son Vizir avecques la force des Janissaires & Selickars, à sçauoir les soldats de la Porte, ou garde Imperiale. On commanda aussi au Vaiuode de la Moldauié d'entrer dans le Royaume par Braslouie. Il y auoit en cette armée cent mille hommes, avecques soixante pieces d'artillerie, entre lesquelles il y auoit trente doubles canons: le Beglierbey auoit vingt-mille cheuaux, Cassam Bassa quinze mille, & deux mille Tartares: avec cet equipage ayant laissé Belgrade derriere, il auoit fait dresser vn pôt sur le Tibisique.

1551.

Les forces de
l'armée de
Ferdinand.

Castaldo con-
tre le Molda-
ue, & le Vai-
uode contre
le Bassa.

Grande de-
confiture des
Moldaues.

Cause en par-
tie de se reti-
rer de la Trans-
silvanie.

Le Bassa deuant
Themisvvar.

Affaut à la
ville de The-
misvvar.

Ceux de la
ville offrent
le tribut aux
Turcs, qui le
refusent.

Deux Espa-
gnols fugitifs
de Themisv-
var sont cause
de la ruine.

QUANT aux Austrichiens, outre l'armée de Castaldo & les forces de la Transsilvanie, il leur vint encores de renfort le Comte de Helfestam avecques quatre mille vieux Alemans, amenant avecques soy dix pieces d'artillerie : Ferdinand escriuoit par luy à Castaldo, qu'il luy enuoyeroit bien-tost quinze cens hommes-d'armes, & sept autres enseignes d'Alemans, & que le Marquis Sforce Palauicin seroit en peu de temps vers luy avec trois mille Italiens, deux autres mille soldats Hongrois, & avecques le plus de caualerie qu'il pourroit. Avecques ces forces ils entreprirent de soustenir celles des Turcs, Castaldo allant contre le Moldaue qui auoit desia passé les montagnes, & le Vaiuode contre le Bassa qui ne pouuoit pas tant s'aduançer dans le pays que l'autre, à cause des places fortes qui estoient de toutes parts. Tout au commencement de cette guerre les Alemans firent vne sedition à Colosuar, à cause qu'on ne leur faisoit toucher qu'une paye, au lieu de deux : de sorte que tandis que deux armées estrangeres viennent dans cette Prouince pour la rauager, ce peu de gens qui y sont pour la deffendre, ne se peuuent accorder ensemble pour la deffence du pays & le salut commun.

OR quant au Moldaue, il auoit assez mal joué son personnage du costé de Brassouie : car le Comte Iean Baptiste d'Archo, que Castaldo auoit mis sur les aduenues pour deffendre les passages, auoit fait tous les actes de vaillant caualier & prudent Capitaine, l'ayant battu maintesfois, non en combat general : mais toutesfois il luy auoit fort diminué ses forces, en vne rencontre entr'autres, comme les Moldaues estoient venus pour reconnoistre la ville de Brassouie : car ils receurent là vne telle perte que ceux de la ville enuoyèrent trois charrettes pleines de testes à Castaldo, qui s'estoit cependant fort approché, encores qu'il eust lors fort peu de forces quant & luy. Ce que ne pouuant croire le Moldaue, quelque rapport qu'on luy en eust fait, & s'imaginant qu'un homme de telle importance ne se mettroit iamais en chemin, sans vne bonne & puissante armée, pour la crainte qu'il auroit de faire tort à sa reputation, se tira ; mais toutesfois Castaldo n'osa sortir de la Prouince pour aller vers Themisvvar, de crainte que le Moldaue ne se iectast en son absence sur la Transsilvanie.

QUANT à Mahomet Bassa, les affaires alloient de la sorte : Ayant passé le Tibisque avecques beaucoup de difficulté, il s'estoit campé le iour saint Iean Baptiste avecques grande peine deuant Themisvvar, laquelle il battoit en trois endroits avecques septante pieces d'artillerie, qui ne cessèrent de tirer l'espace de vingt-sept iours ; si que les deffences terrassées de toutes parts, ceux de dedans quelque resistance qu'ils eussent peu faire, ne sçauoient plus comment se deffendre : car ils estoient desesperez d'auoir aucun secours, Castaldo ayant tasché d'y faire entrer dedans quatre cens Aiduchs, qui auoient esté tous tallez en pieces par les Turcs, & André Lopez avecques quelques Alemans : mais ils auoient desia perdu tant d'hommes qu'ils n'estoient plus bastans pour resister à si grande puissance, si qu'ils penserent d'entrer en quelque composition : or d'autant qu'Achmet en y mettant le siege ne s'estoit arresté que sur ce qu'on n'auoit point enuoyé à la porte du grand Seigneur, le tribut que Pierre Vicki souloit payer pour le Comté de Themisvvar, & mesmes que Castaldo & Georges, auoient, il y auoit quelque temps, enuoyé celuy qu'on auoit accoustumé de payer pour la Transsilvanie, Losonce proposa à tous les siens qu'il seroit bien à propos d'en faire l'ouuerture ; & comme ils remettoient l'affaire de iour en iour, le Bassa vint liurer vn cruel affaut, qui dura plus de quatre heures, auquel il mourut plus de quinze cens Turcs, & de ceux de la ville bien cent cinquante, avec vn fort grand nombre de blessez ; toutesfois Losonce & le siens se deffendirent si courageusement, que les Turcs furent repoussez iusques dans leurs tentes.

MAIS la batterrie ne cessant point, & le nombre de leurs gens diminuant de iour en iour, ils se resolurent en fin d'enuoyer, comme ils firent, vers le Bassa, pour faire offre de payer ce tribut, à condition qu'il leueroit le siege de deuant la ville. Le Bassa fit response qu'il auoit de vray fait cette ouuerture au Vaiuode de Transsilvanie, mais qu'il y falloit entendre deuant qu'il y eust mis le siege. Cela fit opiniastrer ceux de dedans à se deffendre iusques à la fin ; & de fait on dit que Solyman marry de voir ce siege aller en longueur, auoit mandé au Bassa qu'il se retirast à Belgrade ; & comme il estoit en termes de ce faire : (car les assiegez augmentoient leur courage de iour en iour avecques la perte de leurs murailles) deux Espagnols sortirent de Themisvvar, & vinrent trouuer le Bassa, auquel ils firent vn ample recit de l'estat de Themisvvar, l'assurans, veu le petit nombre des assiegez, & l'estat de la ville, qu'il estoit impossible qu'ils peussent dauantage resister, s'il vouloit continuer encores le siege quelques iours, & liurer quelques assauts. Cela le fit opiniastrer à demeurer

demeurer là deuant encores quelque temps : car on dit pour tout certain qu'il s'en alloit leuer le siege, s'ils eussent attendu encores six iours : mais quoy : c'est la coustume qu'une grande misere est ordinairement à deux doigts pres d'une grande felicité, & principalement au fait des armes, le tout faute d'auoir connoissance des affaires de ses ennemis.

1551.

Le Bassa resolu de leuer le siege, sans leur aduis.

Losonce propose de se rendre aux Turcs.

TANT y-a que Losonce voyant qu'Achmet perseueroit opiniaistrement à battre la ville iour & nuict, & mesmes qu'en vn assaut qu'il auoit liuré depuis le depart des deux Espagnols, il auoit perdu grand nombre de gens, si que malaisémēt pourroit-il soustenir d'auantage le siege, s'il ne vouloit perdre avecques la ville, le reste de la garnison, il pensa qu'il valoit mieux faire composition avecques son ennemy & sauuer vne partie, que de perdre le tout; à quoy tous ceux de la garnison se rangerent aysement, depuis la peine qu'ils auoient eue vers le costé du chasteau, où ils se virent en tres-grand danger, les Turcs estans entrez dans la ville, de laquelle ils se fussent rendus les maistres dès lors, sans quelques Alemans & Espagnols qu'on y enuoya : mais ils estoient d'avis de sortir secrettement par le costé des marests, où la ville n'estoit pas enuironnée, & que par là ils se pourroient couler dans les bois circonuoisins, sans estre decouverts, & de là à Lippe; car ils se souuenoient de ce qu'on auoit fait cy-deuant à Oliman, & se doutoient bien que les Turcs en voudroient tirer leur raison. Mais Losonce les assura qu'il n'y auoit que craindre, & qu'il traitteroit si seulement avec le Bassa, qu'ils ne courroient aucun danger; & là dessus ayant fait signe qu'il vouloit parler, il enuoya vn de la garnison & vn Hongrois deuers luy, pour en faire l'ouuerture, qui furent fort courtoisement receus d'Achmet, lequel pour les gratifier d'auantage, leur donna des robbes de soye à la façon des Turcs.

Articles pour la reddition de Themiswar.

Accordez par le Bassa, à condition d'auoir les esclaves.

Ceux de la garnison veulent tromper, mais à leur dommage.

CEUX-CY ayans tout remply de bonne esperance ceux de la garnison, on enuoya les articles, par lesquels Losonce demandoit qu'il peust emmener l'artillerie hors ville, les soldats sortans à enseigne déployée avecques leurs armes & bagage; que le Bassa les feroit conduire en lieu de seureté; qu'il n'y auroit aucun des habitans molestez; que tant à la sortie que par le chemin, il ne leur feroit fait aucun tort ny dommage : tous ces articles furent fort volontiers accordez par le Bassa, qui en presta le serment de les accomplir, & les renuoya signez & scelez; il adiousta seulement que la ville & tous les esclaves luy demeureroient, sans qu'on en peust emmener aucun. Cela fut accordé le vingt-quatriesme iour de Iuillet, & deux iours apres Losonce sortit de la ville avecques sa garnison à huit heures du matin, mais comme ils eurent vn peu éloigné de là leur chemin, les Annales Turques disent, que les Turcs furent aduertis qu'ils n'auoient pas fidelement laissé tous les esclaves, ains qu'ils en auoient emmené quelques-vns quant & eux, & que voyans leur fraude & mauuaise foy, le Bassa auroit enuoyé contre eux les troupes Europeennes, qui leur auroient donné à dos, & les auroient massacrez iusques à vn.

Perfidie des Turcs selon l'Histoire de Hongrie.

Losonce massacré de sang froid dans la tête du Bassa.

Caramsebesse se rend aux Turcs.

TOUTESFOIS l'histoire de Hongrie veut, que dès que cette garnison commença à sortir de Themiswar, ils apperceurent deux gros bataillons, tant de pied que de cheual, qui trauersoient vne colline par où les autres deuoient passer. Les Espagnols qui marchoient les derniers voyans tant de gens sur le chemin, prenans de cela vn mauuais augure, enuoyerent dire à Losonce, qu'ils ne vouloient point sortir de la ville, si le Bassa ne faisoit retirer ses gens hors de ce chemin : de quoy estant aduert, il les assura derechef à peine de sa teste, qu'ils ne receuroient aucun dommage, que c'estoit seulement qu'il vouloit faire voir à son armée ces braues soldats qui auoient si vaillamment resisté, pour leur seruir d'exemples à l'aduenir, avec plusieurs autres belles paroles, sur lesquelles s'estans fiez, ils sortirent hors de la ville, laquelle ayans éloignée d'environ trois cens pas, à vn coup d'harquebuse qui fut tiré, selon le signal qu'on leur auoit donné, les Turcs environnerent incontinent cette garnison, & la taillerent en pieces, au moins ceux qui ne se voulurent point rendre : car la meilleure partie aymerent mieux perir les armes à la main, que de se fier à la perfidie de l'infidele. Entre ceux qui furent pris, ce fut Losonce, lequel n'eut pas meilleur marché que les autres : car Achmet l'ayant fait amener en sa tente; luy fit trancher la teste. On dit que ce qui fut cause de sa mort, fut, qu'indigné de la perfidie dont on auoit vsé enuers les siens, il auoit tué vn des Sanjacs, si que plusieurs se ietterent alors sur luy, & le massacrerent; puis on luy couppa la teste qu'on enuoya à Constantinople. Il n'est pas toutesfois hors de propos que les assiegez n'eussent fait quelque fraude à ces esclaves, & que les Turcs pour l'enuie qu'ils auoient de se vanger, ne se seruissent de ce sujet.

LA prise de cette ville ne fut pas seule : car celle de Caramsebesse, qui attendoit

1551.

Impuden-
ce d'Aldene.

Sa vanité.

Delibere de
mettre le feu
au chasteau
de Lippe.On l'en dis-
suade.Nouveau su-
jet de l'épou-
uenter.Fait qu'il co-
mande de
mettre le feu
au chasteau.Fuite d'Alde-
ne & de ceux
de la garni-
son.Cornare fan-
ue de l'artille-
rie

l'evenement de celle de Themisvvar, & qui pour s'entretenir avecques le Bassa, luy fournissoit des viures tout du long de ce siege; aussi-tost qu'elle sceut que sa voisine s'estoit rendue, elle enuoya offrir le tribut au Bassa. Cette ville est fort peuplée, & son territoire fort fertile: cela fut cause qu'Achmet la receut fort volontiers en sa protection, voyant combien elle luy seroit vtile en ses guerres qu'il vouloit continuer en cette Province. Or durant qu'il estoit deuant Themisvvar, Aldene qui estoit dedans Lippe, ne croyant peut-estre pas que les Turcs pussent iamais prendre cette place, ne s'estoit tenu sur ses gardes, & par vne imprudence n'importe, comme s'il n'eust pas eu l'ennemy à ses portes, se tenoit à requoy sans se fortifier: mais comme il auoit aussi peu de courage que de prudence, aussi-tost qu'il sceut que Themisvvar estoit sous l'obeyssance des Turcs, croyant desia auoir cette puissante armée sur ses espauls, il pensa que le chasteau de Lippe n'estoit pas pour resister à l'ennemy, & la ville encores moins, & que ce luy estoit vne legitime excuse pour se retirer, encores qu'il eust mandé à Castaldo, qu'il ne redoutoit point la puissance des Turcs, & qu'il s'assurast sur luy, qu'il n'abandonneroit iamais la ville; toutesfois il ne demeura gueres en cette resolution: car aussi-tost qu'il sceut la reddition de Themisvvar, croyant que le Bassa viendrait incontinent fondre sur luy, & mettre le siege deuant la ville de Lippe, il resolut non seulement de l'abandonner, mais encores de mettre le feu au chasteau. Dequoy ayant aduertie quelques vieux Espagnols, tous d'une voix le supplierent de voir premierement quelle brisée prendroit le Bassa, que le bruit estoit qu'il n'auoit point intention de venir faire vn second siege, ayant esté assez harassé au premier: mais quand ainsi seroit qu'il y deust venir, qu'encores ne falloit-il pas quitter si laschement vne place de telle importance, qu'on luy auoit commise, & que volontairement il auoit prise en sa garde, auparauant que d'auoir veu l'ennemy. Les habitans luy faisoient les mesmes prieres, & principalement les refugiez, qui sur le bruit de l'arriuée de l'armée Turquesque, auoient quitté leurs demeures trop foibles pour faire resistance, & s'estoient venus retirer à Lippe, comme en vn lieu de seureté, assurez qu'on ne laisseroit point cette ville-là sans secours.

Mais tout ce qu'on luy peust dire, n'eut point le pouuoir de luy faire changer de resolution: car il en auoit gagné plusieurs de son party, auxquels il donnoit plus de crainte qu'ils n'en auoient, & feignoit qu'il auoit entendu toutes autres nouuelles, que celles de la verité, si bien que quelque remonstrance qu'on luy sceust faire, on ne peust empêcher qu'il n'executast son dessein, ayant encores pris vne nouuelle épouuente sur vne forte espoille poussiere que quelques sentinelles auoient decouuerte de loin, causée toutesfois par vne troupe de vaches effarouchées qui courroient par la campagne, par deux soldats qui venoient au mesme temps à toute bride, pour aduertir en diligence que les Turcs ne faisoient point mine de decamper, & pour dire à Aldene qu'il changeast d'aduis, puis qu'il n'y auoit point sujet de crainte: Mais tant luy que ceux de la garnison, voyans cette poussiere & ces soldats courans ainsi, creurent que c'estoit l'ennemy qui estoit proche. Or auoit-il fait venir à soy tous les canonniers, & leur auoit commandé qu'ils eussent à charger tous les canons iusqu'à la bouche pour les faire creuer, & qu'ils missent toutes les poudres dans les caues des tours pour les faire tomber par terre, quand bon luy sembleroit. Ayant doncques pris cette nouuelle épouuente, il fit premierement sortir ses chariots & toute la garnison, & au mesme temps fit mettre le feu aux poudres qui estoient dans deux grandes tours, qui par ce feu sauterent par terre, & quant à l'artillerie, elle donna contre les murailles; si que le chasteau fut incontinent tout en feu & vne grande partie de la ville, au grand estonnement de tous les habitans, qui parmy leur perte maudissoient la lascheté d'Aldene & des siens, d'auoir luy-mesme causé vn plus grand degast à vne si belle ville, que n'auoit pas fait l'ennemy, quand il l'auoit eue en sa possession, & comme il y auoit grande apparence qu'il ne seroit pas encores. Mais Aldene & ceux de cette garnison ne se donnans pas beaucoup de peine de toutes leurs plaintes, tiroient pays en la plus grande haste qu'il leur estoit possible, & avecques tel desordre, que les payfans des lieux circonuoisins, eurent bien l'assurance d'en espier quelques-vns & de les destroufer.

Ce feu se vid de fort loin, si bien que Barthelemy Cornare, qui estoit à quatre lieues de Lippe, voyant cette grande flamme si espoisse, monta à cheual & s'en vint à la ville, où ne pouuant assez deplorer cette miserable ruine, ny exagerer selon la dignité du sujet, la desesperée lascheté d'une acte si vilain, il sauua seulement enuiron quinze pieces d'artillerie qui restoient du debris du feu, & ne pouuant remedier au reste qui estoit tom-
bé en

1551.

L'ordre de Castaldo, apres l'abandonnement de Lippe.

Les Turcs viennent à Lippe, & la fortifient.

Fortes qu'ils mettent dedans.

L'acheté de la garnison de Solimos.

Leur fait perdre leur place & leur vie.

Le Bassa perd son aduantage par la mauuaise elution.

bé en vne merueilleuse desolation, il se retira à Iule, ayant premièrement fait mettre le feu à tout ce qui estoit d'entier en la ville, & dont les Turcs eussent peu se seruir, donnant aduis de tout à Castaldo, lequel ayant fondé sa principale esperance sur ceste place, & la voyant perdue pour luy, escriuit à Ferdinand pour auoir du secours, n'esperant pas d'oresnauant de pouuoir empescher les Turcs d'entrer dans la Transiluanie, puis qu'ils en tenoient la porte, ny d'auoir vne armée assez suffisante pour leur resister. Toutesfois ne perdant point courage, il enuoya le Capitaine Lopez avec sa compagnie dans le chasteau de Deue, la meilleure forteresse qui fust en ce quartier là, apres Lippe, & donnant ordre à tout le reste, s'en alla à Seghesuar, & de là à Sassebessé, ville située au milieu du Royaume, & de laquelle il pouuoit faire haster toutes les fortifications qu'il faisoit faire de toutes parts, pour se deffendre contre le Bassa, lequel n'auoit aucun dessein d'assiéger Lippe, sachant combien elle auoit esté fortifiée, & qu'il y auoit dedans vne fort bõne garnison: mais ayant entendu qu'Aldene & les Espagnols l'auoient abandonnée, il enuoya quelques-vns pour la reconnoistre, & sçauoir comment les choses s'estoient passées.

CEUX-CY arriuerent le iour mesme que Cornare en délogoit, & ayans considéré toutes choses fort particulièrement, quelques-vns d'entr'eux retournerent dire à leur General, que ce feu n'auoit point apporté grand degast à ce qu'on auoit fortifié de nouveau; qu'encores que le chasteau fust tout rompu & fendu de toutes parts, les bouleuars & les courtines estoient neantmoins debout entieres, & en deffence, qu'il y auoit bien deux vieilles tours qui estoient tombées, mais qu'il n'y auoit rien d'endommagé de ce qui auoit esté fortifié & réparé par le dedans; que mesme le chasteau se pouuoit facilement remettre en son premier estat, & fort bien se deffendre, que leurs compagnons trauailloient alors à esteindre le feu qui brûloit encores, afin qu'il n'apportast point plus grand dommage. Achmet ayse infiniment d'auoir ceste place si importante, à son commandement, & à si bon marché, y enuoya Cassam Bassa avecques cinq mille cheuaux pour s'en emparer: Ce que cestuy-cy ayant fait, il donna charge à quelques-vns d'aller reconnoistre le chasteau de Solimos; ceste place luy estant tres-importante, mais tres-bien munie: de sorte qu'on dit qu'avecques les forces qui estoient dedans, comme ceste place estoit inexpugnable à cause de sa situation, ils pouuoient soustenir deux ans vn siege. Mais les Espagnols de ceste garnison, à l'imitation de leurs compagnons qui estoient avecques Aldene, sachans que Cassam Bassa estoit dedans Lippe, le Cap Descadre qui auoit la garde de ce chasteau, print aussi-tost l'épouuente, & comme si quelque terreur panique se fust vniuersellement glissée parmy ses soldats, luy & les siens abandonnerent ceste place, sans attendre seulement d'auoir esté sommer; car au moins lors eussent-ils tiré vne tres-bonne composition, mains croyans d'auoir tousiours les Turcs à leurs espauls, & ne pouuans ce leur sembloit, se sauuer assez à temps, ils laisserent tout à l'abandon.

CASSAM Bassa auoit enuoyé cependant deux cens cheuaux pour sommer la place, & voir s'ils la pourroient auoir par composition; lesquels arriuant là, furent bien estonnez de trouuer les portes ouuertes (comme si ceste garnison eust eu crainte de donner trop de peine à leurs ennemis) pensans au commencement que ce fut quelque stratageme: mais en fin n'entendans aucun bruit, ils entrerent dedans, où ne trouuans personne, laissant dedans vn petit nombre des leurs, le reste se mit à poursuiure ces fuyards, qu'ils iugeoient ne deuoir pas estre loin; comme de fait ils les eurent incontinent atteints, & les taillerent tous en pieces, excepté le Cap Descadre, qu'ils prirent prisonnier, & le menerent à Cassam Bassa, receuant ainsi ce qu'ils auoient le plus craint, & qui ne leur eust sceu arriuer, s'ils eussent eu le courage de se deffendre; ayans esté si precipitez en ceste fuite, qu'ils laisserent leur place & leurs munitions entieres à leurs ennemis, qui s'en sceurent bien mieux seruir qu'ils n'auoient fait. Or si le Bassa sur ceste épouuente generale eust donné avecques toute son armée dans la Transiluanie, on tient pour certain qu'il s'en fust rendu le maistre; l'aduis qu'il choist, preserua pour lors ceste Prouince: car Castaldo n'estoit pas assez puissant pour luy resister, Ferdinand ne luy ayant enuoyé que mille hommes de renfort, & quelques pieces d'artillerie. Mais afin que chacun eust barre sur son compagnon aux fautes qu'ils feroient les vns & les autres, cestuy-cy ne reconnoissant pas son aduantage, resolut de tirer deuers la Hongrie, & de prendre les places qui estoient plus importantes en ces quartiers là, s'assurant de venir puis apres plus aysement à la raison de la Transiluanie, sans mettre son armée en danger: car Castaldo auoit tout de propos deliberé faire courir vn bruit que son armée estoit fort puissante, & qu'il attendoit tous les iours nouveau secours, se resoluant de le combattre, s'il passoit plus outre.

1551.

XLIV.

Siege du chasteau de Drigal par les Chrestiens.

Deffaite & prise du Marquis Palauicin.

Siege des Turcs deuant Zaluoch.

Sa situation.

Sa fortification & ses munitions.

Les soldats de la garnison veulent abandonner la place.

Mal-gré leur Capitaine, qui l'empesche à son possible.

Les Turcs se jurent de mourir plustost en cette place, que de l'abandonner; les Turcs se saisirent de luy, & le rendent maistré de Zaluoch.

TANDIS que le Bassa se preparoit pour passer en la Hongrie, le Marquis Sforce Palauicin, tenoit le chasteau de Drigal assiegé par le commandement de Ferdinand: cette place est située sur le chemin qui va de la Hongrie en Transiluanie, lequel estoit pour lors tenu par les Turcs. Castalde qui s'estoit informé particulièrement de cette place, & sçachant combien elle estoit forte & bien munie, & d'ailleurs le peu d'hommes qu'auoit pour lors le Marquis, luy auoit mandé qu'il n'estoit point d'aduis qu'il s'arrestast là deuant, mais qu'il le vint trouuer. Au contraire, l'autre s'estant opiniastré deuant cette place, d'autant qu'elle estoit commode pour le passage des troupes qu'on vouloit faire passer par cette Prouince, il se vid incontinent enuironné par le Beglierbey de Bude, qui avecques quinze mille cheuaux vint l'attaquer, ayant enuoyé deuant quelques cinq cens cheuaux, comme par vne amorce, où ceux de Palauicin ne faillirent point de donner, & les ayans mis en route du premier coup, ils se debanderent: de sorte que le Beglierbey voyant son aduantage comme il desiroit, donna dessus ceux-cy, qui s'amusoient à butiner, lesquels ne s'attendans pas à cette recharge, se mirent incontinent en fuite, mais les autres les empescherent si bien de fuir, que peu se sauuerent à Vienne: la pluspart furent taillez en pieces, & le reste fut pris prisonnier; entr'autres le Marquis Sforce, qui fut quelques mois sous la puissance du Beglierbey de Bude, lequel luy ayant fait souffrir plusieurs tourmens en vengeance de la mort de Georges, le deliura en fin, moyennant quinze mille ducats de rançon.

CETTE deffaite acheua de donner l'épouuente à toutes ces nations; si bien qu'il n'estoit pas mal-aisé aux Turcs de faire bien leurs affaires, ce que reconnoissant bien le Beglierbey de Bude, conseilla au Bassa Achmet de mettre le siege deuant Zaluoch, c'estoit vn chasteau que le Roy Ferdinand auoit fait bastir dès les fondemens pour la commodité du lieu, duquel il auoit esté aduertty que Solyman se vouloit seruir pour la mesme consideration. A l'entour de cette place il auoit fait faire cinq grands caualiers fort hauts, arrousez d'vn costé du Tibiseque, & par vn autre du fleue Zaglua, & aux deux autres endroits il y auoit vn fossé fort profond qui s'emplissoit de l'eau de ces fleuues, au dedans il y auoit vne grande place pour y ranger quatre mille hommes en bataille: tant y a que ce chasteau estoit tenu pour vne des plus fortes places qui fust en la Hongrie, & comme telle, Ferdinand la tenoit tousiours munie d'hommes & d'artillerie, avecques toutes autres sortes de viures & de munitions pour dix ans. Il y auoit pour lors dedans trois cens Alemans, cent Bohemiens, deux cens Aiduchs, cinquante Espagnols, & deux cens cheuaux Hongrois, & outre ce cinquante longues barques, telles que celles dont on a accoustumé de se seruir sur les riuieres, qu'il tenoit tousiours là prestes, tant pour s'en ayder à la pesche, que pour combattre dessus, s'il en estoit besoin. Toutes ces choses ainsi bien ordonnées, estoient bien suffisantes pour faire consommer là deuant, sans rien faire, vn puissant ennemy; mais la meilleure piece y manquoit, c'est que ceux de dedans n'auoient point de cœur, aussi ne subsisterent-ils gueres long-temps.

CAR à peine les Turcs eurent-ils mis leurs pieces en batterie & tiré quelques coups de canon, qui faisoient peu ou point d'effet, à cause que la place estoit toute enuironnée de terre & de fascines, qui amortissoient la fureur de la balle, que les Alemans, qui n'auoient point esté payez de leur solde, commencerent à traiter avecques leurs autres compagnons pour faire vne retraite: les Espagnols y resisterent du commencement, mais enfin ils se laisserent aller avecques les autres, qui sortirent vne nuit, quoy que le Castelan qui estoit là dedans pour la garde de la place, leur pût remonstrer, quelle honte & quelle ignominie ce seroit à iamais à ces nations-là d'auoir abandonné vne si bonne place, & fait vn si mauuais seruice au Roy Ferdinand. Ayez-vous mieux, disoit-il, estre pris de l'ennemy, le plus auare & le plus cruel qui soit point, & de voir vos personnes en pieces, que de rendre du combat, & vous monstrier fideles à vostre Roy? Quant à moy j'ayme mieux finir mes iours, qu'il me soit iamais reproché d'auoir fait vn si lasche tour, & finir en deshonneur le reste de ma vie. Mais pour tous ces discours ils ne laisserent pas, mal-gré luy, d'ouurer la porte & de sortir, encores que ce Castelan eust de son argent payé les gages des Alemans. Or comme cela ne se pouuoit faire sans vn grand bruit, les Turcs qui estoient aux escoutes, voyans cette rumeur cessée, s'aduancerent iusques à la porte par laquelle estoient sortis les Alemans, & trouuerent le Castelan qui s'efforçoit de la fermer: car il auoit juré de mourir plustost en cette place, que de l'abandonner; les Turcs se saisirent de luy, & l'ayans lié, le menerent à Achmet, auquel ayans recité comme toutes choses s'estoient passées, il luy fit beaucoup d'honneur, & le traita fort gracieusement. Cette perte augmenta bien

bien la frayeur de Ferdinand & de Castaldo, lequel s'asseuroit que les Turcs n'iroient point attaquer Agria, qu'ils ne se fussent rendus les maistres de Zaluoch: mais voyant cestuy-cy en leur puissance, il craignoit fort qu'Agria ne peust resister, à cause qu'elle estoit assez mal fortifiée, & neantmoins de tres-grande importance.

CEPENDANT que ces choses se passaient ainsi en Hongrie, arriuerent à Vienne, des Commissaires que le Pape enuoyoit pour faire vne information sur la mort de Georges, & sçauoir si veritablement il auoit conspiré contre le Roy Ferdinand & son estat. On leur bailla quelques depositiōs: mais si discordantes qu'il estoit bien mal-ayse des'claircir de la verité, toutesfois ils prirent ce qu'on leur bailla, & s'en retournerent en poste à Rome. On decouurit aussi vne secrette conspiration des Transiluiains contre Castaldo, en intention de l'assassiner, dont on accusoit Pierre Vicchy & Chendy; toutesfois Castaldo se tint sur ses gardes, & banda les yeux à toutes choses, les Transiluiains estans sur les termes de se reuolter contre Ferdinand, y estans incitez, tant pour ce qu'ils voyoient toutes choses mal aller, que pour estre sollicitez par la Reyne Isabelle, qui se plaignoit fort de Ferdinand, pour ne luy auoir rien tenu de tout ce qu'il luy auoit promis. Et de fait ils auoient tasché de persuader à Castaldo d'aller mettre le siege deuant Lippe, afin que toute son armée estant hors de la Transiluanie, on luy en empeschast apres le retour; mais luy qui estoit fort aduisé, reconnoissant leur artifice, trouua assez d'excuses pour demeurer dedans le pays. La Reyne Isabelle en auoit escrit à Solyman, le suppliant tres-humblement de la vouloir secourir en la necessité: cela auoit esté cause en partie que le Vaiuode de Moldaue estoit venu en la Transiluanie; mais Castaldo promit vne si grande recompence à vn gentil-homme fugitif du Vaiuode, de ceux qu'ils appellent entre-eux Bayards, que cestuy-cy ayde de plusieurs autres conspirateurs, tua le Moldaue de plusieurs coups de poignard, entrans vn iour dans sa tente, comme il s'estoit mis sur son lit pour reposer.

A CELA il suruint encore vne plus grande chose, qui fut cause de le maintenir: car le Bassa Achmet voyant les affaires luy reüssir à souhait, & que les plus fortes places se rendoient presque sans coup ferir, ou pour le moins avecques bien peu de peine, ne faisoit pas grand compte de la ville d'Agria, croyant d'en auoir encores plustost la raison que de toutes les autres, cela luy auoit fait licentier vne partie de son armée: & à la verité cette ville estoit lors fort foible & sans bouleuars, son chasteau mesme assez mal flanqué, mais elle trouua dedans soy des courages inuincibles, plus forts que tous les bastions des autres places qui sembloient imprenables, & toutesfois estoient venues en la main des Turcs. Ils n'estoient pourtant que deux mille Hongrois, entre lesquels il y auoit cinq cens gentils-hommes, qui s'y estoient refugiez avec leurs femmes & leurs enfans, n'y ayant point là aux enuiron de place plus forte pour leur retraite. Tous ceux-cy firent vne promesse entre-eux, qu'aucun sur peine de la vie, n'eust iamais à parler d'accord, ny se rendre à quelque composition que ce peust estre; que si la necessité de viures les reduisoit à quelque extremite, qu'ils eussent plustost à se manger l'un l'autre, que de tomber en la puissance de l'ennemy, aux paroles duquel on ne deuoit iamais respondre qu'avecques l'harquebuse & le canon: ils ordonnerent aussi que tous les iours apres la Messe, tant les hommes que les femmes, sans interuersion, trauailleroient aux rempars & fortifications, & pour euitier à toute trahison, ils firent deffences qu'on ne pourroit s'assembler plus de trois ou quatre. Que tous les viures, tant de la munition, que des maisons particulieres, se distribueroient également au poids, & tant par iour: que les pigeons, chapons, & autres viures plus delicats, seroient gardez pour les malades & blesez: que toutes les depouilles qu'on pourroit gagner sur l'ennemy, seroient mises en vn lieu à part, pour estre distribuées apres également entre ceux qui auroient exposé leur vie pour le salut de leur partie, en y comprenant aussi les femmes. Cette distribution se faisoit par vn Predicateur qu'ils auoient lors dans la ville, non moins vaillant qu'eloquent: ce qui leur seruit beaucoup au plus fort de leurs affaires, voyans cet homme mettre en pratique, ce qu'il leur preschoit à l'heure mesme du plus grand danger.

OR Achmet auoit enuoyé sommer ceux du chasteau, leur promettant vies & bagues sauues, & toute sorte de bon traitement, les laissant aller en toute seureté où il leur plairoit: mais ceux de dedans ne luy respondirent autre chose, sinon que faisans mettre sur deux lances vne biere ou cercueil couuert de noir, le firent monstrier en cette sorte par dessus la muraille au trompette qui parloit à eux, voulans entendre que ce chasteau seroit plustost leur sepulture que de se rendre. Achmet voyant leur resolution, vint inuestir la ville avec 60000. hommes, & 60. pieces d'artillerie, ordonnant deux batteries, l'une vers l'Eglise

Information
sur la mort de
Georges.

Les Transiluiains se veulent reuolter contre Ferdinand.

Conspiration
contre le Vaiuode de Moldaue.

Siege deuant
Agria.

Articles que
iurerent ceux
d'Agria, pour
se deffendre
contre les
Turcs.

Achmet somme
ceux d'Agria de se rendre.

Quelles forces
les Turcs
auoient deuant Agria

1551.

Assaut des
Turcs à
Agris.Femmes d'A-
gris combat-
tent comme
les hommes.Courage re-
marquable en
deux femmes.Meczkei &
Dobo chefs
dedans Agria.Les Turcs
gagnent les
murailles, &
toutesfois s'ont
repoussez.

se, & l'autre vers la montagne, mettant à chacune 25. pieces, qui tirerent continuellement tout du long du siege; si que le chasteau estoit si découuert & ruiné, que les assiegez ne sçauoient où se retirer à seureté: mais ils firent par dedans vne grande tranchée le long des murailles, fort profonde & fort large, où ils se remparerent, & y faisoient le guet tout à tour. En fin le Bassa d'un costé, & le Beglierbey de l'autre, firent donner trois assauts en vn iour à cette place, où ils trouuerent tant de resistance, qu'on a laissé par escrit, que huit mille d'entre-eux demurerent sur la place, & bien qu'ils eussent monté sur la muraille avecques plusieurs de leurs principaux Capitaines, ceux-cy furent tous taillez en pieces, & les autres repoussez; ce qui anima dauantage les Turcs à s'opiniastres d'en prendre la raison: vn iour entre autres qu'ils leur liurerent vn fort cruel assaut en quatre endroits, auquel les femmes ne se monstrent pas moins vaillantes & courageuses que les hommes, faisans avec pierres & eaux bouillantes, vn grand massacre de leurs ennemis, & combatans à l'enuy avec les autres citoyens à qui emporteroit le prix de vaillance.

DE Vx actes entre autres furent fort remarquables; l'un fut qu'une mere, son gendre & sa fille estans à combattre sur la muraille, il aduint que le mari fut tué; ce que voyant la mere, sans autrement s'estonner, dist à sa fille qu'elle l'allast enterrer: mais ceste femme au lieu de s'amuser à lamenter dessus le mort, elle print l'espée & la rondache de son mari, & se mettant en sa place: Il n'est pas temps, dist-elle, de faire des funerailles ny de ietter des larmes: mais bien de prendre la vengeance & respandre le sang de nos ennemis: & là dessus commença à combattre avecques autant d'adresse & d'ardeur, comme si elle n'eust iamais fait autre chose: si qu'on dit qu'elle ne voulut iamais partir de là qu'elle n'eust fait mourir trois Turcs de sa main; alors la foiblesse du sexe ne luy permettant pas la continuation du combat, s'estant assez vangée, elle s'en alla donner sepulture à son mari. L'autre action notable, fut que durant le mesme assaut, vne femme portant vne grande pierre sur sa teste, pour la ietter de la muraille en bas sur les Turcs, vn boulet d'artillerie luy emporta la teste, tombant morte aux pieds de sa fille, laquelle, en disant qu'elle ne seroit pas digne de viure, si elle ne vangeoit sa mort, toute enflammée d'une iuste cholere, print la pierre toute teinte du sang de sa mere, & avecques vne fureur nompareille, s'en alla où estoit la plus grosse meslée de ses ennemis, où elle en tua deux, & en blessa plusieurs autres; les femmes combatans ainsi à l'enuy des hommes sans se donner aucun relasche: si que les Turcs commencerent lors de reconnoistre à bon escient, que c'estoit avecques les Hongrois & en la Hongrie qu'ils auoient affaire: car depuis quelques années; mais sur tout depuis deux ans, ils auoient fait si peu de cas des Capitaines & des soldats, tant Hongrois qu'Alemans, qu'à peine se pouuoient-ils persuader d'auoir affaire à ceste nation, de laquelle leurs predecesseurs leur auoient fait entendre tant de choses terribles.

Le siege cependant & les assauts continuoient, les Turcs trouuans tous les iours de nouvelles inuentions, tantost à remplir les fossez, ores à dresser plusieurs machines pour y mettre dedans vn nombre de soldats, & pouuoir attaquer plus à l'ayse ceux de la forteresse, mais à tout cela Meczkei & Dobo, qui commandoient dans cette place, trouuerent tousiours quelque nouveau remede pour les deliurer, si qu'ils soustinent treize assauts, le septiesme desquels & le plus signalé fut donné le douziesme iour d'Octobre: car Meczkei ayant esté blessé d'un coup de pierre, cela fut cause que la resistance ne fut pas si grande au bastion de la vieille porte, où estoit lors le fort du combat; & d'ailleurs les Turcs trouuerent moyen de gagner vne sorte de casemate qu'on auoit faite d'une prison, où on auoit mis dedans cent hommes en garde, lesquels ayans esté repoussez par la multitude des assiegeans, le Turc avecques les cris d'un ennemy triomphant, s'empare des murailles, y plante les enseignes, & iette à bas tout ce qui luy venoit à la rencontre, de sorte qu'il s'alloit rendre le maistre de la ville, si Peten Zukan, & Pribebec avecques leurs troupes, ne leur eussent fait vne telle saluë d'arquebusades, & apres avecques l'espée & la pique, ne les eussent contrainsts de regagner le fossé, non sans vne grande perte. Le lendemain toutesfois, les Turcs ne laisserent pas de leur donner vn assaut general, Achmet accusant les siens de lascheté, & ne se pouuant persuader autrement qu'ils ne fussent demeurez les maistres de la ville, s'ils eussent eul' assurance de passer outre: & de fait les Historiens tiennent qu'elle fust lors venue entre leurs mains, si vne plus grande puissance que celle des Agriens ne se fust opposée à leur victoire, à sçauoir vne assistance diuine, qui deliura lors visiblement ces pauures assiegez de la main de leurs ennemis: mais comme il ne penetrait point dans cette conception, ains rapportoit le tout à la foiblesse humaine, dès le soir mesme, apres la retraite, les ayant conuoquez à l'Assemblée, il leur dist:

MAIS

MAIS quelle frayeur a esté la vostre en ce combat? vid-on iamais vne telle épouuante, n'ayans de si belles prises sur vostre ennemy? Est-il possible que ceux qui viennent de prendre les fortes places de Themisvar, de Lippe, & de Zaluoch, fuyent maintenant deuant vne poignée de gens, qui sont dans vne ville assez mal fortifiée, & qu'on les ait repoussez de dessus les murailles conquises? N'auons-nous pas grande occasion de louer DIEU, de ce que le vainqueur d'une mesme course, n'est venu donner iusques à nostre camp? car c'est sans doute que vous l'eussiez quitté. Mais quelle peur vous a pû tellement troubler vos entendemens que de vous faire oublier qui vous estes, vostre aduantage, & quels sont vos ennemis? N'avez-vous plus memoire de tant de victoires sur des peuples auparavant inuincibles, de tant de conquestes de tres-grandes & florissantes Prouinces, & de tant de places inexpugnables, & neantmoins emportées d'assaut, mal-gré toute la resistance & les efforts de ceux de dedans? Que si vous eussiez eu vos mesmes courages, l'ennemy vous eust-il ven aux espauls? ne fussiez-vous pas plustost demeurez sur la place que de reculer vn pas? Il ne nous reste plus que cette place pour le couronnement de nos labours, & pour nous en aller recevoir des Royales mains de nostre Souuerain, les recompenses de nostre vertu: mais la fin couronne l'œuvre, toute la gloire que nous auons acquise durant cette guerre, se perdra avecques nostre honneur, si nous sommes forcez de leuer le siege. Là dessus vn cry se leue qu'il pardonnast à ses soldats la faute de cette iournée, & que de là en auant il éprouuast leur courage: Ouy vraiment, dit-il, ie l'érouneray, & vous meneray dès demain à vn assaut general, afin que par vne glorieuse victoire vous puissiez obtenir le pardon que vous demandez. Et là dessus les ayant licentiez, le lendemain dès la pointe du iour, vne grande rumeur, à l'ordinaire, se fit parmy le camp, qui fut comme vn signal à ceux de la ville, qu'ils auroient beaucoup à souffrir cette iournée.

1551.

Aigre remon-
strance d'Ach-
met aux siens

CE LA fut cause que Meczkey & Dobo donnerent ordre à toutes choses, encourageans les leurs, & les assurant que les Turcs vouloient faire leur dernière main, qu'ils esperoient les trouuer tous harassés du iour precedent; mais s'ils se vouloient ressouuenir que l'amour de la patrie est vn liniment qui fortifie les plus foibles natures, & qui redouble les forces à vne ame genereuse qui se void reduite à la necessité, ils verroient aussi que leur assurance seroit suffisante pour épouuanter l'ennemy desia tant de fois vaincu, & leur voyant les espèces traitées, au lieu de chants de victoire, de leur faire ietter des cris & des gemissemens, ne plus ne moins que le Heron voyant fondre sur luy l'oyseau massacreur. Mais qu'auons-nous à faire de vous exhorter, puis que la chose parle assez de soy-mesme, & la necessité vous y contraint? joint, que les exemples vous y doiuent encore plus inciter que nos paroles, puis que les femmes, contre la foiblesse de leur sexe, & contre leur naturelle timidité, ont bien eu l'audace aux assauts precedens, de tenir teste, de combattre, voire de prester le colet à l'ennemy, & d'estre cause de donner la victoire à leurs citoyens: comme celle qui pour vanger, il n'y a que deux iours, la mort de sa mere, tua non seulement deux Turcs de sa main, & blessa plusieurs autres, mais encore encouragea tellement ceux qui estoient aupres d'elle, que bien que l'ennemy commençast d'estre le maistre de ce costé-là, toutesfois les remonstrances, ou plustost la hardiesse de cette-cy, fut si puissante en leur endroit, qu'ils firent tourner le dos à leurs ennemis, & abandonner leur artillerie, de telle façon qu'il y en eut deux pieces des plus grosses enclouées. C'estoient des exemples qu'ils auoient veus, & qui estoient causes qu'ils jouissoient encore de la vie & de la liberté: qu'ils fissent doncques à cette fois tellement paroistre leur valeur, qu'elle rabbatist l'orgueil & la brauade de leur ennemy, duquel il falloit tant tirer de sang à cet assaut, qu'il en fust par apres non seulement plus froid & remis à les assaillir, mais encore qu'il perdist toute esperance d'emporter la place, & fut contraint de leuer le siege.

Meczkey &
Dobo encourageant les
leurs.

Grand courage d'une femme, de laquelle il a esté parlé cy-dessus.

E V X enflammez de ces remonstrances, soustinent gaillardement les efforts des Turcs, qui avec leurs clameurs & bruits de nacaires accoustumez, vinrent en plusieurs endroits à la fois attaquer la ville, afin d'empescher dauantage les assiegez; mais les chefs n'auoient qu'à donner l'ordre, comme ils auoient fait dès le commencement: car chacun faisoit si bien son deuoir, iusqu'àux femmes & aux enfans, qu'encore qu'il y eust bresche de toutes parts, toutesfois les Turcs n'y sceurent auoir aucun aduantage: si qu'apres auoir long-temps assailliy, ils furent contrains de sonner la retraite. Sambucus, qui a escrit cette histoire, dit qu'un Turc en se retirant de cet assaut, commença à proferer en termes si clairs qu'il peust estre entendu: *Je vous loue, Agriens, & vous donneray tousiours la reputation de tres-vaillans & genereux: vous n'avez plus que craindre, serrez vos armes & vous reposez, car nous allons leuer ce siege, que nous auons assez debatü à nostre dommage; mais toutesfois*

Grand deuoir des Agriens à se bien defendre.

Propos d'un Turc aux Agriens.

1551.

c'est en intention apres auoir hyuerné, de retourner en cette place l'année prochaine, avec vne si puissante armée, qu'elle effacera nostre honte, & nous vangerá du mal que nous y auons receu maintenant. Ce discours n'empescha pas toutesfois que l'artillerie des Turcs ne joüast continuellement, & qu'il ne se donnast encore quelques assauts: mais enfin Achmet voyant l'obstinée resolution des assiegez, & que l'hyuer s'approchoit, joint que la peste s'estoit mise en son camp, qui auoit fait mourir vn fort grand nombre d'hommes & de cheuaux, apres auoir eu quelques paroles contre Haly Bassa, le gouuerneur de Bude, qui l'auoit engagé à cette entreprise, esperant n'auoir affaire qu'à des femmes & à des enfans; il leua le siege le dix-huictiesme iour d'Octobre, renuoyant Haly à Bude, & luy prenant le chemin de Belgrade. Les Agriens du commencement qu'ils les virent decamper, se tinrent coys, craignans que ce fust quelque stratageme: mais depuis voyans que c'estoit à bon escient, ils sortirent environ mille hommes, qui vinrent donner sur ceux de l'arriere-garde, qui se tenoient moins serrez, sur lesquels ils firent vn tres bon & riche butin.

Le siege leué
de deuant
Agria.

Les Agriens
donnent sur
la queue des
Turcs, qui se
retiroient.

Conseil & bon
aduis de Ca-
staldo mépri-
sé.

DURANT ce siege d'Agria, Castaldo auoit conseillé à Ferdinand de donner charge au Duc Maurice de Saxe (qui estoit venu en Hongrie, selon l'accord qu'ils auoient ensemble, avecque quinze mille hommes) de marcher d'un costé contre Achmet, tandis que luy l'assailliroit d'un autre avecque la sienne, ayant esperance, veu l'estat auquel estoit pour lors reduite son armée (laquelle outre la perte qu'il auoit faite, estoit assaillie de peste & de necessité) s'ils se pouuoient ioindre ensemble, d'obtenir vne tres-signalée victoire, laquelle ne leur pouuoit apporter qu'une assurance de n'estre poursuiuis de long-temps; car toutes choses estoient disposées pour cet effet, Castaldo estant fort pres de son ennemy, ayant moyen de luy liurer la bataille en plaine campagne, pourueu que Ferdinand luy eust enuoyé vne bonne troupe de cheuaux legers; mais au lieu de suivre ce conseil, on leur commanda de courir le pays d'Albe-Royale & de Vesprimie, pour diuertir le siege d'Agria: ce qui ne se pût executer, le temps y estant fort contraire. Tout cecy s'estant passé durant les années mil cinq cens cinquante & vn, & mil cinq cens cinquante-deux, & de Mahomet 959.

XLV.

1550.

Courtes de
Dragut le lóg
des costes d'I-
talie.

Son origine.

Son aduance-
ment.

Se rend ma-
istre d'Africa.

Traite hu-
mainement les
habitans qui
le reconnois-
sent pour Roy.

Expedition
des Chrestiens
contre Dra-
gut.

OR durant toute cette guerre de Hongrie, Dragut qui auoit succédé à Barbe-rousse, faisoit mille maux par tous les riuages de Sicile, & de Naples: Il estoit fils d'un payfan de Mentescely, village situé sur le bord de la mer à l'endroit de l'Isle de Rhodes: vn maistre canonnier passant par là, le trouua, n'ayant encore que douze ans, comme il faisoit paistre son troupeau. Cettuy-cy luy remarquant vne façon courageuse, & qui promettoit quelque chose de bon, le demanda à son pere, & l'emmena au Caire, où il se rendit fort bon canonnier. De là ayant passé en Alexandrie, il eut part à vn brigantin pour vn quart, & fit apres heureusement plusieurs bonnes prises, si qu'il trouua moyen d'armer vne bonne galere, & alla en Alger seruir Barbe-rousse à la Preuise, dont il a esté parlé cy-dessus, où il commandoit à l'auant-garde, à vingt galeres & dix galiottes. Quand Sinan fut enuoyé à Suës pour General de l'armée de la mer Rouge, il fut fait gouuerneur des galiots, & apres la mort de Barbe-rousse, il fut déclaré par Solymán chef de tous les Corsaires de Barbarie, faisant mille maux, comme nous auons dit, par toutes les costes d'Italie & d'Espagne: mais voulant auoir vne retraite, & se faire appeller Xec ou Roy, comme son de-uancier, par quelque notable prise, il trouua moyen de corrompre vn des citoyens d'Africa, jadis nommée Aphrodisium: cettuy-cy nommé Braim Barac, s'estant accosté de la ville par plusieurs fois pour faire egade, il se retiroit sans nuire à aucun, ce qu'il faisoit à dessein, afin que ceux-cy fussent moins sur leurs gardes; & de fait les habitans n'ayans aucune mauuaise pensée de ses allées & venues, il retourna vne fois enuiron la minuit, que la Lune ne paroilloit point, & mit toute son armée en terre, qu'il approcha au quartier où Braim Barac faisoit la garde, & par des escheles de corde, fit monter les Turcs qu'il auoit quant & luy, qui entrerent dans la ville sans trouuer aucune resistance; & à l'aube du iour mirent en pieces les gardes de la prochaine porte qu'ils ouurirent, & donnerent entrée à Dragut qui desfendit le pillage, traitant les habitans si humainement, qu'ils le reconnurent aisément pour leur Roy; de sorte qu'il receut d'eux l'hommage & le serment de fidelité, & en fit depuis autant à Monaster, & autres places du costé de Coroan, & enfin s'estoit rendu puissant & redouté par toute la mer Mediterranée. Cela auoit esté cause que l'Empereur Charles le Quint commanda au Vice-Roy de Sicile D. Iean de Vega, de dresser vne armée pour assieger la ville d'Africa: Cettuy-cy faisant diligence, d'autant que l'Empereur auoit esté fort importuné d'oster ce Corsaire de là, qui depuis peu auoit pris Rapallo: & auoit fort recommandé cette affaire à Vega; qui ayant leué des forces, tant en Italie

en Italie qu'en Espagne, se joignit à André Dorie Prince de Melfi, aydé des galeres du Pape, & de celles de Malte, de Florence, de Gennes, Naples, & Sicile, en nombre de cinquante-quatre, se resolut d'aller prendre ce Corsaire avec son nid : car on auoit eu aduis qu'il estoit dans Africa, comme de fait il y estoit ; mais ne s'estant point voulu enfermer dans cette place, il y auoit laissé pour Gouverneur vn sien nepueu fort vaillant homme, nommé Noë Esse-Rais. Quant à luy il s'estoit élargy en mer, avecques environ quarante voiles, en intention d'aller assaillir l'Isle Pantalairé ; mais sçachant que Dorie estoit aduerty de son dessein, il passa outre, & s'en alla courir les riuages de la Corsegue & l'Espagne, pour diuertir l'autre du siege de Gerbes ou d'Africa.

L'ARMEE Chrestienne ne l'ayant doncques point trouué où elle esperoit, ayant pour cette fois reconnu seulement la ville, ils resolurent de s'emparer premierement de Monaster, comme de fait nonobstant la resistance des Turcs & des Mores qui estoient dedans, ils s'en rendirent les maistres, & la prirent d'assaut, ceux de la garnison l'ayans abandonnée, & s'estans sauuez à Africa, comme firent aussi plusieurs Mores qui les purent suiure : on y trouua dedans dix-huict cens esclaves. De là l'armée s'en alla loger à Conuillieres, qui est entre Africa & Monaster, pour oster le port à Dragut, duquel il ne se pouuoit passer, s'il vouloit entreprendre sur l'une ou l'autre de ces deux villes. Et de fait apres auoir fait ses courses, ayant licentié ses autres Corsaires qui l'auoient accompagné, avecques seulement six galeres & quatorze galiottes, s'en alla loger à Sfax, ville située au canal de l'Isle de Cherchenes, à deux iournées d'Africa, où plusieurs Capitaines Mores & Arabes le vinrent trouuer, mesmes de ceux qui auoient esté à Muley Hascen Roy de Thunes, duquel il a esté parlé cy-deuant, & qui auoit esté chassé de son Royaume, comme on pourra voir cy-apres, selon quel'occasion se presentera à propos, car ce Roy estoit venu au siege d'Africa, donner secours à l'armée de l'Empercur, & estoit mort peu de iours apres : non sans soupçon d'auoir esté empoisonné par des soldats de la Goulette, appostez par Muley Amer, c'estoit la raison qui fit retirer ses Capitaines deuers Dragut, ne voulans pas obeir aux Chrestiens.

DRAGUT ayant ce secours, partit de Sfax, & se vint mettre en embuscade dans des oliuiers, deux milles pres de l'armée, & apposta vn More, qui feignant d'estre des gens de Coroan, deuoit entrer dans la ville, & donner aduis à Esse, que cependant qu'il assailliroit les loges des Chrestiens, il deuoit sortir, & donnant dans les tranchées tacher d'enclotier l'artillerie, & de donner passage au secours qu'il luy enuoyeroit. Mais vn More de Thunes en ayant donné aduis au Vice-Roy, celui de Dragut fut pris, & l'entreprise decouuerte : si que Dom Garzia, general de l'armée de terre, demeura à garder les tranchées : lesquelles, ceux de la ville suiuant le commandement de Dragut, estoient venus assaillir, mais ils en furent viuement repoussez iusques dans leurs portes : ce que Dragut voyoit du haut de certaines masures où il s'estoit mis : cela le fit mettre en quelque deuoir de les deffendre, mais n'ayant pas des forces bastantes pour resister à vne telle puissance, ayant dès le premier abord perdu vne partie de ses meilleurs soldats, il se retira quasi en fuite, tenant le chemin de Sfax, où il s'arresta, en attendant l'euénement de ce siege, qui réussist enfin à l'honneur des Chrestiens, encore que le nepueu de Dragut, & les Turcs qui estoient avecques luy, fissent tout deuoir de se bien deffendre : la ville neantmoins fut prise d'assaut, dans laquelle on ne fit pas si grand butin qu'on auoit esperé, parce que depuis que Dragut s'en estoit fait seigneur, le commerce y estoit cessé, & n'estoit plus qu'une retraite d'esclaves de mer. On prit seulement force esclaves, les vns disent 7000. de tous aages & sexes, les autres dix mille, 60. Chrestiens furent deliurez : on dit aussi qu'on en tua plus de huict cens de sang froid de ceux de la ville : Quant aux Chrestiens, il y mourut durant ce siege septante personnes de marque, de coups ou de maladie, environ mille soldats, & de mariniers cinq cens. Comme le Rais vid la ville prise, il changea incontinent d'habit, & tacha de se sauuer dans vne barque, mais ayant esté reconnu, on le fit esclave, & vint en la puissance du Vice-Roy, qui le presenta depuis à l'Empercur, & l'Empercur le changea avec Iulio Cicula, fils du Vicomte, qui estoit pour lors esclave entre les mains de Dragut. Cette prise aduint au mois de Septembre de l'année 1550.

MAIS l'année suiuant Dragut ayant fait entendre cette perte à Solyman, & luy remonstrer que les desseins des Chrestiens estoient de se rendre les maistres de la Barbarie, & se joindre au Prestre-Jean : que pour ce faire ceux de Malte auoient resolu de se transporter à Tripoly & de s'y establir, pour s'estendre sur la Barbarie, & y assseurer le Roy

1550.

Prennent Monaster en Afrique.

Assiegent la ville d'Africa.

Mort de Muley Hascen Roy de Thunes, au siege d'Africa.

Dessein de Dragut decouuert.

Lequel est contraint de se retirer, & de voir perdre la ville deuant ses yeux.

Africa prise d'assaut.

Le nepueu de Dragut prisonnier.

Dragut persuade Solyman à la guerre contre les Chrestiens.

1550.

Chaous de la
part du Turc
à l'Empereur
Charles, & au
Roy Ferdi-
nand.

Dragut San-
jac de sainte
Maure.

Dorie assiege
Dragut aux
Gerbes.

Dorie tâche
de gagner le
Seigneur des
Gerbes.

Subtile inuē-
tion de Dra-
gut, pour se
sauuer de
l'Isle de Can-
tera.

Prend deux
vaisseaux Si-
ciliens en se
sauuant.

de Thunes tributaire de l'Empereur Charles. Cela fut cause que Solyman enuoya vn Chaous à l'Empereur & au Roy Ferdinand, demandant qu'on eust à luy rendre Africa, se plaignant avecques vne façon altiere toutesfois, qu'on eust enfraint les trefues que ces Princes auoient lors avecques son Seigneur, (car cette prise aduint vn bien peu aupara- uant la guerre de Transiluanie) mais les autres luy respondirent avecques des paroles aussi hautaines, qu'ils n'entendoient point auoir rompu la trefue qui estoit entre Princes le- gitimes, faisant la guerre à vn Corsaire, & retirans de ses mains vne place qui dépendoit du Royaume de Thunes, tributaire de l'Empereur. Cette response apportée à Solyman, l'indigna plus que deuant, & le fit resoudre à la guerre; donnant cependant le Sanjacat de sainte Maure à Dragut: lequel se preparant à aller jouir de son gouuernement, estoit pour lors en l'Isle des Gerbes. Cela auoit fait que l'Empereur Charles auoit mandé à Dorie, qu'il fist en sorte qu'il peust auoir en ses mains Dragut mort ou vif; cela auoit fait ha- ster Dorie d'assembler le plus de vaisseaux qu'il pût, afin d'arriuer aux Gerbes aupara- uant le partement de cettuy-cy, comme de fait il y fut au commencement d'Auril avec vingt- sept galeres bien armées, & le trouua qu'il se preparoit & equippoit ses vaisseaux à la Can- tera, où il s'en alla pour le surprendre, mais il ne pût entrer dans le canal, la bouche duquel estoit gardée par le moyen d'une tour, où Dragut auoit logé des pieces d'artillerie qui ti- roient à fleur d'eau, & foudroya de telle sorte sur les galeres qui se presenterent, que Dorie fut contraint de les retirer, les laissant seulement au deuant du port, avec l'ordre qu'il iugea necessaire, s'assurant bien que Dragut ne pouuoit échapper que par là.


QUANT à luy il s'en alla sur sa reale sous la tour de la Rochette, où il trouua moyen de faire venir le Schich Sala Seigneur des Gerbes, auquel ayant fait quelques presens, il taschoit de le gagner, & faire en sorte qu'il luy liurast Dragut entre les mains, & les Chre- stiens qu'il tenoit esclaués, & qu'il luy laisseroit pour luy tout le reste de son butin, l'assu- rant en ce faisant de toute assistance & faueur de l'Empereur, comme au contraire qu'il s'assurast qu'il le ruineroit, & tous ceux des Gerbes. Ce Schich donna de fort bonnes paroles à Dorie: mais cependant luy qui estoit ennemy mortel des Chrestiens; sçachant combien Dragut estoit fauorisé de Solyman, & aymé de ceux des Gerbes, combien en- cores son seruice estoit important à la conduite de l'armée Turquesque; & d'ailleurs voyant Dorie avecques si peu de forces qu'il ne luy pouuoit nuire par terre, il iugea que Solyman & Dragut auoient plus de moyen de luy faire du bien, ou de luy nuire, que n'auoit l'Empereur ny Dorie; si bien qu'il se resolut de tenir le party de Dragut, lequel il alla aduertir de tout ce qu'on brasloit contre luy, l'exhortant de rechercher les moyens de se sauuer, luy offrant tout secours & ayde.

D R A G U T vid bien qu'il n'y auoit aucun moyen de se tirer de là, que par le port de Can- tera, mais il s'aduifa que de l'autre costé de l'Isle, il y auoit vn destroit de terre ou secque, sur lequel faisant cauer le fonds de la terre ou sablon, il y auroit moyen de faire passer ses galeres dans la mer, & par là se sauuer par le destroit d'Agem, où il voudroit. Or bien que les Gerbins trouuaissent cette entreprise là comme impossible, toutesfois ils auoient vne telle croyance en Dragut, & ses persuasions furent de telle efficace en leur endroit, qu'ils se mirent à traualier en toute diligence avec les gens, qui voyoient bien que c'estoit là le seul moyen de leur salut, prenans leur temps tant la nuit que le iour, aux heures prin- cipalement que la mer auoit accoustumé de se retirer & de se baisser. Et pour mieux dissi- muler cet ouurage, & leuer tout soupçon à Dorie, il faisoit cependant fortifier des bastions à la tour de Cantera, où il fit planter les voiles de ses galeres, & se pourueut d'autres tous neufs, tenant ainsi Dorie en croyance qu'il soustiendrait le siege tant qu'il pourroit, en esperance de quelque secours. Mais ayant suffisamment creusé son destroit, il fit déchar- ger & allegier ses galeres, tant qu'il luy fut possible, & les fit porter à force de bras par sa chiorme, & par les Gerbins à trauers le destroit de terre, & rouler dans le canal qu'il auoit fait creuser à l'heure que l'eau estoit creuë à sa plus grande hauteur, tellement qu'elle se trouua assez forte pour les porter. Voila comment il échappa de l'Isle de Cantera, & sor- tit par le canal d'Agem avecques vingt vaisseaux, & se mit en haute mer, tirant contre la Tramontane, où il n'eut gueres vogué qu'il ne rencontra la patronne de Sicile, & vn petit galion chargé de victuailles & de munitions, que le Vice-Roy faisoit venir: Ceux-cy ne se doutoient nullement de Dragut, comme celuy qu'ils croyoient estre si bien enfermé aux Gerbes, qu'il n'auoit garde d'échapper, & s'imaginoient que c'estoient quelques galeres de Dorie: & Dragut voyant leur erreur, pour les y entretenir dauantage, il fit approcher les siennes à vogue large, comme on fait entre vaisseaux amis, & ainsi ces deux

deux vaisseaux furent inuestis de si pres, qu'ils n'eurent moyen de se reconnoistreny de 1550. & fuir: dans l'un d'iceux estoit Muley Buccar fils de Muley Hascem, lequel ayant enterré 51. son pere, se retiroit au seruice de l'Emperere. Dragut le fit mettre à la chaisne, puis il tira vers Malte, où il mit quelque troupe de ses gens à terre, qui saccagerent vne partie du village de Sigen, mais ils furent chargez par la caualerie qui sortit incontinent sur eux, laquelle print deux Turcs, qui racontèrent au grand Maistre, toute cette histoire des Gerbes.

Q V A N T à Dragut, ayant fait aiguade, il se partit de là & prit le chemin de Leuant, pour se joindre à l'armée de Solyman; & cependant Dorie auoit enuoyé à Malte vne fregate, pour aduertir le grand-Maistre de l'estat auquel il tenoit Dragut aux Gerbes, demandant secours, mais on luy en manda de plus certaines nouuelles, & qu'il gardoit vne cage dont l'oyseau s'estoit enuolé. Dequoy tout confus & marry, il se retira à Genes, où il passa tout l'esté, à passer Philippes Roy d'Espagne de Genes à Barcelonne, & puis Maximilian Roy de Boheme, d'Espagne en Italie, laissant ainsi la mer dégarnie: ce qui fut cause de grands maux: car Solyman auoit fait cependant préparer vne fort puissante armée, sur laquelle commandoit Sinan Bassa; ce qui mit en grande alarme les Venitiens, de sorte qu'ils accreurent leurs forces iusques à quarante-sept galeres, incertains qu'ils estoient de la route que les Turcs deuoient prendre: mais l'armée passa paisiblement par le canal de Corfou, & s'achemina vers la Sicile, où le Bassa redemandant les villes qui auoient esté prises l'an precedent en Afrique, & luy ayant esté respondu qu'on les vouloit garder, pour oster cette retraite aux Corsaires qui couroient ordinairement ces mers, il fit descendre vn bon nombre de soldats, qui prirent & saccagerent la ville d'Auguste, iadis Megare, emmenant de toute cette coste maritime, vn grand nombre de prisonniers qu'ils mirent à la chaisne.

E T continuant son chemin, cette armée passa à Malte, en laquelle ayant descendu, & commencé de battre & d'assaillir le fort chasteau de saint Ange, trouuant l'entreprise trop difficile, il rembarqua soudain ses gens & son artillerie, & s'en alla au Goze, petite Ile distante d'environ huit milles de la Sicile, laquelle fut aussi pillée & destruite, & le chasteau pris à force, bien qu'il fut muny d'vne bonne garnison, emmenant sept cens hommes, & six mille que femmes & enfans en vne miserable seruitude: entre ces captifs fut le Gouverneur du chasteau du Goze, lequel neantmoins estoit rendu à telle condition qu'il laisseroit aller en liberté deux cens prisonniers des plus apparens avec ce qu'ils pourroient emporter, mais le Bassa ne luy en voulut accorder que quarante, encores ne tint-il point parole: car se mocquant de ce qu'il auoit promis, il dist que les plus apparés d'un peuple, estoient les plus vieux, les infirmes & les estropiez, desquels il delura quarante, avec vne femme, à la requeste d'un Religieux de l'ordre, qui luy auoit porté parole de cette reddition: mais quant au Gouverneur, on le mena à la chaisne, apres l'auoir chargé de hardes de ce qui luy appartenoit; ce qui toutesfois ne luy demeura pas, mais le tout se faisoit par derision. Comme les Turcs entroient dans ce chasteau, il y eut vn soldat Sicilien, qui pour deliurer soy & sa famille de tout deshonneur & esclauage, tua de ses mains deux filles qui estoient prestes à marier, & la mere qui les luy vouloit oster des mains, puis de deux harquebusades tua deux Turcs à l'entrée de sa maison, & apres mit la main à l'espee & en blessa encores quelques autres, & en fin fut taillé en pieces. De là l'armée prit la volte de Barbarie, elle estoit composée de cent quarante voiles, dont cent cinq galeres, deux Maones, vn grand galion de Rustan Bassa, (car on dit qu'il estoit en cette entreprise de Tripoli) & le reste estoient galeottes & autres vaisseaux, qui vinrent arrester quelques iours à l'estang de Zoara, à soixante milles de Tripoli, puis le cinquiesme de Iuillet elle vint donner fonds à deux milles pres de la ville. Quant à Sinan Bassa, il s'alla raffraischir à Tagiora où il fut festoyé par Morat Aga, d'où il depescha vn More à cheual qui scauoit le pays, lequel vint à Tripoli portant vne banderolle blanche, & planta sur le bord du fossé vne canne, au bout de laquelle il y auoit vne lettre attachée, disant qu'il retourneroit prendre response: la lettre, dit l'Histoire de Malte, n'auoit aucune adresse particuliere, mais contenoit seulement ces paroles.

 *Endez-vous à la misericorde du grand Seigneur, qui m'a commandé de reduire cette place sous son obeyssance, & ie vous lairray tous aller en liberté avec vos meubles, autrement ie vous feray passer sous au fil de l'espee. Et estoit souscrite: Sinan Bassa de main propre.*

1551.

A cela le Marechal de Vallier qui auoit esté enuoyé par la Religion de Malte, pour la deffense de cette place par l'aduis du conseil, respondit en cette sorte.

Response de
la garnison.



Este place m'a esté baillée en garde par ma Religion, & ne la puis rendre qu'à celui qu'il me sera commandé par le grand Maistre & son conseil, & la deffendray contre tous autre iusques à la mort. Signé: le Marechal Gaspar de Vallier.

Situation de
Tripoli.

LE MORE ayant rapporté cette lettre sur la mesme canne, la presenta au Bassa, qui l'ayant leue, commanda qu'on eust incontinent à mettre ses gens & son artillerie en terre. Tripoli est vne cité de Barbarie située en plaine areneuse sur les riués de la mer Mediterranée, edifiée par les Romains, subiugée par les Goths, qui en furent chassés par les Africains: en fin ayant esté quelque temps sous la domination des Roys de Fez & de Thunes, & ayant secoué le ioug de ses Roys pour leur tyrannie, fut commandée par ses propres citoyens iusques au temps de Ferdinand Roy d'Espagne qui la conquist à force d'armes, & depuis l'Empereur Charles le Quint l'auoit baillée aux Cheualiers de Malte, qui la possedoient lors que les Turcs y vinrent mettre le siege. La ville est enuironnée d'un grand circuit de collines & de grand nombre de palmiers, entre lesquels on void encores plusieurs ruines de beaux edifices, & quelques Mosquées & cisternes voûtées, dont l'une estoit encores en son entier au temps de ce siege, laquelle outre ce qu'elle estoit fort grande & pleine d'eau d'excellente bonté, estoit toute pavée & encroustée de fin marbre Numidien. Quant à la ville, elle estoit enuironnée de tres-hautes & fortes murailles accompagnées de grand nombre de tours, doubles fossés, fausses brayes, les trois parts desquelles sont enuironnées de la mer, accompagnées encores d'un bon & fort chasteau tres-bien flanqué, & ayans des fossés larges, profonds & à fonds de cuie.

Batterie con-
tre le chasteau
de Tripoli.

Espion dedans,
causé de la
ruine.

SINAN ayant doncques fait mettre son artillerie à terre, & fait les retranchemens necessaires pour venir aux approches, il la fit mener dedans les tranchées avecques leurs gabions, qui sont faits de grosses planches d'ais, espoisses de trois doigts, qu'ils menent dans leurs vaisseaux ou dans des chariots, selon le lieu où ils vont faire la guerre, puis quand ils veulent attaquer quelque place, ils les dressent sur terre en forme de lozange, les emboitant l'un dans l'autre, puis ensans mis par rangs, ils les remplissent de terre, inuention tres-vtile: car les boulets ne faisant que glisser dessus, ne les peuuent offenser ny endommager. Ces gabions ainsi dressés & l'artillerie braquée, le matin ensuiuant huitiesme iour d'Aoust ils commencerent leur batterie contre le chasteau, où les assiegez se deffendirent fort courageusement, donnans dans les tranchées des Turcs, desquels ils firent un grand massacre & bien qu'à la continuation de la batterie les Turcs eussent renuersé iusques au cordon, la muraille de la grosse tour du coin, toutesfois ce qu'ils abbatoient de iour, estoit aussi-tost refait de nuit par les assiegez; mais en ces entrefaites, un espion que les Turcs auoient dans le chasteau, trouua moyen d'en sortir & de s'enfuir au camp, où il declara aux Turcs les lieux plus foibles du chasteau, & par où il pourroit estre plus facilement battu, c'estoit au droit du logis du Gouverneur, lequel auoit sa veüe sur le fossé: car cela n'auoit pû estre fortifié à cause qu'il y auoit au dessous des celiers à retirer les munitions. Et de fait le Bassa y fit dresser la batterie, abaissant les pieces si bas, qu'elles battoient aisément les voûtes & les celiers, si bien qu'ils percerent la muraille.

Soldats du
chasteau par-
lent de se ren-
dre.

DONT il aduint que le haut estant chargé de remparts, commença fort à s'ébranler par la continuelle batterie; mais encores plus les courages des soldats, lesquels tous estonnez sur le bruit qui courut d'un assaut general que les Turcs deuoient donner dans deux iours, que les Imperiaux & Espagnols qui estoient là dedans, chargerent à un nommé Argosin soldat Espagnol, mais des plus vieux & autorisez de la garnison, au nom de tous, de porter parole au Marechal Vallier qu'il se falloit rendre. On dit que cette lascheté commença par des soldats Calabrois, qui auoient enuie de mettre le feu aux poudres & s'enfuir: quoy que ce soit, ils importunerent tellement le Gouverneur, que quelque remontrance qu'il leur peust faire, qu'il n'estoit pas encores temps de parler de se rendre, eux qui n'auoient point encores senty le tranchant du cimeterre de leur ennemy, & quoy que le sieur de Poissieu François, fort sage & vaillant Cheualier, comme le plus ancien, au nom des autres Cheualiers, leur eust remontré que la bresche n'estoit si grande & aduantageuse pour l'ennemy, qu'elle ne fust encores deffensable à qui la voudroit diligemment remparer.

remparer ; & encore que le gouverneur leur eust offert double paye , tout cela , dis-je , ne leur peust empescher leur lasche resolution de se vouloir rendre , & contraindre le gouverneur de mettre vne enseigne blanche sur la muraille , pour parlementer.

1551.
Il y forcé le
Gouverneur.

Et de fait ils deputerent vn Espagnol nommé Gueuare , & vn Cheualier de Maiorque , pour offrir le chasteau avecques l'artillerie & munitions au Bassa , moyennant qu'il leur fournist des nauires pour les conduire tous à Malte , avecques leurs bagues & hardes sauues , ausquels on fit response qu'encores qu'ils ne meritaissent aucune grace , pour auoir osé tenir vne si petite place contre le plus grand Seigneur de la terre , s'ils vouloient satisfaire aux frais de l'armée , on leur accorderoit le party proposé , ou bien que tous ceux du chasteau demeurassent esclaués & prisonniers ; toutesfois que s'ils rendoient la place incontinent , & sans plus long delay , il en exempteroit deux cens. Les deputez ayans receu vne si rigoureuse response , s'en alloient tous desesperez , mais ils furent rencontrez par Dragut & Sala Raiz , vn autre renommé Corsaire qui estoit en cette armée , lesquels craignans que cette response ne fist opiniastrer les assiegez à se deffendre iusques à l'extremité , promirent incontinent à ceux-cy de faire condescendre le Bassa à vne meilleure composition , & de fait l'estans allé trouuer , & luy ayans remonstré la faute qu'il faisoit de refuser ceux qui se venoient volontairement rendre entre ses mains , lesquels , s'ils eussent conneu leur propre puissance , eussent tenu teste iusques au bout , non peut-estre sans aduantage , ils luy conseillerent de leur accorder tout ce qu'ils demandoient , veu qu'ayant la place & les hommes à son commandement , il en disposeroit apres comme il luy plairoit. Ce que le Bassa ayant bien considéré , il fit incontinent rappeler les deputez , & leur dist , qu'en faueur de Dragut & de Sala Raiz , qui l'auoient prié de leur faire grace , il leur quittoit tous les frais & la despence de l'armée , avecques permission d'eux retirer , comme ils l'auoient requis : ce qu'il leur iura par la teste de son Seigneur & de la sienne : ce que les autres ayans creu , l'allerent incontinent rapporter au Gouverneur & à ceux de la garnison : & pour mieux acheminer cette entreprise , Sinan y enuoya vn Turc des plus subtils qu'il eut alors parmy ses troupes , auquel il donna charge de faire en sorte qu'il amenast le Gouverneur avec luy , pour conclure le traité de la reddition , & d'auoir l'œil à considerer la mine & l'assurance des assiegez.

Qui enuoye
des deputez.

On leur promet tout à la fin , mais on ne leur tint rien.

Le Gouverneur oubliant sa charge , son deuoir & sa qualité ayant pris conseil de ceux à qui il deuoit commander , sur ce qu'il deuoit faire , sans mesmes retenir l'ostage , s'en alla avecques le Turc qui estoit venu avecques les deputez , lequel estant allé deuant trouuer le Bassa , il l'aduertit de l'épouuente des assiegez , qu'il luy assura estre telle , que s'il vouloit tenir bon , il les auroit à tel marché & composition qu'il voudroit : Cela fut cause qu'ayant fait venir le Gouverneur & l'ayant rigoureusement repris de sa temerité , il luy dist qu'il n'auoit point autrement donné sa parole de les laisser aller bagues sauues , sinon en payant les frais de l'armée , autrement qu'il n'en deliureroit que deux cens ; dequoy Vallier se trouua estonné , disant que ce n'estoit pas ce qui auoit esté accordé avecques les deputez du chasteau ; mais puis que telle estoit sa resolution , qu'il le laissast doncques retourner dans le chasteau , pour y faire condescendre les assiegez : mais au lieu de le luy permettre , il l'enuoya dans sa galere , & luy fit mettre les fers aux pieds , permettant seulement au Cheualier qui estoit venu avecques luy , d'y retourner : lequel ayant rapporté aux siens de si mauuaises nouvelles ; il fut renuoyé le lendemain pour voir s'ils pourroient point obtenir quelque chose d'auantage. Alors le Bassa fit amener le Gouverneur , auquel il demanda lequel il aimoit le mieux de ces deux partis , ou de payer les despens de l'armée , ou bien que tous ceux qui estoient dans le chasteau , demeurassent prisonniers : il respondit qu'un esclau n'auoit point de puissance que celle qui luy estoit donnée par son maistre : & que la puissance de commander luy ayant esté ostée avecques la liberté , s'il luy estoit encores reserué quelque chose , il ne pouuoit commander autre chose , sinon d'accorder ce qui auoit esté conclud par les deleguez : cette response donna quelque crainte au Bassa que les assiegez ne se missent en desespoir , & qu'ils ne se resolussent à souffrir toute sorte d'extremité. Cela fut cause que prenant le Gouverneur par la main avecques vn visage riant & simulé , il luy dist aussi que c'estoit son intention de les deliurer tous , & que partant sans aucune crainte il les enuoyast faire sortir : mais le Gouverneur , qui ne se fioit plus à ses paroles , luy respondit qu'il le pouuoit dire à celui qui estoit venu de leur part , parce qu'aussi bien s'asseuroit-il qu'ils ne feroient plus rien pour luy ; tellement que le Bassa s'adressant au Cheualier , luy commanda de les aller tout sur l'heure faire sortir , luy faisant les mesmes sermens qu'au precedent , qu'ils seroient tous deliurez & affranchis ,

Le Gouverneur se met trop legerement à la mercy des Turcs.

On luy met les fers aux pieds.

La proposition qui luy fut faite , & la re-partie.

Ville & chasteau abandonnez aux Turcs

1551.

Grande lâcheté de la garnison.

selon les premières conventions accordées.

Perfidie de Sinan.

L'Ambassadeur de France deliuré plusieurs prisonniers.

CE que l'autre leur ayant esté rapporter, ils creurent ces bonnes nouvelles fort facilement, de sorte que c'estoit à qui sortiroit le premier, accourans à la foule avecques leurs femmes, enfans, & tout ce qu'ils auoient de plus précieux: mais ils ne furent si tost dehors, qu'ils furent tous despoüillez & deualisez par leurs ennemis, partie des Cheualiers menez aux galeres, & les autres au Bassa: lequel estant sommé de sa foy par le Gouverneur Vallier, l'ayant par deux fois donnée, il fit response. qu'il ne la falloit garder aux chiens qui l'auoient premierement rompuë au grand Seigneur, auquel dès lors de la reddition de Rhodes, ils auoient iuré de ne porter jamais les armes contre luy; ce qui estoit faux toutesfois; mais quoy il falloit ouïr parler vn vainqueur: en fin le sieur d'Aramont, (qui s'en alloit en qualité d'Ambassadeur du Roy de France Henry second, trouuer Solymán, & qui auoit esté retenu par Sinan en cette armée malgré luy toutesfois, mais il auoit esté contraint de s'accommoder au temps) vint tant importuner le Bassa, qu'il consentit qu'il en fust deliuré deux cens, mais des plus vieux, comme il auoit fait au Gozo, en ce compris, le Gouverneur & quelques Cheualiers; il en fut deliuré encores quelques autres; mais ce fut en les racheptant, & en promettant de faire rendre trente Turcs qui auoient esté pris, quand l'armée auoit esté à Malte: en fin celuy qui acquit le plus d'honneur de tout ce siège, fut vn Cheualier nommé des Roches, qui tenoit encores le chastelet, lequel sortit luy & les siens, avecques leurs armes & les enseignes déployées.

TELLE fut la reddition de Tripoli faite assez mal à propos & fort lâchement, veu que le mesme sieur d'Aramont, quand il fut voir le chasteau & la ville apres la reddition d'icelle, par la permission du Bassa, il le trouua bien réparé, muni & garny de trente six pieces d'artillerie, tant grandes que petites, avecques grand nombre de lances, grenades, & pots à feu prests à ietter: outre plus vne grande abondance de tous viures, & autres munitions, bon puits & fontaine: il y auoit dedans cette place six cens hommes, tant en Cheualiers qu'en soldats, & outre ce les meilleurs canonniers du monde: ce qui donne encores plus de regret, de voir vne telle place auoir esté perduë si lâchement, à laquelle en se deffendant courageusement, il n'eust iceu aduenir rien de pis que ce qui luy arriua, sinon qu'ils eussent rendu vne ville ruinée, & ils la liurerent encores bien munie à leur ennemy. Le sieur d'Aramont ayant mené tous ceux qui auoient esté deliurez à Malte, y fut assez mal receu par les calomnies que les Imperiaux & les Espagnols auoient semées contre les François, comme si l'Ambassadeur eust esté cause de la prise de Tripoli, mais les informations que le grand Maistre fit faire par apres, iustificerent assez comme le tout s'estoit passé: ce que ie remarque pour faire voir combien les aduersaires de cette couronne, taschoient de ruiner, non seulement son Roy d'honneur & de reputation, mais se seruoient

Morat Aga Roy de Tripoli & de Tagiora.

XLVI.

1553.

Histoire de Mustapha fils de Solymán.

OR il a desia esté parlé cy-dessus d'un fils de Solymán nommé Mustapha, (le party duquel tenoit Hibrain Bassa) qu'il auoit eu d'une sienne concubine natusue du Bosphore, qui lors que son pere faisoit la guerre aux Perses, estoit en fleur d'age, Prince autant bien né qu'aucun autre de la race Othomane, & qui pour son experience en l'art militaire, sa rare valeur, & sa singuliere vertu, se faisoit admirer d'un chacun: cela luy auoit engendré vne hayne secrette de Rosse ou Roxelanc, de laquelle son pere s'estoit emmouraché pour son excellente beauté, s'en trouuant si extrêmement passionné, que mesprisant toutes ses autres concubines, il ne respiroit & ne conuersoit qu'avecques cette-cy, de sorte qu'il en eut quatre fils, à sçauoir Mahomet, Bajazeth, Selim & Giangir, ou Zeanger, & vne fille nommée Chamerie, laquelle Solymán donna à Rustan Bassa. Cette-cy voyant ses enfans grands, & craignant que les perfections de Mustapha luy acquissent tellement la bien-vueillance d'un chacun que cela fust cause de le faire paruenir à l'Empire, au desauantage des siens, elle commença à faire ses pratiques de longue-main; s'estant defaite, comme vous auez peu voir cy-dessus, d'Hibrain Bassa, qui luy pouuoit estre le plus contraire, ayant tiré de son party son gendre Rustan pour lors premier Vizir.

Sa femme Roxelanc gagnée Rustan grand Vizir.

C'EST VICEY estoit fort en credit pour auoir trouué l'inuention de retrancher la solde des Ianissaires, les gages des officiers de la maison du Sultan, la despence des armées, & l'estat des Sanjacs; outre ce il auoit inuenté plusieurs impôts iusques aux herbes, roses & violettes qui estoient aux iardins, & n'épargnant aucune espeece de gain, tant

petit

petit peust-il estre, qu'il ne mist en pratique pour amasser argent, de sorte qu'il en sceut si dextrement tirer de toutes parts, qu'il se void encores au Serrail vne chambre où il faisoit mettre tout l'argent, sur laquelle il a escrit : *Deniers acquis par la diligence de Rustan*, établissant ainsi de ce costé-là les affaires de son Seigneur, comme au contraire pour les mesmes raisons il estoit odieux à tout le monde : quant à luy, il se deffioit de Mustapha, le voyant si auant en la bonne grace d'un chacun, & principalement des soldats, non sans crainte encores de tomber un iour sous la domination : outre ce il scauoit bien qu'il luy auoit fait retrancher ses pensions; cela fut cause qu'il ne luy fut pas mal-aisé de se ranger du party de Roxelane, & de voir ensemble comment ils se pourroient défaire de luy. Pour y paruenir, selon qu'ils auoient resolu, sous un pretexte de pieté, elle enuoya vers le Muphty, le Souuerain en leur Religion, luy dire qu'elle auoit un fort grand desir de faire bastir vne Mosquée, & un Hospital pour les pauures pelerins en l'honneur de DIEU & du Prophete; mais auparauant que de l'entreprendre, elle eust bien desiré estre assurée si telles ceuures seroient agreables à DIEU pour le salut de son ame: le Muphty respondit que cette entreprise seroit bien agreable à DIEU, mais non pas à son salut, pour estre esclau du grand Seigneur, lequel estoit maistre de tout ce qu'elle possedoit, si que le tout tourneroit au salut de luy, & non d'elle, dequoy elle monstra estre extrêmement contristée de se voir si miserable, qu'elle ne peust faire aucun bien pour son salut, feignant vne si grande melancholie, que son mari s'en apperceuant, en voulut scauoir la cause, non sans auoir esté auparauant beaucoup importunée de luy pour le dire, disant touliours que pour la reuerence & le respect qu'elle luy deuoit, elle ne luy osoit le declarer; mais cela luy en ayant encores donné plus grande enuie, selon la coustume, en fin elle luy recita ce que nous venons de dire.

Artifice de
cette femme,
pour auoir sa
liberté.

L'EMPEREUR Turc ayant entendu toute cette fable, il luy donna parole que bientôt elle iouyroit de ce qu'elle desiroit, & de fait incontinent apres il luy enuoya lettres de son affranchissement expediees en la forme la plus authentique qu'ils ayent entre eux; dequoy l'ayant remercié en toute humilité, elle commença aussi-tost ses bastimens. Or l'amour de Solyman estoit encores en sa plus grande ardeur: car elle auoit choisi son temps pour l'execution de son dessein: comme doncques il luy eust mandé quelques nuits apres qu'elle vint coucher avecques luy, elle luy fit dire par celuy qui luy apportoit ce message, qu'encores qu'il fut seul Seigneur de sa vie, de ses biens & de son corps, il aduisast toutesfois, puis qu'il l'auoit rendue libre, de ne contreuenir à la loy ny commettre un peché, ne luy estant loisible d'vser d'une femme libre, comme il pourroit scauoir plus simplement du Muphty. Cette desfiance luy augmenta dauantage le desir, & comme l'ardeur de sa passion l'aiguillonnoit, & ne luy donnoit aucune trefue, il enuoya querir ce Muphty, auquel il proposa la question, à scauoir s'il pouuoit vser charnellement d'une esclau qu'il auroit affranchie: Cestuy-cy ayant esté delia gagné par cette femme, luy dist que non, & que s'il faisoit autrement, il commettrait un tres-grand peché, s'il ne la prenoit pour espouse: cette responce ne fit que l'embraser dauantage, & au lieu de le destourner, l'incitoit de plus en plus à la iouissance. Si qu'en fin ne voulant pas aller contre la loy, ayant creu à la lettre ce que le Muphty luy auoit dit, comme celuy qui n'auoit en cela que des yeux en la teste, l'amour luy ayant auéglé ceux de l'esprit, & ne pouuant viure en la continuelle inquietude en laquelle il estoit, il se resolut de l'espouser, comme il fit publiquement, en luy donnant par le contract de mariage, cinq mille ducats de reuenu par an pour son douaire, non sans l'estonnement de tous ceux qui scauoient cela estre contre la coustume des Othomans; lesquels selon quelques-uns pour n'auoir aucun compagnon en l'Empire, ne se marient iamais, mais au lieu de femmes, se seruent de concubines: d'autres disent aussi que depuis Bajazet premier iusques alors, aucun des Seigneurs Othomans n'auoit pris femme en legitime mariage, pour la honte & l'ignominie que Tamberlan auoit fait iadis souffrir à la femme de ce Bajazet, (lors que ce redoutable Prince les tenoit tous prisonniers,) de crainte qu'ils auoient eu de courir un semblable danger, joint que cette ceremonie leur est de peu d'interest, puis que les enfans qu'ils ont de leurs concubines, sont autant habiles à succeder à l'Empire, que ceux qu'ils ont de leurs femmes legitiment espousées. Solyman toutesfois, estoit digne de toute louange en cela, qu'ayant tout pouuoir de iouir de celle qu'il aimoit, l'ayant en sa puissance, neantmoins pour obeyr à sa loy, il aima mieux supporter de l'incommodité, que d'vser autrement d'une chose qu'il croyoit luy estre desfendue; exemple notable aux Princes Chrestiens, qui font profession d'une loy si sainte, &

Est affranchie.

Solyman espouse publiquement Roxelane.

Pourquoy les Seigneurs Othomans ne se marient point.

1553.

Ses inuénions
& celles de
Rustan pour
ruiner Mustapha.

Rustan.

bien souuent se dispensent de faire tout ce qu'il leur plaist avec tant de licence.

ROXELANE doncques estant paruenüe où elle auoit tant aspiré, commença à se mesler des affaires de l'Empire, & principalement en ce qui regardoit la Prouince d'Amasie, sur laquelle commandoit Mustapha, & pour acheminer toutes choses à ce qu'elle desiroit, elle imprima dans l'esprit de Solyman vne grande deffiance de perdre son Estat & sa vie, à cause de la grandeur de Mustapha, & bonne affection qu'un chacun luy portoit; & pour mieux prouuer son dire, Rustan auoit donné charge, non seulement à tous ceux qui auoient commandement en cette Prouince, mais encores à ceux des lieux circonuoyfins, qu'ils eussent à luy escrire particulièrement les actions de Mustapha & ses grandeurs, d'autant que le Seigneur qui l'aimoit, y prendroit fort grand plaisir, & qu'ils le luy louassent grandement, en mandant tout le bien qu'ils pourroient de luy: ce qu'ils firent fort volontiers & fort souuent, ne sçachans pas la tromperie, tellement que par leurs lettres on pouuoit voir clairement l'enuie que les soldats auoient qu'il fust Empereur, à cause de sa grande liberalité: Rustan aussi-tost qu'il auoit veu ces lettres, les bailloit à la Sultane, laquelle trouuoit moyen puis apres de les monstrier à Solyman, en monstrant vne grande ioye, de voir la magnanimité & generosité de Mustapha, feignant d'un costé d'estre fort soigneuse de sa vie & de sa conseruation, comme celuy qui maintiendrait un iour la splendeur de l'Empire Othoman: puis à la façon des plus rusez calomniateurs, qui donnent mille loüanges, contre lesquelles apres ils aiguissent les pointes de leur calomnie & médifance, afin de percer à iour la renommée de celuy qu'ils scandalisent, & le ruiner plus aysément de biens, de vie & d'honneur.

Les propos
de Roxelane à
Solyman.

Qui n'ont pas
grand pouuoir.

Roxelane taf-
che d'empois-
onner Mustapha.

Autre artifi-
ce.

M A I S toutesfois, disoit-elle Seigneur, sa vie ne m'est pas en si grande recommandation que la tienne, & ie me souuiens que ton pere Selim vfa de mesme ruse enuers ton ayeul Bajazet, s'acquerant ainsi à la longueur du temps vne telle creance parmy les gens de guerre, qu'à la fin il se trouua sur ses vieux iours assez puissant pour le despoüiller de son Empire. Ie sçay bien que nostre saint Prophete te garde si chierement qu'il ne te sçauoit arriuer aucun mal de ce costé-là, mais neantmoins il n'y a point de danger de se tenir sur ses gardes, & d'espier particulièrement les desseins & les actions de Mustapha. Cecy n'eut pas grand pouuoir sur Solyman, ayant fait des actions assez notables durant sa vie, & regné avec assez de iustice pour s'estre acquis de la creance parmy les soldats, & la bienveillance de tout son peuple, qui luy deuoit leuer tout le soupçon qu'il pourroit auoir qu'un de ses enfans eust deu estre preferé à luy: c'estoit toutesfois un petit doute qui augmenta avec le temps; mais pour lors Roxelane voyant que ses machinatiōs ne reüssissent point, elle tascha de l'empoisonner, luy enuoyant au nom de son pere, quelques fruidts, desquels il ne voulut point taster que le porteur n'en eust fait l'essay, lequel tomba aussi-tost tout roide mort. Cette meschanceté n'ayant pû reüssir, elle en inuenta vne autre; c'est qu'elle pria le Sultan qu'il luy fist cette faueur, que tantost l'un & tantost l'autre de ses enfans peust venir à la Cour & le voir, & puis s'en retourner en son gouuernement, pour continuer dauantage vne amitié reciproque entre luy & ses enfans: cela, contre la coustume des enfans Royaux, qui ne viennent plus à Constantinople, quand ils ont quelque gouuernement, s'ils ne sont expressement mandez, tendoit afin que Mustapha y peust venir de son mouuement, & qu'à cette arriuée on trouueroit quelque occasion de s'en deffaire, & au cas qu'il n'y vint point, qu'on l'y peust mander, & s'en deffaire ainsi plus aysément: & de fait, qu'il y en auoit tousiours quelqu'un, entr'autres Zeanger le Bossu, qui y estoit plus souuent que pas un, pour estre fort plaisant & fort recreatif, ayant des rencontres où Solyman prenoit grand plaisir.

Mustapha re-
cherche l'al-
liance de Per-
se.

Roxelane &
Rustan con-
sultent la
Fortune.

C E T artifice n'apporta toutesfois aucun preiudice à Mustapha: car il ne vint point à Constantinople, mais au bout de quelques années, qui fut enuiron le temps de la guerre de Transsiluanie, on apporta vne lettre du Gouverneur de Mustapha, par laquelle il faisoit entendre que le Prince recherchoit secrettement la fille du Roy de Perse, dont il auoit bien voulu aduertir la Porte & le grand Seigneur, afin qu'on ne luy imputast rien, comme s'il eust participé en quelque chose à ce traité. Cette lettre tomba entre les mains de Rustan, qui en aduertit aussi-tost Roxelane, avecques laquelle ayant aduisé que c'estoit là vne bonne occasion pour venir à chef de leur entreprise, s'en allerent de compagnie trouuer Solyman, auquel ayans communiqué cette lettre, ils donnerent à entendre que l'ambition de Mustapha ne tendoit en cette alliance qu'à s'emparer de l'Empire, afin que par le moyen d'icelle, il peust ioindre ses armes à celles des Perses, & s'en venir apres à Constantinople le chasser de son thrône: car il ne falloit esperer aucun secours des Ianissai-

res, la foy desquels estoit engagée à la liberalité de Mustapha: cety se disoit avecques de grandes apparences: car on verra cy-apres que les Janissaires aymoient vniquement Mustapha; & quant à l'alliance, bien que peut-estre il ne la fist que pour se rendre le plus fort apres la mort de son pere contre ses autres freres; toutesfois la faisant sans l'aduis & le consentement de son pere, il sembloit qu'il y eust là dessous quelque dessein secret. Outre cela, ceux-cy qui auoient vn si beau sujet de ietter leur venin contre ce pauvre Prince, n'épargnoient pas toutes les persuasions qu'ils pouuoient rechercher pour enrichir leur conte, & rendre la chose plus perilleuse, & de plus grande importance: de sorte que Solyman se laissa aller à ce dernier assault, se persuadant que son fils luy vouloit oster la couronne & la vie.

1553.

Emportent
Solyman à le
perdre.

VOULANT doncques y remedier & surprendre celuy qu'il iugeoit son mortel ennemy, il fit courir vn bruit qu'il vouloit faire la guerre en Perse, faisant assembler de toutes parts vne puissante armée qu'il enuoya en Syrie sous la conduite de Rustan Bassa: lequel auoit vn commandement particulier, que sous pretexte de chasser les Perses, il s'emparast de la personne de Mustapha, mais toutesfois avecques telle dextérité que cela se fist sans bruit, & sans sedition: Je vous laisse à penser si cettuy-cy eut cette charge bien agreable, puis qu'il y auoit si long-temps qu'il remuoit le ciel & la terre avec sa belle-mere pour y paruenir. Aussi-tost donc qu'il fut arriué en la Prouince, il escriuit à Solyman que les affaires estoient en ce pays-là en vn dangereux estat, que tout y estoit plein de menées & de conspirations, que Mustapha auoit tout corrompu, & s'estoit acquis les volontez de tous les soldars, & ne vouloient reconnoistre autre commandement que le sien, qu'il n'estoit pas assez puissant pour resister au mal, & que l'autorité de sa presence y estoit bien requise, pour preseruer son Empire de plus grand trouble. A ces nouuelles Solyman ayant amassé nouvelles forces, & mesmes ayant fait venir vne partie de celles de Hongrie, accourut luy-mesme plus viste que le pas, mande par lettres son fils Mustapha, afin de se venir iustifier des crimes dont il estoit soupçonné, & desia tout publiquement accusé: que s'il obeit, il l'assure qu'il ne courra aucun danger. On dit qu'Achmet Bassa qui estoit en cette armée, luy manda secrettement qu'il prit garde à sa personne & à sa vie, & qu'il ne s'y fiast pas trop: ce qui fut cause que Mustapha fut long-temps à se resoudre s'il deuoit venir trouuer son pere ennemy, lequel il n'auoit point toutesfois offensé: car d'y aller, c'estoit se mettre en danger; & de n'y aller point, il luy donnoit sujet de croire ce qu'on disoit de luy. Cette derniere raison eut plus de pouuoir sur luy que l'autre: si bien qu'appuyé sur son innocéce, il partit d'Amalie, où il commandoit, & vint trouuer son pere, selon quelques-vns, en Alep, ne croyant pas aussi qu'il luy peust arriuer rien de mal en la presence de l'armée: mais sa sentence de mort luy ayant esté prononcée à Constantinople au conseil secret de son pere, toutes ses raisons luy estoient inutiles, la seule fuite le pouuoit sauuer.

Guerre feinte
de Perse pour
cela.Rustan en a la
commission.Solyman y va
luy-mesme, &
luy mande de
le venir trou-
uer.

QUAND doncques Mustapha fut arriué au camp, toute l'armée estant en vn merueilleux doute de cette affaire, il fut introduit dans la tente de son pere, où toutes choses sembloient fort paisibles, là nul gend'arme, nul bourreau, nul lieteur, ny rien qui luy peust donner sujet de crainte: il y auoit seulement quelques muets, que les Turcs ont pour leur plaisir, forts & puissans hommes, qui estoient destinez pour sa mort, qui l'ayans receu dans le plus interieur de cette tente, se ietterent avecques grande impetuosité sur luy, & s'efforcèrent de luy mettre la corde au col. Luy d'ailleurs se deffendoit vaillamment, estant fort & robuste de sa personne, ioint qu'il voyoit bien qu'il n'y alloit pas seulement de sa vie, mais encores de l'Empire: car il n'y auoit nul doute, que s'il pouuoit échapper ce danger, & se ietter entre les Janissaires, l'indignité de la chose, & l'amour qu'ils luy portoient, les émouueroit de sorte, qu'ils ne le sauueroyent pas seulement, mais encores le salueroient Empereur. Solyman craignoit la mesme chose: de sorte qu'entr'ouurant les toiles qui seruoient de closture à ce theatre où se joioit cette piteuse tragedie, & voyant contre son esperance la chose aller en longueur, il passa la teste par cette ouuerture, & avecques des yeux furieux, chose horrible à penser: menaçoit par signes ces meurtriers, qu'il chastieroit cruellement leur lascheté. Alors les muets ayans comme repris nouvelles forces, ils abbatirent le miserable Mustapha, luy ietterent le nerf au col, (car c'est avecques vne corde d'arc qu'ils font mourir les enfans Royaux) & l'estranglerent, tant est furieux le desir de regner, qu'il violente la nature, & fait oublier tout deuoir du fils enuers le pere, l'amour du pere enuers l'enfant, Selim faisant mourir son pere Bajazet, & Solyman son fils Mustapha. Mais cela semble encores plus estrange en Solyman Prince si bien né, & qui a esté le moins cruel de tous ceux de sa race, auoit neantmoins esté porté à cét

Mustapha ar-
riue au camp
de son pere.Les muets
destinez pour
sa mort, con-
tre lesquels il
se deffend.Solyman les
encourage à
le faire mou-
rir.

1553.

excez, si on ne veut dire brutalité, d'auoir non seulement fait mourir son fils, mais encore de l'auoir veu executer, & encourager les Ministres à cette barbare cruauté, sa passion luy donnant le courage de voir sanglotter sous le cordeau, celuy qu'à peine en vn autre temps les yeux paternels eussent pû voir mourir de sa mort naturelle. Mais nous auons veu bien peu apres vn pareil acte commis par vn Prince Chrestien, presque pour vne mesme occasion: si qu'il ne faut pas trouuer estrange si ce Roy de Syrie tenoit pour si grande merueille, qu'il fust en si bonne intelligence avec son fils, qu'il estoit assis tout armé aupres de luy.

Son corps exposé à la veue du public.

MUSTAPHA ayant donc rendu les derniers souspirs, ces muets le mirent sur vn tapis, & le porterent à l'entrée de la tente, afin que les Ianissaires pussent voir mort, celuy qu'ils auoient désiré pour Empereur. Quelques-vns disent aussi qu'il fit appeller Giangir, le plus ieune des enfans de Roxelane, & qu'en se moquant, il luy commanda d'entrer au pauillon, & d'aller au deuant de Mustapha son frere. Luy qui n'auoit rien entendu de cette tragedie, courut tout joyeux pour l'embrasser, car ils s'entr'aymoient fort. Mais le voyant mort estendu de son long, il se mit à pleurer & à maudire les auteurs de cet acte inhumain. Solymen enuoya apres luy offrir en son nom tous les thresors & les gouuernemens de Mustapha, mais Giangir tout transporté de fureur, & connoissant par cette offre qu'il estoit l'auteur d'un fait si barbare & si cruel, apres auoir dit contre son pere tout ce que la fureur luy peust suggerer: Je me donneray bien de garde, dit-il, que tu ne m'en fasses faire autant à l'aduenir, & en acheuant ces mots il se donna du poignard dans le sein, rendant l'esprit au mesme instant. Toutesfois Basilic raconte la fin de ce Prince d'une autre façon, & dit qu'il mourut de maladie à Constantinople, de regret de la mort de son frere.

Plaintes de Giangir sur le corps de son frere.

Setuë luy-mesme, ou meurt de regret.

Grande plainte des Ianissaires sur cette mort.

Rustan depoussé de la charge, & Achmet Bassa mis en sa place.

Sedition des Ianissaires.

CETTE execution fut incontinent diuulgée par le camp, où la commiseration & la douleur s'épandit incontinent dans le cœur de tous, & n'y en eut pas vn qui ne vint voir ce triste & piteux spectacle, principalement les Ianissaires, qui entrerent en telle rage & fureur, qu'il ne leur estoit besoin que d'un chef pour les conduire: car ils estoient portez d'eux-mesmes à commettre toutes sortes de meschancetez, voyans celuy qu'ils auoient désiré pour Souuerain, gisant par terre, se doutans bien que c'estoit là le sujet de sa mort, ne leur restant plus qu'une chose, c'estoit de porter modérément ce à quoy ils ne pouuoient plus remedier: dont tous tristes & pleins de larmes, ils se retiroient en leurs tentes, où en toute liberté ils plaignoient la miserable aduventure de ce pauvre ieune Prince. Tantost ils parloient de Solymen comme d'un vieillard fol & insensé; quelquesfois de la meschanceté & cruauté de sa marastre, & toutesfois ils reiettoient toute l'execution d'un si meschant acte sur la malice de Rustan, ne pouuans conceuoir comment il estoit entré dans la pensée du pere, d'esteindre vne si grande lumiere de la maison Othomane, & de faire mourir vn fils si bien né & de si grande esperance. Enfin l'affliction fut telle par tout le camp, que pas vn ne voulut manger de tout ce iour là, non pas mesmes gouter de l'eau: plusieurs mesmes continuerent cette austere abstinence plus long-temps: mais les pleurs continuerent plusieurs iours, & n'y voyoit-on aucune apparence qu'ils les deussent cesser, si Solymen n'eust depoussé Rustan de sa charge, mettant en sa place Achmet Bassa, & releguant l'autre à Constantinople: peut-estre mesmes par le conseil d'iceluy. Lequel changement arresta vn peu les pleurs & adoucist les courages des gens de guerre, s'imaginans, comme le vulgaire est credule, que Solymen auoit reconnu les meschancetez de Rustan, les philtres & breuages sophistiquez de sa femme, & qu'il se repentoit desia, encore que ce fust sur le tard, de ce qu'il auoit fait, que c'estoit la cause pourquoy il auoit chassé Rustan, & qu'il ne pardonneroit pas mesmes à sa femme, si tost qu'il seroit de retour à Constantinople. Rustan estant d'oresnauant hors de toute esperance de recouurer sa dignité, & par le moyen de cette impression, toute la rumeur s'apaisa.

QUELQUES-VNS ont dit toutesfois que les Ianissaires entrerent en telle fureur quand ils virent ce Prince mort, qu'ils se ruèrent sur les soldats qui tenoient le party de Solymen, desquels ils tuerent plus de deux mille sur la place, sans vn grand nombre de blesez, crians tous d'une voix qu'ils vängeroient sa mort, de laquelle ils vouloient sçauoir l'occasion. Ce qui mit Solymen en telle peine, que sans l'ayde d'un de ses Bassas par lequel il leur fit deliurer vne grande somme de deniers pour les appaiser, il se fust trouué en danger de sa vie: car ils venoient enfoncer la tente, sans consideration ny de sa dignité, ny de sa personne. Ils adioustent qu'il en fut si déplaisant, que pour en faire penitence, il se mit en chemin pour aller à la Mecque; mais qu'estant assailly par les Perses, il se cōtenta d'aller

en

en Hierusalem, où il offrit des sacrifices pour l'ame de son fils. On dit encorès que ceux qui despoüillerent le miserable Mustapha, apres qu'il fut mort, trouuerent des lettres qu'il auoit mises en son sein quand il partit de son pauillon pour aller baiser les mains de son pere, auquel ayans esté presentées, il ne les voulut ouurir pour lors, mais apres que ses emotions furent vn peu appaisées, il se les fit apporter, les leur, & trouua qu'en icelles estoient de point en point couchées les machinations de Rustan & de Roxelane, dont il se saisist tellement le cœur, qu'il fut plusieurs iours qu'il ne vouloit parler à personne. On adiouste encore que s'il n'eust eu respect à la disposition de toutes choses, comme elles estoient alors, il n'eust pas fait mourir Rustan de la mort qu'il meritoit, mais l'eust fait manger vis aux chiens : toutesfois Busbec Ambassadeur de l'Empereur Ferdinand vers Solyman qui a escrit particulièrement cette histoire en sa seconde Epistre, n'en fait aucune mention.

Ces choses ainsi executées, Solyman s'en retourna à Constantinople : mais Roxelane non contente d'auoir fait mourir Mustapha, pensa qu'il n'y auroit point de seureté pour ses enfans, si elle n'exterminoit toute la race de ce Prince. Or comme elle estoit fort fine & fort artificielle, elle iugea qu'il falloit differer encore pour quelque temps; & cependant selon que les occasions se presentoient, elle rapportoit à Solyman que toutes les fois que son petit-fils (à sçauoir le fils de Mustapha) estoit porté en public dans la ville de Pruse, (car on le nourrissoit là) que les enfans de cette ville auoient accoustumé de luy souhaiter tout bon-heur, & de desirer qu'il peust plus longuement viure que son pere, que cela ne tendoit à autre fin, sinon qu'il priuast de l'Empire son ayeul, & prist vengeance de la mort de son pere, que les Ianißaires ne manqueroient point au fils de Mustapha, la mort duquel en ce faisant n'auroit apporté aucune tranquillité à l'Estat ny à l'Empire, que la plus ancienne croyance en la Religion Mahometane, estoit de n'y auoir là aucune seureté pour les enfans de la maison Royale. Que cette coustume là estoit la protection du Royaume & de la famille des Othomans, laquelle estant en affliction, la Religion ne pouuoit aussi subsister : mais que sa ruine & desolation ne pouuoit arriuer que par des dissensions & quereles domestiques. Afin doncques que son Empire, sa maison & la Religion peust estre conseruée, qu'il valoit mieux par vn parricide des enfans euer vne guerre ciuile : car la plainte qu'on feroit des enfans, seroit recompensée par la protection de la Religion, & qu'il falloit moins pardonner au fils de Mustapha qu'à tout autre, parce que par vne certaine contagion du crime paternel, il commençoit desia à estre nuisible, si bien qu'il n'y auoit aucun doute qu'il ne fust bien-tost le chef de la querele paternelle.

SOLYMAN persuadé par ces raisons, consentit facilement à la mort de son petit-fils, en donnant la commission à vn Eunuque nommé Hibraim, pour aller en Pruse haster la mort de l'enfant ; où estant arriué, il mit toute peine de destourner l'enfant de la veüe de la mere : car il tenoit cela pour vne meschanceté trop inhumaine de faire mourir vn enfant, la mere le sçachant & presque deuant ses yeux, ioint qu'il craignoit quelque tumulte populaire, comme de fait il auoit quelque sujet de crainte de ce costé-là : voicy doncques l'artifice duquel il vsa pour surprendre cette femme. Il feignit que Solyman l'auoit enuoyé là pour visiter elle & son fils, & luy dire qu'encores que par mauuais conseil il eust fait mourir son mary Mustapha, il en auoit toutesfois vn grand repentir, bien que ce fust trop tard, mais qu'en recompense il aymeroit d'autant plus le fils qu'il s'estoit monstré seueres enuers le pere : il dist encorès plusieurs autres & semblables choses, afin que cette trop credule mere luy adioustast plus de foy, & confirma le tout par quelques petits presents & autres mignardises, pour luy oster tout ombrage. Apres qu'il eut esté là deux iours, il luy proposa de s'aller promener aux champs, pour iouyr d'vn air plus doux & plus libre que celuy de la ville, & fait la partie pour le lendemain qu'elle deuoit monter au carosse & son fils aller deuant à cheual, cela sembloit hors de tout soupçon, ce qui l'y fit consentir : or l'essieu de ce carrosse estoit composé de sorte, que si tost qu'il rencontreroit quelque chemin rude, il falloit de necessité qu'il se rompit. Ainsi l'infortunée Princesse, sans auoir preueu ce qui luy pouuoit arriuer en ce mal-heureux voyage, sortit de la ville : Hibraim cependant, comme si par occasion le discours l'eust emporté, deuançoit de bien loin le chariot, la mere suiuoit apres le plus viste qu'elle pouuoit, mais comme elle fut arriuée où l'Eunuque auoit bien preueu qu'elle deuoit passer par des lieux raboteux, vne rotie du chariot ne faillit point aussi à se rompre : ce qu'elle ayant pris pour vn tres-mauuais augure, elle quitta là le chariot, & se mit à pied pour suivre son fils, accompagnée seulement de quelques seruantes.

1553.

Menées de
Roxelane
pour faire
mourir le fils
de Mustapha.

Solyman fait
tuer le fils de
son fils.

Artifices de
celuy qui fut
enuoyé, pour
executer ce
commande-
ment.

1553.

Notable refo-
lution de ce
jeune Prince.

Pitoyable
spectacle.

Affection des
Dames de
Prusse enuers
cette Princel-
se.

Poursuivent
l'Eunuque le-
quel se sauue.

XLVII.

Roxelane
met elle-mes-
me ses deux
fils en dissen-
sion.

Bajazet sup-
pose vn des
esclaves au
lieu de Musta-
pha.

Lequel jolie-
dextrement
cette supposi-
tion.

Mais Hibraim estoit desia arriué à la maison destinée pour ce meurtre, en laquelle il n'eut pas si tost mis le premier pas sur le seuil, qu'il prononça à cet enfant le funeste arrest de sa mort, & qu'il luy auoit esté ainsi commandé par l'Empereur: à quoy on dit que l'enfant respondit, qu'il ne prenoit pas cela comme venant de l'Empereur, mais comme vn commandement de DIEU, auquel il faut necessairement obeir: & disant cela, qu'il presenta à l'instant la teste & le col pour estre estranglé, ainsi finist ce ieune homme de tres-grande esperance. L'Eunuque cependant prit la poste, & s'enfuit le plus viste qu'il luy fut possible, & bon pour luy: car la mere arriua incontinent, presageant desia son malheur, où elle trouua son fils qui venoit d'expirer tout palpitant, mais qui ne respiroit plus. Alors la pauvre Princeesse voyant ce piteux spectacle, toute palmée de douleur, se ietta sur le corps de son cher enfant, où elle eust fait la catastrophe de cette tragedie, accompagnant son fils à la mort qu'elle auoit abandonné sur le chemin, si elle n'eust esté promptement secourüe par ses femmes. Mais reuenüe à soy, & n'ayant point de termes pour se plaindre tout à la fois, comme elle eust bien desiré, de la cruauté barbare de Solymán, de la meschanceté de Roxelane, & de la perfidie & trahison de l'Eunuque Hibraim, elle s'en prit à ses cheueux qu'elle arrachoit à grosses poignées, & à ses vestemens qu'elle mit en pieces, remplissant l'air de cris & de gemissemens: lesquels estans venus iusques aux oreilles des Dames Prussiennes, qui reconnurent la voix de leur affligée Princeesse, comme elles luy portoient toutes vne tres-grande affection, elles sortirent au deuant d'elle avecques leurs filles & leurs seruantes, pour voir ce qui luy estoit arriué. Mais ayans entendu ce pitoyable accidēt, on ne les peust retenir qu'elles ne sortissent à la foule, cōme si elles eussent deu rompre les portes de la ville, allans errantes & furieuses par les champs, ne desirans que de rencontrer le meschant Eunuque qui auoit commis vne telle cruauté: que si elles l'eussent tenu, il y a grande apparence qu'elles l'eussent dépecé plus menu que les Bacchantes ne firent jadis Orphée: mais il auoit donné si bon ordre à son fait, & auoit tellement gagné le deuant, qu'elles n'auoient garde de l'attraper.

ROXELANE ayant ainsi par ses meschantes inuentions fait mourir ce pauvre petit innocent, se vid au dessus du vent, ses desseins ayans si heureusement reüssi. Mais les affaires ne demeurerent pas en ces termes: car il restoit encores deux enfans à Solymán, à sçauoir Selim, & Bajazet: Selim estoit fauorisé du pere, Bajazet de la mere: à Selim, le pere, à ce qu'on disoit, auoit promis l'Empire, s'il le suruiuoit; & cette resolution estoit assez conuē de Bajazet; ce qui luy faisoit chercher les moyens de s'establir, de regarder de toutes parts, s'il ne trouueroit point quelque inuention de changer l'incertitude de la succession paternelle qui luy pouuoit escheoir par la mort de son frere, en vne certitude de fortune assleurée. A cela estoit-il poussé par sa mere desia toute teinte du sang des innocens, & qui sembloit vouloir estre encores arroüée du sang de ses propres enfans, joint qu'elle estimoit estre plus honorable à certuy-cy de perir en disputant de l'Empire, que d'attendre que son frere le fist estrangler comme vne victime par vn bourreau. Bajazet ayant doncques cette intention, & faisant assez paroistre à Selim son mécontentement, il ne se presenta pas, ce luy sembloit, vn plus beau sujet que de la mort de Mustapha. Ce Prince auoit laissé vn tel desir de soy, que plusieurs apres sa mort s'ennuyoient de viure, car ils auoient mis en luy la principale esperance del'establissement de leurs affaires, ne se soucians pas de mourir comme luy, pourueu qu'ils prissent la vengeance de sa mort. Quelques-vns mesmes sçachans bien en leur ame qu'ils l'auoient fauorisé, euitoient d'auoir aucune charge dans l'estat present, & ne cherchoient que les occasions de nouuelletez, pour ruiner & mettre tout en trouble; il leur manquoit seulement vn chef: de faire reuiure Mustapha, il leur estoit impossible, mais on pouuoit bien feindre qu'il estoit viuant.

ON donna cet aui à Bajazet, qui n'en refusoit aucun, mais il trouua certuy-cy fort propre à ses entreprises. Il choisist doncques parmy ses esclaves vn homme de fort basse condition, mais qui auoit du courage, qui se deuoit dire estre Mustapha: & ce qui seruoit encor le plus à joüer cette farce, c'estoit que certuy cy ressembloit de taille, de visage & de l'action à ce Prince là. Certuy-cy disoit qu'il s'estoit sauué de la mort qui luy auoit esté preparée dans le paillon de son pere, par la fuite, & qu'vn autre auoit esté supposé en son lieu, & avecques ce langage il commença de paroistre en cette partie de la Thrace, qui est au dessus de Constantinople, & qui regarde le Danube, non loin des Prouinces de Moldaue & de Valachie. A ce nom de Mustapha il se presentoit à luy vne infinité de commoditez pour les remuēmens, & principalement de gendarmerie, qui auoit tousiours fort aymé Mustapha, dont il eut apres vn grand nombre autour de sa personne: mais au-

parauant

parauant il fit semblant de tirer pays accompagné de peu de gens, pour donner plus de croyance à cette feinte : & comme ceux des lieux par où il passoit, demandoient à ceux de sa compagnie qui il estoit, ils monstroient plustost avec crainte, qu'ils ne le declaroient, qu'il estoit Mustapha, & luy qui faisoit vne action qui sembloit leur empescher, ce qui rendoit ceux qui l'abordoient plus curieux que iamais, de sçauoir qui il estoit.

1553.

Et se conduit
fort sagement.

En fin cela se declaroit comme en secret, & aussi-tost chacun se venoit conioiurer avec luy de son ioyeux aduenement, priant DIEU pour sa prosperité, & là dessus il leur racontoit comme ayant esté appelé par son pere, il fut aduertiy par quelques-uns des siens de ne se presenter pas à cette premiere cholere, de sorte qu'il auroit tellement gagné vn de ses amis, qui luy ressembloit aucunement, qu'il auroit esté se presenter au lieu de luy, lequel aussi-tost qu'il fut deuant son pere, il fut estranglé, sans dire pourquoy, & apres auoir esté ietté deuant son pauillon, auquel temps il y-en eut plusieurs qui reconneurent bien la fraude, mais le plus grand nombre auoit creu que c'estoit luy, les lineamens confus que la crainte de la mort luy auoit peints à la face estans cause de leur faire croire que c'estoit luy-mesme qui auoit esté occis. Ce qu'ayant bien considéré, & voyant le danger qu'il y auoit pour luy de demeurer là, il prit la fuite, & commença à consulter de son salut, qu'il s'en estoit fuy avecques vn petit nombre de gens pour rendre sa retraite plus couuerte & plus seure : que pour la mesme raison il auoit pris son chemin par le Pont, & delà par les peuples du Bosphore, où il auoit mis son principal refuge en la foy de ses amis, lesquels il prioit de ne luy manquer point au besoin, & qu'ils ne fissent pas moins d'estat de luy en l'affliction qu'il receuoit par la meschanceté de sa marastre, qu'ils auoient accoustumé de faire lors qu'il estoit en prosperité.

Quant à luy qu'il estoit resolu de vanger cette iniure, & de se mettre en seureté par les armes. Car que luy estoit-il plus resté ? n'auoit-il pas assez esprouué par la mort de celui qu'il auoit supposé, quel danger il eust couru s'il s'y fust présenté luy-mesme, & quelle estoit la bonne volonté de son pere en son endroit, puis qu'il ne viuoit que par son erreur, & non par la pieté paternelle ? Mais que sa marastre composast tant qu'elle voudroit de nouueaux venins pour alier l'entendement au vieillard, & le faire deuenir fol de son amour, pour le porter à tout ce qu'elle sçauoit imaginer de meschant. Que son ministre Rustan entreprist, si bon luy sembloit de nouueaux massacres, si est-ce qu'il se faisoit fort que ses amis ne l'abandonneroient iamais, par l'ayde desquels il esperoit se retirer de tous dangers, & venir au dessus de ses ennemis, lesquels il estoit assuré de surpasser tous en grandeur de courage, ioint qu'il estoit tout certain que les Janissaires & la meilleure partie des domestiques de son pere, courroient aussi-tost à son secours, quand ils sçauoient que luy qu'ils auoient pleuré mort, estoit neantmoins plein de vie, que tout ce qu'il leur requeroit pour lors, c'estoit qu'ils le voulussent benignement recevoir & le prissent en leur protection, durant sa nécessité.

ALA fin les choses qui se traitoient au commencement à cachettes, commencerent de se negocier publiquement, & luy faisoit le mesme discours à tous ceux qui le venoient aborder, comme faisoient aussi ceux qui s'estoient rendus compagnons de sa fuite, ce qui estoit encore confirmé par des gens qui n'estoient pas de petite autorité, & que Bajazet auoit gagez de son party : de sorte que la plus grande partie des hommes qui ignoroient l'affaire, tenoient cette fraude pour vne verité : car tout cecy fut mané avec vn tel artifice, que plusieurs mesmes de ceux qui auoient conneu Mustapha lors qu'il viuoit, & qui l'auoient veu mort estendu deuant le pauillon de son pere, ne vouloient pas croire toutes-fois ce qu'ils sçauoient assurément, & souffroient d'estre persuadés que cestuy-cy estoit le vray Mustapha : neâtmoins les seruiteurs & les plus familiers amis de ce Prince, qui auoient encores la memoire toute fraische des choses qu'ils auoient veues, & qui portoient sa viue image dans le cœur & dans les esprits, ne pouuoient estre trompez, & cependant auerglez, partie par la crainte, partie par la douleur & par la cholere, ne se souciâs pas de souffrir quoy que ce peust estre, lassés de viure apres leur seigneur & leur amy, donnoient à ce compagnon-cy aussi bien que ceux que nous venons de dire, le nom de Mustapha, disans que celui qui auoit esté tué, estoit vn homme supposé. Et quant à cet imposteur, promettant aux vns & donnant liberalement aux autres de l'argent, qu'il disoit auoir encores gardé de son ancienne fortune : (car Bajazet auoit donné ordre que rien ne manquast de ce costé là) il retenoit les vns, & joignoit les autres à son party, de sorte qu'en peu de iours il assembla vne telle puissance, & qui augmentoit tellement de iour en iour, qu'elle arriuoit en fin iusques à la grandeur d'une armée, quand les plus voisins Sanjacs enuoyerent en gran-

Ebloüy
mesme ceux
qui sçauoient
la verité de
l'histoire.

1553. & de haste des messagers à Solyman, par lesquels ils l'aduertissoient des menées & des forces qu'assembloit ce faux Mustapha.

54.

Ordre que met Solyman pour empêcher le progres de cette supposition.

Si tost que Solyman eut receu ces nouuelles, il soupçonna incontinent que c'estoit vne inuention qui venoit de ses fils, persuadez & conduits à cela par autrui: c'est pourquoy il iugea que cela ne deuoit point estre negligé. Il manda doncques à ceux qui luy auoient escrit, des lettres fort rigoureuses de ce qu'ils n'auoient point empêché le progres des affaires de cet imposteur, les menaçant fort rigoureusement, que s'ils ne donnoient ordre qu'il fust pris & lié dans peu de iours, il tiendrait eux & leurs compagnons coupables de ses meschancetez: & afin qu'ils peussent executer cela plus facilement, qu'il leur enuoyoit vn de ses Bassats pour les secourir, nommé Pertau, (qui auoit espouse la vefue de Mahomet, le fils aîné de Solyman & de Roxelane) accompagné d'vn bon nombre de Janissaires & autres soldats de la Porte, mais que s'ils vouloient se nettement purger du fait, ils termineroient cette affaire par eux-mêmes auparavant qu'il leur fut venu du secours. Pertau menoit des forces plus affidées qu'en grand nombre: car Solyman auoit fait vn triage des chefs & de tous les membres des compagnies, & mesmes iusques aux simples soldats auxquels il auoit le plus de confiance: car y ayant assez de sujet de craindre que par artifice, ou par largesces & distributions d'argent, les soldats vinsent à tourner leurs enseignes pour celuy contre lequel ils estoient enuoyez; le seul nom de Mustapha ayant remué les esprits de ceux qui ne cherchoient que des nouuelletez, & le vulgaire des Janissaires demeurant aux escoutes, pour attendre l'euement de ce remuement, mais en intention cependant de confondre toutes choses, de sorte que cette affaire n'estoit pas sans danger.

Ceux du party de l'imposteur, l'abandonnent.

Est pris & enuoyé à Solyman.

Lequel découvre toute l'entreprise.

Bajazet en grande crainte, & Solyman fort mécontent luy.

Les Sanjacs ayans receu le commandement de leur Seigneur, firent la plus grande diligence qu'ils peurent pour s'assembler, s'exhortans l'vn l'autre de haster cette affaire, & presser de toutes parts le faux Mustapha, pour corrompre le cours, & s'opposer à ses entreprises. De sorte que remplissant tout de terreur & d'estroy, ils empêcherent plusieurs de se venir joindre à luy, quand ils leur representoient le peril eminent auquel ils s'alloient precipiter. Cependant Pertau venoit avecques son armée, & n'estoit pas beaucoup éloigné de ces lieux-là, que ceux de la troupe de Mustapha, qui n'estoient pas encores bien resolus, (comme il arriue ordinairement en telles choses,) se voyans preuenus par sa diligence, & environnez de toutes parts par vne multitude de gens de guerre, commencerent d'auoir peur, si que quelques-vns s'en allerent du commencement, mais apres tous ayans mis la honte sous le pied, & oublieux de leurs promesses, quittans là leur Capitaine, se retirerent chacun où ils trouuerent leur commodité. Et comme Mustapha s'efforçoit de faire le mesme avecques ses principaux conseillers & ministres, les Sanjacs le preuinrent & le prirent vif, & tous ensemble le liurerent au Bassa Pertau, qui l'enuoya avecques seure garde à Constantinople, où Solyman tira par la violence des tourmens de la question, toute la verité de ce qu'il desiroit, & conneut clairement les entreprises de Bajazet, ses plus secrets conseils, & tout ce qu'il auoit dans le courage, quelles forces il auoit, & à quoy il les auoit destinées, comme il se deuoit joindre à elles. Luy cependant estoit bien en peine s'il deuoit venir à Constantinople tout droit, ou marcher contre son frere; voyant son fait decouvert: mais tandis qu'il s'arreste à l'execution de ses conseils mal digerez, il se les void renuersez par la diligence de Solyman, lequel ne voulant point faire voir à la populace les secrets de cette entreprise, ny donner à connoistre aux Princes estrangers ses quereles domestiques, condamna (contre sa coustume) tous ceux qu'il tenoit prisonniers, d'estre iettez sur la minuit au plus profond de la mer: & grandement irrité contre Bajazet, qui auoit osé commettre vne telle meschanceté, il pensoit en soy-mesme de quel supplice il le chastieroit: ce que sa femme, qui estoit fort subtile, decouvrit incontinent.

DELA doncques à peu de iours, comme elle recōneut que l'ardeur de cette cholere estoit vn peu refroidie, elle entama le propos à Solyman, luy representant l'imprudence de la iuennesse, la necessité du fait, rapportant plusieurs exemples de ses maieurs, que la nature auoit imprimé cela dans l'esprit d'vn chacun, d'auoir plus de soin de soy que des siens: Que chacun euitoit la mort tant qu'il pouuoit: qu'il ne falloit pas grande chose pour troubler l'esprit des ieunes gens: qu'ils estoient facilement destournez du bon conseil par celuy des meschans: qu'il estoit raisonnable de luy pardonner la premiere faute: que s'il se repentoit, c'estoit vn grand prix au pere d'auoir sauué son enfant, mais que s'il retomboit, il luy ramenteuroit alors ce qu'il auoit fait auparavant, & auroit tousiours le temps de le
bien

bien chastier pour l'une & pour l'autre. Que s'il ne vouloit point luy pardonner pour l'amour de luy, qu'il le fist pour l'amour d'elle qui l'auoit engendré: & qu'il ne deuint point cruel contre ce sang qui leur estoit commun: car quel contentement auroit-il si de deux fils que DIEV leur auoit laissez, l'un auoit esté osté par la seuerité du pere? Elle le supplioit doncques d'adoucir sa cholere, & bien que le chastiment fust plus iuste, qu'il preferast neantmoins la clemence à la rigueur. Qu'il print exemple sur DIEV mesme tres-puissant & tres-iuste, qui n'vsoit pas tousiours d'une extreme seuerité, mais qui gouuernoit la meilleure partie des mortels par misericorde, autrement il faudroit qu'il exterminast tout le genre humain, mais enuers qui doit-on plus vser de clemence qu'enuers ses enfans? que Bajazet feroit doresnauant son deuoir, & que la crainte en laquelle il viuoit à present, luy estant ostée par vn pardon si signalé, luy feroit rendre par apres tout honneur & obceissance, n'y ayant pas plus belle inuention pour retenir vn grand courage, que la grace & le bien-fait: qu'elle luy respondoit que la memoire de ce pardon l'empescheroit de retomber en pareille faute, & que le fils satisferoit cy-apres à son pere par toutes sortes de deuoirs, de soubmissions & de seruices. A ces paroles elle conioignoit les larmes & les caresses, si bien qu'elle fit tant par ses artifices, qu'elle ramollist le courage de Solyman, lequel flechissant plustost à la pitié naturelle & aux pettuations de sa femme qu'à la iustice, luy promit de pardonner à Bajazet, moyennant qu'il vint & qu'il receust en personne ses commandemens.

LA mere diligente aussi-tost cette affaire, & luy fait entendre secrettement qu'il ne craigne point de venir quand son pere le mandera, qu'il n'y auoit aucun danger, estant retourné en grace par son industrie, & qu'on n'auoit plus d'aigreur ny de fiel pour luy. A cét aduertissement Bajazet ayant repris nouuelle esperance, il resolut de se fier en son pere, avecques crainte toutesfois, ayant tousiours deuant les yeux la fin de son frere Mustapha, cét exemple luy donnant assez de sujet de penser au danger où il s'alloit exposer. Toutesfois il vint au lieu destiné pour cette conference à sçauoir, en vne hostellerie distante de quelques milles de Constantinople, que les Turcs appellent Carestran: car il ne voulut pas que cette entre-ue se fist dans Constantinople, de crainte qu'il eust quelques menées avecques les Ianissaires, & qu'elle n'apportast quelque trouble. Comme doncques il fut descendu de cheual, les seruiteurs de son pere vinrent audeuant qui luy firent commandement d'oster l'espée & le poignard; ce qu'ils pratiquent enuers tous les autres qui ont affaire & veulent approcher de leur Empereur: toutesfois à vn fils qui n'estoit pas trop asseuré, c'estoit assez pour luy augmenter sa crainte: mais la mere qui auoit assez preueu quelle frayeur il deuoit auoir en cét abbouchement, s'estoit mise en vne chambre prochaine de cette maison par où Bajazet deuoit passer, où il y auoit vne fenestre couuerte d'un linge, par laquelle elle luy cria comme il passoit, *Corcoma ogli, Corcoma*: c'est à dire, Ne crains point mon fils, ne crains point; ce qui redoubla l'assurance de Bajazet, d'entendre ainsi la voix de sa mere.

COMME il fut entré & que son pere luy eut commandé de se seoir, il le tança fort aigrement, de ce qu'il auoit esté si temeraire que de prendre les armes, qu'on iugeoit qu'il eust leuées contre luy: car encores que ce fust contre son frere, neantmoins le crime sembloit estre plus atroce, que ce n'estoit pas tant contre luy, que c'estoit vne violence qu'il vouloit faire à leur Religion qui s'arrestoit du tout à la predestination, que luy seul par vne guerre ciuile s'efforceroit de faire tomber l'Empire des Orthomans en vne totale ruine, desquelles choses il deuoit estre tousiours bien éloigné, s'il eust eu quelque sentiment de pieté, sans qu'il voulut mettre en auant l'attentat qu'il auoit fait sur son Empire durant sa vie, avecques le grand mépris de sa personne, & vne tres-notable iniure qu'il luy faisoit; que toutes ces choses le rendoient coupable d'un crime si detestable, qu'il ne se trouueroit iamais de chastiment assez digne pour l'expiation de si grandes meschancetez, toutesfois qu'il auoit resolu de luy pardonner, & d'vser plustost en son endroit de la benignité de pere, que de la rigueur d'un iuste iuge, afin que d'oresnauant il laissast à DIEV la disposition des choses futures, sur lesquelles il n'appartenoit point aux mortels d'interposer leur iugement. Que DIEV de sa pleine & absoluë puissance, transferoit & donnoit les Royaumes à qui bon luy sembloit, & que s'il estoit au destin qu'apres sa mort il deust regner, il en estoit content, puis qu'il n'estoit pas en la puissance humaine, de disposer & de changer ce qui auoit esté diuinement ordonné. Voila pourquoy aussi, si DIEV en auoit déterminé autrement, c'estoit folie de trauailler à l'encontre, & se bander contre la diuine volonté, & (s'il le faut dire) combattre avecques DIEV, & partant qu'il

1554.

Petitions
de Roxelane
pour Bajazet.

Elle obtient
pardon pour
luy.

Lequel vient
trouuer son
pere.

La mere en-
courage son
fils à cette en-
tre-ue.

Reprimande
de Solyman à
son fils.

Il luy par-
donne.

1554.

ne se mutinast plus dauantage, & laissant son frere en paix, ne troublast plus le repos de sa vieillesse : que s'il entreprenoit iamais choses semblables, & qu'il excitast encores de nouvelles tempestes, il s'assurast qu'elles luy tomberoient sur la teste, & qu'il n'auroit pas pardon de la seconde faute, comme il auoit eu de la premiere, ny ne trouueroit plus vn pere doux & fauorable, mais qu'il le ressentiroit vn vangeur tres-seuer de tous ses crimes.

Ils boient
l'un à l'autre.

COMME il eust acheué de dire ce qui luy eut pleu, & que Bajazet eut respondu fort peu de chose, & plustost encores en s'accusant & en confessant sa faute, qu'en s'excusant & en la niant, & qu'il eust promis d'oresnauant de se ranger en toutes choses sous la puissance de son pere, & luy rendre toute obeyssance, Solyman commāda d'apporter à boire, selon la coustume des Turcs, quand ils se reconcilient, & d'en donner premierement à son fils; ce breuage estoit composé d'eau, de succe, & de certain ius, lequel Bajazet (encores qu'il l'eust bien voulu) n'osa refuser, & le beut avec vn esprit merueilleusement troublé, de crainte qu'il auoit que ce ne fust son dernier breuage : mais son pere ayant au mesme instant beu de la mesme liqueur, luy osta toute sa desfiance. Ainsi Bajazet ayant eu vne plus heureuse issue en son embouchement, que son frere Mustapha, s'en retourna en son Sanjacat.

Menteschtre
Achomat.

Et ce qu'on
disoit contre
luy.

MAS afin qu'on puisse voir la fin de toute cette tragedie, le dernier acte en fut ioué par le Bassa Achomat, qui auoit esté mis en la place de Rustan, (celuy qui machina la mort de Mustapha) lors que Solyman pour appaiser la sedition des Ianissaires, luy osta l'estat de premier Vizir, & l'auoit donné à Achmet, avecques promesse de ne luy oster point son cachet tant qu'il viuroit, mais cette promesse luy cousta la vie : car Solyman voulant qu'on le tint pour vn homme qui gardoit sa parole, chercha vne occasion de le faire mourir pour luy oster cette charge, & la remettre entre les mains de Rustan, qui n'en auoit esté depossédé que par son conseil mesme, comme il a esté dit, & pour euit à plus grand malheur. Pour ce faire il se seruit des remuemens de Bajazet, pour faire accroire à cestuy-cy qu'il auoit intelligence avecques luy, ou pour le moins vne grande negligence à decourir ses conseils : car Roxelane ne pouuoit pas disposer d'Achomat, qui estoit vn homme rond & qui n'entendoit point d'autre artifice à bien seruir son maistre, sinon vne franchise naturelle qu'il auoit, comme vn homme plus propre à manier les armes en vn camp, qu'à conduire de grandes affaires à la maison. D'autres disent qu'on luy gardoit cela de longuemain, & que comme il estoit addonné à la volerie, & au larcin, qu'en consideration de sa force & grande experience en l'art militaire, on luy auoit plustost prolongé le temps, que pardonné la peine, mais quand l'occasion se presenta de rendre à Rustan sa pristine dignité, de peur de manquer à la promesse que Solyman luy auoit faite, on se seruit de ce pretexte, pour le faire incontinent mourir. On adiouste encores à cela que Solyman dist, qu'il valoit mieux qu'il mourust vne fois que mille, ce qui fust arriué s'il eust suruescu apres l'auoir despoüillé de sa dignité, & l'auoir donnée à vn autre.

Mort d'A-
chomat, &
son grand
courage.

Rustan remis
en sa premie-
re dignité.

OR soit l'un ou l'autre de ce que nous venons de dire, Achomat estant venu du matin au Diuan, c'est à dire le lieu du conseil, sans se douter d'aucune chose, vn de la part de l'Empereur luy vint prononcer sa mort, duquel message, comme il estoit d'un grand courage, il ne s'estonna aucunement, non plus que si cela ne luy eust rien touché, il refusa seulement de souffrir la mort par les mains du bourreau qu'on luy auoit enuoyé, comme indigne de toucher à vn homme de telle dignité; mais iettant les yeux sur tous les assistans, il vid vn honneste homme sien amy, lequel il pria qu'il peust receuoir la mort par ses mains, & qu'il tiendroit cela pour vn tres-grand bien-fait, & dont il deuoit esperer vn iour vne bonne recompence : de quoy ayant esté prié par plusieurs fois, en fin il y condescendit : Achomat le pria seulement qu'il ne le suffoquast pas du premier coup, mais que luy laschāt le nerf avecques lequel il deuoit estre estranglé, il le souffrist respirer vne seule fois, & qu'apres il le resserrast iusques à ce qu'il eust rendu l'esprit : ce que l'autre obserua ainsi qu'il auoit desiré, de sorte qu'il semble qu'Achomat ayt voulu goustier la mort, deuant que de mourir, saluer le sepulchre tout en vie, & mourir plus d'une fois; apres sa mort Rustan fut remis en sa place & premiere dignité.

XLVIII.

Chaoux de la
part de Soly-
man, aux
Transiluiens.

C'ESTOIT ce qui se passoit en la famille de Solyman, mais durant ce temps il y auoit vn grand remuemens en la Transiluanie : car les Transiluiens desirans infiniment la paix, selon les paroles qu'ils auoient données au Chaoux, l'année precedente, ils esperoient que la suiuate, quand il viendroit querir le tribut, au lieu de l'argent qu'on luy

luy bailleroit qu'il apporteroit le repos & la tranquillité au pays à son retour: Les principaux de cette Prouince estoient assemblez à Vafrael, où ce Chaoux estant arriué, on luy fit vn fort grand honneur, & s'estant reposé vn iour, on le mena à l'assemblée, où au lieu de paix & de trefue, & d'accepter le tribut, il dist à tous au nom de Solyman, qu'il vouloit qu'ils receussent le fils du Roy Iean, & la Reyne Isabelle sa mere: comme estans leurs vrayz & legitimes seigneurs, chassassent hors de la Transsiluanie Castaldo, & missent en pieces tous les gens de guerre qui estoient soudoyez par Ferdinand, qu'alors il receuroit le tribut ordinaire, & les estimeroit dignes de sa grace, que s'ils en vsoient autrement, qu'il mettroit tout à feu & à sang, & leur pays en vne miserable destruction: cela dit, il leur bailla vne lettre en Latin adressant au Vaiuode Battory, & à tous les autres Seigneurs du Royaume: on dit qu'elle estoit escrete en lettres d'or, à la mode Turquesque, dedans vn parchemin fort luisant, en assez gros Latin, qui disoit en nostre langue.

1554.

MANDEMENT DE L'INVINCIBLE EMPEREVR
des Turcs, au Seigneur André Battory Capitaine en Transsiluanie,
& à tous les autres Seigneurs d'icelle, &c.



PAR le mandement de nostre grandeur & Hauteſſe, vous entendrez, vous (fidele en la foy de Christ) André Battory entre tous les Chrestiens habitans le Royaume de la Transsiluanie, prudent & genereux seigneur, & tous vous autres seigneurs nos bien-aymez, comme plusieurs fois nous vous ayons fait ſçauoir, (apres que le Moyne Georges nostre thresorier, fut cruellement, & en trahison tué, auant qu'il eust peu chasser les Alemans que vous auiez introduits dans le Royaume par vos discordes) que vous deuiez, vous & tous les autres seigneurs de Transsiluanie, par vn commun conseil & secours, chasser lesdits Alemans hors de vostre pays, ſuinant la fidelité que vous deuiez à nostre excellente Porte: Ce que n'ayant encore esté par vous fait, nous auons bien voulu maintenant vous inciter à ce faire, en vous quittant tout le peché & le delict que iusques icy vous auez commis, vous promettans de vous donner derechef, & garder toute la liberté, laquelle par cy-deuant vous auez eue en ce Royaume de Transsiluanie, & vous seigneurs & vassaux ſerez ſoujourns sous nostre protection & ſauue-garde, & vous tiendrés en tel honneur qu'il vous appartient. Quant au Royaume de Transsiluanie, comme sous le regne du Roy Iean & de ſon fils, nos fideles & vassaux, il a esté en repos & liberté, nous ordonnerons que maintenant il ſoit ainſi, & vous promettons aſſentement que ledit fils du Roy Iean regnera ſur vous: car cependant que le Roy Iean nostre vassal & ſeruiteur nous ſeruoit fidelement & ſincerement, nous n'auons point ſouffert qu'aucun vous ait moleſtez ny trauaillez, ains dauantage apres ſa mort, nous auons de nostre grace & clemence ſpeciale donné à ſon fils eſtant encores en fort bas aage, ſon pays paternel, & ce Royaume, & alors la Transsiluanie a toujours eſté paciſique. Mais apres que vous auez appellé les Alemans, les diſſentions grandes ſe ſont eſleuées entre vous, par leſquelles, & pour remettre le fils du Roy Iean & ſa mere, & pour deliurer la Transsiluanie de ſes ennemis naturels, par la grace de DIEV, nous auons commandé d'assembler vne tres-grande & tres-puiſſante armée. Il ſant doncques, en conſideration de vostre fidelité, que vostre ſoin & diligence ſoit de mettre hors de ce Royaume avecques vos armes, les Alemans, & en attendant que le fils du Roy Iean ſoit remis en ſa place, que vous eliſiez vn Capitaine General en ce Royaume auquel vous obeyſſiez, & ne ſouffriez plus vostre ennemy mortel eſtre parmy vous: mais par vn commun aduis de chaſſiez ceux qui ſont cauſes de ſi grands discordes entre vous, & que chacun s'eſſorce ſelon ſon pouuoir, de bien & diligemment gouverner le Royaume du fils du Roy Iean vostre ſeigneur. Que ſi nous receuons de vous cette marque de fidelité & obeyſſance, vous n'obtiendrez pas ſeulement en ce Royaume de Transsiluanie vostre ancienne liberté, mais receurez en outre de nostre majeſté, vn tres-grand honneur & grace: cependant nous entretiendrons nostre armée infinie pour ce Royaume, & le fils du Roy; & auons ja commandé qu'elle marchast pour la deliurance d'iceluy, d'entre les mains de ſes ennemis: car nous ne voulons aucunement permettre qu'ils regnent en cette Prouince, & ayans eſté acertenez combien le Roy Iean nostre vassal nous eſtoit fidele ſeruiteur, & ſon fils auſſi, nous auons deliberé de le reinstaller en ſon Royaume, & le faire regner en iceluy par nostre moyen, & luy donner tel ſecours, qu'avecques la permiſſion de DIEV, il puiſſe viure & ſurmonter ſon ennemy. A cette fin nous auons fait marcher, avecques la grace du DIEV Tout-puiſſant, le magnifique & puiſſant, & nostre obeyſſant ſujet & fidele ſeruiteur de nostre grandeur & hauſſeſſe, le tres-illuſtre Achmet Baſſa, ſecond Conſeiller de nostre Majeſté, & pluſieurs autres nos ſujets & courtiſans, avecques grand nombre de ianiffaires de la tres-puiſſante

Parente de
Solyman aux
Transsiluains.

1554.

& invincible Porte de nostre grâdeur & hautesse: ayās aussi mandé à tous les Capitaines generaux & Sanjacs, de faire sortir de Grece & de Bude vne grosse armée, tellement qu'avecques nostre dit Conseiller, nous aurons vne armée de deux cens mille hommes bien en ordre, auant que nous marchions en personne contre l'ennemy. Dauantage nous auons mandé au Serenissime Prince de Tartarie, au Vainode de Vallachie & Moldauie, & à tous les Sanjacs qui sont en ces contrées deçà & delà le Danube, qu'avecques toute leur infanterie & caualerie, ils ayent à se ioindre avecques nostre dit Vizir: & est aussi necessaire faire, suiuant vostre fidelité, que vous obeyssiez audit Bassa, & qu'enuoyez tant vers nostre Porte que vers luy, vos Ambassadeurs. Mais si vous estes desobeyssans à nostre mandement, & que vous vous accordiez avecques nos ennemis, estimer que la rutne, perte & cruauté que sentira le Royaume de Transiluanie, n'aduendra que par vos demerites: car par la grace de DIEU Createur Tout-puissant, nous esperons donner à connoistre aux Chrestiens, & au Royaume de Transiluanie, quelle est nostre fureur & puissance. Et si les Transiluiains en leur offrant & liuant nostre secours, ne veulent retourner à leur ancienne obeyssance & fidelité, iamais ne seront en aucune part assurez, & souffriront par tout le monde les peines qu'ils auront meritées: car nous auons fait serment à DIEU Tout-puissant, qu'il ne demeurera en Transiluanie pierre sur pierre, que tous les hommes seront mis au fil de l'espee, que les femmes & enfans seront menez en captiuité, & que nous ferons tout demolir & mettre par terre: de quoy nous auons bien voulu premierement vous aduertir tous, comme il appartient à vn tres-inuincible & tres-puissant Empereur, afin que la perte de tant d'ames ne tombe sur la nostre: nous vous auons desia plusieurs fois enuoyé pareils mandemens, desquels vous n'avez pas tenu grand compte, mais si à ce dernier vous n'estes obeyssans, attribuez à vous & non à nous la cruauté & ruine que vous verrez. Pesez donc bien toutes choses avec le temps: car nous laissons le reste pour esplucher à vostre prudence. Donné à Constantinople, le septiesme de la Lune d'Octobre.

CETTE lettre émeust beaucoup les volontez des Transiluiains, tant pour la crainte qu'ils auoient des Turcs, que pour le desir de fauoriser la Reyne Isabelle & son fils, qui sollicitoient fort de rentrer en leur pays, Ferdinand ne leur ayant point tenu promesse, joint aussi le mauuais traitement qu'ils receuoient des soldats de Ferdinand, & les grâdes daces qu'ils estoient cōtraints de payer pour les frais de la guerre: toutesfois les Turcs estans empeschez aux affaires des Perses, comme on disoit, mais plustost à se deffaire de Mustapha, on ne passa point outre pour cette fois. Neantmoins Castaldo voyant que Cassam-beg, à la suscitation d'Isabelle, faisoit amas de gens de guerre, & qu'il vouloit tirer à Deue, pour se rendre vn chemin tout ouuert, & tout libre à faire apres ses courses, comme il luy plairoit, fit assigner vne Diette à Colosuar, où tous ceux qui auoient esté appelez, comparurent, excepté le Vainode Battory, soit qu'il fust malade, ou qu'il le contrefist. En cette Diette Castaldo demanda aux Transiluiains secours d'hommes, pour empescher tous ces tumultes qui s'épandoient couuertement par tout, & pour deffendre Deue & autres lieux, ensemble des deniers & viures pour faire vne armée au moins mediocre, & telle qu'avecques ses gens lesquels pour lors il auoit, il peust resister en plusieurs endroits aux ennemis: il leur demanda en outre des pionniers pour faire acheuer les fortifications de Silinio, d'Albe-Iule, & de Safebesse, les admonestant d'essayer cependant tous moyens, pour pouuoir obtenir du Turc quelques trefues.

Diette des
Transiluiains
à Colosuar.

Demandes de
Castaldo en
cette Diette.

La responce
qu'on luy fit.

Mutinerie des
Espagnols.

AUSQUELLES demandes on luy fit responce que chacun estoit reduit à vne extreme misere, qu'on ne le pouuoit secourir, ny d'argent, ny de viures pour auoir esté dès l'hyuer passé consummez par les soldats: quant au secours d'hommes, qu'on luy en bailleroit tant qu'on pourroit, toutesfois qu'il estoit necessaire que Ferdinand enuoyast quelque autre secours d'Allemagne ou de Hongrie, pour resister au Turc, n'estant cette Prouince assez puissante, pour se maintenir seule contre tant d'assauts, principalement du costé de Lippe, Brassouie & de Hongrie, où il falloit de puissantes armées & grandes sommes d'argent pour les entretenir, mais que le pays estoit en vne extreme pauureté, principalement par le deffaut des laboureurs, qui à raison des continuelles guerres estoient morts ou fugitifs. Qu'ils trouueroient bien à propos d'enuoyer des Ambassadeurs vers Solymán; & quant aux fortifications, qu'ils en parleroient aux Bourg-maistres des villes, & feroient tant qu'on y employeroit les pionniers qui seroient de besoin: & avecques cette resolution print fin cette Diette. Mais cela ne contenta gueres les Espagnols, qui pour deux payes qui leur estoient deués, ne voulurent iamais arrester pour quelque priere que leur sceust faire Castaldo, ains arracherent leurs enseignes des mains de ceux qui les portoit, prirent le chemin vers Vienne, passans par la Hongrie où ils firent des maux infinis.

nis. Castaldo aussi luy-mesme partit de la Transsiluanie, ayant pris cette occasion à propos, pour euitier les menées que les plus Grands du pays faisoient contre luy, & arriua à Vienne à la fin du mois de May; ce ne fut pas toutesfois sans auoir eu auparauant licence de Ferdinand de se retirer. Incontinent apres il vint nouuelles qu'un nommé Clement Athanase qui tenoit le party de la Reyne Isabelle, auoit avec vne bonne troupe d'hommes associez avecques luy, pris le chasteau de Tocchay, tres-fort, tant par art que par situation, & auoit tasché d'escalader de nuict Agria, mais il fut decouuert par les habitants & repoussé.

Cela se poursuiuant ainsi deuers la Transsiluanie, il se faisoit d'autres entreprises par les Chrestiens vers l'Esclauonie: car les Turcs ayans quelque temps auparauant pris Babocz, vn fort chasteau qui est à quatre milles de Zighet, qui estoit tres-important à toute la Prouince, le Comte de Serin Croace, qui se fera cy-apres renommer dauantage, avecques Nadastin & Pether Hongrois, ayans assemblé leurs forces, allerent de compagnie pour surprendre les Turcs, qui ne s'attendoient pas à cette saillie: car Haly Bassa assisté de toutes les forces que les Turcs auoient en la Hongrie, tenoit lors Zighet assiégé: & ceux-cy croyoient que s'ils pouuoient surprendre cette place de Babocz, ils soulageroient grandement ceux de Zighet. Mais Haly qui reconneut assez de quelle importance luy estoit cette place, vint bien-tost au secours: toutesfois les assiegeans ne s'estonnerent point pour cette arriuée, ains se deffendirent si courageusement, qu'ils repousserent leurs ennemis, & leur ayans donné au commencement la chasse, les contraignirent de se sauuer si à la haste, que plusieurs d'iceux se noyerent dans la petite riuier de Rynuie qui est là auprès, y ayant grande apparence qu'ils eussent eu plus grand aduantage sur leurs ennemis, s'ils eussent esté fournis de poudre & boulets, comme ils eussent désiré. Mais voyans que toutes choses leur manquoient, & que les Turcs outre leur grand nombre combattoient encores contre eux avecques grand aduantage, estans en lieu haut, ils furent contraints de leuer le siege & se retirer, non toutesfois en fuyant, mais en faisant tousiours teste à leurs ennemis, lesquels les enuironnerent de toutes parts & en tuerent enuiron trois cens; auxquels ils couperent les testes, qu'ils porterent au siege de Zighet, & les monstrerent aux assiegez: ils prirent aussi enuiron deux cens prisonniers, faisans fort valoir cette rencontre, laquelle neantmoins leur cousta bien-cher: car les Hongrois estans conduits par vn bon chef, & eux-mesmes s'estans embarquez en cette entreprise de leur propre mouuement, & pour le desir qu'ils auoient de deliurer leur pays, combattirent avec vn merueilleux courage, si que les plus signalez d'entre les Turcs y demurerent, & furent en fin contraints de laisser retirer les Hongrois en lieu de seureré.

Mais tout cela ne les empescha pas de continuer le siege de Zighet, & de redoubler la batterie qu'ils auoient commencée: car il y auoit desia assez long-temps que le siege estoit deuant cette place, dans laquelle estoit vn nommé Marc Horuath Croace de nation, lequel renouuellant son courage au lieu de s'estonner, donna tant d'affaires aux Turcs en ce siege, qu'encore que la faim pressast bien fort les assiegez, & qu'ils eussent faute de poudres & munitions, toutesfois ils se deffendirent si valeureusement, qu'encores que Haly Bassa eut lors ce sembloit quelque aduantage, voyant l'opiniastreté de ceux de dedans, & le nombre d'hommes qu'il perdoit là deuant, admirant la vertu des assiegez, qui contre son esperance, & sans aucune apparence auoient tenu teste à vne si puissante armée, il leua le siege, non sans larmes, à ce qu'on dit. Cela fut cause que l'Empereur Ferdinand, (car son frere Charles le Quint, soit pour son indisposition, ou pour autre intention, luy auoit resigné l'Empire) enuoya son fils l'Archiduc, pour suiure les fuyans, lequel ayant amassé de son costé, & de toutes les garnisons circonuoinnes, le plus de gens de guerre qu'il luy fut possible, s'en allerent tous ensemble de compagnie mettre le siege deuant Karoth, vne forte place distante de trois milles de Babocz, qu'ils prirent toutesfois du premier assaut, & firent dedans vn tel massacre, que de six cens Turcs qu'ils y trouuerent, à peine deux furent arrestez prisonniers, tout le reste passa par la fureur du glaue.

La prise de cette place acquit vne telle reputation à l'armée Chrestienne, & donna vne telle terreur aux circonuoinnes, que les garnisons de Babocz, saint Martin, Geresgal, Calamance & Sullia, abandonnerent ces fortresses, & se retirerent à cinq-Eglises, où estoit le rendez-vous des Turcs de la Hongrie, Seruie, Thrace & Bosnie. Cét heureux exploit fut cause en partie que l'Empereur Ferdinand resigna à son fils son Royaume de Boheme, & celuy de Hongrie à son fils Maximilian, qui fut aussi couronné Roy des Romains, & qui bien-tost apres fut Empereur par le deceds de son pere. Cestuy-cy avecques l'armée

1555.

& 56.

Castaldo se retire.
Prise de Tocchay par ceux du party de la Reyne Isabelle.

Babocz pris par les Turcs.

Premier siege de Zighet par les Turcs.

Siege des Chrestiens deuant Babocz.

Sont contraints de le lever.

Les Turcs leuent le siege de deuant Zighet.

Karoth pris par les Chrestiens sur les Turcs.

Plusieurs autres places se rendent à eux.

1556. & des Hongrois, fit en sorte qu'il reprit Tocchay, qui quelque temps auparavant estoit venu en la possession du Roy Iean. Quelques mois auparavant, Solyman auoit enuoyé vn Ambassade à l'Empereur Ferdinand, en vne Diette qu'il tenoit lors à Francfort, à l'occasion de son fils qu'il faisoit, comme nous auons dit, couronner Roy des Romains. Cét Ambassadeur fit present à l'Empereur de quelques riches accoustremens, & d'animaux estrangers, & apres auoir vuidé quelques differends pour ce qui concernoit la Hongrie, la trefue fut concludue entre ces deux Princes, & en consideration d'icelle, cet Ambassadeur fit relascher & mettre en liberté plusieurs prisonniers de guerre, lesquels auparavant on n'auoit peu retirer par argent ny par échange d'autres qui estoient sous la puissance de Ferdinand.

57.
Ferdinād refi-
gne à son fils,
son Royaume
de Boheme.

Trefue entre
Solyman &
Ferdinand.

Maximilian
empesche
qu'on ne tra-
ite de paix, &
pourquoy.

Cette confi-
deration luy
couste bien
cher.

Reuolte de
Bajazet.

Mort de Ro-
xelane.

Ce qui incite
principale-
ment Baza-
zet à prendre
les armes.

ON tascha par apres de moyenner quelque paix entre le Turc & tous ces Princes : mais comme le Roy Iean eust enuoyé ses Ambassadeurs vers l'Empereur Maximilian, il ne les voulut point receuoir comme Ambassadeurs du Roy de Hongrie & de Transiluanie, comme ils le nommoient, mais seulement de Vaiuode, si bien que n'ayans rien fait pour ce voyage, ils y retournerent pour la seconde fois, apres auoir pris le conseil de Sigismond Roy de Pologne, oncle du Roy Iean, qui dist qu'on ne pouuoit dénier à son nepueu le tiltre de Roy de Transiluanie, y ayant esté appelé par le consentement de tout le peuple, & reinstalled par la force de ses armes : (car alors il la possedoit presque toute, les Transiluiains l'ayans reconneu pour leur Souuerain, aussi-tost presque que Castaldo fut party :) Maximilian croyant auoir toutesfois plus de droit que luy, & craignant que s'il luy accordoit ce tiltre, cela preiudiciaist à luy ou à ses enfans, il fit tant que l'entreprise des Ambassadeurs & des autres Princes qui s'estoient offerts d'estre les moyeneurs de cet accord (voyans bien qu'à la longue les Turcs feroient tellement leur profit de leurs dissensions, que l'orage tomberoit en fin sur leurs testes) s'en alla à neant, & par ce moyen les Ambassadeurs de Transiluanie s'en retournerent sans aucune resolution : ce qui fut cause apres d'vne grande guerre entre l'Empereur Maximilian, & le Roy Iean, aydé des forces du Turc, à l'occasion de laquelle cet Empereur conneut bien quelle perte & dommage ce luy fut de n'auoir pas voulu lors accorder : car s'ils n'eussent point consommé leurs forces à se chamailler les vns les autres, ils se fussent rendus tres-puissans cōtre les forces des Turcs, qui n'eussent point eu les entrées dans les Prouinces, comme ils eurent, & encores auecques vn pretexte si specieux, que celuy de venir deffendre ceux qui s'en disoient les legitimes possesseurs : car pour lors ils ne leur eussent pas fait beaucoup de mal, à cause de plusieurs troubles qui estoient chez eux, Solyman estant en deffiance du Beglierbey d'Egypte, craignant qu'il fist quelque emotion en cette Prouince, comme il pouuoit bien y estre sollicité par Bajazet, l'vn des fils de Solyman, lequel on disoit se vouloir emparer de la Syrie, & faire la guerre à son frere Selim ; & le pere qui ne vouloit pas laisser prendre pied à tous ces remuëmens, auoit enuoyé nouuelles forces en cette Prouince, & grand nombre de Ianissaires & autres soldats de sa Porte en Egypte : Quant à Bajazet, les choses se passoient ainsi.

XLIX. Il vous peut souuenir assez de l'accord que Roxelane auoit moyenné entre Solyman & luy, lors qu'il auoit déguisé vn sien esclau, & luy auoit fait iouer le personnage de son frere Mustapha, & que Solyman luy auoit promis d'oublier tout le passé, pourueu que luy-mesme ne retombaist plus en semblable faute, & qu'il veseust en paix & en amitié auecques son frere, qu'il eust à iamais memoire de la grace qu'il luy faisoit pour lors, autrement que le chastiment s'en ensuiuroit. Cecy eut quelque force dans l'esprit de Bajazet, & retint la bride à ses passions, tant que sa mere vescu, ayāt plus d'appuy sur la particuliere affection qu'elle luy portoit, & sur le credit & l'autorité qu'elle auoit, que sur aucune amitié du frere, ou bien-vueillance du pere : cela seul le faisoit tenir à requoy, sans rien remuer. Mais lors que deux ans apres elle fut passée en l'autre vie, se voyant destitué de tout support, & craignant encores que sur de bien foibles sujets on luy renouuellast ses vieilles fautes, voyant encores d'ailleurs son pere desia vieil, & son frere Selim fort fauorisé de luy, ayant desia comme vn pied sur le thrône, qui prenant le sceptre aussi-tost que le bon-homme auroit rendu le dernier soupir, luy feroit indubitablement rendre à luy-mesme les abbois, s'il tomboit en ses mains. Ces pensées luy cauioient beaucoup de trouble en l'esprit, & comme la frayeur & la crainte de la mort l'incitoit à se tenir sur ses gardes, le desir aussi de paruenir à l'Empire, & de debusquer son corruial, le portoit à des desseins qui n'estoient pas de petite importance.

Ces deux freres auoient leurs Prouinces auxquelles ils commandoient, assez voy fines les vnes

1558.

unes des autres, Selim commandoit à Magnesie, Bajazet à Chiaten, qui tascha premierement à se deffaire de son frere secrettement, soit par poison ou autrement; mais comme il estoit tousiours en garde, aussi estoit-il bien mal-aisé de luy faire aucun déplaisir. Comme il vid doncques que ce moyen là ne luy réussissoit pas, il luy donna tous les sujets qu'il luy fut possible pour l'inciter à prendre les armes, tantost entreprenant sur la Prouince de son gouuernement, ores faisant mille outrages à ceux qui luy appartenoient, quand ils pouuoient tomber en ses mains, ne laissant en fin rien en arriere qu'il ne mist en jeu pour pouuoir oster la vie à son frere, ou pour le moins diminuer sa reputation: Il auoit encores quelques pensionnaires à Constantinople, par le moyen desquels il faisoit faire plusieurs presens, tant aux chefs qu'aux particuliers soldats de la Porte, gagnant ainsi les volontez d'un chacun, ou pour le moins d'un bon nombre, duquel il se pouuoit asseurer de disposer, quand l'occasion se presenteroit. Selim mandoit toutes ces choses à son pere Solyman, le suppliant d'auoir soin de son salut, qu'il se trompoit, s'il ne pensoit pas que toutes les menées & conspirations de Bajazet ne burtoient pas sa vie, que tous ses melchans conseils n'auoient point d'autre fin que celle-là, ayant vne ame qui ne se soucioit de D I E V ny des hommes, pourueu qu'il regnast: cela estoit cause que cette indomtée cupidité d'estre le Souuerain, faisant qu'il n'estoit pas plus respectueux à la conseruation de la vie de son pere, qu'à celle de son frere. Quant à luy qu'il auoit euité par sa vigilance toutes ses embusches: car il y auoit long-temps que cette meschante resolution estoit dans son esprit, laquelle maintenant il cherchoit l'occasion de mettre en pratique, de crainte qu'il auoit d'estre surpris: mais neantmoins pour le respect qu'il luy deuoit, & pour n'apporter aucun trouble en l'Empire, il supportoit aysément toutes les iniures de son frere, mais que le peril eminent auquel il voyoit la vie de son pere, le faisoit parler.

Ses menées
& artifices.

Selim aduertit son pere de ses deportemens.

Ses plaintes.

Ces choses augmentoient de plus en plus la hayne que Solyman portoit à Bajazet: car auecques ce que naturellement il n'estoit pas porté à luy vouloir beaucoup de bien, se souuenant de ce qu'il auoit fait auparauant, & rapportant le tout aux lettres de Selim, il en croyoit la meilleure partie: mais comme il auoit vn extreme regret à la mort de son fils Mustapha, il luy faschoit d'ensanglanter encores ses mains du sang de cestuy-cy, bien qu'il le creust estre coupable, & le deffunct innocent. Cela fut cause de luy faire penser qu'il estoit plus à propos de tascher de le gagner par remonstrances, afin de n'acquerir point le nom de cruel parmy les nations, & cependant de retenir en bride cet esprit ambitieux, afin qu'il ne fust quelque remuë-mesnage en son Empire: il l'admonesta doncques par lettres de se maintenir en son deuoir, qu'il se souuint de la clemence dont il luy auoit vscé, auparauant en vne si notable offence, & de la promesse qu'il luy auoit faite de se comporter d'oresnauant enuers luy auecques toute obeysance & respect, qu'il n'obtiendrait pas le pardon à tout moment, mais qu'il trouueroit plustost qu'il ne voudroit, l'heure qui tireroit la vengeance de tous ses crimes: qu'il cessast doncques de tourmenter son frere, & de luy engendrer tous les iours des sujets de nouvelle melancolie, sa vie deuant estre d'oresnauant si briefue qu'il pouuoit bien se dōner la patience qu'elle fust esteinte, sans faire tant de menées & d'entreprises sur son Estat, & que sa fin estant arriuée, alors on verroit à qui D I E V voudroit des deux laisser l'Empire en partage; qu'il deuoit cependant y nourrir la paix & la tranquillité: car ce n'estoit pas le moyen d'en iouyr, que d'y apporter du trouble, & y semer des guerres ciuiles de si longue-main: que si son pere, & le bien public n'auoient aucune puissance sur luy, il se comporteroit enuers luy comme son Souuerain, & vn tres-seuere iuge, & qu'il verroit que toutes ses entreprises ne l'auroient conduit qu'à vne derniere & miserable fin.

Prudence de
Solyman en
cette affaire.

Il escriut à Bajazet, & luy remōstre paternellement la faute.

Mais Solyman disoit tout cela à Bajazet, comme s'il eust chanté aux oreilles d'un sourd: car il auoit resolu en soy-mesme d'experimenter plustost la plus aduersé fortune, que lasche & endormy se laisser mettre le pied sur la gorge, & finir sa vie dans les nœuds d'un funeste cordeau que son frere luy feroit mettre au col; car il tenoit pour tout asseuré qu'il paruiendroit à l'Empire, si de bonne heure il ne se rendoit le plus fort; toutesfois il rescriuit fort humblement à son pere, mais les actions ne respondoient point aux paroles, & il ne changeoit point de façon de faire. Ce que voyāt ce sage & prudent vieillard, il pensa que le meilleur estoit de les separer, & que parauenture ce qui auoit accoustumé d'engendrer les amitez auecques les autres, à sçauoir le voisinage & la frequentation estoit à eux la cause de leur querelle; cela le fit resoudre à les éloigner dauantage de soy, & de les separer. Pour ce faire il donna à Selim le gouuernement d'Iconium, duquel il a esté parlé souuent cy-dessus, & enuoya Bajazet en Amalie, mauuais augure pour luy, pour la mort

Bajazet mes-
prise les re-
monstrances
de son pere.

Solyman éloigne les enfans l'un de l'autre, & change leurs gouuernemens.

1558.

toute fraische de son frere Mustapha qui en estoit Gouverneur. Ce n'est pas toutesfois que Selim eust fait chose pour laquelle la bien-vueillance de son pere en son endroit, fust aucunement alterée : mais c'estoit afin que Bajazet n'eust aucun sujet de se plaindre, si on eust changé le gouvernement à luy seul, Solyman esperoit aussi que cet éloignement romproit les prattiques de seruiteurs de ces deux Princes, qui selon l'ordinaire, aggrandissoient par leurs faux rapports, la playe qui estoit desia assez profonde dans leurs volontez vlcérées, iettans de l'huyle dans le feu de leur ambition, en faisant semblant de l'adoucir; & au moins n'en pourroient-ils pas dire si souuent des nouvelles les vns des autres, & auroient moins d'occasion de former des plaintes, quand ils n'auroient rien à demeler ensemble.

Selim obeyt,
mais non pas
Bajazet.

QUANT à Selim qui sçauoit que tout cela auoit esté fait en sa faueur, il ne fit point de difficulté de s'en aller en son gouvernement, mais Bajazet reguloit tant qu'il pouuoit, se plaignant qu'on luy eust baille vne Prouince encores toute ensanglantée du sang de son frere, la memoire duquel, outre ce qu'elle ne luy pouuoit estre que fort triste, ces lieux-là luy ramanteuans à toute heure ce qui s'y estoit passé : c'est pourquoy il supplioit son pere qu'il le laissast encores hyuerner où il estoit, ou qu'il luy permist d'aller au gouvernement que venoit de quitter son frere Selim. Durant tous ces dilayemens, & que Solyman ne vouloit rien changer à ce qu'il auoit ordonné, Selim aydé des forces de son pere : car ils se deffioient tous deux de Bajazet, ayans fait le tour, Bajazet contre son esperance fut tout estonné qu'il l'eut à dos, estant venu à Pruse ville de Bithynie sur le riuage Asiatique. Aussi-tost Bajazet ne faut point de recriminer contre son frere, & de dire qu'il auoit intention d'oster la vie à son pere & à luy, mais il ne sçauoit pas que tout cela se faisoit par son commandement : car Solyman qui craignoit que ce remuant s'emparast de cette grande ville, & peut-estre de Constantinople, luy fit response qu'il n'y auoit que craindre pour ce regard, & que tout estoit fait par son commandement : cela donnoit cependant bien de quoy penser à Bajazet, voyant son ennemy presque déclaré heritier, & si proche de Constantinople, son pere estant tout maladiſ, & comme sur le bord de sa fosse, luy cependant paisible possesseur de l'estat, auparauant qu'il en peust auoir les nouvelles.

Bajazet surpris.

Rescrit à son
pere contre
Selim, mais en
vain.

Cela estoit cause qu'il faisoit argent de toutes parts, & leuoit soldats de tous costez, & cependant supplioit Solyman de luy donner vn autre gouvernement que celui d'Amasie, où il ne pourroit autrement que passer ses iours en vne continuelle tristesse, mais la source des larmes de ce fils, n'estoit pas inconnüe au pere : car ce gouvernement estoit fort mal propre aux nouuelletez, pour estre trop éloigné de la Cour, & c'estoit pourquoy il le refusoit, & non pour le sujet de la mort de son frere, comme il disoit, encores que les Turcs soient fort superstitieux, & qu'ils s'arrestent à ces choses là, comme si les euenemens en estoient tres-assurez. Toutesfois Solyman qui sçauoit que les yeux de toutes les nations estoient arrestez à considerer l'euenement de la querele de ses deux fils, estimoit qu'on deuoit negotier cette affaire-là doucement, & faire en sorte qu'il n'y eust point de sang respendu, & qu'il deuoit feindre d'auoir la connoissance des intentions de son fils. Il luy respondit d'ocques par lettres qu'il ne pouuoit en façon du monde changer les gouuernemens de son frere & de luy, & que cet arrest estoit irreuocable, qu'ils feroient doncques fort bien tous deux, si chacun s'en alloit où il luy estoit commandé, & que pour le reste, ils eussent bonne esperance : car il auroit soin que l'vn ne seroit point plus fauorisé que l'autre, & que s'ils auoient quelque plainte à luy faire, la seule iustice de leur cause, & leur bon droit seroit la faueur que chacun d'eux deuoit esperer : il donna ses lettres à deux de ses Vizirs, Mechmet à sçauoir troisieme Vizir, qui fut vers Selim, & Pertau le quatrieme vers Bajazet, afin qu'ils les fissent aller chacun en leur Prouince, leur commandant, & principalement à Pertau, qu'il n'eust en façon du monde à s'éloigner de Bajazet, qu'il ne fut arriué en sa Prouince; & que cependant il espiaſt tous les conseils & les actions de Bajazet : il le faisoit aussi afin que ses fils ayans tels personages pour conseil, eussent plus d'occasion de se maintenir en leur deuoir : de quoy Selim, qui desiroit bien en toutes choses complaire à son pere, voyant qu'on ne brasſoit rien en cela cōtre luy, fut tres-ayſe & ioyeux de l'arriuée de son Vizir, & le receut fort honorablement.

Il enuoye à
ses deux fils à
chacun son
Vizir.

Mais cela ne fut pas de mesme à l'endroit de Bajazet, qui ayant des desseins pour remuer, & qui vouloit broüiller les cartes, ne pouuoit pas souffrir à ses costez vn des Conseillers de son pere, qui luy seruiſt continuellement de sentinelle : car autrement c'estoit mettre à neant toutes ses entreprises. Toutesfois il le receut en apparence fort humblement, luy faisant mesme de fort grands presens, puis le renuoya, quelque resistance que

que l'autre peult faire, luy disant pour excuse qu'il n'auoit personne qui parlait pour luy ^{1558.} auprès de son pere, & qu'il desiroit que d'oresnauant il fut son patron & son deffenseur contre la malice de ses ennemis, que s'il en vloit ainsi, il auroit vn client en luy qui ne seroit iamais ingrat & méconnoissant du bien qu'il en receuroit, luy donnant charge de dire à son pere qu'il autoit tousiours l'autorité de ses commandemens en singuliere recommandation, pourueu qu'il luy fut permis par son frere, duquel il luy estoit bien difficile de supporter dauantage les iniures & entreprises secretes qu'il brasloit contre luy.

Bajazet ren-
uoye le Vizir.

Solyman ar-
mé cõtre son
fils.

Murmure des
Janissaires
qu'on vouloit
faire aller en
cette guerre.

Questions
proposées au
Muphty par
Solyman.

Sa response:

Lettres de Ba-
jazet à Soly-
man avec me-
naces.

Axuar prise
par Bajazet.

Selim arrive
à Iconium.

SOLYMAN comprenant assez par cette response ce que Bajazet auoit resolu en son esprit, (lequel faisoit semblant de s'acheminer vers Amasie pour faire bonne mine) vid bien qu'il se falloient tenir sur ses gardes, & que cet esprit brouillon & ambitieux ne s'arresteroit que par la force: voila pourquoy il dépescha le Beglierbey de la Grece avecques toute sa cavalerie, afin qu'il s'en allast au secours de Selim. Cettuy-cy faisant la plus grande diligence qui luy fut possible, bien qu'il eust la goutte aux pieds, Mechmet Bassa estant aussi de retour de sa legation, il l'enuoya en Asie avecques ceux des Janissaires & autres gens de la Porte, auxquels il auoit le plus de confiance. Cettuy-cy y vouloit faire aussi diligence comme l'autre, mais les soldats n'alloient point de bon cœur à cette guerre, & se rangeoient fort enuis sous leurs enseignes, ayans fort à contre-cœur cette querelle fraternelle: car, disoient-ils, contre qui tirerons-nous l'espée nuë, sera-ce pas tousiours contre l'heritier de l'Empire? qu'on pouuoit surseoir cette guerre comme non necessaire, & qu'on ne les deuoit point contraindre de se souiller les mains du sang de leurs compagnons, & s'obliger à vn grand forfait, Bajazet estant contraint de se deffendre par la necessité.

Ces murmures secrets estans paruenus iusques aux oreilles de Solyman, & comme il estoit fort affectionné à sa Religion, il resolut d'en prendre l'aduis du Muphty, duquel les Turcs prennent tousiours aduis aux choses douteuses, ne plus ne moins qu'à vn chesne de Dodone. Il luy proposa doncques ces questions, à sçauoir ce qu'on deuoit faire à celui, qui luy encores viuant le seruiroit de ses finances, & forceroit les gens de guerre de le suiure, qui forceroit les villes, & troubleroit le repos de l'Empire. Ce qu'il luy sembloit encores de ceux qui suiuiroient son camp, & qui luy prestoiert confort & ayde, & de ceux encores qui refusoient de prendre les armes contre cettuy-là, pour l'empescher de passer outre, & ne commettre plus nouueaux crimes. Le Muphty respondit, que cet homme là & ceux de son party luy sembloient dignes de toutes sortes de supplices, & quant à ceux qui refusoient de prendre les armes contre luy, qu'il les falloient tenir comme gens profanes, deserteurs de leur Religion, & pour infideles. Cette response rapportée en public, qui estoit à peu pres comme à nous l'interdit & l'excommunication, contenta fort Solyman, se voyant hors de scrupule de la Religion, & fut enuoyée à Bajazet.

QUELQUES iours apres vint vn Chaoux que Solyman auoit enuoyé à Selim, & lequel auoit esté pris par Bajazet, par lequel il mandoit à son pere: Qu'il vouloit luy rendre quant à luy toute obeissance & tout deuoir de bon fils, que ce n'estoit point contre luy qu'il prenoit les armes, n'empeschant point qu'il n'ordonnast de toutes choses, comme Souuerain: Que c'estoit avecques son frere qu'il auoit affaire, pour sçauoir lequel des deux demeureroit en vie, & s'il deuoit tomber sous son cimeterre, ou luy sous le sien, que l'un & l'autre ne pouuoit demeurer en l'estat qu'ils estoient: cela estoit cause qu'il vouloit terminer ce differend durant sa vie: voila pourquoy il pensoit qu'il seroit bien plus à propos s'il les laissoit combattre entr'eux, sans se mesler ny pour l'un, ny pour l'autre. Que s'il le fait, & qu'il passe la mer pour secourir Selim, il n'espere pas le ranger si facilement en sa puissance: car il auoit vn refuge tout asseuré, mais qu'il ne le verras pas si tost passé en Asie, qu'il ne mette tout à feu & à sang, & ne remplisse tout de crimes, non moins qu'auoit fait autresfois Tamberlan, ou quelque autre plus cruel ennemy.

Ces choses ainsi rapportées, ne donnerent pas peu de crainte à Solyman, auquel pour luy augmenter son soucy de plus en plus, il vint nouuelles que la ville d'Axuar, qui estoit du Sanjacat sur lequel commandoit cy-deuant Selim, auoit esté prise par Bajazet, de laquelle en maniere de capitulation, il leua vne fort grande somme de deniers. Quant à Selim, ayant entendu que son frere prenoit le chemin d'Amasie, & qu'il estoit venu à An-cyre, ayant mis toute crainte en arriere pour les embusches qu'il luy pouuoit dresser par le chemin, il arriva à Iconium, le lieu de son gouuernement: car entre ces loins qui trouuilloient le plus l'esprit de Solyman, cettuy-cy n'estoit pas des derniers, d'empeschier que Bajazet ne se saisist d'Iconium, n'entraist dans la Syrie, & de là ne se iettast sur l'Egypte, Prouince non encores bien asseurée ny ferme en l'obeissance des Orthomans, qui ne

1558.

Considerations
de Solyman
sur l'entrepri-
se de Bajazet.

pouuoit encores oublier l'ancien commandement des Circasses & Mammelus, quoy que tyrannique, & partant plus propre à receuoir toutes sortes de nouueautez, & à leuer la teste au premier remuement. Que si Bajazet s'en venoit vne fois emparer, il eult esté par apres bien difficile de l'en chasser, ayant mesme les Arabes pour voisins, qui ne demandoient pas mieux, & qui se fussent laissez aller fort facilement les premiers au butin, de laquelle il se pouuoit encore ietter de toutes parts entre les bras de quelque Prouince Chrestienne, s'il se voyoit trop pressé, & reduit à vne extreme necessité. A cela travailloit le plus Solyman, c'est pourquoy il auoit expressément mandé à plusieurs gouuerneurs de la Natolie, qu'ils eussent à se saisir des aduenues de tout ce chemin, afin que ce qui sembloit estre le dernier des conseils de Bajazet, fust empesché le premier, & qu'ils se tinssent prests à secourir Selim, s'il auoit besoin de leur ayde, lequel cependant estoit attentif à tous ces remuemens de Bajazet, & auoit son camp pres des murailles d'Iconium, assuré de receuoir là le secours de son pere, & qu'il n'auoit que faire par vne rencontre precipitée, d'exposer sa vie & sa fortune au hazard du combat.

Selim avec
son armée, se
campe pres
d'Iconium.

Georgiens au
secours de Ba-
jazet.

Promesses de
Bajazet aux
siens.

Considera-
tions de ceux
qui se met-
toient du party
de Bajazet.

MAIS d'ailleurs Bajazet qui n'ignoroit pas la grandeur de son entreprise, auoit pris alliance avecques les Chiurtes ou Gordiens, qui auoient vne grande reputation de force & de vaillance, d'où il tira vn grand secours, auquel il auoit mis la principale esperance de son bon-heur. Ceux-cy le iour mesme qu'ils arriuerent en son camp par galanterie firent la representation d'un combat, mais ce qu'ils ne pensoient faire que par feinte, se conuertist en pure verité : car plusieurs en moururent, & beaucoup d'autres y furent blesez. Son camp estoit en cette grande plaine d'Ancyre ou d'Angory, tirant par ce moyen des commoditez de la ville qui n'estoient pas petites, dans le chasteau de laquelle il auoit mis ses concubines avecques ses enfans; ayant emprunté des plus riches marchands d'icelle, grande quantité de deniers, qu'il leur promettoit rendre avecques vsure, si DIEU le rendoit victorieux, lesquels il employa pour armer & equiper les siens. Outre sa famille, (que les enfans des Seigneurs Othomans ont accoustumé d'auoir fort grande) & les Chiurtes que ie viens de dire, ceux qui auoient encores receu des bien-faits de sa mere, de sa sœur, ou de Rustan, avecques le reste des seruiteurs de Mustapha & des cliens d'Achomat, tous gens de main & experimentez aux armes, tous mal-contens, les vns ayans bonne enuie de vanger la mort de leurs Seigneurs, & tous ensemble ennuyez de l'estat present, leur cupidité leur forgeant mille pensées d'aduancemens & de grandeur, s'il arriuoit vn changement de Seigneur, & principalement celuy auquel ils donneroient quelque secours. Il y en auoit encores qui estoient touchez de quelque commiseration de l'infortune de Bajazet, qu'ils voyoient ne pouuoir auoir autre esperance qu'en ses armes : & le fauorisoient d'autant qu'il auoit en son visage tous les traits du pere, au contraire de Selim qui n'en auoit aucuns, trop bien quelque ressemblance à sa mere : mais quoy ! cette femme auoit esté haïe du peuple durant sa vie.

Representa-
tion de Selim.

LA dessus ils commençoient à dépeindre Selim, disans qu'il auoit le ventre grand, les joues enflées, en la face vne rougeur indecente : de sorte que par vn sobriquet militaire, on l'appelloit vne griotte engraissee, & de là examinant sa vie, disoient qu'il la passoit en oyliuete parmy le vin & le sommeil, mal courtois au demeurant, qui ne saluoit iamais personne, & n'en gratifioit aucun par quelques bien-faits : mais il disoit qu'il ne vouloit point, en se rendant populaire & gagnant les bonnes graces d'un chacun, perdre celles de son pere, & apporter de la jalousie à son esprit ; si bien qu'estant seulement cher à son pere, il auoit tout le reste pour ennemy : car cela déplaisoit infiniment à ce genre d'hommes qui ont accoustumé de mettre toutes leurs esperances en vn Empereur liberal & magnifique, qui ayme à entreprendre de hautes & grandes choses. C'est pourquoy mesmes les soldats auparauant cecy auoient accoustumé d'appeller Bajazet Softy, comme si on disoit, homme addonné au repos & à l'estude des lettres, en vn mot vn Philosophe : mais depuis qu'ils luy virent prendre les armes pour le salut de luy & de ses enfans, prest de subir à tout ce qu'il luy pourroit arriuer, alors l'admirerent-ils comme vn homme valeureux & d'un grand courage, s'estonnans, disoient-ils, comment le pere n'affectionnoit plustost cettuy-cy qui portoit les traits de sa viue image, & qu'il ne le preferoit à ce gros ventru, sans esprit, qui n'auoit rien du bon naturel du pere, qu'il n'y auoit point de crime à prendre les armes quand on y estoit forcé par la necessité. Selim leur ayeul, disoient-ils, n'a-il pas fait de mesme ? quel meilleur exemple pourroient-ils trouuer ? lequel ne s'arma pas seulement contre son frere, mais encores contre son pere, duquel il abregea les iours, contraint par le destin ? par laquelle meschanceté néantmoins il s'estoit acquis le Royaume,

Discours du
vulgaire, sur
l'affection de
Solyman en-
uers Selim.

me, & l'auoit laissé à son fils & à ses descendans : que si le Royaume ainsi acquis n'estoit point possédé iniustement par Solyman ; pourquoy deffendoit-il à son fils d'vser du mesme droit ? pourquoy vouloit-on vanger en luy si criminellement, ce qui auoit esté permis à son ayeul, encores qu'il y eust bien de la difference entre cette querelle-là & celle de Bajazet, lequel n'entreprenoit rien contre son pere, au contraire, il desiroit qu'il peust longuement viure, pourueu que par son moyen il peust auoir la vie sauue, & qu'on cessast de l'outrager ; qu'il estoit tousiours licite de resister à la force avecques les armes, & si les destins le permettent, decliner à la mort que nous voyons presente à nos yeux. Ces discours se disoient sourdement par les partisans de Bajazet aux lieux où il n'estoit pas le plus fort, si bien que ses forces se multiplioient de iour en iour, estans paruenues au nombre d'une iuste armée.

VOYANT doncques toutes choses prestes, sans s'arrester dauantage il s'en va droit contre son frere, afin de decider en vn seul combat, de leur salut, de leurs fortunes, & de l'Empire, ou pour le moins de faire tous ses efforts de passer en la Syrie, en laquelle s'il pouuoit mettre le pied, il ne trouueroit pas apres de grandes difficultez. Quant à Selim, il estoit comme nous auons dit, sous les murs d'Iconium, accommodé des richesses du pere, & tres-bien muni de toutes choses, à sçauoir d'une multitude de bons soldats, d'un bon nombre de chefs fort experimentez à la guerre que le pere luy auoit enuoyez, d'une quantité d'artilleries, desquelles il estoit enuironné de toutes parts, si qu'il estoit là comme dans vn fort. Mais Bajazet sans s'estonner de toutes ces choses, assez aysé de rencontrer son ennemy, exhorte briefuement les siens d'auoir bon courage : que le temps estoit venu qu'ils auoient tant désiré, & le lieu où ils auoient moyen de faire preuue de leur vertu, & de se rendre à iamais bien-heureux : que chacun auoit lors sa fortune en ses mains : que s'ils s'ennuyoient de sa miserable condition, le champ estoit ouuert pour la changer en vne meilleure, & se despoüiller de la misere pour espouser vne plus delicieuse vie ; qu'une seule victoire pouuoit remplir leurs esperances, quelques grandes & spacieuses qu'elles peussent estre ; car s'ils estoient vainqueurs, ils se pouuoient asseurer d'auoir de luy dignitez, honneurs, richesses, & tout ce que des hommes valeureux sçauoient attendre ny désirer : car il vouloit qu'elles peussent entrer en comparaison de leur vertu, quelque grande qu'elle peust estre. Quant à l'armée de son frere, qu'ils voyoient là deuant leurs yeux, ils se pouuoient asseurer que c'estoient troupes pour la plus-part ramassées conduites par gens de mesme estoife, tres-aisés de rompre avecques le fer : car pour le regard des soldats que son pere auoit là enuoyez, ils ne faisoient que prester à leurs corps, leurs volontez estoient de son costé, qu'ils estoient là pour leur bon-heur, pour empêcher la seureté de Selim, & prendre vengeance avec eux du commun ennemy : qu'ils n'eussent point de crainte aussi de leur multitude, que la victoire ne cherchoit pas le nombre, mais la force & le grand courage ; & afin, disoit-il, que ie ne vous ennuye point d'un long discours, j'ayme mieux considerer vos fronts, que vous escoutiez mes paroles, ne doutant point que tout ainsi que vous me verrez combatant pour vos fortunes, & pour vostre bon-heur, de mesme ie vous verray avec vne bonne resolution attaquer l'ennemy pour mon salut.

CE qu'ayant dit, il commanda aux enseignes de marcher contre l'ennemy, & se mettant à la teste de toutes ses troupes, il combatit avecques tant de courage, qu'il acquit cette reputation, non seulement par les siens, mais par les ennemis propres, d'estre vn tres-bon soldat, & vn tres-prudent & bien aduisé Capitaine : cela fut cause encores de rendre le combat plus aspre & plus sanglant, & d'en faire tomber plusieurs qui oncques puis n'en releuerent : car ce combat se disputoit avecques vne grande opiniastrété, tant d'une part que d'autre, en fin la victoire commença d'incliner du costé où il y auoit plus de force, où les cōseils estoient meilleurs, & la cause plus iuste. A cecy les Turcs adioustent vne fable : c'est qu'une certaine statue d'un de leurs anciens Heroës, voisine de là, ietta tant de poussiere contre les soldats de Bajazet, qu'à peine pouuoient-ils voir aucune chose, si bien qu'ils combattoient comme s'ils eussent esté aveugles, allans errans deçà & delà à la mercy de leurs ennemis, soit que le Diable, pour les entretenir en ses prestiges, face cela en ce lieu, ou qu'eux-mêmes pour complaire à Solyman, qu'ils sçauoient fort affectionné à sa Religion, l'ayent ainsi inuenté. Cependant plusieurs de ceux du party de Selim furent tuez en ce combat, mais dauantage du costé de Bajazet, & ce qui estoit le plus grief ceux qui luy estoient les principaux amis : aussi il fut contraint de faire la retraite, en façon toutesfois qu'il ressembloit plustost à vn victorieux qu'à vn vaincu, avec vn fort bel ordre & sans aucune confusion, Selim le laissant retirer tout à son aysé, sans se bouger de son lieu, assez

Bajazet marche contre son frere.

Il encourage les siens à bien combattre.

Bataille entre les deux freres.

Fable des Turcs.

Bajazet perd la bataille & se sauue.

1559.

Solyman passé en Asie.

heureux encores, ce luy sembloit, de luy pouuoir voir les espauls, rapportant encores cette loüange de ses ennemis, qu'il meritoit d'auoir vaincu.

Autres discours en faueur de Bajazet.

Cela fut cause que Solyman luy-mesme partit de Constantinople le cinquiesme iour de Iuin de l'année mil cinq cens cinquante-neuf, pour passer en Asie, craignant que Bajazet eust à la fin l'aduantage de Selim, qu'il desiroit faire paruenir à l'Empire: car il sçauoit desia que cette deffaitte luy auoit plus gagné sur les cœurs d'un chacun qu'elle ne luy auoit apporté de deshonneur, faisant de plus en plus confirmer l'opinion qu'ils auoient que cestuy-cy estoit plus digne de l'Empire que l'autre, & meritoit que son pere luy monstroit plus de faueur; ils entroient tous en admiration de ce qu'il auoit eu l'assurance d'attaquer son frere supporté de toute la puissance du pere, avecques vne armée si debile que la sienne, le lieu incommode encores pour luy & la violence de l'artillerie ne l'auoit aucunement estonné, ny destourné de son entreprise; qu'en ce combat il s'estoit comporté, non comme un apprentif, mais comme un vieux Capitaine, la fortune de vray l'auoit fait retirer inferieur, mais en recompence la vertu l'auoit rendu superieur: que le pere se vantaient qu'il voudroit que Selim estoit vainqueur, si falloit-il qu'il confessast que Bajazet auoit merité de vaincre. Comme ces choses se disoient assez ouuertement, elles rendoient aussi Bajazet plus agreable enuers le vulgaire, & redoubloient les peines & le soin du Sultan, luy augmentans la hayne contre l'autre, & le faisans determinément resoudre à laisser Selim pour son successeur. Bajazet cependant qui auoit secoué le ioug de son pere, & méprisé son commandement, faisoit mille desseins en son esprit, ne sçachant de quel costé faire retraite, ny quel chemin il deuoit tenir: il eust bien voulu alors se retirer en Amasie avecques les siens, & de fait en escriuit à son pere, luy promettant de demeurer en repos, s'il luy vouloit permettre de ce faire, ayant mesme employé plusieurs personnes d'autorité: & le pere ne s'éloignoit point de cet accord, receuant les messages & les lettres avecques beaucoup de douceur, afin que le bruit courust parmy tous les gens de guerre, que le pere ayant égard à son aage & à sa maladie, s'accorderoit en fin avecques son fils, ce qui se faisoit avecques beaucoup de dissimulation & d'artifice, tant par le pere, que par les Vizirs, afin que cependant Bajazet alleché d'esperance, peust estre plus facilement rangé sous la puissance du pere, comme s'il eust esté pris dans ses toiles.

Bajazet se veut retirer en Amasie.

Fuite de Bajazet en Perse.

Car de vray Solyman craignoit qu'il ne se retirast vers Tamas ou Tachmas, qui commandoit lors aux Perses, se resouenant comment Emirtze supporté par son autorité, & secouru de ses forces, auoit fait quelques années auparauant vne tres-cruelle guerre à son frere, & que maintenant ce Roy des Perses luy pourroit rendre la pareille par le moyen de son fils: il ne doutoit point aussi que le cas aduenant que son fils sortist vne fois hors des limites de l'Empire, il ne s'en allast à refuge à ces gens-là, & qu'il ne luy suscitast vne guerre lointaine fort agreable aux Perses, pour auoir un sujet de prendre leur raison des choses passées: c'est pourquoy il faisoit tout ce qu'il luy estoit possible, à ce qu'il le peust opprimer, auparauant que d'en venir là. De cela auoit-il donné aduis à tous les siens, à ce qu'ils eussent à garder tous les passages, par lesquels on pouuoit passer pour aller en Perse, mais la diligence de l'autre deuant ça toute leur garde & leur soin: car ayant sceu de bonne part que toutes ces courtoisies paternelles n'estoient qu'en bonne mine & en apparence, ayant encores esté aduertty qu'il auoit interrogé plusieurs des siens sur de certains points qui regardoient sa vie, & qu'apres on les auoit fait mourir, que plusieurs encores qui estoient tombez entre ses mains, auoient éprouué le mesme peril, il commença lors à renouveler les pensées qu'il auoit eues lors de la perte de la bataille d'Iconium, avecques vne compagnie de gens armés à la legere, ils s'en alla en Perse, par un chemin qu'il n'auoit point preueu, menant avecques soy ses enfans, un excepté, lequel il aimoit mieux laisser avecques sa mere, que de le faire compagnon de sa peine en sa miserable fuite, lequel Solyman auoit eu le soin qu'il fust nourry & entretenu, lors que l'euénement de la fortune de Bajazet estoit encores incertain, lequel croyant estre bien enclos en Amasie, & qu'il ne pourroit échapper, afin de luy donner moins d'apprehension, & de le tromper plus facilement, il se retira à Constantinople le lendemain de leur Pasque: mais tandis Bajazet cherchoit les moyens de se sauuer.

Il affine tous les Gouverneurs de son pere.

Or celui qui commandoit dans Sebaste, auoit bien fait tout ce qui luy auoit esté possible pour le surprendre, mais comme il y auoit deux chemins pour passer par ces destroits, Bajazet, afin que cestuy-cy se tint moins sur ses gardes, enuoya du costé qu'on se pouuoit douter le plus, quelques fugitifs, lesquels luy dirent que Bajazet estoit desia passé par l'autre costé, ce que le Bassa croyant, se mit apres à le suiure à la trace, laissant ainsi sans deffence

deffence le pas qu'il auoit entrepris de garder, auquel Bajazet venant apres, passa en toute liberte. Il vfa encorcs d'une autre rule avec le Bassa d'Erzerum: car estant force de passer par son gouuernement, ce qu'il ne pouuoit faire sans vn tres-grand danger, il enuoya deuant quelques-vns des siens pour le saluer de sa part, & luy presenter le plus pitoyablement qu'il leur seroit possible, son extreme misere, pour l'inciter à quelque misericorde; en apres qu'ils luy demandassent permission d'achepter des fers à leurs cheuaux, estant reduit en tel estat qu'il auoit besoin de toutes choses, qu'il auoit pensé de venir en ce lieu là pour cause des bons pasturages, pour s'y rafraischir vn iour ou deux, & faire ferrer leurs montures. Le Bassa fit responce qu'il n'empeschoit point qu'il ne prist sa commodité de tout ce qui luy feroit besoin, soit qu'il eust pitié de sa fortune, ou qu'il fust de sō party, comme quelques-vns ont pensé, ou plustost que par vne meure deliberation il le voulust opprimer lors qu'il y penseroit le moins, & peut-estre qu'il ne pouuoit pas entreprendre sur luy, & qu'il luy estoit necessaire d'amasser des gens de guerre, ayant esté trompé par la promptitude de Bajazet, auquel il enuoya aussi en signe d'honneur, quelques petits presents, se réjoüyssant avecques luy de ce qu'il estoit arriué en ce lieu sain & sauue: mais nonobstant Bajazet ne laissoit pas de passer outre & de tirer pays, ne se donnant aucun relasche ny iour ny nuict, à luy ny à ses gens.

Le Bassa ayant decouuert que certuy-cy passoit outre, se haste & se joint avecques les autres Bassas, afin que tous ensemble ils le poursuiussent à la trace: car plusieurs Sanjacs & Bassas auoient eu commandement de Solyman à peine de la vie, de le poursuiure & de le prendre mort ou vif, estant si en cholere, qu'il vouloit incontinent assembler vne grande & puissante armée, afin de s'en aller plustost porter la guerre en Perse, que de la recevoir chez luy. Mais ceux qui estoient prests de sa personne luy remonstroient, que ce fugitif seroit bien-tost abandonné du soldat, infidele ordinairement à ceux qui sont sans argent: qu'eust-ce donc esté, disoient-ils, s'il fust venu du Pont & des palus Meotides, en changeant son chemin à Constantinople, & que là il eust proposé la liberte aux Azamoglans, leur mettant les armes en main, & qu'avecques cette troupe il se fust emparé du siege vacquant par son absence: c'estoit ce qui le deuoit consoler. Bajazet donc se vid incontinent en queue Selim, Mahomet Bassa, & le Beglierbey de la Grece, n'y en ayant point qui fust plus lent à le poursuiure que le Bassa d'Erzerum, ou Arzerum. Cette Prouince est située en l'Armenie majeure, sur les limites de Siruan, ou Medie, & des Georgiens, distante de Tarabozane, ou Trapezunte de six iournées de chemin, duquel il a esté parlé cy-dessus: mais à la sollicitation de Selim, Solyman le fit mourir avecques ses deux fils apres qu'ils eurent esté par vne abomination detestable premierement corrompus.

Cela n'empescha pas toutesfois les autres de poursuiure ce Pauvre Prince qui faisoit le plus de diligence qu'il pouuoit, & toutesfois il se donnoit bien le loisir de faire escrire par toutes les portes des maisons par lesquelles il passoit, qu'il donneroit double paye à tous les soldats qui le voudroient suiure, tant y-a qu'il fit si bien qu'il paruint iusques au fleuve Araxes, qui separe l'Empire des Turcs, d'avec celuy des Perses, lequel ayant passé, il disposa incontinent les forces à l'autre bord pour en empescher le passage à ceux qui le suiuoient; ce qui toutesfois luy fut inutile: car les Sanjacs & leurs soldats estans venus assez aysément à bout de ceux-cy, passerent dans la domination des Perses, & eussent parauenture attrappé leur proye, si les Satrapes du pays avecques vne grande multitude de cavalerie ne fussent venus au deuant, sçauoir ce qu'ils cherchoient aux terres d'autrui: les Turcs respondirent qu'ils cherchoient le fils de leur Roy qui s'y estoit refugié, & le redemandoient. Les Perses leur respondirent qu'il ne leur estoit pas loisible d'entrer en armes dans le pays d'autrui, contre l'accord qui estoit entr'eux, qu'ils auoient paix & amitié avecques leur Seigneur Tachmas, laquelle ils deuoient également garder: quant à Bajazet, qu'on en feroit ce qui seroit raisonnable, & qu'on ne manqueroit point à ce qui seroit du deuoir: cependant qu'ils feroient fort bien s'ils se retiroient d'une Prouince où ils n'auoient aucun droit: Les Turcs émeus de ces raisons, s'en retournerent.

Aussy-tost les Perses enuoyerent des deputez vers Bajazet pour le saluer, & sçauoir de luy qui l'amenoit en ce pays, & cependant s'enquerir secrettement quelles forces il amenoit quant & luy; Bajazet respond qu'estant chassé de son pays par son pere & son frere, il auoit eu recours au Roy des Perses, comme à l'autel de son vniue salu, qu'il esperoit que memoratif de la misere humaine, il ne reietteroit point ses humbles prieres, & ne luy refuseroit point son secours. A cela le Roy des Perses luy fit faire responce qu'il estoit venu là avecques bien peu de consideration, veu qu'il sçauoit

Tous les Gouverneurs se joignent pour le poursuiure.

Bajazet passe le fleuve Araxes, & en deffend le passage à ses ennemis.

Le Roy des Perses s'enquiert des affaires de Bajazet.

1559.

Du commen-
cement le trai-
toit assez biē.Fait alliance
avec luy.Ambassadeurs
en faueur de
Bajazet.Sa ruse pour
le ruiner.Ses soupçons,
& proposi-
tions en son
conseil sur ce
sujet.

qu'il audit paix & amitié avecques son pere, & que par leur capitulation ils deuoient auoir mesmes amis & mesmes ennemis, laquelle il estimoit estre vn crime à luy de violer, toutesfois puis que les choses estoient ainsi arriuées, qu'il fust le bien venu, qu'il le receuroit comme son hôte en sa maison, qu'il ne feroit aucune affaire qui ne l'eust remis en grace avec son pere; ce qu'il ne desesperoit pas de pouuoir obtenir: ainsi Bajazet ne fut ny trop bien ny trop mal receu du Roy des Perles: toutesfois du commencement ce n'estoient que gratifications, vn visage ouuert avec toutes sortes de tesmoignages d'amitié, des presens qui se faisoient reciproquement, des conferences fort frequentes, & festins qu'on luy faisoit, par toutes lesquelles choses les intentions se cachent, & se rendent inconnues à ceux avecques qui elles commencent, l'hypocrisie estant le corps dont ces complimens sont la robbe: à cela on adiousta encores l'alliance, promettant Tachmas vne de ses filles à Orchan fils de Bajazet, auquel on fit de grandes promesses de s'employer en sorte pour luy enuers Solyman, qu'il luy donneroit l'une de ces trois Prouinces, ou le Diarbek, ou le Curdistan, ou Erzerum, luy faisant grand cas de la commodité d'icelles, d'autant qu'il pourroit sans aucune crainte de son frere, ny de son pere, passer vn long âge à son aise & en tranquillité: Que si on luy faisoit de la fâcherie, qu'il auroit tousiours à dos le fidele asile de son beau-pere où il se pourroit retirer, qui le garantiroit de tout accident: ce qui ce disoit parauanture, afin que l'esprit de Bajazet fust destourné du peril eminent auquel il estoit, & afin qu'il eust dauantage d'assurance en cette bonne volonté.

TACHMAS enuoya doncques des Ambassadeurs à Solyman pour tascher de faire cette reconciliation, pour luy dire que si Bajazet auoit perdu vn pere à Constantinople, il en auoit trouué vn autre en Perse, n'y enuoyant pas seulement pour vne fois, mais par plusieurs, soit qu'il le fist sincerement pour remettre le fils en la bonne-grace de son pere, ou que ce fust pour fonder la volonté du pere, à quoy il y auoit plus d'apparence, d'autant que cependant qu'on luy faisoit toutes ces bonnes cheres, & toutes ces demonstrations d'une singuliere bien-vueillance, on n'estoit pas moins soigneux en Perse, à procurer la ruine de ce pauvre refugié, si bien que toutes choses estans disposées avecques vn discours premedité, on luy vint dire qu'il estoit logé trop estroittement pour vne telle multitude que celle de son train, & que les viures n'y pourroient pas fournir à la longue, que les choses seroient mieux à l'aduenir, si ses gens estoient distribuez par les lieux circonuoy-
sins, que ce petit relasche de gens de guerre les rendroit apres plus propres à ce qu'on voudroit entreprendre. Tachmas auoit vne crainte bien éloignée de celle du pere de Bajazet: car Solyman auoit peur que le Perse retint son fils pour auoir vn pretexte de luy faire la guerre, & Tachmas craignoit de nourrir le serpent en son sein: Toutesfois il y en a qui disent que cela ne vint pas premierement du Perse, mais que Bajazet auoit esté persuadé par quelques-vns de ses plus familiers amis, de s'empater de la Perse, sans auoir égard au droit d'hospitalité, ny aux bien-faits qu'ils receuoient iournellement: de quoy Tachmas n'eut pas de petits indices, luy ayant esté rapporté qu'un des principaux chefs de Bajazet auoit dit: *Que faisons-nous que nous ne massacrons cet heretique? à quoy nous amisons-nous que nous ne nous saisissons de son Royaume? sommes-nous en doute qu'il ne nous procure nostre mort avec ses ruses & ses artifices?*

Ces mots mirent à bonescien le Perse en ceruelle, & le firent entrer en conseil, non plus sur vne chose apparente, mais necessaire. Il mettoit doncques en auant que Bajazet n'auoit pas beaucoup d'hommes, mais qu'ils estoient tous bons combatans, entre lesquels il y auoit encores plusieurs hommes courageux & hardis à entreprendre, (toutes choses lesquelles le Perse ne craignoit pas sans raison; car luy-mesme se sentoit coupable, & scauoit bien qu'il auoit usurpé le Royaume sous vn pretexte de Religion.) Et qui pouoit empescher que parmy tant de peuples qui flechissoient sous son Empire, plusieurs ne vescuissent qu'à regret sous l'Estat present, & ne fussent curieux de choses nouuelles? à quoy rien ne pouoit venir plus à propos que l'arriuée de Bajazet, vn ieune homme audacieux & hardy, de qui le desespoir le faisoit exposer à toute aduanture, qu'il estoit bien plus à propos qu'il le vist sous sa puissance, que de tomber en la sienne. Qu'il falloit donc user de l'occasion, & le traiter non plus en hôte, mais comme beste tres-dangereuse, & comme telle luy donner les liens & la prison: ce qu'il luy seroit tres-facile de faire, si ayant dissipé ses forces, il l'opprimoit estant dénué de secours: car s'il l'attaquoit à guerre ouverte, il craignoit de n'en pouuoir venir à bout, sans vn grand meurtre, ioint qu'il falloit vn long-temps pour assembler les Perles, au contraire de Bajazet qui auoit ses soldats tous prests, tous prompts & tous appareillez.

CETTE resolution ayant esté rapportée à Bajazet, à sçauoir qu'il eust à separer ses forces, il ne luy fut pas loisible d'aller à l'encontre, bien que les mieux-sensez, & qui voyoient de plus loin, conneussent assez à quoy tendoit cette diuision, mais quelle resistance pouuoit-on faire à la necessité, & en vne chose où il ne leur restoit aucune esperance, estans en vn lieu où ils ne viuoient que sous le bon-plaisir d'autrui, & où douter de la foy de l'hoste, eust esté vne tres-grande perfidie: encores que si leurs desseins estoient tels qu'ils ont esté dits cy-dessus, ils eussent bien peut-estre autant gagné de les mettre en execution, pour le moins se fussent-ils liberez de si grande misere, les armes en la main: car aussi-tost ils furent menez en diuers villages fort éloignez & distans les vns des autres, & peu de iours apres les Perses ayans pris leur temps, allerent en multitude aux lieux où ils estoient peu, & les ayans mis en pieces, ils pillerēt leurs cheuaux, armes & bagages, dont ils firent vn bon butin, & au mesme temps se saisirent de Bajazet, qu'ils mirent aux fers, & selon quelques-vns, encores en vn festin qu'ils luy auoient fait, violans ainsi la table d'hospitalité, ce qui est presque l'ordinaire entre les Princes Mahometans, de se deffaire tous-jours de ceux qu'ils haïssent, apres leur auoir fait bonne chere: on mit aussi ses enfans prisonniers avec quelques-vns des principaux. Tachmas enuoya apres vn Ambassadeur à Solyman avecques des presens, entre lesquels il y auoit vne fourmis Indienne de la grandeur d'un chien de mediocre stature, animal au reste mordant & fort cruel: à cestuy-cy Solyman fit response que s'il vouloit garder l'accord fait entr'eux, il vouloit qu'on luy liurast Bajazet, avecques cette response, apres l'auoir honorablement receu, il le renuoya.

1559.
On commande à Bajazet de separer ses troupes.

Luy & ses enfans prisonniers.

Autres Ambassadeurs avec presens de Tachmas à Solyman.

MAIS cependant Solyman se preparoit à la guerre, ayant enuoyé nouvelles forces sur les frontieres, conduites par le Beglierbey de la Grece avecques ceux de la Porte. Les Georgiens estoient fort sollicités de s'y joindre, comme aussi les Seigneurs de l'Hyrcanie qui estoient cinq, & qu'on disoit estre descendus de Tamberlan. Ce Beglierbey auoit deliberé de s'en aller en Halep: mais contre la volonté des soldats qui estimoient cette guerre comme funeste, & qu'il leur apportoit de l'horreur, de sorte que plusieurs quitterent les enseignes, & sans le congé des Capitaines, s'en retournerent à la ville, lesquels toutesfois reuinrent ayans esté remandez, mais ce n'estoit pas neantmoins sans faire assez connoistre quelle estoit leur inclination, s'il arriuoit du changement. Comme doncques Solyman ne peust en façon quelconque tirer son fils des mains de Tachmas, il pensa au moins qu'il luy permettroit de le faire mourir: il fonda cette esperance sur ce que par ses lettres il s'estoit tousiours plaind qu'on alloit trop negligemment en cette affaire, & qu'elle meritoit bien d'estre traitée par des personnes de qualité, & non par des messagers ordinaires, adjoustant aussi à la fin d'icelles qu'il n'auoit pas grand sujet de retenir Bajazet, son arriuée luy ayant apporté vn grand dommage, qu'il auoit fait de grands despens, desquels il estoit raisonnable qu'il fust remboursé. Comme Solyman considera particulièrement ces choses, il pensa qu'il estoit plus à propos pour son aage, de combattre contre le Persé avecques de l'argent, que de s'embarasser dans vne guerre fort dommageable & non necessaire. Il enuoya pour cet effect Hascem Isaga, ou son chambellan, d'autres disent qu'il estoit Sareptar ou Eschançon de Solyman, qui auoit esté nourry dès la ieunesse avec Bajazet, lequel le fut reconnoistre en la prison, de peur qu'on en supposast vn autre, auquel il donna pour compagnon vn Bassa, pour lors en grande reputation pour ses merites.

Solyman arme pour aller en Perse.

Enuoye des deputes pour cet effect.

CEUX-CY avecques des mandemens tres-amplés, au plus fort de l'hyuer & par vn tres-meschant chemin arriuerent vers Tachmas, où estans ils demanderent à voir Bajazet: ce qui fut fait, & le trouuerent si difforme pour la chancillure & la puanteur de la prison, qu'il leur estoit méconnoissable s'ils ne luy eussent fait raser le poil: en fin ils accorderent avecques Tachmas vne permission de le faire mourir, en le remboursant de tous ses frais, & luy faisans quelque bon present pour vne telle grace. Ce qu'estant fait, Hascem nonobstant le temps & le meschant chemin ne laissa pas de raccourir en diligence vers son Seigneur, auquel ayant dit ce qu'il auoit negocié, & à combien se deuoit monter tant le present que le remboursement des frais que demandoit Tachmas, on luy deliura incontinent ce qu'il falloit, & le renuoya-on sous bonne & seure escorte. Hascem estant doncques de retour, apres auoir satisfait Tachmas, s'en alla en la prison: car il auoit esté designé pour estre le bourreau de ce pauvre Prince, Solyman luy ayant expressement commandé de l'estrangler, pour la crainte qu'il auoit qu'il nes'y fust quelque tromperie. Estant doncques venué l'heure de cette tragedie, Bajazet demanda qu'il peust voir ses enfans deuant sa mort, & leur donner les derniers baisers: mais cette grace luy

Tachmas leur permet de le faire mourir.

Bajazet estrangé avec ses quatre fils.

1559.

Est le plus ieune à Sebaste.

fut encores deniée, & luy estant seulement commandé de se depescher, on luy ietta le cordeau au col, duquel il fut estranglé, & apres quatre de ses fils qu'il auoit amenez quant & luy, les corps desquels furent portez à Sebaste, & là enseuelis selon leur coustume. Quant au plus ieune, duquel nous auons dit Solyman auoir eu le soin qu'il fust nourry à Pruse, auquel ayant enuoyé vn tres-fidele Eunuque pour le faire mourir, cestuy-cy ayant le courage trop tendre pour cōmettre cette meschanceté, fit entrer dans la chambre où estoit cét enfant, vn des Capigi qu'il auoit mené quant & luy; mais cét homme quelque cruel qu'il fust, voyant cét enfant tout riant & tout prest à l'aller embrasser & baiser, encores qu'il eust le cordeau en la main, il fut tellement ému, & son courage liquéfié & addoucy, qu'il s'arresta tout court. L'Eunuque cependant qui estoit aux escoutes pour attendre le rapport de cette execution, entra dedans, & ayant avecques aigreur chastié cestuy-cy qui estoit là gisant sur le plancher, il fit luy-mesme l'office qu'il auoit tant en horreur auparauant, si que de ses propres mains, il fit sortir l'ame de ce petit corps. Telle fut la fin des turbulens conseils de Bajazet, par lesquels il ne fit que haster sa mort, pour laquelle euter il auoit fait ces remuëmens: le tout procedant du mal aduisé conseil de Roxelane, laquelle pensant eleuer les siens à l'Empire par la mort de son beau-fils, fut cause d'une guerre ciuile entre eux, & de leur mettre le cordeau à la gorge, ayant toutes-fois esté heureuse de finir ses iours deuant qu'elle vist vne si miserable fin arriuer à celuy qu'elle cherissoit si tendrement, comme au cōtraire le pere doit estre tenu plus miserable, d'auoir par sa longue vie souffert vn regret si pregnant, que d'auoir luy-mesme fait donner la mort à ses propres enfans, se pouuant tres-iustement dire de luy en cette action là, ce qu'Auguste disoit d'Herodes Roy de Iudée, à sçauoir, qu'il eust mieux aymé estre son pourceau que son fils: car les Turcs ne mangens non plus de pourceau que les Iuifs, ces animaux ont leur vie assurée parmy eux, ce que n'ont pas les enfans des Seigneurs Othomans; il est vray que Solyman n'est pas seul en cette race qui en ayt vsé de la sorte, comme on a peu voir cy-dessus, mais plus remarquable en cestuy-cy, qui sembloit faire plus d'etat de la vertu, lequel durant la splendeur de ses plus grandes prosperitez, n'a sceu donner la paix à son Estat que par la mort des siens.

L.

1560.

Entreprise des Espagnols sur Tripoly & sur les Gerbes.

A v mesme temps presque que la nouuelle de la mort de Bajazet & de ses enfans fut apportée à Constantinople, celle de l'entreprise des Espagnols sur l'Isle des Gerbes y arriua aussi: qui aduint en partie par l'ambition de Iean de la Cerde Vice-Roy de Sicile, lequel desirât faire quelque acte signalé qui peust faire viure son nom à la posterité, donna à entendre au grand Maistre Parisot, dit de la Valette, qui commandoit pour lors sur cette inuincible troupe des Cheualiers de l'Ordre de saint Iean de Ierusalem, qu'on pourroit faire vne heureuse entreprise sur Tripoly, & que ioignans leurs forces ensemble, ils auroient tousiours plustost pris la ville, que le secours des Turcs n'y pourroit estre arriué, estans assez empeschez à leurs quereles domestiques. Ce que le grand Maistre ayant trouué fort à propos, ils enuoyerent de compagnie en aduertir le Roy d'Espagne Philippes second, pour tirer son consentement, ce qu'ayans obtenu, ils ioignirent leurs forces ensemble, le General Tessiere, & le Commandeur Guimerans, commandans à celles de leur Ordre, quelques autres Princes les assisterent: le nombre des vaisseaux estoit tel, trois galeres du Pape, de Naples dix, de Sicile treize, de Iean Doria cinq, d'Anthoine Doria six, de la Religion de Malte compris la galeote, six, quatre de Florence, & en tout quatorze mille hommes de guerre: mais les longueurs furent telles à s'assembler, le temps si fascheux, & les maladies en fin si grandes sur l'arriere-saison, que le grand Maistre estoit d'aduis qu'on remist cette entreprise à l'année prochaine, de licentier les Italiens, & faire hyuerner les Espagnols par les villes de Sicile. Mais le Vice-Roy craignant que le Roy d'Espagne changeast d'aduis, & que ce ne fust double despence à sa Majesté, s'assurant du moins qu'il ne pourroit faillir de conquerir les Gerbes, & les Secques d'alentour, se resolut de passer outre, & de fait estant venu à Malte enuiron le temps du carneual temps auquel estoit destiné le partement de cette armée, on fist les folies accoustumées en ces iours là, celebrans ainsi la feste deuant la vigile, & chantans le triomphe deuant la victoire.

Protestations du grād Maistre Parisot.

Ces débauches estans passées, qui se firent au grand regret du grand-Maistre, il protesta en presence du Vice-Roy & des autres chefs, que par son aduis, & selon la volonté du Roy d'Espagne, l'armée deuoit aller à Tripoly, & non à l'Isle des Gerbes, qui n'estoit pas entreprise digne de si grande leuée, & que la mer y estoit basse & estroite, si que l'armée Chrestienne y suruenant, l'armée ennemie n'auroit moyen de se sauuer, & fit entendre au General Tessieres, qu'il ne deuoit consentir d'aller autrepars qu'à Tripoly: & sur cela le

Vice-

1560.

Vice-Roy fit vn grand & solennel serment (l'histoire de Malte dit par la vie du Roy son Seigneur, & de Gaston son fils) qu'il n'iroit point autre part qu'à Tripoly, & ce pour obeyr au commandement de son Roy, & pour le contentement particulier du grand-Maistre: cette histoire dit aussi que ce fut en ce voyage qu'on inuenta l'usage de la vogue à la galoché, & qu'on laissa celle des trois rames, qui estoit de trop grand empeschement.

CETTE flotte estant doncques partie de Malte, le dixiesme iour de Feurier, arriua à la Cantera, ayant failly du premier abord d'en prendre l'embouchure, mais le Vice-Roy ayant appris que Dragut estoit aux Gerbes, & qu'il auoit resolu d'aller au secours de Tripoly, ignorant les forces qu'il pouuoit auoir, & voyant que la maladie contagieuse s'estoit mise en son armée, de sorte qu'il y mourut deux mille hommes, oubliant son serment il se resolut d'aller aux Gerbes, suiuant sa premiere deliberation, contre l'aduis toutesfois au commencement de tous ceux du conseil, qui vouloient qu'on allast à Tripoly: mais les vents furent si contraires, qu'en fin ils condescendirent à l'opinion du Vice-Roy: en fin l'armée Chrestienne print terre aux Gerbes, où elle fit en sorte que l'Isle & le chasteau se rendirent à son obeyssance, & contraignit les Gerbins à venir à composition, par laquelle ils se declaroient fideles sujets du Roy d'Espagne, & luy payeroient chacun an tribut de six mille escus, quatre Autruches, quatre gicasselles, ou petites pies, quatre faucons, & vn chameau. Aussi-tost que ce chasteau fut rendu, le Vice-Roy le fit fortifier de quatre grands bastions, & luy donna le nom de Philippal Casal.

Le Vice-Roy
quitte l'entre-
prise de Tri-
poly, pour cel-
le des Ger-
bes.

DRAGUT pour lors possedoit cette Isle, de laquelle il s'estoit emparé par vne insigne meschanceté; car ayant trouué moyen de se rendre le maistre de la meilleure partie de la domination du Roy de Caruen, (ce Royaume est à trois milles de Tripoly,) il voulut aussi vsurper les Gerbes, qui auoient lors pour Xech, ou Gouverneur, vn nommé Solyman, & comme Dragut ne se vist pas assez puissant pour en venir à bout par la force, il se seruit de la tromperie & de la trahison tout ensemble: car faisant semblant de vouloir auoir vne grande amitié & confederation avec luy, il trouua moyen de le faire venir à Tripoly, où il ne fut pas plustost arriué, qu'il le mit en prison, & par ce moyen s'estant emparé des Gerbes, il auoit puis apres fait attacher à vn gibet ce pauvre Gouverneur. Or comme il s'estoit rendu redoutable par toutes les costes de la Lybie, il auoit acquis aussi vne grande hayne de ces peuples, qui desiroient infiniment se pouoir vanger des iniures receues, & recouurer leur ancienne liberté, cela auoit esté cause qu'à la premiere arriuée des Chrestiens, le Roy de Caruen, & celuy de Thunes, estoient venus trouuer l'armée Chrestienne, avec le nepueu de Solyman Xech des Gerbes, lequel s'en disoit Seigneur. Ces Gerbes sont en vne Isle autresfois dite Meninx, ou des Lotophages.

Comment Dra-
gut s'en estoit
rendu Sei-
gneur.

Sa cruauté &
trahison.

Situation des
Gerbes.

LES Chrestiens s'en estans donc ainsi rendus les maistres, ils n'en iouyrent pas long-temps: car entre les Turcs qui en sortirent, Vlitchiali, ou Vluzalun, quelques autres disent Occhiali Calabrois, vn excellent pyrate, duquel il sera souuent parlé cy-apres, avecques ses trirèmes qu'il auoit en l'Isle, s'estant chargé de plusieurs presents pour donner, tant à Solyman qu'aux principaux Bassats, il print la volte de Constantinople, pour donner aduis de ce qui se passoit en cette Isle & par toute la Barbarie, à sçauoir: Que les peuples s'allioient volontairement aux Chrestiens, les affaires desquels commençoient à prosperer en sorte, que si on n'en empeschoit le cours, ils s'en alloient deposséder les Turcs de tout ce qu'ils tenoient en cette cōtrée; partāt qu'il estoit bien necessaire d'y enuoyer vn prompt secours. Cēt aduis ayant esté bien receu, on equippa en diligence vne flotte de quatre-vingts trois voiles, sur laquelle commandoit Piali Bassa, & pour conseil Sues Aga, laquelle partie du port de Constantinople vint à Nauarrin de la Morée, sans que Prosper Tor- niel, que le grand Maistre auoit enuoyé sur vne fregate, pour reconnoistre le depart & le chemin de l'armée des Turcs, en eust rien apperceu: de Nauarrin l'armée s'engolpha & arriua en quatre iours en l'Isle du Goze, où les Turcs ayans pris vn esclau Maltois, ils apprirent par luy les particularitez de ce qui s'estoit passé aux Gerbes, comme l'armée Chrestienne auoit esté affligée de maladie, le grand nombre de Cheualiers & de soldats qui y estoient morts, & en fin la facilité qu'il y auoit de la surprendre & de la ruiner: pour ses bons aduis il receut du Bassa la liberté, mais le grand Maistre le fit pendre par le pied. Suiuant doncques ce conseil de l'esclau, l'armée Turquesque partit delà, & s'en vint le long des Gerbes, pour y surprendre le Vice-Roy auant qu'il eust nouuelles de sa venue, mais avecques cela il y auoit encores de la ialousie de Cara-Mustapha-beg pilote de l'armée, à l'encontre de Dragut, qui conseilla le Bassa de n'aller point à Tripoly, comme il luy auoit esté commandé, puis qu'il n'estoit point assiéger, de crainte qu'il auoit qu'on ne se

Occhiali don-
ne aduis à
Constantino-
ple.

Armée nau-
ale des Turcs
pour la Bar-
barie.

Vn esclau de
Malte leur de-
clare tout ce
qui s'estoit
passé en l'Isle
des Gerbes.

1560. seruiſt de ſon conſeil , pour le rendre ainſi participant de l'honneur d'une victoire qu'il tenoit toute aſſurée.

Dispute entre
le Vice-Roy
& Doria.

ON perſuadoit cependant de toutes parts au Vice-Roy, de retirer de là ſon armée, mais il y auoit tant de deſobeyſſance en icelle, que les ſoldats ne vouloient rien croire de tous les inconueniens qu'on leur repreſentoit, ne laiſſans pas de trauailler au fort aſſez lètemēt, auquel il n'y auoit point d'eau, de ſorte qu'il falloir remplir deux meſchantes ciſternes de l'eau que les galeres apportoit du coſté de la Rochette. Le Vice-Roy toutesſois eſtoit en termes de laiſſer ſeulement deux mille hommes dans la place, & d'embarquer le reſte: mais ſur ces entrefaites arriuerent le Roy de Caruen, ou de Caroan avecques le Xiech, & quelques Mores qui apportoit des marchandises de Barbarie qui amuſerent encores les Chreſtiens, l'irreſolution eſtant telle parmy eux, qu'ils conſommoient le temps en diuerſes aſſemblées: car Dorie diſoit qu'on ſe deuoit arreſter au premier conſeil, & aller à Tripoly, que les Turcs ne ſeroient point ſi aueuglez avecques vne ſi belle armée, bien plus puiſſante que la leur, de perdre ainſi l'occaſion de leur aduantage. Il vouloit doncques qu'avecques quelques trirèmes on allaſt vers le Soleil-leuant, que ſi on ne découuroit aucune flotte, qu'alors tout à loiſir le ſoldat entreroit dans les vaiſſeaux: mais le Vice-Roy adiouſta qu'il ne pouuoit partir de là, ſans permettre aux ſoldats d'emmener tout leur bagage: car il l'auoit promis à tous les ſoldats, & il ne ſçauoit avecques quel viſage il ſe pourroit preſenter deuant eux, ny avecques quel langage il pourroit ſ'excuser, ſ'il leur manquoit de foy: Mais reſpondit Dorie, ſi cette armée ſe perd, & qu'elle tombe en la puiſſance de l'ennemy, avecques quel front & quel langage paroitraſ-tu deuant le Roy Philippes? deuant encores les Italiens & Eſpagnols: car tu n'eſ pas ignorant des accidens qui peuuent arriuer, & tu ſçais bien que conſeruant l'armée, tu gardes auſſi le butin, & puis la honte de n'auoir point gardé ta parole, n'entre point en comparaiſon avecques le deſhonneur que tu receuras, ſi cette flotte court aucun danger: toutesſois il fut conclu qu'à l'aube du iour tous les vaiſſeaux ſ'oſteroient de là, & ſe rendroient en haute-mer, eſtant permis aux nauires de couper les gomenes: quāt aux galeres qui pouuoient gagner le deuant, elles ne ſe haſterent point dauantage, les Capitaines d'icelles eſtimans que les Turcs ſeroient allez à Tripoly pour conſerer avecques Dragut, & qu'ils auroient aſſez de temps pour faire aiguade, & ſ'embarquer à loiſir. Le Vice-Roy ſ'en alla au fort donner ordres à quelques affaires, mais les plus aduiſez furent le Roy de Caruen, l'Infant de Thunes, & le Xiech: car ils ſe ſauuerent ſur quelques cheuaux par le pas de Cantera en terre-ferme. A la fin les galeres & autres vaiſſeaux taſcherent de ſ'élargir du Leuant, & tirer contre le Ponant, mais ils furent empeſchez par les vents contraires, ſi bien que Piali Baſſa à ſon arriuée les trouua encores tous où il deſiroit, toutesſois ne les voulant pas charger, ſans reconnoiſtre, il voulut prendre langue auparauant que d'approcher plus pres de l'armée, & enuoya deux galeres à Sphax, qui apprirent de certains marchands qui retournoient de l'armée Chreſtienne, la meſme choſe, que leur auoit dite l'eſclau de Malte, qui fut cauſe qu'il ſ'aduança à deux milles pres du fort, ſe tenant ſur vent, & ſ'arreſta là, faiſant eſtat à l'aube du iour ſuiuant, de donner dedans.

Confuſion &
deſordre en
l'armée Chre-
ſtienne cauſe
de ſa ruine.

QUELQUES Capitaines Turcs allerent les premiers contre les galeres Chreſtiennes, & ayans particulièrement remarqué leur trouble & confuſion, en firent le rapport au Baſſa, l'aſſeurans d'une glorieuſe victoire ſans aucun danger. Le Baſſa voyant doncques ſi beau jeu, ſans attendre Dragut, ſans lequel il luy eſtoit deſſendu de hazarder le combat, il fit voile apres les galeres Chreſtiennes, & à l'ayde du vent de Leuant qui ſe rafraichiſt, leur fut bien-toſt au deſſus, & les chargeant à coups de canon, les inueſtiſt de toutes parts, leſquelles auſſi-toſt ſe mirent en deſordre, pluſtoſt fuyantes que combatantes: le Vice-Roy cependant eſtant empeſché à faire charger ſes richèſſes, les galeres de Malte avecques celle qu'ils appelloient la Comteſſe, l'attendant pour l'accompagner à ſon retour, comme il eſtoit preſt de ſ'embarquer, il fut aduertty par Guimerans, de cette route: cela fut cauſe qu'il ſe remit en terre, eſperant qu'il auroit moyen de fauoriſer & couvrir ſes galeres avecques l'artillerie du fort: Doria ayant les vents contraires, ne ſceut tenir par le Ponant le chemin du canal qui auoit bon fonds tout du long du fort, & échoüa dans les Secques, mais il trouua en poupe vne fregate dans laquelle il ſe ietta avecques l'eſtendard Royal, & quelques-vns des ſiens, & ſe ſauua à Berenguer: Doms de Requeſcens General de Sicile, & le Duc Gaſton de la Cerde, fils du Duc de Medina Celi, demurerent eſclaués, ſept galeres ſe rendirent ſous le fort, où elles furent quelque temps cōſeruées: en fin les Turcs prirent vingt galeres, & quatorze nauires, & departirent par tout des petits vaiſſeaux pleins

Nombre des
vaiſſeaux pris
par les Turcs
en cette route
& des captifs.

pleins de soldats qui amenoient les vaisseaux Chrestiens, grands & petits, qui se trouvoient arrestez dans les basses. Grād nombre d'Alemans & autres soldats se ietterent dans l'eau pour se sauuer à la nage dans l'Isle, mais les Gerbins changerent d'affection avecques le changement de la fortune, se reuoltans contre les Chrestiens, les repoussans dans la mer, ou les tuans au sortir de l'eau, desquels ils eussent encores fait bien plus grand meurtre, n'eust esté Aluares de Sande, qui sortit avecques vne troupe de soldats à leur secours, & en sauua vne grande partie.

A TOUT cela il y eut cinq mille Chrestiens faits esclaves, & mille de noyez, le Cheualier de Chasteau-fort qui estoit venu sur vn brigantin pour aduertir le Vice-Roy, demeura aussi échoué dans les sables, fut pris & mourut esclave. Maldonat voyant toute l'armée Chrestienne en confusion, & ses trois galeres enuironnées d'ennemis, ne perdit point courage ny iugement, & resolut de passer par force au trauers de ses ennemis, de sauuer son estendard, & mourir en combatant. Et par l'aduis de son pilote, tenant à l'Orze avecques les voiles bastardes tant qu'il luy fut possible, passa outre par Ponant pour aller iusques au Cap de Sphax, & de là se ietter à main droite, en haute mer : quelques autres galeres s'assurant en l'experience & conduite des galeres de Malte, suivirent leur enseigne, & on fin les vns & les autres apres plusieurs difficultez passerent au milieu de l'armée Turquesque, & arriuerent heureusement à Malte. Quant au Vice-Roy, Iean André Doria, le Comte de Vicury, le commandeur de Guimerans, & autres seigneurs & Capitaines, ils se mirent dans huit ou neuf fregates armées & fournies de bons soldats, & cependant que les Turcs faisoient feste, & se réioüissoient de la victoire de cette journée, ils sortirent la nuit de dessous le fort, & passerent les basses où les galeres ne les pouuoient suivre, & sans crainte des petits vaisseaux se sauuerent à Malte.

OR le Vice-Roy auoit voulu mener quant & soy Aluares de Sande, mais comme cestuy-cy eust vn fort haut courage, & qui méprisoit les dangers, voyant tous les autres trembler sous l'apparence de cet extreme danger, luy seul dist qu'il ne partiroit point de la place, & qu'il combatroit non seulement les hommes, mais encores la faim & la soif, voire la propre nature, plustost que luy avec les autres Capitaines qui le voudroient suivre ne deffendissent la forteresse, & que pour l'honneur de leur Roy ils n'exposassent leur vie à toutes sortes de dangers ; & de fait il refusa le party de se retirer à sauueté, ayant mieux courir la mesme fortune de ceux qu'on laisseroit à la deffence de la place. Le Vice-Roy admirant sa vertu, apres l'auoir beaucoup loüé, il luy donna tout commandement sur cette place, & luy laissa cinq mille homes, François, Italiens, Alemans, & Espagnols, & quelques cheuaux, avecques promesse que si tost qu'il seroit arriué en Sicile, & auroit ramassé le débris de son naufrage, il luy enuoyeroit vn tel secours, qu'il seroit suffisant pour le tirer de tout peril, comme de fait estant arriué à Malte, il luy enuoya toutes sortes de medicamens & rafraischissemens : mais ayant enuoyé en Espagne pour informer le Roy de tout le succez de ce voyage, & luy demander quel secours il entendoit qu'on menast aux Gerbes, il manda qu'on ne hazardast pas plus auât le reste de ses forces maritimes, & qu'on les employast seulement à garder les riuieres de ses Estats, spécialement de Naples & Sicile, & qu'on laissast à Dom Aluares courre fortune : au mesme temps de cette responce, Iean André Doria avec treize galeres, & quatre de la Religion de Malte, estoient partis ensemble pour aller donner l'escalade à Tripoly, mais ils furent à my-chemin combatus de si furieux vents, & coururent à trauers si loin & si égaréz, que tout ce qu'ils peurent faire, ce fut de se sauuer à Malte.

CEPENDANT les Turcs battoient le fort des Gerbes avecques dix-huit gros canons & autres moyennes pieces, contre lesquels Aluares se deffendoit valeureusement : mais le Bassa qui estoit aduertty par ceux qui sortoient du fort, des mesaises qu'on y souffroit, delibera de les auoir par longueur de siege, s'assurant qu'ils n'auoient de l'eau que pour bien peu de iours, ce qui fut cause qu'Aluares voulât essayer par quelque acte de vaillance de se deliurer de tant d'incōmoditez, fit faire vne sortie de la meilleure partie de ses soldats, qui donnerent iusques au paillon de Dragur, lequel estoit arriué-là avecques douze trirèmes, & quelques gens de cheual de Tripoly & lieux circonuoisins, auquel ils donnerent vn coup de pointe de halebarde à la cuisse, enclouierent trois canons, tuerent grand nombre de Turcs, & mirent tout le camp en alarme : mais au lieu de suivre leur pointe, ils s'amuserent au pillage, & donnerent moyen aux Turcs de se reconnoistre, & se mettre en deffence, si qu'ils furent repoussez iusques dans le fort. En fin l'artillerie des Turcs auoit tellement foudroyé les bastions, qu'on y pouuoit monter à cheual : cela fut cause que plus de

1560.

Hardiesse de
Cheualier
Maldonat.

Le Vice-Roy
& quelques
seigneurs se
sauuent.

Forces laissées
dans Gerbes.

Le Roy d'Es-
pagne deffend
d'y enuoyer
secours.

Les Turcs de-
uant.

Hardie entre-
prise d'Alua-
res tuinée par
l'auarice de
ses soldats.

1560.

quinze cens personnes sortirent du fort, & se rendirent au camp des Turcs, ne pouvant plus supporter les necessitez qu'on y souffroit : car l'eau manquoit, aussi faisoit le feu faute de bois, & la terre pour faire des retranchemens, & si l'air y estoit infect, ce peu d'eau qu'il y auoit, à la fin se trouua salée, vn homme d'esprit en fit bouillir, & adoucir vne quantité, mais il n'y en auoit pas à demy pour vn si grand peuple. Quant aux galeres, en combatant continuellement, elles furent reduites à cinq, puis à trois, & vinrent en fin au pouuoir des Turcs, lesquels auoient desia tiré douze mille coups de canon.

Grande necessité de toutes choses dans ce fort.

Autre sortie desesperée d'Aluares.

Le fort rendu, & la perfidie des Turcs.

Origine de Cigale Bassa.

Le Bassa Piali se rafraichit à Malte.

Artifice d'un Cheualier.

Nombre des morts en cette entreprisse des Gerbes.

Piali en triomphe à Constantinople.

ALVARES & les siens se deffendoient tousiours en attendant le secours qu'on luy auoit promis, mais il fut aduertie secrettement par vn More de la Goulette, qu'il n'auoit autre secours que du ciel : cela fit exposer & tenter toute extremite, voyant mesmes ses soldats se precipiter iournellement hors du fort, n'ayans plus de bois pour cuire du pain. Ayant doncques laissé les Alemans à la garde de la place, il sortit avecques mille soldats qui luy restoient, & deux heures deuant le iour assaillit furieusement le camp des Turcs, passa les tranchées, & tua grand nombre d'iceux : mais tout le camp s'estant éveillé & mis en armes, il fut inuesty de tous costez, & chargé de sorte, que la plus-part des siens furent tuez, entre autres, trois ou quatre Cheualiers, luy-mesme pris prisonnier, & présenté au Bassa par Deruinsrenie Geneuois. Cela fut cause que les Alemans se voyans sans chef, rendirent le fort, à condition de la vie & de la liberté, qui leur fut mal obseruée, car les Turcs entrans dedans coupperent la gorge aux malades & aux blesez, & firent esclaves tout le reste : le Bassa traita humainement Aluares, lequel se vid en cette tente avecques plusieurs autres de cette armée qui auoient esté pris auparauant luy, à sçauoir D. Galton de la Cerde fils du Vice-Roy, D. Sanche de Leue General des galeres de Naples. D. Berlinger Regnesen General de celles de Sicile, & autres hommes signalez. Quant à ceux qui s'estoient sauuez, nouveaux malheurs les poursuirent : car estans D. Louys Osorio, & le Viconte Cigale menez en Sicile, comme ils eussent acheté vne galere Turquesque qui auoit esté prise sur Vluchiali corsaire, elle leur fust ostée au port de Mesine par le Vice-Roy, de quoy estans depitez ces deux Capitaines, ils voulurent passer en Espagne pour se plaindre au Roy, menans deux vaisseaux qui estoient à eux, mais ils furent assaillis par vne galere & deux fustes Turquesques, & pris presque sans faire resistance : Cigale fut mené à Constantinople avecques Scipion son fils, le pere y mourut, & le fils renia IESVS-CHRIST, de là vint ce renommé Cigale, paruenue au degre de Bassa de nostre temps.

Les affaires des Turcs ayans ainsi heureusement reüssi aux Gerbes, le Bassa s'en alla à Tripoly, où Dragut le festoya trois iours continuels, où cependant il pourueut à tout ce qui estoit necessaire pour la fortification d'icelle place, y laissant la meilleure partie de son artillerie, soldats & munitions necessaires, & s'en alla avecques toute son armée en l'Isle de Malte, où le grand Maistre luy permit de se rafraichir en terre, en seureté, pour auoir moyen de traiter de la deliurance des prisonniers : le Bassa luy offrit courtoisement de luy rendre les Cheualiers, mais il fit cacher Galton de la Cerde, pour en auoir grosse rançon, & les Turcs qui tenoient des Cheualiers esclaves, ayans eu le vent que le Bassa les vouloit rendre, les cachèrent en diuers lieux sous les tentes, & n'y eut qu'un nommé Beaulac, qui s'estoit bandé vn pied, & auoit couuert sous les bandes vne chaisne d'or de trois cens escus, feignant de souffrir de grandes douleurs, le Rais qui l'auoit sous sa puissance s'en trouuant empesché, le deliura au grand Maistre en faueur du Bassa, lequel s'estant rembarqué pour aller à Constantinople, il ne peust faire aucun dommage le long des costes de Sicile & d'Italie, d'autant qu'ils en auoient esté tous aduertis par le grand Maistre, mais ils en auoient assez fait mourir aux Gerbes : car on tient qu'il y mourut dix-huit mille hommes, que de glaiue, que de maladie & de necessité : on y perdit, (sans plusieurs autres vaisseaux) vingt-huit triemes & quatorze nauires de charge. Les Italiens rapportent cette perte à la vanité de la Cerde, qui n'auoit voulu croire que sa teste, comme vous avez peu voir par le discours precedent : mais Pierre Velafer le surintendant de l'armée de mer, en reiettoit toute la faute sur de Sande, la negligence duquel auoit esté cause qu'il n'auoit pas pourueu à temps à toutes choses necessaires pour le partement, de sorte que la flotte fut retardée de partir lors qu'il falloit.

QUANT au Bassa Piali, ayant fait vne heureuse nauigation, il entra en triomphe dans Constantinople au mois de Septembre de l'an mil cinq cens soixante, s'estant arresté la nuit de deuant aux Pierres, sur le chemin de Byzance, afin d'entrer au port avecques plus de pompe & plus d'esclat. Solymen estoit descendu sous le portique du port qui estoit voisin, & qui touche à ses iardins, afin qu'il peust remarquer les Capitaines Chrestiens qu'on

qu'on luy mōstroït à mesure qu'ils entroient; les galeres Chrestiennes se tiroient à rebours, la poupe la premiere, & les enseignes pendantes en l'eau, & despoüillées de tous leurs ornemens, afin qu'elles parussent plus petites, difformes & contempribles que celles des Turcs. Quant aux prisonniers ils estoient sur la poupe de la Generale, à la veüe de tout le monde. Busbecq qui estoit lors à Constantinople, dit que iour-là, ny l'autre suiuant, qu'on le vid aller à la Mosquée, on ne remarqua aucun changement au visage de Solyman, tant ce sage vieillard auoit l'esprit ferme pour receuoir l'vne & l'autre fortune d'vn mesme œil, ne s'éleuant non plus en la prosperité, qu'il ne s'estoit abbaisé en l'aduersité.

OR entre les captifs estoit Dom Gaston, le fils du Duc de Medine Vice-Roy de Sicile, lequel dès que le Bassa Piali passa par Malte, on auoit voulu deliurer, mais il l'auoit destourné, esperant en auoir vne tres-bonne rançon: depuis comme on luy eust offert vne tres-grande somme de deniers, on vouloit qu'il le laissast à Chio, mais l'ayant emmené quand & luy, cela fut rapporté à Solyman, ce qu'il supporta fort aigrement, si bien qu'à la sollicitation de Rustan, il vouloit faire en sorte de le pouuoir prendre entre ses mains, afin de conuaincre manifestement Piali, mais c'estoit en vain qu'il faisoit cette recherche: car Gaston n'estoit plus, soit qu'il fust mort de peste comme on disoit, ou ce qui est le plus vray-semblable, que Piali ayant mieux son salut que la vie de Gaston, l'ayt fait mourir, de crainte qu'il ne seruist de preuue à son crime: car encores que le pere en ayt fait vne exacte recherche, toutesfois il n'en a peu rien decouurir; mais cela n'empeschapas que ce Bassa ne vescuist long-temps en grande crainte, euitant tant qu'il pouuoit l'abord de Constantinople, & feignant plusieurs occasions, s'en alloit errant avecques quelques trirèmes par les Isles de la mer Ægée, fuyant la veüe de son Seigneur comme mortelle, iusques à ce que Solyman, par les prieres de son fils Selim, & celles de l'Isage, fut vn peu addouty, & luy donna la grace en ces termes: *Qu'il ayt (dit-il) de moy le pardon & l'impunité que vous desirez pour vn si grand crime, mais à condition qu'apres cette vie, DIEU tres-juste vangeur des iniquitez, luy rendra les peines denies à ses merites.*

Fait mourir
le fils du Vice-
Roy, & pour-
quoy.

QUELQUE temps apres cette notable perte, le Commandeur Guimerans estant en reputation pour le fait de la marine, fut fait General des galeres de Sicile, mais à la premiere sortie qu'il fit avecques sept galeres, il fut rencontré par Dragut qui en auoit vnze bien armées, pres des Isles de Lipare, Vulcan & autres voisines, & apres quelque combat, il fut pris & emmené avecques ses sept galeres: entre les prisonniers estoit l'Euesque de Cattaneë de la maison des Caraccioli: quant aux autres prisonniers qui estoient à Constantinople, Solyman fit solliciter Dom Aluares de Sande de se faire Turc, luy faisant offre de la charge de son armée contre les Perses, mais il ne voulut iamais y entendre, si bien qu'il fut enuoyé dans la tour noire, & les autres à Peyra, ils furent depuis deliurez pour quelques Sanjacs & Capitaines Turcs qu'on auoit pris en Hongrie, qu'on bailla en échange, principalement Aluares, duquel l'Empereur Ferdinand faisoit estat.

Dragut def-
fait & prend
le General des
galeres de
Sicile.

Tous ces heureux succez donnerent la hardiesse aux Turcs de venir assieger Oran, ayans vne armée de terre de dix mille hommes, & vne armée de mer de plusieurs galeres, galeottes & autres vaisseaux, avec vingt grosses pieces d'artillerie, & pour empescher le secours qui pouuoit venir d'Espagne en Italie, & faire descente au port de Marçael-Quibir, ou Merfalcabir, ils se saisirent d'vn fort non encores acheué, que les Espagnols bâtissoient au dessus d'iceluy. Cette cité d'Oran est fort grande ville, contenant enuiron six mille feux, edifiée par les anciens Affriquains sur la mer Mediterranée, partie en plaine, & partie en montagnes, distante de Telenfin par l'espace de cent quarante milles: cette ville ennemie du Roy de Telenfin estoit gouuernée par ses propres citoyens, & souloit tenir plusieurs fustes & brigantins armez, avecques lesquels ils molestoient grandement les Carthaginois, & les Isles Guenize, Maiorque & Minorque, de sorte qu'elle estoit toute remplie d'esclaues Chrestiens. Cela auoit incité Ferdinand Roy d'Espagne d'enuoyer contre elle vne grande armée, qui exploicta en sorte qu'elle se rendit maistresse de cette ville, en la prise de laquelle peu des habitans échapperent. Cela aduint l'an 900. de l'Egire.

LI.

Les Turcs as-
siegent Oran.

Description
d'Oran.

OR les Turcs voyans combien elle estoit à leur bien-seance, taschoient de se l'assujettir, & apres que la batterie eut continué quelque temps, & que la bresche fut plus que raisonnable, ils se tenoient assurez de l'emporter d'assaut, mais ils trouuerent dedans des hommes courageux qui en soustinent plusieurs, sans que leurs ennemis peussent obtenir aucun aduantage, toutesfois ils eussent en fin succombé, sans le secours que leur amena Dom leand Cordoue, qui estoit party de Cartagene avecques bon nombre de

1562. & galeres, à la veüe duquel les Turcs délogerent en tumulte, laissant la plus-part de leurs canons, qui furent tirez dans la ville. D. Jean poursuivant la flotte qui se retiroit à rames & à voiles vers Alger, print vingt-cinq galiottes, & trois gros navires Moresques, & contraignit les autres de faire ject de leur artillerie, pour estre plus legeres à fuyr, menaçans d'y venir l'année suiuvante avecques vne armée du grand Seigneur.

Armée navale du Roy d'Espagne contre le Pignon de Velés.

CET heureux succez donna occasion au Roy d'Espagne d'armer vne fort grande flotte, de laquelle il fit General D. Garcia de Toledo: cette armée navale estoit composée de cent treize galeres, d'un galion de Portugal de merueilleuse grandeur, & de plus de cent autres vaisseaux, pour porter infanterie, munitions, viures & cheuaux, laquelle à la persuation de Pierre de Vanegas Gouverneur de Meliglia, s'en alla deuant le Pignon, forteresse située pres de la ville de Velés en Barbarie, & pour lors la retraite des corsaires qui couroient iournellement du long de l'Espagne & de Portugal: dedans estoit vn Alcade Turc, qui y tenoit ordinairement quatre galiottes: cette place seruant d'Arsenal au Roy d'Alger, qui s'y fournissoit d'arbres & d'antenes, & autres bois qui se tiroient des forests qui sont à l'entour de Velés. Vanegas disoit estre assuré d'un lieu secret par où quelques bons soldats avecques quelques escheles pourroient entrer dans le Pignon, & que si au signal qui seroit donné, les Chrestiens approchoient, il leur seroit aysé d'entrer, & de s'en rendre les maistres. On le creut, & avecques quelques renegats, les escheles & les soldats qui y deuoient entrer, il partit le premier sur la Capitainesse de Dom Aluares de Bazá General des galeres de Sicile: le reste de l'armée partit aussi le vingt-deuxiesme de Juillet, & paruint en Barbarie entre Meliglia & le Pignon, & là se treuva Vanegas avecques les reniez, & vne eschele double qui se trouua neantmoins fort courte pour la hauteur du lieu où il la falloit appliquer. Dom Aluares s'y estant acheminé au mesme temps avec les escheles, les reniez ne peurent jamais entrer ny monter par où ils s'estoient figuré, si qu'estans découverts, ils s'en retournerent sans rien faire.

MALIS les Capitaines delibererent de tenter, s'ils pourroient par voye ouuerte, battre & prendre le Pignon, & suiuvant cette resolution, le Prieur de Gonzague de l'Ordre des Cheualiers de Malte, qui estoit en cette entreprise, de l'aduis des Capitaines & patrons, mit en terre cinq cens homes, la plus-part Cheualiers armez, sous la charge du Comandeur Henry de Valette Parisot nepueu du grand-Maistre, & trois Cheualiers des anciens, pour faire la charge de sergens Majors. De toute l'armée il n'y eut que trois mille hommes qui descendirent en terre. Ceux de cet Ordre armez avecques leurs casques marcherent les premiers, & attacherent l'escarmouche contre quelques gens de cheual, puis ayans passé les pays sablonneux, & enduré vne extreme soif, dont quelques soldats moururent, ils entrerent dans Velés qu'ils trouuerent abandonnée, & apres eux toute l'armée y entra: les Mores s'estoient retirez sur les prochaines montagnes, où ils faisoient monstre d'environ quinze mille hommes, dequels il descendit vne troupe qui chargea à l'improuiste deux compagnies d'Espagnols qui gardoient le bagage, & emporterent la vaisselle d'argent de Dom Saucio. L'escadron de Malte fut logé dans vne grande Mosquée reuestue de fin marbre, & dorée, qui seruoit d'Arsenal, où on mit le feu aux armes, & à deux vaisseaux qui s'y trouuerent. L'artillerie du Pignon tiroit incessamment sur les Chrestiens, & les Mores s'assembloient d'heure en autre en plus grand nombre sur les montagnes: les Turcs mesmes du Pignon sortirent hardiment en grosse troupe, pour empescher que les Chrestiens ne peussent reconnoistre la forteresse, & continuoient l'escarmouche, faisant toute demonstration de vouloir donner la bataille.

DOM Saucio voyant les grandes forces des ennemis, & ses gens en danger d'estre enfermez, les fit sortir en armes, rangez en bonne ordonnance l'enseigne déployée par vne porte, & rentrer aussi-tost par vn autre à l'opposite, faisant faire cela par trois fois, pour faire croire à ses ennemis que ses forces estoient bien plus grandes, qu'en effect elles n'estoient, & les tenir ainsi quelque temps en doute: il fut aussi aduertty que le Roy de Fez enuoyoit trois mille arquebustiers pour secourir les Mores, & deuoient tous au premier iour assaillir les Chrestiens, principalement à la tour d'Alcala: ce qui fit resoudre Dom Saucio de partir de là, & s'embarquer la nuit suiuvante, & pour couvrir son depart, il fit mettre sur les murailles trois mille mesches allumées, & fit dresser vne batterie par mer contre le fort du Pignon, ce qui fit croire aux Mores que les Chrestiens s'arrestoient-là, pour continuer l'entreprise: cependant Dom Saucio fit sortir en silence toutes ses troupes, qui se retirerent & s'embarquerent sans aucune perte ny dommage.

MALIS quelque temps apres il reuint vne autre armée composée de quatre-vingt qua-

toze galeres Royales, quatorze fregates & brigantins, vne ourque de trois mille salmes, vn galion, quatorze cialupes, & pouuoit mettre en terre quelques dix mille soldats, sur laquelle commandoit Dom Garcia Vice-Roy de Portugal, lequel deuant que seioindre à l'armée, alla prendre deux galions & quatre carauelles de Portugal, qui estoient demeurées à Gibaltar, & le deuxiesme de Septembre toute l'armée marcha contre le Pignon. C'est vne petite Isle ou rocher à cent milles loin de Gibaltar, & d'un mille de Velés, separée d'un petit canal seruant de port à dix ou douze galeres. Au plus haut du rocher est située la forteresse, ceinte de murailles, tours & merlets à l'antique, où il n'y a autre accez qu'un chemin taillé dans le rocher. Chiapin Vitel en reconnoissant cette place, remarqua vn autre petit escueil dans la mer, & assez pres du Pignon, où il passa à nage tout vestu, & l'ayant bien reconnu, s'en retourna comme il y estoit allé, & y feit porter les canons & dresser la batterie: on en dressa encores d'autres en diuers endroits, lesquels firent vn tel effet, qu'ils abbatirent bonne partie de la muraille, & fut baillée la premiere pointe pour aller le iour suuant à l'assaut, aux Cheualiers de Malte, & aux Espagnols: mais ceux de la garnison sans les attendre, se sauuerent la nuit hors du fort, & fuyrent là où ils peurent, n'y en demeurant plus que trente, qui offrirent de rendre la place, en leur donnant la liberté: mais Dom Garcia voyant que les soldats gaignoient & entroient peu à peu dans le fort de tous costez, sans autre capitulation les fit tous esclaves: cela aduint le cinquiesme de Septembre de l'année mil cinq cens soixante & quatre; cette forteresse inexpugnable au iugement de tout homme de guerre, & qui ne peut estre forcée que par la faim, vint en la puissance des Espagnols par la lascheté de ceux qui estoient dedans. Depuis le sieur grand-Maistre de Malte eut vne entreprise sur Maluesie, mais elle ne réussit pas: quelques Cheualiers prirent aussi le galion des Sultanes chargé de marchandise qui alloit à Venise, conduit par le Capi Aga.

OR comme celles-cy faisoient à Solyman de grandes plaintes & doleances, il les recompensa toutes de leur perte, & les Eunuques aussi qui y auoient part, mais cela l'irrita tellement contre les Cheualiers de Malte, avecques les entreprises que les Chrestiens auoient fait les années precedentes sur Tripoly & les Gerbes, & depuis à Pignon de Velés, dont il scauoit bien qu'ils estoient causes, avecques ce qu'eux-mesmes auoient voulu surprendre Maluesie, qu'il fit vn serment solennel, qu'il se vangeroit des Cheualiers, & extermineroit tout cet Ordre: il y estoit encores incité par les Iuifs, par les pelerins qui alloient à la Mecque, par le Xerif de Fez & Maroc, & par le Roy d'Alger: ceux du conseil qui auoient enuie de ce dessein, persuadoient encores la multitude de faire sa plainte à Solyman, des traueses que souffroient à toute heure les pelerins qui alloient à la Mecque, & le firent precher par vn Talisman en la grande Mosquée, où Solyman estoit allé selon sa coustume, auant que d'entrer au Conseil, lequel representa avec tant de passion la misere deplorable, comme il disoit, en laquelle estoient reduits les Turcs, que tout le peuple s'en estant ému, se mirent à crier tumultuairement vangeance contre de si pernicious & cruels ennemis, si que Solyman pensoit que ce fust à sa personne à qui ils en voulassent; mais reconnoissant leur intention, il leur fit dire par son premier Vizir, que dans peu de temps il les rendroit consolez & contens. Mahomet toutesfois qui fut depuis premier Vizir, & Dragut dissuadoient cette entreprise, la tenans pour impossible, veu la connoissance qu'ils auoient des affaires, & l'age auquel estoit pour lors Solyman, mais comme ils estoient le moindre nombre de cette opinion, aussi ne furent-ils pas les plus forts, bien qu'ils representaissent que tous les Potentats d'Italie, & le Roy d'Espagne armeroient pour la deffence d'icelle.

MAIS tout cela n'empescha point Solyman de preparer six vingts galeres, sans celles des gardes ordinaires & celles des corsaires, & d'en faire encores faire vingt-cinq en la mer Majour, & douze au golphe de Nicomedie, avec toutes sortes de vaisseaux de charge. Pour les frais de cette guerre il s'aduifa d'un gros legs que la Sultane Roxelane auoit laillé, des deniers encores que le Muphty & ses Religieux offrirent volontairement, de soixante mille ducats qu'il fit leuer sur tous ses sujets, & de cinquante aspres pour feu, & quatre-vingts pour maison, qu'il le leua sur les Grecs & les Iuifs de Constantinople, le reste sortit de ses coffres. Il fit encores fondre de l'artillerie de grandeur demesurée. Toutes choses estans prestes, selon la grande preuoyance qu'ont ordinairement les Turcs en toutes entreprises, on fit vne monstre generale de tous ceux qui se deuoient embarquer, & se trouuerent six mille trois cens Ianissaires de la Porte tous vieux soldats, six mille Spachis de la Natolie archers & picquiers, deux mille cinq cens Spachis de la Grece, trois mille

1562. & suuant.

Autre armée navale d'Espagne deuant le Pignon.

Description du Pignon.

Prise du Pignon, & lascheté des assiegez.

Vaine entreprise sur Maluesie par les Cheualiers de Malte.

Occasions qui inciterent Solyman à la guerre de Malte.

Preche sedicieux d'un Talisman.

Ceux des Turcs qui y contredissent.

Grands preparatifs pour cette guerre.

Nombre des gens de guerre.

1565.

cinq cens Aduenturiers, entre lesquels y auoit grand nombre de Iayalars, ou Delys, faisans profession de braues & determinez à toutes sortes de perils, cinq cens Spachis de Caramanie, cinq cens de la Bosnie, cinq cens de Metellin; outre ce six mille soldats, & treize mille Emirlers & Deruis, ou Religieux faisans profession de combattre pour leur Religion, qui suiuiroient à leurs despens, parmy lesquels ils se trouua plusieurs Xerifs portans le Tulban verd, se disans issus de la race de Mahomet, somme trente-huict mille hommes de combat.

Et des vaisseaux.

L'EMBARQUEMENT s'en faisoit à Nauarrin, auquel il y auoit cent treize galeres Royales, & ses galiottes, où il y auoit six mille rameurs payez, le reste estoient esclaves, Chrestiens, & forçats Turcs: quatre grosses galeres & vne galiotte de Rhodes, deux galeres, vne galiotte & vn brigantin de Metellin, vingt-quatre galiottes & fustes de diuers corsaires, huit maones, vnze gros nauires, en tout cent quatre-vingt treize vaisseaux. La galere faite pour la personne du grand Seigneur à vingt-sept bancs, celle de Mustapha de vingt-huit où estoit l'estendard General de terre: celle de Piali Bassa estoit à trente bacs, & par tout trois fanaux, toute dorée & entaillée de croissans, les cordages, & le tendat de soye, & le tout dressé & estoiffé fort superbement: le Topgi-Bassi avecques deux cens canonniers outre les ordinaires, cinq Ingenieurs, il y auoit cinquante doubles canons tirans huitante liures, deux morlaches à tirer des pierres de grosseur demesurée, & pour tirer cent mille coups de canon. Tout cecy estoit accompagné d'une bonne prouision de fuseaux de fer, gros bois & platteaux à faire plattes formes, gabions, mantelets tous faits, & toutes sortes d'instrumens pour picquer, miner, ruiner & escalader: grande quantité de feux artificiels, de toutes sortes d'armes & d'artifices de guerre, & des viures, comme il parut depuis, pour sept mois, ayans d'autant plus de biscuit & d'autres prouisions, qu'ils ne portoient point de vin, (vn des grands empeschemens qui soit aux armées Chrestiennes) avec toutes sortes de mariniers, vogueurs & autres manieres de gens, faisant en tout compris les gens de guerre, 38000. hommes.

Les munitions.

LII.

Ingenieurs Turcs enuoyez déguisez à Malte.

Font leur rapport de tout.

L'armée des Turcs au port de Malte.

Prend terre.

Avecques tout cét equippage l'armée partit de Nauarrin, vint costoyant la Sicile, & parut avecques grande ostentation le dix-huictiesme du mois de Iuillet, à quinze milles de Malte. Les deux Bassas, suiuant ce qui leur auoit esté commandé, n'ouurirent point leurs instructions qu'aux enuiron du Capopassar, par lesquelles ils trouuerent qu'ils deuoient aller à Malte, & apres à la Goulette, & ce qu'il leur resteroit de temps, ils deuoient aller secourir Sam Petre Corse. Mustapha Bassa fit voir vne lettre du Sultan, par laquelle le principal commandement luy estoit donné sur toute l'armée. Or auoient les Turcs enuoyé à Malte des Ingenieurs déguisez en pescheurs qui portoient par toute la ville des poissons à vendre, & portoient des cannes à pescher qu'ils appuyoient en diuers lieux, contre les murailles, contre les bastions & les remparts, quelquesfois les couloient dans les fosses, remarquans l'endroit & le nombre des nœuds, suppleans de la veüe avecques des instrumens propres à mesurer de loin, & firent si bien qu'ils rapporterent à Constantinople toutes les mesures & les hauteurs des murailles, encores de tous les ports & des lieux où se deuoient planter les batteries, les distances & capacité des ports & des cales, les imperfections & endroits ouuerts & foibles, mesmement comme l'Isle de la Sangle & le bourg estoient ouuerts du costé du grand port, & la chaisne du port aysée à rompre, les forts de saint Elme & saint Ange fort estroits, qui ne pourroient longuement resister à la furie du canon, le dessein encores qu'on auoit de bastir la cité neufue sur le mont saint Elme, si on leur donnoit le loisir, desquelles instructions ils se seruirent par apres.

L'ARMÉE ayant doncques paru vers le port de Malte, tourna à main gauche vers Marfa Siroc, mais elle eut en teste le Marechal Copier, lequel avecques mille harquebutiers, cent Cheualiers, & trois cens cheuaux, luy empescha de prendre terre, joint qu'ils auoient remarqué les vents Grecs & Leuantins qui se renforçoient à la montée du Soleil, & estoient contraires à la situation naturelle & entrée du port: si bien que fuyans la rencontre du Marechal, tant qu'il leur estoit possible, en fin sur l'embrunir de la nuit, ils arriuerent à Menirro, lieu cōmode pour surgir, & où il y a des eaux douces & fraiches, & là s'arresterēt aux anchres; toutesfois Mustapha trouua moyen par apres de renuoyer de l'arriere-garde enuiron trente-cinq galeres, qui mirent enuiron trois mille hommes à terre, & depuis encores plusieurs autres par le moyen de quelques barques, ayant intention d'enclorre le Marechal, mais le grand-Maistre se doutant bien de ce stratageme, l'auoit contre-mandé, si bien qu'il laissa la caualerie dans la vieille cité, & se retira dans le bourg avec les gens de pied, de sorte que par apres les Turcs prirent terre tout à leur ayse: mais pour vne particuliere

ticuliere intelligence de ce siege, il ne sera point hors de propos de voir auparavant la situation de cette place. 1565.

L'ISLE de Malte du costé de Tripoly est ceinte d'écueils & de precipices, & n'a point de port; mais du costé de Leuant elle a Marfascala & Marfa Sciroc, & vers le Midy Pierre-noire, bons ports & fort capables: deuers le Lybecchio, il y a deux seins appelez l'un Magguero, & l'autre Aurifega, ou Haintofecha; sur l'extremité de l'Isle deuers le Ponant, il y a vne descente assez commode appelée Mellicca, entre deux est l'Isle de Goze, & dans le sein sont situez Comino & Cominot, petites Isles, allant à main droite à l'endroit de Lilibée de Sicile, on trouue la Cale de saint Paul, & du costé droit de Tramontane la Cale saint George: plus outre sont les deux grands ports ouuerts contre les vents Grecs, l'un desquels regardant contre la Sicile, s'appelle *Marfa il porto*, dans lequel il y a vne petite Isle, l'autre le grand port. Ces deux ports sont diuisez d'une langue de terre assez élevée, sur la pointe de laquelle fut baity le chasteau de saint-Elme, & depuis la cité Valette. Dans le grand port il y a deux langues de terre, qui s'estendent du Leuant au Ponant, comme deux doigts de la main: sur la pointe de celle qui est au costé droit, & de l'entrée du port, est situé le chasteau saint-Ange, & au derriere le grand bourg: sur l'autre est le bourg saint-Michel, qu'on appelle l'Isle de la Sangle, la vieille cité est située au milieu de l'Isle sur vne colline mediocrement releuée, d'aggreable aspect, ornée de beaux edifices, & d'un peuple assez ciuil. Au bruit des preparatifs qu'on faisoit à Constantinople, le grand-Maistre la Valette y auoit fait faire plusieurs fortifications, ayant fait ceindre de murailles, l'Isle de la Sangle du costé du mont Corradin, iusques à la pointe des moulins, qui regarde le chasteau de saint-Ange, & à l'esperon où l'on plâtoit la chaisne du port, qui estoit le lieu que les Ingenieurs des Turcs auoient remarqué le plus foible, encores qu'il y ait tant d'espace entre deux, qu'il sembloit hors de batterie. Les Cheualiers & le grand-Maistre luy-mesme y portoient la corbeille à certaines heures du matin & du soir. Cette fortification, qui fut depuis le salut de l'Isle, ayant esté mise en deffence en quatre mois, & acheuée auparavant l'arriuée de l'armée des Turcs, ils ne fortifierent point au dedans du costé du bourg d'une part ny d'autre, parce que l'entrée estoit fermée de la chaisne, & flanquée de l'esperon, & d'une platte-forme qui estoit au pied du chasteau saint-Ange, mais on fit reuestir d'un terre-plain la façade du dehors du fort saint-Michel iusques au cordon, puis on ietta des calemates en dehors, & un ravelin au plus bas entre la muraille & la mer, qui flancoient tout le long du fossé du front de l'Isle de la Sangle.

Situation de l'Isle de Malte.

Fortification de l'Isle de Malte par le grand Maistre de la Valette.

Forces qui estoient dans Malte, lors que les Turcs y mirent le siege.

L'ordre & les departemens que fit le grand-Maistre.

Discord entre les deux Bails.

QUAND les Turcs y arriuerent, le grand-Maistre ayant fait reueuë de toutes ses troupes, trouua qu'il y auoit enuiron huit mille cinq cens hommes de guerre de toutes sortes de nations, des villes & villages, des chasteaux, des galeres & autres vaisseaux: apres il fit ses departemens selon les quartiers ou postes à chacune des langues, assignant tout le bourg, comme le plus foible, aux trois langues Françoises; la langue d'Italie se chargea du fort saint-Michel, & de toute l'Isle de la Sangle sous l'Admiral de Monté; la langue d'Arragon, Catalogne & Nauarre eut la porte Bomole, le terre-plain & tout le Mole: celles d'Alemagne, Angleterre, Castille & Portugal, eurent le costé du bourg qui est maritime, & opposé à la colline du Saluador, & contient les fosses où l'on conserue les grains, iusques au bord du fossé du chasteau saint-Ange, passant par la prison des esclaves, & l'enfermerie iusques à la bouche du fossé du poste d'Auuergne. Le Cheualier Romegas eut le poste de Cuues, qui regarde l'entrée du grand port pour la garder avecques les soldats de sa galere, & pour y planter son artillerie, pour deffendre l'entrée du port: la chaisne fut tendue depuis la platte-forme qui est au pied du chasteau saint-Ange, iusqu'à la pointe de l'Isle de la Sangle, & fut baillée en garde au Commandeur François Guiral Castillan, avecques neuf pieces d'artillerie. La chaisne estoit attachée du costé de l'Isle de la Sangle, avecques vne grosse anchre, qui auoit esté de la grande carraque, & portée à trauers de l'eau sur des poutres entrauées, vnies & croisées par autres sommiers en forme d'eschele, & par des tonneaux vuides disposez par certains espaces, le tout fort bien attaché & vny: de sorte que la moindre barque n'eust peu passer, sans la permission du General qui en auoit la charge. A saint-Elme où il n'y auoit que 60. soldats, on enuoya Iean d'Egaras Bailly de Negrepont avec 40. Cheualiers, & la compagnie de Iean de la Cerde.

TEL fut l'ordre que le grand-Maistre donna à son Isle auparavant l'arriuée des Turcs: les deux chefs desquels ne s'accorderent point, ny au commencement, ny à la fin de ce siege: car Piali vouloit qu'on attendist Dragut & les autres corsaires, auant que de descendre en l'Isle de Malte: car Dragut armoit dix-sept vaisseaux, tant galeres que galiottes,

1565.

Les gens du
Mareschal
font leur re-
traite, nonob-
stant la pour-
suite des
Turcs.

sous la charge d'Haly Rais, pour courre les mers de la Fauillane, des Isles, & le canal de Malte, & traittoit avecques les Capitaines Arabes, pour les retenir à la solde de Solyman. Or Piali disoit qu'il ne vouloit rien faire sans son Conseil: & Mustapha au contraire, auoit commandé que l'armée débarquast pour reconnoistre les fortereffes, & pour couper chemin aux gens du Mareschal, qu'ils ne se peussent retirer dans le bourg, ce qui fut fait, comme vous auez oüy, toutesfois ils ne peurent empescher la retraite des autres; ce ne fut pas neantmoins sans beaucoup de peine, faisant faire des charges par des hayes & masures que les Turcs ignoroient, & ainsi se trouuoient chargez à l'improuiste, ce qui les arresta vn peu, & donna temps aux gens du Mareschal, de gagner le bourg. Il se fit du commencement des sorties assez à la loüange des Cheualiers; mais le grand-Maistre preuoyant qu'il pourroit auoir faute d'hommes, il fut plus retenu, & ne permit plus les sorties que fort difficilement.

Qui vont re-
connoistre le
fort saint-
Elme.

Pont leurs ap-
proches.

Et s'aduancent
iusques à vne
harquebuse de
du fossé.

Or les Turcs ayans fait le degast par toute l'Isle, les Bassas considerans que leurs troupes diuisées, comme elles estoient alors, n'estoient pas asseurées, craignans encores de ne se pouuoir embarquer à temps, si la necessité suruenoit, resolurent de reduire l'armée toute en vn lieu aupres des vaisseaux, sans attendre la venue de Dragut. Pour ce faire ils allerent reconnoistre le fort saint-Elme, esperans de le forcer dans cinq ou six iours, & loger toute leur armée au port Muschiect, où elle seroit en toute seurété contre l'effort de l'armée du Roy d'Espagne, si elle arriuoit, & en lieu commode pour assieger le bourg de la Sangle: c'estoit toutesfois le pire Conseil: car les fortifications du bourg & de l'Isle, n'estoient pas encores acheuées, où ils eussent mieux fait leurs affaires: aussi le grand-Maistre prit-il de là vne bonne opinion de l'issue de ce siege: car il se voyoit du temps pour acheuer ce qu'il auoit commencé, & vne esperance cependant qu'il luy viendrait quelque secours. Les approches toutesfois en furent bien disputées: car les Turcs auoient beaucoup de peine à descendre leur artillerie par les fanges & bouë du chemin de la Marse iusques au mont saint-Elme, duquel cependant l'artillerie tiroit sans cessé pour les empescher de s'auancer. Mais il y auoit tant de pionniers & autres gens qui y travailloient, desquels les Turcs ne plaignoient aucunement la perte, que le grand-Maistre conceut que toute son artillerie n'y donnoit que bien peu d'empeschement: ce qui le fit apprehender que les Turcs n'eussent forcé saint-Elme auparauant que le secours arriuaist, cela fut cause qu'il enuoya en diligence d'vn costé à Dom Garcia, comme le plus proche, au Pape, au Roy d'Espagne, & aux autres Princes Chrestiens, pour implorer & faire acheminer en diligence toute sorte de secours: mais les Turcs qui scauoient que leur gain dependoit de leur diligence, & de preuenir les autres, travailloient tant à couper, tirer & porter de la paille, des estoupes & des fascines qu'ils faisoient entrer la nuit dans le port Muschiect, qu'en peu de iours ils eurent aduancé leurs tranchées iusques à vne harquebuse pres du fossé, & estendirent iusques là leurs logis & pauillons, depuis la Marse sur le pendant du port Muschiect, où il estoient à couuert de l'artillerie du chasteau saint-Ange, par le moyen d'vn costau, & de celle de saint-Elme sous vn grand répart qu'ils auoient ietté au deuant d'eux, & commençoient de tirer à ceux du fort, qui s'aduancoient sur le parapet pour voir ce qu'ils faisoient; ils aduancerent aussi leur batterie deuers le fort Muschiect, & firent vne fortification du costé du grand port, où ils logerent trois gros canons qui tiroient contre le port, contre les vaisseaux, & contre les maisons du bourg & de l'Isle de la Sangle, & contre le fort ils firent vne batterie de quinze canons, tenans d'ordinaire soixante galeres prestes à combattre, d'autant qu'on leur auoit fait rapport qu'il y en auoit trente à Melline prestes pour le secours; sur chacune des 60. galeres, il y auoit 20. lanifaires, & autant d'autres soldats de faction, chacune nuit qu'il faisoit bonace, ils enuoyoient trois ou quatre galeres faire la garde, à quelques quatre milles loin à l'entour de l'Isle, & faisoient estat de combattre l'armée de Dom Garcia avec 80. galeres.

Leurs efforts
en ce siege.

Or nonobstant que les Turcs fussent campez deuant le fort saint-Elme, il ne laissoit pas d'y entrer à toute heure quelque nouveau secours, ce que voulans empescher, ils planterent deux petites pieces sur la grotte d'Alicata: ils y mirent encores depuis trois canons, pour abbatre, si faire se pouuoit, les deffences du fort saint-Elme, qui importunoit incessamment ceux qui travailloient aux tranchées: mais elles ne peurent estre entierement leuées. Les Turcs tenterent encores de rompre la chaisne, & ruiner la platte-forme de dessous le chasteau, où estoient les canons qui la deffendoient à fleur d'eau, & de mettre à fonds les vaisseaux, mesmement vne grande barque qui faisoit le traict ordinaire du bourg à l'Isle de la Sangle; mais tirans du haut en bas, leurs coups faisoient

peu

peu, ou point d'effect: il ne laissoient pas cependant de continuer leurs plattes-formes & tranchées, ausquelles ils trauaillerent iusques au 11. de May, ce que ceux de dedans ne pouuans plus souffrir, ils firent vne sortie sous la conduite du Colonel Mas & le Capitaine Medran, qui donnerent à l'improuueu sur les tranchées des Turcs, où ils firent du commencement vn grand meurtre: mais ils furent en fin repoussez & poursuiuis iusques à la contr'escarpe, & il aduint lors que la fumée de l'artillerie du fort qui auoit ioué, fut repoussée & ramassée par les vents tout du long de cette contr'escarpe qui en fut toute couuerte. Les Turcs se voyans si couuerts, mesmement du raelin, qu'on ne les pouuoit decouurer, à cause de la fumée, prinrent l'occasion de s'y arrester, & trauaillerent en telle diligence à repousser la terre deuant eux, qu'ils s'y fortifierent & y logerent leur scopeterie: de sorte que la fumée estant évanouie, toute la contr'escarpe parut couuerte de leurs enseignes & banderolles, tenans par apres le raelin si sujet, que nul ne s'y osoit monstrier, qu'ils ne le tirassent de mire: cela fit dire au Capitaine la Cerde, (qui estoit dans le fort) qu'il le falloit ruiner & renuerser avec des mines, mais son aduis ne fut pas suiuy.

1565.

Grande diligence des Turcs.

En ce temps Dragut arriua en l'armée avecques quinze galeres, compris deux galiottes & quinze cens soldats. Aussi-tost qu'il fut arriué, il dist qu'il falloit premierement prendre le chasteau du Goze, & la cité notable: car c'estoient des vaches, disoit-il, desquelles les assiegez tiroient iournellement leur nourriture & soulagement: Mustapha disoit qu'il auoit esté d'aduis d'aller au bourg où estoit le grād-Maistre & tout le corps de la Religion, mais que Piali & autres Capitaines auoient destourné son dessein: Piali d'un autre costé avec ceux de son party, soustenoient qu'ils auoient bien fait de s'arrester au fort saint-Elme, qu'ils auroient dans cinq ou six iours, mais Dragut pour les accorder, dist, que ce ne seroit point poursuiure l'aduis des vns, ny pour reiecter celuy des autres, si on demouroit deuant saint-Elme, mais seulement parce qu'il y alloit de l'honneur de leur Prince, de ne partir point de deuant vne place, depuis qu'on y auoit mis le siege: cela ainsi arresté, Dragut alla reconnoistre la place, & fut d'aduis qu'il falloit abbatre & ruiner le raelin.

Dragut arriué en l'armée.

Les Turcs continuans leurs fortifications, & ayans acheué leurs bastions & plattes-formes, & leurs gabions ou mantelets, commencerent leur batterie le iour de l'Ascension, le vingt-quatriesme de May, avecques dix canons tirans quatre-vingts liures, & deux coulevrines tirans soixante, & vn basilic qui tiroit cent soixante, qui n'estoit pas monté sur des rouës: mais sur certain bois qui l'empeschoit de faire sa retraite si grande. Dragut fit encores plus bas & plus pres vne batterie, d'un grand basilic & de neuf gros canons, tirans en parallele avecques l'autre batterie contre le grād caualier du fort: de sorte qu'une batterie tiroit par dessus l'autre, sans qu'elles s'entr'empeschassent, & l'une tiroit cependant que l'autre rechargeoit; & outre cela il fit planter quatre canons du costé du port Muschieft, qui battoient le mesme endroit en courtine, & s'embouchoient dans l'un des flancs du fort saint-Elme, & autres deux canons sur la contr'escarpe qui plongeoit dans la casemate & deffence qui estoit au bas du fossé, & encores quatre siennes coulevrines sur la pointe de l'entrée du port Muschieft, d'où elles battoient le flanc du raelin, & du caualier, & tout le costé du fort qui regarde le Ponant. Telles furent les batteries des Turcs deuant le fort saint-Elme, ne se passant iour qu'on ne tirast six ou sept cens coups de canon. Cette batterie ayant continué quelques iours, on enuoya les Ingenieurs à la faueur de l'arquebuserie, pour voir à l'œil son effect, lesquels remarquerent que du costé du Ponant le fort n'auoit point d'autre flanc que le raelin, contre lequel les Turcs auoient tellement aduancé leurs tranchées qu'ils iaignoient son frontispice, & sortoient de leurs tranchées tous decouverts, cela fut cause que les Ingenieurs reconneurent à loisir la canonniere du raelin, si basse qu'un homme porté sur les paules d'un autre, y pouuoit entrer. Que le raelin estoit aysé à escalader, & séparé du fort, de sorte que les assiegez n'y alloient que par vn petit pont de platteaux posez sur deux traions.

Batterie des Turcs contre le fort saint-Elme.

En diuers lieux.

Les Ingenieurs on vû reconnoistre l'effect.

Leur rapport.

De voy ayans fait leur rapport à Mustapha qui estoit pres de là, en les attendant, il fit aduancer les lanissaires avecques force eschiesles, & entrèrent inopinément par cette canonniere dans le raelin, les soldats qui estoient dedans, estans tellement endormis, qu'ils n'estoient pas éueillez encores que tout estoit plein de Turcs, qui en tuerent vne partie, & les autres se precipiterent du haut en bas pour se sauuer: les Turcs cependant poursuiuans leur pointe, enflerent le pont, pour tascher de gagner le caualier; mais Gueuare sergent Major y estant accouru avecques quelques soldats, les Cheualiers de Vercoiran avecques les gens du Colonel Mas, son frere Medran, & finalement le Bailly Egaras avecques quelques Cheualiers, les empescherent de passer outre, & entrèrent

Les Turcs gagnent le raelin.

1565.

Et en demou-
rent les mai-
stres.Les Turcs as-
siegent de ga-
gner le fort
par escalade.Les assiegez
reçoivent un
continuel se-
cours du grand
Maître.Invention des
Turcs, pour
aller aysément
à l'assaut.Leur stratage-
me.

en espérance de regagner le ravelin, à la faueur de deux gros canons qui estoient sur le caualier; mais tout le camp s'estant mis en armes sur les nouuelles de cette entreprise, ils vinrent secourir leurs compagnons en telle multitude, que ceux de Malte n'en peurent estre les maistres: car ils firent en mesme temps venir de leur costé des pionniers, des laines & des fascines en telle quantité, qu'ils applanirent leur aduenuë, & se couvrirent au deuant d'eux d'un retranchement entre les Cheualiers & l'artillerie du caualier: cela donna l'assurance aux Turcs de se ietter du pont à bas, & de charger furieusement ceux qui se retiroient par le chemin de dessous: mais les feux artificiels, les pierres & les cannonades de quelques pieces qui estoient encores entieres sur l'angle Oriental du fort, les contrainquirent de se retirer hors le fossé: toutesfois la prise qu'ils venoient de faire du ravelin, leur auoit tellement rehaussé le courage, qu'ils se ietterent encores en multitude & en foule par la bresche de la contre-escarpe dans le fossé, de là s'estendirent & planterent des escheles contre le rocher & les murailles, taschans de gagner le parapet, & encores que leurs escheles fussent trop courtes, si tascherent-ils à diuerses fois d'y arriuer, mais en vain: car les pierres & les feux pleuans sur eux de toutes parts, ils furent en fin contraincts d'abandonner cette entreprise & de se retirer, apres auoir continué ces combats depuis l'aube du iour iusques à vne heure apres midy: on dit qu'il y demeura deux mille Turcs tant de tuez, que de blessez & estropiez, & des assiegez vingt Cheualiers & soixante soldats.

CELA n'empescha pas la continuelle batterie qui pressoit estrangement les assiegez, & fut remarqué que les basilics plongeoiēt dix-huit palmes dans la terre, on n'y voyoit que des boiteux, des bras bandez; des testes, bras, jambes & entrailles mêlées parmy la terre; toutesfois les assiegez furent tellement soulagez par la diligence du grand-Maître, que l'eau ny les viures ne leur manquerent point. Incontinent apres ce premier combat les Turcs se voyans fort poursuiuis pour abandonner le ravelin, firent vne autre sorte de guerre: car ils firent apporter par leurs pionniers plus de quarante mille pierres, lesquelles ils tirerent contre les assiegez tant qu'elles durerent: ce qui les molesta fort, ayans quasi peine de trouuer à se mettre à couuert; il est vray que le Capitaine Miranda, que le Vice-Roy Dom Garcia y auoit enuoyé, leur enseigna la façon de se destourner de tout danger, quand le canon tiroit, & les moyens de reconnoistre & de viser sur l'ennemy sans se laisser decouurir, mesmement aux sentinelles. Mais les Turcs pour leuer toutes les defences, & empescher aux assiegez l'usage de la menuë artillerie, quand ils iroient à l'assaut, ils haussèrent le ravelin avec terre, laines & fascines: & encores qu'ils fussent decouverts par deux ou trois pieces qui restoient au bouleuard du Leuant, & d'un canon qui estoit couuert sur la platte-forme qui battoit le ravelin à droit fil & à trauers, si est-ce qu'avec la multitude des pionniers qu'ils n'épargnoient aucunement, ils le leuerent plus haut que le parapet du fort, & y planterent deux canons desquels ils tirerent incessamment iusques à ce qu'ils eurent demonté les trois canons du fort, & firent encores venir sur le ravelin des Emerits, & forces harquebuses & mousquets, desquels ils tenoient le fort en telle sujection, que les soldats n'auoient pas quasi moyen d'aller au parapet, sinon par des tranchées cauées expres dans terre, & en se couurant de materats baignez en terre mouillée & battuë, & en fin d'un gros & haut parapet composé de quaisies pleines de terre & de laine.

LES Turcs trouuerent encores vne autre inuention: ils planterent deux canons sur le bord du fossé, & ietterent dans iceluy grande quantité de terre & de pierres, & à l'ayde d'icelles, estans descendus aysément dedans, ils y dreslerent des cheualets, approchans à la hauteur du bord d'iceluy; là dessus ils estendirent des arbres & d'antennes qu'ils planterent sur quelques saillies du rocher qu'on auoit picqué en profondant le fossé, & de là ils picquoient dans le rocher tousiours plus haut, & plantoient encores d'autres bois, si qu'ils haussèrent peu à peu leur pont pour l'égalier au parapet du bouleuard du costé du Ponant: puis par le moyen de leurs pionniers, ils abbatirent la muraille & la terre qui venoit apres, se faisant par ce moyen vne espee d'escalier par le dessus du merrein iusques bien pres de la hauteur du terre-plain. Ils aduancerent encores leurs cheualets, & à la faueur d'un pont qu'ils firent de cinq arbres, & couvrirent de platteaux & de terre, & de l'harquebuserie, ils allerent iusques au parapet, & le rompirent à la sappe: mais les assiegez mirent le feu la nuit sous ce pont, pendant qu'ils amusoient les Turcs à l'assaut, toutesfois il fut aussitost refait, & au mesme temps auans fait tirer toute leur artillerie contre le fort, ils se trouuerent avecques quantité d'écheles tous prests à le surprendre: mais ceux de dedans s'y trouuerent encores plus preparez les armes à la main, qui les repousserent: les Turcs au defaut de pouuoir le gagner par surprise, auoient pourpensé vn stratageme: ce fut de se retirer

tous

tous ensemble fort promptement, & laisser ioter toute leur artillerie, qui tua & blessa vne bonne partie des assiegez qui s'estoient presentez en bon nombre, pour soustenir l'assaut.

TOUTES ces choses contraignirent ceux de dedans à entendre à leur seurreté, de sorte qu'ils deputerent le Cheualier Medran vers le grand-Maistre, & le Conseil pour luy représenter leurs necessitez, & le prier de leur permettre de se retirer au bourg : mais le grand-Maistre fit réponse, qu'encores qu'il sceust que le fort saint-Elme n'estoit pas tenable, toutesfois il scauoit que ceux de dedans estoient obligez par le vœu de leur profession, de preferer le bien & honneur de la Religion à vne mort certaine & ineuitable, & que s'ils ne manquoient point d'exécuter la resolution qu'ils auoient prise d'exposer leurs vies à la deffence du fort, que luy n'y le Conseil ne manqueroit aussi à leur fournir tout ce qui leur seroit necessaire : A cela vn nombre de Cheualiers rescriuirent vne lettre, suppliant le grand-Maistre de les laisser sortir contre les ennemis, & mourir les armes en la main, il leur fit réponse que la mort leur seroit plus honorable dans le fort qu'ils auoient entrepris de deffendre, qu'à la campagne. Or toutes ces allées & venues ne se faisoient point sans tumulte, estans mesmes vne fois tous prests à sortir & à l'abandonner ; que si les Turcs en eussent eu aduis alors, il est certain qu'ils fussent entrez sans trouuer resistance. Mais Castriot fils du Marquis de Tripalde, (qu'on tenoit estre des descendans de Scanderbeg) ayant veu ce trouble : car il y auoit esté enuoyé de la part du grand-Maistre, fit vne offre de faire vne leuée de six cens hommes par le bourg & par l'Isle, & se jeter dedans : ce que le grand-Maistre accepta avecques grâde ioye, le fit decretter par le Conseil, & fit battre le tambour pour cet effet : cela toucha fort les assiegez qui voyoient d'autres leur venir rauer l'honneur qu'ils receuroient à leur refus, outre la honte que ce leur ieroit qu'il s'en fust trouué d'autres qui eussent bien voulu entrer en leur place : car Castriot n'auoit pas amassé petit nombre d'hommes, le grand-Maistre encore pour les toucher plus viuement, leur escriuit qu'il leur permettoit à tous de sortir, puis que pour vn d'eux il en trouuoit quatre qui rentreroient à leur place : à cela ils luy firent réponse qu'ils n'en connoissoient point d'autres plus capables qu'eux à deffendre cette place, & qu'ils vouloient mourir en cette resolution, ce qui fut cause qu'on cassa la compagnie de Castriot, & qu'on les enuoya remercier.

OR Dom Garcia sollicitoit sans cesse, mais ses longueurs mirent les affaires en vn extreme peril : toutesfois le courage du grand-Maistre le faisoit resoudre à deffendre la place avecques ses propres forces, & cependant en public il disoit auoir grande esperance au secours : il trouua vne inuention fort remarquable : c'est qu'ayant fait preparer vne quantité de cercles & de tous bois legers & flexibles, il les fit bouillir dans des grandes chaudières de poix-ratine écaillée & d'huyle, & faisoit tremper là dedans les cercles, & apres les auoir fait entortiller d'estoupes, les faisoit ainsi tremper par trois fois, puis on les laissoit refroidir & seicher. Quand ces cercles estoient enflammez, ils les prenoient avecques de certaines forces de fer, & les jettoient en l'air, par lequel ils alloient roulans, puis venoient fondre sur deux ou trois Turcs, qui estoient contrains d'aller deux à deux, ou trois à trois se precipiter dans la mer, s'ils n'eussent voulu brûler tous vifs. Le grand-Maistre trouua moyen d'en enuoyer en plein midy, au fort saint-Elme vne grande quantité, feignant l'arrivée du secours de Garcia, faisant attacher vne escarmouche au bourg Tarcien où estoient les Turcs, & delacher toute son artillerie : ce qui mit tellement les Turcs en ceruelle, qu'ils ne prirent pas garde aux barques que le grand-Maistre fit promptement passer chargées de ces cercles & de toutes sortes de munitions, au fort saint-Elme, & retourner les barques au bourg. Mais tout cela n'empescha point que les assiegez ne receussent vn tres-grand dommage, de sorte qu'il y eut tel iour où il fut tué ving-cinq sentinelles, tellement qu'on ne scauoit plus où les loger : Vn traistre leur causa encores beaucoup de desplaisir : c'estoit vn fiske du Capitaine Medran qui sortit du fort saint-Elme, & se rendit aux Turcs, lequel fut présenté à Mustapha ; cestuy-cy luy raconta comme les Cheualiers ne deffendoient la place qu'à regret, & tout ce qui s'estoit passé avec le grand-Maistre : ce qui fut cause que la nuit suivante il fit requerir les assiegez de parlementer, à quoy on ne luy fit aucune réponse, & ayant fait descendre vn Turc dans le fossé pour les inuiter tout haut à se rendre, avec assurance de les laisser retirer où il leur plairoit, on ne luy respondit qu'à coups d'harquebuses & de grenades ; le fiske dist encore qu'il leur estoit necessaire d'abbatre les parapets, & que c'estoit à quoy ils deuoient viser, mais le pire aduis fut qu'il dist au Bassa qu'on enuoyoit le pain tout cuit du bourg dans le fort, où il n'y auoit

1565.

Les assiegez mandent au grand-Maistre qu'ils se veulent retirer.

Sa réponse.

Offre de Castriot pour aller secourir le fort.

Fait honte à ceux de dedans.

Inuention remarquable du grand-Maistre.

Sa ruse pour enuoyer ce qu'il vouloit au fort saint-Elme.

Vn traistre raconte à Mustapha l'estat des assiegez.

1565.

point de four, & qu'en toutes façons il deuoit empescher le passage, & que s'il faisoit assaillir le fort, en deux ou trois charges il l'emporteroit.

Assaut general au fort saint-Elme.

Sacs pleins de feu artificiel jettés par les Turcs.

Dragut blessé à la teste, dont il meurt par apres.

Le Topigibaf. si tué d'un coup de canon.

Autre assaut des Turcs.

Qu'ils ont repoullés.

Le grand-Maistre secourt les assiegez.

EN fin le seiziesme iour de Iuin ils se resolurent à vn assaut general, & la veille qui estoit vn Vendredy, pour harasser tousiours dauantage les assiegez, ils enuoyerent les pionniers & les ciaculi contre eux, auxquels ils donnerent de certains petits sacs, dans lesquels il y auoit de petits pots de terre fort fragiles, où il y auoit du feu, & ces pots se rompsans facilement où ils donnoient, le feu enflammoit certaine matiere qui s'attachoit au corps & le rongeoit & consommoit, quand mesme e'eust esté du fer. Le lendemain les Turcs liuerent l'assaut general, où les assiegez se porterent si valeureusement avecques toutes sortes d'armes, en tuant, pouissant, brûlant & precipitant leurs ennemis du haut du rempart, qu'ils furent en fin contraints de ceder à la force, & de se retirer. Le lendemain de cet assaut les Bassas & Dragut voyans l'opiniastre resistance des assiegez, iugerent que par necessité il falloit demonter & rompre le canon qui estoit sur le costé droit de la face du fort. Mustapha, son fils aîné, Dragut, Soli Aga Sanjac & maistre de camp de l'armée, & l'Ingenieur, allerent le matin aux tranchées pour reconnoistre ce qui seroit de faire, auquel lieu vne canonnade du chasteau saint Ange, donna dans des pierres qui estoient pres de là, l'une desquelles atteignit Dragut en la teste pres de l'oreille droite, dont il cracha aussitost le sang, & perdit la parole: Mustapha le fit incontinent couvrir, les assiegez toutesfois en furent aduertis par des renegats qui estoient à leur deuotion au camp de Turcs: au mesme temps fut aussi tué Soli Aga qui touchoit Mustapha, lequel sans se troubler, demeura là avecques son fils & l'Ingenieur, & y acheuerent leur consultation; puis y firent planter quatre gros canons, avec lesquels ils battirent l'oreille du flanc susdit, & firent à leur costé vn si grand rempart, que l'artillerie du chasteau saint-Ange ne les pouuoit plus decouurer, ny l'angle du bouleuard du Colonel du Mas, où ils pouuoient aller à couuert à l'assaut par la montée qu'ils y auoient faite, & par la grande breche du deuant du fort.

OUTRE ce ils firent vn chemin couuert derriere la tranchée qui estoit sous la contr'es-carpe, par laquelle ils arriuerent couuerts du chasteau saint-Ange, iusques à la mer qui est à l'opposite de la Renelle, & prochaine du fossé; le Cheualier Grugno qui commandoit au grand caualier, pointa vne petite piece contre le grand-Maistre de l'artillerie des Turcs, & le tua: mais luy-mesme s'aduançant vn peu trop dehors, pour auoir le plaisir du coup qu'il auoit fait, fut tué d'un coup d'arquebuse. Il ne se passoit iour qu'il ne se fist quelque nouuelle escarmouche, où les assiegez auoient bien de l'aduantage pour le nombre des morts, mais leur nombre diminueoit toutesfois de iour en iour: car la batterie que les Turcs faisoient continuellement de trente six canons, fut si terrible qu'elle reduisit tout le fort en poudre, excepté le grand caualier, qu'ils ne peurent du tout explander, parce qu'il y auoit trop grosse masse de terre: ce que voyans ils se resolurent de venir à vn second assaut, qui deuoit estre le vingt-deuxiesme de Iuin, auquel les Turcs ayans fait leurs prieres & ceremonies accoustumées, renforcerent les tranchées d'arquebusiers, & descendirent en gros avecques vn grand silence dans les fossés, & dès la pointe du iour firent iouer toute l'artillerie, pour acheuer de ruiner ce qui restoit des defences, & pour raser les parapets, porterent l'enseigne déployée, & avecques leurs tambours, fifres & cris accoustumez en telles actions, assaillirent de tous costez furieusement le fort, & se presenterent de toutes parts courageusement à la courtine, mais les cerceles, les grenades, les coups de pierre, d'arquebuses & d'armes d'hast donnerent sur eux par tout si à coup, qu'ils furent repoullés & mis plusieurs fois en route: car ce conflict dura plus de six heures en ces charges & recharges; mais en fin ils furent si mal menez de tous costez, qu'opprimez par la force de leurs ennemis, & par la chaleur du temps, ils furent contraints de quitter l'assaut, & de se retirer, mais la victoire fut triste aux assiegez: car il y demeura plus de deux cens des leurs, & les Capitaines Mas & Miranda y furent blessés.

OUTRE ces assauts les assiegez n'auoient aucun relasche: car l'artillerie des Turcs tiroit continuellement, & à toutes heures il y alloit quelques vns d'entre eux les harceler, si bien qu'ils estoient si las & deffaits, qu'à peine se pouuoient-ils soustenir, & ne desiroient qu'encores vn autre assaut, pour y pouuoir finir leurs iours: ils enuoyerēt demander du secours au grand-Maistre, qui mit incontinent dans cinq barques vn assez bon nombre de soldats avecques des munitions, poudres, feux artificiels & autres provisions necessaires: mais les Turcs qui preuoyent bien que leur victoire consistoit à empescher ce secours, y donnerent vn si bon ordre, que les barques furent contraintes de s'en retourner, & peu s'en fallut que Rogemas qui conduisoit ce conuoy, n'y demeurast esclau: ce qu'ayans

qu'ayans veu ceux du fort, ils se resolurent à mourir des armes en la main; & ainsi ayans fait tous ensemble leurs dernieres deuotions, & s'embrassans les vns les autres, ils se dirent les derniers adieux, & se retirerent chacun en son quartier, où les Turcs les vinrent attaquer le vingt-troisiesme de Iuin, scachans bien qu'ils estoient en fort petit nombre: estoient ces corps chargez de playes & tous allangouris de veilles & continuelles fatigues; se trouuerent animez d'un si magnanime courage, qu'ils soustinrent encores l'assaut par l'espace de quatre heures, iusques à se voir reduits au nombre de soixante: ce fut lors que les Turcs gagnerent tous les lieux eminens, & qu'ils decouurirent tout le dedans du fort, tirans de mire à ceux qui combattoient aux bresches & aux remparts, où fut tué le brave-maistre de-camp Miranda, & bien-tost apres le bailly Egaras, qui tout vieil & estropié qu'il estoit, se méla parmy les Ianissaires avecques vne hallebarde à la main, & combatit iusques à ce qu'il demeura sur la place: car les Turcs qui estoient sur le ravelin, ne voyans que corps morts dans le fort, appellerent les Ianissaires qui se preparoient à vn autre assaut, mais il n'en fut point de besoin: car ils n'y trouuerent que des blesez; quelques autres qui estoient des plus vigoureux, se mirent en desfiance, mais c'estoit en intention d'y finir leurs iours, comme le Colonel Mas, qui voulut mourir sur la bresche, & s'y fit porter. Le Cheualier Anegare fut precipité dans le fossé en combatant, & les autres se mélerent parmy les Ianissaires qui les taillerent en pieces. Comme les Turcs entroient dans le fort, le Capitaine Lempreducci delia fort blezzé, se retira à son poste du costé de la Renelle, & fit là vne fumée comme le grand-Maistre auoit commandé, pour signe que le fort estoit pris.

1556
L'assaut
fut selon
tion.

Les Turcs se
rendent mai-
stres du fort
saint-Elme.

Le Bassa Mustapha usa d'un grande barbarie contre les Cheualiers en vie qui peurent tomber en ses mains, qu'il achettoit à quatre escus pour teste: car les faisant pendre par vn pied sous les arcs de la voûte, il leur faisoit apres arracher le cœur, & quant aux Cheualiers morts, apres leur auoir fait couper les testes & les mains, il les faisoit despoüiller, & avecques des cimenterres leur faisoit doner de grands coups sur les reins & sur l'estomac en forme de Croix, puis attacher sur des postaux écartelez en la mesme forme, faisant attacher vn posteau à l'autre, & apres ietter dās la mer, afin que la marée les poustast deuers le bourg, comme elle fit, pour faire voir cét horrible spectacle au grand-Maistre & aux Cheualiers: il commanda qu'on tuast tous les autres, sans faire aucun esclau. Le nombre des morts de ceux de dedans le fort, fut douze cens hommes, dont il y en auoit 110. Religieux del'Ordre de saint Iean: le siege dura vn mois depuis l'arriuée de l'armée à l'Isle, & y fut tiré de la part des Turcs dix huit mille coups de canon, sans les petites pieces. Il y mourut quatre mille Turcs des meilleurs d'entr'eux. Ainsi l'a escrit le sieur Boyssat, qui fait vn discours de ce siege, où il represente toutes choses fort amplement & particuliere-ment, lequel i'ay suiuy en la meilleure partie de ce que i'en ay escrit, comme celuy qui en a peu parler plus veritablement.

Nombre des
morts des as-
siegez, & des
Turcs.

MUSTAPHA en entrant dans le fort, auoit arboré l'estendard Royal en si belle veüe que le grand-Maistre le pouuoit voir de son Palais, & aussi-tost despescha Siroc Rais à Solyman pour l'aduertir de cette victoire, par laquelle il croyoit auoir fort ébranlé, tant le grand-Maistre que les Cheualiers: cela luy fit enuoyer vn Chaoux avec vn esclau pour sonder le grand-Maistre, s'il vouloit point entendre à quelque composition, mais il ne leur respondit qu'à coups de canon, de sorte que reconnoissans qu'il n'y gagneroit rien que par la force, ayans fait nettoyer les ruines du fort qu'ils auoient gagné, ils y logerent trois cens Ianissaires, & puis mirent soixante canons en batterie en six lieux à dix canons pour bande, à la Grotte, au Coruatin, à la Mandrassé, à sainte Marie du secours, à sainte Marguerite, & ailleurs, faisans vn si merueilleux tonnerre qu'on l'entendoit en Sicile plus outre que Messine, & ainsi assaillirent le bourg & le fort saint Michel par mer & par terre: le grand-Maistre cependant mettoit peine à solliciter le paracheuement de la muraille de l'Isle de la Sangle, & fit couper les arbres des jardins du grand Maistre Omede du Chante-reine, & de la Bormole, fit demolir les maisons prochaines au bourg & à saint Michel, & fit gaster les cisternes de dehors, qui incommoda fort les Turcs, qui voyans demolir les maisons, y descendirent à grosses troupes pour les empescher: mais ceux qui faisoient cét abbatis, auoient vne escorte d'harquebusiers qui les chargerent au depourueu, leur donnerent l'épouente, & les mirent en desordre, les repoussant iusques dans leurs re-tranchemens.

LIIII.

Batterie des
Turcs au
bourg & au
fort saint
Michel.

Les Bassas voyans bien que ce siege traistreroit en longueur, s'ils ne surprénoient leurs ennemis par quelques endroits où ils se tenoient le moins sur leurs gardes, ils delibere-

1565. Desseins des Turcs fort preiudicia-
bles à ceux de Malte. Découverts par Lascari. Que se sauve avec les Chevaliers.

rent d'assaillir à l'impourueu l'esperon de l'Isle saint Michel, venans par mer du costé du mont saint-Elme, & de rompre la chaisne du port, sur grande quantité de barques qu'ils y deuoient transmarcher du port de Muschiedt à trauers la colline, afin de n'estre point si tost apperceuës; pour euitier l'artillerie du chasteau saint-Ange, qui les eust ruinées, si elles fussent entrées par la bouche du grand port, ils deuoient faire couler les barques dans vne petite plage, qui estoit couuëe du costé du Corradin. Cette entreprise estoit si bien digerée qu'elle eust esté infailliblement la ruine de Malte, si elle eust esté mise en execution: mais vn Gentil-homme Grec, de l'ancienne maison des Lascari, qui auoit esté fait esclaue & Turc dès sa jeunesse, ayant tousiours eu regret à sa premiere Religion, & qui estoit en la tente du Bassa, quand on fit cette resolution, n'eust trouué moyen de s'échapper: toutesfois estant soupçonné & poursuuy par les Turcs, tout ce qu'il peust faire, ce fut de tascher de se sauuer à nage: mais il y fust demeuré sans le secours que le Cheualier Sauoguerre luy fit, lequel apres luy auoir fait rendre l'eau qu'il auoit beuë, le presenta au grand-Maistre, auquel il raconta tout ce dessein: mais on y remedia, de sorte que les Turcs ne le peurent executer; entre les fortifications qui seruirent le plus aux assiegez, ce fut vne palissade que le grand-Maistre fit faire de grands pieux plantez à force de masses, demy-pied dessous l'eau, en droite ligne, par certains espaces, avec vn anneau de fer à la teste de chacun pieu, & vne chaisne qui fut composée des branches & chaisnes des chior-mes des galeres qui courroit parmy les anneaux, & fermoit tous les entre-deux des pieux, qu'on joignit ensemble par le moyen des grandes antennes & arbres de nauires cloüez par leurs extremittez contre les testes des pieux: cette pallissade fut plantée à quinze ou seize pas dans la mer du long de l'Isle de la Sangle du costé du Corradin, iusques à l'esperon, pour empescher l'abbord des galeres Turquesques, & les contraindre de fuire & enuironner iusques à l'esperon & à la chaisne du port.

Petit secours à Malte, que le grand-Maistre fait valloir fort dextrement.

CEPENDANT il arriua quelque petit secours à Malte, que le grand-Maistre auoit bien fait paroistre plus grand, ayant disposé sur les murailles du Bourg & de l'Isle grand nombre d'harquebuses qui tirerent toutes trois fois d'elles-mêmes, par le moyen des tfaînées qui portoient le feu de l'une à l'autre, qui fit croire aux Turcs qu'ils estoient venus en multitude: cela auoit esté cause que le Bassa, qui vouloit preuenir aux calomnies & aux fautes qu'on luy pourroit imputer, depecha vne galere à Constantinople, pour faire entendre les difficultez de cette guerre & pour demander secours. Cependant il fit commencer la batterie generale le cinquiesme iour de Iuillet, & ils aduancerent leurs tranchées iusques à la bouche du fosse saint Michel du costé du Corradin, qui leur furent bien disputées; mais en fin ils forcerent les assiegez de les leur quitter, lesquels furent encores contrains de raser le ruelin, qui s'en alloit en la possession des Turcs, auxquels ainsi qu'ils celebrent leur Bahram, arriua à leur secours Hascan le Roy d'Alger avecques vingt-huit voiles, où il y auoit sept galeres Royales, les autres estoient fustes & galiottes. Or l'artillerie Turquesque auoit de tous costez fait si furieuse & continuelle batterie, qu'on pouuoit facilement passer & monter iusques au parapet du bouleuard de la Bormole & de celui du Maistre-de-camp; tout de mesmes aux postes du Cheualier Ricca & de Dom Charles le Roux; les bresches estans si grandes & si explanées que des gens de cheualy eussent peu courir par tout, à bride abbatuë: toutesfois ils n'oserent tout le long du siege passer contre les murailles neufues de la Bormole; par ce qu'il leur falloit passer par delà le bouleuard de la poste du Capitaine Lassa, qui estoit auancé contre la mer, & sur certain rocher inaccessible, & demeura tousiours entier & releué, sans estre exposé à l'artillerie du mont saint-Elme qui estoit trop éloigné.

L'esperon de l'Isle de la Sangle attaqué.

MAIS ils se mirent à attaquer l'esperon de l'Isle de la Sangle, de l'aduis du Roy d'Alger, qui auoit fait embarquer quelques soldats sur des barques, pour aller rompre la chaisne, selon le premier dessein decouvert par Lascari, mais ils trouuerent la palissade qui les arresta, & de là ayans monté jusqu'au lieu où elle finissoit, à sçauoir à la pointe de l'esperon, lieu tout exposé à l'artillerie du bas du ruelin du chasteau qui tiroit à fleur d'eau tout du long de la chaisne du port, elle tira si à propos contre eux, qu'elle en fit vn grand massacre: si que toute l'eau du port estoit toute teinte de sang & semée de toutes sortes d'armes & de robes, enseignes, tulbans, arcs, targues & autres armes à la legere. Le Bassa Piali s'en allant empescher que les galeres n'entraissent imprudemment dans le port, comme il auoit esté resolu, fut decouvert & salué d'une cannonade qu'on luy tira du chasteau saint-Ange, le feu de laquelle & la violence de la repercussion de l'air luy osta son tulban de la teste. Or le Roy d'Alger ayant amené quant & luy deux mille cinq cens vieux soldats,

Entreprise du Roy d'Alger, qui réussit assez mal.

soldats qui se disoient les braues d'Alger, au mesme temps que ce combat se faisoit pres de la pallissade, donna du costé de terre le signal de l'assaut, & fit aduancer ses troupes, & les meilleurs soldats qu'il auoit choisis en toute l'armée, pour aller donner l'assaut à toutes les bresches, à vn mesme temps: mais ayant esté repoullé par trois-fois, ces combats ayans duré iusques à midy, il quitta en fin la place à l'Aga des Janissaires & à Mustapha, lesquels avecques nouueaux soldats & tous reposez, donnerent contre les assiegez tous las, & rectus, si est-ce qu'ils n'y firent pas mieux leurs affaires: car ceux-là monstrent tant de valeur, & firent vne si braue resistance, que les Turcs furent contrains de sonner la retraite, apres y en auoir laissé 2500. des leurs tuez ou noyez: ceux de dedans y perdirent 40. Cheualiers, & 200. soldats.

1568.

Nombre des
morts en cét
assaut.

QV E L Q V E peu apres le grand-Maistre fit de propos deliberé semer vn bruit que le secours arriueroit dans peu de iours, ce qui mit tellement en alarme Piali Bassa, qu'il remit entre les mains de Mustapha, toute la charge de la guerre de terre, ne se voulant méler d'autre chose que de garder l'armée de mer. Cette diuision toutesfois ne fut pas de longue durée par le moyen des remonstrances que luy fit Mustapha, & aussi qu'il y fut persuadé par vn sien Ingenieur, qui l'assura de luy faire gagner le poste de Castille, au parauant que Mustapha eust conquis l'Isle de la Sangle ce qu'il commença le iour mesme avecques vingts canons renforcez, entre lesquels estoient trois basilics & deux mortiers à tirer des pierres: & de la Calcaia ils battoient encore le poste de Castille, tellement que le bourg & l'Isle estoient ordinairement battus de soixante canons renforcez, & grande quantité d'autre moindre artillerie, enuironnez encores de toutes parts de bastions, de tranchées & d'harquebuserie. Les Turcs avecques tout cecy auoient de si fine poudre, qu'elle rendoit la fumée blanche, & manioient leurs pieces sur des vases & roues d'vne adresse admirable, chargeans promptement chacun canon à vne fois avecques vn sac contenant la mesure d'vne charge entiere. Quant à Mustapha il faisoit miner de toutes parts, & principalement au caualier du mont saint Michel, qui s'en alloit perdu, si vn soldat n'eust veu fortuitement la pointe d'vne fiesche, qui poussa deux ou trois fois hors de terre, & vn autre au mesme lieu la pointe d'vn baston rouge: car les Turcs auoient miné & sappé des le poste des bottes iusques à la muraille du caualier, là où elle se joignoit avecques celle du raelin, & perçant la muraille iusques dans les magasins, rencōtroit celle du raelin, qui faisoit la chemise de son terre-plein, grosse & large d'vne canne & demie, pleine d'vne terre puluée & de moëlon & pierres rustiques, que les Maltois appellent Massacani, dont ils se seruent à faire de chaux.

Diuision en-
tre les Bassas.

Le bourg &
l'Isle battus
de 60. canons.

Dextérité des
Turcs à re-
muer prom-
ptement leur
artillerie.

Mines des
Turcs au ca-
ualier du mont
saint-Michel.

Massacani
qu'est-oe.

OR les Turcs auoient tiré & vuidé dans le fossé tous ces Massacani, & laissé sur pied les pierres taillées qui s'y trouuerēt, pour soustenir & couvrir l'ouuerture, de là ils auoient caué l'establier iusques au dessous du raelin, si spacieux que trois hommes y pou- uoient aisement monter de front: mais Mugnatones & quelques autres Cheualiers qui estoient dessus, ayans fait picquer & fouir tout à l'entour bien auant, il se decouurit vne ouuerture comme vne grande & obscure cauerne: le mesme Mugnatones ayant jetté de- dans trois ou quatre grenades, s'y precipita luy & trois autres Cheualiers, lesquels acheuerent de donner l'épouuente aux Turcs qui s'estoient sauuez de la furie du feu & re- tirez, se poullans & se precipitans les vns les autres dans le fossé. Les Bassas toutesfois sans se delister en façon quelconque de leur entreprise, resolurent de donner à l'Isle, vn assaut general; ce qu'ils firent le septiesme iour d'Aoust, qu'ils commencerent leur batterie vne heure deuant le iour, venans incontinent apres contre toutes les bresches, & versans du bord vne infinité de feux & de sachets dans les parapets, tellement qu'il sembloit à voir que ce fust vn feu & vn embrasement continuel tout du long des courtines: Les Turcs cependant durant l'obscurité de la fumée montans hardiment sur les parapets, les per- tuisanes ou les cimenterres en la main, auoient delia appuyé grand nombre d'enseignes contre la courtine: ce que voyans les assiegez, comme ces tenebres furent vn peu éclair- cies, ils tacherent premierement de les repousser avecques feux, harquebusades & armes d'hast, mais les Turcs ne laissant pas pour cela de suiure leur pointe, il fallut que les assie- gez montassent sur les parapets, pour pousser leurs ennemis corps à corps hors des cour- tines: là fut tué le vaillant Mugnatones, duquel le grand-Maistre faisoit tant d'estat, qu'il disoit que c'estoit son bras droit.

La mine dé-
couuerte.

Les Turcs
repoulliez.

ON combattoit de mesme furie par tous les postes de l'Isle, mais le plus furieux assaut fut celuy que donna le Lieutenant du Roy d'Alger Vecchiali Candelissa avecques vne troupe des braues d'Alger, toutesfois le mesme Candelissa y demeura: les Turcs tene-

1565.

Sortie de
ceux de la cité
caute du salut
de ceux du
fort saint-
Michel.

Les Turcs se
retirent en
desordre.

Stratageme
de Piali Bas-
sa.

rent encores les postes d'Alemagne & d'Angleterre, mais ils n'y receurent que des coups, si qu'ils estoient tous prests de tourner le dos : mais les deux Bassas voyans leurs gens perdre courage, se resolurent de ne se retirer point en leurs pavillons que victorieux ; si qu'ils firent de toutes parts retourner leurs gens à l'assaut, partie en les exhortant, partie aussi en les faisant repousser par leurs Chaoux à coups de baston & d'escarbine, si qu'ils y retournerent plus furieux qu'auparavant : ce qui reduisit les assiegez en extreme peril : mais le maistre de-camp voyant les siens en ces termes desesperez, print en sa main vn petit crucifix qu'il tenoit pour sa deuotion dans vn petit couuert sous lequel il reposoit, & allant de poste en poste, exhortoit vn chacun à combattre pour la Foy, & ranimer leurs courages contre les ennemis de celuy qui auoit respendu tout son sang pour eux, adioustant que c'estoit vn glorieux martyre que de combattre pour vne si iuste & sainte querelle, cela donna vne telle resolution & tant de hardiesse à tous les gens de guerre, qu'ils renouellerent le combat plus furieux que deuant. Or le Gouverneur de la cité connoissant par la flamme continuelle qu'il voyoit paroistre sur le haut du fort saint Michel combien les assiegez estoient poursuiuis de pres, se resolut de faire vne sortie pour donner l'alarme au camp ; & de fait laissant le grand chemin, il vint par de petits destours iusques aux tentes des Turcs, où tandis que ceux qui estoient destinez pour la garde des malades, s'amusoient à regarder l'assaut deçà & de là sur des collines, ils tuerent & renuerserent tout ce qu'ils rencontrerent, & mirent tout en alarme par tout le camp : ceux qui estoient demeurez au Casal d'Azabagi, creurent que c'estoit vne armée nouuelle qui venoit au secours des assiegez ; & cette opinion se portant ainsi de l'vn à l'autre, vn grand effroy saisist incontinent toute l'armée, qui fut cause que les Bassas firent sonner la retraite : mais ce fut avecques beaucoup de desordre à cause de cette épouuente qu'ils venoient d'auoir, de sorte que les assiegez en tuerent vn grand nombre par les casernes & autres flancs à force d'harquebuses : comme ils se retiroient de dessous les bresches. Quant à Luny, qui estoit le nom de ce Gouverneur de la cité, ayant fait ce qu'il desiroit, & voyant venir sur ses bras tout le gros de cette armée, il se retira à temps sain & sauf à son rendez-vous, deuant qu'on peust estre à luy.

ENVIRON ce temps arriua vn Chaoux de Constantinople, par lequel Solyman mandoit qu'on hastast le siege de Malte : Piali Bassa voyant qu'on n'enuoyoit aucun secours, se seruit neantmoins de cette occasion, enuoyant sur le soir vingt-cinq galeres, lesquelles allerent en mer, & le iour suiuant leur alla au deuant avecques le reste des galeres, & les receut avec grandes festes & salutations, comme si c'eussent esté galeres du Levant enuoyées pour le secours de l'armée : ce qui abusa non seulement les assiegez, mais aussi les Turcs qui estoient aux batteries, qui s'en réjouirent bien fort, & pour faire parade encores d'vn plus grand nombre de gens de guerre, ils se retirerent des galeres, iusques à cinq ou six mille ciacculi ou vogueurs, qu'ils vestirent des meilleurs habillemens des morts, & les armerent des plus belles armes, & leur ayans baillé de belles enseignes, les firent tous paroistre sur le mont saint-Elme : ce qui donna vn grand estonnement aux assiegez, auxquels l'emulation de Piali cōtre Mustapha causa encores beaucoup de mal : car ayant cette ambition de vouloir emporter le bourg, deuant que Mustapha eust pris l'Isle, il donna vn fort rude assaut contre le quartier de Maldonat, où les Turcs monterent de si grande impetuosité & promptitude, que leur grande enseigne Royale se trouua appuyée contre le parapet, si haut que le vent qui estoit contraire aux assiegez, pouffoit toute l'enseigne qui estoit rouge & fort grande, déployée dans le fort, de sorte qu'elle couuroit quelques-uns de ceux qui combattoient aux deffences, ce qui donna vne telle épouuente au bourg, que les femmes voyans l'enseigne de leurs fenestres, commencerent à faire de grandes lamentations, & à la verité leurs affaires alloient mal, sans le grand-Maistre, auquel comme on eust rapporté que tout estoit perdu, sans s'estonner ny sans mesmes changer de visage, dit l'histoire, print son habillement de teste, ceignit son espée & print vne picque, & sans se donner le loysir de prendre sa cuirasse, marcha le grand pas contre le poste de Castille, disant aux Cheualiers : Allons, enfans au nom de DIEU : c'est à cette heure qu'il faut combattre & mourir pour la sainte Foy ; il nous assistera de sa grace : car nous ne combatons que pour cela, & ne craignez point : car cette journée est nostre, & à quelques pas de là s'estant armé à l'ayde de ses pages, passa iusques sur la courtine, monta sur le parapet, se méla parmy la grande presse & avecques la picque, combatit luy-mesme brauement comme vn simple Cheualier, iusques à ce qu'à force de prieres & d'importunité du commandeur Mendosse & autres Cheualiers proches de luy, qui luy représen-

terent

terent que de la conseruation de sa personne dépendoit celle de leur salut, & celle de toute la ville, il se retira, mais ce fut apres auoir veu la grande enseigne déchirée & renuersée, la pointe dorée rompuë, & que les Turcs furent repoussez. Cét assaut dura deux heures, durant lequel les Turcs pensoient faire iouer vne mine, mais elle fut éuentée au mesme temps.

Le dix-huictiesme iour d'Aoust on ordonna encores vn autre assaut general à cinq ou six reprises: mais ils furent tousiours brauement rembarrez, en cet assaut les Turcs ietterent dans le ruelin vn certain baril bandé de cercles de fer, qui fumoit de sorte, qu'il paroïssoit que bien-tost il éclatteroit quelque estrange violence de feu & quelque ruine aux enuiron: ce que voyans les assiegez, ils le reietterent habilement auant qu'il fust enflammé sur leurs ennemis, où bien-tost il creua & dispersa parmy eux vn tas de ferremens, chaisnes & cailloux, qui en tuerent & estropierent vn grand nombre, mais l'assaut ne laissoit par de continuer, estans venus à la faueur de petits remparts qu'ils auoient faits iusques sous le parapet, & avecques vne infinité de sacs à feu, plus grands que les premiers qu'ils iettoient avecques des picques & autres sortes d'armes, & avecques de certains crochets ils ébranloient & tiroient à eux le parapet, mais ces feux faisoient vn notable dommage aux assiegez, de sorte qu'ils estoient contraints à tous propos de quitter le poste, & de se ietter dans des tonneaux d'eau proches de là: pour cette cause, le grand-Maistre entendant le grand danger des siens, s'en alla sur la place, où il fut blessé à la jambe: vn vieil Cheualier nommé Ceneio Gascon, assisté d'vne troupe de ses compagnons, emporta l'honneur de cet assaut: car ils firent quitter aux Turcs leurs crochets, verserent à commodité sur eux les cercles & autres feux, se rendirent les maîtres du parapet, & repousserent les Turcs; qui ne laisserent pas de retourner le vingtiesme avecques vne certaine inuention de morions de bois, ou plustost des tables qu'ils portoient sur leurs testes qui les couuroient iusques aux espaules, contre les pierres, les feux & les harquebusades, à peu pres enuiron comme celles qu'ils auoient au siege de Themiswar, dont il a esté parlé cy-dessus, mais ceux-cy s'en trouuerent si empeschez quand ils voulurent liurer l'assaut, cela occupant trop grande espace, qu'ils n'auoient moyen de rien ietter ny de manier leurs armes, ny d'assaillir en gros comme ils faisoient auparauant, & parce qu'ils estoient chargez, le moindre coup de picque les faisoit trébucher & tomboient leurs tables contre les pieds & les jambes des autres: les assiegez faisoient encore rouler sur eux des debris des colonnes qu'ils prenoient par les iardins, de grosses pierres & des balles qui les estourdissoient dessous leurs morions, des feux & de la poix qui s'y attachoit facilement, tellement que cette inuention leur apporta plus de desordre & de confusion qu'au parauant.

Le vingt & vniesme iour on combatit encores iusques à la nuit par l'espace de douze heures, avecques tant d'ardeur que le peuple, les femmes, & les enfans donnerent encores dauantage de courage aux soldats, iettans vne gresle de pierres & de chaussetrapes de fer qui donnoient au visage de leurs ennemis, & tomboient sous leurs pieds. Les Turcs en lieu de flesches qui leur manquerent, lancerent d'vne grande agilité certaines zagayes qui tuerent quelques-vns des assiegez: il se trouua aussi vn harquebutier Turc, lequel estoit caché dans les mines du fort saint-Michel, & là se couuroit de certains sacs pleins de sable, d'où il auoit tué ou blessé quatre-vingts hommes aux postes du maistre-de-camp, & de Dom Charles Roux, mais le Cheualier de Cleramont fist oster ces sacs avecques vn crochet mis à la pointe d'vne picque par vn ieune soldat, & l'ayans decouvert le firent denicher. En fin la victoire demeura aux assiegez en cet assaut, aussi bien qu'aux precedens, laquelle fut tenuë pour miraculeuse, le grand-Maistre ayant demeuré tout du long d'iceluy en la place, à la mercy des canonnades, ordonnant & preuoyant où il faisoit besoin, & confessa depuis que iamaïs il ne s'estoit mieux tenu pour perdu.

Les Turcs s'estoient trouuez fort harrassez apres tous ces assauts, & le mal qu'ils auoient receu, leur faisoit apprehender de retourner à d'autres: cela fut causé que Mustapha ne vouloit plus ouyr parler d'assaut: mais on commença de craindre qu'ils ne se mutinassent quand on les y voudroit contraindre, esperant tousiours du secours de Constantinople ou de la Morée, tenant les assiegez pour le moins aussi las & recrues que les siens: & de fait quelques-vns auoient resolu de quitter le poste de Castille & le bourg, & de se retirer au chasteau saint-Ange, & en porterent parole au grand-Maistre, lequel s'estant fort picqué de cette proposition, leur fit voir à l'œil que le bourg & l'Isle ne se pouuoient perdre ny garder l'vn sans l'autre, & que laissant le bourg, il falloit par necessité que ceux de l'Isle se

1565.

Autre assaut
general.Motions de
bois.L'inuention
des morions
de bois nuisi-
ble aux Turcs.Les Turcs
commencent
à se laisser.

1565.

Les Chevaliers se veulent retirer au chasteau saint-Ange.

Peinte de Mustapha pour encourager ses soldats.

Invention d'une tour.

Jalousie de Piali sur Mustapha.

Secours à ceux de Malte.

Les Turcs le vont reconnoître.

Non sans leur perte.

Dom Garcia perd une belle occasion contre les Turcs.

retirassent aussi au chasteau saint-Ange, qui n'estoit capable de tant de peuple, & où il n'y auoit pas d'eau à demy pour tant de monde; qu'il estoit à craindre que les Turcs ne reconneussent cette retraite, & les tenans de plus pres, qu'ils n'entraissent pêle-mêle dans le chasteau. Les affaires estoient cependant en mauuais estat du costé des Turcs: car les meilleurs des leurs ayâs desia finy leurs iours sur les bresches, ils ne vouloient point retourner à l'assaut; mais Mustapha feignit qu'il auoit receu vn commandement de Solyman de faire hyuerner l'armée à Malte, si l'Isle ne pouuoit estre conquise plustost: car ce Bassa sçauoit que les soldats redoutoient infiniment d'hyuerner en ces écueils steriles, & que cela les feroit resoudre à donner encore vn autre assaut, comme ils firent le trentiesme iour d'Aoust, où les Turcs vinrent si auant qu'ils se colleterent avecques les assiegez, & encores le troisieme iour de Septembre, auquel les Ingenieurs Turcs firent aduancer vne haute tour, de laquelle six soldats par autant de canonnières tiroient de tous costez, offensoient deux postes, & decouuroient les lieux les plus couverts: cette tour estant composée de sorte qu'ils la haussioient & baissioient facilement à leur volonté, tellement que les harquebusiers ayans tiré, & la tour baissée, l'artillerie des assiegez ne luy pouuoit nuire, & celle des Turcs estoit si puissante, qu'elle ruinoit & renuersoit incontinent toutes les batteries du dedans, aussi-tost qu'elles paroissoient. Mais vn charpentier nommé André Cassal Maltois, fit ouurir soudainement vne canonnière à l'endroit de la tour, & y fit tirer vn serpent sur des basses roues, qui fut chargé de chaines de fer, écailles & pierres, prenant son temps que la tour estoit en l'air, & luy donnant droit au milieu, la ruina & fracassa avecques les harquebusiers.

Ils en voulurent depuis donner encores vn autre, où le Roy d'Alger s'offrit de marcher le premier, & planter luy-mesme son enseigne sur le parapet, mais ils n'en vinrent pas iusques aux mains: car on auoit resolu le iour auparauant de se retirer, & sauuer en toutes façons l'armée de mer, auant que le temps changeast, & qu'ils eussent quelque necessité de viures, n'en ayans plus que pour vingt-cinq iours, cela s'estoit fait selon l'aduis de Piali Bassa, qui enuioit la gloire du Mustapha, d'auoir conquis Malte. Cettuy-cy ne laissa pas de faire en sorte sur l'assemblée qu'on luy promit de donner encores vn assaut general; mais si tost que les soldats sceurent les nouuelles du parterment, ils commencerent aussi-tost à ployer bagage, peut-estre à la persuasion du mesme Piali, tant ces ialousies entre chefs sont importantes; car tout du long de ce siege, cettuy-cy, à sçauoir Piali, ayant resisté aux desseins de son compagnon, fut cause du salut des assiegez, lesquels ne pouuans que iuger sur ce grand remuement qu'ils voyoient, furent en fin aduertis par quelques renegats de tout ce qui s'estoit passé, & bien-tost apres ils eurent nouuelles de l'arriuée de l'armée de Dom Garcia, composée de soixante galeres, selon quelques-vns de quinze mille bons soldats, & quinze cens volontaires, arriuant ainsi au mesme temps que les autres auoient trouffé bagage. Ces nouuelles furent bien-tost portées au camp des Turcs; lesquels voulurent voir ce secours en face, & tascher de le mettre en route, esperans apres peut-estre, auoir les assiegez plus aysément, qui n'auoient, ce leur sembloit, tenu ferme, que sur l'esperance d'iceluy. Pour ce faire Piali alla faire aiguade à la Cale saint Paul, lieu en cette Isle où l'on dit que saint Paul fut gardé quelques iours lors qu'on le conduisoit prisonnier à Rome, & Mustapha partit l'onzieme de Septembre avec seize mille Turcs, & s'aduança dans l'Isle: mais ayant fait reconnoître l'armée Chrestienne par cinq cens hommes qu'il auoit enuoyez deuant, & ceux-cy ayans presque esté tous taillez en pieces: cela intimida tellement les autres qu'ils se retirerent plustost en desordre qu'autrement, si bien qu'il y en eut plusieurs de massacrez & d'autres noyez, qui se retiroient dans les galeres, qui à Marfa-Muschiet, & les autres à la Cale saint Paul; toutesfois tout leur bagage & attirail fut chargé dans leurs vaisseaux sans grande perte, le Roy d'Alger s'en retournant chez luy, Vecchiali Calabrois à Tripoli, qui estoit son gouuernement apres la mort de Dragut, & les autres Bassas prirent le chemin de Leuant.

On tient que Dom Garcia faillit alors vne tres-belle occasion. Car ayant refourny ses galeres de nouuelle infanterie, estant venu à Saragosse, il vid passer cette armée Turquesque qui se retiroit serrée, & la laissa aller sans la suiure, il s'excusoit sur ce qu'il n'auoit pas assez de gens de guerre pour la combattre, & pour ce vint à Malte reprendre ses Espagnols, & ayant mis en poinct cinquante galeres des meilleures qu'il eust, il dressa son cours à la route de l'armée Turquesque, esperant qu'elle se separeroit, & qu'il en pourroit enleuer quelque butin, mais il ne trouua rien, & s'en retourna à Mesline; ayant toutesfois veu passer, selon l'histoire de Malte, neuf galeres & trois vaisseaux qu'il pouuoit prendre,

mais

mais ne s'estant voulu declarer pour si peu, esperant d'auoir le grös de l'armée, le temps se changea & ne print rien. Ce Vice-Roy fut depuis disgracié & priué de toutes ses charges & estats, comme ayant trop d'arrogance, de maligne negligence, & de mespris des bonnes occasions, ainsi en parle l'histoire d'Espagne, à cause encore d'auoir retenu la somme de trois cens mille escus qui luy auoient esté enuoyez d'Espagne pour le besoin de la guerre de Malte, & à la verité si cette Isle se fust perduë, comme elle en fut souuent à deux doigts pres, il en eust esté la seule cause, n'y ayant arriué le secours à temps qu'on luy auoit commandé; que si elle n'eust trouué en elle des courages sans crainte d'aucun peril, & de la valeur qui surpassoit bien souuent les forces d'un homme foible & debile, attenué de veilles comme estoit le grand-Maistre, l'Isle fust demeurée alors assubiettie à la domination des Turcs; lesquels y laisserent plus de quinze mille des leur, d'autres disent iusques à trente y comprenans les mariniers; & des assiegez plus de deux mille deux cens, que Cheualiers, freres seruans & soldats François, Italiens & Espagnols, le pauvre pays insulaire tout destruit & ruiné, les champs desolez, les villages & casals mis par terre, les habitans meurtris, & tout tellement confus, qu'il sembloit que cette campagne n'eust iamais esté cultiuée; & de fait les Cheualiers qui apprehendoient le retour des Turcs, mirent vne fois en deliberation de quitter l'Isle sans s'opiniastres à vouloir redresser & retenir les ruines si déplorables d'icelle; car excepté le chasteau saint-Ange & la vieille cité, tout le reste estoit reduit en poudre, mais ils furent secourus par le Pape, le Duc de Florence & autres Princes & Estats d'Italie, principalement par le Roy D. Philippes, lequel entre autres prouisions ordonna trois mille pionniers qu'il fit leuer par la Sicile, la Calabre & terres de Naples, pour remettre sur les forts ruinez, & aussi pour donner commencement à la cité neuue des long-temps proiettée, que l'on commença à tracer sur cette estenduë de terre, à la pointe de laquelle auoit esté le fort saint-Elme, & qui separe le port Marsa-Muschiet; d'auccques celuy des galeres de la Religion. A cette nouvelle ville fut imposé le nom de Valette, pour memoire à la posterité de la valeur de ce genereux & magnanime grand-Maistre, qui l'auoit si courageusement deffenduë.

Les Bassas cependant arriuerent à Galipoli, d'où ils escriuirent à leur Seigneur tout le succez de ce siege, & la perte des hommes qu'il y auoit faite, Solyman apres auoir leu ces lettres, les ietta contre terre & dit tout haut, que son espée n'auoit point de bon-heur en autre main qu'en la sienne, & disoit vray; car aux entreprises les plus notables, s'il n'y a esté en personne, elles ont assez mal reüssi. Il voulut neantmoins que les Bassas entraissent en pompe & en triomphe à Constantinople, au son des tambours & des trompettes, enseignes déployées, & auccques les saluës & autres honneurs accoustumez sans aucun signe de perte, laquelle le Muphty rapportoit auccques celle qui estoit arriuée à Agria, & le feu que nous auons dit cy-deuant estre arriué à Constantinople, à la desobeysance des Turcs à leurs chefs, & à leurs débordemens, specialement en ce qu'ils beuuoient du vin, & rendit ce crime si execrable enuers Solyman, qu'il fit faire des deffences tres-expresses, & sur des peines tres-rigoureuses qu'aucun ne beust du vin, faisant, dit l'histoire de Malte, arracher les vignes & respendre les tonneaux en plusieurs lieux, tant est puissante & dangereuse la superstition, principalement quand elle est en son thrône, commandant encores qu'on abbatist les Eglises des Chrestiens & les Synagogues des Iuifs, mais il fit grace à plusieurs moyennant vne grosse somme de deniers qu'il en tiroit, faisant publier que c'estoit pour employer à vne autre armée qu'il vouloit enuoyer contre Malte, couurant ainsi son auarice avec un pretexte de Religion.

Or cette perte n'auoit pas peu touché Solyman, si bien que s'en voulant vanger contre les Latins, il resolut de s'emparer de l'Isle de Scio ou Chios, qui luy estoit tributaire sous vne forme de commandement Aristocratique des principales familles, tant de l'Isle que de celles de Genes; lesquelles il osta de là les transportant ailleurs, n'y laissant que le menu peuple; disant qu'ils ne luy auoient pas payé le tribut dans le temps qu'ils deuoient, & qu'ils seruoient d'espies aux Princes Chrestiens, & leur ville de retraite aux esclauës fugitifs; reduisant le peuple presque à pareille condition que ceux qui viuent sous la domination, les officiers s'y comportans si rigoureusement que sans les bons offices de l'Ambassadeur du Roy tres-Chrestien, & la grande sollicitation de celuy de la Seigneurie de Venise, les Chrestiens Latins, & peut-estre tous les autres, eussent eu beaucoup à souffrir, par le vouloir expres ou conuenance de ce Prince, la fureur duquel ceux-cy appaisèrent en beaucoup de choses.

Quant aux affaires de la Hongrie & Transiluanie elles estoient en telestat. Depuis

1565.
& 66.

Il fut apres
disgracié.

Et pourquoy

Nombre des
morts de part
& d'autre en
ce siege.

Les Cheua-
liers propo-
sent s'ils doi-
uent quitter
Malte.

Secours du
Roy d'Espa-
gne pour re-
faire les forts
de Malte.

Les Bassas
trionphent à
Constantino-
ple encores
qu'ils ayent
perdu.

Pensées du
Muphty sur la
cause de cette
perte.

Prise de l'Isle
de Chio.

Bons offices
de l'Ambassa-
deur de Fran-
ce enuers les
habitans de
Chio.

LIV.

KKk

1566. que l'esperance de la paix fut rompuë, par le mauuais conseil qu'eut lors l'Empereur Maximilian, comme vous auez entendu, le gouuerneur de Themiswar, avecques les autres Turcs des garnisons circonuoiſines, firent de grands maux en la Sclauonie & en Hongrie vers Iule. Ce Sanjac auoit avecques soy six mille hommes de guerre, deux grosses pieces d'artillerie, & huit fauconneaux, si qu'avecques les autres qui se ioignirent à luy, il fit vn grand rauage par tout le pays, prenant le chasteau de Pancor, & se faisant maistre des deux autres, à ſçauoir Seue & Donce, ſituez pres de Iule, voulant faciliter le ſiege qu'ils eſperoient faire de cette ville, deſtrent auſſi la garnison de Zighet, en l'abſence du Comte de Serin; de là ils vinrent au fort d'Erdeu, proche de la ville de Sachmar (que tenoit pour lors Schuendy Lieutenant general pour Maximilian) deuant lequel ils mirent le ſiege qui dura plus d'un mois, mais enfin il ſe rendit par compoſition; de là ils continuerent leurs courſes vers Neuſtat, laquelle ils prirent, depuis priſe & reprise pluſieurs fois: toutes ces choſes ne ſe paſſoient pas ſans pluſieurs rencontres, où les Turcs eurent quelques fois l'aduantage, & d'autres fois les Chreſtiens demurerent victorieux. Au bout de quelque temps le Capitaine d'Ainathſchen eſtant allé pour quelques ſiennes affaires en la ville d'Agria, & ayant pris pour luy ſeruir d'eſcorte les meilleurs ſoldats de la garnison, les Turcs voiſins de là, en ayans eſté aduertis, le lendemain qui eſtoit le iour de ſainct George, arriuerent dès l'aube du iour avecques des eſcheles ſur la muraille, & entrans par force en cette forterreſſe, tuerent tout ce qu'ils trouuerent dedans: ils en voulurent faire autant à Zighet, mais le Comte ſ'en eſtant reuenu de Vienne, il vint aux mains avec eux, deſquels il ſe fit vn tel abbatis, qu'il demeura deux chartées de teſtes de Turcs, qui furent portées à Zighet.

Le Bailla de Bude ne fut pas plus heureux; lequel ſ'eſtant mis aux champs avecques huit mille hommes de pied & vingt-cinq pieces d'artillerie, alla mettre le ſiege deuant Palotte ſituée pres d'Albe-Royale, à huit lieues de Iauarin, où il ſe fit vne batterie ſi furieufe par l'eſpace de huit iours, que toutes les murailles furent fectées par terre, demeurans les aſſiegez en vn extreme peril. Mais eſtant arriué douze enſeignes de gens de pied à Iauarin, ſous la conduite du Colonel Georges Helfenſtain; cettuy-cy fit partir dès le lendemain de ſon arriuée, quatre-vingts dix chariots avecques neuf cens hommes de pied, pour entrer dans cette place & la ſecourir: mais les coureurs de l'armée ayans decouuert de loin ce bataillon, lequel à cauſe des chariots tenoit beaucoup de place, en iugeans le nombre beaucoup plus grand qu'il n'eſtoit, ils en vinrent faire leur rapport au Bailla, non ſelon la verité, mais ſelon que la crainte & la frayeur leur auoit imprimé dans l'eſprit, luy-meſme prenant l'épouuente, fit retirer les gens craignant de perdre ſon canon: il y en laiſſa toutesfois vne piece brisée & caſſée, avecques quarante caques de poudre & quarante ſacs de farine, y laiſſant encores grand nombre de tentes & bagage, le tout fut porté dans la ville, en laquelle ils auoient fait des breſches ſi larges, qu'à grand' peine la portée de l'harquebuſe euſt atteint d'un bord à l'autre. Mais ce ne fut pas la ſeule faute du Bailla: car ayant encor degarny Veſprimin, ville grande & non guere forte à deux lieues de Palotte, au lieu de garnir cette place, il ſ'en alla vers Albe-Royale, où il ſe campa; & cependant le Comte Salm qui eſtoit dans Iauarin, eſtant venu à Palotte, & pris avecques ce qu'il auoit de gens, bon nombre du ſecours qui venoit d'y entrer, fit avecques ſa caualerie vn grand degalt par tous les environs. Or comme les Turcs qui eſtoient dans la ville, ſe vouloient mettre en deſſenſe, & déplacer deux canons pour les braquer en lieu plus comode, vn pan de muraille tomba par terre: le Comte ayant pris cela pour bon augure, comme ſi DIEU luy euſt ouuert le paſſage, fit diligenter ſes gens, & ayant remis l'aſſaut au lendemain, auſſi-toſt que l'aube du iour apparut, il fit aſſaillir la ville de toutes parts, faiſant mettre le feu aux portes, par le moyen deſquelles en repouſſant l'ennemy, on ietta le feu ſur les toits des maiſons, qui pour la plus part ne ſont que de bois, à la mode commune du pays, les vns entrans par la breſche, & les autres ſe iettans en bas hardiment du haut des eſcheles, forcerent leurs ennemis en mettans la plus part en pieces, ſe retirans bon nombre d'entr'eux au chasteau, mais cela ne les garantit pas plus que les autres: car voulans parlementer ils furent forcez & mis en pieces: la forterreſſe de Tatta ſuiuit cette-cy de fort pres, il eſt vray que les Turcs qui eſtoient dedans, ſe deſſendirent courageuſement, mais enfin forcez par les Chreſtiens, ils ſe rendirent à quelque compoſition, ce qui fut cauſe que ceux des chasteaux de Gneſtez, Vithain, Ilcholchin & autres, furent abandonnez de leurs garnisons, qui ſe retirerent à Strigonic.

SOLYMAN aduertty de toutes ces choſes, & l'experience luy ayant appris que le bonheur

heur de ses armées dépendoit de la seule personne, ny ses enseignes, ny ses auspices n'estans pas suffisantes pour donner quelque aduantage aux siens; tout vieil & cassé qu'il estoit, se resolut de faire encores vn voyage en Hongrie, & d'y mener la plus grande armée qu'il eust encores conduite auparauant. Pour ce faire il manda au Beglierbey de la Natolie qu'il assembloit les forces de sa Prouince, & qu'il le vint trouuer à Bude: & quant à luy, ayant enuoyé deuant le Bassa Pertan avecques plusieurs Sanjacs, & grand nombre d'hommes pour luy preparer le chemin, selon la façon de faire des Seigneurs Othomans, il partit de Constantinople le vingt-deuxiesme d'Auril, avecques soixante & dix-mille personnes, & vint par la Mysie en la Bulgarie: & comme il approchoit de Bude, le Roy de Transiluanie le vint trouuer avecques cinquante coches, cinq cens cheuaux bien armez, & trois cens harquebusiers à cheual, portant avecques soy de beaux & riches presents. Ce fut là où Solyman apprint les nouuelles de la perte de Vesprimin & de Tatta, & que le siege auoit esté leué de deuant Palotte: de quoy extremement irrité, il en vomist la cholere sur le Bassa de Bude, le faisant estrangler en sa presence, pour auoir leué le siege de deuant Palotte & dégarni Vesprimin, & apres ne luy auoir enuoyé du secours en diligence. Puis ayant passé le fleuue de la Tisse & celui du Danube, il fit en grande diligence dresser vn pont sur le Draue aupres de Zighet pour le passage de son armée, moyennant le labeur de vingt-cinq mille hommes qu'il auoit enuoyez deuant. Mais comme ils furent arriuez sur le lieu, Assam-beg qu'il leur auoit donné pour Capitaine, voyant le fleuue du Draue débordé, il enuoya vn messager à son Seigneur, pour luy donner aduis qu'il estoit impossible de faire là vn pont, ayant fait tous ses efforts iusques alors. A cela l'Empereur Othoman luy renuoya le mesme messager, auquel il fit bailler vne sorte de linge ou seruiette à leur mode, sur laquelle estoient escrits ces mots: *Sultan Solyman se mande par ce luy-là mesme que tu luy as enuoyé, qu'en quelque lieu, & en quelque maniere que ce soit, tu faces vn pont sur le Draue, que s'il n'est acheué auparauant son arriuee, il se fera pèdre & estrangler au bout du pont avecques ce linge.* Cela fit faire telle diligence à Assam-beg, que ce pont fut dressé en seize iours, long de cinq mille cinq cens brasses, & large de quatorze, & pour la fabrication d'iceluy on vsa d'vne infinité de barques liées avecques des chaines de fer, au lieu de pilottis, desquels on ne se pouuoit seruir, pour raison de la profondeur du fleuue.

Q V A N T à Zighet: c'est vne ville située en Hongrie sur les confins de Croatie, entre Grefgal & Bezenche, non loin de la cité de cinq-Eglises, au milieu des eaux & marests qui l'environnent pour les trois parts, par l'espace de plus d'vn mille, & du costé de terre-ferme elle n'a qu'vne aduenue, laquelle estoit deffenduë de deux gros bouleuerds faits de terre & de bois bien liez & cheuillez ensemble: elle estoit composée de deux bourgs reduits en forme d'vne bonne forteresse, avecques vn chasteau clos de quatre courtines en quarré, entre l'vn & l'autre il y auoit de bons fosses profonds pleins d'eau courante. En cette place commandoit pour lors Nicolas Esdrin Comte de Serin qui auoit l'office de Bairambt, c'est à dire Seneschal ou Baillif, és Prouinces de Croatie, Dalmatie & Sclauonie, & outre ce estoit Mandschencken de Hongrie: c'est à dire grand bouteillier, & Capitaine general pour l'Empereur és enuiron du Danube: il estoit Hôgrois de nation, & auoit en cette place douze cens hommes pour la deffence d'icelle, dans laquelle il y auoit toutes sortes de munitions, tant pour la guerre que pour la vie. Le Beglierbey de Romely fut le premier qui arriua deuant cette place avecques quatre-vingts dix mille Turcs, & se vint camper le trentiesme de Iuillet à saint Laurens, qui est à vn mille de Zighet. Celuy de la Natolie se ioinit à certuy-cy le cinquiesme d'Aoust, avecques enuiron cent mille hommes, & le cinquiesme iour suiuant, Solyman y arriua avecques tous ses Ianissaires, Spachis & autres Gardes-du-corps, puis ayans déchargé leur artillerie, ils voulurent trauailler à faire leurs approches, mais ils s'y trouuerent assez empeschez: car du costé de la terre, ie veux dire par l'aduenue que la disposition du lieu laissoit libre pour y entrer, ils voyoient que ce siege tireroit en grande longueur, la place estant si bien flanquée, & comme il y auoit apparence, si bien munie d'hommes & autres choses necessaires, que mal-aisément pourroient-ils en auoir la raison deuant l'hyuer; & des autres costez la grande estenduë des marests leur ostoit toute esperance d'y pouuoir aborder. Le chasteau de cette place estoit aucunemēt separé de la ville, & cōme planté au milieu du lac, qui estoit encores recouuert par les marests qui l'environnoient, vn petit pont y acheminoit, comme aussi faisoient les deux faux-bourgs, dont l'vn estoit bien plus grand que l'autre, & tous deux se suiuaient en queue, le plus petit le premier enuironné d'vn grand & large fosse de l'eau du lac, & deffendu par deux puissans bastions; par le plus grand on entroit en la ville moyennant vn as-

1586.

Expeditiō de
Solyman en
Hongrie.

Le Transsil-
uain au de-
uant de luy.

Le Bassa de
Bude estran-
glé, & pour-
quoy.

Solyman fait
faire vn pont
sur le Draue.

Grande dili-
gence des
Turcs à la fa-
brication de
ce pont.

Situation de
Zighet.

Le Comte de
Serin dans
cette place.

Siege de Zi-
ghet.

Force de
Zighet.

1566.

Industrie des
Turcs pour
assiéger cette
place.Les Turcs y
font plusieurs
brefches.Grande refi-
tace de ceux
de dedans, &
grand massacre
des Turcs.Assaut gene-
ral à Zighet.Jour heureux
à Solyman.Lequel fait
faire de gran-
des offes au
Comte de Se-
rin.Mort de So-
lyman.

LV.

sez long pont qui y conduisoit, ce dernier encores tres-bien flanqué de toutes parts, & si neantmoins ces deux faux-bourgs gagnez, ce n'estoit rien fait: car il restoit encores la ville & le chasteau.

LES Turcs doncques voyans qu'il leur estoit impossible d'auoir raison de cette place que par les marests, ils firent faire plusieurs clayes avecques des gabions & cophins qu'ils emplissoient de terre, si qu'ils se dressèrent vn chemin si large qu'ils y pouuoient conduire l'artillerie, laquelle ayans mise à couuert, ils commencerent d'attaquer ceux de dedans, qui deffendoient encores les chaussées qui estoient au deuant de la porte: de sorte que les Janissaires vinrent aux mains avecques eux; mais l'artillerie ny le cimenterre ne leur donnerent aucun aduantage sur les Chrestiens, au contraire plusieurs d'entr'eux y demeurèrent, & des autres à peine vn seul. Le mesme iour le Comte de Serin fit abbatre toutes les chaussées, couper ou brûler tous les arbres & iardinages qui pouuoient estre aux enuiron de la place. Les Turcs cependant firent en sorte que par le moyen des fossez & des leuées qu'ils firent, ils se mirent à couuert de l'artillerie de ceux de la cité neufue, laquelle ils attaquèrent par trois endroits avecques vne si furieuse batterie, que par le moyen des hauts terre-pleins qu'auoit dressez Mahomet Baisa, qui auoit la surintendance de cette armée, ils firent plusieurs bresches en peu de iours, & liuerent huit assauts fort furieux, & le vingt-neufiesme iour d'Aoust ils en donnerent vn general qui dura vingt-quatre heures sans relasche, les Turcs enuoyans tousiours gens frais pour continuer le combat: mais le Comte de Serin & ceux de dedans firent vn tel deuoir, qu'il les repoussèrent avecques vne fort grande boucherie, si bien que la puanteur des corps morts estoit si grande, que Solyman fut contraint de se retirer à quatre lieues loin. Or encores que les assiegez eussent tousiours eu l'aduantage, leur nombre ne laissoit pas de diminuer beaucoup: si que le Comte de Serin ne se voyant pas vn nombre suffisant de gens de guerre, pour deffendre tant de places, & soustenir l'effort de ses ennemis, il resolut de faire mettre le feu en la cité neufue, & deffendre seulement les deux autres forts.

CETTE retraite donna encores plus d'assurance aux Turcs, estimans que les autres le fissent par lascheté, si qu'ils resolurent de donner encores vn assaut general le iour de la Decolation saint Iean Baptiste, iour heureux entre tous à Solyman, pour y auoir gagné cette memorable bataille de Mohacs contre le Roy Louys de Hongrie, conquis à pareil iour l'isle de Rhodes & la ville de Bude, & deffait en bataille l'armée du Roy de Perse: mais toutes ces choses ne luy rendirent pas cettuy-cy plus fortuné: car encores que les Janissaires eussent marché à cét assaut avecques tant de fureur, qu'ils eussent surmonté toutes difficultez, & arboré leurs enseignes sur le rempart, neantmoins le courage & la valeur des assiegez fut telle, qu'ils furent contraints de se retirer avecques vne notable perte. Ce que voyant Solyman, & combien le nombre des siens diminueoit de iour en iour, & l'opiniastre resistance du Capitaine, il le fit sonder, & luy fit offre d'vn tres-bon party, mais l'argent ny la grandeur ne pouuoit pas ébranler la foy de celuy à qui la mort n'auoit sceu apporter aucun estonnement. Cela commença d'attrister le Monarque Orthoman, voyant que ce siege s'en alloit tirer en longueur, craignant encores peut-estre d'estre contraint de le leuer avec sa honte.

OR soit que la fatigue qu'il auoit receüe durant vn si long voyage en vn si grand aage que le sien, ou la melancholie plustost, de voir ses affaires reussir sur la fin de ses iours tout au rebours de ses desirs, cette vigueur d'esprit s'estant relaschée par la vieillesse, avecques laquelle en sa ieunesse & en son aage viril, il souloit enuifager le bon-heur & le mal-heur d'vn mesme œil, tant y-a qu'estant lors en vn lieu nommé Silchof, distant d'vn quart de mille de la ville, & proche des vignes de Zighet, il luy print vn grand flux de ventre, d'autres disent vn flux de sang, & d'autres vne apoplexie, qui l'enleua de ce monde le quatriemesme iour du mois de Septembre à vne heure apres midy, l'an de grace mil cinq cens soixante-six, & de l'Egire neuf cens septante trois, ayant vescu soixante six ans, & selon les autres septante six, & regné quarante six ans. Seant au saint Siege le Pape Pie, cinquiesme du nom: Maximilian en l'Empire: & en France Charles neuuesme du nom. Ceux qui aiment tousiours mieux s'enquerir du futur que de se seruir du present, auoient trouué, disoient-ils, que l'Empereur des Turcs deuoit mourir en cette guerre, si mesme il n'estoit entierement deffait; Or le premier arriva bien, mais non pas le second.

CETTE mort apporta toutesfois fort peu d'utilité aux affaires, des Chrestiens; car Mahomet qui auoit, comme nous auons dit, la surintendance de l'armée, scauoit assez quel grand trouble il arriuerait en toute l'armée, combien encores tout iroit en confusion

confusion & à la débandade, en danger mesme que non seulement les assiegez, qui estoient en trop petit nombre pour leur faire peur, mais plustost l'Empereur Maximilian, qui avecques son armée pouuoit venir donner sur ce debris, & leur faire au moins beaucoup de mal, s'il ne les eust du tout mis en route. De fait cela pouuoit arriuer, si l'Empereur eust voulu adiouster foy à ce qu'on luy en rapportoit, vn Turc entre autres qui auoit esté pris, lequel asseura par sa teste, que Solyman estoit mort, & en donnoit des indices assez suffisans pour y adiouster foy. Ce qu'on ne crut pas toutesfois de plus de sept semaines apres : & fallut que l'Ambassadeur de Venise en donnast particulièrement aduis. Mahomet doncques considerant ces choses, & voyant Zighet entre les mains des Chrestiens, pensa que le plus seur estoit de celer ceste mort : Pour ce faire il fit mourir secrettement le Medecin qui l'auoit pansé, & quelques autres qui le scauoient asseurement, & desquels il se deffioit, faisant faire le seruice des viandes à l'ordinaire, sonner des trompettes & autres instrumens de Musique, comme s'il eust esté viuant. Puis ayant donné si bon ordre pour ce qui regardoit le seruice de la personne de son Seigneur, qu'aucun n'eust entré en doute d'un tel euenement : il aduertist aussi-tost Selim par vn des siens auquel il auoit grande confiance, qu'il se hastast de venir, toutes choses estans en vn merueilleux peril ; si la promptitude de son arriuee n'y apportoit quelque remede : que le temps pourroit decouurir ce qu'il auoit iusques alors heureusement tenu secret : apres cela il sortit en public, mais les larmes aux yeux & fort triste, comme il en auoit grand sujet, ayant perdu son bon maistre, & veule changement d'estat, ne scachant pas ce qui luy deuoit arriuer : mais comme les plus apparens de l'armée, tant Beglierbeys, Sanjacs, qu'autres Capitaines luy eussent demandé la cause de sa tristesse, il dist qu'il estoit content de la leur declarer en public.

Prudent & sage aduis de Mahomet Balla.

Il mande à Selim les nouvelles de ceste mort.

LA dessus ayant conuoqué l'assemblée, il leur declara que le Prince ennuyé de la longueur du siege d'une si petite place, & qu'une si puissante armée que la sienne fust iournellement battuë par vne poignée de gens, luy auoit iuré que s'il ne prenoit Zighet dans peu de iours, il s'asseuraist qu'il luy feroit finir cruellement ses iours, & non seulement à luy, mais encores à tous les Capitaines & à la meilleure partie des soldats : & à la verité, disoit-il, le Seigneur a vn grand sujet de mécontentement, de dire que luy ait voulu prendre la peine en vne vieillesse si caduque, de nous seruir de conducteur, qu'il n'ait point encores fait passer en Hongrie vne si puissante armée que celle qu'il auoit à present : (car on dit qu'il auoit bien trois cens mille hommes, & les autres disent encores iusques à six cens mille, quand il entra dans la Hongrie,) & que neantmoins luy qui s'en est tousiours retourné vainqueur & triomphant, qu'il faille qu'en son vieil aage il recoiue ce déplaisir de leuer le siege de deuant vne si petite ville, & que cinq ou six cens hommes qui sont encores dans ceste place, le fassent reculer, luy qui a forcé les plus puissantes forteresses de la Chrestienté : voila la source de mes larmes, fondées non tant sur la crainte que ie doie auoir de perdre la vie, que de vous voir tous en sa disgrâce, en danger encore de pis, si nous ne nous efforçons de le contenter, & par quelque acte signalé de vaillance, faire perdre cette opiniaistre presumption des assiegez, le remenant victorieux & triomphant dans son Serrail.

Sa ruse pour animer les soldats à la prise de Zighet.

Merueilleuse armée des Turcs en Hongrie.

CET artifice seruit beaucoup, & encouragea tellement les soldats, qu'eux-mesmes confessans d'auoir le tort, le prierent de les mener dès le lendemain à l'assaut, où ils esperoient de faire telle preuue de leur valeur, qu'ils mourroient tous sur la bresche, ou qu'ils s'en rendroient les maistres : mais ils ne tinrent pas leur parole : car les assiegez les soustinrent si viuement, que force leur fut de reculer avec grand meurtre. Et y auoit quelque apparence que le siege s'en alloit leuer, & les Turcs contraints de laisser Zighet aux Chrestiens, si le lendemain ils ne fussent encores venus sur la bresche, où comme les vns faisoient merueille de se bien deffendre & les autres d'assaillir, vn coup de canon (on ne sçait comment) mit le feu à vne tour du chasteau, où estoit la munition des poudres, & de là au reste des edifices, de sorte que le dedans & le dehors se consummoit, sans qu'on y peust donner aucun remede, chacun estant assez empesché ailleurs. Ce que voyant le Comte de Serin, il vint incontinent aux siens qu'il voyoit pleins de pleurs, leur disant, que les larmes & les plaintes estoient pour les femmes, & l'espée & les playes pour les soldats, encore que l'estat auquel ils estoient, fust de soy-mesme assez deplorable, mais puis qu'il ne se pouuoit amender par toutes leurs doleances, que leur seule esperance estoit en DIEU & en leurs dextres, qu'il s'asseuroit de deliurer à ceste fois leur patrie, s'ils vouloient renouerler leurs courages, & faire vn dernier effort. Toute l'Europe est maintenant atten-

Autre assaut à Zighet, où les Turcs sont repoussez.

Le feu se met au chasteau, cause de la perte de Zighet.

1566. *Le Comte de Serin encourage ses soldats.* rive, mes amis, disoit-il, à voir le succez de nostre entreprise, & bien que les nostres ne nous ayent pas secourus au besoin & nous ayent laissez consommer dans cette place, toutesfois cela nous doit consoler, que si nous repoussons vn si puissant ennemy, nostre renommée en sera d'autant plus glorieuse à la posterité, qu'elle estoit moins esperée. Que si au contraire le grand DIEU des armées permet que nostre ennemy ait l'aduantage pour des raisons à nous inconnues, pensez qu'on ne nous a pas mis icy seulement pour vaincre, mais pour y souffrir aussi vne glorieuse mort: c'est là où la necessité a assis le terme de nos labeurs, à sçauoir de faire tous nos efforts, & de mépriser tous dangers pour obtenir la victoire, ou si ce n'est pas le plaisir du Tout-puissant, de perir plustost au combat qu'en la fuite: Souuenez-vous donc que vous allez combattre pour la Religion, pour l'honneur, pour la liberté, (que tout homme vraiment homme ne doit iamais perdre qu'avecques la vie,) & que vous portez en vos mains cette patrie qui vous a engendrez, eleuez & nourris. Ne la quittez donc pas sans vengeance, & ne vous laissez pas massacrer comme bestes, ou comme des hosties qu'on offriroit en sacrifice, mais faites en sorte que si au moins l'aduersaire est vainqueur, qu'il ait obtenu pour luy vne cruelle & déplorable victoire. A cela ils respondirent tous d'une voix qu'ils estoient prests de faire tout ce qu'il trouueroit bon, voire iusques à se precipiter à la mort avec leur Capitaine.

Action notable de la femme d'un soldat de Zighet.

EN ces entrefaites il aduint vn fait assez digne de remarque, qui fut tel, comme desia toutes choses estoient desesperées, & qu'un chacun des assiegez se preparoit au dernier combat, & en celuy où ils esperoient bien de mourir, vn de la garnison ayant vne fort belle femme, de noble extraction, estant touché d'amour, ou plustost de ialousie, estoit content de ne laisser à la mercy & danger d'autrui celle qu'il auoit vniquement ayinée, & ainsi s'estoit resolu de la tuer. Cette femme prudente s'en estant apperceuë vint humblement supplier son mari qu'il luy pardonnast, & que ce seroit vne trop grande méchanceté à vn mari, de souiller ses mains du sang d'une femme qu'il auoit chérie toute sa vie: je sçay, dit-elle, que ie t'ay iuré de ne t'abandonner iamais, meismes iusques au dernier soupir: c'est pourquoy ie veux estre compagne de ta mort, afin que cette mesme mort ne puisse rompre ce qu'un extreme amour a si estroitement conjoint. Ce qu'ayant dit, elle s'habilla d'un vestement de son mari, lequel luy ayant baillé des armes, elle se mit à costé de luy, & moururent par apres tous deux en combatant, la femme ne cedant point en courage à la valeur du mari.

Le Comte de Serin se fait fort braue, pour mourir au liét d'honneur.

CEPENDANT le Comte de Serin voyant le feu augmenter de plus en plus, se fit apporter par son valet de chambre ses accoustremens qu'il auoit accoustumé de vestir aux actions plus solempnelles, & vn bonnet de velours noir fort enrichy de broderie d'or, auquel il y auoit vne fort riche enseigne de diamants attachée, & par le mesme valet de chambre il commanda qu'on luy apportast deux cens escus, parmy lesquels comme il se fust trouué quelques Sultanins, il les reietta, disant ne vouloir auoir aucun commerce avec les Turcs, & ayant pris le reste il le serra, disant que cela seroit pour quelque Turc qui luy donneroit sepulture: apres on luy apporta les clefs du chasteau qu'il mit en son sein en disant, personne ne m'ostera iamais durant la vie, ces clefs que Cesar a mises en mes mains: & comme on luy eust voulu bailler sa cuirasse & le reste de ses armes, il dist qu'il n'en auoit que faire, & qu'il auoit seulement besoin d'une belle playe pour bien mourir, puis entre vn nombre d'épees ou coutelas, que les Croaces appellent Salb, qu'on luy auoit apportées, en ayant choisi vne fort pointue: Ce glaiue est, dit-il, des plus anciens que i'aye, & celuy avecques lequel ie me suis acquis toute la gloire, l'honneur & tout le bien que i'ay; il est donc bien raisonnable qu'avec luy ie voye ce que DIEU voudra faire de moy, & si ie ne trouue le peril, que ie rencontre la vie.

Ses derniers propos.

Grand nombre d'artillerie dans cette forteresse.

Fait vne fortie sur les Turcs.

TENANT ainsi cette espée à la main, il sortit de son logis, commandant qu'on apportast apres luy vn boucher, de là estant venu à la grande place qui estoit au dedans du chasteau, il fut incontinent enuironné de tous ses soldats, qui l'espée à la main attendoient avec grand desir leur Capitaine pour le suiure à ce dernier combat, lequel ayant fait au mesme temps charger iusques à la bouche enuiron cent pieces de canon, qui estoient encorés dans la forteresse, il les fit délascher & creuer pour en oster l'usage à ses ennemis, tout le reste des prouisions ayant presque esté consommé par le feu, puis ayant fait ouvrir les portes du chasteau interieur où il s'estoit retiré, où il y auoit vn petit pont qui conduisoit à l'autre, il fit délascher deux canons chargez de ferrailles contre les Turcs qui s'y aduançoient, qui en tuerent, dit-on, bien pres de cent de ce seul coup, puis il se ietta avec les siens au milieu de ses ennemis, faisant tant d'armes, qu'eux-mesmes estonnez de son

son grand courage, le prioient de se rendre : mais ces paroles ne le faisoient qu'animer au combat, iusques à ce qu'ayant receu vn grand coup de picque à l'estomac, & vn autre sur la teste, il tomba mort sur le pont. Alors de cette mort il ne restoit plus que cent dix soldats des douze cens que le Comte auoit au commencement du siege, lesquels voyans leur Capitaine par terre, perdirent cœur ; de sorte que la plus-part furent pris prisonniers, & le reste fut apres cruellement massacré, les Turcs entrans ainsi sans resistance & se rendans maistres de la place. On tient que trois mille personnes moururent de cét embrasement qui aduint au chasteau cette iournée-là, partie du feu, partie des ruines du lieu, qui tombaient sur eux de toutes parts. Sambuccus dit qu'il mourut en ce siege trente mille Turcs, d'autres disent dix-huit mille hommes de cheual & sept mille Ianissaires, non compris les pionniers & autres gens qui suiuent le camp, mais il y-a grande apparence qu'il fut fort grand, veu celuy des assiegez. Quant au corps du Comte de Serin, il fut pris par les Ianissaires qui luy couperent la teste, laquelle ayans fichée sur vn pal, ils la firent voir tout vn iour à toute l'armée : toutesfois le Bassa Mahomet l'enuoya depuis à celuy de Bude, lequel l'ayant fait enuclopper en vne piece de velours noir, la fit porter apres au Comte de Salm qui estoit son parent, auquel il manda par lettres, qu'ayant entendu que ce braue guerrier auoit si fidelement soustenu le party de son Empereur, il luy en auoit bien voulu enuoyer la teste, afin que ce fut vn commencement d'obligation de mutuelle amitié entr'eux, en ayant desia fait inhumer le corps fort honorablement : ainsi fut la ville de Zighet emportée d'assaut, apres auoir soustenu le siege trente-cinq iours, & résisté à leurs ennemis avec toute la valeur qui se peut desirer en de braues & genereux soldats, & y res-
pandans iusques à la derniere goutte de leur sang.

1566.

Sa mort.

Zighet pris
d'assaut par
les Turcs.Les Ianissaires
tranchent la
teste du Com-
te Serin, apres
sa mort.Enuoyé ho-
norablement
par le Bassa de
Bude, au Co-
te de Salm.

MAIS ceux de Iule ne firent pas de mesme : car Solyman dès son entrée en Hongrie, auoit enuoyé trente-cinq ou quarante mille hommes sous la conduite de Pertau Bassa, deuant la ville de Iule, afin d'empescher l'armée de l'Empereur Maximilian d'y venir donner secours. Cette ville estoit tres-forte, toute enuironnée de riuieres, & la derniere que possedast l'Empereur en Hongrie deuers la Transiluanie : qui estoit tenue pour inexpugnable, & qui ne pouuoit alors venir en la puissance des Turcs, si elle eust eu dedans vn chef qui eust esgalé le Comte de Serin en valeur & fidelité ; mais ayant esté assiegée quelques iours, & l'artillerie des Turcs y ayant apporté plus d'épouuente que de mal, Ladislas Chiresken qui commandoit dedans, soit qu'il eust quelque des fiance de ne la pouuoir deffendre contre les forces des Turcs, ou plustost pour les grandes promesses que luy fit le Bassa Pertau, il se rendit à luy, à telle condition qu'il se pourroit retirer armes & bagues sauues, avecques ostages pour asseurance de la capitulation, lesquelles l'accompagneroient & les siens, iusques en lieu de seureté, & que l'artillerie Turquesque seroit déplacée & rangée en tel lieu qu'on ne pourroit l'offencer. Ce Capitaine estant sorty à telles conditions, on le mena aussi-tost au Bassa, tandis que les siens s'acheminoient : mais comme ils furent éloignés enuiron de mille pas de la ville, ils se trouuerent aussi-tost enuironnez d'vne grande multitude de Turcs, qui commencerent incontinent à les charger. Ce que voyans ces pauures fugitifs, ils se rangerent entre leurs chariots, & se deffendirent pour vn temps fort vaillamment, mais en fin ne pouuans pas continuellement résister à vne si grande multitude, ils cederent à leurs ennemis qui les taillerent tous en pieces, exceptés quelques-vns qui se sauuerent, entr'autres Bernard Rotenan Capitaine Alemand : quant au Capitaine, quelques-vns ont escrit qu'il fut payé de sa lascheté & de son auarice par les Turcs mesmes, qui le mirent dedans vn tonneau tout plein de clous pointus, & le firent ainsi perir miserablement : toutesfois on dit que le Capitaine ne fit pas cette reddition-là de sa teste, mais avec le consentement de tous les soldats de la garnison, qui esperoient auoir part au butin, mais au lieu de ce qu'ils auoient esperé, ils receurent le chastiment qu'ils auoient mérité. Ces deux places ayans esté ainsi prises par les Turcs, sans que l'armée de l'Empereur, qu'on tient auoir esté alors de quarante à cinquante mille hommes, non compris plusieurs volontaires qui suiuiuent son camp, se soit mis en deuoir de donner secours à l'vne ou à l'autre de ces deux places. Lazare Schuendymit en route dix mille Turcs, desquels toutesfois on ne fit pas vn fort grand meurtre : car ils gagnerent le deuant. Il y eut encores quelques autres rencontres où les Chrestiens eurent l'aduantage, mais cela n'empescha point toutesfois les Turcs de courir le pays : car ils pillerent, brûlerent & gasterent tout iusques à Sabar, qui n'estoit qu'à deux lieux du camp Imperial.

Iule assiegée
par les Turcs.Renduë fort
laschement.Perfidie des
Turcs enuers
ceux qui sor-
tirent de cette
place.Le Capitaine
payé cruelle-
ment de sa
lascheté.Coufes &
sauages des
Turcs.

TOUTES ces choses se faisoient sous la conduite d'vn corps mort : car Mahomet Bassa en attendant l'arriuée de Selim, auquel il auoit mandé la mort de son pere, auoit,

668 Hist. des Turcs Soly. II. Liure quatorziesme.

1566.

Mahomet
Bassa continue
toujours les
artifices &
son dextre-
ment.

Thresor que
Solyman fai-
soit porter
quant & luy.

Grands ora-
ges à la mort
de Solyman.

Le Danube
deient trou-
ble d'une fa-
çon toute
estrange.

Lolanges &
perfections de
Solyman.

comme nous auons dit, donné vn tel ordre que chacun croyoit Solyman en vie : car estant party de Zighet, tout le long du chemin iusques à Belgrade, ce corps mort estoit porté dans vn coche tout couuert, ce qui n'apportoit aucun mauuais soupçon, dautant qu'en ce vieil aage Solyman estant sujet aux gouttes, auoit accoustumé de se faire porter en cette façon. Et de fait si le Bassa n'en eust vû ainsi, tout fut tombé en grand desordre en cette armée, selon ce qu'il arriue ordinairement à la mort des Seigneurs Othomans, & principalement à cause de son thresor qu'il auoit charié quant & luy, selon leur coustume quand ils vont à quelque expedition bien éloignée, de peur qu'en leur absence cela ne serue de pretexte aux seditions ; car on tient qu'il auoit lors quatre mille liures pesant d'or pur, sans l'argent & autres choses pretieuses. Deuant leur partement de Zighet, & presque à l'instant de la mort de Solyman, il survint vn tel orage & vne telle tempeste de vent, qu'il iettra par terre les pauillons de l'Empereur, les attachant comme s'il les eust voulu emporter quant & soy : ce qu'il fit encores en plusieurs autres endroits de cette armée, particulièrement à Sokolouitsch, qui estoit le quartier de Mahomet Bassa, d'où il enleua tout le foin & la paille qu'il y trouua. Au mesme temps il arriua vn accident aussi estrange : car le Danube inferieur proche de Talux, deuint tout trouble, & son sablon tout fangeux trois iours durant : de sorte que les Turcs & ceux de cette ville racontent qu'il estoit impossible de s'en seruir, ny à cuire, ny à boire, ny mesmes à se lauer : comme si la terre estant desia assez troublée par la guerre, & le feu ayant brûlé les champs & les villes, l'air & l'eau deussent encores mettre sans dessus dessous toutes choses à la mort de ce Prince, de qui les premieres conquestes ayans esté en Hongrie en la fleur de sa ieunesse par la prise de Belgrade, finirent en son extreme vieillesse en la mesme Pouince avec la prise de Iule & de Zighet, son bon-heur l'ayant accompagné iusques à la fin de ses iours.

Ce fut le plus grand, à qui le vouldra bien considerer de pres, de tous les Princes Othomans : car ses conquestes se sont estendues presque en toutes les parties de l'vniuers, contre de tres-puissantes & belliqueuses nations, contre qui ses predecesseurs n'auoient iamais remporté que du desauantage. Tousiours en vn continuel travail, & comme il s'est peu voir par cette histoire, qui n'a point passé vne seule année en l'espace de quarante six ans de son regne, qu'il n'ayt fait quelque chose de remarque : aussi ne donnoit-il guerres de repos à ses soldats : car il les exerceoit continuellement ; il estoit fort entendu au maniment des grandes affaires, & comme il auoit beaucoup d'ambition, aussi auoit-il l'esprit pour entreprendre, le iugement pour se bien conduire, & le bon-heur pour executer : fort affectionné au demeurant à sa Religion, & qui moralement estoit doué de beaucoup de vertus, telles qu'un homme les peut auoir sans la grace, s'abstenant des débauches ordinaires de ses deuanciers, soit pour la bouche, soit pour les femmes : Prince qui gardoit sa parole, & qui souloit dire à ceux qui la faussioient, (ce qui est assez ordinaire parmy cette nation) que ce n'estoit pas le moyen de gagner le cœur des nations estrangeres que de fausser sa parole, quand elle a esté vne fois donnée : au demeurant qui chastioit les crimes sans esperance d'aucune faueur, & recompensoit liberalement les plus vertueuses actions, ce qui luy acquit l'amour de tous ses sujets, & vne grande fidelité en ceux qui eurent charges sous luy. Il estoit adonné aux lettres, & principalement aux Mathematiques, & à la lecture de l'histoire, affable & courtois, si qu'on tient qu'à son exemple les Turcs se sont fort civilisez durant son temps : car voyans que leur Prince aimoit les estrangers, ils se rendirent plus courtois qu'ils n'auoient fait auparauant : en somme il fut vn grand & heroïque Prince, autant ou plus qu'aucun autre de son temps, & des plus accomplis, soit aux affaires de la guerre ou de la police. En luy s'estoient comme ramassées toutes les vertus des autres Empeteurs Turcs ses deuanciers, comme il semble aussi que par luy soit finy ce grand heur qui sembloit auoir iusqu'alors accompagné leurs entreprises & leurs conquestes : car encores qu'ils ayent conquis quelques places, & a esté si loin à loin & avecques tant de temps, que veu leur puissance, cela ne peut pas égaler les actions de cettuy-cy, qui sont encores plus remarquables, en ce qu'en l'espace de quarante-six ans qu'il gouerna l'Empire, il fut heureux en la plus-part de ses entreprises, les pertes qu'il a faites, luy estans aduenues presque toutes par ses Lieutenans : mais tant y-a qu'il ne s'est passé année qu'il n'ait fait par luy-mesme ou par les siens, quelque notable conqueste ou quelque memorable action.

CONSIDERATIONS



CONSIDERATIONS SVR LES ACTIONS PLUS SIGNALEES DE SOLYMAN second du nom, contenuës en ce quatorzième Liure de l'Histoire des Turcs, par lesquelles la Iustice & Prouidence de DIEU peuvent estre remarquées.



LE plus sage d'entre les Roys n'ordonna pas sans raison que le trône où il vouloit tenir ses plus signalées assises, & son liêt de iustice, fust d'or & d'ivoire, pour faire voir à ses sujets par cette representation que la iustice, par laquelle les Roys regnent, doit auoir vne candeur d'innocence, ferme, solide, sans variation ny changement, & vne pureté à toute épreuve, dont l'esclat éblouisse les yeux de ceux qui la voudront considerer de pres: mais pour intimider encore les plus meschans, il fit mettre des Lions de part & d'autre pour leur faire comprendre la seuerité du iuge par la ferocité de cét animal. Que si vn Roy de Iudée a bien eues des conceptions si releuées, que dirons-nous de ce Tout-puissant Empereur des Monarques, de qui la sagesse incomprehensible sçait & contemple toutes choses tres-exactement, les gouuerne avec vne admirable Prouidence, & les iuge avec vne tres-equitable iustice? combien de trônes nous fait-il voir iournellement par toutes les Provinces de cét vniuers pour nous faire conceuoir ce que nous ne sçaurions apprehender, donnant à ses creatures, tantost des Princes seueres, & tantost de fort doux, selon qu'il veut chastier ou faire misericorde à son peuple? Or les Turcs ont éprouué ces deux choses en Solyman par tout le cours de sa longue domination, de sorte que s'il a seuerement chastié les delinquans, aussi a-il fort liberalément recompensé ceux qui auoient fais quelque acte d'une signalée vertu.

MAIS à quel propos rechercher les exemples de ces deux Salomons, puis que le mesme grand DIEU s'est tousiours fait connoistre tres-misericordieux & tres-iuste, & particulièrement par tout le cours de l'histoire que nous auons maintenant en main? Que s'il a voulu que quelques Prouinces & quelques villes ayent esté ruinées, il ne l'a iamais fait, sans les en auoir fort aduerties auparauant, & encores en les chastiant, a-il soulagé son bras, de sorte qu'il leur a donné moyen de respirer: car sa pressure n'est que comme celle d'un chariot chargé de foin, dit le Prophete: or les chariots font vn grand bruit, & nous les entendons long-temps deuant qu'ils soient proches de nous, ioint que ce chariot n'est chargé que de foin, charge la plus legere, comme si cette bonté infinie eust voulu dire qu'encores que toutes les nations qu'il veut punir, meritent vn tres-rigoureux chastiment, & lors encores qu'ils y pensent le moins, toutesfois qu'il les veut aduertir long-temps deuant, & encores s'ils mesprisent ses saints aduertissemens, & qu'il soit contraint / s'il faut ainsi parler / d'en venir à la punition, qu'il n'appesantisse pas sa main sur eux, leur donnant vn fardeau si leger: cela se peut remarquer par toute la vie de Solyman, mais principalement en la Hongrie.

Amos 1.
vers. 13.

CAR quels aduertissemens n'ont-ils point eus du temps des autres Empereurs Turcs qui ont tant de fois entrepris contre eux, & neantmoins résisté a vne si redoutable puissance? Mais comme le comble de leur iniquité fut arriué, & que leur débauche les eut reduits à vne misere extreme, il leur choyist premierement vn fleau le plus doux de tous, les Othomans, Solyman à qui la valeur & la resistance en son ennemy estoit vne cause suffisante pour luy pardonner, & mesmes bien souuent pour luy donner ou offrir recom-

pence, ioint qu'il y est venu à plusieurs reprises: car les Hongrois, comme vous auez peu voir en la vie de Selim, estoient assez aduertis des entreprises que les Seigneurs Othomans auoient contre eux, & toutesfois ils donnerent vn si mauuais ordre à toutes choses, qu'ils ne fortifierent la ville de Belgrade, ny de munitions, ny d'hommes necessaires pour la deffence d'une place si importante: & ce qui est de pis, c'est qu'apres la prise de cette ville, ils ne firent aucuns preparatifs pour repousser les efforts d'un si puissant aduersaire, mais demeurans en vn letargique assoupissement de voluptez, ils laisserent non seulement retourner Solyman paisible en sa maison, mais encores apres auoir veu prendre Rhodes, cela ne les émeust pas dauantage, & ne laisserent pas de viure en leurs delices, & d'adorer les vaches de Bethauen, c'est à dire de la maison de vanité: mais proprement des vaches & non des veaux, comme iadis fit Ieroboam: car leurs pechez s'estoient tellement grossis par vne continuelle habitude, qu'ils tenoient pour vertu ce qui estoit vn grand crime.

Osee 10.
vers. 14.

Et de fait l'histoire enseigne assez que la bataille de Mohacs ne fut perduë que par leur presumption, & les Turcs ayans entre vn peu auant dans le pays, n'ont-ils pas fait voir à tout le monde le peu de preuoyance de tous ces peuples, qui s'amusoient à faire leurs funeraillies en dansant & faisans grande chere, n'ayans aucun ressentiment de la misere qui les accabloit, & qui delia se versoit sur leur teste? Car d'aller reietter la cause de la ruine de la Hongrie sur le Transsiluain, ce seroit vouloir faire accroire que celuy qui viendrait recueillir les cendres d'une ville ruinée, seroit celuy qui y auroit mis le feu: car qui a peu empêcher tant les Hongrois que leurs allies de se deffendre dès le commencement? Ferdinand qui y pretendoit droit, n'a-il pas eu depuis tant de fortes places en sa main, voire le droit cedé de l'autre, sans auoir iamais peu garder vne bonne place? La Transsiluanie a esté en son pouuoir, le Turc n'y ayant pas vn poulce de terre, comment ne l'a-il peu deffendre, y ayant tant de fortes places? quelles puissantes armées n'a-il point eu par tant de fois, plus grandes sans comparaison que celles des Turcs, qui ont esté si long-temps empêchez en la guerre de Perse, n'y ayans des leurs par tout ce grand Royaume, que leurs garnisons, sans que ces grâds preparatifs ayent peu faire reussir aucun notable effet, bien qu'ils fussent secourus de la meilleure partie des Princes Chrestiens? Ils ont veu vne poignée de gens, qui n'estoient bien souuent que simples habitans des villes, resister à vne armée Imperiale des Turcs: & eux quand ils estoient les plus puissans, & qu'ils estoient maistres de la campagne: c'estoit lors qu'ils succomboient sous leurs ennemis: d'où venoit cela, sinon que leur vie débordée d'estournoit d'eux la diuine assistance, qui les permettoit perir par eux-mesmes, sans que leur ennemy y mist la main: comme il a esté remarqué par toute cette histoire; leur donnant quelque exēple de misericorde, par les villes qu'il preseruoit, voire les moins fortifiées, afin qu'ils vissent qu'ils ne pourroient estre deffendus par leur puissance propre, ains par sa singuliere faueur? Or comme ils n'auoient mis leur cœur qu'aux voluptez, aussi n'esperoient-ils qu'en leurs propres forces; mais elles estoient trop eneruées pour vn si puissant aduersaire, estans en elles-mesmes toutes pleines de diuision, non encores pour les diuers partis qui estoient au Royaume, mais pour leur ambition, chacun voulant estre maistre de son compagnon. Qui trouuera doncques estrange si se precipitans dans la ruine & le degast de leur pays au iour de leur visitation, ils ont trouué pour recompence de ronces & des horties au lieu de l'argent qu'ils auoient tant désiré, leurs maisons desertes & pleines de glouterons, & qu'en fin l'Egypte les a assemblez, & Memphis les a enseuelis? C'est ce qui regarde le particulier de la Hongrie.

Osee 9.
Vers. 6.

MAI spour le General de la Chrestienté, les choses n'estoient pas en meilleur ordre: car depuis le Sanctuaire iusques au plus petit pays, tout estoit en guerre & en combustion, tant en la Religion qu'en l'Estat, chacun toutesfois se disoit fort zélé au bien public, & c'estoit le pretexte de quelques-vns. Mais celuy qui penetre les choses plus cachées, & qui tout clair-voyant considere le fonds des intentions des hommes, a fait voir au iour leur hypocrisie & leur malice: car les reformateurs estoient sans comparaison, plus débordés que ceux qu'ils vouloient reformer, & ceux qui vouloient qu'on les creust pour les fermes colonnes de la Chrestienté, ont calé le voile & abandonné les autres au besoin: comme il arriua en Hongrie, en l'expedition que Solyman y fit lors du siege de Guints, remarquable pour n'estre qu'une meschante bicoque, & qui neantmoins tint teste à cette multitude innombrable de Turcs. Toutesfois cette grande armée des Imperiaux ne fit iamais aucun effect, bien que l'occasion y fust tres-belle: les Venitiens encores s'en ressentirent, qui furent abandonnez par ceux qui leur auoient tant promis d'assistance au siege de Corfou, & refu-

serent

serent la Ligue que sa Sainteté taschoit de faire pour reunir toute la Chrestienté, & par ce moyen ruiner les Turcs; delaisserent encores les leurs-mesmes à Chasteau-neuf, aux Gerbes, & en plusieurs autres lieux, que le Lecteur aura peu facilement remarquer en la lecture de cette histoire: que s'ils ont fait quelques entreprises, comme il y en a qui leur ont heureusement reussi, on void à veüe d'œil que c'estoit pour leur particulier interest, & non pour le repos de la Republique Chrestienne: & quand on voudroit mettre Malte en auant, si est-ce qu'il faut confesser que le secours fut si tardif, que cette Isle fut plustost preseruée par vne speciale misericorde diuine, qui assistoit ceux qui defendoient cette place, que pour aucun autre ayde ny secours humain. Ce qui est fort remarquable pour les presentes Considerations: car DIEU ne les abandonna iamais, bien que selon l'apparence humaine tout deust estre perdu, iusques à auoir le soin d'un vaisseau chargé de bled, qui fut la principale cause du salut de l'Isle: ce que le grand-Maistre reconnut fort bien à l'heure mesme, & en fit rendre publiquement des actions de graces à sa diuine Majesté.

CELA premis on ne trouuera point estrange la prise de Rhodes: car pour faire voir qu'on n'en vouloit qu'à la place & non à l'Ordre qui la defendoit, les Cheualiers en fortirent bagues sauues avecques beaucoup de gloire & d'honneur; mais l'eternelle Prouidence vouloit que les portes du Christianisme, à sçauoir Rhodes & Belgrade fussent en la puissance de nos ennemis, afin de nous tenir tousiours en ceruelle, & nous inciter à quelque conuersion par la veüe de cette espée Mahometane pleine de sang & de flammes tousiours brandie sur nostre chef: & de fait Solyman voyant qu'on ne s'estoit point soucié de Rhodes, ne print-il pas dauantage d'assurance pour faire vne expedition en Hongrie, assésuré qu'elle demeureroit sans secours, comme elle fit: & les Turcs eurent moyen de courir iusques à Vienne, barriere qui fut mise dès lors à leurs conquestes, & laquelle ils n'ont peu fausser depuis, ny passer outre de ce costé-là, de mesme qu'il semble que Venise en soit vne pour l'Italie, comme celle-là l'est pour l'Alemagne, & Malte ainsi qu'un mors qui retient en bride & empesche les corsaires de s'emanciper, comme ils pourroient faire autrement.

LES guerres d'Afrique sont encores reluire par tout cette Iustice & Prouidence: car Muley Hascen ayant esté iustement chassé de son Royaume pour sa cruauté & mauvais mesnage, cette perte tourna depuis à vne telle vtilité pour les Chrestiens, qu'ils se fussent non seulement rendus les maistres de la Barbarie, ains qui plus est ils en eussent déniché leurs plus mortels ennemis, & empesché le progrez des corsaires Turcs qui commençoient de s'y habiter: mais ils tournerent bien-tost la pointe de leurs armes contre leurs propres freres, & cela par auenture fut cause de rompre le cours à leurs victoires, mais encores de perdre ce qu'ils y auoient conquis: comme Tripoli & les Gerbes, & depuis Tunis & la Goulette, comme il se verra sous Selim.

QUANT à la guerre des Perses, il semble de premier abord que Solyman en soit tout paisible, & neantmoins le moindre reuers luy fait perdre le prix de ses conquestes, contre l'esperance toutesfois de ceux qui auoient le plus de connoissance des affaires, mais comme nous auons dit ailleurs, les Perses sont vne sentinelle aux Turcs qui les tient continuellement en alarme, & les empesche de s'emanciper, comme ils pourroient bien souuent, contre le Christianisme: de sorte que si les Perses ne sont pas assez puissans pour se rendre les maistres des Turcs, les Turcs n'ont pas en recompence assez de bon-heur pour debeller les Perses: c'est à dire assez d'assistance d'en haut pour les subiuguer.

IE ne puis aussi passer sous silence la conquête du Curdistán: car il semble qu'il estoit bien raisonnable que celuy qui possedoit pour lors la meilleure partie de l'Empire Assyrien, en print aussi la ville capitale, à sçauoir Babylone. Mais ie ne sçay si ie me tromperay de dire que puis que l'Empire Turc est la vraye image de la beste, comme il a esté dit au discours contre Mahomet, & que Constantinople nouuelle Rome, represente auourd'huy l'ancienne, telle qu'elle estoit du temps des premiers Empereurs, qu'il a fallu que cét Empire ayt possédé toutes les Babyloines, pour vne plus claire demonstration de ce qu'il estoit: Or desia Solyman possedoit la Babylone spirituelle, à sçauoir Constantinople, & Babylone Egyptienne: car le Caire luy a succédé; il ne restoit doncques que la Chaldeenne, la premiere Babylone, & celle de qui premierement il auoit esté prophetisé, afin de faire voir clairement en toutes choses que l'Empire Mahometan estoit veritablement l'Empire Babylonien. Grande honte cependant aux Chrestiens, qui n'eurent pas l'assurance de rien entreprendre durant cette longue expedition, encore qu'ils eussent pour eux, celuy qui

gouvernoit pour lors comme il luy plaisoit l'Empire Turquesque , à sçavoir Hibraim Bassa : mais tant s'en faut qu'ils y voulussent entendre , qu'ils se ruinoient cependant les vns les autres en Hongrie.

Et à la verité il semble qu'on ayt baillé à cette Prouince le Moyne Georges comme pour vn fleau : car son ambition ayant esté cause d'une infinité de maux , tant en Hongrie qu'en Transsilvanie , toutes choses furent encores plus brouillées apres sa mort , & fit voir par icelle que la Prouidence eternelle nous enuoye tousiours pour conducteurs ceux qui nous sont les plus propres : & bien que le iugement humain se face accroire le contraire , toutesfois l'euenement , qui est le maistre des presomptueux & des mal-aduisez , prend ordinairement vn tel chastiment de ce blaspheme , qu'on est contraint de confesser qu'il eust esté bien plus à propos de les conseruer tels qu'ils estoient : mais tous ceux de ce pays n'ont-ils pas bien fait paroistre combien ils estoient dégarnies d'hommes de commandement , puis qu'apres l'auoir perdu , ils n'en ont point trouué qui l'ayent égalé ? encores que l'esprit de certuy-cy fust sans arrest & tout inconstant , la plus grande imperfection que puisse auoir vn homme d'estat , & qui veut manier de grandes affaires.

On encores que D I E U ait permis que les Turcs emparez de la meilleure partie de la Hongrie , & qu'en ce faisant il chastiait vniuersellement tous les peuples qui l'auoient bien merité. Sa iustice n'a pas laissé neantmoins de tirer sa raison des particuliers , en commençant par les chefs : & de fait n'est-ce pas vn iuste chastiment de la Reyne Isabelle & de son fils d'auoir esté chassés de Bude ? car le feu Roy son pere auoit tombé d'accord avecque le Roy Ferdinand , & selon cette capitulation il luy quittoit apres sa mort tout droit qu'il pretendoit au Royaume , si bien que son successeur n'y pouuoit pretendre aucun droit en luy baillant ce qu'on luy auoit promis , & qui auoit esté dit , aussi bien cette Princesse n'a-elle eu que du mal , (iusques à ce qu'elle ayt accompli ce à quoy son mari estoit obligé) tantost par les Turcs , tantost par Ferdinand , & tousiours par le Moyne Georges : mais apres s'estre acquittée de son deuoir , & qu'elle eut mis l'autre en son tort , elle receut alors des graces particulieres , soit en se retirant miraculeusement des mains des Turcs , lors qu'elle se retira en Polongne , ou depuis , quand elle & son fils rentrerent dans le leur , Ferdinand n'ayant non plus tenu sa parole , comme elle luy auoit fait auparavant.

IUSTICE encores contre Georges , qui auoit mis cette desolée Prouince toute en combustion & causé vne infinité de miseres , mettât à tous propos l'ennemy dans son pays , iustice toute manifeste de ceux qui l'auoient massacré , de Castaldo qui ne sceut maintenir ce qu'il auoit eu en main , & contraint de se retirer , tout le monde conspirant contre luy : la peine que le Roy Ferdinand eut pour sortir de cét affaire avecques le saint Pere , le peu de iouissance encores qu'il eut de ses conquestes : car il perdit tout incontinent apres par la lascheté tant des Alemans que des Espagnols , comme il se peut voir à la prise de Lippe & ailleurs , pas vn n'ayant tenu teste iusques au siege d'Agria , qui se defendit courageusement avecques vne grande confiance que les habitans auoient en la diuine assistance , encores n'y auoit-il dedans que les habitans & les volontaires qui s'y estoient refugiez , sans auoir eu aucun secours de leur Seigneur.

IUSTE iugement encores & bien notable sur Solyman , qui auoit fait tant respendre de sang , de le voir bourreau du sien propre , & puis incontinent apres , ses deux fils qui luy restoient , venir à la baraille l'un contre l'autre , luy-mesme contraint des'armer pour deffendre le party de son aîné ; & en fin reduit à telle misere , que d'enuoyer expres avecques presens rechercher son plus mortel ennemy , de luy permettre d'exterminer le reste de sa lignée , qui estoit vne autre consolation au Persien , de voir celuy-là rendre sa maison deserte & arrousee du sang des siens , qui auoit deserté son pays , & mis tout à feu & à sang en iceluy , comme le chastiment de Bajazet fut bien exemplaire pour apprendre aux enfans desobeyssans , l'honneur & la reuerence qu'ils doiuent à leurs peres. Car comme il estoit plus genereux que son frere , il sembloit aussi qu'il d'eust estre le vainqueur , mais l'autre estoit fondé en meilleur droit : & puis qu'eust-ce esté des Chrestiens , si vn Prince si belliqueux qu'il estoit , fut venu à l'Empire ? veu que Selim , qui n'aimoit que son plaisir , fit neantmoins tant de mal par ses Lieutenans : ce fut à la verité vne grande misericorde que de le retirer du monde , mais les Chrestiens ne sceurent pas faire leur profit de toutes ces diuisions : car ils auoient alors encores beau-jeu , mais ils se reposoient au temps de la moisson , aussi trouuerent-ils apres vn hyuer si rude , que par cette nonchalance , Malte , comme nous auons dit , faillit à estre prise faute de secours. Et quant à la Hongrie , on ne s'aduisa

de se preparer, que lors que l'ennemy vint aux portes : car toutes ces petites rencontres, dont cette histoire fait mention, sont plustost des escarmouches, que des combats dignes de grande louange, & puis ce n'estoit qu'en vne petite portion de la Hongrie, & avecques si peu de gens, qu'il estoit impossible de faire vn grand effect : de sorte qu'il fit ce qu'il voulut, ayant pris ces deux fortes places, sans auoir esté secouruës d'aucun. C'est en gros quelques Considerations sur les actions de la vie de ce Prince : car qui se voudroit arrester sur chacune en particulier, comme elles ne sont pas la plus-part sans meditation, le tout n'estant fait qu'avecques grande prudence, la longueur de cette recherche en pourroit estre ennuyeuse : il suffit de faire voir au Lecteur, que la Iustice & Prouidence de DIEU ont fait & feront tousiours rayonner leur splendeur, malgré l'erreur, la dissolution, l'hypocrisie & l'impieté, & qu'il n'y a que la superbe & malicieuse ignorance qui puisse nier que tout l'Vniuers est tres-equitablement gouverné par la sagesse incomprehensible, & par la Prouidence admirable de celuy à qui est deu tout honneur, louange & gloire par toute creature.



SELIM SECONDDV NOM.
QVINZIESME EMPEREVR
DES TVRCS.



*L'ISLE où regna jadis la Mere des Amours,
Sentit ma cruauté : mais Venise outragée,
Rougist du sang des miens toute la Mer-Egée;
Et mes sales plaisirs abbregerent mes Iours.*

SON ELOGE OV SOMMAIRE

DE SA VIE.



LE Prince se peut dire tres-heureux & qui la nature a donné, ou qui s'est acquis par un long usage de bons & fideles Conseillers & administrateurs, ceux-là luy aydant d'esprit & de parole, ceux-cy par effect, en mettant la main à l'œuvre, pourveu qu'il rasie toutes fois & approuve les choses proposées, sans se rapporter du tout au Senat, de peur de dissiper toute la force de la Principauté, & se conduise de sorte qu'on voye que la principale force & honneur de l'Empire ne dépend pas seulement de luy : mais qu'elle est en luy, que les sujets sçachent qu'il est Soigneur des temps & des choses, & qu'il ne suit pas les conseils, mais que par conseils il assure toutes choses à soy. Or c'est Selim : car bien qu'il fust un Prince adonné à ses plaisirs, & qui, si vous voulez, aymoît mieux combattre à coups de verres en un festin, qu'à coups de cimeterre en un champ de bataille, de qui les plus beaux exercices estoient de s'enretenir avecques ses concubines dans un Serrail : toutesfois l'autorité que le grand Solyman s'estoit acquise, avoit imprimé dans les esprits, tant de ses sujets que des estrangers, une opinion si venerable, tant de cét Empereur que de son Estas, qu'elle passa jusques à son fils, qui s'en sceut servir & la conserver fort à propos, par la prudence & bonne conduite de ce sage Politique Mehemet son premier Vizir, & la valeur de Mustapha, d'Occhiali, de Sinan, & autres grands chefs de guerre, qui le rendirent heureux en la plus-part de ses entreprises. Estant parvenu à l'Empire sans compétiteur, la premiere chose qu'il fit, fut de faire trefves avec l'Empereur Maximilian par le conseil de Mehemet, pour donner quelque rafraischissement à ses gens de guerre harassés des combats precedens. Occhiali toutesfois ne laissant pas de courir le long des costes de la Barbarie, qui fait en sorte qu'il s'empare de la ville de Thunes, en recompence dequoy il est fait Roy d'Alger, entreprend sur le fort de la Goutette, où il est repoussé, & se retirant à Constantinople, combat heureusement contre les galeres de Malte, & remporte la victoire. Incontinent apres son seigneur rōpt la paix qu'il avoit jurée aux Venitiens, & entreprend la conqueste de l'Isle & Royaume de Chypre, sous la conduite de ses Bassas Mustapha & Piali, qui prennent d'assaut Nicosie, ville capitale du Royaume, & forcent celle de Famagoste de se rendre, conquestans le reste du pays, & assubietissant cette Isle consacrée iadis à la Deesse de Volupté, à un Prince tout voluptueux, sans que l'armée Chrestienne leur donnast aucun empeschement. Occhiali ravageant cependant toutes les mers de Candie, de Zante, Cephalonie, de Dalmatie, & du golphe de Venise, où il print à l'ayde d'Achomat Bassa & de Caracosse, les villes de Canises, Dulcigne, Antinari, Lisne, Brucie, Lisse, les Isles de Dalmatie, & plusieurs autres du golphe de Venise. Mais apres tant de prosperitez, il perdit cette tant renommée bataille navale du golphe de Lepante, Haly Bassa estant General de son armée, & Dom Jean d'Autriche de celle de la sainte Ligue : toutesfois les Chrestiens n'ayans pas fait profiter leur bon-heur, il fait paix avec les Venitiens du tout à son advantage, & ayant perdu les villes de Thunes & Biserte, elles furent apres reconquises sous la conduite du mesme Occhiali & de Sinan Bassa, avecques le fort tres-important de la Goulette, possédé par les Espagnols, qu'ils rasèrent : & ayans donné ordre à toutes choses, ils s'en retournerent, & entrèrent triomphans à Constantinople : mais les affaires ne reussirent pas de mesme du commencement en la Moldavie & en Valachie. Car le Vainode Ivon obtint de tres-grandes victoires contre les Turcs, entr'autres une bataille où ils perdirent pres de cent mille hommes, toutesfois il fut en fin trahy par un de ses Lieutenans, & s'estant rendu aux Turcs, ils le massacrerent, & ruinerent presque toute la Valachie. Selim se voyant, ce luy sembloit, au dessus du vent, voulut rompre encores la paix qu'il avoit jurée aux Venitiens, & entreprendre sur l'Isle de Candie : mais le cours de son ambition fut arresté par la mort qui finist sa vie au mois de Decembre, l'an de grace mil cinq cens septante quatre, & de l'Egire neuf cens octante & un, Gregoire XIII. seant au saint Siege, Maximilian en l'Empire, & Henry III. en France : ayant regné huit ans, & vescu quarante-sept.

LIVRE QVINZIESME

DE L'HISTOIRE

DES TURCS.

SOMMAIRE, ET CHEFS PRINCIPAUX contenus en ce present Livre.

- I. Proclamation à l'arrivée de Selim à Constantinople, qui vient à Belgrade recevoir le corps de son pere Solymán, lequel il fait conduire à Constantinople, pompes funebres qu'il luy fit faire, les ceremonies qu'observent les Turcs en leurs funeraillles.
- II. Ravages des Tartares en Transilvanie & deffaitte d'iceux par le Transilvain, & depuis par le Palatin de Ruscie, prise de quelques places par l'Empereur sur le Transilvain, lequel reprend Hust, le Roy Jean menassé par Selim & pourquoy : les Arabes se revoltent contre les Turcs, grands prodiges advenus en divers lieux, combat d'Occhiali contre quelques galeres de Malte, où il demeure victorieux.
- III. Selim confirme l'alliance avecques les Venitiens, la forme de son serment, il est persuadé par un Iusfà la conqueste de l'Isle de Cypre, lequel s'empare de Necsie, une des Cyclades, embrasement à l'Arsenal de Venise suivy d'une cherté : Selim propose la guerre de Cypre à ses Bassas, Mahomet Bassa l'en dissuade, mais il suit l'opinion contraire, menée des Turcs en l'Isle de Cypre, lettres de Selim aux Venitiens & leur responce.
- IV. Le Duc de Venise n'est pas d'advis qu'on declare la guerre contre le Turc, le mépris qu'on avoit fait du Chaoux qu'on y avoit enuoyé, haste la guerre, nombre des vaisseaux de l'armée Turquesque, situation de l'Isle de Cypre, le peu de forces qu'il y avoit, & comment les charges furent distribuées, armée des Venitiens de combien de vaisseaux.
- V. Affiette de Nicotie, une des meilleures forteresses du monde, en quel lieu les Turcs se camperent, leur nombre, leurs forts & leur batterie : assaut general qu'ils y donnerent : les assiegez manquant de poudre & de boulets en demandent à ceux de Famagoste, qui les refusent, l'Evesque de Basse exhorte ceux de la ville à se bien deffendre, & Mustapha ses soldats à un assaut general.
- VI. Assaut general principalement au boulevard de Constance, & apres aux quatre bastions de la ville de Nicotie, qui est prise d'assaut, saccagée & brûlée, pitoyable desolation d'icelle, premier siege de Famagoste, grand courrage d'une Damoiselle, les pratiques de Mustapha pour faire rendre ceux de Famagoste.
- VII. Puissante armée des Chrestiens qui se retire sans rien faire, le Pape persuade la Ligue contre les Turcs : Mahomet tasche d'accorder les Venitiens avec Selim, Ligue entre les Chrestiens contre le Turc, qui enuoye une puissante armée en Albanie, ils prennent la ville de Dulcigne, & d'Antivari, & ruinent l'Isle de Mandrachie, second siege des Turcs deuant Famagoste, quels chefs il y avoit dans cette ville & leurs departemens.
- VIII. Font leurs approches deuant Famagoste, leurs batteries & contre-batteries des assiegez, leur grande necessité de toutes choses, & leur requeste à leur Gouverneur, harangue de Bragadin au Conseil sur la reddition de Famagoste : admis contraire, lequel est suivy : articles de la reddition, accordez par le Bassa, sa perfidie, il entre dans Famagoste, sa barbare cruauté à l'endroit de Bragadin, & pour quelle occasion, il s'en retourne triomphant à Constantinople : l'ambition des chefs Chrestiens cause de la ruine de Cypre.
- IX. Quelles forces il y avoit en l'armée de la Ligue, & quels estoient les chefs de cette armée, les Lepantins se rendent aux Turcs : Haly General des Turcs, les encourage au combat, le Prince Dom

Dom Jean d'Autriche fait le semblable, quelques considerations des peuples voisins sur cette bataille.

- X. Les Chrestiens inspirez diuinement, se retirent d'un lieu dangereux où ils estoient, le vent qui estoit favorable aux Turcs cesse miraculeusement, Haly general des Turcs tué, & son vaisseau conquis, diuers combats contre Pertau & Occhiali, qui prennent tous deux la fuite, autre d'Achmet-beg & de Siroc contre Barbarique Prouidateur Venitien, tué d'un coup de fleche, nombre des morts de part & d'autre, & des galeres prises.
- XI. Cette victoire obtenüe par l'intercession de la tres-saincte Mere de DIEU, choses notables aduenües à l'instant ou auparavant la victoire, grande ioye à Venise & à Rome pour cette victoire. Selim veut faire mourir tous les Chrestiens ses sujets, il s'enfuit à Andrinople, les ir-resolutions de l'armée Chrestienne, le fort des Marguerites rendu aux Chrestiens, & celsuy de Supot, leurs desseins sur sainte Maure, sans execution.
- XII. Pour-parler de paix entre les Venitiens & les Turcs, qui ne reussit point: actions remarquables du sieur de Noailles Ambassadeur pour le Roy tres-Chrestien à la Porte de l'Empereur Turc: entreprise des Venitiens sur Chasteau-neuf, secouru par les Turcs. Excuses du Roy tres-Chrestien contre les faux bruits que les Espagnols faisoient courir de sa Majesté.
- XII. Armée nauale des Turcs, contre lesquels marchent les Venitiens, les desseins d'Occhiali sans desir de combattre, & neantmoins encourage les siens, ses ruses & stratagemes decouverts par les Venitiens, le General desquels encourage les siens au combat.
- XIII. Le nombre de l'armée de la Ligue, celle des Turcs en mauuais estat, Occhiali se retire à Modon, resolu de ne point combattre. Nauarrin assiegé par les Chrestiens, secouru par les Turcs, Occhiali tout prest de s'enfuir, empesché par la pluye, siege levé de deuant Nauarrin, & le retour d'Occhiali à Constantinople en grand honneur.
- XIV. Courses des Turcs en Dalmatie, qui font un fort pres la ville de Cathare, pris par les Chrestiens. Les Hongrois veulent faire un fort entre Posson & Albe-Regale, empeschez par les Turcs: mort du Roy Jean de Transiluanie, & election d'Estienne Battory: la paix conclüe entre les Venitiens & les Turcs, & les conditions d'icelle.
- XV. Entreprise des Espagnols sur la ville de Thunes, cruantex d'Amida, & les remuëmens qui arriuerent en cette ville: armée nauale des Turcs en Barbarie, mettent le siege deuant la Goulette, & le fort neuf, tous deux pris d'assaut, & Thunes sans coup ferir, la Goulette rasée.
- XVI. Plusieurs remuëmens en Moldaue & Valachie, menées du Valaque pour deposséder le Vainode Iuon, qui est sommé par les Turcs de payer double tribut, il est secouru par les Cosaques, & remporte vne tres-signalée victoire, rauages des Moldaues en la Valachie, ils rasent la ville de Brassouie en Transiluanie, grande cruanté d'Iuon.
- XVII. Selim pense à bon escient à la guerre de Moldaue & y enuoie vne puissante armée, trahisons de Zarmenique, qui causent la perte des Moldaues, le Vainode Iuon se rend aux Turcs, l'entrée triomphale de Sinan Bassa & d'Vlichiali à Constantinople, desseins de Selim, & finalement sa mort.



LIVRE QVINZIESME

DE L'HISTOIRE

DES TURCS.

1566.

Paresse ioin-
cte à la malice
fait en l'hom-
me ce que la
fourmis fait
au grain.



N'È mauuaise inclination ne peut estre que fort difficilement corrigée par instruction, si elle n'est particulièrement assistée d'enhaut, encores moins si la paresse est conjointe à la malice: car cette-cy aneantit & corrompt ce qui reste encore de la bonté du naturel, elle fait en l'homme ce que la fourmis fait au grain; car tout ainsi qu'elle ronge le germe qui est au cœur d'iceluy & puis le cache en terre, craignant que s'il venoit à ger-

mer, il prit croissance & luy fut inutile: ainsi la paresse ronge au cœur de l'homme le germe des vertus, & cache sa renommée dans les tenebres d'un perpetuel oubly, rendant ce luy qu'elle possède, adonné à toutes sortes de voluptez, & le plus souuent à la gourmandise, afin que de son viuant mesme il ayt precedé son trespas, le veautrant en delices & demeurant en sa maison comme dedans vn tombeau, quoy qu'à l'entrée de la porte son nom soit graué sur quelque marbre fort precieux, disoit vn des plus iudicieux de l'antiquité. Telles estoient toutesfois les meurs & les inclinations de l'Othoman dont nous voulons escrire la vie: de quoy ie ne me puis assez émerueiller, comment Solyman Prince si iudicieux s'affectionna particulièrement à son fils Selim, veu que Mustapha & Bajazet estoient si accomplis, tant pour les armes que pour les bonnes mœurs: car de dire que cela luy soit arriué pour auoir esté preueni par ses artifices, & qu'il se soit déguisé du viuant de son pere, on a peu voir cy-deuant les bruits qui couroient de luy. De dire aussi que ce soit par quelque amour tendre qu'il ait esté porté à cette particuliere bien-veillance, la force magnanime de son naturel le tiroit hors de ces passions vulgaires, & luy qui auoit vne inclination naturelle au bien, deuoit, ce semble, s'affectionner bien plustost à ceux qui luy estoient semblables: aussi y auroit-il grande raison de penser qu'il l'a fait en partie pour la jalousie de la Royauté, de crainte que les perfections des autres fussent cause de quelques remuëmens, & de le dépouiller de son Empire: si on ne veut dire que connoissant en fond les dissolutions, faineantise, & cruauté de cettuy-cy, il cherchoit peut-estre en cela quelque occasion de gloire, afin d'estre honoré dauantage par vne si estrange compa-
raison.

I.
Quelques con-
siderations sur
l'affection par-
ticuliere que
Solyman por-
toit à Selim.

Selim vient à
Constantino-
ple.

Lors doncques que Selim receut les nouuelles de la mort de son pere, qui luy auoient esté mandées par le Bassa Mahomet, il estoit, selon quelques-vns, à Saraisla, trois iournées loin de Constantinople, en vn lieu dit Chrofredy, qui appartenoit à Sinan Bassa, d'où il partit en diligence le dix-septiesme de Septembre pour venir à Constantinople, avecques ce peu de gens qu'il pouuoit auoir lors quant & soy: Scender Bassa qui gouernoit pour lors à Constantinople, auoit esté aduertty secrettement de tout, & auoit fort bien celé cette mort, si que tout estoit en grande paix; mais il craignoit que le temps qui découure toutes choses, n'apprist aux ianissaires ce qu'il vouloit tenir secret. Comme on sceut doncques qu'il approchoit, le Bostangi-Bassi, qui a ordinairement la garde du Serrail, alla au deuant de luy avecques le galion Imperial, & l'introduisit dans le Serrail, au siège des maieurs, & aussi-tost on commença de crier par la ville: *Que l'ame du grand Empereur Sul-*

tan Solyman iouysse d'une eternelle paix, & d'une continuelle gloire, & que l'Empire du grand Empereur Sultan Selim puisse prosperer par plusieurs & longues années. Ce qui se publia incontinent apres par tout l'Empire; les sujets ayans plustost sceu l'establissement de leur nouveau Prince, que la mort de son deuancier. Puis sortant de son Serrail, il se monstra par la ville en grande pompe à tout le peuple: de là il s'en alla à la sepulture de Iob, vn lieu qui est iouignant les murailles de la ville, auquel les seigneurs Othomans ont accoustumé de faire leurs sacrifices, en immolant des moutons & autres animaux, lesquels puis apres sont distribuez aux pauvres, en actions de graces à la Divinité. On ceignit apres à Selim la mesme espée que portoit Othoman premier Empereur Turc, celuy qui faisoit la ceremonie en la luy mettant au costé, luy dist ces paroles: *Dieu te donne la bonté d'Othoman*, si grand honneur ils portent encore à la bonté de ce Prince.

1566.
Proclamations
alors arrivées.

Ces ceremonies acheuées il partit de Constantinople le 26. iour de Septembre avecques vne telle diligence, qu'il arriua à Belgrade, lors qu'il y estoit le moins attendu; & de là s'estant desia aduancé de deux iournées, il receut des lettres de Mahomet, par lesquelles il luy mandoit qu'il n'estoit point necessaire qu'il se donnast dauantage de fatigue sur le chemin, l'armée estant fort paisible: mais supplioit seulement sa majesté de sejourner à Belgrade. Le iour que ce corps deuoit entrer dans Belgrade, Selim s'estoit mis sur la teste vn tulban fort petit, vestu d'un Capitan de drap noir, puis monta à cheual, & alla au deuant du corps de son pere iusques à la porte de la ville. Ce corps estoit accompagné d'enfermes déployées, de trompettes & de cris de ioye des soldats comme d'un triomphant: car toute l'armée iugitoit encores cette mort bien qu'il y eust sept sepmaines, mais quand la couuerture du coche fut leuée, que Selim ayant mis pied à terre, eut pleuré sur le corps, & que tous les Bassas & principaux furent descendus de cheual, & chacun pris de petits tulbans en signe de tristesse, la pointe des enseignes fust aussi-tost renuersée contre bas, vn grand silence se faisant par toute cette armée, l'espace d'un bon quart d'heure. Apres on apporta vn gros tulban fort blanc & enrichy de pierreries qu'on mit sur la teste de Selim, qui fut reuestu par mesme moyen de superbes habits, puis monté sur vn cheual precieusement enharnaché: ce que firent tous les autres seigneurs de la Cour: & aussi-tost comme si les soldats fussent sortis de quelque profonde extase, ils releuerent leurs enseignes & firent de grandes acclamations de ioye à l'honneur de leur nouveau Empereur, tant l'homme est inconstant & dissimulé tout ensemble, de feindre vne grande ioye & vne grande tristesse en vn mesme temps, & passer ainsi d'une extremité en vne autre presque en vn moment. Selim cependant fit les largesses accoustumées aux Janissaires, ausquels on dit qu'il donna à chacun deux mille aspres, & ordonna aussi-tost que le corps de son pere fut conduit à Constantinople par tous les Janissaires qui estoient lors au camp, ausquels il donna pour conducteurs leur Aga, nommé Ferhat, & Achmet Bassa, qui auoit espousé vne sienne niece, portans avec eux l'enseigne Imperiale: plusieurs encores des plus notables d'entre eux accompagnerent ce cercueil, pour l'affection qu'ils auoient portée à leur Empereur de son vivant, ayans encore la memoire toute fraische de ses vertus.

Il attend le
corps de son
pere à Belgra-
de.

Detil de tout
l'armée.

Tourné bien-
tost en ioye.

Selim enuoye
le corps de
son pere à Co-
stantinople.

CETTE triste compagnie arriua ainsi à Constantinople le vingt deuxiesme iour de Novembre, au deuant de laquelle vinrent le Muphty, les Talismans, & tous les autres docteurs & religieux de cette loy, portans chacun des cierges à la main, au moins les Deruis: (car les Turcs vsent de luminaires en leurs pompes funebres) mesmes ils mettent des chandelles aux pieds & à la teste du deffunct, mais elles sont de suif. En ces funerailles on mene en main les cheuaux tous couuerts de velours noir trainant à terre, puis leurs selles renuersées ausquels ils font manger de l'Aslagoth afin qu'ils larmoyent, & leur en mettent dans les naseaux: marchent aussi en leur rang les officiers, & le Casnergirbassi ou maistre d'hostel: les armes du Prince se portent par le *Malundarbhed thmandura*, les estendarts & la grande banniere Imperiale se traient contre terre, ceux de la garde du Prince, tant Solachi, que Janissaires, marchans en leur rang, deuant le corps marche le *Mutafersa* qui tient vne lance au poing, au bout de laquelle est le tulban du trespassé, & vne queue de cheual attachée aupres. Quant à la biere, la forme n'en est gueres éloignée de celle d'un chariot d'armes, quel on couure de quelque riche linge, mettant sur le bout de deuant son accoustrement de teste. Que si c'estoit quelque garçon ou fille, non seulement de l'Empereur, mais encores du commun peuple, on charge le cercueil de roses, fleurs & autres telles odeurs, pour tesmoigner leur innocence & virginité: les Talismans cependant qui marchent deuant, chantent, *Tablaci hillaia che met, resullaba tuncars barberem berac*: c'est à dire, *DIEU est DIEU, & n'y a point d'autre DIEU; Mahomet conseiller de DIEU seul & vray*

Pompes fu-
nebres.

Ceremonies
qu'obseruent
les Turcs

1566.

Prophete, ou bien verset, Alla rahumani, ar hamubu la alla, illa alla alla huma alla, qui signifie, DIEU misericordieux aye pitié de luy, il n'est DIEU sinon DIEU, DIEU est DIEU : apres suiuent ceux qui font honneur au conuoy, vestus d'une piece de drap gris, dit chepenée ou feutre, de quoy on fait des couuertures aux cheuaux, laquelle leur pend d'un costé & d'autre, deuant & derriere, à la maniere d'un froc, & ceux qui ne veulent point s'affubler de cette denrée, attachent au sommet, & à la pipette de leur tulban une piece de toile blanche qui leur bat iusques aux jarrets ou à la ceinture, & en cet equipage conduisent le corps avec pleurs & cris iusques au tombeau.

Portent les
corps la teste
deuant.

A V E C Q U E S toutes ces ceremonies & plusieurs autres encore trop longues à reciter, le corps de Solymán fut porté par les Talismans la teste deuant & non les pieds, ainsi qu'en vsoient iadis les Romains, en la Mosquée qu'il auoit fait bastir, l'une des plus superbes qui se puisse voir au iourd'huy. Dessus cette sepulture on mit un drap, & par dessus son cimenterre, pour tesmoigner qu'il estoit mort à la guerre, & au bout d'en haut un tulban, pareil à celui qu'il auoit accoustumé de porter durant sa vie. Puis fust estably un Talisman, pour lire sans cesse l'Alcoran : car ils croient qu'il n'y a rien si salutaire, soit pour les vians, soit pour les morts que de faire cette lecture ; lequel auoit la charge de recourir ce tombeau tous les iours, & principalement les Vendredis, de tapis & draps nouveaux, y mettant aussi les accoustremens que le deffunct portoit durant sa vie, & par dessus de pleins tulsans de toutes sortes de fleurs, afin que les allans & venans en prissent, ainsi que des autres qu'on plante es sepultures qui sont à decouvert : car les parens des deffuncts, non seulement de cettuy-cy, mais de tous les autres, y vont souuent respandre des larmes pour son ame, mettans sur cette tombe, qui est à peu pres de la forme d'un autel, pain, chair, œufs, lait & fromage, & en apprestent un banquet tel que le Nouendial des anciens Payens, lequel ils laissent manger aux pauures, & bien souuent aux oyseaux du Ciel, ou à des fourmis, & autre vermine, disans que DIEU prend aussi grand plaisir que pour l'amour de luy on donne l'aumosne aux bestes qui ont indigence, comme qu'il feroit aux hommes qui souffrent disette.

Georgenis
des ceremonies
des
Turcs.

Superstitions.

II.

C E S ceremonies acheuées, & Selim de retour à Constantinople, il ouyt les Ambassadeurs qui estoient là attendans, pour se conioyr au nom de leurs maistres, de son heureux aduenement à la couronne des Turcs : entre autres, il y receut les Ambassadeurs de l'Empereur Maximilian, lequel auoit auparauant enuoyé Georges Hostate pour negocier quelque paix avecques Solymán : mais cet Ambassadeur ayant entendu au vray sur le chemin le deceds du Turc, & s'en retournant, rencontra le nouveau Empereur Selim qui s'acheminoit à Constantinople apres le corps de son pere. A cette rencontre il luy fut permis de voir sa majesté : mais non pas de luy tenir aucun propos de paix, luy remontrant Mahomet Bassa, qu'on l'auoit depesché vers le feu Sultan, mais que puis qu'il estoit mort, qu'il n'auoit plus de pouuoir de traiter avec son successeur. Que si son Roy vouloit quelque chose de Selim, qu'il deuoit en enuoyer un autre ou bien luy-mesme : on dit que le Bassa luy conseilla particulièrement de demander la paix à Selim, & qu'autrement il ne leur arriueroit que du mal. Cela fut cause que l'Empereur Maximilian donna nouveau pouuoir à Anthoine Veran Euesque d'Agria son Ambassadeur, residant à Constantinople, & à Christophle Tiefenbach un Baron d'une grande prudence & erudition, & qui pour son eloquence estoit tenu fort cher entre les Hongrois : Ceux-cy accompagnez de beaucoup de noblesse, qui estoit bien aysé de faire un si beau voyage, & auoir quelque plus particuliere connoissance des affaires des Turcs, partirent de Vienne sur la fin du mois de Iuin, & arriuerent à Constantinople, le vingt-deuxiesme iour d'Aoust, avecques plusieurs beaux & riches presens, & entr'autres des horloges de tres-rare inuention. Ceux-cy ayans esté bien receus par les Bassas avecques les courtoisies accoustumées, furent presentez deuant Selim, lequel accepta leurs presens, & ayant entendu leur legation, les remit aux iours sui-uans : mais depuis s'en estant allé à Andrinople, il leur commanda de le suiure : cette affaire traissant apres en si grande longueur, qu'on tient qu'ils furent, soit là, ou à Constantinople, bien pres de deux ans, sans en pouuoir tirer resolution.

Ambassadeurs
pour Maximilian
vers Selim.

La longueur
du temps qu'on
fut à leur faire
response.

LA cause de cette longueur estoit qu'il arriuoit tous les iours nouvelles des defaites qui se faisoient en Hongrie, entre autres de quelques Tartares, desquels on disoit qu'en plusieurs rencontres il n'en estoit pas demeuré moins de vingt ou vint-cinq mille hommes sur la place : il est vray qu'en recompense ils auoient fait de grands rauages par toute la Transsiluanie & la Russie, estant l'armée du Roy Iean deuant Tocchay, où il auoit esté huit iours, & comme il auoit desia quelque bonne esperance de son entreprise, on luy vint dire

dire

dire que dix mille Tartares, lesquels guerroyoient avecques les Turcs en sa faueur, s'estoient mutinez ensemble & separez du camp, puis esendus par la Prouince, commercoient des maux infinis, brûlans plusieurs villages. Iean sur cette nouuelle, leua son siege, & ayant mandé à ces mutins qu'ils eussent à se retirer paisiblement, il fit au commencement tout ce qui luy fut possible pour ne les point attaquer : mais voyant en fin qu'ils se mocquoient de toutes ses prieres, & qu'ils ne laissoient point de continuer leur cruauté, il trouua moyen de les attaquer à l'improuiste : de sorte qu'il en tua bien à cette premiere fois là enuiron six mille. Ceux qui estoient restez, s'en allerent joindre aux Turcs, pour essayer de tirer vengeance, tant de leur route que de la mort de leurs compagnons, & s'en vinrent assieger Iean à Varadin : où ce lieu là n'estant gueres fort, & qu'ils eussent peu prendre s'ils eussent eu du canon, luy craignant qu'il ne luy arriuaist pis, & ne voulant auoir la honte d'auoir esté assiégué par telle canaille, il eua da secrettement de la ville, & se retira en vn lieu plus fort. Là ayant ramassé ses forces de toutes parts, il les alla attaquer derechef, faisant d'eux vne cruelle boucherie : car on tient qu'il en demeura sur la place plus de vingt mille, outre les blesez qui estoient en fort grand nombre, sautant par ce moyen plusieurs milliers d'ames qu'ils emmenoiert en vne miserable seruitude, entre lesquelles il y auoit plusieurs gentil-femmes qu'ils auoient enleuées du chasteau de Beregras, où elles s'estoient retirées pour plus grande seurété. Apres cette route le reste des Tartares s'estans joints avecques les Turcs, (entre lesquels il y auoit bon nombre de laniassaires & plusieurs Valaches) se mirent à courir la Russie & la Podolie, qui appartiennent au Roy de Pologne, où ils firent des maux infinis, de feu, de sang & d'esclauage, auquel ils conduisirent vn nombre infiny d'ames : mais comme ils voulurent assieger le Palatin de Russie en vn chasteau, cettuy-cy faisant plusieurs faillies sur eux, comme il auoit dans cette place fort bon nombre de soldats, il les mit quasi tous au fil de l'espee, & leur ayant osté douze picces d'artillerie, le reste fut contraint de se retirer.

1566.
& 67.

Ravage des
Tartares en
Transiluanie.

Grande def-
faite d'eux.

LES Turcs auoient pris aussi de leur part quelques forts, à sçauoir Comar, Calambuch, Gesthez & Vitan, comme d'ailleurs Schuendy, qui estoit dans Tocchay, alla assieger Zantat, lieu bien muni & fortifié, hors-mis d'hommes, qui se rendirent vies & bagues sauues, & y fut trouué grande quantité de butin; Schuendy renuoya aussi liberalement la femme du Capitaine de cette forteresse, (s'estant quant à luy desia retiré, d'autant qu'il estoit, comme on dit, le principal auteur de l'inimitié qui se nourrissoit entre l'Empereur & le Roy Iean) il luy renuoya aussi tous ses meubles : depuis Schuendy print encores le chasteau de Mourach, situé en Transiluanie & de tres-grande importance, d'autant qu'il est situé sur le passage de la Pologne & de la Russie : d'où à cette occasion le Transiluin estoit fort empesché de tirer aucun secours de ces Prouinces là, si ce n'estoit avecques vn long circuit par la Moldaue, mais ce chemin estoit fort dangereux. Schuendy s'empara doncques de cette place, à composition, à sçauoir de vies & bagues sauues, & s'en alla mettre le siege deuant Hust, lieu de non moindre importance que l'autre. Cela fit aller le Transiluin à refuge, au Bassa de Bude, lequel ne faillit pas de mander à l'Empereur qu'il eust à faire retirer Schuendy de deuant Hust, & cependant se prepara pour le secours du Roy Iean ; car cettuy-cy luy auoit mandé que la Transiluanie s'en alloit perdue, si on n'y amenoit quelque prompt secours pour repousser l'ennemy.

Prises de quel-
ques places
tant par les
Turcs que
par les Hong-
rois.

Siege de
Hust

CES choses, dis je, auoient tenu Selim en suspens, s'il deuoit faire la guerre ou accorder la paix, & de fait on estoit en termes d'enuoyer Pertau Bassa & le Beghierbey de la Grece en Hongrie, continuer la guerre encommencée les années precedentes & donner secours au Transiluin : mais en fin la trefue fut concludue pour huit ans, à condition que chacun garderoit ce qu'il auoit pris, que le Transiluin seroit compris en la paix, & que les paysans qui estoient sur les frontieres, & qui payoient auparauant tribut aux Hongrois & aux Turcs, le payeroient doresnauant seulement aux Turcs ; sur cela l'Empereur licentia ses troupes.

1568.

Trefue pour
huit ans, en-
tre l'Empe-
reur Maximi-
lian & Selim.

A quelles co-
ditions.

Mais le Roy Iean qui recherchoit plustost vne bonne occasion de rauoir ses places que de viure en paix, sollicitoit fort le Bassa de Bude de luy donner quelque secours, l'autre sçachant que la trefue auoit esté concludue, luy fit response qu'il ne le pouuoit plus faire, sans l'expres commandement du Seigneur, l'exhortant de demeurer en paix : mais Iean continuant nonobstant cela, sa deliberation, trouua moyen de recouurer quelques forteresses, & ayant attiré à soy Guilaste Baron de Hongrie, qui estoit mal-content de l'Empereur, il trouua moyen d'auoir de luy le chasteau de Hust, tres-forte place située aux montagnes de Saleuie, n'ayant peu disposer les Turcs pour lors à rompre la trefue desquels il y auoit

1568.

Les Turcs
font vne tran-
chée au fleu-
ue de Volga.

Plaintes de
Maximilian à
Selim.

Response de
Selim.

Qui menace
le Transilvain.

Les Arabes se
reuoient con-
tre Selim.

Ces troubles
bien-tost ap-
paiez.

Vn deuin pre-
dit à Selim
combien il
doit regner.

encores vne armée en Moschouie, qui y estoit allée par la Podolie & Kiauie : car le Moschouite vouloit empescher la tranchée que vouloit faire le Turc au fleuve de Volga. Cela donna quelque ombrage à Maximilian, & fut cause qu'il enuoya à Constantinople remontrer à Selim, que contre les articles de la trefue, le Transilvain auoit pris les armes & saccagé ses places, & outre ce s'estoit allié du Moldaue, en intention de faire de grands rauiages en Hongrie : c'est pourquoy il faisoit prier sa grandeur de ne trouuer point mauuais s'il se deffendoit, & que s'il ne vouloit point prester son consentement à telles entreprises, qu'il s'asseuroit de rongner les ongles de si près au Transilvain, qu'il l'empescheroit bien de passer plus outre : que si d'ailleurs cela se faisoit par son commandement, qu'il desiroit sçauoir en quoy il auoit peu auoir enfreint leur alliance, pour se iustifier ou retourner à la guerre comme auparauant. Selim fit response que ce que ceux-cy auoient fait, n'estoit en façon du monde de son consentement, & que si le Transilvain ou le Moldaue se souleuoient pour l'offencer, ils en seroient chastiez : & de fait comme Ican le faisoit importuner à la Porte pour tirer quelque secours, ayant des menées avec quelques seigneurs Hongrois, & des desseins sur Tocchay & sur Cassouie, Selim luy manda qu'il eust à se desister, & le menaça de le priuer de son estat, s'il remuoit en ce temps quelque chose contre l'Empereur : de sorte que toutes choses demurerent paisibles pour l'heure en Hongrie, Maximilian mesmes ayant appaisé tous les mal-contens.

Or ce qui estoit cause en partie que l'Empereur Turc auoit volontairement incliné à la paix, & qu'il vouloit qu'elle fut si religieusement obseruée, c'estoit l'aduis certain qu'on luy auoit donné de la reuolte des Arabes, & il ne vouloit rien laisser en trouble derriere luy, ains tourner toutes ses forces contre ces peuples assez farouches & indomtables, & qui encores en incitoient plusieurs autres à sedition : car les remuemens de Bajazet leur ayans desia mis cy-deuant les armes en main, ils auoient pris le temps de l'absence de Solymán, & disposé leurs affaires pour estre prests à la premiere occasion, laquelle ils choisirent à l'aduenement de ce nouueau Empereur, & firent en sorte, selon quelques-vns, qu'ils se saisirent de la Mecque, lieu qu'ils honorent fort, pour auoir esté le lieu de la naissance de leur faux Prophete, par les menées d'un nommé Aman. Ces Arabes sont ceux de l'Arabie Petrée, qui firent tant de peine à Selim premier du nom, comme il a esté dit cy-dessus, cela fut cause que pour euit à plus grande consequence, comme ils sont gens hazardeux, & craignant qu'ils ne se ioignissent au Persan, ou aux Portugais qui n'estoient pas loin de là, on enuoya vne grande armée contre eux, mais d'autant qu'ils sont gens de montagne & difficiles à auoir, on se contenta de quelques rencontres qu'on eut contre eux pour les maintenir en leur deuoir, l'accord se fit incontinent apres : car aussi bien n'y auoit-il rien à gagner avec ces gens-là que beaucoup de peine & de trauail sans profit.

Ces troubles ainsi appaiez sans grande peine, & qui auoient fait plus de peur que de mal, Selim tourna toutes ses pensées à se donner du bon temps : car vn deuin luy ayant predit qu'il ne regneroit que huit ans, il disoit ordinairement qu'il ne falloit doncques point tant se tourmenter, ains plustost les employer en toutes sortes de delices & de voluptez. Durant son sejour mourut le grand-Maistre de la Valette, ce grand guerrier qui auoit tenu teste, les années precedentes si courageusement aux Turcs, & luy succeda de Monté Prieur de Capouë. De grands prodiges arriuerent aussi en l'année mil cinq cens soixante & sept : car trois Soleils furent veus par l'espace de huit heures dans Constantinople : la Lune fut veüe couuerte d'un Crucifix, sur la ville de Capha : le Danube creut tellement que sortant hors de son canal ordinaire, il noya grand nombre d'hommes & de femmes, & de toutes sortes d'animaux, encor qu'on n'eust iamais entendu qu'il se fust auparauant si fort débordé. Le mesme aduint en Italie, où les fleuves firent de grandes inondations, & principalement Ladice, qui venant des Alpes, passe à trauers la ville de Veronne, lequel creut de telle sorte en vn moment, qu'il noya plus de deux mille personnes, renuersa plusieurs bastimens, & gasta les bleds & semences qui estoient sur la terre. On dit aussi qu'à Policastre il pleust du sang : à Rome fut veüe durant quelques iours vne Comette : on vid pareillement en l'air à Bruxelles, l'espace d'environ deux heures, des enseignes les vnes rouges, les autres iaunes, suiuiues de gens de pied & de gens de cheual armez : contre celles-cy furent veües d'autres enseignes blanches, rouges & bleües, & venir ces deux armées l'une contre l'autre, combattre furieusement, l'artillerie & l'harquebuserie faisant grand bruit, emporter en l'air les bras, les testes, & les corps entiers : fut veu aussi vn geant qui sortoit durant ce combat, & venant entre les deux armées, les mit tous en fuite. Apres tous ces prodiges

diges, survint vne horrible tempeste, qui s'éleva peu à peu avec de grands tonnerres & orages, qui faisoient trembler toutes choses, principalement au lieu dit Bourg-sainct, fort proche d'Anuers.

1589.

ENVIRON ce temps Selim depescha quarante mille Janissaires sur les confins de la Perse, d'autant que les Persans commençoient à faire plusieurs courses sur les pays de son obeyssance, estant bien aysé encores de se deffaire de ceux-cy, sous quelque bon pretexte, comme aussi afin qu'on vist qu'il entreprenoit tousiours quelque chose. Il depescha, Occhiali Calabrois, duquel il a esté parlé cy-dessus, qu'il avoit fait Roy d'Alger, (d'autant qu'au cœur de l'hyuer il luy avoit conquis la ville de Thunes, par la pratique de quelques habitans mal affectionnez à leur Roy) pour mettre à chef vne entreprise qu'il avoit sur le fort de la Goulette: ce qui luy pouvoit de beaucoup servir pour l'execution de ses desseins: mais Occhiali y estant secrettement venu avecques sept galeres, fut aussi tost decouvert & viement repoussé par ceux de dedans: outre ce il estoit attendu de Jean André Doric avecques cinquante galeres au port de Biserte, en esperance de le surprendre comme il seroit empesché à radoubier ses galeres & autres vaisseaux: mais Occhiali plus diligent, eut fait racoustrer ses vaisseaux, & se fut retiré avecques ses galeres & douze galeottes aux Gerbes & à Tripoli, pour se pourvoir de Panatque, auparavant que son ennemy en fust aduerty: cependant le General de sainct Clement de la Religion de Malte, ayant esté prié du Marquis de Pescare Vice-Roy de Sicile, de venir avecques ses galeres iusques à Trapani, partit avec le Marquis pour luy ayder à tirer quelques vaisseaux chargez de chaux, & autres materiaux preparez pour le bastiment d'un fort ordonné par le Roy d'Espagne en l'Isle de Marettime, pour asséurer la pesche du Corail, qui se fait tres-belle en ce quartier-là, & empescher les Corsaires d'y venir faire aiguade. Cela fait il retourna à Trapani, & chargea les galeres de grande quantité de provisions, de viures & de tonneaux de vin, tant qu'il en peust entrer sous couverture, & fit encores mettre des vaches & des moutons sur couverture, & des fascines à brûler, le tout pour l'auberge d'Aragon, Catalogne & Navarre, duquel il avoit charge, en opinion d'y mesnager & épargner vne somme d'argent, se delibérant d'aller à Malte, contre l'advis du Vice-Roy, des Escheuins de Trapani, & de l'Evesque de Massara, tous affectionnez à la Religion, lesquels l'aduertissoient que l'Occhiali estoit en ces mers-là, avecques plus de vingt vaisseaux: ce qui luy fut confirmé encores par l'ambe-de-bois, corsaire Marseillois, auquel l'avant-garde d'Occhiali avoit donné la chasse.

Il enuoye chasser les Perses.

Vaine entreprise d'Occhiali sur la Goulette.

Les galeres de Malte attaquées par Occhiali.

MAIS nonobstant cela, il voulut déloger sur le soir contre l'advis de ses Capitaines qui luy conseilloyent de partir à l'aube du iour pour decouvrir de loin: car au moins s'ils estoient decouverts, auroient-ils moyen de gagner tousiours l'advantage avecques la chiourme fraische iusques à Malte, ou s'en retourner en Sicile: mais il aima mieux suivre l'advis de Roland Magrò son pilote, & des mariniers qui desiroient d'aller à Malte, & voir au plus tost leurs maisons; & à l'embrunir de la nuit fit tirer le canon du depart & sonner les trompettes, puis partit soudainement du port de l'Alicata, & costoya la Sicile iusques au golphe Terranoua, pour égaler l'Isle de Malte. De là les vents Grecs s'estans rafraischis, les galeres s'élargirent de la Sicile pour traverfer le canal de Malte: & sur l'aube du iour, la Capitaine se trouva sur le Cap de S. Dimitrio de l'Isle de Goze éloignée du chemin que les pilotes pensoient tenir: car ils gouroient fortune de se trouver mélez parmy l'armée d'Occhiali de la portée des harquebusades, qui les attendoit cependant sur le passage, ayant ouy le coup de canon du depart des galeres de Malte. Or craignoit-il du commencement que ce fust l'armée de Doria, qu'il sçavoit bien estre en queste de luy, mais ayant veu la fregate que la Capitaine de Malte avoit laissée, pour n'estre empeschée à la tirer, alors reconnoissant que c'estoient les galeres de Malte qui estoient foibles, & ne cherchoient qu'à se sauver, il leur donna viement la chasse avecques tous ses vaisseaux; lesquelles se voyans poursuivies par l'ignorance du Capitaine qui n'avoit pas bien réglé son fait, au lieu de voguer ensemble, elles se separerent, deux, à sçavoir la Capitaine & la S. Jean, allans ensemble iusques au prochain terrain, qu'elles pensoient estre l'Alicata, qui fut requises fois mal reconneu par leurs pilotes, & la Patronne & celle de sainte Anne tiroient à part contre le Ponant, & estoient plus pres de leurs ennemis, où au contraire si elles eussent esté serrées, & tirans de leurs poupes à force d'harquebusades, *de posts*, il estoit impossible à un grand nombre de vaisseaux de les atteindre & de les forcer en leur donnant la chasse: toutes fois encores advancerent-elles de quatre ou cinq milles à l'ayde des vents de Levant & des vents Grecs, qui regnerent iusques à l'heure du dîner, qui fut le Samedi quinziesme

Leur General mal conseillé.

Combat naval.

1569.

jour de Juillet qu'ils cessèrent, laissant vne grande bonasse & vne excessiue chaleur. Alors Occhiali qui estoit avecques le Xerif fils du Roy de Fez, commença à gagner l'advantage, chassant la Capitaine & la saint Iean avec douze vaisseaux, enuoyant les sept contre les deux autres.

M A I S les Capitaines ayans fait tous leurs efforts pour se sauuer avecques leurs voiles & les rames, & ietté en mer tous empeschemens, mesmes les rambades, & se voyans approchez de cinq galeottes, les autres deux encores fort éloignées, ils se maintinrent ensemble, & delibererent de tourner les prouës & de combattre, & en fin de tascher de faire trespucher quelques vnes des galeottes, & charger viuement les autres, auparauant que les deux fussent approchées, & en cette resolution ayans encouragé leurs soldats, ils desererent les chiourmes & leur baillerent des armes. La Patronne auoit fort promptement amené, & tournoit la prouë hardiment contres les Turcs, mais celle de saint Agnes, amenant les voiles, le bastard s'embarassa, & se print à la cage de l'arbre de la Meilanie, qui n'estoit point desarboré, tellement que n'ayant peu amener ny demeurer vnie pour combattre avecques la Patronne, elle fut suiue & chassée separement par les cinq galeottes & inuestie entre l'Alicata & Grigenti, estant ainsi furieusement assaillie par cinq endroits, mais elle fut aussi valeureusement desfenduë l'espace de quatre heures, iusques à ce que les deux autres galeottes suruinrent encores, qui iointes aux autres, toutes sept ensemble firent tant d'effort, & tuerent & blessèrent tant de gens, qu'en fin ils s'en rendirent les maistres, non sans y auoir perdu grand nombre des leurs; d'autant que ceux qui restoiert en la galere, se desfendoient courageusement, & tiroient de pas en pas dessus & dessous la couuerture, & en estoient tousiours quelqu'un: Il y mourut vingt Cheualiers & plusieurs blessez, qui moururent depuis à Alger; le grand combat que rendit cette galere, donna temps à la Patronne de se sauuer dessous Grigenti, s'attendant encores d'y estre assaillie & de combattre à son tour. Quant à la galere S. Iean, si le Capitaine Voguedemar eust bien tenu la main à solliciter & chastier les Forçats qui voguoient en esperance de se sauuer, & décharger la galere, comme il pouuoit faire, elle se fust sauuée, mais comme il se vid enuironné de ses ennemis, il perdit cœur, & se rendit sans combattre à Occhiali, qui la prit & y entra luy-mesme.

Les galeres
de Malte en la
puissance des
Turcs.

Le peu d'auis
tant du General
que du Pilote.

Nombre des
Cheualiers
que morts
que prison-
niers.

LA Capitaine se pouuoit retirer sous le chasteau d'Alicata, n'eust esté l'ignorance du pilote Orlando, qui l'outre-passa & se la mit en poupe, & voyant le General S. Clement, que le pilote & son comite auoient perdu courage & ne faisoient plus leurs charges: Cettuy-cy de solliciter les esclaves, lesquels il épargnoit come ses maistres: cettuy-là de commander le chemin, luy-mesme demeura tout éperdu & abandonna tout; toutes fois quelques autres Cheualiers se mirent aussi-tost çà & là sur la corsia, l'espee à la main, menaçans & chastians les Forçats, si qu'ils remirent chacun en leur deuoir: mais l'épouuante leur reprit de plus belle, quand les mariniers qui pouuoient encores sauuer la Patronne à Gergento, virent venir de loin à eux les deux galeottes, qui retournoient de la charge de la Patronne, se resolurent de se sauuer dans la bouche de la riuere, qui se décharge sous la tour de Monté Chiacco, & d'y faire entrer la galere, la Poupe la premiere, esperans qu'avecques l'artillerie & l'harquebuserie de la prouë & celle de la tour, ils se desfendroient fort bien contre les Turcs: mais l'anchre ayant esté ietté en mer, ils laisserent courir la bozze tant que galere s'estendit, & donna à trauers contre terre, & lors chacun pensa à se sauuer: le General fut le premier qui se sauua avecques son argenterie, & quelques autres Cheualiers avecques luy dans la tour de Monté Chiacco. Occhiali arriva sur ces entrefaites, qui s'ébahist fort commet on n'auoit point empesché l'embarasement qui estoit en cette galere, & que par aduance on ne l'auoit point allegée, & jetté en mer plusieurs choses que nous auons dites cy-dessus, qui causoient cette confusion; mais en estant alors demeuré le vainqueur, il la retint pour soy: & quand il fut paruenue à la dignité de Baïla, & de General de l'armée de mer, il en fit la Capitaine, & l'orna de trois lanternes. Il y eut en cette route soixante-deux Cheualiers que morts que pris & esclaves, sans vn grand nombre d'autres soldats & gens de chiourme. Occhiali s'en retourna à Alger, où il entra en triomphe le vingt-cinquième iour de Juillet, & de là il enuoya à Constantinople la galere de sainte Agnes, parée & armée de poupe à prouë, & deux Cheualiers vestus fort pompeusement à leur façon, pour estre présentée à Selim. Cette perte fut encores de plus grande importance, d'autant que le grand-Maistre auoit resolu d'enuoyer vn bon secours aux Venitiens pour l'Isle de Cypre, qui leur fut venu fort à propos: car encore que Selim ne fust point homme de guerre, & qu'il aimast mieux le couuert que la campa-

gne, toutesfois irrité de ce qu'Occhiali auoit esté repoussé de deuant la Goulette, il desiroit de s'en vanger. 1569.

OR tout au commencement de son regne, la Republique de Venise auoit député vn homme illustre & excellent en la connoissance de plusieurs choses, nommé Marin Cabalus pour aller à Constantinople, & renouueller les anciennes alliances: Cettuy-cy chargé de dons à l'ordinaire, apres auoir mugueté quelque temps les principaux de la Porte, qui luy faisoient l'affaire bien difficile, afin de tirer tousiours quelques nouueaux presens: finalement ayant eu audience, Selim iura vn serment solennel, & ratifia ce qui estoit en ses patentes sellées de son seau: On dit que la forme du serment presté par Selim fut telle: *Je iure & promets par le DIEU eternal createur du ciel & de la terre; par les ames des septante Prophetes, par mon ame, celles de tous mes ancestres, de garder de point en point à la Seigneurie de Venise, tous droits d'alliance & d'amitié conseruez iusques à present, & de les tenir pour saints & inuiolables, comme ils sont declarez par mon seing.* Apres cela Selim adiousta quelque peu de paroles à l'Ambassadeur pleines de courtoisie & d'humanité, & toutesfois assez mal limées, comme ce Prince auoit vn langage assez grossier, lesquelles particularitez i'ay bien voulu remarquer, pour faire voir combien il garda mal sa parole; car au bout de deux outrois années, il commença d'auoir des desseins sur l'Isle de Cypre, par l'inuention d'un Iuif & Espagnol, ou sorty des Iuifs, que iadis Ferdinand chassa d'Espagne, nommé Iean Micqué, lequel n'auoit laissé Prouince Chrestienne où il ne se fust arresté, non comme vn passant ou pour y trafiquer, mais pour épier ce qui s'y faisoit, afin d'en faire apres son profit. Ayant doneques negocié à Lion, puis à Marseille, & de là passé à Rome, visité la Sicile, & demeuré quelque temps à Venise, où il fut sollicité de se faire Chrestien: finalement il s'en alla à Constantinople, où il trouua moyen d'estre présenté à Selim, auquel il sceut faire entendre tant de choses, comme il auoit l'esprit subtil, que ce Prince le print en affection.

III.

Peruadé à la conquête de l'Isle de Cypre par un Iuif.

VOYANT doncques vn si bon commencement à ses entreprises, ce meschant garniment se fit premierement Turc, puis il commença à solliciter Selim contre le Duc de Nésie, vne des Cyclades, issu de la race des Crispes, qui estoit le vingt & vnième Duc de cette Isle, afin deluy oster sa Principauté, esperant de l'obtenir quand il en seroit chassé, comme il aduint. Car ce Duc aduertý des menées qu'on faisoit contre luy, s'achemina à Constantinople pour deffendre sa cause, & scachant bien la coustume des officiers de la Porte, qui ne rendent iamais vne bonne responce qu'on ne leur ait premierement remply la bourse, porta quant & soy enuiron quinze mille escus pour gagner ceux du Conseil, mais il fut pris à son arriuee & mis prisonnier, perdant en mesme temps & son argent & tout son bien: car on luy osta son Duché qu'on donna au Iuif, il fut neantmoins au bout de quelque temps deliuré de prison comme innocent, & qui n'auoit commis aucune faute, toutesfois il ne peust iamais recouurer sa Principauté, si que réduit en vne extrême pauvreté, il s'en vint à Venise: Les Venitiens ayans compassion de ce pauvre Prince, qui par la malice & l'enuie de ce circoncis, estoit tombé en cette misere & calamité, & non par sa faute, vserent d'une grande liberalité en son endroit, comme fit aussi le Pape, estant allé à Rome.

Qui se fait Duc de Nésie.

CETTE retraite rendit ce Micqué ennemy de la Republique, & comme il cherchoit les moyens de les ruiner, s'il pouuoit, il mit en teste à Selim la conquête de l'Isle & du Royaume de Cypre, luy disant que le Sultan du grand Caire auoit vn iuste droit sur les Isles de Cypre, & de Rhodes, comme dépendantes & hommageables à la couronne de Palestine, sur laquelle il commandoit, & que par consequent il y pouuoit bien autant pretendre que luy, puis qu'il iouyssoit alors de ces Seigneuries. Outre ce il luy donna aduis que de certains Iuifs siens confidens luy auoient escrit qu'à Venise le troisième iour de Septembre de l'an mil cinq cens soixante & neuf, l'Arsenal auoit esté brûlé, où toutes les munitions furent gastées, & pour la plus-part perduës, avecques vn si épouuëtable bruit, qu'il fut entendu à plusieurs milles loin de là, & qu'apres estoit suruenü vne chaleur si intolerable, qu'il fallut pour subuenir au peuple, mettre la main aux munitions qu'on reseruoit pour les armées, luy rendant à cette occasion la conquête de ce Royaume plus facile; car ceux-cy ayans ainsi leurs forces affoiblies, ne pourront iamais, disoit-il, resister à sa grandeur, & puis toute la Chrestienté est diuisée pour la diuersité des opinions qui regnent auioürd'huy en cette Religion, & les Princes Chrestiens assez attentifs à leurs querelles particulieres, ne se soucieront pas beaucoup de leur donner secours, joint que ta

Peruasions du Iuif à Selim, pour entreprendre sur l'Isle de Cypre.

Embrasement à l'Arsenal de Venise.

1569. grandeur peut dresser vne telle armée, mesmes à leur deceu, qu'elle aura plustost pris terre dans l'Isle, qu'ils n'en auront tous ouy le bruit.

Selim incite le Duc de Sauoye à s'emparer de l'Isle.
 Ce discours estoit fort agreable à Selim, qui oilladoit desia cette Isle quelques années auparavant, & ne cherchoit que quelque pretexte coloré pour s'en emparer; car mesmes dès l'année 1567. il auoit enuoyé secrettement au Duc de Sauoye pour l'inciter à vouloir rauoir cette Isle qui luy appartenoit de droit, luy promettant pour ce faire toute sorte de secours & d'ayde, pour l'en rendre paisible possesseur; mais le Duc n'y auoit iamais voulu entendre. Ce que voyant Selim, il resolut en fin de l'auoir à quelque prix que ce fust: car il luy sembloit bien que cette conqueste luy seroit plus aysée que toute autre, veu l'occasion qui se presentoit: vne chose l'y porta encores particulièrement, c'est qu'il voulut bastir vne Mosquée, mais le Muphty s'y opposa, luy disant qu'il ne la pouuoit faire en bonne conscience, qu'apres quelque grande conqueste sur les Chrestiens, pour la renter; n'estant, disoit-il, permis au grand Seigneur de fonder vne Mosquée du Chafna ou reuenu de l'Empire, mais seulement de celuy des pays par luy conquis. Toutes ces choses l'auoient beaucoup excité, & le firent resoudre à le proposer à ses Bassas: on tient que ce conseil fut tenu au mois de Nouembre, le troisieme an de son Empire, & qu'estant sorty de Constantinople, comme pour aller à la chasse, il leur communiqua cette entreprise, (les Turcs appellent cela le conseil à cheual.)

Il propose cette guerre à ses Bassas.
MAHOMET qui estoit lors premier Vizir & en tres-grand credit, tant pour les belles choses qu'il auoit faites en Hongrie, que pour auoir introduit si dextrement Selim à l'Empire, que vous auez entendu, soit par quelque bonne volonté qu'il portast aux Chrestiens, ou pour les grandes pensions qu'il tiroit des Venitiens, commença de luy dissuader, remonstrant combien l'amitié de cette Republique auoit esté tousiours chere à leur Empire: c'est pourquoy ces grands Monarques ses deuanciers, quelques grands guerriers & conquerans qu'ils fussent, comme Mahomet, Selim & Solyman, auoient tousiours entretenu cherement leur amitié: ce dernier entre autres, l'Auguste & le Cesar tout ensemble des Seigneurs Othomans iusques à luy, les auoit gratifiez souuent de plusieurs choses, pour les engager dauantage à son amitié, & les obliger par ses courtoisies à quelque particuliere bienveillance. Qu'il seroit bien plus à propos d'aller dōner secours aux Maures de Grenade, si cruellement traitez par le Roy d'Espagne: car en ce faisant ce seroit donner secours à ceux de leur party, qui estoient oppressez par les infidelles, & que cette victoire qu'on obtiendrait contre eux (comme ils pouuoient auoir le dessus de leurs ennemis avec vn si bon secours) redonneroit tousiours à la gloire & à l'honneur de leur Religion & de leur saint Prophete, ioint que ce seroit vn moyen de vanger les anciennes inimitiez que le Sultan de tres-heureuse memoire auoit contre la maison d'Autriche, avecques vn tres-grand acheminement pour se rendre toute la Barbarie paisible; si mesme par les intelligences de ceux qu'ils auroient secourus, ils n'empietoient l'estat de celuy qui leur estoit si contraire, & qui pensoit par sa superbe plustost que par ses forces, tenir teste à la tres-redoutable puissance des Sultans Othomans, si bien que de cette entreprise il en pouuoit reussir trois choses de tres-grande importance: la conseruation premierement des fidelles Musulmans, la ruine de leurs ennemis, & s'ouurir le pas par vn mesme moyen à de grandes conquestes. Mais en l'entreprise de Cypre on rompoit la foy avecques de tres-anciens amis. & si on feroit remuer toute la Chrestienté pour venir à leur secours, si bien qu'au lieu de gloire & d'honneur, nous courons, disoit-il, fortune de receuoir beaucoup d'ignominie, comme nous eusmes, lors qu'on voulut entreprendre contre l'Isle de Corfou, qui appartient à la mesme Republique, & depuis en l'Isle de Malte, y ayant bien autant d'apparence que les Venitiens seront secourus, que cette petite troupe de Cheualiers, & que par consequent ils ne fassent tous leurs efforts pour empescher nos desseins: ce qui leur reussira d'autant plustost, qu'ils seront fondez en meilleur droit, ayans de nostre part rompu vne alliance que nous leur auons depuis peu si solemnellement jurée.

Combatus par ceux de l'opinion contraire.
 A v contraire les autres Bassas, & principalement Piali & Mustapha, qui par vne secrette enuie qu'ils portoient à cettuy-cy, marris de son aduancement, s'opposoient tousiours à ses desseins & conseils, connoissans encores que leur Seigneur estoit porté à cette entreprise de Cypre, se rendirent aussi de ce costé, tant par vne maniere de flatterie, que pour auoir encores meilleur moyen d'estre employez, l'vn par mer & l'autre par terre en cette entreprise. Et disoient que suiuant le conseil de Mahomet on quittoit le certain pour l'incertain, & ce qui estoit à leur porte pour ce qui estoit infiniment éloigné, la guerre

guerre de Grenade bien plus perilleuse que celle de Cypre, car ce n'estoit prendre en cel- 1569.
le-là que le party de quelques reuoltez sans pouuoir, que pour leur donner secours tel qu'il
estoit necessaire pour les deliurer, qu'il ne falloit pas qu'il fust petit : car le Roy d'Espagne,
sans autre secours que de ses pays, estoit assez puissant pour se bien deffendre : que si on
pensoit entreprendre sur son Estat, auoit-on opinion qu'il fust delaisé : & que les Fran-
çois, nation si belliqueuse, quelque ennemie qu'elle fust de l'Espagnole, & alliée des Mu-
sulmans, n'aimast pas beaucoup mieux auoir pour voisins les Espagnols que les Turcs
(comme ils nous appellent.) Que si on y meinte vne armée Imperiale, quelle grande dépen-
se sera-il necessaire de faire : le Chasna estant desia tout épuisé par les guerres precedentes,
& quelles richesses encores pouuons-nous acquerir parmy des deserts & des terres arides,
comme il nous faudra passer le plus souuent : Mais prenons le cas que nous donnions se-
cours à nos freres : c'est là toute la recompense de nos labours ; car d'hyuerner en des quar-
tiers si éloignez, & laisser le timon de l'Empire pour s'arrester aux cordages, (comme il y
faudroit estre plusieurs années auparauant que de nous en rendre les maistres : comme en
Hongrie, qui estoit neantmoins frontiere de toutes parts à nos garnisons) il n'y a pas gran-
de apparence.

Or cela ne va pas de mesme en la guerre de Cypre, premierement elle appartient de
droit au Seigneur à cause de sa Sultanie d'Egypte : que si les Venitiens en iouyssent au-
jourd'huy, c'est plus par vsurpation que par legitime possession : Mais peut-on appeler vn
bon amy celuy qui retient le bien de son confederé ? Et pourquoy le Seigneur ne pourra-
il reprendre ce qui luy appartient quand il luy plaira, ayant mesmes les forces à la main ?
Cette Isle au demeurant est au milieu de nostre Empire, fort éloignée des Venitiens, de
qui la foiblesse n'est pas bastante (principalement hors de leur enclos) pour estre opposée
à la force tres-redoutable des Othomans ; au contraire nous pouuons à tous moments
donner secours à nos gens, sans nous incommoder, & puis elle est tres-riche & tres-excel-
lente, qui est vn moyen de pouuoir entretenir cette guerre-là par elle-mesme, si tost qu'on
aura mis le pied dans l'Isle : que si on doit auoir aussi quelque égard à la Religion, à la-
quelle il semble que Mahomet soit le plus porté en apparence, est-ce moins de zele & d'af-
fection à icelle de deliurer ceux qui sont tous les iours à nos portes, que d'aller rechercher
ceux qui sont au loin : ne voyons-nous pas que cette Isle nous empesche tout le nauigage,
& que les sujets du Seigneur sont pris & faits esclaués à tous propos, par les corsaires de ces
Gauris qui infestent toutes ces mers, & ont tousiours leur retraite assurée dans les for-
tes places de l'Isle, quelque déguisement que les Venitiens y veuillent apporter. A cela
on peut encores adioster que c'est vne honte à l'Empire des Othomans, de voir leurs en-
seignes arborées parmy les contrées les plus éloignées de la terre habitable, & qu'ils ne
puissent retirer vne Isle qui leur appartient, enclauée encores au milieu de leur domina-
tion.

Ces raisons assez specieuses d'elles-mesmes : mais fortifiées encores par Selim, Selim se ran-
qui estoit plus enclin à cette guerre qu'à l'autre, il fut resolu qu'on iroit en Cypre, où il di- ge de ce par-
soit encores vouloir aller en personne, avecques vne telle affection, qu'un chacun croyoit ty.
que s'il n'auoit point entrepris cette guerre dès le commencement de son regne, ce n'e-
stoint que les empeschemens qu'il auoit eus alors, qui l'en eussent retenu : car à son adue-
nement à la Couronne, ayant trouué l'Empire dégarny d'hommes & d'argent, il falloit
du repos & du temps pour remettre sus-pied vne armée nauale, puis s'oster tous autres
empeschemens qui l'eussent peu destourner d'une telle entreprise ; pour laquelle ayant fait
toutes les prouisions necessaires, il n'y auoit plus moyen de la differer. Marc-Anthoine Les Venitiens
Barbarus, qui estoit pour lors dans Constantinople, homme tres-accort, en auoit dili- aduertis des
gement aduertit la Seigneurie : mais les Senateurs ne pouuoient y adioster foy ; si bien desseins des
que lors qu'on parloit de faire prouisions, ils alleguoient qu'il y falloit proceder dextre- Turcs.
ment, afin de n'exciter point Selim à ce que peut-estre il n'auoit point pensé, & que s'ils
faisoient cela à l'estourdy, ce seroit plustost haster le peril que de l'éuiter ; car tous les
Bassas soustenoient que le Seigneur n'y auoit aucun dessein : mais Barbarus fit en sorte
avecques le Dragoman du premier Bassa, qu'il decourrit qu'on faisoit plusieurs proui-
sions, & principalement grand nombre de vaisseaux, qu'on bastissoit au golphe d'Aizze, &
en la grand' mer, & que le Beglierbey de la Natolie auoit commandé à tous les soldats de
la Prouince de se tenir prests pour aller en Caramanie, de toutes lesquelles choses il donna
adués au Senat, le premier iour de Ianuier 1570. cela fut cause qu'ils penserent de plus pres
à leurs affaires.

1569.

Menées des
Turcs dans
l'Isle de Cy-
pre.Les traistres
découverts.Exécutez à
mort.Les Venitiens
enuoyent du
secours de
toutes parts.
Recherchent
particuliere-
ment les Per-
ses.Qui ne leur
font point de
réponse.Grands pré-
paratifs des
Turcs pour
cette guerre.Remonstrece
du Bayl à
Mahomet
Bassa qui les
fait entendre
à Selim.Chaoux en-
uoyé à Venise.

DURANT que ces preparatifs se faisoient de part & d'autre, Scender qui estoit Gouverneur de la haute Mysie, faisoit plusieurs menées dās l'Isle, & auoit attiré à luy vn certain Diaforinus Cypriot de nation, tres-accort qui auoit la parole fort bonne, & fort bien instruit aux affaires de l'Isle, s'employant pour les vns & pour les autres, ce qui luy auoit acquis la bien-veillance d'vn chacun. Cettuy-cy gagné par les belles promesses du Sanjac, cherchoit des inuentions pour luy liurer quelque place entre les mains : car si cela pouuoit arriuer, il ne seroit pas mal-aysé de la conseruer, à cause du voisinage, ioint que ce seroit vn moyen de s'emparer des autres par apres, à cause des haynes & querreles ordinaires qui estoient entre les Cypriots. Or s'escriuoient-ils quelquesfois en langage Grec, & par fois en chiffre : ces chiffres estoient de petits animaux, comme mouches, fourmis, mouches, araignes, mouches guespes, & autres semblables : mais cette frequence de lettres, & les presens qu'ils s'enuoyoient les vns aux autres, donnans au commencement du soupçon, si bien qu'on l'épia : de sorte qu'on surprint vne de ses lettres, laquelle comme on la vid écrite en chiffre avecques la figure de ces animaux, on creut incontinent qu'il y auoit quelque secret qu'ils ne vouloient estre entendu d'vn chacun : aussi-tost on apprehenda Diaforinus, & comme ses lettres luy eussent esté représentées, & qu'il n'eust voulu rien confesser, on luy presenta aussi-tost la question, pour la crainte de laquelle il confessa non seulement ses desseins, mais encore il en decela plusieurs des principaux de l'Isle, qui attirez aussi bien que luy par les promesses de Scender, ennuyez encores d'obeyr aux Venitiens, ausquels ils ne vouloient ceder, ny en noblesse, ny en moyens, auoient conspiré tous ensemble de mettre l'Isle entre les mains des Turcs. Il fut executé à mort & quelques autres de ses complices.

Ces choses se passans ainsi en Cypre, les Venitiens auoient cependant enuoyé de tous costez pour auoir secours, & supplié le saint Pere, d'y interposer son autorité : ils tirerent quelques secours d'Espagne & du saint Pere, mais bien peu d'ailleurs : ils auoient aussi enuoyé à Tachmas Roy des Perses, pour le solliciter de prendre les armes, luy faisant remonsttrer la belle occasiō qu'il en auoit, toutes les plates de Selim estans dégarnies de gens de guerre qui s'en alloient en Cypre, & qui en ce faisant demeuroient en proye à qui les voudroit : mais on fit tant de remises & de longueurs à cēt Ambassadeur, tantost disant qu'il y falloit proceder autrement, tantost qu'il falloit premierement voir le succez de la Ligue Chrestienne, sur laquelle on pourroit asseurement se resoudre, & mesmes qu'il ne peust iamais estre admis à parler au Roy, qu'il fut contraint de s'en aller, connoissant clairement par là, que Tachmas desia fort vieux, ne recherchoit plus que la paix, & fuyoit les occasions dont les Turcs eussent peu entrer en quelque soupçon qu'ils eussent voulu s'entendre avec les Chrestiens contre eux.

Mais les Turcs sans s'appuyer que sur leurs propres forces, auoient bien plustost fait, & comme l'obeyssance est en tres-grande recommandation entre eux, principalement au fait de la guerre, & la diligence n'est pas moindre encores à l'execution de ce qui leur est commandé, fabriquoient plusieurs vaisseaux à Constantinople, faisoient faire grande quantité de biscuit en la Morée, & auoient enuoyé vingt-cinq galeres en Alexandrie, pour apporter les prouisions qu'on auoit dressées pour l'armée : on preparoit aussi vn nombre quasi infiny de vaisseaux appelez Mahones & palanderies, faisant vn fort grand appareil de toutes choses, selon la coustume de cette nation, quand leur Empereur va à la guerre : car le bruit couroit tousiours qu'il y vouloit aller en personne. Cela donnoit beaucoup de peine au Bayle Venitien qui estoit à Constantinople : car il n'osoit plus rescrire, de crainte que ses lettres fussent surprises, comme il scauoit qu'on auoit fait de quelques-vnes : mais en fin il trouua moyen de faire entendre à Mahomet Bassa, qu'il scauoit n'approuuer point cette entreprise, que cela estoit indigne de la generosité d'vn si grand Prince, d'assailir à l'improuiste ceux qui sous sa foy & serment se tenoient asseurez, comme si les forces luy pouuoient manquer, quand le temps & l'occasion le requerroient, pour les employer contre eux, & pour en auoir ce qu'il en peut iustement pretendre. Qu'il estoit bien plus à propos de se seruir premierement de la iustice que de la force, & terminer plustost, si faire se pouuoit, cette affaire par la douceur, auparauant que d'en venir aux armes. Le Bassa en fit ouerture à Selim, qui la trouua fort à propos, & y enuoya vn Chaoux nommé Cubat, lequel estant arriué à Venise, fut introduit au Senat sans aucune ceremonie, & fut neantmoins mis au siege accoustumé, à la main droite du Prince, duquel ayant baisé la robe, apres plusieurs reuerences, il presenta vne bourse tissüe d'or, dans laquelle, selon la coustume, estoient les lettres de Selim de telle teneur.

Les



LES plaintes que les Gouverneurs des places que nous tenons sur vos frontieres, sont journellement à nostre bien-heureuse Porte, du trouble que vous leur apportez en leurs possessions, & principalement aux anciennes bornes de la Dalmatie, qui par l'ancienne convention faite avecques nos predecesseurs auoient esté establies entre l'un & l'autre Empire, & les aduis qu'on nous a donnez que les Generaux de vos galeres, ont fait mourir plusieurs bons Musulmans & renommez Capitaines qui se reclamaient de nostre bien-heureux nom. Mais sur tout la retraite assurée que les Corsaires de Ponant ont en l'Isle de Cypre, où ils sont les bien-venus, au grand preiudice de nos sujets, qui en sont vexez & molestez de toutes parts, empeschans le trafic & la liberté de leur navigation, encores que vostre Republique ays tousiours receu appuy & faueur de nostre tres-illustre Couronne. C'est pourquoy pour eniter à semblables desordres, & oster doresnauant tout sujet de diuisions & querelles, si vous desirez conseruer nostre amitié, nous vous mandons que vous ayez à nous ceder presentement l'Isle & le Royaume de Cypre qui nous appartient de droit, & de laquelle vous n'avez iouy iusques icy que par souffrance : car aussi bien sommes nous resolu de l'auoir par force, si vous ne voulez de bonne volonté, & d'y amener une si puissante armée, tant par mer que par terre, que nous la rangerons aysément sous nostre obeyssance, & de vous continuer sans relasche une si rigoureuse guerre sur les terres de vostre domaine, que nous prendrons une suffisante vengeance des torts que nos sujets ont receu de vous, ayant telle esperance en DIEU distributeur des victoires & son bien-heureux Prophete Mahomet, en faueur duquel la tres-redoutable famille des Othomans est paruenue à un si grand Empire, que nous sortirons victorieux & triomphans de cette entreprise.

Lettre de Selim aux Venitiens.

ON n'auoit pas voulu lire ces lettres deuant le Chaoux, de sorte qu'il fut luy mesme contraint d'en dire la substance; à quoy le Prince luy dist, que le Senat auoit desia resolu sa response, laquelle il luy fit lire par le Secretaire du conseil des dix, de telle substance.



*Q*UE le Senat s'estoit grandement émerueillé d'entendre que son Seigneur sans auoir esté prouqué & sans occasion quelconque, vouloit violer & enfreindre ce serment, avecques lequel il auoit si solemnellement confirmé la paix, & prenoit pour pretexte de leur faire la guerre, qu'ils luy cedassent un Royaume que la Republique depuis tant d'années possedoit legitimement & paisiblement, lequel il se pourroit bien assurer qu'on ne luy quitteroit iamais. Mais puis qu'il auoit deliberé d'y proceder de la façon, que le Senat de Venise ne manqueroit point à defendre ce qui luy appartenoit, esperant d'autant plus le pouuoir faire, que la iustice de leur cause leur apporteroit tous ayde, & secours diuin & humain.

La response qui fut faite au Chaoux.

MAIS le Chaoux pouuoit repliquer aux Venitiens, ce que Mocenique leur General respondit à Charlotte heritiere de Cypre, à sçauoir que les Royaumes dependoient plus de la force & des armes, que des loix & de la iustice, encores que l'aymeroies mieux dire que tout a son principal ressort de l'eternelle Prouidence, qui en dispose, comme il luy plaist; il luy fut dit apres que les lettres de son seigneur estans traduites, on les liroit, & qu'on feroit response, & avec cela le Chaoux fut licentié sans autre plus grand discours.

LA guerre ainsi denoncée & acceptée par les Venitiens, contre l'aduis mesme du Prince Lauredan leur Duc, qui disoit qu'on deuoit traiter plus doucement avecques Selim, n'estimant pas qu'il y eust homme de sain entendement qui creust que les Venitiens peussent domter par armes les grandes forces des Turcs, ny mesme subsister longuement à l'entretien des grandes armées qu'il leur conuenoit faire à l'aduenir. Chacun se prepara à la guerre, les garnisons Turquesques commencerent à courir l'Albanie & la Dalmatie, aussi-tost que le Chaoux eut dit à Raguse la response qu'il auoit receuë du Senat Venitien : & se vinrent camper deuant Dulcigne & Antuari, où ils ne firent rien toutesfois, ces places estans fournies de bonne garnison, & eux n'ayans l'artillerie necessaire pour faire siege. Mais Selim se trouua fort irrité, de ce qu'on n'auoit point fait les ceremonies accoustumées à la reception de son Ambassadeur, & de ce qu'on ne luy auoit point enuoyé homme exprez pour la resolution d'une telle affaire, & voulant en sçauoir les particularitez, il se fit raconter le tout par Cubat, lequel luy rapporta aussi quelles forces ils auoient destinées pour cette guerre, & le grand appareil qu'ils faisoient. Ce qui estonna du commencement Selim, & se repentoit quasi de son dessein, mais ceux qui le luy auoient persuadé, luy firent bien-tost reuenir les esprits, commandans qu'on mist des

IV.

Le Duc de Venise n'est pas d'aduis qu'on se declare contre le Turc.

Courses des Turcs en la Dalmatie & Albanie.

Selim irrité du mepris qu'on auoit fait de son Ambassadeur.

1570.

gardes à la maison du Bayle, & d'en faire de mesme aux Consuls d'Alexandrie & d'Halep: tous ceux de la porte s'émerueillèrent fort aussi de cette résolution des Venitiens, sachans combien ils auoient eue chere par le passé l'amitié de leur Seigneur, se persuadans qu'ils essayeroient toute autre chose, premier que d'en venir aux armes.

CELA fut cause de haster dauantage toutes choses à Constantinople, qui estoient encores disposées plus promptement, d'autant que Selim qui disoit vouloir en personne se transporter à l'armée, changea d'aduis, & se resolut de demeurer à Constantinople, par le conseil de Mahomet & Mustapha Bassas, auxquels tous les autres Bassas condescendoient. Il declara doncques Mustapha son Lieutenant general en cette guerre, luy donnant toute la charge de l'entreprise, descendue que seroit l'armée en l'Isle, faisant Piali Bassa General des galeres, & luy donnant la surintendance de toutes les factions sur la mer.

Selim ne fut point en cette guerre.

L'armée part de Constantinople.

Deuât le fort de Tine, d'où elle decampe.

Nombre des vaisseaux de l'armée Turquesque.

Tout estant doncques préparé, Piali partit le premier de Constantinople; Mustapha le suiuit bien-tost apres, auquel par vne faueur extraordinaire Selim donna la galere Imperiale pour le porter, tres-grande & richement parée, sur laquelle monte le grand Seigneur quand il marche à quelque entreprise, & s'en allerent premierement mouiller l'ancre à Negrepont, puis à Rhodes: en passant toutesfois Piali essaya de surprendre le fort de Tine, vne Isle appartenante aux Venitiens, sur les confins de l'Archipelague; mais ils furent si brauement repoussez par ceux de dedans, qu'apres auoir rauagé toute l'Isle, ils furent contraints de decamper & de s'en aller à Rhodes, où ils trouuerent le reste de l'armée, qui montoit à plus de deux cens vaisseaux legers & armez, en y comprenant cent cinquante galeres que fustes & galiottes, avecques quelques Mahones, six nauires & vn grand nombre d'autres vaisseaux, vulgairement appelez caramuscobins, & enuiron cinquante palandaries pour passer les cheuaux.

Plin. lib. 1. cap. 88. & lib. 5. cap. 31.

Situation de l'Isle de Cypre.

QUANT à l'Isle de Cypre, elle est assise entre le pays de Cilicie, ou Caramanie & Syrie, regardant cette-cy à l'Orient, & la premiere à l'Occident, ayant la mer d'Egypte & Syrie au midy, & au Septentrion la mer de Cilicie, estimée auoir iadis esté iointe à la terre-ferme de Syrie; mais que par vn tremblement de terre elle en fut separée: on tient qu'elle a de circonference 550. milles, qu'elle s'estend en longueur de deux cens dix milles, à sçauoir dez le Promontoire Clide, maintenant nommé Cap saint-André iusques au Promontoire Drepan, à present Trapan: & que sa plus grande largeur est de soixante cinq milles, qui est considerée du Promontoire Fruri, à present *Capo di Gatta* ou Ganate, qui regarde le Midy, iusques à celui de Comachi, qui est vers le Septentrion: laquelle Isle est diuisée en contrées, à sçauoir de Bapho ou Papho, Andinie, Limiste, Masore, Saline, & de Mesarée, qui sont le long de la mer vers le Midy, & separée des autres par vn long alignement de montagnes: les autres regardent le Septentrion ou Tramontane, qui sont celle de Crusoc, Pendagre, Carines & Carpasse, & la derniere est celle du Viconte, posée entre celles de Saline & Carines, cette-cy est encores partie par vne suite de montagnes, éloignée de la mer vers le Nord d'un mille & demy, toutes ces contrées contenans enuiron mille villages ou casals. Isle au reste fort mal-aisée à aborder, n'y ayant port duquel il faille faire compte: mais de lieux pour surgir, toute la coste qui regarde le Midy, en est bordée & pleine, comme au contraire celle de Septentrion en est depourueüe & degarnie, tant pour l'incommodité de son assiette, que pour les vents qui ordinairement y soufflent; ioint que les grosses naus demandent des lieux plus larges que cette coste qui n'a point d'espace. Lors que les Turcs s'en emparerent, elle auoit deux fortes places entre autres pour la defense d'icelle, l'une appelée Nicosie, & iadis Thremite, siege des Roys de Cypre, située presque au milieu de l'Isle au pied des montagnes, & pres la source de la riuieredice, de laquelle fut natif & Euesque ce grand & renommé Pasteur Spiridion, pour l'autorité qu'il obtint par son zele au saint premier Cécile general celebré à Nice de Bithynie. L'autre est Tamasse ou Famagoste, où est le grand port, vis à vis duquel sont les Isles de Fogere & Elstilari: cette description ne sera peut-estre pas inutile pour l'intelligence de cette guerre, & quant à Nicosie & Famagoste, il en sera parlé cy-apres plus particulièrement, lors qu'elles seront assiegées.

Quelles fortresses il y auoit dans cettellle, lors que les Turcs s'en emparerent.

L'armée des Turcs prend terre facilement en l'Isle de Cypre,

L'**A**R M E E doncques estant partie de Rhodes, faisant voiles droit en Cypre, fut decouuverte des enuirs de Baffole, premier iour de Iuillet, d'autres disent en Auril, de l'an mil cinq cens septante, & courut toute la coste qui est depuis Limiste iusqu'au Promontoire de *Capo di Gatta*; puis ayans mis vne partie de leurs forces à terre, ils saccagerent & brûlerent le long de la mer, prenans plusieurs prisonniers: le lendemain poursuuians leur chemin, ils vinrent à Salines, où n'ayans trouué aucune resistance, ils desembarquerent facilement

1570.

facilement l'artillerie & le reste des soldats, qui fortifierent incontinent leur logis de bonnes tranchées & remparts, d'où ils sortoient par apres & pilloient le pays voisin, s'enquerrans des prisonniers des choses les plus rares de l'Isle: puis venus iusques à Leucata, neuf lieues de Salines, ils reduisirent aysément tous les gens des champs sous leur obeyssance, auxquels Mustapha faisoit faire de grands presens & de belles promesses pour attirer les autres, & principalement ceux de la montagne, afin que ne pouuans estre si tost domtez par la force, ils vinssent volontairement le reconnoistre. Ioint qu'il sçauoit assez le mécontentement qu'ils auoient du gouuernement d'alors, & le desir de quelque chagement: car encores que cette Republique ait meritoirement acquis vne reputation de sagesse en l'administration de ses Estats, comme les choses les plus éloignées du centre sont plus subiettes à corruption, les rapports qui nous sont faits de loing estans ordinairement sophistiquez par le chemin, elle auoit laissé croistre par vn laps de temps, vne certaine auctorité aux nobles de Cypre sur le menu peuple & sur les rustiques, avec vn tel excez, que leur condition n'estoit en rien differente de celle des esclaués: car ils estoient batus, vendus, & tuez à l'appetit des Grands & des riches auares, ce qui auoit causé vn grand desir à ce peuple de changer de maistre.

Le menu peuple & les villageois rigoureusement traittez par les nobles & les riches de Cypre.

A cela on adioust encores vne autre plainte que les grands-Maistres de Malte auoient souuent faite au Senat, à sçauoir que quelques particuliers d'entre eux s'estoient appropriées les Commanderies de l'Ordre de saint Iean en cette Isle, & icelles rendues comme hereditaires à leurs maisons & familles, dont il n'estoit fait aucune raison. Ce qui auoit donné occasion, comme on disoit, au grand-Maistre la Valette, de tenir la main à vne entrepryse qui se brasloit pour leur raurir cette Isle, & y establir pour Roy vn certain Maltois de natiuité, mais d'origine Grec, nommé Basilic, fort fauorisé du Monarque Orhoman: mais l'affaire ayant esté decouuerte, cette menée fut arrestée & esteinte par le chastiment d'aucuns, & meilleure garde faite pour l'aduenir, sans toutesfois reprimer les tyrannies des nobles sur les plebeiens, lesquels à cette occasion continuerent aussi d'animer le Turc, d'enuoyer vne armée en Cypre, avecques assurance d'y faire bien ses affaires: car il trouueroit les habitans du plat pays à sa deuotion. Et de fait tant s'en faut que cette grande armée les attristast, que la plus-part en tressailloient de ioye, disans qu'à cette fois DIEU chastiroit l'arrogance des riches: & quant à eux que pour finir leur misere, il leur valoit mieux perir tous ensemble que non pas seuls: que ces superbes & cruels sortissent donc si bon leur sembloit, & prinsent les armes pour la deffence de leurs richesses, qu'ils n'auoient aussi bien rien de propre qu'ils peussent conseruer, tout estant en la possession de ces auares harpies, qui leur faisoient passer leurs ans en vne miserable esclauage.

Plainte du grand-Maistre de Malte contre les Venitiens.

LES volontez de ceux de la campagne ainsi aliénées, rendoient l'entrée bien aysée aux Turcs dans cette Isle, mais ils pouuoient s'y aduancer encores avecques plus de liberté, d'autant qu'il n'y auoit pas en toute l'Isle plus de cinq mille hommes de pied en garnison, & pour toute caualerie que cinq cens Stradiots, nombre qui n'estoit pas à grande peine suffisant pour deffendre les deux places de l'Isle, Nicotie & Famagoste. Chose fort remarquable, de voir si peu d'ordre en vne telle necessité d'affaires, la Republique de Venise ayant esté assez suffisamment aduertie des desseins de ses ennemis. Mais quoy! cette sagesse humaine & le sentiment de ceux sur lesquels l'eternelle Prouidence veut exercer la puissance, deuiant mouffe, & hebetée, & semble qu'elle oste lors l'entendement aux hommes, & qu'elle deprime les conseils de ceux desquels elle veut echanger la fortune, le tout neantmoins avecques tres-grande equité & iustice. Les forces doncques manquans à ceux de l'Isle, pour repousser les efforts d'un si puissant ennemy, pour luy empescher de faire le degast par toute la campagne, ny de garder les montagnes & autres quartiers de l'Isle, on se resolut à la deffence des deux principales places, dont nous auons parlé cy-dessus. Astor Baillon, qui par la mort de Martinengue, (grand Capitaine qui y auoit amené quelque temps auparauant deux mille soldats) estoit demeuré general de tous les gens de guerre qui estoient en l'Isle, en deffaut du Prouidateur: (car Laurens Bembo estoit mort depuis quelques iours) & d'autre Magistrat Venitien, assembla le conseil, où les principales charges de la guerre furent distribuées à diuers gentils-hommes Cypriots, personnes à la verité de qualité & d'honneur, tant pour leur richesse que pour leur noblesse, & bonne affection à l'endroit de la Republique, mais fort peu experimentez au fait de la guerre. Apres auoir ainsi disposé des chefs, Astor Baillon estoit d'aduis qu'on donnast la bataille à l'ennemy, lequel disposé par le pays, & ne se doutant pas d'une telle rencôte, pourroit estre repoussé dans ses vaisseaux, ioint qu'on luy pourroit dresser quelques embusches par le chemin,

Le peu de forces qu'il y auoit dans l'Isle.

Les charges distribuées en Cypre, selon les moyens plustost que selon la capacité.

1570.

Ils veulent
faire les sages
mal à propos.

Differend en-
tre les Bassas
pour sçavoir
quelle place
ils doiuent
attaquer.

desquelles mal-aysement se pourroit-il tirer, sans vne notable perte, ce qui le pourroit bien empescher de passer outre, maintenant encores que tous leurs gens de guerre n'estoient pas armez : mais ceux qui vouloient faire les sages aux affaires où ils n'entendoient rien, temporiserent tellement, qu'ils donnerent le temps aux Turcs, de se camper tout à leur ayse deuant Nicotie.

Les deux Bassas eurent aussi au commencement quelque differend entre eux, à sçavoir quelle place ils deuoient assaillir : car Piali vouloit qu'on attaquast premierement Famagoste, esperant de l'emporter en peu de iours : disant que cette place estant perdue, il falloit de necessité que Nicotie se rendist, ayant beaucoup de bouches inutiles, dans son enclos, éloignée encores de la mer, si qu'estant enuironnée de toutes parts, & ne pouuant auoir de secours, qu'il luy estoit impossible de soutenir long-temps le siege ; mais qu'il leur falloit auoir premierement le port en leur puissance, ce qui leur seroit ayse, Famagoste estant, cōme il disoit, vne petite forteresse, foible, & avecques tant de defectuositez qu'elle n'endureroit iamais la premiere batterie, & que ceux de dedans n'estoient en si grand nombre, ny si vaillans, qu'ils eussent la hardiesse d'attendre les assauts : au contraire Mustapha soustenoit qu'il y alloit de leur reputation, si ayans vne si belle armée, ils s'arrestoient à vne meschante place, qui leur donneroit peut-estre plus de peine qu'ils ne pensoient ; ioint que les anciens Roys n'auoient pas laissé de iouyr du Royaume, encores que les Geneuois eussent tenu cette ville-là l'espace de quatre-vingts & dix ans, qu'il sçauoit aussi que toute la noblesse s'estoit retirée dans Nicotie, que les richesses & les munitions de l'Isle y estoient, de sorte que par vn seul exploit on se pouuoit rendre le maistre de toute l'Isle & de tout leur bien.

Armée des
Venitiens de
combien de
vaisseaux.

Grande peste
en cette ar-
mée.

Ces raisons & l'autorité de Mustapha firent qu'on s'arresta au siege de Nicotie, & que cependant Piali s'en retourneroit en l'Archipelague, pour empescher le passage du secours des Venitiens, l'armée desquels estoit composée de cent vingt-sept galeres subtiles & vnze grosses, & d'un grand galion d'une nouuelle inuention qui alloit à rame, le tout sous la charge de Hierosme Zane, qui se morfondoit cependant autour de Corfou à attendre Doria & Colonna, qui deuoient amener du secours, tant de la part du Pape, que du Roy d'Espagne ; & cependant vne peste & mortalité se print en cette armée qui emporta plus de vingt mille ames : ce qui fut cause que Zane s'en alla en Candie pour renforcer son armée, & là suruinrent Colonna & Doria, qui voyans l'armée Venitienne si affoiblie & si mal accoustree, ne furent pas d'aduis d'aller avecques cela combattre l'armée Turquesque. Cependant Mustapha vint se camper tout à son ayse deuant Nicotie : il est vray qu'il n'estoit venu du commencement que l'ipestir, ayant laissé son artillerie & sa caualerie derriere : cela fut cause que le Comte de Rocas, qui auoit esté donné pour Lieutenant à Baillon, & qui estoit venu à Nicotie avecques les Stradiots & Grecs Albanois, voyans que l'infanterie Turquesque estoit campée deuant la ville sans artillerie & sans nul renfort de caualerie, consulterent de luy donner vne estrette, auparauant que tout le camp fut assemblé en vn ; mais ceux qui manioient les affaires, y trouuerent encores tant d'empeschemens, que cette occasion se perdit aussi bien comme l'autre, estans cause ainsi de ruiner leur pays, à force de le vouloir asseurer.

V.

Affete de Ni-
cotie.

Qui estoit la
plus belle for-
teresse qui se
peust voir.

Quant à la ville de Nicotie, elle est assise, comme nous auons dit, à peu pres au milieu de la campagne de l'Isle, en vn tres-bon endroit & bien temperé, elle a tres-grande abondance d'eaux & vn terroir tres-fertile, elle auoit anciennement neuf milles de tour : mais les Venitiens voulans la fortifier, la reduisirent à trois, à la forme d'une estoille à vnze pointes, ayant en chaque pointe vn bouleuard tout fait de terre seulement, qui n'estoient encores reuestus de murailles, quand l'armée Turquesque y arriua, ny les fossez paracheuez : mais au demeurant la proportion de toutes choses estoit si bien gardée en cette fortification, que tous les plus grands Ingenieurs la tenoient pour la plus belle & meilleure forteresse du monde, si elle eust eu dedans vn bon chef & de bons soldats pour la defence, non qu'il y eust faute de gens : car on tient que cette cité contenoit plus de quatre-vingts mille personnes, d'entre lesquels on cōptoit dix mille hommes de pied : mais il n'y auoit en effet que quinze cens soldats : car tout le reste estoient gens mal aguerris, & encores fort mal armez, de sorte que la plus-part à faute de picques & d'harquebuses estoient armez de fourches de fer : & quant à leur Gouverneur nommé Nicolas Dandule, homme de peu de iugement, & qui auoit plus de reputation que d'effet, fut cause que les habitans commençans à se deffier de sa suffisance à l'heure du peril, auoient enuoyé à Famagoste prier Baillon de vouloir y venir avecques quelques troupes de soldats pour y commander. Mais ceux

ceux de Famagoste reputans à vn grand heur d'auoir dedans leur ville vn bon nombre de gens de guerre & vn bon Capitaine pour leur commander, ne leur voulurent iamaiz permettre de sortir; ioint que Baillon mesme craignoit que les soldats qu'y auoit amenez Martinengue, demeurez sans chef, & qui ne vouloient obeyr qu'à luy, n'apportassent en son absence quelque discorde en la cité; si bien que le Bassa eut toute commodité d'assembler ses forces toutes en vn, & asseoir son camp en la campagne voisine de la ville, & le long des monts mandians où estoit le pauillon de Mustapha, & là contre l'opinion de tout le monde ils creuserent des puits où ils trouuerent de l'eau en grande abondance: quant à leur caualerie, elle campa du costé que venoient les sources des eaux qui alloient à la forteresse & citadelle de Nicotie, lequel lieu s'appelloit saint Clement, & l'armée s'estendant iusques aux lieux que les habitans appellent Galenga & Calossa, non gueres loin de la ville, où ils se camperent tout expres, à cause qu'il y auoit vne belle fontaine d'eau, ne faillant oncques, & bouillonnant en grande abondance.

Or encore que ceux de dedans eussent esté aduertis de bonne heure des desseins des Turcs par le Bayle qui residoit à Constantinople, ils y auoient adiousté si peu de foy, qu'outre ce qu'ils n'auoient fait aucunes prouisions, encores furent-ils aussi estonnez de ce siege, comme s'ils en eussent entendu lors les premieres nouuelles: cela fut cause d'apporter le trouble qui y regna durant tout le siege. Car encores qu'il y eust dedans bon nombre d'artillerie & de bons Canonniers pour s'en bien ayder, qu'il y eust plus de quatre mille Pionniers enroulez sous la charge de Jean Sosomene, sans ceux qui estoient suruenus, qui semontoient bien à vne fois autant, & qu'avecques tout cela ils eussent abondance de terrain, toutesfois leur discorde fut cause qu'ils ne firent rien qui vaille: tout au contraire des Turcs, qui rendoient tous vne tres-grande & tres-prompte obeyssance à leurs chefs. Ils estoient bien quatre-vingts mille hommes deuant cette place; mais leur principale force estoit six mille Janissaires & quatre mille Spachis, qui tous auoient encores vne grande creance en Mustapha leur General, dès le temps que Selim liura la bataille à son frere Bajazet pres la ville d'Iconium, attribuant chacun à sa valeur & hardiesse la victoire non esperée qui s'en ensuiuit. Certuy-cy doncques voyant que ceux de dedans ne faisoient aucunes sorties: (car leurs chefs ne le leur vouloient pas permettre) comença de faire dresser des Cavaliers, remparts & leuées, mais sur tout quatre grands bastions, l'vn sur le mont sainte Marine, à quelques cent quarante ou deux cens pas des forts Caraffe & Podocattaro, le second à l'endroit que ceux du pays appellent saint Georges de Magnane, le troisiésme sur le costau sainte Marguerite, & le quatriésme sur la colline dite Tomandie, tous à l'opposite des quatre forts de la ville, à sçauoir Podocattaro, Tripoli, d'Auille & Constance, faisant leurs approches de plus pres pour la batterie, & se firent si voisins du fossé & contr'escarpe d'iceluy, qu'ils estoient comme ioignans contre les quatre forts susdits, y mettant de bons corps-de-garde à couuert de l'artillerie de la ville, leurs tranchées estans menées iusques sous les fossez des vieilles murailles, & tout autour des ruines de cette ville, qu'ils commencerent de battre avecques soixante canons, quatre iours continuels sans cesser, dès le point du iour iusques à la nuit, sauf trois ou quatre heures sur le midy qu'ils se retiroient, à cause des grandes chaleurs, qui sont ordinaires en Cypre.

1570.

Ceux de Famagoste empeschent Baillon d'aller en Nicotie.

L'imprudéce de ceux de Nicotie, cause de leur confusion.

Mais voyans que le terroir des bouleuerds estoit mol, & amortissoit l'effort de leurs balles qui ne faisoient que leur coup, ils cesserent de tirer & tâcherent d'en venir à bout par la sappe avecques l'ayde de leurs pionniers, dressans de hautes leuées de terre, afin de battre plus aisément le rempart, & conduisans ce terrain deuant eux, tirans aux bouleuerds susdits, qu'ils resolurent d'assaillir tous en vn mesme temps, comme de fait ils vinrent à vn assaut general: mais ceux de dedans se deffendirent si vaillamment, que les Turcs furent contrains de se retirer. Alors recommençans de plus belle leur batterie, ils taschoient d'abatre toutes les deffences, & principalement le haut des tours, non sans effrayer ceux de dedans; lesquels se mirent lors à importuner le Gouverneur qu'on les laissast sortir sur l'ennemy, pour luy empeschier toutes ses approches; mais au lieu qu'il leur falloit lors refuser ce qu'ils demandoient, d'autant que la plus part des Italiens du secours & des soldats de l'Isle, estoient morts, ou à la bresche, ou de la maladie, la peste estant fort grande en Nicotie, ioint qu'ils auoient souffert plusieurs assauts, tantost en vn lieu & tantost en vn autre: quelques-vns ont mis iusques à quinze de sorte que de quatorze ou quinze cens soldats qu'il y auoit au commencement de ce siege, il n'en restoit point plus haut de quatre cens de deffence: on accorda aux Italiens, Albanois, & Citoyens de sortir. Il y en auoit plusieurs de la Noblesse qui eussent bien vou-

Battent la ville avec soixante canons.

Assaut general.

1570.

Qui sont des-
faits par les
Turcs.

lu estre de la partie : mais on les empescha, qui tourna à vn tres-grand preiudice : car si on eust permis à la Cavalerie de faire escorte aux gens de pied, ils n'eussent pas esté battus, comme ils furent ; veu que ceux qui ont depuis discouru de ce combat, tiennent que s'ils eussent eu le moindre renfort, ils eussent non seulement gagné les tranchées : mais encores courroient-ils fortune de les mettre à vau-de-route, tant ils prirent du commencement l'épouuente : Mais n'ayans esté rompus qu'à demy, & comme le soldat Turc a cela de propre, de se reconnoistre au plus fort de son desastre, ils virent aussi-tost que leurs ennemis estoient sans support, si bien que tournans visage, ils changerent aussi celuy de leur fortune, & mirent en desordre ceux qui les auoient mis en fuite : mais ce fut en les poursuivant de si pres, qu'ils ne leur donnerent pas le loisir de se reconnoistre, si qu'ils se mirent en fuite vers la ville, apres auoir perdu plusieurs de leurs gens, & mesmes de leurs principaux, chefs, & enuiron cent tant Grecs qu'Italiens, qui furent faits prisonniers par les Turcs.

CETTE victoire toutesfois ne fit point perdre le courage à ceux de dedās : mais ils manquoient de poudre & de boulets : cela leur fit escrire à ceux de Famagoste pour en pouuoir recouurer, mais leurs lettres & leurs messagers furent pris par les Turcs, qui les leur monstrent, en disans qu'ils n'auoient que faire de s'attendre à leurs compagnons, qui n'auoient aucun moyen de les secourir, & qu'ils ne feroient que sages de se rendre ; vn des Capitaines des assiegez, nommé Iean Baptiste Colomban, homme fort hardy & vaillant de sa personne, s'offrit toutesfois d'aller luy-mesme à Famagoste, & de leur rapporter response, ce qu'il fit, non pas telle qu'ils desiroient : car ce Capitaine ayant exposé sa commission à ceux de Famagoste, & reptesenté l'extreme necessité où estoient les siens, les autres le refuserent tout à plat, disans qu'eux-mesmes en auoient bien autant affaire, par ce qu'ils attendoient le choc : avec cette response il rentra, non sans danger dans Nicotie : ceux de la ville escriuirent encores à ceux du mont : mais les messagers & les lettres tomberent encore entre les mains de leurs ennemis.

L'Euesque de
Basso exhorte
ceux de la
ville.

OR ce qui donnoit tant de courage à ceux de la ville, c'estoit l'esperance qu'ils auoient tousiours eue iusques alors, que le Senat Venitien leur enuoyeroit quelque secours ; & de fait tout au commencement de ce siege François Contaren Euesque de Basso, qui tenoit lors le premier rang dans la ville, pour l'absence de Philippe Mocenique Archeuesque de Nicotie, qui estoit pour lors à Venise, leur auoit fait plusieurs exhortations au temple sainte Sophie, pour les inciter à se defendre courageusement contre les ennemis de leur Religion, les assurant que le secours estoit tout prest à partir, non seulement des forces de la Republique, mais encores du Pape & du Roy d'Espagne, sans vne Ligue de tous les Princes Chrestiens, qu'on estoit apres de conclure, pour faire quelquesfois sentir à l'ennemy iusques chez soy, les mal-heurs que depuis tant d'années il faisoit souffrir à la Chrestienté : & partant qu'il leur estoit seulement necessaire d'auoir de la valeur & de la patience, assurez qu'ils verroient bien-tost l'ennemy contraint de se retirer plus viste que le pas, si ce n'estoit encores avec honte & ignominie. Ce bon Euesque disoit vray en tout ce qu'il leur proposoit : car si le secours fust venu à temps & heure, veu l'estat en quoy se comporterent toutes choses en ce siege : c'est sans doute que les Turcs eussent esté contrains de quitter leur entreprise ; mais les apprests en furent si longs, tant de la part de la Republique que de leurs alliez, que la ville de Nicotie estoit prise auparauant qu'ils sceussent qu'elle fust assiegée. Les habitans donc voyans qu'il leur estoit bien difficile de soutenir les efforts de l'ennemy, leur manquans principalement les munitions, ils commencerent entr'eux à traiter de se rendre.

Mustapha exhorte
les siens
à vn assaut ge-
neral.

Mais on ne leur en donna pas le loisir : car le huitiesme iour de Septembre Mustapha ayant fait appeller les siens à l'assemblée, leur remonstra que ce n'estoit rien fait iusques alors d'auoir battu les murs de cette place, & repoussé les habitans qui auoient voulu faire vne sortie sur eux ; mais qu'il la falloit à cettelfois emporter : car comme cette place estoit la capitale de cette Isle & la plus riche, il estoit infallible qu'en la gagnant, ils se rendroient maistres Souuerains de tout le Royaume, qui appartient de droit, disoit-il, au Seigneur, comme ayant esté de tout temps sous la domination des Roys d'Egypte, depuis qu'Amasis se la fut assuietie, ayant obey aux Romains, quand ils se rendirent Seigneurs de tout ce grand Estat, & depuis eux aux successeurs de nostre saint Prophete sous Hotman & ses successeurs, iusques à ce que ces Gauris infidelles nous l'vlsurperent mal-heureusement au temps de leur guerre qu'ils appellent sacrée. Mais cela n'a pas empesché que les Sultans du Caire n'y ayent tousiours pretendu droit, si bien qu'il est temps maintenant, qu'apres leurs échanges du Royaume de Ierusalem en celuy de Cypre, & toutes les dissen-

tions

tions qu'ils ont eues entr'eux dans cette Isle, pour laquelle ils n'ont jamais guere bien demeuré d'accord, il est temps, dis-je, que nous rentrions dans nostre droit. Ne voyez-vous pas comme l'épouuente les a faisis, & que nous sommes venus dans ce Royaume comme dans nostre maison? Ils ont fait à la verité quelque resistance iusques icy; mais qui ne se maintiendrait dans vne si forte place? ce sont les murs qui la deffendent plustost que les bras & les courages de ceux de dedans. Puis doncques que leurs deffenses sont tantost par terre, & que les bresches sont plus que raisonnables pour donner dans leurs boulevards: qui nous empeschera de nous rendre les maîtres de cette place; & par consequent de tout ce pays? & puis quand ceux-cy se voudroient deffendre iusques à l'extremité, auez-vous opinion que la force & la valeur de ces Insulaires, puisse égaler celles des fortes garnisons de Serigonie, d'Albe-Royale, de Themiswar & de Zighet, lesquelles neantmoins nous auons taillées en pieces, & assuietty les places à nostre Empire?

OR comme toutes ces belles actions ont esté par vous executées du regne de nostre grand Solymán, & que ces Idolâtres ont pensé que toute nostre bonne fortune s'estoit écoulée avec sa vie, faisons-leur perdre cette croyance par la perte de leur pays, & que nostre grand Sultan qui domine heureusement sur nous, ait vne viue image du pere, non seulement en grandeur de courage par ses hautes & genereuses entreprises, mais encores en bon-heur & felicité. Voicy le premier seruice signalé que nous luy auons rendu depuis son aduenement à l'Empire; tesmoignons-luy par vne victoire signalée quelques marques de nostre fidelle affection: & toutesfois encores ne desire-il point ce seruice de vous, sans vne tres-notable récompence: car i'ay vn pouuoir particulier de sa hautesse de faire vn present d'un Sanjacat à chacun des trois premiers qui monteront sur la muraille, voire mesme s'il y meurt quelque Bassa, de faire succeder à cette dignité, celui qui entrera le premier dans cette place. Il ne tiendra donc qu'à vous que vous ne vous rendiez à ce iour remplis d'infinis honneurs, & de toutes sortes de commoditez: car pour les autres encores qui feront leur deuoir, outre les grandes richesses qui les attendent dans cette ville, nombre d'esclaues, & toute sorte de plaisir, ils se peuuent encores asseurer d'estre à l'aduenir tres-bien recompensez.

C E C Y les encouragea de sorte qu'ils promirent de faire tellement leur deuoir, que leur Seigneur auroit sujet de se contenter de leur seruice: ainsi l'assaut fut resolu pour le lendemain, où les Turcs s'estans dès la pointe du iour approchez (sans faire bruit) des mesmes boulevards, vinrent assaillir les assiegez le plus à l'impourueu qu'ils peurent, esperans que cela leur faciliteroit la victoire, comme il aduint: car les Turcs trouuans ceux de la garde du boulevard de Constance à demy endormis, se rendirent aisement les maîtres de la bresche, & monter sur le parapet, ils ne leur donnerent pas le loisir de se deffendre, mais assoupis du sommeil, & de la crainte, ils n'eurent pas seulement l'aduis de se retirer en dedans, encores que les Turcs la nuit precedente eussent fait assez de tumulte en leur camp, pour se tenir sur leurs gardes: car comme il est mal-aysé qu'en telles affaires il ne se fasse vn grand remuement, des apprests, des allées & venues qu'un chacun d'eux faisoit, avecques vn murmure en vne si grosse masse de monde, tel comme alors que la mer est émeuë, encore qu'ils eussent fait le moindre bruit qui leur auoit esté possible, cela auoit donné assez à penser aux assiegez; mais ils auoient tellement eu la pensée que le secours qu'ils auoient tant attendu de la Republique estoit venu, & que le bruit qu'ils auoient entendu la nuit precedente, estoit que leurs ennemis s'apprestoient pour deloger & leuer le siege: que cette croyance avecques ce qu'ils estoient accablez de longues veilles, leur auoit fait poser les armes. Les Turcs donc assaillirent les quatre boulevards à la fois: le Bassa de Caramanie assaillit celui de Podocattaro, Musafér-beg marcha contre celui de Constance, Mustapha entreprit celui d'Auile, & Piali Bassa celui de Tripoli.

C E S trois furent vaillamment deffendus, sans que jamais pas vn des assiegez reculast, bien que plusieurs d'entr'eux fussent terrassez par les Turcs, il n'y eut qu'au boulevard de Constance, où les Turcs estans entrez pisse-messe avecques les Chrestiens dans les derniers remparts lors de la premiere épouuente, il s'éleua soudain vn grand bruit accompagné d'une grande frayeur, & lors chacun semit à fuir ouuertement. Le Comte de Rocas logeoit tout aupres du boulevard, lequel aduertty de ce qui se passoit, plustost par le bruit & tumulte qui se faisoit que par certain aduis, il s'arma incontinent: mais comme les affaires estoient desia en piteux termes, quand il en entendit la premiere rumeur, il ne peust pas estre si tost armé, que lors qu'il fut au lieu de la mêlée, il ne trouuaist tout en desordre, bien qu'il fist tous ses efforts d'arrester les siens, & qu'il leur remonstroit que s'ils

VI.

Assaut general & principalement au boulevard de Constance.

Fausse persuasion des assiegez.

Assaut general aux quatre boulevards.

Epouuante au bastion de Constance.

1570.

vouloient tenir teste, ils estoient encores assez puissants pour resister à l'ennemy, puis qu'il ne s'estoit peu rendre le maistre des autres bastions, & neantmoins que par leur fuite ils luy donnoient entrée dans la ville. Toutes ces choses, dis-je, ne peurent remedier à vn tel desordre, les choses estans desia trop desesperées, & comme il faisoit neantmoins encores tous ses efforts, & que quelques-vns des siens à son exemple commençoient de reprendre cœur & de retourner au combat, luy-mesme receut vne harquebusade dans la teste, qui le renuersa mort sur la place; cela acheua de faire perdre le cœur aux assiegez, si que chacun d'eux abandonnant leurs murailles, accoururent en leurs maisons, pour pourvoir au salut de leurs femmes & de leurs enfans; & encores qu'un nommé Pierre Pisan ancien Conseiller & Bernardin Polan Capitaine des Salines, suruenus tout à l'heure, raschassent par leur autorité d'arrester encores les fuyans, cela ne peust empescher la confusion, & que Polan s'estant mis des plus auant en la presse pour arrester les siens comme par force, n'y fust tué sur le champ, Pisan voyant son compagnon mort, se retira avec les autres.

Le Gouverneur tué à la defense de ce fort, selon quelques-vns.

LE Gouverneur en fin ayant entendu la prise de ce fort, print l'élite de tous ses gens de guerre, & vint rascher d'y faire vn dernier effort, & encores auoit-il repoussé l'aduersaire, mais en fin accablé de la multitude, il y fut occis en combattant vaillamment, comme furent aussi ceux qui luy auoient fait compagnie: tout cecy faisant assez paroistre que si ceux qui auoient la garde de ce bouleuard, eussent eu de l'assurance & du courage pour soustenir la premiere pointe des Turcs, qu'ils ne s'en fussent point rendus les maistres pour cette fois; mais quoy! ce n'estoient que soldats ramassez, vigneron & autres gens des champs, sans experience ny dextérité aux armes, qui prirent l'épouuente à la premiere mauuaise rencontre qu'ils eurent.

Ceux des autres boulevards se defendent vaillamment.

QUANT à ceux des autres boulevards, ils se maintinrent assez longuement, & les assaillans y eussent peut-estre assez mal fait leurs affaires, s'ils ne se fussent glissez par ce bouleuard de Constance, & ne les eussent attaquez par derriere: car alors ces pauvres gens enclos de toutes parts; & de quelque costé qu'ils se tournassent, ayans tousiours la mort pendue sur leurs testes, commencerent à fuir de tous costez; mais la fuite leur estoit aussi dangereuse que le combat, le vainqueur faisant tout passer par le tranchant du cimeterre. Cela fut cause que quelques-vns des plus courageux d'entre eux tinrent teste encores au coin de quelques ruës, & d'autres ayans gagné la grande place; où s'estans encores rassemblez en gros, ils tenoient teste, & vendoient leur vie bien chere aux Turcs qui les venoient attaquer. Mais le Bassa d'Halep estant entré sur le bouleuard de Tripoli, & apres auoir acheué de nettoier tout ce qui pouuoit faire resistance tant sur les boulevards que sur les murailles, comme il vid vn si grand nombre de gens en la grande place, qui resistoient & donnoient beaucoup d'affaires aux siens, il fit amener de dessus les murailles trois pieces d'artillerie, & les faisant pointer contre la grande place, il les fit tirer contre ceux qui se defendoient, les contraignant d'abandonner tout, & se retirer en la Cour du Palais, & alors le massacre se fit de toutes parts, sans exception de sexe ny d'aage: tellement que toute la ville ruisseloit en sang, & les corps des occis estoient à monceaux par les ruës, & n'auoit-on égard non plus à ceux qui se rendoient, qu'à ceux qui se defendoient, iusques à ce que le General de l'armée Mustapha entrant dedans la ville, fit cesser le massacre; & quant à ceux qui s'estoient sauuez dans la cour de la maison Royale, tant l'Euesque que les principaux de la ville, ayans bien barré leurs portes, le Bassa leur donna promesse de leur sauuer la vie, cela fut cause de leur faire ouurir leurs portes: & alors les Turcs qui estoient là aupres & faisoient vne grande presse, se ietterent aussi tost dans cette cour, & ceux de dedans ne les pouuans empescher de ce faire, estans desarmez, ils furent aussi tous massacrez, ayans en cela tous couru mesme fortune les vns que les autres, les Magistrats, l'Euesque, & le menu peuple: quelques-vns ont dit que ce fut en cet endroit là où fut tué le Gouverneur Dandule.

Pitoyable dissolution d'icelle.

LES Turcs s'estans alors asseurez de toutes choses, s'épandirent aussi-tost par la ville, & à polluer, forcer, violer, piller, massacrer tout ce qui estoit de saint, de beau, de noble, de riche, ou de genereux en cette miserable ville: ceux qui ne passerent point par la fureur du glaue, reseruez encores à vne perpetuelle seruitude, furent avec chaines de fer traifnez parmy les corps morts de leurs parens & amis, desquels il y auoit vne telle quantité, qu'on ne tient pas qu'il y en eust moins de vingt mille: cette illustre cité souffrant en vn moment toute sorte de calamité & perdant en vn seul iour toute cette pompe, ce lustre, & cette magnificence, en laquelle elle auoit flory si long-téps, receuant le chastiment d'excez & dissolutions qui auoient regné en elle, lors que le comble de ses abominations ayant mon-

ré iusqu'au Ciel, la foudre de l'ire de DIEU fut espendue sur elle, apprenant & seruant d'exemple aux plus puissants peuples, que nul ne peut échapper cette toute-puissante main; ceux qui abusent de sa miséricorde infinie, estans contraincts de confesser que, *C'est vne chose horrible de tomber entre les mains du DIEU vivant.* Cette prise aduint le 9. de Septembre, & le 14. iour d'apres que les Turcs leuerent le siege.

MUSTAPHA s'estant ainsi rendu le maistre de cette forte place, le reste flechis bien-tost apres sous la domination des Turcs, Cerines entre autres, encore que Iean Marie Mustazze Chastelain & Capitaine, Alfonse Palazze exhortez par ceux de Famagoste, eussent deliberé de tenir bon & se deffendre. Ceux de la montagne en firent de mesme, Scipion Caraffe, Paul Singlicir & plusieurs autres Gentils-hommes, accompagnez de plusieurs Prestres Grecs, & d'un grand nombre de paysans, vinrent trouuer Mustapha pour se rendre & iurer fidelité entre ses mains, de façon que les Venitiens ne tenoient plus rien en toute l'Isle que Famagoste, deuant laquelle Piali Bassa fit aussi-tost acheminer ses galeres, cependant que Mustapha auoit donné ordre aux affaires de Nicotie, & laissé pour la garnison d'icelle 4000. hommes de pied & mille de cheual, sous la charge de Musaser, il marcha avec le reste de ses forces contre la ville, & campa en un lieu que ceux du pays appellent Pomedam ou Pome d'Adam, à quelques trois milles de la forteresse, puis s'approchant de la ville, il faisoit porter de iour à autre par ses soldats au bout d'une lance les testes des principaux de Nicotie, pour intimider ceux de Famagoste, & les faire entendre à quelque composition; mais comme cette place estoit mieux fournie de gens de guerre & de meilleurs chefs que Nicotie, ils n'auoient garde d'entendre à chose qui preiudiciait à leur honneur. Or entre les captifs qui auoient esté pris à Nicotie, il y auoit plusieurs belles filles, entre lesquelles estoit vne Damoiselle, laquelle de regret de se voir reduite en seruitude, eut le courage de mettre le feu en la munition du nauire où on l'auoit mise, avec plusieurs autres qui furent brûlées, & deux autres vaisseaux où cet embrasement paruint. Cela fut cause que Mustapha fit venir d'autres munitions de Nicotie, avec quinze pieces de doubles canons pour battre la place, qu'il fit braquer vers l'Orient, en un lieu appelé Percipole, où il fit vn fort, & deux autres encores à S. George, à la tour de l'Oye, mais ils furent ruinez par l'artillerie des assiegez; ce qui leur apporta toutesfois du dommage par apres, pour la necessité qu'ils eurent de poudres: car ils en vserent bien à cela environ cinquante milliers.

OR comme l'hyuer approchoit, temps mal propre pour vn siege, & que Mustapha ne vouloit rien entreprendre qui peust preiudicier à sa gloire, il faisoit ce qu'il pouuoit pour faire tomber d'accord les assiegez: pour ce faire il laissa aller à la ville sur sa foy Iean Sosome, qu'il auoit pris à Nicotie, sous pretexte de chercher des deniers pour payer sa rançon, à ce qu'il les exhortast à vne reddition volontaire, leur remonstrant qu'ils ne pouuoient en façon quelconque se conseruer. Mais tant s'en faut que le peuple voulust entendre à quelque composition, qu'ils enuoyerent à Venise Nicolas Donat, député par cette Isle, qui estoit au port de Famagoste avecques deux galeres, & Hierosme Ragaizzon Euesque de la ville, pour tascher d'auoir secours.

DE fait il y auoit vne belle & puissante armée de cent huitante & vne galeres subtiles, à sçauoir cent vingt-quatre des Venitiens, douze du Pape, & quarante-cinq du Roy d'Espagne: outres celles-cy, douze grosses galeres, quatorze nauires de guerre des Venitiens, sans vn autre grand nombre de vaisseaux de charge remplis de plusieurs munitions: il y auoit en cette armée nauale environ quinze mille hommes de pied stipendiez, outre ce, vn bon nombre d'auanturiers & soldats volontaires qui y estoient accourus de toutes parts, pour la plus-part Gentils-hommes & personnes de qualité, commandée encores par Capitaines de grande reputation & experience. Mais estant venue surgir à Chateau-Roux, qui est vn écueil assis vis à vis de la Caramanie, & à quelques cent cinquante milles de Cypre, ils furent contraincts de prendre terre au port de Vathi & Calamite, à cause de la nuit qui suruint, & d'une tempeste qui commençoit à les accueillir: là ils apprirent la perte de Nicotie par quelques Chrestiens sujets du Turc, qui auoient esté pris par les galeres Venitiennes. Or y en auoit-il plusieurs en cette armée qui n'auoient point approuué le voyage qu'ils faisoient en l'Isle de Cypre, mais vouloient qu'on allast attaquer quelque place appartenante au Turc, plustost que de l'aller combattre, toutesfois ils disoient qu'ils n'empescheroient pas l'execution de ce qui auoit esté resolu. Mais Dorie qui estoit le General des galeres d'Espagne, declara tout ouuertement qu'il s'en vouloit retourner, disant qu'il estoit party de Candie, en intention de secourir

1670.

Pratiques
de Mustapha
pour faire ré-
dre ceux de
Famagoste.

VII.
Puissante ar-
mée des Chre-
tiens.

1570.

Nicotie, & que la cause de leur voyage cessée, il n'y en auoit point d'assez suffisante pour les faire exposer au hazard d'une bataille, trouuant encores des excuses sur l'hyuer & sur les forces que les Turcs auoient maintenant dans cette Isle : si bien que quelques remonstrances que luy peussent faire le General Zane, qui commandoit à l'armée Venitienne, ny le Prouidadeur Venier, qui luy disoient que puis qu'ils estoient venus si auant, ils deuoient tenter le hazard du combat, quand ce ne seroit que pour le blasme qu'ils encourroient à l'aduenir, d'auoir eu de si belles forces en main, sans s'estre mis en deuoir de rien executer, ayans inutilement consommé le temps; mais tout cela ne le peust empescher que l'armée partit de Chasteau-Roux, & venue iusques à Scarpante, entrée qu'elle fut au port Tristan, il ne print congé de la compagnie, tirant avecques ses galeres la route de la Pouille, & de là en Sicile. Colone & Zane desiroient cependant de pouuoir faire quelque belle execution; mais ayans esté aduertis que Piali Bassa estoit party de Cypre avecques vne puissante armée nauale, en intention de les pourfuiure, se sentans foibles pour luy resister, ils s'en vinrent en Candie, où Piali auoit dessein de venir, esperant d'y faire quelque bon butin; mais les grands vents qui s'éleuerent, luy firent rebrousser chemin, si qu'il vint bien auant dans l'Archipelague, où il fit nettoyer le port Calegier, faisant semblant d'y vouloir hyuerner, puis ayant changé d'aduis, ramena toute l'armée à Constantinople.

Reuolte de
quelques
peuples d'Al-
banie contre
le Turc.

EN ce mesme temps quelques peuples d'Albanie, & principalement des habitans de la montagne noire, & des enuiron du Boian, à present le pays de Drine, & des autres lieux des Marcouicches, iusques au nombre de cent bourgades, presterent le serment de fidelité aux Gouverneurs Venitiens. On traitoit cependant d'une Ligue, & le saint Pere s'y employoit sincerement & d'une grande affection, n'ayant pour but de ses pensées que le bien public de toute la Chrestienté, recherchant cependant les moyens pour moderer les excessiues demandes des Espagnols, protestant s'ils ne venoient bien-tost à une conclusion, de reuoker toutes les graces accordées à leur Roy pour tirer deniers : il exhortoit d'ailleurs les Venitiens à tomber d'accord, bien qu'il ne fust pas fort à leur aduantage, promettant de ne leur manquer iamais de tout ayde & secours à luy possible. Les Venitiens auoient aussi enuoyé vers l'Empereur Maximilian pour le mesme sujet, lequel l'ayant proposé à la Diette de Spire, il luy fut respondu que quand sa Majesté auoit esté inquietée par les Turcs, ils ne luy auoient manqué de secours; mais qu'à present ils ne vouloient sans aucune necessité, rentrer dans une guerre si difficile & perilleuse : Ils auoient aussi enuoyé vers le Roy de Pologne, pour l'inciter à se ioindre & liguier avecques eux; mais voyans que l'Empereur estoit resolu de garder la trefue qu'il auoit avecques Selim, ils iugerent bien que la nation Polonoise, quelque belliqueuse & ennemie des Turcs qu'elle soit, ne prendroit iamais les armes que toute l'Alemagne ne les print aussi; cela leur fit reuoker leur Ambassadeur : & quant aux Espagnols, ils adiouterent encores aux difficultez par eux proposées, que les Venitiens s'obligeassent sous les peines des censures Ecclesiastiques, d'observer de point en point ce qui seroit resolu en la Ligue, comme ayans la foy des Venitiens pour suspecte, qui estoit leur donner occasion de tout rompre, aussi ne fut-il rien conclud cette année-là pour le regard de la Ligue commencée avecques de beaux & grands desseins, mais qui furent assez mal executez. Le Senat Venitien enuoya neantmoins mil six cens hommes de pied dans trois nauires à Famagoste, auxquelles on bailla pour escorte douze galeres, à cause d'un aduis qu'on auoit eu que huit galeres Turquesques estoient à l'anchre pres de là, pour empescher que rien n'entraist dedans, donnant la charge de conduire ce secours à Louys Martinengue, Gouverneur pour lors de la Canie.

1671.

Mahomet
tasche d'ac-
corder les Ve-
nitiens avec
Selim,

OR le temps s'estant passé ainsi en ces pourparlers de Ligue entre les Princes Chrestiens, ne donnoient pas peu d'apprehension aux Turcs, cela estoit cause que Mahomet Bassa, qui n'auoit point esté d'aduis de cette guerre, craignoit que ce grand remuement n'apportast un grand dommage à leur Empire : mais ce qui le touchoit encores plus, c'estoit que si l'heur continuoit aux Turcs, comme il auoit commencé, l'autorité de Mustapha son enuieux, & ennemy, augmenteroit de sorte, qu'il auroit apres beaucoup de peine à le supplanter, cela estoit cause que reprenant ses premiers errements, il taschoit de disposer en sorte les affaires avecques le Bayle, que les Venitiens peussent tomber à quelque bon accord; & à la verité il eust peut-estre esté plus à propos pour les Venitiens : car tenans encores la ville de Famagoste, il y auoit apparence que veu le bruit de la Ligue qu'on deuoit faire,

ils

ils eussent conserué leur ville, & peut-estre retiré le reste du Royaume, en payant quelque tribut à Selim, lequel comme il n'aimoit point la guerre, ne s'éloignoit point aussi des moyens de la paix. Les Venitiens voyans d'ailleurs comme ils auoient esté traitez, lors qu'on auoit voulu faire la Ligue, sur laquelle ils iugeoient bien peu d'assurance, & que le Pape estoit embarrassé en nouueaux affaires, à cause que les Ambassadeurs de l'Empereur protestoient que s'il ne reuquoit & cassoit le nouueau titre qu'il auoit conféré au Duc de Florence, leur maistre seroit contraint de maintenir sa dignité & celle de l'Empire par toutes les voyes à luy possibles: au contraire le Pape ne voulant point retracter ce qu'il estimoit auoir pouuoir de faire, & qui plus est d'auoir bien fait, se preparoit à deffendre par les armes temporelles, sa reputation & celle du saint Siege; partant il faisoit en diligence leuer gens de guerre, faire provisions d'armes, d'argent, & de toutes choses necessaires pour la garder: ayant fait publier par tout l'Estat de l'Eglise, au dommage particulier des Venitiens, qu'il ne fust permis à personne, qui que ce fust, de leuer gens sur cet Estat.

TOUTES ces choses, dis-je, furent causes de faire entendre les Venitiens à la paix, d'autant plus mesmes que la proposition en venoit de la part des Turcs: mais afin qu'il ne semblast point qu'ils l'eussent fort desirée, ils enuoyerent à Constantinople vn nommé Iacques Ragusien, fort experimenté en telles affaires, pour traiter en apparence de la reintegrande des personnes & biens des marchands saisis de part & d'autre; mais le conseil des dix donna vne secrette commission, tant à luy qu'au Bayle, que si on leur tenoit quelques propos de paix, ils montraissent de la desirer aussi, & en traitassent hardiment, quand ils connoistroient que les choses pourroient reussir avecques des conditions honnestes & à l'honneur de la Republique, à sçauoir de rauoir le Royaume de Cypre, en payant pour iceluy quelque grand tribut aux Seigneurs Othomans, ou de retenir la ville de Famagoste, ou en la leur quittant, rauoir quelque autre estat en contre-eschange en quelque autre lieu, en les remettant en leurs anciens confins d'Albanie & de Dalmatie. Mais toute cette negotiation s'en alla en fumée, à cause de la Ligue qui fut iurée entre Pie cinquième Souuerain Pontife, Philippes Roy d'Espagne, & le Duc & Senat de Venise, pour faire la guerre contre les Turcs, avecques deux cens galeres subtiles, cent nauires de guerre, cinquante mille hommes de pied, tant Italiens, Alemans qu'Espagnols, quatre mille cinq cens cheuaux, avecques nombre d'artillerie, & munition conuenable. Cependant les Venitiens faits sages par la prise de Nicotie, faisoient tous leurs efforts pour mettre tant de gens de deffense dans Famagoste, qu'elle peust soustenir la puissance des Turcs, & seruir de moyen par apres à reconquerir le Royaume; de sorte qu'outre ceux que nous auons dit cy-deùs qu'ils y auoient enuoyez, ils chargerent encores deux nauires de plusieurs munitions, & mirent encores dedans huit cens hommes de pied, sous la charge de Honoré Scotus: si qu'avecques ce dernier secours, il fut trouué en tout dans la ville quatre mille hommes de pied Italiens, huit cens du pays, qu'on appelle Legionnaires, trois mille tant des citoyens que des payfans, avec deux cens Albanois.

1571.

Les Venitiens
enuoyent à
Constantino-
ple pour trai-
ter de la paix.

C'ESTOIT ce que les Venitiens faisoient de leur costé: mais Selim ne s'oubloit pas du sien: car il auoit fait partir vingt galeres de Constantinople sous la charge de Caiacebey, lequel ayant rencontré en chemin les galeres de la garde de Chio & de Rhodes, allerent de conserue vers Cypre, pour empescher que le secours n'entrast dans Famagoste: outre cela il se leuoit encore vn grande armée, qui auoit son rendez-vous à Chasteau Roux: où Pertau nouvellement parti de Constantinople, ayant ioint en chemin les galeres de la garde de Naples & de Metellin, estoit allé avec enuiron cent galeres, où celuy que nous venons de dire, l'alla trouuer avec cinquante quatre galeres: ayant laissé pour la garde de l'Isle de Cypre Aramut avecques vingt galeres, dix Mahones & cinq nauires, & plusieurs autres vaisseaux à la garde de l'Isle: Vluzali ou Occhiali party d'Alger, s'y trouua aussi avecques vingt vaisseaux, & plusieurs autres corsaires, & en fin Cassan fils de Barbe-rousse avecques vingt galeres: somme que toute cette armée se monta à deux cens cinquante voiles, qui print aussi-tost la route de Candie, qu'il rauagea; mais elle n'y fit pas en fin ses affaires, comme elle desiroit: car les Corfies s'estans rassemblez en nombre de huit cens, avecques d'autres insulaires, sous la conduite de François Iustinian, la contraignit de regagner leurs vaisseaux, avecques perte de douze cens des leurs, & se retirer: de là elle passa à Cerigue, où elle fit de mesme, & puis apres à Iunque, où ayant sparmé ses galeres, se mit à courir les Isles de Zante & de Cephalonie, & les habitans s'estans tous retirez aux forteresses, toutes les bourgades &

Les Turcs
s'assemblent
de toutes
parts.

1571. maisons des champs furent brûlées, & le pays entierement ruiné, d'où ils emmenerent bien six mille prisonniers.

Armée de terre des Turcs.

O V T R E cette armée navale Selim, dressa encores vne armée de terre sous la charge d'Achomat Bassa, avecques le Beglierbey de la Grece, estans bien iusques au nombre de soixante mille hommes, qu'il enuoya contre les Venitiens, leur voulant faire la guerre par mer & par terre : cependant que cette armée approchoit, les Sanjaes de Scope, de Duras, & de Ducagine ayans avecques eux cinq mille hommes de guerre, dix canons & plusieurs autres moindres pieces, vinrent es environs de Dulcigne, laquelle ils assiegerent : commandans en icelle Nicolas Surian & Siarra Martinengue, lesquels se deffendirent valeureusement l'espace de douze iours ; mais toute l'armée estant arriuée, la ville n'estant ny forte d'assiette ny d'artifice, ils furent contraints de se rendre à condition de sortir vies & bagues saues, avec promesse de leur bailler quatre nauires, pour conduire en seureté à Raguse ceux qui voudroient s'en aller & faire bon traitement à ceux qui demeureroient ; quant aux soldats, qu'ils pourroient sortir avecques leurs armes & leurs enseignes, mais tout leur fut fort mal gardé : car sous pretexte du differend qui suruint entre Pertali & Achomat Bassas, ils firent tous les habitans esclaves, & firent passer par l'espée plusieurs vaillans soldats Albanois, qui estoient venus pour deffendre la place : ils garderent seulement leur parole au Gouverneur, à Martinengue, & à quelque peu d'autres des principaux qui furent conduits en seureté, à Raguse. Dulcigne ainsi pris, comme le Gouverneur d'Antiuari sceut que les Turcs approchoient, sans attendre dauantage, enuoya les clefs de la ville au Bassa, par les principaux : pour raison de quoy il fut apres condamné par le Sennar à vn perpetuel bannissement.

Frayeur à Venise pour l'arriuée de cette armée.

LA frayeur cependant n'estoit pas petite à Venise, sur la nouuelle qui leur vint que les Turcs estoient entrez en leur golphe avecques grande puissance, si qu'ils se mirent à fortifier toutes les aduenues, toutesfois cela ne fut point necessaire : car Occhiali conducteur de cette armée, & Caracosse ou Craidin, apres auoir saccagé les Isles de Lisene & de Cursole, rebrousserent chemin pour se venir ioindre au Bassa Pertali, lequel estoit allé avecques le reste de l'armée à l'entrée du canal de Catharre, qui est en la Dalmatie, au sein Rizonique, où ayant fait dresser neuf doubles canons sur des hauts remparts ils, battoient le fort & les murailles ; mais les assiegez sortirent si resoluement, qu'ils n'eurent le loysir de remener leur artillerie en leurs vaisseaux. Occhiali cependant avecques Caracosse, ayant encores eu dix iours du General de mer, pour voltiger avecques soixante galeres, & endommager les havres Venitiens le plus qu'ils pourroient, ils mirent à feu & à sang tout ce qu'ils rencontrerent : puis assiegerent Coreyre la noire, ou milane, à present Cursole, assise sur la mer Adriatique, éloignée de Raguse bien quatre vingts milles, ne restant en Cursole, que vingt cinq hommes, & quatre vingts femmes, lesquelles plus massles & virilles que leurs maris, armées & embastonnées à la soldate, deffendirent si genereusement leur ville, que les Turcs printrent party de retraite, pour le vent de Nort qui commençoit à tellement mutiner les ondes, qu'il y auoit grande apparence d'une grosse tempeste prochaine : ainsi Occhiali commença à raser la coste du continent, pillant les places de Lisene, Brucie, Lisse, les Isles de Dalmatie, & plusieurs autres du golphe de Venise, entr'autres ils vinrent à Mandrachie, mais n'y ayans peu rien faire, ils brûlerent plusieurs maisons des champs, beaucoup d'Eglises, & ruinans entierement les bourgs & vignoble d'alentour de la ville, le troisieme iour ils delogerent de l'Isle. Occhiali & Caracosse emmenerent tant de là que d'ailleurs, bien seize cens prisonniers en captiuité, ce que les Venitiens souffroient avecques grand regret : car s'estans siez au secours de leurs Confederez, ils s'estoient engagez en vne guerre fort difficile & de dangereuse issue, sous l'esperance de l'ayde des autres, qui reculoient tant qu'ils pouuoient : & cependant ils estoient en grand soucy de Famagoste, de laquelle les affaires estoient en tel estat.

L'estat de ceux de Famagoste.

LE froid auoit esté cause que l'année precedente le siege auoit esté differé, le Bassa cependant faisoit ses prouisions de tout ce qui luy estoit necessaire pour vn tel siege que celui qu'il deliberoit faire ; car il n'estoit pas ignorant du secours qui estoit entré dans la ville, & scauoit que ceux de dedans s'estoient si bien fortifiez qu'il ne falloit pas de petites forces pour les assujettir : c'est pourquoy il auoit fait courir le bruit que le butin de Famagoste seroit tout autre que celui de Nicotie, pour inciter chacun à y venir ; & de fait on dit qu'outre son armée, il y accourut de la Syrie & de la Caramanie, plus de cinquante mille Turcs, la plus-part sans solde ; si bien que quelques-vns ont escrit qu'ils estoient bien deuant cette place iusques au nombre de deux cens mille Turcs. Estant doncques

ques arriuée la my-Auril, toute l'armée approcha de la ville, & vint camper vne partie aux jardins, & l'autre au lieu dit Percipola; puis le vingt-cinquiesme dudit mois, firent des plattes-formes pour y planter l'artillerie, & de fort grandes tranchées pour les harquebusiers, ayans d'ordinaire enuiron quarante mille pionniers trauaillans incessamment: ce que voyans ceux de dedans, & reconnoissans le dessein de leur ennemy, dressèrent de nouueaux flancs & des trauerfes sur les remparts: du costé que la muraille estoit batuë, ils firent vne tranchée haute & large de douze pieds, avec petites canonnières pour les harquebusiers, qui deffendoient la contr'escarpe.

DANS la ville commandoient Marc-Anthoine Bragadin en qualité de Gouverneur, Astor Baillon auoit charge de pouruoir à ce qui estoit necessaire, cettuy-là logeoit en la tour de l'Andruzzi, cettuy-cy en celle de sainte Napée, & Laurens Tepulus Capitaine de Basse, qui auoit la charge des munitions, logeoit en celle du champ-Saint, afin qu'ils eussent l'œil prompt pour recompenser ceux qui faisoient bien, & chastier ceux qui alloient lentement en besongne. La charge de l'artillerie fut donnée à Louys Martinengue, sous lequel on establît six autres Capitaines pour commander aux canonniers, & leur faire fournir ce qu'il falloit, outre ceux-cy on auoit mis au tourion du grand caualier de l'Arsenal, le Capitaine François Boyon, Pierre le Comte estoit à la courtine du caualier des voltes, & au tourion du champ-Saint, de celui de l'Andruzzi, & de sa courtine iusques au tourion de sainte Napée, & de toute la courtine iusques à la porte Zimisse: Horace de Valatry auoit la charge du ruelin, & de la courtine vers le bouleuert, Robert Maluez estoit au caualier de Limisse: outre ceux-cy il y en auoit trois encores qui auoient la charge des feux artificiels, ayans chacun vingt soldats sous soy, & ayans mis dehors les bouches inutiles, on trouua encores dedans sept mille hommes de faction, à sçauoir trois mille cinq cens hommes de pied Italiens, le reste estoient Grecs, partie de la ville, partie des champs.

AV commencement les assiegez ayans sceu la faute qu'auoient faite ceux de Nicotie, de n'auoir fait aucune sortie, penserent d'en faire quelques-vnes; mais ils y firent si mal leurs affaires du premier coup, estans sortis en trop petit nombre contre tant, qu'elles leur furent par apres interdites; par ainsi les Turcs, sans autre empeschement que du canon, qui ne leur portoit pas grand preiudice; ils égaierent leurs remparts à la hauteur ou peu s'en falut, du fort des assiegez, & ayans dressé dix puissans bastions, ils y braquerent à leur mode, (selon qu'il a esté dit ailleurs aux guerres de Hongrie) septante grosses pieces, & entre icelles quatre basilisques, d'une grandeur & grosseur de mesuree, & commencerent à faire leur batterie depuis la porte de Limisse iusques à l'Arsenal, qui fut continuée avecques telle furie, que la bresche estant faite, ils donnerent l'assaut en cinq lieux: le premier fut au fort de l'Arsenal, où ils assaillirent le rempart appelé de l'esceuil, l'autre à la courtine du mesme Arsenal, contre laquelle on battoit de douze grosses pieces de canon: le troisiésme fut à la tour d'Andrussie, pour la deffense de laquelle on auoit dressé deux hauts remparts pour battre en caualier, & les Turcs auoient braqué contre, onze gros canons: le quatriésme se fit à la tour dite Napée, laquelle estoit tourmentée par ces grosses & effroyables pieces dites basilisques, & le cinquiesme à la porte Limisse, laquelle auoit son répart fort haut, & par dehors estoit bien & industrieusement deffendue de bons ruelins: ce costé-cy estoit battu de trente trois doubles canons; c'estoit contre ce fort que s'estoit attaqué le General de l'armée Mustapha, esperant que s'il forçoit ce costé, il auroit bon marché du reste de la ville.

Quels chefs y
commandoient.

VIII.

Les Turcs
font leurs ap-
proches, &
batteries.

LES Turcs ne s'arrestèrent pas beaucoup du commencement à canonner les murailles de Famagoste, se contentans de tirer force harquebusades, & des pieces de campagne contre les assiegez, qui fut vn tres-bon aduis pour eux: car (outre le grand preiudice qu'ils portèrent aux assiegez) il les contraignirent encores de se retirer de là en auant sur les remparts, où ils logerent tout du long du siege. Or ceux de la ville voyans vn si épouu-
table tonnerre tirer continuellement contre leurs deffenses, dressèrent aussi vne contre-
batterie, par le moyen de laquelle ils firent vn tel échec, qu'ontient qu'à diuerses-fois ils
ne firent pas mourir moins de trente mille hommes, tant en soldats qu'en castadours; si
bien qu'ils auoient pris vne telle épouuente, qu'ils n'osoient plus paroistre dans leurs
tranchées & sur leurs remparts: que si ceux de dedans eussent continué leur batterie, il y
auoit grande apparence qu'à la longue ils eussent esté contraints de reculer, & donner
quelque relasche à ceux de dedans, si mesmes ils n'eussent point leué le siege tout à
fait: pour le moins eussent-ils donné temps à l'armée de la Ligue de leur venir don-
ner quelque rafraichissement. Mais les chefs craignans que leurs munitions leur man-

1571.

quassent au besoin, on retrancha le nombre des coups à trente boulets pour iour, & encores falloit-il que les coups en fussent tirez en presence de ceux qui auoient la charge de l'artillerie.

Qui se rendent maîtres de la contr'escarpe.

CET orage appaisé, les Turcs vinrent aussi-tost assaillir la contr'escarpe du fossé avecques tant d'assurance & d'opiniastreté, que quelque effort que fissent ceux de dedans à se bien deffendre, ils s'en rendirent les maîtres aussi bien qu'ils auoient fait du raelin, & commencerent à ietter la terre de ce lieu dedans le fossé, que ceux de dedans auoient fait, apres qu'ils eurent perdu leur raelin; mais ceux-cy estoient si vigilans que tout ce que les Turcs abattoient pour les endommager, ils le faisoient seruir à leur deffense, le portans de nuit en la ville, en armans leurs remparts & bouchans leurs bresches, mais les Turcs y pourueurent: car ils ne laisserent trou, ouuerture ny cannoniere de ce qu'ils auoient gagné, où ils ne missent vn grand nombre d'harquebusiers, qui faisoient vne telle scopeterie, qu'aucun n'eust osé monstrier le nez pour vider les fosses: le sieur Magic Cheualier & Ingenieur, qu'ils auoient dans la ville, leur dressa des deffenses faites d'ais de bois, iointes avecques des soliveaux & poutres, que les anciens appelloient vignes, afin que par le moyen de ces maisons ambulatoires, les citoyens & autres qui transportoient cette terre, fussent garantis de cette scopeterie: mais luy qui auoit bien trouué l'inuention pour garantir les autres, ne se peust garder luy-mesme qu'il ne fust occis d'un coup de boulet, au grand dommage & regret des assiegez, auxquels il auoit fait de fort grands seruices.

Plusieurs mines éuénées.

CE fut lors que les Turcs comblèrent à leur aise le fossé, afin de pouuoir marcher à la bresche, sans monter, ce que les assiegez ne pouuoient empescher pour la grande multitude d'hommes qu'ils mettoient en besongne: outre ce ils firent plusieurs mines aux forts Nappée, Andrutie, Cap saint, & à celuy de l'Arsenal; mais les assiegez en euerterent trois qui furent rendus inutiles, il ne restoit plus que celle de la tour de l'Arsenal; laquelle ils firent iouer vers la fin du mois de Iuin, avecques telle violence, qu'elle abbatist plus de la moitié de la muraille, quelque forte & épaisse qu'elle fust, & vne partie encores du contremur, que ceux de dedans auoient fait faire, pour l'opposer à l'assaut qu'ils s'asseuroient de receuoir apres que la mine auroit fait son deuoir, comme de fait ils y en liurerent vn fort rude, qui dura plus de cinq heures, avecques grande tuërie de part & d'autre, Mustapha alla luy-mesme encourager ses soldats aux endroits où il les voyoit bransler, tantant les vns, chastiant les autres, & faisant tout deuoir d'un braue & genereux Capitaine: cela du commencement donna beaucoup d'assurance aux siens, & en fit retourner plusieurs à l'assaut, qui alloient desia chercher le couuert de leurs tranchées, mais si furent-ils en fin contrains de se retirer avecques grand massacre, principalement à l'Arsenal. Car outre la vaillance des soldats & bonne conduite des Capitaines, l'Euesque de Limisse avecques vne Croix à la main alloit exhortant les soldats, que l'heure estoit venue qu'il falloit souffrir pour celuy qui auoit tant enduré pour eux, qu'une si belle mort honorerait toute leur vie, puis que leur seigneur seroit honoré en eux, que iusques alors ils n'auoient esté ses seruiteurs que de nom; mais que maintenant il le falloit estre d'effet, & que si c'estoit sa volonté que ses plus mortels ennemis & les leurs les deuançassent en felicité mondaine, pour le chastiment de leurs pechez, il falloit au moins leur faire voir qu'ils ne leur cederont iamais en magnanimité & grandeur de courage, non plus qu'en pureté de doctrine & sainteté de Religion. Que si les anciens Payens, disoit-il, tenoient à si grande gloire de combattre pour leurs Dieux domestiques, qui n'estoient que des Idoles; combien plus le Chrestien doit-il auoir de zele & de valeur pour deffendre la iuste querelle de celuy qui est la Vie & la Verité, & qui leur preparoit encores au Ciel vne couronne si glorieuse, quand ils auroient legitiment combattu? Cebon Prelat disoit cecy & chose semblable, d'un accent si pathetique, qu'il ne fit pas peu d'effet à l'endroit des soldats; de sorte qu'encores que ce contremur fust mis par terre, ils ne laisserent pas de les soutenir valeureusement, & de les forcer de se retirer: quelque vaillantes Dames mesmes s'en estans mêlées, qui portoient aux soldats, armes, pierres & eau bouillante, & tout ce qui leur estoit de besoin.

Grande nécessité de toutes choses d'as Famagoste.

CET assaut se passa ainsi pour l'heure, mais infinies incommoditez les accabloient de toutes parts, le vin leur estoit failly, de chair fraîche ou salée, il ne s'en trouuoit que fort peu, ayans desia mangé les asnes, les chiens, les chats, & les cheuaux; le pain leur manquoit aussi, n'en ayans plus que du mauuais, & encores bien petitement: mais ce qui les mettoit en plus grande peine, c'estoient trois mines que les Turcs faisoient sous le caualier de

la porte, où ils faisoient travailler avecques plus grand nombre de gens que de coustume, & d'ailleurs il ne leur restoit plus que huit cens soldats Italiens, pour le moins qui fussent sains, & toutesfois bien travaillez pour les longues veilles & continuelles peines par eux souffertes: quant aux Grecs, les meilleurs & la plus grande partie estoient morts: cela fut cause que les principaux de la ville delibererent de presenter vne requeste à Bragadin, par laquelle ils faisoient vn narré de ce que dessus, & le piteux estat auquel estoit reduite la forteresse, denuée d'hommes de deffense & de toutes commoditez, le supplians qu'en consideration de leur fidelité, & qu'ils auoient exposé leurs moyens & leur vie pour conseruer la ville en l'obeyssance de la Republique; que maintenant que toutes choses estoient deplorées, il leur fist cette grace de vouloir traiter avec l'ennemy, & se rendre à luy, à quelque honorable condition, sauuant l'honneur de leurs femmes & de leurs enfans, qui seroient en proye, si la ville venoit à estre prise d'assaut. Bragadin sur cette requeste ayant assemblé les Magistrats & principaux Capitaines, pour en consulter, comme ils furent tous assemblez, leur dist.

1571.

Requeste présentée par les habitâs, à leur Gouverneur.

Ce qui est de plus déplorable en vne ville assiegée (mes amis) & qui la rend digne de toute compassion, c'est de la voir accablée de toutes sortes de miseres: l'ennemy ruine ses murailles, & fait mourir ses citoyens par les assauts, par les veilles & continuels trauaux qu'il fait souffrir: au dedans on endure la faim, les maladies & la necessité de toutes choses, mais le comble de tout son malheur, c'est quand elle se fait pitié à elle-mesme, & qu'elle s'amuse à destromper le reste de son courage par ses plaintes, & respandre force larmes, au lieu de cimenter ses retranchemens avecques le sang de ses ennemis. Je deplore à la verité vostre misere, & j'ay beaucoup admiré iusques icy la magnanime constance, tant des Capitaines que des soldats, & des citoyens; mais à quel propos tant de peines souffertes? pourquoy tant de furieux assauts si courageusement repoussez, si nous donnons volontairement le laurier à celuy qui s'est tant de fois confessé nostre vaincu? pensez-vous que ce soit à nos murailles qu'il en vueille? elles sont desia toutes abbatuës: quel butin peut-il auoir d'une petite ville demy ruinée? & quel brutal contentement peut-il tirer de ces corps tous allangouris de faim? non ce n'est pas cela qui le pousse: il sçait l'estat de nos affaires, il ne desire plus la ville de Famagoste, il sçait qu'elle n'est tantost plus qu'une mesure, mais il veut combattre vostre courage, c'est contre luy qu'il a braqué tous ses canons. Il veut doncques voir si vos courages sont à toute espreuue, si la trame en est bien acérée, & si ses poitrines sont reparamées d'une genereuse valeur, & d'une constante resolution pour souffrir toutes sortes de trauerfes. Or vous auez iusques icy fort bien deffendu vos murailles, & il a assez éprouué à son dommage quelle est la force de vos bras, & ce que peut le tranchant de vos espées; mais c'estoit quand vous estiez à couuert: que si vous auez exposé vos vies pour la deffense de quelques meschantes pierres, pourquoy ne le ferez-vous pas maintenant, puis qu'il y va du salut de vos propres personnes?

Harangue de Bragadin au Conseil.

PENSEZ-VOUS auoir meilleure raison de vostre ennemy, quand vous vous ferez dépouiller de ce que vous auez de meilleur? pensez-vous que cet insolent vainqueur vous épargne, quand il aura tout pouuoir sur vous? où est la foy qu'ils ont gardée aux peuples qui se sont rendus à eux, & ont fait joug sous leurs cruelles armes? Voyez vos voylins les Rhodiots: ils presenterent vne mesme requeste que vous, à cet incomparable & genereux grand-Maistre Philippes de Villiers: ils faisoient mesme plainte que vous, & peut-estre avecques plus de sujet: car l'ennemy estoit desia bien auant dans la ville: on fut contraint d'accorder leur demande: mais qu'en aduint-il? on auoit affaire alors au plus courtois & au plus fidele en sa parole de tous les Othomans, & toutesfois que ne firent point les Turcs dans la ville de Rhodes, aux habitans, à leurs biens, à leurs femmes, aux Eglises, & mesme aux Cheualiers? Quand bien les chefs seroient les plus humains du monde, cette nation est trop brutale en ses victoires pour se laisser manier par la raison & par le deuoir, comme ils ont fait voir par toutes les villes de Hongrie: mais sans aller plus loin, à la prise de Nicotie, bien que la ville fust prise d'assaut, toutesfois quelques-uns s'estoient retirez dans le Palais, ausquels on auoit donné la vie en se rendans, que fit le soldat infidele? ne les massacra-il pas iusques à vn, sans excepter Euesque, ny Gouverneur, ny Magistrat?

Ces gens auates en l'extremité, sont encores plus auides de nostre sang que de nostre bien; & le general de cette armée Mustapha, le principal instigateur de cette guerre: combien pensez-vous qu'il est animé contre vous, pour le grand nombre des siens qui ont finy leurs iours deuant cette place? esperez-vous qu'il n'en vueille prendre sa raison aux despens de nostrestes, & qu'il n'estaigne le feu de sa vengeance par l'effusion de nostre

1571.

sang? Son ennemy mortel Mahomet, a bien fait son profit de nostre resistance enuers son Seigneur, assurez-vous qu'il lauera ses mains des fautes qu'il a peu commettre iusques icy, avecques nostre entiere ruine & extermination: la façon est trop cruelle pour esperer de luy quelque humanité, & tous ces peuples qui ont abordé icy de toutes parts comme à vne tres-bonne & tres-belle curée, ausquels il a promis le pillage, (car ils n'y sont venus qu'en cette consideration) pensez-vous qu'il vous doive plustost garder sa foy qu'à eux? & de quoy sert de composer & de traiter d'accord, si on en vient au pillage? ne sçait-on pas que cette bride laschée au soldat, il prendroit plustost le mors aux dents, & mespriseroit tous commandemens de ses Capitaines, que de s'arrester? Ne seroit-il doncques pas bien plus à propos de mourir l'espée à la main, & finir nos iours comme ces vaillans soldats à Zighet, vendans nostre vie bien-chere à ceux qui nous la voudroient oster, qu'apres auoir presté obeysance à nostre ennemy, attendre qu'il nous mette le pied sur la gorge, & nous fasse rendre les derniers aboys.

JOINCT que nous attendons tous les iours du secours de la Republique: car ie ne me sçauois persuader qu'il ne nous en arriue bien-tost, veu la diligence dont le Senat a vû iusques icy pour nous enuoyer tout ce qui estoit necessaire, & qu'il nous vueille maintenant laisser à vn si grand besoin, veu l'importance de cette place; & faut qu'il y ait quelque longueur de la part des Confederez qui les arreste: car autrement nous les eussions desia veus à nostre port: mais pourquoy ne differons-nous encores quelque temps? Ceux de Malte ont bien eu vne plus longue patience ces années dernieres; mais en fin ils ne furent point frustrés de leur esperance, & le secours leur est venu si à propos qu'il fut cause de leur salut. Ie serois doncques bien d'aduis que nous eussions encores quelque patience, pour voir si nous sommes abandonnez du tout: il ne faut qu'une bonne heure à la guerre pour changer les manottes en des palmes, la seruitude à vn Empire. Toutesfoi afin qu'on ne me puisse imputer la perte d'un peuple qui s'est monsté tant affectionné iusques icy à la Republique, ie vous ay tous assemblez pour vous proposer leur plainte, afin que nous puissions deliberer comme nous nous deuons conduire pour le mieux en cette affaire. Quelques-uns se rangerent de son party, sçachans le peu de fidelité & de parole que les Turcs tiennent à ceux qui se rendent à eux, contraints par la necessité, comme ils estoient, & ce qui leur faisoit plus de mal au cœur, c'estoit de perdre avecques la vie, toute la gloire & l'honneur qu'ils auoient acquis iusques alors à la deffense de cette place.

Auis extraire à celui de Bragadin.

Les autres soustenoient au contraire, que c'estoit s'abandonner trop au desespoir, que de ne vouloir traiter d'aucun accord avecques l'ennemy: que si bien Rhodes auoit esté vn peu mal traitée aux premieres chaleurs de la conqueste d'icelle, l'insolence auoit esté bien-tost reprimée par le commandement du Souuerain, & par ceux qui auoient autorité sous luy; mais depuis que les habitans ne s'en estoient point mal trouuez, où au contraire si on se fust opiniastré iusques au bout, ils se fussent eux-mesmes enuuelis dans les cendres de leur patrie. Qu'on sçauoit assez comme les Turcs s'estoient conduits encores à Strigonie, à Albe-Royale, & quelques autres places, où les conuentions auoient esté fidellement entretenues, & que pour s'estre courageusement deffendus, cela ne les aigriroit pas dauantage contre eux; au contraire qu'ils estoient ennemis des poltrons, comme ils le firent bien paroistre à Bude & à Iule, en chastiant cruellement en l'un la lascheté des soldats, & en l'autre celle du Capitaine: & en fin qu'il valoit mieux sauuer ce qui restoit encores, que de le perdre de gayeté de cœur; puis que sa perte arriueroit sans aucune utilité: mais qu'e si on auoit enuie de traiter d'accord, il ne falloit pas attendre à l'extremité: car outre ce que la capitulation n'en seroit pas tant aduantageuse, encore en seroit elle moins seure.

Lequel est suuy.

Ceux de la ville traittent de leur reddition.

CET aduis comme plus plausible aux volonte de la multitude, & plus conforme aux necessitez du temps, fut suuy comme le plus expedient, de sorte que par le moyen d'un porte-enseigne Italien qui estoit prisonnier au camp des Turcs, il y eut trefues accordées, le premier iour d'Aoust, & apres les ostages baillez de part & d'autre, on commença à traiter dans la ville des particularitez de l'accord. Hercules Martinengue & Matthieu Celti citoyens de Famagoste furent baillez en ostage par ceux de la ville, & du costé des Turcs le Lieutenant de Mustapha, & celui de l'Aga des Janissaires, lesquels Baillon alla recevoir à la porte avecques quelques chevaux, & deux cens harquebusiers, comme ceux de la ville furent receus aussi fort honorablement par le fils de Mustapha, qui les amena à son pere, lequel apres les auoir fort caressés, leur fit present de deux robes brochées d'or,

d'or, puis les enuoya loger au pavillon de l'Aga. Or encores qu'il semblaist que par cét accord ceux de dedans deussent sortir de beaucoup de miseres, toutesfois on tient qu'ils estoient si tristes, qu'ils ne se pouuoient aucunement réjouyr, presage du mal-heur qui leur deuoit aduenir. Les deputez cependant de la part des Turcs se monstrent fort faciles à accorder tout ce qu'on leur auoit proposé: les articles furent tels. *Que tous auoient la vie saue, que les estrangers sortiroient avecques leurs alliez, armes, enseignes, & biens meubles, cinq grosses pieces d'artillerie, & chacun des chefs & seigneurs avec trois des plus beaux cheuanx qu'il eust, & qu'on leur fourniroit des nauires de guerre pour se retirer en Candie, & assurance à ceux qui voudroient demeurer, de iouyr de leurs biens, viuans en leur Religion Chrestienne.*

1571.

Articles.

Tout cecy ayant esté accordé & signé de la main de Mustapha, il enuoya aussi-tost quarante vaisseaux de diuerses sortes au port où les malades commencerent à s'embarquer, les autres demeurans tousiours aux retraites, pour empescher les Turcs de rien entreprendre, lesquels du commencement traitoient avecques les habitans fort doucement, tant de fait que de paroles; mais comme ils furent entrez dans la ville, alors commencerent-ils d'vser de violence contre eux, dequoy Bragadin fit faire sa plainte à Mustapha par Nestor Martinengue, le suppliant de faire cesser ces insolences, & aussi de leur enuoyer d'autres nauires pour embarquer ce qui restoit, ce qui fut fort liberalement octroyé par le Bassa, lequel fit entendre à Martinengue qu'il desiroit beaucoup de connoistre Bragadin, & qu'il l'eust volontiers veu, comme vn homme de grande valeur & reputation, & lequel il auoit luy-mesme éprouué. Ce qui fut cause que dès le soir mesme il s'y en alla accompagné de Baillon, de Martinengue, & de Quirin avecques quelques Capitaines & gentils-hommes Grecs, tous à cheual, & enuiron quarante harquebusiers à pied, Bragadin marchant deuant sous vne ombrelle rouge, vestu de pourpre, ayant son habit ordinaire de Magistrat, suiuy de tous les autres, lesquels venus au pavillon du Bassa, laisserent les armes à la porte, puis estans entrez dedans, furent fort courtoisement receus de Mustapha.

Accordez par le Bassa.

Le vey les ayant fait asséoir, après auoir discoursu de quelques propos communs, demanda à Bragadin vne assurance des vaisseaux qu'il prestoit; à quoy l'autre respondit qu'il n'en auoit esté faite aucune mention aux articles, & partant qu'ils n'y estoient pas tenus, joint qu'il n'auoit-là personne avecques luy qu'il peust laisser pour cet effet. Mustapha monstra aussi-tost Quirin, disant qu'il vouloit que certuy-là demeurast pour seureté, & Bragadin soustenant qu'il ne pouuoit le retenir de droit: le Bassa alors tout en cholere, leur ayant dit plusieurs iniures, leur fit accroire que durant les trefues il auoient fait mourir quelques Mululmans prisonniers de guerre, & ne les voulant point entendre en leurs iustificacions, il commanda aussi-tost qu'ils fussent liez, puis disant à Bragadin: *Que ne te vient maintenant deliurer celuy que tu adores?* les fit tous sortir hors de sa tente, & fit tailler en pieces par ses soldats Baillon, Martinengue, Quirin & tous les autres en la presence de Bragadin, reserué pour vn plus grand tourment: tous les soldats & les Grecs qui se trouuerent au camp, iusques au nombre de huit cens, furent incontinent pris & liez ay-sément, comme ceux qui ne se tenoient point sur leurs gardes, les embarquez n'eurent pas aussi meilleur marché: car deualisez ils furent mis à la chaisne. Le Côte Hercule fut caché par l'Eunuque de Mustapha, iusqu'à ce que la fureur de son maistre fut passée, duquel il demeura esclau par apres.

De v x iours apres Mustapha entra dans la ville, & ayant fait tirer Tepalus de prison où on l'auoit mis, il le fit pendre ignominieusement à l'antenne d'une galere. Toutes ces perfidies ainsi exercées, il ne restoit à ce cruel homme, qu'à se deffaire de Bragadin: or l'auoit-on quelques iours auparauant fait deux ou trois fois tendre le col: comme pour luy trancher la teste, à quoy il s'estoit autant de fois courageusement présenté: il ne voulut pas le faire mourir pour lors, ains seulement luy fit couper les oreilles & le nez, le laissant en cét estat, sans le faire penser: puis au bout de deux ou trois iours, il se le fit amener en sa presence ainsi blessé, & le fit charger (bien qu'il fut foible & debile) de deux panniens pleins de terre, l'un deuant l'autre derriere, pour porter aux bresches, luy faisant baiser la terre toutes les fois qu'il passoit deuant luy: de ce pas mené à la galere de Rhodes, il le fit mettre en vne chaire à dos avecques vne couronne à ses pieds, & puis tirer sur l'antenne de la galere, pour le faire voir à tous les esclaves & soldats Chrestiens qui estoient au port: finalement on le conduisit à la place de la ville avecques les tabourins & trompettes à la veuë de toute l'armée, où il fut dépouillé & assis ignominieusement à la berline ou pilory, & l'ayant estendu de son long ils l'écorcherent tout vif; ce genereux homme receuant ce martyre avecques toute la constance qu'on se scauroit imaginer, sans se plaindre ny murmurer, repro-

Entre dans Famagoste.

1571.
Qui a grande
constance &
patience.

Sa peau em-
plie de paille &
monstrée par
toutes les co-
stes de Syrie.

chant seulement au Bassa sa perfidie & pariurement ; mais la cruauté du tourment ne le peust empêcher qu'il n'eust toujours son cœur élevé à DIEU, & qu'il ne le priaist tres-ar-
demment de luy faire la grace de mourir constamment pour sa sainte foy & Religion, & en ses prieres, comme ces cruels bourreaux l'eussent écorché iusques au nombril, son ame s'envola au Ciel, ayant donné auparavant son conseil & ses labeurs, & mille fois exposé sa vie pour le salut des siens : & à cette fois s'estant armé d'une tres-magnanime constance, & donné volontairement sa vie pour son propre salut, & pour la gloire & l'exaltation de sa sainte Religion. Estant acheué d'écorcher, sa peau fut incontinent remplie de paille & portée par toute la ville, puis mise sur l'antenne d'une galiote, fut monstrée tout du long de la coste de Syrie, & par tout où ce monstre de cruauté passa à son retour, voulant qu'un chacun le vist, comme si ce luy eust esté quelque grande gloire d'avoir vû d'une telle barbarie envers un vaillant homme, qui hors la guerre ne luy avoit fait aucun déplaisir, & qui l'estoit venu trouver sur sa parole. Le corps fut mis en quatre quartiers, qui furent attachés aux quatre premieres batteries.

QUELQUES VNS ont dit que l'occasion pourquoy Mustapha usa d'une si grande cruauté, fut qu'ayant promis le pillage à ses soldats, il leur avoit osté par cette reddition : c'est pourquoy il voulut au moins contenter leur appetit de vengeance par le supplice d'un petit nombre, au lieu de tant de gens qu'il avoit perdus au siege : on dit aussi qu'il avoit perdu beaucoup de gens qu'il affectionnoit, la mort desquels il avoit juré de vanger : on adjoûte encores que Mustapha estoit d'un naturel si cholere, que quand il estoit excité, il devenoit comme furieux. Or est-il qu'il fut merueilleusement offensé, quand il vid venir Bragadin avecques les autres en son pavillon, si bien accompagné de gens armez, & en si grande pompe qu'il sembloit plustost son victorieux que son vaincu : outre tout cela, il luy avoit osé résister & soutenir hardiment ce qui estoit de la raison : & on sçait assez qu'il n'y a rien qui enflamme tant un courage superbe, que de s'opposer à sa volonté. Mais ce qui estoit le plus fort, c'estoit que cet homme estoit naturellement cruel, sans foy, & sans religion, qui ne s'osoit que de contenter ses appetits brutaux : & la valeur de Bragadin l'avoit mis en un extreme peril : car on dit que Selim l'avoit menacé de luy faire perdre la teste, s'il ne prenoit Famagoste ; tenant doncques son ennemy entre ses mains, il s'en vangea de la sorte : & de fait il ne se contenta pas de cette barbarie : car estant entré en l'Eglise cathedrale de saint Nicolas, il fit ouvrir les sepultures & monumens, & jetter çà & là les ossemens de ceux qui estoient dedans, ruiner les autels, abbatre les images, & faire tant de choses brutales & cruelles qu'il en fut blasmé des siens, ainsi que le raconte le sieur Fougassé en son histoire de Venise. Voila comme la cité de Famagoste vint en la puissance des Turcs, apres qu'ils y eurent tenu le siege deuant deux mois, une semaine & quelques iours d'auantage, ayant receu cent quarante mille coups de canon ; le bruit estoit que les Turcs y avoient perdu plus de cinquante mille hommes. Et de fait cette guerre estoit de telle importance, que Selim la sceut bien reconnoître, faisant publier en Constantinople, que tous ordres & estats se missent en devoir, & inuoquassent la faueur divine pour la victoire, tant de ceux de Cypre, que de son armée de mer, dont nous avons parlé cy-dessus, en faisant faire des actions de graces, & des signes de réjouissance par tout son Empire, & mesmes en fit aduertir l'Empereur & le Duc de Sallines, par gens exprez que le Bassa de Budoy envoya.

APRES cette ville conquise, Mustapha fit nettoyer en diligence les fossez des murailles, raser les forts qui estoient dehors, remplir les tranchées, & reparer dedans tout ce qui avoit esté ruiné : de sorte qu'en peu de temps elle fut remise en son premier estat, & plus forte qu'elle ne fut iamais ; cela fait le Bassa partit de Cypre le vingt-quatriesme iour de Septembre, & s'en retourna victorieux & triomphant à Constantinople, où il fut receu en honneur & allegresse d'un chacun. Et à la verité cette conquête, entre toutes celles que les Turcs ayent iamais faites, est des plus deplorables, d'autant qu'apres avoir esté si longuement possédée par les Chrestiens, & notamment pres de cent ans sous la domination des Venitiens, depuis mesmes que l'Empire des Turcs s'estoit estendu en Europe, qu'il ait neantmoins fallu qu'à la veüe d'une tres-puissante armée Chrestienne, elle se soit si miserablement perdue, tandis que les chefs Chrestiens estoient en differend à qui devoit commander à son compagnon : car sans leur ambition, & s'ils eussent voulu s'acheminer du premier coup en l'Isle de Cypre, ils eussent contraint les Turcs de lever le siege ; & neantmoins cela est estrange, qu'à tous les deux sieges, de Nicotie & de Famagoste, ils n'ayent peu s'accorder, pour faire

10. Bap. A.
d'Amas Flo.
lib. 21.
Constantin Sau-
son, Estienne
hist. de Cypre.

au moins la moitié de la peur à leur ennemy, mais les pauvres Cypriots eurent beaucoup de courage pour se deffendre, & peu ou point du tout de secours pour les deliurer.

1571.

IX.

OR tandis que ces conquestes se faisoient en Cypre, le Pape Pie cinquième poursuivit d'une telle affection la Ligue dont il a esté parlé cy-dessus, qu'en fin elle fut conclue avecques luy, le Roy d'Espagne, & la Republique de Venise, l'Empereur Maximilian s'en estant excusé, à condition que leurs forces seroient de deux cens galeres subtiles, cent nauires de guerre, cinquante mille hommes de pied, tant Italiens, Espagnols, qu'Allemands: outre ce quatre mille cinq cens cheuaux avecques nombre d'artillerie & munition conuenable. Dom Iean d'Autriche frere bastard du Roy Philippes, en fut déclaré le General, & en son absence Marc-Anthoine Colonne, avecques la mesme autorité, encores qu'en mesme temps il retint le nom & grade de General de l'Eglise; Venier estoit General des Venitiens. Quant au Prince Iean d'Autriche, il estoit accompagné de plusieurs grands seigneurs d'Espagne, à sçauoir de Dom Bernardin de Requecens, grand Commandeur de Castille, D. Aluares de Bussans Marquis de sainte Croix, Dom Iean de Cardonne Comte de Piegne, Anthoine Dorie, Charles d'Aualos Duc de Sesse, & du Marquis de Treine, tous lesquels le Roy Philippes luy auoit baillez pour deliberer de toutes les affaires d'importance: & quant aux Italiens, les plus remarquables estoient le Prince de Parme, le Duc d'Urbain, Paul Iourdain Urbain, le Comte de sainte Fleur, Ascanio de la Corne, & Paul Sforce: les trois Generaux doncques s'unirent ensemble à Messine le vingt quatriesme iour d'Aoust avecques la plus grande partie des forces de la Ligue, & en fin le tout estant assemblé en vn, arriuoit au nombre de deux cens vingt galeres subtiles, six galeaces, vingt-cinq nauires, & plusieurs autres vaisseaux moindres: on resolut apres de partir de là le dix-septiesme de Septembre, & s'en alla à Corfou, où elle arriua le vingt-septiesme du mesme mois. Quant à l'armée Turquesque, elle estoit composée d'environ trois cens voiles sous la charge d'Haly Bassa pour lors Lieutenant general pour l'Empereur Turc, assiste de Pertau Bassa, Hassan Bassa, fils de Barbe-rousse, Mehemetbey Roy d'Alger, Sirocco Gouverneur d'Alexandrie, Caracosse & autres experimentez Capitaines, & renommez corsaires, qui auoient desia, comme vous avez entendu, fait plusieurs rauages par toutes les mers des Venitiens, & auoient vn particulier commandement de Selim, de chercher l'armée Chrestienne & de la combattre: toutesfois il enuoya auparauant Caracos sur vn brigantin pour reconnoistre leurs ennemis, qui usa de telle industrie & diligence, qu'il eut loisir de prendre langue en Calabre de l'estat de l'armée, reconnoistre la flotte, & retourner en faire son rapport sans aucun danger; mais il rapporta le nombre des vaisseaux beaucoup moindre qu'il n'estoit, soit qu'il se fust trop hâté à la compter, ou plustost qu'il ne peust voir la flotte de l'aile gauche, laquelle auoit à dos l'Isle qui l'empeschoit de la reconnoistre, qui fut occasion au general Turc de se resoudre au combat, disant contre l'aduis de plusieurs des siens qui ne le trouuoient pas à propos, qu'il en auoit commandement de l'Empereur.

Quelles forces il y auoit en l'armée de la Ligue.

COMME doncques ils ne demandoient que la bataille, Gilles d'Andrade fut enuoyé par les Chrestiens avecques trois autres galeres Venitiennes, pour apprendre nouuelles de leurs ennemis, desquelles celle de Catherin Mari Pierre s'en retourna presque aulli-tost, portant nouuelles que les ennemis auoient paillé à la veüe de Zante avecques toute leur armée, & estoient entrez au golphe de Lepante, ayant laillé des marques toutes fraïches de son arriuee es Isles voylines, ce qui seruit de beaucoup à faire resoudre les Chrestiens: car on dit que Iean d'Autriche, ny ceux qui l'accompagnoient, ne trouuoient point bon que l'armée entrast au golphe de Lepante, pour chercher l'ennemy, cōme vouloient les Venitiens, entre autres Sebastien Venier & Barbarique qui remonstroient par plusieurs raisons qu'on y deuoit entrer, le lieu estant du tout à leur aduantage, en promettans à tous vne tres-heureuse issue: en fin ils resolurent d'enuoyer Barbarique avec huit galeres à la bouche du golphe, pour essayer d'en tirer les Turcs: mais Venier, qui estoit desia bien aduancé en mer, comme on estoit apres d'exécuter cette resolution, pour encourager dauantage les autres, & leur oster toute crainte, enuoya asséurer le General que cinquante galeres des Turcs s'estoient demembrées, & auoient desemparé l'armée, ayant pris la volte de Levant, afin que l'Espagnol ne fust aucune difficulté d'entrer au golphe, comme de fait la resolution fut prise lors d'y entrer, nouuelles occurrences ayans fait prendre nouveaux conseils. Aussi auoit-elle esté apperceüe de Iean André Dorie, se decourant à l'issue du golphe susdit, & dressant les proues vers certaines Isles, iadis appellées Eschinades, & à present Cussolares, où la mer est fort estroite, & empeschée d'Isles & d'écueils, ce

Les Chrestiens l'enuoyent decouurir.

1571.

que les Turcs prenoient pour leur aduantage, si bien qu'il ne fut point necessaire de reconnoistre ny de marchander beaucoup, les vns ayans aussi grand desir de combattre que les autres. Haly doncques disposa ainsi la bataille, à la pointe droite il mit cinquante cinq galeres commandées par Aluch Haly ou Occhiali, à la pointe gauche autres cinquante cinq, sous la charge de Mehemet-beg, & Sirocco, luy avecques Pertaiü Bassa tenoit le milieu avecques nonante six galeres : le surplus de ses galeres furent par luy ordonnées pour le secours, avecques plusieurs fustes & brigantins, pour courir parmy ces ordonnances rangées, & porter les commandemens aux Capitaines.

Or comme les Turcs, tant en leurs armées de terre que celles de mer, tiennent toujours la forme d'un croissant, les Chrestiens en cette bataille voulurent tenir en la leur la mesme figure. La pointe droite doncques des Confederez estoit fournie de cinquante trois galeres & deux galeaces Venitiennes, sous la charge de Jean André Dorie, à gauche estoit pareil nombre de galeres & de galeaces, commandées par Augustin Barbarique Prouidadeur des Venitiens. Aluare Bacian auoit l'arriere-garde avecques trente galeres, desquelles il y en auoit douze Venitiennes, au milieu des deux pointes estoient les trois chefs principaux avecques soixante quatre galeres, selon quelques vns, & selon les autres septante, & deux galeaces, à la droite de Dom Iouan estoit la generale du Pape, sur laquelle estoit Colonne, Lieutenant general de la Ligue, & à son costé la Capitaine de Saouye, que commandoit de Ligny, où estoit le Prince d'Urbain, à gauche la Generale des Venitiens, & à son costé la Capitaine de Gennes, où estoit le Prince de Parme, les deux derniers qui faisoient ailes à la bataille, estoient la Capitaine de Malte, dans cette galere estoit le Commandeur Romegas, (ce vaillant Cheualier de l'Ordre de saint Iean de Ierusalem, qui donna vne telle terreur à tout l'Orient, que les meres encores auourd'huy le nomment pour épouuenter leurs enfans :) celle de Paul Iourdin Vrsin, & celle de Loumeline. A gauche & à la poupe de la Reale, pour conserue estoient la Capitaine du Commandador Major, & la patronne d'Espagne : au front de toute l'ordonnance, estoit Dom Iean de Cardonne avecques six grosses naus remorchées chacune par deux galeres subtiles, qui les deuoient laisser, & reprendre leur rang sur le point du combat, cela estant enuoyé ainsi deuant comme enfans perdus : les Turcs cependant passans outre, les Lepantins craignans qu'il ne leur arriuaist quelque chose de pis, ne voulurent attendre qu'on les assaillist, ains se rendirent sans coup frapper, laquelle forteresse demeura aux Turcs, mesmes apres la bataille. Or les deux armées s'approchant l'une de l'autre, Haly le General des Turcs iugea qu'il ne deuoit point donner le signal du combat, sans auoir premierement encouragé les siens : il leur dist doncques.

Les Lepantins
se rendent aux
Turcs.

Haly General des Turcs
encourage
les siens au
combat.

IE ne voy pas, compagnons, que nous ayons grand sujet de crainte, puis que nous auons affaire à des gens qui ont eue le combat iusques icy, il faut bien à la verité qu'il y ait en eux, ou beaucoup de foiblesse, ou beaucoup de lascheté, puisque tant d'occasions s'estans presentées, voire mesme à leur aduantage, ils ont tousiours neantmoins fuy la lice : & apres auoir fait ces années dernieres plusieurs Ligues & tres-grandes assemblées de tous les cantons de la Chrestienté : ils ont mieux aimé toutesfois se retirer sans rien faire, que de s'exposer à quelque genereux combat : qu'ainsi ne soit, toute cette riche & florissante Isle de Cypre n'est-elle pas tombée sous la domination du grand Seigneur par leur lascheté ? quelle forte place estoit-ce que la ville de Nicosie, si elle eust esté deffendue ? quelle celle de Famagoste, si elle eust esté secourue ? Ils estoient en armes, ils auoient nombre d'hommes, provisions & artilleries suffisantes, sinon pour nous faire leuer le siege, au moins pour nous forcer de venir au combat, mais ils nous redoutent trop, & ont mieux aimé demeurer à l'ancre & laisser mourir de peste la meilleure partie de leurs soldats, que de rendre leurs voiles & faire leurs efforts pour nous chasser de cette Isle : mais comment iroient ils si loin, ven que depuis tant de mois nous courons au long & au large par tous les golphes, les costes, & les ports de leur Seignevrie, sans que nous en ayons iamais rencontré un seul qui nous ait empesché de faire le degast par toutes leurs terres, si ce n'est quelques habitans qui se sont sauuez, plustost par le moyen de leurs fortes murailles que par celui de leur valeur.

A present qu'ils sont plus forts qu'ils n'ont iamais esté, encores n'osent-ils approcher, & m'a-on dit de bonne part qu'ils sont tous prests de se retirer en Cephalonie, pour voir si nous les irons chercher iusques sur leur pallier ; aussi ne sont-ils pas le nombre que nous pensons : car selon que ceux que nous auons enuoyé decourir nous ont rapporté, nous sommes bien deux fois autant : mais quand leur nombre égaleroit le nostre, quelle estoit l'armée

l'armée de Roccandolph deuant Bude, & celle du Marquis de Brandebourg deuant Pesth, au regard de la nostre, plus de trois fois autant, & neantmoins nous les forçâmes de leuer ces lieges, pillâmes leur camp, gagnâmes leur artillerie, & les poursuivîmes tant qu'il nous plût, tousiours batans, sans qu'ils eussent l'assurance de tourner visage, estans taillez en pieces, eux qui auoient l'espée à la main. Que si vous voulez mettre en auant leurs plus signalées victoires, vous trouuerez qu'elles ont esté de nul effet, leur mauuaise conduite, ou plustost leur peu d'vnion estant cause de les faire arrester plustost à quelque butin, qu'à la chose pour laquelle ils se sont armez: de là vient que leurs armes sont si infortunées. Ne scauons-nous pas encore que le General de l'armée est en picque avec celuy des Venitiens, pour quelques soldats que cestuy-cy a fait executer sans son secu? Nous au contraire tousiours inuincibles, d'autant que nous ne sommes iamais diuisez: la fortune ayant tousiours ry à nos desseins, non moins grands que profitables. Mais puis que le grand DIEU nous a octroyé d'estre sages en nos prosperitez, ayons l'œil non seulement aux choses aduenues, mais encores à celles qui pourroient aduenir: car il ne faut que la fortune d'une seule heure pour renuerfer tout ce que nous auons cy-deuant acquis de gloire & d'honneur: c'est pourquoy sans trop mépriser l'ennemy, il faut que nous fassions tous nos efforts pour rompre ses forces, sans nous arrester au butin, que nous ne les ayons mis en fuite.

Vous n'estes pas ignorans de quelle importance nous est cette victoire: car ie puis dire que l'Italie ost le prix du vainqueur, les Venitiens principalement estans menacez d'une ruine toute presente, si cettuy leur dernier secours vient à estre deffait: puis qu'ils ont esté si long-temps à s'assembler, n'y a-il pas grande apparence que les Princes leurs Confe- derez aimeront tousiours mieux garder leurs forces pour la manutention de leurs Estats, que pour la deffense de celuy d'autrui: si bien que ceux-cy abandonnez apres vne nota- ble deffaitte, qui nous peut empescher, au moins si nous ne nous pouuons assujettir leur principale ville, que nous ne nous rendions les maistres de toutes les Isles de leur Estat, pour nous ouurir apres le chemin à cette superbe Rome, qui appartient de droit au Sei- gneur, puis qu'il est le legitime successeur de l'Empire Romain. C'est quelque chose à ceux qui ont conquis Cypre, & de la reputation qu'ils se sont acquise à la posterité, d'en auoir chassé ces Idolâtres qui en auoient paisiblement iouy vne si longue suite d'années; mais ce nous sera vn bien plus grand honneur d'auoir domté toute la Chrestienté ense- mble, & de nous estre acquis l'Empire de leurs mers par le gain d'une seule bataille, en la- quelle encore vous auez, sans comparaison plus d'auantage que des assiegeans de quelque place, qui sont bien souuent contrains de souffrir beaucoup, sans se pouuoir deffendre, où au contraire il ne tiendra qu'à vous que vous ne fassiez paroistre vostre valeur, comba- tans vos ennemis corps à corps, ayans encores vent & marée si à propos, qu'il semble que le Ciel veuille combattre pour nous, sans que nous ayons la peine de nous en mêler. Allons doncques avecques la mesme furie, ou plustost avecques la mesme valeur, que vous auez de coustume de terrasser ceux qui veulent s'opposer à vos forces inuincibles, & que le So- leil en se retirant de dessus nostre horison, porte des nouuelles aux peuples de l'autre he- misphere, qu'il a veu obtenir vne des plus signalées victoires qui ait iamais esté donnée en toutes ces mers de deçà, depuis celle du grand Roy Xerxes.

HALY parloit ainsi de son costé. Mais le Prince Dom Iean d'Autriche n'en faisoit pas moins du sien, & representant à ses gens la necessité qu'ils auoient de combattre, il leur disoit.

Le Prince
Dom Iean
d'Autriche
fait le mesme
aux siens.

Si iamais armée Chrestienne a den faire paroistre la grandeur de son courage contre ses plus mortels ennemis, c'est maintenant, soldats, c'est maintenant qu'il faut que le vostre s'immortali- se à la posterité, en surmontans ce barbare, qui ne peut eriger de trophée que sur nos dissensions, & qui ne cimente ses fortresses qu'avecques le sang que nous respandons en nos guerres ciuiles. Maintenant que par la misericordieuse bonté du Tout-puissant, tout est paisible chez nous, ne deuons-nous pas esperer tous bon-heur? Je croy bien qu'il se fait fort sur l'abondance du sang que nous auons respandu, & qu'il nous a saignez sans de fois; que si nous sommes retournez en con- ualescence, ce n'est pas sans vne grande foiblesse: mais comme la quantité du sang n'est pas celuy qui nous dône le plus de force, mais la qualité: ie m'assure aussi que tout ce qui est de zélé, de pieux, de fidelle, & de genereux parmy les Chrestiens, est à cette heure en cette armée.

Or comme il est bien plus aysé de blasmer les choses passées que de les reparer, ne r'ensamons plus nos playes par ce desagreceable ressonuenir, si ce n'est pour tirer la vengeance que l'infidelle a

1571.

tres-justement meritée, nous pourrions, par maniere de dire, entendre les cris & les soupirs de nos freres, & le bruit de leurs chaines donne iusques à nos oreilles : ce sang si cruellement & perfidement respandu de ce magnanime Bragadin, & de tant de bons Capitaines & soldats, que ce barbare n'a osé affronter qu'alors qu'ils ne se pouuoient plus deffendre, crie tous les iours vengeance au Ciel & à nous : aurons-nous maintenant au moins si peu de sentiment, qu'après les avoir laissez au besoin, nous ne nous efforcions pas de vanger leur cruelle mort, par quelque preuve de vaillance extraordinaire.

ADIS entes mesmes mers le vaillant Themistocles, & le sage Aristides deffirent l'armée navale du Roy de Perse Xerxes qui auoit mille vaisseaux : les Atheniens ayans mesme quitté leur ville pour deffendre la liberté de la Grece : pourquoy n'aurons-nous pas le mesme courage que ces anciens Grecs, nous qui combatons non seulement pour la liberté de nostre pays ; mais pour la gloire de **DIEU**, pour l'exaltation de nostre sainte Religion, pour la deliurance de nos freres ; & finalement pour reconquerir ce qui nous a esté si iniustement usurpé. Les forces de ceux-là estoient bien inégales à celles de leurs ennemis, & les nostres égalent presque celles des Turcs ; mais comme elles ont esté assemblées avecques beaucoup de peine, il faut que vous vous en approfitez le fruit, & que vous fassiez en sorte, à force de valeur, que l'ennemy n'ait aucune prise sur vous ; mais qu'au contraire, au lieu qu'il nous est venu chercher dedans nostre golphe, nous l'allions trouver iusques dans son destroit : car si nous le rompons à cette fois, rien ne nous peut empescher que nous ne donnions dedans fort aisement, & que nous ne forcions cette Constantinople Othomane, d'obeyr encores vne fois à Rome Chrestienne, comme à celle qui doit donner la loy aux peuples, au moins pour ce qui concerne le salut.

CAR afin que vous le sçachiez, icy est toute la force de l'Empire des Turcs, cette armée defaite entierement, il ne peut pas subsister dans sa ville Imperiale, si bien qu'il semble que l'Empire Turquesque doive estre la recompence de nos labeurs, & il le sera en effet si nos armes recoiuent benediction d'en haut : mais le dommage & le peril est conforme au guerdon, pour ceux auxquels la fortune de la bataille sera contraire : car comme nos aduersaires, renfermez qu'ils sont dans ce golphe, s'ils sont vne fois deffaits, il faut qu'ils perissent tous iusques à un, & malaisément apres se pourront-ils garantir : nous sommes aussi menacez d'une ruine presente, si ce dernier secours vient à estre deffait ; nos affaires seroient bien lors reduites en piteux termes, si nous estans forcez de deffendre nostre pays contre un si puissant aduersaire, il demeueroit victorieux, & si nous auions perdu tout ce que nous auons peu assembler de forces.

C'EST à vous doncques de faire en sorte par la force de vos bras & la grandeur de vos courages que nous nous garantissions du mal prochain, & que nous nous ouurions le pas aux conquestes de ce qui nous a esté usurpé : c'est de cette iournée que toute la Chrestienté attend sa felicités c'est à cette occasion que de toutes les contrées du monde où le saint nom est adoré, on espend avecques larmes mille prieres deuant la Majesté du grand **DIEU** des armées, à ce que destournant son ire vangeresse de dessus nos testes, & faisant insluer ses graces sur nous, son assistance toute-puissante nous puisse rendre victorieux : car c'est en luy que nous auons mis toute nostre esperance, & nostre plus grand & signalé secours : ce que j'oserois vous assseurer qu'il fera car outre ce qu'il a reunny pour cet effet nos volontez si des-unies, encores a-il pacifié les troubles arrivez de nouveau en cette armée, & nous donnera toutes choses fauorables, si nous ne nous appuyons point sur les moyens humains : que si avecques vne si belle armée, fournie de tout ce qui luy est necessaire, nous auons d'abondant un si bon support, que deuous-nous craindre tout bon-heur arrive tousiours à celuy qui se fie en l'eternelle Pronidence, il n'y a point d'autre fortune, d'autre hazard, ny d'autre destinée pour luy : ces termes sont pour les infidelles.

ALLONS doncques, mes amis, comme d'autres Israëlites submerger ce superbe Pharaon au milieu de ces ondes, allons deliurer nos freres, qui languissent depuis tant de siecles en vne si miserable captiuité ; allons arracher des mains de ces renegats cette Cité sainte, pour laquelle nos peres ont autres fois dressé de si puissantes armées & respandu tant de sang : il ne tiendra qu'à nous que nous ne nous en rendions les maistres : car ie lis desia dans vos visages vne fureur bellique, entre-mêlée toutes fois de quelque serenité, qui me fait iuger qu'outre ce que vous entreprenez ce combat gayement, que vous auez desir de vous y comporter courageusement, & que nous ferons demain plus empeschez à butiner leurs richesses, & à rassembler le debris de leur deffaste, que nous ne sommes empeschez aujour d'huy à vous ranger en bataille, & à vous exciter au

Quelques
sideratibz des
peuples voi-
sins sur cette
bataille,

TELS ou semblables discours tenoient encores les autres chefs à leurs soldats. Mais vne esperance bien ambiguë & douteuse, accompagnée d'une grande crainte trauersoit les esprits

esprits de tous les peuples circonuoisins, lors qu'ils venoient à contempler tantost la bataille des Chrestiens, & tantost celle de l'ennemy, s'imprimans par ce moyen tout à la fois des choses plaisantes & fascheuses, si l'un ou l'autre demeuroit le vainqueur. 1571.

C E P E N D A N T les soldats ayans déployé harnois & courages pour ce combat qui les deuoit rendre, ce leur sembloit, victorieux à iamais, si l'heur estoit de leur costé, s'estoient assemblez dès le grand matin au son du double canon: le Prince Dom Iean ayant fait mettre le quarre à l'arbre, & la flamme à la peno, (ce que les autres disent arborer l'estendard) pour signal de la bataille; on leua aussi par son commandement toutes les bannieres, enseignes, fanons, guidons, banderolles, & mit-on tous autres drapeaux au vent. Apres doncques les prieres accoustumées de part & d'autre & le des-jeuner, les armées commencerent à marcher. Or la nuit auparavant la bataille, l'armée Chrestienne diuinement inspirée, s'osta du port de la vallée d'Alexandre, pour n'estre pas assaillie de la Turquesque avecques desaduantage & danger manifeste de demeurer vaincuë audit port, au contraire l'armée Turquesque, disposée comme il a esté dit, s'osta la nuit mesme de Lepante où elle estoit, afin de venir trouuer à l'improuiste la Chrestienne au port susdit, avecques dessein de la surprendre, d'autant qu'elle scauoit qu'elle s'y tenoit tres-asscurée, ou pour le moins esperoit-elle de luy faire quelque grande brauade, mais ils estoient desia delogez, & se rencontrerent en fin dès le matin si proches l'une de l'autre, qu'il falloit combattre par necessité: car quand les Chrestiens s'en fussent voulu dedire, ce leur eust esté vn trop grand desaduantage de se laisser venir les Turcs à dos, qui auoient plus grande quantité de vaisseaux & de gens qu'eux, comme on pouuoit voir à l'œil, & non par rapport d'autrui: (car l'une & l'autre des deux armées fut trompée par ses propres espions, qui porterent fausses nouuelles à l'une & à l'autre du nombre des vaisseaux, disans qu'il y en auoit moins qu'il ne s'en trouua en effect:) mais quoy! celle des Turcs venoit avecques vn vent fauorable, & à voiles déployées, ayant le Soleil à souhair, & qui donnoit dans la veuë des Chrestiens: car ce bel astre estoit fort clair ce iour là, comme s'il eust voulu faire paroistre dauantage à tout l'Vniuers, la honte des ennemis de son Seigneur.

E T sans doute ces aduantages estoient suffisans pour donner la victoire aux Turcs, voire vn seul estoit plus que suffisant. Quand les Chrestiens reconnoissans leur danger & leur perte manifeste, s'estans recommandez à D I E U, & ayant mis en luy toute leur fiance & non pas en leurs armes & en leur propre valeur, apres auoir fait le signe de la Croix, ils eleuerent vn grand cry à l'honneur & la gloire du mesme Seigneur, qui estant meü à pitié, selon sa bonté & misericorde infinie, & voulant chastier la superbe & l'arrogance des autres, qui tenoient desia leur victoire toute asscurée, pour monstrier dauantage sa Toute-puissance & son assistance par quelque signe manifeste, il fit cesser miraculeusement le vent qui estoit fauorable aux Turcs, rendit la mer calme, & fit venir en vn instant vne nuée qui couuroit le Soleil, lequel offendoit la veuë des Chrestiens, le faisant apres rayonner dans la veuë des Turcs, cela leur apporta vn grand trouble dès le commencement, & les empescha d'ordonner si bien leur bataille, que peut-estre ils eussent fait, toutesfois cela ne les destourna point de leur premier propos.

H A L Y fut le premier à inuiter l'armée Chrestienne à la bataille, laschant vn coup de canon, auquel Dom Iean respondit de mesme: & aussi-tost Iean André Dorie fit vn tour de maistre, s'élargissant en mer avecques sa pointe droite, & donnant moyen aux autres ordonnances de s'élargir afin de n'estre circonuenüe & enuironnée par les galeres Turquesques, ce qui seruit beaucoup. Barbarique, Anthoine de Canal, Marc-Anthoine, Quirin & autres qui luy assistoient, se tinrent pres de terre le plus qu'ils peurent, afin qu'on ne les peüt assaillir par le flanc, ny autrement que de frôt, ce qu'essayoyent de faire Sirocco & Haly Geneuois, & quand ce vint à la déroute, qui commença sur ceux que Barbarique auoit en teste, il empescha qu'ils ne peussent euader.

LE commencement du combat vint des gros vaisseaux qui alloient deuant, car ceux-cy estans chargez de quatre-vingts pieces de canon, sur chacun d'eux, firent vn grand meurtre des Turcs, & mirent toutes leurs galeres en desordre, qui ne pouuoient tenir leur rang contre la furie de cette tempeste: toutesfois les chefs experimentez à telles rencontres, sans s'estonner d'un si grand deluge, outrepasserent ces naus & reprindrent leur rang, premier que de charger les Chrestiens, lesquels ils n'épargnerent non plus pour reuanche de l'eschec qu'ils auoient receu, soit avec le canon, les fleches & les harquebusades; & ce fut lors que la confusion du bruit du canon, du cliqueris des armes, des cris des blesez, & de ceux encore qui s'excitoient au combat, estoit telle, que le plus grand

X.

Le vent qui estoit fauorable aux Turcs, cessa miraculeusement.

Bon trait de Iean André Dorie.

1571.

& horrible tonnerre, n'en sçauoit faire vne plus grande, aussi les commandemens des chefs y estoient-ils la plupart du temps sans profit, & tout ce qui s'y faisoit, ne pouuoit venir que de la souuenance du commandement passé, ou d'une pratique de guerre que ceux qui s'estoient veuz en telles affaires, auoient trouuée la meilleure, & bien que chaque vaisseau eust ses Chirurgiens pour panser les blesez de part & d'autre, & qu'ils eussent leurs medicamens tous prests pour remedier aux playes, & des fers & instrumens tous rouges & tous disposez pour s'en seruir au besoin, si est-ce que le nombre des blesez estant sans comparaison plus grand que celuy des Medecins, plusieurs mouroient sans secours, desquels les cris lamentables estoient entremeslez parmy ceux auxquels on coupoit quelque membre offensé, de crainte que le venin qui estoit à la flèche ou à la balle, ne monta plus haut, à la ruine de tout le reste, & que d'autres encores brulez des feux artificiels aymassent mieux se precipiter dans l'eau, & chercher quelque rafraichissement en leur misere, que d'attendre les receptes des Medecins: toutes ces plaintes, dis-je, & clameurs n'estoient point entendues de ceux qui estoient attachez au combat, si bien que cela n'en décourageoit aucun de faire son deuoir, au contraire chacun s'animoit l'un l'autre pour obtenir la victoire.

La Generale
des Turcs at-
taquée par
celle des
Chrestiens.

Forces qui
estoient dans
les deux ga-
leres.

OR les approches se firent si promptement, qu'ils n'eurent pas le loisir de recharger pour la seconde fois: car ils vindrent incontinent aux mains, & principalement les deux galeres Imperiales, qui dès le commencement s'affronterent l'une l'autre, celle de Dom Iean ayant attaqué celle de Haly Bassa, où il se fit vn tres-aspre combat, les vns pour y entrer, les autres pour les repousser: Dans la galere de Dom Iean estoient quatre cens bons soldats, tant harquebusiers que mousquetaires, dont estoit Capitaine Lopede Figueron; à sa proue estoit Michel de Moncade, Bernardin de Cardines, & Salazar Capitaine de la citadelle de Palerme; au milieu estoit Iean de Zapate & Louys Carillo; & en poupe Iean avecques le grand Commandeur de Castille, le Comte de Plego, Louys de Cordouia, Roderigo de Benauides, Iean de Guzman, Philippes de Heredia, Ruydiaz de Mendoza, & autres; Dans la Reale d'Haly Bassa, estoient quatre cens harquebusiers Ianislares & quelques archers, qui furent encore secourus de poupe, où entroient plusieurs Turcs des autres galeres, qui s'amassoient au tour de la Generale: toutesfois les Chrestiens donnerent dedans avec tant de force, & de hardiesse, que quelques vns gagnerent la rambade, & se ietterent dedans, suivis de plusieurs qui vouloient auoir part à l'honneur & au profit: mais ce fut là où se renouuella le combat: car le General Turc ne perdant ny le sens ny le courage en telle extremite, donna si bon ordre à toutes choses, & mettant luy-mesme la main à l'œuvre, encouragea tellement les plus refroidis, qui voyoient leur chef s'exposer aux plus grands dangers, qu'ils se resolurent tous de perdre plutost la vie que le vaisseau, si bien que force fut aux Chrestiens de se retirer, y laissant plusieurs des leurs, que les Turcs, ietterent aussi-tost dans la mer.

Dom Iean les
fait retourner
à l'assault.

MAIS Dom Iean qui voyoit la perte d'une chose qu'il croyoit desia toute acquise, & quelques autres chefs encore des plus genereux, presserent tant les soldats, leur remonstrans la grande honte que ce leur seroit à iamais d'auoir laissé échapper de leurs mains le plus grand honneur & le plus grand butin tout ensemble, qui fut iamais fait sur mer, & l'occasion de gagner les incroyables richesses d'un General des Turcs, qu'en fin la honte d'auoir failly vn si beau coup, leur fut vn nouveau feu, qui leur enflamma tellement le courage, qu'ils en eurent assez pour s'animer les vns les autres, & pour faire vne recharge si furieuse, à ce vaisseau, qu'ayans encore derechef franchy la rambade, ils leur donnerent tant d'affaires, qu'ils forcerent le General & le reste des fuyiuaux, de se retirer au chasteau de Poupe, resolu neantmoins de s'y deffendre iusques à la mort, & d'éprouuer tous moyens de sauuer le vaisseau, duquel il sçauoit bien que dependoit le bon-heur ou le mal-heur de toute son armée: mais les Chrestiens auoient tellement releué leur courage en cette recharge, que nonobstant toute la resistance des Turcs, ils gagnerent encore cette retraite, qui demeura aux victorieux: le General Haly, tres-remarquable entre les autres y demeura & fut tué par vn Grec de Macedoine, seruant à l'Arsenal de Venise, qui le renuersa mort à ses pieds, pour la reconnoissance duquel acte, Iean d'Autriche le fit Cheualier, & luy donna treize cens ducats de rente annuelle pour entretenir ce grade avecques tel honneur qu'il meritoit, outre la bougette qui auoit esté au feu General, en laquelle on trouua plus de six-mille pieces d'or: soudain la teste fut enleuée sur vne picque, laquelle le Prince Dom Iean porta quelque temps pour animer les siens, & décourager autant ses ennemis, puis abbatant les enseignes Turquesques, il y fit arborer les Chrestiennes.

TANDIS

TANDIS que la Generale de Dom Iean s'emparoit ainsi de celle d'Haly, vne Capitaine Turque qui vid le danger auquel elle estoit, voguoit en diligence pour inuestir la Reale Espagnole, mais Bastien Aluaro destiné pour l'arrière-garde, se diligenta de le preuenir, & y eut là vn tel combat, qu'après que plusieurs de part & d'autre y eurent finy leurs iours, il y auoit du doute pour la Chrestienne, sans le secours de Cesar d'Aualos & autres Cheualiers Napolitains; & comme les vns venoient au secours des autres, en fin les Chrestiens demurerent les maistres. En mesme temps Pertau combattoit Marc-Anthoine Colonne, l'affrontant proué contre proué, & les Turcs ayans apperceu vn endroit de la galere où les rambades n'estoient pas bien dressées, l'assallirent par là impetueusement avecques leurs targes & cimenterres, sans grand deuoir d'enfoncer l'entrée, mais ceux de dedans s'estans rendus les plus forts, ils se virent aussi-tost inuestis de trois vaisseaux, de sorte qu'ils s'en alloient y faire fort mal leurs affaires, sans la suruenue d'vn autre vaisseau de trois cens harquebusiers, lequel donna tant d'affaires à la galere de Pertau, décochant des trous & autres lieux d'où ils combattoient, secourus encore par la chiourme, à laquelle on auoit promis liberté, que les harquebusades des Turcs, ny leurs flesches enuenimées, la valeur & l'adresse de Pertau, qui estoit des premiers au combat, tout cela ne peust empescher que luy-mesme ne print la fuite, & ne se sauast dans vn esquif: toutesfois quelques-uns ont dit qu'il y perdit la vie, & qu'ils furent tous taillez en pieces.

DE tous costez & en vn mesme instant, chacun s'efforçoit d'auoir l'aduantage sur son ennemy; mais où se rendit encore le plus sanglant combat, ce fut aux deux cornes de la bataille: car Occhiali, vn des plus rusez & adroits Capitaines de son temps, estant venu chercher Iean André Dorie avecques cent bons vaisseaux, l'autre n'ayant que cinquante-cinq galeres & deux grosses naus qui marchaient deuant, s'alloit rendre maistre de cette flotte, veule grand deuoir des siens, quelque massacre des Turcs que l'artillerie Chrestienne eust fait: car reprenans incontinent leur ordre, lors que Dorie tira du milieu de la flotte vn nombre de galeres pour prendre l'aduantage du vent & charger sur les ailes de la flotte Turquesque, ils auoient desia vn tres-notable aduantage, si Louys Rechezen Lieutenant de D. Iean, ne l'eust prié de mener la Reale à son secours, le voyant accablé d'vne troupe de galeres qui s'en alloient au secours d'Occhiali; mais cettuy-cy fit vne telle diligence, suiuiue qu'elle fut après de plusieurs autres galeres, qui ne voulurent point abandonner la Generale, qu'elle vint à temps, ainsi qu'il venoit de proué dix galeres de Iean Dorie, & si il en venoit quinze au secours de l'autre, si Iean de Cardonne General des galeres de Sicile, ne fust allé au deuant avec huit galeres, si que luy ayans fermé le passage, il donna temps à la Reale de les venir secourir.

OCCIALI doncques ainsi enuironné, tascha premierement de se sauuer vers la bataille, s'en approchant toutesfois tousiours en combatant, mais voyant que tout estoit en route, il pensa aussi de la retraite. Mais les Chrestiens se saisirent d'vn lieu par lequel ils iugeoient qu'il deust passer: ce qu'ayant bien preueu Occhiali, comme aduisé qu'il estoit, il se coula le long de terre-ferme, où il rassembla quelque trente galeres, vers lesquelles la plus-part des siens se sauuerent à nage: que s'il n'en eust vscé ainsi, il est certain que pas vn ne fust échappé de la bataille. A peu pres le temps de la deffaitte d'Occhiali on decourrit vne galere Turquesque, voguant çà & là sans apparence de resolution, sur laquelle on courut & fut prise avecques beaucoup de difficulté, dans icelle estoient les enfans de Haly nagueres General de cette armée. Comme doncques on vid Occhiali en fuite, le Prince Dom Iean, Bascian, Dorie, & quelques autres, le poursuivirent iusques à ce que les tenebres de la nuit leur eussent empesché de reconnoistre la trace: on disoit toutesfois que Dorie eust mieux fait s'il eust voulu, mais en telles affaires il n'y en a point de si empeschez, que ceux qui s'y rencontrent: les autres en parlent selon leurs passions.

Fuite d'Occhiali.

LE plus furieux combat d'entre tous, fut le lieu où commandoit Barbarique: car Mehemet-beg surmontoit les Chrestiens en nombre, & les deux Generales agraffées l'vne à l'autre, il y auoit là beaucoup de sang respendu, & l'aduantage s'en alloit panchant du costé des Turcs: quand le vent se monstra, comme il a esté dit: (car tous ces combats se faisoient en vn mesme temps) si favorable aux Chrestiens, que la fumée tant des canonnades que des coups d'harquebuses, en fut portée contre la face des Turcs, si qu'ils ne pouuoient bien voir les Chrestiens pour les attaquer: comme ils eussent bien voulu, au contraire ceux-cy decourans les armes & les vaisseaux de leurs ennemis tout à leur aise: & en ces entrefaites Bascian qui auoit la charge du secours, vint avecques trente galeres secourir les plus pressezz, si que la chance tourna bien-tost du costé des Chrestiens,

Autre combat entre Mehemet-beg, & Barbarique.

1571.

Barbarique
blessé à mort.

le vaillant Barbarique neantmoins faisant tout deuoir de sage & vaillant Capitaine, fut blessé d'un coup de fleche dans l'œil, dont il mourut à quelques heures de là; mais les Turcs furent encore plus mal traitez: car Mehemet-beg y fut tué & sa galere prise, Siroc pris si blessé qu'il en mourut bien-tost apres; & tout le reste voyant qu'il leur estoit impossible de resister à la valeur des Chrestiens, quitterent la partie, & se sauuerent le mieux qu'ils peurent vers le lieu où Occhiali recueilloit les ruines de la deffaitte de cette puissante armée, mais il n'eut loisir d'attendre tous ceux qui venoient à refuge vers luy: car l'armée Chrestienne n'ayant plus personne qui luy fist resistance, se mit à poursuiure les fuyans, si que c'estoit vne chose horrible de voir cette mer toute teinte de sang, pleine de corps morts & de debris de vaisseaux, plusieurs essayerent de donner contre terre; mais ils en estoient empeschez par les galeres Venitiennes: grand nombre de Turcs se jettoient en mer, cuidans se sauuer à nage, mais auant que de gagner terre, ils deffailloient & perissoient: Pertau nageant à pleines voiles avecques fort peu d'autres, se sauua du peril de la bataille, à sainte Maure: on tient que ce combat dura dix-huit heures, y employans partie de la nuit. Quant aux galeres Turquesques ordonnées pour le secours, si tost qu'elles virent leur bataille en deroute, & leurs escadrons fort éloignez, tout s'en allant à la débandede, se trouuans en lieu propre pour se sauuer, se retirerent au golphe de Lepante, & s'y conseruerent entiers en toute seureté. Le nombre des morts est fort incertain, comme il aduient ordinairement en tel cas: car les vns tiennent qu'il y mourut plus de trente mille Turcs, d'autres disent vingt-cinq mille, & d'autres que quinze mille, & de cinq à six mille prisonniers, entre lesquels les enfans d'Haly General de l'armée, Mehemet-beg Sanjac de Negrepont, la femme de Siroc, qui estoit tres-belle, & douze mille esclaves Chrestiens, selon les vns, deliurez, d'autres disent iusques à quinze mille, & d'autres iusques à vingt mille: le nombre des vaisseaux qui furent pris, autant incertain, les vns disent cent dix-sept galeres, quelques-vnes rompuës & mises à fonds, d'autres disent deux cens vaisseaux: mais la Popeliniere, qui a escrit particulierement tout ce combat, dit qu'il y eut cent soixante galeres de prises, quarante percées & enfondrées, & soixante fustes & brigantins & autres vaisseaux pris: entre autres la Reale, de laquelle le chasteau estoit excellemment beau, & plein de grandes & riches singularitez. Le Grec qui auoit tué le General Turc, y print l'estendart, duquel il vendit la hampe à un orfevre de Venise, & en tira de grands deniers, pour ce que le manche estoit d'argent doré fort gros & massif, graué tout autour de lettres Turquesques, qui signifoient d'un costé: *DIEU fauorise & accroist les fideles*, & *DIEU escoute Mahomet es dignes entreprises*. De l'autre, *DIEU, il n'y a point d'autre DIEU, & Mahomet est le messager de DIEU*. Le Senat de Venise l'enuoya depuis racheter, donnant pour chacune once le double de ce qu'elle valoit, afin que cette piece fust mise avecques le reste du butin & des dépouilles ennemies au tresor de la Seigneurie: quant à l'estendart, Dom Iean l'enuoya au saint Pere, comme le reconnoissant chef de la Ligue.

Et des galeres
prises.Morts signa-
lez.Nombre des
morts du co-
sté des Chre-
stiens.

Les plus signalez qui moururent en ce combat, furent Haly le General, Achmet-beg Aga des Ianissaires, Hassam-beg fils de Cairadin, & son fils Mahomet-beg, Gouverneur de Metellin, Gyder-beg Gouverneur de Chios, Cassam-beg Gouverneur de Rhodes, Prouin Aga Capitaine de Lebyde, Mustapha Celeby grand tresorier, Affis Caiga Sanjac de Galipoli, qui commandoit sur la galere Reale, Caracos & plusieurs autres. Des Chrestiens il en mourut, selon quelques-vns, dix mille, d'autres disent huit, d'autres ne disent que cinq, & d'autres disent treize: les plus signalez desquels furent Augustin Barbarique Prouidadeur General, Iean & Bernardin Cardone Espagnols, Virginie & Horace Vrsins, Romains: Benoist Serance, Marin & Hierosme Contarins, Marc-Anthoine Lunde, François Buon, Jacques de Messe, Cantarin Mari pierre, Iean Loredan, Vincent Quirin, André & Georges Barbaries, & outre ceux-cy plusieurs Gentils-hommes Venitiens Capitaines des galeres & de gens de pied, d'honorable condition, tant Italiens, Espagnols, que Grecs qui demurerent sur la place: mais celui qui fut le plus regretté, ce fut Augustin Barbarique, de qui l'aduis, la prudence en ses conseils, la temperance, la valeur & plusieurs autres siennes vertus en toutes affaires le rendoiēt digne d'estre un grand Capitaine. Ce genereux personnage mourut, comme nous auons dit, dès le soir de la bataille, d'autres disent le lendemain, & comme il se fust enquis de l'estat de la bataille, comme on luy raconta que la victoire estoit assurée pour les Chrestiens, eleuant aussi-tost de ioye qu'il eut ses mains au Ciel pour rendre actions de graces, il rendit soudain l'esprit à DIEU: les blessés d'entre les Chrestiens furent Dom Iean, le general Venier, Paul Jourdain Vrsin,

le Comte de sainte Fleur, Troil Sauello & Thomas de Medici. Les richesses, qui furent trouuées dans les galeres, furent si grandes que par maniere de parler, on ne pensoit pas qu'elles se peussent estimer, principalement l'artillerie & son equipage.

1571.

C'EST là cette grande & signalée victoire obtenue par les Chrestiens sur les Turcs au golphe de Lepante, autant signalée que fructueuse, n'y ayant gueres de batailles navales qui la puissent égaler, ny desquelles on ait moins fait son profit : & c'est d'elle, que se doit dire, à l'exemple de ce qu'a autresfois chanté le Poëte Simonides, pour la victoire obtenue par les Grecs contre les Perses, à Salamine.

XI.

*Jamais ny nation barbare,
Ny Chrestienne n'a fait sur mer,
Un exploit de guerre si rare,
Ny qu'on doive plus estimer.*

Elle fut donnée vn iour de Dimanche, le septiesme iour d'Octobre, l'an de grace mil cinq cens septante & vn, & de l'Egire 977. pour laquelle encores il semble que le ciel & la terre se soit voulu remuer : car ce iour là mesme se faisoient des processions fort solennelles par toute la Chrestienté, & principalement par ceux qui estoient de la confrairie du Rosaire, si que le Pape Pie cinquième, en memoire d'une si grande grace receue par l'intercession de la Reyne du Ciel : car on tient que le vent estant si contraire à l'armée Chrestienne, come nous auons dit, tous en general & d'une grande deuotion, commencerent d'inuoker le secours de la Mere de DIEU, n'ayans plus d'esperance en leurs propres forces, & se sentans d'ailleurs indignes d'estre exaucez du Tres-haut pour leurs iniquitez, ils s'adresserent à cette grande thesoriere de graces, qui obtint secours de son fils, pour ses soldats qui s'exposoient alors à l'impetuosité de ses ennemis, & auoient remis en luy toute leur esperance & non en leurs armes. Car au mesme instant, contre toute apparence & miraculeusement, comme disent tous ceux qui escriuent cette histoire, le vent leur vint si fauorable dès le commencement du combat, & porta tant de fumée & de puanteur aux yeux & aux nez des Turcs, que cela leur empescha de se mettre en ordre & encourager les leurs : Cette nuée couurit encore & empescha que les rayons du Soleil ne les vinssent éblouir ; adjoustez à cecy l'opiniastre resolution de dix mille forçats Chrestiens, lesquels aussi-tost qu'ils virent l'esperance de victoire pour les Chrestiens, ne voulurent plus ramer, quelques bastonnades qu'on leur fit recevoir, ains au contraire, se saisissans de pierres & de cailloux destinez sur la courisie pour estre ruez sur l'ennemy, les lançoient contre les Turcs, plusieurs centaines desquels en furent renuersées dans l'eau.

La victoire obtenue par l'intercession de la tres-sainte Mere de DIEU.

C'EST pourquoy encores en confirmation que c'estoit la sainte Vierge qui auoit esté particulièrement assistante à si grande necessité, le Pape Gregoire treiziesme, l'an mil cinq cens septante & trois, voulut que la solemnité du Rosaire se celebrast à tousiours le premier Dimanche d'Octobre, d'autant que c'estoit le premier Dimanche de ce mois-là, que cette victoire aduint, par les intercessions de la tres-sainte Vierge, comme il se doit croire pieusement, dit Baronius en son commentaire sur le Martyrologe ; aussi en a on depuis basti vne fort belle Eglise à Naples, pour vne memoire perpetuelle, sous le nom de sainte Marie de la Victoire : ce qu'on ne doit pas auoir fait sans vne particuliere consideration : & de fait aux trois principales enseignes de toute l'armée, il y auoit en l'une l'image du Crucifix, en l'autre celle de la sainte Vierge, & en la troisieme les armes des Princes de la Ligue ; & il y a grande apparence que cette pauvre armée affligée, au fort de son affliction, apres auoir demandé pardon au Fils, implora le secours de la Mere : mais pourquoy ne l'eussent-ils pas fait, puis qu'elle est l'estoille de mer, & le port necessaire de ceux qui desirent non seulement prendre possession de la terre promise ; mais qui veulent se deliurer encores du milieu des dangers qui nous environnent en cette vallée de misere : Cette mer ayant esté ainsi signalée par trois grandes victoires, l'une au port d'Actie, d'Auguste contre Marc-Anthoine, du golphe de Lepante des Chrestiens contre les Turcs, & la premiere des Argonautes, dont fait mention Cedrenus en Nabuchodonosor, qui fait fort à nostre propos.

Solemnité du Rosaire pourquoy celebrée le 7. d'Octobre.

CAR ceux-cy voulans franchir le destroit d'Hellespont, rencontrerent sur mer Cizicus Roy de ce pays-là, lequel ils tuerent : depuis ayans appris qu'il estoit leur parent, ils en firent grand deuil, bastirent vn temple à Cizique : mais estans en peine sous le nom de qui ils le dedieroient, ils consulterent l'oracle d'Apollon, qui fit responce que ce tem-

1571.

ple appartiedroit à la Mere de DIEV, de DIEV qui naistroit d'une Vierge appelée **MARIE**, au nom de laquelle il seroit dedié. Cette réponse fut escrite sur la porte du temple, & pour lors dediée à Cybele mere de Jupiter, mais depuis suiuant l'Oracle il fut dedié à la Vierge **MARIE**, du regne de l'Empereur Zenon; cette histoire est admirable, si elle est histoire: comme au contraire on remarque qu'Alexis surnommé Myrtil, s'estant emparé de l'Empire de Constantinople, & les François sous la conduite de Baudouin Comte de Flandres avecques les Venitiens, commandez par leur Doge Dandalus, voulans faire reestabli Alexis fils d'Isaac: apres auoir fait vne sortie, & faisant porter l'Image de la Vierge **MARIE**, il fut repoussé & perdit sa banniere, & dès lors se contint en la ville, comme si c'eust esté vn signe fatal de la perte de son Empire, ayant de leur costé celle qui estoit la sauue-garde de la ville Royale.

OR comme DIEV ne permet point que des actions signalées demeurent enseuclies dans l'oubly, & qu'au contraire il les releue tousiours par quelque trait signalé, pour faire connoistre aux hommes que cette-cy est aduenüe par son assistance, il arriua à Venise vne chose assez digne de remarque. Vn Religieux de l'Ordre des Carmes, à sçauoir, lequel celebrant la sainte Messe, le mesme iour septiesme d'Octobre, émeu comme il se peut penser, par vne diuine inspiration, il se retourna vers le peuple en disant: *Mes freres, ie vous annonce vne ioyeuse nouuelle, nostre armée a combattu nos ennemis, & les Chrestiens ont vaincu, réjouissez-vous & en rendez graces à DIEV, continuans de vivre en sa crainte.* On rapportoit aussi plusieurs predictions d'un combat qui deuoit arriuer au mois d'Octobre, entre lesquelles on en remarqua vne qui disoit en ces termes: *Le septiesme d'Octobre, l'an mil cinq cens septante & vn, la forest des meschans sera deracinée, & le huictiesme d'Octobre, il y aura vne grande ioye entre les bons.* Et pour marque encores d'une felicité à venir, les roses & les fleurs, qui estoient desia passées, l'hyuer estant fort proche, commencerent à florir de nouveau, ce qui arriua encore en plusieurs lieux, mesmes au mois de Nouembre, comme rapporte Hierosme Diodo, Conseiller pour la Seigneurie de Venise à Corfou, en la relation qu'il a faite sur ce sujet.

A v bout de quelques iours arriua le Seigneur Onufre Iustinian, qui estoit enuoyé à la Seigneurie par le General Venier, pour luy faire rapport de si bonnes nouuelles, lequel arriua à Venise le dix-neufiesme iour d'Octobre, avecques vne telle acclamation & vn tel transport d'ayse, qu'à peine a on memoire d'une pareille: le Senat ordonna que la memoire de cette victoire seroit chomée & solemnisée à perpetuité, que les prisonniers criminels de mort, & ceux qui estoient detenus pour ne les auoir deferez apres le cry public, promettans salaire aux denonciateurs, seroient mis en liberté, les larrons sous vingt-cinq ducats, & qui ne seroient assez forts pour tirer l'auiron, de mesme: les condamnés aux galeres y seruiroient la moitié du temps prefix, si cette moitié estoit expirée, seroient à plein deliurez, fors quelques infames forçats exceptez en l'ordonnance. L'Autheur sus allegué, dit qu'on ouurit à tous ceux-cy les prisons, avecques commandement de s'enfuyr: ce qu'ils firent avecques vne aussi grande viftesse, comme s'ils eussent eu les sergens derriere eux pour les attraper. Les prisonniers pour dettes moindres de cent-vingt ducats, auroient la Seigneurie pour payeurs: si au dessus, les Auditeurs accorderoient les parties. Ceci ne doit pas estre encores passé sous silence, qu'aucun ne portale deüil pour leurs parens, allies ou amis decedez à la bataille, l'vtilité du bien public ayant effacé la memoire des pertes particulieres, la mesme allegresse s'épandit apres par toutes les Prouinces Chrestiennes.

L'entrée quasi triomphale d'Anthoine Colonne à Rome.

MARIS principalement à Rome à l'arriuée de Marc-Anthoine Colonne: car on fut premierement en doute si on luy deuoit rendre l'honneur du triomphe: en fin on fut aduertty que cela n'appartenoit qu'au General de l'armée; mais le peuple Romain obtint permission de sa Sainteté, de receuoir ce tres-noble citoyen (qui auoit si bien merité de la Republique Chrestienne, & de luy) avecques quelque particulier honneur: si bien qu'ils firent deux arcs triomphaux à la porté Capene par laquelle il deuoit passer, avecques vn honorable eloge de ses vertus, & de là trauersant par la voye Appienne, il fut accompagné en grande pompe, ayant avecques luy cinq mille fantassins & plusieurs Seigneurs marchands deuât luy: cent soixante esclaves Turcs tous vestus de soye, avecques les armes & enseignes Pontificales: puis passant par les arcades de Constantin, Tite, Vespasian & Septime Seuer, tous ornez en sa faueur, avecques plusieurs inscriptions accommodées à la chose, il vint au Capitole, & de là à l'Eglise S. Pierre, rendre graces à DIEV. puis il fut présenté au saint Pere, duquel il fut receu avecques vne fort particuliere bien-veillance, comme aussi de tout le college des Cardinaux, des Grands, des Magistrats, & de route la noblesse: le lende-

main

main il fut conduit à *Aracali*, autresfois le temple de Iupiter Feretrien, où le Pape voulut qu'il appendist les dépouilles opimes, & les enseignes d'une si notable victoire, celebrant apres le saint Sacrifice en public avecques toutes les ceremonies accoustumées, lesquelles acheuées, Marc-Anthoine Muret, homme tres-eloquent, fit vne declamation à la louange de Colonne. Entre ces prisonniers estoient Carageal tres-fameux pirate, & Mahomet Sanjac de Negrepont, qui auoit persuadé les autres de donner la bataille. Quant au butin, il fut ainsi dispersé, Dom Iean d'Autriche General de tout l'armée, eut seize galeres, sept cent vingt esclaves, & le dixiesme de tout le butin. Le Pape vingt-sept galeres, dix-neuf gros canons, trois canons à pierre, quarante deux petits canons & douze cens esclaves. Le Roy d'Espagne quatre vingts vne galere, trente huit gros canons, six canons à pierre, quatre-vingts quatre petits canons, deux mille quatre cens esclaves, la Seigneurie autant, Dom Iean d'Autriche se chargea de presenter les Seigneurs Turcs au Pape pour en faire à son plaisir.

Ces choses se passaient ainsi du costé des victorieux; mais il en alloit bien autrement chez les vaincus. Car au bout de huit iours Selim ayant esté aduerty de cette perte, on dit qu'il ne voulut parler à aucun de tout ce iour-là, tant il estoit ennuyé, comme ne l'estoit pas moins aussi tout le reste de cet Estat, iugeant plustost ce qui leur deuoit aduenir, & la consequence de cette victoire, que ce qui leur aduint. Mais le lendemain ayant fait appeller Mahomet son premier Vizir, il luy dist en ces termes en sa langue : *Mon pere tu es plus digne de commander que moy, si ie n'eusse creu, ce mal-heur ne fust pas arriué: & là dessus vouloit qu'on mist à mort tous les Chrestiens qui estoient par tout son Empire; mais Mahomet s'opposa à cette fureur, luy remontrant que ce massacre seroit vne plus signalée deffaire que la premiere, & encores sans profit: car c'estoit deserter son pays, & se priuer de la plus grande force à l'aduenir qui fust en tout l'Empire Othoman, à sçauoir des Azamoglans: joint qu'il pourroit encores acquerir par cette action, la malediction de DIEU, & de leur Prophete, de respendre ainsi tant de sang innocent, eux estans ses sujets, & n'ayans aucunement delinqué, n'estans point cause de la perte de la bataille, ains quelque accident à eux inconnu, qu'il falloit reparer par valeur plustost que par cruauté: on fit seulement mettre prisonniers ceux qui se trouuerent à Constantinople estre des sujets du Pape, du Roy d'Espagne, ou des Venitiens. Apres on fit de magnifiques obseques à ceux qui estoient le mieux portez à la rencontre; mais tout cela se fit en l'absence de Selim, lequel craignant que les Chrestiens ne sceussent aussi bien vser de leur victoire que vaincre, & qu'ils le vinssent attaquer, comme ils pouuoient faire, iusques à sa ville Imperiale, (laquelle couroit grande risque, si l'armée eust poursuiuy sa pointe) se retira tout tremblant à Andrinople, par le conseil de Mahomet, pour rassembler ses forces de toutes parts, & s'opposer au vainqueur, faisant refaire les vieilles galeres, & en construire & armer de nouvelles, enioignant encores seuerement à tous Beglierbeys & Sanjacs des Prouinces, qu'un chacun d'eux eust à equipper vne galere sur le Printemps.*

Tristesse de Selim.

Selim se retire à Andrinople.

ESTANT doncques à Andrinople, recueillant les demeurans d'une si grande ruine & d'un si grand naufrage: car à la verité il ne falloit pas auoir vn petit courage pour supporter constamment vne trauersé si pressante & si importante: Vluzali ou Occhiali qui s'estoit sauué de la deffaire avecques trente galeres, le vint trouuer, lequel il receut non seulement d'un bon visage, mais encores il luy augmenta sa dignité, le faisant Bassa & surintendant de son armée de mer, contre la coustume des Seigneurs Othomans, qui ont coustume de rapporter leurs disgraces aux crimes qu'ont commis contre DIEU ceux qui manient leurs affaires. Ce que fit cependant Selim à Occhiali, est vn trait qui n'est pas beaucoup éloigné de celui des Romains, apres la deffaire des Cannas, qui furent au deuant du Consul Terentius Varro iusques à la porte de la ville le receuoir, encores qu'il eust esté cause d'une si grande deffaire; ains au contraire, ceux qui estoient lors en Magistrat, le remercièrent de ce qu'il n'auoit point desesperé du salut de la chose-publique, apres vne si grande ruine, & estoit retourné en la ville pour donner ordre aux affaires & vser de l'autorité des loix, & du seruice de ses citoyens, comme ayant moyen de se sauuer & resoudre: aussi Selim en vne si grande necessité d'affaires, n'ayant plus de galeres entieres, que celles qu'amenoit Occhiali, lequel encores estoit le seul entre tant de chefs qui luy estoit resté, pour pouuoir opposer aux Chrestiens, cela fut cause de le receuoir de si bon visage, puis qu'aussi bien n'en auoit-il point pres de sa personne qui fust plus propre ny plus entendu au fait de la marine.

Pourquoy traite Occhiali si favorablement.

QUANT aux chefs Chrestiens, vne des premieres choses qu'ils firent apres la bataille,

1571

Irresolutions
de l'armée
Chrestienne
après cette
victoire.

ce fut de se reconcilier, Venier à sçavoir General des Venitiens, avecques Dom Ioan d'Austriche; car Venier le fut trouver, & le pria d'oublier le passé, & s'embrassans fort affectueusement, ils regarderent à donner ordre aux affaires, & monstroient auoir grand desir de poursuiure le cours de leur bon-heur, s'estans assemblez depuis plusieurs fois, pour deliberer quelle entreprise ils auoient à executer: finalement ayant esté arresté de bien armer cent cinquante galeres, & d'en laisser trente d'icelles à la garde des vaisseaux ennemis, ils vouloient avecques les autres six vingts, courir le long de la Morée, pour exciter ces peuples à vne rebellion contre les Turcs, qui estoient fort abbarus pour la perte de la bataille. Mais quand se vint pour se mettre en chemin, Dom Ioan allegant plusieurs difficultez, changea incontinent d'aduis, & voulut se retirer avecques toute l'armée au port de Calogere, & comme ils eussent resolu d'aller à sainte Maure, pour mieux s'en refoudre, Gabriel Cerbelloa, & Ascagne de la Corne furent enuoyez pour reconnoistre la forteresse, lesquels ayas rapporté que ce siege seroit long & difficile, il fut arresté que pour l'heure on n'employeroit point l'armée en faction quelconque, qui les peust empescher de se renfoncer: car comme vous auez peu voir, cette victoire auoit cousté bien cher aux Chrestiens, de sorte qu'il leur restoit bien peu de gens de combat, & comme ils eussent consommé plusieurs iours apres plusieurs deliberations, pour sçavoir si on feroit quelque entreprise, en fin leurs longueurs les ayans conduits iusques à l'hyuer, tous ensemble prirent la route de Corfou, où Dom Ioan sans s'y arrester aucunement, passa avecques ses galeres à Messine, & Colonne avecques celles du Pape à Naples, puis de là s'achemina à Rome. Ce qui fut trouué fort estrange: car en ce faisant c'estoit rendre leur victoire du tout inutile, & laisser les Venitiens en pure perte de l'Isle de Cypre: car comme la seule reputation d'un si heureux succez estoit suffisante pour leur ouurir le pas à de tres-grands exploits, leur retardement fut suffisant pour leur en faire perdre du tout l'esperance, laissant ainsi échapper cette occasion qu'ils n'auoient iamais eue, & n'eurent oncques depuis.

1572.

Le fort des
Marguerites
rendu aux
Chrestiens.

TOUTES FOIS les Venitiens demeurez à Corfou, Philippes Bragadin vint les trouver avecques six galeaces & dix galeres, où ayant esté proposées diuerses entreprises, en fin on se resolut d'aller attaquer le fort des Marguerites, où le General Venier enuoya trente grosses nauires de guerre avecques six mille soldats, qu'Italiens, qu'Albanois, ausquels commandoit Paul Vrsin. Ceux qui estoient dedans, se rendirent aussi-tost à la veüe des Chrestiens, plustost à l'aduanture pour la reputation de cette recente victoire, que pour les forces qui estoient lors deuant cette place, laquelle estant si promptement conquise, fut aussi-tost destruite & rasée, d'autant qu'on iugea qu'elle n'estoit pas tenable, sans vne grande incommodité & despence: ce qui aduint le quinzième iour de Novembre: vne autre trouppé auoit aussi donné à Supot, que les Turcs auoient pris, lesquels l'abandonnerent, brulans en se retirant tout ce qu'ils rencontrerent le long de la marine. De là ils furent batte la Valone, encores que la peste fust fort échauffée en ces quartiers-là. Ces heureux succez porterent le General Venier à entreprendre sur sainte Maure, encores que le Prouidateur Sorance s'y opposast. Mais Venier perseuerant en son opinion, partit de Corfou au commencement du mois de Feurier de l'an mil cinq cens septante & deux, & s'achemina à sainte Maure; mais ceux qu'ils auoient enuoyez deuant reconnoistre la place, ayans fait quelque rencontre de caualerie Turquesque qui voltigeoit aux environs, d'avecques laquelle ils ne s'estoient pas depestrez à leur aduantage, ils rapporterent l'entreprise si difficile, encore qu'ils n'eussent pas eu le temps ny le moyen de reconnoistre la place, que l'armée délogea.

LE V R dessein estoit de rompre le pont qui joint l'Isle à terre-ferme, autour duquel on auoit mis plusieurs barques armées, pour empescher les cheuaux de passer à guay dans l'Isle, mais ces barques n'ayans peu à faute d'eau passer si auant qu'il estoit de besoin, n'auoient peu empescher les gens de cheual & de pied des Turcs de gayer l'estang, & renforcer la garnison de la forteresse: de sorte que ceux qui estoient descendus, perdans esperance de pouuoir rien faire, se rembarquerent: vingt-cinq galeres de cette armée s'acheminèrent en Candie, sous la conduite de Sorance Prouidateur General, & le General Venier s'en retourna avecques le reste à Corfou. C'est ainsi que toute cette belle & victorieuse armée se dissipa d'elle-mesme, ce mal-heur estant principalement attriué de la desunion des chefs, qui recherchant plustost leur gloire particuliere que le bien public de la Chrestienté, se contredisoient tellement les vns aux autres, qu'ils ne pouuoient executer aucun bon effect; au contraire des Turcs, qui reconnoissans vn seul Souuerain, auquel ils rendoient

rendoient toute obeyssance, estoient bien tost rassemblez, & auoient bien tost resolu, & encorés plus promptement executé ce qu'ils entreprenoient. 1572.

Et de fait comme le bruit auoit couru à Constantinople, que l'armée Chrestienne s'acheminoit pour quelque haute entreprise, comme ordinairement la peur & la frayeur forment des imaginations toutes semblables à elles, faisant vn grand cas de ce qui peut nuire, & bien peu d'estat de ce qui doit donner secours, & tirer du danger le plus pressant: il sembloit en apparence que quelque desespoir y deust faire naistre quelque chose de pis, s'il n'y estoit promptement pourueu. De crainte doncques qu'il n'y aduint quelque émotion, Selim quitta Andrinople & s'y achemina incontinent, où estant arriué il se monstra aussi-tost au peuple avecques vn visage tout riant pour les rassurer, dissimulant ainsi dextrement sa crainte & son ennuy. Mais les Bassats ne laisserent pas cependant de donner tel ordre aux affaires, voyans leurs ennemis endormis durant cette grande tourmente, que Carassali sortit tout à temps hors du destroit de Galipoli avec soixante vaisseaux armez, & se mit à courir & rauager sur la mer, pillant & ruinant les isles de Tino & Cerigo, tandis qu'Occhiali estoit apres à assembler le plus de vaisseaux qu'il pouuoit, ayant deliberé de se ioindre avec luy, & se venir ietter dans l'isle de Candie, ou se presenter à l'armée des Venitiens pour s'opposer à leurs desseins, & en fin asséurer les mers de l'Empire Othoman.

XII.

Selim retourne à Constantinople.

Il est vray qu'ils auoient eu quelque pourparler de paix avec le Bayle, & sembloit que les Turcs en fussent fort desirieux, mais ils en retardoient la resolution, en attendant l'arriuée de François de Noailles Euesque d'Acx, & Ambassadeur du Roy tres-Chrestien, lequel ils auoient appris estre party de Venise pour s'en venir à Constantinople pour des affaires importantes de cette Porte, & se persuadoient que par l'entremise de son Roy, ils pourroient plus facilement conclurre & establir quelque bon accord. Mais quoy! les Chrestiens auoient empiré leur condition par leur longueur & nonchalance, si bien que l'estat des choses estant changé, ils teindrent aussi tout autre langage par apres: car quand se vint à traicter particulièrement, les articles en furent si iniques, voulans faire la paix, non en vaincus, mais en victorieux, menaçans encorés à toute heure les Venitiens de les ruiner, qu'il ne se peust rien conclure. Si bien que soit par les armes ou par les traictez, les Turcs vaincus & reduits en de tres-mauuais termes, demeurèrent les victorieux avecques toutes sortes d'auantages, comme il se verra cy-apres, sans que cela peust émouuoir les confederrez à faire au moins bonne mine, pour tousiours intimider l'ennemy: car la moindre terreur qu'on leur eust donné, estoit suffisante pour les faire entendre à quelque bon accord, l'affaire encoré estant maniée par vn si subtil negociateur que le sieur de Noailles, duquel il se remarque quelques actions fort dignes de memoire, qui viennent fort à propos pour l'histoire des Turcs.

Pourparler de paix entre les Venitiens, & les Turcs.

Car ayant esté enuoyé en Leuant par le Roy Charles neuuiesme, pour estre son Ambassadeur à la Porte du grand Seigneur, comme il fut question de le saluer de la part du Roy, comme on fait à l'arriuée & au depart, il se trouua fort en peine: car d'un costé la coustume des Turcs le forçoit de se laisser conduire comme vn esclaue, & ietter avecques les submissions accoustumées aux pieds de l'Empereur Turc, lequel honorant les plus Grands, les appelle poudre de ses pieds: mais d'autre costé la liberté François, & la dignité d'un Euesque ne luy pouuoient permettre de souffrir cette indignité. Le iour destiné il s'en-va au Serrail vestu d'une robe de drap dor frisé sur frise, suivi de dix-huit gentils-hommes François: les Bassats n'en vouloient admettre que huit, toutesfois ils passerent & les festoyerent, & puis apres le disner voulant faire la reuerence au grand Seigneur, deux Capigi ou Officiers de la Porte, voulurent à leur mode saisir l'Ambassadeur par la manche, & le prendre par le poing, pour le conduire comme vn homme attaché aux pieds de leur maistre, ainsi qu'ils ont accoustumé de faire à tous ceux qui le vont saluer. Mais ce grand cœur sans aucune crainte les repoussa, leur faisant dire par leur truchement: Que la dignité d'un Euesque François ne pouuoit souffrir d'estre mené comme vn forçat, contestant en fin de telle sorte qu'il s'en dèpestra & alla à deliure sans autre plus basse inclination, que d'un baise-main & de robe, saluer Selim de la part du Roy.

Le mesme sieur de Noailles est encoré le premier Ambassadeur qui soit arriué à la Porte du grand Seigneur, sans auoir des presens à luy offrir & à ses Bassats. Dequoy Mahomet premier Vizir estant aduertty, l'enuoya querir, & luy remonstra le mespris que c'estoit faire au grand Seigneur, luy disant que s'il n'auoit des presens, il luy en fourniroit pour les offrir de la part du Roy. Mais le sieur de Noailles luy fit entendre que son

1572.

Roy qui estoit le plus grand de la Chrestienté, sçachant qu'il les demandoit comme chose deuë & comme tribut, luy auoit deffendu d'en presenter, & ne fut possible au Bassa de le plier à ce poinct. Vne autrefois le mesme Mahomet, qui estoit gendre de Selim, ayant appelé nostre Roy le petit Roy de France: (car c'est ainsi qu'ils appellent tous les Roys, quelques grands qu'ils soient) le sieur de Noailles luy dist franchement: Non pas ainsi, Non pas ainsi, & s'estant plaind de ce rabais, Oram-beg premier Dragomam ayant fait entendre sa plainte, Mahomet aduoia qu'il auoit tort, & promit de n'vser plus de ce mot: c'estoit-là garder son rang & l'honneur de son Roy & de sa nation, qu'il sceut tousiours conseruer enuers & contre tous, ayant encores emporté la preffiance à Venise sur Dom Vargues Ambassadeur du Roy d'Espagne, l'année mil cinq cens cinquante-huit, qu'il y estoit Ambassadeur. Cette petite digression ne sera peut-estre pas mal à propos, puis que nous sommes sur les actions de Mahomet, qui estoit pour lors le grand ressort qui faisoit mouuoir ce grand Empire.

Or estoit-il assez aduertty quel l'Empereur n'auoit point voulu entendre à toutes les persuasions qu'on luy auoit faites pour estre de la Ligue: pour tousiours doncques l'entretenir en amitié, & empescher qu'il ne se fust quelque remuement de ce costé-là, Onouenade seigneur Corinthien Ambassadeur pour l'Empereur estant party quelque temps auparauant, & lequel en prenant congé de Selim, fut mené comme vn esclau, & auoit enduré ce que le sieur de Noailles n'auoit voulu souffrir; escriuit à l'Empereur, & luy donna aduis particulier de la bataille, faisant la perte beaucoup moindre qu'elle n'estoit, & au contraire rehaussant la puissance de l'Empire Othoman, l'exhortant de ne point rōpra la trefue pour les desseins d'autrui, ains de conseruer inuiolable l'amitié qu'il auoit avecques Selim: car sa foy & sa loyauté estant ainsi conueüe en l'estat auquel estoient pour lors les affaires, seroit cause d'entretenir cette amitié à iamais.

Le Pape & les
Venitiens se
deffient des
Espagnols.

LE P A P E cependant & les Venitiens estoient en grande crainte & deffiance que les Espagnols ne se refroidissent du tout apres la victoire, & donnassent cependant le temps à l'ennemy commun de se rendre plus redoutable qu'au parauant la bataille: car en fin il n'auoit perdu que quelques vaisseaux & des hommes: toutes ses places le reconnoissoient pour Souuerain, aucune ne s'estoit ébranlée que ces deux ou trois dont il a esté parlé cy-dessus: ils sçauoient encores les murmures que plusieurs faisoient en la Cour d'Espagne, de ce que Dom Iean auoit hazardé les forces du Roy à vne seule bataille, veu que les intersts de luy n'estoient pas pareils à ceux des Venitiens. Cela auoit esté cause, qu'au lieu du grand Commandeur, qui s'en alloit Gouverneur à Milan, on enuoyoit en l'armée le Due de Sesse, homme fort posé & de grande reputation, dont on inferoit que le Roy d'Espagne ne vouloit pas que Dom Iean entreprist chose aucune sans son conseil, joint que les Espagnols disoient estre assez empeschez aux guerres de Flandres, où les affaires empiraient tous les iours: tout cela leur faisoit croire qu'à la fin cette grande réjouissance qu'ils auoient eüe de cette victoire, seroit du pampre sans fruit. Neantmoins le saint Pere taschant d'embesongner les Turcs de toutes parts, escriuit à plusieurs Princes, qu'il sçauoit estre naturellement leurs ennemis, entr'autres aux Roys d'Ethiopie, des Perles & d'Arabie, qu'on dit auoir esté de telle teneur.

Pie cinquième, Souuerain Pontife, à Memnon Roy de l'Arabie, Scach Tachmas Roy des Perles, Siriph Murahar & Aburig Roys de la seconde Arabie.

Bref du S.
Pere aux
Roys d'Ethio-
pie, de Perle,
& d'Arabie.



NOUS ne doutons point que vous n'ayez esté particulierement aduertis de l'illustre victoire nauale que les Chrestiens ont obtenüe aux Isles Eschinades contre les Turcs, de qui l'ambitieuse connoissance & la cruauté vous est autant connue qu'à nous: car ceux qui ont éprouuë la puissance Turquesque, sçauent qu'ils sont autant insupportables à ceux qui obseruent leur mesme loy qu'aux Chrestiens, qui leur sont les plus contraires: car ie vous prens à tesmoins, vous qui estes Roys, s'ils ne vous ont pas fait vne aussi cruelle guerre, & fait souffrir des miseres assez suffisantes à prendre les armes contre eux. C'est pourquoy ie vous exhorte & vous admoneste que vous ne perdiez pas cette occasion qui vous est diuinement offerie, & laquelle ne se presentera iamais si grande, si vous vous y endormez: mais plustost que vous ioigniez vos conseils & armes aux Roys Chrestiens,

pour

pour se deffaire de l'ennemy, non seulement de tous les Roys & de toutes les nations; mais encores de tout le genre-humain, employans toute la force de vos Royanmes contre celuy qui desja abbatu par une si grande playe, pour auoir contre tout droit violé sa foy qu'il auoit donnée aux Venitiens, qui ne luy auoient fait aucun déplaisir, ne se pourra iamais releuer, s'il est encores d'abondant poursuiuy avecques vos puissantes armées: car vous ne deuez en façon du monde auoir en horreur la société des Chrestiens, ny penser que vous vous deniez separer de ces gens-là, que la nécessité conioint à vous pour un mesme sujet, A DIEU.

1572.

Les esclats de tout cecy se virent apres sous Amurath, mais pour l'heure les Espagnols, de qui dépendoit la meilleure partie des forces de la Ligue, ne se remuoient point, & sans faire paroistre que ce fust pour aucun respect ny pour aucun sujet, comme ils sont fort secrets en leurs desseins & deliberations, promettoient de iour à autre de passer à Corfou, à ces fins, ce qu'ils faisoient fort accortement, connoissans bien que quand les Venitiens se douteroient d'estre abandonnez des Confederez, ils seroient incontinent contrains de se seruir de la commodité du temps, & d'accorder avecques les Turcs, ce qui eust fort tourné à leur preiudice: car ne voulans point de paix avecques le Turc, ils eussent esté contrains de soustenir seuls les forces d'un si grand Potentat. Mais durant toutes ces longueurs, sans aucune execution, le Pape Pie cinquième mourut, fort regretté pour sa sainteté de vie & le grand zele qu'il auoit au bien commun de la Chrestienté; mais particulièrement de toute l'Italie, pour estre estimé le vray instrument pour conseruer la Ligue, & en accroistre les forces & la reputation: bien-tost apres fut élu Hugues Bon-compagne Cardinal de saint Sixte, Bollonnois de nation, lequel voulut estre nommé Gregoire treizième, qui confirma la Ligue en la mesme maniere que son predecesseur; mais sur l'vnion des armées il suruint quelque empeschement que Dom Iean inuenoit pour prolonger tousiours.

Les Espagnols tirent leur secours en longueur.

Or le Senat Venitien auoit commandé à Foscaren (qui estoit lors General de l'armée, & qu'on auoit élu au lieu de Venier, d'autant que cettuy-cy n'estoit point agreable aux Espagnols) qu'il n'employast point les forces qu'il auoit à quelque autre particuliere entreprise; de crainte que quelque sinistre accident n'empeschast point les communes, & les plus grands progres de la Ligue. Toutesfois Sciarra Martinengue, qui par sa valeur auoit acquis vne grãde reputation à la guerre, & qualité de Gouverneur general d'Albanie, ayant proposé l'entreprise de Chasteau-neuf, qu'il scauoit estre fort désirée des Venitiens, non tant pour le regard de la place, qui estoit de fort petite estendue, & fort mal peuplée, que pour la commodité de sa situation, qui est sur la bouche du golphe de Cathare, la prise d'icelle leur apportant plusieurs commoditez, fut trouuée bonne par le Senat au rapport qu'il fit d'auoir consideré toutes les particularitez de cette entreprise, ayant iugé qu'elle se pouuoit aisément executer. S'estant doncques embarqué à Chioggie avecques cinq mille hommes de pied, entre lesquels il y auoit bon nombre de François gens de guerre & d'experience, il print la route du golphe de Cathare, y ayant encore vn commandement du conseil des dix au General Venier, qui auoit en partie conduit toute cette negociation, de le secourir avecques les forces qu'il auoit, & faire en sorte que cette entreprise peust reussir: de sorte que s'estans rencontrés pres Sisene, ils s'acheminèrent ensemble vers la bouche de ce golphe: mais ayans fait prendre terre à leurs gens, & rãsché de surprendre la place, ils y trouuerent plus de resistance qu'ils n'auoient esperé; & cependant l'alarme se donna si grande par tous ces quartiers-là, que tous les Turcs des environs vinrent au secours en si grand nombre pour la deffense, que Martinengue & le General furent contrains de quitter l'entreprise & de se retirer: le General Venier à Zaza, & Martinengue avecques ses troupes à Cathare: tous ces succez respondans fort mal aux fruits esperez d'une si grande victoire. Mais ce qui fut le pis, c'est que les Venitiens ayans des forces assez suffisantes pour celles que les Turcs auoient pour lors sur mer, ils n'osoient s'exposer à l'aduanture, attendans tousiours leurs Confederez, qui les firent cependant diminuer de iour en iour, tant en viures qui se consommoient, qu'en gens de guerre qui se debandoient ou mouroient de mal-ayse, coulans ainsi le temps iusques à la fin du mois de Iuin, que Dom Iean declara en fin qu'on auoit restraint sa commission, & qu'on l'auoit retenu là avec ses forces, pour le doute qu'on auoit des remuemens des François: tellement que le Duc d'Albe dist publiquement qu'il tenoit la guerre declarée entre la France & l'Espagne.

Excuse de D. Iean sur son retardement.

C'est l'ordinaire de l'artifice Espagnol, de faire la France vn déchargeoir de ses imperfections: mais ces bruits furent receus de si mauuaise oreille en la Cour du Roy

1572. tres-Chrestien, qu'il commanda à ses Ambassadeurs d'en faire instance, non seulement à Rome & à Venise; mais aussi en Espagne, se plaignant de ce que les principaux officiers de ce Roy, asseuroient vne chose de si grande importance, laquelle toutesfois il abhorroit, & pour respondre aussi aux discours du Duc d'Albe, qui disoit y auoir eu des François avecques le Comte de Nassau à la prise de Valenciennes, ledit Seigneur Roy disoit que ceux-là estoient veritablement de ses sujets, mais tous de la faction Protestante, & par consequent rebelles à sa couronne. Quant aux troubles de Flandres, qu'elles luy sembloient de si mauuais exemple, qu'il les auoit tousiours eu en horreur, tant s'en faut qu'il leur voulut dōner secours ny les fauoriser en façon du mōde, que bien qu'il ne fust pas du nombre des Confederéz de la saincte Ligue, ses trauaux particuliers luy empeschans pour l'heure de contribuer pour l'accroissement de la Chrestienté, son dessein toutesfois n'estoit pas d'empescher les bons exploits des autres, que ce n'estoit point à cette intention là qu'il auoit quelques vaisseaux armez; mais seulement pour la seureté de ses mers, où courroient vne infinité de corsaires, & ainsi preparez seulement pour se deffendre, & non pour nuire ou assaillir aucun, estant en plus grande deffiance des entreprises des Espagnols, qu'eux n'auoient de sujet d'en auoir des François, ioint qu'il n'y en auoit pas si grand nombre qu'on en deust prendre ombrage qu'il eust la volonté d'executer quelque entreprise, cela faisant assez paroistre qu'il se vouloit seulement tenir sur la deffensue; & afin encores qu'on adioustast plus de foy à tout ce que dessus, sa Majesté fit publier vn Edict, par lequel il estoit deffendu à tous les François, de passer avecques leurs armes en Flandres, sur des grandes peines contre les transgresseurs.

Le saint Pere
connoist les
artifices des
Espagnols.

Mais nonobstant toutes ces choses, les Espagnols trembloient ou feignoient d'auoir peur, disans que tout cecy n'estoit qu'artifices, mesurans chacun à leur aulne: toutesfois cela ne contentoit point le saint Pere, qui disoit (sans prendre connoissance de cause, des raisons tant de part que d'autre) que l'armée Espagnole n'auoit point esté destinée pour autre guerre que contre les Turcs, & par consequent que le Roy d'Espagne ne la pouuoit employer ailleurs, ayant esté dressée aux despens du Clergé, par la permission & autorité du saint Siege Apostolique. Cela fut cause que sa Sainteté enuoya derechef à Dom Iean, pour le faire partir promptement & se venir ioincre à l'armée Venitienne, exhortant d'ailleurs les Venitiens pour despescher en diligence leurs Ambassadeurs aux Cours de France & d'Espagne, pour assoupir les soupçons & oster les deffiances qui estoient entre ces Roys: en fin les Ambassadeurs enuoyez de toutes parts, l'Empereur s'en estant encores entremis pour moyenner vne bonne amitié entre ces Roys: le Roy d'Espagne manda de son propre mouuement, (sans le communiquer à son conseil, de crainte d'estre diuerty) à Dom Iean, qu'il eust à s'acheminer avecques toutes les galeres qu'il auoit, là part où estoit l'armée Venitienne & se ioincre avecques elle, pour apres les deux armées jointes ensemble, passer incontinent en Leuant.

XIII.

Armée nauale
des Turcs.

La Ligue alloit ainsi lentement en besongne, mais il n'en estoit pas de mesme du costé des Turcs: car Occhiali General de mer, ayant armé en grande diligence iusqu'à cent vaisseaux, s'estoit allé ioincre à Carazali, en intention de courir & rauager l'Isle de Candie, & d'endommager les autres lieux appartenans aux Venitiens, selon les aduis qu'il auoit du progres de l'Armée Chrestienne: cela fut cause que le Senat Venitien commanda à Foscaren, que sans plus attendre l'union des armées, si tost que le Prouidadeur Sorance seroit de retour à Corfou, il passast plus auant avecques leurs forces, pour encourager leurs sujets, & asseurer ce qui leur appartenoit, y procedant toutesfois avecques tant de prudence, qu'il sceust prendre à propos les occasions que Dieu luy presenteroit, le tout pour l'honneur & le bien de la Republique. Si bien qu'ayant receu ce commandement, il fut resolu de partir de Corfou avecques toute l'armée, laquelle estoit alors de six vingts galeres subtiles, six galeaces & vingt nauires: dans chaque galere estoient cent cinquante soldats: les Generaux Colonne, Foscaren, & Gilandrade avecques quarante-cinq galeres tenoient le milieu, le Prouidadeur Sorance tenoit la pointe droite, Canalis la gauche, il fut reserué lieu à l'auant-garde pour les galeres de Candie qu'on attendoit d'heure à autre; chaque escadre des galeres subtiles remarquoit deux galeaces & vne partie des nauires, avec tel ordre de pouuoir les ranger à la teste de l'armée, toutes les fois qu'il en seroit besoin, ayans resolu de ne point venir à la bataille sans ces vaisseaux.

Desseins
d'Occhiali.

Quant à Occhiali, il estoit lors sous la forteresse de Maluesie, ayant assemblé iusques à deux cens voiles & plusieurs autres petits vaisseaux, où il s'estoit retiré à l'ancre, apres auoir couru vn temps l'Archipelague, espiant l'occalion de rauager l'Isle de Candie, pour passer

passer de là par apres au bras de Meine, desirant de tenir en bride les peuples qui s'estoient eleuez en faueur des Chrestiens: car il n'esperoit pas que l'armée Chrestienne deust partir de Corfou, sans auoir toutes ses forces vnies ensemble. Mais comme il fut aduertty qu'elle estoit desia pres de l'Isle de Cerigue, & qu'en nombre de galeres subtiles elle fust moindre que la sienne, bien qu'elle fust plus forte en grands vaisseaux, il se delibera de se ietter en mer & venir au rencontre. Cecy fut à peu pres rapporté de la sorte à l'armée Venitienne par deux galeres de Suruin & celle de Romegas, qu'on auoit enuoyé deuant pour decouurir: ce que sçachans les Generaux, & voyans que leurs ennemis estans si proches, il ne leur seroit point honorable de laisser passer l'occasion de leur presenter la bataille, delibererent d'un commun consentement, de tirer droit au Cap de Maille, comme de fait elle s'arrangea en l'Isle de Cerigue, au lieu dit les Dragonieres, pour ce qu'il estoit plus proche du Cap de Maille, & plus facile à obseruer de là les deportemens des Turcs, & de se preualoir de toutes les commoditez qui se presenteroient.

Rapportez à l'armée Venitienne.

De là les sentinelles qu'ils auoient mises sur la montagne, decouurirent sur le matin du septiesme iour d'Aoust, l'armée Turquesque, laquelle auoit passé le Cap de Maille, & suiuant la coste de la Vatique, nauigeoit vers le canal de Cerigue, & d'autant qu'il n'y auoit de là à l'armée Chrestienne que dix milles, on creut pour certain qu'elle venoit droit à eux. Ce que voyans les Generaux, ils firent arborer les enseignes, sonner les trompettes, & firent sortir l'armée rangée en bataille hors du port des Dragonieres, la faisans estendre vers la coste du Cap de Maille, se logeans ainsi en lieu commode pour presenter la bataille aux Turcs, qui sembloient du commencement la vouloir accepter; mais ils n'en auoient pas beaucoup d'enuie; car Occhiali auoit bien dessein d'empescher les courses des Chrestiens sur les terres de son Seigneur, & encores de se ruer sur quelque Isle ou quelque ville maritime de la domination de ses ennemis, si l'occasion se presentoit, mais comme il n'auoit point la charge de combattre sinon en cas de necessité, aussi n'en auoit-il point d'intention.

Cela fut cause que se voyant decouvert, il faisoit bien semblant de desirer le combat, mesmes avecques les siens, les exhortant à auoir du courage, & ne se pas estonner pour vne mauuaise rencontre qu'ils auoient receüe, qu'ils pouuoient assez iuger par les deportemens de leurs aduersaires, qu'ils n'auoient ny force ny conduite, puis qu'apres vne victoire si accomplie, ils n'auoient pas eu l'assurance iusques alors de les attaquer, de quoy ils pouuoient inferer que s'ils auoient vaincu au golphe de Lepante, ce n'estoit point par leurs propres forces, mais que le Ciel vouloit à cette fois faire sentir quelque coup de foiet aux Turcs, pour les rendre plus vigilans à l'aduenir, le changement du vent ayant esté cause de la victoire & non leur valeur: qu'ainsi ne soit, disoit-il, toute nostre armée estant déconfite, n'ay-je pas malgré tous leurs efforts passé avecques trente vaisseaux au milieu d'icelle, & seruy vn temps de rendez-vous à tous les nostres qui se pouuoient sauuer du combat, tous lesquels le conduisirent neantmoins en lieu de seureté, encores qu'ils tinssent tous les ports & les passages, & que nous fussions enclos comme dans vn rets; que s'ils eurent lors la victoire, assurez-vous qu'elle leur a cousté bien-cher, & que s'ils ont eu nos vaisseaux, nous eusmes en recompence la vie des meilleurs de leurs hommes, n'ayans pas sceu prendre depuis vne place d'importance, ce qu'ils pouuoient toutesfois infailiblement faire apres la victoire. Or sont-ils maintenant desunis, & n'ont ensemble que la moitié de leurs forces, si nous demurons les maistres de ce combat, c'est vn moyen de recouurer l'honneur qu'ils pensent nous auoir fait perdre: car ce que vous les voyez-là deuant vous, n'est pas par quelque croyance qu'ils ayent de demourer les maistres de cette armée plus puissante que la leur, ains pour euitier le sac de l'Isle Candie, mais ayez seulement du courage, & vous rendez obeysans à tout ce que ie commanderay: car s'ils ont enuie de ioindre, ie vous les liureray tous avec tel aduantage, que vous verrez vostre victoire assurée, auparauant mesme que d'auoir combatu.

Et neantmoins encourage les siens.

Et là dessus les faisant ranger fort serré, il se retiroit tousiours vers terre, éloignant le plus qu'il pouuoit l'armée Chrestienne; mais il le faisoit pour attendre le vent de Ponant, qui a accoustumé de souffler en cette saison en ces quartiers-là, pour venir apres avecques aduantage, inuestir l'armée Chrestienne, quand il auroit pris le dessus du vent. Toutes-fois les Capitaines Chrestiens y auoient donné ordre, ayans deliberé que leurs nauires qui estoient à l'égal des grosses galeres à la main gauche, déployas leurs voiles, viendroient inuestir leurs ennemis dessus le vent, si tost que leurs galeres seroient passées: mais s'estant leué vn vent de Siroc, Vlichiali fut contraint de changer de dessein, venant à la pointe de l'Isle

Ruse d'Occhiali.

1572.

de Cerigue vers le Ponant, & traufferant ce canal qui est entre l'Isle de Cerni & celle de Cerigue: de sorte que touchant à celle-cy de la teste de l'armée, & l'autre avecques la queue, elle tenoit ferme tout cet espace de mer, qui est environ dix milles de largeur, & ayant les prouës tournées vers l'armée Chrestienne, l'attendoit rangée en bataille en trois gros escadrons, chacun de pareil nombre de vaisseaux.

O R comme le vent se fust monstré fauorable tantost aux vns & tantost aux autres, Occhiali demeura toutesfois ferme en la resolution qu'il auoit prise, de n'approcher en façon quelconque des nauires ny des galeaces, & se tint comme immobile au lieu où il s'estoit campé: car il y auoit en l'armée Chrestienne six galeaces & vingt-deux nauires de guerre bien fournies de soldats & d'artillerie, desquelles Occhiali voulant euer la rencontre, qu'il faisoit en se tenant vers terre, & si il priuoit les galeres subtiles de leur ayde, taschant en ce faisant de se mettre en seureté, loin de coups d'artillerie des nauires & des galeaces, & d'assaillir en poupe ou par les flancs la pointe gauche de l'armée des Confederez: mais le Prouidateur Canalis qui conneut son dessein, luy ferma le passage & luy osta cette commodité; ce que voyant Vlichiali, il commanda à vingt-cinq galeres des plus promptes & legeres qu'il eust, d'aller de ce costé-là, qui estoit le plus proche de l'Isle de Cerni, pour assaillir la pointe droite de l'armée Chrestienne, où commandoit le Prouidateur General, esperant de le mettre en desordre, & apres attirer les Chrestiens à la bataille loin des galeaces & des nauires, lesquelles à faute de vent, estoient demeurées inutiles, toutesfois Sorance les repoussa à grands coups de canon en arriere.

Occhiali se
retire sans
combate.

M A I S tous ces remorquemens ayans fait couler beaucoup de temps, les Chrestiens ne pouuans aller plus viste avecques toutes leurs forces vnies, comme d'ailleurs les Turcs ne les vouloient point attaquer qu'ils ne fussent separez, Occhiali reconnoissant qu'il y eust mal fait ses affaires, ou pour le moins qu'il se fust exposé à trop grand danger, s'il eust voulu tenter le hazard du combat, & voyant que le Soleil commençoit desia à s'abbaisser, il commença peu à peu à se retirer sur l'assurance de la nuit, & de la grande fumée des artilleries, sans toutesfois tourner les proües iusques à ce qu'il fust à la pointe de l'Isle de Cerigue, où les ayant tournées, il cingla lors en haute mer, & se retira de tout danger: car outre ce que l'obscurité de la nuit & la lassitude des gascieurs empeschoient fort de le suivre, pour faire encore mieux perdre la trace de son chemin, il enuoya vne seule galere avecques vn fanal par vn autre chemin contraire à celuy qu'il prenoit, pour faire croire que le reste de l'armée estoit avecques ce vaisseau: toutesfois il fut decouuert le dixiesme iour d'Aoust sur le Cap de Matapan, tenant ses galeres la poupe en terre: ce qu'ayant reconnu il rangea incontinent ses gens en bataille, en sorte toutesfois qu'il ne fust point contraint de combattre contre les gros vaisseaux qu'il euiroit à son possible, taschant d'entourer l'armée Chrestienne & l'assaillir par les flancs.

Les deux ar-
mées encores
l'une deuant
l'autre.

L E S deux armées estoient si proches qu'elles estoient à la portée de l'artillerie, cela fut cause que le General Foscaren monté sur vne fregate alloit de vaisseau en vaisseau exhorter les siens au combat, leur remonstrant combien l'ennemy se sentoient foible, puis que luy qui se rendoit cy-deuant si redoutable sur cette mer, n'osoit attaquer vne partie de l'armée de la Ligue, qu'il remarquoit encores des soldats dans cette armée qui s'estoient trouuez à la bataille de Lepante, lesquels estoient tesmoins de la fuite de celuy qu'ils voyoient deuant eux, qui s'estoit sauué plustost par la faueur du vent que par son courage. Que s'ils pouuoient mettre en route cette armée comme la premiere, ils s'assurassent d'auoir à cette fois reconquis l'Empire de la mer, & que si iamais la bataille Actiaque auoit mis fin aux guerres ciuiles des Romains, cette-cy finiroit aussi les barbaries que ces cruels exerçoient par toute la Morée & les Isles de l'Archipelague: car que leur restoit-il plus, cette flotte estant déconfite? chacun d'eux pouuoit scauoir combien de vaisseaux leur estoient restez de leur deffaite, & que pour mettre sus cette autre armée de mer, ils y auoient employé le vert & le sec, & les soldats qui estoient en cette armée, quelles gens pensoient-ils qu'ils fussent, sinon tout le rebut des autres, beaucoup moindres en force & en courage que ceux-là? ceux-cy encores tous épouuentez de leur deffaite toute recente, ausquels ils verroient la mort peinte sur le visage, pour l'effroy qu'ils auoient cy-deuant receu: qu'ils ne deuoient pas faire peu de cas de ce qu'apres tant de fuites & refuites, ils s'estoient en fin venus prendre au filet; mais qu'il s'asseroit que s'ils vouloient, quant à eux luy faire sentir l'effort de leur valeur, cette victoire seroit autant ou plus signalée que l'autre, d'autant qu'elle seroit de plus grande importance, n'y ayant plus de refuge pour Selim, s'il ne passoit le destroit & s'en alloit en Asie: car D. Jean vnissant
ses

ses forces avec les leurs, il luy seroit bien difficile de se maintenir dans la ville de Constantinople : que ce leur seroit cependant beaucoup de gloire d'auoir vaincu en l'absence d'un si grand Prince, & cela luy deuoit à luy-mesme apporter un souverain contentement, quand à son arriuée, on le conduiroit victorieux pour cueillir les lauriers de son triomphe dans les plaisans vergers de son mortel ennemy.

DE tels ou semblables discours Foscaren s'efforçoit d'encourager tant les siens que tous les autres ; & de fait ils auoient assez de bonne volonté, mais à cause des remorguemens avecques lesquels il falloit mener les gros vaisseaux, estant le vent totalement cessé, tout se faisoit si lentement & non encores sans desordre, que le iour se passoit & rien ne s'aduançoit pour les Chrestiens. Occhiali aussi de son costé qui fuyoit la lice, ne faisoit que tourner sans approcher, cela fut cause que le General des Venitiens, qui desiroit infiniment de combattre, conseilloit de laisser cet empeschement des nauires & de combattre avecques le reste : car si nous voulons tousiours dépendre, disoit-il, de la fortune & du vouloir des ennemis, nous laisserons une autrefois échapper la victoire de nos mains. Cette proposition n'estant accordée ny refusée du tout, ils firent mine de vouloir aduancer les galeres subtiles ; mais le tout fort laschement, & puis le vent venant à se renforcer à toute heure, il falloit que non seulement les nauires, mais aussi les galeaces, qui s'estoient d'elles mesmes aduancées sans remorguement, demeurassent derriere, & ainsi allans bellement, cela donna moyen à Occhiali de se retirer peu à peu & sans desordre, ayant toute son armée vnice ensemble, en laquelle retraite il usa encores d'un stratageme : car il fit pour un temps remorquer sa galere par la poupe en arriere, iusques à ce qu'il fut assez loin de la presence de ses ennemis : car alors ayant tourné la proue & pris la haute mer, il se sauua en lieu de seurété.

Ce qui fut cause que les vns & les autres ne combattirent point.

OR apres auoir passé le Cap de Matapan, il desiroit sur toutes choses estre informé des affaires de ses ennemis, mais il fit faire si bon guet, qu'en fin il print une des fregates de l'armée Chrestienne, par laquelle il fut aduertie que Dom Iean venoit en l'armée avecques toutes ses forces, & que desia il estoit en chemin. Alors Occhiali qui auoit feint d'attaquer les forces des Confederez les iours precedens, leurs forces égalans à peu pres les siennes, pensant à ce qui luy pourroit arriuer, si ces nouvelles forces se venoient ioindre avecques celles-cy, iugea qu'il falloit faire quelque hardie & nouvelle entreprise, laquelle pour estre inopinée & faite à l'improuiste, pourroit estre aussi d'un plus heureux succez. Il resolut doncques d'aller attaquer l'armée de Dom Iean, s'assurant que s'il pouuoit auoir la raison de cettuy-cy, outre le grand aduantage que ce luy seroit pour ses desseins, encores feroit-il par cette deffaitte perdre tellement le cœur aux autres, qu'il se pourroit presque assurer de la victoire de l'autre armée, qui ne s'appuyoit principalement que sur les forces de ceux-cy, & qui deuoient principalement donner le branle à la balance : si doncques il pouuoit ioindre les Espagnols, auparauant que d'auoir rencontré les Venitiens, il en tenoit l'entreprise fort assurée, & cela estant que tout luy tourneroit à bien : qu'il falloit à la guerre des choses de bien peu d'importance pour ébranler les courages, ou à un bon espoir ou à la crainte : ioint que eecy remettroit le cœur au ventre de ses soldats desia tous decouragez pour leur dernière perte.

Il se resolut d'attaquer l'armée de D. Iean.

TOUTES ces considerations auoient telle apparence, que les Confederez ayans sceu son dessein, (comme chacun a des espies de part & d'autre) entrerent en une merueilleuse crainte qu'il ne l'executast, principalement Colonne & Gilles Andrade, qui s'emeurent grandement de ces nouvelles, & proposerent aussi-tost que toutes ces choses mises en arriere, il falloit partir de là avecques le plus de galeres subtiles qu'on pourroit armer, pour aller au deuant de Dom Iean, & l'oster de ce danger : mais les Capitaines Venitiens reprouuoient ce conseil : car ils disoient que pour euitier un danger incertain, on exposoit l'armée à une incommodité tres-manifeste, & si on hazardoit toutes les forces de la Ligue : car ne pouuans les gros vaisseaux partir de Cerigue à cause du vent contraire, ny demeurer en seurété avecques les galeres subtiles reduites à moindre nombre, on viendroit en fin en la puissance de leur ennemy : ceux-cy d'ailleurs opinastroyent qu'on pouuoit aller avecques cent galeres iusques à Zante, assurant par ce moyen le voyage de Dom Iean : mais il n'auoient que faire ny les vns ny les autres de se donner tant de peine : car D. Iean ne vouloit pas premierement se mettre en chemin qu'on ne luy vint au rencontre, & encores enuoya-il une fregate, par laquelle il mandoit qu'il ne pouuoit partir deuant le premier de Septembre ; c'est pourquoy il escriuit aux Generaux qu'ils retournassent en arriere pour le rencontrer, si bien qu'ils arriuerent en la plus grande diligence qu'ils peurent à Zante : car Occhiali

Son dessein decouvert aux Confederez, qui en entrent en grande crainte.

1572.

tiroit vers le cap de Maille, & ils craignoient que ce fust pour aller sur le chemin de Dom Iean.

XIV.

L'armée Chrestienne se retire, sans rien faire.

S'ESTANT doncques leué vn vent de Siroc qui leur estoit fauorable, ils se rendirent danstrois iours à Zante, où n'ayans trouué Dom Iean, comme ils esperoient, ains vn nouveau commandement de luy de passer à Cephalonie, il fallut laisser là les gros vaisseaux, ce qui n'estoit pas sans grand danger: car Occhiali estoit fort pres de là, mais de bonne fortune pour eux, il n'en eut aucune connoissance: encores y en auoit-il des principaux de l'armée Espagnole, qui disoient, qu'estant trop difficile de les secourir, il falloit mander qu'on les brûlast; mais le General Foscaren fit bien mieux: car il enuoya le Prouidateur Quirin avecques vingt-cinq galeres pour le tirer hors de danger, & les conduire, comme il fit, sains & entiers à l'armée, qui fut contrainte de partir de Cephalonie, pour venir à Corfou, où Dom Iean estoit arriué le neufiesme iour d'Aoust avecques cinquante cinq galeres, trente trois nauires & quinze mille hommes de pied, où il se plaignit aucunement aux Generaux de ce que sans auoir aucun respect, comme il disoit, à sa grandeur, on l'auoit contraint d'attendre longuement à Corfousans rien faire, & cependant le bruit estoit tout public en l'armée qu'il estoit venu seulement pour vne certaine apparence, & non en intention ny charge d'executer chose aucune, & de fait ces soupçons croissoient de iour en iour, chacun voyant qu'apres tant de dilayemens, on remettoit encores à se resoudre, quand le Duc de Sesse seroit arriué avecques les galeres d'Espagne: mais comme on eust respondu à Dom Iean que leurs forces estoient plus que suffisantes: car toutes ensemble faisoient le nombre de cent quatre-vingts quatorze galeres subtiles & huit galeaces, dont les deux estoient au Duc de Florence, & les six aux Venitiens, outre ce quarante cinq nauires, à sçauoir trente Espagnoles & quinze Venitiennes, ils vinrent aux Gomenisles, où on rangea le tout en ordonnance, comme si on eust esté prest de liurer le combat.

Leur ordre.

LES trois Generaux estoient au milieu avecques soixante deux galeres, le Marquis de sainte Croix conduisoit la pointe droite, le Prouidateur Superance la gauche, à chacune cinquante deux galeres, Pierre Iustinian General de Malte estoit à l'auant-garde avecques six galeaces Iean de Cardone & Nicolas Donat à l'arriere-garde avecques vingt-deux galeres, Dom Rodrigue de Mepdozze & Adrian Bragadin commandoient aux nauires, en intention neantmoins de les mener à Zante & les y laisser, plustost pour le port des viures & munitions, que pour seruir à la guerre. En fin cette armée partit de Paxa l'vnzieme de Septembre, sans auoir resolu iusques alors quelle voye ils deuoient tenir, ains de prendre le party que les aduis qu'ils auroient de l'armée Turquesque leur pourroient conseiller, laquelle n'estoit pas pour lors en trop bon equipage: car elle auoit esté contrainte de se diuiser & de se retirer, vne partie à Modon & l'autre à Nauarrin, ayant grande faute d'hommes, plusieurs s'en estans ensuis & plusieurs estoient morts de mesaise: car on disoit que la necessité qu'ils auoient de toutes choses, les faisoit tenir là comme en vn lieu asseuré, iusques à ce qu'il leur fust venu du renfort, avecques intention encores, à ce qu'on disoit, de se retirer à Constantinople, & aller hyuerner dans le destroit, selon leur coustume, pensans auoir assez fait de s'estre presentez par deux fois à l'armée Chrestienne prests à combattre, au moins en apparence; cette retraite ne pouuant diminuer leur reputation, puis qu'elle se faisoit lors qu'il ne falloit plus craindre que ceux de la Ligue fissent quelque entreprise de grande importance.

Les longueurs empeschent l'esper de l'armée Chrestienne.

CELA réjouyt fort toute l'armée des Confederez, esperans à cette fois qu'ils estoient tous assemblez, qu'ils auroient raison de leurs ennemis auparauint leur retraite. Pour ce faire les Capitaines disoient qu'on deuoit marcher tout à l'heure, & se tirans hors de l'Isle de Zante pour n'estre decouverts en aucun lieu, aller soudain se ietter dans l'Isle de Sapience, qui est vn écueil entre Nauarrin & Modon, & leur clorre le passage, à ce qu'ils ne peussent se secourir l'un l'autre, mais le bon-heur de ce succez dépendoit de la diligence, qu'on ne connoissoit point en cette armée, si bien qu'ils furent si lentement sur le chemin, qu'ils n'arriuerent qu'à Prodaue, au lieu qu'ils deuoient estre à la pointe du iour à Sapience, où ils furent decouverts par les Turcs du chasteau de Nauarrin, lesquels par ce moyen eurent tout loysir d'en aller en toute seureté à Modon, à la veüe de l'armée Chrestienne, qui n'en estoit qu'à trois milles loin, laquelle les voyant ainsi sortir, pensoit qu'ils voulsissent leur liurer la bataille, de sorte qu'ils mirent aussi-tost leurs bataillons en ordonnance: mais les Turcs n'en auoient nulle enuie: car ils connoissoient assez leur foiblesse, ains au contraire ils se retiroient en toute seureté sous la sauue-garde de la forteresse de

Modon,

Modon, où ne pouuans estre forcez de combattre, les autres delibererent de se retirer à la pointe de Sapience. Ce que voyant Occhiali, il sortit dehors avecques cinquante galeres pour assaillir l'auant-garde qui estoit demeurée derriere, & Dom lean l'ayant decouuert, il donna le signal de la bataille, & fit tourner les proües contre les Turcs, lesquels n'estans pas sortis en intention de combattre, mais pour donner seulement la chasse à ceux qui se reti-

1572.

Occhiali res-
solu de ne
point com-
battre.

roient, rentra soudain d'où il estoit party, la nuit le fauorissant par vn grand brouillard qui s'éleua, qui contraignit les autres de s'élargir & se retirer en haute mer; tous les riuages des enuirs estans pays ennemy, & apres auoir fait aiguade au golphe de Coron, non sans quelque combat (Occhiali y ayant enuoyé quelques quinze cens hommes pour les empescher) ils se retirerent encores en l'Isle de Sapience du costé de Siroc, iettans l'anchre presque vis à vis de Coron.

Mais quoy! c'estoit consommer le temps inutilement, sans esperance d'aucun fruit, & non sans quelque danger, estans contrains de demeurer dans vne place où les Turcs les venoient hardiment attaquer, se confians sur leur prompte & asseurée retraite. Cela fut cause que le General Venitien proposa de mettre en terre dix-mille hommes de pied pour saisir le costau qui estoit sur la pointe du canal, Occhiali n'estant pas pour secourir ce lieu, & cependant il y auoit grande apparence qu'il en deuoit receuoir vn grand dommage, mais cela fut reietté des Espagnols, disans qu'on affoiblirait trop l'armée par ce débarquement. Ce que voyant Foscaren, & iugeant bien qu'il leur conuiendrait se separer bien-tost sans rien faire, il proposa encore d'essayer d'entrer impetueusement dās le canal de Modon, & d'assaillir leurs ennemis, s'offrant de s'exposer le premier au danger: ce qu'estant du commencement approuué d'un chacun, ils s'arrestèrent seulement à qui auroit la premiere pointe, chacun voulant auoir cet honneur, & ainsi ne firent rien, ains se retirerent de là, puis s'en vinrent ietter dans le port de Nauarrin, tres-grand & commode pour l'eau & autres choses, n'y pouuans estre offencez de l'artillerie du chasteau, qui estoit en lieu trop eminent & loin de là, & cependant incommodoit extremement l'armée Turquesque, qui se voyoit assiegée sous Modon, tellement que pour les grandes incommoditez qu'elle enduroit, elle se voyoit reduite en tres-mauuais estat, pour pouuoir s'en retourner à Constantinople, courant encore le hazard d'estre iettée contre terre & faire naufrage, exposée aux vents de Guerin; & ne pouuoit d'ailleurs sortir de là, sans donner moyen aux autres de la combattre.

Proposition
du General
des Venitiens.

Reietté des
Espagnols.

Les Turcs se
voyent pres-
que reduits à
l'extremité.

Cela fut cause qu'Occhiali enuoya plusieurs harquebusiers Turcs, qui scachans les adresses des lieux, alloient par des montagnes voyintes de Nauarrin, pour empescher les Chrestiens de prendre de l'eau; mais ils mirent aussi-tost cinq mille hommes de pied à terre sous la conduite de Paul Iourdain Vrsin, qui rendirent le pays tout asseuré. En fin les affaires des Turcs estoient si deplorées, qu'on ne doutoit plus d'une victoire toute asseurée pour les Chrestiens, de sorte que les aduis en couroient desia par toute la Chrestienté: de quoy chacun se réjouyssoit comme de chose toute asseurée; mais en fin les Confederez se lassans d'une si longue demeure, ils se resolerent d'attaquer la ville & le chasteau de Nauarrin iadis Pyle, plustost par faute de meilleur conseil que pour l'importance de cette place, n'estant pas digne d'arrester là vne si grande armée. La charge de ce siege fut donnée à Alexandre Farneze Prince de Parme, qui promettoit desia beaucoup de soy, mais qui deuoit encore par ses beaux faits rendre sa memoire illustre à la posterité. On mit l'artillerie à terre, qui fut placée en lieu conuenable: là se trouua vn Ingenieur du Duc de Florence nommé Ioseph Bonel, qui fabriqua vne machine avecques deux galeres: les autres disent quatre, estans les rangs des enuirs de dedans ostoz, laquelle ayant remplie de terre, & mis par dessus plusieurs planches, elle se rendoit égale aux remparts qui soustenoient les murailles, y ayant fait quelque forme de parapets, sur laquelle on mit huit canons, d'autres disent dix, en intention d'approcher pres du chasteau pour le battre, & en mesme temps asseurer le passage aux autres galeres, qui pourroient entrer au canal pour donner l'assaut, estans à couuert de cette machine, mais estant paracheuée elle se trouua inutile: car la violence de l'artillerie & l'ébranlement des vaisseaux qui estoient mal asseurez, rendoit le coup incertain: joint qu'on se desioit de la pouuoir arrester à l'anchre, la mer estant fort profonde. Mais la plus grande difficulté estoit de la conduire au lieu ordonné, estant de besoin que les autres galeres la remorguassent, lesquelles pour le petit pas qu'elles tenoient, fussent demeurées à la mercy de l'artillerie des ennemis, braquée sur l'entrée du canal, qui les eust facilement percées & mises à fonds, si qu'ils demurerent décheus de l'esperance qu'ils s'estoient promise de ce costé-là.

Nauarrin iadis
Pyle, assie-
gée par les
Chrestiens.

Machine d'un
Florentin fa-
briquée inutile-
ment.

1572.

Secours des
Turcs à Na-
uarrin.Occhiali en
termes de
s'enfuir.La pluye
l'empesche.Les Espagnols
veulent quit-
ter le siege, &
pourquoy.Offres du Ge-
neral Venitien
à Dom Iean.Cause du sie-
ge de Nauar-
rin.Excuses de
Dom Iean.

Or comme on n'eust pas bien reconneu les aduenues par où le secours pouuoit arriuer aux assiegez, & qu'il n'y eut pas des gardes assez fortes pour l'empescher, la mesme nuit que l'armée Chrestienne entra au port de Nauarrin, il entra dans la ville cinq cens hommes de guerre; toutesfois cela n'empeschoit pas que leurs affaires ne fussent en fort mauvais estat: car tout cela n'estoit pas pour empescher la perte de cette place, ny les garentir de se voir forcez au combat. Ce qu'ayant bien preueu Occhiali, il en auoit aduertty Scrans Aga, le Beglierbey de la Grece & Cassam Bassa qui estoient à Moncastre avecques vne armée de terre; mais ayans esté beaucoup retardez sur le chemin, ils ne peurent arriuer à Nauarrin que l'vnziesme d'Octobre encor qu'ils fussent partis dès l'vnziesme de Septembre avecques deux mille cheuaux, où ils reprindrent aygrement Occhiali, de ce que par sa temerité il eust exposé les affaires du Seigneur en vn extreme peril: à ceux-cy se joignirent encores les Sanjacs de Coron, de Modon & de Nauarrin, qui disoient que l'arriuee de cette armée de mer auoit consommé tous les viures des villages aux enuirs, rapportans à luy tout ce qui estoit arriué de mal en l'armée. Ce qu'entendant Occhiali & iugeant bien qu'il auroit plusieurs ennemis à la Porte de Selim, en laquelle il scauoit bien plusieurs auoir perdu la vie pour de plus legeres fautes que celles-là, sans s'arrester à se iustifier, il respondit seulement, que les affaires de la guerre ne se traitoient point avecques les paroles ny avecques les disputes, mais avec les actions & le temps. Toutesfois comme il vid que l'armée de terre & de mer eust consommé tous les viures, & que luy d'ailleurs n'eust point pourueu aux prouisiōs necessaires, & qu'il estoit reduit en vne extreme necessité, luy estant impossible d'en recouurer, ayant vne armée ennemie si proche de luy: craignant la fureur de son Empereur, il resolut de passer en Afrique avec vingt-six galeres qu'il tenoit à ses gages, ayant delibéré de laisser là le reste de l'armée, & de se retirer secrettement.

MAIS comme il estoit prest d'executer cette deliberation, il tomba vne fort grosse pluye plusieurs iours durant, qui trouuailla tellement l'armée Chrestienne qui n'estoit point à couuert, que les Espagnols prenans cette occasion, se resolurent de quitter là le siege & partir secrettement la nuit: quelques iours auparauant ils auoient fait entendre encore qu'ils n'auoient plus de viures que pour vn fort peu de temps, & partant qu'ils estoient contrains de se retirer. Or encores qu'il semblast fort estrange & incroyable à plusieurs, que l'armée Espagnole estant partie auparauant de Sicile, qui est estimée le grenier de l'Italie, avecques tant de nauires, eust en si peu de temps faute de pain, qui estoit ce dequoy ils se plaignoient le plus. Le General des Venitiens pour oster toutesfois aux Espagnols tout pretexte de partir, voyant qu'en ce faisant toute occasion leur estoit ostée de faire quelque chose, non seulement pour lors, mais à l'aduenir, il offrit à Dom Iean, de luy faire part de ses viures, le priant bien fort d'accepter son offre, en luy remonstrant qu'on pouuoit d'heure à autre satisfaire au besoin de toute l'armée par quelques nauires qu'ils attendoient chargées de biscuit; mais les Espagnols ne voulurent accepter cet offre, ny prendre en payement aucune raison qui peust retarder leur partement.

CAR auparauant ce siege, comme les Venitiens se virent reduits au dernier desespoir de toutes leurs entreprises, & eussent dit tout apertement qu'eux & leurs biens estoient liurez à leurs ennemis, & que les affaires de la Republique s'en alloient ruinées à iamais par la faute de leurs confederez, cela auoit fort troublé l'esprit de Dom Iean, qui sachant d'vn costé qu'il luy estoit necessaire d'obeir aux secrets & particuliers commandemens qu'on luy auoit faits, & d'ailleurs estant émeu de tous les discours qu'on tenoit, il voyoit bien qu'on y adiousteroit foy, s'il ne s'efforçoit de faire quelque exploit, par lequel il peust dire s'estre employé pour donner secours aux affaires deplorées des Venitiens, cela auoit esté la seule cause du siege de Nauarrin: mais il n'estoit pas marry que l'occasion se presentast pour se retirer; toutesfois on dit qu'il pourchassa tant qu'il pût que son partement fust du consentement du General Foscaren, & au contentement des Venitiens, luy faisant entendre le grand desir & l'affection qu'il auoit d'acquerir de l'honneur & de la reputation, mais que la fortune luy auoit osté les moyens d'y pouuoir paruenir, s'estant tant de fois présenté pour combattre les ennemis, promettant encores que s'il rencontroit à temps les nauires en son voyage, d'embrasser volontiers quelque occasion que ce fust, pour faire quelque seruice signalé à la Ligue, auant que ramener l'armée au Ponant, mais que cette commodité manquant pour l'heure, il esperoit de recompenser l'année prochaine ce qu'il estoit contraint de perdre celle-cy: le General Venitien qui ne vouloit pas faire croire à ses ennemis que la Ligue fust rompue, fit semblant d'y consentir.

Le parlement estant doncques ainsi resolu, les Chrestiens se virent plus prests à donner la bataille que iamais, par ce que sur le poinct que l'armée de la Ligue vouloit déloger, vn nauire Espagnol party de Corfou & venu au dessus de Sapience, auoit esté attaqué de quelques galeres Turquesques & combattoit encores: ce qui fit sortir en toute diligence l'armée de Nauarrin, pour secourir le nauire & donner sus aux Turcs: car Occhiali estoit sorty avecques soixante galeres hors du canal de Modon, pour aller secourir les autres, qu'on disoit estre au nombre de vingt-cinq, se seruant parauanture de cette occasion pour l'exécution de son premier dessein, qui estoit de se retirer, car il estoit encores ignorant de la resolution de ses ennemis. Mais comme il vid toute l'armée Chrestienne en bataille, & que le Prouidateur Superance venoit droit à luy pour l'investir: alors ayant tourné les prouës, sans attendre dauantage, il se retira sous la sauue-garde du Chasteau de Modon, suiuy tousiours à la veuë des galeres Chrestiennes, avecques telle vehemence, qu'estans approchées pres de la ville, elles tirerent dedans quelques coups de canon: quant aux galeres qui assailloient le nauire, ayans fort grand aduantage de chemin, & trouuans tout le pays fauorable, elles se sauuerent facilement, vne exceptée, cōmandée par le Sanjac de Metellin, nepueu de ce fameux Barbe-rousse: car cette-cy estant demeurée la dernière au combat, & les esclauos sous esperance de liberté voguans plus lentement, elle fut prise en fin par le Marquis de sainte Croix: la nuit qui suruint, empescha d'exploicter dauantage, si bien que Dom Iean fit sonner la retraite, commandant à vn chacun de retourner au port de Nauarrin, ne voulant abandonner la machine de deux galeres, ny que l'ennemy se peust glorifier qu'il eust d'eux quelque instrument de guerre, & que son parlement fust vne fuite; puis s'estant leué vn peu de vent de Siroc fauorable à son voyage, il commanda de partir soudain & de prendre la roure de Zante, & luy la matinée suiuaute print le mesme chemin avecques toute l'armée, en vne telle affection d'estre bien-tost de retour, que prenant son chemin par le canal de Giscar, pour estre le plus court, contre l'opinion de tous les Mariniers les plus experts, qui conseilloyent d'aller à Cephalonie, l'armée courut vne grande fortune és enuiron du golphe de Larte, & s'y perdit vne des galeres du Pape, froissée contre les escueils du Paxu.

1572.

L'armée
Chrestienne
decampe.

Prise d'une
galere-Tur-
quesque.

OCCHALI voyant alors contre son esperance qu'on l'auoit laissé en liberté, & iugeant bien, selon que les affaires des Chrestiens s'estoient conduites iusques alors, qu'il n'estoient point pour retourner en ces mers sur la saison de l'hyuer: libre de toute crainte, estant demeuré le maistre de la mer avecques vne reputation d'vn tres-experimété & vaillant Capitaine, il emmena son armée saine & sauue, & se mit en chemin sans aucun ordre, venant passer au Cap de Maille, où pour raison du vent de Tramontane qui luy estoit contraire, il luy fallut seiourner quelques iours, mais s'estant depuis leué vn tel vent qu'il le desiroit pour son voyage, il arriua à Constantinople avecques cent galeres, où il fut receu d'vn chacun avec tout l'honneur & l'allegresse qu'il eust sceu desirer, les Turcs se disans manifestement les vainqueurs, pour auoir descendu la Morée & tous leurs autres estats, deffait comme ils disoient les Chrestiens en bataille plusieurs fois, & finalement apres les auoir chassés hors de tout leur pays, ils auoient rendu la mer & le nauigage assésuré, cét homme s'estant aduancé par vne chose, & acquis de la reputation par vne autre, qui eussent esté suffisantes de ruiner plusieurs de biens, de vie & d'honneur: car encores qu'il eust esté deffait à Lepante & qu'il s'en fust fuy du combat, on luy fit fort bon visage, & on l'honora encores de la charge d'Admiral, maintenant qu'il n'a point combattu, & qu'il ne s'est sauué que par ce que les autres l'ont laissé aller, on le reçoit comme vn victorieux, c'est ce qui de premiere veuë apparoist en son fait. Or quant au premier, nous auons dit pourquoy Selim le gratifia si particulièrement, & quant à certuy-cy, si on veut bien considerer comme il s'y est conduit, on trouuera qu'il fit vn tour d'vn grand Capitaine: car n'ayant point charge de combattre, & voulant empescher ses ennemis, de s'aduancer & de faire aucune entreprise d'importance au preiudice de son Seigneur, il eust esté bien mal-aysé qu'il s'y fust conduit plus prudemment, ayant reconneu qu'il n'estoit pas temps de combattre en Terentius Varro, mais en Fabius Maximus: il est vray que ses propres ennemis fauoriserent ses desseins en toutes choses, & toutesfois qui voudra considerer de pres toutes ses actions, il n'y trouuera que cette seule faute, de n'auoir pas pourueu aux munitions necessaires à vne telle armée que la sienne, arrestée au port de Modon.

Quant à l'armée de la Ligue, elle arriua à Corfou, le vingtiesme iour d'Octobre, où elle fut encores grossie de treize galeres & de quelques nauires chargez de froment, par

1572.

l'arriuée du Duc de Sesse & de Jean André Dorie où ils mirent en auant le siege de sainte Maure, mais le Duc de Sesse l'empescha, & ainsi cela s'en alla en fumée comme le reste, de sorte qu'ils se separerent tous, les Espagnols s'en retournans en Ponant, apres auoir demeuré toutes ces armées de la Ligue iointes ensemble l'espace de cinquante iours : Dom Jean aborda premierement à Messine, où ayant laissé vne partie de ses galeres, il s'achemina avecques le reste à Naples, où il licentia les gens de pied Italiens, & enuoya les Espagnols & Allemans aux garnisons. Quant à Colonne, il passa par commandement du Pape en Espagne, pour rendre compte au Roy de tout ce qui s'estoit passé, & aduiser avecques sa Majesté du moyen qu'on auroit à tenir l'année prochaine en cette guerre, & quelles provisions seroient necessaires, où il executa dextrement sa charge & acquit beaucoup de loüange & de reputation: quant aux galeres Venitiennes, elles demurerent à Corfou, sans rien faire, où elles furent armées tout du long de l'hyuer, afin de pouuoir sur le printemps sortir plus à propos sur leurs ennemis. Ce sont les succez de l'armée de la Ligue, qui furent bien éloignez de l'esperance qu'on auoit conceuë, que cette grande assemblée seroit suffisante pour rabatre l'orgueil & l'insolence de l'Empire Othoman.

XV.

Courtes des
Tures en
Dalmatie.

Les Turcs faisoient cependant plusieurs courtes en Dalmatie, pilloient & rauageoient le pays, ayans reconquis la place de Macarsca, qui estoit venue sous la puissance des Venitiens quelque temps auparauant par l'industrie de Louys Grimani & de Iule Pompei, comme aussi ils vinrent en si grand nombre assaillir le port de Clissa qui s'estoit rendu aux Chrestiens, que ceux de dedans printrent l'épouuante au seul bruit qui en courut, sans attendre l'arriuée de leurs ennemis, & se retirerent tous à Sebenie en seureté. Or auoient les Turcs grand desir de se saisir de la ville de Cathare, & comme ils en recherchoient les moyens, leur armée n'estant pas bastante pour y resister, ils resolurent de l'auoir par vn long siege, empeschans d'y porter aucuns viures par terre, & pour leur clorre le chemin de la mer, ils bastirent vn fort sur l'entrée du canal, au bout duquel est assise la ville, enuiron trois milles loin de Chasteau-neuf, aydez qu'ils estoient des forces du Sanjac de la Prouince. Ce qu'estant sceu à Venise, & iugeans en quel peril estoit la ville de Cathare, on manda au General Foscaren, d'enuoyer en diligence ruiner le fort, lequel enuoya le Prouidadeur Sorance avecques vingt-deux galeres & six galeaces, avecques lequel allerent Paul Vrsin, Pompée Colonne, Morel Calabrois, & quatre mille hommes de pied, se ioignant encores à eux sur le chemin Nicolas Surian Capitaine du golphe avec quatre galeres, & comme ils furent tous arriuez à l'auisse, Pompée Colonne avecques plusieurs gens de guerre s'en allerent saisir vn costau pour clorre le passage à ceux de Chasteau-neuf de venir secourir le fort, l'autre partie alla avecques Nicolas de Gambare en vn lieu fort proche de là: Sorance entra par apres avecques dix-huit des meilleures galeres qu'il eust dans le canal, estans resolu d'assiéger le fort par mer & par terre. Ce fort estoit de cent cinquante pas en quarré, sans aucun flanc, mais composé de telle sorte, qu'un des costez battoit à plomb les galeres entrans dans le destroit de ce canal, & l'autre quand elles estoient passées, qui estoit au demeurant fort bien fourny d'artillerie, & ayant dedans deux cents soldats pour sa garde, il fut batu par mer & par terre, & comme les soldats se fussent presentez à l'assaut avecques les escheles, les Turcs resisterent quelques temps, mais en fin ils furent tellement presseés de la multitude, leur nombre ne pouuant permettre de resister en deux endroits en vn mesme temps, que le chemin demeura ouuert aux assaillans pour s'en rendre les maistres, comme ils firent. On trouua dedans dix-huit grosses pieces d'artillerie & plusieurs de menuës, que le Prouidadeur enuoya incontinent à Venise, puis ayant fait faire vne mine, il fit sauter le fort, iusques aux fondemens.

Mahomet
Bassa incline
à la paix.

On fit aussi enuiron ce temps quelque proposition à Rome pour rassembler l'armée de la Ligue, à cause des bruits qui couroient, que les Turcs auoient dessein de se mettre bientôt en campagne, pour empeschier le secours de l'Isle de Candie, piller & rauager les costes maritimes des Venitiens, & donner l'épouuante par tout: mais toutes ces propositions s'en estans allées en fumée, ils virent bien qu'ils seroient en fin contrainsts d'entendre à la paix, à quoy inclinoit assez Mahomet Bassa, lequel craignant l'union de l'armée Chrestienne, & quelque bonne mine qu'il fust, redoutant l'euenement de la guerre, monstroic aussi plus que iamais de desirer vne bone paix. Or depuis la bataille de Lepante, bien qu'il fust dès lors premier Vizir, si est-ce qu'on auoit bien plus grande croyance en luy, pour en auoir preiugé l'euenement, si que tout dependoit de son autorité. Comme doncques on conneut son inclination, on commença à faire courir des bruits par la ville de Constantinople que les forces de la Ligue estoient grandes, les desseins des Princes Confederez tres-

important.

importans : ces bruits furent rapportez à Selim , qui furent cause qu'il permit de traiter avec le Bayle Venitien. Mahomet alors suivant l'intention de son maistre , commença de discourir librement sur ce sujet par l'entremise d'Orambeg premier Dragoman ; & de Rabi-Salomon Medecin Juif , lequel introduit en la maison du premier Bassa , estoit souvent employé aux affaires de tres-grande importance.

DE tout cela le Bayle en aduertit le Senat Venitien, dequoy estant couru vn bruit sourd, le Secretaire Perez , & le Docteur Velasque , qui manioient pour lors les affaires plus secretes de l'Espagne , alloient souvent visiter Laurens de Prioul , pour lors Ambassadeur de la Seigneurie en cette Cour : Pour donner à ce nouuel Ambassadeur vne impression que le Roy leur maistre auoit esté tousiours fort affectionné à la Ligue, & estoit tout resolu d'accroistre les forces d'icelle: que pour cet effect on auoit mandé aux officiers d'Italie de faire en diligence des provisions necessaires pour ne tomber aux longueurs & desordres de l'année precedente. Dom Iean promettoit aussi de son costé de se ioincre aux Venitiens avecques les seules forces de l'Italie , sans attendre celles d'Espagne , l'Empereur encore qui auoit tant refusé cy-deuant de se ioincre à la Ligue , craignant que les Venitiens voulussent s'accorder avecques le Turc , fit entendre à leur Ambassadeur residant à sa cour, qu'il se vouloit ioincre à la Ligue , craignant peut-estre que les Turcs estans d'accord d'un costé, ne se voulussent ruer de l'autre. Or comme cette affaire estoit en balance , & que le Prince Mocenique , pour lors Duc de Venise , par vne longue harangue qu'il fit au conseil des dix , (où cecy se traictoit pour estre tenu plus secret) eust conclu à la paix pour plusieurs raisons importantes qu'il mit en auant , on eut aduis qu'un Chaoux estoit arriué de Constantinople à la Cour de l'Empereur , qu'on soupçonna pour l'heure auoir esté enuoyé pour demander passage pour l'armée Turquesque , laquelle on disoit deuoit venir au Frioul , c'estoit toutesfois pour traicter quelques affaires de la Moldaue.

Le Bayle en
escriit au Se-
nat.

JOINT que cette mesme année expiroit la trefue qui estoit entre Maximilian & Selim , & comme l'Empereur eust fait couronner Roy de Hongrie son fils Rodolphe , ils auoient aduisé entr'eux de dresser vn fort entre Posson & Albe-Regale , pour tenir en bride ceux des garnisons circonuoinnes , qui commençoient desia à courir sur ses frontieres , ayants esté bien aduertis que Maximilian auoit fait ce qu'il auoit peu pour obtenir vne prolongation de trefue , mais qu'on auoit de propos deliberé mené cette affaire en longueur , afin de gagner le temps & donner moyen aux gens de guerre de faire quelque belle entreprise. C'estoit aussi ce qui l'occasionnoit à bon escient de promettre de se ioincre à la Ligue : mais comme les Turcs sceurent le bastiment de ce fort , ils se resolurent aussitost de l'empescher , & de ne laisser acheuer deuant leurs yeux vne place qui leur seroit de si grande importance. Pour ce faire ayans de toutes parts assemblé leurs forces , qui se pouuoient monter iusques à vingt mille hommes , ils assaillirent à l'impourueu ce fort quasi acheué , & entrans de force dedans , ils mirent à mort la garnison & tous les ouuriers qui y trauailloient , & apres auoir renuerlé tout cet edifice , emmenerent de là bon nombre d'artilleries & autres munitions de guerre. Rodolphe qui estoit le nouveau Roy , enuoya à Constantinople faire sa plainte à Selim pour vne telle entreprise que ses gens auoient faite pendant vn pourparler de paix , & sans auoir fait de part ny d'autre au préalable aucune declaration de guerre , redemandant ce qui auoit esté enleué de ce fort , mais on luy denia tout ce qu'il demandoit , adioustans encores , à ce qu'on dit , des menaces , s'il persistoit en telles demandes.

ATOUT cecy il faut adiouter la mort du Roy Iean de Transiluanie , ceux du pays ayans élu en sa place Estienne Battory , vn de leurs premiers Barons , contre toutes les menées de Gaspard Bekfol , l'un des Grands de cette Prouince : lequel Battory aussitost qu'il fut élu , enuoya à Selim des Ambassadeurs pour luy rendre graces de ce qu'il estoit paruenue à cette dignité , luy offrir le tribut de cinquante mille talers , & luy faire hommage de cette dignité , en laquelle il fut receu ; Selim luy enuoyant le sceptre & enseigne , pour marque qu'il le mettoit en possession de cette domination ; à condition toutesfois qu'il n'auroit aucune amitié avecques les Princes ses voisins , ny ne feroit aucune confederation ny alliance sans son sceu. Ces choses , dis-je , auoient amené le Chaoux en Hongrie , pour considerer comme tout s'y passeroit , afin d'en faire son rapport apres à son Seigneur , qui vouloit estre éclaircy des affaires de cette Prouince , pour plusieurs desseins qu'il ne peust mettre en execution , la mort l'ayant preuenue.

Mort du Roy
Iean de Transil-
uanie , &
élection d'Es-
tienne Battory
en sa place.

MAIS les Venitiens voyans combien ceux-cy auoient fait les froids , durant que les armées de la Ligue estoient en campagne , entroient plustost en defiance d'eux , que d'a-

Defiance des
Venitiens.

1573.

voir quelque esperance qu'ils deussent donner du secours, bien que ce fust peut estre alors leur intention, au moins leur estoit-ce vne belle occasion, de trouuer vn si puissant secours tout prest à s'opposer à leur ennemy : mais quoy ! ils ne pouuoient pas reconnoistre leurs intentions, cela dependant du ressort de celuy qui découure la pensée, auant qu'estre resoluë : ceux du conseil qui estoient encore portez à la guerre se ressouuenans de toutes les longueurs dont on leur auoit vſé, & que plus ils feroient de despence en cette guerre, ce seroit peut-estre autant de perte pour eux, sans esperance de recouurer ce qu'ils auoient perdu, ils se mirent tous d'un commun consentement à traiter de la paix ; pour la conclusion de laquelle fut employé le susdit François de Noailles Euesque d'Aqs au nom de son Roy, duquel il auoit receu vn nouveau commandement d'assister en toutes choses la Seigneurie, lequel s'y conduisit si dextrement, qu'encore qu'il semblast que les Turcs se fussent refroidis, toutesfois ils s'accorderent en fin avecques des conditions, neantmoins assez desaduantageuses pour les Venitiens ; car il fut dit que l'Isle de Cypre, Antibari & Dulcinne en Albanie, demeureroient aux Turcs, que le chasteau de Supot, qui estoit lors entre les mains des Venitiens leur seroit rendu : le reste de leurs confins & limites demeureroient en l'estat qu'ils estoient auparauant la guerre : que toutes les marchandises & hardes seroient rendues aux marchands, tant de l'un que de l'autre party, & outre ce que les Venitiens s'obligeroient d'enuoyer l'espace de trois ans à la Porte du grand Seigneur, cent mille ducats par an : ce que les Turcs, pour leur grandeur & reputation estimoient le plus. Cette paix fut ainsi concludë & signée par Selim, laquelle fut publiée à Venise le quinziesme iour d'Auril de l'an 1573. & del'Egire 980.

TOUTESFOIS les choses demurerent tousiours en balance pour les soupçons & ialousies qu'ils auoient respectiuellement l'un de l'autre, neantmoins le fils de Barbarus (ainsi s'appelloit le Bayle qui estoit à Constantinople, & qui auoit esté enuoyé à Venise pour la confirmation des articles de paix) estant de retour avecques celle au commencement du mois de May, remit les affaires en bon estat ; la Seigneurie enuoyant encores outre ce André Badoaire, Ambassadeur designé expressement pour vne plus solempnelle confirmation, portant à Selim les presens accoustumez, Anthoine Sempol portant la parole, lequel les receut & tesmoigna derechef qu'il ratifioit les articles parauant accordez. C'est en cette sorte que se termina cette guerre, apres qu'elle eut duré l'espace de quatre ans, avecques les succez que vous auez entendus, & apres tant de beaux aduantages, en fin les batut payerent l'amende. Le saint Pere se formalisa fort du commencement de cét accord ; mais les Venitiens, par Ambassadeurs enuoyez expres, (à sçauoir Nicolas Pontanus,) luy ayant fait entendre leurs raisons, il en demeura aucunement satisfait, traitant apres plus doucement avec leurs Ambassadeurs qu'il n'auoit fait auparauant.

Le Pape s'en formalise.

Le Roy d'Espagne veut qu'on croye qu'elle luy est indifferente.

ILS enuoyerent aussi en Espagne vers le Roy Philippes, Jean Superance, pour luy faire entendre comme ils auoient esté contraincts de precipiter vn tel accord : mais ce Roy sans monstrier aucune alteration le receut benignement, luy disant qu'il ne doutoit point que les raisons des Venitiens ne fussent de tres-grande importance, puis qu'ils en estoient venus à ces termes. Quant à luy comme il n'auoit point esté poullé à cette guerre par les Turcs ; mais seulement par les persuasions du saint Pere, pour le bien de la Religion & de leur Republique, de laquelle en s'alliant avecques eux, il auoit seulement regardé la particuliere vtilité, ayant pris volontairement les armes & non à regret, s'estant peu legitimement excuser, comme celuy qui auoit deux grandes guerres ciuiles, l'une en Espagne, l'autre aux Pays-bas : maintenant si le Senat trouuoit à propos de pacifier avec les Turcs, & que la guerre fust terminée par les Venitiens, qui auoit esté entreprise à leur occasion par leurs Confederez, qu'il remettoit cela à leur iugement & bon aduis : c'estoit assez pour son regard qu'il eust fait voir à toute la Chrestienté qu'il auoit entrepris cette guerre sacrée avecques autant d'allegresse, comme il auoit perseueré constamment en cette volonté iusques à l'extremité. Et non seulement en Espagne l'Ambassadeur Venitien receut cette responce du Roy Philippes, mais encores les Espagnols qui estoient à Rome, ne monstroient aucun signe de mecontentement, comme cela leur estant de bien petite importance, soit qu'ils craignissent par leurs plaintes de faire entrer les autres en leurs iustificacions, ou qu'ils voulussent entretenir l'amitié de la Republique, de laquelle ils voyoient auoir tousiours besoin, ou que par quelque rodomontade ils voulussent qu'on les creust assez puissans pour tenir teste aux Turcs sans la Ligue. Tant y a que cela se passa ainsi fort doucement : le Lecteur par ce qui a esté dit cy-dessus, en pourra clairement iuger.

Or durant les doutes que les Turcs auoient que les Venitiens voulussent continuer la guerre,

guerre, ils s'estoient preparez pour tenir teste & courir sus à leurs ennemis : si bien que le quinzième iour de Iuin Occhiali & Piali Bassas vinrent avecques cent cinquante galeres, trente fustes & dix mahones passer à Negrepont, où ayans sejourne quelques iours, ils s'en allerent à Modon avecques toute l'armée : où voyant la paix establie avec les Venitiens, ils tournerent toutes leurs forces contre le Roy d'Espagne, & vinrent courir tout le long de la Pouille, où ils firent de grands ravages, & brûlerent la ville de Castres. Mais cependant l'armée d'Espagne ne demouroit pas inutile ; car comme elle vid les Venitiens en paix avec les Turcs, afin que les armes & les grands appareils qui auoient esté faits, ne s'en allassent point en fumée, ains fussent conuertis contre le mesme ennemy, ils firent voile aussi-tost vers l'Afrique, ce voyage ayant esté persuadé par Dom Iean d'Autriche, qui estoit poussé à l'entreprise de Thunes, principalement par vn sien Secretaire nommé Iean de Soto, qui auoit quelques intelligences dans la ville. Dom Iean ayant fait trouuer bon son dessein au Pape Gregoire treizième, il en fit escrire au Roy d'Espagne, qui luy accorda pour l'année suiuant. Or comme il a esté dit cy-dessus, Occhiali s'estoit emparé de cette ville & en auoit chassé le Roy Amida tributaire de la couronne d'Espagne : cela fut cause de tourner contre cette Prouince la pointe de leurs armes pour l'importance de cette place, tant pour l'Espagne que pour le reste de la Chrestienté, tandis que les forces Turquesques estoient encores foibles en mer, pour entreprendre vn si loingtain voyage.

Dom Iean s'estant doncques embarqué en Sicile avecques sa flotte de cent cinquante galeres & de quarante grands vaisseaux, suiuy de neuf autres galeres Espagnols, conduites par Iean André Dorie, & de quatorze appartenantes huit au Pape & six aux Florentins, sous la charge de Simon de Rosseruini, les autres sous celle du Duc de Sesse, & arriua le septiesme iour d'Octobre de l'an mil cinq cens septante trois en Barbarie, & s'en alla à la Goulette, où ayant mis ses galeres à terre, il entra aysément dans Thunes : car sur le bruit de son arriuee, ceux qui estoient dedans, l'auoient abandonnée, les habitans s'en estans fuis aux montagnes & aux deserts, où ils auoient emporté ce qu'ils auoient peu de leurs biens, & disoit-on qu'ils estoient bien au nombre de quatorze mille hommes, toutesfois celuy qu'Occhiali y auoit estably, fut pris prisonnier : la cité de Biserte distante de Thunes de quarante milles se rendit peu apres à la persuasion d'Amida, qui pensoit par cette conqueste estre remis en son estat : mais d'autant qu'on disoit qu'il auoit fauorisé les Turcs, & qu'il auoit chassé Mulcastes, il fut serré dans vne galere avecques sa femme & ses enfans & enuoyé en Sicile, receuant ainsi la recompense de ses cruautéz : car pour s'emparer de cet estat, ou pour le moins pour en pouuoir iouyr paisiblement, il auoit fait creuer les yeux à son propre pere, luy disant qu'il ne luy faisoit que iustice, ayant fait le semblable (car il auoit aussi fait aueugler ses oncles & massacrer, pour regner :) apres cela il fit encores aueugler deux de ses freres, qui furent pris avecques son pere, puis tua tous les amis & seruiteurs de son pere & abusa de ses femmes & concubines, toutes lesquelles méchancetez ne demurerent pas long-temps impunies.

Car Touar qui estoit pour le Roy d'Espagne dans la Goulette, ne pouuant souffrir tel affront, auoit mandé Abdimelech, vn autre frere d'Amida, vn iour que cettuy-cy estoit allé à Biserte, pour recueillir la riche gabelle du lac prochain, lequel entra secrettement & s'empara du Chasteau ; mais estant mort incontinent apres d'vne fièvre chaude, on élut apres sa mort vn autre sien frere nommé Mahomet qui n'auoit que douze ans : ceux qui gouuernerent sous cettuy-cy, vsèrent si tyranniquement de leur autorité (entre autres vn nommé Perel, qui entrant dans le Serrail d'Amida, luy rendit la pareille qu'il auoit fait aux concubines de son pere) que par le moyen de ses amis & partisans, il fut introduit si inopinément dans la cité, qu'à peine le ieune Roy eut le loisir de se jeter dans vne petite barque pour se rendre à la Goulette ; Amida aussi-tost s'estant saisi de Perel, & l'ayant fait gehenner par toutes sortes de tourmens, il luy fit couper les genitoires & l'instrument de son peché, puis le fit brûler tout vif en plein marché : il fit mourir apres ceux qui auoient adheré à Abdimelech, & entre autres quarante Rabatins, les corps desquels il fit manger aux chiens, supplice qu'il auoit accoustumé de faire souffrir à ceux qui l'auoient griefuement offensé, les faisant mesmes déchirer tous vifs & manger à ses dogues affamez : ce cruel homme auoit regné apres plus de quinze ans, iusques à ce qu'Occhiali l'en depouilla, & depuis, comme vous auez ouy, alla finir ses iours trop heureusement en Sicile.

1573.

Armée navale des Espagnols en Afrique.

Grands remuemens à Thunes.

Autres cruautéz d'Amida.

1573.

De quelle fa-
çon Biserte
vint en la
puissance des
Chrestiens.

QUANT à la prise de Biserte, quelques-vns la content d'une autre façon : car on dit qu'estant survenuë entre les habitans quelque mutinerie, quatre cens Turcs qui estoient sortis de Thunes, y estoient accourus pour s'empater de cette place : ce que voyans ceux de la ville, ils enuoyerent en diligence demander secours contre eux, aux Espagnols, lesquels y menerent quelques enseignes des leurs, sous la conduite du Capitaine Salazar, qui receut la ville sous la protection du Roy d'Espagne, au conseil duquel & en celuy de Dom Iean, on fut d'aduis de demanteler Thunes & demolir la Goulette, d'autant que cela n'apportoit que frais au Roy, & eussent tres-bien fait, veu ce qui aduint par apres : mais ils ne furent pas creus : ains au contraire, il fut resolu qu'on fortifieroit la cité, & qu'on feroit encores vne autre forteresse entre icelle & la Goulette, joignant ce fort à la ville par deux longues courtines tirées deçà & delà, laissant la ville ouverte du costé de ce fort, & abbatant la vieille muraille. On dit que cette citadelle estoit composée de six boulevarts, & à peu pres de la forme que celle que le Duc d'Albe avoit fait faire en Anuers. Pour paracheuer cette entreprise on ordonna Gabrio Cerbellon Colonel general de la garnison que l'on y vouloit laisser, qui devoit estre de six mille hommes, à sçavoir trois mille Espagnols sous la charge de Salazar, & trois mille Italiens sous Pagan Dorie : toutesfois on dit que Dom Iean y laissa depuis huit mille hommes, s'en retournant apres avoir heureusement & aysement paracheué son entreprise, assuré que le Turc ne pourroit pour cette année enuoyer vne armée en Barbarie, & que cependant Cerbellon auroit loisir de se fortifier. Dedans la Goulette, on y laissa Petro Carrero pour Gouverneur, homme du tout ignorant de la guerre, & en avoit-on osté Pimentel, fort industrieux & vaillant Capitaine : dans Thunes fut laissé Mahomet frere d'Amida, plustost pour Gouverneur que pour Roy. Ces choses ainsi heureusement exploitées par Dom Iean, luy donnerent par apres occasion de declarer ses intentions au saint Pere, qui estoient de demeurer Roy de Thunes : (Car c'estoit là le fonds de cette entreprise) sous le bon-plaisir toutesfois du Roy Philippes son frere : de sorte qu'il impetra du Pape qu'il luy seroit intercesseur, se servant en toute cette affaire de Soto son Secretaire, lequel il fauorisa tant, qu'il luy fit espouser en ce temps-là la Baronne de S. Philadelphie à Palerme, ce que le Roy d'Espagne ne goustâ nullement.

1574.

Armée nava-
le des Turcs
pour le re-
couvrement
de la Goulet-
te.

OR les nouvelles de cette prise ne furent pas long-temps sans estre rapportées à Constantinople, ce qui irrita grandement Selim, voyant que sous la conduite de ce ieune Prince, il avoit perdu vne si notable bataille, qui l'avoit presque desarmé surmer, & que maintenant il avoit depossédé vn Roy qu'il avoit estably à Thunes. Cela fut cause qu'il équipa vne puissante flotte de cent soixante galeres, trente navires & autres moindres vaisseaux, portant vingt mille harquebusiers & presque autant d'archers, & grande quantité d'artillerie : ayant donné la surintendance de toute cette armée à Sinan Bassa. Ceux de Naples & de Sicile se tinrent cependant sur leurs gardes de peur de surprise, mais les Turcs ne firent que raser leurs costes, sans mouiller l'ancre nulle part, voulans par leur diligence preuenir leurs ennemis, qui eussent peu donner secours à ceux qu'ils vouloient assieger : mais Occhiali qui commandoit aux affaires de la mer, avoit tellement fermé les passages, que Dom Iean ne pouuant passer sans combat, & luy se sentant trop foible, fut contraint de laisser les affaires de Thunes à la deffense de ceux qu'il y avoit laissez, lesquels estoient fort mal d'accord entr'eux ; car Petro Carrero, comme le plus ignorant, & qui s'estimoit neantmoins tres-capable de sa charge, trouuoit mauuais que Cerbellon entrast en connoissance des affaires de la forteresse, d'autant qu'il luy avoit enuoyé cinq enseignes d'Italiens, & luy ne pouuoit souffrir qu'on presumast qu'il eust besoin de conseil, & qu'il ne fust tres-suffisant pour garantir la Goulette, disant qu'il ne vouloit communiquer l'honneur de la garde d'icelle qu'à ceux de sa nation : mais il ne fust pas long-temps sans changer d'aduis : car comme il vid la campagne couverte de Maures & d'Alarabes, que ceux d'Alger & du Caruan auoient enuoyez pour avant-coureurs de l'armée de Sinan, qui arriua bien tost apres, il ne cessa alors de demander gens à Cerbellon, & protester contre luy, s'il ne luy en enuoyoit, que la perte de la Goulette luy seroit attribuée.

MAHOMET cependant qui estoit dans Thunes, pensa sortir avecques neuf cens chevaux & quatre mille hommes de pied de sa nation ; mais si tost que leurs ennemis parurent, tous ses sujets l'abandonnerent, tellement qu'il ne luy resta que soixante chevaux soustenus par le regiment de Salazar, & quelque Cavalerie Espagnole, avecques lesquels il cuada. Cela fut cause que Cerbellon voyant bien que les vanitez de Carrero le pourroient perdre à la fin, alla luy-mesme reconnoistre l'estat de la garnison de

Cerbellon re-
medie aux
vanitez de
Carrero.

la Goulette, où ayant fait amender quelques deffaits en la fortification, il reuint dans son fort, où il fit travailler en toute diligence, pour le mettre en iuste deffense & la cité aussi, mais on ne luy en donna gueres de loisir: Cependant Dom Iean sollicitoit fort les Princes d'Italie de luy assister, sur tout les Geneuois, Florentins & Napolitains, mais ils firent tous responce qu'ils ne pouuoient rien fournir à cette guerre: ains estoient forcez de garder leurs hommes & leurs deniers pour faire teste au Turc, qui prendroit occasion de leur courir sus, s'il les voyoit depourueus de forces. Il demanda aussi au Cardinal Granuele pour lors Vice-Roy de Naples, quelques deniers pour leuer quelques troupes & y donner secours, mais il refusa de luy en bailler, disant qu'il n'auoit aucune charge que de conseruer le pays qu'il auoit en son gouuernement.

Les Turcs ayans pris terre allerent d'abord assaillir la Goulette, Sinan enuoyant Aidar Roy de Caruan pour assieger Thunes, ce qu'il fit, avecques grande quantité d'artillerie, tellement que Cerbellon se resolut de la quitter, & de faire tous ses efforts de bien deffendre seulement son fort, & celuy de la Goulette, lequel fut bien-tost inuesty par les Maures du costé de la ville, mais Cerbellon les écartoit fort par continuelles saillies, & en tuoit vn grand nombre; toutesfois il ne laissoit pas d'enuoyer tousiours du secours à la Goulette par le lac: mais les Turcs voyans combien ce passage leur estoit important, resolurent de s'en saisir, faisans vne longue chaine de barques liées ensemble, & sur icelles comme vne leuée de terre, où ils mirent force mousquetaires. Or leur fut-il bien-aysé de faire leurs approches, reconnoistre le fort & placer leur artillerie à leur volonté: car Carro qui estoit dedans, ne voulut point en premier lieu qu'on fist aucune sortie, mais il craignoit mesmes la despence de la poudre & des boulets, & mesme comme vn Anthoine Garafe Gentil-homme Napolitain luy en pensa remonstrer quelque chose, il le fit estrangler & ietter dans la mer lié dans vn sac: la premiere batterie se dressa contre le bastion qui estoit du costé de la mer, qui fut batu si furieusement & sans aucune intermission (pour raffraischir les pieces) que la bresche estant plus que raisonnable, les Turcs vinrent incontinent à l'assaut, ayans fait vn pont d'antennes, selon leur coustume: toutesfois ils furent pour lors fort vaillamment repoussez, mais quelque secours qu'y eust enuoyé Cerbellon (car encores qu'il vist bien le tort qu'il se faisoit de dégarnir sa place, toutesfois voyant de quelle consequence estoit la Goulette, il faisoit tous ses efforts pour la sauuer) Sinan Bassa y fit donner vn assaut general à tant de reprises, raffraichissant tousiours ses gens de nouvelles bandes qui succedoient les vnes aux autres sans relasche, que les assiegez succomberent en fin, & les Turcs estans entrez d'assaut, ils furent presque tous mis au tranchant de l'espée, pour le moins s'en sauua-il vn fort petit nombre.

Les Turcs deuant la Goulette.

Aussi-tost que les Turcs se furent rendus les maistres de ce fort, ils allerent assaillir l'autre tant par mer que par terre, pour ce faire ils mirent premierement dans des grosses barques plusieurs balles de laine mouillée, pour amortir les coups de canon, puis emplirent ces vaisseaux d'arquebusiers, ayans de longues arquebuses comme de chasse, mais portans fort gros calibre, pour empescher les assiegez qui se monstroient aux deffenses, & donner cependant le moyen de faire les tranchées & les approches. Apres cela Sinan dressa trois batteries, & en mesme temps se mit à sapper & miner en plusieurs lieux, entre autres fit donner le feu à vne mine, qui fit plus de mal aux Turcs qu'aux assiegez; en fin les bresches estans plus que raisonnables, on vint à l'assaut par trois endroits; mais les Turcs y firent fort mal leurs affaires, & la place fut tres-bien deffendue, comme ils firent encore aux trois premiers assauts qu'ils leur liurerent; mais ce ne fut pas sans vne tres-grande perte des leurs: car encores il s'en estoit bien consommé dans la Goulette, où on auoit sans cesse enuoyé du secours, ioint les travaux & les veilles: car ces sieges durerent les mois de Iuillet & d'Aoust: si bien qu'au cinquiesme assaut, apres vne fort opiniastre resistance, lassez & recrues qu'il estoient, ils furent contrains de ceder aux Turcs, si que la place fut prise d'assaut, & tout ce qui estoit dedans, mis en pieces, excepté Cerbellon qui fut pris, & tout blessé qu'il estoit, traîné par la barbe deuant le Bassa, qui le fit garder: Pegan Doria pensant auoir meilleur traitement des Maures que des Turcs, s'enfuyt vers eux, qui le tuerent, & luy ayans tranché la teste, l'éleuerent au bout d'vne picque: quant à Petro Carro, il mourut prisonnier peu de iours apres empoisonné, comme on dit. C'est ainsi que cette redoutable forteresse de la Goulette, l'honneur des conquestes de l'Empereur Charles le Quint, fut perdue par nonchalance, qui auoit esté conquise avecques tant de labeurs, tres-importante neantmoins, tant pour l'Espagne que pour

Le fort abusé assiégré.

S'en rendent les maistres, apres cinq assauts.

Cerbellon pris.

1574.
La Goulette
râée.

XVII.
Guerre en la
Moldaue &
Valachie.

1573.
& 74.

Entre le Bog-
dan & Iuon.

Ménées du
Valaque pour
deposséder
Iuon.

Iuon sommé
de payer dou-
ble tribut aux
Turcs.

Il demande
secours à Hé-
ry de Valois
Roy de Polo-
gne, qui le luy
refuse.

Kosaques au
secours
d'Iuon.

Armée des
Turcs & des
Valaques con-
tre le Molda-
ue.

l'Afrique, laquelle elle tenoit en bride. Sinan apres cette conquête, fit demanteler la ville de Thunes, raser la Goulette & le fort rez pieds rez terre, & bastir au lieu vn fort en forme de havre, qu'il fit tres-bien munir pour seruir de retraite aux Turcs; ce fut la fin des armes de la Ligue, qui s'éuanoüit apres comme d'elle-mesme.

CETTE année & la precedente il se rendit plusieurs combats entre les Turcs, Moldaues, Valaques, & Transalpins, secourus des Polonnois; car depuis ce Vaiuode de Moldaue qui fut tué à coups de poignard dans sa tente du temps que Castalde gouvernoit pour le Roy Ferdinand en Transiluanie, il y auoit eu plusieurs remuëmens en cette Prouince, iusques à ce qu'un gentil-homme Valaque nommé Iuon, qui s'estoit fait Turc, & estoit pour lors à la Porte de Salim, fut appelé par ceux du pays pour estre leur Prince. Or cettuy-cy ayant tiré de la Porte quelques gens de guerre, mais beaucoup dauantage des garnisons circonuoisines: il assembla iusques à vingt-mille hommes, & deposseda vn nommé Bogdan, qui iouÿssoit alors de cette Principauté, le contraignant de se retirer en Polongne: mais cét Iuon vfa de si estranges cruauitez à l'endroit de ses sujets, qu'ils desirerent bien-tost le gouvernement de leur ancien Seigneur, quelque insupportable qu'ils l'eussent iugé auparauant: ce que sçachant le Bogdan, il s'arme aussi-tost contre son competeur, & apres plusieurs rencontres tant d'une part que d'autre, Iuon en fin l'emporta & demeura paisible en cette Principauté. Mais ayant recommencé ses cruauitez accoustumées, desquels on raconte des cas estranges, principalement contre les parens de Bogdan, quelques-vns sollicitèrent le Palatin de la Valachie Transalpine de les deliurer de ce Tyran: il ne falut pas beaucoup souffler aux oreilles de cettuy-cy: car il auoit vn frere nommé Pierre, lequel il desiroit fort d'auancer, & voyant les choses préparées selon son desir, il commença à solliciter les Bassats & autres Grands de la Porte, pour faire mettre son frere en la place d'Iuon, promettant double tribut, à sçauoir six-vingt mille escus par an, adioustant à cela qu'Iuon auoit renoncé le Mahometisme, pour fauoriser aux Chrestiens, & qu'à l'exemple de Bogdan, il se joindroit aux Polonnois, pour faire la guerre à toute outrance contre les Turcs.

LES Bassats gagez par les presens & par les offres du Transalpin, firent en sorte que Selim enuoya vn Chaoux à Iuon, le sommer de payer annuellement ce double tribut ou de quitter sa dignité à vn autre qui le payeroit, & de plus d'aller faire ses excuses à Constantinople: le Vaiuode apres auoir demandé l'auis des Valaques, refuse le tribut ainsi demandé, & commande au Chaoux de se retirer toute à l'heure, sans luy faire aucun present. Les Valaques d'autre costé sçachans bien à quel ennemy ils auoient à faire, apres qu'ils eurent rendu cette responce du consentement de tous, ils conseillerent leur Vaiuode de demander secours à Henry de Valois lors Roy de Polongne, ce qu'il fit faire auecques grandes remonstrances; mais Henry & son conseil refuserent assistance à Iuon, attendu les alliances qu'ils auoient auec les Empereurs Turcs. Ce que voyant le Vaiuode il s'auisa en fin de rechercher les Kosaques: ce sont certains hommes de cheual, qui sont sur les frontieres de Polongne, qui ne font que courir & voltiger de lieu en autre, tant pour butiner que pour reprimer les courses des Tartares. Ceux-cy à la semonce d'Iuon, quitterent les larges campagnes de Podolie & de Russie, & vindrent à son secours au nombre de douze cens cheuaux, ayans pour Colonel vn gentil-homme nommé Sujercene, sage & vaillant Capitaine, & arriuerent au camp du Vaiuode, duquel ils furent honorablement & magnifiquement traitez: & dès leur arriuée au leuer du banquet qu'il leur fit, il donna au Colonel & à ses Capitaines, quelques bassins d'argent pleins de ducats, afin de les encourager dauantage, & mit ordre que tous les autres soldats fussent si bien traitez que chacun fut content, & remply d'une bonne esperance, d'une grande & ample recompence à l'aduenir; puis ayant communiqué des affaires auec-eux, tous se preparerent à la guerre.

CES choses se passoient au mois de May de l'an mil cinq-cens septante quatre. Mais cependant Selim extremement indigné de la responce du Vaiuode, il enuoya trente mille Turcs, & deux mille Hongres au Palatin de la Valachie Transalpine, luy commandant de se saisir du Vaiuode & de l'enuoyer à Constantinople, & que s'emparant de la Moldaue, il en baillast le gouvernement à son frere Pierre, lequel offroit double tribut. A ce mandement le Palatin parueniu au dessus de ses intentions, amasse des forces de toutes parts, & en si grande multitude qu'on tient qu'ils n'estoient pas moins de cent mille hommes, nombre à la verité merueilleux, mais d'autant mesprisable qu'ils auoient faute de

de bonne conduite: toute cette multitude ayant doncques passé le fleuve Moldaue, 1573. & fort harassé qu'ils estoient du chemin, commencerent à s'estendre par la campagne, & prendre leur repos, comme s'ils eussent esté en temps de paix, & que personne ne leur eust deu empescher de passer outre. Le Vaiuode ayant entendu ces nouuelles, despesche incontinent Sujercene avecques ses troupes, & six mille Moldaues qui entendoient le langage Turc pour marcher deuant, luy & les siens plus pesamment armez le suiuirent.

SUJERCENE desirant faire quelque bon seruice au Vaiuode, conduisit si dextrement son auant-garde, qu'il enuolopa quatre cens coureurs du Palatin, sans qu'un seul échapast, desquels il apprint l'estat de leur armée, laquelle ils disoient estre composée de septante mille Valaques, trente mille Turcs & trois mille Hongrois, dont les Kosques aduertirent le Vaiuode, à ce qu'il se hastast de les ioindre; & cependant pour reprendre vn peu haleine & se rendre par apres plus fermes & plus valeureux au combat, ils se reposerent enuiron deux heures assez pres du camp ennemy, où le Vaiuode se trouua: puis ayant disposé toutes ses troupes qui estoient en grand nombre, les Kosques commécerent la charge, mais ce fut avecques telle fureur, qu'ils ébranlerent toute l'armée du Palatin: & comme les grands colosses, depuis qu'on leur a donné le branle, ne se peuuent arrester qu'ils ne donnent du nez en terre, le desordre & la confusion s'estant mise dans cette grande multitude de peuple, ils n'eurent plus d'autre pensée qu'à fuyr le tranchant de l'espée de leur ennemy: car le Vaiuode estant venu renforcer le combat, toute cette grande armée fut en bien peu d'heures mise en route, deffaite, foulée aux pieds des cheuaux, saccagée & mise en pieces, ne restant presque personne, ou pour le moins fort peu de gens, de cent mille hommes, qu'ils estoient, pour porter des nouuelles aux autres d'une si estrange deffaite, à quoy encores les vainqueurs eurent plus de peine à massacrer qu'à combattre, tant la grande presumption qu'ils auoient de leur suffisance les auoit aveuglez du commencement, & la peur & la frayeur les ayant saisis par apres, leur auoit osté le cœur, les armes, & toute adresse pour se deffendre.

LES Kosques & Moldaues s'estans enrichis au butin d'une si grande armée, ils seiournerent quatre iours au lieu mesme où s'estoit rendu le combat, pour se reposer & rafraichir. Quant au Palatin, son frere Pierre & quelque petit nombre d'autres, qui trouuerent moyen d'auoir leurs cheuaux de bonne heure, se sauuerent de vistesse, si bien qu'ayans esté cherchez parmy les morts & n'y ayans point esté trouuez, le Vaiuode iugea bien qu'ils s'estoient sauuez, & voulant exterminer du tout son ennemy, auquel il estoit bien difficile de se releuer apres vne si grande cheute, il entra avec son armée victorieuse dans la Valachie Transalpine, où il mit le feu en toutes les places appartenantes au Palatin, où il fit tuer sans pitié hommes, femmes & enfans: & comme il s'alloit enquerant du lieu de la retraite de son ennemy, il sceut qu'il s'estoit retiré à Brassouie ou Brailouie, ville de Transiluanie, assise sur le Danube, ayant vn fort chasteau, au Capitaine duquel le Vaiuode ayant escrit vne lettre par laquelle il prioit de rendre promptement le Palatin & son frere, ce Capitaine ne respondit que menaces, niant auoir ceux qu'on demandoit: de quoy le Vaiuode grandement irrité, fit soudain attaquer la ville, laquelle ayant esté prise de force, fut entierement saccagée, puis rasée iusques aux fondemens & tous les habitans tuez, sans que nul échapast, ny qu'une seule maison demeurast debout.

Mais comme le Vaiuode vouloit assieger le chasteau, il entendit qu'une armée de quinze mille Turcs venoit pour l'en empescher, contre lesquels il enuoya incontinent Sujercene avecques ses Kosques & huit mille cheuaux Moldaues, lesquels firent telle diligence qu'ils surprinrent & taillerent en pieces tout cela; fors mille cheuaux qui échaperent, encores Sujercene leur chaussa les esperons de si pres, que la meilleure partie d'entre eux demurerent le long des chemins, pour seruir d'espies, le reste se sauua au chasteau de Thenien appartenant à Selim: pres de là estoit encores vne armée de Turcs & de Tartares, contre laquelle le Vaiuode marcha par l'aduis de Sujercene, laissant le siege de Brassouie, & avec les Kosques deffit & ruina cette armée. Cela fait, il print vne autre ville nommée Teime, tuant tout, comme firent les Kosques à vne autre ville nommée Bialogrede du domaine des Turcs, où ils firent vn grand butin. Et comme ils estoient de repos en ces quartiers-là, les nouuelles vinrent d'une autre armée de Turcs & de Tartares qui arriuoit, soudain les Kosques ayant demandé congé de les combattre, prirent du Vaiuode quelques trois mille Moldaues pour renfort, avecques lesquels ils chargerent si viuement leurs ennemis, encores qu'ils fussent quatre fois autant, qu'ils les mirent à vau-de-route, en

Bataille entre ces nations.

Qui rasent iusques aux fondemens la ville de Brassouie.

Teime & Bialogrede prise par les Moldaues.

1573.
& 74.

Rançon pres-
que incroya-
ble, & le refus
d'icelle, enco-
re plus, pour
auoir perdu
son vñgo en
ce temps.

firent mourir sur le champ la meilleure partie, & prirent deux cens prisonniers, que le Vaiuode fit hacher en pieces avecques des faux à faucher l'herbe. Quant au General de cette armée, il fut pris par les Kosaques, si riche qu'il offrit payer pour sa rāçon six fois aussi pesant que soy de finances, à sçauoir deux fois d'or & trois fois d'argent, & vne fois de perles, moyennant qu'ils ne le liurassent point au Vaiuode: Mais estimans plus la parole qu'ils auoient donnée au Vaiuode que tout l'or du monde, ils luy menerent ce pauvre miserable, qui l'ayans gardé quelques iours, & entendu par luy beaucoup de choses de l'estat des Turcs, le fit dechirer membre apres membre par les soldats, puis le Vaiuode se campa en lieu commode pour donner moyen à son armée de se reposer vn long-temps, apres tant de courtes & de trauaux qu'elle auoit receus par le passé.

XVIII.

Selim enuoye
vne puissante
armée en
Moldauie.

Hieremie
Zarmenique
gouverneur
de Cochim.

Corrūpu par
les Turcs.

Persuasion du
Palatin de Va-
lachie à Zar-
menique.

TOUTES ces victoires estans rapportées à Selim qui estoit lors à Constantinople, il commença de penser à bon escient aux moyens qu'il y auoit d'empescher les prosperitez du Vaiuode: lequel comme il auoit esté méprisé du commencement, s'estoit maintenant rendu redoutable par son bon-heur. Pour doncques y remedier à l'aduenir, & l'empescher de passer outre, il commanda au Beglierbey de l'Europe d'armer toutes les forces de son gouuernement avecques grand nombre d'Accangis, si qu'on tient qu'ils n'estoient gueres moins de quatre-vingts mille hommes, parmy lesquels il y auoit plusieurs Seliçtars, Janissaires, & autres Braues de la Porte. Le Vaiuode qui auoit l'œil au guet, eut aussi-tost aduis que Selim enuoyoit vne puissante armée contre luy; cela fut cause qu'il fit venir Hieremie Zarmenique gouuerneur du chasteau de Cochim, place tres-forte en Valachie, lequel auoit esté long-temps son compagnon d'armes, & apres quelque remonstrance qu'il luy fit pour l'inciter à bien faire son deuoir, il l'enuoya avecques treize mille Valaques, hommes d'élite, pour empescher aux Turcs le passage du Danube, & cependant l'aduertir du nombre de leurs troupes & de leur estat. Sur ce ayant les larmes aux yeux, il embrassa Zarmenique, lequel flechissant le genouil, promit faire son deuoir, duquel il s'acquitta du commencement assez bien, empeschant les Turcs de passer, quoy qu'ils y fissent grand effort: ce qui donna assez à penser aux chefs qui conduisoient cette armée; mais ils s'aduiserent de corrompre Zarmenique, luy faisans offrir trente mille ducats pour venir parler secrettement à eux. Cettuy-cy aueuglé d'auarice, passa aussi-tost le Danube, & alla trouuer le Vaiuode de la Valachie Transalpine, qui estoit de là avecques grosse troupe de Turcs: où le Palatin l'ayant tiré à part dans sa tente, luy dit.

Tu sçais assez Zarmenique, à qui tu as maintenant affaire: car sans mettre en jeu le Palatin Valachie, (lequel tu penses peut-estre demyruiné par sa derniere deffaitte, & qui toutesfoi n'est pas si bas qu'il n'ait encore assez de forces pour terrasser son ennemy) tu vois bien que le Seigneur a pris sa cause en main, & que si vne fois il embrasse à bon escient sa querelle, la Moldauie, la Pologne, voire toute la Chrestienté ensemble n'est pas suffisante pour preseruer l'un ny ses malheureux sujets d'une ruine totale: & il y a grande apparence qu'il le fera, car outre ce qu'il est particulièrement animé contre l'un, encores y a-il vn notable interest: car sous ombre que cettuy-cy a eu quelque aduantage en la derniere bataille, il s'est dispensé de donner iniques sur les terres du Seigneur, mais sa puissance est autre que la mienne; elle peut bien estre écornée par quelque fortune de guerre, mais iamais surmontée, & encores moins par vn petit compagnon comme le Vaiuode: que si cels arriue, comme il fera infailliblement, que deuiendra lors Zarmenique? ne vaut-il pas bien mieux, pendant que tu as quelque puissance en main, & vn moyen de pou-voir rendre quelque seruice au Monarque Othoman, & faire plaisir à tes amis, que tu te disposes à les gratifier, sans attendre que tu sois réduit à l'extremité, auquel temps il n'y aura plus pour toy que toute misere sans misericorde, où au contraire toutes choses se presentent à toy, bien, honneurs, & vn establissement de fortune pour l'aduenir; & de fait on te fera de cette heure vn fort bon present; aduise doncques si tu es sage à te resoudre, & choisi le meilleur & le plus assuré party, à ce que tu n'ayes point de sujet par apres, de te repentir d'auoir refusé vne si belle occasion.

ENFIN il luy fit tant de belles promesses & tant de prieres, que Zarmenique faussant la foy au Vaiuode, laissa passer les Turcs librement, ayant retiré ses forces en arriere, & ne se contentant pas d'une trahison, si elle n'estoit accompagnée d'une autre, il alla trouuer le Vaiuode, pour s'excuser, disoit-il, de ce qu'il auoit laissé passer les Turcs; mais leur multitude auoit esté cause de le faire succomber à la fin, toutesfoi il ne la tenoit pas si grande, que ses forces vnies ensemble, ne fussent assez puissantes pour en auoir la raison. Le Vaiuode adioustant trop legerement foy à ce traistre, comme il arriue ordinairement, se mit en chemin pour aller au deuant des Turcs avecques les Kosaques, lesquels pre-
uoyans

Il trahit son
Seigneur.

uoyans le mal-heur à venir, le prierent de bien penser à ses affaires, & se garder par quelque temerité de perdre l'auantage qu'il auoit eu iusques alors contre ses ennemis: mais leur faisant réponse qu'il estoit bien aduerty de toutes choses, il les enuoya deuant avec six mille Moldaues, lesquels passerent sur le ventre à six mille auant-coureurs Turcs qu'ils rencontrerent, donnans si auant qu'ils eurent tout moyen de reconnoistre que Zarmenique estoit vn traistre: car comme il a esté dit, l'armée des Turcs estoit de quatre-vingts mille hommes ou enuiron, & celle du Vaiuode, compris les Kosaques, estoit d'environ trente mille, la plus-part des gens de pied combatans avecques des faux, arcs, cimeterres & leuiers, trainans quatre-vingts doubles canons. Vn peu auparauant la bataille, le Vaiuode ayant d'un prochain costau découuert la multitude de ses ennemis, connut alors le meschant tour de Zarmenique, c'est pourquoy il le fit appeller, mais luy qui sentoient la conscience cauterisée, & qui craignoit que son maistre se fust aduise de sa meschanceté, s'excusa, disant qu'il falloit qu'il se preparast pour combattre contre les Turcs qui approchoient.

COMME doncques il eut assez reconnu toutes choses, il iugea qu'il estoit à propos de faire perdre la peur que ses gens en pourtoient auoir conceüe, car le bruit s'en estoit épan-
du parmy le camp. Les ayans doncques conuoquez à l'assemblée auparauant que d'auoir donné le signal du combat, il leur dit. *Parauenture, soldats, que les nouuelles que vous venez de receuoir, vous aient pû estonner, au lieu que vous en deuez tirer de l'assurance: car ne nous est-ce pas un bon-heur que la trahison de ce meschant nous est déconuerte? quel trouble & quelle confusion eust-il apporté en nostre armée, s'il fust demeuré parmy nous durant le combat? il n'a point commencé qu'il ne venisse acheuer, ie sens desia sa renouë, & qu'il s'est efforcé de débaucher les troupes sur lesquelles il commande: mais tout cela tourné du costé de l'ennemy, nostre nombre & la verité en sera diminué, mais non pas de ceux qui doiuent emporter la victoire, puis que le traistre est naturellement lasche & couard, & plus propre à la fuite qu'au combat. Si vos lauriers n'estoient points encores tous verdoyans de la victoire fraichement obtenüe contre les mesmes ennemis en beaucoup plus grand nombre qu'ils ne sont à present, vous auriez quelque sujet de craindre; mais vous n'estiez pas beaucoup plus grand nombre que vous estes à present; & toutesfoi ils furent tous taslez en piéces: nostre artillerie seule est suffisante de les mettre en desordre: ce sera apres à vostre valeur à leur faire sentir que les Moldaues ne sont pas pour s'assujettir aux Turcs; qui par tyrannie extraordinaire voudroient prendre toute leur substance, & les faire viure en vn miserable esclauage, comme font les autres nations qui sont sous leur Empire. Car quelle offense leur auons-nous faite, qui les ait deu occasionner d'armer contre nous? Donne-nous vn double tribut, disent-ils, car ainsi nous plait, si tu refuses, quitte ta Principauté, & mets ta teste sur le billot: & pour mon regard bien que ie sois vostre Souuerain, encores tiendrois-je ma perte de peu d'importance, si apres icelle le pays demouroit en liberté, mais ils desirent ma fin, d'autant que n'y ayant personne en ces estat qui leur puisse monstrer les angles, ils en disposeroient à leur volonté. Or vostre courage leur a fait sentir qu'ils n'en estoient pas où ils pensoient; il nous reste maintenant de continuer & faire en sorte que la premiere & seconde victoire n'ait esté que le chemin pour paruenir à la troisiéme, laquelle si nous pouuons emporter, assurez-vous que nous leur ferons perdre l'ense de nous venir reuoir de long-temps. Telles ou semblables exhortations faisoit le Vaiuode aux Moldaues.*

TANDIS que Sujercene remonstroit à ses Kosaques qu'il ne falloit pas degenerer de leur premiere vertu, qu'ils auoient acquis beaucoup d'honneur durant cette guerre, mais qu'il le falloit entretenir, que la reputation qui venoit des armes, estoit tres-difficile à acquerir, mais encores plus à conseruer, que pour les victoires precedentes, il n'en falloit pas moins prifer l'ennemy, lequel prendroit tousiours plustost l'épouuante, les voyant marcher en gens de guerre, que s'il les voyoit avecques vne furie éceruclée marcher à la débandade contre luy: vous scauez, disoit-il, combien nous sommes obligez au Vaiuode pour ses courtoisies & tres-amples recompenses, rendons-luy maintenant vn tesmoignage de nostre fidelité, & luy faisons connoistre que s'il est trahy par ses sujets, il sera conserué par les estrangers; car ie m'assure qu'il ne nous payera point d'ingratitude, & si le butin doit estre mis en jeu, tenez pour certain que si nous sommes victorieux, il sera bien autre que de la premiere victoire, car il y a bien en cette armée des gens d'autre importance qu'il n'y auoit alors. Allons doncques donner dedans, & selon nostre coustume, faisons vne telle bresche en leur armée, que nos compagnons ayent plus de peine à tuer qu'à combattre.

Le Vaiuode encourage ses Moldaues.

Sujercene & les Kosaques.

CELA se disoit du costé des Moldaues; mais on n'en faisoit pas moins de celuy des

1572

Et le Beglier-
bey de l'Euro-
pe les Turcs.

Turcs: car les routes precedentes les auoient fort découragez, principalement pour la grande quantité d'artillerie que menoit tousiours quant & luy le Vaiuode, & pour la valeur des Kosaques. Le Beglierbey doncques de l'Europe leur voulant oster toute crainte, les voyant marcher à ce combat plus lentement qu'il ne desiroit, & craignant que de cette crainte il en arriuaist quelque chose de pis, leur disoit.

Ceux que vous voyez là, compagnons, sont tous autres que vous ne vous les figurez, sous ombre de quelques victoires qu'ils ont cy-deuant obtenues, vous-vous eslonnez, & en auez ce semble quelque terreur, mais quiconque se vendra souuenir que la premiere victoire qu'ils ont obtenue, n'a esté que contre des gens, qui sans aucune discipline ayans abandonné leurs enseignes, estoient veantrez & endormis çà & là parmy les champs, & qui desia harassés du travail du chemin, à peine pouuoient-ils porter le corselet sur le dos, si qu'ils n'eurent pas grande peine à les prendre & massacrer, & quant aux autres qu'ils ont combatus, ce n'estoient que gens ramassés de toutes parts, qui par vne certaine bien-veillance & vn desir qu'ils auoient de rendre quelque service au seigneur, s'estoient plustost precipitez par le zele de leur affection que par l'ordre requis en telles affaires, perdra bien-tost toute sa frayeur. Car quel est l'un sinon vn esclau, que la pluspart de cette armée a peu voir à la Porte du Seigneur? & quels sont les Moldaues, qui ont tant de fois suivy nos armées, & qui depuis si long-temps sont tributaires des tres-redoutables Othomans? Quant aux Kosaques, ne sçait-on pas que ce ne sont que bandoliers, gens sans retraite, & lesquels les Polonois mesmes ne mettent point en plus grand rang que de Cheuaux-legers: quand doncques tous ces gens auroient de leur costé tout le nombre de gens de guerre, qui marchent sous leurs enseignes, ce qui n'est pas, par le moyen d'un secret que vous decouurirez aneques le temps, encores ne pourroient-ils pas resister à la discipline militaire de cette armée, à l'inuincible valeur des Janissaires, dont nous auons bon nombre, & à celle de tant de braves soldats qui sont maintenant parmy nous: que si vous redoutez leur artillerie, assurez-vous que nous y auons donné tel ordre, que ce tonnerre tombera sur leurs testes, & nous garantira, de sorte que nous n'en souffrirons aucune perte: il ne tiendra donc qu'à vous que la victoire ne soit vostre, puis que toutes choses sont tellement disposées, que tout vous viendra comme à souhait, reconuez doncques par vostre vaillance, l'honneur perdu aux combats precedens, & faictes sentir à nos ennemis qu'ils ont eu iusques icy plus d'heur que de force & de courage. Sur ce les trompettes ayans sonné, Zarmenique commut vne troisieme trahison, qui ruina entierement le Vaiuode, car suiuant ce qu'il auoit conclu aneques les Bassats, il commanda aux treize mille Moldaues qu'il conduisoit, de baisser les enseignes, mettre leurs chapeaux au bout des janelors & des espées, les hausser en l'air & baisser les testes. Ce que les Turcs voyans, hausserent leurs picques & cimenterres, leur faisans signe qu'ils se vinssent ioindre à eux, ce qui fut fait.

Autre trahison
de Zarmenique
cause de
la perte des
Moldaues.

Les traistres
reçoient la
recompence
de leur
trahison.

Valeur des
Kosaques.

Défaite du
Vaiuode de
Moldaue.

Après laquelle
il se retire
en fort mau-
uais lieu.

Le Vaiuode entendant cette reuolte, ne perdit pas courage, ains marcha resolument au combat & alors les Turcs qui se seruent de la trahison, & chastient tousiours fort cruellement les traistres, s'attendants bien que les canons du Vaiuode donneroient au trauers de leurs bataillons, pour euit le grand échec qu'ils s'attendoient de receuoir, contrainquirent ces Moldaues de marcher de front, tuans ceux qui reculoient. Le Vaiuode extrêmement depité de la menée de ces traistres, fit décharger l'artillerie qui les dépescha presque tous. Les Turcs marchans par dessus les corps déchirez, vindrent au combat, où les Kosaques se porterent si vaillamment qu'ils mirent en route l'auant-garde, auecques vn tel carnage, que le sang ruisseloit de tous costez. Puis apres auoir repoussé vn autre bataillon de Turcs, ils se retirerēt pres du Vaiuode, lequel ayant fait recharger son artillerie, donna derechef à trauers la bataille des Turcs, & là dessus estans venus aux mains, il y eut vn grand meurtre de part & d'autre: vne grosse pluye les separa, laquelle rendit l'artillerie du Vaiuode inutile, d'où vint sa deffaite, car vingt mille Turcs reuindrent à la charge incontinent que la pluye fut arrestée, qui furent neātmoins vaillamment soustenus & repoussez par les troupes du Vaiuode. Mais ce premier bataillon-là estant secondé d'un autre de Turcs & de Tartares tous frais & reposez qui vindrent donner à la trauers, mirent les Moldaues & Valaques en route: les Kosaques ayans fait vn merueilleux deuoir, quitterent leurs cheuaux & se ioignirent aux gens de pied, auecques lesquels il recourent soixante piéces d'artillerie, que les Turcs auoient prises, toutesfois d'autant que cela leur donnoit trop de peine à trainer, ils les laisserent toutes chargées en campagne, & comme les Turcs s'en pensoient seruir, elles creuerent toutes en les déchargeant.

CEPENDANT le Vaiuode se retira auecques le reste de son armée montant à vingt mille hommes, en laquelle retraite, comme il arriue que nous perdons le iugement, lors que nous en auons le plus de besoin, il fut si mal-aduisé que de s'en aller camper en vn lieu

lieu fort éloigné de l'eau, si que ses gens mouroient d'extreme soif. Le General Turc ne voulant perdre vne si belle occasion sur l'aduantage mesme qu'il venoit d'obtenir, il fait aussi-tost enuironner ce camp de toutes parts, & le lendemain qui fut l'vnzième du mois de Iuin, il commença à les canonner sans grand effect toutesfois, par la dextérité des assiegez, qui en quelques escarmouches, tuerent grand nombre de Turcs: de sorte que les Bassas voyans qu'ils ne pouuoient forcer le camp du Vaiuode, sans y perdre autant ou plus d'hommes qu'auparauant, enuoyerent sommer le Vaiuode de se rendre à bonne composition, à quoy il presta fort volontiers l'oreille & promit de le faire, moyennant que les Bassas & ceux qui auoient commandement en l'armée Turquesque, luy iurassent par sept fois de luy tenir trois choses, l'vne de laisser aller les Kosaques avec leurs cheuaux, armes & bagage, l'autre qu'ils le liurassent vif entre les mains de Selim, la troisieme qu'on ne fist aucun tort aux personnes & biens des Valaques & Moldaues qui estoient en son armée.

1572.

Tout cecy se faisoit contre l'aduis des Kosaques, qui disoient resolutement que le Vaiuode avec eux & le reste des troupes, deuoient aller donner de toute leur puissance au trauers le bataillon des Turcs, & mourir vaillamment les armes au poing, plustost que de se fier en ceux qui aussi bien ne leur tiendroient iamais parole. Mais le Vaiuode, ayant pitié de son armée harassée & si fort trauaillée de soif, aima-mieux suivre le party de la douceur. Les Bassas ayans donc promis & iuré par sept fois de luy obseruer toutes les conditions qu'il auoit mises en auant, cela fut cause que le Vaiuode les alla incontinent trouuer, ayant dit Adieu aux Kosaques, ausquels il fit encores quelques presens, leur donnant son cimenterre & son poignard, & aux soldats qui le suiuoient, il leur fit present de ce qu'il auoit de reste, & ainsi tout defarmé entra au camp des Turcs, où il se presenta aux Bassas, accompagné seulement d'un Polonnois; là s'estant mis à d'euiser avec quelques Turcs, vn Bassa que quelques-vns nomment Capuce, prenant occasion de se dépitier de ce qu'il parloit trop long-temps, il dégaina son cimenterre, & courant sus au Vaiuode, il luy fendit la teste, & puis luy donna vn coup dans le ventre, le renuersant mort à ses pieds: aussi-tost les Ianissaires le prirent & luy couperent le col, puis attacherent le corps aux pieds de deux chameaux, la teste ainsi fendue & cassée, fut mise aussi-tost au bout d'une picque, le corps haché par menus morceaux, dont les principaux prirent chacun vne piece, frottans leurs cimenterres au sang qui fumoit encores, lesquels le firent boire à leurs cheuaux, pour les rendre plus furieux à la guerre, tant l'homme est cruel & barbare, quand il est vne fois acharné contre son semblable.

Bon aduis des Kosaques méprisé

Mais la perfidie des Turcs n'en demeura pas là: car se doutans bien que les Moldaues seroient maintenant bien aysez à deffaire puis qu'ils n'auoient plus de chef, joint qu'ils ne se tenoient point sur leurs gardes, assurez sur la promesse qu'on leur auoit faite, ils vinrent en grande multitude en leur camp, & les massacrerent cruellement de toutes parts: mais les Kosaques voyans que toute esperance leur estoit ostée de pouuoir retourner en Polongne, & qu'il n'y auoit aucune assurance aux promesses de leurs ennemis, ils se rassemblèrent en gros, & d'un cœur genereux donnerent au trauers de leurs ennemis, la teste baissée, si que las de tuer ils moururent tous les armes au poing, excepté quelques-vns, on dit iusques au nombre de douze, dont Sujercene estoit le principal, qui échapperent neantmoins, moyennant fort grosse rançon, que quelques grands Seigneurs de Polongne fournirent pour eux. Durant leur captiuité ils furent sollicités plusieurs fois de se ranger au Mahometisme, mais n'y ayans iamais voulu entendre, ils s'en retournerent finalement en leur pays: tant y a que le bon demeura du costé des Turcs: qui disposerent de la Moldaue & Valachie apres à leur plaisir, qui furent presque toutes ruinées, & les plus apparens mis à mort, toutesfois depuis ils remirent le frere d'Iuon, comme nous dirons en la vie d'Amurath. Quelque temps auparauant les Moscouites ayans couru les terres de l'Empereur Turc du costé de la Tartarie vers les palus Meotides, où sont les bornes de leur terre: les Turcs penserent en prendre apres leur reuanche, mais ils furent si bien battus qu'ils furent contraints de ceder aux autres, & de se retirer à Capha: cela se passa vn peu apres la bataille de Lepante.

Perfidie des Turcs.

Les Turcs battus par les Moscouites.

Or apres la conqueste de la Goulette, Sinan Bassa ayant donné l'ordre que nous auons dit cy-dessus, s'en retourna avec Vlichiali à Constantinople, où ils entrerent en fort superbe appareil, ayans fait vne salve à coups d'artillerie, qui dura pres de deux heures, comme ils en auoient bien le moyen, veu la quantité de canons qu'ils auoient pris à la Goulette & au fort neuf: car on tient qu'il y en auoit pres de cinq cens pieces, entre lesquels les François qui estoient pour lors à Constantinople, en reconneurent quelques-vns

Entrée triomphale de Sinan Bassa & Vlichiali à Constantinople.

1574.

que l'Empereur Charles le Quint auoit pris à la bataille de Pauie, sur François premier du nom, Roy de France: car elles estoient marquées à la Salemandre: les prisonniers, Cerebellon entr'autres, furent mis à la tournoire, mais ils furent depuis deliurez & échangez contre ceux qui estoient à Rome, & auoient esté pris à la bataille de Lepante. Ces Bassas furent grandement caresez de Selim, qui extremement ayse d'un si bon succez, entra en de plus grandes esperances, ayant deliberé de dresser pour l'année suivante vne des plus grandes armées qu'il luy seroit possible, pour enleuer l'Isle de Candie à quelque prix que ce fust, & quelque paix qu'il eust avec les Venitiens: mais toutes les grandes esperances & tous ses grands desseins luy furent empeschez par la mort qu'il le preuint à Constantinople au mois de Decembre, l'an de grace 1574. de l'Egire. 981. de son aage le 47. & de son regne le 8. seant au saint Siege Gregoire XIII. en l'Empire Maximilian, & en France Henry III. cy-deuant Roy de Polongne, son frere Charles estant mort quelques mois auparauant: laissant six enfans, à sçauoir Amurath, Mahomet, Aladin, Ziangir, Abdalla & Solyman.

Pius valeu-
reux en ses
Lieutenans
qu'en sa per-
sonne.

PRINCE qui a esté plus heureux en ses Lieutenans qu'en sa personne, estant de sa nature lasche & pusillanime, addonné aux femmes & au vin: que s'il eust esté aussi valeureux comme il auoit de bons & vaillans chefs, il estoit pour faire beaucoup de mal aux Chrestiens. Mahomet qui estoit encores lors premier Vizir, vfa d'aussi grande dexterité à celer la mort de cettuy-cy, comme il auoit fait celle de son deuancier, tant qu'il eust donné adieu à son fils Amurath, qui estoit pour lors en Amasie, si bien qu'il arriua dans Constantinople, sans qu'il y eust aucun trouble dans la ville.



CONSIDERATIONS



CONSIDERATIONS SVR LES ACTIONS PLUS SIGNALEES DE SELIM second du nom, contenuës en ce quinziésme Liure de l'Histoire des Turcs, par lesquelles la Iustice & Prouidence de DIEV peuuent estre remarquées.



E grand Adonai que saint Hierosme dit estre le mesme que le nour-^{Osée 12.}
ricier de la famille, luy-mesme s'estant ainsi nommé par son Prophe-^{Verf. 3.}
te, de qui le gouuernement est le iugement & l'eternelle Prouiden-
ce vne tres-saincte iustice, auoit des pensées de paix pour son peuple,
pensées toutes puissantes & diuines, qui deuoient terrasser les super-
bes, & éleuer ceux qui s'humiliroient deuant sa supreme grandeur,
& les sacrez ressorts de son incomprehensible sapience, vouloit quel-
quesfois confondre cette tour de Babel, ie veux dire cette prudence humaine, qui s'a-
puyant sur ses propres forces, s' imagine tousiours qu'elle pourra paruenir au dessus de ses
intentions, & abysmer encores vne fois dans les eaux ce superbe Pharaon & ses chariots, à
sçauoir le General des Turcs & son armée, pour apprendre aux superbes qu'il ne faut qu'un
petit soufflé de vent pour les terrasser, sa grande misericorde vouloit alors conuertir nostre
pleur en ioye, rompre nostre sac & nostre haire, & nous enuironner de liesse, au moins
qu'il ne tiendrait qu'à nous.

M A I S comme nous faisons de grands preparatifs pour les grandes entreprises, ainsi ce
grand DIEV voulut disposer ses creatures à ces grands remuëmens qui deuoient arriuer
en l'vniuers les années suiuanes, par les grands prodiges qui se virent en l'année mil cinq
cens soixante sept: & de fait que vouloient dire ces trois Soleils qui furent veus à Con-
stantinople, sinon les trois generaux de l'armée de la sainte Ligue, qui deuoient obscurcir
pour vn temps le Soleil Othoman, voire s'emparer de cette superbe ville? car on ne s'éloi-
gnera point de la verité, si on dit qu'ils l'eussent peu faire: & puis cette Croix dans vn Crois-
sant, la marque & la deuise de l'Empire Turquesque, n'estoit-ce pas dire qu'elle en seroit
trionphante & qu'elle le supplanteroit? Mais ce debordement d'eaux, n'estoit-ce pas les
seditions, les rebellions, les guerres ciuiles, & sur tout la multitude des heresies qui alloient
pullulant de iour en iour: le discours en seroit trop long, & la lecture en seroit ennuye-
se, qui vouldroit compter toutes les erreurs que la malice humaine fit naistre de toutes parts,
& toutes les guerres ciuiles de France, de Flandres, d'Alemagne, & les mauuaises intel-
ligences que presque tous les Princes Chrestiens auoient les vns avecques les autres, &
tant de meurtres & de massacres horribles qui se firent alors parmy les Chrestiens acharnez
les vns contre les autres comme des tigres, n'estoient-ils pas naïfement representez par
toutes ces armées qui se virent en l'air, & cette tempeste & ces orages, que pouuoient-ils si-
gnifier sinon l'ire manifeste du Tout-puissant: laquelle ne faisoit lors qu'ébranler & faire
trembler; mais qui seruoit d'aduertissement, qu'elle estoit toute preste de terrasser & de
ruiner toutes choses, si on n'auoit au moins autant de terreur de ces signes, comme iadis
les Niniuites eurent de crainte, aux paroles du Prophete Ionas.

L E S Venitiens entre autres, qui par l'embrasement de leur Arsenal pouuoient bien
inferer que s'ils n'y donnoient ordre, ils alloient perdre le plus beau fleuron de leur cou-
ronne, & vn grand retranchement de l'Empire qu'ils auoient sur la mer; & de fait bien-
tost apres arriual l'entreprise des Turcs contre le Royaume de Cypre, de laquelle ils eurent
de forts bons aduis de toutes parts, mesmes du Bayle Barbarus qui estoit pour lors dans

Osee. 11.
Vers. 6.

Constantinople, qui leur en manda les particularitez, sans toutesfois qu'ils s'en émeussent beaucoup, s'imaginans que tout cela n'estoit que des faux bruits, & voulans se servir de la prudence au lieu de la force & de la vigilance, ils se laisserent perdre à vne certaine nonchalance qui ruina leurs affaires. Mais n'avez vous pas remarqué en cette histoire, que tout ainsi qu'ils auoient esté negligens à la gouuerner, & chastier les excez qui se commettoient par les Grands du pays, que cette mesme negligence les perdit quand se vint à la conseruer, & fit que le glaiue ayant commencé aux citez, acheua aux principaux, & deuor² leurs chefs, dit le Prophete, comme il se vid dans le chasteau de Nicotie, & depuis à Famagoste, par la mort du genereux Bragadin. Admirable traitt de la Iustice du Tout-puissant, qui nous chastie ordinairement par la chose mesme que nous auons offensée: car ce n'estoit pas par impuissance ou par faute de n'auoir pas toutes choses préparées, ils auoient vne belle & puissante armée, par le moyen de laquelle, s'ils ne pouuoient combattre leur ennemy, au moins auoient-ils moyen de rafraischir les assiegez, & les pouruoir de toutes choses en telle abondance, qu'ils eussent bien donné des affaires aux assiegeans, & eussent donné temps de les pouuoir secourir, quand les forces de la Ligue eussent esté assemblées.

En quoy donc se pourroient-ils plaindre, puis que c'est leur seule faute, si les choses n'ont pas tourné à leur aduantage? car pour le droit, il n'estoit pas si liquide pour les Venitiens qu'on ne leur eust peu debatre, le meilleur titre estoit vne possession de quatre-vingts ans, avec vne bonne espée, de laquelle si la pointe estoit rebroussée, la diuine Prouidence n'en doit point estre accusée; pour auoir permis que les Turcs solent demeurez les vainqueurs, puis que par la débauche, les delices & la tyrannie qui regnoit par tout ce Royaume, les habitans s'estoient rendus indignes de misericorde, & que par droit les Turcs iouyssans pour lors des Royaumes de Ierusalem & Sultanie d'Egypte, desquels certuy-cy dependoit, s'ils le pouuoient conquerir, comme ils auoient fait les autres, on leur en laisseroit aussi la possession, selon les loix de la domination, qui veulent que le plus fort cede au plus foible. Mais pourquoy deuoit-on favoriser ceux qui ne se pouuoient pas bien faire à eux-mesmes: auoir vne si puissante armée comme estoit celle de la Ligue lors de la prise de Nicotie, & ne s'estre mise en aucun deuoir, ny de la recouurer, ny de garder le reste de l'Isle, ny de combattre leur ennemy; ains au contraire estre venu mouiller l'anchre presque tout contre luy, sans l'oser affronter, & se retirer sans rien faire? comme si Nicotie prise il n'y eust plus rien à faire pour eux, comme disoient les Espagnols, & comme si de si grandes forces se fussent assemblées pour la conseruation de cette seule ville, & non pas pour le bien de toute l'Isle, voire de toute la Chrestienté: il n'y auoit donc rien de plus iuste, que de leur laisser perdre ce qu'ils ne vouloient pas conseruer.

Mais afin encore de leur oster sujet de plainte, & que nonobstant tous leurs crimes, ie parle des Chrestiens en general, & principalement à ceux de cette armée, le tres-misericordieux Seigneur voulant leur liurer leur ennemy entre les mains pour en faire à sa volonté: qu'est-ce que sa toute-puissante bonté n'a point fait pour eux, veu leur diuision, leur ambition, & leur peu de resolution? qui le croira que des gens qui se disoient si zelez & si affectionnez au seruice de celuy qui a dit qu'il estoit doux & humble de cœur, & qu'ils n'auoient les armes en main que pour deffendre sa querele, les ayent bien souuent quittées, ou pour le moins tres-mal employées, pour ne se pouuoir accorder pour leurs rangs, chacun voulant precéder son compagnon? & neantmoins il n'est que trop veritable, comme il s'est peu voir par toute cette histoire: toutesfois tout bon-heur ne laissa pas de leur arriuer; car le grand DIEU des armées auoit appelé l'eau & l'air pour donner à ceux qui se disoient combattre pour son saint Nom, vne victoire digne de sa Majesté & de sa toute-puissante grandeur, qui feroit honte à toutes les batailles nauales des siecles passez, & qui seroit aux futurs vne glorieuse & eternelle memoire, aydant mesme auant que d'en estre prié.

CAR d'où pouuoit venir cette sainte inspiration si à propos, qui vint aux chefs la nuit de deuant la bataille, pour s'oster du port de la vallée d'Alexandre, auquel si l'armée fust demeurée, elle estoit perdue infailliblement, sinon cette diuine Prouidence qui veille pour nostre salut au plus profond de nostre sommeil? Mais alors que tant les chefs que les soldats oublians leurs riottes, leurs vanitez, & toute la confiance qu'ils auoient mise en leur puissance, quād ils virent toutes choses favoriser leurs ennemis, & que tout d'un cœur & d'une sincere affection ils élancerent leurs souspirs iusques au thrône de sa diuine hautesse, en laquelle ils auoient mis toute leur esperance, alors sentirent-ils incontinent combien

combien cette toute-puissante main fait en peu d'heure & avec de tres debiles moyens, des effets tous admirables: car avec vn petit soufflé de vent, à peine se peut-on imaginer chose plus foible, & avec vne petite nuée il donne la victoire aux siens, terrasse ses ennemis & les defait entierement.

M A I S comment d'vn'autre costé estans tous en si mauuais mesnage, tant avec luy qu'avec eux-mesmes, comment purent-ils obtenir si promptement vn si necessaire secours? n'estoit-ce point ce saint Herme de salut, ce bel astre qui nous a marqué l'Orient de nostre bon-heur? ne fut-ce point en sa grace que leur grace fut enterinée, & que cette sainte Mere & Reyne des hommes impetra toute benediction? Car puis qu'elle est Estoit-le pour nostre conduite, Aurore pour nostre esperance, vne Bataille rangée pour nos combats, vne Palme pour nos victoires, vn Lis entre les espines pour nos triumphes, vne Tour d'Ivoire pour nostre assurance, vne Forteresse pour nostre refuge, & Reyne pour nostre gloire, à qui se pouuoient-ils micux adresser?

O tres-sainte & sacrée Imperatrice, qui sera l'ingrat qui ne vous rendra à iamais mille benedictions? qui n'exaltera vos bien-faits & ne chantera vostre largesse & vostre magnificence? car puis qu'il a pleu au Tout-puissant vous disperfer ses biens pour nous en bien-heurer, & que le sein de la Diuinité s'est entrouuerte pour faire pleuvoir sur nous ses plus douces benedictions par vos merites, quels sacrifices deuons-nous rendre à ce grand D I E U, qui vous a sanctifiée pour nous beatifier? O bien-heureuse Porte du Ciel, belle & claire fontaine regorgeante de l'eau viue, dont le monde est abreuué: beau surjon d'où se fait vn fleuve qui réjouyt la cité du monde, faites couler, ô Vierge tres-pure, cette eau sainte sur les lacs de nos vices, & lauant nos offences, emportez les ronces & les espines qui suffoquent les fructueuses semences du pere de famille: car aussi bien estes-vous la mere qui nous allaité de toutes sortes de biens, ayant esté mere & nourrice de celuy qui est nostre pere & nostre nourricier, & faites s'il vous plaist que les armées Chrestiennes qui marcheront sous le sacré auriflamme de vostre cher fils & sous vostre enseigne, n'ayent autre intention que son honneur, sa gloire, & l'exaltation de son saint Nom.

SON ELOGE OV SOMMAIRE

DE SA VIE.



CE vice de l'ame qui fait changer à tous momens les creatures raisonnables, ores en pis, & quelquesfois en mieux, & qui fait que l'homme, la principale piece de l'Vniuers soit aussi le plus muable & le plus irresolu, non pour estre emporté par la qualité du total, mais pour ne pouuoir demeurer stable, uniformen y égal en soy, se pliant & flechissant par de nouvelles considerations, & fondant son instabilité sur la vicissitude & variation de toutes choses. Cette inconstance, dis-je, pratiquée aussi vniuersellement, comme elle est blasmée par vn chacun en son particulier, usurpe vn Empire fort tyrannique sur les mortels, & n'y en a pas vn qui puisse dire s'estre affranchy de sa domination: mais si est-ce qu'il y en a quelques-uns entre les autres qu'on peut plus specialement nommer inconstans, quand leurs pensées, leurs paroles & leurs actions sont irresolues en ce qu'ils auoient proposé & delibéré avec raison: ce sont ces esprits doubles que disoit l'Apostre, qui ne sçauent que composer, sans rien resoudre. Or entre tous les Princes Othomans, Amurath III. du nom est celuy qui s'est conduit durant son regne avecques le plus d'inconstance: car en ses officiers, il les a tous changez sans en pouuoir garder vn seul, quelque excellent & habile homme qu'il ait esté, faisant mourir les vns & bannissant les autres sans sujet le plus souuent, pour le moins assez mal fondé, resmoings Mustapha, Ferrhat, Sciaus, Sinan & autres qu'il eleua au plus haut degré de la gloire apres celuy de la souueraineté, & sur des faux rapports, les precipitant par apres iniques au dernier eschelon, puis aussi-tost les remettant en leurs charges, comme Sciaus & Sinan: son amitié n'estoit pas moins inégale: car avec quelle passion a-il aimé vn temps, la Hasachit & toutesfois quelle rigoureuse procedure n'a-il point faite contre elle par vn caprice d'esprit, rapportant à fortilege la grandeur de son affection? Quelle inconstance encores en sa maniere de vie, ayant vescu vn temps sobrement & chastement, pour se laisser aller à la debauche & à l'impudicité, ayant en affaire à tant de femmes, qu'on dit qu'il a esté Pere de 102. enfans, & passant les iours & les nuits à faire bonne chere, de sorte que luy qui estoit fort maigre & palle, deuint fort gras & le teint fort rouge, luy encore qui se disoit si grand obseruateur des loix de Mahomet, & neantmoins beuuoit du vin en si grande abondance, qu'il en fut suffoqué, qui estoit si addonné du commencement à l'estude, & qui laissa tout à coup la nourriture de l'esprit pour s'estudier à celle du corps? L'inconstance ne regna pas moins en toutes ses entreprises: car ayant déclaré la guerre aux Perses, Mustapha print Tiflis qu'il fortifia, comme il fit Eres & Sumachie & conquist tout le Seruan, mais bien-tost apres les Perses reprinrent ces deux places & deffirent les Tartares qui tenoient le party des Turcs, comme aussi auoient-ils esté deffusts auparavant: les Turcs fortifierent Chars & rauagerent Tauris, en laquelle ils firent vn fort, mais en recompence ils perdirent plusieurs batailles contre les Perses, estant mort en ceste guerre plus de quarante mille soldats des vieilles bandes, sans vn nombre d'autres presque infiny: le mesme luy arriva aux Georgiens en ayant debellé quelques-uns & gagné les autres de son party; mais ayant aussi esté battu plusieurs fois & contraint de les laisser en repos, en fin les Perses le rechercherent de paix qui fut conclue entr'eux. La guerre qu'il fit en Hongrie & aux autres Provinces circonuoinnes, n'eut pas fortune plus constante: car s'il conquist quelque chose en la Croatie, il le perdit incontinent apres: & les conquestes de Sinan, qui print Dotis, Iauarin, Pappa, & les Tartares Vissembourg, qui rauagerent la Moldaue, Valachie & Transiluanie, & la victoire que le mesme Sinan eut sur l'armée Chrestienne qui estoit pres de Comar, le Baron de Teuffembach fit bien perdre le lustre à tout cela par la prise de Sabatzie, Filech, Nouigrade & plusieurs autres forts proches de là, & celle d'Albe-Nester par les Kosques, la renolte des Glires & des Rasciens, & finalement des Valaques, Moldaues & Transiluiains; toutesfois tous ces vainqueurs, & renoltez, sont contraints de leuer le siege de denant Haduan, si bien que vous ne voyez par tout que du changement & de l'inconstance, & en ce Prince vne foiblesse d'esprit, qui selon quelques-uns l'a conduit au tombeau, par la tristesse qu'il print de toutes ces renoltes: d'autres disent toutesfois, que ce fut pour auoir trop beu qu'il fut saisi d'une apoplexie: l'an de grace 1595. de l'Egire 1001. le 20. de son Empire, & le 47. de son aage, selon quelques-uns, & selon les autres le 49. seant au saint Siege le Pape Clement huitiesme, en l'Empire Rodolphe, & en France Henry le grand.

- XI.** *Occasions qui meuent Amurath à faire la guerre aux Perses, sedition à Constantinople pour les impôts, cause de la guerre de Croatie, trefue rompuë par les Turcs avec l'Empereur, deffaite des Turcs en Croatie, qui prennent Vuittiski, Caroloze & Turepole, subtil stratageme d'un Abbé deuant Sissek, que les Turcs prennent en fin avec Vessprim & Palotte.*
- XII.** *Entreprise des Chrestiens sur Albe-Regale, qui en brulent les faux-bourgs, rencontre de l'armée Chrestienne, & deffaite de celle des Turcs, mort du Bassa de Bude, prise de Petrine, par Maximilian.*
- XIII.** *Exploits de Sinan Bassa, prend Dotis & assiege Ianarin, desseins des Turcs, sur l'armée Chrestienne, qui leur reüssit & mettent l'armée en fuite, leurs rauages iusques à Vienne: les Tartares prennent Vissembourg & rauagent la Croatie & la Moldauie: assant general à Ianarin, qui dure trois iours continuels.*
- XIV.** *Le Comte de Hardech traite avec ses principaux Capitaines pour se rendre, les articles de la reddition, trahison du Comte decouverte, les coniectures qu'on en eut, sa condamnation & execution, prise de Pappa par les Turcs, qui assiegent Comar, sont contraints de lever le siege, prise du fort de Sabatzie, de Filech, Nouigrade & plusieurs autres places par le Baron de Teuffembach sur les Turcs, & d'Albe-Nester par les Kosques, naufrage d'une armée navale des Turcs, prodiges à Constantinople & songe d'Amurath, les Chrestiens reprennent en la Croatie ce que les Turcs auoient conquis.*
- XV.** *Siege & situation de Haduan, armée des Turcs pour la secourir, attaquée par le Baron de Teuffembach, ses lettres à l'Archiduc d'Autriche sur ce qui se passa en ce combat, conquestes des Chrestiens victorieux, les Glires se reuolent contre les Turcs, leur victoire sur le Bassa de Temisouvar, leurs conquestes, autre deffaite des Turcs allans au secours de Haduan, l'arriuée de l'armée de Sinan force les autres à lever le siege.*
- XVI.** *Desseins des Turcs sur la Transiluanie, fauorisez de ceux du pays, les menées de ces traistres, qui élisent un autre Prince que Sigismond, lequel appelle les Rasciens à son secours & se rend le plus fort, prend vengeance de ses ennemis, fait estrangler celui qui auoit esté élu, & persuade à ses sujets de se reuolter contre les Turcs.*
- XVII.** *Grands remuemens en la Valachie, deputez de la prouince vers Amurath, qui leur donne Michel pour leur Prince, & depossede Alexandre, lequel il fait estrangler, grandes seditions des Ianissaires, histoire de Hasachi, rigoureuse procedure d'Amurath qui pensoit estre ensorcelé par elle, les ruses de cette femme pour se iustifier, merueilleux changement en la vie d'Amurath, fait estrangler le Bassa de Bude & Catecusine Grec, le Beglierbey de Cypre assassiné par les Ianissaires, la Reyne d'Angleterre fait alliance avec Amurath,*



LIVRE SEIZIESME

DE L'HISTOIRE

DES TURCS.

1575.

Regne & naturel incon-
stant d'Amu-
rath,



EST le propre de l'or entre les métaux de se garantir de la rouilleure, & il n'appartient qu'au Tout-puissant HOMME-DIEU, d'estre exempt de l'inconstance, tout le reste des humains est sujet au changement. Or entre tous les Princes Othomans, celtuy duquel nous designons d'escrire l'histoire a passé sa vie & son regne avecques tant de mutabilité, qu'à peine peut-on discerner à quoy il a esté principalement addonné : car on dit qu'il estoit doux & affable, & neantmoins il fit mourir ses freres : il aymoit l'estude, & toutesfois a esté tousiours en guerre : il a esté chaste fort long-temps, n'ayant affaire qu'à vne seule femme, & à la fin il se laissa emporter à la pluralité : il n'est pas iusques à sa naturelle composition qui n'ayt esté changée, car il estoit fort maigre & d'un teint plombé, & toutesfois on tient qu'à la fin de ses iours il devint fort gras & d'un visage vermeil. Quant à son regne il fut tout de mesme, tantost vainqueur, tantost vaincu ; ores gagnant vne ville, tantost perdant vne bataille. Si bien que si l'ancienne idolatrie & superstition des Iuifs condamnée par le Prophete Osée, estoit ressuscitée, par laquelle ils s'enqueroient par le bois de l'euenement des choses, en prenant deux verges, l'une desquelles ils appelloient victorieuse, l'autre vaincue, & les ayans iettées en haut, celle qui estoit dessus, auguroit que le peuple ou le Roy qu'elle representoit, selon leur intention, seroit surmonté ; & au contraire, ie dis tout de mesme que si on vouloit faire le semblable pour les actions de ce Prince, il seroit bien difficile de iuger s'il a esté plus vaincu que vainqueur, soit sur soy-mesme ou sur les peuples qu'il a combatus.

I.

Mort de Se-
lim dextre-
ment ceele
par Mahomet
premier Vi-
zir.

Amurath fait
mourir ses
freres.

Il augmente
le nombre &
rehausse les
gages des la-
quais.

SELIM doncques estant mort dans son Serrail d'une grosse fievre, le Bassa Mahomet, qui outre sa charge de premier Vizir, embrassoit encores souuerainement toute la conduite de ce grand Empire, pour la grande creance que son maistre auoit en luy, sceut aussi dextrement celer cette mort, comme il auoit fait au deceds de Solyman, cependant qu'il auoit escrit à Amurath, l'aîné des enfans de Selim, qui estoit lors en la ville d'Amasie, de sorte qu'on n'en sceut rien iusques à son arriuee à Constantinople, où alors on publia aussi la mort de Selim, & l'establissement en l'Empire d'Amurath troisieme du nom, qui entra en sa domination au commencement de l'année mil cinq cens septante-cinq. Le premier acte qu'il fit, fut de se deffaire de cinq freres qu'il auoit, à sçauoir Mahomet, Aladin, Ziangir, Abdalla & Solyman, qu'il fit estrangler, le plus aagé d'iceux n'ayant pas atteint l'aage de neuf ans, & non content de ce, il fit encore mourir deux concubines de feu son pere qui estoient grosses : afin de perdre par ce massacre tout ombrage, & s'oster tout competitor en l'Empire. On disoit que ce qu'il auoit fait principalement, estoit à cause d'un sien fils nommé Mahomet, lequel luy succeda à l'Empire : apres cette boucherie ordinaire à ceux de cette famille, il s'estudia à se concilier l'amitié de ses sujets, & principalement des Ianissaires, qu'il s'efforça de gratifier en toutes choses, leur faisant vn congiaire pour son heureux aduenement, de cinquante sultanins pour teste, leur haussa leurs gages, donna place de Ianissaires à leurs fils, si tost qu'ils pourroient porter les armes, & accreut leur nombre de deux mille, preuoyant encores à beaucoup d'affaires necessaires, pour la paix & pour la guerre, ce qui le rendit agreable à tous.

OR vne des choses qui le touchoit le plus alors, estoit le secours que les Polonnois auoient donné au Vaiuode de Moldaue : car encores que toute la Prouince ne l'eust pas secouru, & qu'il n'y eust eu que les Kosagues, toutesfois il ne laissa pas de faire entrer vne armée de Tartares sur les frontieres de Polongne vers la Russie, iusques au nombre de cent mille, qui rauagerent plus de trente lieues de pays, brûlans deux cens chasteaux & maisons de Gentils-hômes, plusieurs villages, massacrans les plus vieux & les plus ieunes, & emmenans vn bon nombre de prisonniers avecques vn merueilleux butin ; mais ils furent poursuiuis de si pres par les Polonnois, qu'ils leur rendirent la pareille : car ceux-cy se retirans comme vainqueurs, & comme gens qui n'auoient aucune d'effiance, furent pris en desordre & taillez en pieces, leurs ennemis recourans leur butin & la meilleure partie de leurs prisonniers.

TOUT au commencement du regne d'Amurath, les Ambassadeurs des Princes qui sont d'ordinaire à la porte des Empereurs Turcs, vinrent faire leurs complimens accoustumez, mais le Roy de Perse entre autres, y enuoya vne Ambassade fort celebre : car on dit qu'il y auoit deux cens cheuaux en sa troupe, & qu'il auoit cinq cens ducats à dépenser par iour. La reception qu'on luy fit, fut aussi tres-magnifique : car on enuoya Vlichiali au deuant de luy avecques vingt-cinq galeres iusques à Scutari, dās lesquelles les tables estoient dressées, de sorte que tandis qu'on le passoit de l'Asie en Europe, on luy faisoit festin. A la descente, l'Aga des Janissaires le fut receuoir en personne, honneur qui se fait tres-rarement, & depuis le port iusques à son logis, les rues estoient bordées de Janissaires ; les Bassas le traiterent apres chacun en particulier. Or les seigneurs Othomans quand ils ont enuie de faire voir la pompe & la magnificence de leur Cour, ont accoustumé de feindre d'aller à la chasse, où ils sont trois ou quatre iours, puis à leur retour on leur fait vne forme d'entrée où leurs gardes sont redoublées, & leur suite parée fort superbement, & Amurath qui auoit enuie de faire voir cette pompe à cét Ambassadeur, s'en alla à la chasse incontinent apres son arriuée, au retour de laquelle on luy fit vne fort somptueuse entrée. Cét Ambassade estoit enuoyé expres pour renouveler les anciennes alliances, ce qu'il firent aussi, mais cela ne fut pas de longue durée.

Grand honneur fait à l'Ambassadeur des Perles, à son arriuée à Constantinople.

ALORS regnoit en Perse Mahomet Hodebande fils de Tachmas & frere d'Ismaël auquel cettuy-cy auoit succédé, encores qu'il fust aueugle. Or du temps de Selim, Abdallabeg Sanjac s'estoit retiré sous la protection du Persien : Selim l'auoit toutesfois fait retourner, sous l'assurance de ses promesses. Mais quand Amurath fut venu à l'Empire, il le fit decapiter avecques tous ceux de sa suite, cela fut vne des causes de la guerre, les Perles tenans cela à vn grand mespris qu'on auoit fait d'eux, d'auoir fait mourir vn homme qui s'estoit mis en leur protection, & qu'ils auoient deliuré, abusez par les belles promesses qu'on leur auoit faites. Il est vray que la guerre ne commença pas si tost : car elle n'aduint qu'en l'an mil cinq cens septante huit. Mais cependant Amurath voulant donner vne impression de foy, qu'il seroit Prince adonné à la guerre, commanda à Vlichiali de mettre sus vne puissante armée de mer : ce qui donna bien à penser à tous les Princes Chrestiens ses voisins, & principalement aux Venitiens, craignans que cét appareil de guerre ne fust pour marcher contre eux : c'est pourquoy chacun de son costé se mit à fortifier ses contrées, les maritimes principalement. Mais la ville de Constantinople fut tellement affligée de peste & de famine tout ensemble, qu'elle leur fit perdre vne partie de la peur, l'Empereur Turc estant contraint de quitter toutes les pensées de la guerre, pour remedier aux pertes & dommages qu'enduroit la capitale ville de son Empire.

Premiere cause de la guerre des Perles.

TOUTESFOIS pour confirmer l'opinion qu'on auoit eue de ses nouvelles entreprises, il commanda que les garnisons qu'il auoit en Hongrie aux frontieres de l'Empereur, eussent à rauager ses terres, la trefve n'estant point encores ratifiée entre eux, & de fait ils prirent plusieurs chasteaux, & emmenerent vn fort grand nombre de prisonniers ; de quoy se plaignant l'Ambassadeur de l'Empereur à Amurath au nom de son maistre, de ce que pendant la promesse de vouloir continuer la trefve, on luy faisoit la guerre ouuerte ; Il luy fit respondre que si son maistre vouloit auoir trefve avecques luy, il se resolust de luy payer tribut, autrement qu'il marcheroit en personne pour le ruiner. Or outre ce que ce Prince estoit fort haut à la main, & qui croyoit que tous les autres Princes luy deuoient rendre l'hommage, il y auoit encores vne raison particuliere : car Maximilian estoit du nombre des poursuiuans au Royaume de Polongne, ce que l'Empereur Turc ne desiroit en façon du monde, pour la hayne hereditaire qui est entre les maisons d'Autriche & des Othomans, si bien que cettuy-cy ne le vouloit point pour voyfin : c'est pourquoy il ras-

Leurs ranages en la Hongrie.

1575.

choit de le destourner de ces pensées par la guerre : Quant aux affaires de Polongne, il en alloit ainsi.

Le Roy Henry de Valois quitta le Polongne pour s'en venir en France.

INCONTINENT après la mort de Charles neuuesme Roy de France, la Reyne sa mere de pescha en toute diligence le sieur de Chemeraud en Polongne, pour aduertir le Roy Henry de Valois, que le Roy Charles l'auoit déclaré son successeur à la couronne de France; lequel ayant sondé que ce seroit peine perdue d'esperer que les Polonnois consentissent à son depart, apres auoir fait mine de vouloir demeurer au pays, & gouverner la France par vn Vice-Roy, il fit disposer des relais selon les chemins qu'il deuoit tenir. Le soir donc que se deuoit faire ce partement, estant venu, sa Majesté traita solennellement tous les Seigneurs, Gentils-hommes & Officiers Polonnois qui estoient lors en sa Cour, & qui luy estoient fort affectionnez, pour les estats & honneurs dont il les auoit pourueus (les autres s'estans quelque temps auparauant retirez en leur terre avecques licence, puis apres s'estre couché, & que le Comte de Tancy premier Gentil-homme de la chambre luy eust tiré le rideau, il se leua peu apres, déguisé d'habits & d'un bandeau qui luy couuroit la moitié du visage, & accompagné de du Halde, l'un de ses valets de chambre, qui demanda congé aux gardes, il sortit par vne porte secrette, de laquelle il auoit ordinairement les clefs pour aller à la chasse, & monterent sur les cheuaux qui les attendoient, sur lesquels ils firent telle diligence, que moyennant les relais qu'ils trouuerent le long de leur chemin, ils gagnerent aussi-tost l'Autriche, sans aucun destourbier, faisant rompre les ponts par où il passoit. Auparauant que de partir, il fit escrire en son nom par le sieur de Pibrac vne lettre en Latin adressante au Senat de Polongne, par laquelle sa Majesté donnoit aduis de l'occasion necessaire qui le forçoit de quitter leur Royaume plustost qu'il ne pensoit, veu le besoin que la France auoit de sa presence, comme les Princes & Seigneurs du pays luy auoient mandé couriers sur couriers, & principalement la Reyne sa mere.

Ils envoient plusieurs Ambassadeurs pour le faire retourner.

LES Polonnois estonnez & marries de ce depart, tascherent par lettres & Ambassade de faire retourner leur Roy, vne entre autres, qui le trouua à Ferrare : laquelle protesta fort à sa Majesté, que si elle ne retournoit dans peu de temps, les Polonnois auoient resolu d'en élire vn autre, ce Royaume ne pouuant subsister sans la presence d'un Roy, lequel sa Majesté pria de surseoir cette resolution, luy promettant de retourner bientôt; mais voyans en fin qu'il les auoit quittez pour iamais, & se contenteroit du titre, ou s'il se méloit de leurs affaires, que ce seroit par l'entremise d'un Vice-Roy, lequel ils ne pouuoient supporter pour beaucoup de raisons, ils s'assemblerent, & apres meure deliberation, firent publier solennellement, que si dans le douzième iour de May de l'année mil cinq cens septante cinq Henry de Valois ne retournoit, il seroit priué de la dignité Royale de Polongne. Et d'autant qu'il ne comparut personne, il y eut proclamation faite en la ville de Cracouie, le quinziesme iour de Iuillet ensuiuant par vn heraut, qui déclara que puis qu'il ne s'estoit trouué au iour à luy prefix, il estoit décheu du Royaume, & qu'il y auoit dès lors interregne, comme s'il eust esté decédé : de quoy estant aduertie, il fit prier les Electeurs & Barons du Royaume de vouloir encore attendre iusques à vn certain temps : dedans lequel il promettoit de retourner vers eux, ou de leur enuoyer vne pleine faculté d'en élire vn autre tel, qu'ils iugeroient leur estre plus commode.

Mahomet Bassa affectionné à la couronne de France.

CETTE priere fut accompagnée des menaces d'Amurath par le moyen de Mahomet Bassa, qui affectionnoit particulièrement la couronne de France, sans que toutefois on l'y eust obligé par aucun bien-fait, ayant esté fort mal recōneu de ce qu'il auoit esté cause que Henry de Valois auoit esté élu Roy de Polongne : car il n'en auoit eu iusques alors autre recompence que de complimens : il est vray qu'on luy enuoya depuis quelques presens, mais ce fut si peu de chose, que l'ay apris du sieur Iugé, (qui fut Agent pour ledit Seigneur Roy à la Porte d'Amurath, apres le depart du sieur de l'Isle, qui auoit succédé à la charge d'Ambassadeur, à son frere l'Euesque d'Aqs, duquel il a esté parlé cy-dessus) que tous ces presens ensemble, tant ceux qui deuoient estre presentez au grand Seigneur, que ceux qui estoient pour le premier Bassa, ne se montoient pas à deux mille escus, de quoy il fut assez mal content : car il disoit qu'il n'y auoit là rien digne d'estre présenté à son Seigneur, & offrit d'en bailler pour ce faire à l'Ambassadeur; mais il le refusa, qui pourroit bien estre la mesme chose que nous auons dict cy-dessus de l'Euesque d'Aqs. Aussi ledit sieur Iugé ne tient-il pas qu'il luy soit rien arriué de tout ce que dessus : toutesfois ce que ren ay dit, c'est ainsi que l'a rapporté Raymond de Raymond en son liure de l'Ante-Christ, lequel

quel assure l'auoir entendu dire au mesme sieur de Noailles. Or comme ie dy, nonobstant ce peu de reconnoissance pour vne si notable courtoisie, il ne laissa pas de s'employer la seconde fois: de sorte que les Polonnois n'oserent encores passer outre: mais finalement apres vn long delay, la Diette fut assignée à Cracouie, où il y eut proclamation faite par vn heraut, par laquelle il declara que le grand parlement des Estats tenus nagueres en la ville de Sterzise, tout le Senat & Estat de la Noblesse par vn commun accord, reuoquoit tout le droit de fidelité & obeysance qui luy auoit esté promise, declarans qu'ils ne le vouloient plus pour Roy, puis qu'il ne retournoit point au Royaume, dans le temps qui luy auoit esté assigné, & ainsi certifioit à tous que le Roy Henry de France, n'estoit plus Roy ou Seigneur du Royaume de Polongne: mais qu'il estoit décheu du Royaume, & qu'il y auoit entre-

1575.

Publication
en Polongne,
contre le Roy
Henry.

Cela fait ils assemblerent les Estats, pour proceder à nouvelle election, en laquelle ils se trouuerent fort partagés en opinions: car les vns, & la plus grande partie des Senateurs de Polongne & de Lithuanie, vouloient Maximilian Empereur: mais Sborosk Palatin de Cracouie, Gorka de Sandomirie, & le Comte de Tancy estoient plus portez à en élire vn Piasse: c'est à dire vn qui fust du sang Polonnois: toutesfois l'emulation qu'ils auoient les vns contre les autres, estant cause qu'ils ne se peurent accorder à en nommer vn, ils choisirent la voye moyenne, & ne pouuans oublier les merites & les obligations que le Royaume auoit à la famille des Jagellons, ils constituerent Anne fille du dernier Roy deffunct Sigismond Auguste, en cette dignité, qui estoit pour lors aagée de quinze ans, & luy destinerent pour mari Estienne Battory Prince de Transiluanie, lequel par le mesme decret ils declarerent le Roy, à quoy l'autorité de l'Empereur Amurath seruit beaucoup.

II.

Diversitez
d'opinions en
Polongne
pour l'electio
d'un Roy.

Car comme il eust esté aduertty de l'election qu'ils auoient faite de l'Empereur Maximilian, il enuoya vn Chaoux en leur Assemblée avecques lettres, par lesquelles il leur mandoit, qu'ayant entendu qu'ils estoient assemblez pour l'election d'un Roy, pour le depart de Henry de l'illustre sang de France son amy, qui à ce qu'on luy auoit donné à entendre, s'estoit retiré pour la mauuaise estime qu'il faisoit d'eux & leur desobeysance, & qu'en cette Diette où ils estoient alors, ils auoient resolu d'élire ou l'Empereur Maximilian ou le Duc de Moscouie, hommes inconstans & grandement hays de luy, partant qu'ils se donnassent de garde d'estre trompez, & que cela ne fust cause de rompre les pactes & les alliances qu'ils auoient ensemble, que ceux-cy ne pourroient pas longuement entretenir: qu'ils eussent doncques soin de leur Republique, & empeschassent qu'il ne leur arriuaist pis, qu'il sçauoit qu'il y en auoit plusieurs d'entre eux, gens nobles & sages, qui pouuoient mieux commander que ceux-là: mais s'ils ne pouuoient tomber d'accord d'élire quelqu'un de leur nation, qu'ils auoient tout proche d'eux Estienne Battory Prince de Transiluanie: que s'ils en vsoient ainsi, ils s'assurassent que cela seroit cause de conseruer la paix & la tranquillité en leur Royaume, autrement qu'il seroit contraint de s'en vanger par les armes, leur iurant DIEU & son grand Prophete, qu'il feroit entrer vne si puissante armée dans la Polongne, qu'elle seroit suffisante de rauager tout leur pays, & de reduire en seruitude, eux, leurs femmes & leurs enfans: toutesfois qu'il auoit telle creance en leur foy & constante amitié en son endroit, qu'ils ne voudroient pas rien entreprendre contre son seruice. Cecy estoit escrit de Constantinople, le dernier iour de Septembre l'an de l'Egire neuf cens octante & trois.

Lettres d'A.
murath aux
Estats de Po-
longne.

Ces lettres & quelques autres considerations particulieres les firent entendre à cette election, & à la verité à peine eussent-ils sceu faire meilleur choix: car encores que Battory ne fust pas en noblesse de race, pour estre comparé aux Valois & aux Jagellons, il auoit neantmoins en luy toutes les parties d'un grand Roy, pour gouverner, tant en temps de paix qu'en temps de guerre, comme de fait il a fort sagement gouverné ce grand Royaume, où il a tousiours esté aimé & redouté de ses sujets. Les Polonnois doncques, qui auoient élu Maximilian, craignans que cette diuision fust cause d'un plus grand mal au pays, de laquelle les Turcs se voulassent seruir comme d'un pretexte pour y faire des courses, prirent leur excuse sur la longueur & le retardement de Maximilian, auquel ils enuoyerent des Ambassadeurs, pour luy faire des remonstrances particulieres, par lesquelles ils luy faisoient entendre que veritablement quelques-uns des leurs auoient choyssi sa Majesté pour leur Roy, & que là dessus l'Euesque de Gnesne luy auoit mandé

1575.

cet aduis particulier, comme vne resolution generale : mais comme la plus grande partie de l'assemblée y contrariaist, non pour le doute de sa iustice, sagesse & pieté : mais dautant qu'ils estoient dauantage portez à l'endroit de quelqu'un du pays, & qu'un Roy ne peut estre élu que par un vnanime consentement de tous, en fin ils auoient déclaré la serenissime Princesse Anne fille du feu Roy Sigismond, pour Reyne de Polongne, pour la grande affection que la nation Polonoise portoit à la famille des Jagellons, à laquelle ils auoient donné pour mari le Prince Estienne de Transiluanie, lequel en ce faisant, ils auoient receu pour leur Roy : c'est pourquoy ils supplioient sa Majesté, que selon sa grande prudence & bonté accoustumée, qui l'auoit tousiours porté au bien & repos de la Republique Chrestienne, il ne voulust pas pour un petit nombre de suffrages qui l'auoient élu, estre cause d'un grand peril, non seulement en leur Royaume : mais encores à toute la Chrestienté, qui se pourroit émouuoir sur cette querelle. Supplioient doncques sa Majesté de ne trouuer point mauuaise cette election, qui n'auoit esté faite que pour le bien de leur pays & que selon sa modestie accoustumée, il print le tout de bonne part, n'ayàs peu trouuer d'autre meilleur moyen pour accorder tous les Ordres que celui qu'ils auoient tenu.

CETTE Ambassade fut enuoyée de Varsouie, où les Estats estoient alors assemblez pour la creation d'un Roy : la lettre qu'ils en escriuient à l'Empereur Maximilian, estoit signée du Palatin de Cracouie, Lubline, Belfe, & du Marechal de la noblesse, deputez de tous les Ordres pour cette election, & datée du quinziesme Decembre, l'an mil cinq cens septante-cinq. Quatre iours apres l'election, ils enuoyerent aussi au Prince Estienne, lequel vint en diligence iouyr de cette dignité qui luy estoit arriuée contre son esperance : car il auoit déclaré quelque temps auparauant, qu'il ne desiroit point se rendre competeur au desir de l'Empereur, s'il aspirait à cette couronne, ny mesme d'aucun de la tres-illustre famille d'Autriche : mais plustost de les y aider, & de faire tout ce qu'il luy seroit possible pour les y promouvoir, & bien accroistre, s'il estoit en sa puissance, leur grandeur & leur dignité ; mais comme il vid les suffrages de tous pancher de son costé, & que d'ailleurs ceux qui tenoient le party de la maison d'Autriche, l'eussent semons d'effectuer sa promesse, & de faire paroistre à Cesar cette bonne volonté qu'il disoit luy porter, alors il leur respondit si ambiguement, qu'ils reconneurent facilement que tout ce qu'il auoit fait dire à leur assemblée par ses Ambassadeurs, estoit plus selon la courtoisie que selon la verité. Ce qu'ayant esté rapporté à l'Empereur Maximilian, il fit tenir vne Diette à Ratisbonne, en laquelle il obtint non seulement beaucoup de secours des Princes Alemans, Bohemiens & Hongrois : mais ayant esté depuis transferée à Ausbourg, les Roys de Dannemarc, de Suede, le Duc de Saxe, le Duc de Moscouie & de Pomeran, firent vne ligue entre eux pour la deffense de l'Empire, & pour enuahir la Polongne : le Moscouite entr'autres, qui est le perpetuel ennemy de cette nation, enuoya faire offres à sa Majesté de tout ce qui estoit en sa puissance, pour subiuguier la Polongne.

Diette de Ratisbonne, pour aller contre la Polongne.

Dessein d'Amurath en l'election de Battory.

CE CY estoit bien selon la pensée d'Amurath, qui s'asseuroit de deux choses en l'election de Battory, l'une d'auoir cettuy-cy pour amy, & d'oster par ce moyen de grandes forces au reste de l'Alemagne, quand il voudroit y faire la guerre : ou bien que les autres Princes circonuoyins enuieux de la prosperité de Battory, luy feroient infailliblement la guerre, & que luy auroit sujet de se mettre de la partie, pour deffendre la querelle de son confederé & tributaire. Mais pour l'empescher tellement chez soy qu'il laissast en repos ses voisins, Maximilian enuoya des Ambassadeurs en Perse, tant en son nom qu'en celui du Roy d'Espagne, pour inciter le Sophy à faire la guerre aux Turcs : dequoy Battory ayant esté aduertey, il les fit cheualer en sorte, qu'ils furent surpris par le chemin & massacrez, puis enuoya à Amurath leurs lettres & instructions, par lesquelles il peust decouurir tous les secrets de ses ennemis, dequoy l'Empereur Maximilian fut fort desplaisant, & fit arrester les Ambassadeurs de Battory & plusieurs autres Polagues, qui estoient pour lors par l'Alemagne, & à Vienne : tous ses desseins toutesfois s'en allerent en fumée : car il luy suruint un grand tremblement de membres, & un grand battement de cœur qui mit fin à sa vie. Son fils Rodolphe luy succeda, lequel enuoya vers Amurath des Ambassadeurs, pour obtenir vne trefue qui luy fut fort facilement accordée, tant à cause de l'aduis qu'on auoit eu à la Porte de la grande leuée que faisoient les Alemans, que dautant aussi qu'il vouloit entendre à la guerre de Perse, de laquelle il a esté cy-dessus parlé, & quelles occasions y auoient incité Amurath : mais au fonds ce n'estoit qu'une pure ambition,

bien

bleu qu'on fist courir le bruit alors qu'il l'entreprenoit pour sa Religion, voulant empêcher le cours de celle du Sophy: car il pensoit auoir vn fort grand aduantage pour les remuemens qui estoient lors en Perse, desquels les affaires estoient en tels termes.

1575.
Trefves entre
l'Empereur
Rodolphe &
Amurath.
Grands re-
muemens en
Perse.

TACHMAS estant decedé en l'année, selon quelques-vns, mil cinq cens septante cinq, & d'autres, mil cinq cens septante six, il laissa trois fils, tous en aage de luy pouuoir succeder au Royaume, mais le plus ieune nommé Caidar s'en empara. Cettuy-cy ayant mis ses freres en prison, comme il se vid en assurance de sa Royauté, il se monstra d'vn courage si lasche que les Grands du Royaume commencerent à le mépriser, puis à le hayr, si qu'ils le massacrerent, & tirerent son frere Ismaël hors de prison, & l'assirent sur le thrône Royal, auquel ne se trouuant pas trop assuré par l'exemple tout recent qu'il auoit de la mort de son frere, voulant reconnoistre en fonds la bonne volonté de ses sujets, il se cache en son palais, & se conduit si secrettement en son dessein, qu'ayant fait publier sa mort, elle fut facilement creüe, principalement par ses ennemis, lesquels avecques cette creance se dispenserent de decouurir toutes leurs plus secrettes pensées, assurez, ce leur sembloit, qu'il ne leur en pouuoit arriuer aucun mal, puis qu'il estoit mort: Mais les mouscharts qui auoient esté mis au guet pour reconnoistre les actions & les paroles d'vn chacun, en aduertirent fidellement Ismaël, lequel sortant de son sepulchre, comme vn corps nouuellement reuisité, parut à ses ennemis, non comme vn fantosme, mais comme vn Prince iustement irrité, en quoy il se comporta si criminellement, qu'il remplist tout de meurtre: ce qui causa de nouueaux troubles & des confusions inopinées entre ses sujets, qui augmentèrent encores par la publication de sa nouuelle loy, qu'il vouloit estre embrassée à Casbin, faisant mourir les desobeyssans qui ne la vouloiēt pas suivre. Toutes ces cruantez furent causes qu'il se fit vne fort grande coniuration des Sultans: c'est à dire des plus Grands du pays, qui vint à tel point, que sa propre sœur nommée Perca, qui s'entendoit avecques les Sultans, le tua: ce qui confondit vniuersellement tout cét Empire; de sorte qu'il sembloit que la Perse s'en alloit ruinée, & qu'il n'y auoit chose qui fust capable de resister aux moindres attaques de ses ennemis: & cette foiblesse & confusion d'estat allant empirant tous les iours ils eleuerent au thrône Royal Codabande, homme ignorant des affaires, du gouuernement & de la guerre, malade des yeux, qui a fait dire à quelques-vns qu'il estoit aueugle, craintif & inconsideré en ses actions; & ce qui importe le plus, peu ou point estimé des Sultans, si bien qu'à raison de toutes ces choses, ce Royaume iadis tant redouté, commença d'estre méprisé de ses voylins, & de ceux qui en estoient éloignez.

Codabande
viēt à la Cou-
ronne.

AMURATH fut aduertty de toutes ces nouueautez; ce qui luy fit esperer d'en faire aysement la conqueste, & d'obtenir vne victoire desia, ce luy sembloit, toute assurée: à ce faire estoit-il encores particulièrement incité par Zestuf, lors Bassa de Zean, lequel l'ayant informé de tout l'estat de Perse, l'enflamma encores dauantage à cette guerre, par l'esperance qu'il luy donnoit d'vn grand & illustre triomphe, iugeant cette entreprise d'vne heureuse & facile issue. Ayant doncques nommé Mustapha Bassa Cherlesquier, Soltan: c'est à dire Lieutenant general d'armée, que quelques-vns nomment Scadiaquer, il commanda que tous les Bassas & Gouverneurs des villes à luy subiectes, eussent à se trouuer en la ville d'Erzrum, Beglierbegat qui est en l'Armenie maieur, sur les confins de Siruan ou des Medes, & des Georgiens, assise vers le port de Tarabosane ou Trebizonde, & à six ou sept iournées auāt dans le pays, ville fort commode pour passer en Armenie, en Georgie, en Siruan & à Tauris: en ce pays-là on conduisit enuiron quatre mille soldats de Surie, quatre mille de Caramanie, de Mesopotamie douze mille, de Babylone & de Curdy mille, des Ianissaires de Constantinople trois mille, de Spaoglans & autres gens de la Porte quatre mille, le tout faisant 60000. hommes, tous stipendiez, il en vint autant de volontaires.

1576. &
77.
III.
Esperance
d'Amurath.

MUSTAPHA fit retirer & amasser les orges, fromens, ris & autres viures, l'on mena en Alep seulement enuiron huit mille charges de froment, & par la voye de la mer maieur, on porta plusieurs desdites prouisions au port de Trebizonde. Toutes ces prouisions ainsi preparées, Mustapha partit de Constantinople, accompagné de tous les Bassas iusques à la mer, ayant seulement pour lors les Ianissaires que nous auons dit cy-dessus, & autres stipendiez de la Porte, Amurath estant à la petite porte de son Serrail pour le voir passer: vne partie de son armée estant en Erzrum, l'autre le rencontra si tost qu'il eut passé à Scutari & qu'il fut dans l'Asie: car aussi bien les Generaux n'ont point d'autorité en l'armée tant qu'ils voyent Constantinople, & n'oseroient pas auoir fait mourir vn simple soldat,

Mustapha
General de
cette armée,
part de Con-
stantinople.

1577.
& 78.

sans le commandement exprez de l'Empereur; mais si tost qu'ils l'ont perdu de veüe, & qu'ils ont campé, alors ont-ils toute souveraine autorité de vie & de mort sur leur armée. Mustapha emmena de Constantinople force pieces de campagne, plusieurs charges d'afpres, avecques puissance, en cas de necessité, de se servir de la chambre d'Halep, se trouvant à Trebisonde sur la fin du mois de May, où apres avoir fait la reueüe de ses gens, il s'achemina à Chars, lieu sur les limites, iadis volontairement razé par Solymán, en la conclusion de la paix qu'il fit avecques Romas: de Chars il s'achemina apres en la Georgie, & deux iournées au delà de Chars, il campa sous les montagnes de Chiezderni, en certaines campagnes nommées de mesme que les montagnes, qui estoient costoyées en cét endroit de deux collines, sur lesquelles il mit seize ou dix-huict mille hommes, ausquels commandoient Beyran Bassa & Osman Bassa, qui fut depuis premier Vizir.

Les Perlesar-
ment contre
les Turcs.

C'EST OIT ce qui se passoit du costé des Turcs, mais le Roy des Perles ayant entendu que Mustapha estoit party de Constantinople pour l'attaquer, il arma aussi-tost contre luy, commandant à Tachmas Gouverneur de Reivan & à Manuti-Cham Gouverneur de Gengo, Serap-Cham Gouverneur de Nescivan & à autres Capitaines & Gouverneurs des villes limitrophes des Turcs, de rassembler tous les soldats qui estoient sous leurs commandemens, d'aller au deuant de l'armée Turquesque, & de luy donner la bataille avecques le plus grand aduantage qui luy seroit possible. Ceux-cy ayans fort promptement obey & vñ de toute diligence, vinrent vers Chars, & estans arriuez aux campagnes appellées de Chiolder, ils virent sur les collines dont a esté parlé cy-dessus, les Bassas Turcs avecques leurs gens. Or n'auoient-ils avecques eux que seize à dix-huict mille hommes, & croyans que l'armée des Turcs ne fust point plus grande que ce qui paroissoit à leurs yeux, comme ce qui estoit en leur troupe, estoient tous gens de guerre, desquels il n'y auoit aucune comparaison avec les autres, qui n'estoient la plus-part que soldats volontaires, ramassez de toutes parts, ils penserent bien qu'ils les prendroient à leur aduantage, & que leur liurans la bataille ils executeroient le commandement de leur Roy: ils aduancerent donc hardiment, & les Turcs firent le mesme de leur costé, si qu'ils se ioignirent bien-tost, & vinrent vaillamment au combat, qui fut entierement à l'aduantage des Perles, lesquels taillerent en pieces leurs ennemis, & en rapporterent vne tres-signalée victoire, y ayans fait mourir sept Sanjacs.

Mustapha
vient au se-
cours de ses
gens delia
defaits.

M A I S Mustapha voyant tout en desolation, & que s'il ne se hastoit d'y remedier tandis que l'affaire estoit encores en balance, ses ennemis viendroient fondre sur luy, avecques l'audace d'un victorieux, qui épouuenteroit plus les siens que ny leur nombre, ny leurs armes, fit aussi-tost marcher le reste de son armée avecques la plus grande impetuositè qu'il luy fut possible, pour estonner dauantage ses ennemis, qui ne s'attendoient point à cette recharge; mais estoient lors plus attentifs à massacrer ceux qu'ils auoient vaincus qu'à se deffendre de ceux qui les alloient assaillir: aussi aduint-il que cette surprise fut fort à l'aduantage de Mustapha, qui mit leur armée en route, ayant rompu leurs escadrons, & mis en fuite les plus resolus, si bien qu'il en demeura cinq mille sur la place, & trois mille qu'ils prindrent prisonniers, mais ce ne fut pas sans acheter cette victoire bien cherement, & sans y faire vne notable perte de ses gens, qui eust encores esté plus grande, sans la nuit qui les separa, les faisant retirer chacun sous son enseigne: l'un & l'autre ayant cette croyance, qu'il estoit plus victorieux que vaincu, toutesfois il semble que l'honneur en soit deu à Mustapha, qui força le premier ses ennemis de faire retraite, bien que le plus grand meurtre ayt esté de son costé: tant y a que les Turcs firent vne depesche à Constantinople pour aduertir leur Empereur du succez de cette bataille, & les Perles escriuirent à leur Roy qui estoit pour lors à Casbin, pour l'informer du dommage fait & receu.

Cruel trophée
de Mustapha.

Le matin suiuant Mustapha commanda qu'on fist vn bastion en cette campagne des testes des Perles, ce qui fut executé: cét homme, comme vous auez peu voir en Cypre: (car c'estoit le mesme qui en fit la conqueste) estant fort porté à toute espeece de cruauté. De là Mustapha passa à Tiflis en la Georgie, ville Royale de Simon-Bech, mais dominée par Daut frere de ce Simon qui estoit prisonnier en Perse, apres il repara les murailles abatuës du fort de Tiflis qu'il trouua vuide, & y mit cent pieces d'artillerie avecques vn fort grand nombre de soldats qu'il y laissa, sous la charge d'un certain Mahomet Bassa fils de Farrat, sans qu'aucun luy debatist cette place, d'autant que Daut s'en estoit fuy, si tost qu'il auoit entendu la venue de Mustapha, qui cela fait, s'en alla à Seruan, & comme ils'y acheminoit, il luy vint des Ambassadeurs de Lenda, appellé Scender, seigneur de Zaglicien

Il prend Tiflis
& la fortune.

glien Georgien, qui s'offrirent de rendre obéissance au nom de leur maître, au seigneur 1578.
 Othoman, lesquels portèrent de fort riches presens à Mustapha: ce qui fut fait pres- Scender sei-
 que par tous les voylins de la ville de Sechi, comprise dans les confins de la Ser- gneur Geor-
 uanie: de là sans faire aucune chose digne de memoire, l'armée des Turcs parut à gien se rend
 la riuere de Canach, qui diuise les Georgiens de Seruan, & se va décharger en du party des
 apres dans l'Araxes, avecques vn grand tour qu'il fait durant vn bon espace, faisant Turcs.
 comme vne peninsule, abondante en ris & en tous les grains necessaires à la vie hu-
 maine.

Cependant les Capitaines Persans qui s'en estoient fuis de la bataille, n'auoient pas
 pris telle épouuante, qu'ils n'eussent tousiours suiuy leurs ennemis à la trace, sous l'espe- Les Perses
 rance de faire quelque bonne rencontre à leur aduantage, & de prendre en fin raison de la poursuivent
 perte qu'ils auoient faite au precedent combat: car selon le chemin qu'ils voyoient que les Turcs.
 tenoit cette armée, ils iugeoient qu'inailliblement elle passeroit par lieux steriles, & seroit
 contrainte de chercher des viures, & ainsi s'écartans qui çà & là les trouuer separez de
 leurs gens, les prendre apres à leur aduantage. Pour mieux paruenir donc au but de leur
 desir, ils se retirerent en cette peninsule, derriere quelques collines, attendans secrette-
 ment que les viuandiers & autres Turcs vinssent chercher des viures, & de fait il leur reus-
 sist ainsi qu'ils l'auoient premedité: car les Turcs ne furent pas plustost arriuez à Canach, Les Perses
 qu'avecques le congé de Mustapha on mit ensemble mille hommes de condition seruite poursuivent
 & basse, afin qu'ils allassent chercher des bleds. Or se doutoit-il bien des desseins de ses les Turcs.
 ennemis, c'est pourquoy il estoit bien ayse d'exposer ces gens de peu à leur mercy, comme
 c'est l'ordinaire des Turcs de n'en faire point grand estat, ne mettans point leur perte en li-
 gne de compte, & cependant par vn bon stratageme prendre l'armée des Perses avec cet
 amorce & par cet hameçon.

De fait comme ces viuandiers se fussent mis en campagne, les Perses qui auoient l'œil
 au guet, ne faillirent pas aussy-tost de les decouurir si soudainement, qu'ils les enveloppe-
 rent & les taillerent en pieces, sans qu'aucun d'eux échappast. Mustapha qui s'estoit cam-
 pé aupres de là, ayant ouy les crys de ses gens qu'on massacroit, il s'imagina ce qui en estoit: Qu'iluy reus-
 de sorte qu'estant monté incontinent à cheual, il courut avecques toute son armée du co- sit heureuse-
 sté où il oyoit le bruit, & estant guidé par quelques fugitifs qu'il rencontra: il trouua les ment.
 Perses occupez à ramasser les depouilles des occis, ne donnant pas presque le loysir aux
 Capitaines de fuir ny de se reconnoistre; car Mustapha voyant vn si bel aduantage, auoit
 fort encouragé ses soldats, auparauant que de s'y acheminer, & leur auoit fait voir com-
 bien l'ennemy s'estoit auégulé luy-mesme, de s'en venir en ce lieu, où il n'auoit que leur
 armée par derriere, & le fleuve par deuant, si qu'il falloit par necessité, ou qu'ils rompiissent
 l'armée des Turcs, ou qu'ils se precipitassent dans le Canach: & ils sçauoient bien que leur
 nombre s'estoit grandement diminué par leur derniere deffaitte.

Que pensez-vous, disoit-il, que deuoient faire maintenant ceux-cy qui sont en desordre, Mustapha ex-
 amusez à recueillir le butin de la deffaitte de trois ou quatre malotrus, que nous leur auons enuoyez horté ses sol-
 pour leur estre vn appast, afin qu'eux-mesmes nous seruissent apres de curée, puis qu'en bataille dats.
 rangée ils n'ont peu resister à vostre pouuoir. Il ne se presenta iamais vne belle occasion pour ter-
 miner cette guerre: car quelle autre armée y a-il en campagne? leur force est eneruée &
 comme aneantie dans la dissension, & les plus valenreux d'entre eux ont esté faits mourir
 par leurs Princes, n'y ayant icy que les restes de tout ce qui estoit genereux en cette nation,
 lesquels encores à peine fussent ils sortis de leurs villes, s'ils n'eussent en plus de confiance
 sur la difficulté des chemins & la sterilité des contrées par où nous deuiens passer que sur
 leur propre vertu: & de fait quelle armée ont-ils opposée à la nostre? vn nombre à peine
 suffisant pour resister à nos auant-coureurs: de sorte que vous auez ven qu'aussi-tost que nous
 parusmes à la premiere rencontre, ils commencerent à branler, & à nous donner des mar-
 ques d'une victoire toute assurée, & bien qu'ils rendissent pour lors quelque combat, com-
 me ordinairement la terreur de la mort fait remuer les mains aux plus lasches & recrus:
 toutesfois le superbe trophée que vous en auez vous-mesme éleué, fait assez ingier qu'ils
 sont bons pour combattre contre des picoreurs, mais quand ils ont en resse des hommes
 prattiquez à la guerre, qu'ils succombent bien-tost, & que s'ils ont en quelquesfois de l'ad-
 uantage sur nos armées, ce n'a esté que par surprise. Que si, dis-je, en se deffendant de toute
 leur puissance, ils n'ont peu rien gagner sur vous que de la perte, assurez-vous maintenant
 qu'ils ne s'attendent pas à vne telle salve, ny à nous auoir sur les bras, qu'ils n'en rempor-
 SSF iij

1578. *teront que de la honte, de l'ignominie & vne ruine totale: car on la surprise leur apportera vne telle frayeur que tous se mettront en fuite, ou si quelqu'un veut rendre du combat, il faudra que ce soit hors de son rang, & plustost de desesperer que de force, mais que peut un homme desesperé contre un homme resolu & contre l'ordre & la discipline qui reluit en nos armées? & à la verité ie ne vous meine pas à un combat, mais à vne victoire toute assurée, qui osterà le doute qu'on a eu de la premiere, à cause de quelque aduantage qu'ils eurent du commencement sur nous: car il ne tiendra qu'à vous que vous ne sachiez perir tous ceux-cy, iusques à vn.*

Deffaite des
Perses pres le
fleuve de Ca-
nach.

ET de ce pas faisant marcher les enseignes, ils trouuerent tout en desordre, toutesfois comme les Perses ont tousiours vendu leur sang bien cherement aux Turcs, il y auoit parmi cette armée plusieurs hommes de guerre vieux routiers & experimentez en telles affaires, qui eurent bien-tost rassemblé quelques escadrons pour tenir teste aux Turcs, & donner quelque temps aux leurs de faire au moins quelque retraite, s'ils ne pouuoient rompre leurs ennemis; si que le combat demeura long-temps en balance avecques grand meurtre tant d'une part que d'autre, mais en fin la partie n'estant pas égale, les principaux Capitaines se sauuerent comme ils peurent, le reste fut tout taillé en pieces ou noyé en fuyant dans le fleuve de Canach, peu se sauuerent avec leurs Capitaines, qui s'en retournerent à Casbin, porter cette triste nouuelle à leur Roy.

IIII.

Mustapha
veut guérir la
riuiere de Ca-
nach.

LES Turcs cependant s'estans reposez apres leur victoire, grande à la verité, mais qui toutesfois leur auoit esté bien disputée; Mustapha voulant iouyr du fruit de cette deffaite, assuré que le pays de Seruan estoit en proye au vainqueur, il exhorte ses soldats de passer sur le fleuve de Canach, comme celuy qui leur restoit seul à vaincre, pour se rendre les maistres de cette Prouince: or estoit-il difficile à guérir, & l'exemple tout recent des Perses qui ne l'auoient voulu passer, & qui s'estoient noyez en iceluy, bien qu'ils fussent du païs, leur donnoit assez de terreur pour l'entreprendre, & la crainte de la mort leur ostoit le desir de renommée, & d'assubiettir les autres. Mais l'ambition de Mustapha, poussée encores par l'esprit de son Seigneur, qui ne se soucioit pas de cimenter ses conquestes avecques le sang humain, comme estant, ce leur semble, de plus longue durée, vne chose acquise aisément se perdant apres plus facilement, leur remonstroit que c'estoit vne plus grande lascheté à eux de reculer deuant vn fleuve, que ce ne leur auoit esté de vaillance de rompre & deffaite leurs ennemis: qu'il s'y pourroit trouuer quelque endroit auquel il n'y auroit pas tant de danger, qu'ils se l'imaginoient, qu'apres cette petite peine ils entreroient dans vn pays qui les recompenseroit de tous leurs labeurs, n'ayans iusques alors combattu que pour la vie: les prioit doncques de vouloir iouyr du fruit de leurs victoires, apres lesquelles c'estoit s'en retourner au logis sans rien faire, s'ils ne conqueroient le pays ennemy: cela disoit-il aux vns & aux autres.

Quelques-
vns le mena-
cent de mort.

MAIS les soldats de la Grece, & principalement ceux de Constantinople, le trouuerent si mauuais, comme s'il les eust voulu exposer à vne mort toute certaine, & s'agriterent en sorte contre luy, qu'ils le menacerent luy-mesme de le massacrer, s'il vouloit passer outre, luy disans mille outrages: ce qui eust estonné vn chef moins courageux: mais Mustapha sans s'estonner, ny sans retarder pour cela: ains au contraire sa hardiesse estant augmentée par leurs iniures, il passa tout le premier cette riuiere profonde & rapide, & fut suiuy des principaux Capitaines qui estoient en l'armée, des esclauues d'un chacun d'entre eux, & presque de tous les volontaires: il est vray que ce ne fut sans souffrir vne tres-grande perte: car on tient qu'il y demeura huit mille hommes noyez dans cette eau, avecques vne grande quantité de cheuaux, chameaux & mulets, & vne grande perte de bagage. Le lendemain le reste de l'armée encouragée par l'exemple de leurs compagnons, demeurée au reste sans chef, fut contrainte de s'exposer à l'aduanture, qui leur fut plus heureuse qu'elle n'auoit esté aux premiers, d'autant que le sable ayant esté remué par les pieds de ceux qui auoient passé le iour auparauant, estant porté par le fleuve en bas, s'estoit tout ramassé ensemble, si bien qu'il faisoit comme vne grande decouuerte au fleuve, par le moyen de laquelle tous ceux qui passerent, arriuerent sains & sauues à l'autre riuée, & n'en mourut pas vn seul de tout ce reste d'armée, laquelle vint avec les autres.

Mustapha
prend Bres où
il fait vn fort.

MUSTAPHA poursuivant son chemin, passa de là à la ville d'Eres, laquelle estant sans aucune garnison, & n'y ayant en icelle que des habitans, gens de basse condition & sans cœur, ils accoururent bien-tost au deuant de luy, pour porter les clefs de leur ville, dans laquelle estant entré, il fit aussi-tost faire vn fort au milieu d'icelle, mettant dedans Caietas Bassa avecques vn bon nombre de soldats, & selon quelques-vns, quatre cens pieces d'artillerie.

d'artillerie. Et par ce qu'on estoit au cœur de l'hyuer, & que le voyage qu'il deuoit faire au retour, estoit fort long, il se resolut de retourner à Erzerum; mais auparavant que de partir, il laissa Osman Bassa pour gouverner cette Prouince, luy donnant charge de se rendre maistre de Sumachie & de Derbent, & de s'ayder des Tartares, lesquels il auoit entendu s'estre approchez de ladite ville de Derbent. Mustapha doncques estant party, Osman s'empara aussi-tost de Sumachie bonne ville, scituée non loin de la mer Caspie, laquelle souloit estre si puissante qu'elle contenoit cinq ou six mille feux en son enclos, & pouuoit fournir à son Roy de huit à dix mille cheuaux, & en chassa Arescham Persan, qui la gouuernoit au nom du Roy de Perse. Ayant ainsi occupé Sumachie, il enuoya des Ambassadeurs en la ville de Demicarpî, lesquels rapporterent les clefs de ladite ville, & luy menerent les premiers citoyens d'icelle, lesquels venoient prier Osman d'y aller demeurer; il appella pareillement les Tartares qui estoient campez à demie journée de Demicarpî, au nombre de trente mille, sous leur chef Alhicherui, frere du Roy des Tartares Cumans, qui habitent les regions voylines du palus Meotide, & de Caffé, ledit Alhicherui vint avecques ses trente mille hommes à Sumachie, & suiuant ce qu'Osman luy ordonna, courut & rauagea toute la Prouince de Seruan, tirans vers la ville de Genge demeure d'Emangeli-Cham.

1579
Osman prend Sumachie.

Les Tartares au secours des Turcs.

ESTANT arriué sur le bord de la riuere de Canach, il trouua Arescham qui y estoit campé, attendant quelques nouuelles de Casbin & quelque secours: là il y eut vn fort furieux combat, où le Tartare fut vainqueur, & mit non seulement à mort toute l'armée du Persan Arescham, mais le print en vie luy-mesme, & l'enuoya à Sumachie à Osman, qui le fit pèdre hors d'une des sales où il auoit accoustumé de s'asseoir, lors qu'il estoit Gouverneur: de là le Tartare continuant ses victoires, courut à Genge, & donna sur Emangeli-Cham qui estoit allé à la chasse avecques sa femme, & l'ayant defait il saccagea Genge, emmenant avecques soy plusieurs personnes esclaués & force butin; & ainsi chargé de biens, il s'en retournoit à Sumachie; mais estant arriué en quelques campagnes basses environnées des vertes collines, conuié par la beauté & amenité du lieu, il y campa avecques tous ses gens, sans entrer en autre deffiance, prenans leur repos en toute assurance, comme s'ils fussent desia arriuez en terre amie & hors de soupçon. Cependant le Roy de Perse qui auoit entendu le dommage qu'auoient receu les siens aux deux batailles cy-dessus mentionnées, & que les Turcs auoient desia passé au Seruan, auoit depesché soudainement son fils aîné nommé Emir Euiza Mirize, avecques son premier Vizir appellé Salmas & Degun mere du Prince, ausquels il donna douze mille hommes ou enuiron, pour aller endommager les Turcs.

Leur victoire côté les Perses.

LE Prince Persan ayant passé la ville de Tauris & de Curacah, arriua pres d'Eres, & rencontra Caietas Bassa, lequel pressé par la necessité des viures, alloit courant le pays voylin assez inconsiderément, si bien que le Prince Persan le prenant à son aduantage, le mit à mort avecques tous ses gens, & reprit le fort d'Eres, avec les deux cens pieces d'artillerie qui estoient dedans, lesquelles il enuoya vers Sumachie; où il auoit desia ouy dire qu'Osman estoit: & estant arriué aux campagnes où les Tartares estoient campez, encores qu'il vist qu'ils le surpassoient en nombre; toutesfois ayant reconneu qu'ils estoient endormis, ne voulut pas refuser vne si bonne occasion: il entra furieusement parmy eux & en fit vne grande occision, prenant vif le Capitaine Abditcherai, lequel il enuoya à Casbin, au Roy son pere, avecques les nouuelles de ce qu'il auoit fait à Eres, & la prise de l'artillerie. Cela estant fait, il continua son chemin iusques à ce qu'il arriua deuant Sumachie, où estant, il fit aussi-tost dire à Osman que s'il luy rendoit la ville, il luy donneroit la vie; mais s'il vouloit s'opiniâstrer à luy resister, qu'il ne pouuoit esperer de luy aucune misericorde. Osman qui ne scauoit rien de la deffaitte des Tartares, & esperoit d'heure en heure leur retour, fit response qu'il rendroit volôtiers la ville; mais qu'il demâdoit de grace qu'on luy donnast trois iours, pour pouuoir apprestre tout ce qu'il luy falloit, esperant que les Tartares reuiendroient dans ce temps-là: mais apres les trois iours passez, voyant que personne ne venoit à son secours, il se douta aussi-tost du defastre arriué, & estant en lieu mal muni & sans artillerie, il n'osa pas disputer la place; mais se seruans de l'obscurité de la nuit pour celer sa retraite, il s'enfuit par le plus secret & plus assuré chemin des montagnes à Demicarpî, où il fut fort bien receu.

Qui reprennent le fort d'Eres, & taillent en pieces les Tartares.

CE lieu d'une forte situation proche de la mer, estoit outre ce, remparé de bonnes murailles & de bons fossez, si bien que la place se deffendoit assez d'elle mesme: le Prince Persien punist rigoureusement les habitans de Sumachie comme rebelles, tant pour ce qu'ils

Qui la saccagent & celle d'Eres.

1579.

Le Roy de Perse veut faire alliance avec le Prince Tartare son prisonnier.

auoient receu l'ennemy, sans mettre la main à l'espée, qu'aussi par ce que l'ayans veu deuant leur ville, luy qui estoit leur Prince, ils ne luy auoient ny ouuert les portes, ny donné moyen d'y entrer : & estant retourné à Eres, il fit le mesme de ce miserable peuple, à raison dequoy l'une & l'autre ville demurerent desertes & destruites, tant par le moyen des ennemis que des amis. Cela fait le Prince Persien s'en retourna à Casbin, où il fut receu du Roy, des Sultans, & generalement de tous avecques vne fort grande allegresse : mais le Tartare Abdilcheray auoit esté desia fort bien traité du Roy, estant receu en son Serrail, non comme prisonnier, mais comme amy : ce qu'il faisoit pour l'esperance de l'alliance qu'il vouloit faire avecques luy, & luy donner vne de ses filles en mariage, pour auoir par ce moyen la nation des Tartares à sa deuotion, & asseurer en cette façon ses affaires du costé de Seruan & des Georgiens. Or ce Prince Tartare, outre sa naturelle beauté, estoit doué de tant de graces, qu'il eut bien-tost gagné le cœur des Dames, qui sous le bon plaisir du Roy (qu'elles voyoient desirer cette alliance, & le gratifier en tout ce que l'honneur pourroit permettre) luy faisoient fort bon visage en public, & le gratifioient par dessus tout autre.

Jalousie des seigneurs Persiens contre ce Prince.

Qui decouurent ses amours avec la femme du Roy de Perse.

Ils conspirent contre luy, & le massacrèrent dans le Serrail.

Ce qui engendra vne tres-grande jalousie entre les Sultans & les plus grands Seigneurs de la cour, pour aspirer au mesme but que le Tartare, extremement marris qu'un estranger, encores ennemy de leur nation, leur vint couper l'herbe sous le pied : toutesfois comme ils virent leur Roy le desirer, & que son but ne tendoit qu'au bien public, ils ne pouuoient trouuer de termes propres pour former leur plainte, veu que c'estoit vne tres-belle opportunité pour le bien de leurs affaires : mais comme l'amour nous auengle en la connoissance de nous-mesmes, & nous donne des yeux de Linceux aux affaires d'autrui, ils épient tellement les actions de leur riuai, qu'ils reconneurent qu'il auoit de l'amour pour la mere du Prince, plustost que pour la fille du Roy, encores firent-ils courir le bruit que cela venoit de la part de cette Princeesse, laquelle deuenüe extremement amoureuse de ce jeune Roy, l'auoit plus sollicité qu'il ne l'auoit recherchée ; de sorte qu'on tenoit pour asseuré qu'elle luy faisoit part de ses plus estroits embrassemens. Ceux-cy bien ayés d'auoir vn si bon pretexte, vray ou faux, pour se deffaire de celuy qu'ils haïssoient tant, & seignans estre plus jaloux de l'honneur du Roy que de l'amour de sa fille, de voir vn prisonnier apporter vn tel scandale à la maison de leur Prince, ils firent vne secrette conspiration entr'eux, pour s'en deffaire à la premiere occasion : mais voyans qu'il estoit tousiours trop bien accompagné, ils entrerent vn iour tout à l'impourueu dans le Serrail, où ayans trouué le Tartare, ils luy donnerent tant de coups qu'ils le renuerferent mort sur la place, ostans ainsi la honte publique, & principalement celle du Roy ignorant de tout cela, & afin que celle qui auoit commis la principale offense ne demeurast pas impunie, ils tuerent aussi la femme du Roy ; toutesfois on est en doute si cela aduint de leur propre mouuement, ou par le commandement du Roy : mais tant y a qu'elle fut tuée avecques son mignon. C'est ainsi que se passa la premiere année de la guerre de Perse. Quant à Multapha, s'en estant allé hyuerner à Erzerum, il congédia toute l'armée, où il s'occupoit à faire faire de la chaux & autres materiaux necessaires pour le bastiment de Chars, qu'il deuoit entreprendre l'année suiuiante.

V. Prodiges veus en l'Europe.

Trefues entre le Roy d'Espagne & Amurath.

Histoire tragique de la mort de Mahomet premier Vizir.

L'ANNEE qu'on commença de faire la guerre aux Perses, plusieurs prodiges furent veus en Europe, entr'autres vne grande Comete qui fut veüe presque par toute l'Europe, à Rome vn globe de feu fut veu en l'air, semblable à vn gros tonneau, qui naissant sur la porte de Populo, vint s'éuanoüyr sur le Chasteau saint Ange. On vid outre en la Romagne sur les trois heures de nuict vne grande lueur en l'air qui dura quelques heures, si bien qu'à my-nuict, encores que cette nuict-là fust fort obscure, on pouuoit lire toute sorte d'écriture. L'année suiuiante, se traicta vne trefue entre le Roy d'Espagne & Amurath ; quelques-vns disent que cette negotiation se fit par l'entremise du Basia Mustapha, qui rauala de beaucoup à ce qu'ils disent le courage des Perses, d'autant qu'ils auoient beaucoup de confiance en ce secours : mais le Roy d'Espagne auoit bien lors d'autres affaires & d'autres pensées : & si en la derniere Ligue il audit esté si curieux de sa conseruation en vne affaire qui le regardoit de si pres, il y auoit grande apparence qu'il ne s'iroit pas exposer à l'auenture, en vn pays, & pour des nations si éloignées.

OR durant cette guerre de Perse, Mahomet Basia estoit demeuré à Constantinople, faisant sa charge de premier Vizir, & cōme il vid son Prince assez bien estably en son Empire, lequel du commencement d'iceluy & par son conseil auoit augmenté le nombre de ses gens de guerre & leurs gages, il iugea qu'ayant trefues de toutes parts en l'Europe, qu'on

qu'on pourroit bien s'en deffaire de quelques-vns, & remettre les autres à l'ancienne soldie. Or entre ceux qui furent cassez, vn entre autres se voyant reduit par ce moyen à vne extreme pauvreté, se fit Deruis: ce sont certains Religieux Mahometistes qui seignent les transportez, dont il a esté desia parlé plusieurs fois en cette histoire, & sera encores cy-apres. Cettuy-cy doncques demandant l'aumosne aux passans, comme veulent les statuts de cette regle, il la demandoit aussi au Bassa Mahomet, lequel la luy donnoit volontiers: or ne faisoit-il tout cela qu'à dessein: de sorte que s'estant peu à peu acquis l'entrée au logis du Bassa, il fit en sorte qu'il en remarqua les aduenues: & comme il eust ce luy sembloit assez bien reconneu toutes choses, vn iour de Dimanche au moys d'Octobre de l'année mil cinq cens septante neuf, le Bassa donnant audience dans la sale de son logis, ce Deruis voulut entrer auccques les autres, mais il fut repoussé plusieurs fois par les Capigi, qui n'en laissent ordinairement entrer que quelque vingtaine à la fois, pour euiter la confusion. Voyant doncques qu'il ne pouuoit faire ses affaires de ce costé-là, luy qui scauoit les estres de la maison, entra par vne petite porte dans cette salle, ayant les deux mains dans son sein, en la maniere qu'on les pourra mieux remarquer cy-apres à la figure, & se presenta deuant le Bassa, qui estoit assis dans vne chaise, & s'estant mis à genoux tira vne main de son sein, en laquelle il tenoit vn papier qu'il luy presenta: le Bassa qui pensoit que ce fust quelque priere qu'il luy voulust faire pour auoir de luy quelque piece d'argent: car comme nous auons desia dit, il luy donnoit souuent l'aumosne, se baissa pour fouiller en sa bourse, retroussant son Castan, alors ce meschant garnimét tire l'autre main, en laquelle il tenoit vn cousteau, & en dóna vn tel coup dans le sein du Bassa, qu'il luy coupa la veine-cave & luy perça le cœur, le Bassa se sentant frappé, se leue, & cōme il estoit grand & puissant, il se veut ietter sur celuy qui l'auoit frappé, mais le coup estoit tel, que le sang le suffoquant qui luy regorgeoit en abondance, il ne fit qu'vn pas en auant, qu'il fut aussi-tost contraint de se laisser tomber à la renuerse.

1579.

Origine d'icelle.

Le Bassa assas.
siné par vn
Deruis.

CELA comme il estayé à fuger, apporta vn grand trouble, non seulement en cette maison, mais encores en tout cet estat, pour estre arrivé à vn personnage de telle qualité, qui auoit manié les affaires de ce grand Empire, sous l'autorité de trois Empereurs auccques beaucoup d'honneur & de louanges, premierement sous Solyman, mais depuis sous Selim, & plus souuerainement, principalement depuis la bataille de Lepante, & encores apres sous Amurath, duquel aussi bien que des autres il fut tousiours premier Vizir tant qu'il vescu, & auquel il auoit vne tres-grande créance; aussi en eut-il vn tel regret, que pour scauoir plus particulieremēt l'origine de cet assassinat: il se fit amener le criminel, lequel il voulut interroger luy-mesme, pour connoistre si cela venoit des ennemis de son estat, estrangers, ou bien de quelques-vns mesmes de la porte, estuieux de la prosperité du deffunct, mais il ne peust iamais rien apprendre de ce furieux, sinon qu'il auoit eu vne reuelation d'en haut qui luy auoit commandé d'en vser de la sorte, pour le grand bien & le repos de l'Empire, la question ny autres tourmens qu'on luy fit souffrir, n'ayans pas esté assez puissans pour luy faire confesser autre chose.

Amurath fort
affligé de cet-
te mort.

LE sieur Iugé duquel i'ay desia fait mention cy-dessus, qui estoit dans la salle du Bassa quand le coup fut donné, sollicitant son congé pour s'en retourner en France, dit qu'il estoit lors aagé de septante cinq à septante six ans, & toutesfois fort puissant, qui encores qu'il fust fort grand & assez gros, neantmoins en cet aage-là montoit tout seul à cheual, qu'il lisoit sans lunettes, n'estoit iamais malade, & qu'il fut trouué si sain apres auoir esté ouuert, qu'on iugeoit que si on luy eust laissé acheuer le cours naturel de ses ans, il eust esté pour viure encores plus de vingt ans: homme qui auoit le visage plein de majesté, & toutesfois de facile accez: mais sur tout d'vn tres-grand iugement, comme il a fait assez paroistre en toutes ses actions: car il cela si dextrement la mort de Solyman, au milieu d'vne grande armée, qu'il fut cause de la prise de Zighet, vlsant de mesme prudence à la mort de Selim. Il predist aussi l'euenement de la bataille de Lepante, & bien que toutes choses se conuertissent apres en bien pour les Turcs, toutesfois selon l'estendue de l'entendement humain, qui ne peut donner dans les ressorts de l'éternité, il y auoit grande apparence que la Ligue deuoit reduire l'Estat des Turcs en de tres-mauuais termes: il estoit assez affectionné à la France, & luy a fait plusieurs bons offices, tantost faisant élire Roy de Polongne le Roy Henry troisieme, & depuis faisant prolonger le temps aux Polonois, quand ils voulurent proceder à nouuelle election, apres que ledit seigneur Roy se fut retiré en France; mais il fit encores deux bons offices, qui ne doiuent pas estre passés sous silence.

Eloge de ce
Bassa.

1579.

Histoire de
du Bourg.

INCONTINENT apres l'aduenement à la couronne de France du Roy Henry troisieme d'heureuse memoire, il y eut quelques mécontentemens entre luy & son frere le Duc d'Alençon, depuis Duc d'Anjou, plusieurs mauuais garnemens taschans de mettre ces deux freres en querelle, pour inuenter vn nouveau pretexte aux guerres ciuiles, & auoir moyen cependant de pescher en eau trouble, entre autres vn nommé du Bourg. Or cette petite riote s'estant paisiblement terminée, le Roy ayant contenté son frere, autant qu'il eust sceu desirer, ceux qui auoient esté cause de ce trouble, furent particulièrement recherchez, & principalement ce du Bourg, lequel voyant qu'il ne faisoit plus bon pour luy en France, se retira à Venise, avecques intention de passer à Constantinople: mais voyant qu'il auoit esté découuert par l'Ambassadeur de France, il prit le titre d'Ambassadeur du Duc d'Alençon; mais le Roy en auoit particulièrement escrit à son Ambassadeur, à ce qu'il eust à requérir particulièrement la Seigneurie de luy permettre de se saisir de luy, attendu que c'estoit vn sien sujet, coupable du crime de leze Majesté, qui estoit encores pour faire beaucoup de mal, qui ne s'asseureroit de sa personne. La Seigneurie en fit du commencement de grandes difficultez: car encores qu'elle sceust au fonds que cettuy-cy n'estoit qu'un fugitif & non Ambassadeur; toutesfois elle craignoit que cela ne fust pas creu ainsi à la Porte, & que cela ne donnast quelque sujet de mécontentement à l'Empereur Turc, d'auoir souffert qu'on eust outragé en sa ville vn Ambassadeur qui luy estoit delegué, toutesfois elle fut tellement persuadée par les raisons de l'Ambassadeur, qu'elle luy permit de prendre au corps ledit du Bourg.

CES nouuelles ne faillirent pas d'estre portées aussi-tost à Constantinople, & vinrent iusques aux oreilles d'Amurath, auquel on dist que c'estoit vn Ambassadeur du Roy de France: ce qui l'offensa extremement, parce qu'il sembloit que la Seigneurie se fust voulu attaquer à luy, violant cependant le droit des gens, ayant mis les mains sur vne personne sacrée. Ce qu'ayant esté rapporté au Senat, comme il a tousiours de bons amis qui l'aduertissent promptement de ce qui se passe en cette Cour à son desauantage, il en escriuit incontinent au Roy, & luy en fit faire instance par son Ambassadeur, à ce qu'il pleust à sa Majesté en escrire au grand Seigneur, & faire informer le premier Vizir par son Ambassadeur comme cette affaire là s'estoit passée: de quoy ledit sieur Jugé, qui estoit lors Agent, eut la commission, & en parla à Mahomet Bassa, lequel ne faillit d'en aduertir son Seigneur: si bien que l'Ambassadeur de Venise en ayant encores importuné le Roy, & sa Majesté en ayant fait vne recharge à son Agent, comme il fut trouuer le Bassa, il luy dist qu'il ne se parloit plus de cela, & qu'il en auoit fait son rapport en tels termes au grand Seigneur, qu'il auoit trouué fort bon qu'on se fust saisi d'un rebelle à son Roy, & qu'il estoit tres à propos qu'il fust seuerement chastié, si bien qu'il n'en vouloit aucun mal à la Seigneurie.

Autre histoire
de d'un autre
du Bourg &
d'un luy nom
mé Micqué.

L'AUTRE bon office fut qu'un des parens de ce du Bourg, & portant le mesme nom, s'estant accosté d'un Iuis appelé Micqué à Constantinople, celui qui auoit esté cause en partie de la ruine de Cypre, & lequel disoit qu'il auoit presté à la France quelques milliers d'escus. Ces deux-cy bien d'accord ensemble, trouuerent moyen de contrefaire des lettres du Roy Henry, par lesquelles, avecques le consentement du grand Seigneur, il permettoit à ce Micqué, de prendre vn certain tribut sur tous les François trafiquans en Leuant, & sur tous ceux qui marchaient sous la banniere de France: iusques à la concurrence de son deu. Comme ceux-cy fussent allez trouuer le Bassa pour auoir permission, il leur dist qu'il trouuoit assez mal à propos de faire cette leuée, toutesfois qu'il le permettoit sur les sujets du Roy, mais non pas sur les estrangers marchans sous la banniere, qui n'auoient que faire de payer ses dettes. Ceux-cy ayans cette permission, s'en allerent aussi-tost en Leuant, où ils arresterent quelques vaisseaux qu'ils trouuerent en Halep & autres lieux, l'un desquels s'estant échappé, print la route de Venise, où il en rencontra sur le chemin trois ou quatre autres qui s'en alloient trafiquer en Leuant, lesquels ne sachans point d'où cela procedoit: (car le tout se faisoit sous l'autorité d'Amurath) ils creurent que l'Empereur Turc vouloit faire la guerre à la Chrestienté, & qu'il vouloit rompre tout le trafic & commerce. Cela donna l'effroy à toutes les costes & à toutes les mers circonuoyfines, si que le bruit en vint iusques à Constantinople, aux oreilles du Bassa, lequel bien en peine d'où cela pouuoit proceder, se souuint de la permission qu'il auoit accordée au Iuis Micqué: alors ayant mandé l'Ambassadeur de France, & apres luy auoir fait sa plainte de ces insolences, il reuqua aussi-tost sa permission, sans en faire plus grand bruit.

VL

MAIS pour reuenir à la guerre de Perse, comme se vint au commencement de la prime-
vere,

vere, les Bassas & Sanjacs avecques leurs troupes s'en vinrent trouver Mustapha, selon ce qui leur auoit esté mandé, lesquels entre les gens de guerre qu'ils auoient l'autre année, auoient fait venir plusieurs soldats de l'Egypte, desquels toutesfois à cause de la difficulté du voyage qu'il conuint faire par les deserts sablonneux qui sont entre le Caire & Geza, comme aussi à raison de la peste qu'ils trouuerent en Halep & aux villes voy fines, il y en eut peu qui peussent arriuer à Erzerum. Desia tout l'appareil pour le nouveau voyage, estoit prest, lors qu'on commença dans Casbin à penser comment on pourroit endommager les Turcs: car ils ne sçauoient pas encores qu'Amurath eust dessein de faire bastir Chars: mais on tenoit tout communement que les Turcs ne pouuoient moins faire que de secourir Tiflis: C'est pourquoy ils delibererent de ne faire point d'autre prouision, sinon d'enuoyer Simon Bech en la Georgie, qui estoit encores alors prisonnier, Aliculy-Cham premier Capitaine de Perse, & avec ceux-cy six ou sept mille personnes, & plusieurs canons de ceux qui furent pris à Eres, afin qu'ils allassent bouscher le destroit de Tomanis, & tascher de ruiner entierement celuy qui viendrait secourir ce fort. Quant à Mustapha estant party d'Erzerum, il fut en huit iours à Chars, où il demeura vingt-quatre iours, durant lesquels il fonda sur les ruines de ce lieu, quatre-vingt tours, bastist des estuues, fit conduire l'eau au tour des murailles, & dans la ville vn bras de l'Euphrate, voisin de ce lieu, & enuoya apres Assan Bassa, fils de feu Mahomet premier Vizir avec vingt mille soldats pour secourir Tiflis, auquel il fit deliurer quarante mille ducats, & plusieurs choses necessaires, tant pour viure que pour combattre.

1579.

Et ceux des
Perfes.

Assan s'achemina diligemment pour donner secours, & en voulant passer le destroit, fut assailly par Aliculy-Cham & Simon, qui estans diuisez en plusieurs troupes parmy les boys, & avecques vne nouvelle & inusitée forme de bataille, faisans mille tours, endommagerent grandement Assan, toutesfois se voyans en fin enuironnez par vn grand nombre de Turcs, ils tascherent de se sauuer: mais Aliculy ayant trop inconsiderément couru iusques aux deffenses d'Assan, fut pris prisonnier, Simon se sauua: si bien que cette rencontre facilita le chemin à Assan pour aller iusques à Tiflis, où ayant raffraischy la garnison d'hommes, d'argent & de munitions, & encores consolez dauantage par vne esperance d'vn nouveau secours, quand besoin seroit, il se retira. Mais au retour le passage luy fut bousché par Simon, lequel auoit fait faire vne grande tranchée qu'il auoit remplie de canons, & l'attendoit là de pied-ferme, esperant de ruiner cette armée avecques son artillerie: mais le Capitaine Turc voyant sa ruine assurée, s'il s'efforçoit de passer outre, & ne sçachant point les destours du pays, pour prendre vne autre brisée, il s'aduisa de se faire amener son prisonnier Aliculy, afin qu'il luy monstrest quelque autre chemin, par lequel ils peussent euitter ce grand danger du destroit, luy promettant s'il le faisoit, qu'il le mettroit en liberté. Aliculy luy enseigna incontinent le chemin par le milieu du bois, où Assan passa sans danger, à quoy Simon n'auoit pas pensé: mais s'en estant aduisé, il iugea bien que tous ses labeurs & son entreprise s'en iroient en fumée: cela fut cause que laissant là son artillerie & les autres choses qui le pouuoient empescher, il courut apres l'armée Turquesque, & l'atteignit qu'elle estoit desia sortie du bois, où il donna furieusement sur la queue, & y fit vn grand massacre des gens d'Assan, duquel il emmena le bagage & d'vn autre Bassa, & ne pouuant faire dauantage, l'armée des Turcs estant trop puissante pour l'attaquer & luy liurer bataille, il se retira dans le bois, & Assan s'en retourna à Chars vers Mustapha avec son prisonnier Aliculy, auquel il ne tint pas promesse touchant la liberté: car estans tous retirez à Erzerum, Aliculy fut mis en prison.

Les Perfes
sont pris en
leurs propres
pieges.

Or comme vous auez peu voir, bien que les Turcs eussent gagné quelques places, si est-ce qu'ils auoient perdu grand nombre d'hommes, tant en la Georgie qu'au pays de Seruan, & des places qu'ils auoient assuietties, les Perfes en auoient reconquis les principales: outre ce, la peste & bien souuent la famine, s'estoit mise en leur armée, qui en auoit esteint la plus grande partie, si bien que quelques-vns ont escrit qu'il y estoit mort plus de soixante & dix mille Turcs que de glaue, que de peste & de faim. Il y auoit encore vne flotte du costé de la Mangrelie qui ne fut pas plus fauorisée que l'armée de terre: car elle fut toute dissipée par les orages & la contagion. Cela auoit esté rapporté au Monarque Turc par Sinan Bassa, ennemy particulier de Mustapha, & qui aspirait tant à la charge de premier Vizir, que de General en l'armée des Perfes: de fait toutes ces mauuaises rencontres auoient fort estonné Amurath, & d'autant plus qu'elles luy arriuoient contre son esperance: car il perdit vn monde de bons soldats, & de vaillans Capitaines, selon quelques-vns. Mais cette guerre est écrite si diuersement par les auteurs, au moins par les

Grande ruine
en l'armée
des Turcs.

1508.

Mustapha fait
Mansul.

relations & les memoires de ceux mesmes qui estoient au pays, qu'on ne sçait comment la décrire en verité; car les vns disent que dès la premiere année de cette guerre, Mustapha perdit plus de septante mille hommes, entre autres dix-sept mille au passage d'une riuere, d'autres que Mustapha donna vne grande bataille, laquelle il perdit & s'enfuit: & vne infinité de contrarietez, tant sur la maniere de combattre que sur leurs entreprises, & le nombre des morts: mais tant y a qu'il est bien certain que les Turcs firent de grandes pertes, & qu'Amurath iugeant que ce mal-heur prouenoit de celuy qui en auoit la conduite, le rappella & le fit Mansul ou Mansul: c'est à dire le degrada de sa charge & de sa dignité, sauuant encore sa vie à force d'argent, rendant gorge d'infinies exactions qu'il auoit faites.

Lequel se
tient sur ses
gardes.

On disoit qu'il estoit trop vieil, & qu'il n'auoit plus cette vigoureuse ardeur si necessaire aux genereuses entreprises: ayant doncques esté mandé vne & deux fois, en fin redoutant la cholere de son Prince, & ayant senty de loing qu'on auoit fait plusieurs rapports de luy, estant outre plus hay des soldats, pour les peines & les mesayses qu'ils auoient souffertes en cette guerre: & d'ailleurs sa conscience luy representant les grandes exactions qu'il auoit faites, iusques à vendre les principales charges de l'Empire, & tirer argent de toutes parts: (car te estoit le pouuoir de ce Charlesquier, qu'il pouuoit mesmes créer des Bassas Vizirs:) il faisoit le long pour se retirer, & comme vn homme qui estoit en crainte, il se munist de toutes parts contre les embusches qu'on luy eust peu dresser: & comme il estoit en ces alteres, il arriua le Capitzi Kiheia, comme nous dirions le grand Chambellan, avecques quinze Capitschilar, ayans deux sortes d'expeditions, l'une qu'ils deuoient monstrier, l'autre qu'ils deuoient tenir secrette, par laquelle on leur commandoit d'estrangler Mustapha, si l'occasion se presentoit à propos: l'autre portoit vn commandement de leur obeyr en leur commission, & deffense à qui que ce fust de leur en empescher l'execution: mais au contraire de leur prester tout confort & ayde, ceux-cy estans arriuez au camp, comme il estoit diuisé en trois, on les enuoyoit du commencement de l'un à l'autre.

Mustapha se
fait mourir.

En fin leur chef ayant déclaré à bon escient qu'il auoit à conferer d'affaires d'importance avecques Mustapha, certuy-cy disposa ses gens en armes de toutes parts, se deffiant à peu pres de ce qu'il vouloit, puis le fit venir. Le Capitzi voyant que toute occasion luy estoit ostée de faire ce qu'il auoit entrepris, il luy bailla les lettres, par lesquelles il disoit auoir commandement de se saisir du Desterdar & du Nyscangi: c'est à dire, du tresorier & du Chancelier de Mustapha, & partant luy commandoit de la part du grand Seigneur, de les luy consigner entre les mains. Mustapha à cette demande faisant plusieurs excuses, & cherchant plusieurs subterfuges, comme il vid qu'il ne pouuoit pas aller à l'encontre du commandement de son Souuerain, il les deliura, à condition qu'ils seroient assurez de leur vie: ce que le Kiheia luy ayant promis, ils furent emmenez à Constantinople, & mis prisonniers au chasteau des sept tours, où on les enquist fort exactement des actions de Mustapha, toutes fois ils furent deliurez quelque temps apres l'arriuée de Mustapha, lequel estant à Constantinople, fut plusieurs iours, sans auoir audience, & en doute de sa reconciliation: toutes fois les grands presens qu'il fit aux vns & aux autres, luy sauuerent la vie pour lors; mais quelque temps apres n'ayant point d'assurance en toutes les promesses qu'on luy auoit faites, & par les discours qu'on tenoit, craignant quelque cruel supplice, il se fit mourir par poison: les autres disent que ce fut d'auoir mangé trop de melons, & beu par apres vne quantité de Scherbeth, ou eau sucrée, qui le fit tomber en vne grande maladie, de laquelle il mourut: encores y en a-il qui disent qu'il fut estranglé: mais en quelque façon que cette mort soit arriuée, tant y a que l'Empereur confisqua tous ses biens, qu'il fit transporter en son Serrail, en laissant seulement quelque portion à ses enfans qui estoient encores ieunes, lesquels il receut par apres en sa Cour. On dit que ce mesme Mustapha auoit encores couru vn pareil hazard sous Selim, lequel il auoit instruit en sa jeunesse: car lors qu'il exerçoit le Beglierbegat de l'Egypte, il auoit resolu de luy faire trancher la teste; ce qu'il euita tant par les aduertissemens qu'on luy en donna, que par les indices qu'il en eut: c'estoit la punition qu'il receut des grandes cruantez par luy exercées en Cypre, & particulièrement contre le genereux Bragadin.

Sinā premier
Vizir & General
de l'armée contre
les Perses.

MUSTAPHA ainsi depossédé, Sinan son ancien ennemy fut estably en la place de premier Vizir, & de General de l'armée, lequel print congé de l'Empereur le vingt-cinquesme iour d'Auril, duquel il receut l'enseigne Imperiale, vn tres-riche cimenterre, & de tres-beaux cheuaux: passant de là en Asie avecques vne tres-grande magnificence, & accompagné

accompagné d'une grande multitude de courtisans, & toute l'artillerie tirée à ce départ, un grand nombre encore de trirèmes & autres vaisseaux disposez sur le port pour une plus grande pompe. De là il s'achemina à Siuas, où voyant le peu de soldats qui luy restoient, & encores tous harassés du mal & de la nécessité qu'ils avoient endurée, il le fit entendre au Sultan, afin qu'il luy en enuoyast de l'Europe, lequel fit assembler le Aiac Typhan au premier iour : c'est à dire le conseil de pied, qui se tient entre le Serrail & le temple de sainte Sophie : les conseils de cette sorte sont rares, & ne s'assemblent jamais que pour une urgente nécessité, & neantmoins se tiennent avecques grand tumulte : en ce conseil on proposa de continuer la guerre contre les Perses, & de prendre au corps ceux qui avoient abandonné leurs enseignes.

CEPENDANT le Roy de Perse ayant entendu que les Turcs avoient changé de General, il pensa qu'il pourroit trouver quelque moyen d'accord à ce changement de Capitaine, n'estant principalement assuré que Sinan aimoit mieux les guerres de l'Europe, que celles de l'Asie : à raison dequoy il se resolut d'enuoyer Maxat-Cham Ambassadeur à Sinan & à Amurath pour ce traité, avecques commandement de conclure la paix, si Amurath se vouloit contenter de Testis ou Tiflis & de Chars. Maxat estant arriué devers Sinan, luy exposa le desir de son Roy ; mais Sinan luy dist qu'il ne falloit pas qu'ils s'en allast à Constantinople, si ce n'estoit avecques resolution de ceder tout ce que Mustapha avoit occupé la premiere année, qui estoit tout le Seruan ; dequoy l'Ambassadeur n'ayant aucune charge, il n'osoit passer outre : toutesfois esperant d'obtenir d'Amurath ce qu'il ne pouvoit faire de Sinan, il fit tant qu'il eut permission d'aller à la Porte : mais leur ayant fait cette ouverture, il ne peust conclure aucune chose, & si eut beaucoup de peine de se depestrer des mains des Turcs, qui le menaçoient desia de prison perpetuelle, & monstroient qu'ils l'avoient soupçonné d'estre espion : de sorte que pour se liberer, il fut contraint de promettre solennellement de faire tant avecques son Roy qu'il quitteroit Seruan, & avecques ces promesses il fut congedié & renuoyé en Perse, où il fut apres soupçonné de son Roy, d'avoir offert Seruan sans son commandement, lequel conceut un tel soupçon par les persuasions d'Emir-Cham Gouverneur de Thauory, qui estoit ancien ennemy de ce Maxat-Cham, qu'il ne cessa jamais iusques à ce qu'il eust persuadé au Roy que cette Ambassade estoit une pure conspiration & rebellion contre sa Majesté.

VIII.
Ambassadeur
des Perses au
camp de Si-
nan.

DE QUOY ce Roy qui estoit d'esprit foible & d'humeur fort inégale, s'émeut incontinent, comme si en verité la chose eust esté telle qu'elle luy estoit rapportée, & commanda qu'on luy amenast en sa presence Maxat : ce que Emir-Cham, qui ne desiroit autre chose, tascha d'exécuter fort promptement, & depecha quinze de ses gens au lieu appelé Cassangich, sief ancien de ce Maxat-Cham, afin qu'ils le menassent au Roy : Maxat qui avoit eu quelque vent de cecy, demeura tellement sur ses gardes, qu'il ne se troubla aucunement à la venue de ses gens : ains les conuia tous, leur faisant porter des fruits, de la chair, & des confitures de toutes sortes, leur usant encores de force caresses, & tandis qu'ils dormoient, il leur fit lier estroittement les pieds & les mains, & descendre dans un puits profond, le couvrant avecques une grande pierre, cependant il assemblea tout ce qu'il avoit de meilleur en ce logis, toute sa famille, sa femme ses enfans, ses freres & tout son argent, s'en alla promptement de Cassangich, & se retira à Salmas, & de là à Ran, d'où il fut enuoyé à la Porte, & bien receu & honoré.

Et est apres
soupçonné de
son Roy, qui
se veut allé-
rer de luy.

EN ce temps le Roy de Perse s'estoit retiré à Carachach, lieu assis entre Seruan & Tauris, fort abondant de toutes choses nécessaires, & ayant ramassé là une armée d'environ trente mille personnes, attendant la venue de Sinan lequel il croyoit devoir passer à Tauris ou Seruan, pour surpasser la gloire de Mustapha, & en quelque lieu qu'il allast, il estoit résolu de l'attendre en ce lieu de Carachach, fort commode pour le rencontrer, & pour ce qu'il sçavoit bien qu'il falloit enuoyer du secours à Testis ou Tiflis en la Georgiane, il depecha encores deux de ses principaux Capitaines, à sçavoir Tocotrach & Munguli-Cham, pour s'aller joindre avecques Simon, & endommager les Turcs plus qu'ils n'avoient encores fait. Sinan estant venu à Erzerum, & ayant ramassé l'armée ordinaire, & assemblé les munitions accoustumées, s'en alla à Chars, & de Chars il voulut passer en personne à Tiflis en la Georgiane, avecques intention de bastir un fort à Tomanis, qui est en la mesme bouche du destroict : estant arriué à Tomanis il y campa : mais estant surpris d'une fort grosse pluye, l'espace de huit iours & de huit nuicts, il fut contraint de lever son camp & de passer à Tiflis, qu'il secourut d'argent & de munitions ; mais estant arriué à Triale, il entendit que le Roy de Perse venoit contre luy avecques

1581.

vne tres-grande armée. A raison dequoy il fit acheminer vers Ardachan toutes les plus puissantes charges, & quant à luy il s'en alla avecques toute son armée aux campagnes de Chielder, où il fit trois reueuës d'icelle, la rangeant par bataillons, & marcher en ordonnance, comme si elle eust deu combattre, faisant mine de vouloir aller trouver le Roy de Perse.

Sinan desirant de se retirer, enuoya demander vn Ambassadeur pour accorder.

Mais ce bruit n'estoit qu'en apparence, veu qu'au meisme temps il depescha Vlachi, pour demander au Roy de Perse vn Ambassadeur, afin qu'il luy promist de conclure la paix, ce qu'il fit afin que ce Roy ne le vint trouver : mais d'autres recitent cecy tout autrement. Car les vns veulent que Sinan ayant reconnu les Perses estre plus forts & plus difficiles à vaincre qu'il ne s'estoit imaginé, s'estant desia beaucoup aduancé dans le pays, qu'il fust contraint de se retirer sur ses pas, quitter la campagne & se ietter dans Argire, & qu'en cette retraite les Perses le poursuirent de si pres, que plusieurs qui estoient demeurez des derniers, n'en dirent point des nouvelles aux autres: ils veulent encores que les Perses de ce meisme pas soient allés à la forteresse qu'ils nomment de Casi, bastie sur la coste de la mer du Pont Euxin, & gardée par dix mille hommes, comme fort utile aux entreprises du Turc, & qu'encores qu'ils n'eussent point d'artillerie, ils forcerent neantmoins la place, & taillerent la garnison en pieces, tenans encores Sinan assiegé dans Argie, & tenu si de court qu'il commençoit à y souffrir beaucoup de necessité, de sorte qu'il fut contraint de faire sortir treize mille chevaux, pour aller au fourage, auxquels il bailla son fils pour leur commander; qu'apres auoir fait vn bon butin aux enuiron, il fut attendu des Perses au passage & à son retour, où tous ses gens de cheual furent taillez en pieces; ne se sauuant, disent-ils, que leur General bleissé de quatre coups d'espee, lequel ne se fust encoré jamais tiré de la mêlée, sans la bonté & vilteté de son cheual.

Quelles sont sans grande apparence.

Mais sauf meilleur aduis, ie voy peu d'apparence à toutes ces desfaites non plus qu'à l'année qu'on dit qu'elles sont arriuées: car cela est bien certain que ce qui faisoit desirer la paix à Sinan, estoit en premier lieu, qu'il voyoit bien que la guerre de Perse consumerait les Turcs: l'autre & qui le pressoit le plus pres, estoit le grand desir qu'il auoit de s'en retourner, pour ce qu'il luy sembloit qu'il ne seroit iamais assez à temps à Constantinople, pour exercer la charge de premier Vizir. Or est-il que s'il eust tant souffert de pertes, que ce n'estoit pas le moyen de iouyr de cette dignité, veu qu'apres plusieurs conquestes qu'auoit faites Mustapha, comme vous auez entendu, quelques pertes qu'il souffrit, plustost par la corruption de l'air, par la difficulté des chemins, & par le peu d'aduuis de ceux qu'il employoit en cette guerre, que par sa faute, furent neantmoins la principale cause de sa disgrâce: & quant à l'année, Sinan ne pouuoit pas estre premier Vizir en l'année mil cinq cens septante six, puis que Mahomet qui l'estoit auparauant luy, mourut à la fin de l'année mil cinq cens septante neuf. D'autres ne parlent point de toutes ces rencontres: mais disent que Sinan ayant vne belle & grande armée, vint secourir Tiflis ou Testis qui estoit assiegée par les Perses, lesquels il contraignit de leuer le siege & de se retirer, & que puis apres il fit paix avecques eux, & leur rendit tout ce que Mustapha leur auoit pris, ce qui irrita fort Amurath contre luy, lesquelles opinions ie rapporte afin qu'un chacun en puisse iuger.

Ambassadeur des Perses au camp des Turcs.

REPRENANT doncques l'opinion premiere, laquelle me semble plus veritable, comme il se pourra voir par la suite des choses: le Roy de Perse enuoya pour Ambassadeur Hibraim-Cham, qui fut receu de Sinan avecques vne fort grande allegresse, & s'en allerent ensemble à Erzerum, où on licentia tous les gens de guerre. Quant au Roy de Perse, il passa son hyuer à Carachach, attendant la fin de ce traité: car il desiroit fort de voir ses confins paisibles, pour aller apres faire la guerre vers Hery contre Abas Mirize son second fils, que le Vizir Mirize Salmas disoit estre rebellé. Sinan donna cependant nouvelles à son Roy de la venue du nouveau Ambassadeur, le suppliant de luy permettre qu'il allast à la Porte avecques luy, pour ce que ou la paix se concluroit avecques toutes les conditions qu'il desiroit le plus, ou bien si elle ne se concludoit, il luy diroit telles choses, & luy feroit entendre de tels desseins, qu'il connoistroit clairement qu'il ne pouuoit vaincre ny subiuguer l'ennemy avecques cette façon de faire la guerre: mais qu'il estoit de besoin de nouvelles façons & de nouueaux appareils pour telle entreprise, desquels il ne pouuoit pas décrire vne bonne partie, sans luy donner beaucoup d'ennuy. Or escriuit-il plusieurs fois sur ce sujet à la Porte, & encores si chaudement pour le grand desir qu'il auoit, comme nous auons dit, de tenir le rang de premier Vizir, qu'Amurath luy permit en fin, esperant que sans faire quelqu'une des choses proposées luy arriueroit: c'est à sçauoir la paix ou quelque

quelque expedient pour domter en peu de temps les Perses. Quelques-uns ont dit que ce fut à l'arriuee de cét Ambassadeur que se firent de tres-grandes pompes & magnificences; decrites cy-dessus aux Illustrations du lieur Vigenere, à la Circoncision de Mahomet fils d'Amurath, lors aagé de seize ans: qui plus est que ce fust à ce mesme Ambassadeur-là qui fust receu avecques tant d'honneur, comme il a esté dit cy-dessus: mais durant toutes ces réjouissances, & que cét Ambassadeur faisoit sa legation, les Turcs se tenans assurez de toutes choses, furent surpris en vne embuscade que les Perses leur auoient préparé, où il en mourut plus de quatre mille; ce qu'estant venu à la connoissance de l'Empereur Amurath, il fit non seulement abatre la loge où se souloit mettre l'Ambassadeur Persien: mais il le fit enfermer aussi avec tous les siens dans vne hostellerie, en laquelle la peste s'estant mise fort violente, il y mourut plus de cent de ses seruiteurs.

La guerre estant doncques declarée plus forte que deuant, la premiere chose qu'on delibera de faire à Constantinople, ce fut d'enuoyer du secours à Tiflis, sans lequel cette forteresse ne pouuoit plus tenir, on resolut aussi d'enuoyer vn bon nombre de soldats aux frontieres de Van, afin que l'ennemy ne courut pas aux frontieres d'Erzerum avecques honte & dommage des Turcs. On choisist pour chef de cette guerre Mahomet Bassa, l'ennemy & le riuai tour ensemble de Sinan, aussi estoit-il nopueu de Mustapha Bassa; Sinan opinastroit fort qu'il n'estoit pas bon pour cette entreprise; toutesfois cela n'empescha pas qu'on ne luy donnast charge de prendre les gens de guerre d'Erzerum, de Caramit, d'Atuncala & de toutes les places de Manuchiar Georgien, qui ayant renoncé à la foy Chrestienne à la requeste d'Amurath s'estoit fait Turc, pour oster le Royaume à son frere Alexandre, si bien qu'il pouuoit auoir vingt-quatre mille hommes de guerre, & pour faire escorte aux prouisions & munitions qu'on deuoit porter dans le fort de Tiflis & à Van, on depeschala Bassas d'Halep, & de Maras avec dix mille hommes pour garder les frontieres, ce qu'ils firent sans y estre troublez en aucune sorte, & retournerent en leurs demeures ordinaires.

VIII.

Autre General
d'armée en-
uoyé en Per-
se.

Mais Mahomet Bassa fut assez infortuné en son voyage: car estant arriué en la Georgie (qui est gouvernée par plusieurs Princes, vn d'iceux estant mort, cette contrée estoit cōmandée par sa vefue, & pour cette cause on l'appelloit lors le pays de la vefue) comme il fust venu sur les confins du pays de cette vefue, limitrophes de l'estat de Simon vn autre Prince Georgien: en passant vn fleuve il fut assailly par les Georgiens mélez avecques les Persans, & y fut fort mal mené: les chefs de ceux-cy estoient Tocomachi Manguli-Cham Emir-Cham, Cimoro-Cham, lesquels ayans entendu, comme Sinan s'en estoit allé à Constantinople, & que Mahomet Bassa venoit en la Georgie avecques bon nombre de soldats, s'estoient ainsi ramassez, afin que surprenans ceux-cy, & ostant cette esperance à ceux de Tiflis, ils abandonnassent le fort, & qu'il retournast au pouuoir de Simon; & de fait ayans mis l'armée de Mahomet en fuite au passage de cette ruiere, ils emmenerent les chariots chargez de trente mille ducats, toutes les munitions, & tuerent douze mille homes; puis partans de là, s'en retournerent chez eux. Mahomet recueillit les restes de ses gens le mieux qu'il peust, & s'en alla à Tiflis, où estant arriué, ceux du fort luy protesterent qu'ils en abandonneroient la desfiance, si on ne les pouruoyoit de viures; & si on ne leur donnoit la paye ordinaire qui leur estoit deuë, à raison dequoy Mahomet exhorta tous ses soldats de mettre la main à la bourse & d'y prendre iusques à la iuste portion de l'argent du grand Seigneur qui leur auoit esté confié, & de subuenir aux communes necessitez de ses soldats qui le meritoient, tant pour leur vertu que pour le mesaise qu'ils auoient souffert. Quant à luy pour encourager les autres, il commença le premier, & déboursa du sien 4000. ducats: on en demanda aussi à Alexandre Leont-ogli Seigneur de Taglien, qui enuoya soudainement de l'argent & des viures, autant que Mahomet en auoit demandé, & de cette sorte on maintint ce fort qui estoit tenu perdu.

Deffaite de
Mahomet
Bassa par les
Persans &
son bagage
pillé.

Aussi-tost que cette route fut diuulgüée, Mahomet retourna à Chars, passant par le pays du Georgien renié; & pour ce qu'il estoit arriué tant de mal à Mahomet par la hardiesse & les efforts de Sinan, il delibera de le priver de vie & de luy saccager tout son pays. Pour cette cause estant arriué à Atuncala, il enuoya dire au Georgien qu'il estoit venu de la Porte, avecques commandement aussi de l'ouyr, & cependant il ordonna à ses esclauues, & au Bassa de Caramit, que lors que le Georgien viendroit, ils se ruaient tous sur luy, & luy coupassent la teste. Le Georgien qui estoit desia informé de la conuention & des embusches de Mahomet, delibera neantmoins d'y aller, afin de ne mōstrer aucune crainte; & ne se rendre luy-mesme coupable par sa contumace: mais il commanda à cinquante des

1583.

siens des plus fideles & des plus vaillans, de le suivre au pavillon de Mahomet, & d'estre tous en armes au premier cry; lesquels firent ce qui leur estoit commandé, estans accompagnez de plusieurs autres leurs confidens, & s'estans mis derriere le Georgien, l'accompagnèrent au pavillon, dans lequel estant entré & ayant dit à Mahomet qu'il estoit tout prest de servir le grand Seigneur enuers & contre tous: apres cela & fort peu d'autres paroles, il se voulut retirer: mais le Bassa de Caramit, & le Checaia de Mahomet le tirent par la manche de la robe, luy disans qu'il s'arrestast. Le Georgien cria incontinent, & en criant mit la main à l'espée, & avecques la gauche ayant ietté en bas le tulban du Checaia, luy fendit la teste & le col iusques à l'estomach, & du reuers, il attrapa le Bassa de Caramit, & luy coupa la iouë & l'oreille toute nette, puis ayant couru sus à Mahomet Bassa, il luy donna cinq grands coups, remplissant tout le pavillon de sang, & party de là il se retira en son palais sans estre menacé ny outragé par aucun. Cela fut causé que les Turcs partirent soudain de celieu, & se retirerent à Erzerum, d'où Mahomet bleissé fit entendre tout le succez à Amurath.

Amurath se
prend à Sinan
de toutes les
perres.

LEQUEL brûlant de courroux entendant vne telle perte de ses gens, & voyant que tout cela estoit arriué, non par sa resolution & ordonnance: mais par les mauuais conseils de ses Vizirs, qu'il accusoit d'ignorance & d'inexperience, & principalement Sinan lequel il disoit estre cause de tous ces maux, son ambition luy ayant fait quitter la Perse, pour s'en venir à Constantinople, qu'il auoit encores conseillé qu'on enuoyast si peu de gens & vne si foible armée pour ce secours, & qu'à cette occasion il estoit digne de chastiment. Or encores que d'ordinaire on ne contredie point aux Empereurs Turcs, & que le silence soit entre eux vn sujet d'absolution, plustost que la repliche: toutesfois Sinan qui connoissoit l'esprit foible de son Prince, s'aduantura de luy respondre qu'il n'estoit point venu à Constantinople pour aucune autre ambition que celle de son seruice: que ce n'estoit point encores pour accompagner l'Ambassadeur Persan: mais pour l'induire luy-mesme à vne forte & necessaire resolution de subiuguer l'ennemy, & que le mal adueni en la Georgie, n'estoit pas arriué par son mauuais conseil, puis qu'il luy auoit conseillé que Mahomet n'estoit pas propre pour cette entreprise: mais que tout estoit arriué par sa propre deliberation, & que tel auoit esté son bon-plaisir. Que si les choses auoient maintenant reussi autrement qu'il n'auoit esperé, ne pouuant plus empescher que cela ne fust, qu'il falloit seulement aduiser comment on se deuoit conduire en cette guerre pour l'aduenir: car il falloit marcher de là en auant en cette expedition, d'autre sorte qu'on n'auoit fait iusques à cette heure, & qu'il luy conseilloit doncques de ne pas continuer à conquies le pays ennemy avecques les bastimens de tant de forts & de chasteaux, la garde desquels estoit d'une trop grande despence, & en fin vne inuention pour appauurir les peuples, & epuiser tous les thresors: mais qu'il seroit bien plus à propos que sa hautesse allast à Caramit ou en Halep en personne, ou pour le moins en Amasie; pour ce qu'au seul bruit de son voyage, les Perses craindroient beaucoup plus, & se reduiroient à de plus aduantageuses conditions quand on voudroit traiter d'accord avec eux.

Sinan s'excu-
se hardiment.

TOUTES ces choses estoient fort specieuses en apparence, & sembloit qu'elles parussent d'une bonne & fidele intention: mais le serpent qui se cachoit sous cette belle herbe, c'estoit durât cette absence de tascher d'installer au siege Imperial Mahomet le fils d'Amurath & d'en priuer le pere; cela estoit venu du conseil, à ce qu'on dit, de la femme de Sinan. Or de premier abord cela troubla Amurath, comme c'est l'ordinaire des esprits foibles & qui n'ont point de viuacité, toutesfois cela se passa pour lors avecques des menaces tacites & des simples murmures. Mais comme il eut approfondy dauantage ce discours, craignant que s'il estoit contraint d'aller en Perse, cettuy-cy luy fust quelque remue-mesnage en son absence par le moyen de son fils Mahomet, il se resolut de le priuer de sa charge de premier Vizir & de le banir de sa Cour, ce qu'il fit: & au mesme temps enuoya Hibrain-Cham Ambassadeur de Perse, avec beaucoup d'affronts, prisonnier à Erzerum où il fut long-temps. Or nonobstant tout le mécontentement qu'Amurath ressentit, tant pour la route de ses esclaves que pour les troubles émeus par le Georgien, il delibera toutesfois de dissimuler la mauuaise affection qu'il luy portoit, afin que se maintenant en son amitié, il luy fust plus facile de donner secours à Tiflis, & que ses conquestes & l'obeyssance de la Georgie ne luy fussent pas tant debattues, mesmes il delibera de monstrier qu'il auoit plus de confiance en luy que jamais, comme il sera dit cy-apres.

Sinan osté de
sa charge &
l'Ambassa-
deur de Perse
renuoyé pri-
sonnier.

LES Capitaines Perses cependant s'estoient retirez vers leur Roy tous pleins d'allegresse,

grosse, ayans apporté vne commune ioye à tout le Royaume : de quoy Mirize Salmas Vizir de ce Roy, & beau-pere du Prince Emir, duquel il a esté parlé cy-dessus, print occasion de persuader au Roy d'aller à Corazan, à la ville de Hery, avecques vne forte armée, pour tascher d'auoir entre ses mains Abbas Mirize son fils, qu'il disoit s'estre rebellé & vouloir s'emparer de la couronne de Perse, ce qu'il luy representoit avec tant d'affection, & luy proposoit tant de raisons, qu'il sembloit que la chose fust toute veritable & tres-importante, de sorte qu'il l'induisit en fin à y aller: ce qu'il en faisoit neantmoins, n'estoit pour autre chose que pour faire en sorte que son gendre fust maistre absolu du Royaume, & non pas le partager avec son frere Abbas Mirize, qui auoit esté quant à luy tousiours tres-obcysant au Roy son pere.

Le Persan esperant doncques que les Turcs deussent seulement tascher de se vanger des offenses receuës du Georgien, & d'asseurer les chemins de Tiflis, ayant leué iusques au nombre de 20000. hommes, partit pour aller à Corazan, avecques deliberation de faire mourir tous les Sultans qui suiuiroient le party du fils, de constituer ce fils prisonnier, & mettre en ce gouuernement celuy qu'il plairoit au beau-pere du Prince. Mais auant qu'il partit de Tauris, il voulut asseurer les frontieres des Turcs avecques de bonnes gardes: si bien qu'ayant laissé Emangeli-Cham à Genge avec la garde de Seruan; Seraphaia à Nachrine, Tocomat Sultan à Neuian, Emir-Cham à Tauris avecques titre de General sur tous, s'estant luy-mesme offert de faire venir les Turcomans à cette deffense, & d'employer toute sa force & son industrie pour faire que les Turcs ne missent pas le pied aux enuiron, ou s'ils l'y mettoient, les endommager, autant qu'il seroit possible, puis ayant mis cet ordre il s'achemina vers Calbin accompagné de ses gens, du Prince son fils & de son premier Vizir, où ayant mis ordre à toutes choses, il s'achemina à Corazan.

Estant arriué à Seruan, il fit trancher la teste au Gouverneur comme affectionné à son fils, & fit le semblable à deux autres Sultans de la iurisdiction de Hery, place forte d'affiète, enuironnée d'eau viue, ceinte de bonnes murailles, & de plus gardée par Abbas Mirize, qui ayant ouy la venue de son pere & la mort indigne de ses Gouverneurs, s'estoit armé pour essayer en toute sorte de ne laisser pas entrer son pere dans la ville: mais sçachant les fausses accusations du Vizir, & que son pere le tenoit pour vn rebelle, pour se purger entierement, & effacer de l'esprit du Roy toute occasion de soupçon, & montrer son innocence, il luy enuoya deux Ambassadeurs, pour le supplier de luy mander en quoy il le pouuoit auoir offensé, pour le poursuiure ainsi à la rigueur: que si c'estoit pour les fausses accusations que Mirize auoit faites contre luy, qu'eux-mesmes s'offroient de demeurer pour ostages, iusques à ce qu'il eust iustifié la meschanceté de ce Vizir. Ceux-cy doncques supplierent le Roy de vouloir intenter procez contre son fils, se soumettans à auoir la teste tranchée, au cas qu'il trouuast que son fils luy eust esté rebelle en aucune sorte, & qu'il ne luy eust porté le respect & la reuerence qu'il luy deuoit, qu'il employast aussi toutes ses forces contre la ville & contre son fils mesme: Mais aussi si son innocence estoit auerée, qu'il vangeast l'infamie de son propre fils, le danger qu'il auoit encouru, & la mort des Sultans occis par vne seuerie punition, en la personne du seditieux Salmas son Vizir.

Ce que le Roy de Perse trouua fort à propos: si bien que pour faire cette iustification, il assembla tous les Sultans Gouverneurs des Prouinces du Corazan subjectes à Abbas Mirize, & tous les Iuges & Magistrats, & voulut sçauoir de tous en quelle qualité Abbas Mirize auoit voulu estre tenu par eux, ou comme Roy de Perse, ou comme Vice-Roy de Hery, & s'ils n'auoient pas esté exhortés à n'aller point à la guerre contre les Turcs. Tous luy responderent qu'ils tenoient Abbas Mirize pour Vice-Roy, & qu'il se nommoit tel aux commandemens qu'il leur enuoyoit: qu'au demeurant il ne leur auoit esté iamais commandé de n'aller pas à la guerre contre les Turcs, si non à cause des remuëmens de Tacblas: car alors cettuy-cy & ses complices molestant leurs frontieres, ils auoient esté contraincts de suiure Abbas Mirize, & aller contre eux pour la conseruation de l'Estat: si bien que pour toutes les enquestes & perquisitions que le Roy sceut faire, il ne peust trouuer autre chose sinon vne confirmation de l'opinion qu'il auoit eue auparauant de la fidelité & bonne affection de son fils.

Comme cela fut bien aueré d'une part, il se mit à faire la mesme recherche du Vizir, pour decouurir & sçauoir, à quel sujet il auoit fait ce remuëment; ce Vizir estoit hay de toute la Cour & de tous les peuples des villes subiettes, tant pour ce qu'il estoit né de fort bas lieu, & qu'il estoit estimé indigne du rang qu'il tenoit, où il estoit

Le Roy de Perse fait mourir quelques Seigneurs de Perse, qu'il soupçonnoit fauoriser son fils.

Enquestes sur la vie d'Abbas.

1583.

monté par flatterie & autres mauuais moyens, au gouvernement de la chose-publique, qu'à cause qu'il auoit tousiours induit le Roy de Perse à de nouuelles charges & impositions sur son peuple. A raison dequoy en l'enqueste qui fut faite par le Roy contre luy, il n'y eut personne qui ne dist qu'il auoit fait cette emotion par vn ambitieux desir d'agrandir la portion du Royaume à son gendre, & peut-estre pour le faire Roy, & le mettre en la place de son pere, bien que le Prince ne se fust point laissé emporter à ces ambitieux desirs. Mais le Roy estant assuré de plus en plus, des mauuais desseins de Salmas, resolut de s'en deffaire, & luy faire trancher la teste: ce qui fut promptement executé. Apres cela Abbas sortit de Hery, pour aller au deuant de son pere & de son frere, & lors ils se reconcilierent tous, & chacun témoigna par ses pleurs combien il auoit esté affligé de ces soupçons & de ces desirs de vengeance: Abbas demeura au premier gouvernement, & le Roy retourna à Casbin, & de là à Tauris.

IX.

M A I S tandis que les Persans auoient esté enuoloppez dans les dissensions ciuiles, esperans que les Turcs fussent attentifs à subiuguer la Georgie, & principalement Simon, ils trouuerent à leur retour que le dessein de ceux-cy estoit tout autre qu'ils ne l'auoient esperé; par ce qu'Amurath ayant chassé Sinan de la Cour, auoit élu General Ferraut, & vn des Bassas de la Porte, & luy auoit donné charge d'aller bastir Reyuan, & d'asseurer le chemin qui meine de Chars à Reyuan: Il auoit aussi enuoyé deux de ses Cappigis & deux Chaoux avecques 30000. ducats à Manuchiar le Georgien, le priant de vouloir mener ce secours à Tiflis, faisant les prouisions de viures qu'il estimerait necessaires, pour recompence dequoy il luy promettoit de grands honneurs & de tres-grandes recompences, adioustant qu'il auoit oublié tout ce qui s'estoit passé contre Mahomet son General, ayant esté aduertty de bonne part que ce qu'il en auoit fait, s'auoit esté à bonne & iuste cause.

Ferraut s'enchemine à Reyuan qu'il fortifie.

Ferraut ayant doncques ramassé l'armée ordinaire, tenant le chemin d'Amasie & d'Erzerum, arriva à Chars, où il fit la reueüe de toute son armée, & de là passa à Aigia Calasi, où il dressa vn fort, le garnissant de peu de pieces d'artillerie & de cinq cens soldats: & de là s'en alla à Reyuan, place qui estoit du gouvernement de Tocomach Sultan, ayant charge de la fortifier, & de la reduire en la puissance d'Amurath: il choisist doncques les iardins & les maisons où ledit Tocomach habitoit, & enuironna tout le circuit, qui pouuoit estre enuiron de cent brassées, de fossez & de murailles, remplissant les fossez d'vn bras d'eau, qui descendant de la montagne qui est au dessus de Reyuan, se va décharger dans l'Araxes: il mit apres plusieurs pieces d'artillerie sur les murailles & sur les tours basties, & y laissa sept mille soldats sous la charge d'vn Bassa: de là il s'en retourna soudain à Chars, visitant encores à son retour le chasteau d'Aigia Calasi.

Reuolte du Georgien contre les Turcs.

C E fut là où on l'aduertist que le renegat Georgien Manuchiar, à qui Amurath auoit enuoyé argent pour le secours de Tiflis, auoit fait trancher les testes aux Chaoux & aux Cappigis à l'incitation de Simon, & s'estoit apertement reuolté contre les Turcs, se repentant encores d'auoir si laschement renoncé à sa religion: de sorte qu'ayant retenu l'argent, il l'auoit partagé entre luy & Simon, tellement que les soldats de Tiflis estoient pour abandonner le fort, si on ne leur portoit ce qu'ils auoient entendu: A raison dequoy Isfan Bassa fut aussi-tost depesché avecques autres trente mille ducats, accompagné de trente mille hommes, lequel en cette façon secourut Tiflis, & s'en retourna, sans auoir receu aucun dommage d'importance. Ce qu'ayant entendu Ferraut, pour se vanger d'vn si mauuais traitt, il enuoya Rissuan Bassa avecques dix mille soldats pour se ruer sur le pays de Manuchiar & de la vefve: certuy-cy ne faillit pas d'executer ce commandement, & vint incontinent à l'improuiste foudre sur les villages, sur les campagnes & les villes voylines, emmenant plusieurs prisonniers & grand nombre de butin: cela fait il s'en retourna à Erzerum, aduertissant en diligence Amurath de tout ce qui s'estoit passé.

Suppliee d'Emir-Cham chef des Turcomans & pourquoy.

L E Persan ayant trouué le nouveau bastiment de Reyuan, & estant assuré par ceux de Tocomach, & par vn chacun qu'Emir-Cham, qui auoit fait tant de belles promesses de faire resistance aux Turcs, s'ils alloient en cette frontiere, n'auoit pas seulement mis en campagne vn cheual pour endommager leur armée: de sorte qu'il y auoit grande occasion de presumer qu'il auoit eu quelque intelligence avecques les Turcs, sans arrester d'auantage, il le fit prendre, & avecques vn fer ardent qu'il luy fit approcher des yeux, le priua de veüe, & luy ayant osté tous ses biens, il le fit mettre en prison, où peu de moys apres il finist sa vie. Mais cette mort engendra vne grande sedition parmy les Turcomans de Perse, qui estoient diuisez en deux legiōs, & lesquels entre tous les autres chefs, auoient vne tres-grande esperance, & s'estoient tousiours assurez en la protection d'Emir-Cham, à cause de l'estime que

que le Roy en faisoit : tellement que ceux-cy ayans entendu comme il auoit esté ignominieusement traité, encores à ce qu'on disoit sans raison, cette faction se declara tout aপরment ennemie du Roy & du Prince son fils, refusans d'obeyr à leurs commandemens.

QUANT à Ferrhat, on luy commanda de passer l'année prochaine à Naësiuan, place gouuernée par Schrap-Cham, & d'enuoyer le secours ordinaire à Tiflis, lequel avecques nouveaux commandemens enuoyés par toutes les villes de l'Empire, rassembla toute l'armée ordinaire & toutes les prouisions accoustumées de bled & d'argent, ayant mis tel ordre à toutes choses, qu'il estoit desia prest de s'acheminer à Erzerum, quand il eut nouvelle que le Roy de Perse auoit mis sus-pied vne grande armée à Tauris, & auoit resolu de le venir trouuer à Naësiuan pour luy donner bataille : à raison dequoy Ferrhat différa son partement & en escriuit à Constantinople. Or ce bruit n'estoit point faux : car le Roy de Perse auoit en effet assemblé son armée à Tauris, qui pouuoit estre de trente cinq mille hommes, sans la faction Turcomanne, qui par dépit ne voulut obeyr au Roy, ayant recueilly ce nombre de ceux de Tauris, Sciras, Cassan, Casbin, Spaan, Genge, Ardeuil, & autres lieux : il esperoit aussi que Simon & son beau-frere Manuchiar, qui auoit quitté le party des Turcs, seroient suffisans pour empescher le secours qu'on voudroit mener à Tiflis.

L'ADVERTISSEMENT de Ferrhat estant venu à Constantinople, Amurath luy manda que si le bruit du voyage de Naësiuan continuoit, il tirast ailleurs. Ferrhat executa tout cecy fort fidelement, & trompa les Persans, qui l'attendoient, sans enuoyer autres deffenses en la Georgie, si bien que sans aucun destourbier, il s'achemina par la Georgie à Lory & Tamanis, places iadis de Simon Georgien, repara les vieilles murailles, creusa les fossez & fortifia le chasteau de Lory, garnissant le tout de trois cens pieces d'artillerie, & en donna la charge à Haly Bassa, avecques huit mille personnes. De là il passa à Tamanis, en la bouche du destroiët, fort difficile parmi les bois & les vallées pleines de precipices, & coupant tout autour ledict bois par plusieurs milles, fit vn nouveau fort, le munissant de cent pieces d'artillerie, sous la charge de Nassan Bassa avecques huit mille soldats, & le secours de Tiflis, où Daüt-Cham frere de Simon se vint donner pour vassal d'Amurath : mais au retour Simon conjoint à Manuchiar avecques quatre mille Georgiens, assaillirent Ferrhat, où leur valeur se fit paroistre plus que iamais : car estans en si petit nombre, neantmoins le combat demeura long-temps en balance, & y eut grand meurtre des deux costez : mais en fin les Georgiens furent contraints de se retirer, apres que les Turcs eurent tué le cheual de Simon, qui se sauua avec grande difficulté.

Lory fortifié
par Ferrhat.

RESVANT alla depuis trouuer Ferrhat, & luy raconta ce qui luy estoit arriué, & lors ils s'acheminèrent ensemble au pays de Manuchiar & de la vefue, Aliculy estant prisonnier & mené par Ferrhat en ce voyage, afin qu'il l'informast du chemin & des lieux du pays : en fin à force d'argent & de plusieurs artifices dont vsa Ferrhat pour corrompre les gardes des passages, il arriua où estoit Manuchiar avecques vne peine & mesaise indicible, à raison de la difficulté des lieux & de l'hyuer, à cause dequoy plusieurs perirent & plusieurs autres furent deffaits par les Georgiens, qui priuerent de vie tous ceux qui se debandoient de cette armée, ainsi que l'éprouua Talloli Sanjac du Saffet, & Homar Aga des Ianis-faires de Damas, qui pour se garantir de la necessité, estans partis avecques trois mille hommes, & s'estans separez du camp, furent taillez en pieces par les Georgiens. Or le General Ferrhat vouloit fortifier Clisca : mais les soldats de la Grece & de la Porte se mutinerent & l'en empescherent : & comme il se vouloit encores arrester au milieu de ces incommoditez, ses soldats mesmes luy firent mille outrages, coupans les cordes de ses paillions, tuans ses Eunuques, & emmenans ses femmes : bref le traitans fort ignominieusement, si bien que sans faire autre chose, il fut contraint de se retirer à Erzerum : cela fut cause que sans connoistre plus auant le fonds de toutes ces disgraces, Amurath le priua de sa charge.

Ferrhat pour-
suit les Geo-
giens, & les
difficultez
qu'il trouua
par le che-
min.

OR cet Empereur ne se lassant point de toutes ces routes, ne laissoit pas d'auoir dans l'esprit le delir de rauager Tauris, & croyant qu'il n'y auoit personne qui fust plus capable de cela qu'Osman Bassa, duquel il auoit eu grande opinion, il resolut de le faire venir à la Porte, & de l'élire Capitaine general en cette entreprise, en priuant Ferrhat. C'est pourquoy il enuoya luy demâder par ses Chaoux, qu'il eust à laisser quelqu'un à Demicarpi, avec titre de Bassa, & à Sumachie vn autre Bassa, & que luy passant par la Mangrelie & Cassé, s'en vint à la mer Maiour avec les galeres qu'il y trouueroit, & de là à Constantinople. Or ce qui auoit esté cause en partie de faire entrer si auant en la bonne grace de son maistre,

Amurath fait
venir Osman
à Constanti-
nople.

1583.

estoit vne menée qui se brasloit contre les Tartares, de laquelle Sciaus, qui auoit esté mis en la place de premier Vizir au lieu de Sinan, estoit auteur : & pour en mieux venir à chef, on leur enuoya cent cheuaux chargez d'aspres, le tout montant environ neuf vingts mille dalers; plus force munitions & quelques robes de prix pour leur Prince, lequel ayant receu tout cela, & ayant tiré iusques alors pension annuelle des Turcs, il se mit en chemin pour les secourir contre les Perses: mais au bout de quelques iours il se retira chez soy, ayant decouuert qu'on vouloit l'arrester tellement aupres d'Osman, que les autres Turcs ses voyfins eussent cependant le moyen de s'emparer de ses pays.

Guerre entre
les Tartares.

Ce fut lors qu'Amurath voyant sa mine éuentée, resolut à bon escient de luy faire la guerre, prenant son pretexte sur son infidelité, & ainsi commanda à Osman de l'aller attaquer sans delay: ce qu'il executa dextrement; de sorte qu'il troubla fort les Tartares, emmena quelques-uns de leurs Princes à Constantinople, & fit que d'autres s'écarterent ailleurs, s'emparant par ce moyen d'une partie de leur pays, lequel ils recouurerent neantmoins bien-tost apres son depart, & passans plus outre enleuerent encores vne partie de la Gherfonese Taurique. Mais pour lors Osman ayant eu toutes choses prosperes à son voyage, entra si fort en la bonne grace de son maistre, qu'il deposseda Sciaus, qui estoit lors premier Vizir & le mit en sa place, l'élisant encores General de l'armée pour Tauris, & de cette sorte estant party de Constantinople, il alla passer son hyuer aux confins d'Angori, d'Amalie & de Siuas, où il s'arresta iusques à la fin de Iuillet, de l'année, comme l'on tient, mil cinq cens quatre-vingts cinq, où il arriua vne grande rumeur à Constantinople, à cause que les galeres Venitiennes auoient saccagé les galeres de la vefue du Bassa de Tripoli, qui se retiroit à Constantinople, son mari ayant esté tué par les Ianissaires; elle & tous ses gens ayans esté cruellement mis à mort; Amurath s'en plaignit: mais les Venitiens tascherent de luy satisfaire, en faisant trancher la teste au General de leurs galeres. On dit que ce fut aussi en ce mesme temps que Hieremie qui estoit pour lors Patriarche de Constantinople, fut traîné par les ruës & griefvement outragé, tous ses biens confisquez, & luy relegué à Rhodes, pour ce qu'il auoit voulu recevoir le Calendrier Gregorien, & fait semblant de vouloir gratifier le Saint Pere: plusieurs autres actions se passerent aussi durant cette guerre de Perse, desquelles il sera parlé cy-apres, pour n'interrompre point le fil de cette hystoire.

1584.

Osman s'a-
chemine à
Tauris.

OSMAN estant doneques arriué à Erzerum, & y ayant fait l'amas de ses gens & des provisions necessaires pour son armée, il partit le premier iour d'Aoust, faisant courir le bruit qu'il alloit à Naësiuan, & passant par les chemins de Chars & de Chielder, il arriua aux campagnes Zalderanes où il fit la reueüe, licentiant quarante mille hommes qu'il ne voulut pas mener quant & soy, & suiuit son chemin avecques cent cinquante mille soldats portans l'espée, outre les gens de seruice & de mestier, & avecques ces forces ayant passé les villes de Cos, de Marant & de Soffian, il decouurit aussi-tost Tauris. Mais le Prince Persan qui desiroit faire paroistre sa valeur, tenant vne autre vove que ses deuanciers, qui auoient accoustumé de se retirer plus auant dans le pays, pour laisser consumer l'ennemy, & cependant souffrir le rauage de leur pays & de leurs sujets deuant leurs yeux, resolut de se bien deffendre, & s'il n'estoit assez puissant pour attaquer vne si grande multitude en bataille rangée, qu'au moins par parcelles & par combats inopinez l'assoibliroit-il de sorte, qu'en fin il seroit contraint de se retirer: il auoit assemblé environ cinquante mille hommes, sans y comprendre la faction Turcomane: & pour lors il en auoit quant & soy environ douze mille, qu'il tenoit comme en embuscade dans les iardins, proche de Tauris.

Deffaite de
l'auant-garde
des Turcs.

COMME il estoit la arresté, l'auant-garde des Turcs qui estoit de dix mille soldats, descendit sur certains iardins pour decouvrir tout le pays, & en cette sorte allant tousiours auant, & se rafraischissant de toutes sortes de viures, elle arriua en fin au puits de l'eau salée, où ayant rencontré le Prince Persien, il y eut vn fort grand combat, où les Turcs furent deffaits & cette auant-garde mise en pieces; le Prince se retira vers son pere, qui estoit campé à dix milles au dessus de Tauris. Osman ayant seeu la deffaite de l'auant-garde, despescha soudainement le Bassa Cigale, & le Bassa de Caramit avec vingt mille hommes pour vanger cette premiere offence. Ceux-cy marchans doneques soudainement atteignirent le Prince qui n'estoit pas encore arriué à sauueté, & attacherent la mêlée deux heures auant la nuit, si bien que l'on combatit iusqu'à l'obscurité avecques vniuerselle calamité des Turcs, veu qu'auant qu'il fust nuit, le Bassa de Caramit ayant esté deffait, il s'enfuiست aux tentes d'Osman, & Cigale ayant perdu toutes ses troupes & ses cheuaux qu'on menoit

menoit apres luy & ses esclaves, fit le mesme avec l'obscurité de la nuit, tellement que le fils se retira plus content au camp de son pere. 1584.

OSMAN ne laissa pas pour tout cela d'aller à Tauris, & se campa deux milles pres de la ville, contre lequel Aliculi-Cham estant sorty de Tauris avecques quatre mille soldats, courut promptement tous les costez de l'armée Turquesque, & l'endommagea grandement, puis derechef sur la my-nuit il sortit avecques plus de gens que la premiere fois, se rua sur ladite armée, & ayant tué le Bassa de Maras, il deffit toute cette troupe, donnant beaucoup d'effroy aux Turcs, & ayant abandonné la ville, où il voyoit qu'il ne se deffendrait pas longuement, il se retira dans le camp du Roy, soudain dès la pointe du iour vne grosse troupe des plus bas & mecaniques gens de toute l'armée affamée de viures & de butin, partit sans la licence du General pour entrer dans Tauris, où ils trouuerent aux portes vne tres-grande resistance, d'autant que les habitans qui se trouuerent-là dedans capables de manier les armes pour la conseruation de leur liberté & euitier leur seruitude, combattirent desesperement, de sorte que ces premieres troupes n'estoient pas suffisantes pour entrer; mais les maistres de ces esclaves qui les suiuiroient de pres, leur ouurirent incontinent le passage, en donnant la chasse aux Persans, qui s'estans retirez aux fenestres des maisons & aux coings des ruës, faisoient avecques leurs arcs & quelques harquebuses, vn mortel dommage à leurs ennemis: nonobstant cela plusieurs habitans furent tuez, plusieurs autres emmenez captifs, tant hommes que femmes, ieunes garçons, quantité de bestail & de richesses y fut pareillement prise. Cependant Osman enuironna la ville, qui fut apres miserablement saccagée par trois fois, & se mit à bastir vn fort, ceignant les iardins & les demeures d'Aliculy & d'Emir-Cham: en ce lieu il mit grande quantité d'artillerie, douze mille soldats sous la charge de l'assiet alors Bassa de Tripoli, & toute provision necessaire.

Tauris abandonnée.

TANDIS qu'on estoit attentif à ce bastiment, les Persans ayans entendu qu'Osman estoit tombé malade, vinrent avecques plus de hardiesse renouveler les combats: car le Roy avecques Aliculy & autres chefs, s'acheminèrent vers l'armée d'Osman, enuoyas cinq cens soldats escarmoucher & faire monstre. Osman ayant esté aduertie d'une telle hardiesse, depecha Cigale & le Bassa de Caramit avecques trente mille hommes, qui ayans chargé les Persans, les mirent en fuite: mais les Persans tournerent visage & les Turcs les attaquèrent & suiuirent de nouveau, si bien qu'avecques ces fuites & retraites les Turcs furent attirez si loin de l'armée d'Osman que l'artillerie ne leur pouuoit nuire, & lors les Perses assaillirent les Turcs entre certaines collines, & en firent mourir plusieurs, si bien que les Turcs estans intimidés par le nombre des ennemis plus grand qu'ils n'auoient creu, ils se disposerent plustost à fuir qu'à combattre, ayans fait vne perte signalée, sans auoir guerres endommagé les Persans, qui eussent poursuiuy leur victoire, si la nuit ne fut suruenue.

Autre deffaitte des Turcs.

OR peu de iours apres le Roy connoissant que les Turcs estoient desia affoiblis de plus de trente mille soldats, & estant asseuré de la maladie d'Osman qui s'empiroit tous les iours, il se resolut de faire vn nouveau fait d'armes: si bien qu'ayant fait déloger toute son armée, il en print vne partie qu'il monstra aux Turcs, ordonnant que le reste l'attendist assez pres & se tint disposé pour le ioindre si tost qu'il le manderoit. Continuant doncques son chemin, il enuoya deffier Osman, luy faisant dire qu'il sortist s'il estoit soldat, & qu'il luy feroit connoistre son peu de courage. Osman qui ne pouuoit pas marcher à cause de sa maladie, enuoya contre luy le Bassa de Caramit comme general representant sa personne, & avecques luy Cigale, le Bassa de Caramanie, le Bassa de Trebisonde & plusieurs autres Bassas & Sanjacs avecques soixante mille hommes. Le Roy de Perse faisant semblant de redouter ce grand nombre, alloit tousiours reculant, iusques à ce qu'il eust fait signe aux siens qui l'attendoient; & cela fait il se vint ietter de furie contre l'armée des Turcs, où les vns & les autres combattirent si opiniastrement que le Bassa de Caramit y fut occis, & aussi tost on luy trancha la teste, que les Perses porterent au bout d'une lance la monstrans aux Turcs: ce qui les estonna grandement, voyans ainsi leur Capitaine mort, mais ce qui fut cause encores dauantage de leur deffaitte, ce furent les Perses, qui sortans de leurs embuscades les vinrent surprendre par derriere, tandis qu'ils estoient assez empeschez à se deffendre de ceux qu'ils auoient là deuant eux: car ce fut lors qu'ils commencerent à branler de toutes parts, au contraire les Perses renouvelerent leurs courages, poursuiuans leur pointe avecques tant d'opiniastreté, qu'en fin ils mirent leurs ennemis en fuite, desquels ils firent vn grand meurtre, obtinrent vne entiere victoire; avec la

Le Roy de Perse enuoya deffier Osman.

1584. & prise du Bassa de Caramanie, la mort de celui de Trebisonde & de plusieurs autres Bassas, Sanjacs, & autres soldats particuliers, iusques au nombre de trente mille.

85.
Mort d'Osman Bassa.

CETTE grande perte fit partir Osman de Tauris, lequel alla à Sanchassan, où il mourut : mais le Persan ne voulant pas demeurer en si beau chemin, les vint encore chercher en celieu de Sanchassan, lors que les Turcs estoient assez empeschez par la mort de leur General, & ne songeoient rien moins qu'à cette rencontre de leurs ennemis : de sorte qu'il fit là vn butin merueilleusement grand, leur ostant dix-huict mille chameaux & mulets chargez d'esclaves, des richesses du sac de Tauris, & estant entré plus auant dans l'armée, courut iusques aux munitions, & à l'artillerie où il fit vn dommage incroyable. Osman laissa Cigale General auant sa mort : & Cigale apres cette derniere perte partit de Sanchassan, & s'achemina à Salmas : Le soir estant arriué pres du torrent de Salmistre, il se campa là, & la nuit le Roy de Perse vint apres luy, de sorte qu'il l'atteignit & l'assailit le matin ainsi que l'armée délogoit : ce qu'ayant entendu Cigale, & voyant ses soldats tous accablés de mesayse, de necessité, de playes & de toute sorte de misere : mais plus allangouris encore & faillis de cœur pour les pertes & les defaites qu'ils auoient souffertes, il vid bien que toutes choses alloient mal pour eux, s'ils ne faisoient à cette fois vn effort par dessus la portée de leur force : car cet ennemy victorieux, qui auoit des retraictes fauorables, & toutes sortes de munitions à souhait, ne cesseroit iamais de les harceler & les ruiner ainsi en destail, puis qu'ils ne l'auoient osé entreprendre contre le gros de leur armée, s'ils ne s'efforçoient de sortir hors de ces lieux malencontreux, encores tous sanglans du sang des leurs, & se retirer en quelque place forte, où le Perse ne les osast attaquer : il empescha doncques premierement qu'on leuast les tentes & paillons, ny qu'on chargeast le bagage, que les soldats ne fussent auparauant tous en armés, & l'artillerie en ordre, & lors il leur dist.

Il console les siens & les exhorte au combat.

LA necessité parle assez, compagnons, pour vous inciter à vostre deuoir, sans que ie perde beaucoup de temps pour vous le ramentenir : cette mal-heureuse guerre, qui n'a iusques icy qu'apporté du regret & du déplaisir au Prince qui l'a entreprise, de la ruine à celui qui l'a suscitée, de la mort & de la perte au soldat qui l'exerce, ne peut changer en meilleure fortune que par vostre valeur : iusques icy tous vos chefs ont esté rendus miserables par vostre estonnement ou par vos rebellions ; les vns chassiez, les autres emprisonnez, d'autres massicrez par l'ennemy, & d'autres morts de regret : le pauvre Ferrhat en scaurois bien que dire ; & aparauant Mustapha, tous deux tres-vaillans chefs, qui auoient desia conduit de grandes armées, & executé de tres-belles choses, ne vous ont peu opiniastrer contre cet ennemy, qui n'est vaillant que sur son paillier, qui ne combat qu'en fuyant, qui n'est victorieux que par vostre faute : car si lors que ses forces n'estoient point encores assemblées, lors que le courage ne luy auoit point esté reloué par tant de victoires, & auant que nous mesmes luy eussions fait paroistre nostre lascheté & nostre desobeissance : si, dis-je, alors nous l'eussions pressé, si nous eussions donné à bon escient dans son pays, Tauris fust nostre il y a long-temps, & si n'eussions point eu la honte de la quitter.

MAIS le passage d'une riuere vous espouuente, vn desert vous effroye, une victoire vous ébranle, vn peu de necessité vous arreste tout court, comme si vous auiez à cheminer par les delicieuses vallées de la Theffalie, & qu'on vous dens couronner, comme iadis aux ieux Olympiques, pour auoir couru vn chariot, ie veux dire pour auoir passé de la Grece en ce pays, & comme si ces peuples que le Romain n'a sceu domter, se denoient laisser vaincre aussi-tost qu'ils auront veu la pointe de vos tulbans : l'écarlate & la pourpre sont pour les triomphans ; mais c'est à condition que leurs robes soient teintes de leur propre sang, & de celui de leur aduersaire ; il porte la palme & les lauriers, pourueu que le tout ayt esté cueilly dans le champ ennemy : n'esperez-pas acquerir iamais beaucoup d'honneur, si vous ne perdez la crainte de perdre la vie : qui se veut establir sur le temps, est indigne de l'immortalité, & qui veut iouyr de son aysé, ne fera iamais honorer sa memoire à la posterité. Or si vous auez reconnu vostre faute, & si les pertes que vous auez souffertes, vous ont fait sages pour l'aduenir, c'est maintenant que vous deuez en faire paroistre les effets : mais il est temps d'autant que la necessité vous y contraint, l'ennemy vous tenant le pied sur la gorge : car c'est à cette heure qu'il faut qu'on voye encore reluire cette generosité vostre, autres fois & iusques à present si redoutable à routes les nations.

TOY soldat de la Grece, qui depuis cette guerre as tant de fois regretté ton fouier, & qui as neantmoins acquis cette reputation par l'vniuers d'estre le plus belliqueux des troupes du grand Seigneur, croupiras-tu encores sous la cendre de tes paillons ? & toy l'auissaire trié & choisi

entre

entre tous les peuples pour estre la garde de son corps, feras-tu si peu d'estat de son honneur, puis qu'il t'a tant aymé que de se mettre en main ses enseignes, & te constituer pour un ferme boulevart de son estat? une partie de nostre armée a esté deffaitte, le reste a esté mal mené & harassé in/ques icy: mais toutesfois toute celle qu'elle est, l'ennemy la redoute, puis qu'il ne l'ose attaquer de pied-ferme: que s'ils y hazardent d'adventure, & si enflé de vanité il s'émancipe à changer sa façon de guerroyer, & que cessant de courir en cheval-leger, il veuille combatre en homme d'armes, assurez-vous que j'ay donné un tel ordre, que pourveu que vous vouliez rendre du combat, ie m'assente que nous leur arracherons avecques leurs enseignes, l'honneur & l'advantage qu'ils pensent avoir sur nous: que si nous ne les pouvons rompre tout à fait, faisons tant qu'au moins nous nous tirions de ce mauvais pas, & que nous ramenions nostre armée saine & sauve à la maison.

MAIS le Prince Persan qui voyoit bien que le comble de sa gloire dépendoit de cette victoire, ne demouroit pas en repos, ains alloit de part & d'autre remontrant aux siens que toutes leurs victoires precedentes n'estoient par maniere de dire que des escarmouches: mais que cecy devoit estre la bataille qui devoit couronner leur reputation à jamais, n'y avoir pas le quart de cette grande armée, qui estoit venue de si loin pour debeller la Perse, & elle qui souloit ravager & piller toutes nos villes, voire la riche & opulente Tauris, la voicy maintenant renfermée, disoit-il, entre des tranchées, qui n'oseroit avoir mis le nez dehors, si le desespoir ne la contrainct à quelque action extraordinaire: mais tout cela sera de peu d'effect: car si tost qu'on verra vos dextres victorieuses brandir vos cimenterres tous teints encorres de leur propre sang, assurez-vous qu'ils chercheront plustost la fuite que le combat, & que la peur leur chauffera les esperons de si pres, que vos chevaux feront plustost las de les poursuivre, que vos bras ne seront lassez de soutenir leurs coups: jamais ils n'eurent vn si bel advantage sur cette Prouince, que celuy qu'ils auoient les années dernieres, tout estant plein chez-nous de seditions & de guerres civiles, & c'estoit ce qui leur auoit donné l'assurance de nous attaquer. Mais si nostre valeur a esté assez puissante pour les vaincre & les chasser plusieurs fois de nostre pays, durant vn si grand trouble, pourquoy maintenant que toutes choses s'en vont paisibles, & que nous auons vn si grand advantage, ne les contraindrons nous à se retirer? deux heures de temps sont suffisantes pour deliurer nostre pays, car si nous pouuons à cette fois emporter de ceux-cy vne entiere victoire, non point par ruses & stratagemes: mais à viue force, assurez-vous qu'ils perdront entierement l'enuie de nous venir reuoir vne autre fois: allons donc les forcer iusques dans leur camp: car ie m'assure que nous y trouuerons tout en desordre.

Discours du
Prince Persan
à ses soldats.

ET là dessus il les fit partir de la main pour aller attaquer les Turcs, lesquels les receurent autrement qu'il n'esperoient: car Cigale auoit, comme il a esté dit, disposé son artillerie si à propos, qu'ils furent fort mal menez du commencement, sur quoy les Turcs ayans releué leurs courages, voyans le danger où ils estoient & vn si bel advantage, donnerent dedans avecques telle furie, que plusieurs de leurs ennemis estans demeurez sur la place, ils les forcerent de faire retraite: ce ne fut pas toutesfois sans y faire vne grande perte des leurs; cela fut cause que Cigale, sans passer plus outre, se retira à Van, voulant demeurer sur cet advantage auquel lieu il licentia l'armée toute rompue & desolée.

Les Perses
mal menez
des Turcs.

LES Persans apres cecy s'amuserent à rappeler la faction Turcomane, & le Roy mesme escriuit à Mamet-Cham des lettres toutes pleines d'affection, sur lesquelles il l'alla trouuer: mais avecques vn mauuais dessein, pour ce qu'il estoit resolu de demander Tachmas frere du pere du Roy pour chef de sa nation au lieu d'Emir-Châ, & l'ayant eu, le nommer Roy au mépris du pere du Roy mesme. Estant dōc arriué & ayant demandé ce Tachmas, il luy fut donné: & lors qu'on y pensoit le moins, le malicieux Mamet ayant reuolté sa faction, partit la nuit avecques ledit Tachmas, & tira vers Casbin avecques intention de le faire recevoir & publier Roy. Le Roy & son pere (car il auoit resigné le Royaume à son fils) & mesme toute la Perse sentirent vne grande emotion de cette reuolte, à raison dequoy le siege du fort de Tauris, qu'ils auoient commencé, fut discontinué, & tout le Royaume remply de diuisions & de troubles, le pere estant luy-mesme contrainct de pouruoir à ce peril, & prendre la conduite de cette guerre, à raison dequoy estant accompagné des plus fideles Sultans, & de quatorze mille soldats, il suiuit les Turcomans, les atteignit au deçà de Casbin & les vainquit; faisant trancher la teste à Mamet-Cham & à Calife Sultân, puis print son frere Tachmas, & l'enuoya prisonnier en Caie, & le Roy s'estant retiré à Casbin, il vsa de toute diligence pour faire des troupes, afin de retourner à Tau-

Le Roy de
Perse tâche
de se reconci-
lier les Turco-
mans.

1585. & ris. Le pere demeura à Casbin iusques au moys de Iuillet, auquel temps il reconcilia les
86. Turcomans avecques luy, assembla les soldats de Hery & Zeilan, & fit en sorte qu'il mit
la Perse en plus grande paix qu'elle ne fut iamais auparavant cette guerre, de là estant re-
tourné à Tauris, il alla à Salmas, où il mit à mort les gens de ce Bassa, saccagea la ville, &
fit perir tous les soldats de Reyuan.

Nouvelle ar-
mée des
Turcs en Per-
se.

M A I S toutes les prosperitez des Perles ne firent point perdre le cœur à Amurath : car
ayant pardonné à Ferrhat Bassa, & apres la mort d'Osman ayant remis Sciaus en sa premie-
re dignité, il renuoya derechef ce Ferrhat en Perse avecques vne nouvelle armée, au de-
uant duquel le Roy de Perse enuoya vingt-quatre mille hommes Persans, souz la condui-
te de Veli Sultan & Emangeli-Cham, lesquels s'acheminèrent à Van pour aller au deuant
de luy, qui estoit desia arriué par la voye d'Amasie en cette contrée: mais Ferrhat les asina,
les faisant courir apres vn autre Bassa, qui feignoit d'entrer plus auant dans la contrée, &
cependant ruitailla le fort de Tauris : mais en recompence les Perles leur firent tant souf-
frir de mesayes & les suiuirent de si pres, leur empeschans iusques au fourage, sans que les
Turcs eussent s'establi dans le pays, qu'avec quelques forts qu'ils bastissoient de part &
d'autre ; tellement qu'en fin voyans combien la conseruation de ces forts leur estoit de
grands frais, que la chambre d'Halep n'auoit pas esté suffisante à payer tant de garnisons,
& qu'on auoit esté contraint d'emprunter des marchans particuliers d'Halep, iusques à
soixante mille ducats, ioint que le grand amas de bleds fait toutes les années pour l'armée,
auoit causé beaucoup de maux & de mauuaises dispositions aux peuples : toutes ces con-
siderations, dis-je, furent causes que toute cette armée abandonna tout, & s'enjueint à
Constantinople avec de tres-grandes pertes ; Amurath ayant perdu en cette guerre, plus
de quarante mille soldats des vieilles bandes, sans vn nombre presque infini d'autres.

XI.

Occasions qui
meurent A-
murath à fai-
re la guerre
aux Perles.

O R ce qui faisoit ainsi opiniastrer Amurath à combattre les Perles, cela venoit bien de
plus loin que la simple estendue de son ambition : car aussi bien son intention n'estoit-elle
pas de les exterminer quand il eust peu : ains seulement de les affoiblir, d'autant qu'ils luy
seruent comme d'un rempart contre le Tartare, redouté également de tous deux : mais
côme son principal desir estoit de s'emparer de l'Italie, il auoit eu vn extreme deplaisir de
ce que Selim son pere s'estoit accommodé avec les Venitiens deuant que s'estre vangé de
sa deffaitte, & qu'il luy sembloit que son pere auoit laissé l'occasion en battant les Veni-
tiens de mettre le pied en Italie. Mais il ne iugeoit pas que Selim s'estoit halté de s'accom-
moder avec les Venitiés, comme frontiere & bride de l'Italie & de l'Europe contre luy: car
il craignoit vne ligue vniuerselle, & que le Roy de Perse enuieux de la grandeur des Otho-
mans, ne prist au poil l'occasion de l'assaillir, & ne luy fist la guerre de l'autre costé ; aussi
Mahomet ce sage Politique, contre l'aduis des autres Bassas, (qui du commencement
s'estoient bandez en cela contre son opinion) luy conseilla qu'il estoit plus à propos de
tourner la pointe de ses armes contre les Perles, qui le pouuoient plus trauerser en les en-
treprises, & luy apporter plus de destourbier & d'empeschement, à quoy s'accorderent
depuis les autres Bassas, Mustapha & Sinan : car quoy qu'eust dit ce dernier à Amurath,
qu'il ne falloit point faire de forts en cette Prouince, ce n'estoit que pour tirer l'Empereur
Turc de Constantinople : mais en effet il scauoit bien que c'estoit le moyen de domter les
Perles: car les autres armées des Turcs n'auoient entré dās ces Prouinces qu'en courāt & en
passant, abandonnans aussi-tost qu'ils s'en alloient, tout ce qu'ils auoient conquis, & à peine
les Perles auoient-ils encores veu les Turcs à bon escient, qu'alors qu'ils gagnerent pied
à pied, bastissans des forteresses proches l'une de l'autre, s'asseurans des lieux qu'ils auoient
conquis par les colonies qu'ils y conduisoient. Cela fut cause encores de luy faire entre-
prendre contre les Georgiens, & contre les Tartares de Procop, comme vous auez enten-
du, qui vouloient fauoriser aux Perles, & bien qu'ils reprissent quelques places que les
Turcs auoient prises sur eux, toutesfois eux qui auoient coustume d'estre entretenus par
Amurath avecques plusieurs dons & presens, furent neantmoins contraints de luy payer
tribut, estendant ainsi ses limites, iusques à la ville de Citrachan frontiere du Moscouite,
sur le fleuve Volga, & occupant toute la partie de la mer Caspie, qui est contenuë entre
le Septentrion & le Midy vers le couchant.

Les Turcs
toufiours
maistres de la
campagne en
la guerre con-
tre les Perles.

I L est vray qu'il y perdit fort grand nombre de soldats, & que selon ce qu'on nous racon-
te de cette guerre, les Turcs furent presque toufiours mal menez, toutesfois cela ne se
peust passer sous silence, que durant prés de douze ans que cette guerre a duré, qu'on y
ayt mené non seulement tant de gens de guerre : mais encores que les Turcs ayent tou-
jours esté les maistres de la campagne, venans à chef de leurs entreprises, soit à secourir
leurs

leurs forts, ou à prendre les places qu'ils auoient designées, & celle mesme de Tauris, bien 1586. 87. & 88.
 que l'armée des Perses fut prochaine de là, & en fin avecques toutes les pertes des Turcs, & les victoires des Perses, si est-ce que ceux-cy reduits en vn coin de leur pays, furent contraints de demander la paix. Que si les Ianissaires & autres gens de la Porte eussent eu autant de patience que leur Empereur auoit de perseuerance à continuer cette guerre, il eut peut-estre esté bien mal-aysé aux Perses d'y resister à la longue: car leurs seditions & grands remuëmens avec cette guerre qui auoit duré si long-temps, les auoit mis fort bas, & neantmoins en fin de compte les Turcs n'y eurent pas si petit aduantage, qu'on ne dressast en Perse pres de quarante mille nouveaux Timariots, qui fait assez paroistre quelle est le due de pays ils pouuoient auoir conquis.

NEANTMOINS l'armée estant de retour à Constantinople, les Ianissaires principalement, sollicitèrent fort d'estre payez de leur solde: or comme il a esté dit, les thesors auoient esté épuisez les années precedentes, si bien qu'Amurath se voyant sans aucun moyen de leur satisfaire alors, il voulut imposer de nouveaux tributs, & des tailles extraordinaires sur son peuple, à quoy le Muphty s'opposa courageusement, & d'une grande hardiesse, comme firent aussi ses predicateurs en leurs sermons, qui luy annonçoient vne malediction sur luy & sur les siens, s'il le faisoit, iusques là qu'on leur oyoit dire tout haut en leurs assemblées, qu'il estoit vn tyran, & non pas vn bon & legitime Prince: si que le peuple, mais principalement les Ianissaires estans encouragés du Clergé, y procederent avecques tant de furie, qu'ils déchirerent en pieces, & demembrerent tous vifs le Beglierbey de la Grece, & le grand Defterdar ou Thresorier, qu'ils estimoient auteurs de ces gabelles. Amurath fort indigné de cette insolence populaire, laissa passer sans dire mot, toute cette fougue, & de là à peu de iours, voyant tous ces bouillons attriedis, en chastia plusieurs tres-rigoureusement, & osta aux vns leurs estats & dignitez, aux autres leurs moyens. Les Ianissaires pour auoir plus belle occasion de saccager les maisons des habitans, mirent le feu en la ville, qui brûla, comme on dit, iusques à vingt mille maisons, sans qu'aucun se souciaist gueres d'y apporter de l'eau pour l'esteindre, tant grande estoit la desolation, & deplorable la calamité que cette sedition auoit causée en cette grande ville, elle aduint l'année 1588. année fatale pour semblables actions.

Sedition à Constantinople pour les impôts.

Or la plus commune opinion a voulu que les vns & les autres auoient esté poussez à cela par Mahomet, fils aîné d'Amurath, Prince qui auoit esté suspect à son pere dès son enfance, tant pour la subtilité de son esprit, que pour vn excessif desir de regner, qui luy creut toujours avec l'aage, & lors encore plus que iamais, qu'il pouuoit auoir quelques vingt ans, si bien que le Padis-Seach, comme Prince aduisé, qui voyoit bien qu'il n'y auoit aucun moyen de retenir en paix à la maison ces fiers courages, sans encourir le danger de quelque sedition: encores qu'il n'eust pour lors aucune volonté de faire la guerre, toutefois incontinent apres le retour de son armée de Perse, il commanda au Basla de la Bosnie de se ruer sur la Croatie, où il print la forteresse de Ribach aux frontieres du Frioul, emmenant plus de vingt-cinq mille ames en captiuité, avec vn nombre infiny de bestial, & grande abondance de meubles & d'argent, si bien que sur l'esperance de ce butin, il y arriua de l'Asie seulement, plus de soixante mille Volontaires, tous ieunes hommes choisis pour s'exercer & meriter les recompences militaires; & par ce moyen il molesta par des courses cōtinuelles, les villes mesmes iusques à Zagabrie, leur ayant interrompu le commerce, & empesché de cultiuer leurs terres, & pour recompense de toutes ces heureuses entreprises, il fut créé Vizir, sans toutesfois auoir esté rappellé de la Prouince, encores que l'Empereur Rodolphe eust fait de grandes plaintes contre luy pour ses hostilités exercées durant la trefve, qui auoit esté arrestée l'année 1584.

Cause de la guerre de Croatie.

A V S S I n'estoit-ce pas la premiere inuasion qu'ils auoient faite sur ses terres: car il auoit commencé en faisant arrester l'Ambassadeur de l'Empereur, lequel à sa nouuelle arriuée ne luy auoit apporté le present accoustumé: Rodolphe se voulant vanger de cette iniure, commanda à ses gens qui estoient en Hongrie, de courir sur les Turcs, & d'entreprendre sur quelqu'une de leurs places, au lieu de deux qu'ils auoient prises en la Croatie; & les Hongrois voulans se ietter sur quelques chasteaux près d'Albe-Royale, ils furent en chemin attrapez par les Turcs, & tuez pour la plus-part en pieces. L'Empereur considerant que ces escarmouches pourroient en fin attirer vne plus grande guerre, & craignant que les Turcs le vinssent attaquer auparauant que de s'estre preparé, fit conuoquer vne Diette en Boheme, sollicitant en icelle les Bohemiens de le vouloir secourir contre les Turcs, lesquels sans auoir égard à la trefve, courroient & rauageoient continuellement les

Trefve rompue par les Turcs avec l'Empereur.

1588. & 89. frontieres de ses pays, de sorte qu'ils luy accorderent vne bonne somme de deniers. Pour mesme effect il conuoqua aussi les Hongrois à Poson, & ne pouuant se trouuer en icelle pour son indisposition, il leur fit remonstrer par le Prince Ernest son frere, la necessité qui le contraignoit de les solliciter d'auoir égard à la necessité commune contre les Turcs, desquels ils receuoient tous tant d'oppressions: mais il ne peust tirer rien d'eux pour lors, voulans tous qu'il se trouuast en personne à la Diette & à la guerre.

En fin toutesfois sentans de iour à autre les effets de la violence de leurs ennemis, lesquels nonobstant la guerre de Perse, en laquelle ils estoient lors fort embrouilleez, ne laissoient pas neantmoins de les molester grandement, & de leur donner bien des affaires, ils accorderent à l'Empereur la plus grande part de ses demandes, & prenans tous courage, ils s'opposèrent si vertueusement aux Turcs, que par plusieurs fois ils les contraignirent de se retirer, & mesmes quitter beaucoup de pays qu'ils auoient vsurpé. Neantmoins tous ces heureux succez n'empescherent point l'Empereur Rodolphe d'enuoyer vers Amurath pour se plaindre de la temerité des Turcs, qui n'auoient aucun égard à la trefve faite entre eux deux: Amurath qui pour lors auoit d'autres affaires plus importantes à demeler avec les Perses, y ayant trouué plus de resistance qu'il ne s'estoit imaginé, se laissa aysément persuader à tout ce que desiroit de luy l'Empereur: de sorte qu'il deputa des gens expres pour pacifier les differends qu'ils auoient entre eux, à cause de leurs frontieres.

Mais cette guerre là finie, ils en commencerent bien-tost vne autre, & l'ambition du ieune Prince ne pouuoit pas demeurer sans entreprendre quelque chose: il y estoit à ce qu'on dict, incité par les Bassas, qui sont tousiours bien aysez de quelque nouuelle entreprise, tant pour commander aux armées, que pour le butin, & pour se tirer hors des enuies & des ialousies qu'ils ont ordinairement les vns sur les autres. Amurath, comme il a esté dit, en estoit bien ayse: car il se déchargeoit tousiours autant de ces mutins, & si rauageoit, en ce faisant les terres de son ancien ennemy: mais ils estoient encores outre cela picquez au ieu les vns & les autres: car sur la fin de l'année, quelques milliers de Turcs furent taillez en pieces es frontieres de Croatie, où vn des nepueux d'Amurath fils de sa sœur, fut tué, & sa teste portée à Vienne en Autriche, où elle fut présentée à l'Archiduc Ernest, & comme cette mesme année, que l'on comptoit 1587. quatre Sanjacs avec cinquante mille hommes eussent fait vne course fort aduantageuse en Croatie, ils pillerent dix-sept villages, & emmenerent force prisonniers. Mais Georges Comte de Serin, fils de celuy qui auoit si valeureusement deffendu Zighet, ramassa toutes les troupes qu'il peust, & avec le secours d'autres seigneurs ses voisins qui l'accompagnerent, ils coururent apres ces butineurs, en tuerent pres de deux mille, prirent mille trois cens prisonniers, qui moururent presque tous de leurs blessures: ceux qui se sauuerent, perirent dedans les marais, & dedans les forêts. Tous les prisonniers furent recous, & afin que la victoire fust encores plus glorieuse, on tient que les victorieux n'y perdirent qu'vnze soldats, & non plus.

Cecy rapporté à Amurath, il depecha Assan Bassa, en l'année selon quelques-vns 1592. d'autres disent 1593. avecques vne armée de cinquante mille hommes, pour se ietter sur les frontieres de la Croatie, où de premier abord, ceux de la Prouince ne s'estans point munis contre vn si puissant aduersaire, qu'ils voyoiēt tous les iours à leurs portes, perdirent la principale ville de la Prouince, dégarnie d'hommes & de munitions, appelée Vuititski, belle & forte ville, qui depuis cent cinquante ans en ça auoit esté vn des bons & importans bouleuerts que la Chrestienté eust de ce costé-là: elle soustint deux assauts, au troisieme desquels elle fut prise, selon quelques-vns, avec le chasteau, où les Turcs tuerent bien deux mille hommes durant l'ardeur du combat, & emmenerent le reste en captiuité: d'autres disent qu'ils se rendirent à vne fort honorable condition, à sçauoir que la garnison sortiroit avec ses armes & bagage, l'enseigne déployée, la mesche allumée, les habitans laissez avec l'exercice libre de leur Religion, & exempts encores du pillage, à condition de payer quelque tribut: ce que les Turcs obseruerent pour s'acquerir la bien-veillance des peuples, & perdre au commencement de cette guerre, le titre de perfides: car ils conduisirent les Allemands qui estoient en cette place, en lieu de seureté, deffendans encores sur peine de la vie, de faire outrage à aucun des habitans.

Cette ville conquise, ils allerent assieger Caroloze, ville forte, laquelle ils prirent, & firent de grâds rauages par où cette armée passa, & comme les compagnies de Sclauonie & de Stirie se fussent mises en deuoir de les empescher de passer outre, elles furent taillées en pieces & contrainctes de se retirer. Assan Bassa se voyant maistre de la campagne, sacagea l'Isle de Turepole, s'en alla assieger Sissek, Abbaie & chasteau tres-fort, qui fut rude-

ment

Mahomet
fils d'Amu-
rath persuade
à guerre.

Caroloze &
Turepole pri-
ses par eux.

ment battue l'espace de six iours; mais l'Abbé & ses soldats qui estoient dedans, firent vn tel deuoir, qu'ils le contraignirent de se retirer avecques vne grande perte & domage, en quoy il y eut vn fort subtil stratageme: car apres auoir enduré le siege les six iours que ie viens de dire, l'Abbé seignant n'estre pas assez puissant pour se deffendre, & qu'il ayroit mieulx par quelque honorable composition sauuer luy & les siens, que de tenter l'extremité du peril, enuoya vers le Bassa, luy dire qu'il estoit prest de se rendre vies & bagues sauues, & de luy liurer la place; qu'il enuoyast doncques quelques vns des siens; si dans trois iours il ne luy venoit quelque secours: bien le prioit-il d'y enuoyer quelques personnes de qualité, afin qu'on ne luy reprochast point à l'aduenir de s'estre rendu à des faquins. Le Bassa trouua cette proposition fort bonne: car il scauoit assez l'importance & la force de cette place; au troisieme iour doncques il enuoya vn bon nombre des plus apparens de son armée, qui furent fort bien receus de l'Abbé, lequel ayant fait ouvrir la grande porte, en receut dedans iusques à cinq cens, tous à cheual & richement enharnachez, marchans entcores en ordonnance, comme pour quelque entrée de ville; mais comme ils furent vn peu aduancez, ils se trouuerent aussi-tost enleuez en l'air par l'artillerie qui fut détachée, & qui les mist tous en pieces: car l'Abbé auoit fait cacher plusieurs pieces de canons sous des gazons de terre, lesquels il auoit fait emplir de poudre, de boulets, de clouds, de chaisnes & autres ferrailles, & comme ceux-cy furent sur la place où il les auoit fait cacher, il les fit aussi-tost delascher, & enleuer ainsi hommes & cheuaux au grand estonnement de leurs compagnons, qui voyoient de loin ce spectacle si effroyable: cela pour lors fut cause de leur faire leuer le siege.

Mais cela ne fust qu'une nouuelle pointe à leur courage: car pour auoir leur reuanche de ce qu'ils auoient leué le siege, ils vinrent bien-tost apres avec vne armée de vingt mille Turcs, à Sissek: & comme d'ailleurs les Chrestiens s'efforçoient de conseruer leur aduantage, ils firent encores vne petite armée d'enuiron six mille hommes de pied, & six cens cheuaux, à laquelle commandoit Thomas Erden, Baron de Sclauonie, espians par les montaignes & chemins destournez, quelque occasion de donner sur la queue de leurs ennemis; mais les Turcs les enuolopperent de sorte, que s'estans emparez de leurs retraictes, ils furent en fin tous taillez en pieces, fors quelques vns qui grimperent à mont les rochers, & se ietterent apres dans des precipices, où la crainte les pouloit; ce ne fut pas toutesfois sans se bien deffendre, les chefs ne s'épargnans non plus que les moindres soldats, & de fait il y en mourut plusieurs des plus vaillans, entre autres Jacques Priart, Georges Plesbach, & Jean de Vueluerdiss: quant à Abraham Vualhault, il fut pris prisonnier avec quelques autres: le Bassa fit apres sa victoire trancher la teste aux morts, desquels il fit emplir six charriots pour trophées de sa victoire, mais il ne la porta gueres loin. Car les Croaces sans s'estonner, se rassemblerent de toutes parts: mais leur troupe estoit fort petite, comme de quatre mille cinq cens hommes; au contraire des Turcs, desquels le nombre croissoit tous les iours: toutesfois les Chrestiens avec plus d'assurance que de force, voyans que les Turcs vouloient continuer leur entreprise de Sissek, ils se camperent tellement à leur aduantage, & se rendirent tellement en mespris aux autres, tant pour leur petit nombre, que par la fraische deffaite qu'ils venoient de receuoir, que voyans qu'ils ne se tenoient point sur leurs gardes, ils les surprinrent vn iour, & leur donnerent vne telle camusade, qu'ils les taillerent tous en pieces; de sorte que de ce grand nombre il n'en échappa pas deux mille: le Bassa Assan mesme y demeura, & six ou sept Colonels, avecques quelques autres Capitaines, s'estans tous tant qu'ils estoient, si peu deffendus, qu'on tient qu'il n'en demeura pas cinquante du costé des Chrestiens. Ces pertes reciproquemēt receuës, ne firent neantmoins point perdre le cœur aux Turcs, ny ne les destournerent point de leur entreprise: car ils retournerent avec plus grandes forces que deuant à Sissek, & s'en rendirent finalement les maistres sur la fin du mois d'Aoust de l'année 1593.

Or la perte que souffrit Amurath deuant Sissek, hasta bien encore dauantage ses desseins qu'il auoit sur la Chrestienté: car son haut courage ne pouuant souffrir cette honte, d'auoir esté battu par vne si petite troupe, il vid bien qu'il luy estoit necessaire de dresser vne grande & puissante armée, s'il se vouloit opposer aux forces des Hongrois, qui se ioindroient bien-tost à ceux-cy, ayant mesmes esté aduertis par Sinan Bassa, qui estoit lors rentré en grace, que l'Empereur Rodolphe auoit dessein sur Strigonie. Ayant doncques leué vne armée de cent mille hommes, les autres disent cent quarante mille, sur laquelle il establissit general Sinan Bassa; Cettuy-cy entra apres dedans la Hongrie, & y fit de fort grands degasts, print Vesprim, lequel les Chrestiens abandonnerent, voyans n'estre pas assez forts

1593.

Deffaite des
Croaces.Qui prennent
Sissek.

1593.

1593.

pour résister à vne telle puissance, cela ne rendit pas neantmoins leur condition meilleure, car les Turcs en ayans ouy le vent, les suivirent à la trace, en taillerent vne partie en pieces, & mirent le reste à la chaine, entre autres le gouverneur de cette place, Ferdinand Samarie, & avec luy vn nommé Georges Hofkirch. Or ceux-cy deuant qu'abandonner la ville, auoient fait des mines sous les murailles qu'ils auoient remplies de poudre à canon, & par tout où il y auoit quelque fortification, de sorte que les Turcs estans entrez dedans, soit que la traînée fut longue, & que quelqu'un se fust caché pour cét effect, ou par quelque autre artifice, tant y a que cela fit l'effect que les habitans auoient desiré, renuersant & ruinant la place, & accablant encores sous les ruines vne grâde quantité des Turcs.

TOUTESFOIS Sinan voyant la commodité du lieu, la fit reestabli, en laissant la charge à quelques-uns des siens, cependant qu'il s'en alloit assieger Palotte, forte place & de grande importance, laquelle ayant résisté quelque temps, en fin se voyant priuée de toute esperance de secours, son petit nombre força Pierre Ornard Hongrois, qui commandoit à cette place, & le contraignit de se rendre, & de capituler avec Sinan, que ceux de la garnison se retireroient vies & bagues sauues; mais il ne leur tint pas parole: ains fit massacrer tous les soldats, deux exceptez qu'il sauua avec le Gouverneur: de là il conquist toutes les places qui sont le long du fleuve de Balator. Il y eut aussi enuiron ce temps vne rencontre de six mille Turcs contre quinze cens cheuaux Hongrois, lesquels apres vn fort aspre combat, recouurerent trois mille ieunes garçons, que Sinan Bassa enuoyoit à Constantinople, celuy qui les conduisoit, s'appelloit Melchior Von Kadera, Silesien de nation.

XII.

Diette à Prague.

OR tous ces rauages que les Turcs auoient faits en la Croatie l'année precedente auoient donné assez de quoy penser à l'Empereur: mais plus encores quand il se vid sur les bras vne si puissante armée que celle de Sinan: cela luy fit conuoquer vne Diette à Prague, où ayant obtenu vn bon secours de tous les Ordres, il fit General en cette armée Ferdinand Comte de Hardech, lequel ayant eu aduis qu'Albe-Regale se pouuoit surprendre sans grande difficulté, apres auoir communiqué son entreprise aux principaux de l'armée, & qu'un chacun l'eust approuuée, apres auoir tous inuoké l'assistance diuine, ils s'acheminèrent avecques vne grande esperance que le tout réussiroit à bonne fin: on auoit enuoyé deuant Pierre Houssar qui commandoit à Papa, & luy furent baillez alors six cens cheuaux pour aller forcer le faux-bourg, où celuy qui commandoit pour les Turcs dans la ville, faisoit sa demeure, lequel Pierre Houssar demanda deux pieces de canon, que le Comte faisoit difficulté de deliurer, toutesfois il fut tant importuné par les prieres des plus Grands de l'armée, qu'en fin il les luy bailla: mais à condition neantmoins, que s'il vouloit faire quelque effect avec icelles, il falloit que ce fust deuant my-nuit, que s'il voyoit que l'entreprise fust plus difficile qu'ils ne se l'imaginoient, il mist le feu au faux-bourg, & qu'il se retirast.

OR auoit-ce esté ce Pierre Houssar qui auoit donné cét aduis, & auquel on auoit beaucoup de croyance à cause de sa valeur, de laquelle il auoit rendu de bons témoignages aux plus notables rencontres: joint qu'estant voisin de la ville d'Albe, il disoit qu'il scauoit aussi les destours secrets pour y aborder & les adresses pour y entrer, comme il aduint: le faux-bourg est pris aussi-tost d'emblée: mais voulans passer plus outre, les Turcs qui estoient en perpetuelle deffiance, sachans assez combien leurs ennemis estoient proches d'eux, y donnerent ordre bien-tost: mais cependant Houssar estant entré sans crainte dans le faux-bourg, comme il vint à demander des escheles pour prendre la ville par escalade, luy qui s'en estoit refié sur le Comte de Hardech, cettuy-cy, soit par ignorance ou par malice, n'en auoit fait faire aucune prouision, si bien qu'encores qu'il eust suiuy l'autre de fort pres, & que ses troupes fussent arriuées à temps, toutesfois cette diligence ne seruit de rien: car il ne se trouua que deux escheles, encores estoient-elles trop courtes, s'excusant sur celuy qui auoit la charge des machines de guerre: celuy qui estoit dedans Albe, auoit eu de bons aduis de cette armée, si bien qu'il en estoit allé aduertir le Bassa de Bude, afin qu'avec ses soldats entretenus, ou pour le moins ses volontaires, il en peust tirer quelque secours.

CEPENDANT les Chrestiens voyans qu'ils ne pouuoient entrer par vn costé dans la ville, tascherent d'aller par vn autre: mais les Turcs qui s'en estoient defiez, y remedièrent incontinent. Voyans doncques leur entreprise estre decouuerte, & qu'il y auoit du danger à y demeurer plus long-temps, apres auoir brûlé le faux-bourg, sonnerent la retraite: car les Turcs estans desia venus au combat, & le iour faisant connoistre tous les desseins des autres, ils furent contrains de laisser leurs fauconneaux à leurs ennemis. Houssar auoit sommé ceux de la ville, leur criant par dessus les murs qu'ils eussent à se rendre, leur promettant

promettant qu'il ne leur seroit fait aucun déplaisir, ny en leurs vies, ny en leurs biens: mais ceux de dedans s'en moquent, leur respondans que s'ils vouloient prendre Albe, il falloit bien d'autres machines, & que c'estoit tout ce qu'auoit peu faire le grand Solyman, avec vne si effroyable batterie que la sienne, & là dessus firent vne sortie, qui contraignit les autres de se retirer plus viste que le pas, laissant, comme vous auez entendu, leurs pieces de campagne à la mercy de l'ennemy.

AYANT doncques quitté là leur entreprise, ils n'eurent pas fait deux lieues de chemin, que le Bassa de Bude accompagné d'une grande multitude de soldats, leur vint à l'encontre. Or apres leur retraite de deuant Albe, le iour commençoit à paroistre, leurs cheuaux tous harassés pour auoir esté tousiours sur-pieds sans aucun relasche, estans arriuez en vn champ qui est entre Albe & Strigonie, ils estoient tous empeschés quel conseil ils deuoient prendre, vn entr'autres appelé Nadašte, conseilloit de quitter la campagne, & se retirer dans les forteresses, Hardech mesmes asséuroit que si tost que le iour seroit plus grand, luy & les siens s'en iroient à l'armée: celui encores qui commandoit à Comar, nommé Praun, qui auoit commandement sur les fortes places, (Nadašte le luy persuadant) auoit enuoyé deux hommes deuant, d'autant qu'il n'estoit point d'aduis qu'on se retirast ainsi sans rien faire; mais comme ils estoient sur ce differend, vn Hongrois fugitif du camp des Turcs, qui les auoit tousiours suivis, & s'estoit sauué la nuit, s'adressa à ce Nadašte, & l'aduertist que le Bassa de Bude estoit en des vallées prochaines avec vne puissante armée, & ce qui donnoit encores vn plus certain preiugé, furent des chiens Turcs qui furent reconneus aussi-tost des Hongrois, à leurs oreilles pendantes: Nadašte aduertist incontinent ses compagnons de tout cecy, les auant-coureurs vinrent aussi rapporter le mesme.

Les Hongrois
se retirent
ayans seule-
ment brûlé le
faux-bourg.

OR estoit desia party le Comte de Hardech, & Praun l'auoit suivi: ils enuoyerent doncques incontinent des leurs pour tascher de l'inciter à retourner, ce qu'il fit: mais ce fut à grande peine, & contre son gré; quant à Praun, il poursuivit son chemin avecques les siens à Comar. Cependant le Soleil estant desia haut, les coureurs des Hongrois prirent quelques sentinelles qui rapportèrent que les Turcs commençoient desia à dresser leur bataille, & à faire marcher leurs pieces de campagne, qui estoient en nombre de quarante-cinq pieces, que le bataillon des Ianissaires marchoit desia, & que le Bassa mesme estant monté sur vn cheual richement enharnaché, accompagné de treize Sanjacs, alloit voltigeant parmy les siens pour les inciter au combat, & leur donner tousiours du courage; & de vray il esperoit bien faire à cette fois quelque grand eschet des Hongrois: car il sçauoit comment ils auoient esté repoussés de deuant Albe-Royale, & que bien enuis les chefs vouloient combattre, ayans inieux vn bon butin que la ruine de l'ennemy: cela luy faisoit bien esperer. Mais ce que ce Bassa faisoit enuers ses soldats, l'armée Chrestienne le faisoit enuers ses chefs, allans avec tât d'ardeur en ce conflict, que ceux qui les conduisoient, estoient plustost incitez à combattre par la grande resolution de chacun particulier, que tout le gros de l'armée n'estoit exhorté, ny par leurs actions, ny par leurs paroles: le Bassa fit mettre au deuant de ses troupes toute son artillerie, apres elle les Ianissaires qui estoient environ cinq mille, ausquels estoient joinés huit mille Azapes: apres ceux-là estoit toute la cavalerie disposée en sorte qu'elle remplissoit toute cette campagne, ce qu'ils faisoient à dessein, afin que cela fit dauantage paroistre leur multitude, & causast de l'épouuence à leurs aduersaires; pour le dernier estoit vn gros bataillon de chariots, de iumens & autre grande quantité de bagage, si que cette suite paroissoit toute effroyable de loin.

Q V A N T aux Chrestiens, ayans diuisé leur armée en huit bataillons, & apres auoir inuoké par trois fois le tres-sainct & sacré nom de I E S V S, les trompettes, tambours & nacaires commencerent à sonner de part & d'autre, & les deux armées à marcher: le Comte de Hardech, & le Comte de Serin menoient l'aile droite, Nadašte la gauche, & Palsie la bataille du milieu, en sorte toutesfois que chacun d'iceux estoit assisté de plusieurs Capitaines & ieunes Barons Hongrois, entre lesquels estoient Nicolas Istuanfik, Sigismond, Michel & Sebastien, les Forgatzes, François Dersli, Etienne Torok, Sigismond Balassa, Emery Doczy, Iean Banfi, André Zay, Michel Gober, George Thurzo, Michel Tele Kessy, François Battiany, ieune seigneur de fort grande esperance, & nepueu de la sœur du Comte de Serin, André & Pierre Rewagy, Thomas Nadašty, & Ladislaus cousin de Nadašty, tous lesquels firent tresbien leur deuoir, les Turcs leur donnans du commencement tant d'affaires, que la victoire sembloit balancer de leur costé, quand tout à coup, on ne sçait ny pourquoy ny comment, vne telle frayeur saisist les Turcs, que iectans là les armes, ils commencerent à tourner le dos. Cette fuite fut si prompte & si inopinée, que les

Et de celle
des Chrestiens.

1594.

Chrestiens ne sçauoient du commencement qu'en penser, & si ce n'estoit point quelque stratageme : mais voyans que c'estoit à bon escient, iugeans alors que c'estoit vne particuliere assistance qui leur venoit du ciel, qui auoit arraché des poings les armes à leurs ennemis, alors commencerent-ils à s'encourager l'un l'autre à les poursuiure ; ce qu'ils firent avec vne telle furie, que s'estans ruez sur les gens de cheual, ils en firent vn merueilleux abbatis, comme ils firent apres le semblable des gens de pied.

L'ENSEIGNE Imperiale du Bassa de Bude, fort grande & excellente de couleur rouge, qui auoit vn gros manche d'argent, & estoit dorée par le haut, fut prise, vne autre encore toute semblable, qui auoit esté apportée de Constantinople par les Ianissaires, & avecques celles-là quarante autres enseignes militaires. On tient qu'il en mourut sur la place plus de neuf mille neuf cens : mais il en mourut encore plusieurs de leurs blessures, par les forests & par les chemins : on y print deux Capitaines de Ianissaires, dont l'un estoit venu de Constantinople avec Sinan Bassa, le Beg de Bache y fut pris, les autres furent occis, quant au butin il y fut fort grand, d'autant que pas vn des Turcs ne faisoit doute de la victoire, à cause de leur nombre, qui estoit sans comparaison plus grand que celuy des Chrestiens : de sorte qu'il y auoit or, argent, pierres precieuses, tentes & pavillons tres-riches, & toutes sortes de biens.

Grande def-
faite des
Turcs.

Or comme il n'y auoit qu'un Bassa en l'armée des Turcs, aussi n'y auoit-il qu'un muet en l'armée des Chrestiens, & comme le Bassa s'enfuyoit, & que le muet le poursuiuoit, en fin ils se rencontrerent si pres l'un de l'autre, qu'ils mirent tous deux la main à l'espée, mais le cimenterre du Bassa se rompit par le milieu, & le muet luy donna vn coup dans le poignet qui luy en fit quitter le reste ; quant à luy, la bonté de son cheual le preserua : car il se sauua à Bude, d'autres disent qu'il receut trois coups d'harquebuzes, & qu'estant demeuré sur la place, il fut emmené en la ville de son Gouuernement ; le muet ramassa la poignée de ce cimenterre, qui estoit d'or pur, enrichie de plusieurs rubis & saphirs : ceux qui disent en fin qu'il en est le plus mort en cette bataille, disent iusques à 16000. & ceux qui disent moins, disent iusques à douze mille. Quelques-uns aussi ont pensé que cette defaite, & celle d'Assan Bassa, dont nous auons parlé cy-dessus, n'estoit qu'une seule bataille, & vne mesme chose ; toutesfois on la décrit si diuersement, & avecques vne telle contrariété en la Chronologie, que l'ay esté contraint de la mettre encore plus particulièrement en ce lieu-cy qu'en l'autre, comme en celuy où elle pourroit bien estre plus veritablement recitée. Plusieurs autres exploits se firent encore quasi en ce mesme temps. L'Archiduc Maximilian auoit desir de se rendre maistre de Petrine en la Croatie, & de fait il la fit battre fort furieusement : mais les Turcs voyans que la chose alloit mal pour eux, mirent le feu aux quatre coings de la ville, & se retirerent volontairement, si que l'Archiduc y entra le dernier iour de Iuillet, il fit le mesme à Hrastrouie, le Baron d'Ordep print Noiuigrade.

XIII.
Exploits de
Sinan Bassa.

QUANT à Sinan Bassa, continuant ses conquestes, il print l'Isle, le chasteau, & le Monastere de Thihan. Or l'armée Chrestienne auoit assiégué quelque temps Strigonie, mais voyant que le tout seroit sans grand acquest, à cause de l'armée Turquesque qui estoit voisine de là, qui luy pourroit bien donner autant de peine qu'elle feroit souffrir de mal aux assiegez, se retira & se campa pres de Comar : car Sinan qui s'estoit campé entre Bude & Albe-regale, tenoit toute l'armée en eschec, attendant surquoy deuoit fondre ce grand orage : car encores pour les épouuenter dauantage, quarante mille Tartares estoient passez à viuc force au trauers de la Polongne, & l'auoient joint, de sorte que son armée estoit de cent cinquante mille hommes. Avecques tout cela Sinan qui auoit de bons espions, estoit fort particulièrement aduertie de toutes les intentions & desseins de l'armée Chrestienne, & sçachant qu'elle n'estoit pas pour s'opposer à ses intétions, afin de donner encores plus de courage à ses gens, quand ils prédroient des places à la veuë de leurs ennemis, & qui leur fussent importantes, il fit marcher l'armée en intention d'aller mettre le siege deuant Iauarin : pour ce faire il y fit conduire son artillerie & son canon : mais pour ne laisser aucun obstacle à son dos, il alla attaquer Dotis, place forte à trois lieues de Iauarin, laquelle il print. De là il s'en alla à Tatta proche de Comar, vne forte place, laquelle n'eust peu estre si peu soustenuë qu'elle ne se fust deffenduë, & toutesfois l'armée Chrestienne ne se mit en aucun deuoir de ce faire, bien que les assiegez eussent souffert toutes sortes d'incommoditez, sous l'esperance qu'ils auoient d'en estre bien-tost deliurez : mais voyans qu'ils estoient abandonnez de tout secours humain, leurs murailles abbatuës, & eux reduits à vne extreme necessité, & qui estoit le pis, les mines toutes prestes à les bouleuerfer, furent

furent contraints de se rendre, à condition que tous gens de guerre avec les habitans, leurs femmes & leurs enfans sortiroient à sauueté, & se pourroient retirer où il leur plairoit, sans receuoir aucune iniure : mais comme il est fort rare de voir les Turcs garder leur parole en toutes choses, ils prirent pour eux vne partie des femmes & des enfans, & dépouillerent le Seigneur Baxy Gouverneur de la place, de tout son equipage.

C E S T E ville estant située entre Strigonie & Iauarin, le Bassa tourna aussi-tôt la teste vers Iauarin, & se campa à vne demielieüe de la ville. Iauarin autrement Rab, est vne ^{Situation de Iauarin.} bonne place iadis Euesché, fort peuplée & bien assise, qui n'est éloignée que de six lieües de Vienne en Autriche, le pied de laquelle est arrousé d'un bras du Danube; entre cestuy-cy & vn autre, est l'Isle de Schiut, en laquelle il y auoit autresfois eu de fort beaux edifices; le Danube qui flotloit entre les deux armées, seruoit d'une barriere qui les empêchoit de se joindre: il est vray que les Turcs eussent bien désiré le pouuoir guée pour aborder leurs ennemis: car il leur sembloit bien que c'estoit alors leur aduantage, comme au contraire les Chrestiens estoient bien ayés d'attendre du secours; comme de fait il en arriua de Petrine quelques troupes, qui camperent entre le camp Chrestien & la ville, ayans le chasteau d'icelle en teste & l'armée Chrestienne. Ce que voyans les Turcs, ils bastirent aussi-tôt vn fort, afin d'estre asseurez de leurs aduersaires, qui pouuoient estre à toute heure parmy eux: sur ce fort ils mirent quatre pieces de campagne, dont ils offensoient à toute heure les Chrestiens, lesquels d'un autre costé se sentans aucunement fortifiez, auoient fait vn pont de bateaux, sur lequel ayans mis cinq cens hommes des meilleurs qu'ils eussent, ils allerent donner vne camifade aux Turcs, de laquelle ils se doutoient le moins, gagnerēt le fort, & grimperent en haut, où ils massacrerēt les Turcs & emmenerent leur artillerie. Or venoit-il de iour à autre nouuelles forces en l'armée Chrestienne, principalement de deuers l'Italie: toutesfois cela n'empescha pas que les Turcs ne prissent le fort saint Martin pres de Tatta, apres auoir brûlé, rauagé, ruiné & destruit tous les environs d'iceluy, montans apres contre le roc, & l'emportans d'assaut, comme on dit, sans beaucoup de resistance: l'armée de l'Archiduc estoit alors campée pres de Iauarin, en vne Isle qui estoit assez bien fortifiée.

M A I S le Bassa Sinan qui auoit vne belle & puissante armée, & ne se mettoit gueres en soucy de ce qu'ils deuoient faire, ne laissa pas de poursuiure son entreprise, menant toutes ses troupes autour des murs de Iauarin, & en ayant pris toutes les aduenues, l'assiege, & fait aussi-tôt ses approches. Dedans cette place commandoit pour lors le Comte Ferdinand de Hardech, ayant avecques luy le maistre-de-camp Jean Geirzigofler avecques douze cens bons Lansquenets, & quelques cens d'Italiens qui s'estoient glissez dans cette place quelques iours auant le siege, sans les habitans, qui pouuoient faire en tout quelque cinq mille hommes de combat. Quant au Bassa, ayant fait ses approches, & braqué son artillerie, il commença sa batterie le deuxiesme iour d'Aoust. Mais tandis qu'on s'amusa à battre les murailles, quatre mille Tartares à cheual se hazarderēt de passer le Danube à nage, ayans attaché leurs cheuaux par les queuës, afin de n'estre empeschez par le fil de l'eau, & tenans en la bouche leurs cimenterres, & leurs trompettes en la main dextre, prirent le hazard de ce peril; six mille Turcs se joignirent à eux, qui se ietterent l'estomach sur des perches longues & fortes, & nageans des iambes gagnerent l'autre bord. Or y auoit-il vn fort sur le bord du fleuve, assis sur l'autre riue: ce fut ce qu'ils attaquèrent, & le surprirent auparauant que les Chrestiens peussent estre en deffense: là ils massacrerent tout ce qui ne se peust assez promptement sauuer, & se saisirent des canons qu'ils y trouuerent, lesquels ils braquerent contre la ville: mais comme eux mesmes s'amusoient à ramasser le butin qu'ils y auoient trouué, les Chrestiens reuenus à eux de cēt estonnement, voyans combien cette place leur estoit importante, resolurent de la faire quitter à leurs ennemis auparauant qu'il eussent dauantage reconneu les adresses de la place, regagnerent la muraille, & en chasserent à leur tour, ceux qui les en auoient depolledes, lesquels n'ayans donné aucun ordre pour y resister, furent contraints de l'abandonner aussi promptement comme ils s'en estoient emparez subtilement, contraints encores de s'exposer à la mercy du fleuve pour se garantir de l'espée de leurs vaincus: ce ne fut pas toutesfois sans qu'il en demeurast plusieurs sur la place, outre ceux qui se noyerent en cette fuite, chacun se precipitant pour sauuer sa vie, & n'y apportant pas tant d'observation au retour, qu'ils auoient fait à leur arriuee.

A v mesme temps Sinan commença à faire iouer son artillerie, & battre sans relasche la muraille de Iauarin avecques soixante gros canons; ceux de dedans firent vne contre-

1594.

batterie, qui causa beaucoup de dommage aux assiegeans : mais principalement par le moyen d'un de leurs boulets, qui tomba dans le magasin où estoient les poudres des Turcs qui en consumma beaucoup, & perdit plusieurs autres munitions, avecques un grand nombre d'hommes ; mais cela n'empescha pas la batterie : car elle continuoit sans relasche, & neantmoins avecques bien peu d'effect, à cause de la bonté du mur, & de l'ignorance de leurs canonniers, la plus-part donnans en terre, ou par dessus la ville, de sorte qu'il n'y avoit point de bresche raisonnable, ny suffisante pour un assaut. Mais les Janissaires voyans que la place qui leur estoit la plus importante, estoit un ravelin qui découvroit iusques dans leur armée, & les empeschoit d'aller à l'assaut, delibererent de s'en emparer ; ce qu'ils firent si dextrement, qu'ils s'en rendirent les maistres, ayans estonné les assiegez avecques leurs cris & leur impetuosité : mais ceux-cy en reconnoissans l'importance, s'exciterent tellement les uns les autres, qu'encores que les Turcs eussent planté dessus trois enseignes, & que desia ils s'assurassent de le pouvoir conserver, tout ce qui estoit de courageux & de vaillant dans la ville, fit un tel effort, qu'ils le regagnerent & en chasserent les autres : lean de Medicis avecques sa troupe d'Italiens, y faisoit paroistre sa valeur par dessus les autres, & principalement à un Fort gardé par le regiment de Schomberg, lequel s'en alloit en la puissance des assiegeans, sans son secours.

Sinan change
sa batterie.

Les iours se passoient ainsi en charges & recharges, tandis que l'artillerie battoit furieusement la place, qui s'en alloit perdue (sans la preuoyance des assiegez,) & par la trahison de deux canonniers, qui trouverent moyen de sortir de la ville, pour aller donner advis aux Turcs en quelle tout estoient les munitions : mais ceux de dedans voyans ceux-cy absens, & iugeans bien qu'ils avoient quelque mauvais dessein, ils penserent qu'ils ne leur pouvoient faire plus grand dommage que de leur decouvrir ce secret, cela fut cause qu'ils les osterent aussi-tost, & qu'ils les transporterent ailleurs : Sinan Bassa se resolut cependant de battre le portail de Vissembourg ; pour ce faire il change sa batterie, & entreprend la ruine de ce mur, & d'autant que les boulets donnoient iusques au camp des Chrestiens, non sans leur faire beaucoup de déplaisir, ils remuerent leur camp, & s'en allerent camper au bas de l'Isle pour se mettre plus à couvert de ces foudres. Or les Turcs avoient dressé vers Comar un pont de batteaux, pour passer à toute heure, de leur camp dās l'armée Chrestienne, & y faire quelque ravage : Palfy Baron d'Ordep, fut celuy avecques ses Hongrois qui fit entreprise sur ce pont : Il equippe doncques quelques batteaux qui estoient au port de Comar, les arme de bons soldats & de canon necessaire pour l'execution de son entreprise, disposant les autres sur le bord du fleuve, & les fait marcher contre les nauires Turquesques, qui estoient destinées pour la garde de ce pont, qui en font couler à fonds quelques-unes à coups de canon, tandis que les troupes qu'il avoit disposées sur le bord du fleuve, repoussent à coups d'harquebuse, les Turcs qui venoient par dessus ce pont pour secourir leurs nauires, quelques autres encores se iettans dans l'eau iusques à la gorge, briserent les chables qui tenoient les barques sur lesquelles estoit appuyé ce pont, aydez qu'ils estoient de ceux des batteaux, tellement qu'en peu d'heures cela fut demoly, & les Chrestiens assurez des courses de leurs aduersaires.

La dissenterie
au camp des
Turcs.

De sorte que les Turcs faisoient assez mal leurs affaires, & la patience, preuoyance, & grande vigilance qu'on pouvoit avoir, eust en fin dissipé cette grande armée sans aucun effect : car la necessité qu'ils avoient de viures, leur avoit desia fait tant manger de mauvais fruits, que cette nourriture corrompue s'estoit conuertie en dissenterie, qui en fit mourir un fort grand nombre : cela estoit cause que les principaux estoient d'avis de lever le siege, & le conseilloyent à Sinan, n'esperans pas de pouvoir emporter cette place secourue d'une grande armée, & parmy tant de mesayes & de necessitez. Mais Sinan qui avoit plus de courage qu'eux tous ensemble, & qui avoit une certaine bonne esperance du succez de ce siege, n'y voulut iamais entendre, cherchant tous les iours quelque nouvelle invention pour endommager les assiegez, & ainsi fit ietter dans la ville un nombre de boulets enflammez, qui porterent le feu en quelques maisons, toutesfois on y remedia incontinent, cela encourageant encores les assiegez de faire le lendemain une sortie sur l'ennemy, attaquant leurs tranchées en trois endroits, surprenans leurs corps de garde, & taillant tout en pieces, secourus encores qu'ils furent du camp, l'Archiduc y envoyant mille hommes, qui s'estans joints avec les autres, firent tel devoir qu'ils gagnerent deux tranchées, & contraignirent les Turcs de les abandonner, s'advançans iusques au canon, dont ils enclotterent quelques pieces.

Mais les Capitaines Turcs hôteux de voir qu'une poignée de gés leur faisoit quitter à violence

ue force ce qu'ils auoient conserué si long-téps, & que ceux-cy qui se deuoient simplement tenir sur la deffensue, les vinssent attaquer, non seulement iusques à leur camp : mais encores les forçassent à l'abandonner, sceurent tellement remettre le cœur au ventre à leurs soldats, que partie de honte, partie de dépit, ils retournerent en foule contre leurs ennemis, qu'ils contraignirent de quitter leur conquête : ce que voyans leurs compagnons qui estoient encores en l'Isle, & ceux de la ville, vinrent aussi-tost à la deffense des leurs, entr'autres les maistres-de-camp, Thouhan & Geitzosler, qui prenans auecques eux quinze cens Lansquenets auecques des radeaux, sur lesquels ils se supportoient, passerent la riuere & vinrent au secours : mais vn peu trop tard : car les premiers ayans reculé, les Turcs auecques la mesme pointe, donnerent furieusement contre ceux-cy qui n'estoient qu'à demy passez, les repousserent dans l'eau, où il s'en noya plusieurs, entr'autres Geitzosler, Thouhan fut blessé d'un coup de fleche : les Chrestiens neantmoins sans s'estonner de voir que ce secours leur auoit esté inutile, se rallierent à la faueur de leurs murailles, & firent vn nouuel effort, si qu'ils donnerent encores vne fois la chassé aux Turcs, & les contraignirent de se retirer dans leurs tranchées.

CEUX qui s'estoient separez du gros de cette retraite, & qui s'estoient cachez dans les vignes en attendant que l'ardeur du combat fust vn peu appaisée, furent trouuez en leurs cachettes, & taillez en pieces : ce combat auoit desia duré depuis sept heures du matin iusques à Midy, la victoire chancelante, tantost d'un costé, & tantost d'un autre, la perte estant desia grande du costé des Turcs : car on tient qu'il en estoit desia mort plus de trois mille : mais elle estoit plus importante pour les Chrestiens, qui en auoient perdu des leurs plus de trois cens, à cause de leur petit nombre, & de la multitude des autres : quand pour donner le poids en la balance, & faire du tout quitter prise à ceux qui auoient le plus de courage, le seigneur de Palfy fut blessé d'une harquebusade à la cuisse, qui le contraignit de quitter le combat, & comme sa valeur, son autorité & son experience incitoient les soldats à s'opiniastres d'emporter la victoire, aussi sa retraite leur fit-elle perdre le cœur, de sorte que chacun se retira sous son enseigne, emportans toutesfois dix-sept enseignes sur leurs ennemis, les vns à la ville, & les autres au camp.

Perte de part
& d'autre.

OR tant s'en faut que cette perte eust fait perdre le courage aux Turcs, que voyans ce que pouuoit leur nombre sur leurs ennemis, & que s'ils auoient souuent de pareilles victoires, ils seroient en fin contrainsts de se rendre à leur mercy, au lieu que cy-deuant lors qu'on ne leur disoit mot, & qu'ils n'estoient assaillis que de la necessité, ils vouloient tout abandonner, maintenant qu'on les a poursuuis en toute rigueur, le sang qu'ils auoient respendu en cette rencontre, leur auoit tellement enflammé le courage, qu'ils resolurent d'en auoir la raison : dequoy Sinan merueilleusement ayse, les entretenoit en cette resolution, les asseurant que bien-tost il se presenteroit vne occasion, non seulement d'auoir leur reuanche : ains de forcer ces sentinelles (qu'ils voyoient en l'Isle de Schiuch) d'abandonner la place, & laisser les assiegez à sa misericorde.

AINSI qu'il leur dist, ainsi le mit-il en execution : car le neufiesme Nouembre ayant secrettement amassé grand nombre de vaisseaux, & lié ensemble grand nombre de poutres en forme de radeaux, & mis là dessus dix mille hommes de tout ce qu'il auoit de plus vaillant en son armée, il leur fit passer vne nuit le Danube, si secrettement, & en vn si grand silence, qu'ils aborderent à l'Isle de Schiuch, lieu où l'armée Chrestienne estoit campée, & pour lors si endormie, qu'encores que les Turcs eussent rompu leur silence, aussi-tost qu'ils eurent prist terre, & qu'ils missent tout au fil de l'espée, neantmoins ils estoient desia dans leurs forts, qu'ils n'estoient pas encore écueillez, tant il y auoit peu de soin en cette armée : mais le tranchant du cimeterre ennemy, & les cris pitoyables de ceux qu'il massacroit, leur firent perdre bien-tost cet assoupissement : l'Archiduc entr'autres & ses Capitaines, qui voyant ses forts abbatuz, ses soldats taillez en pieces, tout en desordre & en confusion, & les Turcs poursuivre leur victoire avec toute la fureur & violence qui se peut imaginer, perdit toute esperance de pouuoit resister, & sans se mettre ny les vns ny les autres en deuoir de faire teste à vn si grand effort, ils penserent tous de sauuer seulement leurs vies, & d'abandonner le reste auecques leur honneur à leurs ennemis : quelques troupes neantmoins des plus courageuses, ne sachans pas encores la fuite de leurs principaux chefs, vendirent cherement la victoire à ceux qui les voulurent attaquer : car les Turcs n'y perdirent pas moins de deux mille cent homes : mais en fin les autres les deuançans en nombre & en bon-heur, ayans sur eux toutes sortes d'aduantages, ils furent contrainsts en fin de chercher lieu de seurété, & de suivre leurs compagnons.

Dessein des
Turcs sur l'ar-
mée Chre-
stienne.

1594.

On fit là vne tres-grande perte, non pas tant en hommes qu'en butin : car la meilleure part sauuerent leur vie : mais tous leurs bagages, canons, poudres, & chariots, paillions & toute autre sorte de bagage, demurerent pour le prix du vainqueur, outre ce l'argent qu'on auoit apporté de Rome & de Prague pour soudoyer l'armée ; si qu'on n'estimoit pas moins le tout de cinq cens mille escus : outre ce deux cens vaisseaux armez, equipez & fournis de toutes leurs necessitez, ne s'en sauans que dix, qui portoient six vingts pieces de canon, & ce qui estoit de plus important, la perte de la place, qui estoit comme vn avant-mur pour la deffense de Iauarin. Les Turcs apres vn si bel exploit, plus heureux, & plus à leur aduantage qu'ils n'eussent pas mesme osé l'esperer ; ayans alors la liberte de la campagne, coururent au long & au large tous les enuiron de Vesperim & de Vienne, où ils firent corps neuf pour les bonnes viandes dont ils se remplirent à cœur saoul, repoussans ainsi toutes leurs maladies à force de bonne chere : mais encores firent-ils vne nouuelle face à ce desolé pays, y mettant tout à feu & à sang, & en seruitude : les Tartares encores se souuenans de la perte qu'ils auoient n'agueres faite deuant Iauarin, comme vous auez entendu, desirans de s'en vanger par toute espee de cruauté, ne pardonnoient pas aux choses les plus insensibles pour assouuir leur rage : & comme les resnes laschées à la cholere, elle deuient fureur, eux desirans signaler leur arriuée en ce pays par vne ruine plus remarquable que des villages & des hameaux, passent le Danube asseurement, & surprennent Vvilsembourg qu'ils pillent, puis y mettent le feu, tuans tout ce qu'ils virent leur estre inutile, & emmenans tout ce de quoy ils pouuoient faire leur profit, faisans ainsi leurs rauages par toute la Valachie, Moldaue & Transiluanie, comme nous dirons cy-apres : ils furent toutesfois rencontrés des Chrestiens qui en tuerent quelques-vns : mais la meilleure partie se sauua avecques le butin, & se retira au camp deuant Iauarin, où Sinan qui ne dormoit pas, & qui ne vouloit pas perdre le temps sur vn si bel aduantage, voyant les siens tous resolus & pleins du desir de combattre, & les assiegez sans secours, se resolut à donner vn assaut general.

Vvilsembourg
pris & pillé
par les Tartares.

Propositions
de Sinan aux
principaux de
l'armée.

TANDIS que les siens faisoient ces courses, il auoit fait battre si furieusement la place, que les bresches estoient plus que raisonnables, le tēps outre ce estoit fort opportun, & malaisément en eust-il sceu choisir de plus commode : de sorte qu'ayant assemblé les principaux, il leur represente vne si belle occasion, qu'encores que les soldats fussent harassés par les mesayes de ce siege, & encores par les courses qu'ils venoient de faire, qu'il iugeoit qu'il ne falloit donner aucun temps à l'ennemy de se reconnoistre, ny à leur secours de se rassembler, que l'épouuente & leur mauuais ordre auoit esté cause de leur perte : mais s'ils attendoient qu'ils se ralliasent encores vne fois ensemble, & qu'ils peussent auoir seulement la commodité de se ranger en bataille, qu'ils auoient desia assez éprouué qu'ils estoient tous gens de main, & qu'ils leur donneroient bien de la peine, qu'il ne se falloit pas fier sur la multitude de leur armée, plus effroyable quelquesfois que courageuse, le plus grand nombre estant composé de gens ramassés, lesquels estoient meilleurs pour estre exposés à vn assaut que pour combattre vn ennemy de pied-ferme, & c'estoit à quoy ils deuoient tous penser, afin de n'estre pas tousiours contrainsts d'exposer à la mercy de leurs ennemis, leurs meilleurs hommes. Tous furent de cet aduis, & de ce pas s'en allerent chacun encourager leurs gens, & leur representer qu'il n'y auoit pas si grande difficulté qu'ils se pourroient imaginer à se rendre maistres de cette place : car qu'y auoit-il plus là dedans, la meilleure partie estant perie aux sorties qu'ils auoient faites, & tous découragez encores pour voir leur esperance perdue, leur secours ayant esté mis en route ? Que ceux qui estoient allez assaillir le camp, auoient fait vn tres-grand butin : mais qu'il y en auoit bien vn autre dans cette place là qui les attendoit, qu'on auoit attendu iusques alors à les exposer à vn assaut general, pour le desir qu'on auoit de leur conseruation : mais que le temps estoit venu qu'ils deuoient tirer la recompense de leurs labeurs & des mesayes qu'ils auoient souffertes iusques à ce iour, rien ne les pouuant empescher de iouyr d'une souveraine felicité, tout leur estant à souhait, le temps, les bresches, le bon-heur, l'estonnement des assiegez, & l'assurance de n'auoir aucun ennemy derriere qui les peust empescher de poursuivre leur victoire, & leur donner à dos, tandis qu'ils seroient attêtifs au combat, que tout leur empeschement seroit seulement à bien assaillir, & à ne donner aucune trefue à leurs ennemis pour reprendre haleine : mais vser couragement du temps, assurez encores qu'ils deuoient estre rafraischis & secourus chacun par leurs compagnons, quand l'occasion se presenteroit : qu'vn chacun donc s'efforçast de faire son deuoir, & se preparast le lendemain du grand matin, pour se rendre maistres de la ville.

LES ayant ainsi cōgediez, dès deuant la pointe du iour, ils furent prests à marcher, & vinrent tous ensemble avecques grands & effroyables cris & bruits de tambours & trompettes impetueusement à l'assaut : cette nuit auoit esté assez obscure : mais elle fut bien-tost rendue fort claire par l'artillerie, la scopeterie & les feux artificiels, tant de ceux de dehors, que de ceux de dedans : & combatit-on avecques tant d'ardeur, de rumeur & de confusion, qu'il sembloit que le ciel & la terre deussent se cōfondre enséble : car les cris des combattans qui frappaient, & les gémissements des blessez, les continuel esclairs de l'artillerie & des feux artificiels, le tout confus ensemble, faisoit vn tel tintamarre, qu'il faisoit iuger à ceux qui en estoient vn peu éloignez, que c'estoit plustost vn combat infernal que terrestre. Que si la furie estoit grande en ceux de dehors, ceux de dedans n'auoient pas moins de courage & de valeur, & si les hommes s'efforçoient de repousser leurs ennemis, les femmes n'auoient pas moins d'animosité, iettans sur eux des sacs pleins de poudre & de souffre, des chaudieres pleines d'huyle, poix, & eau bouillante, grenades, pots à feu, & tout ce dont on a accoustumé de se seruir en pareilles affaires, vn chacun s'efforçant d'inuenter quelque chose pour nuire à son ennemy : tant ya que la vigueur & le courage des vns & des autres demeura si opiniastre, les vns à bien assaillir, & les autres à se courageusement deffendre, qu'ils passerent cette iournée sans qu'on peust reconnoistre aucun aduantage, de part, ny d'autre, bien que le plus grand nombre des morts fust du costé des Turcs : mais cela ne paroissoit point pour estre dix contre vn : quelques-vns ont dit toutesfois, qu'ils y perdirent 12000. hommes, nombre bien grand pour retourner si resolu & deliberez dès le lendemain à l'assaut, ne s'estans donné que bien peu d'heures pour prendre leur repos, où encores en cette seconde iournée la nuit les surprit plustost que la lascheté, ny la lassitude, si qu'ils y retournerent encores pour le troisieme iour : mais à ce dernier les assiegez firent tant d'armes, qu'ils contraignirent les assiegeans de sonner la retraite, & de quitter à leurs ennemis l'honneur de ce combat, quelque deuoir que fist Sinan de les solliciter, encourager & menacer, pour les faire perseuerer encores cette iournée, assuré que les autres auoient fait leurs derniers efforts, & qu'il leur seroit impossible de les soustenir.

XIV.

SINAN voyant donc que ses gens estoient rebuttez des assauts, & ayant reconnu la grande perte qu'il auoit faite en cettuy-cy, se remit à continuer sa batterie, & à miner la place de toutes parts, si bien que par ces continuelles alarmes, il fit en sorte qu'il gagna deux esperons, sans que les assiegez fussent assez puissans pour l'en debusquer, desquels s'estant entierement rendu le maistre, il trouua vne inuention pour auoir vne entrée en la ville par ces endroits-là, ce fut de vider quelques terres, & applanir le chemin, ce qu'il eut fait en peu de iours. Toutesfois les assiegez auoient encores assez de moyes de se deffendre, s'ils eussent eu vn chef là dedans qui eust sceu ou voulu en rechercher les moyes : car ils estoient encores plus de quatre mille homes de guerre en cette place, avec toutes sortes de munitions : que s'ils eussent voulu faire quelque retranchement, cela est sans doute qu'ils eussent en fin contraint le Bassa de leuer le siege, les principaux des siens cōmençans à s'en ennuyer : joint que l'hyuer approchoit, qui les eust forcez à la retraite ; mais le Comte de Hardechayant intelligence, comme on tient, avecques les Turcs, estoit bien ayse de se seruir de l'occasion qui se presentoit, pour auoir vne iuste raison de se plaindre, si bien qu'il commença de parler de se rendre ; cela fut fort agreable à la meilleure partie des soldats, qui voyans leur ennemy si proche d'eux, & iugeans bien que s'ils soustenoient encore le siege, ce ne seroit pas sans beaucoup souffrir, ils furent bien aysez d'y estre encores incitez par leur chef, ayans par ce moyen vne legitime excuse de ce qu'ils s'estoient rendus mal à propos. Le Comte de Hardechayant doncques conferé de son intention avecques les chefs des bandes qu'il auoit tous disposez à sa cordelle, ils font vne protestation fort specieuse en forme de manifeste, pour s'excuser de leur reddition, & monstrent que la necessité les forçoit d'y entrer, la place estant alors demy-ruinée, de trop grande deffence, les hommes mal aguerris, les ruines de tous costez, faute de maneuures encores pour les reparer, qu'ils auoient plusieurs fois demadé secours à l'Archiduc, sans qu'on se fust soucié de leur en entoyer, & mesmes desesperez d'en pouuoir receuoir apres la derniere route de l'armée Chrestienne, & cependant la batterie de l'ennemy plus furieuse, les assauts plus frequens, les forces, bien que diminuées d'vn costé, rafraischies de l'autre, par les soldats qui venoient de toutes parts en son camp : que ces raisons & quelques autres encores qu'ils mirent dans cet escrit, les auoient forcez à cette capitulation, ne pouuans pas resister à la necessité, estant plus à propos qu'ils se reseruassent pour la conseruation de la patrie, que de perir avec cette ville demy-ruinée, qui ne seroit d'aucune vtilité à la Repu-

Deux esperons
gagnez.

1594.

blique, ains seulement d'un redoublement de gloire à la victoire de l'ennemy.

CETTE protestation fut signée du Comte de Hardech, Ferrant Rosse chefs des Italiens, Anthoine Ziwin de Zinnamberg. Iean Orman, Erreutric de Sigerdoff, Rodolphe Grefin, Gandend de Rechperg: cela ainsi signé & scellé, chacun du sceau de leurs armes, ils dressent les articles de leur capitulation, qui contenoient en somme.

Articles de la
reddition de
Iauarin.

QUE le Comte avec tous les chefs, Capitaines & gens de guerre sortiroient avec leurs armes, chevaux & bagage de toutes sortes & natures, l'enseigne seulement déployée, & les tambours couverts.

QU'ils seroient seurement conduits en toute seureté iusques à Altembourg en Hongrie, par gens fideles que commettrait le Bassa.

QUE les Citoyens qui voudroient demeurer, le pourroient faire en toute seureté, sans estre rançonnez ny pilléz, ny forcez encores en la creance de leur foy.

CEUX qui voudroient sortir, le pourroient faire avec leurs biens, avec la mesme assurance que la garnison.

POUR seureté desquelles conditions, le Bassa bailleroit de bons & suffisans ostages. Le Comte sortit de la place le trentiesme de Septembre apres midy avec toutes ses troupes, emportans tous leurs equipages, & la deliura au Bassa auquel demeura le canon & les munitions de guerre, qui n'estoient pas en petite quantité: car on dit qu'il y auoit dedans trois mille grandes vrnes, ou vases pleins de vin, des farines & autres viures assez pour deux ans pour suffire à toute la garnison: six vingts canons de batterie, grand nombre de poudres, boulets & autres munitions necessaires pour la deffence de la place: quant à luy, il fut conduit avec ses amis en lieu de seureté, sans receuoir la moindre iniure, ny sans qu'on leur dist chose qui les deust offencer, arriuant le lendemain à Altembourg. Mais les Italiens & Lansquenets qui les suiuiuoient, ne furent pas traictez de mesme: car ils furent deualisez, battus, & iniuriez: tout cela fut fort remarqué, & donna le commencement des coniectures qu'on print contre luy, qu'il y auoit eu en son fait plus de trahison que de lascheté.

UN ieune Chrestien natif de Silesie, duquel le Bassa Sinan se seruoit de valet de chambre, seruit de beaucoup à confirmer tous ces soupçons: car cestuy-cy ne seruant le Turc qu'à regret, & voyant de si grandes méchancetez qui se commettoient tous les iours pour la reddition de cette place, il se deroba secrettement de son maistre, s'en vint au camp de l'Archiduc, où entr'autres choses il luy dist, que depuis trois iours pas le commandement de son maistre il auoit esté deliuré deux sacs pleins de ducats à deux certains hommes, dont l'un portoit vne cicatrice au visage (remarqué pour vn des domestiques du Comte) qui les auoient pris, & en auoient encore demandé dauantage: ce qui estoit confirmé par les actions du Comte, lors qu'il estoit encores à Iauarin, l'une que le Comte auoit fait battre des tambours sur certaines places, où les Turcs poursuiuiuoient leurs mines, afin que le son d'iceux peust empescher qu'on n'entendist le bruit de ceux qui piochoient: l'autre, que le Comte auoit vne fois mis vne fort riche & precieuse robe fourrée d'hermines, qu'il se vantoit auoir receüe en don du Bassa, avec d'autres presens d'incalculable valeur.

Coniecture
qu'on eut
contre luy.

IL y auoit encores de grands indices, premierement qu'il auoit laissé les ruines sans les reparer, plusieurs lettres qui luy auoient esté attachées au bout des flesches, qu'il auoit traicté particulièrement de la reddition, sans en rien communiquer aux soldats, qu'il auoit deffendu de pointer aucuns canons contre la tente du Bassa, qu'il auoit épargné le vin, le fromage, beurre, & autres munitions aux soldats, bien qu'il en eust en abondance: & pour ce mesme sujet auoit scellé le magazin du Capitaine Cefrain, luy deffendant sur peine de luy desobeir & perdre son amitié, de deceler les viures du magazin, ny distribuer aucune chose d'iceluy, ayant encores épargné la bonne farine, & distribué la mauuaise aux soldats: on auoit aussi remarqué encores, qu'au sortir de la place il auoit pris la teste de sa troupe, au lieu de se mettre à la queue pour la conseruer de toute iniure ennemie, ce qui auroit esté cause que plusieurs soldats auroient esté par le chemin tuez, deualisez, blesez, iniuriez, & mal traictez: dequoy encores il se seroit pris à rire, quand on luy auroit rapporté, qu'il auoit souuent repeté ces mots: Que la place ne pouuoit tenir que pour estre liurée à l'ennemy, & que c'estoit plustost vne place de reddition que de deffence; on s'estonnoit encores que le Comte au sortir de Iauarin, se fust vestu de ses plus riches vestemens, & en apparat de vainqueur, plustost que de vaincu. Qu'il auoit deffendu de vendre ny distribuer du vin, tant en public qu'en particulier. Qu'il auoit dit plusieurs fois qu'il ne se soucioit pas de la perte de Iauarin, d'autant qu'il estoit assuré que s'il se perdoit,

doit, il en recouurerait vne meilleure & plus riche. Qu'il auoit dict aussi que si Strigonic estoit perdue pour le Turc, il perdrait 8000. ducats, se moquant de tout ce qui se faisoit en ce siege, & le diuertissant à son pouuoir.

Il y auoit plusieurs autres poincts sur lesquels on interrogea les gens du Comte de Hat-dech: car il s'en trouue iusqu'à 42. dont en voicy les principaux, sur lesquels il tacha de se iustifier par vn manifeste, & apres en personne, ayant comparu à l'assignation qui luy auoit esté baillée à Vienne, tous ses seruiteurs s'estans retirez vers les Turcs, excepté vn qui fut pris à Presbourg; mais tout ce qu'il peult dire à l'encontre, ne fut pas assez fort, pour se iustifier des charges dont on l'accusoit, & desquelles estant conuaincu, il fut condamné à auoir la main & la teste tranchée par l'executeur de la haute iustice: ce qui fut executé en la place publique de Vienne, où Perlin & autres ses complices qui auoient signé la reddition, furent semblablement executez avec diuerse punition toutesfois, selon la grandeur de leur crime.

Cependant Sinan extremement content d'auoir en sa puissance vne place si importante, qui estoit comme le bouleuert, non seulement de la Hongrie & de la Boheme: mais encores de toute l'Europe de ce costé-là, poursuiuit sa pointe, assésuré que les places circonuoisines auroient pris l'épouuente sur la reddition de cette-cy. Il enuoya donc quelque nombre de Tartares à Pappa, pour sommer la garnison de se rendre, laquelle estonnée de la perte de sa voisine, ne s'en fit point trop prier: mais ne voulant pas laisser la place en la puissance de l'aduersaire, elle y mit le feu, & se retira vne nuit au desceu des Turcs, lesquels y pensans entrer, n'y trouuerent que des flammes, sans qu'il y eust aucun dedans qu'il leur en empeschast l'entrée. Cela fait toute l'armée s'en alla à Comar, Sinan ayant laissé dans Iauarin quatre mille Janissaires, & deux mille chevaux Turcs pour sa deffense. Quant à Comar c'est la ville capitale de l'Isle de Schiur, distante de deux lieues de l'Isle de Iauarin, ayant vn bon chasteau sur vne pointe de montagne qui la fortifie d'un costé, & ceinte de l'autre costé, de deux bras du Danube qui l'entourent, de sorte qu'elle n'a pour abord de terre-ferme, que ce costé où est assise cette forteresse.

Sinan ayant du costé de la terre campé son armée vis à vis du fort, fit au mesme temps venir ses vaisseaux du costé de l'eau, pour la tenir assiegée de toutes parts, & la battit furieusement l'espace de trois semaines qu'il fut là deuant: mais l'Archiduc iugeant de quelle consequence luy estoit cette place, assembla en la plus grande diligence qu'il luy fut possible, vne grande armée de Hongrois, Bohemiens & Alemans, & se resolut à faire leuer le siege. De vray Sinan ne s'attendoit pas en cette recharge, & ne croyoit pas que les Chrestiens deussent vser d'une telle diligence; mais voyant le peu d'esperance qu'il auoit de se rendre le maistre de cette place, la perte d'hommes qu'il y auoit delà faite, conjointe à celle de Iauarin, & que son armée toute allangourie des travaux de ces deux sieges, ne pourroit pas resister à vne armée toute fraische & reposée, auparauant que de s'exposer à vn plus grand danger, il leua le siege, & ietta vn pont sur le Danube, faisant premierement passer son canon, dont la meilleure piece demeura enfoncée dans les bouës, qui en fut retirée par les insulaires, passant en telle diligence qu'il abandonna vn bon nombre de charriots & de blessez, brûlant le pont apres qu'il fut passé de là le Danube, de crainte que l'armée Chrestienne ne s'en seruist à le poursuiure.

Mais afin que l'aduantage fust égal de toutes parts, si Sinan s'estoit rendu le maistre de quelques autres places, le Baron de Teuffembach General des troupes de l'Empire en la haute Hongrie, auoit bien donné à penser aux Turcs par de grandes conquestes qu'il auoit faites. Il auoit vne armée de 14. ou 15. mille hommes, avec laquelle il alla assieger la forteresse de Sabatzie, estimée des meilleures de cette contrée, & presque inexpugnable, environnée d'un double fossé, bien flanquée de bouleuerts, & munie de toutes choses necessaires pour la guerre: car les Turcs en faisoient comme leur principale retraite, & comme l'Arsenal de cette contrée. Teuffembach se campa là deuant, bat la place en trois endroits, fait combler les fossés, & la bresche estant raisonnable, liure vn cruel assaut, lequel les assiegez soustinrent du commencement: mais en fin la valeur des Chrestiens fut telle, que passans par dessus toutes difficultez, ils forcerent les assiegez de leur quitter la place, laquelle fut prise d'assaut, & la garnison taillée en pieces. On y fit yntres-grand butin; de là le Baron vsant de son bon-heur, vient assieger Filech, bonne & forte ville, & qui plus est encores, deffendue d'un fort chasteau, le tout muni d'hommes, & d'autres munitions de guerre, elle auoit esté des conquestes de Solymán, lequel y auoit establi vn Sanjac qui dépendoit du Bassa de Bude.

1594.

Sa condamnation & son execution.

Pappa prise par les Turcs.

Situation de Comar.

Armée des Chrestiens pour le secours de Comar.

Sinan leue le siege de deuant Comar.

Exploits du Baro de Teuffembach contre les Turcs.

Prise de Sabatzie par les Chrestiens.

Filech assiégé.

1594.

Combat où
les Chrestiens
ont l'avan-
tage contre les
Turcs.

Prise de Filech
par le Baron
de Teuffem-
bach.

Prise de plu-
sieurs autres
places.

Albe-Nester
prise par les
Kosaks.

Mise & brû-
lée.

Prise de No-
uigrade par
Teuffembach.

CETUY-CY voyant que l'armée Chrestienne n'estoit pas suffisante pour environner la place, sortit de bonne heure, & s'en alla chercher secours par toutes les garnisons Turques, lesquelles accoururent de toutes parts, de Bude, de Themiswar, de Iule & autres endroits, si qu'ils assemblerent vne belle & puissante armée, qui se vint camper à vne lieuë de Filech: mais c'estoit ce que demandoit le Baron; de sorte qu'il y eut là vn fort rude combat, où le Bassa de Themiswar, & le Gouverneur de Filech, demurerent sur la place avec plus de 6000. des leurs. On y fit vn tres-grād butin; l'armée victorieuse poursuivit longuement les Turcs dans des taillis, & en fin s'en retourna assieger Filech plus estroitement qu'au-parauant: il renforça sa batterie, & ceux de dedans firent des recharges, & s'efforcerent plus que iamais de resister à leurs ennemis: mais nonobstant toute leur valeur, si est-ce que les autres redoublerent tellement leur courage, qu'ils entrerent de furie dans le premier faux-bourg; & d'vne mesme ardeur continuerent contre la ville qui fut saccagée & pillée, la citadelle seulement où estoit le logis du Gouverneur, fit quelque resistance pour estre située en lieu plus élevé: mais si vint-elle en fin en la puissance du Baron de Teuffembach, il ne restoit plus que la derniere forteresse assise sur le coupeau de la colline: car cette ville aboutit ainsi en vn mont assez releué où estoit cette derniere forteresse, en laquelle s'estoient retirez les Turcs comme à leur derniere esperance: mais ils furent pourluis de si pres, qu'ils furent contraints de mettre l'estendard blanc sur leurs murailles, pour signe qu'ils desiroient parlementer; ce que le Baron accepta, & depecha quelques-uns des siens, par le moyen desquels il capitula avec eux, qu'ils sortiroient de là vies & bagues sauues, & qu'on les reconduiroit en lieu de seureté.

CE Baron ayant rendu graces à DIEU d'vne si glorieuse victoire, & donné ordre à la fortification de la place, assura que les Turcs ne la laisseroient pas entre leurs mains, s'il leur estoit possible, veul'importance d'icelle, il tira le reste de son armée de Filech, & s'en alla contre les places circonuoisines, qu'il deliura toutes de la seruitude des Turcs, à sçauoir Ainaixik, Somosk, Kek, Dregel, Duan, Buiak, Hollox, & Polauex, si qu'en toutes ces expéditions les Turcs perdirent plus de trente mille hommes, & sur la fin de l'année, (qui estoit encores l'année mil cinq cens quatre-vingts treize, qu'arriuerent toutes ces choses) les Kosaks Polonois firent vne course en Moldaue, où ils firent encores vn grand massacre de Turcs, & poursuivans leur pointe, prirent Albe-Nester, fort bonne place & riche, par surprise, les Turcs s'estans mal tenus sur leurs gardes, ne se pouans imaginer que le petit nombre que ces Kosaks estoient alors, eust l'assurance de faire vne telle entreprise: (car ils n'auoient pris de leur troupe que trois mille hommes fort resolu & bien armez) prirent le chasteau par escalade, & sans estre découuerts, vinrent iusques au corps-de-garde où ils taillerent tout en pieces, puis s'aydant de l'artillerie & des munitions qui estoient dans cette place, ils braquerent le tout contre la ville, empeschans leurs assemblées & leurs conseils, & remplissans tout d'estonnement, estans creus beaucoup plus grand nombre qu'ils n'estoient: si que tant ceux qui estoient en garnison dans la ville, que les habitans s'imaginans toutes choses en pire estat qu'elles n'estoient, au lieu de resister, la peur les faillist, de sorte qu'ils perdirent tout courage; ce que reconnoissans les Kosaks, ils sortirent ineontinent sur eux, & taillerent tout en pieces.

APRES ce massacre, ils se ruerent sur le butin, qui fut fort grand, tant pour estre la ville riche, que pour estre vn bien petit nombre à le partager, tant en or & argent monnoyé, qu'autres meubles, & de plus cent quatre-vingts canons de tous calibres, avecques toutes leurs munitions necessaires, & apres en auoir transporté tout ce qu'il y auoit de bon & de pretieux, ils firent plusieurs mines qu'ils remplirent de poudre, & mettant le feu de toutes parts, demolirent toute cette belle ville de fonds en comble, s'estans en ce faisant, cette espine du pied qui leur cauait tant d'ennuy: De là ils s'en allerent à Killie, bon & riche havre sur le Danube, les Turcs le nomment Triagol: ce fut en ce temps que Teuffembach vint assieger Nouigrade, ville forte, située à demie lieuë de Vacey, deud de Bude, & trois d'Albe-Regale, & qui leur seruoit de boulevard, laquelle toutesfois les Turcs qui estoient dedans, abandonnerent laschement: aussi le Gouverneur qui y commandoit, en receut-il le chastiment qu'il meritoit: car pensant se sauuer en seureté à Bude, le Bassa le fit prendre, & quelques excuses qu'il mist en auant, il le fit estrangler.

TOUTES ces victoires auoient encouragé les Chrestiens à mettre le siege deuant Strigonie, comme il a esté dit cy-dessus: mais les choses ne leur réussirent pas comme ils l'esperoient: car ils furent contraints de le leuer, & quant à Amutath qui auoit esté aduertty de toutes ces pertes, il auoit enuoyé vne armée de terre conduite par Sinan Bassa, & afin

& afin d'estre fort de toutes parts, il en prepara vne de mer qu'il dressa sur le pont-Euxin, & luy fit prendre la route de Hongrie pour y entrer par l'emboucheure du Danube qui se perd en cette mer: mais comme les vaisseaux furent arriuez à cette emboucheure ou les ondes repoussent ordinairement les vaisseaux qui la veulent nauiger, au mesme temps la tempeste s'y leua si impetueuse, que les ondes du fleuve, & les vagues de la mer, heurterent tellement tous ces vaisseaux, s'entrefroissans les vns les autres, qu'une partie d'iceux fut brisée, l'autre submergée.

Lors que cette armée se preparoit, & que celle de terre estoit prestee à partir, on dit qu'il arriua vn fait assez estrange à Constantinople: car Amurath estant vn iour sorty de la ville pour voir cette armée qui faisoit monstre, à l'heure mesme le ciel commença à se troubler, & vn vent impetueux à s'éleuer avecques vn tel orage, qu'il renuersa tentes & pavillons, coches & chariots, si que le sien mesmes bien appuyé de ses gardes, à peine se peust-il maintenir, sans estre renuersé par terre, & aussi-tost on vid pleuvoir vn nombre de Croix sur les vestemens des Turcs, & sur le sien principalement: ce qui luy apporta tant d'estonnement qu'il entra incontinent dans la ville, & au mesme temps il songea qu'il voyoit en idée vn homme fort haut, ayant vn pied sur la plus haute tour de Constantinople, & l'autre sur vne de celles de Pera, enjambant le destroit qui les separe, & que ce fantosme empoignoit d'une main le Soleil & de l'autre la Lune, & que de l'un de ses pieds il renuersa tout cette tour de Constantinople, laquelle en tresbuchant ruina la Mosquée de sainte Sophie & son Serrail: Si cecy est vray: car ie ne le voudrois pas trop asseurer, cela le deuoir bien épouuenter, aussi en demanda-il l'interpretation à ses Talismans, qui dirent que cela vouloit signifier qu'il falloit qu'il poursuiuist les Chrestiens à toute outrance, s'il ne vouloit voir sa Loy & ses temples renuerséz: & de là pourroit bien estre arriué le commandement que ceux qui escriuent cette histoire, disent qu'il enuoya faire à Bude par deux Chaoux, à sçauoir, de faire mourir, tous les Chrestiens ses sujets qui passeroient l'aage de douze ans, ce qui semble toutesfois de bien difficile croyance, veu que ce seroit demeurer presque sans sujets; mais chacun adiousterà à tout cecy telle croyance qu'il verra bon estre, tant y-a que si les Turcs eurent quel que aduantage d'un costé, ils souffrirent de grandes pertes de l'autre, & ils perdirent bien-tost apres ce qu'ils auoient conquis en la Croatie: car le Comte de Serin & François Nadasti ayans assemblé vne armée de dix mille hommes, donnerent vne telle épouuente par toutes les garnisons des Turcs, qu'ils prirent Brezenz, Seczin, Segest, Coppan & Babots-Cham.

TANDIS que les armes de ceux-cy prosperoient, celles de Teuffembach n'estoient pas inutiles: car enuiron le mois d'Auril de l'année mil cinq cens quatre vingts-quatorze, il remit sus son armée, & s'en alla assieger Haduuan, ou Zaduuan: cette place des plus fortes de la haute Hongrie, assise à trois lieues de Bude, estoit enuironnée de trois fosséz, flanquée de bons bastions, & couuerte d'une large contr'escarpe: ce qui rendit les approches fort difficiles à faire, ce fut pourquoy les assiegeans se voulurent au commencement seruir de mines pour gagner pied à pied: mais les eaux qui enuironnoient cette place, leur empescherent leur dessein: & cependant les assiegez enuoyent demander secours de toutes parts, principalement au Bassa, qui reconnoissant bien l'importance de la place, y enuoya tout ce qu'il auoit de plus belliqueux, les suiuant apres luy-mesme en personne. Ces premieres troupes ioignirent sur le chemin les garnisons de Iule, Lippe, Leonuage, Jeanne & Thichan, qui faisoient toutes ensemble enuiron vingt-cinq mille hommes, qui vinrent tous au secours de cette place, & se camperent fort pres de l'armée Chrestienne, si qu'il n'y auoit que le Saue entre elles qui les empeschast de se joindre: & comme ils estoient apres à chercher vn pont pour faciliter leur passage, le Baron de Teuffembach leur alla au deuant, & passa le premier pour les aller attaquer. Or quant à ce qui se passa en ce combat, le Lecteur en apprendra ce me semble d'auantage par les lettres que le Baron en escriuit à l'Archiduc, que par tout autre discours; En voicy donc le contenu ainsi qu'il est rapporté en l'Histoire de Hongrie nouvellement imprimée.

1594.

Prodiges à Constantinople.

Songe d'Amurath.

Interpretation qu'en donnerent les Talismans.

XV.

Siege & situation de Haduuan.

Armée des Turcs pour le secours de Haduuan.

Que le Baron de Teuffembach va attaquer.

1594.

Lettres de ce
Baron à l'Ar-
chiduc d'Au-
strie, reci-
tant ce qui se
passa en la
bataille qu'il
eut contre les
Turcs deuant
Haduuan.



ENCORE que cy-deuant, tres-illustre Prince, j'eusse asseuré vostre Altesse par un courrier, de la victoire que DIEU par son assistance nous auoit donnée de l'ancien & mortel ennemy de nostre foy, j'ay creu depuis que ie deuois vous en depeindre les particularitez & les effects qui s'en sont ensuivy, tant par les instructions des prisonniers de guerre, que des habitans des enuiron de Saluoc, Pesth & Bude. Les prisonniers aduoient que le Bassa de Bude avecques les Sanjacs & Bages de toute la Prouince, auoit à la haste mis sus vne armée de vingt-cinq mille hommes, où quelques Tartares estoient mélez, pour leuer le siege de Haduuan & deffaire nostre armée. Le vent de cette esperance enflait leurs ailes, & pouffoit leurs pas en ceste entreprise, de sorte qu'ils tenoient pour certain ce qui vague incertain hors la seule Prouidence diuine, tant que toutes leurs troupes ensemble ils marchent vers la place, & le darnier d'Auril se presentent à nostre vené. Le fleuve de Salouuan leur refusant le passage libre, & eux ne voulans rien hazarder hors de toute extremite, ils reprennent leur rouse, & vont pour passer l'eau au pont de Isparin, que la garnison du fort leur rendoit libre & vuide de toute crainte, afin de surprendre nostre armée au sortir du passage, & la railler en pierres. Mais le bon DIEU renuersa leur dessein sur leur chef, & les opprima du mur qu'ils auoient s'appé pour les ensevelir dans ses ruines: car il en demoura 2500. morts sur la place de leur pays, comme le bruit est commun à Bude, à Pesth, & autres lieux, conforme à celui de tous les habitans de la contrée, autant de bleffez qui ont rendu les derniers soupirs dans les chemins de Bude, Pesth & autres places où ils se retiroient pour sauuer le reste de leur vie: j'en ay seulement enuoyé mille testés à Cassonie, & fait enterrer le reste à cause de l'extreme chaleur: ie tain le reste qui ne m'a esté rapporté, & les autres dépouilles tombées es mains des Seigneurs du pays & des Capitaines des forteresses. Le combat fut fort cruel, long-temps en balance, & tousiours en sang longuement disputé, tousiours entretenu de toutes parts opiniastre pour l'honneur & la vie: de sorte que les vieux soldats rapportent n'auoir iamais veu Turcs mieux combattre, moins s'estonner, plus demeurer fermes, & moins promptement prendre la fuite. Plusieurs personages de nom d'entr'eux sont morts en la charge, entr'autres le Gouverneur de Pesth, le Vauode de Nograd, l'Aga Temesch & quelques Chaoux venus de nouueau de la Cour du Turc, avecques le Beglierbey de Gatilie, ayant avecques luy huit cens bons-hommes de guerre presque tous demeurez sur la place. Les Hongrois & Alemans auant la charge auoient resolu de combattre la main basse, & ne prédre un seul Turc à mercy, de sorte que plusieurs offrans de grosses rançons, furent tuez comme parins indignes de salut, & ceux qui les sauuerient, coupables d'infamie, de sorte qu'il n'en est demeuré que vingt-cinq de prisonniers des meilleurs soldats, desquels nous auons appris le dessein, & l'intention des Turcs sur ce combat, & autres choses de l'estat de leurs affaires: treize pieces de campagne, dont il y en a quatre de batterie, & vingt-quatre enseignes ont esté gagnées en la charge. Le Bassa de Bude s'en est fuy emportant trois bleffures, le Beglierbey partit dès les premiers coups de canon: de sorte que les autres rejettés leur mal-heur de leur deffaire, sur sa lascheré, qui le met en peril de sa vie: il est mort cent homes des nostres, entre lesquels sont quelques bons & vaillans soldats, qui par leur sang ont épargné celui des autres, & par leur mort vaincu l'aduer, pour animer leur victoire, six cens de bleffez, & plusieurs en danger de mort, dont on espere peu de vie, quelques-uns l'ayans perdu pour la reconuer avec DIEU. Nos troupes ont fait perte d'armes & de cheuaux: de sorte que chaque Reistre a perdu un ou deux cheuaux, & quelque seruisur tué au premier front de la bataille, où les Turcs resisterent contre toute creance humaine, & tuerent nombre de cheuaux, dont les maistres ne quitterent le combat pour en estre quittez: sains le maintinrent de telle valeur & courage, qu'ils sont causes de la victoire, qui pour ceste cause affoiblit fort nostre gendarmerie. Que diray-je dauantage? ceste victoire est digne de memoire, la gloire en est à DIEU, à luy l'honneur, à luy les sacrifices d'actions de grace. Pendant ie continué mon siege: j'ay fait écoulér l'eau des enuiron de la place, de sorte qu'on peut approcher des murailles, & dresser des tranchées & plates-formes pour les bastir, j'ay fait pointer cinq gros canons sur l'une d'icelles, esperant la nuit prochaine en faire mener cinq autres sur une autre, n'épargnant rien pour prodiguer le sang des aduersaires, & pour emporter la place le plus promptement qu'il me sera possible, chose esperée en l'assistance diuine, qui s'il luy plaist conduira nostre entreprise à son entiere perfection & gloire.

Conquestes
des Chrestiens
victorieux.

A v retour de cette belle deffaire, les victorieux prennent Isprin, les Turcs ayans abandonné la place, qui estoit bien fournie de tout ce qui luy estoit necessaire, ils y trouuerent aussi quelques pieces d'artillerie, de là continuans leurs conquestes, ils s'en allerent à Zabot forteresse non moindre que celle de Toccay, qui fut abandonnée de sa garnison comme l'autre. Ces grandes conquestes furent causes de faire reuolter quelques sujets du Turc des enuiron, principalement de Belgrade & autres Rasciens, que vulgairement ils appellent les Glires, lesquelles liurerent le combat au Gouverneur de Themiswar, & emporterent

& emporterent la victoire, & de là ils prirent vn bourg fermé de terre nommé Beczkerek, où ils firent passer par le fil de l'épée tous les Turcs, qu'ils y trouuerent. Tout d'une mesme haleine ils forcent le chasteau d'Ohat, & ayans pris le bourg de Bescha par composition, ils se resoluent d'assailir le chasteau fort par art & par nature, situé sur les bords du Tibiscin: mais comme les garnisons circonuoinnes fussent allées contre eux pour leur faire leuer le siege, commandées par l'ancien Bassa de Themiswar, les Glires ne refuserent point le combat qui fut fort à leur aduantage: car le Bassa de Themiswar y demeura avec trois autres chefs, à sçauoir Reutzschaue, Vidin & Auidas avecques dix-mille soldats: les autres gagnerent 18. canons, avecques vn fort grand butin, & non contents de cela, ils emporterent le fort de Werfath, ou Werfets, & le Sanjacat de Luth, & de là ils se vinrent camper sous Weche, d'où ils enuoyerent des deputez à l'Archiduc pour faire quelque confederation avecques luy, & luy faire entendre tout ce qu'ils auoient fait, le prians de leur enuoyer quelques gens de cheual pour estendre leurs armes plus loin. Les autres Glires campez au tour de Themiswar (car tous ces peuples estoient sousleuez, ayans entendu l'heureux succez de ceux-cy) leur enuoyerent des deputez pour se conioiyr avecques eux de leur bon-heur, & pour leur offrir leurs personnes pour le bien commun du pays & de leur liberté, leur enuoyans pour assurance de leur foy, leurs femmes & leurs enfans en ostage, leur faisans aussi remonstrer qu'il estoit plus expedient qu'ils ne fissent qu'un camp: & qu'estans vnis ensemble, ils auroiēt plus de force de terrasser leur ennemy, & de secotier le ioug de la seruitude. Les autres trouuans leur proposition fort à propos, les receurent bien volontiers en leur compagnie, si qu'ayans grossi leur camp de si belles troupes, il leur sembla qu'il ne leur manquoit plus qu'un bon chef: or n'y en auoit-il point qui fust pour lors en toutes ces marches en plus grande reputation que Teuffembach, pour les belles choses qu'il auoit executées: c'est pourquoy ils luy enuoyerent des plus apparans des leurs, pour l'assurer qu'il y auoit dix-huit mille hommes de guerre fort affectionnez à son seruice, & tous prests à marcher sous son autorité, pourueu qu'il les voulust receuoir en sa protection. Teuffembach qui auoit pour lors affaire de gens, n'auoit garde de les refuser, aussi leur en passa-il des lettres authentiques.

1594.
Les Glires se
reuolent cō-
tre les Turcs.

Leur victoire
sur le Bassa de
Themiswar.

Leurs con-
quêtes.

S'allient avec
le Baron de
Teuffem-
bach.

Cōtinuation
du siege de
Haduan.

Quant à luy, il estoit tousiours au siege de Zatuuan, ou Haduan, où il n'aduangoit gueres, tant pour la difficulté de la place, que pour la valeur des habitans, bien qu'il y fist tout ce qu'un bon chef de guerre peut pratiquer. Voyant doncques que tous ses efforts estoient comme inutiles, & que ce siege s'en alloit en longueur, il cherchoit cependant quelque aduenture, tant pour occuper ses gens, que pour trauailler ses ennemis. Or se presenta-il vne bonne occasion: car il fut aduertý qu'il partoît quatre-vingts chariots de lule & de Themiswar, pour passer le Tibiscin & venir à Bude: cela fut caule qu'il enuoya Bulasche Ferentin avecques bon nombre de caualerie & de gens de pied pour rencontrer ce conuoy, & tascher de le deffaire, & de fait s'estans mis en embuscade, ils eussent executé ce que leur chef auoit designé: mais leur precipitation fut cause que les Turcs ayans fait plus de resistance que les autres n'auoient esperé, ils ne prirent que quelques chariots, & furent cōtraints de se retirer avecques fort peu de butin: mais cependāt la longueur du siege auoit fort diminué les soldats de Teuffembach, lequel trouua moyen d'oster l'eau aux assiegez: pour ce faire il fit remplir toutes les fosses d'où l'eau leur pouuoit venir avecques du bois, de la terre, & d'autre matiere: par cēt effect les assiegez se voyans reduits à cette extremité, enuoyerent en diligence demander du secours au Bassa de Bude, qui ne leur manqua point au besoin: Teuffembach fit le mesme à l'Archiduc, luy representant son extreme necessité: mais toutes ses raisons furent inutiles: car on ne luy enuoya personne, toutes-fois le haut courage & la generosité de ce valeureux Capitaine, eurent tant de pouuoir sur luy, que malgré les difficultez, il ne laissa pas de tenir tousiours ferme deuant cette place, & de prendre seulement cinq mille cheuaux d'élite, & s'en aller au deuant des Turcs qui venoient avecques vne belle armée pour secourir cette place: Or comme les Turcs estoient en fort grand nombre, & les Chrestiens fort peu, les autres les mépriserent si bien que Teuffembach eut tout moyen de les aborder & de les charger à l'improuiste, si que les Turcs pensans aller secourir leurs bons amis, & chasser ceux qui estoient deuant, avec toute facilité, ils se trouuerent si furieusement chargez, lors qu'ils l'esperoient le moins, que tout ce qu'ils peurent faire, fut de se mettre en deffense: ce ne fut pas toutesfois sans y perdre enuiron cinq mille d'entr'eux, le reste mis en fuite: cela augmenta beaucoup le courage des assiegeans, & fit perdre celuy des assiegez.

Les assieger
& les assiegez
demandent
tous deux se-
cours à leurs
Princes.

Deffaitte des
Turcs allans
secourir Ha-
duuan.

Sur ces entrefaites arriua Sinan avecques cette puissante armée dont il a esté parlé

1594. cy-dessus, qui fut cause que Teuffembach voyant bien qu'il ne pourroit pas tenir teste à vne si grãde multitude, & se faschant bien d'ailleurs de demordre & leuer le siege, apres de si grands aduantages, tant de deffaites, & auoir reduit les assiegez au dernier desespoir, voulut encores tenter vn assaut. Ayant doncques rametu aux siens toutes les victoires passées, la lascheté de leurs ennemis, le temps qu'ils auoient esté deuant cette place, la necessité des assiegez, leurs murailles abbatuës, les bresches plus que raisonnables, leurs corps affoiblis, leurs courages tous languissans, & qui respiroient plustost vne capitulation que le combat, & qu'il ne leur falloit plus faire qu'un pas pour obtenir la couronne murale, & monter sur le char triomphal: il en choisist quelques-vns d'entre eux des plus vaillans qu'il mit à la teste, pour donner encore plus de courage aux autres, lesquels secondez par leurs compagnons, firent tout deuoir d'assaillir & de se rendre maistres de la place. Mais les autres qui auoient esté aduertis du secours qui leur arriuoit, & se doutans bien que cét assaut estoit vn dernier effort de leurs ennemis, ils monstrent à cette fois tant de courage & de valeur, qu'ils forcerent les assiegeans de reculer avecques vne tres-grande perte de la meilleure partie d'entre eux qui demeura sur la bresche. Ce que remarquant Teuffembach, & ne voulant pas que le Turc eust aucun aduantage sur luy, (ce qui peut-estre fust arriué par la perte de ses gens) il fit sonner la retraite, & perdant l'esperance de se rendre maistre de cette place avecques le nombre de gens qu'il auoit encores avecques luy, attendant de iour à autre que cette grande armée de peuple que Sinan Bassa charioit quant & luy, vint fondre sur son armée, & luy d'ailleurs hors d'esperance de tirer aucun secours de l'Archiduc, il leua le siege, & se retira au gros de l'armée, comme vous auez peu voir cy-deuant, lors qu'ils allerent tous au secours de Iauarin: car c'est là la suite de la Chronologie, qui auoit esté anticipée, pour reciter tout d'un fil ce qui estoit des actions de Sinan, à l'arriuée duquel au moins apres la prise de Iauarin, les peuples qui s'estoient reuoltez, ne iouyrent pas long-temps de leur liberté: mais furent contraints faute de secours, de rentrer dans vne plus deplorable seruitude qu'auparauant.

XVI.

Dessein des
Turcs & Tar-
tars sur la
Transsiluanie.

Et afin que la reuolte fust comme vniuerselle en ces quartiers-là, le Transsiluain ayant fait alliance avecques l'Empereur, se reuolta contre le Turc: car apres la prise de Iauarin, les Tartares qui s'estoient joints à l'armée des Turcs, en se retirans chez eux, auoient resolu, selon l'instruction que leur en auoit donnée Sinan, de s'emparer de la Transsiluanie, auoient intelligence avecques les principaux, qui estoient marris de cette alliance, ayans-mieux introduire l'estranger & l'infidele dans leur pays, que de s'accommoder à la volonté de leur Prince, qui s'appelloit Sigismond Battory, nepueu d'Estienne Roy de Polongne. Or ceux qui faisoient cette menée, ayans contrefait des lettres du grand Chancelier de Polongne, donnoient à entendre par icelles au Prince Sigismond, qu'il estoit avec vne puissante armée sur les frontieres de Polongne, en intention de s'abboucher avec luy pour affaires de tres-grande importance; ce que le Transsiluain croyoit du commencement, de sorte qu'il s'estoit acheminé pour aller trouuer le Chancelier: mais sur le chemin il y eut de ses plus fideles seruiteurs qui l'aduertirent du dessein de ses ennemis, & que ce Chancelier n'estoit autre qu'une puissante armée de Tartares, qui auoient dessein de se saisir de sa personne, & l'enuoyer lié & garroté à Constantinople, & cependant s'emparer de son pays.

Or l'armée des Tartares estoit desia à Hust, de sorte que le Prince manda aussi-tost aux siens de toutes parts, qu'ils eussent à le suiure contre ce puissant ennemy, lesquels bien qu'ils le fissent assez enuis, d'autant qu'ils scauoient que l'intention de leur Prince estoit de secoüer le ioug & n'estre plus tributaire de l'Empire Turquesque; toutesfois la necessité les pressant voyans bien que s'ils ne repoussioient cet orage, il leur en prendroit comme à leurs voyfins, que ceux-cy auoient tous rauagez, ils s'armerent. Ce qu'ayans entendu les Tartares, & voyans leur entreprise decouuerte, se retirerent apres auoir brûlé & pillé plus de cinq cens villages & emmené vne grande multitude de personnes en captiuité, & sans passer outre, s'en allerent joindre à l'armée de Sinan, laissant cependant les affaires des Transsiluains fort embrouillées.

Qui élisent
vn autre Prin-
ce.

Sigismond ap-
pelle les Ra-
sciens à son
secours,

Car les conspirateurs se voyans decouverts, & croyans que puis qu'ils auoient tiré l'espée contre leur Prince, ils en deuoient ietter le fourreau dans la riuere, ils eleurent vn autre Prince, à scauoir Baltazar Battory cousin de Sigismond, lequel sur ce remuement s'ayda des Rasciens ses voyfins, qui estoient desia en armes bien-aises de donner secours à ce Prince contre leurs communs ennemis, à scauoir les Turcs: cela fit reuenir chacun en la connoissance de son deuoir: car ils ne s'attendoient pas que Sigismond deust trou-

uer

uer vn si prompt secours ; de sorte que sur cet estonnement ayant assigné l'Assemblée des Estats à Clausembourg, priuant de biens, d'offices, & d'honneurs ceux qui seroient refractaires, tous s'y rangerent, excepté le Cardinal Battory & Estienne son frere ; refugiez en Polongne, où ils s'en estoient enfuyz : car ils estoient des principaux conspirateurs. Cependant Sigismond mit dedans la ville le secours qui luy estoit venu, en borde les murailles ; & fait fermer ses portes, faisant crier à son de trompe que personne, à peine de la vie, n'eust à parler ny à se reprocher les vns aux autres la conspiration précédente, ce qui donna plus d'assurance aux traistres, croyans que le Prince auoit desia tout oublié & tout effacé par sa douceur. A deux iours de là il fit publier que l'Empereur Rodolphe auoit obtenu vne grande victoire contre les Turcs, ce qu'ils furent contraints de croire : car estans renfermez, ils ne scauoient plus rien que par l'organe de leur Prince, pour en confirmer la verité, bien que ce fust vne chose feinte, il fit tirer l'artillerie, faire des feux de ioye, & chanter le *Te Deum* : & là dessus, conuie les principaux au festin qu'il auoit préparé en son palais pour la réjouissance de cette bonne nouuelle.

C E V X - C Y creurent aisément qu'il n'y auoit autre dessein que cette réjouissance publique, & s'y trouuerent tous, autant les coupables que les autres : mais au milieu du festin, il en fit saisir quatorze des plus criminels, qu'il fit mettre en diuerses prisons, & le lendemain dès le matin, en fit conduire cinq en la place publique, où les quatre eurent la teste tranchée, & l'autre fut tiré à quatre cheuaux & écartelé : car tectuy-cy auoit resolu de l'assassiner : ces corps furent laissez tout le iour à la veüe de tout le monde, pour dauantage intimider ceux qui se sentiroient coupables de cette entreprise. Il auoit aussi trouué moyen de se saisir de la personne de Battory, lequel ayant fait mener à Clausembourg, il le fit estrangler en la prison, & alors n'ayant plus de comperiteur, & tenant en sa puissance ceux qui luy pouuoient brouiller son Estat, il proposa incontinent aux siens en quelle tyrannie ils viuoient sous les Turcs, auxquels encore que depuis tant d'années ils eussent payé tribut, neantmoins ils les auoient tousiours traictez comme leurs plus mortels ennemis, ruinans & rauageans leur Prouince, comme s'ils eussent esté des rebelles, & enuoyans contre eux des nations estrangeres pour destruire leur pays, & emmener leurs femmes & leurs enfans en vne cruelle seruitude : qu'il ne leur pouuoit pis arriuer quand ils se seroient reuoltez : que de sa part il estoit assuré que ses alliez ne le laisseroient point au besoin, pourueu qu'eux-mesmes se voulussent souuenir de leur ancienne valeur tant redoutée de ceux auxquels ils s'estoient rendus tributaires, plus par lascheré que par nécessité. Le peuple qui auoit desia pris l'épouuente de ce qui s'estoit passé contre les plus apparens, & qui fleschit bien-tost à la volonté de son Prince, quand ses desseins sont colorez par vne apparence de iustice & du bien public : leur Prince mesme leur ayant promis tout le butin qu'ils pourroient gagner contre leurs ennemis, consentirent bien-tost à tout ce qu'il voulut, si qu'il assembla iusques à quarante mille hommes, auxquels il fit tourner la teste vers le Danube, esperant y faire rencontre, & de fait ils y trouuerent huit nauires Turquesques chargées de precieuses hardes, or, argent, & marchandises de toutes sortes, desquelles ils en prirent sept : ce butin les encouragea d'aller mettre le siege deuant Themiswar : mais les Tartares qui vinrent faire de nouvelles courses en la Transiluanie, forcerent Sigismond de leuer le siege pour aller deffendre son pays, au mesme temps que le Gouverneur de Carolstad faisoit dessein sur la ville de Wislich, laquelle il print : mais non pas le chasteau ; la ville fut pillée & saccagée, & emporterent le butin à Carolstad.

1594.

La vengeance :
ce qu'il en
print.

XVII.

Grands re-
muemens en
la Valachie.

C E C Y se passoit en la Transiluanie : mais il ne s'en faisoit pas moins en la Valachie, & en la Moldaue ; car apres la mort d'Iuon, les Turcs à la priere de Henry Roy de France & de Polongne, y auoient mis son frere Pierre, lequel a esté quelque temps refugie en France : mais il fit tant de tyrannies & d'exactions, dès le temps mesme du Bassa Mahomet, que les plaintes qui s'en faisoient continuellement à la Porte, furent causes en fin qu'il fut mandé en Constantinople, & Alexandre mis en sa place. Toutesfois cestuy cy fut encores plus hay que son deuancier, tant pour son arrogance insupportable, que pour ses actions & sa cruauté ; joint que de son temps il auoit permis aux Turcs de faire mille extortions sur son peuple, afin qu'ils le laissassent viure à sa volonté : de sorte que les biens, les femmes, les filles & les garçons, tout estoit à l'abandon de leur lubricité insatiable : cela donnoit bonne enuie aux peuples de se reuolter : mais cela ne se pouuoit faire, tandis qu'Alexandre regneroit sur eux ; ils s'assemblerent secrettement, & deputerent quelques-uns d'entre eux pour aller trouuer Amurath au nom de toute la Prouince, où estans ils supplierent en toute humilité sa Majesté, les larmes aux yeux, de vouloir auoir pitié de leur

Deputez des
Valaques vers
Amurath.

1595.

Pour se plain-
dre de leur
Prince.

Michel par-
vient au Pala-
tinat de Vala-
chie, & com-
ment.

Alexandre
Palatin de Va-
lachie estran-
glé à Constan-
tinople.

Menées des
Valaques &
Transilvains
contre les
Turcs.

Grandes fedi-
tions des la-
nissaires à
Constantino-
ple.

misere, estre impossible de pouuoir plus viure sous vn si cruel & tyrannique Prince, qu'estoit Alexandre: qu'il y auoit entre eux vn Ban descendu des Princes de Moldaue, nommé Michel, duquel ils esperoient tout bon traitement pour sa generosité; s'il les vouloit tant gratifier que de l'éleuer à la dignité de Palatin, sinon qu'ils le supplioient de leur bail-ler celuy qu'il luy plairoit, pourueu qu'il leur ostast ce tyran.

Ce Michel auoit esté fort soupçonné par Alexandre, de faire des menées dans l'estat, & auoit fait ce qui luy auoit esté possible pour se saisir de luy: mais il s'estoit tousiours si bien tenu sur ses gardes, qu'il n'auoit peu executer son dessein: en fin il fut mandé à Constantinople, selon le desir de ce peuple, & fut installé par Amurath au Palatinat de la Moldaue Transalpine, ou Valachie: les peuples de cette Prouince le receurent apres avec grands applaudissemens; quant à Alexandre, s'en allant quelque temps apres à Constantinople avec sa femme, pour se plaindre & tascher de recouurer sa dignité: comme il eust fait plusieurs menées pour rentrer dans ce Palatinat, il fut decouvert par Hieremie, agent pour la Prouince à la Porte de l'Empereur Turc, & fut pendu & estranglé, estant fort richement habillé, ce qui aduint vn iour de Dimanche des Rameaux, & du temps de l'Empereur Mahomet, en l'année 1597.

Or Michel estant en possession de cette Principauté, tout son but & son intention fut de mettre son pays en liberté: pour ce faire, il traita particulièrement de cette affaire avec Aaron Vaiuode de Moldaue, lesquels en ayans consulté ensemblement, & sçachans déjà combien le Transalpin auoit esté heureux en toutes ses entreprises, & l'alliance qu'il auoit avec l'Empereur, les Koszaques & Polonois delibererent de se mettre en sa protection, & de faire vne ligue offensiue & defensiue contre les Turcs & Tartares, les effects de laquelle se pourront voir en la vie de Mahomet troisieme. Les lieutenans de l'Empereur prirent d'ailleurs Vissegrade en Hongrie le ving-quatriesme de Septembre, & Crastouiz en Croatie; si bien que cette année les Turcs eurent à souffrir en plusieurs endroits.

Au temps que tous ces remuemens se faisoient en la Hongrie & autres Prouinces circonuoylines, les Janissaires qui auoient desia passé plusieurs lunes, sans toucher la paye, firent vne nouuelle sedition, non gueres moindre que la premiere: car ils vinrent en fort grande multitude iusques au corps-de-garde des Cappigis, où ils tuerent leur Bassa & quelques autres, menaçans leur Empereur: mais cela fut incontinent appaisé par la mort de quelques Officiers qu'il fit executer sur le champ: comme il auoit esté contraint de faire en l'autre émeute, laquelle ie décriray en cet endroit plus particulièrement, en ayant esté depuis informé par ceux qui estoient lors au pays, qui disent; Qu'vn iour comme on eust tiré du Serrail la paye pour les soldats, & qu'vn chacun d'eux eust touché sa solde, ils s'en allerent au Baghestan pour employer leur argent en armes, & autres choses, dequoy ils auoient besoin, mais les marchands refuserent de prendre cet argent, disans qu'il estoit faux. Cela estonnoit fort les soldats: car ils disoient que c'estoit l'argent du grand Seigneur, si bien qu'vn soldat s'opiniastrant contre vn marchand qui luy soustenoit que ce qu'il luy bailloit, estoit faux, ce soldat entra en telle cholere qu'il tua le marchand en plein Baghestan, lieu qu'ils tiennent pour saint & sacré: aussi tost chacun serra ses marchandises, & montans sur les pinacles des Mosquées, crierent l'alarme de toutes pars, si qu'il se fit dans cette grande cité le plus estrange & merueilleux tumulte, dont on ayt encore entendu parler. Quant aux gens de guerre, ils s'en vinrent tous au Serrail, ne demandans que leur Empereur, pour se vanger sur luy de cette tromperie: mais on les appaisa en faisant ietter par dessus les murs du Serrail quelques sacs d'argent; & puis il fit tracher les testes à ceux que nous auons dict cy-dessus, les corps desquels furent apres déchirez & mis en pieces par le peuple, & pour estouffer du tout cette sedition, on fit faire vn cry que tous les soldats eussent à rapporter l'argent de leur solde qu'on leur venoit de bailler qu'ils disoient estre faux, & qu'on leur en bailleroit d'autre, ce qui fut fait. J'ay fait cette seconde narration pour le contentement de ceux qui l'ont ouy reciter d'vne façon & leu d'vne autre. Enuiron le mesme temps luy arriuerent les nouuelles de tout ce qui s'estoit passé en la Transiluanie: ce qui le toucha tellement qu'il en mourut de tristesse: les autres disent, & c'est le plus commun, d'vne apoplexie, ayant fait vn trop grand excez à boire, au mois de Ianuier, en l'an de grace mil cinq cens quatre-vingts-quinze, & de l'Egire 1001. le quarante-sept ou quarante-neufiesme de son aage, & le 20. de son Empire: seant à Rome le Pape Clement huitiesme, en l'Empire Rodolphe, & en France Henry le Grand: ontient qu'il tomboit souuent du haut-mal, ce qui luy rendoit la face toute bleme & de couleur de plomb: d'autres disent qu'il mangeoit de l'opium, & que c'estoit

c'estoit cela qui luy rendoit ainsi la couleur palle.

Il eut dès le commencement vne concubine del'Isle de Corfou, de laquelle il fut éperduement amoureux fort long-temps : de sorte que mesmes estant paruenü à l'Empire, encores qu'il eust grand nombre de concubines, toutesfois il ne voulut iamais auoir affaire à pas vne, iusques en l'année quatre-vingts & deux : elle s'appelloit Hafachi, qui auoit vne sœur mariée à vn Notaire de Malte, comme elle confessa à plusieurs, lors qu'elle n'estoit pas encores paruenüe au comble de ses Grandeurs & prosperitez, depuis toutesfois, comme elle se vid si particulièrement chérie d'Amurath, elle le dénia, & se disoit estre gentil-femme Venitienne : mais voyant que tous les enfans qu'il auoit d'elle, qui auoient desia esté quatorze en nombre, viuoient fort peu de temps, & mouroient tous en fort bas aage, cela donna occasion au Muphty, qui haïssoit particulièrement la Hafachi, & aux Talismans & Docteurs de la secte Mahometane, de luy conseiller de prendre d'autres femmes & de quitter cette-cy, pour voir si les enfans qui en viendroient, seroient de plus longue vie. A cette occasion sa sœur aisnée qui estoit vefue de Mahomet Bassa, duquel il a esté discoursé fort amplement en cette histoire, luy fit present d'une fort belle fille, & en suite, (comme il ne faisoit point de cas de celles qui estoient au vieil Serrail) il luy en fut présenté plusieurs autres, lesquelles il engrossa presque toutes au bout d'un certain temps, dont il fut si ioyeux, qu'il commença à diminuer beaucoup l'affection qu'il portoit à la Hafachi, & à entrer en opinion qu'elle l'auoit possédé tout ce temps-là par enchantemens & autres mauuaises pratiques, si bien que sur cette seule impression il fit saisir toutes les femmes, tant Chrestiennes & Iuifues, que Grecques & Perottes, (qui sont toutes employées au seruice du dehors des Serrails pour les petites necessités des Sultanes) & commanda qu'on leur appliquast à toutes la question, afin de leur faire confesser s'il estoit pas vray que Hafachi auoit usé de sortileges en son endroict, celles-cy soustinrent constamment le contraire, si bien que n'en ayant peu rien tirer, il se repentit de sa rigoureuse procedure, & monstra de là en auant aussi bon visage à Hafachi qu'il auoit oncques fait.

1595.

Histoire de la
Hafachi con-
cubine d'A-
murath.

Amurath
croit d'auoir
esté enforcé
par la Hafachi.

Mais elle qui vid son innocence iustificée, & que d'ailleurs Amurath estoit autant ou plus épris de son amour que iamais, commença lors à faire la dédaigneuse, luy faisant entendre comme elle luy auoit enfanté vn nombre de beaux enfans, & comme elle s'estoit tousiours montrée son esclave tres-obeyssante & tres-fidelle à ses commandemens, comme elle estoit resoluë d'y continuer tous les iours de sa vie, & neantmoins qu'il l'auoit scandalisée autant qu'il luy auoit esté possible, sans luy en auoir iamais donné aucun sujet, de sorte qu'elle ne pouuoit pas d'oresnauant, son honneur faul, auoir sa compagnie : car on penseroit qu'elle eust fait quelque nouveau sortilege. La passion d'Amurath augmentant par ces paroles qui seruoient de matieres pour rallumer les vieilles flammes qui l'auoient si long-temps consommé, & qu'il auoit comme esteintes par son soupçon, fit ce qu'il peust pour l'amadoüer, & la mignardant plus amoureuxment que iamais il n'auoit fait, taschoit de l'adoucir par toutes sortes de caresses & de presens dont il se pouuoit aduiser, mais elle buttoit au mesme dessein qui iadis auoit heureusement reüssi à la Rosse ou Roxelane, mere du pere d'Amurath : mais craignant encores que ses prieres n'eussent pas assez de force pour disposer le Sultan à vne si grande chose, elle y fit interuenir son fils Mahomet, celuy qui succeda à Amurath, & qui estoit l'aisné de tous ses enfans, qui estoit lors à Magnesie, pour obtenir de son pere qu'elle fust affranchie, & eust sa lettre de Quebin, & outre ce, la permission de se retirer hors du Serrail, pour aller où bon luy sembleroit, mais Amurath n'y voulut oncques consentir.

Ses artifices
apres auoir
esté iustificée.

A son aduenement à l'Empire, il auoit donné esperance qu'il seroit d'un naturel plus pitoyable que ses deuanciers : car aussi-tost qu'il fut entré dans son Serrail, on luy amena ses cinq petits freres, desquels il a esté parlé cy-dessus, avec leurs meres, auxquelles il protesta du déplaisir qu'il auoit de faire mourir ces enfans : mais puis que c'estoit vne ancienne & necessaire coustume pour rendre son Estat assésuré, qu'il falloit qu'elles eussent patience, incontinent ils furent conduits en vne chambre, & là estranglez par vn muet avecques des cordes d'arc, ou des mouchoirs, comme les autres disent, à la vené des meres, desquelles on tient que l'une se tua de douleur, & aussi-tost furent apportez à Amurath, lequel émeu de compassion pour l'innocence de ces petits enfans, pleura comme l'on dit, & commanda incontinent qu'on les remportast, & fit jetter le muet executeur dans la mer, selon la coustume. Son pere Selim auoit fort affectonné l'aisné de ces petits enfans, de sorte qu'auant que mourir, il les fist amener tous cinq (le plus jeune estoit à la mammelle,

Amurath
pleure la
mort de ses
freres qu'il
faisoit mou-
rir.
Dessein de
Selim d'en-
uoyer ses en-
fans en Fran-
ce.

1595.

& sçachant bien qu'après son deceds, à la venue de leur frere aîné, la mort leur estoit assée, l'amour paternelle l'émeust tellement qu'il accusa son improuidence, & regretta grandement qu'il ne les auoit enuoyez en France entre les bras du Roy, puis qu'il se pouuoit promettre la conseruation de ses enfans, de la ferme alliance & amitié qu'il auoit avec luy, protestant de ce faire, si DIEU le faisoit reuenir à conualescence.

Amurath laboure la terre, avant que de prendre possession de son Empire.

Mais pour reuenir à Amurath, ses pleurs auoient laissé de luy vne opinion d'une humanité & bonté naturelle, & qu'il n'estoit porté à cette execution que par la loy du Royaume, & la jalousie de la Royauté: on remarque aussi vn autre traitt qu'il fit en venant de la Prouince de Magnésie en Constantinople: c'est qu'estant sur ce chemin, on dit qu'il vid vn bon homme labourant la terre, duquel il s'approcha, & qu'estant descendu de chenal, il se dépoüilla de la robbe qu'il auoit sur ses espaules, & la mit sur celles du laboureur, puis ayant pris l'éguillon & la charruë d'iceluy, il laboura luy mesme, & fit deux sillons: ce fait après auoir rendu l'éguillon au laboureur, & remis sa charruë, il luy donna cette robbe qu'il auoit dépoüillée, laquelle estoit de drap d'or, fourrée de martres sebelines, l'aduertissant qu'il luy donnoit chose de plus grande valeur, peut-estre qu'il ne pensoit, & que si d'adventure il luy prenoit enuie de la vendre, qu'il se souuint au moins que son prix estoit grand, & qu'il se gardast d'y perdre: outre cela mettant la main en sa poche, il luy donna vne poignée de ducats. Quant à ce qu'il laboura, il ne fit point cela par vne maniere d'acquit, ou par quelque galanterie; mais pour obeyr aux loix de sa Religion & anciennes coustumes de ses predecesseurs: car on dit qu'il se lit dans leurs liures, desquels entr'autres il auoit esté fort studieux, que l'Empereur s'acheminant au siege de l'Empire pour en prendre possession, doit luy-mesme labourer la terre, afin que par cét augure il bannisse la sterilité de ses terres, & y mette au contraire la fertilité & l'abondance de toutes choses.

Amurath fait estrangler le Bassa de Bude.

SEs actions, dis-je, donnoient vn indice d'une douce & benigne nature: mais si est-ce qu'il traitta aussi mal ses principaux officiers que pas vn autre, les bannissant, ou faisant mourir, comme il s'est veu dans son histoire, à quoy on peut encores adiouster que vers la fin de l'année mil cinq cens septante & neuf, il enuoya secrettement & en diligence son Imbrahor Bassa à Bude, faire estrangler, comme il fit, le Bassa qui y commandoit, de quoy Mahomet premier Vizir ayant senty le vent, tascha d'empescher cette execution, pour ce que ledit Bassa estoit son parent, & de ses plus grands amis: Amurath pour luy complaire & le gratifier, luy bailla des lettres de reuocation de cette mort, qu'il enuoya en grande diligence à l'Imbrahor, lequel le courier ioignit auparauant qu'il fust à Bude, mais il ne laissa pour cela de faire faire ladite execution, ayant eu cōmandement verbal d'Amurath, quand il le depescha, de passer outre, quoy qu'il luy sceust escrire ou mander au contraire: cét Imbrahor (ou Imbraoul: car on dit l'un & l'autre) commanda cependant à Bude iusques à l'arriuée d'un autre Bassa qui y fut enuoyé, & fit conduire à la Porte toute la cheuance du Bassa mort, qu'il trouua en sa maison, laquelle on disoit estre de cinq cens mille ducats en argent monnoyé, & enuiron autant en bagues & autres meubles.

Fait pendre Cathecusine Grec, & pour quoy.

Cela estonna Mahomet à la suite d'une autre execution qu'Amurath auoit fait faire l'an precedent d'un riche Grec nommé Cathecusine, surnommé Saytan-ogli: c'est à dire fils de Satan, lequel il fit pendre de son propre mouuement deuant la porte d'une sienne maison où il demouroit, pres le Danube. Ce Grec estoit fort confident avecques ledit Bassa, par l'autorité duquel il auoit fait demettre deux Patriarches de Constantinople, & les Vaiuodes de Valachie & de Moldaue, substituant en leurs places, d'autres qui dépendoient entierement de luy: l'occasion de cette execution proceda d'aucuns aduis donnez à Amurath de la part du Tartare, que ce Grec estoit cause des troubles de Moldaue. Et cette execution faite, le Chaoux qui en auoit la commission, alla en Moldaue, mettre en possession le Bogdan, désiré de tout le pays, qui en auoit chassé Pietro Vaiuode, mis en cette dignité par ce Grec, & par ce moyen la guerre qui s'y allumoit, fut pour lors assoupie, & le pays pacifié: & à la verité il s'est fait autant de reuoltes sous ce Prince, que sous aucun autre de ses deuanciers, tant des Prouinces, que de ses gens de guerre, qui ont assez fait connoistre de son temps, quel pouuoir ils auoient en cét Estat: outre celles qu'on a peu lire en cette histoire, celle de Cypre est assez remarquable, qui arriua au mois d'Auril, mil cinq cens septante & huit: car Arabe Acmat qui commandoit comme Beglierbey en cette Isle, & qui auparauant auoit esté Vice-Roy d'Alger, fut massacré à Famagoste par les Spachis & Janissaires, d'autant, disoient-ils, qu'on leur retenoit partie de leur solde. Quand la nouuelle en vint à Constantinople, on disoit qu'après auoir esté ainsi tué, son corps auoit esté ietté sur le paué, au mesme lieu où il auoit fait escorcher vif par le

Le Beglierbey de Cypre massacré par les Janissaires.

le commandement de Mustapha, le genereux & vaillant Bragadin : cependant on com-
manda à Vlichialy General de la mer, d'aller à Famagoste informer contre ces mutins pour
les chastier, ce qui fut apres reuoqué & la commission donnée à Morat Aga, vn de ses
reniez, qui y fut avecques six gallions, & en fit executer à mort sept ou huit des auteurs
de la mutination, sans oser passer plus auant, de crainte de plus grand mal.

Du temps qu'il n'aimoit que la Haschi, comme il estoit tout cōtinent enuers les femmes,
n'en reconnoissant point d'autres qu'elle, aussi estoit-il fort sobre, tant en son boire qu'en
son manger : mais si tost qu'il se laissa aller à la polygamie & à cette multitude de femmes,
il lascha aussi-tost la bride à ses appetits, & faisoit gloire de beaucoup manger & de bien
boire, si que ses excez en fin le conduisirent au tombeau : il fut pere à ce qu'on dict, de cent
deux enfans, nombre merueilleux & presque incroyable, si on ne veut considerer que ce
n'est pas chose impossible en vne si grande multitude de femmes qu'il y a dans les Serrails
des Seigneurs Othomans, veu qu'il s'est trouué de son temps vn Bassa qui en a eu plus de
soixante. Il estoit d'abord commencement fort addonné à l'estude : mais depuis qu'il se laissa
maistriser par la débauche, il degenera bien-tost de cette honneste occupation, ou plu-
stost il lascha la bride au naturel qu'il auoit receu de son pere, & qu'il auoit retenu quel-
que temps en bride par la modestie & l'amour des sciences.

Merueilleux
changement
en la vie d'A-
murath, & ses
inclinations.

Ce pendant on tient qu'il auoit vne si bonne opinion de sa personne, & estoit si plein
de superbe & de presumption, qu'il ne croyoit pas que les plus grands Princes fussent di-
gnes de le seruir. A quoy seruoit beaucoup encores de ce qu'il se voyoit recherché par
tous les Princes Chrestiens, deux entre autres qui n'auoient point accoustumé d'envoyer
à sa Porte, à sçauoir le Roy d'Espagne & la Reyne d'Angleterre : car en l'année mil cinq
cens septante & sept, Iean de Mariano Milanois, qui auoit esté autresfois esclaué à
Constantinople, fut enuoyé avecques lettres de creance du Roy Philippes d'Espagne au
premier Vizir Mahomet, pour faire vne paix ou trefue entre Amurath & luy, pour la-
quelle il presenta quelques articles, lesquels ayant exposez, le Bassa monstra n'estre con-
tent qu'on n'auoit depesché vn Ambassadeur pour traicter là dessus, comme on luy auoit
dit & assuré qu'on feroit auparauant la venue dudit de Mariano ; toutesfois on passa
outre en cette negociation, & se cōtinua par luy long-temps depuis fort secrettement avec-
ques ledict Bassa, se tenant caché à Constantinople, où il s'estoit logé sans se communi-
quer à aucun Chrestien, & quand il alloit deuers le Bassa, s'il rencontroit quelque Franc,
(c'est à dire des Chrestiens de l'Eglise Latine) il se destournoit du chemin, ou se cachoit le
visage pour n'estre conneu, & entretenit ce traicté dōnant esperance de la venue d'un Am-
bassadeur, qu'il disoit estre arriué à Naples, pour lequel conduire, il fit enuoyer à Raguze
vn Chaoux, avecques amplex mandemens pour le faire bien voir & honorer par tout, le-
quel Chaoux l'attendit plus d'un an audit Raguze, & finalement n'y comparoissant point,
luy fut ordonné de s'en reuenir, finalement ayant iceluy Mariano longuement entretenu
le Bassa d'esperance dudit Ambassadeur, qu'il disoit estre tombé malade à Naples au com-
mencement de l'année mil cinq cens septante & neuf, il se presenta avec depesche du Roy,
son maistre, par laquelle il estoit subrogé à cet Ambassadeur, avec pouuoir de traicter, ou
la paix, ou vne trefue pour quelques années, & comme personne publique alloit à dé-
couuert aux audiences du Bassa, accompagné de sa famille vestue de liurées, & continua
ainsi long temps cette negociation : ce que ie remarque afin qu'on puisse voir que ceux qui
nous auoient tant blasmez pour cette alliance, l'ont toutesfois eux-mesmes fort serieuse-
ment recherchée.

Pratiques du
Roy d'Espa-
gne, pour fai-
re trefue avec
Amurath.

Ce fut aussi en cette mesme année mil cinq cens septante & neuf, que la Reyne d'An-
gleterre traicta vne alliance avecques Amurath, & fit receuoir à sa Porte, vn sien Ambassa-
deur ordinaire, & des Consuls en plusieurs de ses havres, où les Anglois trafiquent sous
leurs bannieres, s'estans par ce moyen distraits de celles de France, sous lesquelles ils sou-
loient trafiquer es mers des Seigneurs Othomans, comme font toutes les autres nations
de la Chrestienté, excepté les Venitiens qui vont sous leur banniere. Quelques-vns ont
voulu dire qu'il auoit esté grand imitateur de son ayeul Solyman : mais quant à moy ie l'e-
stimerois d'un esprit tout contraire au sien : car l'autre auoit vn courage belliqueux, qui
vouloit luy-mesme conduire ses armées : cestuy-cy ne bougeoit de la maison : Solyman fut
constant, magnanime, heureux en ses desseins, sage en sa conduite, & cestuy-cy incon-
stant en ses resolutions, qui s'estonnoit de peu de chose, mal-heureux en la plus-part de
ses entreprises, & qui s'y est allez mal conduit, extremement desfiaut, & qui a fait bien
souuent iustice par inégalité & bassesse d'esprit, plustost que par vne connoissance du

Contre ceux
qui l'ont dict
imitateur de
Solyman.

1595.

droit & de l'équité: comme il a paru aux changemens & en la mort qu'il a fait souffrir à ses principaux officiers, car ayant l'esprit raciturne & pesant, cette imagination lente ne pouvoit penetrer dans les conceptions de ceux qui luy rendoient quelque fidele service, & la subtilité de leur esprit luy estant vn sujet de des fiance, ne pouuant souffrir des gens d'une grande & signalée vertu, & toutesfois ne s'en pouuant passer, veu les grands ennemis qu'il a eus de toutes parts, aussi cela se faisoit-il plustost par foiblesse d'esprit, que par cruauté, ayant esté au demeurant assez humain, aux choses principalement qui ne concernoient point son Estat.

A son aduenement à l'Empire, il fit de grands remuë-mesnages en son Serrail, démettant vne grande partie des officiers de feu son pere, pour installer les siens en leur place: entre les démis fut le Bostangi Bassi, le premier & le plus honorable estat chez luy, l'Oda Bassi, ou grand Chambellan, le maistre d'hostel, & vn grand nombre d'autres: il fit Cigale Italien premier Capitaine de ses gardes, qui n'estoit auparauant que le dernier de quatre qu'ils sont, il démit aussi le Chaoux Bassi, pour mettre en son lieu celuy qui luy apporta la nouuelle de la mort de son pere: toutesfois de tous ceux-là qu'il osta de leurs charges, il leur continua leur paye, au moins pour vn temps. Quant au Bostangi Bassi, il fut en quelque danger de sa vie, d'autant qu'à son arriuée, comme il fut à la pointe du Serrail, & qu'il eust demandé l'ouuerture de la porte d'iceluy à ce Bostangi Bassi à qui en appartient la charge, cestuy-cy le refusa du tout, si qu'il fut contrainct d'enuoyer querir Mahomet Bassa, lequel vint soudainement le trouver, & luy amena des cheuaux, sur lesquels ceux de sa troupe estans montez, ils entrerent dans la ville au dessous de son Serrail, tirans dans le port & par la porte des Juifs, qu'ils appellent Chifout-capi: comme donc il fut estably & receu en la dignité Imperiale, alors se souuenant de ce refus, il le vouloit faire mourir; mais Mahomet Bassa luy remonstra qu'il auoit fait son deuoir, & le sauua pour cette fois.







CONSIDERATIONS SVR LES ACTIONS PLUS SIGNALEES D'AMVRATH troisieme du nom, contenues en ce seiziesme Liure de l'Histoire des Turcs, par lesquelles la Iustice & Prouidence de DIEU peuuent estre remarquées.



N ce temple mystique qui fut montré au Prophete Ezechiel, on ne voyoit à droict & à gauche que des figures de palmes; en signe que les fideles ont de tous costez des sujets de combatre, & des matieres de triomphe: mais s'il nous est loisible d'entrer dans le sacré temple de la Prouidence eternelle, ne verrons-nous pas de tous costez des trophées éleuez, & les lauriers & les palmes qu'elle a obtenues sur toutes nations par sa iuste & sage conduite, pour confirmer ceux qui croient en elle, qu'il n'y a point de hazard ny de fortune pour ceux qui esperent en sa sainte assistance?

V O U L E Z vous voir les palmes qu'elle s'est acquise en l'Orient durant la vie d'Amurath? considerez la guerre des Turcs contre les Perses, elle permet que ceux-là rauagent des Prouinces entieres, prennent les meilleures villes, voire la Capitale de la Prouince, pour le chastiment des debordemens, des cruautéz, & des seditions de ces peuples: mais voyez aussi ces mesmes vainqueurs qui abusoient de leurs victoires, & croyoient vaincre en la force de leurs bras, battus le plus souvent, perdre de grandes batailles, & en fin contrains de quitter tout. J'ay dit quelques fois ailleurs, que les Perses estoient conseruez pour tenir teste aux Turcs, & que pour donner quelque relasche aux Chrestiens, on faisoit choquer ces deux puissantes nuées l'une cōtre l'autre chez eux-mesmes, pour preseruer ceux-cy d'un si grand orage: mais quelle plus belle preuue en peut-on tirer que par ces dernieres guerres? car si l'Empereur Turc eust laissé faire Mustapha, si les gens de guerre ne se fussent point mutinez, ce grand Royaume ne s'en alloit-il pas sous l'obeyssance des Othomans? quelle plus belle inuention doncques se pouuoit-il trouuer, que d'oster le chef qui pouuoit vaincre, & que de reuolter les soldats qui pouuoient conquerir? Si le Lecteur a voulu prendre garde à toute cette histoire, il iugera facilement que toutes ces choses ne se faisoient que pour preseruer la Hongrie, & autres Prouinces circonuoisines: car que fussent-elles deuenues, si au lieu d'aller en Perse, elles eussent eu toute cette multitude fraische & reposée sur les bras, veu qu'apres tant de pertes ils ne laisserent pas de leur faire beaucoup de mal, en la Croatie, en la Styrie, en Hongrie, en Polongne, & ailleurs: que s'ils eussent domté les Perses, que n'eussent-ils point fait avecques les armes de cette belliqueuse nation? afin doncques de faire voir aux Chrestiens qu'ils ne pouuoient vaincre par leurs propres forces, on leur fait leuer le siege de deuant Strigonie, on met leur armée en route en l'Isle de Schiut, on leur oste le puissant bouleuert de la ville de Iaurin: & pour faire connoistre aux Perses qu'on les maintenoit par grace speciale, & qu'ils n'estoient pas pour debeller leur puissant ennemy, ils ne peuuent passer outre la desfenstive, & sont en fin contrains de rechercher la paix. Mais pour apprendre aux Turcs que leur multitude estoit inutile, les Georgiens, les Croaces, les Hongrois, les Transsiluains, les Rasciens & autres peuples, les battent avec vne poignée de gens, iugez encores combien les querelles ciuiles donnerent d'aduantage aux Turcs: au contraire combien le bon accord des Chrestiens, des Vaiuodes à sauoir, de Transsiluanie, Moldaue, & Valachie

de la reuolte de ses sujets, & cette reuolte procedoit de sa grande ambition; car s'il n'eust point rompu la trefve avecques l'Empereur, les Valaques, Transiluiains & autres peuples n'eussent iamais osé remuer tous seuls, quand ils eussent veu leurs voyfins en bonne intelligence avecques luy. Pour preuue de quoy, quand les Rasciens se reuolterent, à peine trouuerent-ils avecques qui se joindre, tant les Chrestiens estoient froids à se chauffer, n'y ayant eu que la force qui les ayt contrains de prendre les armes, autrement ils fussent tousiours demeurez paisibles: & quant à ses excez, n'estoit-ce pas vn chastiment qu'il auoit bien merité: de sorte que de quelque costé que vous vous tourniez, vous y verrez force palmes de la victoire que l'eternelle Prouidence, & la redoutable Iustice du Tout-puissant obtint durant ce regne sur l'Atheisme & sur la sagesse humaine, qui voulant approfondir les desseins de la majesté de l'Incomprehensible, se trouue opprimée de la gloire de celuy qui dispose toutes choses en nombre, poids & mesure.



YYy ij

Amurath III. Liure seiziesme.
 de la reuolte de ses sujets, & cette reuolte procedoit de sa grande ambition; car s'il n'eust point rompu la trefve avecques l'Empereur, les Valaques, Transiluiains & autres peuples n'eussent iamais osé remuer tous seuls, quand ils eussent veu leurs voyfins en bonne intelligence avecques luy. Pour preuue de quoy, quand les Rasciens se reuolterent, à peine trouuerent-ils avecques qui se joindre, tant les Chrestiens estoient froids à se chauffer, n'y ayant eu que la force qui les ayt contrains de prendre les armes, autrement ils fussent tousiours demeurez paisibles: & quant à ses excez, n'estoit-ce pas vn chastiment qu'il auoit bien merité: de sorte que de quelque costé que vous vous tourniez, vous y verrez force palmes de la victoire que l'eternelle Prouidence, & la redoutable Iustice du Tout-puissant obtint durant ce regne sur l'Atheisme & sur la sagesse humaine, qui voulant approfondir les desseins de la majesté de l'Incomprehensible, se trouue opprimée de la gloire de celuy qui dispose toutes choses en nombre, poids & mesure.

MAHOMET III. DV NOM
DIX-SEPTIESME EMPEREVR
DES TVRCS.



*IL n'est point de mal-heurs, dont la suite funeste
Nait, deux lustres durant mon Empire, troublés
Reuoltes, factions, famine, guerre & peste,
D'ennuys & de langueur m'ont enfin accablé.*

SON ELOGE OV SOMMAIRE

DE SA VIE.



*L*a majesté de l'Empire est comme la sauve-garde & le salut de tous, disoit un ancien, & comme une tour haute élevée, en laquelle le Prince se vange du mépris & de la rebellion du premier, comme ruine infaillible de sa Principauté: du second, d'autant qu'il fait une consequence de celle de l'Estat: C'est pourquoy il est bien à propos de donner de la frayeur & de la crainte, en une grande depravation & corruption d'hommes & de mœurs. Mais comment pourroit-on craindre celui qui a son glaiue tousiours enfermé, ou plustost lié & attaché, qui souffre que la force de son authorité perde sa trempe, plustost par nonchalance que par clemence, lequel on void au milieu des reuoltes, des seditions, & des attentats, noyer sa vie neantmoins dans les delices & la volupté, & postposer l'Empire à son plaisir? Ne trouuez donc pas estrange si vous voyez les Turcs, iadis si obéyssans, s'attaquer à tous propos à leur Souuerain: car si l'humeur du peuple est telle, qu'il n'est point né pour obeyr à la honte: mais à la crainte, & qu'il ne s'abstient du mal que pour l'apprehension du supplice & de la peine, & non pour ce qu'il en ayt serrent: cette honte luy fait encores moins de peur, voyant les mœurs de son Prince du tout indignes de la Royale majesté, se confiant sur ce que cette ame absorbée dans les delices, ne quitteroit iamais son aysé, pour embrasser le travail, & qu'il aymeroit mieux se maintenir en sa fainéantise, au preiudice de son authorité. Aussi n'avez-vous point veu l'Empire Turc si remply de seditions, que sous Bajazeth II. Selim II. Amurath III. & sous celui duquel nous décriuons sommairement la vie, tous Princes qui ont aymé l'ombre & le couuert, cherissant plus leurs personnes & leurs concupiscences, que leur dignité & le bien de leurs peuples. Or Mahomet III. du nom paruenue à l'Empire des Turcs par la mort de son pere Amurath, pour s'y maintenir, commença son regne par la mort de 21. de ses freres, les autres disent 18. & d'autres 19. qu'il fit estrangler, & bien peu apres commença la premiere sedition des Janissaires, pour ce qu'il auoit esté élu sans leur sceu, laquelle appaisée, il fut contraint d'enuoyer en Hongrie, sur la reuolte commencée dès le temps d'Amurath, & continuée sous le sien, par les Transsiluains, Valaques & Moldaues, les Transsiluains prenants Kokcia, Varsocz, Totuaragde, Fadsut & la ville de Lippe, tandis que Michel Palatin de Valachie liuroit une bataille à Sinan en cette Prouince, de laquelle il emporta la victoire, contraignant Sinan de s'enfuir, & poursuivy qu'il estoit par le Transsiluain, quitter Tergouisse, Bucarest & le fort de saint-Georges, faisant perte en routes ces places de plus de vingt-six mille hommes. Le Côte de Mansfeld prend d'ailleurs Strigonie, encores que les Turcs fussent venus pour la secourir, qui furent deffaits par la lascheté du Beglierbey de la Grece. L'armée Chrestienne prend encores la forteresse de Vissgrade, Babotch, Haduan, Petrinie: en recompense les Turcs prennent Clissa & la forte ville d'Agria, Mahomet y estant en personne, lequel gagne une signalée bataille à Keresth, les Chrestiens s'estans amusez au pillage. Bien-tost apres l'armée Chrestienne print Tatta, Palotte & Vesperim, & apres auoir pesardé Iauarin, ils y firent un grand massacre & un grand butin, tandis que les autres prennent Canise, & que sous la conduite du Duc de Mercœur, les Chrestiens s'emparent d'Albe-royale: mais aussi l'Archiduc fut contraint de leuer honseusement le siege de deuant Canise. Depuis son armée asiegea Bude, print la basse-ville: mais en fin elle fut contrainte de se retirer, perdant incontinent la ville de Pesth, qu'elle auoit conquise quelque temps auparauant. Durant que les affaires se passoient ainsi en Hongrie, les Perses faisoient les leurs contre les Turcs, auxquels seruit encores beaucoup la renolte du Scrinan Beglierbey en l'Asie, qui ayant l'assurance de venir camper à trois iournées de Constantinople, fut cause d'une autre grande sedition des Janissaires, qui contraignirent Mahomet de faire mourir ses plus grâds fauoris, & de feindre de bannir sa propre mere: depuis prenant ombrage de tout, il soupçonna sa femme qu'elle le vouloit faire mourir, pour élener son fils à l'Empire. Cela fut cause qu'il fist noyer la mere, & estrangler le fils: & bien-tost apres ayant composé avec le Scrinan, il perdit Lepante, que prirent sur luy les Cheualiers de Malte. Finalement le regret d'auoir fait mourir son fils, le pressant, se voyant accablé de tant d'affaires, il deuint fort triste, & là dessus la peste qui estoit pour lors fort grande à Constantinople, en laquelle elle fut quasi tousiours durant son regne avec la famine, le vint frapper dans son Serrail, de laquelle il mourut au mois de Decembre de l'an de grace 1603. de l'Egire 1009. & selon d'autres 1011. seant au saint Siege Clement VIII. en l'Empire Rodolphe, & en France Henry le Grand: ayant regné huit ans.

LIVRE DIX-SEPTIESME
DE L'HISTOIRE
DES TURCS.

SOMMAIRE, ET CHEFS PRINCIPAUX
contenus en ce present Livre.

- I. Naturel de Mahomet représenté, ses cruautéz, ses dissolutions, fait mourir ses freres, sedition des Janissaires : Bokcia, & Varsocz pris par les Chrestiens de Toruvaragde & de Fadsat: prise de Iose par les Turcs, deffaise d'iceux par les Transilvains.
- II. Les Transilvains deuant Lippe, qui se rend à composition: prennent plusieurs autres places, bataille entre les Turcs & les Valaques, ceux-cy demeurent victorieux, l'enseigne du Prophe-te Mahomet prise en cette bataille, fuite de Sinan qui tombe dans un palus.
- III. Les Sicules au secours du Prince de Transilvanie, les Tartares deffaits par les Moscovites: Aaron Vainode de Moldauie chassé par le Transilvain, les conquestes de ce Prince: le Chancelier de Podolie ravage & conquiert la Moldauie: les Sicules refusent de porter les armes s'ils ne sont affranchis, aigle d'une demesurée grandeur prise pres la tente de Sigismond, lequel va ioindre le Palatin de Moldauie, Sinan va loger à Tergouiste, & de là à Bucarest, & son discours aux principaux de l'armée, lors qu'il voulut faire sa retraite.
- IV. Ordre & disposition de l'armée de Sigismond, qui se tient sur ses gardes, terreur panique au camp de Sinan, Sigismond va à Tergouiste, situation de cette place, feu artificiel cause de la prise d'icelle, Sinan en entend les nouvelles, sa fuite honteuse, son stratageme qui ne luy reüssit point, Assan Bassa decouvrir les secrets de Sinan, & pourquoy, il promet pour sa rançon cent mille escus.
- V. Sinan passe le Danube pour se retirer, situation de saint-Georges, deuant lequel les Transilvains mettent le siege, pitoyable spectacle sur le Danube, prise du fort saint-Georges, apres auoir esté cent ans en la main des Turcs: la Transilvanie, Moldauie & Valachie reconquises sur eux en peu de temps, Ieune & Villagosmar prises sur les Turcs, l'armée Chrestienne ravage les enuironz de Totim & Strigonie.
- VI. Denombrement de l'armée Chrestienne, qui met le siege deuant Strigonie, ses faux-bourgs pilléz par Palsy, les Turcs quittent la haute-ville: le Comte de Mansfeld fait un pont sur le Danube, bousche le passage aux assiegez pour le secours, assaut à Strigonie, les assaillans repoussez, valeur remarquable d'un Vvalon, sortie de ceux de dedans & leur dessein.
- VII. Mahomet enuoye du secours aux assiegez, promesses vaines de Sinan à son seigneur, famine à Constantinople, armée des Turcs pour le secours de Strigonie, prise de Kecheren par Palsy Baron d'Ordep, & de Bebeth par le Comte de Serin, lettres interceptes par le Comte de Mansfeld: stratageme des Turcs qui leur reüssit, leur resolution pour le secours de Strigonie, le Bassa de Bude exhorte ses soldats, & le Comte de Mansfeld ceux de son armée: bataille entre les Turcs & les Chrestiens, & le nombre des morts, la scheté du Beglierbey de la Grece, & prudence du Comte de Mansfeld.
- VIII. Mort du Comte Charles de Mansfeld, Dom Iean de Medicis commande à sa place, lettres interceptes donnans instruction des affaires des Turcs, qui brûlent la basse-ville de Strigonie, & se retirent au chasteau: conference de Palsy avecques le Gouverneur de Strigonie, & la réponse du Turc, le Beg de Copan enterré tout vis, Strigonie rendue par les Turcs, & à quelles conditions: siege du fort de Vissegrade, pieces de canon montées à force de bras par les Chrestiens au haut de la montagne où estoit située cette place, ceux du fort sortent le baston blanc à la

main, prise de Vnotzen, deffaitte des Tartares par les Polonnois. Estienne Palatin de Moldaue empalé tout vif, estrange histoire d'un monstre né en Alemagne, prise de Bahosch par les Chrestiens, crnautez de Sinan enuers les esclaves Chrestiens : Amazone Chrestienne honorée par les Turcs, les Chrestiens chassés de Constantinople & d'Egypte par Mahomet.

IX. Sophie pillée & ravagée par les Pastres, Sinan & Ferrhat s'accusent l'un l'autre, Ferrhat estranglé, & Sinan premier Vizir, troupes du Bassa de Themisvuar taillées en pieces, prise de Vnotza & de Clissa par les Chrestiens, reconurée par les Turcs, l'avarice de ceux de dedans estant cause de la perte d'icelle : Samboc & Vaccia prises sur les Turcs, Lippe assiegée par iceux & bien deffendue, ils prennent l'espouuente & leuent le siege, Hadunan assiegé par l'Archiduc, & pris, Petrinie assiegée, les Turcs deffaits par les Croates, Themisvuar assiegée par le Transilvain, les Tartares sont causes de luy faire leuer le siege.

X. Contrarietez en l'histoire Turque difficiles à accorder, & pourquoy, les Perfes veulent rompre la trefue avec les Turcs, ils sont secourus d'artillerie par l'Espagnol, puissante armée des Turcs en Hongrie, qui va deuant Agria, où Mahomet estoit en personne, les assiegez quistent la ville & se retirent en la forteresse, où ils se deffendent vaillamment, Mahomet sollicite les assiegez de se rendre, & le Transilvain de se ranger de son party, il est refusé de tous les deux : mais en fin ceux de la garnison d'Agria capitulent avecques les Turcs, leur perfidie cause de la punition de l'Aga des Janissaires.

XI. Armée de l'Archiduc en campagne pour le secours d'Agria, les Turcs viennent au deuant d'elle, l'Archiduc persuade ses gens au combat, & Mahomet les siens mais fort aigrement.

XII. Bataille de Keresst, les Turcs passent la riuere, sont mis en fuite par les Chrestiens, & perdent leur Canon, les Chrestiens poursuivent leur victoire & mettent les Turcs en fuite : mais ils s'arrestent au pillage qui est cause de leur ruine : les Turcs victorieux à leur tour, nombre des morts tant de part que d'autre, le Vainode de Moldaue recherché par les Turcs, retour de Mahomet à Constantinople, où les Ambassadeurs du Sophy le viennent trouver, Toru, Papa, Fillec, Chianad & Tatta reprises par les Chrestiens, Vaccia brûlée, Ianarin assiegé par l'Archiduc, qui est contraint de leuer le siege.

XIII. Ianarin petardé par le Baron de Vaubecourt, prise de Palotte & Vespriin, embrasement de Zighet, victoire du Moldaue sur les Turcs, & prise de Nicopoli, nouvelle armée des Turcs en Hongrie, Strigonic assiegée par les Turcs, leurs ravages en la haute Hongrie, dont les Moranes se garantissent, sedition à Papa, Varadin assiegé par les Turcs, l'Empereur Turc enuoye des presens au Roy Henry le Grand, second & troisieme siege de Bude, victoire du Palatin de Valachie le Duc de Mercœur deuant Canise, il est contraint de decamper, faute de munitions, la ville rendue aux Turcs.

XIV. Les Perfes sont ligue avec l'Empereur & l'Archiduc contre les Turcs, origine de Cigale, & son aduancement, desseins de l'armée Chrestienne sur Albe-royale, qui est assiegée, & ses faux-bourgs pris sous la conduite du Duc de Mercœur, qui se rend maistre de la place, apres une grande resistance, artifice des Turcs : mais de nul effect.

XV. Les Turcs taschent de reconurer Albe-royale, empeschez par le Duc de Mercœur, bataille entre les Chrestiens & les Turcs pres d'Albe-royale, les uns & les autres se disent victorieux, les Turcs toutesfois leuent le siege, dessein de l'Archiduc sur Canise, qu'il assiege, & se retire apres honteusement : les Turcs deuant Albe-royale, laquelle apres s'estre couragement deffendue, retourne derechef sous leur puissance, & est prise comme d'assaut apres s'estre rendue, le butin que les Turcs y firent.

XVI. L'armée Chrestienne prend la basse-ville de Bude, & celle de Pesth : le Duc de Neuers blessé à l'espaule deuant Bude, le siege leué, & les grandes esperances qu'on auoit d'iceluy : Mahomette prise par les Cheualiers de Malte, Canise embrasée par un esclave Chrestien, Pesth abandonnée par les Chrestiens, & Palantuar, Strigonic assiegée par les Turcs, qui leuent le siege, Hadunan abandonnée par iceux, & leur deffaitte en Transilvanie, & prise de Silistrie.

XVII. Rebellion du Scriuan & sa hardiesse, cause de la grande sedition des Janissaires, qui forcent leur Empereur de venir en lieu public, la harangue qu'ils luy firent, & sa response, leur demande insolente, qu'ils obtiennent, Mahomet estant contraint de faire mourir ses plus favoris, & de promettre de bannir sa mere, menées de sa femme & de son fils, il fait noyer la mere, & estrangler l'enfant, il s'accorde avec le Scriuan, & à quelles conditions, Lepante prise par les Cheualiers de Malte sur les Turcs, Mahomet meurt de peste dans son Serrail, à Constantinople.



LIVRE DIX-SEPTIESME DE L'HISTOIRE DES TURCS.

1595.
I.



Le cruel fleau de la vie humaine, ce fantôme sans figure, qui prend son estre en l'imagination, & sa forme en vne idée persuasive, qui mortel ennemy de la raison & de la prudence, a tyranniquement usurpé leur Empire, se sied sur le thrône de leur domination, donnant mouvement à tout sans mouvoir. L'opinion, dis-je, qu'on a des choses, plustost selon nostre fantaisie, que selon leur realité auoit imprimé dans les esprits des Chrestiens, vne telle terreur du nom de Mahomet, qu'au bruit de la mort d'Amurath, & que l'Empire deuoit tomber entre les mains de Mahomet son fils aîné troisieme du nom, le souuenir de ce nom infauste & malencontreux à toute la Chrestienté, leur causa vn tel estonnement, qu'ils pensoient desia leurs affaires desesperées, & qu'ils auroient beaucoup à souffrir sous ce Prince, qu'ils iugeoient fort belliqueux & fort cruel. Quant aux Turcs, ils n'auoient pas moindre apprehension: car ils craignoient grandement que tout ainsi que la ville de Constantinople a tiré sa grandeur d'un Constantin, & que depuis elle a esté prise & destruite sous vn autre Constantin, & comme l'Empire Romain a commencé principalement de florir sous vn Auguste, & à flestrir & decliner, voire s'en aller du tout en decadence sous vn autre Auguste, de mesme que cette ville de Constantinople, & cet Empire Grec, conquestez par vn Mahomet, deust aussi se ruiner & destruire sous vn autre Mahomet, les vns & les autres toutesfois furent trompez en leurs imaginations.

Naturel de
Mahomet re-
présenté.

Et quant aux Chrestiens, il y auoit quelque apparence à leur crainte: car ce Prince estoit naturellement industrieux & cruel: mais par accident il deuint mol, timide, & tout lasche & effeminé, ambitieux encores, & qui du viuant de son pere, auoit fait plusieurs desseins sur son Estat, mesmes dès son bas aage il commençoit à luy estre redoutable: car estant selon la coustume renfermé dans le Serrail, il auoit pris en hayne Nasuf Aga, plus par vne ialousie des faueurs que son pere Amurath faisoit à cestuy-cy, que pour aucun déplaisir que l'autre luy eust fait, si bien qu'il espia tellement ses actions, qu'ayant pris garde qu'il enuoyoit tous les iours hors du Serrail, vn panier de fleurs, il s'imaginoit qu'il faisoit transporter sous ces fleurs, quelque chose de plus grande importance, si qu'un matin ayant arresté par force celuy qui les portoit, il espendit les fleurs par terre, & ayant trouué que le panier estoit remply d'or, il le defera à son pere, luy remonstrant qu'il estoit moins fauorisé que ses esclaués, puis qu'ils abondoient en ce qui luy estoit dénié, son pere se montrant auare en son endroit, de sorte qu'ils auoient souuent des picques, donnant ainsi tous les iours de nouvelles occasions de crainte & de soupçon.

Amurath en-
tre en desfan-
ce de son fils
Mahomet.

Cela fut cause que son pere le fit circoncire, comme vous auez entendu au liure precedent; apres laquelle circoncision, sans tarder dauantage, il l'enuoya en Magnesie, qu'il luy assigna pour demeure & pour gouuernement, où il ne fut pas si tost arriué, que cet esprit qui ne respiroit que le sang, s'exerça à toutes sortes de cruauté: on en conte d'estranges, entre autres d'auoir fait arracher les mammelles à des femmes avec des tenailles de fer toutes rouges: vne autrefois il fit tres-cruellement mourir deux mille Sophy, (c'est à dire escoliers) pource seulement qu'ils auoient démontré des signes de quelques pensées moins pudiques qu'ils ne deuoient en son endroit, & non seulement ceux-là: mais plusieurs autres, lesquels il faisoit mourir pour des occasions tres-legeres, se montrant

Cruauté de
Mahomet.

en

en somme si éloigné des plaisirs de la chair, qu'il ne s'occupoit qu'aux actions martiales; & qu'il ne respiroit que le sang. Ce qui augmentoit de iour à autre la des fiance du pere; à quoy seruoient beaucoup les soupçons qu'il auoit de longue-main, pour les intelligences secretes, que sous pretexte d'amitié, il manioit en Cour avec Sinan Bassa: cela fut cause qu'il delibera, non seulement de le faire mieux garder: mais aussi de le faire mourir, s'il ne changeoit de façon de faire. Dequoy estant souuent aduertie par la Sultane sa mere, qui luy conseilloit d'oster tels soupçons à son pere, il s'adonna aussi-tost à toutes sortes de plaisirs, auxquels il print vne entiere habitude, ou bien que selon quelques-vns il ayt eu quelques enchantemens, auxquels les femmes Grecques, Iuifues, & Turques, sont tres-sçauantes, qui l'ayent porté à ce debordement: mais tant y-a qu'il deuint si dissolu qu'il ne pouuoit pas viure, non pas mesme en son camp, sans ses voluptez, & ce qui estoit encorés de pis, il communiquoit les plus grands secrets de son Estat à ses plus fauorites, ce qui l'a beaucoup empesché de venir en personne en ses armées, toutesfois il y pourroit bien auoir eu des causes plus, vrayes & plus preignantes.

CAR à son aduenement à la couronne, connoissant bien les ombrages & jalousies qui estoient entre ses Bassas, principalement entre Sinan & Ferrhat; qui tenoient pour lors en leurs mains les resnes de tout ce grand Empire, il voulut s'informer des forces de son Estat, afin de ne dépendre pas entierement de ses Officiers; outre cecy il y auoit grande disette de toutes choses en Constantinople, principalement de bled & farine, à quoy il pourueut, faisant venir du bled de toutes parts pour contenter ses sujets, qui estoient desia assez mal contents, à cause de plusieurs debtes que son pere n'auoit point payées, lesquelles il a depuis luy-mesme acquitées: il craignoit encorés les remuemens que pourroit faire le Sophy de Perse, à raison de la mort de son pere Amurath, qu'on soupçonnoit d'auoir esté empoisonné par le ieune Haidar, fils du Prince de Hampsa, qui estoit fils de Mahomet Cudabenda, qui auoit esté en ostage chez son pere: toutes ces choses le faisoit tenir sur ses gardes; joint que les principaux Capitaines de son Empire, l'asseuroient tousiours qu'il n'estoit point necessaire qu'il vint en personne, & qu'ils estoient assez suffisans pour venir à chef de toutes ces guerres; Sinan Bassa entre autres, qui luy promettoit, non seulement d'exterminer le Transiluiain: mais l'Empereur mesmes sans beaucoup de difficulté: ce qu'ils faisoient pour se maintenir tousiours en cette grande autorité, & se pouoir plus facilement enrichir: mais principalement il adioustoit vne grande foy à Sinan.

Raisons pour quoy Mahomet ne venoit point en ses armées.

OR la premiere action qu'il fit à son arriuee, ce fut de faire mourir dix-neuf de ses freres, les autres disent dix-huit, & d'autres adioustent iusques à vingt & vn, faisant encorés noyer dix femmes de son pere, qu'on auoit opinion d'estre grosses: il donna deux cens mille ducats au maistre de la garde-robe de son pere, pour en auoir celé la mort: à son arriuee les gens de guerre de la Porte, firent quelque sedition, pour auoir esté élu sans leur sceu, pillans la ville, & voulans mesme attaquer le Serrail: mais les principaux Bassas les appaiserent à force de dons. Cela fut cause que Mahomet ne fit pas moins de changement en ses Officiers qu'auoit fait feu son pere, tant en son Serrail qu'en ses armées, & dit-on que cette sedition recommença en vn festin public qu'il auoit fait pour son ioyeux aduenement, de sorte qu'il fut contraint de faire rouler le canon qui est d'ordinaire au Topana; dans les places publiques pour retenir ces seditieux.

Fait mourir vingt & vn de ses freres.

CEPENDANT que cela se passoit ainsi à Constantinople, il se faisoit bien d'autres remuemens en la Transiluanie, & en Hongrie. Ces peuples, comme il a esté dict au sixiesme liure, s'estoient liguez ensemble: le Kosques à sçauoir & les Podoliens; avecques les Transiluiains, Moldaues & Valaques, & tous ensemble avecques l'Empereur, chacun faisant la guerre de son costé; & donnant beaucoup d'affaires à l'armée de Sinan, & celles des autres Bassas de la Prouince; il ne fut pas mesmes iusques aux paysans qui ne voulussent estre de la partie. Car le Prince Transiluiain voyant bien à quel ennemy il auoit affaire, maintenant qu'il s'estoit déclaré contre les Turcs, & que s'il ne se munissoit de forces en son pays, il les auroit à toute heure sur les bras, & qu'ils auroient plustost fait leur ravage; que ses associez ne seroient venus au secours, amassoit des forces de toutes parts, pour laisser principalement de fortes garnisons sur les frontieres. Ayant doncques fait General de ses armées Georges Barbely, homme d'excellente vertu, il s'en estoit allé à Carantébesse; pour donner ordre à ses affaires; cette ville est sur les confins de la Hongrie inferieure, & cependant Barbely attaqua deux forts des Turcs, Bokcia à sçauoir & Varsocz, qu'il print par force. Mais cependant les Turcs des garnisons de Lippe, Giule, Czanade & Ienée ayans decouuert par leurs espies que les soldats de la garnison de Iose, pour de certaines

Remuemens en la Transiluanie.

1595.

côsidérations estoient allez à Albe, & sçachâs que l'armée des Transsiluains estoit éloignée de là, tirant son chemin deuers Caransebesse, qui ne pourroit empescher l'execution de leur dessein, ayans en diligence assemblé leurs forces en vn, ils entrent inopinément en la Transsiluanie, prennent Iose avecques sept villages aux enuiron, où ils mettent tout à feu & à sang, emmenans le reste en servitude. Cela irrita tellement les payfans, qu'ayans entendu qu'il se faisoit vn grand conuoy de viures pour l'armée qui estoit en Hongrie, de chariots & de chameaux chargez de toutes choses nécessaires, & n'emmenans pas moins de quarante mille bestes blanches, partie en vie, & partie desia salées, ils firent si secrettement leur complot, qu'ils attendirent les Turcs en vn passage où ils pensoient deuoir cheminer en toute seureté de l'ennemy, & les prenant au dépourueu, les attaquèrent si furieusement qu'ils les taillèrent en pieces, au moins la meilleure partie: car on tient qu'il en demeura plus de mille sur la place, & emmenerent leur butin.

Totuaradge
pris par le
Transsiluain.

OR Sigismond ayant esté aduerty de ce qui s'estoit passé à Iose, choisit les meilleurs de ceux qui s'estoient retirez Iose, & se resout d'aller surprendre Totuaradge, vne petite ville de la domination des Turcs: commandant aux siens de ne s'amuser ny entreprendre autre faction que celle-là, afin que par leur diligence ils peussent preuenir les aduertissemens qui s'en pouuoient donner aux Turcs, auxquels il vouloit rendre la pareille de ce qu'ils auoient fait à Iose. Ce que les autres sceurent executer si dextrement, qu'ils arriuerent à la poincte du iour à Totuaradge, & en mesme temps forcerent la place, taillans en pieces deux cens Turcs qui estoient dedans en garnison, six exceptez qui se precipiterent du haut en bas des murs, esperans se sauuer par le fleuve Maruse: mais ils furent poursuivis de si pres par les victorieux, qu'ils y demurerent avecques leurs compagnons. Cette villette ainsi conquise, ces troupes-là s'en allerent joindre incontinent apres Georges Barbely, lequel voulant profiter son aduantage, & ne perdre point l'occasion de ses troupes qui s'estoient ainsi rassemblées, il les mena à Fadsar pour l'assiéger; ce qu'entendans ceux de la garnison, comme ils auoient esté pris à l'impourueu, ne sçachans à qui demander secours en vne affaire si importante & si inopinée, ils penserent que le meilleur conseil qu'ils eussent sceu prendre, estoit de se rendre: ils enuoyerent donc vers Barbely quelques deputez pour se rendre vies & bagues sauues; ce que leur ayant esté accordé, ils rendirent la place: mais le Haiducs, gens de guerre desquels il a esté parlé ailleurs, ne pouuans souffrir que ceux-cy qui estoient leurs ennemis, échappassent ainsi de leurs mains si à leur ayse, se resolurent de se mettre secrettement en embuscade, & lors qu'ils sortiroient du chasteau, de leur courir sus, & leur oster les armes & la vie; mais Barbely ne pouuant souffrir cette perfidie, retint les Haiducs occupez aux fortifications de dehors, & le lendemain donna bonne escorte aux Turcs pour les conduire en lieu de seureté, afin qu'on ne l'accusast point d'auoir violé sa foy.

Conspiration
de ceux de
Fadsar contre
les Chre-
tiens.

Ces nouvelles furent bien-tost portées au Bassa de Themiswar, lequel s'estant joint avecques les Gouverneurs de Lippe, de Giule, de Czanade & de Ienée avec de grandes forees, lesquels ayans rencontré la garnison de Fadsar, s'acheminèrent pour reprendre cette place: dequoy les habitans furent incontinent aduertis, & s'imaginans que les leurs demeureroient victorieux, s'encouragerent les vns les autres de se ruer contre les Chrestiens, lesquels estans d'oresnauant en aiseurance, & tenans le dedans du chasteau, sans se deffier d'aucun ennemy, ceux-cy s'éleuerent contre eux avecques vne grande impetuosité, faisant au mesme temps iouer vne mine qu'ils auoient faite secrettement sous terre, & remplie de poudre à canon, afin de donner en vn mesme temps tant d'affaires & d'estonnement à leurs aduersaires, qu'ils ne sceussent auquel entendre; toutesfois cela n'auoit pas esté dressé comme il failloit, pour auoir esté trop precipité, & fit fort peu de mal aux Chrestiens: lesquels voyans la perfidie & l'infidelité de ceux-cy, qu'ils auoient traittez si courtoisement (car ils n'auoient point esté pilléz) furent tellement animez contre eux, que les trouuans mal armez & sans ordre, comme gens qui estoient allez plustost au massacre qu'au combat, il les forcerent premierement de reculer, puis tout à coup se iettans sur eux, sans leur donner temps de se reconnoistre, ils les taillèrent en pieces iusques à vn, & d'une mesme furie marcherent contre leurs ennemis, lesquels auoient desia rangé leurs gens en bataille; si qu'ils vinrent bien-tost aux mains; mais les Chrestiens animez par l'indignité qu'ils venoient de receuoir, firent tant d'armes, qu'ils forcerent les Turcs de reculer, & mirent en fin toute cette armée à vau-de-route, vne bône partie fut taillée en pieces, entr'autres les Gouverneurs de Giule, & Canad: plusieurs aussi demurerent captifs, principalement de ceux de Lippe & de Ienée, le Bassa mesmes de Themiswar tout blessé, ayant

ayant ietté-là ses armes, & changé de vestemens, la viffesse de son cheual le sauua en fin, qui le portaiusqu'à Themiswar. 1595.

M A I S l'armée victorieuse ne voulant pas demeurer en si beau chemin, s'en alla droit à Lippe, & se campa deuant la forteresse. Or les assiegez ayans perdu leur chef en la bataille precedente, ne sçachans quel party prendre, ny de quel costé se tourner, enuoyèrent à ceux de Giule pour auoir du secours, leur representans la necessité en laquelle ils estoient reduits, & comme ils estoient estroitement assiegez, les prians de les secourir en bref, & de les deliurer de ce siege, autrement qu'ils se rendroient à l'ennemy. Ceux de Giule leur firent responce que leur Gouverneur auoit esté tué aussi, & partant qu'ils aduisassent entr'eux ce qui seroit le plus necessaire pour leur salut: car il leur estoit impossible de les secourir: celui qui portoit cette responce, fut pris avecques ses lettres par les coureurs de Barbely, lequel ayant quelque esperance que cette place se pourroit rendre à quelque composition, les enuoya sommer le lendemain: mais eux respondirent incontinent que s'ils en venoient-là, il leur en arriueroit tout autant qu'à ceux de Fadsar: alors celui qui portoit la parole pour Barbely, leur fit entendre comme le tout s'y estoit passé, & que s'il leur estoit arriué quelque mal, c'estoit leur faute, & non celle des victorieux, qui n'auoient point manqué de foy: mais qu'ils s'estoient valeureusement deffendus, & auoient fait sentir à leurs aduersaires le mal qu'ils leur auoient préparé: mais que s'ils se vouloient rendre, ils ne deuoient rien esperer de tel, ains qu'on leur tiendrait parole toute telle qu'elle leur seroit donnée: les assiegez respondirent qu'ils ne pouuoient pas adiouter foy à leur dire, ayans-mieux, comme ils disoient, souffrir toutes les incommoditez du siege, & se deffendre courageusement, que de s'exposer en ce danger, & avecques cette responce il se retira vers les siens, lesquels voyans que toute esperance de reddition estoit ostée, se resolurent d'assaillir la place, & d'y liurer l'assaut dès le lendemain: ce qu'ils firent: ce fut toutesfois sans aucun aduantage: car les autres les repousserent si viuement, qu'ils perdirent l'enuie d'y retourner, remettans cette affaire là à vne autre fois. Mais les assiegez, soit qu'ils se desesperassent d'auoir aucun secours, soit qu'ils entraissent en deffiance de leurs forces, & redoutassent trop celles de leurs ennemis, & doutans qu'il leur en vint de nouvelles pour les raffraischir, ils parlerent de se rendre, & enuoyerent pour cét effect des deputez à Barbely, pour luy dire qu'ils estoient prests d'abandonner la place, pourueu qu'ils se peussent retirer sains & saufs où bon leur sembleroit: ce que leur ayant esté accordé, ils abandonnerent la forteresse, & se retirerent en toute assurance où ils eurent le plus agreable. C'est ainsi que Lippe retourna en la puissance des Chrestiens, apres auoir esté quarante-quatre ans en celle des Turcs. La reddition de cette place fut accompagnée de plusieurs autres: car les garnisons circonuoinnes furent tellement épouuētées, que Solimos, Vilagosuar, Canad, Nadlak, Fellak, Panerte, Sire, & Arade abandonnées, ils se retirerent où bon leur sembla, si qu'elles vinrent toutes en la puissance du Transiluiain.

II.
Les Transiluiains deuant Lippe.

Les Turcs en la Valachie.

A v mefme temps que ces conquestes se faisoient en la Transiluanie, Sinan qui sçauoit que Michel s'estoit reuolté, & auoit fait ligue avecques l'Empereur & avecques le Transiluiain, assembla toutes ses forces pour tailler en pieces, comme il disoit, l'armée du Palatin, & remettre sous la puissance de son Empereur cette Prouince qui s'en estoit reuoltée. Desirant doncques paruenir au dessus de ses entreprises, il fit faire vn pont de batteaux sur le Danube, par le moyen duquel il passa toute son armée, le Palatin n'ayant pas des forces bastantes pour l'en empescher, si bien que pour la conseruation de son pays, & pour empescher que les Turcs ne fissent à leur ordinaire des rauages en la contrée, il dispersa vne partie de ses gens aux places les plus importantes, luy cependant avecques le reste, se mit en lieu commode pour donner secours où besoin seroit, & toutesfois sans qu'il peust estre forcé par l'armée ennemie. En cette contrée-là assez proche du Danube, il ya vne oseraye si épaisse, qu'il semble que ce soit vne forest: là sont des lieux fort fangeux, & d'vn tres-difficile accez, pour vne quantité de cette eau bourbeuse qui attriue là de plusieurs endroits, & n'y a qu'vn chemin fort estroit, à peine suffisant pour le passage d'vn chariot: en ce lieu-là se campa le Palatin avecques ses troupes, mettant par tout de bons corps de garde, pour empescher l'armée de Sinan de passer par autre endroit, cestuy-cy estant fort à son aduantage, & qui outre ce qu'il l'empeschoit d'estre opprimé par la multitude de ses ennemis, luy donnoit le moyen de les combattre quasi de pair à pair, & de rendre leur grād nombre inutile. Or estoit-il necessaire aux Turcs qu'ils passassent par là, s'ils vouloient aduancer dauantage en la Prouince, aussi auoient-ils campé vn peu au delà de la forest, &

1594.

si pres de l'armée Chrestienne, qu'ils se pouuoient voir les vns les autres, n'y ayant que la forest entre deux, comme si de propos deliberé ils eussent choisi les deux costez de cette vallée, comme quelque belle plaine; la forest toutesfois n'empeschoit pas qu'ils ne se peussent voir les vns les autres.

Sinan admire
son assurance.

SINAN admirant la patience, ou plustost la resolution des Chrestiens, qui avecques vn si petit nombre auoient toutesfois l'assurance de l'attendre de pied-ferme au combat, luy qui auoit vne si puissante armée, neantmoins ne negligean rien de ce qui estoit de sa charge, sans mépriser son ennemy, il choisist d'entre les siens iusques à douze mille hommes qu'il enuoya à l'orée de la forest, & aux endroits les plus necessaires, pour rendre ce passage libre au demeurant de son armée. Quant aux Chrestiens, on tient qu'ils n'estoient pas plus de six mille hommes, qui estoient-là pour la deffence de ces passages: mais le Palatin ayant plus d'esperance en l'assistance diuine qu'en ses petites forces, lesquelles selon la raison humaine n'estoient pas bastantes pour resister à vn tel ennemy, inuoke son secours de tout son cœur, persuade à ses soldats de faire le mesme, & les exhorte à se ressouvenir de leur ancienne valeur, l'occasion y estant si belle, que s'ils la perdent, mal-aysément la pourront-ils recouurer, les Turcs estonnez de tant de pertes, leurs places prises de toutes parts, qu'il n'y auoit pour lors qu'un chef qui peust tenir teste, les autres n'ayans pas l'assurance de soustenir le choc des Chrestiens, que c'estoit de vray à luy qu'ils auoient affaire, & encores à vn grand nombre, qui de premier abord épouuentoit par sa multitude, mais qui le mettroit en œuvre, seroit de nul effect; car on scauoit assez qu'il auoit enuoyé les meilleurs soldats de toutes les troupes, en garnison dans les places plus importantes, ayant emmené avecques luy tout le reste, qui deuoit faire plus de peur & de bruit que de mal; joint l'aduantage du lieu, si propre, qu'ils ne l'eussent sceu desirer meilleur, la situation duquel rendoit la multitude inutile, puis qu'on la pouuoit combattre en nombre égal.

Michel ex-
horte ses sol-
dats.

QV'ILS se souuinsent encores de la cruauté de l'aduersaire, qui ne pardonnoit iamais aux vaincus, & encores moins à ceux qui s'estoient reuoltez: que ce n'estoit pas assez d'auoir secoué le ioug de sa seruitude, auoir renouuelé les anciens deuoirs à l'Empereur, & s'estre mis sous la protection du Transilvain, si par quelque valeur signalée ils ne vouloient maintenir cette genereuse resolution, qu'ils auoient combattu assez long-temps pour tenir main forte à leur esclauage, qu'il falloit maintenant combattre pour la liberté: mais principalement pour l'honneur de leur Religion, afin qu'ils fissent connoistre aux Turcs que s'ils auoient cy-deuant usurpé leur pays, que ce n'estoit que par leur diuision: mais à cette heure que tous les peuples circonuoisins estoient en bonne intelligence ensemble, qu'il falloit recouurer par l'union ce qu'ils auoient perdu durant leur discorde, & chasser ces cruels tyrans iusques au delà de leur destroict. Que tous leurs voisins auoient desia fait assez de deuoir, tantost les batans en pleine campagne, ores les chassans de leurs meilleures places, si bien qu'ils auoient escorné la meilleure partie de cette grande armée que Sinan auoit fait passer en Hongrie. Qu'il ne tiendrait qu'à eux qu'ils ne s'acquissent vne pareille gloire, puis que toutes choses leur témoignent qu'ils estoient accompagnez d'un semblable bon-heur.

Bataille des
Turcs & des
Valaques.

LES soldats desia assez animez d'eux-mesmes contre les Turcs, comme il arriue ordinairement à ceux qui se sont emancipez de la sujection d'un autre; encouragez encores par les discours du Palatin: mais picquez dauantage de ialousie, par la memoire des heureuses rencontres de leurs voisins, & de leurs glorieuses victoires, suivirent allegrement leur Capitaine, donnans dedans leurs ennemis avec vne telle impetuosité, que les soldats ne manquant point au chef, ny le chef aux gens de guerre, ils forcerent les Turcs de reculer, quelque deuoir qu'ils fissent de tenir teste à leurs aduersaires; ce ne fut pas toutesfois si promptement, que les Turcs ne fissent vne grande resistance, depuis le Soleil-leuant iusques au couchant, avec vn succez fort inégal, les victorieux demeurans bien souuent vaincus, & les vaincus demeurans victorieux, les Turcs rafraichissans leurs gens selon la necessité, leur multitude estant telle qu'ils le pouuoient faire à tous momens, ce qui n'estoit pas ainsi des Chrestiens.

La victoire
demeure aux
Valaques.

TOUTESFOIS comme le Soleil estoit à son couchant, le Palatin voyant qu'il ne pouoit pas en auoir la raison, & craignant que les siens succombassent avecques le temps, il enuoya querir vn bataillon de gens de pied qui estoit assez éloigné du camp, lequel tout frais & reposé, se rua sur les Turcs, qui ne s'attendans point à cette recharge: mais qu'ils demeureroient victorieux; ou que la nuit separeroit le combat; voyans le courage reletué à leurs

à leurs ennemis par ce nouveau secours, s'estonnerent du commencement, puis se mirent bien-tost en fuite; alors se fit vn grand massacre des Turcs, & des plus grands & plus nobles d'entre eux, plusieurs enseignes y demurerent, entre autres l'enseigne verte, que les Turcs tiennent auoir esté à leur faux-Prophece Mahomet, & qu'ils tiennent entre-eux comme sacré-saincte, aussi la portent-ils aux expeditions belliqueuses, comme si cela leur deuoit causer quelque bon-heur: de sorte que si tost qu'elle est en leur armée, ils tiennent la victoire toute assurée. Sinan mesme fut contraint d'estre du nombre des fuyans, & comme la crainte oste tout respect & toute consideration, soit que la multitude des fuyans, l'eust poussé, ou que luy-mesme pour la haste qu'il auoit, ne print pas garde où il alloit, il tomba du haut en bas du pont dans le palus, si que les siens eurent beaucoup de peine à l'en tirer: quant aux Chrestiens, ils se retirerent triomphans en leur camp avecques vn fort grand & riche butin. Mais Sinan picqué au jeu pour cette estrette qu'il venoit de souffrir, contre son esperance, plustost irrité qu'estonné, & desireux que la nouuelle de la vangeance de cet affront fut portée au Sultan au mesme temps que celle de la fuite, il assembla de toutes parts ses forces, enuoyant par tout ses mandemens pour le venir trouuer en la plus grande diligence qu'il leur seroit possible: de sorte qu'en peu de iours il eut autour de luy vne tres-puissante armée, & aussi-tost il se mit à poursuire ses ennemis, lesquels voyans vne si redoutable puissance, n'oserent tenter le hazard pour la seconde fois, ayans perdu beaucoup de gens en ce dernier combat, les Turcs s'estans comme vous auez entendu, courageusement deffendus.

Le Palatin estimant doncques que ce seroit plustost temerité que hardiesse de s'exposer à l'aduanture, il ayma-mieux demeurer sur son aduantage, se retirant par des chemins destournez au pied de certaines montagnes fort éloignées du camp des Turcs, & où luy & son armée pouuoient demeurer pour lors en seureté. Or auoit-il donné aduis au Prince Transiluiain de la necessité en laquelle il estoit reduit, afin qu'il donnast ordre à le venir secourir promptement, s'il ne vouloit qu'il seruisst de proye à leurs ennemis, luy estant impossible de soustenir vne si puissante armée. Sigismond en grande peine pour le secours qu'on luy demandoit, toutesfois voyant combien le danger estoit pressant, & que s'il n'y donnoit ordre, son imprudence seroit cause de la ruine de ses affaires, il commanda aussi-tost aux huit sieges des Sicules (ainsi appellent-ils leurs cantons) de s'armer, leur donnant le rendez-vous aux champs Barcenliques, pour faire la leuée laquelle il y commit Baltazar Bogate, Benoit Mincenthe, & Volscang Cornise, personnages de qualité, & auxquels il auoit beaucoup de confiance, lesquels firent fort grande diligence. Le Transiluiain cependant pour donner courage aux siens, vint avecques toute sa Cour à Sabese attendre là les troupes, où estant, dès le lendemain il sceut les nouuelles de la prise de Lippe, & de la deffaitte d'une partie des troupes de Sinan: & ce qui le contenta encores le plus, ce fut que les Tartares commandez par Chamus leur Prince, venans au secours des Turcs, en intention de se ruer sur la Transiluanie & la Moldaue, comme ils furent arriuez pres du fleue de Neper, auoient entendu qu'aussi-tost les Moscouites estoient à leurs dos qui rauageoient leur pays, si qu'ils auoient esté contrainsts de quitter tout, pour aller deffendre leurs foyers: il est vray qu'il en estoit desia entré quelques-vns des auant-coureurs en la Moldaue: mais ceux-cy furent si mal traitez par les Moldaues & par les Valaques, qu'ils firent perdre l'enuie aux autres de venir secourir leurs compagnons, si que d'oresnauant on pouuoit viure en seureté de ce costé-là.

Ces nouuelles réjouirent fort le Transiluiain, voyant ses affaires aller ainsi de bien en mieux; cela le fit partir dès le lendemain de Sabese; arriuant en six castrametations ou repostades de camp aux confins des Barcenses, au village Fiketchalam: là le vinrent trouuer gens de toutes parts, tant de l'Alemagne, à sçauoir le secours que luy enuoyoit l'Empereur, que celuy de ses Prouinces, ayant mandé au Palatin de Moldaue, qui s'appelloit Estienne, de faire la plus grande leuée qu'il luy seroit possible: cestuy-cy estoit Transiluiain de nation, Aaron ayant esté chassé par le Prince Sigismond, d'autant qu'on auoit decouuert qu'il fauprisoit les Turcs, encores qu'il eust iusques alors fait tout deuoir d'un genereux & vaillant Capitaine, & aydé à Michel Vaiuode de Valachie, à deffaire les Tartares que nous auons dit cy-dessus, auoit emporté la ville de Silistrie, leur retraitte remplie de toutes leurs dépouilles, le fort de Schuiul, dans lequel ils trouuerent quatorze coulevrines, dont deux porttoient les armes de l'Empereur Ferdinand, & deux de Iean Huniade, (ces quatre pieces ayans esté enuoyées au Prince de Transiluanie) estoient encores allez de compagnie au port d'Orosig, où se tient vn facteur ordinaire de la

III.

Le Palatin
donne aduis
de tout, au
Prince de
Transiluanie.

Aaron Vaiuode
de de Moldaue
chassé par
le Transiluiain.

1595. part de l'Empereur Turc pour le trafic du beurre & du miel à Constantinople, auoient entré dedans, & fait tres-grand butin, & d'un mesme voyage pris Silech, Galamp, Pruille, Gergie, & assiéger Loganot: mais soit que ses beaux-faits eussent esté cause de le faire plus particulièrement rechercher par les Turcs, & que les grandes offres qu'on luy fit, luy eussent fait oublier son deuoir, ou que le Transiluiain voulust disposer pleinement & souverainement de cette Prouince, ne se contentant pas d'en estre protecteur, & pour ce faire y voulust mettre vn homme du tout à sa deuotion, tant y-a qu'il auoit esté contraint de quitter sa place à eér Estienne. Lequel nouuellement estably en cette charge, ne faillit pas à ce qui luy estoit commandé, & ne pouuant pas tenir le droit chemin pour la crainte qu'il auoit des Tartares, il vint par les confins de la Transiluanie, trouuer l'armée du Prince, pour tirer de là en la Transalpine, & comme il approchoit de la des Transiluiains, il rencontra des Polonnois avec lesquels il eut quelque rencontre, pour le faire souuenir de son chemin: mais mal pour eux: car les ayant mis en route, il en fit vne grande deffaitte: puis tout riche des dépouilles de ses ennemis, il poursuivit son chemin & alla trouuer le Prince Transiluiain au chasteau de Terchuat. Ce qu'ayât entendu Jean Zamolsqui Chancelier pour le Roy de Polongne en la Podolie, fit au desceu du Roy vne grande leuée de soldats, & s'en vint faire vn rauge en la Moldaue, laquelle dégarnie de gens & de son chef, il ne luy fut pas mal-aysé de s'en emparer, y commettant pour Gouverneur vn nommé Hieremie, homme de basse condition, & qui iusques alors estoit sans aucune reputation: mais qui estoit fort auant aux bonnes graces du Chancelier.

Les Sicules
refusent de
porter les ar-
mes, s'ils ne
sont affran-
chis.

SIGISMOND qui voyoit Sinan à ses portes, fut grandement affligé du mauuais tour du Polonnois, & desiroit infiniment de s'en vanger: mais ayant en teste vn si puissant aduersaire, il fut contraint de dissimuler pour cette fois, remettant la partie à vne meilleure occasion, lors que les Turcs se seroient retirez. Vne autre affaire luy vint encores sur les bras, de non moindre importance: c'est que les Sicules qu'il auoit mandez au secours, protestoient de ne combattre point contre l'ennemy, que premierement on ne leur eust rendu la liberté qu'on leur auoit ostée, à cause de quelque rebellion qu'ils auoient faite quelque temps auparauant, à quoy il se trouuoit fort empesché: car ceux-cy qui se plaignoient, estoient les paysans & autre menu peuple, qui auoient esté assujectis aux nobles du pays. Or toute cette noblesse auoit tousiours suiuy les armées du Transiluiain, & auoit fait preuue maintes fois de sa fidelité, & maintenant qu'ils deuoient tirer recompense de leurs labeurs, leur aller oster leurs sujets & les priuer en ce faisant du meilleur & du plus clair de leur reuenu, il sembloit que cela seroit vne fort grande iniure, & de plus mauuais exemple encores pour l'aduenir, qui donneroit l'assurance d'oresnauant à ces peuples de faire des reuoltes à leur fantaisie; toutesfois le bien & le repos de la patrie preualut contre toutes ces considerations, la necessité forçant de leur accorder ce qu'autrement ils n'eussent iamais osé demander, si bien que la liberté leur fut donnée; ce qui accreut de beaucoup l'armée Chrestienne, qui estoit fort petite auparauant, & celle des Turcs au contraire, ce qui donnoit quelques fois de l'épouuente aux plus assurez: mais comme les Sicules furent arriuez, alors ils commencerent à mieux esperer: car ils n'estoient pas moins de seize mille hommes portans armes.

Aigle d'une
grandeur de-
mesurée prise
pres la tente
de Sigismond.

SIGISMOND voyant doncques son armée ainsi grossie remua son camp, & ayant passé les Alpes, non sans vne tres-grande difficulté à cause du chemin fangeux qui y estoit, il vint camper à Rukat, sur les confins de la Transalpine, aux extremitez & destroits des Alpes, où estant arriué, comme l'armée estoit occupée, tant à fortifier le camp qu'à dresser les tentes & pavillons, voicy vn Aigle de grandeur demesurée, qui venant des Alpes avecques vn vol fort prompt & precipité, vint fondre contre la tente du Prince; ce que voyans les soldats de ses gardes, qui d'auanture se trouuerent-là aupres, y accoururent incontinent, & cōme le grand corps de cet oyseau l'empeschast de partir de terre si promptement qu'il eust voulu, les soldats le prirent & le porterent au Tribunal du Prince. Cela fut cause de faire tenir maints propos sur cet accident, & le vulgaire des soldats, qui prennent pour augure les plus petites rencontres ordinairement, discouroient sur les significations de ce signe, & comme les imaginations sont diuerses, les idées qui s'y forment estans aussi differentes que les metheores & impressions de l'air, selon la nature de l'esprit, & les accidents qui s'y rencontrent, faisoient plusieurs coniectures, & tiroient autant de consequences de cecy, qu'ils tenoient pour vn prodige; les vns disoient que cette aigle delignoit Sinan Bassa, qui tomberoit entre les mains des Chrestiens, & que son armée seroit deconfite; d'autres que la peur dominoit, & qui conuertissoient toutes choses à mal pour estre

estre leur fantaisie preoccupee d'une fausse persuasion, disoient que cette aigle ne signifioit autre chose que l'Empire qui devoit estre assubjecty par les Turcs, & l'armée Chrestienne taillée en pieces, d'autant mesme qu'ils portoiert la figure de cét oiseau en leurs enseignes: l'evenement apprint bien-tost apres aux vns & aux autres ce que cela vouloit signifier, & par la lecture de cette histoire le Lecteur pourra iuger lequel deuina le mieux.

OR Sigismond desirant d'attendre le secours qu'il esperoit encores de l'Alemagne, & aussi afin de donner temps aux chariots, dont il y auoit vn grand nombre en son armée, de pouuoir passer plus à l'aise les mauuais chemins sans embarrasement, demeura-là huit iours, au bout desquels il fit marcher l'armée, & s'en alla trouuer le Palatin de Moldauié, où estant, & les armées fort proches les vnes des autres, il estoit bien mal-aysé qu'alloient tous les iours au fourage, elles ne fissent souuent des rencontres, vn chacun faisant des épreuues de sa valeur, comme des tentatiues, pour iuger du succez de la bataille: tant y-a que les Turcs ne pouuoient soutenir l'effort des Chrestiens, qui s'en retournoient le plus souuent chargez de leurs dépouilles; car ceux qu'on enuoyoit d'entre eux ordinairement au fourage, estans gens ramassez & mal armez, il n'estoit pas mal-aysé d'en auoir la raison: il y auoit toutesfois bien souuent de bons soldats qui s'y méloient, comme on vid que les autres faisoient le semblable: mais cela n'empescha pas que les Chrestiens ne fussent le plus souuent les vainqueurs; ce qui leur rehaussa tellement le courage, qu'ils ne desiroient autre chose que de pouuoir venir aux mains: car le nombre qui les auoit épouuenté du commencement, les assureoit doresnauant par l'accoustumance d'attaquer souuent l'ennemy, bien qu'il eust quelquesfois l'auantage sur eux, s'efforçans dauantage à l'enuy l'un de l'autre de faire mieux que leurs compagnons, ne demandans que quelque bonne occasion pour s'employer; au contraire des Turcs, qui voyans ceux-cy les poursuire sans relasche, perdoient beaucoup de leur assurance, & ne marchoiert point de bon cœur en cette guerre.

Sigismond va
joindre le Pa-
latin de Mol-
dauié.

CELA fut cause que Sinan délogea de là, & s'en vint camper à Tergouiste: mais Sigismond qui iugea bien que l'intention du Bassa estoit de prolonger le temps pour faire dissiper son armée, faisant cependant viure la sienne aux dépens de son pays, il le suiuit à la trace, & se vint camper en vne grande plaine, avecques resolution de liurer la bataille aux Turcs, s'ils la vouloient accepter: mais à peine les gens de cheual auoient-ils mis pied à terre, & les autres mis les armes bas, que voila vne grande rumeur qui vint en leur camp: car ceux qui auoient fait le guet la nuit precedente, estoient retournez tous épouuentez, à cause que quelques-vns qui estoient allez faire du bois à la forest prochaine, estans fort éloignez d'eux, ils s'estoient imaginez que c'estoit l'armée des Turcs qui venoit droit à eux, si que la frayeur leur faisant voir toute autre chose que la verité, ils prirent leur course droit au camp, & comme les soldats leur eussent demandé qui les mouuoit à fuyr si viste, ils dirent qu'ils auoient veu l'armée des ennemis qui s'en venoit droit à leur camp, ce qu'ayant entendu les soldats, ils coururent aussi-tost à leurs armes, & se disposerent de mesme que s'ils eussent deu rendre combat, incontinent le signal de la bataille fut donné: mais ils s'assemblerent avecques vn tel tumulte, qu'il estoit presque impossible de les faire mettre en ordonnance, & garder leur rang, peu suiuoient leurs enseignes, & tous en desfarroy sans suire aucun Capitaine, estoient fort incertains de leur salur. Chacun auoit fait son testament, & delia l'auant-garde estoit en ordonnance, & les Alemans en leur rang tous prests à combattre, si les Turcs eussent approché, quand on vint dire à Sigismond, que cela n'estoit qu'un faux bruit: ce qu'il enuoya dire incontinent par tout: mais cela ne fut pas assez puisât de rassurer ces esprits troublez & preoccupez par la frayeur, si qu'il fut contraint de faire crier à son de trompe que chacun eust à se maintenir en silence, sans faire aucune clameur à peine de la vie, ce commandement eut le pouuoir de faire rentrer chacun en son deuoir.

Sinā va loger
à Tergouiste.

PROCHE du camp de l'armée Chrestienne, & distant enuiron de la course d'un cheual, il y auoit vne montagne entre-coupee, sur laquelle on tient que Sinan Bassa monta pour contempler à son aise l'armée des Transsiluains, & la voyant beaucoup plus grande qu'il ne se l'estoit imaginée, & en si bonne conche, il pensa que le plus seur party pour luy, estoit de differer le combat, & le remettre en vn autre temps, ce qu'il communiqua à Haly Bassa & à Mechemet-beg principalement, estant d'aduiz qu'ils se retirassent à Tergouiste, place assez forte, tant par art que par nature, & cela comme en façon de fuite, afin d'occasionner les Transsiluains à les suire & les tirer en quelque place plus cōmode, pour les com-

1595.

battre. Que s'ils se resoluoient d'assiéger la forteresse, ils pouuoient aysément soustenir le siege, & cependant comme leurs ennemis seroient attentifs à cet assiegement, sans rien craindre d'ailleurs, il feroit en sorte, & prendroit son temps si à propos qu'il leur donneroient vne camifade si sanglante au plus profond de la nuit, & lors que les corps sont les plus assoupis de sommeil, qu'il en resteroit peu de tout ce nombre, pour en aller porter des nouvelles en leur pays, auquel ils pourroient apres entrer en toute facilité, puis qu'ils en auroient terrassé les deffenseurs, & s'en rendre les maistres: cecy & choses semblables deduisit Sinan à ce Conseil, encores que ceux qui escriuent cette histoire, disent que sa principale intention estoit de prendre la fuite. Ayant doncques laissé quelque peu de forces dans cette place, & apres qu'il l'eust munie de tout ce qui luy estoit necessaire, il remua son camp sur la quatriesme veille de la nuit, & s'en vint avec la plus grande haste qu'il luy fut possible à Bucarest.

IV.

Ordre & disposition de l'armée de Sigismond.

Le lendemain Sigismond au leuer du Soleil fait sonner la trompette, afin qu'un chacun eust à se ranger sous son enseigne, diuisant son armée en sept escadrons, qui ne contenoient pas moins de vingt-six mille chevaux, & de trente-cinq à quarante mille hommes de pied, sur toutes lesquelles forces il auoit estably son Lieutenant general Estienne Bochikaie, vn des plus grands Seigneurs de la Transiluanie, & lequel outre ce qu'il estoit aucunement parent du Prince, estoit extremement bien-voulu par tous ceux du pays, tant pour ses vertus, que pour ses richesses. Cét ordre donc estant donné, & faisant marcher son artillerie pres de l'infanterie Alemande, il fit aduancer ses troupes contre les Turcs: mais comme ils furent arriuez au lieu où ils auoient campé, voyant qu'ils s'estoient retirez, le Prince Transilvain craignant quelques embusches, & que Sinan luy voulust iouer de quelque stratageme, il commanda aux siens de se tenir tousiours en bataille, sans rompre leurs rangs, iusques à ce qu'on eut decouuert qu'estoient deuenus leurs ennemis: car il scauoit assez quels grands appareils le Bassa auoit faits contre luy, & qu'il s'estoit persuadé de conquerir en peu de iours la Transiluanie, & de le voir maintenant retirer sans combat, cela luy sembloit hors d'apparence.

Coueurs de l'armée de Sinan se viennent eux-mêmes rendre entre les mains de leurs ennemis.

Or quelques iours auparauant, Sinan ignorant la puissante armée des Transilvains, & le grand appareil qu'ils faisoient contre luy, tenant desia la victoire toute assurée, & que jamais son ennemy n'auroit l'assurance de l'attendre, encores moins de l'attaquer, auoit aduertty les siens qu'il ne decamperoit point de là de quinze iours. Cela auoit esté cause que plusieurs, & iusques au nombre de quatre mille, estoient allez au fourrage fort loin de là, & comme ils pensoient reuenir en leur camp, & trouuer leur armée où ils l'auoient laissée, & qu'ils fussent arriuez de nuit, ne pouuans pas discerner à qui ils auoient affaire, ils s'allerent ietter au milieu des troupes des Transilvains, qui en taillerent en pieces vn grand nombre, & en prirent beaucoup de prisonniers, le reste se sauua à la faueur de la nuit, laquelle se passa de cette sorte, sans qu'on permist aux soldats, le lendemain le Soleil mesme estant leué, de s'aller raffraichir: mais on les fit tousiours tenir en armes, iusques enuiron le midy, que ceux que Sigismond auoit enuoyez decouurir qu'estoit deuenue cette grande armée, luy eussent rapporté qu'ils auoient fort exactement fait leur recherche de toutes parts, & qu'ils n'y auoient reconneu autre apparence, sinon qu'ils s'estoient mis à la fuite, comme Sinan auoit fait aussi, pour ie ne scay quelle terreur panique qui luy auoit donné cette épouuente sans grand sujet: car tousiours son armée estoit-elle de beaucoup plus puissante que celle de Sigismond, & cependant il donnoit gain de cause à son ennemy, sans s'estre mis en deuoir de le combattre, estant cause que les siens perdirent le cœur, quand il se fallut deffendre à bon escient.

Sigismond va à Tergouiste.

TANT y-a que le Prince Transilvain voyant son ennemy en fuite, & luy voulant donner la peur toute entiere, ruminoit en soy-mesme lequel estoit le plus expedient, ou de poursuiure Sinan, ou d'aller assiéger Tergouiste: mais en fin il iugea qu'il estoit plus à propos de luy donner la clef des champs, & s'en aller à Tergouiste: car il eust esté trop dangereux de se laisser enfermer par derriere, comme il eust fait, s'il se fust mis à poursuiure Sinan, estant bien-aysé apres à ceux de la garnison de luy iouer quelque mauuais party, cela le fit aller tout droit à Tergouiste, assiegeant avec vne partie de ses forces la haute-ville, & avec le reste il s'en alla deuant le chasteau. Cette place est la ville capitale de la Valachie, & où les Princes Vaiuodes de cette Prouince auoient accoustumé de faire leur demeure, à laquelle commandoit pour lors Assan Bassa, outre ceux que Sinan y auoit laissez: car c'estoit le Sanjacat de cestui-cy. Sigismond poursuiuant doncques son chemin, & n'ayant pas encores pour six heures de temps pour aller iusques à Tergouiste, le quinziésme iour d'Octobre

d'Octobre de l'année mil cinq cens quatre-vingts-quinze, il parut sur le camp des Transsiluains vne Comette flamboyante, le Soleil estant ja leué, & le temps estant fort serain, qui fut veü pres d'une heure entiere par tous ceux de cette armée. Ce signe estant pris pour bon augure, encouragea davantage les soldats, si que sans se donner aucun relasche, ils eurent bien-tost fait leurs approches, & aussi-tost Sigismond se resolut de battre furieusement la place, & quelques-vnes des fortifications que Sinan y avoit fait faire, estans assez aysees à forcer, les Sicules trouverent vne inuention de faire vne sorte de feu artificiel, lequel ils iettoient sur les toits, tant des maisons que du chasteau, qui d'ailleurs estoit battu de l'artillerie en telle façon, que toutes les ruinesomboient sur les testes des assiegez.

CETTE batterie leur donnoit beaucoup d'affaires: mais ce n'estoit rien au prix de ce feu artificiel, lequel estoit comme inextinguible, quoy qu'ils y peussent faire; parmy cela, la plus-part des Transsiluains voyans les Turcs assez empeschez à se deffendre du feu, raschoient avecques des escheles de surprendre la ville, chacun faisant son effort de gagner le temps, tandis qu'il n'y avoit pas si grande resistance, toutesfois ils se deffendirent quelque peu; mais se voyans accablez de toutes sortes de miseres, & qu'aussi bien le feu les gaignoit tellement de tous costez, qu'il leur seroit impossible, ny de resister, ny d'avoir le temps de capituler, ils commencerent tous à penser de leur salut, & à se sauuer: or y avoit-il vne petite colline ignorée par les assiegeans, par laquelle il esperoient bien de s'enfuyr. Comme doncques ils commençoient desia à faire retraite, ils ne s'y peurent conduire si secrettement, que ceux qui les assailloient, ne s'en apperceussent: cela fit qu'aussi-tost ils monterent à cheual, & poursuivirent les fuyans si viuement qu'il en échappa peu qui ne passassent par le glaiue, ou par la chaisne: & quant à Haly Bassa, & à Mehemet-beg, que Sinan avoit laissez Capitaines de la forteresse, soit qu'ils eussent honte d'abandonner la place, & aymassent-mieux finir leurs iours en combattant, que de fuyr honteusement, ou se rendre laschement à leurs ennemis, ils voulurent demeurer dans le chasteau; mais cela n'empescha pas que les Transsiluains ne forçassent leurs fortifications, & ne se rendissent en fin les maistres de la place, dans laquelle estans entrez, les Sicules qui sont gens faits à rechercher exactement ce qui peut-estre caché dans les places de conqueste, trouverent alors Haly & Mehemet qui s'estoient cachez dans le chasteau, lesquels les amenerent au Prince Transsilvain.

Inuention de feu artificiel cause de faire rendre Tergouiste.

CES nouvelles furent bien-tost portées à Sinan, qui estoit lors à Bucarest, lesquelles luy donnerent vne telle épouuente, qu'il ne pensoit pas se pouuoir sauuer iamais assez à temps: ayant donc rassemble ses vaisseaux, il met le feu à cette ville de Bucarest, & ayant laisse-là tout ce qui le pouuoit empescher de tirer pays, poussé par ie ne scay quel desespoir, comme si l'ennemy eust esté desia à sa queue, il se mit honteusement en fuite, se hâtant le plus qu'il luy estoit possible, pour gagner Girgion, ou saint Georges. A Bucarest il y avoit vn temple fort somptueux & magnifique qu'Alexandre cy-deuant Palatin de Valachie, & duquel il a esté fait mention cy-dessus, avoit fait edifier: Sinan quelque temps auparauant avoit fait fortifier cette place de bonnes deffenses, & l'auoit environnée d'un bon rempart; de sorte que les fortifications de Tergouiste n'approchoient en rien de celles-cy: toutesfois la frayeur l'aveugla tellement, qu'il ayma-mieux abandonner la place, que de la disputer contre l'ennemy, qu'il tenoit si puissant & accompagné de tant de bon-heur, qu'il ne croyoit pas qu'il y eust place, tant forte eust-elle peu estre, qui peust resister à son effort; mais deuant que de partir, ayant fait creuser les fondemens de ce temple, il fit remplir le tout de poudre à canon, afin que l'armée Chrestienne venant à s'emparer de cette place, mettant le feu à la poudre, & faisant iouer cette mine, les soldats fussent accablez sous les ruines d'icelle: executant par ce stratageme, ce qu'il n'eust osé entreprendre à guerre ouuerte, toutesfois son dessein ne peust reüssir: car Sigismond avoit pris vn autre chemin que Sinan n'esperoit, & avoit laisse Bucarest à main gauche, de sorte que les Turcs qui auoient esté laissez-là pour faire iouer cette mine, pensans que les Chrestiens deussent entrer dans la forteresse, firent iouer leur mine: mais cela ne fit que ruiner la place, sans faire presque aucun dommage aux autres.

Sinan entend les nouvelles de la prise de Tergouiste.

OR Sigismond auant que de partir de Tergouiste, ne voulant rien hazarder que bien à propos, comme il avoit pris à la conqueste de cette place Hassan Bassa, qui y commandoit auparauant l'arriuée de Sinan, il le fit venir pour s'informer particulierement des affaires des Turcs, & comme il luy eust fait de grandes promesses s'il luy disoit la verité, & qu'il l'eust reciproquement menacé s'il la luy déguisoit, il s'enquit fort particulierement des

1595. affaires des Turcs, & principalement combien Sinan pouuoit bien auoir de gens de guerre alors quant & luy, ce qu'il auoit resolu de faire, & quel chemin il esperoit tenir, luy demande encores comment il auoit eul l'assurance de resister à vne si puissante armée que la sienne, veu qu'il auoit si peu de forces avec soy. A cela on dit que Hassan avec vn visage assuré, & vne parole qui tesmoignoit son grand courage, accompagné toutesfois de respect, luy respondit.

Qui decou-
ure les secrets
de Sinan.

Qv'il ne pensoit pas que Sinan eust pour lors en son armée plus de vingt-huict à trente mille hommes de combat, ayant distribué le reste de ses forces par les villes & forteresses, lesquelles ne se pouuoient pas rassembler en peu de temps: que si Chamus Prince des Tartares qu'on attendoit de iour à autre avecques vn grand secours, ne venoit en diligence, il ne pensoit pas que Sinan fust assez fort pour attendre le choc, ny qu'il voulut tenter la fortune. Ce qu'il pensoit donc que Sinan deuoit faire, c'estoit de s'en aller à Bucarest, en attendant l'euenement de Tergouiste, que si les choses reüssissent selon son desir, qu'il y pourroit demeurer quelque temps, sinon qu'il s'en iroit avecques les siens à saint-Georges, forteresse qui est sur le Danube; afin de se pouoir sauuer par la commodité du pont qui est en cet endroit-là: quant à ce qu'on luy demandoit comment il auoit osé soutenir l'armée Chrestienne avecques si peu de forces, il fit response que les persuasions de Sinan l'auoient incité à ce faire, qu'il s'estoit luy-mesme trop confié au secours qu'il attendoit de plusieurs endroits, entre autres du Palatin, que le Chancelier de Podolie auoit estably en la Moldaue qui deuoit amener cinq mille hommes, outre dix mille que luy deuoit enuoyer Sinan, chose qu'il tenoit si assurée qu'il n'en faisoit aucun doute; ce qui l'auoit fait opiniastrer dauantage: il adiousta encores que Sinan disoit que l'armée des Transiluiains n'auoit garde d'estre telle qu'on en faisoit courir le bruit, que leur plus grand nombre estoit de Sicules, lesquels du iour au lendemain, il s'asseuroit de faire tourner de son party, joint que tous ceux-cy estoient sans experience, & fort peu pratiquez & experimentez à la guerre: que si ce n'eussent esté toutes ces assurances, qu'il ne fust jamais demeuré à Tergouiste: mais qu'il connoissoit bien maintenant que Sinan l'auoit trompé en toutes choses, & l'auoit laissé à l'abandon de ses ennemis. Disoit de plus, que si Sigismond ne faisoit diligence de rompre le pont, qu'inafailliblement Sinan s'échapperait par iceluy, & que difficilement par apres le retiendrait-on dans les lacs où il estoit alors enfermé: mais que ce pont estant rompu, il falloit necessairement que Sinan tombast entre les mains du Prince Transiluin.

Pourquoy ce
Bassa decla-
roit si ouuer-
tement les
secrets des
Turcs.

Ce qui estoit à la verité donner toutes les instructions que Sigismond eust sceu desirer: mais ce qui faisoit parler ce Bassa si ouuertement contre les siens, & au desauantage de son Seigneur, c'estoit la grande haine qu'il portoit à Sinan: cette haine ayant commencé du temps du pere de Hassan, & auoit continué au fils, de laquelle Sinan luy auoit donné plusieurs occasions, comme ordinairement ceux qui commandent, abusent de leur autorité, principalement s'ils ont quelque pique contre ceux qui dépendent de leur puissance: cela estoit cause qu'il ne cherchoit par son discours que la ruine de Sinan, comme l'autre peut estre, qui ne se vouloit pas dégarnir de forces en sa retraite, l'auoit laissé en cette place avecques peu de gens pour y perir, voulant ainsi ruiner le fils de biens, de vie & de reputation, puis qu'il n'auoit pas esté assez puissant contre le pere, qui estoit en trop grand credit pour s'attaquer à luy: car le pere de ce Hassan estoit le Vizir de Mahomet, duquel il a esté amplement parlé cy-dessus: tant y-a que Hassan promit cent mille escus pour sa rançon, si on le vouloit mettre en liberté, priant cependant qu'il fust moins seuerement gardé. A tout cela Sigismond respondit fort peu de chose, le faisant remener avec ses gardes ordinaires, au lieu qu'il luy auoit deputé: mais ce discours cependant le fit resoudre à poursuiure Sinan, & à luy liurer le combat en quelque lieu qu'il le peust rencontrer.

V.
Sinan passe le
Danube, pour
se retirer.

Or Sinan au partir de Bucarest, auoit fait le degast par tous les enuiron, & mis le feu par tout où il auoit passé, afin que son ennemy ne se peust preualoir contre luy des commoditez qu'il y pourroit trouuer: cela fut cause que le Transiluin print vn autre chemin: mais comme il n'estoit plus qu'à deux milles de saint-Georges, on luy vint dire que Sinan auoit ja passé le Danube avecques vne partie des siens, le reste estant encores au deçà du riuage, qui n'auoit pas eu le temps de le passer: ce que scachant Sigismond, & voyant combien toutes choses le fauorisoient, dispose les siens pour aller attaquer l'ennemy: mais afin de ne rien faire mal à propos, il choisist vn nombre des plus vaillans, auxquels il commanda que s'ils trouuoient l'armée ennemie en l'estat qu'on luy auoit rapporté, ils fissent des escarmouches continuelles pour leur en empescher le passage. Ceux-cy trouuerent

en

en leur chemin plusieurs fourrageurs qui chassoient deuant eux plusieurs troupeaux de bestiaux, lesquels outre ce qu'ils ne s'attendoient pas à cette rencontre, n'estoient pas encores pour résister aux Transsiluains, qui estoient tous gens de main, de sorte que le plus seur pour eux, fut de se mettre en fuite: mais on les poursuivit de si pres, que la meilleure partie d'entre eux taillée en pieces, le reste se sauua comme il peust: peu furent pris prisonniers, lesquels estans menez à Sigismond, luy rapporterent les mesmes nouuelles de l'armée de Sinan. Cela le fit aduancer en diligence, & il y-a grande apparence que s'il eust suiuy le conseil de Hassan, il eust preuenu Sinan, & l'eust enclos, sans qu'il eust eu moyen de se sauuer: mais les affaires de la guerre estans bien plus aysées à discourir qu'à pratiquer, les accidens qui suruiennent changeans à tous momens, les resolutions aussi qu'on auoit prises, le contraignirent d'en vsfer ainsi.

QUANT à saint-Georges, c'est vne place qui est située en vne petite Isle que fait le Danube, de fort plaisante demeure, & comme elle estoit forte naturellement, encores auoit-elle esté beaucoup fortifiée par les Turcs. Pour y aborder il y auoit vn pont de chaque costé, le plus long qui regarde l'Alemagne, par lequel venoient les Transsiluains, lesquels ayans gagné ce premier pont, tascherent d'occuper le second; mais tandis que le premier se disputoit, Sinan & la meilleure partie des siens, se sauuoient par l'autre, ce n'estoit pas toutesfois sans grande confusion: car les Turcs sentans des-jà leurs ennemis à leurs espaulles, aymoient mieux se precipiter dans le courant du fleuve que d'attendre le tranchant de leurs espèces: mais comme la meilleure partie ne sçauoient point nager, aussi estoient-ils engloutis dans les ondes. Or Sinan pour empêcher que la cavalerie ne le poursuuiust, auoit fait vn rempar de chariots si fortement entrelassez, & en telle quantité, qu'il estoit impossible aux gens de cheual de les incommoder, ce que reconnoissant Sigismond, il commanda à ses gens de pied de faire en sorte qu'ils rompissent cette barricade de chariots, afin qu'ayans gagné le petit pont, ils missent vn plus grand desordre en l'armée Turquesque: Ces gens de pied qu'ils appellent Pixidaires, sont les plus vaillans de ces contrées, & ceux en qui le Transsiluain auoit le plus d'esperance. Ceux-cy doncques pour ne point dementir la reputation qu'ils s'estoient acquise de longue-main, bien-ayés encores d'auoir esté choisis comme les plus hardis de toutes les troupes; pour allér attaquer & mettre en desordre l'ennemy, donnerent d'vne telle furie dans cette multitude fuyante & des-jà toute épouuée, faisans vne telle scopetérie, ou, plustost vn tel abbatis de Turcs, que le Danube remply de corps morts, & ses eaux conuerties en sang pour l'abondance qui s'y en repandoit, perdoit non seulement son courant: mais encore estoit-il presque impossible en cet endroit-là d'en puiser, (quand on en voulut donner aux bestes apres le combat,) qu'on n'eust avecques l'eau puisé quelque corps mort, ou d'hommes ou de cheuaux, tant ils y estoient à tas, quelques-vns encores demy-morts & pleins de playes se voyoient flotter sur les eaux avecques des gemissemens & cris lamentables.

LES Turcs qui estoient de l'autre costé du fleuve voyans vn si grand eschec qu'on faisoit des leurs, taschoient de les secourir à force de coups de canon: mais soit que leur canon fust mal situé, ou que leurs canonniers ne sceussent pas leur mestier, tant y-a que la meilleure partie de leurs coups fut tirée en vain: mais il n'en estoit pas de mesme du costé des Chrestiens, qui auoient de fort bons canonniers, si qu'ils ne tiroient gueres de coups sans donner quelque atteinte; aussi de cinq vaisseaux qu'ils auoient sur le Danube, les trois se sauuerent, les deux autres vinrent en la puissance des Transsiluains. Lesquels ayans ainsi gagné le premier pont avecques vne grande perte de leurs aduersaires, qui toutesfois le disputèrent, comme on dit, trois iours durant, quelques gens de pied de ceux qui estoient à la solde du Palatin de Moldaue, n'estans seulement que deux enseignes, marcherent comme pour aller gagner l'autre pont: ce que voyans les Turcs, & craignans que toute l'armée eust pareil dessein, bien qu'il n'y eust encores en cela rien de resolu, ils commencerent incontinent avecques des coignées à abbatre le pont, pour le moins quelques arcades, pour empêcher leurs ennemis de passer outre: de façon que l'armée des Transsiluains demouroit en ce faisant au milieu de ses ennemis, ayant d'vne part le chasteau, & de l'autre l'armée de Sinan: mais ceux de cette forteresse n'auoient point de poudre à canon: car Sinan auoit fait transporter toute cette poudre dans les chariots, qui eust esté tres-necessaire alors à ceux qui estoient dedans cette place. Mais l'arriuée inopinée des Transsiluains auoit esté cause qu'on n'auoit pas eu le temps de la transporter, & si fut inutile par apres: car comme la nuit fust venue là dessus, ceux qui alloient çà & là sur ces chariots, soit par ignorance ou pour quelque autre raison qu'on n'a peu sçauoir, le feu s'y mit, qui

1595.

Situation de
saint-Geor-
ges.L'artillerie
des Turcs ne
fait aucun ef-
fect.

1595.

Prudente pa-
tience de
l'armée Chre-
stienne.

fit aller le tout en fumée, sans presque faire aucun dommage à l'ennemy.

Les choses s'estans donc passées ainsi iusques au soir, les gens de cheual des Transsiluains ne voulurent point toutesfois quitter les armes, pour la crainte qu'ils auoient que les Turcs, durant l'obscurité de la nuit, montans sur les vaisseaux, ne passassent le fleuve, & ne leur dressassent quelques embusches; non seulement eux, mais toute l'armée Chrestienne demeura toute cette nuit-là sans dormir, mettant par tout de bons corps-de-garde, pour voir ce que voudroient faire leurs ennemis. Mais comme Sigismond eüst veu le lendemain que toutes les embusches & les efforts des Turcs n'estoient pas beaucoup à craindre, il se campa au mesme lieu où il auoit passé la nuit, & se seruant des mesmes artilleries dont ceux de Tergouiste s'estoient seruis contre les siens, il dressa sa batterie contre la forteresse, qui ne leur fut pas mal-aysée à prendre, ceux de dedans estans mal fournis de poudre à canon, comme il a esté dict, aussi ne ruoient-ils que des pierres contre leurs aduersaires: mais cela ne pouuoit pas durer long-temps: car outre ce qu'ils n'en auoient pas si grande multitude, le coup n'estoit pas si puissant, joint le grand nombre de leurs ennemis qui entouroient la place, lesquels montans auecques des escheles, ou par les bresches, malgré toute la resistance des assiegez, se rendirent en fin les maistres de la place, à la veüe mesmes de Sinan.

Qui auoit
esté près de
cent ans sous
la domina-
tion des Turcs.

C'EST ainsi que cette place tres-forte & tres-importante, & qui auoit esté pres de cent ans sous l'Empire des Turcs, vint en fort peu de temps en la puissance des Transsiluains, bien qu'il y eüst à la portée du canon vne grande armée de Turcs, conduite encores par vn de leurs meilleurs Capitaines, & qui auoit fait de plus belles choses contre les Chrestiens en la Hongrie, ceux-cy ayans eu leur reuanche à cette fois, de ce qui s'estoit passé à Iaurin & en plusieurs autres lieux. Sigismond toutesfois ne fut pas d'aduis d'y laisser dedans beaucoup de gens-de-guerre, à cause que cela estoit trop éloigné du secours de la Transsiluanie, & trop exposé aux courses & inualions ordinaires des Turcs: & d'vn autre costé ne voulât pas laisser la place en tel estat que ses ennemis s'en peussent seruir par apres, il y fit mettre le feu, & demolir le pont qui n'estoit fait que de vaisseaux assemblez ensemble. Ce qui ayant esté fort heureusement & facilement executé, par vne singuliere & fauorable assistance diuine, Sinan se retira auecques sa grande honte, apres auoir perdu depuis Tergouiste & Bucarest, iusques à la prise de saint Georges, bien pres de vingt-cinq mille hommes. Outre le butin que les Transsiluains y firent, qui fut fort grand, ils recourent trente-six grosses pieces d'artillerie, que le mesme Sinan auoit prises l'année precedente; quand suiuant le cours de ses victoires, il auoit conquis l'Isle Scytique. On deliura encores quatre mille Chrestiens, outre les femmes & les enfans, que cette armée des Turcs auoit pris en la Valachie: mais ce qui fut le plus notable, c'est qu'en cette seule guerre, qui dura fort peu de temps, les Chrestiens reconquirent ces trois grandes Prouinces de Transsiluanie, Valachie, & Moldaue, tant la diuine Prouidence voulut fauoriser le Prince Transsiluain, que ce que non seulement ses ancestres, mais toute l'Alemagne mesmes, & ses plus grands Empereurs n'auoient peu executer par tant d'années, luy en peu de mois secoüa le ioug de l'Empire Turquesque, reconquit les terres qu'il auoit vsurpées sur luy & sur ses voisins, le chassa de toutes ces trois Prouinces, ruina son armée, & le contraignit de se retirer à sauueté, & se tenir pour vaincu.

Sigismond se
retire en Trans-
siluanie.

CE qu'ayant fait, il traita des affaires de la Prouince auecques le Palatin, prenant quelques troupes auecques luy, & laissant le reste de son armée à Estienne Bockaie, il s'en alla deuant à Brassouie, où il attendit Bockaie, lequel le vint trouuer auecques le Palatin Estienne de Moldaue, où estans arrivez auecques toute l'armée, on en choisist seulement deux mille Sicules, pour se joindre au Moldaue, afin de le restablir en sa dignité, & ayant demeuré quelque temps à Brassouie, il retourna à Albe-Iule avec vn tres-grand applaudissement de tous ces peuples pour les choses qu'il auoit si heureusement executées. Mais afin qu'on voye tout d'vne suite ce qui s'est passé sous ce Prince: au mesme temps qu'il poursuivoit Sinan, les siens prirent la forteresse de Ienne, vne place qui est entre Iule & Themiswar, dans laquelle il y pouuoit auoir quelques sept cens hommes, sans les femmes & les enfans: on permit à tous de se retirer à Panode en toute assurance, les hommes ayans le cimenterre au costé: mais on decouurit que les Turcs auoient vne secrette intelligence avec ceux de Themiswar, cela fut cause qu'ils furent laissez par leur conduite, & aussi-tost attaquez par les pasteurs des enuiron, qui les enuironnerent sur ce chemin, d'autant qu'ayans eu le vent de leur dessein, ils s'amasserent bien iusques à quatre cens, & ayans pris leurs dépouilles, poursuivirent leur pointe iusques à Panode, où les autres estoient en

en embuscade, esperans que les Chrestiens se deussent aduancer iusques-là, où il y eut vn long & cruel combat : mais en fin les pasteurs demurerent vainqueurs, mirent leurs ennemis en fuite, & prirent six pieces de campagne : cela apporra plusieurs commoditez à Varadin, & rendit les chemins asseurez entre Iule & Themiswar, & quelques milles à l'entour : ce mesme iour encores qu'on print la forteresse de Ienne, Villagosmar se rendit, ceux de la garnison sortirent bagues sauues, à condition qu'ils n'entreroient dans aucunes forteresses de la contrée, ains s'en iroient au loin où bon leur sembleroit.

C'ESTOIT ce qui se passoit avec Sinan : mais les Turcs n'auoient pas moins à souffrir en la Hongrie : car alors estoit chef de l'armée Imperiale le Comte Charles de Mansfeld, fort sage & aduisé Capitaine, aussi secret en ses entreprises, que seuer en ses commandemens, tesmoin la punition qu'il fit de quelques Alemans, qui refusoient de venir au rendez-vous qui leur auoit esté donné : car ceux-cy ne voulans pas suiure leurs Capitaines, deputerent neuf d'entre eux, pour demander au Comte leur paye, le Comte sans s'estonner de cette seditieuse façon de proceder, commanda que ceux-cy fussent pendus, lesquels bien estonnez d'oüyr vn iugemēt tout autre à ce qu'ils auoient esperé, vinrent aussi-tost aux prieres, implorerent misericorde, & confesserent leur faute, on pardonna à trois, & le sort ietté sur les six autres, deux furent pendus pour exemple. Cette prompte execution maintint les autres en leur deuoir, & les fit incontinent ranger sous leurs enseignes, encores n'auoit-il pas moins de bon-heur à tout ce qu'il entreprenoit. Ce Capitaine donc si excellent, ayant fait aduancer son armée en l'Isle de Schiuch le plus secrettement qu'il luy auoit esté possible, auoit enuoyé rauager les enuirs de Totim & de Strigonic, laquelle cependant il faisoit reconnoistre le plus secrettement que faire se pouuoit, tant en ses murailles qu'autres fortifications qu'on y auoit peu faire depuis le dernier siege, & voir diligemment où elle se pourroit plus commodément assaillir.

CESTE armée estoit composée de treize mille neuf cens cheuaux, & cinquante & vn mil cinq cens hommes de pied, en cette sorte : le Pape à ce qu'on dict, fournissoit mille cheuaux, & douze mille hommes de pied, Florence cinq cens cheuaux, & trois mille pietons, Ferrare mille cinq cens hommes de pied, Mantouë mille, Viterbe cinq cens cheuaux, Tirol quatre mille pietons, Bauiere trois mille, Boheme deux mille cheuaux, & six mille harquebusiers, de Silesiens quinze cens cheuaux, & six mille hommes de pied, de Lusaciens cinq cens cheuaux, & mille pietons, d'Austriens deux mille cheuaux, & six mille hommes de pied, de Hongrois mille & cinq cens cheuaux, de la Saxe superieure douze cens cheuaux, de l'inferieure six cens, de la Franconie mille, Sueue quatre mille hommes de pied, la Noblesse de Sueue du Rhin & de Franconie quatre mille : Charles Comte de Mansfeld auoit mille cheuaux armez de toutes pieces, mille harquebusiers à cheual, & six mille hommes de pied Vuallons. Avecques toutes ces forces le Comte Charles s'achemina, comme nous auons dit, en l'Isle de Schiuch ; & pour mieux abuser les Turcs, il fit semblant d'assiéger Totim, auparauant que Strigonic, & pour leur en imprimer dauantage la creance, il enuironne plusieurs fois cette place, & fait semblant de la reconnoistre, mine encores de vouloir loger en son faux-bourg, mande à Vienne qu'on luy enuoye par le Danube nōbre de faissines, mantelets & gabions, qu'il auoit desia fait preparer deuant que de partir : mais pour s'éclaircir dauantage des affaires de ses ennemis, il se fit amener quelques Turcs qu'on auoit pris prisonniers, le premier desquels n'ayant voulu rien dire, il le fit pendre & decouper avecques des razoirs en presence des deux autres, qu'il menace de pareille peine, s'ils n'obeyssent & ne disent ce qu'ils scauent. Ceux-cy intimidez par ce cruel supplice, disent que le grand Seigneur auoit destiné toutes les forces de cette année contre la haute Hongrie, Transiluanie, & Moldaue, ne luy en restant point pour enuoyer contre la basse Hongrie.

CE qu'estant sceu par le Comte, il fit aussi-tost ietter des ponts sur le Danube & sur l'Vuage, puis passa son armée bien en ordre, & tout à son ayse, surprenant ainsi la garnison de Strigonic, qui sur la creance qu'elle auoit que les Alemans vouloient assiéger Totim, s'estoit en partie iettée dedans, pour la deffendre, Et de fait, le Comte pour leur confirmer dauantage cette opinion, estoit venu avec vingt-cinq ou trente mille hommes entourer cette place, & l'auoit fait sommer de se rendre, tandis qu'il auoit depesché Palfy avec ses Hidoucques pour surprendre le faux-bourg de Strigonic, & s'en rendre les maistres, enuoyant d'autre-part les Houllarts tenir la campagne pour empescher qu'aucun secours n'entraist dans cette place. Palfy ayant fait habiller ses Hidoucques en Turcs, vont rasans la ville de Bude, laquelle ne voulans passer sans faire quelque rasle, ils rencontrerent quelque

1595.

Seuerité du
Comte de
Mansfeld.

VI.
Denombre-
ment de l'ar-
mée Chre-
tienne.

Ceux de Stri-
gonie pris au
dépouilleu.

1595. cinquante Turcs qui trompez par l'apparence de cét habillement, approcherent en assurance : mais mal pour eux : car les cinquante demeurèrent sur la place, & tout d'une mesme haleine, ayans trouué vn nauire à la rade du Danube, entre Bude & Strigonie, ils le pillèrent où ils trouuerent quatre-vingts Turcs, dont ils emmenerent quinze prisonniers en l'armée fort richement vestus, cela leur fut vn bon augure que leur entreprise reüssiroit à souhait : & de fait, venus aux faux-bourgs de Strigonie, ils trouuerent tout paisible, comme en vne pleine paix, pas vn des habitans ne s'attendant d'auoir cette nuit-là de si mauuais hostes, sentans plustost le trenchant de l'épée de leur ennemy, qu'ils ne se furent aduisez de se mettre en deffense.

Les Turcs en-
uoyent leurs
femmes &
leurs enfans
à Bude.

Il estoit cependant suivy du Comte Charles, lequel arriua deuant Strigonie le premier de Iuillet si à l'improuiste, que les Turcs effroyez d'une si puissante armée, eurent à peine le temps d'enuoyer leurs femmes & leurs enfans à Bude par dessus le Danube, & iugeans bien que leur nombre n'estoit pas suffisant pour resister à vne si grande puissance, & que s'ils vouloient s'opiniastrer à deffendre tout ce qu'ils tenoient en Strigonie, qu'ils se pouuoient assurer d'estre la proye de leurs ennemis, ils quitterent de bonne heure la haute ville où demeuroient les Rasciens, & ruinerent le port siz au pied du mont saint-Thomas, non toutesfois sans grand tumulte. Le lendemain le Comte enuoya reconnoistre cette place que les autres venoient d'abandonner, & n'y trouuant personne de resistance, il y fit entrer quelques enseignes de Vualons seulement pour sa garde, & aussi-tost fait faire vn pont de radeaux, barques, clißes, & autres matieres propres, sur le Danube, faisant mener grand nombre de fascines des forests voisines sur les chemins, & chercher cheuaux & chariots pour plus commodement amener les canons de batterie, & leurs munitions en l'armée, desirant d'estonner autant les Turcs par sa prompte diligence, que par ses forces, afin que sur ces grands preparatifs, & l'ordre qu'il apportoit à toutes choses, il iugeast que le succez de ce siege seroit autre que celuy des années precedentes : Or vouloit-il attaquer la basse-ville, & commencer par elle sa batterie, afin que ses soldats peussent aller plus facilement à la bresche : pour à quoy paruenir, il fit remettre en deffense le fort que les Turcs auoient demy ruiné, y laissant dedans vn bon nombre d'hommes avecques quatre gros canons pour battre les murs de la ville, laquelle auoit esté merueilleusement fortifiée par les Turcs, car outre ce qu'elle estoit forte d'assiette, comme vous auez peu voir cy-dessus en la vie de Solymán : ce Prince scachant bien de quelle importance luy estoit cette place, auoit fait faire de meilleures & plus fortes murailles qu'auparauant, qu'il auoit appuyées d'époisses espaulles, & enuironnées de bonnes contre-escarpes, le tout bien deffendu de bouleuers, bastions, esperons, demy-lunes & collidors, & depuis les Sultans ses successeurs auoient esté tousiours fort soigneux d'y entretenir vne puissante garnison, & de munir la place de tout ce qui luy estoit necessaire, laissant dedans fort grande quantité d'artillerie.

Le Comte de
Mansfeld fait
faire des prieres
publiques

TOUTES ces choses estoient assez suffisantes pour estonner celuy qui s'y voudroit adresser, aussi arresterent-elles le Comte Charles, iugeant bien que cette place luy feroit perdre bon nombre d'hommes, sans faire grand fruit, & qu'elle seroit imprenable pour eux, sans l'assistance diuine : c'est pourquoy il fit faire des prieres publiques à Vienne, Presbourg, Trage & autres villes, afin d'implorer d'en haut vn secours favorable, sans lequel il n'esperoit pas venir à bout de ses desseins : & avecques cette croyance s'assurant d'un heureux succez, pour ne rien oublier de ce qui estoit de son deuoir, ayant reconnu qu'une des plus grandes fautes qu'eussent fait les autres chefs qui estoient deuant cette place durant le premier siege, c'estoit d'y auoir laissé entrer du secours, ayant esté aduertty qu'on y enuoyoit de Bude quelque renfort de Ianissaires, qui estoient desia arriuez dans la forteresse de Vilsegrade, il fit en sorte qu'il boucha le passage, tant de leur route que de leur retraite, faisant vn fort proche de la forteresse de Kicheren, pour oster toute esperance, aux Turcs d'y faire entrer d'oresnauant aucun secours. Les choses estans ainsi disposées, il s'empare de l'Isle qui est au deuant du chasteau, de laquelle il a esté fait mention ailleurs, en laquelle il bastist vn fort où il logea cinq cens harquebusiers, faisant cependant iouer vne baterie continuelle contre la basse-ville : finalement le quinzième iour de Iuillet la batterie fut redoublée si furieusement, qu'elle fit des bresches plus que raisonnables de toutes parts, de sorte qu'il sembloit qu'il ne tenoit qu'à se hazarder à l'assaut, pour se rendre maistre de cét endroit-là.

Assaut à Strigonie.

Le Comte conduisant les siens & eux le suiuan avecques vne telle allegresse & valeur, que malgré la gresle des fleßches & des arquebusades qui leur estoient tirées par les assiegez,

gez, ils gagnerent le haut de la terrasse: mais tout cela fut en vain, à cause d'une large & profonde fosse qui estoit au pied d'une terrasse dans la ville, laquelle estoit remplie de bouë & d'eaux espoisses & relantes en façon d'égout: de sorte qu'outre sa largeur, il estoit impossible encores de la passer que par dessus vn pont qu'il falloit dresser pour cet effect: au delà de cette fosse il y auoit vn contre-mur élevé avecques de bons flancs, & au pied de ce mur du costé des assiegez, il y auoit encor vn autre fossé profond & difficile à passer: cela toutesfois n'empescha pas les Vualons de franchir toutes ces difficultez: mais ce n'estoit rien fait qui ne surmontoit les hommes, lesquels estoient tous prests à soutenir le choc: ce qu'ils firent si courageusement, qu'ils forcerent les Vualons de reculer & d'abandonner la place, apres y auoir perdu la meilleure partie de leurs hommes. Alors les Turcs se seruans de leur aduantage, se resolurent à reprendre l'Isle n'aguères prise sur eux, & qui leur estoit tres-importante, si bien qu'ayans mis environ trois mille hommes dans deux galeres & en quelques autres vaisseaux, ils aborderent assez facilement dans l'Isle, qui estoit gardée par les Haidouques de Palfy, lesquels ils taillerent en pieces à la veüe des assiegeans, sans pouuoir estre secourus faute de vaisseaux, & laissant bon nombre d'hommes & de munitions pour la deffense du lieu, se retirerent à Strigonie.

Le lendemain le canon ayant fait encores de plus larges ouuertures à la terrasse, & les Les Hidouques repoussés. Hidouques ayans voulu entreprendre de s'en emparer, les Turcs les ayans laissez approcher du commencement, comme n'ayans pas le cœur de se deffendre: en fin ceux-cy pensans auoir ville gagnée, se trouuerent si viuement repoussez, qu'ils furent contraincts de tout quitter, cela donna encores de l'épouuente aux Bohemes, qui tenoient vn fort qu'on auoit dressé deuant la basse-ville, lequel ils quitterent, sans toutesfois qu'il en arriuaist autre danger: le Comte estoit en termes de faire pendre les chefs de ces fuyards: car ç'a bien esté le Capitaine le plus seuer de tous ceux qui estoient en cette guerre de Hongrie: mais il fut appaisé par la valeur & hardiesse d'un Vualon, lequel ayant grauy iusques au haut de la montagne où le chasteau de Strigonie est situé, & voyant vn drapeau dans vn fort de l'ennemy, il tasche de l'enleuer pour l'emporter: mais il ne peult y atteindre de la main, & fut contrainct de tascher de le couper avecques son espée pour l'attirer à luy, quand les Turcs qui le decouurirent luy tirerent tant de coups d'harquebuzes & de flesches, qu'en fin il fut blessé de deux harquebuzades qui le porterent par terre, d'où se relevant comme il se mettoit en deuoir de descendre de la montagne pour retourner au camp, vn Turc le suiuit de fort pres le coutelas au poing: le Vualon entendant du bruit, se retourne, & voyant certuy-cy à ses espauls, bien que mortellement blessé, ne laissa pas de se deffendre & ayant son harquebuzes en la main de le coucher en ioüe, si iustement qu'il le renuersa par terre, & aussi-tost tout boiteux qu'il estoit, il s'aduança courageusement contre son ennemy, auquel il arrache son cimenterre d'entre les mains, & luy en tranche la teste qu'il apporta au Comte pour marque d'un si valeureux exploit, lequel l'ayant fort loué d'un acte si valeureux, luy fit encores vn fort bon present.

Or les assiegez se voyans pressez sans relasche par l'armée Chrestienne, & ayans conceu quelque bonne esperance sur les rencontres precedents, esperoient que s'ils ne pouuoient forcer l'armée de se retirer, au moins la pourroient-ils si mal-mener à cette fois, qu'elle perdrait l'enuie cy-apres de les poursuiure si chaudement, & leur donneroit quelque relasche: mais la principale occasion de cette sortie, c'estoit que le Bassa de Bude auoit dessein de couler dans le port deux galeres chargées de prouisions necessaires aux assiegez, s'assurant d'y pouuoir entrer en seureté, tandis que l'armée Chrestienne seroit attentue à se deffendre contre ceux qui estoient sortis: mais ils auoient affaire à vn chef trop vigilant, qui auoit donné ordre pour la garde du port, & laissé des forces pour repousser ceux qui en voudroient approcher, comme il en auoit enuoyé d'autres qui firent quitter aux Turcs le fort que les Bohemes auoient quitté, & duquel ils s'estoient emparez avecques sept enseignes, vne bonne partie desquels fut taillée en pieces, le reste se sauua, comme il peult en la forteresse, de sorte que les affaires des assiegez s'en alloient en fort mauuais termes, s'ils n'estoient promptement secourus.

Les nouvelles de ce siege estans portées à Constantinople, affligerent fort le Sultan, n'ignorant pas de quelle importance luy estoit cette place, & ce qui le touchoit de plus pres, c'estoit le peu d'hommes qu'il auoit lors au tour de sa personne pour y donner secours: car Sinan estoit en ce temps-là assez empesché cōtre le Transiluzain, sans le destourner, ou luy diminuer son nombre; de sorte qu'il enuoya le Beglierbey de la Grece avecques ce qu'il auoit de forces pour lors, & escriuit aux Bassas de Bude & de Belgrade qu'ils eus-

Sortie de ceux de Strigonie & leur deffense.

VII.
Mahomet enuoye du secours aux assiegez.

1596.

sent à assembler les forces des places circonuoinfines, & faire en sorte que cette-cy fust promptement secourüe & le siege leué: mais à celuy de Bude particulièrement, qu'il eust à suivre le conseil de Haly-beg, fort sage & expérimenté Capitaine, qui auoit esté longtemps Gouverneur de Strigonie, & qu'il l'aduertist de tout par le Janissaire Scender, fort bon & valeureux soldat, tant de l'estat des assiegez, que de tout ce qui s'estoit passé durant ce siege: car Mahomet s'estant fié sous la conduite & les vanitez de Sinan, qui luy promettoit, non pas la conseruation de ce qu'il auoit acquis, qui eust esté trop peu de chose: mais la conquête de tout ce que tenoient les autres, voire mesme la ville de Vienne, & de faire rentrer les Vainodes de Transiluanie, Valachie & Moldaue en leur deuoir, luy rendant ces Prouinces-là aussi paisibles qu'auparauant, ne se soucioit à Constantinople, qu'à se donner du bon temps, ne pouuant estre réuëillé du sommeil du vice, ny estre tiré de son oysiueté, qui luy seruoit comme d'oreiller, où il se laissoit assoupir dans ses voluptez, iusques à ce que la necessité de bled & autres grains qu'il y auoit à Constantinople, causast vne grande famine: car la Transiluanie, Valachie, Moldaue & Bulgarie estans comme les greniers où se reseruent les grains necessaires pour la nourriture de cette grande cité, & plusieurs autres commoditez, de vins & de chairs qui se tirent de ces Prouinces, estoient lors fermez par la reuolte, le trafic du Danube & du pont Euxin ayant cessé, & outre cela voyant ses principales places, les vnes prises, & les autres assiegées par les Chrestiens: cela le tira vn peu d'vn si profond endormissement: mais ce fut si tard, qu'il luy fut apres bien mal-aylé, voire impossible, de reparer les fautes de ses Officiers.

Armée des
Turcs pour le
secours de
Strigonie.

LESQUELS desirans obeyr à leur Prince, & faire quelque braue exploit, en l'absence principalement de Sinan, afin d'acquérir d'autant plus de reputation, s'assemblerent iusques à vingt ou vingt-cinq mille hommes; ce qu'ils firent secrettement sçauoir au Gouverneur de Strigonie, lequel ayant assemblé toute la garnison, luy auoit fait iurer de ne parler iamais de se rendre: mais de mourir tous plustost iusques à vn, que de manquer à leur serment. Tandis que les Turcs pensoient à donner quelque secours à leurs gens, Palfy Baron d'Ordep, vn des principaux chefs de l'armée Chrestienne, & duquel il a desia esté fort souuent parlé, auoit fait ce qu'il auoit peu, pour se rendre le maistre du fort de Kecheren. Comme donc son artillerie eust mis par terre les murailles, il n'y auoit rien qui l'empeschast d'aller à l'assaut: mais la place estoit encores assez forte, & la garnison qui estoit dedans assez courageuse pour luy donner beaucoup de peine: car durant le premier siege de Strigonie, cette puissante armée Chrestienne qui assiegea aussi alors Kecheren, ne s'en peust rendre la maistresse: il cherchoit doncques quelque stratageme pour les pouuoir surprendre, & coudre la peau de renard à celle de lion. Pour ce faire il enuoye les Moraves & les Hongrois à l'assaut qu'il fait donner par cinq endroits, faisant marcher parmy les assaillans quatre-vingts Hongrois, vingt à sçauoir avecques de longs crocs & agraffes, vingt avecques des escheles, vingt avecques des flambeaux, & vingt avecques des fascines seiches, avecques vne instruction qu'il leur donna, d'épier le temps que tous seroient les plus attentifs au combat, & de mettre alors le feu dans le fort. Cette inuention fut la cause du gain de cette place: car les Turcs attentifs à se bien & vaillamment deffendre sur la bresche, sentirent aussi-tost le feu à leurs espaules, si que se voyans combattus par le fer & par les flammes, ilsh'auoiét point d'autre refuge qu'à se lancer sur les balsteaux qui estoient-là sur le riuage; mais ils furent poursuiuis si viuement par les victorieux, qu'ils furent contraints de retourner à la charge, où la plus grande partie fut taillée en pieces, le reste noyé, avecques ceux qui estoient dans vn vaisseau qui auoit esté poussé avecques vn autre par le vent dans le port, malgré qu'ils en eussent, si bien que l'vn fut emporté iusques contre la place, où ceux qui estoient dedans, se ietterent: mais ce fut pour y finir leurs iours par le feu, qui dominoit de telle sorte, agité qu'il estoit encores par le vent, qu'il se porta iusques au bourg où il brûla quelques maisons. Ceux de l'armée des Turcs voyoient bien cette flamme de loing: mais ils ne pouuoient iuger d'où cela procedoit: cecy aduint le vingtiesme iour du mois de Iuillet, au mesme temps presque que le Comte de Serin print Bebeth, vne bonne place aupres de Zighet, dans laquelle il trouua dix canons & plusieurs munitions.

Lettres interceptes par le Comte de Mansfeld.

CEPENDANT les assiegez estoient pressés de fort pres, & souffroient beaucoup de necessité dans la ville; ce qu'on conneut par des lettres que le Gouverneur de Strigonie escriuoit au Bassa de Bude, l'assurant qu'il n'estoit pas possible qu'ils peussent tenir encores six iours, s'ils n'estoient promptement secourus. Ces lettres tomberent entre les mains du Comte de Mansfeld, lequel les ayant veuës & refermées, il promit vne fort bonne recompense

recompense au messager, s'il luy en rapportoit la responce: ce que l'autre ayant fait, il vid par icelles que leurs forces estoient toutes prestes, & qu'ils auoient resolu de combattre leurs ennemis, & d'y perir plustost tous iusques au dernier, qu'ils n'eussent fait leuer le siege. Le Comte estant aduertý par cela de ce qu'il auoit affaire, ordonne tout ce qui estoit necessaire en son armée: car les Turcs se mirent aussi-tost en campagne, & voulans faire sçauoir leur arriuée aux assiegez pour les consoler, firent plusieurs courses par la campagne, & plusieurs allarmes qu'ils donnerent au camp des Chrestiens, duquel ils emmenerent quelques harats qui passoient pres de la closture. Or estoit-ce vn stratageime dont les Turcs vsoient pour attraper les Chrestiens: car ils auoient mis vn peu loin de là vn bon nombre des leurs en embuscade, afin que feignans de fuyr, ils y peussent attirer les autres, ce qui leur reüssit si à propos, qu'ainsi qu'ils emmenoient quelques bestes de voiture, ceux de l'armée Chrestienne ne pouuans souffrir que cela se fist à leur veüe, sortirent de leur enceinte, & poursuivirent ces picoreurs: mais ayans fait quelque resistance, plustost par bonne mine, qu'avec intention de ce faire, il se mirent bien-tost en fuite, doucement toutes-fois, tant qu'ils eussent attiré leurs ennemis dans leurs embusches. Alors les Turcs de sortir sur eux, & comme ils estoient en plus grand nombre, & que les autres ne les peussent soutenir, il leur venoit à tout propos du secours du camp, comme aussi faisoit-il du costé des Turcs, si que ce combat dura assez long-temps, & se termina à l'aduantage des Turcs, qui tuerent plusieurs de leurs aduersaires, & en bleïserent encores vn plus grand nombre.

CETTE heureuse rencontre leur donna courage de tenter le hazard du combat: leur principal dessein toutesfois estoit d'entrer dans Strigonie, & raffraischir les assiegez. Pour ce faire ils auoient intention de faire tous leurs efforts, & s'ils y trouuoient trop grande resistance, de combattre l'ennemy: & durant le combat il y en auoit vn bon nombre d'entre-eux qui auoient des sacs pleins de poudre qu'ils deuoient ietter dans la place: cette entreprise estoit si bien conceüe, qu'elle eust infailliblement reüssi, sans les traistres qui estoient du costé des Turcs, qui allerent decourir toute cette entreprise au Comte de Mansfeld, lequel pour en empescher l'execution, fit clore diligemment toutes les aduenues, pour faire perdre toute esperance à ses aduersaires de passer outre, lesquels toutes-fois ne laisserent pas de poursuivre leur dessein, prenans leur route au trauers du mont saint Thomas, qui separoit l'armée Chrestienne de la leur, arriuant par ce moyen à la haute-ville des Rasciens. Quant à l'armée Chrestienne, sans s'estonner de ce progres, elle marchoit contre eux en ordre de bataille, les laissant neantmoins deualer iusques à la bouche de leurs tranchées, sans les en empescher. Le Bassa ayant auparauant assemblé ses soldats, leur representoit la conqueste de la Hongrie, depuis tant de temps, de laquelle ils auoient iouý si paisiblement, & entre autres de Strigonie, qu'ils se deuoient souuenir des deffaites qu'ils auoient fait souffrir à ceux qui auoient maintenant la hardiesse de les assieger, que l'experience leur auoit appris combien de fois les armées Chrestiennes s'estoient assemblées sans effect, qu'elles faisoient de belles leuées de bouclier, & promettoient beaucoup en apparence: mais que leur discorde, & leur mauuais ordre les faisoit retirer ordinairement plus viste qu'ils n'estoient arriuez: iusques alors qu'ils auoient fait feu & flamme, d'autant que personne ne leur resistoit: mais si tost qu'ils verroient vne armée en campagne preste à les combattre, qu'ils perdroient bien-tost cette grande ardeur, qui n'auoit qu'vne fougue du comencement: mais si tost que ceste premiere pointe estoit emoussée, estoit sans perseuerance & sans valeur, telmoin l'armée qui estoit deuant Iauarin, laquelle venue pour faire leuer le siege d'vne place qui leur estoit si importante, se retira neantmoins sans rien faire, apres auoir esté mise en route, plustost faite de cœux, & par l'épouuente qu'ils prirent d'eux-mesmes, que par quelques valeureux efforts qu'eussent fait les nostres, ayans mieux aymé laisser leur equipage, que de se resoudre à tenter le hazard du combat.

OR, disoit-il, toute semblable importance aupns nous à deffendre Strigonie, qu'ils auoient lors à faire leuer le siege de Iauarin: car c'est cette ville qui a tant cousté à nostre grand Solymán, & laquelle il fit fortifier plus que toute autre de la Hongrie, la tenant aussi plus chere que pas vne autre. C'est pourquoy le Seigneur nous a mandé tres-expressément que nous eussions à la secourir, & que nous perissions plustost tous que de laisser perdre vne telle place: que si les soldats de Sinan ont bien eu l'assurance de combattre vne si puissante armée, la faire retirer dans ses limites, continuer le siege de Iauarin, & en fin s'en rendre les maistres, pourquoy nous qui sommes maistres de Strigonie, si forte place, si bien munie, & dans laquelle il y-a de si bons hommes, ne la pourrons-nous deffendre avecques de si belles forces que celles que nous auons? Iusques icy les Chrestiens n'ont

1595.

Leur resolution pour le secours de Strigonie.

1595.

fait que se battre à la perche, quelle place nous ont-ils peu conquerir de force ? s'ils font quelque exploit, c'est lors que nous sommes fort éloignez d'eux, ou que nous auons désigné nos places : car nous auons presque tousiours esté les maistres, & de leurs forces, & de leurs ruses, & le grand Solymán, qui a le premier rendu la Hongrie esclaué & tributaire des Othomans, n'a iamais assiégé place en icelle qu'il ne l'ayt emportée ; bien que les Hongrois fussent lors en leur plus grande opulence, & qu'ils eussent leur Empereur Charles le Quint, tant chanté en leurs histoires, pour leur protecteur. Que seroit-ce doncques s'il aduenoit qu'ils se rendissent maintenant les maistres d'une ville que nous tenons depuis tant d'années à la veuë d'une si belle armée, ville si forte & si importante ? ne seroit-ce pas pour perdre à l'aduenir toute la reputation que nos ancestres nous ont acquise ? sans que ie mette en ligne de conte, la cruelle vangeance que le Seigneur prendra des lâches & coüards, qui auront fait plus grand conte de leur vie, que de sa Grandeur, & de leur honneur : car encores qu'il soit maintenant loin de nous, assurez-vous que sa toute-puissante main pourra bien s'estendre iusques en ces côtrées, si luy-mesme n'y vient en personne, pour chastier ceux qui n'auront pas fait leur deuoir. Courage donc bons Musulmans, la victoire est nostre, si vous vous ressouuenez de vostre ancienne valeur, si quelqu'un de nous y demeure, ne sçauons-nous pas que le Prophete nous attend là haut pour nous recevoir entre ses bras, & nous mettre au rang de Scchides & bien-heureux ? Les ayant ainsi encouragés, il fit marcher l'armée.

Mais le Comte de Mansfeld n'estoit pas moins vigilant. Ce chef tres-digne de sa charge, qui auoit l'œil à toutes choses, & qui n'entreprenoit rien que tres à propos, auoit donné si bon ordre à tout & si bien bouché les passages, qu'il ne craignoit pas que ses ennemis peussent faire rien entrer dans la place, qu'ils n'eussent premierement defeat son armée, encores qu'il se vid beaucoup plus fort que les Turcs, & que selon l'apparence il deuoit emporter l'honneur de ce combat : toutesfois comme l'ordre sert plus en une armée que le nombre, & que ce n'est pas la multitude des bras : mais la grandeur du courage qui s'acquiert les plus belles victoires, il iugea qu'il estoit à propos de voir luy-mesme son armée en ordonnance, deuant que la necessité le contraignist à ce faire, & de luy faire quelque remonstrance, tant pour l'animer, que pour iuger par ses actions, ceux qui se rendroient les plus opiniastrés à faire teste à l'ennemy : leur ayant donc fait faire monstre, il leur dist :

Et le Comte
de Mansfeld
leur de son
armée.

Les orages de l'Esté (Compagnons) sont violents : mais ils ne sont pas de longue durée, ils gassent & rauagent quelques fois des contrées toutes entieres : mais c'est faite bien souuent de prudence, de prenoyance & par une lâcheté & pusillanimité. Or les Turcs sont proprement des orages, qui nous sont enuoyés d'en haut, lesquels arriuez en ce pays durant la plus grande ardeur de nos guerres ciuiles, nous ont aysément domptés, par ce que nous ne nous sommes point deffendus, ayants-mieux prendre le fraiz au milieu de nos miseres, que de leur oster toute occasion de faire chez nous quelque moisson : Qui leur a donné Belgrade que nos débâches ? qui Bude & Albe-regale que nos diuisions ? & qui les a mis en possession de Strigonie que nostre auarice & nostre lâcheté ? il est temps de sortir d'un si profond sommeil : graces au Tout-puissant, tous nos Princes sont en bonne intelligence ensemble : le Transilvain qui estoit l'appuy & le pretexte des Turcs, est allié avecques l'Empereur : les Valaques & Moldaues qui souloient leur payer tribut, ont secoué le ioug, & la paix s'en va tantost acquise par tous les endroits de la Chrestienté, comme si le Tout-bon par une misericorde speciale vouloit que nous prissions maintenant la raison de tant d'outrages que nous auons receus, conuertissans la pointe de nos armes contre ceux qui nous les ont fait souffrir.

Ce que ie ne dy point par coniecture : car ne sçauéz-vous pas que la meilleure partie de leurs soldats, & ceux qui estoient les plus propres aux armes, sont morts durant les guerres de Perse ? ils n'ont plus de chefs propres à conduire leurs armées, & leur Souuerain mesme ne pense qu'à se donner du bon temps, depuis un an & quelques mois qu'il est Empereur, n'ont-ils pas tousiours esté battus en la Croatie, en la Dalmatie, & de nouueau en la Valachie, Moldaue, & Transilvanie ? Sinan a fait seulement un peu voir ses armes en cette contrée, & s'est rendu heureux par la trahison des nostres, & non par sa valeur : mais ie sçay de bonne part qu'il ne sçait plus de quel bois faire fleche, qu'il est reduict au petit pied, & qu'il est non seulement sur la deffensue : mais qu'il ne cherche qu'à faire retraite, ce qu'il faudra qu'il fasse par necessité, s'il ne veut miserablement perir : de sorte que de tous les costez vous n'entendez discourir que des deffaites des Turcs, & des victoires des Chrestiens. Pourquoi faudra-il doncques que nous qui faisons le gros de l'armée Chrestienne, & qui sommes l'armée Imperiale si forte & si puissante, si bien munie de

de tout ce qui est nécessaire, qui depuis que nous sommes devant cette place, auons eu tant d'ad-
 nantages sur nos ennemis, acquerions moins de reputation que nos compagnons? La n'aduieu-
 ne, ie suis tout assure de la necessité des asiegez, & que si cette armée ne se fust aduancée, ils
 estoient tous prests de se rendre à nostre mercy: mais que sont-ils en comparaison de nous? autres-
 fois nous les auons defaits avec un fort petit nombre, eux ayans des armées tres-puissances, &
 presque innombrables.

LE valeureux Huniades, & le grand Matthias de Hongrie en ont erigé des trophées de gloi-
 re immortelle: pourquoy donc, à presens, nous qui sommes les plus forts, n'en auons-nous pas la
 raison? pensez-vous qu'ils puissent soutenir vostre effort: si vous vous faites connoistre pour ce
 que vous estes? ingez assement que si vous auez le dessus de cette armée, que c'est à vous Strigo-
 nie, & que vostre valeur vous acquerra, non seulement des lauriers: mais des richesses, par le
 butin qui vous est tout assure, si vous voulez rendre du combat. Ils sont venus pour acquerir
 des couronnes ciniques en deliurant leurs citoyens: mais n'est-ce pas à vous qu'elles appar-
 tiennent plus legitimement, en restablissant les enfans de ceux qui l'ont perdue, & si cette place
 peut estre nostre, qui sera celle qui pourra nous resister? Bude la capitale de cette Prouince,
 n'est-elle pas à nostre bien-seance, & tout le reste des autres villes & forteresses qu'ils ont pri-
 ses sur nous ces années dernieres? Allons donc, mes amis, tandis que le bon-heur nous accompa-
 gne, & que pas un n'ayt soin que de bien combattre, & d'obeyr à ce qui luy sera commandé: car
 pour le demeurant, c'est à nous d'en auoir le soin, & de vous assurer que si DIEU benit nos ar-
 mes, comme ie croy qu'il nous a en sa garde, que ie vous remmeneray victorieux en la maison.
 Ayant dit cela, il les congedia pour aller chacun en leurs tentes se preparer pour la bataille
 le qu'il auoit resolu de liurer le lendemain.

OR les Turcs ignorans que les passages fussent bouchez, ne laisserent pas de poursui-
 ure leur chemin, prirent leur route au trauers le mont saint Thomas, qui separoit l'ar-
 mée Chrestienne de la leur, & arriuerent par cette voye à la haute-ville des Rasciens, où
 l'armée Chrestienne les vint rencontrer. Cependant le Baron d'Ordep se rendit d'un co-
 sté maistre des montagnes, & le Baron de Suar Zembourg d'un autre, ostant par ce
 moyen le pouuoir aux Turcs de faire retraite, au cas que la victoire inclinast du co-
 sté des Chrestiens, estans pris comme vne harde de bestes fauues entre des toiles: mais
 cela n'estonna pas toutesfois les Turcs, lesquels ayans conduit avecques eux dix-huict
 couleuvrines, les delacherent contre leurs ennemis. On dit neantmoins qu'elles ne firent
 pas grand effect, ayans pris leur mire trop haute, si que les boulets passoient par dessus la
 teste des Chrestiens, & voyans que cela n'empeschoit point leurs aduersaires d'approcher,
 ils vinrent aux harquebuzades; mais les autres, outre ce qu'ils estoient en plus grand nom-
 bre, combattoient encores en lieu beaucoup plus aduantageux. Cela les estonna & com-
 mença de troubler leurs rangs, toutesfois le Bassa de Bude encouragea tellement les siens,
 qu'il les fit retourner à la charge, où il renouela le combat plus furieux, neantmoins
 quelque effort qu'ils peussent faire, si fallut-il en fin succomber pour cette fois à l'effort
 des Chrestiens: mais comme ils pensoient faire retraite en leur camp, & jeter vne
 partie des leurs dans la ville, ils furent bien estonez quand ils trouuerent les passages bou-
 chez de toutes parts: & comme ils eurent abandonné leur canon, Iean de Medicis, un
 des chefs de cette armée, qui gardoit ce quartier-là, s'en saisist & le pointa incontinent
 contre eux: mais plus heureusement que n'auoient fait ceux à qui il estoit: car il en fit un
 fort grand eschec: de là ils se rencontrerent où estoient les Barons d'Ordep & de Suar
 Zembourg, si que ne scachans plus de quel costé se tourner, ils furent lors aysement taillez
 en pieces.

QUELQUES-UNS ont dit, qu'il en demeura iusques à quatorze mille de morts sur la
 place: le Beglierbey de la Grece n'ayant point decampé du haut du mont où il estoit,
 voyant ses compagnons si mal menez, sans se mettre en deuoir de les secourir, se retira en
 lieu de seureté. Le Comte enuoya au mesme temps mille cheuaux armez à la legere se fai-
 sir du camp des Turcs, où il se fit un fort grand butin, plusieurs d'entre-eux demurerent
 prisonniers, & entre autres quelques Sanjacs & autres gens de qualité, ils y perdirent
 vingt-neuf canons, & vingt-sept enseignes, tout cela s'estant terminé en fort peu de temps,
 par la prudence & bonne conduite du Comte de Mansfeld: car ce qui luy facilita du tout
 la victoire, ce fut d'auoir bousché toutes les aduennées, & si cela ne fut pas seulement cau-
 se du gain de cette bataille, mais encores de la prise de la ville: car il estoit infallible que les
 Turcs se jettans dedans, comme ils pouuoient faire, sans ce bon aduis, mal-aysément les

Les Turcs
 marchent au
 deuant de
 l'armée Chre-
 stienne.

Où les Turcs
 sont defaits,
 & le nombre
 des morts.

1595.

Chrestiens en fussent-ils par apres venus à bout, & si le massacre en eust esté beaucoup moindre, & n'eust en façon du monde découragé les assiegez, puis que ceux-cy eussent fait ce qu'ils auoient designé, & cela pourquoy ils estoient venus deuant cette place, mais tout passa par le fil de l'espée, pour n'auoir aucune retraite, la nuit seulement fut cause du salut de ceux qui se sauuerent. Apres cette victoire le Comte en fit chanter le *Te Deum* dans sa tente, & tous les soldats en general, & en particulier, en rendirent actions de graces à DIEU. On tient que le butin qu'on fit en cette armée fut si grand, qu'encores qu'il y eust deux mille tant mulets que chameaux qui portoient les commoditez du camp, toutesfois on en emplist encores cinquante chariots.

VIII.

Maladie &
mort du Co-
te Charles de
Mansfeld.

OR apres que le Comte eust donné quelque rafraischissement à ses soldats, il recommença sa batterie plus furieuse qu'auparauant, mais lassé de tant de fatigues qu'il auoit endurées durant cette guerre, il tomba malade d'une fort grosse fièvre, & s'estant fait conduire à Comar, il y mourut le quatorzième iour d'Aoust, au grand regret de toute son armée, & perte pour la Hongrie, qui pouuoit sous ce chef faire de bons & grands exploits. Apres cette mort les Chrestiens prirent vn messager des Turcs qui s'estoient sauez de la bataille, avecques lettres, par lesquelles ceux de Bude escriuoient qu'ils se rassembloient tous le iours à Pesth: qu'en cette bataille estoit mort Osman, le Bassa de Iauarin avecques deux autres des premiers Bassas, que trois enfans du Beglierbey ne se trouuoient point, & prioient qu'on en fust enqueste, sçauoir s'ils n'estoient point prisonniers entre les mains des Chrestiens, que ce vieillard Turc qui auoit esté pris au camp, n'estoit point le Beg d'Halep, comme il se feignoit, mais le Bassa de Themiswar, que le Beglierbey s'en estoit fuy avecques quelques principaux d'entre les Turcs, craignans la fureur de l'Empereur, & ne sçauoit-on où ils estoient allez, que le Sanjac de Zighet, pour des causes tres-importantes, deuoit auoir la teste tranchée le douzième iour d'Aoust: & que ceux de Haduuan & de Saluoc auoient enuoyé demander du secours à Bude, d'autant qu'ils s'attendoient d'auoir bien-tost le siege. C'estoit le contenu de ces lettres, par lesquelles on fut plus particulièrement informé des affaires des Turcs. Mais la mort de ce grand Capitaine le Comte de Mansfeld, n'empescha point qu'on ne continuast le siege de Strigonie; car le tres-illustre Iean de Medicis, qui auoit si bien fait en la bataille, & esté vne des principales causes de la victoire, fut aussi-tost déclaré General de toute l'armée, chacun s'assurant d'un heureux succez sous la conduite d'un si grand Capitaine, yssu encores de cette illustre famille qui a esté tousiours douée d'autant de valeur & de bon-heur en l'exécution de ses desseins, comme elle a deuancé tous les autres en prudence & bonne conduite en toutes ses entreprises.

Dom Iean de
Medicis co-
mande à l'ar-
mée Chre-
stienne.

Les Turcs
brûlent la
basse-ville, &
se retirent au
chasteau.

CE Prince doncques ayant la charge souueraine de l'armée, continua la batterie encommencée sans relasche, si que les assiegez se voyans d'oresnauât hors d'esperance de secours, reduits en vne extremité de toutes choses, & craignans que s'ils attendoient que leurs ennemis eussent toutes sortes d'aduantages sureux, il ne fust trop tard pour entrer en quelque capitulation, commencerent à penser entre-eux des moyens de se rendre, toutesfois afin qu'à l'aduenir on ne leur peust reprocher qu'ils eussent fait quelque tour de lascheté, ils aymerent mieux se ranger au chasteau, & brûler la basse-ville, cela ne se peust faire toutesfois si promptement, que trois cens Turcs n'y demeurassent, & enuiron quarante Chrestiens deliurez par l'armée Chrestienne, qui entra plustost dedans, que les autres ne se furent retirez: aussi-tost on enuironna le chasteau, & la premiere chose que l'on fit, ce fut de leur oster l'eau, si qu'ils n'en auoient chacun par iour, qu'autant qu'en pourroit retenir vne esponge, & trois petits pugils d'orge. Durant cette grande necessité Palfy enuoya quelques-vns pour traicter avecques le Gouverneur de Strigonie, & voulut tacher de le sonder, s'il voudroit quitter la place vies & bagues sauues; pour ce faire il luy enuoya demander vn sauf conduict pour en traicter: ce que l'autre ayant eu pour agreable, il luy enuoya quelques-vns des assiegez en ostages, luy cependant s'en alla de la ville au chasteau, où estant parueniu au pied du mur, le Gouverneur parut sur le haut de la muraille, auquel Palfy representa toutes les incommoditez auxquelles cette place se voyoit reduite, & qu'il estoit hors d'esperance d'auoir secours, qu'il estoit temps qu'il pensast au salut de luy & des siens; que s'ils attendoient dauantage, ils se pouuoient assurer que l'artillerie mettroit cette place en poudre, & tailleroit en pieces tout ce qu'elle y trouueroit, comme au contraire ils deuoient esperer toute douceur, s'ils se soumettoient à la misericorde du victorieux, & n'attendoient pas que tout fust reduit en poudre, il luy dist encores

encores plusieurs autres choses pour le persuader à se rendre. A quoy on dit que le Gouverneur Turc fit response qu'il ne souffroit point la necessité qu'on s'imaginoit, & pour le regard du secours, bien qu'il n'eust point appris aucune nouvelle qu'il luy en deult venir, toutesfois qu'il ne craignoit pas pour cela de venir en la puissance de l'ennemy, qu'il estoit quant à luy desia septuagenaire, & qu'il n'auroit nullement regret à la mort, laquelle il sçauoit luy estre fort proche, & qu'en quelque façon que ce fust, il aymoit-mieux garder la foy à son Empereur: que les Chrestiens donc fissent ce que bon leur sembleroit. Ce colloque estant finy, qui dura pres d'une heure sans aucun fruit, on continua de battre la place comme deuant.

Or l'Archiduc d'Austriche Matthias, ayant entendu les bonnes nouvelles de cette victoire, s'embarqua à Vienne, & s'en vint le long du fleuve iusques à l'armée, où il luy arriva encores de nouvelles forces, de Vualons & Italiens: ceux-cy ayans à leur arriuee fait quelques courses sur les Turcs, ils en prirent iusques à soixante, entre lesquels estoit le Beg de Copan, lequel ils entrerent tout vif. Les assiegez cependant battus continuellement, & ne voyans plus aucun moyen de resister, toutes leurs deffenses estans par terre, parlerent alors à bon escient de se rendre, à telles conditions qu'ils sortiroient tous l'espée au costé, emportant chacun sur ses espaules ce qu'il pourroit, & avecques leurs femmes & enfans seroient conduits par le Danube iusques à Bude, sans qu'il leur fust fait aucun mal ny déplaisir, laissant cependât leurs cheuaux & autres biens qu'ils pouuoient auoir dans la forteresse, qu'ils rendroient aussi les Chrestiens qu'ils tenoient captifs, comme ils feroient le semblable de ceux qui s'estoient peu retirer par deuers eux volontairement. Ce que leur estant accordé, & solennellement promis par l'Archiduc Matthias, ils demurerent encores pour ce iour dans la place, avec quelques gardes qui leur furent baillées, & le lendemain, en la maniere qu'il leur auoit esté promis, ils s'embarquerent tous sur trente vaisseaux, & s'en allerent par le chemin de Neustard à Bude: il y auoit mille sept cens hommes propres à porter armes, femmes & enfans, malades & bleïez mille deux cens. La necessité de viures n'estoit pas si grande dans la place, qu'on se l'estoit imaginée: il y auoit dedans le chasteau trente pieces d'artillerie de toutes sortes, desquelles toutesfois on ne se peust seruir, pour auoir esté trop employées aux continuelles batteries qu'il leur auoit conuenu faire. Cecy aduint le premier iour de Septembre, l'an 1595.

L'Archiduc Matthias vint au camp deuant Strigonie.

C'EST en cette maniere que Strigonie, ville tres-forte, autresfois Archiepiscopale, & la demeure des Rois, qui auoit esté possedée l'espace de cinquante-deux ans par les Turcs, retourna derechef en la puissance des Chrestiens, lesquels se seruans de l'occasion & du bon-heur qui les accompagnoit, mirent le siege deuant le chasteau de Vissegrade, forte place située sur vne montagne proche du Danube, & comme le canon mis au pied de la montagne eust esté inutile, & que d'ailleurs les cheuaux n'eussent sceu grauir la pente droite de ce mont, ils trouuerent moyen avecques des cordes, & à force de bras, d'en tirer en haut enuiron douze pieces, lesquelles aussi-tost mises en batterie, foudroyerent les murs de cette place l'espace de quelques iours continuels sans relasche, les pieces estans pointées si à propos, & les canonniers si adroits & practiquez en leur art, qu'aucun des assiegez n'osoit paroistre sur les murailles: ce qui les estonna de sorte, qu'ils commencerent à parlementer avecques le sieur Aldobrandin, qui estoit le chef en ce siege. Or auoient-ils desia parlé de leur reddition deuant la prise de Strigonie; mais l'armée des Turcs qu'ils iugeoiēt pouuoir faire leuer le siege, leur auoit fait reculer cette reddition, & alors on leur auoit permis de sortir avecques leurs armes, vies & bagues sauues: mais à cette seconde ils n'eurent pas si bonne composition: car on leur fit quitter les armes & bagage, & les fit-on sortir le baston blanc en la main, il s'en trouua iusques à deux cens soixante, entre lesquels estoit vn Aga des Janissaires, qui estoit party de Strigonie avecques cent cinquante Turcs, pour le secours de Vissegrade, qui furent enuoyez ainsi nuds à Bude, avecques quelque nombre de vieillards qui estoient là dedans. On dit que ces soldats s'estonnerent tellement, d'auoir veu monter par les Chrestiens de si grosses pieces d'artillerie, que celles qu'ils auoient eleuées dessus ce mont, que cela auoit esté cause en partie de les faire rendre, & ce qu'à la premiere fois ils s'opiniastrent à soutenir, ce fut d'autant, disoient-ils, qu'on auoit conquis cette place avec la perte d'un grand nombre d'hommes, & il leur faisoit de voir qu'ils en faisoient si peu perdre à ceux qui les assiegeoient. Vne autre raison qu'ils disoient encores, c'estoit que Vissegrade souloit estre le lieu où on gardoit la couronne des Rois de Hongrie, & ils tenoient pour bon augure d'auoir cette place entre leurs mains, comme au contraire d'un grand mal-heur, si elle venoit en la puissance des Chrestiens.

Siege du fort de Vissegrade.

Raisons qui faisoient opiniastter ceux de cette garnison.

1595.
Prise de Vvotzen.

PROCHE de Vissegrade il y auoit vne autre forteresse appelée Vvotzen, la garnison de laquelle voyant que sa voisine s'estoit renduë, deuant que d'endurer le siege, abandonna la place, de laquelle les Chrestiens s'empaterent incontinent, & y mirent garnison. Or comme il a esté dit cy-dessus, Herezius Cherei-Cham, ou seigneur des Tartares de Precop, auoit desia esté defait comme il vouloit rauager la Moldaue: mais ayant faiz encorès vn effort pour faire iouyr Achmet du Vaiuodat de Teleginie & Hyllissie, pour priuer les Polonnois du tribut quadriennal qu'on leur en rendoit; Iean Zamolski Chancelier de Polongne, qui auoit estably Hieremie Mogila en la domination de Moldaue, le deffit, taillant en pieces ses troupes, si qu'il contraignit l'autre de demander la paix, qu'il iura à la maniere de sa nation, l'espée degainée, & les mains jointes; & Hieremie fut mieux estably que iamais: & quant à Estienne Resluuan, qui auoit esté pourueu de la Moldaue par le Prince de Transiluanie, ayant fait tous ses efforts pour recouurer sa dignité, & voyant que tout luy estoit inutile, il fit quelques pratiques à Constantinople, pour auoir du secours des Turcs, & tascher de faire ruiner la Polongne; mais ayant esté decouuert, il fut pris & empalé tout viu. Au mesme temps le Pape Clement VIII. enuoya vers le Roy de Polongne, pour le prier que le Chancelier s'abstint par apres de troubler le Prince de Transiluanie, en la iouissance de la Moldaue & Valachie, & le Cardinal Battory mesme, grand ennemy de ce Prince par l'entremise du saint Pere, se reconcilia à luy, & se retira à Rome.

Estrange histoire d'un monstre né en Allemagne.

CETTE année en laquelle se firent de si grandes choses, nasquit vn monstre, au village de Bacharach sur le riuage du Rhin, entre Confluance & Magonce, le quatorzième iour du mois de Mars, ayant la partie superieure de forme d'homme, & l'inférieure de serpent, avecques vne queue de trois coudées, le pere d'iceluy estoit d'une fort mauuaise vie, & fort cruel enuers sa femme, à cause d'une garce qu'il entretenoit, laquelle comme elle luy remonstroit vn iour sa lubricité, & taschoit de le destourner de cét adultere, s'efforçant de le retenir en sa maison: luy avecques vn grand dédain, luy commanda de se retirer, avecques le demon viuant qu'elle portoit en son ventre: elle toute saisie de la façon de parler de cét homme insensé, se retire en son particulier, où pensant de plus en plus à ce que luy auoit dit son mari, cela l'émeust tellement, qu'elle sentit les douleurs de l'enfantement, & accouche-là incontinent de ce monstre, le pere est appelé, contre lequel le monstre qui venoit de naistre, se lança d'une grande force, & apres l'auoir serré estroitement avec sa queue, il le déchira à belles dents, & luy donna tant de coups, qu'il luy fit rendre l'ame auparauant que de l'abandonner: la pauvre accouchée qui voyoit vn si piteux spectacle, outre les douleurs extremes qu'elle auoit receuës en cét accouchement, voyant vn si grand mal-heur, expira incontinent, & ces deux-là esteints, le monstre mesme cessa aussi-tost de viure. Enuiron le mesme temps il en nasquit vn autre à Florence, ayant la teste d'vncinge, & vne fort grande barbe, ayant des ongles aux pieds & aux mains, presque en la forme de serres d'Aigle: à peine cestuy-cy eut-il veu la lumiere, qu'il expira.

Autre monstre né à Florence.

Prise de Babotch par les Chrestiens.

Mais pour reuenir à l'histoire, durant le siege de Strigonie, Nadasty & Herbesteng qui commandoient aux troupes de Styrie & de Vuidismarch, auoient amassé dix mille hommes de guerre, & allerent assieger Babotch, de laquelle il a esté parlé ailleurs, à deux lieues de Zighet, la garnison de laquelle ne se iugeant pas assez forte pour resister à vne si grande armée, brûla la place, dans laquelle on trouua trente six canons portans les armes de l'Empereur Maximilian, & en laquelle ayans mis bonne garnison, ils tournerent leurs armes vers le mont saint Martin, sur la pointe duquel il y auoit vn fort qui fut de mesme abandonné par les Turcs, cela facilitoit apres la prise de Zighet, si quelques fois les Chrestiens auoient vne armée assez puissante pour l'assieger: au retour, Herbesteng rencontra enuiron sept cens Turcs chargez de ce qu'ils venoient de butiner sur les terres Chrestiennes, desquels six vingts demurerent sur la place avec leur butin, le reste se sauua à la fuite.

Cruauté de Sinan enuers de pauures esclaves Chrestiens.

OR sur la fin de cette année, Mahomet ayant entendu tant de pertes, & desirant estre informé des choses plus particulièrement, ou qu'il voulust conferer avecques luy de la guerre de Perse, fit reuenir Sinan à Constantinople, enuoyant le Bassa Ferrhat en sa place. Lequel y estant arriué, pour faire paroistre qu'il estoit fort animé contre les Chrestiens, il fit amener quant & luy cent douze Chrestiens, outre les femmes & les enfans, qu'il auoit, à ce qu'on dit, traitez fort cruellement tout du long du voyage, ayans les fers aux mains, & les laissant mourir presque de faim & de soif, de sorte que demy-morts du travail qu'ils auoient receu, il les fit jeter en la tour noire, pour estre apres enuoyez

aux

aux galeres, quelques Bryheges exceptez, qu'il fit tomber sur des pieux en forme d'hameçons, où encores demy-vifs, ils furent long-temps à se débattre, grinçans des dents, & mourans lentement d'un tres-cruel genre de mort, reconnoissant fort mal en tous ces pauvres captifs, le bon traitement que les siens auoient receu des Chrestiens, tant à Strigonie qu'aux autres places qui s'estoient rendues: entre ceux-cy, il se trouua vne femme Chrestienne habillée en soldat, & qui auoit quitté son vestement ordinaire pour porter les armes, il y auoit desia plusieurs années. Cette-cy estant reconnue pour telle, lors qu'on examinoit de quel pais estoient ses compagnons, les Turcs croyoient du commencement, qu'elle se fust ainsi déguisée pour pouoir s'adonner plus librement à la volupté: mais comme ils eurent interrogé fort particulièrement ceux avecques qui elle estoit, & qu'ils eurent tous asseuré par serment qu'ils ne l'auoient iamais tenue que pour homme, ny veu faire autre action que d'homme: Alors admirans sa vertu, ils la menerent comme pour vn miracle au Sultan, lequel l'ayant derechef plus seuerement examinée que les autres, à quel dessein elle auoit changé cet habit, luy demandant si elle ne s'estoit iamais abandonnée à pas vn Turc: elle qui auoit bien la croyance de mourir incontinent: car elle estoit du nombre de ceux qu'on alloit executer, se réjouysant encores de sortir d'une si cruelle prison en laquelle elle auoit esté si long-temps detenuë, dist, que depuis qu'elle auoit touché la paye, elle n'auoit iamais fait acte que d'un bon & genereux soldat, qu'elle n'auoit pas seulement seruy de nombre avecques les autres pour repousser les efforts des Turcs, soit aux escarmouches ou aux combats: mais qu'elle scauoit bien que dix Turcs auoient finy leurs iours par sa main, qu'elle auoit tranchez apres en pieces avecques leurs propres cimenterres. Ce qu'ayant entendu l'Empereur Turc, tant s'en faut qu'il s'irritast dauantage, qu'au contraire, il voulut qu'elle fust menée par honneur par toute la ville, si qu'il n'y auoit celuy qui ne desirast la voir, & apres cela il la donna à la Sultane pour estre de sa chambre.

A v resté Mahomet ayant entendu particulièrement toutes les pertes qu'il auoit souffertes en Hongrie: car il n'en scauoit que quelques-vnes, d'autant qu'on luy en déguisoit la verité, il s'aigrist tellement contre les Chrestiens, qu'il chassa de Constantinople, tous ceux de cette Religion-là, qui fut peut-estre la cause de la grande necessité de toutes choses, & de la famine qui y aduint, telle que iamais pauvres estrangers n'en souffrirēt de pareilles: outre cela on fit vn fort estroit commandement en Egypte à tous les Iuifs qui estoient propres à porter les armes, qu'ils eussent à faire la guerre aux Chrestiens, qui fut cause que plusieurs se retirerent, & secouerent le ioug des Turcs.

Or vn peu deuant le partement de Ferrhat, qui faisoit ses apprests pour s'en aller en Hongrie, enuiron deux mille Pastres de la Bulgarie, ayans conspiré ensemble, & s'estans accordez avecques les Glires, rauagerent la cité de Sophie, qui est à quelques quatorze milles de Constantinople, ayans pris leur temps que les Turcs estoient empeschez de toutes parts, & sans desfiance que ceux-cy deussent auoir tant d'assurance, leur entreprise réussist neantmoins, si qu'ayans pris la ville se voyans trop foibles pour la maintenir contre les Turcs, qui enuoyeroient bien-tost vne armée, apres l'auoir pillée & rauagée ils se retirerent de bonne heure en lieu seur, où ils partagerent entre eux leur butin, & eurent chacun trois cens escus. L'armée cependant se preparoit à Constantinople, & y auoit déjà soixante mille hommes d'assemblez au camp, trente trois pieces d'artillerie fort grosses, disposées & prestes à marcher, & les tentes dressées, afin de pouoir faire voir l'ordre de cette expedition, quand on fut estonné qu'une nuit les cordes de ces tentes furent couppees, & l'artillerie enclouée. Quelques-vns ont dist que c'estoit Cigale qui auoit fait faire ce traict à Ferrhat, pour l'enuie qu'il luy portoit: d'autres disoient que c'estoit les lannissaires qui se laissoient de marcher sous la conduite des Bassas, desirans estre conduits par leur Empereur, quoy que ce soit, ce traict hardy estonna fort Mahomet, cela fut cause qu'il voulut plus particulièrement scauoir le fonds de toute la conduite de cette guerre.

Ce fut lors que Sinan & Ferrhat se déchargeoient l'un sur l'autre de toutes les pertes qui estoient arriuées, s'entre-accusans de leur negligence, & de leur lascheté: Sinan disoit que Ferrhat auoit esté cause de la perte de la Valachie, ayant laissé perdre Simyle, fort riche & opulente ville pres le fleuve Nester, Theynie encores & autres places; qu'il auoit esté cause de la ruine des Tartares, ne leur ayant pas tenu main forte en leur passage: ce qui l'auoit apres laissé sans secours, l'ennemy estant le plus fort au pays, & ce qui auoit encores le plus ruiné les affaires, c'estoit que luy-mesme auoit esté deffait par le Moldaue, son armée taillée en pieces, & en suite de cette victoire la perte de la ville de Ni-

1595.

Les Chrestiens
chassés par
Mahomet de
Constantino-
ple & de l'E-
gypte.

IX.

Sophie pillée
& rauagée
par des Pa-
stres.

1596.

Sinan & Fer-
rhat s'accu-
sent l'un l'au-
tre.

1596.

copolis mise à feu & à sang. Au contraire Ferrhat disoit, que son cōpagnon ne se souciant que de sa propre gloire, l'auoit laissé au besoin sans luy enuoyer aucun secours, qu'il auoit mal à propos pris l'épouuente à Tergouiste, & perdu cette ville-là si importante, Bucarest & le fort de saint-Georges par sa lascheté, qui auoit esté cause d'establi le Transsiluain, & faire perdre aux Turcs la Valachie & la Moldauie. Mais Sinan auoit donné si bon ordre à son fait, comme pratiqué de longue-main en telles affaires, ayant corrompu par presens ceux & celles qui auoient le plus l'oreille du Prince, qu'il gagna sa cause, & qui plus est, eut la charge de premier Vizir par la mort de Haly Bassa, qui estoit mort au mois de Nouembre auparauant. Quant à Ferrhat, on dit que Mahomet le fit estrangler & qu'il prit sa dépouille, qui se montoit à cinq cens mille escus.

Le Bassa de
Themiswar
& ses trou-
pes taillées en
pieces.

Et de Clissa.

TANDIS que cela se passoit à Constantinople, Achmet Bassa de Themiswar ayant esté reuouqué de sa charge, comme il eust fait remplir soixante & quinze chariots de son bagage & de sa famille, avecques fort bonne & seure escorte pour se retirer à Belgrade, les garnisons de Lippe & de Ienne en ayans esté aduerties, se mettent en embuscade, & sceurent choisir cette troupe si à propos qu'elles taillèrent tout en pieces, & luy-mesme y demeura avecques les siens, sa teste estant portée au Prince Sigismond à Albe-Iule avec toutes ses richesses qu'on tenoit se monter à la valeur de deux cens mille escus, ayans trouué dans vn seul chariot iusques à vingt mille ducats de Hongrie. Le Gouverneur de Nouigrade s'estant joint avecques quelques Capitaines des lieux circonuoisins, se resolut de prendre la forteresse de Vuotza, & prit avecques eux ceux qui touchoient la solde, qui plantans deuant leurs escheles contre cette place, jeterent par tout des flambeaux ardans sur les toits, dont la plus grande partie de la garnison fust brûlée, ayant choisi plustost ce genre de mort, que de s'exposer à la mercy de ses ennemis. Cependant les Hidouques ou Vskoches, c'est à dire les soldats de la Croatie & Zengauie trouuerent moyen de s'emparer de Clissa, forteresse presque imprenable en la Dalmatie, & tres-bien munie: ce qu'ayant sceu le Bassa de Bosnie, il y mit incontinent le siege, esperant par sa promptitude de la pouuoir reconquerir: mais il y eust fait fort peu d'effect sans le traistres: car le Gouverneur de Styrie ayant amassé ses troupes pour leuer le siege, fit armer quarante nauires, & mit quatre mille hommes de guerre dedans avecques tout ce qui leur estoit necessaire: ce que sachans ceux de la garnison, assurez que les Turcs ne leur pourroient rien faire, ils firent semblant de se vouloir rendre & de parlementer. Le Bassa bien ayse de cette ouuerture, s'y porte fort volontiers: ceux de dedans demandent vingt mille ducats & qu'ils liure-roient la place; à quoy le Bassa ayant consenty & les ayant fait deliurer sur le champ, ceux de dedans ouurirent leurs portes aux Turcs, lesquels sans crainte & en grande ioye entre-rent dedans: mais les assiegez en ayant laissé entrer quelque nombre, laissèrent aussitost tomber la herce & ferment leurs portes, taillans en pieces tout ce qui estoit en leurs mu-railles: le Bassa en ce faisant ayant perdu & ses hommes & son argent.

Secours aux
assiegez.

Et cause leur
deffiance.

CE LA apporta cependant vn grand trouble au camp des Turcs, si que tous desolez, plus pour la mocquerie que pour la perte, ils estoient en leurs tentes ruminans les moyens de s'en vanger: mais cela facilita encores vn autre bien aux assiegez: car la flotte arriuant cette nuit-là, eut moyen de se desembarquer, se loger dans la place, & s'y reposer tout le lendemain, au desceu des Turcs; & comme ils virent qu'ils s'estoient assez raffraischis, sans la faire plus longue, ils sortent la nuit de la place, & viennent enuironner le camp des Turcs, lesquels ignorans tout ce qui s'estoit passé, & que les assiegez eussent receu vn si grand secours, ne se deffioient point d'vne telle aubade, de sorte que leur camp fut forcé, & sentirent plustost l'espée des Chrestiens, qu'ils n'eurent le temps de se ranger en bataille. Ceux-cy les ayans doncques mis en fuite, sans se souuenir qu'il les falloit deffaire tout à fait, autrement qu'ils se pourroient rassembler, l'auarice les porta aussitost au pillage du camp. Mais quelques Valaques qui estoient au camp des Turcs, voyans comme l'armée Chrestienne estoit debandée, & en confusion, courent aduertir les principaux qui les rassemblent & les remenant au combat, auquel la chance estant tournée, & ceux qui pensoient auoir tout gagné, estans alors en peine eux-mesmes de deffendre leur vie, ils s'estonnent & quittent-là le butin, se voyans enuironnez par vn beaucoup plus grand nombre que le leur, se mettans en fuite à leur tour: mais avecques vn plus mauuais succez qu'ils n'auoient fait à leurs ennemis: car ceux-cy les assaillans en bon ordre sous leurs ensei-gnes, & les autres se retirans en confusion, ils laisserent vn grand nombre des leurs sur la place, le reste avec le Gouverneur se retira dans Clissa, où il demeura encores deux iours, & la nuit du deuxiesme, il tascha de se retirer avecques six cens hommes, esperant rega-gner

gner les nauires, & se sauuer. Mais comme il y a tousiours des traistres de part & d'autre, qui font souuent plus de ruine par vn seul aduis, que les plus grandes armées ne scauroient faire en vn long-temps, les Turcs ayans esté aduertis de ce dessein, attendent les autres au passage, & taillent en pieces toute cette troupe, si que le Gouverneur ne peut sauuer avecques luy que trente hommes. Ceux-là deffaits, les Turcs assiegerent la place encores plus estroictement qu'ils n'auoient fait auparauant, laquelle ayant perdu dorenuant l'esperance d'estre secourüe, & tous ceux qui estoient dedans fort découragez, pour les pertes qu'ils auoient souffertes, traicterent alors à bon escient de se rendre, comme ils firent vies & bagues sauues. les Turcs rentrans ainsi dans cette forteresse sept semaines apres qu'ils l'eurent perdyë, d'autres disent que cette place ne fut pas renduë ainsi: mais qu'un traistre du pays leur ayant enseigné l'endroit par lequel les Turcs pourroient entrer, ils la surprinrent & massacrerent la garnison qui estoit dedans.

OR comme toutes les garnisons Chrestiennes s'efforçoient de faire quelque entreprise sur les Turcs, Palfy ne demouroit pas les bras croisez, il eut aduis que quelques Gouverneurs Turcs s'assembloient à Sambuk, ville proche de Iasprin: cela luy fit rassembler ce qu'il peust d'Alemans, Vualons, Houssards, & Hidoucques, & ayant fait preparer tout ce qui luy estoit necessaire pour le siege d'une place, part sur le soir sans bruit de Strigonic, & à Soleil leuant arriue aux murs de Sambuk, son canon & le reste de l'equipage l'ayant suiuy de fort pres, il bat furieusement cette place iusques à quatre heures du soir, & y ayant fait bresche raisonnable, il donna l'assaut, & quelque resistance que fissent ceux de dedans, il se rendit maistre de la place, avec massacre de deux cens cinquante Ianissaires, arriuez dedans ce iour là mesme: Palfy tascha de sauuer le chasteau du feu, d'autant que c'estoit vne place fort agreable, & où le Bassa de Bude se venoit souuent recréer: mais la flamme s'y print si viuement, qu'il luy fut impossible de la pouuoir faire esteindre, si que les siens ayans seulement retiré ce qu'ils peurent sauuer des munitions qui estoient dedans, & pillé le reste, ils s'en retournerent chargez de butin à Strigonic. Quelque peu apres ils prirent aussi de force Vaccia, ville proche de Nouigrade, la pillerent, & la brûlerent iusques au Monastere: mais ceux de dedans firent vne telle resistance, que les assiegeans n'en peurent iouyr pour cette fois.

Sambuk pris
sur les Turcs.

LA garnison de Lippe ne fut pas si heureuse: car s'estant emancpée de sortir hors son enceinte sans le congé de son Gouverneur, elle alla courir sur quelques compagnies de Turcs & de Tartares campez pour lors au tour de Themiswar, lesquels ayans decouuert ceux-cy de loin, les enuironnerent & les deffirent. Ceux-cy auoient desia surpris l'Isle de Marestie, sise es confins de Lippe, & apres l'auoir pillée, brûlée, & emmené en seruitude tout ce qu'ils y trouuerent, ils bastirent des forts dans l'Isle pour la garder: cecy leur donna l'assurance de mettre le siege deuant Lippe, qu'ils esperoient estre facile à conquerir: car ils estoient quelque trente mille hommes en cette expedition. Le Gouverneur, qui estoit Georges Barbely, en aduertit le Prince Transiluiain, à ce qu'il fust secouru en temps & heure, y ayant pour lors peu de gens dedans la place: & de fait le bruit courut fort grand au camp des Turcs, d'une puissante armée qu'il assembloit pour les venir enclorre par derriere: cela les fit retirer pour cette fois en leur camp, qui estoit fortifié à deux lieues de Lippe: mais voyans en fin que Sigismond ne s'aduançoit point, ils assiegerent la place plus estroictement que deuant, ayans à cette fois conduit avec eux dix-sept gros canons, avec cinquante-quatre chariots, dont les huit estoient chargez de poudres, les autres d'escheles, & autres instrumens de guerre, avec lesquelles forces, ils eurent bien-tost abbatu les murs de Lippe qui n'estoient pas trop forts, & lassé ce peu d'hommes qu'il y auoit là dedans par vn continuel travail.

La garnison
de Lippe deffaitte
par les
Turcs.

TOUTESFOIS le Gouverneur ne se desesperant point parmy toutes ces incommoditez, se deffendit tousiours courageusement: en fin il se resolut de iouer à quitte, ou à double, aussi bien ne voyoit-il aucun moyen de se retirer de là, sans s'exposer à quelque grand danger. Il fit doncques emplir seize de ses plus gros canons de chaines, de pierres, de ferrailles, & autres matieres, & les ayant placez à l'entrée de la ville, qui regardoit le camp des Turcs, il en fit ouurir les portes. Les Turcs qui virent ces portes ouuertes, croyans que les assiegez voulussent faire quelque sortie sur eux, s'aduancent aussi-tost en troupe pour les gagner: mais Barbely qui attendoit l'occasion, fit mettre le feu si à propos en son artillerie, qu'elle fit vn merueilleux abbatu, l'aspect de ce rauage que faisoient ces foudres estant encore plus effroyable, d'autant qu'on voyoit voler en l'air confusement des bras, des testes, des jambes & des corps tous detranchez en vne fort grande multitude: neantmoins cela

Courageuse
deffense du
Gouverneur
de Lippe.

1596.

n'empeschoit point les Turcs de poursuiure leur pointe, & les assiegez de se bien deffendre, si que ce conflit dura neuf heures, ayant esté repris par quatre fois, sans qu'on peust remarquer qui demeureroit le maistre de la place: quand tout en vn instant, sans qu'on en peust iuger la cause pour l'heure, ils quittent l'assaut & le camp, leur canon, leur bagage & se mettent en fuite: mais voicy que c'estoit. Les autres garnisons d'autour Themiswar voyans les Turcs occupez au siege de Lippe, se persuadans qu'elles trouueroient ceux de la garnison de cette ville sans deffiance, & qu'elles pourroient bien surprendre le faux-bourg, ainsi qu'elles l'auoient pensé, elles l'executerent: car ceux de Themiswar ne pensans point auoir d'ennemy si proche qui eust pour lors la hardiesse de les attaquer, n'auoient mis aucun ordre à la deffense de ce faux-bourg, si qu'à leur réueil ils trouuerent dedans six mille Chrestiens, qui l'ayans pillé, y mirent le feu, lequel ayant trouué vne matiere propre pour s'enflammer, jetta tant de flammes en l'air, qu'il sembloit que tout le ciel se deust consumer, de sorte qu'on le vid du camp de deuant Lippe, & croyans que la ville de Themiswar fust toute enflammée, ils y coururent aussi-tost pour y donner secours, ce fut la cause qui leur fit quitter le combat, comme rapporterent depuis quelques prisonniers.

Haduan assié-
gé par l'Ar-
chiduc.

Or comme les Chrestiens faisoient tous leurs efforts, pour chasser les Turcs entiere-ment de la Hongrie, aussi auoient-ils des armées de toutes parts, & n'y auoit garnison qui ne se mist en deuoir de leur faire perdre quelque place, tant petite fut elle: mais le gros de l'armée estoit principalement en la haute Hongrie, où estoit pour lors l'Archiduc Maximilian, & en la Transiluanie sous la conduite du Prince Sigismond. Maximilian doncques voyant combien la forteresse de Haduan, que les Turcs tenoient pour lors, comme il a esté dict ailleurs, estoit importante au bien & repos de la Prouince, il vint avecques toute son armée assieger cette place, accompagné des Barons de Teuffembach & d'Ordep, lesquels firent aussi-tost trois forts à l'entour de la place: la premiere chose qu'ils firent apres, ce fut de mettre le feu aux fortifications, ou plustost aux clostures de bois que les Turcs auoient faites aux enuirs: car ils ont accoustumé de fortifier ainsi les faux-bourgs des villes qu'ils veulent deffendre, prenans de longues poultries mêlées de fascines puis reuestuës de terre; fortification quelquesfois meilleure que des murailles, pour auoir plus de resistance contre le canon, mais aussi plus sujette au feu, comme il aduint à cette place, laquelle ils batirent avecques vingt canons par quatre endroits en mesme temps. Comme on continuoit cette batterie, le vingt-cinquieme iour d'Aoust, lors qu'on celebroit la Messe, vn Talisman monté au faiste d'vne tour, faisant mille imprecations contre l'armée Chrestienne, & proferant autant de blasphemés contre la sainte Religion, fut miré par vn canonier, qui irrité de cette impudence pointa vn canon contre cette tour, & prend si iustement sa visée, qu'il abbatit le faiste d'icelle peste-messe avecques le Talisman. Ce coup toucha de plus pres les assiegez que son importance ne meritoit, & toutes-fois comme on leur eust proposé de se rendre, ils n'y voulurent iamais entendre: mais voulurent s'opiniastrer à la deffense de cette place iusques à la fin: cela fut cause qu'on leur liura vn assaut general tant par eau que par terre, auquel ils firent toute la resistance à eux possible avecques vne resolution de finir plustost leurs iours les armes en la main, que de se soumettre à la mercy de leurs aduersaires. Mais tout leur courage & leur resistance n'empescha point que l'armée Chrestienne ne prît la place d'assaut, où tout fut mis au fil de l'espée, hommes, femmes, enfans, vieux, ieunes, & ce qui ne se peust rencontrer à la fureur du soldat, le feu acheua de le nettoyer, deux mille Turcs qui estoient-là en garnison y furent tous mis en pieces, sans qu'il en échapaist qu'un seul Bege, lequel on garda pour s'enquerir de leurs affaires: tout le reste du peuple fut massacré sur le champ, le butin y fut grand, encores que le feu en eust beaucoup gasté: le lendemain Maximilian voyant qu'il falloit trop de temps pour reparer les bresches, fit raser la forteresse.

Petrinie en la
Croatie assie-
gée par les
Turcs.

C E C Y aduint au commencement du mois de Septembre, & le vingtiesme du mesme mois, le Bassa de Bosnie estant allé mettre le siege deuant Petrinie en la Croatie, fut contraint de le leuer, par la courageuse resistance de ceux de dedans: & comme les Turcs eussent desia retiré leur canon, ils entendirent que Sigismond Herbestar, & Georges Lenkouiti, auoient assemblé le plus de gens qu'ils auoient peu, tant de la Croatie que d'ailleurs: mais comme cela se faisoit en vne si grande promptitude, il leur manquoit aussi beaucoup de choses, & ne pouuoient dresser de pont, estans arriuez à Sissek, le Ban du lieu auoit esté contraint d'en faire faire vn fort à la haste. Dequoy les Turcs estans aduertis, six mille d'entre eux ayans passé la riuere, les vinrent attaquer; les Chrestiens voyans le
peril

peril auquel ils estoient reduits, s'arment de courage, & se deffendent si puissamment, bien qu'ils fussent les plus foibles, & qu'ils eussent esté surpris, qu'ils mettent les autres en fuite, & leur donnent la chasse si viuement, qu'une partie estant demeurée sur la place, l'autre se precipita dans le fleuve; quelques-vns demurerent prisonniers. Apres le combat les victorieux se retirerent à Sissac, & ayans passé le pont tout à l'ayse, resolurent d'aller attaquer l'ennemy iusques dans son camp, ou en quelque lieu qu'il pourroit estre: mais ils ne furent pas à cinq cens pas de la ville, que huit mille cheuaux Turcs & quelques gens de pied leur vinrent à la rencontre: mais ceux-cy furent rompus & mis en fuite aussi bien que leurs compagnons, & quelques-vns de qualité demurerent sur la place, entre autres le pere de Serdar, celuy qui commandoit à ces troupes, estant demeuré en ces deux combats enuiron quelques quinze cens Turcs, sans ceux qui s'estoient noyez dans la riuere de Culpa.

Le Transsiluain ne demouroit pas cependant les bras croisez: car apres tant de victoires qu'il auoit obtenues sur les Turcs, il se resolut d'aller mettre le siege deuant Themiswar: cette place luy estoit tres-importante, & sembloit qu'en sa prise consistoit le repos & la liberté de son pais. Ayant donc assemblé vne puissante armée, il l'assiegea, mit ses pieces en batterie, & foudroya ses murailles de toutes parts, & comme il auoit quelque esperance d'en venir à bout, vne multitude de Tartares s'estans venus jeter dans son pais, faisans vn grand rauage de toutes parts, il fut contraint de leuer le siege, pour leur aller au deuant, n'ayant pas trop de toutes ses forces pour les opposer aux leurs, qui toutesfois ne firent pas grande resistance, & ne soustinent pas long-temps les efforts du Transsiluain, qui leur ayant liuré la bataille où ils furent deffaits, ils quitterent aussi tost quelques places qu'ils auoient prises, & se retirerent en leur pays, comme aussi Sigismond ne retourna point à Themiswar.

1596.

Themiswar
assiégé par le
Transsiluain.Les Tartares
sont causes de
luy faire leuer
le siege.

Les affaires des Turcs estans en si mauuais termes, en la Hongrie, & autres Prouinces circonuoinfines, Mahomet faisoit ses preparatifs en Constantinople pour s'opposer à ses ennemis. L'ay desia parlé d'une armée de terre qu'il auoit preparée au retour de Sinan, encores que quelques-vns veulent que cette assemblée se fit pour le mesme Sinan, & que Ferrhat auoit desia esté en Hongrie, où toutes choses ayans mal reüssi sous sa conduite, ses fautes & negligences furent à son retour expiées par sa mort. Or laquelle de ces deux opinions est la plus veritable, il est assez difficile d'en iuger par les memoires qu'en ont laissez ceux qui ont escrit des guerres de ces années-là: car les combats & prises de villes se faisans en vn mesme temps en diuers lieux, on a pensé qu'il y auoit plusieurs Generaux: tant y-a que ces deux-cy, à sçauoir Ferrhat, & Sinan, ont commandé comme Generaux, ont fait les choses, & souffert les pertes que nous auons dictes: la difficulté n'est que sur l'anticipation du temps, d'une année l'une deuant l'autre: cela soit dict pour repartir à ceux qui trouueroient à redire à la cote des années, selon l'euenement des actions. Mahomet doncques ne se contentant pas d'une armée de terre, en dressa aussi vne de mer, de laquelle il auoit donné la charge à Cigale, en intention de rauager les mers des Chrestiens, & les occuper tellement à la deffense de leurs propres terres, qu'ils ne peussent donner secours à leurs allies: mais il fut contraint de changer de dessein, par les nouuelles qui luy vinrent du costé de la Perse; le Gouverneur du fort de Tauris luy ayant mandé que les Georgiens auoient fait vne nouuelle ligue avecques les Perses: car en ce temps-là estoit mort le Roy de Perse, & le Prince son fils qui desiroit recouurer ce que les Turcs tenoient en son pays, & abbatre les fortresses qu'ils y auoient fait bastir, vouloit rompre les trefues que feu son pere auoit faites avecques Sultan Amurath; ce qui estonna Mahomet: car il se trouuoit desia assez empesché de la guerre de Hongrie, sans auoir encores ces peuples si puissans sur les bras.

X.

Contrarietés
en l'histoire
Turque diffi-
ciles à accor-
der, & pour-
quoy.

Car il sçauoit encores que le Roy d'Espagne sçachant combien les Perses sont dégarnis de canon, leur en auoit enuoyé deux nauires chargées avec toutes munitions necessaires, & ce par la route des Indes Orientales, qui printrent terre au Royaume d'Ormus, pour de là estre les canons conduits par terre vers le Persien, afin de s'en seruir contre les Turcs, si qu'il sembloit qu'à cette fois l'Empire des Osmanides deuoit souffrir vne grande secousse, quand il seroit attaqué & combattu de toutes parts & par de si puissans aduersaires. On disoit que le Sophy prenoit le pretexte de la guerre sur la mort de son nepueu, lequel estoit en ostage en Constantinople, & comme il estoit decédé d'une maladie qui ne luy auoit duré que deux iours, on croyoit qu'il auoit esté empoisonné: que si cela est veritable, il faudroit qu'il fust plustost arriué par l'inuention de quelque Bassa qui desiroit

Les Perses se-
cours d'ar-
tillerie par
l'Espagnol.

1596.

du remuement en cette Prouince, afin d'estre employé, que par vn propre mouuement du Prince, qui ayant son plaisir, ne cherchoit point des guerres si perilleuses, & dont les euénemens estoient si hazardeux, ayant mesmes desia assez souffert de pertes ailleurs: mais les Perses ne firent pas grande chose cette année. Cela luy fit tourner toutes ses pensées à recouurer ce qu'il auoit perdu: mais il falloit-faire estat d'y aller soy-mesme: car les Iannissaires ennuyez de tant de routes, en rapportoient la faute à la mauuaise conduite, & au mal-heur de ses Bassas, esperans bien que la veüe de leur Prince leur donneroit nouuelles forces, & augmenteroit la terreur à leurs ennemis.

Puissante armée des Turcs en Hongrie.

IL s'y resolut, & ayant assemblé vne armée de deux cens mille hommes, tant de l'Asie que de l'Europe, il enuoya deuant le Bassa Cigale, pour luy preparer le chemin, lequel s'estât acheminé en toute diligence, arriua à Bude au commencement du mois de Septembre, remplissant tout d'effroy par où il passoit, pour les nouuelles d'vne si grande armée qui le suiuiot. Pensant doncques que son arriuée apporteroit quelque terreur à ceux de Petrinie, il l'enuoya assieger par le Bassa de Bosnie: (car quelques-vns disent que ce ne fut qu'apres l'arriuée de Cigale que les Turcs y mirent le siege) mais cestuy-cy n'y fit rien non plus que l'autre fois, ains fut repoussé par les habitans, si qu'il fut contraint de se retirer: & Cigale ne iugeant pas que cette place fust digne d'un camp Imperial, il pensa qu'il valoit mieux attaquer Agria, ville tres-forte en la haute Hongrie, iadis fortifiée par Castaldo, & depuis assiegée par Achmet Bassa, comme il en a esté fait vne ample mention en la vie de Solyman, la prise d'icelle estant bien necessaire aux affaires des Turcs. Ayant donc fait faire l'explanade accoustumée, Mahomet fut bien-tost avec son armée à Bude, & ayant enuoyé de là vne armée de cinquante mille hommes à Themiswar pour tenir en bride le Transsiluain, & l'empescher de donner secours aux Hongrois, il se vint incontinent apres camper deuant Agria avecques cent cinquante mille hommes: on dit qu'il y auoit en cette armée trois cens canons, tant gros que petits: quelque temps auparauant le Baron de Teuffembach auoit iecté dedans trois mille hommes de pied sous la charge de Jean Iacques de Tierne, avec prouisions necessaires, depuis on y fit encore entrer mille harquebuziers, & quelques troupes Alemandes & Italiennes: quant à Teuffembach, il se logea avec le reste de ses troupes sur la pointe d'vne montagne prochaine de la ville, de laquelle il pouuoit beaucoup nuire aux Turcs, comme aussi estoit-elle fort preiudiciable aux assiegez: mais il en fut depuis chassé.

Cinq bastions des Turcs deuant Agria.

MAHOMET doncques estant arriué deuant Agria, le vingt-&-vniesme iour du mois de Septembre, avecques les Bassas Giaffer, Ibraim, Hassan, & Cigale: car Ianfonius qui a décrit l'histoire de ce siege, rapporte tous ces noms, se vint camper entre le Tibiscin & le Danube, & firent aussi-tost leurs approches, comme ordinairement aux armées Imperiales les Turcs font leurs actions promptement, pour la multitude, & l'obeyssance qui s'y rend, puis ayans dressé leur batterie, ils commencerent à foudroyer la place, avecques vne telle impetuosité, que les assiegez estoient contraints de se tenir sus pieds iour & nuict, leur batterie estant continuelle, car ils auoient fait cinq bastions à l'entour de la ville, desquels ils pouuoient tirer en assurance, sans crainte d'estre offencez par ceux de dedans, lesquels ne pouuans fournir en tant d'endroits contre vne telle puissance, se trouuoient fort empeschez. Leur ville estoit de grande garde, leurs murailles n'estoient pas trop bien flanquées, & leur nombre estoit trop petit pour subuenir à toutes les necessitez qui se presentoient: cela les fit resoudre d'y mettre le feu, & de se retirer en la citadelle leur vnique refuge, & celle en laquelle ils mettoiēt leur principale ressource; toutesfois ils disputèrent la ville encores six iours, auparauant que de l'abandonner, soustenans les efforts des Turcs, & se deffendans courageusement, non sans faire vn grand meurtre d'iceux, en fin ne pouuans plus tenir, ils sont contraints de l'abandonner, & de se ietter dans la forteresse: ce que voyans les Turcs, ils donnerent aussi-tost dans la ville, esperans d'entrer pêle-mêle dans le chasteau: mais ils trouuerent vne si braue resistance, que plusieurs d'entre-eux estans demeurez pour les gages, ils furent contraints de s'arrester à ce qui leur estoit volontairement quitté.

Bouleuert bien disputé.

CETTE forteresse d'Agria estoit couuerte d'un costé d'un bon & fort bouleuert: ce fut contre luy que les Turcs dresserent leur principale batterie, laquelle ayans entr'ouvert, & fait bresches de toutes parts, ils y liurerent douze assauts l'un apres l'autre, desquels ils furent tousiours repoussés: mais ils s'opiniasterent tant au treizieme, qu'en fin ils en demeurerent les maistres, & planterent dessus leurs enseignes, mais le lendemain les assiegez sortirent en foule de la forteresse, & en chasserent de rechef les Turcs, qui y laisserent

serent quatre cens des leurs sur la place, des assiegez trente, & plusieurs blesez. Or y auoit-il grande necessité de poudre & de plomb dans cette citadelle, ce que ceux de dedans auoient fait entendre par lettres à l'Archiduc : le Sultan ne l'ignoroit pas aussi, c'est pourquoy il auoit fait tout ce qui luy auoit esté possible, tant par lettres que par promesses, pour les inciter à se rendre : les menaçant encores de les chastier de mesme que les leurs auoient fait ceux de Haduuan ; mais le tout en vain : car Trefsius auoit deffendu de parlementer, & auoit fait dresser vn gibet au milieu de la place, pour ceux qui contreuendroient à son ordonnance : de sorte que les assiegez auoient fait vne protestation de garder la place, tant qu'il y pourroit auoir vn homme viuant, & de perdre iusques à la dernière goutte de leur sang, pour l'amour de leur Religion & de leur Patrie, plustost que de se rendre à l'ennemy ; aussi ne firent-ils aucune responce à tout ce qui leur estoit proposé chacun esperant tousiours que l'Archiduc les viendrait secourir, & disoit-on assez qu'il auoit assemblé toutes ses forces, & que chacun cherchoit le moyen de pouuoir attaquer l'armée des Turcs en son camp, mais leur paresse perdit tout, joint que le mauuais temps qu'il faisoit lors, s'opposoit à toutes leurs assemblées.

MAHOMET scauoit assez que le Transsiluain s'armoit pour venir au secours des Hongrois, c'est pourquoy il le fit rechercher de la paix : mais tant s'en faut qu'il y voulust entendre, qu'il offrit à l'Archiduc de venir au secours d'Agram, s'il en estoit de besoin, lequel commençoit à faire marcher ses forces pour cét effect : ce qu'estant venu à la connoissance des Turcs, & voyans qu'ils auançoient bien peu de chose avecques leur canon, ils voulurent éprouuer s'ils pourroient gagner dauantage avecques les mines : pour ce faire Mahomet enuoya par toutes les places qui estoient sous son obeyssance, à ce qu'ils eussent à luy enuoyer tous les ouuriers qu'ils pourroient recouurer propres pour tels ouurages. Or y auoit-il vn profond fossé entre le chasteau & vne montagne en vignoble, qui estoit du costé des Turcs. Ils se resolurent doncques de la remplir de bois & autres matieres, afin de venir plus facilement aux mains, & aussi que l'accez estoit plus aysé à la forteresse, ce fossé estant remply : mais les assiegez faisans vne nouvelle sortie, les forcerent de se retirer & de prendre la fuite, & en tuerent plusieurs : entre les fuyans on remarqua Ibraïm Bassa, lequel fut suiuy de si pres qu'il y perdit son tulban, comme aussi en ce combat Trefsius, qui commandoit dans la place, fut blezé d'vn coup de boulet : mais non mortellement.

CE CY mottoit en grande peine tous les Bassas : car c'estoit vne trop grande honte, qu'à la premiere sortie que leur seigneur eust faite à la guerre, il eust esté contraint de leuer le siege, ayant vne si puissante armée ; ils se resolurent doncques de renouveler la baterie & de continuer les assauts. A cela les soldats estoient encores animez par la presence de leur seigneur, qui cheuauchant de bataillon en autre, alloit animant ses soldats à recouurer en cette place, l'honneur qu'ils auoient perdu par tant de victoires que les Chrestiens auoient obtenues sur eux, depuis quelques années qu'ils s'estoient exculez sur la mauuaise conduite de ses Bassas, mais que maintenant il estoit-là en personne pour recompenser ceux qui se porteroient en gens de bien & bons soldats, & pour chastier aussi les lasches & poltrons. Cela seruit de beaucoup à leur donner l'assurance de s'exposer à toutes sortes de dangers ; mais neantmoins ils ne laisserent pas d'estre repoussez en quatre assauts qu'ils liuerent depuis à la forteresse, encores qu'ils eussent autant de fois monté sur la muraille, non sans vne tres-grande & notable perte : mais au cinquiesme assaut, ils prirent de force le vieil chasteau proche du nouueau, auquel furent massacrez huit cens Chrestiens, desquels l'Aga des Janissaires en offrit quarante testes aux Sultan. Les Turcs ayans cét aduantage, virent bien qu'il falloit presser les assiegez de pres, & comme leur place diminuoit tous les iours, que leurs courages deuiendroient aussi plus languissans. Pour les épouuenter dauantage, ils firent douze mines qu'ils emplirent de poudre à canon, la meilleure partie desquelles iouèrent si mal-heureusement pour les assiegez, qu'elles mirent la place en vn extreme danger, ce qui fut cause que les soldats de la garnison voyans, ce leur sembloit, l'affaire desesperée, & n'ayans nulles nouuelles de secours, ne voulurent point soustenir plus long-temps les forces de l'ennemy, & commencerent à se mutiner.

CE Vx qui commandoient dans cette place, Niarius, à scauoir & Trefsius, les faisoient assez reissouuenir du serment qu'ils auoient presté, les prians à jointes mains de vouloir perseuerer, & que le secours viendrait plustost qu'ils n'esperoient ; Trefsius en outre les prioit avecques beaucoup d'affection, que s'ils ne vouloient point deffendre dauantage le chasteau, au moins deuant toutes choses ils le vouussent faire mourir, afin qu'il ne vist

Mahomet sollicite les assiegez de se rendre, & le Transsiluain de se ranger de son party.

Mahomet encourage luy-mesme les siens.

Ceux de la garnison se veulent rendre.

1596.

point vne telle perfidie : mais ny les remonstrances , ny les prieres n'eurent aucun effect en leur endroit : de sorte que tandis que les chefs estoient occupez à ces prieres , deux cens cinquante soldats , entre lesquels il y auoit plusieurs Italiens , sortirent secrettement du chasteau , & s'en allerent au camp des Turcs , où ils renoncerent leur Religion , & embrasserent la Mahometane , ce qui découragea du tout les autres soldats qui estoient demeurez dedans la place , si qu'ils commencerent à traicter à la haste avec les Turcs pour se rendre , lesquels leur promirent de les laisser sortir avecques leurs armes & bagage , à condition toutesfois qu'ils leur liureroient Niarius & Terskius , Colleran & Kinskius leurs chefs , en contre-échange d'autres captifs. Ces choses ainsi accordées , deux mille hommes sortirent de la forteresse d'Agria le treisieme iour d'Octobre mil cinq cens quatre-vingts dix-sept , enuiron l'heure de midy : mais ils ne cheminerent gueres loin , qu'ils furent rencontrez des Turcs & des Tartares qui les taillerent en pieces , en écorchans mesmes quelques-vns tous vifs , aux autres ils couperent les parties honteuses , les Turcs leur reprochant qu'ils estoient indignes qu'on leur gardast la foy , veu qu'ils auoient si cruellement traicté ceux qu'ils auoient trouuez dans Haduuan : quant aux quatre colonels , ils furent presentez à Mahomet.

L'Aga des Janissaires mis en pieces par le commandement de Mahomet.

XI.

Armée de l'Archiduc en campagne pour le secours d'Agria.

Or cette perfidie déplut grandement aux principaux d'entre les Turcs , & en accuserent au Sultan Hassan Bassa , & l'Aga des Janissaires , luy faisans entendre que c'estoit vne grande meschanceté de n'auoir point tenu parole aux Chrestiens , veu qu'ils les auoient si gracieusement traicté à Strigonic : qu'il falloit craindre qu'à l'aduenir ils n'en prissent leur reuanche , & les traittassent de mesme : ce qu'ayant entendu le Padis-Schach , il fit aussitost appeller l'Aga , lequel il commanda d'estre mis en pieces sur le champ , faisant crier publiquement , que ceux qui auoient quelques prisonniers de la ville d'Agria , eussent à les laisser aller. C'est ainsi que furent chastiez ceux qui auoient liuré leurs chefs à l'ennemy , & qui auoient eu leur vie en si grande recommandation.

CEPENDANT l'Archiduc Maximilian ayant rassemblé toutes ses forces , avecques Palfy , Teuffembach , & le Transsiluain , s'approcherent pour la deliurance de la place : mais ce fut quand il n'estoit plus temps : car Agria estoit desia perduë pour eux , la cause de cette longueur n'estant aduenüe , comme nous auons dict , que par le mauuais temps , & par les procrastinations des Hongrois & Austrichiens. En fin le dix-septiesme d'Octobre l'Archiduc arriua à Caschouie , où toutes les forces assemblées , il se trouua auoir trente-deux mille cheuaux legers , & vingt-huict mille hommes de pied , suivis de vingt-mille chariots qui portoient six vingts canons , & seruoient de closture à l'armée , laquelle ils enuironnoient toutes les nuits. Le vingtiesme du mesme mois on proposa à toute l'armée de combattre les Turcs , si l'occasion se presentoit , sans attendre plus long-temps , à quoy tous les soldats estoient fort resolu , le lendemain n'ayans qu'une bruyere à passer , longue de deux milles , & large de quatre , ils furent incontinent à la veuë d'Agria. Or y auoit-il le fleuve à passer , lequel passage estoit gardé par le Bassa Giaffer , avec vingt mille Turcs & Tartares , & trente pieces de canon , le reste de l'armée n'estoit pas loin de là , & proche d'Agria : le dessein du Bassa estoit d'élargir ce traject pour passer par là toute l'armée des Turcs : car le lieu estoit fort mouuant à cause de la multitude des puits & des fontaines , mais il fut trompé en sa proposition : car il fut bien estonné quand il se vid en teste l'armée Chrestienne , qui l'assaillit en diuers endroits , & principalement à l'endroit du passage où Teuffembach atqua le premier l'auant garde , en l'endroit où estoit l'artillerie : cette escarmouche estant si verte & si inopinée , qu'en moins de rien les Turcs y perdirent trois cens soldats : & bien que ce nombre fust peu de chose pour eux , neantmoins cela leur donna vne telle épouuente , qu'ils abandonnerent la place , & se mirent en fuite , laissant vingt pieces d'artillerie , & deux enseignes à la mercy de leurs ennemis , la nuit empeschant les Chrestiens de pour-suiure le reste.

Les Turcs viennent au deuant de l'armée Chrestienne.

ALORS les Transsiluains , Houffards , & Hidouques passerent aisément le fleuve : mais comme il estoit fort estroit en cet endroit , & qu'il falloit passer file à file , que d'autre costé le froid fust fort grand , & transsilloit ceux qui estoient sur le bord à attendre les autres , & que d'ailleurs il y auoit là vne fort grande necessité de bois , ils resolurent de transporter l'armée en vn autre endroit : mais comme ils estoient desia en chemin , on les vint aduertir que le Sultan avec toutes ses troupes , venoit au deuant d'eux : cela les fit retourner au lieu duquel ils estoient partis , & aussi-tost se barricaderent tellement avec leurs chariots , qu'on eust presque dict que c'estoit vne ville ceinte de murailles de bois. En fin les Turcs arriuerent à la veuë de l'armée Chrestienne le vingt-quatrieme iour d'Octobre , estans forcez , s'ils

1596.

Deffaire de
trois mille
Tartares.

L'Archiduc
perfuade ses
gens au com-
bat.

s'ils les vouloient attaquer, de passer ce détroict dont nous venons de parler. L'Archiduc & le Transilvain desia allechez par le combat precedent, se persuadoient qu'on feroit passer le fleuve à quelque dix mille Tartares, cette nation estant façonnée à cela dès sa jeunesse comme il s'est peu voir ailleurs en cette histoire, & principalement en la vie de Selim premier du nom, & que ce leur seroit vne proye toute assurée: mais Mahomet ne voulut pas qu'il en passast plus de trois mille, contre lesquels ils lascherent leur artillerie qui en fit perir plusieurs, le reste se mit en fuitte, chacun se retirant apres chez soy.

OR les deux armées estoient fort grandes & fort puissantes, la Chrestienne toutesfois assez harassée du chemin, neantmoins toute deliberée à bien faire, l'Archiduc l'y disposa encores dauantage par ses remonstrances, luy faisant voir l'importance de cette iournée, en elle consiste la liberté de la Hongrie, les autres victoires qu'elle auoit obtenues cy-deuant, n'estre que contre des chefs particuliers, tout le profit n'estre qu'en la diminution & perte de quelques soldats, au gain de quelques dépouilles, mais en celle-cy, qu'il y alloit de l'Estat.

CAR, disoit-il, rompre vne si puissante armée à vne force, quelle ressource peuent-ils auoir pour nous resister? toutes les garnisons qu'ils peuent auoir dans cette Prouince, ne prendront-elles pas l'épouuente, quand ils verront que la presence de leur Seigneur avecques toutes ses forces, n'a peu resister à nostre valeur? n'est-ce pas dequoy ils nous ont sans menacez ces années dernieres? n'ont-ils pas esperé que la venue seulement de leur armée Imperiale nous feroit trembler? que sera-ce doncques si nous les debellons, & si nous en obtenons vne glorieuse victoire? se pourront-ils tenir assurez dans leur Bizance, puis que ces iours passez les paysans de la Bulgarie leur ont bien osé prendre Sophie qui en estoit proche? ils n'ont plus leur rendez-vous, comme au passé, dans la Transiluanie, Moldauie & Valachie: la retraicte n'est pas seure pour eux en ces Prouinces là, & faut de necessité que si la misericorde diuine nous est favorable, comme ces deux années dernieres nous auons remarqué principalement qu'elle auoit beny nos armes, & que nous veussions faire nostre deuoir, assurons-nous que Bude, Pesth & tant d'autres villes qu'ils nous ont tyranniquement usurpées, retourneront bien-tost sous nostre domination, si que cette iournée sera la couronne de tous nos labours. Car outre que nous ferons reuiure en ce faisant la gloire de nos peres, qui sous un valeureux Huniade & un genereux Matthias ont fait trembler tant de fois un Amurath, & un Mahomet redoutables à tous l'Vniuers; nous effacerons encores la honte qu'ils receurent à Mohacs sous Solymán, & rendrons la plaine & le village de Kerbest plus celebre pour cette bataille, que celle de Cosabe, & effacerons la memoire de la perte d'Agria par le gain de ce combat.

OR il ne tiendra qu'à vous que cela n'arriue, puis que vous n'avez point icy d'apprentifs à vous conduire: car tout ce que l'Alemagne & toutes les Prouinces de decà ont de valeureux, est en ceste armée: chefs qui ont battu, qui ont chassé, qui ont vaincu les Turcs autant de fois qu'ils se sont presentez deuant eux: & ie m'assure, afin que ie ne die rien de moy, qu'ils redoutent sous autant qu'ils sont, la presence d'un Sigismond, d'un Teuffembach, d'un Palsy qui ont taillé en pieces si grand nombre des leurs. Que si vous secondez leur bon-heur par vostre assistance, ie suis tout assuré que nous serons aujourd'huy les maistres-du-camp & des richesses de Mahomet: mais gardez-vous de vous laisser emporter au pillage, la cause de tant de deffaites que nous auons souffertes autresfois, il sera tousiours vostre quand vous aurez rompu du tout l'ennemy, autrement vous perdrez non seulement ce que vous aurez conquis: mais encores celui que vous avez à present, & nous donnerons un tel ordre que nul ne sera frustré de ce qui luy appartiendra. Maximilian non content de ce qu'il leur auoit dit de bouche, afin que nul n'en pretendist cause d'ignorance, fit publier par tout le camp, qu'aucun soldat n'eüst à quitter son rang, à peine de perdre la teste.

LE vingtiesme doncques du mois d'Octobre Mahomet parut avec toute son armée à la veuë des Chrestiens. Or auparauant que de les acheminer, & qu'ils fussent arriuez au passage de ce fleuve dont il a esté parlé cy-deuant, voyant bien que les Chrestiens se resoluoient à combattre & à tenter le hazard de la bataille, il voulut voir son armée en ordonnance; & luy-mesme les exhorter à bien faire, afin que sa presence les excitast dauantage à resister aux efforts de l'ennemy.

VOILA que c'est (soldats dit-il) que d'estre paruenus au faiste de la gloire, & de se laisser decheoir par vne lasche pusillanimité. Cy-deuant les Chrestiens n'osoient attendre un des moindres de nos Bassas en pleine campagne, un petit Sanjac les a quelquesfois mis en fuitte, & le plus grand de leurs Emperours avecques vne tres-belle & puissante armée, n'osa iamais attaquer celle

Et Mahomet
les fiens, mais
aigrement.

1596.

du tres-heureux & tres-inuincible Prince nostre bis-ayeul Solyman ; mais les victoires que ceux-cy ont obtenues sur vous, les trophées qu'ils en ont élevés, leur ont tellement enflé le courage, qu'ils osent bien attendre de pied-ferme nostre tres-redoutable Grandeur. Mais n'ont-ils pas raison, puis que de toutes parts on ne void maintenant parmy les Musulmans que de la fuite & de la desobeissance : nous pensions que nostre presence, comme un nouveau Soleil, feroit renuire en vos cœurs cette genereuse ardeur tant de fois cimentée avec le sang de ces idolâtres : mais que n'avez-vous point fait devant Agria : la ville & la forteresse sont nostres veritablement, mais le bon-heur qui n'abandonnera jamais le nom Othoman, la reduite plustost sous nostre Empire, que la force de vos bras. Alors nous exposâmes nostre haultesse à toutes sortes de perils pour tascher de vous faire rentrer dans la souvenance de ce que vous souliez estre : mais le danger de nostre Majesté & les remonstrances que nous vous fîmes, vous toucherent si peu, que l'ennemy vid plustost vos talons que vos mains, & si la garnison d'Agria eust eu autant de courage que ses chefs, nous serions encores à disputer le rauclin, & à donner ordre qu'ils ne fissent des sorties sur nous, maintenant que le secours seroit à leurs portes, mais le grand DIEU, par les prieres de nostre saint Prophete, en a autrement ordonné.

OR maintenant c'est à vous de vous bien deffendre : car selon que ie puis iuger, ceux-cy ne sont pas pour vous pardonner la perfidie que de vostre propre mouvement vous avez exercée contre ceux d'Agria ; & si en cette bataille il faut faire estat de vaincre ou d'y perir sous : car cette forteresse demantelée que nous venons de gagner, ne nous sauvera pas, & ie ne voy point que la fuite nous puisse garantir. Il faut doncques vous resoudre à deffendre vostre propre interest, puis que vous avez si peu d'affection à celui de vostre Empereur : car ie n'ay point encores remarqué que vous ayez fait aucun acte pour son service, ie puis bien compter vos rebellions, vos seditions & toutes les mutineries, que toy, l'anissaire, faits à tous propos à la porte de ton Seigneur, mais on ne nous a point encores rapporté que tu eusses accru son Empire d'un poulce de terre : tu sçais bien couper les cordages des tentes des Generaux qu'on te donne, enclouer le canon qui se doit accompagner pour debeller l'ennemy : ton cimeterre tranche pour cela, ton esprit ne manque point d'invention pour ses insolences, mais pour faire perdre la vie à l'ennemy, pour mettre son armée en fuite, pour deffendre bien une place, ou en conquerir quelqu'une d'assant, c'est ce que tu ne sçais plus faire, tu ne sçais plus que desobeir & faire le mauvais garçon contre ceux qui te commandent, & le lasche & couard contre celuy qui ne desire que ta ruine.

OR graces à DIEU, toutes choses sont en bon ordre en cette armée, & le nombre des chefs est en trop plus grande quantité que celle de l'ennemy, & afin que vous n'ayez que dire, nostre tres-illustre personne qui veut courir mesme fortune que vous : que ie voye doncques en ce combat que vous avez eu iusques icy quelque raison de vous plaindre de ceux qui vous ont cy-devant conduits, & que vostre honneur vous estant plus cher que vostre vie, il n'y ait danger ny peril que vous ne vous efforciez de vaincre, pour faire que le Soleil ne vous voye point retirez en nostre camp, que couronnez de palmes & de lauriers par la deffaitte & la ruine de nos aduersaires.

CETTE reprimende plustost qu'exhortation, les toucha de fort pres ; cela fut cause que tous d'une voix le supplierent d'oublier le passé, à la charge de luy donner à l'aduenir toute sorte de contentement ; mais ny les vns ny les autres, ie veux dire ny les Chrestiens ny les Turcs ne tinrent ce qu'ils auoient promis : car les vns ne chercherent que le butin, & les autres ne penserent qu'à se garantir de l'espée de leurs ennemis, en la maniere que vous entendrez.

XII.

Embuscade
des Turcs.

Qui passent la
riuiere.

Repousser &
mis en fuite
par les Chre-
tiens.

LE Sultan ayant doncques fait aduancer son armée iusques aux bords du fleuve, se resout à la faire passer pour aller attaquer l'armée Chrestienne qui estoit au delà : cette plaine & le village voyfin s'appellent Keresth, proche de laquelle il y auoit un temple de my-abbatu, & comme une vieille masure, dans laquelle Mahomet fit mettre quelques centaines de lanissaires en embuscade avecques vingt-quatre pieces d'artillerie pour donner contre ceux qui voudroient s'auanturer à sonder le gué, & cependant il fit choix d'environ dix mille des plus braues soldats de son armée pour passer la riuiere & aller attaquer le combat, mais ny ceux qui estoient dans le temple, ny les autres qui s'estoient desia aduancez ne furent pas assez puissans pour resister aux efforts de l'armée Chrestienne, qui malgré toute la resistance des autres, ayant taillé en pieces les Turcs de cette avant-garde, & mis en fuite les Tartares qui les accompagnoient disperceez deçà & delà, ils passerent pesle-mesle la riuiere quant & eux, emmenans encores le canon qu'ils peurent trouuer, qu'on disoit n'estre pas en moindre nombre de cēt neuf pieces, chassans le reste de l'armée : de sorte qu'une telle frayeur se glissa dans toute l'armée des Turcs, que le Sultan mesme avecques

avecques Ibrahim Bassa, tascherent de se sauuer à Agria, le Soleil cependant commençoit fort à s'abaissier, de sorte que l'Archiduc estoit d'aduis de sonner la retraite, & de ne passer point plus outre pour ce iour. 1596.

MAIS le Prince Transsiluain, Palfy & tous les Hongrois furent d'aduis contraire, disant qu'il n'estoit que de poursuiure l'ennemy tandis qu'il auoit l'épouuente, que s'ils remettoient la partie au lendemain, que l'heur se tourneroit, & donneroit le temps aux Turcs de considerer plus particulièrement toutes choses, & reparer les fautes qu'ils auoient faites, ce qui fut d'autant plus facile à persuader à l'Archiduc, qu'on voyoit desia les Turcs commencer à se rallier. Cela fut cause que les Chrestiens derechef rassemblez en gros, Les Chrestiens poursuivent leur victoire. donnerent de la mesme furie dans le second escadron qu'ils eurent lors en teste, si que les premiers ayans esté taillez en pieces, plus de la moitié se mit aussi-tost en fuite, & de là poursuiuans leur poincte, les Turcs rendirent à cette fois si peu de combat, que fort peu tascherent d'empescher le progrez de leurs ennemis, chacun ne pensant qu'à se sauuer de leurs mains. Or, comme il a esté dict, on auoit fait des desfences tres-expresses, que nul n'eust à quitter son rang, pour se jeter au pillage, sans vne expresse permission, mais la veüe de tant de richesses qu'ils voyoient à l'abandon, leur fit bien-tost oublier ce qu'on leur auoit si specialement enchargé, si que tumultuairement & sans ordre ils se mirent à piller de toutes parts, entrans dans les pauillons, tuans & massacrans tout ce qui se presentoit deuant eux, & faisant vn grand amas de tout ce qu'ils y trouuoient de riche & précieux, de là vint tout leur mal-heur: car cōme ils furent arriuez iusques au milieu du camp, où l'Empereur Ture se logetousiours, enuironné de tout ce qu'il y a de fort & de puissant en son armée (comme il a esté dict ailleurs) ils trouuerent vne multitude de canons liez ensemble, avec de fortes & puissantes chaines de fer, qui braquez contre ceux-cy, qui ne s'attendoient pas à cette saluë, les arresterent tout court, puis aussi-tost ils sentirent se res-pandre sur eux ce puissant bataillon de Ianissaires, qui tous frais & reposez, & qui pis estoit pour ces butineurs, les plus vaillans & experimentez de l'armée Turquesque, que de vainqueurs & poursuiuans qu'ils estoient, ils commencerent de reculer: sur ces entre-faites arriua le Bassa Cigale avec ses gens de cheual, qui venant de costé leur donna vne charge si furieuse, que les Chrestiens se mirent honteusement en fuite, les Alemans principalement, & les Hongrois, au grand deshonneur de leur nation, & perte de leur patrie.

LES chefs toutesfois taschoient de les arrester, & les rassembler, mais, ny les prieres, ny les persuasions, ny les menaces n'eurent aucun pouuoir d'empescher que ceux-cy qui sembloient des lions au logis, ne fussent des cerfs à la bataille, n'ayans pas seulement esté cause de leur propre perte, mais encores de celle des autres qui les suiuiot: car cependāt qu'ils fuyoient, & qu'on ne les pouuoit arrester, ils troublèrent encores les autres gens de pied, se venans res-pandre dans leurs compagnies, & troublans leurs rangs, si que plusieurs furent foulez aux pieds des chevaux, tout s'en allant en fin à vau-de-route: les Turcs ne les poursuiuirent pas toutesfois fort loin, mais cela ne les empescha pas de fuyr tousiours, bien que personne ne les poursuiuit. On tient que durant le siege & en cette bataille, il n'y demeura pas moins de soixante mille Turcs & vingt mille Chrestiens, entre lesquels il y eutāt d'vne part que d'autre plusieurs personnes de qualité qui y demorerent, deux Bassas & quelques Beges du costé des Turcs, de celui des Chrestiens Venceslaus Poppelin, Pretipek maistre-de-camp, les fils du Duc de Holsatie Ernest, & Auguste, tous les chefs des chevaux-legers d'Italie & de Vuestphalie, le General des Reistres de Saxe, Pomeranie & Brandebourg, avec quarante Gentils-hommes de marque, le General de la caualerie des troupes de l'Empereur, & le guidon dont la cornette fut prise, le General encores des Sueues Ramschiuag, & le Capitaine Breitschiuvert avec le General de ceux de Bauiere, Plettemberg & plusieurs Capitaines, enseignes & autres chefs, comme ceux qui firent le plus de resistance, & eurent leur honneur en plus grande recommandation: les Turcs recourent l'artillerie qu'ils auoient perduë, & gagnerent encores celle des Chrestiens, avec vn fort grand butin, (duquel il leur en fut apres osté vne bonne partie par les Transsiluains), recourans non seulement le leur, mais ayans encores la dépouille de leurs ennemis.

L'ARCHIDUC voyant ainsi toutes choses desesperées, se retira à Caschiouie, le Transsiluain à Togay, Bernesteing qui estoit grand-maistre de l'artillerie, ayant quitté-là son camp & tout l'attirail, se sauua où il peult: Palfy, ny le reste des Hongrois ne voulurent point demeurer au camp, se voyans abandonnez des autres. Tous ceux qui ont escrit cette Grande fauce des Chrestiens presque izée-Parable.

1596. histoire, disent tous d'une voix, que si les Chrestiens eussent poursuivy leur bon-heur sans s'amuser au butin, ils eussent obtenu la plus signalée victoire qui jamais ayt esté gagnée sur les Turcs, qui leur eust encores esté plus importante que n'auroit esté auparavant celle de Lepante, & ce d'autant plus que leur Empereur y estoit en personne. Car encores qu'ils eussent vaincu, Iansonius, Arnoul, Helio & autres qui en ont escrit, disent qu'ils ne laisserent pas toute la nuit de serrer bagage, & de le tirer hors du camp, laissant leurs tentes, leurs pavillons & leur canon sans aucune garde deux iours entiers, ce qui semble de difficile croyance, veu leur discipline. toutesfois ils disent que ce fut la premiere frayeur qu'ils auoit tellement maistrisee au commencement de ce combat, que la victoire mesme ne les pouuoit rassurer. Palsy se retirant à Strigonie, renforça les garnisons de toutes les places qu'il tenoit. Les Hongrois s'emparerent aussi des chariots que les Alemans auoient abandonnez dans le camp, n'en ayans pris que les chevaux pour prendre la fuite plus à leur aise: ces fuyards se rassemblerent aussi comme ils furent lassez de courir, mais tous desarmez: car ils auoient la plus-part ietté leurs armes pour fuyr plus à leur aise.

Forces laissées
dans Agria.

Q V A N T à Mahomet voyant l'hyuer approcher, il laissa dix mille hommes en garnison dans Agria, & retenant avecques soy ce qu'il iugea necessaire pour la conduite & seureté de sa personne, il enuoya hyuerner le reste, ce qui me fait moins croire que toutes choses fussent ainsi laissées à l'abandon, puis qu'il laissoit de telles forces dans cette place, si proche du lieu où s'estoit donné ce combat: mais en quelque façon que les choses peuuent auoir passé pour ce regard, il est certain que les Chrestiens perdirent lors vne tres-belle occasion pour bien faire leurs affaires: En cette retraite des Turcs, Barbely donna sur la queue, en deffit quelque nombre, & leur osta vne partie de leur butin. Quelques-vns disent que le Palatin, ou Vainode de la Moldaue, estoit de compagnie avecques Barbely en cette retraite. Mais Valthere qui a particulièrement décrit les actions de ce Prince, dit qu'il passa le Danube apres la feste saint Michel, qui pourroit estre au commencement d'Octobre, ayant douze mille hommes en son armée, pour se rendre le maistre principalement de la forteresse de Nicopoly, & comme il eut commencé d'attaquer cette place le douzième des Calendes de Novembre (qui est le vingt-&-unième iour d'Octobre) & qu'il eust deffit tous les Turcs qui se voulurent opposer à l'encontre, il se rendit le maistre d'un bouleuard qui estoit au deuant, & qui couuroit cette place, lequel ayant abbatu rez pied rez terre, il s'en alloit attaquer la forteresse, quand le Sanjac ne se sentant pas assez puissant pour luy resister, luy enuoya de grands & riches presens, avec plusieurs robes de soye entretissuë d'or, force zebellines encores, dix fort beaux chevaux, tous sellés & enharnachés fort richement, & leur equipage en broderie d'argent, pour l'inciter à vouloir leuer le siege avec quelques honnestes conditions, maintenant mesmes (disoit-il) que le seigneur auoit pris Agria, & qu'il s'en venoit prendre son passage à Scopie, ou Sophie, à cinq iournées de Nicopoly, qu'il ne luy fist point souffrir vne si grande honte que de rebrousser chemin, comme si cela fust venu encores de sa negligence, de n'auoir point enuoyé du secours à vne si grande & notable forteresse. Que si le Palatin se comportoit en cette action-là avecques discretion, qu'il feroit en sorte par prieres & intercessions avecques le Sultan, qu'il oublieroit les crimes enormes qu'il auoit commis contre sa hautesse, & le reconcilieroit, non seulement avecques luy, mais encores feroit continuer le Palatinat à son fils, avecques des promesses & des pactions si authentiques, qu'il auroit sujet de s'asseurer pour l'aduenir.

Le Vainode
leue le siege.

Vainode du Pa-
latin.

Le Palatin n'estant point tant ému par les presens & par les discours du Sanjac, que par l'arriuée de l'armée victorieuse des Turcs, à laquelle il ne seroit pas bastât de resister, & craignant encores qu'on luy fermast le passage, & qu'il ne peust faire seurement sa retraite, il fit semblant d'acquiescer à ce que luy proposoit le Sanjac, & leua le siege, puis ayant passé le fleuve, vn matin comme il marchoit deuant son armée avecques six de ses amis estant suiuy de loin de cinquante chevaux, il fit rencontre de deux Turcs qui s'enfuyoient, lesquels ayant arrestez, & comme il se fust enquis d'eux d'où ils venoient, il sceut que cinq cens de leurs compagnons alloient pillans & brûlans les villages par où ils passoient, faisant vn merueilleux degast, & qu'ils n'estoient pas loin de là: Ce magnanime Prince avecques ses six amis s'en alla hardiment au deuant d'eux, & se ruant sur eux, luy seul en abbatit quatorze de sa main, & secouru qu'il fut des siens, qui y suruinrent incontinent, ils en firent mourir plusieurs; puis ayant mis le reste en fuite, il se retira à Tergouliste: mais en fin moyennant plusieurs menées qui se traisterent à la Porte de l'Empereur Orhoman, qui

qui prouenoient plustost du costé des Turcs que de luy, on luy enuoya par vn Chaoux l'en-
seigne de Vaiuodat, pour signe qu'il estoit retourné en la grace de Mahomet, & pour
marque aussi de subiection & d'obeyssance.

Le Palatin se voyant si proche voisin des Turcs, leurs armées passer à tous propos par
ses terres pour aller en Hongrie, ses villes, chasteaux & forteresses ruinées, le pays reduit
en vne extreme pauvreté, le peu de secours qu'il tiroit des Princes Chrestiens, il pensa que
c'estoit le plus expedient pour remettre son pays en son premier estat, & donner quelque
relasche aux habitans de cette contrée, harassez de tant de guerres, toutesfois il auoit tou-
jours le desir de secourir les Chrestiens, dequoy se doutans les Turcs, ils furent vn peu de
temps qu'ils ne le traictoient pas comme amy, & luy en scauoit bien prendre sa raison: tou-
tesfois depuis tout fut mieux pacifié que deuant: de sorte que Serdar & Mehemet Bassa
allans avecques vne puissante armée en Hongrie l'année suiuaute, ils passerent par vne
autre contrée que la Valachie, le Sultan ayant enuoyé vn Chaoux exprez pour ce faire, &
le treiziesme des Calendes d'Aoust (à scauoir le vingtiesme de Iuillet) il enuoya vn autre
Chaoux vers le Palatin, pour l'asseurer avecques de plus estroits sermens qu'auparauant
de son amitié, luy donnant cette dignité à luy & à son fils, leur vie durant, sans aucun em-
peschement, luy faisant present d'un beau cheual fort richement enharnaché, avecques
les patentes expediees en bonne forme, & autres marques de sa principauté. Mais depuis
comme on le voulut contraindre à faire la guerre aux Chrestiens, il n'y voulut iamais en-
tendre, ains ayma-mieux souffrir toutes sortes d'incommoditez, ayant à soustenir tou-
jours quelques armées de Turcs, ou de Tartares: mais D I B V luy fit tousiours la grace
de leur resister, & de preseruer son pays de leur subiection.

P O V R reuenir à Mahomet, il s'en retourna à Constantinople passer son hyuer: ce fut
en ce voyage qu'on tient que mourut Sinan Bassa, qui auoit fait de belles & grandes cho-
ses en son temps: il finist ses iours à Belgrade, aagé de quatre vingts quatre ans, on dict que
ce fut d'une apoplexie, pourueu que ce ne soit point de celles dont les Bassas ont accoustu-
mé de mourir en Turquie. On mit en sa place de premier Vizir, Ibraim qui estoit gendre
d'Amurath, & auoit esté Beglierbey de l'Egypte, où il auoit assez bien gouuerné & paci-
fié sagement quelques tumultes qui s'y estoient eleuez: cela auoit fait croire qu'il seroit
capable de manier les affaires de tout ce grand Empire; mais soit que la multitude des affai-
res l'ébloüist, ou qu'il eust quelques intelligences secretes qui l'empeschassent d'executer
tout ce qu'il eust peu, tant y-a qu'il gouerna si mal toutes choses, que sans la Sultane sa
femme qui l'aimoit fort, il eust suiuy son deuancier de fort pres: mais on se contenta de
le faire Mansul, & de mettre en sa place Mahomet Bassa, qui estoit General en Hongrie:
mais cela aduint aux années suiuautes. Au mois de Feburier prochain, il vint à Constan-
tinople des Ambassadeurs de la part du Sophy, le chef de laquelle Ambassade s'appelloit
Serdar, Gouverneur de la Prouince Calderane, ils entrerent dans la ville presque en pa-
reille pompe que du temps d'Amurath, & furent receus avec grande ioye de Mahomet,
puis ayans renouuelé les anciennes alliances qu'ils auoient avec les Seigneurs Othomans,
il leur fit plusieurs grands presens, & s'en retournerent comblez de toutes sortes d'hon-
neurs en la maison.

M A I S les affaires ne se passioient pas si paisiblement en Hongrie: car cette grande ar-
mée s'estant retirée, l'Archiduc reprint Dotis, ou Totis, qui auoit esté trois ans en la
main des Turcs: Papa le suivit bien-tost, ce qui donna le courage à l'Archiduc d'assie-
ger Iauarin, mais le Bassa Mahomet y ayant enuoyé du secours, Maximilian leua le siege
pour le combattre: il mourut en ce combat sept cens Ianissaires, & plusieurs gens de
cheual, les Turcs estans contrainsts de quitter la place à leurs aduersaires: cependant le
Bassa auoit passé le Danube pour se ruer sur la Transiluanie, mais Sigismond estant de re-
tour, qui n'estoit pas pour souffrir le rauage de son pays, marcha aussi-tost contre luy, &
le força de se retirer, le mesme aduint encores en la Moldaue. Cecy ayant esté rapporté à
la Porte, & le Sultan voyant combien l'alliance de ce Prince luy estoit necessaire, fit ce qu'il
peust pour le gagner, enuoyant gens expres qui confererent avecques luy, ausquels il res-
pondit avecques la prudence requise en telles affaires, les nourrissant d'esperance, sans rien
conclure, & les renuoyant ainsi chez eux: & à peine ceux-cy furent-ils partis, qu'il vint au
Prince des deputez des Bulgares avecques desir de se mettre en sa protection. Cependant
cette legation du Turc auoit fait discourir plusieurs au desauantage du Transilvain, si
qu'on en parloit en fort mauuais termes en la Cour de l'Empereur: mais ayant esté luy-
mesme se justifier à Prague, à son retour il fit vn Edict, que sur peine de la teste aucun n'eust

1596.

Ses confide-
rations.

Retour de
Mahomet à
Constantino-
ple.

Ambassadeurs
du Sophy à
Constantino-
ple.

1597.

Totis & Papa
repris par les
Chrestiens.

Iauarin assie-
gé.

1597.

à proposer de traiter de la paix avecques les Turcs, & pour vn plus manifeste signe de sa sincerité en cette resolution, il print sur les Turcs Fillech, ou Fellek & Chiaud, forteresses situées sur le fleuve Marize, & mit le siege deuant Themiswar, mais il fut contraint de le leuer par la rigueur de l'hyuer. Le siege cependant continuoit deuant Iauarin : mais Mahomet Bassa ayant renforcé son armée d'un bon nombre de gens de pied, reprit Tata qui auoit esté laissée deserte par les Chrestiens : ce fut lors que Maximilian leua le siege : mais il mit le feu à Vaccia : Mahomet feignant de traiter de paix obtint quelques trefves, chacun estant bien-aysé de se retirer à couuert : ce fust aussi vers la fin de cette année que les Ambassadeurs des Perses & des Georgiens s'acheminèrent à Vienne, pour faire vne ligue avec les Chrestiens contre les Turcs, encorés qu'ils eussent, comme vous avez entendu, renouuéllé l'alliance avec iceux, au commencement de cette année.

XIII.

1598.

Iauarin assiégé par les Chrestiens.

Or les trefves ne durerent gueres avecques les Turcs : car Mahomet, qui ne les auoit demadées que pour se sauuer d'un mauuais pas, taschoit cependant de recouurer quelque place : mais il fut preuenu par le siege de Iauarin. Or y auoit-il dedans vne bonne & forte garnison, de sorte qu'on n'y sceut rien faire pour cette fois : mais comme le Baron de Vaubecourt Champenois, qui auoit quelque charge en l'armée de l'Empereur, se fust fait fort de le petarder, & communiqué ses desseins au Comte de Scharzembourg Gouverneur de Vienne, & qui commandoit pour lors l'armée Imperiale, luy representant que les Turcs estoient sans aucune des fiance, & par consequent fort faciles à surprendre & à forcer, pourueu qu'il fust secondé de quelques forces, luy deduisant ses raisons, & luy faisant voir clairement les moyens qu'il vouloit tenir pour l'execution de son entreprise, le Comte le trouua fort à propos, & luy promit de l'assister quand l'occasion se presenteroit, qui fut telle : Que ceux de la garnison de Iauarin estans allez à la guerre, le Baron iugea qu'il estoit à propos de les surprendre, tandis que la meilleure partie de leurs troupes estoit sortie : il en aduertit aussi-tost le Comte, lequel ayant assemblé Palfy, Coleniche & autres chefs, & le leur ayant proposé, ils furent aussi-tost de son aduis, veu que c'estoit vn grād aduantage pour la Prouince, & où il n'y auoit du hazard que pour l'entrepreneur, lequel ayant pris avecques luy enuiron cent hommes, moitié François, & l'autre Vualons, arriue iustement à la pointe du iour aux portes de Iauarin, où ils trouue plusieurs manœuvres, & quelques autres personnes qui conduisoient plusieurs chariots chargez de viures, qui venoient à ceux de dedans de Vuissembourg : le Baron embrasse cette opportunité, se mesle parmy ce nombre, & gagnant la porte, appose son petard contre la porte, & y met le feu.

Dessein du Baron de Vaubecourt exécuté heureusement.

Les Turcs qui estoient dehors, non encorés stylez à cette inuention, se mocquoient de leur petit nombre, & le petard ioüoit avec vne telle lōgueur, que le Baron desespéroit quasi de son entreprise, mais en fin il fit vn si grand effect, qu'il brisa la porte, & emporta beaucoup du mur, faisant telle ouuerture en vn instant, qu'à peine la batterie de vingt canons en pourroit-elle autant faire en vn iour, les Turcs qui estoient dedans réueillez par ce tintamarre, sortent demy-nuds parmy les ruës : car le Baron estoit entré dedans, & cependant le Comte avec toutes ses forces, qui s'estoit mis en embuscade, suiuit le Baron de si pres, qu'ils se rendirent les maistres de la ville. Mais ce n'estoit rien fait qui ne gaignoit la forteresse, le Gouverneur qui estoit dedans, estoit vn fort vaillant homme, qui tenoit dedans ordinairement six cens hommes, lesquels à cette surprise auoient pris vne telle épouuente, que quelques-vns sortirent dans la ville par dessus les murailles, & les autres tous en confusion, ne faisoient rien de bien à propos, quelque deuoir que fit leur chef de les rassembler, ne tirans que par cy par là des harquebuzades, mais à coup perdu, si que les assiegeans ne laisserent point de venir iusques au pied de la forteresse, d'y planter les escheles, mesmes d'enfoncer les portes, & de s'en rendre les maistres. Tandis il se faisoit vn merueilleux chamaillis au milieu de la ville : car les Turcs réueillez du profond endormissement auquel on les auoit surpris, & reuenus à eux, se mirent bien-tost en deuoir de se deffendre, le Bassa luy-mesme combatant des premiers, mais estant frappé d'un coup d'harquebuzade & percé d'outre en outre, demeura mort sur le champ : le Vualon qui luy tira cette harquebuzade, luy trancha la teste qu'il ficha encore au bout d'une lance, pour donner d'auantage d'épouuente au reste de la garnison.

Mort du Bassa de Iauarin.

Comme de fait, se voyans sans chef, leur ville prise, ils perdirent bien-tost le courage, toutesfois il restoit encorés vn bastion à prendre, dans lequel s'estoient retirez les Turcs, auquel estoit vne partie de leurs poudres, là où ils se resolurent de mourir tous, plustost que de se rendre, ny demander aucune composition, laquelle ne leur fut point offerte aussi, chacun estant attentif au combat, de sorte qu'ils y moururent tous iusques à vn : ces combats

combats durerēt plus de cinq heures, durant lesquelles les Chrestiens firent mourir quinze à seize cens Turcs, entre lesquels estoit leur General, prirent son fils prisonnier, & quatre cens autres qui luy tinrent compagnie : il y mourut six cens Chrestiens : on trouua dans la place cent quatre vingts cinq pieces d'artillerie, grosse & moyenne, sept cens bons chevaux, avec vne fort grande quantité de toute sorte de butin. C'est ainsi que la forte place de Iauarin reuint en la domination des Chrestiens, hors de toute esperance, & par la valeur des François : car on peut dire avec verité, que le Baron de Vaubecourt, qui y appliqua le petard, fit plus en trois heures, que toute l'armée de Sinan Bassa, si grande & si puissante, n'auoit fait en deux mois : car elle ne vint sous son pouuoir, que pour auoir corrompu le Comte de Hardech ; cestuy-cy s'exposant à vn extreme peril, sceut neantmoins, si dextrement conduire son entreprise, qu'il s'en rendit le maistre : cecy, dis-je, d'autant que le Comte de Scharzembourg en la lettre qu'il en escriuit à l'Empereur Rodolphe, teut le nom de Vaubecourt, pour d'autant obscurcir sa gloire, & celle des François qui l'accompagnerent, sans lesquels toutesfois leur dessein n'eust iamais reüssi, pas vn des Alemans, ny des Hongrois ne s'y voulans hazarder.

Or apres la prise de cette place, & que le Comte l'eut fortifiée & munie de tout ce qui luy estoit necessaire, afin de ne tomber pas en la mesme faute qu'auparauant, il alla assieger Tatta, qu'il emporta d'assaut deux mois apres Iauarin, & tout d'une suite, Palotte & Vesprim, & quelques autres encores des enuironns iusques au nombre de six. Au mesme temps le feu se print tellement en plein midy à Zighet, que la ville fut toute consumée. D'ailleurs Michel Vaiuode de Moldaue & Valachie ayant du tout rompu l'alliance avec les Turcs, deffit leur armée qui estoit passée en ses terres, composée de treize mille hommes, & poursuiuant sa victoire, print & brûla Nicopoly, massacrant tous les habitans Turcs, & les Gouverneurs, saccageant encores vne fort grande estendue de pays des appartenances des Turcs, des mains desquels il deliura seize mille Chrestiens qu'ils tenoient en captiuité, qu'il ramena avec ce qu'ils pouuoient auoir de commoditez, en la Valachie.

MAIS si les Chrestiens s'auançoient d'un costé, les Turcs ne demeuroient pas oisifs : car les nouvelles estans venues à Constantinople de la prise de Iauarin, cela toucha grandement Mahomet, & fut cause de luy faire faire vne fort grande leuée, qu'il enuoya aussitost en Hongrie, & la joignit avec celle qui y estoit desia, faisant ensemble le nombre de six vingt mille hommes, sous la conduite de Mahomet, pour lors Scerlesquier, laquelle s'en vint loger autour de Taccia, en intention d'assieger Strigonic, autour de laquelle estoit pour lors campé le Comte de Scharzembourg, pres les ruines de la ville des Iuifs, qui seruoient encores à le couvrir. Les Turcs se logerent apres à l'opposite, & sur toutes les montagnes des enuironns, il y auoit toutesfois le fleue entre-deux : cela fut cause qu'ils pointerent leur artillerie contre l'armée Chrestienne, laquelle ils taschoient de debulquer de là, d'autant qu'ils ne pouuoient faire leurs approches, qu'ils ne luy eussent fait leuer le siege : & d'ailleurs ils ne la pouuoient attaquer, leur manquant vn pont sur le Danube, les Chrestiens leur respondoient avecques leur canon, & leur faisoient à tous momens des salués. Le Comte ayant donné ordre que ses soldats tirassent les regiments separez l'un apres l'autre, afin de faire paroistre leur nombre plus grand que s'ils eussent tiré tous à la fois : ils se maintinrent quelques iours en cet estat, les Turcs s'efforçans de passer le fleue & d'assieger la place, & les Chrestiens employans toute leur puissance pour leur resister, iusqu'à ce que les neiges vinrent si impetueuses qu'elles forcerent les Turcs d'abandonner la campagne, & se retirer en leurs garnisons.

TOUTESFOIS il leur faschoit de faire leur retraite les mains vuides : ils enuoyerent doncques quarante mille chevaux tant Turcs que Tartares courir toute la haute Hongrie, lesquels allerent passer au chasteau de Chanith, courans tout le pays & faisant vn degast noppareil, iusques pres de Germanie, resolu d'entrer en la Morauie, pour la piller comme le reste : ce qui leur estoit assez facile, pour estre cette Prouince degarnie d'hommes & de forteresses, mais en recōpence de fort difficile accez, pour les forests, & les montagnes qui l'environnent. Les habitans doncques estās aduertis par la ruine de leurs voylins de se tenir sur leurs gardes, se voyās abandonnez de tout secours, l'armée Chrestienne estant trop éloignée pour les garātir, ils abbatent vn fort grand nombre d'arbres, & les entrelassant les vns dans les autres en bouchent les aduenues, remplissans tous les chemins de ces barricades, contraignans par ce moyen tous ces coureurs de rebrousser en arriere, & s'en retourner en leurs garnisons avecques vn fore riche butin & grand nombre d'esclaves, ayans ruiné plus de trente villages en cette course, leurs caualcades apportās ordinairement plus de degast

1598.

Prise de Tatta, Palotte & Vesprim par les Chrestiens.

Nouvelle armée des Turcs en Hongrie.

Leurs courses & rauages en la haute Hongrie.

1598.

aux Prouinces où ils passent, que ne font pas des armées entieres. Quant à l'armée Chrestienne, elle auoit plus de moyen de se mettre à couuert, aussi attendit-elle de pied-ferme que le mauuais temps fust passé, & desirant que quelque place payast les frais de son labeur & de son seiour, le Comte se resolut d'aller assieger la ville de Capoucheuar, presque frontiere de la Rascie, assise dans vn marets à trois lieuës de Zighet.

Sa situation.

Le Comte ayant reconneu cette place, voulut faire faire ses approches par les Vualons, mais en vain à cause du marets qui estoit plein d'eau & de fanges, n'y ayant point de moyen de se rendre le maistre de cette place qu'aux plus grandes chaleurs de l'esté, lors que l'ardeur du Soleil desseiche l'humidité de ces eaux marescageuses, & laisse vn passage ferme au milieu d'icelles, si qu'ils furent contraints de leuer le siege, & se retirans de deuant cette place, s'en aller de là attaquer Chasnay, vn chasteau à deux lieuës de Vesperim, planté sur la croupe d'une montagne, & en fort bel air: enuironné de bois d'un costé & d'autre, & de belles & agreables plaines: cette place d'assez difficile abord, fut toutesfois abandonnée par les Turcs, la nuit dont les Chrestiens y auoient mis le siege le iour precedent, qui se retirerent à Capoucheuar sans estre apperceus: le iour venu les assiegeans ayans ouïy là dedans vn fort grand remuëment, & maintenant vn si profond silence, interpretoient cela à quelque mauuaise fin & à vn stratageme de leurs ennemis; mais ayans fait reconnoistre la place, & estans assurez qu'il n'y auoit personne, ils entrerent dedans, laquelle ils trouuerent non seulement dégarnie d'hommes, mais vuide de toutes sortes de biens, ceux qui estoient dedans ayans tout emporté quant & eux, les Chrestiens y laisserent garnison, & se retirerent.

Abandonné
par les Turcs.Sedition à
Pappa, &
pourquoy.

MAIS ceux de Papa, n'agueres venue sous l'obeyssance des Chrestiens, se rendirent aux Turcs pour vne telle occasion: la garnison n'ayant point touché de paye depuis quelque temps, toutes choses estans deuenues fort cheres, à cause de la guerre qui auoit esté depuis si long-temps aux enuiron, ils enuoyerent à Vienne pour représenter leur necessité, mais on n'en fit pas grand estat: cela fut cause que les plus apparens d'entre eux s'en allerent trouuer le Comte de Scharzembourg, auquel ayans fait le recit de leur misere, & supplié de leur suruenir, il leur enuoya pour responce la peinture d'un gibet: cela rapporté à ces pauvres soldats, les mit au desespoir, dequoy ce General se repentant tout à l'heure pour la crainte de quelque sinistre accident, renuoya aussi-tost dans la place assurer ceux de cette garnison, qu'on leur feroit toucher la paye de deux mois, sur & tant moins d'onze qu'on leur deuoit, & là dessus enuoye les Commissaires avecques l'argent, lesquels auoient charge de tirer ces soldats hors cette place, comme pour leur faire faire monstre, & cependant y en faire entrer d'autres.

Ligue des se-
ditieux.

OR la femme d'un des soldats de cette garnison estoit aimée d'un de ceux qu'on vouloit mettre en leur place, lequel ayant conté ce secret à cette femme, & cette-cy à son mari, il en aduertit incontinent ses compagnons, lesquels se voyans par cette inuention frustrez de la place & du reste de leur deu, cōme il en estoit desia sorty vne cōpagnie, quand ils eurent cét aduis: ceux-cy rentrerent en furie dans la place, & font vne ligue entre eux de se maintenir enuers & contre tous, forçans non seulement leurs chefs de s'y obliger par serment, mais encores faisans proclamer à son de trompe, que tous ceux des habitans qui ne voudroient s'obliger à la deffense de leur cause, ils eussent à sortir de la ville: & comme ils eussent des deffiances de quelques-uns, ils pillent leurs biens & les vendent à l'encan. Ces habitans sçachans bien que l'armée n'estoit pas loin de là pour leur secours, se resoluënt à se deffendre, & s'opposer à cette tyrannie; mais ce fut encores pis: car alors ils violerent & pillerent d'autant plus hardiment que ceux-cy s'estoient declarez apertement leurs ennemis, font trancher la teste à leur colonel, & en élisent vn autre, & en fin se declarent pour le Turc; mais ce ne fut pas pour long-temps: car le regiment des Vualons estant entré dans cette place, il en tailla vne partie en pieces, six vingts demeurerent prisonniers, qui furent empalez. On dit toutesfois que cecy aduint peu apres.

Le faux-
bourg de
Bude, & vne
des forteresses
prise par l'Ar-
chiduc.

L'ARCHIDUC Matthias voyant les Turcs assez estonnez, & que leurs plus grandes armées faisoient fort peu d'effect, se resolut d'aller assieger Bude, le siege Royal autresfois des Rois de Hongrie: pour ce faire il fit choix d'environ trente mille hommes, & quelque resistance que peussent faire ceux de dedans, si est-ce que les Chrestiens forcerent le faux-bourg qui est deuers le Danube, & continuans leur poincte, prirent la forteresse qui est dessus le mont saint Girard, où ils firent mourir deux mille Turcs qui s'opiniastre-
rent iusques à l'extremité à la deffense de cette place, dans laquelle les vainqueurs trou-
uerent quatre vingts pieces de canon, mais ils ne sceurent prendre la principale forteresse,
laquelle

laquelle ayans tenuë assiegée iusques au deuxiesme de Nouembre, le mauuais temps les força de faire retraicte. En ce temps Mahomet Vizir, & Ismaël Bassa de Themiswar, avec Hatalma le Cham des Tartares, qui auoient tous ensemble assiegé Varadin, furent contrains de faire le mesme: car la braue resistance de Melchior de Redrun Baron de Fridland, garantist la forteresse, si que desesperans de la conquerir, ils se retirerent pour hyuerner, ayans perdu plusieurs milliers de leurs troupes en cette expedition.

1598.

En cette année 1598. la peste fut si grande en Constantinople, que personne ne cheminoit par la ville, & le Sultan se tenoit au canal de la mer noire, faisant tirer tous les iours plusieurs coups de canon pour purifier l'air, luy estans mortes dix-sept de ses sœurs dans son Serrail. On dit aussi que ce fut en cette année que Cigale, duquel il a esté fait souuent mention, fut fait General de la mer, au lieu d'Haly Bassa beau-frere du grand Seigneur. Or ce Cigale se voyant en credit, soit qu'il fust ennemy particulier des François ou pour faire vne contre-quarre au premier Vizir, tascha d'empescher que Mahomet n'enuoyast au Roy tres-Chrestien Henry le Grand, vne espée fort riche, & quelques cheuaux de grand prix, dequoy il auoit donné la charge au Muttafer Aga; mais Cigale luy ayant remonstré que c'estoit faire tort à sa Grandeur, d'enuoyer des presens aux Infideles, & d'un mauuais augure encores, luy qui en souloit receuoir de tous les Princes de la terre, qu'à sa persuasion Mahomet ordonna au Muttafer Aga de s'en retourner, encores qu'il fust desia à Chio: cela se fit si secrettement que personne n'en sceut rien. Cependant Cigale faisant bonne mine à l'Ambassadeur de France, luy promettoit tousiours qu'il licentieroit la galere qui estoit destinée pour ce voyage, dans laquelle se deuoit embarquer le truchement qui deuoit accompagner le Muttafer Aga, laquelle en fin estant arriuée à Chio, deux iours apres luy, Cigale monstra alors l'ordre du grand Seigneur à ce Muttafer Aga, & luy commanda de s'en retourner à Constantinople, ce qu'il fit trois iours apres.

Grande peste
à Constanti-
nople.

ESTANT de retour, cela n'estonna pas moins le premier Vizir que l'Ambassadeur, voyant que Cigale vouloit entreprendre sur luy, & se monstrier plus sage & plus politique, en faisant reuoker vn tel voyage. Or les Turcs apprehendans que sa Majesté tres-Chrestienne ne le print en mauuaise part, & aussi pour se vanger de leur ennemy, allerent remonstrier à Mahomet que cette reuocation luy apporteroit plus de honte & de preiudice qu'il ne pensoit: il reordonna que ce Muttafer Aga seroit derechef depesché, & d'autant qu'il n'y auoit point de galere, qu'il partiroit par terre, & prendroit trente des meilleurs cheuaux de son escuyrie: ce qu'ayant fait entendre audit sieur Ambassadeur, il fit response qu'il ne pouuoit consentir vn tel voyage, sans auoir response de sa Majesté, à laquelle il auoit escript leur inconstance. Ce que les mit en de grandes alteres, ayans crainte que sa Majesté ne voulust rompre l'alliance avec eux, laquelle ils ont tousiours autant redoutée pour sa valeur, que pour le bō-heur qui l'a tousiours accompagné en toutes ses entreprises. Enuiron ce mesme temps trois renegats qui appartenoient au Muphty, se voulans sauuer, selon leur maniere de parler, en Chrestienté, s'estoient retirez chez les Peres de S. François la Madone, & S. Pierre: il en alloit eclorre vn grand mal-heur; car le Muphty en estant en vne extreme cholere, le Bassa & le Ianissaire Aga s'en alloient à Galata, tant pour ruiner ces trois Eglises, que pour faire mourir les Religieux. Mais le sieur Ambassadeur de France en estant aduertey, alla aussi tost trouuer le Muphty, duquel il estoit particulièrement amy, des le temps qu'il estoit encores precepteur de l'Empereur Amurath: car il n'y auoit pas long-temps qu'il estoit eleué à cette dignité, si qu'en cette consideration toutes choses furent pacifiées. Ce fut en ce mesme temps que le grand Duc de Thoscane fit vne entreprise sur l'Isle de Chio, qui reüssist si mal à propos, que plusieurs de cette armée y finirent leurs iours, & entre autres le General d'icelle, Bartholomeo de Montaùto: & pour comble de mal-heur, les Chrestiens penserent perdre leur Religion, & estre faits esclaves, comme l'Empereur Turc le desiroit, comme ayans eu intelligence avec les Florentins, sans le sieur de Breues Ambassadeur pour le Roy, qui destourna l'execution de cet arrest, conseruant par sa diligence, non seulement la liberté des Chrestiens de Chio, mais encores leur Religion.

Religieux &
quelques E-
glises preser-
uées à Galata,
par la faueur
de l'Ambassa-
deur de Fran-
ce.

QUE si l'année 1598. fut assez infortunée pour les Turcs, celle de 1599. ne leur fut pas plus fauorable: car l'armée de l'Empereur ayant intention de retourner à Bude pour la seconde fois, & les Turcs estans venus pour y donner quelque secours, les Chrestiens les combattirent & emporterent la victoire, avecques vn grand butin de toutes sortes d'armes qu'ils auoient apportées quant & eux pour le secours. De là Scharzembourg voulut assieger la forteresse, mais les assiegez firent vne telle resistance, qu'il fut contrainct de se re-

1599.

Second siege
de Bude.

1599.

tirer. Or Mahomet commençoit d'auoir la guerre de Perse sur les bras, cela luy fit desirer la paix avecques l'Empereur Rodolphe, & l'Archiduc Matthias, enuoyant quelques Ambassadeurs pour cet effect, lesquels l'Archiduc ne voulut point ouïr, disant que tandis qu'ils parloient de paix, ils mettoient tout à feu & à sang, & auoient tasché de prendre Zighet. Dequoy les Turcs extremement indignez de se voir ainsi méprisez, avecques vn grand nombre de Tartares, coururent toute la Prouince, mettans tout à feu & à sang par tout où ils passoient, mais Palfy se mit au deuant de leur fureur, & les contraignit de faire retraite. Ibraim Bassa auoit cependant assemblé vne puissante armée, en intention de prendre Canisc. Cette ville estoit des meilleures places de la Hongrie, frontiere de l'Esclauonie, sise dans des marais, & fort vtile pour le bien de la Chrestienté; & comme il fust venu mettre son siege deuant cette place, les assiegez n'esperans pas de deffendre la ville contre vne si puissante armée, la garnison n'estant pas capable de garder la ville & le chasteau, la quitterent de bonne heure, y ayans mis le feu auparauant, pour la rendre inutile aux Turcs, & se retirerent dans la forteresse: d'autres disent que le feu y fut mis par quelques esclaves, auparauant mesmes que les Turcs y vinssent.

Troisieme
Siege deuant
Bude par les
Chrestiens.

Le siege cependant se remet encore deuant Bude pour la troisieme fois par les Imperiaux: mais la garnison en ayant esté aduertie de bonne heure, ils en donnerent aduis aux garnisons voylines qui les secoururent aussi-tost, le Bassa toutesfois estans sorty de la place, loin enuiron de la portée d'une harquebuz, fut rencontré par quelques troupes de Chrestiens qui le prirent & liurerent au Comte de Scharzembourg, lequel voulut faire aussi quelque entreprise contre Pesth: mais il fut contrainct de tout quitter, d'autant que le Bassa Serdar vint de Belgrade au secours de l'une & de l'autre, joint qu'il craignoit que les Turcs voulussent assieger Strigonic. Vn nouveau pourparler de paix se remet encores sur les rangs, & cependant il se fit quelque forme de trefue: mais les Turcs ayans demandé des conditions trop desaduantageuses pour les Chrestiens, la guerre recommença de nouveau, en laquelle les Turcs souffrirent encores quelques pertes par l'Archiduc Matthias. Ce fut aussi en ce temps que Sigismond Prince de Transiluanie rompit l'accord qu'il auoit fait avecques l'Empereur Rodolphe, & s'accorda avecques le Cardinal André Battory. On tient que ce Prince auoit esté empoisonné par le Cardinal. Lequel auoit trouué moyen de suborner vn sien valet de chambre pour cette malheureuse execution, mais l'age encore vigoureux de ce Prince & son grand cœur, furent assez puissans pour en repousser vne partie, le reste neantmoins luy troubla tellement l'esprit, que cette vigueur esteinte, il se laissa par apres conduire à tout ce que voulut ce Cardinal son mortel ennemy, lequel voulant apres reconnoistre l'Empereur Turc, enuoya à sa Porte pour pacifier toutes choses entre eux, il s'empara de cette Prouince, & s'estant ligué avecques le Moldaue, ils delibererent ensemblement de ruiner le Palatin de Valachie Michel, aydez qu'ils estoient des Turcs. Cestuy-cy, aduert; qu'il fut de leur dessein, leua aussi-tost vne grande & puissante armée, avecques laquelle ayant pris les meilleures places, & mesmes Albe-Iule, deffait & ruiné l'armée de Battory, il se rendit le maistre de la Transiluanie, sous le nom toutesfois de l'Empereur Rodolphe, qui y auoit enuoyé Georges Baste, tant pour le secourir que pour se prendre garde de luy. Quant au Cardinal Battory estant tombé entre les mains des Valaques, ils luy trancherent la teste, & luy couperent vn doigt de la main d'ioiste, où il souloit porter vn anneau de tres-grand prix, sans qu'on peult decouurir qui auoit fait le coup.

Victoire du
Palatin de Va-
lachie.

Le Duc de
Merccœur Ge-
neral de l'ar-
mée de l'Em-
pereur.

Les choses se passans ainsi en Transiluanie, le Comte de Scharzembourg au retour de Bude, ayant entendu comme ceux de Papa s'estoient reuoltez, y vint en grande haste pour la recouurer; mais comme il alloit reconnoistre quelque endroit pour l'attaquer, il fut tué d'un coup de mousquet: sa charge fut donnée au Duc de Merccœur, de la tres-illustre maison de Lorraine & Prince du saint Empire, lequel quelque temps auparauant l'Empereur Rodolphe auoit enuoyé demander à Henry le Grand, pour estre General de son armée: car outre ce qu'il esperoit que ses affaires succederoient heureusement quand elles seroient conduites par vn si genereux Prince, encores esperoit-il que les plus vaillans François, voyans maintenant la paix establie en leur pays, seroient bien-aysez de l'accompagner en vne si honorable entreprise, s'assurant que les moindres de cette troupe luy seroient autant de chefs & de vaillans Capitaines, ayans esté sous la discipline d'un guerrier si redoutable que nostre grand Roy, contre lequel ny la force, ny l'artifice, ny le subterfuge ny l'estrange n'auoient iamais esté assez puissans pour l'empescher de demeurer inuincible de tous ses ennemis, la renommée duquel s'estant estendue au long & au large par ce grand

grand vniuers, auoit fait naistre ce desir au cœur de l'Empereur, pour auoir quelqu'un qui vint de sa main en la conduite de ses armées.

1600.

Ce Prince doncques estant arriué à Pragues, trouua Canise assiegée, & laquelle demouroit sans secours; car les Princes & principaux seigneurs de toutes ces Prouinces lassez de la continuelle guerre qu'ils auoient faite les années passées, prenoient quelque relasche & s'amussoient à faire des mariages & à voir plusieurs spectacles, tandis qu'Ibraim pressoit de fort pres les assiegez. Mais le Duc de Mercœur ayant pris la charge & la conduite de l'armée Chrestienne, fit aussi-tost courir le bruit qu'il auoit de tres-grandes forces, bien qu'il n'eust avecques soy fort peu de gens. Or comme son arriuée auoit esté inopinée aux Turcs, aussi n'auoient-ils pas sceu decouurir quelles troupes il amenoit quant & soy, trop petites à la verité pour entreprendre contre un si grand nombre; car on tient que l'armée Chrestienne n'estoit pas de plus de treize mille hommes, & celle des Turcs de plus de six vingts mille: toutesfois ayant conferé avecques l'Archiduc Matthias à Iauarin, il fut resolu de deffendre cette place, & de tascher d'y donner quelque secours: les munitions estoient toutesfois fort petites, comme de gens qui ne s'estoient pas attendus à faire d'expedition pour cette année mil six cens, qui s'en alloit tantost passée: qui me fait penser que l'embrasement de Canise, duquel il a esté parlé cy-dessus, n'est arriué qu'au commencement de cette année. Car ie ne trouue point que les Turcs y ayent mis deux fois le siege: & cependant, selonc cette histoire, il faudroit inferer qu'ils y fussent retournez, ou bien qu'ils eussent tenu cette place assiegée pres de deux ans, ce qui ne se peut, principalement en vne si grande armée que la leur, si ce n'est qu'on vueille dire qu'elle ne fut embrasée que par la meschanceté des esclauues, & non par la garnison: mais encorès à ce compte il faudroit que les Turcs, lors qu'ils y vinrent mettre le siege, l'eussent trouuée ruinée: & toutesfois on trouue que ceux de dedans ont fait vne braue résistance, & le discours qui se lit de ce siege, nous represente la ville en son entier.

Le Duc de Mercœur va au secours de Canise.

Auec peu de forces & de munitions.

Quelque contradiction en l'histoire conuulsee.

Pour reuenir donc au Duc de Mercœur, les Turcs, à son arriuée, tascherent de l'empescher de camper, mais outre qu'ils ne peurent faire reüssir leur dessein, ils perdirent en cette rencontre vne grande multitude de gens: en fin ayans reconneu le petit nombre des Chrestiens, ils se resolurent d'attaquer l'armée dans son camp. Pour ce faire ils braquerent vne partie de leurs canons contre eux, & se mirent en deuoir de les forcer; mais ils y firent encorès plus mal leurs affaires qu'au precedent: car outre ce que plusieurs demorerent sur la place, ils y perdirent encorès plusieurs pieces de canon: de sorte que l'armée Chrestienne en quelques autres rencontres qu'elle eut encorès depuis, fut toujours victorieuse: mais elle fut vaincue par la necessité, non seulement des choses necessaires à la vie, ains aussi de poudre à canon: parmy cela, les grandes pluyes qui suruinrent les forcerent en fin de leuer le siege: cela se fit toutesfois si secrettement, & en si grand silence, que les Turcs n'en sceurent rien que le lendemain. Mais apres auoir reconneu qu'ils auoient quitté le retranchement, dans lequel ils auoient le iour precedent si courageusement combattu, la cholere leur fit doubler le pas pour les suiure. Or faisoit-il un fort grand brouillard, si qu'il estoit bien mal-aysé de discerner en quel lieu, ny quel chemin ils pouuoient auoir pris: les Chrestiens cependant tiroient tousiours pays en fort bon ordre: mais comme ils eussent trouué un passage fort estroit & difficile à la sortie d'un village, quelques-uns qui pour ne rompre leur rang & demeurer en leur ordre, voulurent sauter par dessus des pallissades des iardins, apporterent un grand desordre: car les premiers croyans que les derniers estoient poursuiuis & pressezz, & que c'estoit ce qui les faisoit ainsi sauter de lieu en autre, prirent l'épouuente, & la donnerent apres à tout le reste. Les Turcs arriuant sur ces entrefaites, les chargerent fort viuement, principalement le regiment des François & Alemans: aussi-tost on le fut dire au Duc de Mercœur, lequel voyant tout en desespoir, luy sans perdre courage, rallie les fuyards, leur remonstre leur deuoir, qu'en combattant ils se tireroient de ce mauuais pas, ou receuroient vne mort honorable; au contraire, en la fuitte l'ignominie, la mort, ou la seruitude, pire que le plus cruel supplice; qu'on se deliuroit ordinairement plustost en ces rencôtres avec les mains qu'avec les pieds, plus grand nombre estant massacré par la campagne qu'au champ de bataille; & là dessus leur ayant fait tourner visage, les mena contre les Turcs desia vainqueurs. Ceux-cy animez de la presence de leur chef, reprirent un tel courage, & chargerent si viuement leurs ennemis, qu'ils les contraignirent de quitter le village: alors l'armée Chrestienne, sans autre empeschement, gagna le bois prochain qui estoit donné pour le rendez-vous de la retraite, où les Turcs ne les oserent

Les Turcs taschent d'empescher le Duc de Mercœur de camper.

Faute de munitions en l'armée Chrestienne, la contrainct de leuer le siege.

1600. attaquer, ains laisserent le Duc de Mercœur acheuer sa retraicte, quia esté tenuë pour vn des plus braues exploits de guerre, qui se soit fait de long-temps en Hongrie.

Canise réduit
aux Turcs.

Le Duc de
Mercœur fait
trancher la
tête au Gou-
verneur.

ALORS les Turcs estans de retour, assurez à bon escient de la retraicte des Chrestiens, ils presserent la ville de fort pres, avecques vne entiere assurance de la victoire, ruinans tellement les murailles, qu'en fin les assiegez se desesperans de tout secours, traicterent de leur reddition le vingt-deuxiesme iour d'Octobre, & estans sortis vies & bagues sauues, remirent la place en la main des Turcs, de laquelle reddition le Gouverneur qui se nommoit Parisari, ne pensant point estre repris, il se tenoit presque assuré d'en auoir impunité: mais s'estant présenté au Duc de Mercœur, tant s'en faut qu'il le vist de bon œil, que luy ayant fait faire son procez sur sa lascheté & peu de courage en vne si fascheuse saison, en laquelle l'ennemy n'eust peu tenir la campagne, s'il eust encores eu de la patience & fait quelque peu de resistance, luy ayant fait couper la main droite, avecques laquelle il auoit signé la reddition, il luy fit apres trancher la teste. Et à la verité il estoit bien en luy de se deffendre: que si l'armée Chrestienne s'estoit retirée, ce n'auoit point esté par lascheté, mais pour l'incommodité qu'elle auoit de toutes choses, ce qui n'estoit pas ainsi à ceux de la forteresse, joint qu'elle s'estoit retirée avec beaucoup d'honneur, ayant fait mourir six mille de leurs ennemis, pris douze pieces de canon, & deux cornettes de gens de cheual, si bien que si ceux cy eussent fait resistance, les Turcs eussent esté contraincts de leuer le siege, & se retirer sans rien faire, & puis ledit sieur Duc luy auoit mandé qu'il retourne- roit à son secours, & qu'il print bon courage, que son depart estoit plustost pour raffraichir ses troupes que pour retraicte.

XIII.

1601.

Grandes af-
faires que Ma-
homet auoit
sur les bras.

Les Perses
font ligue
avec l'Empe-
reur & l'Ar-
chiduc contre
les Turcs.

Origine de
Cigale & son
auancemēt.

LA Hongrie ainsi en armes de toutes parts avecques peu d'aduantages & d'heureux succez pour les Turcs, donnoit assez à penser à Mahomet, qui ne demandoit que le repos & son ayse: mais celle des Perses ne luy apportoit pas moins de trauerses en l'esprit. Cét ennemy bien que plus éloigné tout frais neantmoins & reposé, contre lequel on ne pou- uoit marcher qu'avecques vne tres-grande puissance, & qui auoit encores son espée tou- te teinte du sang des Turcs, qui estoit de plus allié à la belliqueuse nation des Georgiens, estoit assez suffisant pour tirer de l'oyssiété vn Prince moins voluptueux, mais luy ne voulant rien retrancher de ses ayse, il perdit ses hommes, sa reputation & soy-mesme, laissant encores apres sa mort son estat fort embrouillé. Or auoit-il tasché de faire paix, comme il a esté dit, tant avecques l'Empereur qu'avecques l'Archiduc, pour donner aux siens vn peu de relasche de ce costé-là, & tourner toutes ses armes contre l'Asie; mais les Ambassadeurs des Perses & des Georgiens, qui estoient venus trouuer ces deux grands Princes, luy auoient fermé cette porte, & priué d'esperance d'aucun accord, par l'alliance qu'ils auoient faite avecques ces Princes & leur Roy, si bien que de toutes parts Mahomet ne souffrit que pertes, encores qu'il eust fait Cigale Scerlesquier de la guerre contre les Perses.

CET homme extremement ambitieux auoit fort desiré cette charge, & l'auoit procu- rée quasi importunément, pour s'estre veu eleué en cette excessiue grandeur en moins de rien, estant fils du Corsaire Cigale, qui auoit tousiours porté les armes pour l'Empereur Charles le Quint, & comme il couroit les mers du Turc avecques quatre galeres Gene- uoises, il fut pris & mené en Constantinople avecques son fils, lequel fust aussi-tost mis au Serrail & fait Turc; mais le pere ne voulut iamais changer sa Religion, ce qui luy fut ac- cordé par le moyen de la faueur de son fils, lequel le fit deliurer & viure à son ayse à Pera. Apres la mort duquel Cigale eut desir d'auoir sa mere, laquelle estoit allée en Sicile: mais elle craignant que si elle estoit en sa puissance, il la voulust faire Turque, se retira à Rhege, où cestuy-cy l'allant demander & elle ne se tenant pas assurée en cette place, & s'estant retirée ailleurs, de dépit qu'il en eut, il y mit le feu: de là s'en estant retourné à Constantinople, ayant pris trois grands vaisseaux il les donna à Mahomet, de sorte qu'en- trant tous les iours en plus grand credit, il fut bien tost apres fait Bassa de la mer, & si on luy donna vne Sultane pour femme, qui estoit sœur de l'Empereur: mais comme il ne se fai- soit point alors de grands faits d'armes sur mer, il desira estre General de cette guerre des Perses, pour acquerir dauantage de gloire & de reputation, ce qui luy fut accordé, & Assan Bassa mis en sa place.

Mahomet
tasche de cor-
rompre le
Duc de Mer-
cœur.

OR tandis qu'on se preparoit à Constantinople pour faire la guerre aux Perses, Mahomet pratiquoit le Duc de Mercœur, pour tascher de l'attirer de son party, ou pour le moins pour le rendre indifferent: pour ce faire, il donna charge à l'un de ses Bassas de traicter avecques luy: le lieu où se fit cette conference, fut entre Strigonic & Comar, au-
parauant

1601.

parauant laquelle les Turcs enuoyerent de grands presens au General de l'armée Chrestienne, mais il les refusa, & toutesfois ne laisserent de se trouuer d'une part & d'autre chacun avecques mille cheuaux: les Turcs proposerent de rendre Canise, & qu'on remist entre leurs mains Iauarin, disans que cestuy-cy auoit esté pris de nuit par vne surprise, & avecques vne maniere d'armes inulitées en la guerre, au contraire de Canise, prise de vive force (encores qu'ils en eussent deboursé de bon argent pour corrompre le Gouverneur) & partant plus legitiment acquise: mais ils ne disoient pas que Iauarin estoit d'autant plus important aux Chrestiens, qu'il estoit vtile aux Turcs, & par consequent qu'il n'y auoit nulle apparence de quitter vne telle place, ou en faire vn échange contre quelque autre que ce fust, de sorte que cette assemblée se rompit sans rien faire, chacun se retirant tout attentif aux desseins de son ennemy; mais les Chrestiens auoient le leur tout resolu.

Conference
des Turcs
avec les Chre-
tiens.

Desseins de
l'armée Chre-
tienne.

Sa seinte
voulant alier
assiéger Albe-
royale.

Creuë trop
legerement
par le Bassa
de Bude.

Prudent ad-
uis du Duc de
Mercœur.

Fortification
d'Albe-roya-
le.

Plusieurs for-
tes places, en
Hongrie, &
pourquoy.

Les faux-
bourgs d'Al-
be-royale at-
taquez par
l'armée Chre-
tienne.

Il a esté assez discouru en la vie de Solyman de la situation de Bude, Strigonie, & Albe-royale, & que ces villes sont comme situées en triangle fort commodément, tant pour se secourir l'une l'autre, que pour tenir en bride toute la Prouince, ou pour la secourir contre ceux qui la voudroient inquieter: les Chrestiens tenoient alors Strigonie, & auoient rauagé Bude par plusieurs fois, il ne s'en falloit que la forteresse: il ne restoit plus qu'Albe-royale à attaquer: car de retourner encores à Bude, outre ce que le soldat sembloit en estre rebuté, pour y auoir desia mist tant de fois le siege, encores iugeoit-on que les Turcs se tiendroient dauantage sur leurs gardes pour cette place-là que pour les autres, veu qu'il sembloit que leurs ennemis y eussent plus de dessein, à cause que c'estoit la ville Royale, que sur aucune autre. On aduisa doncques d'aller à Albe-royale, qui n'estoit pas moins importante que l'autre, & cependant moins munie de toutes choses pour supporter vn siege, & où il n'y auoit pas pour lors fort grande garnison. Cecy ayant esté resolu en l'assemblée de tous les chefs de l'armée, qui se tint à Comar: ils firent courir le bruit qu'ils vouloient aller à Bude, ce que les Turcs creurent aisément: & de fait le Bassa de Bude enuoya ce qu'il auoit de plus pretieux à Albe-royale, tirant encores de cette place quelque nombre de gens de guerre pour renforcer sa garnison. Et comme les Chrestiens eussent fait vne rasle de quelques bestiaux qui estoient dans les prairies qui sont aux enuirs d'Albe-royale, le Bassa de cette ville en voulut auoir sa raison, & mit dehors quelques troupes pour faire le mesme sur les Chrestiens; mais le Duc de Mercœur auoit l'œil de toutes parts, pour decouurer ce que feroient les Turcs, ayant mis des gens au guet pour l'aduertir de tout ce qu'ils feroient: Ceux-cy l'ayans aduertiy de cette sortie, il ne faillit point aussi à se seruir de l'occasion, tournant aussitost la teste de son armée vers cette place, qu'il iugeoit en estat d'estre attaquée, puis qu'il en estoit desia sorty tant de gens de guerre, si que dès le soir elle fut bloquée au grand estonnement de ceux de dedans, qui ne s'attendoient nullement à vne si mauuaise nuit.

Or cette ville, outre la force de son assiette naturelle, estant deffendue d'un costé des marais, au bout desquels elle est assise, qui ne sont pas moins larges en cet endroit, de six ou sept lieues, estoit de l'autre costé bien fortifiée, de tout ce que l'industrie humaine a peu inuenter pour contrequarrer la force & la furie du canon, n'y ayant eu guerres de places depuis les guerres de Hongrie, pour le moins qui soient capables de tenir en elles quelque nombre de gens de guerre, qui n'ayent esté fortifiées & rendues presque imprenables, pour l'extreme danger auquel elles se voyent reduites à toute heure: mais celles principalement qui ont passé sous la domination des Turcs, lesquels (comme il a esté dit ailleurs) ont accoustumé, outre la force de la ville, de fortifier encores les faux-bourgs de celles, à la deffence desquelles ils se veulent opiniastrer, afin d'amuser autant l'ennemy, & luy faire perdre vne partie de ses hommes & de ses munitions, sans qu'ils souffrent quant à eux quelque notable dommage; car s'il leur vient du secours, comme ils n'en manquent guerres, quand la ville est d'importance, ils n'y scauroient perdre que quelques couuertures de maisons, & cependant leurs ennemis sont contrains de quitter tout, apres s'estre consummez inutilement.

ALBE-ROYALE auoit les faux-bourgs fortifiez de mesme de bonnes murailles, terrassées en trauers de grands bois mélez parmy la pierre & la terre: de sorte qu'il falloit commencer par eux, pour se rendre maistre de la ville: le Duc de Mercœur donna cette charge au Baron d'Aubecourt, qui auoit si heureusement petardé Iauarin, menant avec luy quatre vingts salades Françoises à pied, pour donner à la teste & commencer la charge, deux cens Hidoucques, & autant de Lansquenets qui les suiuoient, le Baron ayant fait

1601.

porter vn petard pour s'en seruir au besoin, il eut pour son quartier le faux-bourg de Sommaterne, & pour l'autre faux-bourg qui estoit du costé de Iauarin, on y ordonna le sieur de Tilly Lieutenant de son Excellence, menant avec luy cent François soustenus de mille Lansquenets; car cét abord de faux-bourg de Sommaterne estant long & difficile (dautant qu'il falloit passer le marets) on aduisa d'attaquer les faux-bourgs en deux endroits, en vn mesme temps, afin de separer dauantage les Turcs & les rendre d'autant plus foibles, que leurs forces seroient plus diuifées.

Et pris.

L'armée Chrestienne petite en nombre: mais grande en bons soldats.

Elle attaque la ville par vn endroit inespéré aux Turcs.

Le Duc de Mercœur en personne reconnoist la bresche.

Assauts des Chrestiens à Albe-royale.

Belle inuention du Duc de Mercœur.

Les François à la teste de l'armée & les premiers sur la bresche.

Braue resistance des assiegez.

Les Chrestiens se rendent maistres de la place.

Le Bassa & sa famille se rend au Duc de Mercœur.

Ces deux troupes estans donc venues battre ces fortifications, trouuerent vne braue & longue resistance; mais si se rendirent-elles les maistresses de la place, & repousserent les Turcs dans la ville. L'armée Chrestienne n'estoit pas fort grosse, n'estant composée que de dix-huict mille hommes, tant de pied que de cheual, la maladie du Duc de Mercœur, qui l'auoit tenu trois mois continuels, depuis le siege de Canise, en auoit esté cause en partie, joint les pertes que les Hongrois auoient souffertes en toutes les années precedentes: car encores qu'ils eussent vaincu la plus-part du temps, cela n'empeschoit pas que leurs plus forts & meilleurs hommes ne fussent presque tous peris parmy tant de batailles, de prises & pertes de villes; mais en recompence de ce petit nombre, c'estoient tous gens de guerre, & d'experience, qui s'estoient trouuez plusieurs fois en pareilles affaires, si qu'ils en valoient bien vne fois autant. Les faux-bourgs gagez, on vint bien-tost aux approches, puis on braqua quatre canons contre le portail du faux-bourg de Iauarin, afin d'attirer tous les Turcs à la deffence de cét endroit, comme tres-important: mais ce n'estoit pas là le but & l'intention des assiegeans: car on auoit avec des poutres, branches d'arbres, meubles, clayes, fascines, & autres matieres solides affermy les marets, à quoy les Turcs n'auoient paseule loisir de prendre garde, & cependant les assiegeans auoient le moyen de passer aisément leur artillerie par dessus, & d'aller attaquer la ville par cét endroit-là, qu'on auoit negligé de fortifier, s'estans fiez sur ce qu'on ne pourroit passer le canon par dessus les marets, lesquels toutesfois furēt si bien affermis qu'on roula par dessus six pieces de canon, qui battirēt la muraille à l'endroit des bains anciens, vn iour entier sās intermission, de sorte que la muraille qui estoit de soy-mesme assez foible, fut tellemēt ébrälée, qu'une partie estant tombée par terre, fit vne belle & grāde ouuerture à ceux qui voudroient venir à l'assaut.

Le lendemain le Duc de Mercœur ne se voulant fier à personne, & voulant auoir l'honneur d'emporter cette place par sa bonne conduite, fut luy-mesme reconnoistre la bresche, non sans vn extreme danger, comme il arriue tousiours en pareilles affaires, & ayant considéré toutes choses, il se resolut d'y liurer le plus rude assaut, & le plus promptement qu'il seroit possible, pour oster le temps aux Turcs de se reconnoistre, & de reparer par leur diligence, la perte que l'ignorance & peu d'aduis leur auoient causée, si que sur le midy ils commencerent à donner dedans. Or auoit-il reconneu qu'il estoit bien difficile de gagner la bresche pour la profondeur du fossé, qui n'estoit que bien peu remply des ruines de la muraille: c'est pourquoy il ordonna à chacun soldat de porter vne fascine avecques ses armes pour se faciliter le chemin, ce qui leur vint fort à propos: car apres qu'on eut tiré quatre volées de canon dans le fonds de la bresche, tant pour la nettoyer & en déloger les assiegez, que pour signal aux assiegeans de donner dedans: les François qui auoient la teste, se leuant aussi-tost du fossé my-remply de fascines, avecques leurs rondaches marchent hardiment au milieu d'une gresse continuelle de boulets, de fiesches, de pierres, & de feux qu'on leur tiroit & lançoit de toutes parts: car il n'y auoit pas iusques aux femmes des assiegez, qui ne fissent leur deuoir, si qu'une d'entre elles fut éluee d'un coup de canon, estant sur le haut de la bresche à jeter des pierres sans relasche, mais toute cette resistance ne peust empescher que les François ne se logeassent sur la bresche.

Ce fut là que le combat fut renouvelé: car encores que les assiegez fussent fort peu de soldats dans cette place, chacun d'eux auoit neantmoins tant de courage, qu'ils s'exposeroient à toutes sortes de dangers, ne se soucians point de perir, pourueu qu'ils peussent repousser leurs ennemis, comme ils firent par trois fois, mais tous leurs efforts & leur resistance leur fut inutile: car cela ne peust empescher que la valeur des assaillans ne surmontast toutes ces difficultez, & ne se rendissent les maistres de la bresche, & bien-tost apres de la place, non sans y auoir perdu auparauant plus de mille bons soldats, mais ils eurent par apres bien leur reuanche: car tout ce qui peust tomber sous la fureur du glauiue victorieux, fut massacré & le reste pris prisonnier. Le Bassa avecques sa femme & toute sa famille, & six vingts encores des principaux s'estoient retirez dans vne maison assez forte, où ils disputerent long-temps leur vie: car ils auoient force poudre, boulets, fiesches & autres

armes

armes offensives, mais que pouuoient-ils faire dans vne ville prise contre vne armée: aussi furent-ils contraints de se rendre, mais ils voulurent que ce fust entre les mains de son Excellence, de sorte qu'elle y fut en personne les prendre à mercy, luy ayant premierement fait jetter les armes par la fenestre, apres estre sorty, il le fit mener en son pavillon, pour le garantir avecques sa femme, (car la capitulation estoit faite en cette sorte) de l'insolence du soldat.

M A I S les Turcs n'y marchaient pas si à la Françoisse: car ils attendoient l'armée Chrestienne au passage: ce que les ennemis de cette nation, la plus illustre de l'Vniuers, blâment le plus en elle, & qui est le plus louable en la nature, & faire le mieux l'homme, à sçauoir de cheminer franchement, simplement, & rondement, estre tout tel au dehors, qu'au dedans en toutes ses actions, c'estoit ce qui n'estoit pas alors parmy les Turcs, ains au contraire: ce que ceux que ie viens de dire estiment tant, à sçauoir la feintise, la dissimulation, & l'hypocrisie, tout iuste au dehors, tout meschant au dedans, vn agneau & vne colombe en apparence, vn loup & vn tigre, & ordinairement vn renard sous cette peau: car ceux-cy ayans filé doux sous le bon-heur de leurs aduersaires, sçauoient toutesfois que le sucre de ce poison laisseroit de l'amertume à la fin: car le Bassa apres la prise des faubourgs, preuoyant de loin, auoit fait faire plusieurs mines en diuers lieux de la ville, lesquelles ils prirent le temps de faire iouer lors que les vainqueurs estoient les plus attentifs au pillage, la premiere enleua le bouleuert de Iauarin, l'autre ruina l'Eglise cathedrale, en laquelle estoient les sepultures des anciens Roys de Hongrie, de laquelle le Duc de Mercœur venoit de sortir, & en laquelle il auoit fait chanter le *Te Deum*, pour actions de graces de sa victoire: mais encores que cette Eglise fust renuersée de fonds en comble, toutesfois elle ne fit mal à personne, chacun s'estant retiré avecques leur General: parmy les pierres qu'on voyoit voler en l'air, la poudre ietta aussi avecques les fondemens de l'Eglise la croix, vn calice, chandeliers, & encensoirs d'argent doré, que les Chrestiens auoient cachez dans ces pierres, lors du premier siege de cette place, quand Solyman la print: & nonobstant cette trahison, le Bassa, & ceux qui estoient en sa suite furent sauuez de mort, ils seruirent seulement à l'entrée triomphale que le Duc de Mercœur fit à Iauarin, marchans à la teste de cette pompe, estans suivis de quatre cens captifs de tous sexes & aages, assis sur vn grand nombre de chariots, remplis de toutes sortes de dépouilles.

O R les Turcs ayans contre leur coustume, laissé prendre cette place, sans aucun secours, & iugeans plus profondement de la consequence d'icelle apres le coup, qu'ils n'auoient fait auparauant, s'assemblerent de toutes parts, mais le Duc de Mercœur auoit laissé dedans vne compagnie de chacun de ses regimens, mille Hidouques, & du canon suffisamment avecques les munitions necessaires, & sinon content de cela, comme on luy eust dict que les Turcs approchoient, il y mena encores luy mesme deux mille hommes de pied, & deux compagnies de son regiment de caualerie Françoisse, que commandoit le sieur de Trippes, six cens chariots chargez de munitions, menant luy-mesme ce conuoey dans Albe-royale, void encores loger l'armée des Turcs, puis desirant se retirer en son armée, il fauce hardiment toute cette grande puissance, les combat, & malgré eux se retire à Iauarin, où il estoit fort attendu. Ce qu'ayans veu les Turcs, ils resolurent qu'il estoit plus à propos pour eux d'aller attaquer l'armée deuant que de s'arrester à vn siege, que de demeurer deuant cette place & estre tous les iours en crainte d'estre surpris, que c'estoit ainsi qu'ils en auoient vû deuant Canise, & s'en estoient fort bien trouuez, que cela disposeroit d'autant plustost les assiegez à se rendre, qu'ils se verroient hors de toute esperance d'estre secourus. L'Archiduc ayant esté aduertty de ce dessein, n'estoit nullement d'aduís d'attendre ce choc, comme estant trop foible pour luy resister, que ceux de dedans estoient maintenant assez forts pour resister par eux-mesmes sans s'aller exposer à vn si grand danger: mais le Duc de Mercœur luy representa l'importance de la place, & que les Turcs n'estoient inuincibles que par la lascheté des Chrestiens & non par leur nombre & leur valeur, s'offrit luy-mesme à supporter tout le trauail & le danger du combat.

E T de fait les Turcs ayans passé les marets, voyans le petit nombre de l'armée Chrestienne, commencerent à la mespriser, puis se souuenans de la peine qu'ils leur auoient donnée deuant Canise, & que c'estoient ceux-là mesmes qui auoient pris Albe-royale, le Bassa y alloit plus retenu, remonstrant aux siens, qu'alors qu'ils auroient vaincu leurs ennemis, qu'ils les pourroient auoir en tel mépris que bon leur sembleroit, mais que maintenant qu'ils venoient de gagner sur eux vne des plus fortes places de la Hongrie, qu'il falloit s'efforcer de reconquerir ce qu'ils auoient perdu, & y employer toutes leurs forces:

1601.

Que c'est que bien faire l'homme.

Artifice des Turcs, mais de nul effect.

L'Eglise cathedrale ruinée de fonds en comble.

XV.

Les Turcs s'assemblerent pour le recouremēt d'Albe.

Secours mené à Albe par le Duc de Mercœur.

L'Archiduc se veut retirer voyant les Turcs resolu à attaquer son armée. Le Duc de Mercœur l'empêche.

Les Turcs viennent attaquer l'armée Chrestienne.

Le Bassa exhorte les soldats.

1601.

car il estoit affeuré que le Padis-Schach, qui sçauoit maintenant cette prise, estoit en tres-grande cholere contre eux tous, attribuant à leur faute ce qui prouenoit des hazards de la guerre; que le seul moyen de l'appaiser estoit de la regagner, & de l'en rendre le Souuerain, comme il estoit auparauant. Que cela ne dependoit que de la ruine de cette armée, laquelle estant destruite, il falloit par necessité que ceux de la ville se rendissent à eux, qu'ils auoient desia eu quelques rencontres, auxquelles ils auoient presque esté tousiours victorieux, & qu'il estoit temps qu'ils vainquissent aussi quelquesfois à leur tour.

Et le Duc de
Mercœur les
siens.

A v contraire, le Duc de Mercœur representant aux siens leurs lauriers encores tous verts des victoires tout fraichement acquises, disoit qu'il falloit tascher de garder ce qui leur auoit tât couté à conquerir, que ceux-cy encores tous estonnez des lourdes secousses qu'ils auoient souffertes, se presentoient plustost deuant eux pour vn acquit de leur deuoir, que pour esperance qu'ils eussent d'obtenir la victoire, qu'ils auoient assez experimenté que leur nombre seruoit plustost à les troubler, & mettre en desordre, qu'à vaincre & faire trembler l'ennemy, n'y auoir aussi qu'une braue resolution en la guerre qui peust se rendre maistresse du nôbre, des artifices, voire du mesme bon-heur: Qu'il auoit hazardé le combat contre l'opinion presque de tous, s'estant fondé sur la grandeur de leur courage, duquel il s'estoit rendu caution, tant à l'Archiduc qu'aux autres chefs. Que s'ils le trompoient, la plus grande perte tomberoit tousiours, & sur leur vie, & sur leur honneur: car quant à luy, il s'asseurait de n'auoir rien oublié qui fust necessaire pour obtenir encores la gloire de cette iournée, & quant à sa personne, qu'il estoit tout prest de courir tous les hazards que sçauoit faire le moindre soldat; qu'au demeurant ils fissent estat qu'Albe n'estoit point prise, s'ils ne tailloient cette armée-là en pieces, ou pour le moins s'ils ne la forçoient de se retirer en ses garnisons, comme aussi s'ils s'en rendoient les maistres à cette fois, qu'ils perdroyent pour long-temps l'enuie de les venir reuoir, & là dessus les enuoya reposer.

Bataille entre
les Chrestiens
& les Turcs
pres d'Albe-
royale.

Faute des
Turcs cause
de leur perte.

Le lendemain les Turcs les vinrent recueillir à coups de canon, mais on fit aussi-tost vne contre-batterie, chacun s'estant tenu de bonne heure sur ses gardes, de là ils vinrent aux mains, les François estoient à la pointe, qui rompirent aussi-tost ce qui se rencontra deuant eux, vn Bassa mesmes y demeura, qui fut la faute du General Turc en cette iournée: car au lieu de s'ayder de son nombre & de cette multitude de gens de guerre qu'il auoit en son armée, d'ônant en mesme temps sur les Chrestiens, tandis qu'ils estoient attachez au combat contre l'autre Bassa, mal-aysément s'en fussent-ils dépestréz, veu qu'on tient qu'ils n'estoient pas plus de douze mille hommes, & les Turcs plus de soixante mille: mais enuoyant les attaquer par petites troupes, il estoit bien tousiours égal en nombre, mais non pas en valeur, tous les siens n'estans pas bons soldats, & n'y en ayant point en l'armée Chrestienne qui ne fussent dignes de ce nom. En ce nouueau renfort cependant les Chrestiens estoient presque en branle de quitter le combat, mais la victoire qu'ils venoient tout fraichement d'obtenir, releua tellement le courage à quelques troupes, qu'elles en soustinrent hardiment le choc, ce qui rassura le reste; les Turcs toutesfois leur donnoient bien de la peine, mais les canonniers Chrestiens qui s'en estoient fuis à la premiere charge, estans retournez en leur deuoir, firent iouer leur canon si mal à propos pour les Turcs, qu'ayans mis par terre vn grâd nombre d'entre eux, le reste se mit en fuite, toutesfois ils se rallierent incontinent apres, & recommencerent le combat mieux que deuant, les Chrestiens aussi à poursuiure leur aduantage, si bien qu'en ces charges & recharges ils passerent la iournée, les Chrestiens pour marque de leur victoire faisans sonner leurs clairons & trompettes, & les Turcs pour ne faire point paroistre à leurs ennemis, qu'ils eussent aucun desaduantage, firent le mesme; toutesfois on tient que le Champ demeura aux Chrestiens.

L'un & l'autre
se dit victo-
rieux.

Les Turcs
veulent affa-
mer l'armée
Chrestienne.

Sont con-
traincts en fin
de leuer le
siege.

Les Turcs qui voyoient leurs affaires en si mauuais termes, & qu'ils ne pouuoient gagner que des coups, ny sur le chef, ny sur ses soldats, resolurent d'affamer l'armée Chrestienne, mais celuy qui auoit peu se retirer de deuant Canise, & qui à leur veuë auoit fait entrer du secours dans Albe-royale, leur fit liurer tant d'escarmouches, & les harcela tant, qu'il les contraignit eux mesmes de faire retraite. Ceux de l'auarin estoient en grande peine du Duc: car ils sçauoient assez comment il estoit enuironné d'ennemis, & que mal-aysément se pourroit-il depestrer de leurs mains, sans perdre, ou la place, ou son armée, ou sans courir vn extreme danger de sa vie: & à la verité il auoit grand sujet d'entrer en cette consideration: car la necessité estoit extreme au camp, le nombre des Turcs estoit fort grand: ils auoient mesme tasché de surprendre la ville, si qu'ils estoient venus iusques dans le fossé, duquel ils furent brauement repoussez, & ce fut lors que les Turcs se retirerent; Dequoy le Duc de Mercœur ayant esté rendre graces à Dieu dans la ville, il se

retira

retira à Iauarin, & tira ses amis de l'anxiété en laquelle ils estoient. Or l'Archiduc desirant grandement de retirer Canise, il s'imagina qu'à cette heure que les Turcs, estans tous débandez, & qui auoient esté battus tant de fois, n'auroient pas l'assurance de se rassembler pour la venir secourir, & qu'auèc peu de troupes il la pourroit emporter. Ayant donc assemblé ses forces, tant de l'Autriche que du secours qu'il auoit tiré du saint Pere, du Roy d'Espagne, du grand Duc de Toscane, & de celuy de Mantouë, on disoit qu'elles montoient iusques à vingt-cinq mille hommes. Le Duc de Mercœur enuoya vers l'Archiduc pour le secourir de sa personne, & des forces qu'il auoit pour lors en main: mais l'enueie qui ne sçauoit mourir, & qui auègle d'autant plus l'esprit de celuy qui la possède, que les actions d'un riuail sont belles & signalées, auoit causé non seulement de l'emulation, mais encores vne ialousie, qui passoit les bornes de la raison dans le cœur de ce Prince, auquel il sembloit que ce Duc rauissoit sa gloire, & venoit eriger dans son pays des trophées qui luy estoient plus legitimement deus, fait qu'il le refuse, esperant d'estre assez fort, & de pouuoir vaincre par sa seule conduite.

Ce qui peut-estre encores luy eust reüssi, sans la diuision qui se mit entre eux, chacun voulant commander, & pas vn obeyr: Aldobrandin qui commandoit aux troupes du Pape, vouloit auoir l'autorité par dessus le Mantuan, & ce Prince ne luy vouloit pas céder, passans ainsi la meilleure & plus propre saison en riottes & disputes, consommans en ce faisant leurs viures & munitions inutilement, au lieu d'vser du temps & de l'occasion assez propre, s'ils n'en eussent point abusé, & lors qu'ils voulurent entreprendre quelque chose, le froid fort violent les surprit, qu'il leur osta le moyen de faire rien de bon: joint que les assiègez reconnoissans leurs incommoditez, faisoient plusieurs sorties toutes à leur aduantage; outre ce les Turcs aduertis, tant de la dissention que de la nécessité de l'armée Chrestienne, s'estoient rassemblez de toutes parts, non tant pour faire leuer le siege, que pour venir à vne curée des dépouilles qu'ils tenoient toutes assurees: & de fait au rapport de la nouuelle que l'armée des Turcs approchoit, accablez qu'ils estoient de tant de maux, ils leuerent honteusement le siege, avec le plus grand desordre qu'il estoit possible, estans encores si pressezz de partir, qu'ils abandonnerent leurs malades, leurs bleus, leur artillerie, & tout leur bagage, perdans ainsi volontairement tout ce que l'ennemy leur eust peu oster avec toute la force & le bon-heur qu'il eust scëu auoir.

Cette perte ne fut pas moins importante aux Chrestiens que celle de la ville de Canise: car les Turcs estans pour lors reduits à la deffensue, leur courage se renflamma par vne nouuelle esperance de rentrer dans ce qu'ils auoient perdu, & que le ciel, qui à leur dire ne s'estoit peu contenter de les affliger, s'en estoit à la fin lassé: ils faillirent toutesfois heureusement pour les Chrestiens: car ils ne poursuivirent pas leur armée, laquelle ils eussent sans doute raillée en pieces: cela fit perdre beaucoup de reputation à l'Archiduc, chacun attribuant cette perte à sa seule faute. Ce fut enuiron ce temps que le Duc de Mercœur fut trouuer l'Empereur à Prague, pour de là faire vn voyage en France, en esperance de retourner en Hongrie l'année suiuiante, mais il mourut en chemin: il fut fort regretté par toute l'Alemagne, aussi auoit-il conduit fort heureusement les affaires de cette guerre, & les Turcs ne souffrirent que toute honte, perte & confusion, tant qu'il fut reconnu General de l'armée Chrestienne, & qu'il la conduisit par son propre esprit: de sorte que depuis son depart toutes choses allerent en declinant.

Or la ville d'Albe-royale touchoit fort au cœur de Mahomet, & il desiroit à quelque prix que ce fust de la rauoir. Voyant donc les forces de la Hongrie enruées par la débauche des années precedentes, & qu'ils auoient employées la meilleure partie du temps en festins, en dances & autres delices, il enuoya vne puissante armée en Hongrie sous la conduite de son grand Vizir, mandant encores à Serdar Bassa, que s'il ne mettoit peine de recouurer ce qu'il auoit perdu, il y alloit de sa vie. Les nouuelles de ces grands preparatifs furent bien-tost scëuës en Hongrie: cela fut cause que l'Empereur enuoya incontinent du secours dans Albe, sous la conduite du Comte Isolan avecques quatre coulevrines, conduites par Russe Vuormes, avecques deux mille chariots de poudres, balles & autres munitions de guerre: & outre ce des farines, biscuits, chairs salées, beurrës, & nombre de bœufs & moutons: ce conuoy estant assisté de trois compagnies de caualerie-logere de François, du regiment de Coleniche, composé de quinze cens cheuaux d'Autriche, six compagnies de Kosagues à cheual, huit cens Houssards, & douze cens mousquetaires Laniquenets du regiment du Comte de Solme. Les Turcs qui ont tousiours des espies, & qui pis est des gens affidez de toutes parts, se mirent aussi-tost en campagne, pour les em-

1601.

Dessein de l'Archiduc sur Canise.

Qui refuse mal à propos le secours du Duc de Mercœur.

Et pourquoy.

Grande diuision au camp des Chrestiens cause de leur ruine.

Qui leuent honteusement le siege de Canise.

Les Turcs vident mal de leur aduantage.

1602.

Mort du Duc de Mercœur, fort regretté par toute l'Alemagne.

Siege des Turcs deuant Albe-royale.

Secours à Albe-royale.

1602.

Grād conuoy
de munitions
& de viures
qu'on y me-
noit, empes-
ché par les
Turcs.

pescher sur le chemin de Iauarin à Albe : car c'estoit de Iauarin que partoît cette troupe : mais les Chrestiens ne prirent pas le chemin du bois, par lequel les Turcs les attendoient, ains s'en vinrent razer les murs de Palotte, & de Chasné, places qui estoient sous la domination des Chrestiens, dont ils estoient couverts & deffendus : toutesfois les Turcs en eurent le vent, & les suivirent à la trace, mais les troupes Chrestiennes marchoient d'un si bel ordre, enuironnées qu'elles estoient de leurs chariots, que les Turcs ayans fait leurs efforts de les rompre, elles resisterent courageusement, & firent tant qu'elles gagnèrent Palotte, proche de laquelle il y a des costaux, qui ont l'aduenue si estroite, qu'ils ne souffrent pas plus de deux hommes de front : ce fut là où les chefs mirent leurs troupes à couuert, & où les Turcs s'aduancerent encores pour les y forcer, mais ceux cy estoient si pres de Palotte, que les Turcs ne pouuoient aller à la charge, sans se mettre en vn extreme danger des canonnades & harquebusades de ceux de la ville ; cela fut cause qu'ils se retirerent, & furent contraincts de laisser poursuiure le chemin aux autres, qui n'oserent toutesfois passer outre, ains attendirent quelque occasion, lors que l'armée Chrestienne viendrait au secours.

Armée Chre-
stienne à Co-
mar, où elle
demeure sans
rien faire.

LA QUELLE cependant s'assembloit de toutes parts, si qu'on tenoit qu'elle n'estoit pas moindre de quarante mille hommes quand elle fut arriuée à Comar, & si elle grossissoit encores tous les iours par les troupes qui venoient à la file de l'Alemagne : on estimoit l'armée des Turcs à plus de cent mille, lesquels s'estoient venus camper deuant Albe-royale, où ils faisoient tous leurs efforts pour auoir quelque notable aduantage auparauant l'arriuée de leurs ennemis, mais ceux de dedans firent du commencement vne fort braue resistance, iusques à faire des sorties, où ils auoient tousiours de l'aduantage, cela n'auoit point neantmoins empesché les Turcs de faire leurs approches & de dresser leur baterie si furieuse, principalement contre deux forts que les assiegez auoient faits depuis qu'ils s'estoient rendus maistres de la ville, au faux-bourg de Sommaterne, qu'ils y firent des bresches plus que raisonnables pour venir à l'assaut, ce qu'ils firent avecques tout le courage & l'impetuosité qui se peut auoir en telles affaires, mais ils trouuerent en contre-eschange vne fort braue resistance des Hidouques, auxquels on auoit baillé ces bastions en garde, qui firent tel deuoir, qu'ils contraignirent les Turcs de reculer. Mais le Bassa qui estoit present à cette action, & qui n'épargnoit ny peine ny danger pour rendre son seigneur le maistre absolu de cette place, leur fit tant de reproches & tant de menaces, & leur promit d'ailleurs vne telle recompence, qu'ils y retournerent derechef : le tout pour neant : car il ne seruit que d'accroistre le nombre de leurs morts qui jonchoient tous les enuironns de la place. Cela toutesfois ne les destourna point de leur entreprise : car leur multitude subuenoit aisément au deffaut de ceux qu'ils perdoient : si bien qu'encores qu'ils fussent repoussez pour la seconde fois, ils y retournerent encores la troisieme, où les assiegez plus accablez par cette multitude qui fourmilloit sur leurs forts, que lassez de combattre & de resister à leurs efforts, furent presque tous massacrez, le reste se sauua dans la ville, la place demeurant en la disposition des Turcs, qui par ce moyen se rendirent les maistres du faux-bourg de Sommaterne.

Et prennent
les deux forts
qui le deffen-
doient.

Leur baterie
cōtre la ville.

Assaut contre
icelle, & grād
deuoir des as-
siegez.

CE qu'estant fait, ils renouellent leur baterie pour battre la ville, ce faux-bourg seruant de flanc à la ville, & qui la couuroit de ce costé-là, lequel estant à bas, il estoit bien aysé de faire par apres les approches, comme ils firent, leur baterie estant si furieuse trois iours & trois nuits sans aucun relasche, qu'ils firent vne bresche de plus de soixante pas, tellement explanadée encores, qu'il y en a qui ont escrit que les cheuaux y pouuoient marcher, ce qui donna vne grande esperance aux Turcs de la pouuoir emporter d'assaut, mais ils trouuerent de la valeur qui leur fit vne plus forte resistance que les murailles, si bien qu'encores que les pots à feu, grenades, busches, canons, harquebusades, pierres, & tout ce que le desir de vaincre & la crainte d'estre pris, peut suggerer en l'esprit d'un assiégué, en eussent fait mourir vne tres grande multitude, ils passoient neantmoins sur les morts, comme par dessus vn pont, tant ils auoient d'ardeur & de desir de demeurer victorieux, mais il y faisoit si chaud de toutes parts, que bon gré mal gré qu'ils en eussent, si fallut-il en fin reculer & quitter la place aux assiegez, apres que cet assaut eut duré tout le iour, non sans vn tres-grand meurtre de Turcs, comme il est facile à iuger.

Plainte des as-
siegez à leur
Gouuerneur.

CEPENDANT cela estonnoit fort ceux de dedans, qui s'estans asseurez sur le secours qu'ils esperoient de iour en iour de l'Empereur, auoient tousiours subsisté en cette esperance : car ils scauoient assez que l'armée estoit à Comar, mais à quel propos garder cette Ile & se tenir là comme dans vn enclos sans en sortir, & laisser cependant perir vne ville si impor-
tante

tante sans luy donner aucun secours: esperoient-ils que les Turcs les allassent chercher? leurs desseins n'estre point sur Comar, y auoir là comme ils s'asseuroient de bons soldats; mais ils auoient faute d'un chef aussi courageux que celuy qui les auoit rendus maistres de la place, y auoir trop de disproportion entre la briefueté des contentemens qu'ils auoient receus en la iouissance d'icelle, avecques la longueur de leurs miseres, qu'il estoit temps d'aduiser à leur salut. C'estoient les discours que tenoient les soldats de la garnison à leurs Capitaines, lesquels ceux-cy firent entendre au Gouverneur, adioustans qu'ils auoient iusques alors assez rendu de preuues de leur valeur & de leur fidelité: mais que l'obligation estoit reciproque à l'Empereur, d'auoir soin de la conseruation de leur vie, comme c'estoit la leur de s'exposer à toutes sortes de dangers pour son seruice, comme ils auoient fait. Que si encore il eut manqué d'hommes & de commoditez pour resister à l'ennemy, ils tenteroient le hazard iusques à la derniere extremité: mais puis qu'on vouloit épargner vne si belle armée à leur preiudice, qu'ils estoient d'aduises, quant à eux, de capituler, & puis la meilleure partie de leurs hommes estoient morts aux combats precedents, & les brèches si grandes, qu'il leur estoit presque impossible de leur empescher l'entrée de leur ville.

1602.

Ils desirerent
qu'on capitule
avec les
Turcs.

Ces raisons estoient accompagnées de la verité, c'estoit ce qui les rendoit plus fortes, & empeschoit le Gouverneur d'y donner des reparties telles qu'il eust desiré, il recula tant qu'il peust neantmoins: mais en fin forcé par l'unanime consentement, tant des chefs que des soldats, il s'offre à capituler, & le fait demander au Bassa, lequel n'auoit garde de refuser vn party si aduantageux, pour la crainte qu'il auoit qu'il suruint quelque chose qui l'empeschast de iouyr d'un si grand bien. La capitulation donc se fit, à la charge que le Comte Isolan rendroit la ville d'Albe-royale entre les mains du Bassa, avec les canons & munitions de guerre estans lors en icelle, & par ce moyen il sortiroit & toute sa garnison, avec leurs armes & bagage, & se retireroient-là part où il leur plairoit. Cela arresté & signé par les chefs, ceux de la ville se mirent en deuoit de chercher des chariots & des montures pour porter leurs marchandises & leurs equipages, dequoy on estoit fort dégarny dans cette ville-là: cela apporta vne grande confusion: car chacun desirant faire son profit au dommage de son prochain en ce demesnage, prenoit à toutes mains, les vns deçà, les autres delà, tandis que leurs voisins estoient empeschez à chercher leurs montures, les vns ayans fait leurs mains, vouloient déboucher les portes: bref vn tel desordre & vn tel tintamarre se faisoit pour lors dedans cette miserable ville, que les soldats qui estoient en garde sur la bresche, oyans vne telle rumeur, abandonnerent ce qu'ils gardoient pour aller donner ordre eux-mêmes à leurs affaires, & voyans ainsi leurs compagnons, & les habitants mêmes prendre à toutes mains, comme si cette miserable ville eust esté au pillage, se mêlerent avec les autres, remplissans leurs valises, qui deuoient estre bien-tost apres vidées par leurs ennemis.

Capitulation
d'Albe-royale
se rendant aux
Turcs.

L'auarice de
ceux d'Albe-
royale cause
de leur totale
ruine.

Grand desor-
dre & confu-
sion en cette
ville.

La bresche ainsi abandonnée, les Tartares qui estoient logez au pied, la voyans sans defence, ne mépriserent point vne si belle occasion, ains se iettans dedans, sans aucune resistance, emporterent la ville, puis tous ensemble se ruèrent sur le pillage, faisans bien-tost lascher prise à ceux qui auoient esté plus auides du bien d'autrui que de leur conseruation: les Turcs d'un autre costé sçachans la bonne aduenture de leurs compagnons, se mirent bien-tost de la partie, ne pensans pour lors qu'à rauer chacun de son costé ce qu'il pouuoit: mais comme il furent tous gorgez, & qu'il n'y eust plus rien à piller, alors commencerent-ils à massacrer, remplissans tout de meurtres, & faisans couler le sang par tous les endroits de la ville, n'épargnans ny la plus decrepite vieillesse, ny la plus tendre ieunesse. Quand le Bassa estant aduertey de ce qui se passoit dans la ville, s'y en vint, & empescha qu'on ne passast outre, sa presence sauua le Comte Isolan avec ses Capitaines, & quelques soldats échapez de la premiere fureur, lesquels toutesfois on mena prisonniers à Constantinople, nonobstant les plaintes qu'ils en firent, & qu'ils remonstraissent que c'estoit contre la foy publique, & l'accord qu'ils auoient fait ensemblement: car les Turcs respondoient au Comte, qu'alors qu'on fit accord avec luy, la ville estoit en son pouuoir, & luy au sien de la rendre, ou de la retenir, que s'il vouloit par sa reddition rachepter sa liberté, selon les articles de la capitulation, qu'il deuoit donc rendre la ville comme il estoit accordé, & non la laisser prendre, que c'estoit la coustume aux villes qui se laissoient prendre de force, que ceux qui se trouuoient en icelles, demeuraissent esclaves du vainqueur. D'autres racontent encorés cecy d'une autre façon: car ils disent que ceux du chasteau declarerent que la lascheté & le peu de resistance de la garnison de la ville estoit cause de la perte, & desirée.

Albe apres
s'estre rendue
est prise comme
d'assaut.

Le Gouver-
neur & Cap-
taines pris
prisonniers.

Leurs plain-
tes & la res-
ponse du Bas-
sa.

Cette histori-
e est autre-
ment racon-
tée.

1602.

Budin que fi-
rent les Turcs
dans Albe.

roient d'auoir la mesme declaration du General des Turcs, pour sauuer l'honneur de leur capitulation : le General leur fit dire, que puis qu'ils estoient resolu de ne rendre la place, si les soldats ne les eussent contraints, il estoit raisonnable qu'ils y demeurassent, & dès l'heure mesme fit sortir les soldats, retenans prisonniers les Capitaines. Cette prise aduint l'an mil six cens deux, au mois de Septembre, les Chrestiens n'en ayans pas iouy vn an entier. Les Turcs y recouurerent outre l'artillerie qu'ils auoient perduë auparauant, dix nouveaux canons : d'autres disent douze, quatre cents milliers de poudre, grand nombre de boulets, deux cens tonneaux pleins de farine, quatre vingts de biscuits, & dix mille florins contez pour faire la monstre aux soldats.

XVI.

L'armée
Chrestienne
demeure ce-
pendant inu-
tile.

L'ARMÉE des Chrestiens demouroit cependant inutile aux enuirs de Iauarin, attendant laschement le succez de ce siege, comme si on les eust mis-là pour estre spectateurs, & non pour secourir leurs freres en leur extreme necessité ; mais la prise & la victoire entiere estant tournée du costé de leurs ennemis, ils commencerent à se retirer lors comme d'un profond sommeil, & à penser à leur propre salut. Or ne scauoient-ils de quel costé tireroit l'armée victorieuse, si bien qu'ils iugerent qu'il estoit plus à propos de s'en aller à Strigonie, pour voir les desseins des Turcs, & selon iceux, aduiser à ce qu'ils auroient à faire : mais voyans qu'ils se contentoient de cette prise, resolurent alors d'aller assieger Bude, esperans, ou de les combattre, quand ils viendroient au secours (car on disoit que l'armée Chrestienne auoit alors bonne enuie de combattre, quand il n'estoit plus temps) mais ny l'un ny l'autre ne succeda : car les Turcs voulans demeurer sur leur aduantage, euerent tant qu'ils peurent le combat, bien qu'ils fussent les plus forts, & ietterent dans leurs villes vne partie de leurs forces pour tenir teste à leurs ennemis. Les Chrestiens voyans les Turcs en cette resolution, font leurs approches, & repoussent ceux de Bude qui auoient fait quelque sortie sur eux : or voyans que le canon n'aduancoit pas beaucoup, ils se seruirent de la sappe, ayans mis leur siege du costé de la basse-ville : cette inuention leur réussit, de sorte qu'une partie des fortifications fut abbatuë, contre la pensée & l'esperance des assiegez.

La basse-ville
de Bude prise
par les Chre-
tiens.

La haute-ville
& la forte-
resse assiegees

Desseins des
Chrestiens
sur la ville de
Pesth.

LA prise de cette basse-ville estonna fort la haute, & donna vne grande frayeur à ceux de Pesth, ville de l'autre costé du Danube, située sur le riuage, des dépendances de Bude, & qui est comme vne portion d'icelle, de sorte qu'ils rompirent bien-tost le pont, pour empescher leurs ennemis de les aller attaquer, lesquels cependant faisoient tous leurs efforts, pour se rendre les maistres de la haute-ville : mais ils auoient forte partie ; car cette place forte par art & par la naturelle situation, qui estoit venue en la puissance des Turcs par le seul artifice de Solymán, lors qu'il en fit sortir la Reyne Isabelle, estoit lors tres-bien munie d'hommes, & de tout ce qui estoit requis pour la defence d'icelle, joint que les Chrestiens auoient à combattre des deux costez : car le canon de ceux de Pesth les inquietoit autant que celui de Bude : cela les fit resoudre à se rendre les maistres de cette ville. Pour ce faire il falloit faire des ponts, comme ils firent, l'un tirant vers Visségrade à vn quart de lieuë de Pesth, l'autre au bout d'une belle plaine à la portée du canon de Pesth. Ce ne fut pas sans courir de grands dangers par les assiegeans, à cause des canonnades qu'on leur tiroit de toutes parts, mais leur courage surmonta toute difficulté, si qu'ils vinrent à la fin à bout de leur entreprise, faisans venir douze galeres de Vienne & de Iauarin pour la garde de ces ponts, & pour faciliter aussi le passage libre des bastiaux qui apportoint des viures en l'armée : tant y-a que les ponts estans en estat, le 7. iour du mois d'Octobre, ils firent passer aussi-tost par dessus quatre mille Lansquenets à la faueur de la nuict, qui estoit alors fort obscure, lesquels se seruans de cette obscurité, allerent d'un mesme pas planter les escheles contre Pesth, secondez qu'ils furent apres d'une partie de l'armée.

Qui leur
reussit.

Et prennent la
ville sans grand
massacre.

ALORS les Turcs estoient au plus profond de leur somme, qui ne s'attendoient point à cette surprise, se hians sur ceux de Bude, qui n'en permettroient pas vne si libre approche, mais ils furent bien estonnez, quand les Chrestiens entrez en foule dans la ville, leur firent bien sentir qu'ils estoient les maistres de la place ; en cet estonnement toutesfois plusieurs se retirerent dans quelques tours & maisons fortes de la ville : mais que pouuoient-ils faire, leur ville estant prise, sinon de composer pour leur reddition, & euer la mort, non toutesfois la seruitude qui leur estoit assurée : comme de fait ils furent bien-tost contraints de se rendre deuant la nuict : si que les Chrestiens se virent en vn iour maistres de cette place, qui auoit autresfois cousté la vie à tant d'hommes, & la perte de tant de temps, du regne du Roy Ferdinand, le competeur du Roy Iean au Royaume de Hongrie, les retraites que firent ceux-cy, empescherent que le massacre ne fust si grand : car ils se sauuerent presque

presque tous dans ces tours, & se rendirent à condition d'auoir la vie sauue, si qu'on tient qu'il n'y demeura pas plus de 300. Turcs, & fort peu de Chrestiens, lesquels y firent vn tres-bon butin. Cela donnoit vn grand desir de continuer le siege de Bude: il y auoit desia vn mois qu'on estoit deuant: car ils y estoient venus sur la fin de Septembre, & on estoit lors vers la fin d'Octobre, auquel temps ils se resolurent de donner vn assaut general au chasteau, auquel les Turcs se deffendirent fort courageusement. Le Duc de Neuers Charles de Gonzague, qui estoit lors en cette armée, y fut blessé à l'espaule, en danger d'estre estropié, s'estant porté fort vaillamment en ce siege: cela ne profita point aux douleurs de ses gouttes, qui pour estre beaucoup plus videntes que l'ordinaire, & accompagnées encores d'autres accidens que de coustume, le tinrent vn mois entier à la chambre. Aux charges & recharges qui se firent durant ce siege, le sieur Chaufresteing y mourut, qui estoit lieutenant du Comte de Chambery; d'Arrandelle y fut blessé, & le sieur du Buiffon, qui commandoit dans le regiment, demeura prisonnier entre les mains des renegats sortis de Pappa, & pour lors au seruice du Turc, lesquels le mirent au fonds d'une fosse, sans luy donner aucune chose pour substantier sa vie, tellement que surmonté par la faim, il déchira & mangea la chair de ses propres cuisses; & comme il finissoit ainsi miserablement ses iours, ces tigres pleins de fureur & de rage, luy couperent les parties honteuses, & les luy firent aualler, puis luy fendirent le costé gauche, duquel ils tirerent le cœur, & le luy mirent tout palpitant en la bouche pour l'en repaistre, s'ils eussent peu: tant le passage de la pieté à l'impiété dépoüille l'homme de sa propre nature & de toute humanité.

1602.

Le Duc de Neuers blessé à l'espaule.

CEPENDANT l'armée des Turcs s'aduançoit pour venir au secours de Pesth, qui autrement s'en alloit en la Transiluanie contre Georges Baste, qui en auoit chassé, comme il a esté dit, le Prince Sigismond & Battory: mais ayant entendu les nouuelles de la prise de Pesth, & le siege de Bude, il rebroussa chemin incontinent, & s'en vint pour faire quelque effect à l'une de ces deux villes: comme de fait apres quelques combats, il y coula à plusieurs & diuerses fois iusques à dix mille hommes, & la munist de tout ce qu'elle auoit de besoin, & en fit sortir les bouches inutiles, ce n'estoit pas pour en auoir si tost la raison: aussi les Chrestiens commençoient-ils à se desesperer de la prise. Le courage du Bassa luy estant augmenté, par cet heureux rauaillement, il delibera de reprendre Pesth: mais le General Rosnorin, & le Duc de Neuers avec quelques troupes s'estoient iettez dedans à la faueur de la caualerie de Colemets qui les courut, bien qu'il fut trois sepmaines deuant; elle fut toutesfois si bien deffendue, que les Turcs furent contraints de se retirer, l'armée Chrestienne continuant tousiours son siege, en ayant meilleure esperance que iamais par la retraicte du Bassa, qui auoit esté contraint de ce faire, pour la grande necessité qui estoit en son armée; mais en recompence il auoit tellement garny le chasteau de Bude, qu'il n'y auoit pas apparence d'y faire de grands efforts, les Turcs faisans à tous propos des sorties, où ils auoient quelquesfois l'aduantage: vne entre autres, où ils estoient enuiron cinq mille hommes de pied, & mille cheuaux, qui taillerent en pieces iusques dans leurs tranchées les Lansquenets, qui sentirent plustost qu'ils ne virent leurs ennemis, toutesfois le gros de l'armée estant venu au secours, les arresta, & en fin les contraignit de se retirer dans la ville. On dit que ce fut en cette charge-là que fut blessé le Duc de Neuers; mais tant y a que la saison deuenant fascheuse de plus en plus, on fut d'aduis de deloger: ce qui fut fait à la fin du mois de Novembre, apres qu'on eut mis le regiment du Comte de Solme dedans Beth pour la conseruer. Ce n'estoit pas toutesfois ce que toute la Chrestienté s'estoit promis de cette armée; car on tenoit pour tout certain que la basse-ville estant prise, le chasteau ne demeureroit pas long-temps en la possession des Turcs, & que cette ville-là leur estant ostée, il ne leur restoit plus de place forte en toute la Hongrie, voire mesme iusques à Constantinople, que Belgrade. Pour cette bonne nouuelle qui se trouua faulx à la fin, le Pape fit faire à Rome vne procession avec tout le College des Cardinaux, depuis l'Eglise de la Minerue, iusques à celle del'Anima.

Armée des Turcs au secours de Pesth.

Qui rafraichit d'hommes & de viures la forteresse de Bude.

Sorties de ceux de dedans sur les Chrestiens.

Le siege leué.

Grandes esperances qu'on auoit de ce siege.

CE fut l'aduantage que les Turcs eurent cette année-là sur terre, en Hongrie, mais ils furent fauorisez encores sur mer, en ce que le Roy de Fez manqua de parole à l'armée nauale du Roy d'Espagne, pour luy faciliter la prise d'Alger: Dom Iuan de Cardoia estoit conducteur de cette armée, qui ne fut pas plus heureux qu'auoit esté Dorie: Cigale estoit party de Constantinople avec 50. voiles pour la suivre, & tenir la route qu'elle prendroit: mais chacun se retira sans rien faire, au moins l'un contre l'autre: car Cigale en s'en retournant fit plusieurs rauages par où il passa. Mais les Cheualiers de Malte furent plus heureux que les Espagnols: car ayans vne entreprise sur Mahomette, ils l'executerent heureuse-

Armée nauale d'Espagne pour prendre Alger, se retire sans rien faire.

1602.

Mahomette
prise par les
Cheualiers de
Malte.

Leur inven-
tion pour l'ex-
ecution de
leur dessein.

Leur butin &
les prisonniers
qu'ils y prin-
rent.

Canise em-
braſée par vn
eſclau Chre-
ſtien.

Les Turcs taf-
chent de faire
le meſme à
Strigonie.

Remuëmens
en Tranſilua-
nie.

Deſſeins des
Turcs ſur la
ville de Peſth.

Abandonnée
par les Chre-
ſtiens & brû-
lée.

Et de nou-
veau fortifiée
par les Turcs.

Palanture
abandonnée,
& le Gouver-
neur & la gar-
niſon taillée
en pieces.

Strigonie af-
ſiégée par les
Turcs.

ment : cette place auoit eſté autresfois tentée par Charles le Quint : mais en vain. Or auoit-il couru vn bruit que le Baſſa Cigale venoit à Thunes, & qu'il deuoit ſ'arreſter à Mahomette : car cette ville n'eſt qu'à vn mille de la mer. Ceux de Malte eſtans aduertis de la croyance en laquelle eſtoient les habitans de ce bruit, qu'ils ſçauoient eſtre faux, ils arment en diligence cinq galeres, ſur leſquelles ils mettent deux mille hommes de guerre des meilleurs qu'ils euſſent, & choiſiſſent iuſtement le temps auquel le Baſſa deuoit arri-uer. S'eſtans donc déguiſez en Turcs, au moins ceux qui deuoient paroître ſur le tillac, ils partirent de Malte avec vn vent ſi fauorable qu'ils furent en peu de temps où ils deſi- roient : les habitans qui croyoient que ce fuſſent de leurs amis, tant s'en faut qu'ils leur fi- ſſent aucune reſiſtance, qu'ils allerent au deuant d'eux pour les receuoir : mais les ayans re- connus pour ennemis, ils ſe retirerent tous troublez en fort grande haſte dans la ville, où ils taſcherent de ſ'enfermer, ſi les autres leur en euſſent donné le temps, mais ils les pour- ſuiuirent de ſi pres, ayans deſia pris terre, que les vns braquerent l'artillerie contre les por- tes, les autres planterent les eſcheles pour monter ſur la muraille, & les derniers ſe jette- rent en foule dans les portes deſia ouuertes, où ils taillèrent en pieces ces habitans qui ne s'eſtoient point tenus ſur leurs gardes, & ne s'attendoient à rien de tel : & apres auoir pil- lée la ville, ils y mirent le feu, deliurans pluſieurs pauvres Chreſtiens qui eſtoient-là dete- nus en captiuité, & emmenerent 400. Turcs captifs, puis ayans emply trois vaiſſeaux des dépouilles qu'ils y auoient gagnées, allerent paſſer preſque à la veüe de l'armée qui eſtoit deuant Thunes, puis ſe retirerent riches & triomphans à la maiſon.

OR les Turcs apres la priſe d'Albe-royale, ſe promettoient d'oreſnauant la conqueſte de la Hongrie : car apres tant de pertes qu'ils auoient ſouffertes auparauant, maintenant qu'ils voyoient quelque lumiere de bon-heur, ils auoient de grandes eſperances que la chance eſtant tournée, ils rentreroient dans ce qu'ils auoient autresfois poſſédé. Quelque temps auparauant vn eſclau Chreſtien qu'ils auoient dans la forterreſſe de Caniſe, trouua moyen de mettre le feu aux poudres, ce qui cauſa vn tel embraſement, que preſque toute la ville en fut conſumée : ils taſcherent d'en auoir la reuanche par le meſme artifice ſur Stri- gonie : ce qui ne leur peult toutesfois ſucceder : car ce boute-feu ayant eſté découuert, tout le mal tomba ſur luy. Les Tartares eſtans entrez en fort grand nombre iuſques à Samarie, firent vn fort grand rauage par tout où ils paſſerent : pluſieurs remuëmens ſe firent en Tranſiluanie par vn Moyle Zankly, ou Zechiel, qui auoit quelque commandement au pays, & eſtoit ſupporté des Turcs, qui ayant pris Viſſembourg & quelques autres places, fut apres deſſait par Georges Baſte.

OR la ville de Peſth eſtoit vne faſcheuſe eſpine au pied de ceux de Bude : c'eſt pourquoy Mahomet auoit expreſſément mädé qu'on fiſt tout ce qu'il ſeroit poſſible pour la prendre : & pour en faciliter la priſe, ils font ſemblant de traiter de paix avec l'Empereur, ce n'e- ſtoit qu'un artifice toutesfois : car cependant ils aſſembloient des forces de toutes parts, & auoient mandé vn nombre innombrable de Tartares. Ceux qui eſtoient dans Peſth ſça- chans que cét orage venoit fondre ſur eux, & que l'armée Chreſtienne eſtant diſſipée, & eux aux portes de leurs ennemis, il leur eſtoit impoſſible de ſouſtenir vn ſi grand faix, ils aymèrent-mieux preuenir qu'eſtre preuenus ; de ſorte que le ſixieſme iour de Septembre, ſix compagnies de gens de cheual, & cinq de pied ſortirent de Peſth, en laquelle ils laiſ- ſerent enuiron trois cens vaiſſeaux pleins de farine, & quelque pieces d'artillerie : vn peu deuant que de partir ils auoient mis le feu aux principaux edifices de la cité, & cette flam- me ſe portant en l'air, fut bien-toſt veüe de ceux de Bude : leſquels conſiderans que cét embraſement croiſſoit d'heure à autre, & que perſonne ne ſe mettoit en deuoir de l'eſtein- dre, ils accoururent pour voir de plus pres cette nouueauté : alors voyans la ville de la ſor- te, & que ceux qui la tenoient cy-deuant, l'auoient abandonnée, ils ſ'en emparerent auſſi- toſt, & ayans eſteint le feu, ils reparerent le dommage qu'il y pouuoit auoir fait, & ſe met- tans tous enſemble d'un grand cœur à l'ouurage, ils la fortiſerent mieux que deuant. Ceux qui eſtoient dans Palanture voiſins de là ; touchez d'une meſme conſideration que ceux de Peſth, à ſçauoir de l'arriuée de l'armée des Turcs, abandonnerent la place comme les autres, mais le Gouverneur & les troupes qui ſe ſauuoient avec luy, ayans eſté rencon- trées, furent preſque toutes taillées en pieces par les Turcs, leſquels voyans que leurs en- nemis auoient fait leur beſongne, ne voulurent pas ſe retirer, ſ'il eſtoit poſſible, ſans rien faire.

ILs ſ'en allerent donc mettre le ſiege deuant Strigonie le vingt-quatrieſme iour du mois de Septembre de l'année mil ſix cens trois ; mais ils furent courageuſement repouſſez par les

les Chrestiens, lesquels comme ils auoient fait desia plusieurs sorties sur les Turcs; ceux-cy les voulans attraper au passage, leur dresserent vne embuscade, dans laquelle ceux de Strigonie ne faillirent point de donner, aussi y demurerent-ils pour les gages, au moins vn bon nombre, & entre autres les Comte Casimir de Hobenlohe, le corps demeura en la puissance des Turcs, qui luy coupperent la teste & les oreilles: toutesfois le lendemain estans retournez au combat, vn de leurs principaux Capitaines ayant esté pris prisonnier par les assiegez, ils le changerent contre le corps mort de ce Comte: en fin les Turcs voyans qu'ils n'aduançoient rien deuant Strigonie, & que ceux de dedans estoient trop forts & trop bien munis pour se laisser prendre pour lors, attendans vne meilleure occasion, ils leuerent le siege de leur propre mouuement, le 10. d'Octore. Ce qui fut cause que les Turcs de la garnison de Haduuan, qui auoient eu quelque esperance que les leurs prendroient Strigonie, prissent l'épouuente, & ne se tenans pas assez asseurez dans cette place, l'abandonnerent, apres auoir gasté tout ce qu'il y auoit dedans de munitions de guerre & de viures, & mis le feu à ce qu'ils ne peurent emporter, se retirerent avec ce qu'ils pouuoient auoir de meilleures pieces d'artillerie, laissant le reste à la mercy de ceux qui le voudroient prendre.

1602.

Le siege leué.

Haduuan abandonnée par les Turcs.

En ces entrefaites le Bassa Kockher, qui estoit General en cette armée de Turcs, enuoya Bethlin Habor en Transiluanie pour prendre possession de cette Principauté: cestuy-cy vint sans danger iusques au fleuue Themise avec quatre mille cheuaux, auquel lieu se tenant comme asseuré & hors de tout peril: le Comte Tambiern en estant aduertý, & ayant assemblé bon nombre de Hidouques, vint surprendre l'autre, lors qu'il y pensoit le moins, deffit ses troupes, & le contraignit de se precipiter dans l'eau, n'ayant sur luy que sa chemise. Le Bassa de Themiswar estant aduertý de l'arriuée du Comte, estoit venu pour secourir Bethlin: mais ce fut apres le coup, & comme il s'en retournoit à Themiswar, il rencontra cette troupe de Hidouques qui le deffirent. Ce fut aussi en cette année que deux cens Turcs de ceux qui estoient parmy leur armée, renoncerent aux superstitions Mahometanes, & se firent Chrestiens: on les dispersa par les escouades de l'armée Chrestienne, de crainte que sous vn pretexte de pieté, ils n'eussent quelque mauuais dessein. Le Vauode Radul s'empare cependant de Silistrie, & la pille: Coleniche vn des chefs de l'armée Chrestienne ayant rencontré quelques Turcs qui estoient sortis de Canise, les deffit entre vn bois & vn marets, & de là tascha de prendre Baboth, mais n'ayant ny petards ny escheles, il fut contraint de se retirer, encores que l'occasion y eust esté assez belle, s'il y fust venu préparé.

Deffaite des Turcs en Transiluanie.

Deux cens Turcs conuertis à la foy Chrestienne.

Prise de Silistrie sur les Turcs.

Or ie vous ay representé autant que i'ay peu ce qui s'estoit passé en la Hongrie, & Prouinces circonuoisines, depuis l'année mil six cens, iusques à la fin de l'année mil six cens trois, ce que i'ay fait tout d'vn fil, afin de moins embarrasser ma narration, ces guerres ayans esté d'elles-mesmes assez confuses, par les prises & reprises des places que les vns & les autres ont faites en mesme temps, en mesme pays, par diuers chefs, & quelquesfois par les mesmes: sans embrouiller encores le Lecteur, par le recit de ce qui se passoit aux autres Prouinces. Mais il est temps maintenant de retourner à Constantinople, & voir si Mahomet fut plus heureux aux guerres de l'Asie, qu'il n'auoit esté en celles de l'Europe, & principalement en ces deux dernieres années de sa vie & de son regne. Nous auons desia dict que les Perses conioints avecques les Georgiens, taschoient de regagner ce qu'ils auoient perdu du temps du pere de Mahomet, lequel y auoit enuoyé plusieurs chefs qui tous auoient fort mal fait leurs affaires: cela fut cause qu'il y enuoya Cigale, en qualité de Scerlesquier Sultan, mais soit que cestuy-cy fust plus practiqué aux armées de mer qu'à celles de terre, la conduite desquelles est fort differente, soit qu'il eust mesme quelque intelligence avecques les ennemis, tant y a que les Perses demurerent vainqueurs, & ne fit pas mieux que ses deuanciers; cela donna prise à ses ennemis qui estoient pres le Sultan, la vie dissoluë duquel & sa lascheté le rendoit susceptible de toutes sortes de deffiances. S'estant doncques persuadé que cestuy-cy s'entendoit avecques les Perses, & que ses pertes arriuoient plustost par sa faute que par la lascheté de celuy sous les auspices duquel il combattoit, estant veritable que le bon-heur n'assiste iamais les pusillanimes, il enuoya luy faire commandement de retourner, pour estre informé de sa volonté: & de fait estant arriué à Bruzzi, il y trouua quarante Capigi, enuoyez de la part du Sultan, non pour l'instruire de la guerre, mais pour luy oster la vie, comme ils firent: on fit courir le bruit toutesfois qu'il estoit tombé malade, & depuis mort de sa mort naturelle, Assan pour lors Denys Bassa fut mis en sa place.

XVII.

Ce qui se passoit en Constantinople.

Cigale contre les Perses, où il fut assez mal heureux.

Samort.

1602.

Rebellion du
Scriuan.Ses pretextes,
& artifices.Vient avec
son armée à
trois journées
de Constanti-
nople.

1603.

Grande sedi-
tion à Con-
stantinople
par les Spa-
chis & Janis-
saires.Leur deman-
de.L'Orloger Af-
san les supplie
d'avoir pitié
de luy.La response
qu'ils luy fi-
rent.

Ses reparties.

Grād pouvoir
des Janissai-
res.Mahomet
vient en pu-
blic.

OR si Mahomet avoit des soupçons & des deffiances, ce n'estoit pas sans raison, chacun de ses Officiers ne cherchant qu'à s'establiſſir, à la ruine de l'Eſtat, de ſorte qu'on peut dire qu'il a eſté le Prince de tous les Othomans, le plus mal ſeruy. Entre les Chefs qui commanderent durant ſon temps en l'Asie ſous ſon autorité, fut vn que quelques-vns nomment le Scriuan, & les autres Scriuiag, que quelques-vns eſtiment auoir eſté ſecretaire, & que cela luy en a donné le nom, cōme ſi on diſoit l'eſcriuain. Ceſtuy-cy ayant gagné le cœur de la plus grande partie des peuples de cette Prouince, s'y eſtabliſſit comme Souuerain, fondant ſon pretexte ſur la vie débordée du Prince, ſur la cherté des viures, & ſur les pertes que l'Empire ſouffroit de toutes parts, diſant qu'il venoit deliurer les peuples de la ſujection de ce tyran, & de cēt eſſeminé; & en fin à la maniere de tous les rebelles, proteſtant que toutes ſes entrepriſes & ſes labours ne tendoient qu'au bien public. Les peuples amadoüez par ſes belles paroles, encores plus par ſes promeſſes, gratifiant, comme il faiſoit, de toutes ſortes de careſſes & de bien-faits ceux qui ſe declaroient de ſon party, comme il en auoit bon moyen, s'eſtant emparé des deniers Royaux: il s'en alloit d'oresnauant fort redoutable, & s'eſtant accommodé avecques les Perſes, ſçachant qu'il y auoit fort peu de gens de guerre à Constantinople & aux enuiron, outre la garde du grand Seigneur, vne partie eſtant allée en Hongrie, & l'autre en Perſe, il voulut tenter le hazard d'aduancer dauantage ſon deſſein, & fut ſi hardy que dē veniren armes iuſques à trois iournées de Constantinople.

CELA fut cauſe d'vn autre mal-heur: car les Spachis & Janiſſaires iugeans bien que la hardieſſe de ceſtuy-cy n'eſtoit fondée que ſur l'infidelité des miniſtres de leur Empereur, ou ſur leur negligence, conſpirerent entr'eux d'en tirer la raiſon, & ſçauoir l'origine de tous ces deſordres, ils l'executerent ainſi qu'ils l'auoient reſolu. Le ſixieſme donc du mois de Ianuier de l'année mil ſix cens trois, ſ'aſſemblerent bien iuſques au nombre de vingt-cinq ou trente mille hommes, ſans la populace, qui eſtoit infinie. Ceux-cy eſtans venus, ſelon leur deliberation, dans le Palais du grand Seigneur, où le Diuan, ou Tribunal de la Juſtice, ſe tient quatre fois la ſepmaine, à ſçauoir le Samedy, Dimanchē, Lundy, & Mardy, avec vn grand ſilence, comme ils le ſçauent bien garder, autant que peuples de la terre, ils mirent des gardes aux portes d'iceluy, afin que ceux qui n'eſtoient de leur faction, ne peuſſent entrer, ny voir la tragedie qu'ils vouloient jouer. Eſtans arriuez dans la derniere court où les Baſſas & Cadileſchers ſont aſſemblez, dix Spachis & dix Janiſſaires furent élus pour porter parole au nom de tous. En premier lieu ils demanderent que le Baſſa nommé l'Orloger Aſſan fuſt amené pour eſtre interrogé, d'où procedoit la negligence dont on auoit viſé en leur abſence, tandis qu'ils eſtoient en Hongrie au recouurement d'Albe-royale, de ne s'oſer point aux progres des rebelles de l'Asie, ains au contraire qu'on auoit empeſché les moyens de les ruiner & de les combattre: il fut en fin amené, & paſſant au trauers de cette ſeditieuſe troupe, il la prioit avecques toute l'humilité qu'il luy eſtoit poſſible, d'avoir pitié de ſon innocence, diſant qu'il n'auoit point failly; mais que ſi ſon ſang eſtoit utile à l'Eſtat, il s'offroit volontairement à la mort; aucuns luy repliquerent ainſi: cette aſſemblée ne demande point voſtre ſang, elle demande ſeulement que vous ayez à dire qui eſt cauſe de tous ces deſordres, afin qu'elle puiſſe iuſtement en demander raiſon; que ſi vous le faites ainſi, nous empeſcherons que vous ne mouriez. A quoy il repliqua: l'ay fait mon deuoir durant vn an que le gouuernement m'a eſté mis entre les mains, mais puis que ie dois mourir, ie deſire que ma mort ſoit en quelque choſe utile à l'Empire, qui ne pourra iamais eſtre bien adminiſtré, tant que la mere de ſa Hauſteſſe, & le Capi Aga ſeront pres de ſa perſonne; à cette parole, ils demanderent à parler à l'Empereur.

OR cette hiſtoire a fait voir aſſez de fois combien les Janiſſaires ſont imperieux & inſupportables, depuis qu'ils demandent quelque choſe en corps à leur Souuerain, & que ſi on n'accorde leur demande, ou qu'on ne les addouciffe par quelque inuention, ils ſont vn tumulte & vn rauage nōpareil, & il faut de neceſſité que le Sultan ſe preſente à eux: car c'eſt le remede le plus prompt, l'éloignement ou l'abſence augmentant de plus en plus la ſedition. Mahomet eſtant donc ſorty en public, en pareille pompe qu'il a accouſtumé de faire le iour du Bahiram, ou Paſque, luy eſtant préparé vn ſiege Imperial, il y vint avec le Muphty, ou grand Preſtre de leur Loy, avec les deux Cadileſchers & autres Docteurs, leſquels tous eurent lieu de ſ'aſſeoir, tant ce Prince & cette nation, qui ont tout à mépris, portent de reſpect aux gens doctes, & à ceux de cette qualité, les Baſſas demeurans debout ſelon leur deuoir, pres du ſiege & thrōne Imperial: là comparut auſſi le chef des ſeditieux, & l'Orloger Aſſan. Alors il fut permis de parler à celuy qui eſtoit nommé du corps de

de la Milice, lequel ainsi que rapportent nos François qui estoient lors en Constantinople, parla en cette sorte.

1603.

NOSTRE tresgrand & tres-heureux Empereur, les Spachis & Janissaires, vos obeyssans esclaves, pleins de compassion & douleur de voir l'Estat de vostre Hauteſſe en termes de se perdre, desirerent ſçauoir la cause qui retient ſa Grandeur d'y remedier, puis que DIEV luy en a donné les moyens assez grands, veu aussi la fin miserable, où le peu de preuoyance fait tomber les Estats, vosdits esclaves redoutans que le progres que le rebelle fait en Asie, vous soit celé, c'est pourquoy ils nous ont commis pour vous faire entendre meurement les termes où il se trouue, & la hardieſſe qu'il a eue de venir à quatre ou cinq iournées pres de ſa demeure Imperiale, a aussi l'assurance d'huyner à sept ou huit iournées d'icelle: pour conclusion nous desirons en general & en particulier, de ſçauoir ſi le tout luy a eſté manifesté, & ſi elle veut prendre le ſoin du gouvernement de cette Monarchie, ou bien ſi elle ſe contente que tout ſe diſſipe, & en prenne ſa part qui pourra.

Harangue des Janissaires à leur Empereur.

AVSQUELLES paroles Mahomet composant ſon viſage avecques vne plus grande douceur qu'il n'estoit bien ſeant à ſa Grandeur en vne telle occasion, leur dit: Que leurs paroles & leur maniere de proceder estoient bien mal ſeantes, à eux qui deuoient ſeruir d'exemple d'obeyſſance à tous le reste des ſujets de l'Empire, qu'il n'auoit point eſté aduſé de ce qui ſe paſſoit, mais qu'il leur promettoit d'y remedier le pluſtoſt que faire ſe pourroit. L'Orloger Aſſan fut aussi-toſt mis en jeu, & luy fut demandé pourquoy il auoit manqué à ſon deuoir, de rendre compte à ſa Hauteſſe de ce rebelle, à quoy il repliqua qu'il n'auoit jamais manqué de ſon deuoir, mais que le Capi Aga l'auoit touſiours empesché & retenu de ce faire, diſant qu'il n'estoit de beſoin de donner du degouſt à ſa Hauteſſe, ains remedier aux desordres, ſans en leuer la cause, qui estoit conueüe proceder de l'Imperatrice ſa mere, du Capi Aga, & du chef des Eunuques, qui garde la porte des Sultanes, qu'ils estoient aſſemblés à cette fin, pour luy demander leurs teſtes, au deſaut de quoy ils estoient reſolus d'y pouruoir, entendans par là de le priuer & reconnoiſtre vn autre Empereur, ſ'il les contraignoit de paſſer outre: auquel diſcours il reſpondit qu'il ne vouloit pour leur caprice faire mourir incontinent ceux qu'ils demandoient, mais qu'ils ſe contentaſſent qu'il fuſt veu par iuſtice ſ'ils meritoient la mort, & qu'alors il donneroit ſon propre ſils, ſ'il estoit coupable.

La reſponſe qu'il leur fit.

L'Orloger Aſſan interrogé, & ſa reſponſe.

Demande insolente des Janissaires.

LES mutins reſpondirent qu'il n'auoit point fait mourir ſes freres par iuſtice, mais bien pour la conſeruatiō de l'Eſtat, & que ceux deſquels ils demandoient les teſtes, n'estoient point ſi innocens qu'il en falluſt demander des chaſtimens à la iuſtice, & qu'il falloir qu'il en vſaſt ainſi, autrement qu'ils y pouruoyroient eux-mesmes: quant à l'Imperatrice ſa mere, qu'ils ſe contentoient qu'elle fuſt releguée en quelque contrée éloignée. Leur violente reſolution fut cause que le Sultan leur accorda ce qu'ils demandoient, faiſant amener ſon Capi Aga & celui de ſa mere: & auant que de commander qu'ils euſſent les teſtes tranchées, il enuoya prier la milice de luy donner la teſte de ſon Capi Aga, ce qu'elle refuſa, criant à haute voix qu'elle vouloit ſa teſte, laquelle en fin leur fut baillée, comme aussi celles des deux autres. Eſtant ce ſpectacle acheuē, le grand Seigneur touché au viſ pour l'extreme douleur qu'il reſſentoit de la perte de ce ſien fauory, commanda qu'on fiſt le meſme à tous ſes autres Baſſas, pour à quoy obeyr, vn d'eux qui estoit cy-deuant colonel de l'Infanterie, fut mené au ſupplice, & comme il estoit à genoux, & que le bourreau auoit l'eſpée leuée pour le frapper, les Janissaires crierent & demanderent ſa grace, & ainſi luy & les autres échaperent: Mahomet ſçauoit bien que ſes autres Baſſas estoient aymez & reſpectez des Janissaires, & penſoit ſe vanger d'eux par ce moyen, mais leurs murmures & mutineries redoublerent de ſorte, qu'il fut contraint de diſſimuler ſa cholere, & ſe retirer avec cēt affront dans ſon Serrail.

A laquelle ils perſiſtent.

Et l'obtiennent.

Nonobſtant les prieres de Mahomet.

Qui eſt contraint de faire mourir ceux qu'il vouloit ſauuer, & de faire grace à ceux qu'il vouloit faire mourir.

QUANT à ſa mere, elle recula touſiours ſon éloignement, comme elle ſ'estoit de longue-main acquis vne grande autorité en cēt Empire: de ſorte que le Roy de Perſe ſçachant combien cette Princeſſe auoit de pouuoir au gouuernement, au lieu d'enuoyer vn Ambaſſadeur à la Porte de l'Empereur Othoman, il y enuoya vne grande Dame, deux ans auparauant cette ſedition, ſ'asſurant que ſi elle pouuoit eſtre introduite au Serrail, elle feroit d'elle-mesme en parlant à l'Imperatrice, ce que ſes Ambaſſadeurs n'euffent ſçeu traiçter, ayant affaire à tous les Baſſas: de là vint aussi la mauuiſe conduite des affaires, & la cause de tous ces remuēmens. Les trois theſoriers furent priuez de leurs charges, & le beau-frere du Capi Aga qui estoit colonel des Janissaires ſ'enſuit, les vns diſent avec les rebelles: ſa depouille & celle des deux autres, ſelon le iugement commun fut eſtimée à 800.

Vne Dame Perſienne enuoyée par le Sophy à la Porte de Mahomet, au lieu d'Ambaſſadeur.

Les trois theſoriers démis de leurs charges.

1602.

Grandes richesses des Bassas exécuteurs.

Mentes de la femme & du fils de Mahomet contre luy.

Paroles qui coustent cher à la mere & à l'enfant.

Mahomet fait noyer sa femme & étrangler son fils.

Le Scriuan prend la ville de Burze.

Mahomet traite de paix avec luy.

A quelles conditions.

Quelques considérations sur la réduction du Scriuan.

cinq ou six millions. Cette affaire ayant ainsi réussi au contentement des seditieux, rendit encore l'esprit de Mahomet plus ombrageux qu'il n'estoit auparavant : car ayant pris vne habitude dans la volupté, en laquelle il estoit peut-estre encore entretenu par l'artifice de sa mere, afin qu'elle peust tousiours regner, il se sentoist foible par soy-mesme, si bien que la moindre parole qui touchoit à sa maniere de viure, ou quelque desir d'une meilleure conduite aux affaires, luy estoit vn sujet assez puissant pour le faire apprehender.

Or la mere de son fils aîné estoit vne femme fort ambitieuse & insolente, laquelle ennuyée de voir l'Empire Othoman conduit par ce Prince voluptueux, & d'un si lasche courage que rien ne le pouuoit émouvoir, taschoit de faire paruenir son fils à l'Empire: elle prenoit le pretexte, comme vne bonne mere qui aymoit son enfant, & desiroit son advancement apres la mort du pere, craignant que ses autres freres y paruinssent plustost que luy: elle esperoit aussi si cela arriuoit d'auoir vne pareille authorité que la mere de son mari. Comme donc elle sondoit les volontez d'un chacun, on rapporta à Mahomet les menées de cette femme, & qu'elle s'alloit enquerant si son fils ne succederoit pas à l'Empire: le ieune homme mesme à qui la mere auoit encore mis le cœur au ventre, auoit dit que s'il estoit en la place de son pere yurongne, qu'il conduiroit bien autrement les affaires en Perse qu'on ne faisoit, & feroit que Constantinople, qui souffroit vne si grande disette depuis tant de temps, seroit bien-tost remplie de toutes sortes de biens. Le pere qui sçauoit desia combien il estoit mal voulu, l'inconstance des Janissaires, & combien ils le méprisoient, entra aussi-tost en vne pensée, que sa femme cherchoit les moyens de l'empoisonner, & que son fils auoit vne grande intelligence avecques la Milice, qui le fit entrer en telle fureur, que sans s'informer, ny enquerir dauantage, tenant pour verité ce qu'il s'estoit imaginé, il fit noyer la mere sur le champ, & estrangler le fils en sa presence, ensemble iusques au nombre de quatorze qu'hommes que femmes. On dit que pour couvrir cette cruauté, qu'il auoit exercée enuers son propre fils, que c'estoit pour le reconnoistre impuissant à la generation, & ne vouloit qu'il succedast à l'Empire, afin que la race des Othomans, qui auoit tenu le sceptre tant d'années, ne vint à manquer de successeur, & afin que la loy de Mahomet, qui permet aux Turcs d'auoir autant de femmes qu'ils en peuvent entretenir, ne luy fust inutile.

CEPENDANT que ces tragedies se iouoient à Constantinople, le Scriuan en representoit vne autre en Asie qui n'estoit pas moins sanglante, prenant la ville de Burze bonne & riche ville, & de tout temps de tres-grande reputation, laquelle ils pillerent, & massacrerent les habitans, exerceans toutes sortes de cruauté: le Sophy d'ailleurs faisant mille rauages par tous les confins de l'Empire. Cela fit resoudre Mahomet à traiter de paix avec le rebelle, aymant mieux raualer sa dignité, & rechercher vn sien esclauue reuolté, que l'épée à la main tirer la raison de ses melchantes conspirations: Le Scriuan qui n'auoit plus personne au Serrail sur qui fonder ses esperances, & qui sentoist bien qu'à la longue il ne pourroit pas subsister, redoutant d'ailleurs la cruauté de son Seigneur, s'il venoit vne fois à tomber en ses mains, ne refusa point la condition: car l'autre luy promettoit d'oublier tout le passé, pourueu qu'il luy rendist fidelité & obeysance à l'aduenir, & le seruist en ses guerres de Hongrie. Ce qu'ayant accepté le Scriuan, & iuré de nouveau de le seruir fidelement à l'aduenir, il s'achemina par le destroit des Dardanelles avecques douze mille hommes, & s'en alla prendre possession du gouuernement de Bosnie, qui luy estoit donné par cette reduction.

LAQUELLE ne donna pas peu d'estonnement à plusieurs, plus encore du costé du Scriuan que de celui de Mahomet, qu'on sçauoit assez ne desirer que la paix; mais cestuy-cy chef de party, qui auoit desia acquis vne grande reputation, & à qui toutes choses auoient heureusement réussi iusques alors, qui d'ailleurs connoissoit l'humeur de son maistre, d'autant plus cruel qu'il estoit pusillanime, on n'approfondissoit pas aisément qui auroit peu si tost inciter cét homme à changer ainsi de party, & se fier en celui qu'il sçauoit ne respirer en son ame que sa ruine: & peut-estre eust-il pensé deux fois à cette reddition, s'il eust conneu que les Chrestiens se fussent voulu seruir de sa reuolte: mais voyant que personne ne se remuoit, sinon qu'apres quelques bicoques en Hongrie, qui seruoient plustost à les ruiner qu'à les deliurer de leur misere, il iugea que sa puissance n'estant establie que sur les volontez d'une populace ramassée, en laquelle il y a tousiours plus d'inconstance que d'assurance, il feroit fort sagement de prendre à propos cette reconciliation, tandis qu'il estoit necessaire à Mahomet, joint qu'il voyoit la force de cet Empire inexpugnable, si la Prouidence Eternelle n'y apportoit par sa puissance infinie quelque notable changement:

gement: que si Mahomet contre la foy promise luy vouloit brasser quelque mauuais party, il auroit tousiours son refuge en la Chrestienté, qui luy estoit voisine, plus seure pour sa vie & pour sa fortune, que ne pouuoit pas estre la Perse: c'estoient peut-estre les considerations du Scriuan. Pour lors vne chose donna encores beaucoup d'ennuy & d'estonnement à Mahomet, ce fut la perte de Lepante, qui luy fut enleuée par les Cheualiers de Malte, lesquels y mirent tout à feu & à sang: car il craignoit qu'ils ne fussent secondéz d'une plus grande force. Entre toutes les nations il redoutoit fort les François: c'est pourquoy il a souuent prié leur Roy de ne leur permettre plus d'aller en Hongrie, & pour l'obliger à cette deffence, il accorda à sa Majesté tout, & plus qu'elle n'eust sceu desirer, pour la reparation des iniures publiques, & priuées, contre la liberté du commerce, & à la seurété de la nauigation du Leuant, troublée par les pirates d'Angleterre & de Barbarie. Mais s'il a craint la nation, il a fait entre tous les Rois & Princes Chrestiens, vne fort grande estime de nostre Henry le Grand, lequel il tenoit pour seul Empereur en la Chrestienté, aussi luy a-t-il accordé tout ce qu'il luy a demandé. Il luy enuoya au mois de Septembre, en l'année mil six cens deux, vn Chaoux avec des lettres fort fauorables, & d'un stile tout autre que n'auoient accoustumé d'escrire les Seigneurs Othomans aux Princes estrangers, qui meritent bien d'estre inserées en cét endroit, afin qu'on voye l'estime que ce puissant Prince a fait de nostre Roy.

1602.

La ville de Lepante prise par les Cheualiers de Malte.

Mahomet affectonné au Roy de France Henry le Grand.

AV PLUS GLORIEUX, MAGNANIME, ET GRAND
Seigneur de la croyance de IESVS-CHRIST, élu entre les Princes de la nation du Messie, terminateur des differends qui suruiennent entre les peuples Chrestiens, Seigneur de grandeur, majesté, & richesses, & claire guide des plus grands HENRY III. Empereur de France, que la fin de ses iours soit tranquille.



DEPUIS l'arriuée de nostre Imperiale marque, il sera pour aduis à vostre Majesté, que par cy-deuant vostre Ambassadeur qui reside à nostre souveraine Porte, nous fit entendre que les Anglois, sous pretexte d'estre nos Confederez, viennent par les mers de nostre Empire, y prennent & depredent vos sujets. Ceux de la Republique de Venise, & autres marchands qui viennent sous vostre banniere, s'estans aussi plaints que les Corsaires de nos pays de Barbarie font le semblable, sans auoir égard à l'ancienne amitié qui se conserue entre nos majestez. Pour cette cause nous escriuismes vne lettre à la Reyne d'Angleterre, de laquelle nous vous fismes part: comme aussi des commandemens que nous auons faits à nos esclaués de Barbarie. Depuis est arriué à nostre sublime Porte vn des vostres avec vos lettres, par lesquelles nous auons cōneu que les nostres ne vous auoient encores esté rendus, & la continuation des ranages des Corsaires Anglois & de Barbarie sur vos sujets: Ayans bien considéré le reste du contenu, nous desirons que vous ne doutiez nullement que c'est contre nostre intention, que ceux qui dépendent de nostre obeysance, molestent les sujets de vostre Majesté, en s'unissant avec les pirates Anglois, pour participer à leurs butins & larcins.

Auquel il es-
crit des let-
tres fort fauo-
rables.

Aussi ayans appris par vos lettres, que nostre Vice-Roy de Thunes Mustapha Bassa, estoit de ceux qui s'entendoient avec lesdits Anglois, nous l'auons priué de son gouuernement, avec commandement qu'il vienne rendre cōpte de ses actions à nostre grande Porte, & auons estably en son lieu vn autre Vice-Roy, auquel nous auons expressement cōmandé d'empescher, qu'en aucune façon vos sujets trafiquans par les lieux de nostre obeysance, soient molestés. Nous en auons aussi priué Solymán Bassa nostre Vice-Roy d'Alger, pour les mécontentemens qu'il a donné à vostre Majesté, & cōmandé qu'il ait aussi à venir rendre compte de ses deportemens, ayant mis en son lieu vn autre Vice-Roy fort prattiqué, qui sçait, & connoist le respect qui se doit à l'ancienne amitié de nos Majestez, nommé l'Albanois Monsy, duquel DIEU augmente la dignité. Nous auons aussi ordonné que Cerdan Bassa, cy-deuant nostre Vice-Roy, ait à venir deuant le tribunal de nostre iustice, pour s'en estre plaint, il y a quelque temps, cy-deuant vostre Ambassadeur, ayant cōmandé tres-expressement à l'Admiral de nos mers, Sinan Bassa, de faire conduire les vns & les autres.

Quant à ce qui regarde le particulier des Anglois, il ne nous a pas semblé honnesté d'escrire au nouveau Roy d'Angleterre, auant qu'il nous en ait escrit, & enuoyé vn Ambassadeur au Serrail de nostre heureuse Porte, pour renoueler les capitulations que la Reyne deffuncte auoit avec nostre Hauteffe. Nous nous sommes contentez de commander à vostre prudent & valeureux Vizir Affan Bassa, d'escrire audit Roy d'Angleterre en nostre nom, qu'en cas qu'il desire nostre amitié, il

1602.

est nécessaire qu'il resienne, & empesche que ses sujets ne fassent plus de courses sur nos mers, après la protestation qui luy sera faite, s'il entend qu'aucuns de ses sujets commettent l'a cte d'hostilité sur ceux qui se trouveront par les lieux de nostre Empire, ils seront retenus avec leurs vaisseaux & facultez, qui seront distribuées à ceux qui auront receu quelque dommage d'eux, & seront chastiez pour retenter les autres de mal faire, nous estant plus aysé d'en user ainsi. Toutesfois ayans remis le fait de cette nostre resolution aux responses, qui nous seront faites, nous les attendrons. Accompagnés, si vous le considerez à propos, celle de nostre grand Vizir au Roy d'Angleterre, de l'une des vostres. Nous vous enuoyons aussi nostre lettre Imperiale pour le Roy de Fez, afin qu'en consideration de nostre amitié, il empesche que ses sujets n'acheptent les François, & face mettre en liberté ceux qui se trouveront par les lieux de son obeyssance, afin qu'il soit connu à un chacun le cas que nous faisons de l'amitié de vostre Majesté.

Nous avons de plus, selon vostre priere, pour arrester le cours des volleries & pirateries des Anglois, enuoyé expres commandement à tous nos Gouverneurs de nos havres & ports, pour faire exacte recherche de tous les vaisseaux, & des nations Chrestiennes qui arriuent es lieux de leurs Gouvernemens, de voir notamment quelles marchandises ils apporteront, & en quels lieux ils auront chargé; les obligeans de faire paroistre par tesmoins quel est leur deportement, & au cas qu'il soit contraire à la preuue qu'ils produiront, se trouuans mal-faïcteurs, & que les marchandises qu'ils portent, ayent esté prises es courses, qu'ils soient retenus avec leurs vaisseaux, & de ce qui se trouuera dedans, qu'il en soit donné aduis à nostre grande Porte. Nous auons commandé à nosdits Gouverneurs ce qu'ils doiuent faire pour auoir moyen de faire chastier ceux qui sous ombre de marchandises, font les Corsaires. Nous auons aussi ordonné à nos Vice-Rois de Barbarie, & autres nos sujets & Officiers, qu'ils se gardent de permettre à qui que ce soit, d'aller en course, sans prendre bonnes & suffisantes cautions d'eux, afin qu'ils ne commettent actes contre la foy publique au dommage de vos sujets, & pour plus de facilité, que les pleiges ayent à estre responsables & reus de représenter les mal-faïcteurs. Prenez donc croyance que c'est contre nostre volonté que vos sujets sont mal traittez par les lieux de nostre obeyssance.

Quant à ce que desirez, qu'il se fasse vne represaille sur les marchands Anglois, pour payer les dommages que vos sujets ont receus de cette nation, il m'a semblé nécessaire d'attendre la response dudit Roy d'Angleterre, lequel tardant d'enuoyer un Ambassadeur au sieil d'enostre heureuse Porte, pour renouuer l'amitié commune avec son Royaume, & manquant au semblable de se rendre soigneux d'empescher que ses sujets ne commettent plus tant de meffaits, & ne fassent des courses par les lieux de nostre obeyssance. Selon la promesse que nous auons cy-deuans fait à vostre Majesté, nous ferons retenir tous les Anglois qui se trouveront par nostre Empire, faisant represaille sureux, pour l'entiere valeur de ce qui aura esté volé & depredé à vos sujets, les faisant chastier comme sepierez du nombre de ceux qui sont Confederez avec nostre Hauteffe.

Vostre Majesté de sa part, trouuera bon à l'imitatiō des Empereurs ses ayens, de faire cas de nostre amitié, & de la conseruer cherement, empeschant qu'aucun de vos sujets n'ait à seruir nos communs ennemis, ayans appris que beaucoup d'iceux, contre le deuoir qui se doit à nostredite amitié, vont au seruisce du Roy de Vienne. Tels ne me font pas seulement dessernice, mais si vous le considerez, vont au seruisce des ennemis de vostre Grandeur. C'est pourquoy vous vous deuez peiner d'empescher leurs allées, & arriuant que quelqu'un, contre vostre commandement, y aille; vous deuez faire confisquer ses biens, & retournant au lieu de vostre obeyssance, le faire chastier, afin de seruir d'exemple aux autres desobeyssans. Escript au commencement de la Lune Reboul-Euel.

Ainsi appelle-
il l'Empereur.

C'est environ
le 15. d'Aoust

Cōtenu de la
lettre que le
grand Vizir
escriuit au
Roy d'Angle-
terre.

En la lettre que le grand Vizir escriuit au Roy d'Angleterre par le commandement de son maistre, il dit, que iamais le grand Seigneur, ny les Empereurs ses peres, n'ont traité alliance, ou amitié avec les Princes Chrestiens, sous condition qu'il fut permis à leurs sujets de faire des courses & pirateries sur mer, mais bien d'y venir comme marchands en toute seureté & liberté: que les Anglois qui venoient autresfois en cette mer sous la protection de la banniere de France, ayans desiré d'estre separez, & d'auoir vne banniere à part, Sultan Amurath le leur auoit permis, à condition qu'ils se comporteroient selon le respect qui se deuoit à l'amitié d'un si grand Prince. Que depuis sous couleur du commerce ils auoient pris, laccagé, & volé plusieurs marchands, tant Turcs, que François, & Venitiens, au grand preiudice des droits du grand Seigneur, & de sa reputation, qu'à cette occasion il luy auoit commandé de luy escrire, puis que sa Grandeur, & honneur de son Empire, ne luy permettoit d'estre le premier à le rechercher. Qu'auant la mort de la Reyne d'Angleterre, il luy auoit enuoyé vne lettre, pour l'aduertir qu'il estoit resolu de faire arrester par droit de represaille, tous les vaisseaux qui se trouueront en cette mer appartenant

appartenans aux Anglois, & les employer au dédommagement de ceux qui ont esté rui-
nez & depredez. Qu'il continué en cette resolution, s'il ne luy plaist d'empescher telles
courses & pirateries: parce que sa Hauteſſe ne peut ſupporter que ceux qui recherchent
ſon amitié, commettent en ſon Empire aucun acte d'hoſtilité, ny que ceux leſquels y ne-
gocient ſous la foy publique, ſoient ainſi traittez, eſtant reſolu d'en commander le chaſti-
ment avec toute rigueur, ſans exception de perſonne, ny de ceux meſmes qui ſeront de
la nation de celuy qui aura volé. Et pour conſeſſion, la lettre de ce Vizir finiſſoit en ces
mots: *Partant vous vous reſoudrez à ce qui vous ſera uſile & honorable, n'eſtans par la grace*
de DIEU difficile à mon inuincible Empereur d'en uſer ainſi, il attendra voſtre reſponſe pour y
pourueoir ſelon qu'il ſera de raiſon.

PAR ces lettres on peut voir clairement l'eſtime que cét Empereur Turc faiſoit de noſtre
Roy, puis que ſur ſa ſimple plainte il fit Manſuls des Gouverneurs & Vice-Rois, pour auoir
manqué au deuoir de la foy publique, & à la protection des marchands François, leſquels
depuis le Roy François premier, ont tenu boutique en Alexandrie, au Caire, à Barut, &
à Tripoly, auſſi bien que les Venitiens & Geneuois, & n'ont pas moins de credit à Fez, &
à Maroc, quel'Eſpagnol: Voicy le contenu de la lettre qu'il eſcriuit au Roy de Fez.

LETTRE DV GRAND SEIGNEVR
au Roy de Fez.



*V*res-heureux, puiſſant, illuſtre, magnanime, & glorieux Prince, le grand
Amet Roy de Fez, heur, & ſalut eternal: Nous auons entendu pluſieurs plain-
tes du Roy de France, contre les pirates de Thunes, d'Alger, & de vos Prouin-
ces finiſſimes de Barbarie, que ſans conſideration de l'alliance d'entre nous &
luy, ils pillent & rauagent les nauires de ſes ſujets, les prennent priſonniers,
& ſ'ils ne ſont pelerins, les vendent comme eſclaves aux peuples de vos Royau-
mes. Choſe du tout ennemie de noſtre intention, qui veut que les François ſoient traittez comme
nos naturels ſujets, en tout noſtre Eſtat, pour le reſpect & l'amitié de ſous temps entretenue en-
tre nos ayeuls, & les Rois de France. Qui nous auoit eueus de chaſtier les Baſſas & Gouverneurs
de nos villes en cette Prouince, par la priuation de leurs charges & dignitez. Et outre d'en don-
ner aduis à voſtre dignité Royale, & la prier qu'à l'aduenir, non ſeulement elle empesche qu'aucun
François ne ſoit plus vendu comme eſclave en ſes terres, attendu que cette rigoureuſe action re-
pugne à la ſaincte juſtice que noſtre grand Prophete a mis en noſtre dextre pour l'exercer: mais ou-
tre qu'elle renuoye libres tous les François eſclaves qu'elle trouuera dans ſes terres. Par ce moyen
vous nous ferez vn ſeruiſe agreable, qui nous témoignera le deſir que vous auez que l'alliance
antique d'entre la maiſon Oſhomane & les Rois de France, demeure en ſon entier, & en ſa per-
fection, à la gloire de l'un & l'autre Empire.

Lettre de Ma-
homet au
Roy de Fez.

MAIS ce ne fut pas ſeulement en ce qui concernoit le trafic, qu'il le gratifia: car il auoit
eſté tellement diſpoſé par l'Ambaſſadeur de France, pour lors le ſieur de Breues, que ſi la
maiſon d'Auſtriche euſt eu autant de confiance avec celle de France, comme noſtre Roy
ſ'y employoit ſincerement, la guerre de la Hongrie ſe fuſt conuertie en quelque paix, ou
trefve honorable aux Chreſtiens, & cette Prouince euſt recueilly le fruit de cette nego-
ciation: car pour monſtrer que Mahomet y vouloit entendre, & qu'il deſiroit terminer
cette guerre, il fit preſent à l'Empereur d'armes & de cheuaux, & à l'Archiduc Matthias
d'un riche habit, mais on ne peult rien conclure, la guerre continuant plus forte que de-
uant. Les Tartares eſtans avec vne puiſſante armée en la Hongrie, principalement aux en-
uiron de cinq-Egliſes, ils auoient entré dans l'Eſclauonie, & y auoient fait de grands
rauages, ayans pris huit chateaux, brûlé grand nombre de villages, emmené plus de
huit mille ames en captiuité, & pris grande quantité de beſtail; mais ils furent repouſſez
par Coleniche, qui les deſſit en pluſieurs rencontres, print encores quelques places ſur les
Tures, comme Loque, Boulleucnar, & autres petites places: mais en fin le nepueu du
Cham des Tartares, qui eſtoit pour lors comme priſonnier à Conſtantinople, ayant trou-
ué moyen de s'échapper, eſtoit allé ſur les terres de ſon oncle, & y faiſoit de grands re-
muemens: cela fut cauſe de le faire retirer pour lors.

1603.
Le Roy Hen-
ry le Grand
diſpoſe Ma-
homet à la
paix avec
l'Empereur &
l'Archiduc.

Preſens que
leur ſit Maho-
met.

Rauages des
Tartares en
l'Eſclauonie.

OR depuis que Mahomet auoit fait mourir ſon fils, il eſtoit deuenu tout melancholique,
ſoit de regret d'auoir fait perdre la vie à ce ieune Prince, ou pour la multitude des affaires
Mahomet le
ueni melan-
chologique de-

1603.
 puis la mort
 de son fils.

Mahomet
 mort de
 peste.

qu'il se voyoit sur les bras : car la guerre de Perse continuoit, celle de Hongrie ne pouvoit prendre de fin, encores qu'il eust recherché de paix ses ennemis, les rebelles continuoient leurs menées en l'Asie, les seditions artiuoient à toute heure en sa ville, & en son propre Serrail, il se voyoit fort mal seruy des siens, chacun recherchant plustost son profit que le bien & la tranquillité de l'Empire. Toutes ces choses, dis-je, le rendoient tout chagrin: & sur cela la peste estant pour lors à Constantinople, le vint frapper iusques dans son Serrail, qui luy fit finir sa vie, avec la fin de l'année de grace mil six cens trois, de l'Egire 1009. & selon les autres 1011. de son regne le 8. seant au saint Siege le Pape Clement VIII. du nom, en l'Empire Rodolphe, & en France Henry le Grand. On remarqua du temps de cet Empereur, que les Turcs se commencerent à familiariser dauantage enuers les Chrestiens, & à les traicter plus doucement.





CONSIDERATIONS SVR LES
ACTIONS PLUS SIGNALEES DE MAHOMET
troisiesme du nom, dix-septiesme Empereur des Turcs, contenuës
en ce dix-septieme Liure de l'Histoire des Turcs, par lesquelles la
Iustice & Prouidence de D I E U peuuent estre remarquées.



L n'appartient qu'à l'eternel Sadaï, qui seul est suffisant à soy-mesme, de remedier aux choses plus deplorées, par des moyens du tout inesperez: car cette eternelle & infinie puissance, que les anciens Cabalistes Hebreux representoient par ce mot *אגל* *Agla*, ne faisant rien qui ne ressentie tousiours la hauteſſe de sa Majesté, pour faire connoistre de plus en plus aux hommes leur foiblesse, & son redoutable pouuoir, vse ordinairement des choses qui semblent bien souuent les plus debiles, pour les tirer d'une tres-grande misere. Vn coup de verge peut tirer des ruisseaux d'eau viue d'un rocher aride & sec, pour abbreuer aux deserts les enfans d'Israël: & des cheueux sont suffisans pour prendre vne memorable vengeance de cét impie & rebelle Absalon. Mais quels estoient les Hongrois, & les peuples Chrestiens des enuiron, du temps du regne de Mahomet troisiesme, sinon des rochers d'opiniaſtre, endurcis en toutes sortes de vices, qu'ils auoient comme l'eau? & leur foiblesse, qu'estoit-ce autre chose que des cheueux en comparaison de cette grande puissance de Turcs & de Tartares vnis ensemble, qu'ils ont eus tât d'années sur les bras? Toutesfois ils ont plus fait avec de petites troupes contre cét Othoman, qu'ils n'auoient fait avec leurs plus grandes armées du temps des autres Empereurs Turcs, faisant voir selon l'abondance de sa misericorde, à ces grandes puissances terrestres, que les Chrestiens estoient inuincibles, quand leur D I E U combattoit pour eux. Toutesfois afin que l'infidele ne blasphemé point contre sa Hauteſſe, & qu'il ſçache que D I E U est sanctifié quand il se vange du méchant, qui a méprisé son saint nom: cette vengeance se faisant tousiours avec tres-grande iustice, voyons les actions particulieres & generales des Turcs, la vie, & la conduite de leur Empereur: car nous les trouuerons en pareilles fautes que nous auons cy-dessus obserué auoir esté les Chrestiens, j'entends encores, selon leur loy, & cela estant, si on n'en eust tiré quelque chastiment, il eust semblé qu'il y eust eu de l'iniustice, ce qui seroit absurde.

Tout Royaume en soy diuisé, sera desolé, disoit la Souueraine Verité: mais que n'ont point fait les Ianiſſaires durant la vie de cét Othoman? dès son aduenement à l'Empire, ne firent-ils pas deux seditions en suite l'une de l'autre, pour auoir esté élus sans leur ſceu, & depuis encores lors que l'Estat estoit le plus affligé? Quoy! ne furent-ils pas tous prests de deposer leur Empereur, s'il se fust opiniaſtré à leur faire resistance? il ne fut pas iusques à sa femme, & à son fils, qui ne conspirassent contre luy: d'ailleurs tous les Baſſas, & principaux Officiers, gens corruptibles qui tiroient à toutes mains, qui n'auoient que leur interest particulier en recomandation plus portez d'ambition, que de desir de conseruer l'Empire: les places le plus souuent mal gardées, sans hommes, sans munitions, abandonnées, mal defenduës, eux-mesmes sans cœur, qui trembloient si tost qu'ils voyoient l'ennemy: qui n'osoient entreprendre que les choses tres-assurées, ny deſſendre que ce qui estoit de soy-mesme inuincible: qui, quoy qu'ils fussent les plus forts, se deſſoient toutesfois tousiours de leurs forces, mesmes en la presence de leur Souuerain, en la bataille de Kereſth, où ils demeurerent les vainqueurs, pluſtoſt par bon-heur, que par science: car si les Chrestiens euſſent fait alors leur deuoir, tant s'en faut que les Turcs fuſſent demeurez les vainqueurs, qu'ils euſſent souffert la plus notable & ſignée deſſaite qui leur ſoit iamais

arrivée. Mais le pillage qui aveugla la raison, & les yeux du jugement des soldats Chrestiens, fut cause de les faire ouvrir aux Turcs, pour les surprendre à leur adavantage, & leur ravir, non seulement l'honneur & le trophée qu'ils pouvoient eriger sur eux, mais encores les biens & la vie: encores ne manquoient-ils point de trouver souvent des traistres parmi les Chrestiens, qui eussent peu donner beaucoup d'adancement à leurs affaires, s'ils eussent voulu se servir à propos des occasions: il est vray que quelques-vnes de leurs places furent prises à force de valeur: mais plusieurs autres aussi furent perduës par mauvais ordre, & pour n'auoir osé tenir teste à l'ennemy.

QUANT à leur Prince, c'estoit encores pis: car comme il estoit naturellement porté à la cruauté, & que par accident il s'adonna à la volupté, il estoit bien mal-aysé qu'il fit iamais rien qui fust digne d'une loüable reputation: vray Pharaon, qui s'endurcissoit au chastiment. Car de quel fleau n'a point esté affligé son Empire? durant qu'il a regné, il a eu la guerre en Hongrie perpetuellemēt, où il sembloit que les siens voulussent jouer aux barres, mais toutesfois plus à son desadavantage qu'autrement. Celle de Perse, où il ne fut iamais vainqueur, la rebellion du Scriuan, les seditions des Ianissaires, la perte de la Valachie, Moldaue, & Transsiluanie, Prouinces si necessaires pour la nourriture de sa ville de Constantinople: le deffaut desquelles fut cause de la perpetuelle famine qui y fut, qui engendra apres tant de plaintes contre luy. Il ne restoit plus que la peste, laquelle recommença plusieurs fois, & fort cruelle, si bien qu'à la dernière luy-mesme ne s'en peust garantir qu'il n'en fust atteint dans son Serrail, & qu'elle ne le fust mourir. Adioustez à cela tant d'affrons qu'il a receus par les siens, iusques à le contraindre à bannir sa propre mere, pour le moins en apparence, & à faire mourir ceux qu'il tenoit les plus chers pres de sa personne, & ce pour obeyr encores à la volonté de ses chetifs esclaves: adioustez y que sa femme conspire contre luy, son propre fils aspire à sa couronne, & pour comble de sa misere, il est contraint de traiter de pair à pair avec son esclave qui auoit pris les armes contre luy, & au lieu d'en prendre la raison, & de luy faire souffrir le chastiment qu'il meritoit, il parle à luy, comme ayant crainte de l'offencer, & luy donne comme pour vne recompense de sa réuolte, le gouuernement de Bosnie. Quel creue-cœur luy estoit-ce encores de se voir si mal seruy par tout, & d'estre quasi contraint de se deffaire de ceux qu'il venoit d'élever à quelque dignité par leur mauvais gouuernement? n'estoit-ce pas bien achepter les voluptez qu'il prenoit en son Serrail? ne pouuoit-il pas veritablement dire par experience, que la nature humaine n'est point capable d'une ioye pure & simple? Voicy encores comme il a esté iustement, & seuerement chastié de tous ses crimes. Il est cruel, ce qu'il faisoit auparavant que de venir à l'Empire le tesmoigne assez, & on luy massacre ses sujets de toutes parts, il entre mesmes en quelques apprehensions de la mort à cette dernière sedition des Ianissaires. Il auoit fait des menées du temps de son pere, & son propre fils conspire contre luy: Il estoit adonné à la gourmandise, & la famine fut tout le temps de son regne, principalement au lieu où il demouroit: il se perd en ses lubricitez, & au feu de sa concupiscence, & le feu pestilentiel enuoyé du ciel, le vient choisir dans son Serrail, pour luy faire sentir que puis que sa pusillanimité sembloit l'asseurer contre les armes, (car il ne fut qu'une fois à la guerre au siege d'Agria où il pensa demeurer) & que sa richesse le garantissoit de la famine, que la main du grand DIEU estoit assez puissante pour le chastier seuerement au milieu de toutes ses voluptez: car contre ce fleau si redoutable, ny les gardes de ses Ianissaires, ny les thresors de son Chasna, n'estoient suffisans pour le garantir: voila comment reluit par tout en cecy vne tres-grande iustice, & vne tres-admirable Prouidence.

CAR comme les Turcs commencerent à degenerer de leur ancienne discipline & obeyssance, aussi cesserent-ils de conquerir: & de fait, remarquez depuis Solyman, tout le progres de leur gouuernement, vous n'y trouuerez que prises & reprises de places qui auoient desia esté sous leur domination, excepté l'Isle de Cypre, (ie parle encores en ce qui concerne la Chrestienté) car n'estoient-ils pas venus iusques aux portes de Vienne, du temps de ce grand Empereur qui y auoit mis le siege, & Malte n'auoit elle pas esté attaquée? toute la Hongrie leur obeysoit, quelques villes exceptées: mais qu'estoit-ce apres de si grandes conquestes, vne telle diuision entre les peuples, & ayant vne facile entrée, voire plusieurs retraictes tres-asseurées dans le pais, s'il fust venu apres Solyman vn Selim semblable à son ayeul, & à son pere? en quels termes eussions nous esté reduits, nous qui ne pouuons nous accorder ensemble, chez qui l'ambition regnoit plus que chez l'ennemy, mais seulement contre les nostres? car on ne se soucioit pas beaucoup de se mettre en peine de

ne de recouurer ce qui estoit perdu, pourueu qu'on peust conseruer le reste, & viure en paix avec celuy qui le desiroit de tout s^{on} cœur: car toutes les guerres qu'il faisoit, n'estoient que pour contenter les siens, non plus que ses successeurs, pour le moins en la Chrestienté: laquelle auoit lors vn bon moyen de secoüer le ioug de cette domination, si vnies ensemble elle eust voulu employer tous ses efforts contre son plus mortel ennemy: car quelle commodité auoit-elle du temps d'Amurath, lors qu'il se trouuoit presque accablé de la guerre des Perses: & sous Mahomet n'estoit-ce pas la mesme chose? on dira qu'elle a aussi pris les armes, & qu'eses entreprises ont quelquesfois assez heureusement reüssi: mais que pouuoient les forces de la Hongrie contre celles d'un si puissant Monarque? le nombre & la grande dépence faisoit perdre tout ce que la valeur auoit peu conquerir; mais ie responds que si les autres Potentats de la Chrestienté se fussent ioints à ceux qui conduisoient pour lors assez bien les affaires, que n'eussent-ils point fait depuis la prise de Belgrade? iamais la Hongrie ne s'estoit veüe si bien vnies en elle-mesme, ny avec ses voisins: car alors chacun conspiroit pour secoüer le ioug de l'Empire Turquesque, & les peuples se reuoltoient de toutes parts, si qu'il n'eust fallu que quelque bonne ligue qui se vint ioindre avec eux pour les fortifier: car alors ils eussent aisément reconquis ce qu'ils auoient perdu.

Ne voyez-vous pas vn Prince Sigismond assisté de ses seules forces, qui chasse, qui domte, & se deliure hardiment de la seruitude, vn Palatin Michel de Valachie, & le Vaiuode de Moldaue qui font le mesme? tous ceux-cy si heureux que de vaincre de tres-puissantes armées, & prendre de tres-fortes places: que deuoit faire Sinan à Tergouiste, & depuis à S. Georges contre Sigismond? quelles fautes ne fit-il point? qui le mouuoit à prendre si tost l'épouuente, ayant tant de forces? que s'il en auoit dispersé vne partie, ne pouuoit-il pas, sur les nouuelles des preparatifs que faisoit son ennemy, les rassembler, s'il se doutoit de n'estre pas assez puissant? que si le Transiluiain eust eu des forces assez puissantes pour le poursuiure, toute son armée n'estoit-elle pas taillée en pieces sur cette déroute, si les Princes Chrestiens leur eussent fait espaule? & Ferrhat Bassa n'auoit-il pas fait le mesme en la Valachie contre Michel Palatin, que Sinan contre le Prince de Transiluanie? Et depuis deuant Strigonie, quelle lascheté ne fit point le Beglierbey de la Grece? ne fut-il pas vne des principales causes de la perte de cette forte place? & en quelque lieu que vous tourniez les yeux, vous n'entendez parler que des defaites des Turcs, principalement en l'année 1595. Mahomet demeurant cependant enserré dans son Serrail, sans se mêler d'autre chose que de perdre le temps en delices & voluptez. N'estoit-ce donc pas vn beau moyen de rentrer en possession de son bien, d'auoir toutes choses si fauorables? d'où vient donc, dira-on, que les Chrestiens ne les chasserent tout à fait? car il y a grande apparence qu'ils estoient assistés d'en haut en ces poursuites, & on peut facilement iuger que la peur panique de Sinan ne luy est point venue par lascheté de cœur, luy qui auoit fait desia tant de belles choses, & conquis des places si inexpugnables: y a-il apparence qu'il ait euté le combat, faute de cœur, & qu'il ait pris la fuitte sans sujet deuant ceux qu'il auoit tousiours poursuiuis iusques alors pour combattre lesquels, il estoit expressement party de Constantinople, si ce n'estoit qu'il luy a esté baillé vn autre mouuement contre son intention.

Ie responds, que tout ainsi que les Turcs furent retenus du temps de Solyman de conquerir toute la Hongrie, ce qui leur estoit bien facile apres la bataille de Mohacs, & neantmoins s'emparerent de fort peu de places, ne faisans simplement que rauager, sans s'establiir, d'autant que cette Prouince deuoit estre le theatre où l'eternelle Prouidence deuoit faire paroistre les plus beaux actes de sa iustice & de sa misericorde, pour chastier les vns, & fauoriser les autres, sans acception de personnes. Or comme vn bon pere de famille qui reconnoist en son enfant quelque mauuaise inclination, apres l'auoir chastié, luy lasche vn peu la bride, pour esprouuer s'il a point changé en mieux, ainsi ce grand modérateur de l'Vniuers, qui nous allaicte plus tendrement qu'une mere ne fait son petit poupon, arresta tout court la force de nos ennemis, pour éprouuer comment nous nous conduirions en cet aduantage, non qu'il ne conneust tres-parfaitement quels nous estions: mais il estoit tres-necessaire pour la gloire de sa iustice, & tres-equitable, que nous fussions connus des nations, afin que le plus rebelle à sa sainte volonté, & qui ne sçait que blasphemer contre ses tres-saintes actions, sceust qu'il ne tiendrait qu'au Chrestien qu'il ne se rendist le vainqueur de ses ennemis, pourueu qu'il le fust de luy mesme. Mais pourquoy l'eust-il deliuré de seruitude, puis qu'il ne se vouloit pas mettre en liberté, & se depestrer de tant de vices, auquel il estoit sujet? l'ay desia discoursé ailleurs d'où venoit que les

Turcs prosperoient en vne loy si mauuaise que celle dont ils font profession, & au commencement de ces Considerations sur la vie de Mahomet, ie disois que la Iustice diuine n'auoit point épargné les Turcs, quand se perdans dans la volupté, leur prosperité trop grande leur auoit amené avec elle des effects & des actes d'insolence, pourquoy s'il chastie les esclaves & les mercenaires qui n'ont autre heritage que la terre, laissera-il impunis ceux qui se disent les enfans de la maison, & auxquels il a promis le ciel? pourquoy, dis-je, les priuera-il de leur bien, pour le donner aux autres qui ne valent pas mieux qu'eux? Or que les Chrestiens ne fussent aussi débordés qu'auparauant, il s'en peut voir quelques exemples parmy cette histoire, & sans sortir de la Hongrie & autres Prouinces qui en dependent: ne les trouuerez-vous pas aussi-tost qu'ils se virent le vent en poupe, aussi débordés qu'auparauant? Les festins, les bals, les theatres, & les nopces ne manquent point tous les iours entre eux, ne se souuenans pas, comme on disoit autresfois de Pompée le Grand, que son Consulat estoit vne publique calamité, qu'aussi leurs trophées estoient tousiours erigez à la ruine de leur pais. & qu'en cette calamité publique le pleurer estoit bien plus necessaire, que le rire: mais ces passe-temps leur coustent bien-cher: car leur armée ayant perdu le courage, & s'estant comme noyée dans la volupté, comme celle iadis d'un Hannibal dans Capoue, ils perdirent l'aduantage qu'ils auoient auparauant gagné sur leurs ennemis; ce giron de Dalila leur osta toute la force, comme à vn autre Samson, ce qu'ils auoient de genereux & de viril, se perdit dans cette vie effeminée.

ON dict que les abeilles desirent fort la fleur du boüys: mais comme elles en ont succé, l'odeur en est si forte, qu'elle fait aussi tost mourir tout ce qui est dans la ruche, & gaste la douceur & la delicatesse du miel. Il en est ainsi de la volupté: mais si outre ces choses, vous desirez les remarquer plus particulièrement, voyez leur trahison à l'auarin, leur auarice à Clissa, & principalement à la bataille de Kerhest, qui ne fut perdue pour eux, que pour la trop ardente affection qu'ils portoient aux richesses. Pourquoy doncques les deuoit-on establir sur des fondemens solides, & sur des colonnes de Saphirs, comme disoit le Prophete, & leur donner des bouleuers de Iaspe? la comparaison de l'araigne à vn homme auare, me semble fort propre: on sçait assez que cet animal conuertit tout ce qu'il préd en venin, & les richesses à l'auare luy sont le poison: tout le trauail de l'araigne est inutile à qui que ce puisse estre, & ne trauaille que pour elle; de mesme est-il de l'auaricieux: mais pour rapporter cela au passage que ie viens de dire, l'araigne quand elle est aualée, porte principalement son poison aux yeux; or est-il qu'elle meurt à la veüe du Saphir, qui a cette propriété d'illuminer la veüe, mais y a-il rien qui aueugle tant, que l'auarice & la volupté? Il semble donc que ce soit-là le sens du Prophete: le fondement principal de ton salut, sera en ce que ie t'osteray toute sorte d'aueuglement, & pour ce faire, ie te donneray des lumieres qui t'osteront tous les nuages qui t'obscurissoient la veüe, & quant à ce qu'il dict qu'il leur feroit des colonnes & des bouleuers de Iaspe, c'est ce que l'aigle des Euangelistes a dict depuis que les colonnes de la sainte Cité estoient de Iaspe, d'autant que la propriété de cette pierre, est d'arrester le sang, auquel l'ame animale fait sa principale residence, conduite ordinairement par les sens, lesquels il faut mortifier necessairement, & les auoir mesmes tous mortifiez, pour seruir d'appuy & de soustien à ce saint Edifice. Ceux-cy donc qui estoient tous aueugles, & qui se laissoient entierement conduire par les sens, comment le eust-on laissé establir? qui voudroit rechercher tout ce qui se passoit lors par la Chrestienté, trouueroit qu'il n'y auoit gueres d'endroits qui n'eussent flecthy le genouil deuant Baal, & qui adorasent le Pere en esprit & verité, ie veux dire sans hypocrisie; mais sans m'arrester à cette recherche, qui outre sa difficulté, ne seroit peut-estre pas sans peril, ie diray qu'il estoit bien à propos que les Chrestiens ne fussent point du tout deliurez de leurs miseres, puis qu'ils s'en rendirent indignes; mais qu'il falloit aussi qu'ils eussent quelque aduantage sur leurs ennemis: car leur superstition, ou plustost leur infidelité, leur auoit fait croire que cet Empereur Turc leur deuoit faire beaucoup de mal, à cause de son nom de Mahomet, mais pour leur faire voir leur vaine pensée, ils luy en firent beaucoup souffrir.



LIVRE DIX-HVICTIESME

DE L'HISTOIRE

DES TURCS.

SOMMAIRE, ET CHEFS PRINCIPAUX contenus en ce present Livre.

- I. Achmet vient en l'Empire à l'age de quinze ans, fait creuer les yeux à son frere : Considerations sur la grandeur de l'Empire Turquesque, & comparaison de sa puissance avec celle des Romains : grande charge du premier Visir, & combien il doit auoir l'esprit occupé & trauersé.
- II. Diuerfes opinions touchant le frere d'Achmat, il relegue son ayeule, & se saisit de son thre-sor : le Sophy arme contre les Turcs, qui perdent contre luy, faute de bons chefs : Cigale General de leur armée, perd vne bataille, sa mort. Botsciaie chef des rebelles en Transiluanie, ses conquestes : la Transiluanie, Moldaue, & Valachie derechef sujettes aux Turcs, qui prennent Vissgrade, Nouigrade, le mont saint Thomas, Nestad, Presburg, Totis, Strigonie, & Nobasie : paix de Botsciaie avec l'Empereur. Reuolte du Bassa d'Halep, prend Tripoly de Syrie, exhortation du Bassa de Tripoly à ses soldats, & celle du Bassa d'Halep aux siens, il gagne la bataille, & prend Damas, Achmat recherche de paix l'Empereur.
- III. Ambassade du Sophy vers l'Empereur, pour empescher la conclusion de la paix avec les Turcs, qui est conclue à Comar : les articles d'icelle, réjouissances qui s'en firent de part & d'autre.
- IV. Le contenu des capitulations que les seigneurs Othomans ont avec les Rois de France, monopoles des Iuifs contre le saint Sepulchre de nostre Seigneur, il est preserué par l'autorité de HENRY le Grand.
- V. Guerre ciuile entre l'Empereur & son frere, terminée amiablement. La Caramanie, & la Natolie retournent en l'obeyssance d'Achmet, preparatifs du Bassa d'Halep contre l'armée de son Seigneur, exhortation du Vizir aux Turcs, & du rebelle aux siens qui combattent trois iours de suite, & en fin abandonnent leur chef, lequel va trouuer son Prince, en obtient pardon, & est remis en ses biens. Les Peres Carmes déchaussez, fondent des Couuens en Perse.
- VI. Establissement des Peres Iesuites à Pera, par l'autorité de HENRY le Grand, le fruit qu'ils font en cette Mission, sont calomniez, l'Ambassadeur de France se rend leur caution, il faut que ceux de cette Mission soient François.
- VII. Guerres ciuiles en Boheme & en Hongrie, sedition des Turcs à Smirne, desseins des Turcs sur Filek, leur entreprise découuerte, le Bassa de Bude prend plusieurs villages, Ambassadeur des Peres vers l'Empereur & ses presens.
- VIII. Armée des Peres en la Prouince de Babylone, Achmet y enuoye vne armée à l'encontre, propos du chef des Turcs aux principaux de son armée, & des Peres s'encourageans les uns les autres, la victoire demeure aux Peres, mort du Bassa d'Halep, remuemens en la Moldaue & en la Valachie contre Battory.

ACHMAT OV ACHMET I.
 DV NOM, DIX-HVICTIESME
 EMPEREVR DES TVRCs.



* Henry IV.
 empêcha
 qu'il ne rui-
 nât le saint
 sepulchre,
 & les saints
 lieux.

LE grand Roy des François * retint ton insolence,
 Qui sans luy des Saints lieux eust l'honneur outragé:
 Le Parthe en maints combats écorna ta puissance;
 Et tu mourus, Achmet, sans t'en estre vangé.

SON ELOGE OV SOMMAIRE DE CE
QVI S'EST PASSE' DEPVIS SON ADVENEMENT
à l'Empire, jusques en l'an 1612.



La conception de ce grand Capitaine Regulus, estoit plus profonde que ne portoient les mysteres de la Religion dont il faisoit profession : car en l'entrée triomphale qu'on luy faisoit à Rome pour la victoire qu'il auoit obtenüe sur les ennemis, au lieu d'entrer en cette pompe, il y fit porter son Image en cire, commandant qu'on mist sept flambeaux de feu aupres, afin que se fondant lors qu'elle entreroit en la ville, il representast par cét embleme, & l'inconstance & mutabilité de la nature humaine, & combien on a peu de sujet de

loüer un homme durant sa vie, ny de le blasmer encores moins, puis qu'il est comme une fleur qui fleurit & se fanit en un instant, & ne demeure iamais en un estat : aussi n'a-on iamais accoustumé d'estimer, ny mépriser un fruit, qu'en sa saison. Mais celle de l'homme est l'immortalité, comment donc pourra-on discourir des actions de l'Empereur Achmet, qui non seulement vit encore, * mais qui entre en la premiere course de son Empire ? Et de fait si nous voulons loüer la prise de Vissgrade, Nouigrade, du mont saint Thomas, Nestad, Presburg, Totis, Strigonie, Nobasie & autres places en Hongrie, avec les reuoltes de la Moldanie, Valachie & Transiluanie, ne trouuerons-nous pas plus de sujet d'accuser les Chrestiens de leurs seditions, de leurs ambitions, & de leurs reuoltes, que de donner en cela le siltre de vaillance aux Turcs, qui trouuerent toutes choses alors si disposées à leurs intentions, que d'autres peuples moins entendus qu'ils ne sont en l'art militaire, en eussent peu tirer un semblable succez ? Blasmerons-nous aussi les deffaites & les pertes qu'il a souffertes par les Perses, qui reprinrent Tauris, Erzerum, & presque toutes les places que son ayeul Amurath auoit fortifiées dans le pays de ses ennemis, puis-que le tout aduint plusost par la nonchalance de son deuanier, & les pratiques que les principaux de son Empire auoient avec les Perses, que par sa faute ? Comme on peut dire encore le mesme du Bassa d'Halep qui se reuolta, & ayant pris Damas & Tripoly, se rendit le maistre de toute la Syrie, deffit encores de tres-grandes & puissantes armées qu'on auoit enuoyées contre luy : car ne connoissant encores la valeur des Gouverneurs de ses Prouinces, il estoit bien raisonnable de les employer premierement deuant tous autres, mais en fin celuy qu'il choisist pour chef de cette guerre eut la raison, & contraignit le rebele à venir demander pardon, où la generosité de cét Empereur fut remarquable, luy ayant pardonné si sincerement, qu'il le restablist en tous ses biens, mais aussi on l'accusa de cruauté, pour auoir fait mourir le Bassa Cigale & quelques autres, comme d'ailleurs on peut dire qu'il auoit des raisons tres-justes pour en user ainsi. Retenons doncques en suspend le iugement que nous pourrions faire sur la vie de ce Monarque, iusques à ce que par la fin d'icelle on puisse plus clairement connoistre le fonds de ses intentions. Mais quelle plus illustre & immortelle gloire scauroit-il acquerir que celle qui le pourroit faire viure dans l'eternité, si par une inspiration tres-saincte il se desabusoit de son erreur, pour reconnoistre & adorer celui à qui toute puissance est donnée au ciel & en la terre, & par lequel seul il peut iouyr d'une eternelle felicité !

GRAND PRINCE, si ce peu de lignes ont l'honneur de paroistre iamais aux yeux de vostre Majesté, comme ie sçay qu'elle a connoissance de ce qui se passe parmy les Chrestiens, permettez-moy de luy dire que cette victoire seroit bien plus signalée que toutes les conquestes de ses deuaniers, & qui luy erigeroit bien d'autres trophées que les hommages de tant de peuples qui courbent sous le ioug de son sceptre. C'est-là l'Orient de vostre gloire, qui ne doit auoir iamais de fin : Car de vous arrester au Paradis, que vous promet celuy que vous tenez pour veritable, & qui ne vous diët que des mensonges, ne voyez-vous pas que les animaux les plus farouches de l'Afrique, iouissent d'un pareil contentement que celui qu'il donne à l'homme ? qu'il s'arreste du tout aux sens corporels, laissant l'ame en arriere, laquelle neantmoins, selon le sentiment comman de tous les hommes, doit marcher au premier rang ? Il vous promet toute victoire contre ses ennemis, ne voyez-vous pas que vous n'avez peu aduancer un pas depuis tant d'années, au temps mesmes que nous estions les plus foibles ? Que ne s'est point efforcé de faire le grand Monarque Solyman, contre la ville de Vienne qu'il a assiégée, contre l'Isle de Malte deffendue par une poignée de gens ? apres tant de conquestes n'a-il pas esté contraint de reculer ? Et vostre ayeul Selim, quels rauages n'a-il point fait faire dans le golphe de Venise ? mais tout cela n'a en rien aduancé leurs affaires : ce

* Achmet estoit
encore viuant,
quand cét Au-
teur escriuoit
sa vie.

sont des barrières que le Tout-puissant a plantées en ces trois villes-là , pour vous dire que tout ainsi qu'il a donné des bornes à la mer , dès l'instant de sa creation , qu'elle n'ose transgresser sans sa permission , que tout de mesme vostre Empire ne scauroit maintenant s'accroistre d'un poulce de terre de nostre costé , au delà de ce que ie viens de dire. Et pour vous faire voir aussi que l'origine de vostre Monarchie ne prouient que de la grandeur de nos pechez , laquelle se dissipera toutes & quantes fois que nous retournerons à luy. Que vostre hantesse doncques s'éueille de ce profond sommeil , auquel elle & les siens ont esté detenus depuis si long-temps : c'est le moyen d'éuiter l'accomplissement des choses que les vostres & les nostres ont predites de sa decadence. Elle a tous les iours à ses portes des gens de sainte vie & de grande doctrine, qui ont l'usage des langues, & qui sont de fort douce & agreable conuersation, qui luy peuuent faire voir clairement les faussetez de sa loy, & la verité de la nostre: entrez dans ce desir d'instruction, pour paruenir à la connoissance de la verité, c'est le premier pas que vous ferez dans la porte du Ciel : & ce sera alors que le grand DIEU fauorisant toutes vos entreprises , vous rendra aussi le vainqueur de tous vos ennemis , & fera trembler l'Vniuers sous les armes de vostre Imperiale Grandeur, de laquelle i'ay sommairement escrit les actions, selon qu'elles sont venuës à ma connoissance , iusqu'au commencement de l'an de grace mil six cens dix-sept, de l'Egire mil vingt-trois , & selon les autres mil vingt-cinq, seant au saint Siege Paul cinquieme, en l'Empire Maximilian, & regnant en France Louys XIII. du nom.





LIVRE DIX-HVICTIESME

DE L'HISTOIRE

DES TURCS.



Les choses les plus éclatantes, sont celles qui sont les moins connues, la foiblesse de la nature humaine ne peut enuifager d'un regard assuré, sans s'ébloüyr, que les choses mediocres : cette veüe debile s'aveugle dans vne lumineuse splendeur. Or s'il y a chose au monde qui surpasse toutes les autres en puissance, en force, & en beauté, c'est la verité, voyla pourquoy elle est si peu recherchée, & que bien peu ne la salüent que de loin, encores n'est-ce pas sans la deguïser, & sans la sophistiquer : si que les choses qui nous sont les plus domestiques, sont bien souuent les plus ignorées. L'apparence

1604.

I.

La verité la plus necessaire en la vie, & la plus deguïlée.

(cette grande forciere des actions humaines, qui fait plus de prestiges, que tous les enchanteurs ne scauroient auoir imaginé) les deguïse en tant de façons, qu'on ne scait quelle foy y pouuoir adiouster, que deurons-nous donc faire des plus éloignées ? discourrons-nous de ce qui est hors de nostre connoissance, puis qu'à peine scaurions-nous rapporter fidelement ce qui passe tous les iours par nos mains ? l'ignorance, la passion, & quelquesfois la malice, fauorise bien souuent ce que nous affectionnons le plus : mais si cela est, comme il n'est que trop veritable, comment peut-on escrire vne histoire avec verité, & principalement si elle est estrangere, & de gens avec lesquels on a fort peu de commerce, si que tout ce qu'on peut scauoir d'eux, n'est que par le moyen de quelques mouchards qui sont corrompus par argent, & qui forgent souuent des nouuelles pour contenter la curiosité de ceux qui les entretiennent : ie parle des Turcs fort secrets en leurs entreprises, discrets en l'acheminement, vigilans en l'exécution, prouidens en tout ce qui peut estre necessaire pour la conduite ; lesquels neantmoins on nous represente ordinairement barbares, sans conduite, sans esprit, sans police : l'inimitié que nous portons à leur faulx Religion, nous ayant fait perdre la connoissance de la verité de leurs actions : que s'il arriue qu'elles nous soient connues (au moins celles qui ont de la valeur, de la generosité, ou quelque autre vertu,) la passion nous les fait deguïser de sorte, qu'on n'y remarque plus que de la confusion.

Et pour en parler franchement, il eust esté bien mal-aysé d'en discourir veritablement, sans vn rapport & consentement de ceux des nostres qui en ont escrit conformément à quelques memoires que les mesmes Turcs en ont laissez ; joint que le temps qui meurt toutes choses, scait à la fin connoistre le fonds de ce qu'on auoit tenu le plus caché : mais qu'à ce qui se passe tous les iours, ou en ce qu'ils ont fait les années dernieres, & que nous touchons du bout du doigt, c'est cela de quoy ie fais le plus de doute, & où ie desirerois que le temps nous eust apporté dauantage d'eclaircissement, ne plus ne moins qu'aux fruiets qu'on cueille en l'Esté, lesquels ne sont iamais bons, ny sains, qu'ils n'ayent esté vn peu resluyez & meuris sur des ais, ou sur la paille : ce qui arriue de mesme aux nouuelles qui sont tousiours plus assurées, tant plus elles sont tardiues, & comme meuries par le temps : aussi n'eussay-je point escrit du temps d'Achmet, ny mesme encores de Mahomet son pere, si ce n'eust esté pour contenter les plus curieux : car il y a tant de contradictions aux memoires qui s'en retroquent, que quelques choses exceptées, desquelles on est déjà tout assuré, la Chronologie, les Chefs des armées, la prise & reprise des lieux aux

Il est plus aysé de discourir quelques fois des choses éloignées que de celles qui nous sont plus proches.

1604.

temps propres, & choses semblables, sont si embrouillées, que ce que la plus-part des doctes & studieux desireront le plus, ne s'y retrouue qu'à tastons, le Lecteur nous tiendra pour excusés, s'il y trouue quelque chose à redire, autrement qu'il ne l'aura ouïy reciter: car excepté les gens d'honneur & de iugement qui ont esté sur les lieux, & ont reconnu particulièrement les choses, il est bien mal-aysé qu'on en puisse parler plus veritablement: mais afin de ne m'engager point dauantage à dire quelque chose de mal à propos, ie ne parleray des actions d'Achmet que comme en passant, en attendant que le temps nous en puisse esclaircir dauantage, ou que les memoires des sieurs Ambassadeurs François qui ont esté à la Porte, tant du pere que du fils, nous en ayent donné vne plus certaine & plus ample instruction. C'est vne excuse que i'auois à faire, auparauant que de commencer à discourir d'Achmat, ou Achmet, le second des fils de Mahomet.

Achmet vient
en l'Empire, à
l'aage de
quinze ans.

Fait creuer
les yeux à
son frere.

Ses dons &
congiaries.

Consideratiōs
sur la grādeur
de l'Empire
Turquesque.

C E ieune Prince n'estoit encores qu'à l'entrée du quatorzième an de son aage, d'autres disent quinze, quand il print en main les resnes de l'Empire des Turcs, ce ieune aage sauua la vie à son plus ieune frere, (car le pere, comme il a esté dit, auoit fait mourir l'aîné;) & il estoit à craindre que la race des Othomans eust peu faillir, si cettuy-cy eust esté esteint, mais d'ailleurs pour oster toute crainte & tout sujet qu'il serust de pretexte à faire des menées dans l'Estat, on luy creua les yeux: Beyerling en son œuvre Chronographique, dit qu'il a donné au commencement vne grande esperance aux siens de voir leur Empire plus florissant que iamais, & qu'il seroit imitateur des vertus de son ayeul Solymen, qu'à son aduenement à l'Empire il fit plusieurs dons, & congiaries à la milice, pour luy gagner le cœur de plus en plus. Or si cela est, ou non, ce n'est pas ce que ie voudrois disputer, bien ay-je esté assuré par ceux qui estoient lors à Constantinople, qu'à la mort du feu Empereur Mahomet, le Chafna estoit merueilleusement épuisé d'argent, iusques à ce qu'il auoit esté contraint de mettre quelques ioyaux en gage; ce qui ne seroit pas sans grande apparence: car encores que cette grande masse d'Empire fournisse à son Prince de grands deniers, si est-ce que veu les continuelles guerres qu'ils ont eues en Hongrie, & en Perse, tant du temps d'Amurath, que de Mahomet, il est impossible que cela ne les ait beaucoup épuisez, principalement pour la Perse, où on ne scauroit mener vne armée, qu'elle ne soit presque quatre mois sur le chemin, de sorte que pour rafraischir les vnes, il en falloit vne autre toute preste à partir pour l'année suiuite: & comme leurs armées sont ordinairement de cent & six vingts, voire de deux cens mille hommes, la consequence est bien aysée à faire, qu'il falloit de merueilleux thresors pour soudoyer tant de soldats, & fournir aux frais necessaires à toute cette multitude, qui n'estoit pas moindre encores du costé de la Hongrie, où ils estoient contraints de tenir de fortes & puissantes garnisons par les places, outre les armées qui tenoient la campagne, à cause de l'importance d'icelles, tant pour retenir la Prouince en leur sujerion, que pour faciliter le passage à leurs armées.

C E que ie rapporte icy de propos deliberé, afin que le Lecteur considere quelle puissance doit estre celle de ce Monarque, d'auoir eu cette grande depence à faire, l'espace de plus de vingt cinq années, sans qu'Amurath, ny Mahomet, ayent pour cela en rien retranché leurs plaisirs; au contraire, ils y ont esté plus adonnez que les autres, Amurath, à scauoir sur la fin de son Empire, & Mahomet tout du long d'iceluy, & que leur successeur ait encores trouué de quoy faire des largesses aux gens de guerre à son aduenement à l'Empire, si ce que dit Beyerling est veritable, mais en quelque façon que ce soit, il se maintient encores auioird'huy en la grandeur & majesté de ces ancestres, apres tant de pertes que luy-mesme a receuës en Perse, comme nous dirons cy-apres.

C E LA, non seulement égale, mais surpasse la grandeur de la Monarchie Romaine, qui en leur plus grande leuée ne sont point paruenus iusques à quarante legions, lequel nombre à le prendre au plus haut pour chacune legion, n'a garde d'approcher de ce que nous venons de dire: car tout cela se respandoit par tout l'Empire aux garnisons, n'en restant que quelques-vnes pour tenir la campagne. Mais les leuées que nous venons de dire, sont seulement pour les armées, sans toucher aux garnisons, ny à la garde du Prince: joint que, ny Crassus, ny Anthoine, ny les autres chefs qui ont fait la guerre en ces contrées de l'Asie contre les Perses, & ceux de la grande Armenie n'y ont iamais sceu subsister, y ayans pery les vns de soif, & les autres de necessité, & les autres pour la difficulté des chemins, sans y auoir iamais grand aduantage, où ceux-cy les ont battus, les ont vaincus, ont ruiné leurs villes, basti des forts dans la capitale: le tout avec vne telle prouidence, que s'ils ont souffert quelquesfois de la necessité, comme il estoit mal-aysé autrement parmy des deserts, & des chemins tres-difficiles, ayans encores l'ennemy en

celle,

Comparaison
de la puissance
des Turcs
avec celle des
Romains.

teste, qui faisoit vne raffe par tout, (de peur qu'on tirast aucun secours du pais :) cela est toutesfois arriué tres-rarement, tant il y a bon ordre en leurs affaires, & en leurs armées, & si durant que ces armées sont ainsi de part & d'autre, il ne faut pas que cette garde Pretorienne, qui est ordinairement en nombre de vingt-cinq mille Janissaires, manque à sa paye, à peine de sedition, ny que cette innombrable multitude de peuple qui est d'ordinaire dans Constantinople, tant d'habitans que d'estrangers, manque d'aucune commodité, bien qu'elle soit en cét Empire, comme le ventre au corps humain, qui ne sert qu'à recevoir ce qu'on luy donne, sans de luy-mesme produire aucune chose.

Or, comme il a esté dit, ie n'ay parlé que des armées qui sont en Perse, & en Hongrie: adioustez maintenant les autres garnisons qui sont parmy tant de Prouinces que tient ce puissant Monarque, qui toutes sont soudoyées & tres-bien payées: car rien ne se fait parmy eux qu'avec argent. Peuples au demeurant qui n'ont pour loix que leur Alcoran, duquel ils se seruent peu en matiere d'affaires d'Estat, ne se guidans que par la raison naturelle, & l'experience, la guide des plus heureuses entreprises: si, dis-je, toutes ces choses sont bien considérées, on trouuera que ces hommes ne sont point si barbares qu'on se les imagine; mais au contraire tres-grands politiques, & tres-bien aduisez, (j'excepte tousiours leur religion, laquelle les vns suiuent comme la croyans la meilleure, les autres, comme la plus voluptueuse de toutes celles qui sont au monde, & qui s'accommode le plus à leurs sens) ie n'entre point encores dans les blasphemés qu'ils proferent contre nostre sainte Loy, ny au mauuais traitement qu'ils font à nos freres qui sont sous leur obeyssance: car c'est en cela qu'ils sont nos ennemis: mais ie regarde seulement leurs deportemens, leurs entreprises, & leur conduite; & ie dy apres, que ce n'est pas grande merueille si ces gens sont paruenus à vne telle Grandeur, & au comble de la felicité mondaine, & tant qu'ils continueront tel ordre, & se maintiendront en l'obeyssance de leurs superieurs, il sera bien mal-aysé d'en auoir la raison, n'y ayant (humainement parlant) que de la diuision qui les puisse ruiner: comme il n'y a que l'union des Princes Chrestiens, sans autre ambition que la gloire de DIEU, qui les peult destruire, c'est à sa Diuine hautesse à y pourueoir, selon ce qu'il est, & quand il luy plaira.

Les Turcs plus grands hommes que nous ne nous les imaginés.

Leur diuision ou l'union des Princes Chrestiens, seules causes de leur ruine.

Mais tant y-a que le grand Vizir, qui est celuy qui donne ordre, & dispose de tout ce grand Empire presque souuerainement, & auquel on fait presque autant d'honneur qu'au grand Seigneur, tout le monde allant au deuant de luy, quand il reuient de quelque expedition, doit auoir vn tres-grand & profond iugement, de donner ordre à tant de choses, si grandes, & si difficiles, en vn meime temps, & sans que rien y manque: car tout s'y fait à poinct nommé, chacun qu'il employe, faisant sa charge si dextrement, qu'on n'a qu'à faire publier dans Constantinople, qu'à vn tel iour d'un tel mois, tous gens de guerre ayent à se trouuer à vn tel endroit: on est estonné qu'on les void aller sans bruit en ce lieu-là, les gens de pied avec ceux de pied, & ceux de cheual au cas semblable, & bien souuent qu'aujourd'huy on verra les tentes & pauillons dressez en vn tel endroit, que le lendemain vous trouuez tout cela délogé avec vn si grand silence, que c'est chose émerueillable, sans qu'il soit besoin de tambours, ny de trompettes pour les faire marcher, chacun scachant son rang, les munitions, & ce merueilleux attirail qui les suit, allant de mesme, le Vizir faisant marcher de son costé ce qui est de besoin, sans aucune confusion. Et cependant il prepare ce qui est necessaire, & ce qui doit marcher l'année suivante, ne laissant pas d'aduiser à ce qui est de besoin pour les autres Prouinces, voire mesme de rédre iustice aux particuliers, oyant les plaintes d'un chacun, tant au Diuan que chez luy, ayant à contenter bien souuent des gens si fascheux que les Janissaires, lesquels se disans les enfans du Seigneur, pensent auoir aussi quelque autorité & preeminence en l'Empire: Et parmy tant d'affaires, auoir encores à se tenir sur ses gardes pour la desfence de sa propre vie, estant comme la butte & le blanc de l'enuie, qui est en fort grand regne en cette Cour, & si miserable, que le plus souuent la recompence de ses seruices, c'est vne espée, ou vn cordeau, de sorte qu'il faut qu'il soit tousiours en alarme, & sur ses gardes, de crainte qu'on ne luy iouë quelque mauuais party, tout cela passé quasi la portée de l'entendement humain, & faut bien qu'ils ayent necessairement parmy eux de tres-grands hommes: ie ne parle que du premier Vizir: car le sieur de Vigenere a parlé de l'office de chacun des autres Officiers, assez amplement en ses Illustrations sur Chalcondile: où le Lecteur trouuera par tout vn tres-bel ordre. Cette digression tout au commencement de la vie de cét Empereur, semblera peut-estre de premier abord hors de propos, laquelle

Grande charge du premier Vizir.

Grand ordre qu'il donne à toutes choses.

Combien il doit auoir l'esprit occupé & trauersé.

1604.

II.

Achmet malade de la petite verole.

Opinion contraire touchant le frere d'Achmet.

Semestre en public.

Autre opinion encore du frere d'Achmet.

Achmet relate son ayeule.

Et se saisit de son thresor.

Son donatif selon quelques-uns à sa milice.

Haly Bassa premier Vizir.

Qui donne un bon ordre à toutes choses.

Le Sophy arme contre les Turcs & les menées.

Qui reprend Tauris & Ertzerum.

toutesfois bien considerée, ne sera point, ie m'assure, vne inutile instruction, pour connoistre le fonds de cet Empire, & sa grandeur.

COMMENÇONS maintenant à décrire ce qui s'est passé du temps d'Achmet: aussitôt presque qu'il fut Empereur, il devint malade de la petite verole, qui luy fit garder le lit quatorze iours durant. Les Commentaires de la guerre de Hongrie disent, que ses principaux officiers desespérans quasi de sa santé, estoient deliberez d'appeller son ieune frere, afin qu'il fust tout prest à mettre en sa place, s'il arriuoit fortune de luy, mais que le Sultan estant venu à conualescence, luy donna un cordeau au lieu d'un Diademe, & le fit estrangler. Et de crainte que les Janissaires, à cause de cette maladie, n'eussent quelque mauvais dessein, il commanda qu'on luy preparast un fort beau cheual, & tres-richement enharnaché, sur lequel estant monté, il sortit une & deux fois en public, se promenant par la cité, voulant faire entendre à ses sujets, qu'il seroit un iour un grand homme de guerre: de là il fit une chasse, où il estoit bien souuent iusques à la nuit, & comme on luy eust remonstré qu'il se devoit donner quelque relasche, il respondit à ceux qui luy en parloient, qu'ils portoient enuie à son honneur & à sa gloire. Matthieu, en son histoire de la paix, tient que ce frere d'Achmet fut reserué iusques à ce qu'il fust en aage pour auoir enfans, de sorte que la naissance du premier enfant du Prince, seroit la mort inévitable du frere: toutesfois ceux de la premiere opinion, à sçavoir qu'il a esté aveuglé, disent, que c'estoit afin que cet aveugle ne laissast point de faire des enfans, & en ce faisant qu'il y eust toujours un successeur.

OR comme il est bien difficile d'obeyr apres avoir longuement commandé, la Hafachy mere du feu Empereur, & ayeule d'Achmet, avoit desia de fort longue-main disposé de ce grand Empire, & avoit de grandes esperances de se maintenir en cette autorité, durant au moins la ieunesse de son petit-fils: pour ce faire, elle se seruoit des pires, & des plus remuans qui fussent lors en l'Empire, lesquels il n'estoit pas mal-aysé de corrompre avec le grand thresor qu'elle avoit amassé de longue-main, & lequel elle dispersoit à ceux qu'elle iugeoit les plus propres à ses ambitieux desseins. Mais Achmet qui n'ignoroit pas le mal duquel elle avoit esté cause du vivant de son pere, la fit sequestrer, & se saisit de son thresor, qui pourroit bien luy avoir aidé à faire les dons immenses qu'il departit à sa milice: car ie trouve encores en cela Matthieu conforme à Beyerling, les évaluant à la somme de deux millions & demy, les Spachis ayans chacun dix escus pour homme, & cinq aspres d'accroissement de paye par iour, les Janissaires trente escus, & un aspre d'avantage de paye, & que les principaux Officiers de la Porte se ressentirent aussi de cette liberalité. Il fit son premier Vizir Haly Bassa, qui estoit auparavant Gouverneur du Caire, qui fut en cela preferé à Cigale: ce qui ayda fort à Haly, fut le thresor qu'il avoit apporté d'Egypte, & la grande reputation de iustice & preud'homme qu'il avoit acquise en cette Prouince, assez difficile à gouverner, comme il a esté dit ailleurs, & tres-importante à l'Empire: voyla pourquoy on y met toujours quelqu'un des plus affidez qui soient aupres du Prince, & s'il s'acquitte bien de cette charge, ce luy est ordinairement une eschele pour monter à celle de premier Vizir. Cettuy-cy avoit fait estrangler en son chemin un rebelle qui avoit de la fuitte & de l'autorité, & qui s'estoit présenté à luy pour avoir pardon. Aussi-tôt qu'il fut en cette charge, il mit un grand ordre aux affaires, en la conduite desquelles il laissa de grandes preuues de sa prudence & iustice, mais il quitta incontinent la place à un autre.

À CE nouveau changement de Prince, le Sophy qui avoit toujours les armes en la main, & qui croyoit que la ieunesse d'Achmet n'estoit pas pour resister à son bon-heur, amasse le plus de forces qu'il luy est possible, s'approche de Babylone, qu'il tasche d'enlever, non par la force, mais par les artifices, donnant à entendre à ceux de dedans, que toute cette armée n'estoit que pour deliurer la Prouince du ioug insupportable de Turcs, & pour leur redonner leur ancienne liberté, anciens discours & pretextes des Cōquerans, desquels les peuples qui ayment ordinairement le changement de maistre, se laissent aussi facilement charmer, comme ils s'en trouvent à la fin trompez: & de fait, à ce nouveau bruit qui courut par tout, la foy des peuples de l'Asie commença de branler, chacun se repaissant de l'esperance d'un meilleur traitement: ils voyoient tout rire aux entreprises des Perses, qui avoient repris Tauris, de laquelle les Turcs avoient desia iouy plusieurs années, avec la forte place de Ertzerum, & outre ce, quasi toutes les places que les Turcs avoient cy-devant conquises sur eux, soit du temps de Solymán, ou de celui d'Amurath troisieme, de sorte que l'Ambassadeur des Perses qui passa par Lyon pour aller vers

l'Empereur

l'Empereur, (comme il sera dit cy-apres) disoit qu'il auoit pris plus de quatre-vingts villes sur les Turcs, il faisoit encores plusieurs contes de la puissance de son maistre, qu'il auoit deux cens mille hommes de pied, & cent mille cheuaux: on a peu voir cy-deuant aux guerres de Perse, soit sous Selim premier, Solyman, voire mesmes Amurath, qui ne bougea de son Serrail, si cela est veritable; mais il est permis à ceux qui viennent de loin, de discourir comme il leur plaist des choses qui nous sont inconnues: mais la verité est, que la valeur des Georgiens a plus seruy aux Perses, que toute cette vanité de l'Ambassadeur: & quant aux Turcs, ils n'ont manqué que de bons chefs qui sceussent vaincre: car ils auoient hommes, & munitions à souhait: que s'ils eussent eu encores depuis des Selims, ou des Solymans que nous venons de nommer, tant s'en faut que les Perses leur eussent fait la loy, qu'ils les eussent contraints de flechir sous leur Empire, & les choses ne sont point encores auourd'huy si deplorées, que le tout ne puisse reüssir au desir des Princes Othomans, les ressorts en sont dans leur seul courage, les nerfs de leur Empire estans bien plus forts & plus roides que les autres, qui eussent pery il y a long-temps, s'ils eussent souffert la moindre de ces conuulsions: ce sont Carthaginois qui se battent contre des Romains, la prudence, & la patience de ceux-cy vaincra l'impetuosité des autres, mais en quelque façon que les choses aillent de ce costé-là, c'est tousiours l'aduantage des Princes Chrestiens, quand ces deux puissans mastins se pilleront ainsi l'un l'autre, & seroit à desirer que leurs guerres continuassent tousiours, & se maintinssent en égale balance, & que reconnoissans en cela nostre aduantage, nous voulussions aussi vser de nostre bon-heur.

OR Achmet voyant ses affaires en si mauuais termes en ces contrées, & que toute la faute venoit des chefs, soit par leur auarice, infidelité, ou peu de hardiesse & d'experience; (car toutes ces choses estoient causes de la ruine des armées d'ailleurs, que l'Imperatrice, & ceux de son party auoient esté bien ayses d'entretenir cette guerre, elle pour regner, & tous deux ensemble pour pouuoir mieux pescher en eau trouble, il resolut d'en choisir vn qui fust capable de redonner aux Turcs leur ancien aduantage, & faire reuiure la gloire de leur nom en l'Orient. Pour ce faire, il pensa que Cigale estoit le meilleur chef qu'il eust; cestuy-cy auoit fort desiré la charge de premier Vizir, ayant representé au Sultan les grands seruices qu'il auoit faits à l'Empire: mais Haly qui auoit esté mandé de l'Egypte auparauant luy, auoit aussi esté preferé, & au lieu, il l'enuoya en qualité de Scerlesquier Sultan contre les Perses: mais soit que cestuy-cy fust plus practiqué aux armées de mer qu'à celles de terre, la conduite desquelles est fort differente, soit qu'il eust mesmes quelque intelligence avec les ennemis, tant y a qu'en vne grande bataille qu'il liura aux Perses, ceux-cy demurerent victorieux: de sorte qu'en toute sa conduite il ne fit pas mieux que ses deuanciers, cela donna l'assurance aux Perses d'aller iusques à Halep: ce qu'ayant sceu Achmet, extremement deplaisant de commencer son Empire avec tant de pertes, il iura de s'en vanger contre celuy qui auoit eu plus d'ambition que de bon-heur, & qui auoit pourchassé vne charge, de laquelle il n'estoit pas capable: Il luy enuoya donc faire commandement de retourner pour estre informé de sa volonté: & de fait estant arriué à Bruzzy, il y trouua quarante Capigi, enuoyez de la part du Sultan, non pour l'instruire de la guerre, mais pour luy oster la vie, comme ils firent: on fit courir le bruit toutesfois, qu'il estoit tombé malade, & depuis mort de sa mort naturelle: c'est sommairement ce qui se passoit en Perse durant les années mil six cens quatre, & mil six cens cinq.

MAIS en Hongrie les affaires estoient plus à l'aduantage des Turcs: il y auoit eu, comme vous auez peu voir au liure precedant, de fort grands remuemens en la Transiluanie, Georges Baste, qui y commandoit pour l'Empereur, n'y estoit pas fort bien voulu, & n'y gouuernoit que par la force, cela ne faisoit qu'entretenir la rebellion que Botscaie, chef des rebelles, nourrissoit autant qu'il luy estoit possible: de quoy ayât esté repris par Baste qui l'admonestoit de ne plus troubler la Prouince par ses menées, ains plustost de rendre obeissance à l'Empereur, duquel il se pouuoit assurer en ce faisant de recevoir toute sorte de bon traitement: l'autre se tenant plus roide par cette recherche, demanda des conditions si iniques, qu'on ne se peust accorder avec luy: ce que voyant Botscaie, il eut recours au Sultan Achmet, lequel luy ayant promis vn grand secours, & l'ayant déclaré Vainode en Transiluanie, Baste cōtinuë tousiours à l'importuner qu'il se repète & retourne en son deuoir, & l'autre à demander qu'on luy donne le gouuernement de Transiluanie & de Hongrie, qu'on face vider les estrangers de la Prouince, qu'il n'y eust que les Hōgrois qui peussent paruenir aux estats de la Prouince, qu'il fust permis de viure en liberté de conscience, selon

1604.

Vanité de
l'Ambassa-
deur des Per-
ses.

Les Turcs
perdent con-
tre les Perses,
faute de bons
chefs.

Cigale Gene-
ral en l'armée
contre les
Perses.

Pert vne ba-
taille contre
eux.

Sa mort.

Grands re-
muemens en
Transiluanie.

Botscaie chef
des rebelles
déclaré Vainode de Transiluanie par Achmet.

Ses demandes à l'Empereur qui luy sont refusées.

1605.
& 6.

Il rauage la
Stryie & la
Moraue.

Ceux de Tir-
ne se rendent
à luy.

En quelle su-
jection il
estoit parmy
les Turcs.
Palantuar re-
pris par les
Chrestiens.

Le Bassa de
Bude occis en
vne rencon-
tre.

La Transilua-
nie, Moldaue
& Valachie,
derechef su-
jettes aux
Turcs.

Qui prennent
Villegrade,
Nouigrade.

Le mont saint
Thomas.

Nestad, Pres-
burg, Totis.

Strigonie.

Nohafie.

Taschent de
surprendre la
uarin, mais ils
y sont battus.
Epperie assie-
gée & prise
par Botiscaie,
& grande mi-
sere de ceux
de dedans.

Botiscaie est
recherché de
paix par l'im-
pereur.

Laquelle est
conclue.

telle Religion qu'on voudroit, & autres semblables choses qu'il demandoit, lesquelles luy furent refusees: ce qu'ayant reconnu, fortifié qu'il estoit par les Turcs, ils s'assujettirent incontinent apres plusieurs villes, & fit de grands rauages en la Stryie & Moraue, mettant cependant les Alemans en telle haine dans toute la Hongrie, que ceux de la ville de Trine, ayant delibéré de faire mourir tous ceux de cette nation qui estoient parmy eux, ils ouurirent leurs portes à Botiscaie, qui estoit cependant épié des Turcs en toutes ses actions, si bien qu'il ne luy estoit pas permis de conferer avec personne sans tesmoins: cela ne l'empescha pas de continuer ses conquestes: car quelques vns disent que ce fut luy qui ayda à prendre les villes de Pesth, Palantuar, & Haduuan, & que cela aduint encores en l'année mil six cens quatre, toutesfois Palantuar fut repris au mois de Ianuier en l'année 1605. par Bathinaie, General des troupes de delà le Danube: il n'y auoit dedans que six vingts cinq Turcs, & voyant qu'il ne pouuoit munir la forteresse, comme il desiroit, il la raza, & se retira.

A v mois d'Auril ensuiuant, ceux de Comar eurent vn aduis que le Bassa de Bude en estoit sorty avec dix-sept chariots chargez d'argent, & de quelques prouisions qu'il deliberoit de mener à Botiscaie, & au fils du Cham des Tartares qui estoit en cette armée: le Bassa allant par pais sans deffiance aucune, se tenant tout assésuré d'estre hors de tout danger, tombe avec sa troupe dans l'embuscade, que ceux de Comar luy auoient dressée: aussi tost le Bassa qui estoit dans vn chariot, en descendit & monta à cheual, & prenant ses armes, se met en tout deuoir de se bien deffendre; mais ayant esté percé d'oultre en oultre par vne mousquetade, il tombe à terre, & les Turcs alors s'efforcent de le releuer: mais ceux de Comar les enuironnans en taillerent la meilleure partie en pieces, prenans le reste prisonniers, excepté quelques vns qui se sauuerent comme ils peurent, & ainsi ayans pris tout leur butin, ils trancherent la teste au Bassa qu'ils emporterent quant & eux à Comar, avec sa robbe & son cimenterre, qu'ils enuoyerent apres à Prague, à l'Empereur. Mais les autres faisoient bien d'autres effets: car Botiscaie à l'ayde des Turcs ayant fait reuolter toute la Transiluanie, Moldaue, & Valachie, faisoit tous ses efforts pour s'emparer du reste de la Hongrie, si qu'au mois d'Aoust ils prirent Villegrade & Nouigrade, les garnisons de ces places estans abandonnées de tout secours, & ne voyans aucun moyen pour se deliurer, si qu'elles se rendirent aux Turcs sous leur foy & assurance.

Et au mois de Septembre ensuiuant, y ayant eu vn fort grand tumulte au mont saint Thomas, duquel il a esté parlé ailleurs, entre les vieux soldats, ils massacrerent le Comte Doctinghen, & Reichenuau son lieutenant, puis se rendirent aux Turcs: ce qui estoit tout prest à arriuer de mesme à Nestad, Presburg, & à Totis, à faute de payement de ces garnisons. Dans saint Thomas, outre les autres munitions qui vinrent en leur possession, ils eurent soixante & dix grosses pieces d'artillerie, & continuans leurs victoires, tandis que tout le pais estoit diuisé, l'armée s'en alla deuant Strigonie, la garnison de laquelle ayant pris leur Gouverneur, qu'on appelloit le Comte de Dampierre, & l'ayant mis en prison, ils rendirent la forteresse, de laquelle ils sortirent vies sauues, l'enseigne déployée avec leurs armes, & tout ce qu'ils peurent emporter, & les conduisans en lieu de seureté, ils se retirerent à Comar: ceux de Nohafie firent le mesme. Or les Turcs pensoient sur ce mécontentement vniuersel, qu'ils pourroient par leurs menées recouurer Iauarin: mais leurs embusches ayans esté decouuertes, comme ils estoient venus assez pres de la ville en intention de faire quelque bon effect, selon les occurrences ils furent decouuerts, & la meilleure partie d'entre eux taillée en pieces: Botiscaie cependant estoit deuant la ville d'Epperie, laquelle il print apres que les assiegez eurent souffert toutes sortes de misere, si qu'ils ne mangerent pas seulement iusques au cuir de leurs souliers, & tout ce que la nature peut abhorrer pour en faire nourriture, mais les enfans mesmes, iusques-là que les soldats commençoient à ietter au sort à qui se mangeroit l'un l'autre.

Cela estoit cause que l'Empereur qui ne pouuoit remedier à tant de maux, recherchoit Boscaie de paix, lequel ne s'en éloignoit point, tant à cause d'une grande maladie qu'il auoit, que d'autant qu'il estoit assésuré que le Sultan ayant entendu la reuolte du Bassa d'Halep, & les efforts que les Perses taschoient de faire en la Thrace, auoit enuoyé vers l'Empereur, pour suiuan les ouuertes desia faites, conclure quelque bonne paix. Apres donc auoir bien considéré toutes choses, il enuoya des deputez à Vienne, où s'en faisoit le pourparler, & où la paix fut conclue, à condition que la Transiluanie luy demeureroit en propre, sa vie durant, & à ses heritiers massés apres luy, & que les Hongrois auroient

auoient vn exercice libre de leur Religion, qui estoit l'article auquel les rebelles s'estoient le plus arrestez.

1605.
& 6.

Reuolte du
Bassa d'Halep.

Que deffait
l'armee d'A
chmet.

Prend Tripoly
de Syrie.

Exhortation
du Bassa de
Tripoly à ses
soldats.

Et celle du
Bassa d'Halep
aux siens.

Les nouvelles que nous disions maintenant estre venuës d'Halep, n'estoient pas fausses: car cestuy-cy suiuant les traces des rebelles qui auoient esté du temps de Mahomet, auoit pris son temps sur ce changement de Prince, & se confiant sur la grande ieunesse d'iceluy, sur les pratiques qu'il auoit avec ceux de la Porte, & sur tout le support qu'il esperoit des Perses, commençoit à bien remuer du mesnage: quand Achmet desirant de le preuenir, enuoya cōtre luy vne armée de soixante mille hommes: mais le Bassa aussi vigilant que luy, se tenoit sur ses gardes, & comme il auoit de bons amis de toutes parts, il fut aduertey de cette leuée plustost que les autres ne furent arriuez en la contrée où il estoit, & là dessus se mit à assembler ses forces de toutes parts pour leur resister: mais se doutant bien qu'il n'auoit pas des forces égales à celles qui luy estoient enuoyées, il se resolut de les attendre au passage, & de leur dresser quelque embuscade si à propos qu'ils seroient pris au piege, lors qu'ils y penseroient le moins. Ceux-cy n'y faillirent pas: car n'estans point encores arriuez en lieu où ils deussent auoir sujet de crainte, ils furent tous estonnez qu'ils furent chargez des autres si rudement & si inopinément, qu'une partie d'entre eux taillée en pieces, le reste se mit en fuite: ceux qui furent pris, souffrirent toutes les cruautéz qu'on se scauroit imaginer, sans que les prieres & supplications peussent auoir quelque force pour retarder le cours de la cruauté de ce cruel: en fin voyant que ses desseins luy reüssissoient à souhait, il commença d'aspirer à plus grandes choses, & comme il estoit fort artificiel, & scauoit prendre son temps à propos en la conduite de ses affaires, il épia l'occasion que le Bassa de Tripoly n'y estoit pas, & fit si bien qu'il s'empara de sa place, de là celuy d'Halep s'en alla à Damas: d'autres disent que c'estoit celuy de Tyr, & que n'ayant pas l'assurance d'attendre celuy d'Halep, il auoit abandonné sa ville, emportant tous ses ioyaux & plus riches meubles, & se sauua en Cypre.

Celuy de Tripoly qui se vid priué de sa place, outre ce qu'il craignoit d'en estre repris en Constantinople, comme si cela fust aduenü par sa negligence, ou par faute de bon ordre qu'il deuoit auoir mis à son fait, (car quelques-vns disent que c'estoit luy qui auoit charge de l'armée precedente) se diligenta d'amasser des troupes pour empescher le progres de son ennemy, mais si le premier combat auoit esté heureux pour celuy d'Halep, le second ne le fut pas moins: car celuy de Tripoly luy ayant présenté la bataille, & remonstré aux siens de quelle importance leur estoit le gain de la victoire de ce combat, attendu que la perte d'iceluy estoit la cōfirmation du gain que les rebelles auoient desia fait, & leur ouuroit le pas à plus grandes conquestes: mais ce qui estoit plus encores, c'estoit donner vn tres-grand aduantage aux Perses leurs mortels ennemis, lesquels outre les victoires qu'ils auoient acquises sur eux, feroient trophée de leur honte, s'ils souffroient du desaduantage, ioint que le Sultan tout nouveau venu à l'Empire, duquel la tendre ieunesse auoit plus besoin de repos que de travail, n'auoit toutesfois point si peu de connoissance des affaires, qu'il ne sceust bien iuger d'où seroit prouenu le principal deffaut, ny si peu de courage qu'il ne s'en vengeast seuerement, n'estant point, graces à DIEU, l'Empire Othoman si denué de forces, qu'il ne peust tirer sa raison d'un chetif esclau, qui par ses menées auoit fait reuolter quelques sujets de son Seigneur, desquels maintenant il se seruoit, mais qu'ils deuoient se souuenir qu'une puissance qui n'est point fondée sur ses propres forces, n'est iamais de longue durée, & par consequent que luy qui n'estoit maintenu que par autrui, auroit bien-tost donné du nez en terre: mais ce qui estoit le plus à craindre pour eux, c'estoit que sa fureur combast sur leurs testes, si par couardise, ou faute de cœur, il arriuoit que les rebelles eussent sur eux quelque aduantage.

Toutes ces remonstrances n'eurent point tant de pouuoir sur les soldats du Sultan, que celles du Bassa d'Halep sur ceux de son party, tout ce qu'il leur proposoit aussi, estoit bien plus specieux, à la maniere de tous les chefs de part, qui dorent les miseres qui doiuent bien-tost apres suiure les reuoltes, par quelques maximes specieuses & apparentes, lesquelles ils accompagnent de promesses & d'esperances de toutes sortes de biens, mais encore d'autant plus hardiment, s'ils ont emporté quelque aduantage sur leurs Seigneurs. Or les affaires de celuy d'Halep estoient en ces termes, ioint le secours qu'il esperoit des Perses, si qu'il auoit assez beau sujet pour faire bien valoir son party: car il ne se promettoit pas moins quant à luy, que l'Empire de Syrie, & à ses soldats les thesors de toute cette Prouince, de laquelle ils iouyroient sans contredit, & sortiroient de l'esclauage où ils auoient vescu iusques alors. Desia les Osmanides, disoit-il, ne se font que battre à la

1605.
& 6.

perche, estans plustost en termes de demander secours que de combattre, tout cét Empire s'en allant en decadence, la charge de ses richesses le faisant courber sous le faix, & maintenant encorés qu'ils auoient vn enfant pour Prince, de qui l'aage demandoit plustost le ieu & les passe-temps que les armes, deuoient-ils perdre vne si belle occasion pour gouter à leur tour de l'Empire, cette miserable captiuité en laquelle ils estoient reduits par la tyrannie des Othomans, d'estre la plus-part d'entre eux apriciens, sans faculté de rachapt, n'estoit-elle pas du tout insupportable, & quant à ceux qui n'estoient que leurs sujets, pouuoient-ils dire auoir quelque chose à eux? tout n'estoit-il pas ordinairement exposé à ces harpies de Gouverneurs, qui ne se soucient de iustice, de police, ny de soulagement des peuples, mais seulement d'emplir leurs coffres, écremant ainsi tout ce que les peuples peuuent auoir acquis, sans qu'ils eussent aucun moyen de s'en plaindre, pour l'absence du Souuerain.

Qv'a la verité, il estoit bien necessaire à vn sujet d'auoir la veuë & l'oreille de son Souuerain, pour entendre quelquesfois ses iustes plaintes, mais que cela ne pouuoit iamais arriuer, tant que les Othomans commanderoient, & que cét Empire seroit debout, qui vouloit auoir l'honneur, le profit, & l'obeyssance des Prouinces; mais ne s'en soucier que pour les tyranniser, non pour les regir & gouverner, ioinct que c'estoient gens irreconciliables, avec lesquels il n'y auoit aucun esperance de misericorde, & encorés moins de fidelité & d'assurance en leurs promesses, si qu'ils pouuoient biens s'attendre, s'ils ne demeuroident victorieux, de souffrir toutes sortes de tourmens, & de cruels supplices. Maintenant donc que le dé estoit ietté, qu'il n'estoit plus temps de retourner en arriere, leur salut, & leur bonne fortune estre en leur courage, & en la force de leur bras. Sur cela ils allerent à la charge, mais au grand desauantage des Othomanistes, lesquels ne pensans auoir à combattre que ceux qu'ils auoient en teste, faisoient du commencement quelque resistance, mais comme ils se virent assaillis par derriere par ceux que celuy d'Halep auoit mis en embuscade: c'estoient deux mille harquebusiers, & trois mille cheuaux, lesquels firent vne si rude charge à ceux qui ne pensoient pas à eux, qu'ils les contraignirent de rompre leurs rangs, & se mettre en fuite, si qu'ils furent entierement deffaits: cette victoire promettant à celuy d'Halep toutes hautes & grandes choses, & l'assurant d'vn entier establissement en cette Prouince, auparauant qu'vne autre armée fust venuë pour l'en debusquer, dans laquelle il pourroit d'oresnauant resister à son aise, y estant le plus fort, & y tenant les meilleures places, il se resolut de prendre la ville de Damas, laquelle n'estant pas fortifiée pour resister à la puissance des assiegeans, fut contrainte de se rendre, avec tout le pais circonuoisin, sous la domination de celuy d'Halep. Lequel continuant ses victoires, deffit encorés le Beglierbey de Mysie, qui s'estoit armé, pour s'opposer à ses conquestes; mais luy ayant dressé des embuscades sur le chemin, comme à celuy de Tripoly, il deffit la meilleure partie de ses gens, & le contraignit de prendre la fuite avec le reste: & comme si toute sorte de bon-heur luy deuoit arriuer, il prit vne nef chargée d'or & d'argent, qui voguoit d'Alexandrie en Constantinople, qui portoit les tributs que l'Egypte rend aux Empereurs Turcs.

TOUTES ces victoires vinrent bien-tost à la connoissance du Persien, lequel merueilleusement ayse de la bonne fortune de cestuy-cy, qui auoit en si peu de temps eclipsé vne si belle & grande Prouince à son ennemy, luy enuoya des Ambassadeurs pour se conioiir avec luy de ses conquestes, & de ce qu'ayant vaincu leurs communs ennemis, les choses luy auoient reüssi à souhait. Dans ses lettres il l'appelloit Prince de Syrie, & luy enuoya plusieurs beaux presens: entr'autres on met vn habillement de teste, vn pistolet, & vn bouclier tout couuert de pierreries de fort grande valeur, luy offrant aussi vne société d'armes, & de conioindre leurs forces ensemble, afin qu'en cét vnanime consentement ils peussent plus aisément fouler aux pieds, & ruiner du tout l'Empire des Turcs. Ce grand progres auoit beaucoup estonné tous ceux de la Porte: cela fut cause que le ieune Prince entendoit plus volontiers à la paix du costé de la Hongrie: pour cefaire il en auoit escrit particulièrement au Bassa de Bude, avec commandement expres de traicter de la paix, le plus aduantageusement pour sa Majesté qu'il luy seroit possible: mais l'Empereur qui iugeoit bien que ce traité ne se concludroit point sans sa perte, & sans quitter aux Turcs ce qu'ils auoient reconquis, n'estans pas gens qu'on voye rien rendre de leurs conquestes, quand on fait paix, ou trefve avec eux: cela luy auoit fait enuoyer au commencement de l'année son Ambassadeur à Rome, pour représenter au Pape, & au Con-

Turcs,

Stratageme
du Bassa
d'Halep, & sa
victoire.

Préd Damas,
& tous les en-
uiron.

Autre victoi-
re encorés du
même Bassa.

Se saisit des
tributs de l'E-
gypte en la
prise d'vn
vaisseau.

Le Sophy le
recherche de
son amitié, &
l'appelle Prin-
ce de Syrie.

Achmet re-
cherche de
paix l'Empe-
reur Chre-
tien.

Tures, maintenant qu'ils estoient pressez d'affaires de tous costez, mais qu'il estoit impossible de tenir vne armée en campagne sans de grands frais, & sans faire vne fort grande dépence, à laquelle il luy estoit impossible de fournir : disoit dauantage, qu'encores qu'il fut venu vn Bassa depuis quelques iours en Hongrie avec deux millions d'or, toutesfois on auoit reconneu que son armée dissiperoit plustost ce qu'elle auoit apporté, qu'elle ne feroit aucun notable effect, & qu'elle s'amuseroit seulement à faire du degast & du ravage par la Prouince : le Lecteur a peu voir cy dessus ce que fit cette armée avec Botscaille : (car c'estoit auparauant ce temps-là que l'Empereur enuoya en Italie :) mais toutes les remonstrances & persuasions de cet Ambassadeur, ne furent pas assez fortes pour tirer de là aucun secours, chacun en ayant affaire de son costé. Cet Ambassadeur passa encôres vers les autres Princes d'Italie pour les prier de pareil secours : mais chacun fit la mesme réponse, & s'en retourna en fin sans rien faire.

1605.

& 6.

Lequel demande secours de toutes parts, mais en vain.

III.

Ambassade du Sophy vers l'Empereur, pour empêcher la paix avec les Tures.

Ses persuasions & ses promesses.

L'Empereur se resout a la paix.

Les deputez se trouuent à Comar.

Articles de la paix.

Or ce pour parler de paix de l'Empereur Othoman avec l'Empereur Chrestien, regardoit de pres le Sophy : car il scauoit bien que l'Othoman n'ayant plus rien à faire en Hongrie, cette grosse nuée de gens de guerre qui couroit par cette Prouince, viendrait bien tost fondre sur luy, & se joignans aux autres forces qui estoient delia en l'Asie, seroit bien pour luy empêcher le cours de ses prosperitez : & peut-estre encôres de pis il se souuenoit de cette paix honteuse qu'il auoit esté contraint de faire du temps d'Amurath, par laquelle, comme vous auez entendu, il auoit esté contraint de quitter sa ville capitale, & laisser aux Tures plusieurs places fortes dans son pais, qu'il auoit reprises, au moins la plus part, par la lascheté de leurs chefs, & des soldats Asiaticques : mais si ceux de l'Europe entreprennent vne fois à bon escient cette guerre, conduits par vn bon chef, il courroit la mesme fortune que ses peres auoient iadis soufferte sous Selim, Solyman, & Amurath : cela luy fit enuoyer vn Ambassadeur à l'Empereur, pour le prier de ne faire point la paix avec Achmet, l'assurant de luy enuoyer plusieurs milliers d'hommes & d'escus ; mais ce secours venoit de loin, voyla pourquoy il n'y auoit pas grande assurance, & le proche estoit refusé fort mal à propos toutesfois : car les affaires des Tures estoient en mauuais termes, plus belle occasion ne se pouuant pas présenter, apres auoir fait la paix avec Botscaille, de s'vnir tous ensemble pour chasser les Tures de la Hongrie, mais chacun saignant du nez, & ne pensant qu'à son particulier, celuy qui auoit le principal interest, & qui supportoit tous les iours vn si puissant ennemy sur les bras, fut contraint de capituler avec luy, de sorte que le vingt & vnième d'Octobre de l'année 1606. les deputez de part & d'autre, se trouuerent à vn mille & demy de Comar, où s'estant donné la foy reciproquement les vns aux autres, dans peu de iours de là ils conclurent vne paix pour vingt-ans, à commencer à compter de l'an suyuant 1607. en sorte toutesfois, que de trois ans en trois ans ils s'enuoyeroient des Ambassadeurs reciproquement, & des presens les vns aux autres en témoignage d'amitié. Les articles de cette paix sont tels.

Premierement, que les Ambassadeurs de part & d'autre ne feront point d'autres appellations que de pere & de fils, Achmet appellant l'Empereur Rodolphe son pere, & cestuy-cy appelletoit l'Empereur Turc son fils.

2. Qu'au commencement de leurs lettres ils prendront le nom & la qualité d'Empereur, & non de Roy.

3. Que les deux Empereurs donneront ordre que les Royaumes de Hongrie, & Archiduché d'Autriche seront en repos, paix, & tranquillité, & du tout exempts & assurez de foules, oppressions, & cruautés des gens de guerre de tous les deux partis.

4. Qu'il sera loysible au Roy d'Espagne d'entrer dans le traité, s'il le trouue à propos pour son bien, sans que l'un, ny l'autre des Empereurs s'y puisse opposer en aucune sorte.

5. Que les Tartares, & tous les autres peuples qui ont de coustume d'entrer en armes dans la Hongrie, seront compris au traité de la paix, pour estre desarmez de tout pouuoir de nuire au Royaume par leurs armes, & luy tout assuré de leurs violences & felonies.

6. Que chacun de l'une & de l'autre part, s'abstiendra de courses & brigandages, entreprises de guerre, & de tous actes d'hostilité, chacun demeurant toutesfois en son pouuoir, de courir sus aux corsaires, voleurs, & brigands qui feront iniure au public, dont chacun se pourra donner aduis, afin de les opprimer à communes forces, & faire reparet aux outragez les dommages qu'ils en auront receus.

7. Que les places, chasteaux, villes & forteresses demeureront hors de toute entreprise des vns & des autres, soit par force, surprise, ou trahison, & par consequent, les biens,

FFF

1605.
& 6.

familles, & bestiaux des païsans qui seront de leurs territoires & ressorts, & que Botscaille retiendra ce qui luy fut dernièrement accordé par le traité de Vienne.

8. **Q**U'E tous prisonniers de guerre seront mis en liberté, principalement ceux qui ont esté pris és villes & citadelles, les deffendants vertueusement par leur valeur, & les autres rendus par eschange, ou par rançon, au plus expedient, & facilité des deux partis.

9. **Q**U'E toutes disputes interuenantes, tant deçà que delà le Danube entre les deux partis, se termineront par la douceur, au iugement du Gouverneur de Iauarin, du Bassa de Bude, du Gouverneur de l'Esclauonie, & des autres Gouverneurs des places; & si elles estoient de telle consequence qu'elles ne peussent estre terminées par ces Magistrats, elles seront reseruées pour cet effect à leurs communes Majestez, & sera permis à l'un & à l'autre party, de restaurer & rebastir ses places ruinées, mais non d'en edifier de neufues, qui pourroient preiudicier à l'un des partis.

10. **Q**U'E le Bassa Serdar enuoyera ses deputez vers l'Archiduc Matthias chargez de presens pour luy presenter, & que l'Empereur depeschera vers le grand Seigneur un Ambassadeur, luy portant deux cens mille florins d'or pur, & que le grand Seigneur pareillement enuoyera le sien à Prague avec de grands & riches presens pour offrir à l'Empereur.

11. **Q**U'E cette paix sera pour le temps de vingt années, à commencer en l'an 1607. à la charge que l'un & l'autre Empereur de trois ans en trois ans s'entr'enuoyeroient des Ambassadeurs, avec dons, & presens honorables, & riches, au desir, & selon le pouuoir de leurs Majestez.

12. **Q**U'E tous les successeurs de l'Empereur, & du Royaume de Hongrie, entreront en cette paix pour en estre maintenus, pareillement ceux du grand Seigneur, avec tous leurs parens, allies, & confederez.

13. **Q**U'E les Chrestiens seront remis dedans Vaccia, la retiendront & fortifieront à leur desir: comme aussi Strigonie avec ses appartenances & dependances demeurera au grand Seigneur, à la charge qu'il n'y aura point de surhausse de la taille ordinaire, & de la conseruation des droits de ceux qui par priuilege n'y sont point sujets.

14. **Q**U'E les Turcs ne pourront exiger leurs tributs par la pointe de l'espée, mais par la iustice, qu'ils commettront és mains des iuges & receueurs par les bourgades, pour la rendre sans oppression du peuple, si ce n'est que les taillables ne voulussent payer, ou par entreprise, ou par audace, ou mesmes qu'ils eussent trop long-temps différé le tribut, auquel cas sera permis aux uns & aux autres de se faire payer par telles voyes qu'ils verront bon estre.

15. **I**L trouue encores ailleurs un quinzième article, à sçauoir que les Ambassadeurs de l'Empereur à leur arriuée à Constantinople, pourroient demander quelque chose au Sultan, laquelle pourueu qu'elle fust iuste & equitable, ne leur seroit point déniée.

C'EST le contenu des articles de cette paix, pour laquelle toute la Hongrie fit vne grande demonstration de réjouissance apres tant de miseres qu'elle auoit souffertes depuis un si long-temps, sans auoir trouué d'allegement en ses maux, ains au contraire, la ruine de ses principales places, & la perte des meilleurs hommes qu'elle eust, qui auoient bien obtenu quelques victoires, pris quelques villes, & fait beaucoup de degaists, & de dommages sur les terres de leurs ennemis, mais pour n'auoir pas esté secondez, la gloire qu'ils en acquirent, fut d'auoir genereusement respâ du leur sang: mais le fruit en fut si petit, que ceux qu'ils laisserent pour en iouyr, pensans secoüer du tout le ioug de la seruitude, furent contrains de ployer sous le faix, tous heureux encores de pouuoir auoir un tel relasche, & de traicter de paix avec leur mortel ennemy, lequel ne se tenoit pas moins fortuné que les Chrestiens, d'auoir pacifié ces differends: car durant quelques années, il n'y auoit rien eu à gagner avec eux: de sorte que de part & d'autre il se fit de grands témoignages d'allegresse: les deputez s'entreferent des festins fort magnifiques, où les Turcs commencerent, & firent plusieurs beaux presens aux Chrestiens: le Bassa de Bude entre autres, qui donna de fort beaux cheuaux, & bien enharnachez, à Mollart, Altemeny, Turson, Istuan, Collonich, Budian, Hendoc, Cesar Gallen, & Elefchin, & aux autres des robes & tapis fort precieux & riches. Et comme durant le festin la troupe de Mansfeld eust par plusieurs salués fait vne escopeterie, qui auoit esté fort agreable aux Turcs, durant qu'ils estoient à table, le Bassa Haly pour témoignage du contentement qu'il en auoit receu, fit offrir à cette troupe deux cens dales, ce que

que le chef ne voulut accepter, demandant au lieu vn certain Capitaine Alemand prisonnier, qui librement luy fut rendu, & les deux cens d'ales derechef enuoyées aux soldats, pour estre departies entre eux, que derechef Mansfeld refusa, les renuoyant au Bassa.

1604.

LEQUEL fit aussi-tost sçauoir à Achmet ce qui auoit esté conclu en cette assemblée, lequel aussi-tost qu'il en sceut les nouvelles, en alla rendre graces en sa principale Mosquée avec toute sa famille, & grand nombre de gens de guerre, & le lendemain il en fit faire des demonstrations d'vne tres-grande réjouissance par toute la ville de Constantinople. Si l'Empereur & l'Archiduc eussent eu de la confiance au Roy de France quelque année auparavant, cette paix leur eust esté beaucoup plus aduantageuse : car le sieur de Breues auoit negocié cela en vne saison où les Chrestiens tenoient encores plusieurs places, qui leur fussent infailliblement demeurées ; mais la Prouidence eternelle qui en auoit autrement ordonné, pour ne l'auoir pas reconneuë durant leur bon-heur, les laissa perdre dans cette meffiance. Ce fut ce mesme sieur de Breues qui fit augmenter de trente quatre articles les capitulations que les Seigneurs Othomans ont avec nos Rois, qui ne seront point, comme ie pense, desagréables à voir au Lecteur, qui a par toute cette histoire assez ouï parler de la bonne intelligence qu'ils auoient ensemble, & n'a toutesfois point leu à quelles conditions elle estoit capitulée, en voicy donc le contenu.

Le Sultan, en témoigne vn grand contentement.

Breues Ambassadeur de France, fait amplifier les capitulations que les Seigneurs Othomans ont avec nos Rois.

AN NOM DE DIEU.

MARQUE de la haute famille des Monarques Othomans, avec la beauté, grandeur, & splendeur, de laquelle tant de pais sont conquis & gouuernez.

I V.

MOY qui suis par les infinies graces du iuste, grand, & omnipotent Createur, & par l'abondance des miracles du chef de ses Prophetes, Empereur des victorieux Empereurs, distributeur des couronnes aux plus grands Princes de la terre, seruiteur des deux tres-sacrées villes, la Mecque & Medine, protecteur & Gouverneur de la sainte Ierusalem, Seigneur de la plus grande partie de l'Europe, Asie, & Afrique, conquise avec nostre victorieuse espée, & épouuantable lance, à sçauoir des pais & Royaumes de la Grece, de Themiswar, de Bosnie, de Seghenar, & des pais & Royaumes de l'Asie, & de la Natolie, de Caramanie, d'Egypte, & de tous les pais des Parthes, des Curzes, Georgiens, de la porte de fer de Tiflis, du Seruan, & du pais du Prince des Tartares nommé Serin, & de la compagnie nommée Cipulac, de Cypre, de Diarbek, d'Halep, d'Ertzerum, de Damas, de Babilon, demeure des Princes des Curdes, de Bazera, d'Egypte, de l'Arabie heureuse, d'Abes, d'Adem, de Thunes, la Goulette, Tripoly, de Barbarie, & de tant d'autres pais, villes & seigneuries conquises avec nostre puissance Imperiale, Seigneur des mers blanche & noire, & de l'imprennable forteresse d'Agria, & de tant d'autres diuers pais, Isles, destroits, passages, peuples, familles, generations, & de tant de cent millions de victorieux gens de guerre, qui reposent sous l'obeyssance & iustice de moy qui suis l'Empereur Achmet, fils de l'Empereur Mahomet, de l'Empereur Amurath, de l'Empereur Selim, de l'Empereur Solymen, de l'Empereur Selim II. & ce par la grace de DIEU, recours des grands Princes du monde, refuge des honorables Empereurs.

Le contenu de ces capitulations.

AV plus glorieux, magnanime, & grand Seigneur de la creance de IESVS-CHRIST, élu entre les Princes de la nation du Messie, mediateur des differends qui suruiennent entre le peuple Chrestien, Seigneur de grandeur, majesté, & richesse, glorieuse guide des plus grands, HENRY III. Empereur de France, que la fin de ses iours soit heureuse.

AYANT nostre Hauteesse esté prié du sieur de Breues, au nom de l'Empereur de France son seigneur, comme son Conseiller d'Estat, & son Ambassadeur ordinaire à nostre Porte, de trouuer bon que nos traictés de paix, & capitulations qui sont de longue memoire entre nostre Empire, & celui de son Seigneur, fussent renouvelées & iurées de nostre hauteesse : sous cette consideration, & pour l'inclination que nous auons à la conseruation d'icelle ancienne amitié, auons commandé que cette capitulation soit écrite de la teneur qui s'ensuit.

1. QUE les Ambassadeurs qui seront enuoyez de la part de sa Majesté à nostre Porte, les Consuls qui seront nommez d'elle pour resider à nos havres, les marchands ses sujets qui vont & viennent par iceux havres, & autres lieux de nostre Empire, & les interpretes ne soient inquietez en quelque façon que ce soit, mais au contraire, receus & honorez avec tout le soin qui se doit à la foy publique.

2. VOULONS de plus, qu'oultre l'obseruation de cette nostre capitulation, que celle qui fut donnée & accordée de nostre deffunct pere l'Empereur Mahomet, heureux en sa vie, & martyr à sa mort, soit inuiolablement obseruée, & de bonne foy.

FFFF ij

1604.

3. **QV'E** les Venitiens & Anglois en la leur, les Espagnols, Portugais, Cathalans, Ragoufins, Geneuois, Napolitains, Florentins, & generally toutes autres nations telles qu'elles soient, puissent librement venir trafiquer par nos pais, sous l'adueu & seureté de la banniere de France, laquelle ils porteront comme leur sauue-garde, & de cette façon ils pourront aller & venir trafiquer par les lieux de nostre Empire, comme ils y sont venus d'ancienneté, obeyssans aux Consuls François qui demeurent & resident par nos havres & estapes. Voulons & entendons qu'en vlsans ainsi, ils puissent trafiquer avec leurs vaisseaux & galions, sans estre inquietez, seulement tant que ledit Empereur de France conseruera nostre amitié, & ne contreuiendra à celle qu'il nous a promise.
4. **V O V L O N S** & commandons aussi, que les sujets dudit Empereur de France, & ceux des Princes ses amis, alliez, & confederez, puissent sous son adueu & protection, venir librement visiter les saincts lieux de Ierusalem, sans qu'il leur soit mis, ou donné aucun empeschement, ny fait tort.
5. **D E** plus, pour l'honneur & amitié d'iceluy Empereur, nous voulons que les Religieux qui demeurent en Ierusalem, & seruent l'Eglise de Coumanie, (c'est à dire le saint Sepulchre de nostre Sauueur IESVS-CHRIST) y puissent demeurer, aller & venir sans aucun trouble & destourbier, ains soient bien receus, protegez, aydez, & secourus en la consideration susdite.
6. **D E R E C H E F**, nous voulons & commandons que les Venitiens & Anglois en cela, & toutes les autres nations alienées de l'amitié de nostre grande Porte, lesquelles n'y tiennent Ambassadeur, voulans trafiquer parmy nos pais, elles ayent d'y venir sous la banniere & protection de France, sans que l'Ambassadeur d'Angleterre, ou autre, ayent de les empescher, sous couleur que cette condition a esté inserée dans les capitulations données de nos peres, apres auoir esté escriites.
7. **O R D O N N O N S** & voulons que tous commandemens qui se sont donnez, ou qui se pourroient donner par mégarde contre cet article susdit, ne soient obseruez, ains que cette capitulation la soit inuiolablement.
8. **Q V' I L** soit permis aux marchands François, en consideration de la bonne & parfaite amitié que leur Prince conserue avec nostre Porte, d'enleuer des cuirs, cordoians, cires, cottons, cottons filez, jacoit qu'ils soient marchandise prohibée, & deffenduë d'enleuer, ratifions la permission que nostre bisayeul Sultan Selim, & nostre deffunct pere Sultan Mahomet ont donnée.
9. **N O V S** voulons aussi, que ce qui est porté par cette nostre capitulation, en faueur, & pour la seureté des François, soit dit, & entendu en faueur des nations estrangeres qui viennent par nos pais, terres, & seigneuries sous la banniere de France, laquelle banniere elles porteront, & arboreront pour leur seureté & marque de leur protection, comme dit est cy-dessus.
10. **Q V'E** les monnoyes qu'ils apportent par les lieux de nostre Empire, ne puissent estre prises de nos thresoriers, ny de nos monnoyeurs, sous pretexte & couleur de la vouloir conuertir en monnoye Othomane, ny moins voulons qu'il s'en puisse pretendre aucun droit.
11. **E T** parce qu'aucuns sujets de la France qui nauigent sur vaisseaux appartenans à nos ennemis, & y chargent de leurs marchandises, estans rencontrez sont faits le plus souuent esclaves, & leur marchandise prise, nous commandons & voulons que d'icy en auant ils ne puissent de semblable façon estre pris, ny leurs facultez confisquées, s'ils ne sont trouuez sur vaisseaux de course: voulons & commandons que ceux qui l'ont esté, soient faits libres, & leur robbe & marchandise restituée sans aucune replique.
12. **D E F F E N D O N S** que les vaisseaux François qui seront rencontrez chargez de victuailles, prises és pais, & seigneuries de nos ennemis, puissent estre retenus & confisquez, ny leurs marchands & mariniers faits esclaves.
13. **D E F F E N D O N S** qu'aux François qui se trouueront pris sur vaisseaux de nos sujets, portans des viures à nos ennemis, encores que nosdits sujets & vassaux en soient en peine, il ne leur soit, ce neantmoins, fait & donné aucune fascherie, ains soient relaschez, & mis en liberté, sans aucune punition.
14. **D E F F E N D O N S** que les vaisseaux François, marchands, & mariniers qui se trouueront chargez de bled achepté de nosdits sujets, puissent estre faits esclaves, & leurs vaisseaux confisquez, encores que ce soit chose prohibée, mais bien le bled: voulons & commandons

donc que ceux qui se trouueront par nostre Empire esclaves de telle façon, soient faits libres, & leurs vaisseaux restituez.

15. **Q V E** les marchandises qui seront chargées en nos mers sur vaisseaux François, appartenans aux ennemis de nostre Porte, ne puissent estre prises, sous couleur qu'elles sont de nosdits ennemis, puis qu'ainsi est nostre vouloir.

16. **Q V E** les marchandises qui seront apportées des marchands François en nos escheles, havres, & ports, ou celles qu'ils auront enleuées d'iceux, ne puissent payer autre commerce, ny estre estimez à plus haut prix que celui de l'ancienne coustume.

17. **N O V S** voulons & commandons que les marchands François, & leurs vaisseaux qui viennent par nos ports, & havres, ne soient obligez de payer autre droit, que celui des marchandises qu'ils débarqueront, & puissent les aller vendre en quelque eschele qu'ils voudront, & où bon leur semblera, sans aucun empeschement.

18. **Q V E** lesdits François soient exempts de l'impôt de l'ayde des chairs.

19. **Q V I L S** ne soient recherchez de payer celui des cuirs.

20. **N Y** celui aussi des buffles.

21. **Q V I L S** soient aussi exempts de payer aucune chose aux gardes de nos ports & peages.

22. **Q V A** la sortie de leurs vaisseaux ils ne puissent estre forcez de payer plus de trois escus sous le nom de bon & heureux voyage.

23. **E T** d'autant que les corsaires de Barbarie allans par les ports & havres de la France, y font caresser, secourir, & ayder à leur besoin, comme de poudre, de plomb, & autres choses nécessaires à leur navigation, & que neantmoins ils ne laissent, trouuans des vaisseaux François à leur aduantage, de les piller & saccager, en faisant les personnes esclaves contre nostre vouloir, & celui du deffunct Empereur Mahomet nostre pere, lequel pour faire cesser leurs violences & predations, auoit diuerses fois enuoyé ses puissances, ordres, & commandemens, & commandé par iceux de mettre en liberté les François detenus, & restituer leurs facultez, sans que pour cela ils ayent discontinué leurs actes d'hostilité. Nous pour y remedier, voulons & commandons avec cette nostre capitulation Imperiale, que les François pris contre la foy publique, soient faits libres, & leurs facultez restituées. Declérons qu'en cas que lesdits corsaires continuent leurs brigandages, qu'au premier ressentiment qui nous en sera fait de l'Empereur de France, les Vice-Rois & Gouverneurs des pais, de l'obeyssance desquels les voleurs & corsaires dependront, seront obligez de payer les dommages & pertes qu'auront faites les François, & seront priuez de leurs charges, promettant de donner croyance, & adiouster foy aux lettres qui nous en seront enuoyées dudit Empereur.

24. **N O V S** nous contentons aussi, si les corsaires d'Alger & Thunes n'observent ce qui est porté par cette nostre capitulation, que l'Empereur de France les face courrir pour les chastier, & les priue de ses ports : declérons de n'abandonner pour cela l'amitié qui est entre nos Majestez Imperiales, approuuons & confirmons les commandemens qui en ont esté donnez de nostre deffunct pere, en ce sujet.

25. **V O U L O N S** & commandons que les François nommez & aduoüez de leur Prince, puissent venir pescher du corail & poisson au golphe de Flora Courrouy dependant d'Alger, & par tous les autres lieux de nos costes de Barbarie, & en particulier, sur les lieux de la iurisdiction de nos Royaumes d'Alger & de Thunes, sans qu'il leur soit donné aucun trouble, ny empeschement, confirmans tous les commandemens qui en ont esté donnez de nos ayeuls, & singulierement de nostre deffunct pere pour cette pescherie, sans estre assujetis à autre reconnoissance que celle qui est faite d'ancienneté.

26. **Q V E** les interpretes qui seruent les Ambassadeurs d'iceluy Empereur, soient libres de payer tailles, ayde de chairs, & toutes autres sortes de droits tels qu'ils soient.

27. **Q V E** les marchands François, & ceux qui trafiquent sous leur banniere, ayent à payer les droits de l'Ambassadeur & Consuls, sans aucune difficulté.

28. **Q V E** nos sujets qui trafiquent par les lieux & pais de nos ennemis, soient obligez de payer les droits de l'Ambassadeur & Consuls François sans contradiction, jaçoit qu'ils trafiquent avec leurs vaisseaux, ou autrement.

29. **Q V E** suruenant quelque meurtre, ou autre inconuenient des marchands François & negocians, les Ambassadeurs & Consuls d'icelle nation puissent, selon leurs loix & coustumes, en faire iustice, sans qu'aucun de nos Officiers en prennent connoissance, & s'en empeschent.

1604.

30. **QV E** les Consuls François qui sont establis par les lieux de nostre Empire , pour prendre soin du repos & seureté d'iceux trafiquans , ne puissent pour quelque raison que ce soit, estre faits prisonniers, ny leurs maisons serrées & bullées , ains commandons que ceux qui auront pretention contre eux , soient renuoyez à nostre Porte, où il leur sera fait iustice.

31. **QV E** les commandemens qui sont donnez , ou pourront estre donnez contre cette mienne promesse & capitulation , ne soient valables, ny obseruez en aucune façon.

32. **E T** pour autant qu'iceluy Empereur de France est de tous les Rois le plus noble , & de la plus haute famille , & le plus parfait amy que nos ayeuls ayent acquis, entre lesdits Rois & Princes, comme dit est, de la creance de IESVS-CHRIST, comme il nous a tesmoigné par les effets de sa sainte amitié : sous ces considerations nous voulons & commandons que ses Ambassadeurs qui resident à nostre heureuse Porte, ayent la prestance sur l'Ambassadeur d'Espagne, & sur ceux des Rois & Princes, soit en nostre Diuan public, ou autres lieux où ils se pourront rencontrer.

33. **QV E** les estoifes que les Ambassadeurs d'iceluy Empereur residans en nostre Porte, feront venir pour leur vsage à present, ne soient obligées de payer aucun commerce.

34. **QV E** lesdits Ambassadeurs ne payent aucuns droits de leur victuaille, soit pour leur boire, soit pour leur manger.

35. **QV E** les Consuls François iouissent de ces mesmes priuileges où ils resideront, & qu'il leur soit donné la prestance sur tous les autres Consuls, de quelque nation qu'ils soient.

36. **QV E** les François qui viennent avec leurs vaisseaux & marchandises par les escheles, havres, & ports de nos seigneuries & pais, y puissent venir seurement sur la foy publique, & en cas que la fortune & l'orage jettast aucun de leurs vaisseaux au trauers, se retrouvans nos galeres, ou vaisseaux aux lieux circonuoisins, nous commandons tres-expressément aux Capitaines d'iceux de les ayder & secourir, portans honneur & respect aux patrons & Capitaines d'iceux vaisseaux François, les faisans pouruoir avec leur argent de ce qui leur sera necessaire pour leur vie & besoin.

37. **E T** en cas qu'aucun d'iceux vaisseaux fassent naufrage, nous voulons que tout ce qui se retrouvera, soit remis au pouuoir des marchands à qui les facultez appartiendront, sans que nos Vice-Rois, Gouverneurs, Iuges, & autres Officiers y contrarient, ains voulons qu'ils les secourent à leur besoin, leur permettant qu'ils puissent aller, venir, retourner, & sejourner par tout nostre Empire, sans qu'il leur soit donné empeschement, s'ils ne commettent chose contre l'honnesteté & la foy publique.

38. **N O V S** ordonnons & commandons aussi aux Capitaines de nos mers & leurs lieutenans, & à tous ceux qui dépendent de nostre obeissance, de ne violenter, ny par mer, ny par terre lesdits marchands François, ny moins les estrangers qui viennent sur la seureté de leur bannière, voulons toutesfois qu'ils ayent de payer les droits ordinaires de nos escheles.

39. **QV' I C E V X** marchands ne puissent estre contraincts d'achepter autres marchandises que celles qu'ils voudront, & leur seront diuisibles.

40. **E N** cas qu'aucun d'eux se trouue redeuable, la dette ne puisse estre demandée qu'au redeuable, ou à celui qui se sera rendu pleige pour luy.

41. **E T** en cas qu'aucun d'iceux marchands, ou autre d'icelle nation meurent par nos pais, que les facultez qui leur seront trouuées, soient remises au pouuoir de celui qu'il aura nommé pour executeur de son testament, pour en tenir compte à ses heritiers ; mais s'il arriue qu'il meure, *ab intestat*, que les Ambassadeurs, ou Consuls qui seront par nos escheles, se saisissent de leurs facultez pour les enuoyer aux heritiers, comme il est raisonnable, sans que nos Gouverneurs, Iuges, & autres qui dépendent de nostre obeyssance, puissent s'en empescher.

42. **QV E** les François Consuls, ou interpretes, ou ceux des lieux qui dépendent d'eux, ayent en leurs ventes, achapts, pleigeries, & tous autres poincts, d'en passer acte deuant le iuge, ou Code des lieux où ils se trouueront, au deffaut dequoy nous voulons & commandons que ceux qui auront quelque pretention contre eux, ne soient escoutez, ny receus en leurs demandes, s'ils ne font apparoir, comme dit est, par contract public leur pretention & droit. Voulons que les tesmoins qui seront produits contre eux, & à leur dommage, ne soient receus & escoutez, que premierement il n'ayt suuy acte public de leurs ventes, achapts, ou pleigeries.

43. **QV' E S T A N T**

43. QV'ESTANT dressée quelque embuscade contre les marchands, ou autres d'icelle nation, les accusans d'auoir iniurié, ou blasphemé contre nostre sainte Religion, produisans de faux tesmoins pour les traualler, nous ordonnons qu'en semblables occasions nos Gouverneurs, & Iuges ayent de se porter prudemment, empeschans que les choses ne passent plus auant, qu'iceux François ne soient aucunement molestez.

44. SI aucun d'eux se trouue redevable, ou ayant commis quelque mauuais acte, s'absente, & fuit, nous voulons & commandons que les autres d'icelle nation ne puissent estre responsables pour luy, s'ils ne sont obligez, comme il est dit, par contract public.

45. QV'E se trouuants par nostre Empire des esclaués François reconneus pour tels des Ambassadeurs & Consuls, ceux au pouuoir desquels ils se trouueront faisans refus de les deliurer, soient obligez de les amener, ou les enuoyer à nostre Porte, afin qu'il soit fait iustice à qui il appartiendra.

46. QV'A aucun changement & establissement de Consuls François en nos escheles d'Alexandrie, de Tripoly, de Syrie, d'Alger, & autres pais de nostre obeyssance, nos Gouverneurs & autres ne s'y puissent opposer.

47. SI aucun de nos sujets a differend avec vn François, la iustice en ayant deu prendre connoissance, nous voulons que le iuge ne puisse écouter la demande qu'un interprete de la nation ne soit present, & si pour lors il ne se trouue aucun interprete pour connoistre & deffendre la cause du François, que le iuge remette la cause à vn autre temps, iusques à ce que l'interprete se trouue: toutesfois qu'iceluy François soit obligé de trouuer l'interprete, afin que l'effect de la iustice ne soit differé.

48. S'IL naist quelque dispute, ou differend entre deux François, que l'Ambassadeur, ou Consuls, ayent de terminer le differend, sans que nos Officiers s'en empeschent.

49. QV'E les vaisseaux François qui auront fait leur charge en Constantinople, ne soient recherchez en autre part qu'au sortir qu'ils feront des Dardanelles, deffendons qu'ils ne soient forcez de le faire à Galipoly, comme ils ont esté recherchez par le passé.

50. QV'E les galeres, vaisseaux, & armées nauales appartenantes à nostre Hauteffe, se rencontrent avec ceux de France, les Capitaines d'une part & d'autre ayent de s'ayder & seruir, sans se procurer les vns les autres aucun dommage.

51. QV'E tout ce qui est porté par les capitulations accordées aux Venitiens, soit valable, & accordé aux François.

52. QV'E les marchands François, leurs facultez & vaisseaux venans par nos mers & terres de nostre Empire, y soient en toute seureté protegez, deffendus & carellez, conformément au deuoir qui se doit à la foy publique. Ordonnons qu'ils puissent, comme dit est cy-dessus, y venir, aller, retourner, & séjourner sans aucune contrainte: & si quelqu'un est volé, qu'il se fasse vne recherche tres-exacte pour le recouurement de sa perte, & du chastiment de celuy qui aura commis le méfait.

53. QV'E les Admiraux de nos armées nauales, nos Vice Rois, Gouverneurs de nos Provinces, Iuges, Capitaines, Chastellains, Daciens, & autres qui dépendent de nostre obeyssance, ayent de se rendre soigneux d'observer ce mesme traité de paix & capitulation, puis qu'ainsi est nostre plaisir & commandement.

54. DECLARONS que ceux qui contreuiendront & contrarieront à cestuy nostre vouloir, seront tenus pour rebelles, desobeyssans, & perturbateurs du repos public, & pour ce condamnez à vn grief chastiment, estans apprehendez sans aucun delay, afin qu'ils seruent d'exemple à ceux qui auront enuie de les imiter à mal faire. Et outre la promesse que nous faisons de cette nostre capitulation: Nous entendōs que celles qui ont esté données de nostre bisayeul Sultan Solymān, & consecutiuelement celles qui ont esté enuoyées de temps en temps de nos ayeul & pere, à qui DIEU fasse misericorde, soient obseruées de bonne foy.

55. NOUS promettons & iurons par la verité du grand & omnipotent DIEU, Createur du ciel & de la terre, & par l'ame de mes ayeul & bysayeul, de ne contrarier, ny de contreuenir à ce qui est porté par ce traité de paix, & capitulations, tant que l'Empereur de France sera constant & ferme à la consideration de nostre amitié, acceptant dès à present la sienne, avec volonté d'en faire cas, & de la cherir: car ainsi est nostre intention & promesse Imperiale.

CETTE capitulation est dattée du dixiesme de May, mil six cens quatre. En celle de Mahomet, passée le vingt-sixiesme de Fevrier 1597. il y auoit cet article.

1604.

Que les François qui dépendent d'eux, mariez, ou non mariez, ou non exerçans la marchandise, ou travaillans de leur main, ou autrement, ne payent aucune taille, ny subside.

Monopoles
des Juifs contre
le saint
Sepulchre.

Il est preserué
par l'autorité
de HENRY
le grand.

Ce ne fut pas icy le seul bien que fit le sieur de Breues durant sa legation : car ayant decouvert que les plus riches de toutes les Synagogues dispersées & errantes par le monde, auoient fait vne bourse de cinq cens mille escus pour vn present au grand Seigneur, afin qu'il fit destruire le saint Sepulchre de Ierusalem, & oster aux Chrestiens cette marque de leur redemption : il fit tant enuers les principaux Bassas, qu'encore que le Sultan Mahomet qui regnoit alors, fust extremement affairé, & que cette somme notable luy vint fort à propos, toutesfois l'autorité de nostre Roy eut vn tel pouuoir sur eux, qu'en sa consideration il est demeuré en l'estat qu'il auoit tousiours esté : la Prouidence eternelle s'estant ainsi seruie de l'alliance que nous auons avec ce Monarque, pour rendre sa parole veritable. Que l'enuie, la perfidie, la cruauté, la tyrannie, & tout ce qui est de puissance terrestre & infernale, ne scauroient empescher que le Sepulchre de son fils vnique, nostre Seigneur IESVS, ne soit à iamais glorieux, voire mesme au milieu de ses plus mortels ennemis, comme il a esté dit ailleurs.

V.

1607.

Botcsaie em-
poisonné par
son Chance-
lier.

Auquel il fait
trancher la
teste.

Mort de Bot-
csaie.

Sigismond
Ragotz élu
par les Trans-
siluains.

Leur reuolte
contre l'Em-
pereur.

Guerre civile
entre l'Empe-
reur & son
frere.

Terminée
amiablement.

Entreprise des
Perfes sur la
ville de Fama-
goste en Cy-
pre.

La Carama-
nie & la Na-
tolie retour-
nent en l'o-
beyssance d'A-
chmet.

C'EST ainsi que se passerent les années 1604. 1605. & 1606. & quant à l'année 1607. tout au commencement d'icelle mourut Estienne Botcsaie, Prince de Transsiluanie : cestui-cy, apres les grands remuemens qu'il auoit faits par toute la Hongrie, estoit en fin rentré dans la connoissance de son deuoir, & auoit fait paix, comme vous auez entendu, avec l'Empereur & l'Archiduc : mais à peine commençoit-il de iouyr de quelque repos, que Cataie, son Chancelier, & celuy avec qui il communiquoit le plus familièrement de ses affaires, commença de conspirer contre luy, esperant par ses menées de se pouuoir establir Souuerain dans la Transsiluanie ; mais voyant bien qu'il luy seroit bien mal-aysé de le faire du vivant de Botcsaie, qui auoit le iugement trop solide, & l'espée trop bonne, pour pouuoir, rien entreprendre contre luy, il se resolut de l'empoisonner, comme de fait il l'exécuta : de quoy Botcsaie s'estant aucunement deffié, il le fit prendre, & incontinent apres trancher la teste, mettant en sa place vn nommé Iean Ianuse, auquel il donna encores ce que possedoit Cataie à saint Iob : mais cela n'empescha pas qu'il ne mourust avec de tres-grandes douleurs dans Cassouie, recommandant fort aux principaux de ses sujets en mourant, qu'ils rendissent tousiours obeyssance à l'Empereur Rodolphe. Ce qu'ayants sceu les Transsiluains, ils eleurent en sa place vn Sigismond Ragotz, en attendant que l'Empereur y eust donné quelque ordre, pour empescher les entreprises de ceux qui se fussent voulu emparer de cette Prouince à l'imitation du deffunct ; mais ils ne furent pas long-temps en leur deuoir, car comme ils sont enclins à la reuolte, à l'ayde des Kosaques qu'ils attirerent de leur party, ils eleurent Gabriel Battory pour leur Prince.

LES choses n'estoient pas encores plus paisibles en la Hongrie, entre l'Empereur & l'Archiduc Matthias son frere, touchant leur partage, & comme cela commençoit à trainer quant & soy vn plus grand mal-heur, si on n'y remedioit promptement, l'autorité du saint Pere qui y interuint, & celle des principaux Princes d'Alemagne ; & autres Potentats de la Chrestienté, fut cause de les mettre d'accord, à telles conditions que l'Austriche demeureroit en propre à Matthias, pour luy, & les enfans masles issus de luy, qu'il seroit aussi sacré Roy de Hongrie, & reconneu pour heritier de Boheme, si l'Empereur ne laissoit aucuns hoirs masles apres sa mort, comme aussi Matthias quittoit à son frere Rodolphe le Comté de Tirol & Prouinces adjacentes : ce qui fut executé en la mesme forme qu'il auoit esté accordé.

OR durant que les nostres acheuoient de ruiner leur pais par leurs quereles intestines & domestiques, les Perfes ne laissoient pas les Turcs en repos, & s'estoient tellement aduancez dans le pais, qu'ils n'estoient pas loin dorelnauant de Constantinople, ce qui leur donna le moyen de conferer avec vne Flotte de Florentins, qui par fortune de mer s'estoient éloignez de leur droite route, & embattus en ces costes-là : lesquels ensemble delibererent de prendre Famagoste en l'Isle de Cypre : mais cette menée ayant esté decouverte, les Turcs empescherent leur progrez, & les Chrestiens qui estoient dans l'Isle en patirent, car ceux-cy les firent mourir fort cruellement. Le Bassa d'Halep cependant continuoit ses menées en la Caramanie, & en la Natolie : mais le Bassa qu'Achmet y auoit pour lors enuoyé, s'y conduisit si dextrement qu'il appaisa toute la sedition, se resoluant apres de s'en aller assieger Halep avec toutes ses forces : & apres auoir hyuerné en cette contrée, tourner toutes ses forces contre le Roy des Perfes. Ce qu'ayant entendu le Bassa

d'Halep,

d'Halep, voyant bien que ses forces n'égalent pas celles du Vizir, il fit murer quelques portes de la ville, & leua sur les marchands vn impost de vingt mille Ioachimiques, avec lesquels il enrolla de nouueaux soldats, enuoyant cependant tout ce qu'il auoit de plus riche & precieux en Perse, afin que si par hazard il estoit le plus foible en armes, il peust conjoindre ses forces avec celles du Roy des Perses.

1607.

Preparatifs
du Bassa
d'Halep.

LE Vizir cependant s'acheminoit avec vne armée de cent trente mille hommes : car comme il eust receu en la grace du Sultan les principaux de la Prouince, chacun s'estoit efforcé d'y venir pour ruiner celuy avec lequel ils estoient n'agueres estroitement associez : le Bassa d'Halep n'auoit pas plus de quarante mille soldats : mais la plus-part gens de guerre, entre lesquels il y auoit grand nombre d'harquebusiers : cela ne l'empescha pas d'aller avec vne grande resolution au deuant de son ennemy, & s'estant campé en vn lieu assez commode, distant d'environ deux milles du lieu où estoit le Vizir, ils ne furent pas long-temps sans venir aux mains. Cestuy-cy remontrant aux siens que c'estoit vne grande honte de voir ce rebelle auoir l'effronterie, apres tant de crimes, de deployer l'enseigne contre son Seigneur, il est temps maintenant qu'il recoiue la recompence de ses meschancetez, ne s'estant pas contenté d'auoir fait souleuer tant de Prouinces, & d'auoir pris la qualité de Prince, luy qui n'estoit qu'un chetif esclau, mais outre ce, d'auoir donné l'entrée aux Perses dans de si florissantes Prouinces, & esté cause de la desolation d'un si beau & riche pais, traistre qu'il estoit à son Prince & à sa patrie, ayant méprisé la fureur de l'un, & demeuré sans compassion pour la conseruation de l'autre, remplissant tout d'effroy comme vn ennemy barbare. *Mais souuenez-vous*, disoit-il, *que le loup n'est vaillant, ny hardy qu'en sa rage, & que la peur rend les courages aussi refroidis, comme les hazards de Mars sont differends : pensez-vous qu'il se presente maintenant deuant vous, conduit par la raison : il est porté d'un déplaisir infiny, de sçauoir que vous auez reconnu vostre deuoir, & que vous vous estes rangez à l'obeyssance du Seigneur : il pensoit vous auoir tellement enchantez par ses artifices, que vous oubliiez à iamais qui vous estes, & voyant que le temps vous a desillé les yeux, & leué ce bandeau d'ignorance qui vous auengloit ces années dernieres, cela l'a mis en fougue, de sorte que sans considerer ce qu'il fait, il se vient presenter deuant nous, comme son humeur est inconstante, & qui nage dans les flots de la varieté : il voudroit estre maintenant au fonds de la Perse, & n'est pas à se repensir de ce qu'il a entrepris : mais la honte le contraint, & n'ose faire paroistre à ceux de son party ce qu'il a dans l'ame : n'est-il pas donc bien mal-heureux, puis qu'il peut viure en franchise, & qu'il languit en seruage ?*

Armée d'A-
chmet contre
luy.Exhortation
du Vizir aux
Turcs.

IL auoit fait au commencement du regne de sa Hautesse, des demonstrations d'obeyssance & d'affection à son seruice ; mais c'estoit vne fidelité dissimulée, c'estoit vne rose qui cachoit dessous vne espine, laquelle le picque maintenant plus au vis, que l'odeur d'une vaine renommée & l'ambition de regner ne luy a iamais apporté de contentement : allez donc hardiment & courageusement au combat : car outre ce que vous n'avez pas affaire à forte partie, il faut à cette fois que vous expiez par vostre courage, les fautes que vous auez commises par le passé : i'ay eu, à la verité, commandement du Seigneur de vous recevoir en sa grace, si vous auez regret, & quelque repentir de l'auoir offensé ; mais si faut-il que pour preuue de cette resipiscence, vous rendiez quelque tesmoignage à sa Hautesse par quelque signalé seruice, que vostre renolte estoit plustost arriuée par se ne sçay quelle fatalité, & par les artificielles persuasions de ce chetif esclau d'Halep, que par vne malice premeditée, ou par quelque mauuaise volonté que vous ayez contre l'obeyssance que vous deuez rendre à sa Grandeur. Eux ayans sur cela rendu de grandes acclamations pour tesmoignage qu'ils approuuoient son dire, il les mena contre l'ennemy : lequel cependant voyant que c'estoit à cette fois que se decideroit la querelle, s'il demeureroit pour l'aduenir le maistre de la Syrie, & que la meilleure espée iugeroit de ce differend, ne s'oublloit pas à rapporter aux siens toutes les heureuses rencontres qu'ils auoient eues auparauant.

NOUS auons infques icy, disoit-il, suiuy l'enseigne de Mars (Compagnons) voicy maintenant le champ où nous deuons cueillir le fruct de nos labours : toute l'Asie est vn echo resonant de la gloire de nos faits, & les peuples attachez par l'ame & par les yeux, ont esté forcez d'adorer nos exploits, comme ils ont tremblé sous la fertilisé de nos conquestes, nos ennemis mesmes sont contraincts d'entonner nos triomphes. Il n'y a point d'oubly qui puisse obscurcir d'oresnauant la gloire des lauriers qui nous ceignent le front, si ce n'est nostre lascheté : mais pourquoy redouter ce qui a tousiours tremblé deuant nous ? y a-il armée qui n'ait esté battue, place qui n'ait esté conquisse, Prouince qui n'ait esté subuégée, depuis que nous auons les armes en la main ? que peu-

Le Bassa
d'Halep fait
le semblable
aux siens.

1607. sez-vous pourquoy le grand Roy de Perse a recherché nostre alliance, sinon pource qu'il redoute nostre prosperité: que doiuent donc faire nos ennemis, qui ont esté desia battus tant de fois? assurez-vous que cette grande multitude a plus de peur que vous, & que si la plus-part d'entr'eux estoit creüe, qu'elle aymeroit mienx vne bonne fuitte qu'une mauuaise assente. Il ne vous reste donc que d'auoir du courage, & à vous souuenir que celuy qui chert sa vie, méprise sa gloire: nous auons esté heureux iusques icy, mais faisons connoistre à tous que la louange que nous auons meritée, a pris son principal lustre de nostre valeur: les armes sont iournalieres; mais elles ne sont iamais honteuses qu'aux lasches & poltrons: l'honneur est perdurable qui tire sa gloire de l'effect du bon-heur, il faut que nos champs soient encores remplis de leur proye à force de courage, il faut que nous rendions encores vne fois Halep toute flamboyante de feux de ioye pour nostre victoire, & si quelquesfois la liberté arma nos mains pour nous tirer de misere, pourquoy ne prendrons-nous pas maintenant l'espée & le bouclier pour conseruer ce que nous auons conquis? Allons donc, compagnons, ils sont à nous, & m'assure qu'ils ne souffriront iamais vostre premiere fureur: ceux qui accompagnent ce Bassa, ont assez fait paroistre quels ils sont par leur perfidie, & encores pour estre volontairement rentrez sous un si misérable esclauage, mais allons avec nos cimeterres punir leur lasche déloyauté, & leur faisons épronner que les victoires s'acquierent plus par generosité & grandeur de courage, que par multitude.

Als combatte
trois iours de
luite.

Le quatries-
me, le Bassa se
retire à Ha-
lep.

Qu'il aban-
donne.

Il est delais-
sé des siens.

Il se resout de
retourner en
l'obeyssance
de son Prince
& luy en es-
crit.

L'Empereur
Turc luy pro-
met toute as-
surance.

Lequel il viét
trouuer à Co-
stantinople.

On luy garde
la foy promi-
se.

Et là dessus les ayant menez au combat, chacun s'efforça de faire son deuoir, & d'emporter le dessus de son compagnon, mais en vain; car l'opiniastreté des vns & des autres fut telle, que la nuit les ayant separez, & non le desir de combattre, le lendemain au plus matin ils recommencerent la mesme querelle, où les diuers accidens qui y suruinrent, firent qu'ils tinrent bon; chacun ayant opinion d'auoir eul' aduantage, ce qui se passa encores de mesme le lendemain: mais comme ceux d'Halep se preparoient desia pour le quatriesme combat, ils furent aduertis que le Bassa cy-deuant de Damas, & celuy de Tripoly, venoient avec de grandes forces au secours du Vizir: cela leur donna l'épouuente, & les contraignit de se retirer dans la ville, dans laquelle ayans rauy tout ce qu'ils peurent de richesses, ils trousserent leur paquet, & prenans le chemin des montagnes, se retirerent vers la Perse: toutesfois le Bassa d'Halep n'estoit pas pour se rendre, & quitter le ieu pour si peu d'aduantage, son grand cœur le portoit à tenter toute autre extremité que la fuitte. Mais ceux qui estoient avec luy, comme ils estoient inuincibles au champ de bataille, perdirent le courage en quittant ce qu'ils deuoient garder, & eux qui auoient veu tant de fois la mort à yeux ouuerts, & l'auoient affrontée si courageusement aux iournées precedentes sans estonnement, maintenant qu'ils la fuyent, la peur leur en donne la frayeur en tout lieu; si que pour se mettre en plus grande seureté, la meilleure partie abandonna son chef, & se sauua comme elle peût: lequel comme il estoit lors sur la resolution de presenter encores vne fois la bataille au Vizir, & mourir plustost les armes en la main, que de se rendre, se voyant si peu de forces en vn instant, & ne doutant point que c'estoient des artifices des Othomanides qui auoient débauché ses gens de guerre, & qui peut-estre machinoient quelque mauuais dessein contre sa vie, s'il demeuroit plus long-temps en la mercy de ces lasches & irresolus, il commença à penser luy-mesme de sa seureté.

Pour ce faire, il escriuit au Vizir qu'il estoit prest de reconnoistre sa faute, & de rentrer en l'obeyssance du Seigneur, luy rendre encores de plus fideles seruites qu'il ne luy auoit causé de déplaisir, s'il pouuoit retourner en grace, à quoy il le prioit de s'employer, & de faire tenir de sa part les lettres qu'il en escriuoit au Sultan. Ces lettres contenoient toutes sortes de soubmissions & protestations de fidelité à l'aduenir, lesquelles furent fort agreables à Achmet, à qui cette guerre ciuile estoit de grande dépence, & de tres-grande importance, pour estre ces Prouinces sur les confins de ses ennemis, mais encores de plus mauuais exemple à ses autres sujets: si que toute assurance de pardon luy fut donné, pourueu qu'il le vint trouuer à Constantinople, & qu'il luy rendist toute fidelité & seruites en la guerre contre les Perses. Le Bassa receut les lettres du Sultan, qui luy donnoit toutes les seuretez qui se peuuent faire par escrit, ausquelles le Bassa se confia, & avec vne braue assurance s'en vint à Constantinople, n'ayant avec luy que cent cheuaux, & se presenta au Sultan en presence de plusieurs Bassas.

Lequel ne luy garda pas seulement la foy qu'il luy auoit promise, mais ayant égard à l'ancienne famille de laquelle le Bassa estoit issu, & encores plus à sa valeur, & plusieurs belles & grandes parties qui decoroient ce personnage, le receut en grace, & luy fit rendre encores tout ce qu'il possédoit en la Syrie. Action tres-remarquable, & ce d'aurant plus

plus qu'elle est rare parmy les Seigneurs Othomans, qui ne pardonnent pas volontiers à des reuoltez, & encores à cestuy-cy qui auoit pris le tiltre de Prince, & auoit combattu à main armée pour l'Empire: c'est ce me semble vne tres-loüable magnanimité, non seulement pour le pardon, mais encores pour l'auoir remis en ses biens & honneurs qu'il auoit en Syrie, comme auparauant: car c'estoit obliger par toutes sortes de courtoisies vn sien sujet: c'estoit toutesfois luy faire paroistre qu'on l'auoit bien peu redouté, puis que sur sa simple parole on luy remettoit en main les mesmes Prouinces qu'il auoit cy-deuant reuoltées: mais l'assurance de l'autre toute extraordinaire, d'estre venu hardiment en la ville capitale, & au milieu de toutes les forces de celuy qu'il auoit tant offensé, n'ayant pour toute assurance qu'un petit escrit par lequel on luy donnoit la foy, qu'on ne garde pas souuent à ses semblables, meritoit bien cette faueur; car ce gentil courage, & cette nature genereuse, ne pouuoit pas rien promettre de meschant, quand il se verroit remis en grace, & que son Prince oublieroit sincerement tout ce qui s'estoit passé, & cependant c'estoit conseruer à l'Estat vn grand chef de guerre, qui pouuoit rendre de grands seruices quand on le voudroit employer: c'est ainsi qu'on nous rapporte que s'est terminée cette guerre d'Halep.

DYRANT laquelle, & vers le commencement du mois de Nouembre de l'année 1607. il arriua à Constantinople vn grand embrasement qui brûla plusieurs edifices, & pres de 500. boutiques de marchands, de sorte que le dommage ne se montoit pas à moins de deux millions d'or. Quant à cette guerre de Perse, cela aduint en l'année 1608. au mois de Mars de laquelle, arriua en Espagne vn Ambassadeur du Roy des Perles, pour inuiter le Roy conjointement avec le saint Pere, l'Empereur, & les autres Princes Chrestiens, à vouloir faire la guerre aux Turcs, s'assurant, s'ils vouloient vnir leur puissance à la sienne, de ruiner cet Empire, que son Roy auoit avec ses armées rauagé toutes les Prouinces qu'ils auoient en Asie, qui n'estoient pas maintenant éloignées de plus de quarante milles de Ierusalem, que la Palestine s'en alloit reduite sous son obeissance: ce qu'arriuant il permettoit aux Chrestiens d'y auoir tout libre accez, & mesmes de demeurer en son Royaume, & d'y auoir tout libre exercice de Religion: mais apres auoir fait ses presens au Roy & à la Reyne, il se retira en son pais sans rien faire. Anthoine de Gouée de l'ordre de saint Augustin, par le commandement du mesme Roy, qu'on nomme Xa Abbas, estoit allé en Ambassade vers le saint Pere, pour luy faire entendre ce qui s'estoit passé contre les Turcs, les lettres qu'il en escrit, témoignent combien ceux de nostre Religion luy sont agreables ausquels il promet toute faueur, & tout libre exercice dans ses pais. C'estoit aussi enuiron ce temps que les Peres Carmes deschauffez de l'Ordre de la sainte mere Terese de IESVS, s'y establirent, & fonderent quelques maisons de leur ordre, y estans, à ce qu'ils disent, encores à present veus de bon œil par ce Prince qui leur souffre tous leurs exercices en toute liberté.

MAIS afin que les Perles n'ayent point en cela d'aduantage sur les Turcs, outre l'exercice libre que les Chrestiens ont dans Pera, qui sont comme les faux-bourgs de cette grande ville de Constantinople, le Roy HENRY le Grand, qui n'a iamais eu de petits desseins, & de qui les hautes & releuées entreprises ont tousiours esté portées au bien vniuersel de la Chrestienté, voyant le fruit que les Peres Iesuites faisoient iournellement aux Indes, iugea que la moisson n'estoit pas moins belle avec les Grecs Schismatiques, que parmy ces nations si éloignées: & que si les Rois d'Espagne meritent de la louange pour auoir à la pointe de leurs armes conquis des pais estranges, ausquels ils ont par apres planté la foy, que sa memoire seroit autant digne de gloire & d'honneur, si par son autorité, & le credit de son alliance, il pouuoit ramener au giron de l'Eglise des peuples Schismatiques qui en auoient secoué le ioug depuis tant de siecles, & faire reuiure encores cette verité Euangelique parmy ces nations, jadis si ardantes & si zelées, qu'elles n'épargnoient, ny sang, ny vie pour l'establissement de leur sainte Religion. Pour l'execution d'une si sainte entreprise, ce grand Roy ne iugea personne plus capable que ces grands hommes-là qui outre leur pieté & leur zele à la gloire de DIEU, ont acquis par leurs labeurs le don des langues, tres-necessaires pour cette mission, à cause des conferences qu'il faut faire avec tant de sortes de nations Chrestiennes, qui affluent de toutes parts en cette ville-là.

AYANT donc obtenu cela de leur superieur, cinq d'entre eux furent enuoyez sous son autorité à Constantinople, ausquels il fit deliurer vne bonne somme de deniers. Et estant

1607.

Et si on le remet en ce qu'il auoit possédé.

Courtoisie rare entre les Princes Othomans.

1608.

Ambassadeur des Perles en Espagne.

Les Chrestiens bien venus en Perse.

Les Peres Carmes deschauffez fondent des Couvents en Perse.

VI.

Etablissement des Peres Iesuites à Pera, par l'autorité de HENRY le grand.

Considerations de ce grand Prince.

Il donne argent aux Perles.

1608.

Empesche-
mens qu'ils
trouuerent
par le che-
min.

Leur arriuee
à Constanti-
nople.

Le fruit qu'ils
font en cette
mission.

Ils sont veus
de bon oeil du
Patriarche de
Constantino-
ple.

Ils sont ca-
loumieuz.

Fausles im-
pressions du
grand Vizir
contre eux.

Ils sont me-
nez deuant
luy.

L'Ambassa-
deur se rend
leur caution.

partis de France vers la fin de l'année 1608. ils allerent premierement à Rome prendre la benediction du saint Pere, & de là s'estans embarquez apres Pasques, ils arriuerent sains & saufs à Pera, au mois de Septembre en l'an 1609. non sans auoir beaucoup souffert par les chemins, principalement par ceux qui mal affectionnez à leur ordre, taschoient d'empescher le progres d'un si beau & si necessaire dessein, se laissant plustost emporter à la mal-veillance, & à l'enuie, qu'à l'interest de toute la Republique Chrestienne, qui a vn tres-grand besoin de cette reünion, & cependant manque d'ouuriers pour labourer en cette vigne qui rapporte des lambrusches si aigres & si ameres depuis tant de temps; mais la misericorde infinie du Tout-bon, qui veut deciller maintenant les yeux de ces peuples-là, pour des raisons conneues par sa Sagesse eternelle, les fit passer par dessus toutes difficultez, & arriuer finalement à bon port, au lieu qu'ils auoient tant desiré. De premier abord ils furent logez au logis du sieur Baron de Salignac, pour lors Ambassadeur pour sa Majesté tres-Chrestienne, lequel moyenna en sorte vers le grand Seigneur, qu'il leur fit donner vne Eglise, laquelle auoit esté autresfois aux Religieux de saint Benoit, & n'y auoit pour lors qu'un Hermite, ou Religieux Grec, qui s'en seruiust, lequel fut logé ailleurs, & depuis recompensé.

Ils ne furent pas long-temps de sejour pour se raffraischir de leur voyage, qu'ils ne se missent incontinent au travail, & à secourir le prochain, en preschant, catechisant, & instruisant la ieunesse des Chrestiens, Grecs, Armeniens, & autres estrangers qui demeurent, ou trafiquent en Constantinople, ou en la Romanie, & mesmes les enfans des Iuifs y sont endoctrinez, tant en Hebreu qu'aux autres disciplines, & font en tout le nombre de 50. ou 60. ils leur enseignerent aussi les Mathematiques, & autres sciences, la connoissance desquelles leur est fort rare, n'y ayant point ou fort peu de gens parmy les Ecclesiastiques qui ayent estudié, sauf ceux qui ont demeuré en Italie, ou parmy les autres nations de la Chrestienté, & ce à cause qu'il n'y a point d'écoles parmy eux, à raison de la grande pauureté des Chrestiens, & autres sujets qui ne sont Mahometans de Religion. Le Patriarche de Constantinople les void maintenant de bon oeil, & communique volontiers avec eux, & mesme donne quelque esperance de reconciliation avec l'Eglise Romaine, & le saint Siege, estant chose certaine, que l'ignorance & la faute d'auoir eu communication avec les Eglises d'Occident, leur engendre cette alienation, & cause cette deplorable diuision.

OR comme ils eussent esté desia quelques mois à continuer leurs saints exercices avec grand fruit, l'ennemy capital de la nature humaine, qui vid vn si grand progres tout dès le commencement, iugea bien de là la consequence, & que si par ses artifices il n'y donnoit quelque ordre, son Empire s'en iroit incontinent en decadence en ces contrées là. Son plus prompt moyen sont les faux rapports, & calomnies qu'il fait semer par ses supposts, & tellement imprimer dans l'esprit du grand Vizir, qu'il eut crainte, selon ce qu'on luy auoit dit, qu'ils ne fussent autant d'espions enuoyez par le Pape de Rome, & par le Roy d'Espagne pour tramer quelques menées contre l'Estat de son maistre: si bien qu'il dist vn iour à l'Ambassadeur de France, qu'il luy permettroit plustost qu'une dixaine de Religieux de quelque ordre que ce fust, demeurast à Pera, qu'un seul Iesuite: l'Ambassadeur luy osta pour l'heure ces mauuaises impressions: mais depuis, comme leurs calomniateurs continuaissent à luy en donner des ombrages, il enuoya vn Chaoux pour les adiourner à comparoistre deuant luy, & respondre aux charges qui leur estoient imposées, comme de fait il les y amena.

L'AMBASSADEUR en estant aduertty, il sortit en grande haste de sa maison, n'ayant que sa robe de chambre, & sans estre accompagné que de fort peu des siens, il s'achemina vers le Vizir, auquel il remonstra qu'ils s'estoient desia presentez à luy, & qu'il n'auoit occasion quelconque de se craindre d'eux, veu qu'ils estoient des sujets de son maistre, lequel s'en pourroit ressentir si on les mal traitoit. Il adiousta, que pour l'asseurer de plus en plus que leurs deportemens ne seroient que fort honnestes & profitables au public, il luy en respondoit, & entant que besoin seroit, entroit comme caution pour eux. Alors le grand Vizir s'appaissa, & declara qu'il faisoit plus d'estat de la parole & témoignage de l'Ambassadeur, que des aduertissemens, ou accusations de cent autres: faisant paroistre le dire de Lucian veritable, parlant à ce propos, à sçauoir qu'il ne faut croire facilement à la calomnie: si bien qu'ils s'en retournerent en la compagnie dudit Ambassadeur, à la confusion de leurs ennemis qui les regardoient retourner comme en triomphe,

au

au lieu qu'ils s'attendoient de les voir conduire au supplice, pour estre empalez, ou autrement punis cruellement; comme en ce pais-là on traicte les espions, ou estrangers suspects de semblables entreprises: Ils y en ont depuis enuoyé deux autres en cette preséte année 1612. pour secourir les premiers qui demurerent malades l'année passée à Constantinople, durant la grande peste qui y fut, l'air corrompu engendrant plusieurs maladies fort violentes, en emporta deux d'entr'eux, dont l'un estoit Prestre, & Picard de nation, avec vn autre qui estoit coaduateur, & frere laïc: les autres échapperent, mais il en demeura vn paralytique de la moitié de son corps, toutesfois on escrit du douziésme iout de Mars de la presente année, qu'il commence à se mieux porter: ce qui seroit à desirer pour le grand fruit que commençoit à faire ce bon pere, s'estant desia rendu la langue Grecoque du pais fort familiere, en laquelle il preschoit & enseignoit le peuple, où les Turcs prenoient, à ce qu'on dit, grand plaisir d'assister, quelques-vns monstrans auoir desir d'embrasser nostre foy Chrestienne: toutesfois pour ne contreuenir aux loix du Prince, on ne fait point paroistre qu'on ait aucune enuie de les attirer, ains on se contente de faire en sorte que les Chrestiens soient instruits & informez de la vraye Religion, & diuertis de cet ancien schisme qui les a si long-temps leparez de nous. C'est ce que j'auois à dire de cette mission, laquelle ne peut estre que de François, selon le desir de ce grand Roy qui en a esté l'auteur.

1608.

Ils s'en retournent triomphans de leurs ennemis.

Deux autres enuoyez de France au lieu des morts.

Il faut que ceux de cette mission, soient François.

Mais tandis que les peuples plus éloignez se conuertissent, la Boheme & la Hongrie se peruertissent, faisans plusieurs seditions pour faire regner leurs fantaisies, acheuans de ruiner leur pais, & employans le temps que le bien de la paix leur pouuoit donner pour se reestabli, à se reuolter contre leurs Princes, & faire cependant beau jeu à leurs ennemis, qui auoient bien durant ce temps, le moyen de bien faire leurs affaires, s'ils eussent esté portez à la guerre, comme autresfois, mais eux-mesmes faisoient aussi des seditions en l'Asie: car on dit que plusieurs meschans garnemens s'estans assemblez pres de Smirne, ville fort celebre pour la marchandise, ils entrerent dedans inopinément, & y firent vn tel rauage, que l'ayant depeuplée au long & au large, ils continuerent à piller & destruire tout iusques à Mansie, & mettoient le feu par où ils passoient: si que pour arrester cet orage, ceux des enuiron se cortiserent, & leur donnerent iusques à dix mille escus, afin qu'ils s'abstinissent de telles volleries à l'aduenir: car on craignoit qu'ils se joignissent avec les Perses, lesquels faisoient en ce temps-là plusieurs rauages, ayans mesme defait les Tartares qui taschoient de s'opposer à leur fureur.

VII.

Guerres civiles en Boheme & en Hongrie.

Sedition des Turcs à Smirne.

Vers la fin de cette année aussi 1608. le Roy Matthias de Hongrie enuoya ses Ambassadeurs à Constantinople, selon ce qui auoit esté conuenu par la paix, & aussi pour la confirmation d'icelle, à cause de son nouuel aduenement à la couronne de Hongrie, luy enuoyant plusieurs riches presens, comme au semblable il en receut du Sultan: il demandoit l'administration de la Transiluanie, mais elle luy fut refusée, & l'enseigne de Vauode enuoyée à Gabriel Battory, donnant charge au Bassa de Bude de l'establi en cette charge, auquel il manda aussi ce qui s'estoit passé en la Natolie contre les rebelles. Or durant les quereles de l'Empereur, & du Roy Matthias son frere, & les dissentions & guerres ciuiles qui estoient, tant en Boheme qu'en Hongrie, & en Autriche, les Turcs se réuellerent aussi à leur tour, nonobstant la paix qu'ils auoient avec les Hongrois, ains taschoient de surprendre quelque place: Filek entr'autres estoit à la bien-seance de ceux d'Agria, cela fut cause qu'en l'année 1609. le Bassa de cette ville tascha de practiquer André Draco qui commandoit dedans la citadelle de Filek, homme auare, & qui recherchoit plus tost son profit, que la conseruation de son honneur, & le bien de sa patrie, de sorte qu'on n'eust pas beaucoup de peine à le faire entendre à quelque compolition, si qu'il promit de remettre la place entre les mains des Turcs, moyennant 20000. Ioachins, qui valent chacun enuiron quatre liures de France: l'heure pour l'execution de cette entreprise estoit la minuit, en laquelle on deuoit mettre le feu à quelques maisons, & cependant qu'un chacun seroit empesché à esteindre le feu, Draco n'estant plus épié de personne, deuoit mettre les Turcs dans la forteresse; mais il ne peult estre si secret en ses menées qu'il ne fust decouvert: & estant apprehendé, fut executé & mis en quatre quartiers. Le Bassa de Bude s'empara aussi d'un fort grand nombre de villages, on diét iusqu'à 400. & qu'il fit prester le serment de fidelité aux habitans; toutesfois ie n'ay point leu que les Hongrois en ayent tiré autre raison, encore que sur la fin de May de l'année mil six cens dix, il fust venu à Prague vn Ambassadeur du Roy des Perses, pour persuader l'Empereur à rompre la paix, & se joindre avecques son maistre; mais il auoit assez d'affaires, tant contre son

Ambassadeurs du Roy de Hongrie à Constantinople.

Gabriel Battory Vauode de Transiluanie.

Desseins des Turcs sur Filek.

1609.

Ils corrompent le Gouverneur.

L'entreprise decouverte.

Le Bassa de Bude prend plusieurs villages.

Ambassadeur des Perses vers l'Empereur.

1609. frere que contre ses propres sujets, tout estant en diuision, mesmes en Transiluanie, où ils auoient conspiré au mois d'Auril precedent contre leur Prince Gabriel Battory, esperans de l'assassiner : mais Battory ayant decouvert cette conspiration, il en s'emourir les vns, & bannist les autres, donnant tel ordre pour espier ceux qui faisoient des menées, qu'il se rendit le maistre dans son pays.

Conspiration
contre Battory
decouvert.

Presens du
Roy des Per-
ses à l'Empe-
reur Chre-
stien.

L'Ambassa-
deur s'en re-
tourne, sans
rien faire.

VIII.

Armée des
Perles en la
Prouince de
Babylone.

Achmet y en
enuoye vne
autre à l'en-
contre.

Propos du
chef des
Turcs aux
principaux
de son armée.

ON dit que cét Ambassadeur des Perles apporta de fort riches presens à l'Empereur, à sçauoir vn topaze d'vne excellente grandeur, qu'un Roy des Indes auoit enuoyé à celuy de Perse, vne croix d'or qu'un des Roys de Perse auoit autresfois prise en Ierusalem, ornée de plusieurs pierres precieuses, entre lesquelles il y auoit vn morceau d'ambre, sur lequel se voyoit la figure de la Vierge M A R I E tenant son enfant entre ses bras, representez en sorte, comme si cela eust esté ainsi buriné par la nature : deux cousteaux de Damas, le manche desquels estoit de Iaspe, les gaines enrichies de diamants & de rubis : vn certain bois d'Inde propre à purger l'estomach & guerir les douleurs de la poitrine, du fiel de Pelican, qu'on tient estre vn prompt & souverain remede à la pleuresie, apoplexie, fièvre & autres maladies, vn topaze blanc sans aucune veine, gros comme vn œuf d'oye, vn topaze violet, si grand qu'on en pouuoit faire vn vase : vn Amethyste sans aucunes veines gros comme vn œuf commun : vn arc Persien tissé de veines de chameau, vn diamant brut & sans polisseure d'vne notable grandeur, vne pierre pretieuse pleine & de couleur blanche, laquelle pendue au col estoit comme vn tres-bon preseruatif contre la peste, vn topaze iaune sans veines de la grosseur d'un œuf de pigeon, trois vnions ou perles Orientales d'vne fort grande grosseur enrichies de trois escarboucles, & de trois diamans d'vne excellente beauré, & qui ressembloient bien leur antiquité, estimées le prix de trois mille Ioachims, finalement vne corne serpentine qu'on estime auoir de grandes vertus & proprieté : tous ces presens furent fort bien receus, & fit-on beaucoup d'honneur à l'Ambassadeur, & toutesfois il n'aduança rien de ce qu'il desiroit, & s'en retourna vers son maistre au lieu de ses presens, plein de belles paroles, qui n'eurent point d'effect.

M A I s le Sophy ne demouroit pas cependant sans rien faire : car il auoit vne grande & puissante armée en la Prouince de Babylone qui faisoit de grands ranages à tout ce qui dependoit de la domination des Seigneurs Othomans. Or comme nous auons desia dict ailleurs, c'est l'ordinaire à Constantinople depuis plusieurs années, de preparer tous les ans vne armée pour enuoyer en Perse, raffraichir celle qu'on y a enuoyée l'année precedente. A celle qui y fut enuoyée l'année mil six cens neuf, commandoit Nasuf Bassa. Cettuy-cy s'estimant bien plus habile que ses deuanciers & que leur perte estoit arriuée plustost par la lascheté ou faute d'experience, que par la valeur de ses ennemis, ne refusa point le combat.

SERA-IL dit, disoit-il aux principaux de l'armée & plus apparens soldats, que ceux-cy qui ont esté tant de fois battus, vaincus, subiuguez, que les tres-redoutables Empereurs Selim & Solyman, voire mesmes Amurath ont contrainsts de se retirer aux derniers confins de la Perse, qui ont enleué leurs principales Prouinces, pris & basti des forts dans leur ville capitale, & aux principaux endroits de leur pays, soient maintenant en possession de vaincre la nation la plus belliqueuse de la terre, qui s'est tousiours renduë inuincible, & sous qui les plus grands guerriers de l'Asie & de l'Europe tremblent, au seul recit de leur nom ? ne vangerons-nous point autrement les iniures que nos seigneurs ont receues de ces heretiques, plustost appuyez sur la reuolte de leurs infideles sujets que sur leur propre valeur ? n'en rendent-ils pas des témoignages, quand ils ont esté iusques en Boheme & à Vienne pour rechercher les Princes de leur alliance contre nous ? Mais ceux-là ont tant de fois essayé le trenchant de nos cimeterres, qu'ils ont mieus aimé conseruer la paix qu'ils ont iurée avec le Seigneur, que de s'exposer à quelque nouuelle aduantage, n'est-ce pas là faire assez paroistre leur foiblesse ? c'est-ce qui d'vne part me donne vne tres-aigre memoire des choses passées ; mais qui d'ailleurs me console, quand ie me represente qu'on nous a enuoyez icy pour soustenir la ruineuse & branlante fortune des Musulmans en ce pays : car mon cœur, tres-grand & asseuré Prophete, iusques à cette heure, m'a predit que toute la Perse est nostre, & qu'en peu de iours tout le nom Persien en estant banny, ils rempliront apres les terres & les mers d'vne honteuse, & vilaine fuitte. Il ne tiendra qu'à vous que cela n'arriue, si le soldat se rend obeyssant aux commandemens qui luy seront faits, si les chefs des compagnies se maintiennent en leur ancienne discipline, & si cessans tous en general d'auoir peur nous nous voulons ressouuenir de

ce que nous sommes. La guerre s'est nourrie & entretenue dans les entrailles de ce grand Empire depuis tant de temps, plustost par l'artifice de ceux qui estoient bien aydes de pescher en eau trouble, que par l'industrie ou valeur de l'ennemy: mais nous qui voulons faire paroistre nostre fidelité à nostre Empereur, allons à la bonne heure effacer la honte que ces traistres ont plantée sur le front de nostre nation. Ceux-cy ayans approuué son dire, & promis de faire tel deuoir, que le Sultan auroit ocaision de se contenter, il donne le signal du combat.

C'ESTOIT ce que desiroient les Perses, qui se confians sur les victoires qu'ils auoient obtenues les années precedentes, ne firent aucune difficulté de hazarder la bataille, les soldats se representans que leur querelle estoit d'autant plus iuste qu'ils venoient pour conquerir ce que ces tyrans leur auoient usurpé; aussi leurs armées auoient-elles esté tellement fauorisées d'en haut, que depuis quelques années ils estoient tousiours demeurez vainqueurs: voyla pourquoy il ne falloit pas maintenant commencer à tourner le dos, qu'ils s'estoient fiez iusques alors sur vne fourmilere de gens qu'ils ont ordinairement en leurs armées; mais qu'on auoit assez reconneu que cela leur estoit inutile, qu'ils auoient tellement perdu le cœur, que leur Seigneur qui ne pense pas que tous les Princes de la terre, soient dignes de le seruir, auoit esté contraint de faire paix avecques vn sien esclau qui s'estoit rebellé contre luy, qui luy auoit deffait plusieurs armées, & fait receuoir mille affronts, & apres auoit encore esté tout heureux de le receuoir en sa grace; qu'il ne falloit pas à cette fois rabatre rien de la gloire qu'ils auoient acquise, mais en l'augmentant par cette nouuelle victoire, se frayer le chemin à la conqueste de ce que les Turcs possedoient en l'Asie.

Et des Perses
encourageans
les vns les au-
tres.

C'ESTOIT ce que les soldats Persiens se disoient les vns aux autres, s'encourageans ainsi d'eux mesmes, animez qu'ils estoient de longue-main, pour les mauuais traitemens qu'ils auoient autresfois receus des Turcs, tandis que leurs chefs ayans dressé vne embuscade derriere des montagnes voylines de là: comme les vns & les autres furent venus aux mains, lors qu'ils estoient les plus empeschez de se deffendre de ceux qu'ils auoient en teste, ceux qui estoient en embuscade vinrent fondre sur ceux de ces montagnes, & comme à les enuoloper par derriere, & par les flancs, si que les Turcs commencerent à prendre l'épouuente. Nasuf Bassa toutesfois, sans s'estonner, veu le danger, remettoit en ordonnance les rangs qui estoient troublez & en desordre, & les soldats qui se tournoient de tous costez aux diuers cris que l'on faisoit, allant ainsi de part & d'autre encourageant les siens, & leur écriant de tenir bon & de combattre vaillamment: que ce seroit par les armes qu'ils se feroient voye au milieu des bataillons de l'ennemy, qu'ils auoient plus de crainte que le danger n'estoit grand.

Bataille en-
tre les Turcs
& les Perses
en la Prouin-
ce de Babylo-
ne.

LE bruit & le trouble estoit si grand, qu'à peine pouuoit-on entendre ny commandement ny conseil aucun, toutesfois cela ne laissa pas de seruir à leur faire tourner visage & tenir teste à l'ennemy, mais ce premier effroy auoit donné sur eux vn grand auantage aux Perses, qui poursuiuoient furieusement leur premiere pointe, si bien que les Turcs ne les pouuans forcer, & demeshuy reduits à la deffensiue, leurs ennemis firent là vn grand massacre, si qu'ils ne cherchoient plus qu'à regarder quel chemin ils pourroient tenir pour se sauuer, & tournerent les visages & la veüe aux plaintes des blesez, aux chaplis, & coups assenez sur les personnes ou sur leurs armes & aux cris que les plus vaillans & les craintifs jettoient de toutes parts, ils se trouuoient en vne merueilleuse perplexité, mais en fin le tranchant de l'espée de l'ennemy les força de mettre toute leur esperance en la fuite, & ce fut lors que le meurtre redoubla: car on dict qu'il ne mourut pas moins de vingt mille hommes en ce combat, sans le nombre des blesez: les Perses y prirent vn fort grand nombre de captifs & y firent vn tres bon butin. On tient que cette bataille fut donnée au mois de May de l'année mil six cens dix: la nouuelle de laquelle estant arriüée à Constantinople, n'y apporta pas peu d'estonnement: cela fut cause qu'Achmet fit venir le Bassa d'Halep, que les nostres appellent Gambolat, pour luy donner la conduite de cette guerre, & tascher par sa valeur de reparer cette perte. Cettuy cy estant arriüé à Constantinople, se mit en deuoir de leuer vne armée, selon le desir de son Seigneur, pour au plustost passer en Asie, mais soit qu'on eust decouuert qu'il auoit intelligence avecques les Perses, ou que ses mal-veillans, enuieux de sa gloire & de son auancement, eussent fait des mauuais contes de luy au Sultan, qui luy eussent donné quelque ombrage de cét homme, tant y-a qu'il le fit mourir.

La victoire
demeurée
aux Perses.

Nombre
des morts.

Le Bassa
d'Halep
mandé par
Achmet.

Qui le fait
mourir.

ENVIRON ce mesme temps Achmet ayant entendu que les galeres d'Espagne & du

1609.

Combat naval des galeres de Malte avec les Turcs.

Effets de la flotte du grand Duc contre les mêmes.

Remuëmens en Boheme par Leopold.

Et en la Moldaue.

Et en Transsilvanie, le tout contre Battory.

Prise de Claudiopoli par les gens du Roy Matthias sur Battory.

Fin de l'Histoire.

grand Duc de Toscane & de Malte s'estoient jointes ensemble, enuoya vne armée nauale contre eux, pour empescher leurs desseings, laquelle infesta toute la mer Mediterranée, cependant les 5. galeres de Malte, les mieux armées de toute cette mer raschoient de faire quelque bonne rencontre, comme ils firent de six grandes galeres Turquesques, lesquelles ils vinrent attaquer, là il y eut vn grand combat & fort opiniastre, mais en fin deux galeres Turques estans allées à fonds, les quatre autres se sauuerent à la rame apres auoir perdu la moitié de leurs soldats, celles de Malte firent aussi de leur costé vne notable perte de Cheualiers: la flotte du grand Duc de Toscane print la route de la Barbarie, où elle prit en vn mois quatre nauires Turquesques, saccage Bisquere, fait 800. esclaves, & deliure plusieurs Chrestiens, puis ayant par brauade passé tout contre Alger, s'en retourna par la riue Romaine à Liurne. Quant à la Hongrie, il sembloit que toutes choses deuoient demeurer en paix pour le costé des Turcs: car les Ambassadeurs que le Roy Matthias auoit cy-deuant enuoyez, estoient de retour avecques ratification de la paix; de sorte que les ostages Turcs qui auoient iusques alors demeuré à Vienne, furent transportez à Comar, & de là renuoyez vers les leurs: mais il n'en alloit pas ainsi entre eux-mesmes car Leopold cousin du Roy Matthias causa vne nouuelle reuolte en Boheme, où il print Prague: ceux de son party faisans mille maux en cette contrée. D'ailleurs Radul cy-deuant Vauode de la Valachie aydé de Petrasco qui gouernoit en Moldaue, chassa les Haiducs que Battory y auoit laissez pour la garde de cette Prouince, apres auoir mis en pieces la meilleure partie d'entr'eux, & contraignit le Gouverneur que Battory y auoit laissé, de se retirer à Constantinople.

M A I S comme desia grand nombre des Haiducs se fussent assemblez pres d'André Nage, afin que sous son commandement ils allassent ioindre leur Prince Battory, ou bien de se resprendre dans la Hongrie & y faire leurs rauages ordinaires, le Palatin Fergatse aduertie de ce dessein, assemblea le plus de Hongrois qu'il luy fut possible, & vint presenter le combat à Nage: mais comme les deux armées fussent vis à vis l'une de l'autre, Fergatse demanda à parlementer avecques le chef du party contraire: ce que l'autre ayant accordé, il luy representa l'inconstance des Haiducs depuis le temps de Botscie, qui sans arrest ny fidelité, prenoient le premier party qui leur estoit le plus agreable: & que maintenant qu'ils n'auoient appuy que de luy, il ne voulust pas estre la cause de la ruine de son pays: si bien que Nage gagné par ses raisons, luy jura d'estre d'oresnauant fidele au Roy & au Royaume. Radul cependant poursuiuoit sa victoire, & estant entré avec vne belle armée dans la Transsilvanie, il liura la bataille à Battory pres de Constad, en laquelle Battory fut defait & ses gens taillez en pieces, estant contraint de se retirer à Hermestad, où estant, soit de fureur, ou pour ce que ceux de cette ville eussent quelque intelligence avecques ses ennemis, il fit mourir plus de cent des principaux citoyens, ce qui luy engendra vne haine par toute la Transsilvanie: dequoy estant aduertie Fergatse, & qu'il estoit à propos de se tenir prest durant l'occasion, & que les peuples estoient tous portez à la reuolte, vint d'un autre costé dans la Transsilvanie, où ayant pris quelques bourgs & chasteaux, il vint assieger Claudiopoli, qu'il assaillit avecques vne telle violence, que ceux de dedans n'estans pas bastans pour resister à l'impetuosité des siens, le vingt-cinquesme iour de Iuliet mil six cens vnze, ils jurerent fidelité au Roy Matthias, Battory estant demeuré à Hermestad, attendant quelque secours des Turcs. Voila ce qui est venu à nostre connoissance de ce qui s'est passé depuis qu'Achmet se sied sur le thrône de ses peres, nous attendons que le temps nous en apprenne dauantage, & nous éclaircisse du passé: estans arriuez iusques à la fin de l'an de grace mil six cens vnze, de l'Egire 1017. & selon les autres 1019. & de son regne le huictiesme: seant au saint Siege Paul V. en l'Empire Rodolphe, & regnant en France Louys XIII. du nom.



CONSIDERATIONS SVR LES
ACTIONS PLUS SIGNALEES D'ACHMET
premier du nom, dix-huictiesme Empereur des Turcs, jusques en
l'an 1612. contenuës en ce dix-huictieme & dernier Liure de l'Histoire
des Turcs, par lesquelles la Iustice & Prouidence de DIEU peu-
uent estre remarquées.



Et ceil infiny que disoit Orphée, ou plustost ce pere des lumieres, que
disoit l'Apostre, lequel sans trauail & sans peine illuminé tout ce grand
monde par sa diuine assistance, faisant rayonner ses diuines faueurs sur
ses creatures, selon qu'il connoist leur estre necessaire pour leur plus
grand bien. Ce grand seigneur, dis-je, qui est venu de Sinai pour se-
cours son peuple, estoit party de Seir, & auoit apparu en la montagne
de Pharan, assisté de plusieurs milliers de saincts, ayans en sa main
droitte vne loy de feu, disoit Moyse au commencement de la benediction qu'il donna au
peuple d'Israël: ce qui me semble fort à propos pour les presentes Considerations. Car en
ce dernier siecle, combien de victoires la sainte Eglise a-elle obtenues contre l'Idolatrie
aux terres nouuellement decouuertes? contre les Schismatiques en la Grece, contre les He-
retiques en l'Europe & en tous ces lieux contre l'atheisme & le libertinage, qui a aujour-
d'huy le plus de cours & le plus de vogue par l'Vniuers? & cela n'est-ce pas estre venu de
Sinai cette montagne sainte, en laquelle nous receuons la loy qui nous doit conduire en
la terre de promission?

Deuier. 34.
Vers. 2.

MAIS il est party de Seir & a apparu en la montagne de Pharan, qui ne le void? les
guerres ciuiles du Basila d'Halep, & les victoires de Perse n'en rendent-elles pas témoi-
gnage? n'estoient-ils pas venus d'Edom & d'Ismaël, tous ensemble infideles & capitaux en-
nemis du peuple de DIEU? ne rendoient-elles pas vn témoignage asseuré aux Chrestiens
qu'il venoit à leur secours assisté de plusieurs milliers de saincts, quand il permettoit que
ces puissantes nations se destruisissent ainsi les vnes les autres, & sur tout que les Turcs, ia-
dis si redoutable nation à tout l'Vniuers, fust alors reduitte à la desensieue, & ce encore
auec de tres-grandes pertes, si bien qu'il ne tenoit qu'aux Hongrois & à leurs voisins qu'ils
ne fissent bien leurs affaires, s'ils se fussent bien entendus; mais tout au rebours, n'ayans
que l'ambition & leur propre interest en recommendation, ils s'amuserent à faire des li-
gues les vns contre les autres, tantost sous pretexte de partages entre Grands, tantost sous
celuy de la Religion, vn autre pour le bien public & la liberte du pays, n'y ayant toutesfois
en tout cela ny iustice, ny pieté, ny charité, toute cette belle saison se consumma non seule-
ment inutilement, mais encores donna moyen à leurs ennemis de recouurer vne parrie de
ce qu'ils auoient perdu, & cela tres-iustement: car le Tout-puissant a en sa main droite
vne loy de feu, d'amour & de charité, pour illuminer & pour donner courage & tout ay-
de à ceux qui voudront marcher sous son enseigne: comme au contraire ce feu se deuoit
conuertir en ruine & destruction, en honte & ignominie à ceux qui auroient méprisé sa
Grandeur: & de fait les Chrestiens s'estimerent bien-heureux apres auoir perdu de tres-
bonnes places, lesquelles leur auoient cousté tant de sang à recouurer, & pour lesquelles
ils auoient esté si miraculeusement assiste, de faire paix avecques leurs ennemis, faisans
grande ioye & grande feste à Comar & par toute la Hongrie & l'Austriche, au lieu qu'ils
deuoient respandre mille larmes, pour auoir esté leurs affaires en tel estat, qu'ils pou-
uoient forcer leurs ennemis à leur demander le feu & l'eau.


QUELLE misere encores, que la Transsilvanie qui auoit si heureusement secoué le joug del'Empire Othoman, pour s'y remettre plus auant qu'elle n'estoit auparauant, ayt esté rechercher son secours, & aymé mieux, les vns pour s'agrandir, les autres pour se vanger, souffrir l'esclavage & toutes sortes de miseres, piller & ruiner eux-mesmes leur pays, que de se maintenir en paix sous l'obeissance de ceux à qui ils s'estoient volontairement donnez; mais ce iuste Iuge qui ne laisse rien d'impuny, sceut bien prendre au passage Botscaie, qui estoit le chef des rebelles & des seditieux, permettant qu'il fust empoisonné par celuy en qui il auoit toute confiance: mais encores de l'auoir pris en vne saison où il l'esperoit le moins: car si ce Chancelier l'eust empoisonné auparauant qu'il eust fait la paix avecques l'Empereur, sa mort eust osté alors toute occasion de reconciliation; mais cela arriuant apres, c'estoit prendre le chastiment en son temps de celuy qui l'auoit bien merité, pour les grands maux desquels il auoit esté cause, qui est vn traitt de la Prouidence eternelle fort remarquable, comme encores celuy de sa Iustice, en la punition du Chancelier.

NE fut-ce pas encore vn grand mal-heur, que les quereles des deux freres, l'Empereur à sçauoir, & son frere l'Archiduc, & qui donna grand sujet aux seditieux d'exerciter leurs meschans desseins contre toutes ces pauures & desolées Prouinces, chacun voulant tirer à soy, tandis que l'ennemy faisoit ses affaires: il est vray que ceux-cy ne commencerent à se destruire, qu'apres auoir fait la paix avecques l'ennemy: mais cela n'estoit-il pas encores plus pitoyable de sçauoir que la cause de cet accord, auoit esté pour les grandes affaires que les Turcs auoient lors sur les bras, & non pour desir de viure en repos, avecques intention qu'à la premiere occasion qui se presenteroit de bien faire leurs affaires, & de ne pas épargner ceux à qui ils faisoient si bon visage, sçachans bien qu'ils feroient assez de fautes pour se plaindre & pour couvrir leur infidelité: car en cela le rossignol ne manque iamais de chanson. Ceux-cy, dis-je, au lieu de se munir de tout ce qui est necessaire pour la guerre, & d'épargner leurs hommes pour opposer aux desseins de leurs ennemis, dissipent comme des prodigues, toute leur substance, & trempent les mains dans le sang de ceux qui deuoient estre en vn besoin le bouleuert & la deffence de leur patrie. Quoy que ce soit, on void clairement qu'il n'a tenu qu'à eux qu'ils n'ayent tres-bien fait leurs affaires, & que si les Turcs ont regagné quelques places, cela est arriué plustost par la negligence, l'ascheté, malice & trahison des autres bien souuent, que par leur propre valeur, laquelle sembloit leur auoir esté ostée depuis plusieurs années: si que le plus souuent ils ont esté vaincus, lors qu'ils deuoient vaincre, & ont fuy quand ils deuoient mettre en fuitte. Mais pour reprendre tousiours la premiere maxime par laquelle nous auons commencé les Considerations sur cette histoire, c'est que rien ne s'est fait en l'establissement de cette Monarchie Turquesque, sans vne tres-grande Iustice & Prouidence admirable, qui a osté à ceux-cy ce qu'ils estoient indignes de posseder, & l'a donné aux autres qui les ont sceu rigoureusement chastier du mépris qu'ils auoient fait de sa Majesté.

LESQUELS toutesfois n'ont pas laissé de sentir ses verges, quand ils se sont éloignez de leur deuoir, bien que non si rigoureusement, pour l'autre raison qui a esté ditte ailleurs, à sçauoir qu'ils n'ont pas tant receu de grace, & ainsi semblent en quelque façon auoir aussi moins d'obligation, joint qu'ils n'aspirent qu'aux grandeurs & aux voluptez de la terre, & cela selon leur loy, au contraire des Chrestiens, qui disent ne desirer que le ciel, les joyes & contentemens d'un Paradis, ainsi que leur loy leur commande, & neantmoins font tout autrement qu'ils ne parlent: mais afin qu'on voye tousiours que le grand DIEU n'est point accepteur de personnes, si tost que les Turcs ont decliné de leur deuoir, aussi ont-ils diminué en bon-heur, & ont souffert maints chastimens, tant du ciel que de leurs voyfins. Voyez ce qu'ils ont perdu souz les Empereurs precedens pour leurs vices: ils ont continué encore sous cettuy-cy: car son enfance, qui sembla du commencement estre conduite par l'esprit de son predecesseur & les Magistrats & gens de guerre eleuez durant les debauches de ces voluptueux Princes, ne pouuoient pas estre autres que de l'humeur de ceux qui leur commandoient; car on dict que les Prouinces se conforment sur le modele de leur Prince, si on n'aime mieux dire que les Princes nous font donnez d'en-haut, selon les inclinations des peuples, lesquels se retenoient de faire paroistre en dehors ce qu'ils cachotent en leur interieur, & qu'ils commettoient en leur particulier, mais quand le Prince y est adonné comme eux, alors ils se licencient de tout faire, l'hypocrite estant si ennemy du ciel, que quoy qu'il tarde, il faut à la fin qu'il paroisse ce qu'il est, ainsi ont esté aux Turcs Babylone, Tauris, & presque toutes leurs conquestes, qu'ils auoient faites sur les Perses iusques alors, pour les remettre entre les mains de leurs anciens possesseurs qui les meritoient

meritoient mieux que ceux qui les auoient vsurpées.

C'EST toutesfois le commencement d'un grand declin à l'Empire Othoman, qui sembloit auoir reünny en soy les quatre grandes Monarchies du monde, l'Assyrienne, la Per-sienne, la Grecque & la Romaine, car il tenoit Babylone & toute la Caldée & le païs des Medes, il tenoit Tauris, siege Royal des Perses, aussi celebre en ce temps que iadis Suze, & Ecbatanis: la Grece luy obeyssoit, & Constantinople nouvelle Rome, & en laquelle auoit esté transferé le siege Imperial, luy donnoit le tiltre d'Empereur, outre grand nombre de Prouinces qu'il a conquises, qui souloient dépendre de l'Empire d'Occident, depuis que l'Empire Romain fut diuisé. Or sous les quatre derniers Empereurs Turcs, leur Monarchie s'est trouué fort ébranlée, si leurs ennemis eussent sceu aussi bien vser de leurs victoires, comme ils auoient eu le pouuoir de vaincre: car sous Selim, Constantinople n'estoit-elle pas aux Chrestiens, si apres la bataille de Lepante ils se fussent seruis de leur bon-heur, ou plustost de la faueur qu'ils auoient receu du ciel? n'estoit-elle pas abandonnée de son Empereur & luy mesme en telle crainte, & tout son Estat si troublé, que si les Chrestiens eussent poursuiuy leur pointe sur cette épouuente, la moindre disgrace qui luy fust arriüée, n'estoit-elle pas suffisante pour leur faire abandonner l'Europe, comme ont remarqué tous ceux qui estoient pour lors dans le pays, & auoient vne particuliere connoissance de cét Estat. Mais quelles disgraces n'ont-ils point souffertes sous Amurath en la Hongrie, & depuis encores sous Mahomet: tous les peuples (ie parle de ceux qui courboient le ioug sous leur domination) n'estoient-ils pas portez à la reuolte? Et bien, Amurath auoit conquis quelques places cependant en l'Asie, basty des forts par tout, & iusques dans la capitale de son ennemy; mais voicy que tout se perd sous Mahomet & sous Achmet, les Perses n'ayans pas fait comme les Chrestiens: car ils ont poursuiuy viement leur ennemy, & ne l'ont point laissé en paix qu'ils n'ayent reconquis ce qui leur auoit esté osté: au commencement il sembloit que les Perses redoutassent les Turcs & ne les osassent attendre à la campagne depuis ces grandes deffaites qu'ils auoient souffertes sous Ismaël Sophy, mais maintenant la chance est tournée: car ils les viennent attaquer iusques sur leur pallier, si qu'on pourroit faire aux Turcs la mesme reproche que iadis Antalcidas faisoit à Agesilaus, qui retournoit blessé d'un combat qu'il auoit eu contre les Thebains, qu'il receuoit à sçauoir le salaire qu'il meritoit, pour leur auoir enseigné malgré eux à combattre: car les Perses sont deuenus beaucoup plus belliqueux qu'ils n'estoient auparauant, s'estans dressés & exercez aux armes par les continuelles inuasions des Turcs; de sorte que par ce moyen la sagesse eternelle a osté tout sujet de plainte & de murmure aux Chrestiens, pour les prosperitez de la Monarchie Othomane: car nous l'auons veü en ces dernieres années trauersée de toutes parts, & ne subsister que par la negligence, ou plustost la mauuaise intelligence de ses aduersaires, qui ont mieux aimé se ruiner les vns les autres que de se prester la main, & s'unir tous ensemble pour la ruine de leur commun ennemy. Quoy que c'en soit, on a veu iusques a present reluire & reluire encores eternellement vne tres-grande Prouidence en tout l'establissement del'Empire Turquesque, avecques vn chastiment & punition aussi notable de celuy des Grecs, qu'autre qui soit arriüé par l'Vniuers: PLAISE à la bonté & misericorde infinie du Souuerain Monarque, que tout ainsi que le schisme & les autres erreurs qui les desvnirent d'avecques nous, furent vne des principales causes de leur misere, que leurs detestables voluptez rendirent apres toute déplorable, que maintenant qu'on trauaille à leur reünion, elle facilite le moyen à ceux qui leur commandent, de reconnoistre & d'adorer celuy à qui le Pere a donné toute puissance au Ciel & en la terre, & avecques ce saint desir ie finy ce discours & ce mien labeur, au temps que l'Eglise vniuerselle celebre la Mission du saint Esprit, ce que ie feray apres auoir rendu graces à sa Hautesse, pour m'auoir donné lumiere parmy les tenebres d'une telle confusion que celle qui se trouue dans la Continuation de cette Histoire.



T A B L E
DES MATIERES PLUS
MEMORABLES CONTENUES EN CETTE
HISTOIRE DES TVRCS.

A



- A** C C A N G I chevaux legers Turcs qui vont à la guerre sans soldé. [48](#)
- A** C H M E T I. Achmet s'approche de Constantinople, où son pere communique avec luy de son conseil. [327](#)
- Achmet tiré contre son esperance du danger, reconforte les lanissaires. [293](#). sa prudence. [294](#). Bajazet le fait mourir avec son neveu, fils de son frere Zizin.
- Achmet grand amy des Chrestiens. [326](#)
- A è t e genereux d'Amurath plus redouté par les Hongres que la grandeur de ses forces. [261](#)
- A è t e genereux de Moysé. [82](#)
- A è t e malheureux d'un Gentil-homme Venitien. [195](#)
- A D V I S.
- Aduis sage de Scanderberg. [155](#)
- Aduis de Lauretan à Mocenique General des Venitiens. [154](#)
- Aduis du Turc Thaut qui suivoit le party des Chrestiens. [159](#)
- Aduis sage & prudent pour vne domination nouvelle. [16](#)
- Aduis mauvais de Bajazet II. cause de la ruine de son pays. [302](#)
- Adultere & fol amour de Sandal avec vne Florentine, luy est cause de grands maux. [214](#)
- Aladeul refuse la bonne fortune. [302](#)
- Albanois deffaits par Thuracan deuant Argyropoline. [116](#)
- Albanois se rebellent contre Amurath & élisent Depas pour leur chef. [116](#)
- Albanois deffaits par les Turcs. [112](#)
- Albanois habitoient jadis la Macedoine. [15](#)
- Albanie pays presque inaccessible. [303](#)
- Alcoran ou Alfurcan, c'est à dire amas & collection de preceptes. [60](#)
- Alep anciennement Epiphanie. [66](#)
- Alliance de la maison d'Anjou avec celle des Vrsins. [122](#)
- frere d'Alphonse appelé au Royaume de Navarre, par le mariage de l'heritiere d'iceluy. [122](#)
- Alphonse Roy de Naples fait chef de l'armée de mer du Pape contre les Turcs. [185](#)
- ville d'Amastre prise des Turcs par composition. [127](#)
- A M B A S S A D E U R.
- Ambassade de l'Empereur Iean Paleologue au Pape Eugene. [127](#)
- Ambassade hautaine de Tamerlan au Souldan du Caire. [65](#)
- Ambassade ridicule de Martheza Seigneur de Precop en Pologne. [321](#)
- Ambassade de Tamerlan à Bajazet. [49](#). sa responce.
- Ambassade des Venitiens vers Bajazet pour la paix. [306](#). responce de Bajazet.
- Ambassadeurs Venitiens vers Mahomet pour demander la paix. [249](#)
- Ambassadeur d'Usunchassan vers les Venitiens. [249](#)
- Ambassadeurs des Perles aux Venitiens, leurs presens au Roy de Perse. [150](#)
- Ambassadeurs de Perse vers Bajazet pour redemander Imirze qui s'estoit retiré vers luy. [311](#). pourquoy Bajazet le retenoit. [128](#)
- l'Ambition est le fléau de l'univers. [288](#)
- Amour pitoyable de deux peres envers leurs enfans. [26](#)
- Amour grand que les soldats du Sophy luy portent. [319](#). ils l'honorent comme Dieu. [320](#)
- ce que peut l'Amour sur toutes sortes d'âges. [42](#)
- A M U R A T H I.
- Amurath I. Empereur des Turcs fait de belles choses à son arriuee à la Couronne. [21](#)
- Amurath I. deffait les Bulgares & puis le Sufman. [22](#). Il entreprend vne forte guerre pour la beauté d'une Princesse Chrestienne. [21](#). il est imitateur du grand Cyrus. [23](#). son stratageme semblable à celui d'Annibal à la bataille de Cannes, là meisme: sa harangue pleine d'artifice pour animer les gens au combat contre les rebelles. [12](#) meisme.
- parole superbe d'Amurath I. à l'Empereur de Constantinople: sage responce de l'Empereur. [23](#)
- Amurath tanse Emanuel de fort bonne grace. [26](#). sa responce breue & sage.
- Amurath bat & assaut en vain Constantinople. [110](#). sa diligence extreme. [111](#)
- Amurath est Empereur paisible apres s'estre deffait des deux Mustaphas. [110](#) meisme.
- Amurath espouse la fille de Despote de Bulgarie. [113](#)
- Amurath leue le siege de Belgrade. [115](#)
- voyage d'Amurath contre le Caraman. [126](#)
- Affaires d'Amurath en Asie. [141](#)
- grand heur d'Amurath de repasser si facilement en Europe. [141](#)
- Amurath prest à tourner le dos sans la reprimende queluy fit vn simple soldat. [145](#)
- Amurath espouuenté de Iean Huniade leue le siege de deuant Croye. [156](#)
- Amurath se demet del'Empire pour se retirer en solitude, dont il se repent apres. [154](#)
- Andrinople iadis fondée par Oreste fils d'Agamemnon. [17](#). prise par les Turcs d'une estrange façon. [18](#)
- Andronic mit son pere & son frere en prison fort cruelle. [35](#)

Table des Matieres.

Andronic & son fils demeurent à la suite de Bajazet.	35
Angorie, anciennement dite Ancyre.	70
Appointement du Cataman avec Amurath.	114
Appointement des Hongres avec les Turcs. 137. qui fut incontinent rompu.	117
Appointement des Venitiens avec les Turcs.	97
Approches d'Amurath devant Croye.	155
ville d'Argos prise par les Turcs.	47
ville d'Argos recouverte sur les Turcs.	130
Arabes tributaires de Tamerlan.	58
Argyropolis assiégée par les Albanois.	116
Arianis fils de Comnene s'estant rendu à Amurath, se rebelle contre luy.	115
A R M E E.	
Armée de Mechmet à la prise de Valaquie.	211
Armée de mer des Venitiens contre le Turc.	230
Armée d'Amurath de 150000. hommes, & son ordonnance pour venir au combat.	157
Armée de mer des Chrestiens pour aller saisir le détroit del'Hellepont.	139
Armée de mer Turquesque contre les Venitiens.	96
l'Armée de Tamerlan contre Bajazet estoit de huit cent mille hommes.	68
Armée grande de Bajazet second en Moldaue. prend Chilium & Moncaltre. Ravages que font les Turcs en Moldaue.	296.
Armée puissante de Mahomat contre le Persan. 250 puissante Armée navale des Venitiens au secours de Negrepont, sans effect.	248
l'Armée Chrestienne prend Cephalonie sur les Turcs.	308
Armée de Mechmet à l'entreprise de la Bosnie.	223
Armée de Mahomet en Natolie.	276
Armée grande des Hongres, & leur mauvais ordre.	304
Armée troisième de Bajazet second enuoyée en Egypte.	298
Armée quatrième de Bajazet contre les Egyptiens.	302
Armetius tres-renommé Pilote, ayme mieux estre scé par le milieu, que de renoncer à la Religion Chrestienne.	305
limites d'Arragon.	123
Atriba prise d'assaut par les Turcs.	192
Arsenal de Venise le plus beau du monde.	95
Articles de la paix d'entre le Prince Thomas & Mechmet, laquelle fut rompue aussi-tost.	200
Artifice de Hali Bassa pour remettre Amurath en son Estat.	255

A S S A U T.

Assaut à Belgrade, où les Turcs entrent dedans sont repoulléz par les Chrestiens.	115
Assaut de Troye, où les Turcs sont repoulléz.	156
Assaut de Scutari, & le courage des Turcs en iceluy. 256. sont poursuivis par les Scutariens avec grande perte. là mesme.	256.
Assauts donnez à Negrepont, & les Turcs repoulléz.	245
Atheniens faisoient mourir les condamnez avec du jus de Ciguë.	121
Attringuen belle cité entre Trebizonde & la Natolie.	35

B

B A I A Z E T I.

B ajazet puisné succede à l'Empire de son pere, & fait estrangler son aîné	34
Bajazet au commencement de son Empire fait paix	

avec les Grecs.	34
Bajazet depose les Princes Turcs de l'Asie.	36
Bajazet aymoît extrêmement la chasse, & la volerie.	36
course de Bajazet en Thessalie.	36
occasion qu'eut Bajazet d'assiéger Constantinople.	41
Bajazet grand ennemy du nom Chrestien. 49. pourquoy il estoit surnommé Hildrin.	49
l'infortune de Bajazet regala bien l'avancement de l'Empire des Turcs.	51
Bajazet en grande affliction de son fils Orthobules massacré par Tamerlan.	63
Bajazet se met en fuite, ce qu'il n'auoit iamais fait.	71
Bajazet pris & mené à Tamerlan.	71
la principale femme de Bajazet fille du Prince des Bulgares menée captive à Tamerlan, avec tous les enfans de Bajazet.	72

B A I A Z E T II.

Bataille premiere de Bajazet contre son frere. 189. Zizin encourage les siens, Acomath pour le party de Bajazet anime les soldats au combat. Histoire notable d'Acomath, & de Bajazet, là mesme. Victoire d'Acomath contre Zizin qui s'enfuit & se retire vers le Soldan du Caire. 290. le Cataman se joint à Zizin, & pourquoy. Seconde bataille de Zizin contre les forces de Bajazet. Grand carnage des Ziziniens. Zizin se retire à Rhodes, là mesme.	189.
crainte de Bajazet pour Zizin, 291. lequel promet secours contre les François.	291.
desseins de Bajazet contre les Janissaires. 294. se declare à ceux de son Conseil. Se veut desfaire de tous les Janissaires. Les Mythologes s'opposent à ce dessein, & leur remontrance à Bajazet. Il change d'entreprise, là mesme.	294.
Bajazet second visite les Prouvinces d'Asie apres sa victoire. 292. appaise la sedition des Janissaires. autre arrivée de Bajazet II. contre les Egyptiens. 297. Temur Chef des Egyptiens anime les soldats contre les Turcs, là mesme.	292.
remontrance du Beglierbey de l'Europe, à son arrivée contre les Egyptiens, là mesme.	297.
Bajazet s'appelle le Bassa Daurau plus beau de ses conquêtes, & pourquoy.	298
Bajazet premier auoit cinq gendres.	302
Bajazet porte les desseins contre la Hongrie, & contre les Albanois.	303
Bajazet II. minute la guerre contre les Venitiens, & les raisons.	304
Bajazet retient les plus grands aupres de luy. Les gagne par presens, & leur fait prester le serment.	326
assemblée de Bajazet pour consulter des moyens d'establir Achmet malgré les Janissaires, là mesme. Harangue du Beglierbey de Romelie en cette assemblée. 327. ils eurent tous beaucoup de courage en ce Conseil, mais il ne leur dura guere. Resolution d'iceluy, là mesme.	327.
Bajazet enuoye de l'argent à Achmet.	331
conseils de Bajazet à son fils se separant de luy. 335. est empoisonné par son Medecin. 336. le Medecin se retire vers Selim, qui luy fit trancher la teste, là mesme. richesses que Bajazet emporta quant & soy. 335. son partement de Constantinople, là mesme.	335.
Barcelonne ville gouvernée en forme Aristocratique.	113

Table des Matieres.

Bassa Haly prend la fuite mal à propos. 301. est contremandé par Bajazet.

camp des Turcs en possession des Maures. 301

le Bassa Herzecogli mené en triomphe au Caire. 298

Bastimens de Bajazet 2. à Andrinople. 296

BATAILLE.

Bataille entre les Turcs & les Bulgares, où Amurath fut tué. 29. diverses opinions de sa mort. Son Elog.

Bataille de Creueccœur, où les François furent défaites par les Anglois. 45

Bataille de Tamerlan contre les Tartares. 65

Bataille entre Pirampur & Trochier. 75

Bataille entre Musulman & Moyse. 81. Musulman prend le camp de Moyse. Se sauve à la fuite.

trahison des Bulgares envers Moyse. 81

Bataille entre Moyse & Mechmet, où cetuy-cy fut rompu. 86

Bataille nauale entre les Venitiens & les Turcs au destroit de Galipoli. 97

Bataille de Varne. 144

Bataille de Cosobe entre Amurath & Iean Huniade. 153

Belgrade assiégée par les Turcs. 181. assaut du Turc. Ruse de Huniade. 182

Bernardin Calinio canonisé en Italie. 184

Bataille entre le pere & le fils. 225

Bataille de Patras. 243

Bataille de Lisonce. 261. l'embuscade d'Alibeq oste la victoire des mains des Chrestiens. Les Turcs victorieux font grand massacre des Chrestiens, là mesme.

Bataille des Turcs contre les Egyptiens, où les Turcs sont vaincus. 296

Bataille des Turcs tant contre Aladul, que contre les Egyptiens. 302

Batterie du Turc cõtre Constantinople, plus espouuenteable que dangereuse. 109

Begherbey sont Colonels de la caualerie Turquesque. 109

Bessarion & Isidore faits Cardinaux au Concile de Florence. 129

Blanche bastarde du Duc de Milã, mariée à Sforce. 131

Bombarde merueilleuse. 169

Bonté & pieté d'Emanuel fils d'Andronic. 18

pays de la Bosnie voisine de l'Esclaunie, fait tributaire au Turc. 115

Bresse assiegée par l'armée Venitienne, mais en vain. 130

Brigues & remuemens du Peloponese contre Amurath. 138

Bulgares deffaits par Solyman. 17

Butin d'Ænus apporté à Negrepont. 243

Brenezes en credit aupres de Bajazet, pour luy auoir donné vn conseil à propos. 41

Bruit de la guerre de Hongrie fait decamper Solyman de deuant Scutari. 257

C

Adets entre les Othomans se font le plus souuent emparez de l'Empire. 11

Calchis ville capitale de Negrepont, & sa situation. 244. sa fortification.

Caloian enuoyé au Turc l'un de ses enfans pour resoudre aupres de luy, & le seruir en ses guerres. 28

Caloian & Emanuel eschappent de la prison. 35

Canais General des Venitiens banny à perpetuité par la Seigneurie. 248

le Canon cause le desordre en l'armée des Perses. 151

Cinquante-cinq pieces de Canon deuant Negrepont. 245

Canoniers de Mechmet estoient Chrestiens. 169

Capha anciennement dicté Theodosie, Colonie des Geneuois pillée par les Tartares. 126

Capitulation des habitans de Clytie avec le Bassa Machmut. 214

Caraman ennemy perpetuel de la maison des Othomans. 154

Caras Beglierbei de l'Europe tué. 144

derivation du mot Cardinal. 129

le Cardinal Isidore estant pris au sac de Constantinople, s'eschappe. 174

nombre ordinaire des Cardinaux. 133

Carminiola conuaincu de trahison est executé à Venise. 131

Carminiola Chef de l'armée Venitienne. 130

les Casselbas volent vne Caramane, cause de leur ruine. 315. punition qu'en fit le Sophy. Leur origine. là mesme.

ville de Castrie prise d'assaut par les Janissaires. 201

Catacuzene despoüille son pupille. 15

pays & maison de Chalcondyle authent de ceste Histoire. 139. son pere fut mis prisonnier par Amurath.

Charlemagne deliure l'Espagne del'oppression des Sarrazins. 44. sa magnanimité. Rend aux Princes Espagnols les pays par luy conquis sur les Infideles là mesme.

Charles Tochiano conquiert l'Epire & l'Acarnanie. 99

Charles Tochiano espouse Raboide seconde fille de René Duc d'Athenes. 100

Chastiment de pere conforment à l'impiété des fils. 25.

Cité de Chatai fondée par les Massagetes. 61

opinion de Chazan Bassa sentant son courtisan & flatteur. 134

Cheri ville capitale de tout l'Empire de Tamerlan. 61

Cheualiers de Pruse autrefois d'un tres-grand pouuoir. 62

Cheualiers de trois sortes principales en la Chrestienté, instituez pour repousser les Infideles. 62

Chrestiens appellez Nazareens parmy les Turcs. 47

Chrestiens gagnent l'artillerie des Turcs. 181

train merueilleux de Chiens & d'oyseaux à la suite ordinaire de Bajazet. 72

Cimeterres des Turcs plus empeschans & mal-aisez à manier que les espées des Chrestiens. 144

la Circoncision des Turcs la plus grande de leurs ceremonies. 186

Circoncision en vsage aux Mahometans. 59

Clarence anciennement dite Cyllene. 112

Clazomene pillée par les Chrestiens. 249

Closture de l'Isthme refaite par les Venitiens. 231

Closture de l'Isthme plus dommageable aux Grecs, que commode. 150

ville de Clytie & sa situation. 214

Colloque des Latins avec les Grecs à Constantinople. 230

Colonies des Turcs en la ville des Scopiens. 34

Colonies des Turcs en Europe. 48

COMBAT.

Combat entre la Hongrie & les Turcs, où les Chrestiens ont du pire. 160

Combat naual entre les Turcs & Venitiens auantageux aux Turcs. 306

Table des Matieres.

Confederation de Mechmet avec l'Empereur de Constantinople.	85
Complot des Turcs contre Vladus qui réussit à leur ruine.	210
Concile de Mantoüe.	185
CONQUESTE.	
Conqueste du pays d'Achaye par les Turcs.	202
Conquestes des Turcs en la Carabogdanie.	295
Conquestes de Mahomet.	59
Conquestes de Homar.	60
Conqueste de la Chersonese Taurique, & pays circonuoin par les Turcs.	173
Conquestes finales du Peloponese par le Turc.	201
Conqueste de la Caramanie, & l'extermination de tous les Princes de la race des Caramans.	295
Conquestes d'Amurath en Europe.	17
Conseil de Thuracan trop tiede pour vn homme de guerre.	135
Conseil sage de Charatin à Bajazet, qui le rejette.	69
Constance magnanime de la fille du Gouverneur de Negrepont.	248
Constantin Paleologue prend le Chasteau de Patras, apres auoir demeuré vn an deuant.	213
Constantin surnommé Dragoses huitiesme de ce nom, dernier Empereur de Constantinople.	163
Constantin VIII. fut dernier Empereur de Constantinople.	133
Constantinople assiegée dix ans durant par les Turcs.	42
Constantinople alliée & confederée de tout temps à la Couronne de France.	43
Contumelie de Tamerlan enuers Bajazet.	72
la Conuouise du pillage auant la victoire entiere, fait souuent perdre les batailles.	124
Corchut fils de Bajazet second, nommé Empereur à la place de son pere.	288
Corchut renuoyé par Bajazet en son Sanjacet.	314
aduertie Selim des desseins de son pere, demande secours en Egypte.	là mesme.
Corchut fils de Bajazet <u>arriue à Constantinople.</u>	332
estoit particulierement animé contre Achmet. Les lanissaires luy viennent au deuant. Son pere luy commande de se retirer. Les lanissaires deuenus souverains le font demeurer. Intention de Corchut. Cause de son arriuée à Constantinople, là mesme. est porté à l'estude.	333
les lanissaires le refusent. Ils s'accorde au temps, & change de langage. Thresors que Bajazet enuoyoit à Achmet pris par luy. Il en fait largesse aux lanissaires. Il va au deuant de Selim, & ces deux freres se saluent à cheual.	là mesme.
ville de Corinthe assiegée par Mechmet, qui la reconnoist luy mesme.	191
Corinthe en vain assiegée par les Venitiens.	231
Courroux de Bajazet contre ses Bassas.	314
Coursaires Espagnols en la mer du Leuant.	218
COVRSE.	
Course & degasts des Turcs en la Bosnie.	191
Course des Turcs dans le Peloponese.	226
Courtes des Bulgares iusques aupres de Constantinople.	16
Courtes des Turcs en Hongrie.	269
Courtes de Mocenique General <u>des Venitiens.</u>	249
Courtes des Chrestiens sur les terres du Turc.	ibid.
l'armée Chrestienne deuant Sathalie.	ibid.
Courtes des Turcs dans le Peloponese.	168
COSTUME.	
Costume des Turcs de faire feux par tout leur	

camp deux iours auant que de donner vn assaut en vne bataille.	148
Costume des Turcs semblable à celle des anciens Perles.	186
Costume des Seigneurs Othomans de se loger au milieu de leur armée.	321
Costume des Turcs touchant le diuorce.	50
Costume des grands Seigneurs d'Asie d'enuoyer en present vne robbe à ceux qui sont moindres.	49
Cortou prise par Rogier.	180
CRAVATTE.	
Cruauté sur cruauté d'Amurath.	150
Cruauté de Mechmet enuers des soldats Italiens.	200
Cruauté de Tamerlan enuers Orthobules fils aîné de Bajazet.	67
Cruauté execrable d'Ismaël Sophy.	270
Cruauté de Mustapha.	107

D

Dauidio Ambassadeur de Bajazet second receu benignement du Duc de Mantoüe.	299
Dauur empoisonné par le commandement de Bajazet.	303
Decadence de l'Empire de Constantinople.	106
Declination de l'Empire de Constantinople, & l'accroissement de celui des Turcs.	5
les Delices font perdre toute bonne occasion.	258

DEFFAITE.

Deffaitte des Perles par Mustapha fils de Mahomet.	250
Deffaitte d'Alexis d'Acugin.	243
Deffaitte entiere des Hongres.	161
Deffaitte des Valaques proueuë de leur temerité en l'absence de leur Chef.	215
Deffaitte des Anglois sous la conduite de Ieanne la Pucelle.	45
Deffaitte grande des Turcs en Egypte.	298
Deffaitte des Turcs sur le Danube.	181
Deffaitte des Turcs rebelles.	23
Demetrie deliuré de prison.	101
sa femme & sa fille mises es mains de Mahomet.	là mesme.
Demetrie accompagné des Turcs s'achemine contre les Albanois rebelles.	179
Demetrie Paleologue se rend à Mechmet avec la Duché de Sparthe, maintenant nommée Mizithra.	201
Departement des Prouinces conquises par le Vayuoode Estienne.	16
Deploration du Peloponese anciennement si renommé.	203
Derivation du mot de Turc.	6
Deroute des Perles.	172
Descente des Turcs en l'Isle de Methelin.	219
Descente des Bulgares, & des Albanois.	15
Descente des Turcs dans le Peloponese.	47

DESCRIPTION.

Description de l'Arabie.	18
Description de l'Estat de Venise.	90
Description de la Toscane.	129
Description de la ville de Capha.	253
Description du Royaume de Naples.	121
Description du Royaume d'Arragon.	112
de celui de Valence, & de Catalogne.	
Description de Milan.	92
Desloyauté cruelle de Bajazet.	48
grande Desloyauté & malice de Mechmet.	104
Desloyauté de Caratin enuers son Maistre.	42
Desolation grande à la prise de l'Isthme.	150
Desolation	

Table des Matieres.

Desolation des Turcs au pays du Sandal.	225	Entreprise de Tamerlan contre les Cadusiens.	58
Desordre & deffaitte grande des Turcs.	181	Entreprise d'Amurath sur la Transilvanie, ne luy succeede mieux que la premiere.	117
Desordre en l'armée Venitienne pour se vouloir ob- stiner à faire la guerre durant l'Hyuer.	231	Entreprise d'un Sicilien sur l'armée navale du Turc. 249. la prise & response assurée à Mahomet. 250. cruel supplice de luy & de ses compagnons, là mesme.	
Desseins de Tamerlan.	51	Entreprise de Solyman sur la Thrace.	17
Destroit de l'Isthme fermé de muraille par les Grecs.	90	Entreprise sur Scutari deconuverte aux Turcs par les Venitiens.	299
Deuis louables d'un Prince avec un sien Ministre, & pleins de grande instruction.	26	Entreprise des Turcs contre l'Egypte 296. Mula & Ferhates Generaux en l'armée de Bajazet, contre les Egyptiens.	
Didymothinum ville assiegée par Amurath, & pri- se à faute de viures.	25	Entreprise de Tamerlan sur la Syrie, qu'il subiun- gua.	65
Diete à Olmus en Moraue.	269	Entreprise de Bajazet contre les Mammelus.	300
Differens premiers des François, & des Anglois pour Calais.	44	Entreueu de l'Empereur de Constantinople avec le Pape Eugene.	128
Diligence & liberalité tres-necessaire à un Conque- rant.	27	Enue des Hongres & Pelagues cause d'un grand mal.	145
Diligence de Machmet pour sauuer le Peloponese.	231	Equipage merueilleux de Fauconnerie & Venerie, reduit par Mechmet à l'usage de la guerre.	154
Diligence & deuoir des Janissaires au siege de Con- stantinople.	170	Es pouuente des Turcs sur l'armée des Venitiens.	131
Discipline militaire des Turcs tres-belle.	56	Esripe deltroit, où situé.	227
Discord des deux freres Paleologues cause de leur ruine.	179	Europeens meilleurs hommes de guerre & plus bel- liques que les Asiaticques.	144
les Discordes des Princes Grecs furent cause de la ruine de leur Empire.	8		
Discours diuers de Mechmet sur les cruantez d'V- lidus.	214	EXPEDITION.	
Disette d'eau à Sentare.	256	Expedition d'Amurath contre le Peloponese.	147
Diminution des Chrestiens à tousiours accreu l'Em- pire Turc.	112	Expedition d'Amurath contre les Bulgares.	28
Doric presente le Roy de Naples au Duc de Milan.	121	Expedition de Tamerlan en Arabie.	58
les Dorics & Spinola deux anciennes familles de Genes.	119	Expedition d'Amurath contre le Caraman en Asie. 132. qui se rapointe de nouueau avec Amurath. 138	
le Duc de Lacedemone deffend à Bajazet l'entrée du Peloponese.	37	Expedition de Bajazet contre Aladeul.	301
Dulcadir contrée, & sa situation.	298	Expedition premiere de Mechmet contre Caraman.	154
		EXPLOITS.	
E Manuel tasche de surprendre Depherres.	26	Exploit de guerre du Roy Mathias.	229
le vieil Empereur Calojan oste à son fils Ema- nuel la femme qu'il auoit fiancée.	41	Exploits de Zogan Samiaque de la Morée.	102.
Emanuel se marie avec la fille de l'Albanois Con- stantin.	42	Sainte Maure se rend à luy.	
Emanuel Empereur part de France sans auoir rien fait.	47	Exploits de guerre des Turcs dans le Peloponese.	200
Emanuel pour s'asseurer du Peloponese, emmene avec luy tous les Seigneurs particuliers qui y estoient.	90	Exploits des Venitiens sous leur Capitaine Caua- lis.	242
l'Empereur Emanuel fait son profit de la prise de Mustapha.	98	Extrémité des Negrepointins.	246
Emanuel Catacuzene esleu chef du Peloponese par les Albanois.	177		
Embrasement grand à Constantinople & à Perusé.	302	F	
Empire de Constantinople quand occupé par les François.	5	F Amille des Tochiens.	99
l'Empire de Constantinople tenu à precarre du Turc & Emanuel par luy estably, moyennant un tribut.	35	Felix Pape, auparavant Amedée & Duc de Sa- uoye, se démit volontairement de la Papauté.	127
Enfans de Bajazet 11. 320. fait mourir deux de ses fils.	là mesme.	vne pauvre Femme cause d'un grand estonnement.	198
Enfans de Tamerlan.	74	description de Ferrare.	127
		Festin de Bajazet second à ses Bassas, un Bassa le sup- plie qu'il ne fust point forcé à boire du vin.	292
ENTREPRISE.		Festin magnifique de Bajazet à la dedicace d'un Imaret.	300
Entreprise d'Amurath sur la Transilvanie.	116	le Fils d'Vluncassan reuolté contre son pere, se re- tire vers Bajazet fils de Mahomet.	152
Entreprise d'Amurath sur Trebizonde, inutile.	119	Fleches des Turcs tirées contre Scutari seruent un mois durant de chauffage aux Scutariens.	167
Entreprise de Mechmet sur Constantinople. 169. as- siette de son camp deuant icelle, là mesme. son ar- mée estoit de 400000. hommes icelle de mer. là mes- me.	218	Fleues principaux qui entrent dans l'Ocean Orien- tal.	73
		Florentins gens d'esprit.	129
		Forme du gouuernement de Florence, lors qu'elle estoit libre.	129
		cause du Flux & reflux de la mer Oceane.	46
		Forces du Turc deuant Negrepoint.	244
		Fortifications des Chateaux de Gradisque & Fo- liane.	261

Table des Matieres.

Fortification de Lagostitia par les Venitiens.	243	les Grecs mal conseillez se formalisent contre Amurath.	106
Fortification de Mahomet en son camp.	151	les Grecs rompent l'accord par eux fait avec le Pape.	132
Fortifications de la ville de sainte Maure.	93	affaires des Grecs durant le regne d'Amurath.	27
la Foy donnée se doit garder indifferemment à toutes sortes de personnes.	140	Grimani chef des Venitiens cité au Conseil des Pregati.	305
Francisque Sforce depuis Duc de Milan, chef de l'armée des Venitiens.	131	Gritti donnant aduis des desseins des Turcs, est fait prisonnier avec tous les Venitiens qui estoient à Constantinople.	304
Francisque Sforce par ses vertus est Duc de Milan.	93		
les anciens François ne sçauoient que c'estoit que de fuir.	45	H	
François deffait par Bajazet. 39. leur perte fut causée par l'enuie des Hongres.	là-mesme.	H Abitation premiere de Venise.	90
François ont de tout temps precedé tous les autres peuples d'Occident.	44	Haly chef de l'armée Turquesque contre les Esclauons.	115
Frayeur par toute l'Italie pour la perte de la bataille de Lizonce.	262	Haly-beg deffait les Valaques à leur retraite.	214
Fuite d'Vlunchassan donne la victoire aux Turcs.	152	H A R A N G U E.	
		Harangue de l'aveugle Andronic à Bajazet.	34
G		Harangue de Bajazet aux Bulgares.	68
G Asis & ruines des Turcs en Europe.	36	Harangue de l'Ambassadeur d'Vladus Prince de Valachie, au Conseil de Hongrie.	212
Gallipoli & sa situation.	106	Harangue de l'Ambassadeur de Venise au Conseil de Hongrie.	228
Gallipoli auant la prise de Constantinople, estoit l'Arsenal des Turcs.	109	Harangue du Bassa Machmut à ses gens.	225
George Despote de Seruie ou Rascie tributaire du Turc.	137	Harangue d'Amurath à ses Capitaines.	134
Germanie & sa description.	37	Harangue du sieur de Methelin à Mechmet, pleine de commiseration.	220
Getia prise des Turcs par composition.	154	Harangue de Thuracan aux Princes du Peloponese.	178.
G V E R R E.		autres belles remonstrances qu'il fait aux deux freres Paleologues.	179
Guerre des Hongres contre les Allemands & Bohemes, où Huniade fut esleu chef.	146	Harangue de Iosué à Asan qui commandoit dans Constantinople : sa reponse.	193
occasion de la Guerre de Sandal avec les Ragusiens.	224	Harangue du sieur Victor Capelli au Senat de Venise, pour entreprendre la guerre contre le Turc.	226
Guerre de Hongrie contre les Turcs, sous la conduite du Roy Vladislas.	140	Harangue du Roy Vladislas à ses gens sur le point de combattre.	143
Guerre entre Mechmet & les Geneuois, pour Pera.	197	Hardiellie ou plustost temerité grande d'Vladus.	213
Guerre contre le Turc declarée à Venise à la pluralité des voix.	228	Heur de Mechmet.	192
Guerres d'entre les Venitiens & les Geneuois.	91	Histoire du Bassa Herzecoglis.	326
Guerres des Geneuois contre l'Empereur de Constantinople.	126	Histoire notable d'un Talisman qui s'exposa volontairement au martyre pour la Foy de Iesus-Christ.	310
occasion de la guerre des Hongres contre Amurath.	134	Histoire notable d'un Roy de Perse empoisonné par sa femme. 311. elle tombe dans les filets qu'elle auoit tendus : confusion grande en Perse pour la mort de ce Prince.	là-mesme.
Guerre Austrichienne fauorable pour les Turcs.	160	Histoire merueilleuse de l'amitié & reconnaissance d'un bonseruier son maistre.	231
Guerres ciuiles entre les successeurs de Tamerlan.	74	Hongrie & sa description.	38
Guerre premiere des Turcs contre les Venitiens.	90	les Hongres à la persuation de Saüs assaillent de nuict le logis d'Amurath.	159
Guerre de Rascie & le motif d'icelle.	197	retraite des Hongres sans auoir rien exploité sur les Turcs.	136
Geneuois reduisent les Venitiens à l'extremité.	92	appareil des Hongres espouuanteable aux Turcs.	140
description de la Seigneurie de Gennes.	119	Honorer les bons & chastier les mauuais, est le principal fondement d'un Estat.	171
ligues des principales maisons de Gennes.	110	Houssars sont la Cavalerie Hongroise.	117
autorité du Duc de Gennes bridée par les loix du pays & par le Conseil.	120	Humanité de Tamerlan enuers les Turcs.	71
justice de Gennes.	120	stratageme de Huniade.	136
Geneuois mi-partis appellent les vns le Roy de France, les autres le Duc de Milan.	110	Huniade & le Cordelier Capistran entrent dans Belgrade pour la secourir.	181
Geneuois chassent le Duc de Milan.	121	Huniade en se retirant tombe es mains de Dracula.	146.
desordre des Geneuois cause de leur deffaitte.	126	tué Dracula & son fils.	là-mesme.
Geneuois donnent l'assaut à Constantinople.	127	suite de Huniade laissant son armée pour gage.	161
accord des Geneuois avec l'Empereur de Constantinople.	127	Despote de Seruie met des gens au guet pour prendre Huniade.	162
crainte & obeissance des Gens d'Vladus enuers luy.	214	Malheur de Huniade.	ibid.
la Gloire & la reputation des Princes ne se doit chercher qu'es grandes & fortes entreprises.	55	les enfans de Huniade tuent Vbrich qui se formalisoit contre eux.	184
les Grecs mandient leur Empire de l'ayde & faueur du Turc.	34		
les Grecs appellent toutes sortes de Religions Nazareens.	47		

Table des Matieres.

Huniade fait vne seconde entreprise contre Amurath. 156
ruse de Huniade pour se retirer. 145
Hierosme Bernardini defait par sa faute par les Turcs. 236

I

I Acomo Lauredano chef de l'armée des Venitiens. 230
Iacup Sanjac de la Bosnie contre les Hongres. 304
Iaitie renduë à Mechmet. 224
description de l'Iberie, autrement Zorzanie. 199
origine des Iberiens, & comme ils receurent la Foy Chrestienne. ibid.

I A N I S S A I R E S.

Institution premiere des Ianiſſaires. 8
Ianiſſaires comment se leuent, & leur discipline. 108.
ceux de mer sont instruits à Galipoli. 109
honnesteté des Ianiſſaires enuers leurs compagnons prisonniers. 172
pouuoir des Ianiſſaires en l'Empire Turc, plus grand que celuy des Pretoriens parmy les Romains. 295
Ianiſſaires refusent de loger Achmet fils de Bajazet au milieu d'eux. 322
sedition des Ianiſſaires. 327. leurs insolences aux maisons des Bassas: viennent au Serrail de leur Seigneur & s'en font par force ouurir la porte: propos que leur tint Bajazet, & leur response. 328.
description de l'estat auquel estoit alors reduit l'Empire des Othomans: plusieurs reparties des Ianiſſaires à leur Seigneur tendantes à auoir Selim pour leur chef: grand courage & heureuse conduite du Vayuode Bassara. 329. les Ianiſſaires touchés des remonstrances de leur Souuerain, s'excellent en perseuerans en leur demande.
les Ianiſſaires demandent Selim à Bajazet pour leur chef: il les refuse, mais enfin importuné par ses Bassas il se laisse vaincre. 330. Bajazet flechit à la volonté de ses sujets: il leur accorde Selim, & eux en veulent auoir des lettres expedies: ils demandent les thesors avec furie, & menacent leur Empereur: miserable condition d'un si grand Monarque apres auoir regné si long-temps: Considerations sur cette tragedie. là mesme.
exclamations de ioye des Ianiſſaires ayans eu pour chef Selim. 331. depeschent des couriers à Selim, qui est en doutes'il doit croire ces couriers: response qu'il leur fit: ils le confirment & persuadent à venir prendre possession de l'Empire, là mesme.
Ianiſſaires s'assemblent la nuit & vont seditieusement au Serrail de Bajazet, s'en font ouurir la porte: ce que leur dit Bajazet, leur response superbe & iniurieuse, & flechit à leur faueur. là mesme.
Ieuſine ou Ramadan des Mahometans, à la fin duquel ils celebrent vne forme de Paſques. 59
l'Empereur Iean Paleologue ayant la paix avec les Turcs fait la guerre à son propre frere. 147
Iean fils d'Andronic des son viuant designé par luy Empereur. 35
Iean Iustiman le long Geneuois, homme vaillant. 173
Iean l'Empereur fait creuer les yeux à son fils avec du vinaigre bouillant. 26
voyage de l'Empereur Iean Paleologue en Italie. 127
Iean fils aîné de l'Empereur Emanuel Paleologue espouse la fille du Marquis de Montferrat. 98
Iean Huniade pere de Mathias Roy de Hongrie. 117
Iean fils d'Andronic se desrobe de Bajazet & s'en retourne à son oncle. 42

Dom Ignique d'Analos prisonnier. 100
Imirze decouure les conceptions de Bajazet. 312. son ambassade vers Bajazet: secours que Bajazet luy enuoye: mauuais conseil d'Imirze qui luy fait perdre la vie & le Royaume. Trahy par ses domestiques, est massacré par les Grands de son Royaume. 313. sa femme & le secours de Bajazet se retirent à Constantinople. là mesme.
Impieté inutile & bien-toſt vangée de la Iustice Diuine. 121
Incident d'Alphonse Roy d'Arragon qui occupa Naples & Sicile. 121
description de l'Inde Orientale. 73
Infidelité des Valaques retournée sur leurs testés. 160
Ingratitude & mauuaistie d'Andronic enuers son pere. 28
Inhumanité d'Amurath enuers les enfans du Prince des Bulgares. 114
Inhumanité desloyale de Mechmet enuers le Prince des Illyriens, nonobstant la Foy à luy donnée. 126
Interpretations des noms propres des Turcs en nostre langue. 187
Inuention de l'artillerie. 109
Inuention de certains boulets desquels on ne pouuoit esteindre le feu. 265. leurs effets admirables.
Iosephe mis en route par les Valaques, est secouru par Omar. 215
Ionuse Bassa chery de Bajazet, gagné par Selim pour empoisonner son pere. 335
Ioye de Negrepont sur l'esperance du secours, mais en vain. 246
Iosué fils aîné de Bajazet mis à mort par son frere Musulman. 78
Iosué le plus ieune des enfans de Bajazet se fait Chrestien. 85
Irresolution de l'Empereur de Constantinople en la guerre des Hongres contre Amurath. 143
combien l'Isle de Negrepont estoit necessaire aux Chrestiens. 248
l'Isle de Samothrace se rend aux Venitiens. 308
l'Isle de Chio engagée premierement aux Geneuois, puis prise par eux de force. 218. eile est abondante en mastice. 219
l'Isle de Lemnos prise par les Venitiens. 233
cloſture de l'Iſthme assiegée par Amurath. 147
Iſthme bien-toſt abandonné par les Venitiens aux premieres nouuelles de l'arriuée des Turcs. 231
Italie diuisée en deux factions, l'une des Guelphes, l'autre des Gibelins. 130

L

L Adslaus esleu Roy de Boheme. 184
Lampsaque ville se rend aux Venitiens. 97
Lances des Hongres & Allemans, & leur mode de s'entr'ayder semblable à celle des François. 144
Langage des gens d'Amurath à ceux de Mustapha. 108 suite de Mustapha.
Langage rusé d'Amurath I. pour debaucher les gens de son fils, & les retirer à luy. 25
Langage & mœurs des Moscouites. 62
Langue Grecque, & sa recommandation. 4
Laonic est le nom de Nicolas renuerté. 3
Largeur du deſtroit au Bosphore de Thrace. 4
Larmes du Crocodile quand il veut deuorer quelqu'un. 57
Lascaris a charge du Pape Leon X. de rechercher par la Grece tous les bons Liures. 316
Lacheté de Cauais luy fait perdre son auantage. 346

Table des Matieres.

Legereté & mauvais aduis de Jean Paleologue fondez sur vne finesse mal à propos.	106
Legereté grande des Grecs.	130
Legereté & inconstance de Bajazet.	331
Legine reprise sur les Turcs par les Venitiens.	307
Leontares rachepté par Mechmet, & remis en liberté. 175. sa magnanimité, & constance à la mort.	176
Lettres de Bajazet à Selim, & de Selim à Bajazet.	313
Lettre de Zizin à Bajazet. 291. tristesse de Bajazet à la lecture d'icelle.	
Lettre de Bajazet à Louys XII. Roy de France.	309
Lievre pris pour mauvais presage.	26
L I C V R.	
Ligue du Pape & des Venitiens avec Ladislas Roy de Hongrie contre les Turcs.	309
Ligue des Chrestiens contre les Turcs.	250
Ligue des Princes Grecs contre Bajazet.	41
Ligue des Bulgares avec les Hongres contre le Turc.	126
Ligue des Chrestiens contre le Turc.	37
Ligue & accord de Tamerlan avec les cantons des Tartares.	65
Ligue des Venitiens & des Hongres contre Mechmet.	226
Limites & confins d'Espagne.	123
Logis du Turc quand il va à la guerre.	109
Louange de Casimir Roy de Pologne.	40
Louange de Charatin Bassa.	27
Louys Sforce Duc de Milan persuade Bajazet de faire la guerre aux Venitiens.	304
Lubricité de la femme de Priolupas : elle le massacre pour espouser Dom Ignique d'Aualos, & fait creuer les yeux à son propre fils.	100
Lucanes, les auancemens & ses conditions.	178
M	
Machmut anime ses soldats à l'assaut de Negrepoint.	247
Machmut Bassa general de l'armée deuant Negrepoint.	244
Malcozogles & leur valeur, leur race. 367. attaquent le Sophy au milieu de ses troupes & le blessent.	368
M A H O M E T.	
origine de Mahomet.	58
Mahomet neveu de Selim & ses perfections. 350. ses propos à son oncle. Responce de Selim. là mesme.	
Mahomet fait mourir son fils Mustapha, pour auoir violé la femme d'un sien Bassa.	275
Mahomet fils du grand Sultan Chaire hey s'empare de la Seigneurie d'Egypte, & est tué par vn Circassien.	390
Mahomet prest de se retirer de Negrepoint, en fut dissuadé par le Bassa Machmut.	246
Mahomet arriue en son camp de Negrepoint & fait dresser vn pont sur l'Euripe.	245
subtilité de Mahomet fils de Bajazet.	310
Mahomet empoisonné par son Secretaire. 310. qui en fut puny.	
resolution de Mahomet d'assieger Negrepoint.	243
ce que les Mahometans tiennent de Iesus-Christ & de la Vierge Marie.	59
Mahomet-beg rassure le courage des siens. 428. la ruse pour espouuenter les Perses.	429
Malice d'Emanuel enuers son neveu.	42
M A M M E L U S.	
domination des Mammelus quand commença. 390.	

elle estoit tyrannique, cruantez qu'ils exerçoient contre leurs sujets.	391
description de l'Empire des Mammelus ou Circassiens en la Surie. 65. estoient toute la force du Soldan du Caire.	
Mammelus combatans contre Selim eurent du commencement l'aduantage. 394. cause de leur premier estonnement : leur valeur & toutefois mis en fuite, se retirent au Caire.	là mesme.
Mammelus veulent combattre contre Selim contre l'aduis de Gazeli, sont fuscitez par le Gouverneur d'Alep. 387. Campson se range de leur costé. 388. Nombre des Mammelus en leur armée, quels ils estoient, leurs cheuaux, quels leurs armes selon leurs richesses. 389. sont tous esclaves, pays d'où on les prenoit : comment recouuers & amenez au Caire : leur apprentissage & exercices, comme ils estoient auancez aux charges : stupides & sans adresses seruoient aux autres : nul fils de Mahometiste ne pouuoit estre Mammelu.	390
conseils des Mammelus à leur Sultan. 410. populace du Caire ennemie des Mammelus. 412. ils se renferment au Caire, dont Selim est bien aise. 414. prennent l'espouuante mal à propos. 416. Selim pour les attraper les assure par vn cry public sans leur tenir parole : fidelité de quelques Egyptiens enuers les Mammelus, là mesme. ce qui incitoit Selim à tomber d'accord avec eux. 417. ils assassinent ses Ambassadeurs, leurs derniers conseils. 418. les Turcs surpris par eux, pour auoir du commencement vn grand aduantage. 419. Selim par sa presence arrache la victoire des mains des Mammelus.	410
Mammelus élisent vn autre Soldan. 396. ses preparatifs pour resister à la personne de Selim. 397. mauvais ordre des Mammelus cause de leur ruine. 398. Sinan preuient leur dessein. 399. sont vaincus des Turcs. 400. leur assemblée generale. 403. la harangue de Tomanbey en cette assemblée, là mesme. Consideration des Mammelus contre l'aduis de leur Sultan. Leur responce à l'Ambassadeur de Selim. 404. grands embarrasemens en leur armée.	406
enfants & femmes des Mammelus enuoyez par Selim à Constantinople.	425
Mandement de Selim pour l'assemblée de ses gens de guerre.	381
Mariages des premiers Ducs de Milan, leur deuise. 93	
Mathias I. du nom Roy de Hongrie, heureux & renommé Prince.	184
sainte Maure prise par les Turcs. 269. le Prince d'icelle abandonne les siens pour se sauuer.	
M E C H M E T.	
Mechmet Prince rusé & malicieux entre tous les Ottomans.	219
Mechmet fut tousiours fort affectionné enuers les Grecs.	98
Mechmet premier autheur des mortiers d'artillerie.	180
Mechmet & Halyse ioignent ensemble contre leur autre frere Moyse.	86
Mechmet assemble son armée pour se vanger du Valaque.	211
Mechmet fait mourir Haly Bassa qui auoit trouué le moyen de faire entrer Amurath à l'Empire. 176. sa felonnie, là mesme.	
Mechmet fait rendre ce qui auoit esté pris à sainte Maure.	203
Mechmet	

Table des Matières.

Mechmet retourne de rechef à Athenes.	204	Mort de l'Empereur de Constantinople & de son fils au combat des Circasses.	198
Mechmet estrangelement cruel enuers les animaux mesmes.	201	Mort de Mahomet proche de Nicomedie en Bithi- nie. 277. Grande ioye de tous les Chrestiens & sur tout des Italiens aux nouuelles de cette mort. Il mourut de regret de n'auoir pris Rhodes. Auoit en l'vne de ses jambes vne enflure démelurée, là mesme. Son Epitaphe. Il aymoit la lecture des Histoires.	178
Mechmet XII. Empereur des Turcs. 161. fait estouf- fer son frere avec del'eau. Ses negotiations à son aduencement à la Couronne, là mesme.		Mort de Jean Huniade. 184. son Eloge.	
Mechmet premier des Turcs qui fit la guerre aux Venitiens.	96	Mort de Bajazet.	73
Mechmet entre dans le pays de Vsfunchassan. 207. Harangue que luy fait la mere d'Vsfunchassan, là mesme.		Mort du Cardinal Iulian Cesarin.	146
Mechmet nonobstant ses voluptez & delices, tres- soigneux d'auoir l'œil à tout.	210	Mort de George Despote de Seruie.	182
Mechmet fait la guerre tout à vn coup à trois puis- sants peuples. 181. fait fondre son artillerie sur les lieux, pour éuiter la difficulté de trainer des pieces de si loin, là mesme.		Mort d'Vsfunchassan Roy de Perse.	170
Mechmet nourry chez vn faiseur de luths.	85	Mort d'Vstaziogli, qui attriste le Sophy Umasel. 168	
Megalopoli ville d'Arcadie.	100	Mort d'Orchan Turc qui s'estoit retiré à Constan- tinople.	174
Ménée de Selim pour corrompre les Ianissaires. 331		Mort du Bassa Charats.	152
Ménées des Venitiens pour faire armer contre le Turc.	149	Mort de Chendeme. Intention de Selim en la mort de Chendeme.	160
Meligné prise par Bajazet.	42	Mort de Schanderberg. 143. ioye excellue qu'en receut Mahomet.	
Ménées du Bassa Machmut.	153	Mort de Solyman.	21
la Mer Mediterranée n'a ny flux ny reflux.	47	Mort de Moyse.	87
Merulle fille d'un magnanime courage sauue sa ville Coccine contre les Turcs.	159	Mort de Semiramis combattant contre les Indiens.	74
Mescontentemens du Roy Mathias.	160	Mort du Roy Vladislais.	145
Message des Valaques à Amurath plein de flatterie. 160. Responce d'Amurath.		nombre des Morts en la bataille de Selim contre les Egyptiens.	395
Metaux en abondance es environs de Nouobarde. 180.		Mortiers tirans des balles démesurées.	219
Methelin rendu à Mechmet.	220	Mosco ville Metropolitaine de Moscovie.	62
Sœur du Prince de Methelin belle sur toutes celles de son temps.	ibid.	Mots dignes de lettres d'or.	17
le Prince de Methelin mis en prison, puis mort, & pourquoy.	221	Moyse se fait couronner à Andrinople.	80
Meurtriers de Corchut chastiez par Selim.	356	Moyse tâche à se vanger des Bulgares. 84. Il assiege Constantinople, là mesme.	
Misere de l'Empereur Caloian.	28	prudence de Moyse pour le commencement de son regne.	85
Mueffins Hozzalars, autrement Marabons, Prestres Mahometans & leurs charges.	370	Malheurs de Moyse les vns sur les autres.	87
Mode de camper du Turc & la fortification de son logis.	143	Muraille del'Isthme refaite derechef par les Grecs.	138
Modestie des Turcs occasionne ceux de Damas à les assister de toutes choses.	126	Muslia amy d'Achmet & sa trahison.	351
prise de Modon par les Turcs par la faute des Mo- donnois.	306	M V S T A P H A.	
Mont Paryarde tres-renommé, & pourquoy.	161	Mustapha Bassa gendre de Bajazet combat hardi- ment contre les Mamelus, qui prennent la fuite.	421
Moquerie des Turcs contre les Venitiens.	148	Mustapha trouué caché en vn hallier & amené à Amurath, qui le fait estrangler.	108
Mores chassiez d'Espagne & de Grenade par le Roy Ferdinand d'Arragon & la Reyne Isabelle de Ca- stille sa femme.	124	Mustapha fils de Tzihaui Scath & sa grande force. Luy & Corchut sont regrettez des Turcs.	356
Mores d'Afrique subiuguent toutes les Espagnes. 44.		Mustapha Bassa & son hitoire. 351. Se resout d'em- poisonner Selim par vn Barbier. Il escrit à Ach- met. Met son poison en vne boule de saou. Est à- ge inuention d'empoisonner. Conseil qu'il eône à Achmet. Sa crainte fait decourir sa trahison. Diuers aduis de son messager. 351. Sa resolution de decourir le tout à Selim. Ce qu'il fait. Qui se trouble sur cet accident. Espreuue du poison sur vn chien. Mustapha estranglé avec le Barbier. L'accusateur a la vie sauue, sans recompense. 353. Autre opinion de la mort de Mustapha, pour auoir aduerty les enfans d'Achmet, là mesme.	
Mosquée d'Inaret bastie par Selim.	432	Mustapha déclaré par les Grecs Empereur des Turcs.	107
M O R T.		Mustapha dernier des enfans de Bajazet & ses me- nées contre son frere.	27
Mort d'Amurath & son Eloge. 163. Esmeute des Ianissaires apres la mort appellée par Haly Bassa, là mesme.		Musulman rude & mal gracieux aux siens.	80
Mort cruelle, mais iuste, de Selim.	431	Musulmâ perd l'Empire à cause de ses dissolutions. 81	
Mort de Sinan Bassa.	409	Mutation des Turcs contre Bajazet.	68
Mort pitoyable d'Acomath, 192. son Histoire selon Haniualdan.			
Mort du Roy Matthias I. de Hongrie, & combien il estoit redouté de Bajazet.	103		
Mort tragique & ignominieuse de Tomambey. 422. son Eloge & consideration sur sa misere.			
Mort cruelle d'Achmet.	351		
Mort de Brachio Perusan.	131		
Mort d'Vngleses & de Crates.	17		

Table des Matieres.

Myrzas s'estant saisi d'un destroit met les Turcs en route. 41

N

prise de Naples par Alphonse Roy d'Arragon. 122

Naples recourée par Sforce. 122. puis reprise de chef par Alphonse.

Naufrage de l'armée Turquesque. 119

Negotiation de l'Empereur de Constantinople avec le Pape, & les Princes Chrestiens, pour recommencer la guerre à Amurath. 139

secours des Venitiens pour Negrepont. 246

Negropontins encouragés par les leurs. 247. leur courageuse defense. ibid.

prise de Negrepont, & la grande desolation que les Turcs y firent. ibid.

façon des Insulaires de Negrepont, pour se faire entendre au General Canalis. 244

Negropontins sommés de se rendre, & leur resolution. 245

situation de l'Isle de Negrepont. 243

Nerio Accioli Florentin, par quels moyens il parvint à la Seigneurie d'Athenes. 138

Nicolas Brachio grand homme de guerre. 130

Nicol. sa pratique par Hibraim. 516. sa vaillance & industrie, là mesme. Hibraim tâche de le gagner par composition. 517. ses offres à Hibraim, qui se laisse gagner par Nicolissa, là mesme.

le Nil vient d'Ethiopie, & inonde l'Egypte tous les ans es jours Caniculaires. 66

ville de Nouabarde rendu à Mechmet. 180

Nourriture d'Ismaël Sophy. 316. Arminiug lieu où il fut nourry. Ses mœurs. Sa premiere entreprise.

Thresor qu'il trouve, son pretexte, là mesme. Sa renommée. 317. Georgiens luy envoient secours.

Siege & prise de Sumachia par les Sophians. 317

Nombre des morts tant Chrestiens que Turcs à la bataille de Cosobe. 162

Nombre de l'armée des Hongres. 495

les Noces du Roy Mathias ruinent les affaires des Chrestiens. 258

Nycée ville capitale de Bithinie. 9. est assiegée par les Turcs. 12. sa prise.

O

Occasion de la guerre de Tamerlan contre Bajazet. 49

Occasion principale de la mort de l'Empereur David Comnene, & de ses enfans. 209

Offices domestiques du Turc. 109

Offres de Deliment à son Roy. 531. ordre qu'il tint pour surprendre les Turcs, là mesme.

Offres de Solyman aux Viennois. 506

Omar est par soupçon démis de ses charges & gouvernemens. 196

Omar successeur de Mahomet apres Eubocara pres de Hierusalem, & toute la Syrie. 6

Opinions diverses sur l'absence de Louys Roy de Hongrie, au jour de la bataille des Hongres contre les Turcs à Mohacz. 498

Orage grand sur le camp des Turcs. 517. opinion que cet orage avoit esté causé par les Magiciés, là mesme.

les Osmanides ne laissent aucun Prince ny Seigneur de famille illustre dans les confins de leur Empire. 491. cherchent invention de se deffaire de Halybey Prince de l'Aladulie, là mesme.

Orchan subjugue la Lydie. 12

Orchan fils de Musulman porté par les Grecs contre Moysé. 85

Orchan surprend les Grecs venans au secours de Nycée, & les deffait. 12. il fait la guerre à ceux de sa nation & creance, là mesme. Se servoit des ruses pratiquées par les Romains. Espouse une femme Chrestienne de la maison des Catacuzenes, là mesme. Ordonnance de la bataille des Chrestiens. 143

ORDRE.

Ordre & institution de la Porte, ou Cour du Turc. 188

Ordre du Comte Palatin à Vienne. 508

Ordre que mit Solyman à son armée en se retirant de Perse. 531

Ordre de la bataille des Hongres. 557. Histoire plaisante & facétieuse. ibid.

Ordre donné par les Hongres pour la personne de leur Roy Louys: mais Tormorée est cause que cet ordre est troublé. 496

Ordre de l'armée des Hongres. ibid.

ORIGINE.

Origine & gestes des anciens Grecs. 44

Origine des Valaques, diverses opinions d'icelle. 21

Origine de Cairadin Barberousse. 519. les artifices pour se rendre au Roy de Tremcisen, est chassé & vaincu: à quel dessein Solyman l'avoit-il agrandi? 520

Origine des Turcs. 5

Origine des Triballiens ou Bulgares. 15

Origine d'Hibraim Bassa, & progres de sa fortune. 533. ses graces & dons naturels, là mesme. Causes principales de sa perte. 534

Origine des Empereurs Turcs, dont il n'y a encores eue qu'une race. 7

Othoman fils d'Orthogules premier Empereur des Turcs. ibid.

seigneurs Othomans prirent leur premiere naissance au village de Sogue. 7

seigneurs Othomans ont toujours eu de grandes guerres & inimitiez avec les Princes de Caramanie. 113

Othoman premier Empereur des Turcs meurt à Pruse. 9

Ouvrages & bastimens de Mechmet. 211

Origine des Illyriens. ibid.

Occasion de la guerre de Bossine. 111

P

Padoüe où les Carrares fouloient commander. 137

complot pour rendre Padoüe entre les mains des Venitiens. ibid.

PAIX.

Paix des Venitiens avec le Turc, à condition du trafic. 268

Paix honteuse des Grecs avec Amurath. 112

la Paix souvent plus dangereuse à faire perdre un Etat, que n'est la guerre. 149

Paix entre Mechmet & le Roy de Perse. 268

Paix entre les Turcs & Egyptiens, avec quelles conditions. 303

Paix entre les Turcs & les Venitiens negociée par André Gritti. 310. ruse de Bajazet, & ses considerations sur cette Paix. Ladislus Roy de Hongrie la prolonge, là mesme.

le Palatin fait voir le Roy de Hongrie aux gens de guerre. 497

Palus Meotide, pourquoy appellé Mer de Bacu. 57

le Pape Clement tâche d'avoir quelque treve avec les Turcs. 523

maniere d'élire les Papes. 132

Table des Matieres.

Parlement du Bassa Machmut, & d'Alexandre Prince de Sinope.	205	Pezare se rend maistre des galeres que les Turcs auoient fait bastir.	408
Paroles iniurieuses d'Achmet à son Souuerain. son cruel traitement.	293	Phliante prise par les Turcs.	204
façon des Turcs prenant congé de leur Empereur.	293	Plaintes d'Vlama à Solyman. 528. pratique Mahomet Gouverneur de Bagadet, mais en vain, là mesme.	
le conseil de l'Aga luy sauue la vie: le fils d'Achmet s'enqueste de son pere, se plaint aux Ianissaires les incitant à sedition.	293. piteux equipage d'Achmet.	Conseil qu'il donne à Solyman.	
	ibid.	Podolie des appartenances de Pologne.	119
Parole notable de Solyman au Roy Iean de Hongrie.	512	Police & gouvernement de la Seigneurie de Venise.	93. 94
Paroles iniurieuses du Roy Louys à ses soldats.	497	Police de l'armée des Turcs en la plus grande necessité.	68
Parole trop libre de Mirzas enuers son Superieur, luy couste la vie.	56	Port de Constantinople des plus beaux du monde, fermé à la bouche d'une chaisne de fer.	169
Particide execrable de Selim. 335. Medecin de Bajazet corrompu par Selim, là mesme.		Perfuation d'Asan à ceux de Sparte, pour retourner à l'obeissance des Turcs.	232
Partialitez des nations Chrestiennes cause de leur finale ruine.	223	Precipitation de Haly qui luy fait perdre son avantage, l'honneur & la victoire de la vic. 315. cette mort fit faire aux Casselbas vne honorable retraite, là mesme.	
Partialitez entre les Bassas pour choisir vn successeur à Mahomet.	288	Predestination fort recommandée aux Turcs, c'est vne ruse en leur loy pour les redre plus hardis.	178
Premier Passage des Turcs en Europe en quel tēps. & troisieme Passage des Turcs en Europe.	15	Preparatifs de l'Empereur Charles VIII. pour le siege de Tunes. Ceux qui contribuerēt à cette guerre. Son armée arriue à Itique: les Turcs s'opposent à la descente, mais les Chrestiens demeurent les maistres. Forces de Barberousse contre eux.	346
Passion démesurée d'un pere enuers sa belle fille.	326	Preparatifs de Tamerlan pour passer en Europe.	72
Patras prise par les Turcs, & les habitans faits esclaves.	150	Presages sinistres pour Bajazet.	68
ville de Patras liurée par les habitans à Constantin Paleologue.	112	Present d'un Bassa à Mechmet à la circoncision de ses enfans.	687
Paul Tomorée Cordelier, & Archeuesque de Colocense. Ses bonnes & mauuaises habitudes.	492.	Presens du Roy de Perse à Mahomet.	250
vient trouuer le Roy de Hongrie pour l'aduertir de l'arriuee des Turcs, là mesme. est fait General de l'armée de Hongrie contre les Turcs.	493.	vn Prestre liure la ville d'Argos aux Turcs.	226
le Roy de Hongrie assigne vne assemblée publique de tous les Estats du Royaume à Tolue, pour aduiser aux moyens d'aller au deuant des Turcs.	492	Preuoyance de Lacratan sauue Scutari de la furie du canon du Turc.	255
Pays de Sandal voisin de Ragouze.	222	PRINCES.	
Pelerinage de la Mecque.	60	Princes Turcs desheritez par Bajazet, rentrent en leurs biens.	75
Peloponese secouru en ses troubles & seditions par les Turcs.	178	Prise reprise par les Turcs.	72
le Peloponese retiré par les Paleologues de la main des Italiens.	113	Prince de Synope se fait tributaire de Mechmet.	90
Peloponese fait premierement tributaire du Turc par Amurath second.	151	Prince de Nauarre en l'aage de douzeans à l'administration de son Royaume.	122
la plus grand part du Peloponese se reuolte à l'arriuee des Venitiens.	230	Princes & Seigneurs qui alloient Louys Roy de Hongrie en la bataille contre les Turcs, où le Comte Palatin fit tres bien son deuoir.	456
Pera ville rendue à Mechmet, qui la fait demanteler.	175	Princes de Perse prennent le Casselbas.	318
Perfidie de l'Empereur Frederic.	270	Princesse de Delphes donne sa fille à Bajazet pour auoir paix.	37
Perouse maintenant sous l'obeissance des Papes.	129	PRISE.	
citée de Perse en la Prouince de Zagathai.	36	Prise de la ville d'Enus par les Venitiens.	244
Perfusions du Chancelier Broderic à toute l'armée de Hongrie, pour differer la bataille contre le Turc.	494. ses discours sans fruit, là mesme.	Prise de la ville de Tauris par Ismaël. 317. la grande cruauté enuers les viuans & les morts: fait mourir sa propre mere, la cause de ce matricide, là mesme	
Portando combat avec Haidin, où il est tué, & ses galeres prises.	523	Prise d'Adene & de Tharse par les Egyptiens.	297
Perte de l'ortando sensible à André Doria, qui en veut tirer raison.	524. prend sa course vers les Isles Maiorque & Minorque. Il se fait de la ville de Cercelle, & de son port, & en deliure les esclaves Chrestiens. Remonstrance qu'il fait à ses soldats, mais en vain, là mesme. Perte qu'il fit au combat contre Halicot.	Prise de Coren par les Chrestiens de Patras.	319
525. il empesche la prise de Caliz, là mesme.		Prise de Semarcum par Tamerlan.	55
Perte des Turcs deuant Vienne, & Possen, dit Presbourg.	511	Prise de Philadelphie par les Turcs.	35
Peuple de Boheme quitte l'idolatrie par la predication du Cordelier Capistran.	184	Prise du Fort du Pont sur le Lifance par les Turcs.	261
Peuples de l'Europe plus vaillans que les Asiatiques.	86	Prise du Sumachia par les Sophians.	319
		Prise d'Alterburg par les Turcs.	503
		Prise de la ville de Conin par les Turcs.	243
		Prise de Verbes sur les Turcs.	269
		Procedures de Sechaidar chef des Casselbas. il se saisit de la ville de Derbens sur la mer Caspie, sa deffaitte & sa mort: ses enfans s'ensuyent, là mesme.	316
		Prouesse de Schanderberg.	156
		Prouesse de Solyman à Hibrain.	315

Table des Matieres.

Prophetie estrange de Leon VI. surnommé le Philopophe, Empereur de Constantinople. .	177	Remonstrance d'Aly remet les Janissaires à leur devoir enuers Bajazet. 295. se desfont & font bande à part d'auec leur Sultan. Leur troisieme sedition.	
Protection & support des deux Mustaphas succede mal aux Turcs.	111	Remonstrance de Dracula aux principaux de Valachie.	215
Prouinces circonuoiſines de Hongrie en alarme pour l'arriuee des Turcs.	501	Remonstrances tres-belles du Turc Abrahim à Bajazet. 69. Sa response. 70. Son auarice & le brocard d'un de ses Capitaines là-dessus. là mesme.	
Prise capitale de Bithinie prise par les Turcs.	8	Remuemens d'un Calender Zelebris en la petite Asie. 502. Solyman enuoye Hibrain contre luy. Les Calenders se resoudent à se bien defendre. Presentent la bataille à Hibrain. Paroles qu'il dit à ses soldats.	là mesme.
Prise premier siege de l'Empire des Turcs.	7	Rencontre sans rien faire des Turcs & Egyptiens.	300. Ruse & stratageme des Egyptiens.
Punition que Solyman fit faire des soldats qui auoient rendu la forteresse de Budema malgré leur Capitaine.	505	Rencontre d'Alunni & du Sophy, où les Sophians eurent de l'aduantage.	317
Prudence de Paul Erize Gouverneur de Negrepont.	246	Reproches de Solyman à Hibrain. 555. qui reconnoist sa faute.	
Presomption de Barberouſſe le perd.	539	Resistance des Hongres à Maroth près de Strigonie. Grand massacre d'eux.	507
maux que causent la Pusillanimité d'un Prince.	16	Response du Roy de Hongrie aux Ambassadeurs de Venise.	229
Punition fort commune aux Grecs de creuer les yeux.	23	Resolution de Bajazet II. d'aller attaquer son frere iusques chez luy.	289
Punition de la veſue de Neri.	195	Resolution merueilleuse d'un simple soldat.	29
Parlement d'Omat auec Franco Alcioli Florentin sur la reddition de la citadelle d'Athenes. 195. rendu aux Turcs.		Retraite des Circaſſes de deuant Trebizonde.	199
Punition griefue de ceux qui vouloient trahir Padoue.	131	Retraite de Muley Hascen vers l'Empereur Charles V.	521
Q Vinze cens Hongres tuez de sang froid par les Turcs.		Retraite de Barberouſſe à Bone, jadis Hypone. 538. necessité grande en son armée, là mesme. Il rauage les costes d'Italie & arriue à Constantinople.	539
Quinsay ville à trente lieues de circuit & douze mille ponts.	74	Retraite de Huniade & ses fortunes en icelle.	162
R Affe des Turcs au Frioul.		Retraite lasche des Venitiens.	232
Rallimens de plusieurs Corsaires.	524	Retour de Solyman à Constantinople.	532
RAVAGE		Reuolte des Valaques contre Vladus, qui est contraint de se retirer en Hongrie.	216
Rauage de l'armée de mer de Cairadin en l'une & l'autre Sicile.	520	Reuolte d'Vlama Perse contre le Turc. 525. se retire à Bithilie, & le mauuais traitement qu'il y receut.	526
Rauages des Venitiens & Caramans liguez ensemble.	251	Reuolte de Seresberg & son histoire. Sa femme & ses enfans demandent pardon la corde au col.	526
Rauages des Turcs en Perse.	152	Rhodope montagne de Macedoine.	9
Rauage grâd des Turcs en Hongrie, estrange cruauté.	500	Richesse grande d'un Balla semblable à celle de Crassus.	187
Rauage des Egyptiens en la Caramanie.	302	Richesses principales des Turcs consistent en esclaves.	18
deuxieme Rauage des Turcs au Frioul. 267. sont contrains de le quitter.		Richesses merueilleuses enleuées du sac de Damas.	65
Rauages des Turcs en Albanie.	241	ROY.	
Rauages des Turcs en la Moldanie.	259	le Roy de France est le premier Roy Chrestien, & le plus puissant de toute la Chrestienté.	43
Rauages grands des Turcs sur les terres des Venitiens, & sur tout au Frioul.	260. 261	Duc de Bourgongne sujet & vassal du Roy de France.	là mesme.
Raison principale pourquoy Tomorée donna la bataille de Mohacz.	500	Rois de France premiers Empereurs d'Allemagne.	39
Rebellion des Egyptiens & Arabes. 489. qui est cause qu'Achimèt y fut enuoyé. Desgage Mustapha. Achmet se reuolte contre Solyman. Se saisit des places fortes d'Egypte & remet sus l'ancienne milice des Mammelus.	là mesme.	les Roys de France ont possédé le Royaume de Cypre.	66
Rebellion des Grecs cause de leur ruine entiere.	180	mot diuin du Roy Louys XI.	57
Rebellion des Albanois habituez au Peloponese.	177	le Roy Louys se trouue en son camp en personne.	493. doute qu'il a s'il doit liurer bataille.
Reddition de la ville Ioannine.	111	le Roy de Hongrie donne secours au Roy de Naples pour Ottante.	276
Religieux Turc veut assassiner Bajazet. 303. vn sien Balla le sauue.		le Roy Louys de Hongrie suffoqué d'un maret.	
Religions Turques instituées premierement par Edebal.	502	Son Eloge & quelques remarques de ce Prince. 499.	
Reprise de Iunque par les Venitiens. 308. puis reprise derechef par les Turcs.		Prediction de sa mort par vn tantolme.	
Republiques principales d'Italie.	133	les Roys d'Angleterre ne font rien sans assembler les	
Reconciliation du Prince de Synope auec Amurath, moyennant tribut.	114		
Reduction de ceux de Bagadet à Solyman. De toute l'Assirie & la Mesopotamie. Reduit le Curdistan & le Diarbex en Prouince.	529		

Table des Matieres.

les Estats.	46	Seigneur de Baxe Ambassadeur du Roy Mathias, assassiné par vn Turc. 300. sa cruauté estrange.
le Roy Iean de Hongrie recherche de paix l'Empereur Charles V. & Ferdinand.	515	SELIM.
le Roy Iean abandonne Bude à Ferdinand. 503. il perd la bataille, & s'enfuit en Pologne. Conseil que luy dōne Laski acheue de ruiner la Hongrie: Ec Laski va à Constantinople pour le Roy Iean, là mesme: ses remonstrances aux Bassas. 504.		Selim se fortifie contre son pere. 321. son alliance avec le Tartare.
Solyman accorde du secours à Iean. là mesme.		Selim passe en Europe à dessein de s'emparer de l'Empire, Bajazet enuoye vers luy pour le faire retirer. 322. response de Selim. Seconde ambassade de Selim vers Bajazet. 323. offres qu'il luy fait pour le faire retirer, là mesme.
le Roy Alphonse pris par deux fois.	123	Selim poursuit son entreprise. 324. prend toute sorte de soldats en son armée, tranche en toutes choses du Souuerain. Son intention pour scauoir des nouuelles. Se resout de faire la guerre à son pere Bajazet: qui s'estonne des resolutions de son fils, là mesme. Ses apprehensions. 325. se resout de se retirer à Constantinople. Selim & les siens taillent en pieces les espies de Bajazet: qui implore l'assistance d'en haut, se voyant delpourueu de moyens humains: chacun range ses gens en bataille. Bataille du fils contre le pere, opiniastrément combattuë. La victoire demeure à Bajazet. Selim se sauue par le moyen de son cheual, qu'il fait apres honorablement enterrer, là mesme.
Royaume de Nauarre appartient de droit aux Roys de France.	124	prudence de Selim de ne prendre possession de l'Empire à l'estourdy. 332. les Janissaires vont au deuant de luy.
Royaume de Hongrie trouble apres la mort d'Humiade.	184	Selim fait estrangler vn Janissaire qui alloit vers son frere Achmet.
Routte du Roy d'Arragon par Aluarez Lieutenant du Roy de Castille.	123	Selim va loger au quartier des Janissaires. 333. va baiser les mains à son pere: propos que luy tint Bajazet, qui estant cy-d'auant Monarque de tant de Prouinces demande vne retraite à son fils, là mesme.
Routte de Iacup.	302	Selybrée ville de Thrace sur la Propontide, prise par Bajazet.
Routte des Geneuois par les Tartares.	127	Senderaue inuestie par les Turcs. 358. trois forts que les Hongres auoient faits deuant, là mesme: les Turcs les prennent.
Routte des Grecs.	196	la ville de Senderaue se rend à Mechmet sans coup frapper.
Routte des gens de Zizin au passage de l'Asie.	289	Sepulchre de Mahomet.
Ruine de la Hongrie, & considerations sur icelle.	512	Sepultures des Turcs tousiours hors des villes.
Ruse de Cuiradin reconnuë des habitans, qui le poursuient, mais il a l'auantage.	521	Seurac Albanois fait Begherbey de l'Europe au lieu de Carats.
Ruse de la Despote de Rascie.	197	Sforce appellé par les Milanois pour estre leur Duc.
S		Sefamas jadis ville de la Paphlagonie.
S Abatin Eunuque Chef de l'armée Turquesque en Transiluanie.	117	SIEGE.
Saccagement du camp des Hongres par les Turcs.	499	Siege de Belgrade où ceux de dedans se deffendent vertueusement.
Sacruch fils aîné de Tamerlan luy succede à l'Empire.	74	Situation de Belgrade.
Sacruch fils de Tamerlan mene son auant-garde.	71	Siege de Croyé ville capitale d'Albanie, leué par Amurath sans rien faire.
Sagelle de Lodron en la conduite de l'armée Chrestienne. 553. est contraint avec les siens de se rendre aux Turcs, apres vne generale desconfiture deuant Esccechio, qui fut la plus signalée pour les Hongres, là mesme. Mahomet Sanjac recompense les siens. Cazianet l'vn des Generaux de l'armée Chrestienne, blasmé d'auoir abandonné son camp demande d'estre ouï en ses iustificacions deuant le Roy Ferdinand. Il se sauue de prison, & se retire vers les Turcs: veut inciter vn sien amy de faire le semblable, qui le tue en trahison, là mesme.		Siege de Constantinople par Mechmet ou Mahomet second. 169. mines & contremines qui resistent & l'emportent. Siege du costé de la mer. Cruauté des deux costez par dépit les vns des autres. Pont dressé sur la mer par les Turcs, là mesme. estenduë de Constantinople de cent vnze stades. 171. Contrebatterie des Grecs dommageable à eux-mesmes. Matieres propres à remparer durant vne batterie. Combat de mer où les Turcs se portent fort mal. Blesseure de Pantogles General de l'armée de mer Turquesque luy sauue la vie. Preparatifs de l'assaut. Persuasion d'Ismaël aux Grecs de se rendre, là mesme: il se resout de hazarder le combat. 172. Ruse de Mechmet. Ha-
Sagelle & astuce d'Amurath.	143	
Salonichi & Zetunis rendus aux Grecs par les Turcs.	82	
Scaligeres Seigneurs de Verone.	92	
Scender en Turc signifie Alexandre.	35	
Schisme des Latins & des Grecs.	5	
Scithes peuple tres-ancien, qui ne furent iamais domptez de personne auant Tamerlan.	61	
Seyros se rend aux Turcs. 244. qui forcent Stora & Basilique.		
Sebastie capitale de Bajazet en Asie, prise & saccagée par Tamerlan.	67	
Secours du Roy d'Espagne aux Venitiens.	308	
Secours aux Scutariens que le Bassa Solyman empesche d'entrer.	255	
Seditions des Casselbas, & leur hypocrisie. 313. leurs discours, leur victoire sur les Turcs. 314. autre victoire des Casselbas, là mesme. Fortification de leur Camp.		
Sedition des Janissaires à Constantinople, où ils saccagent les maisons d'un Bassa, & du Depsterdat, elle fut appaisée par Hibraim & Mustapha.	490	
Sedition en Natolie par les Deruis & Calenders.	302	
Seigneurs particuliers d'Italie.	133	

Table des Matieres.

- rangue qu'il fait à ses laniffaires. Merueilleuse récompense à celui qui le premier monteroit sur la bresche. Ordre des Grecs pour soustenir l'assaut. 173. Assaut & prise de Constantinople, là mesme. Blessure de Iustinian cause de la perte de cette ville. Vertu de l'Empereur Constantin Paleologue, est blessé à l'espaule. Catacuzene y fut tué, là mesme. Prophetie vaine ou mal entendue. 174. Teste de l'Empereur Constantin Paleologue apportée à Mechmet. Mechmet, de tous les Venitiens pris à Constantinople, ne fait mourir que l'Ambassadeur, là mesme. Magnificence de Mechmet apres la prise de Constantinople. 177
 Siege de Belgrade leué par les Turcs. 183
 Siege de Corinthe par Mechmet. 193. Sa premiere closture forcée par les Turcs. Estrange furie du canon. Langage de Mechmet aux deputez de Corinthe sur sa reddition. là mesme.
 Siege de Capha. 253. se rend aux Turcs.
 Siege de Scianar par les Hongres. 257. C'est vn fort basti par les Turcs, & pour quoy, là mesme. Matthias l'assiege au cœur de l'hyuer contre l'aduis des siens. Va luy-mesme reconnoistre la place. Les assiegez resistent couraigeusement. Stratagemme de Matthias: son effet. 258. Prise de Sianar, les Hongres poursuivent leur victoire, là mesme.
 Siege de la ville de Croye par les Turcs. 262. Les Chrestiens victorieux se perdent avec la ville, pour s'estre amusez au butin. Grand courage qu'y fit voir Louys de Chastel. Cause de la delurance de luy & de ses enfans, là mesme. Ceux de Croye se rendent à discretion.
 Siege de Scutari par les Turcs. 263. la situation & ses commoditez, là mesme.
 Siege deuxiesme de Scutari. 263. Est sommée de se rendre. Responce des Scutariens. Ruse des Turcs pour les corrompre. Autre ruse par le moyen des habitans de Croye. Perfidie des Turcs enuers ceux de Croye, leur nuist contre les Scutariens, là mesme. Exhortation du Pere Barthelemy aux Scutariens. 264. Leur estat miserable. 265. Les Turcs sont repoussez au premier assaut.
 Scutari sauuée par quatre cens hommes contre toute l'armée des Turcs, estans mesme en la ville. 265. Sont vaillamment repoussez avec grand massacre d'eux. Consideration de Mahomet sur le second assaut de Scutari: Exhortation du Pere Barthelemy aux Scutariens. 266. Autre de Nicolas Monette. Les femmes Scutariennes vont au combat comme les hommes. 267. Les Turcs repoussez. Leur vision pour le secours des Scutariens, là mesme. Perdent 50. mille hommes en ce siege. Grande disette à Scutari: Rendue aux Turcs par les Venitiens. 268. Conseil d'Acomath suiuy par Mahomet au siege de Scutari. 267
 Scutariens aiment mieux quitter leur patrie que de viure sous la domination des Turcs. 268
 courage des Scutariens sans exemple. 269
 peu de deuoir des Chrestiens pour le secours de Scutari. 269
 Siege de Rhodes par Mahomet. 270
 trois Renegats animent Mahomet au siege de Rhodes. 271. Acomath Bassa de la famille des Paleologues, luy donne des instructions pour ce siege. Fortifications de Rhodes par le grand Maistre Ambullon: bon ordre qu'il met de toutes parts. Arriuée de Mahomet à Rhodes, là mesme. Siege qu'il y met. Trahison de Georges canonier contre les Cheualiers de Rhodes, là mesme. Descouverte & sa punition. 272. Tour de S. Nicolas assaillie des Turcs. Le grand Maistre se resout à la defendre. Assaut & retraitte des Turcs. Processions & prieres publiques à Rhodes. Tous les Rhodiots mettent la main à la besongne pour leur defense, iusques aux femmes. Ordre du grand Maistre pour l'impetuosité des mortiers, là mesme. Dessin d'Acomath contre la vie du grand Maistre. 273. Pont de bois pour battre la tour S. Nicolas. Hardiesse d'un nautonnier. Assaut general à Rhodes, où les Turcs font vne perte notable. Invention des Rhodiots pour empescher les Turcs de venir aux mains, là mesme.
 Siege d'Otrante par Mahomet. 275. Est prise au premier assaut. 276. Grande cruauté à l'endroit de l'Archeuesque. Secours des Chrestiens pour Otrante, apres sa prise. Defaits par les Turcs avec la perte de leurs chefs. Les Turcs passibles dans Otrante courent toute la Pouille & ruinent la ville de Bosua.
 Siege de Metelin par les Chrestiens. 309. qui en sont repoussez apres huit assauts. Les Turcs la rattaillent, là mesme.
 Principaux Cheualiers qui se trouuerent à la defense du siege de Rhodes. Ambassade du Turc aux Rhodiots: responce que luy fit le grand Maistre. 274. Batterie contre la nouvelle ville. Le grand Maistre met son esperance en Dieu. Il encourage les siens. Dernier assaut general à Rhodes. Enseigne Lunaire du Turc gagnée par les Rhodiots. Nombre des Turcs tuez durant ce siege. L'Image de Nostre Seigneur & de la Vierge, espouuentent les Turcs. Vision des Turcs, là mesme. Leuent le siege de deuant Rhodes. 275
 Siege de Belgrade per Solyman. 455. Ordre-mauuais des Hongres à sa desespere. Prise par les Turcs, & leur perfidie, là mesme. Reliques trouuées à Belgrade, acheptées par le Patriarche de Constantinople. Rauage des Turcs en la Rascie. 455
 Solyman se resout à la guerre cōtre les Rhodiots, & pourquoy. 455. Ceux qui la luy persuadent: leurs raisons. Haine de Curtogly contre les Rhodiots, & pourquoy. Il attend le grand Maistre au passage. 456. Solyman escrit au grand Maistre, là mesme. Pyrrhus Bassa luy escrit aussi. Responce du grand Maistre à Solyman & à Pyrrhus. 457. Medecin de Rhodes qui donnoit aduis à Solyman de ce qui s'y passoit. Trahison d'André Amaral Priour de Castille, à son Ordre & à son pays. Haine qu'il portoit au grand Maistre, & pourquoy. Ses propos damnablez & desesperez, là mesme. Donne aduis à Solyman de l'estat de Rhodes. 458. Bruits que Solyman faisoit courir. Amaral empesche tant qu'il peut qu'il se fasse aucune bonne resolution au Conseil des Cheualiers de Rhodes. Le grand Maistre aduertit des desseins des Turcs par vn sien espie. Fait fortifier Rhodes. Donne ordre à tout. Enuoye demander secours aux Princes Chrestiens, mais en vain. Desobeissance de certains Cheualiers au grand Maistre: Ils s'humilient. Agent de Pyrrhus decouvert, là mesme. Il abandonne le Rhodiot qu'on luy auoit donné pour aller quant & luy à Constantinople. 459. Preparatifs de Solyman. Les Cheualiers font provision de toutes choses. Les Candlots refusent des soldats à ceux de Rhodes, & pourquoy. Toutesfois Bolie en tire secretement. Bonaldi Venitien.

Table des Matieres.

rien marchand de vins deuiet Cheualier, & pourquoy. Brigantin pris par les Turcs sur les Rhodiots. Dominique Formari vient au secours des Rhodiots avec son vaisseau, là mesme. Le grand Maistre fait faire montre generale. Embuscade des Turcs pour apprendre des nouvelles des Rhodiots. Iaxi Secretaire de la galere Capitaine pris en cette embusche, là mesme. Bruit nouveau que les Turcs taioient courir de leurs preparatifs. Image de la Vierge Marie preseruee miraculeusement. 460. Leonard Balestan Archeuesque de Rhodes. Signal des Turcs pour parler avec les Rhodiots. Lettre que leur escriit Solyman. Le grand Maistre fait raser les faubourgs & les iardinages de Rhodes, là mesme. Toute l'armée paroist. Le grand Maistre recoit ses ennemis avec pompe militaire & magnanime. 462. Le Bassa Machmut a peine à prendre terre. Nombre des vaisseaux Turcs, & de leurs soldats. Second Agent du grand Maistre aux Princes Chrestiens, là mesme. Vn esclave donne aduis au grand Maistre de l'estat del'armée des Turcs. 463. Siege deuxiesme de la ville de Rhodes par les Turcs, là mesme. Sa situation. Departemens des Cheualiers en leurs quartiers. Trahison d'vne esclave Turque, punie de mort & ses complices, là mesme. Les Turcs commencent d'assaillir Rhodes. Les Cheualiers font plusieurs sorties à leur auantage. Le grand Maistre quitte son Palais. Nombre de l'artillerie des Turcs. Lesquels commencent à battre la ville. Gentil stratageme d'un marinier s'offrant à decourir l'armée des Turcs. Se fait de deux Turcs, qui declarent aux Cheualiers tout ce qui se passoit en l'armée. Les Turcs s'ennuyent de ce siege, qui n'estoit pas à peine commencé. 464. Pyrrhus Bassa haste l'armée de Solyman. Attribuée de Solyman en son armée. 465. Estant en colere contre ses soldats, est adoucy par Pyrrhus: qui fait assembler l'armée. Aigres & seueres reprimandes de Solyman à son armée, là mesme. Feinte de Solyman pour intimider les soldats & les ramener à leur deuoir. 466. Ils implorent sa misericorde: il leur pardonne à la priere des plus grands. Balles artificielles des Turcs. Le Medecin Iuis aduertit du peu de dommage que cela faisoit aux alliegez. Tranchées des Turcs, là mesme. Logemens des principaux de l'armée des Turcs. Ils changent leur batterie. Le grand Maistre faisoit continuellement travailler pour de la poudre à canon, là mesme. Les Turcs changent encore leur batterie: autres changemens. Ruinent les desseins du bastion d'Espagne. Maistre canonnier Turc tué d'un coup de canon. 464. Premiere sortie des Rhodiots sur les Turcs, donnent à l'impouruen dans les trenchées des Turcs, là mesme. Pitoyable massacre d'esclaves à Rhodes. 468. Vn Rhodiot s'offre au grand Maistre d'aller decourir les desseins des Turcs. Il execute heureusement son dessein. Retranchemens de Martinengue à Rhodes. Continuelle batterie contre le bastion d'Espagne. Merueilleuse quantité de mines que les Turcs firent à Rhodes. Decouvertes la pluspart par ceux de la Ville. Premier assaut des Turcs à Rhodes, là mesme. Le grand Maistre va au secours. 469. Ce qu'il dit à ses Cheualiers. Les Turcs repoussez. Mustapha fait retourner les siens à l'assaut. Les Turcs sont contrains de fuir. Nombre des morts en cét assaut. Action de graces des Rhodiots pour

cette victoire. Nouveau aduis du grand Maistre des desseins des Turcs, là mesme. Les Rhodiots taschent de decourir la mine de S. Iean de Colosse. 470. Second assaut des Turcs. Qui s'estonnent à la veue du Crucifix. Fuite & massacre des Turcs. L'Enseigne de la Religion en danger. Efforts du Bassa Pyrrhus contre le quartier des Italiens. Se retire avec grande perte des siens, là mesme. Autres efforts de Mustapha joint avec Achmet. Les Turcs espouventez n'escoutent point leur General. Achmet repoussé. Nombre des morts en cét assaut. Medecin Iuis decouvert à Rhodes pour espion, condamné d'estre escartelé, & executé 471. Les Bassas se resoudent de donner à Rhodes vn assaut general, là mesme. Harangue de Solyman à ses soldats. 472. Les Capitaines Turcs exhortent particulièrement leurs soldats, qui se disposent à l'assaut general. Assaut general à Rhodes. Le canon de la ville donne beaucoup de peine aux Turcs. 475. Le Lieutenant de Mustapha tué d'un coup de canon. Les Turcs reprennent courage pour la mort de ce Lieutenant. Braue resistance des Rhodiots. Hardiesse & grand courage des Turcs. Le bastion d'Espagne en danger d'estre pris. Achmet donne secours aux siens, & le grand Maistre à ceux de Rhodes, là mesme. L'ordre qu'il apporta à ce danger sans s'estonner. 476. Recharge del' Aga des lanissaires. Les Turcs s'opiniastrent à poursuivre, encouragés par la valeur de cét Aga. Secours que le grand Maistre tire de la tour S. Nicolas, donne la victoire aux Chrestiens. Solyman fait sonner la retraite. Nombre des morts en cét assaut du costé des Turcs. Et des Rhodiots. Solyman veut vanger sa perte sur celuy qui luy auoit conseillé ce siege. Pyrrhus parlant pour Mustapha se met en grand danger. Tous les plus grands del'armée prient pour ces deux Seigneurs & impetrent leur grace. Mustapha delibere de se vanger & se retirer deuers les Cheualiers, là mesme. Le grand Maistre conuoque les siens à l'assemblée, & les discours. Mustapha change d'aduis, étant auancé par Solyman. 477. Grande cruauté & grand courage tout ensemble d'une Grecque amie d'un Cheualier. Sa mort genereuse. Solyman fait bastir vne maison de plaisance sur vne montagne proche de Rhodes. Armée des Turcs sur la mer, mais de peu d'effet. Bruit du secours qui venoit à Rhodes ne fut que du vent. Dame Espagnole en grande reputation. Achmet Bassa grand Ingenieur. Les Turcs couchent dans les fosses de Rhodes, là mesme. Taschent de mettre de la dissension entre les Rhodiots, sans fruit 478. Trahison d'un Albanais. Peines qu'encourét les Turcs à mettre par terre vn des murs de Rhodes. Leur inuention tant de part que d'autre. Secours qui entre dans Rhodes, mais peu & aux despens du grand Maistre. Force de la maçonnerie de la muraille. Achmet la met par terre à coups de canon, là mesme. Le grand Maistre couche trente quatre iours dans les trenchées. 479. Assaut au bastion d'Angleterre, où les Turcs perdent six cét hommes. Trahison du Chancelier d'Amaral decouverte. Il denie tout luy & son seruiteur. Punis publiquement. Les deux tiers du bastion d'Italie gagnés par les Turcs. Le Cheualier de Malicorne defend le bastion d'Angleterre iusques au dernier soupir, là mesme. Toutes choses sont deplorees à Rhodes. 480. Le grand Maistre enuoye

Table des Matieres.

au secours. Les Rhodiots reprennent cœur au milieu de leur misere. Les Turcs repoussez en diuers lieux en vn mesme temps, avec grãd massacre des leurs. Achmet se resout à ne donner plus d'assaut. On s'ayde des habitans pour les retranchemens, avec recompense. Solyman fait ietter des lettres dans la Ville, là mesme. Hierosime Monlie Geneuois tente les Rhodiots. 481. Est renuoyé & ne laisse pas de retourner. Vn Albanois fait lermesme. Les lettres & les pour-parlers de Solyman ébranlent les Rhodiots. Magnanime responce du grand Maistre à la proposition de ceux de Rhodes. Pitoyable proposition qu'il leur fait, là mesme. Ceux de Rhodes presentent requeste au Conseil des Cheualiers. 482. Rapport du Prieur de S. Gilles & de Martinengue sur l'estat de la Ville de Rhodes. 483. Considerations des Cheualiers. Le grand Maistre repart à l'encontre, mais enfin il se laisse emporter. Lettre de Solyman aux Rhodiots. Deputez de la part du grand Maistre vers Solyman, là mesme. Ostages des Turcs à Rhodes. 484. Treves pour trois iours. Merueilleux nombre de Turcs qui moururent deuant Rhodes. La treve est rompue, & pourquoy. Inuention du grand Maistre pour chastier la vanité des Rhodiots. Remarque sur la reddition de Rhodes aux Turcs. Lettre de Bajazet donnant malediction à ses successeurs qui feroient la guerre à Rhodes. 485. Le grand Maistre donne parole de rendre la Ville. Demande des habitans à Solyman. Articles accordez avec Solyman pour la reddition de Rhodes, là mesme. Lettre du grand Maistre à Solyman. Responce d'icelle. 486. Arriuée de Ferhat au camp des Turcs. Estonnement de l'armée Turquesque à cette arriuée. Grandes insolences des Turcs à Rhodes. Rançonnent & outragent les citoyens, là mesme. Rompent les sepultures des grands Maistres. 487. Violent les femmes & les filles. Achmet Bassa vient saluer le grand Maistre. Le grand Maistre vient trouuer Solyman, qui le console. Propos de Solyman parlant du grand Maistre. Auquel il offre de grands auantages s'il le vent suivre. Responce que luy fait le grand Maistre. Solyman luy promet derechef d'observer les articles de la paix. Va au Palais du grand Maistre. Courtoisies de Solyman à l'endroit du grand Maistre, là mesme. Solyman le veut faire mener à Constantinople. 488. Le grand Maistre se plaint à Achmet des insolences des Turcs. Le grand Maistre haste son embarquement, & pourquoy. Saufconduit de Solyman aux Rhodiots contre les Corsaires. Le grand Maistre & les Cheualiers quittent Rhodes. Combien de temps ils ont tenu cette Isle. Amurath grand oncle de Solyman pris à Rhodes, là mesme. Il meurt pour la confession du nom de I E S U S C H R I S T. 489. Solyman chasse Balesan Archeuesque de Rhodes. Curtogly Corsaire est laissé Gouverneur de Rhodes, là mesme.

Siege des Turcs deuant la forteresse de l'Isle Diu. Prennent le fort de Gogole, & faussent la parole donnée aux soldats de la garnison, qu'ils mirent tous à la chaisne. 543. Approches des Turcs vers la Citadelle. Secouruë à leur veuë par trois vaisseaux de guerre Portugais. La place est furieusement battuë par les Turcs, qui aux approches d'un nouveau secours de Portugais, leuent le siege, là mesme.

Siege de Corfou par les Turcs. 546. Sa description & situation. Possedés par les Venitiens, sa fortification. Force des Venitiens pour soutenir cette guerre. Le Pape se ligue avec eux. Quelles forces les Chrestiens pouuoient opposer aux Turcs, là mesme. Nombre des gens de guerre que les Turcs firent passer en l'Isle de Corfou. 547. Luzzi Bassa la va reconnoistre. Les montagnards Albanois font vne entreprise sur la vie de Solyman : sont decouverts. Cette entreprise cause de leur ruine. Artifice de Luzzi Bassa pour leuer le siege avec honneur de deuant Corfou. Siege leué. Grand nombre d'esclaves emmenez à Corfou par les Turcs, là mesme. Ce qui occasionne Solyman de leuer ce siege. 548

Siege de Naples & Maluesie par les Turcs, sans rien faire. 548

Siege de Bude par le Roy Ferdinand. 554. En quel endroit Rocandolp comença la batterie deuant Bude. Fait des offres à la Reyne pour se rendre. Responce que luy fit le Moine Georges. Sa vigilance. Allemans repoussez deuant Bude. Trahison decouuerte, là mesme. Solyman enuoye du secours à la Reyne de Hongrie. 555. Crainte & des fiance de cette Reyne. Se veut rendre au Roy Ferdinand. Empeschée par le Moine Georges. Solyman depesche Mahomet Bassa pour Bude. Faute de Rocandolp en ne fortifiant pas l'Isle de Chep. Les Hongres s'arrestent à vne prediction de la ruine des Turcs. Mahomet Bassa & Mahomet Sanjac de Belgrade tous deux deuant Buda. Font des presens à la Reyne. L'Isle de Chep prise par les Turcs, là mesme.

Siege de Forgare chasteau imprenable en Transiluanie par les Turcs, sans effet. 561. S'en tendent maistres par artifice. 562

Siege de Chasteau-neuf sur les Chrestiens par Barberousse, là mesme. Forces d'Vlama deuant cette place. Dragut & ses gens allans reconnoistre Chasteau-neuf, sont battus par les Espagnols. Barberousse fait ses approches. Nombre d'artillerie deuant Chasteau-neuf. La Ville battuë par deux endroits, là mesme. Les Espagnols sans secours font vne mine qui joue malheureusement pour eux. 563. Leur stratageme sans effet. Se defendent courageusement. Massacre pitoyable à Chasteau-neuf. Grand courage & valeur de Sarmiento chef des Espagnols dans Chasteau-neuf, là mesme.

Siege de Cattaro par Barberousse. 563. Sa situation. Dragut repoussé de deuant Cattaro. 564. Et Barberousse aussi qui se retire à Corfou, où il est visité & rafraichy par le Gouverneur, là mesme.

Siege de Pesth par les Chrestiens sur les Turcs. 574. Vitelly le plus couragex de tous les chefs Chrestiens, va faire la decouuerte à Vaccia. Forces des Turcs dans Bude. Solyman commande aux siens de quitter plustost toutes les autres places pour la defense de Bude & de Pesth. Situation de Pesth. Sortie des Turcs sur les gens de Vitelly, là mesme. Il se retire non sans perte. 571. Stratageme qui luy réussit. Ceux de Bude viennent au secours. Peren seconde Vitelly. L'artillerie de l'armée Chrestienne placée mal à propos. Vitelly y donne ordre, demãde d'aller le premier à l'assaut, ce qu'il execute, là mesme. Fortifications de Segement dans Pesth fort ingenieuses. 576. Grand silence dans Pesth, & pourquoy. Vitelly fort couragex. Les Allemans abandonnent les Italiens. Sortie des

Table des Matieres.

des Turcs sur les Chrestiens. Lascheté des Alle-
mans. Propos d'un Turc aux gens de Vitelly. Fui-
te honteuse des Chrestiens, ayans gagné les mu-
railles de Pesth, là mesme. Peu de courage en l'ar-
mée Chrestienne. 577. Ruse des Chefs pour don-
ner quelque couleur à leur retraite. Le General
sans courage. Vitelly se bande contre la resolu-
tion de desloger. Sortie de ceux de Pesth sur l'ar-
mée Chrestienne. Iouste notable des Chrestiens
contre les Turcs. Retraite de l'armée Chrestienne
poursuiue par les Turcs. La valeur de Vitelly
sauue l'honneur de cette armée, là mesme. Confusion
en ce combat. 578. Mort du Marquis de Valpur-
ga. Les Chrestiens se retirent, bien que les plus
forts. Vitelly estoit seul en cette grande armée qui
tesmoigna auoir du courage. L'armée retourne au
logis. L'orage tombe sur Peren, & pourquoy, là mesme.
Siege de Strigonie par Solyman. 579. Situation de
Strigonie. L'Euesque de Strigonie abandonne la
Ville, là mesme. Quelles forces estoient dās Strigonie.
580. Vitelly & Torniel enuoyez par l'Empereur
Ferdinand pour reconnoistre Strigonie. Solyman
enuoye trois Iamissaires dans la Ville aux Strigo-
niens avec offres, s'ils vouloient rendre la place. La
garnison de la Ville abandonne les faux bourgs.
Forces des Turcs deuant cette place, & leur departe-
ment. Premier assaut de Strigonie, là mesme. Sortie
de ceux de Strigonie sur les Turcs. 581. Vn fugitif
de Strigonie cause en partie de la ruine de la Ville.
Ses aduis pour en faciliter la prise. Vn petit acci-
dent donne vn grand auantage aux Turcs, & eston-
ne les assiegez. Ils parlent de se rendre. Les soldats
ont plus de courage que leurs Chefs, là mesme. La
tour de l'eau prise. 582. Salamanque se rend à la
discretion de Solyman. Les Turcs dans Strigonie
sans grande peine. Vn accident pense ruiner les
soldats de la garnison. Sont tous gracieusement
traitez par les Turcs. Liscan est particulièrement
detroussé de ce qu'il auoit. Courtoisie des Turcs
enuers les malades de Strigonie, là mesme. En quel
iour elle fut prise. 583. Solyman la fait fortifier.
Siege de l'Isle de Cypre par les Turcs. 690. Situation
de cette Isle. Nombre des vaisseaux qui partirent
du port de Constantinople pour ce siege. Quelles
forteresses estoient en Cypre, lors que les Turcs
s'en emparerent. L'armée des Turcs prend terre
facilement dans l'Isle, là mesme. Le menu peuple
& les villageois rigoureusement traitez par les
nobles & les riches de Cypre. 691. Le peu de for-
ces qu'il y auoit dās l'Isle. Les charges distribuées
en Cypre selon les moyens, plustost que selon la
capacité, là mesme. Ils veulent faire les sages mal à
propos. 692. Differend entre les Bassas sur quelles
places ils doiuent attaquer. Armée des Venitiens
pour le secours de Cypre de combien de vaisseaux.
Grande peste en cette armée. Assiette de la ville
de Nicotie en Cypre, qui estoit la plus belle forte-
resse qui se peust voir, là mesme. Ceux de Famagoste
empeschent Baillon d'aller en Nicotie. 693. En
quel lieu les Turcs se camperent deuant Nicotie.
L'imprudence de ceux de Nicotie cause de leur
confusion. Nombre des Turcs deuant Nicotie.
Deuant laquelle ils dresserent quatre bastions. Leurs
approches & retranchemens. Battent la ville avec
60. canons. Assaut general. Chefs de Nicotie per-
mettent à leurs gens de sortir mal à propos. 693.
Le Comte Rocastué d'une harquebulade encou-
rageant les siens, ce qui leur donne vne nouuelle

espouuente, & les met en fuite. Le Gouverneur
tué à la defense de ce fort. Ceux des autres boule-
uards se defendent vaillamment. Sont enfin mis
en fuite. Nicotie prise d'assaut & ruinée. Pitoya-
ble desolation d'icelle, là mesme.

Siege premier de Famagoste en Cypre par les Turcs.
697. Grand courage d'une Damoiselle. Pratiques
de Mustapha pour faire redre ceux de Famagoste.
Puissante armée des Chrestiens. Doria se veut re-
tirer sans rien faire, là mesme. Les Chefs Venitiens
luy persuadent de s'arrester. 698. Enfin l'armée se
retira sans rien faire. Secours des Venitiens à Fa-
magoste, là mesme. Autre secours enuoyé à Fa-
magoste. 699. Les Turcs s'assemblent de toutes
parts. Somme de toute l'armée, les rauages qu'elle
fit, là mesme.

Siege deuxième de Famagoste par les Turcs. 700.
Estat de ceux de Famagoste, là mesme. Grandes
forces deuant la place. 701. Quels chefs comman-
doient dans Famagoste, & leurs departemens. Les
Turcs font leurs approches. Leurs batteries &
contrebatteries des assiegez. Les Turcs s'amulent
plustost à canonner les hommes que les murs.
Grand meurtre des Turcs deuant Famagoste, là
mesme. Qui se rendent maistres de la contre-
escarpe. 702. Vigilance des assiegez. Inuention
d'un Cheualier Ingenieur. Plusieurs mines esue-
nées. Grande ruine que fit vne mine. Assaut fort
rude. L'Euesque de Limisse encourage les assie-
gez. Grande necessité de toutes choses à Famago-
ste, là mesme. Requête présentée par les habitans
de Famagoste à leur Gouverneur. 703. Harangue
de Bragadin au Conseil sur la reddition de Fama-
goste, là mesme. Aduis contraire à celui de Bra-
gadin. 704. Qui est suivi. Ceux de la Ville traitent
de leur reddition, là mesme. Articles de la reddi-
tion de Famagoste. 705. Accordez par le Bassa.
Bragadin le va trouuer sur sa parole. Querelle in-
uentée par le Bassa, pour auoir sujet de manquer
de parole. Perfidie du Bassa. Mustapha entre dans
Famagoste. Sa cruauté enuers Bragadin, là mesme.
Grande constance & patience de Bragadin. 706.
Sa peau remplie de foin & monstrée par toutes
les costes de Syrie. Occasion pourquoy Mustapha
vint de si grande cruauté. Le Bassa de Cypre part &
entre triomphant à Constantinople. L'ambition
des chefs Chrestiens cause de la ruine de Cypre,
là mesme.

Siege de Malthe par Solyman. 650. Les Turcs vont
reconnoistre le fort saint Elme. Font leurs ap-
proches & s'auancent iusques à vne harquebula-
de du fossé. Plusieurs efforts des Turcs en ce siege,
là mesme. Sortie des assiegez, qui sont repoussez.
651. Grande diligence des Turcs. Dragararrue
en l'armée. Opinions diuerses entre les chefs des
Turcs en ce siege. Batterie des Turcs contre le
fort saint Elme en diuers lieux. Les Ingenieurs en
vont reconnoistre l'effet. Leur rapport. Les Turcs
gagnent le ravelin, là mesme. Ils en demeurent les
maistres. 652. Les Turcs taschent de gagner le fort
par escalade. Les assiegez recoient vn continuel
secours du grand Maistre. Les Turcs en leurs lie-
ges, ne donnent aucun repos à leurs ennemis. Leur
inuention pour aller aisément à l'assaut. Stratage-
me des Turcs, là mesme. Les assiegez mudent au grand
Maistre qu'ils se veulent retirer. 653. Sa responce.
Offres de Castriot pour aller secourir le fort. Fait
honte à ceux de dedans. Le grand Maistre leur

Table des Matieres.

- escriit encore, & leur response. Inuention remarquable du grand Maistre. Ruse du grand Maistre pour enuoyer ce qu'il vouloit faire au fort saint Elme. Vn traistre raconte à Mustapha l'estat des assiegez, là mesme. Assaut general au fort saint Elme. 654. Sacs pleins de feu artificiel iettez par les Turcs. Dragut blessé à la teste, dont il mourut par apres. Le Topigi-bassi tué d'un coup de canon. Autre assaut des Turcs, qui sont repoussez. Le grand Maistre secourt les assiegez, là mesme. Leur magnanime resolution. 655. Et leur grand courage à se defendre iusques à l'extremite. Les Turcs se rendent maistres du fort saint Elme. Cruauté de Mustapha au fort saint Elme. Nombre des morts des assiegez & des Turcs. Batterie des Turcs au bourg & fort S. Michel, là mesme. Desseins des Turcs fort preiudiciables à ceux de Malthe. 656. Déconuerts par Lascari, qui se sauue avec les Cheualiers avec beaucoup de difficulté. Palissade sous l'eau fort vtile aux assiegez. Petit secours à Malthe que le grand Maistre fait voir fort dextrement. Le Roy d'Alger au secours des Turcs deuant Malthe. L'esperon de l'Isle de la Sangle attaqué. Entreprise du Roy d'Alger qui réussit assez mal, là mesme. Nombre des morts en cet assaut. 657. Diuision entre les Bassas. Le bourg de l'Isle battu de 60. canons. Dexterité des Turcs à remuer promptement leur artillerie. Mines des Turcs au caualier du mont saint Michel. Massacani qu'est-ce. La mine decouuerte, & hardiesse de quelques Cheualiers. Les Turcs repoussez, là mesme. Assaut general, où se firent plusieurs recharges. Le Maistre de camp des assiegez les encourage. Sortie de ceux de la cité cause du salut de ceux du fort saint Michel. Les Turcs se retirent en desordre. Stratageme de Piali Bassa. L'enseigne Royale des Turcs arborisée sur les murailles du bourg. Le grand Maistre marche en personne contre les Turcs & est cause du salut des siens. là mesme. Autre assaut general. 659. Baril plein de feu artificiel. Les Turcs ont plusieurs inuentions pour assaillir, & les assiegez vn grand courage pour se defendre. Morions de bois quels. L'inuention des morions de bois nuisible aux Turcs. Vn harquebusier seul blesse 80. hommes. Les Turcs commencent à se laisser, là mesme. Les Cheualiers se veulent retirer au chasteau saint Ange. 660. Feinte de Mustapha qui est cause d'encourager ses soldats. Inuention d'une tour. Jalousie de Piali sur Mustapha. Secours à ceux de Malthe. Les Turcs le vont reconnoistre, non sans perte. Dom Garcia perd vne belle occasion contre les Turcs, là mesme. Il fut disgracié. 661. & pourquoy. Nombre des morts de part & d'autre en ce siege. Les Cheualiers proposent s'ils doiuent quitter Malthe. Secours du Roy d'Espagne pour faire refaire les forts de Malthe. Les Bassas triomphent à Constantinople, encores qu'ils ayent perdu. Pensées du Muphty sur la cause de cette perte. Prise de l'Isle de Chio par les Turcs. Bons offices de l'Ambassadeur de France enuers les habitans de Chio, là mesme.
- Siege des Turcs deuant Zaluoch.** Sa situation, fortification & munitions. Les soldats de la garnison veulent abandonner la place malgré leur Capitaine, qui l'empesche à son possible. Les Turcs s'en rendent maistres. 606
- Siege du Chasteau de Drigal par les Chrestiens.** Où fut deffait & pris le Marquis Sforce Palauicin, là mesme.
- Siege de Palotte par les Turcs,** qui sont contrains de le leuer. 662
- Siege de Iule par les Turcs,** rendu fort laschement. 667. Perfidie des Turcs enuers ceux qui sortirent de cette place. Le Capitaine payé cruellement de sa lascheté, là mesme.
- Siege de Pignon de Velez par le Roy d'Espagne.** 646. L'entreprise des Espagnols ne réussit pas comme ils esperoient. Ils prennent Velez. Dom Sancio aduertit du secours qui venoit aux Turcs du Pignon leue le siege, là mesme. Autre armée nauale d'Espagne deuant le Pignon de Velez. 647. Description du Pignon de Velez. Prise du Pignon & la grande lascheté des assiegez.
- Siege de Lippe par les Turcs.** 837. la garnison deffaitte par les Turcs. Courageuse defense du Gouverneur de Lippe, là mesme. Les Turcs prennent l'espouuente & quittent le combat & leur camp. 838
- Siege de Hadvvan par l'Archiduc Mathias,** là mesme. Fortifications des faux-bourgs & villes que les Turcs veulent defendre. Les assiegez s'opiniastrent à la defense de la place. Hadvvan pris par les Chrestiens & tout mis au fil de l'espée, là mesme.
- Siege de Iauarin par l'Archiduc Mathias.** 847. Baron de Vaubecourt & son entreprise sur Iauarin, qu'il execute heureusement. Les Chrestiens maistres de Iauarin, là mesme. Nombre des morts à la prise de cette place. 849
- Siege nouveau de Strigonie par les Turcs,** qui furent contrains de le leuer. 849
- Siege 2. de Bude par les Chrestiens.** 851. Sont contrains de le leuer. 852
- Siege 3. de Bude par les Chrestiens,** commandez par le Duc de Mercœur. 851. Sont contrains de le leuer.
- Siege de Iauarin par les Turcs,** sa situation. 787. Bastissent vn fort deuant la place. Les Tatars gagnent vn fort de Iauarin, & sont apres contrains de le quitter, là mesme. Grande perte pour vn seul boulet. 788. Prise & reprise d'un ruelin. Sinan change de batterie. Pont de bateaux gagné par les Turcs, puis par Palfy. Dysenterie au camp des Turcs. Sortie de ceux de la Ville. Trenchées des Turcs gagnées, puis reconquises, là mesme. Combat bien disputé. 789. Perte de part & d'autre. Dessein des Turcs sur l'armée Chrestienne, qui leur réussit, & mettent l'armée en fuite. Peu de soin & de preuoyance en l'armée Chrestienne, là mesme. Grand butin que firent les Turcs en cette route. 790. Leur ravage iusques à Vienne. Propositions de Sinan aux Chefs de l'armée, lesquels persuadent les leurs à vn assaut general, là mesme. Assaut general à Iauarin. 791. Qui dure trois iours continuels. Les Turcs finalement repoussez. Deux esperons gagez. Le Comte de Hardech parle de se rendre. Excuses des chefs qui se rendirent, là mesme. Articles de la reddition de Iauarin. 792. Munitions qui y estoient quand les Turcs y entrerent. Trahison du Comte de Hardech comment decouuerte. Conjectures qu'on eust contre luy, là mesme. Sa condamnation & execution. 793
- Siege & situation de Hadvvan.** 795. Armée des Turcs pour la secourir. Le Baron de Teuffembach la va attaquer,

Table des Matieres.

- attaquer, là mesme. Lettre qu'il escrit à l'Archiduc d'Autriche recitant ce qui se passa en la bataille qu'il eut contre les Turcs deuant Hadvvan. 796. Conquestes des Chrestiens victorieux, là mesme. Leur victoire sur le Bassa de Themisvar. 797. Continuation du siege de Hadvvan. Les assiegez & les assiegeans demandent tous deux secours à leurs Princes. Deffaite des Turcs allans secourir Hadvvan, là mesme. Assaut general des Chrestiens à Hadvvan. 798. Sont repoussez par les Turcs. Leuent le siege.
- Siege d'Albe-Royale par Solyman. Pourquoi ainsi appelée. Sa situation. 583. Ses fortresses, là mesme. & 584. Secours qui y fut enuoyé. L'avarice des officiers de Ferdinand la perdent. Torniel l'enuoye reconnoistre. Sa resolution sur le rapport qu'on luy en fit. Arrinée de Solyman deuant Albe Royale. La mauuaise resolution des habitants cause de leur ruine, là mesme. Ils fortifient les faux-bourgs. 585. Les Turcs font leurs approches du costé de la porte de Bude, & pourquoy. L'ordre que mit le Capitaine general de la place à la deffense de cette porte. Sortie de ceux d'Albe sur les Turcs. Les Houffars se retirent d'Albe. Approches & fortifications des Turcs causent beaucoup de perte aux assiegez. La pluye estoit pour lors le salut des Albanois. Contremine à leur desauantage. Jour heureux aux Turcs, là mesme. Assaut general à Albe. 586. Industrie des Azapes pour aller seurement à l'assaut. Les Turcs maistres du bastion. Solyman tance les Bassas pour n'auoir fortifié leurs pointes. Assauts des Turcs aux fortifications. Belle inuention des lanissaires en cet assaut, qui leur réussit. Les Turcs ont l'auantage de toutes parts, là mesme. Le General des Albanois tué à la batterie de la porte. 587. Valeur d'un Porte-Enseigne descendant son Capitaine. Grand massacre des Albanois de toutes parts. Ceux qui se ietterent dans le palus la plupart se noyerent. Ruffo & Ofsal promettent de defendre la Ville. Albains s'offrent aux Turcs deuant le siege. Remercient Ruffo & Ofsal & parlent de se rendre, & à quelles conditions. Ruffo honorablement receu des Turcs. Obtient d'eux tout ce qu'il desire. Est sollicité de se rendre du party de Solyman. Sa grande fidelité à l'endroit de Ferdinand, là mesme. La garnison sort d'Albe & fait place aux Turcs. 588. Les Turcs la conduisent en lieu de seureté. Solyman chastie quelques Albains, & pourquoy. Se retire à Constantinople. Forces que Ferdinand enuoya pour le secours d'Albe. George Moine se tient neutre durant cette guerre.
- Siege de Zighet par les Turcs. 663. Sa situation, le Comte de Serin dans cette place. Force de Zighet, là mesme. Industrie des Turcs pour l'assieger. Les Turcs y font plusieurs bresches. Grande resistance de ceux de dedans, & grand massacre des Turcs. Assaut general à Zighet. Jour heureux à Solyman. Fait faire de grands offres au Comte de Serin. Mort de Solyman, là mesme. Prudent & sage aduis de Mahomet Bissa. 665. Mande à Selim nouvelle de la mort de Solyman. Sa ruse pour attirer ses soldats à la prise de Zighet. Merueilleuse armée des Turcs en Hongrie. Autre assaut où les Turcs sont repoussez. Le feu se met au Chasteau. Cause de la perte de Zighet, là mesme. Le Comte de Serin encourage ses soldats. 666. Action notable de la femme d'un soldat de Zighet. Le Comte de Serin se fait fort braue pour mourir au liét d'honneur. Ses derniers propos. Grand nombre d'artillerie dans cette forteresse. Le Comte fait vne sortie sur les Turcs, là mesme. Sa mort. 667. Zighet pris d'assaut par les Turcs. Les lanissaires trenchent la teste au Comte de Serin apres sa mort. Enuoyée honorablement par le Bassa de Bude à Constantinople, là mesme.
- Siege de la Goulette par les Turcs. 735. Grandes fautes de Carrero. Assaut des Turcs à la Goulette. Assaut general. La Goulette prise. Le fort neuf assiégué. Les Turcs repoussez, qui s'en rendent enfin les maistres apres y auoir liuré cinq assauts, là mesme.
- Siege de Lippe par les Transiluiains. 815. Liurent vn assaut où ils sont repoussez. Ceux de Lippe se rendent aux Transiluiains, là mesme.
- Siege de Themisvar par les Transiluiains. 839
- Siege de Canise par les Turcs. 853. Le Duc de Mercœur la va secourir avec peu de forces & munitions. Les Turcs taichent de l'empescher de camper. Faute de munitions luy fait quitter l'entreprise, là mesme.
- Canise renduë aux Turcs. 854. Le Duc de Mercœur fait trancher la teste au Gouverneur, là mesme.
- Siege de Lippe par l'armée de Ferdinand 598. Different entre Castalde & George pour ce sujet. Qui à la requeste du Roy Ferdinand reçoit le chapeau de Cardinal. Ferdinand mande à Castalde qu'il se defface de George. Les Turcs sortent de Lippe pour brusler vn faux-bourg. Assaut qu'y donnent les Heiduques, là mesme. Castalde la fait battre. 599. Assaut à Lippe, auquel elle fut prise. L'ardeur du pillage tousiours cause de quelque malheur. Chasteau de Lippe rendu. George sauue Olimin contre le gré de Castalde. Confere avec luy dans sa tente, là mesme.
- Siege de Tripoly en Barbarie par Sinan Bassa. 614. Forme des gabions des Turcs. Les soldats du Chasteau de Tripoly parlent de se rendre, là mesme. Ils y forcent le Gouverneur. 615. qui enuoye des deputes. On leur promet tout, mais on ne leur tient rien. Le Gouverneur se met trop legerement à la mercy des Turcs. On luy met les fers aux pieds. La proposition qui luy fut faite, & sa repartie. Les Chrestiens abandonnent la Ville & le Chasteau aux Turcs, là mesme. Grande lascheté de toute cette garnison. 616. Perfidie de Sinan & comment il la colore. L'Ambassadeur de France deliure plusieurs prisonniers. Quelles munitions y auoit dans le Chasteau, là mesme.
- Siege d'Agria par le Bassa Achmet. 607. place fort foible, mais garnie de courages inuincibles. Articles que jurent ceux d'Agria pour se defendre contre les Turcs. Achmet les somme de se rendre. Quelles forces les Turcs auoient deuant Agria, là mesme. Assauts qu'ils y donnent. 608. Les femmes d'Agria combattent comme les hommes. Courage admirable de deux femmes. Meczy & Dobo chefs de dedans Agria. Les Turcs gagnent les murailles, & toutesfois repoussez, là mesme. Aigre remontrance d'Achmet aux siens. 609. Meczy & Dobo encouragent les leurs. Grand deuoir des Agriens à se bien defendre. Paroles d'un Turc aux Agriens, là mesme. Les Turcs leuent le siege de deuant Agria. 610. Les Agriens donnent sur la queue des Turcs qui se retiroient.

Table des Matieres.

- Siege de Strigonie par le Comte Charles de Mansfeld.** Il surprend la garnison de Strigonie. 825. Fait assaillir Strigonie. 826. Est repoussé. 827. Le Comte intercepte les lettres du Bassa de Bude à ceux de Strigonie. 828. Stratageme des Turcs qui leur réussit. 829. Leur resolution pour le secours de Strigonie. Prevenus par le Comte de Mansfeld. Le Bassa de Bude exhorte ses soldats, là mesme. Et le Comte de Mansfeld ceux de son armée. 830. Les Turcs marchent au deuant de l'armée Chrestienne. 831. Le canon des Turcs de nul effet. Bataille entre les Chrestiens & les Turcs deuant Strigonie où les Turcs sont deffaits, & le nombre des morts. Lascheté du Beglierbey de la Grece. Leur camp pillé, & le butin qu'on fit en cette bataille, là mesme. Prudence du Comte de Mansfeld cause du gain de la bataille. 832. Sa maladie & sa mort. Lettres surprises par les Chrestiens qui les instruisent des affaires des Turcs. Dom Jean de Medicis commande à l'armée Chrestienne. Les Turcs brûlent la basse ville de Strigonie & se retirent au Chasteau. Palfy confere avec le Gouverneur de Strigonie, là mesme. Response du Turc à ses propositions. 833. L'Archiduc Mathias vient au camp deuant Strigonie. Strigonie renduë par les Turcs, & à quelles conditions. Nombre des Turcs qui'en sortirent, là mesme.
- Siege de Vissgrade par les Turcs.** 838. Ceux de la ville se rendent vie & bague sauue. 839
- Siege de l'Isle de Comar par les Turcs.** Sa situation. Les Turcs s'en rendent maistres, là mesme.
- Siege de la ville de Nice en Prouence par Barberousse.** Doria la tenoit pour l'Empereur Charles V. 839. A l'arriuee des Turcs Barberousse le fit desloger. La ville prise, sacagée & brûlée. Paul Ioue dit que le Capitaine Paulin empescha qu'elle ne fut pillée. Elle fut renduë à Monsieur d'Anguien. Les lamassaires irrités de cela s'efforcent de tuer Paulin. Taschent à forcer la Reyne, mais en vain. Peu de preuoyance des François en leur camp. Ruse du Marquis du Guast. Barberousse profite du debris de l'armée du Marquis, là mesme.
- Siege de Telamon par Barberousse.** 890. La prend & la ruine. Puis s'empare de la ville de Montcano, & met les habitans à la chaisne. Prend Porho Hercule, & fait la garnison esclauë, là mesme.
- Siege de Tergouiste par Sigismond.** 820. Sa situation, là mesme. Comete flamboyante sur le camp des Transiluiains. 821. Inuention de feu artificiel cause de faire rendre Tergouiste. Ceux de la garnison taschent de se sauuer. Haly & Mehemet s'estans cachez, sont trouuez par les Sicules. Sinan entend les nouvelles de la prise de Tergouiste. Sa fuite honteuse. Stratageme de Sinan qui ne luy réussit, là mesme.
- Siege de S. Georges par Sigismond.** 823. Sa situation. Les Transiluiains gagnent le premier pont. Rempart de chariots. Pitoyable spectacle sur le Danube. L'artillerie des Turcs ne fait aucun effet. Les Turcs rompent vne arche du second pont pour empescher le passage des Transiluiains, là mesme. Prise du fort S. Georges par les Chrestiens. 824. Sigismond y fait mettre le feu, puis se retire en Transiluanie, là mesme.
- Siege d'Albe-Royale par les Chrestiens.** 855. Fortification de la place, les faux-bourgs gagez par l'armée Chrestienne, là mesme. Elle attaque la ville par vn endroit inespéré aux Turcs. 856. Le Duc de Mercœur va en personne reconnoistre la bresche. Assaut des Chrestiens à Albe-Royale. Belle inuention du Duc de Mercœur. Les François à la teste de l'armée & les premiers sur la bresche. Resistance grande des assiegez. Les Chrestiens se rendent maistres de la place. Le Bassa & sa famille se rend au Duc de Mercœur, là mesme. Les Turcs s'assemblent pour le recouurement d'Albe-Royale. 857. Secours qu'y mene le Duc de Mercœur. Les Turcs veulent attaquer l'armée Chrestienne, là mesme. Bataille entre les Chrestiens & les Turcs près d'Albe-Royale. 858. L'un & l'autre se dit victorieux. Les Turcs sont contrains de leuer le siege, là mesme. Mort du Duc de Mercœur fort regretté par toute l'Allemagne. 859
- Siege deuxième des Turcs deuant Albe-Royale.** 859. Secours qu'on y enuoye. Les Turcs empeschent vn grand conuoy de munitions & de viures qu'on y menoit. 860. Capitulation d'Albe-Royale renduë aux Turcs. 861
- Siege de Pesth par les Chrestiens,** qui la prennent sans grand massacre. 862
- Siege de Mahomete par les Cheualiers de Malthe.** 864. Leur inuention pour executer leur dessein. Leur butin & les prisonniers qu'ils y prirent.
- Siege nouveau de Strigonie par les Turcs.** 864. Mais tost leué, 865
- Sigismond va ioindre le Palatin de Moldaue.** 819
- Siege & prise de Lepanche par les Turcs.** 306
- Siege de la Goulette par l'Empereur Charles V.** 337
- Siege d'Oran par les Turcs.** Sa description. 645. Qui furent contrains de le leuer. 646
- Siege du fort de Vissgrade par les Chrestiens.** 833. Pieces de canon montées à force de bras par les Chrestiens au haut d'une montagne. Ceux du fort se rendent le baston blanc à la main. Raisons qui faisoient opiniastrer ceux de cette garnison, là mesme.
- Siege de Tiflis occupée des Turcs,** par le Roy de Perse. 769. Secours qu'Amurath y enuoye. 771
- Siege de Hust par les Turcs.** 681. Repris par le Transiluiain, là mesme. Treue pour huitans entre l'Empereur Maximilian II. & Selim, à quelles conditions. 681
- Siege de Bude par Solyman.** Il s'y achemine. Fait mettre tout à feu & à sang par tout où il passe. 500. Brûle la ville de cinq Eglises. Il trouue Bude abandonnée de garnison, la prend, la pille & y fit mettre le feu, & reserue seulement le Chasteau & les Escuries du Roy & la maison des bestes sauvages fut aussi ruinée. L'excellente Bibliotheque de toutes sortes de Liures que le Grand Matthias y auoit amassés. Solyman plaint la fortune du Roy Louys, de sa femme & de ses propres enfans. Son iugement sur les Euesques qui auoient assisté ce Roy, là mesme.
- Siege des Chrestiens deuant Babots,** sont contrains de le leuer. 609
- Siege de deuant Zighet leué par les Turcs,** là mesme.
- Siege d'Africa sur Dragut par les Chrestiens.** 610. Mort de Muley Hacen Roy de Thunes au siege d'Africa. Dessein de Dragut de conuert. Qui est contrain de se retirer & de voir perdre la ville deuant ses yeux. Africa prise d'assaut. Le neuu de Dragut prisonnier. Dragut persuade Solyman à la guerre contre les Chrestiens, là mesme.
- Siege de Themisvar par les Turcs.** 596. Sa situation & fortification.

Table des Matieres.

& fortification. Ceux de la Ville brûlent vn de leurs faux-bourgs. Sortie des assiegez sur les Turcs. Puissante armée deuant Themislvvar. Batterie des Turcs qui leuent le siege sans rien faire, là mesme. Et en fort grand haste. 598	Vouloit faire mourir tous les Chrestiens ses sujets. Quelques vns mis prisonniers à Constantinople. là mesme. Irresolutions de l'armée Chrestienne apres cette victoire. 718. Ils se retirent tous sans rien faire, là mesme.
Siege d'Aden par les Turcs, situation & forteresse de la ville maritime d'Aden. Les Turcs s'en approchent avec armée, qui fut introduite dans le port par le Roy d'Aden, mais à son malheur. 541. Car il fut retenu par le Beglierbey d'Egypte par tromperie, là mesme. Et les Turcs se rendent ainsi maistres par trahison de la ville d'Aden. 542. Dont le Roy fut pendu & estranglé au mast de la galere generale. Garnison des Turcs dans Aden, là mesme.	Siege d'Agria par les Turcs. 480. Cinq bastions qu'ils font deuant Agria. Les assiegez quittent la ville & se retirent à la forteresse. Bouleuert bien disputé, là mesme. Serment de ceux d'Agria de plustost mourir que de se rendre. Mahomet sollicite les assiegez de se rendre, & le Transilvain de se ranger de son party. Dessein des Turcs empesché par la valeur des assiegez. Mahomet encourage les siens. Les Turcs repoussez en quatre assauts. Le vieux Chasteau pris par les Turcs. Plusieurs mines qui ébranlent la nouvelle forteresse. Ceux de la garnison se veulent rendre, là mesme. Ils traitent avec les Turcs. 842. Perfidie des Turcs. L'Aga des Janissaires mis en pieces par le commandement de Mahomet. Armée de l'Archiduc Mathias en campagne pour le secours d'Agria. Dessein du Bassa Giasfer pour faire passer aisément l'armée des Turcs. Les Turcs abandonnent le passage. Viennent au deuant de l'armée Chrestienne, là mesme. Desfaite de trois mille Tartares. 843. L'Archiduc persuade ses gens au combat, & Mahomet les siens, mais aigrement, là mesme. Embuscade des Turcs. 844. Passent la riuere. Sont repoussez & mis en fuite par les Chrestiens, là mesme. Qui prennent leur canon & donnent l'espouuente à tout le camp. 845. Les Chrestiens poursuivent leur victoire. Les Turcs en fuite. Les Chrestiens s'arrestent au pillage. La chance se tourne & les Turcs sont victorieux à leur tour. Nombre des morts en ce siege & en cette iournée, là mesme. Forces laissées dans Agria. 846
Sollicitation du Pape Pie V. à faire conclure la ligue contre les Turcs. 707. Quelles forces il y auoit en l'armée de la ligue. Quels estoient les Chefs de l'armée. Armée navale des Turcs & leurs chefs. Les Chrestiens l'enuoyent delcourir. Artifice de Venier pour encourager D. Jean d'Autriche à la bataille, là mesme.	Sigismond Ragotzi esleu par les Transilvains. Leur reuolte contre l'Empereur. 896
Bataille de Lepanthe & disposition de l'armée des Turcs. 708. Chefs de l'armée Chrestienne. Les Lepanthins se rendent aux Turcs. Haly General des Turcs encourage les siens au combat, là mesme. Le Prince Dom Jean d'Autriche fait le mesme aux siens. 709. Quelques considerations des peuples voisins sur cette bataille. 710. Signal de la bataille de l'armée Chrestienne. 711. Les Chrestiens inspirez diuinement de se retirer du danger. Les deux armées approchent l'une de l'autre. Le vent qui estoit favorable aux Turcs cesse miraculeusement. Nuée miraculeuse. Bon trait de Jean d'Autriche. Grand desordre que le canon des Chrestiens apporte en l'armée Turquesque, là mesme. Commencement de la bataille. 712. La Generale des Turcs attaquée par la Generale des Chrestiens. Forces qui estoient dans les deux Galeres. Les Chrestiens desia dans le vaisseau, en sont repoussez. Dom Jean d'Autriche fait retourner les siens à l'assaut. Vaisseau du General Turc gagné. Haly General Turc tué, & quelle recompense eut celuy qui le tua. Sa teste monstrée par Dom Jean d'Autriche à toute l'armée, là mesme. Autre combat contre Pertaii. 713. Et contre Ochiali, qui a du commencement quelque aduantage. Fuite d'Ochiali. Autre combat contre Mehemet-beg & Barbarique, là mesme. Barbarique reçoit vn coup de fleche en l'œil, dont il meurt. 714. Entiere desfaite des Turcs. Quelques Galeres se retirent de Lepanthe. Nombre des morts & des prisonniers Turcs, & des Galeres prises. Lettres granées à la hampe de l'estendard d'Haly Bassa. Personnages signalez qui moururent en cette desfaite. Nombre des morts du costé des Chrestiens, là mesme. La victoire obtenue par l'intercession de la tres-saincte Mere de Dieu. 715. Solemnité du Rosaire pourquoy celebrée le premier Dimanche d'Octobre. Eglise de Nostre Dame de la Victoire à Naples pourquoy edifiée. Trois notables victoires obtenues en certe mer là, là mesme. Choses notables aduenues à l'instant ou auparauant la victoire. 716. Grande ioye à Venise de cette victoire. L'entrée quasi triomphale d'Antoine Colonne à Rome, là mesme. Le butin distribué entre les Princes de la ligue. 717. Tristesse de Selim & propos qu'il tint à Mahomet Bassa.	Sigismond se sauue sur le Danube en vne petite nacelle avec le grand Maistre de Rhodes. 40 Sigismond Empereur esleu Roy de Hongrie. 39 Sinan Bassa s'omme Tripoli, la lettre. 613. Responce de ceux de la garnison. 614. Situation de Tripoli en Barbarie, là mesme. Synode de Florence. 119 Sissites sont ce que les Turcs appellent Hordes, c'est à dire asselement de peuples. 56 Sissix prise des Turcs. 783 Smyrne brûlée par les Venitiens. 249 Smyrne prise par Tamerlan. 73 le Soldan d'Egypte recherche la paix à son aduantage. 302 Soldats volontaires appelez Beselias par les Turcs. 452 Soldats Turcs encouragez par leur chef Mahomet. Vont attaquer les Chrestiens. 551. Misere grande en l'armée Chrestienne, là mesme. Soin du Roy Henry le Grand pour mettre la paix en la Chrestienté. 869. Lettre que luy escriu Mahomet, là mesme. Le Roy dispose Mahomet à la paix avec l'Empereur & l'Archiduc. 871 SOLYMAN. Solyman refuse l'alliance de Ferdinand. 504 Solyman éloigne ses enfans l'un de l'autre & change leurs gouuernemens. 631. Il passe en Alic. 636. fait mourir le Bassa d'Ezerum. 637 Solyman reçoit Cairadin, luy fait ses excuses pour

Table des Matieres.

- la perte de Thunes. 539. Il luy montre bon visage. là mesme.
- Solyman fait estrangler son fils Bajazet en la prison & quatre de ses fils, là mesme.
- Solyman commande au Beglierbey de Romelie de prendre toutes les forces du pays pour reconquerir Themisivar. 596
- Solyman enuoye son fils Bajazet hors de Constantinople. 544. Solyman prend la cause du frere du Roy de Perse refugie à Constantinople, là mesme.
- Solyman mesme nom que Salomon. 447. Se conduit par prudence en toutes ses affaires. Pourquoy ce nom luy fut donné. Sa iustice remarquable, là mesme.
- Solyman entreprend contre le Prince de Suar, son pays & la description. 490
- Solyman resolu d'enuahir la Hongrie pendant son estat miserable, desleigne le siege de Belgrade, qui est bloquée par Pyrrhus. 454
- Solyman enuoye vn Chaoux à l'Empereur Charles V. & au Roy Ferdinand, demandant qu'on eust à luy rendre Africa. 611. Leur response. Solyman se resout à la guerre. Fait equipper vne armée nauale pour la Barbarie. 613
- Solyman retourne à Cōstantinople à cause du trouble de la Natolie. 501
- Solyman fait sa troisième expedition en Hongrie. Le Roy Ican luy va baiser les mains. Reception qu'il receut. Ce qui luy facilita le plus les affaires. 504
- Solyman fait vne nouuelle expedition en Hongrie. 661. Le Transilvain va au deuant de luy. Le Bassa de Bude estranglé, & pourquoy. Solyman fait faire vn pont sur le Draue. Grande diligence des Turcs à la fabrication de ce pont, là mesme.
- Solyman a plusieurs occasions qui l'incitent à la guerre de Malthe. 647. Preiche seditieux d'un Talisman. Ceux des Turcs qui contredisent à l'entreprise de Malthe. Grands preparatifs de Solyman pour cette guerre. Nombre des gens de guerre, là mesme. Et des vaisseaux. 648. Les munitions. Ingenieurs Turcs enuoyez déguisez à Malthe. Font leur rapport de tout. L'armée des Turcs au port de Malthe, prend terre, là mesme. Situation de l'Isle de Malthe. 649. Fortification de l'Isle par le grand Maistre de la Valette. Forces qui estoient dans Malthe, lors que les Turcs y mirent le siege. L'ordre & les departemens que fit le grand Maistre. Discord entre les deux Bassas, là mesme. Les gens du Marechal font leur retraite, nonobstant la poursuite des Turcs. 650
- Solyman fit trancher la teste à Ebrain Bassa, apres l'auoir fait souper avec luy. 176
- Solyman deffait en Moldaue. 259. Mene son armée deuant Naupacte. Est contraint de se retirer. Reçoit le mesme succez deuant Coccine. Prenant l'espouuante se retire. Valeur courageuse d'une ieune fille de Coccine. Sa magnanime integrité, là mesme. Elle estoit du temps de Ieanne la Pucelle. 260
- resolution de Cait berg. 448. qui aduertit Solyman des desleins de Gazelli. 449. Qui nonobstant les poursuit, là mesme.
- Solyman reçoit les presens qu'Imirze luy fait de son propre pays. 595 Les Turcs conspirent contre luy. Qui se retire chez vn Prince sien amy, qui le trahit, là mesme.
- Solyman sette les fondemens d'un nouuel edifice à Constantinople. 595
- Solyman s'estonne de la temerité de Louys Roy de Hongrie, & le plaint. Harangue qu'il fait à ses soldats. 495
- Pyrrhus Bassa fait entreprendre à Solyman la guerre de Hongrie, & pourquoy. 453. ses pertualions.
- Solyman enuoye Ferhat contre Haly Prince del'Aladulie. 491. Trop grande confiance d'Haly est cause de sa mort.
- Solyman reçoit le sieur de la Forest Ambassadeur du Roy de France, voulant tourner ses armes contre la Chrestienté, selon le conseil du Bassa Luzzi. 543
- Solyman projette vne expedition en Hongrie. 491. Enuoye deuant Alibeg pour faire le degast par la campagne avec vingt mille cheuaux. 492
- Solyman enuoye Huzaim Bassa contre Achmet, qui estonne les partisans. 489
- Solyman enuoye des forces contre Gazelli, qui se resout à la deffense & encourage ses soldats. 449
- Solyman sonde le courage des Scutariens. 255. Response que Lauretan fit à ses offres. 256
- Solyman fort indigné de ce que les Portugais auoient assisté d'hommes & d'artillerie son ennemy Tachmas, & montré aux Perles l'art de faire des harquebuses, foudre l'artillerie, & la façon de la manier, & s'en seruir, moyennant les grands presens qu'ils en tiraient. 540
- Solyman aigry de ce que l'Infant de Portugal s'estoit trouué avec grand nombre de vaisseaux à la prise de Thunes. 540
- Subjets de Solyman reçoient de grandes incommoditez par les nauigations des Portugais, qui tenoient le Golphe Arabe & empeschoient le traffic du Caire & d'Alexandrie, là mesme.
- Solyman Eunuque, Beglierbey du Caire, incitoit son seigneur Solyman de dresser vne armée de mer pour empescher l'accroissement des Chrestiens dans les Indes. Solyman luy donne charge de dresser vne armée pour leur faire la guerre, là mesme.
- Secours demandé à Solyman par le Roy de Cambaye contre les Portugais qui luy auoient pris la ville de Diens metropolitaine de son Royaume. Promesses que Solyman fit aux Ambassadeurs de ce Roy, là mesme.
- Solyman renouelle les alliances avec ses voisins. 492
- Solyman fort affligé de la mort de son fils Mahomet. 591. Ses aumosnes & fondations pour le rachat de son ame. Il escrit au Moine George en faueur du petit Roy Estienne. La Reyne Isabelle renuoye à luy. Patentés de Solyman aux Transilvains, là mesme.
- Solyman espouse publiquement Roxelane. 617. ce qu'elle dit à Solyman à la ruine de son fils Mustapha. 618. Elle tache de l'empoisonner, là mesme.
- Solyman va luy-mesme contre son fils Mustapha, auquel il mande de le venir trouuer. 619. Il arrive au camp de son pere : muets destinez pour sa mort, contre lesquels il se defend. Solyman les encourage à le faire mourir, là mesme. Son corps est exposé à la veüe du public. 630. Plainte de Grangir sur le corps de son frere, le tue luy-mesme. Grande plainte des Janissaires sur cette mort, là mesme.
- Solyman fait tuer le fils de son fils. 621. Artifice de celui qui fut enuoyé pour executer le commandement, là mesme. Notable resolution de ce ieune Prince. 622. Pitoyable spectacle, là mesme.

Table des Matieres.

Sommaton faite au Gouverneur de Themisvvar		Tancement aigre de Mechmet à l'Aga des Janissai-	
Loſonce, & ſa reſponſe.	596	res.	183
Sophie pillée & ranagée par les Paſtres.	835	Tartares deſfaits par Tamerlan. 65. Leur grand pou-	
Le Sophy va contre les Aladiens, ſes victoires. 319.		voir. 63. Vient de chair de cheual, toit de leurs	
Tue ſon Roy de ſa propre main. Autre guerre		maisons fait de feurre.	64
du Sophy contre le Sultan de Bagadet qui ſe veut		Tartares vont au deuant de Tamerlan pour le com-	
rendre ſon vaſſal. Fuite de Mararchan. Entre-		battre. 64. Il les preuient.	
tenu aux deſpens du Soldan d'Egypte, là meſme.		ſept entrées & deſcences des Tartares en l'Asie.	5
Le Sophy va contre le Roy de Sermon, ſa ſuperbe		Tartares deſcendus en Valachie ſ'offrent à ſeruir	
abominable, là meſme. Courſes des Tartares &		Bajazet.	48
prifes de quelques Villes ſur les terres du Sophy.		les Tartares rauagent la Pologne.	755
319		Tartares rauagent la Tranſiluanie. 681. ſont rem-	
Le Sophy arme contre les Turcs. 881. Il reprend Tau-		barrax par le Roy Jean. Grande deſſaite d'iceux.	
ris, là meſme.		Ils rauagent la Ruſſie & Podolie, ſont entier-	
Spadafore Capitaine Albanois. 99. Deſſait les Na-		ment deſfaits par le Palatin de Ruſſie, là meſme.	
politains qui l'auoient aſſiégé en la ville d'Arthe.		Tauris priſe & ruinée par les Turcs. 777. qui y ſont	
la ville de Sparte aliénée au grand Maſtre de Rhod-		vn fort.	
es.	47	Terine & Bialogrede priſes par les Moldaues.	737
Spenderoui ville capitale de Bulgarie ſur le Danu-		Thebes ſaccagée par les Italiens & Arragonnois.	9
be. 114. Eſt renduë fort laſchement à Amurath.		Themisvvar aſſiégée par les Turcs, commandez	
la ville de Sphetigrade priſe d'aſſaut par les Turcs.		par le Baſſa Mahomet. 602. Aſſaut à la Ville. Les	
154		aſſiegez offient tribut au Turc, qui le reſulent.	
Stratageme de Pierre Cheglés Gouverneur de ſait-		Deux Eſpagnols fugitifs de Themisvvar ſont cau-	
ze. 452. Il deſſait les Beſſeliens, là meſme.		ſe de ſa ruine, là meſme. Le Baſſa reſolu de leuer le	
Stratageme du Baſſa d'Alep, & ſa victoire. 888.		ſiege, ſans leur aduis. 603. Loſonce propoſe de ſe	
prend Damas & ſe ſaiſit des tributs d'Egypte en la		rendre aux Turcs. Articles pour la reddition de	
priſe d'un vaiſſeau, là meſme.		Themisvvar. Ceux de la garniſon veulent trom-	
Stratageme ſubtil d'un Abbé deuant Siſſex.	783	per, mais à leur dommage. Perſidie des Turcs,	
Stratageme d'Alibeq.	261	Loſonce maſſacré de ſang froid dans la tente du	
Strigonie abandonnée par ſon Capitaine & conſer-		Baſſa, là meſme.	
uée par vn homme de peu.	501	Thomas Paleologue, ne pouuant ſe voir ſous la ſub-	
Subſtitution de Dragut à Barberouſſe, mort à Biali-		jection du Turc, ſe rebelle, mais mal à propos. 295	
ſtache ſur le bord du Boſphore d'Europe.	594	Thomas Paleologue eſpouſe la fille de Cenerion	
Suite des conqueſtes de Barberouſſe en l'Archipe-		Italien.	113
lague.	548	Tégée ville d'Arcadie.	193
Le Sultan Achmer nouuel enſeigne du Vainqueur de		Territoire de la ville de Mohacz & ſa deſcription.	
Tranſiluanie à Gabriel Battori. 901. Conſpira-		493. celle de ſa campagne.	
tion de Battori deſcouuverte.	901	Telmoignage de Mechmet touchant Vladus.	214
Le Sultan de Bagadet ſ'oppoſe aux proſperitez du		Theodore Paleologue ſe voulant emparer de l'Em-	
Sophy. 318. Le Sophy encourage les ſiens. Rai-		pire de ſon frere, eſt preuenu de mort.	147
ſons du Sultan de Bagadet pour encourager ſes		Theophile Paleologue mis à mort en combattant	
gens.	318	vaillamment avec ſon pere & ſes enfans à la priſe	
bataille du Sultan de Bagadet & du Sophy la plus		de Conſtantinople.	174
celebre depuis Alexandre le Grand, là meſme.		Theſſalonique renduë aux Venitiens par les Grecs,	
Supplice d'Emir chef des Turcomans, & pourquoy.		aſſailie & priſe par Amurath.	111
774.		Themisvvar remis entre les mains du Roy Ferdinand	
Surpriſe de la ville d'Africa par Dragut. 610. traite		cauſe de la guerre d'entre luy & les Turcs.	596
humainement les citoyens qui le reconnoiſſent		Theodore Paleologue eſpouſe en ſecondes nopces	
pour Roy, là meſme.		la fille de René Duc d'Athènes, de la maiſon des	
Surpriſe des Perſes ſur les Turcs.	532	Acciaoli de Florence.	99
ville de Sydon maintenant dite Baſilique; ſaccagée		ville de Theſſalonique renduë par les Paleologues	
par Amurath.	150	aux Venitiens.	98
		Thoron eſtaye des Indiens.	541
		Thunes & Biſerte en Afrique priſes par l'armée na-	
		uale des Eſpagnols. 733. grandes cruautéz d'Ami-	
		da Roy de Thunes, grands remuëmens à Thunes,	
		autres cruautéz d'Amida, là meſme.	
		Thunes priſe par les Chreſtiens.	539
		Thuracan Saniague de la Seruie va au ſecours d'Ar-	
		gyropoline.	116
		Thuracan empriſonné par calomnie.	137
		Tino & Cerino ruinez par les Turcs.	719
		Tiſtis priſ ſur les Perſes par Muſtapha.	760
		Tomorée conclud à la bataille contre les Turcs. Les	
		demandes que luy fit Louys Roy de Hongrie, &	
		ſes reſponſes. Grande imprudence de l'armée de	
		Tomorée à Vondroit de leur Roy & des Seigneurs	
		du Conſeil. 494. La bataille conclud au Conſeil	
		††† iii)	

T

Abreze ville d'Affyrie.	75
Voyage de Tamerlan contre les Tzachatey.	61
Tamerlan va luy-meſme reconnoiſtre le camp de	
Bajazet, & ſe moque de ſa temerité.	70
Tamerlan pourſuit chaudement ſa victoire.	71
Tamerlan deſſait les Charaïdes.	60
Tamerlan ennemy mortel des Ladres.	67
Tamerlan eſpouſe la Reyne des Maſſagetes & ſ'em-	
pare du Royaume.	55
Tamerlan ne cherche que quelque occaſion de faire	
la guerre à Bajazet. ſo. les demandes que luy fait	
Tamerlan.	51
Tamerlan prend la ville d'Alep en Surie.	67

Table des Matieres.

des Hongres, là mesme. Raisons qui peuvent induire ceux du Conseil à liurer bataille.	495	Treue entre Ferdinand & Solyman. 630. Ferdinand religne à son fils son Royaume de Boheme, là mes.	
Tomorée ne peut faire aller les Hongres au corps de l'armée du Roy.	493	Treves des Turcs avec le Sophy. 310. L'Isle de sainte Maure leur est rendue par ce traité.	310
Totis & Papa repris par les Chrestiens.	847	Treue rompuë par les Turcs avec l'Empereur Rodolphe.	781
la Tour sacrée sur le bord de la Propontide.	141	Treves rompuës entre le Roy Ferdinand & le Turc cause du renouvellement de la guerre en Hongrie. 548. Les Chrestiens assiegent le fort Chateau d'Ezechio sur les Turcs sans rien faire. 549. Prennent Iuuenca. Diuers combats entre les Chrestiens & les Turcs. 550. Soit de Lodron à remonstret à l'armée Chrestienne. Harangue qu'il leur fait. 551. Sa generosité valeureuse. 553. Est tué par ses gardes. Trait hardy d'un soldat à son General.	552
Trahison de Florie de Nardone.	246	Triballiens deffaits.	34
Trahison de Ferhat pour attraper le Prince de Sunar. 491. Il assujettit à Solyman toute l'Aladulie, là mesme.		Tripoly de Syrie prise par le Bassa d'Alep.	887
Trahison du Gouverneur de Mustapha.	110	cruel & horrible Trophée de testés d'hommes, en lieu de pierres ou despoüilles.	112
Trahison & meschanceté grande des Albanois.	99	Troubles du Peloponese qui attirent Mechmet à la conquête d'iceluy.	291
Trahison de Thomas Esclauon decouuerte par vne fille.	245	Troubles à Milan après la mort du Duc.	131
Traité ou capitulations des Seigneurs Othomans avec les Roys de France, amplifiées par le sieur de Breues.	891	Troubles au Royaume de Naples apres le deceds du Roy Vladislans.	122
Traité & articles de paix entre l'Empereur Chrestien & l'Empereur Turc.	889	Troubles causez par les reuoltes des Arabes contre Selim. 682. Furent tost appeidez, là mesme.	
Translation de l'Empire Romain à Constantinople, quand fait.	4	Trouble entre le Moine George & les Turcs. 593. La Reyne Isabelle se ligue avec le Moldane, le Transalpin & le Bassa de Bude contre luy. 592. Elle s'accorde avec le mesme George, là mesme. Il recherche Ferdinand. 593. Qui luy enuoye secours contre la Reyne. Elle se despoüille du Royaume entre les mains de Ferdinand, là mes.	
Tremble-terre grand à Constantinople.	313	les Troupes Chrestiennes s'assemblent pour arrester Alibec en son retour du pays Themisvarien, 258. Taille ses troupes en pieces.	
TRANSILVAINS.		TURCS.	
Transsiluains se veulent reuolter contre Ferdinand.	607	opinion des Turcs sur le tresor de leur Prince. 448	
les Transsiluains sont neutres entre les deux Roys de Hongrie. 539. Lesquels s'accordent & avec quelles conditions, là mesme.		les Turcs vont courageusement à la guerre pour le Roy de Cambaia, pour se faire riche des despoüilles de ces nations.	541
Transsiluanie, Valachie & Moldauie, reconquises sur le Turc en peu de temps.	824	les Turcs ne rejettent pas la deuotion des vœux.	154
toute la Transsiluanie se rend à Ferdinand.	593	Turcs deuots & zelateurs en leur Religion. 59. Ne reçoient rien en mariage de leurs femmes, au contraire ils les acheptent, là mesme.	
Transsiluains assemblez à Vastruel. 627. Vn Chaoux y arriue de la part de Solyman. Patente de Solyman aux Transsiluains, là mesme. Tiennent leur Diete à Colosuar. Demandes de Castalde en icelle. Responce qu'on luy fit. 628. Mutinerie des Espagnols, là mesme. Castalde se retire.	609	Turcs chassiez du Chersonese par les Grecs.	8
l'Empire de Trebizonde autresfois es mains des Comnenes.	197	les Turcs arriuent en l'Isle Diu tenuë par les Portugais. Vn Repegat des leurs leur osta la ville de Diu. 542. La liure aux Turcs, qui la saccagent, là mesme.	
entreprise de Trebizonde assiegée premierement par mer.	208	les Turcs surprennent les faux-bourgs de Trebizonde.	199
rendue à Mechmet.	209	les Turcs assiegent Lippe, qu'André Battory leur vend assez lachement.	596
departement du peuple enleué de Trebizonde.	209	conquestes des Turcs sur les Perses.	351
guerre à Trebizonde entre les Circasses & les Grecs.	198	Turcs descendus des Tartares.	34
l'Empereur de Trebizonde trahy par les siens & sa mort, là mesme.		les Turcs veulent estre conduits à la guerre par leur Prince.	301
Trefor que Solyman faisoit porter quant & luy. 668. grands orages à sa mort. Le Danube deuiant trouble d'une façon estrange. Louange & perfections de Solyman, là mesme. Selim deuxiesme du nom, attend le corps de son pere Solyman à Belgrade. 679. Grand pleur de toute l'armée quand elle sceut la mort de Solyman, tournée bien-tost en joye. Selim enuoye le corps de son pere à Constantinople. Pompes funebres de Solyman. Ceremonies qu'obseruent les Turcs en leurs funerailles, là mesme. Son corps est porté par les Talismans en la Mosquée qu'il auoit fait bastir.	680	les Turcs deffont les Georgiens.	775
		les Turcs perdent leur auantgarde en la guerre contre les Perses. 776. leur grande deffaitte.	177
TREVES.		les Turcs font de grands rauages en la Pouille.	733
Treves entre l'Empereur Rodolphe & Amurath troisieme du nom.	759	Turcs mal menez par les Perses. 779. Sont toujours maistres de la campagne en la guerre de Perses.	780
Treue pratiquée par le Roy d'Espagne avec Amurath troisieme.	803	les Turcs rauagent la Croatie.	781
Treves entre le Roy d'Espagne & Amurath troisieme.	764		123

Table des Matieres.

les Turcs pour leur premier coup d'essay chassent les Grecs de l'Asie.	7	les Turcs battus par les Moscovites.	741
premiers chefs des Turcs furent sept en nombre.		les Turcs font vne trenchée au fleuve de Volga.	682.
Departement des Prouinces par eux conquises, là mesme.		Cause des plaintes qu'en fit l'Empereur Maximilian deuxiesme à Selim. Response de Selim, Qui menace le Transilvain, là mesme.	
Turcs deffaits par les Bulgares.	17	les Turcs executent vne entreprise sur la Goulette qui ne leur peut reüssir.	683.
les Turcs victorieux des Calenders. 503. Tous leurs chefs occis en cette bataille, là mesme.		Occhiali fut expedie par Selim pour ce dessein. Il attaque les Galeres de Malthe. Combat naval, là mesme. Galeres de Malthe en la puissance des Turcs.	684.
les Turcs arrachent les yeux au fils d'Aladeul.	502	Nombre des Cheualiers tant morts que prisonniers, là mesme.	
les Turcs s'aduientent en Hongrie en conquerant.	493	les Turcs saccagent Auguste ville de Sicile.	613
les Turcs forts prompts en leurs executions.	254	les Turcs entrent en l'Isle de Malthe, saccagent l'Isle & le Chasteau de Goze, là mesme. Grand courage d'un soldat, mais cruel. De combien de vaisseaux estoit composée leur armée, là mesme.	
les Turcs imitateurs des Romains en l'vsurpation des Prouinces.	504	les Turcs empeschent la surprise que les Venitiens vouloient faire de Chasteau-neuf.	711
Turcs recoiuent les prieres pour les Trespassez.	21	les Turcs remettent sus vne autre armée navale commandée par Occhiali.	712.
les Turcs ne font point esclaves les Armeniens, & pourquoy.	59	Les Venitiens marchent contre eux. Desseins d'Occhiali, là mesme. Rapportez à l'armée Venitienne.	713.
les Turcs repoussez de deuant Napoly avec grand massacre.	306.	qui se resout de donner bataille aux Turcs. Feinte d'Occhiali qui fuyoit le combat, & neantmoins encourage les siens. Ruse d'Occhiali, là mesme. Découverte par les Chrestiens.	714.
les Turcs gaignent le pays de Scanderberg.	186	Autre stratageme d'Occhiali decouvert par les Venitiens. Occhiali se retire sans combattre. Autre stratageme de luy-mesme pour se sauuer du danger. Les deux armées encore l'une deuant l'autre. Le General des Venitiens encourage ses gens au combat, là mesme. Ce qui fut cause que les vns & les autres ne combattirent point. Ruse d'Occhiali pour sa retraite, là mesme.	
les Turcs comme les Romains se preuaient des dissensions des Princes.	222	les Turcs n'assiègent aucunes des fortresses de Hongrie.	501
les Turcs pour allarme qui leur suruiennent de nuit ne sortent point de leurs places ordonnées.	213	les Turcs abhorrent sur toutes choses les querelles particulieres & les guerres ciuiles.	55
les Turcs font tous leurs prisonniers esclaves.	8	les Turcs ne font ny brigues ny menées.	223
Turcs se seruent de la diuision des Chrestiens.	21	industrie du Turc pour le transport de l'artillerie.	264
les Turcs tenoient beaucoup de façons de faire des anciens Romains.	188	les Turcs ennemis mortels du saint Siege Apostolique.	174
les Turcs naturels exempts de toutes contributions à leur Prince.	là mesme.	les Turcs ignorans & grossiers.	là mesme.
Turcs quand eurent l'vsage de l'artillerie.	109	les Turcs rauagent l'Albanie & la Dalmatie.	249
Turcs reculent à la reddition de Gallipoli.	107	les Turcs du commencement de partis par cantons.	6
les Turcs de l'Europe se rendent à Mustapha, avec la ville d'Andrinople.	107	Tuteurs laissez aux enfans du Roy Ican de Hongrie.	540
les Turcs & les Tartares se rallient mieux que nuls autres.	144	Tysannie d'Achmet qui venant à l'Empire fait creuer les yeux à son frere.	881.
les Turcs en la bataille contre les Hongres reculent premierement, puis s'estans ralliez surmontent les Hongres.	498	Grand ordre qu'il donne à toutes choses.	883
camp des Turcs pris de force par les Chrestiens.	117	Tranifas Seigneur de Babylone fut vn grand conquerant.	75
les Turcs ne tiennent leurs promesses si elles ne sont esrites en leur langue.	304		
les Turcs detrouillez par les paysans de Transilvanie.	814.		
Sont deffaits par les Transilvains, là mesme.			
Turcs deffaits en la bataille par les Perses. Nombre des morts.	903		
les Turcs menent leur armée contre le Moldaue.	736.		
Les Valaques joints avec eux, là mesme. Bataille entre ces nations.	737.		
Deffaite des Turcs & des Valaques. Les Moldaues ranagent la Valachie, rasent iusques aux fondemens la ville de Brassouie. Autre deffaite des Turcs, encore d'eux-mesmes joints avec les Tartares, là mesme.			
Turcs font de grands degasts en Perse, qui font fuir Tachmas deuant eux.	595		
les Turcs fortifient Lippe & y tiennent, forcez qu'ils jettent dedans.	605		
les Turcs bastissent vn fort deuant Ianarin.	787		
Turcs deffaits par les Polonois.	834		
les Turcs mettent vne puissante armée sur mer qui donne bien à penser à tous les Princes Chrestiens. Leurs rauages en Hongrie.	755		
les Turcs assiègent Petrinie en Croatie.	838.		
Sont deffaits par les Croates.	839		
Turcs poursuuius par les Perses.	761.		
Leur grande perte au passage d'un fleuve.	762		

V

Vaccenses se reuolent contre les Turcs.	301
les Vaccenses assujettis au Turc par Dauut.	298
Vaccia prise par les Turcs.	837
Vaillance de Thuracani l'un des Capitaines d'Amurath.	112
Vaillance d'Emanuel fils bastard de l'Empereur, qui luy cousta fort cher.	85
Vaillance & sagesse de Ican Huniade.	144
Vaillance de Hely l'un des Capitaines d'Amurath.	114
Vaillance de Huniade.	162

Table des Matieres.

le Vauode de Transiluanie esleu Roy par les Hongres: qui sebandent les vns contre les autres. 303
 le Vauode de Transiluanie & le Comte Christophile de Francapain blasment le conseil de ceux qui auoient conduit le Roy Louys si proche de l'ennemy. 493
 Valachie & sa description. 40
 Valaques tous taillez en pieces par commandement d'Amurath. 160
 Six mille cheuaux Valaques assaillent l'armée de Mechmet. 215
 Valaques tributaires d'Amurath. 119
 Valaques venus de gens ramassez. 40
 Valachie toute couuerte de bois. 41
 Varne anciennement Dyonisiopolis. 141
 VENITIENS.
 Venise troublée par l'embrasement de son Arsenal. 685
 les Venitiens confirment leur alliance avec Selim deuxiesme. 685
 Venitiens s'emparent de la riuere de Gennes. 92
 Venitiens refusent le passage par leurs terres à l'Empereur Sigismond, s'allant faire couronner à Rome. 39
 les Venitiens perdent l'occasion de leur aduantage sur les Turcs. 305
 Venitiens grands voyageurs par mer. 95
 les Venitiens s'emparent des Isles de l'Archipel apres la prise de Constantinople. 185
 les Venitiens de mauuaise foy s'emparent del'Isle de Negrepont, où les Genuois les auoient receus. 99
 premiers progresz des Venitiens procedent de la mer. 91
 Venitiens domptent les Albanois & leur ostent les meilleures places. 91
 Venitiens enuoyent vers le Roy Mathias de Hongrie pour estre secourus. 227
 Venitiens ravaillaient Negrepont. 245
 decouuerte des Venitiens & leur retraite. 244
 Venitiens aduertis des desseins des Turcs par vn fugitif. 154. Leur font quitter le pas de l'Eschelle.
 Vigilance de Lauretan en la defense de Scutari. 154
 le Vice-Roy de Sicile D. Iean de Vega commandé par l'Empereur Charles V. de dresser vne armée pour assieger la ville d'Africa. 610. Les Chrestiens prennent Monaster en Afrique, là mesme.
 Vice-Roy de Sicile Iean de la Cerde dresse vne entreprise sur Tripoly & sur l'Isle des Gerbes. 640.
 Aduis du grand Maistre des Cheualiers de l'Ordre de saint Iean contraire à celui du Vice-Roy: ses protestations, là mesme. Le Vice-Roy prend l'Isle des Gerbes. Situation des Gerbes. Comme Dragut s'en estoit rendu Seigneur. Le Turc arme par mer pour ce sujet. Vn esclau de Malthe donne aduis aux Turcs de tout ce qui s'estoit passé aux Gerbes 641. Dispute entre le Vice-Roy & Doria. 642. Confusion & desordre en l'armée Chrestienne, cause de sa ruine. Nombre des vaisseaux pris par les Turcs en cette route & des captifs, là mesme. Le Vice-Roy & quelques Seigneurs se sauuent. 643. hardiesse du Cheualier Maldonat qui luy reussit heureusement. Forces laissées par le Vice-Roy dans le fort des Gerbes. Le Roy d'Espagne despend d'enuoyer secours à ce fort. Les Turcs le battent. Hardie entreprise d'Aluarez ruinée par l'auarice de ses soldats, là mesme. Grande necessité en ce fort. 644. Autre sortie desesperée

d'Aluarez, où il fut pris prisonnier & les siens massacrez. Le fort rendu & la perfidie des Turcs. Nombre des morts en cette entreprise des Gerbes, là mesme. Piali entre en triomphe à Constantinople, fait mourir le fils du Vice-Roy & pourquoy. 645

VICTOIRE.

Victoire du Roy Mathias sur les Turcs. 260. Retire ses garnisons d'Albanie & pourquoy, là mesme.
 Victoire du Prince Zanleb Persan contre les Turcs. 251. Autre defaite des Turcs, reduits au desesperoir. Ils reprennent nouvelles forces, là mesme.
 Victoire du Sophy contre le Sultan de Bagader. 318. Ses desseins sur la Mesopotamie. Le Seigneur d'Azanchif se rend son sujet. Courtoisies du Sophy en son endroit. Le Sophy tasche de ruiner tous les Princes de Mesopotamie. 318
 Victoire de Huniade contre les Turcs. 137
 Victoires & conquestes de Bajazet en Asie. 36
 Victoire de Solyman contre Gazelli retint tout l'Orient en bride, & principalement le Sophy. 451
 Victoire de Sforce contre les Milannois, puis contre les Venitiens. 132
 Victoire des Turcs contre les Perses. 763
 Victoire des Valaques contre les Turcs. 816. Enseigne de Mahomet prise en cette bataille. 817. Fuite de Sinan, qui tombe dans vn palus, là mesme.
 Victoire des Perses sur les Turcs. 903
 Vigilance & dexterité d'Vladus. 214
 Vissegrad sauuee par les Payfans & les Religieux. 50
 Vic de Huniade. 117. Est Gouverneur de Transiluanie. 118. Chef des armées de Hongrie contre les Turcs, là mesme.
 Vie de George le Moine & quelques considerations sur icelle. 600. Fut massacré & punition de ses meurtriers, là mesme.
 Souche & origine du Moine George Religieux de l'Ordre de saint Benoist, il estoit Croatien de nation, élevé en la maison de la mere de Iean Roy de Hongrie, & le suivit tousiours en ses plus grandes affaires, & luy donna l'Euesché de Varadin, les plus grandes affaires du Royaume passoiert par ses mains, le Roy mourant, le fit Gouverneur de son fils. 340
 Villes de Flandres d'un grand rapport à cause de la mer. 43
 Vilne capitale de Lithuanie. 63
 Vladislas fils du Roy de Pologne appellé au Royaume de Hongrie. 118.
 Vladislaus assaut les Ianiissaires dans leur fort mal à propos. 145
 Vladus avec peu de gens met de nuit tout le camp des Turcs en alarme. 213
 Vladus appellé en Iustice pour ses mauuais comportements, est constitué prisonnier à Belgrade. 217
 Vladus ou Bladus Prince de la Valachie Transalpine. 209. Ses estranges cruautéz. 210
 Voluptez & débauches de l'Empereur Iean mal à propos. 108
 Voyage d'Amurath contre les Bulgares. 114
 Voyage de Mahomet en Egypte & la prise de Scandalore & Norrentine. 242
 second Voyage de Mechmet contre les Tribaliens. 180

Voyage

Table des Matieres.

Voyage d'Amurath contre Scanderberg. 154. Autre contre le mesme. 155	Zegdedin prise sur les Turcs par les gens de Castal- de. Le Chateau fut conserué par le secours qui y jeta le Bassa de Bude. 601. Qui reprit aussi-tost la Ville, là mesme.
Voyage de l'Empereur Emanuel en Italie. 42	Zenempisas chef des Albanois se reuolte contre les Turcs, mais à son mal-heur. 139
Vlage des femmes libre defendu par la Loy de Ma- homet sans mariage. 617	Situation de Zibith Ville de grand traffic. Battue & prise par les Turcs. 543
Vvane prise par les Turcs. 595	les Zichites ou Talismans ont accoustumé d'encou- rager les Turcs allans à vne bataille, ou à vn as- saut. 171
Vvorzen prise sur les Turcs par les Chrestiens. 834	Ziden ou Giden Ville del'Arabie Petrée, est l'estape de ceux d'Egypte & d'Arabie pour le traffic. 541
Vvoitza prise par les Chrestiens sur les Turcs. 836	reception de Zizin à Rhodes. 291. Vient en France, est desiré de plusieurs, & pourquoy.
X	Zizin liuré à Charles VIII. Roy de France, sa mort & son Eloge. 292
X Abras surprise par les Turcs. 267. Et Driaste par composition, là mesme.	Zizim homme de memoire. 268
Z	progrez de Zogan par le Peloponese. 205
Z Ancany Venitien pour n'auoir osé, estant le plus fort, attaquer les Turcs, est relegué pour trois ans. 306	alliance reciproque de Mehemet avec le Zogan. 176
Zarmenique cause de la perte des Moldanes. 740	

FIN DE LA TABLE DES MATIERES.

1847

Received of the
Honble the Secy of the
Treasury
the sum of
Five hundred
Dollars
for
the purchase of
land
in
the
County of
Jefferson
State of
Missouri
this
1st day of
January
1847

Wm. D. Smith

